


IOANNIS
VARANDÆI
OPERA OMNIA.



IOANNIS

VARANDAE

OPERA OMNIA

IOANNIS VARANDÆI.

CONSILIARII MEDICI,
PROFESSORISQUE REGII,
ET DECANI FACULTATIS
MEDICÆ MONSPÉLIENSIS,



OPERA OMNIA.

AD FIDEM CODICVM IPSIVS AVTHORIS
Manuscriptorum recognita & emendata,

Postrema hâc Editione multis Tractatibus nunquam antea editis auctiora.

Cura & studio HENRICI GRAS, Doctoris Medici Monspeliensis, Vice-Decani Collegij
Medicorum Lugdunensium, Christianissimo Regi, & Serenissimo Principi
de Turenne à Consiliis Medicis.



LVGDVNI,

Sumptibus CHRISTOPHORI FOVRMY, via Mercatoria,
sub Signo Occasionis.

M. DC. LVIII.
CVM PRIVILEGIO REGIS.

10 ANNIS

CONSILIARIUM MEDICI


ET DECANI FACULTATIS
MEDICAE MONASTILIENSIS



AD FIDEM CODICVM IPSIVS AUCTORIS

Manuscriptum recognita & emendata

Doctoris Medicini Monasteriensis, Vice-Decani Collegij
Medicorum Lugdunensis, Christianissimo Regi, & serenissimo Principi
de Turanne & Comitis Alodis



...que per se habent
...in his etiam per se
...et per se habent
...in his etiam per se



AMPLISSIMO, SAPIENTISSIMOQUE VIRO,

D.D. PETRO DE MARIDAT,
IN MAGNO CHRISTIANISSIMI
REGIS CONSILIO
SENATORI INTEGERRIMO,

HENRICVS GRAS D. M. LVGDVNENSIS. S. D.

PYTHAGORÆIS olim, præter seriam *ἐχεμύθειαν*, non solum in more positum, sed etiam Legibus cautum erat, ne si quid eduliorum inter epulas è mensa fortè decidisset, villo modo tolleretur. Nos autem in lautissimis Conuiujs Sapientiæ, nempe Sophorum Colloquijs, & insigni doctrinâ reboantibus Auditorijs, censemus eorum excellentes *ἀποδείξεις* diligenter excipiendas esse, bonis omnibus & doctis communicandas, necnon cum Authorum famâ propagandas. Ego itaque sedulus olim Auditor Venerandi VARANDÆI *τῆ μακαρίτης*, id quoque debeo Reipublicæ Medicæ, atque Optimo Præceptor. Hunc igitur quasi rediuuium coram te sisto, VIR AMPLISSIME ET SAPIENTISSIME, non vllius quidem (quod absit) criminis reum; sed integrum vitæ & exquisitæ Doctrinæ Virum, suo tempore Celeberrimæ Facultatis Medicæ Monspeliensis Decanum & Columnen firmissimum: Eundemque in lucem emitto, vt cuius pateat quàm sana sit ac salutifera Doctrina Regiæ illius Scholæ Medicæ; eaque jampridem illecti Medicinæ Candidati palàm & liberè ad votum expleri possint: tum vt constet qualis quantusque fuerit VARANDÆVS, ab omnibus doctis *ἐν χειρὶ καλῇ* habendus, præsertim verò Philiatris suspi-ciendus: quippe qui mirâ breuitate & perspicuitate, suis hisce lucubrationibus, non tantum veræ Medicinæ fundamenta complexus est: verum etiam quasuis arduas & difficiles, sed necessarias quæstiones, ac momentosa dubia, diligenter ad dioptriam Philosophicam examinavit, accuratè & eleganter enucleauit; omniumque solutiones, magno sanè compendio, suis scriptis interseruit: seriò quidem plerasque futiles, proindeque inutiles disputationes omittens, quæ tricarum instar Lectorem remorantur dum occupant, sicque vel solâ pretiosissimi temporis iacturâ noxiæ sunt. Quemadmodum enim celebris Ila Protogenis & Apellis Tabula, quæ duos summos artifices tenuitate linearum exercuit, nihil habuit quàm Subtilitatis miraculum, cum alioqui nullius vtilis rei repræsentauerit imaginem: Ita sanè quorundam disputationes, cum nihil doceant quod faciat ad bene viuendum aut medendum, tantum ostentant otiosam lasciuiantis ingenij subtilitatem. *ὁ χρήσιμος εἶδώς, ἔχῃ ὁ πολλὸς εἶδώς, σοφός.*

Tum etiam hunc librum publico, vt exemplo meo inducti quicunque penès se habent nondum edita RONDELETH, IOVBERTI, SAPORTÆ, FEYNÆI, & quorumcunque aliorum celebrium Virorum monumenta, publici iuris ea faciant, vt alijs etiam prosint, nec vltèriùs supprimant. Denique vt meâ etiam exhortatione, vel potius Magni

VARANDÆI & aliorum Artis Procerum exemplo, Celeberrimi quique Medicinæ Professores, præsertim Monspelienses persuasi, Spartam suam ornare, hoc est, veram Medicinam excolere, ampliare, scriptisque illustrare pro virili semper, sicuti solent, contendant, ut magno laudis præconio, VARANDÆI & aliorum Scholæ illius Antecessorum verè posteri, non præposteri successores dici mereantur.

Cum autem hoc Venerandi Medicinæ Antistitis Opus contineat non solum præstantissimum aduersus gliscentem inscitiam amuletum; sed etiam ad omnes morbos quamuis grauissimos abarcendos, profligandos, penitusque auerruncandos certissimam methodum & antidotum; omnium sanè bene sentientium iudicio eximium est, & maximo iure Illustri Patrono dignum; qualem te faciunt insignis comitas, singularis eruditio (quæ politioris literaturæ, omniumque disciplinarum mixturâ constat) sublimè ingenium, acerrimum iudicium, summa æquitas, & reliquæ virtutes, quæ omnes in te luculenter eminent: unde Christianissimo Regi acceptissimus es, cæteris verò omnibus summè amabilis & admirandus. Patere igitur, VIR AMPLISSIME ET SAPIENTISSIME, ut sub inclyti Nominis tui foelicibus auspiciis prodeat in lucem, sicque non tantum instructissimæ tuæ Bibliothecæ insertum, sed etiam quæ patet orbis, quoquouersum diditum & admissum, perpes meum in te studium, quodque iam pridem voui iuge obsequium, debitamque venerationem omnibus testificetur. Obsecrationem meam, ut reor, non repudiabis hoc solo nomine quod Liber sit Medicæ suppellectilis: Medicina enim procul dubio non paruo est apud te in pretio, utpote quæ sit affinis Sapientiæ: nam vtræque malorum auerrunca est, fida potensque *Καταιρα*, leges dictat hominibus, & ipsis etiam Imperatoribus imperat. Nec aspernaberis, opinor, hanc ipsam nostram Medicinam, afflictam, supplicem, & de plagiariis quoque grauiter conquerentem. Enimuerò propter immundi mundi scelera & ingratitudinem, Medentium item culpam & varios errores, Deum acerrimum vindicem experta est. Nam quæ Principum olim, imò etiam Regum, & doctissimorum tantum Virorum studio semper exculta fuit (quorum hodie passim non exiguus est numerus) contra ius fasque, nunc à plurimis imperitis flagitiosè dilaniatur, tenebris plusquam Cimmeriis obscuratur, crudelissimè denique excipitur. Quidam enim penitus disciplinarum exortes, & à Musarum contubernio planè extorres, quorum etiam non pauci sunt *ἀναλφάβητοι*, omnes verò *ἀλάστορες*, maximo sanè Reipublicæ dispendio, petulanter Medici nomine superbiunt, & munus obire volunt, solâ opinione freti cum insolenti temeritate: sunt enim tam verè Medici quàm Comædi sunt Imperatores: cupiunt tamen voluntque pro Medicis haberi. Cæneus quidam, apud Plutarchum, è muliere subito factus est vir, optando tantum: sed ut solis pollicitis nemo diues, ita nec solis optatis peritus Medicus vnquam factus est: nec qui cubitum abiit infrunitus & ignarus, protinus surget sapiens & doctus, nisi fortè per somnium. Hi agyræ lucripetæ negotiantur animas, & credulorum loculos subtiliter exhauriunt, sæpe solâ in fundo relictâ poenitentia; postmodum abiturientes obganniunt & cauillantur. Plerique etiam eorum qui sacramento Tyrocinij, toti esse debent in mandatis Medicorum fideliter exequendis (videlicet ea omnia diligenter & opportunè præparando, exhibendo, admouendo, & faciendo, quæ illi præscripserunt ægrotantibus; nam in eum finem instituti destinati que sunt Chirurgi & Pharmacopœi, ut illo onere leuarent Medicos, qui antiquitus iis laboribus vacare solebant) nescio quo fato, sublesta fide, immemores officij, Artisque propriæ quasi pertæsi & negligentes, seditiosè Medicinam exambiunt: superciliosè Præceptores suos aspernantur, eorumque documenta licet fastidiant, munia tamen omnia capeffere & per se obire satagunt: fingunt se Medicos modis omnibus, micantem in carpis ægrorum arteriam sollicitè admodum explorant; caperatâ fronte lotia inspectant, de illis & pulsu iudicaturi, ut cæci de coloribus: quinimò futili quadam alacritate euecti,

euecti, quæ non proficiant aliunde quàm ex mera ἀγρία τῆς ἀγρίας, magna remedia
 promiscuè imperant, & μολὴν sæpiſſime exhibent. Quæ omnia contra ius & ſuprà vi-
 res ſibi ſumunt atque arrogant, auſu non tantùm temerario, ſed etiam improbo & pla-
 nè nefario: ægros enim in extrema pericula præcipitant, ipſorùmque præcordiis crudeli
 tandem Libitinæ litant. Atque ita omnium Medicaltrorum ambitio nutritrix eſt inexplē-
 bilis eorùm auaritiæ, & infeſta nouerca vitæ hominũ iſdem confidentium. Iſtis au-
 tem omnibus vt miſerabilis ignorantia maximum eſt temeritatis incentiuum; ſic quo-
 que impunitas peruicacis contumaciæ quoddam veluti priuilegium, ſecuritatisque cer-
 tum eſt pignus & argumentum. Ita fit vt quæ Regio iuſſu ſuper hac re iuſtè & ſolem-
 niter ſancita ſunt, ſaſtidiosè negligantur & prætereantur, atque etiam vrbes ſuis ciuibꝯ
 orbentur. Poſteſt equidem Scarabæus operi rotandæ pilulæ genialis ſedulis inuigilare,
 roſas verò, quæ Veneri ſacræ ſunt, ſine cruciatu & interitu tangere non poſteſt: Illi etiam
 pariter Placiti Regij violatores & transgreſſores, ab officio ſuo planè deuij, ſi ἀρχιτέκτονικῃ
 Medicinam poſthac ambire præſumant, commodum atrocioris ſententiæ fulmine pro-
 ſterni poſſunt. At iſtorum aliqui, proh dolor, quibuſdam etiam Doctõribꝯ Ignoran-
 tiam exprobrant! Sanè quidam βραβεῖον quidem (culpâ βραβεύων, magnòque Reipubli-
 cæ præiudicio & Medicinæ probro) obtinuerunt, ſed immeritum; non enim vicerunt
 in certamine. Hi Medici, verè Memoriales tantùm, pecorũ ritu ſequuntur ἀλόγως
 præcedentium gregem, pergentes quò itur, non quò eundum eſt: remediis pumilioni di-
 catiſ Herculem curare volunt, & Herculi conuenientibus, pumilionem. Scioli, male-
 feriati, verſuti πολυπράγμονες, nihil habent præter inanem verborum tinnitum atque
 φλυσιῶδες, quæ tamen inueniunt quandoque ſuos amaſios, haud ſecus ac pupæ impro-
 uidas ætates. Sed facilè in poſterum iſta calamitas auertetur; ſi, quemadmodum Aquilæ
 pullos inconniuentibus oculis Solem intuentes, ſolos pro ſuis agnoſcunt &
 educant; alios verò tanquam degeneres abiiciunt: ita ſingulæ Academiæ, procul
 odio & fauore, omnes Vertumnis, quotquot ſunt, natos iniquis, funeſta ſcilicet
 Artis propudia penitus arceant; nec vnquam in familiam Medicam recipiant, niſi pro-
 bata Vitæ & Doctrinæ viros, Naturæ Conſultos, veris Medici characteris, præ-
 ceptis item & methòdo inſtructos: qui nimirum ex certis quibuſdam idoneis & ſelectis
 ſimplicibus, variâ debitâq; proportionẽ & doſi inuicè mixtis, ope λογικῆς Medicæ, mul-
 tiplices lectiſſimorum remediorũ compositiones, cunctis indicationibus ad morborum
 medelam neceſſariis apprimè ſatisfacientes, concinnare queant: haud ſecus ac, ex ſo-
 lis Elementis alphabeticis, quanquam paucis, diuerſimodè inter ſe diſpoſitis & com-
 binatis, infinitæ propemodum vocabulorum myriades componi poſſunt. Verũ in om-
 nibus hiſce tum emendandis tum ſtabiliendis, Tua, FVLGENTIſſimum THEMIDIS
 IYBAR, Tuique ſimilium Authoritas, vt neceſſaria ſic omnipotentis eſt: ἐστὶ δὲ ἀπαύτῃ τοῖς
 σοφοῖσιν εὐκόλα. Ad laudis igitur æmulationem & multorum errorum correctionem, ſur-
 genti adnitentique ſæculo manum porrige: noſtrum VARANDÆVM, & quàm ille ſum-
 mæ cum fide & laude profeſſus eſt Medicinam (cuius integritas cum publica Salute
 coniunctiſſima eſt) protege: mèque Tui ſtudioſiſſimum cultorem amare perge, Vale.
 E Muſæo meo, Lugduni, pridie Kalendas Octobres. Anno, à nato Chriſto Re-
 demptore noſtro, Milleſimo Sexcenteſimo Quinquageſimo Septimo. Ab obitu
 VARANDÆI, Quadrageſimo. Ætatis meæ, currente Sexageſimo Quarto.





LECTORI BENEVOLO, MEDICINÆ CANDIDATO,

HENRICVS GRAS, D. M. LVGDVNENSIS, S.



VNC tandem habes, CANDIDE LECTOR, quas toties efflagitasti, & tecum jampridem omnes docti Medici summis votis expetiuerunt, ac vehementer laudarunt, Venerandi VARANDÆI lucubrationes, in philiatrorum gratiam potissimum editas, longè quidem emendatiores, ac velut interpolatas, necnon è Manuscriptis & chartis Authoris liturariis plurimum auctiores. Nam & pleraque adjecta, quæ in editis Libris desiderabantur, repletis ita complusculis veluti lacunis; multique tractatus noui additi sunt: nempe ΓΓΙΕΙΝΗ: Tractatus de morbis Intestinatorum: Hepatis: (cuius tria dumtaxat capita antea prodierant) Lienis: & partium Genitalium in Viris (qui postremus imperfectus est.) Exercitatio in librum Hippocr. ΠΕΡΙ ΦΥΣΙΟΣ ΑΝΘΡΩΠΟΥ: Explicatio quintæ sectionis Aphorismorum: Commentarius in tertium librum ΕΠΙΔΗΜΙΩΝ, nempe duodecim historiarum, & Constitutionis Pestilentis: Principium Explicationis libri ΠΕΡΙ ΠΑΘΩΝ. Quamuis autem Author omni liberali doctrinâ politissimus, & Arte Medicâ cluentissimus, immaturâ morte præuentus, ultimam manum hisce operibus admouere non potuerit; dignissima tamen sunt quæ legantur, ne fragmentis quidem exceptis. Quemadmodum enim in Opalo gemmâ, præter proprias virtutes, multarum gemmarum dotes emicant; nempe, ut verbis utar Plinij, carbunculi tenuior ignis, amethysti fulgens purpura, smaragdi virens mare, cunctâque hæc pariter incredibili mistura lucentia: Sic in iis scriptis, præter sermonis elegantiam, eximiam & κριβαυ, & in soluendis dubiis iudicium acre, mirâmq; ingenij dexteritatem; inconcussa Principum Medicorum Placita fideliter continentur & explicantur. Non potes itaque tutius, ut loquar cum expertis, cubare in Trifolio, sine metu serpentum; quàm versari in lectione horum librorum omnis veneni expertum: idque citra suspicionem νενοασθίας, quæ contingit legentibus innumera plurimorum recentiorum scripta, titi illicio non emenda. Quod si quid in his tibi minùs arrideat, exempli causa, quum improbatur Sectio Cesarea, &c. Sanè dies, ut nosti, diem docet: sic Artes per ætates incrementa capiunt, Artificesque frequentibus experimentis peritiores euadunt. Iudex equidem in causâ nihil tribuens amoris, tantum rem perpendit, & secundum eam pronunciat: Sed in audiendis Philosophis, aut legendis eorum scriptis, ad multos lapsus illorum, humanè conuiuendum est. Vnde Veteres iuxta Mercurij statuam, Gratiarum item ponere soliti sunt. His tu litare memento, atque hunc Authorem perdius & pernox diligentissimè perlegito, ut intelligas. Montium proceritas minùs patet procul intuentibus; ubi accesseris, tum apparet quàm sint in arduo: haud absimili sanè ratione, quantus sit VARANDÆVS nunquam perspicies, nisi propius contempleris, & imitatione ad illum accesseris. Quod tibi opto, atque ut fiat ex animo precor. VALE.

ELENCHVS



ELENCHVS OPERVM

IOANNIS VARANDÆI.

PHYSIOLOGIA.

P RÆFATIO, continens præcognita generalia in vniuersam Medicinam	pag. j.
De Elementis	xj.
De Temperamentis	xvij.
De Partibus	xxxvj.
De Humoribus	xlvj.
De Spiritibus & Calido innato	lvij.
De Facultatibus & functionibus	lxvij.
De Prima hominis conformatione	lxxxv.

PATHOLOGIA VNIVERSALIS.

PÆFATIO.	pag. c.
De eo quod est secundum, præter, & contra naturam	cj.
De Triplici corporis nostri constitutione	cij.
De Sanitate	cv.
Quid sit Morbus	cvij.
Aliquot Obiectionum in morbi definitionem solutio	cix.
Symptomata fieri à morbo mediata vel immediata	cx.
De Morbo per consensum, & variis compatiendi modis	cxij.
De Morbo facto & fiente	cxiv.
De Primis morborum generibus	cxv.
De Similaris morbi speciebus & differentiis	cxvj.
De quibusdam in morbos similes dubiis	cxvij.
De Morbis materiæ & formæ	cxxj.
De Organici morbi speciebus & differentiis	cxxvij.

De quibusdam in morbos organicos dubiis	cxxxij.
De Morbo communi siue solutione continui, eiusque differentiis & speciebus	cxxxiv.
De quibusdam in morbos communes dubiis	cxxxvj.
De Communibus quibusdam morborum differentiis	cxxxvij.
De Temporibus morborum	cxlv.
Quid Causa morbi & quoduplex	cxlvij.
De Externis morborum causis	cxlvij.
De Internis morborum causis	cl.
De morbi causa Continente	clj.
De vniuscuiusque morbi causa	clij.
Quid sit Symptoma	cliv.

SEMEIOTICE.

Diagnosis Partis affectæ	clxiv.
De dignoscendis morborum Causis	clxix.
De dignoscenda Specie affectus, seu morbi naturæ & differentiis	clxxv.
Prognostice Medica	clxxxj.
Præcognita	clxxxiv.
Prognosis medica ex Specie morbi	clxxxvij.
Prognosis ex More morbi	cxc.
Ex Motu morbi	ibid.
Ex morbi Magnitudine	cxciij.
Ab Actionibus principibus	ibid.
Ex Sensu interno, ad quem Somnus & Vigilia, Insomnia & Decubitus referuntur	cxciij.
A Sensibus externis, quatenus in suis propriis instrumentis aut functionibus sunt læsi	cxciij.
Ex Naribus, olfactu, & sternutatione	cxciij.

Elenchus

Ex Cute & sensu tactus, qui in illâ exercetur. Item ex doloribus variarum corporis nostri partium cxcvij.

Ex Lingua, dentibus, & reliquis oris partibus in quibus gustus, vox, & loquela considerantur cxcviij.

Ex Motu, & partibus illi dicatis cc.

Ex Actionibus Vitalibus, ad quas referuntur Respiratio & Pulsus, cum cordis ipsius palpitazione, & tussi ccj.

Ab Actionibus Naturalibus, potissimum Fame & Siti ccij.

Ex Tactilibus primis & secundis qualitatibus, in toto vel aliqua parte corporis immutatis ccij.

Ex Qualitatibus seu obiectis aliorum sensuum immutatis, tam propriis quam communibus cciv.

Ex tertio symptomatum genere, nempe Excretis & Retentis, eorum substantiâ, quantitate qualitatibus, & exeundi modo: Vbi etiam de criticis vacuationibus, & earum signis tam generalibus quam particulâribus ccvj.

Ex Vrinâ, & aliis, quæ per vesicam profunduntur ccvij.

Ex Fæcibus, Lumbricis, & omni deiectione ccxj.

Ex Vomitu ccxij.

Ex Sudore & Ictero ccxij.

Ex Hæmorrhagiâ per nares, Vterum, & Hæmorrhoidas ccxv.

Ex Abscessu, pustulis, pure, sanie, & similibus ccxvj.

Appendix de Recidiua, & transmutatione in alium morbum à morbo superueniente ccxvij.

Ex Sputo, saliva, spuma oris, mucosarium, lachrymis, aurium sordibus, excretionem lactis, seminis, & similibus ccxix.

Ex Natura & Viribus ægrotantis ccxxj.

Ex Varia partis affectæ constitutione ccxxij.

Ab Externis concurrentibus ccxxiv.
Ανακαταστάσις Prognoseos Medicæ
 ccxxv.

ΥΓΙΕΙΝΗ,

Proposita cum explicatione
Libri tertij Artis par-
ue Galeni.

PROLEGOMENA in Artem par-
 uam Galeni pag. 9.
 Causæ Salubres, Insalubres & Neu-
 træ 13.
 De Materia Salubri in genere, & eius
 usu 12.
 De Aëre 24.
 De Cibo, & Potu, seu Alimentis 25.
 De Excretis & Retentis 29.
 De Exercitatione, seu Motu & Quie-
 te 31.
 De Somno & Vigilia 34.
 De animi Pathematis 38.
 De Indicationibus, & communi illa,
 An similia similibus conferuntur
 pag. 41.
 De Conseruatione exacte sani 43.
 De his, qui à sanitatis perfectione se-
 cundum temperiem lapsi sunt 46.
 De his, qui à sanitatis perfectione se-
 cundum conformationem, & par-
 tium Unionem lapsi sunt 48.

ΘΕΡΑΠΕΥ- ΤΙΚΗ.

De Indicationibus Curatiuis.

P R Æ F A T I O pag. 50.
 De Actionibus Medici ibid.
 Conditiones actionum medicarum
 pag. 51.
 Instrumenta Medica 52.
 Rationes, seu Modi inueniendorum
 istorum remediorum ibid.
 Quid

Operum,

Quid sit Indicatio, Coindicatio, & Contraindicatio	54.
Quot sint Indicationes, & à quibus petantur, tum Coindicatioes & Contraindicationes	56.
De Communissimâ Indicatione Curatiuâ	59.
An Contraria oporteat esse æqualia	pag. 61.
De Scopis curatiuis, seu tribus intentionibus, & quomodo per indicationes compleantur	63.
De Indicationibus & scopis Diætæ ægrorum	68.
Dubia de Victu ægrorum	73.
De Indicationibus Curatiuis in morbo similari seu intemperie	75.
De Vacuatione in genere & Vacuationibus	77.
De Reuulsione, Deriuatione, & particulari Vacuatione	78.
De Alteratione, corporis humorumque Præparatione, Coctione, & Corroboracione	81.
De Concoctione	83.
De Indicationibus morborum organicorum	86.
De Figurâ Vitiatâ	87.
De Cavitatē, meatu, & orificio malē affecto, vbi de obstructione	89.
De Læuitate, & Asperitate præter naturam	92.
De Numero ac Magnitudine auctis vel imminutis	93.
De malo Situ & Connexu, vbi Luxationum indicationes traduntur	pag. 94.
De Indicationibus in morbo communi, seu solutione continui	95.
De Vulneribus	96.
De Contusione	99.
De Fracturis	100.
De Vlceribus	101.
De mixtis morborum Indicationibus	pag. 104.
De Indicationibus tumorum præter naturam	106.

FORMULÆ REMEDIORVM.

PREFATIO 110.

Formulæ Remediorum Internorum ad purgandos & præparandos humores, alterandas, roborandasque corporis nostri partes 112.

Ad Bilem in capite ibid. in corde 113. in Ventriculo ibid. & 114. in Hepate & liene ibid. In renibus, Vesica & Vtero 115. in Iuncturis & habitu corporis 116.

Ad Melancholiam in capite: In pectore ibid. in corde, in Ventriculo, 117. in hepate, in liene, in renibus, & Vesica 118. in Vtero, in habitu, & in Iuncturis 119.

Ad Pituitam in capite. In pectore 120. in corde, in Ventriculo, in hepate, 121. In liene, in renibus, & Vesica 122. in Vtero, in habitu, & Iuncturis 123.

Ad Serosos humores hydragoga ibid.

De Sudorificis 125.

De Vomitoriis 127.

Formulæ remediorum externorum 130.

De Suppositoriis & Clysteribus ibid.

De Iniectionibus variis 133.

De Pessariis & Nascalibus 135.

De Eclegmatis siue Lohoc 136.

De Masticatoriis & Gargarismatis 138.

De Sternutatoriis & Errhinis 139.

De Collyriis 140.

De Decoctis ad fatus, lotiones, infusus, & balnea 141.

De Epithematibus Liquidis & solidis pag. 145.

De Sacculis, Cucuphis, & Frontalibus 146.

De Suffitibus, & Odoramentis 147.

De Oleis 149.

De Pulueribus quibusdam 150.

De Linimentis & Vnguentis 151.

De Cataplasmatibus, Pultibus, Sinapismis, & Vesicatoriis ibid.

De Ceratis & Emplastris 152.

DE

Elenchus

DE AFFECTIBVS VENTRICVLI.

P R Æ F A T I O	154.
De Cardiogmo, Cardialgia seu Cardia- ca Passione & ventriculi <i>περιανδυνία</i>	pag. 156.
De <i>Ανορεξία</i> , & <i>Αποστία</i> , id est, deiecta Appetentia & Cibi fastidio	168.
De Fame Canina & Boulimo	176.
De Pica seu Malacia	181.
De Siti Morbosa	185.
De Apepsia, Dyspepsia, Bradypepsia, cruditate scilicet, Ructu flatuque Ventriculi	190.
De Singultuoso affectu	196.
De Nausea & Vomitu	201.
De Cholera morbo	210.

DE MORBIS INTESTINORVM.

P R Æ F A T I O	213.
De Intestinorum dolore, ac præcipuè Colico	214.
De Lumbricis	225.
De Suppressa aluo	236.
De Ileo seu Voluulo	244.
De Diarrhœa	250.
De Lienteria	260.
De Dysenteria	266.
De Tenesmo	280.
De Hæmorrhoidibus	285.

DE MORBIS HEPATIS.

P R Æ F A T I O	294.
De Elephantiasi	296.
De Lue Venerea	320.
De Hepatitide, seu Iecoris <i>ἀλυνία</i> , quam alui fluxus Chylosus, Cruentus, fa- niosus, & similes consequuntur	348.
De Inflammatione hepatis, Abscessu, & Ulcere illius	356.
De Obstructione, & Scirrho hepatis pag. 370.	
De <i>καχεξία</i> , <i>ἀποφία</i> , & <i>χλωρώς</i> , seu fœdis virginum Coloribus	380.

De Ictero flauo & Nigro	387.
De Hydrope, & eius speciebus	396.

AFFECTVS LIENIS.

De Phlegmone Lienis	416.
De Obstructione & Scirrho lienis	418.

DE AFFECTIBVS RENVM & Vesicæ.

P R Æ F A T I O	421.
De Calculo Renum & Vesicæ	422.
De Renum & Vesicæ Inflammatione, id est, tumore phlegmonoso vel erysipelatofo	438.
De Vrina sanguinolenta, siue mictu Sanguinis	446.
De Vrina purulenta, seu Ulceribus Re- num & Vesicæ	454.
De Diabete, seu Immoderato Vrinæ profluuiio	461.
De Vrinæ Incontinentia	465.
De Laboriosa mictione, nempe <i>ιχθελία</i> , <i>σεγγύς</i> & <i>δυσουρία</i>	469.

DE MORBIS MVLIERVVM Liber Primus.

P R Æ F A T I O	477.
De <i>χλωρώς</i> , seu fœdis Virginum colo- ribus, eorūque annexis	483.
De Suppressionione fluxus Menstrui	492.
De Immodico Mensium fluxu & eo- rum stillicidio	501.
De Muliebri fluore & Gonorrhœa	509.
De Melancholia, & Furore vterino	516.
De Suffocatione matricis	520.
De Inflammatione Vteri	529.
De Hydrope & Flatu Vteri	535.
De Scirrho & Cancro Vteri	540.
De Procidencia, subuersione, & omni malo situ Vteri	544.
De Abscessu & Ulcere Vteri	553.
De Condylomatis, Verrucis, Rhaga- dibus, seu scissuris Vteri & simi- libus	560.

Operum,

DE MORBIS MULIERVM

Liber Secundus.

PÆFATIO	563.
De Sterilitate muliebri	564.
De Cognitione prægnantium, & earum Regimine.	
De Mola & Monstris	593.
De Superfætatione & Gemellis	599.
De Abortu	602.
De Partu iuuando, & eis quæ ad partum consequuntur	607.
De Regimine Enixarum	617.
De Affectibus morbosis puerperarum	pag. 620.

Lectio Quinta	695.
Lectio Sexta	699.
Lectio Septima	703.
Lectio Octaua	708.
Lectio Nona	712.
Lectio Decima	717.
Lectio Vndecima	721.
Lectio Duodecima	725.
Lectio Decima tertia	730.
Lectio Decima quarta	735.
Lectio Decima quinta	740.
Lectio Decima sexta	745.

EXPLICATIO SECTIONIS QVINTÆ

Aphorismorum Hippocratis.

DE MORBIS MULIERVM

Liber Tertius.

PÆFATIO	626.
De Regimine Infantis nuper nati & nutricis	626.
De Affectibus mammarum præcipuis, & eorum Curatione	636.
De Vitiis quæ lacti contingunt, & correctione	646.

PÆFATIO	740.
Explicatio Primi Aphorismi	754.
Explicatio Aphorismi Secundi	760.
Explicatio Aphorismi Tertij	767.
Explicatio Aphorismi Quarti	770.
Explicatio Aphorismi Quinti	771.
Explicatio Aphorismi Sexti	780.

DE MORBIS GENITALIVM

in Viris.

PÆFATIO	656.
De Sterilitate Virili	658.
De Impotentia Venereorum	661.
De Satyriasi & Priapismo	667.
De Gonorrhœa & pollutione nocturna	670.
De Ramicibus, seu variis herniarum speciebus	674.

COMMENTARIVS IN TERTIVM

Librum ΕΠΙΔΗΜΙΩΝ, nempe duodecim Historiarum & Constitutionis Pestilentis.

PÆFATIO	786.
Historia Prima	789.
Historia Secunda	798.
Historia Tertia, Quarta, & Quinta	803.
Historia Sexta	806.
Historia Septima	810.
Historia Octaua	814.
Historia Nona	816.
Historia Decima	817.
Historia Vndecima	817.
Historia Duodecima	820.

EXERCITATIO IN LIBRVM

Hippocratis de natura humana

pro Cursibus.

PÆFATIO	676.
Lectio prima de Natura humana	681.
Lectio Secunda	682.
Lectio Tertia	686.
Lectio Quarta	691.

EXPLICATIO LIBRI HIPPOCRATIS

ΠΕΡΙ ΠΑΘΩΝ, de grauissimis morbis.

PÆFATIO	828.
Contextus Hippocratis	833.

SVMMA



SVMM A PRIVILEGII REGII.



CHRISTIANISSIMI Franciæ & Nauarræ Regis
LVDOVICI XIV. Semper Augusti, Edicto
sancitum est, nequis in ipsius Regnis, aliisue
terrīs eius ditioni subiectis, intra proximos
sexdecim annos, à die perfectæ primæ editionis
inchoandos & computandos, excudat, vendat,
vel excudendum aut vendendum curet librum
qui inscribitur, *Joannis Varandæ, Consiliarij Medici, Professoris-
que Regij, & Decani Facultatis Medicæ Monspeliensis Opera
omnia*: præter IOANNEM CHAMPION, Bibliopôlam Lugdunen-
sem, aut illos quibus ipse concesserit, sub poenis contra delinquen-
tes in Originali diplomate expressis. Parisiis die 16. Maij, 1656.

De Mandato Regis,

FOURNIER.

IOANNES CHAMPION cessit jus Privilegij CHRISTOPHORO FOVRMY.

Editio prima perfecta est die 1. Octobris, 1657.

IOANNIS



IOANNIS VARANDÆI PHYSIOLOGIA.

P R Æ F A T I O,

Continens præcognita generalia in vniuersam Medicinam.



*Q*UONIAM propositum est nobis totius Medicinæ tractationem commentariis hisce nostris persequi & illustrare: rationi consentaneum esse videtur, ut priusquam in medias res irrumpamus, aliquid præfationis causâ de Medicina ipsius finitione, subiecto, fine & partibus dicamus: sic enim totius nostri ambitus exiguâ veluti tabellâ, quod solent Geographi, depictus, sese contemplandum facilius cuius dabit philiatro.

Verum antequam quid sit Medicina perquiramus, non abs re facturi sumus, si questionem illam à *ᾧ* an sit, prius mouerimus: eam enim esse vel ex toto, vel ex parte, vel esse necessariam negarunt & nunc & olim multi, ut patet ex variis Hippocratis libellis isagogicis, in quibus τὸ ὅτι Medicina, quod sit, probare aduersus calumniatores sui temporis nititur. Cum enim Medicina, ut & reliqui intellectus habitus, non subiiciatur sensibus, facile fuit semper, de illius essentiâ dubitare. Ideo Hippocrates tum *ἀποδεικτικῶς*, tum *ἰατρικῶς*, demonstratorie, & confutatorie aduersariorum argumenta refellendo illud confecisse videtur libris potissimum de arte & de veteri Medicinâ. Cum enim plura sint mediorum genera ad probandum rem esse: ille primum ab efficientibus, authoribus scilicet & artificibus, ostendit Medicinam, quæ deis ipsis adscribi meruit, aut certis hominibus *ἀποθεώσαι*, hoc est diuinitate & celo donatis propter ingentia generi humano collata beneficia: & quæ summo studio ac diligentia ob necessitatem fuit inuenta & exculta, non inane nomen & vanum esse posse, ex quo tam præclari viri suas appellationes desumere dignati sunt. An potuit esse mera *ἀρετὴ*, & vana professio Medicina, de quâ tam grauius, tantâque cum emulatione, ut videre est apud Galenum 2. Methodi, tres celeberrimæ scholæ Rhodia, Cnidia, & Coa apud Græcos antiquiores decertarunt? postea in totâ Asiâ, Europâ, & apud ipsos Mauritanos tam curiose fuit exercita, non quidem à quibuscumque, sed eruditissimis fere omnium nationum hominibus, qui sese Medicos esse & dici voluerunt. Quos omnes si contempleris, non omnes *ἀμύγετες* Medicinæ eadem peritiâ præditos esse reperiēs (addit Hippocrates,) sed multum inter se discrepantes καὶ κατὰ χεῖρα, καὶ κατὰ γνώμην, tum manu, tum etiam mente siue discursu. Sequitur itaque aliquam esse scientiam siue medendi artem, quam qui perfectius norit, ita etiam melius operetur.

A causâ verò materiali, finali, & effectis ita argumentatur Hippocrates lib. de arte: Nomina, inquit, lege quadam rebus indita sunt & ex hominum instituto, siue existentibus, ut equo, bovi, homini: siue non existentibus, ut Chimera, Centauro & similibus. Species autem rerum seu notæ non ex arbitrio hominum pendent, sed naturæ sunt germina & effectus, ex rebus scilicet subiectis emergere solent. Hoc modo Medicina subiectum habet naturale & excellens, imo nobilissimum, circa quod operationes aliquas exercere debet, propter aliquid *ἄρτι*, finem nimirum præstantissimum: Ergo aliquam reipsa esse oportet Medicinam, vel iam inuentam, vel post inueniendam, aut certè amplificandam & omnino constituendam. Ut igitur aliqua est rerum naturalium scientia, quam tot Philosophi, Physicam appellarunt: sic etiam illi subiecta Medicina, quæ particularius res omnes ad sui subiecti commoda & utilitatem refert. At effectus ipsos contemplare, & iam sensibiliter Medicinam esse agnosces, dum ex variâ diætâ instituendæ ratione, ex pharmacorum & chirurgicarum operationum administratione modo adiici, modo subtrahi, vacuari, reuelli & similia fieri, sicque iustum sanitatis statum conseruari, deciduum restitui, morbos præcaueri & profligari animaduertis: aut certè sensuum ipsorum fides abneganda, aut aliqua Medicinæ disciplina admittenda, in quâ τὸ ὀρθὸν καὶ τὸ μὴ ὀρθὸν, rectum & non rectum certos suos fines habeant: quos definire aut circumscribere non potest casus, vel imperitia: sed potius recta quadam ratio & certis regulis ac præceptis constans disciplina, ad finem quemdam consequendum instituta. Adde his omnibus ingentiam fere quibuscunque hominibus, imo & belluis ipsis cupiditatem inueniendi remedia, quibus aduentantes aduersæ valetudinis casus propulsent. Quod non frustra illis inseruisse naturam certum est, sed ut tandem præstantissima hæc ars stabiliretur.

Neque obstat, ipsomet declarante Hippocrate, quod sophistæ propter quædam obii-
ciunt: Artem scilicet medicam non esse, quia sæpissimè sine suo frustratur: multi enim quos suscepit curandos, aut non curantur, aut etiam moriuntur. Præterea si esset peritia aliqua in medendo, quosuis morbos curandos susciperet, non tantum curatus faciles: at hoc non præstat, quia multos etiam morbos non audet aggredi. Deinde multi sponte & fortuito, sine Medico, aut artis medicæ operâ conualescunt, quare illius nulla necessitas. Hæc sic diluit Hippocrates: In medendo errores dupliciter contingere posse, vel ratione medentis, vel ratione ægri cui medetur: verisimile autem est, eum qui ad peccandum plures habet occasiones, culpam huius erroris potius ferre, quam eum qui pauciores: plures verò habet æger, tum quia artis imperitus, tum quia dolore & appetitus violentiâ distractus rationi & bene suadenti Medico parere nequit: ut veritati magis consentaneum sit ægrum sibi ipsi mortem propter incontinentiam consciuisse: quam Medicum ἀναμάτητον & peritum illius causam fuisse. Præterea non est necessarium, ut semper ars finem suum consequatur: cum id natura semper non præstet, quæ monstra sæpissimè & πάρεργα producit: peritia enim medica non tantum est de curandis, sed etiam cognoscendis morbis: sicque inartificiosum esset quos tibi ars morbos incurabiles demonstrarit, artificem curandos suscipere. An non prudentis est Medici eum qui sanari non potest, non attingere, nec subire speciem eius ut occisi, quem fors sua peremerit? Multos porro morbos sine Medico curari fatetur Hippocrates: at sine Medicinâ nullos: ægri enim aut aliquid, aut nihil agentes sanati sunt: agentes aliquid aut recte, aut non recte: si recte, quamuis temere factum sit, iuuati sunt: si non recte, læsi. Quare etiam apud ignaros est aliqua Medicinæ ratio, quâ modò læduntur, modo iuuantur: Nihil autem agentes naturæ operâ valentioris curati fuere, quæ est ἀντοδιδάκτος, & sine doctore quæ agenda sunt nouit: quamque Medicus sibi perpetuo imitandam proponit. Unde sequitur sine Medico multos, at non
sing

sine Medicinâ sanationem consequi, cuius principium modò à naturâ solâ, modò quibusdam remediis adiuta pendet.

Medicina igitur existit, & quidem ab antiquo, ut ait Hippocrates: necessitas enim homines ad Medicinam inueniendam, non minus quam ad naturæ conuenientiâ alimenta indaganda impulit. Quod fuit inuentionis principium, quando unusquisque varia experiebatur, quæ videbantur à mundi opifice in hominum usus fuisse creata: à quibus cum laderentur aut iuuarentur, prout sors ferebat, ex frequenti illâ sensuum repetitione & memoriâ observatio citra ullam rationem, atque experientia exorta est: & qui illi magis addicti deinceps in faciendâ Medicinâ Empirici appellati, amplissima sectæ originem dederunt.

Asclepiadæ verò ex his particularibus memoriis & observationibus, quas in Dianæ & Æsculapij fano appendebant, quasi collectione quadam uniuersalia præcepta constituerunt, vti duobus rerum omnium extrejis, nempe ratione & experientia: & sic prima artis rationalis lineamenta iecerunt.

Demum interpretationis seu traditionis principium factum, ex ipsius naturæ seu physicâ speculatione, ut inquit Athenæus: tunc enim doceri cœpit Medicina, quando Philosophiæ fuit coniuncta, omnesque partes quæ ad bene medendum erant necessariae, accepit, quando secta illa dogmatica & rationalis inualuit: cuius veluti nauis & ἡσπλοῦν fuit illa methodica, duabus aut tribus communitatibus ad artem constituendam contenta. Quamuis igitur Medicina à medendo dicta sit, non tamen præcepta tantum curatiua continet, sed ea omnia quæ ad curationem prænosse oportet. Idem enim vult Galenus libr. ad Thrasylbul. cap. vltimo, Medicinæ, quod Geometriæ contigisse. Cum enim hæc apud Ægyptios primum esset inuenta, ad agrorum terminos Nili inundationibus perfusos quotannis dimetiendos: quòd terræ metiendæ causâ primum exculta sit, Geometria appellatur, nomenque antiquum retinet: quamuis hodie non solum ea Geometra vtantur ad planorum terræque dimensionem, sed quidquid suâ est quantitate commensurabile, conuexa, concava, cælos ipsos, elementa, solis, stellarumque magnitudines. Sic Medicina cum in ipso inuentionis principio propter solam expeceretur curationem, à fine illo præcipuo nomen accepit & retinet: quamuis deinceps plures alias sub se partes contineat, ut postea videbimus, propositâ prius eius definitione.

DEFINITIO. Vnius rei unicam esse definitionem docet Philosophus, ut unica est rei ipsius essentia: At quoniam nobis in hac rerum caligine positus, nec rerum essentias contemplari, nec satis accuratâ verborum circumscriptione exprimere datum est: fit ut variæ de eadem re definitiones aliis aliæ perfectiores afferantur, prout unusquisque perfectius res ipsas perspexerit: quamuis res semper eadem & similis maneat. Hinc mirum esse non debet, si plures & diuersæ definitiones Medicinæ fuerint traditæ ab Hippocrate, Galeno, Auicenna, Auerrhoe, & aliis, prout in assignando illius genere, & propriis differentiis inueniendis laborarunt.

Apud Hippocratem nullam licet reperire perfectam Medicinæ definitionem quæ rei essentiam explicet. Libro de arte, Medicina, inquit, est morbos ab ægris tollere, & eorum vehementes impetus obtundere. Libro de flatibus: Medicina est adiectio deficientium, subtractio redundantium: ita ut per uniuersales quasdam operationes Medicinam explicet, quæ non magis Medico quam sartori aut sutori sunt communes. Verum Hippocrati in illis locis Medicinam non fuit propositum definire, sed tantum quid Medicina efficere ostendere. Galenus libro de sectis ad eos qui introducuntur, vult ab antiquis Medicinam esse dictam salubrium & insalubrium scientiam. In libro finitionum, Medicina est ars quæ

præstet sanis victus ratione regendis, atque agrotis curandis. In introductorio est scientia sanitatis conseruatrice morborumque curatrix. Libro autem artis parvæ præclara quidem habetur Medicina definitio, quæ ad Herophilum refertur, sed illi tantum libro inseruiens, in quo Medicinam in uniuersum suscepit explicandam methodo definitiuâ: cum ait Medicinam esse scientiam salubrium, insalubrium & neutrorum, corporum scilicet, signorum, & causarum.

Auerrhoi autem 6. coll. cap. 1. Medicina est ars operatrix, ratione & experimento inuenta, ut sanitas conseruetur, & morbus auferatur.

Sed quia ex Philosopho magis perfectæ sunt illæ definitiones, quæ per causarum genera desumuntur, ideo nobis magis arridet Auicenna definitio. Medicina, inquit, est scientia, qua humani corporis dispositiones noscuntur, ut vel habita sanitas conseruetur, vel amissa recuperetur: quia genus proprium assignat, & illius subiectum, finem & partes complectitur.

Medicinam autem modò artem dici promiscuè apud authores reperies, veteres potissimum, quibus non ita accurate distincta fuerunt ista nomina, ut apud Philosophum, qui 6. ethic. & libro secundo de demonstratione, vult scientiam esse habitum, demonstratione comparatum, de rebus uniuersis & necessariis, in quâ sint principia, subiectum reale per se existens, proprietates subiecti, & quæ veritatem, seu eius contemplationem solam habeat pro fine propositam: ut scientiam ab arte (quam voluit esse habitum cum ratione factuum, circa ea quæ aliter se habere possunt, qui frequenti operatione comparatur) sine potissimum & certitudine distinguat.

Nobis tamen placet Medicinam potius scientiam quam artem appellare (quamuis inter utriusque naturam ambigere videatur: Primò, quia habet sua principia & axiomata æterna & infallibilia, ut similia similibus conseruari, contraria contrariis curari, quæ non minus sunt vera, quam bis duo esse quatuor, suâque demonstrationes non minus fortasse necessarias, imò magis certas ipsâ Physicâ, utpote à sensuum fide petitas, ut vult Galenus 9. de placit. Hippocrat. & Platon. qui per Anatomem infinitos Aristotelis errores conuincit: Secundò, quia habet subiectum reale per se existens & præstantissimum: Tertiò, quoniam actionis medicæ principium non est semper in artifice, ut in veris artibus, sed sæpius in re & extra Medicum, ut in morbis quos sola natura sanat: Quartò, quia Medicina non tam ex frequenti operatione, ut alij habitus artificiosi, comparatur, quam ex librorum doctorumque sedulâ institutione, & naturæ potissimum explicatione: isque Medicus meritò dici possit, qui hanc medendi scientiam tenuerit, quamuis nunquam fuerit operatus. Quod si quis finem obiiciat, quasi propter eum necessario Medicina inter artes sit reponenda: respondemus cum Aphrodisæo, considerari Medicinam dupliciter, primariò, quatenus scilicet docetur ex certis, firmis, & indubitatis principiis, & tunc scientia haberi debet, non minus quam Geometria aut Arithmetica, seipsâ, suique cognitione contenta: Vel secundariò, quatenus ad usus hominum reuocatur, ut Geometria ad terras metiendas, Arithmetica ad numeros computandos; & tunc finem habet opus, idque præstantissimum & utilissimum.

Mereantur igitur tot doctorum hominum studia, qui Medicinam ornarunt, excolueruntque, ut scientia, si non propriè, saltem sub generali significato dicatur. Nunc itaque explicato illius genere, ad reliquas definitionis partes accedamus, Medicinæ scilicet subiectum, finem & partes describendas.

SUBIECTVM. Scientiæ itaque & artes cum circa rei alicuius considerationem versentur, aut in eâ operationes exerceant; res illa vocatur subiectum
sive

sive causa materialis. Videndum igitur quod illud sit in Medicina. Recentiores quidam statuunt Medicina proprium subiectum esse sanitatem : alij sanitatem & morbum ; idque allatâ Galeni auctoritate libro de sectis , ubi scripsit , scopus sanitas est , finis autem possessio : ibi per scopum subiectum interpretantur , quia scopum à fine distinguit. Adferunt etiam locum ex libro de partibus artis Medicinæ , ubi habetur , quod' sicut Physici materia est generatio & corruptio ; corpus verò materia secunda , & quasi per-accidens : ita Medici , non corpus humanum , sed sanitas. His satisfacere haud est difficile : etenim constat ex Galeno libro primò de symptom. different. & alibi passim , hæc tria inter se distingui , subiectum , scopum , & finem. Subiectum ergo vocat ibi Galenus, nomen non ita curiosus semper consector , finem ex quo vel in quo : Scopum autem , finem primarium seu qui primo sese offert Medico : ultimum autem finem , in cuius adeptione conquiescit : Vnde citato loco vocavit Galenus sanitatem Medicinæ scopum , finem verò eius possessionem. In secundo autem loco prius adducto dicimus Galenum magis agere de ratione formali obiecti Medicinæ , quam de vero subiecto ; ac proinde particularem illius considerationem , quatenus scilicet est sanabile , ibi expressisse.

Cum igitur sanitati ac morbo proprietates subiecti non possint competere , ideo dicimus corpus humanum in quo & circa quod operatur Medicus , & quod idem manens varias subit passiones , esse Medicina subiectum præstantissimum , cuius gratiâ potissimum omnes tam actiuas quam factiuas scientias præcellit. Corpus autem hoc humanum in Medicinâ habet rem consideratam & considerandi modum , ut loquuntur barbari , materiale scilicet & formale : materiale quidem , ut substantia vel corpus operationum illarum medicarum capax : formale verò , prout consideratur sub ratione corporis sanabilis , ut sanabile est ; & sic ab aliis omnium scientiarum obiectis vel subiectis distinguitur. Dicit aliquis. Cum Medicus non solum corpus hominis contempletur , sed res omnes creatas , elementa , mixta , cælos ipsos , & quidquid immensa illa mundi vniuersitas suo continet ambitu : ideo multo latius diffundi videtur eius subiectum ; quod Galenus ipse sensisse videtur libro ad Thrasylb. dum ait : Medicæ artis , una cum sit , infinitæ sunt materiae , & corpus ipsum sanitatem accipiens , & cibi ac potus & vocata ὀρθήματα. Ad id respondemus , Medicum non simpliciter aut per se illa omnia spectare , sed quatenus ad humani corporis commoda renocari , aut remedij vicem subire possunt : Ac propterea quamuis subiectum contemplationis dici quodammodo mereantur : corpus tamen humanum proprium est subiectum , reductionis scilicet , ut ibidem innuit Galenus , dum addit , corpus autem tanquam id ex quo finis , & in quod : Vnde Hippocrates libro de carnibus , de meteoris , inquit , non est mihi agendum simpliciter & extra artis contemplationem , sed quatenus ad hominem referuntur , in eoque causæ sunt sanitatis , morborum aut mortis.

FINIS. Pergamus igitur & inuenio Medicine subiecto , videamus διὰ τί , propter quid in eo operetur Medicus , id est , quem finem habeat sibi propositum. Galenus eodem lib. ad Thrasylb. vult finem esse quò acquisito conquiescit artifex : Sic Philosophi in causis finalibus , ut in aliis , progressum dari in infinitum negant : ita ut in omni actione præstantissimum quid seu bonum ponendum sit , cuius causâ fiat , eoque parto conquiescat : Ut enim actiones cum motu coniunctæ sunt : sic finis in quiete positus est. In finibus porro multi sunt intermediij & subordinati (hos Galenus scopos appellat) unus verò , quem ultimum & causam primam intentionalem vocant Philosophi , de quo nobis hic sermo : finem autem hunc aliqui ponendum in artibus putant , quem artifex semper assequi possit : unde non persuadere , sed

bene dicere & facere omnia quæ ad persuadendum sunt apta, contendunt esse finem rhetorices, quia illud rhetor peritus semper assequi potest. Alij verò iam à nobis adducti finem artium esse volunt, quo parto, si nihil impediat, conquiescat artifex: ac proinde officium à fine distinguendum putant; officio functus est rhetor verbi gratia, si dixit & fecit omnia, quæ erant apta ad persuadendum: si tamen non persuasit, finem suum non esse assecutum, cuius gratiâ illa dixit & fecit, satis patet: sic Medicus si omnia artis suæ præcepta ad curandum Socratem accuratè & diligenter reuocavit, probè officio suo dicetur functus, finem tamen suum non est adeptus, cuius gratiâ inceptat motus & actio. Neque semper illum assequi potest ex patientis aut agentium vitio, ut in male moratis agris, aut quibus natura est plane effæta, vel quando convenientia remedia non suppetunt. Verum obiici potest, cum dictum sit actionem esse factiuarum scientiarum finem, quemadmodum speculatiuarum contemplationem: quomodo sanitas quæ actio non est, finis Medicinæ dicetur? Respondemus ex præmissâ diuisione, finem unum esse ultimum & præstantissimum, alios verò intermedios & subordinatos, qui ad illum consequendum instituuntur. Quod spectat ad illum ultimum finem, non potest esse actio, quia est positus in quiete seu actionum cessatione, sequitur tamen ad illas & sine eis acquiri non potest: unde concludimus sanitatem eum esse in Medicinâ finem: actiones verò esse media quibus vititur Medicus ad illam consequendam: & illa media posse etiam poni pro fine artis medicæ, quia sanitas non fit à Medico, sed sequitur ad illas actiones, ut est apud Galenum lib. qui introductio inscribitur.

PARTES MEDICINÆ. At quoniam nemo Medicinæ finem rectè assequi poterit, nisi prius nouerit ea ex quibus tractatio illius constat, de partibus Medicinæ consequenter est nobis agendum. Medicinæ igitur variè à multis diuiditur, ut ab Hippocrate, ex vniuersalibus quibusdam actionibus in adiectionem & subtractionem: ex effectis illarum operationum, in curatricem & conseruatricem ab empirico Theuta apud Galenum libro de subfigur. empir. ex varietate remediorum quibus ad eas vititur, in Dieteticam, Pharmaceuticam & Chirurgiam. Ratione autem materie subiectæ, hoc est theorematum medicorum, ab eodem Galeno libro dicto, in Φυσιολογικὴν subiecti hominis, παθολογικὴν affectionum subiecto inherentium, αἰτιολογικὴν causarum efficientium, σημειωτικὴν signorum, & θεραπευτικὴν actionum. Nos autem ex propositâ nobis definitione illas ita inuestigemus. Cum in Medicinâ præcepta sint quadam & theorematata cognitionis, longius ab operatione remota, illa vel respiciunt naturam subiecti & eius constitutionem, vel passiones eius subiecti, quatenus mutatur de sanitate in morbum, & contra: vel tradunt signa quibus variæ illæ constitutiones à Medico agnoscantur: ergo tres erunt partes Medicinæ ad theoriam magis spectantes, Φυσιολογία scilicet, παθολογία & σημειωτική. Quoniam verò hæc omnia speculamur in Medicinâ, ut sanitas præsens conseruetur, vel amissa recuperetur: duæ erunt illius partes practica, quibus operationum medicarum modus & ratio traditur, ὁγιαστικὴ nimirum circa sanitatem suâ latitudine donatam, quæ etiam statum aliquando neutrum sub se complectitur, θεραπευτικὴ circa morbos curandos occupata. Harum itaque quinque partium clarior descriptio subnectenda est, ut ex eâ velut compendio sciant omnes quid tota Medicinæ tractatio complectatur.

ΦΥΣΙΟΛΟΓΙΑ igitur est Medicinæ pars, quæ naturam hominis vniuersam, hoc est naturalem illius constitutionem persequitur methodo quam compositionis vocant, ducto ab elementis exordio. Elementum autem cum sit pars eius cuius est elementum, tria facit hominis elementa Physiologus remota, media, & proxima. Remota appellat communia illa corpora omnium mixtorum fundamenta, aquam, terram, aerem,

Et ignem : proxima verò , propinqua & sensibilia corporis nostri elementa sunt partes ipsæ similes, ex quibus organica seu dissimiles, ex dissimilaribus tota corporis compages constituitur : horum media existunt humores, omnibus animantibus sanguineis communes, sanguis, pituita, bilis, melancholia & ichor, quibus utrumque semini & corporis nostri nutritio adscribitur. Horum omnium essentiam, causas & effectus, potissimum verò temperamenta perscrutatur. Ac cum homo non tantum corpore, sed etiam animâ constet, ipsam etiam animam, quatenus functiones varias & multiplices à facultatibus pendentes exercet, contemplatur : facultates enim ab ipsis functionibus, functiones ab operibus distinguit, uniuscuiusque partes, functiones, & usus considerat, agendique modum docet. Cùmque anima, quæ tota est immaterialis & incorporea, ut uteretur ad actiones partibus corporis, opus habuit quodam medio quasi communi instrumento, quo ista perficeret : hoc instrumentum vocat Physiologus spiritum caloremque innatum, quidque sit & quoduplex ostendit, quæ Hippocrates per continentia, contenta, & impellentia designavit. Neque solum hominem iam numeris omnibus completum, sed etiam primam illius procreationem perquirat : de semine, & menstruo generationis nostræ principiis, de conceptione & primâ partium conformatione, de motu fœtus & perfectione, de quæ illius cum parentibus similitudine disputat. Sub hac parte continetur Anatome, artificiosa scilicet corporum sectio, qua particularum omnium situs, & connexus accuratè per autopsiam dignoscuntur : ex cuius certitudine Galenus tot falsas Philosophorum opiniones ubique confutavit.

ΠΑΘΟΛΟΓΙΑ verò, quæ nobilissimam sub se partem αἰτιολογικὴν continet, cognita perspectaque per Physiologiam naturali hominis compositione & constitutione, ad ipsos affectus qui illi secundum & præter naturam accidunt, cognoscendos aggreditur. Docet igitur quid sit sanitas, neutra constitutio, actio, passio, causa, morbus, symptoma : definit enim morbum, morborum genera diuidit, & differentias assignat, enumerat causas, concausas, externas, internas, antecedentes, coniunctas, materiales, immateriales, manifestas & occultas. Docet quid sit symptoma, symptomatum causas & differentias examinat. Denique particulares omnium corporis partium morbos & symptomata enumerat. Pars hæc est nobilissima, & quæ Medicinam perfecisse videtur. Quoniam verò constitutiones istæ variæ non possunt à Medico, nisi certis quibusdam signis dignosci, ideo duabus hisce Medicinæ partibus necessario successit

ΣΗΜΕΙΩΤΙΚΗ, tantopere ab Hippocrate celebratam τειμαρὸν continens : hæc enim signorum seriem describit, quibus non solum agri corporis, sed & salubris & neutri statum possimus agnoscere : quæ ut variam temporis differentiam respiciunt, sic etiam dicuntur διαγνωστικὰ, προγνωστικὰ, & ἀναμνηστικὰ, prout præsentem, futuram aut præteritam sanitatem, morbum, vel neutralitatem representant. Ideo σημειωτικὴς duæ præcipuæ partes existunt, προγνωστικὴ & διαγνωστικὴ.

ΠΡΟΓΝΩΣΤΙΚΗ quidem docet prævidere varios morborum euentus, diuturnitatem vel brevitatem, securitatem vel periculum, idque per observationem κλινικῶν καὶ λόγων, μετεωρολογικῶν ; habita etiam ratione certorum dierum criticorum, contemplabilium aut indicatoriorum & intercidentium, quibus istæ mutationes contingere solent. Hanc prognosin cum summus Hippocrates teneret, diuinis pene affectus est honoribus : Galenus autem pro mago & vaticinatore Roma habitus. Diagnostice verò quæ consultandi rationem complectitur, docet quomodo ex certis signis pars affecta, affectus natura, & causa deprehendi possint. Adfert in unoquoque morbo signa παθογνωστικὰ καὶ ἀναμνηστικὰ, σφραγιστικὰ, ἀντιγνωστικὰ. Signa autem petit ex causis & effectibus, ut actionibus omnibus naturalibus, vitalibus, animalibus : ab excretis, eorum substantiâ, quantitate, qualitate, contentis, & excernendi modo : à qualitatibus

ribus mutatis, quæ vel in exteriori habitu posite sunt, vel alio quouis modo sensibus nostris percipi possunt, ut ad ea quæ interiora sunt, Medici discursus penetrare possit.

Cognito ergo tam naturali quam non naturali statu, statim sequitur medica actio, quæ varia est: bona enim valetudo conseruari, non adeo bona reduci, si iam adsit si futura, præcaueri: mala vero, tolli & curari, ac, si non possit, mitigari saltem debet. Hinc emergunt quinque actiones Medicinæ præcipuæ, nempe conseruatio, reductio, præseruatio, curatio, & mitigatio, sub duabus illis partibus quas practicas vocabamus.

ΤΡΕΙΒΕΙΝ enim est illa, cui Galenus duplicem scopum voluit esse propositum: corpus scilicet sanum in pristina eius temperie tueri, vel si deficiat, in meliorem reducere, donec εὐεχία sit consecutum: quæ conseruat similibus, contrariis restituit. Ad quos scopos assequendos vitur rebus à recentioribus non naturalibus appellatis, Aëre, Cibo, Potu, Somno & Vigilia, Excretis & Retentis, Exercitationibus & animi Pathematis, eorumque adiunctis, ut Venere, balneo, & reliquis, quæ Galenus sub quatuor capitibus Admouendorum, Gerendorum, Educendorum, & Assumendorum complexus est. Sub hac parte continentur multæ aliæ, ut ἀποφυλακτικὴ præseruatoria, quæ ad therapeian usque aliquando extenditur: εὐεχτικὴ boni habitus procreatrix, & γυμναστικὴ olim Athletarum collegiis maximè exculta: παιδοτροφὴ, γερουρικὴ & ἀναλεπτικὴ, ratio scilicet educandi pueros, senes & emaciatos. Neque vereretur huic parti duas alias subiicere, κομμωτικὴ & κοσμητικὴ, comptoriam scilicet & exornatoriam. Quamuis enim Galenus neget aliquando istas ad Medici dignitatem pertinere, neque ab eo nisi à magnis Principibus coactò exercendas, multi tamen veterum clarissimi Archigenes, Heraclides Tarentinus, Crito, nostræque ætatis homines clarissimi partes has excoluerunt: neque tam Stoicus aut μισοκαλῶν fuit Galenus, quando huius artis summa capita tradidit lib. I. κατὰ τόπους.

ΘΕΡΑΠΕΥΤΙΚὴ superest, iatρική, curatrix & medicatoria dicta, quæ corporis humani affectus contra naturam certis præceptis & quasi regulis curare docet, sumptis indicationibus à morbo, morbi causâ, totius ac partis natura: non neglectis coindicationibus & contraindicationibus. Idque tum in genere, vniuersali scilicet methodo, tum in specie, in vniuscuiusque affectus sublatione exequitur, triplici instrumento, Diatâ scilicet, Pharmaciâ & Chirurgiâ, vnde totidem Therapeutica partes recensentur. Diatæ instituendæ ratio exigit perfectam facultatum quæ alimentis insunt cognitionem, item debitæ preparationis, quantitatis, temporis, & ordinis obseruandi in cibo potuque agris exhibendo, necnon aliis rebus non naturalibus ritè instituendis. Pharmaceutice continet totius materiæ medicæ, rei scilicet herbariæ, sub quâ βοτάνικη, metallicæ, & ex animalibus petitiæ cognitionem, electionem, præparationem, mixtionem & conuenientem illius administrandæ modum. Sub præparatione continetur Chymica, seu Spagyrica ad extractions medicamentorum & separationes partium purarum ab impuris faciendas, supra vulgarem rationem hodie celebratissima.

Chirurgia denique diuiditur ab actionibus vniuersalibus in σύνθεσιν, πρόθεσιν, ἀφαιρέσιν, & ἀφύλαξιν, coniunctionem, appositionem, diuisionem & ablationem, quæ infinitas sub se alias simplices, vel ex his mixtas complectuntur, phlebotomiam, arteriotomiam & similes, suis quasque tractatibus explicandas. Atque hæc de Medicinæ partibus & prolegomenis dixisse sufficiat, si modo annotauerimus Neotericos has omnes tractationes in tria distraxisse capita, rerum scilicet naturalium, non naturalium & præter naturam, siue sint signa, siue corpora, seu causæ. Naturales res spectant corporis iustam constitutionem & compositionem: res præter naturam

naturam complectuntur ea omnia, quæ particulari nostræ naturæ sunt aduersa: non naturales medio modo se habent, quia sunt externa omnia, quorum usu corpus nostrum modò leditur, modò iuuatur, prout variè sunt constituta, siue agant in nos necessariò & ordinariè, seu casu tantum & fortuitò. Nunc ad Physiologiæ nostræ tractationem accedamus.

De naturæ apud Medicos acceptione, & de Physiologia particularius.

VT nihil est naturæ nomine vulgariùs, sic etiam nihil quòd plures significationes apud varios homines tam eruditos quam ineruditos acceperit, quam naturæ nomen: quod nobis propositum est hic prius distinguere, quàm Medicam Physiologiæ quæ à naturâ nomen desumpsit tractationem exordiamur.

Naturam itaque omnes duplicem faciunt, prout vel uniuersi huius, vel uniuscuiusque rei in suâ specie aut individuali constitutione imaginem contemplantur: Hinc natura naturans, & natura naturata: natura indiuiduans & indiuiduata: natura vniuersalis & particularis. Naturam illam naturantem qui dicit, quid aliud quam Deum dicit? qui prima est & infinita natura, prima causa omnium, naturæ particularis, facique Creator & Dominus, omnia per sese & per causas secundas faciens. Hoc luculentis verbis expressit Galenus 9. de placit. Quæ substantia sit naturæ, quæ nos & finxit & gubernat, non audeo pronunciare, sed nostræ creationis, & aliarum rerum omnium authorem, vt omnibus hominibus mos est, Deum appello. Vnde videre est quàm falsò impietatis à quibusdam insimuletur. Alij malunt naturam hanc vniuersalem non quidem Deum esse, sed ordinariam Dei potestatem, vt fortunam eius voluntatem: vnde Hippocrates Φύσιν πάντες θεοὶ διέκρινον: alij ordinem connexionemque causarum cum effectibus, vt Stoici: alij vim formarum omnium inferiorum à superioribus pendentium in effectione & conseruatione, vt Astrologi: alij vero consinxerunt animam quandam mundi πανταρχίαν, quam Plato in Timæo Φύσιν διαίτην vocat, Auicennas vero in metaphysicis Chalcideam, quæ mundanæ huic materiæ præsit. Sit ergo hæc natura Deus aut Dei vis vniuerso huic mundo infusa.

Naturæ verò particularis seu indiuiduata nomen etiam apud Philosophos multipliciter sumitur nam aliquando tam latam habet significationem, vt synonymum sit cum vocabulo rei & entis, & complectatur quamlibet essentiam substantiæ corporeæ & incorporeæ, cuiuslibet accidentis sensibilis & insensibilis. Alias contrahitur ad substantiam, eamque corpoream, quæ principium est internum motus & quietis per se & non per accidens, vt est definita ab Aristotele in Physicis libro secundo. Aliquando natura Philosophis communiter & quasi improprie sumitur pro quauis differentiâ specificâ, vt quando dicunt aliam esse auri & argenti naturam; aliam equi & canis: pro quouis accidente proprio seu inseparabili, vt dum dicunt naturâ ignem calefacere, hominem naturam ridere, &c. Sumitur etiam pro energia & viribus, dum naturas herbarum, gemmarum & similium vocant.

Medici naturæ nomen ad proprios suos usus transferentes, de tribus potissimum rebus, vt ait Auerrhois, naturam dicunt: Primò de facultate seu virtute: Secundò de complexionem seu temperamento: Tertiò, de compositione seu corporis quauis constitutione, quæ ad agendum vel patiendum concurrat. Quod ad facultatem spectat, illud videre est apud Hippocratem & Galenum libro tertio de facultat. simpl. cap. 13. qui passim alimentorum, medicamentorum, & similium facultates ac naturas pro eodem, nempe eorum viribus & energia sumunt. Nec illud solum ad fa-

cultates corporis, sed etiam animi transferunt: Unde apud Hippocratem natura, id est ingenium seu indoles ad Medicinam & alias artes ediscendas est ἡγεμονικώτατον & principalissimum instrumentum.

Quod ad complexionem verò seu temperamentum attinet, illa tam vulgaris est est & recepta apud Galenum usurpacio, ut propria Medicis videatur, quod patet ex comment. in Aphorism. 2. sect. 3. & 51. sect. 2. Item libro de temperamentis. Naturam, inquit, cum dico, totam substantiam & mixtionem intelligo, quæ ex primis elementorum qualitatibus emerfit, omnium in nobis actionum authorem. Tuncque temperamenti significatum extendit ad calorem usque innatum, ut habetur comment. in Aphorism. 15. sect. 1. Ventres hyeme calidissimi naturâ, id est calido innato: nam 2. ad Glauconem, calorem nativum esse vult vel animæ ipsius substantiam, vel primum eius instrumentum: quod se habeat ut agens & forma, ceteræ partes ut patiens & materia: Hinc natura αὐτοδιδασκτοῖς apud Hippocratem lib. de arte. Hinc morborum medicatrices, præcipuè humoralium dicuntur, quia calidum illud agit, concoquit, præparat, & expurgat causas earum dispositionum: eoque evanescente aut imminuto omnes corporis functiones labefactantur. Nec solum id de corpore humano, sed etiam de quibusvis rebus mixtis intellexit Galenus, in quibus propria temperies & caloris in certâ materiâ gradus, variarum facultatum & virium est author. Non igitur per naturam, ἡγεμονικὸν & calidum innatum accidens tantum audit Galenus, sed substantiam quandam ex humido primigenio & vivifico calore conflata, quæ sit internum illud principium motus & actionum omnium in rebus mixtis: superiorem enim aliam formâ & quæ sensibus sit imperceptibilis, non est Medici indagare.

Quod ad tertium naturæ significatum attinet: certum est apud Medicos quodcumque potest ad aliquid efficiendum in homine vel agendo vel patiando concurrere, illud etiam aliquando naturam dici: ut figuram, compositionem & similia: hinc 1. epid. maximè moriebantur, inquit Hippocrates, quibus natura vergebat ad tabem, qui videlicet habebant pectus angustum, collum oblongius, tibias graciles, & scapulas ἀστεργώδεις, alarum instar conformatas. Atque hæc de naturæ significatis, quæ erant intelligenda priusquam ad Physiologiæ Medicæ tractationem accederemus, quæ à naturâ ideo suum nomen desumpsit, quod in eâ omnem naturalem hominis constitutionem, secundum suas facultates, complexionem, & compositionem variam describere soleant Medici.

Supereſt tamen adhuc quedam difficultas eximenda, propter eos qui Physiologiam Medicinæ partem esse inficiantur. In illâ enim, aiunt, nihil tractatur, quod à Phisicis non fuerit iam traditum, v. g. ab Aristotele lib. de cœlo, de ortu & interitu, de animâ, de historiâ animalium & alibi passim. Cui nos ita satisfacimus dicentes, hoc nihil impedire, quin Physiologia sit propria Medicinæ pars: repetit quidem multa ex Philosophia: differt tamen ab eâ tum fine, tum tractationis modo. V. g. adfert Philosophus ut probet animalia omnia ex quatuor elementis esse constituta, mutationem, alterationemque secundum primas qualitates, quæ omnibus animalibus contingunt. Medicus verò ut probet non omnia animalia & mixta, sed ipsum hominem ex eisdem elementis esse constitutum, assumit quidem iam in superiore scientiâ velut de genere dicta & confirmata: adducit tamen alia ex propriâ professione petita, ut dolorem, humorum, partiumque diuersitatem, varios morbos, & cetera eiusmodi, quibus idem confirmat Hippocrates libro de naturâ humanâ. Præterea, ut asserit Galenus libro de partibus Medicinæ, notitiæ illæ, sine quibus ars aliqua cognosci, illiusque finis minime attingi potest, partes sunt ipsius Artis: verum sine notitiâ humorum, temperamentorum, partium, functionum, de quibus Physiologia agit; neque certa Medicina cognitio haberi, nec finis illius attingi potest; rectum enim,

sine

sive naturale, est index sui & obliqui eius quod est præter naturam. Vnde Hippocrates libr. de veteri Medicinâ: ἐκ ὧν δύνατον ἰσχυρῶς εἰδέναι, ὅτις διδεν ὅτι ὧν ἀνθρώπων, καὶ ὅπως ἐγένετο παρ' αὐτῶν, καὶ ὅπως συνέπαυεν: necessarium, addit ille, est Medico hæc accuratè scire, ὥστε τὴ μέλλει τῶν δέοντων ποιῆσαι.

Quod si argumentum ab illis propositum valeret: Philosophia tractat de eis quæ & Physiologia medica, ergo hæc non est Medicina pars: tollendæ essent omnes particulares scientiæ, quæ entis affectiones particularius persequuntur: Generalis enim illa Philosophia tractatio, quid est quod non attingat? cum etiam Aristoteles causas morborum & sanitatis explicare ad Philosophum pertinere dixerit. Crediderim ego Medicinam Physicæ subiectam & subalternatam, non solum ratione subiecti, sed etiam demonstrationum & principiorum quæ ab illâ repetit: Vnde vult Hippocrates libr. de decenti ornat. Philosophiam in Medicinam esse transferendam, ac vicissim Medicinam ad Philosophiam. Habere tamen suas tractationes, in quibus particularius versatur, à generali illâ cognitione distinctas. Quod Physiologia medica potissimum contigit: cuius nos tractationem septem capitibus complectemur: quorum primo agemus de elementis: secundo de temperamentis: tertio de partibus: quarto de humoribus: quinto de spiritibus & calido innato: sexto de facultatibus & functionibus: septimo de primâ hominis conformatione.



CAPVT PRIMVM.

De Elementis.



APEPTON DE PRINCIPIIS RERVM NATVRALIVM ADVERSVS PARACELSV M ET CHYMICOS. Vetustissimi homines, qui rerum naturalium causas primi indagarunt, cum earum vicissitudines, motus ac mutationes mirarentur, factum est vt scitè rerum omnium principia scrutati sint à confessis notisque ordientes, & ab his ad ignota procedentes. Ex fluxu enim & refluxu quo sublunaria ista continuè versari videmus, (Hippocrates ait libr. i. de diata, ab orco ad Iouem, à Ioue ad orcum omnia reuertuntur) mutabilia esse omnia quæ naturâ constant, rectè statuerunt. Præterea mutabilitatem hanc considerantes attentius, tandem animaduenterunt in omni mutatione aliquid remanere ex quo omnia fierent, & in quod omnia reuerterentur, ipso interim permanente: aliàs mundum citò interiturum defectu quasi pabuli & materiæ, nisi in mutationibus omnibus, non solum eis in quibus neque nomen, neque naturam res amittunt, vt cum homo calescit, refrigeratur, dormit, vigilat, & similia: verum aliis in quibus vtrumque deperditur, vt cum ex semine homo, ex ouo pullus generatur, daretur aliquid perpetuum & semper subsistens: Hinc manarunt recepta illa apud Physicos axiomata: ex nihilo (naturaliter scilicet & extra creationem) nihil fieri, & rem nullam per se subsistentem ad nihilum reduci.

Hanc autem perpetuo permanentem rem dum explicare voluerunt, varij & pugnantes fuerunt: alij enim atomos & ἀτόμους corpuscula, indiuidua & variis figuris prædita per inane, immensum, seu vacuum volitantia: alij partes quasdam homimeris in omnibus rebus contentas: alij vnum vel duo ex receptis elementis, quia videbant ea inuicem transmutari, & esse rerum mixtarum fundamenta: Attamen in eo errarunt, quod vltimum omnium rerum subiectum, quod vltius in alia resolui non potest, certâ donarunt formâ, cum omnibus nudatum & priuatum esse debeat. Ex eorum tamen argumentationibus posteriores rectè collegerunt, res omnes generabiles & corruptibiles compositas esse ex duobus principiis, videlicet re quapiam permanente seu subiecto, & ea quæ in hoc per motum aut mutationem inducitur forma.

Cæterum cum non eandem formam in his manere, sed mutari & aboleri frequenter in subiectâ materiâ viderent, non tamen quamlibet in quodlibet introduci, vt neque omni ex ligno Mercurium, sed ex certo & determinato aliud fieri cognouissent, alterius principij necessitatem comprehenderunt, propter quod subiectum vnâ magis formam, quam aliam recipere posset: hoc principium priuationem vocarunt, non puram quidem negationem, sed aptitudinem potius seu habilitatem ad formas suscipiendas, intelligentes materiâ insitam, quæ sit principium rerum, non quatenus existunt, aut factæ sunt, sed quatenus fiunt aut fieri possunt. Et sic emerferunt tria illa principia rerum naturalium, non quidem per se aut seorsim subsistentia, sed solâ cogitatione separabilia: κατ' ἄνωγον ἐλάχις.

Hæc est Peripateticorum de principiis philosophia, ab vniuerso eruditorum cœtu summo applausu recepta ab hinc mille & quingentis annis: quam tamen hodie nouatores quidam ex grege potissimum Chymistarum, improbare nituntur, vt suam deinceps adstruere possint sententiam. Obiiciunt enim Aristotelem & eius sectatores corpora ex incorporeis constare: materiam enim & formam non esse corpus, ac proinde corpora non posse ex eis, tanquam partibus essentialibus constare. Præterea dicunt: illa materiæ primæ cognitio tam est obscura, & difficilis, vt ad eam nec per σύνθεσιν, nec ἀνάλυσιν perueniri possit, sed per analogiam tantum quamdam intelligitur. Existimant ergo nostri sufflones, corpora non componi ex aliis quam ex his in quæ resoluuntur. Denique principia notiora esse debere compositis, cum contrarium tamen contingat in principiis illis assignatis, quæ vix intellectu percipi possunt.

Istis itaque obiectionibus est satisfaciendum, priusquam illorum opinionem examine mus: hoc primum in memoriam reuocato, principium scilicet ab elemento ita distinguui, vt principia extra compositum non sint nisi solâ cogitatione, quodque ex ipsis elementa etiam ipsa fiant: elementa autem mixtorum omnium esse materiam quam secundam vocant, & ex mixtis iterum generari. Ideo non est necesse hæc principia corpora esse & substantias completas per se subsistentes, sed incompletas, & quæ prima illa corpora simplicissima, nempe elementa, constituent. Aliàs, si non esset deuenire ad aliquod corpus simplex, quod non rursus ex aliis componeretur corporibus, fieret progressus in infinitum. Nos igitur ex incorporeis prima & simplicissima illa corpora componimus, non quidem per se & separatim subsistentibus: numquam enim materia sine formâ, aut hæc sine illa fuit; sed concursu suo quasi coniunctione hoc vel illud elementum secundum varias mutationes constituentibus. Ac proinde obscura est illa materiæ primæ cognitio, quam veteres Philosophi sub Prothei nomine, Scriptura sacra sub nomine Chaos expresserunt, propter magnam imperfectionem, & quia sensibus non est perceptibilis. Sufficit ergo illa analogia, quæ petitur à materiâ secundâ & aliis rebus tam attritam quam naturæ subiectis. Cognoscitur tamen per analogiam aliarum rerum, quæ pro subiecto in rebus manifestioribus esse solent. Non enim est necesse principia naturæ esse notiora ipsis compositis seu effectis, quippe ex his illa intelliguntur: quod Chymici distinguere nesciuerunt, & ideo voluerunt principia esse rerum omnium quæ arte spagyricâ ex corporibus elici possunt: quod nobis iam est confundendum.

Sal ergo, sulphur, & mercurium facit Paracelsus tria rerum omnium principia, mixtorum, simplicium corporum, imo etiam aliquando incorporeorum, quasi vnquam angelum vel dæmonem distillasset, tanta est homini amentia, in quibus etiam valde est inconstans. Per quæ nomina, vt clariores illius discipuli referunt, non communia & omnibus nota tria illa mineralia corpora significauit, sed per sulphur intellexit quidquid in corporibus facile accenditur: per salem, quod fundum petit velut cineres: per mercurium, quod liquatur magis aut in fenum seu vaporem sublimatione tollitur. Hæc tria cum corpora sint actu & per se subsistentia, vult tamen fumosus ille Philosophus esse rerum omnium etiam simplicissimarum principia: corpora enim esse ex ipsius sententia patet, quandoquidem vult per artem ita separari, vt in conspectum & contactum veniant, ac distinguantur inuicem: quod non potest nisi vero corpori competere. Si vera igitur sunt corpora, actum habent per quem existunt, & potentiam in qua actus ille existit. Præterea cum sint mutabilia ex ipso met Paracelso hæc principia, diuersa enim & pugnancia constituit genera salis, mercurij & sulphuris: quæ mutari poterunt, nisi habeant subiectum

subiectum mutationis suæ, & speciem quâ induantur post factam mutationem; ergo
& formam & materiam habeant necesse est.

Verum dicet aliquis, in hæc tria per spagyricam artem omnia mixta resolvuntur, ergo in illis fuisse oportuit. Respondemus primum, quod ad naturam principij attinet, non oportere corpora dissolui in prima illa principia ex quibus composita sunt: hæc enim propositio intelligi debet de partibus naturalibus & corporatis, seipsis actu & seorsum subsistere valentibus: ac proinde ex eo quod Paracelsici volunt illa tria esse separabilia, conficiunt etiam non esse rerum naturalium principia. Sed donetur hoc Paracelso parum Philosophiæ perito, ut principium pro elemento sumpserit: an concedendum illa esse elementa rerum naturalium? Respondemus, nullo modo: nam quod ad elementa, cœlos & similia spectat, quis umquam concesserit eiusmodi Chymicis ex purâ aquâ, vel aëre, aut cœli partibus elici posse hoc sulphur, sal & mercurium in alembicis suis? Quare si non possunt elicere ex illis simplicibus corporibus, sequetur hæc non esse ex illis composita, & saltem esse æquè simplicia: cur igitur non erunt mixtorum elementa potius quam ista Paracelsica? Quod ad mixta vero & elementata attinet, dicimus, non esse necessarium ut ea constent ex illis omnibus, quæ arte ab eis elici possunt, vel etiam in quæ aliquando resolvuntur: quis enim nescit animantium corpora in pediculos, vermes, apes, & similia fuisse conuersa, ex quibus tamen nemo umquam dixerit illa fuisse constituta? Imo multa sunt ex quibus corpus nostrum verissimè constituitur, in quæ tamen neque naturâ, neque arte resolui potest, ut semen & sanguis menstruus. Sic eliciunt Chymici ex mixtis elementa illa tria, quæ respondent quodammodo veris elementis utpote liquorem aquosum aquæ oleum duplex, rubrum & splendens igni, flauum aëri, & salem terræ. Quod illi obscuris verbis exprimere voluerunt, ut artem suam commendarent: nos veram & ultimam resolutionem spectamus, quâ res mixtæ in quatuor concessa elementa faceffunt, certis suis sedibus vniuersi compagem constituentia.

Ostendant nobis quæso Chymici loca propria, in quibus naturaliter hæc tria sua elementa quiescunt: dicant, ubi dicata sedes sulphuri, mercurio & sali, quò transire possint; & inde repeti ad generationem. Si hîc maneant in centro mundi & terram nobiscum incolant, audient statim terram in illis adhuc dominari & elementata esse terræ, aëris, aquæ, & ignis plus minus participia: nec vlllo modo elementa prima rerum mixtarum dici posse, multo minus corporum simplicium principia. Atque hæc pro digressionē nostrā aduersus Chymicos sufficiant: quorum sententia hic destruenda fuit, quoniam ex istis principiis illi deriuare conantur, non solum rationem temperamentorum, partium & similium: sed variorum morborum & causarum, nec non medendi methodum.

QVID ELEMENTVM ET QVOTVPLEX. Elementum quasi alimentum appellari volunt aliqui, eo quod illis velut alimentis foueantur conferuenturque mista corpora. Græci στοιχεῖον appellarunt ab ordine, quod illa quodam quasi ordine & proportionem inter se constituta mundum & mixta ipsa componant. Estque nomen relationis, quia est tale habito respectu ad id cuius est elementum, proptereaque homonymiam patitur pro diuersitate rerum quas componit. Nam in Geometria dicuntur elementa punctum, linea, superficies, & similia: In Grammaticâ literæ vocantur syllabarum elementa: & in magno hoc mundo cælum, ignis, aër, aqua, terra sunt elementa, compositionis scilicet, vt ait Hippocrates *lib. de carnibus*, quia æther superiorem partem, infimam tellus aquæ adiuncta, mediam aër occupat. Physici autem & Medici hoc nomen contraxerunt ad significanda ea corpora simplicia, ex quibus mixtis & variè alteratis reliqua constituuntur.

Aristoteles enim sic definit *5. metaph. στοιχίον ἐστὶ τὸ ἐκ συνθέτου πρῶτον ἐνυπάρχον* & ἀδιαίρετον τὰ αὐτὰ ἐς ἕτερον ἀδιαιρέτων, id est, *elementum est ex quo fit aliquid primum cum infit* & est indivisibile secundum speciem in aliam speciem: omne enim elementum, ut docet ille, materię rationē obtinet: quare ex eo aliquid fit: inest autem rei quę fit, quo modo differt à privatione, ex quā tamen tanquam ex termino aliquid fit, sed non manet in re quę fit. Dicitur indivisibile secundum speciem, ad differentiam primę materię, quę cum speciem seu formam certam non habeat, dici non potest divisibilis secundum eam; & ad differentiam materię secundę quarumcunque rerum, quę cum sit composita ex ipsis elementis, diuiditur in alias species. Galenus i. *de elementis* & 9. *de decretis*, non fuit diuersus à Philosopho, dum ait, *elementum esse illud quod est minima pars eius cuius est elementum*: intelligere autem oportet, addit ille, mi-

nimum quod amplius diuisionem recipere nequit secundum speciem, nam secundum magnitudinem nullum datur reuera huiusmodi: minimum enim illud ad sensum sunt partium corporis nostri particule, quasi dicas atomos, & minutula corpora, de quibus non est nobis hic propositum agere, sed de corporibus illis simplicibus, & secundum speciem indiuisibilibus.

Hæc autem quatuor esse prisca illi Philosophi repperunt, nempe ignem, aërem, aquam & terram, quæ totam sublunaris huius mundi capacitatem implent, vñ sensum fide & discursu. Nam siue rerum mixtarum generationem spectes, siue causarum dissolutionem vltimam & naturalem, perpetuò ista tibi elementa quatuor occurrent. In generatione quidem qualitates contrariæ materiam temperantes & miscentes non vniformem, sed aqueam magis aliquando, aliàs reliquorum elementorum naturam magis redolentem, ostendunt quatuor illa corpora primarum qualitatatum susceptiua ibi adesse. In dissolutione autem illud manifestè apparet, etiam rerum quæ sensui simplicissimæ videntur, vt lactis, vini & similium: vinum enim dum putrescit, videmus fæcem crassam & terream subsidere, aqueam partem & inspidam adesse, cui flos quidam aëris & ignis particeps supernatat, quorum tamen præcipuas partes exhalasse, imminuta valde quantitas testatur. Deinde cum corpora ista quatuor per circularem generationem inuicem transmutentur, vt vnum alteri totam materiam præstet & in illud faceffat, quod non fit in rectâ aliorum corporum generatione, coniecerunt aptissimè illa esse materiam hanc secundam, ex quâ res omnes mixtæ constituuntur. His addunt Medici rationem ex diuersâ partium corporis nostri & aliorum *ἀνομομερῶν* naturâ peritam: ossa enim verbi gratia, cartilaginee & ligamenta sensibilibus terram repræsentant; humores aquam; spiritus & flatus aërem; calidum tam influens quam innatum, ignem: Ac proinde putant errasse illos, qui vnicum rerum omnium elementum statuebant: quia sic, ait Hippocrates *lib. de naturâ humanâ*, nullum haberet contrarium per quod mutatio fieret, ergo numquam corrumpetur homo verbi gratia, neque doleret (quia dolor ab obiecto sensibili confertim immutante) non essent diuersæ species & idæ morborum, neque diuersa ad curationes remedia, sed *ἐν τῷ νόσῳ καὶ ἐν τῷ ἰώμενῳ*. Falluntur etiam illi, qui infinita faciunt elementa secundum minimas partes, quæ sensui appareant, vt docet Galenus *lib. de elementis*; siue enim diuersi generis faciant, vt Anaxagoras, in eo erant quod minima physica quæ actu non dantur, casu quodam ad generationem concurrentia ponant: siue eiusdem generis, vt Democritus, solis figuris discrepantia; quia inter contraria debet fieri generatio; & per alterationem, non solam approximationem mixtio, vt post videbimus. Nec requiritur quod illi putant, elementa esse numero infinita; quia rerum generatio infinita est: sufficit enim elementa hæc quamuis actu finita, nusquam perire, sed per successiuas generationes qua si infinita esse potentiâ, sicut ex viginti quatuor literis infinita nomina linguarum constant. Qui duo aut tria tantum elementa statuunt, in eo videntur deficere, quod cum recipiant corpora quædam esse primarum qualitatatum susceptiua, vnâ tamen aut duas ex illis sine primo & proprio subiecto relinquere coguntur. Vt illi qui statuunt quinque, nouam etiam aliquam qualitatem fingant necesse est, quæ in corporibus mixtis reperiatur: vnde illi calorem nostrum diuinum & cœlestem appellare coacti: Nam quod spectat ad quintam illam Chymicorum essentiam, nihil est aliud quam compositum attenuatum, & sub olei specie extractum, vires illius eminenter retinens. Qui sex, vt Empedocles addens & amicitiam, male facit, quia mixtorum affectiones pro eorum elementis & causâ materiali ponit. Pythagoreorum autem doctrina, quæ omnia ad numeros: vel Platoniorum, ad certas figuras geometricas mundi & mixtorum constitutionem refert: vel est mystica, vel certè non satis firma, vtpote quæ ignorasse videtur numerum & figuras affectiones esse substantiæ & sequi substantiam, ac proinde illius causas aut elementa esse non posse.

Maneamus igitur in receptâ Philosophorum ac Medicorum sententiâ de numero elementorum: quod enim Montanus & Cardanus hac in re innouare voluerunt, satis ab aliis fuit refutatum.

QUALIA SINT ELEMENTA. Diximus prius elementa esse corpora simplicissima, ex materiâ & formâ constantia, quæ materiam primam & simplicissimam etiam vocauimus: illorum itaque formas oportet esse imperfectissimas & naturæ materiæ vel accidentium ex Auerrhoë propinquissimas: quoniam elementa reliquorum mixtorum sunt materia secunda. Ideo Alexander voluit grauitatem & le-

uitatem

nitatem esse eorum formas; quandoquidem hæ qualitates videntur esse motus principium in elementis, & hac ratione veræ sunt mundi partes. Alij qualitates primas, caliditatem nempe, frigiditatem, humiditatem & siccitatem, vt Galenus; qui 1. *de elementis*; si *caliditas*, ait, *summa & siccitas materia coniungantur; ignis fit*, & *comment. in 1. de naturâ humanâ*, vbi habet summam caliditatem cum materiâ, ignem facere; summam verò humiditatem, aquam. Qui omnes quamuis probabiliter suam tueantur opinionem, videtur tamen mihi forma elementorum aliquid magis intrinsecum & nobis occultum esse, vltra prædictas qualitates: aliàs fatendum esset qualitates esse corporeas cum Stoicis, vel saltem substantiæ partes: substantiam intendi & remitti, & formas esse compositas, nimirum ex duabus qualitatibus quæ vnicuique elemento insunt. Clarissimi tamen illi viri coacti sunt elementorum formas per qualitates illas exprimere, non quod veræ sint eorum & substantiales formæ, sed accidentia formam comitantia, & ad eorum actionem proximè facientia.

Quæ igitur illæ sint, accuratè debet inquirere Medicus; vtpote qui compositorum omnium qualitates, vim ac facultates ex componentium naturâ & modo rimatur. Ponuntur autem duplices hæ elementorum qualitates, quædam nimirum primæ, caliditas, frigiditas, humiditas & siccitas: quædam secundæ, vt leuitas & grauitas: illæ alterant, hæ vero mouent. De qualitatibus ergo primis erit nobis sermo, qui hominis temperamentum, non mundi compositionem, habemus inuestigandum & rerum mixtarum facultates. Per has autem qualitates τὸ θερμὸν, τὸ ψυχρὸν, &c. absolutè dictum, elementa vt plurimum designat Hippocrates.

Aristoteles 2. *de generatione & alibi*, vt quaternarium elementorum numerum constituit, ita singulis elementis tribuit singulas qualitates excellentes, aliam verò remissam eius comitem: itaque ignem summè calidum, remissè fictum: aërem summè humidum, remissè calidum: aquam summè frigidam, remissè humidam: terram summè siccam, remissè frigidam statuit. Galenus *comment. in lib. de naturâ humanâ*, & *lib. de elementis*, etiam vnicuique elemento duplicem tribuit qualitatem, sed vtramque summam & excellentem: cui & ratio & ipse Aristoteles fauere videtur, nam *lib. 4. meteor.* summam humiditatem aquæ concedit: & in *physicis* scripsit, id quod minus tale est, ob contrarij mixtionem minus esse tale. Itaque si in vnoquoque elementorum vna est qualitas remissa, altera intensa, oportebit esse adhuc contrariæ permixtionem, qua vis & excessus alterius retundatur; & sic tres erunt, non duæ qualitates tantum. Nec est quod reclamant Peripatetici, hoc non fieri per contrarij permixtionem, sed ab æterno vel in creatione sic condita fuisse elementa. Quamuis enim elementa tota de nouo nunc minimè generentur, singulis tamen diebus per partes generantur: in quâ permutatione oportet & tria illa concurrere, vt vnius qualitatis remissio contingeret. Poni igitur potest in elementis vtraque qualitas æquè intensa, quamuis vna aliquando remissior appareat, propter substantiæ modum, raritatem scilicet vel densitatem (ignis enim verbi gratia in materiâ valde rarâ non comburit, vix calefacit) vel alterius qualitatis coniunctionem. Vnde in igne caliditas maior quam in aëre, propter iunctam siccitatem quæ lima est caloris: & aqua magis humectat aëre propter partium crassitiem, sed in solâ superficie corporum: nam aërea magis peruadunt interiora, vt patet de oleosis omnibus & pinguibus propter suam tenuitatem.

De qualitatibus tamen aëris adhuc dubitatur, vtrum calidus & humidus: quod enim aër vestes & similia humore diffuentia exsiccet, nemini est dubium: Item aëris perflatum corpora nostra ventilare, & putredinem à corporibus arcere certum est, quam ex humoris dominio contingere omnes etiam fatentur: ergo siccius potius quam humidus videtur. Item non esse calidum contendebant Stoici, vt Seneca *lib. 2. quæst. natural.* multis rationibus; sed frigidum, eo quod ex aquâ quæ naturâ suâ frigida existit, solâ rarefactione generatur, & in medio suæ regionis, vbi maximè naturam suam retinere verisimile est, frigidissimus existit ex ipso Aristotele, motusque aër frigidior apparet: an non eum omnia animantia refrigerij & temperandi natiui caloris causâ inspirant? Adde quod res omnis naturalis remotis iis quæ eam alterabant, redit in naturam suam: sed aër vbi sol recedit à nobis per hyemem, aut solâ absentiam per noctem fit frigidus: imo autumno eadem die calor & frigus vigent; ergo talis est ex suâ naturâ. Hæc Stoici. Peripatetici vero contendunt aërem esse calidum, quod à causâ calidâ dissolvente fiat, quæ potior est ad temperiem ipsâ materiâ. Quod etiam patet ex rebus aëreis, vt melle, vino, oleo, & similibus

similibus, quorum nusquam tanta est concretio & congelatio, ut frigidorum, humidorumque corporum: Imo illa refectio corporum nostrorum ex cibis aëreâ seu oleosâ & pingui maximè substantiâ constantibus, non potest adscribi nisi caliditati & humiditati: cum aquosa, frigida, humidaque pituitam potius & excrementa producant: vel potius, quomodo leuitas illa & tenuitas aëris frigori coniunctæ esse possunt, cuius contrarij apparent in rebus mixtis effectus? Esetne consentaneum, aërem & aquam diuersa elementa easdem habere omnino qualitates? Refrigeratur ergo facillimè aër ob tenuitatem maximam recedente aut absente sole, potissimum viciniâ aquæ, aut vaporum illi permixtorum, qui nocte densantur & in aquam coalescunt. In mediâ autem sui regione propter antiperistasisim, vel ob continuos vapores eò delatos friget, non ex suâ naturâ, sed ex instituto summi Opificis ad vniuersi conseruationem. Motus etiam quierio sentitur frigidior, & inspiratus temperat æstum cordis, quia succedit in locum eius, qui iam corporis nostri contactu nimium incaluerat. Exsiccatur etiam vestes & alia tenuitate suâ & motu, non siccitate nativâ: Item ob coniunctum calorem solis quo humor resoluitur: qua etiam ratione putredines arcet ventilando, & quasi exagitando humorem. Sic itaque aër calidus humidusque cum tenuitate tantâ, quantâ efficit, ut ferè temperatus, & omnium qualitarum expers videatur: ut sensit Galenus *cap. 4. libri quod animi mores corporis temperiem sequantur*. Quod ad qualitates autem secundas elementorum spectat, ut raritatem & densitatem, crassitiem, & tenuitatem, duritiem & mollitiem, splendorem & opacitatem, illæ vel per se notæ sunt, vel extra nostrum institutum: ad quod iam accedimus.

MIXTIO ELEMENTORVM AD CORPORIS HVMANI GENERATIONEM ET EIVS CAVSÆ. Sciendum imprimis mixtionis nomen, ut patet, non semper eodem modo vsurpari: aliquando enim congeriem & aceruum rerum commistarum, ut milij, tritici aliorumque talium superficies suas integras seruantium significat, & propriè est appositio: interdum verò compositionem duorum, trium, vel plurium corporum ita inter se confusorum, ut quamuis singula naturam suam seruent, ac aliquando iterum separari possint, vnum tamen ex omnibus confectum corpus denotat. Tale est corpus illud ex aquâ & vino, similibusque liquoribus compositum, crama dictum: quod non est vnum formâ, sed continuatione tantum: etsi enim neque aqua, nec vinum terminis suis sint separata, sub formâ tamen suâ naturali vtrumque ibi continetur, quomodo in auro argentum & in argento aurum occultatur, quod per aquam separationis dictam secernitur: talia sunt melicratum, hydromel, tetrapharmacum & alia per artem composita. Tertio propriè sumitur mixtio apud Philosophos, quando ex pluribus specie diuersis alteratis & vnitis vnum corpus ita constituitur, ut illud sit à componentium naturâ distinctum, & propriam ab illis omnibus formam sortitum.

Tribus hisce modis corporis nostri mixtionem fieri à variis Philosophis creditum est: Empedocles enim quamuis quatuor vulgata elementa vocarit primas rerum omnium radices, in ea tamen fuit sententiâ, ut hæc non alterari & permisceri dixerit, sed in minima frustula comminuta cum propriis formis & qualitatibus, partium solâ approximatione res compositas constituere. Democritus verò & Epicurus, atomos infinitas fortunâ aut casu concurrentes corporis nostri elementa fecerunt, ita inter se confusas, ut quamuis singulæ naturam suam seruent, ac aliquando iterum separari possint, vnum tamen ex omnibus corpus confectum sit. Nos autem, qui Hippocratis & Aristotelis doctrinam sequimur, tertio modo misceri elementa ad corporis nostri constitutionem putamus, quod inter omnia mixta perfectissimum & aliorum omnium veluti regula existit: ita ut miscibilia hæc ante ipsam vnionem, non solum comminuta & confusa, sed per totas substantias alterata, deinde vnita ac præstantissimæ formæ imperio subiecta sint: Quippe impossibile est, ut ex pluribus inter se commixtis vnum aliquid per se fiat ab omnibus distinctum, si ea quæ sic concurrunt, non alterentur tota: ut enim est apud Hippocratem *lib. de naturâ humanâ*, quamuis elementa sint *ὁμόφυλα & κατὰ πλήθος* conueniant, nihil generare possunt, nisi contingat eâ bene habere *τὴν κῆρσιν πρὸς ἀλλήλας*.

Huius mixtionis causam primariam efficientem censemus esse calorem illum cœlestem per omnia diffusum, & motu superiorum corporum, varioque illorum aspectu adiutum, qui materiam hanc versans, modò immediatè ex elementis imperfectè mixta & animantia, quæ per æquivocam generationem producit: modò intermediis generationibus multis seu mixtionibus procreatione (quidam tamen asserunt hominem etiam

etiam per æquiuocam generationem produci:) nam ex terra conuenienti humore madefactâ & genitali calore perfusâ producit plantas & semina plantarum, quibus vescuntur animalia: ex his omnibus nos cibum capimus: ex cibo humores quatuor diuersi procreantur, & inde semen ac menstruum generationis nostræ primordia, variis qualitatibus primis prædita, quæ sunt instrumentariæ causæ & immediatæ huius alterationis & vnionis: quando certâ proportionē ita concurrunt, vt inde generatio perfecta secundum vnâquamque speciem exoriri possit, ad mundi inferioris varietatem & pulchritudinem conseruandam. Materia itaque elementorum in mistis, & ipsâ hominis structurâ, remanet. Vtrum verò ipsæ etiam formæ cum qualitatibus integris remaneant, & vtrum substantiæ elementorum in mixtione totis totæ permisceantur, an qualitates tantum: Hæc quamuis parum ad rem medicam facientia, vt docet Galenus *lib. 1. de elementis, & lib. 1. meth. cap. 2.* breuiter attingamus, ne quicquam omisisse videamur.

Stoici ergo, qui elementa actu completo ponebant in mixtis, eaque seipsa permeare, ac substantias eorum totas totis permisceri, satis eo videntur refutati, quod penetrationem dimensionum admittebant: fieri enim non potest, ac ne intelligi quidem, vt corporum substantiæ suâ quantitate præditæ seipsas penetrent & quasi subingrediantur. Sed ita diuiduntur, comminuntur & alterantur, vt ad sensum ipsum quasi permixtæ videantur, quod fortassis ipsi senserunt Stoici.

Auicennas verò, Scotus cum omnibus fere Metaphysicis, & Fernelius, parum admodum à Stoicorum sententiâ absunt: putarunt enim in mixto corpore elementa esse in actu completo, quantum attinet ad formas substantiales: neque in formis illis fieri mixtionem aut alterationem vllam, sed elementa inuicem misceri ob primas qualitates, illisque mutuâ actione reductis ad temperiem, quæ alicuius corporis mixti complexioni conueniat, generare mixtum illud corpus. Quæ opinio non videtur etiam recipienda, quamuis multis argumentis fulta. Si enim formæ substantiales remanerent in mixto per actum quem vocant completum, fieri non posset, vt in eo a'ia forma esset præter illas, nam ex axioma Philosophico: *quidquid aduenit enti & substantia in actu per se existenti, est accidens, non substantia*; aliâs vnum idemque corpus haberet duplex esse: & sic plures materiæ partes elementorum formis subsistentes, plurium corporum rationem obtinerent. Et vix possunt illæ formæ tam discrepantes vel secum, vel cum mixti nouâ formâ conuenire, quin citò dissoluerentur.

Auerrhois verò voluit formas elementorum esse imperfectissimas, vt supra notauimus, inter omnes formas substantiales, ideoque plurimum recedere à naturâ substantiæ, & accedere ad naturam accidentium: ita vt more eorum frangi, minui, atque remitti possint; & rursus si contingat, intendi & fieri perfectiores. Quare cum more accidentium se habeant, minuuntur, & augentur vi qualitatū se oppugnantium vt formæ nobiliori subiiciantur, rursus naturam suam resumētes, vbi illa fuerit profligata. Hæc quamuis accuratè & subtiliter dicta sint, multa tamen absurda continent. Primò quòd dicant rerum substantias intendi & remitti, vnde sequeretur hunc ignem modo esse magis ignem quando esset vt octo, modò minus vt quatuor secundum suam formam. Et sic daretur certus remissionis gradus, sub quo minimo consistenter elementa, sub minore vero constare nequirent: ac substantiæ daretur vltimum instans sub quo esset, quòd refutatur 8. *Physicor.* Præterea ridiculum est ponere medium inter illa, quæ non sunt eiusdem generis. Substantia igitur & accidens cum toto genere differant, non possunt dici extrema quæ includant medium: nec potest medium inter substantias & accidentia. Ac proinde sequimur sententiam Hippocratis, Galeni & Peripateticorum, existimantium in mixtis formas elementorum non manere, sed qualitates, easque refractas. Aristoteles sic sentire videtur, dum ait: *Eorum quæ sunt, alia facultate, alia actu sunt: fit autem vt quæ in mixtionem recipiuntur, quodammodo sint & non sint: neque enim actu remanent vt corpus & candor, neque alterum aut vtrumque deletur, quia illorum facultas salua manet.* Galenus *lib. 8. de placit.* commendat Hippocratem, quòd prima elementa nominibus qualitatū designarit: & secunda, humores scilicet, nominibus substantiarum, *potestate siquidem*, ait Galenus, *illæ insunt, non actu in corporibus.* Quòd Hippocrates luculenter confirmat *lib. de carnibus, & de natura hum.* Hæc opinio inter alias omnes mihi arridet, vt multa incommoda videntur. Primò ne detur penetratio dimensionum: Secundò ne generatio mixti sit generatio tantum secundum quid, non simpliciter: Tertiò ne plures formæ substantiales in eadem materiâ admittantur: Quartò ne detur intensio formarum & gradus quidditatis. Et sic elementa mixtis inesse volumus in actu refracto secundum formas,

qui potentia proxima dicitur, ex quâ dum dissoluitur mixtum, ad suam naturam, non numero eandem, sed specie per nouam generationem reuertantur: quemadmodum qualitates ipsæ repressæ fuerunt per mutuam illam actionem & perpeffionem, quando ὅλας δι' ὅλων totæ totis, vt loquitur Hippocrates, in materiâ permixtæ fuerint, & complexionem siue temperiem homini propriam constituerint, quæ est ratio formalis mixtionis illas omnes virtute continens. Atque hæc de mixtionis modo breuiter & pro Medici instituto dicta sufficiant, vt ad temperamentorum doctrinam venire possemus.



CAPVT II.

De Temperamentis.



VID SIT TEMPERAMENTVM. Hippocrates *lib. de naturâ humanâ*, docuit eleganter *μῖξιν*, id est mixtionem elementorum esse primam conditionem, quæ requiritur ad compositorum corporum generationem: ex elementis enim debitâ proportionem *κατὰ δύναμιν* & *κατὰ πλῆθος* permixtis, alteratis, & vnitis exurgit secunda conditio, quæ ab Hippocrate omnium primo, secundum Galeni sententiam, *κρῆσις* seu *κρασις*, temperies seu complexio dicta est, pro variâ rerum generandarum naturâ multiplex & *πολυμόρφη*: de quâ est nobis post tractationem elementorum agendum, quia est immediata eorum sequela & effectus.

Esse igitur *κρασιν*, temperiem siue temperamentum, id satis conficit & demonstrat, quod de elementorum concursu & mixtione iam à nobis adductum fuit. Si enim illa ad mixtorum constitutionem non tantum terminos mathematicos amittunt, vt liquida confusaque: neque tantum se contingunt, vt atomi Epicureæ, sed materiæ elementaris diuisione, & qualitatum perfusione ita alterantur vt continuum fiat corpus & reuera, per formæ quæ introducitur vnitatem: sequitur etiam quamdam esse huius mixtionis rationem, quam barbari meritum complexionis vocant: Aristoteles autem *μῖξιν λόγον*, non vnâ & similem, sed diuersam ac multiplicem: non solum varietate speciei, vt in homine, leone, cane: sed etiam indiuiduorum in eadem specie, quæ infinitis propemodum temperamentorum differentiis inter se distingui, certissimum est. At indiuiduorum seu particulariū velut infinitorum notitia cum sub nullius scientiæ cognitionem veniat, appositè Medici ad certa distinctaque genera infinitos hos mixtionum modos, sub sanitatis lâtitudine reuocant: ad quos priusquam accedamus, temperamenti natura per conuenientem definitionem est proponenda.

Temperamentum igitur Galeno est congrua elementorum ad actiones hominis conuenienter obeundas mixtio: Auicennæ, qualitas noua ex mutuâ actione perpeffionēque calidorum, frigidorum, humidorum, ac siccorum, certâ proportionem (hinc varietates temperamentorum inter species, inter indiuidua, inter partes eiusdem indiuidui) congressorum orta: Recentioribus, harmonia seu concentus earum quæ in mistis elementis sunt principum qualitatum: quasi dicas concordem quamdam mediocritatem ex præcedente eorum discordia exortam. Quod Hippocrates *lib. de carnibus* accuratius distinxit, dum in quauis temperatione elementorum harmoniam agnouit, in specificâ seu congruâ huic vel illi speciei symphoniam: in peculiari verò seu indiuiduâ vniuscuiusque mixtione tonum, qui sit veluti ratio mixtionis certæ & in concreto consideratæ qualitas propria, ex hoc v. g. elementorum in Socratis generationem concursu exorta.

Tria igitur sunt genera quæ in definitione temperamenti assumi solent: mixtio, harmonia, concentus, siue proportio; & qualitas noua: vnde variæ difficultates exoriuntur. Qui enim temperamentum per mixtionem definiunt, illi causam potius adferre, & *αὐτιώδη* definitionem assignare videntur, quam verum genus declarare: certissimum enim est mixtionem non prius efficere temperiem, quam ad iustam & conuenientem moderantiam peruenerit, quæ est ratio formalis ipsius mixtionis. Vt igitur sonus non est percussio aëris, sed ad eam sequitur: sic reuera mixtio temperies non est, sed eam efficit. Galenus tamen temperiem vocauit mixtionem Medicorum more, qui rerum causas proximas sensibiles & ad suæ artis vsum commodas sæpe in definitionibus assumunt, vt dum epilepsiam obstructionem cerebri meatuum febrem calorem

præter

præter naturam & similia dicunt : quod tamen curiosius philosophantem distinguere non impediunt.

Per harmoniam vero, concentum aut proportionem temperamentum definire, est verbis metaphoricis non tam quid sit res, quam cui similis sit, ostendere. Attamen si per illam harmoniam, concentum aut proportionem, non tam meram quamdam & simplicem relationem intelligant, quam certam qualitatem in mixtionis proportionem & concentu positam, nihil impedit, quin defectu proprii vocabuli temperiem liceat harmoniam quamvis metaphoricè appellare : quæ sit accidentalis similarium partium forma : & quatenus est qualitas, ut doctissimè annotavit Auerrhois in *vocabulo similitudinis* : & calida, frigida, humida, ac sicca appelletur : actionesque proprias edat, ac secundarum qualitatum sit causa. Nec eadem est ratio temperiei ac animæ : anima enim cum simplex sit, & incomposita, malè à veteribus Philosophis, ut docet Aristoteles, harmonia aut concentus vocabatur : secus autem est de temperie, quæ ex concursu & concordia quatuor discrepantium corporum exoritur. Neque etiam valet quod alij obiciunt : si temperamentum esset proportio qualitatum ac elementorum, cum proportio & harmonia quævis facillimè, alteretur, muteturque à quacunque causâ etiam externâ : temperamentum nostrum in perpetuâ esset mutatione, nullo modo consistens aut firmum. Quod etsi de aduentitio temperamento fortasse cōcesserimus, de innato tamen minime, quia est proportio ex primo illo concentu exorta, hoc est primâ mixtionis æqualitate, quam corruptio & interitus tantum dissolvere potest. Nec validius est quod dicunt, temperamentum esse principium functionum, ac dari posse aliquam corporis partem, quæ constet eadem elementorum proportionem quâ ventriculus aut hepar, & tamen chylum aut sanguinem non generare. Primum enim negatur dari eandem in variis partibus mixtionis proportionem. Quamvis enim partes omnes vel carnosæ vel spermaticæ dicantur, habent tamen vnaquæque proprium suum temperamenti gradum & formalem rationem quâ distinguuntur inuicem. Deinde cum actiones illæ adductæ non sint purè similes, sed mixtæ, quomodo exerceri poterant ab aliis quæ diuersam habent ab his conformationem & figuram? Probamus tamen maximè Auicennæ definitionem. Cum enim temperamentum non tam ratione elementaris materiæ fiat, quam ipsarum qualitatum concurrentium, æquum est illud qualitatem appellare, cum etiam earum nominibus vulgo donari soleat. Esse autem qualitatem aliam ab ea quæ in primis corporibus existerat : id ostendit quod reducta ad temperiem & remissa, ac omnium illarum quodammodo particeps existit. An non in rebus arte compositis, ut theriacâ, tetrapharmaco & similibus exoritur noua per mixtionem vis & qualitas, quæ in singulis corporibus ad mixtionem sumptis non aderat, illorum tamen naturam redolens? Frustra igitur Fernelius tot verbis hanc definitionem impugnat. Fingit qualitatem hanc Auicennæ simplicem esse reliquis pereuntibus : cum Auicennas tantum velit ex primis illis quatuor refractis, nouam quasi qualitatem exoriri, quam multi quintam appellant, quæ inter alias quatuor simpliciter recenseri non possit : sit tamen modo vnius, modo duarum magis particeps, pro naturâ elementi, quod in mixtione vicerit.

At superest maior in temperamenti definitione ex Galeno allatâ, difficultas, ubi vult congruam elementorum quatuor (non enim duo vel tria elementa sufficiunt ad perfectè mixtum constituendum, sed *per se* tantum & rudiora quædam elementata) mixtionem efficere temperiem ad actiones obeundas idoneam. Atque ideo vocat ubique temperamentum essentiam partium similarium, principium functionum ac facultatum. Auerrhois quoque idem sentit. Quæ qualitati conuenire non possunt, cum & essentiæ rerum per formas compleantur, & ab his omnes proprietates facultatesque proficiantur. Si igitur temperamentum forma sit, eaque essentialis Galeno, minimè sub accidentia aut qualitates reponi debet. Sed facile erit hanc Galeni sententiam exponere, si dicamus idem illi in assignandis partium similarium formis seu essentiâ accidisse, quod Philosophis quibusdam in elementorum formis : quas cum ignorarent, per qualitates primas, formæ ipsius vim maxime referentes eas expresse-
runt. Sic Galenus 1. *de usu partium*, dum voluit carnem per temperamentum esse carnem, & alias partes, indicauit in similaribus temperiem velut formam accidentalem proximè intercedere ad omnes facultates functionesque in viuentibus exercendas : quamvis à diuiniore principio gubernentur & dirigantur, quia illud medicam tractationem excedit. Atque hæc de temperamenti definitione : quæ si vis ex superioribus dictis ita concinetur.

Temperamentum est dispositio seu qualitas exurgens ex quatuor elementorum

mixtionē debitāque qualitatum primarum proportionē, quæ pro varietate illius ad obeundas speciei eiusque & partium similiarum actiones est accommodata.

TEMPERAMENTORVM DIFFERENTIÆ. Viuens omne quatenus est viuens, calidum esse, experientia ipsa, tum Aristotelis suadet authoritas, qui *libro de vita & morte*, vitam nihil aliud esse vult, quam mansionem altricis vitæ cum calore nativo; *ἡ βίη*, inquit, *τὸν ζῶον ὅτιν ἡ σφύτη μέτεξιν οὖν τοῦ θερμοῦ τῆς ἀεὶ ὡς ψυχῆς. Ζωὴ δὲ ἡ μορὴ τῶν τούτων*; quasi in calore fomenta & vitæ essentiam positam esse dicat, actuali scilicet operante per animam, quæ in aliis vt inanimatis potentiā tantum calidis non adest, sed sufficit illis prima ex elementis mixtio. Quia in viuētibz, cum perpetua continuataque nutritionis saltem actio requiratur, non poterat nisi assiduā caloris operā exerceri: quo deficiente concidit statim vita, & temperamentum vitæ idoneū, remanente tantum elementari mixtionē, vt in cadauere.

Hinc quæri potest. Si viuens omne calidum, vitæque in calore posita: hominis temperiem omnem calidam esse sequetur: neque alias illius assignandas esse differentias: aut si maior calidam humidam, cum calor ille viuētiū in humido pingui, alibili, quod primigenium & radicale appellant, tanquam escā & pabulo subsistat. Hæc accuratā interpretationē indigent. Non enim satisfacit, quod aliqui aiunt, Galenū & alios in assignandis temperamentorum differentiis, solam mixtionis temperiem considerare, quæ potentiā potius quam actu existit. Refellentur enim ab ipso Galeno *lib. de temperamentis*, vbi profitetur se de eis quæ talia sunt actu non potentiā agere, quatenus hominis varia temperamenta rimatur. Neque etiam valet quod alij adducunt, Galenū agere de temperamento innato, quod habitum primum & ad substantiam vocant, homini scilicet à primā generatione insitum: non autem de aduentitio, quod est leuis tantum dispositio ex proportionē qualitatum actu existentium, in humoribus potius & fluxili materiā, quam partibus, & solidā corporis substantiā: quodque multis modis & variis de causis, quasi in momenta variatur. Quamuis enim Galenus primò & principaliter de illo agat, non tamen aduentitium omisit, sed vtrumque sub temperamenti nomine est complexus, quandoquidem temperamenti iudicem & internuncium facit tactum, qui primam à secundā temperie non potis est distinguere, sed vtrumque sub specie huius vel illius qualitatis tactilis percipit.

Dicamus igitur hos, in hominis temperie multā considerari posse. Primò quatenus homo est mixtum quid, substantiæque elementaris conditionis particeps, vt in cadauere & reliquis inanimatis: deinde quatenus est viuens simpliciter, insitum quemdam calorem habet, qui per omnia membra æqualiter est sparsus atque in oleoso illo pingui & seminario humore positus: denique quatenus est perfectum viuens, variisque operationibus præter nutritionem præditum, quæ non poterant solo illo calore insito exerceri; obtinet influxum facultatum & materiæ spirituosæ ac humoralis; qui ex corde, hepate, testibus, cerebro, velut vberimis naturæ humanæ fontibus, promanat ad exsuscitandam iuuandamque insiti illius vim & potestatem. Atque ex horum trium aggregato & veluti *συνδρομῇ* constitui temperamentum humanum etiam primarium ex generatione nostra petatum, maioris, minorisque ratione differens, prout huius vel illius qualitatis plus minus est particeps.

Ex triplici igitur illā substantiæ solidæ, humoralis ac spirituosæ congerie in nobis, quæ magis ac minus secundum qualitatem & quantitatem variis admodum modis suscipere potest: exurgit aliqua qualitas sensibilis vnius vel duarum primarum qualitatum victoriam sequens, aut in earum æquabilitate posita: vnde Medici cum Galeno nouem temperamentorum hominis differentias constituerunt: superante enim vnā primarum qualitatum sunt quatuor temperamenta simplicia dicta; calidum, frigidum, humidum, siccum: per combinationem vero duarum qualitatum possibilem, actiuæ scilicet & passiuæ, quæ simul cum sensibili victoriā subsistere possunt, totidem emergunt, nempe calidum & humidum, calidum & siccum, frigidum & humidum, frigidum & siccum. Vbi verò istarum omnium est æquabilitas & tanta concordia, vt ex nullius parte excessus appareat, fit nonum temperamentum, quod Galenus *ἰσόμετρον* appellat, iustitiā vel pondere constitutum. Verassius decimum ponebat huic oppositum, in quo scilicet omnium qualitatum esset inæqualitas & quasi disproportion. Sed ridiculè, nam eiusmodi temperamentum subsistere non potest in tantā qualitatum discordiā, multo minus quam temperamentum ex duabus tantum qualitatibus contrariis compositum, vt calidum frigidum, &c. quod esse æquit ex Galeno & Aristotele.

Hæc igitur à nobis de temperamentorum differentiis ita efferuntur, vt in primis sciendum sit Medico calidum, frigidum, &c. ita vsurpari, vt nunc absolute, nunc verò comparatè dicatur: absolute, vt cum ignem & reliqua in summo excessu posita ita vocamus; quo significato etiam dicitur homo temperatus, quia est veluti medium & regula omnium rerum mixtarum. Comparatè vero tripliciter, vt ad genus, vt ad speciem, vt ad indiuiduum: inter diuersa genera, vt quando metalli temperiem cum stirpis aut hominis temperie conferimus: inter varias species, cum temperamentum leonis comparatione hominis aut canis calidum esse dicimus: inter diuersa indiuidua, vt cum Socratem Petro frigidiorē vel humidiorē pronunciamus, qui rursus cum seipso iuvene, sene aut alio modo, modò frigidus, modò calidus dici potest. Et vt inter indiuidua sit hæc comparatio, sic etiam inter partes alterius vel ipsius indiuidui inuicem collatas, vt hepar cum pulmone, vel hepate alterius hominis, vterus cum cerebro & similes. Quæ rursus pro variis temporibus etiam comparari cum seipsis possunt, vt hoc hepar hodie cum præteritâ eius ante aliquos annos constitutione: vnde emergunt signa illa quæ in arte parua Galeni habentur, hepatis, cordis, hepatis, &c. frigidioris, calidioris, &c. ita vt illud frigidum vel frigidius dicatur, quod cum alio aut cum seipso alias comparatum minus est calidum: illud siccum vel siccus, quod minus humidum est per collationem, sicque tactu vel ratione etiam iudicatur. Rursus sciendum est, quamuis istæ fiant vel inuicem, vel cum aliis comparationes, semper tamen natui temperamenti in sua latitudine considerati constitutionem manere: quamuis varia sexus, ætatis aut aduenientium causarum vi immutari videatur: nam mulierem verbi gratia calidam & siccam, vt pote biliosam, temperamento proprio dicere possumus: quamuis si sexus ipsius complexionem respicias, frigiditatis ac humiditatis sit particeps: senem calidum, & humidum, vt pote sanguineum, qui tamen ætatis senisque ratione frigidus siccusque appellabitur: temperamento phlegmaticum, frigidum humidumque censebimus semper, quamuis accidentaliter incalescat, tertianâ verbi gratia febre aut causâ correptus. His ita positis, iam ad ea quæ in temperamenti diuisione exoriuntur, dubia accedimus.

Primum enim quæri solet, an dentur temperamenta quædam simplicia, ex vnius scilicet qualitatis dominio: quod ante Galenum plurimi negarunt, & ipse Auerrhois refutauit. Etenim dicebant illi, si spectetur in temperamento victoria, pendet ea ab elementi cuiusdam prædominio: quæ cum duplici prædita sint qualitate, oportet etiam duplicem in quouis exuperante temperamento inueniri: ac proinde nullum simplex existit. Deinde humidum & siccum, qualitates nimirum passivæ, sunt veluti materia calidi & frigidi: ita vt sine his tanquam materiâ subsistere vix possint. Hanc sententiam ipsemet Galenus *lib. 6. de sanit. tuend.* recepisse videtur, dum vult impossibile esse, vt intemperies aliqua simplex diu duret, quin sibi alteram ex necessitate asciscat: quod & Auicennas recepit. Quare si temperamentâ illa simplicia diu durare nequeant, non sunt innatis adscribenda & substantialibus temperamentis, quæ consistere ad dissolutionem vsque integram dicebamus.

His non parum roboris adferre videntur appellationes temperamentorum illorum, non barbaristantum (quidquid dicat Fernelius) sed ipsi Galeno & Hippocrati vsitatissimæ, biliosi nimirum, pituitosi, melancholici, & sanguinei. Si enim ex semine ac menstruo generationis nostræ principiis constituti fuimus: quid obstat eum dicere biliosum, in quo biliosior sanguis; pituitosum, in quo pituitosus sanguis materialem suppeditauit causam semini vel menstruo generando: & in quo postea talis plurimum humor producitur, qualis fuit is à quo primordia sua accepit? Hippocrati nihil vsitatius quam *μικροχόλος φλογματίας* appellare τὰ ἀνα, τὰ κάτω: *lib. 6. epid.* τὸ μικρόχολον καὶ ἐναμιον σῶμα, μελαγχολικὸν γίνεται, μὴ ἔχον ἐξερρώσας: Item apud Aristotelem in *problematis*, melancholicos esse ingeniosos; quicumque naturâ biliosi aut sanguinei existentes leuiter sanguinem adurunt. Ne alia loca satis omnibus obuia videamur persequi: quibus quatuor tantum esse temperamenta, eaque composita ex duplicis qualitatis dominio pro numero elementorum aut humorum confirmatur.

Nos verò hisce obiectionibus satisfaciētes dicamus, gradum quem ponit Galenus in assignandis temperamentis, non esse gradum quemcunque, sed qui excellens sit & temperamento ob sensibilem victoriam dare denominationem propriam possit. Ea est igitur Galeni demonstratio: Si enim, inquit, calidum omne non sit iunctum siccitati, sed & humiditati, cur non erit calidum, quod nec humiditati

nec siccitati iungatur in excessu temperamenti? Item, si frigidum non omne humiditati, sed siccitati aliquando, ut patet derebus externis, coniungatur: quod eodem modo de passivis dicas, cur non sola subsistere poterunt in latitudine temperamenti humani? Non igitur obstat quod dicebant illi, victoriam pendere ab aliquo elemento, quod duabus qualitatibus est præditum: nam in mixtione & alteratione una qualitas potuit retundi, alia remanente in excessu. Non consistunt quidem (quod secunda volebat illorum ratio) qualitates activæ sine passivis, sed earum aliqua in mixtione dominatur, à quâ temperamentum illud simplex appellatur, non habitâ alterius ratione, quæ tamen sub inferiore gradu velut materialiter subiecta esse potest. Idem dicas de humoribus, qui sunt principia corporis nostri materialia: cum enim mutantur & alterantur, fieri potest ut pro variâ eorum mixtione, una tantum qualitas excellens temperamento det appellationem, cæteris refractis retusisque. Verbi gratia si sanguis bilioso succo ita sit permixtus, ut caliditatem quidem, sed sine humiditate excedente & sensibili retineat. Quod vero Hippocrates cæterique multi composita tantum temperamenta agnouerunt, corpusque biliosum, pituitosum, melancholicum & sanguineum appellarunt: id tantum ostendit temperamenta illa ex combinatione qualitatum composita frequentius reperiri & sub Medici cognitionem cadere, quam simplicia: quæ tamen dari possunt, utpote de iis qui ex duorum humorum dominatu, sanguinei simul & biliosi, &c. dicuntur, in quibus tantum caliditas excellit: & non solum per certum tempus, sed ad mortem usque, quando dissolvitur mixtum, perdurare possunt, mutato tantum adscititio temperamento, & factâ cum aliis comparatione, ut iam docuimus.

Præter hæc sunt qui dubitent, an inter composita temperamenta, calidum & humidum, frigidum siccumque dari possit: quia, inquiunt, calor humores depascitur, cui necessario succedit siccitas: frigiditas autem inutiles succos atque humiditatem congerit acervatque: ergo brevi temporis spatio in calidum siccum; in frigidum & humidum mutabuntur. Sed his satisfieri potest eadem ratione: nam in assignandis temperamentis his, siue simplicibus, siue compositis, non actionem quæ postea succedit, caliditatis, frigiditatis consideramus, sed victoriam quæ in mixtione contingit, quæ cum possit esse caliditas humiditati iuncta, vel frigiditas siccitati, ab ea fit temperamentorum istorum denominatio, propterea quod præcipuum habent in partibus solidis fundamentum, quod non nisi omnimodâ earum dissolutione destruitur.

Alij volunt, nullum temperamentum esse compositum. Si enim sit qualitas quædam nova exurgens ex varia elementorum & qualitatum mixtione, nullum erit compositum, sed simplex, quia qualitas nova. Verum dicimus nos, qualitatem illam novam, prout ex omnibus refractis conflata est, ita unius vel duarum in mixtione vincientium naturam redolere posse, quemadmodum in variâ mixtione.

Dicit aliquis, si hoc sit, dabitur temperamentum calidum & frigidum simul: siccum & humidum simul, aut compositum ex tribus qualitatibus. Quamvis enim in elementis, simplicibus scilicet corporibus qualitates istæ dari nequeant, in compositis tamen nihil impedit, cum omnes ad mixtionem concurrere necesse sit. Et ut in temperamento *εὐκρασίᾳ* & temperato, quatuor qualitatum æqualitas agnoscitur, cur non duæ qualitates contrariæ, aut tres in aliis æquales reperientur? Respondemus, in temperamentis compositis, ut & in simplicibus, adesse quidem omnes omnium elementorum qualitates, sed victoriam ad summum duarum possibilitatum consistere: Contrariæ enim duæ vel tres vincere aut excellere non possunt, si mixtio fieri debeat, in quâ & discordiam seu dissensum adesse oportet dum sit, & consensum omnium aut victoriam ex dominio alicuius. In temperato enim omnes ad sunt, sed sine vlla victoriâ, tantâ inter se æquabilitate, ut corpus illud *εὐκρασίᾳ* constituent, de quo mox agemus.

Ridiculum autem est quod Paracelsici de temperamentis confingunt sulphuris, salis, & mercurij, quæ cum prius probauerimus, neque principia, neque elementa esse corporis nostri: sequitur quoque manifestè ex his pendere non posse humanam *ἡγεσίαν* aut temperationem. Ridiculi etiam illi, qui dissonantiam omnium qualitatuum volunt constituere decimum temperamentum temperato oppositum.

TEMPERAMENTUM ΕΥΚΡΑΤΟΝ. Veteres quidam Philosophi duas tantum temperamentorum differentias agnouerunt: omissis enim simplicibus, & duobus compositis reprobatis, calidum tantum & siccum, ac frigidum & humidum temperamen-

tum constituebant; relicto etiam ipso *ὑπεράτω* seu temperato. Nos verò prius probauimus tum simplicia quatuor, tum quatuor composita esse admittenda, nunc videamus de temperato.

Ευκρασία igitur siue *ὑκράτων* dupliciter sumi potest, tum pro eo quod optimam habeat temperiem, iustam scilicet & conuenientem operationibus obeundis: tum pro eo quod æquabilem, proportionatam & quasi pondere libratam obtinet. Cum enim tam qualitates elementorum, quam eorum substantiæ ad istius corporis constitutionem concurrant, potest illa mixtio considerari vel ex parte quantitatis, ponderis, & mensuræ, quæ proportio arithmetica dicitur: vel ex parte qualitatum iustæ ratione coeuntium, ut perfectum in suâ specie mixtum generent, quam geometricam Plato appellabat: unde duæ temperamenti appellationes apud Galenum *κατὰ πᾶθος*, & *κατὰ διαισθήσιν*, quasi dicas ad lancem vel pondus: & ad legem siue iustitiam: quod Hippocrat. *κατὰ νόμον καὶ κατὰ φύσιν* appellasse videtur. Vtrum verò admittenda sint temperamenta ista tam ad pondus quam ad iustitiam temperata, multi dubitarunt. Omnes fere temperamentum ad pondus è rerum naturâ excludunt: alij etiam temperamentum ad iustitiam, docendi tantum causâ, à Galeno constitutum esse volunt. Nostrum est rem hanc & ad lancem & ad iustitiam expendere.

Duo esse ad res cognoscendas iudicandasque *κρίτηρια*, sensum nimirum & intellectum, certo certius est. Inter quæ quamuis ratio siue iudicium præcellat dignitate, vult tamen Galenus in Medicinâ potiorem cognoscendarum rerum certitudinem ex sensuum fide ac testimonio desumi. Accidit itaque in tractatione Medicâ aliquando, ut exquisitiore ratiocinationis trutinâ artis nostræ præcepta & axiomata expendantur: sæpius verò sensuum tantum scrutinio confirmantur. Quod animaduertere est opus in hac temperamentorum ad pondus & iustitiam stabilientium varietate.

Galenus enim *comment. in librum 1. de naturâ humanâ*, vbi habetur ad *μέτρον*, *ὑπερὶ καὶ γένεσιν* debere elementa *κατὰ πᾶθος καὶ κατὰ δύναμιν*, secundum quantitatem & vires mediocriter & æqualiter, *μετρίως καὶ ἰσως* concurrere, videtur temperamentum illud æquali lance & pondere libratum admittere. Et *lib. 1. de temperamentis* constituit hominem quadratum totius substantiæ mixtæ medium, ex æquali elementorum mole constantem, ad quam veluti ad regulam omnia alia referantur. Præterea cutem, quæ est in internâ manus parte, volam appellant, & extremis digitorum apicibus, æqualiter esse temperatam asserit, cum neque planè exanguis sit ut nervus; neque sanguine abundans, ut caro; sed ex his duobus æqualiter conflata constitutâque, absque villo caloris, frigoris, humoris, & siccitatis, vel duritiei, mollietiei, aliarumque qualitatum excessu: ut maximè decuit instrumentum, quod omnes omnium rerum differentias, quæ sub tactum cadunt, omnium exquisitissimè dignoscere & distinguere debebat.

Quæ à Galeno prolata receptaque de temperamento *συνήθειαν*, maximè sunt vera, si sensus *κρίτηριον* & fidem consulas, quod Medico sufficere videtur. Certissimum enim est, ut ad temperamentorum in excessu positorum constitutionem elementa impari pondere & viribus pene ad infinitum variis concurrunt, quæ sensus in hanc vel illam extremitatem declinantia percipit & iudicat: Sic positis his extremis à sensu perceptis, non est absurdum ponere medium ab eodem sensu comprehensum, in quo dum nullam imparitatem inæqualitatemque percipit, censet illud æqualiter & ad pondus temperatum, siue diu, siue parum perdurare possit.

Itaque apud Galenum temperamentum ad pondus & ad iustitiam non sunt differentiarum oppositæ, & ex aduerso diuidentes temperamentum *ὑκράτων*, quandoquidem de eodem affirmari possunt: sed illud temperamentum ad pondus esse perfectionem totius temperati ad iustitiam intelligit, quasi quid magis *ἀνεκβέλει*, & exquisitum. Neque illud frustra à Galeno constitutum esse patet, sed ut in temperamentorum descriptione, temperamentum illud esset velut norma, ad quam omnes aliorum excessus relati facilius percipi possent. Quemadmodum ad Polycleti statuam relata aliorum artificum opera iudicabantur, & quid illis deesset intelligebatur: sic ibi Galenus *ὑκράτων* illum hominem depingit, suisque designat notis, ut sit veluti idea quædam & exemplar animo Medici hærens ad aliorum temperamentorum directionem.

Sit igitur temperamentum illud ad pondus sensu medico perceptum, bene à Galeno constitutum, atque etiam, si fors ita ferat, in rerum naturâ aliquando per aliquod

quod tempus subsistat. At si intellectum subtiliorémque rationis censuram adhibeas, nullâ ratione admittas temperamentum illud, quod ipse Galenus repudiat *libro 2. de sanitate tuendâ & alibi passim*, atque grauissima rationum pondera conuellant.

An illud dices temperatum ad pondus, ad cuius constitutionem quatuor elementa concurrere debent, quorum vnum, ignis nempe, ἀπλῶς, simpliciter & absolute leue, nullam ponderis rationem subire potest? Non enim maior est verbi gratia in hoc magno igne grauitas, quam in hoc paruo, imò leuitas maior, si maius quale sequatur maius quantum: quandoquidem leuitas est vna ex intimis propriisque igneæ illius substantiæ qualitatibus: si leuitas absolute nullo pondere, nullâ staterâ expendi poterit. Iam igitur terræ & aquæ moles vbique maior ad soliditatem & consistentiam mixtis tribuendam, quæ hoc veluti pondere adacta terram petant & naturaliter in eâ quiescant.

Neque felicius succedet, si elementorum vires æquali pondere expendere velis. Nam certissimum est in ipsis generationis nostræ principiis plus caloris fuisse quam frigoris, plus humoris quam siccitatis; vnde omne viuens calidum humidumque ex Aristotele prius vocabant: & Hippocrati calidum illud viuificum omnia per omnia miscet & generat. Vincit igitur vt agens, & quoniam frigus non per se ingreditur opera naturæ, sed per accidens, vel comparatiuè tantum. Nulla itaque substantiarum aut virium ad pondus æqualitas.

Adferunt præterea doctissimi Arabes duo grauissima incommoda ad impugnandum temperamentum istud ad pondus. Primum est. Si miscibilia adæquarentur in mixto, mixtum aut esset immobile, aut nullibi quiescens, quia nullum haberet locum, cui cum naturâ locati conueniret, aut certè in medio aëris & aquæ consisteret, quæ omnia sunt absurda: omnia enim mixta saltem perfecta terram pro loco suo proprio & naturali agnoscunt. Hoc incommodum ridiculè nituntur quidam eludere, agentes de cutis quæ in volâ manus existit, temperamento, quod illi ad pondus esse volunt: concedunt enim cutem manus in medio aëris & aquæ consistere suapte naturâ posse, nisi obstarent aliæ partes quibus ipsa cutis coniuncta est: illas enim quæ plus terræ, habent, deorsum ferri, & cutem secum trahere contendunt. Quod si cutis auellatur, & separetur ab aliis partibus, tunc non amplius esse temperatam, vt quæ mortua sit. Hac ratione existimant sententiam suam redargui non posse. Sed nonne illa cutis quam temperatam ad pondus fingunt, suam habet soliditatem & tractabilitatem, vt ita loquar, à terrâ? quâ prævalente, quantumcunque spiritu, & calore suo perfusa sit, nullâ ratione illud lancis æquilibrium adesse potest. Et si temperata sit in viuente, cur non etiam in demortuo? cum primum illud & proprium temperamentum partium consideremus, non tantum influens, quod viuentis existit.

Secundum incommodum tale est. Si æqualia essent elementa tam mole quam viribus, omnis mixtio esset vna atque eadem in illo corpore, & sic meritum illud mixtionis, harmonia, & concentus idem esset in omnibus illius partibus: vnde sequeretur vel nullas habere partes temperiæ differentes, putâ cerebrum, cor, ventriculum, hepar, & similes: vel ex similibus omnino quantitate & qualitate, diuersa generari partium temperamenta, quod est impossibile.

Explodendum itaque illud temperamentum ad pondus è rerum censu: cum temperamentum aliud à nobis allatum sufficiat, vt homo medium rerum omnium temperatarum dicatur, quam vt exactissimè tactilium differentias discernere possit. De hoc igitur agendum.

Definit autem siue potius describit Galenus temperamentum illud ad iustitiam, symmetron atque eucraton, in quo ea est elementorum secundum vires & molem proportio ac moderatio, quæ cum animantis naturâ conuenire, & ad speciei illius verbi grati a hominis actiones optimè exercendas conferre possit. Facit autem istius temperamenti magnam latitudinem. Notandum tamen proportionem illam temperatam siue gradum, licet latitudinem non paruam habeat, continere tamen indiuisibile quid & ἀκράς, quasi punctum in quo summa illa temperiei perfectio consistit, quam nos temperamentum ad pondus sensu perceptum ex Galeno vocabamus. Vt enim in temperandis fidibus & concentu musico magna est bene sonantium vocum latitudo: sic in iustitiali illo temperamento, congrua ad functiones edendas elementorum temperatio multos latitudinis suæ gradus obtinet, sub quibus continetur sanitas illa, quam ἐυεξία vocauit & depinxit *libro qui de bonâ habitudine inscribitur*.

In hoc itaque temperamento sua est particularis cerebro, hepati, cordi, cæterisque visceribus atque accommoda temperies & conformatio: quæ non solum visitur in ætate puerili aut iuuenili: sed etiam in constante atque etiam senili, prout ætates illæ suam habent peculiarem perfectionem in exercendis operationibus illi ætati maxime congruis. Non enim hîc fingimus temperiem ad iustitiam, quæ sit in solâ ætate v. g. iuuenili, certo tantum tempore, & regione: sed hæc omnia ex virium propriarum robore & perfectione expendimus.

Quæri autem solet de hoc temperamento iustitiali, an sit calidum humidum: an habeat omnes operationes perfectissimas: an maximè morbis resistat: & an sit longævissimum: de quibus paucis est agendum. Galenus *libro primo de temperamentis*, fusè agit contra Athenæi sectatores, qui temperatum & *εὐκρατὸν* idem esse cum calido humido existimabant, siue temperiem totius, siue humorum, siue tempestatum anni respicias. Cum ver calidum humidum dicatur Hippocrati *libro de naturâ humanâ*, quasi temperatum, & sanguis omnium nostri corporis humiditatum temperatissimus, calidus humidusque censeatur: & vita in caliditate ac humiditate posita sit: tuncque mors introducatur, quando *ἀλιβαυτες* exsuecati, calore scilicet natio propriaque humiditate priuamur: Vnde sequitur (dicebant illi) illud optimum temperamentum maximè ad vitæ nostræ principia accedere, caliditatem scilicet & humiditatem. Galenus contra nullum vult esse in illo temperamento *εὐκρατὸς* excessum, nullam præpollentis qualitatis victoriam, suamque esse calido humidoque temperamento vincentium harum qualitatum intemperiem, eamque parum laudabilem, cum & morbis maximè sit obnoxia & *σηπεδονώδης* putredinosa illa constitutio censeatur.

Verùm non fuit ea Athenæi meo iudicio sententia, vt temperatum ideo corpus calidum humidum appellaret, quod has vellet qualitates in excessu positas, sed potius in mediocritate summâ, quæ *εὐκρατὸς* temperamento conueniret, quemadmodum & sanguini omnium humorum mitissimo & vernæ tempestati elementissimæ. Cum enim reliqua omnia temperamenta in vitæ & actionum perfectione excellere deberet, oportuit etiam eis abundare principiis, quæ maximè ad vitam conseruandam faciunt: non à caliditate & humiditate aduentitiâ vel excedente, quæ omnis putredinis parens est.

Sit igitur optima hæc constitutio, non quidem habitus athleticus, magnâ carnis mole & sanguinis copiâ ingenti cõstans, qui ideo periculosissimus Hippocrati & citò soluendus dicebatur: non Milonis habitudo ad omnes actiones & robur corporis aptissima, ad mentis operationes ineptissima: sed qualis Herculis aut Achillis præstantissimorum heroum, qui corpus nacti *εὐκρατὸν*, maximè robustum & salubre, mentemque præclarissimam ingentia facinora posteritæque admiranda perfecerunt: *εὐεγία* enim seu bona habitudo est perfectio seu potius effectus istius *εὐκρατίας* seu iusti temperamenti: in quo non solum partes omnes similes propriam suam & conuenientem sortiuntur temperiem: sed etiam dissimiles, quæ instrumentariæ sunt, magnitudine, numero, formatione, ordinéque inter se moderatissimo sunt constitutæ. Hoc corpus ita se habens duo habet necessariò, tum vt optimè omnes actiones speciei conuenientes exerceat, tum vt difficilius quam cætera, morbis corripatur, illorúmque causis resistat valentius. Certissimum enim est partem eam quæ suas probè functiones exercet, duo indicare, in similaribus bonam temperiem, in instrumentariis debitam constitutionem. Quare etiam corpus hoc nostrum *εὐκρατὸν*, quod in horû duorû perfectione posuimus, suas præstantissimè obibit actiones.

Difficillimè etiam incidet in morbos: quia morbi vel à causis internis vel externis contingunt. Externis parum afficietur corpus temperatum, vt frigore, calore, siccitate, humiditate: quoniam id quod ab ipsis extremis vndeque distat, in temperaturæ *δυσκρασίαν* vix dilabetur. Propter robur etiam partium & actionum perfectionem, difficillimè lassitudines, cæterosque tam animi quam corporis dolores perferiet. Ab internis etiam non facîle lædetur, quæ ab alimentorum excrementis tam qualitate quam quantitate peccantibus potissimum proueniunt: cum eius natura *εὐχρημα* sit, neque copioso aut vitioso succo redundans: sin verò quippiam generetur, vel facîle expellet, vel ab eo propter *δυσπράθειαν* non lædetur. Quod vitæ principia habeat firmissima, actiones perfectissimas, ad morbos summam resistendi vim, sequitur etiam procul dubio hoc temperamentum fore longævissimum, cum neque morte naturali, neque accidentariâ facîle extingui possit.

Contra hæc tamen sic à nobis constituta de temperamento *εὐκρατὸς* iustitiali,

multa adferri solent. Si enim homo omnium animantium perfectissimus sit, temperatos verò homines omnes excellat, sequitur illum hominem tum omnes animantes, tum reliquos homines actionum perfectione superare. At id falsum est, quoniam & ab aranea tactu, & à lynce visu, & à leone aut tauro fortitudine superatur: neque intemperatis hominibus perfectiores edit actiones, quoniam actionis vis à vincente qualitate dependet: biliosus enim citius concoquit, pituitosus seu frigidus ventriculo præditus melius appetit, & melancholicus Aristoteli est ingeniosior.

Quod ad *δυστάθειαν* & morborum resistantiam, non videtur temperatus magis resistere posse intemperatis, cum frigidus remotior sit ab excessu calido, & siccus ab humido, quam temperatus: ergo magis resistant illis intemperamentis. Deinde corpus illud temperatum dicunt esse medium non solum inter primas qualitates, sed etiam secundas, ut inter molle & durum, rarum & densum. Quod si verum sit, magis patebit causarum internarum iniuriis, quam is qui habitu & contextu admodum est raro: externarum autem, eo qui densa est cute ac solido corporis habitu: ut est apud Hippocratem *libro de alimento: Laxitas corporis, quibus plura perspirationis causa per cutem feruntur, salubrior; quibus pauciora, minus salubris.* Adferunt etiam Aristotelis auctoritatem *problem. 22. sect. 5.* qui vult corpora temperata citius affici & liberari morbis quam intemperata. Atque ex his concludunt, corpora illa temperata neque omnes operationes habere perfectiores, neque salubriora aut longæviora esse.

Sed his non est difficile respondere, cum posuerimus illius actiones esse perfectissimas, si in humanâ specie considerentur, non in alio genere animantium, quod ad certam quandam actionem à naturâ comparatum præstantiora instrumenta obtinuit, quam ipse homo, cuius potissimum perfectio in ipsius rationis excellentia posita est velut propriâ actione. Intemperatum autem hominem aliquam habere validiorem actionem nihil vetat, cum non vna ac particularis actio consideranda sit, sed omnis vitalium, animalium, naturalium functionum congeries, in quibus omnibus simul consideratis superat temperatus intemperatos, ut docet Galenus *lib. de iuxta.* Neque dubitamus temperatum futurum prudentiorem atque ingeniosorem melancholico, si paria adfuerint studia: dicuntur tamen melancholici ingeniosi Aristoteli, ob aduentitium potius temperamentum quam innatum: & quia optima constitutio cum rarissimè contingat, sæpius fit, ut qui sanguine optimo & tenuissimo præditi sunt, sub ætatis inclinationem illum leuiter exurant, ac melancholici per accidens euadant, qui cæteros ingenio ac prudentiâ præcellunt. Quod ad morborum resistantiam, non tam consideramus etiam recessum ab intemperamento vnico, quam omnibus, & vires cuius morbo resistendi: quæ cum in temperato sint validiores, facilius causis quibuscumque intemperamentum facientibus resistunt. Dictum autem illud Hippocratis de laxitate & densitate cutis admittimus: nam temperatum corpus inter hæc & alia medium mediocri cutis laxitate excrementa interiùs contenta satis expellet, meliusque externarum causarum iniuriis mediocri suâ densitate resistet. Problema verò Aristotelicum de symmetro, vel non est intelligendum de exacte temperato, sed de eo quod tale apparet, ut *ὑσώρητος* & athletico habitu; vel de raro tantum & laxo corporis statu, qui mollitiem habet excedentem. Atque hæc de temperamento *ἰσχυρὰ* sufficient.

AN TACTVS CERTVS SIT TEMPERAMENTI IVDEX. Quæcumque in Medicinâ dicuntur, ea ad vsum reuocari debent, & Medicum ad præclarè exercendam artem instituere. Ac proinde non satis est nosse, quot sint temperamentorum differentię, & à quibus proficiantur causis, nisi eas distinguere & certis agnoscere signis valeamus: Quod Galenus generatim præscribit *libro secundo de temperamentis.* Nam particularia, ut huius vel illius hominis aut partium temperiem vel intemperiem iudicare pertinet ad *σημειωτικήν*. Nos ergo quoniam in præcedentibus sæpe diximus Medicum esse sensualem artificem, & de temperamentis ad sensum potissimum iudicare, ideo paucis explicanda est ista sententia: reliquum ad tractationem *σημειωτικής* relegantes, vel ad Galenum *lib. 2. de temperamentis & artis parua*, ubi ista accuratè tractauit.

Natura igitur totius mundi gubernatrix non solum hominem ratione & diuino intellectu ornauit: sed sensibus donauit externis, velut fidelissimis internunciis, quibus rerum differentias & species animo complecteretur, per certa quædam obiecta huic vel illi sensui magis accommodata, vel etiam omnibus quodammodo communia:

ita ut quamvis sensus externus & particularis nequeat de obiecto aliquo iudicare, nisi concursu rationis, dicatur tamen iudex earum qualitarum quæ illi propriè obiiuntur. Temperamentorum itaque diuersitas cum qualitarum primarum victoriam seu dominium consequatur, quæ tactiles vulgò vocantur: ideo rectè Galenus temperamenti iudicium tactui adscribit, hominis potissimum, qui inter omnia animantia exactam temperiem nactus est, quique in suâ specie sit *in partem* bene temperatus, & secundum eam potissimum partem, quæ in homine magis temperata censetur, nempe cutem volæ manus & extremorum digitorum, nullâ alienâ qualitate affectam, exsiccata, humectata aut callo obducta à rebus externis, sed in naturali mediocritate positam. Sic enim certum est tactus sensorium referre posse intellectui non tantum proprium & quasi gradualem caloris vel frigoris excessum, sed etiam temperiem & qualitarum illarum æquabilitatem, priuatione scilicet non habitu (sic enim tenebras lucis priuatione sentimus,) nam quæcunque nec calida sentiet aut frigida, nec humida aut siccæ, sed in omnibus refracta, temperata plus minus cum ratione iudicabit.

Verum non parua hic subest difficultas. Cum enim Galenus *libro secundo de temperamenti*, dixerit, *tactum solum iudicem esse calidi & frigidi, humidi autem & siccæ cum tactu rationem*: non videtur tamen magis posse iudicare de caliditate, aut frigiditate corporis nostri & partium tactus solus, quam de humiditate & siccitate. Ut enim ex horum parte contingit in tactu error, quia videlicet sicca per duritiem, humida verò per mollitiem tactui sese repræsentant: possunt tamen ab aliis causis contingere, durities videlicet à repletionem, ut in vtre aëre pleno, ventre hydropicorum: à concretione, ut in glacie, reliquisque rebus frigoris vi condensatis: mollities in quouis liquido & fuso seu liquefacto sentitur, quamvis siccandi vi prædita, ut in humoribus bilioso, atrabilario, metallis liquidis vel liquefactis, aquâ forti & similibus: ac proinde istæ qualitates tactui imponere possunt, nisi ratio in consilium vocetur. Idem videtur dicendum de caliditate & frigiditate: nam cum alia actu, alia potestate talia sint, quædam per se & nativâ temperie, alia per accidens talia, ut calefacta: an non similis aut etiam grauior succedet error, nisi conuocata ratione, quæ ista omnia distinguat atque substantiam, structuram & naturalem cuiusque constitutionem exploret? ut patet de partibus internis corporis nostri, quæ cum omnes vario spirituum humorumque affluxu incallescant, perpetuò quamdiu in viuis erit homo, calidæ à tactu censebuntur: & pericardios verbi gratia tunica cor ambiens calidior hoc modo censebitur, quam caro musculorum in externo habitu posita: contra piper, pyrethrum, cinamomum, vinum ipsum, aëri hyberno exposita, frigidissima, quæ nemo nescit, vehementi calore esse prædita. Respondemus, illam Galeni sententiam esse ita intelligendam, ut tactus sit solus iudex calidi & frigidi, in toto verbi gratia homine, nullâ inter partes ipsas factâ comparatione, quæ propriè ad rationem pertinet: Item de eis quæ talia sunt per se, non per accidens, actu non potestate: semper enim in istis omnibus est verum dicere, tactum esse verum iudicem caloris vel frigoris, prout iam existunt: quod in humido & sicco non contingit similiter, quia per alias quasi qualitates, nempe molliem & duritiem sese tactui repræsentant.

Eleganter itaque Galenus in explorandis omnino temperamenti rerum non solum tactum cum ratione coniungit, sed etiam omnium aliorum sensuum opem implorat, quatenus effectus ac causas temperamenti seu mixtionis percipere valent, ut certum ferri possit de tantâ re iudicium: sic calorem in facie efflorescentem, in pilis & excrementis contemplatur, hirsutiem, glabritiem, crassitiem, & gracilitatem, densitatem cutis, laxitatem, latitudinem & angustiam venarum, odores, sapores, & similia: quinimo animi ipsius mores & functiones, facilèque perpeffionem ab hac vel illâ qualitate, aut difficilem, prout symbolæ sunt vel non. Item separat & cogitatione distinguit influxum caloris qui in singulas corporis partes fieri potest, prout proximiores sunt vel remotiores ab illius fontibus: nec non ipsarum partium si dissimilares sunt naturam & temperiem quasi supputat ex simplicium variâ compositione: si similes, ex quam materia factæ sint, cogitat: priusquam vel totius, vel partium temperamentum diiudicet: ut videre est *libro secundo de temperamenti verè aureo, & lib. artis parua citato*.

Quod verò attinet ad ea quæ potestate non actu talia sunt, videndum est quid hac in re sit sentiendum. Galenus libro 3. de temperament. δύναμις ταῦτα εἶναι λέγεται, ὅσα μήπω μὲν ἐστὶ ὁ λέγεται, ἢ δὲ δι' αὐτοῖς γένεσθαι; id est, potentia dicimus ea esse omnia, quæcumque non sunt adhuc, id quod esse dicuntur, sed facile id ipsum fieri possunt: potentia autem est, ut Musicus dormiens ad canendum; avis nuper nata ad volandum: Secundò ut materia continens eorum quæ fiunt, quemadmodum sanguis potentia caro dicitur: Tertiò potentia esse id dicitur, quod efficere potest aliquid per se, non per accidens, quamvis tale non percipiatur in principio, v.g. calidum, frigidum. Per accidens verò, quod efficit aliquid intermedio vno vel pluribus. Cum itaque illa omnia dicantur ad aliquid, talia scilicet ad corpus nostrum relata, ut medicamenta, alimenta, & venena, prout illud intense vel remisse primis illis qualitatibus secundum varios gradus afficiunt: ideo de illorum etiam temperie iudicare docet Galenus eisdem libris, non solum ex sapore, odore & tactilibus qualitatibus, quæ proximè consequuntur temperiem, ac proinde secundæ vocantur: sed potissimum ex effectû, & tempore effectus. Vtpote cum corpus nostrum refrigeratur aut incalescit à re aliquâ sumptâ vel admotâ, in quâ nulla talis qualitas antea sensui inesse videbatur: idque vehementer vel remisse, citò non tardè: nam quæ diuturno post tempore id præstant, per accidens potius quam per se agere videntur, ut aqua frigida vel nix admota statim refrigerant, diu tamen post, reuocato calore nativo & quasi collecto, calfaciunt: quâ ratione ventres hyeme calidiores esse ab Hippocrate censentur. Sed hæc pro instituto nostro sufficiant: reliqua enim ex ipso Galeno repetenda: nunc ad ætatum temperamenta inquirenda transeamus.

ÆTATVM TEMPERAMENTA. Ætatum, sexuum, temporum, regionumque temperamenta Medico diligenter excutienda, inquirendaque: cum ad morborum, causarum morbificarum, variarumque in ægris sanisque dispositionum cognitionem faciant, diuino attestante sene *sectione tertia Aphorism.* Vbi secundum ætatum & anni temporum varias constitutiones, varios in hominibus affectus fieri solitos persequitur. Libro verò de aëre, aquis & locis, & in epidemiis, secundum aëris & regionum diuersitatem. Vnde etiam Galenus *commentario in Aphorismum 17. sectionis prima*, ex ætatum ratione vult maximam indicationem desumi ad diætam ægris instituendam: Et idem Hippocrates libro secundo prorrhæti, *Qui de ulceribus*, ait, cognoscere vult; quomodo singula finiuntur, eum primò hominum species, id est temperamenta, perscrutari oportet: deinde ætates nosse, in quibus singula ulcera curatu facilia aut difficilia existunt. Hæc autem cum non sit facile in pathologicis aut therapeuticis agnoscere, nisi Physiologico prius more sint pertractata: ideo nunc de ætatum variis constitutionibus, mox de aliis etiam breuiter dicemus.

Quamvis ergo quidam olim sophistæ, referente Galeno libro de marasmo, ut hodie Chymici ex auro quodam potabili, aut elicitis gemmarum, corallorum, & margaritarum essentiis quas vocant, vitæ ac facultatum omnium conseruationem in multa sæcula, veri balsami renouationem, iuuentutis reuocationem, robur & plenam immortalitatem polliceantur: ut Circe illa Vlyssi.

Θνητὸν ἀθανάτων καὶ ἀγήρον ἡμᾶς πάντα.

Certissimum tamen est nos ex contrariâ diuersorum corporum materiâ, fluxillique & maximè dissipabili substantiâ constitutos perennes esse non posse, cumque calidum illud vitæ nostræ author & moderator sit agens physicum, quod agendo repatitur: certum est etiam illud morâ & successione temporis marcescere, sibi obiectum pabulum absumere, nec idem in absumpti locum reponere ex assumptis posse. Adde externarum causarum vim & violentiam, quibus tanquam confertissimo hostium agmine cincti in dies mutamur, tandemque externam huius curriculi metam dimenso spatio attingimus.

Hinc humanæ huius vitæ decursus certis annorum finibus quasi cancellis circumscriptus, varias subit mutationes pro variâ temperamenti, certo quodam spatio perseverantis, immutatione, quam ætatum nomine donarunt.

Recentiores Philosophi æternitatem, æuum, & ætatem sic distinguunt: ut æternitatem definiant durationem permanentem rei permanentis: æuum verò durationem successiuam rei permanentis: & hæ duæ durationes extra tempus sunt: ætatem verò sub tempore, vocant durationem successiuam rei successiuæ. Hippocrates tamen noster totum humanæ vitæ spatium τὸ μέτρον τῆς ἀνθρώπινης

ζῶης, αἰῶνα siue æuum appellat, vt *lib. de carnibus* ὁ δὲ αὐτὸν τὸ ἀνθρώπου βίη βδομαχίος, vel ἐπὶ τῇ αἰῶνι : ætatem autem seu ἡλικίαν appellat propriè illius æui humani partem manifestâ mutatione constantem, quam ex vulgatâ loquendi ratione definiunt : Temporis spatium hominis vitæ præfixum & in varias partes diuisum, ac sub quantitate tanquam sub proprio genere collocant. Nos verò non tam temporis diuturnitatem, quam quæ sub eâ fit in homine mutationem considerantes, eam sic definimus. Ætas est dispositio quædam in viuentibus iuxta complexionem variam, ex actione calidi in humidum causata, & sensibili mutatione mensurata, in quâ animal augetur, consistit, decrescit & tandem interit.

Quæ definitio eo nomine videtur perfectâ, quia per causas fit, & verum illi assignat genus, dispositionem nimirum, quoniam ætas designat Medicis qualitatem quamdam in animantibus, homine potissimum, quæ variam illius temperiem ab agentibus extrinsecis & intrinsecis mutationem consequitur. Eiusmodi dispositiones mutationesque variæ, quæ sunt istius vitæ partes & periodi certis annorum spatiis non possunt describi, vt monet Galenus, atque etiam ipse Aristoteles in *politicis*, cum pro diuersitate naturarum valde sint inæquales, & alios aliis maturius consenescere iuxta variam agendi & resistendi potentiam conspiciamus. Calidum enim siue naturale, siue extraneo commistum, cum diuersimodè afficiat humidum radicale pro diuersâ corporis dispositione, quæ diuersitatem ætatum efficit, Medicis ætatum terminos non exactè aut simpliciter, sed cum magnâ latitudine definire licet. Multi ergo multas distinctiones faciunt.

Iurisperiti enim, quibus reipublicæ moderandæ cura incumbit, pro variâ actionum humanarum diuersitate, quam leges Romanæ potissimum respiciunt, hominis vitam in septem partes describunt. Prima est infantia à primo ortu ad septimum vsque annum : Secunda pueritia, quæ à septimo ad decimum quartum masculis, fœminis ad duodecimum vsque protenditur : Tertia adolescentia, quæ hinc ad vigesimum quintum peruenit : Quarta iuuentus, quæ à vigesimo quinto incipiens quadragesimo terminatur : Quinta à quadragesimo ad sexagesimum ætas consistens appellatur : Sexta ætas decidentia à sexagesimo ad septuagesimum perueniens : Septima est reliqua vitæ pars, senium seu extrema senectus, quæ aliquando ad centesimum vsque annum producit : Ultra enim sæculum lex neminem viuere præsumit.

Sic igitur apud Romanos infantes sedulâ matris ac mulierum operâ ad annum vsque septimum educabantur. Post magistris & pædottibais ad decimum quartum vsque tradebantur, qui eos & bonis moribus, & literis imbuebant humanioribus. A decimo quarto ad decimum octauum vmbatili palæstrâ & leuioribus armis per athletas & gladiatores publicos exercebantur. A decimo octauo ad trigessimum quintum militiam Romanam faciebant, & destinati erant milites. Post trigessimum quintum emeriti erant, & ad sexagesimum vsque honoribus militaribus perfungebantur, Tribuni militum, ærarij, & Centuriones fiebant. Vbi sexagesimum attigerant, completa erat militia, liberumque erat illis fixis ad postem Herculis armis, vel deferri ad ærarium, ibique stipendiis reipublicæ viuere, vel pacis munera, ciuilia scilicet opera capeffere ad annum vsque septuagesimum. Ab hoc ad reliquum vsque tempus domi manebant, diis pro salute reipublicæ vota & sacra facientes : felicesque illi habebantur, qui ad hoc vsque senium peruenerant. Atque hæc fuit ætatum diuisio apud Romanos : quamuis Horatius quadripartitam tantum fecerit vitam.

Pythagoras eadem ratione ætates per vigenarium in quatuor tantum distinxit : παῖδες, εἰκοσι, νεάνισκοι, εἰκοσι, νεοί, εἰκοσι, γέροντες, εἰκοσι : Pueri per viginti annos sumus, iuuenes per viginti, viri per viginti, senes per viginti.

Plato duas tantum fecit vitæ partes, cum ait : *Ætas adolescentum insana, senium austerum* : cuius sententiam explicat Galenus *lib. quod animi mores sequuntur corporis temperiem*. Aristoteles vērò tres : Iuuentutem, virilitatem & senectutem : vt in 2. *Rhetor. ad Theodect.* cap. 12. Ægyptij autem duas tantum, idque miro respectu, vt videre est apud Plinium : Cor, inquit, augeri per singulos annos in homine, ac binas drachmas ponderis ad quinquagesimum vsque annum accedere : ab eo detrahi tantumdem, & ideo non viuere hominem ultra centesimum annum defectu cordis, Ægyptij existimant, quibus mos est cadauera asseruare medicata. Putabant illi hominis vitam esse acmasticam ad quinquagesimum annum, quamdiu cor augetur : paracmasticam vsque ad centesimum, dum cor omnino decreuerit.

Astrologi, qui rerum omnium nostrarum mutationes rei immutabili & constanti, nempe cœlo adscribunt, quadam probabilitate, septem vitæ nostræ partes pro numero

planetarum faciunt. Prima subiicitur Lunæ, quæ ut infimus est planetarum, sic valde humida putatur, puerique multo humido constant: Secunda Mercurio, qui planeta ἀδιάφορος censetur, neque malus, neque bonus per se, nisi cum aliis coniungatur: sic nos dum teneri sumus, facillè quouis humore imbuimur, ut ait poëta, hæcque ætatis pars à sexto incipiens decimo terminatur: Tertia Veneri, quæ per octo annos dominatur, à decimo anno vsque ad decimum octauum flos viget pulchritudinis: Quarta Soli, quæ nouemdecim annis terminatur: Quinta Marti quindecim annorum, & hæc est ætas magnanimitatis, superbix, & rixarum: Sexta Ioui annorum duodecim, qui ut planeta est benignus, sic homines relicto armorum studio, pacis & ciuiliū operum cultores facit: Septima Saturno frigido sicco, tristi & melancholie planetæ, qui extremam vitæ partem, tristemque senectam regit, ut volunt positiones Astrologorum.

Licet vnicuique pro arbitrio diuidere, dummodo in enarrandis mutationibus, quæ in temperamentis accidunt, non aberret. Qui enim minores faciunt partitiones, in subdiuisionibus reliquas partes comprehendunt: ita ut nihil intersit, si quis in duas, tres, vel quatuor, vel alias partes diuidat, dummodo res ipsa semper intelligatur. Nos medicas diuisiones nunc videamus.

Author definitionum medicarum sic diuidit. Etates quatuor sunt: Prima iuuenum: Secunda vigentium: Tertia mediorum: Quarta senum, qui Hippocratis sententiam videtur sequutus *Aph. 13. lib. 3.* Vbi recenset *παιδιά, μαιράκια, καθησκότας, & γέροντας.* Quæ diuisio valde congruit, quia habet analogiam cum quatuor elementis, humoribus, temperamentis compositis, & anni tempestatibus.

Cælius Aurelianus ex Græcorum nominum diuersitate sedecim ætates numerat. Nos verò quadrimembrem illam vitæ nostræ partitionem ex Hippocrate probamus, nec non amplectimur subdiuisiones quas facit Galenus, ex quo prima ætas *παιδιά* seu pueritia dicitur, quæ confestim ab eo tempore incipit, quo infans maternum vterum egreditur, & durat vsque ad annum decimum quintum, quo etiam frigido temperamento præditi incipiunt pubescere. Vnde secunda ætatis differentia dicitur pubertas, quæ Galeno teste *lib. 3. Aph. com. 27. & 5. Aph. com. 7.* initium capit anno decimo quinto, & ad decimum octauum extenditur: Tertia vocatur adolescentia, quæ incipit anno decimo quinto, duratque ad vigesimum quintum Galeno *comment. 9. in lib. 5. Aph.* Eam Hippocrates sub pubertate complectitur, atque etiam Galenus interdum: Quarta iuuentus est florens ætas, orditur anno vigesimo quinto, & ad trigessimum quintum extenditur, quod innuit Hippocrates *3. prognost. Magis*, inquit ille, *expectare oportet sanguinis eruptiones in minoribus natu trigessimum quintum annum habentibus: in maioribus natu suppurationem:* Quinta ætas est *καθησικυία*, constans & media scilicet inter iuuentutem & senectutem, dicitur *ἀνδρία* à fortitudine & virilitate: incipit trigesimo quinto & finitur quinquagesimo: Sexta demum ætatis differentia senectus appellatur, quæ reliqua est vitæ pars: quam Galenus rursus in tres partitur *lib. 5. de tuend. valetud.* Prima est eorum qui *ἀμυγέροντες*, id est viridi senectâ præditi sunt, qui adhuc ciuilia munera obire possunt: Secunda eorum qui *πολιοκρόταφοι* omnino sunt cani: Tertia, in quâ est omnium functionum imbecillitas, qui Latinis silicernia, Græcis *πιμπέλοι* & *ἀλιβαγτες* vel *πάπποι* vocantur, quo nomine fortassis summus Pontifex Romæ Papa dicitur, quia hic honos patribus iam ad extremam vitæ catastrophem constitutis conceditur: quo nomine iure donari poterat Nestor, de quo Homerus.

Τῆς γὰρ δὴ μιν φασὶν ἀναξάδω γενέσθαι ἀνδρῶν.

Et Ioannes ille de temporibus dictus, quem maiorum nostrorum memoria ac historiæ referunt annos vixisse trecentos sexaginta vnum, id est tres & quinquaginta septenarios. Sed nos iam ad ætatum temperamenta veniamus, quæ operæ pretium est imprimis cognoscere, in quorum inquisitione quadrimembrem & Hippocraticam ætatum differentiam sequi oportet, puerorum, iuuenum, virorum, & senum facilioris doctrinæ gratiâ.

In his ergo ætatum temperamentis iudicandis vult Galenus eas calidas, frigidas, humidas, aut siccas intelligi, collatione factâ ad eam ætatem, quæ omnium optima temperatissimaque habetur. Et cum prima ætas in pueritiam, & adolescentiam diuidatur, adolescentia in temperie posita habetur, quod ad corporis animique actiones edendas sit expeditissima, ad quam spectantes, dicimus calidos humidos temperaturâ, ac similes aëri, humori sanguineo, & vernæ tempestat: florentes calidos & siccos eandem cum ætate, igne & bile temperiem adeptos: medios frigidos & siccos melancholiæ, terræ, & autumnio consimiles: senes frigidos & humidos hyemis, pituitæ & aquei
elementi

elementi temperaturam referentes. Quamuis enim siccitas semper progressu temporis intendatur in partibus solidis, quia tamen ob aduentitium temperamentum & excrementa senes maximè pituitosi sunt, ideo humidos eos esse plerumque fatetur Galenus, vt lib. 8. de placitis Hipp. & Platon. Et certissimum est intensam frigiditatem, quamuis siccitati in principio iuncta sit, magnam tamen progrediendo cruditatum copiam colligere: vnde sequitur calidum innatum pueris multum, florentibus intensum, mediis medium, senibus paucissimum esse.

Hanc de ætatum temperamentis sententiam confirmat vbique Hippocrates, vt Aphor. 14. sect. 1. *Qui crescunt, inquit, plurimum habent calidi innati, plurimo igitur egent alimento, alioqui corpus absumeretur: senibus verò parum, paucis propterea somnibus egent, quia à multis exstingueretur: Quod sic explicat lib. 2. de naturâ humanâ: Homo primis diebus calidissimus est sui respectu, ultimis frigidissimus: necesse est enim augescens & ad vim procedens corpus calidum esse: vbi autem inceperit marcescere corpus, delabens in ocium seu marcorem; frigidissimum euadit.* Idem habet Author lib. 1. de diætâ, *Puer, inquit, ex calidis & humidis temperatus est, quia ex his constitutus est, (menstruo scilicet & semine) & in his augmentum accepit.* Et vt proxima generationi sunt corpora, sic calidissima humidissimaque. Iuuenis autem calidus est, quia ignis impetus aquæ dominatur: siccus autem, quia humidum ex puero absumptum est, partim in augmentum corporis, partim ad motum caloris, partim præ laboribus ac exercitiis. Vir autem, quum iam steterit corpus, siccus est ac frigidus, quia caliditatis impetus non amplius dominatur, sed stat corpus ab augmento quiescens & perfrigeratum: nam ex iuuenili ætate siccitas adest, ex sequenti frigiditas: cum senes frigidi sint ac humidi propter frigiditatem, quæ sibi humiditatem accersit comitem.

Hinc patet solutio illius quæstionis, quâ petitur maiorne sit calor pueri an iuuenis: cum enim calor hic seu calidum, Galeno sic interpretante Aphor. proximè citato, potius de substantiâ quam simplici qualitate intelligatur: ex parte quantitatis seu maioris substantiæ, maior est calidi humidique copia in adolescente, seruata corporum proportionem, quam in iuvene: quod si de qualitate tantum intelligas seu gradu, intensior calor in iuvene, quia siccitatem ex diminuto humore illo primigenio, velut limam sibi coniunctam habet. Et sic caloris modo differunt: puerilis enim mitis, suavis, & halituosus est, vtpote perfusus multo humido naturali: iuuenilis mordax, acer, & insuavis, quia pendet ab adscititio: cuius tantum est repositum, quantum iam innati caloris consumptum fuit.

De senum autem temperamento eos frigidos esse omnes concedunt. Vtrum verò sicci vel humidi censendi sint, dubitatur. Dicamus itaque dupliciter illorum temperiem considerari posse nempe secundum solidarum partium constitutionem, & secundum excrementorum prouentum, qui in illis defectu caloris oboriri solet. Ac proinde respectu partium solidarum, quo proximior est orco senectus, eo magis ad siccitatem & depauperationem humidi primigenij tendit, vt docet Galenus lib. 3. de temperam. & lib. 2. de sanis. tuendâ. Respectu verò alterius, nempe excrementitiæ humiditatis, quam necessario in hac ætate colligunt, dicuntur à Medicis humidissimi, vt seruetur illa analogia ad humores, elementa & anni tempestates: Sicque mediis seu consistentis ætatis hominibus sua illa constitutio frigida & sicca commodius adscribatur. Atque hæc de ætatibus, ac proinde ad sexuum varietatem deueniendum, si prius quædam de anno Climacterico annotauerimus.

APPENDIX DE ANNO CLIMACTERICO. Huic de ætatum temperamentis disputationi non inutile erit adiungere breuem de anno Climacterico dicto dissertationem, quæ non minus iucunditatis quam vtilitatis adferre poterit.

Vocant annum omnes vitæ nostræ Climactericum, qui integrum vitæ nostræ horizonta implens, quasi finitor illius appellari potest. Cumque varij eiusmodi Climacterici termini à multis sint statuti, certior tamen est eorum sententia, qui sexagesimum tertium vitæ nostræ annum Climactericum faciunt. *Observatum est, inquit Agellius lib. 15. cap. 7. in multâ hominum memoriâ, expertumque in senioribus plerisque omnibus sexagesimum tertium vitæ annum cum periculo & clade aliquâ venire, aut corporis morbiue grauioris, aut vitæ interitus, aut animi agritudinis, siue illud ab interioribus causis, vt fatali morte, siue violentâ contingat.* Extat etiam Augusti ad Caium nepotem epistola ad A. D. I X. calendas Octobres huiusmodi. *Aue mi Cai, meus ocellus incundissimus, quem semper me dius fidius desidero, quum à me abes, sed præcipue diebus talibus, qualis est hodiernus, oculi mei requirunt meum Caium, quem ubicumque & hoc die fuisti spero latum & bene valentem celebrasse quantum & sexagesimum natalem meum; nam vt vides κλιμακτηρια communem seniorum omnium*

omnium tertium & sexagesimum euasimus. Quod si quis in illustrium ac eruditorum virorum successus humanos inquirere velit, inueniet plerosque hoc anno aut obiisse, aut certè summa pericula passos fuisse. Cicero hoc anno miserè à cliente suo interfectus: Aristoteles Philosophiæ parens illo extremum vitæ suæ diem clausit magnâ posteritatis iacturâ, cum longior illi vita ad complendam de animalibus historiam requireretur. Hac nostrâ ætate, ne alios recenseam, fato suo functi sunt Bocacius, Erasmus, Syluius, Linacer & alij plures cum sexagesimum tertium annum attigissent.

Ac si qui hunc vitæ terminum excesserunt, illi certè omnes aut in septenarium, aut nouenarium, quasi vitæ limitem extremum peruenerunt, Plato nouies nouenarium impleuisse dicitur: Galenus decimum septenarium: Hippocrates decimum quintum attigit: vt vita hæc nostra septenariis regi, nouenariisque videatur.

Cuius rei ratio, si quæ probabilis conungi assignarique possit, hæc est: quia eadem videtur esse debere proportio ortus nostri atque interitus. Modo constat ex longâ Hippocratis & omnium obseruatione, ortum nostrum septimo mense, aut nono perfectum extare, cum alio mense nati aut non viuunt, aut infelicitè, *Vita*, inquit Hippocrates, *hominis est ἐπὶ ἑπτὰ μῆνας* vel *ἐβδομήκατος*, *septem dierum*, vel *septimanaria*: Et qui septimo aut nono mense nascuntur, ij cum habeant numerum accuratè hebdomadis respondentem, viuunt: alij non item: vt nos in tractatu de procreatione hominis ostendemus: Natis iam mutationes per septenarium contingunt: Septenario primo *ὁ δὲ ὄντοφύσσει* dentes emittunt: Secundo puberes fiunt: Tertio nobiles & florentes existunt. Item per septenarios morbi acuti iudicantur: & si quis per septem dies ab omni cibo & potu abstineat, plerumque moritur, quamuis postea cibum assumere velit.

Horum numerorum potentia, cum ita sit longâ obseruatione comprobata, & τὸ ὄντι à nullo ignoretur: quamuis τὸ δότι, causa videlicet certa eorum assignari non possit: credibile est, vt septenarius & nouenarius hominibus initium nascendi tribuere solent: ita quoque numerum ex vtriusque propagatione coalescentem exitium afferre assueuisse: ex septenario autem & nouenario in sese ductis sexagesimus tertius existit: qui ideo Climactericus vocatur, & frequenter viris interitum afferre solet, potissimum illustribus & præclaris.

Viris autem, dixi, non mulieribus, quia fœminæ non tam septenario, quam senario numero, vt imperfectiores, imperfectiore gubernantur: Sic in vtero citam magis habent procreationem: extra vterum sexto anno robur animi & corporis habent: duodecimo puberes sunt: decimo octauo nobiles; vt proinde Plato pares numeros fœminis, impares maribus tribuerit. Ac obseruatum est generosis & illustribus fœminis annum trigessimum sextum, qui senarij quadratus est: & quinquagesimum quartum, qui fit ex senario & nouenario in sese ductis plerumque exitiosos esse. Hæc omnia nos minimè numeris tanquam efficientibus causis tribuimus, cum numeri affectiones sint substantiæ, & eam consequantur: sed tanquam signis & terminis, quibus natura certas mutationes explere solet.

SEXVS TEMPERAMENTVM. Natura sagax & omnium rerum moderatrix sapientissima cum perfectiorum animantium, qualis est homo, generationi continuæ prouidendum duxisset, & impossibile videretur in eadem specie vnicum indiuiduum tam agentis quam suscipientis rationem subire (quod tamen Plato in sua Androgyne somniauerat) distinxit in perfectioribus speciebus, maiori potentiâ, impotentiâque marem à fœminâ, vt scilicet quod concoquere & secernere semen, agendique principium sit, mas appelletur; quod verò non ita concoquere & secernere, sed potius suscipere & concipere aptum natum est, fœmina habeatur: quæ vt in seipsâ generat, sic locum materiamque præbet generationi idoneam.

Vir igitur à fœminâ non differt naturâ, specie siue formâ, nec materiâ siue principiis generationis: sed accidentibus tantum, vt membrorum genitalium formatione & temperie quadam. Quæ verò illa sit controuertitur; author enim libri primi de diætâ: *Μᾶσ্কυλοι*, inquit, *ἔκ τῆς θήλειας* hoc modo gignuntur: *θήλειαι* quidem ab aquâ magis, & à frigidis ac humidis & mollibus augeantur tum cibis tum potibus, itemque studiis ac exercitiis. *Μᾶσ্কυλοι* verò ab igne magis, à siccis videlicet ac calidis cibis & reliquâ diætâ: *Ὅτι* si *ὑποκρίματα*, inquit, *σπέρματος* masculi in totum calidiores sint & sicciores: fœmina verò humidiores ac frigidiores. Propterea quod ab initio vtrique in talibus geniti sunt, & à talibus augeantur. In lucem quin etiam editi masculi victu ac diætâ laboriosiore vtuntur, vt excalescant ac resuscitentur: fœmina verò humidioribus & pigrioribus diætis vtuntur, & τὰ ὑπερβαίνειν καὶ ἀπορροῖν calidi ipsius, nempe sanguinis purgationem ex corpore singulis mensibus faciunt. Id confirmat Hippocrates lib. de geniturâ, vbi in vtroque fecit sperma *ἰσχυρότερον* &

& *ἀνδρῶν* ; robustum ex quo mas , debile ex quo foemina nascitur , & cetera huiusmodi.

Sic Aristoteles *lib. 1. de generatione animal.* & ipsa experientia testatur nouellam , & adhuc infirmam ætatem , cum senescente foeminas generare , potissimum si cibis crudioribus reliquaue diætâ frigidiorē vtantur : vt contra valida & virens ætas mares plerumque producere solet. Itaque ex parte principiorum quæ vtrique ortum dederunt , mas foeminâ calidior apparet & siccior.

Adde quod mas in ipso vtero citius & dearticulatur & mouetur propter maiorem caloris natiui impetum ; & ex Hippocr. mas in dextris plurimum , foeminâ verò in sinistris vteri partibus gestatur. Imo lac ipsum si mas sit genitus , crassius & calidius : si foemina , frigidius ac dilutius apparet.

Post ortum etiam omnia calori in maribus attestantur , siue habitum species , siue actiones : nam colore magis saturato & vegeto splendet vultus in masculis : hirsuties non solum barbæ , sed etiam totius corporis maior ex pororum laxitate ac fuliginum copiâ : latitudo venarum , gracilitas , durities , & similia calorem cum siccitate in illo præpollere ostendunt : actiones tam corporis quam animi etiam robustiores : mas enim homo ad disciplinas omnes aptissimus , bello paratissimus & laboribus addictus , cum mulier otio & vitâ vmbatili maximè gaudeat : vt quæ vir robore fretus suus vndique conquirat & congerit , foemina domi seruiet studiosissimè. Denique vitalium , facultatum actiones , præcipuè pulsus & respiratio , in mare vehementiores validioresque apparent : vox quoque grauior & intensior , ex organorum amplitudine & firmitate : ira & magnanimitas maior sine perturbatione : Vt etiâ naturalium , cum ex perfectiore coctione sanguis perfectior in mare , dilutior verò in foeminâ & imperfectior , quamuis copiosior appareat : adest etiam in viris paucitas excrementorum , quæ in mulieribus scatere solent : semen denique ipsum virile robustius , principium motus & efficientiæ præstat in foetus formatione , cū muliebri inualidū sit , & veluti illius materia ,

Quæ autem de maris ac foeminæ calore dicta fuerunt , ita sunt intelligenda , vt de totius potissimum temperamento , non partis vnus audiri debeât , & de innato potius quam de adscititio : nam fieri potest , idque contingit frequentissimè , vt parte vnâ intemperata mulier , viri calorem eadem parte intemperati vincat pro minore aut maiore lapsu : vnde Rondeletius mulieres omnes *ἡμέτεροι* calidiores omnibus viris existimabat : *ἀλλοτρίοι* verò frigidiores. Fieri etiam potest , vt mulier labori & exercitationi incumbens diætâ vtens calidâ siccâque hominis otiosi temperamentum adscititium vincat & superet. Sed totum foeminarum genus , à virili in totius & innati temperamenti calore superari asserimus. Quod si *ἀνδρογύναι* quædam mulieres seu viragines hominibus superiores aliquando nascuntur , quales Amazonas tradunt , eæ portenta potius quam naturales foeminæ sunt existimandæ , quas naturæ admirationis causâ produxit : vt viri etiam nascuntur mulierosi & imbelles naturæ quadam *παρεκβολή* & errore : vel morbo superueniente , vt de maleficiatis & euiratis nosum est. Ita vt extra cōtrouersiam hoc ferè apud Medicos positum sit , virum muliere calidiorē & sicciorē esse. Sunt tamen qui hæc à nobis sic constituta multis argumentis impugnare nitantur.

Primò ostendunt illi hoc in thesi verum non esse , marem scilicet foeminâ calidiorē , cum in toto rapacium auium genere , foeminæ maribus grandiores validioresque sint : læna leone , vrsa vrsō crudelior ac ferocior. Ac non solum hæc in thesim , sed etiam contra hypothesim nostram contendunt , foeminam viro esse calidiorē in specie humanâ , ex antiquâ Parmenidis sententiâ *lib. 2. de partibus animal.* Et apud Hippocratem insignis est contextus *lib. 1. de morb. mulier.* vbi illud conceptis verbis etiam addita ratione significauit. *Mulier* , inquit , *ἐστὶν ἀραιότερα καὶ μαλακότερα ἐν τῇ σαρκὶ καὶ θερμότερα ἐν τῇ αἵματι* : & propterea calidior est quam vir. Et *lib. de aëre , locis , & aquis* , recenset Hippocrates historiam Scytharum , apud quos viri frigidi , molles , ad Venerem inepti dicuntur : mulieres verò vegetiores & alacriores. Quod autē mas plerumque actiones edat mulieribus perfectiores , id illi cum Hippocrate *lib. 1. de morb. mulier.* ad siccitatem , exercitationem & laboris assuetudinem ex quâ siccitas oritur , non ad caliditatem propriam referunt. Ac ne videantur suam causam deferere , etiam de actionum perfectione multarum cum viris contendunt. Ingeniosæ enim , inquit illi , sunt mulieres & multâ subtilitate præditæ , quâ Galenus sanguinis puritati & tenuitati adscribit. Sunt etiam iracundiores , & ad vindictam viris proniores , quos & pulsus frequentia & celeritate apud Galenum superant. Et si tantum caloris habeamus , quantum sanguinis , foemina viro manifeste calidior , quæ non solum sibi , sed etiam foetui alibilem procreat sanguinem , mensuris fluentem periodis , & lac alendo foetui idoneum : vnde etiam viro pinguior , propter maiorem

tem oleosi & purioris sanguinis copiam, qui in adipem faceffit. Maiori item tenentur fœminæ coeundi appetitu, quam viri, aut saltem diutius perseverant in coitu, cum tamen meatus illos feminarios maribus ampliores habeant. An non fœminæ viris citius adolefcunt, pubescunt, & sobolem suscipiunt, certissimo caliditatis validioris signo? Quod enim tardius in utero perficiantur, id sit ratione maioris perfectionis, quæ in fœminæ procreatione requiritur.

Hæc illi: quibus nos ut satisfaciamus, fatemur quidem antiquam fuisse hanc de mulieris caliditate sententiam, sed etiam ab antiquis impugnata refutataque rationibus iam prius à nobis adductis. Itaque Hippocrates *lib. illo de morb. mulier. citato*, dum mulieres viris calidiores esse censet, vel ad quantitatem tantum sanguinis, non qualitatem respexit: vel certè morborum tantum temperamenti in mulieribus aut adscititij meminit: aut contextus ille est vitiatus: cum alibi passim virum muliere calidiorem esse pronuntiet ratione totius & innati temperamenti: Neque Scytharum mares fœminis Scythicis comparat, sed aliis maribus, à quibus magis recedunt Scythæ illi, propter victus & exercitationis rationem, quam mulieres à nostratibus, quibus victus ille humidus, & vita otiosa non ita aduersatur, ut viris, qui contrario præditi sunt temperamento. Nec ad siccitatem solam referri potest perfectio actionum in viris, cum siccitas sit concomitans tantum & coadiuvans causa, quæ si calori minori iuncta sit, valde actionibus est incommoda.

Ingenium mulieribus & sagacitas quædam à naturâ concessa est, ut defectum iudicij quodammodo compensaret: unde etiam illa iracundiæ & vindictæ cupiditas propter mentis impotentiam. Denique maior est sanguinis copia in muliere dilutionis & serosioris, qui natiua eiusdem frigiditate concrevit in adipem, & ad fœtus alimoniam in utero, lactisque generationem, naturæ providentiâ comparatus est. Non tamen puto ob menstrui sanguinis fluxum, mulierem maiorem sanguinis copiam viro generare: cum vir labore continuo dissipet ac resolvat eam humoris portionem, quam fœmina otio suo ac inertia coaceruat: quandoquidem mulieres quæ exercentur, vix hoc fluxu sanguinis tententur, aut certè paucissimo. Fluit igitur è muliere sanguis menstruo quoque tempore, naturali quadam cruditate, inquit Aristoteles *lib. 1. de generat. animal. cap. 20.* at etiam pallet magis, & evidentiùs viro mulier venas habet tenuiores, & exiliores, ut si ratiōem spectes, mulier plus sanguinis viro; si ratio, vir multo plus habere intelligatur. Adde quod vir in generatione feminis prolifici, non parum optimi sanguinis absomit, quod excernit exuritque magnâ spirituum copiâ in dies horasque. Fœmina ut imperfectum quid, desiderat matrem, ut se impleat: mas, ut se depleat, fœminam: unde mulier magis in coitu perseverare potest. Sicque mulier in utero tardius perficitur, non perfectionis maioris causâ: sic enim perfectior esset extra uterum & magis duraret, sed, ut docet Hipp. *lib. de naturâ pueri*: fœmina tardè generatur in utero, & tardè movetur, caliditatis defectu, & humiditatis copiâ: mas verò brevi, quoniam calor auctus, & semen verè constans citò firmantur & consistunt: Sic extra uterum fœmina citius adolefcit, parturit, & ætates suas præterit: quia quæ humida sunt, ut faciliè extenduntur, & augentur, sic fluxa sunt magis & dissipabilia.

Quæ verò illi dicebant de thesi, quamvis parum ad hypothesim nostram faciant, non sunt tamen recipienda: aves enim rapaces fœminæ non calidiores maribus, sed humidiores, quæ humiditas efficit ut caliditas illa intensa non ita exurat & exsiccet fœminarum corpora ac marium: unde grandiores apparent. Leæna verò & vrsæ cæteræque feræ animantes crudeliores quidem ac ferociiores maribus, sed non robustiores ac validiores: quamvis enim maiore impetu ferantur in pugnam, non tamen ita perseverant ac mares. Adde quod brutorum fœminæ omnes Aristoteli post partum furere dicantur, vel quod non expurgantur inquinamenti illis fœtus: vel quia ita à naturâ constitutum est ad fœtum conservationem.

TEMPORVM AC REGIONVM TEMPERAMENTVM. Tempora novisse eorumque mutationes, ut est Medico ad sanitatis conservationem morborumque curationes valde necessarium: sic ratio temperamentorum quæ mutationes illas temporum consequuntur, ad Physiologiam spectat: utque mutationes temporum Medico tenendæ & cognoscendæ sunt, sic varia regionum temperamenta, pro quarum diversitate soli cælique constitutiones variæ existunt.

Temporis itaque nomine, aëris varias dispositiones intelligimus, quæ pro diverso syderum, præcipuè verò solis ad nos accessu vel recessu, ortu vel occasu secundum primas illas qualitates sensibiliter mutantur: unde etiam & diei ipsius varietas apparet, cuius partes *ὥραι* apud Hippocratem, vulgo tempestates vocantur. Quod ad

mensis enim & hebdomadæ rationem attinet, illa lunæ potius quam solis vim & motum sequuntur.

Dicamus igitur annum, Græcis *ἐνιαυτὸν*, quod in seipsum redeat, & in sua semper vestigia labatur, cum illud temporis spatium quo sol à puncto vno Zodiaci egreßus, illo peragrato, ad idem punctum redit, varias tempestates efficiens dierum trecentorum sexaginta quinque numero constantes à quocunque incipias puncto. Igitur nihil interest, dummodo ad idem reuertaris. Astrologi quidem ut commodius anni tempora describantur, incipiunt ab ipso Ariete, quem cæli caput appellant, & singulis anni quadris tria Zodiaci signa assignant, per quæ discurrens sol indefessâ latione, æterna rerum omnium sæcula metitur. Medici verò istas anni tempestates magis ad sensum diuidunt, ex sensibilibus quibusdam effectis quæ sequuntur illas solis peragrationes in his inferioribus, utpote cum dicunt, vel esse illud anni tempus, quo aër & omnia animantia ipsaque tellus modico calore humoreque perfusa, gratissimum anni renascentis gaudium suscipiunt maximâ cum salubritate: & sic de reliquis: aliquando tamen distinguunt Medici hæc anni partes secundum ortus & occasus insigniorum stellarum & vulgo magis notarum: vnde Hippocrates sæpissimè hyemem à Pleiadum occasu vsque ad æquinoctium vernum: ver autem ab ipso æquinoctio vsque ad Pleiadum exortum: æstatem à Pleiadum exortu vsque ad Arcturi exortum: autumnum ab Arcturi ortu vsque ad Pleiadum occasum metitur. Quæ omnia vera sunt in Hellesponti parallelo, (ut interpretatur Galenus) qui à nostro Narbonensis Galliæ, Occitanico scilicet, non multum differt, vbi altitudo poli est quadraginta trium circiter graduum. Notandum etiam apud Hippocratem, tempestates istas aliquando subdiuidi: ut ver in nouum adurtum & præceps: æstatem in duas partes, quarum prima est à Pleiadum ortu vsque ad caniculam; secunda extenditur à canis ortu, vsque ad ortum cosmicum Bootis: hyemem in tres, quarum media solstitio hyberno definitur, & aliis duabus extremis continetur.

Quidquid sit, hæc tempora siue tempestates annum constituunt, quæ ut docet Hippocrates *lib. de naturâ humanâ*, omnium sunt participes, calidi, frigidi, humidi, & sicci: ac proinde ad generationem elementorum, humorum & temperamentorum, cum quibus symbolum habent, ad expugnandas contrarias intemperies sunt accommodatissimæ: quod esse verum deprehendemus, si per singula anni tempora discurremus.

Quando itaque Sol à primo Arietis puncto discedens totum Tauri & Geminorum signum peragrat, tunc calorem mediocrè cum humiditate benignâ in hac sublunari materiâ gignit: calor enim cum fiat à sole triplici de causâ, propter accessum propinquum, aspectum rectum, ac longiorem moram supra horizontem: hæc iam omnia incipiunt concurrere sub illud tempus, quo sol ab hyemali solstitio, quod est circa finem Decembris ad nos redire incipit: Humiditas verò suscitatur, quia dum sol hæc inferiora calefacit, niues, & hyemis frigore concretam glaciem resoluit funditque: quæ aërem tepidiorem reddunt. Hæc tempestas ver dicitur, temperata & saluberrima, ut est *Aph. 9. sect. 3.* symbolum habens cum aëre, cum sanguine, & temperamento, *ἰσχυρὸν*, caloris humorisque mediocris particeps.

Vbi verò sol propinquior nobis factus Cancrum ingressus conficit signa Leonis & Virginis: tunc maximum calorem & siccitatem excitat: calorem quidem ob diuturnam in horizonte nostro moram & aspectum rectum, per quem radij perpendiculariter demittuntur, & ad angulos rectos reflectuntur: calore autem maximo vigente exhauritur humiditas illa ex vernâ tempestate restans, & siccitas inducitur. Tempus hoc æstas vocatur quasi æstuans symbolum habens cum ignis elemento, cum bile, & temperamento calido siccoque.


Sol regulari illo & continuo motu vltèrius progrediens, à Libræ puncto, vbi adest autumnale æquinoctium, vsque ad Sagittarij signum, siccitatem tunc & frigiditatem paulatim inducit: hanc quidem quia iam sol breuiorem supra nos moram faciens, & obliquiores emittens radios, quibus terræ & aquæ globus parum incalescit, fit ut remotâ calfaciente causâ excellenti, natiua illarum frigiditas intendantur: & aërem afficit, inæqualiter tamen & cum variâ caloris frigorisque reciprocatione: siccitatem verò propter consumptum æstate humidum, & vehementem inductum squallorem, qui nondum temperari potest. Ista tempestas autumnus appellatur, inæqualis valde & insaluberrima, ut videre est *in multis Aphorismis sect. 3.* Symbolum habet cum elemento terræ, humore melancholico, & temperamento frigido siccoque.

Tribus his partibus peractis, sol Capricorni signum ingreditur, ad Arietis rursus punctum rediturus, eoque tempore frigoris humorisque magna vis: tum propter

solis recessum & dierum breuitatem : tum etiam vaporum superioribus tempestatibus collectorum copiam, qui tunc densati in humorem & pluuias conuertuntur. Hyems igitur frigida humidaque, aquæ, pituitæ, senilique temperamento respondet. Vtque totus annus sic variatur & recurrit ad mundi totius & elementorum conseruationem : sic dies, ex quibus annus componitur, quadras suas habent illis respondentes, prout sol nobis oritur & occidit, sublimis est aut sub terra positus : matutinam scilicet veri, meridianam æstati, vespertinam autumnò, canticinium seu noctem mediam hyemi, proportionatas esse sentimus : in quibus etiam congeneres humores magis moueri ac dominari creduntur.

Atque hæc est anni temporum & dierum ratio, cui omnes consentiunt. Quamuis enim Hippocrates in *Aphorismis* multos, eosque perniciosos morbos recenscat, qui veris tempore solent contingere, non tamen ideo salubritas illius tollitur : quoniam hoc per accidens in corporibus cacochymis contingit, per hyemem magnam prauorum succorum copiam coaceruantibus : quæ succedente veris tepore funditur, & aliquando putrescit, sicque in illis malas dispositiones infert. Salubria autem & bene constituta corpora nihil est quod magis conseruet, & in propriâ retineat temperie, quam veris tempus, illis simillimum. Quod verò Galenus *lib. 2. de temperamentis*, digladiatur aduersus eos, qui ver calidum & humidum faciunt : illud tantum intelligendum est de excessu & magnâ exuperantiâ istarum qualitatum, quam veri nullo modo competere posse ostendit : earum tamen æquabilitatem & moderantiam ad componendum statum illum *εὐκρετον* & saluberrimum cum Hippocrate admittit.

Verum cum hæc dicantur ratione positionis nostræ in orbe, quæ est citra Æquatorem versus boream : ideo Medici præter illam anni considerationem respectu nostri, quæ in aliis mundi partibus alia esse potest : contemplantur etiam varias regiones, climata, terrarum, vrbium, & locorum tractus, in quibus sensibilis sit temperamentorum istorum varietas & mutatio. Sic mundum secundum eius cardines in quatuor primas regiones diuidunt, à quibus etiam quatuor potentissimi venti ad aëris qualitates mutandas, proficiscuntur : Orientalem scilicet calidam siccamque, vnde eurus : occidentalem frigidam siccamque, vnde zephyrus : septentrionalem frigidam humidamque, vnde aquilo : & meridionalem calidam humidamque, vnde auster perflat. Quamuis hæc aliquando mutantur pro varietate locorum, per quæ eiusmodi venti transeunt : Vnde in Africâ auster frigidior, nobis calidior apparet : Sed hæc sunt intelligenda pro situ orbis generali. Præterea ex sententiâ Astrologorum, qui quartam hanc terræ partem cuius sumus incolæ, in septem climata diuidunt : inter illa quartum & quintum temperata existimant, reliqua verò intemperata, & minus habitationi hominum accommodata. Item in vno eodemque climate spectant Regiones, Vrbes, Domus, & alia loca, utpote montosa, & edita, septentrionique exposita, velut frigidiora : demissiora autem, concaua, & in vallibus posita, & ad meridiem vergentia, calidiora & insalubria : veluti paludibus, mari, fluminibus proxima, humidiora : salebrosius verò, & asperis locis aut fabulosis vicina, sicciora, si ventis bene perflentur : ea autem maximè ad temperiem accedere, quæ inter occidentem & septentrionem sita, neque edita, neque depressa sunt, sed in æquali planitie vel patientiore quodam tumulo collocata. Quæ cum accuratè ab Astrologis, Cosmographis & Hippocrate sint explicata *lib. de aëre, aquis & locis*, nos his contenti erimus pro physiologicâ temperamentorum tractatione : quod enim spectat ad partium corporis & humorum temperamenta illa, suis locis proponuntur. Nunc igitur ad partium tractationem accedamus.



C A P V T I I I.

De Partibus.



VID SIT PARS. Triplicem fieri posse rei alicuius diuisionem tradunt Philosophi : quarum vna est in partes essentielles, ut generis in suas species, compositi in materiam & formam : altera in potentias seu virtutes suas : tertia in partes quantitativas & integrantes. Nos igitur, qui hominis naturam suscepimus explorandam, & quasi per partes explicandam, cum prius partes illius

illius secundum speciem minimas & indiuisibiles, velut materiam, proposuerimus: nunc instare videtur, vt de partibus eis, quæ magis sunt sensibiles, & verè integran-tes, breuiter agamus, demum illius potentias & virtutes consideraturi, quando ani-mæ facultates & functiones explicabimus.

Pars igitur, Græcis μέρος, nomen est multis rebus commune, & quod in relatione positum est: quippe pars, vt docet Gal. lib. 1. Method. totius integrique pars dicitur: quemadmodum totum & integrum per relationem ad partes & particulas nomina-tur: vnde Aristoteles lib. 1. Physicor. dicit partes esse eas in quas cum insint, totum di-uiditur. Simplicissima igitur & generalis hæc partis significatio complectitur eam, quam Medicus propriè considerat, cuius distinctionem apud Hippocratem aliquan-do reperire est, inter μέρος scilicet & μέροςον, hoc est, partem & particulam: μέρος enim figuratum membrum præcipuè designare videtur, dum ελομερην totius corporis structuram, & ex diuersis partibus compagem appellat: aliquando hæc nomina confundit. Itaque cum homo à Medicis variâ & multiplici ratione velut totum spectetur, hinc variæ partis definitiones & non pauca controuersiæ. Idem enim Hippocrates habito respectu eorum omnium quæ in humano corpore insunt, & si-ne quibus subsistere non potest, diuisit hominis corpus in continentia, contenta, & impellentia seu impetum facientia, ipsos scilicet spiritus, humores ac partes solidas in-telligens, nihil denique excipiens, quod ad vitam hominis constituendam conser-uandamque necessarium videbatur, & ipsemet Galenus explicat. Sic Aristoteles lib. de partibus animalium, considerans animal secundum speciem, quatenus diuersas debuit habere partes ad propriam naturam, & distinctam ab aliis speciem consti-tuendam, omnia illa partes vocauit, sanguinem videlicet, seuum, adipem, pilos, vngues, & cornua, & cætera huiusmodi, quibus variè prædita sunt animalia. Ga-lenus verò partem ita definire videtur, vt figuræ potius seu formæ illius accidenta-riæ rationem habeat quam materiæ, vnde lib. 1. de usu partium, vult membrum cor-poris esse, quod non habet suam undiquaque περιγραφήν circumscriptionem, neque omnino coniunctum est. Quod solis tantum partibus organicis conuenire potest, quandiu in corpore sunt: nam & suam habent propriam circumscriptionem, & toti coniun-guntur: similes verò quatenus tales, neque circumscribuntur propriè, nec toti coniunguntur, nisi interuentu instrumenti ipsius. Et lib. 1. de locis affectis, vult lo-cum, & partem idem esse, vbi pars affecta potissimum organica inuestiganda expo-nitur. Auicenna contrà lib. 1. sui canonis, partem seu membrum ita definit, vt simi-lares tantum & simplices partes sua definitione complecti videatur, dum ait, mem-bra esse corpora, quæ ex primâ humorum generantur mixtione, quemadmodum humores sunt corpora, quæ ex primâ ciborum commixtione fiunt. At instrum-entariæ partes non tam ex primâ humorum commixtione, quàm ex ipsarum simila-rium compositione constituuntur. Fernelius verò lib. 2. sua Physiolog. non incom-modè partem definiuisse videtur habito corporis viuentis respectu, & vt est proprium morbi ac sanitatis subiectum, tum etiam quatenus facit ad functionem in corpore exercendam, dum vult partem esse corpus toti coherens, communique vitâ coniunctum, & ad illius functiones usumue comparatum. Dicit esse corpus, quia oportet partem eius-dem esse rationis cum toto, vt si totum sit substantia, illa etiam substantiæ nomen retineat. Dicit esse toti coherens, vt fluxus fluentesque spiritus ac humores à par-tium numero excludat. Vnde Galenus lib. 1. de usu partium, vult membrum cir-cumscriptionem habere, sed non omni ex parte, quia adhæret per vnionem. Addit communi vitâ coniunctum, quia omnis pars corporis nostri viuentis debet propriè nu-triri & augeri, & sic pilos, vngues, medullam, adipem, & similia, quæ per apposi-tionem tantum incrementum capiunt, excludit. Ad functionem usumue comparatum, vt expungantur à partis definitione omnes tumores præter naturam, calli verrucæ, & similia, quæ actionibus potius impedimentum, quam iuuamentum adferunt. Denique illam functionem intelligit determinatam & propriam, quæ spectat potissi-mum ad partes organicas. Hanc igitur, vt nostro huic instituto conuenientem, definitionem retineamus.

PARS SIMILARIS ET DISSIMILARIS. Ex humorum commixtione primas corporis nostri partes generari ex Auicennâ dicebamus. Et quidem quæcunque ex simplici hac generatione exurgunt partes, meritò simplices, similes & primigeniæ appellantur, ex quibus aliæ componuntur multiplici ratione, ideòque compositæ, dissimiles & secundariæ iure merito dicuntur. Atque hæc est prima partium cor-poris nostri differentia, respectu materiæ ex quâ fiunt: optime enim simplici com-

positum, simili dissimilare, primigenio secundarium opponitur. Est & alia differentia, qua partes quædam instrumentariæ, officiales, & organicæ dicuntur per excellentiam, & opponuntur non organicis siue particulis, quæ actiones suas temperamento potius, quam certæ figuræ, magnitudini aut conformationi acceptas referunt, quarum omnium ratio explicanda est. Similares igitur pars *ὁμοιομερής* dicta, sic definitur à Galeno *lib. I. meth. Homogenea*, inquit, *seu similis pars est, quæ undique in similes particulas diuiditur, veluti in oculo vitreus humor & crystallinus & propria tunica- rum substantia. Libro verò 8. de decretis*; vbi vides Platonem quidem & Aristotelem, non autem Hippocratem istarum partium seu corporum simplicium meminisse, sic illas definit, quæ omnes partes tum sibi mutuo, tum toti similes habent. At vulgata hodie partis similis & dissimilis definitio ex Auicenna repetitur. *Partes*, inquit, *similares sunt, quarum quancunque sensibilem partem assumpseris, in nomine & definitione erit toti communicans, sicut caro in suis partibus, & nervus in suis partibus, & his similia.*

Compositæ verò seu dissimilares sunt, addit Auicenna, *quarum quancunque acciperis partem, in nomine & definitione toti communicans non erit, sicut manus & facies; pars enim faciei non est facies, neque pars manus est manus.* Hæc definitio partis similis multas interim dubitationes patitur. Cum enim ipsemet Auicenna inter partes similes venas, arterias, & nervos enumeret: non videntur tamen partes dissecti nerui, venæ, & arteriæ, nomen & definitionem totius retinere. Verbi gratia, dicit ille, nervum esse partem similem albam, à cerebro vel spinali medullâ ortam, ad motum sensumque toti corpori communicandum, comparatam: at hoc minimis nervorum particulis conuenire nequit, utpote quia vsum aut actionem illam corpori præstare non valent. Adde quod si nerui substantiam accuratius spectes, illa ex medullosâ quadam materiâ interiori & membranis externis inuoluentibus composita est. Dicendum itaque in partis similis ac dissimilis descriptione, Galenum & Auicennam solam spectare materiam, non figuram aut vsum toti corpori communem, ac proinde similes opponere dissimilaribus, non ratione figuræ, sed materiæ tantum, ex quâ componuntur, prout in simili vnica est & simplex, in dissimili verò varia & multiplex. Itaque si hoc modo nervum consideres, similis pars dici poterit, utpote qui per totam suam continuitatem consimilem materiam & substantiam sensui repræsentet. Illa autem accuratior distinctio nerui in membranam & corpus medullosum, quamuis admittenda sit, non tollit tamen paritatem suæ naturæ & substantiæ, quæ homogenea sensibus apparet, & talis à Medico dici potest.

Cum igitur partes similes vniformem & similem debeant habere materiam ad sensum, videamus quæ & quot in corpore hominis talem sortitæ sint: reliquæ enim omnes, præter has, dissimilares, & compositæ erunt. Aristoteles partes similes diuidit in molles siue humidas, & siccas seu calidas. Inter molles enumerat sanguinem, faniem, adipem, seuum, medullam, semen, fel, lac, carnem, pituitam, excrementaque omnia. Inter siccas verò nervum, cutem, venam, pilum, os, cartilaginem, ligamentum, ungues, pilos, adipem, nervum, cerebrum, carnem, fibras, membranas. *Libro autem de differentiis morborum* addit venam & arteriam, quas tamen aliàs sæpius compositas esse asserit ex fibris & membranis. Vnde videre est quanta sit in eis discrepantia, quæ tamen facile conciliabitur ex præmissis à nobis distinctionibus. Quod enim Aristoteles ea omnia inter partes similes enumerat, quæ tamen partes corporis viuentis dici non possunt, inde factum est ut diximus, quia in illis libris considerat partes omnes, quæ animalis cuiusque speciem constituunt, quod ipsemet innuit *lib. 2. de partibus*, cum vult veras corporis partes ex sanguine componi. Et Galenus idem docet, dum omnem partem corporis viuentis vult quatuor saltem virtutibus esse præditam, quas naturales vocamus. Quod verò Galenus aliquando cerebrum, lienem, vesicam, vterum, hepar & similes partes similes vocet, id non fit respectu totius, sed præcipuæ partis, cuius vi functiones illarum potissimum exercentur, ut parenchymatis in hepate, medullæ in cerebro, tunicarum in ventriculo, & sic de reliquis. Sic etiam vocat tendinem, arteriam, venam modo similes partes, respectu temperamenti & substantiæ consimilis qua præditæ sunt ad sensum; modo dissimilares, dum subtiliorem illam compositionem rimatur, ut iam diximus.

Nos itaque ex variis Galeni locis, numerum partium istarum similium denarium esse reperimus, & tales esse putamus os, cartilaginem, ligamentum, membranam, tendinem, nervum, sub quo spinalis medulla continetur; arterias, venas, carnem,

carne[m], sub quâ glandes, parenchymata, & musculosa substantia, cutem. Quibus addere potes pilos, ungues, adipem, ossium medullam, spiritus & humores, si quid quid corpus constituit inter partes referre velis. Has igitur partes similes numero decem solet Galenus in solidas & carnosas diuidere, atque in spermaticas & sanguineas: nam *lib. i. meth.* solidas dici vult, propterea quod firmitatem maximam & stabilitatem habeant: ita ut quantitas earum semper eadem remaneat, numero quidem in iis quæ adhuc augentur, in aliis verò quæ absolutæ iam sunt, etiam magnitudine. Carnosas verò illis opponit, propterea quod minimè solidæ & firmæ sint, sed perpetuam magnitudinis suæ, & quantitatis varietatem suscipiunt. Spermaticas autem sanguineis opponit, non solum ratione materiæ ex qua fiunt, sed etiam temperamentum quo præditæ sunt, cum spermaticas frigidas siccas, sanguineas calidas humidæque esse censeat. Primam quidem diuisionem partium similiarum in solidas & carnosas, omnes facillè admittunt: at secundam, qua vult Galenus alias spermaticas veluti ex semine profectas, alias verò sanguineas dici, non recipiunt, ostenduntque partes omnes ex sanguine fieri, nullas ex semine. Qua de re peculiariter agemus, quando hominis conformationem, & partium omnium in vtero generationem perlostrabimus. Nunc autem sufficiat annotare partes istas similes recte à Galeno in spermaticas & sanguineas esse diuisas, siue semen propinqua earum fuerit materia, siue sanguis excoctus & elaboratus in seminis formam. Cui nostræ sententiæ consentire videtur ipsemet Galenus *comment. in lib. i. de naturâ humanâ.* Plerasque, inquit, corporis nostri partes ex semine apertum est fieri, cum sola carnosæ ex sanguine fingantur. At quatenus semen in parua est mole, in vterum coniectum, nutrit autem istud & multiplicat sanguis, eatenus corporis partes ex sanguine propè fieri dixeris. Atque hæc sit similiarum partium materia; forma verò illarum substantialis, per quam scilicet viuunt actionesque exercent, est ipsa anima: accidentaria vero, per quam scilicet inter se distinguuntur & certo modo operantur, vnde nomen particulare sortitæ sunt, est ipsum temperamentum, cum suis primis & secundis qualitibus. Quod cum sit in totâ parte similari idem, fit ut illa actio insita & vernacula simplicibus partibus, quæ propriè naturalis dicitur, à temperie inchoetur, ab eadem perficiatur, & à qualibet partis particulâ, integra & perfectâ edatur, quod organicis contingere non potest, ut iam videbimus.

PARTES ORGANICÆ. De similari ergo dissimilarique parte sit dictum satis, quæ quidem appellationes, materiam tantum & eius diuersitatem respiciunt. At organica seu instrumentaria nomen spectat potissimum formam illam externam siue figuram, cuius varietas tantam corpori pulchritudinem & commoditatem affert. Vnde partem organicam definiunt aliqui *ex lib. i. de elementis*, quæ ex similibus composita ad vnam operationem certam & ab aliis distinctam à natura est facta, & ex Aristotele *i. de historiâ animal.* vbi vult instrumenta esse partes compositas. Itaque siue membrum aut secundariò genitam partem dicas, nihil differre putant multi, propterea quod nulla sit pars organica, quæ non re ipsa pluribus constet & diuersis substantiis siue particulis, quamuis contrarium sensui appareat. Sed falluntur illi, quoniam ratio figuræ seu conformationis non includit necessariò diuersitatem materiæ, sed in vna eademque subsistere potest vis naturæ, quemadmodum artificis opera, gladius, securis, aut scamnum non solum ex diuersâ materiâ, sed etiam ex solo ferro, & ligno fieri possunt. Itaque similis pars organica non opponitur ratione materiæ, sed actionis tantum, quæ sequitur propria & determinata instrumenta, & exercetur in nobis beneficio illorum conformationis. Non obstat igitur, quod illi obiciebant, nullam esse partem organicam, quæ re ipsa ex dissimilari substantiâ non constet, quamuis contrarium sensui appareat: tota enim istarum similiarum dissimilariarumque partium differentia fit ad sensum potius quam accuratam rationis normam. Quod verò Galenus sæpissimè instrumentariam pro dissimilari usurpet, id fit, quia paucissimæ sunt partes organicae, quæ ex vnicâ similari constent: plures verò quæ ex variis similibus componuntur.

Dicamus igitur partem organicam esse secundum assignatam à Galeno definitionem, quæ sibi propriam siue determinatam, vniuerso verò corpori communem edicere actionem, siue ex vnâ, siue ex pluribus partibus similibus sit composita. Forma itaque illius, quæ ex vnicâ similari constat, posita est in conformatione & iustâ magnitudine: illius verò, quæ ex pluribus præter conformationem & magnitudinem in numero consistit. Ut enim domum tunc bene constructam dicimus, & appositè ad habitandum fabricatam, quando subiecta in illa materia secundum varias partes

partes, debitam obtinet conformationem, magnitudinem, numerum & connexum inter illas: sic etiam partem organicam, ac proinde totum corpus, istis prædita esse debent, ut principem actionem ad quam aptum natum est, vi & concursu suarum partium edere possit. Rursus quemadmodum ex structurâ & coagmentatione partium domus, aliæ aliis principaliores dignioresque ad habitandum censentur; sic in organi compositione varia partium genera observantur, quarum primæ, præcipuæ, & principales dicuntur: secundæ sine quibus non; tertiæ per quas melius: quartæ conservantes. Verbi gratia in oculo prima dicitur pars crystallinus humor, utpote qui solus colorum species & cætera visibilia excipiat. Vitreus verò & albugineus humor, necnon opticus nervus, dicuntur partes sine quibus non potest fieri visio: Tunica verò oculum inuoluentes & muscoli eundem mouentes, dicuntur partes cum quibus melius illa exercetur. Denique interior illa orbita, palpebræ & circumiectæ partes dicuntur conservantes ipsum oculum & eius actionem. Et sic de reliquis.

Quemadmodum igitur in vno eodemque organo variae considerantur partes, sic etiam rursus istæ partes organicæ, prout sunt magis vel minus compositæ, & à præcipuâ actione magis vel minus remotæ, ita etiam in quatuor ordines distinguuntur. Primi enim ordinis sunt, quæcunque ex similibus partibus vnius & simplicissimæ operationis gratia sunt compositæ, ut musculus, vena, arteria, nervus & similia. Secundi verò ordinis quæ ex pluribus istarum rursus componuntur, & iam totius instrumenti actioni quodammodo deferuiunt, ut digitus. Tertij autem, quæ actioni iam propinquiore, illam quodammodo exercere valent, ut pes & externa manus. Quarti denique, quæ totum ipsum organum ambulationi, vel apprehensionis dicarum constituunt, ut crus, manus integra & similes. Integra etiam ista organa, prout maiorem dignioremue obtinent locum in corpore, & ad vitam magis vel minus sunt necessaria, diuiduntur in partes nobiles, & ignobiles, principes & ministrantes, necessarias absolute & secundum quid. Ignobiles censentur eæ quæ sibi solis & priuatim viuunt. Nobiles verò, quæ publico funguntur officio, ac toti corpori facultatem quamdam, vel saltem necessariam materiam largiuntur. Vnde extat celebris illa apud Galenum partium diuisio quadrimembris, in eas scilicet, quæ regunt & non reguntur, quæ regunt & reguntur, quæ nec regunt nec reguntur, quæ reguntur & non regunt. Eas quæ regunt & non reguntur vocat principes simpliciter, quatuor scilicet facultatum in corpore quasi fontes, ut cerebrum, cor, iecur, & testes. Quæ regunt & reguntur, eas quæ quamuis operam toti communem præstent, à principiis tamen vim istam mutantur, ut sunt ventriculus, lien, pulmones, & similes. Quæ nec regunt nec reguntur, quæ innatam tantum habent facultatem, ut os, ligamentum, caro. Quæ verò reguntur & non regunt, quæ partibus principibus ministrant & auxiliantur, ut iecori venæ, cordi arteriæ, cerebro nervi, testibus vasa spermatica. Atque hæc de partium diuisionibus sufficiunt. Nunc ad temperamenta illarum indaganda veniamus.

TEMPERAMENTVM PARTIVM. Inæqualem esse & diuersam partium corporis nostri temperiem, ut & figuram necessum fuit ad tam varias & discrepantes actiones obeundas. Vnde aliæ aliis frigidiores, calidiores, sicciore, humidioresue dicuntur, ut duriores, molliores, laxiores, densioresque ipsius tactus ac rationis iudicio deprehenduntur. Harum itaque tam similiarium quam dissimiliarium temperamenta breuiter tradituri, à similibus & simplicibus exordimur, ut ex illarum temperie cognita, dissimiliarium & compositarum ratio pateat facilius. Videndum ergo imprimis, an partes spermaticæ frigidiores siccioreque carnosæ siue sanguineis sint existimandæ. Ex huius enim quæstionis solutione, velut fundamento & principio medico, omnium partium temperamenta deinceps iudicantur.

Supponamus igitur, quod postea probaturi sumus, alias quidem corporis nostri partes ex seminis materiâ; alias verò ex sanguine produci. Inde enim sequitur partes redolere temperiem & naturam illius materiæ ex quâ proximè constitutæ sunt; & generationis modum. Proinde cum semen ipsum duarum præcipuè sit partium, & vnius quidem spirituosæ & tenuis: alterius verò, quæ crassamentum dicitur, aquosæ & viscidæ, in testibus glandulosis scilicet & ipso hepate frigidioribus confectæ. Ideo membra illa, quæ ex seminali hac materiâ, vel sanguine diutius concocto & dealbato suam corpulentiam acceperunt in utero, probabile est non ex tenui illâ & spirituosâ substantiâ, in quâ spiritus rector & facultas formatrix positæ erant, confectæ fuisse: sed ex illo crassamento viscido & aquoso, quod erat spiritui velut substrata materia ad generandas partes, ut illarum durities, natua soliditas & crassities

satis attestantur. Ergo partes illæ materiam habuerunt frigidiorē sicciorēque ob ipsum generationis modum. Nam ex illā longā coctione & elaboratione, quæ in illis requiritur, vanescentibus spiritibus & humido tenuiore, remanet velut *μάρμα* & crassamentum quoddam materiæ, velut in rebus externis diutius igni expositis & excoctis, donec soliditatem acquirant & firmitudinem, satis apparet. Inde partes istæ Hippocrati & Galeno cæterisque Medicis exangues dicuntur, non quod omnino sanguine careant, aut quod ex illo non nutriantur aut generentur, sed quia is per diuturnam illam concoctionem mutat omnino naturam suam & temperiem, fitque ex humido siccus, ex calido frigidus, ex rubro albus, ut nullæ illius amplius notæ in eiusmodi partibus appareant. Imo plurimæ earum non immediatè à sanguine nutriuntur, sed per medullam iam incrassatam, & ad ossium quodammodo naturam accedentem. Item sagax ac prudens natura, ne eiusmodi partes ab externo frigore illis maximè infenso læderentur, multis teguminibus & quasi carnosissimis operuit velamentis, quæ eiusmodi iniuriam propulsarent. Hinc *Aphorism. 18. sect. 5.* frigidum inimicum ossibus, dentibus, nervis, cerebro, spinali medullæ & similibus dicitur: calidum verò utile; *Nam quæcunque*, inquit Galenus, *partes naturā suā frigidiores & exangues sunt, citius ac magis ab immodico frigidi usu offenduntur: quemadmodum calidiores, ut cor, pulmones, & similes illius appulsu gaudent & recreantur.* Ex his conuincitur, partes omnes spermaticas siue exangues, frigidiores esse siccioresque, respectu habito ad medium temperatum, nempe cutem; carnosas verò siue sanguineas calidiores humidioresque. Sunt tamē aliqui, quibus hæc Medicorum placita de temperamento similarium partium non arrident. Quamuis enim in passivis concedant partes spermaticas sicciores esse, quod nativa earum durities aperte testatur, non ex congelante frigore, aut materiā replente, sed calore exsiccante exorta. De activis tamen contrarium sentiunt, nempe partes istas calidiores esse multo ipsis carnosissimis, & rationes iam à nobis adductas in nosmetipsos retorquere conantur. Similia, inquiunt illi, similibus gaudent & conseruantur in latitudine sanitatis. Cum igitur ossa, nervi & cætera calido gaudeant & conseruentur, sequitur falsum esse quod concludebat Galenus, partes istas esse frigidas, imo potius calidas, quæ læduntur à frigore, velut contrario. Præterea natura prudens & sagax, ut dictum est, condidit istas partes & texit diligenter, non, ne à frigore sibi opposito læderentur, sed ut vis caloris nativi, illis potissimum insita, curiosè servaretur. An non actiones omnes fere, vi & operâ eiusmodi partium perficiuntur, ut ventriculi chylicatio, vteri foetus productio, puris confectio, villorum & fibrarum, spirituum animalium elaboratio, cerebri, sensus & motus nervorum operâ, partium exanguium & spermaticarum, quæ non frigori, sed potius calori eique præpotenti sunt adscribendæ? Deinde cum orta attestentur suis principiis, cur partes istæ, quas Medici ex semine fieri contendunt, non erunt calidiores carnosissimæ & ex sanguine genitæ? Ipsa vero nutritio idem docet, cum partes istæ ut plurimum medullâ oleosâ & pingui aut tenuiore sanguine, quo interiores illarum meatus peruadere possit, reficiantur, carnosæ verò sanguine crudo & minus elaborato.

Nos itaque, ut hisce obiectionibus satisfaciamus, dicimus primò ad illud axioma, similia similibus conseruari, verum quidem esse, quoties temperata sunt utrinque & in eodem gradu posita, ut docet eleganter Galenus: sin verò ad excessum & intemperiem inclinent, potius lædi quam iuari. Vnde illa conseruatio in intemperatis fit potius modico contrarij usu, quam simili: nam verbi gratia biliosos calidioribus alimentis aut aëre in febrilem excessum facile trahi videmus, refrigerantibus autem temperari & ad mediocritatem reduci. Sic in partibus corporis nostri, quæcunque paululum excedunt versus unam qualitatem, ab eadem, si exuperarit, facilius afficiuntur, quam à contrariâ, cuius statui sunt magis oppositæ. Bene igitur Hippocrates & Galenus dixerunt à frigido externo partes illas spermaticas facilius lædi, quia facile deiiciuntur in frigidam constitutionem illis consimilem, quam calida solent impedire: & sic eadem de causa in feruidioribus corporis nostri locis collocatæ sunt, ut basis & fundamenti instar totam illam structuram fulcirent & sustentarent; tum etiam ne tam facile ab externâ frigoris inclementiâ læderentur, quam facillimè suscipiunt, uti patet in cerebro, nervis & similibus vulneratis & detectis. Actiones verò illæ quas edunt partes spermaticæ in

nobis, vt concoctiones & similia, non ostendunt vim caloris excedentis, sed immuniti potius, si comparentur cum partibus carnosiss, vt in hepate, corde, pulmone, & similibus. Adde quod ob illarum densitatem contingere aliquando potest, vt caliditas intensior in eis sentiat, si quidem copiosum eius influxum suscipiant à corde, sed non proprio insitoque temperamento, quod nos potissimum indagamus. Quod ad seminis verò naturam spectat, iam dictum est, totum semen si cum spiritibus suis consideretur, calidiuse esse ipso sanguine. Sed quia partes istæ spermaticæ non ex spirituosa illius substantiâ, sed aquosa potius & terrestri conficiuntur, ideo frigidiores sunt partibus carnosiss, quæ ex sanguine quasi formam & temperiem retinente, conficiuntur: Orta enim attestantur suis principiis, si quidem non sunt mutata & elaborata per vim causæ efficientis, vt contingit in hisce partibus: quamuis enim semen actu sit humidum, illæ tamen siccissimæ & durissimæ euadunt.

Demum nutritio partium istarum fit ex consimili alimento, nempe sanguine crassiore & quasi mucoso, vt patet in cerebro, nervis, ventriculo & similibus. In ossibus autem quia natura non poterat generare propagines venarum in duriorē substantiam & dispergere, ideo per quoddam medium, nempe medullam in cavitatibus eorum retentam, illa nutrire voluit, cuius crassior & ossi similior portio sensim & conuenienter attrahitur, remanente tenuiore, & pinguiore ad irrigandam eorum substantiam, temperandamque tum siccitatem, tum frigiditatem. Sit igitur firmum & ratum, bene traditam fuisse à maioribus nostris temperiem partium spermaticarum & sanguinearum, ad quarum particularius examen iam descendimus.

PECULIARE SIMILARIUM PARTIVM TEMPERAMENTVM. Cum igitur inter partes ad sensum similes, alias quidem calidas humidas; alias verò frigidas siccas statuerimus, plus minus id omne intelligendum est, relatione factâ ad partem quamdam temperatam, quæ sit aliarum omnium veluti medium & regula. Hanc autem partem ostendimus esse ipsam cutem. Quamuis enim laxiorem, densiorem, molliorem, duriorē, humidiorē aut sicciorē dicamus esse ipsam aliquando cutem, vt est in *lib. de elementis*, hoc tamen non fit respectu aliarum partium, sed comparatione ad seipsam, accidente aliquo externo immutatam, vel in variis indiuiduis consideratam.

Quod nullo modo impedit, quin temperata in sua specie respectu omnium aliarum partium dicatur: Est enim cutis Galeno nervus quidam sanguineus, per totum corporis habitum exteriorem diffusus, vt ibi tactilia externa ad conseruationem animantis exquisitè percipiat. Cum igitur in illius constitutione aqualis sit miscella spermaticæ partis & carnosæ, sequitur & æquabile esse & moderatum illius temperamentum inter omnes partes. Sic Hippocrates *lib. de humorum usu*; *Exterior*, inquit, *cutis pars* (quasi dicat cuticulam, quam nos epidermida appellamus) *continua est sibi ipsi & vñq; valq; nervo sanguineo*, quasi dicat veræ cuti, quæ ex æquis nervosæ & sanguinæ materiæ partibus conflata hoc nomen apud Hippocratem meruit, cui *δέρμα* siue cutis proxime adhæret, estque eius velut recrementum aëris occurssu refrigeratum *lib. de carnibus*, ac proinde insensibilis & ἀναισθητὴ existens.

Caro autem & carnosæ partes sanguinæ à Galeno dictæ, calidæ humidæ positæ iam sunt à nobis, sed magis tamen aut minus, prout sanguis ex quo illæ constitutæ sunt & nutriuntur, varius est & multiplex. Carnis autem lata est & angusta significatio. Propriè caro apud Galenum est pars corporis nostri similis, mollis & rubicunda, ex sanguine primâ alteratione genita, quæ musculorum fibras complectitur, illasque fulcit & implet. At latè sumpta caro genus est ad substantiam verè carnosam, glandulosam & viscerosam. Continet enim musculorum carnem, & eam quæ in glandibus est & visceribus, quam Herophilus *παρίσχυμα* appellabat. Sic sumpta caro maximam corporis nostri partem constituit, vnde Hippocrates *lib. de locis in homine*, corpus in tres præcipuas partes diuidit, caput, ventres & carnes. Et *lib. de naturâ pueri* *σάρκα* sumit pro omni corporeâ massâ, quæ ex semine ac menstruo sanguine primum fit à facultate formatrice, deinde dearticulatur. Hæc igitur caro musculosa, glandulosa & viscerosa, cum ex sanguine leuiter alterato fiat, qualitates illius, non solum primarias, sed etiam secundarias imitabitur. Atque vt musculosa caro, quæ propriè à calido & humido fit apud Hippocratem *lib. de carnibus*, vbique fere sibi similis est,

est, sic multum differunt inter se glandulosa & viscerosa. Alia enim est substantia illius sanguineæ ratio in glandibus testium, mammarum, inguinum, alarum & similibus: alia etiam in parenchymate hepatis, lienis, cordis, pulmonis, & similibus, prout varia fuit affusi sanguinis substantia & modus, cum tamen omnes in caloris humiditatisque dominio respectu spermaticarum partium positæ constitutæque sint.

Reliquæ partes similes, ut os, cartilago, ligamentum, tendo, membrana, nervus, vena & arteria, ut spermaticæ sunt, sic etiam frigida siccaque existimandæ, illasque partes dissimiles, quarum compositionem ingrediuntur, in suam naturam & temperamenti similitudinem trahunt; quidquid dicat Auicenna de venarum & artiarum calore; cum enim ex fibrosis membranosisque partibus undique & similiter constitutæ sint, non possunt dici calidæ ob sanguinem & spiritum, quem in cavitatibus suis, vasis instar, continent; sed ex propriâ suâ compositione, ratio temperamenti in eis ut in aliis reddenda.

De nervis etiam subest aliqua difficultas ex contextu Galeni *lib. i. de temperamentis*, ubi videtur nervos molliores in oppositione humidi & sicci temperatos facere. Quidam existimant locum illum Galeni corruptum, atque ita restituendum, ut velit nervos sensationis, ut sunt cute molliores, ita etiam humidiores esse; duos autem quodammodo ad ipsam cutis temperiem in hac oppositione accedere, sed non in aliâ. Verum in hoc parum laborandum: ista enim Galeni loca non efficiunt, quin perpetuò partes quæcumque spermaticæ sint frigidiores, siccioresque carnosæ, quamvis aliquando in unâ oppositione videantur ad cutis naturam quodammodo accedere.

Pili, ungues, ossium medullæ, adeps, quæ dicebamus esse partes corporis nostri substantiam & structuram complentes, habent etiam sua temperamenta, in excessu unius vel duarum qualitatium posita. Pilos enim ipsis ossibus sicciores probat Auicenna ex materiâ generationis eorum, quæ est fumosa excrementorum exhalatio, paulo humido mixta, & externi frigoris vi concrescens. Ex eo etiam, quod nulla animantia pilis vescantur, ut ossibus aliquid alimentarij habentibus, & quod per distillationem maior humiditas ex ossibus quam ex pilis eliciatur. Ungues etiam ad ossium naturam proximè accedunt. Medullam propriè dictam quod attinet, quæ vel in ossium *συνιστοιχιδίων* quasi fistulis, vel *σπυγγιδίων* foraminibus continetur, cum ex sanguine ortum, materiamque ducat, qui in cavitatibus ossium concoquitur & elaboratur, certum est eam ortus sui naturam & temperiem sapere: unde etiam ab Hippocrate pinguis & oleosa vocatur. Quando vero iam multum est dealbata, & crassitiem ossis æmulam adeptæ, tunc frigidior sicciorque evadit. Quod ad pinguedinem autem, adipem, & seuum spectat, adeps mediam naturam inter utrumque obtinet. Nam ut pinguedo ex crudiore & magis aquoso sanguine, sic seuum ex parte magis terrestri & sicca; adeps verò ex pingui & oleosa vi partium membranarum concrescit. Tam igitur pinguedo quam adeps, siue seuum, etiam frigida humidæque vulgò censentur. Sed non parum resistit illa à nobis sæpe adducta ratio de sanguinearum partium naturâ, quæ calidæ humidæque existimantur. Etenim si adeps materiam suæ generationis acceptam referat sanguini oleoso, ut plerumque omnes fatentur, & ipse Hippocrates, dum vult eandem esse materiam seminis & adipis: hinc sequitur adipem caloris potius, quam frigiditatis participem esse, præsertim cum illa adipis generatio, quæ frigori adscribitur, non parum sit controuersa, quandoquidem in corde calidissimo membro, & in renibus frequentissimè reperiatur. In membranis verò cerebri & quam plurimis aliis nusquam. Quare cum ipsum efficiens adipis vel sit calor remissus aut vehementer resoluens, non potest mutare naturam materialis principij. Quod etiam ex effectis probare licet, quandoquidem omnis adeps apud Galenum calefactoriâ & resolutoriâ vi præditus est. Atque hæc de similium temperamento.

TEMPERAMENTVM PARTIVM DISSIMILARIVM. Organicarum partium temperamenta posaturi, ea breuiter percurramus secundum ordinem facultatum quibus subseruiunt. Animali enim functioni tam principi, quam sensificæ & motrici ministrant cerebrum, spinalis medulla, nervi sensorij & motorij musculi & reliqua sensuum externorum organa. De cute quidem, nervis & musculis inter similes partes sufficienter egimus: organorum vero externis sensibus dicatorum temperamenta, ut oculorum, aurium, narium, linguæ, inquirere ex compositionis ratione facillimum est. Quamvis enim de oculi temperamento multi dubitent, certum tamen est, illum ex tribus præcipue humoribus, membranis quibus-

dam, & neruo optico constantem, non posse nisi humidum frigidumque censeri: quamuis multâ spirituum affluentium copiâ splendescat, & flammeam quasi naturam participare videatur, quæ tamen illi aduentitia est potius quam natua.

Temperiem autem cerebri ac spinalis medullæ variam faciunt Galenus & Aristoteles. Vterque quidem humiditatem illis adscribit, quamuis spinalis medulla iam quodammodo siccescat, & in neruosam naturam degeneret. At de caliditate frigiditateque cerebri simul contendunt. Aristoteles enim *1. de part.* cerebrum omnium corporis nostri partium frigidissimum esse asserit, idque ex tactu & ratione compositionis, utpote quod album sit & exangue, refrigerando cordi & pulmonibus partibus æstuosis, pituitosarumque fluxionum author præcipuus. Galenus contra *lib. 8. de usupartium*, hanc Aristotelis sententiam refutans, ostendit cerebrum non esse tactu frigidum, sed quouis meridiano aëre calidius tangenti ap parere. Quæ Galeni contra Aristotelem disputatio eo potissimum nomine est instituta, ut ostenderet cerebrum, non ignobilem & abiectam esse partem, sed nobilissimam, aliarumque veluti principem, cum ratioeinantis animæ sedes sit, & spirituum animalium officina: atque ideo suo abundare calore, tum nativo, tum eo qui ab aliis partibus, corde potissimum & hepate, illi copiosissimè suppeditatur ad munera sua exercenda. Sic igitur cerebrum principum animæ facultatum organum, non potest esse illi frigidum ratione totius temperamenti, aduentitij potissimum, quod ad illius functiones erat necessarium. Vnde *lib. 2. de temperam.* *Quomodo, inquit, cerebrum erit frigidum, conuersans cum tantâ copiâ calidorum vaporum, ex omni parte cinctum choroide valde calente ob multiplices arterias, quamuis ratione ipsius substantia cerebri & aliarum partium componentium naturâ suâ frigidum dicendum sit.* Quod Hippocrates eleganter confirmauit *lib. de carnibus.* *Cerebrum, ait, est metropolis frigidi & glutinosi.* Et *lib. de gland.* *Cerebrum est simile glandi, album & friabile, maioremque partem fluxionum in externas partes ablegat.* Et alibi, *radicem fere omnium morborum ex cerebro propter humoris illius copiam pendere existimat.* Vnde apparet, ineptam esse illorum sententiam, qui existimant cerebrum esse naturâ suâ calidum humidumque, utpote medullosum: frigidum verò ex accidente, gratiâ vaporum in caluaria concrefcentium, quandoquidem ipsa substantia cerebri exanguis, & membranæ, quibus intus & extra obuoluitur, contrarium suadent. Cerebrum enim & spinalis medulla non nisi æquiuocè dicuntur medullæ, ut ipsemet Hippocrates docuit *citato libro.* *Non est, inquit, cerebro aut illius productioni proprium nomen medulla, cum sentiat exquisitè & membranis inuolutum sit, & non sit pingue, aut liqueatur instar vera medullæ, quæ nutrit ossa.* Statuamus igitur cerebrum temperie suâ frigidum, quod tamen multa vaporum sanguinis & spirituum copia ad animales functiones necessaria incalescat. Atque hæc de temperie cerebri. Nunc de partibus vitali facultati ministrantibus agamus.

In medio itaque ventre quem thoracem appellamus, vitalis facultas potissimum exercetur, ibique multæ sunt partes, ut membranæ, arteriæ, venæ, nerui, adeps, muscoli, diaphragma, quarum temperamenta aut prius sunt tradita, aut facile iudicantur, prout ad naturam carnosarum vel spermaticarum partium magis accedunt. Excellunt autem in hac regione cor & pulmo, de quorum temperie controuertitur. Cor, inquit Hippocrates *lib. de carnibus*, *est caloris nativi metropolis: inest enim plurimum caloris in venis ac corde, & propterea spiritum cor habet copiosissimum; utpote quod omnium intra hominem membrorum sit calidissimum.* Hanc Hippocratis sententiam de cordis caliditate, Aristoteles, Galenus, reliquique omnes Philosophi ac Medici deinceps secuti sunt, solo contradicente Auerrohe, qui ex ratione compositionis cor esse frigidum contendit, quoniam ex pluribus partibus spermaticis compositum est, ut vena caua, quæ ab hepate proreptat in cor, vena arteriosa, aortæ truncus, arteria venosa, valvulæ cordis, auriculæ cordis, capsula & adeps illi adhærens; quæ omnia ipsius parenchymati multo præponderant. Verum ista ratio in eo deficit, quod in recensendis cordis partibus præcipuam illius partem omittit, nempe parenchyma & humidi illius primigenij copiam, quæ radicaliter in ipso corde posita esse videtur, cum partes illæ commemoratæ sint potius adiunctæ & aduentitiæ, quam ipsi cordi propriæ. Vnde facile concludere licet, cor calidum esse, tum ratione proprii parenchymatis, quod secundum naturam carnosarum partium, calidum existit, tum etiam multitudine insiti spiritus & sanguinis spirituosi in eo contenti & generati. Cum ergo credibile non videatur, partem frigidam proprio temperamento, posse esse fontem spirituum, sanguinis, & caloris omnis influentis, cor certè frigidum non dicemus. Vnde Galenus scribit, tantum in sinistro cordis ventriculo

calorem contineri, vt possit digitum illius exurere, qui eum in recens mactati animalis ventriculum cordis immiserit.

De passivis etiam cordis qualitatibus dubitatur, nam Auicenna in suo catalogo vult cor esse siccum, ductâ ratione tum ab ipsius parenchymatis duritie, quæ siccitatis est index: tum ab ingenti caliditate, quâ præditum est, exsiccante nimirum & absumentem: & quia nutritur sanguine crasso, vt testatur Galenus 6. *de usu partium*. Hæc verò non impediunt quin cor sit humidius ipsâ cute, iuxta Galeni sententiâ, quoniam plurimum calidi innati continet, quod solum in humiditate subsistere potest. Durities autem illa non est tanta in corde, quanta in cute, si consideretur à musculis separata. Præditum est quidem cor ingenti calore, non tamen proinde siccescit, ob perennem sanguinis & humoris affluxum quo humidatur & efflorescit. Exteriorque tatum cordis pars sanguine crassiusculo alitur à vena coronaria, cum interior gaudeat sanguine tenuissimo atque humidissimo, quem habet in suis ventriculis, non solum quantum satis est illi æstuanti in medellam, vt loquitur Hippocrates *lib. de corde*, sed etiam ad irrigandum totum corpus. Quare statuamus, cor membrum omnium corporis nostri ex Hippocrate *beppûrator*, ipsâque cute non siccior, sed paulo humidius.

Cordi pulmo est proximus, & quasi custos, thoracis est undinem adimplens, vt inquit Hippocrates, parenchymate præditus mollissimo, rarissimo, spongoide, colore spumanti sanguini simillimo, cuius temperies est inquirenda. *Pulmo*, inquit Hippocrates, *lib. de corde*, *mihi frigidus videtur, quia & perspiratione refrigeratur, & suo circumiectu cordis feruorem & intemperatorem castigat*. Quibus verbis satis patet, Hippocratem designasse potius temperiem pulmonis aduentitiam ab aëre inspirato & humore pituitoso influente, quàm nativam, quæ necessario calida statuenda est, cum sit membrum sanguineum, & nutriatur arteriali flauo ac tenui sanguine per venam arteriosam ex dextro cordis ventriculo in illius substantiam irrumpente.

Vtrum verò illa caliditas coniuncta sit humiditati, vt censer Galenus; an verò siccitati, vt Auicenna, videndum. Galenus sumit argumentum à tactu, & copiosis excrementis pituitosis, quæ ex thorace screando emittere solemus; tactus enim pulmonis mollitiem, quam dicebamus humiditatis esse signum, facile persentiscit. Ad id respondet Auicenna, cui nos hac in parte subscribimus; non humidum esse naturâ pulmonem, sed madidum, hoc est, pituita è cerebro defluente refertum, vnde copiosi illi screatus in hominibus præsertim catarrhosis. Sic mollitiem illam non ex innatâ humiditate proficisci, sed potius laxitate substantiæ, quæ sequitur tenuitatem materiæ, ex quâ fit & nutritur, nempe sanguinis biliosi calidi siccique, cuius temperiem æmulatur. Atque hæc de partibus facultati vitali subseruientibus. Super sunt naturales.

Has nos facilioris doctrinæ gratiâ, in sanguineas seu parenchymosas, & membranosas seu spermaticas diuidemus, sub quibus etiam glandes & partes generationi dicatas complectemur. Parenchymate ergo præditæ, vt calidæ humidæ ratione sui ortus generatim censentur, sic etiam plus minus differunt pro varietate materiæ, & compositionis. Hepar etenim, quod Hippocrates vocat *αἰμορροειδέσπον*, ceteris omnibus sanguinolentius: & factum esse vult *lib. de carnibus*, quando multum calidi cum humido in pelliculâ fuit conclusum, naturamque sui principij, idest sanguinis coagulati, & non immutati refert.


Lien vero affusio est nigrioris & fæculenti sanguinis, admodum elaborati & attenuati, vnde pars laxa & spongiosa genita est, minus calida humidaque quam ipsum hepar, pro ratione sanguinis ex quo factus est & nutritur. Vnde Galenus 14. *de usu partium*; *Splenis*, inquit, *corpus, cum tanto rariius sit hepate, quanto est pulmone crassius, merito ex simili sanguinis portione nutritur. Quamvis enim sanguis, qui ad splenem deducitur, crassior sit eo qui est in hepate, quia tamen elaboratur ab arteriis copiosissimis quibus præditus est, ideo tenuior multo euadit. Vt autem summam perstringamus, nutritia horum triam viscerum sic se habet. Hepar quidem ex rubicundo, sed crasso sanguine: lien ex nigro, sed subtili ac spirituofo sumit alimentum, sicque species substantiæ eorum ad proportionem nutritiæ succi se habent*. Hæc Galenus de temperie hepatis & lienis *lib. de carnibus*.

Renes autem densissimo parenchymate ad sanguinis ferocioris translocationem præditi, durissimum viscus Hippocrati *lib. de carnibus*, dicuntur, quorum alimentum Galeno *lib. 5. de usu partium*, est biliosior, tenuior, & ferocior sanguinis portio, quam facultate quadam propriâ & occultâ attrahunt, & à sero ipso secernunt ad sui alimentum. Eò etiam hepate minus calidi humidique censendi sunt naturaliter, tum ratione sanguinis quo nutriuntur, tum etiam seri, cuius perpetuo affluxu quodammodo

modo refrigerantur. Sic propter circumiectam membranam, magna adipis copia circa illos colligi solet, & tenuioris sanguinis portione, roris instar, ex solido isto corpore exudantis.

Reliqua autem parenchymata ventris inferioris, vt pancreas, mesenterium, testes, glans virilis & similes sequuntur naturam adenum, qui nihil aliud sunt, quam partes carnosæ generi subiectæ, raræ, spongiosæ, & in globuli figuram vt plurimum conformatæ, humore pituitoso redundantes. Author definitionum medicarum, vocat glandulam circumuolutionem carnosam, ad duplicem vsum comparatam, vt docet Galenus *lib. 2. de semine*. Glandularum enim vt duplex differentia, sic & vsum: aliæ enim densiores & sicciores mediis sublimium vasorum diuisionibus suppositæ, vt puluinaris instar illa fulciant, & ruptionis periculo liberent. Quædam verò rariores humidioresque, à naturâ ita comparatæ, vt essent veluti emunctoria principum partium, vel etiam vicinas partes irrigarent. Sunt etiam glandulæ quædam, quæ actionem non solum sibi propriam habent, sed etiam communem, & toti vtilem; videlicet glandulæ mammarum, quæ γαλακτοποιητικαὶ dicuntur; testium, quæ οὐρηματικαὶ. Harum omnium temperies cum sub carnosæ genere latè sumpto contineatur, calida quodammodo humida censenda est. Quia tamen ex crudiore minusque elaboratâ sanguinis portione generantur, ideo minus caloris obtinent, quam cûro musculorum, vel parenchymata. Hinc Galenus *comment. in Aphor. 40. sect. 3.* vult adenum naturam, illorum præsertim, qui in mammis sunt, exanguem esse & frigidam, atque ideo sanguinem qui ad ipsos deferretur, in lac frigidius commutare. *Quanto enim, inquit, adenes hi frigidiores sunt hepatis carne, tanto etiam lac frigidius sanguine.* Neque repugnat hoc Hippocrati dicenti *lib. de glandulis; quod si eas disseces, largus sanguis erumpit*, quoniam sanguis ille ex superpositis vasis promanat; vel est albicans, & veluti pituita. Sunt igitur omnes glandulæ paulò frigidiores humidioresque genere carnosæ.

De partibus verò aliis exanguibus & membranosis totius ventris inferioris, earumque temperamento licet generatim pronuntiare, eas frigidas esse & siccas propriâ temperie, vt œsophagum, ventriculum, intestina, vesicam vrinæ, & fellis, vterum, scrotum, vasa spermatica, peritonæum & similia, quamuis aduentitiâ temperie multum humedentur. Circa ventrem enim inferiorem, velut totius corporis sentinam, magna est humiditatum συστάς & collectio, vt loquitur author *lib. de diætâ*, & Hippocrates *lib. de humoribus*, ventriculum hydræ comparat, quæ aquam continet; vterum vero mucosum, vesicam sero scatentem vbique appellat. Atque hæc de partium temperamenti ex instituto nostro dicta sufficiant. Reliqua enim ad partium naturam cognoscendam necessaria fusiùs in anatomicâ tractatione proponi debent, in quâ artifex contrario naturæ ordine ad partium ἀντιόψαν progreditur, nempe à magis compositis diuidendo, donec ad minimas sensu simplicissimas peruentum sit, cum natura à simplicibus & similaribus incipiat, vt compositæ generentur, quam nos hic sumus imitati: ac proinde iam instat, vt ad tractatum de humoribus transeamus.



CAPVT IV.

De Humoribus.



VIDE HUMOR, ET QUOTVPLEX IN NOBIS. Humores in corporibus nostris esse, quos elementa animantium omnium sanguineorum media prius vocabamus, sensus ipse tam certò & manifestè iudicat, vt nullâ vltiori indigeat probatione: substantiæ enim eiusmodi liquidæ & profluentes, variæ & multiplices quotidie per nares, per vteri venas, per hæmorrhoidas, per venam aut arteriam sectam, per infictum vulnus erumpunt: illis intumescunt venæ, palpitant arteriæ, irrigantur partes, replentur acetabula, reliquæque cavitates turgent, vt mera sit insania, summæ stupiditati aut peruicaciæ iuncta, eos negare velle cum Paracelsistis, qui Medicos rationales & dogmaticos per irrisionem Galenicis & Humoristas appellare audent. Præterea cum eorum auctâ vel imminutâ quantitate, vitiatâ substantiâ,

ciâ, situ mutato, & qualitatibus diuersis non solum status præter naturam inducitur, sed etiam variè mutantur hominum temperamenta, partium nutritus, cutis & pilorum, præcipuè in vultu colores : frustra contendebant Erasistratei, ex Galeno *lib. de asrabile*, quos Chymici nostri sequuntur, Medicum nihil humorum contemplatione egere ad Artis munera. Imo dicendum est circa ipsos valde occupatum esse oportere, si modo velit rectam rationem omnium aliarum rerum naturalium tenere : vel causarum quæ sanitatem morbosque vñtatissimos inducunt. Nos itaque videamus quid humoris primùm nomine intelligatur.

Apud Hippocratem *χυλός* & *χυμός* sumitur aliquando promiscuè pro quouis humore, qui in corporibus nostris continetur, vt etiam in aliis rebus externis, quasi *ὕγρητα* dicas siue humiditatem : aliàs, vt à Galeno & posteris illud *chylī* nomen tributum est materiæ illi, quæ in ventriculo confecta per intestina & venas mesaraicas cremori ptisanæ simillima ad hepar transfertur : *χυμός* autem de illis humoribus omnibus, potissimum verò alimentariis, qui ad secundam corporis nostri coctionem sequuntur. Sic apud Medicos recentiores humoris nomen quamcunque substantiam liquidam & profluentem significat, siue in nobis, siue extra nos sit, quæ faciliè alienis terminis continetur, suis difficile : siue laudatus sit & naturæ conueniens, siue illaudatus & illi noxius, vel quoquo modo collectus. Alio modo humor *κατ' ἐξοχήν* & quasi propriè sumptus de humiditatibus corporis nostri intelligitur, quæ per coctionis modum in eo generantur : vnde sic definiri potest. Humor est corpus fluidum, quod ex alimenti transmutatione seu coctione fit in nobis nutritionis causa, vel ad alia corporis commoda. Dicitur *corpus*, quia ex primis fit corporibus seu elementis, quorum materiam & vires redolet, impletque corporis humani structuram, quæ ex triplici substantiâ constare dicitur, spirituosâ, humorali, & solidâ : quasque Hippocrates per continentia, contenta, & impellentia expressit. Dicitur *fluidum*, quoniam naturaliter instar alterius cuiusvis liquoris labitur & profluit ad varias corporis nostri regiones, donec in substantiam partium perueniens ibi sistatur, vel certè à causis violentis concresecat (vt de sanguine taurino narrant) in propriis conceptaculis, aut extra ea in grumos, vel crassiorem quamdam substantiam conuertatur per coctionem nimiam, aut alicuius rei permissionem : quod postea melius patebit. Dicitur etiam *feri in nobis ex alimenti transmutatione*, vt excludantur omnes aliæ humiditates, quæ in corpus nostrum intrudere per varios meatus possunt, absque vllâ alteratione aut mutatione : præterea vt ostendatur generationis eorum modus : nam corpus nostrum calore nativo præditum cum non possit diu propter continuū triplicis substantiæ effluxum subsistere, nisi in deperditæ locum alia accedat, quæ conueniens & partibus alendis sit proportionata. Ideo natura ad animantium, hominis potissimum conseruationem varia produxit alimenta, liquida, solida, crassa, tenuia, & omnibus ferè qualitatibus prædita : ex quibus ritè etiam præparatis & commixtis, si opus sit, vesceretur homo ad sui nutritionem, non immediatè, sed præcedentibus multis mutationibus, quæ qualitates corpori alendo aptissimas & substantiæ modum illis imprimerent : vnde attritio in ore : permixtio omnium exquisita in ventriculo & dealbatio, quam chylolim appellant : expulsio per intestina, & defæcatio seu separatio terrenæ & inutilis materiæ : tractio per venas mesaraicas in hepar, vbi materia illa, quæ vniformis primùm videbatur, heterogeneis verò & multiplicibus partibus constabat, caloris natui in iecore & propriæ substantiæ seu parenchymatis vi in quatuor præcipuas substantias alibiles conuertitur, sub sanguinis tamen nomine seu massæ sanguinariæ contentas : quæ ideo excrementis suis circa ipsum hepar depuratur, nigro scilicet & flauo succo, atque exundantis feri portione, vt possit deinceps sincerior ad partes deferri, & ibi paulatim & quasi per gradus perfectam illam *ὁμοίωσιν* assequi.

Atque hi omnes humores naturales dicuntur, quia naturaliter & quandiu homo se bene habet in eo generantur. Diuiduntur verò in alibiles & excrementitios, quoniam illi in venis & arteriis aut partium cavitatibus contenti facessunt in corporis alimoniam, vt dicebamus : hi verò secreti, & in suos quasi loculos sepositi, vt conuenienti tempore ac modo excernantur, postquam eum corpori vñtum & commoda præstiterint, ad quæ sunt prudenter à naturâ destinati. Quoniam verò humanæ naturæ conditio fluxilis & momentanea non semper in eodem statu permanet, nec eiusmodi succos conuenienti proportionè aut qualitate generat : ideo tam alibiles illi, quam excrementitij succi, si vitium præter naturam semel contraxerint ab externis aut internis causis, inuitiles & noxij euadunt, ac proinde à naturalibus

ralibus distinguuntur, tam alibilibus quam excrementitiis. Quia tamen sub excrementi nomine ea aliquando significantur, quæ tum quantitate tantum, ut laudatissimus sanguis exuperans, semen, lac, & similia: tum qualitate sunt inutilia corpori & molesta: ideo sub excrementitiis humoribus hi etiam præter naturam succi audiuntur. Quod imprimis distinguere erat necessarium.

Dicamus igitur omnes hos humores, siue naturales siue præter naturam; alibiles aut excrementitios, tam utiles quam inutiles, apud Hippocratem quatuor humorum nomine contineri, Sanguinis videlicet, Pituitæ, Bilis & Melancholiæ, *lib. valde germano de naturâ humanâ*; quorum duos à sapore γλυκὺν dulce, & πικρὸν amarum: alios duos à colore appellauit λευκὸν & μελὸν album & nigrum. Non sine ratione; nam ut sanguis naturalis perpetuò dulcis & suauis sapore præditus; bilis etiam sub quocunque colore, flauo, pallido, rufo, cæruleo, porraceo & similibus perpetuò amara: sic pituita perpetuò alba, quamuis aliquando insipida, aliàs dulcis, acida, aut salsa gustui appareat: melancholia verò semper nigra, quamuis aliquando acida, ut naturalis; vel acris aut amara sit, ut quando per assationem generatur. *Libro quidem 4. de morbis, & lib. de geniturâ. Sunt in corpore*, inquit, *humidi species quatuor, Sanguis, Bilis, Aqua, & Pituita*, vbi videtur omisisse Melancholiam: sed vñtatissimum est Hippocrati per χολὴν bilem scilicet, διττὰν, ξανθὴν & μέλαιναν intelligere: per aquam autem serum ipsum siue ichoras, quos aliàs sub pituitæ nomine complectitur: aliàs, ut *lib. de naturâ humanâ citato*, per omnimodum, sic interpretante Galeno, expressit.

Nos itaque ex recepto humorum numero, qui in secundâ coctione generari solent, inquiramus peculiariter eorum naturam & effectus, & si quid dubij in illos incidere solet, breuiter explicemus, ducto ab ipso sanguine velut præstantiori exordio. Quoniam vero quatuor hos humores κατὰ δύναμιν, ut loquitur Hippocrates, & ἰδίῃ valde differentes diximus ab hepate, ex materiâ chylosâ in ventriculo confecta, generari, sciendum prius quomodo illud fieri possit. Præterea cum statuerimus humores istos naturales alios esse alibiles, alios non alibiles seu excrementitios: & inter alibiles non solum sanguinem, sed etiam alios esse voluerimus massam sanguinariam constituentes, quæ intra venarum conceptacula continetur, contra Philosophum & Peripateticos facimus, qui vnico nos sanguine vesci, eumque solum ac sincerum in venis contineri asseruerunt. Quam Galenus *comment. in lib. de naturâ humanâ & 2. de elementis*, quæstionem seu controuersiam valde difficilem & spinosam esse existimauit. Videndum igitur paucis quid hac de re statuere possimus.

GENERATIO HUMORVM IN HEPATE, ET AN SOLVS SANGVIS NOS ALAT
Hepar quidem sanguinis & humorum veram esse officinam, non cor, capite de facultatibus & functionibus apertè demonstrabimus: hic verò dubitatur: quomodo vnus idemque caloris gradus in hepate, vnaque & eadem partis substantia ac temperies, quatuor differentes humores ex vnica materiâ chylosâ albâ & cremorisansæ simillimâ excitare possit? Siue illud efficiat contactu immediato, seu virtute, quod est credibilius, in ipsis venarum canaliculis. Quidam existimant substantiam & innatum hepatis temperamentum nihil facere ad varias istas formas inducendas, sed tantum ad secretionem partium heterogenearum & attractionem succi conuenientis: ac proinde volunt illi hepar, vbi primum accesserit materia illa chylosa, portionem benigniorem & magis alibilem trahere ad se nutritionis causa, & in venas ipsas sibi superfluum dimittere, ab aliis etiam fortasse partibus attractum: reliquas verò partes, frigidiores putâ & calidiores, elici à conuenientibus & dicatis partibus, ut vesiculâ felle, liene & renibus, vbi deinceps formarum suarum perfectionem nanciscuntur. Sed hæc non videntur admittenda: Etenim si hepar locus esset tantum secretionis per vim caloris, non coctionis & alterationis per qualitatum suarum & temperamenti actionem, sequeretur in quouis hepate, & quocunque caloris gradu, dummodo similia essent alimenta, futuram eandem quatuor humorum portionem, quia tantum separarentur ab inuicem; quod falsum esse quotidiana experientia testatur: etenim ex assumptis lactucis, plus bilis aliquando feruidum hepar generabit, quam frigidum ex cepis aut alliis. Præterea si nulla sit alteratio, sed tantum secretio, cur non idem color remanet. aut saltem cur non in vnâ earum partium albus qui prius fuit in chylo: sed is qui maximè hepatis similis existit? Item si eiusmodi diuersorum humorum species ac formæ non inducantur ab hepate, fient ab agente æquiuoco, nempe cæli aut syderum potentiâ, quæ

quæ non poterit inducere formas eas nisi ex certâ materiæ dispositione, ac proinde fiet, ut pro variâ chyli naturâ modò biliosum tantum succum, modò melancholicum, aut duos tantum producat, quod est falsissimum; cum semper quatuor in vnaquaque alimenti coctione producantur. Quod enim illi putant humores istos nancisci suam formam in suis conceptaculis, absurdum est: Etenim si hoc esset, nulla bilis reperiretur, nulla melancholia, priusquam in cystide fellea aut liene fuissent; sed per istarum partium obstructions & imbecillitates, quando non admittunt, aut non attrahunt eiusmodi succum: tunc plurimus exundat per totum corpus. Quare suam formam & naturam ab illis non recipit.

Dicamus igitur temperamentum proprium hepatis, cum certo substantiæ modo, quem *ιδιόσυνηγορίαν* vocant, esse efficiens vniuocum & determinatum horum quatuor humorum, ex materiâ chylosâ diuersis partibus & heterogeneis constante; nam cum hepatis substantia ac temperamentum ex mixtione quatuor illorum humorum ita constet, ut veluti ex affusione tantum factum sit, & inde parenchymatis nomen adeptum: sit ut facillimè per coctionem & alterationem imprimere possit in chylosam materiam, prout variè disposita est, quatuor illas differentes species & colores, ex quibus ipsum constituitur. Ratione autem caloris segregat separatque trahendo quod est sibi magis familiare: ut ratione intensiōis exurendo magis seu assando copiosiorē producat bilem: remissioris verò, si humiditatem habeat iunctam, pituitosum succum: fin autem siccitatem, melancholicum: semper tamen quatuor illos humores in singulis coctionibus plus minus producat: quia viribus, & facultatibus variis præditum est sub vnitatem illâ temperiei & formæ quâ donatum est. Et quemadmodum reliqua corporis nostri membra vno temperamento prædita, coquunt, attrahunt, retinent, & expellunt, huius tamen aut illius qualitatis beneficio quæ in illo temperamento continetur: sic hepar ritè à naturâ institutum, ut ex variis quasi partibus vnius temperamenti varios producere valeat humores.

Vtrum verò seiunctis secretisque humoribus excrementitiis, bilioso scilicet, & melancholico, quod superest & in venas ad singularum partium alimoniam transfertur: purus sit & merus sanguis; an verò ex quatuor humorum congerie & quasi aggregato constans, disputant Medici aduersus Philosophos pro asserendâ Hippocratis autoritate.

Aristoteles igitur 2. *de partibus animal. cap. 3.* & Auerrhois 2. *colliget*, putant, non esse admittendum, nutritionem corporis nostri fieri ab aliis humoribus quam sanguine puro, & iam ab illis in secundâ hepatis coctione defæcato: qui naturâ suâ sit dulcis & temperatus: alij verò amari, acidi, insipidi, & intemperati, ad nutriendum inepti. Secundò, quomodo igitur, si illi actu & qualitibus suis præditi sint intra venas, non amarescit massa illa sanguinis, cum paucissima bilis quantitas sufficiat inficiendæ magnæ liquoris copię: quomodo totū corpus istero non corripitur? Tertio, cum eadem sint nutritionis nostræ & generationis primordia: partes autem fœtus producantur ex sanguine menstruo, nutriuntur etiam extra vterum solo sanguine. Quartò, si quædam partes illis succis nutrentur, amarescerent, vel acidæ gustanti apparerent, quod est falsum. Quinto, si humores illi, continerentur in matsâ sanguinariâ actu, non generarentur denuò ex eâ inflammata, putrefactâ, corruptâ: sed contrarium quotidiana docet experientia, nempe in febribus sanguineis putridis ex tenuiore sanguinis portione bilem, ex crassiore melancholiam procreari: ergo non ibi antea erant, nisi potestate. Sexto, natura ipsa illud ostendit in superpurgationibus, cum reliquos humores facillè emittat, tanquam excrementitios, vi purgantis impulsa; solum tamen sanguinem velut alibilem succum summo retinet conatu, nec nisi iam enervata aut referatis venarum osculis fluere permittit. Hæc & similia adferunt in medium Peripatetici ad præceptoris sui sententiam confirmandam.

Nos verò dicimus, nihil istas rationes vrgere, neque nostram euertere opinionem, qua existimamus sanguinis massam ex quatuor partibus, eisque omnibus alibilibus ac maiore veri sanguinis copiâ dilutis constare, quarum tenuior & flavescent bilis vel biliosus sanguis; mediocris, sanguis purus summâ dulcedine præditus: crassior & crudior cum humiditate, pituita vel pituitosus sanguis: siccior vero & ad atrum vergens, melancholia, vel melancholicus sanguis dicatur: quæ manifestissimè & ad sensum apparent, ubi alicui quantumvis sano liquor ex venâ sectâ profunditur, ita distinctè, ut ichor superiora occupet cum flavescente spumâ seu tenuiore portione; rubra medium; atra verò & limosa vasculi fundum. Quod etiam rationi maxime est consentaneum. Primò enim cum varia sit diuersaque alimentorum, quibus

1 Ioan. Varandæi Physiologia,

quotidie vescimur, natura, quorum alia ad hoc magis, quam ad illud temperamentum humorisque conditionem accedit, non videtur ex hoc subiecto siue materiâ vnicus tantum humor alimentarius exurgere, sed plures, aliâs maior eorum portio in excrementa faceretur, quod est absurdum cogitare: Secundò varietas temperamentorum, quæ in hominibus sanguineis, biliosis, pituitosis, aut melancholicis naturaliter reperitur, cum non possit aliunde pendere, quam ex vario humorum dominatu, qui in nutritionem corporis cedunt, certè vel fatendum erit illa temperamenta à puris excrementis pendere: vel in venis eos actu humores & secundum naturam contineri, qui naturalia hæc temperamenta constituent: Tertiò varietas partium corporis nostri, quarum aliæ calidiores, frigidiore, humidiores, sicciores, discrepantibus secundis qualitatibus præditæ sunt, non videtur admittere posse vnum idemque alimentum, ex quo diuersæ illæ substantiæ reparentur; sed quemadmodum, vt habet Hippocrates *lib. 4. de morbis*, ex vno eodemque solo variorum stirpes diuersos succos ex quibus reficiantur, solent attrahere, sic natura varios alibiles succos producit, ex quibus pro varietate partium suam sibi & aliis conuenientem parare possint alimoniam. Nec credibile est columbas, quæ non habent cystidem felleam, non habere fel sanguini permixtum, quem ideo & calidiorem & collyriis aptum dicimus. Consule ergo ipsas partes, & contemplare lienis substantiam melancholico succo alibili simillimam, hepatis sanguineo, pulmonum bilioso, cerebri pituitoso, vt tandem veritati assentiaris. Quod ad rationes enim Philosophorum spectat, Medici existimant illas tantum facere aduersus humores excrementitios, quos illi numquam in venis esse admittunt, nisi præter naturam: Philosophos tamen in eo deceptos esse arbitrantur, quod massam sanguinariam homogeneam, non heterogeneam esse censent. Atquæ hæc de ista quæstione sufficiant.

SANGVIS PROPRIÈ DICTVS. Iam igitur de humoribus particulariter agamus, ducto à sanguine exordio. Quidam ausi sunt asserere nullum esse propriè dictum sanguinem, idque lactis similitudine, quod proximè ex eo fit, demonstrant. Vt enim à butyro, caseo, & sero nulla alia est pars distincta, quæ lac nominetur, sed vno lactis nomine tres illas substantias simul mixtas designamus: sic sanguinis nomine massam illam audimus, ex pituitosi succi, melancholici & biliosi portionibus confectam. Verum hæc opinio non est recipienda: propterea quod rubor ille qui in massâ sanguinariâ dominatur, non potest nisi à veri sanguinis dominatu pendere, cum alij peculiare suos colores habeant: & caro quæ musculos visceraque componit, non posset rubescere, eaque temperie prædita esse, nisi vero sanguine eoque puriore nutritur. An non calor noster innatus in coctione id quod moderatum est intendit, potius quam immoderatum? Ergo potius humorem temperie præditum, quam alios in quibus excessus adest qualitatum, generabit. Est igitur in massâ illâ sanguinariâ verus sanguis, qui aliis tribus maioreque copiâ iunctus temperiem homini propriam efficit, & quatuor primorum corporum vires æmulatur. Neque vrget lactis similitudo: nam eadem ratione dicere possem, sanguinem ex duabus tantum constare partibus, quia semen quod ex eo proximè conficitur, ex spirituosâ, & aqueâ seu humidâ conflatur: non enim est necesse, vt eadem sint partes eius quod materia est, & illius quod fit ex eâ per coctionem. Quod vt melius pateat, considerare debes illas lactis partes: & videbis non respondere partibus sanguinis: serum enim illius non potest respondere pituitæ coctæ, sed potius ichoribus humorum; butyrum, quod est temperatum in calore & frigore, humidum autem in excessu, non respondebit bilioso succo, qui calidus est siccusque: caseus denique, qui est maxima lactis portio, non respondet melancholiæ, cuius est minima in massa humoralis quantitas, vt postea dicemus.

Sanguis igitur propriè dictus, humor est in calore humoreque temperatus, vt eleganter docet Galenus *lib. 2. de facult. natur.* aduersus eos, qui simpliciter calidum humidumque esse contendebant: rubro colore saturatus, substantiâ mediocris, & dulci sapore præditus, maximèque alendo corpori accommodatus. Abundat potissimum veris tempore & in adolescentia, si quidem alimentis temperatis & boni succi fruatur. Facit homines in quibus dominatur, venustos, florido colore & ex albo rubescentes, bene carnosos, tranquillis moribus & blandis, sed non nihil stupidos ob humoris copiam, nisi leuiter torreatur, vnde melancholici ingeniosique euadunt. Est autem duplex hic humor, venalis scilicet & arterialis, non tantum ratione vasorum in quibus continetur, sed potius qualitatibus differens: nam arterialis tanto est venali calidior, quanto cor superat hepar caliditate: est item tenuior, ob multorum

torum spirituum permixtionem & maiorem depurationem : est flauior & minus ruber venali, quia aërea pars in corde permixta diluit saturatum illum colorem. Vterque tamen est alibilis, sed venalis solidarum magis partium, arterialis spirituosarum & humoralis illius substantiæ primigeniæ. Fit autem hic humor naturæ aduersus, aliquando in propriis suis conceptaculis, nempe cordis sinibus, venis & arteriis : aliquando extra, dum effunditur in cauitates corporis, aut tenues partium poros, vt in tumoribus præter naturam phlegmonosis, in illis plurimum concrefcit per suas fibras & in grumos congelatur : in his putredinem concipiens alteratur & vi caloris ac temperamenti spermaticarum partium albescit & in pus conuertitur : in loco verò proprio fit non naturalis, vel permixtione alieni humoris, vt quando excrementa ab eo non sufficienter fecernuntur : vel sine mixtione per simplicem alterationem, vt dum refrigeratur aut incalescit nimium, adhucque sanguinis nomen retinet & alit, sed vitiose : aut per putredinem & corruptionem, quando omnino nomen amittit, & crassiore sui parte in melancholiam, alia in bilem facessit : aliquando in venenatum quendam & malignum succum, quemadmodum in pestilenti constitutione, aut summa partium κακοηθεία contingit. Naturaliter autem sanguis nullum excrementum facit vt alij humores : quia temperatus & aëreæ naturæ particeps, humori primigenio & partibus alendis accommodatus non debet fecerni aut excerni, sed potius retineri ad naturæ munera. Reliqui verò humores, vt pote igneæ naturæ, vel terreæ participes, purgari debuerunt, ne quantitate suâ nimia vel qualitate periculum inferant extinctionis, marcoris, aut suffocationis calori natiuo.

De fibris autem quæ in vero sanguine potissimum reperiuntur, sciendum est illas à naturâ fuisse comparatas, vt sanguis circa partes facilius concrefcere posset, & illis agglutinari : sunt autem tenues quædam partes quasi villi ; ex terrenâ eius parte & magis tenaci, tum in ventriculi primâ coctione, tum in hepate genitæ, quæ colato sanguine per linteolum facillimè deprehenduntur, aut illo in aquæ peluim coniecto, quoniam fundum petunt. Habent igitur omnia animantia sanguinea eiusmodi sanguinis fibras, sed vel pauciores, vel plures, prout subtiliorem habent vel crassiorem sanguinem : vnde scripsit Aristoteles ceruos, damas, & camelos illis carere, id est paucissimas habere : tauros autem, apros, vrsos & similes habere quamplurimas, & crassissimas, vnde animosi & valde iracundi existunt, conceptum scilicet in sanguine spissiore feruorem diutius retinentes. Harum autem beneficio fibrarum, vt nutritio iuuatur, sic per illas fit sanguinis concretio in grumos extra venas, quæ proprietate quadam, non tepore solo, vt putauit Aristoteles, eum conseruant inconcretum ; in mortuorum enim venis non cōcrefcit, nisi ex rarâ admodum causâ, ex quâ vidit Fernelius sanguinem aliquando ex venis coralli modo induratum & fruticantem eximi : & in partibus corporis nostri, dum viuimus, calore perfusus concrefcit. Quid verò Hippocrates *lib. de alimento*, per sanguinem humidum & solidum significare voluit, difficile est interpretari, nisi fortasse crassiorem & densiorem, qui multas obstructions faciat, si non apponatur partibus : illis verò appositus valde firmum & solidum alimentum.

Maior multo est difficultas ex eiusdem Hippocratis verbis *lib. de corde*. Sanguis, inquit, non est naturâ calidus, neque enim alia aqua, sed calefcit. Quamuis alibi sæpe sanguinem calidum & omnis caloris fomitem esse pronuntiet. Hunc sequutus videtur Aristoteles *2. de partibus anim. cap. 3.* dum scribit sanguinem frigidum esse naturâ siccumque. Hoc nos ita interpretamur, sanguinem scilicet resolutis spiritibus & tenuiori exhalatione, quam ab hepate, corde, & reliquis corporis partibus calentibus recipit, frigidum esse actu, quemadmodum alios omnes liquores : item siccum ob terrestrem portionem & fibrosam, quæ in eo maximè remanet extra corpus, subtiliore exhalata : vnde fit vt sanguis, quando comeditur, talem præster alimoniam : vt autem in nobis consideratur, & quandiu est intra venas naturaliter constitutus, tandiu calidus est & aëreâ humiditate præditus, qua partes corporis reficit & caloris innati robur conseruat. Atque hæc de sanguine propriè dicto : nunc reliquos humores tam alibiles, quam excrementitios persequamur.

ΠΙΤΥΙΑ. Græci φλέγματος nomine pituitam quasi, per antiphrasin donarunt, quod minimè inflammationi sit idonea. Nam illud nomen φλέγμα apud Hippocratem sæpe intensum calorem & φλόγωσιν seu φλεγμοσίν significat, vt in prognosticis, Quibus circa hypochondria τὸ φλέγματος τὸ ἐγγίνηται inflammatorium quid contigerit, ipso interpretante Galeno : tum *7. Epid. lib. 2. de morbis* & alibi sæpe : vnde Galenus *commentario in Aphorismum septimum sectionis primæ* ; vocat παλαιὸν ἔθος τῆς λέξεως, antiquam illius vocis significationem : & Prodicus Hippocratis magister

humorem vltum corporis nostri & valde coctum appellabat *lib. 1. de facult. natural.* φλέγμα à verbo πεφλέχθαι: album verò & humidum βλέννα. Inuàluit tamen postea vsus, quemadmodum *lib. 2. de differens. febrium* habetur, vt omnis humor corporis nostri frigidus humidusque φλέγμα, nobis pituita, quasi (vt quibusdam placet) petens vitam, diceretur.

Aristoteles *6. topicor. cap. 2.* eam definiuit, humidum primum à cibo, indigestum: & Galenus sæpe crudioris succi nomine pituitam quamuis audit, siue alibilem, siue excrementitiam, vtilem vel inutilem. Quod ad alibilem ergo spectat, crudior est sanguinis portio in hepate geniti, frigidior scilicet & humidior aqueâ humiditate, non acreâ, quæ præcipuè dicto sanguini comperit, ad albedinem tendens, ἀποιος seu saporis expers: quando enim Galenus dulcem esse vult, extendit tunc dulcis significatum ad insipidum vsque, ex alimentis frigidioribus humidioribusque aut nimia copiâ assumptis genita, hyemis potissimum tempore, ætate senili, & ociosa vitâ. Homines in quibus dominatur, somnolentos facit & segnes, πολυσάρκεις, molles & albescentes. Quamuis autem Galenus scripserit pituitæ naturam ad morum cultum nihil facere, sed in ciborum tantum primâ generatione fieri: credibilius est tamen hominibus pituitosis, sicut & reliquis, suos esse proprios mores & affectus, quos non melius depingere possis, quam si biliosis contrarios esse dicas. Hæc est ergo alibilis pituita in massæ sanguinariæ aggregato contenta: cuius portio est venis illabens in artuum & iuncturarum acetabula seu cavitates, partes illas mobiles maddfacit, exsiccationemque prohibet. Excrementitia verò pituita in singulis gignitur partibus ex vitiatâ tertiâ coctione, aut pituitosioris alimenti residuo, vel etiam vaporibus qui ad eas efferuntur: vnde cerebrum propter illas omnes causas copiosius cæteris hac pituitâ scatere solet: vnde ab Hippocrate dicitur μητρόπολις τῆς ὑγρῆς: postea ventriculus quando cruditates patitur, tum ipsa intestina. Lien autem quamuis ab Hippocrate aliquando cruditatum author dicatur, non tam est ratione sui, quam ipsius ventriculi, qui ex illius viciniâ & qualitatibus refrigeratur. Huius pituitæ excrementitiæ traduntur differentię modo à sapore, modo à consistentiâ. Ratione saporis quadruplex existit, insipida, acida, dulcis, & salsa: quæ enim insipida est, redolet adhuc veræ pituitæ alibilis naturam: quod si coctionis defectu magis refrigeretur, acida euadit: sin verò à calore mitificetur & πεπασμένη recipiat, dulcis euadit: ita vt per diuturnas inedia & famem illâ nutrirî, corpus existimariæ Galenus, conuersa scilicet per integram πέψιν in sanguinem. Quod si non coquatur & mitificetur, sed putrescat vel exuratur ab intenso calore (tunc enim assæ vi caloris aut putredinis reliquis aquosioribus permiscetur:) aut permisceatur bilioso sero, fit salsa omnium pessima, cuius contumaciam & acridinem tantopere in dysenteriis exhorrescit Galenus. Ratione autem materiæ seu consistentiæ diuiditur in tenuem seu aquosam, vt ichor: quæ modò è naribus stillat, modò expuitur, & è cerebro in plurimas partes etiam per media musculorum interualla, vt quæ arthriticidem parit, effusa, catarrhos gignit varios. Quæ si à calore nostro ex tenui crassior euadat, lentorem acquirit, & tunc βλέννα seu mucus dicitur: quod si crassa quidem fiat, sed splendens, & perspicua, quale est ouî albumen aut fusum vitrum, ὑαλώδης, vitrea appellatur, actu frigida, quæque in intestinis (vt de seipso narrat Galenus *lib. 2. de locis affectis*) frequenter aceruatur, in vrinis aliquando visitur, quas ideo ὑαλοείδης, vocat Hippocrates. Quod si vel mucosa vel pituitosa vltius excoquatur, potissimum in articulis aut bronchijs pulmonum, euadit grandini aut tophis simillima, & gypsea vocitatur: quæ podagricis pedum articulos euertere potest, & ischiadicis detruso femoris capite claudicationem inferre.)

Verum hîc subest difficultas. Cum enim dixerimus vitream pituitam actu frigidam esse in nobis, quæri potest à quibus partibus fuerit progenita, quæ actu frigida sint, & quomodo ab iis in quibus continetur, vt intestinis, vel etiam motu & exagitatione non incalescat? Cui ita breuiter satisfacimus, pituitam scilicet istam non à certis fieri partibus, sed à quacunque pituitâ mucosâ vel serosa, quæ puritatis cuiusdam sit particeps. Non incalescere autem à partibus continentibus eam, quia vbi semel à regimine naturæ velut indomita, & insuperabilis relicta est, redit vt aqua ad propriam naturam, nempe frigiditatem, quæ etiam post excretionem in eâ sentitur manu admotâ, vt Galenus ipse testatur *loco citato*. Atque hæc de pituitâ.

BILIOSVS SVCCVS. Pituitæ omnino contrarius humor est biliosus, calidus siccusque

cusque & igneæ naturæ particeps, atque ideo aliorum humorum veluti calcar & stimulus: vnde orgasmum seu impetum propriè dicitur habere Hippocrati. Quatenus ergo est alimentaria, portio est tenuior ac leuior massæ sanguineæ, ad flauitiem tendens, alendis partibus similibus, vt pulmonibus idonea: quæ in iuuentute maximè dominatur, & sub æstatis præcipuè tempus gignitur ex cibis inflammationi obnoxiiis, vt acribus, falsis, piperatis, pinguibus, oleosis, & dulcibus: potissimum si vigiliæ, exercitationes nimix, abstinencia & similes causæ corpus incendentes concurrant. Dicit aliquis, cum pingua, oleosa, & dulcia temperatæ naturæ & aëræ maximè sint participia, cur dicimus ex his assumptis bilem suscitari? Et cur Hippocrates *lib. 4. de morbis*, vocat humorem hunc pinguem ac leuem, vt etiam 6. *epidem.* biliosum vult esse à pingui? Respondemus: ista quidem ex suâ naturâ non igneæ naturæ, sed potius aëræ respondere: quia tamen ob tenuitatem maximè sunt inflammationi obnoxia, ideo ex illis facillimè biliosum succum in corporibus ad caliditatem vergentibus suscitari: cum in aliis, temperatis scilicet vel frigidioribus potius sanguinem producerent: vt de mellis ac lactis vsu patet; quorum illud senibus, hoc autem pueris maximè confert ad alimoniam: vtrumque verò in florentibus facillimè bilefcit. Quamuis igitur biliosus succus ex piperatis, falsis, cepis, alliis & similibus calidioribus progigni possit, quia tamen illa propter ingratitudinem non magnâ copiâ ingeruntur, sed ad reliquorum veluti condimentum: ideo non tantam ex illis biliosæ materiæ copiam, quam *ὅτι τὸ πικρὸν* suscitari voluit Hippocrates: & hanc materiam pinguem esse, quia ex eâ circa partes spermaticas & membranosas effusa propter tenuitatem suam pinguedo contingit: vel certè quia inflammationi & febribus excitandis aptissima est.

Rursus ex ipsomet Hippocrate oritur dubium, qui cum multis locis biliosum hunc humorem omnibus aliis calidiorem agnoscat: *lib. 1. de morbis* bilem aliquanto sanguine frigidiorē esse scripsit. An liber ille spurius est dicendus, nec genuina Hippocratis proles, vtpote in quo multa ipsius doctrinæ aduersantia continentur? An potius dicendum sanguinem totâ suâ quantitatē & mole, biliosi in corpore succi caliditatem quamuis gradu intensiorem superare? vel etiam intellexit de calore proprio & vtili ad alimoniam, quem bilioso succo plurimum deesse scimus: hac enim ratione febricitantium corpora quamuis æstuosa, minus tamen habere caloris proprii & naturalis dicimus, quam sani hominis. Atque hæc de bile alimentaria.

Excrementitia verò eaque utilis à cystide felleâ per quamdam similitudinem substantiæ attrahitur, & in eâ continetur innoxie, donec per meatum illum cholidochum in intestina, præcipuè duodenum, illabatur, ibique deiectionem veluti clyster naturalis stimulet, & lentam pituitam intestinorum tunicis adhærescentem detergeat: vnde Galenus *lib. 2. de natur. facult. cap. 2.* aduersus Erasistratum ostendit bilem corpori non esse inutilem. Sapore est amaro, colore flauo seu rufo, *χρόνιον* vocant Græci, cui si humoris serosi pars quædam admisceatur, fit *ἀσπρά* pallida, colore remissiori & consistentia humidior: quod Hippocrates in bilioso humore pituitescere vocat aliquando. Ex his dum caloris extranei acrimoniâ summè coquuntur & quasi extormentur, vt ex flauo aut pallido igneum & saturatum valde colorem, & ex tenui substantiâ crassiorē consequantur, fit vitellina, quidquid sentiat Auicennas, qui putauit illam fieri ex permixtione pituitæ, assatis ouorum vitellis simillima. Superfunt tres aliæ, quæ à Galeno *lib. de atra bile*, non solum inutiles, sed præternaturales ex totâ substantiâ nominantur, porracea scilicet, æruginosa, & cærulea siue glastea, quæ nunc in iecore & venis, aliàs in ventriculo aut aliis cavitatibus corporis generationem habent. Vtpote in ventriculo, ob esculentorum quorundam, videlicet olerum, betæ, brassicæ & similium cruditatem, quæ dum non potest ab eo vinci & in chyli naturam conuerti, colorem suum magnâ ex parte retinēt, primumque fit porracea seu prassina: in aliis verò partibus ab exurente calore & flauum colorem in viridem permutante oritur: qui si magis ac magis persistat, æruginosa euadit: tandem nigredini vicinior fit glastea siue cærulea obscura, omnibus deterior, vtpote quæ parum ab atra bile discrepet: & hæc est Zinaria bilis Auicennæ, veneno proxima.

Attamen soluenda est hic difficultas. Cum enim dixerimus bilem porraceam in ventriculo generari aliquando per certorum ciborum cruditatem: dubitari potest quomodo bilis quæ est humor calidus siccusque ex cruditate seu refrigeratione ortum habere possit. Ad id respondendum: cruditatem ventriculi duplicem

esse : vnam quæ mera est frigiditatis soboles, in qua ructus illi acidi apparent : aliam quæ fit ab æstuoso calore & præter naturam, quam sequuntur ructus illi nidorosi & humorum exustio : huius itaque sobolem esse volumus porraceam, ita vt dupliciter vitari possint hæc alimenta, vel quando non coquuntur defectu caloris, & ibi retinent suam speciem & qualitates : atque id bilis porracea æquiuoce tantum aut propter similitudinem quandam coloris dicitur, cum tamen sit crudus & frigidus humor : vel quando illic à vehementiori calore exuruntur tantum, nec coquuntur; & acria calidioraque seipsis euadunt. Atque hæc de bile.

MELANCHOLIA. τὰ μέλανα apud Hippocratem & Galenum variè sumuntur, vt est libro de atra bile, & Aphorism. 23. sect. 4. ibi enim & plerisque aliis locis triplex habetur genus : Primum τὸ μέλαν seu μελανθὲν αἷμα, sanguis scilicet niger & splendens, qui extra vasa grumescit & quasi coagulatur : hac ratione differt ab aliis duobus, quæ perpetuò fusa sunt & liquida absque concrectione : atque horum alterum naturale, & vtile excrementum dici meretur : alterum prorsus damnosum & præter naturam : illud τὰ μέλανα propriè & μελαγχολικὸς χυμὸς humor melancholicus dicitur : hoc vero μέλανα χολή atra bilis. Melancholia igitur propriè dicta seu humor melancholicus, est ea massæ sanguinaræ portio in hepatis secundâ coctione genita, plane terrea & velut sæx quædam ἰλὺς vel ὑπόστασις frigida siccaque, colore nigro, acerbo sapore, & consistentia crassior : cuius partem per venas deferri diximus cum sanguine, tum vt illi robur & consistentiam aliquam tribuat ; tum ad nutritionem membrorum consimili temperamento præditorum & eâ materiâ gaudentium : aliam verò à liene attrahi, secerni, & expurgari, tam in superiorem ventriculi partem per vas breue seu μελαναδόχον, vt appetentiam ibi excitet, vel certè, quod placuit Galeno, retentionem suâ acerbitate & adstrictione iuuet : quam in inferiorem aluum, vt cum reliquis fæcibus expurgetur. Gignitur hic humor plurimum consistente ætate ex cibis crassioribus & qui non facile coquuntur : circa autumnii tempus, ab hominibus sollicitam vitam, curis, mœroribus, vigiliisque anxiam agentibus : quos etiam facit tardos, (& hæc melancholia dicitur asinina) tristes, plumbei, aut nigri coloris, quasi μισανθρώπους, & vitæ politicæ parum idoneos.

Hic igitur humor ita se habet naturaliter secundum primam humorum generationem : per accidens in naturis biliosis & sanguineis, aut qui hepar habent paulò calidius sicciorque, sine vlllo tamen morbo, sed sensim & præcedente ætate, portio quædam sanguinis exurit, & in humorem melancholicum facessit, qui homines ingeniosos, magnanimos, ἐκαστικὸς, omnium artium & scientiarum inuentores facit. Proptereaque sanguinis splendor ingenuus, aut celeres biliosi humoris motus, accipiunt ab hoc succo constantiam & firmitatem in retinendo, versandoque varias rerum ac notionum cogitationes, vnde ἐνδοχῆς illos appellat Philosophus in problematibus, quasi bonos coniectores, ob profundam illam & perpetuam contemplationem rei obiectæ, ad cuius ideo naturam & causas bene collimare & progredi solent. Hoc temperamentum eleganter sub sanitatis latitudine descripsit Galenus in arte parua & aliis locis, vbi sæpe per atram bilem hunc succum leuiter exustum & consistenti ætati absque morbo valde familiarem intelligit.

At verò humor ille, quem atram bilem μέλαιναν χολήν, & toto genere præter naturam esse iam diximus : vt inutilis planè & exitialis est, sic in nullo bene sano corpore reperitur, sed à caloris extranei exurentis, vel putrefacientis alios humores vi excitatur : cui recipiendo nullum à naturâ viscus dicatum : quem omnes partes velut infensissimum hostem auersantur : omnibus qualitatibus ingratum & nocentissimum : tantam scilicet cum aciditate acrimoniam retinens, vt exedendo exulceret, quoties partibus corporis impermixtus adhærescit. Nec tantum membra perodit, verum etiam in terram effusus, acerrimo aceto vel potius aquæ forti simillimus eam fermentat, muscas abigit & bullas excitat : vnde perniciosissimos morbos progignere dicitur Hippocrati Aphorism. 22. & sequent. sect. 4. ex quibus ægri vix vnquam euadunt, sed plurimum coexeunte, tanta est succi malitia : sequenti die moriuntur. De causâ itaque huius humoris exusti atrabilarij efficiente omnes consentiunt, fieri scilicet à partibus plus iusto inflammatis exsiccatisque, dum succos contentos extorrent & incinerant : vel à putredinoso calore inducto in humores : de causâ tamen materiali dubitatur. Videtur Galenus aliquando existimare ex quouis humore illum excitari posse, ac proinde quatuor eius facit species lib. 2. de natur. facult. Prima est, quando vi putredinis aut exurentis caloris melancholia naturalis ad vltimum siccitatis gradum non sine ἐμπύρευματὸς impressione peruenerit : differtque à naturali

à naturali, vt fœx vsta à non vstâ, à carbone pruna, ferrum candens à non candente. Secunda producitur ex bile, quæ vstione in vitellinam, æruginosam, & cæruleam degenerans, tandem fit atra, omnium perniciosissima. Tertia fit ex sanguinis feruore: supra enim modum putrescens aut exustus, vt est 3. *de different. febr.* parte subtiliori in flauam, crassiori in atram bilem degenerat. Quarta & vltima oritur ex salâ pituitâ, quæ longiori vstione vel biliosi succi permistione tam mordax & infestâ euadit, vt ad confinium atræ bilis accedere videatur.

Alij tamen putant neq; ex sanguine, neq; ex pituitâ atram bilē generari posse. Non ex sanguine propriè dicto, quoniam mitis & blandus humor caliditate humiditaterq; multâ perfusus non potest tantū incendium aut malignitatem concipere, vt in teterimū istum succum exustione degeneret, sed tantum in nigrum humorem, melancholix naturali non valde ab similem. Pituita verò cum alba sit, numquam in atrum colorem transire, nisi per alios medios, vt rubrum, flauum, æruginosum & similes poterit, ac quodammodo sanguis aut bilis prius fieri, quod à nullo adhuc est concessum. Præterea, aiunt, cum pituita frigida sit & humida, non est exustioni idonea, aut si quidem à calore attingatur, subtiliores eius partes resoluuntur, remanente crassiori & veluti lapidescente: vnde gypsea exoritur pituita, quæ tamen albedinem suam perpetuo retinet. His respondemus: quod ad sanguinem spectat; cum vstione vel putredine atram bilem fieri posse, vtpote ex terrenis eius partibus velut cineritio quodam remanente: esse tamen inter omnes atræ bilis species maximè mitem, vtpote pristinx naturæ adhuc quodammodo participem: attamen bilem atram esse, vnde carbuncolorum plurimos in caneros degenerasse: & febres sanguineas putridas in quartanam desisse obseruatum est. Quod ad pituitam verò salâ attinet, dicimus eam in atræ bilis naturam aliquando facessere, vel ob malitiam & erodendi summam vim quam longiori vstione adipiscitur, vel etiam quod si paucæ bili vstæ aut sanguini torrefacto misceatur, facile fuscedinem quamdam adipiscitur, vt patet de fuliginis exigua admodum quantitate, liquoris cuiusuis, sed potissimum albi, magnam copiam inficientis: aut etiam ex inæquali & violentâ vstione denigrari posse, permistis scilicet fumis cum illa, vnde carbonēs ex lignis etiam albissimis conficiuntur: quando verò sensim & æqualiter excoquitur, vt in articulis, propriam retinet albedinem. Atque hæc de istâ graui admodum difficultate sufficiant.

Rursum cum dictum sit à nobis inter quatuor humores corporis nostri duos esse humiditate præditos, & totidem siccos: quæri potest vtrum vnum & idem corpus humidum simul siue humor, & siccum dici possit: illa enim *συζυγία* videtur impossibilis. Respondendum est, humores siccos dici posse humidos, primò respectu habito vnius ad alterum, vnde bilis vitellina ficcior dici potest pallidâ & multo sero delibutâ: pituita humidior succo melancholico, quia magis est liquida & diffuens. Alio modo, & magis proprio, dici humores siccos & humidos potestate seu effectu: nam etsi humoribus omnibus commune sit vt liquidi sint & fluidi, non tamen omnes humectant, sed potenter exsiccant, vt bilis vtræque, qua ratione aquam maris aut muriam siccās esse intelligimus.

SERVM SEVICHORES. Hactenus de sanguine, melancholico succo, bile, & pituita, sub qua multi, vt Aristoteles 2. *de partibus animal. cap. 4.* serum siue ichoras complectuntur: quia tamen vnicuique humori, vt scribit Galenus *comment. 2. in 6. epid. & alibi frequenter*, suum serum adscribitur: & serum nullo modo alibile existit, vt pituita illa sanguini permista: ideo peculiarius est nobis de eo nunc agendum. Ichoris autem nomen varia significat apud Medicos: nam aliquando omnes humores subtiles & qui facile effunduntur extra vasa, complectitur, præcipuè quando aliquâ malignitate & acrimoniâ præditi sunt, vt est *comment. in 6. epid. & Aphor. 29 sect. 2.* vnde varix exulcerationes sunt in cute & pruritus 2. *epidem.* Aliquando sumitur apud Hippocratem pro quauis sanie & corrupto humore ex corpore nostro emanante, vt post partum dicitur *ἰχὼρ παχὺς καὶ ἐρυθρὸς* seu *ἀμασώδης* effluere, per quem nihil aliud intelligit, quam lochia illa in venis circa vterum retenta, quæ excluso foetu effunduntur. Et in vlceribus omnis sanies seu tenuis humor incoctus effluens *ἰχὼρ* appellatur *lib. 3. meth.* & apud Celsum *cap. 17. lib. 5.* quo sensu dixit Homerus *Iliad. 1.* *ἰχὼρ* fluxisse è manibus vulneratæ Veneris, quasi cruorem aquosum: quando dij *ἀναιμόνες ἔδδ' ἑστ' ὅτρυν ἑδδ' ὅτρυν, & ὡλκεσι δὲ βαρύνει σὺν.* At præcipuè *ἰχὼρ* dicitur de omni humiditate tenui, quæ in massâ sanguinariâ respondeat τὴν ὀρεῖ, id est lactis sero: ac pro variâ humorum naturâ, variam etiam sortitur, vt idem docet Galenus 4. *de vitiis ratione in acutis*, qualitatem & nomen, aliisque biliosus, alius melancholicus, pituitosus,

pituitosus, aut sanguineus vocatur. Quam sententiam æmulatus Plato in *Timæo*, dixit ichorem sanguinis esse blandum, melancholiæ verò *ἄγριον* siue ferum. Est igitur ichor hic nihil aliud quam pars aquea sanguinis & aliorum humorum, tam alibilium quam excrementitiorum; illis à naturâ tributa, vt facilius transferantur & liquecant per totum corpus. Si potus chylo permixtus reddit illum fluxilem & permeabilem per venas portæ ad hepar, & inde *ὀχρμα τροφῆς* vocatur Hippocrati & Galeno *lib. 4. de usu partium*: postea in serum degenerans transuehit singulos humores excrementitios in suâ loca, totâque massam sanguinis vehiculi instar deferit ad singulas partes alendas: vbi munere suo perfunctum, quia nutritioni est ineptum, vel in sudores effunditur, vel ad renes permeans in vrinam facessit: aut etiam, si maiore sit copiâ collectum, labitur per aluum & diarrhœis excluditur, aut etiam per illa emissaria & fonticulos, quos illi quotidie ars medica parare solet. Hoc sero igitur magis abundant partes illæ, quæ humidior aut frigidior sunt temperamento præditæ, vt cerebrum, vterus & similes: quâ de causâ Fernelius existimauit inde repetendam esse omnem serosarum fluxionum originem. Quod etsi illi concedi possit maiore ex parte, certum tamen est singulas hoc sero esse præditas, eoque vel solâ quantitate, vel etiam qualitate peccante exundantes, illud effundere posse non solum in cutem, sed etiam in articulos, neruosum genus & similia corporis membra. Fit autem hoc serum præter naturam, vel putredine humoris cui cômixtum est, vel permixtione alieni & vitiosi succi: vnde etiam illa species causi ab Hippocr. commemorati, à venulis resiccatis & inflammatis exoritur. Est & aliud vitium in humoribus ratione ichoris, quando scilicet per vehementem calorem suo in totum sero destituuntur & sinceri euadunt: vnde *Aphor. 6. sect. 7.* Hippocrates summopere extimescit in morbo diuturno *ἀκρότης τροχωρήσεως* deiectiones meracas seu sinceras, quæ, interpretante Galeno, exustam esse omnem natiuam humiditatem à calore febrili demonstrant, vel certè naturam cessare ab omni coctione & secretione. Reliqua de ichoribus scitum digna clarius in tractatu de sudore & vrinâ, quæ ab illis fiunt velut communi materiâ, explicari debent.

PROPORTIO ET MOTVS HUMORVM. Humores iam commemorati non solum *κατὰ δύναμιν*, id est qualitates suas ac facultatem corporis nostri nutritionem & temperamentum efficiunt, sed etiam *κατὰ πᾶθος* secundum iustam & conuenientem copiam. Ac proinde eorum debita proportio cognoscenda, vt ex illius comparatione excessus humorum secundum copiam facilius intelligi possit. Certum est igitur in hæmatosi seu hepatis coctione naturam semper intendere corporis commodum quantum potest, & pro conditione obiecti alimenti eum potissimum suscitare humorem, qui maxime ad nutritionem faciat: illum autem minus, qui nutritioni minus sit idoneus. Itaque maiorem sanguinis verè dicti quantitatem molitur, quo & reliqui humores temperantur, & tota illa massa ad alendum, præbendamque spirituum generationi conuenientem materiam sit accommodata. Post sanguinem purum virisimile est pituitam alibilem præstare, vtpote quæ insipida est, potestque in sanguinem aliquando perfectiorem conuerti, & plures sunt in corpore partes consimilis temperamenti, quibus nutriendis est necessaria. Tertio loco ponunt aliqui melancholiam: alij verò variis rationibus biliosum succum, quod ipse videtur sentire Hippocrates *lib. de veteri Medicinâ sub finem*, vbi vult acidum succum esse omnium maxime incommodum. Ego tamen existimo melancholiæ maiorem, quam bili quantitatem adscribendam, in temperatâ scilicet constitutione, tum quod plures sunt partes alendæ, quæ cum illo habent consimilem temperiem, frigidam scilicet & siccam, vt lien, ossa, cartilagines, & similia: tum etiam quod effuso per venæ sectionem sanguine, maior multo humoris crassi & nigri in imo subsidentis copia apparere solet, quam tenuis & flauis in superficie. Non tamen negauerim in temperamentis valde biliosis contingere posse, vt minor sit melancholiæ quantitas: imo etiam aliquando pituitæ: præcipuè in morbosâ cacochymia aut plethorâ cacochymicâ, de quibus non est propositum hic nobis agere.

Verum obiici potest, si quidem temperamenta biliosa, pituitosa, melancholica etiam intra sanitatis latitudinem appellentur ex dominatu illorum humorum: quomodo dictum est sanguinem quantitate exuperare omnes alios qui in venis continentur: sic enim omnia temperamenta ex prædominio sanguinea vocabuntur. Respondendum, hoc nihil impedire, quin minus talia dicantur temperamenta: quamuis enim sanguis perpetuò mole suâ exuperet alios succos in venis: fit tamen vt magna sit eius rei latitudo: ac proinde in quibus biliosus succus, pituitosus aut melancholicus

cholicus maiori inest copiâ, quam in temperatâ constitutione, in quâ simpliciter sanguis exuperat, sine sensibili aliorum humorum excessu; in eis eiusmodi succus temperiem totius massæ sanguinariæ immutat, quæ proinde nomen ab ea parte retinet, quæ viribus, non copiâ aut quantitate præpollet.

Quod ad motum verò humorum spectat, qui nihil aliud est, quam certa & naturalis eorum agitatio in diuersa corporis loca, quasi dicas fluxum & refluxum: credibile est eum à natura institutum, tum ne humores diuturniore otio vitium contraherent, quemadmodum perpetuâ agitatione nimium dissiparentur: tum etiam ad actiones sensuum peragendas, quando opus erat in externis corporis partibus: & celebrandas concoctiones interius, quando sensus externi feriantur: vnde videmus animam spirituum potissimum ministerio adiutam per intervalla, & prout à variis concitatur obiectis, vt per gaudia, mœrores, iracundias, & similes affectus modò à centro ad superficiem, modò ab hac ad centrum humores ciere: quod sensibilibus patet in ipsâ vigilia, quæ euocat humores foras ad sensuum ministeria, quantum potest: cum somnus ad interiora retrahat, concoctionis & reparandæ spirituum dissipationis causâ. Atque hic est generalis humorum motus, quem perpetua sensuum fides satis confirmat: particularis verò est is quem singuli humores habere creduntur, idque dupliciter, primò ex manifesto cum aëre ambiente consensu: secundò ex occultâ magis & latente causâ: Primus fit respectu quatuor anni tempestatum, vt diximus: vnde vere sanguis, æstate bilis, autumnò melancholia, hyeme pituita dominari dicitur: & quatuor diei partium in quibus commouentur, vt pote sanguis ob temperiem & consentientem naturam mane: bilis flaua ob calorem, meridie: humor melancholicus, sicciore & frigidior cœlo circa occiduum solem: pituita, noctu humore iam dominante per sympathiam quandam seu symbolum cum aëre & elementis impellitur. Quod facile obseruare licet in morbis humoralibus; qui enim à pituitâ fusiuntur, illi noctu ingrauescunt: qui à bile circa meridiem, & sic de reliquis. Secundus vero humoris cuiusque motus ex occultâ magis & latente causâ oritur: vt pote quod sanguis æquales habeat impulsiones: pituita autem quotidie: bilis tertio quoque die: melancholia autem quarto suas exacerbationes in continuis, aut per paroxysmos in intermittentibus exerceat. Cum enim illud ad quantitatem solam vel qualitatem manifestam referri nequeat, necessariò in singulis *ιδιοτῆτες* agnoscenda est, siue motus ex occultâ proprietate, de quâ in tractatu febrium fufius disputatur.

HUMORES SECUNDARIJ. Non sufficit Physiologo scire humores in primâ secundâque corporis nostri officinâ procreari certâ quantitate, seu proportionem, & certis qualitatibus esse præditos ad partium nutritionem: nisi etiam rationem teneat quâ eiusmodi succi per venas translati & à singulis membris conuenienter attracti in proximam eorum alimoniam conuertantur, & *ὁμοιωσιν*, concoctionis omnis vltimum finem ubique assequantur. Galenus 1. *de natur. facult.* apertissimis hoc verbis descripsit. Postquam enim ostendit quam variæ alterationes & expurgationes requirantur, vt alimentum illud externum corpori dissimile, sed tamen analogum, quod Hippocrati dicitur *τὸ μὲλλον τροφήν*, id est nutriturum, fiat simile, & prius in sanguinem conuertatur, qui dicitur Hippocrati *libro de alimento*, *τὸ οἶον τροφήν*, tanquam actu nutriens: quàm esse possit *τροφὴν τὸ τρέφον*, verè & actu nutriens. Postquam, inquit, *succus is à venarum etiam capillarum conceptaculis excidit: qui omnem animalis particulam nutriturus est: in totam primum eius substantiam voris instar dispergitur: mox illi adiungitur seu agglutinatur: demùm assimilatur*: differre enim inter se adhærentiam illam ab assimilatione docet illa vitiliginis species, quam *λευκὴν* appellant, in quâ appositio quidem seu agglutinatio fit humoris, sed qui non assimilatur: In hydrope autem, præcipuè anasarca dicto, fit quidem multa nutrimenti in partes affusio: quod tamen quia aquosum nec ad siccum sufficienter redactum, nec lentorem & glutinis consistentiam, quæ naturalis caloris ope prouenit, adeptum, adhærentiam consequi non valet: sed delabitur & partibus minimè vnitur. Per atrophias autem & tabes vel propter siccitatem nimiam non fluit, vel propter consumptionem non defertur, aut disseminatur in partium substantiam. Vides quam apertè hoc in loco Galenus totam nutritionis rationem exprefferit: cui adde si vis locum ex *libro septimo methodi, capite sexto*, vbi quatuor siccitates quæ membris contingere solent, accuratè describit. Est, inquit, *prorsus consummata siccitas, vbi solida simplicium partium substantia reddita est sicciior:*

altera verò, cum ea quorum substantia ex humore concreto constat, sicut caro aut adeps, sunt liquata: etiam tertia ante has, cum proprius humor, unde partes nutriantur, omnino est absumptus: alia denique siccitas est, quæ in propriis cuiusque particula exilibus venis & arteriis consistit: prouenit autem hæc ex sanguinis penuriâ. Hæc Galenus.

Ex his manarunt quatuor illi humores secundarij seu humiditates Auicennæ, vulgo à Barbaris decantatæ: quarum prima ἀνώμαλον dicitur humor alibilis in extremitatibus exilium venarum: secunda ros appellatur, humor tenuis & roris æmulus, per omnia transiens membra, & nutritioni accommodatus: tertia cambium, concreescens iam humor & incipiens mutari: quarta gluten dicitur, assimilata iam materia, per quam partium continuitas existit, & illarum substantia vltimò reparatur. Qua in re dubitare licet, quomodo hæc, quatuor humores seu humiditates dici possint: quandoquidem cambium illud & gluten non sunt corpora fluida, sed iam concreta, & partium naturam æmulantia: item quomodo ros ille, qui è venis capillaribus exiliens in partium substantiam effunditur, ibidem conseruetur, cum tamen sanguis quotidie extra vasa proiectus corrumpi ac putrescere videatur. Respondendum primæ quæstioni, ista dici humiditates seu humores secundarios, quia proximè ab aliis fiunt, nec adhuc partis nomen adepti sunt: tum quod respondent seu opponuntur totidem siccitatibus iam à Galeno descriptis, pro quarum numero ex ratione contrariorum suas etiam descripsit humiditates Auicenna. Ad secundam vero dicimus, rorem & alias humiditates in partium poris non putrescere, propterea quod in illis proprium habent suum locum conseruationis, non minus quam sanguis in venis aut arteriis, ibique iam vel vitæ donati, vel vitæ sunt proximi: cum in phlegmone sanguis præter naturam nimiam quantitate effluat in illos poros, & ibi destitutus à naturæ regimine putrescit, & tandem suppuratur. Atque hæc de humorum naturâ, differentiis, causis & effectis dicta sufficiant. Quod ad oculi enim humores & similia spectat, ea in anatomicæ & partium historia describuntur. Nos vero ad tractatum de spiritibus & calido innato accedamus.



CAPVT V.

De spiritibus & calido innato.

VIDEAT SPIRITVS. Corpus nostrum esse ξύμπαντες καὶ ἐνδογενῆς, conspirabile, & conflatile docuit sæpe Hippocrates, & experientia ipsa confirmat, quæ motus & agitationes fieri humorum ἐνθα καὶ ἐνθα, hinc & illinc obseruauit indefinenter, confestim & magno imperu, vt partium palpitaciones, diastoles, systoles, & varias attractiones, expulsionésque, tam in consueto hominis statu: quàm, idque euidentius multò, dum passionibus animi, irâ, gaudio, mœrore, verecundiâ, & similibus torquetur. Esse igitur aliquid, quod agitet, moueat & concitet humores, partesque solidas, quæ sponte sua & naturali grauitate quiescunt, præter ipsam animam seu formam immaterialem & per se immotam, docet syncope seu præceps virium omnium lapsus absque vllâ substantiæ humoralis vel solidæ deperditione: illiusque reuocatio, quæ solis odoratis & vaporosis perficitur. Adde quod natura vix vnquam extrema & omnino opposita sine medio iungit, potissimum ad operationes obeundas: inter corpus itaque & animam aliquid intercedere oportuit velut commune vinculum & intermedium instrumentum (inquit Aphrodisæus) quo illa vteretur ad hanc molem agitandam: illud autem non potuit commodius præstare, quàm ex subtili, aëreâ, aut potius æthereâ substantiâ, quæ in nobis continetur, & omnia per omnia, vt loquitur Hippocrates lib. i. de diata, permeans animæ munera omnia perficit. Hoc satis ostendit seminis illius prolifici ex quo suscitamur, natura, tota spumans, & spiritu turgida, quo euanescente liquor solum aqueus, & infæcundus remanet: ostendit etiam clarè summa illa respirandi necessitas, sine qua vix per horæ quadrantem subsistere viui possumus: & magnæ, cordis, cerebri, arteriarumque cauitates, quæ vt in demortuis concidunt: sic in viuentibus distentas fuisse oportuit substantiâ quadam spirituosâ

De spiritibus & calido innato. Cap. V. lix

tuosâ : Ac proinde veteres Medici meritò corpus nostrum ex triplici constare substantiâ voluerunt, solidâ, humorali, & spirituosâ : merito etiam dixit Hippocrates corpus nostrum diuidi in ἰσχυρά, ἰσόμενα & ὀρμύνα : per impellentia seu impetum facientia, spiritus intelligens.

Esse igitur in nobis spiritus constat. Priusquam tamen quid illi sint & reliqua ad eos pertinentia explicemus : sciendum spiritus nomen multipliciter sumi : aliquando enim complectitur omnem substantiam incorpoream & inaspectabilem, vt tertiam personam Trinitatis, Angelos, Dæmonas, animam ipsam : aliquando totam illam ætheris aërisque nobis circumfusam, & spirabilem molem, quam Ambientis nomine Medici exprimunt : vnde Hippocrates dixit spiritum maximum eorum quæ in corporibus fiunt authorem & dominum : tria enim facit alimenta, cibum, potum, & spiritum ; per hunc intelligens tum aërem externum, quem pro alimento animantibus esse voluit : tum interiorem illam substantiam tenuem & aëream : quam rursus duplicem facit, flatum scilicet & spiritum, Φύσαν καὶ πνεῦμα : Φύσαν quidem crassiores, impurum, nebulosum, & quasi noxium in nobis halitum : vnde tot genera morborum & sonituum in nobis, erumpente aut coërcito violenter flatu : πνεῦμα autem purissimam, tenuissimam & vitæ conseruandæ omnino necessariam exhalationem, caloriq̃e nativo coniunctissimam.

Est ergo spiritus substantia tenuis, lucida, & ætherea, tam insita corporis nostri partibus, quam ab exhalatione sanguinis benignâ & inspiratu aëris deinceps genita & influens, ad vniuersas functiones corporis obeundas necessaria. Dicitur *substantia*, quia constituit & complet corporis nostri substantiam, quam prius diximus ex solidâ, humorali, & spirituosâ constare. Neque enim accidens vnquam illud esse poterit, quod pars est corporis aut substantiæ corporeæ. Est autem *substantia tenuis*, imo tenuissima, quia penetrat & peruadit totam molem corpoream, omnia per omnia, subito & quasi in instanti : replet minutissimos particularum poros, & intersticia seu interiectas rimulas subit naturaliter, vt est apud Hippocratem *lib. de techne*. Dicitur autem *lucida & illustris*, non ex opinione vulgi, vt putat Argenterius ; sed quia splendoris & perspicuitatis maximè est capax, vtpote naturæ illius æthereæ & cœlestis particeps, quæ lucis & claritatis primaria est origo : Respondet enim, ex sententiâ Aristotelis 2. *de generat. animal. cap. 3.* proportionem quadam elemento stellarum. Hæc lucidas & splendor spirituum maximè ex eo patet, quod si humoris melancholici vaporibus inficiantur, aut malis halitibus cuiusque rei externæ vel internæ, vt in ebriis, obscurentur, statim exoriuntur interiores illæ spirituum tenebræ præter naturam, quæ omnes superioris animæ functiones obnubilant & peruertunt. Huius rei signum dat etiam Auicennas *lib. de viribus cordis* : quia anima, inquit, nostra cum spiritibus gaudet luce, non tenebris : & spiritus valde sunt alacriores die sereno quàm nubiloso, quia à simili exsuscitantur & fouentur, à contrario vitiantur. Vt igitur aër attenuatus & elaboratus facessit in superiorem ætheris naturam siue elementi illius purioris, quod cœlestibus corporibus propinquius est : sic longâ in corporibus nostris elaboratione & quasi circulatione fit purissima, ætherea & pene diuina illa substantia, animæ & corporis vinculum, vtriusque naturæ quasi particeps & intermedia. Diximus autem substantiam hanc spirituosam tum esse insitam & ex semine in singulas partes deriuatam ad particulares actiones obeundas : tum influentem ex præcipuis corporis nostri fontibus, ad excitandam vim insiti in singulis membris calidi natiui : vnde vulgo in scholis spiritum duplicem, insitum scilicet vel complantatum, quem Stoici olim ἐντὶμόν vocabant ; & influentem seu translatum, qui sit veluti ἐντελέχεια perfectio & exsuscitatio insiti illius : Quem in singulis adesse partibus id conficit & demonstrat, quod cum simile à simili generetur, quod sine illius operâ, videlicet in corde & aliis partibus, non posset alius, nempe influens, progigni : & quod facultas alteratrix, auctrici ac conformatrici subseruiens non posset suos effectus in particularibus istis locis perficere, nisi operâ & auxilio perfectioris huiusce instrumenti : etenim semen, quod ex singulis corporis partibus prolabitur, satis ostendit materiam quamdam ex illis spirituosam deriuari, à sanis sanam, à morbois morbidam, quæ illarum vim & naturam in prole repræsentat. Spiritus igitur ille intus alit & magno se corpore miscet, à semine primò in totum sparsus, & deinceps in materiâ pingui, oleosâ, siue primigenia sustentatus, de quâ mox accuratius, dum calidi innati naturam explorabimus.

Influens autem ut efficientem ac primum autorem agnoscit insitum, cum certa partis alicuius principis & præstantioris temperie: sic finalem, ut iam dicebamus, perfectionem, seu exuscitationem insiti, qui in dies dissipatur ac diffluit, indigetque istius refectione seu renutritione, ut perdurare possit: materialem autem duplicem, tum exhalationem tenuiorem & benigniorem sanguinis, tum aeris externi & solis calore illustrati aduentum: quibus per varias præparationes & concoctiones perficitur, ita ut varias sortiatur species. Ultimo addidimus in definitione nostrâ, *spiritum esse necessarium ad omnes corporis functiones obeundas*: quod satis ostendit unica syncope, in qua ob defectum vel retractionem spirituum, vires omnes subito collabuntur & actiones intercidunt. Ostendit etiam id, quod intercepto canali per quem influxus fit illorum in certam partem, illius functio violatur, & si quidem diutius id contingat, tandem intermoritur. De quibus omnibus deinceps accuratius pertractandum.

NUMERVS, CAUSÆ, ET EFFECTVS SPIRITVVM. Diximus alium esse spiritum insitum, alium verò influentem. Insitus ergo & vniuersi corporis partibus inhærens, vniformis est & eiusdem naturæ, utpote à semine æquabiliter & sibi vndiquaque simili deriuatus: At influens cum ex diuersis ac temperie omnino naturæque discrepantibus partibus proficiscatur, & facultatis certæ, non cuiusvis sit delator: videtur diuersus esse, non vnus & idem specie: nam qui ab hepate cum sanguinis massâ per venas effunditur, is nutritioni potissimum dicatus, naturalis dicitur: qui verò à corde per arterias proficiscitur, vitalis appellatur, quoniam in perfectis animalibus vita non solum crassiore illo spiritu & sanguine conseruari poterat, sed per actionum multitudinem & dissipationem continuam; indiguit alterius vberioris calidiorisque operâ, quem ideo vitalem quasi per excellentiam dixerunt. Præterea cum non solum viuere, sed etiam bene viuere propositum sit, quod non poterat esse in animalibus magis quam in plantis, nisi per sensum tam internum quam externum & motum quem progressiuum vocant, sub appetitus imperio positum: Ideo huiusce facultatis animalibus propriæ constituit instrumentum proprium & delatorem spiritum, cum qui à cerebro per nervos in partes omnes sensui ac motui accommodatas, animalis ideo dictus, deferatur. Est ergo à Galeno, Avicenna, & reliquis authoribus probatissimis, triplex spiritus constitutus, animalis scilicet, vitalis, & naturalis, pro numero facultatum præcipuarum in nobis, & diuersitate partium principum à quibus illi influunt, partiumque per quas deferuntur varietatem. Quæ tamen maximas apud alios patiuntur difficultates.

Quidam enim naturalem influentem esse omnino negant. sed penitus insitum: quidam etiam de animali dubitant, utrum talis detur in cerebri ventriculis ad principes functiones obeundas, & utrum influat in partes per nervorum canaliculos, quod illi potius irradiatione quadam fieri existimant. Argenterius denique vnicum esse spiritum influentem putat, qui omnibus illis facultatibus inseruiat, nullâ ratione distinctum, sed consimilem, ut vnica est anima, vnus calor, vnicum partium alimentum, nempe sanguis; & vnicus qui inspiratur aer. De his agendum est breuiter, ut adductus à nobis spirituum numerus stabiliatur. Qui naturalem itaque spiritum esse negant, primò Galeni auctoritatem adducunt, dubitantis de hoc spiritu *lib. 12. meth. cap. 5. Quod si aliquis, inquit, naturalis spiritus est, utique is in iecore, tanquam fonte, & venis, ut instrumentis, continebitur*. Etenim, ut dicunt illi, spiritu naturali, qui nutriendi facultatem ad corporis partes deferat, non est opus, quod ea omnibus corporis partibus sit insita, non secus atque magneti lapidi vis attrahendi ferrum, & succino paleas: ut in *lib. de natur. facult.* longâ ostendit disputatione Galenus. Præterea adferunt illum ex *1. de sympt. causis* locum, ubi ille vult, *πάν το ἔργον φυσικὸν ὁμοίως διατελεῖται κατὰ τε τὰ φυτὰ καὶ τὰ ζῷα*. Nutriuntur itaque, crescunt & generant plantæ, non minus quam homines, omniaque obeunt munia ad virtutem naturalem spectantia sine influxu: quare non est ponendus illius facultatis per spiritum influxus in hominibus. Ad hæc respondemus, nos Galenum aliquando de hoc spiritu dubitasse, quoniam est rudior adhuc & materialis, ut ipsemet vocat; nec tam manifestus quam is qui vitalis vocatur: necessariò tamen constituendus, non quidem ut insitas singulis partibus facultates attrahendi; retinendi, concoquendi & expellendi deferat: sed ut ab hepate in venas tam quæ ipsum præcedunt, quam quæ subsequuntur, vim quamdam præparandi, perficiendique sanguinem, distribuat, quæ illis utpote substantia omnino diuersis, insita esse non potest, ut Galenus docuit *lib. 6. de placitis*. Cum itaque hanc deferri facultatem oporteat, idque per accommodatum instrumentum, nempe spiritum, quid erit quod eum tollere possit? Nam finalis adest

De Spiritibus & calido innato. Cap. V. lxi

adeſt cauſa maniſeſtiſſima, delatio facultatis ad præparandum & elaborandum ſanguinem : efficiens, nempe iecoris partis principis temperies, cum calore & ſpiritu inſito : materialis ex quâ, in quâ & per quam : ex quâ, nempe exhalatio benignioris ſanguinis, cum aëris portione quæ illi per tranſpiratum, per arteriolam, & diaphragmatis perpetuam ventilationem communicatur: in quâ, nempe locus generationis, qui eſt in ipſo hepatis ſinu circa ampliores illas venas ſupra & infra poſitas, potiſſimum verò ubi eſt tranſitus à portâ ad cauam per magnam illam vaſorum velut radicum inuicem coëuntium communicationem : per quam vero, eſt locus delationis, videlicet venæ ipſæ, quæ quamuis arteriis ipſis tenuiores, ſufficiunt tamen ad retinendum eiufmodi halitum ſpiſſiorem & adhuc minus elaboratum, quo etiam non palpitant aut mouentur, quia hepar principium venarum in quiete poſitum non agitatur ab eo venas : & ille ſpiritus non tantâ mouetur agilitate, quantâ vitalis.

Æquum eſt igitur naturalem hunc ſpiritus conſtituere, velut præparationem quamdam vitalis, cuius generatio in corde erit facilior ex ſpirituosa iſtâ & iam attenuatâ materiâ : quam ex ſolo & ſpiritibus deſtituto ſanguine. Quemadmodum igitur ex vitali velut materiâ credunt fere omnes, animale adhuc perfectiorem conſtituere : ſic ex portione naturalis ſpiritus & ſanguinis purioris in cordis ſinum dextrum effuſi, vitalem excitari : quod Hippocrates eleganti ſermone expreſſit *lib. de corde* : ubi vult ſpiritus nutriri puriſſimâ & illuſtri ſubſtantiâ ex ſanguinis *διὰ πλῶν* ſeu ſecretione orta : vitalis enim hic ſpiritus duplicem habet materiam, eam videlicet quam commemorauimus, & aëream per inſpiratum attractam, in pulmonibus præparatam, & in ſiniſtrum cordis ventriculum delatam: vt alteri permisceatur, quæ per mediam cordis ſubſtantiâ ſeu interiectum illud ſeptum multis foueis, & veluti cuniculis, præcipuè in viuentibus peruium, impellente naturâ, ac ſanguinis ipſius feruore meatus dilatante, in ſiniſtrum tranſfertur: quidquid alij aduerſus doctam hanc Galeni ſententiam argutentur (nempe Columbus, qui per venam arterioſam tranſuehi putat : Botallus per foramen inſigne à dextrâ in ſiniſtram cordis auriculam permeans : Vlmus, qui ex liene per arterias in ſiniſtrum cordis ventriculum) vtrique materia in cordis proprio *ἐν τῷ σπλάχνῳ* attenuata, caſacta, & penitus elaborata vi inſiti caloris & ſpiritus, fit vitalis, qui per arterias velut tubulos, continendæ huic tenuiori materiæ ſextuplo venis craſſiores à natura fabrefactas in totum corpus tranſfertur, vt vi ſua & quaſi lumine totum corpus foueat & illuſtret. Atque hæc eſt vitalis ſpiritus confeſtio & delatio, quam ridiculo quodam experimento quidam expugnare conantur : Si enim, inquiunt, in præciſam arteriam calami ſecundum illius longitudinem immittas, & conſtringas arteriam laqueo, cum ſpiritu pateat via per calami, partes quæ ultra laqueum ſunt, immotæ ſtatim redduntur : etenim quomodo præciſâ arteriâ ſpiritus in eâ continebuntur, immiſſo potiſſimum intus calamo ? aut quomodo ſubſequentes partes moueri poterunt, cum non tantum ſpiritus influxu, ſed primo illo cordis motu agitari velimus ? Fruſtra igitur illi ſpiritus vitalem & facultatis per eum delationem inſiciantur, quam ipſemet ſenſus ſufficienter demonſtrat.

Vt igitur ex naturali vitalem excitari, ſic ex hoc per arterias in cerebri ſinus delato, fieri animale prius diximus. Nunc autem modum quo illud perficitur, videamus. Vitalis ergo hic ſpiritus cum ſanguinis arterioſi copiâ per carotidas & ceruicales arterias in cerebri baſin, inde in ſuperiores deſertur ventriculos, ubi aëris inſpirati per nares & os portioni permiſtus formam ſuam & ſpeciem adipiſcitur. Itaque præparatio illius fit in plexibus illis minutulis arteriolarum, quos ideo natura, ſicut & in aliis partibus, imo maiori curâ retis inſtar affabrè confeſcit : ibi igitur attenuatur magis ac magis ſpiritus ille vitalis, tandemque in cerebri ventriculos per tenues poros vel orificia effuſus, aërique attracto & prius, vt quidam putat, in offis illius cavitatem quod frontis vocant, præparato, commixtus & elaboratus ab ipſâ partem, nempe cerebri ſubſtantiâ, per illos quatuor inſignes ventriculos, tandem in vltimum peruenit, non ſolum vt principibus animæ noſtræ facultatibus idoneum ſuppeditet inſtrumentum : ſed etiam per ipſam cerebri ſubſtantiâ & neruos ſparſus variè diſtribuat, ad ſenſuum exteriorum perfectionem & complementum. Nec obſtat quod aliqui obiiciunt, cerebri ſubſtantiâ frigidam humidamque non eſſe aptam elaborationi ſpirituum : Item ventriculos cerebri multâ pituitâ & excrementis ſcatere, quibus facillimè eiufmodi ſubſtantiâ ſpirituosa inſiceretur: vel certè conſcrescerent illi ſpiritus, & inſtar vaporum in aquam condenſarentur : aut per maniſeſtiſſimos

stiffimos ductus, vel etiam occultos præ tenuitate suâ euolarent: nec vñquam ob leuitatem suam & raritatem cogi possent, vt ad inferiores n̄ruios & imas corporis partes delaberentur. Nos enim respondemus, talem cerebri temperiem consultò factam esse à naturâ, vt vitalium spirituum feruor ab eâ reprimeretur, cogitationibus nostris & sensationibus firmitas compararetur: Sufficit tamen actualis ille cerebri calor cum substantiæ ipsius proprietate ad elaborandos spiritus, iam præparatos & attenuatos, quemadmodum fabris ferrariis tenuior lima ad perpoliendum illud, quod iam validioribus aut crassioribus dedolatum præparatumque fuit. Continentur quidem in cerebri ventriculis excrementa, quemadmodum in aliis cavitatibus quæ coctioni cuidam dicatæ sunt: sed cum illa perpetuo effluant & expurgentur, non possunt inficere spiritus animales, quamdiu cerebrum secundum naturam se habet. Non concresecunt autem spiritus in cerebro vt vapores præ densitate & frigiditate illius, quia non sunt aqueæ, sed potius igneæ aut æthereæ naturæ participes. Neque euolant per illos ductus instar fuliginum aut excrementorum, quia ab amicâ partis naturâ & familiaritate substantiæ retinentur. Coguntur autem, diriguntur & demandantur in neruos subiectasque partes, animæ nostræ vi, cuius imperio sunt obsequentissimi & veluti facultatum administri.

Verum insurgunt illi denuò, & obiciunt: si quidem ventriculi cerebri spiritibus sunt pleni, cur non fiunt perpetuò sensationes cogitationesque, cum semper adsint animæ ipsius facultates? Respondemus, animam nostram numquam ociari, quoties obiecta vel externorum sensuum vel internorum illam afficiunt, modo tamen magis, modo minus, prout varia constitutio spirituum istorum secundum qualitatem quantitatemque esse potest. Ad quorum restaurationem prudens natura somni beneficium commodissimè animantibus concessit, per quem veluti factis induciis aliquantisper feriarentur. Esto igitur sint spiritus in ipso cerebro, velut primarium animæ ad principes functiones exercendas instrumentum: Videamus nunc an etiam influant per neruos ad delationem facultatis sensoriæ & motricis. Galenus enim hac in re valde est ambiguus, & apertis verbis sæpius pronunciauit solâ irradiatione, nullo corporeæ rei, qualis est spiritus, influxu facultatem deferri. Et rationes sunt multæ, quæ idem suadere videntur. Etenim cum spiritus corporeus sit, nec in instanti moueatur, si quidem facultas per eum ad alias partes trāsferretur, nequaquam repente communicari posset, sed sub certo quodam temporis interuallo: At nos tam cito sentimus v. g. rem calidam, ac illa admota fuerit: tam citò mouemus pedem vel manum quam volumus, vnòque momento varias exercemus motiones: ergo id fit solius qualitatis, non corporis diffusionem. Præterea si aliquis spiritus influeret animalis ad sensum & motum, ille per aliquod tempus sensationem motionemque in partibus efficeret sine alterius aduentu: sed contrarium suadet experientia: nam eodem momento quo vel cerebrum vel neruus obstruitur, concidit etiam motus & sensus in toto corpore, vel in eâ parte ad quam defertur. Item ex dissipatione eorundem spirituum contingeret infirmitas quædam & debilitatio in partibus: sed phrenitici, in quibus ob affectum cerebri & totius corporis *φλόγωσιν* verisimile est magnam eorum iacturam contingere, validissimos edunt motus, imo sensibus aliquando sunt acutissimis, vt visu & auditu. Denique cum nullæ sint in neruis cavitates sensiles & ductus manifesti, quomodo per compactam densamque neruorum substantiam delabentur spiritus, qui pituitæ illis adhærentis particulam, vt in paralyti, permeare non possunt: Quod enim de cavitatibus neruorum opticorum vulgo fertur, Anatomi nostri falsum compererunt, & vno clauso oculo alterius pupillam dilatari per influxum spiritus vitalis in arteriis, non neruis contenti, fieri animaduertunt: quoniam nerui illi optici dicti in partem oculi interiorem distribuuntur.

His & similibus argumentis influxum facultatis motricis & sensitiuæ per solam irradiationem seu qualitatis diffusionem fieri conficiunt: quibustamen non est assentiendum. Nam cum iam à nobis probatum sit spiritus animales in cerebro generari, & esse primum ac proprium animæ nostræ instrumentum ad sua exercenda munia, quia non poterat immediatè crassioribus illis corporis partibus vti, ideo censemus necessario sensum ac motum beneficio spiritus exerceri in toto corpore, quia omne agens producit actionem suam per proprium & peculiare instrumentum. Hinc fit vt multi ægri ratione & memoriâ constantes, moueri tamen aut bene sentire non possint defectu spirituum qui debent influere ad singulas partes. Hinc etiam contingit defatigatio in sensibus & partibus motui dicatis, quando spiritus per labores & exercitationem nimiam aut diurnam sunt imminuti: ita vt motus ad quem maior copia illorum

De spiritibus & calido innato. Cap. V. lxiij

rum requiritur quam ad sensum, prius debilitetur, quam ipse tactus. Ad rationes vero superius adductas dicimus, Galenum aliquando dubitare, sed numquam negare spiritus animalis influxum simul cum irradiatione. Quamuis enim spiritus corporeus sit, tantæ tamen est tenuitatis ac mobilitatis, ut ferè momento percurrat omnes corporis nostri partes : & perpetuo aliquis adest in partibus ; qui sensationem motionemque producere potest, dummodo adsit animæ imperium, quod vocant principij assistentiam, & irradiatio facultatis, sine qua in præcis, ligatis aut obstructis nervis exerceri nequeunt. Phrenitici autem propter mentis perturbationem & cerebri æ neruorum siccitatem aliquando exactius sentiunt aut violentos edunt motus, qui tamen in summam infirmitatem illis resipientibus desinunt. Sufficit autem spiritibus hisce tenuissimis substantia neruorum medullosa & poris referta, per quos deferuntur facillimè, ubi secundum naturam se habet : ubi verò pituita aut sero repletur, vel propter summam eorum molliem motus debilitatur, vel propter summam repletionem permeare non possunt. Adde quod eadem ratio facit contra eos qui irradiationem admittunt. In oculis etiam fieri dilatationem pupillæ ex aduentu spirituum, non solum vitalium, sed etiam animalium, euidenter illud ostendit, quod vno clauso vel obcæcato, alter clarius & perspicacius videt. Quare ex præcedenti disputatione concludimus triplicem esse spiritum in nobis specie & formâ distinctum, quo per vniuersum corpus influente, anima quamuis vnica, ad varias tamen functiones exercendas, velut proprio instrumento, utitur: eumque producit ex vnico quidam alimento & inspirato aëre velut materiâ, sed variis modis præparato, pro diuersitate temperamentis & substantiæ partium in quibus conficitur : quemadmodum vnaquæque earum ex eodem sanguine propriam sibi alimoniam præparat & peculiariter immutat.

Quod verò attinet ad Aetiarium & Auicennam, quorum ille existimauit spiritum ventriculi influentem addendum esse, quo intestina munus illud chylicum exercere possint : hic verò testiculorum, quo toti corpori robur & virilitas conciliatur. Respondemus, spiritum ventriculi & intestinorum esse potius insitum quam influentem, & vim suam perfectionemque ab aliis influentibus suscipere per venas, arterias, & neruos : nec intestina ab eo aliquem spiritum aut facultatem recipere, sed solum materiam, quam similitudine suæ substantiæ maximâ conficiunt & elaborant. Sic testiculos nullam habere peculiarem facultatem indiuiduo necessariam, aut spiritum qui influat, sed esse veluti aggregatum aliarum trium facultatum, potissimum verò naturalis, in quo vis illa generatrix eluceat, per confectionem seminis ex humoralis & spirituosæ materiæ à præcipuis corporis partibus deriuatâ.

Recipiunt itaque testes facultatem & materiam ab aliis: non emittunt in reliquum corpus, sed extra corpus ad procreationem hominis & speciei conseruationem : unde ratione speciei inter principes & nobilissimas partes aliquando recensentur.

Quibus ita constitutis de numero spirituum influentium, cum dixerimus illos generari ex variâ materia, & ad vitæ functiones potissimum facere : dubitari potest utrum spiritus nutriantur & viuant. Nutrirî scribit Hippocrates *lib. de corde & natura pueri*, item Galenus sæpe, & ratio suadere videtur : nam si nutritio nihil aliud sit quam resectio seu restauratio deperditi, quæ fit per assimilationem aduenientis alimenti in substantiam nutriendi : certissimum est spiritus istos non solum influentes, sed etiam insitos quotidie resolui & reparari per aëris inspirati aduentum & tenuiorem sanguinis exhalationem, quæ vi spiritus insiti in partibus assimilatur & certam speciem adipiscitur. Si nutriantur, ergo etiam viuunt, quoniam vita nutritione potissimum constat & agnoscitur. Hæc quamuis valde probabilia videantur, verisimilius tamen spiritus non nutriri, ac proinde non viuere, quemadmodum nec humores : sed Galenum atque Hippocratem nutritionis nomen latâ significatione sumpsisse pro omni resectione & repositione. Quemadmodum ergo sanguis non nutritur, sed reparatur per aduentum noui sanguinis in hepate geniti & in locum deperditi perpetuò aduentantis : sic spiritus influens restauratur per accessionem alterius ex partibus principibus deriuati, ubi propriè conficitur. Oportet enim manere quod nutritur propriè, ut attrahat nouum alimentum, concoquatque: oportet etiam in omnem dimensionem nutriri, sparso scilicet per eius substantiam alimentum, quæ cum spiritibus potissimum influentibus (de implantato alia est sententia) conuenire non possint, concludimus illos refici quidem, sed non verè nutriri, nec vitæ præditos esse, sed vitæ officium suum ac operam suppeditare per delationem facultatis ad partes.

QVID SIT CALIDVM INNATVM, ET QVÆ NAM HUMIDI PRIMIGENII NATVRA. Τὸ ἐμφυτὸν θερμὸν calidum innatum non esse simplicis alicuius qualitatis appellationem apud Medicos docet Galenus *comment. in Aphor. 14. sect. 1.* sed substantiæ viuentibus propriæ, quæ caliditatis certam speciem seu gradum, in spiritu complantato ac humido primigenio, oleoso & pingui; per omnes corporis partes sparso, fundatum complectitur. Talem autem calorem innatum, viuentibus proprium & familiarem, adesse, ab eo scilicet qui primam corporis & partium solidarum mixtionem sequitur, id ostendit: quod defuncto animante superest illa ex primis elementis & qualitatibus mixtio, iam extincto vel resoluta proprio viuentis calore. Ostendit etiam multorum animantium & stirpium constitutio, quæ cum ex elementari illa constitutione, frigidissimæ existant, vt mandragora, altercum, salamandra, torpedo & similes, habent tamen hunc calorem viuificum, quo nutriuntur, augentur, & conseruantur, quamdiu præsens fuerit: absente vero pereunt. Vnde Hippocrates *lib. 1. de diatâ*: Hic, inquit, omnia per omnia gubernat, & hac & illa, numquam qui escens: & libro de carnibus; Calidum omnia miscet, omnia viuificat. Et Aristoteli vita nihil aliud est quam permansio caloris in certo humido: nam siccum non esse huius caloris subiectum id probat, quod vbi siccitatem acquisiuit, continuò caliditas illa natiua fit præter naturam, operationes peruertit, & corpus totum absumit. Verum cum humidum sit duplex: vnum quidem aqueum, aliud verò pingue, oleosum & aëreum: certè non debet calor ille viuificus reponi in humido aqueo, vtpote quod naturâ suâ frigidum sit, fluxile, & valde dissipabile; sed potius in aëreo illo, pingui, vinctuoso & magis stabili. Quod in rebus externis manifestè patet: nam (thermæ seu balnea sponte naturæ calida, non habent caloris sui fomitem in aqua, sed in bitumine, aut sulphureâ quadam pinguedine) accensum ellychnium vel candela non fouentur aquâ vel liquoribus aqueis affusis, sed instillato oleo, vel circumiectâ pinguedine & seuo. Humidum igitur pingue, quod ἀρχηγόνον primigenium, & radicale vocant, nec non primum & proprium caloris viuifici subiectum, per omnes corporis nostri partes cum spiritu implantato sparsum esse multæ rationes comprobant: etenim contrectatæ corporis nostri partes, puerorum potissimum & adolescentum, molle quid & vinctuosum præ se ferunt: vnde apud Hippocratem, qui crescunt plurimum habere dicuntur calidi innati: & ventres hyeme calidiores naturâ, quia maiorem huius materiæ copiam habemus, quo propius ad ortus nostri primordia accedimus, quæ calore hoc humoreque sunt perfusa: & quominus hæc substantia digeritur, aut dissipatur ab externo ambientis calore. An non per immodicas seminis excretiones, per febrium æstus, rugosa & flaccida euadunt corpora nostra, vix aut parum consumptis partibus solidis vel carnosis? Et quæcunque arbores, plantæ reliquæ vel animalia, multum substantiæ huius pinguis & bene solidis partibus commixtæ ex suis principiis receperunt, illa sunt longissimæ vitæ apud Aristotelem *lib. de vita breuit. ac longitudo*. Quin imo ligna quæ vetustate humiditatem hanc amiserunt penitus, cariola & quasi tabida vix comburi possunt. Cum autem oleosam & pinguem substantiam dicimus, non est intelligendus adeps vel seuum, quæ frequentissimè in mulieribus, in senibus, vel viris aliis multo otio & delicatiore victu fruuentibus copiosè circa membranas & cutem colliguntur, ossium vero, neruorum, viscerumque substantiam vix attingunt: hæc enim non sunt vitalis caloris subiectum, sed sæpius impedimentum: vbi enim abunde increscunt, onus sunt tam corpori quam animæ, mortemque immaturam inferunt, vt est in Aphorismis: cum natiuus ille humor, quanto magis abundat, tanto vtilior ac commodior est ad omnia animantis munera exercenda, vitamque producendam. Esto igitur calidum illud innatum, substantia humida, pinguis, & oleosa, per omnes, sed præcipuè solidas ac radicales corporis nostri partes sparsa, multo spiritu, & calore viuifico perfusa, commune ac præcipuum animæ nostræ ad actiones omnes exercendas instrumentum, quod perenni influentis caloris, spiritus, & humorum affluxu suscitatur & sustentatur. Hæc enim duo mutuam ita sibi operam præstant, vt influens calidum sit veluti ἐντελέχεια & perfectio insiti in singulis corporis partibus: innatum verò seu complantatum in principibus membris, vt corde, hepate, & cerebro, cum propriâ illorum substantiâ & temperie sit parens & author influentis: vnde totum illud aggregatum ex innato & influente naturam à Medicis totius corporis moderatricem dici supra annotauimus.

Quæ verò sit caloris istius viuifici & humidi primigenij origo, reparatio & conseruatio videndum est. Prius autem diximus generationis nostræ primordia, semen scilicet

De spiritibus & calido innato. Cap. V. lxxv

scilicet vtrumque, & menstrui benigniorem partem calore hoc benigno ac humore multo constare: vnde non solum crassiores & solidæ corporis nostri partes primum constitutæ fuerunt, vt postea videbimus; sed etiam spirituosæ & humorales, quæ calidi huius innati substantiam constituunt. Hæc igitur seminalis potissimum substantia exactissimas coctiones & elaborationes nacta, solis & superiorum corporum luminibus ac calore adiuta, prima est caloris huiusce viuifici origo, qui non tam corpoream ingreditur molem, quam eam regit, cõrinet, & viuificat: vnde pueruli, ephebi, & adulescentes, vt dicebamus ex Hippocrate, quo propinquiore sunt vitæ suæ principiis, eo magis humore hoc radicali & calore innato abundant: qui diuturnitate temporis ætatumque decursu paulatim absumitur & resoluitur per *μάλασμον*, pabuli ipsius defectu & nectarei istius balsami inopiâ, quod nequit ab alimento perfectè reparari: vel confertim & violenter exhauritur, vt per largas sanguinis vacuationes, eximios corporis ardores, famem diuturnam & similia: tum per *σβένον* siue suffocationem, quando excrementorum multitudine obruitur, vel aquei humoris copia, aut insigni frigoris inclementiâ extinguatur. Absorbentia igitur, exhaurientia, suffocantia, extinguentia hunc calorem natium, præcipientes inducunt interitus: Resoluentia autem sensim inferunt necessitatem mortis illius, quam naturalem & extremi senij vocant: siue ab externis pendeant causis, siue internis, vt fusius in Hygieine ipsâ docetur: Nam, vt doctè annotauit Auicennas, calor hic etiam in pueritiâ regit proculdubio humiditatem & superat: aliàs enim ab ipsâ suffocaretur. Præcedit itaque velut superior, in ipsam semper agendo & exsiccando. Quamuis autem in principio ætatis, ea exsiccatio æqualitatis cuiusdam videatur particeps, in progressu tamen vbi ad terminum temperatæ siccitatis peruenerit, tunc vt qualitate potentior, & in materia magis disposita resoluit magis, donec ad vltimum exsiccationis perueniens refrigeratur, & tandem euanesceat.

Interea dum nos continet & vitæ nostræ summam moderatur, eger etiam sua restauratione & conseruatione ordinariâ: quam præstant tum calor ille cœlestis & superiorum syderum, præcipuè vero solis influxu assistens inferiori huic orbi per varium ad nos accessum recessumque: tum circumstantium nos elementorum vires, præcipuè verò aëris, cuius benigno inspiratu & commoda ventilatione substantia hæc spiritiuosa refarcitur, calor temperatur, & à suis fuliginibus repurgatur. Tum etiam materiæ alimentariæ aduentu, homini maximè congruæ & diligenti coctione, mixtione & simili artificio exteriori præparatæ: ex illius enim benignitate suscitatur gratus ille vapor, quo totum corpus irroratur, spiritus procreantur, & solidæ partes reficiuntur. Alimentarius ergo ille humor facessit in locum etiam absumpti primigenij, quâ parte magis est aëreus, pinguis & oleosus: qua verò est aqueus, reficit humiditatem illam aquosam, cuius beneficio continuitas partium sustentatur, calorisque ipsius vim maxime excipit & retardat, ne tam cito depopuletur humidum illud pingue & aëreum: quemadmodum videmus saccharo, melli, aut oleo permixtam aquam dum decoquuntur, absumi, illis permanentibus, aut parum imminutis. Hæc est ergo origo, conseruatio, & resectio caloris nostri natiui, quem vulgo naturam vocant: cuius effectus tam præclari & mirabiles visi sunt Medicis, non solum in primâ nostri procreatione ad partes conformandas: sed etiam deinceps in corporis nutritione, accretione, seminis prolifici generatione, viuificatione, spirituum per totum corpus distributione: nec non morborum profligatione per certas periodos, recurrentesque paroxysmos, pepasmos, crises certo dierum numero definitas, lyses, & metastases: vt iure merito de illius essentiâ dubitarint: vtrum scilicet communi huic & elementari naturæ, vel potius superiori & cœlesti sit adscribendus referendusque. Quæ dubitatio quamuis parum ad Medicinæ vsum faciat, quia tamen à celeberrimis nostræ ætatis Medicis hinc inde agitata magnam hodie habet iactationem in vulgus: ideo nobis etiam de ea aliquid est proponendum.

AN CALOR NOSTER NATIVS ELEMENTARIS VEL COELESTIS HABENDVS SIT? Indagaturi caloris nostri natiui originem: vtrum scilicet elementaris vel cœlestis habenda sit: sciendum prius quæ sit tam elementaris quam cœlestis illius caloris natura, & cuiam magis natiui nostri caloris functiones conueniant. Calor itaque elementaris acris & vehemens ea omnia in quæ agit, valde calfacit, attenuat, rarefacit, disgregat, & si quidem in tenuem magis & aëream materiam incidat, flammam: si in terrestrem & crassam, prunas & carbones excitat: cuncta tandem vrens, siccans immodicè, & in cineret resoluens. Cœlestis verò qui lux est à superioribus illis corporibus deriuata, splendens non vrens,

viuentia omnia illustrat, conseruat & viuificat: quod solis præsentia & absentia, accessusque ad nos & recessus satis confirmat: eius enim vitali & æthereo calore omnia ita fouentur, vt non solum sol & homo hominem generent, sed solus sol infinitas animantium & stirpium species per eam quam vocant generationem æquiuocam producat, & deinceps conseruet: non solum in extimâ terræ superficie, sed in imis ipsius penetralibus lapides, metalla, gemmas, & similia, pro vario illius influxu perfectiora vel imperfectiora suscitât: imo in mediis aquarum & maris ipsius gurgitibus, vbi nulla elementarij caloris potentia, quæ citissimè à suo contrario obrueretur, stella illa salutifera radios suos eiaculans, ibi mixtiones & temperationes promouet, ac piscium ingentes cætuas, & grandia cete producit. Vt autem à solis calore omnia ortus sui principium repetunt, sic incrementum & viuificationem accipiunt, quod arbores & sata omnia satis ostendunt, dum genitili hoc igne perfusa circa veris tempus in folia & flores se resoluunt, fructus & semina producunt, quæ iustam tum maturitatem adipiscuntur, quando conuenienti solaris huius caloris actione temperata fuerint.

Quod si omnia mixta externo hoc solis & syderum calore, viuifico & salutari agunt, an non internū & natium etiam vitæ nostræ authorem huic consimilem esse oportet, blandum scilicet & gratiosum, non mixtum elementari substantiæ, sed eam miscentem & gubernantem: cuius præsentia viuit homo cæteraque animantia: illius verò absentia ne minimum quidem subsistere potest: sed euolante hoc calore & spiritu, truncus iners, ex quatuor tamen elementorum congerie constitutus, iacet. Omnia itaque viuentia cum moderati caloris operâ viuunt, non frigoris aut æstuantis caloris, qui ad elementaris naturam accedit: quidni cælestem eum origine & naturâ esse censebimus, qui tamen in his inferioribus elementari se habeat modo, quemadmodum qualitates elementares densitas, raritas, tenuitas, crassities, cælesti se habent modo in syderibus: aut propter conditionem materiæ cui inhæret, & ratione cuius contrarij capax redditur: vel propter concentrationem seu coadunationem illius, aut propter permissionem alienæ fuliginis & vaporis, vt per febres contingit: sic enim solares aliquando radij comburunt per accidens, dum vel coguntur nimium concavis speculis: vel in materiam valde inflammabilem incidunt: vel exhalationibus igneis permiscentur. Sed rem istam conficiamus adhuc apertius.

Si quidem calor elementaris vitam præstare censendus sit, eum oporteret in omni animante atque etiam plantâ exuperare, vt non solum mixtioni primæ dominaretur, sed etiam actionibus deinceps regendis præesset: sed inter animantia pleraque esse, in quorum mixtione frigiditas præualuit, exemplo salamandræ, torpedinis, serpentum, talpæ, & aliorum doceri potest. Inter plantas illud adhuc vulgariusest, inter quas papauer, mandragora, altercum, cicuta, solanum & similia etiam narcotica ob intensum frigiditatis gradum censentur. Vbi igitur calor hic elementarius, qui vitam istorum regere & moderari, actionesque perficere valeat? An non immerfus corporeæ moli, & quasi sepultus, alium debet habere veluti præfectum, à quo actu existente & omnia permeante dirigatur? Cuius opera destituta arsenicum, sandaraca, sulphur & similia quamuis calidissima non viuunt: & pyrethrum, piper, cinamomum, post illius discessum, quamquam caliditatis maximè participia, non amplius viuunt? Mures, ranæ, lumbrici, & similia animalcula ex putredine suscitata, non viuunt calore illo putredinoso & corrumpente, qui in primâ eorum cōformatione adfuit, sed viuifico eo & salutari quem à cælo acceperunt. An non superiorem hunc & immixtum calorem demortuo homine vel aliis quibusuis animantibus sentimus paulatim exhalare & euanescere, vt per spatium octo aut decem horarum, remanente eo tantum, qui elementorum mixtionem ingreditur, quique inductâ in cadauer putredine manifestatur.

Est igitur calor quo viuimus ab elementari diuersus, cui frigus propriè non est contrarium, sed priuatio quædam opposita, vt luci tenebræ & visioni cæcitas: vnde Philosophus conceptis verbis 2. de generatione animalium τὸ καλεῖται θερμὸν natium calorē, nullo modo ignem aut igneum esse scripsit, sed θεώτερον, τὶ, & naturam quamdam ἀλόγον ἐσαυτῷ τῶν ἄσρων σοιχείω. Quoniam, addit, nihil viuens generat, sed solis calore & viuentium in semine propagatur. Hinc veteres Mythologi Prometheum finxerunt, ignē clauculū ex solis orbitâ rapuisse, & hominis, quem ex luto confinxerat, cordi indidisse. Hic etiā est ignis Platonius lucens non vrens, qui non solū totam mundi compagem illustrat & continet, sed etiā viuentia omnia fouet & cōseruat. Hunc faciliè admittet Cardanus & alij, qui elementū ignis è rerū naturâ sustulerunt, omnemque calorem à superioribus illis & cælestibus corporibus deriuari putarūt. Fernelius autem, vir magnæ eloquentiæ

De spiritibus & calido innato. Cap. V. lxxvij

quentiæ & authoritatis, studiosissimè recepit, & elegantissimis rationibus confirmavit, ut posset deinceps super hoc veluti fundamento morbos formæ stabilire, qui præcipuum habent ad calorem istum æthereum, diuinum & pene formalem, respectum.

Verumtamen non deest alia factio eorum, qui totum istud velut commentum aspernantur, nec calores in nobis multiplicandos esse censent: cum vnus idemque numero, isque elementaris calor, variè affectus, possit effectus quantumuis differentes proferre: calor enim siccus densat, humidus laxat, immoderatus corrumpit, temperatus conseruat; idem, qui coquit, assat aut elixat, diuturniore morâ aut gradu auctiore exurit. Sic in nobis varios proferit effectus pro modo intensiōis extensiōisque suæ, & prout modo animæ dirigentis & moderantis, modo vilioris cuiusdam formæ imperio subest, ut in demortuis aut inanimatis. Etenim si in pyrotechnia & arte culinariâ æchymicâ per vim regulati ignis & graduati, ut vocant, mira præstari videmus, temperationes, coctiones, extractiones & similia: quid obstabit animam nostram eodem calore elementari, qui compositionem nostram ingreditur, refractò, & ad certum temperiei gradum, qui humanæ speciei conueniat, reductò, omnes corporis nostri actiones exercere? Certum est accidentia pro more subiectorū suorum se habere. Calidum ergo hoc natium cum insit humido, quod ex generationis nostræ primordiis, ipsiisque elementis traxit originem, cur elementare non erit? An non alimentorum benigniore parte, aëris inspiratu, ignis nostratis præsentia conseruatur & augetur: à frigore autem velut contrario refrigerationem suscipit, & actionis diuturnâ morâ ita repatitur, ut tandem euanescat? Ergo elementaris huiusce & mutationi obnoxia materiæ naturam participabit. Cælestem enim esse non posse, nisi analogiâ, quatenus scilicet effectus supra elementi condiciones proferat, vi & dominio formæ cui subicitur, velut instrumentum, quod in rebus externis & artificialibus per artificis operam omnino à suâ naturâ aliena producit: ut quâdo securis, ferra, dolabra, & similia politicissimis scamânis, nauibus & similibus subseruiunt: id docet quod reuera nullus sit calor cælestis, nisi *ἐκ πυρρῆς καὶ φωτός* à luce solis & syderum in his inferioribus productus, qui eodem modo se habet quo & elementaris, imo & elementarem quotidie generat & auget, quemadmodum motus aut rerum solidarum confrictio. Et quoniam ea quæ *τῇ ἀναλογίᾳ* eadem duntaxat sunt, non sunt eiusdem naturæ ac generis.

Quod vero ad obiectiones prius adductas attinet, putant facillimo negotio solui posse, propterea quod concedūt illi quidem calorem duplici modo in mixtis se habere, prout scilicet illa quatuor elementorum materiam & qualitates recipiunt, & prout viuientia habet eum actum, tam influentem, quàm insitum, qui tamen specie non differat ab alio. Per hunc igitur viuunt salamandra, cicuta, papauer, senex iam decrepitu & alia, quamuis eo pauco aut iam tabescente prædita. Arsenicum verò, sulphur & similia minime viuunt defectu animæ, non caloris, qui in illis excellēs est, ut in demortuo pipere, cantharidibus & aliis. Animantia verò & plantæ per putredinem genita habuerunt suum calorem, tum ab ipsâ mixtione, tum à sole, qui in materiâ dispositâ igneum facile suscitatur, ut iam dictum est. Et hoc actuali calore tamdiu feruent demortua animalia, donec ille sensim exhalaret & solam elementorum mixtionem ac compagem, cui non hærebat, sed potius spirituosâ ac tenui substantiæ, reliquerit. Quæ autem à Philosopho de analogiâ istius caloris cum elemento stellarum, de Prometheo à Poëtis, vel de igne à Platone, dicuntur, nihil contra faciunt, sed tantum ostendunt caloris istius natui moderantiam & temperiem, quâ vtens anima miros producit effectus, quemadmodum artifex per ignem variè regulatum & directum: quos supra conditionem ipsius ignis solâ suâ naturâ & impetu agentis, positos esse nemo negat, quamuis cum Fernelio duos in nobis calores specie distinctos non admittat.

Ecce quomodo quæstionis istius problematicæ veritas probabilibus vtrinque argumentis fulciatur: de quâ, si nobis inter tantos viros aliquid dicere liceat, censemus calorem illū quo viuimus, & quo anima tam varias actiones exercet, diuiniore esse quodammodo conditionis, quam sint illæ qualitates, quæ in simplicibus corporibus aut mixtis inanimatis reperiuntur: habere tamen suam originē, tum à supremis illis & cælestibus corporibus, lumine suo inferiore hunc orbem & calorem in spherâ hac elementari regentibus: tum ab elementis, ut aëre, aquâ, & mixtis, quæ alimentorum nomine donantur, & quæ generando semini ac sanguini menstruò, totique corpori nutriendo operam suam præstant: Ac proinde simpliciter elementarem siue igneum dici non posse, quia est secunda & noua qualitas, in certo subiecto subsistens, & ad viuientium operationes faciens: quæ per proportionem quamdam cælestis, diuina & ætherea quodammodo appellari mereatur. Atque de hoc satis.

CAPVT VI.

De facultatibus & functionibus.

PERLVRATA corporis nostri structurâ illiusque partibus omnibus & affectionibus explicatis: iam superest vt alteram hominis partem magis à sensibus remotam & inaspectabilem inquiramus, quæ apud Medicos species, forma, natura, seu anima frequenter appellatur. In cuius contemplatione ideo breuiiores erimus, quoniam in Philosophicis exercitationibus quæcunque ad eam spectant, copiosè explicata fuerunt. Sufficiet ergo nobis ea tantum proponere, quæ vel Medicis sunt peculiariora, & apud Hippocratem, & Galenum aduersus Philosophorum placita tenentur: vel certè quæ ad artis nostræ vsum sunt magis accommodata.

Illa igitur nomina promiscuè aliquando à Medicis sumuntur, pro eâ scilicet parte compositi præcipuâ & principali, quæ ipsi dat suum esse ab aliis rebus distinctum: ita tamen vt species, forma, & natura aliquid sint magis vniuersale & commune, tam animatis, quam inanimatis, quorum vnumquodque suam habet ab aliis distinctam speciem, propriam formam, & peculiarem naturam, quam aliquando Galenus totam substantiam vocat, suis certis viribus & potentiis præditam, quæ in aliis non reperiuntur. Est tamen frequentissimum Galeno, vt naturam pro inferiore animæ gradu sumat, qui in vegetabilibus reperitur: vnde in plantis actiones à naturâ sine vllâ electione fieri, & in sentientibus ac intelligentibus easdem naturales vocat, quas animalibus opponit, tanquam voluntarium inuoluntario, vt postea videbimus. Quam igitur in plantis & stirpibus vegetantem animam vocant Philosophi, eam Galenus naturæ vocabulo simpliciter donauit, cuius facultates sub sentiente & rationali in brutis & homine includuntur, quemadmodum perfectiora imperfectiorum, superiora inferiorum vires & naturam, non varijs essentiis, sed rationibus continent; vel, vt docet Philosophus, quemadmodum in mathematicis tetragonus triangulum; pentagonus vtrumque; quinarius numerus binarium & ternarium absque vllâ compositione complectitur.

Esse igitur in nobis formam aliquam, quæ hominem ab aliis rebus distinguat, & quæ sit functionum præstantissimarum causa, vbique concedit Galenus, eiusque naturam & vires in administrandâ corporis nostri œconomiâ miratur: etenim cum actiones, inquit ille, *lib. 12. de usu partium*, sint de numero seu genere eorum, quæ suam habent positam essentiam in fieri & perpetuo fluxu, necesse est dari in nobis stabilem aliquam & permanentem rem, quam illæ, vbi opus est, sicut effectus causam consequantur: hæc verò cum non sit corpus aut materia, perpeffionis seu susceptionis tantum principium, formam esse oportet, quam in hac rerum specie animam appellamus: & quâ discedente cadauer, quamuis organo ad actiones comparatis instructum, ne minimum quidem eorum munus obire potest, quæ prius dum esset in viuis exequabatur. Quæ verò sit propria huius formæ seu animæ essentia, & quo pacto ab aliis differat, non audet pronuntiare Galenus, nisi à posteriore siue effectis. Quamuis enim aliquando temperiem, calorem natium, spiritum insitum & similia actionum instrumenta, animæ vocabulo donare videatur: esse tamen distinctam & aliam eius essentiam ab istis declarauit apertè *lib. 6. de placitis: Arteriarum spiritus*, inquit, *vitalis est, animalis autem in cerebro consistit, non tanquam anima substantia, sed quasi organum primarium ipsius, qualiscumque ea sit substantia. Quod enim animalis spiritus*, addit ille, *neque substantia sit anima, neque eius domicilium, sed duntaxat instrumentum, inde didicimus, quod ipso per vulnera aut alio modo vacuato, veluti mortuum concidit saepe animal: ille autem recollecto à facultate quæ adhuc intus latebat, renouiscit.* Tanti autem fuit candoris Galenus, vt semper de illis dubitare potius, quam asserere maluerit, quorum nullam habuit demonstrationem: vtrum scilicet anima sit accidens vel substantia, eaque corporea vel incorporea, coextensa, vel indiuisibilis, mortalis vel immortalis, & similia, de quibus certiores habemus ex diuina reuelatione, quam rationis discursu cognitionem. Sufficit enim Galeno & Medicis scire animam esse principium siue causam corporis viuientis, tum formale, quia per animam habet quod

De facult.& functionib. Cap. VI. Ixix

quod sit tale, hoc est animatum : finale ; quia animæ causâ corporea omnia organa certam conformationem adepta sunt ; tum etiam efficiens, quia anima est principium facultatum, seu continet eas facultates, à quibus tot actiones in animantibus exerceri videmus : & ut est 2. *de animâ ; illa est principium, quo vivimus, sentimus, intelligimus, nutrimur, & loco mouemur.* Quæ definitio ad Medicinam est aptissima, huicque nostræ tractationi accommodata, in qua de illius facultatibus & functionibus agere propositum est. Aliam enim à Philosopho propositam definitionem vix præstantiorem esse putamus, cum tam obscurum illi genus & homonymum assignarit, ut non solum veteres de nominis illius *ἐτελεχίας* significato, sed etiam recentiores acerrimè contendant : & quod nostri perfectionem vel actum primum interpretantur, non satis videtur convenire substantiæ, sed etiam ad accidentia & res artificiales extendi : tum etiam quod illud organum in definitione Aristotelicâ videtur superfluum, quia non solum animata, sed etiam reliqua sua habent instrumenta, formæ cuidam accommodata ad actiones proprias exercendas. Liceat tamen unicuique prout volet sentire, nos enim ad propositam tractationem accedimus, in qua primò dicturi sumus, quid sit facultas, functio, opus, & usus : Secundò quotuplex sit facultas : Tertio quæ sint facultatum istarum principia seu instrumenta in corpore : Quarto quomodo hæ facultates à suis principiis in totum corpus influant, & quem sibi inuicem usum præstent : Quintò singulas facultatum & functionum species singillatim persequemur, donec ad infima peruentum fuerit, & quæ occurrere solent dubia, breuiter explanauerimus.

QVID IN NOBIS SIT FACULTAS, FUNCTIO, OPUS ET VSVS. *Δύναμις, ἐνέργεια*, potentia, virtus, vis, & facultas idem sonant apud Medicos : ita ut generaliter denotent cuiuscunque rei quamcunque efficientem causam in elementis, mixtis, stirpibus, animantibus, quæ ad aliquid præstandum potentiam obtinebunt, vnde tot de medicamentorum simplicium vel compositorum facultatibus libri conscripti sunt : & Galeno facultas est id quod primò actionis causa existit, quam causam constituit effectricem *libro 1. de sympt. causis cap. 1.* Alias tamen hoc nomen facultatis contrahitur ad animæ ipsius, ut præstantissimæ causæ potentias, vnde ad eam vel ad actionem habitâ relatione dicunt Medici facultatem esse primum & immediatum animæ effectum : vel principium & causam, functionum. Quæ definitiones quamvis Medico sufficere possint, non tamen satis docent, quid sit facultas ; oportet enim proprium illius genus quærere, & reliqua quæ in definitionibus assumuntur proponere.

Fuchsius putat facultatem causam esse efficientem, eamque nihil aliud quam naturam cuiuscunque rei temperiem. Sed illius opinio non est recipienda. Nam si facultates istæ, de quibus agimus, ad animam potissimum referuntur, non ad corpus, quomodo facultas temperies dicitur in animâ, quæ simplex est & immaterialis ? Quod si dicas eum ad proximum animæ instrumentum respexisse, quo illa functiones suas exercet : certè ineptum est illud, nec est admittendum, quia anima non solum per temperiem, sed etiam per totius substantiæ proprietates, quas tantopere celebrat & ubique miratur Galenus ; necnon per istam ac convenientem partium conformationem, & earum unitatem functiones suas exercet. Ac proinde facultas non potest dici natiua vel aduentitia temperies, quia tot essent facultates in nobis, quot sunt varia in partibus temperamenta, quibus variè functiones exercentur.

Nec satis placet etiam Argenterij sententia, qui facultatem ipsammet esse formam seu animæ substantiam existimat, nullo modo ab eâ distinctam, quæ in eodem individuo, vel specie differentes actiones proferat ex diuersitate instrumentorum : nam cum animæ substantia dicatur, quomodo triplicem in nobis facultatem distinctam & diuersam constituere poterimus, cum in homine unicam esse animam confiteamur ?

Fernelius autem vult facultatem esse vim illam & potestatem, quam anima, tanquam de sinu suo promit, & ad munera functiones proferat : esse enim illam infinitam proprietatem, quæ sit accidens animæ intimum, atque ideo intestinum, ut plerisque illius essentia putetur. Differre autem illam ab animæ parte, quod facultas possit ab animæ substantiâ seiungi, pars verò nequeat. Hæc Fernelius : in quibus facultatem non satis appositè per vim & potentiam definit, quæ idem sunt, nec magis differunt quam ensis & gladius aut similia. Neque bene statuit facultatem separabilem esse : quia si facultas sit proprietas intima animæ, ut ille loquitur, quomodo ab eâ separari poterit : proprietates enim rerum à rebus seiungi nequeunt, ut

risibilitas ab homine. Nec valet quod obiicit idem Fernelius, vim & facultatem augescendi post vigorem ætatis confirmatum intercidere & aboleri: non enim aboleretur animæ aliqua facultas, sed illa perpetuo exerceri nequit materiæ, subiecti, vel instrumenti vitio: quemadmodum faber ligatus, vel sine ligno aut ferrâ non secatur. Magnes alio perunctus non amittit facultatem trahendi ferrum, sed ob contrarij præsentiam, illam exercere nequit. Des seni oculum vel corpus pueri, rursus in eo visionem acutam, & auctiorem fieri animaduertes. Non ergo abierat aut perierat facultas illa auctrix vel visoria. Denique distinguendæ actiones à facultatibus: actiones enim sunt compositorum seu coniuncti, non componentium: ac proinde ut actio exerceatur, quæ nihil aliud est quam motus actiuus seu effectiuus facultatis in aliquâ corporis parte: non solum debet adesse anima suis facultatibus instructa, sed etiam recta organi ad agendum dispositio, sine quâ functio obiri nequit, quemadmodum recedente animâ, nihil eiusmodi partium dispositiones præstare possunt.

Cum igitur facultatem non esse ipsam animæ substantiam siue essentiam dixerimus, superest ut sit accidens proprium & inseparabile, per quod certas functiones in composito proximè exercet. Anima enim non est causa efficiens suarum potentialium, sed subiectiua, quemadmodum ignis siccitatis & caloris: quibus mediantibus, ut reliquæ omnes substantiæ, per instrumenta accidentaliter operatur. Atque hæc definitio probabilis & recipienda nobis videtur: quamvis multa etiam aduersus eam adferri possint: quibus omisissis dicimus tantam esse inter facultates & functiones cognationem ac similitudinem, ut non sit opus eas variis tractationibus persequi & explicare, cum facultas sine functione, neque hæc sine illâ intelligi non possit. Notandum tamen, functionem seu actionem non solum denotare vim quamdam & potentiam animæ, sed etiam partis alicuius ad id vel illud præstandum aptitudinem: quod si factum iam & completum permaneat, opus dicitur à Galeno, ut chylus, sanguis, caro, & similia. Istæ autem aptitudines partium ad aliquid agendum, vel concurrunt simul ad functionem illam exercendam, & tunc Medicis actionem habere dicuntur illæ partes similem, organicam, vel ex utraque mixtam, prout vel sola temperies, aut conformatio, aut utraque necessario concurrunt ad illam obeundam: unde partes omnes viuientis quatenus tales, actiones similes nutritioni subseruientes sibi proprias habent & insitas: secus verò in actionibus publicis, seu officialibus, quæ determinatam partis alicuius structuram consequuntur: nam verbi gratia ad hæmatosim intestina non actionem aliquam præstant, sed usum tantum, ut per ea chylus deferatur: in oculo humor crystallinus propriè visionis author, reliquæ partes commodum & vtilitatem tantum ad visionem præstant. Vsus igitur ab actione distinguitur, quoniam actio in motu seu operatione consistit perpetua, nec sine illis intelligi potest: vsus verò etiam in otio partis positus est, imo in demortuis superstes aliquando manet, ut patet de cute ad regendum totum corpus, & sic de reliquis: quæ tamen Galenus non ita accuratè distinxit, libris illis de usu partium verè aureis, sed tam actionem quam usum promiscuè vsurpauit.

QUOT SINT FACULTATES. Cum facultatem siue potentiam dixerimus esse quid proprium & intestinum animæ, quæ sensus nostros omnes effugit: ideo facultatum differentias & numerum complecti non possumus, nisi ex varietate actuum, operum & obiectorum circa quæ illæ versantur. Medici igitur ista curiosius speculantes, cum viderent diuersos & multiplices in nobis actus seu functiones à tribus principiis seu instrumentis corporeis pendere potissimum, & ex illorum bonâ & laudabili constitutione bene & laudabiliter perfici eiusmodi functiones, & quæcunque illis subseruiunt: ideo ex relatione illâ quam inter facultatem, partem, & functionem esse annotauimus, intulerunt triplicem etiam esse debere potentiam seu animæ nostræ facultatem, à quibus reliquæ omnes pendeant, & in varias subiectasque species distribuantur. Naturalis igitur, vitalis, & animalis facultas, tres sunt præcipuæ & generales potentie apud Medicos, quibus tota humani corporis œconomia constat & regitur: ex quarum concursu, & quasi aggregato vita nostra constituitur: vitalis enim καὶ ἐξοχὴν & per excellentiam ita appellata, cordi insidens, per arterias ceu canales quosdam calorem viuificum vniuerso corpori cum tenuiore sanguine & spiritu impertit: naturalis autem in hepate sedem habens præcipuam, per venas omnibus partibus alimoniam conuenientem præbet: animalis denique in cerebro tanquam arce residens, principem, sensificam, & motricem constituit: unde

De facultat. & functionib. Cap. VI. lxxj

ex diuersitate instrumentorum præcipuorum & obiectorum bene videntur triplicem hanc facultatum diuisionem fecisse. Galenus tamen *lib. 1. de sympt. causis*, statim initio, duarum tantum meminit, naturalis scilicet & animalis, omisâ vitali : & *lib. artis parue*, dum testes inter partes nobiles reponit, facultatis generatricis, authores, quartam videtur adstruere facultatem ab aliis distinctam. Ad hæc respondemus, Galenum aliquando in statuendo facultatum numero respexisse ad accuratam diuidendi legem, vt scilicet voluntarium inuoluntario opponeret. Cum itaque vitalis functio non minus quam naturalis vi & impetu naturæ fiat, non ex animantis arbitrio, ideo sub nomine naturalis tunc vtramque expressit, quamuis alibi & sæpius distinguat, quemadmodum distincta sua habent principia & munera. Quando verò testes facit partes principes, hoc non eo fecit consilio, vt nouam quamdam & distinctam facultatem stabiliret, sed vt eorum tantum præstantiam & vtilitatem in propagandâ humani generis specie ostenderet.

Quod verò ad Aristotelem spectat, qui cum omnes animæ partes & facultates accuratè recensuerit, nullam tamen fecit vitalis facultatis mentionem, sed eam quæ à corde proficiscitur nullo discrimine altricem vocauit, & vitam cum nutritione idem esse putauit. Dicimus Philosophum, quia vnicum constituebat principium nutritionis seu viuificationis, vt ita loquar, nempe cor, ideo non debuiffe facere distinctas facultates, nutriendi simpliciter & viuificandi : quemadmodum Medici, qui in animantibus perfectioribus sublimiorem quamdam facultatem ad actum nutritionis & conseruationis perficiendum agnoscunt, quæ in corde sita sit, primam illam alendi vim adiuuans, quæ ab hepate cum malsâ sanguinariâ in totum corpus proficiscitur.

Has autem facultates statuendas esse & distinguendas ea docent ratione seu axioma Medici : quod ea quæcunque sic comparata sunt, vt vnum lædi vellabefactari possit, aliis permanentibus, ea separata sunt & diuersa : atqui os, cartilago, naturaliter constituta, sensu omnino destituuntur, cum tamen viuant & alantur ; lethargico autem sensus eripitur, paralytico motus, & tamen nutriuntur : ergo, inquit Medici, naturalis facultas ab animalî manifestè discrepat. Sic vitalem ab animalî distinctam esse id demonstrat, quod nobis dormientibus, aut feriantibus, cor tamen pulsât cum arteriis, nec sequitur voluntatis nostræ imperium.

Eodem modo vitalem à naturali differre ostendit pars ἀνοφία laboratis, aut totum corpus, vt in marasmo, quod iam alimenti defectu contabuit, viuât tamen, per vitalem scilicet facultatem à corde, quæ adhuc illam tuetur & conseruat. Contra veneno aut peste, manifestissimè per syncopes, palpitationes & similes affectus, videmus ruere & quasi suffocari viuificam illam facultatem aliis permanentibus saluis, aut vix in suâ essentiâ læsis. Deinde si ex priuatione dignoscantur habitus : nullus est qui non videat, malè affecto hepate corpus non nutriri, aut malè nutriri : cerebro læso sensum & motum lædi : patiente corde vitalem hanc, quam ita lubuit Medicis appellare, primo & præcipuè labefactari : necnon adhibitâ istis partibus remedia, si feliciter vsurpentur, facere ad restitutionem eiusmodi functionum. Itaque non dubitant de adstruendo illorum numero & differentiis, quidquid Philosophi aduersus hanc doctrinam arguentur. Sed vt clariùs hæc pateant, agendum adhuc de principiis & instrumentis harum facultatum.

QUÆ SINT FACULTATVM ISTARVM PRINCIPIA ET INSTRVMENTA IN CORPORE. Magna est inter Aristotelem & Galenum controuersia de sede seu instrumentis istarum facultatum in corpore : Aristoteles enim, Auerrhoes & qui eos sequuntur, cor omnium facultatum fontem & principium statuunt, à quo in reliquas omnes partes demandentur. Galenus verò cum Platone, Hippocrate, & totâ Medicorum factione triplex faciunt illarum principium, vt iam annotauimus. Quod Auicennas *sen. 1. lib. 1. doct. 6.* ita conciliare nititur : *Sunt*, inquit, *de sententiâ Aristotelis omnes virtutes in corde, vt primâ radice : caterum manifesta sunt in aliis membris : animalis scilicet virtus manifestatius est in cerebro, radicaliter in corde : quemadmodum de sententiâ Galeni visiva virtus in cerebro est, vt primo fonte, tamen in oculis elucet, propterea quod sunt ad videndum commodum instrumentum.* Hæc Auicennas. Sed meo iudicio præferendum est hic consilium Auenzoaris, qui post adductas vtrunque rationes, concludit tandem, melius esse Medico credere, membra quoad virtutum sedem plura esse : quoniam illis ægrotantibus labefactentur facultates, bene valentibus rectè habent, medicamentâque illis, non semper cordi sunt imponenda.

Galenus igitur, vt ostendat tria esse facultatum principia, procedit præcipuè ex *Φαινόμεναις*, rei euentiâ ac sensuali demonstratione, quæ per anatomen comparatur. Facultas enim, inquit, ibi posita est, vbi propria sunt illius organa, & vnde partes deferentes talem vim aut materiam per totum corpus, oriuntur. At ex cerebro nerui cum sensu & motu: ex hepate venæ cum conuenienti & alibili materiâ: ex corde arteriæ cum spiritu & calore copioso: ergo tria talia sunt constituenda principia, cum multa impediunt ne possit fieri vnum tantum in corpore hominis principium: nempe varietas istarum facultatum, quæ vt commodè functiones exercerent suas, egebant diuersâ temperie, & conformatione, necnon situ, quæ in vnico reperire membro erat impossibile: Deinde non erat tutum ex vnicâ parte omnia functionum instrumenta deducere, venas, nervos & arterias: periculum enim erat vel ruptionis ob tantorum vasorum pondus: aut certè distributionis minus accommodatæ, & functionum perturbationis, quemadmodum videmus hominem *πολυπράγμονα* & multis negotiis implicitum minus commodè illis perfungi. Natura itaque ordini & pulchræ rerum administrationi addicta, melius multò hæc munera pluribus distinctisque partibus attribuit quam vni, per quam non ita commodè ea præstare poterat.

Nervos igitur tam sensorios quam motorios à cerebro & spinali medulla oriri, non à corde: satis conuincit tum ipsa substantiæ ratio (medulla enim seu pars nerui interior, cerebri medullæ: duplex nerui tunica duabus cerebri meningibus manifestè respondent) tum ipsa partium continuitas & dissectionis ratio, quam si, vt his temporibus exercetur, agnouisset Aristoteles, non dubitamus quin ipse fibris quibusdam & membranulis in corde ad particulares vsus comparatis deceptus, idem nobiscum recepturus esset. Adde quod si sensus & motus cum neruis è corde emanaret, oporteret neruis obstructis, compressis, aur ligatis partes eas quæ cordi, non cerebro propinquiores essent, illæsas permanere, alias verò sensu & motu destitui. At contrarium apparet perpetuò, nempe in eiusmodi neruofarum partium affectibus, quæcumque ad cerebrum magis accedunt, illas magis influxum eiusmodi facultatum recipere: quoniam scilicet in eo, non in corde sedem suam habent. Pungatur neruus in quacunque corporis parte, videbimus primò partem illam conuulsivo motu agitari versus suam originem, & si malum perseueret, alias in consensum rapere, facto semper progressu, donec ad cerebrum peruentum sit, velut primam neruofæ istius propaginis radicem.

Venas etiam è iecore, non corde oriri, ibique præcipuam illam functionem *αιμάτωσιν* dictam exerceri, manifestissimæ & inexpugnabiles rationes conuincunt: quarum prima peti potest ex nutritione fœtus in vtero, qui alimentum ex materno sanguine excipiens per vmbilici vasa, duas habet arterias, vrachum & venam in medium hepatis sinum implantatam; quod natura non fecisset, nisi hepar deinceps sanguini conficiendo, & venis sustinendis dicatum fuisset. Præterea radicata illa venæ portæ & cauæ, qua totum hepatis parenchyma veluti fibris referum est, nonne ostendit ibi fixam esse positamque earum originem, vt & diuisio venæ cauæ in ascendentem & descendentem velut ramos, quæ statim post exortum ab hepate contingit? Et cum omnia primæ regionis viscera in abdominis cauo contenta, recipiant tantum propagines venæ portæ, quæ hepatis est manifestè continua, nullo modo ad cor perueniens, quis dicet materiam alibilem ex corde ad eas deriuari? An non sunt multa animalia, ipsomet teste Aristotele, *lib. de partib. animal.* quæ carent dextro cordis ventriculo, vt quæ pulmonibus sunt destituta; ergo in illis dexter iste ventriculus non erit origo venarum, cum tamen rei communis commune debeat esse principium. Sed contemplemur venam cauam ascendentem in dextrum cordis ventriculum, vt apertè pateat, eam non ab eo oriri, sed in illud inferi: nonne ostiola seu valuulæ eius orificio annexæ, sunt ita comparatæ, vt ingressui foris intrò quidem pateant: occludantur autem egressui intus foras, ne quicquam inde elabatur? At hoc non debuit esse, si quidem cor sit venarum radicata, & materiæ alibilis fons: nam exitui eiusmodi humorum maximè externa orificia cordis patere oportuisset, vt per totum corpus deferrentur: Adde quod substantia illa iecoris concreto sanguini simillima, multo accommodatior existit ad *αιμάτωσιν* suscipiendam, quam cordis & duro ac sicco admodum parenchymate constituti. Quâ de causâ prudens nostri Opifex circa hepar apposuit partes illas, quæ depurandæ huic massæ sanguinariæ fuerunt destina-

De facultat. & functionib. Cap. VI. lxxiij

tz, vt fellis cystidem, lienem & renes : cum venis illis ad anum pertingentibus, quas hæmorrhoidales vocant, vt illius tam plethora, quam cacochymia commodius vacuaretur.

Certum itaque sit hoc & ratum apud Medicos, tria esse principia seu partes principes, in quibus anima velut commodis *ἐργαστηρίοις* & instrumentis tres illas primas, & principes facultates exercet, & in totum corpus, cum certâ materiâ siue subiecto, quod spiritum superiori vocauimus tractatione, mandat : nam, vt eleganter annotauit Galenus *lib. de placitis*, Peripateticorum argumenta pro adstruendo cordis principatu & monarchiâ, nihil aliud concludere possunt, quam illud esse caloris influentis & viuifici fontem, ad suscitandas omnes animæ functiones necessarij, quod Medici lubenter concedunt : reliqua verò velut absurda & *ἀντιφασίας* repugnantia reiciunt.

AN ISTÆ FACULTATES, ET QVOMODO A SVIS PRINCIPIIS IN TOTVM CORPVS INFLVANT : QVEMQVE SIBI VSVM INVICEM PRÆSTENT. Vnicam esse animam, tribus præditam facultatibus, quas in principibus illis corporis partibus exercet, superior confecit demonstratio : an verò & quibus modis istæ facultates influant in reliquum corpus, iam est videndum. Non enim sibi solis natæ sunt eiusmodi partes, sed toti : nec ab animâ solæ informantur, sed vniuersum corpus viuens, & varias actiones illius vi & imperio exercent. Dicit aliquis : cum anima sit tota in toto suis facultatibus instructa, quæ ab eâ sunt inseparabiles, cur non vbique actiones omnes istas promiscuè exercet ? Responde, animam quidem ex parte sui aptam esse, vt vbique functiones istas obeat, sed instrumentorum defectu non posse, quæ ideo natura illi non solum in certis & primariis partibus comparauit, sed etiam in reliquis per ductus quosdam & quasi canales diuisit, quibus interceptis labefactari & perire solent : quamuis nullum secundum propriam essentiam affectum membra ista secundaria suscepisse videantur. Plures enim quotidie obseruamus, quibus ob solam venarum obstructionem partes *ἀρροφία* laborant, vel ob vulneratos aut collisos nervos, in spinalis verbi gratia medullæ exortu, pes vel manus obtorpescent. Quæ liquido demonstrant, aliqua esse in nobis membra velut fontes, ex quibus propria harum facultatum auxilia defluant in alias, prout aptæ natæ sunt illa suscipere, & ad certas actiones comparatæ sunt.

Hæc igitur vis seu facultas animæ imperio seu assistentiæ principij iuncta, cum demandetur in reliquas partes per certos ductus à nobis commemoratos, debuit in certo subiecto seu materiâ fluxili, permeabili & tenuissimâ deferri, vt cito totum interiectum spatium, quoties opus erat, emetiri ac peruadere posset. Hoc autem subiectum seu materiam esse spiritum, eumque triplicem, naturalem, vitalem, & animale, prius in tractatu spirituum ostendimus : etenim si *ἐνερπητικὸς* tantum, virtualiter & irradiatiuè, vt loquuntur, hic influxus fieret : cur natura tam curiosè eiusmodi cavitates & continuos ductus fabricata esset, cum qualitatis & virtutis diffusio possit facillimè per quodcumque corpus annexum seu obuium fieri ? quemadmodum radios solares vndiquaque per aërem, aquam, terram & similes mundi partes dispergi videmus. Illos igitur comparauit, vt tanquam per tubulos materia hæc spirituosâ conuenienter deferri, ire ac redire per iustas & patentes vias posset.

Tres itaque isti spiritus cum suis facultatibus & potentiis, vndiquaque sparsi mutuam sibi operam & vsum præstant : naturalis enim cum sanguine in singulas partes delapsus commodam partium nutritionem, temperiem & incrementum promouet : vitalis exsuscitat & intendit vim functionum illarum insitarum, & disponit ad sensum & motum : quemadmodum sensifica & motrix, percipiens quæ utilia sunt aut inutilia ad ea persequenda vel euitanda, vim excitat, robur corporis confirmat, & facultates omnes perficit. Vnde prudenter factum est à naturâ, vt vbique tria illa instrumenta; nerui, venæ, & arteriæ coniuncta sint. Certè inter venas & arterias tanta est connexio, vt non solum eiusmodi vasa pluribus in locis per oscula patentissima coeant, sed etiam in continuo illo ductu suas habent *συμφορές* & *ἀναστομώσεις* à Galeno annotatas, quibus materiæ istæ hinc inde transferri & commeari possunt. Sic per febres sectâ venâ refrigeratur cor, quia arteriæ venis per ista oscula coniunctæ sunt : Vnde etiam Hippocrates totum corpus confluxile & conspirabile esse scripsit. Præterea facultates istæ ita concurrunt, vt irascibilis in corde posita, condita videatur in rationalis sub-

dium quæ cerebro infidet, aduersus concupiscibilem hepatis insitam, velut canis quidam contra agrestem feram, inquit Galenus 6. *de placitis*. Nam cum cupiditas nobis sit indita, vt sine voluptatibus non viueremus, si quidem illa fiat intemperantior, tunc ratio sedare debet illius impetum. adiuta vi illâ θυμικῇ, quæ respuat fœdas istas & immundas voluptates: quemadmodum ratio sæpius irascibili fert assensum, vbi vindictâ opus esse iudicarit: & sic de reliquis animæ nostræ functionibus: ad quarum peculiarem magis tractationem nunc accedimus.

NATURALIS FACULTAS ET EIVS SPECIES. Animam nostram velut superiorem quamdam formam, inferiorum vires & facultates includere prius docuimus. Itaque vegetatricis, quæ est in plantis; & sentientis, quæ in brutis conspicitur, potentias omnes obtinet: quarum descriptionem iam aggredimur, ducto à vegetante exordio, quæ in homine naturalis facultas appellari solet. Tot igitur erunt naturales istæ in nobis potentiae, quot vegetatrices in plantis, procreatrix nempe, auctrix & altrix, quæ sigillatim sunt Medico considerandæ. De procreatrice ergo cum sequenti tractatione fusè acturi simus, quatenus ad hominem spectat: nunc tantum dicamus esse eam vim animanti insitam sibi simile generandi: eiusque actionem seu actuum motum esse substantialis formæ in materiâ acquisitionem, siue progressum ad formam. Hæc igitur facultas semini vtriusque parëtis inhærens, dum in substratam sibi materiam agit, necessariâsque & præuias excipiendæ formæ dispositiones inducit, non solum illam alterat, sed etiam in conuenientem naturæ suæ ac speciei figuram conformat: vnde duæ exurgunt procreatrici subiectæ potentiae, immutatrix scilicet & conformatrix. Illa primis & elementaribus qualitatibus, calore potissimum analogo & quasi cœlesti vtens, semen & sanguinem menstruum, subiectam homini generando materiam immutat in qualitatibus tam primis quam secundis, vt ex eos, neruus, vena, arteria, & quælibet partium fiat: vnde tot particulares istæ facultates immutatrices recensentur, quot sunt partes similes, ossifica, nervifica, venifica, & sic de reliquis. Conformatrix verò, quam Auicennas non ex sponte suâ, sed ex præcepto creatoris sui agere eleganter scripsit; immutatam iam hanc materiam artificiosè effingit, vt congruentem figuram, situm, compositionem, cavitates, soliditates, asperitates, læuitates, apophyses, epiphyses & cætera huiusmodi disponat ad cuiuslibet partis constitutionem, actioni scilicet & vsui idoneam. Hæc etiam diuiditur pro diuersitate partium organicarum.

Auctrix verò facultas, quam Auicenna crescituiam appellat, est quâ corpus accrescit in omnem dimensionem: actio enim eius quæ est auctio, est solidarum animalis partium, quarum prius fuit generatio, ampliatio in longum, latum & profundum, formâ propriâ & continuitate priore seruata: & hoc est quod vocat Aristoteles augeri secundum formam: Hoc autem est solius naturæ opus, non artis, quæ tantum demit longitudini, quantum verbi gratia tribuit latitudini, & contra. Auctrix hæc facultas ita vtitur nutricis operâ, vt citra illius opem compleri non possit: idque aliquos mouit, vt eandem esse facultatem dicerent: propterea quod virtutes diuersæ diuersarum operationum oportet vt sint: sed augmentis (inquiunt) nulla est propria actio diuersa à nutritione: nam cum tantum reparatur ex alimento confecto, quantum quotidiano effluuiio perierat, nutritur corpus: cum plus reponitur, augetur: sed plus aut minus reparari non variat actionis speciem: quare neque virtus erit diuersa auctrix à nutrice. Nos verò existimamus bene & appositè à Galeno has facultates distingui, quas tamen sibi mutuò subseruientes appellauit: tum quod auctrix non habet idem obiectum atque altrix: altrix enim versatur circa alimentum: auctrix verò circa ipsas partes solidas, quas illa in omnem partem effert atque dilatat, vt nutritrix illis ita diffusis alimentum apponat, affigat & assimilet, non tantum quantum deperit, sed etiam copiosius: tum quod multi crescere & augeri videantur, qui parua admodum nutritione vtuntur, vt patet in pueris & adolescentibus morbo detentis: contra multi lautè & opipare viuentes, pingues & saburrati, non tamen proceritatem eam attingunt quæ homini decentior est: quare existimanda est auctrix non esse maior aut minor nutritio, sed distincta facultas, vt & à procreatione, in quâ fit ad nouam substantiam progressus; in accretione ad molem tantum & amplitudinem: siquidem quod gignitur nondum est, nec certam obtinuit speciem: quod augetur, formam suam adeptum est perfectam, sed non complementum dimensionis suæ. Itaque sic inuicem sibi hæ facultates inseruiunt, vt quod procreatum est, augeatur ad certam & determinatam magnitudinem: quod auctum est, nutri-

De facultat.& functionib.Cap. VI. lxxv

rione , & alimenti appulsu conseruetur. Nec minus procreatrix facultas aliis etiam duabus ancillatur ; nam & dentes in infantibus , necnon aliquando in adultis de nouo producantur : Et Galenus in capite arteriam satis insignis magnitudinis vidit regeneratam : quemadmodum in cauo & profundo vlcere implendo, venæ & arteriæ capillares recuperantur, vnde est via ad nouæ carnis generationem. Sic facultates istæ tres & sibi mutuas præstant operas, & inuicem distinguuntur.

De nutrice igitur peculiarius acturi , dicamus nunc nutritionem contingere, quando nutrimenti cum nutrito perfecta sit assimilatio , hoc est , cum quod in nutrimenti specie affluit, omnibus corporis, quod nutritur , partibus solidis apponitur, affigitur , assimilatur, sine vllâ tamen ampliacione : succus enim omnem animalis partem nutriturus, vbi à vasis excidit, ceu ros quidam per totam partem nutriendam dispergitur , mox apponitur seu adiungitur: deinde ficcitatem sufficientem ad lentorem à calore natiuo adeptus , agglutinatur, coalescit, & vnitur. Ad hoc opus perficiendum vitur facultas nutrix auxiliariis quibusdam & administris facultatibus, quas Galenus quaternario numero inelufit *variis in libris*, & vocat *ἐλκτικήν*, *κατεχέσσην* seu *καθεκτικήν*, *ἀλλοιωτικήν*, *ἐκκριτικήν* vel *ἀποκριτικήν* id est tractricem, retentricem, alteratricem, & expultricem. Cum enim nutritio, vt iam dictum est, fiat mutatione materiæ alimentariæ in substantiam illius quod nutritur, & ad hanc mutationem, nihil opus sit quam tractione eius quod est vtile, tracti retentione, retenti mutatione, & partis inutiles, qualis necessario in quauis concoctione separatur, expulsionem: constat quatuor solummodo esse virtutes naturales nutrici ministrantes.

Attractrix quidem conuenientem succum allicit ad ipsius partis nutritionem (quod cuilibet parti commune est, alimentum sibi familiare trahenti, nunc per fibras rectas, vt in ventriculo : nunc à solo partis temperamento, vt in reliquis propriè partibus) vel etiam ad eius delectationem & voluptatem, *ἀναζωπύρεσθαι* vocant Græci : veluti os vteri semen, vesicula bilem flauam ex iecore fruendi & voluptandi, vt ita loquar, causâ allecat & attrahit. Retentrix attractum familiarem succum, quoad vsque absoluta fuerit coctio, retinet, si alimentum sit : si excrementum, donec quantitate distendat, aut qualitate acri vel mordaci partem, verbi gratia intestina aut vesicam, offendat. Hæc vt cæteræ facultates, omnibus inest nutriendis partibus : apertius autem apparet in partibus magnam cauitatem habentibus, vt ventriculo, vtero, vesicis : in hisque villis obliquis maximè iuuatur : in reliquis partibus est obscurior, atque in earum sita temperamento. Concoctrix verò substantiam in parte retentam, si parti in quanto & qualitatibus fuerit proxima, & magnam cum eâ cognationem habeat, citissimè alterando parti ipsi assimilât, vt ex sanguine caro mox efficitur: si verò magis à partis temperie fuerit remota, illam per omnes medias qualitates prius immutat. Verbi gratia os durum, album, frigidum, ex sanguine humido, rubro, & calido, vno & eodem impetu fieri non potest, sed multis in medio alterationibus & mutationibus opus est, quas facultas ista concoctrix exequitur, idque proprio cuiusque partis temperamento. Expultrix autem ea, quæ peruinci, percoqui, perfecte alterari, & cum nutriendo similitudinem recipere non potuerunt, expellit & deturbat, vbi partem quæ ipsa vel coquendo vel trahendo secreuit, ceu onere alieno grauant, & quantitate distendunt, vel acri qualitate molesta sunt. Expulsio tractioni contraria sæpe fit per eosdem meatus, vt deglutitio & vomitus per gulam : vitur tamen fibris potissimum transuersis, in partibus quibus hæc reperiuntur, & quæ publico funguntur munere : in aliis ipsâ temperie, vt iam dictum est.

Dicet aliquis, plures aliæ recensentur apud authores clarissimos, præter istas quatuor facultates, quarum nunc meminimus. Auerrhoes enim 7. *Physicor. cap. 10.* existimat esse quinque, addens superioribus secrettricem : cuius sententiam confirmat Auicennas 3. *lib. canonis*, dum de paruitate hepatis agit, & causas anasarcae enarrat. Galenus etiam alterius facultatis præter has videtur meminisse 1. *de sympt. causis*, vbi causas naturalis famis recensens, ait primò venas exinaniri : deinde appetere naturali appetitu : post trahere sugendo ex ventriculo : ex cuius succus sensu excitatur animalis appetentia, quam famem appellat. Appetentia enim quæ in ventriculo est cum sensu, animalis : quæ in venis sine sensu, naturalis dicitur. Oportet igitur naturalibus instrumentis cum appetant naturaliter, suam inesse appetendi facultatem, vt actionum numero par sit facultatum numerus. Præterea habet hæc facultas suas læsiones, vt ipsemet Galenus docet *libro sexto de locis affectis, capite tertio*. Diabetes verbi gratia fit ob debilem & infirmam renum retentricem :

sed inexhausta illa quæ est in hoc affectu, nascitur ex nimia naturali renum appetentiâ: ita ut serum ad se copiosius attrahentes ventriculum exhaustiant & exsiccant, sitimque in eo concitent. Quare appetendi facultas naturalibus addenda videtur. Idem Galenus 4. *Aphor.* secretricem addidit, cum inquit, siquidem præire oportet coctionem, subsequi verò secretionem, demum euacuationem. Sed & in 1. *de facult. natur. cap. 12.* cum docuisset concoctricem in venis ac membris esse, secretrice opus esse ait, ut ea quæ superflua sunt, possit expellere. In 3. *autem de symp. causis cap. 1.* meminit Galenus non solum secernentis quam διακριτικὴν appellat, sed etiam distribuentis siue διανοητικῆς: ibique docet symptomata quæ ex illarum actionibus viciatis exoriuntur: ut atrophia sit distributionis, icterus secretionis defectu. Itaque cum istæ, & sua patiantur nocumenta, & longe aliud sit, deducere alimenta per corpus & excrementa separare, ut excludantur; quam trahere, retinere, coquere & expellere: ratio ipsa suadere videtur has virtutes ab illis esse diuersas. Præter istas omnes sunt qui adhuc alias inuehunt, ut apponendi, affigendi siue agglutinandi, & assimilandi, quas etiam ex actionibus constituunt: sic enim affictricis facultatis, ut ita loquar, necessitatem demonstrant. Ut nutriatur corpus, non satis est, ut quod nutriturum est, trahatur, retineatur, alteretur, & pars illius inutilis excludatur; nisi id quod retinetur, affigatur nutriendæ particulæ: At affigendo membris cibo reliquæ facultates non sufficiunt: hoc enim maxime efficeret retentrix: tractio tamen versus partem, longaque in illâ retentio, unionem tantum facere potest: quæ unio ex Gal. 1. *de facult. natur. cap. 11.* non eadem est cum hac affigendi facultate, quod probat exemplo hydropis: in anasarca enim praua fit nutritio, quia etsi appositio siue unio ciborum fiat, tamen interuentu aquei humoris non affiguntur. Ergo affigendi actio est propriæ facultatis, & ab aliis diuersa.

Hæc argumenta, quamuis probabilitatem aliquam habeant, non tamen efficiunt ut plures sint naturales facultates ministrantes, præter illas quatuor à nobis recensitas. Atque ut illis breuiter satisfaciamus, ad id quod primò obiiciebant, dicimus, appetitum quidem naturalem singulis naturalibus instrumentis inesse, eius, quod si bi secundum propriam cuiusque naturam conueniens est. Sed tamen cum propter finem operari & illum appetere, insitum sit etiam inanimatis, in quibus facultates naturales non sunt: non magis indigent membra facultate distinctâ ad appetendum alimenta, quam terra ut descendere, ignis ascendere appetat. Ad id quod secundo adferebant, dicimus facultates illas, distributricem scilicet & secretricem, non esse alias facultates à quatuor prædictis distinctas, sed operationes quæ consequuntur ad opus aliarum. Nam cum distributionem alimenti in corpus vniuersum fieri, aliis membris expellentibus, iis scilicet quibus redundans est succus; aliis trahentibus propter indigentiam, ex ipso Galeno constet: non admodum nos commouebit, si distributionem aliquando nominet. Fuerit enim facile dicere hanc non esse ab aliis diuersam, sed ad alias reduci, non minus quam secretricem. Nam cum coctio omnis separet excrementa ab alimentis, & membra vim habeant trahendi cum delectu utilia, reliqua expellendi: quâ amplius facultate secretrice est opus? An non istas operationes necessariò consequitur secretio? Et ut secretricem facultatem nullâ ratione necessariam esse exemplo appositissimo declaremus: Ponatur pars linci panni in vino aquâ mixto, cuius extremum propendeat aquâ prius madefactum: tota aqua guttatim exhibit relicto ibi vino ob similitudinem tantum & grauitatem, quamuis ibi non sit facultas illa secretrix, sed solum attractrix rei conuenientis. Longè igitur minus erit necessaria in animalibus.

Quod verò dicunt Galenum & Auicennam eam in iecore constituere; verum quidem est: ibi enim ponunt causas hydropis apparentes, & cum in talibus appareat plerumque vrina sanguinea, quæ fit ex debilitate concoctricis iecoris, cum debilitate coctionis renum (per primam enim fit difficilis separatio, per secundam non fit separatio) & causa debilis coctionis in iecore per accidens sit plerumque debilitas retentricis: ideo ne dicant tot causas, ponunt vnum effectum, nempe secretionem, pro pluribus causis, nempe facultatibus illis læsis. Ad id quod vltimò adferunt de facultate agglutinante seu affigente, respondemus, hanc operationem non pendere ab aliquâ facultate particulari, sed dicendum est varios esse gradus & perfectiones coctionis, quæ suis ita nominibus à Galeno & aliis, aliquando facilioris doctrinæ causâ distinguuntur: quamuis reuera sub illis contineantur. Et sic remanet quaternarius ille numerus potentiarum facultati naturali inferuentium, ad varia illa opera sufficiens.

De facult. & functionib. Cap. VI. lxxvij

VITALIS FACULTAS ET EIVS SPECIES. Vitalem à naturali & animali diuersam in perfectis animantibus, distinctamque esse facultatem superius iam docuimus: eamque in corde innati caloris & influentis fonte collocauimus. Huic ergo facultati, quam alij *θυμοειδῆ* & *παθητικὴν* appellant, tribuuntur affectiones seu animi nostri pathemata, vt lætitia, tristitia, spes, desperatio, confidentia, metus, verecundia, amor, odium, inuidia, ira, furor & cætera eiusmodi: quæ in corde ideo fieri dicuntur, quoniam, si fuerit boni apprehensio, consecutione quadam & colligantia facultatum & cordis, sequitur illius & spirituum dilatatio & ad exteriora expansio: si verò quid mali perceptum sit, eorum coarctatio & quasi auersio: vnde materialiter in corde; in cerebro verò formaliter fieri eiusmodi passionibus dicunt Philosophi. Ita enim verbi gratia quamuis formaliter designet actum quo appetimus seu ferimur ad vindictam: materialiter tamen refertur ad feruorem seu ebullitionem istam sanguinis circa cor; quam sequitur sensibilis in corpore mutatio: & sic de reliquis, quibus relictis, vtpote quæ in Hygieine curiosius tractantur, duas tantum persequemur actiones vitalis facultatis, ad caloris viuifici conseruationem maximè conferentes, pulsum nempe & respirationem, quæ illi subseruientes & administræ dicuntur.

Pulsus igitur & respirationis tres censentur continentes causæ, hoc est quæ alterari aut mutari non possunt, manente effectu integro & immutato: hæ autem sunt facultas, instrumentum & vsus. Quod ad vsum spectat, ille omnino similis est tam in pulsu quam respiratione: reliquis verò duabus differunt, facultate scilicet & instrumentis: etenim respirationem conseruare calorem natium, feruorem temperando, spiritus vitales reficiendo, & fuliginosa excrementa educendo, ex eo probatur, quia exhausto spiritu per labores, aut caliditate cordis auctâ ob quancumque causam, statim fit respiratio maior, velocior & crebrior: & si quis priuetur inspiratione, vt in suffocatis, cordis calor ob nimiam inflammationem, vel excrementorum illorum retentionem extinguitur. Pulsus etiam eundem esse vsum, constat, quia quæcumque causa (vt ira, exercitatio nimia, crapula) permutando vsum permutat respirationem; atque etiam similiter pulsum, ad easdem differentias magnitudinis, celeritatis, crebritatis, aut contrariarum. Quare idem est vsus pulsus atque respirationis: ita tamen vt quod respiratio soli præstat cordi & pulmonibus, id pulsus reliquis omnibus membris præstet, per quæ arteriarum propaggines sunt disseminatæ; sitque cordis motus & arteriarum multo velocior, quam thoracis: quinque enim pulsant arteriæ & cor per vnicam thoracis contractionem, & dilatationem: vtræque enim istarum actionum constat dilatatione & constrictione: quas in respiratione inspirationem & expirationem, in pulsu systolem & diastolem appellamus; cum duplici quiete, vnâ quidem internâ, quæ inspirationem & systolem sequitur: aliâ vero externâ, quæ fit post expirationem & diastolem.

De facultate autem & instrumentis quibus fit respiratio maior est controuersia. Quidam enim putant à naturâ tantum, id est naturalibus instrumentis fieri: Alij verò voluntatis imperium omnino sequi: Tertia denique est opinio eorum qui putant ab vtraque pendere: ita vt sit mixta actio, partim ab animali, partim à vitali dependens. Qui anhelitum purè naturalem esse existimant, illi non satis aptè suam probare possunt sententiam: etenim contra eorum opinionem facit elegans Galeni ratio, quam habet *lib. 2. de motu musculor.* vbi sic ait: *Ea quæ cum facta iam sunt sedare potes, si vis, & cum nondum sunt facta, facere, voluntaria sunt. Si ergo præter hac citius aut tardius, crebrius aut rarius ea faciendi potestatem habes, manifestum est actionem eam seruire voluntati.* Quod ipsi respirationi contingit beneficio diaphragmatis & musculorum thoracorum, vt ipsemet confirmat barbari cuiusdam serui exemplo, qui compresso sponte anhelitu extinctus est. Quod verò illi dicunt respirationem esse motum purè naturalem, propterea quod nobis dormientibus, quo tempore cessant animales actiones, fit respiratio, parum vrget: nam inter dormiendum, quædam fit motuum voluntariorum interceptio, sed non integra, quia tunc videmus multos loqui, brachia iactare sæpissimè, imo etiam aliquando dormientes ambulare, vt de se ipso Galenus narrat: quare nihil verat per somnum etiam influere sufficientem in thoracis musculos vim animalem, qua eiusmodi actio tantopere ad vitam necessaria exerceatur.

Non etiam esse purè animale respiracionem, illud demonstrare videtur, quod principium motus actionis istius non tantum pendet à cerebro & musculis thoracis atque aliarum partium, de quorum numero inter veteres & recentes Anatomicos controuertitur: sed etiam à corde & pulmonibus. Hoc est efficientem causam actio-

nis istius non simpliciter esse voluntariam, ut videtur voluisse Galenus; sed per organa etiam naturalia perfici. Nam quemadmodum concedit ille calorem cordis causam esse respirationis ut finem, & animalem virali hinc subseruire: sic etiam nos putamus pulmones non tantum consecutione quadam & vacui fugâ ad thoracis motum agitari, sed potius naturali motu, qui non solum in illis, sed & in cerebro, ventriculo, & aliis partibus sensibiliter reperitur. Vel certe dicamus, naturam calidi esse quemcunque humorem attollere, & in maiorem molem diffundere. Ideo sanguinem illum arteriosum cum spiritu copiosissimo, qui in cordis sinibus continetur & feruet, non solum cor ipsum dilatare, unde fit pulsus: sed & pulmonem, unde fit respiratio: factâ scilicet in eum continuâ illius deriuatione per vasa cordis patentissima: Amplificato sic pulmone necesse est thoracem dilatarî, & aërem externum introritti in asperam arteriam, quæ inspiratio vocatur: unde subsequitur pulmonum humorisque in illis feruentis refrigeratio, quæ causa est diminutionis & quasi contractionis illorum: quemadmodum videmus in ollis feruentibus iniectis aliquot frigida guttulis contingere: Desidente itaque & contracto pulmone necesse est inspiratum aërem reddi, quæ expiratio vocatur: unde patet calorem cordis non tantum esse finalem respirandi causam, ratione vsus; sed etiam principium, unde motus & agitatio illa pulmonum contingit: ac proinde mixtam esse hanc & quasi mediam actionem, quæ à duplici facultate efficienter pendeat: quemadmodum excretionis foetus, vrinarum, & fæcum: quas cohibere quidem possumus ad tempus, ratione musculorum; vrgente tamen motu naturali illas exercere etiam inuiti cogimur: sic in respiratione postquam clauso ore & naribus illam cohibueris paulisper, cogeris tandem os aperire & aërem externum maiore solito impetu haurire ac reddere: quia vincitur à naturali motu voluntarius motus. Vnde suspecta semper mihi fuit serui illius barbari historia apud Galenum, quem scripsit ad suffocationem vsque spiritum cohibuisse: non enim sufficit eonstantia voluntatis in spiritu cohibendo, sed vires sunt ad extremum necessariae, quæ resistere possint motui naturæ contrario. Ex cuius rei intellectione patet, quomodo per paralyses aut apoplexias pereunte per totum corpus sensu & motu, permaneat tamen aliquantisper respiratio, quia non solum animali opera, sed etiam cordis vi & pulmonum absoluitur. Nam quod responderet Galenus, summam respirandi necessitatem tunc excitare neruorum vim ad agendum, quamuis in aliis partibus perierit, non satisfacit: quoniam abolito in illis sensu, ita ut siue pungas, siue vras, non percipiant, quomodo sentire poterunt respirandi necessitatem? Est ergo melius respirationem ad cordis motum partim referre eâ quam attulimus ratione: sic enim commodius respiratio ad vitalem facultatem, velut eius quædam species, reduci poterit.

ΣΦΥΡΙΣΜὸς autem siue pulsatoria vis purè ab insito cordi motu dependet extra voluntatis nostræ imperium; quod continuitate quadam & facultatis influxu arterias per totum corpus disseminatas mouet & agit ad fouendum in illis calorem natium, ut diximus, & excludendas fuligines, quæ ex singulis coctionibus emergunt: & pro varietate vsus istius aucti vel imminuti ad varias permutatur differentias velocitatis, tarditatis, frequentiae, raritatis, & similium, quas Galenus tam accurate libris huic rei dicatis persecutus est, ut non sit opus de pulsuum hic differentiis agere. Quod spectat autem ad motum illum cordis continuum, qui tamdiu perseverat, quamdiu animal est in viuis: non solum ad calorem & spirituum agitationem cum Aristotele illum censemus referendum; sed etiam ad vim & animæ proprietatem contrahentis & dilatantis illud indefinenter, ob præsentiam obiecti siue necessitatis perpetuæ: quemadmodum partes mouet per interualla, & quoties opus fuerit, etiam sine musculis, ut cerebrum, ventriculum, vesicam, vterum & similes. Vtrum verò dilatato corde distendantur etiam arteriæ, vel contra, & alias multas quæstiones, hic pertractare non est nobis propositum, sed ad reliqua pergere, quæ huic nostro instituto sunt magis accommodata.

FACULTAS ANIMALIS ET EIVS SPECIES. Animalis facultati tanquam generi duas subiicit virtutes Auicenna *sen. 1. lib. 1.* Comprehensiuam scilicet & Motiuam: Comprehensiuam rursus diuidit in comprehensiuam manifestè, & comprehensiuam occultè. Cōprehensiuam manifestè vult esse sensibilem, quæ sit genus quoddam quinque virtutum videndi, audiendi, odorandi, gustandi & tangendi: Comprehensiuam verò occultè, vult esse interiorem cerebri facultatem, sub quâ quinque alias virtutes statuit, nempe sensum communem, phantasiam, cogitatuam seu imaginatiuam, existimatiuam & memoratiuam. Galenus verò hæc ita digessit *lib. de differ. symptom.*

De facult. & functionib. Cap. VI. lxxix

cap. 3. dum ait: *Animales facultates primum diuidimus in sensibiles, motiuas, & tertias rectrices, quarum unaquaque: rursus in suas differentias diuiditur: Sensibilis enim anima functionio quinque in totum habet differentias, totidemque instrumenta: motiuam uero actio continuatum sibi instrumentum unum habet, motionisque eius rationem unam: variatur autem in particularibus instrumentis, ita ut varias species habere videatur: Rectrix uero seu princeps in imaginatricem, ratiocinatricem & recordatricem diducitur.* Hæc ille, de quibus nos rursus agamus sigillatim. Facultas igitur animalis apprehensiuæ species rerum sensibilibus percipit vel absentes, vel præsentēs (sensus enim recipit species rerum materialium abstractas sine materiâ: sicut cera suscipit sigillum vel imaginem ab anulo:) quæ præsentēs apprehendit in animato corpore, sensus exterior dicitur: non tam quod extra forasque promineat, quam quod rerum externarum præsentēs species suscipiat & percipiat: Ut autem illud fiat, concurrere debent instrumentum bene dispositum, obiectum proportionatum, neque nimium excellens, neque nimium deficiens: medium, per quod fit multiplicatio specierum à sensibili bene præparatum. Denique conueniens esse debet distantia inter obiectum & sensum, ut bona & perfecta fiat sensatio.

Dicamus igitur de quolibet sensu atque sensibili breuiter, à tactu auspicaturi: cum hic sensus ad esse necessarius esse dicatur: alij uero *διὰ τὸ εὔ*, ad bene esse vel commoditatis causâ inditi sint animantibus. Tactum igitur definimus potentiam sensitiuam exteriorem, positam in neruis per totum corpus expansis, mediâ cute aut carne, ad percipiendas qualitates proprias: tactus etenim obiectum sunt qualitates tum primæ, calidum nempe, frigidum, humidum & siccum: tum secundæ, ut asperum, læue, aridum, lubricum, graue, leue, durum, molle, crassum, subtile, & cætera huiusmodi. Instrumentum uero, vel organum illius esse neruum quemdam multiplicem & ramosum, multis furculis & quasi capillatim per totum corpus sub carne vel cute dispersum & expansum, non tantum in partibus externis, sed etiam internis, ad quas eiusmodi neruus dispergitur, id demonstrat, quod partes omnes quæ neruis destitutæ sunt, sensu & tactu careant, ut patet in parenchymatis uiscerum: tum etiam quod obstructis vel collisus eiusmodi neruis, qui ad partes deferuntur, statim perit sensus tactus in illis, quamuis caro & cutis in illis integræ & sanæ sint: quas ideo diximus esse medium inter tactile & neruum ipsum. Cæterum sensus hic tactus non vnus uidetur sensus, sed plures: quia tactiones multarum sunt oppositionum, utpote calidi, frigidi, humidi & sicci, duri & molli, & aliarum non constitutarum sub eodem genere. Itaque si tactus sumatur pro dispositione, quâ organum aptum est ad recipiendas qualitates istas, proculdubio multiplex statuendus erit: vnicus tamen erit, si respexeris tum ad organum, quod vnictum est, quo mediante anima hanc operationem exercet: tum ad ipsum actum tangendi, qui similiter tam in hac, quam in illâ tactilis obiecti differentia exercetur. Sensus hic tactus crassissimus est, & terrenæ maximè naturæ particeps dicitur, quoniam ea quorum differentia tactu discernuntur, soliditatem aliquam & consistentiam maiorem, quam aliorum sensuum obiecta habere debent, magisque materiæ hærent.

Gustus tactui affinis est admodum, & quodammodo tactus, cum uterque sentiat sine medio extrinseco, & in eadem parte fiant: nam lingua eadem parte & calidum sentit & dulce, non tamen idem sunt, cum nec ubique simul reperiuntur, nec eadem habeant obiecta. Gustus ergo dicatur potentia sensitua exterior, apprehendens saporē per linguam medio humido saluoso. Qualitas igitur gustatilis siue sapor illius est obiectum, qui ex duabus qualitatibus passiuis emergere potissimum solet, nempe humido plus minus digesto, vel permixto cum sicco terrestri per calorem solis aut aliorum: unde ex diuerso concoctionis istius modo, emergunt uulgaræ illæ saporum differentia septenario numero comprehensæ, acerbus, austerus, acidus, frigiditatis seu crudæ humiditatis magis participes: dulcis, qui temperatus quoque est: salus, amarus, acer, qui caloris vim magis sequuntur.

Medium est saluosus ille humor, in quo suscipiuntur qualitates istæ à rebus sapidis defluentes: cuiusque defectu quicumque linguam habent duriorem & asperam, gustu destituuntur: est enim lingua proprium organum, cum neruulis illis tertiæ & quartæ coniugationis qui ad illam deriuantur. Hic autem sensus potissimum facit ad vim nutritiuam, quia non expediebat quicquam ingeri ad alimoniam animantium, quin gratum & utile eisdem esse ex istis saporibus fuisset inuentum. Accedit etiam ad naturam aquæ, quia sine humore, ut diximus, exerceri nequit.

Sequitur olfactus, qui ut inter omnes alios sensus in homine est debilissimus, sic etiam

etiam medius : est enim subtilior tenuiorque tactu & gustu : crassior ac magis hærens materiæ, auditu & visu. Olfactus itaque est sensus exterior apprehendens odorem per processus cerebri mammillares, medio aëre vel aquâ : Illius obiectum est odor, qui est qualitas emergens ex sicco concocto per vim caloris in humido, & euaporante per vim caloris : vapor enim siue exhalatio eleuata ex huiusmodi corporibus, modò realiter, quando ingreditur ipsum sensorium : modo intentionaliter, quando se se per medium tantum multiplicat, prout hoc vel illo modo afficit organum, varias etiam desumit differentias, quæ saporibus quodammodo respondent. Dicitur enim odor gratus & suauis : ingratus, foetidus & insuauis : odor dulcis, acutus, & sic de reliquis. De organo autem olfactus non ita consentiunt authores : Galenus enim aliquando anteriores cerebri ventriculos esse olfactus organum constituit, ex *lib. de usu partium 8. cap. 6.* Auerrhoes 2. *collig. cap. 17.* existimat esse ipsum nasum, vel interiorē illius tunicam : alij cavitatem ipsam in osse frontis iuxta nares positam. Auicennas vero *fen. 5. lib. 3. cap. 1.* putat odoratus instrumentum in carunculis mammillaribus cerebri quæ ad os ethmoides pertingunt, situm esse, cui assentitur Vesalius. Verùm vt breuiter quod hac de re sentimus, aperiamus : Cerebrum non videtur esse subiectum sensus odoratus, neque instrumentum : imo cum careat sensu tactus, carebit etiam, iuxta Aristotelis regulam odoratu, & omni sensu alio : neque principium sensus occupatum esse debet circa particularia obiecta : Neque nares aut interior illarum tunica, sunt instrumentum odoratus : quia nisi spiritum trahamus, repletis quantumcumque odore naribus, non olfacimus : & obstructâ viâ quæ est inter nares & cerebrum, homo odores non sentit, vt per coryzas : quare neque nares, neque illius partes erunt odoratus instrumentum. Nec etiam spiritus in cavitare frontis contentus, nisi de præparatione aliquâ aëris in loco illo intelligas, non de proprio sensorio : quia non est ibi neruus aut via, per quam ad interiorē sensum deferatur.

Supereſt itaque, vt sint processus illi mammillares, qui positi sunt aptissimè inter nares & cerebrum : cum natura nihil faciat frustra, & nullus alius vsus processibus his adhuc sit adinuentus : qui eo longiores sunt & eminentiores, quo sagacior animal præditum est olfactu. Medium dicitur esse aër vel aqua, quia eiusmodi exhalationes, quæ ad olfactum sunt necessariæ, medijs sunt quodammodo generis, neque aëreæ prorsus aut aqueæ substantiæ participes, sed mediæ cuiusdam inter has naturæ, nempe vaporis : & facilius per ista corpora rara & penetrabilia deferuntur, quam per terram, quæ nimis est densa : licet talpa in visceribus terræ olfacere credatur : vel per ignem, qui insigni sua caliditate illas absorbit : est quidem ignis odores & vapores istos eleuans, sed non recipiens aut conseruans. Atque hæc de olfactu, nunc ad auditum progrediamur.

Auditus definitur, sensus exterior, percipiens auribus eam qualitatem ex aëris commotione prouenientem, quam sonum appellamus, medio aëre vel aqua. Medium illius est aër vel aqua, eadem ratione quæ de odoribus dicta fuit. Obiectum est sonus, qui proficiscitur ex aëris percussione, quæ ambienti corpori communicata orbiculariter defertur, vt ad omnem positionis differentiam percipi possit. Ad cuius generationem tria requiruntur, corpus percutiens, percussum, & medium, quod vocant actuatam, cui nimirum illa qualitas communicatur. Ista autem cum variè disponi possint, variæ etiam exurgunt sonorum differentiæ, veluti acutus, grauis, & sic de reliquis. Sonus etiam aliter diuiditur ; est enim alius vox, alius non vox. Sonus vox, fit ab ore animalis, cum alicuius significationis imagine, cuius organum est vocalis arteria, à quâ per illam inspiratur aër & refringitur. Sonus autem non vox, fit ex collisione duorum corporum extremorum, veluti fragor concussorum lapidum, strepitus pedum & similia eiusmodi : ad cuius perfectionem requiritur quod corpora collisa sint dura, læuia, vel concaua. Aliquando tamen aër vice percussi corporis, simul & medijs collisi aut scissi fungitur, vt in sono flagri virgæue, & in rupturâ panni : vbi duæ aëris partes se mutuò collidentes sunt causa soni : & quia propter corporis illius rupturam subito ingreditur aër ad eum locum replendum. Est & alia soni species quæ echo dicitur (Homerus πολυπλαγὴν appellat) sonus nempe secundarius, causatus ex aëre moto, & primario sono editus, qui per repercussionem alicuius obstaculi à quo reflectitur, efficit sonum priori similem.

De auditu, sicut & olfactu organo, non parum quoque controuertitur, cuius rei causa esse videtur ipsius auris internæ mira constructio : externa enim auris quam auriculam vocant, confert tantum ad collectionem aëris illius externi

De facult. & functionib. Cap. VI. lxxxii

per quem sonus ad interiora deferretur. Auris autem interna, est cavitatis in osse temporum supra apophyses mastoideas, flexuosa admodum & contorta, ad cerebri usque basim pertingens, in cuius fere extremo nervus est ex quinto pari auditorius, qui membranam meatui coextensam constituit tympanum dictam: huic adnata sunt tria ossicula, quæ pro ratione figuræ, stapes, incus, & malleus dicuntur: post hæc situs est spiritus siue aer implantatus, quem vernaculum vocant. Alij igitur putant hæc ossicula esse præcipuum auditus instrumentum: alij membranam ipsam: alij verò spiritum illum insitum: qui aer seu spiritus contineatur inter membranam quietus cum sonis non agitur: sonos enim sentiri alterato hoc aëre, externo deferente sonos transmittenteque in internum: quorum sententia probabilior videtur: nam ut sensus fiat, oportet eum commodè à suis obiectis affici. Cum igitur sonus ab aëre colliso excitetur, & per eum qualitas ista deferatur, credibile est etiam eiusmodi sonos, ut interiori sensili communicentur, percipi potius ab isto aëre seu spiritu complantato & animato, quam ab aliis corporibus duris & alienis à qualitate illâ soniferâ: Nisi dicas membranam illam & ossicula simul cum isto spiritu coniuncta concurrere simul ad sensationem istam perficiendam: eo tamen modo, ut membrana illa cum ossiculis sint potius partes organi adiuuantes, quam principales. Sicque auditus quoad medium suum & proprium organum erit maximè aeris particeps. Quamvis etiam per mediam aquam soni credantur deferri, illud tamen perpetuò dependet à primâ illâ collisione in aëre factâ.

Superest visus, sensuum exteriorum nobilissimus, qui que maximè facit ad vitæ usum & dulcedinem retinendam. Quamvis enim auditus sensus disciplinæ dicatur, & simpliciter plus conferat visu ad scientiam ab alio acquirendam: visus tamen per se magis valet ad scientiæ adeptionem, quia plures rerum differentias ostendit: atque etiam per accidens, quia visu veterum & recentiorum de omnibus artibus & scientiis monumenta percurrimus: cum auditus ad præsentia tantum pertineat. Visum igitur dicamus esse potentiam sensitivam exteriorem, species colorum lucidorumque corporum percipientem, per medium diaphanes: ita ut obiectum illius sit color latè sumptus, qui non solum ex quatuor primis qualitatibus sit conflatus, sed etiam qui propter repercussionem, aut perspicuitatem in corpore simplici aut alio quocunque emergit: unde visibilia alia non videntur nisi lumine extrinseco: alia verò per se videntur, sufficiuntque ad mediæ illustrationem, ut omnia ignita & splendoris participia, quæ per mediastenebras videntur, ut felium oculi, squamæ piscium, putres arborum trunci, & similia.

Color igitur latè sumptus complectitur tam apparentem quam realem, qui ideo dicitur extremitas perspicui in corpore terminato, quia est qualitas visibilis in extremitate corporis opaci terminata, quæ perspicuum tangit & beneficio luminis videtur: causatur enim hic color ex luminositate ignis, & perspicuo aëris, vel aquæ, cum opaco terræ, cooperantibus variè primis qualitatibus: unde incerta quæ ex coloribus reputantur indicia ad temperamentorum cognitionem, cum ex tam diuersis rebus conficiantur. Colorum verò septem præcipuæ differentiæ recensentur, quorum duo dicuntur extremi, tum quod sint aliorum velut elementa, tum quod unus diaphaneitatis seu luciditatis, nempe albus: alter verò summæ opacitatis particeps sit, nempe niger, habetque effectus omnino differentes: albi enim est visum disgregare: nigri verò congregare seu colligere. Reliqui verò dicuntur intermedij, quia fiunt ex concursu & quasi permixtione variarum causarum à quibus illi constituuntur, quatenus plus vel minus ad hunc vel illum accedunt. Visus autem medium est omne perspicuum siue diaphanes: ut liquidus & perspicuus aer, vel aqua, gemma, vitrum & similia: quod corpus perspicuum saltem in extremitate quâ coniunctum est colori, debet esse translucidum: quia radius visivus est lumen pyramidale multiplicatum ab obiecto visibili, præsertim lucido, continuatâ speciei seu pyramidis axe ad oculos usque.

Quod verò proprium sit organum & instrumentum visus, ambigitur: vulgatum est quinque esse: oculi tunicas, tres autem humores: & humorem crystallinum indui tunicâ lucidissimâ quam araneam appellant. Quidam existimant hanc tunicam esse proprium visus organum: alij ipsum humorem crystallinum: alij & tunicam & humorem simul: quod esse non potest; quia instrumentum principalis operationis unius, non debet esse compositum: nam, ut dicit Aristoteles 2. de part. anim. cap. 1. sensationes fiunt in similibus, motiones in instrumentariis partibus: At sic fieret sensatio ab instrumentariâ, non similari parte. Neque tunica illa arachnoides est proprium instrumentum visus: nam ut docet Galenus l. 10. de usu partium c. 6. tunica illa est operimentum instru-

menti visorij, non ipsum instrumentum. Sed probabilius est humorem crystallinum, cui illa tunica operimenti instar subseruit, esse præcipuum videndi organum: quia puritate summâ & luciditate præditus analogiam habet maximam cum luce externâ & coloribus. Adde, quod veluti centrum in oculo cõstitutus, ab eo ad interiorem sensum per opticũ neruum species visibiles rectâ deferri possunt. Huius sensus naturam aqueã esse vult Aristoteles, quia debuit esse diaphanes & bene conseruatiuus specierũ, quod valde aquæ conuenit. Plato & Galenus igneam, quandoquidem nobis vel claudentibus oculos, aut in tenebris morantibus multi videntur fulgores ante oculos obuersari. Democritus verò, vt est in *lib. de sensu & sensili*, existimauit oculũ quidem esse aqueæ naturæ, quod ipsi humores in eo contenti demonstrant; sed visionem fieri per huiusmodi fulgores, cuius opinio valde est probabilis. Porro visionem fieri in ipso oculo existimamus, admissis in illum rerum speciebus, quemadmodum & alias sensationes in suis organis, non extra exercentur: non autem spiritu aut facultate exeunte, aut in ipso aëre operante: quia sic sensatio extra ipsum organum fieret, neque tam citò ac oculos aperimus videremus, & maxima fieret spirituum dissipatio, quam animal ferre non posset. Attamen putamus lumẽ aliquod ex oculo influere & emitti, quod externo coniunctum facit ad meliorem, vel deteriore visionem: vt patet in illis qui de noctu vident, propter insignem fulgorem, quò oculos habent præditos, & medium sufficienter illustrant. Atque hæc de sensibus externis, nunc ad internos accedamus.

FACULTATES SENSITIVÆ INTERIORES. Diximus proximo capite facultatem apprehensiuam animalem rerum sensibilibus species, vel absentes, vel præsentis percipere: eam quæ præsentis tantum percipit, sensum exteriorum appellauimus: quæ verò non solum præsentis, sed etiam absentes apprehendit, sensus interior dicitur; qui multò nobilior est exteriori, quamuis ab illo accipiat omnia fomẽta cognitionis suæ: exteriores enim sensus per sua organa immittunt species qualitatum sensibiliũ & idola ad sensus internos, quibus ducibus animal oblatas species non tantum nudè sentit & percipit, sed etiam se percipere animaduertit. De horum numero nunc agendum.

Facultates internas, à quibus principes animæ nostræ actiones oriuntur, vulgus Philosophorum accommodatè quaternario numero complectitur: sensum nempe communem, phantasiam, cogitatiuam, & memoratiuam: quod enim Auicenas addit imaginatiuam à phantasiâ distinctam, quæ sit vltior quidam actus eliciendi & cõponendi eiusmodi species, parum facit ad nostrum institutum, nec quod ille tam curiosè, ne dicam superstitiosè, de imaginatione exaltata & illius vi tradidit. Galenus verò dum tres tantũ principes facultates recenset, sensum communẽ ab externis non separauit, sed veluti eorum fontẽ esse agnouit, à quo riuuli isti proficiscerentur. Vel, vt alij volunt, dicendum est Galenum sub phantasiâ sensum communẽ reposuisse, ex *l. de differ. sympt.* quoniam læsio sensus communis sequitur necessariò læsionem phantasie: quẽ admodum ratiocinantem *l. 8. de vsu partium*, vult esse authorem mentis, intellectus, considerationis, iudicij, opinionis, sapientiæ & similium. Nos ergo sensum communẽ inde constituendum esse probamus, quod inter sensus particulares tanquam iudicem & æquum æstimatorem esse conuenit, qui diuersorum sensuum obiecta distinguat & comparet: ita vt sensus communis sit potentia sensitiua interior, quæ suscipit transmissas species à sensibus particularibus, triaque potissimum munera exercet: Primò enim cognoscit & discernit operationes sensuum exteriorum, ita vt sentiat & iudicet quod caro tangit, oculus videt, eorumque cessationem deprehendat. Secundò obiecta sensuum exteriorum discernit, cõparat inter se & confert quid vel conueniant vel dissentiant, vt quando iudicat hoc amarũ non esse album. Tertiò huic sensui maximè proprium est cognoscere sensibilia communia, vt magnitudinem, numerum, motum, tempus, locum, figuram, quæ alij sensus externi, non nisi improprie & cum alienis qualitatibus percipiunt.

Sensibiliter ergo qualitates leuius sensui cõmuni impressas, altius & penitus recondit sibi phantasia, easque versat, speciem cum specie compones, fingensque varias rerum imagines, quæ numquã fuerunt in exteriori sensu sic apprehensæ, vt montẽ smaragdinum, satyros, cynocephalum hominem & similia. In corporibus nostris magnam habet vim nõ solum quoad ratiocinationẽ spectat, sed etiã ad commouendũ appetitũ, suscitandos spiritus, & calorem natiuũ pro variâ illius repræsentatione, vt dicebamus.

Potentia verò illa *διανοητική* cogitatiua, seu discursiua, quam in brutis æstimatiuam appellant; non solum hoc præstat, sed etiam ex speciebus rerum sensatarum, species rerum insensatarum, hoc est intentiones elicit, aliudque colligit, vt amicitia, odij, fugæ & similium. Agnus visã matre naturaliter concipit amicitiam, viso lupo inimicitiam,

De facultat. & functionib. Cap. VI. lxxxiiij

inimicitiam, vt pulli conspecto miluo; & sic de reliquis, quæ in sensu aut phantasiâ numquam fuerunt.

Denique memoria species ab aliis functionibus internis perceptas, recondit & re-feruat, & quasi insculptas gerit, idque cum notatione temporis; ad memoriam enim requiritur interuallum quoddam temporis, inter actum cognoscendi, de quo est memoria; & actum memoratiuum: si enim continuetur actus ille, non dicimus nos de illo habere memoriam, sed dicimus nos scire, vel imaginari, vel sentire. Reminiscencia autem, quamuis non sit facultas ab hac diuersa, sed vltior quidam motus, qui in solo homine discurrente reperitur, hoc tamen differre videtur, quod ad memoriam sufficit prius nouisse & rursus cognoscere se hoc sciuisse: ad reminiscencia verò requiritur obliuio, non omnimoda, quia sic reminisci esset de nouo addiscere; sed partialis, speciem remissam vocant, à quâ fit processus ratiocinarius ad actum reminiscendi.

His ita constitutis de sensibus internis, magna adhuc superest de propriis harum facultatum instrumentis disputatio: an scilicet hæ facultates internæ exerceantur promiscuè in cerebro, vel secundum sedes diuersas. Negant neoterici fere omnes, principes has facultates animæ sedibus esse distinctas, & quasi absurdum reiiciunt. Recipiunt verò doctissimi Arabes: Galenus non negat, antiquiores Medici probant. Ne nobis hîc vniuersam Græcorum Medicorum familiam obiiciat Fernelius, qui non animaduertit Aëtium *terrab. 2. cap. 2.* illi contradicere, vbi aperte Auicennæ & Philosophorum sententiam confirmat: vt taceam Fernelij contradictionem, qui *lib. 5. physiolog. cap. 13.* dum de vitali facultate agit: *Omnia, inquit, quæcunque comparata sunt vt possit eorum vnumquoduis vel lædi vel labefactari, aliis constantibus & inuiolatis, disiuncta ea sunt, neque vnâ eandemque substantiâ complent.* Hoc tanquam axioma vtitur ad probandam distinctionem vitalis facultatis à naturali: postea sui oblitus negat in distinctione sedis principum facultatum, pro exemplo adducens facultates naturales ministrantes in eodem loco positas. Nos verò cum Philosophis omnibus existimamus imaginatiuam in primis ventriculis cerebri residere: cogitatiuam in medio: memoratiuam in postremo; harum enim vna aliquando lædi potest aliis integris, quod fieri non posset, si in eodem loco omnes consisterent. Nec eadem est ratio attractricis, retentricis, concoctricis, & expultricis; hæ enim cum sint actiones partium similarium plane naturales, potest vna harum lædi integris aliis, prout variè temperies immutari potest: Licet etiam in partibus illis similaribus, vbi fit coctio quædam toti corpori utilis, vt in ventriculo, facultates istæ naturales magis in vnâ parte quam aliâ vigeant: læsâ coctione fundum ventriculi, læsâ attractione superiorem partem magis affici dicimus: Cerebri vero functiones, vt & aliarum organicarum partium, non tam ratione temperamenti quam structuræ sunt: quæ varias ita immutationes suscipere non potest, vt temperies. Neque valet quod obiiciunt, facultates istas aliquando lædi non læsis ipsis ventriculis, vt quando meningis tantum inflammantur: tunc enim ventriculi si non primariò, saltem secundariò afficiuntur. Neque etiam quod dicunt, Galenum nullam talem indicationem ad imponendum auxilia capiti desumpsisse, sed in quacunque phrenitide *meth. 13. cap. 2 l.* auxilia infundere in futuram coronalem. Ibi enim Galenus ad solam structuram membri respexit, vt facilius penetraret remedium, non habitâ ratione sedis affectæ. Itaque cum natura sensus externos in priore cerebri parte posuerit, conueniens est potentiam eam quæ imagines rerum suscipit, in anteriore parte positam esse: postea cogitationem secundum locum sibi vindicare, vt quæ istas rerum species aut ab illis abstractas diiudicet, & commendet memoriæ, quæ ob id in postremo loco versus cerebellum collocata est: sic enim dabitur ordo in locis ipsarum facultatum, vt datur quidam progressus in illarum operationibus. Mirum profecto, si cerebrum tot cavitates & ita distinctas obtinuit, si non distinctè conferant ad eas actiones, quarum est proprius & vnicus fons sedesque. Cur enim qui latum habent occiput & amplam eam cavitatem, quæ cervici coniungitur, memoriâ plurimum valere videmus? Contra verò affici, qui contrario modo constituti sunt. Cur eis felicem tribuimus imaginationem & apprehensionem, quibus frons & sinciput est amplum? Illos verò iudicio pollere videmus, qui mediam & supremam capitis partem obtinent amplam & bene figuratam? Credibilius igitur est istas facultates principes, cum non à solâ temperie, sed etiam à conformatione pendeant, sedibus etiam distinctas esse, quemadmodum cerebrum ventriculos suos habet apud Galenum, non solum loco, sed etiam perfectionis gradibus distinctos.

SOMNVS, VIGILIA ET INSOMNIA. Quamdiu sensus tam interni quam externi munera sua functionesque obeunt, tamdiu dicitur animal vigilare: quod idem est ac si dicas sensuum opera obire & exercere. Verum quia fieri non poterat, vt perpetua esset sensus agitatio, sed consumptis spiritibus & defatigatis sensoriis debuit potentia illa sensitiua quiescere interdum: quies illa est & dicitur somnus, qui vigiliæ est priuatio, saltem in formali significato, dum sensus potentes & non potentes sentire respiciis. Fir autem somnus dum spiritus, calor, humoresque ab externis ad interna concitantur: vigilia verò contra: ita vt per vigiliam operetur vis cerebri in toto corpore externas actiones potissimum: facultates autem per somnum internis actionibus plus student. Neque hic multum laborandum est, sit ne somnus actio aut vis cerebri, & hoc ipsum dormire agere sit, aut cessare; vel an sit motus ille ab externis ad interna, aut obstructio cerebri à vaporibus benignioribus alimenti: (quamquam non semper somnus ab his fiat, vt putauit Aristoteles *lib. de somno & vigilia*.) in quocunque enim horum somni naturam collocare non refert, dummodo sciamus hæc dormientibus contingere. Ego tamen somni essentiam in illâ caloris retractatione ab externis ad interna, lubenter collocauerim, dummodo fiat secundum naturam: qui rursus motus à pluribus contingit. Vel enim id fit, quia caloris naturæ generis non fit & perennis generatio: vnde illius defectu post longa ieiunia, & famem somnum obrepere videmus: vel quia per intensiores animi cogitationes, labores, & curas nimia fit illius substantiæ dissipatio: & sic qui diutius laborarunt, profundius etiam dormiunt. Contingit etiam hanc spiritualem substantiam somnum parere, propter inordinatos motus, vnde & nauigantes, & qui se in gyrum circumferunt, somno opprimuntur: vel fit aliquando dum illius substantia quasi congelata subsistit & intercipitur à frigidis v.g. assumptis, vel admotis, vt lactucâ, mandragorâ, opio: Frequentius tamen oboritur ob aëris nocturno tempore refrigerati præsentiam, quo humores intrò repelluntur: tum etiam à vaporibus, qui à coctione alimentorum eleuari ad caput, viam calori influenti ad sensoria præcludunt, quemadmodum per soporosos affectus, vt carum, coma, lethargum; vel etiam magna vulnera contusio, dentia caput, aut magnos tumores cerebri morbosus somnus excitatur, oclusis meatibus per quos patere debuit spiritibus ad externa aditus. Nascitur quandoque somnus, dum idem calor à primo sensorio retrahitur, vt per leues inferiorum partium frictiones & lotiones. Item nox, tenebræ, oculorumque conniuentia somnos alliciunt, quia obiecta quæ sensus mouent, & calorem naturæ instrumentum ad se commouent, tollunt. Idem præstat animi securitas, cessatio cogitationum, strepitus aquarum ex alto cadentium, suavis cantus, & similia, quæ veluti in quiete animum & sensus collocant: in quibus cum calor nihil agendum habeat, ne sit otiosus, refugit ad interna, vbi semper aliquid habet concoquendum & elaborandum.

Si per istas causas, vel istarum aliquam contingat fortior atque profundior somnus, non modo externi sensus, sed & interiores facultates consopitæ iacent: si verò mediocris ille fuerit, ita vt sensus quidem communis cum exterioribus offundatur, imaginatrix autem facultas libera sit, tunc somnium contingit, quod, vt somnus & vigilia sensus communis, sic illud phantasie proprius est affectus. Somnium enim dicimus esse visum siue phantasma per somnum apparens: quod accidere volunt, vel ab externis causis, vel ab internis. Externis quidem, aut per reseruationem specierum & simulacrorum earum rerum quas interdiu fecimus, vidimus, audiuius: aut à virtutibus cælestibus, & intelligentiis bonis vel malis, per quas suppeditantur naturæ nostræ simulacra earum rerum quæ longè absunt aut deinceps futuræ sunt. Internis autem causis naturalibus fiunt somnia, vt ab humoribus & temperamento cuiusque proprio: verbi gratia biliosi ignem, coruscationes, & rixas somniant: sanguineis rubra in somno obuersantur: quibus sunt distenti semine testes, mulierculas & coitus cogitant: hincque Medici plerumque tum insitum temperamentum, tum humoris dominatum deprehendunt: Non naturalibus causis, vt per plethoras, cacochymias, morbos præsesentes, vel imminentes varia exoriri solent insomnia, de quibus Hippocrates *libro peculiari* tractauit. Somnij quidam recordantur, quidam verò non, idque propter fortitudinem, aut debilitatem specierum, quæ memoratiuæ facultati obiectæ fuerunt. Circa primum somni tempus vix somniamus, aut saltem confuse, vt illi qui cibo aut potu se ingurgitant; quia superfluo humore aut vapore cerebrum quasi opprimitur: matutinis verò horis clara & illustria vigent somnia, ex quibus

ὁνειρόμανται suas desumunt coniecturas ad prædicendum.


APPETITIVA ET MOTIVA FACULTAS. Obiectum primò afficit sensum externum,

De facult. & functionib. Cap. VI. lxxxv

ternum, à quo species delata ad interiorem, mouet illum : hoc moto cogitatrix fixatrixque facultas rem subiectam contemplatur, quam si vt bonam & iucundam apprehenderit, tunc appetitus insurgens, qui *ὄρεξις* dicitur, concitat animal ad motum vel actionem, vt illo potiatur, & contra. Est quando nullo obiecto externo, sed tantum recordatione iucundi, appetit animal & mouetur : ita vt cognitio & appetitus principia sint & causæ actionis atque progressionis animalium, quæ solum *κατὰ ὄρεξιν*, vt loquuntur ; sed etiam *κατὰ προαιρέσιν* agunt. Hinc aliqui, vt dicebamus, sensitiuam animæ vim diuidunt in potentiam apprehensiuam, quæ species rerum sensibilium apprehendit, præsentem vel absentem, per sensum exteriorem aut interiorem : & potentiam motiuam, quam rursus diuidunt in imperantem & prosequentem.

Dicamus igitur appetitum in nobis esse quamdam facultatem, quæ ad alias interiores iam recensitas consequitur, quæque animalis vim motricem excitat, siue sit prosequendum, siue refugiendum. Quamuis enim non sit negandum ipsis stirpibus & inanimatis suum esse appetitum, quem *ἐφ' ἑσέν*, nos instinctum vocamus ; quo suam conseruationem & sibi simile atque amicum, nullâ præcedente interiore cognitione, appetunt attrahuntque : animalis tamen perpetuo apprehensionem consequitur. Et hunc in plures species rursus distinguunt, prout à variis partibus primum suum ortum habuerit. Nam si magis respicit partes nutritioni vel generationi dicatas, concupiscibilis ; si verò cor animosam illam partem, quæ maximos facit impetus in animantibus, irascibilis vocatur. Quemadmodum si cum iudicio & deliberatione coniungatur, intellectualis & rationalis dicitur siue voluntas, soli homini peculiaris, ex qua exurgunt actiones illæ & virtutes vulgo morales dictæ. Ipsum verò quod appetitur bonum vtile, iucundum aut honestum, vel reipsa tale, vel apparens, excitat animal ad motum, cuius instrumentum proximum in perfectis animantibus (nam insecta sine musculis mouentur, sed habent aliquid quod proportionem respondet) est musculus, qui vim istam à neruis habet : nerui autem à cerebro acceptam deferunt cum spiritu. Itaque vbi primum appetitus aut voluntas mouenti facultati per musculos & neruos diffusæ cum spiritu imperarit, in quamcunque illa partem intenderit (si quidem pars illa bene disposita fuerit, nam per paralyticis, aut podagricis, propter doloris vehementiam, voluntate quamuis id iubente non progreditur) continuò illius mouens facultas concita motum exercet & imperio pareat.

Vtrum vero mouens hæc facultas à cerebri medullâ per neruorum fibras & substantiam pendeat : sentiens verò à meningibus per tunicas neruorum seorsim deriuetur, vt Fernelius censet ; parui est momenti inquirere : & Galenus contrarium docuit *lib. 7. de placitis*, tam solidè & eleganter, vt rationes Fernelij nullo modo Galenicæ demonstrationi conferendæ sint. Atque hæc de facultatibus & functionibus. Quod ad operationes enim proprias intellectus nostri attinet, cum illæ non indigeant organo corporeo nisi per accidens, ideo earum particularem tractationem omitemus : vt iam ad vltimum accedamus Physiologiæ nostræ caput, quod est de primâ hominis conformatione.



C A P V T VII. & vltimum.

De prima hominis conformatione.



OMINEM numeris omnibus & partibus suis completum ita considerauimus, vt factò à simplicioribus ad magis composita progressu, nihil quod ad integram illius constitutionem & perfectionem faciat, reliquerimus intactum : Superest igitur, vt à quibus & quomodo fiat, siue quæ sint generationis illius principia ac formationis ratio diligenter postremo hoc Physiologiæ capite inquiramus.

Natura, quæ perpetuæ specierum conseruationi per indiuiduorum propagationem studere solet, sic omnia hæc sublunaria disposuit, vt quemadmodum rei vniuscuiusque certi sunt definitique durationis termini : ita certi ac constituti propagationis, seu generationis modi, quibus vna eademque rerum facies permaneret : per-

fectiorum enim animantium, qualis est homo, generationi continuæ ita protulit, ut cum impossibile esse videretur in eadem specie vnicum indiuiduum tam agentis quam suscipientis rationem subire (quod Plato in sua Androgyne somniarat) distinxit in eadem specie maiori potentiâ, impotentiâque marem à foeminâ, ut scilicet quod concoquere, constituere, & secernere semen, agendique sit principium, mas appelletur: quod verò non ita concoquere & secernere, sed potius suscipere aptum natura est, foemina habeatur. Quæ ut in seipsâ generat, sic locum materiâque præbet cum quadam efficientiâ, ut postea ostendemus.

Non igitur audiendi illi, qui foeminam à naturâ non intendi primariò in ipsâ generatione existimant, sed secundariò tantum, & defectu perfectioris: vnde illam animal occasionatum, quasi dicas mutilum & imperfectum *θρυλάμενον καὶ ἀπεπρωμένον* vocarunt. An quæso foemina naturæ *παρέμβασις καὶ πάρεργον*, excursus & præuaricatio censenda, quæ in foetus generatione vim & potentiam eiusmodi obtinuit, ut materiam saltem & locum idoneum præstet? An imperfectum dices aut mutilum illud, cui nihil dest eorum, quæ mari adfunt, ut potius peruersus vel inuersus mas, quàm mutilus dicendus sit? Sed obiciunt illi, quæ natura in maribus exeruit, in illis condidit intus caloris inopiâ. Ego contra existimo, mammas atque matricem quæ in foemina sunt, & materiæ copiam & ad eam informandam caloris, qui facultatis *παρασκευῆς* instrumentum est, vim præpotentem, non inopiam ostendere. Denique si non nisi ex masculo & foemellâ ducunt ortus suos animantes perfectiores, vtrumque æquè fuit necessarium in naturâ humanâ. Aut potius dicamus foeminam esse quamdam speciei perfectionem, quia sexus non nisi in speciebus perfectis distinctus est. Sic Aristoteli foemina mari comparata *παρέμβασις τῆς φύσεως*, at per se & ad speciei propagationem *ἀναγκασιότερα τῇ φύσει*.

Mas igitur homo naturâ validior calidiôrque, ut supra probauimus *capite de temperamentis*, vbi iam augmenti sui terminos attigerit, quæcumque benignioris alimenti copiam in corpore redundant, testium iam grandiorum potentiorumque vi prolicit per vasa seminaria, & certâ quadam facultate donat, quâ semen dicitur. Hoc spirituoso calidôque semine turgens circa decimum quartum annum vndique pube erumpente hircire *τραγῶν* incipit, non solum secundum vocem mutari, sed etiam indomito libidinis impetu in Venerem ferri, donec per idoneum concubitum immodica illa seminis prolifici quantitas imminuta, & in agrum naturæ conuenientissimum proiecta fuerit, quæ successiuo alterius materiæ prouentu quotidie reparatur. Sic foemina homo suis non caruit igniculis, quibus concubitum avidissimè expeteret, marisque tanquam perfectioris congressum exposceret: suo enim semine velut aceto irritatur, vterusque peculiari appetitu quasi animans seminis virilis desiderio ardentissimo tenetur. Mas ergo ut sese depleat, foemina ut sese impleat, congre-diuntur. Hic congressus, si ritè omnia fuerint disposita, non *ἀποφύλιος* & irritus existit, sed permixtis coeuntibusque seminibus ex Hippocratis doctrinâ, fit illud quod benigno sanguinis materni affluxu alitum, perfectumque, hominis formam tandem est adepturum. De quo iam peculiarius tractaturi primò agemus de vtriusque seminis naturâ: Secundò de sanguine materno: Tertio de conceptione & primâ foetus delineatione: Quarto de motu ac perfectione foetus: Quintò de partu seu exitu infantis ab utero: Sextò tandem & vltimò de similitudine natorum cum parentibus: sicque tractatui nostro Physiologico finem imponemus.

VTRIUSQUE SEMINIS NATURA. Semen itaque, *σπέρμα* latius patet quam *γονή* siue genitura: illud enim de quavis materiâ seu composito ad generandum aliud simile illi ex quo profluxit, idoneo dicitur. Genitura verò propriè de substantiâ humidâ & spirituosâ, quæ ex animantibus, ut ab homine ad alterius hominis generationem profluit: consuetudine tamen seminis & genituræ vocabula in animantibus promiscuè usurpantur.

Genitura ergo siue semen humanum est substantia humida & spirituosâ in testibus elaborata, ex residuo tertiæ coctionis alimento in eos derivata, potestate hominis formam continens & ad foetus partes producendas non solum *ἐνεργητικῶς* seu virtualiter, sed etiam materialiter & *σωματικῶς* concurrens. Hac definitione placuit Hippocr. & Medicorum placita velut firma & rata constituere, quæ deinceps aduersus aliorum sententias in ipsius definitionis explicatione confirmabimus: semen enim diximus esse substantiam, eamque humidam, quoniam homines propagationi studentes non per solum congressum aut columbationem, ut vocant; non per susceptionem zephyri aut auræ alterius genitalis, ut de equabus narrant: non per solius vocis sus-
ceptionem

De hominis conformat. Cap. VII. lxxxvij

ceptionem fecundantur, sed projectione seu emissione alicuius materiae, quam seminalem vocamus: & cuius duæ sunt partes præcipuæ: vna quidem aquea magis & humida, velut basis alterius aëreæ & spirituosæ, quæ illam turgere, albescere, & spumescere (hinc Venus ex spumâ maris nata dicitur) facit. Turget enim propter mobilitatem & ὀρμήν seu impetum, quo prædita est; albescit vi testium & spermaticarum partium, quæ illius concoctioni operam præstiterunt, quemadmodum fit in lactis & puris concoctione; spumescit autem tum ob calorem illum genitalem quo perfusa est; agitationem & quasi circulationem, quæ illius elaborationem præcessit, & ob spirituum copiam; in quibus veluti præcipuâ seminis parte ἀρχηγόνος formatrix illa seu procreatrix facultas sita est. Elaborari autem hanc materiam in testibus illud conficit, quod quibus contriti, execti aut malè constituti sunt præter naturam, in illis nullum semen prolificum generatur & corporis virilitas amittitur. Vis itaque hæc σπέρματοςποιητική non solum ipsi testium substantiæ inhærens, sed etiam per σπέρματος vasis deferentibus, præparantibus, & continentibus communicata, ob id à naturâ miro artificio constructis, suam dat huic seminali materiæ naturam peculiarem & quasi ἐντέλεχον, per quam prolificum & ἄλλοσποιοῦν existit. Vnde vero ista deriuetur & deferatur ad testes materia, maximè est controuersum. Nos posuimus ex tertiæ coctionis residuo defluere in vasa seminarja, vi etiam testium elicitam & attractam. Nullo enim modo adduci possumus vt credamus, solum sanguinem rudiorum & sub naturâ suâ consistentem esse materiam proximam seminis, vt multi existimarunt. Hac enim ratione non esset præstantior seminis elaboratio, quam cuiusvis alterius partis coctio, & parastatæ illæ, seu epididymidis aliquando sanguine repletæ in dissectionibus apparerent, cum tamen album humorem, aut saltem albicantem perpetuò obtineant, nunquam rubescentem. Nam quod obiciunt aliqui, per immodicos coitus aliquando sanguinem effundi, illud ostendit parentes esse vias & ductus à testibus ad maiora vasa, per quæ magno naturæ conatu aliquando sanguis excerni potest: in constitutione verò naturali esse aliam in massâ sanguinariâ substantiam iam in partibus elaboratam, quam testes ad se tam nutritionis quam spermatis generandi causa proliciunt. Hæc autem materia ab omnibus parentis partibus decidua, ex sententiâ Hippocratis *lib. de genitura*, vim & ideam totius refert, & si quidem sanæ sint illæ partes, sanum; si languidæ & morbosæ, morbosum semen euadit; similitudinemque illam, quæ in accidentibus partium visitur inter parentes & liberos, præcipuè efficit. Hæc materia igitur non per colligationem morbosam delapsa, sed à partibus ipsis nimia quantitate humoris alibilis diffluentibus amandata, tamdiu in venis arteriisque continetur, donec vi testium prolecta & influentis spiritus commercio aucta, alterius materiæ seminalis iam per congressus venereos excretæ, locum & naturam subeat. Non quidem ex minimis partibus, vt putat Fernelius, quæ cogitatione potius quam sensu comprehendi possunt, materiam hanc deriuari censemus, sed singulis partibus similaribus, quæ sensibilia corporis nostri elementa vocantur, potissimum verò principibus, quæ illos viuificos suppeditant, & quarum vitio sæpe infœcundum redditur animal. Copiosum quidem est id quod ad seminis materiam amandatur, vt sufficiat perenni illius generationi; sed tamen non tantæ quantitatis vt multum superfluat, nisi in longâ veneris abstinentiâ: per quam solet in partium nutritionem facessere, non autem in testiculos deriuari. Nihil autem impedit eam seminis quantitatem quæ vno congressu excluditur, naturam omnium partium similarium referre, & spirituum insitorum vim redolere: quandoquidem per tria vasorum genera inuicem complantata, toti corpori communia & per anastomoses coniuncta, perpetuò defertur & in testibus accuratissimè commiscetur. Ac proinde nihil est quod nos ab Hippocratis sententiâ discedere cogat, qui seminis materiam tam humoralem, quam spirituosam ab omnibus corporis partibus, similaribus scilicet & præcipuis decidere existimauit: vt scilicet per triplicem illam coctionem elaborata aptior esset ad formam hanc & vim prolificam recipiendam.

Videamus igitur, quomodo semen vim hanc & formam futuri animantis contineat. Quidam putant semen actu esse animatum, & formam illam habere, quæ deinceps compositum organisatum est informatura: Nos verò diximus potestate semen humanum hominis formam continere. Nam cum hominis anima diuina & immortalis, non ex traduce oriatur, sed potius extrinsecus θύεται, ἔξωθεν etiam ex Philosopho adueniat, non possumus dicere semen animam humanam habere nisi potentia, quatenus aptum natum est eas dispositiones inducere, quæ ad suscipiendum nobilioris

nobilioris huius formæ aduentum sunt necessaria. Nec etiam in aliis animantibus semen actu esse animatum censemus, sed potentiâ tantum eâque proximâ, quia eam habet vim conformatricem in spiritu positam, qua simile producit animatum, vbi semel in cōuenientem locum proiectum, subiectâque materiam nactum fuerit. Illam autem vim seminis formæ insitam esse, quæ tamen non sit anima, nihil est absurdi, cum in rebus inanimatis, vt magnete, rhabarbaro & similibus præstantissimæ facultates sine animâ reperiantur. Corruptitur itaque seminis forma, vbi primum anima aduenerit corpori iam disposito & quasi delineato: vitamque plantæ tamdiu viuere videtur, quamdiu simpliciter nutritur. Vbi verò iam organa sensus motusque fuerint perfecta, vitam bruti animantis agere dicitur, quoniam nondum rationalis animæ opera edere potest, nec etiam extra vterum, donec cerebri temperies, & spirituum recta dispositio adfuerit. Itaque semen suam habere propriam formam concludimus, per quam semen est, cui iuncta est vis illa prolifica & conformatrix, ad nobilioris formæ acquisitionem tendens, cuius aduentu semen, quod potestate id quod futurum erat, iam actu tale existit.

Cum igitur in generatione nostrâ semen velut opifex & Phidias agnoscatur, qui operi principium motus & energiam præstat: quæri solet vtrum semen opus illud suum ingrediatur, & non solum efficientis, sed etiam materialis principij rationem obtineat. Item vtrum muliebri semen prolificum sit, efficiendi scilicet aliquam vim in foetu producendo conferat, vel sit tantum excrementum irrigando vtero & sollicitandæ concubitus appetentiæ idoneum, vt putat Philosophus: vel, vt quidam Medici, sit virilis seminis quasi pabulum & materia, quâ ad certarum partium vt secundinarum productionem vtatur. De his breuiter & ex sententiâ Hippocratis est agendum. Quod ad primum itaque spectat, cum certum sit semen in vtero susceptum conceptionis esse authorem, & tam auidè ab illo suscipi, vt tunc claudatur exactissimè *Aphorism. § 1. sectionis quinta*; sequitur materiam seminis quæ spiritui substrata est, ibidem retineri; non effluere aut in flatu resolui, quia vtrumque morbosum esset; illud scilicet vteri infirmitatem denotaret; hoc verò distentionem in eo pareret. Ac proinde cum intus maneat, in materiam foetus & partium spermaticarum delineationem facebat necesse est: alias corrumpetur aut putreret ibidem, quod nullo modo est concedendum. Et quæcumque mulieres ab Hippocrate obseruatæ sunt primis illis diebus, vt sexto die post conceptum, genituræ effluxus pati, in eis vidit semen tenui pelliculâ contentum iam veluti tres bullas multis filamentis connexas contraxisse, quæ principum partium lineamenta repræsentabant. Non igitur euanescit semen, vt putant Peripatetici; sed operi materiam valde idoneam præstat. Cum enim spermaticæ omnes partes dictæ, nerui, venæ, arteriæ, membranæ, ossa, ligamenta, si millimam habeant semini substantiam: cur natura illo non vtetur ad prima partium rudimenta efformanda, sed expellet, vt postea menstrui sanguinis longè maiorem elaborationem ad partes illas solidas generandas aggrediatur? Certè multo credibilius est earum primam descriptionem ex seminali materiâ ad id paratissimâ, & tanquam primo generationis fundamento fieri, quæ deinceps menstrui sanguinis aduentu augeatur & foueatur. Nec est absurdum, vt Philosophi obiciunt, in eodem semine virili esse agens & patiens; formans & formatum; si varias illius partes contempleris: quâ enim spirituolum est, & caloris illius viuifici capax, eâ agit, versat & agitat, tandemque informat humidiorē illam & crassiorem substantiam, quæ illi pro subiecto & quasi materia adiuncta est. Quod in seminibus etiam plantarum & in ouis ipsis videre est, in quibus post susceptum à terrâ, vel incumbente gallinâ calorem, spiritus ille prolificus suscitatur, qui in eiusdem seminis aut oui materiam cōuenienter agens, partium conformationem aggreditur & perficit. In arte factis quidem efficiens aut opifex non ingreditur rem factam siue opus, quia extrinsecum tantum materiæ attingit; natura verò vniuscuiusque rei intus posita operis sui interiora exterioraque vtrinque peruat, & in eo perfecto velut proprio domicilio consistit. Ac proinde nihil impedit, quin semen virile tum efficiendi vim, tum materiam quandam præstet foetui, pro varietate partium quibus est donatum.

Vtrum verò muliebri aliquod sit semen, & quandam in prole suscitandâ vim habeat, nunc est videndum. Certe Hippocrates constanter illud ubique confirmat: ἢν τις ἀπὸ τῆς τῆς ψυχῆς μολογῆς τῇ ψυχῇ, ἀφ' ὧν ἔσται. Si quis, inquit, animam anima, id est semen semini, misceri neget, insipiens habeatur: quod Medici lubenter

De hominis conformat. Cap. VII. lxxxix

luculenter exceperunt : & ipsum Aristotelem etiam inuicem in suam sententiam trahere nituntur, qui *libro decimo de historia animalium*, scripsit, oportere utroque, marem scilicet & foeminam, semen simul emittere, ut fiat conceptus. At hoc non esset necessarium, si solum semen virile conferret vim *πλαστική*, & sanguis solus menstruus materiam. Adferunt etiam quotidianam mulierum experientiam, referentium se aliquid maiori cum voluptate emisisse in illo coitu quo conceperunt. Item adducunt *εὐτροφία* & rationem partium in foeminis, quæ testibus sunt à naturâ donatæ, non ad ornatum tantum, ut viri mammis; sed ad seminis concoctionem, quo etiam albicante & bene elaborato sæpius turgere & repletos esse in dissectionibus compertum est: easque magnis aliquando afficit incommodis, quando præter naturam retinetur. Ac proinde ex virilis & materni seminis contemperatione mixtionisque fieri illud tertium censent, quod aptum est humano foetui generando: ac pro vario eorum dominatu liberos existere modo patri, aliàs matri magis similes censent. Contra Peripatetici existimant semen muliebri homonymos tantum & per quamdam analogiam esse semen: per se autem irritando coitui aut irrigandis vteri lateribus inseruire: quoniam si semen haberent prolificum, continerent in se materiam & facultatem producendi, ac proinde sæpius sine congressu virili conciperent. Deinde sicut forma non potest esse nisi una unius rei, ita principium continens formam, non potest esse nisi unum: unicum igitur semen. Forma enim cum sit simplex & indiuisibilis, in instanti introducit, & ex duobus componi non potest. At componeretur si ex mare & foeminâ prodiret. Addunt etiam in unico motu unum esse mouens proximum: motus autem ad generationem, ut est *secundo Physicorum*, à facultate fit quæ in semine inest: ergo à maris semine velut præstantiori pendet. Sic enim semina plantarum in terram coniecta velut matricem, & ibi conuenienti succo irrigata principium dant alterius plantæ ortui, absque concursu alterius facultatis. His certe Philosophorum ac Medicorum rationibus vndique pensatis, tanta dubitatio suboritur, ut cui suffragium feras, vix possis concludere. Vna tamen ratio efficit, ut ego malim Hippocratis, quam Aristotelis sententiæ subscribere, quæ à variorum seminum, id est specie differentium mixtione exoritur. Nam in coitu verbi gratia canis cum vulpeculâ, lupi cum cane, asini vel bouis cum equâ, si quidem muliebri semen nihil ad conformationem conferat, sed tantum materiam præstet, quæ fit, quod inde genitus foetus semper magis speciem foeminæ, quam maris representet: Hoc certè satis indicat vtriusque semen ita esse prolificum, ut nullum per se & solum sufficiat ad foetus productionem, sed inuicem commixta & contemperata: vnde fit in vtero unum quid ex his duobus, dans principium motus & formam composito. Quâ distinctione satis facillè dissolui possunt Philosophorum obiectiones. Iam de menstruo sanguine agamus.

SANGVIS MATERNVS. Effusum in vteri spatia vtrumque semen, postquam mutuo amplexu eoierunt, solet statim contrahi vterus, ut dicebamus, & vim illius sopitam ac delitescentem proprietate quadam insitâ & sibi peculiari suscitare. Quæ in spiritu illo & calore nativo residens, illic agere incipit in materiam istam seminalem, ex crassioribus eius partibus membranas, & stamina partium exordiens, cum vasis illis vmbilicalibus: quæ vbi semel per cotyledones vtero affixa fuerint, affluit materni sanguinis copia, quâ perficiuntur rudimenta illa & partium delineationes. Sanguis enim iste est præcipua materia, ex quâ non solum musculorum & viscerum carnes, sed etiam reliquarum omnium substantia alitur, augefcit, & perfectionem suam consequitur. De illius itaque naturâ paucis est nunc agendum.

Vbi mulier iustum augmenti sui terminum, vasorumque conuenientem amplitudinem adepta fuerit, incipit eam sanguinis portionem, quæ in eâ superfluit ex totius alimenti residuo, in vteri venas, tum quæ in fundum illius, tum in ceruicem desinunt per anastomosis mensuris periodis factam effundere: si quidem nullum sit in vtero foetus, aut alterius rei impedimentum. Incipit autem hic fluxus in mulieribus; aliæ enim animantes non patiuntur similem excretionem; quibusdam circa duodecimum: aliis circa decimumquartum annum, quando sororiantes mammae turgere incipiunt, corpus venereâ libidine titillari, & genitalia lanugine inspergi. Tandiuque durat, donec iam debiliior calor nullas facit laudabilis sanguinis reliquias, aut eas expellere commodè non potest circa quinquagesimum

vel quinquagesimum quintum ætatis annum. Fit autem in bene constitutis hæc purgatio statâ & periodica semel in mense tantum : cum aliorum excrementorum vacationes singulis penè diebus & horis contingant : tum quia est benigni & vtilis humoris excretio, quæ non debuit fieri, nisi dum quantitate nimia est molestus : quod plurimum intra mensis spatium contingit : tum ratione cursus & motus lunæ, quæ vt humidis omnibus in hoc inferiori orbe positis præest : sic agitatione sua & circumuolutione muliebrem hanc vacationem concitat, circa nouilunium quidem in iuuenibus, quia satis copioso abundantes calore ad primum lunæ reditum profundunt redundantem humorem : seniores verò plenilunio, quia tunc lumen calorque syderis illius auctus eas ad excernendam hanc materiam commodius iuuat : quod duorum, trium vel quatuor dierum spatium perficitur, prout natura robustior, viæ magis expeditæ, & humoris varia fuerit quantitas : quæ apud Hippocratem respondere debet mensuræ duarum heminarum Atticarum *libro primo de yvauvetai* : quarum vnaquæque est vnciarum nouem. Est itaque hic sanguis portio siue residuum illius, qui in foeminâ generatur, & in partium nutritionem & augmentum non amplius facessit : eadem etiam alimentari materiâ, consimili temperie & coctricis facultatis vi elaboratum & in eisdem vasis conseruatum : vnde eisdem qualitatibus & naturâ præditum esse omnino necesse est. Ideo Hippocrates scribit, in bene sanis sanguinem hunc effluere rubro colore & viuido saturatum, qualis est à victimâ recenter mactatâ, nullo dolore aut labore, sed magno muliercularum commodo : ex quo fit recta illâ foetus accretio & nutritio, & ex quo ad mammas refluente & translato lac, substantia dulcissima & temperatissima excitatur : Sunt tamen qui existimant, eiusmodi sanguinem qualitate quadam noxiâ & fere venenatâ præditum esse, ac veluti inutile excrementum à muliebri corpore propelli.

Plinius hoc multis verbis expressit *libro septimo sua historia*, & Fernelius, in *Physiologiâ*, contendit hunc sanguinem qui menstruatim profunditur, non esse alimentarium, nec eiusdem naturæ cum eo quo foetus alitur : quorum tamen rationes leuissimæ sunt & parui ponderis. Nam vt omnia illa menstrui maleficia & incommoda quæ ab illis adducuntur, admittamus : certè hæc vel in caco-chymis & male constitutis mulieribus tantum reperiuntur, dum proluuiem excrementorum, vt solet, cum sanguine menstruo effundunt : vel contingunt menstruo ob corruptelam quam concipit, dum præter naturam in corpore retinetur, vel dum extra effunditur, & computrescit, aut in grumos conuertitur, quod & lacti & carnibus & omnibus aliis quantumvis bene temperatis contingere potest, si semel temperiei suæ naturam amiserint. De variolarum autem ortu, quem multi ad menstrui huius malignitatem referunt, non est hic disputandi locus ; sufficiat nunc scire maternum hunc sanguinem naturæ prouidentia singulis mensibus vterum veluti naturæ agrum irrigare, vt conuenienti semine aspersus fructum aliquando post istos flores proferat : quorum aduentu & præsentia, si bonam temperiem, iustam quantitatem, & ordinariam periodum obtineant, de muliercularum fecunditate certiores euadimus. Non quod existimemus cum Aëtio, nusquam mulieres concipere posse, nisi fluxus iste apparuerit ; cui refragatur frequens obseruatio in virginibus & lactantibus : sed quia hoc signo agnoscimus proli suscitandæ idoneam materiam intus esse reconditam, cuius portio exterius apparet. Atque hæc de principiis nostræ generationis breuiter dicta sufficiant, vt iam vltius progrediamur.

CONCEPTIO ET PRIMA FOETVS DELINEATIO. Tria sunt foetus tempora, conceptio, motus, & partus, de quibus est sigillatim agendum. Conceptio autem nihil aliud est, quam prima illa seminum in vtero susceptio & amplexus, post quem coarctatur & corrugatur arctissime, vt foetus procreationi natiuâ suâ facultate ; quemadmodum ventriculus chylosi, hepatis hæmatosi, incumbat : ex cuius contractionis sensu percussæ mulieres horrore quodam percelluntur per consensum partium membranarum : quemadmodum torpor & segnities circa hypogastrium percipitur : mammae obdurescunt & extuberant cum papillarum nigredine : Veneris appetentia languescit, vrget cibi fastidium sine febre, & menstrua deinceps purgatio sistitur, ex *Aphorismo sexagesimoprimum sectionis quinta*. Quod si marem conceperit, multo alacrior, & melius colorata apparet mulier, *Aphorism. 48. eiusdem sectionis*, & circa dextas vteri

uteri partes magis intumescit, lacque calidius & multo coctius ex mammis profundit. Quæ omnia vt verisimilia ab Hippocrate fuerunt prolata: sic etiam reliqua de conceptionis progressu, longâ obseruationum fide confirmata, in abortibus scilicet & foetibus vario tempore exclusis, vt videre est *libris sapiens citatis*.

Spiritus igitur ille opifex & calor insitus totam hanc molem agitans, primum, inquit Hippocrates, heterogenea ab homogeneis per *διαχώρησιν* separat, congregatque similia, sicque per coctionem membranas illas foetum inuoluentes, *χώραν* scilicet, allantoeidem & amnion cum vasis vmbilicalibus suscitatur. Ad quæ sequitur statim materni sanguinis affusio, quâ auctum semen & quasi nutritum, delineantur simul partes, tum principes, tum aliæ, ad vitam necessariæ, vt ego quidem puto; non quod maior sit tunc cordis, iecoris, cerebri, aut ventriculi necessitas, cum tam spiritus vitalis, quam sanguis à matre per venulas suppeditentur: sed quia hoc esse naturæ sagacis institutum verisimile est, vt præcipua hæc operis fundamenta simul iaciantur intra septimum diem, aut saltem sexti diei initium, summo docente Hippocrate: qui ante illud tempus *ἔτι οὐ κίνημα, ἀλλὰ γόνιν*, simplicem genituram esse scripsit.

Post septimum verò, affluente iam copiosius materno sanguine *σὰρξ γίνεταί*, caro fit, id est sanguis ille partium substantiam complere, augereque incipit, & *κίνημα* tunc vere censetur, quasi dicas carnis affusionem. Quæ deinceps magis ac magis *ὑπὸ πνεύματι ἀγρῆται* à facultate illâ *πλαστικῇ* per spiritum concinnatur, & in partes primum similes, demum organicas distinguitur, donec embryo omnibus suis numeris fuerit completus. quod contingit circa trigessimum vel trigessimum quintum, vt plurimum diem in maribus: circa quadragesimum vel quadragesimum secundum, ob seminis frigidioris constitutionem, in foeminis: Idæque confirmat Hippocrates ex spatio seu tempore *λοχίων*, purgationis scilicet illius quæ fit in mulieribus post partum, cuius materiam tunc temporis collectam fuisse, ac proinde respondere dies vacationis, totidem collectionis diebus censet. Et mulieres quotidie obseruant mares citius in utero moueri, quam foeminas: vnde etiam citius perfici omnes confitentur. Quæ ita ab Hippocrate & alijs Medicis stabilita, si quis impugnare contendat, rei iam per se abstrusæ & in imis naturæ penetralibus reconditæ nouam obscuritatem inferet, & experientiae certitudinem importunâ suâ dubitatione infringeret nullo cum fructu. Melius est itaque ad alia pergere, quæ medicâ contemplatione digna existunt.

Generatur ergo foetus ex semine tam virili quam muliebri simul mixtis in uteri sinu, & sensim ac suo tempore, materno affluente sanguine, si iustæ fuerint omnia quantitatis & debitis qualitatibus prædita: sin minus, vel omnino non fit, vel est vitiosa & imperfecta conceptio: vnde *πάρεργα* & naturæ errores exoriuntur, quando scilicet proposito suo fine ob vitium materiæ vel alterius causæ externæ priuatur. Sic monstra illa dicuntur simpliciter, quæ extra speciem posita, alterius rei potius quam indiuidui humani formam repræsentant: vnde quædam mulieres serpentem, aliæ portentum leporino capite, & similia peperisse dicuntur, quæ vt prodigiosa ab Historicis studiosè annotantur: sic Medici à malâ seminis corruptellâ potissimum contingere arbitrantur: aliquando ab alieno & impuro belluarum concubitu, vt de hippocentauris, satyris, & similibus narrant. Respectu autem quantitatis deficientis vel exuperantis suscitantur etiam monstra, sed non omnino contra naturam, quia formæ humanæ participia, mutila utroque brachio, cruribus, auriculis, naso & similibus visuntur: aut superfluis partibus prædita, vt triplici teste, sexto digito, cornu in capitis vertice: vel quod magis est mirabile, duplici capite, & similibus. Quæ seminis superfluitas siue redundantia potissimum in Hermaphroditis illis seu Androgynis apparet: qui duplici sexu præditi, tam maris quam foeminæ genitalia à natiuitate obrinuerunt, & vtrisque aliquando satis commodè uti possunt: aliàs in vno tantum sunt validi: vnde legibus cautum est & præceptum eiusmodi Hermaphroditis, vt cuius voluerint sexus electionem faciant, & illo, si visum fuerit, vtantur: alio autem omnino abstineant propter rei foeditatem.

Ex redundante itaque seminum quantitate istæ partes superfluae & duplices conformatur cum quodam facultatis robore, si quidem illa in eodem uteri locello, & continuatim posita sine: sin verò magna seminis & sufficiens portio, vno concubitu in vtrumque uteri sinum effunditur, tunc gemelli tunica illis inuoluen-

tibus distincti, non cellulis quibusdam, ut somniant veteres Anatomici cum Iurisperitis, producuntur: qui ut plurimum duo sunt, ob duplicem illum vteri sinum solâ lineâ & quasi futurâ, ut in scroto distinctum; unde duæ mammæ ad id conditæ videntur: alias plures, prout facultas illa formatrix plures tunicas continendis eiusmodi foetibus & nutriendis conficere potest: qui eodem etiam fermè tempore perficiuntur, mouentur, & ex vtero prodeunt: quamvis ut plurimum alij aliis robustiores & viuaciores sint, in specie saltem humanâ.

Quod si post primam illam conceptionem, vteri os non exactè clausum, ad alios concubitus adaperiatur, & semen avidissimè proleſcet in interiorē sui cavitatem, fit superfœratio, nouissimis potissimum mensibus, quando nondum valde cavitās illa repleta est primi foetus incremento. Quod Hippocrates *libro huic rei dicato* confirmavit, & experientia in quibusdam, quæ vno post primum partum, vel altero mense, vitalem alium ediderunt, verum esse ostendit. Sed hæc valde sunt rara, quia vel hiantē matricis osculo primi secundique conceptus fit exclusio: vel certè dum vterque male in vtero collocati incrementum capiunt maius, vix contineri possunt, & sic per abortum vnus eorum vel vterque excutiuntur, potissimum in mulieribus: nam in brutis, quia vterus non ita propendet ad inferiora, facilius superfœtationes conseruari possunt, ut de lepusculis narrant.

Frequentius autem ipsâ superfœtatione, contingit in vtero malus conceptus, quem *falsum germen* vulgus muliercularum nostrarum appellat: authores nostri *molam*, quasi rudem dicas carnis indigestamque molem, quam Galenus 14. *de usu partium* definit *σαρνα ἀργή & ἀδιαπλάσων*. Est enim illius substantia carnosa ac rubra, omni animali motu destituta, quamvis aliquando ad vteri motum palpitare sentiat: vel ob permixtos & intus suscitatos flatus. Est etiam informis, nullâ partium distinctione constans, quam vis conformatrix in semine residens non potuit perficere, redundantis menstrui copiâ & importuno aduentu obruta: quamvis rudimenta quædam illius inceperit, ut patet ex membranis quibus vestitur, & ligamenti siue vasis quibus vtero connectitur. Cuius generationem ita describit Hippocrates *libro 1. περί γυναικείων*. Quando, inquit, magna menstrui quantitas paucum & morbidum semen repperit, non fit conceptus legitimus seu κόνημα, sed venter ex inutili molâ intumescit. Non igitur ex solo sanguine molam fieri voluit Hippocrates, sed semini iuncto. Vtrum verò semen virile requiratur ad molæ productionem, vel muliebri tantum in vteri capacitatē effusum sufficiat, ut in illis quæ pollutiones nocturnas patiuntur, dubitatur: quia tamen vix aut nusquam reperitur eiusmodi molæ productio, nisi in fœminis viri congressu vtentibus: ideo verisimile est virile semen ad illam requiri, sed paucum, languidum, ac morbosum, quod non habeat potestatem materiæ illius ritè conformandæ, sed id quod possibile est, producat, nempe carnosum frustum *ἡμίζαον*, vitâ plantæ & solâ nutritione constans: quam etiam aliquando amittit per putredinem, indurationem, aut aliam corruptelam in locis illis concepam. Hæc mola, ut sæpe mulierculis & inspectantibus ob asciticium illum motum & menstruorum suppressionem imponit: sic Medico est distinguenda à vero conceptu, tum etiam à tumore vteri flatuoso, scirrholo & œdematoso & alio, certis quibusdam signis, quæ ipsemet Hippocrates *lib. citato & lib. de sterilibus* recenset. Celerius, inquit, ex mola intumescit vterus quam ex vero foetu, difficilius gestatur, & cum maiori pondere: motum etiam non habet ita continuum ut puer, sed per intervalla & laboriosum, dum vterus ad eam excutiendam commouetur. Neque lac in mammis apparet, sed rugosæ ac flaccidæ manent, cum reliquo corpore. Denique ubi status pariendi terminus post gestationem aduenerit, nulla apparent signa naturalis partus vel abortus, sed intus latet per biennium aut triennium vsque, nisi ope medicâ succurratur: ut suis locis docetur. Nunc ad secundum tempus, siue motum foetus veniamus.

MOTVS AC PERFECTIO FOETVS. Eleganter Philosophus 1. *de generat. animal.* & *ἀμα γίνεται ζῶον & ἄνθρωπος*, non simul, inquit, generatur in vtero viuens ac homo. Cum enim variæ sint præparationes in seminali materiâ & partium delineationes ac incrementa, priusquam anima seu forma embryonis omnes suas actiones exercere possit: ideo primis illis formationis temporibus ζῶον quidem existit, quia vitam agit & nutritur; sed nondum ἄνθρωπος, homo numeris suis omnibus absolutus, si quidem actus secundos & functiones à facultatibus & partium dispositionibus prodeuntes respicias. Factus ergo puer membrisque omnibus conformatus secundum partes tam solidas

De hominis conformat. Cap. VII. xciiij

solidas quam carnosas, quod Hippocrates consingere voluit circa tertium mensem, si mas fuerit: circa quartum vero, si foemina: quantum increseit in corporis magnitudinem, tantum etiam firmatur & vires acquirit eundo. Cerebrum enim factum validius iam dimittit in reliqua membra facultatem motricem, per quam agitari & commoueri incipit sensibiliter, ut non solum à matribus, sed etiam à contingenti-
bus ventrem prægnantis manifestè percipitur. Ac tunc temporis mammae turgentiores lactis indicia proferre solent: quia scilicet pressis à grandiori foetu venis, sanguis ad superiora, locumque à naturâ dictum refluit, iuxta summum vteri ac mammarum consensum, non tam per venas illas epigastricas, ut quidam volunt; quam totius venæ cauæ & axillaris ductum.

Fœtus igitur quamuis tunc perfectus, si partium generationem & absolutionem spectes, quando moueri incipit, quia tamen nondum iustæ magnitudinis suæ & incrementi modum suscepit: ideo nutritioni & accretioni, quod reliquum est tempus in vtero impendit, reliquasque functiones tam vitales quam animales exercet, non simili prorsus ratione, quam dum extra vterum positus est, sed paulò discrepante, cuius nunc explicationem pauca aggrediamur. Quod ad nutritionem itaque illius, accretionem, & reliquas naturales functiones attinet, primo illud pro certo habendum est, materiam eandem esse quæ fuit ad primam conformationem, delineationem, & perfectionem partium, nempe maternum sanguinem per venas illas vmbilicales conuenienter attractum: vnde Hippocrates *lib. de alimento & lib. de naturâ pueri & alibi ἀρχαιοτέρη τροφή διὰ τῆς Πητας πρὸς ὀμφαλὸς*: *primum alimentum*, inquit; *per ipsum abdomen est vmbilicus*, in quem vasa illa implantantur: non enim per ea fugi infans, cum nulla sit oris & vteri continuitas: non in ventriculo cibos conficit, quoniam purò sanguine materno fruitur, qui per venam illam allectus vmbilicalem, ipsius scilicet portæ propaginem, vel certè in fissuram hepatis, seu partem cauam desinentem, vbi vena porta inseritur, primò intestina, ventriculum ipsum, lienem, mesenterium, & cæteras abdominis partes nutrit: deinde ipsum iecur penetrans; venæ cauæ amplitudinem conuenienti temperie donatus, non per nouam ἀμύσησιν, sed per ἀπόλησιν tantum ingreditur; & ad alimoniam reliquæ corporis transfer-
tur. Cumque omnem coctionem secretio quædam puri ab impuro sequatur, fit ut fœtus partes aliæ crassiorem quamdam portionem secernant, ut ventriculus & intestina, in quibus nato nuper infante sicca quædam & nigrior materia reperitur, meconio non absimilis, quam ideo *papauerulum* appellant. Secundæ verò regionis partes serosam illam materiam quæ sanguini est pro vehiculo; refundunt in tunicam illam allantoeidem, quæ fasciæ instar mediam vmbilici regionem cingit, per vrachon siue canalem oblongum & exanguem, qui à vesicæ fundo ad eam vsque perducitur. Totus vero habitus totius instar siue sudoris profundit excrementa sua in tunicam illam penitus fœtum succingentem, quam vocamus amnion, vbi continentur ad subleuandum quasi & sustentandum fœtum, qui aliàs futurus erat grauior, donec instante partu & disruptis istis tunicis effundantur ad lubricandas vias & laxandam vteri ceruicem. Hæc igitur est functionum naturalium & nutritionis ratio in fœtu, ad quam pariter eius accretio consequitur.

Vitales autem quomodo exerceat, nunc est inquirendum ex Galeni ipsius doctrinâ *lib. 6. & 15. de usu partium*, qui vult fœtum per arterias illas vmbilicales spirituosum sanguinem trahere, illumque à ramis iliacis per aortam ascendere, & totum corpus viuificare, sine vllâ cordis operâ aut pulmonum, qui tunc neque moventur, neque respirant, sed solâ vtuntur transpiratione, & arteriarum diastole. Huius rei veritatem docet Galenus tribus potissimum rationibus: Primò quoniam pulmo in fœtu ruber & crassus, non albicans & tenuis, ut extra vterum apparet, ac proinde non nutritur sanguine tenui & arterioso, sed crasso, qualis est ille qui in venis continetur: Secundo quod cum nulla sit in fœtu aëris externi attractio, vnde enim illum attraheret in ergastulo matricis conclusus? nulla etiam respiratio, ac proinde nulla thoracis, nulla pulmonum, aut cordis agitatio, sed tota vitalium spirituum propagatio quamdiu fœtus est in vtero, vmbilicalibus illis arteriis adscribenda. Tertio denique docet illud Galenus ex structurâ vasorum cordis, quæ in recensedito fœtu, aut ex vteri sinu educto visitur, & in adultis postea amittitur: nam venâ illâ cauâ quæ ascendit ad cor, & illius ventriculum dextrum lambit, non effundit tunc sanguinem intrò, quia non opus fuit, sed per ἀναστόμωσιν coniuncta venæ arteriosa suppeditat illi eam sanguinis portionem quæ alendo pulmoni sufficiat. Verum

quia pulmo nutriri quidem hoc sanguine crassiore & nullis spiritibus permixto vitæ libus poterat: in grandioribus enim sufficit iste sanguis ex venâ arteriosâ sine illo aortæ canaliculo, quia in dextro sinu cordis attenuatur & quibusdam spiritibus permiscetur cum externo aëre: sed quia idem pulmo crasso illo sanguine nutritus, non poterat ab illo viuificari, ideo prudens natura alium ductum fabricata est, quo possent materni spiritus vitales ad ipsum fœtus pulmonem penetrare, nempe canaliculum quemdam, qui ab aortâ ad eandem venam arteriosam tendit, & huic muneri dicatus est. Ex his igitur patet, in fœtu neque respirationem adesse, neque motum pulmonis aut cordis ad generationem spirituum vitalium, sed fœtus arterias eos ex maternâ benignitate suscipere: ipsumque cor & arterias pueri ad motum arteriarum parentis agitari. Vt ergo respiratione, sic voce priuatur infans, donec melioris vitæ cupidus, & cordis calore aucto, quod auræ genitalis deinceps afflatum expetit, cum prius solâ transpiratione, vt hystericae mulieres aut plantæ, sustentaretur, claustra illa matricis disrumpat, & mundi istius fiat nouus hospes & incola. Eo edito primo statim naturæ *αὐτοδιδάκτου* impetu, attrahit aërem, vociferatur, & admoto vberibus ore lac fugit, ex quo deinceps naturales suas vitalesque functiones exerit, cessante priori œconomia, quæ ad tempus tantum fuerat instituta: ac proinde illud osculum & canalis prius recensita sensim contabescunt, & resiccantur, nec in adultis conspicua sunt.

Superfunt animales functiones. Quod ad motum itaque spectat, diximus primis mensibus non moueri fœtum, præ molliæ summâ tam cerebri quam neruorum: adde quod muscoli adhuc minus bene conformati agitandis partibus & contractioni parum sunt idonei. Circa tertium verò vel quartum mensem, fit motus, duplo scilicet temporis spatio ad conformationem, vt docuit Hippocrates; iam affluente in musculos animali spiritu, qui in cerebro infantis ex spirituum vitalium materiâ conficitur, quam per arterias iam sæpe à nobis commemoratas ex materno fonte velut riuulos deriuatas suscipit, seque hoc modo intra vterum sustinet ac fulcit, *lib. de naturâ pueri*; vt quasi contractus & conglobatus genua manibus apprehendat, reflexis ad podicem cruribus: caput autem manibus incumbit, oculos habens vtrique manus pollicis respondentem, & nasum veluti intermedium: sic enim minimum spatij continet, & quando ad exitum properat, facilius vertitur præuio capite in ipsam vteri ceruicem, vt postea dicemus.

Hic igitur est motus situsque infantis in vtero. Quod ad sensus vero attinet, nullus tunc sensuum externorum vsus, quia obiecta eorum propria absunt & medium ad ea suscipienda parum est in vtero idoneum. Nullus igitur ibi vsus oculorum, aurium, narium, linguæ; parua etiam sensus tactus actio: quibus omnibus tenellus ille fœtus priuatur, vt commodius in suis locellis degat, totus nutritioni & accretioni intentus. Multo igitur minus interiores sensus & principes facultates exercet, quæ non possunt fieri sine delatione illâ externarum specierum in sensum communem & phantasiâ. Siue igitur anima nostra congenitas habeat quasdam species & notiones illi in primâ creatione infusas, siue sit tabula rasa, omni specie & imagine orbata, donec illi ab externis obiectis insculpta fuerit: certè tunc veluti sopita iacet instrumentorum defectu, quorum perfectio paulatim extra vterum inducitur. Vbi enim infans post aliquot menses ridere inceperit, putant etiam Philosophi intellectum nostrum tunc prima sua munera exordiri. Non tamen ideo existimandum est cum multis, fœtum in vtero primò animam plantæ, postea bruti, demum hominis habere: tot enim corruptiones succedere oporteret; sed credendum est, animam humanam circa quadragesimum diem iam penitus conformato fœtu infundi, quæ tamen functiones illas homini proprias exercere nequit, donec conuenienter disposita fuerint organa: interim vero circa inferiores functiones occupatur plantis & brutis communes, quas omnes illa velut superior forma eminenter continet. Atque hæc de perfectione & motu fœtus.

PARTVS SEV EXITVS INFANTIS AB VTERO. Notum est ex præcedentibus, tres præcipuas esse mutationes, quæ fœtui dum vtero geritur certis temporibus contingere solent, figurationem nempe, motum, & partum: qui nihil est aliud quam fœtus iam perfecti & absoluti in vtero, conueniens & suo tempore facta exclusio; cuius causæ, & termini rationes sunt breuiter inuestigandæ à nobis hoc capite: Prius autem annotandum, harum trium mutationum certam esse & definitam ad inuicem proportionem: ita vt tempus motus duplum sit temporis figura-

tionis, & tempus partus triplum temporis motus; hæc enim iusta illarum ac geometricæ æquabilitas, ab Hippocrate iam pridem obseruata, quam tamen multi doctrinæ Hippocraticæ prorsus ignari Auicennæ adscribere ausi sunt: quos vnico Hippocratis contextu allato confutare lubet, qui est *lib. 1. de rebus*, vbi varios figurationis, motus, & partus terminos, seruata tali proportionem, describit. *Ad figurationem*, inquit, *soles triginta quinque: ad motum septuaginta: ad exitum ducenti & decem: Alij ad discriminationem quadraginta: ad motum octoginta: ad elapsum ducenti quadraginta: Alij ad formam quinquaginta: ad primum saltum centum: ad exclusionem trecenti requiruntur.* Ex quibus Hippocratis verbis multa ad propositum nostrum facientia eliciemus: Primò dies integros hic esse computandos, & menses solares triginta diebus constantes, non lunares esse audiendos. Quamuis enim hac in parte varius esse videatur Hippocrates aliquando, locis tamen valde apertis illud significauit, & terminorum ratio reliquæque proportionem huic rei consentiunt. Præterea in embryonis generatione ac primâ figuratione non eundem esse terminum, sed à trigésimo plurimum die ad quinquagesimum vsque extendi, quod facit deinceps omnem varietatem tam in motu quam in partu. Vnde ex hac hypothese tot sæculis receptâ, & rationibus ex seminis paterni varietate, vt vult Fracastorius; menstrui sanguinis; & vteri: necnon superiorum corporum aspectu, & aëris nos circumstantis, ac aliarum causarum externarum & internarum constitutione, confirmatâ dicimus, legitimum partum nullum ante septimi mensis initium contingere posse, sed alios omnes, genituræ effluxus vel abortus esse censendos, quicunque ante hoc tempus ex vtero prodeunt: quoniam nullam habent certam figurationis, motus, & exitus proportionem. Cum enim trigésimus dies primus sit terminus quo foetus figurari potest, hic duplicatus incidet in sexagesimum diem, quo moueri incipiet: rursus iste triplicatus efficit centum octoginta, nempe sex menses integros in septimi initium incidentes, quo tempore, non antea legitime excludi potest foetus: & hi etiam sunt parum vitales: quia adhuc sexti mensis naturam quodammodo redolent: melius autem & commodius viuunt, si trigésimo secundo, vel trigésimo tertio, vel trigésimo quinto figurati incidant in mediam vel vltimam septimi mensis partem. Ac proinde septimestris partus ponitur ab Hippocrate primus parturiendi terminus, quem Iurisperiti, vt ait Paulus, propter summam eius auctoritatem & doctrinam receperunt.

Vtque trigésimus dies positus est ab Hippocrate pro primo figurationis termino, sic quinquagesimus pro vltimo; hoc ergo tempore figuratus embryo mouebitur die centesimo: excludetur vero circa trecentessimum: qui vltima erit pariendi meta, includens totum decimum, & incidens in principium mensis vndecimi. Quæ ab Hippocrate modò subtilius, modò crassiori ratione supputata ansam dederunt Iurisperitis dubitandi, an vndecimo mense natus pro legitimo habendus sit: siquidem Imperator *novella 39.* partum vndecimi mensis nequaquam ex defuncto susceptum esse statuit. Adriani autem quodam decreto, vndecimo à morte mariti mense partus habetur legitimus. Quod Cuiacius eruditè ex principio & fine vndecimi mensis distinxit secundum propositam à nobis istorum proportionem, quæ *ἡ τὸ πολὺ* semper aut plurimum veritatem obtinet, ac proinde legis & regulæ vim habere debet. Quamuis pertinaciter asseuerare nolim, vltra vndecimum mensem vterum gestari non posse: Plinio enim referente, *Massurius auctor est*, inquit, *Lucium Papyrum Prætorem secundo hærede agente bonorum possessionem contra eum dedisse: cum mater partum se tredecim mensibus diceret tulisse, quoniam nullum certum tempus pariendi statutum videretur.* Et Auicennas testatur probam quamdam mulierem etiam decimo quarto mense peperisse. Velim tamen hoc loco Iureconsultos monitos, ne temerè de eâ re iudicent: quamuis enim id rarò fiat, potest tamen contingere, vt mulier vltra vndecimum mensem partum edat legitimum, propter variam generantis seminis naturam, victus, educationis, & temperamenti tam viri quam mulieris: item varietatem magnitudinis & figuræ vteri: cælique ac solis diuersitatem: quæ omnia aliquando efficere possunt, vt diuturnior sit & quasi portentosus pariendi terminus. Adde quod error hic alius contingere potest, ex molâ videlicet genitâ ante verum foetum: nam dum illa falsam refert ingrauidationem, putat mulier se ab eo tempore concepisse quo primum purgatio menstrua fuerit intercepta. Sed hæc vt rara sunt, sic etiam artis certo præcepto contineri non possunt: ac proinde bene à nobis constituti sunt duo extremi foetuum legitime editorum termini;

nempe

nempe septimus mensis & vndecimus. Iam de intermediis videamus, octauo scilicet, nono & decimo, vtrum partus in illis vitales accidere possint.

Certè si spectes tantum illam proportionem à nobis adductam figurationis, motus, & partus, menses omnes isti excludendis foetibus erunt idonei: ac proinde octimestres vitales præter omnium sententiam. Sed ex ipsius Hippocratis doctrinâ, præter istam proportionem, sciendum foetum in vtero suas habere mutationes & impetus laudabiliores, morborum crisi- bus quodammodo respondentem. Vtque breui- ores morbi per quaterniones, paulo longiores per septimanas iudicantur vsque ad quadragesimum diem, qui omnium acutorum est vltimus: sic foetus in vtero singulis quasi quadraginta diebus istas in vtero agitationes suscipit. In primâ enim quadragenariâ, vt figuratio plurimum fit, sic plurimum aborsus, quam si effugerint, tutiores habentur mulieres, quod ad seminis seu genituræ effluxus. Secunda, tertia, quarta quadragenaria contemplatiuæ sunt & quasi indicatoriæ futuri partus felicioris vel infelicioris, pro ratione eorum affectionum quæ grauidas tunc temporis occupant. Quinta autem quadragenaria iam felix & auspiciata respondet septimo mense: sexta vero infausta octauo: septima nono, & decimi principio, quo maximè tempore vitales foetus eduntur.

Ecce igitur verisimilem rationem, cur octimestres partus parum aut nullomodo sint vitales: tum etiam, vt addit ipsemet Hippocrates, quia foetus septimo mense primos suos impetus exeundi facit. Hic conatus, si propter foetus aut aliarum rerum impedimenta fuerit irritus, defatigatur valde infans & laborat in vtero: Labor ille rursum quadraginta totos dies perdurat, quibus octauus mensis continetur. Ac proinde periculosum est illum hoc tempore exire, ne scilicet labore iam prægresso defatigatus, huic nouæ agitationi succumbat. Vbi autem dies illos sextæ quadragenariæ excesserit, nonum mensem ingreditur, quo relictis viribus, nouoque facto impetu, angustioris carceris valuas feliciter dirumpit, erumpitque. Decimi itaque mensis initium cum nono mense recensetur, ideoque foelix Hippocrati habetur, quia septimam quadragenariam includit, longiusque abest ab illâ in vtero *κακοπαθειν* seu afflictione, quam octauus mensis intulit. Si verò septimam illam quadragenariam excedens, ad finem decimi mensis, vel vndecimi principium accedat, non tam laudabilis est partus, quia denotat aliquam foetus imbecillitatem, qui iusto termino erumpere non potuit, cogitur aliquantisper laborare præ loci angustia, & pabuli spiritusque defectu. Talis est igitur terminorum partus ratio ex Hippocrate, talis eius felicitas aut infelicitas: quibus nonnulli, vt Pythagorei, addunt numerorum vim: Chaldæi cæli dissidentiam & congruentiam: Constantinus Africanus planetarum dominium: quorum placita vt non omnino respuimus, sic nostra hæc ex legitimo naturæ ordine & motu petita longè illis præferenda esse censemus.

Naturalis ergo & legitimus partus requirit tam foetæ quam foetus robur: vt scilicet mater animo corporeque sit valens: infans etiam vegetus & mediocris magnitudinis, qui iam melioris vitæ cupidus, locique & alimenti defectu, inuolucra sua dirumpat, vnde vteri os & ceruix aquarum prodeuntium alluuione madefacta dilatantur. Puer verò conuerso ad inferiora capite vi facit sibi viam, cui ipsa coccyx cartilaginosa locum cedit exeunti: non enim credibile est aut ossa pubis firmissima synchondrosi alligata, aut ipsas coxendices bene articulas disparari. Dolor tamen ingens exoritur ex disruptione membranarum vtero adhaerentium, & summâ oris ac ceruicis vteri dilatatione. Reliqui partus omnes præternaturales & laboriosi: vnde Agrippæ, & Cæsares dicti, in quibus magnum fuit parenti & foetui mortis periculum, vt docetur in tractatu *περί γυναικείων*, de affectibus mulierum. Superest de similitudine liberorum cum genitoribus breuiter agamus.

SIMILITUDO NATORVM CVM PARENTIBVS. Ardua superest quæstio de similitudine natorum cum parentibus. Triplex autem similitudo spectatur, speciei scilicet, sexus, & effigiei seu accidentium. Quod ad similitudinem speciei spectat, illa fluit ab intimis ipsius speciei principiis, quæ natura illa vniuersalis vnicuique semini indidit ad sese propagandum: non enim ego facile cum Fernelio & aliis existimauerim hanc speciei similitudinem ex solâ materiæ copiâ pendere, quandoquidem species ipsa potius formæ naturam & vim, quam materiæ repræsentat. Quod verò foemina diuersæ speciei cum aliis maribus coeuntes, vt equa cum asino, ovis cum hirco,

De hominis conformat. Cap. VII. xcvij

hirco, producant fœtus sibi potius quam maribus similes secundum speciem: hoc fit, meo quidem iudicio, propterea quod semine prolifico præditæ non minus quam mares, agunt toto gestationis tempore in ipsum fœtum, illumque variis modis afficiunt in utero, cum mares nihil præter exiguum semen circa principium generando fœtui suppeditent. Etenim si illa speciei representatio tota materiæ, nempe materno sanguini esset tribuenda, in commixtione ista specierum, fœtus omnino matrem repræsenteret; non autem haberet quasi partitam illam similitudinem utriusque parentis. Credere igitur est potius intima huius rei principia seminibus ipsis & materno utero esse indita, quam à solâ materiâ pendere.

Similitudo autem illa siue representatio quæ circa sexum visitur, solet referri ab authoribus nostris ad temperiem utriusque seminis: ut si quidem calor in semine superet cum victoriâ, mares: sin vero frigidius sit, fœminæ producuntur: unde varia illa gestationis accidentia apparere existimant, ut quæ mares habent in utero, coloratiores; vegetiores & multò alacriores spectentur: quæ verò fœminas, pallidiores & infirmiores, quod caloris potentioris vel impotentioris vi adscribunt. Verum non parua hic subest difficultas. Nam si in generatione marium perpetuò agnoscenda sit caloris potentia, in fœminis impotentia, quæ sit quod mares aliquando imbecilli valde & effœminati nascantur: fœminæ autem vegetæ, & ipsis robustiores maribus? Respondent, infirmos & inualidos mares aliquando generari respectu ad alios mares, non ad fœminas habito: vel nihil impedire, quin ex diuersis parentibus, verbi gratia, robustioribus nascantur fœminæ, quæ sint vegetiores quibusdam maribus ab aliis parentibus, infirmis videlicet & imbecillis. Sed hoc non satisfacit, perpetuò enim manet obiectio de caloris potentia: & certissimum est ac quotidianâ experienciâ sancitum, non solum à diuersis, sed etiam ab eisdem parentibus progigni formellâ aliquando robustiores maribus, quos illimet antè vel post susceperint. An censendum cum Empedoele, diuisa esse sobolis membra: ita ut partes illæ seminis, quæ à genitalibus virorum & mulierum, non minus quam ab aliis membris secedunt, faciant hanc sexus similitudinem: ut si quidem in duobus seminibus mixtis partes genitalium muliebrium superent, fœminæ: sin partes genitalium virorum, mares producantur? An verò dicendum, naturam perpetuò in quouis fœtu marem velut perfectum quid intendere: sæpe tamen impediri, non solum à caliditate, vel frigiditate seminis, sed etiam quibuscunque aliis causis, ut robustiore mulieris semine, menstrui naturâ, uteri particulari (hanc ego maxime causam esse existimo) constitutione, & similibus, ob quas in aliquibus indiuiduis concurrentes videmus robustissimos homines sæpe, ex mulieribus certis perpetuò fœminas: ex aliis perpetuò aut ferè masculos suscipere.

Supereft tertia similitudo, nempe effigiei & accidentium illorum extèriorum, ut figuræ, magnitudinis, coloris, situs & simillium, quæ liberi à parentibus proximis vel remotis suscepta referre solent. Nam quod ad temperamentum similitudinem spectat, in eo certum est qualitatum gradum quæ in seminibus & sanguine menstruo fuerint, aut quæ prolificam istam materiam in utero vehementius affecerint, causam esse illius temperiei, quæ in liberis reperitur, & modo ad huius vel illius parentis naturam magis accedere, prout vis alteratriæ huius vel illius seminis cum sanguine materno præpolluerit: Vnde etiam *ἁπορροῖς* similitudo morum in hanc vel illam partem vergit: nam ut cecinit Poëta,

Qui viuet in foliis, venit à radicibus humor:

Sic patrum in natos abeunt cum semine mores.

Hinc etiam morborum hæreditariorum origo, quicunque scilicet habent dispositiones generanti huic facultati & alteratrici proximas, quæ labis illius originalis est particeps: hinc etiam temperamentorum refectio & coæquatio, ut vocant; quando parentes dissimilis omnino temperamenti & naturæ, liberos temperatos & mediæ naturæ producant: Sic etiam mulier bene temperata ex elephantico semine aliquando bene sanum suscipiet fœtum, & contrâ elegantissimi viri ex ineptâ muliere, liberos stupidissimos & imbelles: unde illud, He-

roum filij, noxa. Quamuis non negauerim alia multa concurrere posse: verum hæc est præcipua & frequentissima causa.

Sed maior multo est difficultas in assignandâ ratione similitudinis illius, quæ varias figuras, & externa accidentia consequitur. Cur videlicet pater oblongioris colli, crurum graciliorum, scapularum alatarum, vel mater aquilino naso, oculis nigris, fronte amplâ & similibus prædita, liberos eadem partium conformatione præditos producant? Cur masculi sæpius matribus; foeminae patribus secundum hæc accidentia sint similes? Cur non solum à parentibus eiusmodi effigies in liberos deriuentur, sed etiam in nepotes, & tertiam vel quartam generationem? Denique quâ vi & modo tot signacula & alienarum rerum effigies proli communicentur, vt cerasi, mori, pedis porcini & similium: vel certa stigmata, quæ non sine admiratione vulgo in variis hominibus spectantur? His ergo vt satisfaciamus repetendum est ex superioribus, vim in semine vtroque *πλαστική* seu conformatricem insitam esse penitus admirandam & quasi diuinam, quæ singulis speciebus peculiaris & vernacula producit omnes partes ad illam constituendam necessarias, & accidentia ista externa, quibus inuicem differunt. Quemadmodum igitur semina habent vim illam constringendi partes speciei conuenientes secundum externa accidentia, sic ratione indiuidui, cuius naturam propius, & singularum partium effigiem, vtpote ab illis decidua, redolent: possunt non solum qualitates complexionales, vt loquuntur; sed etiam instrumentarias seufigurationes imitari: vnde fit vt si perpetuam & ordinariam rerum generationem spectes, liberi parentibus hac in parte similes semper esse debeant, nisi aliquid externi impediatur, & dispositiones istæ sint insignes in parentibus ab ortu contractæ habituales. Prout vis ergo seminis paterni aut materni fortior fuerit, eo magis repræsentabunt: vel si æqualis existat, participes erunt vtriusque similitudinis: vel certè secundum hanc partem patri, secundum illam matri magis erunt similes. Ideoque mares sæpissime matribus secundum hæc accidentia similiorese esse censeo: propterea quod in concubitu illo quo mares producuntur, oportet robustum & masculinum semen vtrinque excerni: cum autem foemineum sæpius quantitate exuperet, ab ipso etiam menstruo adiutum, fit vt partes matri similiorese conformentur. Vt contrâ in illo concubitu quo foeminae producuntur, oporteat semen inualidum magis & effoeminatum concurrere: fit vt virile vim conformandi supra foemineum tetineat, & frequenter foetus foemineos patribus magis similes efficiat. Nec solum alterutrius parentis propinquissimi effigiem referunt liberi, sed etiam prædecessorum, præcipuè eorum qui insigni aliquo robore, aut illustri formâ fuerunt præditi: quia dimittunt eam cum proprio semine in liberos, in quibus si propter aliquas causas impediētes non satis apparuerit, postea in prole sequenti, quasi de semine in semen profecta, reuiuiscit: quemadmodum motus à lapide in aquâ concitatus non solum contiguas partes, sed etiam valde remotas agit, & magnes vim annulis infundit ferreis, vt alios trahere valeant. Si ergo liberè agat vis illa formatrix & ordinariè, foetus parentibus similes perpetuò procreabit, vtpote quæ eorum naturam quasi insculptam & effigiatam obtineat. Quod in plantis & brutis animantibus magis elucescit. Extraordinaria igitur hæc causa est ipsa imaginatio seu matris phantasia: quæ si primis conceptionis aut conformationis temporibus valde immutetur & afficiatur ab obiectis quibusdam externis, vt effigie, & formâ alterius hominis amati, vel figuræ conspectæ & similium, fit, vt potentior hæc facultas, nempe princeps, tennello adhuc & quasi lacteo embryoni suum characterem alio oblitterato imprimat: vnde narrant mulieres adulteras maritis plurimum simillimos foetus producere: quia dum congregiuntur cum suis procis, vel metu vel conscientia quodam stimulo affectæ, perpetuo maritorum effigiem sibi repræsentant: Vnde etiam Galenus libro de theriacâ ad Pisonem, turpi cuidam mulieri vt pulchros pareret liberos consuluit, formosam imaginem ad lecti pedes apponere, & frequenter ac attentè, coitus potissimum tempore, eam contemplari: Hinc fit, vt pauones, quibus lintea alba vndique circumposita fuerint, dum ouis incubant, non gemmantis coloris, sed albicantis pullos producant. Inde Iacob variegatis virgultis pecori, vbi coibat, obiectis, talem suscipiebat prolem & fructum: sic eorum, quæ prægnantes primis illis potissimum mensibus auidius exoptarint, vt mora, cerasa, amygdalas, pedem suillum, & similia, effigies foetui imprimuntur: fortis

De hominis conformat. Cap. VII. xcix

fortis enim illa imaginatio spiritus statim mouet, illius rei speciem deferentes & sanguini materno imprimentes, qui ad uterum allatus, si quidem illa effigies exterius feratur, deinceps in foetu genito apparet. Vnde solent nostrates mulieres grauidis similia appetentibus consulere, vt manum natibus vel posteriori cuius parti admoueant, quo eiusmodi effigies in illis consistat; nec fallit eas aliquando euentus. Quamuis enim ego nolim tantam imaginationi vim cum Auicenna tribuere, vt in aliena agere possit corpora, & in omnem materiam habere imperium: attamen nemo rerum naturalium speculator diligens, aut Medicus inficari illius potentiam audeat in proprium & continuatum corpus ad curandos morbos, agitandos humores, conturbandos spiritus, & similia præstanda. Cum itaque foetus sit veluti continuum cum parente corpus: illius spiritus & sanguinem continuò recipiens, quidni poterit similiter illius impressiones & vim suscipere, potissimum quamdiu adhuc mollior, & veluti cereus existit?

Quemadmodum igitur totam similitudinis rationem phantasie cum Fernelio tribuere nolim, quoniam multæ effigies, vt auorum vel atauorum nunquam mulieris imaginationi repræsentatæ in liberis conspiciuntur: & sua facultati formatrici vis non est deneganda, quæ sine vilo imaginationis concursu in plantis, atque etiam animalibus frequenter similem suscitatur secundum ista accidentia prolem: ita etiam illius potentia sæpius est agnoscenda.

Potest quidem aliquando figura variè deprauari ab externis aut internis causis, vt comprimantibus, diuellentibus, & similia efficientibus: vnde matres quæ arctioribus indumentis vtuntur, aut aliquid aliud violentum agunt saltando, nendo, suendo: aut dum cadunt vel vulnerantur, possunt contorquere, dilatare teneriora foetus membra, & multis modis afficere, ita vt figura eorum immutetur: Sed ista cum causas suas habeant manifestas & euidenter, non requirunt vltiorem earum indagationem. Illa vero magis sunt obscura & ad interiorem hanc causam referenda, cum alia verisimilior non suppetat. Hæc igitur de tam difficili quæstione habuimus proponenda: vt tandem Physiologiæ nostræ optatissimum finem imponamus.





IOANNIS VARANDÆI

PATHOLOGIA VNIVERSALIS.

P R Æ F A T I O.



TRIA fuisse Medicina principia docet Galenus libro qui introductio dicitur: inuentionis scilicet, constitutionis & interpretationis, principium vetustissimum existit & communissimum: ab omni enim tempore coacti sunt homines, aut casu, aut necessitate, varia experiri, quæ mundi opifex in illos usus & humane infirmitatis subsidium creasse videtur: ex quibus aliquos adiutos, alios verò non parum laesos fuisse credibile est: unde ex frequenti illà sensuum repetitione, memoria, observatio, atque experientia citra ullam rationem facta est, & quotidie exercetur, unde noua illa & propemodum infinita remediorum inuentio.

Ad constitutionem verò artis, & facienda ex his particularibus generalia præcepta: Asclepiada, inquit Hippocrates, vsi sunt ratione & experientiâ: appensis enim illis in Dianæ aut Æsculapij fano publicis curationibus, vel de manu in manum traditis posteritati observationibus: primam artis nostræ faciem & ideam delinearunt.

Interpretationis autem suæ traditionis initium quo primum Medicina doceri cæpit, & demonstrationibus illustrari, fuit naturæ speculatio, ut ait Athenæus; φύσις γὰρ τῆ σώματος ἀρχὴ τῆ ἐν ἰατρικῇ λόγος; primum Medicæ orationis & institutionis initium esse debet natura: id est naturalis humani corporis constitutio. Vnde Philosophus Medicum ibi incipere voluit, ubi desinit Physicus. Et Hippocrates libro de veteri Medicinâ: ἐν ὅτι δυνατόν, inquit, ἰατρικὴν εἰδέναι, ὅτις μὴ οἶδεν ὁ, πῶς ἂν ἄνθρωπος καὶ ὁπῶς ἐγένετο πρῶτον, καὶ ὁπῶς συνεπαίη: necessarium enim est hoc Medico curiosè scire, εἴπερ ἡ μέλλει τῶν δέοντων ποιήσεν, si modo aliquid eorum quæ fieri debent recte prestare velit. Quomodo enim fieri poterit, ut ea quæ contrā naturam sunt, cognoscat, nisi prius naturalibus cognitis? cum rectum sit index sui & obliqui.

Nos igitur quadam rerum serie ducti, post Physiologicam explicationem ad Pathologiæ vniuersalis interpretationem accedimus, quæ est secunda Medicina pars theorica, de constitutionibus præter naturam corporis nostri agens: ita ut in primis illarum generibus & speciebus subsistat: suam particulari Pathologiæ tractationem relinquens, quæ est de peculiaribus singularum partium morbis, symptomatis & causis, cum eorundem propriâ curatione, quod vulgò Praxes Medicas vocant. Suos etiam fines & terminos Semeiotice, sub qua Diagnostice & Prognostice continentur, liberos permittens, quæ de signis istarum constitutionum presentibus & futuris disputant, ut utrumque suo loco & semel doceatur.

Præsentis ergo nostræ tractationis Pathologiæ quatuor erunt præcipuæ partes. Cum enim res ista præter naturam considerentur, vel ut sunt constitutiones quedam corporis nostri morbosæ & partium eius: vel ut causæ illarum constitutionum, aut earumdem

earumdem effectus qui symptomata vocantur : ideo primâ huius operis parte agemus de communibus illis vocabulis , secundum , præter , & contra naturam : quia illorum explicatio facit ad sequentium clariorem intelligentiam ; & de triplici corporis nostri constitutione , salubri , scilicet , in salubri , & neutra tantopere apud Galenum decantata : ut ex illarum explicacione faciamus nobis viam , & quasi gradum ad morbi naturam melius intelligendam . In secundâ ergo operis parte agemus de morbi definitione , eius speciebus & differentiis , atque de morborum temporibus . In terciâ de causis morbificis , & earum varietate . In quartâ & ultimâ de symptomatum naturâ & eorum diuersis speciebus .


Imprimis tamen notandum παθολογίας nomen desumptum esse παθος , quod vocabulum non semper pro simplici passione & alteratione , quæ morbum præcedit , sumi solet : quod habet essentiam suam positam ἐν τῷ γινέσθῃ , in ipso fieri : ita ut sit εὐλυτόν τι καὶ εὐκίνητόν , totum pendens ab actione & ἐνεργείᾳ ipsius causæ , sed etiam pro omni affectu præter naturam , qui corpori nostro vim inferre & eius naturam immutare potest , siue sit causa quadam morbifica , siue morbus , seu symptoma : ut ex variis Hippocratis & Galeni locis apparet . Ac proinde illud nomen παθολογίας in hoc significato sumptum apte complectitur ea omnia , quæ in hoc tractatu explicaturi sumus : cuius utilitas ex eo patet , quod Medicus θεωρεῖνς curaturus non potest suam actionem nisi istorum præmissâ cognitione velut necessariâ τεχνάσθῃ rectè instituere .

PARS PRIMA PATHOLOGIÆ

VNIVERSALIS.

CAPVT I.

De eo quod est secundum , præter , & contra naturam.



rerum omnium naturam vniuersalem species , & ordinem ac statum , qui hisce omnibus præfixus est , nihil præter aut contra naturam dici poterit : omnia enim naturæ vniuersalis imperio continentur . Sin verò naturam particularem , & unicuique speciei velut humanæ propriam , respicias , ut debet Medicus , multa præter naturam & contra sese statim offerent , quæ scilicet naturæ illius particularis & debitæ constitutionis fines excedunt , quæ naturalem humani corporis statum infringunt , atque ob id , res præter & contra naturam Medicis recentioribus dicuntur . Verborum igitur istorum secundum , præter , & contra naturam , cum frequens sit apud Medicos vsus , potissimum in Pathologiâ , breuiter quid illis significetur , definiamus .

Hippocrates , Aristoteles , Galenus , & antiquiores sæpius quidem meminerunt illius quod est secundum naturam & præter naturam , κατὰ φύσιν καὶ παρὰ φύσιν , nunquam verò illius quod contra naturam ἀντὶ φύσιν . Quamvis enim Hippocrates lib. de diebus decretoriis , etiam quosdam morbos appellet secundum naturam , qui scilicet sunt parum naturæ infecti , vel illius propriam constitutionem imitantur , ut quando biliosus febre tertianâ laborat , & sic de reliquis : ut lib. de prædicatione eodem sensu vocat excretionem quosdam secundum & præter naturam . Galenus tamen illud præter naturam , non semper eodem modo sumpsisse videtur , sed cum quadam distinctione : ita ut aliquando quippiam præter naturam esse simpliciter , aliâ toto genere præter naturam dicat , ut sanguinis excretionem , & similia , quæ maiorem naturæ nostræ vim inferunt , vel longius ab eius instituto recedunt . Quod ad Aristotelem verò & eius interpretes spectat , in hisce appellationibus constituendis re-

spexisse ad eam dispositionem physicam, quæ ex materiâ & formâ in composito exurgit, verisimile est: nam illa quæ proueniunt ab utroque principio, maximè secundum naturam esse existimarunt: quæ ab vno tantum, medijs quodammodo esse ordinis. Et quoniam forma est magis natura, aut magis confert ad naturam specificam constituendam, quam materia: ideo in quibus forma & formæ vis seruarietur, illa magis secundum naturam esse existimarunt, quam ea in quibus propriæ formæ ratio labefactata esset, debita licet remanente materiâ. Vnde illa in quibus vtrumque principium seruatur, prorsus secundum naturam: in quibus vtrumque deperit aut immutatur, prorsus præter naturam, in quibus horum alterum, alio inuiolato peruertitur, modo secundum, nunc præter naturam dixerunt.

Sic monstra Aristoteli quodammodo secundum naturam & præter naturam vocantur: utpote in quibus materia seruari solet, naturali formâ deprauatâ. Nec solum animalia ipsa, animantiumque partes, sed etiam motus, actiones, qualitates, & quæcunque alia rerum accidentia secundum naturam esse, si speciei conditionem sequerentur; si non, præter naturam esse voluit. Mors enim alia secundum naturam illi dicitur, quæcunque ab internis principiis oritur, naturali scilicet siccitate, quæ caloris natiui opera sensim humidum primigenium depopulantis contingit: alia præter naturam & violenta, quando principium motus non incepit à naturâ, vel naturalem decursum non obseruat: sed pendet à violentiâ causarum tam ἐνόντων quam ἐκόντων, ut loquitur Hippocrates. Eadem ratione putredo dicitur illi secundum naturam: quia sequitur naturam & exuperantiam primarum qualitatum ex quibus mista constituuntur. Illud autem præter naturam, eius interpretes ponunt in eo, quod quamuis naturâ suâ fieri non possit, aliquando tamen contingit ex alicuius principij defectu vel impetu rerum externarum; illud contra naturam negligentes, quia ex naturæ repugnantia fieri non posse crediderunt, ut ex homine flumen, stellam, aut arborem, qualia Poëtæ & metamorphoseon scriptores confinxerunt.

Vnus tamen Auerrhoes videtur illud quod contra naturam est, recepisse, atque illius significationem non ad ea quæ fieri non possunt, sed quæ omnino propriæ naturæ aduersa sunt, contraxisse: nam *comment. in lib. 1. de celo*, in motu elementorum tria ista, secundum, præter, & contra naturam, agnouit. Verbi gratia ignis propriâ naturâ & secundum eam maximè, sursum fertur: contra naturam igitur deorsum mouebitur, ut quod ex diametro cum illius naturâ pugnet: at non solum sursum & deorsum, sed etiam in circumferentiam fertur, utpote cœli raptu & circumuolutione: hanc ergo, quia sine magnâ patitur violentiâ, præter naturam appellauit: ac recentioribus Medicis fortasse ansam dedit, ut istas horum nominum significationes in suam tractationem transferrent: nam ut Philosophi illis ad constitutionem physicam, quæ est materiæ & formæ, respexerunt: sic Medici ad suam, quæ nimirum est ipsa temperies, seu conformatio partium & vnitas, & quæ ea consequuntur: vnde apud Medicos putredo vel mors nunquam esse possunt secundum naturam: quamuis ex principiis aliquando internis sint orta: quia viuentis hominis moderantiam & temperiem, quam spectat Medicus, labefactant & corrumpunt.

Quamuis igitur Galenus illius tantum quod est præter naturam meminerit, quid flagitij est, si clarioris doctrinæ gratiâ exemplo Auerrhois, illud quod est contra naturam in tractatum Pathologicum neoterici inuexerint: cum ipsemet Galenus id quod præter naturam est simpliciter, ab eo quod est toto genere præter naturam distinxerit: ita ut illa præter naturam esse statuunt, quæ naturæ nostræ nullam aut minimam vim inferunt, cuiusmodi est scædus iëtericorum color, & qui solis ardore contrahitur, & faciei lentigo, omnisque leuior affectus, qui ob paruitatem nec nostris, nec laborantium sensibus animaduerti potest: vel etiam ea omnia quæ sub neutro statu continentur: quasi dicas cum Hippocrate morbos blandos καὶ μὴ ἐμπεδοδικούς. Illud verò contra naturam esse, quod non solum naturæ limites & statum excedit, sed etiam illi vim infert, eiusque functiones manifestè interturbat. Mihi certè quamuis eos non improbem, qui antiquam loquendi rationem obseruant, hæc distinctio non videtur esse incommoda Pathologo, præsertim qui corporis nostri constitutionem ex Galeni sententiâ statuit: de quâ nobis nunc est differendum.

CAPVT II.

De triplici corporis nostri constitutione.



HOMINEM aliquando sanum esse, aliquando verò ægrum omnibus est in confesso, vnde duæ illæ constitutiones sine controuersia admittuntur, sana scilicet & morbosa, siue salubris & insalubris. Vtrum verò recipienda sit tertia quædam constitutio, quam mediam siue neutram appellant, non est ita manifestum. Auicennas quidem lib. 1. doctr. 1. cap. 2. ex sententiâ Galeni agens: Corporis, inquit, humani dispositiones secundum Galenum sunt tres: nempe sanitas quæ est dispositio, per quam corpus hominis in sui complexione & compositione tale existit, ut ex eo operationes eius omnes sana & incolumes proueniant: ægrotudo, quæ est dispositio huic contraria: & dispositio, quæ est apud eum neque sanitas, neque ægrotudo: aut ideo quod non est sanitas in ultimo, nec ægrotudo in ultimo, quemadmodum corpora senum, conualescentium, puerorum & grauidarum: aut ideo quod amba res in uno tempore in duobus sunt copulatae membris: aut in uno membro, sed in duobus generibus remotis: sicut qui est in complexione sanus, & in compositione æger: aut in uno membro duorum generum propinquorum, sicut qui est sanus in figura, & non sanus in quantitate & situ: aut qui est sanus in duabus qualitatibus passivis, & non sanus in duabus qualitatibus actiuis: aut vicissitudine duarum rerum in duobus temporibus, sicut qui sanatur hyeme, & ægrotat vere vel æstate.

Hæc Auicennas, dum Medicorum more agit: quamuis ipse neutram hanc dispositionem excludat statim initio libri primi, λογιστέως rem ipsam considerans, & ipsum sequutus Aristotelem cap. de oppositis, qui morbum & sanitatem contraria æque esse voluit, neque quicquam magis inter illa intercedere, quam inter par & impar. Hanc etiam Plato sententiam statuisse videtur dialogo, qui de voto inscribitur, his verbis Soc. Suntne quidam, qui neutrum istorum patiuntur? AB. Nequaquam; necesse est enim hominem ægrotare, vel non ægrotare. Qui cum istis idem sentiunt, adferunt locos ex ipso Galeno, ubi neutram istam habitudinem neglexisse videtur: ut ex primo de crisi-bus cap. 1. ubi ait transitum à sanitate in morbum fieri in puncto imperceptibili: ex libro 1. de locis affect. Cum corpus, inquit, egreditur sanitatem, ingreditur morbum. Ex ipso libro artis parua cap. 8. Vbi postquam totam sanitatis latitudinem in tres partes diuisit, optimam, mediam & remissam: post hanc sanitatem ægra corpora sequi subiunxit. Adferunt etiam rationes quibus idem efficere nituntur: sanitatem enim ex Galeno ipso lib. 1. de differ. morb. mediocritatem esse seu moderantiam, morbum immoderantiam: sanitatem æqualitatem, morbum inæqualitatem: at medium inter moderatum & immoderatum: æquale & inæquale esse non potest, ut quæ αντι-τιμῶς, id est priuatiuè opponuntur. Item sanitatem affectum esse qui bonam actionem edit, & non sensibilibiter læsam: morbum autem actionem edere sensibilibiter læsam: sed inter sensibilibiter & non sensibilibiter læsum, quæ contradictoriè se habent, non potest aliquis fingere tertium, quia simul duo contradictoria vera esse contingeret: quare nec inter morbum & sanitatem.

Hæc & eiusmodi adferunt Medici φιλοσοφότεροι, & qui omnia Medicinæ præcepta ad tenuiores Dialecticorum regulas deducere conantur. Nos verò qui tractationem medicam maximè ad opus ipsum accommodatam esse cupimus: ne parum frugiferis quæstionibus librum nostrum inuoluamus, non dicemus cum quibusdam, Galenum ideo neutrum statum ponere, quia sanitatem & morbum in abstracto, siue secundum formam & speciem propriam expendit, quæ neque intenditur, neque remittitur: etenim sanitas & morbus non nisi in subiecto à naturali Philosopho considerari possunt. Neque dicemus cum aliis, ut Manardo, qui istud sub sanitatis latitudine intellexit, Galenum inter salubre & insalubre neutrum quidem posuisse, non autem inter ægrum & sanum, sicque Aristoteli non aduersari. Id enim facile refellere possumus multis ex Galeno locis, ut lib. 5. de sanitate tuendâ, cum de senibus agit: ait enim inter sanum & ægrum dari medium, ut placuit Herophilo, qui prius nomen illud ἐσθέρης in Medicinam inuexit, & ex cuius sententiâ Galenus Medicinæ diuisionem, sub quâ neutralitas continetur, libro artis parua, est persecu-

rus. Item *libr. de constitutione artis*, vbi scribit quædam esse symptomata media inter ea quæ in sanis sunt, & illa quæ contingunt morbo laborantibus.

Sed vt breuiter controuersiam istam componamus, dicimus nullam esse hac in parte inter Philosophos & Medicos controuersiam, quod ad rem spectat, sed non eodem vti utrosque sanitatis & morbi nomine. Aliquando enim Galenum tantam facere sanitatis latitudinem, vt eam quæ est in habitu & habitudine, optimam, mediocrem & ambiguam morboque vicinam complectatur, tuncque medium inter sanum & ægrum nullum constituere, vt locis supra citatis: Aristotelem autem, vt vult illius interpretes Ammonius, sub morbo intelligere *πᾶσαν τὴν ὁπωσὺν ἐν τῇ κατὰ φύσιν ἔκτασιν*, omnem quocumque modo factam à naturali statu & integritate declinationem: ita vt morbus complectatur ipsam sanitatem, quæ iam à summâ & perfectâ delapsa est. Alias Galenum dum attentius operationes, quæ circa corpus nostrum exercentur, attendit, sanitatem arctioribus contrahere finibus, vt inter illam, perfectam scilicet & morbum, detur habitudo quæ neutralitas nuncupatur, dum ambigit corpus, vtrum sano vel ægro sit magis propinquum. Vnde Haly *commentar. in art. paruum*; *Differi*, inquit, *Galenus ab Aristotele solo nomine; nam cum morbus adeo remissus est, vt non impediatur multum operationes, tunc apud Medicum non dicitur æger, etsi sit tam apud illum, quam apud Philosophum, si rei veritas spectetur.* Hippocrates quidem constitutionem hanc neutram numquam ex professo designasse videtur: indicauit tamen *lib. de diebus decretoriis*, vbi morbos mites vocat secundum naturam: & *lib. de veteri Medicinâ*, vbi vult quosdam esse morbos *οἱ μὴτε νοσέοντι αὐτέω, μὴτε ἄλλοις μελλῶσι θνήσκειν*, quemadmodum constitutionem extremam & morbosam vocat *ἄφορον καὶ χαλεπὴν νόσημα*: optimam verò sanitatem in Aphorismis athleticam constitutionem, *εὐεξίαν*, & *lib. præceptionum*, *φύσιν φύσει ἀεὶ πεποιημένην*.

Interest tamen Medico tres istas constitutiones stabilire, duplici potissimum ratione: Primâ, ex modo seu differentiis operationum medicarum, vt diximus: ægris enim cum debeatur curatio, sanis conseruatio, neutris corporibus si sint decidua versus morbum, debetur præseruatio: si conualescentia à morbo, restauratio siue resectio; vt sanitatem adipisci possint. Secunda, ducta est à diebus decretoriis, qui non ab initio infirmioris cuiusuis valetudinis sunt computandi, sed morbi sensibilis & vehementis, quando scilicet homo cogitur decumbere. Quibus ita intellectis, facile est locos supra adductos conciliare, pro variâ sanitatis & morbi acceptione amplâ vel strictâ: & aduersis rationibus respondere. Nam quod dicunt sanitatem esse moderantiam & æqualitatem: morbum verò immoderantiam seu inæqualitatem: inter hæc autem non dari medium; distinctione soluitur: Nam illud moderatum & æquale, vel sumitur pro exactè moderato, & æquali, quod tantum bonæ sanitati competit; vel pro quocumque moderato & æquali, quod extendi potest vsque ad statum morbosum. Si priore modo sumatur, patet esse quamdam constitutionem velut mediam, quæ est inter exactè moderatam seu æqualem, & morbosam siue immoderatam & inæqualem: non enim fit transitus ab extremo in extremum, nisi per medium aliquod, cuius naturam Medici appellatione neutrà designarunt. Eodem modo diluitur illud quod dicunt, inter sensibilibus actiones lædere, quod facit morbus; & non lædere actiones, quod præstat sanitas, non posse aliud intercedere. Nam, vt sanitas actiones non lædit, imo potius perficit; & morbus valde sensibilibus lædit: sic etiam potest dari aliqua constitutio, quæ non ita sensibilibus lædat actiones, tantumque à sanitatis perfectæ naturâ recedat, quantum iam versus morbosam constitutionem accedit. Quod verò Galenus dicebat transitum à sanitate in morbum fieri in puncto, intelligendum de integrâ sanitate, quæ vbi minimum est violata, totum illud continetur aliquando latâ morbi significatione, aliquando à Medicis diuiditur in duas partes, vt iam sæpe diximus. Et sic manebit neutra illa dispositio, non inutiliter ab Herophilo & sequentibus excogitata.

Neutra porro hæc constitutio varios recipit modos, vt iam ex Auicenna proposuimus, & libro artis parum continentur. Neutrum enim est, vel quia neutro extremorum, id est sanitatis & morbi participat, & id vocant neutrum per abnegationem: vel quia utroque, & id neutrum per participationem appellant. Quod utroque participat, id rursus facit dupliciter, vel diuersis temporibus, vel eodem tempore. Rursus quod eodem tempore, æqualiter vel inæqualiter: in toto vel in quibusdam partibus. Quæ vt parum vtilia huic nostræ tractationi relinquimus: ipsam neutralitatem sub latiore quadâ specie considerantes, quatenus actiones profert neq; omnino naturales neq; omnino morbosas, sed inter eas quodammodo medias, modò versus sanitatem, aliàs versus morbum magis declinantes. Nunc de sanitate agamus. CAPVT

CAPVT III.

De sanitate.



VM igitur tres istæ corporis constitutiones non paruam habeant latitudinem, sit vt plures sint & quasi infinitæ corporis nostri dispositiones, si quid indiuisibile & minutum spectes: sin verò secundum artis nostræ præcepta latius rem istam metiaris, nouem præcipuas reperies cum suâ amplitudine valde conspicuas. Est enim optima sanitas siue *εὐεξία* omnium aliarum perfectio: sanitas bona siue communis, quæ vulgariter & plerumque fruuntur homines: sanitas tenuis & parum constans, quam insalubrem vocant: neutra verò constitutio quædam ad sanitatem propensa, & conualescentium propria: neutra absoluto sermone, quæ scilicet nullius extremi sensibilis est particeps: neutra ad morbum inclinans, quæ decidentia vocatur. Morbus autem alius simplex & leuis, quo facillè defunguntur homines; vel incipiens tantum & in principio suæ generationis: morbus gravis & anceps, cuius incerta est prædictio & euentus: morbus grauissimus, & ita periculosus, vt cum mors consequatur.

Quia verò omnes istæ constitutiones ita vocantur & censentur, respectu habito ad ipsam sanitatem perfectam, quæ est omnium regula & veluti index: ideo paucis etiam de sanitate differendum, vt sic viam nobis faciliorem paremus ad futuram de morbo & reliquis rebus præter naturam disputationem. Sanitatem ergo, quam Græci *ὑγίεια* vocant, velut summum corporis bonum, Antiqui *ἁγίαν* donarunt, & pro dea coluerunt, per cuius etiam sacra iurare non puduit Hippocratem in ipso operum suorum limine. Medici autem phisici rem ipsam & eius causas speculantes variè sanitatem definierunt: Aristoteli enim sanitas sæpius perfectio corporis dicitur: vt 3. *Topicor. cap. 1.* sanitatem in siccis & humidis ponit: robur in neruis & ossibus: pulchritudinem in quadam membrorum commensuratione. Galenus autem sanitatem aliquando per solam temperiem definit, vt *Aphor. 28. sect. 4.* *ὑγίεια ἐκ συμμέτρων καὶ ὁμοειᾶς*, vñ *ἡ ἀπὸ τῆς ὁμογενείας*: aliquando per solam partium symmetriam & commoderantiam: alias per vtrumque, vt in *arte parua*, dum dicit sanum corpus esse, quod bonam habet temperiem in simplicibus & primis particulis: in organicis autem bonam conformationem. Aliquando per actionem, vel constitutionem naturaliter se habentes, atque etiam per negationem, vt *lib. 1. de sanit. tuend.* *Sanitas, inquit, est constitutio, in qua nec doloribus cruciamur, nec in vitæ actionibus impedimur.* Prout igitur in nobis considerauit materialia quædam siue realia, elementa scilicet bene mixta, & organa recte composita: vel formalia quædam, proportionem scilicet commodam istorum componentium: vel denique potentiam quam ista habent ad actiones speciei dicatas, ita etiam variè sanitatem definiuit. Nos verò cum Galeno ipso dicamus, sanitatem potentia potius quam operatione definiendam, quia non semper agimus, aut functiones obimus: satis est si agere possimus vt dormientes: ac proinde sanitas, quemadmodum morbus, per *διαίτην* commodius definientur. Ita vt sanitas sit dispositio naturalis omnium corporis partium, quæ per bonam similitudinem partium temperiem, organicarum conuenientem symmetriam & vnionem functionum laudabilem causa existit. Nec obstat quod obiiciunt aliqui, sanitatem non esse ipsam constitutionem naturalem, sed perfectionem quæ est in ipsâ constitutione, cum ista cogitatione potius quam re ipsa differant, & apud Phisicos definitiones sunt vt plurimum causales, sonus est aeris collisio, id est ex collisione: epilepsia est obstructio, id est ab obstructione, & similia. Neque debet aliud esse genus sanitatis quam morbi, vt potè contrariorum. Addidimus autem in definitione, *omnium partium*, quia ad bonam sanitatem requiritur, non vnus aut duarum, sed omnium bona commoderatio: vt contra ad morbum vnus immoderatio sufficit: ad destruendum quippe vnum, ad construendum plura requiruntur, vt est in *Topicis*. Ideo etiam Hippocr. *lib. de natur. human.* sanitatis causas coniunctim protulit: ægritudinis autem disiunctim. Diximus etiam, *quæ existit laudabilem seu bonarum actionum causa*: quia non omnis constitutio aut affectus secundum naturam dicitur sanitas. V. gr. *Æthiopum nigritia*, *Germanorum flauities*, &c. affectus sunt illis secundum naturam, non tamen sanitas dicuntur, quia illa in eis consistit, quæ causæ rationem ad aliquod opus obtinent.

Sanitatis ergo causas scitè admodum explicauit Hippocrates *libro citato*, dum ait, *Sanum est corpus cum omnia se mediocriter habuerint, temperamento, facultate, & multitudine.* Etenim cum sanitas & morbus sint accidentia corporis, non habent materiale causam ex quâ fiant, quia materia propriè dicta assignatur tantum substantiæ compositæ, & materia est pars facti ex materiâ. Subiectum igitur cum sit accidentibus pro causâ materiali corporis viuientis (non enim sanitas & morbus, ex *libro de sensu & sensili*, fiunt in carentibus vitâ) partes quæ actiones edunt, subiectum tum sanitatis, tum morbi existunt: formalis autem illorum ratio erit secundum naturam & contra naturam esse: finalis, actiones obire & actionibus officere: efficiens autem externa multiplex, tam necessaria sub sex rebus non naturalibus comprehensa; quam non necessaria & fortuita. Interna principalis spiritus & humores, quæ Hippocrati contenta & impellentia vocantur secundum qualitatem, quantitatem, & proportionem, boni, mali, excedentes, mediocres, vel deficientes, moderati vel immoderati: sanitas enim & morbus pendent ab humoribus effectiue non materialiter, aut subiectiue, nisi admodum impropriè.

Quantitas autem eorum debita ad sanitatem stabiliendam requiritur, quia non sub quauis copiâ & multitudine humores commixtionem & temperiem adipisci possunt: nec multa paucis, ac magna paruis adiuncta mixtionem efficiunt, sed sub certâ ac mensuratâ quantitate consistere & naturaliter agere possunt. Qualitas autem; quia vbi sensibilis fuerit qualitatis humorum à naturali statu mutatio, statim oritur intemperies, quæ morbus existit. Proportio verò & bona humorum commoderatio; quia exacta proportionatæ quantitatis, & qualitatis humorum permixtio, est sanitatis efficiens causâ perfectissima, primo in similaribus partibus, in quibus consideramus duplicem vnionem, τῆς συνεχείας videlicet continuitatis quantitatiuæ, & συμφύιας continuitatis qualitatiuæ: mox in organicis & compositis.

Quod ad differentias sanitatis spectat, apud Galenum nullæ dantur, nisi maioris minorisque ratione; illiusque varietates, si quæ sunt, petit ex diuersitate functionum, quæ aliæ aliis sunt perfectiores. Quemadmodum enim niuis albedo, ab eâ quæ est in pariete, non differt, nisi quia magis est intensa: sic Socratis verbi gratia sanitas ab eâ quæ est in Platone non differt, quatenus sanitas; sed quod melior sit in hoc, quam in illo: cuius perfectio indicabitur actionum omnium, non vnus integritate, quandoquidem intemperati vnâ aliquando actionem perfectius edunt, quam exquisitè sanî. Vt enim in citharæ aut fidium consonantiâ vna est & insectilis, si summam & exactissimam intelligamus: quæ verò singulis diebus auditur, latitudinem maximam patitur: nam sæpe vbi citharædus percommode illam temperasse videbitur, alius peritior superueniens exactius temperabit. Sic sanitas vnica est, si perfectam spectes; plures verò eius differentię in variis hominibus, quos idcirco Galenus vocat sanos κατ' ἔξιν, κατὰ χρόνον, habitu, habitudine, vt nunc, vt semper, vt plurimum: idque cum maximâ latitudine, ne introducatur ἀνωμάθεια illa, quam Medici, vt absurdam meritò reiecerunt. Neque enim cuiusvis functionis imbecillitas morbus est, nisi præter naturam fuerit particularem indiuidui aut speciei. Quis hominum etiam bene sanus non malè videt, si cum Lynce aut Aquilâ comparetur? Quis non imperfectè audit, si cum Melampode? Quis non inualidis est pedibus, si cum Iphiclo, aut Achille conferatur? Attamen perfectâ frui potest sanitate, & functiones omnes secundum naturam exercere. Atque hæc de constitutione salubri sufficiant pro nostro instituto, nunc ad insalubrem siue morbosam transeamus, quæ est præcipuum huius nostræ tractationis subiectum. Notandum tamen prius, quod cum salubre, insalubre, & neutrum dicantur de corporibus, signis & causis: propriè enunciatum de corporibus, de aliis verò per analogiam tantum & quamdam similitudinem, prout scilicet sunt indicatiua & effectiua illarum constitutionum in corporibus.

PATHOLOGIE VNIVERSALIS

PARS SECVNDA DE MORBIS.

CAPVT PRIMVM

Quid sit morbus.



SAPIENTER est illud à veteribus dictum, multum esse laborandum in promendis scientiarum & artium principiis : illis enim bene constitutis cætera deinceps firmiter coherent, & ex illis inferuntur : quemadmodum ex falsis principiis nihil nisi falsum & absurdum subsequi potest : At in Pathologiâ morbi definitio obtinet vim principij & fundamenti totius futuræ disputationis, quare in illius naturâ describendâ & exprimendâ plurimum operæ ponendum est : morbos enim esse quivis facile etiam cum dolore ac cruciatu olim fortè expertus fatebitur. Quid verò sit morbus, & in quo eius consistat natura, non est ita compertum. Galenus *lib. 1. meth.* Iulianum & Menemachum ridet, qui cum multas de re medicâ institutiones scripsissent, nusquam tamen in illis ausi essent prodere, quid sit morbus : ibidémque Olympicum exagitat, quod ridiculas quasdam sanitatis & morbi definitionem ita latè patentem & generalem fecit, referente Galeno *lib. 5. de placitis* (definit enim sic, *Morbus est rei naturâ cognatâ ex aliquâ corruptelâ diffusio* :) Vt illa definitio videatur respondere generali Medicinæ idæ, quæ est omnium rerum medela à suâ naturâ recedentium : nec solum ad animæ corporisque morbos, tam in animantibus, plantis, quam inanimatis, sed etiam per quamdam analogiam ad ipsas civitates & politeias extendatur. Melius ergo, quod ad institutum nostrum spectat, morbum definiuit & expressit Iurisconsultus *leg. 1. ff. de adilio edicto. §. Sciendum*, his verbis : *Sciendum est, morbum apud Sabinum sic definitum esse, habitum cuiusque corporis contra naturam, qui usum eius ad id faciat deteriolem, cuius causâ natura nobis eius corporis sanitatem dedit.* Sed nos his relictis ad rei istius investigationem conuertamur.

Cum omnis nostra cognitio initium habeat à sensibus : ex sensilibus enim axiomata construuntur, quæ initia sunt & fundamenta scientiarum omnium, utpote quæ illarum sint principia omnibus : inveniendæ sunt nobis immediatæ quædam propositiones & communes sententiæ à sensibus proximè sumptæ, quibus hæc nostra stabilietur demonstratio. At quæ est de morbo hominibus confessâ notio? Nunquid ubi absque vllâ sensibili læsione omnes omnium corporis partium functiones integras exercent, se tunc bene valere arbitrantur : ut contra quando alicuius particulæ actionem aut non fieri, aut male fieri conspexerint, se tunc ægrotare & illam morbo teneri existimant : unde emanavit illud Hippocraticum *ὅτι ἂν λυπῇ τὸν ἀνθρώπον, τὸτο καλῶνται νόσος*. Quocirca quia hoc pro confesso habetur, oculum v. gr. sanum bene, ægrum malè videre, statim quæri solet quæ sit huius bonæ vel malæ visionis causa. Ad quod inquirendum mouemur alio axiomate, de quo etiam inter omnes convenit, *Nihil sine causâ fieri*. Itaque impossibile est, ut in alio morbum quæramus, quam vel in ipsâ actione læsâ, vel in læsionis proximâ causâ. At nemo doctus existimabit morbum esse actionem ipsam læsam, quandoquidem sanitas & morbus sub eodem genere utpote contraria reponantur, oportet : nisi quis in Thessali dogma à Galeno notatum *lib. 1. meth. cap. 7.* incidere velit. Quare neque morbum in ipsâ actione læsâ constituemus, sed in ipsâ læsionis causâ, quæ immediata sit & proxima. Quæ verò erit illa? Aut affectus corporis, inquit Galenus, aut corpus quoquo modo affectum. Non ipsum corpus aut membrum, quia illud modo sanum, modo ægrum existit : ergo certus corporis affectus seu dispositio naturali opposita. Vnde conveniens definitio elicitur à Galeno *libro de different. sympt. cap. 1.* *Νόσος ὅτι κατὰ φύσιν τῆς ὑσῆς φύσιν, ὡς ἡ ἐνέργεια βλάπτει τὸ σῶμα* : Et rursus : *Νόσος ὅτι διάθεσις σώματος ἐνέργειας τινὸς ἐμπεδοκλεῖται* : id est, morbus est dispositio seu constitutio corporis præter naturam, actionem illius aliquam primariò lædens. Quibus respondet illa Auicennæ definitio *sen. 2. libri primi cap. 1. doctr. 1.* *Ægritudo est dispositio non naturalis in corpore huma-*

no, ex quâ in operatione essentialiter prouenit nocumentum prouentu primo, id est immediato.

Videamus itaque definitionis propositæ ex Galeno particulas: vt ex earum peculiari explicatione morbi natura melius elucescat. Ponitur primum *κατασκευή* seu *διάθεσις* pro genere, quæ est prima qualitatis species generatim sumpta, quam apud Philosophum non solum pro dispositione, seu præparatione ad habitum, sed tam ipsam dispositionem, quam habitum includens: Fuitque adeo vsitatum & familiare hoc significatum antiquioribus Medicis, vt *διάθεσις* simpliciter dictæ apud Dioscoridem, Theophrastum & similes, imo apud ipsum Galenum morbos significant, vt *διάθεσις* *ώτων*, *διάθεσις* *κολική*. Hic affectus igitur, qui morbus seu *διάθεσις* dicitur, innuit quamdam essentia suæ *διαμότην*, partium *τάξιν*, positionem & constantiam, quâ distinguitur à simplici affectione seu pathemate, tertiâ qualitatis specie, vt docet Galenus 2. *meth. cap. 3*. Vt enim causa morbifica quamdiu agit & subiectum corpus immutat per suam *ἐνέργειαν*, inducit passionem siue affectionem *πάθος* siue *πάθημα*, *ἐυλυτόν* πῃ *ἐυκίνητον*, quod facile solubile & mutabile, quod suam habet essentiam *ἐν τῷ γήγι* in ipso fieri: sic morbus est terminus seu finis motus, qui sequitur illam alterationem, & iam ita habet suum factum esse in parte corporis siue essentiam independentem, vt sine causâ suâ subsistere possit deinceps, saltem antecedente. Verum dicet aliquis, si morbus sit finis & quasi terminus motus illius alterationis, quomodo per febres verbi gratia tantopere mutamur, cruciamur, & earum varia sunt tempora siue ætates? Respondeo, in febribus vt & in omnibus morbis esse aliquid facti, per quod morbi illi tales sunt & generationem suam adipiscuntur in nobis. Quoniam verò præsens humor verbi gratia putris suâ actiuitate multiplicat qualitatem illam morbosam, ideo hoc respectu esse in fieri; augeri autem & intendi, donec in hecticam & æqualem totius intemperiem peruenerit; vel remitti, quoties coctione vel expulsionem materialis illa & antecedens causa vincitur & eliminatur. Ætates autem morborum siue tempora respicere eorum augmentum & varias constitutiones, non autem generationem & essentiam. Quemadmodum enim puer verbi gratia ex adolescentiâ in constantem ætatem transiens, non mutat essentiam, aut generationem nouam acquirit, sed augetur tantum, & tandem decrescit: sic etiam morbi iam facti & geniti sua percurrunt tempora, in quibus variè afficimur, vt de his postea fusius dicetur.

Iam igitur posito morbi genere, ad alias definitionis partes accedamus. Dicitur *contra naturam*: quia cum sit sanitati è diametro oppositus, quæ maximè est secundum naturam, naturalis scilicet partium corporis perfectio; iure contra naturam est dicendus, vt suus stet quasi intermedius locus neutra constitutioni & affectionibus illis leuioribus, quas præter naturam tantum esse dicebamus. Ac proinde adiungitur, *actionem lædens*. Vt enim omnis affectus secundum naturam non est sanitas, nisi causæ rationem ad opus aliquod rectè edendum obtineat: sic morbosæ constitutioni verè competit, vt actionem aliquam impediat. Vtque Medicus est sensibilis artifex, morbi naturam magis contemplatur in eo quod actiones lædit, quam in eo quod est præter naturam, vel quod est certa quædam constitutio: quia per actionem læsam adesse morbum potius deprehendit, quam per alias condiciones propositas. Cum autem dicimus morbum actionem lædere, aut sanitatem optimas edere functiones, nolumus illud ita accipi, tanquam morbus vel sanitas essent efficientes in nobis actionum causæ: ipsa enim anima principium est & author omnium functionum in nobis: sed vt bona vel mala sit illa actio, requiritur certa partium & instrumentorum dispositio, quæ ad determinatam aliquam functionem edendam sunt comparata: vnde illi dispositioni, si bona sit, tribuitur actionum perfectio; si mala, læsio siue impedimentum earundem, velut instrumento.

Ponitur vltimò in definitione, *primo & per se*, vt causæ morbificæ tam antecedentes quam coniunctæ ab hac definitione excluderentur. Cum enim morbus sit ea dispositio, quæ proximè intercedit ad actionem lædendam, vt postea videbimus, necesse est causas, priusquam illam lædant, talem constitutionem introduxisse: ac proinde non primò, sed secundariò & mediata actionibus incommodum adferre possunt. Illud autem *per se*, excludit externos errores vel impedimenta. Qui enim ligatis pedibus verbi gratia non potest incedere, non dicitur habere actionem illam vitiatam per se, sed ab externâ causâ: qui non potest deuoratos lapillos aut acinos vuarum in ventriculo concoquere, non dicitur læsam habere illius coctionem, sed impeditam ratione obiecti. Auicennas autem hoc complexus est, dum *essentialiter*,

Aliquot obiectionum, &c. Cap. II. cix

ter lædere dixit, & morbos etiam sympathicos excludere ab hoc censu voluit, qui interuenientibus certis dispositionibus aliarum partium, quibus non insident, actiones peruertere possunt. Atque hæc de morbi definitione.

CAPVT II.

Aliquot obiectionum in morbi definitionem solutio.




AROMAXIAN in Medicinâ fugiendam esse, & logicas quæstiones vitandas vbique docet Galenus. Vt enim de nominum significationibus cito oportet conuenire, sic artem seriam inutili dubitationum multitudine, nihil ad finem propositum facientium, inuoluere, est hominum literis atque otio abutentium. Nobis itaque non est propositum omnes argutias minutatim persequi, ne in immensum crescat hoc opus: sed grauiora tantum, quæ deinceps occurrent dubia, diluere, vt tota hæc nostra doctrina clarior, & propositæ rei natura notior reddatur. Quod ad definitionem ergo morbi à nobis ex Galeno adductam & explicatam attinet: multis non omnino recipienda videtur. Quidam enim morbum, non sub solâ qualitatis specie reponendum esse censent, quandoquidem apud Galenum non solum intemperies pro morbosis affectibus habentur, sed etiam solutiones continui, numeri & magnitudines auctæ, vel imminutæ, tumores præter naturam, calculus in vesica, lumbrici, & similia, quæ potius ad substantiam, quantitatem & alias categorias, quam ad qualitatem referri possunt. Vnde orta est aliorum opinio, existimantium, morbum collocandum esse potius in simplici relatione, seu improportione illâ quam *diuerſiæ* vocant, quatenus respectu habito ad sanitatem excedit lineas moderantiæ & symmetrias, quam in qualitatis aut habitus certâ specie: illam enim immoderantiam esse fundatam in quacunque re siue causa, vt substantiâ, quantitate & similibus, ex quâ eiusmodi vitium proficisci potest.

Relictis ergo longis rationum ambagibus, quæ vtrinque in hanc sententiam adferri solent: dicimus omnes morbos vnum quid esse vniuseiusdemque generis participatione, quemadmodum omnes homines sub eadem animalitatis ratione positi sunt: morbum enim per diuersas vagari categorias aut aliquod esse transcendens, nemo Philosophiæ peritus concesserit. Ac proinde cum non possit esse substantia, cui nihil per se est contrarium, quæ neque intenditur neque remittitur, vt morbus solet: non possit esse quantitas, numerus, magnitudo, figura, situs, quæ ex se nullam agendi vim obtinent, cum morbi præcipua ratio posita sit in functionum læsione: ideo dicimus omnem morbum esse qualitatem corpori nostro aduenientem, nempe dispositionem præter naturam. Non quod omnis sit intemperies, aut à qualitatibus primis corpus nostrum immutantibus genita, sed ab omnibus aliis causis, quæ eiusmodi dispositionem *ἐμπροσθεν* functionibus infestam producere possunt: Vnde fundamentaliter, vt loquuntur Logici, videtur esse in multis categoriis, quando videlicet illa dispositio corpori adueniens pendet modo à substantiâ præter naturam in nobis productâ, aliquando à numero, figurâ, situ & similibus: quamuis formaliter perpetuò ad qualitatem reducatur, quæ ex istis emergit. Ac proinde cum non suppetent propria nomina, quibus Galenus & cæteri istas dispositiones significarent, coacti sunt causarum propinquissimarum & inseparabilium, quæ erant valde notæ, appellationibus eas insignire, licet tantum causæ sint; quod patet, quia sæpe in nobis sunt absque vllâ functionum noxâ: nec prius actionibus vim inferant, quam aliquam dispositionem, vt obstructionem, diuulsionem & similes excitant: vnde lapides in vesicâ, lumbricos, sextum digitum, & similia morbos appellant clarioris doctrinæ gratiâ: tum quia illud sufficiebat Medico curationem instituenti, nimirum naturam illius rei tenere in morbosâ constitutione, ex cuius sublatione tota dispositio præter naturam & functionibus noxam inferens tollebatur: tum quod eiusmodi qualitates molestæ, ex calculo verbi gratia, sexto digito & similibus, non habeant vim sese propagandi, quemadmodum illæ, quæ ab excessu caloris, frigoris & similium pendunt: hinc enim fit vt Medicus essentiam morbi per istos affectus organicos, eius *διὰ τὴν* & rationem potius in causis immediatis, quam in ipsâ morbi naturâ reponat, &

ex aggregato vtriusque causæ nimirum propinquissimæ & dispositionis illam consequentis, morbos magnitudinis, numeri, figuræ, situs & similibus constituat.

Quod ad relationem verò spectat: quamuis Galenus dixerit morbum sanitati comparatum esse *ἀμετρίαν*, immoderantiam & improporcionatum quid: & ipsemet Philosophus 7. *physic. cap. 3.* voluerit sanitatem & morbum dici ad aliquid: non tamen intellexerunt nudam quandam relationem, quæ in comparatione tantum posita sit, quæ rebus subiectis accidere potest absque vllâ earum mutatione: neque enim principium est aut terminus motus, ex eodem Philosopho 5. *physicor.* Sed voluerunt esse relata, sanitatem & morbum, qualitates scilicet positivas corporis nostri, quarum tamen respectu & comparatione modo sani, modo ægri dicimur, quemadmodum in reliquis qualitatibus contingere potest: & in hoc sensu sanitatem esse *συμμετρίαν* siue moderantiam concedimus, quia est dispositio corpori conueniens, & in mediocritate rerum naturalium posita: morbum *ἀμετρίαν* siue immoderantiam, quia est dispositio corpori infesta, & in excessu quodam earum rerum quæ corpus nostrum constituunt, posita: & sic habent inuicem respectum atque comparationem inter se, vt duo colores, vel odores, vel etiam virtutes aut vitia, & similia, quæ corpori aut animæ realiter accidunt. Atque hæc de morbi genere.

Præter obiectiones autem aduersus morbi genus propositas solent infinitos scrupulos & dubitationes aduersus reliquas definitionis partes adducere: quas non est nobis propositum nunc, vt dicebamus, minutius persequi: quia vel sunt argutiolæ tantum, parum ad institutum nostrum facientes: vel faciliè ex præmissis dissolui possunt. Vt tamen aliquâ ex parte illis satisfaciamus, tria nunc huic nostræ tractationi valde vtilia paucis explicabimus, nempe symptomata omnia fieri à morbo mediatè vel immediatè: potissimum verò actionem læsam, quæ *ἰσχυρίσθαι* & eminenter symptoma dicitur, & ab illo procedit ex Galeni sententiâ: Secundo agemus de morbo per consensum, & variis compatiendi modis, vt sic diuersa actionum læsio, quæ à morbo proficiscitur, melius innotescat: Tertiò de morbis fientibus & factis pauca disputabimus, quoniam illi *διαιωνίην* & permanentiam, quam Galenus morbo adscripsit ex fientis morbi naturâ, conuellere nituntur.



C A P V T I I I.

Symptomata omnia fieri à morbo mediatè vel immediatè.

PONAMVS itaque imprimis, quod iam sæpius à nobis dictum fuit, causas morborum, morbos, & symptomata propriè sumpta, de quibus hic agimus, ita esse res præter vel contra naturam, vt nullo modo intra sanitatis latitudinem subsistere possint. Ac proinde non quemcunque affectum lædentem operationes, vt etiam noxa sentiri possit, esse morbum, nisi is etiam præter naturam speciei, vt loquuntur, aut saltem ipsius indiuidui fuerit: verbi gratia temperamentum *πικρόχολον* seu valde biliosum reddit homines peruigiles, furibundos, male coquentes, fastidiosos: senium efficit tremulos, imbelles, & ad omnes vitæ actiones ineptos: hæc tamen constitutiones cum sequantur nativam temperiem vel decursum ætatis ordinarium, non possunt dici præter vel contra naturam: ita vt vigilia, & fastidium in bilioso, in sene tremor, non dicentur propriè symptomata, sed impotentia quædam hominibus secundum naturam contingentes: omnes enim potentia corporis nostri patiuntur tum symptomata, tum impotentias naturales. Quare vt Galenus lib. de different. sympt. admonet, diligenter attendere oportet & perfectè distinguere ab operibus animantis ipsa symptomata: sæpe enim ita inter se sunt similia, vt & symptoma putetur opus, & opus symptoma: vt nisi quis in hoc sano sit iudicio, in quibus ipse fallitur, disputationem accusabit. Hæc Galenus. Ex quibus constat, quasunque actiones à dispositione naturali, vel causâ externâ, aut obiecto ipso deprauatas, vel imminutas, si nondum morbus sit genitus, non esse symptomata, sed opera naturæ impotentis vel impeditæ: vnde etiam illud bene dictum, sanitatem & morbum non pendere à causâ primitiua. Quis enim existimauerit manum sani hominis vinculo constrictam ideo ægram esse, quod tunc apprehendere non possit: vel manum paralytici verbi gratia sanam, quæ alterius manu directâ

Symptomata fieri à morbo. Cap. III. cxj

directa literas exaret? His igitur ita distinctis, patet aduersus nouatorum obiectiones, vera symptomata, quæ contra naturam sunt, non nisi ab eis etiam, quæ contra naturam sunt, dispositionibus fieri posse. Videamus itaque, an omnia symptomata à morbis tantum; vel etiam à causis morbificis internis quædam exciteantur, & ab ipsis symptomatis: ita ut symptoma symptomatis alterius sit causa.


Primo quod ad causas spectat, videntur illæ omnia symptomatum genera immediate producere: fœtor enim v. gr. totius corporis in febre putridâ, aut sudoris & aliorum excrementorum, sit ex materiâ putridâ seu putrescente in nobis, cuius portio per *ἀναθυμίασις* eleuatur in vniuersam cutem, vel cum prædictis excrementis decidit: quemadmodum sapor acidus aut salus linguæ sit immediate ab hoc vel illo humore substantiam illius imbuente. Idem dicas de rigore per febres tertianas, qui excitatur ex humore bilioso & pungente, translato per extimas corporis partes: In phlegmone rubor, in erysipellate flauities ab ipsâ humoris tumorem committentis conditione pendet. Quare qualitates mutaræ plerumque & frequentius à morbi causâ, quam à morbo contingunt. Idem videre est in excretis. Nam si quis v. g. bene sanus immittat profundius digitos in fauces, vel maritimæ nauigationi insuetus sese committat, vomit proculdubio, nullo intercedente morbo: quemadmodum si humor è cerebro quamprimum desinat in asperam arteriam, tussim excitabit. In actione etiam læsâ, quam potissimum à morbo fieri volunt, illud etiam sæpe contingit à causâ morbificâ tantum: utpote si decumbat subito in ventriculum pituitosi aut biliosi humoris copia, corrumpet aut impediet ipsam concoctionem, nullo adhuc intercedente morbo, quia vomitu aut deiectione exclusâ, bene rursus & laudabiliter coquet. Quare in omni symptomatum genere pleraque sæpissime à causis fiunt proximè & immediate, non semper à morbo.

Symptomata etiam aliorum symptomatum esse causas immediatas tam est clarum, ut probatione indigere non videatur: nam actiones læsæ partium v. g. principum aut officialium ita manifestè peruertunt aliarum functiones, nullo in eis genito morbo, ut grauissimarum affectionum sint causæ: vitiosa *χολώσις* peruertit *ἀιμάτωσις* nullo hepatis vitio: *ἀιμάτωσις* corrupta totius corporis nutritionem labefactat. Attractrix renum aucta ut in diabete, ita vesicæ excretricem commouet, ut perpetuò quasi sit meiendum, vesica nullo morbo affecta, & sic de reliquis: Excretio immodica sanguinis, concoctiones ventriculi & aliarum partium peruertit, alui fluxus & similia excitat. Denique qualitates mutaræ idem præstant; nam color tunicæ cornicæ flauus aut ruber ita deprauat visionem, ut obiecta omnia flauo vel rubro colore infecta conspiciantur.

His ergo, ex præmissis à nobis distinctionibus, ita est satisfaciendum: Morbum semper esse causam mediata vel immediate cuiusvis symptomatis propriè sumpti, & quod sit præter naturam: non autem operis naturæ impeditæ vel irritatæ à causâ primitiuâ, vel obiecto externo. Item perpetuò immediate actionem ledere, id est primò & per se in morbis idiopathicis: in sympathicis autem contingere posse, ut quadam consecutione & per dependentiam, ut loquuntur, vnius partis primariæ læsa actio reliquis noxam inferat, & varia in illis symptomata inducat, quod nos non negamus. Ac proinde fœtor, qui contingit in febre putridâ, cum fiat à corruptela humorum, quam intemperies illa produxit, agnoscit morbum velut causam sui effectricem, quo tempora sua decurrente criticos vel symptomaticos eiusmodi humor, aut illius portio excernitur. Idem dicas de sapore illo acido aut falso linguæ: vel enim ipsius linguæ intemperiem sequitur, aut partis eius prauam coctionem, ex quâ in illam deriuatur. Rigor etiam præcedens febrem tertianam, est effectus biliosi succi delari per sensiles corporis partes, sed per intermediam intemperiem frigidam, ex recurso caloris ad interiora; aut vellicationem & punctiorem partium, quæ est species solutionis continui. Quemadmodum in phlegmone rubor, in erysipellate flauities sit quidem ab humore implente spatia alicuius partis, sed qui morbum eumque humoralem constituit, ad quem cum suâ causâ coniuncta isti affectus consequuntur. Idem dicas de excretis: quotiescunque enim vomimus immisso in fauces digito, vel agitatione naui & similibus, toties illudtribuendum est causæ primitiuæ, à quâ non verum symptoma excitatur: quemadmodum dum aluum deiecimur iniectâ aut glande aut sumpto pharmaco. Et illa tussis quæ fit fluente in fauces humore à cerebro, est sympathica, pendens à primario affectu, ex cuius vitio illa colligitur & profluit. Eadem est responsio de actione læsâ, quæ sæpe à solo obiecto impeditur, ut quando acini vuarum aut similia non concoquuntur in ventriculo:

ventriculo: quæ naturâ suâ aut propter nimiam quantitatem *αἵματι* recipere nequeunt: non ex vicio partis aut facultatis. Ac proinde omnia symptomata propriè dicta ad morbum proximè vel præcipuè referuntur.

Nam quamuis symptoma alterius symptomatis possit esse causa: id tamen fit vi prioris morbi, à quo aliqua actio læsa fuit primò & per se: vnde illa distinctio in morbos idiopathicos & sympathicos. Et *χύλωσις* peruertit *αἱμάτωσιν*, tanquam improporcionatum obiectum: & vrina copiosa vi renum attracta non lædit actionem vesicæ, nisi prius inducto aliquo morbo, sed tantum irritat. Denique excretiones immodicæ sanguinis & aliorum obtinent vim causarum, quatenus per illas inducuntur refrigerationes partium, & exolutiones spirituum; quæ deinceps coctiones lædunt. Flauus autem ille color corneæ tunicæ potest quodammodo dici morbus numeri in illâ parte, quæ visioni dicata expers esse debet eiusmodi colorum, vt excipiat externorum species puras & impermixtas, vt patet in aliis sensibus. Itaque facile est propositas obiectiones diluere, vt tandem concludamus, symptomata propriè dicta semper à morbo mediata vel immediata proficisci: actionem verò læsam propinquissimè in morbis idiopathicis, in morbis autem sympathicis per illorum dependentiam, vt iam clariùs dicemus.



C A P V T I V.

De morbo per consensum, & variis compatiendi modis.



SYMPATHIAM vulgò vocant compassionem siue consensum quemdam multarum rerum ad aliquid agendum vel patiendum, ex manifestâ aut incognitâ causâ: quemadmodum *ἀντιπάθεια* ad idem repugnantiam dicunt. Medicis autem, vt *δυσπάθεια* sumitur pro quadam conditione partium, aut totius, quâ difficile à quibusdam causis pati possunt: ita sympathia pro compassione partium corporis nostri ad inuicem, quando vnâ in alterius affectu consensum facile protrahitur. Prout ergo partes corporis nostri maiorem habent inter se societatem & connexum, ita facilius istas sympathias obtinent. Quamuis igitur apud Hippocratem *lib. de locis in homine*, omnia sint *συμπάθεια* in nobis, tamen apud eundem facilis est ac prompta compassio *τῶν ἀρχῶν ἢ τῶν περιφερειῶν*, principiorum & propaginum, vt cerebri cum nervis, & musculis: cordis cum arteriis, & sic de reliquis. Galenus autem ex sententia Sabini, partes illas maximè inuicem compati voluit, quæ vicinæ sunt, vel habent generis communitatem, aut officij societate tenentur. Ob viciniam enim musculi intercostales condolescent inflammata pleurâ: vesicâ calculo distenta intestinum rectum coarctatur & molestiâ afficitur. Ob generis autem communitatem membranosa partes & nervosa ita inuicem consentiunt, vt vnâ vel leuiter punctâ reliquæ veluti conuulsione tententur. Operis etiam siue officij societas multum ad illud potest; nam mammae, quas natura alendo foetui, vt vterum illius generationi dicauit, ita affecto vtero compatiuntur, vt malè se habente foetu, manifestissima illius signa in mammis habeantur: Ren vnus alteri inflammato vel calculis obfesso ita condolescit propter genus & officij societatem simul, vt apud Hippocratem, sæpius langueat & munere suo non perfungatur. Et sic de reliquis partibus, quæ sunt vicinæ, congeneres, aut sociæ eiusdem operis.

Quibus autem potissimum modis istæ partium syntimoriæ contingant, operæ pretium est scire, tam ad actum therapeuticum, quam diagnosticum, quemadmodum in consultationibus videre est: vnde illa apud Medicos nomina *ιδιοπαθείας*, *πρωτοπαθείας*, *δευτεροπαθείας*, quibus designare voluerunt affectus propriè insidentes partibus, primarios & secundarios, ex quorum variâ consideratione diuersa etiam præfagiendi & curandi ratio emergit. Hæc igitur partium sympathia Galeno dupliciter contingit, positiuè scilicet & priuariuè.

Positiuè quidem, quando aliquid ab vnâ parte in aliam deriuatur, siue sit qualitas tantum per *ἀγρίωσιν* aucta, siue materia, vt vapor, vel humor tenuis & fugax, qui aliquando ob quantitatem nimiam, ascititiam quamdam & extraneam qualitatē, vel etiam motum præposterum, malè afficiat partes istas in quas transfertur. Sic ex

De morbo per consensum, &c. Cap. IV. cxij

ventriculo sublatis vapores in cerebrum, vertigines & epilepsias, in aures tinnitus, in oculos suffusiones illas fugaces ingenerant, culicum & muscarum effigiem repræsentantes. In quibus affectibus per sympathiam ex communicatione materiæ genitis, illud est obseruandum, ut deletâ priore causâ à quâ pendebant, statim etiam deleantur: aliâs si sunt stabiles & perseuerent sine illius præsentia, iam *δευτερονόμοι* dicuntur: ut quando angina quæ prius ob simplicem sympathiam pulmones vexabat, iam factô humoris maiore decubitu, ut docet Hippocrates *Aph. 10. sect. 5.* transit in peripneumoniam: catarrhus delabens in ventriculum, exulcerationem in eo patit. Priuatione autem fit morbus sympathicus dupliciter: priuatione scilicet facultatis, quæ à principe parte in alias solita est influere: vel negatione materiæ, quæ est ad edendam functionem aliquam necessaria. Omnis sympathiæ ratio in exemplo vocis appositè declarari potest, cuius præcipuum organum sunt ipsi pulmones cum toto larynge. In istas itaque partes si catarrhus etiam leuior deerret, vel etiam ex musculis intercostalibus inflammatis ichores quidam resudent, fit vox rauca, clangosa, vel aspera: negata verò tantum facultate tollitur vox, quando præcisus nervus recurrentibus obmutescunt animantia, ut in canibus sæpe est exploratum: Et Galenus narrat illis frequenter contigisse, qui strumas colli per amputationem sanabant: aliquando inflicto vulnere vertebris dorsi, aut spinali medullâ obstructâ intercipitur vox cum illâ facultate animali, quæ debet musculos thoracis agitare. In vulnere autem thoracis pleuram penetrante, & obiectum lumen extinguente, deperit vox: quia effluit materia ad vocem edendam necessaria, nempe aer inspiratus, qui exfuffari deinde debet, & ad laryngem recurrere, ut vox efformari possit.

Quæritur iam utrum læsiones actionum istarum quæ per sympathiam contingunt, morbo sint adscribendæ, non solum primario, à quo causa illorum pendet (hæc enim vulgaris est solutio) sed etiam dispositioni partis illius, cuius est illa actio propria. Quando enim functio verbi gratia minimi digiti aboletur ob susceptum in cerebro vel spinali medullâ vulnus, certum est digitum illum verbi gratia paralyticum, si *σωματικὴν* illius *δύναμιν* spectes, nihil habere immutatum: attamen si rei ipsius naturam accuratius animaduertas, non potest se eodem modo habere quo prius, quando flexionem suam & extensionem commodè exercebat. Quid igitur est illud à quo actio ista impeditur? Dic esse passionem vel fientem siue incipientem morbum, à suâ causa omnino pendentem, quæ si diutius agendo perseueret, tandem proprium ingenerat affectum & dispositionem morbosam, ut est valde apertum in illis morbis, qui ex sympathiâ communicatæ vel negatæ materiæ aut qualitatis contingunt: diuturnitate enim temporis cerebrum vapores verbi gratia ventriculi recipiens, in suâ essentiâ ita labefactatur, quemadmodum pars, quæ priuatur spiritu aut alibili sanguine, ita refrigeratur aut marcescit, ut ex sympathiâ vera euadat *δευτερονόμος*, & factus confirmatusque morbus. At in negatâ facultate quæ est *ἐνέργεια* & quasi incorporea, non est ita manifestum: nihil enim digitus ille, ut dicebamus, paralyticus, videtur pati: quamuis animalis facultas in eum non influat: quia neque temperies illius, neque conformatio aut vnitas partium mutata videbitur, quantumcunque perduret, ut in aliis sympathiæ speciebus contingit. Dicamus igitur partes istas, quæ influxum animalis facultatis suscipiunt, considerari posse, vel ut sunt corpora viuientia tantum cum suis insitis functionibus ad nutritionem necessariis: vel ut sunt etiam instrumenta sensus & motus, quæ debent eiusmodi vim à nervorum principio repetere. Ut sunt viuientia tantum, certum est per istas sympathias nihil propriè pati, habent enim suam *συμφύσιν*, ut loquuntur, & *συγγενήαν* naturalem: At ut sunt instrumenta sensus & motus, maximè patiuntur, quia destituuntur eo quod est necessarium ad illos exercendos: ac proinde passione aut morbo tenentur fiente, ex cuius diuturnitate etiam gracilescent & valde immutantur paralytica membra, ut videre est in vsu quotidiano. Verum dicet ille, si in his partibus aliqua sit dispositio præter naturam, ad quod genus erit referenda? Non ad temperiem, quæ adhuc integra est; non ad vnitatem, quæ continua existit; sed ad vitium conformationis referri puto, quæ est in numero deficiente: deest enim illud quod est necessarium ad actiones exercendas.

Neglexit autem naturam istorum affectuum Galenus, quia nihil faciunt ad curandi rationem; non enim remedia paralytico verbi gratia digito sunt tunc ad mouenda, sed spinali vertebræ luxatæ, aut cerebro vulnerato, à quibus pendet eiusmodi interceptio. Ac proinde Medico therapeutico parui sunt momenti, quamuis in Pathologiâ de illis ita videatur statuendum.

CAPVT V.

De morbo facto & fiente.



QVAMVIS morbi facti & fientis disputatio commodius ad differentias morborum referri posse videatur: quia tamen ad perfectam propositæ definitionis explicationem pertinet: ideo libuit hoc loco illorum naturam paucis proponere. Illa igitur in fieri esse dicuntur *ἡ φύσις ποιεῖν ἢ ἐν τῷ γίγνεσθαι*, quæ tamdiu sunt, quamdiu fiunt: vnde artes quædam actiuæ dicuntur, quarum nullum opus apparet cessante artifice, sed illius actionem concomitantur, & simul cum eâ desinunt, vt saltatrix, cantoria, & similes, quibus factiuæ opponuntur, quæ opus post se relinquunt, vt fabrilis & similes. Aliæ verò dicuntur esse in fieri, quæ sunt adhuc in viâ seu motu vt fiant, siue respiciant alterationem tantum, siue accretionem suam, siue etiam generationem. Ex quibus Medici istas morborum differentias fientis & facti deduxere: Et Galenus *lib. 1. de locis affect.* valde laudat hanc morbi distinctionem, vt ad curandi rationem accommodatam: vnde *lib. artis parua & alibi*, non solum morbos quosdam in fieri, alios in facto esse statuit, sed quosdam etiam, qui partim in fieri, partim in facto esse positi sint. Contra *lib. 2. & 8. method.* item *lib. de different. sympt.* videtur hanc distinctionem reiicere, dum contendit omnem morbum esse factum: differre enim eo passionem ab affectu, quoddam passio sit alteratio & motus, qui adhuc sit circa materiam: effectus verò sit alteratio & qualitas, quæ post motum in materiâ manet. Quæ sententia magis congruere videretur cum proposito morbi genere, quando dispositionem, siue constitutionem præter naturam eum appellabamus.

Dicamus igitur illud fieri & factum esse in morbis variè sumi posse. Vel enim respicit causæ vim & præsentiam, à quâ fouentur & efficiuntur morbi: vel propriæ essentia morbosæ rationem, quatenus primum gignitur, accrescit, aut decrescit; vel ipsum subiectum, partem scilicet affectam æqualiter aut inæqualiter ab eiusmodi morbo immutatam. Quamdiu igitur morbus causæ suæ viribus & præsentia ita fruitur, vt ab eâ augeatur & sustentetur, tunc etiam in fieri dicitur Medicis: quia totus quasi à suâ causâ pendet, saltem in permanentiâ, vt loquuntur: quamuis in essentiâ suâ & propriæ naturæ ratione factus sit, utpote res similis ac vniformis, quæ statim in primo suo ortu dicitur perfecta. Quamdiu etiam morbus intenditur, augetur scilicet & sua percurrit tempora, dici etiam potest esse in fieri, videlicet motu accretionis, quemadmodum puer dum in virum assurgit. Denique ratione partis affectæ dicitur morbus in fieri, si illius temperamentum & propria natura parum sit adhuc immutata: in facto verò quando morbosa constitutio naturalem ita superauit, vt iam æqualiter omnes subiecti partes occupauerit. Vnde apud Galenum æqualis & inæqualis intemperies factæ & fienti respondent: & morbi hac ratione *ῥευμῶδεις*, leuiter scilicet in hærentes, aut hæctici vocantur: *lib. enim de inæquali intemperie*, Galenus repræsentat factam hanc intemperiem exemplo ligni, quod igni impositum ita exarsit, vt deinceps à foco exemptum nullam amplius ligni speciem repræsentet, sed tantum carbonis vel cinerum: & lanæ, quæ alieno colore imbuta, proprium & natium nullo modo amplius retinet.

Cum igitur tot modis fientes & facti morbi apud nostros auctores dicantur: certum est si pathologicè rem istam perscrutari velis, & secundum morbi essentiam tantum, ad quam respexit Galenus *loco nuper citato*, morbos omnes esse factos: sunt enim terminus motus ipsius alterationis & passionis, ad quem ubi primum peruenerint, gignitur dispositio illa morbosa, à quâ velut reuera existente, & iam per positionem quamdam suarum partium subiectum siue partem affectam occupante, læduntur eius actiones sensibiliter. At si therapeuticè rem ipsam perscruteris, quatenus scilicet viles indicationes exurgunt ad curandi methodum, certè commodius dices morbos illos esse fientes, qui adhuc à suâ causâ pendunt, utpote cuius sublatione sine aliâ remediorum ope euanescent: factos verò, qui peculiarem therapeiam exigant, ob *ἔξω* illam, & iam aliud impressum vestigium in partem: alios verò partim factos, partim fientes, qui quidem à suâ causâ præfente

De primis morbor. generibus. Cap. VI. cxv

sente augentur, habent tamen essentiam suam ita iam confirmatam, ut sine ea subsistere possint, quales sunt ferè omnes febres putridæ, & reliquæ intemperies humores, ubi diutius in nobis perdurarint. Et sic proposita difficultas facile dissolui potest, nec quicquam facit morbi fientis natura aduersus adductam à nobis morbi definitionem. Iam igitur ad eius diuisionem, inquirenda scilicet morborum genera & species accedamus.



C A P V T V I.

De primis morborum generibus.



GENERA & differentias rerum ex definitionibus colligi scribit Galenus lib. I. meth. cap. 3. & 5. Ideo proposita prius morbi definitione, ad illius diuisionem est accedendum, ut possimus morborum genera, species, & differentias inuenire, quantum ad Pathologiam vniuersalem attinet. Quamuis autem apud Galenum promiscuè genera, species, & differentia morborum pro eodem sumantur, ut est in meth. latâ quadam nominis significatione: ita tamen à nobis distinguuntur, ut differentia illæ essentialis & constitutiua generis vel speciei seiungantur ab accidentalibus, quæ communiter tantum differre faciunt, & desumuntur ex communibus morborum accidentibus vel proprietatibus, ut suo loco dicetur.

Ac proinde cum morbus ex accidentium genere existat, quod corporis nostri partibus inesse solet, patet essentialis illius & genericas seu primas differentias potissimum repetendas ex primis subiectis, seu partium primâ differentiâ, quibus inhærere solent. Inter partes autem corporis nostri cum ab Hippocrate recensentur, continentia, contenta, & imperum facientia, nempe partes solidæ viuentes, & ad actionem aliquam certam & determinatam comparatæ, humores, & spiritus: non videtur morbus in spiritibus & humoribus reponendus, qui propriè non viuunt, neque nutriuntur, sed per appositionem tantum partium reficiuntur. Si enim morbi in spiritibus aut humoribus reponerentur, quam quæso actionem læderent: cum istæ partes nullam ex se actionem edere possint, sed causæ tantum sint & communia instrumenta actionum edendarum? Potest itaque spiritus aut humor ægritudinis esse causa, dum suis qualitatibus v. gr. veras corporis viuentis partes immutat: sed ægrotare, aut morbi proprium subiectum esse non potest. Vnde illud vulgatum, & verum in Pathologâ, si de morbis intemperiei potissimum intelligatur: *Causas esse in contentis & impellentibus: symptomata in actionibus quæ à partibus proficiuntur: morbos autem in continentibus seu veris partibus, & ad vitam, actionem, vel usum comparatis.*

Porro cum partes illæ corporis nostri sub duplici contineantur differentiâ, similare videlicet siue simplicium, quæ ex consimili atque vniiformi materiâ constitutæ sunt: & dissimilare, quæ ex duabus vel pluribus simplicibus compositæ, organum aliquod peculiare conficiunt: sintque actiones duarum istarum partium, quatenus tales sunt, distinctæ, ut in Physiologiâ probatum est: Sequitur inde morbum illum qui similare, quatenus similes sunt, partium actiones peruertit similem: qui verò organicis partibus primario officit, organicum esse censendum: quod si aliqua sit dispositio, quæ vtriusque accidere possit, & earum actiones ex equo euertere, communem esse appellandum. At certum est similare partium perfectionem & quasi *εὐταλῆαν* in bonâ tēperie positam esse: organicarum in debitâ conformatione: in vtriusque autem requiri *συνέχειαν* naturalem, continuitatem, & contiguitatem propriam, ut vnum quid sint. Ergo tres etiam morbosæ & primæ constitutiones totidem constitutionibus secundum naturam oppositæ emergunt, nempe intemperies, mala structura seu conformatio, & continui siue vnitatis solutio, per se subsistentes & inuicem ita distinctæ, ut seorsim actiones partium corporis nostri lædere possint: quæ rursus suas habent subiectas species & differentias, ut postea ex vniuscuiusque subdiuisione constabit apertius: quam ad vnguem tenere & explicare oportet, tum propter insignem huius rei in faciendâ medicinâ, & consultationibus vtilitatem, tum frequentissimas super hac re neotericorum controuersias. Nunc igitur ad similis morbi differentias accedamus.



CAPVT VII.

De similari morbi speciebus & differentiis.

IRES esse dicebamus corporis nostri constitutiones naturales, quibus partium perfectio & actionum integritas constat, nempe temperiem, debitam conformationem, ac vnitatem: vnde tres esse primas constitutiones morbosas ostendimus, illis ex aduerso respondentes. Cum itaque morbi isti, seu primæ dispositiones contra naturam existant, videndum an habeant sibi subiectas species, & differentias. Cum autem intemperies proprius sit similarium partium morbus, quas naturâ & origine organicis, quæ ex illis componuntur, priores esse constat: ideo inter morbos primarium meritò locum obtinuit intemperies, de cuius etiam diuisione primò est differendum. Itaque morbum hunc plures recipere differentias, & sibi subiectas species, inde colligere licet, quod cum temperies ex quatuor elementorum siue qualitatum concursu ac debitâ mixtione emergat, quæcunque istarum à legitimâ symmetriâ & commodatione defleat, pariet variam intemperiem morbosam in parte similari: aliquando simplicem, si vnica tantum excesserit: calidam, frigidam, humidam, vel siccam: alias compositam, quoties duæ simul possibiles præter naturæ modum productæ fuerint, sub quaternario etiâ numero, calidam humidam, calidam siccam, frigidam humidam, frigidam siccam: vnde octo sunt species siue differentie morborum similarium extra latitudinem sanitatis, & sensibili actionum noxâ à totidem temperamentis distinctæ. Quamuis enim biliosus verbi gratia sanus, calidior sicciorque existat, quam par sit, ad iustam temperamenti regulam constituendam: attramen non dicitur morbosus, quamdiu actiones pro natura & conditione innati temperamenti exercebit, sed tantum si ab impulsu causarum externarum vel internarum propriæ sanitatis lineas excedens in febrem verbi gratia tertianam aut similes inciderit, & sic de reliquis.

Hæ sunt igitur propriæ & specificæ morbi similari differentie, quæ à numero qualitatum primarum & earum combinationibus desumuntur. Quia tamen aliæ sunt ad omnem medicam actionem vtilis, ideo Galenus illas ita persequitur: Omnis intemperies, inquit, morbosa, vel in totum corpus incidit, vel in vnâ aut plures partes: Rursum vel est nuda simplexque qualitas ab exteriori tantum causâ profecta sine interioris concursu: quæ intemperies immaterialis dicitur apud Medicos: vel cum qualitate, iuncta est etiam interior causa materialis, humor, vapor, aut flatus, qui intemperiem cum materiâ dictam constituit, morbum scilicet vltimatissimum & notissimum, sub quo tumorum præter naturam variæ species continentur: quorum in ipso generationis limine, magna est & valde manifesta cognitio, ob repletionem tensionemque partium ab alienâ materiâ: cum nudæ illæ qualitates & immateriales non facile distingui internoscive possint, nisi iam plurimum à cõsuetò statu discesserint & functionibus insignem noxam afferant. Apparent tamen aliquando tam in toto quam in partibus, verbi gratia calida intemperies totum corpus immaterialiter infestat, præcipuè verò cor, per hæticas illas febres primarias, quæ vi & impetu causarum externarum statim in partem solidam imprimuntur: in partibus etiam καύματα ista & πυρεκτώσεις sæpe apparent, vt in capite per simplices cephalalgias & vehementi æstu: vnde σιελαίσις: in tibiis per hyemē sunt Φαλδὶς & Φανούρσις circuli rubicundi ab igne excitati, quos Plinius vocat crurum maculas & varietates igneas. Frigida quoque intemperies in toto corpore immaterialiter contingit, vt in iis qui sub vehemēti aquilone iter aggressi, aut qui in prægelidis (vt narrant de Alexandro Magno) aquis nantes semimortui & rigidi apparuerunt. In extremitatibus verò, pedibus videlicet aut manibus ψυχμὲς istos & ψύξεις perfrigerationes & gelidationes ab antiquis dictas sæpius cõspicere solemus, vtpote quibus ex nimia refrigeratione emortuis non rarò decidere accidit. Sicca item intemperies sine humore fit ab exhausto per omnes corporis partes, vt in fame, longis hæmorrhagiis, marasmo senili & similibus: vel etiam in particulis propter obstructiones, aliaque viria suo genio & alimoniâ priuatis, quæ velut sale exiccata contabescunt. Humida verò intemperies vix sine affluxu humoris noui

De dubiis in morbos &c. Cap. VIII. cxvij

noui in toto aut partibus contingere potest. Galenus *lib. de præcogn. ex puls. cap. 8.* humidæ intemperiei sine materiæ accursu aut generatione nouâ, adfert exemplum vxoris Boëthi viri Romani & Consularis, quæ præ mollitiæ & laxitate partium vix incedere poterat. Idem dicas de intemperiebus ex duplici qualitate constantibus, quas Galenus aliquando, vt *lib. 2. de med. compos. secund. loc. cap. 2.* vocat simplices, si sine affluxu materiæ contingant, respectu causæ, non qualitatis, vt dicebamus.

Denique idem Galenus diuidit omnem intemperiem in fientem & factam æqualem & inæqualem, de quibus à nobis in superioribus iam disputatum fuit. Reliquæ differentiæ, quæ huic morbo similari, aliisque contingere solent, & authoribus nostris fuerunt vſitatæ, suo deinde loco à nobis proponentur. Iam ad quædam dubia, quæ in morbum similem adferri solent, accedamus.



C A P V T V I I I.

De quibusdam in morbos similes dubiis.



Æ c ita à Galeno de similari morbi differentiis statuta, non leues tamen patiuntur difficultates. Cum enim positum sit octo esse intemperies: quatuor simplices, ex simplicium qualitatū excessu: quatuor compositas, ex duplici possibilium excessu, qui quadruplex etiam est: idque cum materiâ, vel sine materiâ: Dubitatur primò, an sit aliqua intemperies sine humore aut materiâ: Secundò asserunt quidam, nullam dari simplicem intemperiem ex vnius qualitatis excessu: Tertiò è compositarum numero tollendam calidam humidam, frigidam siccam intemperiem: ac inter compositas reponi posse quamdam, quæ calida simul sit & frigida: quamdam quæ humida simul & sicca: Quartò cum morbi isti intemperamenti similes dicti sint, vt in similaribus partibus inhærentes: organici quod in instrumentariis: non videtur tamen aut similari morbus similes tantum, sed etiam organicas actiones lædere: ita & organicus aliquando similes. De quibus omnibus est videndum.

Primò igitur nullam esse intemperiem nudam sine materiâ & humoris affluxu, dubitarunt Erasistratei, vt refert Galenus *lib. de locis aff. cap. 1. & lib. 7. meth. cap. 2.* Quandoquidem & ab Hippocrate omnis morbus vlcius sit appellatus, & affectio illa in quâ non est ὄγκος tumor, humorisque collectio, potius imbecillitas sit censenda, quam verè morbus. Præterea cum corpus nostrum triplici constet substantiâ, solidâ, scilicet, spirituosâ & humoralis: non videntur qualitates illæ primariæ aptius quam in humore ipso collocari posse maximè patibili, earumque susceptibili: ac cum omni ferè morbo dolor sit adiunctus comes, fiet attractio per dolorem copiosi humoris, vt certè etiam calor in morbis calidis potentissimè trahit. Sicca porro intemperies quomodo sine materiâ inuenietur in nobis, cum extrema illa siccitas omnis humoris exclusionem designet, quæ adesse non potest quamdiu viuimus: ita vt siccitas illa in viuentibus non possit esse nisi ab humore potentiâ sicco & exsiccante, bilioso videlicet aut melancholico. Humidam autem intemperiem esse absque humore, ridiculum putant. Verum illis non erit difficile respondere ex prædictis, cum sciamus nos hîc per materiale aut immateriale intemperiem causas efficientes horum morborum designare, non subiecta aut suscipientia eorum. Quamuis igitur concedamus frequentiores, grauiore, ac consideratione medicâ digniores, eos esse intemperamenti morbos, qui ex humoris affluxu tanquam efficiente causâ fiunt: non tamen inde sequi, vt sine hac causâ interiore humoralis agente nullus produci possit, cum & quotidiana experientia causarum externarum calefacientium, refrigerantium, id satis ostendat, quæ partes afficiunt, suisque qualitatibus immutant, vt exemplis prius adductis satis fuit comprobatur. Præterea cum materiales & immateriales dicimus has intemperies, non tam ad humores, qui in parte ægrotante positi sunt, respicimus, quam ad affluxum nouæ materiæ, quæ ab aliis in eas irumpere debet. Poterit itaque esse caliditas verbi gratia in partis cuiusdam humore proprio, qui tamen immaterialis dicitur, quamdiu nulla ingruet ex aliis

cxviii Ioan. Varand. Patholog. vniuersalis.

fluxio : quamuis enim & dolor & calor trahant , non tamen semper ita insigniter trahunt , vt sensibiles istos humorum affluxus ὄγκους tumores aut vlcera in omnibus partibus efficiant . Item sicca intemperies aderit in viuentis toto corpore aut partibus , quando propter exhaustam propriam humiditatem sicciores multò (sic enim comparatè est intelligendum) quam priùs apparent . Denique humida intemperies erit in partibus absque humore non proprio partis , sed alieno , quando scilicet partes mucosæ & flaccidæ apparent per excessum passiuæ huius qualitatatis in parte , absque vllò nouo confluxu : quod facîle fieri posse , causis potissimum externis adiutantibus , nemo est qui non facile concipiat .

At qui nullam dari simplicem intemperiem ex vnius qualitatatis excessu contendunt : primum id probant in intemperiebus quæ ex affluxu materiæ fiunt : cum enim pendeant ab vno corporis nostri humore , quorum vnusquisque duplici qualitate præditus est , fiet etiam semper ab illis composita intemperies . Sine affluxu autem materiæ intemperies fiunt à causis externis , quarum omnes cum duplicem habeant qualitatem : vel enim sunt simplicia , vt elementa ; vel mixta ex illis : duplicem etiam ac compositum ingenerabunt excessum qualitatum . Quare perpetuò erit duplex , nunquam simplex intemperies . Verum demonstratio quâ ipsemet Galenus vtitur *lib. 1. de temperament. cap. 8.* vt probeat quatuor esse temperamenta simplicia , sufficiet nobis vt ostendamus , totidem etiam esse intemperamenta . Nam si qualitates actiuæ sibi vtramque ex passiuis adiungere possunt intensam , vt verbi gratia , sit caliditas morbosæ cum siccitate morbosâ , cur non sibi adiungat eandem siccitatem moderatam , quæ morbosæ non erit ? Idem dicas de humiditate aut frigiditate ; ita vt quamuis duæ simul sint qualitates , quia tamen aliquando vtraque est morbosæ , ideo composita intemperies dicitur : quando verò vna tantum actiones lædit , tunc simplex & vnica qualitatatis immoderantia iure appellabitur : siue enim causæ internæ humorales agant , siue externæ , propter causarum commixtionem sese in vnâ qualitate intendunt , in vnâ contemperantium , propter aptitudinem maiorem aut minorem agentis vel suscipientis , fient intemperierum excessus simplices : Verbi gratia sit aër intemperatus ad calidam humidamque intemperiem : sint alimenta frigidiora humidioraque , frigiditas ciborum contemperabit caliditatem aëris , ne morbosam dispositionem calidam in nos inducat : humidam autem augebit , quæ sola erit in excessu : sic bilis iuncta sanguini , vt eius humiditatem suâ siccitate temperat , ita eius caliditatem intendit , ac proinde intemperiem in excessu simplicem , nempe calidam generabunt . Sic hepar calidum & siccum propriâ temperie , ex vsu refrigerantium & exsiccantium , vt eius caliditas contemperatur , sic siccitas sola augetur , & morbosæ euadit . Quare simplices dabuntur intemperies , vt & temperamenta simplicia ex aptitudine variâ agentis & suscipientis . Nunc ad tertium dubium veniamus .

Contendunt multi , vt etiam Galenus refert *lib. 6. de sanit. tuend.* nullam esse intemperiem morbosam calidam humidamque , nullam frigidam siccamque : & esse intemperiem à Galeno receptam , quæ calida frigidamque sit simul , quæ humida siccamque existat . Primò de calidâ humidâque dicunt morbosam eam esse non posse , cum sit principiis vitæ nostræ consentanea , quæ in humore caloremque sunt posita . Deinde cum in omni constitutione morbosâ , excessus sit & intensio maxima qualitatum , sit vt calor ita excedens & intensus non possit subsistere cum humiditate ita excedente & morbosâ , sed dissipando exsiccandoque sibi comitem facere siccitatem . De frigidâ item & siccâ pater , frigus intensum sibi illico humorem accersere , ac in corporibus nostris cruditates immensas parere , quæ synatrisimos succorum faciunt celerrimos & intemperies humidæ . Verum contra istud dicimus , intemperiem calidam & humidam morbosam frequentissimam esse , propterea quod calida humidamque , si non dissidentur ventilenturque , maximè sunt putredini obnoxia : vnde totus ille status tam in vobis quam extra nos , vt in aëre & diatrâ dicitur Hippocrati σπυροδονώδης putredinosus , vt videre est in descriptionibus epidemiis : quamuis enim sint cum principiis vitæ nostræ analogæ , non sequitur hinc morbosæ esse non posse , cum sæpe ea quæ sunt naturâ suâ optima , & maximè salutaria , si excesserint & in contrarium naturæ suæ modum labantur , maximè sint perniciofa , & vitæ humanæ insensæ : cum semen ipsum & sanguis in venenatas prope qualitates degenerent , dum corrumpuntur : vnde in hominibus epileptici insultus , furores in mulieribus , suffocationes vterinæ , syncopæ & similes grauissimi affectus . Caliditatem quidem excedentem humorem tandem absorbere fatemur : at non illicò ,

De dubiis in morbos &c. Cap. VIII. cxix

illico, ac proinde illud tempus sufficere ad morborum etiam tenuissimorum constitutionem, ut patet de febribus putridis sanguineis, in quibus ut caliditas humiditatem iuncta excessum utraque morbosum pariunt: ita si diutius perdurent, in intemperiem tandem desinent vel calidam tantum, ut causum; vel calidam & siccam, ut hecticam, ac tandem frigidam & siccam, maiori in dies facta calidi & humidi nostri dissipatione, quae marasmus appellatur: Nemo tamē negauerit ob successiuos morbos priorem febrem ex duplici excessu constantem, morbum fuisse. Idem dicendum de intemperie frigidam siccamque: quamuis enim frigoris excessus in nobis humorem coaceruet & cruditates accersat, nihil tamen obest, quin duae illae qualitates iunctae morbosae sint tamdiu, quamdiu ita corpus nostrum afficiunt: imo verò in senibus ad vitam usque extremam periodum perdurant, neque ab excrementorum proluvie quibuscatet senectus, immutari possunt: sed tandem mortem illam naturalem inducunt.


Nunc verò maior instat difficultas, an scilicet inter intemperies istas compositas, admittenda sit calida frigidamque simul, humida siccamque simul: duae scilicet contrariae qualitates, & ex diametro oppositae: sicque augendus sit numerus intemperierum compositarum. Id Galenus recipere videtur *lib. de causis morbor. cap. 6. Contin- git*, ait ille, *licet fieri non posse videatur, ut idem corpus simul calidius & frigidius, aut si- mul & humidius & siccius, quam pro naturali habitu reddatur.* An non in febre epiala frigus calorque simul in eisdem partibus κατὰ μικρὸν & δι' ἐλάττωσιν sentitur? An non in lipyriis extrema algent, interna vruntur? Et qui v. g. perfrigeratas admodum habent manus, si eas vehementissimo igni exponant, nonne dolorem sentient intensissimum ex duorum contrariorum in parte illa existentium simul pugna & conflictu? Sit aliquis sub sole ardenti nudus, cui frigida aqua affundatur, is eodem tempore, & calorem radiorum, & aquae frigiditatem in eisdem partibus sentiet. Idem dicas de humiditate siccitateque, simul eas esse posse: cum enim corpora senum & sicca dicantur, hoc est priuata humore benigno & alibili: & humida perfusione humoris alieni atque excrementitij, cur non idem contingere poterit per affectus morbosos? Vnde patet compositas esse posse intemperies ex contrariis qualitatibus quarum utraque sit morbosae. Nos quid sit respondendum videamus.

Primum ex constanti illo Philosophiae decreto, *duo contraria realia intensa non posse recipi in eodem subiecto adequato*: dicimus idem non posse moueri motibus contrariis, eodem loco, & eodem tempore. Quapropter non posse esse compositam intemperiem ex duabus contrariis, quae in una eademque parte, ac eodem tempore dispositionem morbosam ingeneret; sed id vel fieri in diuersis partibus, ut in inaequali temperie: vel in diuersis temporibus contingere, quod nos non negamus: propter tamen & partium & temporis exiguitatem sensum non discernere illam varietatem. In lipyriis itaque febribus manifestum est alias partes, interiores scilicet erysipelate obsessas exuri; alias, nempe exteriores, calore priuatas, qui ad centrum est reuocatus, vi flammæ illius dispositionis, algere. In epialis cum gignantur ex pituita frigidissima inaequaliter putrescente, quae per corpus, exteriorem potissimum habitum delata, pars putrescens calorem, non putrescens frigus inducit; certum est id non fieri secundum eandem particulam: nam sic oporteret illas portiones pituitae & seipsas penetrare, & particulas corporis subintrare: sed ob exiguitatem, ut dicebamus, sensus contrarium iudicat. Sunt itaque duo morbi; alter calidus, frigidus alter, non vnus ex his duobus compositus. Quemadmodum multi simul dolore & voluptate afficiuntur: ut qui prurientem scabiem scalpunt, quia aliae partes dolent ex repletionem & mordicationem humoris vitiosi: aliae verò voluptatem percipiunt ex vacuatione eiusdem per frictionem illam & attractionem: aut saltem id fit successive. quamuis fluxus ille indistincte percipiatur. Eadem est ratio eius qui sole calfactus frigidam perfunditur, & qui algentem manum igni offert: ex subita enim contrarij expulsionem per contrarij aduentum fit dolor, quod cum frequentius reperatur ex ardore & perfrigeratione inductis, ideo videtur simul easdem contrariorum dispositiones suscipere in eisdem partibus, quamuis minimè sit in eadem aquata portio: aut dic non facere simul compositam intemperiem in subiecto, sed potius sese inuicem oppugnare. Quod attinet ad Galeni auctoritatem, certum est eum ibi agere de inaequalibus intemperiebus duabus, quarum una hanc, illa verò istam partem obsident, quod nullus negat; sed ex illis duabus fieri mixtam intemperiem vnicam non intellexit: quoniam potius ex illis duabus fieret reductio ad mediocritatem & temperationem. Quod in rebus externis facile est videre, ex permistione scilicet frigidae cum ardente aqua ψῆσιν & teporem induci. Et omnis re-

missio ex contrarij fit permissio. Eadem est ratio intemperiei humidæ & siccæ. Vt enim senes partibus solidis sicci sunt, quoad excrementa & primas vias humidi, sic etiam duæ intemperies morbosæ contingere possunt, quarum vna has, illa vero alias partes oblideat, actionesque variè lædat, quemadmodum febris sæpe hectica cum hydrope, marasmus cum catarrho & similes cōplicantur. Iam igitur ad alia transeamus.

Superest vltimum illud quo quærebatur, an similes morbi organicarum partium functiones per se lædant, & organici similium, quod non esse debet, si dispositiones istæ ad proprias suas functiones exercendas sint destinatæ. Sunt tamen qui illud asserere audeant, idque, vt aiunt, ex Galeni ipsius sententiâ: qui lib. 3. de sympt. causis, de concoctione ventriculi agens: *Malè, inquit, eoquit ventriculus actione eius læsa, per intemperies quidem natura rei ôνείων τὰυτὰς βολὰς: per alios autem morbos quicunque simpliciter sunt organici, impeditur solum: at per illos qui ex intemperie & organico morbo compositi sunt, utroque modo.* Ecce quomodo hîc Galenus manifestè velit concoctionem, quæ actio est similium & temperie perficitur, non solum ab eâ vitiatâ, sed etiam ab organicis morbis vitiari: quod in aliis appositione exemplorum illustrari potest: sic enim sanguificatio, assimilatio, ab obstructione impeditur & similibus: quare actiones similes ab organicis morbis, vt organicæ à similibus læduntur. An non febris ambulationem, apprehensionem, itationem, instrumentarias functiones, vires deiciendo non solum deprauat, sed etiam tollit? An non intemperies humoris v. gr. crystallini visionem impedit? Vnde sequi videtur promiscuè istas actiones à quibusvis morbis lædi.

Sed contrarium esse verum multa suadent nobis incommoda, quæ in hanc sententiam incidere possunt: nam cum anima sit principium in nobis quod agit, corpus instrumentum quo agit, certum est animam impartibilem & immutabilem, non ex sui vitio, sed ex organi dispositione malas actiones edere, atque in certis partibus certas exercere. Vt enim non in oculo audit, sed videt; non in aure videt, sed audit; sic in parte similari actiones similes in organo organicas exercet, per proprias earum dispositiones vel bonas vel malas. Fieri igitur non potest, cum dispositio bona vel mala sit proxima causa agendi, & similis operatio ab organicâ sit distincta, eam dispositionem esse causam proximam & per se illius operationis læsæ, quæ ab aliâ dispositione diuersâ pendet. Sic enim coinciderent membra contra se diuisa. Sic diceretur actio læsa eius partis, cuius dispositio esset integra & sana, quod impossibile esse prius fuit ostensum. Sic denique euerteretur cunctis diagnosticè locorum affectorum, quæ sit per signa ex actionibus potissimum læsis petita, ex quibus datur statim colligere eam partem esse morbo detentam, cuius functio læsa apparet secundum eam dispositionem, quæ eius operationis est proxima causa. Quod cum esse non possit, dicimus, vt in sanitate actiones hæc distinctæ à partibus distinctis, & variis earum dispositionibus exercentur: sic in morbis illas lædi, prout dispositiones istæ mutantur, & morbosæ existunt. Fieri tamen in functionibus mixtis, quæ vt à temperie inchoantur, sic à conformatione perficiuntur, vtrumque morbum actiones istas lædere & impedire: intemperiem quidem primariò, post vitiatam conformationem, prout ab hac vel illâ magis pendent: vt fit in chylicatione, sanguificatione, & eiusmodi mixtis operationibus, quæ ab eis pro exemplo ad suam sententiam confirmandam ex Galeno adducebantur: in aliis verò per accidens & secundariò, vt quod dicunt de febre & aliis intemperiebus, quæ organicas actiones impedire solent: In organicis enim supponere debemus materiam imprimis rite dispositam, nempe partes ipsas similes, ex quibus organicæ constantur: illarum namque vitium non lædit per se ipsam conformationem, aut actiones organicas, sed per accidens: quemadmodum febris exhaustis spiritibus, consumpta triplici nostrâ substantiâ vires omnes labefactat, & proinde sensus & motum deprauat, nullâ in organicis, quatenus organicæ sunt, deprauatione existente, sed ex accidente materiam ipsam organicarum, nempe similium æconomiam & vim corporis demoliendo. Idem de impeditâ visione, & aliis particularibus dicendum, quæ ex accidente à morbis intemperamenti læduntur: nam intemperies crystallini humoris primò lædit actiones ipsius crystallini similes, ex quibus si subsequatur vitium in tenuitate, luciditate, colore aut similibus, organicas dispositiones spectantibus, fiet læsio actionis ipsius organicæ secundariò. Vel quia in illis certa est pars similis, quæ primarium est quodammodo instrumentum illud actionis à quo inchoatur, actiones illæ quodammodo mixtæ dici poterunt. Atque sic soluta sint dubia in morbos similes proposita: nunc de morbis materiæ & formæ agamus.



C A P V T I X.

De morbis materia & forma.



A c nostrâ ætate Paracelsus, Fernelius, Argenterius multum rem medicam nouis quibusdam inuentis sese iuuisse & auxisse gloriantur: inter quæ primas dant huic nouo morborum generi, quod totius substantiæ appellant: Paracelsici enim nihil aliud quam formales, substantiales, essentielles, ideales morbos, cum remediis suis, si dils placet, formalibus, substantialibus, & specificis iactitant: quorum vanitatem sequutus est Argenterius, formæ morbos, vt etiam medicamina, admittens. Fernelius verò non solum formæ, sed etiam materiæ morbos sese inuexisse gloriatur, veteribus ignotos ac incompetos, cum magnâ medicæ artis iacturâ & incommodo. Verum cum nulli quantumuis diserto fides sit adhibenda, nisi vera dicat, & sententiam suam firmissimis confirmet demonstrationibus: ideo in primis sciendum, quid sibi velint per morbos materiæ & formæ: cur sint ab illis inuenti: quibusque rationibus confirmati. Primò morbos istos materiæ & formæ non inter instrumentarios, non inter communes reponunt, sed similes esse volunt, ac partibus simplicibus inhærentes primò & per se, earumque actiones lædentes: quod ex propositâ à Galeno methodo sic inquirunt.

Cum in illis partibus tria spectentur, materia, temperamentum & forma: vt horum tertium naturalis constitutio & symmetria sanitas est: ita vniuscuiusque immoderatio & ametria, quæ contra naturam euaserit, morbus erit censendus. Sit igitur intemperies temperamenti, inquirunt, immoderatio materiæ, corruptela formæ, morbi distincti in partibus similaribus, prout dispositiones sunt materiales, formales, & complexionales, vt ita loquar, alias sub se species continentes. Vt enim sub intemperie octo reponuntur intemperamenta, sic sub materiæ immoderatione mollicies & durities, laxitas & adstrictio, tenuitas & crassities, raritas & densitas collocandæ, vt illius proprii & varij affectus, per quos contingit actiones similarium violari. Sic etiam sub formæ corruptelâ varij sunt morbi, qui partium substantiam primò & per se labefactant. Nam vt insitus spiritus, & diuinus illius calor & facultates ipsaque forma à causis manifestis vel occultis læduntur: sic etiam morbi huic subiecti causæ suæ naturam redolentes, vel sunt manifesti, vel occulti. Manifesti rursus, vel sunt cum putredine ex primarum qualitatum intemperie natâ, vt vlcera maligna & partium putredo: vel sine putredine, per dissolutionem spiritus innati, vt contingit vigiliarum, laborum, inedia, dolorum atrocitates: aut per extinctionem caloris natiui, vt contingit per strangulatus & summas aëris frigidioris inclementias. Occulti autem à cæcis causis totam substantiam oppugnantes tripliciter diuiduntur, in venenatos, tam ex assumpto quam intus genito veneno: in contagiosos, qui ex occulto seminario ortum habent seseque propagant, vt accidit in venenis, quæ non assumuntur, sed exterius in nos agunt: & morbis sine febre ac putredine contagiosis, lue venereâ, elephantiasi, & similibus. Denique in pestilentes, quorum alij grauiiores, at satis vsitati, qui ex aëre cœlestium corporum viribus inquinato, suscitantur, vt febris verè pestilens, carbunculus, bubo pestilens: alij insolentes & insusitati, ex nouis syderum concursuibus permutationibusque geniti: qualis fuit ludor Britannicus nostro sæculo. Alij denique leuiiores & vsitati, vt exanthemata, ecchymata, purpuratæ febres & similes.

Hæc est genuina Fernelij sententia de morbis materiæ & formæ, quam proposuit in suâ Pathologiâ absque demonstratione, & libris de abditis rerum causis, quos longè antea ediderat, multis rationibus hinc inde confirmare conatus est. Nos eas postea fideliter ac sedulò recensebimus, diligenter & accuratè confutabimus, vt rem non pauci momenti, & quæ iam multorum animos occupasse videtur: si prius quædam proposuerimus, quæ ad totius rei clariorem intelligentiam facere videntur.

Imprimis igitur illud reuocandum est in memoriam, quod à nobis sæpe dictum est de naturâ partis similis & actione illius: Partem quidem similem, quatenus

quatenus est talis, similem sibi vbique esse, & actiones suas insitas, quæ quadruplices recensentur, attractionem, retentionem, coctionem & expulsionem exercere vi temperamenti per totas diffusi, quod ab influente iuuatur & excitatur: Quamuis enim illæ, vt quantæ sunt & terminatæ, magnitudinem habeant & figuram, certumque suæ constitutionis modum, quæ laxæ vel densæ, leues aut graues dicuntur: certum tamen est hæc nihil conferre, iuuare, aut lædere simularium actiones, nisi aliqua primarum qualitatum excesserit. Porro cum actiones sint compositorum, non cõponentium, vtque anima sola nullam actionum istarum edere potest, sed organo corporeo vtens, pro cuius modo & variâ constitutione nunc bonam, alias malam edit operationem: sic etiam certum est sanitatem & morbum proximas esse causas instrumentales actionis bonæ vel malæ, qualitates scilicet, accidentia & dispositiones, non animæ aut formæ, sed ipsius corporis, quo anima vtitur ad actiones obeundas. Frustra igitur esset, si quis velit morbum & sanitatem in formam essentialem & specificam incidere, tanquam in subiectum. Omnes quidem morbi ad sublationem formæ & corruptionem tendunt: at hoc fit ex corporei organi peruersione, ruinâ & corruptione, ad quam sequitur compositi ipsius dissolutio & interitus: vt scite admodum docent Philosophi. Quod si formæ illæ essentiales essent subiecta morborum, primò malè definita esset tum à veteribus, tum à dogmatis istius assertoribus sanitas & morbus, quæ esse volunt dispositiones corporis seu partium viuentis, à quibus primò bona vel mala actio læditur: nam sic non corpus aut partes compositi, sed formæ essent aliquando subiecta morborum: per se primò pati possent, generari, atque corrumpi absque subiecti sui læsione. Et cum iam pro certo positum sit omnem substantiæ mutationem esse generationem aut corruptionem, formasque acquiri aut aboleri in instanti, cum sint indiuisibiles: per istos tamen tertia admittenda erit substantiæ mutatio, nempe morbus: & sic ad substantiam esse motum, quia morbus motu comparatur: formam per partes corrumpi ac magis & minus fuscipere, substantiam habere contrarium & similia Philosophiæ repugnantia, cum pro morbi magnitudine ac paruitate in totam illam substantiam incidentis sit maior vel minor illius noxa.

Præterea si illa formæ aut totius substantiæ corruptela, quam illi vocant, sit morbus, vel est in termino & absoluta, aut in viâ & fieri. Quæ facta est & absolutâ, quid aliud esse potest, quam animantis interitus & integra perniciēs, non morbus? Si sit in fieri tantum & in motu, erit alteratio corruptioni illi præuia: at alteratio motus est in qualitate: & proinde etiam morbus erit illa alteratio seu qualitas, in intemperamento positus. Quamuis enim corrumpatur tandem substantia, & compositum per morbos istos grauiores, non sola qualitas: hoc fit tamen vi qualitatum, quæ solæ possunt immutare substantiam in aliam, & rerum mutationes inducere: vt eleganter ostendit Galenus, præsertim *lib. de constitut. artis, cap. 9. & lib. 1. de facult. nat. c. 6.* Vbi ex Aristotele docet generationi & corruptioni adiunctam esse alterationem, quæ fit beneficio primarum qualitatum potissimum. Vnde patet illam formæ corruptelam, non posse esse morbum; aut si sit morbus, abusiue intelligendos esse grauiores ac vehementiores morbos, quibus vita animantis tollitur atque destruitur. Neque puto ego ita errasse Fernelium, vt existimarit omninò formam nostram morbos pati, illorumque esse subiectum, quo nihil absurdius fingi & excogitari potest. Sed cum videret in nobis tam atroces ferocesque morbos generari aliquando, vt ex integrâ vehementissimâque temperamenti nostri ruinâ, subitam inferrent internecionem & formæ à corpore dissolutionem: vt distingueret istos se paratæque à communibus aliis intemperaturis, quæ maximè in primarum qualitatum noxâ ac peruersione paulatinâ positæ sunt: Ideo hos vocasse simpliciter morbos intemperamenti: illos verò totius formæ aut substantiæ, qui mutationes corruptionesque citissimas inferre solent. Cùmque in nobis & partibus nostris triplex sit temperamentum: illud scilicet quod tale dici solet, ex qualitatum primarum excessu, & prædominio: aliud quod consequitur modum primæ mixtionis in laxitate, raritate, duritie, mollitie, quod exortum est ex variâ primorum corporum miscellâ, & qualitatum primarum actione: aliud denique quod viuentis appellatur, positum in duplici calore, insito nimirum vnicuique parti, & influente ex præcipuis corporis nostri fontibus: qui calor non simplex nudave qualitas est, sed posita in humido quodam primigenio, pingui, aëreo, oleoso, & maximè temperato. Certum est temperamentum hoc viuentis, à quo pendent potissimæ actiones simularium, esse veluti formale illarum temperamentum, per quod viuunt functionesque obeunt.

De morbis materiæ & formæ. Cap. IX. cxxiiij

Ut si qui morbi non tam temperiem verbi gratia calidam aut frigidam, humidam aut siccam partium immutent, quam temperamentum hoc viventis, calidum scilicet innatum cum humido primigenio primario oppugnent illisque inhæreant: morbi quodammodo formales & substantiales dici possint: cum Galenus ipse *evidens* illam & aggregatum temperamentorum istorum formam vocet partium similium, aliasque formas aut neglexerit, aut ignorarit. Si hoc voluit & cogitavit Fernelius, quamvis admodum ambigue & obscure, nihil absurdi asseruit, eum, ut postea videbimus, multi sint huiusmodi morbi ex diametro vitale temperamentum oppugnantes, & non inutiliter illos recensuit: nihil tamen contra Galenum fecit, aut aliquod genus morbi illi ignotum attulit, cum omnes sub intemperie collocari possint & debeant. Si verò secus sensit, & morbos aliquos formæ ipsius verè & essentialis proprios esse putavit, perperam & absurde id fecit, ut nos in particulari postea exemplorum suorum ac rationum confutatione clarius ostendemus. Nunc verò de morbis materiæ agendum.

Compositum ex formâ & materiâ, cum totis suis accidentibus iuncta, constare certissimum est: & cum materia prima omni & communissimæ formæ substrata, si potius analogia quadam & mentis discursu perceptibilis, quam ex effectis suis & propriâ existentia: certum est etiam morbi aut sanitatis subiectum esse non posse proximum, quod medicâ consideratione egeat: cum enim ex se actu non sit, nihil ei potest accidere: neque potest illa esse ullius actionis principium vel causa. Adde quod in accidentali mutatione subiectum est ipsa substantia perfecta iam & consummata. Materia vero secunda & particularis, suis accidentibus comitata, quam considerasse Fernelium satis est apertum, cum qualitates habeat quasdam, quæ materiales à Philosophis & Medicis appellari solent, eo quod non solam vim & effectiorem primarum qualitarum, sed etiam primorum corporum variam miscellam consequuntur: puta laxitatem, densitatem, duritiem, mollitiem, tenuitatem, crassitiem & similes: quas nos prius temperamentum illud materiale medicum constituere admittebamur: quia habet constitutionem quamdam naturalem, quæ adesse debet parti, ut rite & secundum naturam disposita dicatur: ideo etiam ex immutatione illius constitutionis, penes qualitates istas materiales, videntur exoriri morborum plura genera in partium materiâ posita. Quod primus animaduertisse videtur Iacobus Forliuiensis in *sua commentatio Aulicenna*, qui agens de morbis similium partium; dubitavit an secundæ qualitates, quæ à primis pendent, dum actiones lædunt morbi sint similium aut organicarum partium: quandoquidem læuitas & asperitas secundæ qualitates, ut postea videbimus, inter morbos organicos referuntur: Fernelius maluit materiæ huic secundariæ partibus similibus substratæ, suisque qualitatibus comitatæ, ad patiendum magis quam agendum comparatis, morbos istos adscribere. Quam bene id fecerit, nos in particulari morborum istorum examine videbimus: Nunc verò aggrediamur ad argumenta, quibus formales istos materialesque morbos communiter asserere conatur Fernelius: Sunt autem alia sumpta à partium constitutione, alia ab actionibus quæ in morbi definitione assumuntur, alia denique ab effectis & rerum euidentiâ.

Tria sunt, inquit Fernelius, in vnaquaque parte similari, temperamentum, subiecta materia, & forma seu species quibus illa perficitur & integratur: erunt ergo totidem, quorum vitio illius integritas, perfectio ac bona constitutio evertetur: ac proinde tria morborum genera in parte similari. Verum respondemus nos, actionum integritatem aut depravationem, formæ vel materiæ adscribi non posse, sed manare ex composito materiæ & formæ habente, in quo certa dispositio reperitur actionis bonæ vel malæ proxima causa: aliud enim est *σύνθεσις*, aliud *διάθεσις* dicere: *σύνθεσις* enim est compositio materiæ, formæ & accidentium omnium, quibus perficitur aliquid & integratur: *διάθεσις* verò dispositio ea quæ est in integrato isto ad hoc vel illud agendum. Sic in rebus artificialibus, securis verbi gratia ex ferro tanquam materia constitat, figuramque velut formam quandam habet quadratam, oblongam, palmarem, &c. At ut per hæc est & dicitur securis, siue bene siue male secet, sic ex his non pendet proximè bona vel mala scissio, sed à nitore, duritie, acutie, & simili apparatu, quo instructa bene vel male incidere potest. Sic in partibus non materia, non forma earum actiones per se & proximè bene vel male edunt. Sed in composito ex illis reperitur dispositio, per quam illæ bene aut malè exercentur. *σύνθεσις* illa substantiam, eamque completam respicit: *διάθεσις* verò accidentia & qualitates substantiæ illi aduenientes, in quibus morbus propriè est positus, ut docuit meripsa

Fernelius: quamuis enim forma principium sit actionum & motus naturalis, non tamen bonæ aut malæ actionis proxima est causa, sed hoc pendet ex dispositione instrumentali, quæ est in simili temperamento, in organicâ compositio, in vtrisque vnio.

Verum vrget ille, ab actionum in vnâ eadêque parte, variâ læsione. Ventriculus, inquit v. gr. vt pars similis sæpe imbecillitate laborans nihil concoquit, vnde cruditas & lenteria consequuntur: hanc verò imbecillitatem contrahit variis modis. Nam vel aliquando immodicè refrigeratus per nimios aquæ potus, lactucarum & similibus refrigerantium vsus, vires eius deiciuntur: aliquando relaxatus debilitatur, vt olei tepentis haustu, reliquisque chalasticis assumptis; aliquando verò hæc affectio introducit ab extraneis venenatisque qualitatibus, quibus laceratus perecllitur & formæ suæ robur amittit: vnde patet tres has noxas temperamenti, materiæ, & formæ distinctas, similibus inesse posse. Neque hoc solum ex læsione actionum in partibus colligere est, sed etiam ex parte agentium, vt medicamentorum viribus & effectis, quorum hi materiæ, alij temperamentum, quidam formam ipsam magis respiciunt: ac congeneres in nobis affectus ingenerant: temperamenti enim vires & actionem in nobis nemo negat: materiæ autem & formæ passim adstruit Galenus, cum adstringentia vult semper permisceri intinctionibus hepatis, ventriculi & cæterarum partium, quarum naturale robur est conseruandum: & duras frictiones artus corroborare tradit, quod illorum materiam compactiorem firmioremque reddant. Actionem autem formalem seu à formæ vi pendente agnoscit, dum vult quædam occultâ proprietate, corroborare, alterare, purgare, cæterasque huiusmodi actiones in nobis exercere. Vnde licet colligere, tot esse genera morborum in partibus similibus, quot in eis euidenter esse apparent ex diuersarum rerum affectionibus.

Hæ Fernelianæ obiectiones quamuis verisimilitudinem quamdam habere videantur, longè tamen à veritate ipsâ absunt. Primò enim in suo illo ventriculi exemplo peccat, cuius coctio, chylicatio dicta, non est purè similis, sed vt à temperamento inchoatur, sic etiam ope ipsius conformationis perficitur: non enim tantum alterare debet ventriculus ea quæ assumuntur, sed etiam complecti ac continere illa. Nunc alteratio siue assimilatio illa vt fit vi ipsius temperamenti, sic retentio & complexus pender à recta organi dispositione quæ id præstare debet: Sic igitur temperies ventriculi deiecta & debilitata vsu refrigerantium, verus est similis eius partis morbus, quo propria constitutio violatur: relaxatio verò, quæ impedit ne ventriculus seipsum colligere ac coardare possit ad continendos cibos, causa est morbifica organi dispositionem respiciens: quæ si intemperiem non consequatur verbi gratia humidior, nullo modo spectabit ad ventriculum, quatenus est pars similis, sed quatenus organica: neque tunc propria eius nutritio violabitur, nisi per accidens, frustratis scilicet omnibus partibus eâ alimonia quâ sustentari solent. Porro vt in ventriculo temperies illa adest manifesta ex qualitatis primariæ excessu: quo ventriculus temperamento frigidior cuti comparatus dicitur, quemadmodum reliquæ partes spermaticæ: sic etiam in illo est temperamentum illud quod viuientis appellabamus, cuius ope functiones præcipuè suas exercet. Illius itaque si fuerit corruptio aut deprauatio à rebus venenatis, deleteriis, certum est etiam ventriculum noxam passurum in suis functionibus, quæ ad temperamenti iacturam referri poterit, si propriè loquamur. Quod verò ait de medicamentis, non magis firma sunt. Quamuis enim Galenus & materiales & formales quasdam vires admittere videatur in illis, hæ tamen nihil sine primarum vi præstare possunt, aut seipsas propagare. Verbi gratia adstringentia, non quatenus adstringentia, cogunt densantque corporis nostri partes, sed quatenus frigida & sicca: non laxa, quatenus talia, relaxant, sed quatenus caliditate moderatâ sunt prædita: Vnde ex qualitatum illarum numero quæ in medicamentis reperiuntur, non est idem vel nouus morborum numerus afferendus: cum aut illæ ex primis procedant, & per primas sese extendant ac multiplicent, sicque eiusmodi morbi ad intemperies semper referentur, quarum effectus & symptomata erunt adstrictio illa, laxitas, mollities, durities, & similia: aut certe eiusmodi dispositiones inter organicos morbos erunt reponendæ, si organorum constitutionem lædant. Idem dicere licet de duris illis frictionibus, quæ non suâ duricie, quatenus duræ, artus corroborant, sed dum per insensiles poros excremēta & humiditates, quæ intermedia particularum spatia occupabant, discutiendo exsiccant. Quod aut ad vim allam oc-

De morbis materiæ & formæ. Cap. IX. cxxv

cultam & proprietatem substantiæ attinet, quâ vult Galenus cum Fernelio, multa in nos agere: certum est nullam substantiam corpoream nisi laceret, contundat, vulnere, & similia efficiat, posse realem & permanentem corpori alieno passionem imprimere, nisi vi & operâ primarum qualitatum. Quod igitur à Galeno formaliter aut totâ substantiâ in nos agere dicitur, id medicè dicitur, quod non propter copiam, sed propter eximiam vim, actionem illam in nobis exercet: Sic inquinamenta aëris pestilentia, sic medicamenta septica dicuntur totâ substantiâ in nos agere, quamvis calefaciendo, putrefaciendo, erodendo violenter nos offendant. In eis quæ iuvant par est ratio. Si enim hoc efficiant summâ vi, magis quam ratione copię & multitudinis, totâ substantiâ agere dicuntur Galeno, & veræ antidoti appellantur. Quæ vis posita est in totâ temperie compositi alicuius, quæ non in eodem gradu aut temperatione alibi reperiri potest, & proinde occulta appellatur. Non igitur aut variæ affectiones partium, aut læsiones actionum, aut diuersæ facultates medicamentorum ostendunt tria esse genera morborum in partibus similaribus, quod nitebatur conficere Fernelius. Nunc particulares morbos ab eo recensitos excurtamus.

Vt ostendat qualitates illas materiales, laxitatem, densitatem, duritiem, molli-
tiem, crassitiem, tenuitatem non pendere ab ipsâ temperie aut effectis primarum
qualitatum, sed ex modo tantum mixtionis corporum elementatorum: ac proinde
distinctos ab intemperie morbos generare: Adfert exemplum multarum partium,
quæ quamvis qualitatibus primis eodem modo intemperatæ videantur: discrepant
tamen multum in his materialibus: aut contrâ conueniunt in his materialibus, dis-
crepant in actiuis: nam pulmones & glandulæ laxæ, mollesque partes sunt, quamvis
hæ frigidiores, illi calidiores: cor & renes densa duraque sunt: cum tamen cor ca-
lidum, renes frigidi habeantur: cor & pulmones sunt calida siccaque, hi molles &
laxi, illud durum & densum: cerebrum & os frigida sunt, hoc tamen durum, il-
lud molle: quod non fieret si istæ qualitates à primis penderent, sed quæcunque par-
tes eisdem essent præditæ primis qualitatibus, easdem etiam istas obtinerent. Dein-
de quæ sit, addit Fernelius, vt multis intemperatis aut temperatis pari modo, vni ho-
rum vel duobus ventriculus neque acetum, neque sinapi, piper aut alia huiusmodi
ferre possit: alius verò facillimè ferat: quæ sit vt certis quidam odoribus delectentur,
quos alij sine offensione sentire nequeunt: Hoc certè non ad temperiem referri po-
test, cum eos iam similiter intemperatos: verbi gratia biliosos aut melancholicos
supposuerimus: quare ad materiæ ipsius conditionem erit reuocandum: cum ipse-
met Galenus *lib. artis parua*, voluerit tenuitatem substantiæ cerebri maximè ad sub-
tilitatem ingenij facere: crassitiem contra hebetes & stupidos reddere. An non
multi bene temperati labores ferre non possunt & externis iniuriis valde vexantur:
contra multi intemperati labores ferre non possunt & externis iniuriis valde vexan-
tur: contrâ multi intemperati sine molestia quoscunque labores subeunt, & iniurias
aëris vix perferunt: Non itaque illud ad temperamentum referri debet, sed po-
tius ad corporis mollietatem & raritatem, quæ in illis est: in his ad duritiem & den-
sitatem suarum partium, exterioris potissimum habitus. Docet Galenus *lib. 11. meth.*
cap. 3. vires conseruari, si spirituum, humorum, partium carnosarum, & solidarum
non solum qualitas bona & laudabilis, sed etiam iusta ac medioeris quantitas
conseruetur: Vnde satis innuit qualitatem ad temperiem, quantitatem ad mate-
riam referri, cuius moderantiâ & immoderantiâ ad statum naturalem aut morbo-
sum facit. Nonne multis aut ab ortu, aut per morbos contingit articulos habere
laxissimos, & veluti fluxiles, vt de Scytharum gente narrat Hippocrates: aliis ha-
bere eos ita intentos & rigidos cum ipsis musculis, vt vix dimoueri loco possint. Vi-
dit Ruellius militem, qui ex morbo tantam in ossibus mollietatem ac flexibilitatem
contraxerat, vt pene cerea viderentur. An non morbis istis medemur adstringen-
tibus, relaxantibus, indurantibus, emollientibus, & similibus: quemadmodum in-
temperiebus, calidorum, frigidorum, humidorum & siccorum usu? Ex his omni-
bus colligit Fernelius materiæ immoderantiâ, non minus quam temperiei, morbos
distinctos in similaribus partibus parere posse secundum eius mollietatem, duritiem
laxitatem, adstrictionem: tenuitatem, crassitiem: raritatem ac densitatem præter
naturam excedentes.

Nos vt illi satisfaciamus, dicimus affectiones istas materiæ, aut non esse morbos
similarium partium, sed organicarum: aut causas esse quasdam morbificas, aut
symptomata morborum, qui in intemperie positi sunt. Nam vt à molli & duro in-
cipiamus:

cxxvj Ioan. Varand. Patholog. vniuersalis

cipiamus : certum est hos affectus esse symptomata tactilium qualitatum, non morbos, quæ pendent à morbis intemperiei. Sic mollities est humiditatis nimie effectus, vel aliunde in partes influentis, vel propriæ, quæ causarum externarum vi supra alios dominatur. Non igitur mollities illa morbus, sed ad morbum, intemperiem scilicet humidam sequitur, quæ proxima est actionum læsarum causa. Non in œdemate verbi gratia mollities morbus est, sed ab intemperie illâ fit & humoris affluxu, qui partes laxas, molles, & tumidas reddit. Sic durities ad varias intemperies sequi solet : durum enim, vt docet Galenus *5. de simpl. medicam. fac. cap. 4.* ob siccitatem, concretionem & repletionem fit. Quæ provenit à siccitate, intemperiei illius siccæ est symptoma : quæ à concretionem, frigidam congelantem & condensantem sequitur : quæ à repletionem & distentionem fit (quod propriè renitens appellatur *ἀντίτυπον*) sequitur etiam copiam humoris, aut eius essentiam ingreditur : aut flatus implentis, & partis magnitudinem vitiantis.

Laxitas verò & adstrictio partis tam manifestè ad morbos organicos, qui in connexu partium, vel viarum & meatuum connuentionem aut reclusionem positi sunt, referuntur, vt mirum sit ipsum Fernelium, qui hos morbos organicos esse cum Galeno sequentibus capitibus asseruit, id non animaduertisse. Idem dicas de raritate & densitate : quæ spectant potissimum meatus illos & poros insensiles cutis, per quos fit diffusio excrementorum fuliginosorum : hi enim in cute, tanquam parte organica, non tanquam similari spectantur, & ad obstructionis aut adstrictionis morbos referuntur. Denique crassities & tenuitas, vel morbosæ non sunt affectiones, sed naturales pendentes ex temperie, & primarum qualitatum effectione : vel certè ad morbos auctæ vel imminutæ magnitudinis, organicos nimirum referendi, cum ipsis partibus similaribus, quatenus tales sunt, aut earum actionibus non noceant.

Quod igitur efficere conatur, qualitates istas materiæ modum, non qualitatum primarum effectus sequi, ex variâ temperie partium, quæ in his tamen consentiunt, & contrà : nihil vrget ; cum sciamus nusquam esse partes duas, quæ sint eiusdem temperamenti exactè secundum gradum, vt in exemplis ab eo adductis patet : vnde fieri potest, vt duæ calidæ, vna mollis, altera dura sit : quia illa calorem habens moderatum cum humiditate, subsistere potest : hæc habens intensiorem, dura sit propter siccitatem quæ introducit. Præterea cum in singulis elementis duæ insint diuersæ qualitates, hinc etiam diuersi effectus oriri possunt : cerebrum verbi gratia molle ab aquæ dominio, os durum à terræ excessu ; & tamen vtrique frigida, quia in vtroque elemento adest frigiditas ; in altero verò humiditas, in alio siccitas : vt hinc minimè inferre possit Fernelius qualitates istas à primis non pendere, sed à solâ substantiarum & corporum mixtione : & proinde distinctos ab eis morbos inferre.

Quod verò obiicit quorundam ventriculum non ferre posse acetum, piper aut similia, & multos similiter intemperatos, alios his cibis aut odoribus offendi, alios verò etiam lætari : maiore indiget disceptatione : quod Galenus reuocauit ad *ἰδιόσυμφορίας*, particulares scilicet dispositiones, non totius speciei, sed paucorum indiuiduorum in illâ : quibus accidit vt ab hoc verbi gratia acri, amaro, aut falso abhorreant, non ab omnibus huiusmodi, vt hunc verbi gratia odorem rosæ refugiant, alios lubenter admittant. At si hoc ex materiæ laxitate, densitate, tenuitate, penderet, omnibus æqualiter afficerentur cibis vel odoribus sub eodem genere contentis. Quod cum non fiat, illud potius est referendum ad certum temperamenti gradum cum suâ materiâ iunctum, qui occultè huic vel illi rei propter illum gradum repugnat, quàm ad manifestam illam materiæ conditionem. Quod dicunt de subtilitate ingenij, quam retulit Galenus ad tenuitatem substantiæ cerebri, nihil contra nos facit : distinguendæ enim hæc sunt actiones purè similes aut organice à mixtis : cum enim ingenij & cogitationum celeritas organica magis quam similis actio sit, certissimum est non solum temperiem cerebri & spirituum ad eam conferre, sed etiam eorundem debitam conformationem in tenuitate, crassitie, figurâ & similibus. Item laborum tolerantia non ad solam temperiem, sed ad conformationem ipsam partium referenda, atque etiam potissimum ad consuetudinem, vt est *eleganti illo Aphorismo 49. sect. 2. Qui assueuerunt*, inquit Hippocrates, *labores aliquos ferre, quamuis inualidi sint & senes, facilius ferunt, quam qui non sunt assueti, quamuis robusti & iuuenes.* Quod ad quantitatem spirituum, humorum, partium solidarum, quam vult Galenus iustam seruari cum debitâ qualitate, nihil facit ad suos morbos materiæ : quia hæc contenta seu causas morborum respiciunt :

aut

De morbis materiæ & formæ. Cap. IX. cxxvij

aut inter causas morbificas potius ex ipsius doctrinâ sunt referenda, qui morbos non aut inter causas morbificas potius ex ipsius doctrinâ sunt referenda, qui morbos non in contentis, sed in continentibus requirit. Laxitas autem illa aut rigiditas articularum, mollities ossium tam manifestè referuntur ad intemperiei excessum, ut sine eo fieri non posse cuius sit manifestum: atque ista omnia sunt potius apparatus quidam in partibus similaribus ad organicarum constitutionem, quam propriæ earum constitutiones, cum nihil ad suas actiones similes obeundas conferant. Denique relaxantibus quidem, adstringentibus, indurantibus, mollientibus, & similibus medemur contrariis affectionibus. Sed hæc omnia quatenus ita appellentur ex ultimo effectu qui post illorum actionem inducitur, certissimum tamen est ea omnia non nisi primarum qualitarum, quæ effectus propriè existunt, operâ exerceri posse. Quis enim dixerit spongiam verbi gratia laxam, aut lapidem densum corpori appositâ laxitatem aut adstrictionem generare, ut iam supra à nobis est probatum? Ex quibus omnibus certum est, ut nulli sunt morbi isti materiæ, sic nihil promovere rationes à Fernelio pro illis adductas. Nunc operâ pretium est, ut morbos formæ ab eo inuectos peculiariter excutiamus: quoniam à pluribus sunt recepti, qui materiæ morbos noluerunt admittere, ut ab Argenterio.

Diuidebantur ab eo in manifestos & occultos. Inter manifestos alij cum putredine, alij sine putredine, corrumpunt, dissolunt, extinguunt calorem nostrum innatum. Inquirendum igitur an affectus isti minime referri possint ad vulgares & Galenicos morbos, sed alterius sint naturæ & generis. Manifesti illi cum putredine sunt, ut ulcera maligna, & putrilagines partium ipsarum, quæ per sphacelos & gangrænam contingunt, aut minores etiam corruptelas, ex manifestarum qualitarum intemperie sensim procedentes, ut per febres putridas, scabiem, pruritus, & similes, in quibus vult Fernelius coniunctum esse morbum totius substantiæ, cum morbo intemperamenti. Sed quam bene id asserat, nobis est examinandum. Nam certum est putredinem esse affectionem non formæ, sed mixti quoad mixtum est, & tunc maxime putredinem induci, quando temperamentum non leuiter, sed insigniter violatur, qualitatibus passiuis supra actiuas dominantibus. Hæc igitur putredo vel est interminio, & tunc est corruptela mixti, non morbus: vel est in via, & tunc manifeste intemperies est calida humidaque ex contractione alieni caloris cum superante humiditate. Hæc est vel in humoribus & spiritibus, & tunc morbi causa existit, non morbus; vel in solidis partibus contracta, & tunc non video, cur Fernelio potius substantiæ, quam intemperamenti morbus dicatur. Nam quod ait ideo esse substantiæ morbum, quia tandem totam substantiam corrumpit: & quia in curatione non est eadem ratio, atque in morbis intemperamenti: hic enim indicatio est tollere id quod putrefactum est, in intemperiebus verò alterare. Nihil virget; sic enim cuius morbus, qui ad necem hominis desinit, diceretur morbus formæ, ut vulnus ense inflictum, lapis in renibus obstruens, & cætera huiusmodi. Quod verò ad curationem attinet, dicimus ea quæ ad naturalem statum restitui non possunt, indicare integram sui sublationem: sic ea quæ ita sunt putrefacta, & intemperata, ut alterantibus corrigi non valeant, suadet Galenus, ut amputentur, secludentur, & à partibus sanis separentur: quæ verò corrigi possunt, alterentur, & contrariis ad temperiem denuò reducantur: cum tamen utraque & putrefacta, & quæ putrescunt ex intemperie secundum magis & minus laborent, neque aliam morborum speciem constituant: putredo enim facta aut fiens, sine intemperie, ne imaginabilis quidem existit.

Videamus nunc, an morbi illi manifesti sine putredine à Fernelio adducti, sint formæ totiusque substantiæ morbi. Quando, inquit, vel dissoluitur, vel extinguitur spiritus, & calor noster innatus, tunc morbus substantiæ inducitur: per inedia enim, laboret, vigiliæ, dolorum atrocitatem resolvitur, per strangulatum & penetrabilia frigora suffocatur. Vix possis hic percipere, quid sibi velit Fernelius; nam extinctio, suffocatio, imminutio caloris natui & spirituum tam manifestè ad intemperiem reducitur, ut nihil clarius esse possit. Siue enim influentem calorem, siue insitum consideres, qui substantiam partium ingreditur, ut calor ille positus est in certo subiecto, spiritu scilicet & humore: sic etiam modo extinguitur, minuiturve ex contrariæ qualitatis violentiâ illum expugnantis: modo ad dissipationem illius substantiæ cui inhaeret, resolvitur etiam & minuitur. At quomodocumque sit ex parte caloris, semper illius extinctio & imminutio est contrariæ qualitatis introductio, nempe frigiditatis: ex parte ipsius substantiæ quæ dissipatur, certum est non ipsam substantiam quæ recessit,

cxxviii Ioan. Varand. Patholog. vniuersalis.

cessit, non quæ remansit, morbum esse: morbus enim accidens est, non substantia. Superest igitur ut illud vitium ad causam morbificam referatur, vel sit organicum in quantitate imminutâ partium positum, non morbum aliquem substantiæ.

Superfunt occulti illi, quos diuidit in venenatos, contagiosos, & pestilentes: qui quoniam ex causis abditioribus, nec ita vulgatis originem trahunt, ideo dicuntur à Fernelio morbi abditæ formæ vel totius substantiæ. In quibus hoc primum animaduertendum, diuisionis huius leges non esse bonas, cum membrum huius diuisionis sub se plura contineat, quam diuisum, & vnum in altero continetur & coincidit. Nam contagiosum plura complectitur: cum hæc differentia communis sit etiam morbis suis formæ manifestis & pluribus morbis intemperamenti, atque etiam venenato & pestilenti. Dicimus igitur nos morbos istos considerari posse vel cum suâ causâ, vel seorsim: sic enim inquinamenta illa pestilentia, quæ tum ab aëris propriâ putredine, vel vaporum aliunde allatorum permissione, vel denique prauorum eduliorum vsu contrahuntur, & in nos illabuntur: sic vapores illi putrilaginosi, qui per effluvia ab hoc corpore in aliud contagionem inferunt: sic denique venena vel assumpta, vel intus genita ex summâ corruptione humorum aut partium quæ ad venenorum naturam accedit: causæ sunt morborum, non morbi. Ac proinde quamuis totâ suâ substantiâ agere dicantur, & remediis totâ substantiâ contrariis oppugnari: non tamen idcirco sequitur morbos totius substantiæ ingenerare, sed vel magnas intemperies, citam & violentam mortem inferentes ex vi illâ, & celeritate agendi quâ præditæ sunt: vel morbos organicos, obstructions potissimum, tumores præter naturam & similes; vel solutiones continui dolorificas, exulcerationes, ruptiones, apertiones vasorum, quibus maxime & violentissime corpus nostrum infestatur: ut illis satis patebit, qui & causarum istarum naturam, & morborum ex his genitorum, ac symptomatum consequentium constitutiones accuratius fuerit contemplatus, in pestilentis, lue venerea, elephantiasi, corporibus veneno sublatis: in quibus procul dubio reperiet morbos illos intemperamenti; solutiones continui, malas dispositiones organicas, & symptomata consuetâ quamuis sæuiora: non secus quam in aliis aliarum causarum violentiâ vel peremptis, vel tentatis tantum. Quod si quædam remedia adhibeantur his morbis, quæ totius substantiæ *inpropria* agere dicuntur, ut antidoti, alexiteria, alexipharmaca, ea potissimum causam morbificam respiciunt, cui resistere interius, aut eam tollere debent & extra corpus propellere: vel certe agunt ex proprietate quâdam, quæ sequitur certi cuiusdam & proprii temperamenti vim, quam Medici totam substantiam appellant.

Concludamus igitur, nullos esse peculiare similiarum partium morbos, qui earum materiam consequantur: quoniam omnes illæ affectiones à Fernelio recensitæ, vel sunt secundæ qualitates à primis profectæ, vel ad morbos organicos potius quam similes relegandæ, aut sunt symptomata aliorum morborum. Nullos etiam esse morbos formæ aut totius substantiæ, nisi eo modo intelligantur, quod à nobis supra explicatum est, nempe intemperies aliquas vehementiores, & à certo proinde occulto mixtionis gradu proficiscentes, propter quem caloris nostri natui seu viventium proprii robur potenter oppugnant, & demoliuntur. Quod neque Galenus, neque alij eius dogmata sequentes vñquam negarunt. Atque hæc de morbis materię & formæ.

CAPVT X.

De organici morbi speciebus & differentiis.



Similaribus morbis ad organicos transeundum est: velut à simplicioribus & primis particulis, quibus illi inhaerent, ad eas, quæ ex illis fiunt & componuntur. Certum enim est partes similes esse veluti substratam materiam organicarum, siue ex vnâ, siue ex pluribus illarum constent: prout organicæ istæ partes sunt primi, secundi, vel alterius ordinis, quo magis ad totius corporis structuram accedunt. Quemadmodum igitur in arte factis v.gr. domo, quæ ex variis rebus, ut lapidibus, lignis, cemento,

De organici morbi speciebus &c. Cap. X. cxxix

mento, & aliis conflatur; primum supponere oportet idoneam materiam: deinde istorum omnium rectam conformationem, partium debitam magnitudinem, numerum & situm seu connexum, ut domus perfecta, & ad commodè habitandum idonea construatur: Sic in corpore nostro, quamvis similes partes vè quantæ suos terminos, figuram quamdam, magnitudinem & positum obtineant: quia tamen ista non faciunt ad actiones illarum propriè obeundas: ideo ista ad organicarum constitutionem referuntur, quæ ita sunt constructæ in nobis, ut certæ & determinatæ cuidam actioni sint idoneæ: verbi gratia visioni oculi, ambulationi pedes & similia.

Ex quibus sequitur, quot sunt constitutiones secundum naturam in partibus instrumentariis necessariæ, ut functiones suas exercent, totidem etiam esse dispositiones præter naturam illis oppositas, quæ illarum functioni noxam inferre valent. Quatuor igitur sunt primæ species morborum organicorum, nempe conformationis, magnitudinis, numeri, & situs, quorum rursus differentia minutatim inquirendæ & exemplis aliquot illustrandæ.

Conformatio itaque partium dissimilium in singulis propria, & ab aliis diuersa spectat tum terminos quosdam externæ superficiei, & in illis conuenientem figuram, tum cauitates & meatus, quibus aliquando eiusmodi partes præditæ sunt: nec non in eiusmodi superficie, meatu, & cauitate, asperitatem vel læuitatem, per quas planæ & æquales, vel rugosæ & inæquales aliquando dicantur: ita ut conformationis morbus triplex sit, figuræ, cauitatis siue meatus, asperitatis & læuitatis.

Figura porro in partibus tam internis quam externis tot patitur differentias, quot diuersa figurarum vitia, quæ huic vel illi parti hoc modo naturaliter figuratæ, & à debito statu recedenti accidere possunt: membrum enim quod verbi gratia oblongum, rotundum, curuum, rectum, conuexum, aut concavum esse debet, reliquas omnes figuras, velut morbificas dispositiones agnoscit, quarum aliæ propriis nominibus apud autores nostros sunt donatæ, aliæ verò minimè. Verbi gratia Hippocrates *lib. de aëre, locis & aquis* meminit *μακροκεφάλων* quorundam populorum, quorum capita admodum fuerunt oblonga, & *lib. de vulner. capitis*, ut & Galenus *lib. 9. de usu partium* vitiosas capitis figuras ex suturarum potissimum peruersione recenset, & *Φοβόρητας* appellat: figuræ deprauationes in vultu elephantiorum apparent, quæ ex immutatâ omni particularum proportionem, & naturali ferinam & truculentam illam faciem repræsentant, ut narium similitudine, oculorum exacta rotunditate, superciliorum tuberositate, frontis ariditate, auricularum peruersione & similibus. Item in morituris vi morborum acutorum vultus ille apparet, qui vulgo Hippocraticus appellatur, ut etiam Galenus *lib. 6. epidem. sect. 3.* ad contextum Hippocratis describit naturas ad talem propensas secundum figuræ vitia, utpote quibus exilia crura, collum oblongum, pectus angustum, scapulæ alarum instar eleuata. Denique Platoni, Pernæ, Vacij, Vari, Claudi, & similes nomina sunt figurarum deprauatarum in cruribus: In spina insignes sunt *λόρδωσις, κύφωσις, σκολιωσις, σῆσις*. Galenus *lib. artis paræ* meminit alicuius, qui exactè rotundum habuit ventriculum, cum oblongus naturaliter esse debeat: ut exempla & nomina multa esse possunt in aliis partibus, prout figura in illis variè immutatur. Atque hæc de figurâ, quæ prima est conformationis species.

Cauitas verò in quâ morborum organicorum natura secundum conformationem spectatur, duo respicit, vias scilicet siue meatus, & conceptacula, sinus seu ventriculos partium instrumentalium. Viæ sunt & meatus tam sensiles quam insensiles, per quos materia aliqua pertransit ad aliquem locum, ut oesophagus, arteria aspera, vteri ceruix, viæ vrinariæ, venæ, arteriæ, nervi, cutis spiracula seu pori, in quibus orificia seu oscula varia spectantur, quatenus vel admittunt vel emittunt aliquid. Ventriculi seu receptacula sunt cauitates eæ ampliores, quæ materiam aliquam recipiunt & continent, ut vterus, vesica, ventriculus, sinus cordis, cerebri, & quæcunque interstitia notabiliora partibus insunt *κοιλιας* nomine designata ab Hippocrate. In his morbis cauitatum, meatuum, conceptaculorum, orificiorum, sinuum valde oportet esse attentum Medicum, cum potissima morborum pars aut in iis vitiis sit posita, aut certè cum his coniuncta & complicata. Vult autem Galenus istos oriri ab excessu vel defectu tam multitudinis quam magnitudinis; illiusque tres præcipuas differentias constituit *lib. de causa cap. 7.* nempe adstrictionem, obstructionem & dilationem. Adstrictio, quam

ille modo *στένωσις*, modo *πυκνότης* appellatur, fit aliquando ex coalitu, ut à defectu multitudinis, quando aliquis meatus vel cavititas, quæ in corpore nostro adesse debet naturaliter, est contracta prorsus, & occlusa, ut sæpe contingit podici, vulvæ, potissimum puerulis quibus ars succurrere solet & quasi de nouo meatum de bitum scalpello parare: à defectu autem magnitudinis, quando idem meatus non ex toto est occlusus, sed ex maiori suâ parte: adest enim tunc idem numerus meatuum, qui antea, sed vnus ex illis est redditus angustior. Aliquando parietes & tunica istorum conceptaculorum concidunt per se & conuiuent, ut fit in summis infirmitatibus, & deploratâ partium enervatione: vel etiam dum seipsas colligunt ad rei alicuius noxiæ expulsionem, ut fit in insultu epileptico ventriculorum cerebri. Aliquando coarctantur ex distentione aut compressione rerum vel externarum, ut iniecto faucibus vinculo: aut internarum, sed extra meatum positarum, ut quando infans in vtero comprimitur ita parentis anum, ut vix deicere possit: angina inflammatio oesophagum coarctat & deglutionem impedit. Atque hæc omnia ad adstrictionem referuntur.

Obstructio verò quæ *ἐμπερία* dicitur, semper ex humoris alicuius saburrâ, aut materiali ductuum illorum infarctu nascitur, siue res illa qualitate suâ lentâ, crassâ, viscidâ, tenaci opplere apta nata sint: seu quantitate nimia vias præcludere possint. Nihil est frequentius in Medicinâ, quam infarctus, obstructions, oppilationes viscerum, & ductuum illorum accusare, per quos communes quædam materiæ tam utiles quam inutiles ferri & distribui solent. Frequens est & assuetus venarum mesaraicarum infarctus à crassâ & viscidâ pituitâ, quæ *ἀνάσσει* primæ secundæque coctionis impedit. Frequens etiam renum & vesicæ obstructio ex calculis, sabulo, muco, grumis sanguinis, carunculis, & similibus. In intestinis stercoris aliquando induratio, lumbricorum ingens multitudo tantam obstructionem pariunt, ut ileon & horrendas illas voluuli affectiones inducant. Sic enim obstructio materiam semper aliquam opplentem interius agnoscit: adstrictio autem sine eiusmodi interiore & intestinâ materiâ meatui aut cavitati contingere potest, ut iam est dictum: quamuis Galenus sæpe his duobus nominibus *στένωσις* & *ἐμπερία* abuti videatur.

Obstructioni itaque & adstrictioni, contraria est dilatatio & amplitudo meatuum aut cavitatum nimia, ab excessu potissimum magnitudinis: hæc contingit vel in ipso orificio, vel in ipso tractu meatus aut cavitatis: sic vasculorum reseratio *ἀναστόμωσις*. Galeno dicitur: in pupillâ dilatatio mydriasis appellatur: vulvæ interiori & quâ orificium habet ingens sæpe contingere solet præter naturam amplitudo ex laborioso partu: scrotum & intestina aliquando valde ex flatuum vi & copiâ dilatantur, ut & aliæ partes quæ eiusmodi sinubus sunt præditæ. Atque hæc de cavitatis morbis, quæ est secunda viciatæ conformationis species. Tertia verò est ipsa partium in suis illis cavitatibus & ductibus viciata superficies: cum enim illi ductus & conceptacula ita sint à naturâ comparata, ut materia quædam debeat per illa leuiter ferri, aut in illis diutius subsistere: ideo in his interiorum illam superficiem inæqualem, rugosam, asperam fabricata est: in illis æqualem, læuem & planam. Vnde his constitutionibus præter naturam immutatis duo exoriuntur morborum genera, quæ à Galeno læuitatis & asperitatis appellantur. Vlcera matricis verbi gratia maiora sterilitatem inducunt contractâ cicatrice æquali, quâ redditi plani & læuiore vteri genituram aut foetum continere non possunt. In ventriculo & intestinis nascitur morbus satis familiaris lenteria, dictus, per quem continuâ & æquabili redditâ eorum superficie, cibi inconcocti elabuntur, siue ex induratis cicatricibus, ut post sæuiorem dysenteriam id fiat: siue ex humore glutinoso, internæ toti tunicæ obducto. Contra asperitas contingit ossibus, si minutius confringantur, vel carie tententur: asperæ arteriæ & faucibus, si interior eorum tunica quæ plana esse debet, ob catarrhi in eas prolapsum, aut vlcereis vehementiam inæqualitatem contraxerit. Suum etiam est oculo *τράχυμα*, quando interior palpebræ pars asperior rugosiorque redditâ: dolorem grauitatemque inducit. Atque hæc est prima organici morbi species, nempe conformatio præter naturam, quæ sub se figuræ, cavitatis, & superficiiei vitia complectitur, iam ad alias accedamus.

Magnitudinis igitur & numeri affectus sequuntur, in quantitate illi continuâ, hi verò discretâ. Magnitudo augetur vel minuitur in toto vel in parte,

De organici morbi speciebus. &c. Cap. X. cxxxj


te, tam ab externis quam internis causis: linguam tantum excretuisse vidimus aliquando, ut in nullam oris partem posset sese deflectere: ita quandoque minuitur, ut vix palati extrema attingat. In glandibus strumæ, in pene priapismus, in mammis vtriculatio, in cruribus elephas, in oculo encanthis auctæ magnitudinis vitia communiter annotantur. Qui castra sequuntur magnas partium mutilationes secantibus aut diuellentibus factas conspiciunt. Nicomacho Smyrnæo, & Dionysio Heracleotæ Tyranno totum corpus in tantam excreuerat molem, ut ille ex Galeno 14. meth. cap. 15. neque incedere posset sine molestiâ, nec sedem propter ventris extensionem contingere, nec libere respirare: alter perpetuâ hirudinum per totum corpus applicatione periculum suffocationis auertebat, neque in publicum prodire audebat. Alij ita gracilescent toto corpore, ut sceleton instar ossa tantum pelle contexta habere videantur: ut narrant de quodam Anacreonte Philosopho, qui soleas ferreas gestare cogebatur, ne flante vehementius ventito sursum abriperetur.

In numero etiam duplex est vitium excessus & defectus. Cum enim certus numerus partium similium concurrat ad instrumenta fabricanda, si quis in hoc numero contingat error, instrumentum illud vitio tenetur: & quoniam instrumenta, nempe partes, non eadem sunt, sed aliæ aliis magis compositæ: ideo ut in minoribus instrumentis condendis, certus tantum similium partium numerus est necessarius; sic minorum instrumentorum, in constituendis maioribus organis. Digitus verbi gratia ex tribus constat phalangibus, manus extrema, ex quinque digitis & metacarpio: magna manus ex illâ & brachio, & sic de reliquis; quare quomocunque ista redundant, vel deficient, faciunt vitium, quod numeri aucti vel imminuti vocant. Rursum quod redundat duplex est. Vel enim est ex eorum genere, quæ adhuc in naturali sunt habitu quodammodo; ut sextus digitus, oculi pterygion, carnis excrecentia in naso, fungus in membranâ cerebri vulneratâ, callus etiam in fracturis ossium male conformatus, & sic de reliquis: vel est omnino præter naturam, ut lumbrici, lapides, verrucæ, cataracta in oculo, melicerides & similia, quæ ex inutili constant materiâ, nec habent similitudinem cum aliquâ parte naturali, quorum aliqua proximè pariunt dispositionem præter naturam actionibus noxiam: alia verò multis interuenientibus, ut satis patet.

Quod verò deficiens est in numero, perpetuo est in rebus siue partibus quæ sunt secundum naturam, quotiescumque vel ex toto auferuntur, vel mutilantur tantum: idque accidit in ipso vtero & primâ generatione, vel post exitum ab utero: vnde multi sine brachiis, aut sine cruribus nascuntur, quidam nullis aut vnicò testiculo donati. Quotidie amputantur partes gangrænâ obsessæ, vel etiam ob alias causas, ut testes ad herniam sistendam, dentes carioli, venæ varicosæ, præputium Iudæis, ut omittamus ea quæ in præliis & similibus calamitatibus euenire solent. Quod si cui dens additus ab ortu vitiosus & extuberans, sextus digitus actionem impediens auferatur, non dicetur morbum numeri deficientis pati, quia etsi ablatum sit illi id quod ab ortu contraxerat, fit tamen potius restitutio debite functionis per eiusmodi sublationem, quam eius impeditio. Rursum notandum, morbum qui contingit in numero partis deficientis omnino ablatae, non esse illi adscribendum, sed vel toti corpori, quod priuatur illâ actione, ut quando brachium est omnino abscissum: vel illi parti superstici, quæ propter eiusmodi sublationem patitur noxam functionis propriæ: dens enim auulsus, locutionem oris; duo digiti manus amputati, eius apprehensionem vitiant, ac proinde illis adscribuntur. Atque hic etiam est aduertendum, morbos qui fiunt ex parte non exemptâ omnino, sed mutilatâ tantum, ad vtrumque genus magnitudinis & numeri referri posse, cum animanti tum simplicium particularum verus numerus, tum iusta instrumenti magnitudo deficiat: vel dic cum Fuchσιο, in morbis auctæ vel imminuæ magnitudinis propriam seruari partium figuram, quæ in morbis numeri pereat.

Superest vltima officialis morbi species, quæ est in situ vitiato: quem duplicem facit Galenus, in positu scilicet, & in connexu: Arabes in loco vocant, & in societate: partes enim quæ ad *συνεχίαν* illam Hippocraticam constituendam inuicem coherere debent, aliquando à propriis sedibus recedunt, ut in luxationibus, in ramicibus, in procidentia ani & similibus: alias laxa sunt nimis aut intentata, ob vinculorum quibus connectuntur vitium: alias ea quæ coherere non

debent simul, vt palpebræ, digiti, vuluæ orificium, podex, & similia simul coalescunt. Auicennas morborum situs quatuor facit differentias. Prima est, quando membra à suis articulis, quos vocat iuncturas, egrediuntur, velut in luxationibus. Secunda, quando pars aliqua sedem suam non deserens alienam occupat, vt in herniâ omentum vel intestina non deserunt sedem suam omnino, quæ est intra peritonæum; ad testes tamen descendunt: Tertia, quando membrum mouetur, nec motu omnino naturali, nec voluntario, vt in tremore: Quarta, quando partes ita affiguntur loco suo, vt dimoueri non possint, quemadmodum articuli podagrâ indurati. Vrilius erit, si in hoc morbo consideres, aliquando partibus accidere quæ continentur: alias verò illis quæ connectuntur tantum: illas autem quæ continentur, positum & connexum naturalem amittere, aliquando vitio proprio, vel continentis aut ligamentorum, vel omnium aut duorum simul. Sic intestina crassiora reddita, omentum pinguius pondere suo sæpe disrumpunt peritonæum & in scrotum delabuntur: alias naturalem magnitudinem seruantia, ob solam peritonæi relaxationem. Vterus ligamenti suis dilatatis aut relaxatis sæpe procidit: vicia erumpit, quoties erosio aut scissura in corneam inciderit. In eis verò partibus, quæ non continentur, sed tantum connectuntur, vt in ossium articulationibus, illud contingere defectu excipientis, vel excepti, aut firmantis siue vinculi, vt in tractatu luxationum traditur. Atque hæc sunt organicorum morborum species & differentia.



C A P V T XI.

De quibusdam in morbos organicos dubiis.



VIDENTUM in primis, vtum præter adductos organicarum partium affectus alij sint admittendi, vt multis visum est; quia, inquit illi, si quæcunque quibus instrumentum redditur aptum ad propria munera obeunda, in illis etiam vbi naturalem constitutionem amiserunt, morbi existant: certè multò plura alia erunt ponenda, quam compositio, numerus, magnitudo, & situs. De essentiâ instrumentariorum partium, quoniam plura sunt quæ illarum actionem perficiunt & lædunt: etenim officiales istæ partes requirunt ad actiones suas obeundas calidum, quod influit à corde bene affectum, & etiam infixum siue innatum: quandoquidem eo absente aut læso læduntur actiones totius corporis, vt patet in syncope, timore, rigore & horrore: ac proinde calidum illud influens, sanguis & spiritus faciunt ad partium organicarum actiones bene vel male peragendas.

Præterea substantia partium requiritur idonea ad bonam instrumenti constitutionem, præter figuram, magnitudinem, numerum & situm. Si enim manus aut pes verbi gratia, quæ constare debent carne, ossibus, ligamentis & similibus, sint ossæ tota vel carnea, reddetur procul dubio mala harum partium organicarum structura, quamuis illa superius enumerata recte se habeant.

Denique ob qualitates tam secundas quam tertias, duritiem videlicet, mollitiem, crassitiem, tenuitatem, colorem, odorem, saporemque alienum actiones partium organicarum lædi manifestissimum est. Partes quam par sit duriores, vel molliores redditæ, redduntur etiam ad motum & sensum aliasque actiones, quæ organicis partibus tribuuntur, ineptissimæ. Galenus cerebri crassitiem ad ingenij acumen plurimum obesse existimat: tenuitatem vasorum esse causam profusionis sanguinis per *diarrhœm* factæ: laxitatem impedire ventriculum quo minus alimentum recte complectatur. Certè cornea oculi tunc densior aut rarior visioni officit: sapor & odor malus linguæ aut naribus impressus, harum actiones corrumpit. Præterea à febre, nonne motus, sensusque omnes, pulsus cordis & similia mutantur? Quibus conficitur, ista omnia facere ad morbos instrumentarios, si quidem verum sit vniuscuiusque partis actionem à propriâ dispositione præter naturam lædi.

His obiectionibus pro asserendâ Galeni doctrinâ satisfaciendum est. Primò igitur ad primam dicamus: à cuiusque partis constitutione propriâ esse distinguenda com-

De dubiis in morbos &c. Cap. XI. cxxxiiij

munia instrumenta, omnibus actionibus tam similium quam organicarum partium necessaria: Ideo partis organicæ morbi non debent dici propriè privatio istorum instrumentorum, quamvis ab illis actiones earum lædantur: quia vaga sunt & fluxa, neque parti inhærent, aut certam conformationem adepta sunt: vel certè illi affectus erunt referendi ad sympathiam tantum negatæ materiæ vel facultatis.

Ad secundam quâ volunt substantiam ipsam impedire & iquare actiones partium organicarum, respondemus: quod si partes similes ex quibus pars organica constat, fiant omnes caro aut quid aliud, tunc ipsarum numerum non seruari: quia omnes vnus consimilisque rationem obtinerent. Dicatur itaque pes vel manus tota ossæ vel carnea morbo numeri teneri, quia caret suis ligamentis, venis, nervis, & similibus.

Quod verò dicunt qualitates secundas & tertias, atque nonnumquam ipsam temperiem actiones partium organicarum lædere, ac proinde morbos illarum esse: Respondemus, morbos esse vitia, non materiæ, sed ipsius dispositionis, quæ est in certâ materiâ: quemadmodum essentia rerum non à materiâ sumitur, sed à formâ quæ est in materiâ: verbi gratia lapides, ligna, cæmentum non sunt domus, sed ipsa forma quam artifex illis induxit. Itaque illa quæ sequuntur materiam similium partium, & modum substantiæ, aut quæ sunt in formâ earundem, non possunt tribui organicis: debita enim substantia similium partium earumque temperies est supponenda, vt ex illis instrumentariæ secundum naturam conficiantur. Non ergo illa substantiæ laxitas, densitas, raritas, mollities partium similium, si quando contingat, vel intemperies vt febrilis, ideo adscribendæ sunt parti organicæ, quamvis illius actionem lædant, quia hoc fit ex accidenti: quemadmodum domus corruit, vbi ligna, vel lapides sunt putria, cariola aut similiter affecta, quamvis illud non spectet ad domus rationem.

Sed vrgent illi denuò, & obijciunt, istas omnes qualitates non minus referendas esse ad instrumenti morbos, quam asperitatem & læuitatem, quarum sub conformatione vitiata meminimus. Verum dicimus non esse parem rationem, quando quidem durities, mollities, sapor & alia non mutantur, nisi per ipsam temperiem similium, aut substantiæ rationem immutatam: asperitas verò & læuitas superficiæ partium ita fit à conformatrice facultate, vt sine vllâ diversitate temperamenti, quasdam planas & æquabiles, alias inæquales & asperas faciat. Patet hoc in ossibus, quæ cum siccissimæ sint corporis nostri partes, deberent etiam summâ asperitate esse prædita, cuius tamen contrarium videtur: & idem ventriculus in externâ superficie planus, in aliâ rugosus & asper. Per causas autem externas videmus scalpello verbi gratia læuigari aut exasperari partium extima sine vllò temperamenti vitio. Adde quod eiusmodi asperitas & læuitas ita violant actiones instrumentarias, vt similibus nullam noxam, aut vix sensibilem inferre soleant.

Porro in diuisionem morborum numeri, quando dicebamus earum quæ excedunt partium, alias sequi naturalem habitum reliquarum, vt sextum digitum, tertium testem, dentem superadditum & similia: alias esse toto genere præter naturam, vt calculum, lumbricos &c. Quidam obijciunt ista quæ sunt toto genere præter naturam, nullâ ratione morbos numeri dici posse: alioqui quibus talia non insunt, bene sani, in particularum numero deficerent, mutilatque essent corpore, quod est absurdum. Sunt qui ad hoc respondent, talia partibus quodammodo annumerari posse, vt quædam superflua & similitudinaria membra: quia scilicet ex humore à naturâ in locum suæ generationis traducto fiant, eorumque materia à naturali calore inspissetur, induretur, & illius operâ augmentum suum accipiat. Verum dices, melius ista propriè ad numerum partium augmentum referri, quia propriè in istis fit numeri additio partium, quæ prius non erant in nobis: non tamen inde sequi, sanos qui illis carent, in numero partium deficere: quod enim præter naturam est non deficit, quia est inter imperfecta respectu nostri: sed cum adest, pervertit naturalem statum, partium numerum augendo.

Obijciunt præterea aduersus morbos numeri, Galenum 14. meth. illis annumerare verrucas, vitiliginem, meliceridas, atheromata, steatomata, item ophiassim & alopeciam: quæ omnia vel sunt symptomata tantum, vel morbis intemperamenti potius adscribenda: ophiassis enim & alopecia non curantur, nisi per sublationem intemperiei, humoris scilicet maligni à quo profecta sunt. Vitiligo etiam à Galeno lib. de sympt. causis, collocatur inter symptomata quæ malam nutritionem sequuntur: vnde etiam suscitantur melicerides, steatomata, atheromata, & reliqui tumores

per congestionem geniti. Respondendum, aliud esse apud Galenum symptoma simplex, aliud verò symptomaticum morbum: nam simplex symptoma, sublato à quo pendebat morbo, statim tollitur, quod non contingit semper symptomatico siue secundario morbo: febris enim quæ pleuritidem aut peripneumoniam consequitur, non semper illis curatis abit, quamuis symptomatica dicatur; aliquando firmatis in corde radicibus illis superstes existit: sic etiam affectus commemorati, quamuis intemperies partium & humorum συναρροισμὸς sequantur, vbi tamen geniti fuerunt, habent suam ἀλγεμένην & essentiam peculiarem: cuius ratione Galenus, dum considerat vitia quæ ex illis oriuntur, inter morbos numeri recenset: vbi respectum habet ad causas proximas, ad intemperiem refert, quod non est absurdum, quoniam vnicus affectus ratione variorum respectuum ad diuersa morborum genera referri potest. Ex principali tamen significato ad illud referendum est, quod essentiam eius & propriam naturam complectitur.

Supereft adhuc vnica difficultas in morbis istis organicis, quos dissimilaribus partibus, & instrumentariis velut propriis subiectis accidere diximus. Cum enim instrumentum siue pars organica nihil aliud sit Galeno, quam id quod ex similaribus coagmentatis vnus actionis certæ & determinatæ gratiâ factum est, videtur instrumentum non esse pars quædam per se subsistens, sed aut in similaribus, vel per similes, ac proinde non poterit esse subiectum quorundam morborum: aut dices accidentis subiectum, quod est absurdum. Respondemus ad illud, morbos omnes, si subiectum tantum inhæsionis spectes, reuera esse in similaribus, quæ sunt subiecta materia totius corporis: attamen quia in componendis organis similes materiae tantum rationem obtinent, ideo organica pars, velut domus aut aliud arte factum, dicitur esse subiectum illorum morborum, qui formæ rationem illius propriæ respiciunt. Vt enim domus obscura, aut male posita, vel male ædificata dicitur, non autem lapides & ligna ex quibus est confecta: potest enim contingere, vt optima sint ligna, cæmentum, lapides bene figurati & alia, domus tamen male conformata, & contrà, vt vnicuique patet, quia hoc non spectat ad propriam domus rationem: Sic etiam affectiones illæ dicuntur propriæ organicarum partium, non similarium, quandoquidem illarum propriam structuram & actiones spectant, non autem dispositiones similarium: & sic accidens non erit accidentis subiectum, sed pars vera & organica, quæ aliquot similes velut subiectam sibi materiam complectitur: quemadmodum istæ habuerunt pro materiâ semen & sanguinem, & ex fibris cum certâ carne componuntur. Atque hæc de morbis instrumentariis, nunc ad communes transeamus.



C A P V T XII.

De morbo communi siue solutione continui, eiusque differentiis & speciebus.



C O R P U S nostrum ex organicis similaribusque partibus constare certum est, peculiareque morbos tam simplicium, quam ex his compositarum partium hætenus proposuimus. Reliquum igitur est, vt de morbi illius natura disseramus, qui communis ideo vocatur, quod vtriusque partis actionibus noxam inferre potest, siue simul & semel illud fiat, siue seorsim, modo hanc actionem, modo illam lædat. Huiusmodi morbus vnitatis siue continuitatis solutio dicitur à Galeno: quia per eum contingunt diuisiones in partibus, quæ illam vnitatem partium dissoluunt, vt deinceps reuera continuæ aut contiguæ dici non possint. Vtrum verò vna eademque sit huius morbi ratio, an verò plures sub se contineat species & differentias, quæ faciant ad methodum curandi, iam est videndum.

Cum itaque non ab vnâ eademque causâ inducatur eiusmodi solutio continui, sed à variis; neque similis sit in omnibus partibus, sed diuersa ac variis nominibus donata: ideo tum à causis, tum à partibus quibus incidit, species suas & differentias præcipuas ac Medico vtiliter repetat oportet. Quod ad causas attinet, earum ratione

De morbo communi, &c. Cap. XII. cxxxv

ratione quatuor præcipue recensentur solutiones continui, nempe sectio, erosio, contusio, & diuulsio, seu ruptura. Sectio ea est species solutionis continui, quæ fit ab externis causis incidentibus siue punctim siue cæsim, vt loquuntur, in quavis corporis parte, sub qua τραύματα & τρώματα Hippocrati dicta, vulnera videlicet continentur, siue sint cum simplici ἀσποκωή, seu etiam ἀποκωή deperditionem substantiæ complectantur, absque pure vel saniosa materiâ.

Solutio verò, quæ fit ab internis potissimum causis: vt acerbis & mordacibus succis, partium substantiam primò calfacientibus, deinde pungentibus & erodentibus, cum sensibili substantiæ iacturâ, & excrementorum prouentu; erosio & vlcus appellatur: quæ etiam aliquando contingere solet ab externis siue admotis, vtpotè vrentibus actu talibus, vel potentiâ causticis, catharteticis, septicis, materiâ vel contactu contagiosi corporis & similium, quæ æquè vt interna illa causa arrodere partium substantiam possunt, & vlcera excitare, non solum in carnosissimis partibus, vt quidam volunt; sed etiam in quibuscumque aliis.


At verò tertia solutionis species contusio dicitur, in quâ non semper est manifesta, sed occulta tantum solutio continui: fit enim quoties à re graui & obrusâ ita alliditur cutis, vel aliqua corporis nostri pars, vt plures illius fibræ, & particulæ violenter in vnum veluti punctum adaectæ, in ea parte cogantur, ab aliâ verò disiungantur cum sanguinis in parte contenti expressione: vnde apparent μελάσματα, vibices, sugillata, & ecchymomata à veteribus dicta, in casu, motu vehementi aut percussione illarum rerum quæ secare nequeunt.

Diuulsio autem siue ruptura, quarta solutæ vnitatis species, quæ fit à vehementer distrahentibus, & ita diuellentibus substantiam partis, vt tandem abruptatur, quod sæpe in colluctationibus Athletarum contingit, in torturâ reis admotâ, & similibus violentis. Aliquando etiam ab internâ causâ, vt quando nimio motu, clamore, aut humorum valido impetu, disrumpuntur orificia vel tunice vasorum, ad quod largæ & periculosæ sequuntur hæmorrhagiæ. Est aliquando, vt à corpore vehementer contundente tanta fiat in nobis impressio, vt non solum collidantur partes, sed etiam diuellantur & disrumpantur, vt quotidie in sclopetorum ictibus conspicimus, in quibus contusio diuulsioni sæpius coniungitur. Atque hæc sunt præcipue solutæ vnitatis species, quas Practici nostri sub nomine vulnery, vlcery, luxationum, & fracturarum curare docent: ita vt vulnera complectantur præcipue sectiones; contusiones & diuulsiones in partibus mollioribus factas: fracturæ comprehendant vulnera durarum, vt ossium: luxationes sint quædam diuulsiones articulis propriæ. Vlceræ autem contineant eas præcipue solutiones continui, quæ fiunt à causâ internâ cum pure & sanie: quarum alia faciunt primaria, vt quæ simpliciter ab erodentibus humoribus, vel admotis contingunt: alia secundaria, vt quæ succedunt vulneribus & tumoribus præter naturam, suppuratis. Atque vt istæ differentiæ maximè essentielles existunt, sic etiam alij pro diuersitate partium quibus solutiones continui contingunt, solent eas ex Galeni sententiâ distinguere, vt lib. meth. & alibi plerumque.

In similibus enim partibus, inquirunt, continui solutio varias sortitur appellationes pro numero partium istarum simplicium: vt in offe κάταγμα fractura dicitur, sub qua fissura, quoniam ea propriè frangi & findi dicuntur, quæ dura sunt & solida. In carnosissimis verò partibus vnitatis solutio ex extrinsecis violentè facta, τραύμα, id est vulnus: ea verò quæ citra vulnerationem ex humorum acrimoniâ contingit, έλκος vlcus vocatur: in carnosissimis musculorum partibus ex distensione proueniens solutio continui, ρήγμα ruptio vel ruptura appellatur: vbi verò fibræ tantum disrumpuntur, αῖμα seu diuulsio villorum dicitur Hippocrati, (non intellexit vim huius nominis Argenterius, qui id pro conuulsione sumpsit.) Cartilaginis quæcunque sit solutio, nomen peculiare nondum inuenit: neruorum autem solutiones punctura, incisio, contusio appellantur: venis, & arteriis eadem contingunt, vt etiam ἀνὰ στήθος, διά βραχίονα, ἀσποκωήσις: membranarum solutiones manifestæ dicuntur ruptura, seu scissuræ; aliæ verò dilatationes: cutis leuior solutio, quæ tantum epidermidem auellat, exoriatio: at quæ in ipsum δερμα aut altius in carnem penetrat, nomen vulneris aut vlcery meretur: In ligamentis autem ἀσπασμός aut διάσπασμα peculiari nomine nuncupatur. Ac deinceps peculiaria nomina indita sunt solutionibus continui, quæ ossibus v. g. capitis aut reliquis infliguntur, quorum propria enumeratio ad particularem Pathologiam pertinet: in partibus enim instrumentariis, quando contingunt solutiones continui, siue sit totius organi, vt manus à brachio; siue partis similis, vt

nerui

nerui aut ligamenti auulsi ab ipsâ parte organicâ, generali quodam significato *ὑποπλάσματα*, quasi dicas auulsiones, appellantur. Atque hæc de differentiis morbi communis: nunc videamus dubia, quæ in propositam à nobis doctrinam obijci solent.



C A P V T XIII.

De quibusdam in morbos communes dubiis.



DICEBAMVS itaque primùm ex Galeni sententiâ, solutionem continui morbum esse communem, tam similaribus, quam organicis partibus, quia vtrorumque actiones lædere potest: & quia vtrisque *συνέχεια* & continuïtas est necessaria; Attamen Auerrhoës & Argenterius, duo Galeni hostes coniurati, contrarium sentiunt, in diuersas abeuntes sententias: ille enim putat solutionem continui ad similes tantum partes pertinere: Argenterius verò contrà esse propriam organicis. Talis est ratio Auerrhoïs: Continuum, inquit, quod reuera tale est, hoc est cuius extrema sunt vnum, simili tantum parti conuenire potest, quia habet substantiæ vnitatem: dissimiles verò sunt tantum contiguae, idque ratione similarium ex quibus componuntur, quarum extrema se contingunt, vt partem organicam constituent: ac proinde continuum & eius solutio propriè ad similes tantum pertinere potest: contiguum verò per accidens tantum organicis, & ratione similarium. Vnde sequitur non esse morbum vtrisque communem: nam si solvatur illa contiguitas, erit iam morbus situs siue connexionis, de quo inter morbos instrumentarios agebamus. Verum respondemus nos, apud Galenum ista nomina contigui & continui non ita distingui, vt apud Philosophos, sufficere enim Medico, vt sciat esse naturam quamdam communem in partibus, propter quam vnum dicuntur. Vt igitur similis pars ratione materiæ vniformis dicitur vna & continua, sic etiam organica ratione figuræ & conformationis quâ prædita est, quemadmodum totum corpus ratione illarum: vna enim & contigua dicitur manus vel pes, non minus quam os vel caro, quamdiu partium suarum habet vnitatem, quasque non solum contiguas esse certum est, sed etiam fibris perpetuis & quasi vinculis inuicem erumpentibus ita copulatas, vt continuïtate donatas esse facile asserere possimus.

Deinde cum constet per magnas verbi gratia sectiones partium non minus, imo verò magis lædi actiones organicarum partium, quam similarium, non immeritò dicit Medicus, eiusmodi affectus esse proprios, tam organicis quam similaribus partibus. Quod verò dicit, per eiusmodi sectiones fieri mutationem situs vel connexionis, qui parum est aliquando deprauatus, vt patet in puncturis & similibus, quæ grauissima inferunt symptomata, atque aliquando mortem citissimam, quamuis parua sit situs vel connexus mutatio. Atque hæc ad Auerrhoëm.


Argenterius vero, qui putauit hunc morbum organicis tantum partibus conuenire, his sententiam suam rationibus confirmare conatur: Solutio continui, inquit, neque propriam similarium partium constitutionem euertit, quæ temperies est emergens ex mixtione elementorum: neque earum actiones labefactat. Ac proinde non potest censerī morbus similarium partium, sed tantum organicarum, quas certum est & experientiæ manifestum per eiusmodi sectiones, fracturas, & similia noxam insignem in suis functionibus recipere. Quod autem temperies similarium partium non vicietur semper in eiusmodi solutionibus continui, hinc patet quod in simplici verbi gratia vulnere per solam agglutinationem, absque vllâ sensibili partis alteratione, sit vnio diuise partis, quæ neque inflammata, neque exsiccata aut refrigerata fuerit, & sic de reliquis. Actiones verò similarium partium non viciari etiam in maioribus vulneribus, in quibus est deperditio substantiæ, fracturis, vel vlceribus, inde conficitur, quod partes hæc attrahunt copiosum alimentum, illud retinent, & concoquunt: vnde magna puris albi, lævis, & æqualis copia, item regeneratio substantiæ deperditæ, & carnis tanta sæpe in vlceribus accretio, vt cogantur Chirurghi illius augmentum inhibere: quæ omnia bonæ temperiei, viuidi

De commun. quibusd. Cap. XIV. cxxxvij

viuidi & vegeti caloris natiui, integrarumque actionum sunt signa in partibus similaribus per eiusmodi solutiones continui.

Ad id vt respondeamus, sciendum est, Argenterium hac in parte hallucinari, qui existimauit solutam vnitatem non posse euertere constitutionem similarium partium, nisi temperie euersâ & immutatâ. Quamuis enim temperies sit propria constitutio similarium, vt organicarum conformatio: attamen in vtrisque est alia communis natura seu constitutio, vnio seu continuitas partium appellata: quæ vbi violatur, potest immediatè, & absque vlllo alio vitio temperamenti, tum istam communem naturam in similaribus labefactare, tum actiones earundem euertere. Quis enim negauerit, vt res sit adhuc manifestior, similes partes fibris quibusdam esse præditas rectis, obliquis, transuersis, quarum dissolutio siue sectio peruertit earum constitutionem, & impedimentum affert retentrici, attractrici, & expultrici vi earundem partium? Quod enim ait, alimentum accedere ad partem vulneratam copiosum, regenerari carnem, pus confici, id potius accidit impetu & prouidentia naturæ, quæ in partes afflictas, aut dolore affectas, solet spiritus & humores confertim, quasi in auxilium dimittere: vnde aliquando non parua subsequitur noxa ex copioso prouentu excrementorum, quæ in eiusmodi solutionibus continui succrescunt. Quis enim dixerit ichores, saniem, imo ipsum pus esse perfectæ coctionis indicia, cum perpetuò naturæ nostræ sint infesta & expurgatione indigeant? Rescitur etiam caro ac deperdita substantia in vulnere ac ulcere, sed à circumiectis partibus potissimum, quæ adhuc sanæ sunt & integræ: vnde videmus partes siue membra vulnerata, aut vlceribus tentata plurimum gracilesce, & quasi in ἀποφύαν totum corpus aliquando coniici, dum hæc perficiuntur.

Quod cum sentiret Argenterius, quamuis eiusmodi constitutio læderet, inquit, actiones similarium partium, non tamen inde sequeretur esse dispositionem illis propriam: quia morbi etiam organici, vt figuræ, cavitatis, & similia lædunt etiam actiones similarium partium, quamuis illis non sint proprii. Sed huic obiectioni satisfacere licet ex præcedentibus, morbos scilicet organicos lædere aliquando actiones similarium, vt similes organicarum ex accidenti, non autem primò & per se: nihil enim attinet ad os vel carnem, quomodocunque sint figurata, vel magnitudine prædita, vt nutriantur, & naturales actiones exercent: sed si v. g. obstructi sint meatus ossis aut carnis propter negationem alimenti, quod debet ad illa affluere, non possunt deinceps ali priuata obiecto illo necessario ad nutritionem: at per morbos solutæ unitatis, quæ magis propriè illis competit, quam organicis, vt assererat Auerrhoes, tum constitutio illa seu continuitas partium violatur, tum earum actiones primò & per se corrumpuntur. Atque hæc de triplici morborum genere eorumque speciebus: nunc differentias aliquot illis communes & authoribus nostris valde vsitatas, paucis percurramus.



C A P V T XIV.

De communibus quibusdam morborum differentiis.



Q VONIAM præter recensita à nobis morborum genera, & subiectas illis species multæ sunt adhuc illorum differentiæ à variis rebus petitæ, & accidentales dictæ: quarum cognitio tum ad morborum peculiarem naturam percipiendam, tum ad prognosim & variam curandi rationem facit: ideo lubet illas nunc seriatim pertractare. Quod multo commodius fiet, si ad certa quædam capita referantur, utpote essentiam ipsam morborum: eorum causas: effectus: tempus & locum tam generationis quam durationis & terminationis.

AB ESSENTIA DESUMPTÆ DIFFERENTIÆ. Itaque ab essentiâ ipsâ morborum, seu eis quæ propriè illi accidunt, cum ea sit vnica vel multiplex, sincera vel mixta, intensa vel remissa: inde exoriuntur morborum differentiæ, per quas dicitur morbus esse vnus vel plures, legitimus vel nōthus, magnus vel paruus. Vnus porro is propriè dicitur, qui vnicam corporis sedem occupat, & ab vnicâ causâ excitatur,

sicut obstruatio iecoris, vel mala figura nasi & similia, qui ad vnum tantum ex generibus à nobis propositis spectat, & is *simplex* etiam appellatur: aliquando enim *vnus* esse dicitur morbus, quamuis non simplex, sed compositus ex diuersis morborum generibus simul iunctis, si vnâ eandemque partem occupent, vt intemperies calida & humida iecoris, vlcus pulmonis phlegmonosum & similes, vnum quidem constituunt morbum, sed compositum: qui rursus duplex est: Aut enim eiusdem generis morbi confunduntur & permiscuntur, vt febris tertiana cum quotidiana in hemitritæo, vt calculus in vterere, qui morbum in numero aucto simul, & in viâ seu cavitare, vt fractura luxationi & vlceri coniuncta, ex quibus resultat morbus compositus ex variis speciebus, eiusdem tamen generis: Alias componuntur isti morbi ex variis generibus simul iunctis, vt in vulnere inflammato, & in tumoribus præter naturam, in quibus adest & intemperies cum humore, & vitiata conformatio cum solutione continui. Sic igitur Medici morbum *vnus* considerant.

Plures vero siue *multi* morbi corpus infestare dicuntur, qui multas & diuersas illius partes occupant: qui rursus quadruplices sunt: impliciti scilicet, consequentes, connexi, & disiuncti. *Impliciti* quidem siue inuoluti ac complicati dicuntur, quando variæ illæ partes quibus insident, in communem vsum vel functionem conspiciunt, vt pleuritis & asthma, quorum concursu communia quædam exurgunt symptomata, vt tussis & dyspnœa: renis inflammatio cum vesicæ vlcere: vnde dysuria, & sic de reliquis.

Consequentes verò propriè dicuntur, qui mutatione quadam sibi succedunt, ita vt simul eodemque tempore non sint, sed prior in posteriorem abeat: vt pleuritis in peripneumoniam sæpe transit, phlegmone in scirrhum, apoplexia in hemiplegiam, & sic de reliquis.

Connexi autem simul & consequentes appellantur, quorum prior superstes adhuc, posterioris est causa: id quod bifariam contingit: alias ex morbi naturâ, quemadmodum inflammationibus internis, vt hepatis, pulmonum, cerebri, & similia perpetuò connexæ sunt febres assiduæ: alias ex partium conditione, quarum vna alteri affectum communicat: vt per *συμπάθειαν*, qualis est vtero cum mammis, cerebro cum ore ventriculi, ventriculo cum renibus, & sic de reliquis: vel ob situm decliuorem & vias patentiores, vnde superiorum excrementa in inferiores facile delabuntur, vnde varicum in cruribus copia ex hepate feruidiore, pulmonum obstruatio ex frequenti & copioso catarrho: vel denique partium robore & præstantiâ, quâ in imbecillas & ignobiles humores deponunt sibi molestos: sic interiora in cutem & habitum corporis sæpe suam cacochymiam propulsant, vnde scabies & alij affectus cutanei: partes autem principes in sua emunctoria, nempe glandulas pone aures, ad alas, & inguina positas, vbi bubones per status potissimum malignos procreantur. Atque sub hac differentiâ continentur morbi primarij & secundarij dicti, protopathici & deuteropathici, qui ex sympathiâ contingunt, vt supra docuimus.

Disiuncti verò ac separati morbi illi sunt, qui in distantibus semotisque partibus eodem tempore consistunt, quarum neque functio, neque vsum est communis, sibi inuicem causam morbificam communicant, vtpote vlcus pedis cum luxatione manus: ophthalmia cum vesicæ calculo, & sic de reliquis. Sic igitur vnus & plures morbi dicuntur.

Alia differentia morborum ab essentiâ petita erat legitimi & spurij. *Legitimus* igitur morbus, siue exquisitus, sincerus, & *ἀνεκβύς* dictus, is appellatur, qui in suo genere vel specie naturam suam maximè retinet, causamque habet à quâ producit, ingenuam & sinceram: vtpote quando tertiana febris à bile flauâ, quartana à melancholia naturali oriuntur, suâque statas periodos & inuadendi soluendique modum obseruant. Cui opponitur *nothos*, *spurius*, seu *illegitimus*, qui neque suam naturam retinet puram, neque causam à quâ fit habet sinceram: vnde febres illæ, quæ ex permixtione variorum humorum fiunt, vel ex transmutatione vnius in alterum, omnes spurix & nothæ dicuntur: suos enim typos ita habent confusos, vt vix propriæ indolis & speciei conditionem obseruent.

Tertia autem differentia morbi ab essentiâ erat magni & parui. Quamuis enim magnitudo & paruitas, æqualitas & inæqualitas sint quantitatis potius, quâ qualitatibus ad quam morbus est referendus: ita tamen vsum obtinuit apud Medicos, vt *magnus* dicatur morbus, quicumque ratione essentiæ suæ, & causarum valde est intensus: ita vt à mediocritate naturali plurimum recedat. Galeno autem magnus morbus triplici ratione dicitur. Ratione videlicet partis principis, vel ad vitam necessariæ quam

De communib. quibusd. Cap. XIV. cxxxix

obsidet : ratione causarum violenter agentium à quibus fit : & symptomatum comitantium , quorum atrocitate , & vehementia plurimum est corpori nostro infestus. Contrà *parum* is appellatur , qui ratione propriæ essentia parum excedit à constitutione naturali , vel vires nostras parum labefactat.

A C A V S I S. Ratione verò causarum primò efficientium exterharum dicuntur morbi quidam ab *aëre* , à *cibo* vel *potu* & similibus producti (huc refer illas appellationes vulgares morborum , quando adscribuntur quibusdam Sanctis illos immittentibus vel curantibus , vnde *morbus Dni Ioannis* , &c.) Internarum autem , quia morbi fiunt à simplici qualitate sine humoris aut materia vilius concursu ; vel cum materia : ideo hac ratione dicuntur materiales & immateriales. *Materiales* quidem ab humore vario , bilioso , pituitoso , sanguineo , vel melancholico , simplici vel mixto , sincero , vel ichoribus multis diluto , putrido aut sine putredine : item à vapore aut flatu , qui ex certâ quadam humorum minerâ , vel totâ massâ sanguinariâ eleuatur , & in vnâ vel plures partes defertur : habetque vel simplicem & manifestam qualitatem iunctam , vt calidam , frigidam : aut occultam magis & deleteriam , vt in epilepsiâ , suffocatione vterinâ , & similibus. *Immateriales* contrà quicunque neque humorem , neque vaporem aut flatum suæ generationis authorem agnoscunt , sed habent simplicem excessum qualitatis , vt suo loco iam est probatum.

A causa verò materiali siue subiecto in quo residet morbus , plures ducuntur differentia : vt pote vniuersalis , particularis : externus , internus : consentaneus , dissentaneus : senilis , puerilis , muliebris , Telephius , Chironius & similes. *Vniuersalis* itaque & *particularis* præcipua significatio est , vt ille totius sit corporis affectus : vel quia qualitas toti communicatur , vt in febre ; vel ipsum symptoma , vt in apoplexia , syncope & similibus. Hic verò vnicam tantum partem vel duas occupat , vt phlegmone digiti , calculus renum , & similes absque diffusionem seu expansionem qualitatis suæ in reliquum corpus. Quod si extimas tantum corporis partes & visui nostro obuias occupet , *externus* dicitur morbus , de quo visus cum aliis sensibus , simul locum & affectus speciem deprehendit : si autem conditus in interioribus membris lateat , ita vt discursu potius quam sensu illius sedes & natura deprehendatur , *internus* dicitur. At verò *consentaneus* & *dissentaneus* is appellatur , quem alij proportionabilem & improportionabilem vocant , ratione ipsius individui aut partis cui inhæret. Si enim cum illorum naturâ consentiat , proportionabilis dicitur , vt cum biliosus febre tertianâ laborat , cerebrum frigidâ intemperie tenetur : contrà improportionabilis & dissentaneus , si discrepet , vt quando biliosus quotidianâ febre , cerebrum calidâ , siccave intemperie occupatur : vnde Aphorismus ille 34. sect. 2. *In morbu minus periclitantur illi , quorum natura , ætati , consuetudini , aut anni tempore magis congruit morbus , quam ubi istorum nulli conuenit.* Ac proinde vt huic vel illi ætati , sexui , conditioni , & similibus magis accidere solet , reliquas sortitur appellationes , *puerilis* , *muliebris* &c. ab Hippocrate lib. 3. *Aphorism.* & libro de *aëre* , aquis & locis , diligenter annotatas. Vt *Chironia* & *Telephia* dicta sunt quædam vlcera à præstantissimis vel notioribus quibusdam viris , qui ista sunt perpassi : epilepsia morbus Hercules vocatur , quod eâ laborasse Herculem ferunt . Rursum cum morbus variè in subiecta , homines videlicet grassetur , inde *epidemicus* , *endemicus* , & *sporadicus* dicitur. Quando enim morbi alicuius species à causâ quadam communi & valde generali genita , videlicet influxu syderum , aeris , eorum ruptelâ aut diatrâ vniuniformiter in quasilibet hominum ætates , sexus & conditiones grassatur , & magnam ægtorum multitudinem concitat , insignem orbis plagam peragrando , velut sagitta quadam mortifera tunc *epidemij* morbi , *επιδειμιαι* & populares exoriuntur : quorum qui perniciosissimi sunt & deleteria qualitatis participes , proprie *pestilentes* vocantur , alij verò generis nomen retinent. *Endemij* autem , *ἐνδημιαι* vernaculi & gentilitij , quamuis communes sint , & eiusdem speciei , non tamen ita vniuersales , sed vel eandem potius regionem obsident , ob aërem patrium , fruges , mores , seu viuendi rationem & similia illi loco familiaria , vt bronchocele Alpinis , strumæ Hispanis , tabes Lusitanis , carbunculus Narbonensi huic Gallia : vel per contagium transferantur sensim ab vnâ regione in aliam , vt elephantiasis , quæ Ægypto propria in Europam à Romanis Pompeij tempore translata est , lues venerea ab Indis , & similes. Sub hac appellatione continentur etiam differentia morborum à loco petita , vt sudor Anglicus , morbus Polonicus hac nostrâ ætate exortus , Cirrum vocant , & sic de reliquis. Denique *sporadici* siue dispersi , *epidemiis* & *endemiis* oppositi , hoc habent proprium ;

ut neque eandem habeant speciem, neque eandem causam communem, neque huic quam illi regioni magis sint familiares, sed prout contigerit ex indiuiduorum variâ constitutione & regimine: hic puer verbi gratia vermibus, mulier vterinâ suffocatione: hic vir pleuritide biliosâ, senex catarrho, & sic de reliquis, vno eodemque tempore, corripientur, ex particularium causarum, quas quisque sibi accersuerit, vel in quas fortuito inciderit, potentiâ.

Atque ut à modo grassandi in subiecta, illæ petuntur differentiæ, sic etiam à varietate inhærendi, aliæ petuntur iam à nobis commemoratæ: *sæptis* scilicet & *sæcti* morbi: *æqualis* & *inæqualis*, de quibus vide in superioribus. Quibus adde quod ad inæqualem intemperiem spectat, apud Galenum varias illius reperiri significaciones: dicitur enim apud eum inæqualis dispositio, quæ non est æqualiter omnibus corporis partibus insita, sed huic magis, illi minus, ut in febre hecicâ, quæ cor magis quam alias partes incendit: vel quando eidem parti non inhæret in eodem gradu, ut in febribus spirituosiss, vel humoralibus dicemus, ista in corde magis esse inflammata, quam partes illius solidas. Dicitur etiam quando contrariis dispositionibus exercetur corpus simul, ut in epialâ vel lipyriâ, aut successiuè, ut in paroxysmis tertianæ: vel quando diuersæ partes in eodem homine aduersis occupantur qualitatibus: ut pote hepar calidâ, ventriculus frigidâ intemperie, quod est frequentissimum: aut quando idem affectus modò minuitur, modò augetur difformiter & sine certo typo, quorum omnium exempla apud Galenum reperiuntur.

A fine etiam siue ab exitu morborum, dicuntur morbi alij esse *salutares*, alij *dubij*, seu *periculosi*, alij denique, *lethales*, vel *incurabiles*. Cum enim naturæ aut morbi victoria ex variis illorum viribus & contentione pendeat, concurrente Medici velut naturæ ministri auxilio: contingit morbos aliquos ita faciles esse ex suâ naturâ, ut vel sponte, aut leuissimo auxilio, bonisque ægri rebus soluantur, nunquam saltem ad internecionem desinant ex se, ut ephemera febris, tertiana, phlegmone externarum partium & similes: alij contra tantâ atrocitate vim corporis nostri moderatricem aggrediuntur, ut planè de eâ triumphent & mortem sæpissimè ægris inferant, quales sunt apoplexia, ileos; cholera morbus & similes perniciosi toto genere, *θανάτοι* & *lethales*: alij quamuis mortem non inferant promptam, ita tamen sunt pertinaces *δυστατοι*, *δυσταταμαχῆτοι*, vel potius *ἀντατοι* *incurabiles*, ut nunquam naturæ Medicoque opitulanti cedant, ut raucedines in senibus, calculosa renum dispositio, podagra, elephantiasis & similes. Inter hos autem quasi medij existunt *dubij*, *incipites* seu *periculosi*, qui neque spem salutis omnino auferunt, neque adferunt, sed ancipiti exitu modò perniciem inferunt, modò naturæ robore expugnantur, ut sunt omnes febres continuæ & acuti morbi, de quibus verè pronunciauit Hippocrates *Aphorism.* 19. *sect.* 2. non omnino certas esse illorum prædictiones, vel ad salutem, vel ad mortem.

A B E F F E C T I S. Ut autem ab essentiâ & causis morborum varias proposuimus differentias, sic etiam aliæ sunt ab effectis, quæ nos ad duo potissimum capita reducemus, morem scilicet morbi & motum. Quod ad morem spectat, duæ præcipuæ differentiæ ab eo exoriuntur, quando dicitur morbus quidam *εὐθὺς μῖσις* & *benignus*: vel *κακὸς* *malignus* & *ferus*. Quemadmodum ergo *benignus* is appellatur, qui minus quam pro naturâ suâ & specie sæuit, ut quando febris continua, pleuritis, angina & similes minimis sunt comitata symptomatis: sic *malignus* is erit existimandus, qui vel præter naturam suam & speciem sæuit, ut quando febris tertiana lethalis euadit præter consuetum, vlcus fit *δυσχερὲς*, & similes: vel ex propriâ essentiæ ac causarum suarum conditione ferus & immanis existit cui subiiciuntur tres vulgatissimæ morborum differentiæ, *pestilens* scilicet, *venenatus*, & *contagiosus*: *venenatus* enim is est, qui ob sumpti, admoti, vel intus geniti ex terribis humoribus veneni aduersam habet omnino vitæ qualitatem & deleteriam, ad cuius vim interitus ægri plurimum subsequitur. *Pestilens* autem, præter deleteriam illam qualitatem & internecionem, habet etiam proprium illud, quod communiter vagatur, ut supra dicebamus, & contagione quadam in vicinos serpit: *contagiosus* enim is est, qui sese multiplicare potest, & alios eodem affectus genere inficere. Quod ut melius intelligatur & propter rei vtilitatem, paucis de naturâ contagij est differendum.

Morbos itaque esse, qui non solum indiuidua affligunt, quibus inhærent, sed etiam qui alios inficiunt, certo certius est, & experienciâ eorum satis compertum, quicumque non solum pestilentes status, elephantiasim, luem veneream, & similes contemplati

De commun. quibusd. &c. Cap. XIV. cxlj

contemplati sunt; sed etiam scabiem, ophthalmiam, catarrhos, phthisim, asthmata, strumas, & similes morbos: quorum alij contagium suum communicant contactu solo corporis infecti, ut rabies canina: alij præter contactum etiam fomitem, quem in vestibis, lintheolis, & similibus rebus raris ac foraminulentis relinquunt, ut lepra, scabies, &c. Alij præter contactum & fomitem ad distans etiam ei aculantur illam labem, ut phthisis, febres pestilentes &c. Quomodo verò hoc contingat, ut morborum alij vicinos inficiant, alij verò non, difficile est statuere. Si enim contagio, ut multi arbitrantur, sequeretur vim & violentiam morbi, oporteret morbos qui essent vehementiores, maximè contagiosos esse, cum tamen contrarium appareat in apoplexiâ, convulsione, pleuritide, cholera morbo & similibus, qui nullam infectionis maculam adstantibus vel contingentibus inurunt: quod tamen placidi quidam & mitiores morbi, scabies, ophthalmia, & similes efficiunt: & aliquando in peste remissa est admodum febris, pulsus constans, & urina laudabilis. Sin verò, quod alij putant, contagio esset effectus magnæ inflammationis, sequeretur ardentiores febres esse valde contagiosas: cum tamen & causus & synochus similesque omni contagionis suspitione sæpius careant.

Dicamus itaque quatuor potissimum conditiones requiri, ut morbus aliquis contagiosus existat: primò putredinem: secundò humoris lentorem: tertio ut illa putredo habeat analogiam vel sit qualitatis malignæ & occultæ particeps, propter quam illam partem magis quam aliam afficiat: quarto ut locus in quo resident seminaria illius affectus, sit exhalationi accommodus, unde transferri possunt & defluere in adstantes vel fomitem.

Requiri autem ad contagium putredinem ita confirmatur. Vapor ille seu corpusculum *plasma*, per quod *vocega dōnejos* infectio deferitur, non exurgit ab humore quieto, sed agitato, quemadmodum patet in rebus externis: quo enim magis moventur sordes, eo magis exhalant & foetent. Agitur ergo vel à calore innato, vel extraneo. Ab innato reduceretur potius ad mediocritatem & temperiem, quam ad malignam qualitatem. Adde quod innatus noster calor parum materias istas contagiosas, vel extra regimen suum positas aggreditur: Ab extraneo igitur, qui cum sit duplex, comburens vel putrefaciens: comburens dissipat & consumit fomitem magis quam eleuat aut transmittit. Fiet ergo potius à putrido, qui magis dissolvit, quam consumit, facitque expirationem maximam.

Verum dicet aliquis, contagium sæpe citra febrem apparet, ac proinde citra putredinem, cum eam putredo accendat: at in catarrho, asthmate, ophthalmia, elephantiasi, lue venerea, scabie, & similibus contagiosis, nulla aliquando febris. Respondemus, non esse necessarium, ut omnis putredo febrem accendat, nisi sit valida, & quæ rectè per vaporem possit cor impetere. In iis ergo cum putredo vel sit adhuc in parte tantum humoris, vel exhalet ad exteriora, non ad ipsum cor, sit ut febris nulla aut leuior subsequatur. Ita contingit in rabie caninâ aliquando seminarium morbi per mensem, imo quod Galenus scripsit, per annum latitare, donec quædam putredinis rudimenta conceperit, per quam veluti agitata lues illa intus latitans erumpere possit in actum, corpusque non solum in quo est, sed etiam alia cum quibus sit contactus, inficere. Est itaque omnis contagio cum putredine. Et quemadmodum omni contagio iungitur aliqua putredo, ita omni putredini aliquod contagium: Hinc putridæ febres, ubi vnum aut alterum in domo aliqua inuaserint, reliquis fere communicantur, nec satis est tutum cum eis versari.

Potissimum si huic putredini secunda conditio accesserit, lentor videlicet humoris putrefacti, qui possit reniti aëris dissipationem & calori digerenti, tam subiectorum corporum, quam inficiendorum, necnon exquisitè misceri & illis adhærescere: defectu enim huius conditionis plerumque febres ardentissimæ non sunt contagiosæ, quia humorem habent aerem, facile dissipabilem & combustibilem.

Putredo autem ista seu corruptio ad contagium necessaria non tam posita est in manifestâ quadam temperamenti immutatione, quam totius mixtionis & propriæ partium substantiæ corruptela, ad quam sequitur infectio habens analogiam cum his vel illis partibus, potius quam aliis: unde fit, ut scabiosi, ophthalmici, aut phthisici effluuium, quamuis omnes obiecti hominis partes attingere possit, non tamen afficiat, sed peculiariter cutem, oculos & pulmones: quod inter alia maximè est mirum in morbis istis contagiosis.

Denique non solum prædicta ad contagium sunt necessaria, sed etiam locus siue pars in quâ corruptio contagiosa posita est, debet esse exhalationi ad exteriora ac-

commodata: quomodo enim in vicina corpora transferretur, nisi illa corpuscula, quæ exhalatione quadam in fomitem transmitti debent, vel ad distans concitari, habeant exitum per externos corporis meatus, vt curis, narium, oris, & similium partium, quæ eructare possunt eiusmodi vapores in vicina corpora? Tot igitur requiruntur conditiones ad morbum contagiosum, de quo hæc non inutiliter, quamuis fortasse non suo loco, quia ad tractatum causarum referri poterant, dicta sufficiant.

Ab effectis morborum duo præcipue pendere diximus, morem scilicet, de quo iam actum est; & motum. Quod ad motum itaque attinet, multæ ex eo morborum appellationes & differentiæ exoriuntur Medicis vñtatissimæ. Dicitur enim morbus hæc de causâ *vehemens, velox, acutus & grauis*: aliàs *languidus, tardus, obusus, levis*: dicitur etiam *continuus & intermittens, ordinatus & inordinatus*. Acutus itaque, qui potissimum hic considerandus venit, quia vehementiam simul cum velocitate & grauitate seu periculo obtrinet, à magno differt: quia non omnes magni breues sunt & veloces, sed plerique longi & tardi, quorum scilicet generatio pendet ex paulatinâ temperamenti & partium præcipuarum immutatione, vt epilepsia, arthritidis, hydrops, hæctica & similes, quos fouet pertinax causarum efficientium constantia, quæ non nisi annorum aliquando numero, aut certe cum vitâ hominis post diuturnam exca. nificationem tantum desinunt. Differt etiam à breui: quia non omnes breues velocitatem habent aut vehementiam coniunctam, sed plerique eorundem, vt cito terminantur, sic etiam citra periculum, quales sunt ephemera febris, cephalalgia simplex & similes. Acutus ergo morbus est, si quis verbi gratia coniungat naturam magni & breuis, periculum scilicet cum celeritate: quia acuti morbi propriè appellati coniunctam habent continuam febrem & vehementem ab humore putrefacto, vel inflammato, qui cito mouetur, naturamque indefinenter affligit: siue ille humor sit vâgus & in massa sanguinariâ contentus, vt per caufos, synochos, & alias febres primarias: siue parti alicui affixus, vt per inflammationes systrophicas partium internarum in pleuritide, peripneumonia, phrenitide, & similibus, ad quas symptomaticæ febres consequuntur: non enim humor crassus, lentus, frigidus, & tarde mobilis acutos istos morbos generare potest ratione sui: quamuis aliquando ratione loci, quem occupat, acutos morbos, id est periculosos, & qui ob priuationem actionis ad vitam necessariæ, vt respirationis, cito interimunt, producit: vt per apoplexiam, tetanum, catarrhos præfocantes, & similes videre licet. Vt igitur acuti morbi magni sunt & periculosi, ita etiam breues: ac pro durationis huius varietate etiam distincti, in *acutos simpliciter, peracutos, perperacutos, acutos adau. tatos, acutos ex conuersione, vel ex decidentia*. Cum enim motus naturæ & humoris certis periodis contineri sit obseruatum, quaternariis scilicet & septenariis: hinc morbi acuti simpliciter dicti duobus dierum septenariis iudicantur, vt est *Aph. 23. sect. 2.* At si maior fuerit tum naturæ, tum morbi impetus, sunt *peracutos*, qui primâ statim septimanâ iudicantur, in quibus Hippocrates vult extremos statim labores adesse, & longè tenuissimo victu esse vtendum. Vbi Galenus in commento diuidit istum morbum in non exacte peracutum, qui septimo die à nobis dictus est terminari: & exacte peracutum, qui ad quantum tantum diem peruenit, & in eo iudicatur: quem Practici significantissimo vocabulo expresse. runt, *pe peracutum* vocantes.

Quod si in morbis istis celeritas quodammodo & vehementia minuantur, ex minori causa morbificæ ratione, in quam natura non ita intenta vel coctioni studet, vel dimidiatas tantum & imperfectas crises molitur, fiunt acuti illi *adau. tati*, ad quorum iudicationem & terminationem tertius septenarius, ad vigesimum scilicet aut vigesimum primum diem requiritur: vel si minor sit adhuc impetus, fiunt tunc acuti illi morbi, qui per *metastasin*, conuersionem & decidentiam tales vocantur, & ad quadagesimum usque diem excurrunt, de quibus Hippocrates in *prognostico, spirandi facilitas maximam vim ad salutem sperandam habet, in omnibus morbis acutis, quibus febris copulatur, quique quadraginta diebus terminantur*. Quod verò in epidemiis modo quadagesimum, nunc sexagesimum, tandem etiam octogiesimum dierum supremum statuit centesimum & vigesimum: id factum est, quia ortum considerat morbi acuti, qui ex variis conuersionibus & *metastasin* acutis, vt ille loquitur, modo ad quadagesimum, qui est vulgaris acutorum ex decidentia terminus: modo ad sexagesimum, aliquando etiam ad centesimum vigesimum peruenire potest: vbi iam mensium quaternio exurgit, qui tunc primum morbos longos mensium & annorum

De commun. quibusd. &c. Cap. XIV. cxliij

eadem computatione quaternariorum & septenariorum iudicare incipit. Atque hæc de acutorum differentiis.

Quoniam verò diximus omni morbo acuto proprium esse, ut sit continuus in suo motu & actione: non tamen soli competit: quia possunt morbi tum longi, tum mi- res habere continuitatem, & consimilem affligendi modum donec desinant, ut pa- tet de ephemerâ simplici & extensâ, necnon aliis multis. Hæc autem continuitas siue assiduitas agendi, vel semper sibi similis est & æqualis donec desinat: vel ac- crescit in dies, vel decrescit: unde febres illæ synochæ apud Galenum *homotona*, *epacmaistica*, & *paracmaistica* vocantur. Quibus opponuntur *intermittentes* & *remitten- tes*. Illi dilucida habent intervalla inter suos paroxysmos, ut nullum appareat fere morbi vestigium per intermissionem, quemadmodum in arthritide, epilepsiâ, feбри- bus periodicis in *διπορεξίας* desinentibus, colico affectu & aliis. *Remittentes* verò so- lam imminutionem habent suæ vehementiæ, quæ deinde ingrauescit, vel certâ & ordinatâ periodo, vel incertâ & inordinatâ, quæ morbos constantes & incon- stantes: stabiles & erraticos faciunt. His videntur annectendi morbi illi, qui re- deunt, ac recidivas faciunt, siue sint similes cum superiore radice, seu dissimiles: ista enim *ὑποτροφὴντα ἢ ἐπανερχόμενα νοσήματα* dicuntur Galeno, quæ dum penitus extincta putantur, aut saltem minima eorum symptomata apparent, ad declina- tionem perfectam desinentia, quasi postliminio reuertuntur, & ægrum de nouo in- uadunt, propter relictam in visceribus materiam aut intemperiem, vel prauum ægri victum. Atque hæc de effectis seu differentiis quæ ab eis petuntur.

A TEMPORE ET LOCO. Cum verò causæ non producant suos effectus, nisi sub quadam ratione temporis & loci in quo fiunt: ideo etiam multæ hinc ducuntur morborum differentiæ. Quod ad locum ergo spectat, iam de appellationibus mor- borum ab eo desumptis egimus, dum de epidemiis, & endemiis morbis tractabâ- mus. Ratione verò temporis, quo fiunt morbi, respicimus ordinem generationis, durationis, & solutionis: unde morbus *primarius* & *secundarius*: ad quos referuntur *idiopathicus*, *protopathicus*, *sympathicus* & *deuteropathicus*, de quibus & vario sympathiæ modo iam pridem à nobis actum fuit. Dicitur etiam *hæreditarius*, *congenitus*, *connu- tritus*, vel *aduentitius*: *recens* vel *inueseratus*: *brevis* vel *longus*: *æstiuus*, *hyemalis* & similiter.

Quicumque igitur morbi sequuntur labem à parentibus deriuatam, qui eodem vel non absimili affectu laborarunt, propriè *hæreditarij* dicuntur, quia per successionem, & quasi ius hæreditarium in prolem deriuantur. Hoc latius patet *congenitus* seu *innatus συγγενής*, item *connutritus* siue *συντροφός*: quæcunque enim dispositiones præter naturam vel in ipso vtero ob varias causas, vel statim dum exit ab vtero infans eum occupant, innatæ seu congenitæ censentur: quæ verò non quidem ab vtero, sed paulo post in pueritiâ emergunt, hominẽmque per alias ætates comitantur, *connu- trita* dicuntur ex sententia Hippocratis: quibus opponitur *aduentitius*, qui quo- modocunque per omnes ætates & varias causas accedit, receditque extra omnem suspicionem vitij seminalis aut aliorum principiorum.

Vt autem paulò latius de naturâ & causis hæreditarij morbi differamus, scien- dum est triplicem esse parentum ad liberos similitudinẽ Galeno. *lib. de semine*. Prima quæ est speciei, quando videlicet homo hominem, equus equum generat, quæ pendent ex specificâ facultatis formatricis semini insitæ varietate: Secundo simili- tudo posita est in sexu, cuius diuersitas pendere potest ex vtriusque seminis, men- strui, & vteri calidioris, aut frigidioris, humidioris, vel siccioris temperamento: unde Hippocrates ab vtroque parente modò masculum, modò foemineum semen profundi existimauit, & Galenus, post menstruas purgationes mares: ante illas, id est circa earum periodum, foeminas, ob copiosiotem humiditatem: Tertia simili- tudo est in accidentibus variis, siue animi mores spectes, siue corporis constitu- tiones in temperamento proprio, figurâ, compositione & similibus, siue bonis, si- ue malis. Cum enim semen, iuxta probatissimam Medicorum sententiam, ex præ- cipuis & quasi singulis animantium partibus profluat, è sanis quidem sanum, è mor- bidis morbidum, ut loquitur Hippocrates *lib. de γονῆς*: si non materialiter, saltem virtualiter, ut loquuntur; cum spiritu deferente secum ideam & characterem illa- rum partium: Fit ut illa vis *πλαστική* hoc spiritu, tanquam præcipuo artifice, vtens, Ar- chetypi speciem subiecto suo imprimat, & pro materiæ conditione partes ipsius em- bryonis conformet.

Duo itaque requiruntur in hac similitudine accidentali, vt transferri possit in prolem, nempe vt vel ipsi corpori inhæreat, vel animæ ipsius facultati, quæ sit generatrici proxima: præterea vt accidentia illa imprimenda sint facta & quasi habitualia ipsis parentibus, nec pugnent adhuc valde cum nativo membrorum temperamento. Hinc fit vt affectus superioris animæ & principis, vt virtutes intellectuales, scientiæ, artes, & similia non transeant in liberos per traducem: quia nihil habent commune cum generante facultate, sed ab eâ plurimum absunt: mores tamen (*veniunt cum semine mores*) virtutes & vitia, quando sequuntur potius ipsam organi dispositionem, quam acquisitionem & disciplinam, transeunt in liberos: iracundi vel iracundæ proles in iram propensa, timidi vel timidæ ignaui, vt plurimum euadit. Hinc etiam fit vt affectus illi, dispositiones seu accidentia, quæ nondum in habitum transierunt, sed habent repugnantiam in membris: vt febres putridæ, dolores, inflammationes partium & similes, non transeunt in liberos, quod ad actum ipsum spectat, quamuis propensionem aliquam habere possint ad illos facilius recipiendos. Facti verò & in habitum conuersi plurimum transferuntur in prolem, quoniam immutant conditionem seminalis materiæ, nisi permixtione alterius genituræ aut menstrui temperentur. Elephanticus itaque confirmatus, nephriticus, colicus, podagricus, & similes prolem producant in ipso actu, vel certè magnâ aptitudine ad hunc morbum qui tunc primum exorietur, quando minimarum causarum aderit concursus ad illum suscitandum, vel ætatis exortus huic morbo conuenientioris, aut in quâ parentes eo laborare cœperunt. Eadem de causâ conformatio seu figura corporis, illius pulchritudo, vel deformitas in liberos transit, quoniam sunt qualitates fixæ & stabiles, ex quarum veluti exemplari vis illa conformatrix, vt dicebamus, puerulorum effigiem concinnat, nisi ab imaginationis perturbationibus, alterutrius seminis resistentiâ, aut materiæ ineptitudine impediatur, ob quorum varietatem tanta etiam dissimilitudo aliquando apparet inter parentes & liberos in specie humanâ. Atque hæc pauca de morbo hæreditario: nunc reliquas differentias percurramus.

Morbus ego *recens* is dicitur, qui de nouo factus paruum adhuc in corpore moram traxit: cui opponitur *inueteratus*, paulo minus patens quam *connutritus*, de quo superius agebamus: brevis autem is dicitur, qui vel ex naturâ suâ, vel artis beneficio expugnatus parum durat, siue habeat iunctam vehementiam, vt in acutis; siue illâ careat. Cui opponitur *longus, chronicus* vel πολυχρόνιος dictus, qui coincidit quasi cum connutrito & inueterato: ita vt ex propriâ suâ naturâ habeat durationis suæ terminos productiores & diuturnos. Qui morbi apud Hippocratem non tam dierum vel septimanarum, quam mensium & annorum numero iudicantur: Sic puerilis epilepsia, nisi circa vigesimum quintum annum euanescat per calidioris ætatis aduentum & ἐλάμψιν, reliquum vitæ tempus perdurat. Sic morbi chronici, qui hyeme fiunt, in contraria constitutione soluantur plerumque, vt æstate; vel in aliâ quæ respondeat computationi mensium per quaternarios & septenarios, vt supra dictum fuit.

Porro cum ista fiant per certas anni tempestates & mutationes syderum, ideo annotauit Hippocrates in generatione morborum æquinoctia, vtrumque solstitium, caniculæ ortum, & similia, vocauitque morbos alios *æstiuos, hyemales, autumnales, & vernos*, vel qui eo anni tempore gignuntur, vel qui temperiem & naturam habent illi respondentem: Vnde *Aphorismo vigesimo quinto sectionis tertiæ*, quartanæ *æstiuæ* dicuntur, quæ tunc temporis homines inuadere solent: & *Aphorismo quarto sectionis tertiæ*, *autumnales* morbi quicunque suâ inconstantia & inæqualitate autumnali statum imitantur. Sed vt ista breuitas, longitudo & similes morborum differentia intelligantur, par est vt iam de morborum temporibus, tanquam eorum partibus agamus.

De temporibus morborum. Cap. XV. cXLV

C A P V T XV.

De temporibus morborum.

TEMPORA, partes, siue ætates morborum distinguere posse est vtilissimum, tam propter ipsam curationem, remediorum scilicet & diætæ usum, quæ pro diuerso morbi tempore variantur: quàm propter salutis mortisque præsagium & iudiciorum siue criseon rationem. Tempora autem morborum appellant Medici, ductâ quadam ab animantibus similitudine. Quemadmodum enim illa per certas mutationes augentur & intereunt: ita quoque morbi ex motione suarum causarum, aut propriæ essentia mutatione, vbi incipiunt primò & generantur, sic etiam augentur & vigent, ac vicissim minuantur, & decidunt: Nihil enim aliud est morbi tempus, nisi pars eius, aut ætas, quæ successione quadam vicissitudine aliam constitutionem suscipit: vel spatium id & intervallum, quo insignes fiunt in illis mutationes.

Sunt autem tempora morborum vel vniuersalia, vel particularia. Vniuersalia dicuntur ea quibus totus morbi decursus comprehenditur: quorum vnumquodque rursum in principium, medium & finem distinguitur. Particularia verò sunt minores partes, in quas singulæ accessiones diuiduntur: quæ accessiones seu paroxysmi sunt deteriores totius periodi & circuitus partes. Periodum autem in morbis appellat Galenus *comment. in Aph. 43. lib. 7.* eiusdem ad idem per certum tempus & ordinem, reditum. Porro tam vniuersalia, quàm particularia tempora quatuor ab omnibus vno consensu statuuntur, principium nempe, augmentum, status & declinatio. Principium autem morbi, vt idem docet Galenus *comment. in Aphor. 12. sect. 7.* trifariam sumitur: Vel pro primo eius insultu & inuasionem manifesta, quam *ἡ πρώτη ἐκείνου* vocant, Barbari principium principians, quo scilicet aliquis male habere incipit, & cogitur decumbere, vel sumitur pro spatio trium dierum, ex quo aliquis incommodâ valetudine usus est: vel pro toto illo tempore quo materia morbifica cruda existit. Quod attinet ad primam principij significationem, vtilis est Medico, propter dies criticos & morbi iudicia, quorum computatio facienda est ex primæ aggressionis horâ, quâ cœpit æger decumbere, vel certè decubitu egere. Secunda verò principij significatio ex vulgari hominum loquendi ratione desumpta est, qui illud vocant esse in principio, quod parua adhuc habet suæ generationis incrementa, vel parum durauit: vnde etiam Medici, vt certum quoddam temporis spatium designarent cum Hippocrate, si quid est mouendum, vt vena secanda, vel exhibendum pharmacum ob materia *ἡ πρώτη ἐκείνου* in principio morbi, illud de tribus primis diebus interpretantur, vbi aliæ desunt notæ & indicia. Ac propterea illa magis est artificiosa principij significatio in morbis humoralibus, quæ ex cruditate & coctione finitur. Cum enim totus morbi decursus constet ex pugna naturæ cum materia morbificâ, certum est in principio actionis naturæ non posse adhuc esse magna coctionis rudimenta, sed cruditatem esse insignem, pro variâ humoris & partium ratione, quæ causa est potissima inæqualitatis temporum, vt principium verbi gratia longum, incrementum vel status sit breuis, aut contrâ: tempus enim illud quod statim principium excipit, incrementum, augmentum, ascensus, *ἀύξινσις* & *ἀνέσθαισις* seu *ἐνδοσθίσις* vocatur, quando morbus vires acquirens intenditur & eleuatur, donec ad summum vigorem peruenerit, qui status siue *ἀκμή* vocatur: in quo cum grauissima adsit naturæ & morbificæ causæ decertatio, oportet citò victoriam ex parte alterutrius sequi, quam si natura obtinuerit debellato morbo, succedit vltimum illud tempus, quod *ἡ ὑποκρίσις* declinatio vocatur, quia paulatim exolescitur, & tandem bonis ægri rebus euanesceat affectus: aliàs si morbus omnem naturæ conatum superauerit, perniciem tunc frequentissimè adferre solet.

Ex quibus fere colligitur, tempora hæc morborum vniuersalia penes tria potissimum versari, causarum scilicet morbificarum statum: morbi propriam essentiam: & effectuum siue symptomatum paruitatem aut vehementiam. Causa enim morbifica, vt iam dicebamus, vt mutat corpus nostrum agendo, sic etiam inuicem repariendo multas patitur mutationes per cuiusque morbi humoralis decursum. Ex respectu itaque materiae morbificæ & actionis calidi innati in eam, dicimus tunc esse principium,

T

quamdiu

quamdiu calor natiuus quasi obrutus multitudine illius, vt flamma à lignis viridibus vel humidis, nulla adhuc emittit rudimenta concoctionis in humore: sed omnia cruda & quasi intacta apparent. Vbi verò cœpit illucescere vis naturę humorem agitantis, & coquentis, quasi flammę lignum delambentis, & vrere incipientis, tunc augmentum existit, donec appareant manifesta concocti humoris indicia, quę Hippocrates per ideam puris albi, lævis, æqualis, & minimum fœtidi descripsit in prognosticis. Et quoniam is est ordo & series functionum naturalium, vt post coctionem fiat secretio utilis ab inutili, huiusque per consuetas vias expulsio: ideo in statu post peractam coctionem, cum natura sit in procinctu ad crîsim, vacuationem scilicet & secretionem, ideo maxima perturbatio existit, & symptomatum violentia, de quâ meminit Hippocrates *Aphor. 13. lib. 2.* non ex parte coctionis, quę iam ex maiori parte perfecta est, vt diximus; sed expulsionis: quâ peractâ perfectè vel imperfectè succedit declinatio cum naturę triumpho, & certis proximę salutis indiciis. Aliquando etiam Galenus tempora ista morborum distinguit, in morbis ex fluxione concitatis, ratione illius primum fientis, deinde implentis partem, donec ad summam distentionem peruenerit, cuius vacuatio etiam sensilis vel resolutio facit declinationem.

Penes verò essentiam & propriam morborum naturam distinguuntur tempora morborum, quando videlicet illa essentia, vt calor in febre, magnitudo & similia in morbis organicis aut communibus intenditur aut remittitur: vnde penes essentiam dicitur principium morbi, quādiu propinquissimus generationi suę parum adhuc promouit naturę suę propagationem. Contrā augmentum, vbi sensibilibiter accrescit penes essentiam; status, vbi summum suę perfectionis, quantum conicere licet, acquisiuit: in quâ cum non possit diu durare ægro superstite, ideo vel eum perimit, vel minuitur & descrodit: cuius rei exemplum in qualitatibus alicui subiecto impressis est manifestum.


Quemadmodum igitur causę morbificę & morbi ipsi varias mutationes subeunt, sic etiam effectus qui ab illis proficiuntur, siue symptomata variè mutari per morbi tempus oportet. Ac proinde cum ex symptomatis maxime sensibiles notę constitutionum morbosarum desumantur, ideo apud Galenum sæpe illa ex symptomatum paruitate vel vehementiâ distinguuntur. In principio enim morbi cum nondum sit factus magnus recessus à naturali statu penes essentiam morbi, neque adhuc multum agitata sit causa morbifica, tunc parua etiam oportet esse symptomata, vt contrā in augmento & statu, quando intenditur naturę & morbi certamen, quo pacto necesse est etiam symptomata succedente declinatione remitti. Non tamen idcirco existimandum est diuersa esse statuenda tempora, vt quidam faciūt, in vno eodemque morbo, alia scilicet quę sequatur essentiam morbi, alia causarum mutationes, alia vero effectuum siue symptomatum: cum enim hæc se mutuò cōsequantur, & vnum ab altero pēdeat, non possunt distincta facere tempora & diuersa: sed intensissima esse symptomata in statu cum concoctione & mitificatione humoris morbifici, sit ratione secretionis & expulsionis, in quâ maior est naturę perturbatio, & materię resistentia; quam in ipsâ coctione, vt iam dicebamus. Præterea cuiusuis morbi tempora non possunt secundum ista tria distingui. Quomodo enim febris hectica, aut ephemera & alię immateriales qualitates, vel etiam calculi, vulnera & similes concoctione distinguantur? Aut quomodo febris verbi gratia pestilens per symptomata, quę sæpius homines è medio tollit, nullis grauioribus symptomatis apparentibus? Sunt igitur ista tria ita inter se componenda, vt aliquando ex omnibus simul, aliquando ex vno aut duobus eorum magis notis & apparentibus tempora morborum distinguamus.

Verum quæri hic solet, vtrum omnes morbi quatuor ista tempora vniuersalia percurrant? Ad quod respondendum est, adhibita distinctione morborum salutarium & eorum qui mortem inferunt. Quod ad salutare, credibile est eos quatuor illa tempora percurrere; cum enim incipiant, non possunt perdurare, & ad salubrem statum desinere, quin augeantur & persistant aliquantisper in suo statu. Hic enim est ordo earum rerum quę oriuntur, vt consuetas suas ætates percurrant. Quia tamen inter ista tempora apparet aliquando summa inæqualitas durationis, hinc fit vt illa quę principium vel augmentum, statum, aut declinationem habent breuissima, existimentur aliquando illis carere: Vnde Galenus *lib. de optima secta*, scripsit nonnullos morbos acutos, vt apoplexiâ, simul atque inuadunt vigore assumere: & *9. meth.* gloriatur se multas febres sanguinis missione iugulasse: quasi dicat tã subito curasse, vt statim in declinationem, aut perfectâ sanitatē peruenerint. Quod eadē ratione intelligendum est de febribus illis, quas vocat, *epacmasticas*, *paracmasticas*, & *homotonas*: tã breuia scilicet habere & inæqualia

Quid causa morbi, & quotupl. Cap. I. cxlvij

inæqualia quædam tempora, vt ex alterius longiore duratione nomen & appellationem desumpserint. Ista autem temporum inæqualitas in morbis, eorumque breuitas & diuturnitas pendet à varietate efficientium causarum, naturæ diuersâ constitutione, & partium ac meatuum corporis nostri laxitate, densitate, & aliis conditionibus.

Lethales autem morbi non percurrunt quatuor ista tempora, quoniam in principio ipso saltem sensibili, vt patet de venenatis & pestilentibus morbis, qui aliquando intra paucas horas interficiunt, mors accidere potest: sæpius in augmento, vel statu vigente pugnâ morbi & naturæ. In declinatione enim vniuersali verâ nemo moritur: nam fieri posse non videtur, vt tunc succumbât natura, quando hostem deuicit. Quod si aliquis moriatur aliquando, postquam morbus videbatur factus leuior, existimandum est falsam fuisse declinationem, aut quia virtus imbecilla non contendebar amplius cum causâ morbificâ: aut illa quiescebat ad tempus, mox ferocius naturam inuasura; vnde frequentes recidiuæ: tum etiam ex inordinato ægri victu & intempestiuo remediorum vsu, quibus ægri de nouo in periculum præcipitantur. Atque hæc de temporibus morborum sufficiant. Nunc ad tertiam Pathologiæ partem accedamus, quæ est de causis morborum.




PATHOLOGIE VNIVERSALIS

PARS TERTIA DE CAUSIS MORBORVM

CAPVT PRIMVM.

Quid causa morbi, & quotuplex.



EXPLICATA morbi naturâ, definitione, generibus, differentiis & partibus, iam superesse videtur, vt de morborum causis & effectibus differamus. Cum enim nihil sine causâ fieri certissimum sit, & causæ cognitio ad rei cuiusque naturam elarius intelligendam faciat, ideo ex Galeni sententiâ maximè laborare debet Medicus in causarum morbificarum διαγνώσει, si quidem therapeiam rectè & methodicè velit instituere.

Genus autem omne causæ, cum sit apud Philosophum vel in rei formâ, vel in materiâ, aut in fine, vel sit efficiens: causa verò formalis sit propria cuiusvis rei essentia: non est quod de causâ formali morborum rursus agamus, quandoquidem de singulorum naturâ & differentiis iam prius disputauerimus: neque etiam de materiali: cum enim morbus sit accidens, non habet materiam ex quâ fiat, sed tantum in quâ existat velut δευτερον πρωτον, partes scilicet corporis viuētis, tam similes quam dissimiles, vt prius ostendimus. Quod ad causam verò finalem spectat, vel eâ caret morbus, vt cætera quæ in imperfectione posita sunt: vel certè per accidens tantum habet, quatenus ad eius generationem sequitur functionum læsio, quæ est præcipuus morbi effectus, vt postea in tractatu symptomatum videbimus.

Superest igitur efficiens morborum causa, ad quam referantur tractatus omnes, qui apud Galenum & alios Medicinæ authores habentur, de morborum causis, & cuius causâ explicationem istam suscepimus.


Causa igitur ista efficiens morbifica cum dicatur ratione effectus quem præstat, vel præstare potest, est quædam relatio καὶ ἐν τῷ πρὸς τῇ; quia semper habet respectum ad eam dispositionem, quam in corporibus nostris inducere potest: quumque sit accidentarij effectus causa, illius etiam actio pendet præcipuè ab aliquo accidente, cuius vitalis effectus producitur, nempe qualitate. Neque enim humor verbi gratia febrem facit, quatenus est quædam substantia; sed accedente qualitate, vt putredine, vitione, & similibus: Neque etiam quantitas, situs aut similia immediate morbum parere possunt, sed concomitanter, vt aiunt, & propter connatam illis aliquam qualitatem, vt pressionem, distentionem, obstructionem & similia: ad quam omnes morbificæ causæ saltem coniunctæ & proximæ reduci debent.

Dicamus igitur morborum efficientem hanc causam non solum esse à quâ fit morbus, vel à quâ primò fit motus, vt est apud Philosophum; sed latiori significato, quæ quocunque modo aliquid ad generationem morbi confert: siue suapte naturâ primò, principaliter, & per se; siue per accidens, secundariò, mediare & coadiuuando illud tantum præstet. Quærit enim Medicus efficientes omnis generis, quid morbum gignat, augeat, & foueat: quid iam faciat vel facere possit: quid vt communis causa, quid vt particularis & propria: quid remotè, quid propinquè: denique quid vnumquodque tam rerum naturalium, vt disponentium: quam non naturalium & præter naturam in morbis præstare valeat, expendimus: quemadmodum causas cum quibus & sine quibus, aliosque causarum modos.

Causam enim morbificam per se agere & ex suâ naturâ dicimus, cum propriâ & iustâ vi, nullius alterius interuentu id præstat: per accidens verò, quando aliquid aliud excitat, cuius interuentu, quamuis ad hoc non videbatur apta, fit dispositio quædam morbosa. Sic aqua frigida vel nix corpori nostro affusa refrigerat: per accidens verò calfacit, densatâ cute & coërcito intus calore natiuo: Similiter scammonium per se corpus calfacit, acre scilicet & exurens medicamentum; sed quia bilem calidosque humores potenter expurgat, κατὰ συμβεβηκός refrigerat.


Causa autem ea morbi iam agere dicitur, quæ accedente patientis debitâ præparatione, illius robore, vtriusque applicatione, & temporis morâ conueniente mutationem aliquam in corpus nostrum inducit. Ea verò agere potest, vt dicebamus, quæ ex suâ naturâ, si supradicta omnia conueniant, illud efficere solet: ita vt dicatur principalis siue gignens, quæ vel primum dedit effectui motum, vel sola illum concitare valet. Causa verò adiutrix, quæ alio nomine concausa & συναιτιος ab Hippocrate appellatur, à recentioribus causa sine quâ non: quia vel id non efficit solâ, sed præcipuè auxiliatur causæ, vel quod adiuumentum tantum & quasi præparationem adfert, vt causa principalis agat: ita vt sine eâ actura non fuisset, aut certè cum eâ commodius vel vehementius agat. Causa etiam morbi quædam communis dicitur, quæ in pluribus plures eiusdem rationis vel diuersæ excitat morbos: Peculiaris verò ea, quæ vnius certi morbi, vel huius, vel illius in hoc indiuiduo existit. Sic remota ea est, inter quam & morbum alix plures intercedunt: propinqua verò siue coniuncta, quæ immediatè & proximè morbum ipsum parit.

Cæterum cum omnes causæ, quæ corpora nostra afficiunt & immutant, vel intra nostrum corpus sint positæ, & eius quasi partes existant, vel forinsecus adueniant, aut certè corporis ipsius naturam non sequantur: ideo factum est vt communis & magis vsitata causarum istarum morbificarum diuisio apud Medicos habeatur, in externas scilicet, & internas, de quibus etiam operæ pretium est vt paucis agamus.



C A P V T II.

De externis morborum causis.



TA voluit vsus, cuius magna est in assignandis rerum appellationibus potentia, vt causæ morborum euidenter, omnibus manifestæ & cognitæ, Græcis προκαταρκτικῇ, προηλθὶ & προφάσις, dictæ: Barbaris verò significanti vocabulo primitiuæ vel præincipientes, externarum nomine contineantur: siue quod ab exterioribus rebus proueniant, vt aëre, cibo, potu, agitationibus variis, vulnecantibus & similibus, quæ effectiuè potius quam materialiter concurrunt ad morborum generationem saltem immediatè, quia cibis & potibus prius in humores conuertantur oportet: siue quod ab animâ, quæ diuersa est à substantiâ corporis, proueniant, vt irâ, mœrore, reliquisque animi pathematis: siue quod ita sunt perspicuæ & euidenter, verbi gratia somnus, vigilia, excreta, & retenta, vt quasi exterius positæ ab omnibus sine vllò vltiori ratiocinio percipiantur, cum interiores abdita sint magis & obscuræ. Præterea inter causas istas extrinsecas & euidenter videtur Galenus lib. de morborum causis, discrimen aliquod constituere, ita vt προκαταρκτικὰ seu præincipientes causas eas tantum appellet, quæ vehementer corpus alterant, & immutant: ita vt ex propriâ vi & actionis potentiâ morbum producere valeant: alias verò quæ suapte naturâ morbum inferre nequeunt, sed saltem disponunt, vel tantum obscuram corporis

De externis morborum causis. Cap. II. cxlix

corporis ad morbum aliquem suscipiendum, præparationem, ad id impellunt. *Quæ*, quasi dicas occasiones, vocauit.

Ex quibus Galeni verbis orta est illorum dubitatio, qui existimant externas istas res, aut omnino non esse causas morborum: aut si quodammodo causæ sint censendæ eorum, id esse tantum ex accidenti, & velut occasione. Nam si v. g. exercitatio, vinum aut balneum causæ febrium essent per se, in quemcunque hominem inciderent, febrem generarent: non enim potest separari effectus à re cui inest per se: sed sint his mille homines in theatro confertissimi sub sole meridiano, vel plures in conuiuio laetiori, duos fortasse vel tres continget febricitare, ab illo æstu aut abundantiori potu: ac proinde oportet febricitandi causam non in illis externis, sed in istis qui febricitarunt, fuisse. Ad illud respondet Galenus *lib. 1. de differentiis febrium cap. 4.* Oporteret, inquit, memoriâ repetere, quod nulla causarum sine patientis aptitudine agere potest, alioquin omnes qui sub æstiuo sole commorarentur, febricitarent: possunt enim externa ista febrem ex naturâ suâ modo validius, modo infirmius excitare, dummodo adsit in his qui illas patiuntur, quædam præparatio: vnde pro illarum causarum potentiâ vel impotentiâ, subiecti maiore vel minore dispositione, aliorumque externorum consensu vel dissensu tot effectuum varietates subsequuntur.

Verum dicent illi, quamuis hoc admittamus, nulla tamen harum causarum febrem aut alium morbum poterit efficere, quin promoueat & quasi excitet internarum aliquam: ita vt proprium sit externis causis per motionem antecedentium internarum morbos generare. Sed nos istorum opinionem infinitis propè exemplis conuincere possumus. Nam quod ad causas violentas externas, vt vulnera, incisionum est dispositiones, quæ ab illis inducuntur, non agnoscere internarum concursus: quando enim gladio præcinditur manus vel alia pars: quando casu frangitur os auris, & similia, nulla est hic motio causarum internarum, quod ad morbi generationem spectet, nisi fortassis postea ob vim doloris fluxiones concitentur: Sic qui ex itinere semianimes præ frigore in hospitium deferuntur, illi refrigerationem patiuntur nudam ex solo occurso aëris aquilonij aut aquæ gelidæ, si in illam præcipitari fuerint. Imo etiam multæ sunt febres, quæ generationis suæ causas omnino externis rebus acceptas referunt, vt patet de hecticis primariis, de diariis ab irâ aut motu concitatis, quæ paucarum horarum spatio euanescent. Ac proinde certum est externas istas causas per se morbos efficere posse, & sæpissimè absque ullius internæ concursu.

Porro Galenus omnem causarum istarum externarum materiam *lib. de sanit. tuend.* in quatuor distinxit genera, *assumendorum, faciendorum, educendorum & admouendorum*: his enim causarum generibus non modo custodia sanitatis perficitur, verum morbi etiam omnes generationem suam curationemque acceptam referunt: *Sumendorum* enim nomine cibus, potus, & si quid medicamentorum interdò fumitur, atque etiam ipse aër qui perpetuò inspiratur, intelligitur: *Faciendorum* nomine frictions, ambulationes, equitationes, unctiones, denique motus omnis & exercitatio, necnon somnus, vigilia, ac Veneris usus: *Educendorum* autem, ea omnia, quæ in corpore continentur, quacunque parte ferantur, aut educi debeant, sub quibus omne vacuationum genus continetur: *Admouendorum & foris incidentium*, primus est aër nos ambiens, balnea, & reliquæ omnia, quæ unctionis, emplastri, cataplasmatum, aut alterius rei formâ cuti applicantur.

Alij malunt omnes istas causas externas diuidere in eas quæ dicuntur necessariae, & in non necessariae. Necessariæ enim sunt sex illæ res non naturales vulgo Medicorum dictæ, quoniam non possumus illis carere, nec in totum eas fugere aut declinare, quamdiu vitâ fruimur: sed quoties illis bene vtimur, sanitatis nostræ & correctionis morborum præcipua sunt fundamenta, vt contra aduersam sanitatem inferunt, quoties illis male vtimur, siue coacti, seu imprudenter & casu quodam: Tales sunt aër, cibus & potus, motus & quies, somnus & vigilia, excreta, retenta, & animi pathemata. Non necessariae vero illæ sunt, quas in vniuersum vitare possumus, aut sine quibus vita seruari potest, vt hic aër, hic cibus, balneum & similia: omniæque fortuita, vt gladiatorum ictus, ruentis lapidis aut bestiarum occursum & alia. Hæc igitur omnia morborum causæ externæ esse possunt, quarum explicatio particularis in tractatu sanitatis tuendæ proponi solet. Nobis itaque illas nunc enumerasse sufficiat, vt ad internas morborum causas veniamus.

CAPVT III.

De internis morborum causis.

INTERNAM morborum causam ideo appellatam esse dicebamus, tum quod interius abdita sit, & vulgarem hominum notitiam lateat: tum quod sit corporis veluti pars aut saltem contentum, quod præter naturam affectum sanitatis symmetriam dissoluit, totique corpori vel alicui parti dispositionem morbificam infert: spiritus enim, flatus, vapores, humores, excrementa tam naturalia, quam præter naturam, imo etiam ipsa partium particulae, & quidquid in illis continetur aut adnascitur, causæ istius interioris morbificæ naturam subire potest. Ac proinde cum causæ istæ interiores morbificæ, aliæ affectus præter naturam proximè & immediatè excitent, aliæ verò interueniente motu, & multis intermediis aliquando alterationibus, ideo etiam internæ istæ causæ in antecedentes, medias, proximas, coniunctas, & continentes diuiduntur. Antecedens enim causa nondum est, sed erit causa morbi, maximèque ab illo distat: coniuncta vero seu continens ea est quæ actu parit morbum, illique est propinquissima, vt portio biliosi succi, quæ iam paroxysmum febris tertianæ mouit: reliquæ omnes intermediæ existunt, donec ab antecedente ad coniunctam peruentum sit. Inter coniunctam autem & continentem quidam hanc esse volunt differentiam, vt coniuncta sit tantum morbo proxima, continens verò non solum proxima, sed quasi de essentiâ morbi, ita vt sine eo subsistere nequeat. Vnde multi recentiorum, quamuis antecedentem causam & coniunctam siue proximam in morbis admittant, continentem tamen omnino reiiciunt, & nullo modo apud Galenum inueniri contendunt.

Nos itaque de continente causa sequenti capite paucis disputabimus, nunc verò controuersiam quamdam apud Hippocratem de internis hisce morborum causis non prorsus ab instituto nostro alienam conciliabimus: Ille enim *lib. de naturâ humanâ*, omnem morbi causam ad quatuor humores in nobis contentos referre videtur, dum ait: *Corpus autem hominis continet in se sanguinem, pituitam, & bilem utramque: propter ista agrotat & sanum est: agrotat quidem cum horum aliquid minus aut amplius euaserit: aut separatim in corpore fuerit, nec omnino contemperatum.* *Lib. verò de affectionibus & lib. 1. de morbis* duos tantum humores morborum causas constituit, bilem scilicet & pituitam, his verbis: *Morbi omnes hominibus à bile ac pituitâ fiunt: bilis autem & pituita morbos exhibent, quum in corpore nimium aut resiccantur aut humectantur, aut incalescunt, aut frigesunt.* Longè verò ab his diuersa est sententia *lib. de flatibus*: Vbi etiam cum demonstratione conficere nititur flatum omnium morborum authorem esse, dum ait: *Flatus ipsi omnium morborum omnimoda existunt causa: cætera verò qua causa videri possunt, vel hos adiuuant, vel consequenter post hos in corporibus morbos generant.* Ita varius est & dubius in assignandis morborum causis Hippocrates, vt liceat alicui res minus accuratè examinanti, illud in Hippocratem retorque, quod ipse Æsculapio tribuit *epistolâ ad Democritum*, ipsum nempe *Medicinâ inuentorem à seipso in multis dissentire*: Sed nos interpretatione laudabili, & mentem authoris obseruando pugnantiam istam tollere conabimur.

Totius enim libri illius *Ἐν Πύρσι* scopus est, vt probet quatuor esse elementa quibus corpus nostrum constituitur, aduersus Democritum & alios sui temporis Philosophos, quod præstat argumentis tum à generali rerum notitiâ petitis, tum particulari corporis constitutione: vt quando ex quatuor humoribus diuersis quibus abundamus, totidem esse elementa, quibus remotè corpus constituitur, asserit: & ab eisdem diuersos fieri morbos, velut effectricibus morborum causis, sub quibus ea omnia complectitur, quæ alibi contentorum nomine significauit. At *lib. Ἐν Πύρσι*, vbi duos tantum humores, eosque nominibus bilis & phlegmatis designatos: existimamus eum præcipuos tantum recensuisse humores, à quibus vt plurimum & frequentissimè morbi gignuntur, quique reliquos vi ac potestate quodammodo continent: per bilem enim *χολὴν δΐτλην ξαυθὴν καὶ μέλαιναν*, vt est plerumque alibi, flauam & nigram intellexit: sub phlegmate, omnes pituitæ & serosita-

De morbi causa continente. Cap. IV. clj

tum species. Quia verò sanguis, aut numquam præter naturam est, aut si sit, iam formam suam amittit, & in alios humores degenerat, ideo illum omisisse credibile est. In lib. vero de flatibus generalem tantum causam, & quasi primariam inquiris, quæ reliquis omnibus particularibus motum præstet: unde meminit *συμπίπτειν τῇ μεταστάσει*. Nam sicuti naturalis spiritus, quem ille sub flatu nomine complexus est, ad animantis naturam efformandam, conseruandamque præcipuam vim obtinet: ita è contrario præter naturam affectus maximam vim ad illam destruendam obinebit. Atque hæc de propositâ controuersia.

C A P V T I V.

De morbi causa continente.



CELIBRIS est magis quam utilis ista de morbi causâ continente apud Neotericos disputatio, quam paucis absolvere propositum est. *Συνεχίζων* igitur *αἰτίων*, continens causa, nomen fuit tum Philosophis, tum Medicis antiquioribus incognitum, & à Stoicis primò inuentum, vt testantur Galenus lib. de plenitud. & Alexander Aphrodisæus lib. de mixtione; existimantibus tenuem esse spiritum toti mundo & eius partibus infusum, quo res omnes continebantur, & in sua quasi naturâ conseruabantur. Attamen Galenus hoc nomen sæpius vsurpauit, vt lib. 1. de pulsuum causis cap. 1. triplex esse ait causarum genus, non in pulsibus modo, sed & in aliis cunctis rebus: Vnum, quod primum & præcipuum est, continens appellant, cuius inde appellatio deducta est, quod illorum essentiam contineat. Idque reperitur lib. de hist. philosoph. Comment. autem 1. in lib. de natur. humanâ, continentem causam admittit in illo tantum rerum genere, quæ non sunt, nisi quamdiu fiunt: in rebus autem factis reiicit: Non enim in illis, inquit, effectrix causa essentiam rerum continet, sed forma potius in certâ materiâ existens, unde forma, non efficiens in istis causa continens esset dicenda: Ac Iulianum illum accusat, qui in omnibus causæ continentis nomen male vsurpabat.

In hoc igitur nos primum cum Galeno consentimus, quod cum de continente morborum causâ agimus, non formas eorum inquirimus, sed effectricem causam, eamque corporatam, vt vocant, internam ac materialem: quam Philosophus *ἐνόςζων* appellare videtur: quamque nos more medico, id est ad sensum ista expendentes, definimus, *causam quæ præsens morbum efficit, & quæ abeunte morbi ab eâ excitati cessant*. Quamuis enim morbus non sit de successiuorum genere, eorum scilicet quæ continuâ egent causæ actione, quia essentiam non simul obtinent, vt motus, locutio, saltatio, & similia; sed eatenus sibi per partes succedunt, quatenus actio causæ perdurat. Attamen morbi quidam ita exilem habent essentiam, & à causâ dependentem, vt ferè omnino sint in fieri, si conseruationem eorum & durationem spectes in subiecto, quæ non potest esse diuturna & sensibilis sine causæ istius præsentia, quam continetem vocamus, eoque nomine à coniunctâ & proximâ distinguebamur, quod omnis quidem continens est proxima, sed non contra in illis morbis, qui iam sunt facti, & *ἀπαμυνν* habere possunt sublatis omnibus causis effectricibus & corporeis, à quibus primum fuerunt excitati. Non enim hîc intelligimus cum Argerterio, qui in Iuliani errorem ferè recidit, immoderantias, inæqualitates, intemperies aut excessus esse causas istas continentes morborum: sic enim omnis morbus eâ esset præditus, quia ista immoderantia, excessus, & similia sunt potius formalis ratio, quam effectrix causa ipsius constitutionis præter naturam.

Nos igitur relictis Logicorum istorum argutiolis ostendamus, in quouis morborum genere, quamuis non in omni morbo, dari aliquando causam continentem effectricem & corpoream, cuius ideo essentiam & naturam in quibusdam morbis coactus est complecti Galenus, potissimum organicis. In intemperie primum cum certum sit qualitates illas actiuas à quibus producitur aliquando, leuiter tantum esse impressas toti corpori vel partibus, vt remotâ non dicam causâ internâ, sed etiam externâ facillè euanescent, vt patet de dolore capitis ab insolatu & similibus: quis dubitauerit in illis intemperiebus fientibus causam continentem agnoscere, à quâ

quâ generantur & conseruantur, cum eâ sublatâ protinus, aut saltem ad sensum, quod Medico sufficit, euanescent? Et Galenus 8. *meth.* febrium intermittentium exemplo confirmat, quarum paroxysmus statim desinit, vbi primùm humor vel vapor à quo fouebatur, per insensilem transpirationem, sudorem, vrinas, vomitum, aut alui fluxum fuerit exclusus: quod in maiorum etiam morborum crisis, & subitis curationibus apparet. In instrumentariis verò morbis dari istam causam continentem, multò adhuc apertius est. Cum enim causæ morborum istorum, corporis nostri constitutionem immutent talibus accidentibus seu qualitatibus, quas nec deserere, nec aliis corporibus communicare possunt: quis non videt tales causas suo discessu statim affectum præter naturam tollere, quemadmodum suo accessu pepererant, quod est causam continentem esse? Figura, magnitudo, numerus & situs non ita se multiplicant, aut propagare possunt in vicinum corpus, quemadmodum calor & frigus. Quidquid igitur præstabunt in nobis, in totum auferent secum, quando à corpore tollentur. V. g. sublatâ materiâ, aut calculo obstruente, statim tollitur obstructio: sublato sexto digito, aut aliâ parte superfluâ, statim restituitur debitus partium numerus, & vitium quod ex illo pendebat aufertur, ac proinde causa fuit illius continens. Nisi velis in Fuchsijs absurditates incidere, qui morbum esse substantiam contendebat.

Quod ad solutam vnitatem spectat, quæ vel perfecta est vel imperfecta: quamuis in illâ quæ perfecta dicitur & manifesta, non videatur dari causa continens, non enim sublato telo, aut humore erodente statim tollitur vulnus aut vlcus: attamen in occultâ seu imperfectâ, quæ diuulsione, distensione, aut pressione perficitur, manifestissimum est adesse causam continentem. Quoties enim colon intestinum, verbi gratia flatu distentum dolet, toties & tam subitò curatur, quam flatu ille fuerit extrusus aut dissipatus: quemadmodum in omni tumore præter naturam, sublatâ materiâ aufertur tum magnitudo præter naturam, tum diuulsio illa & compressio partium. Ac proinde patet in omni genere morborum dari aliquando istam causam continentem.

Nam quod obiiciunt aduersarij, morbos esse de genere permanentium & rerum factarum, quæ habent partes suas & essentiam simul in subiecto, ac proinde remotis causis permanere posse, facillè ex supradictis soluitur. Si enim illæ partes & illa essentia sint leuiter introductæ in partes corporis nostri, vix possunt subsistere absque causæ suæ præsentia, aut certè tam exiguo temporis momento tolluntur, vt sub Medici considerationem non veniat, quemadmodum superioribus exemplis probatum fuit. Adde quod, vt dicebamus, in morbis organicis totus ille effectus pendet perpetuò à præsentia causæ. Vt enim similis dispositio *κατὰ δύναμιν*: sic instrumentalis *καὶ ἰδίᾳ* potius aut *κατὰ τόπον* corpori præter naturam inhæret. Atque hæc de proposita quæstione.



C A P V T V.

De vniuscuiusque morbi causa.



NIVSCVIVS QVE morbi causas tenere secundum genera & species vtilissimum: quia in perquirendis particularium affectuum propriis & indiuiduis causis, oportet fontes istorum à primis & generalibus repetere. Vt igitur intemperies primum locum inter morbos obtinere videtur: sic etiam ab illius causis est auspicandum. Ea autem cum sit calida, frigida, humida, vel sicca: simplex aut composita: exordiendum ab intemperie calidâ, cuius causas recenset Galenus *libro huic rei dicato*, motum, putredinem, viciniam cuiuscunque rei calidæ, constrictionem, & cibum potumve calidiorem: ad has enim quinque omnes ab aliis authoribus recensitæ referri posse videntur. Qui febricitat ab exercitatione violentâ, irâ, metu, aut alio quocunque animi affectu, is ex motu febrem contrahit, quia agitati in nobis spiritus, & humores, dum attenuantur, maius spatium continent, incendij vim concipiunt & plures partes attingunt. In eis verò quæ putredinem concipiunt, non est mirum calorem augeri, eumque proprii generis, nempe

De vniuscuiusque morbi causa. Cap. V. elij

nempe putredinosum, quandoquidem in omni putredine saltem fiente augetur extranea caliditas, & humor copiosus resoluitur, qui vapores plurimos in cor & vicinas partes diffundit. At præter putridæ rei vim, omnis vicinia & propinquitas rei calidioris intendere potest intemperiem istam calidam, vt solares radij, hypocausti feruentioris æstus, balneum, admota medicamenta, vt dropaces, sinapismi & similia: quemadmodum assumpta quæ ad cibum & potum referuntur, ebrietas, satietas nimia, esus aliorum, ceparum, piperis, aut vrentium medicamentorum, & similia, quæ per se caliditatem inducere valent. Quæ verò contractione corporis & pororum id præstant per accidens, vt natatio in aquis aluminosis vel gypseis, medicamenta emplastica, & obturantia admota, nix ipsa aut glacies, quæ per antiperistalsin coadunare & quasi cogere possunt dissipabilem caloris nostri substantiam: vnde Hippocrati aquæ frigidæ affusio tetanum aliquando curare potest.

Verum dicet aliquis, calidæ siccæque naturæ *octauo method.* ex fame in febrem facile incidunt, & picrocholi apud Hippocratem ex vigiliis, quæ sub nullo dictarum causarum genere contineri possunt. Respondemus, famem excitare febrem in biliosis, vel ex viciniâ rei calidæ, quia incandescunt viscera illorum debito alimento priuata, vel ex motu excrementorum acrium & spirituum, quæ tunc violenter agitantur in naturæ subsidium. Vigiliæ etiam ad motum referri possunt, cum sint potentiæ animalis labor & agitatio, quemadmodum somnus quies, & qui diutius vigilant, acriores succos & excrementorum copiam colligunt. Ac proinde ad supradicta fames & vigilia commodè reducuntur.

Frigiditatis autem in nobis excitandæ causas assignauit Galenus frigidorum viciniam: assumptorum qualitatem & quantitatem, siue secundum excessum siue defectum: constipationem, raritatem, immodicum otium, & motum immoderatum. Hæc enim sex calorem nostrum extinguere possunt: vel alterando, vt cum ætione & contactu frigidorum sumptorum vel admotorum expugnatur: opij vel mandragoræ vis ea est, vt per *πάραυτον* calorem nostrum natium opprimant: ex niuium & frigoris vehementia multis pedes manusque quasi congelata & exanimata conciderunt: vel suffocando, vnde nimia ciborum copia, constipatione ingenti, otio superfluo collectis copiosioribus excrementis, metu aut mœstitiâ coaceruatis intus, & quasi conculcatis humoribus, calor noster natuius, vt ignis lignorum multitudine obruitur. Vel dissipando, quâ ratione vigilia immoderata, exercitationes violentæ, effusum gaudium id præstare possunt. Aut denique tabefaciendo, quando subiectum illud proprium caloris nostri natui, nempe humidum primigenium absimitur, & marcescit per ieiunia, vacuationes sanguinis, aut cuiusvis succi laudabilis. Qui quatuor modi extinctionis caloris nostri ad duos reuocari etiam possunt ab Aristotele propositos, *σβέρει* scilicet & *ψάραυνει*: & ex prædictis intelligi potest, eandem sæpius esse posse causam refrigerantem & calfacientem, quorum vnum illi conueniat per se, alterum ex accidenti: siue hoc fiat propter diuersum causæ vsum, siue dispositionem patientis, vt infusio aquæ frigidæ in iuvene carnoso, & boni habitus sanat conuulsionem, non in alio.

Siccitas autem duplici fit ratione in nobis, alteratione scilicet, aut resolutione. Alterando enim alimenta, medicamenta, & quæcumque assumpta vel admota siccandi potentiam obtinent, eandem intemperiem inducunt. Resolutione verò desiccant, quæcumque faciunt corpus aut partes plus resolui quam nutriantur siue reficiantur: quod nonnulla præstant vehementer augentia istam *ἀξόφρησιν*, etsi nutritionem non impediunt, vt exercitatio violenta, nimia in sole mora, diuturnæ vigiliæ: nonnulla verò impediendo nutritionem, quamuis nihil aut parum resoluant, vt curæ, mœstitia, inedia, vsus alimentorum parum nutrientium, qualia sunt valde excrementosa, & ea quæ adstringunt, quia impediunt humoris alibilis per membra distributionem: eoque nomine interdiciuntur macilentis à Galeno 8. *meth. cap. 7.* & eis qui partem aliquam habent consumptam.

Humiditas denique contingit alteratione, & retentione eorum quæ expirare & dissolui in nobis possunt. Alterant igitur humectando largior potus, copia alimentorum humidiorum & *euchymon*, vicinia corporis humidi, vt aeris palustris, flatus austrini, balnei aquæ dulcis & tepentis. Quæ verò prohibent dissolutionem, illa humectant, quia humorum copiam augent in nobis, vt obstructio pororum cutis, suppressio vacuationis alicuius consuetæ & similia. Per accidens verò humectant partes, quæcumque attrahendi humores in illas vim habent, vt exercitatio mediocris, balneum statim à cibo, dropaces & similia, quæ Galenus

impinguandis macilentis hominibus vsurpauit *libr. de sanitate tuenda & decimo quarto method. cap. 17.*

Tales igitur sunt causæ simplicium intemperierum. Compositæ verò ex causis istis concurrentibus fiunt, aliquando ab vnica, vt patet de calore, cuius vi dum resoluuntur corpora, etiam exsiccantur; & frigore, quod resolutionem impediendo, aut cruditates multiplicando, accersere sibi solet humiditatem comitem. Sic humiditas & siccitas calorem aliquando inducere possunt, vel refrigerationem pro naturâ causæ à quâ suscitantur: quod in singularibus affectibus fit magis manifestum.

Intemperies autem cum materiâ fiunt ab aliquo corporis nostri humore, vapore, aut flatu ab eis eleuato: redundantia enim sanguinis boni & laudabilis calfacit & humectat: pituitæ refrigerat & humectat: bilis calfacit & exsiccatur: melancholiz refrigerat & exsiccatur: quia talibus sunt prædita qualitatibus. Vbi enim accidentia quædam in humores præter naturam inducuntur, vt putredo; tunc humores illi, vt pituita, quamuis frigidi, calfaciunt & quotidianam febrem pariunt: melancholia adusta cancerum, & vlcera depascentia inducit.

Porro humores isti redundant in partibus, vel per fluxionem, quando ab vnâ parte in aliam amandantur: vel congestione, quando in ipso membro colliguntur. Congestio fit ex debilitate alteratricis, quæ particulare alimentum corrumpit; vel expultricis vitio, quæ excrementa ex nutritione suscitata non excludit. Fluxio autem fit ratione partium mittentium, excipientium, viarum & materiæ fluentis: quæ omnia, vt & causæ morborum organicorum, & solutionum continui satis accuratè à nobis explicabuntur tractatu de indicationibus curatiuis, quò auditorem beneuolum remittendum censuimus: vt tandem ad ultimam Pathologiæ vniuersalis partem aggrediamur, quæ est de symptomatis morborum.



PATHOLOGIE VNIVERSALIS

PARS QVARTA, ET VLTIMA DE MORBORVM

EFFECTIBVS SEV SYMPTOMATIS.

Quid sit Symptoma.



CAVSIS ad effectus morborum progrediendum est, vt ultimam operis nostri partem absoluamus. Effectus autem morborum symptomata vocant Medici. *Symptomatis* verò aliquando generalior, aliquando particularis est significatio: etenim ea voce Galenus *lib. 2. meth. cap. 3.* complectitur quidquid à naturali statu recedit, siue sit morbus, siue pathos, siue morbi causa, aut illius effectus, quia ista omnia corpori præter naturam accidunt: speciatim verò & propriè Medici symptoma vocant, quidquid præter morbum, pathema, aut causam morbificam corpori nostro aduenit, id est *συμπτῶμα*: in quo significato Galeno *libro de different. symptomat.* est *διάθεσις* seu affectus præter naturam, qui morbos velut umbra corpus necessariò sequitur, illisque succedit: aliqui *ὑπὲρ μὲν* appellant, quamuis hoc nomen non sit vsque adeo consuetum, vt illius dependentiam melius expriment. Cornelius Celsus *libro secundo* symptoma vertit accessionem: alij casus satis appositè: alij verò accidentia, sed impropriè: est enim accidens Galeno τὸ *συμβεβηκός*, ita vt ægrorum sint symptomata, sanorum autem *συμβεβηκότα*. Quamuis enim Galenus *libro de optimâ sectâ*, scripserit quædam esse symptomata secundum naturam, vt color niger Indorum, Germanorum candor: quædam præter naturam, vt nares vi morbi factæ acutæ: & *secundo artis parua* velit symptomata quæ sanis accidunt, vt timorem, horrorem, ruborem secundum naturam esse: quæ verò ægris symptomata cum adiectione, *νοσήσια* morbosa dici debere. In illis tamen locis, aut ex aliorum

aliorum loquutus est sententiâ, aut generalem symptomatis significationem respexit: nos autem de symptomate propriè dicto disputamus.

Sit itaque symptoma affectus præter naturam, qui morbum velut effectricem causam sequitur, & ab eo separari nequit, hoc est sine eo & seorsim subsistere nequit. Probauimus enim prius, omnia symptomata à morbo oriri mediatè vel immediatè. Symptoma illud præcipuum verbi gratia & morbo proximum, nempe actio læsa, aliud excitare potest in excretis aut retentis, vel in qualitate mutatâ. Et in hac definitione affectus paulò latiore significato dicitur, quam in morbi definitione: quandoquidem non omne symptoma dispositio est, vel permanentiam habet, sed præcipua positam habent suam essentiam in fieri: functiones enim siue integræ siue vitiatæ in solo motu consistunt: excreta etiam & retenta tamdiu sunt, quamdiu fiunt: Qualitates simplices seu patibiles aliquando fixæ sunt & permanentes. Dicuntur etiam symptomata morbum sequi, quia ab eo efficiuntur, vt effectus est posterior suâ causâ: quod fit tripliciter. Vt enim simul cum morbo incidunt *συνεργιστικά* dicta, à quibus certa & necessaria petuntur morbi signa: vel morbo iam progressu superueniunt, *ἀνταρρακτικά* seu *επιφαινόμενα* ideo appellata; alia inter hæc duo medijs sunt generis, *συνεργιστικά* vocata, quæ aliquando cum morbo ipso inuadunt, aliquando iam facto morbo apparent, aliquando nullo modo accedunt, quia neque à morbo *ἀχωρίστα* inseparabilia sunt, neque eius speciem designant, sed aliquando tempora ostendunt, vel differentias aliquas constituunt.

Ex his ergo patet, symptoma à morbi causâ differre; vt enim huius est morbum præcedere, sic illius sequi: à passione siue pathemate, quod non omnis passio, verbi gratia sensuum alteratio, sit præter naturam: symptoma autem sit semper extra naturalis status limites: à morbo verò, quia est illius soboles & propago: improprie enim morbos aliquando symptomata dici apparet. Verbi gratia febres quæ sequuntur ad partium internarum inflammationes, & alios morbos consequentes appellamus symptomaticos, non quod symptomatis propriè sumpti nomen illis conueniat, aut illi sub aliquâ symptomatis specie contineri possint: sed quia generalius symptoma appellamus quidquid præter naturam accidit, & ex morbo proficiscitur. Vt enim symptoma symptomatis, sic morbus interdum alterius morbi causa esse potest. At symptoma propriè sumptum, neque morbus, neque morbi causa immediata esse potest, neque vsquam symptoma in morbum verti commutari potest, vt doctè annotauit contra Auicennam Fernelius. *Capitis dolor*, inquit Auicennas, *ex stomachi vitio perdurans diutius, fit tandem idιωπάθεια*: ergo qui prius erat symptoma, morbus tandem factus est. At fallitur, quia dolor ille ex sympathiâ contractus, non degenerat in morbum, pristinam symptomatis naturam commutando: sed quia ex diutinâ vaporum & materiæ communicatione illa intemperies euadit tandem *ιδιωπάθεια*, & contrahitur in cerebro, ideo dicitur in morbum commutari, qui tantum erat passio, siue levis affectus. Atque hæc de symptomatis naturâ.

D I F F E R E N T I Æ S Y M P T O M A T V M. Diximus symptoma esse quidquid præter naturam in nobis reperitur excepto morbo & morbificâ causâ. Videndum igitur quot sint prima symptomatum genera, vt ex eorum rursus diuisione ad infimas vsque species & differentias peruenire possimus, quod iubet analytica methodus. Eiusmodi ergo affectus in nobis qui à morbo proficiscuntur, considerari possunt, vel vt sunt in motu quodam & dependentiâ à suis causis, vel vt habent quamdam *διάρκειαν* & permanentiam. Possunt etiam considerari, prout sunt in continentibus siue partibus solidis, vel in contentis, humoribus scilicet, aut excrementis: vel denique in actionibus earum partium: & sic à Galeno in tria genera fuerunt distincta, functionis scilicet læsæ, excretorum & retentorum, ac simplicium affectuum seu qualitatum, partibus ipsis inhaerent. Quod si alicubi in duo tantum membra diuidat, vt *libro primo method. capite octauo*, in actionem scilicet læsam & qualitatem mutatam, ibi tamen sub qualitate mutatâ, aut sub actionibus complectitur excretorum vitium, quod semper dependet ab aliquâ functione læsâ, aut qualitates corporis immutare solet. Nihil autem refert hoc vel illo modo diuidere, dummodo in rebus nihil sit prætermissum.

Actio igitur læsa primum est symptomatum genus. Actiones autem omnes pro numero facultatum triplices sunt, animales, vitales, & naturales. Animales rur-

sum diuiduntur in sensificas, motrices, & principes. Sensificæ quinque sunt in vniuersum, visoria, gustatoria, auditoria, odoratoria & tactrix. Motrix actio, continens quidem instrumentum vnum habet, nempe musculum; modumque motionis vnum per dilatationem & contractionem: ac propter diuersas partes in quibus exercetur, multiformis & varia apparet. Princeps functio apud Medicos in tres secatur potentias, imaginationem, ratiocinationem & memoriam. Actiones vitales sunt pulsus & respiratio. Naturales verò in singulis membris quatuor præcipue & quasi radicales, attractrix, retentrix, concoctrix, & expultrix, quarum beneficio perficitur nutritio, accretio: illisque subiunt alimenti distributio, secretio, unio, assimilatio & dilatio seu extensio membri ad accretionem. Tot igitur functionibus corporis nostri læsionum symptomata accidere possunt.

Porro actio læditur, quando vel non fit, vel male fit: & male fit rursus dupliciter, quia diminuitur, aut deprauate exercetur. Est igitur actio læsa triplex apud Galenum, abolita, imminuta, & deprauata. Abolita ea dicitur, quæ vel nullo modo amplius fit, vel certe quantum sensus iudicare potest, perit, vt in apoplexia sensus & motus, in cæcitate visus, & sic de reliquis. Imminuta verò est actio debilis, quæ vix fit, longioreque indiget tempore vt perficiatur, aut etiam numquam perfectionem summam assequitur, vt patet in cruditate ventriculi, in eis qui surdastri dicuntur & similibus. Deprauata autem actionis nomen plura significare videtur apud Galenum: aliquando enim pro corruptâ sumit, quæ scilicet in alienam qualitatem transmutat sibi propositum obiectum, vt quando ventriculus in nidorosos succos aut bilem porraceam alimenta conuertit. Aliquando deprauatam actionem esse vult, quæ non percipit obiectum tale quale est, vt in mania, melancholia, & quando visioni res omnes flauæ aut rubræ apparent. Aliquando quæ non agit vt debet, vt in rigore, horrore, palpitatione, singultu, & similibus, quia videntur in eiusmodi affectibus perperam agitari partes: aut certe coguntur agitari violenter ab obiecto præter naturam, vt in dysenteria, vomitu, sternutatione & similibus. Ex quibus facile est conicere, Galenum per actionem deprauatam omnia actionis læsæ vitia complecti præter abolitam & imminutam, ubicumque recedit à naturali statu, vel ratione proprii temperamentum immutati, aut alterius affectus membri impressi; vel ratione obiecti morborum & irritantis facultatem præter naturam, vt superioribus exemplis patuit.

Excrementorum vitium secundum est symptomatum genus, sub quo etiam omnia excreta intelligimus, siue sint mera excrementa, siue succus laudabilis, seu partium ipsarum ramenta & similia. Quæ considerantur, vel vt excernuntur nimium, vel vt retinentur, quatenus videlicet sequuntur interiora vitia functionum læsarum, excreticis potissimum & retentricis. Peccant autem ista excrementa apud Galenum substantiâ, quantitate, qualitate, & excernendi modo. Quod secundum substantiam peccat, aliquando dicit esse toto genere præter naturam, idque dupliciter: vel quia id quod excernitur est omnino à naturâ alienum, vt calculus, lumbrici, pus, & similia, quæ alienam formam & substantiam à corpore nostro susceperunt: vel quod ipsa illius rei excretio, est præter naturam institutum, vt quando sanguinis, adipis, caruncularum aut ramentorum fit ex quauis parte eruptio, quæ cum sint naturæ amica, non debent ab eâ excerni naturaliter. Quantitate verò dicuntur peccare excreta, cum iusta in illis vacationibus, quæ naturæ potissimum sunt consuetæ, mensura minime teneantur, sed vel abundantius iusto, vel parcius profluunt: unde postea vires grauant, aut vasa & concavitates quibus continentur, præter naturam replent & distendunt. Qualitate autem excreta peccare dicuntur, quando ea quæ excernuntur, non retinent propria sibi & familiaria accidentia, sed habent qualitates, non solum primas, sed etiam secundas à naturalibus alienas, secundum colores, odores, saporos, & similia, vt quando sanguis niger & coagulatus, bilis æruginosa, pituita vitrea, & similia deliciuntur. Quæ si non fiant solito tempore, aut loco, vel per partes non assuetas, tunc vitium est in ipso modo excretionis: quorum exempla in particularibus affectibus quotidie obseruare licet.

Superest vltimum genus symptomatum, quod in simplici affectu seu qualitatibus

ratibus mutatis reposuit Galenus. Sunt autem illæ qualitates secundæ à primis profectæ, quæ ideo temperamenti labem potissimum consequuntur, suntque patibiles & sensibus nostris perceptibiles. Sic visilis qualitas, nempe color præter naturam in toto corpore, ut in ictericis: vel in parte aliquâ, ut in melasmate aut alphi, & quavis vitiliginis specie, ad visum refertur. Ad odoratum puridæ quævis exhalationes ex toto corpore, ut elephanticorum, aut lue venereæ affectorum eleuata; ex partibus, ut ore; naribus, aliis, inguinibus, pudendis, & similibus. Ad gustum sapor, ut linguæ amaror, saluæ aciditas & similia. Ad auditum, soni præter naturam, ut tinnitus in auribus, rugitus in ventre. Quamvis enim ea aliquando omittat Galenus, quia ad retentionem excrementorum siue flatuum spectare videntur; à quibus eiusmodi strepitus excitantur, esset tamen par ratio aliarum qualitatum patibilium, quæ sæpius ab eisdem torrentis profisciscuntur. Ea autem est differentia, quod istæ qualitates mutatae debent iam esse in partibus corporis nostri, & ibi affectum hunc præter naturam constituere: cum semper sit necesse ad excretorum vacationem vel retentionem illud sequi. Ad tactum denique referuntur qualitates illæ de quibus iudicare solet, ut partium vel totius durities, mollicies, laxitas, densitas, & sic de reliquis. Superest ut quædam dubia aduersus prædictam doctrinam adferri solita paucis dissoluamus.

Diximus igitur tria esse symptomatum genera, actionem scilicet læsam, excrementum, & qualitatem mutatam: præterea actionem lædi tripliciter, aboleri nempe, minui aut deprauari. Verum ista non satisfaciunt Argenterio, qui ita symptomata diuidit: Symptomata, inquit, vel sunt actiones, vel opera. Actiones autem sunt ablatae, diminutæ, auctæ, deprauatæ, tristes, aut voluptuosæ. Opera autem sunt in qualitatibus secundis, aut humoribus, aut excrementis. Actio autem aucta complectitur maiorem, vehementiorem, anticipantem, velociorem, crebriorem, longiorem, continuam & quæ conferuntur obit. Tristem verò actionem intelligit, in quâ dolor sentitur, vel alia molestia, qualia sunt tristitia insomnia, & moestitia. Voluptuosam autem præter naturam, in qua iucunditas sentitur à causâ morbosâ, ut in pruritu, excrementorum deiectione, ubi adest vlcus, & similibus. Præterea somnus & vigilia sub Galeni diuisione comprehendere non possunt: nam sub quo erunt illa genere in tempore: quoniam scilicet primum sensus instrumentum plus temporis quam oportet, laborat vel cessat.

Ad noua igitur ista placita, dicendum, non temerè quertendum esse veterum doctrinam, modo rebus ipsi non aduersetur. Nam quando diuidit Argenterius symptoma in actiones & opera, vltimum hoc membrum continet excretorum vitium, & qualitatem mutatam, quia sunt opera seu effectus actionum læsarum, ut facile est unicuique videre. Frustra ergo mutauit Galeni verba. Quod verò ait actionem lædi: quia tollitur aut minuitur, aut deprauatur, augetur, vel conuertitur &c. Quid aliud est, quam deprauationis modos minutius proponere: quandoquidem deprauatio, ut supra dicebamus, apud Galenum non tantum ratione facultatis, sed etiam constitutionis partium, vel obiecti irritantis dicitur, sub quibus istæ continentur. Verum vrget ille: Si auctam functionem sub deprauatâ comprehendas, eodem modo & diminutam, & sic duo tantum erunt actionum vitia, nempe abolitio & deprauatio aduersus Galeni sententiam. Verum non est par ratio. Cum enim imminutio fiat peculiariter à debili, vel imbecillâ facultate: aucta præter naturam non sit ab eadem robusta: nam sic vires & potentia naturalis inter causas symptomatum essent referendæ, quod est absurdum: sed ab obiecto vehementer ac præter naturam irritante. Et sic melius est sub diuersis membris cum Galeno istas læsiones actionum constituere.

Quod verò spectat ad somnum & vigiliam, quæ Argenterius negat inter actiones læsas contineri, sed esse symptoma in tempore, quia plus temporis, inquit, quam pro naturæ modo vigilant aut dormiunt ægrotantes: non minus est absurdum: nam, ut ait Galenus, sopor aut somnus præter naturam, nihil est aliud quam communis totius corporis torpor. Ut ergo cum torpet membrum aliquod, debilem habet motum & sensum: ita sopore occupatum primum sensus instrumentum valde diminutas habet in toto corpore actiones, ut per vigiliam

immoderatam, deprauatas & plures quam oportet. Ergo vigilia immodica deprauatus est motus, vt somnus, diminutus in primo αὐστηρίῳ sentiendi organo.

Dicet aliquis, videtur Galenus agnouisse dolorem, somnum & vigiliam sub eâ quam proponit diuisione non contineri, quandoquidem *libro de differentiis sympt.* postquam de reliquis disseruit, consequenter addit: Porro sensus tactus egregium inter ceteros sensus symptoma possidet, nempe dolorem: & adhuc etiam duo egregia circa primum sensum, qui & omnium sensuum est communis, somnus & vigilia versantur. Si quis tamen rem ipsam accuratius expendat, reperiet hæc à Galeno clarioris doctrinæ causâ ita fuisse distincta, non autem quod extra diuisionem ab eo propositam sint, sed quod insignia illius sint membra, ac proinde notatu digna, vt nos postea de dolore dicemus. Alij alias afferunt obiectiones, quas nos consulto omittimus, vt de symptomatum causis pauca differamus.

SYMPTOMATVM CAUSÆ. Galenus libro quem de symptomatum causis peculiariter edidit, fusè & eleganter rem istam persequitur: ita vt non sit opus nunc de particularibus symptomatum causis disserere, sed tantum generalia quædam adferre, quæ ad Pathologiam nostram vniuersalem magis faciunt. Ac proinde cum à nobis iam superius probatum sit, omne symptoma verum & propriè sumptum à morbo mediâtè vel immediâtè proficisci: hinc etiam sequitur symptomatum causas ita esse à Medico perquirendas, vt semper ad morbum aliquem, vel morbi causam proximam, quæ sæpe cum illo à Medicis confunditur, perueniat. Quod igitur ad actionum læsiones spectat, primum functionem aliquam in nobis aboleri contingit, vel ratione ipsius facultatis, quæ omnino interiit, ob maximas intemperies & δυσκρασίας partium, vt patet in læuitate intestinorum, quando alimenta incocta, & talia reiciuntur, qualia assumpta sunt, ob summam refrigerationem ventriculi & intestinorum. Qua in re inquirendum est, à quibus scilicet morbis facultates maximè afficiantur. Nam etsi omnes grauiores intemperies vim habeant abolendi facultatem, quædam tamen sunt quæ has potius quam illas. Vt enim calor excedens coctiones non abolet, nisi maximo excessu temperiem penitus dissoluat: ita frigus minore excessu illud præstare potest, cum tamen appetitum augeat. Sic retentrix facultas ab humidâ potissimum intemperie exoluitur, & sic de reliquis, quæ in particulari tractatu explicantur. Vel igitur aboletur functio, exolutâ facultate, vel ob affectum commune instrumentum, vt calorem à corde influentem, qui si dissoluatur, aut intercipiatur à partibus, facit ruinam functionum omnium corporis, vel earum partium à quibus excluditur: quod eodem modo dicas de interceptione animalis spiritus in partibus, quæ sensui aut motui sunt destinatæ. Vel etiam aboletur facultas male affecto instrumento particulari, vt oculo, naribus, & similibus. Quoties enim ista organa male sunt conformata, vel vulneribus aut aliis causis præter naturam affecta, tunc contingit particularem etiam illam actionem aboleri: Vnde fit vt quarundam partium functiones lædantur aliis illæsis, quia vel facultas, vel instrumentum commune aut particulare peculiariter in illis mutatum est: in aliis verò non. Imo contingit in vno eodemque membro actiones quasdam lædi aliis illæsis, quia diuersa sunt instrumenta illarum functionum, fibræ videlicet transversæ, rectæ, vel obliquæ; ad retentricem, attractricem & expultricem exercendam: ad sensum & motum varij nerui, qui in musculos aut cutem implantantur, & sic de reliquis.

Quemadmodum igitur à prædictis causis abolentur actiones corporis nostri, sic etiam minuuntur & debiliores sunt, quando istæ causæ sunt leuiiores. Deprauantur verò tum ratione facultatis siue propriæ temperiei eo modo immutatæ, vt non possit percipere obiectum tale quale est, vt patet in melancholicis, maniacis, phreniticis, & omnibus delirantibus. Quod aliquando contingit ratione instrumenti communis, vel particularis diuersimodè affecti: tum obiecti ipsius moribifici irritantis & stimulantis facultatem præter naturam, vt supra annotauimus. Quamuis igitur dictum sit à Galeno, functionem imminui à frigido, quia ex paucitate spirituum partis rebur infringitur, depruari à calido, quia mutat potenter & alienas qualitates in materiam inducit:

Quid sit symptoma. clix

non est tamen undique verum, ut ex prædictis patere potest: & ex singularum partium symptomatis in Pathologiâ particulari explicandis, innotescit.

Ab actionum læsionibus ad excernendorum vitia accedamus. Ut enim ista pendent à noxâ functionum, sic etiam pariunt qualitates in toto corpore aut partibus mutatas: unde primum, secundum & tertium symptomatum genus dicitur. Quoties igitur adest nimia excrementi alicuius, aut succi cuiusvis vacuatio præter naturam, vel imbecilla est & eneruata facultas, utpote retentrix illius partis: vel excretrix nimium irritata à qualitate vel quantitate humoris: aut aliquod subest vitium instrumentis huic materiæ continendæ vel excernendæ dicatis: ut quando vasa illa aperiuntur in suis orificiis & hiant, ob propriam imbecillitatem vel humoris quantitatem: quando eroduntur à causâ externâ vel internâ: aut disrumpuntur sensibiliter vel tantum dilatantur, ut patet in sanguinis excretionem, quæ fit per *ἀνασφάλαν*, *διάσπασιν*, *ῥήξιν* aut *διεμήδην*. Contra verò excernendorum quantitas minuitur, quotiescumque illa parcius generantur, vel ob alimentorum paucitatem, eorundem qualitatem crassiolem & sicciolem, vel ob vacuationes contrarias, quæ solitam sistere solent, vel totius corporis nimiam resolutionem, quæ fit per meatus externos cutis. Aut certè retentrix facultate roboratâ, vel expultrice factâ obtusiore ob imminutum partium sensum: aut denique viarum angustia vel obstructione, quæ à variis causis & morbis proficiuntur. Idque exemplo suppressionis menstruæ in mulierculis potest illustrius euadere: quam Galenus *lib. 3. de symptomat. causis* in uteri aut menstrui sanguinis, aut totius corporis vitium retulit.

Denique qualitates siue affectus simplices pendent modò ab actione læsâ tantum, modo intercedente etiam excrementorum vitio. Quod ad colores enim corporis nostri spectat, illi immutantur, quando humores aut partes à suo naturali temperamento deficiunt. Sic enim bilis vitellina aut æruginosa colores illos acquirunt quum, partes nimium calefactæ rubescunt, refrigeratæ aut percussæ liuescunt: vel quando motus est violentus humorum in superficiem aut interiora corporis, ut in syncope, irâ, mœrore, & similibus apparet: vel denique quando humores per fluxionem, ut in ictero: aut per congestionem sub cute coaceruantur, ut in alho & omni vitilagine: & omnis cacochymia pro suâ naturâ colores in sanis & ægrotantibus efficit. Sic foetores, & reliqui odores mali à putredine & corruptelâ partium vel humorum. Sapores alieni ab excrementis linguam alluentibus. Soni præternaturales fiunt ob flatuum copiam alicubi in nobis inclusorum, & eorum variam agitationem, prout variæ sunt ipsarum partium angustia vel dilatationes, functionumque potentia vel impotentia. Cutis denique & alia quævis pars fit scabra, mollis, dura, & secundum alias qualitates tactiles immutatur, prout istæ à vario humorum vitio aut partium temperamento afficiuntur. Ut enim durities à siccitate, plenitudine, & congelatione oritur: sic mollicies ab humiditate, inanitione & colliquatione. Quæ exempli causâ dicta sint: reliqua enim persequi non est nobis propositum.

GRAVISSIMUM SYMPTOMA DOLOR ET EIVS CAUSÆ.
De somni & vigiliæ præternaturalis, reliquorumque symptomatum causis in particulari eorum omnium tractatu erit disputandum. Sed quia dolor insignis est symptoma, & frequentissimum, quodque omnibus corporis nostri partibus accidere potest: ideo operæ prætium esse videtur, ut in generali hac Pathologiâ, de generali isto symptomate, tanquam operis coronide agamus.

Dolor igitur à Latinis, qui in simplicitate, tanquam virtutum nutritæ, viam ad felicitatem statuebant, à dolo, quem omnium rerum maximè detestabantur, dictus esse videtur: ut voluptas eius contrarium à voluntate appellata fuit. Porro dolor alius ad animum refertur, ut quando mœrore afficimur nos dolere dicimus, & tunc *ἰσχυρὴ* Græcis appellatur: alius ad ipsum corpus, qui Græcis *ἰσχυρὴ* nuncupatur, definiturque à Stoicis *ἰσχυρὴ ἐμπνοῆς* ægritudo laboriosa, de quo iam institutus est nobis sermo. Hic autem dupliciter apud Hippocratem usurpatur. Primò pro ipso affectu, qui dolorem efficit, ut videre

est libro sexto epidem. cum dicit: *In Cranone antiqui dolores frigidi, recentes verò calidi*: Vbi per dolorem morbum significat, seu affectum contra naturam dolorificum, vt Galenus interpretatur: & libro de locis in homine: *Curantur*, inquit, *dolores contrario, vt & alij morbi*. Secundò dolor sumitur pro symptomate siue effectum morbosæ alicuius & præter naturam constitutionis, ad quam sequitur molestus, tristis, & laboriosus sensus propter excellens sensile, aut alio modo improporionatum, ipsum sensorium corrumpens: & sub hac significatione definitur dolor apud Medicos.

Sensatio est tristis sensus tactus, ab obiecto alterante, vel continuum soluenne confer- tim & violenter facta in parte sensili. Quæ definitio hoc potissimum fundamento nititur, quia vt naturales partium affectiones duæ, bona temperies & vnitas, lætitiā bonamque & naturalem sensationem producant: Sic duæ innaturales earundem partium dispositiones, intemperies scilicet & soluta vnitas, malam & tristem sensationem efficiunt. Vt enim affirmationis affirmatio, sic negationis negatio causa dicitur. Verum multis hinc inde obiectionibus proposita definitio exagitari solet. Quod ad genus enim doloris spectat quidam putant dolorem esse quoddam sensile: alij motum quemdam appetentis animæ: alij non ipsam sensationem, sed accidentalem sensationis affectionem. Qui sensile quoddam esse putant, dicunt: Non infrequentius censetur aliquis dolorem sentire, quam calorem aut frigus: cur non igitur dolor inter sensilia ponetur, vt figura, motus, numerus &c. An non qui dentem dolet, sentit? Interrogatus quid sentiat, non tam continui solutionem, erosionem, tensionem, calorem responderet, quam dolorem. Sentitur igitur dolor, ac proinde inter communia sensilia reponendus. Sed hæc sententia paucis refutari potest: dolorem enim non posse dici sensile proprium vel commune id conficit: quia sensilia illa debent esse ante ipsam sensationem, non enim ab ipsis sensibus generantur, sed sunt eorum obiecta. Vbi autem fuit dolor ante sensum? Quod verò afferunt vtitatam loquendi formam, *sentio dolorem*, quasi sit aliquod sensile, nihil vrget: sentitur enim doloris causa, quæ male afficit sensum: eam tamen cum non possimus aliquando exacte distinguere, dicimus nos dolorem sentire potius quam calorem, tensionem, erosionem aut similia. Cum igitur dolor non sit sensile, sed sit potius munus seu accidens alicuius facultatis animæ: constat non esse vegetantis, siquidem plantæ nec dolore, nec voluptate afficiuntur: Non rationalis, bruta enim ἀλογα & rationis expertia, dolent: Non motricis, dolor enim prius sentitur, quam moueatur animal ad illum fugiendum. Superest igitur vt sit sensitricis vel appetitricis animæ. Philosophi ad appetitum referunt his moti rationibus: Si dolor esset tristis sensatio, complecteretur duo, nempe sensationem & tristitiā: at dolori contraria est voluptas; voluptas igitur non posset esse sensatio, quia duo contraria complecteretur. Deinde sentire & tristiari duæ sunt actiones diuersæ. Non sunt itaque ambo iuncta, dolor. Et omnis sensatio tanquam actus potentiam reddit meliorem; cum tamen dolor sensorium destruat. Adde quod Phrenitici, Maniaci aut alio modo delirantes non percipiunt dolorem, quamuis dolorificis causis eorum sensoria percellantur, quia mens illis ægrotat. Quare dolor erit potius actio ipsius appetitus, qui in sentiente dolor aut voluptas; in intelligente, quem voluntatem appellamus; gaudium & tristitia dicitur.

Verum istæ physicæ rationes parum vrgent Medicum. Per sensationem enim non solum intelligimus ipsius speciei receptionem seu impressionem, sed etiam illius perceptionem: ac proinde facile est prædictis argumentis respondere: & si accuratius loqui velimus, dolor non est ipsa sensatio, sed accidentalis quædam illius affectio. Atque vt color malus alienam sequitur temperiem, bonus naturalem: hoc ferme modo voluptas & dolor sensationi accidunt. Ideo Galenus aliquando distinguit signa à dolore sumpta ab eis quæ petuntur ab actionibus læsis: quia videbat dolorem non tam esse ipsam sensationem, quam aliquid sensationi accidens. Quia tamen parum refert ad Medicinam ista subtilius distinguere, ideo sensationem sæpius vocat, & inter symptomata sensus tactus reponit. Videamus tamen quid aduersus ista Argenterius & alij obicere soleant.

Primò igitur dicunt dolorem non esse actionem, sed passionem potius, quia

quia tunc fit quando sensus patitur seu male afficitur. Præterea non esse actionem læsam, quia nec abolita, nec imminuta; sensus enim percipit dolorem intense: non deprauata, quia in dolore percipitur obiectum tale quale est. Verum ad ista dicimus, dolorem partim ex passione seu receptione speciei dolorificæ, partim eius perceptione fieri. Ut igitur sensus non solum est potentia passiva, sed etiam actiua: sic nihil obest, quin sensationem illam in qua dolor percipitur, actionem vocemus: eamque deprauatam ratione obiecti, quod deprauat, vel etiam corrumpit facultatem ipsam, nempe temperiem vel unitatem partis.

Sed insurgunt denuo in illud quod diximus, dolorem esse symptoma sensus tactus: non enim solius tactus, sed etiam reliquorum sensuum videtur esse affectio: quoniam illi ab excellentibus qualitatibus & improporionatis non minus corrumpuntur, quam tactus, visus splendidiore colore, auditus grauiore sono, & sic de reliquis. Sed ista parui sunt momenti: Nam etsi hoc fateamur, attamen verum est semper dolorem esse insigne symptoma tactus: cum in aliis sensibus, vel sint leuiiores tantum passionis: vel certè contingant per modum sensus tactus: album enim seu valde luminosum obiectum non alio modo visui nocet, quam nimium disgregando spiritus & quasi soluendo continuum: sonus vehementior etiam dissipando & quasi contundendo auriculæ interioris spatia ob ærem confertim irrupentem, ut ista consideranti diligentius patet: ac proinde tactus est quasi proprium symptoma dolor, qui est sensus per totum corpus, & in aliorum sensoria dispersus.

Deinde contra propositam doloris conditionem: quando dicebamus causam dolorificam confertim *ἀβρως* agere debere, ut ex subitâ illâ mutatione afficiatur sensus: ab assuetis enim aut illis quæ paulatim fiunt, non fit passio. Obiiciunt illi: Si dolor festino ad immoderantiam lapsu contingeret, eadem ratione voluptas fieret repentino ad naturalem statum recursu, ut ipsemet Galenus docet *libro primo de symptom. causis*. At contrarium habetur 12. *method.* Vbi voluit reditum ad naturam, si confertim fiat, dolorem inferre: quod ratio & experientia suadent: omne enim violentum & repentinæ mutationes naturæ inimicæ, inquit Hippocrates; rigens ex frigore manus luculento igni exposita; dum in naturalem temperiem confertim redit, dolet, & manus ambugta in frigidam immersa. Non igitur est necessaria illa conditio ad dolorem: cum ipsi dolores podagrici aut venerei non confertim, sed longâ morâ & temporis diuturnitate contingant. Ad id respondemus, illam conditionem esse necessariam ad dolorem, quatenus est symptoma, seu effectus alicuius morbi. Quamuis enim causa doloris sensim cumuletur, ut in lue venereâ & similibus: distentio tamen aut compressio, quæ ristem hanc sensationem efficiunt, confertim agunt & violenter immutant: quia cessante illâ conditione cessant etiam dolores illi nocturni, vel alio modo excitati. Ad voluptatem alia est ratio. Etenim si paruus est lapsus è naturali, ut parua refrigeratio: fit voluptas quando confertim in pristinum statum redeunt. Sin vero longè à naturali recesserint, fit dolor: quia duo contraria intensa sese mutuo in subiecto violenter oppugnant & dolorem ex accidenti commouent. Atque ut hæc melius intelligantur, pauca de causis doloris sunt subnectenda: Varia enim est authorum hac de re sententia; nam quidam cum Auerrhoë, existimant, solam alterationem quæ ex primis fit qualitatibus dolorem facere, tanquam proximam causam; solutionem verò continui per accidens tantum & mediata. Cum enim non sit proprium tactus sensibile, non posse illum afficere, nisi aliquo mediante, cuius immoderatio percipiatur. Alij verò contra putant, solutionem continui solam, ut est apud Galenum *lib. de inaequali intemperie*, & immediatam esse doloris causam: alterantia verò non prius dolorem facere, quin continuum soluant, ut calor ingens separando, diuidendo; frigus violentum constringendo & quasi contundendo: alias enim calor aut frigus nullum dolorem inferunt, ut patet.

Auicennas vero Galenum secutus 12. *method. & in arte parua*, statuit duas æque proximas doloris causas, alterationem scilicet & solutionem continui. Cum enim ad efficiendum dolorem hoc requiratur, ut mutatio fiat in parte sensibili repente, quæ afficiat sensum tactus: illa autem non tantum fieri possit à solutione continui, sed etiam ab intemperie primarum qualitarum subito agentium: quidni

utraque seorsim erit doloris proxima causa: quæ cum coniungantur simul, atrocissimos dolores excitant, vt intellexit Galenus *citato loco de inaequali intemp.* Ad id verò quod obiiciebat Auerrhois, solutionem continui non posse sentiri à tactu, nisi accedente qualitate: quia non est proprium vel commune eius obiectum: responderi potest primò. solutionem continui violentam situm & motum partium immutare, dum diuidit, comprimit, vel distendit, ac proinde per speciem motus violenti à sensu tactus percipi. Vel etiam dicendum tactum non solum primas qualitates, sed etiam secundas percipere, vt asperitatem, leuitatem, duriciem, mollitiem & similia, quæ cum facillimè coniungi possint cum causâ vehementi continuum solvente, non est mirum, si à sensu tactus percipiantur.

Ista autem perceptio dolorifica, quamuis fiat in primo sensorio per speciem intentionalem, in ipso tamen organo seu medio organum tangente est realiter, quod alterat vel dissoluit: vnde fit doloris sensus per primum sensorium istud vt à percipiente. Verum obiiciunt denuò illi, qui putant intemperiem non esse causam doloris: Omnis causa per se est etiam de omni, sed non omnis qualitas facit dolorem, nam neque humida, neque remissa: quare qualitas non potest esse principium & per se doloris causa, sed quando in tantum augetur, vt soluat continuum. Deinde in dolore qui fit per sympathiam nulla est intemperies, effect enim iam factus morbus, quod est falsum. Quibus ita satisfieri potest, quod ad dolorem ex sympathiâ, illum pendere non à morbo facto, sed fiente, seu leui affectione, quæ tamen semper refertur vel ad intemperiem, vel ad solutionem continui: quando enim iugulum dolet inflammato iecore aut pleurâ, id fit propter tensionem vel diuulsionem, quia intermediæ partes membranosa trahuntur violenter: dolor verò capitis ex sympathiâ ventriculi, fit à communicatis vaporibus, qui vel quantitate suâ diuellant membranas, vel qualitate acri pungant & afficiant cerebrum. Quod verò intemperies humida vel remissa non efficiunt dolorem, id contingit, non ex naturâ suâ, quia possunt immutare partis naturam: sed ex defectu illius conditionis, quam diximus esse ad dolorem necessariam, nimirum vt confertim seu violenter illud fiat: quæ enim humectant, non nisi longo tempore illud efficere possunt, & omnis qualitas remissa agit debiliter & longâ morâ. Nihil igitur obstat, quin ista duo, nempe solutio continui & intemperies sint æquæ proximæ doloris causæ.

Atque vt hac in re sententiam nostram aperiamus, existimamus aliquid tertium ab illis produci, quod sit continens & immediata doloris causa: quæcunque enim non sunt sub eodem genere, vnius tamen & eiusdem rei sunt causæ, debent habere ordinem inter se vt producant aliquid commune, ad cuius generationem sequitur talis effectus: Ignis verbigratia generatur à percussione durioris corporis, à sole, & ab alio igne: id fit, quia ista tria possunt commune quid producere, vt summam aëris rarefactionem & calorem, à quo ignis deinde in materiâ dispositâ suscitatur. Itaque cum dolor fiat tum à solutione continui, tum à qualitatibus primis, necesse est vel vnum horum alterius causam esse, vel ambo vnum quid efficere, quod sit immediata doloris causa. Solutionem quidem continui aliquando intemperiem facere, vel intemperiem quando multum excesserit, vnitatem solvere fateor, at non semper. Probabilius est igitur ista duo tertium quid generare, ad quod sequitur proximè dolor: hoc autem multi vocant dissolutionem harmoniæ partis, vel patibilem qualitatem, quæ sequitur istam immoderantiam. Quæ à nobis ita asseruntur, vt adferenti meliora non simus repugnaturi. Atque hæc de Pathologia vniuersali, morbo, morbi causâ & symptomatis dicta sufficiant.



IOANNIS VARANDÆI ΣΗΜΕΙΩΤΙΚΗ.

Continens ΔΙΑΓΝΩΣΤΙΚΗΝ & ΠΡΟΓΝΩΣΤΙΚΗΝ Medicinam.

P R Æ F A T I O.

ΣΗΜΕΙΩΤΙΚΗ est tertia Medicina dogmatica pars, post Physiologiam explicanda. Vbi enim naturalis constitutio subiecti medici, id est, corporis humani per accuratam Anatomies inspectionem seu autopsyam, & physiologicas demonstrationes cognita fuerit, ubi illius affectiones, sanitas, morbus, & neutra dispositio, earumque causa & effectus siue Symptomata pathologicis discursibus intellecta fuerint; tunc demum Medicus rationalis velut gradibus factis ad artis finem propius accedens, debet ista omnia in proposito subiecto agnoscere, non tantum homine secundum speciem sumpto, sed etiam in indiuiduis, ut Socrate, Callia, Platone, & similibus, in quibus propriè actio medica versatur. Non potest autem presentes dispositiones in hoc vel illo indiuiduo dignoscere, vel futuros earundem euentus prævidere, nisi certis quibusdam signis & veluti notis instructus, quarum beneficio ea quæ sunt magis abdita & a sensibus nostris remota per artificialem coniecturam assequitur. Quod igitur sunt Astrologis vel Agriculis τὰ Φαινόμενα, apparentia in celestibus Spheris vel aëre, ex quibus colligunt varias rerum mutationes & maioris mundi statum; idem sunt Medicis τὰ σημεῖα, ἡμέτερα & τεχνήσια, in deprehendendis parui huius mundi, nimirum hominis variis constitutionibus. Est enim signum medicum nihil aliud, quam nota sensilis & manifesta, cuius ope aliquid latens & magis occultum in corpore nostro deprehendimus, siue illud sit præsens, siue futurum; unde duæ præcipuæ σημειωτικῆς partes exurgunt, nimirum διαγνωστικὴ & προγνωστικὴ. Quamvis enim Galenus in arte parua tertiam addiderit, nimirum ἀναμνηστικὴν, quasi dicas, præteritorum rememoratricem: attamen quia ista omnia præterita idè tantum reuocantur in memoriam Medici, ut vel presentes dispositiones agnoscat, vel futuros earum euentus prævideat, idè commodè sub istis duabus sine ullo doctrina dispendio comprehendi potest.

Porro cum triplex sit corporis nostri status, ut ex Pathologia constat, sanus scilicet, morbosus & neuter, qui omnes à Medico sunt cognoscendi, ut pro eorum diuersitate varias in illis actiones exerceat; quia tamen salubris status vulgari quadam notitia facillè intelligitur, quotiescunque integritatem actionum, bonamque & naturalem temperiem, rectam partium omnium conformationem, earumdemque unionem in aliquo conspiciamus, & ex morbo si accuratè descriptione, velut contrarij perceptione satis elucescit; eodemque modo neutra dispositio, siue sit decidentia, siue conualescentia, ut vocant, inter utrumque velut medium posita, ab extremis intellectis facillè deprehendi possit; idè διαγνωστικὴ ista, cuius nunc explicationem meditamur, præcipuè spectabit statum morbosum, eiusque cognitionem persequetur.


Ut autem iste status morbosus perfectè & utiliter, ad actiones suas dirigendas,

agnoscatur à Medico, quoniam est dispositio occupans vel totum corpus, vel vnā aut plures corporis partes, externas aut internas, primariò vel secundariò, sitque à pluribus & diuersis causis, quarum vi & operā immutato naturali statu, fuit introducta.

Præterea cum iste status morbosus non sit vnicus & simplex; sed varius, pro diuersis constitutionibus, quæ humano corpori accidere possunt, ratione intemperiei, malæ conformationis, & solutæ unitatis; ideo propria propositi affectus vnus vel plurium species est indaganda, vt secundum illius naturam, illiusque differentias & tempora, aptum & conueniens remedium inueniri possit.

Erunt igitur tres præcipue istius διαγνώσεως partes, quarum prima signa & notas affectæ partis indagabit, secunda causarum morbificarum indicia persequetur; tertia & vltima ipsam affectus speciem inuenire docebit. Quamuis enim in vsu artis & ipsa exercitatione ista non maneant ita distincta, sed plerumque ex vnico signo aut duobus perceptis, statim & affectus species, & illius subiectum, nimirum pars affecta, atque etiam causa aliquando innotescat; attamen in stabilienda doctrina melius esse videtur, ista distincte & seorsim, quàm simul & confuse explicare.

Vt autem in προγνώσει medica explicanda, diuinam Hippocratis solertiam, qui in illa artis parte omnibus excelluit, quantum fieri potuit, secuti sumus; sic in διαγνώσει præcipuè imitandum habemus Galenum, qui libro. de locis affectis & in arte parua, illam accuratè explicauit, non spreto neotericorum inuentis, siquid utilitatis huic rei asferre videantur.



PARS PRIMA ΔΙΑΓΝΩΣΕΩΣ.

Διάγνωσις partis affectæ.



IGNVM cum re significata connexionem quandam naturalem habere debet, propter quam cognoscimus hoc ad illud sequi, vel necessario, vnde τεκμήρια apud Hippocratem exoriuntur, quæ recentioribus χαρακτηριστικά & παθογνωμονικά dicuntur; vel vt plurimum & frequenter, vnde αίότα, & σημεία; tam συνεπείποντα quàm επανόμωρα, quæ concurrunt simul cum affectibus præter naturam, vel illis superueniunt. Hæc autem connexio signi naturalis non intentionalis, quod ex arbitrio hominum constituitur, cum re significata, vel est vt causa illius, vel vt effectus, vel illud sic ab eadem simul causa, quo res significata: Potest enim fieri vt aliquando causa alicuius rei pateat, cuius effectus nondum sint valde manifesti; vt contra latente causâ effectus aliquando sunt manifestissimi. Et sæpe fieri potest, vt neque causa, neque effectus tam sint manifesti, quàm aliquid aliud, quod ab eadem causa cum iis proficiscitur. Aliàs in multis rebus ista omnia sensibus nostris obiciuntur, nosque admonent de generatione vel natura rei illius, quæ adhuc latere potest. Quorum omnium exempla plurima in rebus externis & corporis nostri constitutionibus dari possunt, vt in sequentibus videbimus. Quod igitur hoc modo non significat, non habebitur à nobis pro vero signo medico ad διαγνώσιν partium affectarum, causarum morbificarum, vel affectuum præter naturam faciens.

Hoc posito velut principio, iam accedamus ad perquirendos fontes signorum, quibus τὸ πρῶτον δεικνύον, proprium subiectum, nimirum pars corporis nostri malè & præter naturam affecta dignosci potest. Quamuis enim morbi quidam vniuersales dicantur, qui verbi gratia totum corpus occupant, vt febris, elephantiasis, & similes, si fructus eorum & propagines spectes; attamen si radicem & quasi fundamentum ex quo pullulant contempleris, perpetuò aliquam partem primariam labem

labem contraxisse reperiēs ; ut cor in febre ; hepar in elephantiaſi ; & ſic de reliquis.

Rurſum cū corporis noſtri partes ab Anatomicis diuidantur in continētes & contentas, ſeu externas & internas ; certum eſt externas , quæ ſcilicet viſui & tactui expoſitæ ſunt , non indigere aliis ſignis ut eorum affectus deprehendantur. Attamen quia externi illi affectus, verbi gratia phlegmone aut eryſipelas in manu vel pede , non ſiunt ut plurimum , niſi interiore cauſa concurrente & quaſi emiſſa ab interioribus illis viſceribus ; & ubi ſiunt & ſtabulantur corporis noſtri humores : ideò in conſultatione iſtorum affectuum externorum , neceſſum eſt deprehendere etiam per ſigna interiores illas noxas à quibus dependent , ut ritè curari poſſint ; præcipuè tamen iſti fontes ſignorum diagnosticorum diriguntur ad interiores corporis particulas cognoscendas, quoties affectu præter naturam detinentur.

Quamvis igitur multi multas proponant vias inueſtigandæ partis affectæ ; & ipſemet Galenus ſibi aliquando diſſentire videatur ; attamen maximè nobis placet illa quam ſequitur *libro de locis affectis* , utpote facilior , & magis rei medicæ accommodata , ut ex illius explicatione patebit.

Quinque igitur proponit fontes ſignorum ad dignoscendam partem affectam. Cū enim omnis corporis noſtri pars, ſiue ſit ſimilaris, ſiue organica, aliquam exerceat in nobis actionem peculiarem , quæ tamdiu rectè ſe habet , quamdiu ſtatus naturalis perſeuerat ; ideò oportet neceſſariò illam immutari & deficere ab iſta perfectione , quando ſtatus morboſus introductus eſt. Debet igitur primò Medicus ab eiſmodi actione , velut communi quadam notione , coniecturam facere de parte affecta , quæ illam edere ſolita eſt ; iſta enim actio vel imminuta , vel abolita , vel deprauata , ſiue ſit naturalis , ſiue vitalis , ſiue animalis , oſtendit labem in illa parte eſſe contractam , ex quâ pendebat. Sic deliria cerebrum , ſurditas aures , pulſus velox aut frequens cordis ventriculos , nutritio vitiata hepar , aut aliam partem coctionibus dicatam , præter naturam affectas eſſe oſtendunt : ſicque progrediendo ad exquisitam eius notitiam , quantum fieri poteſt , perueniendum eſt , prout illa actio magis erit ſenſibilis & manifeſta. Neque ſolū actio ipſa , quæ eſt motus partis factiuus , conſideranda eſt , ſed etiam uſus , qui ſine vlla motione concurrit , ut cauſa ſine quâ non , vel ut adiuvans ad actiones perficiendas. Ex illo enim immutato plerumque contingit , partium actiones perire aut deprauari , quod in organicis valde eſt manifeſtum. Nam in viſione quoquomodo læſa verbi gratia non ſolū cryſtallinus humor, vel neruus opticus malè affici poteſt ; ſed etiam aliæ tunicæ aliq̃ue humores , vel palpebræ ; Vnde per actionem læſam , & illius læſionis modum , non ſolū deprehendenda eſt aliqua pars organica malè affecta , ſed etiam partis illius particula quæ primarium affectum ſuſtinet.

Ad actiones corporis noſtri , potiſſimum eas quæ coctionibus , ſecretionibus & expulſionibus conſtant , ſequuntur opera quædam ſeu effectus permanentes ab obiectis earum geniti , nempe humores , ſpiritus , vapores , flatuſ , & omnia excrementorum genera , quæ ſi excernantur vel retineantur præter naturam , cauſæ ſunt aliquando vel effectus , & quaſi ſequela actionum in partibus affectis læſarum ; imò multæ actiones non ſunt manifeſtæ , ut ventriculi , hepatis , &c. niſi per iſta opera. Vnde Galenus ſecundum ſignorum loci affecti fontem repetit ab ipſis excretis. Iſta igitur excreta vel ſunt communia & quaſi ex illuine totius corporis ſubſtantia , ut fæces & vrina , quæ non poſſunt tam certò partem aliquam affectam designare , quamvis etiam ſuum habeant uſum in hac artis parte , ut ex variis Hippocrat. Aphorismis conſtat , & eorum particulari tractatu. Alia verò peculiaria , ſiue ſint propriæ partis particulæ , ut ramenta & cruſtulæ partium , ſiue aliquid eis adnatum ſecundum naturam , ut adeps inteſtinis ; vel præter naturam , ut fungus meningi vulneratæ , caruncula meatui vrinario , & ſic de reliquis : ſiue ſit aliquid naturaliter in eis contentum , ut ſanguis in venis , vel arteriis , chylus in ventriculo , aër inſpiratus in thorace , & ſic de reliquis. Iſta igitur propria excrementa principaliter indicant , quanam pars corporis ſit affecta , ita ut in illis ſpectemus propriam ſpeciem ſiue ſubſtantiam , qualitatem , quantitatem , excernendi modum & ordinem ; quod exemplorum appoſitione reddetur illuſtrius.

Etenim excreta cartilago per tuſſim aut pellicula oſtendit eam deraſam eſſe ex pulmonum bronchiis aut aſperâ arteriâ , quia eiſdem eſt naturæ & ſubſtantia cum illis : fruſtulum autem carnis fungosæ & quaſi ſpumantis , ex ipſis pulmonibus putrefactis expulſum ; Sic meiēdo ſi quis carunculas emittat , *Aphorism. 75. ſect. 4. re-*

num substantiam detritam esse significant: furfuracea autem & laminosa, vesicæ exulcerationem. Ratione qualitatæ excretorum, sanguis flavescent & tenuior, cum quadam diastole & saltu exiliens, arteriam potius quàm venam apertam esse ostendit; ex quâ crassior & rubicundior prodire solet. Ratione quantitatis, sanguis meiendo excretus, si paucus sit, ex vesica exangui potius proficisci; si multus, ex renibus vel superioribus partibus, ubi maiore copiâ continetur, significat. Ratione excretionis & modi excernendi, quæ per vomitum excluduntur, ex affecto ventriculo potissimum; quæ per tussim, ex thorace prodire est apertum. Denique ipse etiam ordo in excrementis designat ipsam partem affectam; nam in dysenteria si pus aut sanguis purus ante fæces exeat, credibile est intestinum rectum potius vlceratum quàm reliqua; sin verò post fæces, aut illis valde permixtus, superiora aut media intestina affectu præter naturam detineri, & sic de reliquis.

Sed quoniam Medicus Anatomes peritus, istas actiones & excrementa partium affectarum considerans, perpetuò sibi velut ob oculos repræsentat locum quem in corpore occupant; ideo si quid exteriori sensu, ut visu aut tactu deprehendi possit, accedit ad tertium fontem signorum diagnosticorum, qui ex situ, positu, & connexu ducitur à Galeno; Vbi non solum localem illam differentiam spectat, sed etiam quicquid in eâ aliquando percipi potest, nimirum figuram, magnitudinem præter naturam, tumorem, & similia: imò etiam calorem, frigiditatem, duritiem, molli-
tiem, & similia partibus contingentia, quæ Neoterici essentialiter inhærentia appellarunt, unde Hippocrates sublimes ventris dolores à profundis distinguit. Tumor ingens sub dextro hypochondrio & versus ventriculum, si orbicularem aut quasi lunarem figuram obtineat, hepar potissimum circa gibbam sui partem affici; si profundus, circa caavam; si ille tumor sit oblongus, & exterior, musculos abdominis, rectos præcipuè, affici ostendit; si ingens tactu calor & renitentia sentiat in sinistro hypochondrio, qui instar linguæ bubulæ extendatur versus umbilicum, lienem affici statim existimamus, & focus morbi præcipuum ibi repositum esse. Quis etiam, ubi videt intestina in scrotum delapsa, non agnoscit peritonæum tuni-
cam, quæ ad testes protenditur, esse ruptam vel laxatam? Denique ex maiore Anatomes peritiâ, certum est Medicum, magnam ex isto fonte signorum certitudinem in agnoscendis partibus affectis reportare; cum visi sint hac nostrâ ætate, qui gloria-
bantur se posse circini operâ, dimetiendo ab umbilici regione versus alias corporis partes in quibus esset aliqua ægrotorum querimonia, quasi in puncto designare, quæ esset non solum pars affecta, sed etiam partis particula. Quod tamen non est om-
nino credibile, propter magnam corporum varietatem, quæ mensuram illam geo-
metricam ab illis usurpatam fallere potest.

Hisce igitur tribus signorum fontibus, succedit quartus, non minoris fortasse momenti in diagnosi partis affectæ, quem Galenus doloris proprietatem appellat. Quamvis enim dolor ad actionem læsam referri possit, quia tamen est quædam passio seu tristis sensatio sensus tactus expansi per vniuersas corporis partes, quæ ner-
uorum propagines à cerebro aut spinali medullâ recipiunt: Hinc fit ut passio ista im-
primatur ab obiecto improporcionato in partibus corporis nostri, non vniuniformiter, sed pro modo & variâ illarum constitutione. Sic enim dolor qui membranofum genus occupat, alius est & sentitur sub aliâ ratione, quàm qui est in carnosio vel vis-
ceroso: hinc fit ut variæ dolorum differentiæ à Medicis ægrisque annotatæ, varias etiam partes affectas detegant. In renem grauis dolor, inquit Hippocrates, à calculo eos comprimente & quasi contundente, qui si in caput vteris insinuetur, tunc mutata doloris specie acutus & vehemens euadit. Idem dicas de cæteris visceribus, ut liene, hepate & pulmonibus. Nam dolor punctorius qui membranam succingen-
tem infestabat, facta metastasi materiæ pleuritidis in pulmonem, cessat & permutatur in obrusum aut grauium. Si membranæ ossa regentes *ὀστέοι* dictæ diuel-
lantur à flatu aut humore illic impacto, ut in lue venereâ veteri contingit, & initis accessionum quartanæ febris, fit dolor à veteribus *ὀστέον* dictus, ossa quasi contun-
dens & summâ acerbitate molestus. In nervis autem & tendinibus conuulsorius dicitur, quia statim irritat naturam ad contractiones illas dolorificas, quæ in eorum affectibus grauioribus apparent. In arteriis autem inflammatis aut compressis exoritur dolor pulsatorius, ut patet in tumoribus phlegmonosis & suppurationibus: hic enim vaporibus repletæ arteriæ, quæ prius indolenter & insensibiliter in parte pul-
sabant, iam agitantur cum dolore & graui molestia. Qui tamen abest in peripneur-
monia & non sentitur propter molliem & laxitatem pulmonum; in pleuritide
propterea,

propterea quod exiguae illae arteriolae quae in latus deferuntur, non ingrediuntur ipsam pleuram, sed in costarum interstitiis sunt collocatae. Oportet igitur obseruare istas dolorum differentias, quae pro diuersitate partium contingunt, ut affectus praeter naturam illis inesse dignoscamus.

At verò praeter dolorem qui partibus affectis contingit variis modis, sunt etiam propria quaedam accidentia seu effectus, qui partes affectas comitantur vel subsequuntur, ex quibus quintum & vltimum signorum diagnosticorum fontem reperit Galenus. Ista autem propria accidentia accommodatè referri possunt ad tertium illud symptomatum genus, quod qualitates mutatas vocant, variasque habent differentias, prout obiecta sunt diuersorum sensuum. Sic color plumbeus & quasi exanguis apparet per cachexias hepate refrigerato, citrinus ob cystidos felleae imbecillitatem aut obstructionem, nigricans liene laborante, & sic de reliquis. In pulmonum inflammatione rubor pertinax genas occupat, ob effumationem illam calidiorum vaporum ad superiora. In musculis phlegmone affectis ingens etiam rubor, in erysipelate ad flammam tendens, in scirrho nigricans, in oedemate albicans color apparet, pro varietate humorum, à quibus isti tumores committuntur. In phthisicis iam morituris ungues recurui & liuidi aspiuntur. In osse etiam corrupto caro liuida apparet, ex *Aphorism. 2. sect. 7.* Borborygmi in ventre intestina flatibus agitari. Et sic de reliquis, quae longa exercitatione & experientia indigent, ut possimus istos morborum characterilimos partibus affectis inherentes deprehendere.

Hiscæ signorum fontibus à Galeno eleganter constitutis, addunt neoterici iuuantia & lædencia, ex quibus etiam signa partium affectarum diagnostica deprimi existimant. Verum ista iuuantia & lædencia videntur mihi magis ad actum prognosticum vel therapeuticum pertinere, quam ad veram diagnosis. Aut certe cum ista iuuantia & lædencia referantur potissimum ad causas, de quibus postea ex professo agendum est, non videntur hoc loco inutiliter inculcanda.

Quod verò ex similitudine seu proportionè, signa etiam partium affectarum repetunt, non videtur admodum utile aut necessarium, cum ista analogia non habeat illam connexionem cum re significata, quam dicebamus in veris signis medicis adesse debere. Nos igitur ad alia progrediemur.

UTRUM PARS AFFECTA PRIMARIO VEL SECUNDARIO LABORET, QVOMODO DIGNOSCENDVM. Non satis est scire partem aliquam affectam esse praeter naturam, sed etiam sciendum an primario vel secundario seu per sympathiam laboret: hoc enim valde ad therapiam facit, cuius gratia omnes aliae Medicinae partes traduntur; quia potissima indicatio seu curandi ratio conuertenda est ad eum locum, ubi morbi & causarum fomites primario latitant, & in alios deriuantur.

Sympathia igitur, compassio & condolentia, quae denotat dispositionem quamdam in partibus fientem & dependentem ab alia parte, quae idiopathia seu primario affectu laborat, duplex omnino à Medicis statuitur. Una quidem quae simplex dicitur, alia composita. Simplex ea censetur, quando mera tantum condolentia contingit, ob partium viciniam, generis societatem, vel officij communionem. Ratione enim viciniae, sub qua etiam connexionem partium subintelligimus, rectum intestinum v. gr. utero aut vesicae facile compaescit, ratione generis nervosum nervoso, membranosum membranoso; ratione verò officij, quae ad idem munus obeundum comparatae sunt partes, facile alias in consensum trahunt, ut mammae, uterus & genitalia, ut pleura affecta musculos intercostales, pulmones, & alias thoracis partes inspirationi dicatas. Quod si duo aut tria simul istorum conuectant, maior adhuc & facilior erit sympathia. Composita verò est, quae fit aliquo quasi tertio interficiente, etiam ob communicationem, tripliciter, scilicet vel priuationem alicuius materiae aut facultatis. Sic enim partes corporis recipientes aliquem humorem aut vaporem extraneum ab aliis, praecipitantur in istos affectus sympathicos, qui si diutius perseuerent, firmitatem tandem obtinent, neque simpliciter dependent ab illa causa primaria, sed *διὰ τὴν ἀνάγκην* ab authoribus nostris appellantur, ut quando cephalaea à fœmis ventriculi introducta, tandem cerebro dispositionem praeter naturam stabilem & firmam inurit: Ex priuatione verò spirituosae materiae & facultatis subita fit sympathia in partibus, quae animales actiones aut vitales exercent: sublato enim commercio isto spirituum animalium ex cerebro per nervos, vitalium à corde per arterias influentium, statim partes, quae istos influxus suscipere solent, eis destituta in sympathicos

sympathicos affectus trahuntur, confuetisque actionibus omnino priuantur, vel minus commodè fruuntur. Quod in naturalibus functionibus nutritioni dicatis non ita est manifestum, quia cuiusmodi functiones sunt inſitæ & quæſi congenitæ omnibus corporis noſtri particulis, vt exemplo plantarum confirmat Galenus. Deficit tamen illud exemplum, quia animantium corpora, non vt plantæ ſuam ex terra alimoniam trahunt, ſed ex certis corporis partibus, vbi ſunt concoctiones, ideòque ratione materiæ ſiue obiecti alimenti, quo neceſſariò frui debent, vt ſuas operationes edant, etiam in ſympathiam trahuntur. Nam ſiue priuentur ſanguine illo qui in hepate genitus; debet per venas alimentum illis ſuppeditare, aut minore quantitate illius fruuntur, paulatim contabescunt, vt in maraſmo vniuerſali & particulari apparet. Vel ſi illud alimentum ſit alienum & diſproportionatum naturæ, partes etiam trahuntur in conſenſum, & vt in cachexia, λευκοφλεγμια, vitilagine, & ſimilibus apparet, nutritio illarum vitiatur.

His ita præmiſſis, vbi aliqua pars affecta ſeſe per actionis læſionem offert, videntum an ex earum ſit numero, quæ faciliè in ſympathiam rapiuntur ob conditiones ſupradictas. Verbi gratia motus vel tactus ſit læſus in manu vel pede, poſt grauio- rem caſum aut contuſionem inſictam ſpinæ vertebris & neruis ab eâ exorientibus: non eſt dubium quin illa læſio partibus illis accidat, ex ſympathia priuationis influxus illius, qui à cerebro per neruos in omnes partes ſenſui aut motui dicatas deriuatur. Si cerebrum per interualla doleat aut vertigine tenteretur, quoties aliquis in victu peccauit, & ventriculi morſus ac cardialgias antea percepit, certum eſt etiam illud fieri ob fumos & vapores ab eo eleuatos, qui qualitate ſua feriunt, vel quantitate diſtendunt cerebri meninges, & ſic de reliquis, potiſſimum quando aliqua pars præter modum debilitata ex accidenti aut hæreditario iure apparet, vt in eis qui verbi gratia vulnera olim in capite acceperunt, vel qui articulos habent laxiores & infirmos ab ipſo ortu.

Notandæ igitur cauſæ præcedentes, tam externæ quàm internæ, quæ vim aliquam corpori noſtro intulerunt aut partibus illius. Ibi enim credibile eſt firmatam eſſe primariam morbi ſedem, vbi illæ prius impetum ſuum exercuerunt. Deinde animaduertenda incrementa & decrementa iſtorum affectuum, qui in partibus exiſtunt. Nam ſi ille verbi gratia dolor qui eſt in capite, augeatur prout mala quædam infeſtant ventriculum, eiſque ceſſantibus deſinat, manifeſtum erit cerebrum ex ſympathia tantum ventriculi laborare. Quod ſi in iſta parte affecta ſint dilucida interualla, ita vt tunc optimè ſe habens, ſubito præcipitetur in iſtas noxas & incommoda ſine cauſa quæ in ea manifeſtè appareat, ſit adhuc magis certum, eam ex conſenſu alterius laborare. Sit enim iuuenis robuſtus, cui cor firmum & validum exiſtat, ſyncopæ aut lipothymix poſt aliquos vitæ errores obnoxius, quæ illum ſubito & interiectis periodis inuadat, credibile eſt materiam aliquam ſiue auram malignam ex aliquo corporis loco expirare, quæ cordis ſinus ingrediens, illius robur & functiones infeſtet. Id manifeſtum eſt in ſuffocatione vterinâ, quæ derepente mulierem reſpiratione priuat, & quaſi ſtrangulatus metum in faucibus inuehit. Denique vbi duæ partes ita laborant, vt vtriuſque noxa ſit ſenſibilis, ſit tamen ſuſpicio ſympathix inter illas, adhibita remedia vtrique oſtendent, quæ illarum primariò vel ſecundariò labore; nam eâ quæ per ιδιοπάθειαν afficitur curatâ, alterius affectus citò tollitur; illi verò adhibita quæ ſympathicè afficitur, nihil aut parum proficere videntur. Quod Galenus 1. de loc. affect. eleganti docet exemplo, illius qui cum ex rhedâ cecidiſſet in dorſi ſuperiorem partem, vbi contuſio, inflammatio, & tandem ſcirrhofa diſpoſitio exorta erat, ita vt tres etiam digiti manus ſenſum & motum amiſiſſent. Cum enim Medici remedia manui fruſtrâ adhiberent, Galenus iuſſit circa ſeptimam dorſi vertebram, vnde nerui iſti exoriuntur, eadem remedia admoueri, ſicque curato primariò affectu, reſtituta eſt digitis manus ſua functio. Atque hæc de parte affectâ dignoſcendâ, quæ eſt prima Αγγυόσως pars.

De dignoscendis morborum causis.



QUONIAM ex cognitione efficientis causæ & proprii subiecti in quod agit, natura effectus ipsius quasi per se elucet: ideo post explicatam *διάγνωσιν* partis affectæ velut subiecti morborum, iam accedimus ad dignotionem causarum, à quibus fit vel iam factus est, ut ex utriusque veluti facta comparatione, morbi natura, species, & differentia melius innotescant. Per causas igitur morborum hinc efficientes & quoquomodo illius generationem iuuant, intelligimus potissimum internas. Externæ enim vel præsentis adhuc sunt & omnibus sensibiles existunt, vel præcesserunt, & ex ægri aut adstantium relatu cognoscuntur.

Quod ad causas itaque internas spectat, à quibus morbi efficiuntur, illæ potissimum à Medicis ad humores ipsos in nobis contentos, & qui ex eis eleuantur vapores & flatus referuntur, faciuntque duas vniuersales causas, nimirum plethoram & cacochymiam. Rursum plethoram volunt esse duplicem; Vnam quam vocant ad vasa, quando distenduntur aut premuntur multitudo humorum; Aliam ad vires, quando quantitas illa improporcionata viribus corporis, ipsas opprimit & grauatur sine insigni mole; Cacochymiam verò triplicem constituunt, pro numero excrementorum quæ in nobis suscitari solent, biliosam scilicet, melancholicam seu atrabiliariam, & pituitosam, sub qua ichorosam seu serosam, flatusosam, aliasque complectuntur: Ex his enim seorsim vel complicatis, ut in plethorâ cacochymicâ; potissima morborum partiumque affectarum soboles dependet, quique harum cognitionem rectè tenuerit, feliciter in morborum curatione negotiabitur. Hinc enim Paracelsici vocant Medicos Galeni viam sequentes, Humoristas: & loco istarum causarum, ponunt sal, sulphur, & Mercurium, à quorum vario excessu morbi in nobis producantur, ideo peculiaria tradunt signa quibus causæ istæ, & morbi mercuriales, sulphurei, & ex sale isto tartareo pendentes dignoscantur. Sed sublato verborum ænigmate, quibus illi sua mysteria regere conantur, certum est ista omnia commodè ad humores causas à nobis recensitas, reduci posse.

Ut igitur illæ cognoscantur, oportet signa repetere primò ex causis efficientibus, disponentibus & materialibus, à quibus producuntur, tum ex effectis, quæ ad illarum generationem manifestè consequuntur. Causarum series ergo constabit ex censu rerum naturalium, temperamenti scilicet proprii, totius & partium, ætatis, sexus, & consuetudinis; rerum non naturalium, ut aëris, regionis, & loci in quo versamur, alimentorum, aquarum, & similium quibus vescimur, somni, vigiliæ, exercitationum, excretorum, retentorum, animi pathematum, rei venereæ, balneorum & similium, in eis qui illis uti solent. Eodem modo rerum præter naturam consideratio non erit negligenda. Quicumque enim morbi aut symptomata præcesserunt aliis, vel oriuntur frequenter, efficiunt similes sibi humores, aut disponunt partes ad eorum generationem, sicque ostendunt naturam humorum naturalium, contra naturam in nobis dominantium, ut melius deinde in particulari eorum enumeratione patebit.

Effectus verò generaliter qui humorum dominatum demonstrant, ad tres potissimum reducuntur, colores scilicet, sapes, & motum qui vnicuique proprius est. Et enim certissimum est, & à Galeno sæpius annotatum, tales in nobis efflorescere colores, qualis est in interioribus humor, quique inde ad superficiem corporis, præcipue autem faciem transfertur, vel etiam in aliis partibus præter naturam affectis apparet, ut in tumoribus præter naturam, dum materia quædam humoralis in eas effunditur. Quod si ista materia regurgitet in ventriculum, fauces & palatum, excitantur sapes alieni, qui repræsentant dominatū & naturā excedentis humoris. Ut enim color ruber sanguinis prædominium, sic dulcis sapor æquabilem eius temperiem significat: Albus verò cum insipiditate quadā pituitā, si fuerit naturalis; sin verò ab ea degeneret, acidū quid aut salum repræsentat; Melancholia naturalis, austerum saporē cum nigredine; qui in atrā bile est acer & mordax. Denique bilis omnes species amarorē habet coniunctum plus minus, prout à flauā, vitellinā, porraceā, & glasteā ad atrā vsque degenerant.

clxx Ioan. Varand. Diagnofis.

Vbi autem permifcentur ifti humores æqualiter vel inæqualiter, variegatos etiam colores & fapores referunt. Quod eft diligenter animaduertendum cum caufis naturalibus, non naturalibus, & præter naturam, quæ eorum generationem promouere poffunt.

Præterea quidam eft in humoribus motus, tam in ftatu naturali, quàm præternaturam, qui illorum oftendit dominatum, vt pote fanguis creditur matutinis potiffimum horis, bilis verò meridianis, melancholicus fuccus vefpertinis, pituitofus nocturnis agitari: & qui morbi ab illis pendent, iftos fequuntur etiam motus & exacerbationes: vbi verò ifti putrefcunt humores, acquirunt mirabili quodam modo *idiotismum*, & certas periodos, propter quas fanguis putrefcens æquabilem & ferè continuum habet motum, pituitofus verò humor fingulis diebus, biliofus alternis feu tertio quoque die per *Συνάφειαν* computato, melancholicus quarto obtinet fuum & peculiarem paroxyfimum, ficque pro tenuitate & caliditate velocius, pro craffitie aut frigiditate tardius mouentur, cum rigore, horrore, concuffione, aut ftupore partium. Quorum omnium particularis explicatio in variis morborum, præcipuè februm, speciebus proponi folet.

Quemadmodum autem ex motu, colore, & fapore humores dominantes dignofcimus, fic etiam ex mole feu habitu corporis, nec non mixto quodam fymptomate, quod Hippocrates *κόπον*, nos laffitudinem vocamus. Moles enim feu habitus corporis plenior & in mediocritate pofitus, *εὐεξία* & laudati fanguinis plethoram designat; fin verò laxior & mollis, pituitæ exceffum; frigofior autem, durior, & macie deformis *καχεξία*, & biliofi humoris aut melancholici exuperantiam. Laffitudo autem, quæ eft impotentia quædam aduentitia & fine labore prægreffo, ad motum animale exercendum, cum moleftia & trifti fensatione dum membra agitantur: triplex exiftit apud Galenum: tenfua quæ eft index multitudinis humorum & colliquationis eorundem in partes mufculofas; vlcerofa cum fenfu quodam pruritus & acrimoniæ, quæ oftendit cacochymiam dominari; & phlegmonofa quæ ex his videtur mixta, quoniam cum tenfione quam facit materiæ copia, fenfus etiam ardoris adefl, qui coniunctam putredinem aut inflammationem humorum oftendit.

Ex hisce igitur omnibus & fingulis venabitur Medicus cognitionem caufarum antecedentium humoralium, à quibus coniunctæ morborum derinantur: Hisce addendo (vt iam diximus) antecedentia, nimirum caufas efficientes vel difponentes eorum: & confequentia, nimirum omnia fymptomata, quæ ad humores iftos exoriri potiffimum folent. Nec non iuuantia & lædencia, ex quorum animaduersione inter curandum, detegere etiam poffumus, quis potiffimum humor præualeat. Vt enim alterantia & vacuantia commodum vel incommodum adferunt ex lege contrariorum bene vfurpata, fic etiam faciunt ad notitiam materiæ noxiæ, quæ hoc vel illo remedio mitefcit aut exafperatur. Nifi fortè in deploratis & malignis morbis, in quibus omnia etiam optimè adhibita remedia nullum adferunt commodum, vnde illud Hippocr. *Quæ iuuare debent & non iuuant, malum.*

In hisce itaque elucere debet Medici *διδασκων* exercentis folertia. Aliquando enim ifti humores vniuerfaliter per totum corpus dominantur, aliquando peculiariter in vno tantum membro; aliquando confimiles vel diffimiles, vt quando in cerebro pituita, in pulmone bilis exultat: aliquando fynceri, alias permixti, idque æqualiter vel inæqualiter, fecundum varias proportionem & mixtiones eorum inter fe: tuncque maior eft cognofcendi difficultas ex confufione fignorum ad inuicem.

Vt autem caufæ iftæ humorales, potiffimum in morbis intemperamenti confiderandæ, fic etiam in organicis & folutionibus continui, qui ab eis etiam vt plurimum proximè vel remotè pendere folent, verbi gratia magnitudo aucta totius vel partis à plethorâ vniuerfali vel particulari; numerus fuperfluus vel imminutus à redundante vel deficiente materiâ, obftructio vaforum ab humore pituitofa vel alio opplente, lumbrici à pituita in inteftinis putrente; arenulæ & calculi renum & veficæ ab eadem excoctâ & induratâ procedunt; vlcus ab humore acri, diuulfio à flatu aut humore diffendente, & fic de reliquis, quæ Medico valde funt confideranda, vt caufarum feriem cognitam habeat.

DESIGNIS HUMORVM IN SPECIE. Quamuis fuperiore capite videamur fufficienter figna propofuiffe, ex quibus humorum in nobis dominatus, quoties morborum caufæ antecedentes aut coniunctæ euadunt, haberi poffit: attamen quoniâ ifta tractatio magnæ eft vtilitatis in Medicina, nequid omiffiffe hac in parte videamur, lubet adhuc figna

signa vniuscuiusque humoris speciatiim persequi hoc capite; ducto à sanguine velut præstantiori, initio, quia dum exundat aut alteratur, magnos periculososque affectus afferre solet, non minùs quàm bilis, melancholia, ichor, & pituita; ex eisque eleuati vapores & flatus.

Sanguis igitur, sub cuius nomine complectimur modò totam illam massam sanguinariam in venis & arteriis potissimum contentam, & ad alendum proportionabiliter constitutam, modò puriorem illius & salubriorem partem, temperie summâ, colore rubro, saporeque dulci præditam, quæ ob sui præstantiam toti denominationem tribuit: tunc dominari in corporibus nostris censetur, quando causæ præeessere, quæ illum generare ac multiplicare possunt, utpote ex parte rerum naturalium, temperies totius vel iecoris & cordis calidior humidiorque, ætas à pueritia vsque ad pubertatem, & sexus muliebris, donec menstrua effluere incipiant. Ex parte rerum naturalium, æris temperies mediocris, ut verna vel austrina, quæ tamen ad humidioram iam nimis accedens, si diutiùs perseveret humores ad putredinem disponit; regio, domus, & alia loca meridiei aut orienti exposita, otium, vel exercitatio; quæ intendat appetitum, non resoluat; lætitia, & vita sine curis, (*bontemps*;) somnus dulcis & moderatus. Quibus materiam suppeditant victus plenior ex alimentis potissimum euchymis, ut pane recenti albissimo, ac probè fermentato coctoque, ovis tremulis & mollibus, carnibus iuniorum animalium, & boni succi, gallinarum, perdicum, phasianorum, vitulorum, hædorum, & similium, aquâ puriore fontanâ vinoque generoso salubriter dilutâ. Quibus si accesserint suppressiones vacuationum solitarum, ut hæmorrhagiæ narium in ephebis, hæmorrhoidum in adultis, aut aliquo insigniore membro mutilis, mensium in mulieribus: tunc plethora ista sanguinea valde intenditur, ut Athleticum illum habitum ab Hippocrate in Aphorism. damnatum repræsentet.

Huiusmodi igitur sanguinis redundantiam, sequuntur color faciei intensus & rubore multum saturatus, qui etiam in venulis oculorum distentis conspicitur, & si paulò crassior extiterit, deuoluitur in musculos & cutem tiliarum, ubi non solum rubores, sed etiam inflammationes parit aliquando, & quasi per periodos in multis venæ etiam in illis post modicam exercitationem aut æstum turgent, ac muscoli distenduntur, unde lassitudines illæ tensuæ aut phlegmonosæ exoriuntur, vehementer pulsant arteriæ, & respiratio faciliè intenditur. Animi mores iucundi, cum discursu & memoria facili, sed minùs firma. Somnus profundior, plenus insomniis rerum rubrarum & hilaritate conditarum. Procliuitas in Venerem, eiusque facilis tolerantia ob copiam seminalis materiæ. Appetitus ventriculi intensus, nisi iam multitudo istius humoris excesserit, quæ satietatem pariat, unde sapes in ore dulces & gratos persentiunt. Urinas profundunt copiosas, laudabili consistentia & colore præditas, sed contentorum multitudine aliquando refertas. Moletm & habitum corporis mediocrem aut carnosum obtinent, multo halitu blando perfusum.

Quod si iam causæ aliquæ externæ & violentæ accesserint, quæ hunc statum à naturali deiciant, faciliè labuntur in febres synochas & purpuratas ex inflammato aut putrente sanguine, qui sudores copiosos & foetoris non expertes prolicite; in phlegmonosos etiam tumores partium, pustulas sanguineas, & similes, qui summo opere iuuantur largâ sanguinis missione, aut spontaneâ illius profusione.

Sanguinem sequitur pituita, quia tum quantitate, tum alendi bonitate ad illum proximè accedit; quæ tamen diuiditur in alimentariam & excrementitiâ. Alimentaria easdem habet ferè notas cum sanguine, & in eum, ut vult Galenus, vteriore coctione transmutatur. Excrementitia verò, quæ in ventriculo, intestinis, pulmonibus, & cerebro maximè redundare solet, diuiditur pro variis quibus prædita esse solet, saporibus & consistentiâ in dulcem, insipidam, acidam & salsam; deinde in serosam, mucosam, vitream, & gypseam. Ex eisdem autem fontibus repetenda sunt signa quæ illius dominatum ostendunt, utpote temperamento totius vel partium, ut iecoris, ventriculi, aut cerebri frigidioris humidiorisque, sexus muliebri, ætate senili aut puerili, propter ingluuiem & incautam viuendi rationem, hyemali tempore, regionibus quæ stagnis, paludibus aut fluminibus sunt vicinæ, boreæ & niuib. expositæ, quales sunt quæ polo magis sunt propinquæ, vel Pyrenæis aut Alpibus subiacent. Item acôr ferotinus in regionibus feruentissimis circa ætatis vigorem maximè pituitam in cerebro colligit & catarrhos concitat, ob condensatos vapores, quibus tunc scatere solet. (Hinc Galli, Angli, Germani, qui Lusitaniam adeunt, ferè omnes in catarrhos

& phthisin præcipitantur æstatis tempore, quia ob æris diurni feruorem, deinceps Sole occidente incautiùs excipiunt auras frigidiore, vel sese nocturno aëri exponunt.) Item ex victu præcedente qui pituitam gignere aptus sit, utpote ex fructibus *œgaleis*, oleribus crudis, vini recentis potu, aquæ, ceruifiæ, pomarij vel pyratij in non assuetis, caseo recenti, piscibus, & animalium partibus exanguibus & nervosis, somno & otio diuturniore; omisâ consuetudine spontaneâ pituitam vacuandi per vomitum aut secessum, vel artificiosâ per exercitationes, ut parua pilæ lusum & similes, aut usu aquarum thermalium, laconici, cathartorum medicamentorum aut diureticorum. Ex his enim intermissis cruditates & pituitæ generationes multiplicantur.

Vnde sequuntur, actionum omnium segnities, mentis torpor, sensuum hebetudo, mentistarditas, ad somnum propensio, cum insomniis pluuiarum, niuis, submersionis, & similibus. Ira remissior, pulsus paruitas & mollicies, sitis carentia, appetentia etiam languidior, vnde ieiunia ferunt facillimè. Plurima per os, nares, & alios ductus excrementa albicantia reijciuntur, urinamque habent pallidam & tenuem, si obstructions simul patiantur; aliàs crassam & turbidam cum sedimento copiosiore. Totum corpus crassum, molle & albicans, tactuque quodammodo frigidum. Valdèque iuuantur si calidioribus siccioribusque utantur; aliàs facilè labuntur in hydropem, cachexiam pituitosam, lethargos, paralyfin, catarrhosas constitutiones, & similes morbos chronicos, ac tardioris motus.

Quæ omnia intelligenda sunt de pituitâ verâ & impermixtâ, quæ dulcis, vel insipida, vel acida gustu deprehenditur, pro maioris cruditatis ratione; Nam salsa, propter mixtionem feri acrioris, vel quandam putredinem contractam, caliditatis non parum est particeps. Quod causæ etiam prægressæ, pituitam acriorem generantes, inflammantes, putrefacientes, aut permiscentes ostendunt; ipsique effectus, nimirum sitis immensa, & sapor alienus linguam velut muria inficiens, quod in catarrhis ferinis, aphthosis & exulcerantibus fauces & pulmonem, tandemque phthisin inducentibus, videre est. Præterea in dysenteriis illis pessimis, quæ fiunt decumbente eiusmodi humore in intestina, & ea abradente. Quod si summa corporis petat, inducit lepras & scabiem fœdam cum pruritu immenso, quo affecti aliquando senes contabescere solent, & cum maximo tædio vitam cum morte tandem commutare. Non raro etiam impetens urinæ vias, dysuriam excitat molestissimam, abrasâ interiori vesicæ membranâ. Et sic de reliquis.

Serosa autem pituita, quæ tenuitate prædita, in sanguinis massa aliquando contineri solet magnâ quantitate, ut educto per phlebotomiam sanguine in vasculis apparet; aliquando deerrat etiam per alias partes: fit ob magnam potus copiam, quæ se ægrotantes vel etiam sani ingurgitare solent, ob largiorem usum fructuum recentiorum, aut iusculorum, similibusque humidiorum & liquidiorum. Ad hoc etiam iuant ventriculi frigiditas, iecoris aut lienis obstructions & scirrhi, quia infarctu laborantes istæ partes, dum non admittunt solitum alimentum, solet refluere, quod tenuius est & serosum in totum corpus, vel aliquam partem, ut abdominis cavitatem, ibique hydropem illum ascitem dictum generare, in aliis verò particulares hydropes. Non parum etiam facit ad feri istius generationem, vehemens hepatis feruor, ex cuius vaporibus eleuatis ad cerebrum, cranij densitate coguntur, & in pluuiosam istam substantiam conuertuntur. Vnde scaturigo præcipua fluxionum in biliosis & sanguineis, tuncque magna urinæ copia crudioris & aquosioris profundi solet, vel sudores, vel diarrhœæ excitantur. Isti sunt magni saluatores & sputatores, sæpiusque coryzas ex stillicidio huius serositatis patiuntur; Quæ si crassescat, in pituitam mucosam, qualem è naribus prodire videmus, conuertetur, & tandem gypseam omnium siccissimam, ut videre est in tophis & nodositatibus, quæ circa articulos podagricorum concreverunt.

Vitrea autem pituita, *υαλονδης* dicta, quia vitro nuper fuso similis est, in intestinis potissimum colligitur, ubi derelicta à regimine caloris natui, ut voluit Galenus *lib. 2. de loc. affect.* tanquam insuperabilem frigiditatem actualem acquirit, (quemadmodum aqua calefacta, ubi ignis actio euanescit, denuò refrigeratur) propter quam colicos cruciatus inducit, non vagos ut à flatu, sed fixos & terebræ instar colon perforantes, ac dolorem nephriticum repræsentantes, ut ibidem de seipso narrat Galenus; quæ excreta per clysterem, etiam foras tactu frigida apparet. Hippocrates tamen in *Coacis*, in urinâ phlegmaticorum talem pituitam observauit. Ad illius ergo generationem magnas cruditates præcessisse necessum est.

est, idque ex vicio partium concoquentium, vel ipsius obiecti, nimirum alimentorum, quæ crassescere quidem potuerunt, sed non subigi, & in mediocrem caliditatis gradum deduci. Hanc ego existimo, ut modicè crassam & frigidam esse ætæ voluit Galenus, sic etiam valde acidam esse aut acerbam sapore, quemadmodum in fructibus immaturis contingit.

Atque hæc de pituitæ differentiis & signis. Quoniam verò ex eiusmodi materiâ pituitosâ & crudâ, ut plurimum eleuantur flatus illi crassiores, quibus corpus nostrum variè torqueri solet, idè iam de flatibus per consequutionem quandam agendum videtur: vapores enim simplices, tenues & fumosi sunt ex quocunque humore calefacto & ebulliente per quandam *ἀναδύλασιν*, potissimum autem sanguine & bilioso humore. Flatus igitur in nobis ventorum generationi non videntur absimiles. Quoties enim calor in materiam quandam copiosam ac rebellem agit, quæ non facile coqui, sed in multos vapores crassos conuerti apta nata est, tunc excitantur eiusmodi flatus, qui variè hincinde mouentur, etiam cum sonitu & agitatione partium aliquando, idèque à calore debili seu improporcionado fieri existimantur, quia iste calor sufficiens fuit ad eos eleuandos, non autem dissipandos, ut patet in rebus externis. Itaque ventriculus imbecillior, intestinæque multam istiusmodi flatuum copiam colligere solent, ob cruditatum multitudinem in eis contentam, qui modò conclusi strepitus & dolores violentos in abdomine, atque etiam hydropem illum tympanitem excitant, modò erumpentes sursum aut deorsum, multos ructus & crepitus ventris sonoros producant. Est etiam aliquando cum feruor subiectarum partium illos excitat ex materiâ melancholicâ in visceribus latitante, quam omnino domare & subigere nequit, quemadmodum in affectu hypochondriaco contingit, vnde melancholici *Φυσώδες* dicuntur apud Hippocr. Ad hos flatus generandos alimenta quædam peculiarem habent dotem, ut castanæ, fabæ, rapa, napi, tubera, & similia. Auicennas etiam existimat poma multum esse flatuosa, & proprietatem illam seruare vsque ad tertiam coctionem. Eiusmodi repletionem flatulentam præter morbos supra dictos, solent sequi tensui dolores sine grauitate & pondere per totum corpus; sed vagi & citò desinentes, palpitaciones & concussiones partium cum frequentibus oscitationibus & pandiculationibus, ut docet Galenus *libro huic rei peculiariter dicato*.

Pituitæ affinis est melancholia naturalis & limosa, ratione frigiditatis; sed siccitate differt, vnde acido & austero sapore prædita est, propter quam creditur effusa in superius orificium ventriculi, per vas breue, appetentiam animalem, instar acetæ naturalis, excitare. Hæc igitur fit in temperamentis frigidioribus siccioribusque, & multiplicatur per totum corpus, liene obstructo aut debilitato, dum non potest eam attrahere, vel conuenienter secernere, in mulieribus aut viris quibus menstruæ purgationes aut hæmorrhoidum fluxus iam assuetus, suppressus est; Autumnali tempestate, & inæquali aëris cuiusvis & regionis constitutione, potissimum vbi crassioribus, durioribus, & quasi terreis alimentis vtuntur, pane atro & fursuraceo, vino nigro & crasso, aquis turbidis, leguminibus, casco veteri & salito, carnibus bubulis, ceruinis, leporinis, suillis, aprinis, animum palustrium, piscibus cetaceis, ostreaceis, vel aliter duris & salis, aut fumo induratis, brassicis, pastinacæ, & similibus, potissimum si curis, vigiliis, mœstitiâ, aut timore torqueantur, ut contingit famis aut belli grassantis tempore: Huius humoris dominatum sequitur stupiditas sensuum, & taciturnitas, frequens vigilia, & somnus interruptus, cum spectris rerum nigrarum, fumi, cadauerum, & similibus rerum horrendarum. Omnia etiam tuta pertimescunt, pulsumque cum respiratione tardum habent & paruum, voracitate ut plurimum laborant, parum siticulosi, & tamen saliuatores ob feri copiam, ut docet Gal. ructusque multos acidos patiuntur. Habitum corporis habent subliuidum & nigricantem, macilentum squallidumue, asperum & durum, sæpiusque varicibus deformatum in coxis & cruribus, ob facem istam sanguini permixtam & delabentem in partes decliuiores, & venas immodicè distendentem.

Atque ut ista contingunt in temperamento melancholico naturali seu ab ortu contracto, quem idè *Asinionum* vocant; sic etiam est alia melancholiæ species, aduentitiæ scilicet & per accidens genitæ in nobis, quam ingeniosam dixit Aristoteles, quæ fit leuiter vstâ sanguinis portione tenuiori, vnde splendor ille siccus exoritur, quem voluit Heraclitus animam reddere sapientissimam, virosque magnos & eruditos producere, propter cogitationum fixationem seu firmitatem & iudicij vim. Hippocrates igitur in *Epidemiis*, iure existimauit, sanguineos & biliosos tandem fieri

melancholicos, niſi habeant ἐξερῶς effluxus ſiue expurgationes, quod interpre-
tantur de fluxu hæmorrhoidum, quem natura huic rei dicaffe videtur. Galenus in
arte parua exiſtimat, hanc melancholiæ ſpeciem, decurſu ætatis contingere circa
annum 45. quando ſcilicet calor natiuus pauliſper imminuitur, humoresque craſ-
ſiores & ſicciores euadunt ob prægreſſi caloris incinerationem. Hæc igitur ſi intra
limites ſanitatis remanſerit, facit homines, vt diximus, ingenioſos ad artium in-
uentionem, ſcientiarum perfectionem, & rerum politicarum ac bellicarum admi-
niſtrationem aptiſſimos. Quod ſi gradum illum exceſſerit & nimis quaſi refrixerit,
deſipientes, ſuperſtitioſos, & variarum nugarum repertores. Quod experientia
oſtendit in compluribus viris doctiſſimis aut bellicoſiſſimis, qui tandem in ἀνοία;
fatuitatem aut ſtultitiam, & memoriæ abolitionem inciderunt.

At verò vbi non ſolum ſanguis torretur, ſed etiam melancholia iſta, vel etiam
bilioſus ſuccus immodicè exurit, aut putreſcens incineratur cum inſigni feruore,
fit ſpecies illa melancholiæ præter naturam, quam atram bilem vocant; omnium
humorum peſſimam & funeſtiſſimam, quæ quamuis colore cum naturali & aduen-
titiâ conſentire videatur; attamen aliis qualitatibus multum differt. Hæc enim in-
teriores partes erodit, carnem corrumpit & colliquat, cancroſos tumores excitat,
elephantiaſin, vlcera phagedænica, & ſcabiem malignam. Cuius excretio per ſe-
ceſſum aut vomitum in principio morborum facta, certum mortis periculum mi-
natur apud Hipp. Aph. 22. ſect. 4. In terram verò effuſa, illam inſtar aceti ſtillati-
tij, aut aquæ illius fortis dictæ fermentat, ampullas excitat, muſcas abigit, & ſimilia
feruentis caliditatis ac deleteriæ qualitatis indicia profert. Diſtinguitur à ſangu-
ne atro, quod non concreſcat, vt ille, ſed fuſa maneat, comment. in Aphoriſm. 23.
ſectionis 4.

Superest igitur bilioſus humor, qui colore ſtauo, amarore ſummo, tenuitate ma-
ximâ ſeſe reddit inſignem, ac præcipuè propter mobilitatem & orgaſmutn illum
mirabilem, quo præditus præcipua morborum acutorum cauſa cenſetur. Bilis ita-
que ſtaua in hepate genita, à cyſtide felleâ trahitur, & in propriâ cauitate acerua-
tur, donec regurgitans, amandetur per meatum cholidochum in duodenum & re-
liqua inteſtina, vt clyſteris naturalis inſtar, inquit Galenus, facultatem expultri-
cem irriter ad deponendas alui fæces. Quod ſi aliquando motu præpoſtero, vel
propter malam implantationem iſtius meatus cholidochi, irrumpat in ventricu-
lum, cardiogmoſ & vomitus excitare ſolet, vnde apud Hippocr. πύρεχοι ἀνω &
κάτω, lib. 2. de vict. rat. in acut. Hæc bilis ſtaua mixtione & vteriori coctiōne euâ-
dit pallida, ruſa, vitellina, porracea, & æruginoſa, quæ proximè ad atram bilem
accedit. Neque hîc audiendum de porraceâ illâ bile, quæ in ventriculo ipſo gig-
nitur ex uſu nimio braſſicæ, porri, lactucæ, & ſimilium olerum, quoniam illa po-
tiùs ad pituitæ quàm bilis ſpecies pertinet, quia eſt tantum chylus crudior adhuc,
viridi colore infectus. Bilis igitur dominatum oſtendent primò cauſæ illam produ-
centes, vt temperies totiùs calida ſiccâque, cordis & iecoris feruor, qui ex euchy-
mo etiam alimento procreat iſtum humorem, potiſſimum verò ſi accedat cibi & po-
tus analogia ad illum producendum, ex acribus, ſaliſis, piperatis, & ſimilibus, ætas
florens & iuuenilis, aër feruens æſtatis tempore aut regione feruida, exercitatio ve-
hemens & diuturna, vigiliæ, curæ, & rixarum multitudo; omiſſa conſuetudo ſpon-
tanea vel artiſicioſa bilem vacuandi per vomitum, deiectionem, vrinas, aut ſudo-
res. In eis viget animi dexteritas, audacia & iracundia, vigiliarum multitudo, &
inſomnia turbulenta incendiſmorum & bellorum. Pilis ſunt ſtauis, facie pallescente,
oculis etiam ruſeſcentibus, habitu macilento & gracili: Adeſt inediæ difficilis to-
lerantia cum ſiti & opis amarore ac ſiccitate. Pulſus magnus & celer, vrina tenuis &
ruſa, fæces alui coloratiores, aurium excrementa copioſa & valde ruſa. Ac proinde
admodum iuuantur eis omnibus quæ æſtum illum compescere & humoris ferociam
retundere poſſunt, refrigerantibus ſcilicet & humectantibus, victu, balneo, & ſi-
milibus. Aliàs facile incidunt in febres ardentes & bilioſas circa caniculares dies, ce-
leris motus ac periculi, phrenitin, pleuritidem, & ſimiles eryſipelatoſas conſtitu-
tiones, quæ ſi exteriùs erumpunt, icteritiam, puſtulas vrentes, herpes, & ſimiles ge-
nerant. Ac prout cauſæ & effectus, ſeu antecedentia & conſequentia fuerint vehe-
mentiora, eò magis aduſtam bilem ſignificant, ac proinde hanc vel illam ſpeciem
dominari. Atque hæc de humoribus, velut præcipuis morborum cauſis dignoſ-
cendis ſufficiant.

De dignoscendâ specie affectus, &c. clxxv

ΔΙΓΝΩΣΕΩΣ ΠΑΡΣ ΙΙΙ.

De dignoscendâ specie affectus, seu morbi naturâ & differentiis.

POST cognitionem proprii subiecti, vbi residet morbus, nimirum partis primariò vel secundariò affectæ, post *διagnosis* causæ quæ affectum produxit, iam superest vt morbi ipsius ideam & infimam speciem in quodam indiuiduo propositi, dignoscere ex certis quibusdam signis doceamus. Quamuis enim dixerit Hippocrates, omnem morbum esse vlcus, illud tamen per *ἀντονομασίαν* quamdam intelligendum est de grauioribus affectibus. Non quòd voluerit ille, vnicam esse morborum speciem, cùm eleganter à Galeno demonstratum sit in pathologicis, tria esse summa morborum genera, intemperiem, malam conformationem, & vnitatis solutionem, sub quibus variæ rursus species continentur, ad infimas vsque perfequendæ, siue solæ per se existant, siue compositæ & complicatæ, vt sæpius contingit.

Vt igitur certo ordine signa ista quæ speciem morbi ostendunt proponam, sequar fontes signorum iam adductos in parte affectâ inuestigandâ, videbimusque quid ad istud conferre valeant, & quid illis sit addendum vel detrahendum. Actio igitur læsa non ostendit propriè speciem morbi, quia à variis morbis eadem actio lædi potest. Item ab erroribus externis & obiectis impropportionatis, vt docet Galenus. Attamen cùm certum sit actiones quasdam, à temperamento præcipuè pendere, alias à conformatione, vel à partium vnitate, hinc fit vt quando actio naturalis, vt coctio læsa est, magis propriè temperamentum immutatum existimemus, & in eâ parte factam esse intemperiem. Quando animalis actio, verbi gratia motrix est læsa, quia sequitur præcipuè musculorum & neruorum bonam conformationem, per quos influere debet spiritus ille animalis à cerebro, tunc etiam in eis genitam obstructionem, aut factam solutionem continui censemus, præcipuè si subito oriantur, qui est modus actionis læsæ, illi proprius, quia intemperies saltem firma, non nisi sensim & tractu quodam temporis introduci potest. Quod si actio sit mixta, vt sæpè fit; tunc ad vtramque dispositionem, temperamenti scilicet & organi respiciendum, vt videamus ex aliis signis, quæ istarum potissimum sit immutata, vel vtrùm ambæ patiantur. Item cùm actio læsa sit abolita, imminuta, vel deprauata, existimat Galenus abolitam præcipuè naturalem sequi intensam frigiditatem, imminutam etiam & remissam ob caloris natiui & spirituum depauperationem; deprauatam verò sequi calidiorem intemperiem. Quòd tamen vsquequaque non est verum. Nam quamuis frigidior intemperies sine materia, vel etiam cum materia pituitosa id præster, attamen in melancholica cacochymia videmus manifestè deprauari imaginationem & rationem. In biliosa quando quantitate superfluit, imminui etiam & aboleri actiones, vt patet in febribus, ac proinde ista sub eiusmodi distinctionibus admittenda.

Post actionem læsam, excreta suppeditant signa, non solum partis affectæ, sed etiam speciei affectus; nam ramenta in deiectionibus apparentia, vlcus intestinorum dysenteriam affectorum denotant, rubra hypostasis vrinæ & arenosa intemperiem renum calidam: Sic excernendi modus; Nam sanguis multus affatim tussiendo erumpens, ruptionis vasis est nota; sin verò paucus, sensim & cum pure permixtus, exulcerationis in aliqua thoracis parte. Denique excrementorum color, odor, sapor, & reliquæ qualitates, vt sunt signa humoris dominantis, morbumque committentis: sic etiam naturam affectus, qui introductus est, designant. Bilis enim verbi gratia magna copia in principio febrilis paroxysmi erumpens, febrem tertianam adesse; sanguis fluens è naribus in corpore plethorico & inflammato, synochon; atra bilis in principio morbi excreta sursum vel deorsum, si cum febre, pessimam & *κακὴν* intemperiem; si absque illâ, melancholicum vel maniacum affectum portendit. Istæ autem qualitates, excrementorum, non solum propriæ & natiuæ sunt considerandæ, sed etiam aduentitiæ, vt quando putrescens melancholia aut pituita, febres aliosque morbos calidos generant, quod adiunctus fœtor velut proprium pathema

clxxvj Ioan. Varand. Diagnofis, & Progn.

thema declarat. Idem dicas de retentis humoribus, pure, fanie, calculo, lumbricis, & fimilibus, quæ pro fuâ vniufcuiusque naturâ, vbi præter naturam in nobis retinentur, morborum species fibi confimiles parere folent.

Ex fitu verò partis, quædam etiam duci poffunt indicia speciei & naturæ morbi, quia vnaquæque pars peculiare habet & magis fibi conuenientes morbos. Sic hepatis, lienis, & reliquæ partes mefenterij, phlegmonas, fcirrhus, & obftructiones lubentius patiuntur. Quod diftingues, confiderando effentialiter iftis morbis inhærentia, vt ex calore aut frigidityte, quæ in hifce partibus tunc fenfitur, duritie, mollitie, & fimilibus, quæ inter illos diftinctionem facient. In pleurâ, meningibus, & reliquis partibus membranofis, eryfipelata potius quàm reliqui tumores præter naturam contingunt. In offibus caries, quam liuiditas circumiectionum partium detegit, & tenuis virulentaque fanies illinc tandem erumpens, vnde *Aph. 45. fecl. 6.* Vlcera quæcunque annua aut etiam diuturniora exiftunt, fignificant abfcelfum cum offe communicari, & tandem cicatrices cauas fieri.

Sequitur doloris proprietas. Vt enim partes corporis noftri variæ hoc vel illo modo, non autem fimili excipiunt hanc moleftiam & triftem fenfationem, quæ contingit in fenfu tactus ab obiecto improporcionato; fic etiam varij morbi illam diuerfis modis inferunt. Dolor enim inflammans, ab intemperie calida, pulfans & diftendens, à fuppuratione ob compreffionem vicinarum arteriarum, ftupidus & quafi adftingens à frigida intemperie, pruriens & mordens ab exulceratione; vnde Galenus in *arte parua*, puncturam nerui aut tendinis, acutiffimum dolorem inferre, & citò conuulfiones accerfere voluit, imò etiam gangrænas & mortificationes fubitas partium, vt nos experientia frequenti obferuauimus, ob teterrimam faniem quæ in hifce partibus ita affectis citò colligitur. Dolor profundus & qui circa vefperam magis exafperatur, intemperiem denotat frigidam, præcipue pituitofam, quæ circa offium membranas inhæret, & excitato flatu eas diftendit. Et fic de reliquis.

Superfunt propria accidentia, ex quibus etiam multa indicia propria morborum speciei defumi poffunt. Iftæ enim qualitates mutatæ magis hunc quàm illum morbum fequuntur. Verbi gratia inflammationem phlegmonofam rubor intenfus & quafi purpureus alicubi efflorefcens, vt in genis præfente peripneumoniâ; eryfipelatofam verò & biliofam flauescens, vt in exquisitâ pleuritide non rarò oculos croceo colore infectos obferuauimus. In febribus etiam fimilibus icterum & ante & poft feptimum diem fuperuenire, in febre ardente linguam arefcere & nigricare, in tabido affectu vngues aduncos fieri, in iecoris obftructione, & cyftidos fellæ affectibus, totam cutem aureo quafi colore infici, in lienis debilitate & fcirrho nigrefcere. Quis etiam nefeit, tumores præter naturam, tam internos quàm externos, eiuſmodi accidentibus diftingui: leucophlegmatiam, hydropem tympanitem & afcitem, colore, fonitu, mollitie, duritie, & fimilibus inter fe differre? Quæ omnia funt obferuanda in peculiari morborum dignotione.

His etiam addi poffunt iuuantia & lædencia, nec non fimilitudo & analogia cum aliis morbis, vel familiaribus alicui regioni, vel populariter graffantibus. Etenim fi iuuent ægrotantem calfacientia, noceant refrigerantia, id morbum frigidum effe oftendit, & contra. Nifi fortaffis per accidens fiat illa curatio, vt patet de frigida affufione in tetano aut doloribus podagricis apud Hippocratem. Si iuant humectantia, noceant verò exficcantia, morbum ficcum ad effe fignificatur, vt marafmum, febrem hecticam, intemperiem ex melancholia contractam. Tamdiu enim, inquit Galenus, curantur melancholici, quamdiu humectantur. Et quos morbos parit repletio, inanitione fanantur apud Hippocr. & fic de reliquis. Quæ valde funt fpectanda, habitâ ratione eorum quæ affumuntur, quæ geruntur, quæ foris admouentur, & quæ excernuntur vel retinentur.

Vt igitur morbi species & natura peculiaris, ex hifce fignorum fontibus diligenter examinatis dignofcitur; fic etiam morborum differentia quædam inquirendæ, quæ ad vſum artis magis faciunt, vtrum fcilicet morbus fit magnus vel parvus; benignus vel malignus; acutus & brevis, vel tardus & chronicus; ac fic de reliquis. Morbus ergo magnus cognofcetur ex naturâ caufarum, à quibus productus eft, partis cui inhæret præftantia, effentiâ propriâ & fymptomatis quæ comitantur eum aut confequuntur. Magnum igitur dicetur vulnus ex gratia, quod vehemens caufa pungens, vt robusta manus, & ad interiora vifcera penetrans, fecans aut contundens produxit,

produxit, quod inflatum est iecori, ventriculo, pulmonibus, pericardio, cerebro, & similibus. Vnde Hippocr. capitis vulnus, quamuis minimum intuenti aliquando appareat, verima cranij vel fissura, maximum esse voluit, ob substratam cerebri substantiam, quæ defluente sanie corrumpitur aut inflammatur. Ex propria etiam essentia id apparet, quando quantitas vulneris est valde extensa in exterioribus propter sectionem vel contusionem, aut versus interiora, ut sit instrumentis acutis & pungentibus: tunc enim consequuntur symptomata grauissima, ut patet in magnis cerebri vulneribus; conuulsiones, stupores, vomitiones, sanguinis per nares, per os, vel aures eruptiones, vel deinde exoriuntur circa dies criticos affecto cerebro ob putridam saniem, ut febres, deliria, resolutiones partium & tandem mors ipsa. Quod eodem modo dicere possis in morbis intemperamenti, ut febribus; & malæ conformationis, ut obstructione & similibus. In quibus notandum est aliquando morbum dici posse magnū, ratione tantum partis affectæ nobilis aut ad vitam necessariæ, quamuis reliqua non concurrant, ut patet in epilepsia, vniuersali paralyssi, apoplexiâ & tetano, quæ fiunt ab humore pituitoso; nō enim magni censendi sunt tam ratione causæ, nimirum pituitæ, quæ est humor omnium ignauissimus ad agendum, quam ratione loci quem occupant, obstruendo & impediendo cōmeatum facultatis animalis ad respirationem necessariam propter musculos thoracis. Neque etiam protinus morbum censendum esse magnum, ubi partem principem occupat, ut patet de ephemerâ febre, quæ cordi inhæret, nisi habeat vehementiam essentia & symptomatum. Aliquando tamen ex sola causæ vehementia & magnitudine morbi iudicamus magnum, ut in sumpto vel admoto veneno, contagio pestilenti, elephântico aut venereo; atræ bilis dominatu; quamuis reliqua nondū concurrant, quia cum istæ causæ sint magnæ actiuitatis, facile possunt propagari, præstantioresq; corporis partes tandem inficere, atq; etiam mortē breui inferre. Idem iudicabis de morbo paruo, ex contrariis signis & constitutionibus.

Magnitudini igitur sæpe coniungitur malignitas, vnde morbi maligni κακός δαις, vel benigni εὐχάδαις dicuntur, in quibus illud δεινόν τι Hippocratis præcipue elucescit. Dignoscuntur autem potissimum ex conditione & naturâ causæ efficientis, ut pestilentis, venenatæ, aut contagiosæ, quæcunque illa fuerit, quamuis nondum effectus suos manifestò exerat. Demorsus à cane rabido v.g. sæpe per 40. dies integros, aliquando per 4. menses aut annum, nullo tentatur furore; qui tamen subito solet in ὑπόφοβίαν illam horrendā incidere & obuios quoscūque mordere. In cancro, in elephântiasi, & reliquis morbis atrabilariis, tanta adest malignitas, ut quamuis in principio mites, & nullius ferè momenti appareant, postmodum tamen ita exasperantur, ut non prius conquiescant, quam ægrū multis affectum cruciatibus è medio sustulerint. In pestilenti statu sæpe vidimus febres tertianas aut quartanas omnium securissimas, ita affici maligno isto aëris cōtagio, ut de leteriæ euaderent. Item post annonæ caritatem, quando plebecula diu cogitur vitare alimentis caechymis, tantam deinde morborum sequitiam grassari obseruauimus, ut ferè ad pestilentia naturam accedere videantur; vnde non immeritò Hippocrates dixisse videtur μετὰ λιμὸν ὁ λοιμός. Idem contingit frequenter in exercitu & copiis militaribus ex ingluuie aut vsu aquarum palustrium, putrentium & similium. Deinde sunt quedam accidentia, quæ peculiariter istos morbos malignos comitari solent, quia natura ob prauitatem humorum nititur excludere foras portionem illius materiæ à quâ opprimitur; vnde pustulæ, exanthemata, ecchymata, carbunculi, bubones in alis & inguinibus, parotides ponè auriculas, vlcera δυσπυλωτά, & similia. Habent etiam suos effectus, quibus tandē se produnt, ut lipothymias recurrentes, & syncopes sine insigni virium iactura, δυσφορίας & ἐπιπνομὴς, cū peruigiliis vel somno profundiori, quamuis febris non ita vehemens sentiatur. Venique ea quæ iuuare debēt, non iuuant, siue sint spontaneæ vacationes, siue præsidia ex arte repetita & prudenter adhibita. Benigni verò morbi contrarias omnino habent causas, mores, & constitutionem placidam, etiam supra ipsius speciei naturam, ut quando febres synochi aut causi sunt satis mites & ut plurimum salutaris sine grauioribus symptomatis.

Est etiam alia differentia in morbis valde annotanda, propter quam ex motus sui duratione & permanentiâ maiore vel minore dicuntur acuti & chronici. Quamuis enim acutus morbus præter celeritatem motus, habeat etiam coniunctam vehementiâ cum periculo vitæ, tamen vsus in Medicinâ voluit, ut chronicis & diuturnis opponantur, quia breues simpliciter, ut diaria febris, vel cephalalgia ex insolatu, paræ sunt apud Medicos considerationis. Acutus igitur morbus talis est ex proprietate suæ causæ, quæ mobilitate & agendi vi maximâ prædita, naturam ita vrget & stimulat, ut conflictus sit breuiter & nullis datis induciis cum eâ conferendus, vel necessario sit occumbendum, ut febres ardentes & continuæ ex bilioso humore aut atrabilario suscitata, quæ intra 14. diem, historiam suam peragunt, quod longissimum est, ut docet Hippocr. Tales etiam sunt omnes inflammationes phlegmonosæ aut erysipelatosæ partium internarum pleuritides, peripneumo

clxxviii Ioan. Varand. Prognosis medica.

neumoniarum, phrenitides, & similes, quæ doloribus & intensissimâ febre ægrum excruciant, donec suppurentur vel resoluantur. Alij morbi sunt acuti ex accidenti, vt apoplexia, epilepsia puerulorum, tetanus, paralytis vniuersalis, qui etsi fiant ab humoribus crassis, lentis, & parvæ actiuitatis, vt pituitoso vel melancholico; attamen ratione locorum aut viarum quas occupant, ad vitæ vsus necessariarum, citò ægrotantē è medio tollunt, cum tamen suapte natura chronici & diuturni esse deberent. Porro acuti isti morbi, qui tales sunt ex suâ naturâ, aliquando propter vacuationes quæ superueniunt diebus criticis, sed imperfectas; aliàs propter permixtionem alienæ materiæ, vt quando biliosus humor pituitoso temperatur; aut ineptitudinem viarum corporis nostri obstructarū aut alio modo adstrictarū, fit vt degenerent à suâ specie & diuturniores fiant, vsque ad 20. 40. 60. & aliquando 100. diem peruenientes, quos vocat Galenus acutos ex conuersione aut decidetia In abscessibus, vlceribus, & vulneribus internarum partium id luculenter apparet; vbi enim primum acutorum morborum terminum pertrāsierint, quo valde lethales esse solent, deinceps chronicorum ideam suscipiunt, & ad plures menses, imò & annos aliquando extenduntur, vt patet in empyemate aut vlcere pulmonis, quod phthisin procreare solet. Proprius acuti & peracuti morbi character apud Hipp. habetur. *Aph. 7. sect. 1. Vbi morbus, inquit, peracutus est, statim extremos habet labores, & extremè tenuissimo victu utendum est.* Nam cum intra 4. dies, inquit Galenus, transire debeat principium suum & augmentum, citò ad statū perueniēs, in quo conseritur pugna inter naturam & morbum, fit vt 7. die salus aut mors cōtingere soleāt. In aliis verò paulò vltior fiat dimicatio, post coctiones & preparationes debitas, vt ille ibidem docet. Extremi autem illi labores complectuntur omnia symptom. grauiora, vt capitis dolores immēsos, vigilias terroris & delirij plenas, sitim ardētē, iactationes corporis, cibi fastidia, anxietates, & similia. Quæ vt melius intelligantur, agendum est nobis sequenti capite de dignoscendis morborum temporibus, quoniam illa tractatio ad *διάγνωσιν, πρόγνωσιν*, & *θεράπειαν* est vtilissima.

DE DIGNOSCENDIS MORBORVM TEMPORIBVS. Morbi vt reliquæ res genitæ, suam habent durationem, & permanentiam, quæ varias mutationes à primo ortu, vsque ad finem suscipit.

Tempora igitur morborum vniuersalia, (nam particulares deinde in illis possunt esse mutationes, quæ particularia constituere possunt tempora, vt in eis est manifestum, qui paroxysmos, id est, accessiones patiuntur) quatuor ab authoribus nostris recēsentur, principium, augmentū, status & declinatio. Principium rursus apud Galenum tripliciter sumitur, pro initio scilicet, principio principiante, vt vocāt, seu primâ horâ inuasionis, quâ cœpit decumbere æger, aut manifestam actionum læsionem percipere, & ab horâ istâ cōputari debent dies critici. Secundò sumitur pro tribus primis morbi diebus, quæ significatio valde est inartificiosa, vt ipsemet docet, quia multi morbi celeres & acuti intra triduum peruenire possunt non solum ad augmentū, sed etiā statum suum; alij verò tardi & chronici longè magis habēt extensum principium. Ideoque principium morbi propriè & artificiosè apud eum sumitur pro toto eo tempore quo mera cruditas in humoribus & excrementis apparet sine villo coctionis rudimento. Augmentum verò censetur, quādo iam manifestæ coctionis notæ elucescunt. Status quando adest perfecta coctio, ad quam excretio materiæ sensibilis subsequitur, cuius beneficio exoritur declinatio morbi deficientis & cedentis locum naturæ vincenti. Quæ tempora 4. in morbis ita censentur esse, si quidē salutare fuerint, & bonis ægri rebus finiantur: lethales enim non expectatis eiusmodi temporibus, & in principio, si tanta sit materiæ copia, quæ naturam opprimat, & in augmento ex vehementia symptomatum, & in statu succumbente naturâ iugulare solent ægrotantem. Imò sunt quidā morbi, qui eiusmodi tempora habere non videntur, vt si alicui ceruix abscindatur, vel cor vulneretur, vel ex veneno acerrimo statim occumbat sine ista distinctione mutationū, quæ sensibiliter percipi possint. Ideoque ista tempora & mutationes potissimum audiendæ sunt in morbis humoralibus, in quibus calor noster natius aduersus causas internas pugnans, imprimit vestigium & notas actionis suæ in excrementis & humoribus.

Verum dicet aliquis, hæc non videntur omninò admittenda. Primò, quia sunt morbi quidam humorales, vt febres synochi ex putrente sanguine, quarum aliæ epacmaſticæ dicuntur apud Galenum, aliæ homotonæ, aliæ verò paracmaſticæ, quasi vnico tantum tempore constarent, & vnicam paterentur mutationem. Epacmaſticæ quidem augmenti, homotonæ status, & paracmaſticæ declinationis. Secundo, quia cum sint multi morbi, diu etiam perseverantes, vt febris hectica, marasmus senilis, paralyſis, tetanus, apoplexia, & similes, in quibus nullæ concoctiones aut excretiones manifestæ animaduertuntur; sequeretur istos morbos nulla habere tempora, aut certè illorum tempora notis distingui non posse. Ad id igitur respondendum. Quod ad febres putridas ex sanguine, illas ita diuidi à Galeno, non quod reuera aliis temporibus careant,

reant, si in salutem ægri desinant; sed quia ad sensum & crassiore modo considerata, tam citò prætereant alia tempora, ut vix consideratione medicâ indigeant. Vbi enim diu putret sanguis æqualiter, homotono non profert; vbi inæqualiter, accretione putredinis, epacmasticam; decretionem autem illius, paracmasticam. Idque etiam à Galeno doctrinæ potius gratiâ dictum, quod ita fieri possit; quàm ut tales sæpius in usu atis animaduertantur. In secunda obiectione maior est difficultas, quia certum est morbos multos non esse humorales, aut certè non versari circa cruditates aut coctiones excrementorum, vel eorundem criticas vacuationes; ac proinde fatendum est omnium morborum tempora per dispositionem causæ humoralis morbificæ distinguere non posse, sed potissimum febres putridas. In aliis ergo morbis considerandam esse propriam essentiam secundum extensionem in suo subiecto, & secundum intensiorem vel remissionem symptomatum. Ratione enim essentiæ dicitur hectica v. gr. primi, secundi, & tertij gradus, prout variis corporis partibus adhæret. Ratione symptomatum dixit Hippocrates, in statu omnia esse grauiora, in declinatione mitiora, & neminem mori in declinatione vniuersali. Aliquando igitur istæ tres notæ in quibusdam morbis concurrunt, ut in febribus putridis, & quæ sequuntur inflammationes partium, ut etiam in vlceribus, nimirum à propria essentia, à cruditate vel coctione, & intensiōe vel remissione symptomatum. Aliquando duo, ut ab essentia & symptomatis, in tetano verbi gratia aut paralyfi. Aliquando vnicum tantum, à sola essentia, ut in simplicibus vulneribus, magnitudine aucta, numero imminuto, figurâ vitiatâ & similibus, in marasmo vel febre hectica & ephemerâ.

Verum obiiciet adhuc aliquis, cum dixerimus à tribus peti notas temporum & mutationum in morbis, ab ipsius morbi essentia, à causæ humoralis dispositione secundum cruditatem & coctionem, & ab ipsis symptomatis, utrùm ista simul coincident, an non, quandoquidem dictum etiam fuit, in statu omnia vehementiora esse secundum morbi essentiam & symptomata, & tamen in eo esse materiæ concoctionem & vacuationem, quæ præsupponit morbi mitigationem. Item quomodo dictum si in declinatione vniuersali neminem mori, cum tamen certum sit multos interire, post concoctiones & vacuationes criticas, ad quas debet sequi ista declinatio.

Ad id igitur respondemus, notas istas temporum sæpe coincidere posse, alias verò non, propter heterogeneousitatem materiæ morbificæ, ita ut ex vnâ parte sit cocta, ex aliâ verò cruda, vel eius orgasmum, dum ab vno loco in alium subito irrumpit, & novos insultus parit. Quod verò vehementia symptomatum appareat in statu, cum coctionis notis, id fit quia natura non solum coctioni causæ morbificæ intendit, sed etiâ secretioni & expulsionem, unde exurgit illa perturbatio post peractam coctionem, quod Hippocrat. eleganter annotauit illo Aphorismo quo ait, noctem quæ crisin præcedit, molestissimam esse. Ista igitur perturbatio si appareat cum manifestis coctionis signis, terret vulgares quidem homines, non autem Medicum, qui expectat materiæ iam coctæ secretionem & vacuationem; sin verò absque concoctione accadat, mortis præmuntia esse solet, ob vehementiam & morbi & symptomatum cum materiæ *διουρησι*, quæ simul concurrunt.

Quod vero ad declinationis vniuersalis naturam spectat, certum est ex parte morbi aut causæ illius, neminem tunc mori debere: at tamen ex parte virium & caloris naturæ debilioris, qui multum in pugna illâ criticâ laborauit, fieri potest ut per exolutionem intereant aliquando ægri. Aut certè quando falsa est declinatio, quæ videtur sequi ad vacuationem alicuius materiæ, quæ non fuit tamen præcipua causa præsentis morbi, ut si quis v. g. post longam hæmorrhagiam, ex dysenteria, vel post sudores ex pleuritide moriatur. Et sic de reliquis.

Hæc igitur 4. sunt vniuersalia morborum tempora, siue maiores mutationes. Particularia verò vocantur accessiones, exacerbationes siue paroxysmi, quâdo morbus habet insultus repetentes certa vel incertâ periodo. Sic enim febres intermittentes suos habent paroxysmos & interualla, quæ aliquando desinunt in perfectam *ἀνυπαξίαν*, aliquando verò non. Continuae etiâ prout pendunt à variis humoribus suas habent his vel illis diebus exacerbationes, quæ aliis diebus remittuntur. Sic epilepsia, dolor colicus, podagra, & similes, habent suas inuasionem aliquando distantiore, aliquando propinquiores, & sic de reliquis. Ista igitur tempora particularia suas etiam habent partes, & alia quasi tempora Medico consideranda ad victus rationem instituendâ & remedia ad mouenda. Diebus enim interualli purgare, venâ secare, & similia, commodius præstare possumus. In principio accessionum febrilium, quamdiu durat frigus aut rigor, neque cibos neque potum exhibere debemus, donec calor ad pedes & manus extendatur, ut

loquitur Hippocrates, epithemata aut inunctiones non nisi in statu paroxysmi, ante circa declinationem, ad extinguendum febrilem ardorem. Ista autem tempora particularia in febribus intermittentibus ferè esse dicuntur, inæqualitas scilicet siue tempus horroris, rigoris, aut frigoris, quando natura incipit materiam commouere & dimittere ad externas partes: Principium vbi incallescere incipit: Augmentum quando calor intenditur: Status vbi suum vigorem adeptus est, qui exoriente sudore minuitur, & oritur declinatio: postea est integritas seu interuallum exoritur. Alij quatuor tantum recensent, typum seu inæqualitatem, & principium febris coniungentes, ipsum autem interuallum à numero temporum excludentes, quia non est pars accessionis, sed totius periodi, & in aliis morbis ita proportionabiliter considerari possunt tempora ista particularia.

Porro ista particularia tempora, modò breuiora, modò longiora, cum aliis morbis, vel etiam inuicem comparata, modò ordinata, alias inordinata, aliquando æqualia, alias verò inæqualia, tam ratione gignentis vel efficientis causæ validioris vel debilioris, qualitatis & quantitatis humorum morbificorum, quàm partium affectarum constitutionis, caloris natiui & remediorum actionis variæ, quibus ista multis immutari possunt, vt vnique consideranti satis patet.

Vt autem morborum tempora vniuersalia cognoscamus, repetere oportet, id quod habetur *Aphorism. 12. section. 1. Accessiones, inquit, & constitutiones indicabunt tum morbi ipsi, tum anni tempora, & periodorum ad inuicem proportionem, siue singulis diebus, siue alternis, aut maiore fiant intervallo. Præterea ex eis quæ post apparent, velut in pleuritide, si sputum citò appareat, breuiorem fore denuntiat: si verò tardius, longiorem. Sic urina, alui facies, & sudores, prout varia apparent, sic morbos facili aut difficili iudicij, diuturniores vel breuiiores ostendunt.* Ex quibus colligere licet, ad cognitionem temporum morbi, considerandas primùm causas & ea quæ præcesserunt, vt anni tempus, quo cæpit vel perseuerat morbus, regionem, aëris temperiem particularem: nam qui morbi hyeme incipiunt aut autumno, tempora habent, diuturniora, quàm qui æstate aut vere; qui tempore pluuioso, quàm qui sicco gignuntur: qui noctu, quàm qui interdiu inualescunt. Item morborum tempora in naturis biliosis breuius perficiuntur, quàm in pituitosis aut melancholicis, præcipuè si victu consimili vsæ fuerint. Præterea si vires sint validæ, quod ex pulsu & aliis functionibus iudicare oportet, fortius oppugnant causam morbificam, quàm infirmæ; citiusque expellunt morbum, si debeat esse salutaris: sin verò funestus, diutius resistunt, & tempora producuntur.

Secundò ad illud maximè faciunt, idea, species, & vehementia morbi. Sunt enim multi morbi, qui ex propria suâ naturâ citò perficiunt sua tempora, vt omnes acuti ab Hippocrate dicti, vt synochus, causus, angina, pleuritis, &c. Inter quos qui maiorem habent vehementiam, peracuti & perperacuti vocantur, quia intra paucos dies terminantur; chronici verò contrà, vt quartana, hydrops, tabes, &c. in longum spatium producuntur, & habent sua tempora extensa, ita vt menses & annos attingant.

Tertiò, ratione motus morbi & causæ suæ, considerandæ accessionum mutationes, in illis qui habent paroxysmos: prout enim variantur in horâ quâ solent reuerti, in tempore durationis, & in symptomatum intensione aut remissione, sic etiam varia morborum tempora ostendunt; vbi enim anticipant horam sui reditus, & diuturniores sunt & symptomatum sæuitia intenditur, signum est morbum augeri, & ad statum properare; contra verò declinationem instare, si accessiones postponant, breuiiores sint & minus vehementes.


Quartò, dispositiones excrementorum sunt considerandæ, vt vrinx, sæcum, sudoris, sputi, & similibus, pro varietate morborum, qui ab illis pendent. Vbi enim mera est cruditas, principium etiam morbi perdurare censendum est, donec rudimenta coctionis appareant, quæ augmentum adesse significabunt. *pena* Quod autem perfectus statum, in quo vacationes etiam fieri debent, vt contingat declinatio perfecta vel imperfecta, prout maiores vel minores reliquæ morbificæ illius humoris supersunt.

Quintò, si morbus non pendeat ab humorum vitio, distinguenda erunt tempora ex symptomatum varietate. Nam in principio, quia morbus non ita validè aggredditur naturam, minora sunt symptomata; vbi verò iam vires acquisiuit eundo, pugna maior incipit naturæ & morbi, vnde omnia circa illius augmentum intenduntur;

duntur; quæ in ipso vigore sunt intensissima; & circa declinationem denuò remittuntur.

In particularibus verò morborum temporibus, sunt etiam signa, quæ principium, augmentum, statum, & declinationem designant. Vt in febribus intermittentibus verbi gratia principium indicatur ex pulsu coarctato & profundo, quia tunc materia naturam grauat, ex colore valde mutato in pallidum aut liuescentem, ex frigiditate extremarum partium, aliquando cum horrore vel rigore, ob concentrationem caloris natiui, & recursum spirituum ad interiora; ex motu & sensu hebeti, somnolentia quadam, tussicula, salivatione, nausæa, & aliquando vomitu. Augmentum verò, quia tunc pulsus incipit maior fieri & frequentior, calorque ad circumferentiam corporis expanditur. Status ex intenso calore, anxietate, & siti, post quam sudor erumpit, qui si fuerit copiosus, aderit declinatio, cum omnium symptomatum & caloris remissione, potissimum verò pulsus redintegratione in naturalem statum, quo maxime distinguitur vera declinatio particularis à falsâ, in febribus intermittentibus. Atque eodem modo in aliis morbis, qui accessiones vel remissiones habent, ista erunt obseruanda, pro varia eorum naturâ & specie. Nobis enim ista exempli causâ attulisse sufficiat.

Quibus *diagvōciv* nostram vniuersalem perfecisse videmur, deinceps enim in singulis morbis, particularia signa diagnostica sunt apponenda, & tractatio pulsum, vrinarum, reliquorumque excrementorum, à quibus illa desumuntur, esset nunc subnectenda, ut hæc doctrina absoluta haberetur. Interim Auditores *Φιλιῶται* poterunt repetere pulsum explicationem ex Galeno, vrinarum ex Actuariò, reliquorumque excrementorum, ut sudoris, facum, muci, & similium, ex Hieronymo Mercuriali, qui illa accuratè persecutus est libro huic rei dicato.



ΠΡΟΓΝΩΣΤΙΚΗ ΜΕΔΙΚΑ

P R Æ F A T I O.



MEDICVS rationalis artifex cum habeat pro fine proposito sanitatem conseruandam, vel recuperandam, antequam accedat ad operationes exercendas, quæ ad hunc finem assequendum sunt necessariae, duabus Artis nostræ partibus, nempe Hygieine & Therapeutice; tradita, quas Recentiores Practicas vocant, debet habere cognitum accuratius tum proprium subiectum, in quo illas exercet, nempe corpus humanum, illiusque naturam, partes, actiones, & earum causas; repetitis ex Philosophiâ naturali principiis & demonstrationibus; tum etiam vniuersale, circa quod, ut loquuntur; nempe res omnes creatas & sensiles, quatenus ad finem propositum reduci possunt, & illi instrumenta suppeditant ad operationes exercendas: unde plantarum, animantium, metallorum, & similium apud Medicos, ut accurate descriptiones habentur, earum vires & facultates explicantes, electionis, præparationum, & mixtionum modi traduntur, ex quibus constituitur prima Medicinæ pars, nempe Theorica, quam Physiologiam vocant.


Tali igitur subiecto cognito, debet Medicus quasi progressu factò, varias subiecti sui mutationes contemplari, propter quas modò sanum, & suis perfectè actionibus præditum in optimâ constitutione dicitur; modò agrum, quando omnes, vel illarum quedam ita est labefactata, ut morbosâ constitutione sensibilibus detineri percipiatur;

modò neutrum dicitur, quando vel à sanitate in morbum præcipitatur, vel à morbo ad sanitatem per mediam istam constitutionem reuertitur. Neque solum istas constitutiones considerat diligenter Medicus cum suis differentiis, sed etiam earum causas & effectus, siue symptomata perlustrat in secundâ Theorices parte, quam Pathologiam dicunt.

Verum quoniam ista cognitio tota quanta est, ad opus vel actionem tendit com-
modè & sapienter exercendam in corpore humano pro variis eius constitutionibus, quæ aliquando magis occultæ sunt, & latentes, ut patet in affectibus internarum partium, vel earum mutationes & euentus magis dubij & incerti: ideo ut Medicus circa illam minime fallatur, constituta fuit tertia Medicina Theorica pars, quam Simioticen vocant, quæ ex certis signis & notis sensibilibus docet progredi ad cognitionem præsentium istarum dispositionum, commemorationem præteritarum, & futurarum prævisionem. Vnde apud Hippocratem & Galenum signa diuiduntur in ἀναγνωστικά, Ἀγνωστικά, & προγνωστικά. Sed quia commemoratio præteritorum omnis eò tendit, ut vel præsentia melius cognoscantur, vel futura prævideantur, ideo Simiotice in duas partes principales diuisa fuit, nempe Diagnosticam & Prognosticam. Rursum cum ista προγνωστική seu futurorum prævisio, præcipuè spectet dubios euentus, mutationesque incertas; (quamuis & in dispositione salubri & in neutrà locum habeat, ut patet ex variis Hippocratis locis, verbi gratia, Aphorism. 44. sect. 2. Qui naturaliter admodum sunt obesi, subito moriuntur potius quam graciles: 41. sect. 2. Vbi inquit: Qui sani crebro & vehementer sine manifestâ causâ animo linquuntur, illi derepente moriuntur: sic in Coacis prænot. Cardialgia frequens in se valde est suspecta: Aphorism. 5. sect. 2. Lassitudines spontaneæ morbos prænunciant: & similibus) ideo talis προγνωστική medica tradita fuit, quæ νοσίων & principaliter respicit statum insalubrem: tum quia Medicus ad illius sublationem potissimum vocatur, eiusque opera in illo maxime elucescit; tum quia mutationes, & euentus varij, qui in illo contingere solent, magis sunt repentini & dubij, quam in aliis constitutionibus. Vnde Hippocratis opus prognosticum fere totum, respicit euentus morborum acutorum potius quam chronicorum, quia in illis occasiones agendorum præcipientes, motusque violenti maiorem solent agrotantibus, Medicis, & adstantibus terrorem ac sollicitudinem asferre.

Prognosis igitur ista apud Hippocratem prævisio aut præcognitio futurorum, aliàs prorrhesis, & proagoreusis, prædictio aut prænunciatio dicitur, quatenus non tantum est in mente Medici, sed etiam in vulgus effertur, & instar oraculi pronuntiatur in egrorum aut adstantium gratiam. Dicitur etiam προνοία, id est providentia in procæmio operis prognostici, quoniam ista præcognitio seu prævisio est pars prudentiæ humanæ, quæ solet in omnibus aliis actionibus dirigendis tanquam lumen naturale à Deo nobis concessum effulgere, non solum in conuenientibus mediis inueniendis; eligendis, & disponendis ad finem aliquem assequendum necessariis, sed etiam in iis prævidendis, quæ in eiusmodi actione contingere possunt, tam ex parte ipsius rei, quam mediorum, & eius qui illis utitur: unde dicitur illi coniuncta circumspectio, ratione circumstantiarum, & cautio ratione impedimentorum, quæ superuenire possunt, declinandorum aut remouendorum. Sic Imperator in bello hostium insidias; Nauta mari se committens futuras tempestates; Agricola varias aëris mutationes prævidere, ex certis signis conantur, ut commodius victoriam, portum, & frugum ubertatem assequi valeant. Eadem ratione Medicus prævidendo ea, quæ in morbis contingere possunt, primò Artis dignitatem auget, sibi que maximam authoritatem comparat, dum videtur, numinis instar, ea cognoscere, quæ multo post futura sunt in morbis: ad quam sequitur maior agri & adstantium erga illum confidentia, & obsequium

ad ea qua imperantur perficienda. Secundò calumnias vitat, quæ in illum iactari possunt: cum enim omnes ægri, ut inquit Hippocrates, curari non possint; sed multos interire necesse sit, vel delicto proprio, vel infirmitate naturæ, aut causarum vehēmenti impetu, ut quando illud τὸ θεῖον, causa scilicet vniuersalis, & deleteria grassatur: ideo oportet Medicum, ut in morbo salutari & benigno minime trepidare; sic etiam in lethali & periculoso prædicere euentum, ne in illum culpa interitus reiciatur. Tertiò denique ex ista præcognitione futurorum id adipiscitur Medicus, ut occasionem agendorum melius captare possit. Neque enim die critico verbi gratia, aut quando natura maximè opprimitur, vel instante morte, generosum aliquod remedium usurpabit, sed omnia opportunè, & cum agrotantis commodo aggreditur prudens Medicus, qualem in hac Medicinæ parte potissimum requirit Hippocrates, ut scilicet præter artis istius præcepta bene cognita, abundet lumine illo naturali, quo dicebamus actiones nostras sapienter dirigi. Itaque quando Medicus in hac præsagitione morborum deficit, & frequentius hallucinatur, vult Galenus ipsius artificis minus sagacis errorem esse, non autem ipsius artis, quæ luculenter ab Hippocrate, reliquisque authoribus tradita fuit. Verum dicet aliquis; notum est ex Philosopho, futurorum contingentium non esse certam & determinatam scientiam; & ipsemet Hippocrates Aphorism. 19. sect. 2. vult non esse certas prædictiones salutis aut mortis per morbos acutos: unde mirabilis ille Galenus, dum præcognitiones istas Romæ exerceret, ubi magna tum Philosophorum turba vinebat, non pro Medico, sed pro Vate aut Mago habitus est. Ad id respondemus, rerum futurarum purè contingentium, quales sunt illa quæ à voluntate & arbitrio hominis dependent, non esse determinatam scientiam quoad nos: effectuum autem naturalium, qui pendent à causis suis & præiis dispositionibus, posse esse præcognitionem ex earum solerti animaduersione, antequam illi effectus oriantur: sic ex flante austro, aëre caliginoso & nubibus atris conuicimus futuram pluuiam: ex sole viuido & rubente cælo circa vesperam prædicimus serenitatem sequentis diei: Astrologi ex cognitione motus cælestis, eclipses solis & luna ante centum annos certissime prædicunt, quia norunt per supputationem tali tempore futuram interpositionem istorum corporum: & sic de reliquis: Eodem modo Medicus prædicat, agrum moriturnum, ex naturâ causarum & dispositionum malignarum, quæ apparent in valente aut progrediente morbo, ut si atra bilis verbi gratia foras erumpat in principio morbi: si icterus ante septimum diem in febre continuâ contingat, & similibus. Nec obstat quod Hippocrates scripsit, non esse omnino certas prædictiones in acutis, propter subitam translationem & ἀναστροφὴν materiæ, quia hæc cognitio certis quibusdam signis constans, aliquando fallitur propter causas contrarias superuenientes, vel occultum naturæ robur: unde satis est, si ista prædictiones parum aut rarò fallant, quod Hippocrates vocat verum esse ut plurimum. Neque mirum est Galenum, virum solertissimum, & in hac artis parte versatissimum, primo fuisse habitum Romæ pro Vate & Mago ab ipsis Philosophis Peripateticis, Stoicis, aut Epicureis, quibus illa erat incognita, quia vigeat tunc solummodo secta Empiricorum aut Methodicorum, qui Medicinam ex solis obseruationibus, aut ieiuniis quibusdam communitatibus factitabant; qui tamen postea edocti scriptis Galeni, facile perceperunt doctrinam hanc naturalem esse, & ex serie causarum cum suis effectibus repetitam, ut in Præcognitis videbitur.



PRÆCOGNITA.



QUID SIT PROGNOSIS MEDICA. Prognosis igitur Medica nihil est aliud, quam artificiosa cognitio futurorum euentuum & mutationum in morbis, constans certis signis, habentibus connexionem naturalem cum re significatâ. Diximus esse *artificiosam cognitionem*, quia prognos est pars artis nostræ valde eximia, certis regulis & præceptis stabilita ad finem Medici tendentibus, non rudi obseruatione tantum constans, neque temeraria aut futilis, qualis fuit eorum apud Hippocratem in *prærrhet.* qui vana quædam & nullo momento innixa proferebant: vnde *ibidem* vult Hippocrates, Medicum diligentem esse in animaduertendis erroribus externis, aut adstantium vel ægri delictis, vt possit illa secernere à vero prædictionis suæ statu. Diximus deinde, esse *cognitionem futurorum euentuum & mutationum in morbis*, vt denotarem, ipsam prædictionem medicam ea omnia cognoscere debere, quæ in morbis contingere possunt. Hinc Galenus vult signa prognostica esse triplicia, cruditatis scilicet & coctionis, decretoria, & salutis vel mortis. Quamuis enim hæc omnia eo spectent, vt sciamus, vtrum æger à morbo sit euasurus, vel illius vi periturus, quia tamen, antequam hoc contingat, multæ mutationes fiunt, & quasi dispositiones præuix ad salutem consequendam, vel inferendam mortem, ideo hæc omnino sub prognosticis signis vult comprehendere; etenim in morbis humoralibus (vt febribus continuis & acutis) qui omnium sunt frequentissimi, vel cum alijs grauioribus vt plurimum coniuncti, certissimum est naturam aduersus causas morbigas pugnare, illas primùm functionibus suis naturalibus, & caloris insiti operâ alterare & concoquere, quantum illi pro materiæ conditione est possibile: deinde expellere vel subito & confertim, vel paulatim & partitis vicibus extra ipsum corpus per sensibiles vacuationes, vel de parte in partem, vt per abscessus: Hinc fit, vt consideratio cruditatis & coctionis humorum ducat Medicum ad cognitionem vacuationis faustæ vel infastæ, promptæ vel diurnæ: vel demonstret etiam futuram *ύπερβολήν* aut *ἀνέλιξις*, quando auctâ quantitate, vel communicatâ materia, morbus vnus aut plures affectui priori succedunt. Et sic mors vel salus in ægrotante est sperabilis, idque hoc vel illo morbi tempore, illâ die aut horâ, per hunc vel illum solutionismodum.

Quamuis autem dixerimus in morbis humoralibus, febribus scilicet continuis, & acutis potissimum, hæc signa prognostica exercere: non excludimus tamen prædictiones ab aliis morbis, tum intermittentibus vel chronicis, tam cum materiâ quam immaterialibus tum etiam organicis aut magnis solutionibus continui: Nam in febre intermittente v. g. est pronunciatum Hippocratis vniuersale, salutem & securitatem in illis certam esse: & in tertianâ exquisitâ solutionem septimo aut nono ad summum paroxysmo pollicetur. In chronicis verò affectibus nemo nescit apud eundem Hippocratem, epilepsiam puëilem vigesimo quinto ætatis anno frequenter desinere, diurnos autem morbus in senibus ad extremum vitæ exitum vt plurimum perdurare.

An non etiam certum est, omnes morbos non finiri per coctiones aut cruditates, per crises aut vacuationes alias: cum quidam derepente interimant per suffocationem, vt apoplexia: per extinctionem caloris natiui, vt syncope: alij verò per marcorem & paulatinam consumptionem, vt hectica: vel illi qui diurnis affectibus & cruciatibus ægros affligunt. Sic etiam in magnis vulneribus, potissimum capitis, dies criticos obseruandos docuit Hippocrates, & Chirurgi nostri quotidie experiuntur, vel propter magnam naturæ afflictionem, vel commoros simul cum magnis istis solutionibus continui humores, febrémque complicatam. Imo simpliciter in vulneribus ratione partis affectæ prædicat Hippocrat. *Aphorism. 18. sect. 6. & lib. de fracturis: In triginta*, inquit, *diebus vniuersis cubiti ossa ex toto corroborantur.* Idem licet dicere de organicis affectibus, quorum alij cito historiam peragunt, vt obstructions partium nobilium, calculi in vtrete & similes: alij diutius protrahuntur cum periculo vel sine periculo. Est igitur in omnibus morbis, non solum febribus continuis, humoralibus, & acutis prælagiendum, vt possimus eorum exitum, & varias mutatio-

nes adstantibus significare, remediumque commodè adhibendorum occasiones reperire.

Verum exoritur hic difficultas non contemnenda, ex diuersis Hippocratis locis orta. Nam *Aphor. iam citato* pronunciauit, *acutorum morborum non esse certas prædictiones*: attamen 3. *progn. text. 7. & 9.* comparans prædictionem acutorum & diuturnorum affectuum, hæc verba protulit: *Morborum qui longo tempore finiuntur, difficile est iudicium, quia habent sua principia simillima: eorum verò qui breui, facilius est notitia, quoniam statim ab initio magnas habent differentias, siue perituri sint agri, siue enasuri*: Vnde Rhases, *Acutorum*, inquit, *incerta prædictiones, quanto magis chronicorum*: Attamen ista facile erit conciliare, si dicas Hippocr. *in progn.* non simpliciter comparare prædictionem acutorum & diuturnorum affectuum, quoad totius morbi constitutionem & exitum; sed tantum ratione principij. Cum enim diuturni affectus ex suâ naturâ, vel etiam qui tales euadunt per conuersionem acutorum, aut ex decidentia, vt loquuntur, lento magis gradu procedant, quam acuti verè dicti: hinc fit, vt statim in principio morbi non possint tam facile Medico indicare ex signis *επιγονόμενοις* ea, quæ futura sunt in aliis temporibus, vt faciunt acuti, qui statim extremos labores dicuntur habere in Aphorismis. Rhases verò id dicebat de diuturnis morbis ratione errorum multorum, qui in illis contingere possunt, tam ex parte ægrotantis, quam rerum externarum per longioris temporis tractum. Sit igitur hoc certum, omnium morborum suas esse prædictiones, quæ istâ artis parte docentur generaliter, quamque ideo prognosticam vniuersalem appellamus: cum alia sit particularis & vnicuique morbo dicata, vt pleuritidi, anginæ, & similibus, quam in singulis istorum affectuum descriptionibus solent authores nostri attexere. Nunc igitur videamus, ex quibus fontibus & locis prognos is ista vniuersalis sit repetenda.

PROGNOSIS VNDE PETENDA. Dicebamus in vltimâ definitionis nostræ parte, prognosim medicam constare ex certis signis sensibilibus & manifestis, per quæ ducimur ad cognitionem rei futuræ, & nondum manifestæ, propter connexionem quam habent naturalem cum re significatâ. Non enim sunt signa ista artificialia, & ex instituto hominum pendentia, vt quando appensa hedera vinum vendibile designat; sed ex rei ipsius naturâ profecta, quæ cum habeant propriam suam speciem, signis pathognomonicis comitatam, vbi illa primum apparent, non solum ostendunt Medico quis sit ille affectus, vt pote pleuritis vel apoplexia; sed etiam quid de eo sit sperandum: Deinde morbi habent suas causas internas, & externas, easque multiplices, ex quarum animaduersione, quatenus habent qualitates, quantitatem, situm, & motum, coniicit Medicus quid ex earum diuersa constitutione & effectibus possit in illis contingere. Denique habent suos effectus morbi, qui symptomata vulgò dicuntur, non solum pathognomonica, sed etiam epigenomena, quæ superuenire possunt in variis morbi temporibus solâ, vel *συυεργέουσιν* siue concurrentia cum multis aliis, ex quorum diuersitate, more scilicet & magnitudine, manifestum etiam fit, quis ægritudinis euentus sit sperandus. Verum quia morbus non generatur sine naturæ aggressionem, neque curatur sine illius viribus morbum oppugnantibus, si validæ sint; vel succumbentibus, si infirmiores: ideo ex comparatione ipsius naturæ & virium cum morbo oritur tota vis prædicendi, quemadmodum ex duobus Athletis concertantibus coniicimus luctam fore diuturnam, si paribus congrediantur viribus; vel victoriam promptam ex parte illius qui robustior fuerit: itaque docet Hippocrates prognosim instituere in morbis ex consideratione naturæ & ipsius partis affectæ, vt suo loco videbimus. Denique cum externa multa, tam necessaria, quam fortuita varia concurrant ad naturam iuuandam vel oppugnandam; ideo non est etiam negligenda illorum contemplatio, si sapienter in morbis prædicere velimus.

Cum igitur in duobus præcipuè consistat prognosticandi fundamentum; in morbo scilicet, & eo qui detinetur: idcirco duas imprimis tractatus nostri partes constituemus: in quarum priori agemus tam de ratione præfagiendi ex morbo, & eius quidem specie & naturâ, eius more, motu, atque magnitudine, quam ex constitutione functionum animalium, vitalium, & naturalium Medicus solet præcipuè metiri.

In posteriori tractabimus de prognosi, quatenus ea desumitur ex naturâ ægrotantis, & partium in illo affectarum: quibus breuissimè adiungemus extrinsecus accidentia & concurrentia, quæ in prognoseos certitudine non leuem solent mutationem afferre. Quæ quidem omnia ex sententiâ non tam nostrâ, quam Hippocratis persequemur, qui in hac artis parte excelluit, adductis potissimum illius Aphorismis, &

variis sententiis, velut oraculis quibusdam medicis ad prognosim morborum stabi-
liendam facientibus: si tamen prius quædam præmiserimus breuiter de regulis &
certis quibusdam cautionibus in prædicendo obseruandis.

QUIBUS REGULIS ET CAUTIONIBUS PROGNOSIS MEDICA INSTI-
TUENDA. Magnam esse inter artifices differentiam dicebant antiqui: quod in pro-
gnosi medicâ obseruare licet. Vt enim ad istam rem conuenienter exercendam di-
cebamus requiri virum excellenti ingenio & solertiâ præditum, vt possit vniuersalia
Artis præcepta ad peculiare singulorum ægri tudines referre; sic etiam opus est cer-
tis regulis, & cautionibus ne in præfagiendo aberret: *Nihil enim est ineptius, quam Me-
dicum in prognosi morborum frequenter falli*, vt Hippocrates 2. *prorrhēt.* inquit. Vt igitur
vitium illud grauissimum fugiat, oportet, ex Galeni sententiâ, prius accuratè perce-
ptâ morbi naturâ per diagnosim, ipsiusque ægri temperamento, viribus & reliquo
apparatu naturali diligenter expensis, iudicium de euentu proferre, non quidem du-
bium & amphibologiâ laborans, vt quidam censent, instar responsi delphici; sed ta-
men cum debitâ suppositione, & conditionibus adhibitis, quæ pendent ex ægrotan-
tis arbitrio, ministrantium aut rerum externarum, præcipuè fortuitarum, concursu:
nostra enim ars neque præuidere, neque regere potest ea, quæ fiunt à talibus causis,
quæ tamen solent euertere totius prædictionis statum, vt si æger iam conualescentiæ
proximus recidiuam subito patiat, ob Veneris v.g. vsum intempestiuum, vini meri
copiosorem potum, si aduentante sudore impariens æger sese aëri exposuerit, ad-
stantes intempestiuè coram illo rixati sint, canum latratus molestior, aut tonitruum
fragor nocte criticâ superuenerit. Vnde sapiēter Hippoc. 1. *Aphor.* *Neque enim Medicum
sufficit ea omnia gerere, quæ conueniunt, sed & ægrum ipsum, & assidentes, & omnia exteriora.*

Sit igitur prima medicæ prognoseos cautio: nisi aliquid delictum fuerit, aut extrin-
secus fortuito aduenerit: quæ idèò diligenter animaduertenda, vt possit ostēdere Me-
dicus, errorē non ex defectu prædictionis suæ, sed illarum rerum interuentu contigisse.

Præterea non debet Medicus prænotionem suam aut successum euentus molestio-
ris, ipsi ægro significare, sed tantum propinquis & eis quorum interest, vt hæreditati &
negotiis domesticis prospiciatur, si ita contigerit: ægrotanti autem omnia læta, &
tuta polliceri, vt erigatur animus illius hac spe, & vires quasi subleuentur, nisi fortasse
sit morosior, & proteruus, remediâque ad curationem necessaria respuat, quæ admit-
tet facilius, imo forsan exposcet, vbi nouerit se in graui periculo versari.

Omnium igitur signorum *συνδρομῶν* contemplanda & comparanda; ex eisque col-
ligendum, quid prædici debeat; considerare enim oportet, quæ bona, quæ mala exi-
stant, quæ semper talia vel aliquando aut indifferenter se habeant: vtrum bona malis,
vel contrâ numero præualeant, vel si sint æqualia, vtrum sit aliquod ita exuperans, vt
ad salutem, vel mortem prædicendam sufficiat: sic enim ex pustulâ liuente aut viri-
di circa regionem thoracis sæpe mortem in puerorum exanthematis prædicimus
certissimè, quamuis reliqua omnia bene se habere videantur.

Non est enim fidendum subitis ægrorum alleuiationibus, vt est in *Aphor.* quæ sine
ratione & causâ manifestâ repente fiunt, sed suspectæ esse debent; quemadmodum
non sunt pertimescenda mala, quæ temerè eueniunt.

Vbi igitur iste signorum conflictus adest, ita vt valde sit dubium, in quam partem
spectare debeat salus, vel interitus ægri, tunc suspendendum iudicium vsque ad die-
rum criticorum aduentum, ex quorum contemplatione patefiet melius pugna, & vi-
ctoria naturæ cum morbo, vel contrâ: vnde rarò solemus præfagire in principiis mor-
borum ex Galeni sententiâ, nisi fuerint perperacuti, qui quarto die iudicantur: in
aliis verò expectamus progressum aliorum temporum, vt ex eis quæ superuenire so-
lent, de euentu certius aliquid prædicere possimus.

In prænotione etiam faciendâ diligenter attendendum ad id quod ait Hippocrates
in proœmio operis prognost. an scilicet in morbis, qui tunc grassantur, τὸ θεῖον *diuinum*,
quid reperiatur: siue *diuinum* illud interpretemur ex Astrologorum sententiâ de oc-
cultis quibusdam & malignis cælestium corporum coniunctionibus & influentiis; vel
potius cum Galeno de aëre ambiente corrupto, & deleteriâ qualitate affecto, ve-
lut causâ vniuersali inferente morbos epidemicos, vt plurimum lethales & pernicio-
sos; certum est eiusmodi causæ considerationem euertere prognosim medicam, quia,
vt est *lib. 2. de naturâ humanâ*, potentior est omni naturâ & temperamento, omnique
remedio, quod aduersus eam adhiberi potest: vnde in pestilenti statu moriuntur sæ-
pissimè ægri cum omnibus coctionis notis, vrinâ laudabili, pulsu integro, & sic de re-
liquis: siue etiam *diuinum* audiamus de omni causâ superiore agente supra naturæ or-
dinem

dinem in hæc inferiora, ut quando à Dæmone & Magis, vel Veneficis quibusdam ægri- tudines inferuntur, quæ nullâ ope medicâ iuuari possunt: sed in quibus nec- cessario recurrendum est ad ipsius mali authorem, ut quotidianâ obseruamus ex- perientiâ; tunc etiam prognosis medica non est proferenda, quia derepente serua- ri aut interire solent eiusmodi ægrotantes, quibuscunque signis bonis vel malis appa- rentibus. Denique ad prædictas cautiones referri potest illa analogia siue proportio cum aliis, ab Argenterio decantata; nam si plures ægri tunc intereant quam seruentur, si ægri- tudines populariter vagentur, vel sporadicè multos infestent: si remedia vulgaria plus nocere quam iuuare videantur: tunc omnia suspecta habenda sunt, & ex istâ similitudine morborum etiam euentus æstimandi, & prognosis medica in- stituenda.

Medicus igitur ad ægrum accedens hilari & composito vultu, debet primò illius decubitus, eiúsque modum, & figuram spectare: deinde videre quo animo Medici aduentum excipiat, alacri an deiecto: postea faciem illius diligenter contemplari, velut speculum corporis, & animi, potissimum verò oculos, in quibus elucescit vitæ nostræ & virium præcipuus character; mox iubere ut linguam exerat, ad contem- plandam illius & dentium constitutionem: imo si aliquid de faucibus, gurgulione, aut paristhmiis conqueratur, istas partes depressâ linguâ cochlearis manubrio aut aliâ re diligenter intueri. Vbi paulisper conquieuerit æger, debet pulsus in vtriusque ma- nus carpo contrectare; nam fieri potest, ut ex cicatrice, aut nativâ conformatione ar- teriæ motus in alterutro minus sentiat. Postmodum conuertendus animus ad con- siderationem hypochondriorum & totius ventris inferioris, in quo velut foco præ- cipuè morborum humoralium causæ residere solent. Ea igitur accuratè contrectabit, ut possit cognoscere, quid vitij in illis lateat: Deinde si quæ sit pars dolens, de quâ pe- culiariter ægrotus conqueratur, inspicienda, ut etiam tumores, pustulæ, aut vlcera, si quæ ante morbum fuerint, vel etiam in ipso morbo sint exorta. Quibus peractis, vri- nas, deiectiones, sputa, aut si quod aliud excrementi genus, cuius vacuatione teneatur æger, contemplari oportet, ut ex istis omnibus secundum signa à nobis postea recen- senda, possit de mutationibus morbi & euentu pronunciare, conuenientemque vi- ctus rationem ac remediorum seriem secundum varia morborum tempora, & ægri constitutiones præscribere. Nunc igitur ad rem ipsam accedamus.



ΠΡΟΓΝΩΣΤΙΚΗΣ ΜΕΔΙCΑΕ ΠΑΡΣ Ι.

PROGNOSIS MEDICA EX SPECIE MORBI. Species morbi nihil denotat apud Medicos, quam eiúsdem naturam peculiarem cum præci- puis differentiis, æqualitate videlicet aut inæqualitate, intermissione vel continuitate, intensiōe aut remissiōe, extensiōe parvâ vel magnâ, & sic de reliquis, & ipsis causis proximis, quæ morbi essentiam frequenter constituunt, ut patet in calculo, lumbricis, febre putridâ & similibus. Hæc igitur morbi species, siue essentia modò est vna, modò multiplex. Vnica quidem siue sola dicitur, quando vnicus affectus ægrotantem detinet, & tunc eiús- modi affectus ex suis pathognomonicis signis deprehensus, dicitur ratione euentus lenis & salutaris, si nullum vitæ periculum ex suâ naturâ & specie in- ferat, qualis est ephemera febris, quæ non solum in salutem feliciter desinit, sed etiam cito terminatur, quia illud incendium in spiritibus tantum conceptum mox cessare solet ob materiæ tenuitatem, ut ignis in stipulâ; nisi aliquando transeat in hu- mores aut solidas partes, & sic in febres putridas aut hecticas degeneret, quod fieri so- let in præparatis, ut docet Galenus; biliosis scilicet, siccis & strigosis corporibus: ali- quando tamen pendet à causâ malignâ & pestilenti, ut in sudore Britannico, qui nihil aliud est, quam febris ephemera popularis & pestilens, ab aëris visio contracta, homi- nésque qui sudoris vehementioris impetum ferre non possunt, intra spatium viginti quatuor horarum iugulans. Sed hæc consideratio magis pertinet ad sequens caput, ubi de more morbi agemus. Quantopere autem diaria vera & simplex sit salutaris, ostendit Hippocrates *Aphor. 55. sect. 4. Quacunque*, inquit, *febres bubonibus superueniunt, omnes mala, exceptis diariis*; quia ut interpretatur Galenus *in comment.* ephemera in illis excitantur, vel à solis causis procatacticis, vel à vi doloris, ut inflammatis

spiritibus, non autem ab interiore cacochymia. Sic febris intermittens, quæcunque illa sit, periculo carere dicitur Hippocrati ex sua natura, ut interpretatur Galenus *Aphorism. 43. sect. 4.* Item tertiana exquisita *Aphorism. 59. sect. 4. & 6. epid. & in Coacis*, dicitur quinque, aut septem, aut ad summum nouem accessionibus salubriter terminari, idque per vomitum biliosum aut secessum in principio paroxysmi, deinde copiosis sudoribus circa illius declinationem.

Contra verò grauis & perniciosus affectus ille dicitur ex sua natura & specie, qui ægrotantes ut plurimum interficere solet, inter quos apoplexia, *Aphorism. 42. sect. 2.* præcipue celebratur: fortem enim & consummatam curare impossibile est, leuem verò non facile, quam etiam necessario in paralyin degenerare oportet. Percunt autem *Aphorism. 51. sect. 6. intra septem dies, nisi forte febris superveneris.* Sic etiam *Aphorism. 6. sect. 5. Quicumque tetano corripuntur intra quatuor dies moriuntur, si autem illos effugerint, sani fiunt.* Quicumque verò strangulati deficiunt, nondum tamen sunt mortui, non redeunt ad vitam, si spuma circa os illis apparuerit, *Aphorism. 43. sect. 2.* Eodem modo syncope frequenter rediens, aut etiam lipothymia censentur Hippocrati lethales *Aphorism. 41. sect. 2.* quia significant vitale cordis robur valde opprimi, aut omnino deiectum esse. Sic etiam hydrops ex sua specie perniciosus, quamvis diuturniori tempore, quia violata omnino hepatis temperies non videtur reparabilis: etenim Galeno omnes intemperies hæticæ & æquales, non admittunt curationem, propter firmum earum habitum in partibus, vel quia nihil est ex parte naturæ quod eas oppugnet. Dubij autem & ancipites morbi ex sua natura & specie illi habentur, qui variè inclinant ad salutem vel interitum ægrotantis, quales sunt omnes febres continuæ & ardentes, siue primariæ ex humorum putredine & incendio in maioribus vasis excitatæ, siue secundariæ ab inflammatione internorum viscerum excitatæ, ut in hepatide vel peripneumoniâ, pleuritide, anginâ, phrenitide, & similibus: est enim opus, inquit Galenus, insigni virium robore, ut æger ab eiusmodi affectibus euadat, omniâque recte instituantur, quæ ad curandum sunt necessaria: neque licet in principio istorum affectuum dubiorum prælagire de salute aut morte ægrotantis, nisi progressu temporis circa dies criticos, & ex signis *ἐπιγενομένων* seu symptomatis supervenientibus. Debet igitur Medicus accuratè novisse, qui morbi leues ex sua specie, & sine periculo existant, qui graues & perniciosi, qui denique dubij & ancipites, ut possit etiam in principio morbi ea præcognoscere, quæ naturam eorum consequuntur. Quod ad species enim morborum spectat, certum est morbum calidum ex sua natura acutum, celerem & vehementiorem esse; frigidum verò contra tardiolem, & minus periculosum, nisi partes nobiles obsideat, aut vias corporis communes; sic cum difficilem solutu, ubi semel pedem fixerit ob imbellem contrariorum vim in agendo; humidum verò si excedat, suffocationis periculum obruto calore nativo minari; & sic de reliquis intemperiebus combinatis.

Organici autem affectus quicumque obsident vias expurgationi dicatas, aut distributioni humorum, valde & citò enecant, ut calculus in vrectere vel canali virgæ, catarrhus præfocans, & perpendicularis in epiglottida recta defluens: lumbricus in cordis sinus repens, vel orificium ventriculi lancinans; & sic de reliquis. Alias enim vel non sunt lethales, vel valde diuturni & contumaces. Insignis est Aphorismus 46. *sect. 6. Quicumque, inquit Hippocrates, ex asthma sunt gibbi, aut ex tussi ante pubertatem, moriuntur*, quia, interpretante Galeno, pulmone grandiore facto, aut tuberculo quo luxata spina fuit, thorax dilatari amplius nequit.

Solutiones item continui ex sua natura non videntur lethales, nisi sint magnæ, vel ad interiora penetrantes: nam propter insignem hæmorrhagiam quæ vires subito exhaurit, vel propter materiæ putridæ collectionem, quæ febres ardentes excitat; partium corruptelas, vel propter paulatinam consumptionem spiritus & humidi primigenij, ut in antiquis vulneribus & fistulis, ægrotantes è medio tolluntur: de quibus omnibus vide varios Aphorismos sectionis sextæ & septimæ, quos esset nimis prolixum hic recensere. Atque hæc de morbo unico & solitario.

Quando autem multiplices sunt affectus qui ægrotantem exercent, ut in complicatione & consecutione illorum, debemus etiam prælagire, prout ista connexio facit ad faciliorem, vel difficiliorem curationem aut affectus solutionem. Hemitritæus febris Galeno valde curatu difficilis existit: longa ac ut plurimum perniciosa, quæ ex quotidianâ continuâ cum tertianâ intermittente exurgit, quia isti paroxysmi & insultus diuersi naturam prosternunt, nec dant curanti Medico inducias conuenientes, & habent indicationes omnino contrarias ad sui sublationem: ita febrem

convulsioni

contuſſioni ſuperuenire apud Hippocratem melius eſt, quam conuulſionem febris. Et hydrops febris coniunctus aut illi ſuperueniens ſemper lethalis eſt. 2. *Prognost.* quia febrē non ſoluit, ſed additā humorum copiā putredinem intendit, doloribus torquet, & ſuffocationem maiorem inducit. Nemo etiam neſcit, pleuritidem cum aſthmate coniunctam haberi lethalem apud authores noſtros, quia repletis pulmonum bronchiis ab humore illo pituitoſo aſthma committente, nulla poteſt eſſe euacuatio commoda materiæ pleuritidem efficientis per *ἀνὰ θώρακα*: & respiratio ab utroque affectu ita impeditur, vt cito ægrotantem perire neceſſe ſit. Eodem modo hæctica febris cum putridā complicatio inſperabilem facit ægrotanti ſalutem, quia vtraque alterius vim intendit, & vna alterius curationem impedit: putridæ enim vacuantia conueniunt, quæ hæctica ferre non poteſt. Quicunque etiam diſpoſitione elephantiaſe laborantes in luem veneream incidunt, in illis vix curatur, aut certè remediis aduerſus luem inſtitutis, vt decocto ſudorifico & exſiccante valde exacerbatur elephantiaſis. Calculus eodem modo cum vlcere renum complicatus vix ſanatur. Neque vlcera in hydropicis perpetuò humore irrigata, vt eſt *Aphor. 8. ſect. 6.* Iſtæ igitur complicationes, connexiones, & conſecutiones morborum diligenter in prædicendo attendendæ. Ad morbi etiam ſpeciem referimus cauſas illas interiores, quarum conſideratio apud Medicos præcipuam morbi eſſentiam complere videtur, quia in curatione præcipua indicatio ab illis repetenda. Inter cauſas igitur iſtas interiores, certiffimum eſt, humores principatum obtinere, qui prout hoc vel illo modo conſtituti ſunt, varios etiam ſucceſſus præſtant in diuerſis morborum temporibus. Sanguis verbi gratia humorum benigniffimus, ſi leue incendium corripiat, vt in ſyncho ſimplici, miſſimos producit affectus: quia tamen quantitate exſuperat, & validæ putredinis eſt capax, vbi à naturâ ſuâ deſciuit, ingentes & continuas febres cum magno periculo inducit, exanthematis & variis puſtulis comitatas, qualis fuit illa febris purpurea dicta, quæ hoc noſtro ſæculo graſſata, multos è medio intra aliquot dies tollebat: & apud Hippocratem in *Coacis* iſtæ febres notantur, dum ait; *Quibus in febribus continuis puſtula per totum corpus erumpunt, lethale.*

Vbi etiam eſt extrauſatus ſanguis, & in maiora corporis ſpatia effuſus, vt in cavitatem ventriculi, inteſtinorum, & aliarum partium, grumeſcit aut putreſcit neceſſario, horrendæque ſymptomata & periculofa excitat: in ſubſtantiam verò ac poros partium effuſus magnas ſuppuraciones, & gangrænas parit, quæ internecionem ægrotantibus, aut iſtis partibus ſæpe adferunt. Idem dicas de lacte aut ſemine corrupto ad naturam ſanguinis proximè accedentibus: quo enim quodque in ſuâ naturâ præſtantius exiſtit, quando ab eâ reſceſſerit, deterius euadere ſolet. Bilis autem feruidiffimus & tenuiffimus humor acutos & periculofos morbos inferit, tum propter illam qualitatem, tum etiam coniunctum orgaſmum, per quem velociffime modo in hanc, modo illam partem irrumpere ſolet. Vt autem bilis mobilitate ſuâ, ſic melancholicus ſuccus craſſitie & pertinaciâ pollet, calorem natium ſuffocat, & omnem remediorum vim contemnit, vt patet de melancholiâ hypochondriacâ, ſcirrho, quartanâ, & ſimilibus. Quod ſi ſemel ex incendio & putredine atrabilaris euadat, nihil magis ferinum & lethale apud Hippocratem *variis Aphorismis ſectionis quarta.* Ad atræ bilis periculum proximè accedunt ſinceræ illæ deiectiones, & ſuo ſero orbatæ, quarum meminit *Aphorism. 6. & 23. ſect. 7.* Pituitoſus autem ſuccus ex ſuâ naturâ longos quidem, ſed minime periculofos affectus excitat, niſi partes nobiles aut vias diſtributioni dicatas occuparit, vt patet de apoplexia, catarrho præſocante, & paralyſi, quando nerui reſpirationi dicati ſubito occupantur. Eſt etiam aliqua pituitæ ſpecies, quam ſaſſam vocant, quæ acutiſſimos affectus inducere poteſt ob contractam acrimoniam. Eſt quoque alia quam vocat Galenus *lib. 5. de locis affect.* ex Praxagora, quæ grauiffimos & dolorificos, potiſſimum colicos affectus, procreat, ob frigiditatem actualem, quæ illi coniuncta dicitur, propterea naturæ robur cito extinguit. Et vt iſti humores ſolitarij ſuos habent effectus varios, ſic etiam inuicem commixti & complicati infinitis propemodum modis prognofiſi medicam variare poſſunt. Vlcerum denique diuturnorum aut fiſtularum ſanies ſubito retenta, vel in centrum corporis refluens, multis ſæpe mortem ſubitam, aliis grauiffimos affectus intulit, quemadmodum pus in thoracis cavitatem effuſum, per empyemata ægros aliquando ſtatim ſuffocat, alias pulmones paulatim putrefaciendo lentâ febre abſumit. Sed de his rurfum fuſius, quando rationem prædicendi ab excretis & retentis proponemus. Iſta igitur ſufficiant de ſignis prognosticis ex ſpecie morbi, medico more uſurpatâ deſumptis.

PROGNOSIS EX MORE MORBI. *Ευήθεια & κακοήθεια* morborum sæpe apud Hippocratem & Galenum celebrantur: *ἢ* enim morbi interpretatur Galenus *lib. 1. de crisibus cap. 3.* *τρόπον*, quasi dicas modum & statum, qui sequitur constitutionem ætuum præter naturam, ordinariam, ex propriâ eorum specie, & causarum naturâ; ut quando pleuritis aut febris continua sua habent consueta symptomata, ita ut morbum *εὐθεῖα & ἀπλουῖ*, id est simplicem pro eodem sumat: vel extraordinariam, & præter convenientem morbi ideam, ex complicatione causæ alicuius malignæ, quæ morbi naturam peruerit. Verbi gratia quando febris tertiana, aut quartana intermittens, tam vehementibus comitatæ sunt symptomatis, ut præter omnem consuetudinem ægros è medio tollant, vel in maxima pericula præcipitent. Isti igitur *κακοήθεις* morbi respiciunt aliquando causam vniuersalem, ut aëris corruptelam, qualis pestilentia tempore grassatur, cuius vi fit, ut quicumque morbi etiã mitissimi, euadant malignitatis istius participes, aut in naturam pestilentia conuertantur; vnde bubones, carbunculi, & pustulæ malignæ, similiaque vulgò apparere solent; & apud Hippocratem *7. epid.* in descriptione status illius pestilentis: *apparent*, inquit, *erysipelata cacoëthea*. Vel etiam sequuntur vulgarem cacochymiam, quæ exorta est ob alimentorum vitiatorum diuturniorem vsum, ut solet per annonæ caritatem, quando misera plebs cogitur quibuscunque rebus famem suam compescere: Vnde apud Hippocratem *post famem pestis*, id est maligni, deleterij, cacoëthes morbi exoriuntur. Idem obseruauimus contingere ex potu aquarum stagnantium & corruptarum, vel etiam frigidiorum crudiorumque passim in hac nostrâ Narbonensi Galliâ, potissimum Tolosæ, vbi maligna dysenteria ob istam præcipuè causam frequenter grassari solet. Vel etiam ista *κακοήθεια* sequitur particulares causas, ut assumptum vel admotum venenum, cuius vi oriuntur morbi, primâ quidem fronte vulgares, ut inflammatio aut exulceratio ventriculi, qui tamen coniuncta alia habent symptomata multo sæuiora, & maligniora, quibus tandem natura nostra succumbere cogitur, ut manifestissimè patet in morsu canis rabidi. Denique ista *κακοήθεια* sequitur etiam peculiarem *κακῆλειαν* alicuius partis, quæ alimentum, quantumvis bonum, corrumpit, & in deteriorem naturam immutat: vnde apud Hippocratem catarri illi *θηλώδεις* ferini dicuntur, qui *κακοπεργίαν* cerebri acres & adurentes succos generantis consequuntur. Ista tamen causa maxime obseruatur in vlceribus, quæ apud Hippocratem *κακοήθεια* seu *πονηρενύμματα* appellantur. *Vlcera*, inquit *Aphor. 4. sect. 6. circumglabra κακοήθεια*, quia ob malignitatem humoris, qui in parte colligitur, pili decidunt, eorum radicibus exesis. Hoc etiam licet annotare in vulneribus, quæ quamuis exigua, si à venenato telo infligantur, mortem ut plurimum inferre solent; & in militibus, vbi iam diutius deprauato victu vsi sunt, vel eâ die quâ vulnerati sunt, cepas, allium, porrum, brassicam aut similia prauis succi comederint, frequenter lethalia esse solent. Hippocr. *2. sect. Aphor.* vult ratione tempestatum anni suam propriam temperiem non seruantium aliquando exoriri morbos *κακοήθεις & δυσχερεῖς*. Est etiam alia cacoëthiæ species morbis sæpenumero coniuncta, quæ pendet ex prauâ dispositione subiecti, siue peculiari ægrotantis naturâ, ut patet in hominibus strumosis, vel elephantiasi aut lvi venereæ obnoxiiis, in quibus reliqui morbi superuenientes, ut febres aut solutiones continui, redduntur huius malignitatis participes, vixque vlli therapie cedunt, donec ista dispositio conuenienter expugnata fuerit.

Ex istis igitur omnibus diligenter animaduersis, expendet Medicus quid in prædicendo afferre possit in medium de salute aut periculo ægrotantis, de difficultate curandi & similibus; vbi enim aderunt notæ aliquæ, quæ ostendunt eiusmodi morbos à talibus causis, vel prauis dispositionibus subiecti pendere, suspecta debet habere omnia, & iudicium suspendere, donec vis morbi, & causarum melius elucescat. Nuper quidam sensim tabescens cum coloris fœditate, & similibus accidentibus, quæ vulgares morbos cōsequuntur, putabatur ictero ab obstructione cystidis felleæ laborare: succedentes tamen lipothymia & anxietates, obstenderunt tandem vim latentis veneni exhibiti, cuius notitiam nemo ante habere potuerat. Diætæ autem & aëris vitia, quæ sunt communes causæ, facilius deprehenduntur, quemadmodum particularis cachexia, quæ ob deprauatam coctionem totum corpus vel aliquod membrum occupauit. Atque hæc de moribus morbi, qui ad causas, vel etiam effectus illius commodè reduci possunt in prædicendo.

PROGNOSIS EX MOTU MORBI. *Κινεῖται*, id est mouere, apud Hippocratem sumitur aliquando pro omni actione, quæ inducit aliquam mutationem in ægrotantibus,

tibus, siue sit ex parte rerum externarum, siue præsidiorum medicorum, ut purgationis, venæ sectionis, & similium, ut videre est *Aphor. 20. sect. 1. & 29. sect. 2.* κλησις autem in *Coacis* & passim alibi sumitur pro omni motu absurdo, quem æger exercet, ut apparet in *ἐπιλαμψῶν* & *δυσφορίᾳ*. Generaliter tamen apud Medicos κλησις sumpta, designat omnem mutationem in morbis à priori habitu siue constitutione, siue ista mutatio secundum qualitatem contingat, ut in alteratione: siue secundum locum, ut quando humores hinc inde transferuntur: siue motus iste sit actiuus à vi partium & facultatibus naturalibus editus: vel passiuus, ut vocant, quando humores verbi gratia alterantur à calore natiuo, aut variè attrahuntur & expelluntur. Sub motum igitur istum referri etiam possunt illæ humorum proprietates & idiosyncrasie, propter quas certis periodis & circuitibus agitantur, febriumque intermittentium ac continuarum varios typos constituunt. Quidam enim continuè, alij semel in die, aut alternis diebus, vel post tertium inualescunt, vnde paroxysmi quotidianarum, tertianarum, & quartanarum. Eodem modo etiam creduntur humores secundum varias anni quadras, & ipsius diei partes magis moueri, ut sanguis vere & matutinis horis: bilis æstate & circa meridiem: melancholia autumnò & horis vespertinis: pituita hyeme & per noctem. Est autem alius motus in morbis, præcipuè continuus & acutus ab Hippocrate obseruatus, qui proprie criticus dicitur, quia natura post concoctos alteratosque humores morbificos, non quocunque tempore, sed certis diebus ab illo etiam diligenter obseruatis, expulsionem suam aut translationem de membro in membrum moliri solet: motus enim iste partim respicit actionem naturæ in causas morbificas agentis, ut dicebamus; partim humorum ipsorum *ιδιοσυγκρῶν*, propter quam, ut iam annotauimus, imparibus potius diebus quam paribus agitantur: partim impulsu causarum externarum & superiorum, ut voluit Galenus, dum dierum criticorum rationem ad Lunæ ipsius motum & varias configurationes refert. Itaque ratione istorum omnium motuum consideramus in morbis illorum celeritatem aut tarditatem, in percurrendis propriis temporibus, tam vniuersalibus quam particularibus, idque cum vehementia vel sine eâ: vnde celebris illa distinctio apud authores in acutos & diuturnos, quorum motus & varios impetus obseruare debet Medicus, pro diuersâ vniuscuiusque naturâ, ut possit eorum durationem & exitum prædicere. Ad hanc rem infiniti propemodum habentur Aphorismi apud Hippocratem, diligenter obseruandi ad rei istius illustrationem, ut insignis ille contextus *lib. de victus ratione in morbis acutis*. In febre, inquit, continuâ si quis quartâ die aut septimâ valde affligatur, & undecimâ indicatus non fuerit, plerumque perire solet. Quæ ut melius tenere possint studiosi, debent diligenter perlegere libros de crisis, & diebus decretoriis, ex Galeno & aliis qui ex professo de illis scripserunt. Nobis enim ista succinctè tantum, & quatenus magis faciunt ad prognosin instituendam, sunt proponenda. Apud Hippocratem itaque *lib. de vict. ratione in acutis*, illis qui breuissimo tempore perituri sunt maxima ab initio contingunt signa, & celeres humorum motus. Item *Aphor. 7. sect. 1.* Quicunque morbi extremos statim habent labores, peracuti habentur, quia cito historiam suam peragunt, ad salutem vel interitum ægrotantis: ita ut quarto vel ad summum septimo die iudicentur: vnde etiam in illis extrema statim remedia & tenuissimus victus competere dicuntur. De hac re vide initium 3. prognost. usque ad text. 13. Alij verò morbi, qui non tantam habent celeritatem, neque tam graua in principio symptomata, dicuntur acuti simpliciter, & ad decimum quartum usque diem, vel ad vigesimum extenduntur, post quem terminum dicuntur acuti ex decidentia usque ad quadragesimum diem, qui est vltimus acutorum terminus. Quamuis enim etiam sexagesimus & octogesimus & centesimus, & centesimus vigesimus dicantur aliquando critici apud Hippocratem, hoc tamen, ut docet Galenus 2. de crisis, sumitur latâ significatione, quoniam in istis diebus fiunt aliquando tam insignes mutationes & morborum solutiones, ut ad acutorum rationes accedere quodammodo videantur. Idem annotauit Hippocrates *lib. prognos.* de abcessibus qui subsequuntur ad istos affectus: & nos in capitis vulneribus non raro tales motus obseruauimus: deinceps verò non diebus, sed mensibus & annis atque vitæ nostræ ætatibus mutationes morborum computantur, ut de epilepsia puerili scripsit Hippocrat. *Aphor. 45. sect. 2. & 7. sect. 5.* illam mutationem suscipere circa 25. ætatis annum, si quidem sperabilis sit illius curatio per caloris nativi *ἐκλαμψιν*, dissipantis reliquias istius affectus pertinacissimi. Hic autem notandum, quosdam morbos celeriter moueri secundum suum paroxysmum, qui tamen secundum naturam causæ suæ tarditatem potius obtinere debebant, ut patet de apoplexiâ, terano, conuulsione,

conuulsione & similibus, qui cito ægros tollunt è medio ob solum situm causæ suæ in viis partium nobilium, aut vitæ dicatarum; quando non potest excuti & aliò amandari. Epilepsiam verò esse quidem vehementem ac celerrimam secundum suum paroxysmum, attamen omnem sui constitutionem & durationem esse valde diuturnam, quia materia illa paroxysmum efficiens dissipatur & excutitur singulis accessionibus extra cerebrum. In puerulis tamen recens natis sæpius videmus istas conuulsiones epilepticas intra septimum aut nonum diem funestas esse: vnde *libr. prognost.* spasmus in puerulis frequentiores, & periculosiores, quam in adultis, quoniam infirmius tunc cerebrum, & neruosum genus non possunt expellere infestantem humorem, à quo pars illa obruitur.

Quemadmodum igitur isti dies, septimus, decimus quartus, & vigesimus principales & critici per excellentiam dicti, denotant impetum motumque morborum acutorum, sic etiam alij sunt *παρεμπιπτοντες* intercidentes dicti, & quasi prædictorum succenturiati; qui medias septimanas occupant, & distinguunt, vt quartus, vndecimus, decimus septimus: reliqui verò contemplabiles vocantur, propterea quod ex eorum constitutione solemus de aliis, tam criticis quam incidentibus, iudicare: vnde Hippocrates 3. *prognost. sext. 7.* iubet in morbis à primâ die contemplari singulos quaterniones, vt sciamus, quò se conuersurus sit morbus. Notandum ergo morbos acutos diebus imparibus, ex suâ naturâ, & humoris biliosi dominantis proprio impetu commoueri & iudicari, vt est *Aphor. 61. sect. 4. 2. epidem. & lib. de vict. rat. in acutis*: vnde alternis diebus peius se habere solent ægrotantes. Continui autem rigores, inquit Hippocrates, & impetus, prauus, nisi sint intermittentis febris complicatæ cum continuâ, vt est *Aphor. 63. eiusdem section.* Vnde quibus in febribus acutis rigores sexto die contingunt, difficile iudicium subsequi solet: nam hic dies propter periculum malæ iudicationis Tyrannus & Hostis à Galeno vocatus est: Et Hippocrates in *epidem.* miraculi instar recenset curationem Larissæ cuiusdam virginis, per sudorem sexto die excitatum. Eodem modo octauus, decimus, duodecimus, decimus sextus, & decimus octauus, suspecti habentur in obeundis crisi-bus, cum tamen in morbis chronicis isti motus non obseruentur, verbi gratia paraly-si, colicâ aut nephriticâ passione & similibus. Imo in pituitosis aut melancholicis morbis diuturnioribus pares dies magis commouent & iudicant, quam impares, vt longâ obseruatione compertum est. Atque hæc de morbis continuis.

Intermittentes verò certum est habere paroxysmos diebus acutorum respondentes, & pro naturâ cuiusque humoris variè concurrentes, in quibus etiam ratione motus periodici, solemus obseruare horam qua inuadunt. Quidam enim anticipant, alij retardant accessiones suas; alij denique eodem & statò tempore redeunt. Vnde iudicium sit apud authores nostros, eos, qui celerrimè redeunt, & anticipant vnâ, duas, vel plures horas, vehementioris quidem esse motus, sed citius desituros, ex naturâ violentorum: Qui verò tardius redeunt, minoris quidem esse impetus, sed periculum adferre maius, ob crassitiem & naturam rebellem humoris, nisi forte hoc fiat propter imminutam causam & mineram materiæ, quod ex symptomatum alleuiatione, & meliori ægrotantis tolerantia innotescit. Qui denique eadem semper horâ & statò tempore diu reuertuntur, pertinaces esse, firmos & durabiles, vt patet ex *Aphor. 30. sect. 4.* Pro naturâ igitur cuiusque affectus de illius motu erit iudicandum, securiores nempe illos esse, qui proprium sequuntur impetum, quam alienum.

Est etiam alius motus humoris obseruandus parti cuiusque impacti, ibique phlegmonem aut erysipelas committentis, vt in pleuritide, anginâ, & similibus internis inflammationibus. Quamuis enim materia illa coniuncta non habeat motum ratione translationis de loco in locum, habet tamen ratione alterationis, quam natura procurat cum maximo labore & molestiâ: vnde *Aphor. 47. sect. 2.* dum pus fit, dolores ac febres intenduntur, factò autem pure statim conquiescunt; ex eiusmodi enim pugna & perturbatione docet Hippocrat. 2. *prognost.* quo tempore abscessuum maturitatem, & expurgationem expectare debeamus. Quo autem solutionis modo debeat æger euadere, per *κρίσις*, *λύσις*, aut abscessus, eorumque differentias, docet eleganter Galenus *lib. 2. de crisi-bus*, & nos etiam in cuiusque excrementi explicatione postea attingemus. Illud interea valde notatu dignum 3. *prognost.* de motu morbi periodici, quod errabundæ febres, & sine typis inuadentes, potissimum autumnii tempore, & in eis qui trigessimum annum excefferunt, vt plurimum in quartanam mutantur. Et *Aphor. 13. sect. 2.* ratione motus critici in acutis. Quibus, inquit.

crisis inflat, illis nox quæ accessionem præcedit difficilis: quæ verò subsequitur, mitior ut plurimum esse soles. Atque hæc de prognosi ex moru morbi deprompta sufficiant.

PROGNOSIS EX MORBI MAGNITUDINE. Signa sumuntur ex naturâ cuiusque rei, ut dicebamus, differentiis, causis & effectis illius, quæ omnia videtur magnitudo morbi sub se includere. Magnus enim morbus apud authores tripliciter dicitur, ratione causarum & essentia propriâ, propter quam dicitur habere intensiorem aut extensionem, ut reliquæ qualitates: Secundò ratione partis affectæ nobilis, aut ad vitam necessariæ: Denique ratione symptomatum quæ ad illum consequuntur. Nos igitur signa prognostica ex morbi magnitudine proposituri in hoc capite, neque de essentia illius & causarum agemus, quoniam sub specie morbi sufficienter de iis tractatum fuit, neque de partis affectæ naturâ, quia peculiariter in sequentibus de eâ acturi sumus: sed magnitudinem morbi *noxiæ* & principaliter nunc expendemus, ratione effectuum siue symptomatum, quæ illum comitantur vel subsequuntur, in quorum cognitione potissima vis prælagendi in morbis consistit, ut postea patebit.

Symptomata igitur siue effectus, qui ostendunt intensiorem & remissionem morborum, eorumque futuros eventus prænunciant, petuntur à tribus, ut in Pathologiâ dictum fuit, nempe ab ipsis functionibus, quas pervertunt, unde actio læsa; vel partium qualitatibus mutatis, unde affectus simplices; vel à contentis, ut humoribus, quæ constituunt tertium symptomatum genus in excretis & retentis, velut operibus, in quibus caloris nativi vis elucescit, aut contrâ: prout scilicet coctiones aut cruditates in illis apparent, crisesque aut *metastases* contingunt. Oportet igitur minutius ista contemplari, ab actione læsâ ducto exordio, tanquam primario symptomate, idque adductis in medium Hippocratis Aphorismis, aliisque sententiis, quæ ad prælagendum pertinere videbuntur. Cum autem actiones in nobis triplices sint, animales scilicet, vitales, & naturales, initium ab ipsis animalibus faciemus, eisque principibus omnium maximè conspicuis.

PROGNOSIS AB ACTIONIBUS PRINCIPIBUS. Primò igitur quod ad principes functiones animales spectat, imaginationem, iudicium, & memoriam, quas Hippocrates sequentibus Aphorismis, sub *diavolas* & *ψυχῆς* nomine complexus est, egregia est illa sententia 33. *sect.* 2. *In omni morbo mente constare, & bene se habere ad ea quæ offeruntur, bonum.* In eis autem mens ægrotare dicitur, qui non percipiunt obiecta talia qualia sunt, vel de eis non iudicant, ut in causâ sitiferâ non sitire, in dolorificâ non dolere; vel circa alia necessaria delirant.

Hinc *Aphor.* 50. *sect.* 4. *Infantiæ & phrenitides, si in principio acutorum præcipue appareant, valde funestæ:* Et quæcumque superveniunt internis inflammationibus, ut peripneumoniæ, pleuritidi, & similibus, 12. *sect.* 7.

In ipsis etiam phreniticis iudicat Hippocrates pessimum signum, quando memoria valde aboletur, ut si matulam petentes ad mœiendum, antequàm offeratur, obdormiscunt, vel eâ arreptâ non mingunt. Aquam potandam efflagitantes, oblato poculo non bibunt, aut primis tantum labiis degustant, quos ideo *Βεῶντες* appellavit, & sic de reliquis. Galenus annotavit *comment. in 3. Epidem.* pestilentes affectus peculiariter memoriæ vim & perniciem inferre, quod videre est apud Thucyd. in descriptione illa Atheniensis pestilentia, quâ correpti non solum literarum, sed etiam propriæ familiæ & nominis obliuiscabantur. Species etiam est pessimi delirii & perturbationis in acutâ febre, plangere, aut lachrymari inopportune & sine causa manifesta.

Eadem ratione in prognosticis & 1. *Prorrhæ.* *A modesto & sapienti viro ferox responsum, malum:* quia summam iudicii enervationem significat.

Vnde *Aphor.* 53. *sect.* 6. *Deliria illa quæ cum risu accidunt, tutiora videntur, & à mitiori causâ, ut sanguinis feruentis dominatu excitata: quæ verò cum studio & feritate, periculosiora.* Et quemadmodum isti verbo & opere delirantes, periculose se habere censentur: sic etiam apud Hippocratem in *Coacis*, illi qui cogitatione tantum insaniant, etiam damnantur. *Mentis*, inquit, *emotiones taciturnæ, in eo qui vocem privatus non est, perniciose.* Quemadmodum etiam observatum est in eiusmodi deliriis subitanam mentis restitutionem & resipiscentiam fere funestam esse, & mortis prænuntiam. Sunt qui in istis deliriis quasi *ἰνδραγαγεῖς* affecti mira vaticinantur, adstantes de seriis admodum rebus aut futuris admonent & repente moriuntur, prostrato iam calore nativo cerebri, & ultimos exercente conatus: Sic lucerna dum extinctioni est proxima, maiores subito flammæ videtur eructare.

Hippocrates in *Coacis* multa profert de eiusmodi insania & tristitia ægrotantium, quas vult vt plurimum solui, aluo profuente, & nigras deiectiones copiosius excernente: vel interitum aut aliquam perniciem adferre. *Tristitia*, inquit, cum silentio & hominum auersione, ἀπαρρηγμένα, leuiter; id est, sensim eo modo affectos occidunt: vel d'urnas ὀδυνήϊας, siderationes inducunt, collabente scilicet & iam obtorpescente animali facultate.

Notatu est etiam illud dignum, quod *ibidem* habetur, *Mala est*, ait, ex morbo regio *fatuitas*, μώρωσις, aut νοσθρότης, *segnities*, interprete Galeno in *Prorrh.* quando scilicet in febre acuta superuenerit icterus, quem desipientia & eneruatio functionum principum, cum motus & sensus torpore subsequitur, ab exoluto calore natiuo & spiritibus ipsius cerebri exhaustis, propter insignem eorum ab ardore febrili dissipationem. Atque hæc de functionibus animæ principibus.

ΠΡΟΓΝΩΣΙΣ ΕΞ ΣΕΝΣΥ ΙΝΤΕΡΝΟ, ΑΔ ΟΥΕΜ ΣΟΜΝΥ ΕΤ ΟΙΓΙΛΙΑ; ΙΝ-
-ΣΟΜΝΙΑ ΕΤ ΔΕΟΒΙΤΥΣ ΡΕΡΕΡΥΝΤΥΡ. Amplissima etiam est seges prædiciendi apud Hippocratem, ab interiori isto sensu, ad quem referimus somnum & vigiliam, insomnia, & decubitum. Quamuis enim κατὰ φύσιν ista sequatur etiam vim motricis facultatis animalis, propter quam ægri in hac vel illâ figurâ decubitus possunt permanere magis commodè & indolenter: quia tamen videtur consuetaneus ipsius somni, propter quem præcipuè iacere coguntur: ideo placuit illum sub hoc censu reuocare.

Est itaque primùm Aphorismus 3. sect. 2. notandus, vbi Hippocrates generaliter pronuntiauit, somnum & vigiliam, vtrumque si modum excēsserit, esse malum. Quia vtrumque maxima infert incommoda ægrotantibus, vt experientia notissimum est, & quia vtrumque sequitur dispositiones morbificas cerebri per ιδιόπαθίαν aut συμπαθίαν contractas, quæ non paruum illis minantur periculum.

Attamen certum est, & à Prædicis nostris diligenter annotatum, vigiliis multò deteriores esse & periculosiores in iuuenibus quàm senibus: contra verò somnum in sene, quàm iuvene magis funestum: quia indicat lapsum in contrariam omnino constitutionem. Vnde vulgò iactatur dictum illud Gallicum, *Jeune qui veille, & vieux qui dort, sont tous deux proches de la mort*: Dum senex dormit, & iuuenis vigilet, vterque morti appropinquat. Somnus est mortis imago, vigilia immoderata in somnum æternum nos perducit per dissipationem caloris natui, & humidi primigenij.

Eleganter igitur Hippocrates 1. *Prognost. text.* 12. quod ad somni & vigiliæ rationem attinet; ita pronuntiauit: *Ægrotantes vt moris est secundum naturam, interdum vigilare, noctu verò dormire debent*, propter conticinium scilicet, aëris frigiditatem, & tenebras, calorem natuum ad interiora propellentes, quem strepitus, lumen, & calor diuinus illi consocialis ad externa reuocant. Quod si fiat mutatio ab hac consuetudine, peior est somnus qui fit à quarta diei hora ad noctem, quàm qui matutino tempore vsque ad quartam: quia magis turbat œconomiam & cursum naturalem, vt vocant, quietis & vigiliarum. Attamen addit Hippocrates, multò peius esse, si quis nec noctu nec interdum dormiat: id enim arguit dolorem & laborem immensum, vel delirium esse in propinquo.

Quod si æger sufficienter dormiens & tempore debito, non leuetur tamen eiusmodi quiete, sed multò peius se habeat, aut post somnum delirare videatur, pessimum esse signum docuit, *Aphor.* 1. & 2. sect. 2.

Imò in *Prorrh.* excitationes ipsas è somno turbulentas ferocissimas valdè exhorrescit, & conuulsionis prænuntias existimat, potissimum si cum sudore quodam appareant, qui omnino symptomaticus & diaphoreticus est censendus.

Ideo somni profundi & non turbulenti, securi censentur in *Coacis*, & firmam præcessisse iudicationem significant: Quos *ibidem* distinguit à sopore & somnolentia, quæ iam ad cataphoricos & comatosos affectus accedunt.

Porro illa in somno ταραχή, turbulentia visitur tum in summâ anxietate & δυσφορίᾳ ægrotantium inter dormiendum, tum etiam in ipsis insomniis & spectris, quibus mens variè lacebitur, mutato corporis totius, vel ipsius cerebri statu à causarum morbificarum violentiâ.

Vt enim per sanitatem, dum somno incumbimus multarum rerum imagines interiori sensui repræsentantur, quæ vel pendent à variis curis, & actionibus, quas interdum agitauimus, & insomnia animalia dicuntur; vel cælitus aliquando demissa creduntur,

tur, ad præfagia rerum futurarum vel occultarum, & *diuina* appellantur: vel denique à corporis & humorum naturalium vel accidentalium ex assumptorum vicio, intus dominantium vario motu & constitutione: quæ ideo naturalia censentur: Sic in morbis exoriantur potissimum eiusmodi insomnia ex variâ causarum morbificarum constitutione, quæ interiores suscitant species, & imaginationem inter dormiendum commouent: vnde vult Hippocrates *lib. de humor.* Medicum diligenter obseruare & inquirere debere, qualia ægri insomnia videant, an ex illis terreantur vel latentur; & vtrum possint illa memorare adstantibus conuenienter, vel eorum obliuiscantur.

Proinde in Coacis apud Duretum 52. Insomnia quæ in phreniticis manifesta contingunt, ita vt illorum sint memores, bonum: quia delirij finem ostendunt, & cerebro *ἐννεκλῶν* restitui denunciant. Libro quem scripsit Hippocrates peculiariter de insomniis, multa memorat, quæ in morbis sunt obseruanda, non solum ad *διὰ γυναικῶν*, sed etiam ad *πρόγνωσην*: vt pote nationes in mari aut flumine, volatus, casus ab alto in loca horrentia, volutationes in cœno aut stercore, & similia quæ peculiare exposcunt interpretationes. Hoc inter alia certissimum est, tam in latitudine sanitatis incubum, nisi contingat ex insigni crapulâ, quàm in morbis magnum portendere periculum: quia indicat flatuosi humoris molem & naturæ oppressionem.

In Coacis Dureti. 543. τὸ ταρχῶδες ἐνύπνιον, prænuntiat proximam accessionem in Epilepticis.

Quod ad Decubitus autem ægrotantium spectat, ista habentur *primo Prognost. a text. 16. ad 24.* *Deprehendendus est, inquit, æger* (antequam decori causa se alio modo componere possit) *decumbens in laus dextrum vel sinistrum, brachiis, cernice; & cruribus paululum reductis; & reliquum corpus molliter iacens, vt solent plurimi dum sani existunt:* quia illa figura dicitur media & omnium commodissima, vt pote in quâ diutius ac indolenter cum quodam naturæ robore perseuerare possumus. Minus ergo bonum, membra habere valde extenta: peius verò si seipsum æger continere non valens, subinde ad pedes delabatur: si pedes nudet, quamuis minimè calentes: si brachia aut crura inæqualiter dispergat: si hians, (ab exoluto crotaphitâ & massetere musculo, aut vaporum copiâ qui per hanc viam excluduntur) assidue dormiat; vel maneat supinus contortis, diuaticis, complicatisque cruribus. Quod si pronus in ventrem iaceat præter consuetudinem, eum delirare oportet, aut ventris termina pati. Vbi autem perpetuò residere vult, vt faciunt *ὀρθονοία* detenti, aut quasi sedens iacere in morbi vigore, pessimum in omnibus morbis acutis, potissimum verò iis qui ex pulmone proficiscuntur: quia vel instantem phrenitidem minatur, propter quàm ita exiliunt & inconditè iactantur: vel magnum cordis incendium, quod hoc modo per liberam aëris inspirationem sedare cupiunt. Atque hæc de sensu interno, & decubitu ægrotum.

ΠΡΟΓΝΩΣΙΣ Α ΣΕΝΣΙΒΥΣ ΕΧΤΕΡΝΙΣ, ΟΥΑΤΕΝΥΣ ΙΝ ΣΥΙΣ ΠΡΟΠΡΙΙΣ ΙΝΣΤΡΥΜΕΝΤΙΣ ΑΥΤΕΥΝΚΤΙΟΝΙΒΥΣ ΣΥΝΤ ΛΕΣΙ: ΝΑΜ ΔΕ ΟΒΙΕΚΤΙΣ ΙΛΛΟΡΥΜ, ΡΥΡΣΥΣ ΣΥΒ ΠΡΟΠΡΙΟ ΣΥΜΡΤΟΜΑΤΥΜ ΓΕΝΕΡΕ, ΝΕΜΡΕ ΟΥΑΛΙΤΑΤΙ ΣΜΥΤΑΤΕ, ΑΓΕΜΥΣ. Sensus externi non sunt tantum internuntij interiorum animi nostri passionum, sed etiam affectionum illarum quæ corpori insunt, & mutationum quæ in morbis contingere solent: ideoque Hippocrates ab inspectione oculorum, aurium, narium, linguæ, & cutis per totum corpus expansæ, multa ad prognosim facientia proponit, actionumque hisce partibus propriarum constitutiones accuratè venatur.

Considerare oportet, inquit ille, *Aphor. 52. sect. 6. & 1. prognost. c. 14.* oculorum in somno suspensiones; siquid enim candidæ partis commissis palpebris apparet, neque ex alui profluuium, aut aliâ vacuatione id contingat, neque æger ita dormire consueuerit, prauum est signum, & valde exitiale.

Quod si lumen, addit *in prognost. text. 13.* refugiant, si præter voluntatem lachrymentur, aut peruertantur: si alter altero fiat minor: & quæ in ipsis alba esse debent, rubescant, aut palpebræ lineant & in eis venulæ nigrescant: vel lemæ angulos occupent; si frequens sit & elatus eorum motus; si valde subsideant vel intumescant, iam obscuratâ visione, & coloris mutatione in tota facie, ista omnia magnum & imminens periculum portendunt.

In Coacis prænotionibus, multa de oculorum præfagitione profert, quæ ferè ad superiora referuntur. Ibi tamè in oculis τὸ διασπείσας distorqueri, ob incipientem conuulsionem valde exhorrescit: item si albū increseat, nigrū minuatur ob consumptionem & corrugationem; si nigrū sub palpebrâ occultetur; & si oculi ipsi in febre ardente non sentiantur

calidi ad tactum, quia significant extinctionem caloris nativi in parte nobili, vel eius retractionem ad interiora ob intensam inflammationem.

In *Prorrh.* 410. Oculi contractio in morbis acutis, mala; quia ex oculorum tenore, corporis vires cognosci, alibi scripsit Hippocrates, quod etiam 6. *epid. sect. 1.* expressit per squallores, deiectiones, ac perversiones oculorum. Ibidem oculi audaciam & toruum aspectum pertimescit, velut proximi delirii prænuntium. Vulgus nostrum in morituris observat oculos radiantes nimium; vocat stellatos, quando spiritus in extremo illo naturæ conatu colliguntur, & splendorem quandam alienum emittunt, qualis in suffusione perfectâ apparet.

In *Coacis* 425. & *Aphor.* 49. *sect. 4.* collectim ista signa proponit: In febre, inquit, non intermittente, si labium, aut palpebra, vel supercilium, vel oculus, vel nasus pervertatur: si neque videat, nec audiat, iam debili existente corpore: quicquid horum euenerit, mors est in propinquo. Quod ad aures spectat.

Ibid. 428. In acutâ febre aures obsurdescere, phrenitidem portendit; ex raptu scil. materiæ biliosæ ad superiora; unde ibidem surditas dicitur alium sistere, & idem innuit *Aphor.* 28. *sect. 4.* materiam enim istam non solum in cerebrum rapi, sed etiam in genus nervosum, indicat alia ibidem sententia: Egregie surdi, inquit, qui manibus contremiscunt, & linguam habent impeditam, pessimè se habent. Et in *Prorrh.* 408. Surditas eodem modo in morbis acutis & turbulentis consequens, id est, quæ ante nulla fuerat, nisi ex debilitate & exolutione contingat iam instante obitu: magnos labores & pericula portendit.

Item frigidæ aures, valde albicantes, & quasi diaphanæ vel inuersæ mortiferum, ut notavit etiam in prognosticis.

Ad aurium etiam considerationem commodè referri possunt hoc loco duo insignia symptomata, quæ multum possunt in præsagiendo, nimirum aurium dolor, *ὠτᾱλγία* dicta, & parotides: *ὠτᾱλγία* enim vocamus, quando in febre continuâ insignis dolor interiores auri partes occupat, nihil externis erumpente: Parotis verò est insignis tumor, qui ponè aures in glandulis illis apparere solet.

Auris itaque vehemens dolor cum febre continuâ, 3. *progn. text. 15.* & in *Coacis Duret.* 106. grave periculum minatur, aut mortis aut gravissimi delirii intra septimum diem; in *Epid.* 6. intra triduum, potissimum in iuuenibus, qui trigessimum ætatis annum nondum excesserunt, nisi eos copiosa hæmorrhagia, aut puris laudabilis & copiosi effluxus eripiat; in senioribus autem non tam præsens exitium adfert, attamen si reuertatur, ut plurimum eos tollit è medio, quia sunt impares viribus ferendo huic morbo posteriori, quas prior debilitavit.

Parotides verò (ut est in *Coacis Duret.* 113.) ut plurimum exoriuntur post surditates & comatosas affectiones, nec non pestilentes & deleterias febres, cerebro deponente *συμπωματικῶς* potius quàm *νευρικῶς* suam cacoehymiam in proximum emunctorium, quod parum est capax & aptum ad illam excipiendam.

Parotides igitur apud Hippocratem, plurimum mortem prænuntiant: Quod si sint rubræ & phlegmonosæ cum faciei inflammatione, aliquando salutem adferre possunt, si citò & bene suppurentur: aliàs enim metus est ne ad interiora recurrant, & subito ægrum iugulent, aut vaporibus tetris & malignis illud inficiant.

In longis etiam morbis & pituitosis, ut est paraplegia, annotavit ibidem Hippocrates, pravas esse apparentes parotidas; quia ostendunt depravatam naturæ motum debilis vel nimium irritatæ, quæ deponit istam materiâ in locum minimè idoneum, ubi redditur insuppurabilis, & magnæ cruciarum ob distensionem ægrotantes sæpius interimit.

DE PROGNOSI EX NARIBVS, OLFACTV, ET STERNVTATIONE. Nasus medium faciei occupat, ibique prominens, statim intuenti se offert, atque interioribus suis cavitatibus, vapores circumiectorum corporum excipiens, ad cerebri ventriculos defert, ubi eorum odores iudicantur, & si acrimoniâ quadam aut alio modo vellicent, aut multitudine infestent, sternutationes excitantur.

Apud Hippocratem igitur in descriptione faciei illius horrendæ, & alibi passim commemorantur, *Nares acuta, collapsa tempora*: In *Coacis*, ut iam dictum est, perversæ aut contortæ ab exsiccatione & consumptione partium carnosarum, in acuto morbo valde damnantur. Vulgus etiam patulas nimium, & quasi relaxatas nares, mali signi esse iudicat: quia in syncope aut alio animi deliquio tales apparere solent. Quod si lividæ aut nimium frigidæ in extremitate appareant per febrem continuam, mortiferæ; nisi sit recursus paroxysmi alicuius, ut in complicatis febribus, quem solet ut plurimum præcedere illarum frigiditas.

Quod si olfactus omnino intèreat, vel valde imminuatur, ut ne acerrimos quidem odores ægri percipiant, potissimum in morbis diuturnis, vel illis qui cerebri arcem occupant, ut apoplexia, comate, lethargo, & similibus, insigne periculum portendit: nisi hoc fiat ex catarrho occupantè mammillares-processus, & anteriores illas cerebri partes, qui viam in istos nasium ductus affectat.

Sunt etiam quibus exquisitus nimium odoratus ecstasim aut futuram insaniam prænuntiat ab exsiccatione nimia cerebri & spirituum valida agitatione, quod nos in quibusdam observauimus, qui periodicas manias verno aut autumnali tempore patiebantur, dum florum & fructum maxima est fragrantia, quâ valde afficiebantur, fabis florentibus.

Interior itaque causa, ut est *Aphor. 5 1. sect. 7.* vel etiam externa cerebrum lacerans, excitat illius concussionem cum sonitu & spiritus flatuosi emissionem, quæ sternutatio appellatur, totiusque corporis quandam adfert commotionem: unde parturientibus creditur commodissima ad citò excludendum foetum, & reliquias pueri periorum.

Insignis est illa Hippocratis de sternutamento sententia, in Coacis Dureti 2711 quæ similibus penè verbis habetur 2. *prognost. text. 49. Coryzas, inquit, & sternutamenta in morbis pulmonum præcessisse aut subsequi, malum. In aliis vero morbis exitialibus sternutamenta solutionem adferunt.* In asthma enim, peripneumonia, pleuritide, & phthisi, ex concussione istâ sternutamenti lacerantur, & diuelluntur partes thoracicæ: unde dolor & inflammatio augentur maximè, nec quicquam inde commodi accedit. In aliis verò excutitur per sternutationem, & quasi dissipatur causa morbifica, vi naturæ validæ & insurgentis aduersus illam. Hoc tamen certum est in principio catarrhi & reliquarum affectionum cataphoricarum sternutamenta esse symptomati- ea, & naturæ oppressæ potius quàm validæ signum: neque vnquam ante vacuationes vniuersales excitanda, ne magis commoueant humorem in cerebro latitantem, quàm excludant. Vnde ortum puto esse morem illum bene precandi illis qui sternutamento tentantur, propter ferinos quosdam catarrhos olim grassantes, ut fuit nostrâ tempestate *αγνησμία* illa seu *Coquelucha epidemica*; in quorum principio ægro- tantes sternutamenti creberrimis fatigati interibant: Vel quia sternutamentum frequentius repetens epilepticum insultum ferè æmulatur, & in eis qui illi obnoxij sunt, accersere solet. In declinatione autem catarrhi & aliorum affectionum capitis apparens, ostendit dissipatam iam ferè omnem materiam morbosam, cuius reliquæ per eiusmodi motum expelluntur, & ægris salus conciliatur: Vnde vulgò fertur, sternutante ægro Medicum iam posse abire cum bonâ ægri venia.

DE PROGNOSI EX CUTE, ET SENSU TACTVS, QVI IN ILLA EXERCETVR. ITEM EX DOLORIBVS VARIARVM CORPORIS NOSTRI PARTIVM. Tactus est sensus per vniuersum corpus diffusus, ad tuendam animantium salutem, ut docet Philosophus. Et quamuis per nervos illa vis cum spiritu animali in varias partes deferatur, tamen in cute magis est conspicuus, quæ est velut inuolucrum totius corporis, & composita ex carne & nervo simul mixtis, ut vult Hippocrates, quam idè vocat *νεῦρον ἐνυπνον* *nervum sanguineum*. Nos itaque paucis persequamur signa prognostica, quæ inde repeti possunt.

Primo igitur certum est, cutem aridam & extentam, potissimum quæ in facie apparet, pessimum esse apud Hippocratem 1. *Prognost.* quia est signum consumpti vel exsiccati corporis præ ardore febris, aut alia vacuatione insigni: ex quâ euadere non possunt, aut saltem in marasum & hæticam febrem præcipitantur. Sic laxa nimium in morbo diuturno, extenuationem carnis, & spirituum quibus spatia musculorum implentur, significat. In Coacis Dureti 568. *Cutis squallida, fissa aut tuberosa, cum squamulis decidentibus sine febre, magnam viscerum coctioni dicatorum labem significat*; quod in Elephantice observare licet. In senibus certè tantam molestiam inferre solet, ut tandem è vitâ migrare cogat, cum magno scabendi conatu & cruciatu.

Torpor verò, stupiditas & *ἀναισθησία* Græcis dicta, quæ in parte ista potissimum cernitur, mala, si sequatur mentis seu primi sensorij affectiones: mala etiam, quando fit ob caloris influentis depauperationem, & proprii temperamenti in partibus iacturam. Sine febre si motus simul pereat, perfectam significat paralyin; si perseverante motu contingat, est verum & quasi præcipuum confirmatæ Elephantiasæ signum, (tamen Practici ponunt inter signa æquivoca.) In quibus peculiariter deperditur tactus, ob ruinam totius naturæ *νεῦρον*, & nervorum crassitiem atque

cxcviii Ioan. Varand. Prognost. Medic.

obturationem ab alimento incongruo, propter quam neque influere potest vis illa animalis, nec species tactilium ad interiora deferri.

In Coacis eleganter Hippocrates prædicit, futuram paralyfin aut apoplexiam, in eis quibus isti torpores & externæ stupiditates, præter solitum contingunt: quia denotant cerebrum aut genus nervosum malè affectum, non posse iam illustrare externas istas partes radiis suæ facultatis, ut solebat.

Hic etiam non erit fortè incommodum, rimari signa prognostica ab Hippocrate proposita, ex variarum partium doloribus, quamquam referri poterant ad qualitates mutatas, & obiecta sensus tactus, de quibus suo loco agemus. Ad id autem generaliter pertinet illud à nobis suprâ commemoratum ex Hippocrate: *In causâ dolorificâ non dolere, ut in sitiferâ non sitire, malum.* Qui enim dolorem habent & non sentiunt, iis mens ægrotat. Quem Aphorismum eleganter conuertebat doctissimus huius Academiæ Professor Dortomannus aduersus quosdam, qui mira sibi fingunt dolorum & affectuum genera, quorum tamen nullæ aliæ notæ apparent præter istas querimonias, ut solent melancholici. *Qui dolorem aiebat, non habent & sentiunt, iis pariter mens laborat.*

Suprà de aurium doloribus, Hippocraticas sententias proposuimus; oculorum enim & dentium quamvis acerbissimi, rarò in febre, aut propter febrem, aliûmve morbum acutum contingunt.

Capitis verò dolores frequentissimi ob effumationes continuas viscerum æstuantium, vel raptum materiæ morbificæ ad superiorem illam corporis nostri regionem. Hinc *lib. 3. Prognost. text. 13.* Capitis cum febre vehementes & continui dolores, præcipuè si dolor ipsa tempora & totam frontem infestet, valdè sunt perniciosi, præcipuè si aliis coniungantur signis lethiferis: quòd si absque illis ad vigesimum vsque diem perseverent, solvuntur aut largâ hæmorrhagiâ, vel abscessu ad infernas partes apparente. In iuuenibus quidem sanguinis profusione, in aliis verò suppurato.

In Coac. Dureti. 89. Cephalalgias sine febre diurnas cum tinnitus molestia & stupore excipit tandem apoplexia, epilepsia, lethargus, opisthotonos, aut etiam cæcitas, decumbente scilicet in illas partes doloris causâ; ut plurimum cephalalgia in febribus est index futuræ hæmorrhagiæ, ut postea dicemus.

At verò ibidem exhorrescit in febre diurnâ ani dolores, quia significant decubitus materiæ cuiusdam malignæ in illam partem sine conuenienti vacuatione. Item bubonis dolor diurnitatem in febribus denotat, quia cruda materia non potuit per sensilem vacuationem excludi, quando in emuntoria ista symptomatice amandatur. In *Epidem. autem 2. part. 3.* mali sunt bubones, qui statim in initio febrium acutarum apparent: Et Hippocrat. *Aphorism. 55. sect. 4.* omnem febrem meritò damnat quæ buboni superuenit, nisi sit diaria, quia reliquæ inflammationem ac putredinem subesse testantur. Quamquam nostri Chirurgi experti sint, melius esse in peste, ut & in lue Venereâ febrem superuenire buboni iam factò, quam bubonem febri, propter dictam rationem.

Rursum ex dorsi dolore, ægritudinis principia sunt difficilia: & lumborum dolor sine manifestâ causâ sæpe impetens, maligni morbi signum est, quia ostendunt magnam istarum partium oppressionem, ex quantitate materiæ implentis venas & arterias prægrandes per illa excurrentes, quæ faciunt varia symptomata & periculosa, nisi per fluxum sanguinis ex naribus, vtero aut hæmorrhoidalibus vasculis solvantur.

Denique *ibidem* Hippocrates; *In febre*, inquit, *manuum ac pedum dolores, maligni.* Malignus item doloris ex femore progressus. Neque genuum dolor bonus est; sed & surarum dolores, perniciosi, mentemque turbant, tum alias, tum præcipuè quando urinæ subsidencia seu hypostasis, non est laudabilis. Ista enim omnia ostendunt lassitudines vlcerosas aut inflammatorias in hisce partibus, quæ faciliè principibus per *putredinem* communicantur: nisi ibidem abscessus firmetur, qui magnum etiam facessere solet ægrotantibus negotium.

ΠΡΟΓΝΩΣΙΣ ΕΞ ΛΙΝΓΥΑ, ΔΕΝΤΙΒΥΣ, ΕΤ ΡΕΛΙΩΥΙΣ ΟΡΙΣ ΡΑΡΤΙΒΥΣ, ΙΝ ΩΥΙΒΥΣ ΓΥΣΤΥΣ, ΒΟΧ ΕΤ ΛΟΩΥΕΛΑ ΚΟΝΣΙΔΕΡΑΝΤΥΡ. Nihil est quod facilius & frequentius sequatur læsionem dispositionum morbificarum, quàm lingua, reliquæque oris partes, in quibus exercetur gustus, vox & loquela: quoniam est meatus ille communis, per quem non solum assumenda iniiciuntur, sed etiam varia expurgantur excrementa cerebri, pulmonum, ventriculi, hepatis, & similibus partium, necnon vapores, qui ex totius corporis sentina aut putrentibus humo-

moribus.

moribus per febres acutas eleuantur, exhalare solent. Hinc Hippocrates tam accurate signa ista persecutus est ad ἀπογύωσις facientia.

Illud enim quod habetur *Aphor. 33. sect. 2. iam à nobis citato*: bene se habere ad ea quæ offeruntur, alimenta potissimum: quamuis respiciat ipsam ægrotantis διάνοιαν, quæ ex solo errore mentis potest auersari ea quæ illi conducunt ad virium reparationem & morbi curationem: vel etiam ad appetitum illum tam naturalem quam animale, qui officio ventriculi insitus esse creditur. At tamen certum est etiam intelligendum esse aliquando, de gustu insigniter deprauato, quandoquidem multos quotidie obseruamus ægrotantes, qui nullo detenti delirio, neque diuexati affectibus ventriculi ob ingratißimum saporem quem in cibis percipiunt, tantopere ab eis abhorrent, vt ne eorum quidem conspectum ferre possint. Nostri laborantes in hac regione vt plurimum ad solam carniū aut ferculorum ex illis paratorum commemorationem exhorrescunt. Plurimi febricitantes ne vini quidem odorem, quod est mirum, ferre possunt, ne dicam saporem; quod tamen auidissimè expetunt, & suauissimum esse testantur pleuritici, peripneumonici, asthmatici, & aliis morbis thoracis detenti: cuius rei rationem ego nullam aliam verisimilem reddi posse existimo, quam quod vini substantia non ingreditur immediatè istas partes thoracicas, sed tantum quidam vapor benignus, quo maximè vires recreantur, cum in aliis febricitantibus linguam, ventriculum, hepar, & venas subintrans, repentinam calfactionem & humorum morbificorum agitationem inducat, ex quâ maximè afficiuntur, & tam ingratum in ore saporem percipiunt. Vt igitur gustus omnino integer & laudabilis vix reperiri potest in morbo acuto, sic etiam valde deiectus, aut omnino deprauatus, nihil boni portendere potest, vt est *1. Epid. sect. 2. & 3. sect. 3.* In morbo autem diuturno adhuc peior: Vnde ille *Aphor. 6. sect. 7. In morbo, inquit, chronico ἀπορία & deiectiones sincere, quæ iam exhaustam naturam humiditatem ostendunt, malum.* Vnde in dysenteria etiam longa valde damnatur, *3. sect. 6. & vbiq̃ue passim, cibi fastidium perdurans.*

Vt igitur gustus maximè notabilis in hisce partibus; sic etiam vox & loquela, quæ illarum beneficio potissimum exercetur: Vnde illa *ἀφωρία* in morbis tantopore celebrata, quæ *Aphor. 5. sect. 5. in ebriis & crapulâ detentis* subitanea, vt etiam in delirantibus conuulsionem & mortem infert. *In Coacis vero Duret. 229. vocat ἀναδύλλω*, quæ magis designat interceptam loquelam propter impedimentum organorum dialecticorum, hoc est, sermoni dicatorum, nimirum nervi septimæ coniugationis, & nouem musculorum linguam mouentium: cum ἀφωρία magis sequatur impedimenta organorum vocalium, vt pulmonum, laryngis, asperæ arteriæ & similium. Quod si illa ἀφωρία fiat ob vim doloris alicuius, quæ reuocatione spirituum ad se, vel insigni dissipatione (*ἐκλυσις* vocat Hippocrat. *Duret. 142. & 143.*) intercipit vsum vocis (*eodem loco*) & thoracis motum, iam ad extrema ventum esse significat.

Vox etiam interrupta inter loquendum, vt sæpe fit in tabidis, aut eis qui patiuntur prolapsus catarrhi suffocantis, vel ferini, vt in maligna febre, magnam ostendit ægri anxietatem & periculi plenam, *ibidem*; vt pote coniunctam difficili respirationi, quæ in febre semper suspecta habetur, præcipuè quando post irritum rigorem aut crisis imperfectam contingit, ex μεταστροφή præposterâ in illas partes.

Item *ibid.* Vox acuta, vox planctum referens, conuulsionem & præcordiorum retractionem periculosam significat, qualis potissimum obseruatur in diaphragmate inflammato. Vox catulina magnam partium thoracicarum oppressionem indiuturnis; in acutis verò exolutionem funestam portendit. Vox autem vulpina in phthisicis iam moribundis apparet.

Libro de iudicat. & de vict. rat. in acut. quædam super hac re habentur notatu digna. *Qui, inquit, linguâ offendunt, & labiorum non sunt potentes, si hac sedata fuerint, antequam febris desinat, suppurati euadunt,* ex decubitu scilicet materiæ illius catarrhosæ, quâ nervi illi recurrentes & musculi vocales replebantur, in aliquam corporis partem. Quod si febrienti quarto die lingua sit conturbata cum alui fluxu bilioso, oportet illum delirare, raptâ tandem in cerebrum materiâ, quæ per tales vias non potuit sufficienter excludi. Quod si illud contingat decimoquarto morbi die, illius diuturnitatem significat, ob materiæ crudæ & rebellis multitudinem, quæ adhuc pepasmo indiget, antequam perfecta crisis fieri possit.

Præter ista autè in linguâ ipsâ, dētribus, gingiuis, & aliis oris partibus, multa signa prognostica apparent: Etenim *6. Ep. sect. 5. lingua cōcolor* fit dominantī humori: ac proinde per hanc humores dignoscimus, & futura præsentimus: Et *in Coac. Duret. 133.* Lingua initio morbi scabra leuiter cū colore assueto, quæ deinde valde exasperatur, finditurq; & tandē nigrescit, pessima, potissimum si quodammodo viridis appareat. Vnde linguæ
etiam

etiam asperæ multumque sicca, delirium ab incendio febrili superioribus partibus communicato ostendunt.

Valde notatu dignum est illud, quod *ibidem* habetur: si in medio linguæ, vbi linea illa quasi diuidens excurrit, post eiusmodi alienos colores appareat salina quædam alba, modicè crassa, ex pepasmo scilicet & humorum mitigatione, securitatem in morbo designat. Ludouicus Duretus nullum vidit periisse ex morbo acuto, cui tale signum in linguâ apparuisset, quod ex ore illius accepimus, dum Coacas Luteriæ interpretabatur.

Linguæ verò *σπαρδάς*, tremulæ in febre acuta, periculum conuulsionis, aut delirij proximi ostendunt: vt est etiam 1. *Prorrh.* quia & cerebrum & genus nervosum in sympathiam deduci, argumento sunt. In diuturna autem proximam paralyin aut apoplexiam eadem ratione. Sunt etiam quibus non solum tremit, sed etiam præter voluntatem extra os exeritur præ infirmitate, vel crassitie & resolutione musculorum propriorum. Sunt etiam in quibus bullæ quædam flauentes & esthymata apparere solent in linguæ superficie, cum malo etiam vti plurimum omine, propter metum magnæ inflammationis.

Eodem modo in *Coacis Dur.* 137. Dentes exarescere pessimum in febre continuâ: & *Aphorism.* 53. *sect.* 4. Quibus in febribus circa dentes fiunt lentores, id est, plurimæ fordes colliguntur & adhærescunt, *is vehementissimum incendium & periculosum significatur*: quod confirmat *lib.* 4. *Epid.*

In *prognost.* 1. *text.* 24. valde exhorrescit stridorem dentium in febricitantibus, si non sit iam assuetus à pueritiâ, præcedit enim phrenitidem; aut si cum delirio fiat, mortem, quia est conuulsorius. Denique gingiuarum in febre erosiones, & sanguinis exudationes, malæ; quia summam humoris morbifici acrimoniam, vel re-
centricis exolutionem, præcipuè in morbo diuturno, significant.

ΠΡΟΓΝΩΣΙΣ ΕΧ ΜΟΤΥ, ΕΤ ΠΑΡΤΙΒΥΣ ΙΛΛΙ ΔΙCΑΤΙΣ. Post sensus internos & externos, iam de motu animali agendum, quatenus signa prognostica etiam suppeditare potest. *Libro* enim 2. *prognost. text.* 6. inter optima signa recenset: si æger facile surgat & conuertatur sponte vel Medici monitu. Malum verò quando grauis & quasi torpidus apparet, & secundum totum corpus, & secundum pedes ac manus. Huic enim impotentia si iungantur vngues aut digiti liuentes, mortem existimat esse in propinquo, penitus iam extincto calore natiuo, quod in *Coacis* confirmat: Vnde illa *ἐγγίσις & νοσπότης* in decubitu ægrotantium toties annotata. Et in *prorrh.* damnantur impotentia illæ quæ contingunt præter vasorum vacuationem, id est, sine vllâ causâ manifestâ dissolvente aut enervante facultatem istam animale.

De lassitudinibus etiam multa apud Hippocrat. siue illæ præcedant morbos, eoque significant, *Aphorism.* 5. *sect.* 2. siue in illis appareant, *Aphor.* 31. *sect.* 4. Qui lassitudine tentantur in febribus, illi circa articulos & maxillas potissimum patiuntur abscessus, ob decubitum materiae profluentis à cerebro in illas partes: Vnde non solum ægri qui lassitudine istâ tenentur, *νοσώδεις* vocantur Hippocrati, sed etiam ipsæ febres, quæ omnes contumaciam & periculum adferre solent.

De tremore etiam Hippocrates in *Coacis* agit, pro quo sæpe rigorem sumit, vt tremores in febre ardente, delirium præcedere. Quod si non successerit hæmorrhagia critica, frequenter in abscessus ani aut vesicæ desinunt. In diuturnis verò morbis non tam ab oppressione fit, quàm à summâ infirmitate & exolutione caloris natiui, quæ mortem appropinquare ostendit.

Ad hunc etiam ordinem referri possunt, conuulsio & conuulsivus motus, quorum penè infiniti extant Aphorismi & sententiæ apud Hippocratem: febrem videlicet conuulsioni felicius superuenire, quàm conuulsionem febre, *Aphorism.* 16. *sect.* 2. quia illa dissipat causam conuulsionis, hæc verò ostendit exhaustum vel acrimoniam humoris nervos ferientis. In vulnere etiam, in hæmorrhagia, in hypercatharsi, & quacunque aliâ vacuatione vel exhausto apparens conuulsio, quantum periculi adferat, vnicuique notum est ex Aphorismis Hippocratis, quos hic præmitto lubens.

Hoc autem notatu dignum habetur 1. *prognost. text.* 10. testes & pudenda conuulsa & interiora versus retracta, vehementes dolores & mortis periculum significant. Quemadmodum valde flaccida & pendula, summam infirmitatem & exolutionem.

Est etiam *ibid.* notatu digna *text.* 26. sententia, de manuum gesticulationibus: Siquis in febribus acutis, ait, manus inconditè agitet versus faciem, aut in vnum iacet: si festucæ

festucas carpat, aut à veste floccos, à pariete paleas auellas, si lecti stragulas, & quasi sarcinas colligat (quæ etiam ad visionis deprauationem referri possunt) quando velut præsentēs muscas aut culices abigit, qui nullibi apparent; *hæc omnia insania & proximi interitus sunt signa.* Atque hæc de actionibus animalibus.

ΠΡΟΓΝΩΣΙΣ ΕΧ ΑΣΤΙΟΝΙΒΣΒΙΤΑΛΙΒΣ, *ad quas referuntur Respiratio, & Pulsus, cum cordis ipsius palpitatio, & tussis.* Vitales actiones eo potissimum nomine dicuntur apud Medicos, quod ad vitæ actiones promouendas & exercendas, omnium sunt maximè illustres & manifestæ, per influxum illum perpetuum caloris & spirituum à corde in reliquas partes, cum sensibili ipsius cordis & arteriarum pullatione & motu, nec non thoracis dilatatione & constrictione, quæ respiracionem constituunt. Ideò ad salutem vel mortem prædicendam, præcipua exhibent signa prognostica, vt docet Galenus 2. *artus parua.*

Quamuis enim Hippocrates non videatur ita accuratè perfectus naturam & differentias pulsus, quemadmodum recentiores: attamen non obscure multis in locis indicauit, se illius etiam rationem habuisse: Nam *libello de alimento, de humoribus, & 2. de morbis*, satis apertè illius meminit; & 2. *Prorrh.* Deinde, inquit, *qui manibus conrectarit ventrem ac venas, minus falli potest, quam qui non conrectarit.* Vbi per venas nihil aliud intelligere possumus, quàm arterias ipsas micantes in variis corporis partibus: quandoquidem arteriæ nomen, quibus istæ venæ pulsatiles distinguuntur ab aliis, inuentum fuit tempore tantum Herophili & aliorum Medicorum, qui Alexandriæ floruerunt. Sic etiam pulsus duplex est, qui complectitur *παλμὸν, & σφυγμὸν* propriè sumptum. Ille denotat motum seu ictum arteriæ micantis in quacunque parte, qui cum antè insensibilis esset, tunc ob coarctationem alicuius arteriæ, vel materiæ contentæ feruorem & agitationem, euadit Medico aspestabilis, & ipsi ægro molestus ac dolorificus: vt patet in omni phlegmone, potissimum dum tendit ad suppurationem. Alter verò denotat motum, seu liberam micantis arteriæ diastolen atque systolen, sine ictu aut molestiâ partium vicinarum, qui in certis locis, per quæ arteriæ liberiùs excurrunt, à Medico tangente percipitur.

De priore itaque pulsu multæ habentur sententiæ ad *πρόγνωσιν* facientes apud Hippocratem. In *Coacis*, pulsus hypochondriorum cum perturbatione, signum est instantis dementiæ, præcipuè si oculi sæpe moueantur. Item; in febribus pulsus ac dolor secundum venas quæ sunt in collo, in dysenteriam desinit, nisi larga accedat hæmorrhagia. Vnde elegans etiam *Aphorismus* ille 21. *sect. 7. A vehemēti in ulceribus pulsu, larga fit sanguinis eruptio*, apertis scilicet arteriis quæ per partem vulneratam excurrunt, ob erosionem vel compressionem nimiam, quæ inflammationis est comes. In morbis verò diuturnis, vt cachexiâ virginum ob retenta menstrua, tantam videmus aliquando palpitacionem, ex materiâ flatulentâ, non solum cordis, sed etiam arteriarum, quæ per iugulum excurrunt, vt ipsis ægrotantibus maximam pariat molestiam, & pertinaces obstructiones cum periculo hydropis significet. Vnde in *Coacis*, quando in diuturnâ febre, temporum venæ pulsant, vnaque faciei constantia, & hypochondrium non molle adest, vix quiescunt, nisi profluente copiosius sanguine, aut facto in coxendice abscessu. Cordis certè insignis palpitatio, quam auctores nostri tremorem & saltum vocant, nihil quicquam boni, in quibuscunque morbis portendere potest, cum sequatur magnam cordis oppressionem, vel agitationem ex malignâ aut venenatâ qualitate.

Quod ad pulsum verò ordinarium spectat, qui in carpis potissimum manuum à tangente Medico spectatur, de eo tam accuratè tractauit Galenus *lib. de præsignis ex pulsibus & reliquis*, vt omnibus ferè posteris ansam præripuerit hac de re quicquâ scribendi. Nos verò summatim dicamus, pulsum non immutatū à causis externis aut animi pathematis, esse verum characterem virium illarum quæ ad morbi profligationē requiruntur: ac proinde neminem ex Galeno mori posse, cui pulsus cōstans & validus fuerit: contrā incōstans, inæqualis, & languidus, pessimi euentus est præsagium. Inter quos intermittens vel intercidens in iuuenibus potissimum, præsens periculum & repentinam mortem minatur. Minutulus verò frequens, vt est formicans aut myurus, vires paulatim deficere, & functionis vitalis proximam ruinam ostendit. Quod ex Galeni doctrinâ accuratius est perdiscendum.

Pulsui proportionem quadam responderet respiratio, vtpote ex eadem causâ dependens, & ad eundem vsum instituta. Ac proinde magni momenti in prædicendâ salute vel morte in ægrotantibus. *Εὐπνοία* itaque, facilem spiracionem, tam in acutis quàm chronicis morbis maximè celebrat Hippocrates, 1. *Progn. text. 27.*

& in Coacis. Quando igitur in febre continuâ, *Aphor. 50. sect. 4.* difficultas spirandi contigerit cum delirio, lethale; consentientibus scilicet ad interitum duobus vitæ principiis, nimirum cerebro & corde. Sic in prognost. Respiratio frequens dolorem & inflammationem innuit in partibus diaphragmate superioribus. Magna & ex longis interuallis, delirium. Frigidus autem ex naribus & ore erumpens spiritus, valde exitiosus est censendus. Quinetiam æstuosus & fumidus, quia ostendit magnam vim inflammationis febrilis: Vnde respiratio magna foras, intro parua, & contrâ, pessima est valde ac perniciofa, præcipuè dum in paruam & densam seu reciprocam; vel paruam & raram mutatur: tunc enim mors est in propinquo, ob extinctionem caloris natiui à fumido illo & æstuoso vapore, qui non potuit commodè per illas respiraciones expurgari.

Aphorism. etiam 54. sect. 6. meminit respirationis clangosæ seu luctuosæ similis, in morbo acuto, quæ fit vt est 6. *Epidem.* duplâ intro reuocatione, velut superinspirantibus interrupto spiritu: quæ ideò perniciofa censetur, quia est erroneæ mentis aut conuulsionis sequela: vel exolutam facultatem indicat, quæ non potest vno impetu anhelitum perficere.

Respirationi videtur affinitate quadam coniuncta tussis, quia fit potissimum in organis vocalibus & respirationi dicatis: cuius etiam quædam signa prognostica habentur. Galenus quidem *comment. ad Aphorism. 9. sect. 5.* generaliter illud pronuntiauit: Destillationes à capite, quæ statim raucos & tussiculosos homines efficiunt, nisi intra proximam anni tempestatem sedentur, vt plurimum phthisin inducere excitato in pulmonibus vlcere. Quod est valde notandum in hac potissimum regione, vbi frequentissima est ista species tabis ex neglecto catarrho & inueteratâ tussiculâ. In Coacis illud innuisse videtur Hippocrates, dum ait; *Raucedo cum tussi pus educit*, ex pulmone scilicet paulatim corrupto. In hydropicis tussicula, mala, quia ostendit materiam illam aquosam irrupere in thoracem cum metu suffocationis repentinæ. In febribus quæ exacerbationes habent, tussicula & leuis sudor tunc exorta, pessimam constitutionem significant, in Coacis 42.6. *Duret.* quia irritos naturæ conatus demonstrant.

Aphorism. 54. sect. 4. Quibus sapius sicca tussis parum irritantes in febribus etiam ardentibus sunt, parum tussiculosi existunt: quia irrigantur fauces & reliquæ partes siti obnoxia, hoc humore seroso tussim excitante. Atque hæc de vitali actione.

ΠΡΟΓΝΩΣΙΣ ΑΒ ΑΚΤΙΟΝΙΒΥΣ ΝΑΤΥΡΑΛΙΒΥΣ, ΡΟΤΙΣΣΙΜΥΜ ΕΑΜΕ ΕΤ ΣΙΤΙ. Actiones naturales per totum corpus dispersæ ad nutritionem animantium, valde sunt obscuræ, & paruas sui exerunt notas, nisi ratione operis, nimirum humorum aut excrementorum, quæ ab eis generantur, retinentur, aut excluduntur: de quibus suo loco fusè acturi sumus. Nunc igitur tantum agemus de illis actionibus, quæ principium quodammodo dant nutritioni ratione appetitus, qui in ventriculi orificio maximè elucescit, ob exquisitiorem sensum illuc per neruum deriuatum, ideoque animalis quodammodo censetur, quamuis fundamentum suum præcipuè habeat in actionibus illis naturalibus, quæ nutritionem simpliciter spectant.

Iste igitur appetitus ventriculo insitus, fertur ad solida vel liquida alimenta; ille fames, hic sitis propriè nuncupatur. Et vterque sua patitur vitia, quæ in morbis frequenter apparere solent, atque ansam prædicendi præstare. Suprà igitur dum de gustu & linguâ tractabamus, quædam ex Hippocrat. de *ἁποκρίσει* & cibi fastidio in medium adduximus, quæ non est opus nunc repetere. Hic tantum annotabimus, præter abolitum vel imminutum hunc appetitum, posse etiam deprauari vel augeri præter naturam in morbis, & vtrumque symptoma pessimi esse ominis.

Auctus iste appetitus, siue fames intensa, *βελγμία* vulgo dicta, in morbis acutis aut chronicis: sequitur aliquando vacuationes insignes, quas frustra æger magnis istis repletionibus refarcire contendit: vel acrimoniam caloris, vt in quibusdam hecticis, velut fornacis, quæ omnia alimenta subito absorbit, & quasi in fauillas conuertit: aut certè humorum quorundam ventriculi orificio affixorum aciditatem, quæ perpetuò vellicat illam partem exquisitoris sensus, cui pro remedio vini meri potionem præscripsit, *Aphor. 21. sect. 2.*

Hæc igitur fames immensa, vt est portentosa in morbis, sic nihil boni indicare potest, vt est 4. *sect. 2.* & causa est pessimorum excrementorum, quæ in ægrotantibus colliguntur, vt est 10. & 17. *sect. 2.* & 67. *sect. 7.* Comedentes enim & nihil proficientes ægri, & conualescentes malo sunt loco apud Hippocratem 8. *sect. 2.* & 31. *sect. 2.*


Deprauatus verò appetitus dicitur ab authoribus nostris pica seu malacia: quando

quando ad absurda aut omnino aliena fertur: Quæ quamuis sit familiaris prægnantibus aut fœminis, quibus menstruæ purgationes suppressæ sunt, ob excrementorum multitudinem, aut malignitatem os ventriculi ferientium: reperitur etiam aliquando in morbis potissimum chronicis, & pessimus existit, tam ratione causæ, quam signi: quia dum ægri se ingurgitant cacochymis istis cibis, causæ morbificæ multiplicantur: & denotat corruptelam temperamentum partium & humorum, propter quam similia illis expetere solent. Sapienter quidem dixit Hippocrates 38. *sect. 2. paulo deteriore cibum valde expetitur, ægro quandoque concedendum: sed cum ea moderatione, quæ non possit gravius illi malum adferre.*

Vt igitur in diuturnis morbis, fames minui, augeri, ac depravari solet; sic in acutis, ut febribus continuis & ardentibus, sitis. Vnde Hippocrates *Aphorism. citato; In causâ sitisferâ non sitire, in dolorificâ, non dolere, malum.* Quod 1. *Prorrhætic.* & in *Coacis* ita expressit: *Sitis præter rationem soluta, in acutis morbis, malum;* id est, sine manifestâ causâ, ut quando per tussiculam à nobis supra commemoratam madescunt fauces ferossâ humiditate: aliàs significant extinctionem caloris natiui, vel mentis errorem.

Sitis verò inexhausta, & quæ nullo potu expleri potest, magnam arguit *δυσπραγίας*, quæ omne remedium superat, aut consumptionem humidi primigenij ex torrido calore, quæ deinceps restaurari nequit.

Sunt etiam qui depravatam hanc habent liquidorum appetentiam, & quasi morosam, ita ut neque aquâ, nec diluto vino, aut simili liquore consueto recreentur, sed alienam potionem expetant, quæ parum naturæ consentanea existit. Vidimus qui acetum purum copiosè & avidè potarent, aut succum citranguli: Alij aquam rosarum stillatitiam, vel aquam vitæ importunè ad bibendum exposcerent. Sed illi omnes tandem gravissimis morbis conflictati occubuerunt, quia natura iam multum à suo limite recesserat, nec potuit posthac ad convenientem statum reuocari. Atque hæc de primo symptomatum genere sufficiant, nunc ad secundum, nempe qualitates mutatas accedamus.



DE SECUNDO SYMPTOMATVM GENERE, *nempe qualitatibus mutatis præter naturam, quatenus variis sensibus obiciuntur.*

ET PRIMO

ΠΡΟΓΝΩΣΙΣ ΕΧ ΤΑΚΤΙΛΙΒΥΣ ΠΡΙΜΙΣ ΕΤ *secundis, in toto vel aliquâ parte corporis immutatis.*

Primæ qualitates primarium locum inter obiecta tactilia obtinent, deinde secundæ illarum quasi respectu considerandæ in prognosi instituendâ. Quod Hippocrates innuit in *Coacis* per antonomasiam: *Externarum partium cito in utrumque mutatio, prava:* per illud *ἀμφοτέρων* caloris & frigoris molesti vicissitudinem in morbo acuto intelligens, quia significatur violenta retractio caloris natiui ad interiora ob æstum febrilem, qui vicissim & subito recurrens, ostendit magnam esse naturæ pugnam aduersus morbum. Cum enim triplex sit frigus apud Hippocratem, criticum scilicet, periodicum, & symptomaticum: priora duo sunt fugacia, & secundum convenientem naturæ regulam instituta, colligētis scilicet suas vires, calorem & spiritus, ut deinde validius causas morbificas oppugnet: illud verò semper malum, siue sit positivum, ex quantitate humoris opprimentis calorem natiuum, & suâ qualitate partes extimas afficientis: siue priuatiuum, sublatâ iam & exhaustâ partium temperie, vel impedito cōmeatu, qui fit ex communibus corporis nostri fōribus, ad loca corporis remotiora. Vnde tot apud Hipp. *Aphorismi & sententiæ. 40. sect. 4. Vbi in vniuerso corpore mutationes fiunt, ita ut modò corpus refrigeretur,*

refrigeretur, modo incalascet statim, & color alius ex alio fiat, longitudo morbi significatur, propter variam scilicet humorum miscellam, quam natura nec citò, nec faciliè potis est vincere. 1. sect. 7. In morbis acutis frigus partium extremarum malum. 48. sect. 4. In febribus non intermittentibus, si partes exteriores sint frigida, interiores vero urantur, & sitis urgeat, mortale. In Coacis Dureti 391. & 2. prognost. text. 4. eisdem penè verbis ait Hippocrates: Mali morbi signum est, si caput, pedes & manus frigida sentiuntur, venire & lateribus aestuantibus. Quemadmodum securitatem maximam speramus ex corpore æqualiter calido & molli. Vnde etiam patet, siccitatem & humiditatem, duritiem & mollitiem sua exhibere signa prognostica in morbis: Intenta enim, rigida, scabra, aut squallida cutis faciei, & aliarum partium valde suspecta Hippocrati, tam in morbis acutis, ex torrefactione incendiij febrilis; quam diuturnis, ex magna consumptione humiditatis primigeniæ, quod in hecticis febribus & colliquantibus observare licet. Summa verò mollities & extra naturæ limites significat aliquam insignem putrilaginem, ut patet in cadaueribus pestilenti febre peremptis: vel mucosores alienos in extimis partibus acervatos, ut apparet in cachexia illa virginum, aut leucophlegmatia vniuersali, quæ est tertia hydropis species. Vnde colligitur ex utraque magnum instare periculum.

Iubet autem Hippocr. 1. Prognost. text. 31. & seq. & in Coacis, ut aliàs annotauimus, spectare inprimis constitutionem hypochondriorum secundum mollitiem & duritiem, ut possimus non solum de naturâ morbi & sede, sed etiam de euentu iudicium conuenienter proferre: quoniam in hac epigastrii seu inferioris ventris parte, quæ nothis costis subiacet, posita sunt præcipua corporis nostri viscera, in quibus coctiones & distributiones alimentorum atque excrementorum præcipuè exercentur, sine quibus vita nostra conseruari nequit.

Hypochondrium igitur Hippocrati optimum est, ἀνώδυον τε ἐὼν, καὶ μολλὲς καὶ ὁμαλόν, καὶ ὅπῃ δεξιὰ καὶ ἐν' ἀριστερὰ, indolens & molle, & vbiq; æquale, tam in dextrâ quàm sinistrâ abdominis parte, vbi iecur & lien continentur. Nam inflammatum, vel dolorem exhibens, vel distentum, aut inæqualiter se habens secundum dictas partes, suspectam facit ægrotantis salutem, aut certè diuturnitatem morbi, & solutionis difficultatem portendit, eoque magis, si dextrum afficiatur, quàm si sinistrum.

Atque eiusmodi ventris inferioris tumores, si sint facti & minimè fugaces, si sint calidi & dolentes, ut plurimum citò ægrotantes iugulant: Sin verò vigesimum diem excesserint, cum febre superstite, in suppuratum conuertuntur. Molles verò & parum dolentes, non ita funesti sunt, sed diuturniores. Si tamen ad sexagesimum vsque diem extédantur cum febre, periculum est ne putrilaginè etiam experiantur, aut tandem scirrhum contrahant, ex quo necessum totam œconomiam functionum naturalium corruere, & hydropem aut marasimum contrahi. Reliquæ verò ventris partes sub vmbilico positæ tumoribus affectæ, non ita periculosè ægros exercent. Hactenus Hippocrates.

ΠΡΟΨΝΩΣΙΣ ΕΞ ΟΥΑΛΙΤΑΤΙΒΥΣ, seu obiectis aliorum sensuum immutatis, tam propriis quàm communibus. Obiecta aliorum sensuum, gustus scilicet, olfactus, auditus, & visus tam propria quàm communia, hoc capite sunt perlustranda, quatenus ad πρόγνωσιν medicam faciunt.

Sapor igitur & odor, qui inter se magnam habent affinitatem, immutatus præter naturam in ægrotantibus, ita ut ab ipsis conquerentibus, vel à Medico & adstantibus percipiatur, magnam in morbis noxam & periculum minantur atque inducunt. Ex terro enim sapore tantam ἀπορίαν incurrunt decumbentes, ut nullo deinceps cibo vel potu refici cupiant, & miserè conficiantur. Fætor autem intensus cum sit proprium putredinis πᾶσιν, magnam subesse corruptelam significat, & ægro quasi suffocationem, & animi deliquium infert. Hinc elephantici, scabie aut lue Venereâ infecti, non solum aliis, sed sibi ipsis sunt molesti. Certè pestilentes febres ob profundam & malignam putredinem ut plurimum comitatur ista δυσωδία, quæ adstantes ab eorum consortio, non minùs quàm ipsum mortis periculum fugare solet. Idem dicas de excrementis peculiaribus nimium foetentibus, ut suo loco annotabimus.

Porro soni, flatus, crepitus, rugitus, borborygmi apud Hippocratem frequens est mentio, 2. prognost. text. 24. & 25. & in Coacis & Aphor. 73. sect. 4. Vbi vult eiusmodi rugitus & murmura ventris inferioris esse optima, instante potissimum alui fluxu, si ad inferiora tendant, & per anum exeant sine strepitu, quia tunc materiam subactam

subactam esse significatur, quæ in tenues auras evanescit; vel etiam cum crepitu, quando materia est minùs cocta, si à volente, non autem inscio & delirante emitatur. Quando verò post borborygmum nihil exit, malum est & dolorificum, atque ostendit mutatum esse motum illum intestinorum peristalticum ad superiora cum ægri perniciæ, præcipuè si alvus inflata maneat.

Et quemadmodum strepitus ille ventris inferioris, occasionem prædicendi præbet: sic etiam superioris, ab ore & œsophago ad ventriculum ipsum: Vnde in *Coactis* 425. *Duret* 37. *Qui in potibus substrepunt & submurmurant in siccis, & qui difficulter deglutiunt spiritum sufficere, perniciosè habent, quia hoc fit propter delirium vel exolutam facultatem: Quod clariùs expressit 7. Epid. in historia duorum ægrotantium iam morti vicinorum: Quam biberet, inquit, descendens potus in pectora & ventrem strepitus audiebatur, quod nostri exprimunt verbis significantissimis, dum dicunt, illis potum vel iuscula descendere velut in puteum coniecta, resolutis omnino œsophagi fibris.*

Sic 1. *Prognost. text. 14.* stridor dentium in febribus, quibus non est ab ineunte ætate consuetus, siue inter dormiendum, seu vigilando contingat, insaniam & mortem significat. Quod si iam deliranti contingat, est valde perniciosum. In pueris tamen mulierculæ nostræ voluit esse signum lumbricorum superiorem ventriculi regionem vellicantium.

De aurium tinnitu illud etiam pronuntiavit Hippocrates 418. in *Coactis* *Duret* 109. *Bombus in acutus, & echo in aure, mortiferum*, quia ostendunt magnam materiæ crudæ & flatulentæ copiam, quæ ad superiora transfertur, iamque præcipuas primi sensorii excubias occupavit, cum metu delirii aut alterius noxæ grauioris.

Quod ad qualitates verò visiles proprias, nempe colores, Hippocrates valde pertimescit illarum mutationes, tam in toto quàm in partibus; faciei bonus color, id est, ex rubro saturatus, & vehemens toruitas, in *prophet.* malum, quia fit ex magno incendio humorum, & effumatione ad superiora. Quod præcipuè in peripneumonicis obseruare licet, quorum genæ velut minio tinctæ, in summâ morbi exacerbatione apparent. Rubores etiam intensi ac quasi erysipelatosi, in manibus ac pedibus apparentes per morbos acutos perniciosi, in *Coactis*. Quamvis enim alibi voluerit, bonum esse quando erysipelas ab interioribus ad exteriora mutatur, id tamen intelligendum est, quando fit per *uerdâson* simplicem & ægri alleviationem, non autem per *emysionem* & multiplicationem qualitatis illius phlegmonosæ quæ viscera occupavit.

Sic pallor ingens, malus, in facie potissimum, quia significat retractionem caloris violentam ad interiora: vel eiusdem extinctionem moris simillimam. Liuiditas etiam & nigrities damnantur. 2. *progn. text. 8. & 9.* tam corporis ipsius, quàm faciei & extremitatum, ut digitorum, quia fiunt vel per suffocationem caloris natui in partibus, ut patet in perfrigeratis; vel materiæ atrabiliaris in eas transpositionem. Quâ de causâ minùs pertimescit nigredinem vnguium ac digitorum, quàm liuiditatem: quia illa potest pendere aliquando à decubitu humoris, ut diximus: hæc verò sequitur semper caloris extinctionem.

Ut igitur colores illi stabiles ac fixi damnantur ab Hippocrate; sic etiam *το χρώμα μεταβάλλον*, subinde colorem mutare in acutis, quia significat naturam valde oppugnari, aut esse congeriem diuersorum humorum, à quibus periclitantur ægrotantes.

Atque hæc de coloribus apud Hippocratem, seu obiectis propriis visus, de communibus verò, ut figurâ, magnitudine, numero, situ, & motu, multa habentur apud eundem signa prognostica, quorum alibi meminimus, vel deinceps in aliis capitulis mentionem faciemus, quatenus ex usu medico esse videbuntur.

Facies enim illa horrenda & cadauerosa, 1. *prognost. graphicè delineata*, ad hunc censum referri potest: Denique ea omnia quæ Hippocrates passim attulit de characteribus & mole variarum partium. Nos duobus Aphorismis insignioribus hinc erimus contenti. Laurent. in *Coactis prænotionibus*: Facies ex tumefcente residens, saturatis, & 1. *Epid. sect. 25.* *Si cui febricitanti facies die critico extenuetur, sequenti die soluetur omnino morbus.*

Quorum primus est 18. *sect. 2.* *Febricitantium non omnino leuiter, permanere & nihil minui corpus, ut etiam præter rationem valde contrahescere, malum. Illud enim morbi longitudo, hoc magnam imbecillitatem significat.*

Alter est 35. *sect. eiusdem.* *In quouis morbo, inquit, quæ circa umbilicum & immoventem*

trem sunt, crassitiem quandam habere melius est, nam multum contabescere, perniciosum; quia significat ruinam coctionum quæ ibi fieri debent, & sine quibus nulla est ægri salus sperabilis. Certè quotquot ita extenuabantur circa istas imi ventris partes, obseruauimus ex febre colliquatiuâ laborare, & nisi subito extinguerentur, paulatim in hecticam & μαρμαρίδι febre incidere, sine vlla restorationis spe; idque etiam verum comperietis in sanitatis latitudine, illos scilicet quibus venter est ita extenuatus, vt vertebris quasi adhærere videatur, raro esse diuturnioris vitæ, & quando corripuntur morbis, vix aut magna cum difficultate ab eis posse euadere. Nos igitur ad tertium symptomatum genus, quod est de excretis & retentis, transeamus.

ΠΡΟΓΝΩΣΙΣ ΕΧ ΤΕΡΤΙΟ ΣΥΜΠΤΟΜΑΤΥΜ ΓΕΝΕΡΕ, nempe excretis & retentis, eorum substantia, quantitate, qualitatibus & exeundi modo; vbi etiam de criticis vacationibus & earum signis, tam generalibus quàm particularibus, agendum erit. Quemadmodum ad vitæ nostræ perennitatem tuendam, quæ in caloris insiti actione posita est, necessariò ingerenda sunt alimenta, quibus velut materiâ propriâ conuenienter concoctis & subactis, ad nutritionis munera vitur: Sic etiam ex eiusmodi concoctionibus variæ exoriuntur impuritates, quæ secernendæ & expurgandæ sunt per conuenientes ductus à naturâ institutos, si animal sanum permanere debeat. Nec solùm vera illa & propriè sumpta excrementa foras amandari debent, sed etiam quæcunque quantitate suâ, vel alio modo naturæ molesta esse coeperint: vnde sanguinis, lactis, seminis, puris, arenularum, ramentorum ex variis partibus decisorum vacationes recto naturæ instituto, quotidie fieri videmus, tam in latitudine sanitatis, quàm in constitutionibus morbosis, in quibus ista omnia curiosius ab Hippocrate & reliquis obseruantur.

Cum enim plurimi morbi, vel ab humoribus pendeant, vt suis principalibus causis: vel certè magnas ex eorum mutatione & conditionibus differentias suscipiant: ideo Galenus signa prognostica diuidebat in ea quæ cruditatis & coctionis in humoribus notas referunt: quæ crises, lyses, & metastases futuras prænuntiant: denique in ea quæ salutem aut mortem principaliter prælagire solent. At ista omnia in excretis maximè elucescunt, velut operibus naturæ, ex quorum variâ constitutione & characteribus, notas vigentis aut effecti caloris & functionum naturalium desumimus.

Πεπρωμένος enim siue coctio & mitificatio humorum, qui naturæ leges excesserunt, oppositam habet ἀπεψία, μόλυσιν & cruditatem, quando humores & excrementa ita sunt indomiti & rebelles, vel tanta caloris natiui adest infirmitas, vt nullo modo ad mediocritatem quandam substantiæ & qualitatum redigi possint, sine quâ deinceps commodè excludi non possunt. De istis generaliter pronuntiauit Galenus 2. de crisis, quod in prognosi est animaduertendum. Ex coctione, inquit, perseverans simpliciter, tam in vniuersalibus quàm particularibus excrementis, iudicamus futuram salutem agrotantis & perfectam crisin. Ex cruditate autem magnâ in principio morbi, nihil adhuc iudicare possumus, nisi caloris natiui oppressi vel exhausti debilitatem; in progressu autem si sit cum validis viribus, imperfectam quandam & laboriosam crisin, aut morbi longitudinem: si cum infirmis verò, interitum breuiorem. Vbi notandum, duo in coctione perfectâ adesse debere, nempe vt sit continua & perseverans, vt apparet ex 2. prognost. text. 26. agente de vrina, Laurent. 15. b. Aliàs enim si sit interrupta, designat naturæ coquentis imbecillitatem, aut materiæ morbificæ contumaciam & inæqualitatem, quod est periculosum: Aphorismo enim 33. sect. 7. Quibus vrina inæquales & dissimiles sunt, iis magna adest in corpore perturbatio. Deinde vt non fiat tantum aut appareat in particularibus excrementis, sed præcipuè in vniuersalibus: aliàs periculum esset, ne Medici prognosin eluderet, dum est intentus tantum peculiari coctioni alicuius partis priuatæ. Vniuersalia autem excrementa sunt vrina & deiectiones, per quæ totum corpus sua περιήματα amandare potest, & in quibus naturalium functionum œconomia manifestius elucescit, vt suo loco videbimus. Quoniam verò ista excrementorum contemplatio eo tendit, vt solutiones morborum ex eis præuidere possimus, per diuersas vacationes quas natura in morbis iudicatoriè molitur: ideo inualuit apud Medicos, nomen illud κρίσις, cuius explicatio etiam paucis proponenda.

Crisis generaliter sumpta, dicitur de omni solutione morborum, præcipuè verò acutorum, quando scilicet terminantur & quasi iudicantur excretâ quadam materiâ morbificâ confertim, per sensiles & consuetos corporis ductus, quæ est vera

vera & genuina crisis; vel paulatim & interiectis diebus, quæ propriè *λύσις* appellatur: aut translato de parte in partem humore per decubitum, quæ *μετάστασις* vel *μετάπτωσις* nominatur: Vnde crisis alia perfecta dicitur, alia imperfecta, fida vel infida. Alia ad salutem aut saltem ægri alleviationem: Alia in peiorem statum, aut mutationem in alium morbum, quæ *καταχρηστικῶς* talis dicitur, cum purè sit symptomatice.

Ad bonam igitur, fidam & perfectam crisin, tria requirit Hippocrates, nempe *πεπασµὸν*, *ἐρεθισµὸν*, & *ἐκκρίσιν*. *Πεπασµὸς* seu coctio humoris morbifici præcedere debet & conuenientibus signis in vrinâ, aut deiectionibus deprehendi, illud vocat Hippocrates esse *εὐχρισµόν*, bonis signis iudicatum. Ad coctionem factam sequitur secretio eiusdem, utilis scilicet ab inutili: postea *ἐρεθισµὸς* ille seu irritatio naturæ & perturbatio, quæ præcedere debet ipsam vacuationem: Vnde non quæ crisin præcedit, molestior esse solet, ex *Aphorismo* 13. *sect.* 2. & 2. *Epid.* Deinde fit *ἐκκρίσις*, euacuatio scilicet non promiscuè aut quouis die, sed certis & iudicatoriis, quorum causas (crisimorum scilicet dierum) proprio opere persecutus est Galenus. Illa vacuatio debet esse sufficiens, nihil enim paucum, criticum; in *Coactis*; potest tamen esse significatiuum futuræ criseos die critico, verbi gratia septimo, si quarto contemplabili contigerit: Debet esse species vacuationis conueniens ægrotantis naturæ, ætati ac morbo: ad quam sequitur curatio vel melior ægri tolerantia.

Crises etiam bonas vocat Hippocrates *lib. de victus ration. in nutr.* *ἀπλῆστερας*, & *εὐκχερωτέρας* & ἥσων ὑποπροφώδιας, simpliciore, ex vnico tantum vacuationis genere constantes, quæ minorem naturæ perturbationem significat, faciliore excretionis ob præmissam coctionem & vias patentes, minusque recidivæ eiusdem radicis vel diuersæ obnoxias, quia nihil relinquitur, quod de nouo naturam infestare possit.

Crises etenim aliquandò ex pluribus vacuationibus fieri posse in eodem ægro, constat ex Hippocrate 1. *Epid.* adductâ Heraclidis historiâ, cui & sanguis è naribus erupit, & aluus turbata est, & per vesicam fuit purgatus: Multarumque mulierum, quibus & menstrua copiosius fluxerunt, deinde sudores successerunt.

Crisin autem futuram demonstrant signa, quæ vel ipsum diem & tempus designant, ex ratione dierum criticorum, contemplabilium, & intercidentium, ut supra docuimus, *capite de motu morbi*. Vel ipsam speciem vacuationis, ut per sudorem, hæmorrhagiam, alui fluxum & similia, quæ nos iam peculiariter meditamur.

DE PROGNOSI EX VRINA, ET ALIIS QUÆ PER VESICAM PROFUNDUNTUR. Dicebamus duo esse excrementa vniuersalia, per quæ totum corpus suam cacochymiam & plethoram commodè potest expurgare, quia respiciunt duas priores coctionum officinas, in quibus generantur (nempe vrinam & deiectiones:) ideò ab vrinâ exordiendum, in signis prognosticis excrementorum describendis.

Vbi primum est notandum, vrinam in affectibus renum & vesicæ primarium obtinere *διαγνώσεως* & *παθολογώσεως* locum, quia ut in ventriculo & iecore materiam, sic in illis formam suam & perfectionem adipiscitur: Quâ de causâ Hippocrates eleganter, 2. *Prognost. text.* 37. in contemplandis vrinis monuit, ut animaduertereamus diligenter, vrinam vesica sit tunc malè affecta, ne scilicet quod illius vitio contingit in vrinâ, toti corpori tribuatur. Deinde vrinam in affectibus iecoris, venarum, arteriarum, & omnium partium nutritioni dicatarum, efficacissimum haberi signum, ut in febribus tam continuis quàm intermittentibus. Denique in aliis omnibus morbis non parum etiam conferre vrinarum contemplationem, quia multum refert in quouis morbo intelligere, quomodo ista succorum procreatrix facultas se habeat. Vnde tanta inualuit *ἱερομαντείας* autoritas apud vulgus ipsum, ut qui ex vrinæ inspectione non possit cognoscere præsentem & futurum morbi statum, is pro Medico non habeatur.

Vt igitur vrina per se & primariò cruditates & coctiones; secundariò autem securitatem ac periculum, morbi breuitatem aut diuturnitatem, horamque siue tempus solutionis demonstrat: Sic etiam per illam vacuationes criticæ & morbos iudicantes contingere possunt, quoties natura ductum istum secundæ corporis nostri

regionis potius quam alios affectat, ad causæ morbificæ expurgationem.

Quod ad primum igitur spectat, consulendus *Aphorismus* 68. *section.* 7. *Considerare oportet ea quæ per vesicam excernuntur, num sint sanis similia: quò enim minùs sunt similia, eò morbosiora.* Vbi complectitur non solum τὸ ὕρον urinam propriè dictam, sed etiam πᾶν τὸ ὑρόμενον, quicquid meiando excernitur: vnde Medici in ipsâ urinâ considerant ipsum liquorem & contenta.

Porro in liquore, qui fit ex triplici potissimum materiâ, nempe sero humorum in massâ sanguinariâ contentorum, colliquatione partium, & superflua potatione, consideramus quantitatem tam discretam quam continuam, & substantiam, quæ tenuitate & crassitie, perspicuitate & turbulentiâ intelligitur apud Medicos: His se adiungit qualitas, nempe color: 2. *progn. text.* 32. (odoris enim & saporis rarò meminit Hippocrates) color, inquam, ostendens, tum caloris natiui & extranei gradum, tum mixtionis modum, qui ex variis humoribus cum illa confusis, vel eorundem priuatione contingit.

Contenta verò urinæ faciunt multiplicia. Nam ratione situs, illud quod in superficie, aut summo matulæ consistit, νεφέλη, tela, nubecula dicitur: quod in medio ἐναώρημα & sublimamentum: quod in fundo, hypostasis & residentia vocatur. Ratione verò similitudinis cum multis rebus, purulentum, sputiforme, γο, γοειδές, furfuraceum, lamineum appellant, & sic de reliquis. Ratione autem alienæ materiæ urinis immixtæ, oleosum, pingue, sanguineum, arenosum, pilosum, carnosum, pelliculosum, & sic de reliquis, apud Hippocratem commemoratis, ex quibus signa prognostica desumuntur, quæ nos in pauca contrahemus.

Quantitas igitur urinæ excedens, si non fiat ab euidente causâ, vt nimio potu, qui præripit ansam concoctioni, & ante illam elabitur, vel naturæ motu peculiari, affectantis istum corporis meatum ad vacuationem vniuersalem, vt in perirrhœâ criticâ, semper mala est in quocunque morbo, quia sequitur humoris excrementitij & crudi abundantiam, aut renum calidiorem intemperiem, quæ dicitur diabeten parere, vel certè eorundem exolutionem, aut totius corporis colliquationem, tum quia vires deiecit, spiritus natiuumque calorem exhaustiendo: Est tamen quando fit reuocato naturæ imperu ab alio ad vias urinæ: vnde *Aphorism.* illo 83. *section.* 4. *Mictio, inquit, noctu copiosior facta, deiectiones minuit.* Multò peior & funestior illa urinæ copia, quæ inscio aut immemori elabitur, quia sequitur summam virium infirmitatem, vel mentis alienationem, vt est in Coacis, ἐλε-
θερον πᾶν τὸ λαθεῖν ὡς ὑρόμενον. *Dires.* 524. Τὰ ὑρόμενα μὴ ὑπομνησάντων, ἐ-
λέθρια.

Pauca verò urina si non sit retenta vitio renum aut vesicæ, vel ex potus priuatione contingat, mala habetur, tam in diuturno morbo, quam in acuto, quia sequitur secreticis & excreticis facultatis imbecillitatem, aut quia indicat calorem exurentem humiditates corporis, aut aliò transferentem symptomaticè, quod est perniciosum.

Vnde Hippocrat. in *Coacis* 424. Quibus rigor, illis urinæ suppressio: Urinæ cum rigore suppressæ, malæ & conuulsoriæ, tum alias, tum si quis antea graui sopore oppressus fuerit: in talibus enim parotides periculosè exoriri solent: nisi deinde copiosus sudor subsequatur, euacuans scilicet huius humoris suppressi aut translati materiam. Ibidem habentur aliquot sententiæ de suppressâ urinâ elegantes. Renum, inquit, dolor repente obortus, cum urinæ ἐπιχόρσις, retentione, lapillos aut crassam urinam ex permixtione phlegmatis, meiando reddendam ostendit. Quod maximè fit in senibus, quando prius tremore quodam concutuntur: item, urinæ interceptio cum pondere circa imum ventrem, instantem stranguriam denunciat: vel, si non contigerit, quendam alium morbum adfuturum ex his quibus æger est obnoxius. In ileosis certè retentionem urinæ, vult esse mortis propinquæ nunciam, ex vtriusque meatus integrâ obturatione, & naturæ imbecillitate.

Quod ad tenuitatem verò & crassitiem; perspicuitatem & turbulentiâ, colores, & varia urinæ contenta spectat: sic Hippocrates pluribus in locis prælagere solet.

Vt *lib.* 3. *Epid. sect.* 3. Οὐδὲ τὰ λεπτὰ οὐδὲν κρίσιμον, ἔδὲ χρηστὸν. Urinæ tenues nihil criticum aut salutare indicant. Quia eiusmodi tenuitas caloris imbecillitatem arguit, qui non potest materiam ad pepasum mediocriter incrassando perducere, tuncque

tuncque alba ut plurimum est & aquosa : quod si sit tenuis , & flauo aut rubicundo colore prædita , signum est caloris ignei omnia dissipantis & absumentis. Idque in febribus continuis & acutis , in quibus , ut loquitur Hippocrates , 2. *prognost. text. 30.* *Ἡμαίνα τὸ νόσημα, ἀπεπτον εἶναι.* Ideoque talis perseverans , cum virium imbecillitate, mortem ; cum robore verò , morbi longitudinem vel abscessum in partibus inferioribus prænuntiat : Aut si post crism talis diu appareat , recidivam minatur.

In aliis verò morbis , ut febribus intermittentibus aut mitioribus apprens , magnas lienis , hepatis , mesenterij , & aliarum partium obstructions designat , per quas ista vrina veluti percolata deponit humores permixtos , à quibus crassior , & coloratior fieri solet. Quod si fiat ab imbecillitate concoctricis , *ἰσχυρὰς δὲ λευκός* , non est sine periculo , ut habetur in Coacis Duret. 516. etiam in diuturnis morbis.

Omne igitur excrementum , ut & vrina , mediocriter crassescere debet , morbo eunte ad iudicationem , ut est 2. *prognost. text. 16.* Attamen si sit crassior extra mediocritatis leges , ostendit potius magnam prauorum humorum permissionem , aut naturæ oppressionem , quàm debitam concoctionem. Potissimum si sit valde confusa , spissa , & turbulenta , qualem iumenta profundere solent : tunc enim , ut est *Aphorism. 70. sect. 4.* capitis dolores , deliria , & sæpe interitum præfagit. 7. *Epid. 377. b.* *Rubicunda conturbata vrina velut iumentis, pessima.* Et mox , *Vrina densa ac perturbata , certum sunt doloris capitis, convulsionis, & mortis signum* , quod variatum historiarum fide confirmat : quoniam ex istâ vehementi perturbatione , & humorum vaporumque in venis agitatione , caput repletur , genus nervosum afficitur , & ipsi spiritus animales suffocantur. Debet autem ista vrina tanti mali prænuncia , non solum turbida mei , sed talis deinde remanere , ita ut igni etiam apposita non clarescat. Quæ enim clara primum meiitur , deinde conturbatur post aliquod tempus , significat potius naturam iam inchoasse coctionem , quàm perfecisse. Quæ verò perturbata & confusa meiitur , deinde per seipsam clara euadit & limpida , naturæ victoriam iam secernentis heterogenea , & quod sibi noxium est expellentis , signum existit.

De coloribus verò vrinæ & contentorum talia profert Hippocrates ad prognosin facientia. *Aphorism. 72. sect. 4.* & in Coacis Duret. 521. *Quibus vrina sunt perspicua & alba* (quas aquosas vocat in prognost.) *cum febre continua, mala, potissimum in phreniticis* ; Nullum enim cum eiusmodi vrinâ servatum esse annotat ibidem Galenus. Vnde ad illud respiciens 6. *Epidem.* vult vrinam quæ multam habet subsidentiam , à mentis emotione liberare & à futuro abscessu , ut *Aphor. 74. sect. 4.* multam , crassam , & albam.

Vrina igitur mediocris consistentiæ , coloris etiam mediæ , quæ hypostasim habet albam , læuem , & æqualem , optimo puri proportionem respondentem , quæque circa morbi statum præcipue apparet , & diu talis perseverat , securissima est , optimarumque *καίρων* prænuncia , ut est 2. *prognost. text. 26.* & in Coacis Duret. 509. *ταχέως ἀφαιρῶν Ἡμαίνα.* (Alias ut est in Coacis Duret. 534. vrina quæ utilem habet hypostasim , & mox non habet , laborem & mutationem in peius denunciat. Item 541.)

Rubicunda verò vrina , quæ talem habet & æqualem residentiam , superiore quidem minus bona , quia diuturniorem morbum significat , attamen salutarem. *Ibidem text. 27.*

Cui sententiæ aduersari quodammodo videtur Aphorismus ille 71. *sect. 4.* *Quibus septimâ die iudicari debet morbus, is quartâ die nubeculam rubicundam habet vrina.* Quod tamen intelligendum est , ex interpretatione Galeni , in morbo peracuto , qui cum celerem habeat motum , ex primo quasi rudimento coctionis in die contemplabili apparente , mox criticam vacuationem die iudicatorio experitur , ut est in Coacis 442. *Quibus vrina citò habet subsidentiam, hi citò iudicantur, Duret. 543.* Quæ si dicat in eiusmodi morbis sufficere , si talis nubecula in vrinis appareat , quamvis multò inferior hypostasi illi albæ , læui , & æquali , à nobis commemoratæ.

Sic Aphor. 32. *sect. 7.* *Quibus sedimenta sunt biliosa, superne autem tenuia, acutis morbus significatur* , & proinde periculosus.

Vrinæ vitreæ , *υαλοειδής* , albumineæ , meminit Hippocrates in Coacis 433. quam ego existimo esse crassam & pellucidam ex permixtione similis pituitæ.

enius excretionem copiosam vult esse salutarem in longis morbis, præcipuè ex vitio cerebri & rheumate pendentibus. *Secundo autem Prognost. & in Coacis Dureti. 517. 524.* Nebulas omnes damnat, quæ multum ad suprema vrinæ feruntur, item nigras aut liuidas: Quod eodem modo profert de liquore ipsius vrinæ, *text. 33.* nigras scilicet vrinas in viris & mulieribus, pessimas, quia fiunt ob torrefactionem humorum, nisi contingant in istis ob retenta menstrua aut lochia post partum; in pueris verò aquosas & crudas, quia magis recedunt à naturali cuiusque constitutione.

In Coacis Dureti. 530. insignis est contextus de nubecula nigra, quam vult in febribus erraticis apparentem, esse signum futuræ quartanæ. Item 531. Lixiuia similes vrinas in febribus continuis extra suspicionem calculi præsagire instantem hydropem, ex contracta hepatis labe, quæ per illas significatur, ut in ictericis obseruamus.

De eis quæ in superficie vrinæ visuntur, ut bullis aut tela araneorum supernatantibus, ita sentit Hippocrates, *Aphorismo 34. sect. 7.* *Quibus in urinarum summo πομφόλυγες, id est, bullæ innatant, nephriticos affectus portendunt & morbum diuturnum*, ob status crassioris copiam circa renes collecti. Spuma autem copiosa *ibidem* apparens, præsentem aut futuros capitis dolores significat. 35. *sect. 7.* Vbi verò conferim pinguedo liquata innatat vrinæ, aut parietibus matulæ, velut *γαῖς* illa dum seuum in lebe funditur, adhærescit, ex renibus proficiscitur, ob morbi acuti violentiam & feruorem, quia ibi magna adipis copia subito liquatâ effluere potest, non autem ex alia quauis corporis parte. Oleosa autem vrina, & puncta olei instar in superficie diffusa, reliqui corporis colliquationem ostendunt. *In Coacis Dureti 522.* *ιλαρώδης* damnatur *ἐκ πμελῆς σωτηρητικῆς*, quæ ante rigorem & crîsim apparet. Maximè autem terrere debet tela illa araneorum similis, super premium vrinæ occupans. Corpus enim tabescere ostendit, *ut est secundo prognostic. textu trigesimo quinto*; & febrilem calorem iam iam partes solidas inuasurum.

Sanguinis autem, puris, caruncularum, furfuraceorum aut laminosorum corporum, arenularum, pilorum & similium, cum vrinâ permixtio, magis pertinet ad affectus peculiare renum & vesicæ, quam totius corporis, ut est ab *Aphorismo 75. sect. 4.* usque ad vltimum.

Hoc tamen peculiariter obseruauimus, in vrinis puerorum aut aliorum qui exanthemata illa aut ecchymata patiuntur, semper sanguineas in progressu morbi apparentes, quod est frequentissimum, esse funestas, quia videlicet ostendunt summam humorum acrimoniam sanguini permixtorum, vasorum tunicas erodentium: aut naturæ infirmitatem maximam, familiarissimum sibi & vtilissimum humorem retinere nequeuntis.

At verò sedimina in vrinis febricitantium, quæ crassioris farinæ speciem referunt, diuturnam fore ægritudinem significant, 31. *sect. 7.* vel etiam exitialem, ut confirmat duabus historiis, *libro primo & tertio Epidem.* Sileni & Dealcis. *Secundo autem prognost. text. 28.* addit etiam laminosa & furfuracea sedimenta, velut febricitantibus periculosa, quia ostendunt materiæ morbificæ contumaciam ab omni coctione alienam.

Verum post tot Hippocratis & Galeni sententias ad *πρόγνωσην* ex inspectione urinarum facientes, dubitare possit aliquis: quomodo coctionum tanta sit apud authores istos celebritas, tantaque vrinæ concoctæ cum suis contentis ad securitatem ægrotantis commendatio, cum tamen certissimum sit & diuturnâ experientiâ confirmatum, in multis febribus deleteriis & pestilentibus, vrinas sanorum simillimas profundi, & cum talibus vrinis ægrotantes frequenter è medio tolli. Quod subolscesse videtur Hippocrates *in Coacis Dureti. 520.* dum ait: *Vrina derepente & extra rationem cocta, praua, & quicquid in acutis ὀξάλως coctum, pessimum.*

Ad id respondemus, nostras ex vrinâ *προγνώσεις* vulgarem respicere humorum tam integrorum, quàm putridorum constitutionem, non autem eam, in quâ illud *θῆλον* τι dominatur: cuius interuentu docuit Hippocrates *in proœmio prognost.* omnem turbari prædicendi rationem. Causa enim illa superior, deleteria, & venenata, quæ sequitur aëris occultam labem, non tam iecori, ventriculo, aut vasis coctioni dicatis bellum indixit, quàm ipsi cordi, & vitalibus spiribus, quorum integritas subito

subitò & derepente destrui potest, ab hoste illo potentissimo, quantumcunque œconomia naturalis in corpore nostro bene se habeat. Ac proinde non esse mirum, si cum urinis illis laudatissimis ægri intereant, cum idem contingere videamus in assumpto veneno: Hippocrates verò loco citato non simpliciter coctionem in urinis vituperat, aut aliis excrementis; sed eam quæ fit apparenter tantum, quæ non perseverat, aut quæ non habuit suas causas bene dispositas, ut calorem nativum, humoris benignitatem, & similia ad eam producendam necessaria.

Superest igitur ut paucis videamus, quomodo instantem per urinas crisin præcognoscere possimus. Illud enim aliquando contingere, tam Hippocratis relatu, quam diurnâ observatione constat. Hippocrates 1. *Epid. sect. 2.* vocat *αἰσθητήν*. Cuius tamen nulla peculiaria signa scriptis suis tradidit, quia fortassis ista crisis rariore existit. Est igitur illius magna significatio, quando reliquæ species criseon per diarrhoeam, per sudores, per hæmorrhagiam, & similes, & illarum præfagia deficiunt, omnesque humorum impetus inclinare videntur versus hypogastrium. Hyemalis constitutio, ætas senilis, cutis constipatio, & habitus corporis densus, huic vacuationi solent esse opportuna. Tunc autem instare verisimile est, quando in renibus pondus sentitur, & distentâ vesicâ aliquis prurit in extremo pudenda sentitur, donec urina confertim profundatur cum ægri leuamine. Atque hæc de prognosi ex urinis.

DE PROGNOSI EX FÆCIBVS, LUMBRICIS, ET OMNI DEIECTIONE. Per fæces non solum intelligimus, excrementum illud crassius primæ concoctionis, quod in intestinis continetur, & vulgò stercus, & *νόσος* dicitur: sed etiam quamcunque proluuiem & impuritatem corporis, quæ in aluum amandata foras deicitur, ut sæpe in morbis contingere solet.

Ut igitur rectum index est sui & obliqui, seu eorum quæ ab illo deflectunt: apponenda est primum optimæ deiectionis descriptio ex Hippocrate, 2. *prognost. text. 13.* & in *Coacis Duret. 545.*

Optima est, inquit, alui deiectio, quæ mollis existit, figurata, subrufa, nec valde græueolens. Ipsam etiam transmitti oportet, quâ consuetum est horâ, potissimum matutinâ, & eâ copiâ quæ assumptis respondeat.

Etenim, ut est 6. *Epid. sect. 3.* ventris segnities, omnium est confusio & vasorum impuritas tam in sanis quam ægris. Et lib. de vict. rat. in acut. pridianas fæces singulis diebus excernit, quicunque valere debet, ut sit ordo perpetuus æqualium periodorum ingerendi, digerendi, & egerendi, ex bene constitutâ naturali œkonomiâ.

Primum itaque quod ad quantitatem deiectionis spectat, bene Auicennas, dum vult, nullum morbum esse periculi expertem, qui ab aluo fluidâ inceperit, & cum eâ perseverat: Vnde Hippocrates in *Coacis Duret. 555.* Perliquida deiectio, neque quiescens in acutis, mala, idque potissimum non sitientibus, quia significat extinctionem caloris nativi, & functionum illarum quæ ventriculo insident, quarum irritatio esse solet ab alui potissimum vacuatione. Pessima est etiam alui deiectio, *ibidem*, copiosa, cum ventre subtumido & excrecente. *Duret. 558.*

Quando igitur in morbis aluus liquida contigerit, addit in *prognost. text. 14.* præstat non stridere deiiciendo: illud enim ostendit flatuum & cruditatis copiam; neque frequenter & laboriose excernere, quia periculum est, ne ex fatigatione illa æger admodum debilitetur, aut etiam animo linquatur.

Circa crisin autem instantem & in morbi statu, excrementa ista liquida crassefere docet, 2. *prognost. text. 16.* *Duret. 546.* & ipsum ventrem habere contrectando mollem ac molis convenientis, *εύκολον*.

Item lumbricòs tunc, si qui intus lateant, cum fæcibus expelli bonum est, potissimum teretes dictos. In principio enim morbi vermes exire, malum est, tam viuos quam mortuos, potissimum si soli & sine stercore exeant, ut annotavit Galenus. Quanquam Aurelianus simpliciter mortuos, Diocles viuos perniciem significare existimavit: quoniam illi cruditatem, aut alimenti defectum; isti maximam putrilaginem redundare significant, à quâ enecantur. Circa crisin verò & iam factâ coctione exire bonum est, quia significatur

naturam dominari tam excrementis quàm omnibus aliis noxiis. Vide Duret. 547. & Mercurial. 323.

Pessimum autem stercus in acutis, addit 2. *prognost. text. 20. & sequent.* albicans, aquosum, pallidum, virescens, vehementer rufum, aut spumosum valde, si sit *αἰχολόν*, ut est in Coacis Duret. 547. Item malum perexiguum & glutinosum, aut spiris caprarum simillimum, præcipuè nigricans, cui superueniens effusio ex naribus, mortem prænuntiat. Duret. 549. Omnium autem maximè lethiferum, nigrum, liuidum, luridum, *ἰώδες*, & pingue cum insigni foetore. In Coacis Duret. 570. odorem in fæcibus improbat, qui sit similis foetui infantium. Variatum autem minùs istis mortiferum, sed tamen periculosum, præcipuè si cum ramentis appareat.

Accuratius ista exprimit in Coacis, & in Aphorism. ut 21. sect. 4. *Deiectiones atræ aut velut sanguis niger, sponte prodeuntes, tam cum febre, quàm sine eâ, pessimæ: à medicamento autem cathartico trabente per electionem istos humores, non ita malæ.* 22. sect. 4. Incipientibus morbis atram bilem sursum vel deorsum expelli, lethale esse voluit, quandoquidem circa declinationem, ut annotat Galenus, potest criticè post concoctionem vacuari, in lienosis, quartanariis, & similibus melancholicis. Mirus est autem Aphorismus 23. eiusdem sect. non tam demonstratione, quàm frequenti experientia confirmatus, ubi vult eos qui ex longo aut acuto morbo sunt extenuati, si eiusmodi bilem atram excreuerint, postmodum mori. 14. sect. 2. In profluuiis ventris symptomaticis laudat mutationes excrementorum, nisi in deteriora fiant: Sinceras autem deiectiones, quas Galenus aliquando suo sero destitutas interpretatur: aliquando puras & vnius tantum humoris excretrices, vituperat, in diuturnis potissimum morbis 6. sect. 7. atque dysenteriae præuias existimat, 13. sect. 7.

In Coacis 424. *Quibus adest biliosa alui egestio, his circa pectus & orificium ventriculi morsus & amaritudo, malum:* quia ostendit vacuationem istam esse symptomaticam, nec satis copiosè aut commodè excernere excrementitium humorem. Etenim 28. & 60. sect. 4. & in Coacis Duret. 568. Ut surditas in morbo apparens biliosas deiectiones sistit, sic surditatem & omnia alia symptomata superiorum partium sedare debet biliosa deiectio, si conuenienter fiat. Vnde in Coacis Duret. 566. *Quicumque tumores fluente aluo assurgunt, mali.* Ibid. 567. *Quicumque fluente admodum aluo, rutilum habent valde & florentem vultum, illis maximum delirium imminet.* In omnibus etiam morbis, quàm mala sit deiectio chylosa, quam ille vocat *αἰχολόν*, id est, pulraceam, in Coacis Duret. 548. Quàm mala etiam cruenta, aut loturæ carniū similis, quæ sequitur dysenterias hepaticas & viscerum nutritioni digitorum *ἀραιὰς*, unicuique est notissimum. Idem dicas de purulentâ, quæ sit post vomitâ alicuius ruptionem, præcipuè si pus non habeat eas condiciones, quæ suo loco dicentur.

Porro de flatu alui, siue sit cum excretionem fæcum, siue extra illam, ita statuit Hippocrates secundo Prognostic. text. 27. flatum absque sono & strepitu trahici, optimum: quia minorem esse cruditatem demonstrat, quàm dum flatu crassior & sonorus gignitur: Melius tamen habendum, si cum sono exeat foras, quàm si sursum reuoluatur: quamquam ita exiens, si sit præter ægri arbitrium, delirium subesse significatur, aut dolorem, propter quem cogitur decori & adstantium obliuisci.

Iam igitur videamus signa illa quæ futuram diarrhoeam criticam prælagire possunt in morbis: quæ Hippocrates expressit in Coacis Duret. 77. *Quibus, inquit, adsunt ruētus frequentes, quibus succedunt flatus multi, & ventris crepitus, cum quadam illius inflatione, in eis oportet expectare alui fluxum.* Sic enim necesse est fieri, translato humore morbifico post pepasum à toto corpore in venas mesenterij, & inde in intestina, ubi illi rugitus & borborygmi audiuntur. Illis annectitur aliquando ex sententiâ Hippocratis 6. Epidem. lumborum dolor ex quantitate humoris distendentis ligamenta, quæ mesocolon connectunt hisce vertebris. Sæpe etiam ante istas diarrhoeas supprimuntur aut minuuntur vrinæ, vel etiam tenues & albæ apparent, translatis scilicet iam humoribus biliosis ad intestina, quibus vrinæ irritabantur, & colorem saturatum habebant. Atque hæc de fæcibus.

ΠΡΟΓΝΩΣΙΣ ΕΧ VOMITV. Quemadmodum natura ordinariè deponit sua excrementa per inferiorem alium, & ventris profluvia ad morborum curationem molitur: sic etiam per os & superiorem ductum vomitiones aliquando concitare

concitare solet, quæ varia solent suppeditare signa prognostica apud Hippocratem.

Secundo Prognostic. text. 38. & in Coacis Duret. 487. Vomitus, inquit, est utilissimus & securissimus, nempe periodicus, arte aut naturæ impetu institutus. *Aphorismo secundo sectionis quarta, ἐπιτῶν ἀνολομάτων γινόμενον ἐν σφίγξει καὶ ἐν σφίγγει φέρον.* Vel criticus in morbis tam acutis, quam diuturnis: Nam symptomaticus perpetuò molestiæ & fatigationis plenissimus, fit sine ægri leuatione. Ille igitur utilissimus, qui bilem habet pituitæ mixtam, ita ut neque valde crassus sit, nec nimis copiosus; sinceri autem omnes mali, ut & variis coloribus constantes, quia indicant multitudinem materiæ peccantis. Inter alios autem perniciosus, inquit Hippocrates, viridis, porraceus, & niger, ob malignitatem istorum humorum: sed maximè liuidus cum foetore iunctus, quia summam putrilaginem aut caloris nativi internecionem denuntiat: unde mors breui subsequitur. Omitto vomitum illum feculentum, qui in ileo deplorato succedere solet.

Et quemadmodum excedens quorumcumque humorum vomitus, periculosus apud Hippocratem: sic etiam parvus & laboriosus: unde illud *in Coacis Duret. 494. & 495.* Exigui vomitus biliosi, malè habent ægros, idque cum aliis, tum præcipuè si vigiliis torqueantur: aut coniunctus sit cum multâ deiectione, & lumborum prægrandi dolore: quæ malos & multos subesse humores testantur. Unde nausæ etiam & fastidia ægrorum, cum sialismo, id est, sputatione frequenti valde damnantur apud eundem in febre continuâ.

In vomitu præterea singultum, perfrigerationem & sudorem, (ut & convulsionem, *in Aphorism.*) superuenire valde exhorrescit *in Coacis Duret. 500. &c.* quia insignem exsiccationem ab exhausto, aut caloris nativi infirmitatem demonstrant.

Quod ad sanguinis vomitum spectat, quamvis Hippocrates aliquando extendat ad excretionem illam, quæ fit ex pulmone floridi & spumantis sanguinis, quæ est valde perniciosa: Attamen intelligendus propriè de eo qui niger & quasi thrombosus, aliquando ex ipso ventriculo eiicitur, siue ab aliis partibus eo feratur, siue ibi colligatur ex vase illius rupto vel exeso; sanguis enim in ventrem præter naturam effusus, ut est 20. sect. 6. necessario corrumpitur.

Generaliter itaque pronuntiauit, *Aphorism. 25. sect. 4.* Sanguinem quidem supra ferri, qualiscunque sit, malum: infra autem bonum est effundi nigricantem, per hæmorrhoidas scilicet, quæ dicatæ sunt expurgationi humoris melancholici. Excipit tamen mulieres quibus menstrua suppressa sunt 232. sect. 5. in quibus iste vomitus sedari solet illis erumpentibus.

Simpliciter autem sanguinis vomitum magis reformidat cum febre, quam sine febre, 37. sect. 7. quia iuncta inflammatio auget valde periculum in eiusmodi sanguine extravasato. Est tamen perpetuò sanguinis vomitus quomodocunque apparens, dubiæ salutis & periculosus.

At verò signa quæ criticam vomitionem denunciant, in febribus potissimum, ita describuntur ab Hippocrate 3. prognost. text. 32. Si cuiuspiam febricitanti caput dolet, aut ante oculos aliquid obscurum ὀφθαλμοῖς obuersatur, & cardiogmos accidit, illi iam vomitus biliosus imminet.

Quod si rigor superuenerit, & partes sub hypochondrio refrigerantur, citius aderit vomitio, præsertim si quid tunc temporis comederit vel biberit: In iunioribus tamen si μαρμαρυγαί, scintillæ splendentes appareant cum aliquâ hypochondrij tensione, pro vomitu hæmorrhagia accedet critica, ut suo deinceps loco dicemus. Futurum ergo vomitum, ut est *in Coacis 426. b. 440. b.* præcedunt cephalalgia præcipuè anterioris capitis partis, nausea, oris ventriculi morsus, πύαλις, multa salivæ reiectio, & quædam oculorum caligo, cum inferioris labij palpitatione, iam instante vomitu, ob agitationem humorum morbificorum, & fumos ad superiora elatos. Ut plurimum autem vomitionem criticam excipit diarrhœa liberalis, quæ morbo salutarem manum imponere solet, & reliquias omnes à vomitu omittas eliminare.

DE ΗΠΟΡΝΩΣΕΙ ΕΧ ΣΥΔΟΡΕ ΕΤ ΙΚΤΕΡΟ. Ut vomitus & deiectio primam corporis nostri regionem, vrina secundam, sic sudor tertiam potissimum respicit & expurgat, totumque genus venosum, quod in habitum corporis tendit: Unde nulla est frequentior vacuatio in febribus, nulla quæ citius aut felicius illarum curationem

absoluat, perspiratione totius corporis & reuulsione humoris morbifici ab interioribus ad exteriora. Sudoris itaque signa prognostica accuratè ex Hippocratis fontibus repetenda.

Primò itaque *prognost. text. 27. & 30.* constituit in morbis duplicem sudorem; Vnum criticum & salutarem, qui contingit potissimum in febribus acutis post coctionis signa manifesta, calidus & copiosè prorumpens μετὰ ἐκλαγμῶν καὶ ἀμικτρῶν ab vniuerso corpore, die critico, cum magna ægri alleviatione, aut perfectâ curatione apparet.

Quod indicauit etiam *Aphorismo 36. sect. 4.* Sudores febricitantibus si inceperint boni, tertio die & quinto, & septimo, & nono, & undecimo, & decimoquarto, & decimo-septimo, & vigesimoprimo, & vigesimo-septimo, & trigesimoprimo, & trigesimoquarto. Hi enim sudores indicant morbos. Imò 3. *Epidem.* Cleanactides octogesimò die per sudorem sanatus est perfectè, cum eius ratio critica omnes haberet notas, in qualitate, copiâ, tempore & excernendi modo. *Dures. 506.*

Alium verò sudorem constituit malum & symptomaticum, qui vt est prædicto *Aphorismo*, laborem significat, morbi longitudinem, aut recidiuam ὑποπόνοιασιν, fitque vel statim in principio morbi, τὰ πρῶτα καὶ μὴ αὐτὰ ἐπιφαιέσθαι: Vnde in *Concis Dureti 508.* sudor qui vnâ cum febre incidit, pessimus, vt in febribus pestilentibus, & sudore illo quem Anglicum vocant, obseruarunt recentiores. Vel in progressu, extra iustam diem & coctionis signa, iam collabentibus viribus, ideò dicto *prognost. loco*, vult eum fieri propter corporis exolutionem, vt patet in omnibus diaphoreticis & syncopalibus sudoribus: vel propter inflammationis vehementiam, & humiditatum copiam.

Sudor igitur frigidus, ad sensum ægri & tangentis, pessimus: præcipuè si ex capite tantum, facie aut ceruice erumpat, & quasi miliaris appareat: in acutâ enim febre, mortem: cum mitiore diuturnitatem significat: Quod confirmat *Aphorism. 27. sect. 4.* Sudatiuncula etiam omnis, quam ἐφιδρωσιν vocant, mala est, siue in toto corpore appareat, siue in aliquâ tantum parte, vbi sedem morbi positam esse denunciat. 38. *sect. 4.* Multos autem & diutius perseuerantes ex toto corpore sudores tam frigidos quam calidos vituperat, 42. *sect. 4.* quia redundantiam humoris superflui denotant, quem natura non potest commodè & sufficienter per hanc viam expurgare. Idem dicas de valde foetido sudore, aut alieno colore prædicto, qui magnum abesse à naturali statu interuallum non sine periculo significant.

Malum quinetiam esse vult Hippocrates, *Aphor. 4. sect. 7.* si horror, qui vt plurimum præcedere solet, denuò sudori succedat, quia nouus ille naturæ conatus ostendit priorem vacuationem non fuisse criticam, aut sufficientem ad causæ morbificæ expulsionem, ideòque naturam de nouo insurgere ad illud præstandum, cum magno virium & vitæ periculo. Hinc illud *Aphorism. 71. sect. 5.* Quibus febricitantibus cutis circumtenditur arida & sicca, sine sudore moriuntur. Quibus verò laxa & rara, cum sudore intereunt.

Redeamus igitur ad sudorem illum criticum, quo febres acutas vt plurimum solui voluit Hippocrates, eiusque instantis signa proponamus ex illius sententiâ. Vbi signa coctionis manifesta in vrinæ liquore & hypostasi apparuerint, die potissimum contemplatorio, vt quarto, coniectura erit, si humor sit tenuis & biliosus, cum calore æqualiter expanso per totum corpus, quod molli carne & cute bene constitutum tangenti appareat, credibile est, inquam, sudorem futurum proximo die iudicatorio, vt septimo, & sic de reliquis. Antè cuius eruptionem sentitur quidam leuis mador, roris instar sparsus per vniuersum corpus; pulsus mollis & vndosus, cum faciei tumore seu eleuatione insuetâ ad rubedinem tendente: Præcedit etiam frequenter horror aut rigor, vt dicebamus, cum vrinæ suppressione, refluyente iam serosâ materiâ ad superiora: Vnde illud Hippocratis, 6. *Epidem.* πρὸ ῥίγος αἱ ἐπιρροαὶ ἔσονται, id est, ante rigorem vrina sistuntur. Sicque profunditur copiosus ille & utilis sudor, si materia sit tenuis & serosa vnâ vel pluribus vicibus intra vnius diei naturalis spatium. Quod si materia sit crassior, vt in ipsis poris & cute subsistat, exoritur icterus per vniuersam cutem, aliquando criticus, si post nonum diem & sine vlla viscerum inflammatione, dolore, aut obstructione contingat. Aliàs symptomaticus & infaustus, vt docet ipsemet Hippocrates in *Aphorismis*. Sudores periodici qui in febribus intermittentibus apparere solent, quodammodo respondent criticis, si perfectam producant ἀνρῆξιν. Quicunque verò calfactione &

fusione

fusione humorum excitantur, ut per laconica, balnea, decocta ligni sancti, & similia, aliquando magnorum morborum fomites excindunt, ut patet de lue Venerea & similibus chronicis aut malignis affectibus. Iam igitur ad alia transeamus:

PROGNOSIS EX HÆMORRHAGIA, PER NARES, VTERVM, ET HÆMORRHOIDAS. Hippocrates 1. *Epidem. sect. 3.* facit primam iudicationis speciem, quæ febribus ardentibus contingit, ipsam hæmorrhagiam. Cum enim illæ ex inflammatione viscerum, aut sanguinis feruore ac putredine sæpius oriantur, à quibus ob vaporum multitudinem distenduntur vasa, fit ut natura per ἀναστροφήν, (aliæ enim species, quæ per διάσπαρσιν fiunt aut ἐκκρίν, omnes symptomaticæ) referatis illorum osculis, modo in naribus, aliquando in ipso ano per hæmorrhoidas in eis qui sunt assueti; aliàs per uterum in mulieribus, exundantem sanguinis copiam effundat salutariter.

Ista igitur hæmorrhagia, ut febrem continuam curare possit, larga esse debet & liberalis, non interruptis admodum vicibus, sed continua, quamdiu vires sunt ferendo. Debet fieri καὶ ἔξω, è directo aut secundum rectitudinem partis affectæ, aut quæ motus humorum præcipuè patitur in illo affectu, utpote iecore inflammato ex nate dextrâ: liene duro aut feruente, ex sinistrâ, ut est in *Proorrhæ. 411*. Paruæ igitur è naribus stillæ sanguinis, prauæ, ut nullum paucum est criticum, 1. *Epidem. 313*. Et in morbis diuturnis paruæ & frequentes è naribus hæmorrhagiæ, malæ; in *Coacis 433. Duret. 215*. potissimum si sanguis albicans & serosus, quasi per ἀποδιήκω effluat ob facultatis retentricis imbecillitatem, aut illius tenuitatem, quæ hydropem citò adfuturum portendunt. Malæ etiam quæ fiunt κατὰ τὸ ἀνάπαλιν, è diuerso siue opposito motus humorum, quia demonstrant naturæ perturbationem, quæ non potuit dirigere illam vacationem secundum institutum proprium & consuetum. Malæ etiam illæ quæ fiunt cum grauioribus symptomatibus, ut delirio & syncope, aut quæ illa accersunt, ut conuulsionem, *Aphorism. 3. sectionis quinta*, singultum, tremorem, in *Coacis Duret. 204. & 213*. Et similia.

Item in *Coacis Duret. 201*. valde exhorrescit post hæmorrhagiam diebus criticis contingentem, si perfrigeratio eximia subsequatur, quia arguit summam infirmitatem, & caloris natui instantem *νύκτωρ*. Maximè notandum etiam, quod habetur *ibidem Duret. 206. Ab hæmorrhagia nigrorum deiectio, pessima*: Malum est etiam excernere prærubra & æruginosa: fiunt enim inde comatosi, conuulsi, & aluo inflatâ intereunt: Quia scilicet ab illâ hæmorrhagiâ immoderatâ & symptomaticâ abolentur vires hepatis, quod neque concoquere deinceps, nec retinere potest conuenienter excrementa, quæ in illo gignuntur.

Ibidem etiam pessimum esse vult, si post exiguam hæmorrhagiam surditas superueniat, ob scilicet refluxum materiæ ad cerebri interiora, nisi vomitus aut alui fluxus copiosus tollat reliquias materiæ morbificæ. Nam certum est *Aphorism. 27. sect. 4. Qui in febribus largas patiuntur hæmorrhagias, illis dum conualescunt, aluos fieri laxos & fluidas*.

Quod ad fluxum verò sanguinis per hæmorrhoidas spectat, notissimi sunt illi *Aphorismi*, nempe 56. *sectionis sexta. Nephriticis & melancholicis, hæmorrhoidas superuenire bonum*. Item, in febribus tam continuis quàm intermittentibus, potissimum quartanis, præcipuè in assuetis si moderatè & post coctionis quædam signa contingant: ac proinde suppressio hæmorrhoidum in illis hydropem, tabem, scirrhus, & manias inferre solet.

In mulieribus sanguis fluens liberaliter ab utero post partum, atque etiam dum morbis acutis tentantur, sæpenumerò solutionem illorum adferre solet, quod plerisque ex Hippocrate historiis, *primo Epidemion* confirmare licet. In virginibus apparentia primùm menstrua magnos & diuturnos morbos sæpe terminant.

Quinetiam dysenteria quædam velut critica laudatur apud Hippocratem, 48. *sect. 6.* quando scilicet euacuat materiam sanguinis impurioris, qui circa lienem continebatur, & 1. *Epidem. 313. b.* quæ contingit Eratonis filio & Mylo post hæmorrhagiam, translata scilicet materiâ à capite in aluum.

Quod ad signa igitur, quæ futuram hæmorrhagiam, in morbis præmonstrare possunt, illud prius notandum, ex 1. *prognostic. text. 36. & 3. text. 14.* hæmorrhagias maximè expectandas esse in illis qui trigesimum quintum ætatis annum nondum exceßerunt, in aliis verò minùs, quibus scilicet, iam deferbuit sanguis, &

minori

minori copia generatur. Et illa ætas florens ut venæsectiones, sic spontaneas sanguinis vacuationes facilius ferre solet.

Primò itaque *Epidem.* 113. b. in febribus, quibus colli dolor, & temporum grauitas, & caligo vertiginosa circa oculos, aut etiam præcordiorum distentio non cum dolore sit, his sanguis per nares erumpet. Postea 314. b. addit etiam faciei & oculorum ruborem, & inuitas lachrymas, ab effumatione materiæ versus superiora. In *Coacis* 426. b. venarum pulsationes circa tempora, fugacem βαρυνότητα, & dolores frontis ob eandem causam: ut in *prorrhetic.* 411. b. & 412.

Lumbis autem dolentibus, oris ventriculi molestiæ accedentes signa sunt futuræ fluxionis per hæmorrhoidas, in *prorrhet.* 411. quod in nobismetipsis sæpius experti sumus. In mulieribus verò fluxum menstruorum prænunciant. Atque hæc de hæmorrhagia.

ΠΡΟΓΝΩΣΙΣ ΕΧ ΑΒΣCΕΣΣΥ, ΠΥΣΤΥΛΙΣ, ΠΥΡΕ, ΣΑΝΙΕ, ΥΛCΕΡΕ, ΕΤ ΣΙΜΙΛΙΒΥΣ. Quotiescunque vacuationes illæ manifestæ & sensibiles, confertim factæ, ut in verâ crisi; vel paulatim & partitò, ut in λύση, per vrinas, deiectiones, vomitus, sudores, & hæmorrhagias; locum non habent in morbis, aut sufficienter non fiunt, superest ut natura humorum morbificorum sarcinam deponat in eutem, ubi pustulæ multiplices per μελάσσωσι oriantur: vel in aliquam partem, ubi generantur abscessus & tumores præter naturam, per decubitum istius materiæ: Hinc frequenter exoriuntur vlcera, purisque & saniei eruptio: ex quibus omnibus Hippocrates signa desumit προγνωτικά variis in locis.

Certissimum est igitur omnes pustulas, phymata, οἰδηώδεις, εἰθymata, exanthemata, carbunculos, bubones, & similes affectus, in principio febrium acutarum apparentes, nihil boni prælagire posse, quia fiunt symptomaticè à naturâ perturbatâ, sine præuîâ coctione & cum magno metu recursus ad interiora, ut patet in statu pestilenti. Vnde in *Coacis* 426. Quibus in febribus continuis pustula per totum corpus erumpunt, lethale, si non purulentus abscessus illis succedat: Et alibi 438. Qui circa articulos rubicundas in superficie pustulas habent, insuperque rigorem, illis circa ventrem & inguina, rubores & μελάσσωσι, id est, velut vibices exoriuntur, & intereunt. *Duret.* 385. Variolæ tamen & morbilli, qui in pueris frequentius apparere solent, si fiant simpliciter ab ebullitione & motu naturæ secernentis purum ab impuro, possunt contingere salubriter & sine grauiori noxâ: Quando verò pendent à malignâ & venenatâ aëris contagione, ut sæpe fit, tunc etiam magnam ægrotantibus stragem & periculum inuehere solent, ut superioribus annis in hac regione obseruare licuit.

Abscessus autem propriè dicti apud Hippocratem, ut sint critici & vtilis ad finiendos morbos, debent primò sequi notas coctionis, ad quas nullâ vel exiguâ factâ vacuatione sensibili, ut dicebamus, succedat iste abscessus.

Secundò, ut fiat κατ' ἴξιν, & è directo partis affectæ, quemadmodum de hæmorrhagiâ annotauimus, quia sic natura facilius per fibras rectas deponit suum onus, & proprii instituti videtur memor.

Tertiò debet fieri in partem remotam à foco morbi, externam ac decliuem, ut crura, articulos, emunctoria, brachia, &c. In aliam enim vix sedant febrem, & maiorem aliquando priore morbo noxam inferunt, ut patet.

Quartò, debet influere illa materia in locum capacem, qui sufficiat ad recipiendum omnem humorem morbificum; aliàs refluet & relabetur ad interiora viscera. Denique debet dimitti in partem, quæ non sit valde doloribus obnoxia. Vidimus enim multos, qui translatâ eiusmodi materiâ post morbum in coxendicis articulum, non solum claudi facti sunt, sed etiam magnis & diuturnis doloribus confecti tandem interierunt.

Rursus isti abscessus facti debent terminari & resolui vtiliter, per ἀσφόρησιν & insensilem transpiratum; non autem degenerare in scirrhosam constitutionem, quæ est omnino rebellis & indomita. Quod si per resolutionem dissipari nequeant, sed incendium & putrilaginem concipiant superstitè aut rediuiuâ febre, vult Hippocrates, calidos & dolentes, ut aliàs annotauimus, intra vigesimum diem: molliores verò & frigidiore circa sexagesimum, si vita tamdiu sit superstes, in suppuratum conuerti.

Sexto itaque Epidem. 354. b. eiusmodi tubercula quæ suppurantur, vult esse extrâ vergentia, fastigiata, & æqualiter maturefcentia, non autem obdurata, aut introversum vergentia, vel bifida, quæ sequuntur materiæ contumaciam & inæqualitatem. Quod eisdem ferè verbis expressit *1. prognostic. text. 43.* sed accuratius Tumorum, inquit, qui suppurantur, talis observatio facienda est. Eorum enim qui exterius erumpunt, optimi sunt qui minores sunt, & magis ad exteriora eminent, & in acumen eleuantur: qui verò maiores sunt, plani, & omni acuminè destituti, mali. Quicunque etiam ad interiora vergunt, vel in internis partibus fiunt, optimi illi qui nihil exteriori parti communicant, sed contrahuntur, & parum doloris inferunt, atque cutis colorem non mutant. Sic enim significant omnem inflammationem ac putrilaginem per coctionem accuratè repressam esse.

Vbi iam facta est vomica potissimum interior, illam disrumpi necesse est, vt pus effluat, neque ibi recrudescat denuò, aut morando malignam qualitatem acquirat. Imò dum fluit, si æger liberari debeat, oportet pus illud eas habere conditiones, quæ ab Hippocrate proponuntur, vt *1. prognostic. text. 45.* Pus illud est optimum, quod est album, laue & æquale, ac minimè fætidum. Huic verò contrarium, pessimum. Vnde in *Coacis 437. & Aphorism. 45. sect. 7.* Quorum hepar suppuratum adurit, si pus purum & album fluxerit, euadunt, in tunica enim illis pus continebatur: Sin verò qualis amurca fluxerit, pereunt. Sic libro secundo de morbis 164. b. agens de pure ex thoracis vomica effluente: Si pus, inquit, album ac purum fuerit, & fibra sanguinis insint, plerumque sanus fit. Si verò primâ die profluat, vitelli oui speciem habens, aut secundâ die defluat crassum cum virore, subpallidum & fædens, moriuntur, vbi pus effluxerit.

Item lib. 2. *prognost. text. 70.* agens de illis qui in cauo thoracis purulentam materiam collegerunt: Quando, inquit, vruntur empyici, si pus fluxerit purum, album, & parum fætidum, seruantur: si verò subcruentum, saniosum, & *βροχιδες*, id est, instar cæni vel luti, moriuntur.

Vbi pus effluxit ab eiusmodi tumoribus, succedit vlcus, quod siue tunc factum sit, siue prius & ante ipsum morbum extiterit, contemplandum etiam vult ad *πρόγνωσην* Hippocrates: Nam *1. prognost. text. 25.* quod repetit in *Coacis 438.* Si periturus est ager, ante mortem liuidum & siccum erit, aut cum virore pallidum. Vnde libro de locis in homin. fol. 79. Vlcuscula circumcirca liuida, iam debili existente agro, mortem portendunt. Imò *3. prognostic. text. 17.* faucium exulcerationes in febre acutâ valde reformidat, si cuidam alteri signo lethali coniungantur, quia sequuntur prolapsum ferini catarrhi, vel magnas viscerum inflammationes & putrilagines.

Supereft igitur vt signa futuri abscessus in morbis proponamus. Insignis est contextus in *Coacis 426. b.* Quibus, inquit, diuturna febres accidunt & cum securitate, citra dolorem aut inflammationem (in aliqua parte obfirmatam) nisi vacuationes patiantur, his abscessus expectandus est, cum insigni tamore, & præcipuè in infernis partibus. In illis potissimum hominibus, qui trigesimum ætatis annum excefferunt, & tempore frigido, quo & minùs citò sedantur, & minùs *παλινδρομέουσι*.

Huius etiam rei signum esse vult secundo *prognostic. text. 34.* in istis morbis, quando vrina tenuis & cruda diutius apparet: Vnde *6. Epidem. 357. b.* Vrina multa, crassa, & alba, qualis Archigenis famulæ erat, in lassitudinis febribus aliquando prodit, & liberat ab abscessu, quod eodem ferè modo expressit *Aphor. 74. sectionis quarta.*

Sic etiam *Aphorismo trigesimoprimo sectionis quarta*, Lassitudinem in aliqua parte obfirmatam, vel dolorem prius in eâ existentem, vult esse signum non solum futuri abscessus, sed etiam loci ipsius, in quem fiet iste decubitus; Omnis enim pars dolens & debilis, solet faciliè excipere istas materiæ translationes, quæ in febribus contingunt. Vnde illud *Aphor. 33. sect. 4.* Si ante morbum aliqua pars doluerit, ibi morbus obfirmatur. Vide etiam *2. prognostic. text. 66.*

APPENDIX DE RECIDIVA ET TRANSMTATIONE IN ALIUM MORBVM, AC MORBO SUPERVENIENTE. Non solum abscessus fiunt in morbis per *μετάστασιν* ad externas partes, sed etiam morbi in alios degenerant, aut alij ipsis factis superueniunt: vel etiam recidiuæ contingunt. Ex quibus omnibus signa oriuntur prognostica, quæ nobis sunt paucis percurrenda.

Lubet tamen de recidiuæ natura & illius causis, paulò latius hîc differere. Recidiua, quam Hippocrates *ὑποπύρετον* & *ὑποπύρετον* vocat *Aphorism. 36. sect. 4.*

aliquando sumitur pro omni reditu siue exacerbatione morbi, qui iam inclinate videbatur, siue hoc contingat post iudicationem manifestam, & sensibilem vacationem, siue absque vllâ ἀποκένωσις, vt videre est in multis ægrorum historiis, *tertio & sexto Epidemion*. Aliàs verò recidiua sumitur magis propriè pro repetitione morbi alicuius, qui iam ex declinatione vniuersali, per aliquod tempus & sensibilem moram intermittens, & quasi postliminiò rediens conualecentem hominem inuadit, siue illud pendeat à causa interna, siue externa: siue sit eiusdem speciei cum superiore, siue diuersam habeat naturam à suâ radice ac principali morbo. Istarum etiam recidiuarum exempla habentur sæpius apud Hippocratem.

At vera & propriè sumpta recidiua, tres debet habere condiciones, vt annotant authores nostri.

Prima est, vt morbus aliquis principalis, (radicem vocant barbari) præcesserit, & cessarit cum declinatione vniuersali post factas conuenientes vacationes: quo modo excluduntur omnes illæ recidiuæ ægrorum, qui in augmento aut statu morbi dicuntur apud Hippocratem *tertio Epidem.* ὑποπροφῆς passi, siue vlla crisi apparente. Excluduntur etiam paroxysmi tertianæ, quartanæ, & aliarum febrium intermittentium; quia non habent declinationem vniuersalem, sed tantum periodicam, ob quam vnus morbus, non plures esse censentur. Idem dicas de epilepsiæ inuasionibus, & similibus.

Secunda proprietas veræ recidiuæ est, vt habeat denominationem specificam, hoc est, similem naturam cum morbo radicali: Quâ conditione excluduntur noui illi morbi siue consequentes, qui oriuntur post alterius cessationem, quasi per μεταβολήν, transmutationem, aut μεταστροφήν, transpositionem. Vt quando ex continuâ febre oritur intermittens, vel tertianæ febris per exustionem succedit quartana, aut certè scirrhus hepatis, hydrops: vel anginæ empyema: febris diuturnæ, abscessus in crure, & similes.

Tertia denique proprietas veræ recidiuæ est, vt morbus ille παλιμβολῶν, vt loquitur Hippocrates *sexto Epidem.* pendeat à reliquiis præcedentis morbi, cuius satis magna quantitas, causæ potissimum antecedentis relicta est ad repullulandum: vel certè talis intemperies in foco & minerâ putredinis, vt facile sit nouam denuò caecochymiam ὁμογενή consimilem aceruare. Et sic excluduntur omnes illi morbi, qui conualescentibus superueniunt ob causas primitiuas tantum, vt loquuntur, verbi gratia malum vitæ regimen, iram, mœrorem, alimentorum & aliarum rerum non naturalium, aut illis annexarum prauam constitutionem, ex quibus potest quidem fieri παλινδρομή ad morbum, sed non vera ὑποπροφή ex superiore morbo pendens.

Vnde Hippocrates *Aphorism. 12. sect. 2.* veras principalis recidiuæ causas assignans: *Quæ relinquuntur*, inquit, *in morbis, recidivas facere solent*, etiam post crisin imperfectam, vt interpretatur Galenus: Illud autem quod relinquitur, duplex est, vt iam diximus; vel materiæ antecedentis portio, quæ paucis post diebus putrescens & exagitata, renouat morbo priori similem. Vel est intemperies siue impressio qualitatis in aliquo viscere, aut foco putredinis relicta, ex quâ breui suscitatur consimilis priori materia, ex alimento quantumuis laudabili, si eo liberalius, vt fit, conualescens æger fuerit vsus: Sin verò prauis cibis vtatur diutius, & morosè, incurrere quidem poterit recidiuam, sed non ita purè pendentem à priore affectu: quia eiusmodi excrementa fuerunt potius suscitata ex vitio alimenti, quam functionum naturalium errore. Idem dicas de reliquis causis.

Hinc recidiuarum signa prognostica, ab Hippocrate inculcata, & in actu prophylactico valde obseruanda exurgunt, nempe ab eis quæ præcedunt & subsequuntur. Prægressa sunt præcipuè ea quæ contigerunt in priore morbo, vt potè si sine vacatione sensibili cessauerit, aut si vacuatio illa non fuerit qualis & quanta esse debuit, vel die infelici & minimè iudicatorio contigerit. Hippocrates enim ratione solutionis morborum, quæ contigit sine crisi, aut alia causa sufficiente; monet *Aphor. 27. sect. 2.* eis quæ ὅλγῳ λόγον, præter rationem & iustam causam melius se habent, non esse fidendum, quia sunt ἀβεβαια, non sueuerunt durare in eo statu, sed repetitionibus esse obnoxia. Ratione verò qualitatis eorum quæ excernuntur, *Aphorism. 2. sect. 1.* & aliis. *In vacationibus spontaneis, si talia vacuentur qualia oportet, confert & leniter ferunt: sin minus, contrà.* Vnde crises etiam appellat ὑποπροφῆντας, quæ

quæ contingunt sine manifestis coctionis notis. Ratione verò quantitatis, illud est axioma Hippocraticum; Nihil paucum esse posse criticum. Ratione temporis siue dierum in quibus fiunt, est *Aphorismus trigessimus sextus sectionis quarta*, de sudoribus, 61. *sectionis quarta*. *Febricitanti*, ait, *nisi diebus imparibus febris cessauerit, solet recidiuam facere*. Tum in *Coacis & Prognosticis* passim, quod ipsa confirmat experientia.

Ex his etiam quæ consequuntur signa futuræ vel imminētis recidiuæ exurgunt, ut actionibus læsis, excrementorum prauitat, & affectibus seu qualitate corporis mutata. Quando enim post morbum remanet verbi gratia oris siccitas & insuauitas, cibi fastidium, sitis nimia, grauitas totius corporis, & similia, cum vrinâ confusâ, vel omnino tenui, deiectionibus variis & grauiter olentibus, sudore nocturno, colore fœdo, & reliquis, non est dubium quin suspicio sit maxima recidiuæ. *Aphorism. 8. sectionis secunda, & in Coacis*. *Quicumque*, inquit, *ex morbis conualescentes bene cibum accipiunt, & nihil proficiunt, hi malignè recidiant*. Ad illud etiam spectat 41. *sectionis quarta*. *Sudor multus*, in conualescentibus scilicet, à somno sine causa manifesta factus, corpus copiosiore uti cibo significat; si verò cibum non capienti illud contingat, vacuatione indigere.

Ex præmissis igitur facile erit respondere ad quæsitâ illa practificantium: Vtrum scilicet recidiua sit deterior suâ radice. Vtrum sit vnicus morbus cum priore: & vtrum eandem habere computationem dierum criticorum cum illo debeat. Deteriorem enim esse suâ radice recidiuam sæpe contingit, ex conditione tam humoris quàm ægrotantis. Humor quidem relicti, ob insignem quandam putredinem, aut latitantem malitiam, quæ potuit renouare iam quodammodo deletam intemperiem: Ægrotantis verò ob fractas præcedenti morbo vires, & imminutum calorem natium.

Est enim illud bene apud Hippocratem dictum, *libro de affectibus 197*. *In morbis cum alter alteri succedit, plerumque occidit*. Cum enim corpori à præcedente morbo debilitato, alius morbus accesserit, perit defectu virium, priusquam posterior morbus desinat. Aliquando tamen contingit leuiorem esse recidiuam priore morbo, quando exiguæ sunt reliquæ præcedentis morbi, aut leuior intemperies, quæ vacuantibus aut alterantibus præsiidiis faciliè corrigitur, si æger vires in illo intervallo collegerit.

Est etiam vnus aliquando prior morbus cum recidiuâ, si causam & essentiam spectes, quando scilicet ab eodem humore suscitatur; vel fuit falsa tantum, non vera prioris morbi cessatio. Vbi verò sit noua materiæ collectio, idque post sensibilem moram, à priore morbo perfectè curato, tunc nouus morbus à prio recensendus, quique peculiarem habet suam criticorum dierum computationem quia habet motum suum, à priore omnino distinctum.

Notandus verò est *Aphorismus ille apud Hippocratem in Coacis 426. & Duret. 78*. *Quibus sæpe recidina contigit, si tempus semestre transierint, hoc modo, in tabem coxendicis tandem incidunt*: quia fluxio rebellis & indomita in acetabulum illud ischij profundum & insigne tandem penetrare solet, & illos miris modis excruciare.

Denique quicumque morbus alteri succedit vel superuenit, pessimus est censendus, & aliquando funestus, nisi prioris causam ex diametro oppugnet, vel symptomata leniat. Vnde hydrops, 2. *Prognostic*. qui acutæ febris superuenit, calamitosus omnino, quia nec febrem sedat, neque sitim tollit, sed nouis doloribus ægrotantem excruciat. Sic *Aphorismo vigesimo sexto sectionis secunda* febrem conuulsioni superuenire melius est, quàm febris conuulsionem; tetanum enim, ebrietatem, à *Pavlar*, catarrhos pituitosos, paralyfin, & similes affectus sanare solet, *Aphorism. 5. sectionis quinta*. Paralysis autem superueniens apoplexiæ ideo bona, quia significat materiam opprimentem cerebrum, deriuari in neruofum genus, vbi minus vitæ periculum inferre potest. Atque hæc de recidiuâ & morbo superueniente sufficiant.

ΠΡΟΓΝΩΣΙΣ ΕΞ ΣΠΥΤΟ, SALIVA, ΣΠΥΜΑ ΟΡΙΣ, ΜΥCO NARIVM, LACHRYMIS, AVRIVM SORDIBVS, EXCRETIONE LACTIS, SEMINIS, ET SIMILIVM. Quamuis ista excrementa videantur respicere magis particulares morbos quàm generalem *πρόγνωση* nobis hîc propositam: quia tamen Hippocrates ab istis aliquando deducit cognitionem vniuersalis status in morbis, ideo illa etiam paucis percurramus, quatenus faciunt ad præsens institutum.

Sputum igitur & saliuâ, quæ in eo differunt, quodd saliuâ propriè sit serosa materia, quæ per os sine tussi effunditur: sputum verò quod cum tussi & excretionem, aliquando sincerum, sæpius variis humoribus commixtum, faciunt in morbis non solum thoracis, ventriculi, aut oris, sed etiam febribus & quibuscunque aliis, ad salutis & mortis variarumque mutationum prænotionem. Sic apud Hippocratem in *Prorrhet.* 408. & in *Coacis* 430. πύαλισμος, & χυαλισμος, siue sputatio frequens & præter morem, si aliud signum etiam accesserit, proximam phrenitidem & mentis errorem significat: in longis verò morbis & sine febre, cruditatum copiam, & partium ἀτονίαν, quæ nihil boni portendit (vt in D. Dortomano Professore Regio.)

Aphorismo autem 47. sectionis quarta; *Excreationes in febribus non intermittentibus linida, cruenta, biliosa, aut fœtida, omnes mala:* quia ostendunt magnum corporis incendium, & communicatam partibus thoracis labem. Reliqua ad peculiarem sputi in affectibus thoracis considerationem, repetenda sunt ex 2. *prognost. text.* 43. & seq. & ex *Coacis.* 434. b.

Spuma autem in ore apparens, fit vel à vehementi calore excitante multos vapores & permiscente cum saliuâ, vt videre est in eis quæ igni apposita feruent, & bulliendo spumam eructant: vel motu violento, qui eodem modo flatus cum aquosâ substantiâ commiscet, vt patet in mari ventis agitato. Qui igitur ex vehementi irâ, aut cursu, & exercitatione violentâ incandescunt, ij possunt habere spumam in ore sine periculo, quia fit à causâ procatarctica: In febricitantibus non item, quia denotat æstum interiore, & agitationem humorum maximam. Sic etiam epileptici circa finem accessionis spumam eructant ex ore, quæ fit à motu illo violento & agitatione conuulsoriâ, quæ attenuat materiam illam pituitosam in cerebro contentam, & vaporibus permiscendo spumam istam excirat. At verò in apoplecticis, suffocatis, suspensis, animo deficientibus, semper malis ægri rebus solet spuma in ore apparere, quia fit ab extremo naturæ conatu excludente fuligines in pulmonibus contentas, & permiscente cum saliuâ: Vnde *Aphorismus* ille 43. sect. 2. *Qui suffocantur & animo linquuntur, nondum tamen extincti sunt, nunquam quædunt, si illis spuma circa os apparuerit.*

De muco narium, quem Hippocrates Βλένναν & μύξαν appellare solet, hoc tantum habemus dicendum, quod eiusmodi mucosa materia acris, & serosa diutius & præter morem fluens, non solum vlcera narium, & malos affectus generare potest, sed etiam si subito sistatur, & retro commeet ad interiora, periculosos cerebri morbos inferre, aut ad pulmones prolabens, phthisin tandem inducere posse, quod non raro obseruauimus. Hippocrates *Aphorismo secundo sectionis sextæ*, *Quibus*, inquit, *nares naturâ humidiores, & genitura humidior, illi minus prospera sanitate fruuntur.* Idem habetur 6. *Epid.* 359. b. vbi addit, *Plurimis autem quibus ex morbo id contingit, vice versâ, id est melius se habent, qui a vacuatur causa morbigica, quæ in cerebro latitabat.*

De lachrymis etiam sæpius diximus, inuoluntarias in morbis acutis insaniam prælagire, vel summam partis principis, nempe cerebri imbecillitatem. Vnde *Aphorismo quinquagesimo secundo sectionis quartæ*, omnino istæ lachrymæ damnantur: Lemæ verò & crassiores sordes oculis adhærentes, vel quæ arenularum instar, oculum interiùs infestant, mali morbi & vehementis signum sunt, præcipuè si phrenitis aut lethargus cerebrum occupent.

Aurium porro sordes, quæ naturâ suâ flauæ & amaræ existunt, dulcescere aut colorem mutare, pessimum apud Hippocratem *sexto Epidemion*, folio 358. b. Existimat enim Galenus in *commentario*, illud accidere per colliquationem cerebri in febre acutâ, vel certè quia extincto iam calore natiuo, profluunt aquosæ humiditates, quæ sordibus istis permixtæ, illarum saporem & colorem immutant.


Cerumina verò & aurium humiditates, velut pueris familiares recensuit Hippocrates *Aphorismo vigesimoquarto sectionis tertie*; quia in illâ ætate cerebrum humidissimum & excrementis scatens, salutariter sese per omnes istos ductus expurgat. Quas aurium fluxiones nos etiam periodicè in quibusdam adultis, cum magno aurium fœtore sæpius fieri vidimus. Mirum magis est illud, quod recenset Hippocrates *quarto Epidem.* Iuuenem quendam continuâ febre laborantem, iudicatum fuisse & sanatum fluentibus magnâ copiâ ex auribus, crassis

crassis & viscidis sordibus, quem caro aut lethargo detentum fuisse credibile est.


Denique in grauidis, puerperis, & lactantibus, febre continuâ laborantibus, lactis profusio è mammis, alieno colore aut sapore infecti, denotat magnam in corpore cacochymiam, & eius speciem: tum etiam vitia concoctricis & retentricis, si tenuius & serosius suâ sponte effluerit.

Quòd si subito exsiccetur aut euanescat, magnum ostendit ex febre incendium, ac depauperationem materiæ alibilis, quæ definit ad mammas deinceps transferri. Atque ex hisce omnibus periculum. Quemadmodum si refluat subito lac ad interiora, magnam etiam putrilaginem aut suffocationis metum inducere solet.

Quòd ad seminis verò effusionem in adultis, existimat Amatus Lusitanus, vir in praxi Medicâ exercitatissimus, eiusmodi materiæ excretionem, & mentulæ tentiginem in febribus, esse certissimum conualescentiæ signum, & roboris naturæ validi. Quo tamen abutentes sæpissime iuniores, & libidini addicti, dum coitu in ipsis morbis, aut conualescentiæ principio vtuntur, in magna pericula & recidiuas exitiales præcipitari solent, non sine Medicorum calumniâ, nisi errores isti detegantur, quod in magnatibus potissimum contingit. Atque hæc de *πρωϊνά* ex tertio seu ultimo symptomatum genere quod est ab excretis.



ΠΡΟΓΝΩΣΤΙΚΗΣ ΜΕΔΙCÆ ΠΑΡΣ ΙΙ



ROGNOSIS EX NATURA ET VIRIBUS

ÆGROTANTIS. Tota ratio prædicendi, vt dicebamus, posita est in comparatione ægritudinis, & naturæ siue virium ægrotantis, inuicem de victoriâ pugnantium. Non igitur cognoscenda tantum morbi species, mos, motus, & magnitudo, vt prognosin stabiliamus; sed etiam exploranda constitutio ægrotantis & ipsius partis affectæ, vt docet Hippocrates pluribus in locis. Certum est igitur, naturam apud Medicos præcipuè intelligi de temperamento tam innato quam aduentitio, calorisque infiti & influentis constitutione. Quamuis enim ad naturam corporis nostri stabiliendam, non solum temperies, sed etiam iusta conformatio & vnitas requirantur: quia tamen præcipua agendi vis penes temperiem posita est, vnde illud Hippocratis, *natura morborum medicatrix*; Ideo illius rationem in prædicendo præcipuè habere debet Medicus. Natura autem ista seu temperies, quatenus est innata, complectitur propriam vniuscuiusque *ιδιοσυγκρασίαν*, secundum varietatem temperamentorum individualium, sexus differentiam, & dispositiones à parentibus contractas, ad certos affectus, qui hæreditarij appellantur: quatenus vero est aduentitia, respicit ætatem sibi inuicem succedentium differentiam & consuetudinis rationem. Vnde insignis ille Aphorismus trigesimusquartus sectionis secundæ: *In morbis minus periclitantur, quorum natura, ætati, & consuetudini atque æris tempestatì morbus magis congruit, quam quibus nullo modo congruit.* Quod tamen videtur falsum in multis; nam morbi verbi gratia frigidi in naturis biliosis; videntur faciliores curatu, quam calidi, quia oppugnantur ab ipso temperamento contrario: & catarrhi in valde senibus, ex Hippocrate, non concoquuntur, ob defectum caloris natui; & quibus natura est propensa ad phthisin, illi magis ex tæbe pereunt, quam reliqui: imo quibus est hæreditaria dispositio ad aliquem affectum contrahendum, vt elephantiasin, arthritidem & similes, si semel eis corripiantur, vix euadere possunt, & qui sæpius aliquo morbo conflictantur, vt plurimum ab eo perire solent. Hippocrates igitur eo Aphorismo respexit potius causæ vehementiam, quæ morbum non proportionalem potuit excitare in dissimili penitus temperamento, ætate, tempore, & consuetudine, à qua periculum est, ne

omnino superetur natura, & calor insitus, qui eius generationem impedire non potuit. Cæteris itaque paribus videtur periculosior simili aut proportionali morbo. Vnde illud iactatum apud veteres Practicos: Lapsus in contrarium per viam causæ, est peior; per viam autem signi, minor. Ratione igitur proprii temperamenti timet Galenus in calidis & siccis naturis, ne ægri febre continuâ vel etiam intermittente correpti in marasum præcipitentur: Vnde *libro octavo methodi* concedit eiusmodi ægris victum ex liquidis, & sorbilibus, in ipsâ accessione febrili, ne in hecticam incidant. Item in corporibus naturâ cacochymis, omnes morbi quamvis suâ specie leues, magnam habent curandi difficultatem, contra vero in euchymis hominibus, facile & quasi sua sponte curantur.

Ratione autem ætatis Aphorismo trigessimono sectionis secundæ: *Seniores*, inquit, *magnâ ex parte minus agrotant quam iuvenes*: quicunque tamen illis accidunt morbi diuturni, ut plurimum cum ipsis commoriuntur. Vnde *renum & vesicæ vitia in senibus vix curationem admittunt*. Quod Galenus interpretatur post quinquagesimum ætatis annum. Ratione consuetudinis *libro de victus ratione in acut. 2. Maxima mutationes*, inquit, *eorum quæ circa naturas nostras contingunt, plerumque morbos faciunt, eosque periculosos*: Vnde *Aphorism. 50. sectionis secunda*, non vult fieri mutationem in ipsis morbis ad insueta, nisi paulatim. Ratione sexus Hippocrates *primo Epidemion* vult mulieres in constitutione pestilenti & populari dysenteriam minus ægrotasse quam viros, & pauciores mortuas, quia per mensium fluxum à febribus frequentissimè sine recidiuâ liberantur, vel etiam erumpente è naribus copioso sanguine.

Ad naturam ægrotantis etiam referri possunt animi mores, ægri temperantia, vel intemperantia, siue ex naturali constitutione, seu malâ consuetudine contracta. Certum enim est morosas, & feroces naturas multò magis periclitari in morbis, quam placidas & dociles, tum ob contemptum remediorum, & debiti regiminis, tum etiam ob variam commotionem humorum, quæ faciliè sequitur violentas animi & imaginationis mutationes. Quod Hippocrates indicauit *primo illo Aphorismo*. *Non solum*, inquit, *oportet Medicum ea præstare quæ oportet, sed etiam ipsum ægrum & adstantes & exteriora*. Sed quoniam in quacunque natura & temperamento, sexu, ætate, vel consuetudine, suus est & peculiaris virium status, sine cuius notitiâ vix quicquam certi prædicere vel agere possumus in commodum ægrotantium, ideo Galenus vult non tantum considerandas esse præsentis, sed etiam futuras, id est quæ possint sufficere ad integram usque morbi expugnationem: vires enim robustæ quodeunque morbi genus quantumvis validum contemnunt, deiectæ etiam leuissimum exhorrescunt. Vnde recidiua & quiuis morbus alteri succedens, ut supra dicebamus, habetur funestior, quia ægrotantem priore conflictu eneruatam de nouo aggreditur: vires autem æstimatedur ex validâ functionum corporis nostri naturalium, vitalium, & animalium constitutione: deinde humorum proportionem ac *συνμετρίαν* corporis, solido potiusquam laxo habitu, humidique primigenij pinguis, & viscidæ copia, per omnes partes conuenienter sparsa. Vbi ab hoc statu recesserint plus minus, robustiores etiam aut infirmiores censentur.

Quoties igitur à naturali statu deficiunt vires, dicuntur languidæ vel oppressæ, quod à variis causis contingit. Languidæ sunt illæ, quæ sequuntur vim causarum immutantium calorem nostrum natium, vel eundem dissoluentium. Immutant autem ea, quæ sua contrarietate agunt, ut vehemens frigus externum, aër corruptus aut contagiosus, alimenta & medicamenta frigidiora, vel malignâ qualitate prædita, humores crudi & serosi vitio ætatis aut aliarum rerum collecti. Dissoluunt verò calidi & humidi natiui substantiam sensibiliter, quæcunque vacuationes immodicæ, potissimum autem humoris laudabilis, ut sanguinis, lactis, chyli, & seminis, propterquam vix audemus in eis, qui nuper vxores duxerunt, vel alio modo vènerem intemperanter exercuerunt, celebrare magna illa remedia venæ sectionem & purgationem, imo morbos in illis tunc exorientes valde pertimescimus. Alia insensibiliter dissipant spiritus & humores, virisque resoluunt, ut aër feruidior, exercitationes immoderatæ, dolorum atrocitas, inedia, vigilæ, animi passionés, aut cogitationes intensæ, & sic de reliquis. Oppressæ autem vires redduntur velut ex onere nimio, quotiescunque multitudo humorum etiam laudabilium valde excedit, ut in habitu athletico, pinguibus & crassis præ-

ter naturam, vel quando plethora cacochymica tum quantitate, tum qualitate ad-
uerfa opprimit & eneruat vim caloris natiui, ad quam sequuntur lassitudines illæ
quas Hippocrates spontaneas vocat. Quocunque igitur modo vires laborent, ter-
tum est magnum ægrotanti imminere periculum. Magis tamen sperabilis salus,
quando ex multitudine afficiuntur, quam si ab exhaustu, quoniam facilius est de-
plere humores superfluos, quam restaurare deperditionem iam factam triplicis sub-
stantiæ, si immodica fuerit. Horrendus imprimis ille virium lapsus, qui vitalis
functionis noxas consequitur cum consensu animalis aut naturalis: vnde lipothy-
miæ, syncopæ, cardialgiæ, & impotentia motricis facultatis tantopere apud Hip-
pocratem suspectæ habentur: *Aphorismo enim 41. sect. 2. sapius citato, quicam-
que frequenter animo linquntur, illi derepente moriuntur.* Atque hæc de prognosi ex
viribus.

PROGNOSIS EX VARIA PARTIS AFFECTÆ CONSTITVTIONE.
Quemadmodum totum corpus est subiectum denominationis morborum (dicitur
enim Callias aut Socrates ægrotare, quomodocunque vna vel plures illius partes
sint affectæ præter naturam) sic ipsa pars est verum subiectum inhæsionis, siue
sedes propria ipsius affectus: vnde tot exurgunt differentiæ ratione partis affe-
ctæ, non solum in curando, sed etiam in prædicendo. Dicebamusenim prius mor-
bum magnum censer, non solum propter essentiam illius propriam, & sympto-
matum vehementiam, sed etiam partis affectæ dignitatem, siue illa sit nobilis &
princeps, siue ad vitæ vsus necessaria, seu exquisitoris sensus, propter quem do-
lores existunt acutiores, & fluxionum impetu facile irritantur, vt patet de tendi-
nibus, neruis & similibus.

In parte igitur solemus considerare ipsam substantiam, simplicem si sit simila-
ris, carnosam, spermaticam, membranousam, parenchymousam, medullosam, & sic
de reliquis: compositam verò si sit dissimilans, & ex quibus particulis sit con-
flata, & quæ in eâ præpolleat: deinde temperamentum, facultatem insitam & in-
fluentem, vsu, situm, & connexum. Ex horum itaque omnium vel singulorum
consideratione, solemus prædictiones instituere de periculo, aut securitate ægritu-
dinis, de facilitate aut difficultate curandi. Verbi gratia apud Galenum organica
pars, si tota & semel fuerit abscissa, est irreparabilis, præcipue si sit ex perfe-
ctioribus: aliquando enim vidit Galenus arteriarum aut venularum portiones
regeneratas in magnis vulneribus per apocopen factis, & regnuntur facile;
spermaticæ minus, quia maiorem requirunt elaborationem, neque per primum
scopum, nisi in valde puerulis; sed secundum, vt vocant, nempe callosam quam-
dam substantiam, vel porum sarcoidem dictum vniuntur. Hippocrates *Aphorism.*
18. sect. 6. vulneratâ vesicâ, cerebro, corde, diaphragmate, hepate, ventriculo,
aut aliquo ex gracilioribus intestinis, vult mortem necessario succedere: Quando
autem os incisum fueris Aphorism. 19. eiusdem sectionis, aut cartilago, aut neruus, aut
bucca tenuior particula, aut praputium, aut tenue intestinum: Vigesimoquarto eius-
dem sectionis, neque incrementum, neque coalitum fieri. In cerebro concusso, aut vulnerato
obmutescantiam, 59. sectionis septima, delirium: vigesimoquarto sectionis eiusdem, febrem
& bilis vomitum, quinquagesimo sectionis sexta, prædicat Hippocrates: in illius autem in
sphacelismo, mortem intra triduum, quos si euaserint, aliquando sani fiunt, sexagesimo-
primo sectionis septima; si in osse ægrotante caro liuida, malum, secundo sectionis septima;
quia denotat magnam eius corruptionem & cariem, quæ vicinis partibus commu-
nicatur, vnde. perdurantibus vlceribus istis abscedunt tandem ossa, & putrefactam
illam portionem deponunt: vnde post curationem cicatrices cauas fieri necesse est
quadragesimoquinto sectionis sexta. Insignis est ille contextus in Cecis, Fistula, in-
quit, difficillima sunt, qua in cartilaginosis & excarnibus locis contingunt, suntque ad-
modum caua & multâ sanie redundantes, vt etiam si caruncula in fistula osculo appareat,
ex putri scilicet & fungosâ carne: curatu autem faciliores, qua in mollibus & carnosiss exi-
stunt. Quis etiam nescit vlcera in pulmonibus qua phthisin inferre solent, non esse curabilia,
propter cordis viciniam suscipientis putrefactos vapores, & tandem hecticam febrem conci-
pientis, motum eorum perpetuum, & respirandi necessitatem? In vesicâ vero propter con-
tinuum serosi humoris affluxum, quo impeditur eorum exsiccatio. Ex inguinum au-
tem tumoribus febres omnes esse malas præter diarias voluit Hippocrat. Aphor. 55.
sect. 4. quia eiusmodi bubones in emunctoriis solent sequi magnas partium nobilium,
inflammationes & corruptelas, vt patet in statu pestilenti, quo illi maximè grassari
solent.

solent. Vulnere punctim inflicta tendinibus aut nervis, propter doloris vehementiam, & convulsionis metum, ob pessimam saniem quæ ibi gignitur, vult per transversum abscindi Galenus, quamvis mutilationis metus inde subsequatur, ne propter exquisitum istum sensum, & *κωνυϊαν* quam habent cum cerebro, præsentaneum inferant vitæ periculum: quo etiam nomine affectus orificij ventriculi, tantam inferre solent molestiam & perniciem, ut videre est in cardiogmo. Denique nulla est pars corporis nostri, quæ ratione eorum quæ iam à nobis proposita sunt, ubi affectibus præter naturam detinetur, non suppeditet Medico aliquod prædicendi argumentum, ut ex propositis exemplis patet.

PROGNOSIS AB EXTERNIS CONCURRENTIBVS. Primus ille Aphorismorum Hippocratis sæpe à nobis commemoratus, non solum vult Medicum præstare ea, quæ sunt necessaria ad curandum, sed etiam ipsum ægrum, & adstantes, & externa: quibus sapientissimus ille vir significare voluit, multa esse extrinsecus accidentia, non solum ad sanationem morborum, sed etiam prædictionem confirmandam vel evertendam concurrentia, vel per se, vel per accidens, quæ nobis nunc considerata veniunt. Extrinseca autem ista sunt vel necessaria, ut vocant; quibus vita nostra omnino carere nequit, nempe res non naturales dictæ cum suis annexis; vel non necessaria siue fortuita pro diuersis occasionibus & circumstantiis, quibus contingit immutari statum tam sanorum quam ægrotantium.

Ratione itaque cæli & syderum, quæ inter agentia externa connumerantur, certum est Astrologos multas prædictiones non solum in morbis futuris & factis, sed etiam in aliis quibuscunque rebus instituere. Sic Regiomontanus dicitur luis veneræ exortum prædixisse ex certis constellationibus. Apud Guidonem pestilentia anni 1345. fuit præuisa ex congressu quorundam planetarum: quæ tamen non pertinent propriè ad istam prognosin medicam. Quamvis enim Hippocrates ratione ortus & occasus quorundam syderum, ut Caniculæ, Pleiadum, Orionis, & similibum; vel ingressu; Solis in puncta illa Solstitiorum & Equinoctiorum, multas mutationes contingere in corporibus nostris voluerit: illud tamen venatur potius sub viâ signi, ut loquuntur, quam sub viâ causæ, prout tunc fiunt insignes & sensibiles in his sublunaribus mutationes. Certè Galenus multum adscribit virium Lunæ motibus & influentiis, quibus acceptam refert dierum criticorum rationem, secundum varias eius quadras & configurationes. Vulgus experientiâ edoctum, Lunæ defectus exhorrescit in ægrotantibus iam debilitatis, incrementa autem illius laudat. Et in pestilenti statu circa plenilunia & nouilunia magnos in humoribus motus, multorumque ægrotantium interitus contingere obseruatum est. Quod ad vulgares verò anni & dierum tempestates; Hippocrates *tertio prognostic. Oportet, inquit, motus morborum grassantium diligenter obseruare, & temporum anni constitutionem, ad recte prædicendum*: vnde illud *ῥῆθον π* etiam manasse viderur. Multa verò tradidit de hac re *sectione tertia Aphorism.* quorum isti ad prognosin nostram præcipuè faciunt, videlicet septimus, *Qualis fuerit totius anni constitutio, tales ut plurimum morbi*: decimus quintus. *Ex anni constitutionibus, in vniuersum siccitates imbris assiduis salubriores, & minus morbisera*: Vnde octauus, *In statis temporibus cum tempestiua sunt tempestiua, morbi stabiles, & boni iudicij contingunt; in instabilibus verò instabiles & mali iudicij.* Comparatione verò facta inter anni tempestates decimus eiusdem sectionis pronunciauit autumnum exitiosissimum, ver autem minime mortiferum. Et quemadmodum non dixit autumnum inferre exitium tabidis, sic *libro secundo prorrhæ* vult autumnum non solum phthisicis, sed omnibus diuturno morbo detentis esse calamitosum. *Lib. autem 3. epid.* æstiuos morbos succedente hyeme solui ut plurimum, hyemales autem circa æstatem transmutari.

Quod ad peculiarem verò dierum constitutionem, eleganter pronunciauit *eiusdem sectionis.* *Quando eadem die modo calor, modo frigus viget, autumnales morbos & inconstantis iudicij expectare oportet.* Notum etiam est ex eiusdem quinto & decimo septimo, quanta sit vis ventorum ex variis orbis partibus flantium, in immutandâ morborum prognosi. In hac certè Narbonensi Galliâ maritimis flatibus valde expositâ, quotidie obseruamus austro diutius vigente, decumbentes pessimè se habere, qui aquilonari aurâ succedente statim recreantur. An non etiam ratione regionum, & particularium locorum, in quibus degunt ægrotantes, con-

sulit Hippocrates 6. *epidem.* in morbis chronicis mutationem soli, dummodo sit in natalem locum, vel alium qui contrariam illi in quo morbus fuit contractus, constitutionem obtineat. Galenus phthisicos Romæ degentes mittebat Tabias prope Neapolin. Multos certè vidimus, qui aliâ ratione conualescere numquam potuerunt (quod in faciendâ prognosi debet diligenter annotare Medicus) quam ubi locum aëremque mutarunt.

Quemadmodum igitur ex aëris constitutione, sic etiam ex victu licet prognosin medicam instituere: nam is pessimè ægrotat, qui morbum contraxit ob prauorum alimentorum diuturnum usum, quemadmodum in annonæ caritate sæpius obseruare licet; morbos epidemicos & malignos vagari: Vnde illud Hippocratis *Post Famem Pestis*; vel quando æger in ipso morbo non vult à cibis cacochymis abstinere, aut meliorum penuriâ cogitur quibusvis sustentari, ut contingit sæpe inter nauigandum, aut in numeroso exercitu. Copiosiore etiam alimento ægrotantem uti non est bonum, & morbum facit diuturniorem: *Corpora enim impura quo magis nutries, eo magis lades*, quia excrementorum maior fit prouentus.

Post alimenta possumus recensere ipsa remedia tam assumpta quam admota: omissio enim magnorum remediorum in principio morbi ancipitis, magnum portendit periculum, in principiis enim morborum, si quid videtur mouendum, moue: Vnde si venæ sectio in principio pleuritidis aut peripneumonix non fuerit celebrata, Galenus pro deplorato habet ægrotantem, nisi insigni virium robore præditus largâ succedente hæmorrhagiâ liberetur. Sic turgente cacochymia, nisi citò purgatio præscribatur, non est dubium quin ægri natura causis istis morbificis oppressa, maximè confluetur. Quod si istis omnibus cæterisque remediis frequenter usurpatis nihil iuuetur æger, pessimum est signum ex Hippocrate, & morbis pestilentibus admodum familiare, in quorum curatione vix quicquam remedia prodesse solent. Quicumque etiam ægri incidunt in morbos ob vehementem iracundiam, mœrorem, aut similia animi pathemata, grauiter ægrotant, & vix conualescunt, nisi prius illa sedata fuerint.

Inter externa autem fortuita, potissimum locum obtinent ministrantes ægro famuli, mulierculæ, aut amici, qui Medicorum consiliis repugnantes, vel ægrotantis libidini indulgentes, ea præstant aut omittunt, quæ non sunt ægro vtilia: multi enim ægrotantes ex eiusmodi adstantium culpâ perire solent: Reliqua verò externa quæ ægro molestias inferre solent, ut fulgura, terræ motus, ruina ædium, canum latratus, vicinorum strépitus, mali nuncij repentinus aduentus, non est dubium, quin quo vehementiora sunt, eo maiorem ægrotantibus perniciem, & humoribus perturbationem inferant, aliquando verò sanationem ex accidenti, unde contingit prognosin medicam variè immutari. Flagrante in Galliâ bello ciuili, sæpe obseruauimus, peste detentos aut aliquo grauiori morbo maximè occubuisse, quoties vel amici exitium, vel vrbis capte rumor deferebatur, aut hostes magno cum terrore agros deuastarent, & sic de reliquis. Quibus animaduersis, debet ostendere Medicus, prædictionem suam non errore Artis, sed externorum istorum incurfu, & violentiâ fuisse immutatam, ut supra annotauimus. Æger quidam morti propinquus, ut videbatur, domus, in quâ decumbebat, incendio commotus, collectis sarcinis exiuit, & breui sanatus est, detrusis scilicet humoribus ab ea parte in quâ putrescebant, in patientiorem aut minus nobilem partem. Phreniticus etiam fluminis incremento raptus cum propriis ædibus, nando euasit, aquarumque istarum perfrigeratione, ut verisimile est, curatus fuit. Sed hæc potius ad fortunam, quam ad Artem spectare videntur, quemadmodum & alia fortuita, de quibus ista exempli loco adducta hic sufficiant.

ΑΝΑΚΕΦΑΛΑΙΩΣΙΣ ΠΡΟΓΝΟΣΕΩΣ ΜΕΔΙCΑΕ. Hactenus summa genera, & veluti fontes aperuimus, ex quibus repetuntur signa vniuersalia medicæ prognoseos: Superest igitur, ut antequam huic operi extremam manum imponamus, paucis & veluti per epilogum colligamus ea, quæ Medicus prænotionem instituens in singulis morborum speciebus sibi proponere debet. Repetens igitur ea omnia quæ à nobis dicta fuerunt, & diligenter expendens, proposito aliquo affectu iam per *διάγνωσιν* cognito, ut ad prognosin accedat, considerabit primo, utrum vnus vel plures affectus ægrotantem exerceant; deinde cuius speciei sit iste affectus, utrum intemperies, mala conformatio, vel vnitatis solutio: utrum causas habeat humores, à quibus pendeat, vel non; etenim si causas habeat ab humoribus

humoribus profectus, nisi illa materia quantitate suâ partem aliquam nobilem subito opprimat, vt in apoplexiâ; vel quasi suffocet, vt in plethorâ vniuersali, aut malignâ quadam ac deleteriâ qualitate perimat, vt in pestilenti constitutione, & in assumptis vel admotis venenis, aut venenatis humoribus, quemadmodum fit in syncope, epilepsia per consensum, vterinâ suffocatione & similibus; vel motu suo præpostero (*ὑπέρστροφον* vocat Hippocrates) in partes subito irrumpens ægrotantem è medio tollat, vt sæpe contingit in acutis, & continuis febribus biliosis: certum est quod natura humorum istorum morbificorum alterationi, concoctioni, & secretioni intentè incumbat secundum naturalem functionem œconomix, vt tandem vacuet, vel confertim, & vno impetu extra corpus per vias ordinarias, vel paulatim & partitis vicibus, si vires sint infirmiores, & humor ad excretionem minus sit dispositus, vel etiam aliquando per solam transpositionem, siue abscessum, vt vocant; factò decubitu humoris istius morbifici à foco & minerâ principali in alias partes, quæ excipiendo tunc erunt magis comparatæ. Fit etiam, sed rarius, vt humores isti aliquando per simplicem diaphoresim & insensilem transpirationem absumentur. Debet igitur Medicus in talibus affectibus ab humorum vitio pendentibus, contemplari statim à principio cruditarum & coctionum notas in omnibus excrementis, quæ sese dant in conspectum, tam vniuersalibus, vt vrina, & deiectionibus, quam particularibus, si appareant, vt muco, lachrymis, spu, purulentâ materiâ ex vlceribus erumpente, & similibus, vt possit per eiusmodi coctionum vel cruditarum notas, certis morbi diebus conspicuas, prælagire, quæ & qualis, & quando futura sit ista solutio, vtrum scilicet per vrinæ aut alui fluxum, per vomitum, sudorem, hæmorrhagiam, & metastasim & similes: vtrum fausta vel infausta, perfecta vel imperfecta: vtrum quarto, vel quinto, vel septimo, vel vndecimo, vel decimo quarto die, vt solet in acutis, fieri debeat: vel aliis temporum spatiis, vt in eismorbis, qui maiorem habent diuturnitatem: Ex his enim omnibus conicere datur: vtrum diuturna vel brevis futura sit ægritudo, quia non potest nisi exclusis aut superatis causis suis humoralibus terminari; vtrum simpliciter desitura per aduentum sanitatis perfectæ, vel in aliam ægritudinem transitura, vt sæpe solet, vel etiam recidiuam passura ex eis quæ relinquuntur in præcedente morbo. Quod si interitus ægrotantis sit suspicio, ob naturæ infirmitatem, partis alicuius nobilis, aut ad vitam necessariæ magnam calamitatem, morbi ipsius & causarum violentiam, quæ elucescunt ex notis actionum naturalium, animalium, & potissimum vitalium, nempe pulsus: Item ex qualitatibus mutatis, quæ in facie & aliis partibus apparent, vt fusè docuimus; tunc præuidendum etiam quo tempore & die ægritudinis periturus sit æger, utpote in augmento vel statu, raro enim in principio intereunt, nisi ob causas iam à nobis dictas; rarius in declinatione vniuersali, iam scilicet naturâ vincente morbum, nisi fortassis per resolutionem, vt in valde senibus, quando natura dissipatis spiritibus, & humore nativo marcescit. Præuidendum præterea, in exacerbationibus particularibus, quo accessionis tempore sint morituri: nam credibile est eâ horâ periturum ægrum, quâ maior est ægritudinis exacerbatio, vt in vigore paroxysmi, vel quando natura est infirmior & prostrata, vt circa declinationem particularem, nisi succumbat statim in principio pugnx siue inuasionis, vt solet contingere in valde debilitatis. Atque hæc in continuis febribus potissimum.

In intermittentibus verò numquam vult ex se periculum vitæ adesse Hippocrates in Aphorismis, sed aliquando ex parte virium, vt docet Galenus, quæ non possunt ferre insultum istum humoris quamuis periodicum: prælagimus tamen in istis intermittentibus longitudinem vel breuitatem ex propriâ specie, naturâ causarum, motu, & symptomatum intensione vel remissione; Item solutionis modum & tempus ab iisdem signis cruditarum & coctionum.

In morbis autem intemperiei simplicis, qui non pendent ab humorum vitio aut corruptelâ, sed solo qualitatis excessu, si quidem leues sint, & in *ἡσυχία* tantum positi, vt loquitur Galenus, certum est illos neque periculum inferre posse, neque diuturnitatem habere, vt patet de diariâ. Quod si grauiores facti sint & suas radices egerint in partium solidarum substantiâ, vix vnumquam soluuntur, & corpori tandem vel parti alicui ruinam afferunt integram. Vnde illud de hæcticâ febre vulgò iactatur: primum gradum hæcticæ facillè curari, difficulter cognosci: alios verò gradus facillè cognosci, difficulter curari & vt plurimum cum pernicio

ægrotantisterminari. Sic marcores & siccitates insignes totius vel partis, frigiditas altius impressa, vel ex depauperatione caloris natiui contracta, vt fit in hydrope, atque etiam humiditas diutius in parte præcipuâ perseuerans, quia longè superant naturalem temperamenti gradum, vix restitui possunt naturæ viribus, aut remediorum vsu, quia non possunt illis esse adæquata. Licet igitur in eiusmodi hæcicâ, marasmo, & similibus prælagire de diuturniori aut breuiori curatione, si quidem æger periturus sit, quod vt plurimum contingit circa æquinoctia aut solstitia; quando verò euasurus, de solutionis modo & tempore, id in peculiari illorum tractatu accuratius explicatur.

Porro alia est febrium continuarum species, quas symptomaticas vocant, quæ sequuntur ad tumores præter naturam phlegmonosos, aut erysipelatosos, vel alios quoscunque, qui incendium & putrilaginem diuturnitate conceperunt in interioribus corporis partibus, vel substantiam partium corruptam, & exulceratam, vt in phthisi & magnis vulneribus iam putrefactis, & in vlcera conuersis: in quibus omnibus magna est exercitatio prognoseos medicæ: propterea quod non solum coctiones & cruditates particularis materiæ patiuntur, sed etiam ob eiusmodi incendium & agitationem humorum habent suos motus criticos & exacerbationes varias, quibus fatigare solent ægrotantes. Itaque Hippocrates in *progn.* valdè sollicitus est de prælagitione istorum affectuum, quia inter periculosissimos fere primatum obtinent: ac proinde cum istæ febres pendeant principaliter ab humore illo extrahato in partium substantiâ, qui tumorem illic committit: certum est illas etiam sequi motum & naturam causarum istarum, tam in excitandis symptomatis perniciosissimis, quam in cruditate & maturitate eiusmodi abscessuum, qui quidem, vt alias diximus, terminantur quatuor modis, nempe resolutione, suppuratione, corruptela siue sphacelismo, & induratione.

Resolutionem promouent non solum insensibilis transpiratio, sed etiam repulsio, vacuatioque sensibilis, tam arte, vt per venæ sectionem; quam naturæ vi instituta, vt in pleuritide, & peripneumoniâ per *ἀναβάπτιν*: vel etiam vacuationes vniuersales, vt sudores aut urinæ fluxus, quæ suo impetu, si post coctiones & die conuenienti contingant, rapere etiam secum solent particularem istorum tumorum internorum materiam. Si non succedat resolutio ista, oportet necessario humores illic putrescere; quod si malignè fiat, introducitur pessima corruptela, quæ subitam necem ægrotantibus infert; vel vincente quodammodo naturâ suppurationes contingere; ita vt in illâ coctione dum humores ad pepasum deducuntur, magnam naturæ negotium facessant, & aliquando mortem afferant: dum pus enim fit, vt est in *Aphorism.* febres & dolores intenduntur, facto autem pure conquiescunt: non tamen promittenda inde statim ægro salus, nisi pus illud in parte concoctum commodè & per consentaneas naturæ vias, viribusque adhuc integris excerni possit, easque habeat conditiones, quæ ab Hippocrate *loco citato* assignantur: imo post excretum commodè pus, succedere solet sæpius infestissimum vlcus, ex quo tandem contabescunt ægrotantes, nisi antequam sordibus inficiatur pars, conuenienti deterfione & exsiccatione curetur. Quod est rarissimum. In aliis verò tumoribus, quorum materia crassior frigidiorque: ita vt neque integrè resolui possint, neque tantam coctionem suscipere, vt suppurentur, sæpius succedit induratio scirrhusa, quæ si in partem nutritioni dicatam incidat, vt hepar vel lienem, succedit hydrops vniuersalis aut particularis, ex quo perire solent.

In eiusmodi igitur febribus ab inflammatione internâ, & vlceribus, indurationibusque partium (hæc sunt verè mysteria Artis nostræ) animaduertendæ diligenter omnes istæ passionēs, vt de vario illarum euentu solidè prælagire possimus. Quod eodem modo statuendum in magnis luxationibus, fracturis, contusionibus, diuulsionibus, sed præcipuè vulneribus ad interiora penetrantibus, quæ ob commotos humores, sanienque excitatam febrem sibi vt plurimum accersunt comitem cum vehementissimis aliis symptomatis, suosque motus criticos patiuntur, vt nos quotidiana docet experientia, quod exempli causâ proposuimus.

Supersunt morbi organici contemplandi, in quorum prælagitione vniuersali considerandum est etiam, vtum coniunctos habeant humorum motus, vimque naturæ inferant, & grauiora excitent symptomata: qui enim hisce destituuntur omnibus, sunt potius impedimenta, quam nocumenta, vt patet de sexto digito in manu, de cruribus valgis & varis, claudicatione & similibus, cum quibus vita per longum

ccxxviii Ioan. Varand. Prognost. Medic.

longum tempus, & sine periculo perdurare potest. Obstructiones autem siue sine humorales, seu à calculo, lumbricis, & aliis interiores partium cavitates occupantibus pendeant: Item adstrictiones & compressiones, vel etiam sius & connexus violati, quemadmodum videre est in intestinis prolabantibus in scrotum, saepe inferunt mortem, quia magnam naturæ molestiam afferunt, præcipuè quando actionem aliquam vitæ necessariam tollunt, aut impediunt, vt in apoplexiâ, ischuria, & similibus.

Patet etiam quod præfagitio facienda sit pro naturâ seu specie vniuscuiusque istorum affectuum; motu causarum morbificarum, vel earumdem situ & adhæsiu firmiore in ductibus ad *ad idem* facultatis alicuius vel materiæ vtilis perficiendam dicatis: vnde maior vel minor affectus duratio, & varij solutionis modi per vacuationes sensiles vel insensiles prædicendi, aut certè interitus per suffocationem caloris natiui, vel sublationem facultatis principis, ad cuius ruinam reliquæ omnes per sympathiam trahuntur: Quod ingeniosus Medicus ex signis à nobis accuratè commemoratis facillè eliciet. Quod si non vnicus tantum affectus, sed plures simul eiusdem vel diuersæ speciei ægrotantem exercean, præter particularem vniuscuiusque prognosin, non est dubium, quin etiam Medicus habitâ simul omnium ratione explorare debeat conuenientibus signis, quis illorum citius, vel tardius sit desiturus, aut ex quo ægrotanti maior aut promptior perniciēs immineat: Nam qui alterius est veluti causa præcipua, vt inflammatio ventriculi, lipyriam febrem excitans, vel sine quâ, vt sordes in vlceribus, aqua in hydropicis: certum est eum qui sequitur, aut dependet, non prius abigi, quam is qui illum efficit, fouet & auget fuerit sublatu. Si verò à se inuicem non pendeant, sed seiuncta habeant subiecta & causas, is videtur solutu faciliior, qui secundum suam speciem, motum, morem & magnitudinem minorem vim obtinebit, si quidem partis affectæ constitutio aptior sit ad coctiones & expulsionem materiæ morbificæ perficiendas, magisque accommodata ad remediorum vim excipiendam. In quibus omnibus solers Medicus artis istius prognosticæ præceptis, ex Hippocrate potissimum desumptis, diligenter imbutus debet se quam primum exercere, & in ægris, quos habebit curandos, ista omnia obseruare, vt eiusmodi vsu & obseruatione comparet sibi habitum quemdam ad prognosin medicam faciendam idoneum, cuius beneficio, vno quasi instanti, & oculi ictu deprehendet eas ferè differentias & mutationes in morbis, quæ aliis non possunt esse notæ, nisi longâ meditatione & discursu, quemadmodum Galenus de seipso variis locis gloriatur. Nos autem huic tractationi finem tandem imponamus, Deo gratias agentes, eumque obtestantes, vt ex eâ fructum multum faciatis ad ipsius gloriam, artis nostræ laudem & decus, ægrorumque salutem.





IOANNIS VARANDÆI

ΥΓΙΕΙΝΗ,

Nunc primùm edita;

*Proposita cum explicatione Libri Tertij Artis Parua Galeni,
ubi Indicationes omnes ad Morborum curationem
necessaria pertrahantur.*

PRÆFATIO.



PERTAS Iani nostri Medici fores, (A. O.) quas diuturna rabientis Syrii inclementia, & varia decumbentium cura opem nostram Medicam felici successu implorantium, occluserat, Nemo est vestrum (credo) qui non grato conspiciat animo, subselliorumque istorum frequentiam deinceps non exoptet. Ego certè ubi primùm bellum hoc nostrum Medicum renouatum sentio, quod debellandæ incitiae, & profligandis errorum monstris, quasi veritatis in regnum deducendæ causâ, diu à Mineruâ nostrâ Medicâ indictum fuit, totus mehercle gestio, & excusso desidiae puluere, nihil quàm arma, arma Medica, sub vexillis Hippocratis & Galeni conuertenda in tæterrimam hominum labem exposco, postquàm intonuit Decani classicum.

Quis enim siue veteranus, siue tyrunculus non exoptet in hoc militare solo, in quo tot Heroùm animæ pro stabilienda Medicinæ dignitate successiue occubuerunt, tot proceres pro aris focusque Æsculapij fortiter steterunt? Quis, inquam, hoc miserrimo sæculo quo sæuissima malorum Erynnis vagatur, non exoptet in otio hoc seu potius negotio literario diuinitus concessio, in hac Schola versari, quæ ut iam olim successionem Græcorum, Arabum, Mauritanorumque Medicorum felicissimè in Occiduo hoc littore adepta est, & migrantem ex Epidaurò Æsculapium religiosissimè suscepit: Sic hodie pulcherrimum est totius orbis Medici theatrum, in quod Auditores Professoribus, spectatores sæpe actoribus præstantiores conueniunt. Nullus certè est (A. O.) qui vobiscum tanquam gratissimis commilitonibus versari, atque in exercitu vestro, vestrâ beneuolentiâ, fauore, & quasi applausu uti fruique exoptare non debeat, nisi sit ille vafsanâ quadam inuidiæ libidine percitus, nisi maleuolentiâ plusquàm in Cædemoni in humani generis suauitatem & delicias feratur; Sic enim ego Philiatros ac Philosophos homines appellare soleo, quales nunc plurimos, confertissimos, attentissimos, mihi que, ut ego illis, addictissimos summâ cum animi mei lætitiâ circumspicio.

Ferunt Aristotelem morti propinquum, successorem Scholæ & eruditionis Peripateticæ designasse Theophrastum Lesbium, ac Menedæmo Rhodio, quamvis nobilissimo atque eruditissimo discipulo prætulisse, quod ille multo iucundior atque gratior esset. Quia nimirum Auditorum animi, non solum eruditione Professoris, sed potius benevolentia ac iucunditate quadam pascuntur, avidiusque oblata suscipiunt, si dulcibus vtilia permixta fuerint. Quod si hoc in scientiis illis contemplatiuis requiratur, quæ omnino in veritatis perquisitione positæ sunt, quæ sui-ipsius causâ, non alterius expetuntur; Quid de artibus & scientiis illis dicemus, quæ totæ ad commoda & usus humanos comparatæ sunt, Medicinâ potissimum, quæ præclarissimam atque vtilissimam actionem ex proposito sibi fine iucundissimo exercet? In quâ Hippocrates vult τὸ ῥηθὲν τεχνικῶς, coniunctum esse debere τῷ ποιηθέντι τεχνικῶς, *dictum* scilicet *eleganter & factum artificiosè*. Quàm iucundè, inquam, sine supercilio aut liuore, opera illa Medica hominibus Philiatris conscriptis, & iureiurando Medico jam obstrictis patefacienda sunt, & veluti digito demonstranda, vt non ex solâ apodeixeos rationumque appositione, sed ex operationum ipsarum fide illud consequantur, quod idem voluit Hippocrates, καλὸν ἐκ τῆ διδαχθέντος ἔργου λόγον ἢ ἐπισήμῳ, *elegantem ex operandi ratione orationem ac scientiam certissimam*. Hæc debet esse agentis in docendo, ac patientis proportio, vt & afficiat atque afficiatur, mutuoque quasi animorum contactu, discendi docendique cupiditas incalescat. Vt ex hac plusquam Pythagoricâ μέλεμψυχώσῃ, fiat scientiarum quædam transfusio & quasi propagatio.

Cum igitur & retroacta & præsentia sæcula, tales homines quàm plurimos tulerint, verè ἰατροκλίας ἢ ἀκροσμβρότες, quibus nihil fuit antiquius, quàm vt voce, opere, ac scriptis non solum præsentis sed etiam posteros iuuarent, ac successiuâ quasi indiuiduorum generatione, eruditorum Medicorum speciem rediuiuam & immortalem facerent. Sic etiam nobis in Asclepiadarum familiâ genitis, enitendum est (A. O.) vt suscepta à maioribus nostris fomenta excolamus, vt successioni huic Medicæ tam agendo quàm docendo diligenter incumbamus, vt hæc, hæc ara Medica in Æsculapij nostri fano posita perpetuo cultu & deuouentium oblationibus splendeat. Ad quod ego quamvis non plenam operam & votis meis respondentem præstare possim, nusquam tamen desinam, quin aut vice fungens cotis, aut diligentia & labore quicquid deerit compensans, illud boni ciuis ac Consulis Medici munus expleam, quo cauetur, Nequid detrimenti res hæc nostra publica capiat, siue ab externis, siue ab internis hominibus.

Atque vt in deploratis illis Romanorum temporibus solitum fuit, Dictatoribus summam rerum committere: Sic in hac multorum malevolentia ac desidia, ad Dictatores Medicos confugiendum esse censeo, quibus non sola semestris dicendi iuris nostri data est potestas, sed perpetua totius etiam generis humani consensu arrogata. *Hippocratem* inquam, & *Galenum*, quos tanquam optimos duces, sequendos, imitandos, in toto hoc vitæ nostræ decursu censemus, & siquando res Medica ob imperitorum aut exitiosorum hominum factiones laborarit, continuo in auxilium conuocandos, vt sub eorum tanquam fortissimorum Imperatorum conspectu, tota illa coniuratorum nubes euanescat, Agyrtarum, Empiricorum, Suffionum, Sophistarum, Pygmaeorum, maximè hoc nostro æuo, hominum vitæ infestorum.

Hæc enim duo præstantissima Græciæ omnium scientiarum alumna lumina, diuinitus ad artem Medicam inueniendam, stabiliendam, atque docendam concessa, non solum discentium & verè candidatorum animos, summæ eruditionis suæ radiis illustrare possunt, sed etiam ingenti illo existimationis fulgore, aliorum omnium qui posthac non sine laude floruerunt, splendorem quodammodo obscurare. Ille enim diuinus Hippocrates, dum votum quod sibi proposuerat, explere suâ μεγαλοφυχία fretus contendit, mirum est quanto successu artem nostram inuenerit, auxerit, & æternis quasi legibus fundarit, modò ἰσορικῶς obseruationes in singularibus faciens; modò ἀφοριστικῶς ex particularibus vniuersalia theoremata constituens, Legislatoris more; modò μεθελικῶς & per ἀπόδειξιν obseruationum illarum & theorematum rationem & causas explorans, in libris illis quos διεξοδικῶς recentiores appellarunt. Quæ omnia summus ille vir non tam Logicæ facultatis & methodi viribus præstitit, quæ nondum luculenter erat tradita, quàm sapientiæ cuiusdam beneficio, tanquam habitu altissimarum conclusionum & principiorum, quo erat præditus. Vnde etiam Aristoteles veteres Philosophos non tam πεπαιδευμένους, quàm Σοφῆς, tam in Logicis institutos, quàm sapientes fuisse voluit. In Hippocrate igitur ἐνθροισασµὸν quendam, & diuinum in tradendâ Medicinâ quasi afflatum agnoscimus, cuius nomen admirabunda antiquitas posterioribus sæculis velut sacrosanctum tradidit.

At Galenus ille θεῖοτατος, vt loquitur Alexander Trallianus, Hippocratis ex scripto discipulus, omni disciplinæ genere excultissimus, magnus Orator, magnus Philosophus, magnus Medicus, cùm prius diligenter Philosophiæ & Mathematicis scientiis incubuisset, operam dedisset summis suo sæculo Medicis, Heracliano Alexandriæ, Stratonico & Satyro Pergami, Pelopi in Smyrnâ, Numisiano Corinthi, Quinto Satyri discipulo, & Lyco Hippocratomaftigi, omnesque Veterum sectatores conuenisset audiendi disputandique gratiâ, Herophilæos, Erasistratæos, Athenæos, Asclepiadæos, tam Empiricæ & Methodicæ, quàm Dogmaticæ factionis Principes, tum demum Romæ sub Imperatoribus Antonino & Commodο potissimum, in quorum palatium fuerat accitus, vt Archiatron decebat, ad Medicinam docendam & perficiendam sese contulit: Cùmque antea & multos in Hippocratem commentarios scripssisset, quibus veluti accensâ demonstrationis face, obscurissima authoris huius scripta illustrata fuere, & ex propria sententia multos libros tum Philosophicos, tum Medicos edidisset varij argumenti, prout occasio sese obtulerat, aut amicorum illud expetentium, aut Philosophorum & Medicorum malè sentientium, qui confutatione indigebant. Attamen nondum nobilissimam hanc Philosophiæ naturalis partem Medicinam, confiniis suis ac spatiis propriis descripserat, nondum methodo certâ & absolutâ tradiderat, vt semper hoc præstantissimæ huic arti ante Galenum deesse videretur, quod ἀμερόδωτος per partes & fragmenta quædam nullo ordine inter se connexa doceretur.

Ad hoc igitur quod deerat perficiendum, & addendum Medicinæ colophonem, Dei iussu monitus per insomnia, vt ipse testatur *libris de usu partium*, primùm libros de demonstratione præclarissimos conscripsit, quibus magnâ cum suâ iacturâ posteritas caret, vbi omnem Peripateticæ doctrinæ summam, quod ad Logicam spectat, contra Stoicos & Chrysippum luculenter appositis semper exemplis Medicis asserebat, & rationem tradendarum

scientiarum omnium, ex triplici methodo ostendebat: Post hæc libros de placitis Hippocratis & Platonis edidit, quasi exercitatorios, vbi potissimum Philosophos malè de Physiologiâ, & contra Hippocratis dogmata sentientes impugnat, vt suæ demonstrationis paradigmata quædam proponeret, in quibus sæpe librorum illorum *περὶ ἀποδείξεως* meminit, nequis falsò, vt multi, existimet eosmet esse libros illos demonstratorios. Atque vt erat vir ille incredibili dicendi copiâ & summâ ingenij vi præditus, cum videret jam à se satis copiosè de totâ Medicinâ per partes & *ὑπομνήματα* actum, quæ in vnum collecta, *διδασκαλίαν* illam *κατὰ σύνθεσιν* factam, vt metipse loquitur, perficere poterant, sub mediis ferè vitæ suæ temporibus, quasi de nouo Medicinam constituturus & methodo inuenturus, aggressus est *διδασκαλίαν* illam *κατ' ἀνάλυσιν*, secundum resolutionem, quæ *ὑπὸ τῷ τέλει ἐννοίας* proficiscitur, editis prius duobus aliis libris, in quibus illud docebat, Omni arti ex finis notione constitutionem effici, vt est in *proæmio libri* illius elegantissimi, *De constitutione artis Medicæ*, quem primus ille absque alio exemplo aggressus est, vt est initio libri huius nostri: Iam senior verò & in doctrina ac artis operibus consummatus, cum non solum inueniendam & docendam feliciter artem nostram, sed etiam discendam, & memoriæ si fieri possit fideliter certâ quadam methodo tradendam comperisset, illum demum ordinem est aggressus, qui & ad totius Medicinæ *ὑπόψιν*, & partium omnium memoriam commodissimè faceret, ex definitionis *διαλύσεως* & accuratâ explicatione; Cuius nos tertiam partem, vt vtilissimam, & vltimò Medicinæ fini coniunctissimam, interpretandam suscepimus, Dei potissimum nutu, postea vestro (A.O.) nixi fauore, quem ego vt Fauonium, quendam vbi-que implorare soleo.

Quoniam verò in hac explicationum nostrarum navigatione, præuidendi sunt omnes scopuli, qui ignaris vectoribus periculum creare solent, & quia posteriorum cognitio non satis commodè absque priorum representatione haberi potest: Ideò si mihi per vos liceat, nunc paucis de triplici Medicinam docendi methodo dicam, vt sequenti exercitatione *προλεγόμενοις* istis quàm breuissimè finem imponere possimus, ac deinceps profundo artis Medicæ ratem nostram tutò committere.

Malè olim apud Medicos audiuit Methodus, secta nimirum eorum qui Thessalici vocabantur: (Vnde illud; *Triplex est forma medendi, Cui logos, & methodos, cuique experientia nomen.*) Hi enim per *κοινότητας*, communitates quædam, Medicinam breuissimo sex mensium spatio docentes, illud Hippocratis culpabant, dicentis artem longam, vitam verò breuem esse, cum potius illi artem breuissimam, sub longo vitæ humanæ decursu profiterentur. Verum non est hæc, quam nunc quærimus, artificiosa & Galenica methodus, quamuis illi ex nominis notatione sibi titulum illum Methodi arrogassent, quasi compendium & breuiorem quandam viam ad discendam Medicinam tenerent, in eo falsi, quòd obscuritatem & confusionem maximam cum ineruditâ illâ breuitate introducerent. Hoc autem vt neque Philosopho veritatem contemplanti, multò minùs Medico sanitatem curanti contingere debet. Vocant igitur Philosophi Methodum, quam Galenus hîc *διδασκαλίαν*, id est, doctrinam appellauit, Modum quendam optimum seu ordinem inueniendi, docendi, aut discendi totam aliquam artem vel scientiam, atque ideò inter instrumenta Dialectica reponitur. Quamuis enim certum sit methodum aliam esse totius, aliam verò

partis, quâ scil. vtimur in demonstrandâ particulari aliquâ propositione, quæ & eadem & diuersa esse potest, cum methodo totius. Dicitur tamen propriè magis Methodus de toto illo ordine, qui scientiam aut artem aliquam spectat: sub quâ tum methodus illa particularis continetur, tum cætera omnia instrumenta Dialectica, definitio scil. resolutio, diuisione, compositio, syllogismus, inductio, exemplum, demonstratio tam à priori, quàm à posteriori: Quibus ad rei alicuius essentiam, partes, causas, effectus, proprietates declarandas vtimur: Vt longè aliud sit dicere definitionem aut resolutionem, quàm Methodum definitiuam aut resolutiuam, quæ totius artis seriem spectat, & sub se alia omnia continere potest. Satis enim est, si quis v. g. definitiuam aggrediatur, ex proposita definitione omnes artis partes definitione diligenter explicet, quamuis in successu, diuisione, resolutione, definitione, & cæteris huiusmodi, prout res ipsa postulabit, vtatur.

Hæc autem methodus siue doctrina, actus scil. docentis voce aut scripto, quæ ad inueniendas, docendas, aut discendas artes tantopere est necessaria, ordini cuidam essentiali inhærens, non vnica sed multiplex est. Eustratius quidem in *proæmio secundi posteriorum*, agens de particulari methodo, quadruplicem facit, Diuisiuam scilicet, Resolutiuam, Definitiuam, & Demonstratiuam; & Auerrhoës in *præfatione Physicorum*. Vt enim essentias rerum sciamus, definitiones conficimus, vt quæ substantias sequuntur inueniamus, ex significatiuis rationibus ipsius quid est esse, Demonstratiuam in talem probationem accipimus. Sed quia in Definitiuâ, opus est materiâ, ideo Diuisione & Resolutione vtimur, prout definitiones illæ sunt specialissimæ aut subalternæ, à prioribus diuisione vtentes, à posterioribus resolutione. Verum hæc dicuntur de particulari methodo, de quâ non est nobis nunc proposita quæstio, sed de vniuersali, quæ commodè totam aliquam artem repræsentare potest, quod omnibus his suprâ-dictis conuenire non potest, vt demonstratiuæ: Hanc Galenus noster triplicem esse vult, Resolutiuam scil. Compositiuam, & Definitiuam. Resolutiuam vocans, quæ ex finis notione proficiscitur, finem non pro finali causâ accipiens, quæ moueat ad agendum, sed pro fine artis intellecto, vtpote quid sit talis finis, in quibus sit, à quibus fiat: Cuius rei meminisse videtur Aristoteles sub exemplo medico, *lib. 7. Metaphys.* Quamuis enim Resolutiuum ordinem, varium faciant, illum scil. qui à toto integro ad partes integrantes progreditur, à minùs communibus ad magis communia, à conclusionibus seu quæstionibus ad principia seu causas, à fine ad media quibus comparatur ipse finis, explicanda: Hic tamen vltimus solùm à Galeno adducitur, vtpote magis accommodatus ad artes & scientias inueniendas. Cum enim ipse finis ea omnia quæ in ipsum referuntur, potestate contineat, fit vt ex eius consideratione, & debitâ resolutione, certus rerum numerus eliciatur; ita vt nihil superfluum aut diminutum tradi possit. Atque in eo duplex est progressus, vel enim assumimus primùm quæ fini sunt propinquissima, alia deinde magis remota tradentes: Vel extrahimus primùm à fine quæ ab illo sunt remotissima, & sic pertractamus, quod fecit Galenus *lib. de constit. artis*: Quæ ratione hæc methodus non differt à Compositiuâ, nisi nomine, & quia primùm inuentio ex ipso fine profecta est.

Compositiua itaque doctrina non distat nisi ratione à secundo progressu resolutiuæ, cum eadem sit via quæ ducit ab hac vrbe Romam, vt quæ à Româ

Monspeliū: Vnde Galenus vult esse Synthesin eorum quæ per analysin re-
perta sunt, à simplicibus scil. ad composita, à remotis ad finī propinquissima,
per intermedia progrediendo. At quia per resolutiuam fit inuentio partium
illarum, quæ in compositiua accuratius tractari debent: ideo siue illa in mente
tantum authoris sit, siue proponatur, non est inutile modum & exempla ana-
lytica illius doctrinæ tenere, vt feliciori ordine Compositiua procedat, quâ ac-
curatè omnes scientiæ docentur.

Denique Definitiuam facit tertiam Galenus methodum, ad disciplinas or-
dine tradendas, quia ex proposita prius totius artis essentiali definitione, licet
partes eius explicando & quasi diuidendo, integram artem sufficienter persequi,
& memoriam dispositione ista plurimum iuuare, cum ad eam paucae imagines,
& ritè suis locis collocatae requirantur, vt de memoria artificiali Simonidis,
Quintilianus, Cicero, & alij retulerunt. Vnde hæc Doctrina definitiua dicitur,
non quod definiat, & nudas quasdam finitiones artis capita continentes profe-
rat, quod Galenus, vel alius, *libro finitionum Medicarum* dicto præstitit, vt etiam
Goræus hac nostrâ tempestate secundum primarum literarum seriem, qui li-
ber in omnium est manu: Sed quia initium sumit ex artis definitione comple-
ctente omnia illius capita, in quorum explicatione quæcunque ad Medicinam
pertinent, docentur, siue postea diuisione, seu resolutione, & cæteris instru-
mentis vtatur.

Harum igitur doctrinarum vnaquæque suam præstantiam, sua commoda
obtinet: Vt enim Resolutiua, methodo & accuratâ rerum tractatione excellit,
quæ eadem sunt in Compositiua: Sic Definitiua ad Σύνοψιν, vt diximus & remi-
niscentiam maximè conducit. Quamuis autem aliqui his tribus doctrinis ge-
neraliter artes tractantibus, Diuisiuam addere voluerint; vt ipsemet Galenus
9. *meth.* Quia tamen faciliè Diuisiua vel ad definitiuam, aut resolutiuam reduci
potest; vel quia receptis his tribus quæ omnes vsus explent, superflue alia quæ-
reretur: Vt enim Resolutiua inuentioni & constitutioni; sic Compositiua ex-
plicationi scientificæ; Diffinitiuam compendio, vt nihil præterea quantum re-
quiri possit. Ideo illius non meminit Galenus *in proœmio libri nostri*, neque eâ
vsus est in tractandâ Medicinâ, sed tantum resolutiuâ, compositiuâ, ac defi-
nitiua.

Resolutiua, inquam, methodus Galeni, quam proponit *libro de constit. artis*,
ex notione finis, fit progressu illo quem secundum appellauimus; primum au-
tem reliquit, quia in idem fermè recidunt: Huius tamen tale potest exhiberi
paradigma, à fine Medicinæ ad principia ipsa. Cum Medicinæ finis, sanitas sit,
quam Medicus quantum fieri poterit, assequi debet, certissimum est, vel præ-
sentem eam esse, quæ conseruatione indiget, & præseruatione multiplici; vel
absentem quæ restitui debet. Quodcunque horum præstet Medicus, oportet
eum, cum id non immediatè sed mediatè præstet, materiam remediorum ad id
idoneam habere, & eius vsum tenere. Quomodo autem ritè vtetur, nisi præ-
cognitâ prius sanitatis & morbi essentiâ, eorūque causis? Verum cum hæc non
semper sensibus subiiciantur, sed plerumque in intimis corporis nostri parti-
bus latitantes, discursu indigeant, vt cognoscantur, necessum est adesse signo-
rum quorundam seriem artificiosam, quæ nos ad rei significatæ notitiam per-
ducant. Signa autem ista cum sint rerum naturalium aut contra naturam effe-
ctus, necessario ipsa corporis natura & partes diligenter addiscendæ, quod non-
nisi

nisi facultatibus, quas anima in vnaquâque determinatè exercet, actionibus, quæ à composito proficiscuntur, addisci potest. Hæ cum partim à temperamento, partim à conformatione, tanquam instrumentis perficiantur, ideo & temperamenta diligenter dignoscenda, & conformatio ex dissectione Anatomicâ addiscenda. Denique partium ipsarum intelligentia haberi debet usque ad minima, ut superiora melius percipiantur: Minima autem sunt ipsa Elementa sensibilia, ut partes similes; Media, ut humores; Remota, ut communia omnibus elementa de quibus agere debet Medicus, ut ea omnia intermedia consequatur, quæ ad propositi prius finis adeptionem erant necessaria.

Ecce quomodo Resolutiva hæc Medicinæ methodus, siue sit in mente authoris, siue scripto tradatur, totam statim compositivæ doctrinæ summam declaret, quæ deinceps singulas has partes clariùs excutere debet. Quam cum Galenus plurimis suis libris in ordinem redactis perfecit, tum multò perfectiùs & ex professo Auicennas in *suo Canone*, Auerrhoës in *suis Colliget*, Fernelius imperfectè quidem sed Latine admodum; Riolanus in suis illis sæpiùs repetitis cursibus, compendiosè. Quam etiam methodum compositivam, is sequendam haberet, qui exoptatam à quibusdam vestrum (A. O.) provinciam illam perlegendi cursûs susciperet, ex vulgata nimirum Medicinæ in quinque partes distributione: quarum tres primæ theoriam magis, aliæ practicam spectant; Physiologiam scil. Pathologiam, Simeioticen, Hygieinen, & Therapeuticen: sub quibus rursus multæ aliæ continentur: Cuius tale sit paradigma. Physiologia enim Medica totam hominis constitutionem persequitur, velut subiecti proprii materialiter sumpti, explicationem. Ab ipsis elementis primis & communibus sumpto exordio, deinde ad humores, postmodum ad partes ipsas progreditur, in quibus omnibus temperamenta vniuersa, particularia, numerum, causas, effectûs, omnesque mutationes considerat. Cùmque homo non tantum corpore, sed etiam animâ constet, Ideò animæ facultates, partium actiones, usus, & opera proponit: Instrumentumque illud commune explicat, quod calorem nativum, spiritum insitum, & humidum primigenium appellamus, quidque sit & quotuplex ostendit. Neque solum hominem iam numeris omnibus completum, sed etiam primam illius procreationem perquirat: De semine, de menstruo, de conceptione, primâ partium conformatione, foetus motu, perfectione, & exitu, de illius cum parentibus similitudine ac dissimilitudine disputat. Rursusque iam compositum per artificiosam anatomen resoluit, quæ sensui melius substantiam, magnitudinem, numerum, conformationem, situm & connexum exponit.

Ad hanc sequitur *παθολογία*, quæ nobilissimam sub se partem *Αιτιολογικὴν* continet, quam licet in Vniuersalem & Particularem diuidere: Illa enim cognitâ naturali hominis constitutione, ad affectus, qui illi contra naturam accidunt, aggredditur. Docet quid sit actio causæ morbificæ, passio, causa, morbus, symptoma. Explicat causas, concausas, coadiuvantes, externas, internas, coniunctas, & antecedentes. Definit morbum, morborum genera diuidit, & differentias assignat; Docet quid sit Symptoma, Symptomatum causas & differentias. Particularis verò omnes membrorum corporis nostri affectus peculiariter describit & assignat.

Quod cum per signa efficiatur, sequitur *σημειωτική* tam vniuersalis quàm particularis, quæ per certissima signa, totum ægri corporis, neutri & salubris statum describit, ac pro variâ temporis differentiâ in diagnostica, prognostica,

& ana

& anamnistica diuiduntur : In hac excellit tantopere decantata *τέκμαρσις*, quæ ex certis signis docet, quomodo pars affecta, affectus, & causa deprehendi possint. Sub hac etiam posita est diuina illa *πρόγνωσις*, quæ omnem morborum euentum præfagire docet, salutem aut mortem, declarat in acutis rationem crifium & dierum criticorum, contemplabilium, intercidentium, aut prouocatoriorum; in longis λύσεις seu solutiones paulatinas, & decursûs ac durationes. Particularis adfert in vnoquoque signa *παθολογικὰ, ἐπιγεγόμενα, & συνεδρεύοντα*. Quæ petuntur ex qualitatibus mutatis, vt omni habitu exteriori; ex actionibus vitalibus, naturalibus, animalibus; ab excrementorum vt vrinarum, deiectionum, substantia, qualitate, quantitate, contentis & similibus.

Vbi verò per signa tam naturalis quàm non naturalis status cognitus est, sequitur Medica actio; Naturalis conseruatione, si optimus; si deterior reductione indiget, vel præcautione: si lapsus, curatione aut mitigatione: Vnde quinque illæ actiones Medicæ oriuntur sub duabus partibus practicis contentæ.

γυμνὴ enim sub se alias multas partes continet, quæ vel optimum statum vel deteriore spectant, quales sunt *ἐνεκτική*, boni status conseruatrice, *παιδοθεραπευτική, γυμναστική, κομμωτική, & κοσμητική*. Aliæ verò *γαστρονομική, ἀναληπτική, & προφυλακτική*. Ad id autem docet inprimis materiam omnem salubrium, & illius vsum.

θεραπευτική tandem superest, Curatrix & Medicatoria dicta, quæ corporis humani affectûs contra naturam curare ac mitigare docet: Vnde huic *ἐπιμερατική* subiecta est. Idque artificiosè sumptis à rei naturâ, vt morbo, morbi causâ, totiusque ac partis constitutione indicationibus, non neglectis coindicationibus, & contraindicationibus: Idque tum in genere, vniuersali scil. methodo, tum in specie, in vniuscuiusque morbi particulari curatione, quod exequitur tribus instrumentis, Diætâ, Pharmaciâ, & Chirurgiâ; Vnde totidem partes illius recensentur: Diætâ requirit perfectam cognitionem facultatum omnium quæ alimentis insunt, item temporis, modi, qualitatis, quantitatis, ordinis obseruandi in cibo & potu, exhibendis, aliisque rebus non naturalibus ægro administrandis. Pharmaceutice continet rei herbariæ, metallicæ, & animatæ ad remedia relatæ cognitionem; eorum electionem, debitam præparationem, compositionem, atque administrationem, tam *κατὰ γένος* quàm *κατὰ τέπες*. Chirurgia diuiditur in tres actiones vniuersales, quas vocant *ζωΐσιν, διαίρεσιν, & ἀφαίρεσιν*.

Quæ omnia sic generaliter in illis partibus explicata, deinde vnicuique morbo curando adaptantur in tractatu particulari, quem vulgò vocant Praxin per excellentiam, vt proposita Sanitas, quæ fuit principium resolutiuæ doctrinæ, tandem actionem Medicam subsequatur.

Hic est igitur resolutiuus & compositiuus Medicinam tractandi ordo, quem vt Galenus penè absoluit, sic resolutiuum tantùm delineauit; definitiuum, vt compendiosum, per capita & quasi conclusiones perstrinxit. Hunc nos etiam perstringemus sequenti lectione, dum libri huius subiectum & partes proponemus. Interim vestrum est, (A.O.) vt duos illos Medicinæ Dioscuros, Hippocratem scil. & Galenum, omnibus votis extollatis, vt vterque vobis doctrinæ suæ lumine quasi per dies illucescat. Nos certè cùm ab Hippocratis *ἐνθεσιασμοῖς* ad Galeni methodos nunc simus delapsi, *πρόφασιν* hanc nostram doctissimi Poëtæ versibus concludemus:

*Te sequar, ô Graja gentis decus! inque tuis jam
Fixa pedum ponam pressis vestigia signis.*

ΠΡΟΛΕΓΟΜΕΝΑ

IN ARTEM MEDICAM GALENI,
& peculiariter in Librum illius tertium.



O G I M V R vi dicendorum, (A. O.) ut prius quadam de ἀπολεγόμεναις huius libri, breuiter in medium afferamus, quam ad peculiare nostrum institutum accedamus, quæ nos in propriam tractationem veluti ἐισαγωγικῶς introducant. Ea autem erunt de libri auctore, titulo, scopo, subiecto, partibus, & utilitate operis.

Quod ad libri auctorem attinet, quamuis magni illius Galeni feratur, Quia tamen tum propter æquiuocationem, multorum scil. authorum eodem nomine donatorum, tum aliorum subdititios suos partus magnis viris adscribentium, error contingere potest, ideò multi eruditi, iique non frustra dubitarunt, an genuinus esset hic Galeni liber. Cum enim, ut ipse docet, ex re & locutione dignoscere illud possimus, profectò λέξις, dicendi character ac modus non videtur Galenicus; Nam cum alibi perpetuò diffuata Asiaticà quadam copià Galeni stylus, hic tamen admodum pressus ac contractus est, obscuritati quam ille semper fugiebat, propinquissimus: Item nominum Græcorum significationes plurimæ, multò aliter quàm in aliis libris usurpantur, ὁμωνύμας, ἀναλογικὰς, sæpe ambigüe, inusitatè: Quod Galeno Atticà lingua, ut metipse gloriatur, peritissimo, iure tribui non potest. Denique ex re ipsa, materià scil. & propositionibus, quæ hîc ponuntur; tum ἔξις, formà & dispositione, non videtur Galeno adscribendus, cum ipsa met definitio per ὁμώνυμα vel ἀνάλογα, potius facta satis ineptè videatur, quæ multos deinceps in libri successu scrupulos parit. Præterea Neuter hîc admittitur status, quem alibi plerumque reiecit Galenus; Ipsaque dispositio, si totum opus consideres, non uniformis, quia quadam fusè, alia concisè explicat, & sæpe perturbata videtur. Hæc sunt quæ multos commouerunt ad dubitandum de libri huius γνήσιότητι. Verùm cum nemo melius, quàm quæ peperit, ut est in prouerbio, catulos suos agnoscere possit. Soluuntur hæc statim eo quòd Galenus in libris indubitatis, huius tanquam sui & germani mentionem sæpius faciat, libro scil. cui titulum fecit, De propriis Galeni libris, lib. 7. meth. therapeut. & 3. de san. tuenda: Vbi refert conscriptam fuisse à se τέχνην ἰατρικὴν, artem Medicinalem ordine definitorio. Non igitur mirum si βραχυλόγῳ hîc Galenus, qui artem per conclusiones tantum & quasi capita tractandam susceperat: Neque nouum, cum & idem præstiterit in lib. de constit. artis, libris de differ. & causis morb. ubi vniuersalem Pathologiam paucissimis verbis est complexus. Denique in libris methodicè scriptis, auream sæpius mediocritatem seruauit. Adde quòd senex admodum hunc librum edidit, deferuescente iam illo exundantis styli impetu: Et in eodem auctore, ut inquit Soranus, nunc iunioris ætatis vigor, nunc consistentis splendor, modò decrepantis grauitas apparet. Quòd si quadam permixta sint vocabula minus Græca, inusitata, ὁμώνυμα, idèd factum esse puto, quòd Galenus ex Herophilo, ut primo inuentore, hæc mutuatus, noluerit cum verbis sententiam mutare, sed per quos profecerat, in hoc etiam libro testari. De materià & dispositione idem dicendum est, Herophilèam scil. methodum perfectam esse potius à Galeno, quàm inchoatam, ut ostenderet quomodo Medicina definitoriè ad memoriæ supplementum tractari posset; multæque ex Herophilo propositiones assumptæ, quamuis Galeno inusitatæ, ad commodiorem tractationem.

Huic itaque libro ἐπιγραφὴν, titulum seu inscriptionem fecit, Ἱεχνὶ ἰατρικῇ, ars Medicinalis, tum ut ab aliis omnibus suis libris quasi liberis distingueret, in quibus potius partes aliqua artis tractantur, quam ars uniuersa, Et in libro de Constit. modus constituenda potius, quam ars ipsa constituta docetur: tum ut Scopum suum patefaceret. Nam cum illud Hippocratis, ὁ βίος βραχύς, ἡ δὲ τέχνη μακρὴ, vita breuis, ars verò longa, de usu potius quam doctrinā dictum, multos ab ipso quasi limine Medicina abstertere potuisset, ut etiam conscriptorum iam de Medicinā voluminum multitudo. Ideò Galenus noster unico voluit volumine, eoque maximè contracto, ea omnia velut in tabulā per σύνταξιν, ut ipse ait, depingere, quæ φιλοσόφῳ ad adipiscendum Medicina finem, cognitu sunt necessaria. Hoc enim libro, velut filo Thesei adiutus, potest facillimè omnes authorum libros, quasi Maandros reuoluere, & in quā versetur mundi plagā, agnoscere. Ut idcirco à multis hic liber Medicinæ tractationis centrum appellatus sit, ad quod omnes aliorum scriptorum lineæ rectæ, & equaliter ducuntur. Vocatur etiam Speculum, in quo licet artis nostræ ideam perfectissimam spectare. Sunt qui μικροτέχνην appellârunt, artem paruam, non quasi quid imperfectum & mutilum, sed quia summa artis paucis hæc verbis est circumscripta, eā proportionem ad reliquos Galeni libros, quæ est pueri ad virum, Dialecticæ ad Rhetoricam; statua illius Polycleti Canon dicta, ad reliquas illius artificis statuas.

Ars igitur hæc medicinalis cum omnem Medicinæ tractationem contineat, idem habebit subiectum, ac Medicina materialiter & formaliter sumptum, nempe corpus humanum, quod Medicina considerat, ut in eo operetur, & varias eius passiones consideret. Ad quod præstandum cum multa alia cognoscenda sint, ista omnia Medicinæ tractationem ingredi debent certā methodo constantem, quam triplicem, (ad constituendam, docendam, & discendam feliciter Medicinam, necessariam, præter quos usus, nihil aliud requiri potest) ex Galeno prius fecimus; Qui nunc definitiue incumbens, hunc ordinem ita hæc obseruat, ut plures libri istius partes fecerit, prout definitionis ipsius membra seriatim explicat.

Primum enim (ut de primariis partibus istius libri agamus) præmisso proœmio de triplici doctrinarum genere, propter rei fortassis nouitatem, institutum suum patefaciens de methodo definitiuā, auditorem attentum, docilem & beneuolum efficere conatur, antequam ad rem ipsam accedat. Quam statim exorditur ab ipsius Medicinæ definitione, & ex dissolutione ipsius definitionis, ostendit tripartitam esse hanc tractationem, in eam scil. quæ est de corporibus, quæ de signis, & quæ de causis. Rursus unamquamque tripliciter diuidi, prout scil. illa sunt Salubria, Insalubria, vel Neutra. Talis enim adfertur Definitio: Medicina est scientia salubrium, insalubrium, & neutrorum, ex Herophilo deprompta. Scientiam hæc latè, non κοινῶς sumptam vocans, quia in hoc libro non tam Medicinæ usum, & particularia quæ artem faciunt, quam doctrinam & uniuersalia præcepta tradit, quorum certitudo non minor est, quam in scientiis propriè sumptis. Non enim minùs (ut Galenus ipse vult) certum est Similia similibus conseruari, Contrariis contraria curari, quàm bis duo esse quatuor, totum esse maius suā parte. Vult autem scientiam istam esse salubrium, insalubrium & neutrorum, ἐμωλύτως certè aut potius ἀναλογικῶς sumptorum, ex ordine vel similitudine ipsorum à causa dependente: Corpus enim salubre, insalubre, & neutrum dicitur, quia susceptiuum illorum accidentium; Signum salubre, &c. quia indicatiuum salubritatis, &c. Causa salubris, &c. quia effectiuum salubritatis, &c. Hæc enim tria significant unam formam, Sic illa principaliter & intrinsecè est in uno significatorum, nempe corpore. Alia verò extrinsecè ab eadem denominantur. Præterea in hac definitione, Neutra admittitur, quam alibi rejicere videtur Galenus. Vnde hæc queri potest; An hæc definitio facta per ambigua, minùs nota, & iniusta admitti debeat? Et an melior assignari

assignari possit, per quam Medicina methodo definitiua commodè tradatur? Quod ad primum dubium attinet, certum est bonæ definitionis leges in illis non obseruari, quia tamen non tam hic exacta definitio queritur, quàm methodus definitiua ex resolutione & explicatione ipsius definitionis pendens, idèò admitti potest nunc ea definitio, quæ facilius artis ipsius omnes partes repræsentat. Ambigua enim illa & minus nota non ita relinquuntur, sed accuratâ postmodum explicatione notissima redduntur. Neutralitas præterea hic admittitur, quamvis insueta Galeno Philosophicè loquenti, quia Medicum nunc agens, illud erat ex Herophilo recipiendum, quod ad clariorem doctrinam faciebat, ut neutra dispositio, quæ & in corpore nostro variè affecto distinguere debet, ad veram morborum computationem, crismus & dierum criticorum observationem, & signa quibus internoscatur, atque à suis extremis distinguatur, habere; denique causas tenere, quæ partes Medicinæ utilissimas constituunt, Præseruatoriam scilicet & Resectoriã. Melior igitur, clarior, & perfectior tradi posset Medicinæ definitio ad essentiam eius omnesque causas cognoscendas, ut quam Auerrhoës aut Auerrhoës proponant, (cùm dicunt, Medicinam esse scientiam, quâ omnes corporis humani dispositiones noscuntur, ut vel habita sanitas seruetur, vel amissa recuperetur.) Nulla tamen commodior eâ quæ ab Herophilo inuenta, & à Galeno hic recepta est, ad methodum definitiuam, ut in progressu operis patebit, cùm sufficienter, & quasi sub diuisione omnes Medicinæ partes contineat.

Etenim in primo Libro huius operis, ex illa definitione, agens de Corporibus salubribus, insalubribus, & neutris, ut *ἰσχυρισμοῖς*, susceptiuis istorum, (quia scilicet primum in actionibus occurrunt) omnem diuidit humana constitutionis latitudinem, siue sana sit, siue agra, seu neutra, quod est veluti fundamentum reliquarum tractationum, atque Physiologiam cum Pathologiam noua docendi ratio.

In secundo verò, ea omnia signa tradit, quæ ad eiusmodi constitutiones dignoscendas sunt necessaria: primum in genere signorum fontes aperiens, tam diagnosticorum quàm prognosticorum, quæ præsentem vel futuram sanitatem, morbum, & neutralitatem repræsentant. Vnde arrepta occasione, quod aliis libris suis Medicis deesse videbatur, fusius signa salubria præcipuarum corporis nostri partium & totius persequitur, secundum temperiem & compositionem earundem naturalem; Quæ pars maxime est proluxa & diffusa. Insalubria item proponit, quæ affectam partem, partis affectum, & affectus causam produnt. Postmodum Neutra in medium adfert, quæ vel decidentiam in morbum, vel conualescentiam à morbo ostendunt: (Cætera ut parum utilia omittens) Quæ tota est *ἑννοεῖται* graphicè depicta.

His peractis demum ad tertium librum accedit, seu tractationem de causis, quam nos per *Ἀντιστοχὸν* explicandam suscepimus, (A. O.) atque idèò accuratius nunc est repræsentanda, ut pateat quid in toto huius Ordinarij decursu præstandum habeamus. Soluenda autem est inprimis illa dubitatio quæ incidere potest, An scilicet cùm hic de causis salubribus, insalubribus, ac neutris agat Galenus, quemadmodum de causis sanitatem conseruantibus & efficientibus illi tractare est propositum; sic etiam sub insalubribus & neutris tradat causas morbum & neutralitatem efficientes ac conseruantes, quod esset *παθολογικὸν* seu *αιτιολογικὸν*. Respondemus, Galenum hic sub nomine causarum salubrium, insalubrium, & neutrarum; de causis tantum agere, quæ sanitatem conseruant, efficiunt, vel restitunt, sed quia id fit in corpore sano, agro, & neutro, idèò salubres, insalubres, & neutras appellari, quamvis improprie respectu subiecti, non finis, ut tota hæc tractatio commodius diuisioni superiorum librorum respondere posset. Ita ut in nostro hoc libro, nomen Cause totam Medicinæ praxin, quam vocant, contineat, quâ docetur sana corpora conseruare, agra curare vel mitigare, neutra præseruare, & in integrum restituere, per axiomata quedam & propositiones

sitiones uniuersales, ex quibus tota particularium deinde vis deducitur. Huius libri rursus tres sunt partes, pro triplici causarum diuisione in salubres, insalubres, & neutras.

In primâ enim parte, Causa salubres inquiruntur à Galeno, non quæ ipsius sanitatis sunt constitutivæ, sed quæ illius sunt conseruatrices, vel correctrices in sano corpore. Sanum uerò corpus cum non sit unum sed multiplex, sequitur etiam diuersas esse eiusmodi causas. Inter sana enim corpora illud est primum, quod optima constitutio dicitur: huicque Conseruatio debetur, quoniam perpetuis rerum externarum alterationibus obiectum, in hoc statu perdurare non potest, nisi artis beneficio. Et quia alterationes hæc corpori certis à causis contingunt externis, quarum aliæ necessario, aliæ non necessario agunt, sciendum quæ & quot sint illæ, utpote materia causarum omnium, prout variè in usus nostros ueniunt. Quæ non necessario agunt, sub artis regulis comprehendendi non possunt, qualia sunt ensium ictus, ferarum occurfus, & similia fortuita. Quæ uero necessario, Galenus certo numero est complexus, rerum scilicet illarum sex cum annexis, quas recentiores non naturales appellant, quia ἀφ' ὧν ὁ σῶς se habent, sed pro uariâ earum quantitate, qualitate, & tempore, obtinent rationem causarum salubrium, insalubrium, & neutrarum. Has itaque primum aptat conseruationi optimæ constitutionis, postea lapsæ, quæ cum uel talis conseruetur, uel in melius transferatur, duplex habet causarum genus, primum conseruatrices proponit, deinde immutatrices seu correctrices secundum intemperiem, malam conformationem, & unionis dissolutionem, quæ etiam in sano corpore contingere possunt absque ualde sensibili actionum noxâ. Atque hæc est prima huius tertij libri pars sub quâ ὑγιαίνοντα tractandam habemus.

Postea, in secundâ scilicet parte, ad causas insalubres accedit, non quod sint causæ morbificæ, ut iam est dictum, quæ in pathologiâ recensentur, sed potius illæ quæ sanitatem agris corporibus adferre possunt. Itaque causæ istæ tot erunt, quot constitutiones contra naturam, intemperiei scilicet, uel malæ conformationis, uel solutionis continui curatrices. Quamuis enim communissima sit illa intentio curatiua, Contrariorum tamen varia est contrarij inuentio, pro uariâ dispositionum natura. Quod ille sic persequitur: Intemperiem primum omnimodam docet curare per contraria, factam, fieri & futuram, proposito exemplo febris putridæ in calidâ, & sic de aliis per suas indicationes. Postea curationem solutionis continui proponit in genere, deinde in specie, pro ratione partium, ut in carne, osse, neruo, tendine, in affectu complicato, ut ulcere. Demum instrumenti uitia corrigere docet in figurâ, obstructione, asperitate, leuitate, in affectu complicato, ut tumoribus præter naturam numero, magnitudine, & situ. Atque hæc est secunda libri huius pars, sub quâ διακρινόμενα tota per artificiosas indicationes continetur.

Demum in tertia parte ad causas neutras accedit, quæ corporis neutrum statum corrigunt. Has, ut signa illarum, in duo potissimum genera distinguit, Præseruatorum scilicet & Resicientium: illæ corpori neutro ex decidentia conueniunt, hæ uero conualescenti ac senili. Præseruantes autem causæ, quæ sanitatem respiciunt, quia sub causis salubribus iam fuerant tractatæ: quæ morbum fierentem uel futurum sub insalubribus. Ideo illis omissis ad eas accedit, quæ corpus neutrum respiciunt iam lapsurum in morbum, uel à morbo elabens: totaque posite sunt in humorum uacuatione & alteratione. Quæ autem rescipiunt & instaurant, in conualescentibus & senibus locum habent. Quibus ex cognitione dispositionum, suas aptas causas salubres, ex motu, cibis & potu conuenienter desumptas, ut uidebimus. Atque hæc est ultima huius libri pars, ad quam refertur ἀποκαταστατικὰ neutrorum, ἀνακατασκευαστικὰ, & ἀποκατασκευαστικὰ, utilissima praxeos Medicæ partes. Hic subiungit catalogum librorum suorum, ex quibus fusiores istorum doctrinam,

doctrinam, quæ hic per capita tantum sunt indicata, repetere licet.

Nobis verò iam licet huius libri difficultatem (A. O.) atque utilitatem contemplari. Difficultatem faciunt breuitas & grauitas dictorum, unde verè ἀποματῖκος appellari potest, ut qui à candidatis nonnisi accuratâ Professoris explicatione intelligi possit; ab aliis, nonnisi prius attentè omnes ferè Galeni libros alios perlegerint. At si quæ pulchra, difficilia: Ideò propter rei ipsius præstantiam & utilitatem incumbendum est nobis diligenter, siue in limine tantum, siue in atris iam Medicinæ positi simus, ut libelli eius explicatio, quæ ὑγιανὺν, διαγνωτικὺν, & προφυλακτικὺν complectetur, habitum nobis ad omnem Medicam praxin adferat, artificiosè & per suas indicationes exercendam. Quod diuinum potius est, quàm humanum munus. Ad Galenicum igitur hunc fontem auidiſſimè accedamus, quo si labra proluere & diuturnam nostram suum explere liceat, ne quis deinceps iactitet aut Parnassi latices, aut alia Musarum pocula tot Poëtis ac mythologis decantata: quæ nobis hic pleno haustu ebibenda præbuit Galenus.

TEXTVS CAPITIS LXXXIV.

Εἰ δὲ καὶ τῶν (ἡ αἰτίων) ἔσιν ἡ μὲν ὑγιανὰ, ἡ δὲ νοσηρὰ, ἡ δὲ ἐδέπρα, πρῶτον πάντων ὑγιανὼν ὁ λόγος ἔσται. ὡς δὲ καὶ τούτων αὐτῶν, ἡ μὲν λυφουλακικὰ, ἡ δὲ ποιητικὰ ἡ ὑγίαιας, καὶ τὰ ἑξῆς, &c.

Quoniam verò & (causarum) harum, hæ quidem salubres, hæ autem insalubres, hæ verò neutra: primum de causis salubribus erit sermo. Quia verò & harum nonnullæ quidem conseruatrices, nonnullæ effectrices sanitatis, &c.



EGREDIMVR ad explicationem tertiæ partis huius libri, in quâ tota Hygieine Medica luculenter continetur. Quamuis enim (A. O.) multi, ilque clarissimi viri in hoc desudarint diligenter, & magna cum laude, quorum opera in artem hanc paruum Galeni, in omnium sunt manu: Quia tamen illi vel omnibus scribunt, non certos docere susceperunt, vel quia viuâ magis voce afficimur docentis, Medicinam potissimum, quam nusquam ex libris tantum accuratè disci posse existimat Galenus, nisi ἔργον & λόγος, opus & sermo accesserint. Vel denique quoniam liber hic summam totius Medicæ artis continens, velut pingue solum frequenti culturâ minimè arescit, sed vberiorē fundit segetem: Ideo non infrugiferos aut inutiles fore hos nostros labores existimamus. Nostrium enim institutum est in his Medicis explicationibus aut exercitationibus, ut boni inprimis interpretis officio fungamur, nudam primum authoris nostri mentem adferre, eam non tam ex nostrâ, quàm ex ipsiusmet Galeni sententiâ in aliis libris diexodicis contentâ, hoc est, Galenum per ipsummet explicare. Postmodum siquæ dubia fuerint, aut controuersa, aut non satis demonstrata, nullius addicti verbis in medium proferre, ac pro veritate fortiter semper stare: Idque non tam ipsius contextus Galeni interpretationi addicti, & vocularum speculationi, peragemus, quod Medici γραμματικώτεροι solent, quàm per capita quædam & quæstiones. Hinc ducto exordio.

Factâ παραβάσει, transit Galenus à tractatu signorum ad causas, secundum ordinem operationum Medicarum, in quibus διαγνωτικὸς corporum & dispositionum per sua signa, omnem præcedere debet actionem quæ in causis posita est, ut ipse met indicauit sub finem lib. I. de sanit. tu. Causæ enim istæ non sunt constitutivæ sanitatis aut morbi, cum eorum constitutionem intrinsecam minime ingrediantur, sed effectivæ potius & extrinsecæ, quæ prout in variis corporibus operantur, modò salubres, modò insalubres, modò neutra dicuntur, quamuis omnes sanitatem conseruare aut efficere, ex Medici scopo propositum habeant, & hanc diuisionem ex natura præmissæ definitionis suscipiant.

In tractatu itaque causarum, is maximè ordo seruandus videtur, qui aut necessitatis, aut dignitatis, aut temporis existit, ut ea scilicet prius proponantur, quæ vel magis necessaria, vel præstantiora, vel antiquiora existunt. Inter causas autem constat, earum ut ad aliquid dictarum cognitionem, magis necessariam, digniorem ac priorem esse, quæ sanum corporis nostri statum respiciunt, qui & tempore ægrum ac neutrum præcedit; sani enim potius quam ægri nascimur, & dignitate tantum excellit, ut omnes alij ad hunc tanquam ad suam perfectionem reduci debeant. Ac si necessitatem ipsam respicias, quæ ut vult Hippocr. *lib. de Vet. Medic.* homines coëgit Medicinam totam inquirere atque inuenire, Quis non existimet τὴν ἀνάγκην, durum illud *neceffe*, prius eos impulisse, dum victu illo ferino vterentur, glandem depascentes, aquam crudam potantes, sub dio nudi pernoctantes, ut sese in commodiorem viuendi rationem transferrent, quam ut morbis curandis, quod multo est operosius, prospicerent. Atque, ut ait diuinus ille vir, quemadmodum ægrorum alimenta inuenta non fuissent, si ea quæ sanis exhibemus, eisdem conferre potuissent: Sic etiam ipsa sanorum diætæ atque alimonia, quæ nunc vtimur, minimè inuenta fuisset, si suffecisset homini idem sibus ac potus, qui boui, aut equo, vel aliis omnibus præter hominem, qualia sunt cruda omnia, sponte nascentia, fructus, herbæ, & similia; Ita ut prior etiam fuerit necessitas inueniendi modum, quo sanus conseruaretur homo, & à morbis vindicaretur, quam ut in morbos lapsus, denuò ad sanitatem traduceretur.

Verum ne frustrà cum Argenterio, perpetuæ contradictionis viro, contendamus, asserentis priorem esse tempore & dignitate modum sanandi morbos, eo qui sanos conseruat. Hoc tamen nomine præcedere debet tractatio causarum salubrium in hoc opere, quòd sani corporis explicatio ac cognitio præposita est explicationi ægrorum & neutrorum, ut rectum esset index eorum quæ obliqua existunt. Et ut materia salubris, quæ non solum in statu sano, sed etiam in aliis utilis est, ante eorum tractationem explicata esset. Nos igitur ex instituto Galeni, prius de causis salubribus agentes, quam de insalubribus ac neutris, tria habemus præcognoscenda: Quis sit nimirum status ille sanus, & quod duplex, An arte quadam Medicâ indigeat, ut talis perduret. Denique sciendum, quæ habeamus dicenda in explicatione generali huius partis Medicinæ, quam ὁρίζουσιν vocant.

Homo rerum omnium creatarum centrum & norma, ad quem & omnia velut ad medium referuntur, & ab eo velut propriâ mensurâ expenduntur, ex corpore & anima constans, tanquam partibus essentialibus, hac quidem immortalis, impartibili, utpote quæ extrinsecus, non de materiæ potentiâ aduenerit diuinæ particula auræ: Corpore autem corruptibili, doloribus obnoxio, ob mixtionis suæ contrarietatem, & in ea ex quibus primò conditum est, resolutibili: Inter quas duas partes & naturas admodum dissitas positum est commune quoddam & quasi medium vinculum, Spiritus scilicet æthereus, & calor natiuus, qui siue sit insitus, ἑμφύτιος singulis partibus, siue à fontibus quibusdam ἐπιρρέουσιν sit & influens, corporis quidem rudiorẽ & brutam molem exsuscitat, viuificat, & ad actionum munia disponit, animæ verò quæ actus est primus, atque illius materiæ perfectissima ἐντελέχεια, instrumentum commune suppeditat, quo medio actus omnes secundi, & functiones corporis determinatæ à facultatibus variis pendentes exercentur. Quamdiu igitur Anima in corpore adest nostro, illi non assistens tantum, sed minimam quamcunque partem informans, quod fieri non potest absque media illa natura, quam Spiritum & calorem appellauimus, tamdiu actiones multæ in nobis eduntur naturales, vitales, animales dictæ, Cum viuere nihil sit aliud quam agere, & vita in trium istarum functionum muneribus posita sit.

Verum ut functiones istæ generatim, ab anima & primo eius instrumento pendent, sic determinantur ad certas corporis partes: Non enim anima vbique audit, sed in aure; non vbique gustat, sed in lingua; non vbique sanguificat, sed in hepate; istis velut propriis organis ad certas illas & determinatas actiones vtens. In quibus ut communis est natura corporea, quam Συμφύσις Physicam, & Mathematicam, vñionem per formam & per continuitatem seu coherentiam, vnde illa ὁμομελὴς apud Hippocr. Sic duplex alia est constitutio, ad actiones duplices, similes scilicet & instrumentarias, vel ex his mixtas exercendas, quarum prima temperies, alia verò organi conformatio appellatur. Atque ut hæc vel bonæ vel malæ existunt, sic etiam quæ ex his procedunt functiones, bene vel malè exercentur, utpote malè dispositis instrumentis earum proximis. Sic anima videt per oculum

senis, sed imperfectè, tum propter vitium communis instrumenti, caloris scilicet natiui iam labascentis & consumpti, tum proprii, oculi scilicet intemperati & marcidi: Sic anima ambulat in claudo, sed deprauatè; ob figuræ vitium: Sic in apoplectico abolitæ sunt functiones omnes animales, ex multis vitiis occupantibus tunc mentis humanæ sedem. Quæcunque ergo tales læsiones accidunt, siue vitio communis instrumenti, seu particularis: cum ex parte animæ, non contingant certum est eas sub ratione totius speciei humanæ, præuaricationes, ἀπολειόμενα, νυσήματα, defectus à communi & naturali constitutione appellari. Quæ naturalis constitutio in eo posita est potissimum, ut per eam omnes actiones quæ ad hominem & quantum ad hominem pertinent, ritè omnino exerceantur ac, sine molestia. Id autem fieri non potest, nisi duo illa Animæ instrumenta sint bene comparata, temperamentum scilicet (tam vniuersale, quod viuentis appellamus, quàm particulare, ex debitâ vniuscuiusque partis mixtione exurgens) & organorum conformatio in conuenienti figurâ, numero, magnitudine, & situ consistens: Ex quibus ita coniunctis exurgit facilitas & voluptas quædam in omnibus operationibus, siue ferientur, siue exerceantur.

Hinc Galenus varias naturalis huius constitutionis definitiones confinxit, prout vel ad hæc materialia, Elementa scilicet bene mixta, & organa rectè composita: Vel ad formalia, proportionem scilicet commodam, componentium; Vel ad potentiam, quæ est ad actiones, respexit. Vocat enim aliquando temperiem, aliquando symmetriam, aliquando actionem naturalem, alias constitutionem optimam. Aliàs etiam per negationem expressit, ut lib. 1. de sanit. tu. *Sanitas*, inquit, *est constitutio, in quâ nec doloribus cruciamur, nec in vitæ actionibus impedimur*. In quâ non malè Constitutio, seu διάθεσις, dispositio adfertur, utpote quæ genericè de morbo ac sanitate prædicatur, quæque tum actum operandi, tum potentiam includit. Non enim per sanitatem agimus semper, satis est si agere possimus, ut dormientes. Vnde talis definitio commodè assignari potest, Sanitatem esse constitutionem naturalem omnium corporis partium, quæ in bonâ similariū temperie & vnione, atque organicarum symmetriâ posita, functionum bonarum causa existit: instrumentalis scilicet causa ipsius animæ, quæ verè principium effectiuum est in nobis. Sanitatis porro causas, effectus, proprietates, hæc accuratius inquirere propositum non est nobis, quod ex *Pathologia* repeti commodius potest.

Ea enim quæ iam à nobis sunt dicta, eatenus tantum proposita fuerunt, ut ostenderemus naturalem illum statum, circa quem consideratio operationis nostræ versari nunc debet, non esse insectilem & indiuisibilem, sed maximam latitudinem obtinere. Si enim excludatur ἀσπαδέα illa antiquorum, certum est multos sub Sani appellatione contineri, qui variè admodum secundum perfectionem & imperfectionem, firmitatem & infirmitatem operationum inter se differunt, modo illud non sit præter naturam particularem indiuidui aut speciei. Nam cum sanitas in triplici partium corporis nostri natura sit posita: Ex quibus vel consentientibus vel dissentientibus à naturali & perfecto statu, Sanitas velut harmonia quædam exurgere debet; quis dubitet, Consonantiam istam & tonum infinitis prope modum fieri posse modis, prout temperamentorum, ætatum, sexus, regionum, conditionum varietas, in his mutationem adferre potest. Sic igitur Sanitatis perfectio summa, quæ vnica est, in abstracto potius consideratur à Medicis, ut index sit & index sanitatum, quæ ab hac deflectentes, in concreto, variis scilicet subiectis reperiuntur, quarum alias vocat Galenus lib. de sanit. tu. *sanas κατ' ἔξιν*, alias κατὰ ἔξιν, habitu & habitudine. In libro nostro sanas ut semper, ut plurimum, ut nunc. Alibi vocat optimam sanitatem, bonam sanitatem, sanitatē leuem, ac parum constantem, ut infinitas prope modum corporis sani constitutiones, quæ quotidie etiam sensu in hominibus percipiuntur, in tres illos ordines doctrinæ causâ redigeret: in quibus id certissimum est, optimam sanitatem, quæ reperitur, tres illas partium nostri corporis constitutiones, à quibus perfectæ eduntur actiones, habere absolutè: alias verò sanitates in harum vnâ vel pluribus deficere, aliquando scilicet in temperie, alias in conformatione, sæpe in vtrisque, ab optimo statu recedere. Non vnicum igitur constat esse hunc statum quem vocamus sanum, sed ferè infinitum, si perfectionis & imperfectionis gradus spectes, in quo ἐν ἑξίᾳ illa constans & ægrè mutabilis constitutio ad omnes operationes perfectissime edendas principatum obtinet. Alias verò omnes perfectiores seu imperfectiores, quia in aliquo quod secundum naturam est, deficiunt, ideò reduxit Galenus in hoc libro, ubi indicationes sanatiuæ sumendæ

sumendæ erant, in triplicem lapsum, secundum temperiem, conformationem, & unitatem, ut nos postea accuratius dicturi sumus. Hæc verò iam ad subiecti nostri *διαγνων* sufficiunt. Videndum verò quod secundò fuerat propositum, An talis status siue magis siue minùs ad perfectum illum accedat, arte Medicâ regi debeat, ut talis diu, vel melior perduret, ad certum humanæ vitæ terminum. Non enim hîc immensum quoddam durationis spatium quærimus, quo Poëtæ Hyperboræos vivere fabulantur, multò minùs, ut Circe Vlyssi, aut ut Ægyptius quidam Medicus, Galeni tempore, immortalitatem pollicemur. Cùm mortis necessitas non solum experimento certissimo, sed etiam quicquid dicat Galenus, euidenti ratione demonstrari possit. Si enim quod perpetuò fit, & ex naturæ lege, fit necessario, ut ea omnia quæ aliquando ortum habuere, intereant tandem, eius etiam necessariam oportet esse causam ac perpetuam. Mors enim necessario homini contingit, tum ab internis, tum ab externis causis; Internis quidem, tum quæ materialium, tum quæ formalium rationem obtinent: Materialia enim hominis remota sunt ipsa Elementa, quæ mixtionem corporis nostri per alterationem & refractionem quandam ingrediuntur, Contraria tamen & quæ pro qualitatis alicuius excessu statim dominium in reliqua acquirunt, mutuamque exercent pugnam, ubi *ἡρᾶς* illa & harmonia nimium est dissoluta, ut apertis quibus continentur tandem repagulis, denuò (nihil enim violentum perpetuum) in propria reuertantur loca: Proxima verò sunt humores ipsi, & partes similes; Illi modò qualitibus contrarij, modò multitudine, pro variâ externarum rerum, & ineuitabilium mutatione, perpetuò sanitati nostræ imminet, & in gratissimo illo consensu, perniciosum dissensum semper continent: Partes verò similes sensificæ, doloris ut sunt capaces, sic etiam dissolutionis & interitûs, cùm dolor ille nonnisi ex propriæ naturæ, temperiei scilicet aut unitatis immutatione ac recessu contingat, qui tandem ex diuturnâ passione integer introducitur. Adde naturam materiæ primæ, cui ingenitum est illud principium priuationis & dispositionis ad susceptionem nouarum formarum; quod frustrâ esse non potest in homine, ut nec in aliis. Ex parte verò formalium, consideramus spiritum primigenium, caloremque nativum in certo humido positum, ex cuius etiam parte certa mortis necessitas imminet. Calor enim ille cùm sit agens Physicum finitæ potentiæ, infinito tempore operari non potest, atque ut agit, sic etiam reparitur suique interitûs est causa per accidens. Calor enim noster, ut doctè annotauit Auicennas, etiam in pueritiâ procul dubio humiditatem superat, aliàs enim ab ipsâ suffocaretur: Procedit itaque velut superior, in ipsam semper agendo atque exsiccando. Quamuis autem in principio ætatis, ea exsiccatio, æqualitatis cuiusdam videatur particeps, in progressu tamen ubi ad terminum temperatæ siccitatis ventum est, tunc Calor ut qualitate potentior, in materiâ magis dispositâ resoluit magis, donec ad vltimum exsiccationis perueniens, sublato proprio pabulo, humido scilicet primigenio, velut ellychnij propriâ humiditate, ipsemet per *μάραντιν* extinguatur. Quod si, ut sæpe solet, ad triplicis substantiæ nostræ, spirituosæ, humoralis, & solidæ, quæ perpetuò effluit, reparationem, assumendorum qualitas vel quantitas superior euadat calore nostro nativo, fit ut *παραπλάσια* multa colligantur, quæ suâ mole, vel indurata putredine infestissima existunt: Vnde excrementorum variorum prouentus per *σβέν* & suffocationem caloris nostri, sæpissimè dulcissimum abrumpit vitæ nostræ vinculum. His adde ex parte formalium, quòd Anima nostra diuina, originis suæ memor, non semper terreno huic ergastulo adstricta esse debeat.

Externa etiam omnia, ut generationi nostræ principium dederunt, sic corruptionis nostræ authores, & causæ ineuitabiles existunt: Cœli enim duplex ille motus, *ἐρεπόντι* omnis & diuersitatis principium existit, Solisque accessus ac recessus varius, ortum atque interitum modò his, modò illis adfert ineuitabilem. Elementorum etiam omnium occurus, quæ nos vndique circumstant, ita nos infestant, ut perpetuam alterationem ac omnimodas vicissitudines in nos inuehant, caloris, frigoris, humiditatis, siccitatis, potissimum Aër in quo illud *θεῖον* Hippocratis positum, temperatissimas naturas Orco tradere & veluti debellare aptum natum est. Alimenta præterea, & varia annonæ ratio ita nos impugnant, ut sæpe vel ob vitium ipsarum frugum, aquarum, pecudum, Vel ob ingluuiem hominum intemperatorum, nos expugnet. Violenta denique omnia externa, ictus, casus, cùm nullâ hominum prouidentiam in perpetuum euitari possint, contingit sæpe ut vel mortem instantem accelerent, vel ex toto perniciem afferant præsentissimam.

Ex quibus omnibus concludere licet, Moriendum esse homini, idque necessariò; Illi enim, ut reliquis omnibus genitis æterna illa lex dicta est, nasci, denasci, oriri, aboriri. Magno tamen cum solatio id bonis viris contingit, quibus è vitâ istâ deeedentibus certum est, omnes huius miserrimi Euripi molestias euitare, & sic ex mundi huius centro ad circumferentiam conuolare, ut sub pedibus Olympum conspiciant, Deique omnipotentis velut aspectu fruantur.

Atque ut mortis necessitatem hæc omnia probant, Sic etiam alterationis, imutationis, morborumque in nobis, qui nihil sunt aliud quam via ad mortem. Quamdiu autem optimus & naturalis status perdurat, tamdiu & vitæ spes permanet, & iucundè vitâ transigitur. Vtque sunt causæ internæ, externæ, statum illum immutantes; sic etiam oportet esse conseruantes vel restituentes eundem, cum per seipsum non subsistat, sed mobilis sit atque alterabilis, ut iam probauimus. Quare erit modus quidam seu ratio vtendi causis istis ad sanitatis perfectæ aut imperfectæ tutelam, vel ex solâ hominum obseruatione constans, quod vulgare est, vel certis quibusdam præceptis constituta, quod inuentum magnum, ut inquit Hippocrates, *lib. de vet. Med.* & multæ artis ac considerationis existit, vtilissimamque Medicinæ partem *ὡς ἔστιν* constituit.

Sunt tamen qui repugnent, & omnem istam tuendæ sanitatis per præcepta rationem, inutilem esse censeant: Exemplo rusticorum, militum, & idiotarum, qui viuaciores multis vrbis, Principibus, ac ipsis Medicis existunt. Deinde ratione, quod accurata hæc norma viuendi sit peior liberâ, cum ex minimo peccato illa offendatur, hæc verò etiam grauissima facillimè ferat, ut est elegantissimo *aphorismo*, qui *quintus* est *sect. 1.* vbi vult Hippocrates, in ægris & sanis periculosam esse exquisitam diætam & valde constitutam, *ὅτι τὰ ἀπαρτισμένα χαλεπώτερον φέρουσιν*. Prætereà ex ipso met Galeno dicunt, Naturam solam in temperatis corporibus sufficere, in aliis therapiam requiri, & ad solos otiosos homines hanc tuendæ sanitatis rationem pertinere, cum in aliis vsurpari non debeat. Tandem adferunt contextum illum pulcherrimum Celsi, viri Romani & eruditi, quod omnem excludere videtur curam Medicam à sano homine. *Sanus*, inquit, *homo, qui & bene valet, & sua spontis est, nullis obligare se legibus debet, ac neque Medico, neque iatroleiptâ egere; Hunc oportet varium habere vitæ genus, modò ruri esse, modò in vrbe, sapius in agro, nauigare, venari, quiescere interdum, sed frequentius se exercere: Prodest etiam interdum balneo, interdum aquis frigidis uti, modò vngi, modò idipsum negligere, nullum cibi genus fugere, quo populus utatur, interdum in conuiuio esse, modò ab eo se retrahere, modò plus iusto, modò non amplius assumere, bis die potius quam semel cibum capere. Talia firmis seruanda sunt, cauendumque ne in secunda valetudine, aduersa præsidia consumantur.* Hæc ille. Quibus multi vtuntur, ut curam hanc, vel artem sanitatis tuendæ, nullam, vel non necessariam esse probent.

Verùm facile erit nobis adhibitâ distinctione respondere, & artem hanc tuendæ sanitatis velut saluberrimam stabilire. Si enim, ut supra probauimus, certum sit statum salubrem conseruari, restitui, atque destrui vsu illarum rerum variè adhibitarum, quas Recentiores *Non-naturales* vocârunt, sequitur etiam vbi adest rectum & non rectum, salubre & non salubre, ibi etiam artem aliquam adesse, quæ doceat vtilia ab inutilibus seligere, non tantum secundum vniuersam hominum speciem, quod satis est inartificiosum, sed secundum vnumquodque hominum temperamentum, sexum, ætatem, regionem, anni tempus, vitæ conditionem. Vtque concedamus religionis, patriæ, ac sapientiæ causâ negligendam esse sanitatis conseruationem, cum præstet parum & bene viuere, quam diu & malè, aut sine laude; Est tamen in illis omnibus quod leges aliquas serues, neque te præcipitem des. Est ratio alia, quâ firmitatem quæras ad actiones, alia quâ vitæ longitudinem aut valetudinem firmam, quâ militem, nautam, viatorem, rusticum, & alios necessariis negotiis adstrictos; alia quâ vrbis, otiosum, literatum hominem instruas, ut diu sub hac vitæ conditione, & Reipubl. vtilis, & sibi minus noxijs conserues. Interim aliquid constituas *ἀναγκαῖον*, rectum, & exquisitum, quod sit omnium veluti idea & certa regula, à quò deflectere plus minus possis, pro certis quæ hîc statuentur legibus. Quis igitur has reiciat? Quis ab vsibus humanis illud expellat, quod maxime in omnium hominum commoda succedit, ut secundum temperamentum, ætatis, sexus differentiam, & vitæ genus varium, sibi commodissimam vitæ rationem ex arte constituat. Nemo certè, nisi qui naturâ præditus

prædictus sit ferinâ, quales sunt Scythæ, Nomades, & Anthropophagi, cæteraque huiusmodi hominum pecudes.

Nam quod dicunt, Rusticos, milites diutius vivere Principibus, urbanis viris, ipsisque Medicis, nihil vrget. Nam isti quamuis sine Medico, attamen non sine Medicinæ præceptis, naturâ vel conditione sic urgente id perficiunt, cum & labores gnauiter subeant, & frugalitatem in victu seruent, quæ duo esse vult capita conseruationis sanorum Hippocrates: Et quamuis crudioribus eduliis, dyspeptisque magis vtantur quàm urbani, non tamen ita variis ac putredini obnoxiiis, reliquumque labore vincunt improbo, ac vt vult Hippocrates *lib. de vet. Med. Ex forti eiusmodi victu, vt consentaneum est plurimos debiliore naturâ præditos, aut non assuetos perire; sic illi qui victum istum superare possunt, longiori tempore durant ac resistunt.* Adde animi curas & sollicitudines, ac literarum studia, quibus reliqui perpetuò torquentur: Isti verò illis priuati, nullâ ratione animam à corpore seiungunt, sed terrestris veluti compedibus alligatam diutius retinent. Præterea hoc in genere verum non est, sed in indiuiduis quibusdam tantum, quæ affirmationem vniuersalem conficere non possunt.

Quod verò attinet ad authoritatem Hippocratis, victum exquisitum damnantis, certum est etiam rationem tuendæ sanitatis, non habere pro scopo, ἀντιστῆναι & accuratam illam dietam, quæ in nullo peccet, sed pro exemplari tantum & idéa, ad quam omnes victus instituendi rationes referuntur, prout magis ad illam accedunt vel recedunt, secundum temperamenta varia, vitæ conditiones, & similia, quæ omnia Medicus ὑγιαίνοντες artificiosè moderatur ac præscribit, non vno, quod aiunt, calopodio in omnibus vtens, sed vario pede ac modulo, prout in his vel illis vitæ conditio & alia requirunt, vt vel firmitatem virium, vel vitæ longæuitatem, vel valetudinem exquisitam procuret: Ad quæ tria intendere debet potissimum. Atque hac cautione, vt si cui propter vitæ rationem in vno aut altero peccandum sit necessariò, putà aëre, exercitatione, aut alio, doceat quomodo reliquis emendare possit illorum noxas, ac diutius incommoda illa perferre. Non igitur solis otiosis hominibus conuenit hæc nostra ὑγιεινή, sed quibusuis etiam occupatissimis est necessaria, nisi de eâ parte, quam Reductionem vocant, intelligas, vt suo loco dicetur.

Natura quidem nostra, tam in hac parte, quàm in reliquis vitæ muniis, boni omnis initium & semina præbet: Ars verò complet & perficit. Adde, quod natura non semper sui compos & regulata, sæpe in sua damna ruit, quæ ars præuidere potest: Neque semper intemperati sani διαγνώσκουσι indigent, si leues fuerint lapsus, qui materiâ salubri corrigi possint.

Celsi autem contextus nihil contra nos facit; Ille enim parum artificiosus Medicus, quamuis disertissimus, & ad Reipubl. commoda respiciens, solam virium firmitatem quærit ex assuetudine & perenni ad causas resistentiâ, quam vt fateamur vtilissimam esse militi Romano, modò Ammonis æstus, modò Scythicas pruinæ sub pellibus & in castris passuro: tamen omnibus conuenire non potest, vt infirmioribus naturis, studioisque hominibus, qui literarum amore rapti, mentis magis quàm corporis firmitatem quærunt, longiore tamen vitâ ac prosperâ valetudine dignissimi. Quas omnes vitæ & hominum conditiones ars ista complecti debet, non circa particularia quædam tantum versari. Est igitur ὑγιεινή, pars Medicinæ saluberrima, vtilissima, quæ & γυμναστικὴ, & ἰατρικὴ, cæterasque multas pro varietate materiæ salubris, vel constitutionum diuersarum distinctas, sub se continet, vt docet eleganter Galenus libro cui ritulum fecit, *An ars tuenda sanitatis ad Medicinam pertineat.*

Superest vt videamus, quod tertio erat propositum; quæ sint à nobis dicenda, vt vniuersalem hanc ὑγιεινὴν tractationem artificiosè complere possimus.

Id autem commodius fieri non potest in certis partibus, vt in tota arte, quàm si teste Galeno, ex finis notione, qui cætera potestate continet, progrediamur. Is autem cum sit sanitas, eaque perfecta vel imperfecta, certum est illam conseruatione indigere, hanc & conseruatione & restitutione. Hoc autem cum fieri non possit immediatè à Medico, sed media quadam materia, seu instrumentis; Sciendum inprimis est, quæ sit illa materia salubris, & quis eius vsus. Eius autem vsus teneri non potest, nisi sciuerimus quæ sint indicationes seu insinuationes agendorum in corporibus sanis, primò per communissimam indicationem, deinde per particulares in vnoquoque sano. Sanum itaque perfectè, cum sit veluti regula

omnium aliorum, idè primùm de eius cura est agendum, vt deinde eos qui à perfectione recedunt, quod fit vel secundùm temperiem, vel conformationem, vel vnitatem ipsam, solas aut iunctas, arte nostra iuuare possimus, quod est propositum finem assequi, sanitatem scil. integram seruire, vel lapsam sub latitudine tamen sanitatis restituere. Quinque igitur capitibus totam hanc nostram tractationem perficiemus: quorum *primum* erit de materia salubri, & eius vsu in genere. *Secundum*, de indicationibus sanatiuis, & primùm de communissimâ illa, An similia similibus conferuentur, cui tota Hygieine innititur. *Tertium*, de conseruatione exactè sani, & materia in illo salubri. *Quartum*, de sanis, qui lapsi sunt secundùm temperiem, siue æqualiter, siue inæqualiter intemperatis. *Quintum*, & *ultimum* de eis qui lapsi sunt secundùm organi vitia, aut vniionis solutionem. Quibus nihil aliud addi potest, quod ad tutelam sanitatis faciat. Nos verò semper fontes indicabimus, in quibus vberius particulares istæ tractationes continentur.

TEXTVS GALENI.

Ἀλλοιῶται τοίνυν τὸ σώμα, πρὸς μὲν τινῶν ἐξ ἀνάγκης πρὸς δὲ τινῶν, οὐκ ἐξ ἀνάγκης. λέγω δὲ ἐξ ἀνάγκης μὲν οἷς ἀδιώκων αὐτὰ ὄντι μὴ πλησιάζειν ἐκ ἐξ ἀνάγκης δὲ τὰ λοιπὰ π. τ. ἐξ ἡς.

Alteratur igitur corpus à nonnullis quidem necessario, à quibusdam verò non necessario. Dico autem necessario, quia nulla est evitandi ratio; Non necessario autem reliqua, &c.

HYGIENH.

QUINQUE CAPITIBVS CONCLVDITVR.

CAPVT I.

De materia salubri in genere, & eius vsu.



ANITAS à Medico non immediatè sed mediatè conseruatur, corrigitur, restituitur, per causas scil. quas idè vocarunt salubres, alias instrumenta, alias materiam salubrem, quibus vtens Medicus variè actionem illarum dirigit, vt eam propositus finis sequatur. Cognita itaque natura corporis sani, eiusque multiplicis per propria signa, æquum est nunc imprimis scire, quæ sint illæ causæ, quod sint, quæ causarum proprietates & effectus, quis sit vsus in genere, & quid in eo obseruandum, vt illis ita præcognitis feliciter aprari possint, tam ad conseruationem sani, quam correctionem lapsi, sub latitudine tamen sanitatis positi.

Quæ sint igitur, & quot sint hæ causæ, ita inquiramus: Cum certum sit corpus nostrum mutationi omni atque ἀλλοιότητι obnoxium, vndique causarum illud impugnantium vi obsideri, vt quoquò te vertas, vbique instare pericula, & in humanæ vitæ securitatem veluti coniurationes animaduertas. At inter ista patet quædam esse, quæ nobis ita coniuncta sunt & familiaria, vt siue iuuamen siue perniciem secum inferant, *ἢ ἀνάγκης, necessario* illis sit in genere vtendum, quamuis enim hoc v. g. aëre qui te circumstat, aut toto Mospeliensi aëre, cum Pergami fueris, carere possis; at nusquam in totum aëre carebis inspirato aut perspirato, & sic de reliquis. Quæcunque igitur ita ad vitæ conseruationem faciunt, vt sine illis vita diu subsistere non possit, sed perpetuo eorum vsu indigeat, illa certè dicuntur causæ salubres necessario nos afficientes; circa quas ars Medica salubris potissimum versari debet. Hæ enim cum primariò dispositæ sint & comparatæ ad hominis tutelam & conseruationem, fieri tamen potest vt ex contraria constitutione, vel peruerso earum vsu, aut corporum variis affectibus, illi quàm maximè sint noxiæ: Vnde tam salubres, quàm insalubres existunt, quoad nos, & prout in vsu diuersorum considerantur. Quod idem contingere potest causis illis, quæ non semper &

ex necessitate, sed aliquando tantum aut casu nos afficiunt, ut postea dicemus. Porro cum vivere, ut docet Aristoteles, nihil sit quam agere, vitæque nostra posita sit in aggregato trium illarum primarum functionum, animalis scilicet vitalis, & naturalis, quibus subsistentibus & ritè munia sua exercentibus, homo bene valere existimatur. Sic ad vitæ durationem, harum facultatum robur & integritas seruanda est. Ad quod præstandum res quasdam senario numero comprehensas necessario concurrere reperiemus, non plures. Vigilia scilicet cum suo opposito, & Motus cum suo opposito, facultati animali. Aer, & affectus animi vitali: Cibus cum potu, Excreta cum retentis, naturali. Quarum duæ sunt res extraneæ & reuera subsistentes, Aer scilicet & Cibi ac potus: Aliæ verò ab internis pendentes, exteriorum tamen causarum naturam induunt, ut motus, vigilia, animi pathemata, & excretiones, quoniam cum non sint corporeæ causæ in nobis subsistentes, sed corporeas causas moueant, siue antecedentes siue coniunctas, ideo inter Evidentes numerantur. Sunt igitur sex illæ res statum nostrum salubrem necessario respicientes, in usu etiam insalubrium & neutrorum inuitabiles. Nam internæ illæ tres, triplicis scilicet substantiæ nostræ fluor, siccitas quæ tempore inducitur, & excrementorum prouentus, quamuis necessario in nos agant, quia tamen antecedentium vel coniunctarum causarum rationem obtinent, ideo inter evidentes istas & procatacticas causas referri non debent. Præter quas sex non dari alias id suadet, quod in genere materiæ salubris nihil sit, quod ad istas facile reuocari non possit, si id necessario nos afficiat. Quamuis enim Galenus lib. 5. de Sanit. tu. quatuor fecerit genera materiæ Medicæ, quæ mutandi corpus vim habet in bonum vel malum, assumendorum scilicet faciendorum, educendorum, & admouendorum, sub quibus multa alia præter ista sex reperiuntur, tam necessario quam non necessario agentia, tam sponte naturæ quam ex instituto, voluntate, aut casu nos alterantia. Mellius tamen hic quasi per genera Physicæ proposuit, & veluti digito indicauit materiam necessario nos afficientem, ut liceret unicuique tam in enumeratione causarum, quam in conseruatione sanitatis, & morborum curatione per hæc primum discurrere, postmodum ad ea venire, quæ non ita necessario nos afficiunt, sed tamen sæpe casu, vel ex proposito proprio quibusdam mutationes, alterationes, conseruationes, aut restitutiones inuehere possunt. Circa quæ vltima, quamuis Galenus nolit artem nostram salubrem versari: quia tamen ad enumerationem & inuentionem omnium causarum in nos agentium maxime conducunt, ideo à nobis, doctrinæ gratiâ, quia harum cognitio ad quatuor facit Medicinæ partes, Pathologiam, Hygieinem, Prophylacticen, & Therapeiam, in duas classes causa istæ omnes ita digerantur. Sit igitur *primus ordo* rerum in nos necessario agentium, quas nemo in genere evitare potest, sex nimirum illarum, Aeris, Cibi & potus, Somni & vigiliæ, Motus & quietis, Excretorum & retentorum, Animi pathematum. Sit *secundus ordo* rerum non ita necessario in nos agentium, sæpe tamen accidentium, quas referemus sub quatuor illis generibus, Assumendorum, Admouendorum, Educendorum, & Faciendorum. Inter *assumenda* licet reuocare ea omnia, quæ præter alimenta ingeruntur, ut venena, medicamenta, lapillos, ferrum, aurum, & cætera huiusmodi, quæ vel imprudenter, vel vi, aut aliâ ex causâ vorantur, aut per aliam patentem corporis viam induntur, ut anum, vesicam, vterum, pudendum, nares, veluti odores omnes & fumi ad interiora penetrantes. Inter *admouenda* præter Aërem, reponemus balnea tum sicca, ut æstuarialia in Lacónico, in arenâ, fimo, & similibus: tum humida, quæ vel arte parantur, vel sponte naturæ producuntur, qualia sunt aquæ fluminum, fontium, maris, in quibus lotiones, natationes exercere solemus, thermæ variis qualitatibus infectæ, ut aluminosæ, sulphureæ, nitrosæ, ferreæ, æreæ, & similes. Sub hoc etiam genere continentur Vnctiones omnes, cataplasmata, cerata, emplastra, tum ea quæ appendantur collo, aut circumjiciuntur alijs partibus extrinsecis, inter quæ vestes quibus operimur, principatum obtinent. Non solum enim ad ornatum, sed ad commodum inuentæ sunt, dum modò per se, modò per accidens corpora nostra calfaciunt vel refrigerant. Item ad genus hoc reuocari debet Domus seu habitaculi constitutio, in quo versamur. Inter *educenda* reponamus, præter ea quæ excernuntur aut retinentur solius naturæ operâ, ea omnia quæ è corpore educuntur per vomitus, purgationes, venæsectiones, scarificationes artificiosæ, aut alio quouis modo institutas. Sub quibus etiam Venerem recensere lubet, ut quæ magis per illud quod excernitur, nos afficit, quam vel motu corporis, vel commotione animi. Superfiant *gerenda* seu *facienda*,

facienda, ad quæ reuocantur præter animi & corporis motus aut quietem, frictiones, vincula, ligaturæ, omniaque contundentia, atterentia, vulnerantia, & quæcunque fortuito in nos irruunt à causis violentis.

Ecce omnem materiam Medicam sub duplici isto ordine repositam, nempe causas salubres, insalubres, & neutras, pro vario earum usu, secundum diuersorum hominum naturas & constitutiones necessariò vel non necessariò nos afficientes, modò per se & ex propriis qualitatibus, modò per accidens: Aliàs immediatè & proximè, aliàs verò mediatè, suscitatis scilicet causis propinquiorebus, aliàs subito, aliàs verò paulatim. Quarum omnium explicationem nobis propositum non est persequi, sed earum tantum quæ materiam salubrem & victus rationem respiciunt, hoc est, sex illarum rerum non naturalium dictarum, in quarum enarratione siquæ fuerint ex aliis causis his ita annexæ, ut ferè ab earum cognitione pendeant, breuiter etiam annotabuntur.

Verum quoniam Galenus in *contextu nostro* videtur sibi ipsi repugnare, dum vult in harum causarum usu qualitatem solum & quantitatem spectandam, cum tamen *alibi* multò plura proponat: Ideò imprimis sciendum, quæ & quot in istis habemus consideranda, ad sanitatis conseruationem, priusquam ad explicationem earum particularem veniamus.

Certum est igitur Res istas conseruantēs & efficientes sanitatem, tales dici secundum actionem eam quam exercent in nobis, quæ cum pendeat ex certâ dispositione causæ illius agentis, & proportionem quadam illius cum eo quod afficitur, si debitus & conueniens esse debeat effectus, qualem promouere & procurare Medico *primò* est propositum: sequitur hinc in causis istis, *Qualitatem* spectandam primùm, utpote à qua actiones pendere solent, & cui vel ad curationem morborum, vel ad sanitatis tutelam, *insequenti* potissimum adscribenda videtur. At quia hæc qualitas ex genere affectus propositi desumpta, siue intensi siue remissi sit gradus, effectum illum inducere non potest regulatum, nisi tum ex parte ipsius causæ, tum ex parte ipsius corporis afficiendi, (magnitudinem vel paruitatem vocant affectus) debita quædam quantitas, siue secundum molem, ut in alimento, siue secundum durationem, ut in somno, exercitatione, & similibus spectetur, ideò statim qualitati *quantitatem*, tanquam intentiones duas sufficientes coniungit. Verum quoniam omnis actio in tempore fit quodam, pro cuius constitutione variâ, aut diuersâ earum rerum quæ temporì subijciuntur dispositione, felicior vel infeliciores ea succedit actio: Ideò *opportunitas* illa velut circumstantia quædam valde necessaria ad actiones Medicas, & ab Hippocrate diligenter est annotata, dum *primò* illo *aphorismo*, non solum periculosum esse experimentum, & iudicium difficile ex parte subiecti voluit, sed etiam *ὁπὸν ὀκῶν*, *occasionem præcipitem* ex parte remedij. Et ab ipso Galeno alibi, ut *lib. de optima secta, libris methodi*, Temporis maxime habetur consideratio, ut quæ maxime ad cognitionem affectus faciat, & ad qualitatem quantitatemque auxiliij coniectandam. Hic tamen eam rejicere, etiam adhibitâ ratione conatur, velut minus artificiosam, quia si quale quantumque conuenienter adhibeatur remedium, frustra temporis habebitur ratio. Si verò extra occasionem & inconuenienter adhibeatur, peccatum fuit non ratione temporis, sed quia non quale quantumque conueniebat, exhibitum est. Hæc est Galeni ratio in hoc nostro contextu: cui etsi illud concedamus, quod negari non potest, tempus inter indicationes vel curatrices vel conseruatrices annumerari non debere, utpote quod neque curatur, neque conseruatur; Quia tamen ita concurrat in designandâ propositi affectus quantitate & qualitate, ut sine eo vix sit perceptibilis; hinc enim illa morborum in sua tempora diuisio fit ut ipsa remedij quantitas qualitasque ritè designari non possit, absque ipsius temporis notatione. Hinc tot aphorismi hippocratis, temporis occasionem & opportunitatem remediorum designant, ut 22. & 24. *sect. 1. 29. f. 2. In principio morborum, siquid mouendum videtur, moue: In statu verò quiescere, melius est. 10. sect. 4. 4. 5. 12. f. 4. 8. f. 1. In statu tenuissimo uti victu oportet. & 9. 10. 11. 17. 19. eiusdem sect. ut alios propè infinitos omit- tam. Quæ omnia suadent, temporis occasionem vtilissimè, si non primò & admodum propriè: ratione tamen agnitionis nostræ, inter ea quæ considerantur in usu auxiliorum, reponendam esse.*

Præter qualitatem, quantitatem, & occasionem, ipsemet Galenus, veluti sui & dictorum immemor, videtur duo adhuc alia adicere, *Substantiam* nimirum, ut in aëre & alimentis, & *Ordinem* inter ea quæ plura numero exhibentur. Ac si rei

ipsius Medicæ vtilitatem & commoditatem spectes, cum alimenta ipsa & medicamenta multa, Aër etiam non solum vi suarum qualitatum manifestarum, sed etiam totius substantiæ more Medico sumptæ, agere in nos dicantur, & perpetuò à Galeno id repetatur, cùm non etiam in istarum causarum vsu substantiam ipsam, si res ita ferat, spectabimus? Denique cùm præter substantiam, qualitatem, quantitatem, occasionem, multi contingere possint errores, omisso causarum istarum debito ordine, si plures simul offerendæ sint, vt patet de cibo & potu, in quibus ipsemet Galenus *Comm. in aphor. 28. sect. 6.* vult Vinum ante cibos sumptum arthritides gignere, solo ordinis vitio, Quidni & etiam & dispositionem earum, quæ contingit secundum prius & posterius considerabimus, vt hæc facilius & distinctius explicentur? Quamuis ergo & Substantia, & Occasio, & Ordo violenter & quodammodo ad Quantitatem & Qualitatem reuocari possint, nos tamen clarioris doctrinæ causâ, hæc quinque seiunctim consideranda existimamus, *Substantiam, Qualitatem, Quantitatem, Tempus, & Ordinem*, prout causarum illarum natura id feret, ad quarum explicationem iam accedimus, ducto ab aëre initio.

§. I.

De Aëre.

VT animantium omnium reliquorumque mistorum corpora ex elementis primò conflata compositaque fuere; Sic etiam ad eorum nutritionem, conseruationemque necessariò concurrunt, illudque si debite vsurpata fuerint efficiunt: Sin minus, mutationem, alterationem, aque adeò interitum inferre possunt. Vtque corpora ista inextinguibili atque infatigabili calore, quamdiu viuunt perfusa, triplici constant substantiâ, solidâ, humoralis & spirituosâ, quæ perpetuam patitur *ἀπορροήν*, & effluxum perpetuâ reparatione indigentem: Sic ad subsidium istud, quatuor illa ex quibus geniti sumus elementa concurrunt, terreum scilicet & aqueum ad solidam, humidamque substantiam potissimum reponendam, non quidem impermixta & syncera, sed sub genere cibi & potus, vt postea dicemus. Igneum autem & aëreum ad spirituosâ substantiæ potissimum reparationem, quæ vt maximè est dissipabilis & resolubilis, sic etiam celerrimis & copiosissimis fomentis indigebat ex aëre inspirato perspiratoque desumptis. Qui non purum quid & *ἀνεξέτης* elementum existit, sed corpus permixtum in suâ substantiâ plurimo aëre, partibus igneis multis, vaporibus aqueis, terrenisque exhalationibus constans. Hic tantâ celeritate corpus nostrum aggreditur (quod Hippocrates voluit esse *ἐμπυρὸν καὶ ἐκρυσσόν*, *transpirabile & confluxile*) vt momento temporis inspiratus, os, guttur, pulmones, cor, arterias omnes, nares, cerebrum peruadat; transpiratus verò exteriores arterias, cutisque poros subeat, ac omnem corporis habitum permeet. Tantâque necessitate attrahitur, tum ad spirituum generationem, qui ex aërea hac materiâ tenuiori benignioris sanguinis exhalationi permixta suscitantur; tum ad temperationem caloris nostri æstuantis & conclusi, qui hoc veluti flabello ventilatur; tum ad exclusionem excrementorum illorum fuliginosorum, quæ per coctiones in nobis excitantur, non solum in primis officinis, sed etiam in quibusuis corporis partibus, vt sine inspiratione nouâ & continuâ, transpirationeque, ne horam quidem integram homo perdurare possit. Hinc Hippocrates *lib. de aëre, aquis & locis*, totus ferè occupatur in inuestigandâ tradendâque variâ aëris naturâ. Hinc *libro de flatibus* vocat *μέγιστον ἐν ἀνασπύρας*, *maximum omnium* quæ corpori accidunt, auctorem & dominum, Quoniam, vt subdit ille, ab omnibus operibus immunes aliquando quiescere possunt homines, ab hoc autem nulla omnibus caducis animantibus requies contingit, nisi *ἐν βραχὺν μέτρον* perire illis sit constitutum. Hinc Hippocrates *in Epidem.* soli mutationem consulit in longis morbis, & Galenus exurgentes è morbo, vult extra patriam agentes, proprios repetere lares, ad faciliorem conualescentiam. De potentissimâ itaque & communissimâ hac causâ acturi, quantum ad hygieinem nostram pertinet, cùm certum iamque à nobis probatum sit, Aërem non solum vt effectricem causam suis nos afficere qualitatibus, sed etiam materiam suppeditare ad generationem spirituum; Ideò prius substantia illius consideranda, pro cuius variâ constitutione, diuersi in nobis effectus produci possunt. Penès hanc autem Purus & impurus, Crassus & tenuis dicitur. Puritas enim spectatur penès integritatem substantiæ aërea, siue illa tenuis sit,

fit, siue crassa; Impuritas verò penès vitium & corruptelam, siue cum tenuitate id contingat, vt fit per receptionem influxus maligni à corporibus cœlestibus, siue cum crassitie, quod frequentius est, ex permixtione tēterrimorum vaporum, fœtidissimarum exhalationum, pulueris, nebularum, & similium heterogeneorum acri permixtorum. Sic igitur ex parte substantiæ aëris, illius *puritas* maximè laudabilis, & cuicunque temperamento, sextui, ætati, conditioni utilis, tum ex eo quod immediatè nos iuuat, dum spiritus nostros collustrat, & defæcationes profert, sanguinem tenuat, corpus purificat & excrementis liberat: tum mediatè, dum frugibus, aquis, pecudibus, & similibus ex quibus nutrimur, talem substantiæ suæ conditionem impertit. Contrà *impuritas* nulli non temperamento & vitæ generi noxia, siue sit illa naturalis certæ cuidam regioni ac loco propria, ex perpetuo cloacæ, paludis, fluminis halitu, aut tæterrimâ aliâ exhalatione, qualem esse ferunt circa Sardes & Hierapolin: Aut aduentitia, tum ex impressione corporum cœlestium, maleficâ quadam labe aërem inficientium, qualem fuisse ferunt, anno 1345. post Saturni, Iouis & Martis coniunctionem in XIII. gradu Aquarij: tum ex corporibus aliis putrentibus, cadaueribus, locustis, leguminibus, cannabe, & similibus, ex quibus ita inficitur aliquando aër, vt non solum vna regio, sed plerumque integra mundi plaga per ventorum afflatus, mortifera illa seminaria suscipiat. Quod Hippocrates τὸ θεῖον, *quid diuinum* in morbis appellauit, potentissimam nimirum causam & communissimam labem denotans. Est aliquando cum impuritas ista non ita est perniciofa, quamuis noxia, vt nebularum, imbrium, vaporum crassissimorum, qualem esse ferunt apud Cimmerios; pulueris perpetuâ ventorum agitatione suscitati, qualem esse dicunt apud Garamantas & deserta Libyæ; cæteraque eiusmodi incommoda aëris impuri, quæ miseris mortalibus vitalem auram spiratibus spirituum obtenebrationem, humorum cōfusionem, ac caloris natui suffocationem adferre solent.

Alia est ratio crassitie & tenuitatis aëris; Non enim vt Puritas omnibus simpliciter bona, sic tenuitas; Nec vt impuritas omnibus mala, sic etiam crassities. Quamuis enim *tenuitas* aëris & penetrabilitas ad expurganda corpora faciat: quia tamen resoluit maximè, & qualitates omnes frigiditatis, siccitatis, caliditatis, citò & violenter imprimit. Ideò corporibus infirmis, quibus vel ob natium temperamentum, sexum, ætatem, aut morbum, calor natuius adest imbecillior, non est utilis. Vt contrà aliis commodus esse potest, qui perflatione maximâ, attenuatone, aut exsiccatione indigent, vtpote ad vlcus in pulmone sigillationem, Galenus tabidos Romæ degentes, Thabias relegabat. *Crassities* autem aëris, dummodò sit cum puritate, aut certè mediocritas substantiæ, magis conuenit mediæ naturæ & temperamento hominibus, cum non ita afficiat & violenter commoueat corpus, quod ybique esse periculosum docuit Hippocrates. Atque hæc de substantia aëris.

Quod ad *Qualitatem* eius attinet, certum est, aërem, vt mediocris temperaturæ inter caliditatem, humiditatem, atque ob substantiæ suæ raritatem, facillè reddi omnium qualitatum participem, vt momento ferè temporis, caliditatis frigiditatique vicissitudines suscipere possit: Vnde illud Hippocratis, *Aphor. 4. sect. 3.* Ὅταν τῆς αὐτῆς ἡμέρας, ὅτε μὲν θάλαττα, ὅτε δὲ ψυχρὰ γίνηται, φθινόπωρον τὰ νοσήματα προσδέχεται. Hinc fit vt mutationes in hisce qualitatibus primis vndique suscipere possit. Ab ipso quidem Sole primum, latione illa diurna ab Oriente in Occidentem, quâ variæ nobis aëris constitutiones repræsentantur, Crepusculi seu auroræ, matutini temporis, meridiei, seris, & noctis, quæ pro vario suo statu, humoribus nostris etiam diurnum motum inferre solent. Inter has diei partes, *serum* illud *tempus*, post breuem Solis occasum, maximè habetur noxium; quoniam tunc vapores eleuati, & in prima aëris regione subsistentes, jam apparente nocte condensantur, & capita infirmiorum hominum penetrant. Qua de causa etiam, quamuis non ita noxiè, sub matutinum crepusculum, vapores qui aduentante Sole eleuantur, nos eadem ratione afficere possunt. Deinde Solis per Zodiacum peragratio suo accessu & recessu ad nos, minore aut diuturniore mora quatuor nobis anni quadras constituit, duobus solstitiis, & totidem æquinoctiis distinctas, variæque temperie præditas, elementis humoribusque nostris analogas, Ver scil. Æstatem, Autumnum, & Hyemem, de quibus extant tot elegantissimi Aphorismi Hippocratis *sect. 3.* vbi harum tempestatum naturam & effectus in nobis describit. Item præter ipsius vim Solis, credibile est aliarum stellarum influxum concurrere, illam augentium vel minuentium, vt omittam Lunæ efficaciam, crescentis, decrescantis, silentis, & plenæ, quæ manifestum & penè sensibilem habet dominatum in humidi

humiditates omnes mouendas & augendas. Atque vt superiora corpora in aëre hæc præstant; sic inferiora mutationes in illo maximas excitant; Aquarum enim, niuium, glaciei propinquitas, Regionum, vrbium, locorum diuersitas, quantas in eo pariant mutationes, nemini est ignotum. Regiones enim & variæ mundi plagæ, distinctæque climata, distinctam etiam habent aëris temperaturam: Alia est Orientis, alia Occidentis, alia Meridiei, alia Septentrionis conditio. Ita vt vrbes, loca, domus, pro vario ad hos mundi cardines situ, vt docet Hippocrates, variam etiam habeant in aëre, aquis, cibis mutationem. Atque in vrbe aut domo positiones sublimes vel demissæ, apertæ vel occlusæ, ad montem, conuallem, flumen, mare, stagnum, paludem, sabuleta, nemora varia, aut pingue solum, talem adferunt constitutionem aëri, qualem ista quibus sunt propinqua, habere possunt. Quid dicam de Ventorum potentia, ab Hippocrate 3 *sect. aphor. 5. & 17.* eleganter expressa, in mutando aëre, ab Austro, axe, ortu, aut occasu spirantium, qui talem inferunt illi qualitatem, qualem ex decursu suo per certam mundi plagam recipiunt, quamuis ex propria sua natura & origine similes sint, quique regiones, vrbes, domus variè illis expositas, commodiores vel minùs commodas hominibus reddunt. Adde quæcunque in locis quibuscumque spirantia, & fragrantia, quæ odoribus illis aëris qualitates immutant. Hæc omnia scire & diligenter obseruare decet Medicum, vt vult Hippocrates *lib. de aër locis & aquis*, non vt Astronomum aut Geographum, sed vt sanitati hominum consulat, venturòsque morbos prospiciat, aut iam genitorum & popularium naturam detegat, quam efficienti causæ similem esse par est. Quod ille elegantissimo illo libro iam citato, & *sect. 3. aphorismorum* præstitit, ad quos plenioris doctrinæ gratiâ recurrendum est. Nunc enim sufficiat pro nostro instituto dicere, Aërem temperatum, aut excellenti quadam qualitate affectum, calidâ, frigidâ, humidâ, aut siccâ, non æquè omnibus conuenire. Quamuis enim temperatus aër omni videatur excessui contrarius, quia tamen non sufficit ad multa intemperamenta sub latitudine etiam sanitatis posita, corrigenda, idèò cum Galenò *lib. 1. de sanit. tu.* existimamus, temperatum aërem temperatis conuenire, nulli autem aliorum nocere, sed contrarias qualitates parum potenter corrigere, quæ oppositis excessibus faciliùs emendantur, vt nos suo loco clariùs dicemus. Nunc ista in genere de qualitatibus aëris dixisse sufficiat.

Post substantiam & qualitatem aëris, Videamus an etiam *Quantitas* illius sit spectanda, quod primò non videtur, quoniam circumfusi nobis vndiquaque aëris quantitatem moderari, non est in nobis positum; secundò, quia in corpore bene constituto, constante facultate & instrumentis eum inspiramus aërem, quæm vsus, finalis scilicet causa requirit. Attamen cum possimus ex certâ ratione & artis præcepto hunc inspirandi vel transpirandi aëris modum & vsum variare, hinc fit vt quantitatem etiam in illo spectare possimus: Sic flante Zephyro, aut suauis quauis aurâ, apertis naribus, ore patulo, & expanso pectore illam haurire solemus. Contra in molesta aëris constitutione meatûs omnes corporis contrahimus, aut etiam odoratis opplemus. Sic Hippocrates *lib. de nat. hum.* vult in statu pestilenti, nos quàm paucissimum aërem inspirare, neque vllò vti corporis motu, qui respiracionem augere possit. Adde quòd quantitatem etiam aëris, ex duracione ipsa moderari licet, vt scilicet ex longiore & breuiore morâ, cum non in totum carere possimus, hoc tamen vel illo breuiùs fruamur, aëre puro vel impuro, crasso vel tenui, calido aut frigido, Solis aut Lunæ radiis exposito, diutiùs aut breuiùs vtamur, pro variis Medici intentionibus: In peste fugiendum;

Hæc tria tabificam curant aduerbia pestem,

Mox, longè, tardè, cede, recede, redi.

Quibus moderandæ quantitatis ratio traditur secundum durationem. Superest occasio, & ordo, in quibus positus est vtendi modus, qui in singulis suam habet varietatem & modum, quem erit melius in particulari corporum conseruatione vel correctione proponere, quàm huic generali doctrinæ inferere: Ac proinde ista de Aëre, vt communis est quædam causa salubris, insalubris, & neutra, communiter dicta sint.

§. II.

De Cibo & Potu, seu Alimentis.

Alimenti nomen homonymum est, quod Hippocrates lib. de alim. his verbis distinxit: τροφή τὸ τρέφον, καὶ τὸ εἶν τροφή, καὶ τὸ μέλλον τροφή, quod actu nutrit, quod quasi est nutriendum, & quod nutriturum est, ut Galenus frequentet repetit, Comm. ad aphor. 39. sect. 5. lib. 1. de facult. nat. & sub finem lib. 1. de sanit. tuenda. Cibus enim & potus, quæ alimenti nomine continentur, cum non immediate nos nutrant, sed multis intercedentibus coctionibus, tum in primis corporis nostri officinis, tum in singulis. Ideo illud totum quod extra est alimentum, quodque iam mansum aut deuoratum chyli naturam suscepit, Hippocrati *nutriturum* dicitur: Quod verò post secundam concoctionem & αἱμάτωσιν sanguinis naturam induit, illud *quasi nutriendum* appellatur: denique quod ex venis & arteriis iam maioribus ad minores illapsum est, iamque ex his roris instar, in partium poros & substantiam delapsum, hoc *actu nutriendum* vocat. Nobis autem nunc prima alimenti significatio erit in usu, externorum scilicet corporum, quæ ad nutritionem corporis nostri, quotidiano usu, venire solent. Etenim ut iam à nobis dictum est, cum triplicis substantiæ nostræ dissipatio fiat continuò, ea nisi indies reparetur, citò animantibus pereundum est. Quamuis enim multi multos annos sine alimentis vixisse ferantur, quidam sine cibo, plures sine potu, in modum Chameleontis solo aëris afflatu vitam producentes, propter debilitatum eorum calorem, aut crassiorum copiam humorum & parum resolubilem: quia tamen hæc rara sunt, & in corporibus præter naturæ humanæ conditionem constitutis accidunt: Ideo hoc non efficit, quin ad repositionem humidæ & solidæ substantiæ, opus sit in homine, & reliquis vegeti caloris animantibus, non solâ aëris attractione, quo spirituosâ substantia reficitur tantum, sed etiam terreo & aqueo elementis, vel rebus ad naturam illorum maxime accedentibus, quas *Cibum & Potum* appellamus: Cibum scilicet illud, quod plurimum habet quo solidam substantiam reparare possit, minimum quo humidam: Potum contra, quod plurimum habet quo aqueam, paucum quo solidam. Hoc modo multa alimenta excludentes, quæ quamuis liquida sint & potabilia, ut iusculum ex contusis carnibus, expressus à perdice aut capone liquor, gelatinæ, destillata, & similia, non tamen potius nomine complectenda, quin potius ad cibos liquidos, ab Hippocrate ποσάματα & sorbitiones dictos referenda: Quamuis etiam potius nomine aliquando ea designet, ut aphor. 11. sect. 2. dum vult, facilius esse refici potu, quam cibo, hoc est, liquidis alimentis potius quam solidis.

Quicquid sit, cum alimenta non solum immutent corpora nostra suis qualitatibus, sed etiam in eorum substantiam facessant & conuertantur, materiamque humorum subministrent, ideo accuratè illorum ratio habenda, non solum in therapeia affectuum contra naturam, sed quod multò potius est in usu salubri, habitâ ratione substantiæ, qualitatibus, quantitatibus, temporis, & ordinis.

Substantia itaque cibi & potus, apud Medicos ad tria refertur, ad eorum scilicet εὐχρησίαν vel κακοχρησίαν: ad εὐπερίεσταν vel εὐπρόσπικτον, *facilem vel difficilem coctionem*; & magnam aut paucam nutritionem. Cum enim, ut inquit Galenus lib. 7. Meth. cap. 6. nutrimentum ipsum non seipsum concoquat, ac in partes digeratur, sed ipsum quod nutriendum est, sibi & nutrimentum attrahat, mulet, concoquat, adiungat, & assimilet: ideo in opportuno cibo eligendo ad duo spectandum est, unum scilicet ipsius cibi naturam, alterum vires corporis nostri proprias & insitas. Itaque si tantâ sit in quibusdam quæ assumuntur resistantia ad calorem nostrum natiuum, ut vix ea concoquere, & in naturam chyli, sanguinis, aut partium similium immutare possit, illud alimentum, *crudum* & εὐπρόσπικτον dicitur secundum suam speciem: Si verò ab hoc v.g. homine, non ab isto, aut aliis superetur, tunc non simpliciter crudum, sed respectu huius vel illius temperamenti, sexus, ætatis, consuetudinis, & similibus, difficilis concoctionis dicitur. Contra si à quouis homine cuiusvis conditionis facile conuerti & superari possit, εὐπρόσπικτον, *facilis concoctionis* existimabitur. Porro si post concoctionem istam, quæ fit tum in ventriculo, tum in hepate, primarijs scilicet corporis nostri officinis, ex eiusmodi alimentis sanguis exciteretur purus & laudabilis cum paucis excrementorum prouentu, dicentur alimenta illa εὐχρησά, *boni & utilis succi plurimum continere*: Quod si impurus & minimè syncerus sanguis producat, multâ vitiofo-

rum succorum proluvie scatens, biliosorum, pituitosorum, melancholicorum, ferosorum, putredini obnoxiorum, viscosorum, & similium, *Cacochyma* ea sunt & dicuntur. Atque inter hæc siue facilis seu difficilis coctionis, siue euchyma aut cacochyma sint, contingere potest, ut magnam vel paucam præstent nutritionem: Inter ea enim quæ faciliè coquuntur, aut bonum succum proferunt, quædam esse possunt, quæ admodum paucum, alia quæ multum præbeant. Cum enim alimenta omnia à nobis ad nutritionem potissimum assumantur, siue sit illa simplex nutritio, seu accretioni iuncta, certum est quædam corpora nullo modo nutritioni nostræ apta esse: Vnde illud Theophrasti, 1. *de causis plantarum*, Nullum vitæ expers nobis vitam impertire vilo modo posse: Neque enim puris elementis nutri-mur, neque rebus inanimatis, quæ nusquam scilicet animâ fuere prædita, cum nimis à natura nostra sint aliena; quamuis enim & aquam crudam potemus, & lapillos, gemmas, aurum, tubera voremus, illud tamen potius ad alterationem, temperationem, aut sedandam ingluuiem fit, quam ad veram nutritionem. Inter ea autem quæ animata aliquando fuere, siue plantæ sint, siue animantia, ex quibus omne alimentorum genus desumitur, alia magis, alia verò minùs, ad alimoniam nostram faciunt, quando magis accedunt ad modum mixtionis humanæ, ut carnes, &c. Atque ideo Medici in usu materiæ huius salubris, quod ad substantiam attinet, ea annotarunt quæ boni sunt vel mali succi, concoctu facilia vel difficilia, & pauca aut multa nutritionis. Ac si istud in alimentum aliquod contingere possit, ut sit concoctu facile, euchymum, & πολυχυμὸν, illud in genere substantiæ optimum iudicabitur: Quod si in vno aut duobus horum defecerit, minùs bonum; si in omnibus, prauum censebitur. Præterea ut facilius hanc alimentorum naturam secundum substantiæ modum distinguerent, & tres istas conditiones complecterentur, totam materiam alimentorum tripliciter distinxerunt, in fortissima scil. infirma, & media. *Firmissima* appellant, ex quibus quamuis concoctu difficillimis, plurimum tamenimenti si vincantur, & solidissimi assumimus, ut sunt succulenta, crassa, viscosa, graua, & cætera huiusmodi, quæ robustis naturis ac multum se exercentibus sunt accommodata, ut panis ille syncomistos & αὐτόπυρρον dictus Hippocrati, lib. *de vict. rat. in acutis*, farinæ scil. impurioris & fursuracæ, radices & fructus solidioris crassiorisque substantiæ, fungi, legumina, caseus, ostrea, pisces grandiores pelagi, littorum, lacuum, fluminum, potissimum saliti: oua fixa, carnes bubulæ, ceruinæ, leporinæ, aprinæ, anatinæ, & quarumuis auium palustrium, suillæ, & similes. Vina rubra, nigra, crassa, cum reliquis huiusmodi per classes digerendis, quæ solidum & firmum diætæ modum complent. *Infirma* autem seu *tenuia alimenta* vocant, parum & promptè nutrientia, quæ quidem minimo negotio concoquuntur, sed pauca sunt nutritionis, vel potius substantiæ multum resolubilis: In quorum numero sunt tenuia, leuia, rara, liquida, præhumida: qualia sunt fructus præcoces, delicatiore carne præditi, pisces minutuli rapidorum fluminum, iuscula, prîsana simplex, hordei & pisorum cremor, aqua seu succus carnis contusæ, expressæ, stillatitiæ, panatellæ, gelatinæ, Vina limpiora, oligophora, & delicata, aquæ cum variis rebus decoctæ: Quæ ægris magis quam sanis hominibus sunt accommodata. *Media* denique *alimenta* dicuntur, quæ inter hæc ambigunt, nullâ intemperie donata, sanis & delicatis hominibus aptissima, ut quæ optimum & frugi succum efficiant, nec tenues nec crassos humores suggerant, sed mediocres, *polychresta* ideo dicta Galeno. Id dicitur Alimentum Hippocrati verè, quod nihil habet intemperatum neque forte, lib. *de vet. Med.* Cuius notæ sunt, panis purus bene subactus & fermentatus, quem Hippocrates κατὰ φύσιν vocat, carnes iuniorum gallinarum, caponum, phasianorum, perdicum, columbarum, turturum, turdorum, merularum, & omnis generis auium montanarum, non palustrium, quæ crassi & sæculenti sunt succi: item vitulinæ, veruecinæ, hædinæ, porcina: pisces saxatiles, lac, oua sorbilia, cremor ex amygdalis expressus & percolatus, Vina generosa, fructus boni succi & minimè excrementitij, pyra, mala cydonia, & similes. Quibus adde si vis Saccharum, ad eorum condimenta aptissimum, & mediæ naturæ istius participem. Atque hæc de alimentorum substantia Medici vtiliter admodum proferunt.

In genere verò *Qualitatis*, multa Medici in alimentorum usu annotant: Cum enim illud non minùs verè quam eleganter dictum sit ab Hippocrate, In cibo esse Medicinam, & in conseruatione restitutioneque sanorum, neutrorum præseruatione, atque ægrorum curatione hæc præscribendorum alimentorum ratio, potissimum

num sit, gratissimum & valde artificiosum remedium. Ideo & ad similia conseruanda, & ad curanda contraria, maxima qualitarum ratio, in cibo & potu habenda, vt scil. similibus ad conseruationem, contrariis ad curationem temperamento & gradu vtamur. Hinc Galenus libros illos elegantissimos conscripsit, *de alimentis boni & mali succi, de attenuante victus ratione, & de alimentorum facultatibus*, ad quos recurrere eum oportet, qui pleniorē istorum doctrinam assequi cupit. In eiusmodi qualitatibus, non solum primas spectare debet bonus *διακρίσις*, An scil. alimentum sit calidum, frigidum, humidum, aut siccum, sed etiam secundas & tertias, vt docet Hippocr. *lib. de ver. Medic.* mollietiem, duritiem, raritatem, densitatem, liquiditatem, soliditatem, attenuationem, incrassationem, colores, odores, sapores, propter quos variē ab alimentis afficimur. Atque ideo vult Galenus, *lib. 1. de aliment. facult.* Alimentum non simpliciter salubre aut insalubre dicendum, respectu harum qualitarum, sed habita ratione huius vel illius, temperati vel intemperati, iuuenis aut senis, robusti aut imbecillis. Vtque temperata alimenta omnibus sanis & temperatis prosunt, nulli nocent: Sic contrā intemperatis correctio melius fit per oppositas medicamentorum qualitates: quas ideo Medicus veluti per classes digestas in promptu habere debet. Hic etiam notandum, Alimentum frigidum aut siccum dici, non simpliciter & absolute, sed respectiue: Quamuis enim ex quibuscumque alimentis actu humidus calidusque sanguis generetur, fit tamen vt is, qui ex lactuca, cucurbita, pepone, fructibus horariis excitatur, frigidior sit & humidior eo, qui ex pane biscocto, auiculis assis, vino generoso, & similibus fit, quem calidum siccumque appellare possumus. Sic etiam cum volunt Peripatetici, nos solis nutriri dulcibus, illud de ipso sanguine est intelligendum, secundā nimirum Alimenti significatione: Nam & ex amaris, acerbis, insipidis, acerbis, falsis, pinguibus corporibus ingestis nutrimur, per coctionem tamen depuratis & dulcescentibus, ac naturam illam medio-rem & blandam sanguinis induentibus, qui in alimoniam partium corporis nostri proximam facessit. Præterea inter qualitates alimentorum non tantum natiuas & spontaneas consideramus, sed eas etiam quæ arte & industriâ hominum parantur: Cum enim ciborum plerique non quales à natura producti sunt, assumantur, sed ad domandas qualitates eorum vel materiam, longā & variā præparatione commodiores reddantur, coctione scil. quæ assationem, elixationem, vstulationem, frixionem continet, lotionem, contritionem, & varia mixtione eorum quæ vel qualitates eorum corrigere, vt salis, sinapi, mellis, piperis, & similibus: vel alias addere gratiores possunt. Vnde tota ars coquinaria constituitur, in præparandis & condiendis ciborum & potuum variis generibus: quibus Medicus non ad solas delicias, sed etiam ad vtilitatem sanorum ægrorumque commodissime vtatur: si vim horum omnium exploratam habeat, & pro eorum varietate, variis hominum naturis ac conditionibus aptare nouerit.

Quantitas verò in alimentis, & qualitarum ipsarum vi, nocua aut utilis esse potest, cum scilicet pro maiori aut minori quanto, qualitarum etiam robur maius vel minus existat: Atque etiam proprio suo excessu vel defectu incommoda adferre potest. Hinc illud Hippocratis, *Aphor. 4. sect. 2. Neque satietas, neque inedia, neque aliud quidquam, quod nature modum excefferit, bonum.* Naturæ modum appellans, proportionem illam, quæ esse debet inter alimenta, & caloris nostri potentiam ac nutritionis necessitatem, siue illud sit ad esse tantum, vt metipse loquitur, *lib. de alim.* siue ad esse & augmentum, siue etiam ad robur: Quæ omnia spectare debet Medicus, non solum in specie, sed etiam in æstimanda singulorum hominum natura, vt scilicet pro eius modo ea victus quantitas decernatur, quæ nec suâ mole sit infesta, nec paucitate sit alendo corpori impar. Hoc vocat Hippocrates in omnibus, *ἀπορίη ἢς τροφῆς*, temperantiam, temulentia & ingluuie contrariam, quam sanitatis præcipuam custodem ac dominam existimat: Siue enim in alimentis quantitatem continuam, siue discretam, vnius scilicet aut plurium pastum spectes, in vtrâque temperantia obseruanda: Vnâ enim vice copiosiora ingesta alimenta, quamuis εὐχρημα & ὁσπερία, vt ventriculi calorem confertim obruunt, sic cruditatibus totum corpus opplent, obstructions pariunt, putredines inuehunt, omniumque generum morbis occasionem suppeditant. Vnde illud *aphor. 17. sect. 2. Vbi alimentum præter naturam copiosius ingestum est, morbum facit, ostendit autem sanatio.* Quam copiam Auicennas *tertiâ primi, doct. 2.7.* duabus insignibus notis circumscripsit: Prior est, vt quicumque rationem habere vult valetudinis suæ, non edat vsque ad satietatem in-

tegram, sed reliquijs famis nondum cessantibus surgat à mensa: *Secunda* est, vt non sumatur vsque ad respirationis paruitatem, & pulsus inæqualitatem. Atque vt hæc de copia vpius pastus dicuntur, quam vocamus quantitatem continuam, sic etiam de discreta intelligendum; frequentiores enim illæ commestationes & compotatiunculæ, eum non permittant ventriculum ingesta concoquere, sed nouâ & importunâ alimentorum suggestione reuocent, eadem incommoda parere possunt. Adde quod Vinum frequentius ingestum, inconcoctos ventriculi humores præcipitat, & in venas cruditatum copiam suâ tenuitate penetrare facit, morbos frigidos humidósque generans per accidens.

In moderanda itaque cibi quantitate, vt temperantiam maximè laudamus, sic etiam *inédiam* non probamus, vt quæ imbecilla, inassueta exanguiaque reddat corpora: *μειοστέρα* enim Hippocrati *lib. 2. de diata*, attenuat, siccatur, aluum sistit. Et *aphor. 5. sect. 1. Tenuis*, inquit *& accuratus victus, periculosior paulò plenior*: In statu scilicet sano conseruationis: Nam in statu correctionis, alio se habere potest modo, illomet testante, *aphorismo* scilicet 69. *sect. 7. famem adhibere oportet corporibus humidis carnes habentibus*; Et in senibus ac conualescētibus cibationes paruæ ex cibis eu-chymis & liquidis, penè in singulas horas conueniunt, vt nos suo loco dicturi sumus.

In horum omnium moderatione, magna habenda est temporum, regionum, ætatum, consuetudinis ratio, vt est *aphor. 17. sect. 1. Alius enim esse debet modus cibandi, secundum varias anni tempestates*, vt est *aphor. 15. & 18. sect. 1. Vere & hyeme alimenta copiosiora exhiberi debent*: Cibos æstate & autumnno difficilimè ferunt, hyeme facillimè, postea vere, quia tunc ventres naturâ calidissimi: Alius secundum particulares ipsius diei constitutiones, Nam cœnam prandio liberaliorem esse debere existimamus in sanis, tum propter longius interuallum, quod à cœna ad prandium vsque intercedit, tum quod quies, somnus, & nox maximè faciunt ad caloris nostri & facultatum naturalium vim augendam: ita tamen vt nocturnæ post cœnam potationes non sint admittendæ, vt est *aphor. 27. f. 5. Regiones variæ respondent diuersis anni temporibus & constitutionibus, eademque eorum ratio habenda*: Ætatum autem discrimen luculenter ab Hippocrate est expressum, *aphor. 13. sect. 1. Senes*, inquit, *facillimè ieiunium ferunt, postea qui constantem ætatem degunt, nullatenus adolescentes, omnium minimè pueruli, præsertim qui inter illos sunt robustiores*. Denique quod ad consuetudinem spectat, si iamdiu inualuerit, alterius naturæ vim æmulator, vt narrat Galenus de Atheniensi vetula, quæ cicutam comedere solebat: Sin noua adhuc & recens est, paulatim immutanda, si sit praua, in melius. Vt est enim *aphor. 38. f. 2. Paulò deterior potus & cibus, sed assuetus aut suauior, ijs qui meliores sunt, sed ingratiore, magis expetendus*: Et *lib. de vict. rat. in acut.* Vult consuetudinem in cibo & potu efficere, vt τὰ μὴ ἀγαθὰ τῇ φύσει, εὐφώπως φέρονται ἀδισμύνοι, εὐφώπως ὃ μὴ ἀδισμύνοι.

In alimentorum præterea vsu, *Ordinis* etiam habenda est ratio, non solum cibi & potus, sed etiam inter ipsos cibos, sciendum qui primâ, mediâ aut vltimâ mensâ sumendi sint. De quo Galenus, *comm. 3. in lib. de vict. rat. in ac.* generale hoc axioma protulit de cibis: Perpetuò prius ingerendos esse, qui & facilius corrumpuntur, & subducuntur magis; posterius verò contrarios. Cuius ea est euidentis ratio, quia cum minore tempore concoquantur quàm crassi, idè prius ingeri debent, ne à crassis subsidentibus, nimium in ventriculo remorentur & corrumpantur. Alia est ratio cibi & potus: Quamuis enim potus liquidior sit cibo & coctu facilius, non tamen idcirco cibum præcedere debet: Cum enim in moderatis naturis fames sitim anteuertere soleat, idè etiam cibus præcedere debet, posteaque alternatim potus & cibo hominem reficere oportet, vt melior scilicet fiat vtriusque mixtio, elixatio, & distributio: idque moderatis poculis, ne alterum alteri innatet, cum grandiores scyphi ad sedandam sitim, parui ad mixtionem sint vtiliores, mediocres vtrumque vsum compleant. In ordine etiam *varietas ciborum* spectari potest, quæ vt nimia putredinem aut inæqualitatem coctionis potest inferre; sic moderata recreando ventriculo & generando sanguini mediocri & temperato est accommodata. Illud maximè animaduertendum in ordine sumendi vini, quod annotauit Galenus, *comment. in aphor. 18. sect. 6. Vinum ante cibos sumptum crudiores succos præcipitare, neruorum substantiam offendere, & arthritides parere*: Item vini meri & solius potionem, famem sedare, *aphor. 21. f. 2. tanquam medicamentum intemperiem illam frigidam expugnans, aut hærentes humores dissoluens, non vt alimentum*. Atque hæc pro nostro instituto, de cibo & potu dicta sufficiant.

§. III.

De Excretis & Retentis.

Alimentis proxima sunt Excreta & Retenta, ad sanitatis conseruationem, morborumque generationem ac curationem. Vt enim Nutritio necessaria, sic quoque excrementorum generatio: Nam cum alimenta actu dissimilia sint nobis, potentia autem similia, debent ad similitudinem illam deduci, vt nos nutriant, per concoctionem, quæ & vi facultatis & caloris nostri natiui, ea assimilant, quantum scil. fieri potest per eius quod concoquitur conditionem. Nam quodcumque in alimento & substantia & qualitatibus conuertere potest, Græci πῖψιν vocant, illud totum in corporis nutrimentum facessit: Quod verò substantiam non habet similem, illud secundum qualitates tantum assimilatum, Græci περιουσιον appellant, excrementi naturam induit. Quod pro multitudine coctionum in nobis, varium etiam & multiplex existit, in vnaquaque duplex, tenue scil. & crassum, vt primæ concoctionis fæx & vrina materialiter, quæ in ventriculo & intestinis perficitur; secundæ quæ in venis & iecinore, biliosus succus & melancholicus; tertiæ quæ in singulis partibus perficitur, sudor & fuliginosa recrementa. Quibus omnibus Natura sua conceptacula, suos ductus, suas expurgationes concessit, vt pro more & naturæ debito contineantur & excernantur. Atque hæc dicuntur Excreta corporis vniuersi; Vel quia totum corpus infestare queunt; Vel quia in præcipuis corporis partibus gignuntur: Alia verò in quibusdam partibus acervantur, vt in naribus mucus, in auribus sordes, in oculis leuæ & lachrymæ, in ore saliuæ. Quæ omnia verè sunt excrementa, quod & substantia & qualitatibus suis naturæ nostræ sunt inutilia, ac proinde superflua, morborum antecedentes causæ, si retineantur futura; sin debite excernantur, ad sanitatis conseruationem facientia: vt ideo eorum retentio & excretio inter euidentes & procatareticas causas numerentur.

Præter hæc quæ verè sunt περιουσιον, reliqui omnes succi laudabiles, qui in corpore nostro continentur, siue venosum arteriosumque genus occupent sub sanguinis nomine, siue poros & spatia solidarum partium subeant, dum tantâ excrescunt copiâ, vt vel vasa distendant, vel ipsi naturæ sint infesta, duplicem efficiunt plethoram, Vniuersalem, tum quæ ad vasa, tum quæ ad vires appellatur: Item particularem, quæ repletiones immodicas partium consequitur. Quod si succi hi alibiles vitio quodam infecti fuerint, ex permixtione alieni humoris, inuehant mixtos affectus plethoræ scil. cacochymicæ, vel cacochymicæ plethoricæ, prout magis vel minus abundat prauus ille succus: Ad quos sequuntur lassitudines ex, quas Hippocrates noster spontaneas appellauit, morborum prænuncias, vlcerosæ, phlegmonosæ, tensiuæ, à Galeno eleganter lib. 2. de san. tu. explicatæ. Contrà verò, si aut propter inedia, cibi scil. aut potus paruitatem, aut euacuationes aliquas periodicas vel symptomaticas præter modum factas, tanta fiat humorum istorum penuria, vt vasa ipsa collabantur, & natura fatiscat, tunc sequitur illa κενωγών Hippocratica, cui difficilior est mederi quàm plethoræ: & quam alio libro κενωσιον vocans, opposuit πλησμονή, morbosque ab hac, (repletionem nimirum) genitos, vacuatione curandos censuit, & contrà.

Est igitur certum ad sanitatis moderantiam, ea quæ excernenda sunt, secundum suam substantiam, qualitatem, quantitatem, tempus, atque ordinem consideranda. Vt scil. primæ alui fæces, cum quibus etiam biliosi & melancholici succi redundantia expelli debet, molles sint & coherentes, subfuluæ, & non valde graueolentes, authore Hippocrate, in prognost. & prorrh. atque modicæ pro ingestorum proportionem deturbentur, idque singulis diebus bis aut semel, pro hominis consuetudine, post peractam primam concoctionem secretionemque omnis succi laudabilis per venas illas quæ Mesaraicæ appellantur. Id autem continget, si neque retentrix facultas imbecilla, neque expultrix vitio aut malâ qualitate excrementorum irritata, neque concoctrix vitiata fuerit: si denique viæ omnes & ductus, partes scil. corporis ad hoc dicatæ, riè & secundum naturam dispositæ fuerint. Quod Medicus ὁρῶν accuratè prospicere debet: Atque unicuique præ ratione suæ causæ decenter mederi. Idem dicas de Vrinâ, Sudore, & fuliginosis illis recrementis, quæ per cutis poros & meatus expirare solent. Quorum omnium

substantia, qualitas, quantitas plus minus respondere debet in sanis exactæ assumptorum coctioni, eo scilicet tempore & ordine qui naturæ conueniat, ut scilicet expultrix facultas, tunc munere suo perfungatur, quando retentrix concoctrixque suum opus perfecerint. In particularibus autem excrementis narium, oculorum, aurium, oris, pectoris: quæ ut vel nulla vel pauca admodum in exactè sano generari solent, si sui custodiam habuerint: Ita in intemperatis sanis vel incautè viuientibus, multa scaterere possunt; hæc etiam decenti expurgatione per loca conferentia indigent, ut prouentus ille & synathrismus naturæ molestus, etiam ex minimis particulis arceatur. Vnde illud Hippocratis 6. *Epid. Transitus apertas esse oportet, veluti nares. & alia quibus opus est, & uelut opus est, & qualia, & quâ parte, & quando, & quantum opus est.*

Reliqui verò succi, qui in venoso genere, aut extra venas subsistunt, ad partem proximam vel futuram alimoniam, in ea sunt proportionem seruandi, quæ neque viribus nostris, aut eorum conceptaculis suâ mole sint infesti, ut in habitu Athletico, quem ruptionis metu statim soluendum suadet Hippocrates 3. *aphor. sect. 18.* Nec paucitate fouendis viribus reparandisque partibus impares, quod Hippocr. 5. *aphor. eiusdem sect.* cauit. Plethoræ itaque illi depellendæ, siue ad vasa sit, siue ad vires, Natura familiares ductus molita est, per hæmorrhagiam scilicet narium, per hæmorrhoidas, tam internas quàm externas, quæ etiam eacochymia medentur, mulieribus quoque menstruo recursum per vteri venas, luxuriantis & materni sanguinis copiam expellere periodicis licet. Quod si in opere suo manca fuerit naturæ vis, Ars imitatrix subsidium adferet, & cum ex alimentorum copiâ eiusmodi redundantia progigni soleant, si res inducias dederit, commodissime in sanis per inediam, assumptorumque parcitatem, sensim plethoram istam minuet, aut solitas illas excretionem promouebit; Imò etiam instante periculo per artificiosas venarum sectiones, arteriotomias, scarificationes, exundantem humorum multitudinem æquabiliter exhauriet, ac pro modo lassitudinum dictarum conueniens remedium adferet, ut si maior esse vis succorum vitiosorum, quorum vnusquisque sibi corpus similiter attemperat, videatur; decenti pharmaco expurgationem peccantis succi, siue per vomitum, siue per deiectionem molietur. Quorum omnium præcepta & regulæ, cum non tam ad status salubris conseruationem, quàm ad Prophylactica referendæ sint: Ideo satis sit vsum hîc rerum istarum indicasse, quæ alibi fusiùs tractabuntur.

Quod autem ad particulares in singulis membris, boni & alibilis succi repletionem vel vacationem attinet, ut eæ morborum *μαρτυρίαι* sumptorum causæ esse possunt, sic eas à statu sano remouebit Medicus, si vniuersalis plethoræ aut inanitionis excessum maturè & tutò præcauerit. Quoniam verò Semen, inter particulares istos excrementi benigni prouentus, principatum obtinere videtur, idè de excretionem illius retentioneque agendum peculiariter. *Venus* enim blandâ suâ voluptate, animique aut corporis commotione, non tam sanitatis nostræ statum afficit, quàm ipsius spermatis excretionem. Quod ex tenuiori & pinguiori sanguinis portione in testibus concoctum, multoque spiritu perfusum, magnam viribus noxam corporique perniciosam inanitionem, per frequentiores concubitûs immodicè excretum, adferre solet, cum seminis ita elaborati vnciam Auicennas quadraginta sanguinis vnciis comparat. Hinc vulgatum illud, tria ad sanitatem sufficere, *ἵπποφῆς ἀκόφιλον, πόρων ἀοκνίλον, καὶ σπέρματι ἑσίνης ἴληρσιν*. Verum cum non tantum indiuiduorum conseruationi, sed etiam specierum propagationi moderatè studere debeat Medicus: Ideò etiam Veneris vsus commodus tribuendus homini sano, temperamenti calidi humidi, conuenientis ætatis & florentis, assueti, vere potissimum & hyeme, aëre pluuii; Vnde Hippocrates *lib. 1. de diet. largiέιναι δὲ ὕδατι ἐφ' ὅσον γινόμενων πλείονα* concedit, per mediocria interualla, ubi in excessum omnium moderatione fuerit positus, & post peractam concoctionem ventriculi, ac si fieri possit subsequente somno, ut vires quodammodo fractæ reparentur. Quibus concurrentibus, non est timendum, quin præter sententiam Epicuri, homo sanus ex vsu Veneris, alacrior & multò vegetior euadat: Cum etiam intemperati & morboosi multi concubitu leuentur, quales sunt melancholici & sanguinei, quibus feminis turgentia cephalalgias, cordis palpitationes, anxietates, anorexias, & similes affectiones parere solet: Corruptela verò, syncopes, lipothymias, inflammationes, atque etiamnum mortes. Pituitosos autem iuuat Venus magis excitatione illâ & concalfactione totius habitûs, quàm excretionem seminis. Vnde vult

Hippocrates 6. *Epid. comment.* 5. λαγνύνει τῶν ἀπὸ φλέγματ' ὅτι νέσται τοῦ σώματος ὡφέλιμον; modò vires adhuc sint firmæ : quod duobus exemplis confirmat, Timocharis quidam, 5. *Epid.* qui hyeme à catarrho in nares violenter defluente sollicitatus, coitu omnem eum humorem exsiccauit : Et Hicippi, quem refert in 4. *Epid.* nocturnam pollutionem dum epialà laboraret, sæpenuerò passum, leuatum fuisse. Ego tamen propter periculum exinanitionis in morbis, & ne vires collabantur, magis probauerim Conciliatoris sententiam, Coitum quemcunque in febribus semper obesse scribentis. Docet autem Galenus *lib. 3. de sanit. tu.* quomodo infirmitati vel laxitati corporis, quæ post Veneris vsum succedit, per apotheraiam vel preparatoriam exercitationem sit medendum. Atque hæc de excretis & retentis. Labor igitur, Cibus, Somnus, Venus, & excreta omnia, si sint mediocria, ad sanum statum conseruationem; morborumque multorum curationem vtilia; & contra.

§. IV.

De Exercitatione, seu Motu & Quiete.

Motus & quies inter causas etiam illas euidentes sunt numeranda, ut quæ corporeas in nobis. causas sanitatis aut morbi, antecedentes vel coniunctas excusant. Quamuis enim Quies priuatio quædam videatur actionum, potius quam actio aliqua: Quia tamen per quietem seu cessationem, alia & contraria sæpe dispositio contingit in nobis, quam per motum & exercitationem; idè etiam Quieris sua recensentur commoda & incommoda in vso salubri, non minùs quam motus, qui homini idè necessarius est, quandoquidem à natura non ut plantæ affixus est terræ, sed potentiâ motrice præditus, quæ pro vi appetitus aut voluntatis, (non enim hic de naturali motu agimus, qui nobis etiam inuitis exercetur) feratur ad ea, quæ illi sunt necessaria, conquirenda: Ad quod cum concurrat spirituum & caloris natui efficacia, fit ut pro motus violentia aut remissione, duratione aut breuitate suscitentur vel dissipentur spiritus & calor natuius, atque etiam aliquando ipsa partium molliorum substantia: Cui succedanea quies, ad reparationem eorundem, certasque actiones obeundas, quæ per agitationem illam corporis exerceri non possunt, maximè conducit: Vnde illud Philosophi, *Animam quiescendo sapienterem fieri.*

Porro Motus hi corporis, vel sunt ab internis nostris principiis, vel ab externis rebus nos mouentibus, quod agitationem appellare solent, utpote cum quis vlnis geritur, in cunis circumagitur, nauigat, equitat, lecticâ, rhedâ aut carpento vehitur, fricatur denique variis modis: quæ plerumque in imbecillis ac parum valentibus naturis, vsum motus illius ab interno principio pendentis explere possunt & solent. Motus autem ab internis, alius est simpliciter motus ille voluntarius, quo vitur homo, vel à natura ipsa impulsus, ut in puerulis videmus; aut ut aliquid iucundum prosequatur, ad quod vi appetitus commotus fuit: siue id concitatus siue remissus fiat, prout magis vel minùs vrget illa appetitus cupiditas facultatem motricem: Ad quod genus pertinent ipsæ stationes, saltus, deambulationes, leues cursitationes, & similes, quæ sine magna corporis mutatione quotidie exercentur. Alius verò est motus, qui cum euidenti corporis nostri alteratione obitur, calefactione scilicet manifestâ, & respirationis incremento: Qui rursum duplex est, Exercitium scilicet, & Labor seu Opera. Exercitium enim cum duabus de causis fiat, vel ob sanitatis conseruationem, vel ad robur & *ἐνδύειαν* corpori comparandam, omnem illam à Galeno celebratam Gymnasticen constituit, quæ varia exercitationum genera, illarumque præparationem & apotherapeian docet. Labor autem ad communes hominum operas refertur, quæ quotidie obeundæ sunt, pro suo cuique munere, & vario artificio; qualia sunt texere, fodere, remigare, militare, piscari, venari, fabrilem & quamuis aliam artem exercere, quæ corporis & manuum robur requirit. In his omnibus siue sit agitatio, siue motus simplex, exercitatio, aut labor tantum, siue quid mixtum ex istis, contingit ut aliquando totum corpus æqualiter, aliquando pars sola vel præcipuè exerceatur, prout ad illum motum corpus integrum, aut vnicum ex membris intendi est necesse. Sic in genere agitationis, frictio vniuersalis totum corporis habitum respicit, equitatio ventriculum magis exercet,

In motu simplici volutatio, natatio totum corpus, deambulatio crura. In exercitatione aliæ quidem totum corpus æqualiter exagitant; quo nomine Galenus tantopere laudauit ludum parvæ pilæ, tum ob animi voluptatem quâ afficiuntur ludentes, facilitatem & equalitatem in exercendis omnibus corporis partibus, tum quod omni careat periculo. Aliæ certas corporis partes magis commouent, ut lucta superiores; cursus inferiores; vociferatio, cantus, spiritus retentio thoracem, & similes. Inter labores eadem ratione, fodere, remigare, onera gestare, & cætera huiusmodi, alia totum quidem corpus, alia magis membra quædam respiciunt, ut peculiariter unicuique licet per omnia ista munera & mortalium labores discurre. Hæc igitur sunt genera & species motuum seu exercitationis generaliter sumptæ, de qua dicebat Hippocr. lib. 1. de dietâ, Quod homo edens sanus esse non potest, nisi etiam labores: Ut enim hæc contrarias inter se vires obrinent, sic inter se mixtæ ad sanitatem conferunt, Cibus enim implet, Labor deplet: item Labor articulis & carnibus confert, Cibus & somnus visceribus, lib. 6. Epid. Quæ cum docet Galenus lib. 2. de sanit. tu. Motus tria proponit commoda, nimirum caloris augmentum, ex quo concoctio & nutritio felicius consequitur; partium carnosarum solidarumque duritiem, quâ confirmatæ ad actiones paratiores existunt: Postmodum celeriores spirituum agitationem, cuius impetu cutis spiracula magis dehiscunt, excrementaque tertie concoctionis facilius expirant. Nos itaque conseruationi sanitatis studentes, in his habemus qualitatem, quantitatem, temporis occasionem atque ordinem pro vfu salubri obseruandum.

Ex parte *Qualitatis*, hi omnes motus dicuntur, Celeres, tardi; Validi, imbecilli; Vehementes, & leues. Celer motus est in quo non robore, sed agitationis promptitudine opus est, qualis est pilæ lusus, saltatio, cursus, cui opponitur tardus. Validus est, in quo non celeritate, sed corporis robore præcipue utimur: qualis est lucta, pancratiæ, fossio, sublatio oneris, & similes, Cui opponitur Imbecillus. Vehemens verò ex his duobus compositus est, celeri nimirum & valido, qualis est, armatum currere, grauissimum lapidem aut telum contorquere, & alij in quibus & robore & celeritate simul opus est: Cui opponitur Levis. Inter has tres oppositas differentias Celeris & tardi, Validi & imbecilli, Vehementis & levis, posita est semper mediocritas, quæ ut excessum vtriusque effugiat, sic omnium commoda ad vsum salubres refert. Celer enim motus ex intimis partibus sopitum & torpescens calorem in omnem habitum euocans, vapores attenuat, insensibiliter expellit, humorumque serosorum copiam excutit, pituitam consumit, bilem verò excitat. Tardus contra, calorem quidem natium quodammodo excitat, sed non expandit, qui in visceribus conclusus sanguinem & alias concoctiones felicius perficit, corporique augmentum adfert. Validus præter celeris effectus, partes indurat atque exsiccatur, paratioresque ad laborem reddit: Verum diuturnitate aut violentiâ calorem natium & spiritus dissipat, refrigerat, viresque ac tonum corporis frangit. Rustici & alij mechanici, ob robustos istos labores frequentiores, eneruantur, non sunt robusti. Imbecillus verò motus excrementa congerit, partibus molliem & laxitatem inducit, corpus totum eneruat. Vehemens autem ut ex celeri & valido constat; Levis ut ex tardo & imbecillo perficitur; sic etiam vtriusque commoda & incommoda continent. Atque hæc ita à Galeno de qualitatibus motus, & earum effectibus traduntur.

Quod ad *Quantitatem* verò attinet, ut duratione & temporis præscriptione definitur; Sic etiam certis quibusdam notis describitur. Ea enim motus quantitas, quæ vel parum admodum durauit, vel ex natura ipsius motus tardi vel imbecilli, nullam in corporis colore aut respirationis incremento mutationem attulit, sub deficientis quantitatis censu referenda, quod ad exercitationem attinet, quæ corpori robur aut sanitatem præstitura est.

Ea verò quæ incipiente iam lassitudine, colorem efficit floridum, corpus subrubrum eum sudore guttatim fluente, velut ex canalibus, inquit Hippocr. lib. 6. Epid. illa mediocris censenda est, ut quæ sufficientem caloris vim contrahit ad nutritiōnis commoda, & excrementorum expulsionem: Ut Hippocrates significauit apud rismo illo 48. sect. 2. In omni corporis motu, quando fatigari ceperit, quies statim lassitudinis remedium est: denotans, non esse progrediendum ultra notas istas sufficientis exercitationis traditas. Quæ verò iam grauitatem corpori adfert maximam, faciei pallorem, partibus carnosissimis decrementum, sudoremque non guttatim sed copiosissime elicit, spiritus ac humores excandescere & veluti febrile facit: hæc procul dubio

dubio immoderata & noxia habenda est: Ad quam, ob *Catharsin* & colliquationem partium, sequuntur lassitudines illæ tensuæ, quando nullum subest humoris vitium, sed sola plethora: Vlcerosa & phlegmonosa, quando succi adsunt vitiosi: quibus Antiqui in suis gymnasticis, tot acoporum genera, frictionumque variarum usus, ad apotherapeian aptauerant. Præter hæc adiciunt Quantitatem, æqualitatem aut inæqualitatem motus, ut supra dicebamus. Galeno tantopere ludum parvæ pilæ arripisse, ob summam æqualitatem in exercendis omnibus corporis partibus. In aliis enim exercitationibus aut laboribus inæqualibus, plerumque contingit, ut sæpe fatigatis quibusdam corporis partibus, aliæ obtorpescant, aut earum morborum colliquamentum suscipiant. Quod sedulo est animaduertendum in istorum usu. Vnde Hippocrates, *De vict. nat.* Qui luctando, inquit, fuerit defatigatus, turrat, qui currenda, luctet, ut scil. superiores inferioresque partes exerceantur: Et Galenus sequentis diei exercitationem velut medelam adhibet præcedentis diei lassitudinis, ab exercitatione aut laboris vi exortæ.

Non satis est qualitatem quantitatemque exercitationum definiisse, nisi etiam commodam temporis occasionem & ordinem noverimus, quem elegantissime lib. 2. de sanit. tuenda, Galenus expressit. Si enim, inquit ille, ideo instituitur exercitatio, ut & calor nativus ad nutritionem augeatur, & excrementa tertie coctionis digerantur, hinc facile est exercitationis commodum tempus coniectari, ut scil. post exclusa alai & vesicæ excrementa, ante cibos obeatur. Vnde Hippocrates 6. Epid. dum ait, Labor, cibus, potio, somnus, Venus, omnia mediocria, & modum singulorum definiuit per mediocria, & tempus etiam designavit ipso sermonis ordine. Matutinis si fieri possit, sese exercendum horis, aut si horis pomeridianis, longè post sumptum prandium occidente Sole: Sic enim post laborem, & melius appetit homo, & melius reficitur: Non statim post exercitationem bibendum aut edendum, ne rapiantur violentius assumpta ad partes exinanitas. Vnde viatores qui anhelii bibunt aut comedunt, sæpius in magna incidunt valetudinis suæ incommoda: post mediocrem autem moram, nullum in exercitatione periculum adest. Quæ statim post sumptos cibos, frequens est causa cruditarum, obstructionum, mortis repentinae, & similium, quibus obnoxios plerumque aulicos nostros videmus, aut alios ad tripudia vel digladiationes pleno adhuc ventre se conferentes: ut puellæ ob choreas illas intempestivas cædis occupantur coloribus, cachexias, & gravissimos morbos incurrunt. Post sumptum itaque cibum quiescendum, vel vsurpandæ tantum deambulationes lentæ & leves, quas Hippocrates lib. 2. de diata, vtilissimas esse existimat, propterea quod per mediocrem hunc motum alimenta ad fundum ventriculi minori negotio subsidunt & permiscentur, prioraque horis matutinis sumpta per pylorum, si nondum exierint, in intestina secedunt.

Atque ut in usu exercitationis vitanda est repletio, sic etiam nimia vasorum inanitio, & spirituum ac humorum inopia, ut docuit eleganter Hippocrates, aphor. 16. sect. 2. Οὐκ λιμὸς, οὐ δὲ πόνεον; Vbi fames, ibi non est laborandum: Qui enim ob ciborum defectum, in extremam esuritionem perueniunt, illi si exerceantur, exhaustis promptissime qui supererant spiritibus, collabuntur, ac lipothymiam, syncopes, præcipientes virium resolutiones, nedum mortem ipsam incurrere possunt. Est itaque mediocritas plenitudinis & vacuitatis observanda.

Porro in exercitationis usu habenda est maxima ratio ætatis, sexus, temperamentique varij, pro quorum diuersa ratione moderanda est causa hæc salubris, ut nos in peculiari correctione & conseruatione dicemus. Hic annotasse sufficiat, plethoricos nimium aut cacochymos non posse exerceri sine periculo; Ut enim nos supra, & Hippocrates 6. Epid. docet, Tensiones, inflammationes, vlcera exoriuntur, si quis impurgatus laborauerit. Præterea differt multum, si quis vere, autumno, æstate, aut hyeme, sub Sole aut in umbra exerceatur, Regione temperata vel intemperata. Quæ omnia pro particulari vniuscuiusque istorum, & Exercitij & hominum natura sunt disponenda. Ac potissimum spectanda Consuetudo, quæ maximam in his diuersitatem adferre solet. Non solum enim aphor. 49. sect. 2. Item 50. sect. eiusd. dixit Hippocrates, Qui assueverunt labores aliquos ferre, quamvis invalidi sint & senes, facilius ferunt, quam qui non sunt assueti, quamvis robusti & iuvenes: Sed etiam apposita ratione illud confirmavit lib. 2. & 3. de diata, Quoniam, inquit, in exercitatu isti, ubi derepente laborauerint, colliquationem violentam ac multam faciunt, cum carnes habeant humidæ, & non depurgetur corpus, sed excrementum morbosum in partes infirmas & minime assuetas deponat. Hæc sunt igitur in usu salubri motuum, exercitatio-

num & laborum ab internis nostris principiis pendentium obseruanda : siue per ista totum corpus, siue vna aut plures partes exercentur, vt in prolixioribus tractationibus licet vniuscuiusque speciei, exercitationis aut laboris utilitatem & incommoda persequi.

Idem dicas de agitationibus variis, quando corpus non ex se mouetur, sed ab alio, vt in gestatione, nauigatione, equitatione, & similibus contingit : in quibus decet eodem modo qualitatem eorum variam, quantitatem, temporis occasionem, ac vtendi modum præscribere, ne frustra illis immoremur : Inter eas autem quoniam *Frictio* annumeratur, quam Galenus sub gerendis reposuit, *libris de sanit. tu.* & de frictionibus *παρασκευαστικῆς, preparatorijs, & ἀποδυναμικῆς, in vltus sui temporis assuetos ad nauseam vsque tractauit : Ideo sufficiat nobis hîc dicere. Frictionem esse corporis agitationem in externo habitu, quæ vel simpliciter manu, vel addito oleo, puluere, aut linteolis mollibus, asperis aut medioeribus exercetur. Differentias autem frictionis ab ipsa quantitate peti, paucæ & multæ, à qualitate mollis & duræ; inter quas posita sunt duæ mediocres. Quarum, vt scribit Hippocrates *lib. καὶ ἰσχυρῶν, pauca & mediocris, vim habet carnem augendi & attollendi, multa minuendi, mollis & mediocris soluendi, aperiendi, & demulcendi; dura verò exsiccandi, absorbendi, exasperandi. Quarum omnium, vt etiam ex his mixtarum rationes per se patent, & Galenus ꝑ. regulis complexus est, lib. 2. de sanit. tu. cap. 3. [Aliæ sunt frictionum differentiæ antiquis vsitatae, vt scil. quædam cum oleo, aliæ sine oleo fierent, quædam manibus tantum, aliæ addito puluere, vel linteolis mollibus, asperis, mediocribus, quibus omnibus eadem ratione afficiuntur corpora nostra.] Inter has autem differentias maximè annotari debent duæ, ab Hippocrate propositæ, 3. *Epid. & lib. de artic. ἀνάρεσις* scil. & *κατάρεσις*, siue sit totius corporis, siue vnius aut plurium partium. *Ανάρεσις* est frictionis differentia quæ à partibus inferioribus sursum versus ducitur : *Κατάρεσις*, quæ à superioribus deorsum versus : Illa in repellendo influxu humorum *καταρροῶν* conuenit, arcendo scil. decubitu, qui fieri solet à partibus supernis ad infernas : Hæc autem vtilior multò à supernis ad inferna, omnem illuuiem corporis deducit, *διαφορῶν* iuuat, & ægrotantibus atque conualescentibus in lecto manè vsurpata, exercitationis commoda suppeditat. Atque hæc de frictione sufficiant, reliqua ex Galeno repetantur.**

§. V.

De Somno & Vigilia.

Somnus & Vigilia sibi mutuò succedunt, vt motui quies, in hac mortali vita, quæ cum posita sit in variis actionibus, ideò per vigiliam præter motum, alias exercemus functiones, animales scil. sensificas, internas externasque potissimum, quæ aduentante somno conquiescunt, & sopito communi illo & interiore sensu ipsæ etiam defatigationem suam quiete reparant. Contra est de naturali & virali facultate, quæ nusquam intermittunt, sed quamdiu subest calor natiuus, tamdiu exercentur per motus & quietem, per vigilias & somnum, imò per hunc felicius obeuntur. Cum enim commune illud animæ instrumentum suo accessu & recessu ad externas partes, vigiliam somnūque conciliet, siue id contingat ex naturali instituto post restaurationem aut dissipationem illius, siue alimenti vapore interceptante meatus cerebri, siue externo frigore intus cogente, siue quouis alio intus reuocante : Certum est per vigilias, externas magis partes incalescere, substantiam spirituum actione illa motrice & sensifica dissipari, vacuationesque omnes externas promoueri, tunc scil. commota magis & sollicitata excretrice partium facultate. Per somnos verò interna viscera incalescere, vitalem naturalemque facultatem, concoctionesque omnes augeri, spiritus renouari, membra fessa leuari, & vacuationes suppressi, præter vnum sudorem, qui etiam per somnos copiosè erumpere solet, quia scilicet tunc durante validiore in intestinis concoctione, multi eleuantur vapores, qui nocturnis operculis condensati, per cutis poros semper patientes facilius expirant; sicque Hippocr. *aphor 41. §. 4.* elegantissimè dixit, Sudorem multum in somno factum, signum esse corpus vti copiosiore cibo, aut crudis abundare succis, qui vacuatione indigent.

Somni igitur & vigiliæ naturalis (de his enim nunc loquimur) formale significatum

catum sensus potentes & minùs potentes agere designat, qui pro fine habent actionum humanarum complementum; Vigilia quidem vt disponens; Somnus vt præparans. Effectrices habet causas Somnus naturalis, quæcunque interciperè possunt com meatum caloris & spirituum ad sensus externos, vt laborem dissipatione, cantum, lectionem, voluptatem reuocatione; frigus externum contractione; Frequentissima causa est vapor suauis & humidus è cibis elatus, obstruensque ex parte meatus neruorum, si debita fuerit cerebri temperies, & tranquillitas animi. Ab hoc somno ad vigiliam facilis est expergefactio, reparatis scilicet spiritibus & calore, quos Hippocrates *ἐνομήντας* appellauit, *ἰμπερὺν* scilicet *facientes*, & dissipatâ quæ obstruebat materiâ: Vt contrâ in non naturali somno, veterum appellarunt antiqui, quem vel intemperies frigida cerebri, humorumue pituitolorum infarctus concitauit, vel prauorum succorum anathymiasis maligna, vel exhaustum humorum vt post famem & vacuationes magnas; In hoc, inquam, non est facilis ad vigiliam reditus, sed cum anxietate & grauedine, Quod denotauit Hippocrates *aphor. 1. sect. 2. Vbi*, inquit, *somnus laborem adfert, malum*. Somni porro & vigiliæ naturalis effectus, non illis simpliciter tribuendi, sed contractioni caloris natiui per somnum, expansioni illius per vigiliæ. Somnus enim hac ratione humectare dicitur corpora, quia caloris natiui & fluentis ad exteriora substantia, dum somno occupamur, interna viscera irrigat: Vnde Hippocrati, *aphor. 27. §. 5.* Somnus sitim sedat. Item somnus, vt animales facultates minuit, non omnino intercipit, sic vitalem & naturalem auget, concoctionesque omnes interiores promouet, & calidi natiui substantiam multiplicat, partes exteriores refrigerat, internas per reuocationem illam calefacit. Vnde illud 6. *Epid. Sanguis in somno intro magis fugit*: Vacuationes omnes sistit, vt hæmorrhagias à quacunque parte, quia sanguis ad interna deducitur: (Hinc Arabes post venæsectionem somno interdiciunt, ne fiat contractio ex motu contrario) & alias vacuationes impedit, quæ vi animalis facultatis exercentur, vt in ano, vesica, quia tunc robustior reddita est concoctrix retentrixque; Expultrix verò minùs sollicitatur: Vno excepto sudore, qui facilius & copiosius per somnum elicitur, quia nimirum in concoctione illa validiore suscitantur multi vapores, & ad cutem eleuantur, qui ibi condensati cutis adstrictione & nocturnis operimentis in aquosam naturam degenerant effluuntque; cum per vigiliæ resoluantur, & insensibiliter transpirent. Item Somnus humores permiscet, & externis internos perfundit. Vnde in pestilenti affectu, carbone videl. bubone, exanthematis somnos arcemus, ne fiat retractio, permixtio, & reuocatio tæterrimi illius succi, quem natura propellere nititur, cum reliquis minùs hac labe tentatis. Hi sunt igitur & similes somni effectus, non vt priuatio quædam est, sed vt consequitur reuocationem caloris & spiritus ad suos fontes. Cuius oppositum Vigilia contrarios ex euocatione eiusdem proferet, partium scilicet externarum calfactionem, animalium facultatum perfectionem & alacritatem, imminutâ quodammodo naturali, exsiccationem etiam ex perenni illa resolutione & vacuatione omni, quæ feliciter per vigiliæ obitur.

Atque hæc omnia non solum de naturali somno & vigilia sunt intelligenda, sed etiam de moderatis vtrisque & suo tempore vsurpatis, cum omnino diuersa contingant, si vel immoderata fuerint, vel suo tempore non obeantur. Est enim illud pulchrum senis & verum, *aphor. 3. sect. 2. Somnus & vigilia, utraque si immoderata existant, malum*: & 67. *sect. 7. Somnus & vigilia, utraque si plus iusto fiant, morbus*: quasi dicat, vt signum, & vt causam. Vt enim somnus si modum seruet, & sequatur mediocrem cibum, concoctiones promouet, & reddit vegetius calidum innatum: Sic vbi deficit vel excedit magis, calorem debilitat, excrementa aceruat, corpus replet flatibus, faciem tumefacit, & pallore deformat. Etenim parcus somnus, quoniam initium tantum dat concoctioni, non eam perficit, ideo flatus suscitatur, qui principium sunt concoctionis, permixtos & crudos relinquit succos, qui integrâ coctione perfici & distribui debent: Immodicus verò flatus suscitatur, & cruditates generat, non ex se, sed quia perfectâ coctione cum calor ille internus careat alimento, in quod operetur, conuertitur in viles membrorum humiditates, flatusque per colliuationem illam commouet, vel quia ex defectu vigiliæ, quæ debet esse morbo succedanea, cum diutius in interioribus partibus concocti succi delitescant, putredinem & vitium aliquod concipiunt. Idem dicas de vigilia breuiore aut diuturniore: Quamuis enim vigiliæ sit, exsiccare, resolvere, sensus alacriores reddere, externas partes calfacere; breuior tamen quam par est, hæc præstare non potest,

diuturnior verò quia concoctionem internam impedit, spiritusque & calorem nimium digerit, crudiratum multarum & flatuum author existit: Vnde ad motum & sensum torpor, corporis & faciei tumor & pallor, *καρπασία*, vt ait Hippocr. *lib. de rat. vict. in ac.* ventriculi ructus, immoderatas vigilias consequuntur. Cum itaque periculum instet, superest vt nos ad vsum salubrem, commodissimam somni & vigiliæ mediocritatem stabiliamus, quod fiet si & diuturnitatem illius debitam, & conuenientem temporis occasionem, lectique & situs in eo rationem constituamus. Somni itaque finis, cum sit alimentorum concoctio, & calidi innati reparatio, ideo neque nimium vacui dormire debemus, ne fiat per somnos caloris in partium substantiam conuersio, earumque dissipatio: nec nimium pleni, aut statim post iniectum cibum, ne fluctuans adhuc & malè congestum alimentum naturæ faceßat negotium, sed expectandum donec illa ventriculi veluti ebullitio conquieuerit, per duarum circiter horarum spatium, nisi fortassis in ægris valde infirmis, conualescentibus & senibus: de quibus Homerus: *Vt lauit sumpsitque cibum, dat membra quieti; Hac sunt iusta seni*, propter inopiam caloris, qui necessariò ad interna reuocandus est, vt coctioni statim suppetias ferat: Vbi verò semel sopori incubuerimus, tandiu est illi danda opera, quamdiu inconcocta adhuc ea sunt quæ assumpsimus, quod multi nouem horarum spatio perfici existimant, quidam septem sufficere arbitrantur: alij quinque, pro varijs hominum naturis & constitutione; Alij verò existimant quinque horas necessariò esse dormiendum cuius homini, septem verò conuenire ad commodiorem coctionem, nouem absolvere omnia concoctionis commoda, & iusti somni solatium adferre. Id tamen non horarum spatijs, sed hominis sensu metiri conuenit, quando scilicet nihil crudi persentiscit homo, nullo capitis pondere, aut corporis torpore premitur, sed seipso leuior factus, vires & alacritatem maximam est consequutus. Quidam etiam illud coniectant ex submissione & contractione ventriculi, qui tempore cruditis, & durante concoctione distentior multò & elatior sentitur. Continuus igitur & profundus somnus, vt ista citius peragit, sic interruptus & leuis, multaque insomniorum vanitate turbatus, longius erit producendus repetendusque, vt diuturnitate compenset, quicquid illi ex alterius commodis aberit: quemadmodum in ægris, conualescentibus, senibus, cæterisque eiusmodi naturis imbecillioribus quotidiana docet experientia.

Tempus porrò idoneum somno, Nox est, Vigilijs dies, tum ex se, tum ex euentu seu hominum consuetudine: Ac per se quidem, quoniam natiuus calor velut foràs vel intrò viam affectat, sic inclinatio esse solet vigiliarum aut somni. At noctu calor intrò recurrit, hostilium tenebrarum, & aëris frigidioris appulsu: Contra idem calor interdum foràs excurrit cum spiritu, à congenere diurno calore concitatus, & excipiendæ causæ lucis amicæ ac familiaris. Adde quòd post diurnos labores cum corpus exinanitum copiosiore reficiatur alimento sub noctis aduentum, tunc suppetit maior copia vaporosæ illius materiæ cerebri meatûs obstringentis & somnos conciliantis. Ex euentu verò seu consuetudine naturali iure fundata, euenit vt accedente nocte minus apta ad hominum actiones & commercia, quasi Deorum beneficio impetratâ laborum quiete, somno facilius sit incumbere, nullis excitantium vocibus, aut alijs operantium strepitibus perturbato. Diurnus itaque somnus, vt nocturna vigilia, multis refertæ erunt incommodis. Nocturna quidem vigilia si nimium producat, quod trium horarum spatio post noctis aduentum definiunt, naturali humorum motui ad interiora vim infert, & concoctiones omnes corporis perturbat, diurnisque officijs inutilem reddit & imparatum hominem. Somnus verò diurnus duplici de causa habetur noxius, tum quòd oppositus est naturali humorum motui ad exteriora, dum lux & calor adsunt, vocesque & strepitus excitantium vigent, tum quòd longus esse non potest & profundus siue ob easdem causas, siue ob negotia quibus sollicitamur interdum: Vnde accidit breues eiusmodi & leues somnos incipere, non perficere coctionem, ac proinde multis corpus opplere flatibus, ventriculi ructûs, & capitis grauitatem inferre: denique biliosum humorem, qui tunc est in motu recoquere, aliisque permiscere humiditatibus, cum febris interdum periculo.

Quòd si verò de nocte excubandum sit necessariò, aut ob negotia quædam vel morbos importunè vigilandum, iactura illa est compensanda, quoniam *peccatur grauius vigilando in cruditate*, inquit Celsus, *quàm dormiendo interdum*, repetendusque somnus matutinis diei horis, quas Hippocrates tum sanis tum ægris per noctem

vigilantibus, ad tertiam vsque diei partem, quæ à sexta ad horam decimam finitur, concessit: quia tunc neque immodicæ lucis splendor, neque caloris exuperantia rapit violenter ad se spiritus nostros & sanguinem, sed intermedio modo se habet. Meridianis verò horis dormire, maximè habetur noxium ob connumeratas causas: quanquam id etiam concedit Hippocrates, *lib. 2. de rat. vict. in ac.* illis qui acidum ructant, ventriculi scilicet imbecillitate post prandium laborant, quibus hæc caloris reuocatio maiorem vtilitatem ad concoctionem adferre potest, quam incommodi ex suscitatione flatuum; Illud autem æstatis potissimum tempore fiat, in qua ob longitudinem dierum, & serotini temporis molestiam, parum dormire de nocte contingit, Cubiculo minimè illustri aut calido sed temperato & oclusis fenestris per integræ horæ spatium. Vespertinis autem horis se somno dedere non decet sanum, sed instantis ægritudinis est signum, quoniam tunc cum instet sumendæ cœnæ occasio, & diuturnioris somni per noctem instantem commoditas, tota peruertitur nutriendi & reficiendi corporis æconomia. In somno etiam spectanda est strati, conopæorum, operimentorumque tum totius corporis, tum capitis varietas: Vt enim per noctem frigidior euadit aëris status, atque dormienti calor ad interiora recurrit; sic etiam externæ partes melius obtegendæ, potissimum caput, eâ tamen mediocritate, ne dum externi aëris appulsum illis arcere intendimus, omnem euaporationem densioribus operimentis impediamus: Vnde magna fluxionum vis obrepit. Item strati durities vel mollities pro varietate corporum, consuetudinisque modo mutanda, cum ipse Hippocrates, *lib. de rat. vict. in acutis*, dicat, lectum mollem, non minus quam durum, præter consuetudinem vsurpatum, laborem adferre. Situs etiam dormituri spectandus est, primum altiusne esse debeat, vel submissus; deinde an pronus, supinus, in dextrum vel sinistrum latus. Quod ad altiorem vel demissiorem situm attinet, maximo mihi errore videntur suadere Medici, vt per meridianum somnum aut nocturnum, ægri potius velut sedentes quam decumbentes iaceant, quominus exhalationum copia ad cerebrum conscendat, & destillationes oboriantur: Si enim, vt est *10. sect. probl.*, Homo cæterorum animalium maximè laborat fluxionibus à capite, ob erectæ figuræ & sublimioris capitis rationem, ob quam calor vaporesque facilius rectà secundum naturalem inclinationem efferri possunt; qui in cæteris animantibus terram spectantibus in artus, ceruicem, atque alia membra, non in caput eleuantur, ibique facilius dissipantur: quidni etiam idem contingere poterit ijs, qui altiore capite dormiunt, vt vapores rectà in illud ferantur: submissiore verò capite interrumpantur, & in alias partes inferantur? Adde quod erecto capite facilius est descensus condensato & grauiori humori, magisque patet via ad ventriculum aut pulmones, quæ demisso capite quodammodo conuiet & intercipitur. Atque hoc in sanis: Nam in asthmaticis, aut obstructi visceris pondere oppressis, accidit vt demisso capite pulmones non ita dilatari possint. Quod ad situm verò primum, supinum, in dextrum vel sinistrum latus attinet; Pronus in ventrem, calorem ventriculi auget, coctionem iuuat, sed oculis est maximè infestus: Supinus vt est oculis commodus; sic venæ cauæ per spinam excurrenti, renibusque calfactionem nimiam infert, humoresque cerebri in nervos, spinalem medullam, & in pulmones facile effundit: Denique summam imbecillitatem designat facultatis motricis, quæ corpus continere in alterutro latere non potest, sed veluti emortuum in grauissimam partem decumbere sinit. Item aperto ore dormire, malam in sanis consuetudinem denotat, in ægris imbecillitatem musculorum maxillam inferiorem eleuantium.

Conuenit igitur hominem sanum sese lecto committentem in alterutrum latus iacere, Et primò in dextrum, propter œsophagi obliquitatem, vt melius descendat cibus; deinde in sinistrum sese conuertere ad meliorem coctionem, vt iecur ventriculo incumbat. Hac enim varietate & conuersione, quemadmodum in ijs quæ ad ignem coquuntur, videre est, felicius æqualiusque alimenta conficientur. Denique à somno expergefactus homo non statim prorumpere debet, sed paulatim calore & spiritu ad exteriora reuocatis exurgere, vt narrant de Marco Aurelio Imperatore, qui Medicorum iussu, hora nona lectum petebat, quarta expergiscebatur, sexta tantum surgebat. Atque hæc de somno & vigilia, quantum ad sanitatis vsus attinet.

§. VI.

De animi pathematis.

TA ψυχικὰ πάθη, animi motus, passionēs, perturbationes, vel accidentia dicta, postremum causarum euidētiū caput constituunt: At non postremam obtinent vim & efficaciam in commouendis corporeis causis sanitatem nostram conseruantibus vel labefactantibus, sed potissimam maximēque repentinam, utpote exagitatione varia spirituum & humorum in nobis, qui his veluti procellis commoti, modò in suos fontes refluunt, modò effluunt, expanduntur, cæterosque motus inferunt maximè efficaces ad mutationem alterationemque corporis nostri. Quos idēo spectare debet Medicus, non tanquam moralis quidam Philosophus, sed ut Physicus potius, qui ex variis istis affectionibus de natura & effectis eorum conicere possit.

Sciendum igitur inprimis, quid contingat per istos animi motus in corpore: Nam ex his cognitis facile erit Medico intelligere, quid in illis salubre vel insalubre esse possit, pro variis hominum & temperamentorum constitutionibus. Certum est enim, animam, ἐντελέχειαν corporis nostri & actum primum, ut actus secundos, omnes scil. functiones corporis nostri, animales, vitales, naturales exerceat, conuocare ad sui auxilium, & veluti proprio instrumento uti, calido nostro nativo, influente potissimum, posito in sanguine & spiritibus, qui ex corde tanquam proprio fonte promanant: Utque ad principes illas animi functiones, imaginationem, discursum, memoriam, vitalium spirituum copia in cerebro confecta idoneum suppeditat instrumentum; sic ad primos illos motus & affectiones, quæ appetitus vim sequuntur, sub specie boni vel mali apparentis & per imaginationem cogniti, variæ generantur dispositiones in organis corporeis: Hoc sufficiat nunc scire, quod quemadmodum contingit in motu animali, nos ad ea quæ sub boni specie apprehendimus, ferri, à contrariis verò fugere; sic in hoc spiritus cum calore intus vel foras ferri, prout mali vel boni species sese offert. Hoc *materiale* vocant Philosophi, illud verò *formale*, v. g. Ira formaliter designat actum quo appetimus vindictam, Materialiter feruorem sanguinis in corde: fiunt enim omnes cum alteratione quadam sensibili ipsius caloris & spirituum, atque idēo passionēs potius dicuntur animæ, quàm potentiæ, quod non fit in aliis functionibus: Nam in discursu v. g. memoria, ratione, &c. nulla sensibilis totius corporis alteratio existit.

Porro cum hic appetitus dupliciter contingat, ad bona scil. prosequenda fugiendaque mala primus; secundus verò ad arcenda impedimenta quæ bonum consequi, vel malum fugere prohibent, ille Concupiscibilis appellatur, posterior verò Irascibilis: Et distinguuntur, quoniam vnus passionēs aliquando impediunt alterius motus, ut quando amans impeditur ab ira, vel studiosus à vindicta, & sic de reliquis. Passionēs autem eorum ita recensentur, ut Concupiscibilis sint circa bonum prosequendum, Amor, Desiderium, Læticia; Circa malum fugiendum, Odium, Offensio vel Auersio, & Tristitia. Irascibilis autem quæ circa ardua versatur, bona quidem recensentur passionēs, Spes; circa mala, Desperatio, Audacia, Timor, & Ira. Ex his fiunt passionēs mixtæ, ut avaritia, libido, vindicta, &c. Quorum naturam & effectus facile erit ex simplicibus intellectis, & in physiologia explicatis cognoscere.

Quantum verò ad Hygieinē pertinet: Amor siue in diuina siue in humana feratur, cum fiat inclinatione in bonum aliquod conueniens, & complacentia in ipso, spiritus expandit & exhilarat, cor aperit, & dilatat summa suauitate: si feruentior fuerit, accendit ac nimium resoluit, & tandem imaginationi vim inferens, zelotypiam atque ἐρωσιν, insanum amorem excitat, contracto iam in cerebro vitio, cuius causa dicimus, amentes & amantes eisdem curandos esse remediis. Odium contrà, quod accidit, quando imaginatio aliquid sub ratione mali aut disconuenientis proponit; vnde displicentia in appetitu gignitur, spiritus contrahit & conturbat, sanguinem retrahit & cor: ac si inueteratum fuerit, maximè corpus conficit & attenuat. Desiderium verò, cum sit prosecutio quædam & velut tendentia in bonum absens & futurum, eadem ratione quā amor, spiritus, sanguinem

nem & cor dilatat, idque cum quadam violentia. Offensio vel auersio contrahit, ex mali aduentantis fuga.

Lætitia autem, gaudium, seu voluptas, cum fiat ex fruitione & delectatione boni præsentis, referat & expandit fontes caloris natiui, cor exultare & quasi foras exilire, membræque saltitare facit: Vnde procedente nimium hoc affectu, per magnam cordis dilatationem & quasi resolutionem, multi in ecstasin, syncopen, ac sæpe mortem incidere possunt, si paucos fuerint præditi calore natiuo, ut in senibus, mulierculis; autiam debilitato post longas tristitias aut timores. Ut contra iucunditate & moderata lætitia nihil est aptius ad fouendam partium omnium essentiam, & diffundendum augendumque in illis calorem natiuum. Huic contraria tristitia seu moeror, ex mali aduentu, & præsentis perceptione cor contrahit, diastolen minuit, spiritus conculcat, sanguinem retrahit, & veluti immotum reddit, tandemque si producat hoc pathema, tantopere vim facultatis viuificæ deijcit, ut mortem inuehat aut acceleret. *Ipse suum cor edens, hominum vestigia vitans.* Vel mentis constantiam mutet, ingeneretque melancholicum affectum, teste Hippocrate, *aphor. 23. sect. 6. Metus & mæstitia, si longo tempore perseuerent, melancholia morbi signum est.* Nulli usquam commoda sano, furenti verò aut exultanti nimium, aliquando commoda.

Sequuntur passiones irascibilis, *θυμικῆ* seu animosi appetitus circa bonum aut malum arduum, quæ tantum intensione aut remissione in suis effectibus à superioribus concupiscibilis differunt. Spes enim circa bonum arduum, absens, possibile tamen obtineri, spiritus & cor concitat, animum fouet & exhilarat, solaque hæc fiducia hominibus relicta esse videtur in Pandoræ vasculo, ad leuandos huius vitæ cruciatus & ærumnas: Ut enim sani spe bonorum recreantur, sic ægri maxime confidentiâ erga Medicum, & quæ admouentur remedia, eriguntur ad sanitatem recuperandam: quam Hippocrates i. *Prognost.* idè illis augendam omni artificio suadet. Contrà Desperatio cum sit ex mali aduentantis apprehensione, quod euitari non potest, aut boni quod nullo modo obtineri potest, contrarios profert spei effectus, ex perpetua animi sollicitudine, & continua corporis perturbatione, nulli conueniens aut commoda.

Audacia autem cum sit eleuatio quædam appetitus & morus ad malum superandum arduum, sequitur ingentem caloris & spirituum copiam in hominibus magnanimis & robustioris naturæ: de quibus tantum illud merito dici potest: *Tu nec de malis, sed contra audentior ideo; & Audentes fortuna iuuat.* In aliis autem cum præter vim ipsius naturæ fiat, maximam resolutionem & virium dissipationem adfert. Timor verò ex mali ardui præsentis aut instantis perceptione exortus, tantam aliquando fugam & conturbationem adfert humoribus, ut ex subita hac retractione multis calor natiuus sit obrutus atque suffocatus: aliis magnos intulit in visceribus affectus; Vnde illud Poëtæ-- *gelidusque coit formidine sanguis*: Et vulgo solitum est, statim post timores istos vehementes venam secare, ut scil. qui intro violenter delatus est sanguis, per phlebotomiam reuocetur & minuatur. Sub timore continetur Verecundia, ex timore & ira mixtus affectus, sed parum potens ad inferendam corpori alterationem.

Superest Ira, quam comitantur Iracundia & excandescencia, velut habitus & intensiones, violentissimum animi pathema: Cum enim fiat ex apprehensione mali præsentis, à quo se liberari posse existimat, insurgit facultas cum vindictæ cupiditate, & varios motus in nobis profert. Primò retractionem caloris ad interiora, ut colligantur vires: Vnde pallor & tremor in principio, hinc collecto circa cor sanguine, eiusdem feruor & æstus, commotioque bilis in proprio folliculo & venis. Post impulsio ad exteriora cum faciei inflammatione, oculorum micatione, & mentis quadam perturbatione, quam Poëta annotauit eleganter his verbis, *Ira furor brevis est.* Ex quibus facile est conicere, quid ira præstare possit in nobis, contractionem scil. in membris ex varia illa humorum agitatione, incendium in corde, & in humoribus, quod sæpe in febrem ephemeram, aliquando in putridam definit, aliàs expansa bile per exteriora corporis, in icterum. Denique cum magnâ animi & corporis contentione iratus sæpe vtatur ad consequendam vindictam, fit magna virium deperditio, & spirituosæ substantiæ resolutio: Nusquam tamen subitam mortem intulit ira, quoniam in robustis & præualidis naturis sæpius fit: in imbecillis, ut mulierculis & senibus, quos Hippocrates *ὀξύθυμους* idè appellauit, iracundia si contingat, illud absque magno spirituum motu fit, præ
impo

impotentia potius mentis, quam cordis robore. Caret ira contrario; quia cum ista feratur in malum præfens arduum, opposita passio ferretur in bonum præfens arduum, sed ad illud non opus est animosa facultate, sed sola concupiscibili, quam prius lætitiā seu voluptatem appellauimus. Atque sub his enumeratis passionibus, & secundum earum formale ac materiale significatum explicatis, reuocari possunt quæcunque aliæ siue simplices siue ex his mixtæ sunt. Quid verò in sanitatis conseruatione conferant, nunc videndum, relicta morali Philosophia de moderandis huiusmodi affectibus, quam Galenus eleganter duobus libris est complexus.

Certum est itaque ad passiones istas concurrere ipsam imaginationis & rationis apprehensionem, ipsam facultatem animosam, & cordis robur, propriamque hominum temperiem. Cum igitur omnes non eadem polleant ratione, sed alij res quales sunt, æstiment; alij non quales, sed meliores aut deteriores: Præterea in aliis vehementior sit vis animosa, in aliis minus prompta, cordisque virtus maior aut minor, sit vt non eodem modo omnes concitentur, sed alij celerius, alij tardius, vehementius aut leuius. Item cum animi mores sequantur corporis temperiem, vt Galenus *integro* probauit *libro*, sit vt quidam ad iracundiam, & audaciam, vt biliosi; ad timorem & mœstitiā, vt melancholici; ad lætitiā, vt sanguineis; ad torporem pituitosi sint procliuiiores.

Ac proinde vt Lætitiā, gaudium, vel voluptas videtur medium horum affectuum obtinere, Sic etiam omnibus temperatis intemperatisque ex se ipsa conferre videtur; libera illa spirituum & calidi influentis expansione, cordisque dilatatione naturali, quā vitæ fontes omnibus partibus aperiuntur: At reliquæ passiones rationem intemperamenti obtinent, prout calorem vel augent vel minuunt, spiritus & humores resoluunt & dissipant, vel violenter retrahunt & cogunt in cor: Sicque pro modo corrigendorum intemperamentorum variè adhibendæ, vt scil. familiares prohibeantur, ira scil. & audacia bilioso & atrabilario; timor & mœstitiā melancholico; contrarij autem affectus suadeantur: Pituitosis enim & obtorpescentibus naturis non inutile est remedium Ira, quæ frigidiorē illum habitum soluat, & calefaciat. Denique eadem habeatur à Medico mutandarum istarum qualitatum ratio, quæ in superioribus dicta est pro decenti modo & gradu in contrariis intemperamentis.

Quod ad *quantitatem* enim attinet istarum passionum moderandam sanisque aptandam, egregium est illud Galeni in nostro *contextu*, Et *lib. 6. Epid.* ac *i. de san. tu.* Omnes animi affectus immodicos reiiciendos esse in tribus animæ partibus, animali, concupiscibili, irascibili; Moderantiā autem seruandam esse, quæ in eo posita est, vt neque ociamur per hebetudinem animi, lætitiā perpetuam, aut abolitam sollicitudinem & concupiscentiam, quia hæc plurimos & crudos succos generant; Nec verò nimium exerceamur plurima meditatione, impotenti concupiscentia, frequenti iracundia, tristitia, & similibus, sed ita in vtrumque extremum per oppositi vicissitudinem tendamus, vt ex vtrisque mediocritas corpori concilietur & duret, sub quibus etiam *temporis* & *ordinis* rationem complectimur.

Absoluimus igitur primum illud Hygieines caput, in quo erat propositum agere de materia seu causis salubribus necessariis, earumque vsu in genere; Inter quas aliquot etiam annotauimus, quæ inter non necessarias recensentur, quantum hoc nostrum institutum ferre potuit. Omisimus autem tractatum de Balneis naturalibus & arte paratis, quamuis ad sanitatis conseruationem maximè necessariis, quia iusti operis materiam continet. Nunc enim ad alias Hygieines nostræ partes est properandum.

CAPVT II.

*De Indicationibus sanatiuis: & de communi illa, An Similia
similibus conseruentur.*



ATERIAM ad vsus salubres idoneam & necessariam *superiori capite* abundè pro compendij huius natura descripsimus: & Medico instrumenta suppeditauimus, quibus possit propositos Hygieines scopos assequi. Nunc autem videndum quomodo materia ista variaz sanorum custodiæ aptari debeat, & quasi formaliter referri. Id autem certum est fieri aptius commodiusque non posse, quam per conuenientes indicationes, seu insinuationes ex rei ipsius natura petitas, quæ nos ad id quod est agendum, non minùs in statu salubri quam insalubri velut manu deducant per consequutionem illam, quam Galenus vocauit Logicam. Cum enim Sanitas, causæque eius omnes & effectus, secundum naturam maximè sint, & sub boni specie non solum à Medico, sed etiam à quibuscunque hominibus percipiantur. Hinc statim sequitur ex communi illo principio sanitatem velut bonum, amplexandam, sequendam, & omni industriâ conseruandam: quemadmodum illi oppositum statum, Morbum scil. velut malum quid ex se humanæ speciei auersandum, remouendum, & omni curâ auferendum esse. Vnde duæ primæ & generales Indicationes omnibus notæ exurgunt, Custodia scil. eius quod secundum naturam est, Ablatio illius quod præter naturam existit. At quibus, quando, quantum, & quomodo illud præstari debeat, id demum sub peritissimi tantum Medici notionem cadit, cui nunc incumbimus, quoad Indicationes sanatiuas siue salubres attinet: Postea de Curatiuis in secundo tractatu fusè acturi.

Proposito igitur salubri statu, circa quem Medicus actiones aliquas exercere debet accommodatissimis quibusdam instrumentis, succedit statim cognitio diuersitatis maximæ, & differentiarum quæ in illo reperiuntur. Vt scil. aliquis sit status velut cæterorum regula, exactâ temperie omnium partium, & earundem compositionis perfectione constans, circa quem infiniti, & maximè vulgares status positi sunt, alij quidem imperfectione per similem vel organicam dispositionem ab eo differentes, alij lapsu quodam manifesto longè recedentes, quatenus id sanitatis latitudo ferre potest. His itaque omnibus vt in genere sanis, & secundum partiuales hominum constitutiones ad actiones quodammodo obeundas facientibus, Custodiam quidem pollicetur *viximus* Medicus: sed quoniam imperfecta omnia ad id quod perfectius est, quoad fieri potest, reduci debent, & lapsus illi insignes in statu salubri manifestam in contrarium propensionem ostendunt: Ideo Medicus status istos deficientes non solum conseruare, sed etiam corrigere, & ad id quod optimum est, deducere conatur. Vnde duplex statim exurgit intentio in Hygieine, Custodia scil. *perfecti*, *Reductio deficientis*. Vt enim in statu morbofo quamuis curatio & mutatio, præcipuus sit Medici scopus, quia tamen quod natium adhuc superest, proprium scil. temperamentum & vires conseruari, & inprimis custodiri debent, ideo in therapeutica curationi conseruatio miscetur: Sic in statu salubri, quamuis Custodia & Conseruatio, præcipua sit Medici intentio, si tamen aliquid in peius ruere quamuis sensim videatur, illi per reductionem maturè & auxiliis ex salubri materia petitis medebitur. Ecce igitur quid sit agendum in statu salubri, Custodire scil. & Reducere.

Quibus autem hoc præstare debeamus, quantum, quando, & quomodo, iam inquirendum est. Custodia quidem cum sit Conseruatio sanitatis & causarum ipsius in statu præsentis, non alio modo fieri potest, quam similium vsu: Vt enim omnis mutatio à contrario & per contrarium: Sic Conseruatio à simili & per similia perficitur: Simile enim simili gaudet, ab eo augetur & custoditur: Reductio autem cum sit præsentis sanitatis in melius mutatio & correctio quædam, non nisi contrariorum vsu perfici potest, si modò illud verum sit, Mutationem omnem à contrario contingere. Vnde Galenus *in lib. method.* reductionem istam sanatiuam à therapeutica curatione, secundum magis & minus tantum differre voluit, vt

scil. qui curat, manifestis & insignibus contrariis vtatur; qui reducit, lenioribus & minus manifestis: Hunc quidem comparans homini sensim dolium, ex quo paulatim humor effunditur, replenti: Illum verò homini affatim vas penè exhaustum implenti. *Quibus igitur in statu salubri conseruandum? Similibus. Quibus reducendum? Contrariis.* *Quantis* autem & similibus & contrariis illud sit præstandum, rectè definiuit Galenus, dum vult Similia hæc & Contraria, non solum talia esse formâ & denominatione, sed etiam gradu. Vt ad conseruationem calidi, ex. gr. non solum calida secundum appellationem & effectum vsurpanda sint, sed etiam calida secundum eandem intensiorem & gradum. Cum enim non sola caliditas sana sit huic, v. g. homini, sed certus caliditatis gradus, quæ auxilia hunc conseruare apta sunt, propositum illud punctum excedere non debent, siue vltimum effectum spectes, qui post causarum actionem introducit, siue propriam earum naturam: Solus enim aër, v. g. æstius sub Canicula ob nimium feruorem, quamuis sit formâ & denominatione similis calidæ temperiei, quia tamen gradu excellit nimium, non conseruat, sed excessum & dissimilitudinem infert. Sic multæ causarum salubrium simul iunctæ, vt cibus & potus, exercitatio, vigiliæ, & similes, si conueniant in vna eademque facultate ad conseruationem simplicem alicuius sani, præter hanc oportet mensurâ eâ esse præditas, quæ in vltimo earum effectui, illius modulo respondeat. Idem dicas de Contrariorum vsu ad reductionem deficientis sani. Vt enim in curatione, contraria æqualia esse debent, quò mediocritatem aliquam corpori conuenientem inducant, neque excessus fuga fiat vitium: Sic in reductione sani, seu correctione eorum quæ excedunt vel deficient in hoc statu, ex cognita eius natura metiri conuenit vim & parem gradum contrariorum, quæ mutatione conuenienti, illud quod propositum est, efficiant, neque ultra progrediantur. Sensim item procuranda hæc mutatio, vt nullo modo natura sit molesta, sed absque insigni præsentis constitutionis perturbatione introducatur. Hæc est igitur *Quantitas* similium in conseruatione, contrariorum in reductione, quam obseruare debet *videndus* Medicus, utpote in qua potissimus rectæ actionis scopus est positus.

Quando autem, & quomodo id præstari debeat, melius deinceps dicetur, dum vnicuique conuenientem causarum vsu aptabimus: Illud tamen generaliter pronuntiauit Galenus, Conseruationem velut primariam intentionem semper esse sanis conuenientem, nisi iam vergant in lapsus aliquos immoderatos: Reductionem verò siue Correctionem præsentis status non ita conuenire posse, neque omnibus, neque semper: Non quidem omnibus, quia multi eâ sunt sanitate præditi, quæ simplicem sui custodiam suadet: Alij verò quamuis correctione indigeant, quia tamen parum sunt obsequentes, proprioque arbitrio & impetu ducuntur, ideo in sua sunt potius relinquendi constitutione quàm reducendi. Non semper, nam vt est 5. *de sanit. tu.* 14. & 15. & 7. *meth. cap. vlt.* Quando eiusmodi lapsi vel ægrotant, aut ita negotiis sunt impliciti, vt nullo modo sanitati incumbere possint, & à consuetis tutò abstinere, tunc non sunt reducendi. Quippè cum in ægrotantibus auxilium à propria temperie, qualiscunque illa sit, maxime expectetur, ideo tunc Natura corrigentibus fatiganda non est, nec à morbi expugnatione, importuno illorum vsu auertenda, nisi fortè curatio correctioni consentiat, vt quando biliosus febre ardente detinetur. Occupati autem, qui vitam quam vocant *οὐκ ἐνεργούντων*, id est, *inquietam* agunt, non possunt explere præcepta reductionis, in qua vult Hippocrates 6. *Epid. sect. 2. 26.* *Contraria sensim adhiberi, & quietem interponi*, vt natura per medias istas quasi ferias à correctionis labore interquiescat. Adde quòd occupati frequentissimis erratis totam reductionis seriem interpellare & diruere solent. Atque hæc sunt indicationes vniuersales in vsu causarum salubrium, pro sanorum corporum diuersitate à Galeno propositæ, & ab omni Medicorum successione summo cum applausu & admiratione receptæ.

Quia tamen Axioma illud quo diximus, Similia similibus conseruari, non tam à Medicis in thesi, & vt est notio quædam communis, consideratur, quàm in hypothesis, & quatenus ad communem agendi rationem refertur: ideo non paucas etiam suscipere solet difficultates, quæ soluendæ & determinandæ prius sunt, quàm huic capiti finem imponamus, quandoquidem hinc tota deinceps tractationis salubris firmitas pender.

Primo igitur aliquot Hippocratis & Galeni authoritates, deinde rationes, huius axiomatis veritatem conuellere videntur. Hippocrates enim *aphor. 2. sect. 3.* *Naturæ*

rarum, inquit, *alia quidem ad astatem, alia verò ad hyemem, bene malè se habent*; quod Galenus interpretatur, Naturas, hoc est, temperamenta frigida humidàque per æstatem optimè affici, vt pituitosorum hominum, senum, & mulierum: Contrà calida siccaque per hyemem bene, vt sunt biliosorum, iuuenum, & constantium se habere. Vnde sequi videtur, contrariam causarum istarum constitutionem magis facere ad sanitatis conseruationem quàm similem. Item scribit Galenus. i. *de alimentis*, intemperies sanas quoad qualitates actiuas per contraria seruandas, quoad passiuas, per similia, vt si in calidi frigiditæ excessu sint positæ, oppositis vtantur, si humidi aut sicci, eisdem. Præterea senes quoscunque calidis humidisque fouendos vbique & conseruandos docet, cum tamen eorum constitutio in frigiditatem siccitatemque labatur. Annon eadem est ratio totius corporis & partium, inter quas vult Galenus *hoc libro*, frigiditas, vt pulmonem, manifestè lædi ab inspiratione frigida, à calida verò iuuari. Calidas verò, vt Cor, aëris perpetuo indigere refrigerio? Quibus etiam ratio facillimè suffragatur, Siquis enim calidus sit, v. g. vt duo, & sanus: per vsum calidorum eodem gradu, nonne multiplicabitur additio gradus, & ex moderato immoderatus fiet? Hi sunt obices quibus propositi nostri veritas irretiri videtur. Quibus satisfaciendum est, idque suppositis prius iis, quæ à nobis iam sunt tradita. In statu scil. salubri duplicem esse indicationem, Conseruationem scil. & Correctionem: Et in vsum horum auxiliorum non solum qualitatem spectari, sed etiam gradum, quem potissimum per vltimum illum effectum, qui introducitur, metiri conuenit. Ex his enim facilis est harum difficultatum solutio. Nam quòd temperamentorum excessus, melius habent in contrariis anni tempestatibus, illud ad Reductionem referendum est, quâ eiusmodi intemperies sanæ corriguntur, non ad conseruationem: Nisi generaliter sumatur Conseruatio in sanis, pro omni illo ex quo melius habere videntur: At propriè sumpta conseruatio, cum sit custodia præsentis status, non debet cum reductione confundi, quod tamen sæpe contingit Galeno, ex communi loquendi norma. Vt pater in secunda obiectione, in qua Galenus omnino conseruationis nomine abutitur: dum docet actiuas qualitates temperamentorum per contrarias qualitates esse reprimendas, passiuas verò non ita sedulo corrigendas, sed potius vsum similibus continendas, nisi admodum excefferint. Quod ad senes verò attinet frigidos siccosque, quibus perpetuo Galenus vsum calidorum humidorumque consulit, id potius ad præcautionem instantis siccitatis, frigiditatisque fit, ad quam mortem consequi necessarium est; quàm respectu status salubris, in quo senes diu absque horum auxilio perdurare non possunt. Idem dicas de partibus corporis intemperatis, in quarum conseruatione, reductio per contraria potissimum locum obtinet: Vt in illis quæ temperatæ sunt, simplex conseruatio. Gradus quidem caloris alteri gradui additus illum multiplicat, si vterque subsistat, sed quia calor ille noster cum propria substantia perpetuò effluit, hinc fit vt à paribus in gradu non augeatur, sed conseruetur tantum, & accedens nouus in defluentis locum succedat. Est igitur verum in vsum salubri conseruationem fieri semper similibus: at non semper conseruatione vtendum in omnibus sanis, sed frequentius ratione tum proprii, tum acquisitiij temperamenti, reductione & in melius mutatione; quò eiusmodi status intra sanitatis latitudinem contineatur.



CAPVT III.

De conseruatione exactè sani.

ONSERVATIONEM propriè sumptam, quamuis sit præcipua status salubris indicatio, minus tamen communem & vsitatam esse diximus ipsa reductione, ob frequentissimos sanorum corporum lapsus, inter quos *εὐεξία*, *optimus habitus*, exactè sana constitutio, velut medium quid & perfectum, positum est, quod reliquorum omnium sit regula. Hanc *εὐεξίαν* depingens Hippocrates *lib. Præceptionum*, non athleticam illam periculosam, in sola plethora humorum, carnosarumque partium multitudine positam, vocat *Φύσιν Φύσει περιπεποιημέναν, λίαν ἐναρμώσαν πνεύματι, & θερμασίην, & χυμῶν κατεργασίην*,

Naturam naturæ superadditam, quasi dicat, absolutam sanitatis perfectionem, quæ & humorum bonitate, & calore, ac spiritu laudatissimo, maxime speciei humanæ conueniat, ad actiones omnes in illâ utiles peragendas. Quod sequutus Galenus, modò *in egiptu* istam proponit, velut imaginem quandam normæ Polycleti, libro scil. *de bona habitudine*, quæ simpliciter sit bona habitudo absque vlllo respectu. Aliàs verò, vt *lib. de opt. constit.* more Medico magis, & ad vsus communes, ita constitutionem illam depingit, vt scil. hæc sanitas sit, optimus quidam & firmus corporis habitus iustâ temperiei æqualitate, & partium organicarum symmetriâ constans, ad omnes actiones obeundas paratissimus, causisque morbificis parum obnoxius. Hunc in plurimis hominibus reperire est, quos & vulgus simpliciter sanos nuncupat, & Medicus *ὕγιαντος* velut optime constitutos in naturali illa sanitatis perfectione sibi conseruandos proponit, ex communi primùm notione, id quod bonum est, perfectum & maxime secundum naturam, custodiam & conseruationem sui suadere: Deinde ex peculiari status illius & minimè vulgari notitiâ sic progreditur, Sanitas hæc cum optima sit, vt ex actionum omnium perfectione potissimum, aliisque signis innotescit, seruari debet per ea, quæ causas istam efficientes proximè & continenter tueantur & custodiant. Cùmque illa posita sit in moderata temperie simularium, bona vnitate, atque organicarum conformatione debita; ideò vtrisque videtur incumbendum, vt sanitas ista retineatur. Sed quoniam organorum conformatio & vnitas, quæ talis fuerit in prima generatione, qualis esse debuit, postea per accretionem simularium & nutritionem, eodem modo contingit, si conueniens ad illas alimentum accesserit: Alimentum autem tale existit, qualis est temperies partium coctioni vniuersali & particulari dicatarum. Hinc sequitur, conformationis naturam & vnitatis, non particularem causarum vsum ad sui conseruationem indicare, sed per custodiam ipsius temperiei, illam etiam conuenienter posse conseruari.

Sola itaque temperies status istius saluberrimi conseruanda venit, quæ cum posita sit in mediocritate & symmetria maxima, citra excessum omnem, Ideò custodienda est vsu similiarum moderatorum, siue denominatione simul & effectu, seu effectiue tantum talium. Hoc verò debitâ causarum salubrium applicatione continget, quam breui hac delineatione perstringemus. Primùm igitur *Aëris* perspirati inspiratiq; vsus iserit, vt cum spirituosâ ex eo substantia refici, calorq; naturius temperari & ventilari debeat; sic etiam aëris consistentia pura sit, nullo inquinamento vitata: neque nimium tenuis, neque valde crassa, sed inter istas mediocris, vt scil. omnes illius qualitates blandè & quasi sensim in corpus temperatum inferat, absque vlla mutatione. Atque hæc, si fieri possit, qualitates aëris, nullo sint excessu præditæ, sed in æquabili quadam temperie frigoris & caloris, humoris & siccitatis positæ, qualem verno tempore sæpius experiri licet. Vnde vult Auicennas, hominem hunc temperatum, quem custodiendum suscepimus, incolere ciuitatem aliquam quarti climatis inter cætera clementissimi, quæ Orientem respiciat, in loco accliuui, neque præcelso neque admodum humili positam, à paludibus omnique illuue remotissimam, montibus verò, grandiori flumini, & mari non admodum propinquam. Verùm Galenus multò melius, vt mihi videtur, ne vnico mundi loco & cardini, temperati conseruationem addiceret, hos mediocritatis terminos latiores in aëre posuit, vt scil. temperatum corpus, in eo neque horreat propter frigus, neque sudet propter æstum. His nimirum verbis denotans, passiuas quidem qualitates, vt parum ad agendum paratas, humiditatem scil. & siccitatem, nisi actiuæ illis adiungantur, vix deicere posse statum corporis exactè sani, quem maxime externis causis resistere posuimus. Actiuas autem, frigus scil. & æstum, tunc temperatas haberi posse, quando temperatè sanos homines afficiunt. Vnde in qualibet regione mundi que plaga, cum eiusmodi homines secundum Medicinæ censum reperiantur, sit vt vel ex assuetudine, vel resistendi potentia, hic v. g. Indus minùs æstu tentetur, Anglus verò minùs frigore patrio, sed æqualiter & temperatè ab eis afficiantur, nisi valde exceßerint. Quod si aut ratione tempestatu anni, aut particularis locorum constitutionis, inclementior sit aëris status, tunc conuenit Medicum aut sanum regulis necessariis addictum, habitationis, vestium, suffituum varietate, eam conciliare sibi, vel aëri dispositionem, quæ illum intra propositos mediocritatis terminos contineat. Quod si assequi non possit, tunc certè soli mutatio & alterius habitationis electio, ex Auicennæ consi-

lio, commodè vsurpanda erit, tamdiùque in loco morandum, quamdiu loci illius causas ad sanitatis nostræ conseruationem conspirare agnoscimus.

Atque vt aër potentissima est causa in conseruatione & correctione, sic illi virtute sunt secunda *Alimenta*: quorum materia media, euchyma scil. eupepra, & copiosi succi, erit temperato homini vtilissima, *proprio capite* à nobis descripta: qualitatibus verò propriis & natiuis temperata, vt scil. eundem quem repererunt succum generent, neque partium temperiem excedente vllâ qualitate afficiant. Quod si hoc natura in quibusdam alimentis non præstiterit, quæ assueta tamen sint, aut iucunda homini temperato, tunc ars debita illorum præparatione, coctione, & mixtione variorum alimentorum in eodem pastu, aut etiam peculiaribus vnicuique condimentis mediocritatem expetitam conciliabit: quod pro genere & varia cibi aut potus natura facile erit Medico definire. In quantitate autem eorum moderanda sufficet temperatæ naturæ appetitum sequi, quæ, vt inquit Galenus, cum actiones omnes corporis habeat perfectissimas, tantum appetit quantum concoquere potest, pro varietate regionum, anni temporum, ætatis, sexûs, consuetudinis, quorum etiam ratio habenda est. His si & tempus, & ordinem illum iam à nobis *proprio capite* designatum addiderit, omnes in hoc mediocritatis modos explebit.


Atque vt appetitui in temperata natura respondet Concoctio, sic etiam superfluitatum omnium & *ὑπερσφύων Excretio*, tam eorum quæ propriè excrementa sunt & dicuntur, quàm benignorum, inter quæ Veneris vsus, seminisque prolifici in agrum naturæ profusio, cum moderatione & aliis obseruationibus à nobis positis, huic maximè homini conuenit: quem solum, intemperatis omnibus cessantibus, foeminas inire, & rediuiam prolem suscitare, inprimis esset Reipubl. vile.

Item in vsu *Exercitationis*, nullum refugiet agitationis aut laboris genus, cui paratum esse conuenit, sed lubenter suscipiet, vt moderatæ exercitationis commoda consequatur, eâ quantitate, ordine, & tempore, quæ iam à nobis assignata fuerunt. Vt etiam gratâ *Somni*, & *Vigilie* naturalis vicissitudine, vtriusque utilitates consequetur, feriasque nocturnas diurnis occupationibus interpellabit. His omnibus si accesserit *tranquillitas animi*, profligatis omnibus immodicis animi perturbationibus, vel per hanc sanitatis curam, vel Philosophiæ studio comparata, tunc certè omnia conuenienter fient in conseruatione hominis istius saluberrimi, quem par est hac ratione & incolumem à morbis vitam degere, & in singulis ætatibus coævus suos valetudine antecederè.

Verùm duplex hîc adhuc subest difficultas. *Primum* enim quæri potest, cum sæpius contingat causas istas sex, vix posse simul ad conseruationem sani statûs concurrere, sed sæpius vnâ vel plures, aliarum consensum oppugnare, an scil. tunc necessariò noxa inferatur homini sano, an verò sit modus aliquis, quo liceat defectus istos compensare? *Secundò*, si certum est, vt Galenus docuit *lib. de sanit. tu.* sicut inter varias sanorum naturas, solam temperati constitutionem expetere similitudinem exhibitionem, reliquas verò contrarioribus; ita inter temperati hominis ætates, vnâ tantum aut duas ad summum, similibus temperatisque bene habere, pueritiam scil. & adolescentiam, reliquas omnes aduersis gaudere & restitui: quomodo nunc citra ætatum distinctionem, statum salubrem similitudinem vsu ad conseruationem egere volumus?

His itaque pro capitis istius complemento satisfaciendum est. Dicimus igitur sæpe fieri, vt in vsu conseruationis, vnâ vel plures causarum salubrium & necessariarum, aduersa sit huic scopo in statu salubri proposito; Verùm illud non impedire, quin Medicus eum assequatur, sedulâ omnium causarum istarum & artificiosa applicatione: Si enim contigerit aërem, v. g. in qualitate excedere, qui necessariò hauriendus sit homini temperato, vel necessariò obeundum esse illi quendam laborem, qui limites omnes mediocritatis excedat: in his, inquit Galenus, expendere oportet vim & naturam causarum istarum aduersarum propositæ constitutioni, vt scil. earum excessus & potentia, per aliarum, vnius scil. aut plurium vsum temperetur & corrigatur: Sic aëris immodicus calor sæpe corrigitur alimentorum vsu refrigerante, Sic exercitationis molestia solo somno succedente: aliâs aëri, cibo, passionibus animi, reliquisque per plures alias causas temperatio est adferenda, quod facile erit in homine temperato coniicere, ex facili tolerantia illius & alacritate, quæ efficit vt his adiutus nullam contrahat noxam, neque à proprio statu deiciatur.

Quod ad aliam Obiectionem attinet, certum est, Veram meramque conseruationem temperaturum corporum, illis tantum competere ætatibus, vt pueritiæ & adolescentiæ, quæ verè etiam sunt temperatæ: Sed quoniam temperatus homo, in quauis vitæ suæ parte, talis esse potest natiuo & proprio temperamento, quamuis ætatum successione acquisititium in humoribus positum mutetur: Hinc fit vt ratione primi illius temperamenti, Conseruatio semper competat reductioni iuncta, ob iniuriam excedentis caloris secundum gradum in iuuenili ætate, deficientis verò in constante & senili. Sicque vnica sit indicatio in pueritiâ atque adolescentiâ, nempe Conseruatio, duæ in reliquis ætatibus, Conseruatio scil. natiui temperamenti, & Correctio defectuum aut excessuum, qui deinceps introducuntur: Quam nos *sequenti* proponemus *capite*. Particularem enim conseruationem per se, qui prægnantis sanæ, nutricis, infantis, pueri, adolescentis, non est nunc propositum, cum liceat eam ex Galeno *lib. 1. 2. & 3. de sanit. tu.* fusè pertractatam repetere.



CAPVT IV.

De eis qui à sanitatis perfectione, secundum temperiem lapsi sunt.



CONSERVATIONEM modò propriè apud Galenum sumi docuimus, vt *libro nostro artis parue*, pro sani corporis custodiâ, quæ similibus adæquatis perficitur: aliàs verò latè vsurpari pro omni actione Medicâ, quæ circa salubria corpora versatur, siue tantum conseruare, siue etiam corrigere & ad melius reducere sit propositum.

Nos itaque cum *superiori capite* de Conseruatione simplici circa exactam sanitatem egerimus: Nunc lapsus eos persequemur, qui ab hac tanquam perfectione, in indiuidualibus naturis deflectere solent, quod maximè est vulgatum, & Medico cognitu necessarium, plerisque hominum de sanitate sua conquerentibus. Est autem eadem methodo, quâ & in superioribus procedendum, ex noticia scil. ipsius rei. Cum enim sanitatis perfectio, in bona similarium temperie, & debita organorum compositione collocata sit, certum est quodcunque corpus in horum alterutro, aut in vtrisque defecerit, statim ab inculpato illo statu plus minùs recedere. Sic intemperati multi sani, neque vno modo, sed pro variarum qualitatuum, quæ symmetriam temperamenti euertere possunt, numero; alij in intemperiem calidam, frigidam, humidam aut siccam. Alij in coniugatas ex istis, calidam humidam, calidam siccam, frigidam humidam, frigidam siccam labuntur.

Atque vt in construendo multa, in destruendo vnum vel pauca sufficiunt; Sic sanitatis harmonia, non solum integrâ partium similarium intemperie dissoluitur, sed etiam vnius aut plurium: Illi æqualiter intemperati vocantur à Galeno, isti inæqualiter; In quibus rursum contingere potest, vt duabus aut tribus partibus intemperatis existentibus, vnus excessus alteri sit contrarius, vt si ventriculo frigidiori, hepar feruidum, cerebrumque humidius coniungatur: Quorum habenda nobis nunc est ratio. Nam de vitiiis conformationis & vnitatis sub sanitate positis, *sequenti capite* tractabimus: pressius tamen, quia istorum explicatio parum differt à curatione morbosarum intemperierum, de quibus in therapeutica seriò & fusè postea agendum erit.

Propositis igitur hominibus secundum temperiem à sanitatis perfectione recedentibus, siue ab ortu id contigerit, siue post ex commissis erroribus, siue id fiat æqualiter, siue inæqualiter, certum est duas statim exoriri indicationes, primam scil. vt statum illum imperfectum, cum à sanitate perfectissima recedat, quæ semper est vltimus finis Medici, ad perfectionem reducat, si fieri possit, & leui correctione quæ sanis etiam debetur, in melius transferat; Secundam, si id præstare non possit, propter ea quæ dicuntur postea, in eodem statu, qui & naturalis est adhuc, & ad actiones obeundas idoneus, conseruet.

Reductio igitur illa siue Correctio sanorum, cum sit status præsentis sensim facta mixatio, quibus erit præstanda: An non contrariis, quæ vim habeant alterandi

commouendique : hisque pro natura variæ intemperiei simplicis aut compositæ oppositis, vt conuenienter huius vel illius excessum aut defectum expugnare valeant. Est itaque Medico disponenda materia salubris, quæ iam à nobis luculenter descripta est, vt scil. ex vsu vario aëris, cibi & potus, excretorum & retentorum, exercitationis, somni, & vigiliæ, animique pathematum, transferre possit & reducere statim istos sanos imperfectiores, pro variis intemperamentis. Ac cum recessus ab illa perfectione, sub vno eodémque genere intemperiei, diuersi sint, *quantitas* contrariorum debita sumenda erit diuerso illius gradu. Sit v. g. sanitas perfecta in mediocritate caliditatis vt quatuor; sanorum autem istorum in intemperiei calidæ excessu positorum, sit alius vt quinque, alius vt sex, procul dubio quamuis eadem illis opponi debeant contraria in specie, frigida nimirum, at non eadem in gradu, sed intensiora huic, illi remissiora, quæ vniuscuiusque reductioni ad id quod est optimum, sufficiant. Hæc vocat Galenus æqualia contraria, ex quorum vltimo effectu, sitæ vnica causa salubris, veluti cibus tantum, siue plures usurpentur, mediocritas tandem corpori ex petita conciliatur.

Quando autem, & quomodo, adhuc est docendum: Temporis opportunitatem ex multis desumunt. Inprimis enim conuenit, Reducendos istos otiosos esse, & vt loquitur Hippocrates, *id est, priuatos homines* sanitati tantum incumbentes, à muneribus omnibus grauioribus cessantes. In occupatis enim neque vacat propter negotia, neque licet propter pericula, quæ eiusmodi homines incurrere possunt, reductionem tentare. Item nullo morbo affectos esse conuenit, quando reducuntur, ne scil. natura reuocetur ab expugnatione morbi, ad correctionis labores, duplicique onere pressa facilius occumbat. Præterea obsequentem oportet habere hominem, qui Medici consiliis lubenter pareat: Alij enim suâ proteruiâ, quod pluribus diebus feliciter constructum fuerat, vnico errore subuertunt. Adde etiam ætatem conuenientem, vt scil. hæc reductio procuretur, non in constantibus senibus, quibus iam contracta est habitualis illa intemperies, sed in pueris aut ætate florentibus, quorum vitia non solum animi, sed & corporis, vt leuiter hærentia facile est corrigere.

Quæ Galeni dicta intelligenda sunt de summa & omnimoda reductione, quam in paucissimis hominibus, & cum pauca fruge tentare licet. At leuis reductio, quæ scil. tantum corrigit, quantum vnicuique datum est, omnes complectitur hominum conditiones, milites, nautas, agricolas, urbanos, literatos, iter agentes, & similes, siue iuuenes siue senes: illisque salutaria admodum præcepta describit, quibus possint commodissime sub omni vitæ genere, in quacunque regione, & quouis anni tempore, suæ sanitatis excessus moderari. In hoc totum artificium positum est, vt si necessario peccandum sit in vna aut pluribus causarum salubrium, nouerint quomodo per aliarum sibi concessarum vsum, istarum impetus reprimere, contractasque noxas corrigere valeant, vt in peculiaribus tractatibus docetur. Quomodo autem tentanda sit perfecta illa Reductio, sensim & per intervalla, docet Galenus; Sensim quidem quia omnes mutationes subitæ maximam naturæ vim, in naturali potissimum & sano statu, inferunt, nec tutum est à consuetudine quæ iam inualuit, statim recedere: sed si per intervalla quædam & moras quasi cunctando expugnetur, facilius cedit, & alternis causarum salubrium applicationibus obsequitur.

Atque hæc in correctione cuiusvis intemperiei sanæ obseruanda sunt, æqualiter scil. & sensibiliter per totum corpus excedentis. At quando inæqualiter intemperatus est homo sanus, maior tunc subest difficultas, ex diuersorum excessuum in variis partibus repugnantia. Sit v. g. aliquis, quod frequentissimum est, cui cum ventriculo frigidioris hepar feruidius existat, vel similes partes, certè non licet hic vni prospicere simpliciter, absque alterius incommodo. Quid igitur in talibus præstandum? *Primum* animaduertenda est partium istarum natura, an principes sint, an principum ministræ, an ad vitam magis vel minus necessaria. *Deinde* excessus ipsius intensiorne sit, vel remissior. Certum enim est partium principum & ad vitam maximè necessariarum potissimam rationem esse habendam, vt scil. earum excessus inprimis corrigantur & ad mediocritatem reducantur, propter actionis præstantiam. Si igitur contigerit, v. g. hepar calidius esse, cum frigidioribus testibus, nullum est dubium, quin correctioni hepatis sit incumbendum, parua habitâ ratione testiculorum, vt ad vitam minimè, & conseruationem indiuidui facientium. Contra verò si contigerit, duas æquè nobiles & necessarias partes, contrariis excessibus

cessibus occupari, v. g. cor frigidius esse, hepar autem calidius, tunc gradus excedentis in vnaquaque qualitatibus expendendus est: Si enim ita sit, cor parum admodum excedere, hepar verò multum, tunc hepatis præcipua est habenda ratio, illique reductio admouenda, neglecto quodammodo corde. Verum si vtrumque in pari sit recessu, vnde par impendeat in sanitatis perfectione noxa, tunc certè vtrique pariter est subueniendum. Quomodo? decet spectare ipsam partium connexionem & situm, sunt enim quædam ita positæ, vt nihil per interiora aut exteriora admittant, quin primùm in alias illabatur, vtpote nihil ad hepatis refrigerium ingerere licet, quin per ventriculum frigidiorum & intestina delatum, eorum intemperiem augeat: nihil admouere extrà ad frigidiorum ventriculum temperandum, quin feruidioris hepatis incumbentem lobum magis calefaciat: In talibus igitur nusquam ventriculum per externa calfacere tentabimus, si hepar sit calidius, sed internis vtremur, quæ per os assumpta in ventriculum delabantur, crassioris substantiæ, & paucae quantitatis, vt scil. propter substantiam distribui in hepar non possint, & propter quantitatem in ventriculo consumantur: Sic hepar calidius cum frigidiorum ventriculo nusquam per assumpta refrigerare tentabimus, sed per admodum, externa scil. remedia, quæ faciliè in illud penetrare possunt absque ventriculi noxa. At in partibus diffitis, neque ita connexis, licet aut eodem, aut diuerso saltem tempore, repugnantes istos excessus simul expugnare. Verum de his fusiùs agemus in *tractatu nostro, de Indicationibus curatiuis*, vnde hæc pauca desumpta sunt. Quod ad paradeigmata verò attinet reductionis intemperierum omnium sub sanitatis latitudine positarum, nostrum iam esset illa persequi, nisi id Galenus eleganter & accuratè admodum præstitisset, *libro 6. de sanit. tu.* verè aureo, in quo ad *caput* vsque *octauum*, proponit correctionem sanorum æqualiter intemperatorum, ab hoc verò ad libri vsque finem de inæqualiter intemperatis agit. Sufficiat igitur nobis, summa rei huius capita proposuisse.

Quod ad Conseruationem verò attinet, qui secundus est scopus in sanis intemperatis, quando reducere non licet, aut non conuenit: Ea vel vera est conseruatio eius status sani qui præsens est, qualiscunque sit, quæ similium vsu perficitur, tantum à mediocritate recedentium, quantum ista sanitas secundum vnam vel duas qualitates excessit. Vel Conseruatio est latè sumpta, reductionem à nobis commemoratam complectens, quæ in vltimo suo effectû, quamuis moderatis contrariis lapsus istorum hominum corrigat, conseruationem tantum eorum sub latitudine sanitatis, absque vlla sensibili reductione aut melioratione præstat, & ne in morbos delabantur, cauet. Hæc Prophylactices præcepta continet, quam vbique Galenus sub Hygieine collocat. In hoc autem libro, ob propositæ definitionis naturam, cogitur sub causis insalubribus & neutris reponere: Quem etiam nos hac in parte imitabimur, vt huic capiti finem imponamus.



C A P V T V. & vltimum.

*De eis qui à sanitatis perfectione, secundum conformationem
& partium unionem lapsi sunt.*



NTI QVORVM *ἀνιάδους* tanto studio fugiebat Galenus, vt sub latitudine sanitatis non dubitaret pro vtilitate operationum Medicorum, insignia quædam vitia collocare: quæ nondum ipsis functionibus sensibilem maximè noxam inferrent. Sic post propositam *hoc nostro libro* conseruationem reductionemque intemperamentorum, quæ in hominibus sanis reperiuntur, postmodum aggreditur ad ea vitia conformationis & vnitatis partium, quæ sanis competere possunt, si statum sanorum ex illius sententia, ita nunc recipias, vt pati possit actiones quodammodo læsas, imminutas scil. vel deprauatas. Quicquid sit, cum ista propriè ad Curatoriam pertineant, neque tam corrigantur salubri materiâ, quàm therapeutic remediis, vt ligaturis, compressionibus, & similibus, idè breuib. rem istam perficiemus.

Sanitas igitur perfecta, cum posita sit in debita partium temperie, organorum conforma

conformatione, & omnium vnitate naturali: sequitur etiam imperfectam reddi posse, non solum per temperiei ipsius lapsum, sed etiam per vitia quæ duabus aliis naturis accidere possunt: hæc enim si leuissima sint, ex suppositione Galenicâ, constitutioni sanæ contingere possunt. Atque vt conformatio illa perfecta & vnitas partium naturalis, sui conseruationem suadet: sic imperfecta & deficiens, sui restitutionem & correctionem, si sit possibilis. Porro cum rita illa conformatio & vnitas ab ortu contracta, quod ad causas salubres attinet, non alio modo conseruetur, quàm per custodiam ipsius naturalis temperamenti, (à nullâ enim propriè expugnatur) ideo conseruationis illius non meminit Galenus, sed tantum reductionis vitiata & deficientis, pro numero vniuscuiusque istarum simplicium vel compositarum. Cumque conformatio diuidatur in formationem, magnitudinem, numerum, & situm. Formatio rursus in figuram, cavitatem seu meatum, asperitatem & læuitatem. Magnitudo sit aucta vel imminuta, vt etiam numerus. Situs partium connexum etiam earum complectatur, sic illis extra naturalem constitutionem positis breuiter prospicit: vt contraria adhibeat, non formalia quidem, (nihil enim ita conformationi contrarium) sed effectiua, quæ scil. operatione contrariam illi constitutionem producant. Quorum quantitas metienda est ex magnitudine & resistentia corrigendi affectus, vt scil. possint aut propriâ potentiâ, aut actionis duratione illud perficere, quod Medico erit propositum: adiunctâ temporis opportunitate, quæ possibilem vel faciliorem reddat hanc actionem. Vitiata itaque figura corrigitur, vbi adhuc pueritia viger, & obsequens est qui restitui cupit, postea enim vix speratur, contrectatione longâ & frequenti manuum in oppositam partem, deinde deligatione conuenienti cum fasciis, clitellis, & similibus, quæ flexam iam partem in debito loco retineant: ac si durior iam vel firmior fuerit, fomento vel oleis mollientibus demulcenda, vt facilius obsequatur. Cautas autem & meatus, si angustior sit præter naturæ modum, augebitur longâ & frequenti exercitatione propriæ operationis, & spiritus ipsius retentione, quâ distenduntur partes. Si amplior existat, minuitur quiete, & deligatione quæ comprimât interiorem anfractum. Læuitas & Asperitas medicamenti intemperamenta ex quibus proueniunt, respicientibus, corriguntur. Magnitudo verò imminuta totius vel partis, emendabitur exercitatione mediocri, quæ concoctionem & distributionem alimenti promoueat, frictione molli, leuibus concussionibus & flagellationibus, item dropacibus & aliis quæ sanguinem ad partes allicere possunt. Aucta præter modum in toto corpore exercitationibus violentis, duris frictionibus, alimentis attenuantibus, & pauci succi. In parte, illius quiete, atque compressiuis deligationibus, quæ impediunt alimenti affluxum. Sic Numerus deficiens partium, si sit in carnosus facile reparatur per quamuis ætatem: in solidis autem aliquando per pueritiam & adolescentiam, substituitur tamen aliquid, quod vicem deficientis suppleat, vt in osse porus sarcoïdes, in membranâ mucosum incrementum, & similia, quæ vi potius naturæ, quàm Medici operâ suscitantur. Excedens verò numerus vel tollendus è medio, vel saltem transferendus in aliquem locum, vbi cum minore incommodo maneat: quemadmodum lapidem è collo vesicæ in capacitatem eius detrudimus. Denique Situs & Connexus non naturalis, sui transpositionem suadent omni artificio procurandam. Idem dicas de complicatis istis affectibus, in quibus etiam complicata erunt indicationes. Atque hæc de vitiis organicis intra sanitatis latitudinem corrigendis.

Vitiata autem vnitas seu dissoluta, si ita exigua sit, vt nulli actioni sensibilem læsionem inferat, per se agglutinatur denuò, naturâ quod deperditum erat per alimenti aduentum resarciante. Si maior fuerit, tunc reuerà ipsam sanitatis latitudinem egreditur, & therapie remedia conuenientissima exposcit. Quæ nos fuisse suis locis per conuenientes indicationes sumus tradituri. Nunc sufficiat hæc tantum ex Galeni mente proposuisse. Sub *hoc* autem capite commodissimum esset, duas Hygieines partes pertractare, quarum vna *νοσητικὴ*, exornatoria; altera verò *κοσμητικὴ*, comptoria appellatur. Illa quidem naturalem corporis pulchritudinem custodit & tuetur, absque vilo adscritio: hæc autem fucis, linimentisque, ascritiam pulchritudinem inducit, magnatibus viris & fœminis maximè expetitam. Verum quoniam speramus, nos aliquando Hygieinen omnibus suis numeris absolutam edituros, satis sit interim, prima hæc lineamenta duxisse, vt iam aggrediamur ad tractationem therapeuticam, quæ Indicationes omnes Curatiuas luculenter & artificiosè complectetur.



IOANNIS VARANDÆI,
THERAPEVTICVS TRACTATVS
VERE AVREVS,
DE INDICATIONIBVS CVRATIVIS.

P R Æ F A T I O.



IPPOCRATES *lib. de glandulis*, Medicum non solum ἀγαθὸν καὶ πεπαι-
δευμένον, bonum virum & eruditum esse voluit, sed etiam ἀγχινοῦν,
solertiā pradiū, vt possit citissimè ξυλλήθειν τῆς προφάσις τῶν νόσων,
morborum causas percipere, & medium actionis inuenire, quod ille ap-
pellat πρόθεσιν τῶν ὀργάνων ἐκ σημειωτικῶν ἐπιστάσεις. Sic enim fiet, addit
ille, Medicus parum delinquens, cum exactam certitudinem,

το ἀκριβὲς, raro in arte Medica, vt in aliis coniecturalibus, reperire liceat. Nos ita-
que ad eiusmodi artificiosam certitudinem, quæ methodo comparatur, properan-
tes, quædam remorantur, quorum præcognitio ad hoc necessaria existit. Nimi-
rum, Quæ sint in vniuersum Medici munera & actiones circa corpus humanum.
Quæ conditiones requirantur in eiusmodi actionibus exercendis. Quibus instru-
mentis perficiantur. Et quot sint rationes siue modi, quibus vti potest Medicus ad
eiusmodi instrumentorum inuentionem.

De Actionibus Medici.

QVod ad primum attinet, Certum est, Medici munera siue actiones desu-
mi ex fine illo intrinseco, ad quem Ars ista ordinatur, & variā propositi sub-
jecti constitutione. Sanitas igitur cuius causā operatur, cum vel præsens sit, con-
stitutionemque eam efficiat, quam bonam & naturalem in homine appellamus,
Vel sit absens, Vnde exurgit ea dispositio, quam morbosam & præter naturam di-
cunt. Quid intendere potest Medicus in duplici hoc corporis humani statu, quam
præsentis sanitatis, vt boni omnibus exoptatissimi conseruationem, absentis verò
reuocationem? [per contrarij affectus depulsionem.] Duo sunt igitur prima sum-
mæque Medici munera, Conseruare scil. & corrigere. Sed cum status ille salubris,
vel perfectus exquisitusque sit, Vel ab eo deflectat, pro sanitatis apud Medicos
amplā latitudine: Hinc etiam fit vt exquisitus ille status simplici & propriè sumptā
conseruatione tantum indigeat; deficiens verò & ab hoc plus minus recedens, re-
ductione ad perfectum qui summa est omnium aliorum statuum regula. Duo igitur
in statu salubri exoriuntur Medici munera, Conseruare scil. & reducere; quæ
deinceps pro variā Conseruationis Reductionisque naturā, & prout in pueris, se-
nibus, conualescentibus, in quibus ἀνάληψις siue refectio, aliisque exercentur, mul-
tas rursus patiuntur differentias in tractatu ὑγείνης explicandas. In statu verò in-
salubri seu morbofo considerat Medicus causas istius status effectrices, ipsius status
naturam peculiarem, & effectus seu vitia sensibilia, quæ eiusmodi constitutionem
sequuntur vt scil. causas illas, si sub natura Externæ aut Antecedentis causæ adhuc
subsistant; præcaueat & amoliat; Si coniunctæ sint continentisque cum ipso
morbo curet pro variā earum ratione. Denique si effectus ipsi, & primariæ consti-
tutionis symptomata ita sint graua, vt vel periculum minentur præsens, vel ratio-
nem augmentis, efficientis, aut causæ sine quâ non obtineant (v.g. in vlcere sordes,
in ascite serum, in vulnere dolor aut hæmorrhagia.) Tunc eiusmodi accidentia
status insalubris mitiganda, leniendaque proponuntur. Vnde apparet tria esse
Medici munera in statu morbofo; *Præcauere* scil. *Curare* & *Mitigare*. Et Galenus hoc
nostro libro alibi que passim, quinque recenset præcipuas Medici actiones, *Conser-*
uationem,

nationem, Reductionem, προφύλαξιν seu Præcautionem, Curationem, & Mitigationem, quando scil. *κρίσις* propriè his vitur vocabulis, quæ tamen frequenter in communi vsu tum loquendi, tum agendi permiscuntur. Etenim cum à statu Salubri in Insalubrem & contrà, mutatio fiat, non insensibiliter, vt quidam putant, sed per sensibilem maximè dispositionem, quam Neutram vocant Medici, & ab extremorum notitiâ describunt, siue per participationem, seu per abnegationem; hinc fit vt actiones etiam, quæ hunc statum respiciunt, mixtæ sint quodammodo ex aliis, quas simplices & primarias appellauimus; vt *προφύλαξις* quæ huic constitutioni debetur, causas morbificas respicit agere paratas, & Reductioni Refectio- nique non parum incumbit. Quemadmodum in statu morbofo naturalis tempe- ramenti & roboris partium conseruatio semper est respicienda.

Conditiones actionum Medicarum.

SVnt igitur quinque in vniuersum Medici munera, vt diximus: Ad quæ feliciter exercenda accedere tum demum poterit, quando ex accurata Philosophiæ naturalis & particularis Physiologiæ cognitione, omnem corporis humani constitutionem & fabricam perceperit, principiorum illius, elementorum, partium si- milarium & dissimilarium, temperamentorum, spirituum, humorum, caloris natui, functionumque quæ in illis exercentur tam in primo ortu, quam post ortum, ra- tionem optimè tenuerit. Ex quibus deinde facile quid sit sanitas, sanitatis differen- tias, causas, & effectus intelliget. Quid morbus, morborum genera & differentias. Causarum morbificarum & symptomatum naturam: Quid neuter siue medius sta- tus & quatuorplex. Ex istis postea signorum fontes sibi comparabit, quibus utetur in omni statu corporis ad præteritorum memoriam, præsentium notitiam, & futu- rorum prænotionem. In statu enim salubri varietates temperamentorum in toto & singulis partibus artificiosè deprehendere debet, organicarum dispositionum diuersitates & firmæ aut labentis sanitatis indicia certissima colligere. In morbofo autem auream illam Galeni *ὑγιαίνουσαν* siue *διαγνώσκουσαν* ex libro de locis affectis exer- cebit, agnoscendæ partis affectæ, propositi affectus, & causarum illum efficien- tium. Atque diuino adiutus Hippocratis auxilio, in morbis prognosin exercebit, cruditatum nimirum coctionisque notas habebit notissimas; venturas *κρίσεις*, *λύσεις*, & humorum *μεταβάσεις* prædicet, morborum longitudinem aut breuitatem defi- niet, & dubiam salutis aut mortis spem cautè præuidebit. In statu verò neutro ex permixtis vtriusque status signis, corpora decidentis aut conualescentis, cau- sarumque impendentium minas facile deprehendet. Et sic demum ad prædictas actiones obeundas accedere poterit.

Quia tamen ob subiecti ipsius, aut aliorum repugnantiam, morbificarum cau- sarum potentiam, & similia, sæpe propositum finem, nempe sanitatem assequi non potest, suo tamen officio perfunctus tunc erit, quando ea omnia dixerit & fecerit, quæ erant necessaria ad sanandum, vt Orator ad persuadendum, condi- tionisque illas omni industriâ obseruauerit à Galeno 9. & 14. *method.* Celso, *cap.* 4. l. 3. tantopere decantatas, *Tutò scil. Citò, & Iucundè* curandum esse. *Tutò* autem ex eodem Galeno curabit, si tribus intentus fuerit. 1. quidem vt absolutionem in- cepti operis consequatur, quantum fieri poterit. 2. vt si hoc sit impossibile ægrotan- tem saltem non lædat, adhibitis remediis certis longâ experientia confirmatis, & nullam corpori noxam grauiorem inferentibus. 3. si remediis efferit morbus, ita est expugnandus, vt *ὑποσφύ* facere non possit, abscissa omni causâ & effectû, qui morbum rediuium facere poterat. *Citò* autem curabit, qui nullam in morbo prætermiserit agendorum occasionem, quam verè Hippocrates præcipitem ap- pellauit. Vt enim debitum remedij tempus anteuertere nunquam periculo caruit. Vnde illud, Sat citò si sat bene *Ἐπὶ δὲ βραδύως*. Eadem ratione auxiliij debitam occasionem prætermittere, absurdum est, & in acutis valde periculosum. Demum *Iucundè* curabit, quod omnes tantopere experunt, quisquis neque ægrotantis voto ita subscripserit, vt veram deferat medicationem. Neque ita ferus erit, vt cum virium aut vitæ dispendio remedia crudeliter admoueat. A leuioribus enim inci- piendo, si res illud patiat, quod solâ diætâ corrigi poterit, id medicamentis non sollicitabit. Si verò illis sit opus, gratiora & familiariora eliger, coquet, miscebit, condiet. Demum si valentioribus agendum sit, *ferro* etiam aut *igne*; In illis om- nibus utetur conuenienti apparatu & præparatione, necnon blandâ suasionem, quæ

rei ipsius duritiem & sæuitiam emolliat, artificiosaque doloris, vigiliæ, & similium mitigatione, quicquid asperitatis erit in morbo aut remedio lenire conabitur.

Instrumenta Medica.

Quoniam verò actiones illas & actionum conditiones ex seipso propriisque facultatibus non explet Medicus, sed intermediis quibusdam instrumentis artificiosè adhibitis: Ideò Remedia siue instrumenta vocat Medicus, quæcunque naturam in curatione morborum adiuuant: Vnde nomen Materix Medicæ in sua genera, Animalium scil. Herbarum, & Metallorum distinctæ, ex quibus ritè cognitis liceat, velut ex artificioso quodam penu, haurire ea quibus artifex propositam actionem exequitur. Sic Galenus *lib. 5. de san. tu.* quæcunque exercentur in nobis in quatuor diuisit capita, *faciendorum, admouendorum, assumendorum, & educendorum*, sub quibus omnes causas efficientes sanitatis, aut morborum expugnatrices complexus est. Alij verò distinguunt in Externa Interna que remedia. Quidam in Simplicia & Composita. Alij denique vt fontes & veluti sedes istorum remediorum stabilirentur melius, sub triplici differentia complexi sunt, *Dietæ, Pharmacia, & Chirurgiæ*, quarum capita velut numeratò habere debet Medicus, secundum genera sua & varias facultates, quibus morbos ac morbificas causas expugnare, cæteraque sibi proposita munia obire possit. Quia non solum ex materiâ Medicâ, sed etiam ex victus ratione, & periti artificis manu, potentissima auxilia desumuntur.

Rationes seu modi inueniendorum istorum remediorum.

Verum ad remediorum inuentionem multiplici viâ & ratione progreditur Medicus. Vel enim in ignotis versatur morbis, quorum scil. propria species, aut causa obscurior delitescit, vt in illis potissimum quibus inest *θείον τι*, qui ex aëris aut alterius causæ communis, vt constellationum, fascinationum, & similium vi exoriuntur. Vel in cognitis & euentibus, quorum vt causa notissima & vulgaris, sic etiam species ad similem, organicum, aut communem morbum facile referri potest. In morbis itaque, ait Galenus, adhuc ignotis & quorum causæ sunt occultiores, Medicum necesse est vti Analogismo, qui nihil est aliud, quam à similibus ad similia siue analogia transitus, quando scil. à simili morbo secundum symptomata in similem facit transitum, eaque aptat Medicus remedia, quæ in alio simili feliciter vsurpantur. Vnde remedia quæ olim elephantiasi & foedæ scabiei profuerant, exorienti Veneræ lui, minùs cognitæ, maiores nostri non inutiliter adhibuerunt. *καρπὸς Σαρπείων* illam popularem, vulgò *coqueluche*, velut catarrhum ferinum tractarunt. Idem Galenus *comm. in 1. prognost.* Quemadmodum, inquit, Analogismus dialecticus est ratio, quæ ab euidenti vt signo auspicatur, rei obscuræ faciens cognitionem, cui oppositus Epilogismus à causa potissimum orditur. Sic Analogismus quo vtuntur Medici in morborum cognitione & curatione, est inuentio causæ iuuantis ex euentibus per similitudinem ducta in morbis adhuc minùs notis. Analogismus ergo multa, eaque vtilia in morborum occultorum curationibus docere potest. Quia tamen similitudo sæpissimè fallere solet, vt est apud Hippocr. 6. Epid. *Bonis etiam Medicis*, inquit, *similitudines pariunt errores ac difficultates*: Ideò diligenter hîc attendendum est, vt transitus istos cautè faciamus, & inter simillimos affectus, vt si remedia illa per Analogismum inuenta non prosint, saltem ægrotantem lædere non possint.

Analogismo igitur vti possunt Medici ad inuentionem remediorum quibus ignoti morbi expugnentur: In morbis autem notis, experienciâ & ratione. Cum enim semper ratio inuenire non possit id quod confert, quodque causarum perquisitioni minimè est peruium: tunc necesse est ad experientiam deuenire: quæ nihil est aliud quam longa obseruatio, & sæpius repetita memoria eorum quæ eundem semper effectum ediderunt: vt cum rhabarbarum v.g. bilem expurgare multorum iam seculorum obseruatione potius, quam ratione compertum sit: ideò Rhabarbarum exhibet rationalis Medicus febribus à bile genitis, vt causa morbifica vacuetur. Est enim Experientia duplex; altera quidem *rudis & fortuita, nulli rationi addicta*, quâ ausu planè temerario vtuntur hodie Idiotæ multi, non sine magno ægrorum damno. Altera verò quæ *cum ratione procedit*, quæ licet nihil habeat

beat quo se tueatur, præter longum usum & observationem; nihilominus tamen tantam sibi fidem (propter effectus certitudinem, eo quod idem semper eodem modo accidere compertum est) comparauit, ut etiam hoc nomine ipsi rationi comprobata, in usum Medicum liberè admittatur, ut ex nostris purgantibus patet. De qua intelligit *Galenus*, quando vult Artem Medicam duplici crure innixam incedere, *Ratione* scilicet & *Experientia*: Ac Medicum non solum doctum & peritum esse voluit, sed etiam in usu artis diu & accuratè exercitatum, ut certius operari possit.

Ratio autem præcipuus est, & præstantissimus inueniendorum remediorum modus. Est enim rectum de rebus iudicium seu discursus, ex rei naturâ colligens, quid in quodque morbo agendum sit, vel non agendum; cæterasque omnes circumstantias ad medendum necessarias præscribens. Cum enim contrariorum natura seu definitio ea sit, ut in eodem subiecto simul se compati non possint, per cognitionem vnius, alterius amotionem necessariam esse concludit in curandis morbis: Plenitudinem inanitione demendam, & similia. Ita ut ex eodem principio colligat contraria ista debere esse efficacia, ut sese expellere possint, & potentiâ saltem æqualia. In complicatione autem affectuum, causarum & similium, ita progreditur ex eorum comparatione inter se, & cum viribus, ut quid cum quo, quid ante quod, quid post quod curari possit aut non possit, facillimè iudicet. Illud autem totum cum per indicationes quasdam ex rebus naturalibus & præter naturam petitas constituatur. Ideo Methodum *Separatv* ex harum diligenti animaduersione & certo ordine composuit, per quam agendorum ratio, certis præceptis & regulis constaret, non casu vel fortunâ. Alias enim resoluendo progreditur à summis primisque indicationibus per intermedias ad infimas usque, donec peculiare unicuique morbo & causæ remedium inuenerit. Alias definiendo vel componendo, in proposito quouis affectu necessarias Indicationes reperit: quod in quotidianis Consultationibus Medicorum, cuius animaduertere licuit.

Est igitur hæc Methodus medendi, via seu ratio inueniendorum remediorum, quæ cognitâ prius parte affectâ, affectûs naturâ, causis, & symptomatis, omnibusque circumstantiis diligenter consideratis, per indicationes certo ordine à primis ad infimas procedens, non solum genus, sed etiam qualitatem, quantitatem, tempus, & ordinem eorum accuratè definit. Atque hac potissimum methodo Medicus reliquis omnibus rei Medicæ addictis, Chirurgis, Empiricis, Sepiasariis & similibus excellit, quibus Imperatoris ritu præesse, & agenda præscribere solet.

Hanc *Galenus* 9. *Meth.* duplicem facit, *Vniuersalem* scilicet, & *Particularem*: Ut indicaret aliam esse constitutam in ipsis præceptis & theorematibus actionem Medicam dirigentibus, quæ propriè est cognitio practica: Aliam in ipso usu Medico seu exercitatione, ad quam omnia illa præcepta reuocari debent, dum scil. Callias aut Socrates curandus proponitur. Distinguit etiam sæpe in *Ordinariam* & *Extraordinariam*, ut doceret, legitimam curandi methodum non in eo consistere, ut effectuum rerumque, vulgo magis notarum, molestarumque, ut symptomatum mitigationi studeamus, quod plerisque ad inanis gloriæ accupium est iam consuetum, sed ut *Separatv* vera secundum causarum morbificarum seriem, & generationis modum in ipsis dispositionibus procedat, eaque primò expugnare contendat, quæ primum ægritudini ortum dedisse, aut causæ rationem obtinere videbuntur. Non tamen huic ordini semper ita inhærendum esse, ut non liceat sæpe relictâ, aut saltem ad tempus neglectâ morbi aut causæ morbificæ curatione, vires instaurare: aut symptomatis vehementioris mitigationi incumbere, quo tantâ veluti tempestate sedatâ, possis deinde ad legitimam methodum recurrere.

Cum igitur *Therapeuticam methodum*, Indicationibus potissimum constare & perfici dixerimus: Ideo propositum est nobis, hoc tractatu *Indicationum curatiuarum* doctrinam accuratè persequi, quem in tres partes secabimus; Quarum prima generalem Indicationum & scoporum Medicorum explicationem continebit. Secunda peculiare Indicationes in singulis morborum speciebus persequetur. Quia verò non semper affectûs simplices aut solitariæ causæ occurrunt, leges Indicationum & earum seriem in complicatis & connexis affectibus, *tertia* huius tractatus pars docebit. Quibus intellectis, nihil deerit ad particulares & infimas Indicationes constituendas, describendâque & aptanda singulis singularum partium morbis remedia, quod vulgò praxes Medicas vocant; Neque ad Medicas Consultationes obeundas, quæ nihil aliud sunt, quam perquisitiones optimorum mediorum ad propositam rem peragendam ex variâ peritorum hominum solertiâ.

PRIMA PARS.

CAPVT I.

Quid sit Indicatio, Coindicatio, & Contraindicatio.

V. M. sanatio nihil sit aliud, quàm actio quædam siue motus quo corpus traducitur de morbo ad sanitatem; Cuius efficiens causa externa est Medicus, interna verò Natura, (calidum innatum) Instrumenta autem quæcunque corpus alterare quauis ratione possunt: terminus motus seu finis sanitas; Subiectum autem, quod motum sustinet ipse ægro- tans. Certum est eum qui motui huic principium dat Me- dicum, aut motus impedimēta tollit, certâ id ratione & arte præstare debere, non casu aut fortunâ (quod Hippocrates voluit esse μέθοδος μὲν ἐφ' ὅδῃ in Medicinâ, quam alibi per λογικὴν ποίησιν. definiuit.) At proinde cum tota ista methodus & rationalis actio Medica, per Indicationes potissimum absoluitur, vt supra diximus; Docendum inprimis, Quid sit Indicatio, Coindicatio, & Contraindicatio; quia apud Galenum varia nomina istorum usurpatio & ὁμωνμία, multos in absurdas admodum coniecit sententias. Indicationis igitur, Coindicationis, & Contraindicationis sæpe meminit Galenus, quas ἐνδείξις, Coώδειξις, & ἀντίδειξις appellat, vt videre est in verboso illo opere de methodo medendi, & lib. de optima secta ad Thrasybulum. Correpugnantia verò vel correpugnantis vocabulo, nusquam vitur, sed fuit à recentioribus inuentum ad peculiarem istorum distinctionem & significationem, quæ secundariò contra- indicant, vel contraindicantibus subseruiunt. Cum enim hæc nomina ad scopum actionis Medicæ per indicationes dirigendæ introducta fuerint: Et in omni actione cuius deliberatio siue consultatio suscipitur, quædam suadeant, alia verò dissuadeant: certum est inter ea quæ suadent, alia primariò id facere, vt ex rei ipsius naturâ petita, alia verò secundariò, vt ex circumstantiis desumpta: Eodem modo parem esse rationem eorum quæ dissuadent.

Vocant igitur Medici id quod primò & per se ostendit siue suadet in actione Medicâ quid præstandum sit, Indicans; Quod verò secundariò siue per accidens, Coindicans. At quod primariæ Indicationi obsistit, Contraindicans. Quod verò contraindicationi subseruit, velut subalternatum quoddam, Correpugnantis nouo sed satis appposito vocabulo donarunt. At quoniam hæc omnia sunt expendenda in Opere Medico, siue sui sublationem siue conseruationem suadeant, siue cum hoc vel illo consentiant aut dissentiant; Ideo Galenus rerum potius quàm nom- inum confector, quæcunque erant hac in re consideratione digna, Indicationis latissimâ significatione aliquando complectitur, vt sæpe à præstantiori fiunt deno- minationes rerum. Aliàs verò vtiliorem censens horum distinctionem, propriis & distinctis donauit nominibus, quæ omnem ex Medicâ consultatione confusionem & obscuritatem tollerent. Exemplum est latioris illius significationis, 9. meth. cap. 7. vbi vult ea omnia esse Indicantia, & ad curandi rationem necessaria, vt tempe- ramentum, ætatem, aërem, & similia quæcunque ad inuentiones auxiliorum, eorundem quantitatem, & vtendi modum definiendum faciunt. At 3. meth. & aliis plurimis locis quæ non licet huc referre, nihil esse vult Indicans quod ipsum non curetur. Secundo itaque methodi, ὁνομασάμενος definitionem proponens, ἢ λέω, inquit, ὅπως ἐμφασιν τῆς ἀπολαβῆς, ἐνδείξιν λέγομεν; Indicationem appellamus velut insinuationem quandam illius quod sequi debet. Libro autem de optima secta ἐν Coώδει definitionem attulisse videtur, dum vult Indicationem esse comprehen- sionem iuuantis, vnâ cum comprehensione nocentis, quæ simul cum re indicante adueniat sine vlla experientia aut ratiocinio. In quâ definitione & genus propo- suit conueniens, dum ait esse Comprehensionem siue notionem quandam non solum Medico, sed etiam cuius animanti à naturâ insitam ex rei molestæ sensu ad-
eiusdem

eiufdem depulfionem. Differentiâque adhibuit propriam, dum vult hanc notionem proficisci à rei nocentis naturâ cognitâ, ad iuuantis siue auxilij perceptionem, quâ ratione & prima Indicatio continetur, quæ simplicem omnium quæ sunt contra naturam, sublationem suadet, & specifica quæ singulis morborum speciebus pro variâ eorundem naturâ, specialia assignat remedia, & propria siue particularis, quæ huic v. g. proposito morbo ex peculiari eius notione, hæc conuenire remedia ostendit.

Quicquid enim inuicem digladiantur Altomarus & Argenterius, existimo ego Galenum, per Comprehensionem iuuantis, vnâ cum comprehensione nocentis, nihil aliud intellexisse, quàm comprehensionem affectus præter naturam, in ordine ad quem & cuius gratiâ suboritur cognitio iuuantis auxilij siue specifici siue proprii. Hæc porro definitio adducta distinguit Indicationem curatiuam à conseruatoria, quæ non proficiscitur ex rei nocentis naturâ: Distinguit etiam à Coindicatione, quæ non oritur à rei curandæ cognitione, sed à circumstantiis potissimum: à Contraindicatione & Correpugnantia, quia hæc non suadent, sed impediunt vsum remedij. Item ab Experiencia, quia hæc naturam rei non spectat, sed variorum affectuum in morbis curandis obseruationem: ab Analogismo, quia in simili frequens est lapsus, nullus in rei ipsius notitiâ: à Ratiocinatione etiam, quia Indicatio non expectat discursum, neque indiget medio ad inferendam conclusionem, sed vbi primum patuit natura rei molestæ, statim etiam infertur seu indicatur genus ipsius auxilij ex insito quodam principio. Percepto quippe frigore, statim calorifica inquirimus, infixam acum reuellimus, similiâque absque discursu præstamus. Ex quibus Galenicæ definitionis perfectio patet. Licebit etiam clariùs, si voles, ita definire. Indicatio est notio ex rei præter naturam cognitione petita, quæ quid sit agendum, & quibus auxiliis certo ostendit.

Vnde constat quid Indicare apud Medicos, Indicans, & Indicatum. Indicare enim nihil aliud est, quàm eiusmodi notionem curatiuam producere: Indicans est id ipsum quod producit istam notionem; Morbus scil. Morbi causa, & Symptoma, res præter naturam dictæ. Indicatum est id quod cognoscitur seu consequitur istam notionem, nempe remedium. Vbi notandum res istas præter naturam indicare auxilia, non per se, sic enim sui destructionem expeterent, sed quia animanti molestiam inferentes, ex accidenti sui depulfionem insinuant, & per communem quandam notitiam contrarij vsum.

Dicer aliquis, Si auxilij inuentio ex communi quadam notitiâ & insito principio pendeat, sequetur idiotas & vulgares homines ab artificibus nihil differre, & tam rei Medicæ peritos esse, quàm ipsos Medicos. Verùm facile est huic Obiectioni respondere: Maximum esse discrimen, non quidem in primis indicationibus, vt sublatione rei præter naturam, & contrarij vfu, quæ omnibus sunt communes tam peritis quàm imperitis, sed in ipso progressu à summis & primis indicationibus, ad infimas vsque per intermedias, ac totâ methodo therapeuticâ. Oportet enim tum genera remediorum seu materiam Medicam habere perspectam: tum etiam causas à morbis, hos à symptomatis distinguere: naturalia à præternaturalibus, non solum in specie, sed etiam in gradu distinguere: vt sciamus quousque, & quantum procedendum sit in vfu contrarij: quæ simul aut antè curari possint, aut non possint, animaduertere. Denique quo tempore, formâ, & loco exhibere conueniat: In quibus maximè ratiocinatio expetitur, & varia inter Medicos ipsos peritia elucescit inueniendorum optimorum mediorum ad propositam actionem, comparatâ inter se Indicationum istarum, Coindicationum, & Contraindicationum omnium naturâ.

Coindicatio enim est notio ex circumstantiâ quadam rei petita, quæ indicationis efficaciam auget, vel toleratu faciliorem efficit. Sic vbi phlegmone venæ sectionem indicauit, vires robustæ, temperamentum sanguineum, ætas iuuenilis, aer vernus, victus liberalis, consuetudo talis remedij, eidem assentiuntur, ac phlebotomiæ vsum tolerabiliorem reddunt. Vnde Coindicantia, & Coindicare siue permittere dicuntur.

Contraindicatio verò est notio ex re aliquâ præter naturam petita, quæ oppositum omnino Indicationis suadet; Vt si febris refrigerationem, pituita verò eius causa calfactionem exposcat. Cui subiecta Correpugnatio, est notio ex circumstantiis petita ex diametro Coindicationi opposita. Vt enim illa auget vim Indicationis:

cationis : Sic ista Contraindicationis , ex eisdem rebus , sed contrario modo affectis petita , viribus , temperamento , ætate , & similibus.

Vt enim Indicantia & Contra indicantia eadem sunt re , ratione tantum differunt ; sic Coindicantia & Correpugnantia : Coindicatum verò , Contraindicatum & Correpugnatum nullum propriè , quia omnia ad Indicatum , id est , auxilium , eiusque vsum referuntur.



C A P V T II.

Quot sint Indicationes , & à quibus petantur , tum Coindicaciones , & Contraindicaciones.

POSITA à nobis prius Indicationis definitio , viam faciet ad ea inuenienda , quæ primarias istas & verè dictas Indicationes curatorias suppeditare possunt. Nam cum sit notio siue comprehensio ex rei nocentis naturâ petita , quæ facit siue præstat notionem iuuantis , nempe auxilij. Hinc sequitur ea quæ corpori nostro sunt noxia , sui que sublationem suadent , Indicationes eiusmodi proferre , & tot esse , quot sunt illa , à quibus petuntur. In quocunque porro statu aliquid est velut ipsa Constitutio , Aliud quod est constitutionis causa , Tertium quod est illorum effectus : Vt in statu insalubri quem nunc contemplamur , adsunt morbificæ causæ , dispositiones seu morbi , & ipsa symptomata seu effectus : quæ naturæ molesta & noxia sui sublationem necessariam esse demonstrant. Ergo ab illis propriè Indicationes desumentur. Nam à Viribus , temperamento , aëre , & similibus , vt dicebamus , ideò non possunt desumi , quia ista potius conseruationem sui quàm sublationem ostendunt. Verùm cum tria esse dixerimus in statu morbo , Causas , Morbos , & Symptomata , Videndum rursus , An hæc etiam tria , vt in primâ illâ indicatione consentiunt quâ suadetur auferenda esse quæcunque noxia & præter naturam sunt ; Ita in secundâ profint , quâ remedij siue contrarij genus indicatur.

Imprimis igitur per Causas morbificas , intelligunt Medici efficientes corporeas , quæ præsentibus actûque existentes per se vel per accidens certas corporibus nostris noxas , & qualitates inuehunt , quibus sanitatis moderantia & æquabilitas violatur. Quod cum ita sit , variæque existant istæ causæ , & ab eis profectæ qualitates , quibus perseverantibus perpetuò ab his genitus affectus augetur vel conseruatur. Hinc sequitur ab eiusmodi causis non solum remedium , sed certam remedij speciem indicari , quâ expugnari possint. Quamuis enim præseruationem causis propriè deberi , passim asserat Galenus , hoc tamen intelligendum est de præcautione causarum imminuentium & futurarum , non earum quæ iam actu morbos producunt , in quarum auersione & sublatione versatur plerumque tota curationis vis , quando adhuc leuior est affectus siue impressio ab illis profecta , vel si cum Galeno malis loqui , præseruatio curatoria illis debetur ; cum alia simpliciter præcautio dicatur in statu sano vel neutro. Nullus enim vnquam febrem à putredine profectam , nisi illâ sublatâ curauerit : Nemo obstructionem soluerit , nisi educto humore meatum vel cavitatem opplente. Est igitur Causa verum & præcipuum Indicans , & à quâ , velut rei cardine , omnis *Σεπάρεα* inchoanda est.

Hanc sequitur Morbus , nempe affectus corpori impressus , & permanens , actiones primario & immediatè lædens ; Quem Galenus & reliqui politiores Medici , non relatè tantum , vt est inæqualitas quædam siue *ἀνεγμία* considerant , sed cum illis qualitatibus , à quibus eiusmodi vitium pendet , nec solum causam immaterialem , sed etiam corpoream quæ ita continet affectum , vt sine eâ subsistere nequeat ; eum morbo ipso vtiliter complectuntur. Quod patet in morbis numeri , magnitudinis , & aliis organicis , vt facilius sit causæ & morbi notio , horumque per sua remedia sublatio distinctior. Galenus quidem *lib. de Opt. secta* , omnem Indicationem à causa petere videtur , nullam à morbo. Quem sequutus est Argenterius , omnia Medicinæ præcepta ad tenuiorem Logicorum normam reuocans. Certum tamen est , Galenum Indicationem quæ à morbo desumitur , non tollere penitus , sed eam quæ à Causa petitur , longè præferre , ex ipsiusmet Hippocratis sæpius repetitâ senten-

sententiâ lib. de loc. lib. 2. Epid. & alibi: *ἢ ἡ νόσος*, inquit, *καὶ ποτέαυ τῶν ὑψηλῶν*
ἵκναι μὲν τῇ προφάσει τῇ νόσος. Quod Celsus expressit, inquit. Hic rectè curatu-
 rus est, quem prima origo causæ non sefellerit. Alibi enim Galenus, vt hoc nostro
 libro, conceptis docet verbis, à morbo indicationem sumendam esse, & si non in
 executione, saltem in intentione primariam indicationem præstare.

Etenim si Morbus Indicationem curatoriam & vtilem non præstaret quomodo
 verum esset illud quod 3. *methodi* dictum est, id propriè Indicationem præstare,
 quod curatur? Quomodo therapeuticæ actiones in præseruationem, curationem,
 & mitigationem distinguerentur? Quâ ratione in morbis qui facti dicuntur, &
 causam non habent, à quâ pendeant, vt hæticis & similibus remedij genus inue-
 nire possemus? An non in plerisque morbis contraria est indicatio, quæ ab affectu
 morbofo petitur, illi quam causa suppeditat? vt in quôtidianâ febre cuius reme-
 dium refrigerans impeditur à naturâ causæ calfactionem expostulantis. At hoc non
 fieret, si nulla indicatio curatoria à morbo, omnis à causâ desumeretur.

Verum obiicit Argenterius, cum contrariorum contraria sint remedia, & vnum
 vni sit contrarium, & ab vno indicetur, oportet aduersus morbum, sanitatem ip-
 sam & non remedia opponere, quæ nec primò nec per se morbos tollunt, aut sa-
 nitatem inducunt, sed per accidens, dum causas illorum expugnant. Item si in
 omni morbo adest causa continens, quâ posita ponitur, sublata tollitur effectus,
 nulla videtur vera & utilis Indicatio à morbo, vt non subsistente per se, sed omnis
 à causa: Attamen hæ Logicorum argutiolæ non debent nos à Galeni sententiâ
 dimouere. Certum est enim morbum in genere sumptum, sanitati esse contra-
 rium, quæ vnica est si vt quid perfectum consideretur, maioris tamen minorisque
 ratione distinctum in pluribus subiectis. At quia morbus in varias species & diffe-
 rentias, pro variis excessibus qualitaturn distinguitur, ideò, vt vitium vitio, sic mor-
 bus morbo opponitur: & frigidus v. g. morbo, aut intemperiei caliditas seu reme-
 dium calfaciens opponitur, quod suâ vi & actione reducat illum excessum ad mo-
 derantiam. Deinde cum dicitur, vnum vni esse contrarium, & ab vno indicari,
 non de sanitate aut constitutione internâ est intelligendum, sed de remedio quod
 est externum quid in nos agere potens, modò causam v. g. febris tollere, modò
 febrilem calorem, prout huic vel illi aptatur.

Ridiculum enim est & omnino inutile Medico, formales morborum causas &
 immateriales qualitates à morbis ipsis distinguere, vt calorem præter naturam à
 febre, sine quo vix ipsa febris mente concipi potest. Quod illi faciunt qui in quo-
 vis morbo continentem causam adesse cum Argenterio mordicus asserunt. Cer-
 tum sit igitur in statu morbofo à duobus peti Indicationes, à morbo scilicet, & eius
 causa.

Symptomatis autem, quod est tertium inter res præter naturam, nulla est pro-
 pria Indicatio curatoria, utpote quod ita à morbo pendeat, vt illo sublato, velut
 umbra remoto corpore, superstes esse non possit. Quamuis enim Mitigatio sym-
 ptomati dicatur deberi, id tamen non tam quàm symptoma est, quàm ideò quod ra-
 tionem causæ sine quâ non, vel efficientis aliquando obtinet. Sic dolor in vulnere
 sedandus, propterea quod fluxionis impetum auget, vires prostermit: hæmorrhagia
 sistenda, quia frigida intemperiei & mortis causa esse potest. In vlcere sordes
 detergendæ, quia sine illis sublatis, laudata caro regigni non potest. In hydropicis
 aquas primùm educimus, quoniam illæ iecoris intemperiem perpetuò augent. Ac
 proinde symptomatici morbi, à puris & veris symptomatis distinguendi. Nam v. g.
 febris quæ sequitur vlcus pulmonis aut pleuritidem quamuis ab illa potissimùm
 pendeat, habet tamen peculiaria sua remedia, quibus expugnetur. Deniq; *ἐν μέρει*
 siue mitigatio doloris, v. g. cum fiat vel iis quæ causas tollunt, vel propriè dictis
 anodynis, vel stupefacientibus: prima quidem verè curatoria sunt, secunda con-
 seruatoria, quæ scil. innatum partis calorem fouent; tertia verò quæ partis sensum
 & temperiem infringunt, ipsisque symptomatis non per se & per veras indicatio-
 nes, sed per accidens opponuntur. Ex quibus concludimus Indicationes desumi
 à rebus præter naturam, ita vt causa quæ agit & præsens est, semper remedium,
 illiusque certum genus indicet. Item Morbus qui iam stabilitatem & *ἐξω* adeptus
 est, ita vt sublata causa tolli non possit. Leuior autem & fiens qui in *ἐξω* solâ po-
 situs est, qui cum causâ faciliè tollitur, vsum remedij propriè non exposcit, neque
 symptomata quæ expugnatæ causis morboque faciliè cedunt. Grauiora verò indi-

care possunt Mitigationem, quæ Curationi est subalternata. Atque hæc de Indicantibus, nunc de Coindicantibus agendum.

Coindicantia igitur cum ea sint, quæ propriè remedij vsum non indicant, sed Indicationis tantum illud suadentis efficaciam augment, vel toleratu faciliorem reddunt. Videamus quæ sint in corpore nostro quæ remedij quidem vsum non indicant, sed sine illis rectus illius vsum constare non potest. Annon ipsa naturalia, quorum prima indicatio custodiam sui, non sublationem postulat? Hæc itaque cum in quouis corporis statu conseruari debeant, illud autem fieri non possit in morbo, nisi ablatione rei illius molestæ, cui aptatur remedium, Hinc sequitur ista naturalia ad expugnationem rei præter naturam cum remedio consentire debere. Inprimis ergo cum natura plerisque remediis velut instrumentis vtatur, quæ de potentia in actum reuocanda sunt, oportet quæ sint illius vires, (*Ex concursu trium facultatum, & triplicis substantiæ, spirituosæ scil. humoralis, & solidæ*) ad eiusmodi actionem perficiendam expendere, vt pro modo illarum, efficacia etiam remedij ponderetur. Præter vires expendendum etiam temperamentum ægri nativum & aduentitium, an scilicet cum morbo consentiat vel dissentiat, quantumque sit à naturali recessus, ultra quem in correctione progredi non licet. Ad quod faciunt ætatis, sexus, consuetudinis, idiosyncrasiæ, & vitæ generis consideratio, vt his velut notis magis sensilibus, particularem virium & temperamenti statum deprehendamus.

Et quoniam non semper totum corpus curatur, nisi impropriè & prædicatiuè vt vocant, sed pars vna vel plures cui morbus inhæret velut subiecto proprio. Ideo post considerationem totius partis etiam affectæ in coindicationibus habenda ratio: facultatis scil. quâ donata est, substantiæ, temperamenti, figuræ, situs, connexionis, & sensus actioris, vel stupidioris, pro quorum varietate, modum etiam vsum remedij mutare conueniet, vt nos postea docebimus.

A naturalibus igitur, & quæ in corpore sunt petuntur Coindicationes: Quia verò inter res externas, illæ quæ non naturales siue necessariæ dicuntur à Galeno tantum, conseruationi corporis nostri conducunt, vt illis nullo modo carere possimus, siue intra siue extra Sanitatis limites positi. Ideo etiam in morborum curatione considerandæ sunt: Vtrum cum remedij vsum consentiant vel dissentiant. Inter quas Aër nos ambiens potissimum recensetur, velut causa quædam communissima, quâ per horæ momentum vix carere possimus, ac sine quâ propterea non licet morbos curare, vel sanitatem seruare, (*In nostris his regionibus vbi sunt repentina mutationes, id valde experimur.*) Atque ideò hoc sæpius nomine à Galeno inter vera Indicantia recensetur, vtilitatis potius eius in coindicando vel contraindicando, quàm præceptorum suorum memor. Ad aëris autem particularem statum melius describendum, considerare oportet domum, regionem, anni tempus, diei horam, ventos, lunæ quadras, & varium cæli astrorumque statum, quibus variè remediorum vsum immutatur, prout ista coindicant vel contraindicant.

Etenim vt iam ad Contraindicantia veniamus, ea sunt primaria vel secundaria, vt dictum est, Correpugnantium nomine significata. Primaria enim vocamus ea quæ verè & ex diametro Indicantibus opponuntur, & quæ pro contrariorum naturâ sub eodem genere positorum ex rebus præter naturam desumi debent. Quemadmodum enim Morbus vel morbi causa certum quoddam remedij genus indicare possunt: Ita alius illi aduersus, vel causa causæ aut morbo contraria oppositam omnino remedij naturam; quod maximum negotium in complicationibus affectuum facessere solet, vt nos suo loco dicemus. Secundario verò contraindicant, vel Correpugnant ea omnia quæ Coindicare posse diximus si indicantibus refragentur, Vires scil. temperamentum, ætas, sexus, consuetudo, idiosyncrasiæ, vitæ genus, partis affectæ substantia, temperies propria, facultas, figura, situs, connexus, & sensus. Quæ eatenus refragantur & contraindicant, quatenus remedium illis infestum & noxium esse potest & ideò cogunt Medicum, sui aliquando primariam habere rationem, vnique victui intentum, medicamenti parcere, à quibus ruina istis imminebat. His ad Contraindicandum se adiungit Aër, vt ad Coindicandum cum suis annexis iam à nobis propositis.

Atque hæc sunt à quibus tum primariæ tum secundariæ Contraindicationes petuntur. Sub quibus etiam referri possunt quædam quæ quamuis impropriè admodum contraindicent, non tamen sine magna ægrorum pernicie, & Medici molestia. Et ideò ab Hippocrate sunt annotata, *lib. de arte, & 1. aphor.* Quosdam de-

fectus tribuit ibi [*τοῖς ἀμειψύμοις*, id est, artificibus, Alios *τοῖς ἀμειψόμενοις*, subiectis & adstantibus.] Sæpe enim Medici imperitia, ægri voluptas, parentum aut amicorum indulgentia, ministrantium peruicacia, necessariarum rerum defectus, similiæque extra rem posita, vero remediorum vsui reluctantur, & totam curationis seriem peruertunt.

CAPVT III.

De communissimâ Indicatione curatiuâ.

Tὸ ἵς *ὀρεξίας ἀγμῆς*, curationis incitamentum & quasi calcar, inquit Galenus est id cuius causâ ad agendum impellimur, nempe sublatio rei præter naturam, quâ permanente sanitas restitui non potest: Sublatio autem ista cum non possit sine mutatione fieri, siue illa à naturâ pendeat, Vnde Hippocrati *φύσις τῶν νοσήματων ἰατρικὴ* vocatur: siue à remediis causisque externis agentibus, semper à contrariis fieri necesse est; causas vel effectum qui tollendus proponitur, expugnantibus. Vnde Galenus in *Medicina* tam certum esse vult, Contraria contrariorum esse remedia, quàm in Mathematicis bis duo efficere quatuor, principique instar esse habendum, non solum hominibus, sed brutis etiam animantibus à natura insiti.


Hanc sententiam toties repetiit, & inductione probauit Hippocr. *lib. de vet. Medic. lib. de flat. de natura hum. de lotis*, & 6. *Epidem.* Plato confirmauit in *Timæo*: Aristoteles præcepit 2. *Ethicorum.* omnesque Physici ex naturâ motus (qui fit à contrario, & inter contraria, 5. *Physic.*) sub quo est sanatio, probauerunt, vt deinceps de eius certitudine dubitare, ridiculum videri possit. Verum quia in hypothesis & particulari actione, multa sunt quæ huius propositionis vniuersalis veritatem conuellere videntur, & Contrarij nomen latè admodum apud Medicos sumitur; Ideò hæc res maiori indiget explicatione, cum inuenti sint hæc nostrâ ætate Nouatores Paracelsici, qui axioma hoc Medicum euertere ausi sunt, & asserere. Similia similibus esse remedia: quorum conuincenda est amentia, ne diruto artis curatiuæ præcipuo fundamento, cætera deinceps collabantur.

Imprimis itaque fauere illis videtur Hippocratis autoritas, contradiçtio scilicet primâ fronte apparens, qui *libro de locis nuper citato*, & 6. *Epid. part. 2. comm. 8.* Per similia, inquit, morbus fit, & per similia adhibita, à morbo liberantur. Item *lib. 5. aphorism. 21.* vbi vult Tetanum affectionem frigidam, aquæ frigidioris affusione curari, dolorem dolore tolli, laborem labore subsequente minui: vomitum vomitu, alui fluxum eius profluuiio sisti, prohibetque refrigeratis calfacientia 5. *aph. 19.* Et *lib. de affectionibus*, vbi Oxymelitis vsu tussim suscitari & sedari scripsit. Quæ omnia videntur similia non contraria. Præterea si ratione & experienciâ agendum sit, inquiunt illi, Nonne contrariorum inuicem pugnantium actio naturæ nostræ infesta & noxia est potius quàm utilis, cum Contrarium contrarij aduentu intendatur & accrescat. Sic vbi quis obtorpescentem gelu manum igni exponit, magno vexatur cruciatu: si ambustum digitum in frigidam immittat, crudeliùs torquetur, quàm si igni admoueat, aut aquâ vitæ perfundat. Annon *ψυχροποσία* febricitantibus plerumque aduersa, scammonium verò calidissimum tertianam, lapis lazuli quartanam curant? Omniaque purgantia quæ præcipua sunt humorum peccantium medicamina, in eosdem agunt, non contrarietate sed similitudine substantiæ, ex ipso Galeno, quemadmodum antidota venenatis morbis occultâ proprietate resistunt. Ipsaque natura quæ fundata est in calido natiuo, morbos non solum frigidos, sed etiam calidos, vt acutissimas febres sanat, cum quibus nulla illi interuenire potest contrarietas. Multi etiam temperatis solis restituuntur, vsuque alimentorum familiarum. Denique cum remedia effectiua esse debeant, quomodo morbis magnitudinis, figuræ, numeri, continuitatis, remedia ad agendum curandumque ex eodem genere petita opponentur: cum hæc; quantitates videl. vel figuræ, principium agendi per se non habeant, nec in eis fundatæ qualitates sese propagare possint.

His ergo Obiectionibus vt satisfaciamus, quædam sunt supponenda ad faciliorem

medium extinguendo incendio. Pariter scammonium, lapis lazuli, cæteraquæ omnia purgantia & antidota, quæ proprietate occultâ humores expurgant, vel morbis venenatis resistunt, si non denominatione & manifestâ qualitate sunt illis contraria: tamen in effectû, dum causas morbificas educunt, vel alio quouis modo morbos expugnant. Natura quoque vera morborum medicatrix omnibus morbis est contraria, dum causam eorum vel coquit, vel expellit, vel principium agendi ipsis medicamentis tribuit, modò vietu tantum conueniente, alias benignis adiuta medicamentis temperatis & roborantibus. Denique nihil vrget potestrema ratio, quia non tam ipsa denominatio in ipsis remediis, quàm operatio spectatur, vt sæpe diximus: Magnitudo enim, figura, soluta vnitas, & similia demum contrariis expugnantur, quando ferro, causticis, ligaturâ, & similibus, contrariâ illis dispositio introducit, eaque quæ erant naturæ inconuenientia delentur.

Ex his omnibus conficitur, Curationem, quæ est mutatio à priore statu morbo-
so ad sanum inter contraria & à contrariis operatione potissimum talibus perfici. Ideo enim remedia sunt & dicuntur, quia morbum aut morbi causam oppugnant. Quomodo autem id facient, si inimica & repugnantia non sunt? Quod si contraria sint, à quibus sanatio perficitur, similia esse non possunt, quatenus curant. Contradictoriè enim se habet, Aliquid esse alicui contrarium, & idem eidem secundum idem simile, seu non contrarium esse: quod tamen esset admittendum, ex aduersariorum sententiâ.



CAPUT IV.

An hæc contraria oporteat esse equalia?



VM contrarietates remediorum penes operationem potissimum spectari dixerimus, certos oportet esse definitosque operationis illius, seu contrariorum agentium terminos, citra quos nequit consistere rectum & moderatum: sit enim vitium virij fuga, si caret arte. Agens ergo Natura, totisque viribus morbum, morbi que causam impetens artis adminiculis & remediis ita iuuanda, vt il-

lorum ope pristinam reuocare possit sanitatem: quibus scilicet neque in contrarium statum priore fortassis deteriore coniciatur, vi remediorum immoderatè agentium, aut illorum imbecillitate nihil, vel parum proficiat. Quod igitur erit remedium ad immoderantiam statû morbofi tollendam accommodatum? Non moderatum. Erit enim actio moderati in immoderatum insufficiens, ac moderatum moderato conseruatur, immoderatum non corrigitur. Oportet igitur immoderatum quodammodo esse remedium in excessu contrario dispositionis curandæ. Verum cum naturalem moderantiam conseruandam dixerimus, apparet remedium ita comparatum esse debere, vt & in morbum sufficienter agere possit, & naturalem moderantiam agendo non excedat.

Quæ erit ergo quantitas seu proportio agentis remedij, vt tuto, citò, & iucundè, quantum fieri potest, morbus expellatur? Vult Galenus esse æqualitatem in gradu: Contrariis enim æqualibus esse agendum *hoc nostro libro, c. 3. de simpl. fac. cap. 11.* præcipit; Atque ipsa ratio suadet. Nam Contraria dum in se mutuo agunt, si æqualia sunt, trahuntur ad medium intercedentis interualli, vt si æqualem calidam æquali gelidæ affundas, tepidam efficies: si duo viribus æqualibus trahant, in medio manebunt. Sic pari agente remedio, parique resistente morbo, cum paris non sit imperium in par, natura visque corporis nostri moderatrix, stans ex parte remedij auxiliantis, ad medium naturale transfert, quod illi faciat Medicòque propositum. Hanc æqualitatem Hippocrates eleganter annotante *libro de lacis: τοῖς μέν ἀνδράσιν*, inquit, *ὁ σπασμὸς διδύμῳ ἀνδρὶ παρὰ μὲν τὸν δὲ τοῦ ποσὶν ἰσχυρὰ*. Quod sic interpretatur Celsus, Non potest vehementi malo nisi æquè vehemens auxilium succurrere. Et *lib. de arte*, deploratum illum esse morbum censet, qui eò vehementiæ processit, vt omnia longè excedat, *τοῦ ἐν τῇ ἰσχυρῇ ὑπάρχει*. Hæc tamen res diligenti interpretatione indiget.

Cum enim iam dictum sit, in remediis operationem potissimum, & operationis

terminum esse spectandum, hinc fit ut Æqualitas ista modò secundum gradum, aliquando secundum copiam siue molem, sit consideranda: Æquale enim remedium secundum gradum dicitur; quod parem morbo à mediocritate recessum obtinet: siccum v. g. secundo gradu vel ut duo, siue in parua sit quantitate, siue magna, æquale dicitur humido morbo excedenti vsque ad secundum gradum. Æquale verò secundum molem & copiam id est, quod præter gradum qualitatis suæ, eâ est quantitate, ut vnâ, duabus, vel pluribus vicibus exhibitum expugnare possit morbum. Nam ut vehemens Contrarium semel, sic mediocre crebrò repetitum, hanc æqualitatem obtinere potest, prout natura humoris, vires ægri, natura partis, & similia ostenderint esse agendum. Præterea gradus ille non est semper reuera subsistens, sed plerumque ratione actionis designatus: Sic in morbis intemperamenti, licet reperire in morbo v. g. frigido ut duo, remedium quod illi in pari recessu aduersetur: At in aucta magnitudine aut figura mutata non licet, sed oportet quædam reperire, quæ eousque agere possint, quò naturalis magnitudo, figura, numerus, & similia restituantur, Et hæc etiam æqualia dicuntur remedia. Denique notandum hanc æqualitatem contrarietatis, quam nunc spectamus, sumi simpliciter à natura seu intensiōe morbi ipsius & causæ morbificæ, non à viribus, tempore, & similibus circumstantiis, quæ sæpe repugnant huic æqualitati, & illius vsum impediunt. Possunt quidem sanari morbi contrariis minoribus frequenter repetitis: Possunt & contrariis maioribus transferri ad contrarium affectum, sed commodius ab æqualibus, quæ id tutò faciunt, quia non adeò repentinam mutationem, ut vehementiora inducunt. Citò etiam & iucundè, quantum pro morbi & corporis natura fieri debet, quod remissiora sæpe non præstant. Ideoque medium elegit ars Medica.

Dicet aliquis, Hippocrates 6. *Epidem.* præcipit, contraria sensim adhibenda, atque interquiescendum: Et Galenus lib. 2. *de compos. med. sec. locos.* Non statim à principio efficacissima adhiberi vult, sed à debilioribus auspicari, ut in febre putridâ non incipimus ab æqualibus frigidis, sed purgantibus potius. Annon frigoris minor vis quàm caloris, humiditatis quàm siccitatis? Non igitur hæc in pari gradu opponenda. Quòd si morbus aliquis sit frigidus, aut calidus, v. g. ut quatuor, apponentur remedia eodem gradu, quæ venena esse certissimum est. Denique si omnes morbi curarentur contrariis æqualibus, in omnibus esset par proportio agentis, ad id quod patitur: Quare eadem velocitas mutationis, quare eodem omnes tempore sanarentur. Cùmque reductio fiat in corporibus sanis, æqualibus contrariis apud Galenum, quomodo in ægris validiora non adhibebuntur, in quibus est maior excessus.

Verum nos ex præmissis sic respondemus. Hippocratem iure merito contraria sensim adhibere, Galenum etiam à debilioribus auspicari, habitâ circumstantiarum ratione, ne scilicet vires frangantur, aut cruda materia vehementioribus frustra exagitetur, cùm tamen ipse morbus semper æqualia ad perfectam sui oppugnationem experat. In febre quidem putridâ non æqualibus frigidis in principio vitimur morbo oppositis, sed æqualibus causæ, nempe vacuantibus: idque vel confertim, si materia turgat, Vel sensim, & post coctiones præparationesque necessarias, si non turgat. Et quamuis minor sit vis frigoris quàm caloris, humiditatis quàm siccitatis, quia tamen æqualitatem in operatione, (ultimo actionis termino) spectamus potissimum, ideò non minùs hæc dicuntur æqualia, si excessum morbosum ad mediocritatem reducant. Neque venena etiam cæteraque per se deleteria exquisitè prius præparata & mixta refugiemus, si species morbi & gradus id expostulent; cùm viperarum; vitrioli, opij, & similium in theriacâ, antimonij ad pestem hydrargyri ad luem Veneream fugandam, vsus sit hodie receptissimus. Quemadmodum non erit etiam par curationis tempus in omnibus morbis, quia non licet in quouis morbo eodem tempore, uti contrariis æqualibus, sed ob subiecti & circumstantiarum variam dispositionem eorum maturitas varia, velut in frugibus, est expectanda: sic reductionem sanorum nihil impedit fieri contrariis æqualibus, quam Galenus à Curatione noluit distingui, præterquàm maioris & minoris ratione. Vnde bene sequitur, morbos causasque morbificas sumptis ab eorum specie & gradu indicationibus semper æqualibus contrariis expugnandos. Quod tamen sæpe fieri verat, multarum contraindicationum & circumstantiarum respectus.

CAPUT V.

De Scopis curatiuis seu tribus Intentionibus, & quomodo per Indicationes compleantur.

IOTA rationalis *ῥησις* posita est in diagnosi partis affectæ, affectus, & causæ morbificæ, atque remedij ipsius inuentione. Inuentio autem hæc particularis remedij ad certum morbum expugnandum idonei, plures exhibet scopos seu intentiones Medico, quas inter consultandum, semper ob animum propositas habere debet, siue solus & secum id præstet, siue cum aliis optima inquirat media ad Sanitatem restituendam. Scopus enim in eo ab Indicatione differt, quod Scopus sit intentum aliquod seu propositum Medici animo, quod exequi cupit: Indicatio verò ex re ipsa exurgit, ostenditque Medico viam seu modum perficiendi propositos scopos. Ita vt Scopus per Indicationes perficiatur compleaturque.

Scopos igitur actionis Medicæ Galenus aliquando ad duos tantum reduxit, *ut hoc nostro libro. Qualitatem scil. & Quantitatem remedij inueniendam.* Illis autem vtendi modum velut tertium adiunxit *7. meth. Atque libris de sanit. tu.* Opportunum tempus siue Occasionem in materiæ Medicæ usu diligenter attendendum esse docuit: Nec non Ordinem in eisdem necessarium esse, *10. meth. & alibi sæpe* annotauit. Ex quibus colligimus Galenum aliquando scopos tantum qui erant primarij, & inter alios maximè necessarij attigisse: alias verò reliquos etiam qui commoditatem aliquam agenti Medico adferre poterant, addidisse. Nos igitur, vt ex illius doctrinâ, perfectionem istorum eliciamus: scopos omnes tam primarios quàm secundarios colligemus, quos sibi debet habere propositos Medicus in obeundis operibus suis.

Scopi igitur agendi in curandis morbis, vt in rebus aliis, oriuntur vel ex re ipsa proposita, Vel ex instrumentis ad id agendum idoneis, Vel ex tempore, in quo fit aut fieri debet, & similibus circumstantiis. Ad rem itaque ipsam spectare videtur, An sit agendum, & Quid sit agendum. Ad instrumenta, Quibus, Qualibus, & Quantis. Ad tempus & reliquas circumstantias, Quâ occasione, Quo modo, & loco, & ordine.

Ex Hippocratis itaque & Galeni scriptis exsurgit primus ille scopus, quo quaeritur in proposito affectu, An sit agendum. Etenim Galenus *lib. de opt. sectâ* voluit, Eorum quæ in curationibus morborum fiunt, quædam à solâ naturâ; quædam ab arte solâ præstari. Idcirco Medicus Naturæ imitator & diligens speculator, quæcunque natura internis illis & familiaribus instrumentis, spiritibus scil. & calore natiuo, obire potest commodè, vt humorum concoctiones, vacuationes criticas, & similia; non aggreditur, sed illi committit, ex Hippocratis præcepto, *1. aph. 20.* qui ea quæ iudicantur & iudicata sunt, neque mouere, neque vlllo modo laceßere, sed sinenda esse scripsit. Et *lib. de art.* Optimum sæpe remedium esse docuit, nullo vti remedio, quando scil. naturæ vis ad curandum est per se sufficiens. Quæ verò nullo modo à naturâ, sed omnino ab arte pendent, vt luxata reponere, sextum digitum amputare, calculum vesicæ extrahere, & similia: eorum absolutionem ab Artis præsidij repetit, si ægri sint ferendo: vt in iis quæ vtriusque ope perficiuntur: & conuenientia capiat remedia & naturæ vim expectat. Sic in febre putridâ sanguinem mittit, purgantia exhibet & alterantia, quibus adiuta natura reliquum humoris facilius concoquere, & criticâ periodo expellere possit. At verò quomodo hic scopus per Indicationes compleatur, adhuc dicendum. In primis causarum morbificarum, morbi que natura expendenda, species scil. mos, motus & magnitudo illorum. Sunt enim quidam morbi ita totâ specie & naturâ suâ deplorati, qualis est apoplexia fortis, angina sine tumore, hectica tertij gradûs, & similes, vt vix vllus à tanto periculo eripi possit. Alij verò ita leues & benigni, vt neminem suâ naturâ perimant, qualis est Ephemera febris, cephalalgia, & similes. Sunt qui ob causæ vehementiam, vt ij qui ab atrâ bile oriuntur, vel insuetam *κακὴν ῥησιν*, motumve præposterum, qualis fuit tertiana pestilens nostris temporibus visa, Ephemera

mera contagiosa, seu Anglicus sudor dictus, & similes ita infesti, vt naturam omnino opprimant. Alij verò morbi medio se habent modo, periculi quidem non ex pertes, & in quibus tamen salus speratur, ac sæpe spectatur, vt acutæ febres, pleuritides, peripneumonix, &c. quorum apud Hippocr. *Aphor. 19. sect. 2.* non sunt omnino certæ prædictiones neque salutis neque mortis. In quouis igitur horum morborum Medicus, vt sciat, An sit agendum, pensitatis diligenter & comparatis indicationibus Coindicationibus & Contraindicationibus, ex cuius parte stent, naturæne aut morbi: Si leuiusculus morbus, aut jam à naturâ superatus occurrat, nihil molietur: sed victoriam illi perficiendam relinquet: Vt etiam si deploratus fuerit omnino morbus, aut propter propriam suam speciem, morem, & magnitudinem: aut naturæ summam infirmitatem, cui omnia alia interna externaque repugnent: Huic etiam manûs non admouebit, sed cum prognostico conuenienti relinquet, tum ne infamentur artis præsidia, quæ multis fuere saluti: tum ne mortis illius habeatur reus, ait Celsus, quem propria fors peremerit, quia tamen ægri tandiu sperant quandiu spirât, rogatus Medicus auxilia non denegabit. In alijs verò, in quibus est anceps victoria, tam ex parte rerum naturalium, quàm præter naturam In illis certè agendum esse suadet, tum naturæ aduersus morbum pugnantis constitutio, quæ artis opem exposcere videtur: tum morbi ipsius, causarum & symptomatum violentia, cui sese fortiter cum naturâ opponere debet Medicus, conuocatis ad eiusmodi certamen, copiis omnibus auxiliorum, ne Natura tanto certamine succumbat. Atque hic scopus, vt & reliqui, non solum in morbis secundum totum & speciem consideratis, locum habet; sed etiam in singulis illorum partibus seu temporibus.

Vbi certum est Medico, ac propositum, Agendum esse, statim ex re propositâ oritur secundus scopus, Quid nimirum sit agendum, [*ὅ τι χρὴ ποιεῖν*, inquit Hippocrates, *lib. πρὸ ἐννεμοσύνης*, Quid sit agendum scire oportet, priusquam ad ægrum ingrediaris: multa enim non *ὀυλογοσύνῃ*, id est longâ ratiocinatione, sed expedito indigent auxilio.] Vacuandumue, replendum, alterandum, roborandum, excindendum, coniungendum, aut tale quid præstandum. Nisi enim hoc accuratè notum sit, plerumque ægrotum is lædet, quem iuuare cupiebat: dum scilicet eum vacuat, qui repletionem indigebat; alterat, quem roborare præstabat, & alia munera præposterè exequitur. In quo scopo dirigendo vera indicantia contemplari oportet, naturam scilicet causæ & morbi, quibus vis actionum est opponenda. Vt enim ex primâ & generali indicatione constat: Illud omne quod præter naturam est, auferendum esse: Sic secundariæ indicationes ostendunt, quæ actio sit necessaria ad eiusmodi mutationem faciendam. Qui enim, v. g. sanguine feruentiore turget, febrem synochon pariente, is certè vacuatione indiget per venæ sectionem, quæ sanguinem illum commodissimè exhaurit, & æstum febrilem ventilat. Qui cacochymiâ laborat, is purgatione leuatur. Qui febre hecticâ aut conuulsione ob inanitionem tenetur, is refectione & humectatione indiget. Denique qui morbum figuræ, numeri, magnitudinis, vel vnitatis patitur, excindentibus, vrentibus, sarcoticis, emplasticis, & similibus, pro naturâ causæ & affectûs, restituitur: quod in singulis morbis accuratè suo loco erit considerandum.

Verum cum hæc per se non præstet Medicus, sed instrumentis quibusdam medijs, quorum ad hoc inuentio maximè est necessaria, hinc tertius simul quartusque inferuntur, Quibus scilicet & qualibus id sit præstandum. Propositis enim remediorum fontibus diætericis, pharmaceuticis, chirurgicis, eligere conuenit, quibus opus illud propositum perfici debeat, nimirum si solo victu id præstari queat, ne temerè vtamur pharmacis; Si purgantibus benignis, ne frustra valentiora vsurpemus: Si simplicia id efficere possint purgantia vel alterantia, ne importunè composita, quorum non ita certus est effectus, offeramus. Denique ne ferro aut igne illud tentemus, quod solo melle rosaceo, aut apij succo, v. g. commodè effici potest. Ad hunc ergo implendum scopum faciunt, cognitio tum ipsius speciei morbigenæ, similis, organicæ, & communis: (In morbis enim v. g. similibus diæta plurimum, in alijs minus potest,) tum differentiarum causæ & affectus, paruitatis videlicet vel magnitudinis, celeritatis, tarditatis, & similium. Causas enim morbigenas leuiioresque morbos, diætâ ritè instituta potius curandos, quàm pharmacis vel chirurgiâ, Galenus vbique & ratio suadet, quæ rerum naturalium conseruationem dum ipsi morbi expugnantur, nunquam negligit. Contra verò atrociores morbi

morbi ostendunt, non esse parcendum maioribus remediis: ne scilicet blandior nimis curâ ferocior morbus exasperetur, viresque acquirat eundo. Vnde *μολικὰ* dicebantur apud veteres ea medicamenta, quæ grauioribus morbis debellandis erant accommodata: quorum vsu Empirici & circumforanei, longiores & rebelles morbos sæpius superant: in eo tamen peccantes, quod nullâ habitâ virium, temperamenti, partisue affectæ ratione, quæ hîc maximè considerari debent, vno omnes, quod aiunt, collyrio curantes, ancipitem & periculi plenam medicatio- nem exercent.

Inuento igitur Remedij fonte vnus vel plurius, quibus ad opus præstandum vti est necesse, tunc qualitas eorum spectanda; quæ propriè indicationem contrarietatis implere solet: Sub eâ enim non solum primas qualitates reponunt Medici, Caliditatem, frigiditatem, humiditatem, & siccitatem, aut ex his compositas, sed etiam secundas & tertias, attenuationem videlicet deterfionem, incisionem, incrassationem, remollitionem, indurationem, suppurationem, mensum, vrinæ, sudorisque prouocationem, huius vel illius humoris per varia cathartica expurgationem, & similes, morbis, eorumque causis oppositas. Cum enim contrariorum contraria esse remedia probârimus; certum est Contrarietatem agentis remedij indicari à naturâ causæ morbificæ, & ipsius morbi cui opponitur. Ratione enim materiæ, aut substantiæ peccantis, siue per se, vt in excrementitiis & corruptis succis, siue per accidens, ratione scilicet quantitatis, Vacuantia indicantur: Ratione qualitatis, Alterantia, pro diuersitate illius, quam ad infimam vsque speciem nouisse oportet. Ratione motûs & quietis, Reuellentia, Deriuantia, Attrahentia siue educentia genere diuersa, quæ ex naturâ humoris v. g. aut intemperiei deprehenduntur. Quorum etiam vsus coindicatur à naturâ corporis, virium, temperamenti, & similium. De quibus hoc generaliter pronunciauit Hippocrates *aphor. 34. sect. 1.* In morbis minùs periclitari, quorum naturæ, ætati, consuetudini, aut anni tempestatu magis congruit morbus, quam vbi horum nulli congruit: Quia tunc licet vti liberè remediis qualitate suâ morbum & eius causam expugnantibus, quæ alias pro horum proportionem sunt moderanda, vt dicemus in sequenti scopo.

At verò quemadmodum contraria oportet esse morbo causæque remedia, ita etiam æqualia, vt prius docuimus, certâ scilicet mensurâ & quantitate exhibita, quæ siue gradum siue molem aut copiam spectes, morbi excessum, & naturæ limites in mediocritate positos, non excedant. Qui enim morbum, v. g. calidum vt duo frigidis vt quatuor simul & semel, vel auctâ nimium copiam æqualium refrigerantium, vnâ aut pluribus vicibus expugnabit, is non solum morbum curabit, sed contrarium & sæpe periculosiorem excessum inducet. Nihil est, inquit Galenus, *lib. de sang. miss.* quod artem nostram, adeò coniecturalem & dubiam reddat, quam exhibendorum remediorum quantitas, quæ non solum morbo, sed etiam viribus plerumque ignotis, proportionata esse debet.

Ad quantitatem igitur remediorum artificiosè definiendam, petenda in primis indicatio, à morbi causæque illum patientis magnitudine, quæ vel intensiue vel extensiue, vt loquuntur, consideratur. Intensio causæ morbificæ respicit eius gradum siue efficaciam, quâ sese valide multiplicare potest, licet minimæ sit molis, vt patet in atrabile, venenato humore, pestilenti vapore, & similibus, quæ generosum etiam & efficacissimum suadent remedij genus, quo vis eorum effera frangi vel saltem intercipi possit. Extensio autem ipsius causæ respicit eius copiam, quâ nimium auctâ vel in toto vel in parte, naturæ vires opprimit, quamuis per se laudabilis esse possit: Sic nimia sanguinis copia naturæ molesta synochon pariens, aut in membro aliquo collecta phlegmionem, suadet illius vacuationem, alterationemque copiosam & æqualem. Morbi quoque intensio dicitur gradus ille qui naturalem excedit plus minus, secundum quem exoritur Indicatio paris remedij quo reducatur ad mediocritatem. Extensio autem considerat subiectum seu partes affectas: quod enim plures à morbo occupantur, eò maior copia remedij esse debet, quæ adæquatur illius extensioni. Sic erysipelas pollicis v. g. minore secundum quantitatem indiget oxycrato, quam totius cruris vel brachij: Sic inflammatio plurium partium internarum, vel à primis & communibus viis remotarum, vt renum, vesicæ, & similium, maiorem iulepi vel emulsionis v. g. frigide copiam, quæ eò vsque salua peruenire possit, vt illarum incendium facilius ac citius extinguat.

Neque tantum sufficit in definiendâ quantitate gradus & molis remedij, Indi-

cationes à causa & morbo petitas spectare, sed etiam Coindicantia & Contraindicantia. Nam sine virium cognitione inprimis, iusta vacuationis alterationisque quantitas circumscribi non potest, quoniam neque gradus excellens remedij, neque eius conferta copia, si vires imbecillæ fuerint, erit usurpandus, quicquid morbus aut causa indicet, sed infra erit subsistendum. Hinc à Medicis inuentæ sunt minorantes illæ venæsectiones & purgationes per *ἐμψύκωσιν* factæ: Hinc alterationes iteratæ & sensim repetitæ, quibus natura, paulatim adiuta refocilletur ac sensim vires suas recuperans, morbum tandem & causas morbificas salvis ægri rebus, quæ aliàs ruinam minabantur, expugnet. Eâdem ratione animaduertendum temperamentum totius & partis affectæ, vt ex illius comparatione, quantum à naturali recedatur intelligi possit: Item ætatis, sexûs, conditionis, consuetudinis, & similibus status. Quibus omnibus quantitas prius indicata permittitur, vel ad mediocritatem reducitur. Item non parum confert ad eiusmodi quantitatem limitandam, aëris nos ambientis conditio: Illo enim cum causa vel morbo consentiente, maior indicatur remediorum vis & copia ad vtrumque superandum: dissente verò minor, ab hac scilicet communissimâ & potentissimâ causâ adiuta: siue per se, siue per accidens id fiat. Nam in pleuritide v. g. Aër frigidus, per accidens, quia sputationem impedit, & pectus angustat, noxius: In Apoplexia per se, quia causæ naturam & vim multiplicat. Atque hæc de primariis scopis, nunc ad secundarios veniendum.

Inter quos ille primatum obtinere videtur, quem Galenus *ad Glauc. cap. i.* Vtendi modum appellat: & sub eo complexus est illa omnia, quæ extra qualitatem & quantitatem remedij posita sunt, vt an vna vel pluribus vicibus sit offerendum, quo tempore, qua forma, per quem locum, & quo ordine. Vide *aphor. i. 7. sect. i.* Recentiores verò distinctos fecerunt, clarioris doctrinæ gratia.

An vna igitur vel pluribus vicibus offerendum, quale & quantum remedium (quod referri etiam posset ad quantitatem discretam) ex modo inprimis eius quod indicat seu nocet, est petendum: Nam vt genus morbi, genus remedij; sic eius differentiæ differentias, modus modum indicat, vt est *lib. de opt. sect. 2.* Si ergo morbus affligat continuò & violenter, repentinam suadere videtur curationem: Si causa morbi turgat & *ὀρμητικῶς* teneatur: si bene sit concocta, si tenuis & sequax, subitanæam vacuationem exposcit: At verò si lentè & per intervalla tantum moueatur, longirudinemque potius ex cruditate quàm periculum minetur, tunc repetitis purgationibus alterationibusque materia educenda alterandaque: vt cum Hippocrate concocta tandem liceat medicari, non cruda: Quot verò vicibus id sit præstandum, siue per minorantia, siue per validiora res peragatur (de eo enim præcipue in hoc scopo agitur, & in hoc differt à priore) ostendent tum ipsæ reliquæ morbificæ, tum ea quæ consentiunt vel dissentiunt: Virium scilicet status, qui si vegetus fuerit, facillè assentitur repentinæ vacuationi & alterationi, vt scilicet promptè ab eiusmodi molestia liberetur natura: Sin verò infirmus & debilis, nonnisi benignas & partitas ferre potest mutationes. Eodem modo partium affectarum substantia, sensus, & situs. Nam tenuis earum aut rara substantia, exquisitique sensus, vix perferre potest vim præcipitem vacuantis aut alterantis remedij, quam solida & densa, obtusiorisque sensus facillè sustinet. Situs item valde remotus, vt per vices id præstemus, suadet, quò remedij vis tandem eò vsque salua partium interiectarum temperie penetrare possit. In parte etiam nobili cautè agendum, & partitis vicibus alterandum vacuandumque, ne grauiorem noxam; ex illius labe ob subitam mutationem; toti corpori inferamus. Quibus omnibus si voles ætatem, sexum, consuetudinem, aëris statum, & similia adiungere, indicationis huius, vel potius scopi terminos & statum melius definiesset.

Verum siue semel siue partitis vicibus siue æquali aut inæquali remedio agas, Tempus præcipue est obseruandum, iustæ scilicet & debitæ occasionis. Quamuis enim Galenus *libro hoc nostra* videatur hunc scopum velut inutilem reicere. Frustrâ enim, inquit, temporis habebitur ratio, in quo non nisi quale & quantum morbo conuenit, remedium exhibere possis. Attamen aliis in locis passim *8. & 9. meth. i. ad Glauc.* cum Hippocrate ex temporibus morborum desumit notitiam temporis siue occasionis quâ licet vti commodius remediis.

Cum enim constitutionis morboscæ mutatio, progressu quodam temporis fiat, ideo istas temporum notas, velut sensibiles magis adhibuerunt Medici ad melius describenda tempora remediorum in morbis usurpandorum. Vnde propter vniuersalem

uersalem illam occasionem, quæ non parnam habet latitudinem, secundum vniuersalia morborum tempora, dixit Hippocrates, Circa initia morborum, si quid est mouendum, moue; in augmento enim & statu melius est quiescere: Item in principiis non esse purgandum, nisi turgeat: Et similia præcepta quibus occasiones vniuersales, siue extensæ exhibendorum remediorum designantur: Particulares autem & momentaneæ non solum ex particulari temporis alicuius morbi constitutione, illius scilicet accessione, & remissione vel intermissione: Symptomatum superuenientium varietate petuntur: Vnde accessionis die & horâ, ab omni Medica actione voluit esse cessandum Hippocr. sed etiam ex peculiari natura ægri, viribus, aëris præsentis statu, & similibus circumstantiis, quas ad particularem istam & præcipiendam occasionem definiendam diligenter expendere debet Medicus, potissimum in acutis morbis, in quibus omisso remedij præstantioris vt phlebotomia, vel purgationis, ægrum in mortis periculum præcipitare potest, hic enim vt in bello non licet bis peccare.

Neque satis est qualitatem, quantitatem, vtendi modum, & debitam remedij Occasionem reperiisse, nisi etiam sciamus locum, in quo & per quem admo- ueri debent huiusmodi auxilia, eorumque conuenientem formam. Hæc autem primo ex indicantibus, deinde coindicantibus inueniemus. Nam locus indicantis nempe morbi vel causæ indicat etiam locum remedij, vt si totum corpus occupet, toti corpori admo- ueantur, si partem vnam tantum, aut plures, illis tantum: Si externæ sint, exterius: si internæ, interius, si per vtramque viam ferri possint, vtrique admo- ueantur. Ad quod melius explorandum, cognoscenda etiam conformatio partis, situs, & connexio: quia hinc licebit percipere, An sit aliquid quod impediat, vel consentiat. Etenim orificium ventriculi inflamma- tum v. g. liceret exterius admotis refrigerare, nisi diaphragmatis vicinia, impedi- ret, fundum verò refrigeratum calefacientibus curare, nã superposita hepatis por- tio illud dissuaderet. Conformatio, Situs, & Connexus partium, docent ven- triculum per vomitum & secessum, hepatis caua, deiectione: conuexa, vrina- rum prouocatione potissimum expurgari: Intestina clysteribus magis iuuari, præcipue inferiora, superficiem corporis sudorificis, scarificatu, & sic de reliquis.

Idem dicas de formâ seu consistentia remedij. Nam in externis illius tenuita- tem requirunt partis substantia densa, & situs profundus, multo magis si materia peccans sit crassa & densa. In internis pars admodum remota, exposcit liquida potius remedia, quæ de vsque peruenire possint, quam solida, quæ in primis viis subsistunt: Media forma à mediis suadetur: pulmones viscida & glutinosa, quæ lambendo sese in tracheam arteriam insinuare possint. Est etiam quando solida forma aptior est ad expurgandas alterandasque remotiores partes, sed diuersa ra- tione; vtpote caput pilulis conuenientissime purgatur, quia illæ ob soliditatem diutius calori nostro obersistentes, & in ventriculo morantes, longiore hoc spatio & translatiis sursum vaporibus, eliciunt redundantes ibi humores: quod non ita commodè fieri potest liquidis, aut mediis remediorum formis citò elabentibus è ventriculi cavitatē. Est etiam quando, certis partibus certa remediorum ge- nera & formas, vt oculo inflammato olea, quamuis refrigerantia, faucibus vlce- ratis aut tumentibus, liquores ex catharteticis aut corrodentibus paratos admo- uere non audemus, ne scilicet in partes internas delabantur.

Denique in exhibendis remediis post superiores scopos, adhuc agendorum Ordinem spectare oportet: Qui non solum in complicatis & consequentibus morbis est necessarius, sed etiam in simplicibus. In vno enim eodemque affectu oportet aliquando habere rationem & causæ simpliciter dictæ, & causæ sine qua non, & vrgentioris. A verâ enim causâ incipiendam esse curationem legiti- mam & ordinariam, nisi quid impediat, Galenus & ipsa ratio præcipit, quæ præ- sente causâ tolli non posse effectum ostendit. A causâ etiam sine quâ non sæpe exordiendum esse, illud conficit, quod nonnisi sublatiis impedimenti cura- tionis, natura morbum expugnare non potest. Sic enim in vulnere sordes, in hydrope aquam velut causas sine quibus non, primum tollimus, vt deinceps veram causam & affectum ipsum tollere possimus. Post earum remotionem ad affectus siue morbos, si adhuc sint superstites, accedimus, vt illis curatis symp- tomata sponte suâ evanescant; Nisi vrgentioris alicuius habenda sit ratio, siue præter naturam id sit, siue secundum naturam: sæpe enim ratione cuiusdam symptomatis atrocioris, relictâ causâ morboque, mitigationi studemus: Sæpe

virtutem respectu, posthabita omni *degenera*, nutritioni tantum & refectioni incumbimus. Sed hæc fusius in tertiâ operis parte: Ac proinde quibus modis perficiantur scopi curatorij hæcenus dictum sit: Nunc ad conseruatorios siue diæticos accedamus.



CAPVT VI.

De Indicationibus & scopis diætæ agrorum.



CTIONES Medicas simplices potius esse consideratione, quam reipsâ, superius annotabamus. Etenim in statu insalubri, quamuis indicationes curatorie præpolleant, quæ ad sublationem rei præter naturam feruntur, quia tamen illud potissimum sit vi & opera naturæ: hinc etiam conseruatoriæ illis permiscuntur, quæ causas salubres respiciunt. Hæc autem diætæ agrorum complectuntur, cuius tantam esse vim voluit Galenus, ut sine eâ nullum aut paruum emolumentum ex usu remediorum reportare liceat. Et Hippocrates libro de *vet. medic.* nullam esse vult artis partem *ἡγιστάτην καὶ ἀναγκαϊοτάτην*. Nomine autem diætæ non tam intellexit aëris, somni & vigiliæ, excretorum & retentorum, exercitationis, aut animi pathematum usum, quam cibi potusque circa ægros instituendi rationem: In quibus maxima versatur difficultas. Nos igitur de alimentis agrorum causâ ritè instituendis agamus, quod ad vniuersalem doctrinam spectat: reliquarum enim causarum salubrium usum licebit ex tractatu *ὑγιεινῶν* repetere.

Eleganter illud ab Hippocrate dictum fuit, *lib. de Vet. Medic.* Nullus, inquit, diætandi rationem & modum quæsiuisset, si eadem alimenta cuius sano conuenirent, & tam sanis quam ægris competerebant *ἐὰν ταῦτα διατηρηάτα τοῖς τε ἀσθενοῦσι, καὶ τοῖς ὑγιαίνουσιν ἦμρόθεν*. Quia verò tum sanis varia diætæ pro diuersa sanorum, alimentorumque naturâ competit, tum ægris eidem cibi & potus qui sanis erant salutares, molestiam inferunt. Ideo ars huic rei subueniens, varietatem istam certis distinxit regulis & annotauit. Quæ repetendæ sunt tum ex cognitione status illius qui proponitur, tum naturæ ægri & variarum facultatum, quæ alimentis insunt. Certum est igitur statum morbosum, de quo nunc agimus, quamuis præter naturam sit affectus, retinere adhuc multa secundum naturam, quorum ope vis corporis nostri adiuta, remediisque Medicis res sibi insensas molestasque expugnat. Hæc igitur quæ secundum naturam supersunt, procul dubio sui conseruationem indicant dupliciter, tum primariò quatenus scil. sunt secundum naturam, tum secundariò quatenus ad expugnationem rerum nocentium sunt necessaria. Ut igitur in usu remedij dicebamus, indicationem veram & propriam, peti à rebus præter naturam, quæ sui sublationem suadent. Coindicationem verò ab ipsis rebus naturalibus & externis quæ eiusmodi remedij usum permittunt vel toleratu faciliorem reddunt. Sic vicè versâ in usu alimenti & causæ salubris certum est, indicationem propriam & curationem à rebus secundum naturam, quamuis fractis & à morbo afflictis peti, quæ sui custodiam suadent: Coindicationem verò vel Contraindicationem à statu morbo, & rebus præter naturam, quatenus scil. illæ dissentiant vel consentiant cum scopis diætæ, quam Medicus instituit tunc ratione non solum conseruationis, sed habito causarum & morbi respectu, ut postea ostendemus.

An igitur diæteticæ in ægris sit vtendum, nemo amplius dubitabit, quia, ut inquit Hippocrates, *ὅτι τὰς αἰτίας τοῦ νόσου καὶ τὰς ἀναγκαῖας τροφὰς καὶ ποτὶς ἀναγκαῖον*. Et quia ad morborum expugnationem est necessaria: At verò quibus, qualibus: quantis, quando & quomodo vtendum sit alimentis in statu morbo iam docere oportet, & omnia ex conuenientibus indicationibus, atque Hippocratis præceptis repetere, qui *lib. de Vict. rat. in acut. & 1. aphorism. sect.* hanc rem accuratè est persecutus.

Sciendum itaque prius ex eodem Hippocrate morborum (qui non solum breuitate *Ephemera enim brevis, sed non acuta.* & celeritate feruntur, sed etiam vehementiâ) alios quidem esse acutos simplices, qui ad 14. diem terminantur, *et*

est *aphor. 23. sect. 2.* Alios peracutos non exactè, qui septimum diem non excedunt (*ὁξὺς, ὁξύνει, ὁξύνει*). Quosdam exactè peracutos, quos Barbari appositè peracutos vocarunt, qui quarto aut quinto die, vel antè finiuntur: de quibus Hippocrates (*κατὰ ξύς*), *aphor. 7. sect. 1.* pronunciauit, eiusmodi peracutos morbos statim extremos habere labores. Alios verò his oppositos esse acutos extensos siue ex conuersione, qui ad vigesimum vsque diem extenduntur, in quibus voluit Hippocrates *aphor. 24. sect. 2.* diem decimum septimum esse contemplabilem: Alios denique acutos ex decidentia, qui ad quadragesimum vsque diem perueniunt: Ultra quem omnes morbi longi & chronici dicuntur ab Hippocrate: Inter quos rursus magna est varietas. Nam vt est *aphor. 28. sect. 3.* horum quidam in 4. alij in 7. mensibus iudicantur. Aliqui intra 7. annos tantum, vel quando ad pubertatem accedunt, aut ad summam caloris natiui ἐκλαμψι, quæ est circa 25. annum. Postea enim morbi apud Hippocratem συγγενεῖς & συντροφίδι, congeneres & connutriti dicuntur & sunt illi propriè qui soboli communicantur, habituales reddit.

Sciendum rursus omnes hos morbos, cum durationem habeant manifestam & contemplabilem, in quatuor vniuersalia tempora à Medicis diuidi, principium scil. augmentum statum & declinationem, quæ tripliciter dignoscuntur, propriæ scil. essentia morbigica paruitate vel magnitudine, cruditate humorum vel concoctione, symptomatum leuitate aut vehementia. In quibus temporibus istiusmodi morbi varios habent motus: Alij enim continenter & pari violentia per totum vniuersale tempus affligunt: Alij manifestas habent remissiones, alij intermissiones & dilucida interualla breuiora vel longiora, pro diuerso tempore periodi & repetentis paroxysmi. Hæc omnia erant diligenter annotanda, vtpote sine quibus legitimus agrorum victus institui non poterat.

Vt igitur ad rem ipsam aggrediamur, cum certum sit agendum esse, id est, diæta vtendum certa in ægris, & quid agendum, nempe conseruandum & curandum; iam est videndum, Quibus alimentis sint sustentandi ægri. Quo scopo materia siue substantia alimentaria in multas classes distincta potissimum designatur; Quas omnes debet eruditus Medicus egregiè notas habere à duobus rerum creaturarum fontibus seu generibus deriuatas, plantis scilicet & animalibus, vt probe sciat ea, quibus ægros commodius reficere possit. (Id tantum nos nutrire potest, quod prius vixit,) In materia autem alimentaria spectare solent Medici (vt respectiue ad nos, & coctionem humorumque generationem se habent) εὐπεψίαν & δυσπεψίαν, facilem vel difficilem coctionem, εὐχυρίαν κακοχυρίαν, boni vel mali succi naturam; πολυτροφίαν & ὀλιγοτροφίαν an sint pauca vel multa nutritionis. Ex quibus ita cognitis in singulis alimentorum speciebus triplicem constituunt diætā, tam in sanis quam in ægris, fortem scilicet, infirmam & mediam. Fortem vocantes eam quæ vires augere potens, alimentis constat firmis & solidis, concoctu quidem difficilibus, plurimi tamen & solidi alimenti, si vincantur à calore natiuo. Qualia sunt graua, crassa, viscosa, succulenta, & cætera huiusmodi vulgaribus hominibus vsitata, qualis est panis ille syncomitus & αὐτόπυρ. Hippocrati dictus, farinæ scil. impuriore & furfuraceæ, olera, radices omnes, & fructus solidioris substantiæ, castaneæ, nuces, pinei, amygdalæ, legumina, fungi, oryza, caseus antiquus, ostrea, pisces grandiores & cetacei potissimum saliti, oua indurata vel frixa, carnes suillæ, bubulæ, ceruinæ, leporinæ, aprinæ, asiatinæ, & omnium auium palustrium; Aquæ potus, vina rubra, nigra, & crassa, vel adhuc dulcia, ceruisia, zythum cum reliquis, quæ solidum & fortem diætæ modum ingrediuntur.

Infirma autem seu leuia alimenta vocant Medici, his ex diametro opposita ὀλιγότροφα, parum scil. & promptè nutrientia, quæ minimo quidem negotio concoquuntur, sed vel pauca sunt admodum nutritionis, vel substantiæ valde resolubilis: In quorum numero sunt tenuia, rara, & præhumida, qualia sunt fructus præcoces & horarij delicatiore carne præditi, pisces minutuli fontium vel riuulorum, iuscula, prizana simplex, aqua saccharata, vel cum variis rebus decocta, iulepus Alexandrinus, mulla, oxymel, hordei & pisorum vel cicërum tenuis cremor, succus carnis contusæ, expressæ, vel stillatitiæ, panatellæ, gelatinæ, vina limpidiora, alba vel ὀλιγότροφα cum similibus,

Mediam denique alimentorum materiam vocant, quæ inter has ambigit nullā intemperie donata & mediocres succos suggerens (Aliquando conseruans dicitur Galeno, quæ vires in eodem statu retinet, cuius notæ sunt, Panis κατὰ ἁρδὸς Hippocr.

purus, bene subactus & fermentatus; carnes pullorum, iuniorum gallinarum, caponum, perdicum, columborum recenter natorum, turturum, turdorum, merularum, & reliquarum auium montanarum, Item vitulina, veruecina, hædina, illarumque partes *ἀνθογαυῆς*, aliquantulum asseruatæ apud Hippocratem, ut teneriores euadant, pisces saxatiles & pelagij delicatiores, lac, oua sorbilia, tota hordei decocti, vel auenæ substantia, succus ex amygdalis, vel pineis nucleis expressus & colatus, vina generosa, fructus boni succi, ut pyra, poma, cydonia & similia saccharo potissimum condita, quod ut mediæ huius naturæ particeps sub his poni debet, quemadmodum mel antiquis temporibus vsitatum.

In triplici igitur hac materiæ alimentariæ distinctione, prima quæ fortis dicitur, nullo modo ægris competere potest, sed robustis tantum naturis, atque etiam multum se exercentibus: reliquis enim quamuis sanis, nedum ægris, noxam inferre solet; Infirma autem & media ægris conueniunt, quas Hippocrates tripliciter adhuc diuisit, ut postea dicemus, ratione formæ siue præparationis, in ea quæ comeduntur, quæ sorbentur, & quæ potantur.

Horum autem vsum in ægris metiri oportet, sumptâ primùm indicatione à naturalibus viribus, non solum præsentibus, quæ ex pulsu & aliis functionibus cognoscuntur, sed etiam futuris quæ ex tenuitate succorum, raritate aut densitate cutis, & ex facili aut difficili inediæ tolerantia colliguntur: nam dissipabile corpus inediā non fert. Deinde à Coindicantibus & Contraindicantibus, ut morbi & causæ naturā seu speciem, statum morboſi distantiam, vel propinquitatem, aëris & similium constitutione. Quæ sunt ferè Hippocratis verba *lib. de vict. rat. in acutis*: Quibus enim v. g. temperamentum est exactius, vires ob prægressum fortè laborem, aut inediā infirmiores, cum triplicis substantiæ magna dissipatione, quæ citò instaurari exposcit, consuetudo delicatè viuendi, ætas iam inclinans & infirma. Ab iis pluribus vel omnibus indicatur forma victus liquida potius quàm solida, quandoquidem *aphor. 11. sect. 2.* facilius est refici potu quàm cibis, vbi per potum ex interpretatione Galeni, liquida humidāque intellexit, tam ea quæ sorberi, quàm quæ potari possunt: quod ipsemet Hippocrates est interpretatus *lib. de alim.* Quicumque, inquit, indigent citissimā refectione, ijs liquidum alimentum ad recuperandas vires optimum: vbi adhuc celeriore opus est, odoratum. Democritus odore panis calentis animam retinuisse dicitur.

Quod si morbus peracutus aut perperacutus vrgeat, cuius vigor imminet statim primis diebus, tunc ex istâ coindicatione augetur necessitas alimenti liquidi & leuioris primùm indicati, ut scilicet natura hoc alimenti genere facilius recoſcilletur, neque reuocetur ab instante pugna critica ad concoctionem solidiorum alimentorum. His si adiungatur aëris ambientis inclementia, feruorque substantiam spirituosa & humoralem validè resoluens, tunc multò magis vsurpanda eiusmodi alimentorum forma. Contrà verò si temperamentum adsit superiori contrarium, vires firmæ, consuetudo quantumuis *συσταλτα* comedendi, ætas constans, morbus longus vel saltem acutus extensus, vel ex decidentia, aëris constitutio frigidior, quæ omnia intus cogat. Tunc diuersâ ratione indicatur forma victus non liquidi tantum aut sorbilis, sed etiam solidi ex eis quæ comeduntur, dummodò sint *εὐχρηστα*. His duobus velut extremis positis licebit in medijs constitutionibus, mediam etiam aut mixtam victus formam instituere, prout indicationes ipsæ & coindicaciones suadebunt, animaduersis, si quæ sint, contra indicationibus & correpugnantijs, quod semel dixisse sufficiat.

Non satis est rectam inuenisse victus materiam & formam in ægris, nisi conueniens qualitas illis adiungatur: præclare enim Hippocrates vult in cibo esse medicinam, & in Medicinâ cibum. His verbis denotans, ad similia conseruanda & curanda contraria, maximam qualitatum rationem in alimentis tanquam gratissimis remedijs esse habendam. Hinc Galenus tot hac de re libros scripsit: ut de alimentis boni & mali succi, de attenuante victus ratione; de alimentorum facultatibus, & similes. In quibus non tantum primas qualitates rimatur, sed secundas etiam ac tertias: Sapores, odores, & cætera huiusmodi, quibus alimenta ista, medicamentosa, certis qualitatibus prædicta morbis eorumque causis opponuntur. Neque tantum qualitates natiuas spectat in illis, sed eas etiam omnes quæcunque arte, coctione, mixtura, condimentis & similibus addi solent.

Duplex igitur erit indicatio qualitatis victus; altera quæ laborantis naturam tueatur & conseruet; alia quæ aduersus morbum pugnet, quas eleganter expressit

Hippocrates

Hippocrates *aphor.* 16. *sect.* 1. Victus, inquit, humidus febricitantibus conuenienti Vbi ostendit quantum possit alimenti qualitas in expugnandis febribus, præcauendâque si cecitate & hectica quæ illis succedere solet. Addit verò, præsertim pueris & ijs qui tali victu vti consueuerunt, vt ostenderet præcipuam qualitatibus victus indicationem esse naturam ingenitam seu consuetudine partam conseruare. Vbi igitur hæc omnia consentiunt, Natura ægri, vires, ætas, consuetudo, regio, anni tempus, cæli præsens status, causa morbifica, & morbus, facile est conuenientem qualitatem describere ex fontibus alimentorum solerti Medico cognitis, depromendam. Vbi verò inuicem dissentiunt, non paruam inuicere solent Medico sollicitudinem, cui potissimum adhærere debeat. Certum est tamen in vsu alimentorum, præcipuam esse indicationem à naturalibus; Vnde illud Hippocratis *aphor.* 38. *sect.* 2. Paulò deterior potus & cibus, (ratione scilicet causæ & morbi,) sed suauior & naturæ nostræ gratior iis qui meliores sunt sed insuauiiores, magis expetendus. Sic nos calida, odorata, aromatica, vt vinum, ambarum, Confectionem Alkermes, pulueres cordiales, ius carniū, stillatitia, & similia, in calidissimis affectibus, febre continua, pleuritide, phrenitide, cæterisque, vbi vires labascere incipiunt, audacter & summa vtilitate exhibemus.

Ita tamen aptanda est victus qualitas viribus temperamentoque natiuo conseruando, vt morbus eiusque causa, quæ vrgentioris sæpe rationem obtinent, non negligantur. Vnde ferociente calidâ intemperie refrigerantia alimenta præscribimus, ipsamque *ψυγγοπορία* antiquis tantopere celebratam; Marcore consumptis, hecticis, & phthisicis, lac velut præsentissimum subsidium diætetikum exhibetur. Humorū crassitie incidentia alimenta, lentiori detergentia, tenuitati incrassantia obstructionibus aperientia, fluxioni adstringentia, & si de reliquis opponuntur. In quibus non solum contrarias qualitates contrariis humorum naturis opponimus, sed etiam ea prohibemus quæ materiâ suâ ob certam cum illis analogiam, peccantem humorem fouere & procreare possunt: Inde melancholicis alimentis, biliosis, pituitosis, illis qui eiusmodi cacochymia laborant, interdiciamus: tam ratione totius corporis, quàm partis alicuius insigniter affectæ, potissimum hepatis, ventriculi, lienis, & aliarum nutritioni dicatarum.

Vbi verò morbi compositi, complicati, aut connexi fuerint, tunc maior difficultas instituendi victus: habenda tamen vrgentioris ratio, altero non neglecto. Si quis enim v. g. febre hecticâ cum pulmonis vlcere infestetur: febris quidem esculenta poculentâque frigida & humida, vlceri verò pulmonis detergentia & exsiccantia conueniunt: In hac indicationum luctâ & antithesi quid præstandum? Si febris, inquam, magnitudine suâ aliquid sinistri minetur, huic statim occurremus, deinde vlceri pulmonis, nempe frigidam humidamque victus rationem febre conuenientem; abstergentem verò & agglutinantem pulmōni exulcerato peculiari-ter decernemus, quæ vel simul permiscebuntur, aut variis horis vel diebus separatim exhibebuntur. Neque tantum hoc in compositis morbis est aduertendum, sed etiam in quocunque affectu simplici, cuius causæ & primordia possunt esse varia: Veluti in febre quartanâ, quæ dum contrahitur ab humore melancholico naturali frigido & sicco, alium exposcit victum, quàm illa quæ à bilis vel sanguinis vitione producitur, Vel in quo causa morbo contraria existit, vt in quotidianâ febre, vel causo à pituita genito. Ex his igitur omnibus conueniens alimentorum qualitas in ægris inuenienda.

Post substantiam & qualitatem victus, potissima versatur difficultas circa alimentorum quantitatem, sub quâ etiam Occasionem complectemur, quia quantitas victus in morbis, pro variis eorum temporibus mutanda. In quantitate igitur alimentorum præscribendâ, eleganter dictum est illud à Galeno, *Commentus in libr. de Vict. in acut.* Vnus cibandi ægros scopus est, virtutis ipsius custodia. Si igitur morbosam affectionem nullo modo offenderet alimonia, nos soli virtuti attendentes, ægros vt sanos aleremus. Sed quoniam noxam id sæpius affert, ob id morbosam dispositionem, non tanquam cibi indicatricem, sed tanquam prohibetricem contemplamur. Vbi ergo non prohibuerit facultas, præcepitque, tunc murimus, nisi obsit ea quæ à morbo petitur cognitio. Ex quibus Galeni verbis innotescit, Indicationes quantitatis & occasionis victus ægrorum primò & per se à rebus sumi naturalibus, vt viribus, temperamento, ætate, consuetudine, & similibus. Coindicationes verò à rebus præter naturam, Morbo, Causâ, & Symptomatis, eorum specie, magnitudine, celeritate vel tarditate, quatuor vniuersali

vniversalibus temporibus, & particularibus quibuscumque accessionibus vel remissionibus. Hippocrates qui in cihatione ægrorum medium inter antiquos tenuit, vt probat Galenus *Comment. 1. in lib. 1. de Vict. in acut.* Ratione habita tum quantitatis tum substantiæ victus ægrorum, in quatuor illum partitus est differentias, Plenum scil. Medium, Tenuem & Tenuissimum.

Plenus quidem ægrorum victus, vt dicebamus, ex alimentis constans euchymis, qualitate fortassis morbo aut eius causæ contrariis, nullam formam respuit solidorum, forbilium, & potabilium, sed iis omnibus vititur ad moderatam satietatem, & iuxta consuetam viuendi normam. Mediocris verò ab hoc detrahitis in quantitate, minusque solidis alimentis vititur. Tenuis autem victus liquida tantum admittit, forbilia, & potabilia, eorumque quantitatem mediocri minorem. Tenuissimus denique solo potu, vt mulsâ, oxymelite, prizana, aquâ saccharatâ, vel iulepo est contentus, ad omnimodam propemodum inediam accedens. Inter varias igitur istas diætæ rationes, primum ductis indicationibus à rebus secundum naturam, certum est, Vires robustas, vt quæ coquendo alimento idoneæ sunt, iustam & plenam viuendi rationem suadere, si simpliciter spectentur: Imbecillas verò non posse ferre copiosum cibum neque solidum, sed liquidiorum substantiam exposcere frequenter repetitorum, potius quam confertim ingestorum, ne naturæ negotium facessant: Sin verò Res præter naturam victus plenitudinem impendant & dissuadeant, tunc certum est Vires robustas, vtpote quæ ex triplicis substantiæ nostræ copiâ componuntur, facile ferre posse non solum tenuissimum victum, sed etiam omnimodam inediam: Imbecillas verò non posse, & quamuis remuente morbo, alimentis liquidis, multos spiritus humoresque laudabiles generantibus & roborantibus esse instaurandas, qualia à nobis prius fuerunt commemorata.

Temperamentorum verò ea quæ sanguinea sunt, vel biliosa, sicca, gracilia, & habitus rarioris, difficillimè ferunt inediam, & quia citissime eorum substantia dissipatur, & quia magis ieiunio incandescunt: Contrà verò melancholica & pituitosa, humida, obesa, cute densa adstrictaque, parum resolubilia, fame etiam indigent, vt est *aphor. 59. sect. 7.* De ætatibus illud est pronuntiaturum *aphor. 13. sect. 1. ἐμμενέουσιν.* Senes facillimè ieiunium ferre, nisi sint omnino decrepiti, postea qui constantem ætatem degunt, nullatenus adoloscetes, omnium minimè puerulos, præsertim qui inter illos sunt alacriores, *πρᾶδυνότεροι.* Quod ad Consuetudinem attinet, quantum sit illi tribuendum in victus ratione, constat tum *ex aphor. 17. sect. 1.* tum ex quotidianâ ægrorum nostrorum experienciâ, quibus ob largiorem comedendi his temporibus consuetudinem, tantum abest vt tenuem præscribere victum audeamus, quin importunâ muliercularum querelâ, plenum illis concedere sæpius etiam in acutis cogamur. Denique quod ad aëris constitutionem attinet, illa etiam in suadendo alimenti vsu multum potest vt est *aphor. 15. sect. 1. & 18.* Cibus æstate & autumnò difficillimè ferunt, hyemè facillimè, postea vere: Ex quibus omnibus licet primariam victus quantitatem instituere.

At verò ex rebus præter naturam contingit magna varietas in cibandis ægris: Hæ enim ratione sui cibos minimè suadere videntur; quoniam vt docet Hippocrates, Corpora impura quò plus nutries, eò magis lædes, & *aphor. 67. sect. 7.* Cibus febricitanti labor. Dum enim adest noxium quid & molestum, tunc natura omni conatu caloris, humorum, spirituumque copiâ, ad id conuertitur expugnandum; quæ frequenti aut copiosâ alimentorum exhibitione non est à suo instituto importunè reuocanda, sed tantum offerendum quantum sufficit ad sustentandas vires non obruendas. Vnde Hippocrates *aphor. 7. sect. 1.* Victus pro morbi grauitate & leuitate plenior aut tenuior instituendus. *Et 4. sect. 1.* In diuturnis morbis plenum aut saltem mediocrem vult esse victum, in acutis tenuem & tenuissimum. Oportet enim, *addit ille, 9. sect. 1.* Coniungere, numque possit cum victu quem præscribis, ad statum vsque perdurare, & numquid ille prius deficiat, nec cum illo victu durare queat, aut morbus antea deficiat & remittatur. Quibus itaque *1. aphor. 9.* statim vigo futurus est hos statim tenuiter cibare oportet: Quibus autem postea futurus est, ijs & in ipso vigore & paulò ante subtrahendum est: Priore verò tempore cibandum plenius, vt æger viribus integris eò vsque peruenire possit.

Ecce quomodo Hippocrates ex consideratione celeritatis aut tarditatis morbi, plenioris morbis longis victum, tenuiorem acutis præscribit: Ratione verò quatuor vniversalium temporum, victum auget minuitque. *in πρᾶδυνότεροι.* inquit Galenus,

Galenus, sensim & paulatim. Nam quia sani pleno vtuntur victu, vbi primum laborare incipiunt, non statim illis omnimodam & triduanam inedia præscribit, vt diatritarij illi olim, sed in principio paulò plenius nutrit, in augmento minuit habita ratione longitudinis aut propinquitatis status, in quo propositum habet tenuissimè nutrire, tum quia eo tempore Natura critica vacuationi intenta, post factam coctionem non est obruenda cibus: tum etiam quia violentissimis symptomatis perturbata, non potest tunc incumbere copiosorum alimentorum coctioni: satis est igitur vt perdurare possit. Facta demum crisi perfectâ vel imperfectâ, & succedente declinatione, tunc etiam paulatim augendus erit cibus, & æger forabilibus aliisque idoneis alimentis reficiendus, donec ad integram peruenerit *ἀνρὸς ἰσχυρῶς*, & tunc ad consuetam alimoniam reuocandus.

Atque hic est modus cibandi ægros Hippocraticus, ratione temporum vniuersalium in acutis: Ratione verò particularium, id est, accessionis siue exacerbationis, aut paroxysmi, remissionis siue intermissionis, deprehendit & constituit horam exhibendi alimenti. (Accessiones subintrantes magnum hinc faciunt negotium.)

Vt enim scias per aphor. 17. sect. 1. Quibus semel aut bis, quibus plura aut pauciora, vel particulatim offerenda sint, animaduertere oportet particularia hæc morborum tempora. *Aphorismo enim 11. & 19. sect. 1.* In accessionibus & exacerbationibus cibos exhibere nocet. & lib. de Humor. Quicumque per circuitus vel paroxysmos affligunt morbi, in illis à cibo abstinere oportet. Quod clariùs expressit lib. de Vict. in acut. οὐχ ὅταν οἱ πόδες ψυχροὶ εἶναι, ἀλλ' ὅταν ἡ θερμότης αἰσθῆται τὰς πόδας, non cum pedes frigidi sunt, est cibandum, sed cum caliditas iam inuasit pedes & exteriora. Et in summâ, inquit, intensiōne nunquam exhibendus cibus, sed remissio eligenda. Imò etiam instante paroxysmo, ventriculus cibo vacuus esse debet. Concludamus igitur ex his Quantitatem ciborum in ægris esse debere pro modo virium & naturæ particularis, vt scil. tantum vnâ vice exhibeatur, quantum & faciliè confici possit à calore nativo, & virtuti tuendæ sufficiat. Quod si vnâ aut duabus in die vicibus præstare non possis, partitis id potius iteratisque cibationibus fiat, pro naturâ ægri & consuetudine, pluribus vel paucioribus. Quantitas autem minor sit in acutis quàm in longis morbis; in statu, quàm in alijs temporibus; tuncque offeratur cibus, quando potissimum est intermissio febris vel remissio in continuis, aut saltem sub ipsam declinationem paroxysmi. Atque hæc sunt ex meris Hippocraticis fontibus hausta & vtiliter tradita, libro potissimum quem inscripsit de victus ratione in acutis.

Dubia de Victu ægrorum.

Quia tamen grauissima adhuc dubia in præcedentem doctrinam adduci solent, ad elucidationem illius conferentia: Ideò paucis agendum de illis, antequàm huic capiti finem imponamus. Quanta enim in victus ratione præscribenda; propter varias ægrorum naturas cura sit adhibenda, quantumque illi sit incumbendum, luculenter docuit Galenus sub finem comment. 1. de vict. in acut. Primò itaque dubitatur, Meliusne sit in victu ægrorum acutis morbis laborantium vergere versùs paulò pleniorē vel tenuiorē. Secundò, An semper paratū sit nutriendum in statu seu vigore morbi, quàm in principio. Denique An in intermittētibz qui per paroxysmos repetunt, nunquam sit exhibendus cibus incipiente vel vigente accessione, sed semper declinatio sit expectanda. Quod ad primum attinet, ortum videtur ex contrarijs Hippocratis auctoritatibus, qui lib. aphor. sæpe citato expressis verbis docet. Tenuem victum & exquisitum, periculosum esse, & in eo magis delinquere ægrotantes, quàm in paulò pleniorē pronunciauit, aphor. 5. sect. 1. Quandoquidem tenuior iusto victus resolutionem facit virium in propriâ suâ substantiâ: plenior autem tantum prorogat morbum, & aggrauat, non dissipat vires; Hinc idem Hippocrates in Epidem. Herodicum ridet, ægros fame execrantem, Galenus diatritarios explodit. Vtique illud experiētiâ confirmetur, nunquam grauidas tenui sed pleno victu nutrimus, nec febre pestilenti aut syncopali correptos. At lib. 2. de rat. vict. in ac. Hippocrates contrarium voluisse videtur, ex ipsius Galeni interpretatione in exhibendo scil. cibo potius procedendum esse ad id quod minus, quàm ad id quod magis.

In componendis igitur contrarijs istis locis & rationibus sciendum est, vt

prius dicebamus ; aliud esse in victu ægrorum instituendo , virium custodiam respicere ; aliud verò morbi ipsius & causarum sublationem ; Nam vires si firmæ sint , reliquaque naturalia coquendis cibis idonea ; ratione sui victum eumque pleniorē suadere videntur : Morbus contra & reliqua præter naturam , non solum tenuem victum , sed tenuissimum , & quandoque omnimodam exposcunt inediā , vt calor natiuus totus humorum expulsionī incumbat.

Respectu itaque virium bene dixit Hippocrates *in aphorismis* , facilius delinqui in tenui victu , quàm in pleniorē , & bene ridet Herodicum , inediā vires ægrorum absorbentem ; Et grauidas laborantes , aliōsque pestilenti febre aut syncopali correptos pleno victu nutrimus , habitā semper ratione conseruationis , & virium quæ primarium locum obtinent. At verò morbi respectu , maius est periculum in pleno victu quàm in tenui , quod secunda innuebat authoritas. Nam quod minus est faciliē emendatur , si collabuntur vires , additione cibi conuenientis. Quod verò magis est in cibo , incrementum adfert morbo , naturamque ab institutā coctione vel expulsionē reuocat ; nec ita faciliē tollitur purgatione in acutis. Vnde grauidis morbo acuto correptis , tantum imminet periculum , quia dum pleno cogimur vti victu , causam morbi morbumque augemus , & naturam impedimus , ne vtrumque alacriter expugnare valeat. Ex his igitur inuicem comparatis , viribus scil. & Morbo , oportet quantitatem victus eligere , quæ & illis sustentandis par sit , & morbi curationem non impediat. Quod si in aliquo peccandum sit , præferenda erit indicatio , quæ à virium conseruatione desumitur.

Quod ad secundum attinet dubium : Quamuis prius dixerimus cum Hippocrate , paulò pleniorē victu vtendum esse in principio & augmento , & ita temperato ; vt æger quando ad vigorem peruenerit , tenuissimo vti possit , non collabentibus viribus. Et illud verissimum sit si regulam diætandi vniuersalem spectes : Recipit tamen non paucas exceptiones , neque inutiles. Nam si vires v. g. statim in principio sint valde infirmæ , non videntur pleniorē victum ex solidis scil. admittere posse. Si magna tunc temporis pituitæ & aliorum crudorum succorum aut excrementorū saburra , vt in gulosis & cæteris hominibus stabuletur , parcendū tunc copioso victui , & tenui potius atque attenuante vtendum. Si morbus etiam sit incognitus , in principio minuit diætā , aut potius inediā præcipit Auicennas , quò morbi motus & colluctatio cum naturā facilius innotescat. (Hoc expressit Celsus *lib. 2. cap. 26.* Initia morborum famem & sitim desiderant.) Denique in pleuritide reliquisque inflammationibus à fluxu sanguinis fientibus , imperamus tenuissimum in principio victum , vt sic partes proprio genio & alimonia defraudatæ , sanguinem sibi vicinum retineant , & fluxionem à parte morbosā auertant , ex *Hippocr. 1. acut. 25.* Circa statum verò morborum istorum copiosius alimus , tum quòd fluxionis eo tempore nullus metus , tum quia apparente tunc sputo , eget natura viribus ad ἀνακαθάριον , & puris per sputa excretionem perficiendam : Alimentis verò minùs grauantur ægri isti in statu , quia in thorace subsistens morbus , naturales ventriculi hepatisque functiones minùs impedire potest. His absentibus conditionibus , & ratione concoctionis expulsionisque humorum morbificorum , quæ in statu perficiuntur , certum est in statu respectu aliorum temporum , tenuissimo victu vtendum esse.

De tertio autem dubio hoc tantum dicemus ; Incipientibus & vigentibus paroxysmis , ratione motus & conatus naturæ , nunquam esse alendum , quia sic auertitur , & ciborum coctione retardatur : At verò ratione aliquando virium prostratarum , ratione temperamenti & habitus sicci , ac valde resolubilis : ratione humorum malignorum & infestorum cordi aut ventriculo , cuius orificium in plurimis infirmissimum & acerrimi est sensus : sæpe cogi Medicum exemplo ipsius Galeni , vini vel aquæ potu , aut etiam aliquando iusculo vel alio forbili cibo , ægri labantes vires reparare , vel imminentem hecticam consumptionemque corporis , exhibitis eiusmodi alimentis sub principium aut vigorem accessionis præcanere , quanquam regulari & methodicā curandi lege illud sit prohibitum. Atque hæc de primā operis nostri parte sufficiant , quā generalem Indicationum doctrinam breuiter complexi sumus.

S E C V N D A P A R S

De Indicationibus Curatiuis in Specie.

C A P V T I.

*De Indicationibus Curatiuis in Morbo Similiari
seu Intemperie.*

GENERALI cuiusvis rei cognitione ad specificam descendendum esse, ab hac ad infimam docet Analytica methodus, quam nos in therapeuticarum indicationum explicatione consecramur. Cum igitur priore operis nostri parte, vniuersalem illarum doctrinam simus abunde persecuti, reliquum est vt nunc particularem cuiusque speciei morbificæ Indicationum rationem inueniamus. Quæ cognitâ facile erit ad infimam quamque & indiuiduam peruenire. Si vnica esset omnium morborum species, inquit Hippocrates lib. 2. de nat. hum. vnica etiam esset curandi omnium morborum ratio, ex eisdem indicationibus petita: ὅτε δὲ πολλὰ μὲν ἰδέαι τῶν νοσημάτων, πολλὴ δὲ ἡ ἰνέσις αὐτῶν ἐστὶ. Vt verò plures eorum species, ita varia curandi ratio. Porro ex Pathologiâ constat, tria esse prima morborum genera, similiarium, organicorum, & communium, quorum variæ sunt subiectæ species, & multiplices causæ: totidem igitur erunt huius nostræ tractationis 2. capita, quorum primum inquiret Indicationes in morbo similiari seu intemperie cognitu necessarias. Secundum indicationes morbi organici. Tertium verò indicationes morbi communis siue solutionis continui.

Intemperies igitur siue similis morbus, vt ab eo exordiamur, cum nihil sit aliud, quam dispositio præter naturam actiones simplicium partium primo & per se lædens, quæ conuenienti primarum qualitatum mixtionē & temperamento perficiuntur: Quot esse poterunt ab hac qualitatum *ἐνπαθεία* excessus, tot etiam erunt similis morbi differentiæ siue species, octo nimirum: Quatuor simplices, ex vnius qualitatē exuperantiâ Caloris, frigoris, humiditatis & siccitatis: Quatuor compositi ex combinatione possibili duarum qualitatum excedentium, caloris cum humiditate, caloris cum siccitate, frigoris cum humiditate, frigoris cum siccitate. Rursus hæ omnes intemperies, vel sunt in toto corpore, vel in vnâ tantum parte aut pluribus, idque æqualiter aut inæqualiter: vel sunt fientes à causa sua externa, aut interna generante, augente, vel conseruante adhuc pendentes: aut factæ, id est, *διακρινόμεναι* & stabilitatem eam consecutæ, vt sine causæ suæ præsentia deinceps subsistere possint, hæc seu permanentes vocant Medici. Denique coniunctæ sunt humoris alicuius vitio, vel sine humoris concursu subsistunt, Materiales & Imateriales dictæ.

Quæ cum sint species & differentiæ morborum similiarium præcipuæ à Gale-
no assignatæ, & ex cognitione pathologicâ reperendæ, videndum quid ista ad
θεραπευτικὴν methodicam, inuentionemque indicationum in eiusmodi morbis con-
ferre possint. Primò cum res sint præter naturam actionibus corporis infestæ, sui
sublationem generaliter suadent, idque per contrarium appropriatum, seu propor-
tionatum, vt vocant, sitie formâ & denominatione, seu effectū tale existat. Illius
igitur qualitas ex contraria excessui qualitate petetur, frigidaque calido, humida
siccò, & sic de reliquis opponetur. Quantitas gradus & molis, æstimabitur ex in-
tensione & extensione affectus: Quò enim intemperies pluribus superabit nume-
ris membri affecti natiuam temperiem, vel plures occupabit illius partes, eò etiam
auctiori vel remissiori gradu, maiore aut minore remedij copiâ expugnabitur. Id-
que vnâ vel pluribus vicibus, hac vel illâ formâ, certo ordine, loco, & tempore,

proiit ex Indicationibus & Coindicationibus vniuersalibus erit repetendum.

Verum cum legitima curandi methodus & potissima indicatio à causa petatur, vt nos docuimus, vult Galenus vt in curatione intemperiei rationem habeamus potissimum fientis & factæ: (futura enim cum nondum sit actu, ad *προφύλαξιν* potius quam *θεράπειαν* pertinet) factamque & sine causa subsistentem solis alterantibus, quæ dispositionem ipsam respiciant, oppugnemus: fientem verò & à causa pendente ita profligemus, vt vnquamque prius quæ efficit causam rescindamus; deinde ad eam quæ ab eadem causa facta est, ægritudinem, si adhuc subsistat, accedamus. Præterea cum hæ causæ vel internæ sint vel externæ: Externæ quidem aut necessariae, aut non necessariae: Non necessariarum rationem habere ars non potest, nisi quatenus ex euentu factæ iam sunt necessariae, vt quando inflictum est vulnus telo, glande, & similibus, siquid horum intra partem manserit, sui remotionem per convenientia organa suadet. Necessaryarum verò quæ sex rebus non naturalibus dictis continentur, rationem habere potest, tum quia procatactica illæ causæ ad interioris cognitionem faciunt, quod sint neutrae & adia-phoræ, salubres & sanitatis conseruatrices bene vtenti: Insalubres & morbi effectiua, male vtenti. Illarum enim vsum tollendo aut immutando efficiet, vt quod morbum modò intulerat, nunc eiusdem iuuat expugnationem. Vbi enim aëris, alimentorum, somni vigiliæ, exercitationum, excretorum retentorum, animique pathematum vitio, aliqua intemperies inflicta fuerit corpori: contrariâ earundem constitutione efficiet, vt introductus ab eisdem excessus corrigatur.

Habitâ sic exterioris seu procatacticae causæ ratione, ad interiorē velut præcipuum rei istius cardinem erit accedendum: quæ vel est incorporea & qualitatiua tantum, vt loquuntur: Vel corporea & materialis in humore, vapore, aut spiritu interno posita. Rursum si corporea sit & materialis, vel stat sub naturâ causarum antecedentium & mediatarum, vel est propinqua & continens effectus causa, quam congestio & *κυμαθροισμός* partis proprius coaceruauit, aut *ρευματισμός*, fluxio alienæ materiæ in partem inuexit. Denique causa illa materialis, aut solâ suâ mole, pondere, & quantitate noxia est, quod plethoram ad vasa & ad vires appellant, vel etiam cum quantitate vitiosa coniuncta est, quæ immoderantiam suâ cacochymia infert.

Ecce quomodo ex horum omnium cognitione, Indicationes curatorias ad Intemperierum *θεράπειαν* necessarias eliciemus. Primò enim dictum est, quid circa externas causas sit præstandum: Circa internas verò, siquidem immateriales sint, patet eisdem tolli remedijs, quibus ipsæ intemperies, nempe alterantibus proprijs. Si verò materiales in humore, vapore, aut spiritu positæ, quia motu, quantitate, & qualitate peccare possunt: Ideò præpostero motui alter est opponendus, qui in aduersum trahat, aut ad propinqua deriuat ruentem materiam: Quantitati verò seu repletioni inanitio, vacuatioque conueniens debetur; vt qualitati vitiosæ contraria alteratio. Quicunque igitur rectas vacuationis, reuulsionis, & deriuationis leges, alterandique rationem tenuerit; is omnes Intemperierum curandarum indicationes necessarias & scopos assequetur ex Galeni sententiâ *hoc nostro libro*, quæ ideò à nobis sunt paucis explicanda.

Neque nos moueat quorundam opinio, qui præter intemperies à Galeno assignatas, noua morborum genera in similaribus partibus commenti sunt, materiæ scil. & Formæ: Siue enim admittendi sint eiusmodi morbi, siue non sint, vt in pathologiâ probauimus: nihil methodum hanc nostram augere vel immutare possunt. Etenim excessus secundarum qualitatum, quos illi materiæ ascribunt, non alijs curantur remedijs, quàm alterantibus & vacuantibus: Molle enim præter naturam, aut durum; laxum aut adstrictum; tenue aut crassum; rarum aut densum: cum ex humorum in nobis vacuitate aut repletionē, variæque primarum qualitatum constitutione pendeant, quid aliud quàm prædicta remediorum genera indicare poterunt? Eodem modo affectus qui sequuntur occultam magis & cæcam temperamenti corruptionem, quos illi formæ tribuunt: Vel nullas præberit curatorias indicationes, quæ ex rei omnino abditæ, vt illi volunt, notitiâ proficiscantur, sed solâ experiētiâ, aut analogismo curantur: Vel potius cum sint iuncti magnis intemperiebus, iisque materialibus, tum vacuationem tum alterationem conuenientem indicabunt: Manifestam quidem intemperiem apertis qualitatum viribus: Occultam verò & deleteriam, alexiterijs expugnando, communibus; si adhuc res sit noua: Vel proprijs, vbi primùm reperta fuerint

Nos igitur ad rem ipsam aggrediamur, primoque de vacuantibus generatim agamus, 2. de reuulsione, deriuatione, & particulari vacuatione 3. de alteratione, quæ sub se complectetur corporis humorumque purgandorum præparationem, concoctionem, & corroborationem. Quæ omnia non solum nobis sunt futura vsui in morbis similaribus, sed etiam in quibuscumque, quos humorum excedens qualitas, aut quantitas, vitiosaque fluxio aut congestio pepererint, ut obstructionibus præter naturam, vlceribus, & similibus, de quibus suo loco acturi sumus.



CAPVT II.

De Vacuatione in genere, & Vacuantibus.

S legitimum cuiusque morbi curationem instituet, qui accuratam causarum in quibusque notitiam habuerit, utpote ex quâ indicationis præcipua vis est repetenda. Hæ vero in morbis similaribus cum materia iunctis, ad duas potissimum reducuntur, plethoram scilicet & cacochymiam: Illam quidem ad vasa & ad vires dicunt, quando scilicet absque vilo sensibili qualitatis vitio, tanta exuperat laudabilis succi copia, ut vasorum maxima distentio metum ruptionis inferat, ut in habitu Athletico; vel saltem ea copia redundat, quam natura visque corporis amplius sine noxa ferre non possit. Hanc vero nempe cacochymiam, duplicem etiam faciunt, vnam quidem quam in vnius vel plurium vitiosorum humorum excessu constituunt: Aliam vero quam cacochymiam plethoricam appellant, quasi mixtum ex vtraque exuperantia qualitatis & quantitatis vitium. Rursum plethora maximè in venoso arteriosoque genere subsistit, nisi aliquando in partem aliquam irrumpens, tumorem præter naturam & particularem plethoram producat: Quemadmodum cacochymia plethorica vniuersum corpus inuadere solet. Aliàs vero simplex cacochymia, modò in prima corporis regione stabulatur, quam ventriculo, liene, pancreate, mesenterio, cauis hepatis, intestinis, totaque vena porta circumscribunt: Modò secundam occupat, quæ gibba hepatis, totam venam cauiam, partesque inter alas & inguina fitas complectitur. Aliquando in tertia potissimum residet, quæ caput, extremitates, musculorum genus, totamque cutim & habitum exteriorem respicit. Hippocrates aliquando totum corpus in duas tantum partitur regiones, Superiorem scilicet & inferiorem: Vnde illi biliosus, τὰ ἄνω, pituitosus τὰ κάτω dicitur, & similiter, quibus hic vel ille humor sursum aut deorsum magis repit.

Vbiuis autem subsistant plethora & cacochymia, velut causæ morbificæ sui sublationem suadent, idque per opposita, effectu scilicet talia, quia non dantur quæ denominatione eis sint contraria; materiam enim morbificam educendo contrariam illis dispositionem introducent. Apranda ergo cuius propria vacuantia, quæ velut genus generi sint opposita. Ut igitur duæ sunt primæ potissimæque humoralium morborum causæ internæ, plethora & cacochymia: Sic etiam duo illis opponuntur vacuantium remediorum genera, phlebotomia scilicet & purgatio: Ideo magna & præcipua remedia Medicis dicta, quod duabus his magnis præcipuisque vñtatis morborum causis aduersentur. Phlebotomia vasorum repletionem exhauriendo, Purgatio vitiosos è corpore succos educendo. Phlebotomiæ autem vices aliquando explere possunt Arteriotomia, scarificationes, cucurbitæ, hiru- dines, mensium in mulierculis, aut hæmorrhoidum internarum externarumque prouocatio: Quamuis enim venosi generis repletionem statim & plena manu non exhauriant, possunt tamen consecutione quadam & vacui fuga, humorem ab illis partibus transferre & sensim vacuare, ut omnibus patet.

Purgatio etiam non solum varias vitiosorum humorum species respicit, vnde cathartica ὀδραγωγὰ, φλεγμαγωγὰ, μελαναγωγὰ, & χολαγωγὰ dicuntur, sed etiam hanc vel illam corporis regionem. Nam ut purgantium alia vomitoria, alia verò deiectoria dicuntur, prout supernam magis vel infernam cient vacuationem: Sic pro ratione & vi operandi, in benigna, mediocria, & violenta scernuntur, quorum prima saburram inferioris ventris, Eccoprotica dicta primasque tantum fæces expurgare valent. Secunda illuiem secundæ regionis allicere in aluum & vacuare

possunt. Vltima verò potentissima scil. pharmaca omnem cacochymiam è distantissimis quibusque partibus euocare & excludere valent. Cathartici verò quæ per os assumuntur, subsidiariam adferunt operam glandes, clysteres varij, mollientes, tergentes, & trahentes. Illaque medicamenta ἐπόμψαλα dicta, quæ ex cucumeris asinini succo cum melle aut similibus confecta, & vmbilico admota, puerorum aliorumque cætera remedia recusantium, aluos sollicitare & expurgare possunt.

Vtque hæc omnia purgantia vacuationem faciunt per os aut per anum, regias scil. & communes corporis nostri vias: Sic etiam alia sunt quæ reliquas corporis partes per proprios ductus expurgant. Diuretica enim vrinam, hæmorrhoidas, aut menses prouocantia, secundam commodissimè vacuant; tertiam verò sudorificæ poriones, laconica, stuphæ, balnea, frictiones, & cætera huiusmodi, quæ per insensibilem transpirationem, aut sudoris prouocationem, humores resolvere solent. Si autem humor aliquis cuti externoque habitui nimium adhærescat, cucurbitulis, scarificatû, admotis hirudinibus, dropacibus, phænigmis, vesicatoriis, causticis, setonibus, & fontanellis erit extirpandus. Quod si pars ipsa affecta proprios habeat meatûs illi etiam erunt sollicitandi ad particularem vacuationem, vt in capitis affectibus errhina & apophlegmatismos siue masticatoria vsurpamus. In pulmonum & thoracis morbis, bechica, seu sputum prouocantia, & sic de reliquis.

Ecce genera omnium vacuantium expurgantiumque plethoram & cacochymiam, vniuersalem & particularem: Quibus verò, qualibus, quantis, quâ formâ, quo tempore, loco, ordine, & aliis circumstantiis id perfici debeat, non est propositum nunc persequi, tum ne in immensum crescat hoc Indicationum opus, tum quod phlebotomiæ, purgationis, cucurbitularum, & similium leges indicationesque particulares non solum ab Hippocrate & Galeno sunt accuratè traditæ, sed etiam à recentioribus multis vt Fernelio auctæ & illustratæ, ex quibus illas repetere licebit: Et nos iam ex parte illorum doctrinam absoluimus in formulis remedium exteriorum interiorumque. Quare ad reliqua tractationis nostræ capita accedamus.



C A P V T III.

De Reuulsione, Deriuatione, & particulari vacuatione.



A omnia quæ simpliciter vacuare diximus, ad Reuulsionem, Deriuationem, & particularem vacuationem faciunt, sed in modo differunt: Vt enim Vacuatio generaliter sumpta, quantitatem humoris in toto peccantis potissimum respicit; Sic istæ Motum & quietem humoris præter naturam, qui vel adhuc fluit in aliquam partem reuulsione & deriuatione compescendus; Vel iam fluxit & parti impactus est, aut per *ὑπαρξισμὸν* ibidem congestus, Vacuatione particulari per ipsam scil. partem educendus. Porro non solum fluxiones quæ in certam aliquam partem, vt hepar, pulmones, vesicam, &c. feruntur, & intra corpus remanent, reuulsione deriuationeque indigent, sed etiam illæ quæ extra corpus feruntur, si præter naturæ modum & symptomaticè fiant: fluentem enim nimiam copiam ex naribus, vtero vel ano sanguinem, non solum appositâ mammis aut hypochondriis cucurbitulam retrahimus, sed etiam sectâ in contrarium venâ, educitque sanguine coercemus. Et præter nouas recentisque fluxiones, quibus propriè debetur ἀνίστασις antiquas etiam rebellésque reuelli-mus, vt assuescat paulatim natura mittendis aliò retrahendisque à parte affecta humoribus. Denique reuulsiones istæ, deriuationes & particulares vacuationes fiunt, tum illis quæ sensibiliter materiam aliquam è corpore educunt, vt phlebotomiâ, arteriotomiâ, scarificationibus, vomitu, deiectione, sudorum, vrinarum, mensium, hæmorrhoidum prouocatione, causticis siue fontanellis vulgò dictis, setonibus, vesicatoriis, ferro candente & secante: sed etiam eis quæ humores insensibiliter resolverunt, aut certè è toto corpore non educunt, sed in aliam tantum partem transferunt, vt cucurbitulis, frictionibus, ligaturis dolorificis, dropacibus, phænigmis, setonibus, & similibus epipasticis: Quæ in corpore plethorico aut cacochymo non sunt tentanda, quin prius vniuersum corpus vacuantia & præparantia præcesserint, ne humores vi remedium attracti, nimia in aliquam partem ruant copia,

copia, au certè ne exagitari nimum, inflammationem concipiant.

Dicamus igitur Reuulsionem esse tractionem fluentis vel fluxuri humoris ad opposita distantissima, habità fluxus originis, rectitudinis, & communitaris vasorum ratione. Hæc definitio vt intelligatur, sciendum est; Reuulsionem dici tractionem, quia sub motu locali posita est; & esse tractionem non veram, sed æquiuocam, quia phlebotomia v. g. aut ligaturæ in contrarium adhibita non trahunt fluentem humorem propriè, sed natura vi doloris aut agitationis excitata in partem oppositam, velut de nouo afflictam cursum humoris reflectit. Dicitur etiam tractio fluentis aut fluxuri humoris, quoniam quieti, & in toto vel aliquâ parte subsistentes, vacuationem potius quàm reuulsionem suadent, vt diximus, nisi sit prophylactica, id est, præcautionis ergo ipsa reuulsio exerceatur, quæ anticipet fluxuri humoris impetum. Denique dicitur ad opposita distantissima exerceri habità fluxus originis, rectitudinis, & communitaris vasorum ratione; quæ omnia explicatione indigent. Illa enim oppositio & distantia, magnam inter medicos Græcos & Arabas controuersiam attulit. Hippocrates lib. de humor. vnicam tantum oppositionem agnouisse videtur, dum ait, Reuulsionem fieri ex superioribus ad inferiora, ex inferioribus ad superiora. Galenus verò comment. ad aphor. 68. sect. 5. & lib. 5. meth. cap. 3. tres tantum recensuit. Libro autem proprio de Reuulsione, quatuor enumerauit, ab inferioribus scil. ad superiora, & contrà; à dextris ad sinistra, & contrà; ab internis ad externa, & contrà. Auicennas quatuor constituit corporis diametros inter quas vult illam primùm in reuulsione eligendam, in quâ maxima reperitur distantia, vt motus motui magis opponatur, v. g. in pleuritide primò venam malleoli eiusdem lateris secatur, secundùm diametrum distantissimam longitudinis: deinde venam brachij oppositi secundùm diametrum latitudinis: demum ab eodem brachio sanguinem educit deriuationis vacuationisque particularis gratiâ. At verò Græcorum præstantissimi, istas diametros non agnoscunt, sed potius quadras ipsius corporis faciunt: vtque partes quædam sunt mediæ, v. g. hepar, lien, renes, mesenterium; sic etiam quatuor sunt corporis quadræ, superiores duæ, totidem inferiores, quarum vnâ non excedunt in reuulsione, si fieri possit, propter vasorum consensum & communitatem quandam, quam in istis potissimum quadris agnoscunt. Fluente ergo v. g. sanguine immoderato ex dextra nare dextri brachij cephalicam aperiunt ad reuulsionem; non sinistri, quia sic periret rectitudo; Non dextri malleoli, quia sic periret vasorum communitas; multò minus sinistri, quia tum rectitudo, tum communitas ad reuellendum necessariæ omitterentur. In eadem itaque quadra subsistentes, vnâ oppositionum prædictarum obseruant, in eaque, quantum fieri potest per corporis & vasorum constitutionem, distantiam maximam. In partibus autem medijs tam per superiorem quàm per inferiorem regionem, seruata tamen rectitudine, reuellunt, vt hepate, liene, aut renibus inflammatis venam in cubito & poplite aperiunt.

Hæc autem omnia fiunt, quando terminus à quo, ipsius scilicet fluxionis certa origo ignoratur: Illâ enim cognitâ, reuulsio ei erit perpetuò opponenda potius quàm motui humoris, aut parti recipienti, quæ est terminus ad quem: v. g. Ponamus à liene per venas proprias sanguinem in dextrum renem ferri, idque Medico esse cognitum, tunc ratione ipsius fluxus originis, neglecta quadra & rectitudine, venam cubiti sinistri secabimus, vel cucurbitulas & scarificationes sinistri lateris instituemus, vt ab ipso fluxionis ortu in oppositum commodissime reuellant: Sed quia fluxionis vt plurimum origo incomperta est, ideo Medici maluerunt in stabiliendis reuulsionis legibus, eorum quæ plurimum in arte contingunt, rationem habere, & habito respectu partis suscipientis, quæ semper nota est in reuulsione, contrarietatis, distantia, rectitudinis, & communitaris vasorum meminisse.

Porro an Arabum Medicorum sententia aliorum placitis sit præferenda, ex interpretatione rectitudinis illius & communitaris vasorum, quas vtrique in reuulsione obseruandas esse volunt, facile intelligetur. Hippocrates noster rectitudinem aliquando, ἴσιν, aliquando εὐδίᾳ appellat, & ὁμοῦς ἴσιν opponit in Coacis τῷ ἀνὰ πάλιν. Hæmorrhagia, inquit, quæ hypochondrijs inflammatis superuenit, bona est, si è directo fiat, mala verò si è diuerso. Et ὁ Epidem. per rectitudinem sunt morborum per mutationes, & crises, & abscessus. Liene igitur inflammato narem sinistram καὶ ἴσιν fluere bonum, dextram verò ἀνὰ πάλιν, non est bonum. Galenus κατ' ἰσότητα, &

ἔκ καὶ ἐνθυσιάν interpretatur, quamvis *comment. 1. in lib. de vict. rat. in ac. ἀντι-
τλή Φορὰν* aliquando significare velit. Erotianus verò: *Ἐν γλώσσῃς*. Hippocr. ex-
plicat κατὰ Συνέχειαν. Quæ omnia ostendunt Rectitudinem apud Hippocr. duo
complecti 1. mathematicam oppositionem longitudinis in partibus vnus eius-
demque lateris, quæ est propria apud illum & frequentissima significatio, vt ex
locis citatis aliisque multis patet 2. ipsam lationem continuitatemque, quam nos
communitatem vasorum appellauimus, vt vno nomine vtramque Reuulsionis
conditionem sit complexus. Nam illa communitas nihil est aliud, quàm consen-
sus earundem venarum, vel ex eodem trunco diuicatarum, vel per orificia
quædam & ἀναστομώσεις connexarum: primæ exemplum est in venis iugularibus
cum cephalica: secundæ, in connexu mammariæ cum hypogastica; Vnde vteri
cum mammis consensus; & thoracicarum cum intercostalibus, vnde tantam pleu-
ritici opem sentiunt ex sanguinis missione, sectâ eiusdem lateris venâ.

Quod igitur in Reuulsione obseruanda sit hæc vasorum communitas satis ex
eo patet, quia humores facilius per venas communes, inuicemque connexas
fluunt refluuntque, quàm per eas quæ nihil inter se communicant cavitatibus aut
orificijs. Rectitudinem etiam esse obseruandam in reuulsione hoc solo argu-
mento confici potest, quòd cum Medicus debeat esse naturæ bene agentis imi-
tator: Natura autem in criticis & faustis vacuationibus, hanc rectitudinem
obseruet, vt frequentissimus rerum euentus, & Hippocratis aliorumque Medi-
corum testimonia declarant: Ideò etiam debet Medicus, quantum fieri potest,
hanc rectitudinem in faciendis reuulsionibus, transferendisque humoribus obser-
uare: Siue enim propter partium contiguitatem quandam in eodem latere; siue
ob naturam motus rerum calidarum spirituofarumque, qui potius fit in rectum,
quàm ad latera: sen: ob villos venarum rectos, quod Fernelius voluit: Vel etiam
meatus oblongos, quos natura in eodem latere ad Συμπάθειαν & Δυσπάθειαν posuit;
illud contingat: Certum est fluxiones potentiùs feliciùsque illâ obseruatâ reuelli:
Quam cum Arabes in suarum diametron obseruatione, sæpius omittant, neque
fluxus originem, aut communitatem vasorum aduertant, sed solum oppositio-
nem & distantiam mathematicam, hinc fit vt frustra tot venarum sectionibus
ægros suos excrucient & parum iuuent: quod Græci, his conditionibus obserua-
tis, vnica phlebotomiâ feliciter consequuntur.

Concludamus igitur in reuulsione potissimam rationem fluxus originis esse
habendam: quæ si ignoretur, habito respectu termini ad quem seu partis fluxum
recipientis, faciendam esse reuulsionem seruata vnâ oppositionum, in quâ aderit
vasorum communitas & rectitudo, quod vt plurimum fit intra vnâ corporis
quadram: in quâ maximam ad reuellendum distantiam eligere oportet, si consti-
tutio corporis illud permiserit. Quòd si fluxionis impetus magnus sit iunctusque
dolori acerbò, suadet vt latiore propinquiorèque venam eligamus, quò citius
catarrhoë illa sistatur: Et quædam humoris portio, qui in partem illa bebatur, vnâ
eâdemque operâ vacuetur: quemadmodum contingit in pleuritide, in cuius cu-
ratione vult tantum exhaustiri sanguinis Hippocrates, donec mutatio coloris in
illo appareat, pars scil. illius qui inflammationi erat propinquus.

Quòd si natura à parte nobili ad ignobilem, cacochymiam suam eamque ve-
nenatam, aut alio modo deleteriam deponat, quemadmodum contingit in car-
bunculis, erysima, bubonibus pestilentibus & venereis, non licet tunc phlebo-
tomiam reuulsionis causâ instituere, ne scil. materia ista in partes nobiles & inter-
nas reuocetur, sed vacuationis tantum, si corpus sit valde plethoricum,

Item cum fluxio in eadem parte subsistere possit, & secundum varios illius
fusus, ab anterioribus ad posteriora, ab internis vel dextris, ad externa vel sini-
stra ferri: ideò præter vniuersalem istam est etiam quædam localis seu particula-
ris reuulsio, quæ in eadem parte exercetur, vt quando in ipso capite epiphoram
vel corryzam ex fluxione se: in oculos aut nares, per cucurbitulam, seronem, aut
causticum posterioris cervicis parti adhibitum reuocamus. In quâ eadem leges
sunt obseruandæ, quæ in vniuersali dictæ sunt; si partis ratio id ferat: Eâ tamen
conditione, vt si totum corpus plethorâ aut cacochymia teneatur, phlebotomia
aut purgatio, vel vtræque simul præcedant localem istam & *υψιῶτα*, vt loquitur
Trallianus, reuulsionem. Eodem modo instituendæ erunt cucurbitulæ, frictio-
nes, ligaturæ, reliquæque auxilia reuulsionis ergo, sed non tamen tantam cau-
tionem quantam phlebotomia exigit, in quâ potissima reuulsionum vis posita est.

Intellectâ Reuulsionis naturâ, differentiis, conditionibus, & instrumentis, facile erit Derivationis naturam explicare, quam Græci *παροχέτευσις* & *ὀχέτις* appellarunt, ducta ab iis similitudine qui ex fonte aqueductus & riuulos faciunt. Quemmodum enim illi non cursum & originem fontis intercipiunt vel transferunt, sed ex illo varios canales ad viciniora latera deducunt: Sic Medici ubi prius retractiōnem illam ad opposita, quæ Reuulsio dicitur, tentarunt, siquid adhuc supersit fluentis ad partem humoris, quod nondum illi sit impactum, per vicina parti affectæ vasa deriuant. Vnde Deriuatio nihil est aliud quàm fluentis humoris, & in propinquioribus parti venis subsistentis per vicina loca tractio. Est enim, vt ipsa Reuulsio, sub motu locali, & in eâ non oppositio & distantia, sed propinquitas potius cùm communitate vasorum requiritur, vt scil. ad deriuationem ex eodem proximo trunco oriantur, vel vicinis orificiis connectantur. Potestque & in eadem parte fieri, vt quando irrupentem in oculos aut dentes fluxionem, appposito sub auriculis vesicatorio deriuamus: Et in diuersis, vt quando inflammato vno crure alterum scarificamus. Sunt autem partes illæ vicinæ, aliæ ad latus vtrumque, aliæ subiacent, vt intestinum vtero; Aliæ incumbunt, vt vesica vtero, per quas omnes fieri potest deriuatio, dummodo vasorum adsit communitas. Notandum etiam Reuulsionis nomine aliquando abuti Galenum pro deriuatione, quando hæc in partibus paulò distantioribus exercetur, vt de cruribus dicebamus. Deinde cùm plures sint affectus qui reuulsionem deriuationi iunctam experunt, vt patet de pleuritide, in his sufficit mediam eligere distantiam quæ vtrique sufficiat, totumque remedium velut à præstantiori facta denominatione, Reuulsorium appellamus. Quod maximè in doloribus inflammationibusque partium internarum est obseruandum ex Hippocratis sententia. *lib. de locis. In dolore proximum ventrem secare*, inquit ille: Et morbi sequissimi, quâ parte proximi sunt, educendi.

Superest Vacuatio *μερίκη* particularis, quæ loci affecti peculiarem, vt dicebamus, plethoram exhaurit, reuulsionique & deriuationi succedit, vbi illarum operâ non potuit ex toto impediri *ὑστέρησις* & collectio humoris in parte suscipiente, *Ἀποχέτευσις* vocat Galenus *hoc nostro libro* dum agit de tumoribus præter naturam, & à simplici *κένωσις* distinguit. Fit autem dupliciter, vel per proprios partis meatus & canales à naturâ comparatos, vt quâdo pituitosam cerebri repletionem per nares aut palatum educimus, thoracis, aut pulmonum purulentam materiam per sputationem & asperæ arteriæ ductum: Vesicæ sordes per *ἑρπιδραν*; Vterum per illius venas & orificium; Venter per os & œsophagum; Cutim per poros, & similes expurgamus: Vel fit artificiosa medicatione, quæ aliquando insensibiliter materiam illam in vapores aut ichores attenuatam educit, vt foribus admotis, linimentis, emplastris, & similibus, attrahendi incidendique facultate præditis; Vel sensibili partis solutione, vt quando bubonem ferro aut caustico aperimus; thoracis empyema sectione inter quartam & quintam costam celebrata, educimus: Ipsam pleuriticam vomicam suppuratam foras versus, incidimus, scarificamus, aut admotis cucurbitulis elicimus: Vesicam urinâ distentam, quæ ob tumorem vel calculum canali impactum effluere nullo modo potest, sub perinæo secamus, ægrumque à morte manifesta & instante liberamus. Partem gangræna affectam & inflatam, profundis multisque scarificationibus exhaurimus. In quibus omnibus exempli causa positus, oportet Indicationes tum à morbo & causis morbificis, tum potissimum à substantia, temperamento, sensu, conformatione, connexuque partis affectæ ductas spectare: quod in praxi seu curatione singulorum affectuum diligenter est explicandum.



CAPVT IV.

De Alteratione, corporis humorumque præparatione, coctione, & corroboratione.

INTEMPERIE nihil aliud esse quàm excessum vnius aut duarum qualitatum, temperamenti totius vel partis symmetriam superantium, suprâ dictum est à nobis; Eamque aut cum humore coniunctam, vel nudam & immaterialem existere. Ex quibus oriuntur indicationes agendorum in morbis

similaribus. Simples enim illi qualitatū excessus, simplices requirunt per contrariam qualitatem alterationes, quæ possint illos ad *εὐπαθείαν* & mediocritatem reducere. Coniuncti verò humoris vitio, cum non solum alteratione indigeant, quæ qualitatem reprimat, sed etiam vacuatione quæ humores illos peccantes educat: Vacuatio autem illa siue solius naturæ operâ perficiatur, quam periodicam, aut criticam dicimus, seu artis beneficio adiutæ, quæ Purgatio vocatur, non possit feliciter obiri, nisi prius deducto humore illo in conuenientiore naturæ statum, corporisque viis & meatibus, per quos transire debet, patefactis, hinc fit vt in morbis intemperamenti ab humore pendentibus non solum simplex alteratio, sed etiam concoctio humorum purgandorum corporisque præparatio requiratur. Denique quia vi primarum qualitatū in nos immoderate agentium, non parum deiicitur robur ipsarum partium similarium, quod in caloris natui & influentis copiâ præcipue positum est: ideo relictam in illis *ἀσθενίαν* & imbecillitatem, corroborantium ope indigere, nemo est qui dubitare possit.

Alteratio igitur, Præparatio, Concoctio, & Corroboratio, in morbis intemperamenti necessariæ, & à nobis post traditas vacuationis leges hoc capite explicandæ. Quamuis enim Galenus variè hisce vtatur vel abutatur nominibus, relictâ tamen *λογιστικήν*, placuit res distinctas distinctis hisce nominibus insignire.

Alteratio igitur generaliter sumpta, quamuis genus esse videatur ad hæc omnia: quia tamen Præparatio, Concoctio, & Corroboratio, non simplicem alicuius qualitatis mutationem intendunt, sed alium habent particularem scopum, vt nos postea dicemus. Ideò Alterationem lubet ita definire: Actionem Medicam, quâ qualitatis morbosæ excessus, contrariâ qualitate adhibitâ temperatur. Siue enim excessus ille sit in parte viuente, humore, vapore, aut spiritu; tunc apud Medicos propriè alteratur, quando solam à priore intemperamento mutationem recipit. Quod artis beneficio præcipue contingit secundum omnes exuperantias quæ tum primariò tum secundariò *ἐνεργείαν* primarum qualitatū sequuntur. Caliditas enim, frigiditas, humiditas, & siccitas simplices vel combinatæ, quoties harmoniam temperamenti totius vel partis exceßerint, contrariis & adæquatis secundum gradum vel molem remediorum viribus sunt corrigendæ: Et vt inter se aduersantur, seque mutuò è subiectis expellunt; sic Medicus caliditati frigiditatem, & contrâ, humiditatem siccitati, quoties opus fuerit, opponit. Quod cum nudis qualitatibus præstare non possit, (quamuis id maximè esset optandum) certis quibusdam corporibus vtatur oportet, quibus illæ insunt actu vel potentiâ secundum formam & denominationem, vel effectum, per se vel per accidens. Ideò materiam Medicam debet habere cognitam & in sua genera distinctam, vt alterationes istas ex exercere possit conuenienter.

Siue enim ex diætâ totòque rerum nonnaturalium diætarum ordine, siue ex pharmaciâ velut potentioribus remediis alterantia ista reperantur, non solum certa illorum electio est habenda, sed etiam necessariæ præparationes & mixtiones cognoscendæ, quæ vim illorum adiuuare, & corpori nostro morbisque expugnandis conuenientiore reddere valeant. Atque vt summatim dicam Morbi calidi, frigidi, humidi & sicci, ab eis excitari solent, quæ assumuntur, quæ geruntur, quæ excernuntur vel retinentur. Ergo ab eisdem contrario modo se habentibus curabuntur: quod non est nobis propositum nunc sigillatim persequi, cum in therapiâ eiusmodi affectuum particulari doceri debeat.

Quantum etiam sit alterandum, quando, & quomodo, ex indicationum & coindicationum legibus à nobis primò positis, pro variâ corporis affecti, morbi & causarum naturâ, reliquarumque circumstantiarum statu erit repetendum. Quod non solum in coërcendis manifestarum qualitatū excessibus præstandum, sed etiam si quæ magis, cæca & abdita fuerit, intemperiei causa, contagiosa, pestilens, aut venenata, alexiteriis occultâ qualitate alterantibus erit infringenda, vel generaliter talibus & per analogiam quandam in hisce omnibus affectibus usurpatis, theriacâ, mithridatio, confectio alkermes, terrâ lemnia, Armenâ, lapidibus Bezoardicis, & similibus; Aut certâ quâdam vi longoque experientiæ euentu, confirmata aduersus peculiare quosdam affectus, & abditas causas agentibus; quod in singulis est docendum. Vt autem melius intelligatur qui euentus sequi soleant eiusmodi alterationes & actiones primarum qualitatū, in nobis sese inuicem expugnantium, relegantur diligenter Aphor. sect. 5. à decimo quinto vsque ad vigesimum sextum, & liber Hippocr. de liquidorum usu, vbi ista eleganter est persequutus. Nos autem de præparatione agamus.

Παρεσκευασία igitur siue Præparatio Medica, non simplices respicit corporis aut humorum

humorum qualitates, sed eas potissimum, quæ purgationem impedire, aut molestiorem reddere possint, circa quas corrigendas, & in meliorem statum reducendas occupatur. Imparatum autem dupliciter esse potest corpus ad purgationem, vel ratione succorum ipsorum, vel viarum. Succus enim crassitie suæ, lentore, visciditate, aut mobilitate nimia minus obsequentes sunt trahenti cathartico, naturæque expellenti. Viæ verò & meatus corporis per quos expurgari solet corporis cacoehymia, si ætiores fuerint propter *ἐμφραξιν* vel *σπύλλον*, repleta nimirum & obstructa antiquo & rebeli humore: aut coniuventes ob siccitatem, asperitatemque nimiam, impediunt transitum humoris, laboriosasque & difficiles reddunt purgationes. Verique igitur vitio, si ita contigerit, aut alterutri, (potest enim sæpe sola humoris ineptitudo, aut viarum sola oclusio negotium facessere) ante purgationem diligenter est providendum, ex consilio Hippocratis aphor. 66. §. 7. & 9. sect. 2. *Corpora cum quis purgare velit, fluida faciat oportet*: siue enim per vomitum, addit Galenus in comment. siue per alui subductionem purgare velis, feliciter id facies, tum reſeratis omnibus meatibus, tum humoribus incisis, absterſis, atque extenuatis, si quis fuerit in corpore crassus & glutinosus. Aphor. 13. §. 4. vult corpora per helleborum purganda præhumectari debere vberiore cibo & quiete: vult balneo relaxari. 6. Epidem. fomentis præparatio. 1. de morbis mulierum. Vt humectatione illa corporis meatus siccitatem omnem, asperitatem & adstrictionem amittant.

Hi igitur sunt Præparationis ad purgationem modi, qui varijs medicamentorum & alimentorum generibus perfici solent, vt in particulari purgationis tractatu docetur, & nos capite proprio de obstructione de illis rursus agemus. Nunc tantum annotasse sufficiat, cuicumque vitioso corporis succo hanc præparationem competere posse. Quamuis enim serosi biliosique humores tenuitate sua ac fluiditate quæ præditi sunt, satis idonej videantur ad purgationem sine præparatione, quia tamen perseverante aliquando diutius febre v.g. aut permixtione alterius succi siccescere & incrassari possunt: Ideo præparantibus & istas qualitates corrigentibus indigere solent. Adde quod tenuitas nimia purgationi non ita est commoda: Sicut enim palea vento agitata, huc illuc impellitur, inquit Avicennas; sic biliosus humor præ tenuitate hinc inde agitatus, non tam facile trahitur a medicamento: vel a naturâ expellitur, quam ubi mediocritatem substantiæ vel consistentiæ per leuiter incrassantia fuerit adeptus; quæ ideo etiam in hoc casu usurpare solemus. Item viarum ratione sæpe fieri potest, vt ante serosi aut biliosi humoris purgationem, præparatio sit necessaria. Denique hic annotandum præparationem istam, quæ artis & remediorum beneficio potissimum perficitur, non solum ad iuuandas purgationes, sed etiam ad concoctiones humoris morbifici promouendas usurpari: Incidentibus enim, aperientibus, detergentibus, attenuantibus, syrupis, apozematis, & similibus subactus humor morbificus, facilius a calore nostro natiuo vincitur, & ad pepasum perducitur. Vnde etiam hæc præparantia medicamenta, a Medicis concoquentia, latius sumpto vocabulo dicuntur, quia scil. ad iuuandam coctionem & humorum morbificorum maturationem faciunt. Neque solum ante coctionem, sed etiam post illam feliciter usurpantur, si natura, vel catharticum, mitificatam materiam & secretam, ob ineptitudinem viarum satis commodè expurgare nequeant. Atque hæc de Præparatione, nunc ad coctionem accedamus.

CAPUT V.

De Concoctione.



EDICVM esse imitatore & ministrum naturæ, verissimè dictum fuit ab Hippocrate. Cum enim Natura vera sit & præcipua morborum medicatrix, oportet Medicum motus illius potissimum obseruare, vt quotiescunque boni & laudabiles fuerit, eos sequatur: sin verò a conuenienti regulâ discedant, eos in melius mutare conetur. Is verò est naturæ nostræ, quæ calore natiuo velut præcipuo instrumēto vtitur in suis functionibus, quas natu-

rales vocant, exercendis ordo, vt attractum alimentum aut humorem, vel in parte aliqua contentum tamdiu retineat, quamdiu concoctricis facultatis opera subigitur, & ad immutantis similitudinem perducitur. Qua peracta mutuis retentricis & expultricis viribus, secretio eius quod laudabile est ab illaudabili contingit, vt postea quod inutile & naturæ molestum commodissime excernatur. Concoctionis ergo cuiusuis author & efficiens causa, calor est natiuus, solidis potissimum corporis nostri partibus inhærens & insitus, qui ab influente augetur & vegetatur: Cuius finis est obiectam materiam assimilare, vel suis qualitatibus immutare: Quæ cum demum formalem adepta erit concoctionis rationem, quando in conuenientiore naturæ statum fuerit deducta, quantum fieri potest pro illius naturæ & conditionibus: Ob cuius varietatem varias etiam Coctionum species Medici annotarunt in nobis.

Vulgata est enim apud Hippocratem, & Galenum πείψως & πεπασμὸς differentia: ita vt πείψωσις sit τῶν εἰσόντων, ingredientium scil. alimentorum & ad nutritionem facientium, in qua plurimum est quod nutrit, paucum quod excernitur; (*Barbari dicunt, unam esse in inuatiuo, Aliam in nocitiuo.*) Πεπασμὸς autem sit τῶν παρὰ φύσιν ἀπὸ τῶν, eorum quæ naturæ sunt dissidentia, & secretionem ad secessum indigent, in quo plurimum est quod excerni debet, paucum verò aut nullum quod nutrit. Quæ igitur, cruda dicuntur Medicis, quæcunque substantia & qualitatibus dissimilia, alterari possunt à calore nostro natiuo, & ad perfectam ὁμοίωσιν substantiæ, & qualitarum similitudinem perducì possunt, vt cibi; vel secundum qualitates ita alterari; vt mitificationem & quandam quasi maturationem suscipiant, vt sunt humores omnes excrementitij, & quicunque in nobis semel putredinem conceperint. Hinc non solum succi frigidiores, vt melancholia naturalis, serum & pituita infra sanguinem positi, siue calidiores, vt bilis flaua & atra supra illum positi dicuntur crudi, quoties naturæ modum & regimen exceßerint, sed ipse etiam sanguis, lac, semen, & quicquid aliud benignum est in corporibus nostris, quando concepta putredine factum fuerit à natura alienum. In sanguine putrescente fiunt supurationes, concurrente calore natiuo partium solidarum ad nouam alterationem; obistente verò putredinosa, pro quorum victoria & vario dominatu, pus emergit aliquando album, læue, æquale, & minimè foetidum; aliàs huic contrarium, si concepta iam corruptela præualuerit. In reliquis verò humoribus sanguineæ massæ permixtis, mitificatio ea contingit vincente natura, quæ quodammodo puri respondet, & per hypostasim illam albam, læuem & æqualem in vrinis representatur.

Vt igitur in coctione alimentorum, separatio fieri non potest excrementorum, priusquam perfectè sint assimilata. Ipsum enim ingerere, digerere, & egerere se inuicem consequuntur. Sic in pepasmo excrementorum purgatio laudabilis, vel euacuatio critica fieri non potest nisi concoctio præcesserit: Duabus potissimum de causis, 1. quia dum natura laudabile retinet, simul etiam illaudabile, nisi sit secretum, retinetur. 2. quia materiæ morbificæ iam victæ, & secundum qualitates superatæ; natura expulsionem moliens facilius dominatur.

Dicit aliquis, Tantum abest, vt Concoctio sit ad purgationem utilis & necessaria, quin potius noxia videtur & fugienda: Cum enim Concoctio, vt dictum est, fiat per assimilationem; materia illa morbifica immutata, & naturæ quodammodo similis facta retinebitur potius quàm expelletur, & minùs excretricem sollicitabit. Item cum Concoctio omnia reddat crassiora calidioraque, non compescet putredinem, sed potius augebit, intendendo calorem, & crassitiem humori maiorem inferens, morabitur illius expurgationem potius quàm iuuabit: crassorum enim difficilior vacuatio quàm tenuiorum. Verum facile est his obiectionibus respondere. Nam assimilatio illa cum non sit secundum substantiam, sed ad qualitates tantum, & secretio sequatur coctionem, Natura illud quod apponi & vniri non potest, velut inutile pondus & excrementitium quid separat, vt vel ipsa tandem expellat, vel trahenti medicamento exhibito adminiculetur. Neque augeat putredinem Concoctio, sed reprimit, temperat enim, & ad mediocritatem reducit calorem putredinosum & intensum suo illo miti & viuifico calore, qui omni cruditati aduersatur. Denique crassities illa humorum minor est quàm ante concoctionem propter separationem partium heterogenearum, & natura iuuante expulsionem, facile cedit vacuandus ille humor trahenti medicamento; quod in valde tenui non ita continget, si natura reluctetur, vel nondum humores

res vicerit. Concludendum igitur cum Hippocrate, Concocta medicanda esse, non cruda: Sunt tamen quædam cautiones adhibendæ.

Certum est enim illud naturæ relinquendum ad concoctionem, quod potest concoqui; quod verò non potest, vacuandum, priusquam illa pepasimum frustra molliatur, aut aliunde periculum immineat. Id autem contingere potest, 1. vel propter substantiam humoris coctioni ineptam; putredo enim ingens & profunda, quæ non est amplius in fieri, sed in factu, ita corrumpit illius naturam, ut mitigationis spes nulla supersit, sed quamprimum eiusmodi putrefacta materia qualibet arte remouenda, ut est conspicuum in pestilentibus febribus in quibus natura ob immensam putredinem, coctionem ne quidem aggredi audet. 2. Vel propter quantitatem nimiam. Ut enim flamma copiosiore oleo affuso extinguitur. Sic calor natiuus nimia humorum mole oppressus suffocatur; neque eorum coctionem moliri potest. Vnde in principiis morborum solemus phlebotomiâ aut minorante medicamento portionem materiæ redundantis auferre, quo facilius reliquam vincere & concoquere possit. 3. Vel propter adiunctam humori malignam quandam & deleteriam qualitatem, venenatam videl. aut pestilentem, ob quam natura non audet aggredi illius coctionem; quemadmodum videre est in eiusmodi affectibus, per quos ægri apparentibus signis coctionis in vrinâ frequentissime moriuntur. 4. Vel propter præposterum materiæ motum feritate quadam & *ὀργασμῷ* præditum, quod Hippocrates turgere vocat, ut contingit sæpius bilioso humori, cuius purgationem ideò in principiis morborum suadet, ne in partem quandam nobilem raptus, grauius ibi periculum priori ingeneret. 5. Denique propter illius situm, quando videl. humores isti sunt secreti & sinceri in primis vijs, ut ventriculo, intestinis, vesiculâ fellis, liene, mesenterio, totâque venæ portæ circumferentia: Vnde possunt facile exhibitò medicamento expelli, si meatuum adsit libertas, non expectatâ coctione, quæ illis potissimum debetur, qui vel toti massæ sanguinariæ permixti sunt, vel in partem aliquam impacti.


Porro diximus, Concoctionem potissimum vi caloris natiui fieri: Alterationem verò & præparationem, medicamentorum beneficio. Quamuis enim alterantia & præparantia iuuent coctionem, non tamen coquunt propriè, sed per accidens tantum, fractis aut mutatis qualitatibus illis humorum, quæ calori nostro negotium faceffere poterant. Ut igitur ad concoctionem debet Medicus vacuantibus, alterantibus & præparantibus uti, quæ variantur pro diuersa humoris coquendi naturæ, sic potissimum calorem natiuum illius authorem iuuare. Hoc autem dupliciter fieri potest, vel augendo illius substantiam, quæ in humido benigno & spirituofo posita est, Vel illum fouendo tantum, & eius dissipationem impediendo. Ut enim coctiones alimentorum blando iuuantur calore exterius admoto; linteolis v. g. calentibus, manu, catello viuente, fomentis & similibus. Sic puris confectio in phlegmone manifestè iuuatur similibus temperatis, anodynis, calidis humidisque, emplasticis, pultibus, & alijs quæ calorem augent partis, illius poros obturant, & impediunt effluxum calidi illius natiui: In interiori verò putredine, ut per febres continuas, quamuis non liceat emplasticis & calidis exterius uti, ne videl. auferatur difflatio corporis, & ventilatio vaporum qui intus suscitari solent: Vnde metus esset maioris inflammationis: Licet tamen ex Galeni sententiâ, *lib. de const. artis*, Et *1. Epidem.* quiete moderatâ, tum ingestis alimentis lenientibus, temperatis aut modicè calfacientibus, humectantibusque, atque imprimis boni & laudabili succi, celerisque nutritionis concoctionem humoris in intimo corporis recessu contenti promouere. Quæ verè erunt Concoquentia, quatenus qualitatem, ut diximus, aut substantiam caloris natiui, concoctionum omnium in nobis authoris, fouent vel augent. Tunc verò erit iuuanda coctio humorum Medico, quamdiu Natura illi incumbere videbitur, illiusque significationem per vrinas, sputa, aluque deiectiones, & similia dederit, tamdiuque insistendum donec inchoatum & manifestum pepasimum ad perfectionem deduxerit. (*Πεπασμὸς* enim, inquit Hippocr. *ἐκ τῆς χολῆς*,) quam sequi debet critica expulsio naturæ robore facta, vel artificiosa purgatio, si natura non mouerit, aut parcius quàm par sit, excreuerit. Atque hæc de Coctione.

Tot igitur Alterationes, Præparationes, humorumque Coctiones & expurgationes fieri nequeunt, sine magna caloris natiui, & temperamentum partium iacturâ, quæ agendo aduersus morbum & eius causam non parum repatiuntur. Hinc *ἀσθένεια* & infirmitas suboritur in toto, vel in partibus, quæ potissimum mor-

bificis insultibus occupata fuerint. Egent igitur Corroboracione, vel post sublatas res præter naturam, vel etiam perdurante morbo, & in quouis illius tempore, si vires ruinam facere manifestam videantur. Vt igitur robur partium fundatum est in triplici substantiâ, spirituosâ, humoralis, & solidâ, item calore in illis moderato: quibus non solum tres præcipue in nobis facultates, sed etiam singularum partium functiones confirmantur: Hinc etiam corroborandi modus innotescit, per ea potissimum alimenta quæ Medicis vulgò ἀναληθικά, quasi restaurantia & reficientia dicuntur, inter quæ vinum primas obtinere videtur, deinde carnes euchymæ, & ex illis expressi succi, & consummata iuscula: Item per medicamenta cardiaca, stomachica, hepatica, cephalica, & similia, tam sumpta quàm admota: quæ modò sub Electuarij mollioris aut solidi, pulueris, condituræ, Instaurantis, Syrupi, inunctionis, epithematis, odoramentorum, & similium formâ exhiberi solent ad corrigendam caloris natiui infirmitatem, vires quasunque reparandas, & augendum præcipuè nectar illud viuificum, quod ex præcipuis corporis fontibus in reliquas partes affluere solet. In admotis hoc est obseruandum, vt mediocri calore adstrictiōneque prædita pro variâ membrorum conditione, cogant illorum substantiam, vltiorioremque dissipationem cohibeant. Quia verò horum plurima, Deo iuuante, tradentur à nobis, in formulis remediorum internorum, externorumque: Ideò finem huic capiti imponemus, vt iam ad morborum organicorum Indicationes accedamus.



CAPVT VI.

De Indicationibus morborum organicorum.

PRIMAM corporis nostri constitutionem ex elementorum κράσι & mixtione debitâ exurgere, docet Physiologia; Vnde similaribus partibus ex simili & æquali materiâ conflatis, ortus existit. Ex his deinceps velut subiectâ materiâ organicas & dissimilares exurgere, quæ ad vnâ quandam perfectam & determinatam actionem edendam sunt comparatæ, veluti oculus ad visionem, lingua ad locutionem, & similes: quarum sunt varij gradus perfectionis & imperfectionis gradibus distincti, prout magis recedunt vel accedunt ad εὐνομήλειω illam Hippocraticam lib. de articul. quæ est totius corporis ex pluribus organis constructi, humanæ speciei conueniens & apta compositio. Quemadmodum igitur in arte factis, putâ domo quæ ex variis partibus, vt lapidibus, lignis, ferro, cæmento, & similibus conflatur, primùm supponere oportet idoneam materiam, deinde omnium partium ritam conformationem, magnitudinem, numerum, situm & connexum, vt domus perfecta, & ad vsus finemque propositum idonea construatur. Sic in corpore nostro, quânuis partes similes, vt quantæ suos terminos, figuram, magnitudinem, & situm obtineant, istæ tamen dispositiones ad illas quatenus similes minimè pertinent, (quoniam sine illis actiones suas naturales, attractionem, retentionem, concoctionem, & expulsionem, solius temperamenti beneficio exercere valent) sed ad constitutionem organicarum referuntur.

Vnde ex regula pathologicâ, Cum conformatio debita, numerus, magnitudo, & situs sint dispositiones necessariæ ad actiones organicas obeundas, sequitur etiam illis violatis & præter naturam immutatis, totidem exurgere morborum organicorum species, quæ alias deinceps sub se complectuntur. Conformatio enim partium dissimilariū in singulis organis varia existit, tum secundum externam dimensionem & conuexam partium superficiem, quæ propriè figura à Medicis appellatur, tum secundum internam, Cavitatem nimirum & Meatum; quibus læuitas etiam & Asperitas accidere possunt. Numerus porro in partibus organicis, quæ ex pluribus similaribus aliquando constituuntur, vel augeri potest præter naturam, vel imminui, quemadmodum Magnitudo exuperat, vel deficit. Situs denique aut ratione positionis partium, vel earundem connexus immutabitur. Exerceamus igitur nos, & Indicationes in morbis organicis necessarias ad legitimam methodum therapeuticam inquiramus, agentes de viciatâ figurâ, cavitatē, & meatu de asperitate

ritate & laxitate, numero, magnitudine, situ, & connexu præter naturam. Priusquàm verò ad illud aggrediamur, annotandum est, morborum istorum organicorum naturam mixtam & ambiguam aliquando existere, ita ut unus idemque affectus ad varias species sæpe referri possit, v.g. luxatio non solum sub situ & connexu partium vitiato, sed etiam sub deprauata figura reponi potest: Calculus ad obstructionem & morbum numeri pro vario respectu, & sic de aliis. In quibus illud ad *ὑπερπείραν* nihil impedit, dummodo rei ipsius natura, & vera causarum series teneatur. Quæ in his potissimum morbis diligenter sunt inquirendæ, utpote à quibus totus ita pendet affectus, ut sublata causa continente, unâ eademque opera morbus ipse tollatur. Non enim qualitates istæ præter naturam, quæ in vitiata conformatione, numero, magnitudine, & situ sunt fundatæ, seipsas augere & multiplicare possunt, quatenus tales sunt, ut contingit in qualitatibus primis, quarum vi alterationes & intemperies introducuntur ac propagantur: sed totum suum esse, augeri, & conseruari, causis acceptum referunt, ut in exemplis singulorum morborum facilius erit agnoscere.



CAPUT VII.

De Figura vitiata.



ONFORMATIONIS vitia partium tam internarum quàm externarum considerant Medici, vel in externâ superficie quæ propriè figura appellatur: vel in internâ, quatenus cauitate vel meatu aliquo præditæ sunt: Et in vtraque Constitutionem quandam, quæ Laxitas & Asperitas vocatur. Nos igitur quibus est propositum has omnes morborum species persequi, à figurâ vitiatâ exordiamur. Cuius tot sunt differentiæ quot sunt varia figurarum discrimina, quæ huic vel illi parti minimè sunt naturales & conuenientes: Membrum enim quod oblongum v. g. rotundum, curuum, rectum, conuexum aut concavum exterius esse debet, reliquas omnes figuras, tanquam vitia quædam agnoscit: quorum alia propriis sunt nominibus donata, alia verò minimè. Ut igitur caput naturaliter constitutum debet habere figuram sphaeræ molliter vtrinque depressæ simillimam, cum debita futurarum suarum ac prominentiarum constitutione. Sic Hippocrates *lib. de aëre, &c.* meminit *μακροκεφάλων* quorundam populorum, qui capita admodum oblonga habuerunt. Et *lib. de vulner. cap. Gal. lib. 9. de usu part.* vitiosas capitis figuras ex futurarum potissimum peruersione recenset, quas *φοξότηας* appellat. In vultu elephantorum figuræ deprauatio apparet, quæ ex immutatâ particularum proportionem & naturali conuenientiâ ferinam illam & satyricam faciem repræsentat, narium similitudine, oculorum rotunditate, superciliorum & frontis tuberibus, auricularum inuersione, & similibus. Hippocrates 1. Prognost. in morituris graphicè vultus mutationem depinxit per nares acutas, collapsa tempora, oculos concavos, &c. Sic Galenus 6. *Epid. sect. 3.* ad Hippocratis contextum describit Naturas ad tabem propensas secundum vitia figuræ, utpote quibus exilia crura, collum oblongum, pectus angustum & tabulatum, scapulæ alarum instar eleuata. In spinâ Dorsum insignes sunt figuræ deprauationes *λόρδωσις, κύφωσις, σκολίωσις, σείσις*, Undæ variæ gibbositates. Denique planci, pernæ, scauri, vacij, vari, claudi, & similes, nomina sunt figurarum deprauatarum in pedibus cruribusque: Quæ exempli causa apposita sunt.

Porro naturalis partium figura peruertitur, aut in ipso ortu & generatione nostra, aut post ortum: In ortu quando conformatrix aut immutatrix facultas imbecillior, materiæ nimia vel deficiens quantitas, aut certè inepta qualitas, ut sicca vel fluxilis nimium impediunt ne vis illa *πλαστική* singulas corporis partes conuenienter effingere possit. Post ortum contingit, aut inter pariendum, aut post partum. Inter pariendum enim sæpe vitiatur naturalis figura, dum infans in utero malè vertitur, & brachium aut pedem vnum exerit, vel latera ostendit: dum ob crassitiem nimiam aut locorum angustiam diutius in exitu laborat, vel ab insciâ & imperita obstetrice malè tractatur. Post partum verò à causis internis externisque perueri potest naturalis figura. Externis quidem, ut ineptâ nutrimentum fasciatione; mollioris


mollioris adhuc puelli dura contrectatione : mala Chirurgorum in fractis aut luxatis membris deligatione & repositione : Ipsius ægrotantis errore , dum reflectit membrum bene collocatum præ animi mollitie , aut vñui alicui accommodare nititur , priusquàm callus bene sit firmatus : Item casu , percussione , motu nimio seu agitatione , & similibus. Internis verò peruertitur causis naturalis figura , vt humoribus laudabilibus vel excrementitijs in aliquâ parte copiosius collectis , vel confertim affluentibus , vt in tumoribus præter naturam , elephantorum facie , hydropicorum ventre , & alijs patet : Inducta etiam paralytis , conuulsio , sectus tendo , aut neruus , inducta durior cicatrix , efficiunt vt partibus istis nimium tensis aut laxatis accendant figuræ vitia , quæ actiones organicas lædunt , vel partes deturpant.

Quibus igitur indicationibus ad eorum curationem sit vtendum , iam videamus. Certum est Medicum eorum tantum affectuum correctionem suscipere debere , quæ possibilis est pro naturâ morbi & partium. Cum ergo mala illa conformatio , quæ contingit in vtero sit extra potestatem nostram , meritò à nobis omittetur. Vt etiam illa quæ inter pariendum committitur , quia tunc vrget maior necessitas liberandæ matris & educendi extra eiusmodi angustias fœtus. Post partum verò bene dictum est à Galeno , figuræ vitia quæ iam diuturniora facta sunt , ægrè corrigi posse : Atque in eiusmodi emendandis affectibus vtendum celeritate , principijsque præcipuè obsistendum.

Ad id verò præstandum , habenda ratio causarum externarum internarumque , antecedentium & coniunctarum , quibus sublatis (vt jam à nobis est annotatum) tollitur ipse morbus , vtpote qui totus à suâ causâ in effectione & conseruatione dependet. Proinde si causâ sit adhuc quædam externa , quæ adhuc agat , aut agere sit parata , sui sublationem statim indicat , ne videl. affectum augeat , aut de nouo generet. Sublatâ externâ causâ , interior contemplanda , quæ quidem si sit humoralis , tam antecedens quàm coniuncta , vt in elephantorum tumoribus , hydropicâ inflatione , & similibus tollitur reuulsione , deriuatione , vacuationeque conuenienti pro naturâ humoris morbum committentis , quarum leges in indicationibus morborum similiarum fuerunt propositæ. Sin autem absque humoris confluxu vitium hæc figuræ subsistat , vt contingit illis qui obtorta habent crura , spinam conuexam , vel costas nimium eleuatas , & similibus alijs , vult Galenus in pueris hanc correctionem tentari contrectatione longâ & frequenti manuum in oppositam partem , deinde decubitu & deligatione conuenienti cum fascijs , cltellis , chartulis , & similibus , quæ cogant partem versùs figuræ naturalis rectitudinem , & flexam in debito loco retineant. Quod si firmior jam & durior fuerit , vt in adultis , malacticis vnguentis , fotibus , aut oleis demulcenda , vt facilius obsequatur , deinde illic continenda prædictis instrumentis. Si verò illa figuræ peruersitas ex malè genito callo , aut membri collocatione post fracturæ curationem accadat , vult idem Galenus in eis quibus tutò id fieri potest , vt temperatis beneque habitis hominibus illud ex postulantibus , denuò refringi callum , vt deinceps melius fingatur ac generetur , quemadmodum fit in rebus externis artificialibus.

Hæc igitur in morbo figuræ agenda ex conuenientibus Indicationibus per instrumenta & remedia non quidem formâ & denominatione illis contraria , sed effectû & operatione : Quorum quantitas metiendâ ex magnitudine & resistentiâ corrigendi affectus , vt scil. possint vel propriâ suâ vi , & confertim , aut actionis duratione & spatio , illud quod Medico propositum est perficere. Conueniens etiam occasio , locus , & ordo , ex naturâ causæ , & partium affectarum repetantur , prout ex indicationibus , contraindicationibus , & coindicationibus erit manifestum. Quod de morbo figuræ à nobis semel dictum , in reliquis Organicis affectibus similiter intelligatur.

CAPVT VIII.

De Cautate, Meatu, & Orificio malè affecto, ubi de
Obstructione.

EXTERIOR partis organica superficies & conformatio, figura appellatur Medicis: Interior vero si capax sit, & ad continendam materiam aliquam spirituosam vel humoralem idonea, Cautas dicitur: vt ventriculi, vteri, vesicæ, sinuum cordis, cerebri, & similia, quas Hippocrates *κοιλίας* nomine designauit. Si vero non tam contineat, quam ad *ἀνάσσω*, materiæ alicuius distributionem faciat, Meatus nuncupatur, siue sensibilis sit, vt oesophagi, asperæ arteriæ, bronchiorum pulmonis, intestinorum, ceruicis vteri, viarum vrinæ dicatarum, venarum & arteriarum: siue insensibilis, vt neruorum, (nisi fortassis optici) & pororum cutis: Vtriusque tam cauitatis quam meatus extremitates, Orificia dicuntur: Et in eis omnibus multiplices affectus præter naturam accidere solent: quos Galenus ad tres præcipuas differentias reduxit. Dilatationem scilicet. Adstrictionem, & Obstructionem: vultque oriri à duplici excessu tam multitudinis quam magnitudinis.

Dilatatio igitur seu amplitudo nimia, vel est in ipso partis orificio, vel in tractu meatus aut cauitatis: Sic pororum cutis nimia apertio, vasculorum in suis extremitatibus reſeratio, *ἀνασώμασις* peculiariter dicitur; in pupilla *μυδρίασις*; extremæ recti intestini parti magna sæpe relaxatio contingit; Vuluæ item interno orificio ex partu, Scrotum & intestina ex flatuum vi aut humoris copiâ sæpe dilatantur: Dilatationes autem istæ cauitatum, meatuum, & orificiorum, contingunt à causis tam externis quam internis, rarefacientibus, diuellentibus, aperientibus aut laxantibus. Sic calor ambientis nimius, rarefaciendo dilatat poros cutis. Medicamenta aut alia assumpta, aperientia, incidentia, tergentia, expurgantia, mollientia & resoluentia nimium, recludunt meatus & oscula vasorum. Motus & exercitatio vehemens, clamor frequens, retentio spiritus ipsum thoracem & vasa pulmonum dilatant, teste Galeno. Vulnerantia etiam, erodentia, contundentia, distendentia, exterius & violenter admota idem præstare possunt. Inter causas verò interiores, quæcunque nimium implere possunt, vt humores, flatus, calculus per vtereras transiens, vrinæ nimia in vesicâ quantitas, foetus grandior in vtero, & similes, id potentissimè efficiunt: Item acriores aut copiosiores humores in vasorum orificijs. Adde expultricis facultatis nimium conatum ad exclusionem rei alicuius molestæ, propter quem immodicè tenduntur partes, aut retentricis imbecillitatem, quæ illud quod clausum esse debet, præ impotentiam suâ laxat, vt patet in sphinctere ani & vesicæ, necnon sudoribus diaphoreticis. Atque hæc de dilatatione nimia & eius causis, quæ primus est affectus cauitatis, meatus, & orificij.

Huic opponuntur Adstrictio & Obstructio; quamuis enim multi duo hæc vocabula confundere videantur: sunt tamen diligenter distinguenda, vt pote quibus designantur distincti affectus præter naturam à diuersis causis geniti, & variam habentes curationem. Adstrictio igitur quam Galenus modo *στένωσις*, modo *πυκνότης* appellat, distinguitur ab Obstructione, quod hæc semper à causa materiali & corporea, in ipso meatu, cauitate, aut orificio contentâ oritur: Adstrictio autem nullam habet talem causam in meatu aut cauitate interiore positam: sed fit aliàs Coalitu, & cohærentia quadam, quando meatus, cauitas, aut orificium, quæ in corpore nostro adesse debent naturaliter, sunt contracta prorsus, aut maiori ex parte, ab ipso ortu, vt quorundam podici & vuluæ accidere aliquando est obseruatum. Vel post ortum, vt quando vulneratæ aut exulceratæ quædam partes, quæ apertæ erant, coalescunt simul. Aliàs fit ex compressione & coarctatione rerum externarum, vt iniectio faucibus vinculo: aut internarum, vt quando infans in vtero parentis, anum ita comprimit vt fecibus non pateat exitus: gutturis inflammatio seu phlegmone oesophagum coarctat & deglutationem

impedit. Aliàs conceptaculorum istorum parietes concidunt in sese & angustantur, humore aliquo affluente resoluta, vel deficiente materiâ, quæ intus contineri solebat; aut etiam præ nimia infirmitate, vt apparet in deploratâ partium enervatione. Aliàs contrahuntur nimium exsiccata aut refrigerata, vel etiam vi alicuius rei infensæ irritantur & contrahunt sese ad expulsionem, vt patet in insultu epileptico, sternutamento, vomitu, & similibus. Aliàs tensio nimia partium, cavitates earum aut meatûs minores reddit, dum enim nimium accedit longitudini, id ipsum amplitudini decedere necessum est. Denique si distorqueantur & inuoluantur partes istæ variis modis, meatûs illarum constringuntur & impediuntur, quod notissimus voluuli affectus in intestinis declarat apertissimè. Tot igitur modis & causis adstrictio in partium cavitatibus & meatu contingere potest.

Obstructio verò (quam dicebamus ab adstrictione differre, quod semper causa obstructionis est materialis & corporea, in ipso meatu, cavitatibus, aut orificio posita, non extra, vt adstrictioni contingit:) dupliciter fieri solet, prout duplex est modus, quo causæ istæ interius positæ esse possunt: vel enim adhærent ipsis lateribus partium affectis hæc obstruentia, quæ Galeno propriè constipantia dicuntur. Vel non adhærent, sed tantum meatûs occupant. Quæ adhærent, sunt multiplicia, vt omnia adnata, tumoresque præter naturam, qui in illis oboriri solent: sic polypus in naso, phlegmone in interna laryngis parte, tuberculum in bronchiis pulmonum, scirrhus intra vterum, caruncula illa venerea quæ sæpissimè in canali urinæ excitatur post gonorrhœas virulentas; pinguedo nimia adhærescens intestinis, obstruunt illas partes, firmiter adhærendo parietibus meatuum aut cavitatum quibus præditæ sunt: Humor verò, flatus, calculus, aut quodcunque aliud corpus non adhærens, sed intus latitans tantum, obstruere etiam solet vias corporis nostri: flatu enim op-pleta intestina repellunt materiam clystere iniectam: sanguinis multitudo in toto vel parte, vt venis vteri, impedit sæpè ne per consuetos ductus effluere possit: Humor melancholicus suâ crassitie, pituitosus lentore & visciditate, vrsatissimæ sunt obstructionum causæ: frequens est in prima corporis regione, venarum hepatis, mesenterij, & lienis infarctus à crassis & lentis succis; vt etiam pulmonum & asperæ arteriæ: in intestinis sæcum induratio, lumbricorum multitudo vias sæpissimè obturant: frequens est renum, vrerum; vesicæ obstructio à calculis, sabulo, grumis sanguinis, mucos, pure, & similibus. Impletur etiam sæpè thoracis capacitas effuso intus sanguine aut sanie per vulnera & empyemata. Cutis exteriora spiracula obturantur admotis oleis, vnguentis, quæ implere illa possunt; natatione in aquâ aluminosâ aut gypseâ, & similibus. Denique quæcunque partes meatûs aut cavitates habentes in seipsis, per congestionem alienam materiam colligunt, vel per fluxionem ex aliis, suscipiunt morantem ibi humorem, obstructæ dicuntur, siue morbo organico viæ, vel meatûs detineri. Obstructionum verò istarum remotiores causæ tam internæ quàm externæ sunt quæcunque aptæ natæ sunt ad eiusmodi tumores, carunculas, adnata, flatûs, humores, calculos, arenulas, pus, & similia generanda: vel ab vnâ aut pluribus partibus in eam quæ suscipit, transferenda: illæ autem omnes reuocari possunt ad ea quæ assumuntur, admouentur, geruntur, & in corpore nostro præter naturam excernuntur aut retinentur, quorum longiorem tractationem compendij istius ratio non potest ferre: Quare ad indicationes istorum affectuum iam accedamus.

Hæc omnia primùm cum sint res præter naturam, sui sublationem suadent, idque per contrarij vsum: quod scilicet præsentem dispositionem immutare queat, & amissum naturalem statum huic oppositum restituere. Qualitas igitur siue genus remedij ex eis repeteretur, quæ id suâ vi & effectu præstare possunt, quamuis semper talia non sint secundum qualitates manifestas & denominationem. Quantitas autem, Tempus, Modus, Forma remedij, & ordo, ab indicationibus & coindicationibus solitis repetantur.

Dilatationis igitur, vt ab eâ exordiamur, causæ siquæ adhuc externæ subsistunt, quæ affectum generent, augeant, aut conseruent, sedulo auferendæ: Quibus remotis interiores contemplandæ, & siue humor, siue flatus, siue calculus, aut quid simile suâ copiâ aut qualitate distendat partes & amplificet nimium: omni arte & ingenio tollatur, pro vniuscuiusque partis affectæ naturâ & varia conformatione: Quod si omnimoda sublatio non sit sperabilis, saltem transpositio molienda, vt docet Galenus, quando res ipsa vrget, vt in calculo vrerum, vel urinæ meatum occupante præstare solemus, dum ex arctioribus eiusmodi locis eundem in capacitatem, vel

vesicæ fundum transferimus. Non negligendæ etiam causæ antecedentes, quæ eiusmodi dilatationis morbosæ immediatam causam fouent. Quod si ob facultatis expultricis nimium conatum illud contingat, sollicitatæ nimirum succi alicuius acrimonia, vel quapiam alia re molesta: eius impetus sedandus lenientibus & exquisiorem partis sensum obtundentibus, aliquando etiam narcoticis, urgente necessitate. Sin verò ob retentricis infirmitatem & exolutionem, confirmandæ partes erunt adstringentibus, roborantibus, & quibuscunque aliis quæ vires partium reparare solent.

Idem dicas de Adstrictione cavitatû, meatuum, & orificiorum, si enim ex coallitu contingat, secante aut vrente ferro, causticis, & similibus diuidenda aut atterenda pars eâ quæ meatum occludit, deinde inmissis fistulis plumbeis, aut argenteis, candelâ cereâ, lichyniis, & similibus in debito statu continenda, donec firmam cicatricem contraxerit. Si verò adstrictio contingat per compressionem rerum externarum aut internarum, illarum sublatio indicatur si sit possibilis, aut si non sequatur ex ea re maius incommodum. *Sic v. gr. periculi plenum, atque prohibitum, factum ex utero deturbare, quod vesicam & intestina comprimat.* Si concidant præ nimîâ humiditate parietes cavitatum aut meatuum; exsiccandi. Si ob deficientem materiam, (*quod rarum est*) regeneranda eiusmodi materia, quæ ibi contineri solebat: & natura infimior, si fieri possit, instauranda, antequàm omnino collabatur. Denique exsiccatio, refrigeratio, contractio, tensio, vel inuolutio, quibus eiusmodi meatus aliquando adstringuntur, (*quæ Medicis magnum sæpè negotium faciscunt*) expugnandæ per sua contraria & quæ eiusdem causas auferre possint, quæ perito artifice facile est inuenire, pro vniuscuiusque naturâ & variâ constitutione.

Verùm in Obstructionibus soluendis, maior esse solet opera & sollicitudo: utpote ex quibus frequentissima aliorum morborum origo existit: ita ut nulla sit maior apud Medicos quàm infarctûs, obstructionis, & oppilationum querimonia. Quomodo igitur sint certâ methodo auferendæ, videamus. Quæcunque materiæ obstruentes firmiter adhærent lateribus cavitatum ac meatuum, ut tumores præter naturam, tubercula, pinguedo, caruncula, & similia: illa propriam habent & peculiarem curationem suis locis explicandam, quæ verò non adhærent; sed continentur tantum intra meatûs vel cavitates, possunt vel quantitate peccare, vel qualitate, aut vtrisque. Quantitate sola peccantia, vacuationem indicant. Sic sanguis, quantitate peccans, dum nimîâ copiâ in venas vteri fertur, & sibi ipsi viam præpedit, ne effluere solitis periodis possit, facile administratâ phlebotomiâ minuitur. Flatûs etiam multitudine suâ obstruentes, resoluendi, dissipandi. Pus; sanguinis grumi, calculus, arenulæ, &c. Vbiuis subsistant & *ἐμφορῶν* pariant, extrahenda, si omnia consentiant; aut saltem à sede in quâ morantur, si sit angustior, in commodiorem transferenda: sic suffusionis causam nempe cataractam, quæ pupillam obstruebat, acu deturbamus in inferiorem oculi locum, vel in angulos coniicimus, ubi visionem minùs impedire potest. Lumbricos & duriores intestinorum fæces conuenientibus potionibus & clysteribus educimus.

Crassus verò & viscidus humor, qui frequentissima esse solet obstructionum causa, & de quo principaliter intelligitur oppilationum nomen, ratione crassitie; incidentia & attenuantia suadet esse vsurpanda; Ratione lentoris & visciditatis, detergentia. Quæ plus vel minùs valida esse debent, prout illa obstructio in primâ, secundâ, vel tertiâ corporis regione delitescit: in quorum usu notandum, attenuantia & incidentia perpetuò detergentibus præmitti debere, ut humor aperientibus præparatus & quasi subactus, faciliùs obsequatur: aut si malis, conficienda remedij formula, quæ ex his tribus medicamentorum generibus constet, prout magis vel minùs attenuandum, incidendum, aut detergentum erit: His debent inuicem succedere, purgantia; ut qui præparationem suscepit humor, alternis quasi & mutuis vicibus expellatur. Quod nobis in usu apozematum nostrorum est frequentissimum: interdum etiam mollientia obstruentibus istis humoribus conueniunt; quoties nimirum illa materia fuerit propter nimiam moram aut caloris excessum in partibus indurata, Ad hanc igitur incidendi, attenuandi, detergentisque humoris obstructionem facientes, aptissima sunt ea quæ vulgò Diuretica, Menses mouentia, & Sudores prouocantia dicuntur, quorum tam interius quàm exterius adhibitorum, sunt varij gradûs & peculiare respectûs ad hanc potius quàm illam partem ab obstructione liberandam, horum descriptiones peculiare vnicuique habere licet, tum ex formulis remediorum à nobis tradendis

tum aliorum qui ex professo hac de re scripserunt. Nunc itaque satis sit pro huius compendij ratione, Remediorum genera & facultates annotasse.



CAPVT IX.

De leuitate & asperitate præter naturam.

INTERIOR illa partium organicarum atque etiam exterior superficies, vel plana & æquabilis secundum naturam esset debet, quam læuam ex læuore & læuitate vocant, quando partes æqualiter sitæ, nullam tactui inæqualitatem adferunt. Vel aspera, inæqualis, & rugosa, quando partes inæqualiter sitæ, tactui diuersitatem & inæqualem positionem repræsentant: sic ossium, cutis, & aliarum ferè omnium partium externa superficies æqualis & læuis facta est à naturâ ad indolentiam, ne aut suppositas sibi partes læderent, aut ab occurrentibus offenderentur. Ductus verò & interna conceptacula cum ita sint à naturâ comparata, vt materia quædam debeat leuiter & æqualiter per illa ferri, aut in eis diutius subsistere: ideò in illis, v. gr. œsophago, cannâ pulmonum, vteribus, venis, arteriis, & similibus, interiorem superficiem æqualem, læuam & planam fabricata est: in aliis verò, vt ventriculi fundo, intestinis, vtero, inæqualem, rugosam, & asperam. Vnde his constitutionibus præter naturam immutatis exoriuntur asperitatis & læuitatis morbi, qui vsus partium istarum perturbant, atque peruertunt.

Horum verò causæ multiplices, internæ & externæ: nam vulnerantia, erodentia, abstergentia nimium, adstringentia, exsiccantia, aut etiam replentia multum, exasperare possunt partes: sic ossa vulnerata, dissecta, fracta, corrosa, naturalem læuorem amittunt, & grandioribus minoribusve frustulis circumiectam carnem lancinant: sic asperæ arteriæ interna pars inæqualis redditur, & vocem rauicam aut clangosam efficit, imbuta humore nimio, exsiccata valde, deterfa, aut vlcerata: quod eadem ratione de aliis asseri potest: quæ verò humectant asperiores partes aut lentâ quadam & mucosâ materiâ particulas illas inæquales replent, læuitatem illis inducunt: vt etiam vulnerantia & erodentia per accidens, dum curato vlcere cicatrix parti inducitur. Sic lienteria in ventriculo & intestinis exoritur, tum ex humore glutinoso internæ toti tunicæ obducto, tum ex inductis cicatricibus post sæuiorem dysenteriam, sic maiora vteri vlcera sterilitatem inducunt, contractis cicatricibus, quibus plani & læuiores redditæ locelli isti genituram aut foetum continere nequeunt, istis itaque affectibus adhibenda therapeia ex conuenienti causarum efficientium διαγινωσκει siue per se siue per accidens, proximè aut aliis intercedentibus agant: quæcunque igitur exterius posita affectus istos producere, augere, vel conseruare videbuntur, ea protinus auferenda, vt etiam si quis humor internus suâ qualitate aut quantitate officiat, vacuatione accommodatâ tollendus erit. Genitus verò iam affectus pro varietate partium emendabitur. Ossium enim asperitates & apices tollimus secante & læuigante ferro, vel causticis cariem tollentibus, vt oleo vitrioli, aquâ forti, & similibus: vel exfoliantibus vulgò dictis quæ desquamationes perficiunt, vt suis locis docetur. Siquod vlcus asperam arteriam occuparit, curandum vt reliquarum partium exanguium, si nimio humore madeat, ea pars exsiccanda; si nimium sit exsiccata, denuò conueniens humiditas concilianda, bechicis & arteriacis, quæ suis locis describentur. Vbi verò læuitas præter naturam inducta est quibusdam partibus, incurabilis censenda, si ex contractis grandioribus cicatricibus acciderit: quia non licet vlcus in partibus istis internis denuò reficere. Sin verò ex muco & pituitâ lentâ ac viscidâ ortum habeat, incisione & deterfione, necnon illius vacuatione tollitur, sumptis à naturâ humoris & partis indicationibus.

CAPVT X.

De numero ac magnitudine auctis vel imminutis.

NA eadēque operā morborum numeri & magnitudinis curatio absolui potest : Vterque enim positus est in quantitate auctā vel imminutā partium, eāque continuā, vel discretā, quorum etiā causā ferē eādē. Magnitudo enim in toto augetur prae nimia sanguinis & adipis copiā, vt in Nicomachō Smyrnæo (*Gal. 1. de differ. morb. ca. 9.* quem sanauit Asclepides) aliisque multis qui prae crassitie mouere seipsos nequeunt, vel ad motum valde sunt pigri : Aliās augetur nimium in aliquā parte, tum ex affluxu laudabilis succi, vt mulieribus quibus omentum valde pinguescit, & vteri os comprimendo sterilitatem inducit ; tum vitiosi, per fluxionem irrumpentis, vel per congestionem collecti, vt quibus atheromata, steatomata, melicerides, & eiusmodi tumores insignis magnitudinis nascuntur. Contrā verō eadem magnitudo minuitur in toto, quando per phthises & marasmos horrenda macies inducitur, & corpora instar sceleti gracilescent, defectu alimenti proprii, quod variis de causis absimitur & deficit. Quod eādē ratione parti contingit, quando aut non suscipit, aut non conficit sibi conuenientem alimoniam ; Vel etiam quando secante vel vrente ferro, causticis, & similibus portio quaedam membri, ver. gr. gangrænā affecti, tollitur, vt quotidie videre licet. Numerus pariter abundat prae naturam in multis, quibus natura in vtero ex copiosiore materiā plura confinxit membra, quā par sit, vt duo capita, sex digitos, tres testiculos, & similia, quae monstris hominibus accidere videmus ; Vel etiam post ortum, ex vitioso humore partes actionibus molestas produxit, vt pterygia, calculos, lumbricos, & reliqua huiusmodi. Minuitur eodem modo Numerus ex deficiente in vtero materiā ; illis potissimum quae violenter agunt in nos, hominesque reddunt mutilos, auellendo, amputando, comburendo aut putrefaciendo partes.

His igitur omnibus mederi ex conuenientibus Indicationibus oportet, Nimia enim obesitas totius, vel partis, quae ex laudabili succo contingit, eiusdem vacatione, vel ad alias parter retractione, victūque attenuante & exsiccante emendatur : Ex vitioso autem genita magnitudo, per ea quae vacuant, reuellunt, deriuant, aut repellunt, vt fasciis & ligaturis quibus astricta pars versus fluxionis originem minus est apta excipiendo humori : denique illis quae haerentem parti materiam insensibiliter vel sensibiliter exhauriunt. Deficiens verō magnitudo in toto & in parte, analeptico victu instauratur, balneis, frictionibus mollibus, lentis percussionibus : dropacibus, & similibus quae sanguinem allicere possunt & concoctionem partis iuuare. Quod si portio sit sublata ferro aut aliā quāuis vi, industriā eam sarcire nitimur. Sic enim hac ætate multi docuerunt (*Amb. Pareus*) ex dimidio truncatas nares reparare, linguam ex dimidio sectam adhibito quodam instrumento ita iuuare, vt ægri satis liberē loqui possint.

Numerus pariter abundans si tolli possit absque periculo, illius in totum sublatio tentanda ferro aut causticis : Sin verō periculosa sit, vt ex naturā ægri & partis licet cognoscere, melius est talem noxam relinquere, quā ægros in vitæ discrimen præcipitare. Nota est illius historia qui ob dissectum adnatum quoddam fronti cornu interiit, & sic de reliquis. Possumus tamen si partes illæ id ferant, vt calculus, transpositionem tentare, & in eo loco continere vbi minus molestiae adferunt. Imminutus denique numerus partis organicæ nunquam restituitur, sed eodem modo quo deficiens magnitudo, iacturam illam reponere tentamus, artificiosis quibusdam partibus, quae vsum & decorum verarum quodammodo repræsentant : Sic dentes eburneos aut argenteos edentulæ mulieres sibi constringunt, ferreas manūs, ligneos pedes, & crura in deperditorum locum reponere solemus, Quae suis locis accuratiùs dicuntur.



CAPVT XI.

De malo situ & connexu, ubi luxationum Indicationes traduntur.



ULTIMUM superest morborum organicorum genus, quod situs & connexus vocant. Cum enim omnia in corpore nostro debeant esse *ἐν τῷ ὀρίῳ, ἐν τῷ ὅρῳ, καὶ ἐν τῇ ἀδείᾳ*; ideo oportuit etiam partes singulas rite connexas esse, & in suo ubi, seu naturali statione collocatas, ut inuicem facile communicare possint ad actiones tam primarias quam secundarias seu dependentes, exercendas. Quæ dispositiones, ut variis modis immutari possunt, sic etiam varij inde præter naturam affectus exoriuntur, quorum Indicationes curatiuæ pro ratione causarum internarum & externarum, inueniendæ ut dicemus.

Quæcunque igitur partes continentur in aliis velut loco proprio, illæ situm & connexum naturalem amittere possunt, vel vitio suo & dispositione quam *ἰδιονα-θὴν* vocant, vel continentis partis, aut ligamentorum. Sic enim omentum aut intestina, crassiora pinguioræque quàm oportet, reddita, suâ vi & pondere rupto vel dilatato peritonæo in scrotum deuoluuntur, & varias herniarum species constituunt. Continentis verò partis vitio fit, quando v.g. intestinis suam & naturalem magnitudinem seruantibus, peritonæum tamen imbecillius vel ob natiuam & hæreditariam *διάρθεισιν* dissoluitur, vel alio quocunque modo laxatur & disrumpitur: Quemadmodum sectâ aut erosâ corneâ oculi tunicâ, vueam procidere videmus. Ligamentorum verò defectu illud contingit, quoties laxiora vel infirmiora redduntur, quàm ut in naturali situ sibi annexas partes continere valeant: sic enim vterus, intestinum rectum, & similes partes procidunt præ extensione nimia, aut imbecillitate vinculorum suorum.

Quæ verò partes non continentur, sed connectuntur tantum, ut ossa quæ coarticulationes illas varias corporis nostri constituunt, diarthroses, synarthroses, & symphyseos nomine donatas, quarum sunt species variæ, situm & connexum naturalem amittere possunt, vel defectu excipientis (scilicet acetabuli, in quod alterius ossis caput inseritur) vel excepti; aut etiam firmantis & connectentis, seu vinculi: facile enim delabitur ac decedit os, quando cauitas quæ illud excipit, nimium lata aut superficialia existit, vel ablatis superciliis & marginibus labefactata. Quando etiam ossis caput, quod inseritur in illam cauitatem, maius aut minus existit, aut quocunque alio modo malè figuratum; aut ligamenta laxiora & infirmiora, exoriuntur facile luxationes, aliquando simplices, & nulli alteri affectui coniunctæ; tum compositæ & alteri dispositioni morbosæ complicatæ, ut fracturæ, inflammationi, vulnere, ulceri, dolori, duritie, & similibus; Quæ sunt vel perfectæ, completas vulgò vocant, quando os suo loco omnino excidit; vel incompletæ, quando os non in totum, sed aliquatenus à suâ sede modo in longum, modo in latum dimotum est, & actio partis quodammodo exercetur, (*παρὰ-ρῥήματα* & subluxationes dicuntur; quæ aliquando ab ortu etiam conspiciuntur.)

Hæc verò omnia fiunt à causis externis internisque: sæpe enim violentior motus, vulnerantia, distendentia, istos affectus nullo existente prius interiore vitio pepererunt: sæpe intestinum est detrimentum, ut imbecillitas ab ortu contracta, flatuum copia, humorum prolapsus, &c. Quæ vel adhuc faciunt augentque affectum, vel eundem fouent, & confirmant.

Ad indicationum igitur inuentionem, eo modo progrediendum est quò diagnosis & causarum notitia nos perducet. Situs enim & connexus partium viciatus primò ostendit; non solum reponendam esse partem quæ à naturali statione recessit, sed etiam firmiter retinendam. Remouendæ igitur omnes causæ externæ siquæ adsint quæ adhuc augeant vel conseruent affectum, ut & internæ omnes antecedentes, postmodum ad ipsammet dispositionem veniendum; ut si vitio continentis fiat, aut contenti, vel ligamentorum, unicuique prospiciatur: sic prolapsum in scroti cauitatem omentum, aut intestina ob ruptum vel laxatum peritonæum, citissime & quàm minimo fieri potest dolore reponimus; antequàm in illo induruerit

induruerit stercus, aut inflammatio sit oborta: collocatōque, vt decet, homine quietem imperamus, donec exsiccantibus & adstringentibus sumptis aut admotis, vel Chirurgico opere, quod hac nostrā atate felicissimē ad herniarum curationem vsurpatur, pars continens ita sit confirmata vel coarctata, vt deinceps contentæ partes prolabi non possint. Quod si omnino assequi non possumus, emplastris, subligaculis, & eiusmodi instrumentis robur parti infirmiori addimus. Eadem ratione prospicientes tum partibus contentis, tum vinculis præter naturam constitutis, pro varietate illorum: Quæ exempli causâ à nobis dicta sint.

Sic luxationes & subluxationes variis scopis curamus. Primò enim articulum suo loco motum, in propriam & naturalem sedem reducimus: idque luxatum membrum in diuersas partes, præcipuè secundum rectitudinem oppositas decenter flectendo & extendendo, donec spatium inter ossa naturaliter coeuntia liberum sit, tunc enim os quod suo loco excidit, ab eâ parte in quam prolapsum est, ad contrariam impellitur, & in acetabulum suum commodè reponitur. Quod leniter & quantum licebit indolenter, vt diximus, præstandum est, pro naturâ luxationis & partis luxatæ, modò manibus solis, modò iniectis habenis, fasciis, glossocomo, & aliis machinis ab Hippocrate & aliis authoribus nostris traditis id tentandum. Secundò repositum os ita stabilire conabimur, ne deinceps suâ sede prolabatur: illito igitur parti rosaceo, appositisque pannis eodem delibutis, vel stuppis oui candido imbutis, deinde fasciis poscâ madentibus membrum commodissimè deligatur: Et si opus sit, ferulis ex corio aut densâ papyro, vel etiam ferro aut ligno circumdatur. Atque ita in schemate seu figurâ naturali maximè indolente & commodâ reponitur & continetur. Quibus præstitis nihil ante septimum, nonum aut vndecimum diem mutamus, nisi inflammatio aut dolor superuenerint: illis autem elapsis hæc remouemus, & partem decocto aliquo conueniente vel solâ tepidâ fouemus, vt mulceatur dolor, & siquid propter deligationem expirare non potuit, digeratur; deinde strictius obligamus, & emplastro, quod constet farinâ volatili, puluere rubro communiter dicto, & albumine oui in vnum corpus redactis inuoluimus. Empirici solo oxycroceo vtuntur, aut etiam dropace, misto sale, cumino & fœnugræco, quod non est improbandum, quando non adest ampliùs merus fluxionis aut inflammationis.

Tertiò enim ad luxationum curationem videndum est, ne fluxiones in partem affectam fiant, quas conueniente diætâ, vacuantibus, reuellentibus, & deriuantibus à nobis commemoratis arcere oportet.

Quartò & vltimò omnia symptomata & morbi qui luxationibus implicantur, commodè sunt pertractandi. Hinc perseuerante dolore vel inflammatione, non licet luxatum membrum reponere, ex Hippocratis & Celsi sententiâ: sin autem cum vulnere aut fracturâ complicata sit luxatio, curanda erit pro ratione Indicationum mixtarum, de quibus suo loco acturi sumus. Atque hæc de morbis organicis.



C A P V T XII.

De Indicationibus in morbo communi, seu solutione continui.



ACTENVS morborum partibus similaribus & organicis propriorum Indicationes curatorias abundè pro instituti nostri ratione persecuti sumus: superest igitur vt hoc capite vltimum & vtrisque commune vitium, quod solutionem Continui siue Vnitatis vocant, absolua-
mus. Quamuis enim Auerrhois hoc morbi genus similaribus partibus proprium fecerit, Argenterius contrâ organicis; melius est tamen cum Galeno vtrisque commune facere: Nam vt totum corpus vnum est & dicitur vnitæ formæ, & partium suarum continuitate: sic partes tam similares quàm organicæ vnum quid sunt, non solum per proprias illas *συμπερίαι* & naturalem *συνφύσιν*, sed etiam per continuitatem & contiguitatem, (vtrumque enim sub *συνεχέῃ* complectuntur Medici) quæ cum faciant ad vtrarumque actiones perfectè edendas, sequitur etiam ex axioma Pathologico, in vtrisque illa violata aut immutat?

immutata, quando scilicet duo vel plura sunt ea quæ prius vnum erant ratione suorum extremorum, exoriri dispositionem præter naturam solutæ vnitatis, quæ aliquando simul & semel actiones similes & organicas labefactare potest, vt videre licet in magnis sectionibus membrorum, quæ non solum nutritionem partis conuenientem impediunt, sed etiam functionem quæmcunque organi, vt in manu apprehensionem, in pedibus ambulationem, & similes. Aliquando similes tantum actiones deprauat, illæsis organicis, vt sæpè vlcusculum corneæ tunice, visionem minime impedit: Alias verò contrà organicos impedit, saluis similibus, vt in apospasmate patet, quando ex toto organo aliqua similis, vt tendo, nervus, vena, aut arteria auellitur reliquis intactis, quæ suo tunc munere satis perfunguntur solâ dispositione organicâ læsâ. Dicitur itaque morbus hic communis, non quod semper vtrisque accidat, sed quod vtrisque accidere possit, vel simul & coniunctim, vel seorsim.

Porro vt alia morborum genera in suas rursus secantur species, quarum Indicationes proposuimus: sic vnitatis solutio non vna & simplex est, sed suam paritur diuisionem, quæ accurate tenenda est, vt secundum eius varietatem, Indicationum etiam natura in singulis reperiri possit. Quam verò dubius sit hac in parte Galenus, & parum accurate Solutionis Continui species tradiderit, vnicuique facile est videre. Nos igitur qui rerum tantum capita hic coniectamur, dicemus huius morbi, vt & organici, tot esse species siue differentias quot sunt causæ coniunctæ & immediatæ, quæ hunc affectum producere possunt. Hæ verò quatuor sunt, nempe Sectio, Erosio, Contusio, & Distensio, ad quas omnes aliæ referri facile possunt: Totidem igitur erunt solutæ vnitatis species.

Vt igitur Sectio ab externis scindentibus vel pungentibus fieri potest: Erosio ab humoribus internis acrioribus, & ab externis corrodentibus: Contusio ab externis, duris, & grauibz violenter admotis: Distensio ab interiore plethorâ aut flatu diuellente, & ab externis magno robore distrahentibus: sic etiam variis partibus similaribus & organicis accidunt, in quibus propria aliquando sortiuntur nomina, alias nullo sunt donata, sed notatione causæ & partis describuntur: in osse solutio continui à secantibus, contundentibus, aut distrahentibus facta, generali vocabulo Græcis *νάλαισμα*, nobis fractura dicitur: ab erodentibus *ῥεγνῶν* siue caries; in reliquis partibus *ῥωμα* vulnus appellatur, quando sectio, contusio, aut distensio soluit continuum: Vlcus verò *ἕλκος* quando Erosio illud præstitit.

Verum quia nostrum non est in hoc opere, omnium particularum morbos consecretari, sed tantum Indicationes eas reperire, quæ singulis morborum speciebus competere possint: ideo in hoc morbi genere, idem habemus præstandum. Quamuis autem magis esset artificiosum inquirere nunc sigillatim, quomodo partium vnitas; velut primaria morborum istorum Indicatio reparari possit, quando ab erosione, sectione, contusione, aut distensione labefactata fuerit: quia tamen hodie ita vsus inualuit, vt tractatus Chirurgici diuidantur in explicationem tumorum præter naturam, vulnerum, vlcera, fracturarum & luxationum: ideo etiam nos eandem consecretabimur tractandi rationem. Cumque prius de luxationibus inter morbos organicos actum sit, & in tertiâ operis parte de Tumoribus præter naturam, vtpote compositis morbis acturi simus, superest vt hoc capite sequenti de Vulneribus, Fracturis, & Vlceribus agamus.



CAPVT XIII.

De Vulneribus.



APRD Hippocratem vulnus modo *ῥωμα*, aliquando *ῥωμια* dicitur: quidam tamen ita distinguunt; vt *ῥωμια* peculiari significatu, vulnera tantum illa designet, quæ cum manifestâ solutione continui contingunt ex sectione aut puncturâ; *ῥωμα* verò generalius omnem solutionem continui complectatur, tam quæ est valde manifesta, quam minus manifesta ex contusione, attritione, tractione, aut aulsiione orta. Quæ significatio nobis nunc erit magis ex vsu, vtpote qui per vulnus cum Galenô omnem intelligimus

gimus solutionem continui in quacunque parte, molli, durâ seu mediocri, quæ recens facta à secantibus, contundentibus, vel disrumpentibus, absque pure aut sanie subsistit. Distinguitur enim ab ulcere, quòd ulcus non à secantibus, contundentibus, vel disrumpentibus fit primò & per se, sed ab erodentibus: & quòd vulnus cruentum, non saniosum existit: tum enim demum in ulcus degenerat, quando eiusmodi ichores & purulenta materia in illo colliguntur. Vulnerum igitur causæ non solum externæ erunt quæcunque secare, contundere, aut diuellere possunt, sed etiam internæ quæ vasa aut membrorum tunicas disrumpere valent, vt plethora nimia, flatus copiosi, spirituum agitatio per clamorem, exercitatio violenta, & similes, quæ idem præstare consueverunt.

Differentiæ autem vulnerum cum à tribus repetantur, 1. à natura particularum similium & dissimilium; similium, mollium qualis est caro musculosa, glandulosa; viscerosa, pinguis: durarum vt ossium, cartilaginum, ligamentorum: Mediocrium, vt cutis, membranarum, neruorum, tendinum, venarum, & arteriarum. Dissimilium verò, principum, ad vitam necessariarum, & ministrantium. 2. ab essentiâ ipsorum vulnerum, quatenus respiciunt substantiam, quantitatem, figuram, & situm: Vnde vulnus aliud cum deperditione substantiæ existit per apocopen factum: Aliud sine vllâ substantiæ iacturâ per simplicem diacopen: Aliud magnum, paruum, & mediocre æstimatur pro maiore aut minore diuisione. Aliud appellatur longum, latum, æquale, inæquale, obliquum, rectum, ferratum, aduncum, rotundum, pro variis figuris & modis quibus infligi potest. Aliud denique ex situ profundum, aliud superficiarium vocatur. 3. Differentiæ vulnerum petuntur à complicatione causarum morbificarum, vt fluxionis vel congestionis, veneni cum telo aut morfu illati, & similia: morborum, vt tumoris, intemperiei, luxationis, & similia. Symptomatum, vt doloris, hæmorrhagiæ, pruritûs, & aliorum. Harum inquam, omnium differentiarum à partibus, essentiâ, & complicatione sumptarum Indicationes non est nostrum proponere, qui particularia ad suos proprios tractatûs remittimus. Videamus igitur quibus Indicationibus seu scopis generatim perficiatur curatio solutionis continui à secantibus, contundentibus, & diuellentibus facta, quæ à nobis vulnus est appellata.

Sectio igitur siue diuisio partium manifesta, vel fit cæsim, vt diximus, vel punctim. Quæ cæsim fit, omnes illas plagas complectitur quibus partium continuitas valde labefactata apparet, & oræ siue labra sectorum corporum, propter naturam grauitatem valde inter se dissident in simplici diacope; quemadmodum per apocopen sublata partis substantiâ, longè etiam soluitur continuitas. Quæ verò punctim infertur, vix vnquam substantiam partium deterit, sed exiguâ vt plurimum sectione vnitatem illarum dissoluit. Quia tamen ad internas vsque facilius penetrare potest, si non in latum, saltem in longum, magnas facit & periculosas continui diuisiones.

Quicquid sit; omnes solutiones continui, primam & generalem habent Indicationem, ipsam vñionem, quæ partim naturæ operâ, partim artis beneficio perficitur. Natura quidem suis naturalibus facultatibus instructa, substantiam illam mediam gignit, quâ velut glutino partes denuò inuicem vniuntur. Estque aliquando homogenea, & prorsus similis priori, vt in carne & pinguedine; Aliàs heterogenea, non omnino similis, vt in ossibus, cartilaginibus, & ligamentis quæ per callum quendam vel pœrum inuicem ferruminantur, Ars verò naturæ adminiculatur in his solutionibus continui quinque intentionibus completis, quas Chirurgi solent sibi vulgò ex Galeni doctrinâ proponere: Supposito prius conuenienti victus regimine, & habitâ causarum primitiuarum & antecedentium, vt plethoræ ac cacochymix quæ affectibus istis, vt aliis molestæ esse solent, diligenti præuisione.

His, inquam, suppositis, 1. est in hac partium diuisione Intentio, vt siquid extrinsecus inciderit in partem vulneratam, amoveatur: Quomodo enim natura dissitarum partium agglutinationem perficere poterit, permanente alieno medio? Siquid igitur subsit extraneum, vt teli cuspis, glans plumbea, spina, harundo, ossis frustulum, aut quid simile, & vulnus non satis dehiscat, amplificandum: Si verò satis pateat, digitis, forcipe, vossellis, & similibus instrumentis, quæ in opere Chirurgico describuntur, quod infixum est aut intercidit, apprehendi debet, & leuiter ac indolenter, quantum fieri poterit, euelli. Sunt & medicamenta quæ parti admodum, idem præstare creduntur ex proprietate, vt radix cannarum, marrubij, & di-

ſtamni, Ammoniacum, ſagapenum, &c. Quòd ſi hoc præſtari ſtatim non poſſit, vel id perficere non audeamus, ob largiorem hæmorrhagiam, dolorem, ſyncope, & ſimilia ſymptomata, vel etiam quia profundius poſitum illud extraneum in parte ignotâ latet ſine ſenſu, vt ſæpè in glandibus illis ſclopetariis contingit, differendum donec commodior occaſio ſeſe offerat & paulum recreatæ ſint vires. Præterea hæc Intentio non ſolum in principio poſt inſiſtum vulnus locum habet, ſed etiam quouis curationis tempore, ſi pus, oleum, pilus, aut quid ſimile interciderit, quod agglutinationem impediât. Imò ratione iſtorum ſolemus ſæpè in vulneribus profundis potiſſimum, vñionem tantisper differre turundis, fiſtulis ſive cannulis, donec ea omnia ſufficienter expurgata fuerint. Quod ſi per ipſum vulnus, iſtud ſufficienter fieri nequeat, alios etiam ductus molimur, partemque in loco oppoſito vel commodiore ſecamus, vt extranea tandem educi poſſint.

Remotis extraneis ſuccedit. 2. Intentio, quæ diuiſas partes ſimul committere & deligare docet. Hæc verò in illis tantum ſolutionibus locum habet, quæ ſunt ſine ſubſtantia partis ſenſibili iacturâ, in quibus enim illa contingit, non poſſunt diſſitæ oræ ſimul adduci, ſed oportet regenerari ſubſtantiam illam mediam, quâ partes diſtantes coniungantur: Harumque curatio ad viceris caui *ῥεπάριον* reduci poteſt, vtpote in quibus eadem ſubſtantia reſectio indicatur. Item in vulneribus punctim factis aut cæſim, ſi exigua ſit diuiſio, parum ex uſu eſt hæc indicatio, quandoquidem in his oræ vt plurimum non recedunt inuicem longiore ſpatio, quàm conueniat ad glutinationem faciendam. In ingentibus tantum diuiſionibus itaque hæc intentio occurrit, quæ tum conuenienti tractatione manus periti Chirurghi perficitur, tum ſaſciis, ligaturis, futurâ, fibulis, & aliis, quæ diſſita inuicem labra adducere & colligare poſſunt. Quorum ſæpè vnum ſufficit, aliàs duo vel plura pro conditione partis & vulneris ſunt uſurpanda.

Non ſatis eſt adduxiſſe diſſidentes vulneris oras, quando competit; ſed adductas retinere, vt ibi deinceps maneant, quod tertia docet Intentio: eiſdemque ferè auxiliis perficitur, quibus ſecunda: Nam decenti deligatione Incarnatiuâ, vt vocant, Expulſiuâ, aut Retentiuâ: Sutarum variis modis: accommodatis puluillis, & conueniente membri ſitu ac figurâ retinentur, ne denuò partes diuelli ac diſſidere poſſint. Atque hæc intentio in eiſdem vulneribus locum habet, quibus & ſecunda, nempe magnis diuiſionibus abſque ſubſtantia iacturâ.

His accedit. 4. Intentio, nimirum partis vulneratæ ſubſtantiam & temperamentum conſeruare. Cùm enim debeat natura rurſum glutine quodam diſſitas partes coniungere; hoc autem gluten, nihil aliud ſit, quàm ſubſtantia quædam parti diuiſæ ſimilis; Præſtare hanc generationem nutritionemque non poteſt commodè, niſi per bonam & naturalem temperiem, quæ illi inhæret. Hac igitur conſeruata, ſperanda erit facilis & proſpera agglutinatio. Subſtantia igitur & temperamentum partis conſeruabitur, ſi commodatio & ſymmetria primarum qualitatum remaneat, ſuccique laudabilis moderata quantitas affluat. Id autem vt in plethoricis cacochymiſque corporibus ſit, inſtitutâ conueniente dietâ, venæ ſectiõne, & purgatione: Sic ratione ipſius vulneris primis ſaltem diebus refrigerantia quædam & leuiter repellentia adhibere ſolemus, quæ nimium humorum in partem confluxum impediunt. Poſtea verò glutinantibus utimur medicamentis, quæ ſcilicet naturæ actionem, mediam illam materiam producentis iuuent. Hæc Glutinantia vult Galenus eſſe ſiccantia, differre tamen à ſarcoticis, quæ magnam carnis in vlcere aut vulnere profundo generationem iuuant; & ab epuloticis, quæ cicatricem inducunt: Eſſe enim inter hæc media quoad ſiccitatem, in aliis verò glutinatorium neque detergere aut expurgare debere, ſed contrâ prorsus ſubſtantiam partis in vnum cogere, ſuperfluam humiditatem exſiccando, & leuiter repellendo. Pro varietate autem & naturâ partium, varium eſſe debet glutinatorium & magis vel minùs exſiccans. Antiqui ceratis illis barbaris à Galeno recensitis utebantur: Vulgus Chirurgorum puluere, quem *incarnatiuum* vocant: Sunt hac noſtrâ ætate qui ſolis linteolis bene ſiccis & mundis ſimplicia hæc vulnera agglutinant. Alij baſamo illo nuper ex Indiis allato, quod multi puriorem ſtyracem eſſe autumant: Quidam ſolâ aquâ frigidâ idem conſequuntur: Quorum omnium remedia quamuis diuerſa videantur, in effectu tamen ſimilia exiſtunt, quia vel temperiem partis ſeruant, vel fluxiones repellunt, vel exſiccando agglutinant. Valeant igitur illi qui in ſimplici vulnere, digeſtiuis vulgò dictis ſeu ſuppurantibus

rantibus vtuntur, quæ humiditate illâ extraneâ partis substantiam eneruant, vniorem impediunt, & sordidissima vlcera inducunt.

Quinta denique intentio curandorum vulnerum, eorum complicationes respicit, vt scilicet alienæ intemperiei, tumori, contusioni, hæmorrhagiæ, dolori, conuulsioni, paralyfi, & similibus accuratè medeamur. Quorum curatio, vt ex singulis suis capitibus est repetenda, sic agendorum in illis ordo ex Indicationibus mixtis est definiendus. Hæc igitur de vulnere per sectionem aut punctiorem facto sufficiant. Nunc de eo quod per contusionem fit, pauca addamus.



CAPVT XIV.

De Contusione.

CONTUSIONEM & Diuulsionem potissimùm à Sectione differre dicebamus, quod illæ non manifestam solutionem continui efficiant sed occultam. Quamuis enim Contudentia & Diuellentia eò vsque procedant, vt non solum cutem, sed etiam subiectas partes dissoluant, quod in vulneribus sclopetorum familiare est. Non tamen est necessarium ad Contusionem & Diuulsionem illud contingere, sed tantum contiguitatem partium quodammodo dissolui. Porro harum Contusionum & Diuulsionum effectus & signa sunt ecchymomata illa, suffillata, vibices, melasmata, quæ ex casu aut ictu obtusarum rerum & non secantium contingunt, aut ex motu violenter & confertim facto vel vtriusque. Quando igitur non modò carnosæ musculorum partes, sine cutis diuortio contunduntur, sed etiam abruptuntur, tunc è carne ipsâ & venulis exilit sanguis in media spatia, ibique primum liuescit, postea successu temporis pars flaua & auriginosa redditur.

Huius autem affectus curatio ita instituenda, vt primò fluentem ad locum affectum materiam vacuemus & auertamus, si ingens fuerit contusio vel abruptio. Vnde volunt Arabes in hoc affectu insigniore semper venam esse secandam, quamuis exangue & minimè plethoricum esset corpus, arcendæ fluxionis causâ. Secundo parti ipsi auxilium & robur adferendo, rebus quodammodo refrigerantibus & stypticis, ne tam facile fluxionem suscipiat, & vt disruptæ venulæ leuiter constringantur. Vnde rosaceo partem contusam aut diuulsam, inungere solemus, deinde rosarum aut myrtillorum puluere inspergere. Quidam albumen oui cum prædicto oleo permixtum, puluereque dicto imbutum, ac stuppis impositum, alij vnguentum album Rhasis, præcipuè in paruis contusionibus ad mouere solent: in magnis verò, vt eis qui ceciderunt ex alto, inuoluunt ægros pelle arietinâ recentè extractâ, velut anodyno quodam generali & diaphoretico, aliquo puluere astringente aspersâ.

Quibus præstitis, reliquum est, vt sanguinem illum in spatiis hærentem hauriamus & dissipemus: idque aut sensibiliter, vt cucurbitulis & scarificationibus; qualia apud Practicos multa reperiuntur, & hodie aqua illa vulgò catapultarum dicta, excellentissimum est ἀραιωτικόν. Nonnulli antiquorum thapsiam & auripigmentum ad id vsurpant. Quandoque accidit, vt grumofus ille sanguis dissolui & discuti nequeat, sed putredinem concipiens in suppurationem vertatur, quo tempore eadem esse poterunt ex usu, quæ postea à nobis de tumore sanguineo dicentur.

Porro non erit hîc inutile per transennam annotare, in vulneribus contusioni iunctis, qualia sunt sclopetorum, probanda magis calfacientia & exsiccantia cum tenuitate partium, vt est illa aqua seu decoctum catapultarum vulgò dictum iam commemoratum, sedato prius dolore aut inflammatione, quàm suppurantia, pingua, oleosa, & emplastica, quæ priscorum vsus receperat. Quamuis enim dixerit Hippocrates & cum eo Galenus, carnes contusas esse suppurandas; non tamen ideo adhibenda calida humidâque ista & poros obstruentia quæ augendo partis putredinem, sæpissimè gangrænas, & ingentem partium corruptionem inferunt, aut saltem sorditiem & colliquationem saniosam, vt illis qui castra sequuti

sunt, aut vulneratorum copiam in Nosocomiis viderunt, animaduertere licuit. Exsiccantia autem & absorbentia cum tenuitate partium, qualis est illa aqua, dum redundantem ex ictu humiditatem exhauriunt, caloremque natium roborant, reliquum quod suppuratur, in laudatissimum pus album, læue, æquale, & minimè fætidum conuertunt, citissimamque vulnerum istorum confusorum curationem perficiunt. Nunc ergo ad vulnera ossium accedamus siue fracturas.



CAPVT XV.

De Fracturis.



IXIMVS superius non esse propositum nobis hoc opere persequi Indicationes particulares vulnerum in singulis partibus, vt arteriis, venis, membranis, & similibus, tam similaribus quàm organicis: sed in specialibus esse subsistendum. Quia tamen consuetum est hodie, ossium vulnera quæ fracturæ dicuntur peculiari tractatione complecti: Et quia cognitis extremis media faciliè innotescunt: quæ verò diximus præcedente capite potissimum de vulneribus partium mollium intelliguntur, hæc verò durarum, ex quibus vulnerum in mediocribus curatio apparebit. Ideò lubet etiam fracturarum *ῥεράτισται* hîc breuiter proponere.

Fracturam igitur, Græcis *κάλυμμα* dictam, nihil aliud esse quàm ossis vulnus, quo illius continuitas sensibilibus dissoluitur à re contundente, scindente, aut violenter impellente, notissimum est. Cuius idcirco tot sunt differentiæ, quot vulnerum, à parte scilicet cui inhærent, vt caluariâ, maxillis, clauiculis, femore, & similibus quæ ossa ad firmitatem & securitatem à naturâ habuerunt. Atque à complicatione causarum; affectuum, & symptomatum, vt fracturâ cum fluxione, vulnere, vlcere, inflammatione, gangrænâ, dolore, pruritu, & similibus. Denique fracturarum differentiæ veræ petuntur ab earum essentiâ, vtpote substantiâ, quantitate, & figurâ: Sic enim alia est cum substantiæ iacturâ, quando portio quædam ossis est sublata: Alia verò sine vllâ substantiæ deperditione, sed solâ ossis diuisione magnâ vel parvâ, cum diuersis scissionum figuris, *καυληδόν, ῥαφανηδόν, ῥικνηδόν, ῥοδακηδόν, ἐνυχηδόν, ἀλφιτηδόν, κατ' ὀστέθραν*, & similibus à veteribus curiosius recensitis. Quas ego malim cum Celso ad tres omnino reducere: Omne, inquit, os, modò rectum, vt lignum in longitudinem finditur, modò frangitur transuersum, interdum obliquum comminuitur. Hoc tamen addendo, variis istis fracturarum figuris accidere posse, vt sint cum squammulis & frustulis fracti ossis pungentibus vel prementibus vicinas partes; aut sine illis.

Porro communis fracturarum Indicatio, vt in reliquis solutionibus continui, est vnio. Quia verò os durum siccumque coalescere simul, & denuò concrelescere nequit, nisi in valde puerulis: Ideò ista vnio perficienda medio quodam velut glutino, quo commissa ossa stabiliantur & in suâ sede naturali contineantur: Media autem hæc substantia ex superfluo ossis alimento crasso viscidoque nascatur oportet, quod extremis ossis fracti partibus concrelescens disiuncta frusta denuò colligat: Vocant *αἰῶρον* *ῥαρκοειδές*; callum & glutinum, cuius productio conueniens, præcipua est & integra fractorum ossium curatio.

Hanc igitur vt assequamur, quemadmodum in carnis sectione dictum est, adducenda & reducenda ossis fracti frusta in suam sedem; ibi continenda; & generanda certis medicamentis & alimentis substantia illa quæ partes istas vnire debet. Denique siquid aliud fracturæ coniunctum complicatumque sit, accuratâ methodo tractandum, prout res ipsa indicabit.

Vbi igitur primùm incideris in ægrum, cui os vnum aut plura confracta fuerint, quod ex motûs priuatione, interiore crepitu, & laxitate, vitiatâ figurâ, dolore, & similibus deprehendes. Curabis vt quæcunque partes abruptæ vel diuulsæ fuerint, denuò locum naturalem reperant. Id autem præstabis vel solus, si fractura in paruo fuerit membro, vt digito; Vel ab aliis adiutus, si in maiore fuerit, vterisque aut manibus tantum, aut si illæ non sufficiant, fasciis, laqueis, & machinis, quæ possint membrum illud leuiter vtrinque distendere, & in diuersa retrahere,

trahere, ita ut ægro membróque resupinato & retracto paulò longiùs quàm naturaliter esse soleat, ne sese in adducendo confringant, Chirurgus tum demum partes istas in suam sedem compellat: quod ex concinnitate figuræ restitutæ & doloris sedatione statim cognoscitur. Atque hæc repositio primis potissimum diebus tentanda, quia postea non leue fluxionis & inflammationis periculum subesset. Quod si ossa fracta situm suum non mutarint, ut aliquando contingit, tunc cessat ista indicatio, & faciliùs curantur. Contrà verò si nulla retractione contretationeque reponi possint, ob quædam fragmenta, quæ inter partes uniendo intercederunt, tunc necessaria est apertio talis fracturæ, ut ista extranea quæ coalitum impediunt, auferantur.

Ossibus ergo sic rectè coaptatis, eorum positura seruanda est, ut pristinam unionem recuperent. Id autem fiet si membrum immotum permanserit: Ut igitur ægro imperanda quies, sic ligaturis prospiciendum, ne dormiens vel incogitans partem illam agitare possit: fasciis itaque plus vel minùs longis latisque vino rubro & styptico imbutis, & ita conuolutis, ut docet Hippocrates reliquique Chirurghi, pars firmiter continenda; appositis prius parti panniculis lineis oui albumine & rosaceo madentibus, vel stuppis poscâ irrigatis, ita tamen ut si nullus dolor aut inflammatio adfuerint, arctiùs, & contrà laxiùs constringatur. Præter fascias istas & deligaturam, ut pars immobilis & firmiter maneat, solemus plagulas & subligacula comparare, quibus pars in naturali hoc situ seruetur.

Membro perfracto ita composito, si neque dolor, pruritus, inflammatio, aut exulceratio superueniant, ad decimum vsque, vel etiam vigesimum diem eiusmodi apparatus relinqui poterit. Si verò illa accendant, tertio quoque die, ex sententiâ Hippocratis, deligatio soluenda, & membrum aquâ temperatâ vel decocto quodam accommodato fouendum, ut dolor mitigetur, & sanies, siquæ intus collecta fuerit, discutiatur.

His absolutis scopis incumbendum est, ut callus & glutinum illud quo partes coire ac concreescere debent, gignatur. Hoc autem cum fiat ex crasso & viscido illo alimento, quo nutriuntur ossa, suppeditanda eiusmodi per diætã materia debitæ quantitatis & qualitatis ad agglutinationem faciens. Ut igitur in principio fracturæ tenuissimè nutriendum est, metu fluxionis & inflammationis: Sic versùs duodecimum aut decimum quintum diem, quo ferè accrescere incipit Callus, ut ex sedatione symptomatum, & viuido partis colore innotescet, plenius nutriendum; iisque alimentis quæ crassitie quadam & lentore prædita sunt, ut oryzâ, amylo, semolâ vulgò dictâ, pulcibus, vino crassiore, quò prius in totum abstinuissè oportet, extremitatibus animalium, ut capitibus, pedibus, & intestinis hædorum, veruecum, vitulorum, limacibus, ranarum coxis, testudinibus & similibus, si nihil contraindicet, ut febris, &c. Aprissimus autem & firmissimus callus, neque minor esse debet, quàm ut ossa stabilire possit, nec magnitudinem ineptam habere, quæ dolorem vicinis partibus inferat ac figuram deturpet. Promouendus igitur, si iusto minor proueniat; inhibendus, si immodicè crescat. Promouetur perfusione aquæ calidæ, cibis quantitate & qualitate à nobis dictâ præditis, admotis parti calfacientibus & attrahentibus, ut frictionibus. Inhibetur detracto alimento, arctis ligationibus, superpositâ laminâ plumbeâ, quæ partem constringat, & similibus, quæ breuitatis causâ omittimus. Quod verò attinet ad eorum curationem, quæ fracturis complicari possunt, eam ad particulares tractatûs remittimus.



CAPUT XVI.

De Vlceribus.

VAMVIS Vulneris Vlcerisque nomina ferè idem significant apud Hippocratem & antiquos authores. Apud recentiores tamen illud est discriminis, quod vulnus primariò à causâ secante, contundente & diuulente fiat: Vlcus verò ab erodente. Quamuis enim succedere possit cruentis vulneribus, contusionibus, tumoribus præter naturam, & similibus, oportet tamen perpetuò putrilaginem & sordes adiungi, ut vlcus constitutur, unde in

primarium & secundarium diuiditur. Est igitur solutio continui ab erosione facta in quavis corporis nostri parte : Etsi quidam vlcus ad partes tantum molles & carnosas contrahant, & in aliis partibus, vt intestinis, cartilaginibus, venis, arteriis, neruis, & membranis erosionem; in ossibus Cariem appellare malint. Nos tamen relicta *λογομαχία* per vlcus, erosionem omnem intelligemus quæ continuum soluat, siue fiat ab internâ causâ antecedente, vt cacochymia totius corporis; vel coniunctâ, vt pure, sanie, acrioribus succis, & similibus; siue ab externâ vt materia, vel contactu contagioso, septicis, causticis, & similibus corpori admotis : Vnde ad illam erosionem consequitur saniosa, virulenta, sordida, aut purulenta quædam colluies, quæ vlceri videtur propria inter solutiones continui.

Differentiæ verò Vlcera non ab aliis petuntur quàm vulnerum, à ratione scilicet partium affectarum, propriâ essentia, & complicatione cum aliis affectibus : Ratione enim partium affectarum, Vlcera dicuntur cutanea, carnosâ, pulmonum, oculorum, vuulæ, articularum, & similia, quæ sunt subiecta illorum. Respectu propriæ essentiæ, vt quantitatis, dicuntur magna, longa, profunda, caua, cauernosa, sinuosa, parua, angusta, breuia; superficiaria. Respectu figuræ dicuntur rotunda, inæqualia, recta, obliqua, fistulosa, labris inuersis, & siquæ sint aliæ figuræ, quibus erosio sese propagare possit. Ex complicatione verò cum aliis vlcera varias sortiuntur differentias. Coniungi enim possunt cum causis, vnde vlcus cacochymum, venenosum, contagiosum, venereum & similia vocatur : Cum morbis, vnde vlcus phlegmonosum, cancrum, gangrænosum, callosum, cariosum, varicosum appellatur. Denique à symptomatum complicatione vocatur *ἐνθήδες*, *κακοήδες*, rebelle, malignum, pruriginosum, dolorosum, serpens, erodens, pulsans, pungens, fœtens, sordidum, siccum, saniosum, & similia, quorum particularis ratio suis locis assignanda.

Ratione etiam quorundam extraneorum, vt temporis, vlcus recens & inueteratum; incipiens, crescens, declinans, & sanescens dici potest, vt Chironium, Telephium, Lupium, S. Lazari, & aliorum, quibus eiusmodi vlcera accidisse dicuntur : quæ appellationes parum ad curandi rationem faciunt. Illorum item signa diagnostica ac prognostica omittimus, vt parum ad indicationes inueniendas facientia.

Indicationes igitur curandorum vlcera, vt aliorum morborum à causis & affectu petendæ. Quæcunque enim causa externa vel interna, illud generat, auget, vel conseruat, sedulo auferenda. Sic plethoram & cacochymiam in toto vel parte corporis principe redundantem, conuenienti victu, Chirurgiâ, & Pharmaciâ corrigendam inprimis esse satis indicant hydropicorum, varicosorum, obstructorum, & aliorum quacunque *καχεξία* occupatorum vlcera, quæ non solum ægrè sunt sanabilia, sed vix prius curantur, quàm eiusmodi affectus primarij conquieverint. Eadem ratione vlcera eorum qui lue Venereâ laborant, non prius obduci possunt, quàm guaiaci decocto, inunctionibus hydrargyri, & similibus antidotis sublata sit labes illa venenata : Cuius rei similitudine ducti, pessima, rebellia & valde excrementosa vlcera solemus hodie curare exsiccatione totius corporis, per decocta illa sudorifica, & siccam parcâque victus rationem in viginti aut plures dies felicissimo successu institutam.

Habitâ sic antecedentis causæ ratione, ad coniunctam, ipsûmque affectum erit accedendum. Vlcus igitur simplex, cum nihil sit aliud quàm solutio continui cum erosione & deperditione substantiæ partis, primariâ illâ indicatione, quâ solutio continui est. vñionem diuisæ partis indicat; Hæc autem fieri non potest, nisi genitâ prius quæ deperit substantiâ : Hæc verò gigni non potest, nisi efficiens illius causa, & materialis ritè ac secundum naturam disponantur, illaque impedimenta tollantur, quæ bonam carnis procreationem morantur, nimirum excrementa tam tenuia quàm crassa, quæ ex vitiata coctione in Vlcera producuntur. Ex his itaque indicatur ad gignendam partis substantiam quæ deperdita est, temperiem totius & partis affectæ, velut efficientem causam, diligenter esse conseruandam & restituendam; Item bonum & laudatum sanguinem esse producendum, qui moderatè ad partem affluat, vt ex eo velut bene dispositâ materiâ caro bona producat. Denique tollenda esse excrementa illa, quæ in parte necessario suscitantur ob vitiatam coctionem, & rationem causæ sine quâ non, obtinent, eaque duplicia, tenuia scilicet humidioraque, & crassiora : aliquando seorsim existentia,

stentia, ut quando valde crudum est vlcus, tenue excrementum; quando maturitatem adeptum est, pus laudabile; aliquando permixta, ut quando puris portio ichoribus diluta conspicitur. Ex tenuitate igitur & humiditate prioris excrementi, exsiccantia esse ex usu, indicatur; ex crassitie & visciditate alterius, detergentia: Ita ut exsiccantibus & detergentibus, vera Vlcerum therapeia perficiatur.

Porro hæc exsiccantia detergentiaque variant, non solum pro diuersitate corporum, temperamentorum, virium, ætatis, sexus, & partis affectæ variâ naturâ, sed etiam pro conditione ipsius vlcis & quantitate excrementi. Nam dum bene se habet & secundum rectam vlcis constitutionem, utimur tum exsiccantibus primi & secundi ordinis, quæ partis viginem corrigere possint; tum effectui talibus, ut linteolis siccissimis, suppis cannabinis, spongiis, & similibus, exsiccat & rarâ materiâ confectis, quæ absorbere & veluti sugere possint vlcis humiditates, ut etiam olis frictione, & pyulcis instrumentis, quibus solebant veteres ex profundiori vlcere pus & humiditates extrahere.

Utimur etiam detergentibus in triplici differentiâ, quorum prima vocat Galenus *ῥυστική* absterforia; secunda verò *ἐκφραστική* siue *ἐκκαθαρτική*, quasi purgatoria & ab infarctu liberantia, multo prioribus valentiora; tertia denique dicuntur lauantia seu abluentia, quæ motu suo, humoris copia, & leuitate quasi rapiunt & expurgant Vlcis sordes. Ut igitur in vlcibus exsiccare, detergere, expurgare, abluere conuenit: sic has omnes vires simul permiscere possumus, quando opus fuerit. Quod exactissime præstitum esse puto, in decocto illo siue aquâ Catapultarum dictâ, in quâ exsiccantia, *ῥυστική*, *ἐκφραστική*, & abluentia commodissime mixta sunt, & felicissimo successu in vlcibus, dummodo absit inflammatio, usurpatur, itemque Muria, seu aqua salsa, & Marina. Sunt alia multa & simplicia & composita, quæ vulgò ad exsiccationem & deterfionem habentur ex aliorum libris repetenda.

Quod si vlcus excrementa non habeat laudabilia, ichores scilicet & pus, sed virulentiam putridamque saniem, tunc non solum communia exsiccantia & detergentia, sed etiam absumentia, & insignem illam putredinem absorbentia indicantur. Vnde Ægyptiaco Vnguento cum decocto lupinorum, vel Muria, sublimato, puluere Mercurij seu præcipitato, & aliis utimur, quæ vires habent cathæreticas, atque etiam causticas.

Repurgatum igitur Vlcus, suisque excrementis liberatum, paulatim acquirit naturæ vi carnem laudabilem, quæ ubi ad iustum accesserit terminum, hoc est, cavitatem propositam impleuerit, tum demum naturali tegumento operienda erit, aut certè aliquo quod naturale imitetur: Cutis enim quæ est commune totius corporis velamentum, cum sit pars media seminalis, quæ intentione primâ, ut vocant, regigni nequit, idèo secundariâ quadam ratione quid cuti analogum producit, quod Cicatricem appellamus, ex indurata exsiccatâque carnis recentioris superficie, quæ veram cutem quodammodo æmulatur. Cicatrix illa tum vi naturæ cessantis, ubi finem suum attigerit, tum externi frigoris & medicamentorum epuloticorum operâ perficitur, quæ Galenus sicca esse voluit cum adstrictione, eorumque varia proponit paradeigmata *libris methodi, & de composit. medic. secundum genera* ut unicuique videre licet.

Hæc est igitur vera & methodica curandi simplicis Vlcis ratio, ex propriis Indicationibus sumpta, quæ in particularibus singulorum membrorum vlcibus variari potest, pro vario sensu, temperamento, substantiâ, compositione, & situ partium quorum tractatio suis locis traditur.

Compositi verò vlcis cum suâ causâ continente, morbo, aut symptomate, curatio plures habere potest differentesque indicationes, ut scilicet causa illa quæcumque fuerit, remoueatur, opposito contrario quod vel effectui vel denominatione tale sit, ut cacoehymia, venenum, contagio, fluxio, congestio. Item complicatus vlcis morbus, Intemperies, Contusio, Tumor, Callus, Fistula, Ossis caries, Varix, prius curandus quàm de vlcis agglutinatione & cicatrice obducendâ cogites. Quinimò Symptomata, si valde vrgeant, ut dolor, puritus, caro supercrefcens, fœtor, & similia, prius mitiganda, quàm vera curatio instituatur. Vnde patet in Vlcibus sæpè indicari alexipharmaca, repellentia, refrigerantia, calfacientia, humectantia, suppurantia, digerentia, exedentia, exfoliantia, anodyna, multaque alia, non ratione sui, quâ scilicet est vlcus, sed quâ ratione cum aliis coniunctum, quorum sublatio præcedere debet illius meram curationem, quæ iam dictis perficitur,

perficitur, exsiccantibus scilicet & detergentibus non sanguinem & carnem quæ produci debet, sed excrementa quæ in illius generatione producuntur. Denique cicatricem obducentibus & vlcus sigillantibus, quæ tum demum operantur, quando vlcus cavitatem & cacoëthiam omnem amiserit. Quibus verò, hoc est, quæ materiâ & formulis hæc perficiantur, in descriptione externorum remediorum dictum est: Qui enim plura de vlcerebus volet, consulat tractatûs Guidonis, Tagau-tij, Kalmetei, Fallopij, & aliorum.



TERTIA PARS.

CAPVT I.

De Mixtis morborum Indicationibus.



BSOLVIMVS Indicationes simplicium morborum secundum suas species, quod erat nobis in hoc opere propositum, superest tantum, vt regulas ac leges earundem Indicationum tradamus in compositis, complicatis, connexis, & consequentibus affectibus, qui maximum Medico negotium facessere solent: Item complicatio causarum & symptomatum non est negligenda; In quibus omnibus aut pluribus simul iunctis, operæ pretium vt doceamus, quis ordo in Indicationibus sit obseruandus.

Vnus itaque vocatur morbus, aliquando is qui solus est absque causæ suæ præsentia, aut grauiore symptomate. Aliàs vnus censetur, quamuis comitatus suâ causâ & symptomatibus, si nulla alia dispositio præter naturam in corpore fuerit. Denique vnus etiam dicitur, quamuis multæ adsint dispositiones præter naturam, vt patet de tumoribus præter naturam, qui ex triplici constant genere morborum, si vnâ eandemque partem adæquatè obsideant. Multi etiam morbi multis modis esse possunt: Nam aliquando multi morbi ita sunt disparati & diffiti, vt nullam inter se compositionem, complicationem, connexionem, aut consequentiam habeant, quales sunt v.g. vlcus in aure, suffusio in oculo, phlegmone in manu, luxatio in pedum digitis, calculus in vesica, & similes, qui vno eodémque tempore ægrum aliquem affligere possunt. Aliàs multi sunt morbi in vnâ eandemque parte, vt ex eorum quasi compositione vnus emergat morbus, vt dictum fuit de tumoribus præter naturam, de vlcerebus cum intemperie & cavitare: Aliàs complicari seu implicari, quando varias quidem partes obsident, sed in eandem functionem, aut communem vsum conspirantes, vt pleuritis cum asthma, ophthalmia cum suffusione, vlcus renum cum calculo vesicæ, intemperies calida hepatis cum obstructione venarum mesenterij, & similes qui vni eidémque functioni obsunt: connexi verò sunt illi quorum vnus alterum necessariò efficit, vt febrem inflammatio & putredo viscerum; Paralytim Apoplexia sanabilis, & similes. Consequentibus denique sunt, quicunque fiunt ab aliis, non quidem necessariò, sed consequenter, per ἐπιγένεσιν, aliquando per μετέσχεσιν excrementorum in varias partes translatorum, vt anginae suppurationem excipit empyema; colicum affectum nephriticus, arthriticus, aut aliquando paralyticus, & similes. In quibus omnibus componi, complicari, connecti, & consequi potest similis morbus similem, eumque eiusdem generis aut diuersi. Similiter organicum & solutionem continui, duos aut plures, & sic de reliquis. Adde complicationem causarum & grauiorum symptomatum aliquando ipsi affectui aduersarum.

Hæc igitur omnia, vt sunt res præter naturam, sui sublationem suadent, idque per contrarij vsum, cuius qualitas, quantitas, tempus, locus, forma, & reliqui scopi per vniuscuiusque simplicis affectûs, causæ aut symptomatis, partisque affectæ naturam facillè innotescet. At verò quo ordine & methodo hæc contraria vsurpari debeant, vt commodè, tutò scilicet citò & iucundè curentur, non ita est

est manifestum. In affectibus quidem illis qui disjuncti & disparati omnino sunt, licet quemcunque nullo discrimine separatim curare, ut luxationem digitorum pedis, vulnus in crure, erysipelas in manu, suffusionem in oculo, & similes, nullâ ferè alterius habitâ ratione tractare.


In compositis verò, implicitis, connexis, & consequentibus morbis, causis, & symptomatis, siquidem eiusdem sint naturæ, unâ eademque lege curantur: sic tertianam ex bilioso humore profectam, molestissimosque rigores eientem cum erysipelate cuiusdam partis, simili alteratione & vacuatione sanamus: pleuritidem, peripneumoniam, & febrem eisdem remediis expugnamus: Catarrhus & Asthma, Ulcus Tibiæ & magnitudo in ea imminuta non habent repugnantes aut contrarias indicationes. In his igitur omnibus, nisi quid magis urgeat, hanc legem observamus, ut id primum curetur, eiusque præcipua ratio habeatur, quod rationem obtinet causæ efficientis, conservantis, augmentis, aut sine quâ non. Sic Catarrhum ante Asthma, cui originem dedit, curare debemus: Pleuritidi prius & potius mederi quàm febrî; Ulceris fordes detergere & exsiccare, inflammationem, contusionem, varicem, callum, & similia tollere; antequàm de carnis generatione, aut cicatrice obducendâ cogitemus. Hydropicorum aquas prius vacuare nitimur, quàm intemperiem hepatis corrigere. Dum tamen ei qui rationem causæ obtinet incumbimus, non alium omnino negligimus, sed illi quoad fieri potest prospicimus: Vt enim Catarrhum Asthmatis authorem vacuare, reuellere, & deriuare nitimur, pristinamque cerebro temperiem ac robur restituere: sic etiam obstruenti pulmones humori, attenuantia, incidentia, detergentia, expurgantia, resoluentia, & similia accommodamus, ut simul & semel uterque affectus, si fieri possit, expugnetur; aut certè, quid cum quo, quid post quod, quid ante quod fieri debeat, consideremus. Hæc igitur ita fieri convenit, quando curatio multiplicium istorum affectuum, non est inter se aduersa; sed potius vnius curatio, alteri commoda & utilis esse potest.

Vbi verò inter se dissentiunt, ita ut vnius curatio alteri sit noxia, ut complicatio Febris putridæ aut Ulceris cum Hecticâ, intemperies frigida ventriculi cum feruentiore hepate; Asthma cum Pleuritide, & similes: tunc certè mediocritate quadam permiscenda contraria plus minus, prout ex usu esse videbitur; aut ita exhibenda variis locis & temporibus, ut quàm minimùm contrario affectui nocere possint. Idque ordinariâ & legitimâ methodo pro vario situ & connexu partium. Sic algente ventriculo simul cum æstuante hepate, quia nihil ad hepatis refrigerium ingerere licet, quin per ventriculum prius delarum, eius intemperiem augeat, nihil admouere extrâ ad frigiditatem ventriculi temperandam, quin feruidioris hepatis lobum incumbentem magis calfaciat. Ideò in talibus ventriculum quidem calfacere tentamus, non per admota, sed per assumpta quæ sint paucae quantitatis & crassioris substantiæ, qualia sunt grana piperis aut coriandri integra, ut sic propter exiguam eorum quantitatem faciliè in ventriculo consumantur, & propter modum substantiæ non faciliè in iecur distribuuntur. Hepar autem refrigeramus non assumptis sed admotis, quæ faciliè penetrare, & actionem suam in iecur exercere possunt absque ventriculi noxâ. Quæ exempli causâ dicta sint in affectibus & causis dissentientibus, quorum curatio perficienda erit, vel permixtione contrariorum, vel moderatiore eorum usu in diuersis temporibus. Aut admouendo ea distinctis locis per partes supernas aut externas, prout situs & connexus membrorum indicabunt, habitâ semper ratione illius præcipuè, qui causæ & originis naturam obtinet.

Hæc igitur omnia ita observabuntur, quando nihil est quod vehementius inter ista urgeat, & ægro periculû minetur; Cui inuerso sæpè & præpostero ordine succurrere cogimur: etiam cum quadam aliorum noxâ. Porro docet Galenus 7. meth. cap. penult. affectum aliquem trifariâ urgere & periculosum esse, primum ratione propriæ essentiae siue magnitudinis, secundò ratione partis principis, aut ad vitam facientis, cui inhaeret, tertio ratione symptomatum, ut doloris, delirij, vigiliarum, & similium: sic febris intensissima quæ obstructione pituitosi humoris suscitata fuerit, ingès pleuritis quæ exiguo Asthmati fuerit coniuncta, suadet, ut ab eis velut urgentioribus ratione essentiae incipiamus, & omne curandi studium eò conuertamus, reliquis quodammodo neglectis. Sic intemperies frigida cordis cum calore renum, nos cogit, ratione partis principis, ut calfaciendo cordi incumbamus, ne ex illius refrigeratione extinctio caloris nativi sequatur. Denique placandis symptomatis, non raro est studendum,

dendum, utpote quæ præ vehementiâ vires iam effoetas & languentes deiicerent, aut certè aliud periculum excitarent: Vnde dolori sedando, si sit atrocior, non solum causas tollentia, anodyna, temperata, & calori nostro analogâ adaptamus, sed etiam narcoticis utimur, quæ tantisper sensum partis affectæ obtundant, & naturæ quasdam inducias præstent, donec collectis viribus in causas dolorificas, & aliorum symptomatum procreatrices alacrius postea conuerti possit.

Concludamus igitur in complexu istiusmodi, ex ordinariâ methodo ab eo esse incipiendum, quod efficientis causæ aut sine quâ non rationem obtinet; extraordinariâ verò, habendam esse rationem urgentioris ob magnitudinem causarum, affectûs, & symptomatum, vel dignitatem partis affectæ: ita tamen ut quàm minimam noxam reliquis inferamus. Quod si fieri non possit etiam cum manifesto alicuius partis detrimento sedemus affectum qui certissimam vitæ ruinam esset allaturus: Veluti si puncto aut secto ex parte musculi tendine aut nervo, tanta superueniat conuulsio, ut nullo remediorum usu remittatur, totum tendinem aut nervum transversum præcidere cogimur, ut tam graue symptoma sedetur, quamuis parti alicui motum & sensum adimamus: Arteriosi etiam sanguinis effusionem ex punctâ arteriâ, cogimur aliquando sistere totâ arteriâ dissectâ, quamuis inde aneurysmatis periculum immineat. Et luxationem vulneri aut ulceri iunctam negligimus, ne dum luxata reponuntur, ægrum in febrem aut conuulsionem præcipitemus. Hæc igitur est methodus quam in permixtione Indicationum obseruare debemus. Quoniam verò inter compositos affectus recensuimus tumores præter naturam: ideo non extra institutum erit, si exempli gratiâ, & ne tantus tamque visitatus morbus relinquatur intactus, eorum Indicationes breuiter pro operis complemento proponamus.



C A P V T II.

De Indicationibus Tumorum præter naturam.



TUMORVM præter naturam Indicationes eadem methodo inueniendas esse, quâ superiorum morborum, ubi prius eorum naturam, causas, & differentias proposuerimus, satis est apertum. Tumoris igitur præter naturam varia apud Græcos, Latinos, & Arabes scriptores nomina: Hippocrates generali œdematis nomine, omne Tumorum præter naturam genus complectitur: Aliquando etiam *Φύμαλα* appellat. Galenus *ὄγκος, κατὰ Φύσιν*, quantitatis & dimensionis excessum præcipuè designans. Latini tumores verterunt, tubercula, pustulas, & papulas. Arabes & Barbari bothor, eminentias, exituras: quibus omnes in quacunque parte collectiones notârunt, siue in profundo positas, siue in superficie ex quantitatis, aut qualitatis, vel vtriusque vitio obortas. Nos verò hîc potissimum agimus de iis tumoribus, in quibus partes à naturali habitu in quantitate recesserunt: quandoquidem alij infectiones cutis potius quàm veri Tumores dici merentur.

Est enim Tumor dispositio præter naturam, in triplici malæ constitutionis vitio sub vna magnitudine auctâ, posita, per fluxionem aut congestionem humorum orta, actionem primò & per se lædens. Dicitur autem vna, non plures, duplici ratione, tum partis vnius eiusdemque, quam simul & adæquatè occupat; tum causæ, quæ vna eademque intemperiem parti, malâm conformationem figuræ vel magnitudinis, & continui seu contigui diuortium affert. Porro causa hæc in parte colligitur, aut vi fluxionis aut congestionis vitio, quarum rursus variæ sunt multiplicisque causæ. Ut enim congestio sensim, Fluxio affatim sit: Sic congestionis causæ duæ potissimæ assignantur, Error facultatis alteratricis, quæ ob contractam intemperiem, vel ineptitudinem aduentantis alimenti assimilare illud, & in partis substantiam conuertere nequit: Aut error expultricis, quæ vel ob imbecillitatem propriam, vel excrementorum crassitiem & lentorem; Vel ob meatuum partis obstructionem, reliquias propellere non potest.

Fluxionum autem causæ ad quatuor referuntur: 1. ad membrum mandans siue expellens,

expellens, quod excreticis robore sibi molesta propellit, vel præ infirmitate retinere non valens, in partes sibi suppositas aut connexas dimittit. 2. ad partem recipientem, quæ quia vel dolet, vel calida est nimium, imbecilla, rarioris substantiæ, ignobilis, in loco decliui aut inferiori posita, suscipit ruentem materiam. 3. ad conditionem ipsius humoris fluentis, qui aut substantiâ tenuis, aut quantitate nimius, vel qualitate molestus, à robustioribus & nobilioribus partibus ad ignobiliores aut infirmiores dimittitur, ut in Bubonibus videre licet. 4. ad vias seu ductus per quos fit fluxio; illorum enim rectitudo & connexio cum parte recipiente, item amplitudo, & laxitas, causa est facilis in illam humorum illapsus. Has rursus causas aliæ generare solent internæ externæque; quas unicuique ex communibus præceptis facile erit repetere.

Differentiæ verò Tumorum præter naturam, tot constitui possunt, quot in vulneribus dictæ sunt, nempe à tribus. 1. à partibus quibus inhaerent; unde nomina Ophthalmiæ, Hepatidis, Chiragræ & similia, quæ certas partes his tumoribus affectas designant. 2. à ratione complicationis seu connexionis cum aliis causis, morbis, aut symptomatis: Vnde dicitur Tumor cum fluxione, congestione, plethorâ, cacochymia, & similibus: Tumor cum ulcere, vulnere, febre, luxatione, & aliis: Tumor cum dolore, calore, rubore, mollitie, duritie, & reliquis. 3. Differentiæ Tumorum maximè propriæ & ad curationem necessariæ ducuntur à causis essentialibus & coniunctis, nempe humoribus tum naturalibus & vitilibus, tum non naturalibus & excrementis: Vnde primâ diuisione secantur in tumores calidos & frigidos.

Calidorum duæ primæ species, phlegmone & erysipelas, Frigidorum oedema & scirrhus: Phlegmone enim tumor est à sanguine, cum calore, dolore, rubore, pulsu, & renixu. Erysipelas tumor à bile vel sanguine tenuiore, cum dolore, calore, flauitie, aut minus saturato rubore, & expansione. Oedema Tumor à pituitâ tenui: latus, mollis, & indolens cum albedine: Scirrhus, Tumor à melancholiâ, vel crasso & lento phlegmate, durus, indolens, nigro vel nullo colore suffusus. Hi tumores quando sunt simplices & impermixti simplicibus his nominibus efferuntur: Vbi verò inuicem causæ istæ permiscantur ex dominatu & inæquali congressu dicuntur, phlegmone erysipelatodes, oedematodes, scirrholes, & sic de aliis. Præterea ad hos. 4. Tumores, reliqui multi referuntur, prout huius vel illius naturam magis participant, utpote ad phlegmonarum genus, phyma, phlegthron, therminthus, *Nobilis*, seu furunculus, bubo, carbunculus, gangræna, & sphacelus. Ad Erysipelata, herpes miliaris & exedens, phlyctænæ, & ambusta. Ad Oedema, Tumores omnes serosi & flatuosi, emphysemata dicti, atheromata, steatomata, melicerides. Ad scirrhum reducuntur, ganglia, verrucæ, scrophulæ, carcinomata, calli, & reliqui omnes Tumores duriores, in quibus aliquando pili, vngues, calculi, & similia reperiuntur. Atque hæc de Tumorum naturâ & differentiis.

Ex his enim velut rei naturâ & causis ducendæ indicationes ad curationem Tumorum necessariæ, quas ita paucis percurramus. Hæc omnia cum sint res præter naturam, sui sublationem suadent: Cum verò sint immodicæ repletiones partis alicuius, eiusdem *κένωσις* seu *ἀποκένωσις* ut loquitur Galenus, abeuacuationem indicant. Quoniam verò frustra vacuaretur id quod est in parte, perseverante malâ congestione aut fluxione, quæ tantum aut plus reponerent, quam per partem vacuaretur: Ideo habenda in primis illarum ratio; omnesque, si fieri potest, congestionis fluxionisque causæ à nobis recensitæ, tollendæ aut corrigendæ. Quibus præstitis ad particularem illam vacuationem accedamus: Cum enim Tumores præter naturam, desinant quatuor modis, Resolutione scilicet, Suppuratione, Induratione, aut Corruptione: Optimus istorum existit qui per insensibilem fit resolutionem, aut repulsionem; Medius qui per suppurationem; Mali qui per indurationem aut corruptionem. Est igitur Repulsio humoris fluentis in principio Tumorum maximè necessaria, & illius qui repelli non potest, resolutio: Quæ si non possit omnino contentum humorem dissipare, suppuratio tentanda, ut in abscessum & vomicam desinant. Quod si ex naturâ suâ aut malâ curatione ita constitutus sit tumor, ut neque resolui neque suppurari possit, tunc rumpenda cutis, & extrahenda rebellis materia ferro aut causticis, si natura partis, & cetera consentiunt. Quod eadem ratione in corruptela præstandum: ne pars siucera trahatur, extirpanda illa quæ insanabilem concepit putrilaginem. Verum præstat

hæc ita summarim dicta , quatuor exemplis simplicium Tumorum illustriora reddere.

Phlegmone igitur cum fiat à sanguine in partem aliquam fluente , & ibi per sy-
strophem collecto , (sic enim distinguitur à phlogosi) habeatque peculiaris sua
tempora principij , augmenti , statûs , & declinationis : indicat sui curationem
pro eorum varietate : Nam ut in principio fuit humor , neque adhuc parti ad-
hæret , sic eo tempore occasio commodissima faciendæ tum reuulsionis per venæ
sectionem , cucurbitulas , frictiones dolorificas , ligaturas , & similia in opposi-
tis partibus ; tum percussione , ut fluitans adhuc in parte humor ad interiora , si
fieri possit , regeratur : Vel certè in medio cursu intercipiatur. Reuellendum igitur
& repellendum. Quod intelligendum de externâ phlegmone , quæ corporis su-
perficiem occupat , in internâ enim neque repellere humorem , neque fluxionem
intercipere licet , quia magis impingeretur humor versûs interiora. Quinimo
etiam non licet in quavis externâ phlegmone apocrousticis uti , videlicet si sit in
emuntoriis , si fiat ex venenatâ materiâ , vel per viam criseas , aut in corpore val-
de plethorico , & cum maximo dolore : tunc enim melius est trahere ad ex-
teriora , vel dolorem sedare , quàm priorem scopum tentare. Vbi verò licet
repellere , *Αρρηκτικά* seu repellentia eligantur , modò frigida tantum , in le-
uiori fluxione , ut oxycraturum & aqua frigida , & similia , modò frigida & sicca ,
quæ Adstringentia propriè vocantur , tam simplicia quàm composita suis locis de-
scribenda , quæ modò ipsi parti admoveantur , modò viis fluxionis , & intermedio
ductui , vulgò defensiuâ vocant. Post eiusmodi repellentium vsum , si totus hu-
mor regeri non possit , imò verò Tumor ipse augeatur , tunc repellentibus re-
soluentia permiscenda , eâ proporzione , ut Repellentium sit maior vis. Contrâ
in statu , quæ Resolunt præpollere debent Repellentibus , admixtis quibusdam
mitigatoriis ; ut in declinatione ipsius tumoris meris resoluentibus , iisque valen-
tioribus vtendum , quæ scilicet caliditatis siccitatisque sint participia. Si his ces-
serit phlegmone , & in tenues resoluatur auras , bene erit. Sin verò ex pulsatione
& dolore aucto cognoscamus in abscessum degenerare , tunc ad maturantia &
pus mouentia , calida scilicet humidâque & emplastica veniendum , ut hæc con-
coctio promoueat. Confecto pure si abscessus non aperiatur sponte , scalpello ,
cauterio , aut medicamento quopiam erodente , commodiori & decliuiori par-
te adhibito , molienda puris euacuatio. Reliquæque deinceps curatio , ut vlcis
ad exsiccationem , deterfionem & sigillationem reducenda. Si verò phlegmone
induruerit , degenerauit in scirrhum & illius curatio ex scirrhi tractatu repeten-
da. Si in corruptionem , gangrænam , aut sphacelum , extirpanda , plurimis &
profundis scarificationibus incidenda , aquâ salâ perfundenda , cataplasmate ex
farinâ fabarum & orobi cum oxymelite contegenda , reliquæque adhibenda , quæ in
Remediorum formulis describuntur.

Erysipelas verò biliosæ fluxionis propago , expansum per cutem aut membra-
nam , curatur etiam remotis causis antecedentibus & coniunctis : Antecedentes
corriguntur rectâ victûs ratione , purgatione & alteratione , qualis in febre tertianâ
instituitur. Coniuncta verò cum qualitate potius & feruore , quàm quantitate sit
molesta , idè refrigerantia indicat , ad coloris vsque mutationem : Cum his enim
sæpè quod purum est erysipelas , conquiescit : sin verò nigricet , neque solis cedat
refrigerantibus , tunc ab his abstinendum , & digerentibus quibusdam leuioribus
ac mitigatoriis reliquiæ dissipandæ. Cauendumque ne aut suppuretur , vel indu-
retur , aut in corruptelam degeneret , quia tunc graue adest malum , ex Hippo-
cratis sententia , *Aphor. 20. sect. 7.* In illis tamen casibus iam dictis remediis erit vten-
dum. Quod si exulceretur erysipelas , & herpetem faciat , mixtæ erunt indicatio-
nes erysipelatis & vlcis.

Calidis tumoribus totidem frigidi opponuntur ex duplici humore geniti. Oede-
ma enim diximus fieri à pituitâ tenuiori : laxum esse , ita ut pars affecta im-
pressum vestigium retineat , atque indolens cum albedine. Oritur tum ex flu-
xione , tum ex congestione : Nam ascite laborantibus , sæpè oboritur oede-
matosus tumor in cruribus , transueto humore abdominis in partes subiectas.
Tabidis verò & quibus calor natiuus penè est extinctus , inflantur pedes , manûs ,
reliquumque corpus albo phlegmate impletur , præ imbecillitate coëctricis ibi col-
lecto. Cum igitur œdema per duplicem viam , fluxionis & congestionis fiat , re-
motis causis efficientibus , augmentibus , & conseruantibus illarum , prospicien-
dum

dum etiam ut antecedentes omnes, potissimum humores in rectum deducantur statum. Quod ad Topica verò, & coniunctam causam spectantia attinet, cum hic etiam tumor ex fluxione suscitari possit, non ineptè in principio Repellentia ex usu esse poterunt, non quidem ea quæ refrigerant, sed quæ siccitate & quadam partium crassitie adstringunt, ut ex vino rubro austero, decocto nitri, aluminis, cyperi, rosarum in lixiuo, aut aqua fabrorum coctarum, & similium cum spongia recentè adhibitorum: & convenienti fascia sursum versus deligatorum, deinde resolventibus, digerentibus, absorbentibus utendum, quæ totam illam materiam validissime exhauriant: ut lixiuo farmentorum, fici, brassicæ cum sale & alumine, emplastro de baccis lauri, de arthanitâ, & similibus. Quod si œdematis tenuiores partes resoluantur; crassiores verò remaneant & indurentur; tunc ad scirrhi curationem recurrendum. Fit etiam aliquando, ut accersitâ quadam sanguinis copiâ in abscessum degeneret, qui paulò calidioribus quàm phlegmonè est promouendus, ut suppurari materia illa frigidior queat, citòque aperiendus ne pars calore destituta natio, corruptelam contrahat. Eadem methodo flatulentos, & aquosos tumores curabis. In atheromate autem, steatomate, & meliceride, vnum commune curationis consilium est, ut totum illud quod tunica, quam cystin appellant, continet, discutiatur, aut medicamentis catharteticis, unâ cum ipsa tunica exedatur, vel certè artificiosa sectione omnino auferatur.

Superest ergo Scirrhus, Tumor ex melancholiâ genitus, qui legitimus est vel spurius, siue primarius aut secundarius. Legitimum enim vocant, qui ex melancholiâ naturali generatur: illegitimum verò qui fit ex humore pituitoso, crasso, viscido, & indurato: Unde scirrhus albus vocatur: Vel aliis succedit tumoribus, phlegmonæ, erysipelati, œdemati male curatis. Scirrhus enim proprium est, ut sit tumor durus & indolens, vel saltem cum exiguo sensu. Ad illius curationem ex convenienti victus norma & causæ antecedentis, per evacuationem alterationemque, remotione incipiendum. Causa verò coniuncta cum sit crassa & dura, duas præbet indicationes; attenuationem seu resolutionem & emolliationem. In his tamen cautè agendum est, quia ex resolventibus, periculum est ne instar lapidis indurescat & confirmetur; ex emollientibus, ne materia corrumpatur, & scirrhus in cancerum degeneret. Idèò consulit Galenus, ut alternatis vicibus ad hos tumores duos, modò Emollientibus, modò Digerentibus, attenuantibus, & incidentibus vicissim utamur: Vel medicamentis mixtas has facultates habentibus. Quod si ex remolliatione & calfactione in suppurationem degeneret, cautè agendum, ne cancrum vicus evadat, reprimendumque illicò eis quæ in Cancri curatione docentur. Quod si indurescat magis, laudat Galenus fumigium ex aceto aut oxymelite, supra lapidem pyritem vel molarem incensum coniecto, vel aliquo decocto emolliente & attenuante, cuius vaporem tubulo vel alio modo commodè excipiat, deinde oleo Sabino, adipibus, medullis, & similibus emollientibus inungantur: Sic enim multos miraculi instar perfanatos scribit.

De curatione verò gangliorum, strumarum, cancerum, & aliorum particularium tumorum, non est nobis nunc propositum agere, qui hæc exempli tantum causâ apposuimus, ut Indicationes nostræ curatoris redderentur illustriores: Quibus hîc finem imponimus.

Superest igitur ut Internorum, externorumque Remediorum formulas proponamus; ex quibus Materiam Medicam, expellendis prædictis Indicationibus Curatiuis idoneam & necessariam petere liceat.



IOANNIS VARANDÆI FORMVLÆ REMEDIORVM.

PRÆFATIO.



SANITATEM conseruare multò esset optabilius quàm lapsam & morbis obsessam restituere. Verùm quia ex diuturnitate & violentia causarum internarum externarumque mutatio tandē introducitur, quantumuis cauta fuerit viuendi ratio; Ideo Ars Medica non solum conseruatrice indiguit, sed etiam correctrice & curatrice, quæ circa morbos morborumque causas versatur, siue illi iam geniti sint, siue manifestè corpori imminuant, unde illa *διογενεινική*, hæc *προφυλακτική* appellatur.

Porro cum non unum, sed multiplex sit morbi genus: Simulare, Organicum & Commune, quod deinceps in multiplices differentias secatur pro varietate partium, quibus insidet; cumque sint diuersa ex quibus gignuntur causæ: Ideo certa quadam methodo opus fuit, quæ instructus Medicus conuenientem ordinem & rationem obseruaret, in his omnibus, tunc, citò & iucundè profligandis, quæ non aliunde melius peti poterit, quàm ex ipsius rei propositæ atque intellectæ notitiâ, per quam velut manu & per Indicationes conuenientes, ad id, quod agendum est, ducitur, certumque genus, quantitatem remediorum & vtendi modum eligit: hoc enim est rationaliter curare relictis analogismo & experientia, quas tamen non omnino respuit medicus, si aliquando minus noti morbi & remedia contingant, donec successu, studio, & causarum oppositione omnia reddantur illustriora.

Verùm quoniam neque sanitatem conseruat, neque morbum immediatè expugnat, sed interueniente instrumento opus suum peragit: Idcirco non solum *διαγνωστική* presentis affectus, *προγνωστική* futuri euentus, ordine & methodo, quæ id, quod agendum est insinuat, indiguit; sed etiam notitiâ remediorum, quibus hoc perficitur, quæ triplicia sunt, & sumuntur ex Dieta, Chirurgia, & Pharmacia.

Prima versatur circa ea remedia quæ ex victu agrorum petuntur. Secunda circa ea remedia quæ manu artificis præstari possunt: Tertia, Materia Medica Vulgò dicta hoc est Medicamentorum naturam explorat, Simplicium & Compositorum, quibus tum humores, frequentissima scilicet morborum causa, qualitate & quantitate peccantes, preparari, concoqui, expurgarique possunt: tum inducta ab eis intemperies corrigi, & imminutum partium robur restitui, per ea nempe, quæ alterantia, purgantia, roborantia dicuntur, diuidique solent ex duplici modo administrandi, in assumpta & admota, siue interna & externa.

Nos itaque in gratiam eorum, quibus iam ad Medicam Praxim est conuolandum, postquam methodum *διογενεινικήν* quæ per Indicationes perficitur explicuimus, vsitatissimam Materia Medica partem secundum vsuatiores temporis nostri formulas tradendam suscepimus.

Describemus igitur ea medicamenta, quæ per os assumpta ad purgandos preparandosque humores, aliterandas roborandasque corporis nostri partes conferunt, hoc nimirum ordine, ut cum quatuor sint qualitate peccantes in nobis Succi, Bilis, Melancholia,

lancholia, Pituita, & Ichor siue serum, qui modò in hac, modò in illa regione corporis magis stabulantur, hac omnia distinctè persequamur initio sumpto à bile, prout est in capite, pectore, corde, ventriculo (sub quo intestina complectimur) hepate, liene, renibus, utero, iuncturis seu artubus. Idem etiam præstabimus de cæteris, quæ quoniam non solum per communem ductum illum, qui est ob ore ad anum, expurgantur, sed etiam per habitum & poros cutis commodius excluduntur, ideo sudorifica subnectemus, illorumque varium usum proponemus; Deinde vomitoriorum formulas aliquot afferemus, quibus sæpe ad excludendam ventriculi illuviem uti est necesse, atque ex ratione curandi præmittemus præparantia humores sub forma apozematis & iulepi, sequentur purgantia sub forma potionis, boli & pillularum, deinde alterantia & roborantia partes annectentur, sub forma opiata, elect. solidi seu tabellar. & pulu. Hæc autem omnia dosim & quantitatem à nobis recipient mediocrem, quæ scilicet competat viris & mulieribus moderata natura, in florenti ætate constante positis, & regionem huic nostra proportionatam incolentibus. Ex quibus facile erit vel augere in robustioribus rusticis, vel aliis quouis modo durioribus, vel etiam minuere in senibus, puerulis, reliquisque naturis infirmioribus, quas medicus in quacunque regione & ciuitate diligenter explorare debet, ut ex Idiosyncrasiarum, id est particularium constitutionum cognitione, possit feliciter & facilius opera ista exercere.

Priusquam verò formulas istas proponam, duo sunt obseruanda: primum nos ea posituros, quæ ad simplices humores illis vel in illis partibus dominantes respectum habeant, ad bilem in capite, pectore & similibus, ex quibus facile erit, cognitis hisce simplicioribus permiscere formulas & coniunctis confusisque humoribus, compositis & implicitis affectibus, diuersas adaptare.

Secundò, nos præparantia, alterantia, purgantia atque roborantia seorsim persequi, quamuis sæpe hæ indicationes in quotidiana praxi permisceantur, & sub una eademque remedij formula contineantur, utpote in prophylacticis illis apozematis, quæ veris & autumnii tempore præscribi solent, in quibus nihil istorum omittere solemus, sed ex his syrupos magistrales in eundem usum conficimus pro reliquis anni temporibus: quorum ne ignarus sit noster practicus, hæc memoria tenenda.

Ex quouis apozemate cuius humori aut parti à nobis aptato fieri posse, ut solet, apozema purgans, additis catharticis lenioribus hoc nostro tempore usitatis; qualia ad bilem rhab. myrobalani citrine, oleo amygdalarum dulcium confricata, ut deponant astringentem; Ad melancholiam folliculi & folia senæ, epithymus; Ad pituitam turpeturn, agaricus, semen Carthami; Ad serosos humores folia soldanella, semen ebuli, & similia, neque gustu neque odore nimium ingrata, quæ sub finem decoctionis addantur, in conuenienti quantitate, ut 3 i. rhab. vel agaric. pro unaquaque dosi. 3 ss. fol. senæ & sem. carthami. ut in vulgaribus præscriptionibus obseruare licet.

Ex ita præscriptis decoctionibus & adiunctis, si usus ita postulet, syrupis purgantibus, ut syrupo violato comp. syrup. florum persicæ arboris, rosar. laxat. de Cichoria cum rhab. ad 3 j. in doses singulas fiunt apozemata minus cocta; quæ si perfectius addito melle aut saccharo concoquantur, ut seruari possint, fiunt syrupi magistrales & vsuales dicti, quorum 3 iij. vel bis, vel semel in mense cum aqua aut decocto conuenienti diluuntur & assumpta per Anagion, corporis nostri excrementorum quatuordecim expurgant. Reliqua facile est prudenti & sapienti conicere, nunc ad rem ipsam accedendum est.

FORMVLÆ
REMEDIORVM INTERNORVM.
AD PURGANDOS ET PRÆPARANDOS
humores ; alterandas , roborandasque corporis
nostri partes.

S E C T I O I.

CAPVT I.

Ad Bilem in Capite.



POZEMA. ℥. rad. gram. lapat. acut. & buglossi ana ʒ j. herbar. lactuc. acet. end. cichor. rostri porcin. spinac. borrag. ana M. j. fol. beton. & summitat. fœniculi ana M. ʒ. Sem. quatuor frigid. maj. & anisi ana ʒ ij. Seminis papauer. albi. ʒ. j. trium florum cordial. & nymphææ ana p. j. hordei mundati p. ʒ. Fiat omnium decoctio in suffic. quant. aq. pluuiæ ad tertiæ partis consumptionem, quæ redeat ad ʒ j. ʒ. In qua dissolue syrup. de end. simpl. & violacei ana ʒ ij. ʒ. fiat Apozema non clarificatum ; Si gratus esse velis, clarificatum, si validius exoptes aromatizarum ʒ j. pulu. elect. trium fant. vel elect. Diatragac. frigid. pro tribus dosibus matutinis ; licet & pomeridianis horis repetere alterans Apozema, non purgans, circa tertiam horam, subsequente deinde tenuiori cœna.

Iulepus. ℥. Syrup. de end. simplic. Capill. ven. & violac. ana ʒ j. aq. acetos. & lactuc. ana ʒ iij. aq. betonic. ʒ j. pulu. elect. triasant. ʒ ij. fiat Iulep. pro tribus dosibus matutinis.

Potio. ℥. Rhab. elect. ʒ iij. Santali rubri ʒ ʒ. Infunde in aqua cichorij & pauca aqua betonic. facta expressione dissolue elect. de succo ros. ʒ ʒ. syrup. rosat. laxat. ʒ j. decocti flor. & fructuum cordialium q. s. fiat Potio, quam capiat in aurora, cum debito regimine.

Bolus. ℥. Diaprun. solut. ʒ vj. elect. de succo ros. ʒ j. rhabarb. pulu. ʒ j. santali citrini ʒ. vi. cum paulo sacchar. fiat bolus quem capiat in plures morius diuisum sub eadem hora, cum custod. & regimine artis ; quem, si æger nequeat deuorare, dissolue cum paulo iusculo.

Pilula. ℥. Massæ pilul. sine quibus & aurearum ana ʒ ʒ. dacridij ʒ iij. cum aqua betonic. fiant pilulæ v. aut vij. deauratæ, (ad vitandam ingratitudinem) quas capiat post primum somnum cum paulo syrupo capill. vener. aut violato, ex cochleari, superdormiendo.

Opiata. ℥. Conseru. flor. violar. borrag. & nymphææ ana ʒ iij. caulium lactuc. sacch. conditorum ʒ ij. pulu. elect. triasant. ʒ j. diatragacanth. frigid. ʒ ʒ. cum syrupo violato, fiat Opiata, cuius capiat ʒ iij. duabus aut tribus horis ante prandium, superbibendo parum aquæ borraginis.

Tabella. ℥. Pulu. elect. diamarg. frigid. & triasantali. ana ʒ j. cristall. præpar. ʒ ij. margarit. præpar. ʒ j. sacchari albi aqua ros. dissoluti ʒ iij. fiant Tabellæ deauratæ pond. ʒ ij. capiat vnam mane, & hora tertia pomeridiana.

Puluis. Vel ; si mauis, totum illud cum saccharo conficiatur sub forma pulueris, cuius capiat tantundem cum iusculo pulli conuenientibus herbis alterato aut aqua buglossi, aut borrag. melius enim penetrant, si in rem præsentem pulueres fiant.

Ad Bilem in Pectore.

Apozema. ℥ Rad. liquirit. raf. & polypodij quercini recentioris ana ʒ j. herbarum buglossi, borragin. cum toto, scabios. capill. vener. viol. summitat. malu. & altheæ ana M. j. fol. tussilag. recentium M. ʒ. sem. quat. frigidor. mai. & bombac. ana ʒ ij. amygd. dulc. excortic. & concisar. nucleorum pini mundator. ana p. i. passul. purgatar. ʒ ij. flor. cordial. ana p. i. fiat omnium decoctio in aq. hordei perfectè cocti ad lb. i. ʒ. In qua dissolue syrup. de liquirit. violati & de iuiubis ana ʒ j. ʒ. fiat apozema clarum & aromatiz. ʒ j. ʒ. pulu. elect. diatragacanthi frigidi, pro tribus dosibus matutinis.

Iulepus. ℥ Syrup. viol. & de iuiubis ana ʒ j. ʒ. syrup. de tussilag. ʒ ʒ. aq. violar. borrag. & scabiosæ ana ʒ iij. pulu. elect. diatragacanth. frigidi ʒ j. fiat iulep. pro tribus dosibus.

Potio minoratiua. ℥ Cassiæ recenter extractæ & diapruni solutiui ana ʒ iij. syr. capill. vener. ʒ j. decocti pectoralis purgantis ʒ iij. fiat potio minoratiua.

Bolus. ℥ Elect. de succo ros. ʒ ij. medullæ cassiæ fistulæ cum decocto fol. maluiæ extractæ ʒ vj. cum saccharo, fiat bolus.

Pilule. ℥ Massæ pilularum sine quibus & assaieret ana ʒ. ʒ. scamm. præparat. p. iij. cum aqua scabiosæ. fiant pilulæ quinque aut septem.

Opiata. ℥ Conseru. flor. capill. vener. & flor. violar. ana ʒ ʒ. pulu. elect. diapenidion sine speciebus, & diatragac. frigidi, ana ʒ j. cum syrupo violato, fiat Opiata, capiat ut dictum est.

Tabella. ℥ Pulu. elect. diapenid. sine speciebus & diatragac. frigidi ana ʒ j. ʒ. sacchari albi aqua scabiosæ dissoluti ʒ iij. fiant Tabellæ, ut artis est.

Puluis. ℥ Elect. diatragac. frigidi ʒ j. sacchari candi ʒ ʒ. reducantur omnia in puluerem, quo utendum ut dictum est.

Ad Bilem in Corde.

Apozema. ℥ Rad. altheæ, morsus diaboli cum toto, & liquiritiæ recentis ana ʒ j. herbar. borraginis, buglossi cum toto, pimpinellæ, intybi vtriusque portulacæ, scabiosæ, cardui benedicti, ana M. j. sem. acetosæ, berberis, & granorum kermes, ana ʒ ij. flor. cordial. nymphæ ana p. j. & quatuor pomæ redolentia minutim concisa, fiat omnium decoctio ab lb. j. ʒ. In qua dissolue succi granatorum acidorum, Limon. & Borrag. depurati ana ʒ j. ʒ. sacchari albi. q. s. fiat Apozema clarificatum & aromatiz. ʒ iv. pulu. electuarij de gemmis, pro tribus dosibus.

Iulepus in febribus. ℥ Succu pomor. redolentium, granat. accid. & borrag. depuratorum ana ʒ iv. aq. rosaceæ ʒ ij. sacchari albi q. s. fiat syrupus longus, id est, Iulep. de quo capiat sæpè ad placitum. Eadem etiam ratione paratur Iulepus Alexandrinus & Regius dictus, quo frequenter in febribus uti consueuerunt nobiscum Medici.

Decoctum pectorale. ℥ Hordei integri p. j. glyzyrrhizæ ʒ ʒ. fol. tussilaginis & Capillor. veneris ana M. j. ficuum, dactyl. mundat. passul. enucleatarum, sebesten ana pa. vj. florum violar. & buglossi. ana p. j. sem. anisi. ʒ ij. fiat decoctio.

Potio in febre. ℥ Rhabarb. electi ʒ j. ʒ. santali citrini. ʒ j. Infundantur in aquæ acetos. suff. quant. expressione facta, dissolue elect. de succo rosar. ʒ ʒ. syrup. de Limon. ʒ j. decocti præcedentis q. s. fiat potio.

Bolus. ℥ Elect. de psyllio ʒ vj. rhab. electi puluerat. ʒ j. sem. acetos. ʒ ʒ. cum pauco saccharo, fiat bolus.

Pilule. ℥ Massæ pilul. aggregatiuarum & de rhabarb. ana ʒ ij. cum succo limon. fiant pilulæ vij. duplici auro coopertæ.

Opiata. ℥ Conseruæ flor. borra. ʒ j. myrabolan. saccharo conditarum n. j. pulu. elect. de gemmis, triasand. & diamarg. frigidi, ana ʒ ʒ. cum syrup. granat. acid. fiat opiata.

Tabella. ℥ Electi diamarg. frigidi. ʒ j. ʒ. pulu. diambrae ʒ ʒ. sacchari aq. acetos. dissoluti q. s. fiant tabellæ.

Puluis. Eadem materia reducat in puluerem, addendo ligni aloës & sandali citrini ana ʒ j. utatur, ut dictum est.

Ad Bilem in Ventriculo.

Apozema. ℥ Rad. acetos. Cichorij & gram. ana ʒ j. cortic. cit. succ. ʒ ʒ. fol. plantag. acetos. P acetos.

acetos. portulacæ, end. saluix vitæ, ana M.j. summit. absynth. pontic. M.ß. sem. cydo. berberis, acetos. ana 3 ij. ros. siccar flor. viol. borrag. ana p. i. fiat omnium decoctio in aq. rosacea. ad lb. i. ß. In qua dissolue oxyfacc. simpl. cydon. & de acetos citri ana 3 j. ß. fiat apozema clarific. & aromat. 3 j. pulu. elect. rosatæ nouellæ, pro tribus dosibus matutinis.

Iulepus. ʒ Syrup. granat. acid. & cydon. ana 3 j. syrup. absynth. pont. 3 ß. aq. portulac. & ros. ana 3 iv. pulu. elect. de gemmis ʒ ij. sandali rubri ʒ ß. fiat Iulep. pro duabus dosibus.

Potio. ʒ Rab. electi ʒ iv. sandali rubri ʒ v. Infunde in aq. ros. f. q. expressione facta, dissol. elect. de citro solut. 3 j. ß. rhabarb. pulu. ʒ i. aq. acetos. q. f. fiat potio.

Bolus. ʒ Cathol. & diaprui. solut. ana 3 iij. rhab. pulu. ʒ ij. sem. coriand. pulu. ʒ ß. eum saccharo, fiat bolus.

Pilula. ʒ Massæ pilul. de hiera & de rhab. ana ʒ ij. malaxa cum aq. ros. fiant pilul. 7.

Opiata. ʒ Conseruæ ros & carnis cucurb. ana 3 vj. pulu. elect. diarrhod. abbat. trochis. de spodio sandali rub. ana 3 ß. cum syrup. de succo citri fiat opiata.

Tabella. ʒ Pulu. elect. triasant & diarrh. abb. ana 3 j. sem. berb. & acetos. spondij ana ʒ ß. sacchi albi. aq. portul. dissoluti 3 iij. fiant tabellæ, f. a.

Puluis. ʒ Vel ipsa materia tabellarum, cum saccharo reducatur in puluerem ad vsum.

Ad Bilem in Hepate.

Apozema. ʒ Rad. lapat. acut. asparagi, valer. gramin. & cichor. ana 3 j. fol. agrim. acetos. cichor. end. lact. rostri porcini, capilli vener. trifolij, acetos. lenticul. aquat. summitat. vitis viniferæ. ana M. j. sem. quatuor frigidor. mai. lactuc. & end. ana 3 ij. sem. coriand. præparati 3 i. flor. cichorij p iij. fiat omnium decoctio in sero lactis caprilli, ad lb. j. ß. in qua dissolue syrup. de end. compos. 3 ij. acetosi simplic. 3 j. fiat apozema clarificat. & aromat. 3 ß. pulu. elect. triasant. in tres doses.

Iulepus. ʒ Syrup. de succo acetos. & de cichor. simplic. ana 3 i. ß. aq. end. lactuc. & nymphæ ana 3 i. ß. aq. end. lactuc. & nymphæ ana 3 iij. pulu. elect. triasant. drach. i. fiat Iulep. vel si mauis, paretur syrupus longus ex succis acetosæ & cichorij depuratis, addendo parum aceti rosati & sacchari albi. q. f. &c.

Potio. ʒ Syrup. de cichor. compos. cum rhab. 3 i. ß. elect. de succo ros drach. iij. decocti gram. acetos. & end. q. f. fiat potio.

Bolus. ʒ Cassiæ recenter extract & diaprui. solut. ana drach. 3. rhab. pulu. drach. ß. sem. berb. ʒ ß. cum saccharo, fiat bolus.

Pilula. ʒ Massæ pilul. de rhabarb. & sine quibus ana drach. ß. dacridij grana 5. cum aq. cichor. pilulæ. vij.

Opiata. ʒ Conf. flor. cichor. & rad. buglossi ana 3 ß. pulu. elect. triasant 3 j. diamarg. frig. 3 ß. cum syrup. de end. simplic. fiat opiata.

Tabella. ʒ Elect. diamarg. frigidi & triasant. ana 3 j. cristalli præparat. & sem. acetosæ ana 3 ß. marg. præpar. ʒ j. sacchari. aq. cichor. dissoluti. q. f. fiat elect. in tabellis.

Puluis. ʒ Sem. acetos. portul. berberis & lactuc. ana 3 ij. tabell. elect. triasant. & diamargar. frigidi. ana 3 j. ß. sacchari albi 3 ß. fiat omnium puluis.

Ad Bilem in Liene.

Apozema. ʒ Cort. mediani cappar. tamarisci & fraxini, rad. asparagi ana 3 j. buglossi & borrag. cum toto, v. capillarium. fumar. Lupuli, end. Lapat. acut. ana m. j. flor. tamarisc cichorij, & borrag. ana p. j. fiat omnium decoctio in aq. chalybeata ad lb. j. ß. In qua dissol. syrupi bizantini 3 iij. succi lupuli 3 ij. sacchari albi parum, fiat apozema clarificat. & aromat. ʒ iv. pulu. elect. diarrhod. abbat. pro iij. dos.

Iulepus. ʒ Syrup. bizant. & de end. simpl. ana 3 j. ß. aq. borrag. portulac. & lupuli, ana 3 jv. pulu. elect. diamarg. frig. ʒ ij. fiat Iulep. pro tribus dosibus.

Potio. ʒ Decocti flor. & fruct. cordial. cum pauco epithimo 3 iv. diasenn. solut. & elect. de succo ros. ana 3 ij. syrup. violati completi. 3 j. fiat potio.

Bolus.

Bolus. ℥ Diapruni solut. & diasennæ solutiui ana ʒ ij. confect. hamech ʒ j. cum saccharo fiat bolus.

Pilula. ℥ Massæ pilul. Indar. & aurearum ana ʒ ij. malaxa cum aq. Lupuli, fiant pilulæ septem.

Opiata. ℥ Conferuæ capill. Ven. & conferu. florum tamarisc. ana ʒ vi. pulu. elect. diarrhod. abb. ʒ j. ʒ. confect. alkermes, & cort. rad. cappar. puluerat, ana ʒ j. cum syrup. de pomis redolent. fiat Opiata.

Tabella. ℥ Confect. alkermes. ʒ j. pulu. elect. triasant. & diarrh. abb. ana ʒ ʒ. sem. portul. ʒ j. sacchari albi, aq. scolopendrij dissoluti, q. s. fiant tabellæ vt artis est.

Puluis. ℥ Limatur. chalyb. aceto præparatæ ʒ j. ʒ. pulu. elect. diarrhod. abb. ʒ iv. cinam. electi grana iv. sacchari albi ʒ ij. fiat omnium pulu. tenuissimus, de quo capiat ʒ j. ʒ. cum paucis vino albo aqua lupulorum diluto.

Ad Bilem in Renibus & Vesica.

Apozema. ℥ Rad. ononid. acetos. liquiritiæ rasæ, & gram. ana ʒ j. Intibi vtriusque, lactuc. fragariæ, quinquifolij. plantag. capilli vener. ana M. j. quatuor sem. frigid. mai. ana ʒ ij. prunor. acid. par. quatuor, sem. alkekengi & milij solis ana ʒ ʒ. flor. maluæ, primulæ veris & cichorij, ana p. j. fiat omnium decoctio, in aq. horde ad ʒ ʒ. j. ʒ. In qua dissolue syrupi violati & de nymphaea, ana ʒ ij. fiat Apozema clarificat. & aromat. ʒ iv. pulu. elect. diatragac. frigid. pro tribus dosibus.

Iulepus. ℥ Syrup. de althea ex descrip. Fern. ʒ jv. aq. gram. nymph. & cichori, ana ʒ v. pulu. elect. triasant. ʒ ij. fiat Iulepus, pro tribus dosibus.

Potio. ℥ Rhab. electi ʒ j. ʒ. spicæ nardi. Gran. v. Infunde in aqua gram. expressione facta dissolue diapruni solut. & medullæ cass. fistul. ana ʒ iij. decocti herb. capillarium q. s. fiat potio.

Bolus. ℥ Cassiæ recenter extractæ. ʒ vi. elect. de succo ros. ʒ ij. sacchari parum, fiat bolus.

Pillula. ℥ Massæ pillul. sine quibus ʒ j. dacridij gr. iv. cum aq. gramin, conficiantur pilulæ v. aut vij.

Opiata. ℥ Conferuæ flor. maluæ & rad. altheæ ana ʒ iij. sem. alkekengi puluer is. ʒ j. pulu. elect. triasant. & diatragac. frigidi ana ʒ ʒ. cum syrup. violato. fiat opiata.

Tabella. ℥ Trochis. de spodio, liquiritiæ rasæ ana ʒ j. pulu. elect. diatragac. frigid. ʒ ij. sacchari albi aq. gram. dissoluti q. s. fiant tabellæ.

Puluis. Ex eadem materia cum saccharo cando paretur puluis, sumendus cum aqua stillatitia herniariæ herbæ.

Ad Bilem in Vtero.

Apozema. ℥ Rad. rubiæ mai. acetos. & nymphaeæ ana ʒ j. herbarum capillarium communium, cichorij, artemis. borrag. matricariæ ana M. ʒ. sem. melon. cucurbitæ & petros. ana ʒ ij. flor. carthami & trium florum cordialium, ana p. j. decoquantur in aqua cisternæ ad lib. i. ʒ. cui adde sacchari rubri q. s. fiat Apozema clarificatum & aromat. ʒ j. pulu. elect. diarrhod. abb. in tres doses.

Iulepus. ℥ Syrup. de artemis. ʒ j. syrup. capil. vener. ʒ ij. aq. cichorij, gramin. & fœnic. ana ʒ iv. pulu. elect. triasant. ʒ j. fiat Iulepus in tres doses.

Potio. ℥ Fol. senæ mundat. ʒ ij. sem. carthami & flor. eiusd. ana ʒ ʒ. sem. anisi & myrobal. citrin confricatarum ʒ j. decoque in aq. hordei. in colat. ʒ iv. dissolu. elect. de psyllio ʒ ʒ. syrup. de cichorio compositi cum rhabarb. ʒ j. fiat potio.

Bolus. ℥ Diapr. solut. & elect. ros. Mesuæ ana ʒ ij. rhab. pulu. ʒ j. santali citrini ʒ ʒ. cum saccharo, fiat Bolus.

Pilula. ℥ Massæ pilul. de hiera & rhab. ana ʒ ʒ. agar. trochisc. ʒ j. scam. gra. iij. cum aq. artemis. fiant pilulæ, v. aut vij.

Opiata. ℥ Confer. rad. acetos. flor. borrag. & nymphaeæ ana ʒ ʒ. pulu. elect. diarrhod. abb. ʒ ij. confect. alkermes ʒ j. cum syrupo byzantino, fiat opiata.

Tabella. ℥ Pulu. elect. de gemmis & triasant. ana ʒ j. caphuræ gr. ʒ. sacchari aq. artemis. dissol. q. s. fiat solidum elect. in tabellis.

Puluis. Vel si mauis, eadem materia reducatur in puluerem, augendo dosim sacchari, cap ʒ ij. cum decocto cicerum rubrorum.

Ad bilem in functuris & habitu corporis.

Apozema. ʒ Rad. been. vtriusque, asparagi & gram. ana ʒ j. primulae veris, betonic. agrimon. cichorij, borrag. capilli vener. ana M. j. sem. melon. papau albi, berberis ana ʒ ij. trium florum cord. papau albi, hordei integri ana p. j. fiat omnium decoctio, in cuius tb̄ j. & β. dissolue oximel. simplic. ʒ ij. fiat apozema clarificatum & aromat. ʒ j. pulu. elect. de gemmis, in tres doses.

Iulepus. ʒ Aquar. lactuc. borrag. Iuæ arthritic. ana ʒ iv. syrup. de end. cōpos. & oxymelit. scillitici ana ʒ j. β. pulu. elect. triasant. ʒ j. fiat Iulepus pro tribus dosibus matur.

Potio. ʒ Syrupi de cichor. compos. cum rheo ʒ j. diasenæ solut. & diapruni solut. ana ʒ ij. β. decoct fol. cichor pimpinel. chamæpyt. & senæ orientalium pauco fœniculo ʒ v. fiat potio.

Bolus. ʒ Diapr. solut. ʒ iij. cariocost. ʒ ij. cum sacchari albi q. s. fiat bolus.

Pilula. ʒ Massæ pilul. de hermodactyl. & aurearum an. ʒ β. rhab. puluerisat. ʒ β. dacridij gra. iij. cum aq. iuæ arthriticæ fiant pilulæ vij. deauratæ.

Opiata. ʒ Conf. flor. iuæ arthriticæ. flor. primulae veris ana ʒ iij. myrobalan. emblic. condit. n. j. pul. elect. de gemmis, & diatragac. frigidi ana ʒ j. cum syrup. cort. citri & violar. q. s. fiat Opiata.

Tabella. ʒ Pulu. elec. triasant. & diarrh. abbat. ana ʒ ij. trochis. de spodio & sem. acetosæ an. ʒ j. sacchari albi aq. Iuæ arthriticæ dissoluti. q. s. fiant Tabellæ deauratæ.

Puluis. ʒ Ex ead. materia vel Tabellis ipsis paretur puluis, addendo pulu. liquiritiæ ʒ j. detur cum prædicta aqua.



CAPVT II.

Ad Melancholiam in Capite.

ʒ **R** A d. buglossi, calami aromat. & cyperi ana ʒ j. herbarum betonic. lupuli, borraginis, summitat. thym. ana M. j. sem. anisi & melon. ana ʒ ij. prunor. dulc. paria iij. flor. genistæ samplici & anthos ana p. i. fiat omnium decoctio in melicrato. In cuius tb̄ j. β. dissolue syrup. de betonic. & de fumar. simplic. ana ʒ ij. sacchari q. s. fiat apozema, clarific. aromat. ʒ j. pulu. elec. diamosci dulcis, in tres aut quatuor doses.

Iulepus. ʒ Syrup. de betonic. & de epithym. ana ʒ j. β. aq. stillatitiar. lupulor. sambuci, & saluiæ ana ʒ iij. pulu. elec. diambrae ʒ ij. aut si mauis in vnaquaque dosi dissolue confect. alkerm. ʒ j. fiat Iulep. in tres doses.

Potio. ʒ Syrup. de fumar. compos. ʒ j. diasen. solut. & confect. hamech. an. ʒ ij. decocti fol. betonicæ, epithymi & senæ oriental. cum pauco fœniculo ʒ v. fiat potio.

Bolus. ʒ Diasen. solut. ʒ β. hieræ logadij ʒ ij. sacchari albi q. s. fiat bolus.

Pilula. ʒ Massæ pilul. indar. & de lap. lazuli, an. ʒ ij. cum aq. lupulor. fiant pilul. vij. deauratæ.

Opiata. ʒ Conseru. rad. buglossi. conseru. flor. anthos & borrag. ana ʒ ij. confectio- nis alkerm. ʒ j. pulu. elec. diambrae & diamosci dulcis ana ʒ β. cum syrup. de betonica, fiat Opiata.

Tabella. ʒ Pulu. elect. diambrae, diamosci dulc. ana ʒ j. margar. splendid. santali citrini, ana ʒ β. sacchar. aq. borrag. dissol. q. s. fiant tabellæ.

Puluis. ʒ Flor. borrag. & anthos. an. p. β. sem. pœoniæ, rasur. cranij humani, ligni aloës, santali citrini, ana ʒ β. ambræ griseæ crudæ gran. v. sacchari albi q. s. fiat puluis, &c.

Ad Melancholiam in Pectore.

Apozema. ʒ Rad. enul. camp. liquiritiæ rasæ, polypod. quercin. ana ʒ j. herb. pimpinellæ, scabiosæ, prassi, pulmonar. petasitidis capillor. vener. & borraginis ana M. iij. sem. vrticæ & althææ ana ʒ iij. amygd. dulcium excorticatarum & pineorum recentium ana p. j. passul. purgat. ʒ β. flor. spicæ vtriusque, borrag. & maluæ ana p. j. fiat omnium decoctio in aq. hordei perfectè cōcti, in cuius colari tb̄ j. β. dissolue hydromelit. passulat. & syrup. de tussilag. ana ʒ ij. fiat apozema clarificatum & aromat. ʒ j. β. pulu. elect. diatragac. frigidi. pro iij. dosibus.

Formulae Remed. Intern. Cap. II. 117

Potio. ℥ Syrup. violar. complet. ʒ j diasennæ solut. & diaphenic. ana drach. iij. decocti pectoralis solutiui cum pauco epithymo ʒ iv. fiat potio.

Iulepus. ℥ Syrup. de liquir. de pomis, de tussilag. ana ʒ j. aq. pimpin. borrag. & scabios. ana ʒ iv. pulu. elect. diarrhod. simplic. ʒ j. fiat Iulepus. in tres doses.

Bolus. ℥ Medull. cass. fistul. ʒ β. confect. hamech. ʒ iij. sacchari q. s. fiat Bolus.

Pilula. ℥ Mass. pilul. aggreg. & lapid. lazuli ana ʒ β. trochis. alhand. grana quatuor, malaxentur cum aqua pimpin. fiant quinque aut septem pilul.

Opiata. ℥ Conseru. rad. enul. camp. ʒ β. conseruæ capill. vener. ʒ iij. pulu. elect. diaireos simpl. cōfect. alker. & de hiacynt. ana ʒ j. cum syrupo violato cōpleto, fiat Opiat.

Tabella. ℥ Pul. irid. florent. ligni aloës, flor. prassij leuiter exsiccat. & pulueris ana ʒ j pulu. elect. lætit. Gal & diambre ana ʒ ij. sacchari albissimi aq. pimpinellæ dissoluti q. s. fiant Tabellæ deauratæ.

Puluis. ℥ Species Tabell. præscript. ʒ j. sacchari albissimi ʒ iij. reducantur in pul. quo vtatur cum hydromel in plures doses.

Ad Melancholiam in Corde.

Apozema. ℥ Rad. buglos. calam. aromat. & cortic. citrij ana ʒ. j. herb. borrag. scabios. torment. melissæ, cardui bened. & acetos. ana M. j. sem. citri, & grano al-kerm. schoenanth ana p. i. fiat omnium decoct. ad lb. j. β. In qua dissolue succi depurati borrag. & fumar. ana ʒ ij. sacchari albi, q. s. fiat apozema clarificat. & aromat. trochisc. gall. moschar. ʒ. iij. in quatuor doses.

Iulepus. ℥ Aq. meliss. scabios. borrag. ana lb. j. sacchari alb. lb. β. decoqu. in formam iulepi & aromat. ʒ. ij. pulu. elect. diamb. in plures doses.

Potio. ℥ Helleb. nigri ʒ j. dissecetur in tenuia frusta, quibus inferciatur pomum, & decoquatur sub cinerib. deinde detracto helleb. pomum infundatur in succi borrag. suff. q. Express. facta dissolue cathol. ʒ β. Syrup. violacei ʒ j. fiat potio.

Bolus. ℥ Cathol. ʒ β. confect. hamech. ʒ. ij. pulu. elec. diamb. ʒ β. cum sacch. fiat bolus.

Pilula. ℥ Mass. pilul. de lapid. lazuli secundum descript. Alexandri Tralliani cap. de melancholia ʒ j. cum succo borrag. fiant pilulæ deauratæ septem.

Opiata. ℥ Conseru. rad. buglos. & cort. citri sicci conditi ana ʒ iij confect. alkerim. ʒ j. pulu. elect. lætit. Gal. trochisc. gall. moscat. ana ʒ β. fol. auri minutim concis. n. 2. cum syrup. de pomis, fiat opiata.

Tabella. ℥ Trochisc. gall. moscat. ʒ β. pulu. elect. diamb. & de gemmis ana ʒ. j. sacchari alb. aq. meliss. dissolut. q. s. fiant tabellæ.

Puluis. ℥ Pul. elect. lætificant. Gal. ʒ ij. trochisc. de spodio, serici crudi minutim concisi ana ʒ β. sem. citri, ʒ j. sacch. albi ʒ j. fiat omnium puluis.

Ad Melancholiam in Ventriculo.

Apozema. ℥ Rad. acori vulg. & cypeti ana ʒ j. cortic. citri. ʒ β. summitat. herb. absynth. pont. borrag. lupuli fumar. agrimon. cichorij acetos. ana M. β sem. cucurb. & contr. vermes ana ʒ ij. flor. cordial. & rosar. siccar. ana p. j. fiat omnium decoctio in aquæ pluuiæ lb. j. β. In qua dissolu. syrup. violat. cydon. & cortic. citri. ana ʒ j. fiat apozema clarificat. & aromat. ʒ ij pulu. elect. triasant. & ʒ j. elector. aromat. rosar. in tres doses.

Iulepus. ℥ Syrup. de absynth. pontic. & de epithym. ana ʒ j. β. aq. buglos. lupuli & agrim. ana ʒ iij pul. diamarg. frigidi ʒ iij. fiat Iulepus in tres doses.

Potio. ℥ Rob. cydonior. laxat. drach. vj. syrup. de fum. ʒ j. β. decoctionis flor. & fruct. cord. q. s. fiat Potio.

Bolus. ℥ Elect. diasenn. solut. ʒ β. rob. cydon. laxat. ʒ ij. cum saccharo, fiat Bolus.

Pilula. ℥ Mass. pilul. de fumar. & Indar. ana drach. β. cum aqua absynth. fiant pilul. vij. deauratæ.

Opiata. ℥ Conseru. flor. absynth. pont. flor. borrag. rad. cichorij ana drach. ij. confect. alkermes ʒ j. pulu. elect. triasant. & aromat. rosar. an. drach β. syrup. cydon. q. s. fiat Opiata

Tabella. ℥ Pulu. elect. aromat. rosar. lætit. Gal. & triasant. ana drach. β. cort. citri sicci, coralli rubri, & spodij, ana ʒ j. sacchari albi aq. borrag. dissoluti q. s. fiant Tabellæ.

Puluis. ℥ Prædict. tabell. ʒ j. sacchari rosar. tabul. cum perlis ʒ iij. fiat omniū puluis.

Ad Melancholiam in Hepate.

Apozema. ʒ Rad. asparag. lupul. cort. median. sambuci, & fraxi. rad. cichorij ana ʒ j. herb. scabios agrim. borrag. fumar. scolopend. cap. vener. chamædr. & end. ana M. i. prunor. dulc. paria iv. sem. anisi ʒ ij. flor. cichorij & borrag. ana. p. ij. fiat omnium decoctio in sero lactis, vel in decocto galli antiqui ad lb j. ʒ. In qua dissolue succi agrim. & borrag. depurat. an. ʒ iij. sacchar. q. s. f. Apoz. clarif. & aromat. ʒ i. ʒ. pulu. elect. diarrhod. abb. pro v. aut vi. dosibus.

Iulepus. ʒ Syrup. de cichor. simpl. & de fumar. composit. ana ʒ j. ʒ. aq. end. borrag. & lupul. an. ʒ iv. pulu. elec. triasant. ʒ ij. fiat Iulep. pro tribus dosibus.

Potio. ʒ Fol. agrim. & cichorij ana m. j. sem. anis. ʒ j. fol. senæ mundat. ʒ ʒ. flor. borrag. p. i. ʒ. decoque ad ʒ iv. In quibus dissol. syrup de cichor. compositi cum rhab. ʒ i. elect. Ind. mai. ʒ ʒ. fiat potio.

Bolus. ʒ Cathol. & diasenn. solut. ana ʒ ii. ʒ. elect. Ind. ʒ ij. sacchari, q. s. fiat bolus.

Pilula. ʒ Massæ pilul. aggregat. ʒ i. pulu. helleb. nigri pauco vino albo irrorat. gran. quinque: conficiantur cum aqua cichor. fiant pilulæ duplici auro coopertæ.

Opiata. ʒ Conferuæ flor. gariophyll. hortens. purpat. & conferuæ fl. cichor. ana ʒ ʒ. confect. Alkermes ʒ iv. pulu. electar. diarrhod. abbat. ʒ j. cum syr. Capill. vener. f. Opiata.

Tabella. ʒ Santali rubr. sem. berber. & cinam. electi ana ʒ ii. puluer. electar. diambræ & lætit. Gal. ana ʒ j. sacchari albi aqua eupatorij dissoluti q. s. fiant Tabellæ.

Puluis. Ex iisdem pulueribus, quibus Tabellæ constant, addita sacchari maderei ʒ. fiat puluis, quo vtatur cum decocto cichorei & agrimon.

Ad Melancholiam in Liene.

Apozema. ʒ Rad. polypod. querni recent. liquir. rasæ, cort. rad. cappar. ana ʒ j. summitat. thymi, epithymi, borrag. fumar. scolopend. capill. vener. lupuli & chamædr. ana M. j. sem. apij & fœnic. ana ʒ ij. cappar. recent. sine sale & aceto p. ij. flor. genistæ tamarisc. borrag. ana p. ij. fiat omnium decoctio ad lb j. ʒ. In qua dissol. syrup. de fumar. compositi, & capill. ven. an. ʒ ii. fiat Apozema clarif. & aromat. pulu. elect. aromat. rosat. ʒ iv. pro iv. dosibus.

Iulepus. ʒ Syrup. epithymi. fumar. capill. vener. an. ʒ i. aq. borrag. lupul. & flor. sambuci an. ʒ iv. pulu. elect. diarrhod. abb. ʒ i. ʒ. fiat Iulep. pro iij. dosibus.

Potio. ʒ Decocti hordei, rad. polypod. querni recentis, epithymi, scolopendr. & fol. senæ mundat. ʒ iv. dissolue Catholici ʒ iij. confect. hamech. ʒ ij. ʒ. syrapi violar. ʒ i. fiat Potio.

Bolus. ʒ Confect. hamech. & cathol. an. ʒ iij. rhab. pulu. ʒ i. cum saccharo, fiat Bolus.

Pilula. ʒ Mass. pilular. indar. & aggregat. an. ʒ ʒ. hellebori nigri pulueris. gran. quinque cum aq. lupuli, fiant pilulæ.

Opiata. ʒ Conferu. cort. citri ʒ j. confect. alkerm. ʒ iv. pulu. elect. diamosc & diambr. an. ʒ ʒ. cum syrup. de duab. radic. fiat opiata.

Tabella. ʒ Sacchari, aq. scolopendr. dissol. ʒ ij. cinam. puluer. elect. triasant & diarrhod. abb. an. ʒ ʒ. puluer. electar. de gemmis & diamb. an. ʒ j. fiant tabellæ.

Puluis. ʒ Flor. sambuci & tamarisci leuiter in vmbra desiccet. an. p. j. ʒ. pulu. elect. diarrhod. abb. ʒ j. cinnam. elect. & limat. chalybis an. ʒ ij. sacchari ad pondus omnium, fiat puluis.

Ad Melancholiam in Renibus & vesica.

Apozema. ʒ Rad. liquir. alth. ononid. an. ʒ j. rad. petrosf. borrag. graminis ana ʒ ʒ. herbarum saxifragiæ, capill. vener. fumar. borrag. & pimpinell. ana M. i. sem. carui, melon, & milij solis an. ʒ ij. sem. althææ ʒ j. flor. malu. camomill. & spicæ communis an. p. j. fiat omnium decoctio in aqua hordei ad lb. i. ʒ. In qua dissol. syrup de duabus radicib. & violati an. ʒ ij. fiat Apozema clarificat. & aromat. cinnam. electi drach. j. pro iv. dosibus.

Iulepus. ʒ Syrup. de bizantiis (iecur & lienem expedit & expurgat) & de althea Fern. an. ʒ i. ʒ. aq. malu. gramin. & fœnic. an. ʒ iv. pulu. elect. diatrágac. frigid. ʒ i. fiat Iulepus, pro iij. dosibus.

Potio. ℥ Rhab. elect. ꝑ. iv. cinnam. gran. quinque, infunde in aquæ hordei s. q. expressione facta dissolue diasenn. & bened. laxat. an. 3 iij. syrup. violat. 3 j. fiat potio.

Bolus. ℥ Diascbesten. & diasennæ ana 3 iij. confect. hamech. 3 iij. cum saccharo, fiat bolus.

Pilula. ℥ Massæ pilul. de fumar. & de hermod. an. ꝑ. ij. malaxentur cum aqua fœnic. fiant pilulæ septem.

Opiata. ℥ Conseru. fol. cap. vener. & flor. mali ana 3 j. pulu. elect. diatragac. frigidi diarrhod. abb. & triasant. ana 3 j. cum syrup. de althæa Fern. fiat Opiata.

Tabella. ℥ Pulu. elect. diarrhod. abb. 3 j. pulu. liquir. sem. malux ana ꝑ. j. cinam. elect. ꝑ. 3 sacchari albi aq. gram. dissoluti q. s. fiant tabellæ.

Pulvis. ℥ Prædict. tabell. puluer. p. & sacchari candidi an. 3 j. fiat omnium pulvis, vtatur cum aqua aut decocto herniarix herb.

Ad Melancholiam in Vtero.

Apozema. ℥ Rad. fœnic. petroselin. asparag. rubix mai. ana 3 j. cinam. crassior. 3 iij. in vino albo per totam noctem infuso herbar. arthemif. borrag. matricar. scolopendr. pariet. summitat. thymi & althæa ana M. j. sem. anisi, & carthami ana 3 iij. flor. cordial. & stœchad ana ꝑ. j. cicerum rubeor. p. 3. fiat omnium decoctio ad tb. j. 3. In qua dissol. sacchari rubri q. s. fiat Apoz. clarificat. aromat. ꝑ. iv. diamoschi dulcis, pro iv. dosibus.

Iulepus. ℥ Syrup. de quinque rad. & de fumar. ana 3 i. 3. aq. arthemif. & lupul. an. 3 vj. cinam. electi 3 j. fiat Iulepus, pro tribus dosibus.

Potio. ℥ Decocti communis medicin. cum paucis epithymo 3 iv. syrup. arthemif. 3 j. elect. de citro solut. 3 3. fiat potio.

Bolus. ℥ Cathol. 3 3. elect. de citro solut. 3 iij. humecta cum paucis syrupo violato, fiat bolus addendo sacchari quantum sufficit.

Pilula. ℥ Massæ pilul. Ind. & cochiar. an. 3 3. diagrid. grana iij. malaxentur cum aq. arthemif. 3.

Opiata. ℥ Conseru. rad. enul. camp. & flor. tamarisc. ana 3 iij. conseru. flor. violat. 3 iij. cinam. elect. confect. alkerm. ana 3 3. pulu. diamb. ꝑ. j. cum syrupo bizantino, fiat Opiata.

Tabella. ℥ Pulu. elect. diamb. diamoschi dulc. & diarrhod. abb. ana ꝑ. j. cinam. elect. & schœnanth. vn. ꝑ. j. sacchar. aq. arthemif. dissoluti q. s. fiant tabellæ.

Pulvis. ℥ Nuc. moscat. cinam. santal. citrini, cort. rad. cappar. ana 3 3. pulu. elect. diarrhod. abb. 3 j. sacchari albi quadrupl. pondus, fiat pulvis, vtatur cum decocto cicer. rubrorum.

Ad Melancholiam in Habitu & in Functuris.

Apozema. ℥ Rad. falsæ parillæ, scyllæ præparatæ, & hermodactyl. ana 3 3. herb. Iux archrit. primul. veris, betonic. cichor. borrag. v. capillar. communium & scabios. ana M. j. sem. melon. & fœnic. an. 3 iij. passul. purgat. & liquir. an. drach. iij. ficuum pinguium paria quatuor, flor. saluix, & anthos, an. ꝑ. j. fiat omnium decoctio ad tb. j. 3. In qua dissol. syrup. de pomis & mellis anthosati ana 3 j. 3. fiat apozema clarificat. & aromat. ꝑ. iv. nuc. moschatæ, pro iv. dosibus.

Iulepus. ℥ Syrup. de epithymo, violat. mell. anthos. ana 3 j. aq. saluix, Iux archrit. & borrag. ana 3 iv. fiat Iulep. aromat. ꝑ. ij. pulu. elect. diamb. pro iij. dosibus.

Potio. ℥ Helleb. nigri, sem. cumin. & cinam. electi, ana ꝑ. j. Infundantur per quatuor horas in hydromel. q. s. pro dosi: expressione facta, dissolue syrup. rosat. solut. 3 ii fiat potio.

℥ Antimon. præparati grana quinque, infundantur per totam noctem in vini albi 3 iij. colentur mane, dentur cum debito regimine.

Bolus. ℥ Diasenn. solut. & elect. diacarth. an. drach. iij. pulu. hermordactyl. ꝑ. 3. humectentur paucis syrupo rosat. solut. cum saccharo, fiat bolus.

Pilula. ℥ Massæ pilul. foetid. mai. & Indar. ana 3 3. pilul. de hermodactyl. ꝑ. i. malaxentur cum aq. Iux arthrit. fiant pilulæ vij. deauratæ.

Opiata. ℥ Conseru. flor. Iux arthriticæ, flor. stœchad. & borrag. ana 3 iij. pulu. elect. diagalan. diamarg. frigidi, ana 3 3. cum syrup. de pomis, fiat opiata, cui si velis addere pores, confect. alkerm 3 j.

Tabella.

Tabella. ʒ Elect. aromat. rosat. zinzib. nuc. moschat. ana ʒ ʒ. pulu. elect. diatraga c. frigidi ʒ j. pulu. santali rubri ʒ ʒ. sacchar. aq. saluix dissoluti q. s. fiant tabellæ.

Puluis. ʒ Rad. sarsæ parillæ drach. ij. flor. borrag. exsiccat. p. ʒ. macis, & santal rubr. ana ʒ j. el. aromat. rosat. drach. iij. sacchari albi ʒ ʒ. fiat omnium puluis, quo vratur cum decocto sarsæ parillæ, in decentem formam præparato.



CAPVT III.

Ad Pituitam in Capite.

POZEMA. ʒ Rad. acor. enul. camp. cyperi & sarsæ parillæ an. ʒ j herb. betonic. salu. calamenth. pulegij vtriusque, origani, melissæ, chamædr. an. M. j. flor. stœchad. anthos & saluix an. p. j. fiat omnium decoctio, guaiacino ad ʒ j. ʒ. in quo dissolue syrup. de betonica oxymel. scillitic. & mellis anthos. an. ʒ j. ʒ. sacch. rub. q. s. fiat apozema clarificat. & aromat. ʒ iv. pul. elect. diaireos compositi, pro iv. dosibus.

Iulepus. ʒ Syrup. de stœchad. oxymel. scillitic. j. & condituræ calam. aromat. ana ʒ j. aq. salu. iv. vel si mauis decocti guaiacin. ʒ j. pulu. elect. aromat. ros. ʒ iv. fiat Iulepus, pro iv. dosibus.

Potio. ʒ Fol. senæ, betonic. & saluix ana p. j. sem. anisi ʒ j. decoque in aq. hord. ad ʒ iv. in quibus dissolu. diaphœnic. & elect. de citro solut. ana ʒ. iij. mellis ros. colat. ʒ j. fiat potio.

Bolus. ʒ Diaphœnic. ʒ ʒ. diacarth. ʒ ij. cum saccharo, fiat bolus.

Pilula. ʒ Massæ pilul. cocciar. minor. si sint in vsu ʒ ij. fiant v. pilulæ.

Opiata. ʒ Conseru. flor. stœchad. salu. & anthos ana ʒ iij. pulu. elect. aromat. ros. & diambæ ana ʒ j. nucis moschat. & calam. aromat. pulueris. ana ʒ ʒ. cum syrup. contr. citri, fiat Opiata.

Tabella. ʒ Elect. dianth. & aromat. ros. ana ʒ j. pulu. ireos florent. & nuc. moschat. ana ʒ ʒ. sacchari albi. aqua betonic. dissoluti ʒ iij. aut q. s. fiant Tabellæ.

Puluis. ʒ Præscript. specier. ʒ iij. sem. anisi & coriandri saccharo conditi ana ʒ j. sacchar. alb. ʒ ʒ. fiat puluis omnium.

Ad Pituitam in Pectore.

Apozema. ʒ Rad. liquir. scillæ præparatæ, id est, in aceto infusæ ana ʒ j. ireos florent. ʒ vj. herb. hyssop. & scabios. organ. pulegij calament. tussilag. quinque capill. ana M. j. sem. malu. anis. bombac. ana ʒ ij. passul. purgat. & ficuum pinguium ana p. iv. flor. calendulæ & saluix an. p. j. fiat omnium decoctio in hydromelite ad ʒ j. ʒ. in qua dissolu. sacchar. rubri q. s. fiat apozema clarificat. & aromat. ʒ j. pulu. ireos florent. pro iv. dosibus.

Iulepus. ʒ Syrup. de hyssop. prassio & de tussilag. ana ʒ j. aq. scabios. pimpinell. & saluix ana ʒ iv. pulu. elect. diaireos compositi ʒ j. fiat Iulepus. pro iij. dosibus.

Potio. ʒ Decocti pectoral. cum sene solut. ʒ iv. infunde agarici recenter trochiscati. ʒ j. expressione facta dissolue diaphœnici ʒ ʒ. syrupi de hyssopo ʒ j. fiat Potio.

Bolus. ʒ Cathol. ʒ ʒ. elect. diacarth. ʒ ij. agar. trochiscat. ʒ ʒ. humectentur cum syrup. de tussilag. addendo sacchar. q. s. fiat bolus.

Pilula. ʒ Mass. pilul. de agar. & foetid. maj. ana ʒ ʒ. trochis. alhandal. seu colocynth. grana iij. malaxentur cum aq. hyssopi, fiant pilulæ deauratæ vij.

Opiata. ʒ Conseru. rad. enul. camp. tussilag. & capill. vener. ana ʒ ʒ. pulu. elect. diaireos compositi ʒ j. ʒ. diambæ ʒ j. cum syrupo de prassio, fiat opiata, cui adde, si volueris, confect. aureæ Alexandr. vel confect. anacard. vel theriac. veteris ʒ j. ʒ.

Tabella. ʒ Pulu. elect. diaireos compositi, & diatragak. frig. ana ʒ j. succi liquir. puluerisat. & sem. malu. ana ʒ ʒ. sacchari albi aq. hyssopi dissoluti q. s. fiant tabellæ.

Puluis. ʒ Tabell. puluerisat. diatragak. frigid. & diaireos compositi ana ʒ ij. pul. rad. tussilag. & fol. hyssop. siccorum ana ʒ ij. sacchari ʒ. iij. reducantur in puluerem, vratur cum Hydromelite aut decocto guaiacino.

Ad Pituitam in Corde.

Apozema. ℥ Rad. liquir. raf. calam. aromat. & tormentillæ ana ʒ j. morf. diaboli cum toto, herb. meliss. cardui benedicti, pimpin. scabios. chamæd. chamæpith. cort. exterior. arancior. ficcior. ana M. j. sem. citri & anis. ana ʒ j. ʒ. trium flor. cordial. & fchoenanth. ana p. j. fiat omnium decoctio in aq. borrag. vel in aqua simplic. ad lb j. ʒ. In qua dissolue syrup. de pomis redolentibus & syrup. condit. cortic. citr. ana ʒ ij. fiat apozema clarific. & aromat. ʒ j. pulu. elect. diamosc. dulcis, pro iv. dosibus.

Iulepus. ℥ Syr. byzant. de pomis redolentib⁹ & cōditur. calam. arom. an. ʒ j. aq. meliss. card. bened. & scabios. ana ʒ iv. pulu. elect. diambri ʒ j. fiat Iulepus, pro iv. dosibus.

Potio. ℥ Rhab. elect. ʒ j. agar. trochisc. ʒ j. cinam. grana quinque, infund. in aq. card. benedict. ʒ v. express. facta, dissol. elect. de citro solut. ʒ ʒ. syrup. conseruationis cort. citri ʒ j. fiat potio.

Bolus. ℥ Confect. Tripheræ persicæ ʒ ʒ. elect. diacarth. ʒ ij. cum sacch. fiat bolus.

Pilula. ℥ Massæ pilul. aggreg. & de agar. ana ʒ ij. malaxentur cum aq. borrag. fiant pilul. septem, duplo auro coopertæ.

Opiata. ℥ Conseru. calam. & cort. citri ana ʒ ʒ. myrobalan. sacch. conditar. n. i. pulu. elect. diambri & diamosc. dulcis ana ʒ ʒ. confect. alkerm. ʒ j. cum syrup. de pomis, fiat Opiata.

Tabella. ℥ Confect. alkerm. & conseru. flor. borrag. ana ʒ j. pulu. elect. aromat. ros. & lætit. Gal. ana ʒ ʒ. ligni aloës & fantali citrini ana ʒ j. sacchar. aq. card. bened. dissol. q. f. fiant tabellæ, vt artis est.

Puluis. ℥ Sant. citrini, & albi an. ʒ j. ligni aloës ʒ ʒ. elect. diambri ʒ ij. sacch. albi ʒ ʒ. fol. auri minutim concisor. n. ij. fiat omnium puluis.

Ad Pituitam in Ventriculo.

Apozema. ℥ Cort. citri. calam. aromat. & rad. acori ana ʒ j. herb. absynth. mentæ, maioranæ, saluix, hyssop. foenic. chamæpith. ana M. j. sem. corian. granor. kermes, ana ʒ j. flor. salu. anthos. & lauend. ana p. j. fiat omnium decoctio ad lb j. ʒ. In qua dissolue syrup. de absynth. & dementh. ana ʒ ij. fiat apozema clarificat. & aromat. pulu. elect. arom. rosat. ʒ iv. pro iv. dosibus.

Iulepus. ℥ Syr. absynth. pont. menthæ & oxymelit. scillit. an. ʒ j. aquar. scabiosæ, foeniculi & maioranæ ana ʒ iv. fiat Iulep. pro iij. dosibus aromatizatum ʒ j. cinamomi.

Potio. ℥ Agar. trochisc. & rhab. optimi ana ʒ ʒ. spicæ nardi gran. v. Infund. in aquæ menth. f. q. express. facta dissolue elect. de citr. solut. ʒ ʒ. diaphcen. ʒ ij. syrup. ros. solut. ʒ j. fiat potio.

Bolus. ℥ Elect. de citr. solut. (effectu respondet diacarth. pituitam euacuando ratione turbith.) & diaphcen. ana ʒ iij. rhab. pulu. ʒ j. humectentur syrup. de absynth. cum sacchar. fiat bolus.

Pilula. ℥ Mass. pilul. de hiera & de agar. ana ʒ ij. cum aq. menthæ, fiant pilulæ deauratæ septem.

Opiata. ℥ Cort. citri. sacch. condit. & miuæ cidon. cum aromat. ana ʒ ʒ. myrobal. conditarum n. ij. piper. long. nuc. moschat. ana ʒ ʒ. pulu. elect. aromat. ros. ʒ j. cum syrup. de absynth. fiat Opiata.

Tabella. ℥ Elect. aromat. ros. ʒ ij. cort. citri sicci, nuc. moschat. piperis longi ana ʒ j. fantali albi & ligni aloës ʒ ʒ. sacchari alb. aq. menth. dissoluti q. f. fiant tabellæ.

Puluis. ℥ Sem. anisi & coriandri sacch. conditi ana ʒ iij. corall. præparat. sem. citri, ligni aloës, nuc. moschat. ana ʒ ʒ. pulu. elect. aromat. caryoph. ʒ iv. sacch. ad placitum, fiat puluis, quo vtatur post singulos pastus ad iuuandam concoctionem, nihil desuper comedendo aut bibendo.

Ad Pituitam in Hepate.

Apozema. ℥ Rad. aperitiuar. vino albo macerat. ana ʒ j. rasuræ ligni sancti drach. vj. herb. agrim. cichor. cum toto, fumar. menth. maioran. chamædr. chamæpith. orig. & capill. omnium ana M. j. sem. melon. & foenic. ana drach. ij. flor. cichorii, anthos. & salu. an. p. j. fiat omniū decoctio in sero caprillo ad lb j. ʒ. In qua dissolu. syrup. de eupath. & de absynth. an. ʒ ij. fiat apozema clarific. & arom. ʒ iv. pulu. elect. diarrhod. abb pro iv. dosibus.

Iulepus. ʒ Syrups. de eupath. & absynth. ana ʒ j. ss. aq. foenic. agrim. cichorij, ana ʒ iv. pulu. elect. aromat. ros. ʒ j. fiat Iulepus, pro tribus dosibus.

Potio. ʒ Elect. diacarth. ʒ vj. rhab. pulu. ʒ ss. syrup. de absynth. ʒ j. decoctionis fol. agrim. cichorei & Senæ ʒ iv. fiat potio.

Bolus. ʒ Cathol. ʒ ss. (recipit in sui compositionem ea, quæ indifferenter omnes respiciunt humores) elect. diacarth. ʒ ij. rhabarb. pulu. ʒ j. cum saccharo, fiat Bolus.

Pilula. ʒ Mass. pilular. aggregat. & de hiera cum agarico ana ʒ ss. dacridij. ʒ. iij. cum aq. agrimon. fiant pilulæ vij. deauratæ.

Opiata. ʒ Conseru. flor. & capill. veneris, cichorij stoechad. ana ʒ ss. pulu. elect. triasant. arom. rosat. & diamosc. ana ʒ j. theriacæ veteris & electæ ʒ ij. cum syrup. de eupat. fiat Opiata.

Tabella. ʒ Pulu. elect. diarrhod. abb. & aromat. ros. fantali citrini, & garyophyll. ana ʒ ss. sacch. aq. agrim. dissolut. quantum sufficit, fiant tabellæ.

Puluis. ʒ Tabel. elect. triasant. & aromat. ros. ana ʒ ij. sem. foenic. sacch. condit. ʒ j. ss. cinam. elect. & garyophyll. ana ʒ j. sacchar. albi. q. s. fiat puluis.

Ad Pituitam in Liene.

Apozema. ʒ Rad. foenic. & filicis maris, cort. rad. cappartim ana ʒ j. cort. citri sicci ʒ ss. herb. hyssopi, lupuli & scolopendr. quinque capill. fumar. agrimon. thym. ana M. j. sem. anisi & foenic. ana ʒ ij. passul. mundat. & prun. dulc. ana p. ij. flor. genistæ & tamarisci ana p. ij. fiat omnium decoctio ad lb. j. ss. In qua dissolu. syrup. nasturtij, fumar. & oxymel. scillitic. ana ʒ j. ss. fiat apozema clarific. & aromat. ʒ iv. pulu. garyophyll. pro quatuor dosibus.

Iulepus. ʒ Syrup. de fumar. & de quinque rad. ana ʒ j. ss. aq. bugloss. lupul. & scolopendr. ana ʒ iv. pulu. elect. diarrhod. abb. ʒ j. fiat Iulepus, pro tribus dosibus.

Potio. ʒ Polypod. quercini ʒ iij. fol. senæ mundat. ʒ ij. agar. trochisc. in nodulo positi ʒ ss. fiat omnium decoctio ad ʒ iv. in quibus dissol. elect. diacarth. ʒ ss. syrup. de fumar. compositi ʒ j. fiat potio.

Bolus. ʒ Diaphœnic. & elect. diacarth. ana ʒ iij. cum sacchar. fiat bolus.

Pilula. ʒ Mass. pilul. cocciar. & de agaric. ana ʒ ij. cum aq. lupul. fiant pilulæ.

Opiata. ʒ Conseru. calam. aromat. conseru. flor. anth. & tamaris. ana ʒ iij. pulu. elect. diarrh. abb. & aromat. garyophyll. ana ʒ j. theriac. veter. ʒ iv. cum syrup. capill. vener. fiat Opiata.

Tabella. ʒ Trochisc. de capparib. cinam. electi. & pulu. elect. aromat. ros. ana ʒ ij. sacch. aq. borrag. dissolut. quantum sufficit, fiant tabellæ.

Puluis. ʒ Cort. rad. cappar. & tamarisc. sem. apij, petros. ana ʒ ss. spicæ nardi, schœnant. & elect. diarrhod. abb. ana ʒ j. sacchari q. s. fiat puluis.

Ad Pituitam in Renibus & Vesica.

Apozema. ʒ Rad. raphan. leuistic. rubiæ maj. ononid. ana ʒ j. cort. rad. lauri & cort. citri sicci ana ʒ ss. Infundantur in vino albo per totam noctem, deinde decoq. cum fol. malu. pariet. vrticæ, asparagi, pimpinell. quinque capill. nasturtij, apij & sisimbrij aquatici ana M. j. sem. milij solis, carui & ameos ana ʒ ij. flor. genistæ, rorism. & malu. ana p. j. liquir. rasæ & cicer. rubeor. ana p. j. in aq. hordei ad lb. j. ss. In qua dissol. sacchari rubri q. s. fiat apozema clarific. & arom. ʒ j. ss. cinam. electi.

Iulepus. ʒ Syrup. nephrocathartici ex descriptione Iouberti in pharmacopœa ʒ iij. aquæ saxifrag. aut decoct. cicer. rubror. lb. j. cinam. elec. ʒ iv. fiat Iulepus pro iv. dosibus.

Potio. ʒ Bened. laxat. cum sacch. præpar. ʒ vj. syrup. nephrocathar. ʒ j. decocti cicer. rubr. ʒ iv. fiat potio.

Bolus. ʒ Bened. laxat. ʒ v. pulu. liquir. ʒ j. cum saccharo fiat bolus.

Pilula. ʒ Mass. pilul. agreg. & de agar. ana ʒ ss. trochisc. alhandal grana iij. cum aq. parietariæ fiant pilulæ.

Opiata. ʒ Conseru. flor. & capill. veneris. malu. anthos ana ʒ iij. theriac. optimæ & mithridat. ana ʒ j. pulu. elect. diatragac. frigid. ʒ iv. cū syrup. nephrocathar. fiat opiatæ.

Tabella. ʒ Cinam. tenuioris, schœnanth. calam. arom. sem. apij, & milij solis ana ʒ ss. pulu. elec. diarrhod. abb. ʒ j. ss. sacch. alb. aq. saxifrag. dissoluti q. s. fiant tabellæ.

Puluis. ʒ Prædict. tabell. ʒ j. pulu. liquir. ʒ iv. sacch. candi ʒ iij. fiat omnium puluis.

Ad Pituitam in Vtero.

Apozema. ʒ Rad. cyperī & quinque aperit. an. ʒ j. herb. arthem. is. & matricariæ, fœnic. origan. calamenthæ, nepet. fragariæ, pentaphyll. cap. vener. ana M. j. cicer. rub. ij. sem. anisi & apij ana ʒ. ij. flor. stœchad. Arabicæ, anthos & centaur. minor. ana p. j. fiat omnium decoctio in hydromelite, ad lb. j. ʒ. in qua dissolu. syrup. de arthem. ʒ iiij. sacch. q. s. ad gustum conciliand. fiat apozema clarifi. & arom. ʒ iiij. pulu. elect. diarrhod. abb. pro iiij. dosibus.

Iulepus. ʒ Syrup. de arthem. is. ʒ ij. syrup. de stœch. ʒ j. aquarum matric. & nepet ana ʒ vj. aut loco aq. fiat decoctio, in qua dissolue pulu. elect. diambra ʒ j. fiat Iulep. pro iiij. dosibus.

Potio. ʒ Rhab. elect. agaric. trochisc. ana drach. ʒ. spicæ nardi, grana quinque, infundantur in aq. fœnic. ʒ v. express. facta dissolu. bened. laxat. ʒ ʒ. syrup. ros. solut. ʒ j. fiat potio.

Bolus. ʒ Cathol. & bened. laxat. ana ʒ ʒ. cum saccharo fiat bolus.

Pilula. ʒ Mass. pilul. cocciar. maj. ʒ j. dacridij. grana iiij. cum aq. fœnic. fiant pilul. quinque aut septem.

Opiata. ʒ Conseru. rad. fœnic. eryngij & flor. tamarisc. ana ʒ ʒ. confect. aureæ Alexand. ʒ j. ʒ. pulu. elect. diamb. & diarrhod. abb. ana ʒ j. cum syrup. de arthem. is. fiat opiata.

Tabella. ʒ Sem. fœnic. & apij. cinnam. elect. & spicæ nardi ana ʒ ʒ. pulu. elect. diarrhod. abb. ʒ ij. sacch. albi aq. fœnic. dissol. q. s. fiant tabellæ.

Puluis. ʒ Cinnam. elect. ʒ j. piper. longi & zinzib. ana ʒ ʒ. schœnanth. & sem. apij ana ʒ j. sacchari albi, quantum sufficit, fiat puluis.

Ad Pituitam in Habitu & Iuncturis.

Apozema. ʒ Rad. cyperī, & galangæ ana ʒ ij. hermodactyl. & cortic. ligni sanct. ana ʒ ʒ. herbar. saluiz, betonicæ, melissæ, chamædr. chamæpyth. prassij, puleg. origan. calament. & primulæ veris ana M. j. sem. maioran. fœsel. & vrtic. ana ʒ j. ficuum pinguium paria octo, fiat omnium decoctio ad lb. j. ʒ. In qua dissolue syrup. de stœch. & oxymel. scyllit. ana ʒ ij. fiat apozema clarific. & aromat. ʒ iiij. pulu. elect. diaireos compositi pro iiij. dosibus.

Iulepus. ʒ Syrup. stœch. & iux arthrit. ana ʒ j. ʒ. aq. saluiz, betonicæ ana ʒ vj. pulu. elect. aromat. rosar. ʒ j. fiat Iulep. pro tribus dosibus.

Potio laudata. ʒ Rad. mechoacan. ʒ ij. Infunde in ʒ iiij. hydrom. express. facta dissolue diaphœnic. & diacarth. ana drach. ij. ʒ. syrup. de stœch. ʒ j. fiat potio.

Bolus. ʒ Diacarth. drach. ij. bened. laxat. ʒ ʒ. sacch. q. s. fiat bolus.

Pilula. ʒ Mass. pilulæ de hermodact. & de agaric. ana ʒ ʒ. dacridij gr. iiij. cum aq. primulæ veris formentur pilulæ septem.

Opiata. ʒ Conseru. rad. ireos florent. stœch. anthos ana drach. iiij. theriac. elect. & vet. drach. j. ʒ. elect. arom. rosar. garyophyll. drach. j. pulu. hermod. drach. ʒ. cum syrup. conseru. calam. aromat. fiat opiata.

Tabella. ʒ Pulu. elect. aromat. rosar. garyophyll. & diamb. ana ʒ j. zinzib. & nuc. mosch. ana ʒ ʒ. sacch. aq. salu. dissoluti, quantum sufficit, fiant tabellæ.

Puluis. ʒ Pulu. ireos florent. ʒ ij. cinnam. zinzib. nuc. mosch. ana ʒ j. pulu. elect. diamb. & diamosch. dulc. ana ʒ ʒ. sacch. albi q. s. fiat omnium puluis, quo utatur cum secundario decocto gaiacino.

CAPVT IV.

Ad serosos humores, hydragoga.



EROSITATEM seu aquosos humores ichores corporis nostri vocant Medici, quicunque scilicet sub aquarum specie, tum naturaliter, tum præter naturam esse possunt in nobis. Natura quidem unusquisque humor suo donatur sero, potissimum sanguis, cuius vehiculum esse voluit Hippocrat. Secernuntur autem humores eiusmodi, vel per externum corporis habitum, sudoris instar, vel per vrinas, dum omnia rite & secundum

dum naturam se habent: cum verò vel supprimuntur vacuationes assuetæ, vel exitio sanguificationis nimia crudioris succi copia congeritur, sit sæpè, vt abdominis capacitas illo repleatur (quod per hydropas videre est) aut ipse corporis habitus, vel quæcunque pars exterior imbuatur. Vtrique malo conueniunt vacuantia, tum qua repurgando per aluum ichores proliciunt, tum qua calfaciendo attenuandoque per sudores resoluunt crudiores hunc succum in corpore stabulantem, qui cum sua natura sit tenuis & sincerus, nulli permixtus humori: ideo præparatione non indiget ratione sui, nisi fortè iunctus sit obstructionibus partium & meatuum corporis, qui prius expediri debent, quam vacuatio procuretur: hinc oportet per leniter purgantia infarctum illum viarum amouere: postmodum hydrocathartica præscribere, denique partium robur restituere, sub his formulis.

Apozema. ʒ. Quinque rad. aperit. liquirit. rasæ, cortic. median. fraxini & cort. rad. capparum ana ʒ j. rad. ireos recentis, calam. aromat. & cinam. elect ana ʒ ʒ. herb. capill. absynth. pont. cardui bened. hyssop. prassij. fœnic. agrim. ana M. j. sem. apij, ameos, & anisi ana ʒ ij. fol. fenæ. mundat. ʒ iij. fol. soldanellæ siccor. ʒ ʒ. sem. ebuli, ʒ iij. turbith. gummos. ʒ vj. flor. genistæ, persic. centaurij, & tamarisc. ana p. ij. fiat decoctio omnium in aqua chalybeata ad lb j. cui adde sub finem decocti, vini albi & tenuis lb ʒ. sacch. rubri q. s. fiat apozema clarific. & aromat. ʒ j. pulu. diarrhod. abb. pro iv. aut v. dosibus.

Pulus deobstruens. ʒ. Rad. falsæ parillæ & cinam. elect ana ʒ ij. sem. apij, anisi & fœnic. ana ʒ j. limaturæ chalybis ʒ j. ʒ. spicænard. ʒ j. cantharid. præparatar. ʒ ʒ. sacch. albi pondus duplum, fiat omnium puluis, cuius ʒ ij. capiat mane cum paucio vino albo, & fortiter deambulet. Vel:

Radic. Ireos succus instillari potest in ouum perforatum, cuius albumen eductum sit, misceatur cum vitello & leuiter calefiat, capiat eadem ratione.

Radix illa decoqui potest in iusculo carnis, (e.g. columbæ iunioris) quod deinde coletur & propinetur. Vel ʒ. succ. rad. Ireos nostr. ʒ ij. vin. alb. ʒ j. ʒ. pulu. diamarg. frig. ʒ j. f. potio. Vel:

ʒ. Fol. chameleæ ʒ j. ʒ. decoquantur in ʒ iv. hydromelitis, capiat colat. mane.

Vel: Paretur iustar. confert. cum sacch. cap. eandem quantitat.

Potio. ʒ. Corr. med. rad. ebuli & sambuci ana ʒ ij. contundantur leuiter & coquantur in aqua cardui bened. in colat. ʒ iij. adde vini albi ʒ j. pulu. elect. arom. ros. & rhab. elect. ana ʒ ʒ. fiat potio.

ʒ. Sem. ebuli puluerisati ʒ j. capiat cum paucio vino albo bis in mense.

Alia pro rustico. Rustici dant grana colocynthidos v. aut vij.

ʒ. Fol. soldanellæ siccor. ʒ iij. turbith. gummosi, & rhab. elect. ana ʒ j. fol. fenæ & zinzib. ana ʒ iv. dacridij ʒ ʒ. sacch. albi ʒ ij. fiat omnium puluis, de quo capiat ʒ ij. aut iij. mane cum decocto cicerum rubrorum aut guaiaci.

Aliud hydrag. Præcipua vis expurgandi humoris aquosi est in elaterio posita, id est, succo cucum. agrest. qui bilem & pituitam vacuat, qui efficacissime illum expurgat a ʒ ʒ. ad ʒ j. qui exhiberi potest cum confert. rosar. aut flor. borrag. ad ʒ ij. ʒ.

Roborantia. Eadem esse possunt roborantia, quæ in humoris pituitosi prouentu secundum varias corporis partes iam fuerunt a nobis descripta: potes tamen hæc addere.

ʒ. Conferu. fol. absynth. pont. cap. vener. an. ʒ ʒ. conferu. rad. eryngij ʒ iij. nuc. mosch. sacch. conditæ n. i. pulu. elec. arom. ros. diarrhod. abb. ana ʒ j. confect. alkerm. ʒ iv. sacch. q. s. fiat conditura duplici auro recta, qua vtatur frequenter cum iusculis consummatis, aut cum vino diluto.

Aliud. Tabellæ elect. diarrhod. abb. & dialacæ in hanc rem sunt accommodatæ, quæ si desint pharmacopœis, poterunt recenter dispensari, vt eis vtantur a ʒ j. ad ʒ ij. mane.

Aliud. ʒ. Flor. maioran. rorism. menth. siccor. ana p. j. ligni aloës & sandali mochat. ana ʒ ʒ. decoquantur ad ʒ ij. quibus adde syrup. de absynth. pont. ʒ j. capiat, vt dictum est.

ʒ. Conferu. eryngij, aut nucum communium cum zinzib. garyophyll. nuc. moschat. q. s. melle condit. lb j. capiat tempestiue.

Atque hæc de purgantibus & roborantibus in humoris serosi prouentu: nunc de Sudorificis agendum.

CAPUT V.

De Sudorificis.



SUDORIFICORVM naturam eorumque varia genera persequi minime propositum est, sed ea quæ sunt magis in vñu, adferre. Certum est igitur tam externis quàm internis medicamentis, calfacientibus, attenuantibus, resoluentibus, sudores elici, & externas corporis nostri partes expurgari; postmodum internas etiam consequitione quadam, vt, si quid vitiosi ichoris in eis contineatur, hydragogorum vsu dissipetur atque exsiccet. Vnde recentiores Medici sudorifica etiam præscribunt in corrigendis morbis, quorum causa in viscere aliquo condita est & latet, neque alterationibus neque purgationibus moueri potuit, sed aliquo medicamento indiget, quod subtilitate & tenuitate partium, maximum huiusmodi mali fomitem sensim resolvere & extirpare possit. Sic ad vlcera interna, fluxiones capitis diurnas, vertigines, epilepsias, asthmata, ventriculi cruditates, & cæteros huiusmodi affectus, aliquando præscribimus dietas vulgò dictas quæ xx aut xxx diebus absoluntur, cum victu conuenienti, pro varia ægri & partium affectarum natura; quorum lubet nunc formulas aliquot subnectere non ex quibuscumque sudorificis, sed internis, vt iis, quæ hoc nostro seculo ad Luis Venereæ curationem, deinde ad alios affectus recepta fuere.

Hæc sunt lignum sanctum, seu guaiacinum dictum, lignum Sassafras, radix sarsæ parillæ, & radix Chynæ, quæ ex Indis apportari solent. Sic primum decoctum præscribitur. R. rasur. lign. sanct. optim. ʒ ij. cortic. eiusd. ʒ ss. macer. in lb. iv. aq. font. per diem, tepide, coq. in vas. duplic. ad med. part. consumpt. cap. de colar. lb. ss. calide mane sub autumni aut veris tempus, prius purgato corpore.

Et quoties aluus astricta fuerit, clyster iniiciatur communis, vel etiam singulis octo diebus, reiterentur pilulæ, aut potio purgans præscripta, vt, si quid materiæ crassioris, dum tenuiores partes resoluuntur, remanserit, paulatim deturbetur.

¶ Residentiam prædicti decocti (scilicet vel ligni sancti, vel alterius ex prædictis, paulò post vberius secundum præparat. declarand.) & infunde per spatium quatuor horarum in lb. vj. aquæ, decoquantur ad lb. j. ss. consumptionem, & colentur per manicam Hippocratis, addend. sacchar. alb. & cinamomi q. s. hoc ad ægri placitum paretur bochetum & pro potu ordinario toto diætæ tempore bibatur. Interea vescatur æger pane biscocto, anisato, passul. prun. cum sacch. coctis, amygdal. auellanis tostis, nucleis pini, tragematis, carnib. assis, vitando omnia reliqua humida. Atque hic est simplex vtendi modus guaiaco, quem variare licet augendo, minuendoque quantitatem guaiaci, vel plus minusve decoquendo pro occasione data, vel etiam vbi magis aut minus calefacere oportet, vt in crassioribus & magis pituitosis hominibus quibus bis in die decoctum illud exhibere & sudores prouocare possumus, scilicet hora quarta matutina, & tertia pomeridiana longè à pastu; quam determinationem committimus industriæ medici prudentis. Quin & in pueris lue venerea laborantibus, aut alio modo affectis, sudoréque indigentibus possumus imperare huiusmodi decoctum vt scilicet ʒ j. guaiaci infundatur in lb. ij. ss. aq. gramin. deinde decoquatur ad mediæ partis consumptionem in balneo Mariæ, colat. add. sacchar. lb. ss. decoq. in iulepum, cuius cap. ʒ ij. mane calide. Vel etiam prioris decocti portio destilletur in balneo Mariæ in vase vitreo; aqua hæc stillatiua exhibetur ad ʒ ij. cum pauco saccharo. Vel, si maior, fiat decoctio rasuræ guaiaci cum pullo, capiat ius colatum: quæ omnia aptari poterunt infirmioribus & delicatis naturis.

Præter simplex illud decoctum, solent composita multa in quotidianos vsus reuocari, aliquando enim ne hepar nimium efferuescat, refrigerantia sub finem decoctionis addere solemus, sæpè (habita partis affectæ ratione) ea quæ appropriata sunt, & magis efficax reddere possunt illud decoctum. Sunt qui vinum infundant ad penetrationem & saporem conciliandum. Alij vt vna eademque opera purgationem excrementorum moliantur, & sudores promoueant, addunt sub

finem decocti cathartica benigniora. Alij denique vt varias intentiones assequantur, vel vt guaiaci feruorem frangant, permiscunt portionem aliorum sudorificorum, quorum omnium hæ haberi possunt formulæ.

Ratio prlma decocti compositi.

℥ Rasur. ligni sancti ℥ ij. cort. eiusd. ℥ j. infundantur in lb. vj. aquæ fontis, vt artis est, deinde decoquantur ad mediæ partis consumptionem, addendo sub finem decocti, capill. vener. cichor. borrag. card. bened. ana M. j. passul. purgatar. & liquir. ana 3 iij. sem. melon. 3 ij. coquantur omnia, post vnam ebullitionem col. capiat à lb. β. ad ℥ viij. mane calidè, sudando ad placitum, impiedietur hoc modo, ne hepar nimium incalescat.

Secunda ratio. ℥ Eandem quantitatem ligni cort. & aquæ, infundantur & decoquantur eodem modo, addendo sub finem decocti fol. betonic. salu. maioran. ana M. β. sem. pœon. visci quercini, sem. anisi ana 3 ij. fl. anth. stœch. ana p. j. colentur, & cap. eodem modo, reddes decoctum cephalicum & epilepsiæ accommodatum, quod eadem ratione præstare poteris in quacunque parte & quocunque affectu proposito: In his secundarium quoddam decoctum parari potest ex residentia, vt supra dictum est, vel si mauis, ne ingratus nimium sit sapor, ob herbarum & aliorum permixtionem, cap. rasuræ nouæ ligni sancti ℥ ij. infundantur in lb. viij. aquæ fontis per xij. horas, decoq. ad ij. vel iij. lb. consumptionem, coletur per manicam Hippocratis cum cinam. & sacch. fiat bocchet. pro potu ordinario.

Tertia ratio. ℥ Rasur. guaiac. ℥ iij. cort. eiusd. ℥ ij. infundantur per xxiv. horas tepide in lb. sex aq. fontis, deinde coquantur ad ij. aut iij. librar. consumptionem, donec scilicet totum redeat ad lb. iij. aut iv. quibus adde colaris & refrigeratis vinum ad lb. j. capiat huius decocti ℥ vj. mane calidè, erit multis gratum vsu vini gaudentibus, vtile naturis infirmioribus, magisque penetrabile, & internas partes roborans.

Eadem ratione parabitur secundum decoctum ex residentia infusa, decocta, colata, addendo sub finem vini albi lb. iij. plus minus; hoc decoctum laudatur in morbis frigidis magis, quam Lue Venerea, cui vinum est infestissimum.

Quarta ratio. ℥ Prædict. quantitatis guaiaci cort. & aq. fiat eadem infusio & decoctio, sub cuius finem adde fol. senn. mundat. ℥ j. β. sem. carth. contus. ℥ j. turbith. gummosi. & hermodact. ana 3 iij. sem. anisi & passul. purgat. ana 3 ij. decoquantur parum, postea colentur, cuius colat. capiat lb. β. mane, promouendo sudores, atque etiam expurgabis, quod solent empirici sæpius vsurpare: Nobis verò iis est cautè vtendum, & robustis naturis & valdè cacochymis, imbecillæ enim vix duas tam contrarias vacuationes ferre possunt; secundarium in his decoctum parari debet, non ex residentia prioris decocti, sed potius ex noua rasura, vt ante dictum est à nobis.

Quinta ratio. ℥ Rasuræ ligni sancti ℥ ij. rad. sarsæ parill. ℥ j. β. ligni sassaphras 3 β. infundantur omnia, vt est artis, in lb. vj. aq. fontis: deinde decoque ad mediæ partis consumptionem, colat. seruetur in vase vitreato, capiat lb. β. vel ℥ viij. mane calidè, item fiat secundarium decoctum ex residentia infusa, decocta, colata, vt dictum est, cum simplici decocto guaiacino: non addimus radicem chynæ, quia illa nimium contabescit, & exoluitur, cum aliis decoctis: ea felicius sola vsurpatur. Atque hic est modus vsurpandi facultates varias variorum sudorificorum pro arbitrio prudentis & circumspæcti in sua arte Medici.

Decoctum ligni sassafras. Præter guaiacum ex orbe nouo defertur lignum *sassafras*, dictum, cuius sapor non ingratus, neque odor, fœniculum redolens, cuius vis maxima prædicatur ad podagras, ischiadas veteres, fluxiones, obstructions confirmatas, vnde præscribi etiam solet in febribus notis & antiquis, fœdisque virginum coloribus maximo successu post purgationem, decoctio sic paretur.

℥ Ligni sassafras recentis cum suo cortice frustulatim dissecti, vel si mauis de-rasi ℥ j. β. Infundantur in lb. iij. aquæ fontis per duodecim horas, deinde decoque ad lb. ij. consumptionem, coletur, capiat huius colati lb. β. mane, calidè. Melius est sic parare in duas doses, quam in plures, tum quia seruatum gratiam odoris amittit, tum quia eius facultas facilè euanesceit.

℥ Residentiam prædicti decocti, infunde per tres horas in lb. sex aq. font. decoque ad lb. ij. consumptionem, coletur per manicam Hippocratis, cum saccharo fiat bocherum

bochetum pro potu ordinario. Licet vti victu liberaliore, quam in decocto guaiacino, quo nomine valde commendatur in macilentis corporibus, debilissimisque naturis.

Decoctum salsa parilla. Duobus lignis & totidem radicibus vimur ad sudores concitandos, rad. salsa parilla & rad. chynæ. In vsu salsa parilla, hoc in primis obseruandum est, plerosque eius loco supponere radicem smilacis asperæ, quæ ad prouocandos sudores est utilis, sed non cum tanto fructu. Salsa parilla vsus est in omnibus morbis prædictis, præcipue ad scrophulas commendatur, & quando minus calfacere cupimus: decoctum sic paratur.

℥ Rad. salsa parill. per taleolas dissectæ cum suis capillamentis ʒ iij. Infundatur in lb. iij. aq. font. per horas octodecim tepide, deinde decoquantur ad mediæ partis consumptionem, colatura seruetur in vase vitreo, de quo capiat ab ʒ viij. ad x. cooperiatur plus solito, & excitentur sudores.

℥. Residentiam prædicti decocti, infunde in lb. sex aq. fontis per tres horas, deinde coquantur ad lb. ij. consumptionem, colentur, cum sacch. & cinnam. fiat Bochetum pro potu ordinario, quo multi vti solent ad scrophulas sanandas per sex aut septem menses, absque primario decocto. Aliquando etiam, vt diximus, paratur decoctum ex salsa parilla & guaiaco compositum pro variis intentionibus: (Hoc boni est in salsa parilla, quod non astringat aluum, sed potius laxet.)

Supereff radix chynæ, quæ tantis vbique laudibus celebratur, tum quod nullo sapore sit prædita, vnde vocatur *amara*, tum quod sudores absque vlla calefactione promoueat, vt in phthisi, atrophia, & quouis vlcere interno, & cum febre vsurpari possit, quodque impinguare eos credatur, qui illa vtuntur, & victu analeptico tunc vti liceat.

Decoctum sic potest parari.

℥ Rad. chynæ rufæ & ponderosæ, non exesæ, per taleolas tenuissimas dissectæ ʒ iij. infunde per xij. horas tepide in aq. font. lb. iv. deinde decoque lento igne, & sine fumo, vel si mauis in balneo Mariæ, aut in iusculo pulli ad lb. ij. consumptionem: colatura seruetur in vase vitreo angustiori supra fursures & cineres tepidos, capiat ʒ viij. calide mane sudando ad placitum.

℥ Prædictas taleolas, exsiccentur parum in vmbra: deinde infundantur in lb. viij. aquæ per quatuor horas, deinde decoquantur ad lb. j. consumptionem, colat. transmittatur per manicam Hippocratis, cum sacchar. & cinam. vtatur pro potu ordinario.

Vsus chynæ parum valere ad luis Venereæ curationem creditur. Atque hæc de sudorificis hoc nostro tempore vsitatis dicta sufficiant.



C A P V T VI.

De Vomitoriis.



NICA est via, quæ ab ore ad anum vsque pertingit, quaque per superiora ingerere, per inferiora egerere naturaliter solemus, sic tamen vt ob humorem in superiore ventriculi parte immorantem, vel robustiorem inferioris partis retentricem facultatem, vel etiam quando res ita vrget, vomitum concitare soleamus, intermittentes & diuturnas febres sanemus, infarctumque primorum viscerum expediamus minimo negotio, vt est apud Hippoc. Vomunt biliosi facile, graciles, amploque pectore præditi & æstatis tempore; contra difficile, melancholici carnosi valde, quibus est elatum collum, gracile & oblongum, hyemis tempore. Vel etiam à vomitu arcere solemus, vbi cumque est affectus capitis, cerebri, aut oculorum primarius, linguæ resolutio, asthma, vlcus pulmonum, tabes, & magnus præcordiorum affectus & æstus. Ad vomitum igitur paratos, quibus pituitosi, biliosi & melancholici humoris prouentus in ventriculo est, his iuuare poteris remedium formulis, benignis, mediocribus, violentis, prout res postulat. Hausta sæpè aqua

aqua tepida, cum pauco oleo aut butyro, confricato in orbem ventriculo vomitum ciere solet, vt & solum decoctum hordei & ficuum pinguium.

℞ Rad. raphani ʒ ss. flor. aneth. p. j. decoquantur, cape de colat. ℥ j. tepide, excitetur vomitus, vt dictum est.

℞ Rad. raphani ʒ j. agar. ʒ j. sem. aneth. ʒ j. ss. decoque in ʒ viiij. aq. hordei, cui adde mellis scillit. ʒ ij. attenuando vel incidendo, si tenuis pituita; vel syrup. acet. simplic. ʒ j. si bilis ferociat, detur tepide vna hora ante accessionem in febribus diuturnis vel intermittentibus, duabus horis ante cenam.

℞ Rad. asar. ʒ j. flor. genistæ siccorum p. ss. sem. raphani & atriplicis ana ʒ ss. fiat puluis & diluatur cum aqua hordei, capiat similiter.

Quatuor sunt valentiora & vfitatiora ad copiosiores vomitus excitandos, scilicet balanus myrepfica, nux methel. hellebor. albus, & antimonium, quæ non nisi magna cum cautione & præuia corporis & humorum præparatione exhiberi debent, vt doctè annotauit Hippocrates: corpora enim sunt præhumeſtanda viâ & balneis, antequam detur helleborus, atque ventriculus, cui maxima noxa infertur, prius illinendus pingui quodam & alibili succo, vt iure carniū elixatarum, cremore hordei, butyro cum melle sumpto & similibus, vt medicamenti acrimonia obtundatur, minisque stomachi parietibus adhærescat. Tales igitur sunt illius præparationes.

℞ Medullæ interioris nucis methel. ʒ j. sem. fœnic. & cinam. elect. ana ʒ ss. sacchari rubri ʒ j. ss. fiat omnium pulu. dissolu. in ℥ j. hydrom. vel capiat cum hordeato tepide.

℞ Hellebori albi ʒ j. secetur per fibras, & maceretur tepide in ʒ iv. vini dulcis vel iuris pinguioris aut cremoris hordei per noctem integram, addendo sem. anisi & cinam. ana ʒ j. coletur, capiat mane.

℞ Helleb. albi ʒ ss. incidatur per frustula, quibus configantur rad. raphani, aut poma, decoquantur parum cum hydromelite, colentur, capiat, vt supra.

Antimonium præparatum seu vitrum antimonij hiacynthinum, potentissime vomitum excitat. Dantur in substantia grana quinque vel sex cum ʒ ij. conferu. rosar. in forma boli; vel prædicti antimonij grana octo vel nouem infundantur per noctem integram in ʒ iij. vini albi, colentur, addendo, pulu. elect. diamb. ʒ ss. capiat mane cum fida custodia.

IV TABULA

FORMULA



FORMVLARVM
 REMEDIORVM
 SECTIO SECVNDA,
 CONTINENS EXTERNA.
 PRÆFATIO.

Operis diuifio, & Authoris mens.



GALENVS omnem Remediorum materiam quatuor generibus complexus est, Assumendorum, Admouendorum, Gerendorum & Educendorum, quibus non tantum Pharmaceutica, sed etiam Diætica & Chirurgica instrumenta continentur, ut in libris de sanitate tuenda videre licet. Nos vero Remediorum Pharmaceuticorum descriptiones ita explicandas suscepimus, ut ex modo, & diuersa quidem administrandi ratione, antea, Medicamentorum formulas quæ intus per os assumi solent, proposuerimus. Nunc autem ea, quæ externa corporis regioni adhibentur, aggressuri sumus.

Quoniam vero præter ea, quæ per os assumuntur, ac foris admouentur, sunt quedam, quæ in certas corporis nostri cavitates induntur, ut anum, vesicam, uterum, thoracem, palatum, nares, oculos & aures, non parua ad Medicinam faciendam utilitatis, ideo non abs re fore duximus, si huiusmodi etiam formulas præmiserimus, quæ philiatriæ esse possunt veluti παραδιδωμενα ad pleniorum eorum doctrinam, quæ in particulari singulorum morborum tractatione proponuntur: deinde ad illa Remedia quæ verè Externa appellari possunt, accedamus.

Porro externa ista remedia, quamuis corpori nostro foris admoueantur, non tamen existimandum est, ea externis tantum morbis prodesse posse, verum etiam internis affectibus maxime conducere: unde in hoc tractatu & singulis eius partibus hunc seruabimus ordinem, ut primum ea explicentur, quæ ad interiorum affectuum curationem solent usurpari; postea vero ea, quæ externos morbos magis respiciunt. Neque inutiles aut curiosas nimium remediorum formulas undique conquiremus, sed his erimus contenti, quæ ad usum sufficientes longo usu confirmata & rationis criterio utilissima ad morborum profligationem inuenta sunt.

Duæ igitur tractationis nostræ partes erunt, in quarum prior agemus de iis, quæ in certos corporis nostri sinus immitti solent, siue ad uniuersalem, siue ad particularem tantum quorundam morborum curationem faciant, ut glandibus, clysteribus, iniectionibus variis, pessariis, eclegmatis, gargarismis, masticatoriis, errhinis, sternutatoriis & collyriis; in posteriore verò de iis quæ extrinsecus adhibentur; ut decoctis ad fotus, infusiones & balnea: epithematis, suffitibus, sacculis & cucuphis: oleis, linimentis, unguentis, pulueribus, pultibus, cataplasma, ceratis & emplastris: in quorum omnium explicatione, à simplicioribus ad magis composita progredientes si quæ sint purgantia, alterantia, roborantia varij generis, & ad varias partes, breuiter annotabimus, & methodicè quantum fieri poterit, Galeni doctrinam, quæ libris κατὰ γένος κατὰ μέρος habetur, permiscebimus.

PRIMA OPERIS PARS.
DE IIS, QUÆ IN CERTAS
CORPORIS NOSTRI CAVITATES
immittuntur.

CAPVT I.

De Suppositoriis & Clysteribus.

OMMVNEM corporis nostri sentinam per aluum expurgari, cuius notissimum est: vt enim per os ingerimus, sic per anum naturaliter egerimus: Vnde ad deponendam primæ regionis sarcinam, morantemque aluum sollicitandam vsitatissimæ feruntur duæ Remediorum formulæ; liquida scilicet vna, altera solida, quæ vulgo Suppositoria & Clysteres appellantur, quorum iam descriptionem inimus.

GLANDES itaque seu balani, Barbaris Suppositoria & Candelæ dicuntur, quia in formam breuioris candelæ cereæ hodie concinnantur; quidam tamen instar noduli conficiunt, magis secundum mentem veterum, vt ego arbitror, & propriam nominis appellationem. Sunt igitur Glandes medicamenta quædam solida, instar candelæ aut noduli confecta, quæ in anum ad varios vsus mittuntur.

Fiunt autem vel ex rebus simplicibus, vel ex mixtis. Ex caule enim vel radice betæ, mercur. caulium, raphani, althææ, cucum. agrest. & similium oleo intinctorum & modico sale, si ita videatur, asperorum componi facillime possunt: vt etiam mulierculæ nostrates ex inuersa ficu, frustulo laridi, cinam. aut amygd. saccharat. ex paucis saponibus, cui aliquando addunt stercoris muris aliquot grana, solent puerulorum ventrem prouocare. Aliæ vero coctum vel induratum oui vitellum cum sale contritum raro linteolo inuoluunt instar noduli, filo alligant, vt commodè extrahi possit, deinde intinctum oleo supponunt. Qua ratione Hip. in epidemiis ex panno felle imbuto in formam noduli componit: vnde patet inutilem nostrorum suppositoriorum longitudinem esse, cum tota excretoris facultatis vis sita sit in musculo sphinctere, qui recti intestini oras ambit.

Hodie glandium tres parantur ordines, leniorum scilicet, mediocrium & acriorum. Lenes componunt ex melle cocto, addendo parum salis communis. At vero vbi vehementius & valentius prouocandum, addunt salis gemmæ, pulu. hieræ picræ, aut agarici puluerisati ʒ. β. pro ʒ. j. mellis. Vbi vero acerrimè est agendum, vel etiam certus quidam humor in prima regione latens educendus, loco prædictorum, puluerem hieræ Logadij, colocynthidem, scam. aut ellebori puluerem permiscunt. Alij verò ex ʒ. ij. pilul. cocciar. aut aliarum ad institutum magis facientium, glandes confingere solent in rem præsentem.

Sunt igitur huiusmodi glandes instituendæ, cum clystere non licet vti, aut propter peruicaciam ægri, vel quia morbus non patitur, vt in enterocèle; aut quando stercora indurata non sinunt penetrare iniectiones: sæpè etiam ad eliciendos clysteres, vt in apoplecticis & lethargicis, quibus obrusior est sensus: sæpè ad iuuandam vel accelerandam cathartici actionem, tunc supposito aluum prouocamus. Atque vt communes istos vsus suppositoria præstant, sic etiam peculiare & topicos habent, vt sedandi doloris ani, curandorum vlcèrum, enecandarum ascaridum, prouocandarum aut sedandarum hæmorrhoidum, & similium, quos hic non persequemur, sed in peculiarem singulorum morborum therapeiam relegabimus.

Clyster verò est medicamentum liquidum, quod siphone, aliòve idoneo instrumeto

strumento in aluum infunditur. Id fit quatuor potissimum de causis : *Primo*, ad soluendam aluum : *Secundo*, ad eandem adstringendam : *Tertio*, ad curandos peculiares intestinorum affectus, vel leniendas partium aliarum, præsertim vicinarum, vt ischij, vteri, vesicæ, renum & mesenterij ægrotudines : *Quarto*, ad nutritionem siue refectiorem ægrorum, qui respuunt aut nequeunt alimenta per os assumere. Soluunt autem aluum clysteres, molliendo, detergendo, vellicando, aut purgando : quæ facultates solæ aliquando illis insunt, sæpe verò miscentur pro variis scopis & intentionibus Medici. Mollientes verò clysteres, vt ex humectantibus constant, sic etiam in magna excrementorum induratione vsurpantur. Tale igitur sit exemplum.

Clyster molliens. ℞ Rad. althææ & lilior. ana ʒ ij. parietar. mercurial. (qua habent vim quandam vellicandi, sed obvianditur ab aliis) maluæ cum toto, atriplicis, brancæ vrsinæ, violar. genarij, ana M. j. sem. althææ, lini & anisi (ad temperandos flatus qui ex rebus hisce humidus suscitari solent) ana ʒ ij. prunor. dule. par. iv. flor. violar. borrag. & maluæ, ana P. j. Fiat omnium decoctio, & in colat. ℥. j. β. dissolue butyri recentis & olei communis aut violacei, ana ʒ j. β. cassiæ recentè extractæ, & diapruni simplic. ana ʒ vj. Fiat clyster emolliens simpliciter.

Item ad emolliendum, aqua sola tepida cum multo oleo communi aut amygd. dule. vel butyro, aut axungia porci non salica vsurpari possunt. Iuscula etiam pinguia, vt capitis, pedum & intestinorum veruecis, vel ex carnibus humidis facta, vt pullorum, agnorum, hoedorum, & similium, quibus herbas conuenientes addere licet, maxime ad hanc rem faciunt. Quando vero excrementa duritie non peccant, sed potius lentore quodam, crassitie & visciditate : tunc detergentibus opus est, & incidentibus dulcibus, seu amaris, nitrosis & aliis, quæ facultatem habent eiusmodi sordes abstergerendi, quorum varij possunt esse gradus pro minori, maiorque eorum efficacia, & variæ formulæ pro diuersitate & complicatione affectuum. Nos vero qui non particulares hîc singulorum morborum curationes persequimur, sed vniuersales tantum remediorum formulas : vnitiora detergentium clysterum paradigmata superiori mollienti subnectamus.

Clyster tergens. ℞ Hordei integri, fursuris macri ana, P. j. ros. rubr. (quamuis autem parum adstringant, leui tamen deterfione prædita sunt, vt patet in melle & syr. rosato) siccarum P. β. sem. anisi ʒ j. β. Fiat decoctio, in cuius ℥. j. dissol. mellis rosat. colat. vel sacch. rubri ʒ ij. Fiat clyster. Quod si ex deterfione dolorem timeamus, vt in dysenterico affectu potissimum, non erit inutile vitellos ouorum n. ij. addere. Sunt qui seui hircini ʒ β. dissoluant.

Alius. ℞ Ficuum pinguium par. iv. passul. purgat. paria sex, sem. melon. & fœnic. an. ʒ ij. furs. macri P. j. Fiat decoctio in hydromelite ad ℥. j. β. iniiciatur. Hippoc. è sola mulla parabat, aut ptisana.

Atque hi clysteres leuiter detergant absque vllò acrimoniæ sensu. Vbi vero valentius est detergendum, iniiciatur seri lactis ℥. j. cum mellis rosati ʒ ij.

Magis tergens. ℞ Fol. absinth. agrim. caulium rubeorum, betæ, vincæ peruinæ, apij, an. M. j. lupinor. vel lenrium, an. P. j. flor. centaur. minoris, leuist. & rosar. an. ʒ β. Fiat omnium decoctio, in cuius ℥. j. dissolue mellis ros. colat. ʒ iij. fiat clyster.

Aliquando tanta est excrementorum sordities, vt præter hæc detergentia, etiam lixiui, vnguento Ægyptiaco, sandaraca, & eiusmodi valde exsiccantibus, absorbentibus & causticis Practici vtantur, vt suo loco videre est, hæc vero ad deterfionem mediocrem sufficere poterunt. Verum aliquando contingit, vt non tam duritie vel lentore facum adstringatur aluus, quâ ob facultatis expultricis vim sopitâ & sui muneris velut oblitam : tunc non tam molliendo & detergendo, quam vellicando proficiunt, vellicant enim & quendam doloris sensum inferunt parti, acria potissimum & salsa, quæ ad hoc accommodata erunt. Hinc veteres ex aqua marina, exemplo Ibidis, ex muria, decocto ostreorum & similium clysteres ad excitandam aluum parabant. Nos vero, si ita lubeat, prædictis clysterum decoctis, salis gemmæ, ammoniaci, aut communis, vel etiam nitri ʒ j. vel ij. addere solemus, aliquando succi betæ aut brassicæ ʒ iij. vel vrinam pueri in ipsis dissoluimus : sunt qui aliquando partem fermenti acrioris in aqua communi tepida diluunt, & clysterem conficiunt : quæ omnia pungunt & stimulant facultatem excreticem : imo purgantia omnia, quæ acrimoniam aliquam obtinent, hoc præstare poterunt, de quibus nunc superest vt agamus.

PRIMA INTENTIO. Clysteres igitur, non solum molliendo, detergendo, velli-
cando, viles esse possunt ad excrementorum vacationem : sed etiam ad pro-
prium & particularem peccantium humorum purgationem. Cum enim prima illa
regio sit veluti totius corporis sentina, in qua excrementorum receptacula posita
sunt : hinc fit ut infusionibus in aluum vim sæpe catharticam adiungere soleamus,
qua possunt inutiles succos tum obuios, tum per consecutionem quandam ille-
ctos expurgare. Fiunt itaque clysteres purgatorii, vel ex decoctis simplicibus cathar-
ticis, vel dissolutis compositionibus purgantibus, ut in præcedentibus formulis aut
aliis, pro varia vnius aut plurium humorum peccantium natura.

Clyster ad bilem. ℥. fol. malu. borrag. violar. lactucæ, cucurbitæ, cucumer. endi-
uiæ, ana M. j. sem. frigid. major. ʒ j. sem. anisi (ad corrigendos flatus) ʒ ij. flor. cichor.
borrag. & nymph. an. P. j. rosar. pallid. recent. si tunc vigeant, P. ij. tamarindor.
par. iij. fiat decoctio ad lb. j. β. in qua dissolue Catholici vel diapruni solut. aut
simplicis ʒ j. β. ol. violac. & sacchari rubri, ana ʒ ij. Sic parabis clysterem ad alte-
randum humorem biliosum, eundemque expurgandum conuenientissimum.

Clyster ad pituitam. ℥. Fol. rutæ, pulegij, origani, calament. salu. hyssopi, sum-
mitat. lauri, ana M. j. sem. foenugræci, carui, cumini, seseleos, ana ʒ ij. flor. stee-
chad. anthos, salu. chamom. meliloti, ana P. j. pulpæ colocynth. aut si mauis agarici
in panno ligati ʒ j. β. vel sem. ebuli aut carthami ʒ iij. fiat decoctio in aqua com-
muni, aut media parte vrinæ pueri ad lb. j. β. in qua dissolue hieræ pieræ compo-
sitæ, benedictæ laxat. diaphoenici, vnius aut plurium ad ʒ j. β. mellis anthosar. aut
scill. ol. nucum, aut rutæ, an. ʒ ij. fiat clyster, ad pituitæ alterationem & euacuatio-
nem accommodatus.

Clyster ad melancholiam. ℥. rad. polypod. querc. maluæ, & althææ, ana ʒ ij. fol.
parietar. mercur. scolopendr. fumar. betæ & foenic. ana M. j. fol. sen. ʒ vj. sem.
anisi ʒ ij. epithymi, flor. borrag. & tamaricis, ana P. j. fiat decoctio, in cuius lb. j.
β. dissolue olei lilior. & sacchar. rubri, vel mellis violac. ana ʒ ij. hieræ Rufi, indi-
maior. confect. Hamech, vel Catholici, vnius vel plurium ad ʒ j. β. habebis clyste-
rem ad succi melancholici alterationem & purgationem : & ad horum clysterum
instar, alios penè infinitos describet Practicus noster, pro multitudine partium af-
fectarum, complicatione causarum, & affectuum. His verò nunc contentus esse
poterit. Atque hoc modo clysteres aluum soluunt.

SECUNDA INTENTIO. At vero non solum ad prouocandam aluum parantur
clysteres, sed etiam ad eandem sistendam : fit enim sæpe nimium cita & lubrica,
ob quantitatem vel qualitatem excrementorum, doloris sensum, inductas cicatri-
ces & alias causas, quas persequi nobis non est propositum. Vbi igitur est sublata
aut imminuta causa tum antecedens, tum coniuncta fluxus immoderationis, tunc
solemus clysteribus aluum continere, ut reprimant & adstringant scilicet.

℥. Lactis caprilli in quo ferrum candens extinctum pluries fuerit lb. j. β. Dissolue
sacchari rosati tabulati ʒ ij. vitellos ouor. ij. fiat clyster, qui sæpe reiteretur. Vel

℥. Rad. rapsi barb. symphyti & bistortæ, ana ʒ ij. cort. mali gran. & balaust. ana
ʒ β. fol. plantag. verbasc. polygoni, myrt. caudæ equinæ, bursæ pastoris, & hernia-
riæ, ana M. j. sem. sumach, portul. gran. chermes & acinor. vna, ana ʒ ij. ros. rubr.
sicc. P. j. fiat omnium decoctio in aqua ferrata, vel vino rubro austero. In colat.
lb. j. (oportet enim quantitatem esse minorem quàm laxantis) dissolue succi plan-
tag. ʒ ij. fiat clyster. Vel

℥. Mala cydonia ante maturitatem collecta, vel nuces cupressi n. ij. hordei tor-
refacti P. j. fol. lentisci, cupressi, & summitat. rubi, ana M. j. gallarum viridium &
cupularum glandiū, ana ʒ β. Decoque in æquis partibus aquæ cisternæ & vini rubri.
In colat. lb. j. dissolue acaciæ vel hypocist. ʒ iij. fiat clyster sine oleis. Sunt qui dis-
soluant amyllum, bolum armenam, terram sigillatam, sangu. draconis ad ʒ j. in flu-
xu potissimum sanguinis, gummi arabic. aut tragacant. vel mastichen, quæ vnus-
quisque prudenter pro rei natura moderabitur.

TERTIA INTENTIO. Atque hæ sunt duæ primæ & vniuersales iniiciendorum
clysterum causæ, quæ alui constitutionem, velut est communis corporis via, respi-
ciunt. Quia vero intestina ipsa peculiaribus & atrocibus affectibus corripuntur,
similibus, organicis & communibus, quorum curatio clysterum variis generibus
sæpe perfici solet ; idcirco apud Practicos infinitas eorum formulas reperire licet, ad
lienteriam, colicum affectum, ileon, dysenteriam, tenesimum, lumbricos & simi-
les morbos, quas omnes recensere esset hic operosum, & præter instituti nostri
rationem,

rationem, cum etiam ex iam dictis ferè possint repeti. Ideo per transennam tantum hic vnum atque alterum exemplum indicabimus, nempe primo, e. g. in lumbricorum curatione clysteres parari; vel ad eos eliciendos, vel enecandos. Enecantur acribus, falsis, amaris, oleo, vino, acidisque succis. Eliciuntur autem dulcib. vt lacte, decocto hordei, ficuum & passularum cum sacch. & cæteris. Vnde cauent Practici in clysteribus, quibus vermes sunt educendi, ne oleum, vinum aut sal addatur. Quod ad dolorem intestinorum attinet, sedatur ille vel iis quæ causam auferunt, vel quæ temperato calore natium fouent, vel denique eis quæ stupefaciunt. Sic ad colicum affectum ex flatu aut pituita concitatum, calfacientem, discutientem & roborantem clysterem iniicimus, qualis ad pituitam fuit præscriptus; vel ex vino generoso, & oleis calefacientibus. Si ob succi acrimoniam & caliditatem, eis quæ obtundunt & refrigerant, vt dictum fuit ad biliosi humoris correctionem. Lac vero, cremorem hordei aut amygdalarum cum saccharo albo, seuo hircino, amylo, vitellis ouor. & aliis iniicimus, ad fouendum calorem innatum, vel ad oblinendos intestinorum parietes. Denique vbi doloris atrocitas vrget, narcotica dissoluimus in prædictis decoctis & similibus; vt philonij Romani ʒ ij. aut opij ʒ j. cum granis aliquot croci. Vel etiam possumus decoquere capita papaueris, eiusdem semen, corticem mandragoræ, folia & flores solani, hyoscyami, nymphææ, &c. (*addendo semper aliquid, quod temperiem partis tueatur, vt vinum, crocum, vitellos ouorum, &c.*) sicque partis sensum obtundemus, tutasque naturæ inducias præstabimus. Id vero non solum in dolore intestinorum, sed quarumcunque partium cum diligenti iudicio præstare possumus: ad quarum etiam leniendas, maxime si intestinis vicinæ sunt, ægri tudines, vt lien, mesenterium, ventriculus, renes, vesica, vterus, accommodatissimi sunt clysteres, quia illis propemodum incumbunt, & fomenti instar earum morbos demulcere possunt. Ad calculorum igitur dolores, vrinæ difficultates, & vterij morbos, nihil est accommodatius decoctis istis, quæ ex suis locis erunt repetenda.

QUARTA INTENTIO. Vltima denique, sed non minima iniiciendorum clysterum causa superest, nempe nutritio siue refectio. Cum enim sæpe contingat, ægros non posse deglutire vel sorbere alimenta, *veluti per anginas, conuulsionem oris, ranulas, lingua paralyses, & similes affectus*, vel etiam nolle omnino, aut minus quam par sit, ea quæ offeruntur assumere; *vt in phreniticis, &c.* aut retinere non posse: solemus vacuatis prius communibus excrementis purgante aliquo clystere, liquida & concoctu facilia per inferiorem ductum iniicere: quæ alimoniam illis præstare possint, cum enim venarum mesaraicarum disseminatio ad extremum vsque intestinum pertingat, potest facillime iecur iuscula, consummata, stillaticios liquores, instaurantia, cremorem hordei, amygdalatum, lac cum multo saccharo recenter mulctum, vitellos ouorum, vinum tenuissimum, aquam carniū, & similia, quæ fere chyli naturam repræsentant, ad se rapere, in sanguinem permutare, vel saltem benigno quodam ex illis suscitato vapore partes tantisper reficere, donec nutritio perfecta obiri possit. Atque hæc est nutrientium clysterum materia, quorum etiam quantitas minor esse debet quàm purgantium; vt facilius retineantur, pro varia corporum natura, conformatione, ætate & similibus, plus minus. Nunc de quibusdam aliis iniectionibus agendum.

C A P V T II.

De Iniectionibus variis.



NON solum in aluum iniectiones aut decocta Infunduntur, sed & in vterum, vesicam, aures, & alios sinus, tam naturales quam alio modo factos, vt vlcera, sinus & fistulas, thoracis, abdominis, reliquarumque partium, vt vis medicamentorum conuenientium affectas partes propius contingat. Hæc igitur medicamenta, certa quantitate pro ratione cavitatis iniiciuntur, peculiari instrumento, quod metrenchyten, otenchiten, pyulcum & syringam vulgo appellant. Sic ad humectandum, exsiccandum, refrigerandum, calefaciendum, molliendum,

detergendum, flatus discutiendos, dolorem sedandum, cicatrices obducendas, & similia præstanda comparari possunt, additis semper iis; quæ certas proprietate quadam partes magis respicere videntur. Exempli causa, ad vterum calefaciendum, dissipandos flatus, mensesque prouocandos.

℞ Rad. apij, fœnic. & ireos Florent. ana ʒ j. rad. rub. mai. & cyclam. ana ʒ ss. herb. matricar. artemis. nepet. sabin. mercurial. puleg. origani, calamen. chamad. ana M. j. sem. fœnic. dauci & nigellæ, ana ʒ ij flor. stœchad. cent. minoris, & spicæ nardi, ana P. ss. cinam. ʒ ij. Fiat decoctio in æquis partibus aquæ & vini albi, iniiciatur calidè in vterum prælongo siphone, vt dictum est. Ad deterfionem verò vsurpentur decocta pro clysteribus dicta, vt etiam ad molliendum, dolorem sedandum & similia. Quæ eadem ratione in Vesicæ affectibus per syringiam immitti possunt; sic ad gonorrhœæ illius virulentæ curationem; Primum iniecto lacte aut emulsionibus sem. frigid. mai. papauer. alb. & similibus, mitigare solemus dolorem; deinde ex mulla, sero lactis aut decocto hordei cum melle rosaceo deterfionem moliri, postmodum exsiccationem & consolidationem, si vlcera excitata fuerint; iniecto vino rubro austero, in quo rosæ, hypericum aut parum aluminis bullierint, vel decocto catapultarum dicto, aut etiam trochiscis albis in decocto adstringente dissolutis. Ad vrinæ difficultatem iniicimus ol. amygdal. scorpion. & similia, quæ in particulari therapeia commodius tradentur.

In aures etiam, ob varios affectus, quædam medicamenta liquida immitti solent tepida, vt ad doloris sedationem, lac muliebrem multum recenter, parum vini generosi cum momento opij & croci, decoctum papaueris aut mandragoræ, & alia similia.

Ad sibilos & flatus iniicimus succum scillæ, porri, raphani, cepæ: aquam cinamomi vel imperialem, oleum anisi chymicè extractum, oleum amygdalarum amararum, oleum rutaceum, &c.

Ad detergendas sordes aurium, hydromel, oxymel & hordei decoctum.

Ad vermes aurium enecandos, decoctum aristoloch. absinth. lupinorum, muriam, & similia, quæ guttatim instillantur ex linteolo aut cotone expresso, vel exiguo canaliculo infunduntur, & vbi parum intus morata fuerint, conuertatur auris, in quam iniectio facta est, deorsum, vt denuo elabatur liquor.

Eodem modo in sinus, fistulas, & cauitates præter naturam, quæ vulnere & vlcera profundiora sæpè consequuntur, easdem iniectiones parare solemus, inter quas aqua illa siue decoctio vulgò catapultarum dicta primas obtinere videtur ad omnia vlcera, sinus & fistulas persanandas, sedato prius dolore & inflammatione. Cuius talis est primi inuentoris D. de Couelles descriptio.

℞ Rad. aristoloch. rotund. baccarum lauri, ana ʒ j. cancor. fluuiialium plena luna captorum, & in olla noua combustorum ʒ ij. fol. prunellæ siccorum P. j. Fiat omnium puluis, qui includatur linteolo, & cum M. j. vincæ peruinæ, decoquatur in lb. iij. vini albi optimi in vase vitreato, ad consumptionem duarum partium. Hoc decocto foueantur vlcera vetusta, ter aut quater in die, infundatur in sinus & fistulas cum syringa: deinde supertegantur folio brassicæ rubræ & linteolis eodem decocto madentibus, quibus certa & cita curatio perficitur. Atque hæc est simplex & prima illius decocti catapultarum formula. Alij hodie ex herbis omnibus vulnerariis sic componunt.

℞ Fol. vincæ peruinæ, nicotianæ, vlmariæ, faniculæ, prunellæ, pimpinellæ, pilosellæ, osmūdæ regalis, caulium rub. herb. Rober. caryophyllat. cynogloss. & valerianæ, an. M. j. rad. gentianæ & aristoloch. rot. ana ʒ j. baccarum lauri ʒ ss. pulu. cancor. fluuial. in nodulo positi ʒ ij. Decoque in æquis partibus aquæ font. & vini albi, si sit detergendum; aut vini rubri, si sit magis roborandum; ad mediæ partis consumptionem, vtatur vt superiore ad forum & iniectionem.

Sunt qui propinant ad ʒ iv. mane cum saccharo. Si eodem decocto vtendum sit in vlcibus, quæ thoracis capacitatem penetrant, addatur hordeum integrum, rufflag. scabios. & similia cum melle rosaceo, vt etiam in eodem decocto (si vlcus valde fordidum sit, & pene gangrænosum appareat) dissoluere possumus pulu. Mercurij, vnguentum Ægyptiacum & alia valde absorbentia & cathartica, quæ suis locis traduntur. Ab oleo vero & rebus pinguibus abstinendum in huiusmodi iniectionibus vlc. ne augeantur sordes & putredo. Atque hæc de iniectionibus pro paradiagmate sufficiant.

C A P V T III.

De Pessariis & Nascalibus.



VLIERVM naturas viris imbecilliores morbisque magis obnoxias esse, tum Hippocrat. autoritas, tum ipsa experientia docet. Siue enim ob caloris infirmitatem, siue gestationis & partus molestias, aut excrementorum congeriem quæ in illis fieri solet, facillimè incurrunt in causas morbificas, nisi vterus bene se habeat, feliciterque menstruam illam proluuiem expurget. Quemadmodum igitur supra dicebamus, ad eiusmodi morbos & impedimenta vteri, iniectiones aptissimas parari: sic etiam aliæ sunt duæ remediõrum formulæ solidiores, quæ interno illius ductui seu pudendis mulierum inferuntur ad eosdem effectus. Pessos, pessaria, & nascalia vocant: inter quæ differentia est quantitatis & figuræ; quoniam pessi crassioris & oblongioris digiti, turbinis instar, formantur: nascalia verò instar noduli siue globuli cuiusdam, vt facilius à virginibus & morosioribus fœminis admittantur.

Fiunt itaque pessi & nascalia ad varias intentiones, vt ad prouocanda menstrua, eadem retinenda, abstergendum, vacuandum, emolliendum, dolorem sedandum, & similia: ex variis rebus; tribus tamen potissimum modis. Nam aliquando ex solo vnguento, cerato, aut opiatâ conueniente fiunt, panno sericeo aut lineo rarissimo inuolutis. Aliàs instar suppositoriorum ex melle decocto, & duritiem conuenientem adepto, cui permiscantur certi pulueres ad actionem propositam necessarij. Tertio denique fiunt pessaria ex eisdem pulueribus lana concerpta, bombace, aut stupis depexis, vel linteolo exceptis; deinde panno sericeo inuolutis. V.g. tale sit exemplum pessariorum variorum ad retinenda menstrua.

℞ Vnguenti Comitissæ q. s. Excipiat Stupis canabinis mollioribus, formetur instar crassioris & longioris digiti, deinde inuoluatur panno sericeo, & filo alligetur, vt facilius extrahi possit. Indatur penitissimè. Aut si mauis, lana vel stupæ in eandem formam concinnatæ supertegantur panno sericeo, tum intingantur in eodem vnguento. Eadem ratione theriaca recens, philonium Romanum, aut opiatæ similes vsui esse poterunt, vt etiam ex emplastro diapompholygos, aut alio molliore reddito, conformato, & oleo myrtino illito parabitur pessarium.

℞ Boli armeni, sanguin. dracon. granor. kermes, gallar. viridium, mastiches, ana 3 ij. lapidis hæmat. & corall. rubri, seminis sumach, ana 3 j. Fiat puluis, qui melle excipiat in iustam duritiem cocto. Fiat pessarium, quod intinctum oleo lentiscino supponatur potissimum noctu dum ibit cubitum, deinde per appensum filum extrahatur, & nouum intromittatur.

℞ Eosdem vel similes adstringentes pulueres, qui succo plantaginis, bursæ pastor. aut polygoni diluantur. Deinde lanâ, aut linteolis in formam digiti excipiantur, & panno sericeo contegantur, vt dictum est. Quin etiam herbæ ipsæ adstringentes, plantago, herniaria, symphytum, polygonum, & aliæ contritæ, succoque proprio madentes componi in eandem figuram possunt. Vel si vis nascale potius quàm pessarium parare; pulueres illi bombace carpto excepti linteolo includantur, globuli instar, qui appensus oblongiore filo immittatur in sinum pudoris.

Atque hæc sunt conficiendorum pessariorum formulæ, quas paradigmaturum causâ, in retinendis menstruis proposuimus. Licebit nunc in aliis intentionibus perficiendis ex cognitâ materiâ medicâ secundum rem præsentem describere. Sic ad suffocationem vteri parabis nascale, moscho, ambaro, zibeto, styrace, benjoïno, gallia moschata, & similibus odoratis bombace exceptis, & linteolo inuolutis; vt intromittantur, suauisque suo vapore vterum ad inferiora reuocent. Sic ad prouocanda menstrua.

℞ Semin. nigellæ, & rutæ, ana 3 j. s. folior. sabinæ & artemisiæ siccorum, ana 3 s. myrrhæ & castorei, ana 3 j. Excipiantur omnia hæc trita melle cocto, & fiant instar suppositorij. Vel imbuta succo mercurialis aut apij, inuoluantur linteolis in iustam

stam figuram conformatis. Quod etiam prodesse poterit ad iuuandum partum, & demortuum foetum eliciendum, addendo parum colocynthidos aut boracis. Sunt etiam qui cantharidum puluerem adiciant. Ad remolliendum vero duriorum vterum, linamenta, vt decet, & panno sericeo contexta in medullas cerui, gallinæ, anseris, butyrum, vnguentum resumptiuum, dialthæas & similia dissoluta intinguntur ac supponuntur. Sic ad purgandum & vteri sordes educendas conficiunt ex hiera, benedicta laxat. & diaphœnicone Pessaria. Quorum omnium particularis descriptio alibi fusius erit tradenda: hic enim vniuersalem conficiendi rationem proposuisse sufficit.



CAPVT IV.

De Eclegmatis siue Lohoch.

PROPOSVIMVS ea, quæ in inferiores sinus siue cauitates, immitti solent, anum, vesicam, vterum, & vteri ductum: nunc verò ad superiores ascendendum, thoracem scilicet, fauces, nares, & oculos, quoniam de aurium iniectionibus obiter iam dictum fuit. Interior igitur illa cauitas, quæ vitalia membra, cor, pulmones, pleuram, mediastinum & alia continet, variis multisque morbis, vt aliæ omnes, est obnoxia: qui ideo difficilius curantur, quoniam vnicus superior ductus comparatus est illis à naturâ per quem expurgari possint, & in quem medicamenta difficile admodum immitti possunt: tum ob tussim, quæ facile à rebus asperis & crassioribus ibi excitatur: tum ob internum operculum, quod non facile illis ingressum concedit. Hinc excogitata peculiaris remedij formula ad illius cauitatis affectus, quæ scilicet linctu sensim sese in illam insinuare possit: Græci *Eclegmata* appellarunt, Barbari *Lohoch*; vtrique à lingendo. Quæ quidem consistentiam mediam habere debent inter syrupum & opiatam, & semper aliquid visceri continere; vt neque tam facile elabantur, neque difficile in fauces ingerantur. Habentur Eclegmata quædam in officinis parata, vt Lohoch de caulibus Gordonij, ad incidendam detergendamque crassam & viscidam pituitam; Lohoch de papauere, ad incrassandos tenuiores succos; Lohoch de pineis, ad leniendas fauces & arteriam; Lohoch sanum & expertum, mixtas istorum vires continens: quæ tamen ego ita non probo, ac si in rem præsentem statim parentur: quia in officinis seruata facile putredinem concipere, & rancida fieri possunt. Opus est igitur Medicum hæc præscribere pro variis causis & affectibus, qui partibus hisce vitalibus accidere possunt: Modò quidem ex decoctis rebus conuenientibus, addendo sacchari, mellis, butyri, & similium s. q. modò ex propriis pulueribus syrupo accommodato exceptis. Alij etiam parum terebinthinæ addunt. Est simplicissimum & vtilissimum lohoch illud, quod ex æquis partibus mellis optimi & butyri recentis cum pauco saccharo comparatur, ad leniendas puerorum tusses, & detergendam leniter faucium ac pectoris pituitam. Non parum etiam commendant Itali suam Saponem in fluxionibus calidis, ad molliendum, leniendum, & leuiter tergendum. Parant autem sic.

℥. Saccharum albissimum, quod in aqua florum violar. dissoluatur, & ad syrupi consistentiam coquatur, addendo amyli optimi q. s. ad incrassandum, & instillando olei amygdalini sine igne extracti parum. Reponatur in vase vitreo: vsus tempore ex cochleari sumatur, & in ore teneatur, donec liquefscens paulatim defluat ac descendat. Debet autem dum hæc sumit æger, potius recto esse capite, vel prono ad caput, quam inuerso, vt scilicet epiglottis quæ laryngi incumbit, magis dehiscat, & ingressum his medicamentis in thoracem concedat. Addamus igitur aliquot Eclegmatum formulas, tum ex decocto, tum ex pulueribus syrupo exceptis paratas. Ad quarum instar facile erit infinitas pro rei naturâ describere.

℥. Capita papaueris albi num. 10. Macerentur per aliquot horas in aquâ fontanâ. Deinde adde rad. althææ & liquir. rasæ, ana ʒ j. s. florum violar. P. j. Decoquantur ad putrilaginem. Adde sacchari albi q. s. ad iustam Lohoch consistentiam. Ha-

Formulæ Remed. Extern. Cap. IV. 131

bebis optimum ad sistendam tussim, concoquendam acrem fluxionem, & somnum conciliandum.

℥. Rad. enulæ campanæ & tussilag. ana ℥ ij. fol. hyssop. prassij, pimpinell. scabios. capill. veneris, ana M. j. pulpæ passular. pinguium, ficuum pinguium, dactylor. recent. ana ℥ β. semin. lini & maluæ, ana ℥ ij. cinamomi & croci, ana ℥ β. Decoquantur. Adde sacchari penidiati ℥ β. mellis, vel sapæ, aut vini dulcis q. s. ad iustam Eclegmatis formam. In hoc decocto, ut aliis, nihil impedit puluerisata quædam medicamenta dissolvere, ut nucleorum pini & amygdalar. mundat. ana ℥ v. succi liquir. tragacan. gumm. arabici, sacchar. puluer. ireos, ana ℥ ij. & similia, quæ eodem modo misceri possunt. Habebis Lohoch ad expectorandam & concoquendam crassiorem pituitam vtilissimum. Aliquando loco decoctionis succum aliquarum rerum sumimus, ut ad incidendum & tergendum potenter in vetere & confirmato asthma.

℥. Succi caulium rubeor. depurati ℥ j. succi scillæ diebus canicularibus excepti ℥ iij. croci ℥ ij. mellis optimi ℥ j. β. Misce, & coque conuenienter ut fiat Lohoch. Quod eodem modo in aliis causis ex variis rebus componi poterit. Sed vtilitissimum est Medicis Eclegmata parare ex quibusdam pulueratis, certo syrupo aut liquore exceptis, ut ad sistendum catarrhum & fluxionem tenuiorem in pectus prolabantem.

℥. Puluer. electuar. diatragac. frigidi ℥ iij. penidior. & sacchar. candi, ana ℥ ij. amyli, gummi tragac. & arabic. ana ℥ j. Cum syrup. viol. vel de papauer. fiat Lohoch. Ad expectorationem verò leuiorem, ut in pleuritide.

℥. Puluer. electuar. diaireos simpl. ℥ ij. sacchar. candi ℥ β. pulpæ passular. ℥ iij. puluer. rad. enulæ campan. aut tussilag. sicc. ℥ β. Cum syrupo de liquir. fiat Lohoch. Ad deterisionem & exsiccationem vlcis sic paretur.

℥. Folior. capillor. vener. siccor. femin. fœnicul. & anisi, ana ℥ j. β. succi liquir. ℥ iij. pulmonis vulpis præparat. cineris crancror. fluuiatil. vel priapi tauri, ana ℥ j. Cum syrup. de rosis siccis, terebinthina aquâ scabiosæ lota addi potest, fiat Lohoch, vel cum syrupo ex succo pimpinellæ, pilosellæ, prunellæ factis. Ad hæmoptroem, fluentem scilicet ex pectore sanguinem eodem modo institui possunt.

℥. Albumen oui fortiter cum aquâ rosaceâ agitatum, in quo dissolue amyli & terræ sigillat. ana ℥ j. β. sacchar. rosat. tabulat. ℥ iij. aceti gutt. aliquot. Sumat sensim lambendo. Ad idem.

℥. Coralli rubri, gummi tragac. sanguin. dracon. ana ℥ j. femin. plantag. & portul. terræ sigillat. boli armeni, rosar. rubrar. ana ℥ β. Cum syrup. myrtino fiat Lohoch. Vel

℥. Succu plantag. bursæ pastor. & sanguinar. ana ℥ ij. Depurentur & decoquantur cum sacchar. rosat. tabul. s. q. addendo parum amyli & lapidis hæmat. puluerisat. Fiat Lohoch.

Atque hæc sunt Eclegmatum vtiliores descriptiones, ex quarum cognitione facile erit alias tum simplicium, tum mixtarum facultatum componere. Sub Eclegmatis etiam reliquæ pectoralium remediorum formulæ reduci possunt: velut morselli, pandalea, pastæ regales, & similes; quæ solum in eo differre videntur, quod in solidiorem formam quàm Lohoch decoquantur; ex amygdalis enim, nucleis pineis, seminibus frigidis, aut aliis contusis saccharo sufficiente addito, quin etiam conferuis adiunctis & rebus gravioribus componitur pasta, quæ si per frustra maiora in placentas decoquatur in furno, regalis appellatur: sin verò in minora frustra & veluti bolos, morselli dicuntur. Vbi autem pulueres quidam grati cum syrupo quodam conueniente, conferuis & saccharo in pyxide includuntur, & leuiter incrassantur, hæc forma pandaleon Arabibus vocatur. Nobis autem hæc exempli causâ dixisse sufficiat.

CAPVT V.

De Masticatoriis & Gargarismatis.

ON solum ad particulares oris & faucium morbos instituuntur masticatoria & gargarismata; sed etiam ad cerebrum per conuenientes ductus expurgandum, quorum variae sunt formulae. Masticatoria enim solidae consistentiae parantur: gargarismata, liquidae. Vsurpantur autem haec medicamenta potissimum mane ieiuno ventriculo, ubi trahendum est a cerebro; & praecedente prius totius corporis purgatione. Vbi vero tantum particularibus oris affectibus est prouidendum, quauis hora usurpari possunt & debent. Porro masticatoria vel ex simplicibus tantum rebus, vel mixtis fiunt, quae longa attritione dentium in ore contunduntur. Sic ex radice zinziberis vel pyrethri, aceto prius macerata, ut tenuitatem maiorem consequatur; vel radice angelicae masticatoria praescribere solemus. Sunt qui ad eundem usum passulas & folia saluiae mandunt. Alij solam mastichem, quae recens sit, nec ita facile ac vetus confringatur, in ore versant & dentibus atterunt ad idem. Componuntur vero masticatoria ex pluribus rebus, ut pulueribus linteolo raro inclusis; aut cera alba & duriore exceptis. Ut

℞ Nucis moschat. rad. pyrethr. & ireos, ana ʒ ij. staphidis agriae, semin. sinapi, ana ʒ j. folior. fenae ʒ ss. Fiat omnium puluis, addendo parum mastiches, qui includatur nodulo; vel s. q. cerae albae excipiat, & in formam globuli aut maioris pilulae reducatur. Masticeatur mane prono capite, frequenter spuendo.

℞ Semin. paeoniae, visci querc. piper. nigri, & zinzib. ana ʒ j. ss. mastiches contritae ʒ ij. Includantur nodulo, vel reducantur cum cera alba in formam pastillorum sicciorum. Vtatur ut supra, ad epilepticum maxime affectum. Hac igitur ratione masticatoria conficienda erunt.

Gargarismata vero, liquidae consistentiae remedia, in varios affectus cerebri, palati, oris, faucium, vulae, dentium, parari solent ex conuenienti decocto, vel solo, vel in quo postea aliquid dissoluimus, quod non omnino ingrati sit saporis, aut qualitatis malignae, propter partis exquisitum sensum, & patentem viam quae in partes interiores fertur. Ut igitur masticatoria ad expurgandos cerebri humores instituimus, sic etiam ad idem quaedam gargarismata praescribi poterunt. Ut

℞ Fol. hyssop. saluiae, maioran. menthae, origan. ana M. ss. thymi & fol. fenae munda. ana P. j. corticis rad. ebuli & cappar. ana ʒ ij. semin. nigellae ʒ j. Decoquantur in aqua fontis ad tertias. In colaturae lb j. dissolue oxymel. scillit. ʒ ij. syrup. de stoechade ʒ ss. Fiat gargarisma, quo vtatur mane tantum ieiuno ventriculo. Frequentissima vero sunt gargarismata ad oris, palati, vulae, faucium inflammationes & vlcera, ut etiam ad dentium dolorem, quae omni hora usurpantur.

℞ Rad. cyper. & pentaphylli, ana ʒ j. folior. hederae & plantag. ana M. ss. balaustiorum & gallarum viridum, ana ʒ ij. Fiat omnium decoctio in aqua cisternae ad lb j. In qua dissolue acet. acerrimi ʒ ij. Fiat gargarisma, ad incipientem ex fluxione acri dolorem dentium vtilissimum.

℞ Rad. pyrethri & zinziber. ana ʒ ss. garyophyll. piperis longi, ana ʒ ij. fol. saluiae & hyssopi, ana P. j. Fiat decoctio ad lb j. cui adde parum vini rubri. Erit vtile ad dissipandum humorem, qui impactus est dentibus ac dolorem creat. Eadem ratione ad temperandam & repellendam incipientem in quacunque oris parte inflammationem, ut incipientem anginam, gargarisma fiet.

℞ Fol. portul. acetos. plantag. summitat. rubi, ana M. j. flor. nymphæae, rosarum rubrar. ana P. j. semin. sumach & corticis mali granati, ana ʒ j. Decoquantur in aqua ad tertias. In colaturae lb j. dissolue diamoron, vel dianucum, vel syrup. myrtini ʒ j. ss. acet. rosacei parum. Fiat gargarisma. Quod si res ita vrgeat, ut decocti parandi occasio non sit, fiat statim ex aquis stillatitiis. Ut

℞ Aquae peculi rosar. caprifol. & plantag. ana ʒ iv. succi cotoneorum vel granator. ʒ ij. acet. parum. Fiat gargarisma. Eodem modo ad discutiendum, detergendum, & exsicccandum facile erit parare ex cognita materia medica, quam nos hic

fufius non perfequimur ; cum etiam ex descriptione foruū & decoctorum poſtea proponendorum illud repetere liceat. In oris foetore & malo halitu, qui ex fordibus circa os aut dentes contentis efferri ſolet ; gargarifmata non parum conferre poterunt detergentia & odorata, quale eſt ſequens.

℞ Rad. cyperī & calami aromāt. ana ℥ j. hordei integri, cicerum rubrorum & roſarum rubrar. ana ꝑ. ij. corticis citri ſicci ℥ ij. ſantali citrini, ligni aloës ꝑo ditioribus, cinamom. ana ℥ j. Decoquantur in aqua fontis ad ℔ j. In qua diſſolve ambra grifea gran. v. citrangulor. ℥ ſ. Fiat gargarifma. Atque hæc de maſticatoriis & gargarifmatis ſufficiant.



C A P V T VI.

De Sternutatoriis & Errhinis.



QVONDAM maſticatoria & gargarifmata dicebamus non ſolum ad peculiare oris morbos, ſed etiam ad expurgandum cerebrum inſtitui : eadem ratione ſternutatoria ad excludendum partum & ſecundinas ; & errhina : quorum illa ſub formâ ſolidâ, vt vnguēti aut pulueris : hæc vero liquida parantur, & naribus attrahuntur. Dicuntur autem ſternutatoria ex effectu, quod mordicatione ſua percellant cerebrum ad concuſſionem illam & vibrationem quæ ſternutamentum dicitur. Fit igitur ex pulueribus rerum acrium, & pungentium, vt piperis, pyrethri, ſeminis ſinapi, euphorbij, ſtaphidos agriæ, elaterij, ellebori, caſtorei, ſtrutij & ſimilium ; qui pennulâ aut canaliculo in nares inſuflantur, vel charta inuoluiti aut ſorum umbellis impoſiti naribus, contracto ſpiritu, hauriuntur, & in interiora cerebri attrahuntur. Si mauis, iidem pulueres oleo irino excipiantur vel alio, cum pauca cera fiat linimentum, quo penitiſſimæ narium partes inungantur. Aut etiam fingatur ellychnium ex lineo aut ſericeo panno, cuius extremitas his pulueribus & oleo imbuta indatur in cauitatem narium. Atque hoc modo medicamenta ꝑarmica ſeu ſternutatoria parabis ad concutiendum & irritandum cerebrum, multiſque aliis vſibus apta, vt iam dictum eſt.

Errhina verò & gargarifmata parantur ex variis ſuccis, decoctis, & liquoribus, ſed minore delectu, quia non tantum eſt periculum ne in partes nobiles irrumpant : cum enim decliuſ ſit narium ductus, facile elabitur, & ſponte ſua quod fuit immiſſum. Parantur autem ad omnem humorem ex cerebro eliciendum, potiſſimum verò pituiſoſum, & ad curandos internos narium affectus, inflammationes, vlcera, & ſimilia, quorum exempla quædam ſunt ſubnectenda.

℞ Succor. maioran. betæ, & anagallid. purpureæ, depurat. ana ℥ ij. ſucci cucumer. agreſt. ℥ ſ. vini albi ℥ j. ſ. vel ℥ iij. ſi velis minuere vim ſuccorum. Fiat errhinū, quod hauriat tepidum mane poſt purgationem totius corporis, repleto prius ore aqua vel vino diluto. Erit aptiſſimum errhinum ad detergendam & attrahendam pituitam. Quod ſi velis eſſe mitiſſimum, ex ſolo ſucco maioranæ cum vino albo, & pauco melle roſato paretur.

℞ Rad. ireos horteniſis ℥ j. folior. puleg. betonicæ, anemones, origani, maioranæ, hederæ, caulium rubeorum, mercurialis, ſambuci, ſabinæ, nigellæ, ana ꝑ. ſ. fol. ſoldanel. ℥ j. ſ. agarici trochiſcat. ꝑ. ij. flor. ſalutiæ & anthos, ana ꝑ. j. Coquantur omnia in decocto guaiacino ad ℔ j. Adde ſi volueris mellis anthoſ. vel ſyrup. de ſtoechade ℥ j. ſ. Fiat errhinum ad vſus vt ſuprà. Quod ſi magis aptum volueris ad melancholicum humorem eliciendum, loco prædictorum purgantium, imponantur ſena, poly-pod. epithymus, nec non veratri nigri parum, vt in maniaço furore.

℞ Fol. acetof. endiuia, & lactucæ, an. ꝑ. j. ſemin. melon. ℥ ij. Decoquantur in aquâ fontis ad ℔ j. in qua diſſolve ſucci roſarum, vel ſyrupi roſati ſolut. ℥ j. dacrydij ꝑ. ſ. Fiat vt ſuprà. Si mitius velis, omittatur dacrydium, quo vrimur ad bilioſum humorem ex capite, & oculis ictericorum eliciendum. Quod ſi poſt vſum eiſmodi acrium & purgantium errhinorum dolor ſentiat & morſus, hauriant lac tepidum, decoctum hordei, vel aquam roſaceam & ſimilia, quæ hærentes portiones medicamenti auferunt, & acrimoniam mulcent.

In affectibus verò narium particularibus errhina ad omnis generis affectus com-
poni possunt pro rei propositæ naturæ, sic ad temperandum calorem.

℥ Succorum vel aquarum plantaginis, solani, rosarum & acetosæ, ana ℥ iv. vini
granat. ℥ ij. Fiat errhinum.

℥ Decocti hordei ℥ j. mellis rosat. colati ℥ j. Fiat errhinum ad deterfionem,
quod eodem modo ex sero caprillo cum pauco syrup. de rosis siccis parari poterit.
Aut etiam, si validius sit detergendum, ex eis quæ capite de decoctis & fotibus à
nobis dicentur. Si velis foetorem qui ex naribus effertur, corrigere;

℥ Aquæ rosacæ ℥ ss. succi maioranæ depurat. ℥ iij. vini albi ℥ j. moschi vel am-
bræ griseæ, aut trochiscorum de Gallia moschata, aut fantali citrini pro pauperi-
bus ℥ j. Hauriat frequenter naribus post usum detergentium.

Sunt qui omphacium in vase æneo paratum, necnon aquam fortem in errhinis
dissoluunt, ad corrigenda putria & maligna narium vlcera; sed malim ego his acri-
bus partes cum penicillo affectas tantum contingere, quam dissolvere, ne sanas at-
tingant & arrodant.



C A P V T VI.

De Collyriis.



CVLORVM tanta est utilitas & necessitas, vt in eis tota vitæ dul-
cedo posita esse videatur. Ideo de illorum conseruatione & cura-
tione maximè sollicitum esse Medicum oportet, eisque vti reme-
diis, quæ ad varios eorum affectus accommodatissima sint, & huic parti
acerrimo sensu præditæ nullam noxam inferre possint. Huiusmo-
di medicamenta Græci collyria appellarunt, Arabes sief: quæ non
vnius eiusdemque rationis sunt, sed multiplicis. Aliàs enim solida existunt, & in
trochiscorum aut oblongiorum orbiculorum formam componuntur, & in officinis
potissimum veterum asseruabantur. In nostris vero præter trochiscos albos Rhasis
nullum aliud collyrium siccum paratum haberi solet. Aliàs in rem præsentem fiunt,
in formam pulueris, qui in oculos immittitur. Aliàs in formam liquidioris vn-
guenti, quod canthis oculorum illinitur. Aliàs denique fiunt fluida collyria, quæ
totius nomen hodie retinuerunt, & variis affectibus qui oculis accidere solent, ap-
tantur. Omisiss igitur solidis collyriis, vtpote obsoletis, præter trochiscos albos Rha-
sis, quorum descriptionem ex pharmacopœis repetere licet: Aliorum paradeigma-
ta quædam subnectamus. Pulueres igitur qui in oculos inspirantur, potissimum
ad deterfionem & consumptionem, aut cicatriem inducendam, instituantur
hoc modo.

℥ Sacchari candi ℥ ss. Puluerisetur exactè, quod solum & per se sufficit ad le-
uem deterfionem. Si velis validius id præstare, aut superfluam etiam carnem
absumere.

℥ Eiusdem sacchari candi ℥ iij. testarum ouorum in aceto maceratar. ossis sepiæ,
lapid. spongiæ, ana ℥ j. stercoris lacerti, aluminis & myrrhæ, ana ℥ j. Fiat pulvis te-
nuissimus, qui insuffletur in oculum.

℥ Thuris, sarcocollæ, mastic. ana ℥ j. ss. sanguinis dracon. terræ sigillat.
ana ℥ ss. sacchari rosat. tabulat. ℥ iij. Fiat pulvis, ad cicatricem obducendam
idoneus.

Verum quoniam oculus acriori sensu præditus vix sicca hæc remedia absque
fluxionis metu perferre potest: ideo excipiantur pomatâ, vnguento rosaceo bene
loto, mucilagine scœnugræc. vnguento de tuthia, melle rosato, vel syrupo de rosis
siccis, aut succo aliquo conueniente, & angulis oculorum illinantur, quò sen-
sim ad interiora penetrent. Sunt etiam qui vnguenta varia præscribunt absque
oleo, quod omnibus oculorum affectibus noxium esse, sicut omnia pingua, com-
pertum est. Sed quia collyria liquida magis vsitata sunt nostris temporibus, ma-
gisque ad oculorum affectus accommodata: ideo oportet illorum formulas potissi-
mum proponere, ad inflammationes, vlcera, lachrymas & similia.

℥ Albuminis oui fortiter agitari ℥ ij. aquæ peculi rosar. & plantag. ana ℥ iij. succi
pomorum

pomorum ʒ ss. Misce, fiat collyrium, quod frequenter instilletur in oculos sub principium inflammationis. Cui si coniunctus fuerit dolor, dissolue trochisc. albor. Rhasis sine opio, vel cum opio, ubi est atrocior, ʒ viij. Colentur, utatur ut supra. Iniiciatur etiam lac muliebre ad demulcendum dolorem, sanguis columbarum recte extractus, aut etiam decoctum capitem papaveris albi, folior. hyoscy. cum paucis croco ad correctionem.


℥ Semin. fenugræci diligenter à pulvere loti ʒ ij. paleæ auenæ, folior. euphrasie & fenicul. ana P. j. Fiat decoctio ad ʒ vj. In quibus dissolue sarcocollæ in lacte nutritæ ʒ j. ss. tuthiæ præparat. antim. loti, ana ʒ ss. myrrhæ & croci, ana ʒ ss. addendo parum vini albi. Fiat collyrium, ad resoluendam & digerendam materiam ophthalmiæ idoneum.

℥ Syrup. rosat. solut. ʒ j. sacchari candi ʒ j. cornu cerui & capræ, ana ʒ j. aquæ chelidonij, & fenicul. ana ʒ ij. Misce, fiat collyrium ad detergenda vlcera, absumendas albugines & similia.

℥ Tuthiæ præparat. & antimon. loti, ana ʒ j. ss. lapid. hæmat. omph. præpar. ana ʒ j. vitrioli Romani ʒ j. aquæ euphrasie & vini albi, ana ʒ iij. Bulliant parum, & colentur pro collyrio, ad supprimendas oculorum lachrymas & fluxiones vtilissimo. Ex variis etiam mucilaginibus, auium felle & similibus parari possunt multa ad varios vsus collyria, ut ad dissipandam cataractam.

℥ Hepatis hirci sani & recentis lb j. succi rutæ ʒ ss. aquæ chelidon. fenicul. verbenæ, & euphrasie, ana ʒ iv. piperis longi, nucis moschatæ, garyophyllor. calam. aromat. ana ʒ iij. croci ʒ j. flor. rorismar. leuiter contusor. M. ss. sarcocollæ & aloës hepaticæ, ana ʒ iij. fellis leporis & perdic. ana ʒ j. Contundantur omnia. Post adde sacchar. albi ʒ ij. mellis rosat. ʒ j. ss. Reponantur omnia in alembicum vitreum, & distillantur in balneo mariæ secundum artem. Hæc aqua frequenter instilletur.

Reliqua collyriorum genera in morborum oculorum particulari tractatione describuntur. Nobis autem hæc exempli causa apposuisse sufficiet, ut primæ huius nostri operis parti finem imponamus.



PARS ALTERA FORMULARVM REMEDIORVM Externorum.

CAPVT PRIMVM.

De decoctis ad fatus, lotiones, infessus & balnea.

PRIORE operis huius parte eorum medicamentorum formulas tradidimus, quæ in certas & naturales corporis nostri cauitates iniiciuntur. Nunc verò ad ea aggredimur, quæ verè externa appellari possunt, quod exterioribus corporis partibus admouentur; Non quidem ad harum tantum affectus corrigendos, sed etiam partium interiorum morbos curandos per admota. Incipiamus igitur à fatus, lotionibus, infessionibus & balneis: quæ placuit ideo simul coniungere, quòd hæc omnia ex certarum rerum decoctione potissimum parentur, dicanturque fatus, & lotiones, quando particulari cuidam regioni aut parti dicantur: infessiones autem & semicupia, quando media corporis pars in decocto quodam continetur: balnea verò, quando totum corpus his decoctis immèrgitur: quorum formulæ ex proposito ordine describendæ.

Decoctionum itaque istarum materia ad fatus, lotiones, infessiones, & balnea ex triplici medicamentorum fonte: mineralium scilicet, animalium, & plantarum expromitur ad omnes intentiones Medico propositas, ut calfaciendum, refrigerandum, humectandum, exsiccandum, adstringendum, laxandum, incidendum, attenuandum, detergendum, molliendum, dolorem sedandum, & plurima alia pro

varietate partium & affectuum perficienda. Porro fœtus diuidit Hipp. *lib. de vi. et ratione*, in humidos & siccos: hos *ὑγροποιῶν*: illos vero *ὕπερροποιῶν* appellat. Quorum humidi propriè ad hoc nostrum caput faciunt: Sicci vero seu aridi fœtus ad sacculos, capite tertio explicandos, referendi. Proponamus igitur aliquot fœmentorū formulas, vſitatorum, & ad communem praxim facientium.

Fœtus. ʒ Rad. ireos Florent. & galangæ crassioris, ana ʒ iij. corticis ligni sancti & cort. citri sicci, ana ʒ ss. herbar. pulegij, origani, calament. saluiæ, hyssopi, thymi, rutæ, betonicæ, menthæ, absinthij pont. summit. lauri, ana M. j. semin. fœnugræc. anethi, & anisi, ana ʒ j. flor. chamæm. melil. stœchad. anthos, spicænardij, (choenanth. ana P. j. Fiat omnium decoctio in æquis partibus aquæ & vini rubri generosi, cui adde, si ita videatur, olei laurini & rutacei, ana ʒ iij. qua foueatur cum linteolis, spongia aut philtris locus affectus, post purgationem: ante enim non est tutum corpus fouere, ne plus attrahatur fœmentis, quam per ea digeri possit.

Vel si mauis, prædicta omnia inclusa duobus sacculis immergantur in vinum calidum, deinde exprimantur, & vicissim illis calentibus foueatur pars, & remoueantur antequam refrigerentur. Aut eadem decoctio includatur vesica suilla, vel vasculo æneo, ex Hipp. sententia, & apponatur parti. Quod vſitatissimum est in morbis thoracis, vt pleuritico affectu; ne actuali humiditate nimium permadescant spirationi dicata membra. Habebis ita fœtum ad calfaciendum, discutiendum, attenuandum, & dolores frigidos sedandos vtilissimum, vt pleuritidem notham, colicum affectum, ventriculi flatus, vteri refrigerationem & similes. Item ad œdematū, aliorumque tumorū frigidorum curationem, quem ante oleorum, vnguentorum, cataplasmatum, emplastrorum, & similium applicationem præmittere solemus, vt pori aperiantur, faciliusque solidiora illa medicamenta vim suam exercere possint.

ʒ Rad. acetos. & cichorei, ana ʒ iij. fol. viol. semperuiui, vmbilici vener. plantag. acetosæ (& si opus fuerit in magna inflammatione) solani, hyoscyami, lenticulæ aquæ, ana M. j. semin. papauer. albi, lactucæ, & coriand. ana ʒ iij. poma mandragor. numer. ij. flor. papauer. rubri, nymphææ violar. cichorei, borrag. & rosar. ana P. j. sanctali albi & rubri, ana ʒ ij. Fiat omnium decoctio in aqua, ad omnes inflammationes, tam phlogoses, quam phlegmones, vsurpanda, pro maioris, minorisque ratione, idque tepide, si ad affectus interiorum partium vsurpetur, vt inflammationem hepatis, lienis, vesicæ, renum, & aliarum. Frigide autem ad externos affectus. Huius decoctionis loco ad refrigerandum vtimur solo oxycrato, vel succis herbarum & fructuum refrigerantium. Pars cum linteolis fouetur, eaque remouentur, priusquam intalescant.

Ad humectandum verò, molliendum, laxandum, dolorem sedandum, sola aqua tepida aut hydrelæon sæpè sufficit. Vel poterit parari sequens fœtus.

ʒ Rad. althææ & lilior. ana ʒ iij. fol. maluæ, bismal. pariet. brancæ vrsinæ, violar. mercurial. senecionis, leucōij, ana M. j. semin. lini & maluæ, ana ʒ j. flor. chamomil. melil. borrag. hypericon. & sambuci, ana P. j. ficuum par. iv. Fiat omnium decoctio, cui adde, si velis, oſei lilior. violar. aut amygd. dulcium ʒ iv. Foueatur pars exsiccata, indurata, aut dolore ob repletionem, vel cutis densitatem vexata. Ad quod etiam vtilissimum erit fœtus ex lacte tepido, vel sacculis eiusmodi materia refertis, & eodem lacte madentibus, quorum vtilitatem sæpè experti sumus in conuulsionibus a siccitate nimia ortis.

Quod si opus sit *exsiccatione valida*, nihil est potentius lixiuiis illis, quæ ex cineribus brassicæ, ficus, fabarum, aut ilicis parantur, quibus parum sulphuris aut aluminis addere solemus, vt ad crura œdematosa, scrotum & ventrem aqua refertum. Ad idem efficax erit fœtus primo loco descriptus, quandoquidem omnia calfacientia digerendo & attenuando potentissime exsiccant, cui adde si velis folia soldanellæ, semen ebuli, corticem radicū lauri & similia, quæ ad hydropicorum aquas educendas vsurpantur.

Ad adstringendum autem roborandumque eodem modo facile est fœtus describere certisque partibus aptare in rem præsentem.

ʒ Rad. bistort. & cyperi, ana ʒ j. ss. corticis mali granat. & gallar. virid. ana ʒ ss. fol. plantag. thapsi barbat. centinod. burſæ pastor. summitat. rubi, sumach. & capreolor. vitis, ana M. ij. semin. plantag. portul. & granor. kermes, ana ʒ ij. rosar. siccar. florū menthæ, & balaustior. ana P. ij. Fiat omnium decoctio in aqua ferrata & vino rubro, addendo macim & nucem moschatam, si fœtus paretur ad affectiones interni alicuius

alicuius visceris. Fiat cum spongiâ nouâ, quæ non parum adstrictionis obtinet. Atque ad horum instar infinita fotuum genera parare licebit.

LOTIONES verò à fotu non aliâ ratione distant, quàm quòd partes affectas decocto illo abluimus, quæ pari modo embrochæ dicuntur, quando ex alto guttatim, & per impluuium affunditur certa decoctio, succus, oleum & similia. Lantantur autem vt plurimum caput, manus & crura pro variis affectibus. Sic ad calfactionem, refrigerationem, humectationem, exsiccationem, & alios affectus vsurpari poterunt prædicti fotus, quibus partes istæ abluentur, deinde calidis linteolis & bene mundis exsiccabuntur, si affectus fuerit frigidus; sin vero calidus fuerit, vt phrenitis; aut ad refrigerandum & humectandum institutus, nihil prohibet quin partes illæ madore perfundi diutius sinantur. Sunt igitur plures capitis lotiones ad varios affectus, vt in morbis omnibus frigidis, nihil est præstantius embrochâ & lotionem ex aquis nostris thermalibus Bellilucanis, ad quarum instar licebit talem lotionem capitis præscribere.

℞ Rad. ireos Florent. ℥b β. fol. beton. maioran. meliss. saluæ, hyssopi, lauendulæ, summitatum lauri, ana M. iv. semin. coriandri 3 β. fol. fenæ 3 vj. agar 3 ij. sulphuris viui 3 iij. Decoquantur in lixiuio sarmentorum & vino albo. Hoc decocto abluatur diu caput mane circa horam nonam ieiuno ventriculo, veris aut æstatis tempore: deinde bene & diligenter linteolis mundis exsiccetur. Eodem modo parantur ad fordes abluendas, capitis vlcera, pediculos, & similia; ex detergentibus, amaris, & salsis. Ad alopeciam fieri etiam potest fotus sequens.

℞ Rad. loti, arundinis, & asphodel. ana ℥b β. fol. abrotani, absinthij, marrubij, capill. vener. ceterach, ana M. ij. summit. brassicæ & myrti nigræ, ana M. j. semin. althææ & bombac. ana 3 β. flor. saluæ, anthos, & tamarisci, ana P. j. Fiat omnium decoctio in æquis partibus aquæ & vini. In quibus dissolue alcyonij vel nitri 3 j. si volueris; lauetur & foueatur caput, antequam vnguentis conuenientibus illinatur. Ad tingendos & ornandos capillos infinitæ lotiones præscribi solent, quas nunc consultò omittimus.

Ad manus & pedes roborandos fiunt lotiones ex calfacientibus & adstringentibus, ex musto calente tempore vindemiarum, aquis thermalibus, aut iam dictis decoctis. Ad somnum conciliandum per ingentes febrium ardores, crura, manus. & pudenda licebit humectare decocto refrigerante iam dicto, emulsione seminum frigidorum, & papaueris: quo imbutæ hæ partes vaporem ad superiora emittunt gratissimum & ad vigiliam sedandam aptissimum.

Explicatis igitur fotuum & lotionum formulis, facile iam esset *ἡγκαπομάταιν*, *femicupiorum & balneorum* descriptiones cuique comparare, cum ratione tantum partium differant. Ne quid tamen huic nostræ tractationi deesse videatur, aliquas etiam formulas subnectamus, donec absolutam huius rei doctrinam perficiamus in tractatu particulari, quem de balneis artificialibus & naturalibus nostratibus, potissimum in plaga Occitanica positis, meditamur.

Fiunt itaque infusiones seu semicupia, quando infirmior æger vim integri balnei perferre non potest, vel quando pars quædam superioris ventris aut thoracis male est affecta, vnde timemus ne integro balneo in eam fiat colliquatio: aut denique membrum cui morbus insidet in inferiore parte positum satis commodi ex semicupio habere potest, vt in nephritico, colico, ischiadico, omnique vesicæ, intestinorum, ani, vteri, & similibus affectu. Sic ad dolorem ex calculo.

℞ Rad. althææ (sunt qui addant fragmenra raparum, raphani, pastinacæ, fol. cicer. verbasci, beton. prunell. aquilegiæ, rutæ murariæ) fol. pariet. saxifrag. maluar. sisymbrij, ononidis, origani, calament. petrosel. ana M. ij. semin. lini, malux, & milij solis, ana 3 j. flor. chamæmel. melil. maluar. ana M. j. furfur. macri P. j. Fiat decoctio pro semicupio, in quo diu maneat, potissimum quando premitur dolore. Adde, si vis, olei communis vel lilior. ℥b ij. ad laxandum magis. Imo sunt qui ex solo oleo efficacissimum semicupium ad illud comparant. Sic ad dolorem colicum ex pituita & flatu, ischiadicum, podagram, paralytim, tremorem frigidum & similes parabitur infusio ex decocto illo calfaciente inter fomenta descripto; cui ad vmbilicum vsque immergatur æger. Item ad immoderatè fluentem aluum, hæmorrhoidas, mentes, tenesimum, ad procidentem anum instituatur decoctum adstringens iam dictum. Quòd si prouocanda sint menstrua,

℞ Rad. cyperi, rubiæ maior. valerian. apij, petrosel. fœnicul. & ireos nostratis, ana 3 ij. fol. nepetæ, artemisiæ, matricar. marrub. calamint. mercurial. abrotan. lauri,

lauri, filicis, psyllij & fabinæ, ana M.ij. semin. apij, dauci, fœnicul. & petrosel. ana ʒ ss. flor. sambuci, tamarisci, genistæ, centaurij minor. ana P.ij. Fiat omnium decoctio in aquâ fontanâ, addendo sub finem vini albi lb iij. Ingrediatur mane ieiuno ventriculo, & horâ terciâ pomeridianâ, tempore quo solebant redire purgationes illæ muliebres. Si dolor hæmorrhoidum, vesicæ, vteri, aut ani ægrum vrgeat, paretur infessus ex laxantibus & mollientibus. Vt

ʒ Rad. althææ, & lilior. ana lb ss. maluarum cum toto, pariet. & flor. chamomill. ana M. iij. caput, pedes, & intestina pinguioris veruecis. Decoquantur simul. In hoc decocto insideat æger ad doloris sedationem. Atque hæ sunt vſitationum infessio-num formulæ: superest vt de balneis agamus.

BALNEVM verò à superioribus differt, quòd vniuersaliter toti admouetur corpori; ideoque maiore curâ & regimine indiget, quàm superiorâ remedia, quæ certis tantum partibus applicantur. Calfacientium tamen, refrigerantium, exsiccantium, & humectantium balneorum materia ex eisdem repeti potest, quæ in fomentis dicta fuerunt, maiore tantum copiâ, vt totum corpus in decocto illo immergi possit. Ad hæcticorum & consumptorum curationem variâ parantur balneorum genera, humectantia tantum, si simplex sit siccitas: humectantia & leuiter calfacientia, si affectus marasimum senilem repræsentet: refrigerantia & humectantia in verâ hæctica, cuius essentia in calore & siccitate præter naturam posita est. Ad humectandum igitur simpliciter, sola aqua tepida sufficere potest, in qua moretur hæcticus, donec per seipsam frigidior euadat, sic enim contrahentur pori & firmabitur corporis habitus. Si humiditas vera & substantifica reponenda sit, vt quando est impinguandum & renutriendum, balneum ex lacte, oleo violato, iusculo carniū pinguium, butyro dissoluto, solis aut cum aquâ permixtis erit conuenientissimum, in quo sæpè natæ debet æger, absque vllâ tamen lassitudine, virium resolutione aut sudore. Quod si magis sit refrigerandum ob acrimoniam caloris, paretur decoctum ex fotu refrigerante dicto. Vel, si mauis, in eadem aquâ tepidâ dissolue succi cucurbitæ & melon. atque etiam solani, si ita videatur, ad lb iv. Fiat balneum, quod ingrediatur tepidum & sine sudore longè à pastu. Ante cuius ingressum capiat lactis caprini recenter mulcti cum saccharo lb ss. vel iusculum consummatum, oua tremula, & similia quæ consumptos reficere possunt.

Balneum autem commune ad lassitudines leuandas, æstus solis temperandos, maciem arcendam, biliosi temperamenti hominibus sic præscribitur.

ʒ Rad. acetos. lapathi acuti, lilior. & althææ, ana lb ij. cichor. borrag. cum toto, scabiosæ, fol. cucurbitæ, melon. & salicis, ana M. iv. camarum viridium M. ij. semin. frigid. maior. lb ss. flor. nymphææ, borrag. cichor. & rosar. recentium, ana M. j. Fiat omnium decoctio in aqua dulci pro balneo, quod ingrediatur tepidè & sine sudore per biduum bis in die longè à pastu. Narrant regem Maroch toto æstatis tempore semel in die ingredi solium aquâ rosaceâ, & citrangelorum (*can naphe* vocant) plenum, in qua tepente dissoluunt ambarum aut confectiones odoratas, quibus maxime Mauritani gaudere solent. Eadem ratione comparari poterit balneum pro viris & mulierculis, qui toti corpori venustatem & gratum odorem conciliare cupiunt, ex decocto rosarum, violar. cortic. citri, florum saluiæ, & anthos, dissoluendo parum galliæ aut aliptæ moschatae pro vniuscuiusque facultatibus & conditione.

Sunt qui ad paralyſim non parum laudant balneum, in quo vulpecula vna aut plures decoctæ fuerunt cum foliis saluiæ, lauendulæ, herbæ paralyseos, thymi, origani, pulegij, calamenti, summitat. lauri, hyssop. rutæ, menthæ, maioranæ, floribus stœchados, anthos, spicænardii, & similibus, addendo vini rubri generosi lb vj. In quo sudet æger, & sublato madore reponatur in lecto, inungaturque oleo de castoreo, vulpino, balsamo Guidonis, & similibus. Sed nihil est ad eiusmodi curandos affectus præstantius thermis nostris Bellilucanis, quas si volueris quodammodo æmulari, dissolue in prædicto sulphuris viui ʒ iij. nitri & salis, ana ʒ j.

Verùm hodierno tempore, quo continua illa balneorum priscis vſitata consuetudo obsoleuit, non est ita tutum quosuis homines affectibus frigidis obsessos balneis immergere: ideo solemus potius vaporaria quædam siue laconica (stuphas, hypocausta, & æstuaria vulgò vocant) comparare, in quibus ægri sub conopœo positi ex vapore eiusmodi decocti super candentes filices coniecti multum & diu sudare possunt. Deinde conuenientibus vnguentis inungi commodissime. Quæ omnia

omnia Practicus noster ex convenientibus indicationibus ritè moderabitur.

Superest igitur vt pauca de balneis subnectamus, quæ faciunt ad affectus curaneos, scabiem, psoriam, lepram, elephantiasim & similes. In primis igitur si durior & asperior sit cutis, mollienda & laxanda balneo communi, à nobis prius descripto. Postea verò

℥ Rad. enulæ camp. ari, bryoniæ, acori vulgar. & cucumer. agrest. ana ℥ j. lapat. acuti cum toto, fumar. scabiosæ, staphidis agriz, agrimon. jasm. borrag. saponar. chelidon. maluar. violar. calamenti & hederæ, ana M. ij. lupinor. fabarum, lentium, cicerum rubror. hordei integri, furfuris macri, ana ℥ ss. flor. chamomill. melilot. ramarisci & rosar. ana M. j. Fiat omnium decoctio pro balneo, in quo sudare poterit leuiter. Quod si antiquior & rebellior sit scabies, vt leproforum, addunt rad. serpentariæ, hastulæ regiæ, ana ℥ ss. hellebori albi aut nigri M. ij. Sunt qui salis, aluminis, vitrioli, aliquot vncias dissoluunt. In ipso balneo confricandum totum corpus sacculis, farina fabarum, hordei aut orobi refertis, vel amygdalis dulcibus & amaris contritis, vt sic tota illa sceditas abstergatur, qui strigilis antiquorum loco esse poterunt. In exitu balnei sudet leuiter, & inungatur appositis vnguentis. Qui littora maris accolunt, natatione illa in mari circa festum diui Ioannis sæpissime liberantur à scabie. Alij ex lixiuio balnea comparant. Quæ omnia prudenter sunt vsurpanda, mundato corio & extirpata scabie, præcedentibus balneis & frictionibus. Laudant multi, ne fiat recidiua, vt paretur balneum leuiter adstringens, quo cutis roboretur, & excrementa exterius fluere solita, intrò repellantur. Sed hæc de balneis pro instituto nostro sufficiant.



C A P V T II.

De Epithematibus liquidis & solidis.



EPITHEMATA, si nominis vim respicias, remedia omnia dicentur, quæ cuicunque parti applicantur. Voluit tamen vsus, vt hodie peculiariter epithemata vocentur liquida quædam medicamenta, aut instar opiata confecta, quæ partibus corporis nostri nobilioribus admouentur, ex panno scarlatino aut sericeo. Liquida autem epithemata eo à fotu differunt, quod non ex decocto, sed potius ex aquis quibusdam stillatitiis, aut succis cum pulueribus, trochiscis & confectionibus aromaticis dissolutis comparantur, ad omnem intemperiem internorum viscerum temperandam, potissimum cordis, iecoris, & renum. Vt ad cordis refrigerationem, palpitationem ex flatu, resolutionem spirituum, & frequentem syncopem;

℥ Aquæ melissæ, scabiosæ, & cardui bened. ana ℥ iv. aquæ citrangelorum & vini albi, ana ℥ j. confection. alkermes & de hyacintho, ana ℥ ss. trochisc. de spodio, puluer. electuar. diambriæ & diamosc. ana ℥ j. croci & granorum kermes, ana gran. v. Misce, fiat epithema liquidum, quo foueatur regio cordis tepide bis aut ter in die cum pannis scarlatinis, hoc liquore intinctis, & expressis, vicissim admotis. In febrium autem ardore & siccitate quando iam ad statum aut declinationem perueniunt ægri, humectantia & refrigerantia epithemata præscribere solemus; non autem in principio aut augmento, ne repellantur vapores putridi ad interiora, qui maiore tunc sunt copiâ. In hecticis potissimum hoc remedij genus vsurpandum, in quibus iam immaterialis est morbus. Vt

℥ Aquar. endiuiz, rosar. borrag. & lactuc. ana ℥ iv. aquæ nymphææ & aceti albi, ana ℥ j. puluer. electuar. triasant. & diamargar. frigid. ana ℥ j. florum violæ & cichor. minutim concisorum, ana P. ss. trochisc. de caphura ℥ ss. croci gran. iij. Fiat epithema liquidum, quo foueatur regio cordis tepide bis aut ter in die cum pannis sericeis raris. Remoueantur sæpè ne incalescant nimium. Qui voluerit, parabit ex succo pomorum, malorum granatorum, arantiorum, borrag. acetosæ, addendo partem aceti & lactis in hecticis, & tantillum ex pulueribus cordialibus prædictis. Eadem epithemata carpis manuum & pedibus apponi possunt, imo etiam genitalibus, vt per continuam arteriarum in omnibus corporis partibus diastolen, cor & interiora viscera refrigerium sibi comparare possint. Oxycratū etiam aut hydrelæum ex

succo solani, plantag. aut lactucæ cum oleo violato, rosaceo vel nenupharino, capiti, testibus, & pedibus phreniticorum admoueri solet actu frigidum, aut saltem tepidum instar epithematis.

Eadem ratione ad hepatis & renum intemperiem, potissimum calidam, componuntur liquida epithemata: quamuis non æque sit tutum hepati ac cordi admo- uere refrigerantia epithemata propter venæ causæ exortum, qui est in gibbis iecino- ris, & quia iecur admodum est propinquum cuti, unde nimia refrigerationis peri- culum imminere videtur; licebit tamen cum cautione vsurpare, & adhibitis robo- rantibus, in sequentem modum.

℥ Aquarum acetosæ, cichor. & lactucæ, ana ℥ss. aquæ portul. & aceti rosar. ana ℥j. puluer. electuar. triasant. ʒij. ss. granor. kermes & trochiscor. de caphur. ana ʒj. spicæ nardi gran. v. Fiat epithema liquidum, quo foueatur hepar cum lin- teolis implicatis aut pannis sericeis. Idem proderit ad renum feruorem, licebitque magis partem illam refrigerare, vt ex emulsione seminum frigidor. maior. se- min. papauer. albi, lactucæ, acetosæ, & portul. cum aquâ rosar. extracta & similibus.

Vtque liquida hæc epithemata antiquis & recentioribus vsitata fuere, sic nostri solida inuenerunt, quæ ad instar opiatæ conficiuntur, vt diutius hæreant parti post liquidorum vsum; vel quando non licet liquidis vti ob certas causas, vt fluxionem in pectus, refrigerationem partium spirabilium & similes. Horum tales esse pote- runt formulæ, vt calfacientis & roborantis.

℥ Conseruæ florum saluix, anthos, & rosar. antiq. ana ʒj. confer. flor. bugloss. ʒij. confect. alkermes & de hyacinth. ana ʒj. theriacæ optimæ ʒj. puluer. electuar. diamb. diamosch. & de gemmis, ana ʒj. moschi, ligni aloës, santali citrini, ana ʒiv. Conficiantur cum pauca aqua imperiali aut melissæ instar opiatæ, quæ extendatur supra pannum scarlatinum, & applicetur regioni cordis tepidè. Sinatur donec fue- rit exsiccatum. Ad refrigerandum verò & humectandum, vt in hæcticis;

℥ Conseruæ flor. viol. borrag. & cichor. ana ʒj. conseruæ rosarum recent. ʒss. puluer. elect. triasantali, diamargariti frigid. & diatrag. frigid. ana ʒss. trochi- scor. de caphura & de spodio, ana ʒss. Cum aqua rosar. vel acetosæ fiat instar opiatæ. Applicetur cordi supra pannum sericeum rubrum aut linteolum rarum, & sæpius mutetur. Pro istorum igitur ratione pleraque alia componi poterunt in rem præsen- tem, quæ nos breuitatis causâ omittimus.



C A P V T III.

De Sacculis, Cuculis, & Frontalibus.



EQVNTVR sacculi, cuculæ, & frontalia, non admodum dissimile superioribus remedium, quoniam eadem fere materia referti sacculi, aut intersutæ sindones, si capiti applicentur, cuculæ: si fronti, frontalia: reliquis verò partibus, scuta, aut sacculi vocantur, ad omnes iam sæpius dictas intentiones perficiendas. Sub sacculis continetur fomentum illud siccum, quod Hipp. lib. de vict. ration. in acutis *ἔμπροσθεν* appellat, ad pleuritidem notham, colicum dolorem, & alios exfri- gida causa fusciratos vtilissimum, cuius hodie talis est vsitator formula.

℥ Auenæ & milij, ana ℥j. salis & furfur. macri, ana P. j. flor. chamæmel melil. stœchad. & anthos, ana P. ij. baccar. lauri, semin. anisi & fœnugræc. ana ʒss. Torre- fiant omnia in sartagine, irrorata pauco vino rubro aut aquâ vitæ, & includantur duobus sacculis, quibus calentibus vicissim foueatur pars dolens. Reliqui sacculi pro corrigendis intemperiebus fiunt ex pulueribus inclusis & interbastatis, vt dictum est. Vt ad cordis calfactionem & corroborationem;

℥ Fol. siccor. melissæ, ocymi, scabiosæ, & pimpinel. ana ʒj. ss. granor. kermes, ligni aloës, santali citrini, garyophyllor. ana ʒss. puluer. elect. diamargarit. frigid. de gemmis, diamoschi, & diamb. ana ʒj. rasuræ eboris ʒss. Fiat omnium puluis, qui excipiat cotone moschato, & interbastetur inter duas sindones sericeas, fe- rat ex collo appensum supra regionem cordis. Irroretur, si velis, frequenter vino generoso,

generoso, aqua napha, aut imperiali. Sic ad ventriculum refrigeratum;

℞ Rosarum rubr. fol. absinthij pont. menthæ, & maioran. siccor. ana 3 j. β. corticis citri sicci, coralli rubri, piperis longi, garyophyll. cinam. crassior. ana 3 j. puluer. electuar. aromat. rosat. galangæ, semin. anisi, ana 3 β. Fiat omnium puluis, qui excipiat cotone, & suatur inter duo linteola rara in formam scuti, quod ferat super regionem ventriculi, conuerso apice versus cartilaginem xiphoidem. Eadem ratione dum frigidiori cerebro, catarrhis & similibus affectibus prospicere volumus, paramus cucufas pro toto capite, semicucufas autem pro dimidiâ illius parte, ut in hemicrania & cephalæa rebelli.

℞ Flor. stœchados arab. & citrinæ, anthos, & rosar. rubrar. ana P. β. fol. beton. siccor. 3 ij. semin. nigellæ rom. coriand. thuris, mastic. nucis moschat. calami aromat. & cyperi, ana 3 j. benjoini, vernicis, macis & garyoph. ana 3 j. Fiat omnium puluis, qui excipiat rasura scarlatæ vel floccis sericeis pro ditioribus, aut cotone pro aliis; & instar pileoli componatur, qui galero assuatur, vel gestetur supra caput. Vbi pinguedine delibutus apparebit, renouetur. Sic igitur fiunt sacculi & cucufas ad affectus potius frigidos quam calidos, quia in æstu partium metus est ne nimium tegumento illo incalescant. Frontalia tamen in vtrumque vsum parantur. Vt

℞ Rosar. rubrar. siccar. in aceto macerat. M. j. Inuoluantur splenio oblongiore, & applicentur fronti in cephalalgia sanguinea & biliosa, in paraphrenitide, in febrium æstu. Aliud

℞ Rosar. rubrar. flor. nymphææ, violar. & cichor. ana P. j. semin. lactucæ, portul. papauer. albi, & coriandri, ana 3 j. santali rubri & albi, granor. kermes, ana 3 β. Fiat omnium puluis, qui includatur linteolo oblongo, & conuenienter suatur: deinde irroratum vapore aceti rosacei, supra patellam calentem coniecti, applicetur fronti; & post duas aut tres horas auferatur, ne incalescat nimium. Quod si imbecillius sit cerebrum, aut metus catarrhi, poteris addere parum nucis moschat. semin. rutæ, aut amygdalas amaras, vel nucleos persicorum & similia. Neque tantum sicca hæc frontalia vulgò parant, sed etiam humida, dum prædictis pulueribus vnguentum populeum, aut rosaceum permiscant. Ad frigidos verò affectus theriacam, mithridatium, auream alexandrinam & alias confectiones cum pulueribus in descriptione cucufarum dictis permiscere possumus.



C A P V T IV.

De Suffitibus & Odoramentis.



SUFFITIVVM & Odoramentorum ea est differentia, quòd Odoramenta citra ignis accessionem, suo odore cerebrum afficere possunt: Suffitus verò, suffumigatio, fumigium, *ὑψίασμα* Græcis dictum, incenditur, aut ignitis carbonibus imponitur, ut exhalare & copiosius effumare possit. Componuntur autem suffitus & odoramenta ex variis rebus, tam ad cultum & voluptatem, quam ad valetudinem conseruandam, & profligandos morbos. Hodie in officinis Monspeliensibus vulgò parata habentur puluis cyprius, & violaceus, aqua angeli, castoletæ, auiculæ cypriæ, globuli concatenati, ad delicias potius quàm morborum curationem. Nos verò hoc etiam medicamenti genus ad salubritatem conuertamus; quandoquidem ipse Hipp. aphor. 28. sect. 5. ad plurima esse vtile voluit. Odoramenta itaque in vfu medico componuntur sub formâ liquoris, pulueris, aut durioris consistentiæ in varias formas concinnatæ, ut ad roborandum cerebrum, arcendos odores tetros, & auram pestilentem depellendam.

℞ Aquæ rosar. & naxæ, ana 3 j. β. aquæ angeli guttas aliquot, santali rubri & citrini, moschi, ana gran. v. aceti parum, vel vini optimi. Misce. Hoc liquore madens sponsia vel linteolum sæpè apponatur naribus, pestis tempore. In formâ pulueris fiat sic.

℞ Pulueris cyprij & violacei Monspel. ana 3 β. cortic. citri sicci, rosar. siccar.

ficcar. ligni aloës, & benjoini, ana 3 j. Trita includantur exiguo puluinari sericeo, quod feratur continuo, vel cum vestibus reponatur. Sub formâ verò solidâ sic.

℥ Ladani & styracis calam. ana 3 β. caryophyll. nucis moschat. benjoini, trochisc. galliæ & aliptæ moschat. ana 3 ij. santali citrini, ligni aloës & folior. sic. maioran. ana 3 j. gummi arabici vel tragacanthi aqua angeli, citrangelor. rosacea aut melissæ dissoluti q. s. ad incorporandum. Fiant poma duo odorifera semper gestanda, vel orbiculi concatenati, qui collo & manibus appendantur. Addunt nostrates carbonem falicis ad molem & nigredinem augendam.

Neque solum ex bene olentibus fiunt odoramenta; sed etiam ex foetidis, potissimum ad vteri affectus & suffocationes; qui occultâ quadam antipatheia tetros odores refugere, gratos verò sequi manifeste agnoscitur. Vnde non solum ambarum, ciuctam, moschum, prædictos pulveres, & similes genitilibus muliercularum supponimus; sed etiam ex assâ foetidâ, galbano, castoreo, sulphure, bitumine, gagate, & aliis olfactis suffocatas iuuare solemus. Sunt etiam qui credunt pomum odoratum purgans hoc modo confici posse.

℥ Aloës & myrrhæ, ana 3 ij. pulpæ colocynthid. & scammonij, ana 3 j. pulueris ellebori & corticis esulæ, ana 3 β. Excipiantur gummi tragac. aquâ coriandri dilutâ, & concinnentur duo poma, quæ diu manibus tractentur, & naribus apponantur. Atque hæc de odoramentis vſitatoribus.

SVFFITVS verò multò plures habent in Medicinâ vſus, nam ad quascunque fere partes & morbos aptari possunt, & in formam liquidam, pulueris, vel trochiscorum concinnari. Nam quæcunque decocta iam à nobis tradita in ollâ fictili posita, & carbonibus ardentibus imposita, vaporem emittent, qui per infundibulum partem affectam attingent, vel iniecta lapidi molari, silicibus ignitis, ferro candenti, & aliis fumum eructabunt ad propositos scopos idoneum: Sic ad scirrhus molliendos laudat Gal. fumigium ex decocto molliente & aceto scililitico super lapidem pyritem vel molarem coniecto. Sic ad dolores frigidos, paralyſim, tremorem, & similes decoctum ex herbis, radicibus, seminibus, floribus, lignis & aliis paramus, & ægrum in lecto collocatum, imposito infundibulo ollæ & tubulo suffimus, donec sudor exciteretur. Item menstrua eodem modo mulieribus ex decocto aperiente prouocamus; quæ omnia ex prædictis fotibus repetenda. Fumigia verò sicca sub formâ pulueris & trochiscorum ad varias partes ita comparantur: vt ad affectus capitis frigidos, compescendos catarrhos, & tussim.


℥ Nigell. romanæ, & gummi hederæ torrefacti, coriandri præparati, granorum kermes, & juniperi, santali albi, ana 3 ij. rosarum rubrarum siccar. 3 iij. vernicis, thuris & mastic. ana 3 j. nucis moschatæ, calami aromatici & cyperi, ana 3 ij. spicæ nardi & schoenant. ana 3 j. Adde benjoini & styracis calam. ana 3 iv. si affectus sit frigidior: sin verò calidior, semen papauer. lactuc. & flores nymphæ. Fiat omnium puluis crassior, quo super carbones accenso suffiantur operimenta capitis, & parum illius in ingressu lecti hauriat oclusis conopœis. Si mauis, puluis ille excipiatur gummi tragacant. liquato aquâ rosaceâ. Fiant trochisci lupinares in eundem vſum. Ad affectus etiam thoracis parari possunt, vt raucedinem, asthma, vlcera pulmonum, & similia. Exempli gratiâ.

℥ Rad. tussilag. sicca & ireos Florent. ana 3 β. fol. siccor scabiosæ, tussilag. marubij, hyssopi, ana P. β. styracis calam. 3 ij. flor. stœchados & pulmonariæ, ana P. β. myrrhæ & thuris, ana 3 j. Fiat omnium puluis crassior, vel trochisci cum gummi arabico aquâ scabiosæ fuso. Excipiat mane & sero fumum hiantem ore in lecto.

Ad vlcera pulmonis solent Empirici nostri sandaracæ parum siue auripigmenti puluerisat. excipere oui vitello cocto & oleo irino. Deinde super pannos exiguos extensa exficcare. Ponunt frustulum super prunas, & iubent ægrum haurire vaporem, vt interior illa pulmonum sordes exsiccet. Id autem ex Mesuei antidotario depromptum sic melius parari poterit.

℥ Rosar. rubrar. folior. tussilag. siccor, ana 3 ij. thuris, mastic. & myrrhæ, ana 3 j. puluer. ireos Florent. hypocist. & semin. papaueris, ana 3 β. auripigmenti rubri 3 j. Fiat puluis, & reducat in trochiscos, vt dictum est, quorum suffitus ad omnia vlcera profundiora erit vtilissimus. Vt autem ex auripigmento parantur ista fumigia, sic etiam ex cinnabrio fiant ad curationem luis venereæ Empiricis vſitata, quæ ad sudores excitandos sunt efficacissima, & curationem tophorum, vlcera, cariei, exostoseos, & similibus symptomatum, bene prius præparato ægro; quorum talis esto formula.

24. Styracis calam. benjoini, myrrhæ & corticis pini, ana ʒ ʒ. cinnabrij ʒ iij. Fiat pulvis, qui excipiat gummi arabico vino liquato. Fiant pastilli. Horum vnus apponatur super prunas ardentes, excipiat illius fumum æger in conopœo, ita vt partem affectam magis contingat. Habeat autem caput extrâ positum, ne tetro illo vapore suffocetur, aut in lipothymiam incidat. Excitabit copiosos sudores, necnon supradicta præstabit. Ad vterum etiam fiunt fumigia ex myrrha, cinâmomo, bdellio, cum foliis pulegij & matricariæ, ad excitanda menstrua. Ad suffocationem vteri sulphur, plumæ perdicum, panni obsoleti, lapis gagates, bitumen, assa foetida, galbanum & similia comburuntur ac naribus admouentur. Quæ omnia fusiùs in peculiari morborum Therapiæ explicari debent.



C A P V T V.

De Oleis.



OLEA vocamus ea medicamenta, quæ siue simplicia, siue composita, pingui, vnguinosâ & aërea materia constant; ex plantis, mineralibus, animalibus, & eorum partibus per expressionem, macerationem aut distillationem elicitâ. Quorum fructus ad medicinam multiplex, siue sola vsurpentur, seu compositionem linimentorum, vnguentorum, cataplasmatum & emplastrorum ingrediantur. Operæ pretium igitur est Medicum ea veluti innumerato habere, vt possit in quâcumque rem, oleis conuenienter vri. Diuiduntur autem in naturalia & artificialia. Naturalia sunt ea, quæ sponte sua ex quibusdam rebus defluunt, vt opobalsam. oleum petroleum, myrrhæ stacte, seu styrax liquida, elæomeli Dioscoridis, balsamum illud Indicum, quod hodie circumfertur & liquida ambra appellatur. Artificialia verò sunt ea, quæ manu & industria comparantur variis modis, vt dictum est. Simplicia censentur, quando ex vnico eliciuntur: Composita, quando ex pluribus, quorum infinitus propemodum esse potest numerus, prout ad varias intentiones à Medicis præscribi & comparari solent. Nos tamen paucis eisquæ familiaribus & necessariis erimus contenti, quorum particularem descriptionem ex pharmacopœorum libris repetere licebit.

Ad calefaciendum igitur vsitatissima sunt oleum de absinthio, de mentha, mastichinum, nucis moschatæ, moschatellinum, & nardinum, quæ præterea leuiter adstringunt & partes internas roborant. Oleum lini, è floribus narcissi, è styrace, auellandarum, de behen seu balaninum, amygdalarum dulcium, liliorum, oliuarum maturarum, nucis Indicæ, è cera quod *Iacob* vulgo appellant, de jasmينو, sesaminum, quæ præterea emolliunt, laxant & dolores sedant. Oleum anethinum, chamæmelinum, amygdal. amararum, nucleorum persicorum, nucum, oliuarum rancidarum, rutaceum, sambucinum, cheirinum, hypericinum, laurinum, vulpinum, de castoreo, de piperibus, de lateribus, de capparibus, de spica, irinum, de croco, de sulphure, costinum, de euphorbio, de sampsucho, lumbricorum, de scorpionibus, catellorum. Quæ præterea attenuant, rarefaciunt & digerunt, oleum de myrrha, de frumento, de tartaro, sambucinum, balaninum, ricininum, raphaninum, ouorum, quæ præterea potentissimè detergunt, & omnes cutis infectiones delent.

Ad refrigerandum verò vsitata sunt oleum cydonior. myrtin. myrtill. lentiscinum, œnanthinum, omphacinum, siue ex oleis immaturis, & rosaceum, quæ præterea adstringunt & repellunt; oleum populneum, nenuphar. de papauere, de mandragora, hyoscyami, è torpedine, è semine lactucæ, quæ præterea congelant, somnum inducunt, & dolores ex calida causa suscitatos sopiunt.

Ad exsiccandum ea omnia olea vsui esse possunt, quæcunque calfacere, attenuare, rarefacere, digerere, & detergere diximus; peculiariter tamen laudant oleum ricininum seu de kerua, ex granis ebuli, & floribus sambuci comparatum.

Ad humectandum denique ea olea etiam faciunt, quæ emollire & laxare diximus, præterea violaceum, sesaminum, cucurbitarum, feminum melon. & cucumeris, quæ per simplicem expressionem eliciuntur. Vt etiam ad insignem humectationem laudarem ego oleum ex seminibus maluz, aut althææ expressum,

vel ex earundem foliis & floribus in oleo dulci maceratis, & infusis comparatum; quemadmodum alia innumera ad vsus medicos excogitari possunt. Atque vt oleorum istorum vis & vtilitas est ad commemoratos affectus exhibendos, sic etiam vnumquodque istorum magis huic quam illi parti, vt ventriculo potius quam nervis, iecori potius quam lieni, aut aliis est dicatum, cuius rei cognitio repetenda erit ex descriptione linimentorum & vnguentorum, quæ postea singularum partium affectibus aptabuntur.

Porro si quis plurimorum oleorum, essentiarum, & distillationum ex plantis animalibus, & mineralibus eliciendorum vsus & descriptionem habere voluerit, is Chymistarum nostri temporis libros & officinas adeat, vbi artificiosam admodum rationem illa comparandi per ascensum, descensum, & sublimationem in variis vasis, fornacibus, fimo, sole, cineribus, & aliis reperiet, quæ non paruam hodie laudem & vires in desperatissimis ac contumacissimis affectibus debellandis reportarunt. Habemus nunc vulgò oleum chymicum anisi, fœniculi, guaiaci, cina-momi, caryophyllorum, macis, succini, caphuræ, terebinth. vitrioli, perlarum, coralli, crystalli, salis, sulphuris, antimonij, argenti, cupri, plumbi, ferri, castorei, scorpionum, & similia: quæ non tantum exterius admoventur, sed etiam interius assumuntur ad quamplurimos morbos. Non sunt etiam silenda balsama quædam, ad effectus externos parati solita, & sub oleorum classem, recensenda quale est balsamum Guidonis ad paralysem, ita descriptum.

℞. Fol. siccor. saluæ, maioran. menthæ, herbæ paralyseos, ana P. j. myrrhæ electæ, aloës hepaticæ, spicanardi, sanguinis dracon. thuris, mumix, opopanacis, bdellij, carpobalsami, croci, mastiches, gummi arab. styracis liquidæ, benjoini, ana 3 ij. ℞. terebint. ad pondus omnium. Puluerisentur omnia, & cum terebint. misceantur, reponantur in alembico magistrali, & fornace distillentur, vt artis est. Exit primò aqua: secundò oleum: tertio verò substantia quædam crassior, quam mel appellant. Eorum vsus ad omnes affectus frigidos mirabilis.

Arnaldus Villanovanus ita com ponit.

℞. Galbani ℥b. ℞. gummi hederæ 3 iij. Terantur & misceantur simul. Ponantur in vase distillationis. Oleum & aqua quæ emanauerint, colligantur, deinde misceantur cum 3 j. olei laurini & terebinthinæ ℥b. j. Iterum distillentur, separentur aqua & oleum, & vsui seruentur vt superiora.

Ad vulnera etiam recentia & antiqua conglutinanda, præcipuè partium nervosarum, ossium, venarum parantur balsama quamplurima ab Euonymo, Quercetano, Fallopio & aliis. Placet ergo vnum ex Fallopio proponere, quod erit instar omnium.

℞. Terebinth. pellucidæ ℥b. ij. olei lini & lumbricor. ana ℥b. ℞. resinæ pini 3 vj. thuris, myrrhæ, aloës, mastic. sarcocollæ, ana 3 ij. macis, croci, caryophyll. ligni aloës, ana 3 ij. Misceantur omnia, & ponantur in retortam bene lutatam: sinantur parum macerari: deinde distillentur in cineribus, primùm lento igne ad eliciendam aquam, post valentiorē, & habebis oleum ad prædictas intentiones efficacissimum. Hæc igitur habuimus pro instituto nostro de oleis dicenda.



C A P V T VI.

De Pulueribus quibusdam.



QUEMADMODUM olea sola & per se ad multos affectus vsurpantur, alias verò linimentis, vnguentis, cataplasmatibus, emplastris & similibus permiscantur: Sic etiam quidam pulueres soli & per se ad certorum morborum curationem exterius admoventur, quidam & interius assumuntur: alij verò prædictis linimentis, vnguentis & aliis adduntur pro variis Medici intentionibus.

Pulueres itaque, qui capiti ad varias intentiones aspergi solent, repetere licet ex descriptione frontalium supra propositorum, quorum eadem est materia ac puluerum: vt etiam qui ventriculo, hepati, lieni, renibus, vtero & similibus admo- ueri possunt, præmissâ olei cuiusdam inunctione, ex descriptione linimen- torum & vnguentorum, vbi illa omnia fasè tractabuntur. Sunt verò quidam, qui in

in peculiari frequentique usu Chirurgis esse solent, ut ad contusiones parant puluerem ex adstringentibus, quo pars affecta, oleo rosaceo prius oblita, sinapifatur.

℥ Puluer. myrtillor. q. s. Sinapifetur pars post litum. Vel puluer. myrtill. 3 j. rosar. rubrar. siccar. gallarum virid. balauftior. ana 3 ij. rad. bistortæ 3 j. Fiat omnium puluis ut suprà. Puluis ad adstrictionem vuulæ laxatæ.

℥ Myrobalanor. combustor. 3 ij. feminis sumach, aluminis vsti, ana 3 β. piperis longi gran. v. quo contingatur vuula laxata sæpè cum spatula.

Ad incarnandum & sanguinem sistendum solent eiusmodi circumferre puluerem, ex descriptione Ioannis de Vigo.

℥ Aloës, myrrhæ, ana 3 ij. sarcocollæ 3 j. β. thuris, pollinis farinæ, ana 3 ij. sanguinis dracon. terræ lemnæ, ana 3 ij. β. tuthiæ, lithargyri, tragacant. ana 3 β. Fiat omnium puluis tenuissimus. Addunt ad sistendum sanguinem multi pilos leporis mollissimos & minutim incisos. Sunt qui puluere vitrioli ad hæmorrhagias cohibendas nihil præstantius dicant, quod insigni adstringendi vi præditum esse nemo dubitat. Solent etiam ad putrium, vstorum, & corruptorum ossium desquamatio- nem multos pulueres conficere. Ut

℥ Corticis rad. panacis, corticis pini, rad. cannar. & aristoloch. ana 3 iij. myrrhæ, agarici vilioris, tartari combusti, & cineris ossium, ana 3 j. Fiat omnium puluis, aspergendus ossi corrupto, aut infundendus cum decocto catapultarum. Item ut caro fungosa & superflua vlcerebus accrescens exedatur, consuetum est aspergere puluerem aluminis vsti, puluerem mercurij correctum, sublimatum ipsum in maligno & rebelli vlcere. Alij ita componunt.

℥ Chartæ combustæ, plumbi vsti, æris & squamæ ferri, ana 3 iij. sulphur. viui & arsenici, ana 3 j. Fiat puluis. Denique cicatricem etiam vlcerebus inducunt asperfo adstringente puluere, ad quod Empirici maximè crocum suum Martis in vlcerebus dysepuloticis valde commendant: quidam verò ad id puluerem sic conficiunt.

℥ Corticis mali granati & corticis thuris, ana 3 iij. æris vsti & loti, squamæ eiusdem lotæ, gallarum viridium, lithargyri, ana 3 j. Fiat omnium puluis, parti aspergendus ut inducatur cicatrix; sic enim densabitur exterior superficies. Complures eiusmodi puluerum formulæ excogitari possunt. Quia verò præcipuè ad aliorum medicamentorum compositionem reuocantur, ideo paucis his erimus contenti, ut ad linimenta & vnguenta accedamus.



C A P V T VII.

De Linimentis & Vnguentis.



LINIMENTI, vnguentique differentiam in eo tantum positam esse existimo, quod illius quam huius multo liquidior sit consistentia. Nam quod multi voluerunt, linimentum ab vnguento differre, quia linimentum sine cerâ, vnguentum verò cum cera paretur: aut qua linimentum sine ignis ope fiat; vnguentum verò vi ignis, non est perpetuæ veritatis. Etenim multa vnguenta vtilissima, ut vnguent. de plumbo, de cerussa, de lithargyro, ægyptiacum & alia absque vllâ cerâ comparantur: ut etiam sine igne quæcunque nutriuntur & versantur diutius in mortario, cum multorum linimentorum compositio ignis liquatione egeat; quemadmodum sequentium exemplorum appositione multò illustrius euadet. Sunt itaque duæ istæ externorum remediorum formulæ crassioris quam oleum consistentiæ, ut diutius parti adhærere possint; liquidioris verò quam cataplasmata, cerata, & emplastra, quæ postea describentur. Porro quod ad linimenta attinet, nulla hodie habentur in officinis comparata, tum quia sub illa forma vix conseruari possunt; tum quia facile est statim de nouo ea componere, aut ex ipsis vnguentis vsualibus, conuenienti aliquo oleo dissolutis, concinnare in rem præsentem.

Est autem præcipua linimentorum vnguentorumque materia ex certis oleis, pulueribus,

pulueribus, & cerâ, paucâ quidem ad linimenti confectiorem : multa verò ad vnguentum : ita vt vulgò existiment ad ℥ j. olei, necessariam esse ℥ j. pulueris cum cerâ ℥ ij. quò vnguenti conueniens forma introducat. Est tamen aliquando, vt diximus, quando nulla neque cera, neque oleum ingreditur vnguenti compositionem. Alias verò adduntur adipēs, medullæ, seuum, butyrum, styrax liquida, mucilagines, decocta, infusiones, & alia ex plantis, mineralibus & animalibus variè desumpta, ad multiplices Medicorum intentiones perficiendas necessaria, quæ cerâ aut olei quantitatem augere aut minuere solent.

Quoniam verò in officinis multa parata habentur vnguenta : ideo recensenda sunt imprimis, eorumque facultates tum primariæ, tum quæ ad vsus Chirurgicos hodie vulgò reuocantur, annotandæ ; vt possit ex illis velut penu quadam, Medicus instrumenta ad actiones suas statim depromere. Postea verò alia non ita vsualia describemus, prout certis potissimum partibus & affectibus sunt accommodata.

Calidorum itaque vnguentorum officinalium hæc est series. Vnguentum basilicum maius & minus, resumptiuum, dialthæas cum mediocri calore & humectatione, vnguentum martiatum, aragonium, Agrippæ, & aureum, quæ vulgò quatuor vnguenta calida appellantur : quamuis alij loco aurei ponant dialthæam : vnguentum nicotianum, mundificatiuum de resinâ & de apio, apostolorum, ægyptiacum, enulatum & citrinum, quæ valdè excalfaciunt ac potenter exsiccant. Frigidorum verò vnguentorum officinalium hæc est classis. Vnguentum rosaceum, vnguent. violaceum, quod eadem ratione ac rosaceum ex floribus violæ comparatur ; & populeum, quæ humectationem etiam quandam habent. Vnguentum verò desiccatiuum rubrum, de tuthia, album Rhasis, de bolo, nutritum cum succis & lithargyro, pompholygos & comitissæ maius & minus refrigerant cum exsiccatione. Hæc eadem vnguenta ad vsus Chirurgicos ita reuocantur, vt ad humorum influentium repulsionem & adstrictionem, vnguentum rosaceum & de bolo, vnguentum violatum, nutritum, de tuthia, album Rhasis, desiccatiuum rubrum, diapompholygos, populeum & comitissæ : Ad doloris verò sedationem, si in tumoribus aut aliis affectibus vrgeat ex causâ frigidâ, basilicum, dialthæas, resumptiuum. Si ex calidâ, quæcunque refrigerare à nobis sunt dicta, plus minus pro ratione partis & causæ. Vbi verò resoluendus, digerendusque est tumor, vel humor alicubi contentus, vnguenta illa calidiora à nobis recensita vsurpantur, sub eisdem conditionibus. Rupta autem vomica aut quoduis aliud vlcus sordidum abstergitur, & noua caro generatur vnguento nicotiano, aureo, mundificatiuis de apio, & de resina, apostolorum, & citrino, quod peculiariter faciei sordibus & foeditati detergendis est dicatum. Si vero sordidius & foetidius fuerit vlcus, ita vt ferè in gangranam degenerare videatur, tum vnguentum Ægyptiacum ad hoc maximè conueniet. Denique deterfo & probe purgato vlcere, si inducenda sit cicatrix, quamuis hoc potius cerato aliquo aut emplastro præstari soleat, quam vnguentis ; si tamen etiam his vti vsum fuerit, aptari poterit vng. desiccatiuum rubrum, de bolo, album Rhasis, & alia quæ cum frigiditate exsiccant. Ecce quis sit frequentior vnguentorum officinalium vsus, quorum omnium particularem descriptionem ex pharmacopœis repetere licebit ; & ex eis nullo negotio linimenta, si ita videatur, ad faciliorem penetrationem aut alias causas comparare, dissoluto conuenienti quodam oleo. Vt etiam facile est ex eorundem varia permixtione varias implere intentiones, pro ratione indicationum, ex causis, morbis, & partibus desumptarum, quod solertiæ & præsentis Medici iudicio relinquendum est.

Quo autem hoc facilius intelligi possit, placet nunc linimenta, vnguentaque ad varias partes, causas & morbos describere, quæ sint paradigmatum instar ad reliqua omnia componenda. Sic ad totius capitis, cerebrique internos externosque affectus varia comparari solent linimenta vnguentaque, vt in dolore capitis quem cephalalgiam vocant, ex humoribus aut vaporibus calidis, tale describi potest.

℥ Succī plantag. & solani, ana ℥ ij. aquæ rosacæ & vini albi, ana ℥ ss. olei nenuphar. & rosacei, ana ℥ iv. Decoquantur ad liquoris consumptionem. Post adde femin. lactucæ, portulacæ, & coriandri, ana ℥ ij. semin. berberis, santali rubri, granor. kermes, ana ℥ j. cerâ albæ (quæ ad refrigerandum potior est flauâ) q. s. Fiat vnguentum, quo illinatur tepide anterior pars capitis, de tonsis prius capillis, addendo aceti parum vnctionis tempore. Atque etiam si volueris vnguent. populeon. ℥ j. In dolore

dolore verò frigidò & diuturno, vt cephalæa, clauo, hemicrania, & similibus ita comparatur.

℥ Nucis moschatæ, garyophyll. cinamomi, & piperis, ana ʒ ij. pyrethri, castorei, pulueris ireos Florent. ana ʒ j. moschi gran. v. olei laurini & rutacei, ana ʒ iv. ceræ flauæ siue citrinæ q. s. Fiat vnguentum quo inungatur pars dolens, addendo parum aquæ vitæ aut imperialis vnctionis tempore.

Ad affectus verò capitis externos, vt fauos, tineam & manantia vlcera, ex fortiter exsiccantibus & digerentibus cum repellentibus quibusdam, sic potest describi.

℥ Olei è lucernâ sordidiore ʒ iij. olei juniperi ʒ ij. nuces integras vstas & puluer. num. iij. myrrhæ, viridis æris, fuliginis furni, sulphuris vitii, vtriusque hellebori & gallarum, ana ʒ j. auripigmenti & vitrioli, (si efficacissimum parare velis) ana ʒ ʒ. argenti viui saliuâ ieiuni hominis extincti ʒ ʒ. Incorporentur omnia cum melle scillitico & aceto in formam linimenti aut vnguenti, quo vtatur post conuenientem purgationem. Ad pilorum verò educationem in alopecia, ophiasis, morante barba, & similibus ita fieri potest.

℥ Axungia vrsi, talpæ, aut cuniculi, ʒ j. ʒ. axungia viperæ ʒ ʒ. fol. capill. vener. exsiccat. rad. cannæ vstæ & puluer. vesparum & apum vstarum, ana ʒ iij. cineris abrotani, femin. sinapi & fol. marrub. ana ʒ j. picis liquidæ & ladani puriss. ana ʒ ʒ. olei lentisc. ʒ iv. ceræ nigræ q. s. Fiat vnguentum, quo inungatur pars post conuenientem fotum ex decocto siclæ, mercur. caulium rubeor. abrotani, capill. vener. & similiū.

Ad oculorum verò, aurium, narium, & oris morbos, siquæ vnguenta conuenire possint, iam in priore operis istius parte fuerunt proposita. Ad colli verò, pectoris, & thoracis vitia multa institui solent, v. g. ad anginam post reuulsiones præmissas & sedatam inflammationis vim, vt digeratur ac dissipetur.

℥ Puluer. nidi hirundinis, stercoris canis ieiunio macerati, & stercoris columbarum, ana ʒ j. ʒ. pulueris ireos Flor. chamæmel. ana ʒ ij. olei lilior. ʒ iv. pinguedinis gallinæ ʒ ʒ. ceræ flauæ q. s. Fiat vnguentum vel linimentum, quo inungatur sæpè tumor. Ad dilatationem verò thoracis, sputi maturationem, humoris pituitosi concoctionem, doloris pleuritici & aliorum sedationem, fiat sic.

℥ Vnguenti dialthæas & resumpt. ana ʒ j. butyri recentis aut aquâ scabiosæ loti ʒ vj. pulueris ireos Flor. ʒ ʒ. croci ʒ j. olei chamæmel. vel amygdal. dulcium q. s. Fiat linimentum quo inungatur pars dolens, addendo, si velis, aquæ vitæ parum vnctionis tempore. In exsiccatione & marcore cordis ac thoracis, vt per hæcticas febres ac phthisim, inungi poterit sequenti.

℥ Olei viol. & amygd. dulcium, ana ʒ iv. flor. viol. & borrag. siccor. ac puluer. ana ʒ j. farinæ hordei & femin. maluæ, ana ʒ ij. ceræ parum. Fiat vnguentum, in quod infundatur tantum lactis muliebris, quantum combibere poterit.

Ad ventriculi autem affectus plurima comparantur vnguenta, vt ad calfaciendum, iuuandam coctionem, flatus dissipationem, dolorem colicum & similia.

℥ Succis menthæ & maioranæ, ana ʒ ij. olei de absinth. nardini, & muscatellini, ana ʒ iij. vini rubri generosi ʒ ʒ. Decoquantur ad liquoris consumptionem. Post adde nucis moschatæ, garyophyllor. spicæ nardi, schœnanthos, cinamomi, ana ʒ j. ʒ. piperis longi, galangæ & cyperi, ana ʒ j. ceræ flauæ q. s. Fiat vnguentum. Ad adstrictionem verò & corroboracionem, vt in lenteria, vomitu & aliis.

℥ Olei myrtini & cydonior. ana ʒ ij. olei nucis moschatæ chymice extracti ʒ ij. rosarum rubrar. coralli rubri, terræ sigill. boli armeni, acaciæ, hypocistid. granor. kermes, ana ʒ j. cinam. crassior. ʒ ʒ. vnguenti comitissæ, si velis, ʒ ʒ. ceræ rubræ, quæ valde adstrictionem iuuat, q. s. Fiat vnguentum, quod etiam in fluxu quouis nimio ventris vsurpari poterit.

Sic ad hepatis refrigerationem aut calfactionem, adstrictionem & corroboracionem fere componi possunt, dummodo semper simus memores in partium principum morbis numquam ita esse refrigerandum, vt caloris natiui robur nimium deiciatur, & semper aliqua adstringentia, aut quæ parti familiaritate quadam substantiæ conueniunt, esse permiscenda: sic ad refrigerandum hepar.

℥ Cerati santalini & vnguenti rosacei aqua cichor. lotor. ana ʒ j. santal. albi & rubri, femin. acetos. & lactucæ, ana ʒ j. cerussæ ʒ ʒ. spicæ nardi & caphuræ, ana ʒ ʒ. trochiscor. de spodio gran. v. olei viol. aut nenupharis ʒ iv. ceræ parum. Fiat linimentum

mentum quo inungatur regio hepatis cum paucō aceto rosaceo tepide. Ad calfaciendum verò & roborandum iecur iam descripta pro ventriculo vnguenta conueniunt.

Splen etiam hoc modo refrigeratur, calefit & corroboratur: quod si obstructione aut scirrho, vt illi familiarissimum est, tentetur, propter sanguinis faculentioris quem allicit naturam; parentur vnguenta, quæ emolliant, alia verò quæ incidant & attenuent, vel quæ vtrumque simul & semel præstare possint, inter quæ maximè laudant Arabes vnguentum de arthanita vtrumque. Si velis, ita componatur.

℞ Rad. lilior. & althææ, ana ℥ ij. Decoquantur in olei de capparibus & amygdal. dulcium s. q. deinde adde bdellij, opopanacis, ammoniaci in aceto dissoluti, ana ℥ j. mucilag. seminis fœnug. cum vino albo extractæ ℥ j. styracis, myrrhæ, corticis rad. cappar. & tamarisci, schœnant. semin. apij & portul. ana ℥ j. scorix ferri ꝑ j. terebinth. & propoleos q. s. Fiat vnguentum, quo inungatur sæpius lien tumore vel obstructione laborans, nisi adsit inflammatio. Ad feruentes & præcalidos renes instituatur tale vnguentum.

℞ Succi solani & hyoscyami, ana ℥ j. succi cucurbitæ & aceti rosati, ana ℥ β. olei nenuphar. & violat. ana ℥ iv. Decoquantur ad succorum consumptionem. Post adde semin. papauer. albi & acetosæ, ana ℥ ij. trochiscor. de caphura ℥ j. ceræ albæ q. s. Fiat vnguentum quo illinantur frigide cum aceto, superimponendo postea, si velis, laminam plumbeam tenuissimam, quæ vbi primum incaluerit, remoueatur. Vbi verò renes calculo, mucō, aut sabulo obsessi dolore vexantur, & vrinx meatus occluditur, ex relaxantibus & anodynis fiant inunctiones, vt vnguento resumptiuo cum pinguedine cuniculi & oleo lilior. Quod si in vesicâ tale adsit impedimentum, optimum erit pubis regionem & perinæum sequenti vnguento delinire.

℞ Succi fœnicul. marini vel apij, raphani, aut cressonis ℥ ij. olei de scorpion. ℥ vj. Bulliant ad succi consumptionem; post adde semin. petrosel. asari, spicæ celticæ & schœnanthos, ana ℥ j. pulueris scorpion. si haberi possit, ℥ β. axungix cuniculi ℥ j. ceræ parum, fiat linimentum ad id præstantissimum.

Testiculorum morbi eodem modo eisdem vnguentis persanantur, qui si sint aquâ referti, digeretur & dissipabitur, addita illis quæ aquas ducere diximus ex proprietate.

Vterus etiam ex vnguentorum vsu non paruos recipere solet fructus, siue sit calfaciendus seu refrigerandus, siue corroborandus, laxandus & similia. Vt ad iuuandum partum, educendam secundinam, dilatandum illius orificium & similia.

℞ Butyri recentis, axungix gallinæ, & porci recentium, ana ℥ j. olei lilior. & amygdal. dulc. ana ℥ iij. rad. aristol. & ireos Florent. ana ℥ ij. cinamomi tenuioris, asari, styracis & myrrhæ, ana ℥ j. agarici & colocynth. (si validius sit agendum, alias vero omittantur) ana ꝑ j. ceræ flauæ q. s. Fiat vnguentum, quo illinantur regio pubis, perinæum, lumbi & inguina, præcedente prius conueniente foru vel semicupio. Quod si retinendus sit fœtus aut sanguis immoderatus fluens; fiat insequentem modum.

℞ Succi sanguinariæ aut porri, ana ℥ j. olei myrtini, lentiscini, & mastic. ana ℥ iij. Decoquantur, vt artis est, post adde boli armeni, acaciæ, hypocistid. gallar. virid. nucum cupressi, balaustior. alumin. ana ℥ iij. ceræ rubræ vel albæ q. s. Fiat vnguentum, quod ebibat aceti & aquæ peculi rosar. quantum fieri poterit dum incalescet. Illius loco vsurpatur vnguentum comitissæ, vel emplastrum pro matrice, dissolutum oleo mastichino, & illinitur.

Ad neruorum verò articulorumque affectus frigidos, vt paralyfim, apoplexiam, tremorem, stuporem, lassitudinem & similes comparantur eodem modo linimenta & vnguenta.

℞ Olei de spica, de lateribus, vulpini, lumbricorum, de castoreo, irini, laurini, rutacei, & similium, vnus vel plurius, ℥ vj. castorei, myrrhæ, styracis calamit. benjoini, ana ℥ iij. euphorbij, piperis longi, schœnant. ana ℥ j. terebinth. ℥ ij. ceræ flauæ aut propoleos q. s. Fiat vnguentum, quo inungantur partes affectæ ad ignem, & diu confricentur, addendo aquam vitæ, aut imperialem pro ditioribus. Ad mulcendum dolorem podagricum initio parant vnguentum ex medullâ cassiæ recenter extractâ, paucō butyro, croco, & vitello oui vnus.

Ad affectus etiam cutis & externarum partium, vnguentorum multiplex compositio

Formula Remed. Extern. Cap. VII. 149

positio fieri solet, ut ad scabiem, lepram, varios tumores, & ambusta; quorum aliquot formulae sunt describendae. Primum igitur ad scabiem unguentum enulatum cum mercurio & sine eo seruari solet in officinis, quod dissolutum succo limonum vel scabiosae aut lapathi acuti, addendo pomata 3 lb. sulphuris viui 3 ij. aptissimum erit ad incipientem & minus rebellem scabiem. Si velis alia habere;

℥ Sulphuris viui 3 lb. salis albi 3 iij. terebinth. aqua scabiosae & rosar. lotae 3 ij. butyri recentis & pomatae, ana 3 j. vitellos ouorum numer. ij. axungiae porci 3 iij. ceræ parum. Incorporentur & fiat unguentum. Si velis validissimum pro lepra.

℥ Succi fumar. lapath. acut. & chelidon. maior. ana 3 ij. olei rosacei lb. j. lb. Bulliant ad succi consumptionem, post adde litharg. 3 j. lb. cerussae lotae 3 j. tuthiae 3 lb. salis communis, sulphuris viui, ana 3 iij. hellebori vtriusque & sublimati, ana 3 lb. hydrargyr. succo limon. extincti 3 ij. olei de tartaro & de vitellis ouorum, ana 3 j. terebinth. 3 iv. Misceantur in mortario & diu agitentur. Fiat instar nutriti, quo inungatur post usum balnei supra à nobis commemorati.

Ad curationem tumorum non est quod varia huc unguentorum genera referamus, cum iam à nobis in unguentis officinalibus sint proposita, & quia nimium excresceret hæc nostra tractatio: Sufficit nunc proponere unguentum illud, quod ad cancroforum omnium tumorum repressionem & mitigationem valde commendatur.

℥ Succi solani, scabiosae, & plantag. ana 3 iv. omphacii & aquæ rosar. ana 3 lb. cerussae, tuthiae, & antimonij lotorum ac præparat. ana 3 ij. cineris cancror. fluuiaril. 3 j. Agitentur diu in mortario plumbeo, pistillo plumbeo, donec crassitiem acquirant & in unguenti consistentiam reducantur.

Ad ambustorum autem curationem unguentum de calce solent multi in officinis habere paratum, vel sic fiat.

℥ Calcis lotae cum aqua plantag. & rosar. 3 ij. olei rosar. lb. lb. mucilag. femin. psyllij & cydon. cum aqua solani extractæ 3 j. ceræ parum. Fiat linimentum, quo utendum post sublatas pustulas & inflammationem, ad quod nihil præstantius inueni, quam corticem sambuci contusum, cepe sub cineribus coctum, vel ipsam aquam ardentem sæpius affusam, quæ contentas in parte scintillas felicissime elicit. Superest ut pro capitis istius complemento aliquot unguentorum formulas proponamus, quibus luem veneream curare, aluum expurgare, & vermes in ventre morantes excludere solemus.

Ad luis itaque venereæ curationem Empirici nostri felicissimo admodum successu transtulerunt inunctiones ex hydrargyro, quas superior ætas ad lepræ, elephantiasis & malignæ scabiei curationem usurpauerat: His enim non solum deletur exterior sceditas, cutisque maculæ; sed etiam omnis interna impuritas per excitatum sudorem & oris fluxum vacuatur. Talis est vsitatio unguenti Neapolitani formula.

℥ Pinguedinis gallinæ & butyri recent. ana 3 j. olei chamæmel. lilio. & laurini; ana 3 iij. thuris, mastic. myrrhæ, ana 3 lb. styracis liquidæ 3 vj. terebinth. lotae in aqua vitæ 3 iv. pingued. porci lb. j. argenti viui 3 v. in cuius maiore, & minore dosi, multis modis pro corporum & morbi constitutione varianda, posita est unguenti efficacia; ceræ q. s. Fiat unguentum, quo illinantur extremitates corporis, partium internodia, & emunctoria, in hypocausto & loco calido, diu confricando, continuando per sex, septem aut plures dies, donec sputatio appareat, bis aut semel in die, purgato prius corpore, & instituto, si fieri possit, decocto guaiaci sudorifico per viginti dies. Quando magis exsiccare volunt, addunt lithargyrum, sulphur, sublimatum & similia. Vbi vero molliendum & laxandum, ut ad exostoses curandas, addunt bdellium, opopanacem & similia.

Solemus etiam ad purgationem ventris in morosioribus pueris, qui neque potiones, neque clysteres admittunt, ventrem circa umbilicum inungere unguento de arthanita dicto, cuius non parua est ad aluum ciendam efficacia: vel si mauis, ex felle porcino cum paucis puluere colocynthidos inungatur: aut etiam unguentum tale componatur.


℥ Rad. bryoniæ, & cucumer. agrest. ana 3 j. Decoquantur in oleo communi. Colentur & exprimantur. Post adde pulpæ colocynthid. & agarici trochiscat. ana 3 ij. femin. ebuli & scammonij, ana 3 j. hellebori nigri & antimonij, ana 3 j. ceræ q. s. Fiat unguentum pro inunctione umbilici sæpius iteranda, donec aluus prorite-

tur. Quod si vermes fugandi enecandique sint, talia esse poterunt in usu.

℥. Rasuræ cornu cerui, coralli rubri, corallinæ, ana 3 ij. semin. citri & portul. ana 3 j. β. rhabarb. puluer. 3 β. olei de absinthio, & myrtini, ana 3 ij. ceræ parum. Fiat linimentum, quo inungatur venter, si febris & fluxus ventris sint iuncta ver-
mibus. Vbi verò hæc non adsunt;

℥. Farinæ lupinor. 3 β. aloës, myrrhæ & semin. contra, ana 3 ij. olei amygdal. amaran. 3 iij. petrolei 3 β. Incorporentur cum pauco aceto & succo limon. vel cum terebint. & cerâ fiat vnguentum. Mulierculæ nostræ solam aloem dissolutam aceto vel succo limonum apponunt. Ego sæpissimè confect. hieræ picræ cum paucâ the-
riaca, & oleo de scorpion. dissolui præcipio, superiorique ventris parti ad vermes
versus inferiora profugandos inungi non paruo successu. Ad morpiones ex Fallopio
tale paratur linimentum.

℥. Pomum vnum aut plura sub cineribus cocta ad putrilaginem. Separetur pul-
pa, misceatur cum 3 j. hydrargyri, succo limon. aut saliuâ hominis, extincti, olei lum-
bricor. parum. Fiat linimentum, quo inungantur partes obsessæ. Atque hæc de lini-
mentis & vnguentis pro instituto nostro sufficiant.



C A P V T V I I I.

De cataplasmatibus, pultibus, sinapismis & vesicatoriis.



ATAPLASMATVM ac pulticularum natura siue consistentia suc-
cedit, ordine quodam medio inter vnguenta ac emplastra. Quæ
non solent in officinis parata seruari, vt illa; sed quotidie in rem
præsentem comparantur, & plerumque fortis subsequi solent, quo-
niam ex residentia eiusdem coctionis pistata & cribrata, additis-
que aliis rebus necessariis vt plurimū comparantur. Est autem illud
inter cataplasma & pultem discriminis, quod cataplasma ex pluribus rebus, vt dixi-
mus, fieri solet; pultes autem ex farinis, liquore quodam conueniente exceptis &
coctis, quæ ideo cataplasmatibus præmittendæ, quia simpliciores sunt illis, & sæpè eo-
rum compositionem ingrediuntur.

Pultes igitur exterius admouentur tum ad interiorum partium, tum exteriorum
affectuum curationem, quorum diuersitas ex variis facultatibus quæ in farinis in-
sunt, dependet: sic ad fluxum ventris componi potest pulticula ex farina oryza &
lentium, in succo plantaginis aut symphyti, addendo parum olei myrtini & aceti
rosacei, decocta. Ad vermes verò enecandos & derurbandos, ex farinâ lupino-
rum cocta aut subacta cum succo limonum, tanaceti vel matricariæ, addendo pa-
rum olei de absinthio. Quod eodem modo fiat in aliis affectibus. In externis
verò comparantur pultes, vt ad maturationem tumoris in abscessum degeneran-
tis, laudauit Galenus maximè, tetrapharmacum sub forma pultis, quod ex farinâ
triticeâ in aquâ communi & decocta, conficitur. Cui, si volueris, addes parum
axungie porci, butyri, vitellos ouorum, & parum salis, quando rumpenda est vo-
mica. Si mulcendus sit dolor, loco aquæ communis fiat leuis decoctio in lacte ca-
prillo aut vaccino. Si velis digerere, & resolvere, farina hordei, lentium & scænu-
græci in decocto resolvente supra descripto bulliat, addendo axungie gallinæ &
anatis, ana 3 j. olei chamæm. 3 ij. Fiat pulticula. Denique si fuerit propositum in-
cidere & attenuare potentius, eadem farinæ cum oxymelite decoquantur. Si verò
cupias ad deterfionem comparare pultem, farina fabarum cum hydromelite con-
ficiatur in prædictum modum sine oleis aut pinguedine, quæ deterfioni officere so-
lent suo lentore & crassitie. Atque hæc de pultibus.

Vt verò cataplasmatum descriptiones facilius intelligantur, reuocanda est in
memoriam forum synopsis à nobis priore huius secundæ partis capite proposita,
ex quorum residentia pistata & cribrata, additis farinis, pane, oleis, axungiis, me-
dullis, pulueribus & supilibus aliis varia cataplasmatum genera concinnari solent.
Nos aliquot formulas exempli gratiâ in medium adferemus. Primò igitur ad dolo-
ris sedationem purissima comparantur cataplasmata, tum ex verè anodynis; tum ex
refrigerantibus & stupefacientibus. Vt

Formulæ Remed. Extern. Cap. VIII. 151

℞ Rad. althææ & liliorum, ana ʒ ij. maluar. viol. branca vrsinæ, pariet. ana M. j. flor. chamæmel. melil. & fursuris, ana P. j. Fiat decoctio in lacte caprillo, aut iusculo pingui. Contundantur omnia & colentur per cribrum. Post misceantur cum prædicto lacte aut iure, addendo farinæ seminis lini & hordei, ana ʒ ij. axungia porci & butyri, ana ʒ j. olei chamæmel. ʒ iv. vitellos ouor. numer. ij. croci parum. Fiat cataplasma sæpius renouandum. Facilius autem comparatur sic.

℞ Medullæ panis albissimi lb j. Maceretur in lb ij. lactis caprilli, & teratur. Postea adde vitellos ouor. numer. iij. croci ʒ j. Leuiter coquantur. Fiat cataplasma vt supra. Ad dolores oculorum etiam sic instituuntur.

℞ Pomor. putrium aut decoctior. ʒ iij. Dissoluantur cum lacte muliebri, addendo parum croci. Fiat cataplasma absque vilo oleo, quod est inimicissimum oculis. Si dolor ita fuerit atrox, vt cogat nos vti narcoticis, potes admiscere superioribus cataplasmatibus opij puluerat. ʒ j. plus minus. Aut, si mauis, ex herbis ita fiat.

℞ Fol. solani, hyoscyami & plantag. ana M. j. flor. papauer. vtriusque, ana P. ij. semin. lini & malua, ana ʒ iij. Decoquantur, contundantur, & cribrentur. Deinde adde micæ panis albi in lacte infusi lb ss. olei nenuphar. & viol. ana ʒ ij. Fiat cataplasma ad prædictos vsus. Sic præscribentur cataplasmata emollientia, adstringentia, suppurantia, discutientia, & abstergentia, ad omne genus tumorum tam internarum quam externarum partium, quorum formulæ ex materia medica & paradigmatis iam præmissis satis percipi possunt; inter quæ lubet adhuc referre celebre illud cataplasma *de Arnoglossa*, quod Practici omnes nostri falso & magno errore inter emplastra annumerare solent, cuius talis est descriptio.

℞ Folior. arnoglossi seu plantag. maior. panis syncomisti, id est à fursure non purgati, & lentium, ana æquales partes. Decoquantur in aquâ. Postea pistentur & colentur, addendo, si velis, parum olei rosacei, ne tam pertinaciter parti adhæreat. Fiat cataplasma ad carbunculos vbique probatissimū: cuius loco laudat Auicenn. illud quod ex duobus granatis integris, dulci & acido, decoctis & contusis comparatur. Est etiam aliud cataplasma vulgatissimum ad fluxus ventris sistendos, quod *de crusta panis* nuncupatur, & Bartholomæo Montagnanæ adscribitur.

℞ Crustæ panis ʒ ij. Comburatur supra carbones ardentes, extingatur ac maceretur aceto: deinde adde mastiches, menthæ, spodij, coralli rubri, santali albi & rubri, ana ʒ j. farinæ hordei ʒ ss. olei mastic. & cydon. ana ʒ j. Fiat cataplasma ad vsus supra dictos idoneum. Reliqua ex variis therapeuticorum libris reperantur.

Quia verò phœnigorum, sinapismorum & vesicatoriorum formulæ sub cataplasmatibus consistentia fere præscribi solent, & magni sunt in Medicina vsus, ad calfaciendas partes, euocandos & dissipandos humores, auferendas maculas & similia, ideo aliquot etiam illorum descriptiones proponamus. Sinapismus itaque veterum, vt apud Aëtium videre est, ex caricis seu ficubus siccis & semine sinapi cōponebatur. Caricæ in aquâ tepidâ diu macerabantur; semen sinapi eodem modo conterebatur, affundendo parum decocti prædictarum caricarum: deinde quando valentissimum phœnignum conficere volebant, duas partes sinapi contusi cum vna caricarum permiscebant: si mediocri, pares vtriusque portiones: si infirmum, duas portiones ficuum cum vna sinapi conficiebant, & parti propositæ admoueabant. Hodie ex quibusuis calfacientibus in quarto gradu paratur. Vt

℞ Stercoris caprilli & columbini, ana ʒ ss. sulphur. viui, piperis & semini viticis, ana ʒ ij. euphorbij ʒ ss. Excipiantur axungia porci, & simul misceantur. Vsitatissimum est vesicatorium sequens.

℞ Fermenti acrioris lb ss. semini sinap. piper. longi, & pyrethri, ana ʒ ss. cantharid. præparat. & puluer. ʒ iij. Conficiantur cum oxymelite aut aquâ vitæ instar cataplasmatibus, quod applicetur parti, & tamdiu sinatur donec vesiculæ sint excitæ: tunc remoueat, & dissectis pustulis applicentur folia caulium aut hederæ. Et sinantur diu fluere. Vsitatum est etiam hodie emplastrum vesicatorium, quod ad dentium dolorem sub pinna aurium inferiorum applicari solet. Denique variis modis hæc medicamenta concinnari possunt. Nobis autem satis sit hæc proposuisse in studiorum commoda.



CAPVT IX. & vltimum.

De ceratis & emplastris.

ERATA & emplastra solidissimæ sunt externorum remediorum formulæ; distinguuntur tamen, quòd emplastrum multò sit solidius cerato; quemadmodum de linimentis & vnguentis dicebamus; ita vt ceratum nihil sit aliud quàm emplastrum mollius, vel ita primò comparatum, vel in rem præsentem ex emplastro vno vel pluribus ad institutum facientibus, conueniente oleo malaxatis & emollitis confectum. Seruantur autem ceratorum & emplastrorum in officinis varia genera, tum vt statim sint parata: non enim quouis tempore aut loco, nec non sine diuturnâ morâ comparari possunt: tum vt temporis tractu fermententur, & quæcunque in eis continentur, melius permisceri possint. Est enim horum varia materia ex animalibus, plantis, mineralibus, infusionibus, decoctis, mucilaginibus & aliis, quæ in sequentibus facillè videbuntur; si prius recensuerimus cerata illa & emplastra vulgatiore, quæ in officinis habentur, eorumque vsus & facultates annotauerimus.

Quod igitur ad cerata officinalia attinet, tria vulgò haberi solent, ceratum scilicet album Galeni, & ceratum santalinum, refrigerantia: ceratum verò stomachicum, calfaciens & roborans. Emplastrorum autem numerosior est cohors in pharmacopolio, quorum hæc sunt vltatiora: emplastrum de cerussa, de minio Ioannis de Vigo, & diaphœnicum, ad refrigerandum. Emplastrum verò de baccis lauri, de meliloto, emplastrum pro stomacho, & de sulphure, ad calfaciendum. Sic etiam ad adstringendum, repellendum & roborandum habentur emplastrum de pelle arietina, de mastiche, contra rupturam, & pro matrice: Ad emolliendum verò, suppurandum & resoluendum, emplastrum diachylon commune, diachylon magnum, diachylon ireatum, diachylon eum gummis, de mucilaginibus, filij Zachariæ, triapharmacum, ceroneum & oxycroceum. Ad abstergendum autem & glutinandum emplastrum de ianuâ siue de betonicâ, quod potissimum vulneribus capitis est accommodatum; emplastrum gratia Dei dictum, & diuinum. Ad cicatricem verò inducendam omnia adstringentia dicta, & præcipuè emplastrum diachalciteos seu diapalma. Denique ad tumores ex lue venereâ contractos habentur efficacissimum emplastrum de Vigo siue de Raniis, quod multi, loco prædictæ inunctionis, præcipuis corporis partibus, potissimum dolentibus, admouent, post excitatum & detersum sudorem. Hæc sunt igitur emplastra officinalia ad varios vsus, ex quibus oleo quodam malaxatis, vt iam diximus, sunt molliora cerata, quæ partem minus opprimunt & grauant. Solent etiam recentiores ex eisdem emplastris liquatis, vel aliis eodem modo comparatis certam remedij formulam componere, quam sparadrapum seu telam Gualteri vulgò vocant. Immergitur enim in prædicta emplastra liquata pannus lineus aut laneus detritus, donec magnam illius copiam ebiberit, læuigatur conuenienter & parti aptatur melius quam emplastrum, diutius etiam conseruatur.

Supereft igitur vt emplastrorum aliquot descriptiones subnectamus, quibus eorum conficiendi modus innotescat: vt ad molliendas, soluendasque veteres obstructions & scirrhus.

℞ Rad. maluæ & cucumer. agrest. ana ℥ iij. fol. chamæpit. scolopend. & capill. veneris, ana M. ℞. Decoquantur in æquis partibus olei antiquioris & vini albi. In parte huius decocti coquatur lithargyri ℥ iv. deinde dissolue picis, colophonis, pingued. porci, ana ℥ ij. galbani, ammoniaci, opopanax aceto scillitico dissolutorum, ana ℥ ℞. myrrhæ & iridis, ana ℥ ℞. terebint. & ceræ q. s. Fiat emplastrum secundum artem. Reducatur in magdalea, & seruetur vsui. Sic ad compescendum vomitum, fluxum ventris, aut alium quemuis immodicum.

℞ Miux cydon. & mucilaginis gummi tragac. cum aceto & aquâ plantag. extractæ, ana ℥ ij. corticis mali granati, gallarum, balaustiorum, aluminis, ana ℥ ℞. acaciæ, sanguinis dracon. myrtillor. corticis myrobal. chebul. boli armeni, ana ℥ ij. nucis moschatæ & cinamomi crassioris, ana ℥ ℞. ceræ q. s. Fiat emplastrum. Duo
commendan

commendantur à Galeno & Argenterio vnguenta, quæ barbarâ dicuntur, ad omnia recentia vulnera, morsus & cætera inflammata. Mihi placet talis descriptio.

℥ Lithargyri & cerussæ, ana ℥ ij. thuris, aloës, myrrhæ, ana ℥ j. viridis æris & aluminis, ana ℥ β. opopanacis & galbani, ana ℥ vj. picis naualis, ceræ, resinæ pini & bituminis, ana lb β. olei hypericon. ℥ iv. opij ℥ ij. terebint. & ceræ q.s. Fiat emplastrum secundum artem. Eodem modo proponit Galenus emplastrum ex dictamno ad quemlibet ictum vel morsum virulentum, extrahenda tela, nervorum præcisiones, & corrigenda maligna vlcera. Vt etiam alia multa emplastrorum genera ubique habentur, & componi possunt, necessarium non est hic accuratius percurrere. Si quis autem cupiat cõficiendi emplastrâ modum exacte tenere, consulat pharmacopœorum libros & potissimum officinas, in quibus facilius multo percipiet, quomodo tam varia rerum genera, tam apposite in hanc formam & veluti nouum corpus concinnentur, quam ex vllis præceptis aut librorum lectione. Nobis autem iam est receptui canendum, & finis huic tractationi remediorum externorum imponendus, vt ad particularium morborum curationem, his præmissis vniuersalibus, indicationum scilicet tractatione, remediis internis & externis methodicè progrediamur.



IOANNIS



IOANNIS VARANDÆI, TRACTATUS THERAPEVTICVS, DE AFFECTIBVS VENTRICVLI & intestinorum.

TRÆFATIO ET OPERIS DIVISIO.



EXORDIMVR tractationem nostram medicam therapeuticam ab affectibus partium Ventris inferioris, Naturæ ordinem sequentes & necessitatis: Natura enim generationi animantium & conseruationi intenta, coctiones præcipuas & primarias in abdominis officina instituit, quæ deinceps materiam idoneam totius corporis nutritioni suppeditent: unde excrementa etiam varia necessario assurgunt, & in hisce partibus stabulantur; aut ab his ad alias amandantur, quæ sunt frequentissima morborum, causarumque morbificarum exordia. In hoc demique inferiore ventre, aut per hunc omnes fere humorum naturæ limites egressorum alterationes, præparationes, concoctiones, & expurgationes celebrantur, unde necessitatis ratio manifestè apparet. Cum igitur auspicanda sit nostra tractatio ab affectibus partium Ventris inferioris: Illæ verò, contentæ scilicet & interiores (nam de continentibus seu externis non est propositum nunc agere) in tres veluti classes sint distinctæ, nos etiam totidem tractationibus peculiare illarum affectus & curationes explicabimus. In primâ enim agemus de morbis partium ad primam coctionem facientium, Ventriculi scilicet & intestinorum. In secundâ earum quæ ad secundam coctionem pertinent, hepatis nimirum, lienis, renum, & vesicæ. In tertiâ denique de morbis qui accidunt membris generationis virorum: quoniam affectus mulierum peculiari tractatu olim persequuti sumus. Sub his autem intelligere oportet morbos œsophagi, venæ portæ, & causæ vesiculæ, felleæ, pancreatis, & totius mesenterij, vterum & similibus ibidem contentarum particularum, quarum affectus vix habent sensibiles notas, quibus distinguantur à reliquis, nec dissimilem à commemoratis therapeiam.

Κοιλίαν itaque seu γαστέρα apud Hippocr. & Galen. multa significare certum est, ut apud Latinos, ventrem. Aliquando enim tam late patet κοιλίας significatio apud Hippocr. quasi ἀπὸ τῆς κοίτης, ut apud nos cavitatis, quæcunque illa sit & ubicunque reperitur, ut in ipsis musculorum interstitiis. Aliàs contrahitur ad duas insignes corporis nostri capacitates, thoracem, scilicet & abdomē, additâ distinctione τῆς ἀνω κοιλίας & τῆς κάτω κοιλίας. Aliàs solum ventrem inferiorem, totam scilicet aluum designat, & metonymicōs pro illius recremento usurpatur, quarto epidēm. ἔρσις & κοιλία μετρίως ἀχρόως, urina & aluius modice erant decoloratæ. Denique per ventrem seu ventriculum vulgò primariam illam corporis nostri cavitatem & chyloseos officinam intelligimus, cuius etiam functiones apud Hippocr. lib. de humoribus, eleganti cum terrâ comparatione declarantur.

Huius itaque κοιλίας siue Ventriculi (cuius substantia, temperies, figura, situs, compositio, & connexus omnibus ex anatome notissima sunt) duæ sunt præcipuæ partes, superior quam stomachum vocant, & inferior quæ fundum appellatur. Quamvis enim

stomachus

stomachus apud Græcos & Latinos multa significet, ut apud Plinium libro vñdecimo, cap. trigesimo septimo; & Ciceronem libro octauo de naturâ deorum, œsophagi principium ad fauces positum circa pharyngem; apud Celsum lib. 4. cap. 1. ventriculi inferiorem partem, ubi est pylorus, quando stomachum intestinorum principium facit: apud Hipp. denotat cuiusvis partis cavitatem habentis, ut uteri vel vesicæ orificium: tamen κατὰ τὸ συνθεῖς, ex recepto more, ut ait Gal. 4. de causis pulsuum, dicitur superior illa pars ventriculi œsophago desinenti proxima, in qua fibræ multæ circulares, & neruorum sextæ coniugationis contextus osculum illud coarctantes cernuntur.

Quæ ideo fuere præmissa, ut deinceps ventriculi affectus explicandos commodius perquirere possimus ex consueta nobis methodo, quæ procedit per symptomatum, unicuique parti accidentium, artificiosam collectionem. Certum enim est ventriculum chyloleos officinâ, & primarium alimenti quasi promptuariam, illud prius appetere, non solum naturali impetu & ὁρεξι, ut vocant; sed etiam animali, per modum sensus tactus, ad totius corporis commodum illi à naturâ indito: deinde alimentum ita appetitum & attractum retinere ut concoquat; concoctum verò propellere in intestina reserato inferiori orificio, ut sit obiectum conueniens & futura secunda concoctionis materia. Has igitur actiones, ubi ventriculus à naturali constitutione recesserit, perueriti, labefactarique necesse est: ita ut non fiant, vel imminutè tantum aut deprauatè.

Appetentia itaque animalis, quæ duplex est, ad cibum scilicet & potum, atque in ventriculi stomacho sedem suam collocauit, prosternitur omnino, aut imminuitur per ἀνορεξίαν & ἀποστρίαν: deprauatur per picas & malacias, caninas appetentias, βελίους & sitim immodicam. Concoctrix autem aboletur, imminuitur, deprauatur per apepsias, dyspepsias, βραδυπεψίας, ructus nidorosos, flatusque ibidem genitos. Retentrix denique & expultrix male se habent per singultus, nauseas, vomitus, choleras, & lenterias. Atque etiam, cum ventriculi corpus, neruosa potissimum, membranosaque substantiâ sit peditum, sit ut sæpissime acerrimis torqueatur doloribus, quorum eos qui stomachum magis afficiunt, cardiogmos & cardialgias vocarunt veteres: qui verò cavitatem ipsam, περιωδυνίαν dicuntur.

Atque hæc sunt omnia symptomata quibus exerceri potest ventriculus, quorum nos explicandorum curandorumque prouinciam ita suscipiemus, ut à communissimo omnium molestissimoque symptomate, dolore scilicet, exordium sumentes, deinceps ad appetentia vitia, post ad coctionem violatam, demum ad retentricis, expultricisque lesiones accedamus. Sub quorum symptomatum explicationem ita omnium morborum, à quibus illa fiunt, causarumque naturam & differentias renocabimus, ut nihil defuturum speremus, quod ad perfectam omnium affectuum huic parti contingentium, therapeiam pertinebit.

TRACTATUS THERAPEVTICVS DE AFFECTIBVS VENTRICVLI.

CAPVT PRIMVM.

De Cardiogmo , Cardialgia seu Cardiaca passioe, & ventriculi περιωδυνία.



VFVS author antiquissimus lib. I. cap. II. τὸ σῶμα τῆς καρδίας ventriculi os vult προκαρδίεν, quasi dicas, antecordium, & καρδίαν appellari, doloresque ibi orientes καρδιαλγίας ἢ καρδιωγμὸς, quod Galenus innumeris propemodum locis, sed potissimum 2. de decretis Hipp. & Platon. collectis etiam ex Homero, Nicandro, & Thucydide exemplis confirmavit. Idem voluit Aurelianus, Aëtius, & Aretæus, qui morbum hunc viris eruditis familiarem esse annotavit, ob immensas lucubraciones & vigilias, exquisitioremque sensum quò solent esse præditi. Quod ad Hippocratem spectat, eadem ratione hunc affectum variis donavit nominibus, vt in prorrhēt. καρδίας πόνον: in Coacis καρδίας ἀλγεια: in prognosticis καρδιωγμὸν: in epid. καρδιάσσην dixit de muliere quadam, quæ ex dolore oris ventriculi in febre cruciabatur, & passim καρδιαλγικὸς vocat eos qui huic affectui sunt obnoxij. Mirus tamen est apud illum contextus lib. 4. de morbis. Ὡς, inquit, copiosior est bilis dolet hepar. ὅπερ οἱ παῖδες καρδίην καλέουσι, & paulò post: in folliculo fellis locus est maximè familiaris bili, secundum naturam, & ob id in illo γίνεται νῆσος ἢ καρδιωγμὸν οἱ ἄνθρωποι καλέουσι. Ex quibus verbis diceres Hippocratem nominis istius rationem aliò transferre, & affectum hunc hepati aut vesiculæ fellæ potius quam ventriculo adscribere. Verum, si mentem Hippocratis paulò attentius explorare lubeat, videbis illum eo loci, potius designare partem quæ morbi causam continet, quàm propriam istius affectus sedem; vt ex sequentibus verbis luculenter apparet: Collecta igitur, addit, veteri bile in hoc folliculo, transit ob multitudinem in ventriculum, & dolores illi ac tormina infert. Vnde colligere licet, tria hæc nomina maioris tantum, minorisque ratione distincta esse; ita vt quiuis dolor sensum afficiens orificij istius, generaliter καρδιαλγία dicatur; qui si paulò atrocior sit cum puncturâ, morsu, & anxietate καρδιωγμὸς: si verò coniuncta sit syncope aut lipothymia καρδιακὸν πάθος, Practicis nostris cardiaca passio appelletur.

Quod ad essentiam autem illius attinet, dicimus esse symptoma, deprauati in orificio ventriculi sensus tactus, ab eis quæ intemperiem subitam aut solutionem continui inferre valent, cum imbecillitate, morsu, iactatione, & aliquando syncope vel lipothymia. Dicitur esse symptoma, quia morbum immediatè sequitur, estque species actionis læsæ, quia dolor fit ab obiectis impropportionatis violantibus & deprauantibus ipsū sensorium, introducta intemperie, & vnitate partium dissoluta, in quibus præcipuum est vitæ nostræ fundamentum.

Varia autem sunt obiecta dolorifica, à quibus sensus iste deprauatus in stomacho producit. Vigilæ quidem, ieiunium, mœror, ira, & similes causæ externæ, aliquando in valde dispositis cardialgiam excitare possunt; vt etiam aëris frigidioris inspiratus, qualem experiuntur illi, qui per Alpinas niues iter faciunt: potus aquæ gelidæ, adstringendo nimium os ventriculi: vel æstus ingens, confertim dissoluendo & exsiccando. Verum nos inquirimus hic non leues illas & fugaces dispositiones, quæ nihil habent facti, remotisque causis suis procatacticis citò euanescent: sed eas quæ iam firmiores sunt, & propter causarum vehementiam aut diuturniorem actionem, habitum quendam ad morbi generationem necessarium contraxerunt. Dicamus igitur externa omnia, quæ propriâ suâ vi ventriculi membranas diffecare, exasperare, aut exulcerare possunt, vel humorum corruptelam ibi facere, vel aliunde excremen-

De affectibus ventriculi, &c. Cap. I. 157

excrementa deducere, esse aptissima ad affectum hunc generandum. Qualia sunt superius commemorata, si diutius vires suas in partem istam exerceant, aut internas causas commoveant, ut aer venenatus & pestilens: gladiatorum ictus & vulnera eò penetrantia, deuorata spina, aut ossiculum, puluis ex vitro aut adamante confectus: assumpta seprica aut caustica, ut arsenicum, sublimatum, cantharides, euphorbium, & cætera venena: medicamentaue deleteria, aut male electa vel præparata, ut colocynthis malè trita: Item cibi putres & corrupti, ut ex fungis, tuberibus, vitiato tritico, & similibus, quæ aduersantur nobis qualitatibus suis manifestis vel occultis.

Interna eodem modo id præstant, quæcunque rodendo vellicandoque membrum istud exquisiti sensus percellunt, ut lumbrici superiora quandoque inuadentes & stomachum lancinantes: vnde Hippocr. in *Conciliis* à cardialgia cum ventris torminibus, prorumpunt sursum feræ. i. lumbrici per os reiciuntur: item distendendo, diuellendoque, ut flatuum copia, in spatio illo, aut intra ipsas ventriculi tunicas collecta: mordicando autem & exulcerando, ut tetri, virulenti, ac venenati vapores aut succi, quorum generationem in nobis ab vstione aut putrilagine admittit Gal. lib. 5. de locis affectis. Sic atra bilis, pituita putris aut falsa, corrupti ichores sanguinis ex retentis menstruis aut hæmorrhoidibus, bilis æruginosa, pus amurcosum & foetidum ex disrumpâ hepatis aut thoracis vomica in ventriculi cavitatem effusum. Denique quiuvis humor calidior & acrior ibi collectus aut aliunde effusus, ut falsus vel acidus catarrhus, bilis ex feruidiore hepate aut vesicula defluens & regurgitans, hunc affectum cardialgicum inducere possunt. Qui humores aliquando sunt vagi & dispersi, aliquando fixi & in tumorem præter naturam systrophicè collecti, ut in phlegmonosis aut erysipelatosis constitutionibus, quæ ventriculi substantiam occupantes, magnos inferunt cruciatus inflammando & diuellendo.

Itaque quatuor potissimum agnoscimus causas quasi continentes istius καρδιαγίας, nempe lumbricos, flatus, exulcerationes & humorum vitia, siue sint vagi, seu collecti in tumores præter naturam, inflammationis participes. Quorum omnium rursus suæ sunt causæ variæ & multiplices, ex censu rerum naturalium, non naturalium & præter naturam reperendæ.

Signa ergo deinceps diagnostica sedis affectæ, affectus & causarum breuiter enumeremus. Partem autem in hoc affectu præcipuè affectam esse dicebamus ventriculi orificium, quod indicabunt situs doloris sub mucronatâ cartilagine & versus duodecimam dorsi vertebram positus. Quamuis enim velint Anatomici superius ventriculi orificium magis in sinistram partem propendere, & spinæ quam thoraci propinquiorem esse: attamen propter nervos illos supradietos & ipsius cæphagi continuitatē, & diaphragmatis supra xiphoidem positi viciniam, fit ut dolori sistius perceptio potius ibi contingat, quam in sinistro latere. Adde quod materia efficiens cardialgiam, ut plurimum à fundo quod huic cartilagini suppositum est, commouetur, priusquam in orificium irrumpat. Doloris etiam proprietas idem ostendit, qui pungens & vellicans existit, qualis contingere solet corporibus nervosis & membranosis. Excreta idem declarabunt & excernendi modus, si verbi gratia post sensum punctionis aut rosionis excitetur vomitio putris cuiusdam aut virulentæ materiæ: vel lumbricus aliquis sursum ad os vsque erumpat: si flatus aut ructus quidam excludatur, qui dolorem istum mitiget: aut certè ista per aluum excernantur, prius inuadente cardiogmo. Propria verò sunt quædam accidentia, quibus affectam esse hanc partem deprehenditur, ut angor seu anxietas cum sensibili morfu, atque etiam aliquando tremore & palpitatione ventriculi, iactatio frequens, etiam in lecto & extra lectum, dum non possunt aliquam sustinere corporis figuram sine molestiâ: quâ diutius perseverante exoritur sudor quidam vi doloris expressus, tandemque syncope vel lipothymia, rapto in consensum corde: cuius summa est cum ventriculo sympathia, non ob viciniam, generis vel operis societatem: ut quidam dixerunt; sed materiæ spirituosæ quamdam priuationem, quæ per istos dolores maximè dissipatur cum ipso calore influente. In aliis per istas cardialgias (id in meipso expertus sum) cerebrum ob vasorum communio- nem & rectitudinem vaporum qui inde eleuantur, magis compatitur, vnde καρδιαγίας, cephalalgicos aut hemicranicos simul dolores patiuntur, vel etiam aliquando vertigines, & epilepsias, ut sæpè obseruauimus.

Verum quemadmodum huic parti reliquæ compatiuntur, sic etiam illius idæ-

παθείας à sympathia secernere oportet : nam sæpè fieri potest , vt inflammatum iecur , musculi epigastrij , aut colon intestinum , lien saburrâ humoris maligni refertus , & similes mesenterij partes rapiant orificium ventriculi in consensum ; quod erit diligenter explorandum , ne frustrâ laboremus circa ventriculi curationem ; quando tota ab alio affectu primario pendet. Id autem innotescit ex signis aliarum partium patientium ; quæ v. g. cardiogmon huic præcesserunt , & cum quibus augetur vel minuitur , prout primarij isti affectus intenduntur aut remittuntur.

Atque ex his pars affecta deprehenditur : quis verò sit in illâ affectus , & quæ causæ illum excitarunt , oportet explorare. Nos enim prius quatuor proximas & præcipuas agnoscebamus , lumbricos scilicet , flatus , vlcerationes & humores inflammantes aut tumorem facientes. Quod ad lumbricorum signa & causas attinet , illa ex proprio suo loco & tractatione repetenda : Addidit tamen *τεκμήριον* huius affectus Hippocrates citato prius Coacarum prænotionum libro *σπόφας* .i. ventris tormina & cruciatus, quos statim consequitur *καρδιαγμός* ; illisque cessantibus sedatur , aut lumbricis prorumpentibus sursum vel deorsum.

Eadem ratione signa distendentis vel diuellentis flatus erunt repetenda ex destinato huic rei capite , vel colicæ tractatu : magna tamen erit coniectura cardialgiam à flatu concitari , quando ægri non tam humoris alicuius expulsiōe , quam mictu frequenti leuantur, quem rugitus insignes & borborygmi præcesserunt.

Exulceratio autem agnoscitur inducta à rebus externis , vt causticis , septicis & similibus deleteriis assumptis , per propriam ægri aut adstantium relationem : item ex subitâ & vehementi actione illorum quæ insignem erosionem breui & nullâ aliâ dispositione morbosâ præcedente inducere valent : tum etiam ex propriis cuiusque rei venenatæ signis, quæ apud Dioscoridem & alios habentur. Quod si ab internâ causâ , vt acribus & erodentibus succis pendeat ista *έλκωσις* , tardius multò producitur : sub cuius generationem sentitur perpetuus & quasi formicans morsus , qui sensim augetur , & vires acquirit eundo : excernit sæpè per vomitum , huius materiæ portiunculam cum maximo leuamine : tandem progressu temporis aucta *διαβρώσει* excludunt etiam pelliculas aut crustulas ex substantiâ ipsius ventriculi derasas , necnon aliquando sanguinis nigricantis guttas aliquot , ob tenuitatem paucitatemque venarum , quæ internæ ventriculi tunicæ ex venâ portæ implantantur. Quoties autem aliquid acre , acidum aut salsum sumunt, exasperatur dolor & maior sentitur illa erosio.

Signa denique quæ phlogosim & mordicationem sine tumore præter naturam aut vlcere , attestantur , à solis humoribus in ventriculum confluentibus , aut ibidem congestis , desumuntur à causis generantibus illos , vel effectis consequentibus. Temperamentum verbi gratia biliosum aut *συνεδυκώδες* , hepatis & viscerum *κακοπραγία* , ætas puerilis ob voracitatem , iuuenilis ob feruorem , illorum generationi maximè fauent. Quod si æger in regione calidâ humidâque , aëre feruente aut austrino, vel regnante pestilenti & contagiosâ labe manserit. Item alimentis calidioribus , corruptis , aut putredini obnoxiiis fuerit vsus, idque copiosius & intempestiuè : vel etiam ieiunio , laboribus immensis , vigiliis & lucubrationibus , curis, moerore & irâ se se exercitauerit : consuetâ quædam & naturalis vacuatio , vt vomitus biliosi , menstruorum aut hæmorrhoidum suppressa sit : solita *κάθαρσις* per medicamenta purgantia iam dudum neglecta fuerit. Hæc omnia superioribus maximam fidem facient. Quemadmodum si res quædam præter naturam notissimæ antecefferint , aut affectum istum quasi comitentur , vt salioris catarrhi ad inferiora prolapsus , vomica grandioris in thorace aut iecinore ruptio , ex quâ effusum sit pus in ventrem , nec satis commodè expurgatum, febrium malè curatarum diuturnitas , hepatis , mesenterij, vteri , aut aliarum inflammationes , vel obstructions , quæ retentos humores corruerint. Hæc omnia ostendunt generationem causarum istarum humoralium , quæ in ventriculum effusæ aut ibi productæ vellicationem & molestiam eiusmodi inferunt. Quibusdam magis ante cibum , quia ieiunij tempore maligni humores agitantur & in ventriculum attrahuntur , aut magis incenduntur. Quibusdam verò statim post assumpta alimenta , quia humores qui stabulantur quieti in ventriculi fundo , permixtione illorum commouentur & sursum attolluntur. Quibusdam etiam per quatuor aut quinque horas post pastum , circa finem scilicet coctionis vitiosæ quæ alimenta corrumpit , potius quam perficit. Quibusdam denique dolor iste magis exacer-

batur,

batur, quod est valdè mirum, postquam somno indulserint, vel quia somnus retinet omnem vacuationem, & sic eo pacto natura commouetur ad res molestas excernendas, vel quia humor quidam catarrhosus ex cerebro tunc in ventriculum delabitur.

Vbi verò feruentior biliosusque sanguis in propria spatia & poros partis istius membranosa effusus fuerit, ibique in phlegmonosum aut erysipelatosum tumorem collectus, tunc ingens in ventriculo qua thoraci & diaphragmati obtenditur, æstusatio sentitur: febris assidua furit, quam veteres leipyriam propriè appellauerunt; quod extremis algentibus & quasi relictis, interiora vrantur: inquietudo & iactatio ingens, vitæ desperatio, crebra syncope & sudor frigidus, miliaris & glutinosus, quem diaphoreticum vocant: palpitatio ingens cordis: odor corporis malus, ob tetros vapores qui inde eleuantur; pulsus densi & obscuri, ob suffocationem caloris innati. Distingues igitur veram phlegmonem ventriculi à simplici inflammatione & aliis affectibus, duplici potissimum nomine: Primò quia in phlegmone & tumore præter naturam, adest ventriculi quædam eleuatio, meteorismus & tensio ad tactum perceptibilis, cum admotam manum vix sustinere queant. Secundò quod in eiusmodi tumore omnis fere vomitio & alui excretio suppressa est, quæ sparsis & diffluentibus per ventriculi loca humoribus familiaris existit. Quod si aliquando febris continuæ aut intermittenti iam inchoatæ cardiogmos superueniat, absque vlla prædictæ partis eleuatione aut tensione dolorificâ, tunc censenda est illa καρδιαγία pendere potius à simplici influxu vaporum aut humorum acrium, velut symptoma febris illius; quam febrem ipsam esse symptomaticam, vt contingit in vera phlegmone. Atque hæc de diagnosi.

Iam igitur à cognitione peculiari partis affectæ, causarum, & affectus, πρόγνωσις est instituenda. Partis enim istius ad vitam necessitas, & summus cum membris principalibus consensus, corde scilicet, hepate, & cerebro: exquisitissimus illius sensus, substantia membranosa, & cætera naturalia vi dispositionis morbificæ immutata, nihil nisi sinistrum portendere possunt. Affectus igitur species & causarum magnitudo certius ostendent quid in illo sit sperandum.

Nam cardialgia à lumbricis & flatu videtur solutu facilior, quia causam minus rebellem, minusque parti affixam habet; quamuis plerique infirmiore aut delicatior stomacho ex lumbricorum morfu repente extincti sunt. In pueris certè grauissima obseruamus exoriri symptomata, quoties istæ partes impetuntur à vermibus. Sic vbi intemperies illa flatus generans est rebellis, confirmata & quasi hectica, in lethalem hydropem tympanitem dictum desinere solet, ex Aphor. I. 1. sect. 4. tum per μετάστροφιν, deriuata scilicet illa materia in abdominis cauum: per ἐμύνησιν, propagata illa intemperie & intestinis communicata. Cardialgia verò ab humoribus calidioribus putribus, & mordacibus tantum, nondum verò exulcerantibus est quidem valdè molesta & sæpius recurrens, non tamen æque periculosa atque genito vlcere: Tunc enim desperata est quasi sanatio, tum ob continuam afflictionem qua miserè diuexantur isti ægrotantes; tum quod in parte spermatica & membranosa vix reparabilis sit substantiæ deperditio, vt docet Gal. longius tamen in his producitur vita, quam iis qui cardialgiâ torquentur ab ingenti phlegmone ventriculi, quoniam viscerum omnium interiorum systrophicæ inflammationes, ob malignam putrilaginem & febris vehementiam sæpius enecare solent.

Meliùs tamen id coniicies ex comparatione virium ægri cum morbo; si enim magna iam naturalis œconomia deprauatio extiterit, facultatum vitalium & animalium prostratio, mortem pro foribus adesse, certum est, quando potissimum in vrinis, fecibus, aut vomitione insignia cruditatis vel malignitatis humorum indicia apparent. Scitum est denique illud Hippocratis in Coacis: Cardialgia seniori cerebro reuertens, mortem repentinam portendit, quod de cardialgiâ humoralis est intelligendum, nam Aphor. 65. sectionis quartæ. In febribus circa ventriculum ingens æstus & cardiogmos malum, nempe præsens & certum mortis periculum minatur.

Curatio cardialgias ex humorum vitio. Nunc autem vt ad therapeiam propositi affectus veniamus, quoniam cardialgia à lumbricis & flatu, non aliam recipit medendi rationem, quam quæ propriis suis tractatibus deinceps tradetur: Ideo his prætermisissis, agemus primò de cardialgias curatione quæ pender ab humorum excessu & vitio: secundò de curatione illius quæ fit à phlegmonosa constitutione

stomachi : tertio de eâ quæ pendet ab exulceratione eiusdem partis , quia potest sequi tum acrimoniam & mordicationem dictorum humorum, tum etiam phlegmonosi affectus in abscessum degenerantis *μετάσσειν*. Ut igitur à cardialgiâ incipiamus quæ proficiscitur ab humorum vitio , quoniam illa fieri potest à causis externis materiam suppeditantibus, vel generationem illorum promouentibus ; ideo à diætâ incipiendum esse videtur, quæ omnes istas causas moderetur , & ad rectam medendi rationem reuocet.

Imprimis igitur aer in hac affectus specie eligendus , vel arte comparandus, qui sit purissimus naturâ , aut nullis saltem inquinamentis infectus , substantiæ mediocris, aut paulò crassioris , ne nimia tenuitate vires dissipet & qualitate frigidiusculus & leniter perflatus , vt humorum acrimoniam obtundat , putredinososque vapores reprimat. Hunc consequemur in loco domus demissiori & sublustri , patente quodam spiraculo ad Boream vel Zephyrum , vel irrorato pavimento , si æstus quodammodo vigeat , aceto ; aquâ rosaceâ & nymphææ , aut constrato foliis vitis , salicis , myrti , cannarum viridium & similibus , quæ vbi exaruerint , remouenda sunt & frequenter renouanda. Idem præstari potest odoramentis circa ægrum collocatis ex aquâ rosaceâ , arantiorum , & myrti , cum tantillo vini albi , & fantalorum puluere, quia odorata maxime reficiunt ventriculum, vt patet ex fortidis , quæ statim vomendi appetitum inducunt. Prosumt præterea fructus odorati , vt poma , cydonia mala , pruna , persica , & reliqua pro variis anni tempestatibus in cubiculo circumposita.

Excretiones ritè procurentur , alui , vesicæ , cerebri ; abstineat tamen à venere , propter nimiam quæ ex eâ contingere solet resolutionem. Eodem modo labores omnes , motus & exercitationes violentas fugiat , ne magis agitentur humores , & exasperentur. Quietem ergo magis indulgeat ; somnus etiam sit moderatus in lecto molliore & bene mundis linteolis , contexto leuissimis stragulis : Ac si post prandium aliquando obrepat , vt sit dum nox fuit insomnis , concedendus erit , roborandi infirmioris ventriculi causâ & compescendæ vomitionis , quæ hic solet esse molestissima. Vitet curas , mœrorem , & iracundiam , quæ solæ & per se affectum hunc sæpius concitant. Gaudeat verò dulcissimis amicorum colloquiis & præsentia , relegatâ aliorum turbâ & adstantium multitudine.

In præscribendis etiam alimentis conuenientibus minore curâ erit laborandum , vtpote quæ remedij optimi & familiarissimi vicem obtinent ; quamuis enim viribus conseruandis primariò sint dicatæ , sit tamen in præternaturali statu , vt contrariis alimentorum qualitatibus morbo resistere liceat , & in cibo medicinam reperire. Cum igitur hic conseruandum sit & curandum , certum est in hac ventriculi cacoehymia & impuritate , cibos euchymos esse eligendos , *ευχέτους* seu facilis coctionis , ne debilitatus ventriculus multum in illis subigendis laboret ; formæ etiam quam tenuem vocat Hippocrates , ex liquidis & forbilibus maximè constantem. In qualitatibus verò primis quæ refrigerent , & compescant humorum acrimoniam ; quæ adstringant , vt robur ventriculo concilietur ; aut aliquando leuiter detergeant , si sint abluendæ sordes illi adhærentes. Ad hoc igitur conuenientissima erunt iuscula pullorum , herbis refrigerantibus , vt acetosâ , lactucâ , endiuia , portulacâ , & vuis acerbis alterata , subfrigida potius actu , quam calida : aut si æger debilior videatur , præscribentur iuscula consummata ; gelatinæ , panatellæ cum paucis saccharo & aquâ rosaceâ : oua forbilia , cremor hordei aut amygdalarum lac , cum paucis saccharo paratum : iura colatitia , vel succi ex delicatissimis carnibus expressi , addendo singulis succi limonum , arantiorum , granatorum acidorum , omphacij vel aceti parum pro vario ægrotantis arbitrio , cui erit hac in parte indulgendum. Apud Hippocr. 2. *epidem. section. 2.* mulieri quæ cardialgia tenebatur , polenta mali punici succo inspersa & semel in die accepta , pro cibo satis fuit , & non reuomuit. Quod si lubeat aliquando carnes perdicum , gallinarum iuniorum & tenerarum auicularum succis his aspersas concedere , non parum conferet eis qui paulò pleniori victu delectantur , & qui diuturniore affectu iam sunt debilitati. Auicennas concedit etiam illis lac acetosum , & pisciculos in aceto elixos ad temperandum feruorem. Quod si humor qui exuperat , ad acidum vergere videatur , & melancholiæ particeps esse , oua assata , pisces frigos , & similia in patella parata consulit. In ipso cardialgiæ paroxysmo valde confert panis vino bene diluto intinctus , modicè sumptus. Ideo laudant etiam pro potu recentiores , vt crusta panis albi leuiter torrefacta in vinum dilutum immergatur : deinde fortiter exprimatur,

exprimatur, bibat colaturam. Possunt etiam vti julepo Alexandrino, aut succo granatorum & limonum cum dupla portione aquæ rosacæ & sacchari s.q. in formam julepi parato. Cinamomi verò decoctum aut coriandrorum non tam liberè in hoc affectu & causa concedendum puto propter caliditatem, nisi fortè flatus coniuncti fuerint. Quod ad quantitatem eorundem alimentorum spectat, curandum vt vires sufficere possint, tam præsentis quam futuræ: ideoque habenda ratio varij temperamentis, ætatis, consuetudinis, regionis, aëris & similium, ne reuocetur natura ab expulsionem coctionemque humoris morbifici, aut imbecillior opprimatur. Partitis igitur vicibus offerenda hic alimenta, eoque potissimum tempore, quo minus vrgentur ægrotantes, nisi in ipsa paroxysmi sæuitia lubeat vires assumpto iusculo, vel alio quodam liquore instaurare, humorisque acrimoniam diluere. Præterea hic obseruandum, propter crebram vomitionem quia cardialgici tentantur, si prius assumptum alimentum excludant, denuò sedatâ vomitione esse offerendum, vt illud melius retinere valeant. Inter cardialgicos igitur obseruandum, vt qui magis in ieiunio vexantur, numquam omnino vacui cibo relinquantur, sed frequenter aliquid ingerant: qui verò post sumptum cibum magis dolent, non tam sæpè assumant, neque magnâ quantitate, sed quæ ad vires solum sustentandas sufficiet. Atque hæc de diætâ.

Nunc verò ad Chirurgiæ & Pharmaciæ auxilia accedentes dicamus, causarum omnium, & morborum sese hic consequentium γενεσιν diligenter spectandam, partiumque quæ illi originem quamdam aut fomenta dederunt, rationem habendam, vt eodem scilicet ordine expugnentur, quo affectus istius generatio progressa est: quod Practici causarum antecedentium & remotarum sublationem vocant, & ad προφύλαξιν referunt. Intemperiem verò hanc stomachi, cum statuerimus humoralem à vagis & de errantibus succis calidis, putrentibus, malignis, & acrioribus, si quidem illorum pars sit adhuc in motu, reuulsionem, deriuationem, necnon interceptionem suadebit: pars verò in ipso stomacho delitescens, sui vacuationem & alterationem. Genus autem vacuationis à repletionis genere indicabitur, quæ cum sit in hoc affectu mera cacochymia, extra vasa posita, purgationem exposcit, non venæ sectionem, nisi fortè causâ præcautionis in corpore plethorico: dum timeamus ne vi doloris sanguis in partem affectam ἀθροῖς deferatur, aut etiam si febris videatur coniuncta, ad feruorem illius compescendum.

Porro cum purgatio per deiectionem & vomitionem perfici possit, benignis vel violentis catharticis: partis istius, nempe ventriculi conformatio docet, tum vomitione, tum deiectione causam mali educi posse per medicamenta assumpta, tam deiectoria quam vomitoria, per glandes, clysteres & similia. Illius verò situs propinquior, sensus exquisitissimus, vires imbecillæ, quæ fere hunc affectum comitantur, benignis potius aut mediocribus agendum esse suadet, nisi fortasse vehementiora aliquando videantur esse ex vsu, firmis adhuc viribus, & in corporibus solidioribus, ad eliciendam potentius antecedentem causam, in secundâ aut tertiâ corporis regione delitescentem. Concoctio denique & alteratio humorum istorum internis externisque remediis, causæ & morbo oppositis, erit procuranda, vt sequentibus formulis patebit.

℞ Hordei integri & furfur. macri, ana P.j. fol. absinth. betæ & agrimon. ana M.j. semin. melon. & anisi, ana ʒ ij. rosar. rubr. flor. borrag. & cichor. ana P.j. Fiat decoctio. In colaturâ ℥b j. ʒ. dissolue cathol. & hieræ picræ, ana ʒ ʒ. mellis rosat. ʒ ij. vitellos ouorum numer. ij. Fiat clyster, quo subducatur aluus, quoties adstricta fuerit. Perseuerante autem nausea, & vomendi conatu, proritandus erit vomitus leuioribus, vt

℞ Aquæ fontis tepidæ ʒ viij. vel x. In quibus dissolue syrup. acetosi simpl. ʒ j. ad incidendum leuiter, & bilis ferociam retundendam: simul & deambulet postea si possit: vel saltem ventriculi regio in orbem confricetur. Quod si paulò robustior sit æger, humorque rebellis appareat, semen anethi & raphani in prisana decoquantur, in cuius ℥b j. dissolue ad detergendum hydromelitis ʒ ij. Capiat vt prius, retineat per dimidiam horam, si possit. Deinde iniecto in fauces digito, vel pennâ oleo inunctâ proritetur vomitus, non tantum semel, sed pluries, atque etiam interiectis diebus, si quidem illo videatur leuari æger.

Quoniam verò humor iste in ventriculo contentus, vt diximus, non solum vomitu, sed etiam deiectione excluditur: ideo eligenda etiam erunt cathartica quædam benigna, & roborantia, quæ illud commodè præstare valeant. Ad hanc rem

laudant

laudent myrobalanorum decoctum, rhabbari infusum & puluerem, aloën optimam, in pilulas cum pauco agarico & mastiche concinnatam, & tamarindorum decoctum, quæ omnia biliosos humores egregiè compescunt & expurgant. Quod si tetri ichores, pituita putris & salsa huius mali causa videantur, radicis mechoacan veri puluis ad 3 j. sumptus cum pauco iusculo, blandum erit & præsentaneum valde remedium. Item syrupus rosatus solutius, eiusdem infusio recens, agaricus cum rhabbari puluere & syrupo de absinthio in pilulas concinnatus, quarum 3 j. deuorare poterit horis matutinis, vel ante cœnam: catholiconis semuncia aut diaphœnic. in formam boli cum saccharo concinnata, & similes. Sin verò atræ bilis aut melancholiæ putrentis dominatus adsit, decoctum foliorum fennæ ad 3 ss. cum iusculo prunorum dulcium, & pauco anisi semine exhibeatur. Aut confectio diasennæ dicta ad 3 vj. vel etiam confect. Indi maioris ad 3 ss. erit vtilissima. Vbi complicatæ sunt causæ, componi ex his poterunt variæ purgantium formulæ, quod Medici præsentis iudicio & prudentiæ committitur, ut ipsa quantitas, & repetitio remedij pro variis circumstantiis; nihil enim commodius in hoc affectu, quam blandis his & roborantibus cathartice frequenter & veluti per *ἐπιχειρῶν*, humorem istum, cuius est perennis generatio, expurgare. Quod ad alterationem verò humoris, nempe caliditatem, putredinem aut malignitatem per assumpta remedia corrigendam, spectat, sequentes formulæ usurpari poterunt.

℥ Succi pomorum redolentium, de limonibus & de granatis acidis, ana ℥ j. succi borraginis & endiuæ recenter dupurat. ana ℥ ss. Decoquantur cum saccharo albissimo in formam julepi, cuius capiat 3 iv. mane & sero: si primam reuomuerit, ut sæpè fit, habeatur alia parata quam sumat statim, vel

℥ Syrup. granatorum acidorum 3 ij. syrup. cydon. & myrtini, ana 3 ss. aquæ rosar. & cardui bened. ana 3 x. pulueris electuar. diamarg. frigid. 3 ss. terræ sigill. rasuræ cornu cerui vel vnicornis, si reperiatur, ana 3 ss. Fiat julep. pro tribus dosibus matutinis, quæ reiterentur quoties opus fuerit. Circa vesperam vel post vomitum sumat lapidis bezoardici, si legitimus haberi possit, 3 j. cum aquâ cardui benedicti.

℥ Rad. acetos. graminis, & buglossi, ana 3 j. cortic. citri sicci 3 ij. fol. plantag. portulac. endiuæ, agrimon. acetos. & cardui bened. ana M. j. summit. absinth. pont. (quod Gal. etiam in biliosâ materiâ laudat) P. ss. femin. acetos. portul. & berberis, granor. kermes, ana 3 j. flor. viol. & rosar. rubrar. siccar. ana P. j. Fiat decoctio ad ℥ j. ss. In qua dissolue syrup. oxysacch. simpl. & de limon. ana 3 ij. Fiat apozema clarificatum & aromatizatum 3 j. pulueris electuarij triasantali pro quatuor dosibus matutinis. Quibus finitis, ut etiam superioribus dosibus, repetatur vsus dictorum purgantium. Quin etiam ad alterationem & corroboracionem parentur sequentia.

℥ Confect. alkermes & de hyacintho, ana 3 j. terræ sigillat. coralli rubri & pulueris electuarij diamargar. frigid. ana 3 ss. Incorporentur simul, affundendo parum aquæ arantiorum vel succi limon. Fiant pilulæ quinque aut sex. Capiat duas omni horâ, vel

℥ Conseruæ flor. borrag. cichor. & nymph. ana 3 ss. confect. de hyacinth. & alkermes, ana 3 j. terræ sigillat. boli armeni, margar. præparat. coralli rubri, rasuræ vnicornis, & cornu cerui, vel eboris, ana 3 ss. pulueris elect. de gemmis & diamargar. frigid. ana 3 j. Cum syrupo cydon. fiat opiata: vel cum sacchari s. q. fiat instaurans, duplici auro coopertum, de quo capiat frequenter cum iusculo aut pauco vino diluto, potissimum quando vires labascere videbuntur. Huius instaurantis portio ponatur in Alembico vitreo cum ℥ ij. iusculi optimi & ℥ ss. succi granator. Distillantur in balneo mariæ. Capiat huius liquoris stillatitij cochlearia aliquot omnibus horis. His igitur assumptis interioribus remediis contra propositum affectum pugnabitur.

Externa etiam non erunt omittenda, quæcunque ad transferendam, absumendam, alterandamque materiam, & parti robur conciliandum aliquid auxilij adferre poterunt.

Sic apposita frequenter stomacho cucurbitula cum multa flamma, vomitum compescet, & materiam infixam ad exteriora euocabit. Ligaturæ artuum dolorificæ, frictiones crurum & femorum, inferiora versus reuellent impetum maligni vaporis superiora petentis. Balnei etiam refrigerantis & relaxantis vsus

non erit etiam improbandus ad materiam istam transferendam, illiusque acrimoniam contemperandam, nisi forte metus sit syncopes aut lipothymias, qua infestati ægrotantes vix illud sustinere valent. Huius itaque loco institui poterit semicupium, ad stomachi usque regionem contingens, in quo residebit æger per intervalla, conuenientibus refocillatus remediis: cuius talis esse potest descriptio.

℞ Rad. althææ, lilior. & acetos. ana ℥ ij. herbar. borrag. cichor. viol. maluar. & brancæ vrsinæ, ana fascicul. ij. summit. absinth. pontici M. j. semin. anisi & coriand. leuiter contus. ana ʒ j. β. flor. chamæmel. melil. stœchados, & rosar. rubr. ana M. β. Fiat decoctio in aquâ fontis pro balneo vel semicupio, ingrediatur tepide admodum, sine vilo sudore, qui solet valde noxius esse hisce ægrotantibus. Vbi debiliores erunt, aut tempestas incommoda ad balnei vsum, fortis paretur sequens.

℞ Fol. myrti, plantag. summit. rubi, fol. acetos. & absinthij pont. ana M. j. semin. portulac. granor. kermes & coriandri, ana ʒ ij. santali vtriusque ʒ j. schœnant. flor. cichor. rosar. sicc. & anthos, ana P. j. Fiat decoctio, addendo sub finem vini albi parum, si magis sit penetrandum; vel rubri austeri, si magis roborandum: quâ foueatur ventriculi regio cum panno scarlatino, aut philtris bene expressis bis aut ter in die. Villanouanus in somnis monitus facit fotum ex fursure macro in sacculis posito, & vino calente madefacto, quod experiri licebit: post fotum admoueaturnguentum sequens.

℞ Succi plantag. & acetos. recent. ana ʒ j. vini albi ʒ β. olei rosacei omphacini, myrtini & cydon. ana ʒ iij. Bulliant ad succorum consumptionem, deinde adde terræ sigillatæ, boli armen. coralli rubri, semin. acetos. & portul. ana ʒ β. cinam. & nucis moschat. ana ʒ β. ceræ albæ q. s. Fiat vnguentum. Utatur vt dictum est; addendo vini rubri parum, aut aquæ rosac. si feruor exuperet, vñctionis tempore. Cataplasmata autem & emplastra non ita hîc probantur, ne densitate sua & pondere partem hanc doloribus afflictam nimis premant & calfaciant. Sub finem tamen istius affectus declinantis imponi potest ad roborandum ex massa emplastri de mastiche, cum oleo cydon. malaxatum, additâ acaciæ, rosarum, hypocist. malicorij & similium ʒ j. vel ij. Quin etiam vt absorbeantur omnino morbi istius reliquiæ, solent quidam Dropaces & Phœnigmos experiri, quod non erit tentandum, nisi cum optimis cautionibus.

Alexander Benedictus smaragdum & corallum collo appensa, ita vt pertingant cartilaginis xiphoidis extremitatem; scribit ex proprietate huic affectui conferre.

Interea non erit etiam negligendum cor, quando hic multum compati videbitur, & admotis epithematis liquidis, solidisque & sacculis cordialibus, suo loco tradendis, roborandum. Cerebro etiam, si rapiatur in consensum, reliquisque partibus pro singularum naturâ, erit prospiciendum. Quibus omnibus præcautionis curationisque munera explere poterimus.

Sed quoniam symptomata in hoc affectu non paruam solent afferre molestiam, ideo etiam eorum mitigationi studendum. Præcipua autem sunt, vomitio, sudor exoluens, & dolor crueians. Vomitionem quidem dictis iam remediis compescere licebit, & eis quæ proprio tradentur capite. Sudor verò si sit frequentior & vires exhaurire videatur, coërcendus inunctione laterum, dorsi, & extremitatum ex oleo myrtino, lentiscino, cydoniorum, vel eo quod ex salicis foliis paratur: succi etiam refrigerantes, dissolutâ in eis paucâ camphorâ, admoueri poterunt: quin etiam commodum erit lintea quibus æger inuoluitur, suffire santalorum, granorum kermes, thuris, mastiches, rosarum rubrarum, & similium puluere. Denique si maior sit sudoris impetus, præscribantur ea quæ corporis spiracula, & cutis meatus valenter occludunt, vt gypsi, terræ cimoliæ, boli armenæ, & gallar. viridum puluis aspersus particulis sudore diffluentibus: epithemata etiam admoda cordi & hepati ex aceto & aquâ rosacâ valde proderunt.

Verum tanta est sæpius doloris in hoc affectu sæuitia, vt fere totam ad se Medici curam conuertere soleat. Itaque si præmissis illis remediis, quæ causam tollunt vacuando & humoris qualitatem alterando, sedari non potuerit: tunc ad reliqua anodynorum genera accedendum, inter quæ temperata, & calori nostro analoganon videntur hîc conferre, vt lac cæteraque eiusmodi calida humidaque, quæ facillè incalescunt & putredinem in ista ventriculi cacochymia concipiunt; nisi forte ista

cardialgia contracta sit ab assumpto veneno, in quo casu non solum lac, sed reliqua etiam alexiteria erunt vsurpanda.

Reliquum est igitur, vt quando opus fuerit, doloris istius atrocitatem narcoticis compescamus: ad hoc faciēt iniecti interdum clysteres ex iusculo pulli, vel decocto molliente, in quo duæ vel tres philonij Romani drachmæ fuerint dissolutæ: item assumpta per os ʒj. syrup. de papauere per se sola ex cochleari, vel dissoluta in decocto foliorum lactucæ, addendo ʒj. puluer. electuar. diamargar. frigidi. Confectio requies dicta ad ʒj. exhiberi potest, cum simili conferuæ rosarum pondere, in formam boli concinnata. Item theriaca recens, potissimum quando est suspicio veneni: sequens etiam emulsio bis aut ter in die repetita multum proderit.

℥ Amygd. dulcium mundat. ʒj. semin. melon. & cucurb. recent. mundat. ʒß. semin. lactucæ & papauer. albi, ana ʒij. Contundantur in mortario marmoreo cum pistillo ligneo, affundendo decocti hordei & folior. lactucæ ℥j. ß. sacchar. albi q. s. Fiat emulsio instar lactis albicans. Vbi dolor est acerbior parari possunt sequentia.

℥ Syrup. cydon. & de absinth. pont. ana ʒj. vini albi parum, in quibus decoquantur leuiter opij gran. v. Capiat huius syrupi cochlear vnum per interualla. Vel totidem opij grana feruescenda in pauco vino rubro generoso. Incorporentur cum ʒj. conferuæ rosarum. Capiat ʒj. quando opus fuerit per se, vel dissolutam conuenienti liquore, & sic doloris sedationi sapienter studendum erit. Nunc igitur accedamus ad curationem cardialgias ex phlegmonosâ stomachi constitutione.

Curatio cardialgias ex ventriculi phlegmone. Phlegmonem stomachi suas habere causas primitiuas, antecedentes, coniunctas notissimum est, & iam à nobis dictum. Vbi igitur ex tali occasione sanguinis feruidioris copia ex venis portæ in spatia & poros tunicarum ventriculi effusa fuerit, exoritur phlegmonosa constitutio, suis stipata symptomatis, potissimum febre assiduâ, quam lipyriam vocant, dolore & syncope frequenti: vnde patet quod si aliquis sit morbus acutus, periculosus & grauis, hic inter alios censendus, ob propriam speciem, naturam partis affectæ, & symptomatum copiam. Cumque omnis phlegmone, siue sit exquisita, siue spuria, erysipelatoza, scirrhusa, aut cedematosa, quatuor modis terminari soleat, resolutione scilicet, suppuratione, induratione, aut gangræna: vnicus tantum istorum potest esse salutaris in curatione phlegmones stomachi, nempe διαφύρσις, nam plerumque ægri suppuratione moriuntur ob febris vehementiam, vel ruptâ vomicâ dum pus in hepar aut vicinas partes subito inuadit: vel denique succedente graui vlcere, cuius sanandi parua est spes in parte spermaticâ, internâ potissimum. Quod si induretur per σκληρώσειν iste humor, contabescit necessario totum corpus paulatim ex defectu primariæ istius coctionis. Cito autem vita tollitur, si corruptela aut sphacelos tam nobilem & exquisiti sensus partem inuaserit. Accuratè igitur se debet hic gerere Medicus, nec minimum in curando errorem committere.

Imprimis autem victum statuatur tenuissimum, vt solet in omni morbo acuto & internæ partis inflammatione, huius potissimum laborantis & munus suum exercere non valentis ob atrocem & acutum morbum. Contentus ergo sit æger prisanæ liquore, julepo Alexandrino, aquâ fontis solâ, vel leuiter coctâ cum radice acetosæ, aut saltem ad sustentandas vires, pulli iusculo alterato foliis refrigerantibus; idque ad septimum vsque diem, qui solet vt plurimum istas inflammationes internas iudicare, vel quod euasuræ sint ostendere. Quæcumque etiam hic offeruntur, neque valdè calida actu esse debent, neque frigida, sed potius tepida, vt resolutionem tumoris iuuent, neque materiam magis impingant. Abstineat omnino ab vsu vini, metu caloris fluxionisque nouæ; & carniū, ne ex eis nimia sanguinis copia generetur. Aër etiam frigidior, quamuis recreationis causâ exoptaretur, non est admittendus, ne constipet meatus, & distillationem impediat: neque somnus longior, ne intrò nimium compellat humores: quietus tamen quantum fieri poterit, instrato maneat, ne concitentur nouæ fluxiones in partem. Denique corpus animūque ita componat, vt omnia (quod ad causas illas externas spectat) ad sanitatis restorationem optime consentiant.

Vt autem ad ipsa remedia huic affectui oppugnando idonea veniamus, habitâ primū causæ antecedentis ratione, secundum illius quantitatem & motum in corpore potissimum plethorico & calidiore, deplenda est sanguinis copia, reuellen-

da ac deriuanda. Quod non possumus consequi melius quam per phlebotomiam. Est histor. 9. epidem. de muliere quadam, quæ in vehementissimo dolore stomachi nullis aliis adiuta remediis, ducto tandem sanguine ex vtraque manu, sanata est. Nam quod hic multi refugiunt venæ sectionem propter virium infirmitatem & frequentem syncopem; Respondendum est, duplicem esse virium deiectionem: vnā quidem ab exhausto seu inanitione: aliam verò à plenitudine & oppressione: in illa vacationem non conuenire, sed potius refectionem: in hac verò esse vtilissimam, vt scilicet natura confertim leuetur portione humoris, & reliquum possit facilius superare. Deinde cum in hoc affectu tota spes salutis posita sit in resolutione, vt diximus, quomodo poterit illa perfici, si sanguis magnā copiam caloris & doloris tracta eò influat? Secunda est itaque vena axillaris brachij dextri imprimis ad 3 vj. vel vij. nisi oboriatur lipothymia, qua superueniente occludatur venæ osculum, oleo tamen delibutum, vt post aliquot horas recreatis viribus possit denuò sanguis extrahi. Constantibus enim viribus ad reprimendam fluxionem & inflammationem repetenda erit venæ sectio ex brachio sinistro, circa quartum, quintum, vel sextum diem, si omnia consentiant. Quidam post septimum diem malunt hæmorrhoides aperire, quæ à venâ portâ oriuntur, deriuationis causâ, quod non est improbandum, si istæ venæ in ano fuerint conspicuæ, & æger huic vacationi assuetus. Non omittendæ etiam cucurbitulæ variis corporis partibus admouendæ, vt scapulis, dorso, natibus, & femoribus, etiam cum scarificatione, si opus esse videatur, ad minuendum redundantem sanguinem, quem ventriculus inflammatus instar cucurbitulæ ad se trahit. Ligaturæ etiam dolorificæ, frictiones inferiorum partium aliquid ad reuulsionem humorum conferent: imo cum hic soleant frigere extremæ partes, refocillandæ erunt linteolis calentibus, inunctione olei nardini aut irini tepentis, vt quantum fieri poterit, materia foras euocetur.

Quod ad purgationem verò attinet, dubitatur an hîc conuenire possit. Multi negant, tum quia cathartica omnia cum sint caliditatis participia, suo contactu inflammationem istam augere poterunt; tum quod trahendo humores, illos versus partem affectam allicerent, & vomitum valde in hoc morbo periculosum excitarent. Adde quod nihil de causâ humoris coniunctâ detrahare valent. Quæ nos vt faciliè concedimus de veris purgantibus diagrediatis, vomitoriis & similibus; sic de lenientibus & benignis frigiditate quadam præditis negamus. Imo Auicennæ amarindorum decoctum, & dilutum cassiæ in aquâ endiuiz commendat, in hoc affectu singulis diebus vsque ad septimum exhibitum: quia molliendo non trahendo expurgat; mitigat acrimoniam & lenit dolorem. Post elapsū diem septimum, vbi iam apparet quædam concoctio, & morbi declinatio, potest præscribi infusum rhei ad 3 j. β. cum 9 j. santali rubri in aquâ endiuiz factum, cui addi poterunt syrup. rosar. solut. 3. ij. vt sordes parti hærentes paulò valentius educantur. Interea glandibus & clysteribus accommodatis sollicitanda erit aluus quotidie, quæ hîc pigra esse consuevit. V. g.

℞ Fol. endiuiz, cichor. borrag. acetos. lactuc. & maluar. ana M. j. semin. melon. & cucurbitæ, ana 3 ij. semin. anisi 3 j. prunorum acidor. paria iv. flor. viol. rosar. rubr. & nymphææ, ana P. j. Fiat decoctio ad ℥b j. β. In qua dissolue cassiæ recens extractæ 3 x. olei violar. & de nenuph. ana 3 j. β. sacchar. albi 3 β. Fiat clyster, qui iniiciatur toto principij tempore, ad refrigerandum, molliendum & leuiter repellendum. Deinde

℞ Rad. althææ & lilior. ana 3 ij. fol. endiuiz, borrag. & maluar. ana M. j. summit. absinth. & puleg. ana M. β. semin. lini & scænuigr. ana 3 ij. flor. chamomill. melil. & rosar. ana P. j. Fiat decoctio. In colaturæ ℥b j. dissolue cathol. & cassiæ, ana 3 vj. olei lilior. & mellis viol. ana 3 j. β. vitellos ouor. numero ij. Fiat clyster, qui paucis immutatis secundum rem præsentem poterit prodesse in augmento, statu & declinatione, ad laxandam aluum & resoluendam tumoris materiam.

Imò cum in hoc affectu non liceat nisi parcè nutrire per superiora, vt dicebamus, ob inflammationem ventriculi, crebrò infundendi sunt clysteres nutrientes dicti, ex iusculo pulli, cremore hordei, lacte amygdalarum dulcium cum saccharo & vitellis ouorum: qui etiam aliquid conferent ad doloris sedationem.

Porro alterantia & roborantia per os sumpta eadem esse poterunt, quæ in superiore affectu dicta fuere. Peculiariter autem Practici existimant in hoc affectu

conferre succum portulacæ cum saccharo in syrapi formam paratum, & syrupum de nymphæa, quia præter alterationem funguntur vice medicamenti apocroustici interioris, quod in principio competere poterit; vbi autem paulo processerit morbus, alia erunt miscenda quæ resolutionem iuuent, vt

℥ Syrup. de pomis & de succo portul. aut de nymph. ana ℥ j. syrup. de absinth. pont. & conseruationis cort. citri, ana ℥ ss. aquar. lactuc. acetos. & fœnicul. ana ℥ iij. puluer. elect. diamarg. frig. ℥ j. Fiant julepi pro iij. dosibus matutinis circa morbi incrementum, quæ omnia variantur multis modis pro Medici præsentis iudicio & prudentiâ. Idem dicas de opiatis, instaurantibus, & reliquis assu-
mendis.

Quod ad topica verò attinet, quamuis Practici vera repellentia in principio huius affectus præscribere soleant, nullo tamen modo admittenda videntur: quia sic impingeretur magis humor versus interiora, & resolutio hic tantopere expetenda impediretur. Non inconsultum tamen erit in principio refrigerantibus potestate, non actu talibus, neque adstringentibus vti, ad humoris phlogosim quodammodo compescendam. Quâ paululum remissâ resoluentibus erit locus, numquam omisso roborante aliquo, quod partis affectæ & iecoris substrati vires conseruet, vt eleganter annotauit Galenus. Fiat itaque talis in principio fons.

℥ Rad. acetos. ℥ ij. fol. endiuix, cichor. & maluar. (hyoscyamus, solanum, &c. non sunt hic vsurpanda, nisi in summâ doloris desperatione) ana M. j. seminis lactucæ & papauer. albi, ana ℥ ij. santali albi & rubri, ana ℥ ss. flor. violar. & nymph. ana P. j. Fiat decoctio. Vel illius loco sume aquarum stillatitiarum endiuix, lactucæ, & violar. ana ℥ ss. In quâ dissolue aceti ℥ j. puluer. electuar. triasant. ℥ j. Calefiant leuiter, & cum linteolis mundis & detritis foueatur tepide regio stomachi sub xiphoide cartilagine, & circa duodecimam dorsi vertebram, bis aut ter in die. Postea inungatur oleo violaceo, & rosaceo simul mixtis: aut sequenti vnguento.

℥ Succ. endiuix ℥ ij. olei viol. & rosac. omphac. ana ℥ iij. Bulliant ad succi consumptionem. Deinde adde puluer. santal. albi & rubri, semin. lactucæ, & papauer. albi, ana ℥ j. cinam. ℥ ss. Cum paucâ cerâ fiat linimentum, quo vtatur vt dixi. Postea huic fotui & linimento addenda erunt resoluentia, donec sedato ardore, solis diaphoreticis vtaris. Vt

℥ Rad. ireos Flor. ℥ ij. fol. menthæ, maioran. puleg. & absinth. pont. ana M. j. semin. fœnugr. & anisi, ana ℥ ij. granor. kermes ℥ j. flor. stœchad. anthos, & chamomil. ana P. j. Fiat decoctio, addendo parum vini albi sub finem, quâ vtatur pro fotu tepide cum philtris bene expressis. Deinde inungatur pars oleo nardino, absinth. nucis mosch. & similibus. Ex quibus addendo parum ceræ, & puluere ireos poterit confici vnguentum. Emplastri enim & cataplasmatum forma ob pondus & crassitiem hic est incommoda, vt supra fuit annotatum.

Atque his modis vera & optanda phlegmones stomachi curatio per διαφύσιν procuranda. Quod si circa septimum diem febris, dolor, & reliqua symptomata intenduntur cum quadam partis pulsatione: signum est suppurationem fieri, ad quam sequitur viceris generatio, si tamdiu vita superstes esse possit. Nos igitur ad illius curationem transeamus.

Curatio cardialgiæ ab exulceratione stomachi. Superest exulceratio stomachi, quæ assiduam & infestissimam inferre solet cardialgiam. Hæc verò *ἐλκωσις*, vt dicebamus, succedit aliquando vulneri aut phlegmonæ in abscessum degeneranti; aliàs fit ab acribus & calidioribus humoribus substantiam ventriculi erodentibus; aliàs ab externis assumptis, causticis, septicis, venenatis medicamentis alimentisque. Quidquid sit, vlcera ista sunt solutiones cōtinui in ventriculo aut illius stomacho cum sanie & sordibus. Vnde coniecere lieet, ob naturam partis spermaticæ difficile substantiam deperditam regenerari posse, & ob humiditates in illa redundantes vix commodam exsiccationem procurari; denique ab illius officio, quamuis cicatrix vlceri inducatur, non tamen inde certam salutem subsequi, quia si grãdiores sint eiusmodi cicatrices, ob læuorem elabitur deinceps alimentum inconfectum & leienteria lethalis ex oritur. Est tamen in recenti vlcere & adhuc leui, neque complicato omnis tentanda via qua illius curationem procuremus, vel saltem ægrotantis vitam tantisper producamus.

Quod ad victus rationem spectat, certum est euchymum hic alimentum requiri, & facilis coctionis iam commemoratum, paruâ quantitate sumptum. Cum enim solutio cōtinui morbus sit communis partibus similaribus & organicis, ratione

tionem vtriusque valde impedit ventriculi concoctionem, quæ est actio mixta, & ab vtriusque dependens. Quod ad qualitatem, alimenta refrigerantia esse debent, ob coniunctos vlceri humores calidos & virulentiam: exsiccare verò leuiter, vt absorbeantur excrementa vlceribus propria: necnon interdum detergentibus & quasi abluentibus vtendum, vt istæ sordes depellantur à ventriculo ad inferiorem aluum. Conuenient itaque iuscula, foliis herbarum refrigerantium alterata, hordei cremor, lac amygdalarum cum saccharo rosaceo, cuius magna est vis in omnibus vlceribus internis ob leuem refrigerationem, deterfionem, & exsiccationem: emulsiones ex seminibus frigidis paratæ, & similia: quin etiam lac caprillum aut asininum recenter multum, addito saccharo rosaceo, aut pauco melle, in plures dies sumptum, purgato prius leuiter corpore, multum proderit, quia sero suo deterget, butyro mulcet & lenit dolorem; caseo autem exsiccatur & vlcera occludit: quod circa finem ignito chalybe aliquoties exuratur, vt sic portione feri absumptâ, minus tergere, magis consolidare possit. Sub hoc ordine continentur farinæ hordei & auenæ leuiter tostæ, cum prædicto lacte, saccharo & vitellis ouorum in modum pultis paratæ. Pyra etiam & cydonia mala cum sapâ aut hydromelite parata, aut sub cineribus cocta & saccharo inspersa, in fine pastus assumi poterunt ad roborandum & exsiccandum.

Si sit inflammatio vlceri iuncta, abstinendum vino, & vtendum aquâ hordei pro potu ordinario, circa principium morbi, ad deterfionem: deinde chalybeatâ ad consolidationem, aut in quâ terræ sigillatâ, vel boli armoni frustula aliquot maduerint. Si non adsit magna phlogosis cum vlcere, vt in principio poterit vino albo tenui & bene diluto, post rubro austero pari aquâ chalybeatâ mixto. Atque hæc de victus ratione, quæ magni est momenti in curatione istius affectus.

Quod ad remedia autem chirurgica & pharmaceutica attinet, repetenda est imprimis, & in memoriam reuocanda exulcerationis istius generatio: siue enim à calidioribus, putrentibus, aut virulentis succis dependeat, siue ab abscessu; illorum curatio iam diligenter fuit proposita, vt omnibus causis antecedentibus prospiciatur: siue à veneno, corrupto ve alimento; illa diligenter vomitu erunt excludenda, & propriis alexiteriis oppugnanda. In instituenda verò peculiari istius vlceris curatione, deterfio sordium, vtpote sine qua regenerari noua substantia nequeat, atque exsiccatio proponitur. Cum autem interna sit hæc pars, musculisque abdominis & superiori hepatis lobo substrata, internis potius remediorum formulis, quam ad motis perficienda. Assumptis igitur agendum, non quidem omnibus, quæ vsui esse solent in vlcerum externorum curatione, vt vitriolo, sublimato, puluere mercurij, alumine & similibus; sed quæ innocua sunt, & quasi domestica huic parti præstantissima. Ad detergendum ergo aptissima erunt liquida: ad exsiccandum, cicatricemque obducendam solida potissimum, quorum tales esse possunt formulæ.

℥ Hordei integri P. j. fol. scabios. agrimon. pimpinel. & capill. vener. ana M. ss. semin melon. ʒ iij. rosar. rubr. siccat. P. j. Fiat decoctio ad lb j. ss. In qua dissolue sacchar. q. s. vel syrup. de rosis siccis ʒ iij. aut mellis rosar. colati ʒ j. ss. Fiat julep. pro quatuor aut quinque dosibus frequenter iterandis. Habemus hodie vsitatissimum illud decoctum, quod vulgo canerorum vocant: alij aquam catapultarum, non solum ad externa, sed etiam interna vlcera efficacissimam, cuius ʒ iv. exhiberi possunt mane & sero per nouem dies continuos, addendo in singulas doses mellis rosati aut sacch. rosar. tabulat. in puluerem redacti ʒ iij. Ad interna etiam ista vlcera non parum confert decoctum rad. chynæ, vel falsæ parillæ, vbi febris abfuerit, per viginti aut plures dies sumptum, leuiter sudores prouocando. Sic enim eluuntur sordes, & vlceris parietes paulatim exsiccantur. Quod si metus sit tabis, decoquatur prædicta radix in iusculo pulli gallinacei aut columbini cum herbis prædictis & hordeo mundato. In diuturniore morbo potum, aquæ thermalis aluminosæ, vitriolatæ, aut ferratæ, qualis est Pugenfis, Spadensis, aut apud nos Meinenfis, actu frigide per mensem integrum sumptæ, circa æstiuos menses, non parum profuisse in multis iam diu obseruatum est.

Ad detergendum præterea & expurgandum multum conferent medicamenta cathartica leuiora frequenter repetita, vt syrup. rosar. solut. ʒ iij. in prædicto iusculo aut decocto fol. prunellæ dissolutæ: infusum rhabarb. in aqua plantaginis: decoctum tamarindorum; vel etiam catholici ʒ ss. in formam boli cum saccharo, semel aut

bis in hebdomade sumpta. Licet immeritò purgantia repudièntur à multis, qui timent ne magis exasperent & attrahant versùs partem affectam. Clysterum præterea emollientium & leuiter purgantium hic debet esse frequens vsus, vt trahantur excrementa ad intestina. Neque etiam omittenda erit aliquando venæ sectio, si corpus sanguine redundet, febrisque aut inflammatio vlceri coniunctæ videantur. Post reuulsionem ergo & deterfionem, ad exsiccandum & occludendum vlcus, sequentia vel similia præscribantur.

℥ Terræ sigillat. boli arm. corall. rubr. lapid. hæmat. aquâ rosarum diligenter lotor. ana 3 j. ss. sanguinis dracon. gummi arabic. & tragacant. ana 3 ss. semin. papauer. albi assi, hypocist. sarcocol. & thuris masculi, ana 3 j. Fiat omnium puluis cum 3 j. sacchar. rosat. tabul. cuius capiat 3 ss. cum aquâ plantag. aut symphyti semel in die. Vel capiat cum lacte chalybeato aut vino austero, vt voluerit. Ex eodem puluere cum conferuis symphyti & rosar. syrup. myrtino exceptis, concinnari potest opiata, quâ vtatur ad 3 ij. cum prædictis liquoribus. Aut etiam ex eodem puluere formantur trochisci cum mucilagine semin. psyllij aquâ plantaginis extracta, ponderis 3 j. Capiat vnum singulis diebus cum lacte chalybeato, vel decocto symphyti aut melicrato. Modò hoc, modò illo vtatur remedio, vt minori afficiatur molestia.

Vbi occalluisse vlcus videbitur, quod cessatio doloris potissimum ostendet, superfedat ab omnibus remediis, & vitet alimenta, quæ exasperare, aut conficcare possunt leuiorem cicatricem, qualia sunt acria, amara, salsa, acida & similia, incidente aut detergente vi prædita. Atque hæc de curatione variarum cardialgias causarum, quæ eodem modo perfici poterit in periodynia, dolore scilicet totius ventriculi, fundi & aliarum eius partium, vt satis patet.



C A P V T II.

De ἀνορεξίᾳ ἔῃ ἀποσιτίᾳ, id est deiecta appetentia ἔῃ cibi fastidio.



Doloris stomachi curatione ad ipsius appetentiæ symptomata eidem orificio ventriculi propria aggrediamur. Appetentia autem, vt cæteræ actiones, vel non fit omnino, vel imminutè tantum, aut deprauatè. Abolitionis igitur & imminutionis vitia primum pertractemus: postea ad illius deprauationem veniemus. Illa autem apud Græcos authores generali vocabulo τῆς ἀνορεξίας continentur; Latini inappetentias dicunt; ita vt ἀσιτίαν, ἀποσιτίαν & ἄσσην complectatur. Gale- nus comment. 28. in 1. epid. vult ἀσιτίαν esse simplicem ciborum inappetentiam: ἀποσιτίαν verò & ἀποστροφὴν, auersionem cum fastidio & horrore. Videtur tamen Hippocrates sæpè ἀποσιτίαν & ἀσίτην pro eisdem sumere, πρὸς τὴν μὴ λαμβάνοντα aphor. 8. sect. 2. illisque ἐσσίτην & ἐσσιτίοντα opponere 3 2. sect. 2. ἄσσαι verò apud Hippocr. sunt maiora fastidia & abominationes, quas frequenter iungit καρδιόγμῳ & nau- sea in Coacis: Aphorism. tamen 61. sect. 5. prægnantium fastidia ἄσσαι appellat, & lib. 2. de morbis mulierum vocat ἐπιμήνια ἄσσωδια menstrua fastidiosa, quæcumque tale symptoma inuolare solent. Quidquid sit, inappetentia deiecta vel sublata appeten- tia, cibusque fastidium pro vno eodémque symptomate à nobis explicabuntur, cum maioris minorisque ratione, inter se tantum differre videantur.

Ανορεξία igitur est symptoma actionis propriæ stomachi læsæ, abolitæ scilicet aut imminutæ appetentiæ, ex malâ totius corporis, partis alicuius, aut ipsius ven- triculi constitutione. Quæ definitio est nobis explicanda, vt res ipsa melius innotescat.

Sciendum itaque naturam viventibus omnibus appetitum quendam indidisse quo feruntur ad sui cōseruationem, ac proinde materiam quamdam reficiendo corpori idoneam expetendam, sine qua illorum viuacitas diu perdurare non pote- rat, ob perennem triplicis substantiæ, qua constant, dissipationem & effluuium. Huncque in animantibus perfectis inseruisse potissimum superiori orificio ventri- culi, parti sensus exquisitissimi, vt scilicet perceptione in illo facta inanitionis siue defectus cuiusdam cum quadam molestiâ, commoueretur superior sensus seu ani- malis facultas, ad illud nempe alimentum querendum, quod facit ad eius restaura- tionem,

tionem, ita vt in excitandâ istâ appetentiâ animali quinque concurrere oporteat, apud Galenum 4. de sympt. causis. Primò, corporis inanitionem, secundò ex inanitarum partium à vicinis tractionem, donec ad iecur, deinde ad venas mesaraicas intestinis implantatas perueniatur, tertio venarum istarum mesaraicarum velut radicum ab intestinis & ventriculo suctionem: quæ tria sufficiunt ad naturalem famem constituendam partibus omnibus insitam. Quarto suctionis istius in orificio ventriculi, velut extremo termino, sensum. Quintò denique huius à comuni sensorio, nempe cerebro perceptionem, per conuenientem spirituum influxum & communicationem: vnde exoritur appetentia seu fames animalis. Cui vt stimulum adhuc adderet natura, curauit deportandam ex liene portionem succi melancholici, qui suâ aciditate & adstrictione partem hanc contrahendo & vellicando memorem officij sui redderet.

Quot igitur causæ sunt naturales ad excitandam appetentiam necessariæ, totidem etiam erunt quæ illam imminuere aut abolere poterunt. Vtque ad construendum multa requiruntur, ad destruendum verò pauca sufficiunt: sic vna ex illis vel duæ sufficient ad actionis istius læsionem. Quando igitur tanta est crudorum in corpore succorum copia, ob intermissas exercitationes, vacuationes solitas & similes causas, vt vix quicquam eorum resolui possit: vel tanta adest pinguedinis moles, quæ partibus ipsis ad alimoniam sufficiat, aut certè magna exteriorum cutis pororum constipatio: vel etiam ingens caloris natiui languor & imbecillitas, vt vix quicquam substantiæ partium dissipare valeat, aut illius conuersio ad pepasum humoris alicuius morbifici, neglectâ interim verâ corporis nutritione, vt in febribus contingit: certè harum vnâ vel aliquot concurrentibus pauca fit in externis partibus inanitio, vnde nulla etiam aut exigua ab internis tractio, cuius defectu perit appetentia. Hinc mira narrantur de muliercularum quarundam & pituitosorum hominum abstinentiâ, quæ non solum per aliquot menses, sed ad triennium vsque perdurasse fertur. Serpentes, vrsi, glires, hystrices, & cætera animantia pinguiora in cauernis per totam hyemem constipatis poris, & somno sepulta latitant absque vlllo cibo. Apud Hippocratem senes duplici de causâ ad ferendum ieiunium apti habentur *Aphor. 13. sect. 1.* ob crudi scilicet succi copiam, & caloris infirmitatem: vt etiam qui carnes habent humiditas, *Aphor. 69. sect. 7.* quod genus causæ expressisse videtur *Aphor. 4. sect. 2.* dum τῷ λιμῷ πλησμονή, id est, fami & appetentiæ repletionem opponit.

Secunda verò causa erat, quando partes quidem exinaniuntur & deplentur, ob exolutum tamen illarum robur & potentias naturales, non trahunt à vicinis & interioribus; sed velut effoctæ & muneris sui oblitæ languent. Hoc sæpè contingit per magnas intemperies, vt febres hecticas, syntecticas & pestilentes partium vires admodum eneruantes: Item per vacuationes nimias, vt fluxus hepaticos, hæmorrhoidales, vterinos, hæmorrhagias diuturniores è naribus, sudores diaphoreticos, exercitationes immoderatas, præcipuè veneream, inedia longiores: quæ non solum secundarias illas membrosum humiditates depopulantur, sed ad humidum vsque primigenium deueniunt, quo exoluto omnis potentia naturalis, & præcipuè vis illa ἐλκτική prostermitur.

Tertia verò causa accidit, quando partes quidem externæ inaniuntur & inaniatæ trahunt à vicinis, donec ad iecur gratiosi humoris fontem deueniatur, & ipsas venas mesaraicas, velut radices intestinis implantatas ad exugendum chylum, primarium scilicet illud alimentum in ventriculo elaboratum. Quæ aliquando propter obstructions aut ἀτονίαν insignem nihil possunt illius materiæ prolektare, neque ventriculi orificio, velut extremo suctionis termino, diuulsionis sensum inferre. Hoc sæpè videre est per diuturnos iecoris morbos, magnas mesenterij & partium vicinarum ἐμφράξεις: Tunc enim nulla concitatur ὀρεξις, nulla animalis appetentia defectu suctionis; sed confectus chylus per intestina posterioremque anum effluit, nullo exinanitarum partium aut trahentium fructu, vnde accidit totum corpus sensim contabescere.

Quarta denique causa, quæ etiam quintam complectitur, erat, quando suctionis sensus non fit, aut imminutè fit in orificio ventriculi: quantumuis inanitis partibus trahentibusque per venas mesaraicas bene dispositas. Vt enim fiat hic sensus in stomacho, & percipiat diuulsionem factam, requiritur tum bona illius temperies, tum ea quæ extrinsecus ad hanc sensationem concurrere solent: nempe facultas animalis libera, tam ratione primi sensorij, quam influxus & succi melancholici ex liene

liene in ventriculum debita effusio, vt dicebamus. Hinc apud Hippocratem *σπληντικοί*, quibus scilicet lien obduruit aut inflammatus est, *ἀσπιτοι καὶ ἀνορεκτοί* permanent, appetentia illis omnino prostermitur, tum ob sympatheiam viciniam, tum priuationem materiæ illius vellicantis & irritantis stomachum. Quibus verò animalis facultas concidit aut deprauata est, quibus mens ægrotat, vt loquitur Hippocrates; per apoplexias, lethargos, phrenitides, & similes affectus, illi factam in stomacho suctionem non percipiunt, ob læsionem primi sensorij. Vnde apud Hippocratem, in causâ sitiferâ non sitire, in causâ dolorificâ non dolere, in malis habetur. Illud etiam præstare potest particularis neruorum sextæ coniugationis, quibus viscera ista interna irrigantur, affectus, vt paralytis, obstructio, aut stupefactio ex usu refrigerantium & narcoticorum contracta. Atque istæ omnes sunt remotiores appetentiæ abolitæ vel imminutæ, causæ.

At verò proprij affectus stomachi, illique *ἰδιοπαθεικῶς* inhærentes, principaliter appetentiam tollunt aut imminuunt: quæ cum fiat per modum sensus tactus, certum est etiam à vitiata illius temperie potissimum proficisci: nam solutiones continui, & organi læsiones, vulnera, vlcera, lumbrici & similia illud tantum per accidens aut remotè præstare valent. Porro intemperies tum materiales, tum immateriales hoc efficere valent, præcipuè quando valde excedunt: duæ potissimum, calida scilicet & frigida. Calor enim ingens absque humore, resoluendo dissipandoque violenter humidam substantiam, famem tollit, quæ est appetitus calidi & siccis sitim verò augeat, quæ fertur in frigidum humidumque, vt patet æstatis tempore, in eis qui valida subeunt exercitia, calidioribus vtuntur balneis, vt Balerucanis; aut alia ratione internum calorem supra modum augent. Frigus etiam absque humore intensum nimis, appetentiam abolet: idque tam actuale, quando, verbi gratia, viscera ab externo aëre, sumptâ vel admotâ aquâ gelidissimâ, niuè, glacie, argento viuo, & similibus ita refrigerantur, vt in *νάρκωσιν* incidant; quàm priuationum vt vocant, ab exhausto calore nostro insito, quod Galenus *νέκρωσιν* appellat, vt per longas hæmorrhagias, alui fluxus, febres ardentes, & similia, quibus exhauritur ventriculi & aliarum partium robur.

Calida verò intemperies cum humore illud multo potentius præstare valet: nam putres, virulenti, & inflammantes succi quoquomodo in ventriculo subsistant, maximas inappetentias inferre solent: siue propter illius vitiatam coctionem calidiores & nidosi humores ibi congerantur: siue ex aliis partibus male affectis illabantur. Quod eadem ratione contingit in frigidâ intemperie humoralis: quamuis enim moderatum frigus ad excitandam *ὀρεξιν* videatur accommodatum, tamen vbi latitudinem mediocritatis exceßerit, contrarium præstare consuevit. Nam pituitosi succi viscidi ac lentis copia in ventriculo collecti per apepsias, vel aliunde illapsi ex toto corpore, vt in illis qui propter assuetas vomitiones allicere solent aliarum partium impuritates in ventriculum: aut ex cerebro, vt phthisicis similibusque hominibus catarrhosis contingit. Nec non etiam melancholici succi maior quantitas eò irrumpentis ex liene aut utero, suppressis scilicet mensibus aut hæmorrhoidibus consuetis, repletionem faciendo quam vocant imaginariam, & calorem quasi suffocando appetentiam imminuit & tollit, vt satis quotidiana docet experientia. Atque hæ sunt internæ causæ, quæ appetentiam prosterunt aut abolent, quæ externarum, vt aëris, alimentorum vitiatorum & similibus vim sæpius consequuntur: sine quarum præcedenti cognitione, propositi affectus *διάγνωσιν, πρόγνωσιν, & θεραπείαν* stabilire vix erat possibile. Nunc itaque ad signa diagnostica accedamus.

Actio igitur ista læsa primò indicat ventriculi orificium esse affectum, vbi istius suctionis sensus præter naturam amissus est, vel imminutus. Vtrum vero id fiat per *ἰδιοπάθειαν*, vel *συμπάθειαν*, distinguendum erit ex signis morborum & causarum diuersarum iam à nobis propositarum. Etenim si ista inappetentia contingat ex defectu inanitionis totius corporis, ob crudorum succorum, sanguinis aut pinguedinis redundantiam: ob poros cutis adstrictos, caloris natiui infirmitatem aut reuocationem: illud cognoscetur ex naturali ægrotantis ipsius temperamento, ætate, sexu, colore, densitate cutis, obesitate & venarum repletionem: ex viuendi ratione opimâ, intermissis exercitationibus & vacuationibus, somno longiore & similibus, quæ implere corpora apta sunt, parum verò resolueret. Secundæ verò causæ signa, quando partes exinanitæ non trahunt, propter earum exolutionem: habebuntur ex cognitione causarum, quæ calorem natium exhaurire & vim facultatis oppri-

mere possunt, siue sint vacuationes immensæ, siue malignæ febres, & aliæ constitutiones, quæ vel præcesserunt, vel adhuc sunt præsentēs. Quod si iecur & venæ mesaraicæ, vt in tertiâ causâ dicebamus, deficient in illa functione quam debent exercere, ab intestinis chylosam materiam prolectando, respicienda erunt signa obstructionum & debilitatis istarum partium, quæ propriis suis tradentur capitibus: necnon ipsius lienis conditio consideranda, vtrum tunc male sit dispositus ad sufficiendam portionem illam benigniorem succi melancholici, quam natura sollicitandæ huic appetentiæ dicauit. Denique si sensus tactus sit læsus in ipsis nervis, vel cerebrum ipsum male affectum, quod in quartâ & quintâ causâ annotabamus, id ipsum innotescet ex communibus illarum partium signis, quæ ex propriis etiam tractationibus sunt repetenda.

Quod si illa omnia deficient, neque insignis vllus lapsus appareat in omnibus illis causis, quas appetentiam ipsam præcedere & comitari debere diximus: tunc conuertendus erit animus ad idiopathicos ipsius stomachi morbos, & eorum causæ per solitos signorum fontes inuestigandæ. Relictis igitur aliis affectibus, qui *ἀνορεξία* non tam propriè excitare valent, calidam illius intemperiem sine humore designabunt, causarum externarum quæ prægressæ sunt aut adhuc præsentēs, agnitio, æstus in præcordio circa cartilaginem illam xiphoidem sensibilis, sitis immodica, & linguæ fauciumque quædam ariditas insolens. Quod si humori iunctus sit calor, aliquando cum febre est, aliàs sine febre: aliquando à parte aliâ profluens, aliàs ibi collectus. Alterius itaque morbi & affectæ partis cognitio, cum qua intenditur & mitescit ista inappetentia, vt inflammationes hepatis aut aliorum viscerum, cystidos felleæ obstructio, & similia, notum faciet istos humores inde in ventriculum irrumpere: quod si illa absint, accusanda veniet propria ventriculi intemperies, aut vitiatorum alimentorum vsus, ex quibus pessimi isti & feruentes succi colliguntur. Huic vt plurimum cardiogmos, nausea & vomitus, vel etiam diarrhœa coniunguntur, ex cuius excreti qualitatibus innotescet peculiaris dominantis humoris natura.

In frigidâ autem intemperie simplici, quæ à causâ actu frigidâ ortum duxit, vt in illâ quæ niuem comedebat; illius vsus idem demonstrabit, & frigoris actualis sensus in illâ parte. Si verò pendeat ab exolutione & mortificatione caloris natiui, illud etiam facile erit discere ex rebus illis quæ præcesserunt, & humiditatem partium propriam, calorisque natiui pabulum corrumpunt: vnde non solius appetentiæ, sed omnium aliarum functionum naturalium labes subsequitur. Quod si frigiditas humori sit iuncta, pondus & grauitas præterea in hoc viscere sentietur, ructuum crassorum aut acidorum copia infestabit, concoctionisque imbecillitas apparebit, siue id fiat per sympathiam, siue per idiopatheiam, vt iam dictum est.

Ad intemperies etiam istas ventriculi detegendas, non parum proderit observatio iuuantium & lædentium: credibile enim est vnamquamque à suo contrario oppugnari & mitescere, nisi hoc fiat per accidens. Denique causæ omnes naturales, non naturales, & præter naturam erunt hic solitâ methodo peruestigandæ.

Vt autem prognosim in hoc affectu stabiliamus: sciendum est primum, bonam vel malam appetentiam non solum in propriis stomachi affectibus, sed in aliis fere omnibus morbis, velut actionem publicam, aliquid fausti vel infausti portendere posse. Celeberrimum enim est illud Hippocratis, *Aphor. 33. sect. 2.* & in prognost. *Bene se habere ad ea quæ offeruntur in omni morbo, bonum*: vt causâ, quia conuenienter assumptis alimentis, commodè reficiuntur ægri: & vt signum, quia bonam constitutionem partis huius, tantopere ad vitam conseruandam necessariæ, ostendit. Contra verò in longis morbis *6. sect. 7.* & diurnâ dysenteria *3. sect. 6.* *ἀνορεξία* summo opere exhorrescit, tanquam vltimam ægrotantis calamitatem, si illi iungatur alui fluxus, vnde *1. epid. part. 2.* vocat *μέγιστον καὶ κακίστον σημεῖον*, aliàs *κακὸν θέατρον*, si ab exolutione caloris natiui pendeat: aliàs non tam mortiferum est signum. Verbi gratia si à caliditate solâ, vel frigoris excessu oriatur, aut ab humorum repletione cacochymicâ, quæ solâ purgatione indiget. Hinc *7. epidem.* Cleomenis filio cibi fastidium citra febrem totos duos menses perdurauit ex pituitæ crudæ & viscidæ copiâ, sed quæ tandem vomitu fuit exclusa. In febre etiam, potissimum incipientē aut vigente, non vsque adeo mala est *ἀνορεξία*, quia tunc natura putrescentium

humorum pepasmo intempera minus appetit alimentum, quod illam ab instituto suo reuocaret, ut eleganter docuit Hippocrates *Aphor. 3. 2. sect. 2.* denuo vero, post sedatam febrem & humores morbificos exclusos & quasi suâ sponte excitatur. In pueris quidem inappetentia magis est gravis, quam in aliâ aetate, propter humidam valde & dissipabilem substantiam qua præditi sunt. In conualescentibus autem recidivam minuitur ex reliquiis morboſis, unde idem Hippocrates *8. sect. 2.* vult eos vacuatione indigere. Necnon *sect. 4. Aphor. 17.* quando sine febre infestat cardiogmos, apostitia, scotodinos & oris amaritudo, pharmaciâ opus esse docuit. Atque hæc de *προγνώσει*.

Therapeiam autem istius affectus tradituri, non omnium dispositionum curationem meditamur, quæ appetentiam imminuere aut abolere possunt: uti repletionis totius corporis ob sublatam inanitionem, debilitatis partium aut caloris in toto, obstructionis aut inflammationis lienis, hepatis, mesaraicarum vel multiplicium morborum, qui cerebrum aut nervos occupare solent: quoniam illa ex propriis suis locis sunt repetenda: sed tantum idiopathicum stomachi affectuum, qui ad appetentiæ læsionem præcipue faciunt. Quamvis igitur ulcera, phlegmonæ, lumbrici, & similia idem præstent, quia tamen eorum curatio à nobis iam est tradita, vel in sequentibus tradenda, ideo de illis nunc agendum non est. Superest tantum intemperies stomachi calida frigidaque, materialis vel sine materiâ, quæ videntur hoc loco proponendæ. Rursum quia intemperies sine humore alteratione tantum indiget, quam licebit repetere ex intemperiei humoralis curatione: idcirco de duorum tantum morborum ventriculi therapeiâ agemus, intemperiei scilicet calidæ & frigidæ, cum humorum vitio coniunctæ, ex quibus ut plurimum idiopathica *ἀνορεξία* dependet.

Curatio ἀνορεξίας ab intemperie calidâ stomachi. Intemperies calida stomachi vel cum febre est, eamque sequitur, ut prius dicebamus; vel sine eâ subsistit. Quæ cum febre est, illâ sublatâ etiam tollitur, ut nullam peculiarem curam exposcat. Quæ sine febre existit, quamvis aliquando eam subsequatur, ut in conualescentibus, nobis est nunc tractanda. Imprimis itaque constat diætam, ex rerum sex non naturalium moderatione constitutam, hic esse stabiliendam: quæ non solum ad conſervationem corporis viriumque sufficiat, sed etiam oppugnandis causis morbificis tam externis quam internis, huicque constitutioni peculiariter resistat, ut sæpè inculcatum fuit à nobis in doctrina vniuersali indicationum. Ideo aer purus & frigidiusculus hic erit eligendus, quod si non liceat commodè in loco ubi æger moratur, mutatio soli ad montes & versus septentrionem erit conualescentibus, aut alio modo calfactis & æstuantibus circa ventriculum, ex consilio Hippocratis proponenda, quo solo multos vidimus pristinæ sanitati restitutos. Aliàs omni arte procuretur, ut domus, cubile, stragula, & similia bene munda, odorata & aëre perflata existant: ne tamen somno indulgeant longiori quo incallescere magis viscera: vitent etiam vigilias immoderatas, labores & exercitationem omnem, studia, curas, & omnia animi pathemata vehementiora, ne efficcetur magis corpus, & bilis commoveatur: ex dicto enim Hippocratico, *ὅπου φάγεται, ὅπου καὶ κοιμηθήσεται, ἐκεῖ οὐκ ἔστιν ἐργάζεσθαι*, *ibi non est laborandum*. Solitæ vacuationes tam naturales, quam arte paratæ, si fuerint suppressæ aut languidiore, denuo procurentur.

In alimentorum autem usu omnia non solum potestate, sed etiam actu frigidiuscula exhibeantur. Varia ciborum genera parcè & eleganter parata, etiam grato quodam, si fieri possit, odore perfusa offerantur, ut omni arte irriterur languidior appetitus. Imo aliquid assumere inuiti aliquando cogantur: quia multi sæpè non appetentes mensam accedunt, quibus, ubi comedere inceperint, reuiuiscit sopita appetentia. An quia obiectum mouet potentiam? vel quia roborata illo cibo facultas, reliquum deinceps melius appetit? aut denique quoniam alimenti illius quantitate stomachi intemperies quodammodo repressa fuit? Sic enim æstate lactucas, portulacam, endiuia & similia olera refrigerantia aceto intincta assumptæ primâ statim mensâ, appetentiam ab intemperie aëris calidiore deiectam exsuscitamus. Debet etiam istis inappetentibus, ex consilio Hippocratis *Aph. 3. 8. sect. 2.* concedi aliquando cibus paulo etiam deterior, si sit expetitus, & illis gratior, quo veluti illecebrâ commoveatur ventriculus ad reliquos alacrius appetendos. Quicumque porrò *ἀνορεξία* ex quacunque causâ laborant, fugere debent omnia pingua, oleosa, butyroſa, & admodum dulcia, quia oblinendo ventriculi osculum

osculum summam statim satietatem inferunt. Cauendum etiam, ne in ingressu mensæ iusculum aliquod consummatum, aut vinum meracum generosum assumant: quia hæc, ex Aphor. 21. sect. 2. celeriter nutriendo & quasi satiando appetentiam cessare faciunt.

Quod ad ciborum quantitatem, sit potius exigua quam multa, & ex intervallis sumpta, ne vnâ vice facultas stomachi opprimatur. Condiuntur omnia edulia, quæ euchyma, & eupepta esse conuenit, aceto rosaceo, omphacio recenti, succo oxalidis, granatorum, arantiorum, limonum & similium acidorum. Miua cydoniorum dicta, sine aromatibus parata, vel ipsa cydonia mala, poma acidula & pyra sub cineribus cocta illis erunt postremo mensæ ferculo offerenda, ad ventriculi orificium roborandum: frigidam potent aquam purissimam, ex fonte optimo scaturientem, vel colatam: aut vinum album *ὀλίγῳ φερων*, modicè adstringens & bene dilutum.

Stabilitâ itaque hoc modo conuenienti diætâ, aliorum etiam remediorum vsus est implorandus: quo causæ istæ humorales tam antecedentes, quam coniunctæ vacuentur, præparentur, alterentur. Quæ cum positæ sint in purâ eacochymia primæ regionis, non tam phlebotomiam quam *κάθαρσιν* exigunt, benignam aut mediocrem, humoris biliosi aut alio modo calidioris, per varias remediorum formulas, quas frequenter repetere conueniet, vt imbutus in parte humor sensim eliciatur. Ad hoc igitur facient myrobalanorum citrinarum cum paucò santalo rubro decoctum in sero lactis, decoctum tamarindorum in aquâ rosarum: rhei infusum in aquâ endiuia: vel eius puluis ad ʒj. cum pari pondere conseruæ rosarum mixtus in formam boli. Item syrupus rosatus solutius, de cichoreo compositus cum rhabbaro, vel de floribus persicorum ex descriptione Fernelij, in conuenienti liquore dissoluti. Quibus solida medicamenta magis placent, exhibeatur ʒj. aloës optimæ, succo borraginis lotæ, cum ʒss. santali rubri. Fiant pilulæ sex deauratæ. Capiat duabus horis ante prandium per aliquot dies.

Ad alterandum verò faciet julepus Alexandrinus, syrupus acetosus simplex, de limonibus, de agrestâ, de granatis acidis, de ribes, de succo persicorum immaturorum, ex descriptione Fontanoni; de endiuia: cum aquis cichorei, acetosæ, lactucæ, borraginis, rosarum in julepos concinnati & frigidiusculè sumpti. Potest etiam ista alteratio iucundius perfici iusculis pullorum, paratis cum herbis refrigerantibus. Quin etiam temperabitur humor ac roborabitur pars sumptis tabellis quibusdâ, conseruis aut opiatis, prout magis erit gratum. Proderunt enim tabellæ diamarg. frigidi, triasantali, conseruæ florum violæ, rosarum, cichorei, borraginis, caulium lactucæ, aut corticis cucurbitæ, carnis limonum & similium, aquâ frigidâ immersorum, vt saccharum abluatur. Vel, si lubeat, ita concinnetur opiata.

ʒ Caulium lactucæ & corticis cucurbitæ saccharo conditæ, ana ʒj. conseruæ rosarum, florum cichorei, & borragin. ana ʒss. santali rubri, coralli rubri & crysalli puluerisator. ana ʒss. trochisc. de spodio & seminis acetosæ, ana ʒj. Cum syrupo limonum fiat opiata, cuius capiat ad quantitatem castaneæ mane & sero, duabus horis ante pastum, superbibendo, si voluerit, parum vini albi diluti, aut julepi Alexandrini. Nostra hac tempestate solemus vt plurimum redundantes istos humores, præcipuè autumnii aut veris tempore, alterare simul & expurgare apozemate aliquo, in quatuor aut quinque doses matutinas instituto, cuius hæc esse poterit formula ad humorem biliosum *ἀνορεξίας* istius causam.

ʒ Rad. cichorei, gramin. & acetos. ana ʒj. bugloss. borrag. cum toto, endiuia, cichorei, lactucæ, portul. agrimon. & cardui bened. ana M. j. capill. vener. & summit. absint. pont. ana M. ss. semin. acetos. berberis, & melon. ana ʒij. prunor. acidor. & tamarind. ping. ana ʒss. myrobal. citrin. aquâ rosar. lotor. ʒvj. flor. viol. rosar. & borrag. ana M. ss. Fiat decoctio in sero lactis, si reperiat, vel aquâ fontis ad lbj. ss. In quâ dissolue syrup. rosar. solut. & de floribus persicorum, si habeatur, vel de cichor. composito cum rhabar. ana ʒij. ss. Fiat apozema clarif. & aromat. ʒj. ss. pulu. elect. triasant. pro quinque dosibus. In quarum primâ & ultimâ dissolue, si opus fuerit maiori purgatione, elect. de succo rosarum ʒij. plus minus pro vario ægrotantis robore.

Interea cum hæc fiunt, non erunt omittenda externa remedia. Trallianus malum cydonium in oxycrato decoquit, contundit, oleo cydoniorum emollit & ventriculo

applicat subfrigidum, frequenter renouando. Si vis, paretur sequens vnguentum:

℞ Olei rosacei, myrtin. & cydon. aquâ acetos. lotorum, ana ℥ ij. fantalor. omnium, coralli rubr. coriand. præpar. & rosar. rubr. ana ʒ j. granor. sumach & spodij, an. ʒ β. ceræ albæ q. s. Fia: linimentum, quo sub tepido, & in volâ tantum manus agitando, calefcente inungatur stomachus, addendo guttas aliquot aquæ rosarum vntionis tempore. Proderit etiam parti frequenter admonere magna rosarum aceto maceratum, aut leuiter irroratum, quod renouandum erit, priusquam incalasciat.

In hoc etiam casu non parum laudarem vsum balnei vel semicupij refrigerantis & humectantis, quo maximè recreantur conualescentes post leuem purgationem, & in priorem constitutionem atque appetentiam sæpius restituuntur. Quod omnia prudens Medicus, pro naturâ ægri & variis circumstantiis, moderabitur.

Curatio ἀνορεξίας ab intemperie frigida stomachi. Vbi verò ἀνορεξία soboles est crudioris frigidiorisque succi, pituitosi aut melancholici, simplicis vel mixti; tunc contrariis penè insistendum remediis, videndumque imprimis, an humoris illius in ventriculo redundantis synatrimos pendeat ex communicatione cerebri, lienis, vteri, & similium intemperie laborantium, quæ primùm erit corrigenda: ne frustra circa partem affectam laboremus, persistente primario affectu. Postea conuertendus erit animus, ad oppugnandam stomachi δυσκοσίαν, vacuando, alterandoque. Instituenta ergo victus ratio calfaciens & exsiccans modicè, secundum gradum propositæ intemperiei. Ad hoc facient aer purior, & secundum qualitates actiuas temperatus, quoniam calidior numquam appetentiam istam animalem, quæ fames dicitur, iuuare potest, quia dissoluit robur calidi innati in quo fundata est ista functio. Si aliqua exercitatio aut vacuatio sit intermissa, vnde ista repletio contigisse videatur, denuò reuocetur: aut saltem frictions crurum & extremitatum versus inferiora instituantur mane post deposita communia alui & vesicæ excrementa. Omnis metus & mœstitia, omne studium immodicum, vigiliæque diuturniores vitentur, quia corruptâ coctione etiam appetentiam imminuunt. Debent isti plus labori quam otio, plus vigiliæ quam somno esse addicti, vt fiat conueniens inanitio & suctus externarum partium.

In alimenterum vsum vitanda repletio nimia, cibique crassiores & insipidi, vt panis azymus & insulsus, carnes suillæ, bouinæ, anserum & similium, nisi modico sale aspersæ, quia sic vellicando ventriculi orificium, & pituitam illi hærentem dissoluendo, appetitum irritare possunt. Idem dicas de piscibus, potissimum viscosis, & cetaceis, leguminibus, castaneis, nucibus, oleribus crudis, caseo recenti & pingui, quæ subito & nimium implendo faciunt famem cessare, vt etiam vina crassa, rubra, dulcia, aut alio modo vitata. Vtuntur itaque pane puro, recenti & bene subactò, carnibus perdicum, gallinarum & auium montanarum bene paratarum, piscibus saxatilibus, frixis & pipere conditis, reliquisque aromatibus cinamomo, garyophyllis, nuce moschatâ & similibus, ad roborandum, calfaciendum & vellicandum ventriculum comparatis. Crocum tamen peculiariter appetitui officere annotauit Auicennas: quia fortassis nimis odoratus & spirituosus subito restaurat vires & satietatem quamdam repræsentat, ad quam cessat appetentia. Ius autem columbarum cum viuis passis paratum, hîc valde commendat Trallianus: vt & vinum tenue, rubrum, & generosum modicè sumptum. Alimenti autem medicamentosi vicem obtinebunt oliuæ, quas Græci κολυμβάδας vocant, sale conditæ & aceto perfusæ, cappares, sceniculus marinus, eodem modo parata, cum aliis cibis sumpta, quæ incidunt mucosam materiam, & stomachi sopitas vires irritant. Sunt etiam qui valde iuuantur sinapi nostro more parato, quia calfacit simul & incidit ac coctionem iuuat.

Præcipuè autem munditia seruetur & varietas in cibis, quæ vt iam fuit annotatum, multum possunt ad prouocandam appetentiam. In fine pastus sumere poterunt miuam cydoniorum cum aromatibus, nuces iuglandes garyophyllis confixas & saccharo conditas, corticem citri aut arantij pariter conditum, & similia, quæ in quotidiano rerum vsum erunt animaduertenda.

Vt verò humor iste qui in ventriculo residet, inde educatur, si quidem æger ad vomitum comparatus videatur, proritari poterit sumptâ repide & ieiuno ventriculo ʒ j. oxymel. scillit. dissolut. in ℥ j. decocti hordei & seminis raphani. Quod si deicatio

deiectio magis competere videatur, quia auertit materiam deorsum, quæ vomitu sursum versus impellitur ad partem affectam: purgentur sæpius exhibitâ tabellâ elect. de citro solut. ad 3 vj. quæ dissoluatur cum decocto menthæ & absinthij pont. vel pilulis de hierâ aut aggregatiuis ad 3 j. sumptis. Vel parentur sequentes.

℞ Aloës electæ succo absint. nutritæ 3 j. agarici trochisc. 3 ij. rhabarb. puluer. 3 j. nucis mosch. & spicæ nardi, ana 3 ss. salis gemmei & tartari albi, mastich. & cinam. ana 3 j. Cum syrup. de menthâ fiat massa pilularum, de cuius 3 j. fiant pilulæ quinque deauratæ, quas capiat mane, vel capiat duas tantum horâ vnâ ante cœnam alternis diebus; sic enim sensim vacuabitur iste humor, intemperies corrigetur, & pars ipsa roborabitur. Si quis delectetur liquidioris remedij formulâ, præscribi poterit sequens apozema.

℞ Rad. acori vulgaris, cyperi, & calami arom. ana 3 j. cort. citri sicci & rad. salsæ parillæ minutim incisæ, ana 3 vj. herbarum absint. pont. menthæ, maioran. chamædr. summ. fumar. & hyssop. ana M. j. semin. citri & anisi, ana 3 ij. fennæ mundat. 3 ij. semin. carthami contus. 3 j. agaric. trochiscat. in ligat. positi 3 iij. epithymi, florum saluiæ, anthos, & lauend. ana P. j. Fiat decoctio ad lb j. ss. In quâ dissolue syrup. de absint. pont. & cond. calami aromat. ana 3 ij. Fiat apozema clarificatum & aromatizatum cinamomo & puluere aromatici rosati pro quatuor aut quinque dosibus matutinis. In primâ & vltimâ dissolui poterit ad vberiore purgationem, tabella electuar. de citro solut. 3 ss. rhabarb. pulu. 3 j. Detur cum custodiâ.

Ad alterandum verò & roborandum nihil est antiquius vino aut syrup. absinthino conuenienter parato, quod familiaritate quadam ventriculo est amicum, concoquit & modicè deterget. Si multum sit frigida ista materia, paretur etiam syrupus de mentha & vinum Hippocratium dictum, cum cinamomo & paucò zinzibere albo. Aliquando oxymelitis optimi semuncia cum decocto menthæ dissoluta valde profuit in dissipandâ pituitâ istâ viscidâ & lentâ. Laudarem ego etiam decoctum guaiacini, aut ligni sassafras, in plures dies cum leui sudore, quia roborat valde & discutit humiditates istas superfluas: aut sine sudore in debilioribus. Sunt etiam qui aquarum nostrarum Balerucanarum, nitro & sulphure constantium, largiore potu per tres aut quatuor dies repetito, appetentiam recuperarunt, quia eluunt valde & expurgât sordes istas ventriculi & intestinorum. Tabellæ aromatici rosati Gabrielis huic affectui videntur dicatæ, necnon mithridatium, aurea Alexandrina, & theriaca optima iam antiquior. Si vis, parentur pilulæ sequentes, & opiata ad alterandum & roborandum.

℞ Nucis mosch. garyophyll. cinam. elect. ana 3 j. puluer. elect. aromat. rosati 3 ss. piperis longi, ligni aloës & cubebæ, ana 3 j. rosar. rubrar. & ambre griseæ, ana 3 v. Incorporentur cum syrupo de absinth. fiat massa pilul. de cuius drachma fiant sex deauratæ. Capiat vnâ vel duas horâ vnâ ante singulos pastus.

℞ Miux cydon. cum aromat. 3 j. ss. cortic. citri & arantior. sacchar. condit. & bene contus. ana 3 ss. myrobâl. saccharo conditam & nucem iuglandem pariter conditam, ana numer. j. puluer. aromat. rosat. & confectio. alkermes, ana 3 ss. theriacæ veteris 3 iij. Cum syrup. condit. calami aromat. fiat opiata, de qua capiat ad quantitatem castanæ singulis diebus mane, quando non vtetur aliis remediis, superbibendo modicum vini generosi.


Sunt etiam qui in hoc casu aquam imperialem dictam valde extollunt, ad cochlear vnum sumptam ieiuno ventriculo. Hodie multæ aliæ aquæ similes & aromaticæ parantur, non infælici successu in his ventriculi affectibus.

Interim non erunt omittendi clysteres sæpius repetiti ad sollicitandam aluum pigriorem, & deturbandam versus intestina materiam istam pituitosam: qualem inter alios probant Practici ex vrinâ pueri impubis & vino albo paratum; in quibus dissoluunt fermenti 3 ss. vel hieræ picræ 3 j. cum paucò melle rosato.

Dum hæc peraguntur, exterius admoueri poterunt orificio ventriculi, oleum nardinum, absinthinum, muscatellinum, de nuce moschatâ, de garyophyllis, ceratum stomachicum Galeni & similia. Vel paretur sequens.

℞ Olei nardini & de absint. ana 3 iij. succi menthæ & vini optimi, ana 3 ss. De-coquantur ad succi consumptionem. Post adde cinamomi crassi, nucis mosch. garyophyll. seminis coriandri & aloës, ana 3 j. ss. puluer. elect. aromat. rosati 3 j. Cum paucâ cerâ fiat linimentum, quo inungatur ventriculus ante singulos pastus. Fetus eodem modo fieri poterunt cum sacculis plenis absinthio, mentha, maior.

cortice citri, calamo aromat. & cinam. crassiore, quibus rubro vino calente aspersis foveatur prædicta regio. Creditur etiam pellis vulturis aut struthiocameli supra ventriculi regionem gestata, non solum coctionem iuuare; verum etiam deperditam appetentiam restituere. Sed quoniam de his rursus acturi sumus capite de apepsiâ & dyspepsiâ, ideo huic finem imponamus.



CAPVT III.

De fame caninâ & boulimo.

APPETENTIA orificio ventriculi insitâ, quando præter naturam constituta est, vt cæteræ actiones, aut non sit omnino, vel sit imminutè, aut deprauatè. Deprauatur autem dupliciter, in quanto & in quali, videlicet quia magis appetit quàm opus sit ad alimoniam, & cum dolore; aut quia quando non oportet & alendo corpori minime congrua appetit. Abolitam ergo prius & imminutam appetentiam explicuimus; nunc de eadem præter modum auctâ, sequenti capite de deprauatâ secundum obiectum acturi.

Cæterum multis nominibus auctas istas appetentias antiqui donauerunt: omnem enim manifestum penuriæ alimenti sensum ὄρεξις, Latini appetentiam dixerunt. Quæ si sit intensior & molesta, ex defectu alimentorum, vt in annonæ penuriâ, aut per indicta ieiunia, λιμός fames appellatur. Atque hæ duæ dispositiones intra sanitatis limites contingunt: natura enim doloris ac suctionis istius sensum vni parti indidit, vt reliquum corpus ali conseruarique posset. Est tamen aliquando, vbi Hippocr. λιμόν pro constitutione præter naturam sumpsit, vt Aphor. 21. sect. 2. ex ipsiusmet Galeni interpretatione.

Frequentiora tamen nomina sunt κυνορεξία, λυκάδης seu κυνάδης ὄρεξις, canina fames, lupina appetentia, phagedæna carachresticws lib. definitionum medicarum & comment. in 6. epid. βέλιμος, βελιμία, multa seu magna fames, Barbari vaccinam famem sunt interpretati, βεπείνα apud Gellium, κενχυρία apud Pollucem ab efficiente causâ; λιμοκτονία lib. 3. de diætâ, quasi dicas enecantem famem. Quæ nomina tam perplexè & confusè ab authoribus nostris vsurpantur, vt quamuis βέλιμον à κυνορεξία distinguere voluisse videantur, in rei tamen naturâ explicandâ, causisque illorum assignandis tanta est confusio, vt vix quid senserint statuere possis. Nos itaque vitato tantarum dubitationum euripo, illud breuiter stabilimus de duobus istis affectibus, quod ad rei veritatem & medendi vsum magis facere videtur.

Reperendum itaque ex superioribus, ad appetentiam secundum naturæ leges excitandam, præcedere debere partium externarum inanitionem, earumdem à vicinis vsque ad mesaraïcas tractionem, huiusque tractionis siue diuulsionis sensum in orificio ventriculi, qui debet esse adæquatus siue proportionatus ipsi tractioni. Duplex itaque vitium excessus poterit in actione ista contingere, vtpote mixta: vnum respectu naturalis illius appetitus, quando partes inanitæ trahunt violenter à vicinis, donec ad ventriculi orificium perueniatur: quod tantâ suctionis vehementiâ perculsum, in principio quidem multum appetit, sed postmodum exhaustis perit viribus, concidit & eneruatur, nullâ amplius appetentia animali laceffitum, sed crebra potius καρδιαλγία, syncope & animi deliquio oppressum. Hoc igitur vitium peculiariter βέλιμον & βελιμίαν appellabimus, quod eleganter quidam ex recentioribus famem sine appetitu vocauit. Barbari, quod bolo vnico saturentur ægri, βέλιμον esse dictum falsò quidem putarunt linguæ græcæ ignari: rei tamen naturam subindicarunt, quia in isto affectu ægrotantes, quamuis ingenti fame torqueantur, statim tamen exiguo assumpto cibo collabitur illa appetentia, permanente anxietudine & molestiâ. Vnde illum ita describere licet. βέλιμος est symptoma appetentiæ ventriculi vitiatæ & præter modum auctæ ob ingentem partium inanitionem, & earumdem nimiam tractionem, ad quam sequitur cardiogmos frequens & animi deliquium. Cum enim non sit proportionata ista inanitio siue tractio cum naturali diuulsione quæ efficit bonam appetentiam, exhauriuntur spiritus,

spiritus, viresque ventriculi ita deiciuntur, ut in hoc affectu pauca statim alimenta satient, nullaque nausæ aut vomitu infestentur, ut in sequenti affectu, sed potius raptò in consensum corde, lipothymia corripiantur.

Aliud verò vitium quod in hac actione contingit, est ex parte animalis appetitus supra modum aucti, qui inanitionis partium aut suctionis magnitudini etiam respondet, sed multò plus appetit & ingerit quam concoqui aut in corpus distribui possit; unde ab eodem Authore hoc vitium vocatur appetitus sine fame, id est naturali indigentia. A causâ enim morbificâ irritatus stomachus indefinenter impellitur ad alimenta assumenda, more canum aut luporum voracissimorum animalium, ut tanta molestia & cruciatus sedetur. Hinc fit ut cibi nimia quantitate & nimis frequenter assumpti, maneat incocti & alienâ quadam qualitate præditi, statimque aut breui interiectâ morâ per vomitum, aliquando per secessum excludantur. Unde famem istam caninam ita possumus describere.

Κυνορξία est insatiabilis ciborum appetentia, cum frequenti vomitu aut deiectione materiæ crudæ & inconcoctæ, ob causam morbificam continuum diuulsionis sensum stomacho inferentem. Hunc affectum depinxisse videtur Hippocrates lib. de morbis, sub illâ morbi specie, quam *ἀνάγην* absumptoriam appellat: *ἐκ ἀνέχεται*, inquit *ἡ δὲ ἀστος*, *ἡ δὲ βεβρωκώς*, non potest se continere neque ieiunus, neque pastus: ieiunus enim torquetur & diuulsiones patitur: plenus autem non potest quiescere, sed denuò vomit bilem, piritam, & salivam multam.

Eccæ veram, ut quidem mihi videtur, horum duorum affectuum distinctionem; quamvis parum à placitis authorum nostrorum aliquando dissentientem. In quorum etiam causis assignandis, veritatis momenta & rei naturam potius spectabimus, quam autoritatum aut variorum Galeni locorum discrepantiam. Cum enim dixerimus *βελιμία* pendere à summâ inanitione partium, quæ violenter trahentes & exuentes ventriculi orificium, vires animales omnino prosterunt. Hinc existimamus ea omnia quæ multum & validè exhaurire valent partes, aut retentrici magnam imbecillitatem inferre, posse etiam causas esse *τῆς βελιμίας*. Hanc enim potius quam caninam appetentiam (quamvis aliter sentiat Galenus 6. de loc. affect. cap. 3.) similem esse putamus diabete seu hydropi ad matulam dicto, qui ab insigni renum calore aut imbecillitate solet excitari: quippe in *βελιμία*, qui rarissimus est affectus, ut diabeticus; oportet eodem modo adesse maximum effluuium substantiæ potissimum spirituosæ & humoralis dissipationem, ad quam sequitur illa tractio & exolutio. Ad resoluendum, verò & debilitandum, non facit frigus: quamvis enim longâ morâ aut intensiōe partibus *νέκρωσιν* inferre possit, non tamen vnquam efficiet, ut substantia corporis nostri digeratur violenter, aut partes prævalidè trahant, ut excitetur ista *βελιμία*: quamvis illud innuere videatur Galenus commento in Aphor. 21. sect. 2. & lib. 1. de sympt. causis, cap. 7. Nisi forte dicas id fieri per accidens, ut narrant de illis qui per niues iter facientes, corripiuntur aliquando ista fame syncopali; hoc enim fit concentrato nimium ad interiora calore, unde ventriculi & vicinarum partium subita colliquatio inducitur. Rustici nostri istam famem, quæ iter facientibus per montes nobis vicinos accidit, referunt ad herbam quamdam calcatam, quæ *lunaria*, & *sferia-cavalle* dicitur, cuius vi & proprietate orificium ventriculi ita percelli credunt, viatoribusque consulunt, ut semper aliquid panis aut alterius cibi secum ferant, ut possint mederi huic molestiæ, quæ frequenter matutinis horis, aut ieiuni corripiuntur.

Nos itaque dicamus, calorem intensum, & in partibus istis violenter coercitum, inter præcipuas *βελιμίας* causas recensendum, ad quem sequatur resolutio, laxitas, & partium imbecillitas, ut in febribus quas vocant colliquativas, & in aliis quæ furores illos diaphoreticos dictos, invehunt. Idem potest contingere in corporibus humidioribus & delicatis, æstiuo ardori aut cuius intensiori calori præter morem expositis, factâ partium subitâ *διαφύκησιν*. Præter calorem etiam omnia quæ primæ & secundæ coctionis materiam violenter absumunt, aut ex corpore manifestè euacuant, *βελιμίον* etiam excitare possunt. Inter quæ lumbricos & potissimum latus, recenset Galenus lib. de theriacâ ad Pisonem, & multi alij annotarunt, qui præcipuam chyli partem depascendo, fames istas morbosas inuexerunt. Sic per leienterias, dysenterias hepaticas, hæmorrhoidum fluxus immoderatos & similes vacuationes, ex retentricis imbecillitate ortas, fit aliquando ut partes suo genio defraudatæ, violenter à ventriculo trahentes, robur illius exhauriant, & famem istam vaccinam inducant. Retentricis autem imbecillitas & vacua-

ciones istæ immodicæ varias habent causas, ex suis locis repetendas.

Caninæ autem appetentiæ duas potissimum causas statuimus, intemperiem em scilicet frigidam stomachi sine humore, quam inuenerunt rerum externarum usus, ut aër frigidior, alimenta acidiora, vigiliæ intempestiæ, mansio in aquâ frigidior, unde Hippocrati 6. *epidem.* Aqua vorax, vigilia vorax, & similia, quæ diuulsionis sensum facere possunt in orificio ventriculi, non tamen eò usque processerunt, ut colliquationem in partibus, vel mortificationem inducant. At verò causa materialis hunc potissimum affectum, si sit diuturnior & pertinax, generare solet, nempe acidus humor, siue pituitosus, siue melancholicus, tunicis stomachi infarctus, non tam quantitate, quæ repletionem & satietatem faceret; quam qualitate molestus, constringens & perpetuum suctionis sensum inferens. Hic autem in ventriculo per cruditates, alimentorum vitia, illiusque intemperies frigidiores gignitur: vel ex aliis partibus deriuatur, ut capite, liene, & similibus excrementa sua eò relegantibus. Sunt qui existimant, hunc humorem non tantum qualitate manifestâ, sed etiam occultâ quadam proprietate hunc affectum inducere: quod non est improbabile.

Signa autem causarum & affectuum βελιμίας ex superioribus repetenda. Nam calidior intemperies ab externis per se vel per accidens contracta, ex illorum præsentia aut progressâ actione est manifesta: quæ verò sequitur febriles ardores & colliquationes, ex ipsius febris naturâ dignoscitur, corporis macie, virium colapsu, urinis ac deiectionibus pinguedine quadam refertis. Quando verò fit à lumbricis chylosam materiam absumentibus, signa adsunt vermium, ventris morfus, stomachi quædam palpitatio, horrores & similia suo capite describenda. Inter quæ Aristoteles 5. *de historiâ animalium*, cap. 19. lati illius & longissimi lumbrici signum esse vult deiectiones cucurbitularum aut melonum semini simillimas. Si verò sequantur vtilis cuiusdam materiæ vacuationes, ut chyli aut sanguinis ex retentricis imbecillitate, id agnoscendum ex rebus naturalibus, non naturalibus & præter naturam à quibus oriuntur.

Quod ad signa verò caninæ appetentiæ attinet, si à causis procataceticis pendeat, facile cognoscentur ex præsentia illarum statu: vel ægri aut adstantium relato. Si autem interiorem habeat causam humoralem, in ventriculo collectam, aut aliunde deriuatam, illa dignoscetur sapore oris alieno, ructibus acidis, depravatâque coctione, ob quam perpetuus fore vomitus adest, aut deiectio crudæ, aquosæ, & incoctæ materiæ, quæ naturam suam deiecit & repræsentat: consumitur etiam paulatim totum corpus & contabescit communi fraudatum alimonia.

Ex quibus etiam πρόγνωσις horum affectuum stabilire licet: nimirum βελιμίας & caninam appetentiam, quæ à causis pendent externis, parum periculi inferre, si illæ citò tollantur aut immutentur, priusquam firmam in corpore dispositionem induxerint. Quin etiam βελιμίας à lumbricis excitatum, illis fugatis aut enecatis quiescere. Qui verò sequitur ingentes consumptiones aut colliquationes corporis, vel vacuationes ingentes ex retentricis imbecillitate, ut plurimum cum ægri interitu terminari: Præcipue si ingesto alimento & adhuc pleno ventriculo deficiant & linquantur animo, quoniam ea à quibus maximè leuari debebant, inutilia existunt, propter summam partium & ventriculi atoniam.

Eodem modo canina appetentia diu cum vomitu aut crebrâ deiectione perseverans, periculosa esse solet, non tam ratione sui, quam aliorum morborum, qui ad eam consequuntur, cachexiæ, hydropis, leienteriæ, marcoris, & similibus, corruptâ nimirum triplici corporis concoctione. Superest igitur tantorum affectuum therapia diligenter incumbamus.

Curatio βελιμίας. Βελιμίας à lumbricis excitatam curare nihil est aliud, quam lumbricos ipsos enecare aut expellere, ut iam dictum est. Qualem nuper vidimus sex cubitorum longitudine per frustra excretum, cum integrâ ægrotantis leuatione. Ea verò quæ consequitur magnas vacuationes vtilis materiæ ex retentricis imbecillitate, leienterias videlicet, hepaticos fluxus & hæmorrhagias: illud expetit ut in principio his causis diligenter prospiciatur, quoniam inualecente affectu mortem in propinquo adesse certum est. Idem dicas de syntecticis & diaphoreticis febribus, omnique calore violenter absorbente triplicem corporis nostri substantiam, quando iam est valde progressus.

Si quid tamen in hoc tam graui & difficili affectu tentandum sit, cum summa hic adsit inanitio, partium consumptio & ventriculi imbecillitas: certum est indicari repletionem, restaurationem & corroboracionem, victu potissimum analeptico, & medicamentis alterantibus & vires confirmantibus. Proinde genus omne alimentorum boni succi & facilis coctionis erit eligendum, sub formâ liquidâ & sorbili, vt citò & commodè reparetur substantia deperdita. Talia sunt iuscula consummata, panatellæ cum vitellis ouorum, oua tremula, gelatinæ, instaurantia, pressi ex delicatis & semicoctis carnibus succi, lac amygdalarum dulcium cum multo saccharo. Quod si caloris in stomacho excedentis aut reliquo corpore adsit vehementia, prædictis inspergentur succi acetosæ, vuarum acerbarum, limonum, arantium, granatorum & similibus. Panem etiam vino diluto odorifero infusum sæpè exhibebis, quo mirè recreatur ventriculus, & vires instaurantur. Quin etiam Trallianus meracum concedi vult aliquando, de symptomate potius, nempe syncope, quàm de morbo aut eius causâ sollicitus.

Item in myrobalanis aut nucibus saccharo conditis, cortice citri saccharato & aromaticis aliis exhibendis videndum erit, ne dum stomacho roborando studemus, nimium intemperiem calidam augeamus. Si vis, frustum myrobalani contundatur in mortario marmoreo bene mundo cum pistillo ligneo, diluatur aquâ rosaceâ & succo granatorum. Capiat ex cochleari. Pyra etiam, poma, mala cydonia sub cineribus cocta & saccharo aspersa, vel cum aquâ & pauco vino cocta, addendo sacchari q. s. prodesse poterunt, præcipuè vltimâ mensâ. Denique vbi iam multum inualuerit macies, hic omnia proderunt quæ ad hæticos & consumptos parari solent. Neque erunt etiam negligendæ res aliæ externæ, utpote vitanda omnis aëris inclementia, quæ in hoc affectu promouendo multum potest: exercitationes etiam aut labores, ne per motum augeatur ista ventriculi diuulsio & resolutio: animi passiones arcendæ: somno potius quàm vigiliis indulgendum, & omnis vacuatio, nisi moderata & excrementorum communium, quantum fieri poterit, impedienda.

Quod ad reliqua remedia attinet: neque phlebotomia nec vacuantia sunt hic ex vñu, cum ex inanitione partium & diuulsione stomachi iste affectus contingat. Solis itaque alterantibus & roborantibus pugnandum, caliditatem, si præsens fuerit, corrigentibus: qualia capite de cardialgiâ à ventriculi inflammatione proposita sunt. Paretur ergo talis syrupus.

℥ Succi pomorum redolent. & granator. acidor. ana ℥ j. succi granorum kermes, vel syrupi ℥ ij. aquæ rosaceæ ℥ j. sacchari albi q. s. Decoquantur in consistentiam julepi, aromatizetur pauco santalo citrino. Capiat bis aut ter in die ad ℥ ij. Vel

℥ Fol. cardui benedicti, borrag. morsus diaboli, acetosæ, & lactucæ, ana M. j. semin. coriandri & berberis, ana 3 ij. flor. nymphææ, violar. borrag. cichor. & rosar. ana P. j. Fiat decoctio in aquâ fontis ad ℥ ij. addendo sub finem vini albi tenuissimi quart. j. Colatura mittatur per manicam Hippocratis cum saccharo & pauco santalo citrino in formam bocheri, quo vtatur omni horâ, sumendo ante tabellam vnam, si voluerit, ex sequenti descriptione.

℥ Conseruæ rosarum, florum cichor. & borrag. ana 3 j. confect. alkermes 3 ij. pulueris electuar. de gemmis & diamb. santali vtriusque, ana 9 j. Cum sacchar. aquâ rosarum dissoluto fiant tabellæ deauratæ ponderis 3 ij. Vtatur vt dictum est.

Interea non omittentur externa, quæ roborant absque calfactione, & adstringunt. Inungatur itaque regio stomachi oleo myrtino aut lentiscino: deinde sinapisetur puluere granorum kermes & santalorum. Probantur etiam hoc in casu clysteres analeptici ex iusculis consummatis, cremore hordei, aut lacte amygdalarum dulcium cum saccharo & vitellis ouorum, sæpe iniecti, vt recreatis hoc modo intestinis ac venis mesaraicis, non ita violenter trahant ab ipso ventriculo.

Quoniam verò animalis appetentiæ robur pendet etiam ex bonâ cerebri constitutione, quæ hic in sympathiam trahitur: ideo instaurandi animales spiritus iis quæ suauem halitum spirant, vt odore vini generosi, carniū assatarum, aquâ rosaceâ aspersarum, fumo panis calentis: vel dissolue in ℥ ij. aquæ rosar. vel citranguli, santali citrini & moschi grana aliquot; calefiant leuiter, & apponantur naribus ex spongiolâ aut linteolis: Aqua angeli ad id valde conducit olfacta, vel

inspersa temporibus, volis manuum, & plantis pedum; ut etiam confectio alker-mes, pulvis diambrae, & similia. Si æger in lipothymiam aut perfectam syncopem labatur, excitandus omni arte, aspersione aquæ super faciem, ligaturis & frictionibus extremitatum, vellicatione, pilorum vulsionibus & similibus, quibus istos exanimatos reuocare solemus, nisi omnino iam morti sint propinqui. Atque hæc de *βελιμία* seu fame syncopali.

Curatio canina appetentia. *Κυνοφάγας* causæ constitutæ sunt, intemperies frigida sine materia, quæ vehementiores appetentias excitare solet, suctionis ordinariæ sensum longè superantes: & frigiditas cum humore acido coniuncta, quæ præter appetentiæ excessum, concoctricem ac retentricem ventriculi facultatem labefactat: vnde apud Galenum *lib. 2. artis parua* ventriculus frigidior etiam in latitudine sanitatis plus appetit, quam coquere valeat.

Curatio igitur simplicis intemperiei faciliè intelligetur ex curatione humoralis: in quâ proponitur vacuatio, alteratio & corroboratio per dietam potissimum & pharmaciam. Instituatur itaque victus ratio humoris generationi & illius qualitatibus opposita. Propterea vitet aëris frigidioris occursum: somno & vigiliæ per intervalla indulgeat, moderatè exerceatur, vel fricetur mane, ad humorem istum & cruditates dissipandas: Animum auocet à patinis & cogitatione ciborum, quantum poterit. Fugiat omnem ingluuiem & saturitatem nimiam, quia cibus distentus ventriculus imbecillior minus coquit, & ad expellendum magis incitatur. Eligantur cibi modicè calfacientes & exsiccantes, ut panis bene fermentatus & anisatus, carnes euchymæ & facilis coctionis, assæ potius quam elixæ, vinum rubrum & generosum satis meracum, quod solum *ὀρεξιν* istam sedare valet, ex *Aphorif. 21. section. 2.* Sumat postremâ mensâ semen anisi aut coriandri saccharo incrustatum. Vitanda omnia olera, acida, austera, falsa, & acria, quia appetitum acuunt, nisi aliquando ad deterfionem humoris stomacho adhærentis vsurpentur, paucâ quantitate, & sub morbi declinationem. Aromatum etiam vsus hic commendatur, nucis moschatae, cinam. piperis & caryophyllor. imprimis, cum condimentis dulcibus & saccharatis, si ægrotanti arrideant. Omnia edulia actu calida exhibeantur, nihil frigidum.

Atque hæc diætæ sic instituitur ratione morbi & causæ. Quod si symptoma magis quam illa vrgerè videatur, solent Practici ad sedandam hanc appetitus rabiem præscribere crassa, pingua, oleosa, viscosa, ut carnem suillam aut aprinam pinguiorem, artocreata, cerebella, medullas, intestina & extremitates animalium, anguillas cum porris & paucis croco paratas, murænas, bulbos, tubera, cochleas, pultes, oryzam cum lacte aut iure pingui coctam, nucleos pini, amygdalas cum melle coctas, panem butyro aut oleo dulci illitum, & similia, quæ citò implere ac saturare possunt, cum quibus exhibent vinum nigrum aut flauum, aliquando etiam muscatellinum, vel Hippocraticum: sic enim humoris vellicantis ferocitas, & illius frigiditas corrigitur. Miræ sunt curationes Villanouani in quibusdā fame caninâ fere desperatâ laborantibus: Infusum, inquit, panem calentem in amurcâ olei comedendum ægro præbui: deinde vinum dulce crassiusque bibendum. Mulier vero quædam liquatum bouis adipem ad ℥j. cum pari olei calentis quantitate miscuit & duabus vicibus assumpsit: in tantum vterque cibi fastidium inciderunt, ut nihil per quinque dies comederint, & à priore affectu liberati sint. Hæc licebit in extremo periculo & deploratis ægris experiri. Placet etiam illud quod à Rondeletio adferitur, quodque Hispani iter facientes vsurpant, constringendum esse ventrem arctissimè latâ quadam fasciâ: sic enim contractus ventriculus suctionem minus sentiet, facilius paucis implebitur cibo, nec tam liberè ad vomendum commouebitur.

Quod ad remedia vero attinet; vacuatio caeochymiae istius faciendæ tum coniunctæ, tum antecedentis, quando scilicet ex aliquâ parte in ventriculum delabitur. Ad hanc rem magis apta erit forma cathartici solida, quia nec tam faciliè vomitu excluditur, nec tantum implet. Idcirco præscribantur in formam boli aut pilularum. Ut

℥ Confect. hieræ & diaphœnic. ana ʒ ij. diacarthami ʒ j. Misce, cum saccharo fiat bolus, cui addi potest rhabarb. pulv. ʒ j. ad compescendum vomitum. Repetat illius vsus semel in septimanâ.

℥ Massæ pilular. aggregat. ʒ β. agarici recenter trochiscati ʒ j. β. rhabarb. puluerisat. vino irrorati ʒ j. zinzib. & nucis mosch. mastic. & diagred. ana ʒ β. Excipiantur syrup.

De affectibus ventriculi, &c. Cap. IV. 181

symp. rosat. solutio. Fiat massa pilular. de cuius 3 j. formentur pilul. sex molliores, ut facilius in ventriculo dissoluantur. Capiat summo mane quando liberius purgare volueris: vel sumat duas horâ unâ ante cœnam, ut sensim & blande humor iste educatur. Qui etiam præparari poterit & alterari sumptis vino aut syrupo absinthino, oxymelite scilicet, syrupo de mentha, cum paucâ aquâ imperiali dissoluto & similibus, prout res expetere videbitur.

Eadem ratione roborandus ventriculus sumptis & admotis. Capiat ergo sæpius rheriacæ antiquioris, mithridatij, vel aureæ Alexandrinæ 3 j. cum 3 ij. conferuæ anthos aut florum saluæ. Tabellæ diamoschi, diambæ & pliris archonticon erunt hic vtilissimæ quauis horâ sumptæ, vel eorundem electuaria puluis ad 3 ss. cum vino Hippocratico aut iusculo pingui exhibitus. Admoueatur exterius ventriculo cucurbitula post sumptum cibum, & ibi per horam integram relinquatur. Fiant foris calfacientes & roborantes, applicetur emplastrum ex aromaticis confectum, nuce moschata, pipere, garyophyllis, zinzibere, cinamomo, mastiche, & croco, cerâ & terebinthinâ exceptis. Aut sacculus ex eisdem infarctus cum foliis absinth. & menthæ, vino rubro calente madefactus sæpius admoueatur. Sunt qui exterius illinunt seuum suillum aut adipem anseris, donec crustam ibi crassiorem fecerint, sic enim putant deieci posse huius appetentiæ ferociam. Alij ad narcotica vsque deueniunt, ut exactior partis istius sensus minuiatur; quod in gravissimo affectu non est omnino repudiandum. Atque hæc de *νευροεξία*.



CAPVT IV.

De picâ seu malacia.



DEPRAVATUR appetentia in quanto aut in quali. Immoderatæ appetentiæ à nobis superius explicatæ quantitatæ excessum respiciunt. Vbi verò non qualia oportet, corpori nostro congrua & *εὐπρόσφута* appetuntur, sed absurda, inutilia atque etiam noxia: tunc exoritur aliud deprauatæ appetentiæ vitium, quod veteres picam seu *πίκα* & malaciam vocarunt. Quidam ab hederæ similitudine, quæ Græcis *κίσκος*, appellatur, dictam putant, quoniam ut illa quibusvis plantis aut parietibus implicatur: sic etiam hoc morbo laborantes, in varios & discrepantes cibos feruntur. Alij à picâ aue, ob varietatem coloris quo donata est, vel quia terræ glebas esitat & vario ciborum genere delectatur. Malaciam verò seu mollitiem & defectionem cum Plinio, quia mulieres hoc affectu derentæ, præ animi impotentia & mollitie deficiunt à recto & naturali alimentorum appetitu. Quidquid sit, ita à nobis describetur pica: Symptoma deprauatæ appetentiæ ventriculi, ob prauos & certo modo corruptos humores, illius temperiem labefactantes.

Partem enim hîc affectam nemo dubitat esse orificium ventriculi, veram appetentiæ animalis sedem; quamuis causa illius morbifica in toto ventriculo, ut per magnas cacochymias, contineri possit: vnde vomitus & alui fluxus illi sæpe complentur. Intemperies ergo huius actionis læsæ proxima est causa, non simplex, sed cum prauis humoribus coniuncta, qui in ventriculo ob læsam eius concotionem generantur, vel aliunde deriuantur. Etenim naturæ melancholicæ ac pituitosæ, item plethoricæ aut putredinibus obnoxia, ciborum vitiatorum vsus, suppressa aliqua vacuatio naturalis vel iam consueta, animi moerores, hepatis intemperies, lienis obstructions aut imbecillitates, vteri affectus, capitis fluxiones, & similia, vitiosis istis excrementis ortum sæpius dederunt. Quæ non sunt vniusmodi & consimilis naturæ, sed valde diuersæ, crudorum scilicet & incoctorum aut valde vstorum, & supra sanguinis aliorumque humorum naturalium gradum positorum. Vnde qui malaciâ laborant alij acerbis, acidis & austeris delectantur, magnamque virentium adhuc fructuum & immaturorum, carniū crudarum, omphacij, aceti, succi limonum, arantiorum, aquæ frigida, niuis, glaciei, & similiū copiam vorant. Alij verò exusta, terrea & admodum sicca expetunt, seseque ingurgitant sale, aromatibus, carbonibus, pane torrefacto, cineribus, puluere tritici, gypso

ex parietibus deraſo, nec non aliquando calce viuâ & aliis valde abſurdis rebus.

Huius rei meminit Hippocrates *lib. 2. prorrh.* Quibus colores, inquit, dum iuuenes ſunt, prauī exiſtunt ad multum tempus & continenter, non tamen icteri modo: hi ſive viri ſunt, ſeu mulieres, caput dolent, lapides & terram comedunt; & in Coacis, rerum illarum appetitus, ſanguinis Phlogiſtici ſignificat, quaſi dicas certum quoddam corruptelæ vitium in humoribus qualitate potius quam quantitate noxiis: vnde hic affectus virginibus, ſi menſtrua diutius ſuppreſſa fuerint, grauidiſque mulieribus ad quartum vſque menſem familiaris eſſe ſolet, donec grandior fœtus incipiat magnam humorum copiam abſumere, & ipſa mater crebris vacuationibus iſtam illuuiem excluſerit: Pueri eodem modo huic morbo redduntur obnoxij ob voracitatem, potiſſimum qui lumbricis abundant.

Iam exoritur hîc quæſtio ad diagnoſim & therapeiam iſtius affectus pertinens. Cum enim dixerimus malaciâ laborantes non ad eoſdem, ſed diuerſos admodum cibos ferri: ſciendum an ſimiles humori in ventriculo eorum dominantī, an verò contrarios appetant: vt & cauſam morbi accuratius agnoſcamus, & illi conueniens remedium apponere poſſimus. Galenus *lib. 2. artis parue*, vniuerſaliter pronunciauit: intemperies ventriculi naturales, & quæ ſunt adhuc intra ſanitatís latitudinem, ſimilia appetere: malas verò, quæ morbi ratione illum occuparunt, contraria; ita vt Galeni ſententia ſequi videatur, in hoc noſtro affectu, qui longè ſanitatís limites exceſſit, contraria humori dominantī, non ſimilia expeti. Fernelius *lib. patholog. 6.* ita ſtatuit de hac re. Quoties, inquit, oris ventriculi tunica vitioſo quodam humore aut excremento oblitæ ſunt, huius longâ conſuetudine ſimilia etiam vitioſa expetuntur: quamquam cum ingens & iam omnino morboſum vitium ineſt, contrariorum appetitus vrget. Vbi Galeni ſententiam partim probare, partim improbare videtur.

Multi varia hinc inde de hac re ſentiunt: inter quos ſi iudicium noſtrum ferre liceat, exiſtimamus in hoc affectu, ſimilem potius humori in ſtomacho deliteſcenti cibum appeti, quam contrarium, experientiâ & rationibus nixi quibuſdam. Si quis enim quotidianum rei euentum conſulat, reperiet plerumque virgines eas, mulieres, viroſque malaciâ detentos ad ea ferri quæ ſymbolum habent & cognationem cum præſenti corporis cacochymiâ: eos quidem in quibus vſti vel corrupti humores adſunt, expetere carbones, terram, ſâl & ſimilia: Quibus verò melancholia naturalis aut pituita acidior dominatur, acetum, fructus immaturos & ſimilia. Quamuis non negemus adeſſe certum corruptelæ in hiſce humoribus gradum, propter quem hoc potius quam illud expetunt. Experientiæ videtur ratio auxiliari. Cum enim hæc cibi appetentia non fiat ſine concurſu phantaſiæ, quæ recipit obiecta pro modo conſtitutionis præſentis, ſic enim hilares naturâ res, quantumvis triftes, lætitiâ quadam temperatas ſuſcipiunt: contra verò triftes, res quamuis iucundas luctu quodam perfundunt: veriſimile eſt dominantem in hoc affectu humorem, phantaſiam deprauare & commouere ad illud expetendum, quod propoſitæ ſpeciei ſit ſimile, non diſſimile.

Etenim cum hæc appetentia ſit deprauata, tam ratione primarij ſenſorij, quam ſedis affectæ, non poteſt contrarium appetere quaſi correctorium: ſic enim bene eſſet inſtituta & ad curationem affectus iſtius diſpoſita: cum tamen certum ſit tunc augeri iſtum affectum cum talia ingerunt, tuncque deſinere, quando ab illis abſtinere poſſunt vel ſponte, vel minis & mortis periculo coactæ. Neque verum eſt quod vult Galenus, morboſas conſtitutiones ſemper contraria humori dominantī appetere: ſic enim morboſi homines, conualeſcentes & ſimiles cacochymiâ laborantes cibos euchymos & laudabiles expeterent: cuius tamen contrarium oſtendit experientia: ſæpe enim cogimur prauos cibos ægrotis & conualeſcentibus iſtis valde expetitos, ex Hipp. *Aphor. 3. ſect. 2.* concedere.

Quod ſi quis obiiciat, per febres verbi gratia & alias intemperies calidas, non calidum, ſed frigidum expeti alimentum: per frigidas vero calidum, & ſic de aliis, quæ oſtendunt in morboſis conſtitutionibus contraria expeti. Reſpondemus idem contingere per conſtitutiones ſanas; nam ſanus quando alget, calore recreatur: ſi incaluit, refrigerationem & humectationem quærit: atque ideo duplicem ſimilitudinem & contrarietatem conſtituendam cenſemus: vnâ quidem quæ ad ſimplices qualitates eaſque primas potiſſimum referatur: aliam verò quæ ad ſubſtantiam ſive mixtionis modum. Eam itaque quæ qualitates ſpectat, ubi primum factus eſt quidam exceſſus tam intra quam extra latitudinem ſanitatís,

contrarium

De affectibus ventriculi, &c. Cap. III. 183

contrarium expetere propter eam quam naturæ infert molestiam, ut corrigatur: quæ verò respicit substantiæ modum, appetere similia, ut reparetur & restituatur per ea quæ habent cum eâ cognationem & symbolum. Quia tamen illa quæ per statum naturalem expetuntur, facessunt in alimoniam corporis vtilem, ideo similia maximè dicuntur: quæ autem per morbosum statum, quia corpori alieno minus sunt idonea aut fortè incommoda, ideo contraria quodammodo possunt appellari. Nunc ad signa huius affectus diagnostica & prognostica veniamus.

Sedem itaque affectam hic agnoscere non est operosum, cum ex solâ actionis læsione statim sit manifestum, ventriculi orificium præcipuè conflictari, siue per *ιδιπαθειαν* illud sit, siue per *συμπάθειαν*, quam nos distinguendi rationem sæpius docuimus. Eadem ratione causæ & affectus natura cognoscetur ex proprio appetentiæ vitio: si enim appetant carbones, cineres, sal & similia, intelligemus intemperiem adesse ab exustis salisque humoribus: contra si acida, acerba, vel austera expetant, à crudis frigidioribusque, ut picuitosis aut melancholicis succis dependere. Quod si portio quædam vomitu excludatur, si ructibus acidis aut nidorosis infestentur, saporem in ore amarum, salsum aut acidum percipiant, odorem tetrum aut aliâ qualitate infectum, facilius adhuc distinguemus à quo humore intemperies illa proficiscatur. Præterea si grauida sit mulier aut virgo, cui diu suppressa sint menstrua, aut vir cui consuetæ hæmorrhoides amplius non fluant, pro vario temperamento, viuendi genere, aëris constitutione, & aliarum circumstantiarum, colliges naturam ipsius intemperiei & causæ morbificæ, quæ illam generat, auget & conseruat, vnde etiam prædicendi ratio stabilienda: affectum scilicet hunc per se rarò lethalem esse, sed expurgato humore illo morbifico plurimum desinere, aut reuocatis naturalibus vacationibus quæ erant assuetæ, mutatoque viuendi genere. Si negligatur verò, pessimos morbos inferre posse, & tandem mortem: tunc ex viciatâ coctione primariâ, tum ob naturam prauissimorum ciborum quibus sese ingurgitant, vnde *κίησις*, icteri, hydropes, febres, viscerum obstructions contumacissimæ, & marasmi exoriuntur: & quo absurdiora magis & à temperamento humano aliena expetuntur, eo deteriorem esse picam, & mala ista citius succedere. Grauidis plurimum definit circa quartum mensem, ob causas superius dictas: quod si vltius progrediatur, non solum embryoni, sed etiam matri malum portendit, quia significat altius impressam esse istam intemperiem, quam ut deinceps deleri possit: vnde ex negatis vel concessis eiusmodi absurdis rebus sæpe abortus periculum incurrunt, earumque notas ipsi foetui imprimunt, necnon subito fuisse extinctas aliquando obseruatum est. Videamus igitur quomodo hunc affectum conuenientibus remediis oppugnare possimus.

Imprimis alimentorum ratio diligenter instituenda, utpote quæ potissimam in hoc affectu expugnando vim obtinet. Ideo increpandi malaciâ laborantes & deterrendi à prauis illis cibis, quantumuis expetitis, proposito periculo, necnon minis & verberibus, si adhuc sint iuniores. In grauidis tamen metu abortus cogimur aliquid concedere, sed rarò & parcè illud præstandum quando maiori vrgentur appetentia. Vtantur ergo in tantâ cacochymiâ, cibis euchymis & eupeptis, quantum fieri poterit; calfacientibus, si frigidior intemperies dominari videatur; aut modice refrigerantibus, si calida esse censeatur: detergentibus etiam & incidentibus leuiter, ut istæ sordes à ventriculo deturbentur, videlicet cremore hordei, auenato, decocto cicerum rubeorum, cum paucis petroselino, cappariibus & oliuis muriâ conditis, passulis & similibus. Aliquando etiam adstringentibus & roborantibus ventriculum, ut cydoniato, pyris cum saccharo coctis & paratis, malis punicis & fructibus siccis. In omni malaciâ laudabant veteres, ut singulis diebus mane septem amygdalæ amaræ comederentur. Aëtius putat carnem erinacei marini recentis ex proprietate conferre: & amyllum cum optimo iure decoctum, maximè prodesse illis qui terram appetunt. Vinum potent odoriferum mediocriter lymphatum, aut decoctum cinamomi vel coriandrorum, vident omnem immodicam satietatem, omniaque pingua, & valde dulcia, quia sunt per se fastidiosa.

Exercitationi moderatæ ac somno indulgeant: naturales vacationes aut consuetæ sollicitentur, nisi in grauidis metu abortus; & animum rei alicui seriæ aut iocosæ intendant, ut facilius ab eiusmodi appetitu reuocentur.

Quod ad remedia attinet, si alterius partis morbus primario huic affectui originem dedisse, vel cum adhuc fouere videatur, in primis illi accuratè prospiciendum. Deinde huius humoris prædominantis alteratio & vacuatio, partisque affectæ corroboratio internis externisque remediorum formulis perficiatur. Blandis enim vomitoriis benignioribusque catharticis ista materia in prægnantibus potissimum excludenda: in aliis verò paulò validioribus agi poterit.

Capiant igitur frequenter pilulas ex quinque generibus myrobalanorum parari solitas, ad 3 j. Parentur opiata aut syrupi magistrales purgantes. Si vis, hæc sit opiata laxantis formula in humore mixto.

℞ Cathol. fideliter dispensati 3 ij. fol. sennæ oriental. pulueris. & rhabarb. elect. ana 3 iij. diasennæ solut. & elect. de citro laxat. ana 3 ss. pulueris rad. mechoacan, si legitima haberi possit, 3 ij. pulueris elect. aromat. rosat. & cinam. pulueris. ana 3 j. Cum syrúp. de absinth. fiat opiata, de quâ dentur 3 iij. vel 3 ss. in formam boli cum sacchato, vel dissolutam pauco decocto cicerum rubrorum & cinamomi, vel rad. aperit. in virginibus quibus. menses suppressi sunt: vel cum aquâ cardui benedicti in grauidis, repetatur semel aut bis in mense.

Diebus interiectis capiat modò tabellam vnam electuar. aromat. rosat. ponderis 3 ij. modò syrup. de absint. pont. 3 j. ex cochleari mane. Autumno aut vere vtilissimum erit sequens apozema catharticum præscribere in quatuor aut quinque doses.

℞ Rad. aperitiuar. & liquir. rasæ, polyp. querni recent. & cortic. rad. cappar. ana 3 j. corticis citri sicci & passular. purgatar. ana 3 iij. summit. thymi, epithymi, fumar. borrag. lupulor. capilli vener. scolopend. & chamæpit. ana M. j. semin. apij & foenicul. ana 3 j. ss. sennæ orient. mundat. 3 ij. tartari albi 3 ss. agarici trochisc. in ligat. positi 3 ij. florum sambuci, genistæ & tamarisc. ana P. j. Fiat omnium decoctio ad lb j. ss. in quâ dissolue sacchari q. s. Fiat apozema clarificatum & aromatizatum 3 j. pulu. elect. diarrhodon. abbatis. Empirici exhibent infusionem ʒ v. vel vj. antimonij cum aromatibus parati, ad expurganda tetra ista excrementa: quod tamen hic suspectum est, propter viscerum obstructions, quibus malaciâ laborantes plurimum detineri solent.

Arabes autem laudant in hoc affectu, vbi inueterauit, scoriam ferri: nos limaturâ chalybis vtimus; quæ tamen in grauidis non sunt tuta. Vt


℞ Scorix ferri diligenter puluerisatæ, aut limaturæ chalybis præparatæ 3 j. cinamomi electi, semin. nasturtij, apij & puluer. elect. diarrhod. abbat. ana 3 j. sacchari albi 3 iij. Fiat omnium puluis. Capiat 3 j. mane cum pauco vino albo tenui aut absinthino. Deinde fortiter deambulet. Sic aliqui comparant. Scorix ferri puluerisatæ & sæpe in aceto extinctæ 3 ss. myrobalan. omnium 3 iij. cupularum glandium 3 ij. passul. non purgatar. 3 j. Decoquantur omnia in lb vj. aquæ & vini albi. Colatura mittatur per manicam Hippocrat. cum sacchar. & cinamom. Capiat 3 iij. singulis diebus mane. Valescus probat puluerem cardamomi vtriusque & cubearum, addendo duplum sacchari, si mane sumatur ad 3 j. cum pauco iusculo bis in septimanâ.

Grauidis admodum malaciâ infestatis exhiberi poterit sequens puluis sine periculo.

℞ Pulu. electuar. aromat. rosat. & diarrhod. abbat. ana 3 j. puluer. electuar. diamb. 3 ss. limaturæ chalybis præpar. 3 ij. tartari albi vel cremoris eiusdem (qui ex proprietate prodesse dicitur) 3 j. florum sambuci siccor. 3 ss. Fiat omnium puluis, de quo sumant 3 ss. mane, superbibendo parum vini de absint. alternis diebus. Purgentur autem semel in mense cum 3 ss. catholic. in formam boli cum saccharo, vel dissoluti pauca aquâ cardui benedicti. Reliqua industriæ præsentis Medici relinquenda: vt etiam inunctiones, forus, & emplastra roborantia ventriculo ad mouenda, quæ ex superioribus reperere licebit, potissimum capite de cardialgiâ & immunito appetitu.

CAPUT V.

De siti morbosa.



EX triplici humanum corpus substantiâ constare, spirituosâ scilicet, humorali & solida sufficienter in Physiologiâ est demonstratum: spirituosam præterea instaurari continuâ aëris perspiratione & benigno sanguinis halitu certissimum est: humoralem verò & solidam assumptis alimentis refici: potu humoralem magis, cibo autem solidam: quamuis ex utrisque utraque instauracionem suscipere possit. Ideo natura duplicem inseruit stomacho vim appetendi, ex vario & incomprehensibili suctionis modo: vnam quidem quæ ad sicca siue solida fertur, aliam verò quæ ad humida siue liquida: illam famem, hanc verò sitim, Græci *δψας* appellarunt. Atque ut fames propriè solida siue sicca expetit, secundariò verò calida: sic propriè sitis humida, secundariò autem frigida exposcit. Et propterea dici solet fames appetentia calidi sicciqûe: sitis, frigidi humidique, quamuis sæpè sicca & frigida famem: humida & calida sitim sedare possint.

Porro sitis nomen tam notum & vulgare est, ut nemo sit siue sanus, siue æger qui illud ignoret, quandoquidem natura conseruationis nostræ sollicita hunc molestiæ sentum nobis indidit, ut illud quod deficit, expeteremus, & ad illud consequendum moueremur.

In illius autem generatione ordinariâ totidem oportet symptomata concurrere, quot in fame à nobis dicta fuere, inanitionem scilicet in partibus, earum tractionem à proximis vsque ad mesaraïcas, harum à ventriculo suctionem, suctionis in stomacho sensum, ex primi sensorij perceptione. Potest itaque sitis aboleri, imminui & deprauari ex naturalibus causis immutatis. Vnde Hippocrates *in Coacis & 1. prorrheticis*; sitis præter rationem soluta in morbis acutis, & in causâ sitiferâ non sitire, malum; sit enim aut quia laborat mens per interceptionem primi sensorij: aut quia concidit omnino prostrata nutrix facultas: hinc *lib. 3. & 6. epidem.* multi phrenitici *ἀδύσος & βεραρυπόσαι* recensentur, qui omnes interierunt: Aliàs imminuitur dulci aut insipido succo osculum ventriculi irrigante: ita ut nullum aut rarò admodum potum expetant, quod plerumque in morbis videre est, irritata leui quadam tussiculâ, quæ etiam in causâ sitiendi eam infringit. Deprauari denique potest sitis & ad absurda conuerti, non minus quam fames: ita ut multi sæpè aquam marinam, vel paludis, liquoresque malis infectos coloribus, saporibus, aut odoribus expetierint, sed rarius quam in fame seu appetitu solidorum: quia non est tanta varietas potus ordinarij, quanta est ciborum. Verum quia abolita, imminuta aut deprauata sitis, earumque curatio facilè referri potest ad ea quæ de fame abolitâ, imminutâ ac depravatâ à nobis dicta fuere: ideo de auctâ præter naturam siue morbosâ & immoderatâ nunc tantum agemus, infestissimo scilicet & vltimatissimo symptomate.

Dicamus itaque sitim hanc esse appetentiam stomachi deprauatam, quâ immensam humidi frigidique aliquando quantitatem expetit, ab humoris inopiâ aut caloris copiâ, vel utrisque simul iunctis excitatam. Quamuis enim actio hæc appetendi feratur, idque validè, ad obiectum quale oportet: quia tamen illud sit vi causæ morbificæ extra sanitatis latitudinem positæ, & quia non solum in quali, sed etiam in quanto rectè institutam esse oportet actionem, ut naturaliter fiat, ideo deprauata à nobis meritò appellabitur. Duas autem proximas & coniunctas illius symptomatis causas statuimus, humoris scilicet inopiam, quæ excitat proximè illum penuriæ seu suctionis sensum; & caloris copiam, quæ vel propter resolutionem quam inducit, vel propter molestiam quam infert ventriculo, frigidorum appetentiam excitat: idque aliquando seiunctim, aliàs coniunctim accidere potest, pro varietate causarum proximarum à quibus hoc symptoma proficiscitur. Quarum rursus aliæ sunt antecedentes & internæ: aliæ verò externæ; externa enim omnia assumpta vel admota, quæ vel exsiccare potenter, vel calfacere, aut vtrumque præstare possunt, siue per se, siue per accidens id efficiant; ea omnia sitim

immensam

immensam excitant : vt sal & falsa omnia , aqua marina (nota est historia miseri illius Bonauenturæ : necnon etiam nautarum apud Galenum) piper , aromata , acria omnia , cepæ , allia , sinapi & similia medicamenta : venena quoque multa & venenata animantia , vt aspides , viperæ , & serpens ille dipsas propriè dictus ab effectu , quòd solo morfu inextinguibilem inferat sitim : Pingua etiam & dulcia sitim inuehunt , quia facillimè in ventriculo exuruntur potissimum calidiore ; vnde Hippocrati *lib. de vict. ration. in acutis* διψῶδες μελίκερον , & vinum dulce διψῶδες τοῖσι πικροχολοῖσι , in quibus ipsamet aqua bilescere solet. Item crapula ingens , corruptis non concoctis cibis , & in nidorem conuersis : nimia abstinencia , exsiccatis nimirum partibus , æstuantis aëris inspiratus , propinquitas ad ignem , diuturnior in balneo aut laconico mora : vigilia immoderata , exercitatio vehemens , iracundia , os apertum gerere , & vehementius loqui aut vociferari. Hæc enim omnia extrinseca aut humidum absorbendo , aut calfaciendo nimium , vel vtrumque præstando , sitim prouocare consueuerunt , maiorem minoremue pro diuturniore aut breuiore eorum vsu , maiore vel minore efficacîâ. Internæ etiam causæ quæ hoc præstare possunt , variæ sunt & multiplices ; humiditatem enim partium per se absorbent & siccitatem immaterialem stomacho inferunt vacuationes omnes immoderatæ , inter quas Galenus diabeticam potissimum recenset *lib. 6. de locis affectis* ; vnde διψαρός est dicta : item hæmorrhagiæ , alui fluxus & purgationes vehementiores , vt est *Aphor. 19. sect. 4.* Per accidens autem quæcunque admodum & diu calfaciunt resoluuntque substantiam partium. Caliditas autem nimia in stomachum inducitur cum humore & sine humore , sympathicè & idiopathicè , ex affectu totius , vt per febres inflammato corde & vniuerso corpore , per calidas intemperies oris , faucium , pulmonis , iecoris , lienis , mesenterij , renum , vesicæ , vteri & aliarum partium , quæ affectum suum ventriculo per epigenesim communicant , & sitim illam mendosam efficiunt , quæ non tam potu rerum frigidarum , quam vel inspiratu auræ frigidioris , vel aliis remediis sedatur. Aliquando non solum qualitas ex eiusmodi partium & corporis sympathiæ ventriculo communicatur , sed etiam humor calidior , biliosus , putris aut falsus , vt ex cerebro intemperato & humoribus oppresso , iecore inflammato & aliis , qui exurens stomachum & feruefaciens perpetuam proritat sitim. Quemadmodum in hydrope & aliis intemperiebus frigidis humidisque apparet , quæ magnam aquarum copiam colligentes , dum illæ stagnantes in capacitæ abdominis non dissipantur , putredinem & falsedinem concipiunt , quæ per accidens sitim concitant : hinc fit vt *quo plus sunt pota , plus sitiuntur aqua*. Alias verò vitium illud est idiopathicum in solo ventriculo , vt per intemperies illius siccæ aut calidæ simplices vel coniugatas , sine materiâ aut cum humore falso , putri , bilioso in spatiis illius contento , & ibi vitio assumptorum alimentorum aut malâ partis intemperie genito , quam aliæ multæ causæ suscitare potuerunt. Atque hæc de causis.

Signa verò affectus & causarum facillè intelliges ex eis quæ præcesserunt aut præsentia sunt , calfacientia scilicet & exsiccantia , siue primariò id efficiant , seu secundariò. Externæ enim causæ ex relatione ægri , adstantium , & rerum non naturalium constitutione deprehenduntur. Internæ verò antecedentes , quæ valde exsiccant & absorbent substantiam partium humidam , vt vacuationes immodicæ per hæmorrhagias , alui fluxus , diabetes , purgationes catharticas , & similes , semetipsas satis produnt , quarum etiam rursus causæ omnes perquirendæ. Quæ verò calfaciunt tantum , aut diuturnâ etiam morâ exsiccant , vt febres omnes , intemperies calidæ , faucium , pulmonis , iecoris , & aliarum partium , ex propriis suis signis suo loco tradendis , sunt deprehendendæ , siue id efficiant immaterialiter , vel transmissâ in ventriculum aliqua materia , ex cuius præsentia sitis excitatur. Quemadmodum in hydrope collectio aquarum putrescentium suâ se mole & diuturnâ in abdomine morâ , cum febriculæ cuiusdam exortu ostendant. At verò stomachi intemperies calidior idiopathica cum humore , & humoris species deprehenditur ex oris sapore falso , amaro aut simili , odore foetido , vel graui , linguæ & faucium ariditate , scabritie , & nigredine , æstuoso halitu , colore faciei aliquando immutato , sensu caloris , ponderis , & morsus sub nothis costis ; vomitu sæpè bilioso , falso , aut putrentis materiæ , quo valde leuatur æger , & mitescit sitis , & similibus accidentibus , quibus etiam intemperies calida stomachi sine humore , sed remissiùs , agnoscitur. Intemperies autem sicca quæ est ab exhausto

exhausto & consumptione humidæ substantiæ partis, si sequatur diuturniorem caloris actionem, ex signis eisdem recitatis cognoscetur: si ventriculi vacuationes particulares & immoderatas excretiones comitetur, aut subsequatur, illæmet ipsæ indicia affectus & causæ affectus erunt Medico. Denique intemperiei calidæ & siccæ simul, materialis vel immaterialis, ex combinatione & prædictorum signorum comparatione notio habebitur.

Quod ad prognosim attinet, certum est sitis tædia molestiora esse multo & perniciosa quam famis, quoniam facilius dissipatur humida quam solida substantia; unde multa castra, reges & vrbes se dediderunt sitis vi coacta. Præterea sitis quæ exhaustum partium ingens ex immoderatâ vacuatione sequitur, non parum periculi adferre & significare solet, ob depauperationem humidi primigenij, & tardam humidæ actionem, magnamque siccæ resistantiam. Pessimam necnon esse sitim illam, quæ sequitur per accidens intemperies frigidas humidæque, ut hydropas ex corruptione aquosæ materiæ, quia assumpta refrigerantia aut humectantia ad eam sedandam, tanti mali causam augent & multiplicant. Aliæ verò sitiferæ dispositiones, quæ aut ex procatacticâ causâ oriuntur, aut ex caliditate totius vel partium, facilius cedunt curationi, quamuis ægro sint molestissimæ. Videamus igitur quomodo illis auxilium & medelam adferre possimus.

Dicamus itaque sitiferas istas dispositiones alias esse leues & superficiales, etiam in bene sanis, à causis procatacticis genitas, quarum curatio illarum sublacione perficitur, aut mediocri potu. Alias vero esse grauiiores & morbosas ex ingenti siccitate ventriculi, vel eius caliditate, solis vel simul iunctis: quæ rursus pendeat sæpe ab aliis morbis, ut vacuationibus diabeticis; alui fluxu, hæmorrhagiâ, febre, intemperie calidâ cordis, pulmonis, iecoris, vel putrilagine humorum, ut in hydrope. Horum autem omnium artificiosæ curationes suo loco tradendæ erunt, in quibus sitis huius sympathicæ medela consistit. Superest ergo, ut agamus in præsentia de curandâ ingenti siccitate ab exhausto humore stomachi, & de eius immoderatâ caliditate cum humore, ordinariis maximè sitis præter naturam causis. Ex his enim facile intelligetur curatio caliditatis sine humore, & calidæ siccæque intemperiei, prout compositorum cognitio ex simplicium explicatione haberi solet.

CURATIO SITIS À SICCATATE STOMACHI. Sitis igitur quæ sicciorem stomachi *δυσκοσίαν* sequi solet, ab exhausto humore fit pleiunque, ob immoderatas illas vacuationes sæpius à nobis commemoratas, quibus non solum excrementa inutilia educuntur, sed etiam succi alendo corpori dicati. Quarum euacuationum imprimis suppressio & curatio, ut iam dictum fuit, est procuranda: postea ad ipsam partis intemperiem veniendum, & penuriam humidæ substantiæ reparandam: id autem fiet remediis humectantibus & modicè calfacientibus, victu potissimum, quem veteres analepticum seu refectarium appellarunt, ex liquidis & potulentis, nec non solidis quibusdam boni succi, facili & celeris coctionis distributionisque, ut radicalis partium ac stomachi humor citò & iucundè restauretur. Ad hoc faciunt potus vini flauî & generosi, modicè diluti cum aquâ fontis aut borraginis. Panis albissimus & recentissimus, vel placentulæ cum butyro optimo & vitellis ouorum, paucæque rosacæ maceratæ, gelatinæ, iuscula consummata, succi carniū delicatissimarum expressi & colatitij, contusa caponum & perdicum cum iusculo decocta, panatellæ cum vitellis ouorum & saccharo, oua forbilia tremula addito saccharo, cremor hordei; lac amygdal. dulc. cum multo saccharo & rosacæ; hepata recentia gallinarum & caponum super prunas cocta, & aquâ borraginis cum pauco aceto, & saccharo aspersa: saxatiles pisces & delicati cum butyro & nuce moschatâ præparati: vix corinthiacæ, passæ aquâ hordei maceratæ, pineolatum, testudinatum, conserua eryngij, florum violæ, borraginis, & radicum buglossi. Denique ea omnia alimenta, quæ ad marasum, & hecticam senilem præscribi solent: Inter quæ summè vitanda sunt, ex consilio Galeni *lib. 7. method. cap. 6.* omnia austera, quia magis exsiccant & corrugant substantiam & poros ventriculi iam nimium constrictos. Præter alimenta reliquæ etiam res non naturales ritè disponendæ: vigilias fugiat, somno autem plus sit addictus, quo interiora solent humectari & benignam nectaris viuifici affusionem recipere. Unde Hippocrates *Aphor. 27. sect. 5.* somnum consulit noctu sitientibus, & *6. epid. sect. 4.* Quamuis enim ibi sitim *ἐμπόλαιον*, superficiariam tantum illo sedari scribat, longiore tamen usu somnus non vacuo cibis ventre multum proficit humectando

ac coquendo, vacuationemque aliquam si adhuc perduret, compescendo. Quæti omnino corporis & animi indulgeat. Vacuationes omnes modicè fiant aut fiantur, prout præsens prudensque Medicus vtile esse animaduertet, aërque ita temperetur, vt neque refrigerando nimium, calorem deiciat infirmiore, aut calfaciendo resoluat. Debet quoque humectare. Cum enim hic morbus inanitionis substantiæ humidæ sit, repletionem siue refectiorem exigit.

Quod ad reliqua verò spectat, nihil erit vtilius commodiusque humectando ventriculo exsiccatò, reliquisque partibus exhausto laborantibus, quam lactis & balnei vsus tepidi, vbi sedatæ fuerint euacuationes, alui fluxus, hæmorrhagia & similes. Quamuis enim Hippocrates *Aphor. 64. sect. 5.* videatur prohibere vsum lactis siticulosi, illud intelligendum de eis, qui ob nimiam caliditatem putrentis aut biliosi succi congeriem in ventriculo, immoderatè sitiunt, in quibus lac facillimè corrumperetur: non autem de eis, qui ex siccitate & consumptione laborant siti, cum ab eodem lac ipsis hæcticis quamuis febrientibus concedatur. Hauriat igitur vel asininum vel caprinum mediocris substantiæ, recenter multum & adhuc tepidum ad \mathfrak{z} iv. vel vj. tribus horis ante prandium, addendo sacchari rosati tabulati \mathfrak{z} iij. vel \mathfrak{z} β . pro singulis dosibus, per dies quindecim continuos, sensim augendo lactis quantitatem, prout ex illo proficere videbitur. Vel etiam lac in panatellas decoquatur, cum saccharo & vitellis ouorum. Interea diebus interiectis ingrediatur balneum tepidum, ex decoctione rad. althææ, lilior. violar. maluar. & similium; vel iusculum capitis, pedum & intestinorum veruecis, aut butyrum recens, vel oleum violatum in tepidâ aquâ dissoluantur pro balneo, in quo morabitur ad placitum sine sudore. In exitu balnei & singulis diebus mane & serò inungantur lumbi, dorsum, & ventriculus sequenti vnguento.

\mathfrak{z} Olei viol. rosacei & lilior. ana \mathfrak{z} ij. olei nucis indicæ & de absint. ad robur partis seruandum, ana \mathfrak{z} β . mucilag. semin. maluæ & althææ cum aquâ borraginis extractæ \mathfrak{z} vj. farinæ semin. lini \mathfrak{z} ij. ceræ albæ parum. Fiat linimentum, affundendo lactis muliebris aut caprilli quantum ebibere poterit. Vtatur vt dixi. Interea syrups, tabellis, opiatibus, instaurantibus & similibus intus sumptis humectatio etiam iuuetur. Talis erit opiatæ formula.

\mathfrak{z} Conseruæ rad. eryng. & bugloss. ana \mathfrak{z} j. conser. flor. violar. & borrag. ana \mathfrak{z} β . confectio. alkermes \mathfrak{z} j. β . diapenid. sine speciebus, & diatragac. frigidi, ana \mathfrak{z} j. Cum syrupo violar. fiat opiata, cuius capiat \mathfrak{z} iij. omni horâ, superbibendo parum vini aquâ borrag. diluti. Tabellæ diatragacant. frigidi & glycyrrhiza continuo erunt in ore tenenda & masticanda. His etiam similia multa erunt excogitanda, & ex aliis locis repetenda: nunc ad aliam sitis causam veniamus.

CVRATIO SITIS à CALIDA STOMACHI INTEMPERIE. In omni calidiorē ventriculi constitutione, siue sit primaria, seu secundaria & per sympathiam aliarum partium phlogosi laborantium, ex vsu erit, vt diætâ instituat, non solum refrigerans ratione caloris, sed etiam humectans ratione siccitatis quæ introduci solet per resolutionem. Hinc Hippocrates in *Aphor.* victum humidum febricitantibus consulit, potius quam frigidum; & 6. *epid. sect. 3.* agens de morbis acutis, in quibus caliditas intensâ, & per vniuersum corpus expansa, siccitatique iuncta molestam & anxiosam sitim infert: *hanc, inquit, sedant os occludere, tacere, frigidum aërem spirare & frigidam aquam potare*: Quibus verbis omnem pene sitis tollendæ rationem complexus est. Nos tamen ista distinctius prosequemur; aërem scilicet hîc omni arte & industriâ iam à nobis dictâ *cap. de cardialgiâ* perfrigerandum & humectandum, vt sua penetratione interiorem æstum compescat: omnem ideo arcendam ex cubiculo ægotantis turbam, ne multo halitu adstantium incalescat magis. Committat se totum æger quieti corporis & animi, vt neque commoueatur, neque loquatur, vociferetur, irascatur, & similia præstet, quibus facilè humores interius efferuescant. Excretiones omnes naturales alui & vesicæ ritè promoueantur, si sponte suâ non fluxerint. Quod verò ad somnum & vigiliam attinet, videtur somnus in hoc casu minime conuenire: nam 2. *prorrhæ.* sitis, tussis & linguæ asperitas à somno solent exacerbari: & 6. *epid.* iam à nobis citato. *Inter vigilandum, inquit, siti leui somnus medela est: siti vero ex somno vigilia*: quasi dicat Hippocrates, non quamuis ex somno sitim leuari, sed iam prius à nobis commemoratam ex solâ siccitate ortam: eam verò quæ ex calore intensiore proficiscitur, qualis esse solet in febribus continuis, augeri à somno, quia

quia magis incalescunt per somnum interiora viscera. Hæc itaque mediocritas hic est adferenda, ut neque ob diuturniores vigilias nimium resoluatur corpus, nec ob immoderatum somnum plus iusto incalescant internæ partes : quia tamen per somnum concoctiones melius fiunt, ideo ratione causæ longior etiam aliquando concedi poterit, ad id potissimum inclinante naturâ. In cibo autem & potu maximè videndum est ut expetita qualitates adsint. Refrigerantia itaque & humectantia, dummodo non sint putredini obnoxia, non solum potentiâ, sed etiam actu sunt præscribenda : quâ de causâ veteres siticulosorum obsonia in altissimis puteis continebant, aquâ frigidissimâ, niue aut glacie obruebant, ut talia essent actu, & æstum interiorem validè infringere possent, qua in re magna est habenda ratio sexus, ætatis, temperamenti, consuetudinis & similium, ne scilicet æger ab vno excessu in alium fortassis periculosiorem præcipitetur. Idem etiam observandum in *ψυχροποσία*, id est aquæ frigidissimæ potu, ad *πλυνήρη*, satietatem & mutationem usque coloris. Quamvis enim aquæ frigida potio ad calorem siccitatemque temperandam videatur aptissima, plus erit tamen in illa periculi quam commodi, nisi debitæ circumstantiæ observentur : si calor namque ventriculi sit immaterialis, tutius exhiberi potest *ψυχροποσία*, dummodo æger sit aquæ potui assuetus, & robustis visceribus præditus ; quando verò caliditas ab humore, putredine, aut cacochymia pendet, potissimum in febribus, oportet ut viæ corporis sint paratæ & minimè obstructæ : evidentes coctionis notæ in humore morbifico, circa statum videlicet apparuerint, & calor natiui robur elucescat. Alias multò melius erit minus potare, & aliquid aceti ad penetrationem aquæ immiscere, iucundumque oxycratum parare, vel etiam ad robur vini albillimi & tenuissimi portiunculam addere, aut syrupi acetosi simplicis, de limonibus, de agrestâ, de granatis acidis quartam partem adiungere, ut gravior sit tutiorque potus. Vel etiam si à saccharo abhorreat, decoquatur radix acetosæ cum aqua, vel succus limonum, arantiorum, aut granatorum permisceatur pro vario ægrotantium gustu, cui aliquando Medicum inferuire oportet. Iuscula etiam pullo- rum cum foliis acetosæ, portulacæ, lactucæ, endivia, & borraginis frequenter sumpta erunt ad hoc commodissima, fructus etiam acidi aut frigidi, cum paucis tamen saccharo cocti, ut minus putredini sint obnoxij, concedantur, ut cerasa acida, pruna vulgo pertigonia, aut prunodaetyla dicta, vna acerbæ, frustula arantiorum aut limonum sacchari pulvere aspersa, mala persica immaturiora, & similia, quæ præsens Medicus pro variâ anni constitutione eligeret.

Quod ad remedia verò attinet, si humor salsus, biliosus, aut putris in ventriculo sentiat, blandâ erit purgatione & clysteribus mollientibus & refrigerantibus educendus, sæpius à nobis descriptis ; necnon vomitus, si ad eum æger sit paratus, concedendus promouendusque ex aquâ tepidâ & $\frac{3}{4}$ j. syrupi acetosi. Alteratio autem seu refrigeratio humectatioque perficienda julepis frequenter sumptis actu frigidis, quales à nobis fuere superius traditi : inter quos maxime laudant Practici eos qui fiunt ex syrup. de limonibus, de granatis acidis, de succo portulacæ, & de cucurbitâ, ex descriptione Avicennæ ; ut scilicet cucurbita recens seu anguria obuoluatur maza, & coquatur in furno : deinde succus extrahatur, cuius lb v. decoquantur cum lb iij. sacchari albillimi in formam syrupi. Idem præstari potest ex succis lactucæ, acetosæ, portul. granat. acidor. arantior. & similium. Nec solum intus sumptis causa sitifera erit expugnanda, sed etiam admotis epithematibus, fotibus, linimentis, & similibus, non solum stomacho, sed cordi quoque, iecori, renibus & aliis partibus, in quibus ardor magis percipietur. Admodum ad hoc conferunt admoti feruidis partibus panni, aquâ rosaceâ & paulo aceto madefacti, frequenter mutati antequam incalescant.

Verum quoniam non semper licet præsentem causâ sitiferâ illam assumpto potu, aut admotis refrigerantibus extinguere, ut patet in febribus intermittentibus, in quarum primâ inuasionem & incremento solemus prohibere potum, donec ad statum vel declinationem peruenerint : & in continuis, in quibus adsunt magnæ obstructions aut cruditates : ideo multis modis fallenda tunc sunt importunissima sitis tædia. Sic Medici iubent ægros tacere, os colluere sæpius frigidâ : acidula pruna arefacta, & cerasa, frustula cucurbitæ, lactucæ, pomorum aut arantiorum : folia acetosæ, & portulacæ, linteola madentia mucilagine seminis psyllij aut cydoniorum aqua violar. extractâ ore continere, ut eius & faucium siccitas temperetur. Describit Villanouanus pilulas sub linguâ tenendas ad fallendam sitim.

24. Pulueris liquir. recent. 3 ij. semin. lactuc. acetos. & papauer. albi comminutor. ana 3 j. semin. melon. & gummi tragac. ana 3 ss. Excipiantur omnia succo limonum vel granat. aut syrup. viol. & fiant pilulæ crassiores. Verset vnam perpetuò sub linguâ. Est etiam conditura ad hoc non parum efficax, quæ sic paratur.

24. Aceti quantum volueris, in quo calefacto dissoluatur succi granatorum, aquæ rosacæ, & vini albi tenuissimi modicum, adde sacchari albiissimi puluer. q. s. ad totius indurationem & incorporationem.

Reponantur in pyxide, assumantur per frustula, & teneantur in ore, vel dissoluantur cum aquâ potabili, quando bibendum erit. Atque hæc ad sitim sedandam vel leniendam sufficiant, quando enim caliditas siccitati erit iuncta, non aliis, sed eisdem fere vtendum erit.



C A P V T V I.

De apepsia, dyspepsia, bradypepsia, cruditate scilicet, ructu flatuque ventriculi.



BSOLVIMVS symptomata quæ ventriculi orificio accidere solent, prout est præcipua appetentiæ sedes: nunc verò ad reliqua ventriculi munera vitata, læsasque actiones est accedendum: inter quas concoctio maximè spectanda, non solum partis istius, sed etiam totius corporis ratione, cui illa est necessaria. Πέψις itaque, coctio ab Hippocr. dicta, & à πεπασµῶ distincta, quia ad nutritionem tendit, triplex est in nobis, nempe chylosis, hæmatosis, & homiosis: illa in ventriculo, secunda in iecore, tertia in singulis partibus perficitur. Coctio autem ventriculi, de quâ nobis est nunc sermo, nihil est aliud quam alteratio siue immutatio assumptorum in conuenientem agentis siue similem qualitatem vi caloris natui, & propriæ ventriculi temperiei, vt sint futura sanguinis materia. Præmansa enim & quodammodo confecta duriora alimenta: alterata autem liquidiora in ore totòque illo œsophagi tractu, in ventriculi fundum carnosiore tunica & rugosa præditum ingeruntur, ibique retinentur, donec concocta per inferius osculum ad intestina demittantur, & venis mesaraïcis, velut manibus quibusdam, ad hepar trahantur. Ad hanc autem concoctionem duplex concurrat causa efficiens: vna quidem vniuersalis, nempe calor natiuus, non solum ventriculi, sed etiam circumstantium partium, vt iecoris, lienis, mesenterij, omenti, substratæ venæ cavae & aortæ: alia verò particularis, nempe propria & indiuidua temperies ventriculi, quæ assimilat sibi assumpta, & in chyli formam transmutat. Vt igitur concoctio hæc recte & naturaliter fiat, oportet adesse sufficientem caloris natui non extranei copiam, iustam ventriculi temperiem, obiecti ipsius, alimentorum scilicet cū agente proportionem, necnon rerum omnium extrinsecus accidentium bonam dispositionem. Præterea cum appetentia, ventriculi attractio, retentio, & expulsio ratione coctionis velut finis sint ordinatæ, oportet in bonâ & naturali constitutione tantum appetere & attrahere ventriculum, quantum concoquere possit, tamdiu retinere, donec perfectè coctum & assimilatum sit, & tunc expellere conuenienter reliquias chylosæ materiæ, cuius puriorem portionem rosis instar sibi asciscere solet ventriculus. Ex quibus sequitur, harum omnium vnâ, vel pluribus immutatis, & præter naturam constitutis, coctionem ventriculi vitari posse. Cumque omnis actio corporis læsa, vel sit abolita, vel imminuta, aut deprauata: Græci distinctis nominibus ἀπεψίαν, abolitam coctionem, ad sensum scilicet, nam in verâ abolitione oportet mortem prius intercedere: βραδυπεψίαν autem imminutam secundum tempus: deprauatam denique δυσπεψίαν vocarunt: Latini vocabulo communi Cruditates, Marcellus Empiricus Indigierem, vulgus Indigestionem appellarunt, quarum omnium imminutæ potissimum & deprauatæ velut notæ & fructus constituerunt ventriculi inflationes, ructus acidos aut nidorosos, fluctuationes & similes affectus, quos Græci ἐμφυσόμενας κοιλίας in Coacis, ἐμπυευματώσεις in definit. med. πνιμωδίας Aph. 3 2. sect. 5. ὀξύρεγµίαν seu ἐρυγὴν ὀξείαν, ἐρέγµη κισσώδη, & κλυδάνας dixerunt, in

in eo tantū discrepantes, quod in ructu flatus sursum emittitur κατὰ ἀναπομπὴν πνεύματος, vt loquitur Suidas: in inflatione, ex Gal. *com. in Aph. 72. sect. 5.* non emittitur flatus, sed retinetur distento ventriculo, sæpè cum dolore; potissimum si inter tunicarum suarum spatia contineatur: per fluctuationes verò non distenditur ventriculus, sed potius in illo oberrat flatus ac commouetur. Porro notandum, in deprauatā coctione non committi errorem in quanto, sed in quali tantū. Quamuis enim appetentia deprauetur, non solum quando id appetit, quod non est appetendum, sed etiā quando magis appetit, quam par sit, vt ipsa retentio & expulsio nimium auctæ vitiosæ esse possunt: nunquam tamen coctio potest esse aucta præter naturam; quo enim plus coquit, dummodo bene coquat, eo melior & perfectior existit: in aliis verò appetentia scilicet, retentione, & expulsionem ventriculi, quia non propter se solum fiunt, sed ratione ipsius coctionis cui famulantur, ideo fit vt in quanto errare possint, quando scilicet plus appetitur aut ingeritur, quam concoqui possit, nimium retinetur post coctionem, aut ante illam, vel nimium expellitur. Quibus ita præmissis.

Dicamus ex Gal. sententiā, *com. in Aphor. 1. & 33. sect. 6. Aph. 72. sect. 5. lib. 3. de sympt. causis, cap. 1.* & plerisque aliis in locis quæ breuitatis causā omitemus, cruditatem istā esse concoctionem ventriculi imminutam tantum, vel abolitam ad sensum, aut aliquando deprauatam, cum fluctuatione, ructu multiplici, aut inflationibus ex vitio proprii organi; obiecti aut rerum externarum. Cuius definitionis partes fere in præcedentibus fuerunt explicatæ. Vt autem distinctius intelligantur horum symptomatum causæ, quas ad tres reduximus, vitium scilicet organi, obiecti, rerum aliarum exterius accidentium: sciendum alimenta quæ hic nomine obiecti significantur, pluribus modis vitare posse coctionem istam. Nam aliquando eorum substantia seu materiæ modus talis est, vt ne à robustissimo quidem ventriculo superari possit perfecte, qualia sunt triticum coctum, vel crudum, legumina, ex quorum immenso vsu in annonæ caritate narratur apud Hipp. magnum fuisse in Æno insulâ morborū prouentū; carnes duriores, antiquiores aut sale induratæ, panis furfuraceus, tubera, bulbi & similia suā naturā dyspepta. Hinc Hipp. *lib. de victus ratione in acutis*, carnes caprinas bubulis, ἐπευματώδες esse scribit. Alias verò eorum qualitas manifesta resistit bonitati coctionis, vnde nimium frigida aut humida, flatuosa aut etiam calidiora corrumpunt digestionem, multorumque flatuum acidorum aut nidolorum generationi dant originem. Sub qualitate etiam præparationis modus intelligendus, condimentorum, salsamentorum, assandi vel elixandi, quem sæpè huic actioni manifestum est obesse, & quotidianā experienciā confirmatum. Præterea quantitas in assumptis alimentis exuperans vim ipsius agentis & immutantis, cui proportionata esse debet, cruditatis sæpè est parens, vt patet per crapulas & conuiuantium ingluuiem: vt etiam deficiens, quando videlicet alimenta parcius assumpta, quamuis euchyma, in ventriculo calidiore exuruntur, & in alienas qualitates conuertuntur. Præposterus denique ordo & tempus in assumendis cibis & potu coctionem vitare solet, vt si quis post solidiorum alimentorum vel adstringentium sumptionem, vt pyrorum, cydoniorum, & similibum, ingerat postea liquida & corruptioni obnoxia: vel si horam cibandi assuetam omittens, in tempesta nocte vel alio tempore minus vſitato, cibus se reficiat: Ex omnibus his solis, vel simul iunctis in alimentorum ratione coctio vitiosa reddetur ex parte obiecti, vt dictum est.

Res verò externæ, quæ concurrunt ad actionem istam, vim etiam obtinent maximam in eā iuuandā vel impediendā. Sic aër frigidior mortificationem inferens partibus: vel calidior exhauriens calidi natiui substantiam, coctiones peruerit: exercitationes nimium violentæ & statim post cibum factæ, aut omnino omissæ: alui & aliorum ductuum suppressio, aut nimius fluxus, vigilia immoderata, somnus diurnus, iracundia, mœror, profunda meditatio, casus, percussiones, & similes causæ extrinsecus aduenientes, opus hoc ventriculi, etiam in bene disposito organo & conuenienti obiecto, vitare solent, vt satis consideranti patet. Quæ à nobis ideo dicta fuere, vt possimus læsionem functionis in suā propriā essentiā, à læsione externā distinguere, & quia hæ sæpius repetitæ causæ læsionem tandem in ipso organo efficere possunt.

Organum autem istud siue ventriculus vitia aliquando habere solet ex primo ortu & conformatione, vnde quidam πνευματώδες κατὰ φύσιν, flatuosi naturā apud Hippocratem, & secundo epidem. Qui naturā sunt sanguinei & aliquantulum biliosi (non valde, quia tunc bilis exuperans corrigit frigiditatem ventriculi)

acidis ructibus infestantur, ob frigiditatem scilicet ventriculi, quæ sæpius solet esse iuncta hepatis caliditati, vnde multi etiam *κακοσμίαρχοι* naturâ apud Galenum. Aliæ verò dispositiones organi asciticiæ sunt & præter naturam, earumque causæ, quas nos in præsentia conspectamus. Illæ rursus sympathicæ aut idiopathicæ: sympathicæ aut per solam condolentiam, vt quando ægrotante quavis parte ventriculus minùs strenuè obfynthimoriam munus suum obit, vt in nephritide frequenter obseruatur: aut mutatâ causâ communi coctionis, calore scilicet natiuo, qui à corde influere solet, & qui à vicinis augetur: refrigerato enim corde ex quacunque causâ, deprauatâ partium substantiâ per hæmorrhagias, alui fluxus & similes, languente hepate, excisâ portione omenti, vel delapsa in scrotum, minus aut nihil concoquere potest ventriculus, vel saltem deprauatè coquit. Aut denique fit sympathia per communicatam materiam, vt tetro vapore ex vtero, aurâ venenatâ & pestilenti ex qualibet parte, pituita aut putrido succo ex capite, thorace, & reliquis partibus, quibus coctio peruertitur. Idiopathia autem fit quando ventriculus in suamet propriâ essentia & dispositione paritur, præcipuè in particulari illo insitoque calore, & indiuidua temperie quâ obiectum alimentum assimilare debet. Quamuis enim solutiones continui & morbi conformationis coctionem impendant, non tamen primò & per se, sed vel interuentu primarum qualitaturn, vel reliquas functiones ventriculi peruertendo; attractionem, retentionem, aut expulsionem, quibus præter naturam constitutis, coctionem etiam secundariò vitari dicebamus. Sequitur itaque intemperiem causam esse propriam & immediatam vitiatæ coctionis. Intemperierum autem multa cum soleant recenferi genera; simplices quatuor, totidem compositæ. Quod ad simplices attinet: passiuæ duæ, humida scilicet & sicca sine humore, & solæ vix coctionem vitiant, vt docet Galenus, nisi diuturna admodum mora & excessu, atque interueniente pessimo & fere incurabili aliquo morbo, vt tabe, hydrope, & similibus. Actiuæ verò, calida & frigida, cum quatuor compositis, in quibus istarum est combinatio, ordinariæ sunt causæ coctionis læsæ. Cum enim illa à calore moderato recte & secundum naturam perficiatur, adiunctâ ventriculi propriâ temperie, si calor ille imminutus & fere abolitus fuerit (quod Medici frigidam intemperiem vocant) non fiet, aut imminutè fiet coctio: si extraneus & præter naturam calor accesserit, deprauabitur, & in malam qualitatem cibi conuertentur. Frigida igitur calidaque intemperies dispositiones sunt proximæ læsæ coctionis, solæ vel cum passiuis iunctæ, sine humore aut cum illo: vnde Hippocrati pituitæ copia & *ζύμωσις μέλανος χυμῶς*, fermentatio nigri humoris, quæ in melancholiâ hypochondriacâ fit, frequentissimè imminuunt coctionem, & flatus, inflationes, fluctuationes, ructusque acidos per se ingenerant; per accidens enim calor etiam intensissimus potest ructus istos acidos & cruditates efficere, dum exhaurit calidum natiuum: sic enim æstate lac & vinum faciliùs acefcere videmus quam hyemis tempore, quia dissipando tenuiores & calidiores eorum partes, plus potest quàm actuale frigus alterando: bilis certè prouentus quamuis in ventriculo alimenta exurat, copiosos tamen & nidorulentos ructus excitat, quod egregiè expressit Hippocrates lib. 2. de morbis, sub specie morbi quem ructuosum appellauit; humor enim dupliciter coctionem vitiat, tum intemperiem faciendo in parte, tum in cibus, ex alteratione & permixtione cum illis. Rursus intemperierum istarum materialium & immaterialium suæ sunt causæ, ex rebus naturalibus, non naturalibus, & præter naturam repetendæ, illis qui pathologiam medicam nouerunt satis perspectæ. Nunc ad signa veniamus.

Signa partis istius affectæ, affectuum & causarum sunt diligenter inquirenda, antequam de therapeiâ cogitemus, & ex communibus fontibus deriuanda. De parte affectâ nemo dubitat, ventriculum, primariæ istius coctionis officinam, hîc esse læsum, in suo potissimum fundo, quod crassiore & carnosiore ideo tunicâ naturaliter fuit donatum ad cibos conficiendos. An vero intemperie simplici vel humoralis teneatur, agnoscemus ponderis sensu quo plurimum infestari solent, quibus humor in cavitare ventriculi continetur, vomitu ac deiectione; qui enim intemperie laborant simplici & sine humore, illi quidem sæpe cibos crudeos & inconfectos euomunt aut excernunt, sed impermixtos: vbi verò adest materialis causa vomitui aut deiectioni permixta, cernitur cum eis quæ egeruntur. Denique qui simplicem intemperiem habent, illi peius habere solent plerumque post assumpta alimenta, dum natura in illis conficiendis laborat: qui autem ex humoris syna-

thrismo laborant, peius ante pastum, paulo melius post illum se habent, quoniam humor morbificus diluitur & mitigatur benignitate sumpti alimenti: verum intemperies frigida aut calida sine humore parum in corpore nostro subsistere possunt, cum per eas generentur in partibus aut attrahantur aliunde excrementa. Calida itaque intemperies cum humore bilioso, putri, aut corrupto, agnoscetur ex foetore oris & reiectionum, siti, sapore linguæ deprauato, vomitu aut deiectione illius materiæ, ructu nidoroso, qualis ex fixis rebus expire solet, ponderis & agitationis sensu. Quæ omnia contingent in morbo iam inueterato, etiam assumptis alimentis frigidis aut temperatissimis, reliquisque rebus externis bene moderatis. Frigida pariter intemperies cum humore crudo, pituitoso, aut melancholico, dignoscetur maiore ponderis & quodammodo frigoris sensu, sitis carentiâ, sapore dulci linguæ aut insipido, faciei pallore & palpebrarum tumore, frequenti sputo, appetentiâ validiore quàm pro coctionis modo, vomitu aut deiectione eiusmodi humorum, fluctuatione, inflatione, & tumore ventriculi etiam dolorifico, si inter tunicas flatus coërceatur, ructuque frequenti, quo leuari solent etiam ante pastus, post auditos borborygmos & circa umbilicum murmura, quia colicum affectum torminaque ventris sæpe excitare solent. Denique si ex rerum naturalium notitiâ, & non naturalium usu appareat humorem aliquem frigidum calidumve esse genitum, si admodum vel assumptis calidis aut frigidis lædantur aut inuentur manifestè, certiores erunt affectus & causarum morbificarum notæ. Quod si sympathicos tantum ex aliquâ parte dolente aut materiam ventriculo communicante, ut cerebro, hepate, liene, vtero & similibus contingat hic affectus, ex propriis illarum affectarum signis agnoscetur, cum quibus simul genita est ista cruditas, & illis cessantibus mitigatur. Si ex errore causarum externarum vel obiecti, vitium coctionis istius pendeat, ex earum præsentî constitutione, ægri aut adstantium relatu facile erit discere.

Quod ad prognosim verò attinet, certum est, abolitam ventriculi coctionem horrendum esse malum, utpote frustratâ partium aliarum nutritione, quæ inde primariam alimoniam repetere debent. Ex cruditate igitur atrophia, tabes, ascites, leucophlegmatia, leienteria & similes morbi lethales oriuntur. Imminuta etiam suo non caret periculo, ob flatuum & ructuum copiam, qui excitari solent; unde dolores, inflationes, iliacæ & colicæ passiones grauissimæ originem habent, tum per *μετάρρυσιν*, translata eò flatuum copiâ; tum per *ἐμύρρυσιν*, auctâ intemperie, & ipsis intestinis communicatâ, quæ hydropem siccum, ex Hippocratis sententiâ in Aphorismis, sæpe procreare assuevit. Deprauata etiam coctio ventriculi mater est multarum ægritudinum. Siue enim acidus, seu nidorosus humor generetur, vndique angustix & morborum occasio, præcipuè alio adstrictâ existente: hinc enim febres, vitiligines, lepræ, elephantæ, obstructions viscerum & similia morborum monstra. Prout autem maior aut diuturnior fuerit mali huius causa, eo insanabilior & periculosior. Conualescentibus quidem adesse solet infirmitas coctionis ex depauperatione calidi innati, sed ea paulatim restituitur debitâ renutritione; si minus recidivam prænunciat, distento potissimum abdomine, *Aphor. I. sect. 6.* quia denotat nouam colligi materiam, quæ affectum cito renouabit. In leienteriâ diuturnâ laudat Hippocrates *ὀξύρρυσιν*, acidum ructum, quia ex abolitâ coctione, imminutæ signum apparens ventriculum roborari indicat, aut minus male se habere. Atque hæc de signis diagnosticis & prognosticis, nunc ad curationem veniamus.

Θεραπεία huius affectus perficietur sublacione causarum externarum, antecedentium & coniunectarum quæ illum efficiunt, augent & conseruant. Moderatio externarum rerum fiet rectâ victus ratione institutâ: in antecedentibus verò videndum, an ex compassione tantum alicuius patris per condolentiam, aut materiam negatam vel communicatam pendeat, quibus omnibus erit rite imprimis prospiciendum, ex lege indicationum curatiuarum. Inter coniunctas autem si lædatur coctio ventriculi secundariò, ob solutionem continui, vulnera, vlcera, tumores præter naturam & similes, recurrendum ad illorum omnium curationes, iam ex parte dictas. Ut etiam si attractio, retentio, aut expulsio primò lædantur, secundò autem coctio, curandum, ut imprimis illæ corrigantur. Denique eis omnibus accuratè prospiciendum, quæ huic affectui quomodocumque generationem præstare potuerunt. Quoniam verò inter proprias dispositiones quibus læditur

læditur ventriculi coctio, duas potissimum agnouimus, caliditatem & frigiditatem, cum humore & sine humore: ideo earum quæ sine humore sunt omittimus curationem, quia facile intelligitur ex therapeia humoralium, vbi non solum vacuatio, sed alteratio & roboratio proponitur. Præterea quoniam calida intemperies deprauat potius, vt dictum est, coctionem, quam imminuit & abolet, estque author ructuum illorum exustorum seu nidotosorum: cuius curatio facile conueniet cum eis quæ à nobis tam sæpe dicta sunt in cardialgiâ, anorexiâ, malaciâ, siti immoderatâ & similibus. Idcirco contenti erimus hoc capite tradere curationem particularem abolitæ & imminutæ concoctionis ventriculi ab illius imbecillitate & intemperie frigidâ cum humore, ructu, flatuque, quoniam sæpius in medicam consultationem venire solet.

Dixit igitur primum hic locum obtinere videtur, vtpote quæ sola vitare aut restituere potest hanc actionem ex debitâ moderatione sex rerum non naturalium, potissimum verò alimentorum, quorum substantia, qualitas, quantitas, tempus, & ordo recte animaduertenda præscribendaque, ne quis inde error contingere possit. Omnis igitur alimenti crassioris & crudioris substantia, malique succi est fugienda; propterea abstinere debet à pane furfuraceo, durior, & malè fermentato, vino nigro, crasso, dulci, aut acido: carnibus suillis, bubulis, caprinis, quas vocat Hippocrates *ἰσχυρὰ καὶ δασύς*; ouillis, caprillis, & similibus, potissimum sale aut fumo induratis: piscibus omnibus, præcipuè ceraceis & viscosâ substantiâ præditis: castaneis, rapis, tuberibus, bulbis, leguminibus: fructibus horæis, crudis oleribus & aliis. Vbi notandum, inter alimenta quædam esse quæ materialiter flatuosa sunt, vt ea quæ iam commemorauimus, quia materiam flatibus generandis idoneam suppeditant, maximè hîc fugienda: Alia verò effectiuè esse talia, quia iuuant calorem natium, vel materiam attenuant & incidunt, redduntque aptiorem, vt in flatus conuertatur, qualia sinapi, raphanus, allia, porrum, mentha, quæ ructatrix apud Martialem dicitur; & coriandrum, quod ideo vult esse ptisanæ incoquendum Hippocrates, vt minus sit flatuosa, *lib. de victus ratione in acutis*. Vt etiam & nos illis vti poterimus ad idem commodum, & vt roboretur ventriculi calor: qualitate enim suâ calfacere & attenuare debent alimenta, vt dissipetur illa materia & partis temperies vegetior reddatur: sub qua reponi potest præparatio quæ arte fit, elixando, assando, exprimendo, condiendo & comminuendo: ita vt alimentis bene coctis & præparatis vtantur, assis potius quam elixis, & aromaticis rebus, zinzibere, garyophyllis, cinamomo, nuce moschatâ & pipere conditis. Nec solum debet recta præparatio externa adesse in alimentis, sed etiam illa, quæ in ore fit, diutius & exactè alimenta masticando, priusquam deglutiantur. Quantitas etiam ea esse debet, quæ facile à calore nativo superari possit, in plures potius vices partita, quam vnicâ vice ingesta: eo tempore quo maximè assuetus erat, & postquam elapsum priorem cibum ex leuitate & appetitu senserit: recto etiam & conuenienti ordine, vt numquam solida aut adstringentia præmittantur liquidis, concoctu facilibus, aut corruptioni obnoxiiis; poculaque quæ exigua esse hic debent ex meraciori vino puro & generoso, aut decocto coriandri sequantur ciborum ingestione; illisque velut alternatim succedant. Reliqua autem materia ab alimentorum eupepton, euchymon & calfacientium, pro gradu & intensione affectus facile à quibusuis philiatris colligetur.

Reliqua verò eadem prudentiâ & cautione instituantur, vt scilicet aer ad caliditatem moderatam, potius quam frigiditatem vergat: somnus sit solito longior, placidus & æqualis, non solum per totam noctem, sed etiam interdiu matutinus, necnon meridianus, ex consilio Hippocratis *lib. de salubri diatâ*, æstatis tempore, potissimum quando noctes breuiiores & molestæ esse solent. Exercitatio etiam corporis non est negligenda, quâ sæpe materia crudior dissipatur, & calor suscitatur nativus. Vacationes omnes naturales & assuetæ moderatè fiant, aut arte promoucantur, exceptâ venere, quam peius angue vitare debent omnes *κακομαχοί*. Denique animi languor, studium immensum, moeror & iracundia fugiantur, genioque & placidissimæ cuidam curæ omnino indulgeant. His ita constitutis, si permaneat adhuc affectus, ad remedia erit veniendum, quæ vacuando, alterando, aut roborando huic affectui prodesse possunt, tam sumpta quam admota.

Vacuatio ergo humoris crudi pituitosi aut melancholici, in ventriculo stabulantis,

lantis, ibidem geniti aut aliunde affluentis, perficietur blandâ & sæpius iteratâ purgatione. Nisi fortassis ratione causæ antecedentis, aut partis alicuius mittentis, validior sit instituenda. Paretur itaque sub formâ pilularum, opiata aut syrupi magistralis sequentis, prout ex usu esse videbitur, & ægro magis acceptum. Ve

℥ Aloës optimæ, massæ pilularum aggregat. elephang. & de aromatibus, ana ℥ β. turbith gummosi ℥ ij. agarici trochisc. ℥ iij. rhabarb. elect. & folior. sennæ puluer. ana ℥ j. spicæ nardi, semin. coriand. & nucis mosch. ana ℥ j. piperis longi & galangæ pulueris. ana ℥ β. Excipiantur syrupo conseruat. corticis citri. Fias massa pilularum, ex cuius ℥ j. fiant pilulæ v. aut vj. Capiat semel singulis septimanis. Vel

℥ Electuar. de citro solut. ℥ iij. cathol. ℥ j. β. rhabar. electi puluer. ℥ ij. folior. sennæ mundat. ℥ β. piperis longi, galangæ, corticis citri sic. semin. anisi puluer. ana ℥ β. pulu. elect. aromat. rosati ℥ j. Cum syrup. de mentha, vel de hyssopo fiat opiata. Cuius ℥ β. vel ℥ vj. capiat in formam boli mane cum saccharo, vel dissolutas vino absint. aut decocto anisi & coriandri. Vel

℥ Rad. acori vulgar. ireos Florent galangæ, & calami aromat. ana ℥ j. rad. cyperi, corticis citri sic. & rasuræ ligni sancti, ana ℥ β. herbar. saluiæ, hyssopi, menthæ, maioranæ, lauendulæ, rorismarini, absint. pont. chamæpityos, fœnicul. ana M. j. fol. sennæ mund. ℥ iv. semin. anisi, anethi & cumini, ana ℥ ij. coriand. præpar. ℥ j. carthami contusi ℥ j. epithymi, flor. stœchad. anthos, & saluiæ, ana P. j. Fiat decoctio in hydromelite ad ℥ ij. in quibus dissolue sacchari q. s. Fiat syrupus perfectè coctus magistralis; Cuius capiat ℥ iij. semel in septimanâ cum infusione ℥ j. rhabar. & ℥ β. cinamom. Ex tribus his formulis purgantium liquidâ, solidâ & mediâ, licebit paucis mutatis multas alias confingere. Habetur in officinis elect. illud in tabellas, de citro solutium dictum, huic rei peculiariter dicatum. Puluerem verò rhabar. ad ℥ j. sumptum, aut radicis mechoacan cum decocto anisi aut cinamomi præscribere possumus in infirmioribus & deiecta valde ventriculi temperie.

Ad alterandum verò, dissipandos flatus, & roborandam partem, assumptis & admotis agendum. Inter assumpta, quædam alimenti, quædam medicamenti magis rationem obtinent. Sic vinum Hippocraticum dictum, bochetum ex decocto anisi & coriandri cum saccharo & cinamomo paratum ordinariè sumptum. Puluis vulgo ducis dictus omnibus alimentis aspersus, qui ex duabus sacchari albißimi partibus & vnâ cinam. electi constat: sal ad condiendos cibos confectus ex puluere cumini, coriandri, anisi, piperis longi, galangæ, & nucis moschatæ, mixto cum pari portione salis communis: piperis grana aliquot integra aut conquassata mane sumpta: nuces communes garyophyllis confixæ & saccharo conditæ, cortex citri & arantij conditus, zinziber conditum, semen anisi, fœniculi, coriandri, frustula cinamomi, arantij & garyophyll. saccharo incrustata, quod vulgò dragetam vocant. Puluis digestius ante & post singulos pastus sumptus, nihil postea bibendo, vel comedendo, multum coctionem iuuare, intemperiem corrigere, flatus dissipare & partem corroborare poterit, cuius tale sit paradeigma.

℥ Semin. anisi, coriandri & fœnicul. sacchar. condit. ana ℥ β. cinamom. electi, piperis vtriusque, nucis mosc. zinzib. & garyophyll. ana ℥ β. puluer. electuar. aromatici rosat. & diamosch. ana ℥ j. corticis citri sicci, fantali citrini, & ligni aloës optimi, ana ℥ j. sacchari albißimi ad pondus omnium. Fiat puluis, cuius capiat cochlear vnum ante & post pastus. Vel fiant muscardini sequentes.

℥ Cortic. citri sic. cinamom. electi, zinzib. & garyophyll. ana ℥ β. puluer. elect. aromat. rosat. & diamb. ana ℥ j. moschi ḡ. v. sacchari albi ℥ β. gummi tragac. aquâ menthæ dissoluti q. s. Fiant trochisci vel globuli deaurati, quorum teneat aliquem semper in ore.

Ad idem habentur & laudantur vinum & syrupus de absinthio, conditura calami aromat. conserua. fol. absinth. syrupus de mentha, syrupus conseruat. corticis citri & calami aromat. Tabellæ elect. aromat. rosat. diamb. & diamoschi, Galeni diatrionpipereon & diacumin. Theriaca antiqua, aurea Alexandrina, mel anacardinum. Valde mihi placet in hoc affectu electuar. de citro non solutium, ab Arabibus Philonium descriptum: ventriculi gallinarum interior tunica, cum vino albo & aquâ menthæ lota, torretur in furno, puluis miscetur cum pari portione sacchari,


admiscetur opiatis, conditis, & similibus, magnâ omnium commendatione, ad iuuandam coctionem. Laudarem ego non parum decoctum ligni sancti aut ligni sassafras, addendo P. j. corticis citri sicci, semin. anisi, coriandri, & folior. menthæ, in plures dies sumptum calidè, absque sudoris prouocatione, nisi serosi humoris copia in toto aut aliquâ parte mittente appareat. Nostrâ ætate Chymici ad cælum vsque efferunt suam essentiam anisi, cinamom. & garyophyll. ad roborandum ventriculum, cuius guttæ aliquot in aquâ menthæ, iusculo aut vino dissoluntur, & mane sumuntur. Aqua coelestis, & imperialis nobis vsitatissimæ, ex cochleari mane aliquoties sumptæ, hic non parum valere poterunt. Quæ omnia varianda erunt à solerti Medico pro variis circumstantiis, multaque alia eiusdem generis sub variis formulis præscribenda, prout ex vsu esse videbit.

Exterius etiam toti ventriculo ad vmbilicum vsque admouenda, quæ calorem natium augere, flatu dissipare, & robur parti conciliare possunt. Ad hoc delicatæ mulieres & seniores induxerunt vsu gestandorum catellorum, bonis odoribus suffumigatorum, supra regionem ventriculi: quidam malunt puellulum aut virginem delicatissimam imponere. Pauperes conficiunt paruum culcitram ex mollissimis plumis anserum, & noctu atque interdum supra stomachum gestant. Alij rasuram scarlatæ inter duas sindones sericeas in formam seuti consunt, addendo puluerem anisi, coriandri, corticis citri sic. garyophyllor. nucis mosch. folior. menthæ siccorum & similium: vel corone moschato excipiunt. Ad idem parantur pelles vulturis, struthiocameli & leporis, ventriculo apponendæ ad conciliandam *ἰσπεψίαν*.

Inunctiones conueniunt ex oleo laurino, nardino, absinth, nucis moschat. cerato stomachico, calidissimæ, ex præcepto Galeni 8. *method. cap. 5.* quia tepida dissoluerent robur ventriculi. Emplastrum de baccis lauri, & de meliloto aliquando vsurpari possunt. Foci autem humidi non ita conueniunt ob actualement humiditatem. Verum si magna flatuum copia & dolor vrgeat, apponantur cucurbitulæ maiores cum multâ flammâ supra vmbilicum, quæ incantamenti instar sæpè hunc affectum, afferente Galeno, leuant. Fiant etiam fomenta sicca in hunc modum.

℥ Milij & auenæ, ana ℥ ss. salis communis P. j. semin. anisi, baccarum lauri, cumini, foenicul. & granor. kermes ad robur partis, ne deliciatur nimium à resoluentibus, ana ʒ iij. flor. stœchados, anthos, chamæmel. & rosar. sic. ana P. ss. Torresiant omnia leuiter in sartagine, affundendo parum vini rubri. Includantur sacculo, quo calente foueatur locus dolens aut in tumorem elatus. Potest etiam fieri sic.

℥ Corticis citri sic. rad. ireos Flor. & galang. ana ʒ ij. fol. siccor. menthæ, hyssopi, saluæ, maioran. rorismar. ana M. j. semin. anisi, cumini, foenicul. baccar. lauri, ana ʒ ss. florum chamæmel. anthos, schœnant. & spicæ nardi, ana P. j. Conquassentur & includantur duobus sacculis lineis mollioribus, quibus in vino rubro generoso & calente immerfis foueatur regio ventriculi vicissim. Picationes & sinapismi tandem supra ipsam regionem ventriculi instituuntur, si quidem iam summè refrigeratus videatur. Ad istum denique affectum mitigandum, quando potissimum in colicam aut iliacam passionem degenerat, non parum valent clysteres illis in locis describendi. Arque hæc de cruditate sufficiant.



C A P V T VII.

De singultuoso affectu.



ENTRICULI, vt reliquarum partium, quatuor sunt naturales actiones, attractio scilicet, concoctio, retentio, & expulsio. Nos autem prioribus capitibus attractionis seu appetentiæ, & concoctionis vitia sumus persecuti: nunc ad retentionem expulsionemque læsam est accedendum: ad quas referuntur singultus & vomitus, duo notissima & molestissima symptomata. Primum itaque de singultu, qui *ἀγγξ*, siue *ἀγγυς* à Græcis dicitur, disseramus, hinc ducto exordio.

De affectibus ventriculi, &c. Cap. VII. 197

Duos esse in nobis motus, ut etiam sensus, eleganter annotauit Galen. *lib. 9. de usu partium*. Ut enim motus ille arbitarius, qui voluntatis aut appetitus imperio subiaceret, musculorum opera omnino perficitur: sic natura partibus quæ erant eiusmodi motus expertes, motum alium per suas naturales fibras indidit, per quas, non dum volumus, mouentur, sed ad rei molestantis sensum exurgunt, commouentur & concutuntur. Sic cerebrum, naturali illo sensu præditum, ubi aliquid molestius illi incumbit, seipsum cogit, dilatat & commouet per epilepsias & sternutamenta. Sic cor attris & fumosis melancholici humoris vaporibus, aut aliâ re laceffitum *παύεται*, palpitât & agitur, non per diastolem & systolem, sed tremebundam concussionem, non secus ac illis, quibus ob ingentem timorem aut lætitiâ agitatur *ἐν τῷ ἐπὶ τῇ καρδίᾳ*. Eadem ratione ventriculus exquisitissimo animali, non solum naturali sensu præditus, quamuis musculos non sit à naturâ sortitus ad sese commouendum, ex insito tamen illo partibus similaribus per proprias fibras motu, si quicquam secus aliquando contigerit, seipsum ciet, contrahit, dilatat & vehementer commouet ad illius expulsionem: ut videre est per ructus, nauseas, vomitus, choleras, & singultus: qui proportionem quadam tussi, conuulsifico motui, horrore, rigore, oscitationi & pandiculationi respondet: quoniam in illis omnibus natura ad expellendam rem noxiam irritatur.

Singultus itaque cum sit motus quidam, qui tamdiu est quamdiu fit, non potest esse morbus, nec morbi causa, nisi valde remota. Erit ergo symptoma, non sub qualitate mutatâ, non sub excretis (in singultu enim nihil excernitur sensibiliter), ergo sub actione læsâ; non sublata, quia fit; non imminutâ, quia violenter fit. Ergo erit deprauata, si sit extra latitudinem sanitatis, propter naturam causæ morbiicæ, à quâ inducitur dispositio præter naturam, & prouocatur facultas expultrix ventriculi: retentrix autem relaxatur seu debilitatur. Sic itaque symptoma istud definiamus.

Singultus est deprauatus ventriculi motus, per quem seipsum cum sonitu concutit, ob stimulatam expultricem à causâ præter naturam. Dicitur enim motus, quia singultiens ventriculus manifestè per suas fibras commouetur, & quasi conuelli- tur, ut iam dictum est: Vnde Hippocrati & Galeno *Aph. 39. sect. 6.* conuulsio quædam dicitur; non quod in musculofo genere contingat ut vera conuulsio; sed quia in genere & in causis deprauati motus cum spasmo musculorum conueniat. Est autem deprauatus hic motus & peruersus, quoniam ventriculus naturaliter constitutus ad retinendum, complectendumque, tum excernendum id quod in capacitate suâ continetur, seipsum per fibras suas obliquas transuersasque colligit & coarctat à circumferentiâ ad centrum: hic verò contrâ à centro ad circumferentiam reuoluitur, eliditque spiritum interius contentum, vnde sonitus: quin etiam in singultu maior est & violentior motus quàm in vomitu, ex sententiâ Galeni 3. *de sympt. causis*, propterea quod causa singultus non in spatio & inanitate ventriculi versatur, ut in vomitu; sed altius in tunicas illius est immerfa, ex quibus non potest nisi longo conatu & fatigatione excludi. Vnde Auicennas ratione eruptionis materiæ vomitum maiorem motum appellauit: Galenus contrâ singultum maiorem motum respectu conatus naturæ. Porro si motum hunc spectes, certum est totum ventriculum commoueri & affici: sin vero sensum rei molestæ, magis videtur esse proprius hic affectus eiusdem orificio ob copiosos illos & insignes sextæ coniugationis nervos ibi implantatos; quamuis tamen & illius fundo, parietibus, inferiori orificio, quandoque etiam œsophago ipsi contingere possit, pro vario situ ipsius materiæ peccantis.

Causas autem singultus proximas, seu morbosas dispositiones à quibus pendet, duas tantum Hippocrates citato *Aphorismo*, ut conuulsionis, assignat, inanitionem scilicet & repletionem ventriculi, ad quas aliæ omnes referri possunt. Commodius tamen erit tertiam adiungere, quam doctissimi Arabes *non proportionatam ad materiam*, dixerunt, quæ frequentissimè motus istos conuulsuos irritare solet: quando scilicet ex tenui quodam vapore, qualitate magis quam quantitate noxio, punctione, vlcere, frigore, calore (quæ Galenus ipse agnouit causas singultus *comment. in Aphorism. 39. sectionis sextæ, & libro octauo de compositione medicament. secund. locos, capite tertio*, & similibus percussus ventriculus, ut & nervosum genus sese concurrit & commouet. Exemplum est in rebus externis clarissimum: quæcumque enim illarum poros

obtinere humiditate quadam insitâ refertos, ut coria, fidium chordæ, & similia; illa quando humidum exhauritur contractis poris, vel adueniente externâ humiditate distentis, retrahuntur secundum longitudinem, & quod uni accedit dimensionem, alteri deperire solet. Idem accidere posse partibus corporis nostri propter exhaurientes & replentes causas nihil obstat, potissimum nervosis & membranosis. At præter illas duas dispositiones, quæ insensibilibus etiam rebus accidunt; quoniam partes corporis nostri sensu donatæ sunt, illam à nobis commemoratam obtinuerunt: ideo ad fugam cuiusvis rei molestæ contrahi illas necesse est: ut motu illo eam excludant, & in quam minimo fieri poterit temporis puncto. Hæ tres causæ in singultu etiam sanorum sunt manifestissimæ. Nam per inedias aut transactam cibandi horam, in voracibus potissimum hominibus, exsuctus ventriculus & lancinatus commouetur ac veluti oblatrans in strepitu illo singultuoso, quem excitat illis violentè spiritus, ex vacuitate ventriculi in oesophagi angustias compulsus. Hic singultus facillimè assumpto cibo sedatur. Alias vero fit in hominibus sanis à causâ non proportionata ad materiam, videlicet ob acrimoniam alicuius rei vellicantis & afficientis ventriculum exquisitioris sensus: sic multi ab assumpto tantillo sinapi, rutæ aut pipere, quod de se ipso narrat Galenus, statim singultiunt, potissimum si aliquid vini tepidi quod magis penetrare faciat, postea assumpserint. Alias denique in ipsis sanis ob veram contingit repletionem, eamque triplicem, flatuosam, scilicet, crapulosam, & humoralem. Sic quidam ubi multum locuti sunt, aut iracundiâ perciti, potissimum si frigidiorē naturâ habeant ventriculum, ex commotione flatulenti spiritus, singultu corripiuntur. Eis verò quibus vivere nihil est aliud, quam bibere & frequenter saturari, aut qui præter morem vino vel cibus se ingurgitarunt: vel quibus corrupti sunt in ventriculo cibi ab hesternâ crapulâ, plene singultiunt. Quemadmodum ij, quibus glutinosi cuiusdam humoris portiuncula, pituitosi aut melancholici, firmiter interno aut externo tunicarum spatio adhæsit. Quod cum intelligeret Erysimachus ille Medicus in Platonis conuiuio seu de amore, singultientem Aristophanem iussit primò spiritum cohibere, ut si qui essent in illius ventriculo flatus dissiparentur (cohibita enim respiratio longas oscitationes & singultus curat, Hippocrati in *Coacis*) peruadente scilicet calore virilium partium ad naturales, & compresso diaphragmate. Quod cum non successisset, aquam bibendam tradidit, ad corrigendam ventriculi intemperiem calidiorē, si quidem loquendo aut alio modo fuisset contracta: aut etiam ad eluendum acriorem succum, si quis subesset. Tandem his duobus frustra tentatis, sterutinationem proritauit, excussitque humorem ventriculo firmiter hærentem, ex Hippocratis consilio *Aphorismo decimotertio sectionis sexta*. Vulgus in compefcendo hoc sanorum singultu, modo insperatæ rei & tristis narrationem faciunt, alias cogitandum aliquid obscurum proponunt, timorem incutiunt, aquam in vultum ex insperato aspergunt, ut ex hac agitatione spirituum dissoluatur causa quæcumque in vitio fuerit. Quidam comprimunt utrinque digitum illum, qui medicus dicitur, ut ex sensu doloris conuertatur aliò vis naturæ. Alij erectum corpus statuunt, quia sic minus opprimitur à circumstantibus partibus ventriculus. Atque hæc de singultu sanorum & visitationibus illius remediis.

In ægris autem similes dispositiones, sed valentiores multo, singultus excitare solent. Imo non solum per idiopatheiam, sed etiam per sympathiam sunt isti singultus: siquidem per tumores, inflammationesque viscerum in epigastrio contentorum, singultire solet ventriculus, potissimum hepatis, ut est in *Aphor. 17. sect. 7*. in cuius feruentis syntimoriam trahi solet, partium vicinâ & connexionē neruorum, quos Hippocrates *lib. 2. epid. & Aphor. 58. sect. 5*. breuissimos appellauit: partim compressione, aut communicatâ humoris feruidioris & furentis portione. Sequitur etiam aliquando aliora, quemadmodum biliosus vomitus, & obmutescencia, ob neruos illos commemoratos, cerebri vulnera, diaphragmatis & intestinorum affectus: vnde herniosis sæpè singultus contingit, delapso in scrotum omento aut intestino, in ileo, ex *Aphor. 10. sect. 7*. seu miserando voluulo, permutatione motus peristaltici intestinorum, qui fit ad inferiora, reuoluuntur per ἀνάστροφον superius horrendi cum facibus flatus, & singultuosam passionem inferunt. Idiopathicus verò singultus fit, quando iam causa ipsum ventriculum occupauit, & sedem ibi certam iam fixit, ut ab inanitione, in exhausto & consumptione partium, per immodicas vacuationes, siue arte seu naturâ factas, ut per larga sanguinis

nis profluvia, alui deiectiones & alia, quæ *ὑπερμετρίας* & *ὑπερκατάρσις* appellantur. Item in anxiosis, laboriosis, lypyricis & synecticis febribus, quæ summam humidæ primigenij copiam exhauriunt, potissimum in partibus membranosis & exangui- bus, qualis est ventriculus, qui noxam hanc imprimis præsentit, tum ob ex- actiorem sensum quo præditus est, tum ob solitam tractionem, qua reliquas par- tes communi alimoniâ destitutas, illum diuellere credibile est. A repletionem au- tem fit *ἰσθμιασμός* singultus, flatuosâ, ut per intemperies frigidiores ventriculi, in caloris natiui extinctione vel oppressionem: aut humoralis, ex bilis feritate per- cellentis ventriculum; qui singultus vomitum subsequi solet, ut est in *Aphor. 3. sect. 7.* putridi aut venenati succi, vel viscosi alicuius humoris contumaciter adherentis & anxiosam molestiam inferentis, quorum rursus multiplices sunt causæ. Deni- que à causa non proportionatâ ad materiam, ut per intemperies sine materiâ ca- lidas vel frigidas valde excedentes, punctiones, vlcera, veneni aut cathartici ma- lignitatem, auram venenatam & pestilentem ab utero, vesicâ, cruribus, bubone, re externâ & similibus ad interiora delatam. Quorum omnium rursus generationis modus ex rerum naturalium, non naturalium, & præter naturam constitutione est repetendus.

Quod ad diagnosim autem huius affectus attinet, cum nulla sit pars in toto ventre inferiore, quæ huiusmodi sonitum versus superiora edere possit, ex ipso symptomate, velut signo sensibili, detegitur ipsa pars affecta, nec immeritò vul- go dicitur, neque singultum, neque amorem celari posse. An verò sit sympa- thicus singultus, illud ex aliarum partium affectarum quibus comparitur, notis estprehendendum. Propria etiam ventriculi inanitio ex vacuationibus quæ præcesserunt, aut præsentis sunt, rebusque dissipantibus & resolventibus humi- dam partium substantiam, agnoscetur. Item ex diuturnâ morâ qua talis disposi- tio singultuosa introducitur. Et quoniam singultus hic ab inanitione *κένος* à Thu- cydide dictus, dum pestilentis febris *ἐπιπυρεσιαν* enumerat, magis est sonorus & quasi clangorosus, in re scilicet vacuâ factus. Plenus verò magis est interceptus, & sine magno sonitu, ob pauciorum spirituum qui eliditur: signaque adsunt flatuosæ aut humoralis materiæ in ventriculo contentæ, iam sæpius à nobis recensitæ, cum frequenti conatu vomendi, quo egeruntur biliosa, putrida, pituitosa, aut melancholica magno cum ægri commodo. Si sit causa non proportionata ad ma- teriam, intemperies videlicet, vlcus, vulnus, aut aura venenata, à quibusdam partibus, vel rebus externis in stomachum agentibus, signa istorum ex propriis suis fontibus repetenda: quod sæpe fuit à nobis annotatum. Ex quibus prognosim facile est stabilire, horrendum scilicet esse omnem singultum, qui ob sympathiam in inflammatione viscerum contingit, ex *Aphor. 17. sect. 7.* *In hepatis inflammatione singultus, malum: In prorrhæ. Vocis interceptiones cum singultu pessima.* Periculosissimum esse in ileo & mortis proximæ signum patet ex *Aphor. 10. sect. 7.* Item in summa inanitione & exhausto per febres: Vnde illud in *Coacis. In laboriosâ & continente febre singultus, malum; & Aphor. 3. sect. 7. A vomitu singultus & oculorum rubor, malum: Aphor. 25. & 42. sect. 7. & 3. ac 4. sect. 5. Singultus in hæmorrhagiâ, aut nimia purgatione lethalis.* Quid plura? Singultus in nulla causa morbificâ quicquam boni potest indicare, sed sum- mam naturæ deiectionem aut oppressionem. Quibusdam tamen periodicus con- tingit singultus, qui plerumque dissipatâ causâ irritante aboletur, ut videre fuit in honestissimâ quadam Monspeliensi sceminâ, quæ per sex menses hos singultus passa est, incipientes quotidie ab horâ meridianâ vsque ad mediam noctem. Poteest quo- que aliquando esse singultus criticus, dum præcedit excretiones illas salu- tares, quæ per vomitum aut alui fluxum fieri solent. Sed tunc reliqua omnia in bonum consentiunt, viresque imprimis subsistunt, quæ diligenter sunt ani- maduertenda.

Therapeiam igitur huius affectus instituere oportet, singulis suis causis opposi- tam. Si sympathicus est, primariis morbis prospici debet, ex lege indicationum therapeuticarum. Si ab inanitione exhaustoque fiat & diu perseueret, plerumque mortis propinquæ est prænuntius, & cum prognostico relinquendus. Instituatutamen victus analepticus seu refectorius, iam sæpius à nobis descriptus; & vacua- tio aliæque inanitionis causæ, quantum fieri poterit, sistantur. Est controuersia inter Haly & Serapionem de curatione singultus ab inanitione: ille enim frigida actu potestate talia, ut julepos, aquam frigidam, rosaceam cum mucilagine se- minis psyllij & similia: hic autem aquam calidam, oleum amygdalarum dulcium,

iuscula, consummata, & omnia humectantia cum caliditate modicâ exhibet. Quæ ita conciliari potest, vt si simplex sit inanitio absque vllâ caliditate præter naturam, eligantur calida humidaque actu & potestate talia ad celerem refectionem. Si verò adsit adhuc feruor, qui humiditatem depopuletur, refrigerantia vtilissima sunt, vt causa efficiens & augens affectum expugnetur, sine cuius sublatione, vix sperabilis est inanitionis curatio. Eadem ratione singultus non proportionatus ad materiam, si ab intemperie aliquâ, vulnere, vlcere, venenato cathartico, aut aurâ aliquâ malignâ ab externis aut internis partibus erumpente pendeat, propriâ singulorum istorum affectuum curatione tollitur, quam vel tradidimus iam, vel postea suis locis sumus explicaturi. In primis tamen hic quæ reuellunt, abluunt & cardiacâ vi sunt prædita, conuenient.

Singultus denique à causâ materiali peculiarem suam therapeiam habebit, pro variâ naturâ flatus & humoris qui illum committent. Victus itaque ratio ad flatus dissipandos conueniens & vnicuique humori morbifico, bilioso, pituitoso, aut melancholico, putri, crasso, aut viscoso contraria, quæ ex præcedentibus capitibus colligetur. Item purgatio per deiectionem & vomitum, alteratio & corroboratio idonea ibidem præscripta vsurpetur, ad expugnandum hunc affectum, quam superfluum esset repetere. Si quid tamen peculiare in hac materiâ referendum sit, laudantur in flatuosâ aut humorali materiâ frigidâ, pilulæ de hiera, & benedicta laxatiua, frequenter pro rei & corporis naturâ repetita. Acetum scilicet sæpius sumptum. Teneant perpetuò garyophyllos in ore. Castorei 3 j. dissoluatur in 3 iij. succi menthæ: capiat tertiam partem per os, aliis verò inungatur extrâ ventriculus calidè. Seminis anethi 3 iij. bulliant in vini generosi rubri 3 viij. Capiat per os 3 j. mane & sero, residuo verò foueatur ventriculus cum spongiâ nouâ, & semen ipsum inclusum linteo frequenter naribus obiciatur. Cucurbitulæ cum multâ flammâ, ligaturæ extremitatum & frictiones dolorificæ prodesse poterunt. Ad hoc multum laudant Arabes aquam mellis ad 3 iij. cum 3 j. feminis vrticæ potam, quia terget & discutit. Altiliæ vel galangæ puluerem ad 3 j. in vino albo odorifero dissolutum propinant. Item decoctum schoenanthi & corticum fisticorum seu pistaciorum. Pro secreto habent dare per tres horas ante cibum radicem vnam zinziberis viridis conditam, bibendo postea vini maluatici cyathum vnum. Mesues pilulas has conficit ad singultum, ex frigidâ causâ oriundum, quæ alterandi & purgandi vim habent.

℞ Castor. & myrrhæ, ana 3 ij. salis gemmæ 3 j. β. diacryd. & mastic. ana 3 j. agaric. trochisc. 3 iij. aloës ad pondus omnium. Excipiantur succo menthæ. Fiat massa, e cuius drachmâ formentur pilulæ sex. Capiat tres mane bis in septimana. Puluis etiam sequens mirabilis habetur.

℞ Semin. anethi 3 β. zedoar. ligni aloës, mastic. corall. rubri, nucis mosch. garyophyll. ana 3 j. salis communis 3 ij. Fiat omnium puluis; capiat cum cibo ordinariè loco salis, quo etiam condiri poterunt alimenta. Præterea applicetur hoc cataplasma supra regionem ventriculi, frequenter mutando.

℞ Aristolochiæ longæ, galang. anisi, baccarum lauri, gentianæ, folior. rutæ siccor. ana 3 iij. castorei, myrrhæ & mastic. ana 3 ij. garyophyll. rosar. & hypocist. ana 3 j. Incorporentur cum melle & aquâ sampsuchi. Imo etiam tandem phoenigmi & vesicatoria admoventur. Vrgente admodum singultu interdum exhibent philonij romani 3 ij. cum saccharo instar boli, aut cum tantundem conferuæ rosarum. Ego in eiusmodi singultu decoctum guaiacinum non improbarim: nihil tamen præstantius existimo, quàm vt aquæ nostræ Bellilucanæ potu, balneo, & foru in plures dies adhibeantur, quibus remediis foemina illa Monspeliensis conualuit. Valet etiam multum eorumdem balneorum coenum, regioni ventriculi instar cataplasmatibus calidè admotum, addendo, si velis, aliquid castorei & myrrhæ. Chymici laudant suam essentiam anisi, aquam cinamomi, & spiritum vitrioli, si eius guttæ aliquot dissoluantur cum vino antiquo.

In causâ autem calida humorali, instituta prius conuenienti victus ratione, venæ sectione si opus sit, cucurbitulis, ligaturis, & frictionibus extremorum, laudantur plurimum pilulæ sequentes.

℞ Rhabarb. electi, aquâ endiuiz irrorat. & puluer. 3 β. pulpæ tamarind. 3 iij. feminis endiuiz, portul. & spodij, ana 3 j. ligni aloës & santali citrini, ana 3 β. Conficiantur cum syrupo de limonibus. Fiat massa: capiat 3 j. tertio quoque die mane. Interiectis diebus capiat santali albi & coralli rubri pulu-
ana

ana 3 β. cum aquâ rosaceâ & pauco aceto. Applicetur etiam cataplasma sequens.

℥ Trium santalorum & spodij, ana partem vnam, farinæ hordei partes duas: Conficiantur cum succo semperuiui, & admoveantur actu frigida, vel saltem tepida. Licet etiam hîc vti audacius quàm in causâ frigidâ; valde urgente affectu; narcoticis, vt sensus partis exquisitior obtundatur, & humoris feritas corrigatur: inter quæ requies Nicolai dicta maximè idonea videtur. Aiunt herbam, quæ alyssum vocatur, & describitur à Dioscoride & Plutarcho 3. *sympos.* 1. singultus potu, odoratu, aspectu, atque etiam si manu teneatur, mirabiliter sedare. Atque hæc de particulari singultus curatione dicta sint.

C A P V T VIII.

De nausea & vomitu.



ET ENTRICIS facultatis ventriculi, & expultricis læsæ sympto-
mata non solum in singultu; sed etiam in nausæâ, vomitu, & cho-
lerica passione elucescunt: proinde cum de singultu egerimus, po-
stulat ordo, vt de vomitu & nausæâ, à nobis iam instituaturs
sermo.

Nautia igitur, ναυτία, ἰσθμοειδής, ἢ ἀνατροπή, ἔμετος, ἔμεσις, ἔμεσμα,
ἔμελας, ἢ ἔμεσις nomina sunt apud Hippocratem & Galenum, quibus vomitiones
perfectæ vel imperfectæ significantur. Perfectas voco, in quibus aliquid sensibile
& palpabile excluditur per concussionem propriam ventriculi, vt in vero vomitu.
Imperfectas autem, quæ simplici saluatione, ructibus quibusdam, singultu, aut
insensibiliter terminantur, vt in supinitate (Hippocr. in *Coacis* vocat ἐλξιν, ἔμετάωδην,
quasi dicas conatum vomitorium, alibi ἀλυσμον ναυτιώδην) subuersione potissimum
post sumptos cibos, & nausæâ videre est, quæ est ex Auicenna motus expulso-
ris, quem non sequitur motus expulsi. Illis itaque vt minoribus affectibus, quorum cau-
sæ & curatio eadem sunt cum vomitu, relictis, ad huius naturam, causas, & curatio-
nem explicandam conuertimur.

Vomitio itaque seu vomitus est motus ventriculi concussiuus, quo aliquid sen-
sibile & palpabile confertim per os excluditur, quantitate vel qualitate illi mo-
lestum. Hoc quidem symptoma inter excreta reponi potest; sed quia actio læsa
semper intercedit, quæ à certo quodam morbo vitatur, ideo melius est ad il-
lam referre. Dicitur itaque actio deprauata seu motus ventriculi concussiuus, qui
in multis aliis partibus, motu animali destitutis, cernitur, vt iam dictum est: quæ
sibi noxia aut molesta per contractionem & dilatationem naturalem operantibus
fibris excernunt. Sed quia ratione motus concussiuus communicat vomitus cum
singultu; ideo additur in definitione, quo aliquid sensibile & palpabile con-
fertim excluditur: vt hac ratione non solum ab ipso, sed etiam à nausæâ, su-
pinitate, subuersione & ructu distinguatur, in quibus pauca, insensilis, aut
lenta est excretio. Adde quod in singultu ea quæ propriis ventriculi tunicis im-
pacta sunt, nititur laboriose extrudere natura: per vomitus autem ea potius quæ
in capacitate velut stagnantia continentur, maiori facilitate expellit; idque per os
tantum, qua ratione secernitur à cholera morbo, in qua simul & semel supra infrâ-
que vitati humores excluduntur. Denique adferuntur causæ efficientes seu mo-
uentes, quando subnectitur, id quod quantitate vel qualitate aut vtriusque mole-
stum est, excerni: siue id ab interno principio, seu ab externo motore pendeat, vt
deinde clarius explicabimus.

Porro præter causas illas mouentes, quas vulgo materiales appellant, petuntur
etiam differentię vomitus ab efficiēti, cuius ratione naturalis dicitur vel artifi-
cialis, hoc est solo naturæ imperu (*Aphor. 2. sect. 1.* dicitur ἔμετος αὐτομάτως γινόμενος)
vel artis beneficio adiutæ institutus. Rursus naturalis triplex est; criticus, perio-
dicus & symptomaticus. Criticus is dicitur, qui bonis ægri rebus, apparen-
tibus cōctionis notis, die laudabili, & conuenienter significatus, per mor-
bos potissimum acutos, alias chronicos, fieri solet. Periodicus autem est, qui ex-
tra morbosam constitutionem, exercetur à naturâ assuetâ, præcautionis causa, &
certis

certis temporum spatii reperere solet: unde apud Hippocratem *lib. de salub. dieta, & de victus ration. in acut.* & alios, legimus ad sanitatis conseruationem antiquos illos homines bis in mense continuis aut interiectis diebus sponte vomuisse. Et multi sunt hoc nostro tempore, qui absque vlla aliâ noxâ solent singulis septimanis, & certo quodam die magnam bilis aut pituitæ vim excernere, hos *ἐμετικὸς*, vomituri- entes vocat Hippocrates *in prorrh.* Symptomaticus denique is est, qui non tam opus naturæ sponte, determinatè, laudabiliter & faciliter qualia oportet excernenti, dici potest, quam deprauata actio illius coactæ & irritatæ à causâ morbificâ perturbante, propter quam diminutè aut superflue, difficulter & cum summâ ægri molestiâ exercetur, tum ob resolutam retentricem præ nimia humoris copiâ: tum violenter commotam expultricem à pondere aut vellicatione materiæ peccantibus. Unde *in prorrh.* appellantur *ἐμέσματα ἀσώδη*. Atque de symptomatico hoc vomitu proposita est nobis potissimum tractatio, utpote cuius causâ instituenda sit therapeia: cum periodicus & criticus regentis naturæ sagacitati sapius relinquuntur. Aliæ sunt differentiæ vomitus ab excreto & excernendi modo. Ab excreto quidem, nam aliquando utilis, aliàs inutilis materia excernitur, alibilis vel excrementitia. Rursus alibilis utilisque est materia, quando sanguis, aut cibus nondum confectus vel chylus excluditur: excrementitia seu inutilis, est animata, ut lumbrici: inanimata, ut bilis, pituita, melancholia, solæ vel permixtæ; nec non pus, sanies, aut ichor ex rupto interiore aliquo abscessu. Ab excernendi modo, alius dicitur facilis; alius laboriosus, & ita de cæteris: quorum omnium variæ sunt multiplicesque causæ, externæ, internæque paucis percurrendæ. Ictus itaque, casus, compressio circa epigastrium & similia violenta sæpe vomitus concitant, irritato ventriculo, aut sursum compulsâ materiâ quæ in illo continebatur, potissimum cibaria: vel effuso in illius spatio sanguine per ruptam, sectam, aut apertam venam. Aër etiam austrinus vel contagiosus, aura venenata, foetidus odor, exercitatio violenta statim à pastu, agitatio corporis in gyrum, succussatio equi ferocioris, nauigatio, ut est *Aphor. 14. sect. 4.* in mari, flante potissimum austro; alui diuturna suppressio, vesicæ aut vteri. Conspetus vel imaginatio rei horrendæ, abominabilis, foedæ aut exosæ, ferocior iracundia & similes causæ externæ, naturam conturbando aut irritando idem præstare possunt, inter quas assumptorum vis est potentissima: siue enim alimentorum, medicamentorum aut venenorum substantia toto suo genere sit infesta, vel peculiariter alicui (ut solet) exosa, aut putredini obnoxia, facile cientur vomitus: ut est ille *7. epidem.* ex comestis fungis, & Antonini Imperatoris, qui ex liberaliore casei putris esu obiisse dicitur, excitato vomitu implacabili. Idem efficit qualitas alimentorum, pinguis, oleosa, dulcis, & in quibusdam amara. Ut etiam præposterus ordo, quando humectantia & relaxantia adstringentibus postponuntur. Quinimo sola quantitas excedens assumptorum, quantumvis bonâ substantiâ & conuenienti qualitate præditorum, vomitus excitare potest, ut patet per crapulas: tunc enim natura vel nimia mole oppressa inutile illud pondus, cuius concoctioni par esse non potest, excludit: vel malâ qualitate aut corruptione, in illis ob prauam coctionem inductâ, lacescentem materiam extrudere nititur. Atque hæc de causis externis, quæ internas suscitare atque etiam sapius generare solent.

Internæ igitur antecedentes eæ dicuntur, quæ ab vniuerso corpore vel aliqua parte in ventriculum confluunt, aut confluxuræ sunt: Coniunctæ autem in ventriculo generantur, vel ibi iam continentur & proximè affectum hunc inducunt. Per febres itaque, plethoras, & cachexias deriuatur sæpe humor ex toto corpore in ventriculum, qui vomitione excluditur; ex hepate inflammato, liene obstructo, suppressis hæmorrhoidibus, aut menstruis, cerebri catarrhosa constitutione & similibus, confluit eò biliosus, melancholicus, ferofus, & pituitosus succus, tenuis aut crassus, putris aut alio modo vitiosus: nec non sola conformatio vitiata frequentes ciere vomitiones solet in eis, quibus meatus cholidochi non in duodenum intestinum sunt implantati, sed in ipsum ventriculum: unde *πικρόχολοι ἄνω, σχήλιοι*, vomituriæ & miseri dicuntur à Galeno *lib. de usu partium*. Obstructio etiam magna intestinorum & viarum vrinæ dicatarum, ut in colico affectu, iliaco, lumbricis, & nephritide sæpe contingit: mutato enim motu peristaltico illorum, sursum remeare materiam cogit. Ipsi etiam vermes ad superiora perreptantes, vel alimentis potissimum dulcibus allekti, vel à parti-
bus

De affectib' ventriculi, &c. Cap. VIII. 203

bus fugati, vomitu nonnunquam reiciuntur conglobati: si pus in ventriculum deferatur, aut sanguis ex male affectis alicubi venis in illum illabatur, vomitus saniosus aut sanguinolentus excitabitur. Quæ omnes causæ sunt ventriculo aduenæ: fiunt autem indigenæ quando in illius spatio aut tunicis continentur; vel quando in illo generantur: vult enim Galenus 2. *prognost.* bilem porraceam sæpè in ventriculo fieri, ex eorum quæ assumuntur vitio, vt olerum, brassicæ, betæ, ceparum & similia. Pituitæ autem excrementiæ & βλεννώδης (vt loquitur Trallianus) proprium ἐργασίημος videtur esse ventriculus, quam cruditate laborans colligere plurimam solet. Quod si in propriâ substantiâ ventriculi factus sit abscessus, vena aperta, rupta vel exelâ; continget etiam eiusdem humoris per os excretio, si sit magis ἀνάρρητος quam κατάρρητος. Atque hæc de causis sufficiant.

Signa verò partis affectæ, affectus & causarum morbificarum ex consuetis fontibus elicienda: ipsa enim actio læsa satis indicat ventriculum esse affectum; cum ex illius conformatione pateat, nullam esse aliam in ventre inferiore partem, quæ in suis spatiis tantam humoris copiam simul continere & per duplicem ductum exonerare possit. Affectus autem ipse & causa affectus propinqua satis ab ipso excreto agnoscitur, quodcunque illud sit, siue cibus, sanguis, vermes, pus, ichores, pituita, vel melancholia. Quod si istæ à causis externis pendeant, facile erit illud ex statu præsentis istarum agnoscere, vel ægrotantis adstantiumve relatu. Antecedentes vero internæprehenduntur, si ex toto corpore fuerint, ex statu febrili, plethorico, aut cachectico: si ex parte aliquâ pendeant, vt intemperato & catarrhifante aut vulnerato cerebro, hepate feruentiori, obsessis calculo renibus, intestinis patientibus & aliis, ex particularibus singularum illarum male affectarum partium notis: & quod per interualla quædam recurrit, augeturque aut minuitur, prout affectus ille primarius intenditur aut remittitur. Denique in parte protopathicæ affectâ adest frigoris aut caloris quidam sensus; necnon grauitas aut durities aliqua ab ægro vel Medico circa regionem ventriculi percipitur: præcesseruntque ea quæ partem istam excrementa colligere ob κατεργασίαν significabunt.

Prælagire autem in vomitu licebit fusè ex Hippocratis prænotionibus, *Coactis*, *Aphorismis* & lib. 2. *prognosticon.* Vomitus Hippocrati multò securior ac vtilior est, qui pituitæ bilem habet permixtam, & id quod vomitur, nec valde est crassum, nec multum. Bilem atram, vitellinam aut porraceam sursum aut deorsum excerni, malum; quo enim ἀκρητέστερα, impermixta & meraciore erunt ea quæ vomuntur, eo peiora, vt & quæ deliciuntur. Vnde vomitus æruginosus, niger, aut liuidus mortalis habetur in *prognost.* febre perseuerante. Citissimam autem mortem denuntiat liuidus & fœtens ob νέκρωσιν caloris innati. Exigui etiam vomitus & crebrò reuertentes, mali iam pene effœtis viribus. Quod si vomitui frigidus sudor, conuulsio aut singultus superueniant, rem esse deploratam voluit, natura extremos suos conatus exercente. Laudabilis verò est vomitus, quando talia excernuntur qualia oportet, & ægri leuiter ferunt, vt est *Aph. 2. sect. 1.* Denique in critico vomitu ea sunt obseruanda, quæ fusè Galenus tradidit *libris de crisibus* & *alibi passim.* Certè malum est periodico vomitui assuescere, ne ventriculus totius corporis veluti lacuna fiat, quem natura coctioni dicauit, & quia peruertitur naturalis illius motus, quo solet superflua ad intestinorum sentinam per pylorum demittere: denique oculi, caput, & cerebrum cum reliquis sensoriis maximè debilitantur per frequentes vomitus, translata sursum materiâ. Atque hæc de prognosi; nunc ad dispositionem therapie accedamus.

Cum in omni vomitu materialis quædam esse debeat excretio vtilis vel inutilis materiæ: certum est pro illius diuersitate variandam esse curationem. Si igitur pus, sanies ex ruptâ vomicâ, aut lumbrici euomantur, recurrendum erit ad particulares istorum tractationes, vt huic affectui prouideatur. At verò alimentorum vomitio vel pendet ab externâ causâ, vt aëris contagio, præpostera corporis agitatione, suspitione veneni assumpti, fœdæ alicuius rei imaginatione, ipsorum assumptorum mala substantia, vt venenorum, medicamentorum, alimentorum putrium aut exosorum, vitiosâ qualitate, quantitate nimia, præpostero ordine & similibus, quorum sola mutatio sanitatem ægrotanti adferet: vel pendet ab internâ causa humoralis, quæ illis permixta naturam ad excretionem sollicitare solet: & sic ista vomitio reducetur ad curationem sequentium. Porro cum materia illa humoralis internâ, vel sit excrementitia, biliosa videlicet, serosa, pituitosa,

melancholica, caliditati vel frigiditati, tenuitati vel crassitie & lentori iuncta: aut sanguinea in capacitatem ventriculi effusa, quæ particularem & diuersam curationem requirit. Ideo tribus capitibus vomitionis therapeiam complectemur: in quorum primo agemus de vomitu ex materiâ calidâ, tenui, biliosâ, & ferosâ. In secundo, de vomitu ex materiâ frigidâ pituitosa, & melancholicâ, crassâ & lentâ. Tertio denique vomitus sanguinei curationem proponemus.

CURATIO VOMITVS EX MATERIA CALIDA, TENVI, BILIOSA, & SEROSA. Imprimis igitur, siue ex toto corpore influat hic humor in ventriculum, vt per febres & cacochymias vniuersales: seu ex parte aliquâ malè affectâ, vt hepate, vesiculâ felleâ (si sit à malâ implantatione meatus cholidochi, est incurabilis) vtero, renibus, & aliis: prospiciendum erit diligenter primariis illis affectibus efficientibus, vel conseruantibus vomitum: deinde ipsi ventriculo erit cauendum, ne recipiat huiusmodi influxum, aut in seipso non generet. Erit itaque primùm stabilienda victus ratio, quæ & causas & ipsum affectum ac symptomata quodammodo respiciat. Ideo in tali vomitu à calidioribus & quasi furentibus succis, quem solent comitari sitis, æstus præcordiorum, oris amaritudo, & nausea, necnon aliquando febris: diæta instituatur refrigerans & modicè-incrassans, vt feruor, furorque humoris obtundatur. Proinde aëris constitutio talis eligi, aut arte parari debet, in cubiculo mundo & boreæ exposito, constrato folio ex foliis vitis, cannarum, salicis, rosarum & similium, irrigato aquâ communi, & multo aceto. Conquiescat in lectulo molli & odoratis linteolis instructo. Sollicitentur excretioncs alui & vesicæ singulis diebus, nisi sponte fluant: Procuretur placidissimus somnus, quo omnes vacuationes, solo sudore excepto, retinentur. Arceatur omnis iracundia, suspicio sumpti toxici, aut rei alicuius foedæ vel exosæ imaginatio, quâ conturbari valde solent spiritus & humores. Denique vtatur cibus facilis coctionis & boni succi, admixtis refrigerantibus, incrassantibus, & adstringentibus, paucâ quantitate & conuenienti ordine sumptus. Vitet omnia pingua, oleosa, dulcia, relaxantia, putredini obnoxia, & similia sæpius jam à nobis descripta. Erunt ergo ex vsu succi optimarum carniū, vel ipsæ carnes cum succo vix acerbæ, arantiorum, limonum, oxalidis, aceto, & rosaceâ: gelatinæ, panatellæ: iuscula pullorum alterata foliis tenerioribus acetosæ, portulacæ, rubi, & endiuivæ: vitelli ouorum indurati, & cum aceto rosaceo sumpti: pyra, cydonia mala, cerasa acidula, mespila, sorba, corneola, mali granati acini, & quæ ex his condituræ aut gelatinæ fieri solent, postremâ potissimum mensâ claudunt & roborant os ventriculi. Potus esse poterit aqua decoctionis radicū acetosæ, aut in qua terræ sigillatæ frustula maduerint, addendo aliquid vini granatorum, si ægro ita videatur, aut etiam aqua chalybeata, vel decoctionis mali cydonij, sub finem, vbi jam erit magis retinendus vomitus. Si vires collabi videantur, concedatur vinum *ὀλιγόφρον*, & adstringens bene dilutum. Denique omnia alimenta condiantur gratioribus quibusdam odoramentis, vt santalo albo rubroque, ligno aloës, aquâ rosaceâ, pauco cinamomo, & aliis, quorum non paruus est fructus in compescendo vomitu.

Quod ad remedia verò Pharmaceutica & Chirurgica attinet, vomitus quicumque sit, nunquā in principio sistendus aut cohibendus, sed ex Hippocratis consilio etiam prouocandus in principio paroxysmorum febrilium, & vomitus (vt ille ait) *vomitū curandus*: sublatâ nimirum causâ quæ naturam intrus laceffit & vellicat. Eligenda autem in hoc casu ea, quæ vomitionem blandè excitare solent, absque vllâ incisione aut calfactione. Poterit itaque ex solâ aquâ tepidâ, aut decocto hordei, addendo parum olei violacei, aut potius syrupi acetosi simpl. vomitus excitari, quando post vomitum nausæ adhuc aut supinitate premetur æger. Quod si ex re videatur naturæ hunc motum refrænare, optimum erit acriore aliquâ glande, vel sæpius iterato clystere materiam ad inferiorem aluum reuocare. Horum autem formulæ sæpius à nobis fuerunt propositæ. Præterea si humor ille non satis commodè videatur vomitu excludi, paranda erunt quædam cathartica, sub formâ potius solidâ quam liquida, quibus blandè humor versus intestina compellatur. V. g.

℞. Aloës optimæ succo rosarum lotæ ʒ. iij. rhabar. elect. puluer. ʒ. j. β. mastic. & santal. rubr. ana ʒ. β. Cum syrupo rosato laxat. fiant pilulæ. Capiat ʒ. j. vel ʒ. β. alternis diebus, donec sit sedatus vomitus. Aut

℞ Rhabar. puluer. ʒ. j. cortic. myrobal. citrin. puluerat. ʒ. β. spodij & rasuræ cornu

De affectibus ventriculi, Cap. VII. 205

cornu cerui, ana ʒ. ʒ. Fiat puluis ; capiat alternis diebus cum prauca aqua rosacea aut jusclo. Vel

ʒ. Confection. hieræ picræ & catholic. ana ʒ. iij. rhabarb. puluer. ʒ. j. Cum pauco saccharo fiat bolus in plures morsellos. Capiat mane , & reiteretur sæpius.

Vbi sufficienter expurgatus fuerit succus ille morbificus, tunc proponitur reliqua intemperies corrigenda , & robur parti conciliandum : Ad id interna externaque prodesse possunt, sub variis formulis syruporum, conseruarum, electuariorum, & similium : vt syrupus cydoniorum, granatorum, de ribes, de agresta ; conserua rosarum antiqua, cydoniorum & symphyti, simplicia multa, quæ ex sequentibus paradigmatis patebunt. Laudant valde Arabes sequentem julepum.

ʒ. Succi malorum granatorum acidorum & acidodulcium, ana ʒ. iij. succi menthæ depurati (quam ex proprietate ad quemuis vomitum valere asserunt) ʒ. ij. aquæ oxalidis lb. j. sacchari albi q. s. ad julepum conficiendum : In cuius clarificatione bulliant sequentia in nodulo posita, puluer. santal. albi, rosar. & spodij, ana ʒ. ij. Capiat ʒ. iij. mane & sero. Poterit etiam fieri puluis sequens.

ʒ. Terræ sigillatæ, boli armeni, coralli rubr. margarit. præparat. semin. portul. & acetosæ, ana ʒ. j. spodij & rasuræ cornu cerui, foliorum menthæ siccor. ana ʒ. j. sacchari rosar. tabulat. ʒ. ʒ. Fiat omnium puluis, qui aspergatur jusculis & panatellis : vel etiam sumatur ex cochleari, superbibendo parum aquæ ferratæ. Ex eodem puluere fieri poterunt tabellæ cum saccharo aqua rosarum dissoluto, vel etiam opiata cum conseruis rad. symphyti & rosarum exceptis syrupo cydoniorum. Mastiches etiam aliquot grana integra & puriora non parum roboris conciliabunt, si mane deuorentur. Laudat Auicenna ex Dioscoride decoctum fabarum aut lentium, abiecta priore aqua, & addito aceto. Item caphuram olfactam, illitam & sumptam cum aqua rosacea & puluere diamoschi.

Exterius fiant fotus ex spongiâ nouâ in aquam ferratam & acetum rosaceum immersâ subfrigide ; vel ex decocto rad. bistortæ. fol. plantaginis, acetos. portul. menthæ & summit. rubi ac salicis. Deinde inungatur regio ventriculi oleo cydoniorum, mastichino, myrtino, lentiscino, vel fiat sequens vnguentum.

ʒ. Acaciæ, hypocistidos, semin. sumach, & myrti, ana ʒ. ij. rosar. rubrar. mastic. granor. kermes, foliorum menthæ siccorum, & coralli rubr. boli armeni, ana ʒ. j. olei myrtini & lentisc. ana ʒ. iij. ceræ q. s. Fiat vnguentum, quo subfrigide inungatur regio ventriculi, addendo parum aceti. Cataplasma sequens non parum est efficax.

ʒ. Cydonium malum per frusta dissectum, & in aqua rosac. ac aceto decoctum. Pistetur diligenter & coletur, addendo pulueris prædicti ʒ. j. olei myrtini q. s. Fiat cataplasma, quod applicetur ventriculo. Aut etiam

ʒ. Panem rosaceum in aceto maceratum, & prædicto puluere sinapisatum, qui admoueat eadem regioni. Forma quoque emplastri non parum hic conuenit ; quia continet & quasi colligit robur ventriculi. Fiat itaque ex massâ emplastri de mastiche, contra rupturam, & pro matrice ; oleo lentiscino malaxentur, & extendantur super alutam in formam scuti.

Quando violentissimus est vomitus cum febre symptomatîca, quæ scilicet ad illum sequuta est, cogimur sæpe venam basilicam cubiti dextri ad præcautionem aperire, ne scilicet inflammetur ventriculus, hepar aut aliæ partes. Ad sedandum etiam vomitum cucurbitulas cum multâ flammâ dorso & vmbilico admouemus : vinculis dolorificis, & frictione extremorum vtimur. Manus in peluim aqua tepidâ, non frigidâ (quia repellit intro) plenam immergimus, vt humores extrorsum trahantur : fauces & collum inuoluimus linteolis oxycrato imbutis. Denique in deplorato vomitu stupefacientibus & narcoticis vtimur, vt ferox vomendi imperus coërceatur, & quies aliqua naturæ concedatur. Atque hæc de remediis vomitus in causâ calidâ.

CVRATIO VOMITVS IN MATERIA FRIGIDA ET CRASSA, PITUITOSA, ATQVE MELANCHOLICA. Contrariam in hoc vomitu instituendâ esse præcedenti therapeiam, vt pote à contrariis causis genitam, satis indicationum therapeutiarum leges ostendunt. Itaq; in vietus ratione, si mera sit pituita, crassa & viscida, cal-

faciendum, attenuandum & detergendum erit; si melancholia dominetur, paulo minus calfaciendum, incidendum tamen & roborandum. Quod si permixti sint hi humores inter se, aut cum aliis, omnia erunt moderanda pro vario eorum statu. Utatur itaque vomituriens æger victu euchymo & facilis coctionis, quoniam in omni vomitu laborat concoctrix facultas, & à suo munere aueritur. Hinc carnes delicatiorum & sicciorum animalium, ut auicularum montanarum, columbarum iuniorum, perdicum, merularum, turdorum & gallinarum teneriorum conuenient, assæ potius quam elixæ, & cinamomo, garyophyllis, & frustulis myrti confixæ: postea aqua rosaceâ, & aceto optimo; in quo cinamomum, aut aliquid nucis moschata maduerit, aspersæ. Panis biscoctus & anisatus: gelatina cum aromat. consummato iusculo caponis & saccharo rosato tabulato confecta: panatellæ ex pane tosto paratæ: cydoniatum, nuces iuglandes conditæ, myrobalani conditi, cortex citri & arantij, ad roborandum ventriculum conferunt: ad detergendum verò & incidendum oliuæ muriâ salitæ, cappares, fœniculum marinum, condimentum illud quod vulgò aqua salis dicitur, nihilque est aliud, quam leuis muria ex succo perdicis aut alterius carnis tostæ, cum succo arantij, aqua & sale parata. Denique pro potu utatur vino rubro generoso, vel adstringente sub finem, aut aqua, in qua coriandri, cinamomi & mastich. aliquot grana leuiter bullierint, si non delectetur vino. Denique in quantitate, qualitate, & ordine ciborum reliquisque rebus non naturalibus, obseruet ea quæ iam à nobis proposita fuere.

Postmodum in remediis validioribus spectandum erit vnde eiusmodi humor originem ducat, an videlicet ex cerebro, liene, vtero, suppressis menstruis, aut hæmorrhoidibus. Denique ex quacunque parte deriuari videbitur, illi imprimis velut fomiti erit prospiciendum, fluxionem compescendo & primum morbum curando. Quæ vero in ventriculo continebitur materia, præparanda & vactanda, intemperies corrigenda, si quæ impressa fuerit, & robur parti conciliandum. Humor itaque ille crassus & lentus præparabitur oxymelite simplici & scillitico, sæpius ex cochleari sumpto, melle rosaceo, syrupis de hyssopo, de tussilagine, de mentha à Mesue descripto, de absinthio & similibus, quæ dissolui poterunt, si ita videtur, conuenienti aliquo liquore ut fiant julepi. Præparatus humor aut sine præparatione ad exclusionem idoneus; non autem sufficienter expurgatus, quando magis ἀναρροπος videbitur, quam κατάρροπος, superiorem potius quam inferiorem viam affectare; quod frequentes nausæ & supinitates satis ostendent. artificioso vomitu; benigniore aut valentiore pro conditione humoris & corporis, quidquid erit reliquiarum, euacuandum sequenti remedio.

℞ Hordei integri P. j. rad. raphan. ʒ β. semin. anethi, atriplicis & vrticæ communis, ana ʒ j. flor. genistæ P. j. Fiat decoctio, in cuius ʒ viij. dissolue oxymel. scillit. aut syrup. de drabus vel quinque radicibus ʒ j. β. Capiat tepide mane ieiuno ventriculo, aut quando vomitus vrgebit magis. Retineatur parum, deinde immisiss in fauces digitis, aut pennâ oleo intinctâ proritetur ad vomitum. Si velis adhuc valentius agere, adde radicem asari, vel ʒ j. ellebori albi. Sed quia corpora nostra non sunt hodie magnis vomitionibus assuetæ, ideo melius est benignioribus vti, frequentius repetitis. Interim ne augeatur nimium hic motus, aut natura illi assuescat, gladiibus acrioribus & clysteribus catharticiis sollicitanda alius ad reuulsionem humoris ad inferiora. Ut

℞ Rad. ireos nostratis & liliorum, ana ʒ ij. fol. puleg. origan. agrimon. absint. betæ, mercurial. ana M. j. semin. anisi & ebuli, ana ʒ ij. fol. sennæ & agar. villoris, ana ʒ j. β. Decoquantur. In colaturâ lb j. (minor quantitas facit ut diutius retineatur) dissolue hieræ pieræ & bened. laxat. ana ʒ vj. mellis rosat. colat. ʒ ij. salis gemmæ ʒ j. Fiat clyster, qui iniiciatur frequenter.

Imò etiam purgantia & deiectoria medicamenta sæpius istos vomitus, causâ scilicet sublata, compescere solent. Sumatur itaque ʒ j. pilularum aurearum, sine quibus, de agarico, vel aggregat. cum succo menthæ malaxata: vel, si vis magis cohibere vomitum & minus purgare, misce ʒ j. rhabarb. puluer. cum ʒ β. eiusmodi pilularum & prædicto succo menthæ aut syrup. absint. Puluis etiam radicis mechoacan ad ʒ j. β. vel bolus ex ʒ vj. diaphœnici vel indi maior. confectus erit vtilissimus, quibus sensim expurgabitur humor iste nimium infixus & hærens ventriculi parietibus. Interea exhibeantur alterantia & roborantia ventriculum. Commendatur

De affectibus ventriculi, &c. Cap. VII. 207

theriaca antiqua ad 3 j. sumpta, tabellæ aromat. rosat. & diamb. confectio de hyacintho & similia. Vel

℥ Confect. de hyacint. 3 j. conferuat rosat. antiq. 3 iij. puluer. electuar. diamb. & aromat. rosat. ana 3 β. diamarg. frigidi, granor. kermes, terræ sigillatæ, lapidis hæmatitis, trochisc. de spodio puluer. ana ʒ j. sacchari rosat. tabul. ad pondus omnium. Fiat conditum auro coopertum, de quo capiat frequenter ex cochleari, superbibendo parum vini aut iusculi. Sunt qui existimant guttas aliquot essentia vitrioli in aqua absinthij, vel succo menthæ dissolutas validissimè vomitum sistere & ventriculum roborare. Alij probant aliquot aquæ imperialis dictæ cochlearia, mane aut post vomitum exhibita, quæ corrigitur intemperies partis, robur conciliatur, & reliquæ humoris absumentur. In deplorato vomitu præscribunt Arabes decocta potentissimè adstringentia per os assumenda. Vt

℥ Cortic. malorum granat. balauft. & hypocist. ana ʒ j. semin. sumach & myrti, ana 3 iij. fol. menthæ & absinth. siccor. ana P. j. cinamom. garyophyll. mastic. ana 3 j. nucum eupressi numer. j. Fiat decoctio in æquis partibus aquæ ferratæ & vini rubri, in quâ dissolue moschi grana aliquot, quia odorata, ut prius dicebamus, maxime faciunt ad vomitus compescendos. Huius portionem exhibent per os frequenter ad ʒ iij. ex aliâ verò sunt fofus supra ventriculum cum spongiâ nouâ: deinde aspergunt puluere granorum kermes, thuris, mastic. & garyophyllorum.

Laudant etiam illi applicationem mediæ partis panis torrefacti in succo menthæ & vino rubro immersi: qui ubi refrigerari incipiet, amoueatur, & illius loco applicetur emplastrum de mastiche aut aliud simile adstringens. Item glandes cum radice filicis conquassatæ, in aceto acerrimo coctæ, usque ad consumptionem aceti, ventriculo appositæ mirè sistunt vomitum, addendo etiam puluerem cinamomi aut nucis moschatæ. Phœnigmis denique & dropacibus contra nimis pertinacem vomitum erit agendum, ut attrahatur materia ad exteriores partes, & natura vi doloris & caloris compulsa eò reuocetur. Quidam volunt absint. sicci folia ventriculo appositæ, & intra calceos gestata proprietate quadam vomitum compescere. Fermentum acre pistetur cum succo menthæ & aceto: applicetur ventriculo, statim sedat vomitus istos materiae excrementitiæ, de quibus ista sufficiant, ut iam de vomitu sanguinis agamus.

CURATIO VOMITVS SANGVINEI. Vomitus sanguinis vocat Hippocrates in *Coactis* τὸν ἐρυθρὸν ἔμετον, quasi dicas rubeum & purpureum, quo non solum complectitur excretionem humoris istius ex ventriculo: sed etiam ex pectore ac pulmonibus; ut videre est in *Coactis*, lib. 1. de morbis, Aphor. 13. sect. 5. αἷμα ἀφ' ὧν δὲ ἐμέουσιν, 37. ac 80. sect. 7. in lib. de fracturis ναυσίαις φλεβῶν, quidam de isto vomitu interpretantur; Galenus autem de ecchymosi ac contusione, ubi collisæ venæ effundunt sanguinem in spatia partis vacua. Quidquid sit, propriè sumptus sanguinis vomitus, est illius ex ventriculo per os exclusio, siue in illo sit collectus, seu aliunde illapsus, ut cerebro, liene, hepate, obstructo utero, aut hæmorrhoidibus suppressis, qui velut res aliæ præter naturam, sua quantitate exuperans, vel qualitate malâ, ut putredine, ex Aphor. 20. sect. 6. quam facile concipit extra proprios suos carceres, venam scilicet & arteriam, effusus, ubi naturæ coeperit esse molestus, sursum deorsumve excernitur. Porro sanguis ubicunque effluat præter naturam, sequitur affectum aliquem venæ aut arteriæ in quibus naturaliter continetur, solutionis scilicet continui ῥήξιν, ἀναστόμωσιν, & διάβρωσιν, quando nimirum ruptio in mediâ venâ vel arteriâ, osculi illarum apertio aut erosio contingit. Rruptionis vero & apertionis eadem sunt causæ, ut docet Galenus lib. 5. method. vasorum scilicet imbecillitas, (ad quam refertur natiua illa dispositio, qua verbi gratia phthisici generant filios phthisi obnoxios) sanguinis multitudo, aut vitiosa qualitas, nempe tenuitas aut acrimonia. Adde externa omnia & interna vulnèrantia, contudentia, diuellentia; Quod videre est in mulierculis, quæ non purgantur per uterum, & athletis reliquisque hominibus plethoricis, Aphor. 2. sect. 1. ut quibus insigne membrum aliquod corporis fuit detruncatum, qui ruptionibus & apertionibus venarum valde sunt obnoxij, quando potissimum commouentur irâ, vociferatione, saltu, casu, ictu, crapulâ, vomitu violento pituitæ aut alterius humoris, oneris grauioris gestatione, & similibus. Idem præstat frigus vehemens, ex Aphor. 24. sect. 5. constringendo enim violenter ex vnâ parte & alia distentionem facit insignem, quod ideo ab Hippocrate dicitur φλεβῶν ῥήγιον & αἱμορρογῆ

ἀνορθότατον : necnon intensior æstus ebullitionem sanguinis excitando , vnde etiam iuuenes ad trigessimum quintum vsque annum sanguinis spuitioni valde habentur opportuni , quia sanguis tunc maxime feruet , *ex Aphor. 19. sect. 3.* Appensa hirudo ad hoc genus refertur, *βδέλλα* vocat Hippocrates, quod alij hirudinem ; alij venam varicosam vertunt. *Διάσπασις* , verò aliquando sequitur phlegmones , phlyctænas , abscessus , putrescentia vulnera & similia. Alias immediatæ eius causæ sunt acria , vlcerantia , mordicantia , exurentia , putrefacientia intus vel extra. Intus à catarrho ferino & falso , humore æruginoso , putrente aut venenato vasorum tunicas arrodente. Extra à rebus causticis , septicis , & exulcerantibus sumptis vel admotis. Sunt qui his *διαιτῶν* addunt , quasi dicas transcolationem , ob raritatem vasorum , vel tenuitatem sanguinis. Sed hæc faciliè ad *ἀνασφύσησιν* , minorum scilicet osculorum reserationem refertur.

Quæcunque igitur istarum causarum in fauces , œsophagum , aut alias partes inciderit , à quibus possit effundi sanguis in spatia ventriculi , concitabitur sanguinolenta vomitio. An verò in ventriculo sit affectus idiopathicus , an in aliis partibus , intelliges : quoniam si ex capite illabatur , titillatio in palato sentitur , frequensque screatus & tussendi cupiditas ob portiunculam in fauces deerrantem , cuius etiam pars per nares emungitur , muco permixta ; præcessitque capitis dolor aut grauitas , & leuatio sequuta est. Si ex faucibus & œsophago , paucus admodum excernitur , & in illis sentitur dolor , dum aliquid deglutiunt. Si ex liene aut iecore , copiosior effunditur , crassus , globosus & niger , potissimum ex liene , spumans verò quodammodo , ex iecore : Adde quod iecur aut lien , quæ prius grauata erant , leuiora redduntur. Si vero ex vtero aut hæmorrhoidibus refluat , illarum suppressio illud indicabit. Denique si ex ipsomet ventriculo effundatur , sentietur internus dolor absque intermissione , nausea fere vrgebit perpetua , & deiectiones aliquando cruentæ apparebunt. Vtrum verò à ruptâ , apertâ , vel erosâ venâ id fiat , cognoscetur ex causis à nobis prius commemoratis. Qui à ruptâ & apertâ venâ effunditur sanguis , maiori est copia & impermixtus : qui ab erosâ , minori quantitate , & cum pituita aut alio humore confusus , maloque odore præditus , nisi tandem auctâ admodum *διάσπασις* frustula partis deradantur ; vnde copiosa hæmorrhagia subsequitur. Adde quod *διάσπασις* sensim & cum morsu : reliquæ confertim & sine eo fieri soleant.

Quod ad prognosim attinet , pronunciauit Hippocrates , sanguinem qualemcunque suprà emissum malis ægri rebus apparere , *Aph. 25. sect. 4. & Aphor. 37. sect. 7.* Vomitus tamen sanguinis sine febre minus lethalis quam cum febre , quia abest inflammatio. Cohibui sæpe ego vomitum sanguinis periodicum in quodam rustico , qui à multo tempore ad hunc vsque diem illi viuit obnoxius. Si erumpat ex cerebro dimittente sanguinem in spatia ventriculi , vt etiam si ex vtero proueniat , salutaris esse solet : nam *ex Aphorismo 32. sect. 5. mulieri sanguinem vomenti menstruis erumpentibus fit solutio.* Item ex faucibus , œsophago & ventriculo facilius curatur , quam ex hepate & liene potissimum inflammatis. Est tamen affectus summâ statim cura pertractandus. Vel enim nimia sanguinis profusione periculum imminet mortis ; vel vbi intus cohibetur , præfocationis & syncopes.

Tota autem therapeia huius affectus in duas partes distinguenda pro ratione causarum : vna quidem quæ diabroscos siue vlcerationis venarum curationem tradat : alia verò quæ vulneris , ruptionis scilicet & anastomoscos curandæ rationem præcipiat. Quod ad erosionem verò attinet , illa abundè iam à nobis proposita est *capite de cardialgiâ ab ulcere ventriculi.* Quod si progrediente vlcere partis substantia ita absumatur , vt inde cum partis ramentis copiosus sanguis effundatur , deplorata est ægri salus , quam tamen iuuare quodammodo licebit ratione symptomatis , vt scilicet compescatur eis quæ à nobis hic proponuntur de curâ ruptionis & apertionis. Atque vt summatim complectar ; rupta vena glutinantibus , aperta adstringentibus , erosa sarcoticis potissimum curatur ; Quibus refrigerantia addenda sunt , quoties istis affectibus inflammatio fuerit iuncta. Vt autem ista accuratius tradantur , imprimis statuenda vitæ ratio conueniens , utpote refrigerans , vt sanguis fluens repellatur , & vulneris labra contrahantur , necnon incrassans & adstringens , quod expressit Hippocrates *Aphor. 37. sect. 7.* Eligatur ergo , autarte paretur aer frigidiusculus , extra ventorum tamen flatus , solis & lunæ radios , quia humores commouen t : omnis color ruber à conspectu ægrotantis amoueat propter eandem

dem causam : somnó vtatur modico nocturno , non diurno , ne trahatur nimis ad interiora sanguis. Lenibus clysteribus sollicitetur alius , si non sponte fluxerit : vitet omnem motum corporis , & nimiam locutionem , vt etiam animi affectus immodicos , iram præsertim & venerem. Quod ad alimenta attinet ; si æger plethoricus sit , & constent vires , inedia adhibeatur , vt minus sanguinis generetur , & sic , partes inanitæ minorem eius copiam ad fluxionis locum suppeditent. Vitent omnia acria , salsa , piperata , frixa , calfacientia & aperientia , &c. Item *πικράματα* , & quæ alibilibus sunt admodum succi , & multum sanguinem generant , vt carnes delicatæ , oua sorbilia , consummata & similia , nisi quum iam prostratæ sunt vires , quæ refectionem requirant. Aliàs offerantur refrigerantia & emplastica , vt cremor ptisanæ , amyllum cum lacte coctum , addendo semper aliquid succi mali punici : mala cydonia , pyra , poma austera , cocta sub cineribus & refrigerata : micæ panis aquâ maceratæ : panatellæ , gelatinæ , oryza , iuscula pullo- rum cum oxalide , portulacâ , plantagine & granis mali punici , vel vux acerbæ. Qua indurata & aceto intincta : Pisces glutinosi cum omphacio , sine oleo aut aromatibus parati : Pedes , intestina & capita veruecis , hædi & vituli ad putrilaginem decocta , aceto aut omphacio macerata. In principio mensæ aliquid adstringens sumant perpetuò , vt miuam cydoniorum , gelatinam ex cerasis acidioribus , forbis , cornis , aut mespilis confectam. Parum potent : conuenit autem vinum rubrum austerum , aquâ pluuiâ aut ferratâ dilutum : vel si adsit febris , abstineant omnino à vino , & vtantur succo granatorum acidorum cum prædictâ aquâ.

His ita constitutis , si quidem vomitus iste pendeat ex fluxione capitis , vteri , iecoris , lienis & similium , singulis erit pro variâ eorum naturâ & affectibus prospiciendum. Si autem ventriculi affectum sequatur vomitus ille sanguinis , imprimis iniecto molli aliquo clystere , antequam magna sanguinis copia per vomitum effusa fuerit , aperiatur vena basilica cubiti dextri , exiguo foramine ad reuulsionem , è qua mittatur sanguis pro virium præsentium & futurarum ratione , non confertim , sed sensim , & interpositis quibusdam horis. Eadem phlebotomia repetatur ex brachio sinistro post aliquot dies , si sit suspicio fluxionis à sinistro latere. Fiant frictiones & ligaturæ dolorificæ in extremitatibus. Item cucurbitulæ sine scarificatu , vtrique hypochondrio , cruribus , lumbis , & natibus affigantur , vt deorsum aut extrorsum compellatur sanguis. Non oberit etiam aliquando hæmorrhoidas aperire , potissimum si ex earum suppressione pendeat sanguinis vomitus ; vt & saphenam secare , si ex suppressis menstruis. Sanguis qui vomitur aut elicatur considerandus : si enim in thrombos fuerit concretus , & iam quadam putrilagine affectus , aut in perniciosam suppurationem conuersus , ita vt cardiogmos & syncopas inferat vel inferre possit , incidendus erit leuiter & dissoluendus sumpto syrup. acetos. de radicibus , oxymelite , oxycrato , aquâ nucum , decocto menthæ , serpilli , paucâ mumia & cinamomo , in aquâ graminis aut fœniculi dissolut. & similibus. Sunt qui ad hoc exhibent coaguli leporis aut hædi in aquâ fœniculi ʒ iij. dissoluti ʒ ss. His ergo præstitis , vbi signum dissoluti & sufficienter exclusi sanguinis fuerit , glutinandum erit & adstringendum sumptis & admotis. Ad hoc faciunt albumen oui diu agitatum cum aquâ rosacâ , & aspersum puluere amyli , ex cochleari sumptum. Puluis coralli , terræ sigillat. boli armeni , & lapidis hæmat. conuenienter præparati dissoluatur in aquâ plantaginis , & frequenter assumatur , quibus addit Auicenna in magno vomitu parum opij aut seminis hyoscyami. Nihil autem præstantius habet Galenus ad compescendum sanguinis fluxum ex quacunque parte , quam succum plantaginis recentè extractum , & actu frigidum ad ʒ iiij. mane & sero propinare. Empirici laudant suum crocum Martis seu scoriam ferri præparatam , cum vino austero sumptam : vel etiam aliquot guttas olei vitrioli cum aquâ vel decocto symphyti. Parari possunt decoctiones ex centinodiâ , equisetis , & summitatibus rubi , non parum ad hoc efficaces , addendo tertiam partem succi cydoniorum , corneolorum , aut granatorum acidorum. Quod si suspicio sit iunctæ cuiusdam cacoehymie , non oberit aliquando infusum myrobalanorum vel rhabbari vstulati puluerem ad ʒ j. exhibere. Exterius admo- ueantur , vbi accuratè notus erit locus affectus , ceratum santalinum cum aceto , boli armeni puluis , succo plantaginis aut virgæ pastoris exceptus. Vel paretur sequens vnguentum.

℥ Succi plantag. & pentaphyll. ana ℥ ij. aceti ℥ ss. olei omph. ℥ vj. Bulliant ad liquoris consumptionem : deinde adde sanguinis dracon. mastic. corticis granar. ana ℥ ij. caphur. ℥ ss. ceræ rubræ parum. Fiat linimentum, quo inungatur locus subfrigidus, addendo aceti parum ad penetrationem vñctionis tempore. Huic affectui ex proprietate conferre dicuntur coralli, iaspis, crySTALLUM, lapis hæmatites & mentha gestata vel appensa supra partem affectam.



CAPVT IX.

De cholera morbo.



SUPEREST adhuc retentricis atque expultricis ventriculi functionis læsio, præcedentibus multò maior, quam choleram morbum vulgò appellant, ut hac ratione ab humore distinguatur *χολή* siue *χολέρα* Græcis dicto. Est enim nomen hoc impositum à causâ putatâ, ut docet Galenus 2. *methodi*, nempe bilioso succo, qui huius affectus parens & author existimatur. Hippocrates 5. *epidem.* τὰ *χολερικά πάθη*, & τὰ *χολερικά* sæpius appellat : in *Crocis* τρόπον *χολεράδια*, vomitus ferinos cum aluo solutâ. Vulgus etiam Faurentinus *χολεμοσίαν*, quasi vomitum cholericum vocat. Quamvis Alexander affectum hunc non ἀπὸ τῆς *χολέρας*, humore scilicet bilioso velit esse dictum, quia non semper in illo bilis euomitur, sed etiam sæpè serofus aut pituitosus succus. Verùm ἀπὸ τῶν *χολάδων*, intestinis scilicet, ex quibus ut è ventriculo humor ille noxius eructatur. Attamen prior etymologia videtur magis probanda, tum quia cholera est hîc causâ putata, ut docet Galenus. Et quamvis non semper biliosus humor reiiciatur, tamen acris, corruptus, & mordax existit, qui ad biliosam naturam proximè accedit : tum quod linguæ græcæ puritas & ἐνφωνία vix patietur *χολέραν* ἀπὸ τῶν *χολάδων* corrumpi. Id confirmat lib. 4. cap. 11. Celsus disertissimus Medicus, & Cælius Aurelianus, qui à fellis fluore nomen habere choleram scripserunt, ex sententiâ Galeni *comm. in Aphor.* 50. *sect. 3. lib. qui introductio dicitur.*

Quicquid sit, cholera hæc nihil est aliud quam violentissima excretio biliosorum, corruptorum, acriumque humorum & assumptorum per vomitum & secesum simul : laceffita enim immodicè excretrix facultas ab eiusmodi malignitate, omni conatu & robore confertim per vtrumque ductum superiorem & inferiorem tam molestam sarcinam deponere conatur. Quamvis igitur per superiorem inferioremq; meatum fiat materiæ istius vacuatio, tribuimus tamen hunc affectum potius ventriculo quam intestinis, quoniam vehementior est hîc vomitus quam deictio, & causâ morbifica magis in ventriculo quam intestinis continetur. Pendet autem hæc causâ vel à quantitate humoris biliosi, ut per febres, & partium inflammationes, collecti; aut putrescentium exustorumve quorumvis saccorum, vel etiam mala substantia aut qualitate alimentorum, medicamentorum & venenorum, nimiaue quantitate, ob quas facillimè corruptelam concipiunt. Est Hippocratis econtextus 7. *epidem.* quo ista elegantissimè continentur : *Cholerica bilis sursum ac deorsum* (inquit) *eruptiones fiunt ex nimio carnis esu, maxime si uilla crudioris, & ex cicera, & ebrietate vini odorati veteris aut dulcioris, & insolatione : ex sepiis, locustis, & gammaris : atque ex olerum esu, maxime porri & ceparum : necnon à lactucis coctis, brassicâ, rumicibus crudioribus, à placentis etiam dulciariis & mellitis, fructibus horæis, cucumere, pepone, & similibus. Fiunt autem magis æstate, quia facilius tunc corrumpuntur, aut incoctæ manent.* Vnde lib. 5. *epidem.* Bianti pugili voraciori contigit, ut in hanc affectionem incideret ex immoderato istorum ciborum esu. Quod confirmat lib. de affectionibus, & lib. de victus ratione in acut. vocat carnes caprinas & porcinas *χολάδες*, quod interpretatur Galenus *χολέρας πρηνέας*, hunc affectum generantes : propter earum acrimoniam & facilem corruptionem. Est tamen apud Hippocratem lib. 4. de ratione victus in acutis, duplex cholera : una quam vocat humidam, altera vero siccam. Quemadmodum autem (inquit Galenus in commentario.) cholera humida ex acrimonia fit humoribus liberaliter fluentibus : sic arida à flatuoso spiritu, acri, lancinante tunicas totius ventriculi, & impetum vomendi deiiciendique inferente, absque

vllâ tamen sensibili excretionē. Hunc flatum acriorem gigni vult modò ex malâ temperie viscerum, modò ex malignâ alimenti qualitate, vt sylphij, quod vult peculiariter huic cholerae siccae generandae esse aptissimum. Verum quoniam cholera hâc sicca facillè intelligetur ex humidâ descriptione, aut ex tractatu de flatuoso ventriculi affectu proposito: ideo de humidâ hic tantum agemus.

Diagnosis ergo partis affectae satis est peruia ab ipsâ excretionē & excretionis modo, vt suprà dicebamus. An verò per protopatheiam vel sympatheiam humores illos contineat, ex aliarum partium vel totius corporis affectibus eorumque signis est repetendum: quæ si defecerint, ostendunt primarium esse hunc affectum, & ex ipsius ventriculi vitio dependere, aut corruptorum in eo alimentorum. Adest ventriculi & intestinorum perpetuus morsus cum assiduâ deiectione & vomitione, quæ *σπολαὶ* affert horrendas & lethales, accedente animi deliquio, sudore frigido, extremorum contractione ac perfrigeratione, pulsu celeri, ac minutulo. *Eurichides*, inquit Hippocr. 5. *epid. in cholericâ affectione bilem multam valde coloratam vomuit & eiecit ad tres dies, valdeque rubram: impotens erat & anxius: nihil continere poterat ex potibus aut cibis: urina tamen valde erat suppressa: tandem faex per vomitum prodit & deorsum quoque erupit.* Quicumque itaque humor hunc affectum peperit, agnoscetur ab ipsâ excretionē: si verò ex assumpto medicamento maligno, veneno, aut alimentis vitiatâ substantiâ, qualitate, quantitate, vel præpostero ordine assumptis pendeat, agnoscetur ex ægrotantis & adstantium relatu. Quamuis enim in hoc affectu, vt plurimum ægi se toxicum bibisse putent, illud tamen distinguere debet soleras Medicus ex accuratâ collectione rerum naturalium, non naturalium, & præter naturam, vt sæpe dictum fuit.

Quod ad prognosim attinet. Cholera inter perperacutos morbos recensetur, vt pote quæ doloris atrocitate, & excretionis vehementiâ subitam inferre soleat mortem, ac intra viginti quatuor horarum spatium hominem è medio tollere, nisi huic citò prouideatur. Si tamen ex assumptorum vitio pendeat cholera, non ita terreri debet Medicus, quoniam sæpe illis exclusis cessat affectus ferocia, & sensim restituntur ægi. In *Coacis* ferinum est aluo valde solutâ vomere. Pessimum autem & omnino lethale in omni cholera est, quando ad faecum excretionem per os ventum est. Est tamen aliquando cholera salutaris Hippocrati, & critica, quando superuenit lipyriis febribus, quæ non alio modo ex illius sententiâ in *Coacis* solui possunt, quam ingenti bilis excretionē sursum ac deorsum facta. Choleræ itaque salutaris ex eodem Hippocrate 7. *epid.* iudicat maxime quinta, septima & nona dies: melius tamen est cauere vsque ad decimam quartam. Periculosiores sunt cholerae, quæ autumnò contingunt, quam æstate; quæ senibus quam iuuenibus fiunt: quia verisimile est illas ex atrabile, aut corruptelâ humorum, pendere. Vehementer etiam fitire in hoc affectu numquam fuit laudabile. Spes autem primò salutis affulget, quando vomitus incipit sedari, & faciei color ac status, qui demortuo erat simillimus, restituitur.

Tam atroci igitur & celeri affectui citò & accommodatissimè est prospiciendum. Quamuis autem illius cura fere sit tradita, dum de vomitu ex causa calidâ ageremus, ne quid tamen hic deesse videatur, quædam magis peculiaria huc adferemus. Primum quod ad victus rationem attinet: aëris habenda cura; vt neque nimio suo calore vires dissoluat & materiâ commoueat, nec nimio frigore compellat intrò humores. Tenebræ etiam sunt hic vtiliores quam lucis copia, tum ne exagitentur humores & dissipentur spiritus: tum ad conciliandum somnum, qui maximum in his excretionibus commodum præstare solet: quies animi corporisque maximè necessaria: adstantium externorumque omnium maxima sit circa ægrum sollicitudo. Diæta etiam, si quidem alimentorum quantitatem spectes, tenuis esse debet, ne natura in tantâ perturbatione magis opprimatur; sed in substantiâ ipsâ valde alibilis & refectoria, vt in pauca mole multum nutrire possit: quod Barbari vocant alimentum paucum multum: aliud verò multum paucum. Omnia igitur genera generosissimorum eduliorum, iusculorum, consummatorum, stillariorum, colationum, expressorum, panatellarum, gelatinarum, & similia vsurpanda. Nec non sedato quodammodo impetu carnes delicatissimæ, assæ potius quam elixæ, erunt concedendæ, vt melius nutriant, nec tam facillè reuomantur. Qualitate verò refrigerare & exsiccare debent, atque in principio leuiter adstringere, sub declinationem validius, ne tam atrox materia magno ægri damno statim retineatur. Ideo prædictis omnibus cibus succus granatorum acidorum, limonum, arantiorum, vuarum acerbarum,

rum, atque ipsum etiam acetum rosaceum permisceatur. Panis assus succo granatorum intinctus sæpè assumatur: miuæ cydoniorum frustulum vnum ante & post passus. Bibant aquam chalybeatam, cum succo granatorum: aut virium causâ addatur parum vini rubri adstringentis. Denique reliqua vsurpentur, quæ in vomitu chole-rico proposita fuerunt.

In reliquis etiam remediis præscribendis eadem fere ratio habenda: diligenter enim videndum, an eiusmodi excretio ex solâ alimentorum culpâ pendeat: vel etiam ex plethorâ vel cacochymiâ partium aut totius corporis. In primo enim casu permittendus est hic motus naturæ, atque etiam promouendus, si vires consentiant, ut citius defungatur huiusmodi labore: in secundo verò cautè admodum agendum; tametsi enim quoad rem videatur excretio ista naturæ consentanea: quoad modum tamen, ut distinguunt Barbari, semper existit præter naturam & violenta. Ideo & morbi & symptomatis mitigandi magna est hic habenda ratio. Incipiente igitur morbo permittatur opus naturæ, dum quæ corrupta sunt & deprauata excernit, & ægri melius se habent & leuiter ferunt. Quinetiam leuibus vomitoriis & abstergentibus enematis iam commemoratis iuuetur. Ad vomendum autem nolim aquâ tepidâ solâ, aut cum oleo mixtâ vti, quia nimium relaxant; neque hydromelite, quidquid sentiant Practici, quia ventris tormina infert; sed decocto hordei ad ℥ j. cum ꝑ j. syrup. acetosi simplicis. Verum quia melius est excrementa ista per inferiorem aluum deturbari, quam vomitu excludi: consulerem ego, ut in hoc affectu parum aut semel tantum vomitorio vteremur: deinceps catharticis quibusdam materia deorsum expurgaretur. Quod commodè fiet assumptis 3 iij. confect. hieræ, aut infuso myrobalanorum cum 3 j. rhabarb. puluer. & paucio syrupo rosato laxatiuo: vel si ista reuomat, nihil præstantius esse existimo, quam si rhabarbari puluis in pilulas reducatur cum aquâ aut syrup. absint. & illarum duas vel tres capiat singulis diebus. Folia etiam sennæ puluer. ad 3 j. cum paucio iusculo sumpta valde commendantur à recentioribus in hoc affectu, quamuis ego non tam liberè illis vti auderem atque rhabbaro, quia flatus & tormina excitant, nisi aliquid seminis anisi puluerisati permisceatur. Iuuetur itaque purgatione & clysteribus sensim & blandè ferini huius humoris excretio; nam venæ sectioni nullus in hoc affectu relictus videtur locus: tum ob virium infirmitatem, quam hic maximè vereri oportet: tum quod ex mera cacochymiâ hic affectus suscitari solet.

Quod ad alterationem vero, adstrictionem & corroborationem attinet, sumptis & admotis perficiendam, frustra referremus ea quæ copiose à nobis in vomitus curatione fuerunt tradita, vnde repetere illa licebit. Hippocrates 5. epid. Atheniensem cholera laborantem purgavit helleboro, & fecit vti semicupio. Quod ad helleborismum spectat, non auderem in his nostris corporibus & in hoc affectu tam violentum catharticum explorare. Semicupium autem, necnon balneum relaxans & ad cutem trahens non improbarem, firmis adhuc viribus, & sedato primo vomendi egerendique impetu, qui plerumque viginti quatuor horis perficitur. Habent hic pro secreto Arabes decoctum boracis ægro propinatum post primum diem morbi, ad detergendas & quasi absumendas sordes illas, quæ nimis adhærent & vellicant intestinorum ac ventriculi tunicas. Postea exhibent 3 j. ss. syrup. depapauere, in quo dissoluunt amyli torrefacti 3 j. aut diacodij vel requiei Nicolai 3 ij. necnon clysteres ex decocto capitû papaueris parant, quod puluere amyli inspissât. Frictiones, ligaturas dolorificas, immersiones artuum in frigidam; frigus enim illud externum, internis communicatum, robur & adstrictionem adfert: inuolutiones colli linteolis oxycrato madentibus, cucurbitulas cum multâ flammâ in variis corporis partibus & distantissimis, postea supra ipsum vmbilicum admotas, odoramenta somnifera, epirhemata cordialia, & similia non omittunt, quæ ad omnium symptomatum syndromen & curationem faciunt.

Atque hæc de affectibus ventriculi sufficiant, ex propositâ nobis methodo: nunc ad passiones intestinorum, coherentium scilicet ventriculo partium & maxime affinium, accedamus; inter quas de leienteria agetur. Quamuis enim ad ventriculi noxas referri posset, aptius tamen inter symptomata immoderatè fluentis alui suo ordine recensetur.



IOANNIS VARANDÆI, DE MORBIS INTESTINORVM.

PRÆFATIO.



PARTES primæ concoctioni dicatas duas potissimum esse dicebamus, ventriculum scilicet & intestina, quarum affectus imprimis explicandos & percurandos susceperamus. Absolutâ itaque passionum ventriculi tractatione, iuxta propositam methodum & diuisionem, ad affectus qui intestinis accidere solent, accedamus. Porro ἐντέρον, ἐνδιόν, interaneorum seu intestinorum physiologicam descriptionem, substantiam scilicet, compositionem, figuram, temperiem, numerum, magnitudinem, situm & connexum cum aliis partibus, actionemque, nemo est inter Philiatros qui ignoret, nosque sequentibus capitibus, ut sese offeret occasio, satis fusè declarabimus. Nunc tantum ea sunt dicenda, quæ facient ad inuentionem illorum affectuum, quorum curationem deinceps meditamur. Certum est itaque, intestina corpora esse caua, ventriculo ipsi ad extremum usque anum continua, ad continendas chyli reliquias à naturâ destinata, ut melior eius portio vi mesaraicarum venarum ad hepar transuehatur: excrementosa verò partes suo tempore & modo conuenienti deturbentur. Præterea obtinuerunt hæc intestina, extremum præcipuè quod rectum appellant, venas quasdam internas à ramo portæ mesenterico: externas à ramo hypogastrico cauæ descendens, hæmorrhoidales dictas, per quas sæpè sanguinis cacochymia & nimia quantitas expurgatur. Denique intestina sensu tactus, ob disseminatos sextæ coniugationis nervos, prædita, variis de causis quibus sunt obnoxia, dolores perpeti solent. Hinc tota hæc nostra de intestinorum affectibus tractatio in nouem capita distinguetur, in quorum primo agemus de dolore qui intestinis accidere solet, potissimum colicò. In secundo, de lumbricis, qui ad sistendam, prouocandamque immodicè aluum, necnon dolorem excitandum sæpissimè concurrere solent. In tertio, de suppressâ aluo. In quarto, de ileo, qui suppressæ alui est species. In quinto, aggrediemur ad alui fluxus & diarrhæas. In sexto, prosequemur de leienteriâ. In septimo, de dysenteriâ. In octauo, de tenesmo & ani procidentia. Denique nono tractabimus de hæmorrhoidali fluxu, rhagadibus & condylomatis sedis, velut maximè propinquis & succedaneis affectibus. Atque in istorum explicatione nihil defuturum speramus, quod ad perfectam omnium morborum, qui intestinis sæpius accidere solent, therapeiam attinet, ut in ipso operis progressu unicuique notum euadet.



CAPVT PRIMVM.

De intestinorum dolore, ac præcipuè colico.

DOLORES qui intestinis accidere solent, variis nominibus à veteribus donati fuerunt. Apud Hippocratem τὸ έντερον simpliciter dictum 6. *epidem. & lib. de humoribus*, designat dispositiones dolorificas intestinorum, præcipuè crassioris, quod per antonomasiam ibi έντερον appellasse verisimile est. Frequentius τῶν σποφῶν meminit, quibus tormina & dolores mobiles & quasi circumuolutos partium epigastrio contentarum denotauit: vt videre est *Aphorif. 11. sect. 4. 20. eiusdem, 41. sect. 5. & libro de vict. acut.* Item non rara apud illum mentio ilei, dysenteriae & tenesmi: quibus nominibus molesti interaneorum cruciatus significantur: nusquam tamen quod sciam colicum affectum proprio nomine expressit: imo ne quidem apud alios paulò Galeno antiquiores. reperitur. Vnde coniecturam quidam faciunt, affectum hunc ignotum fuisse veteribus, & circa Tiberij Cæsaris tempora tantum inualuisse, quem scribit Plinius *lib. 26. cap. 1.* omnium primum id genus morbi fuisse expertum. Verum falluntur illi quidem, vt ego existimo, credentes rem ipsam Hippocrati & veteribus fuisse ignotam, quia eam non eodem nomine, quo nos, expresserunt. Nam apud Hippocratem illud τὸ έντερον, & οἱ σποφοὶ nihil aliud designare possunt, quam propositum affectum, vt nos postea clarius ostendemus: Apud reliquos autem veteres omnia intestinorum & ventris tormina vno ilei vocabulo significata fuere, aut certè colicum vocarunt iliacum. Cuius rei testis fidissimus erit nobis Cornel. Celsus *lib. 4. cap. 13.* Diocles Carystius, inquit, tenuioris intestini morbum χόρδαλον, plenioris εἰλεὸν nominauit: à plerisque nunc video priorem illum εἰλεὸν: hunc κολικὸν nominari. Hæc Celsus. Ex quibus patet neotericorum esse non rem, sed denominationem, ad quam fortassis respexit Plinius. Post accuratam enim anatomes cognitionem, intestina in tenuia & crassa, ἄραια & κῶλα, distincta fuerunt, & ex communi vsu peculiare illud intestinum, quod insigni capacitate & anfractibus donatum, à cæco incipiens & rene dextro ad iecoris cauum, ventriculi fundum, lienem, & sinistri renis latera delatum, in posteriora reflectitur; totumque abdomen vndiquaque cingit, κῶλον κατ' ἐξοχὴν appellarunt: illique insidentes dolores atrocissimos, ex sede affecta colicos vocarunt.

Latini quidam tormina dixerunt: Cicero enim ipse torminosos vocat, qui colicæ passioni sunt obnoxij; quamuis Celsus per tormina dysenteriam intelligat: colicum autem morbum intestini plenioris vocet. Scribonius coli dolorē, Marcellus Empiricus colum simpliciter nominat. Quinto Sereno aliquando alui dolor dicitur, vt, *si dolor insanus tota defecit in aluo, &c.* Aliàs colus, vt, *cum colus (insanum morbi genus) intima carpit, &c.* Quibus nos relictis ad rem ipsam accedamus, & colici doloris definitionem, causasque adferamus, ex quibus conueniens diagnosi & therapeia stabiliri possit.

Colicus igitur dolor est tristis sensatio sensus tactus in intestinis, pleniore potissimum, facta ab obiecto non proportionato, confertim intemperiem aut solutionem continui, vel vtrumque illis inferente. Vnde patet, colicum dolorem à nobis inter symptomata recenferi actionis deprauatæ, quando scilicet sensus tactus, quo intestina propter nervos illos sextæ coniugationis iam sæpè commemoratos, sunt donata, præter naturam afficitur, vitiatâ constitutione commoderatâ, per quam blandè & indolenter externas species tactiles suscipiebat, & primo sensorio communicabat. Dicitur autem fieri in intestinis, pleniore potissimum, propterea quod vsus ita nunc inualuit, vt omnes fere intestinorum cruciatus colici appellentur, potissimum vbi sine febre accidunt, nisi manifestâ quadam distinctione ab illo secernantur. Cur autem hoc intestinum præcipuè tam diris doloribus torqueatur, vt multi reperti sint, qui propter doloris magnitudinem seipsos interemerunt, referente Galeno *lib. 2. de medic. κατὰ τόπους*: causæ multæ assignari possunt:

Primum

Primum quod hoc intestinum omnium capacissimum, cum præcipuum sit sæcun-
atque excrementitij humoris receptaculum, tam qui in primâ, secundâque eoctio-
ne generatur, quam aliunde in communem hanc corporis sentinam deriuatur, sit
ut frequentius acerbiusque ab eisdem afficiatur. Secundò certum est gyros & cir-
cumuolutiones huius intestini, necnon cameras & veluti anfractus quibus à natu-
râ donatum est, ut effluentem ab aliis intestinis chylum contineret & remorare-
tur diutius, donec perfectè illius benignior portio à mesaraicis exugeretur; cau-
sam etiam esse longioris moræ præuissimis humoribus, vnde actio illorum multo
potentior & validior in hoc intestinum. Imo etiam ex hac diuturniore morâ cre-
diderunt veteres cum Galeno, *lib. 6. de locis affect. cap. 2.* generari aliquando calcu-
los in colo, ut ex recentioribus Fernel. *in pathol.* narrat ibidem sæpe ita indurari
pituitam, ut totum hoc intestinum farciminis instar perfectè oppleat. Tertiò de-
nique, causa tam diri cruciatus in colo intestino, ob flatus potissimum; refertur
à Galeno, *loco proxime citato*, ad crassitiem tunicarum huius intestini, per quas, ut
aliorum, tenuium scilicet, difflari faciliè non potest, neque ob induratas ibi sæpius
fæces per anum excerni, ut in intestino quod rectum vocant. Siue igitur propriè
colon afficiatur per hosce dolores, siue etiam aliquando aliud intestinum, inqui-
rendæ sunt diligenter causæ & origo mali tanti, quæ ad therapeiam nostram com-
modè reuocari possint.

Diximus itaque cruciatus hos fieri ab obiecto non proportionato, confertim
intemperiem aut solutionem continui inferente. Ex quibus facile est naturam
doloris & modum quo fit, intelligere: nam cum omne sensorium, ex Philoso-
pho, debeat esse ἁπλοῦς, & in mediocritate suorum obiectorum positum, ut ritè
& secundum naturam illa percipiat, si aliquando contingat hæc obiecta ita im-
proportionata esse, ut per excessum suum immutent constitutionem illam senso-
rij moderatam, contingit, præcipuè in sensu tactus cuius obiecta sunt corporeæ
magis & actiuæ qualitates, ex improportione illa naturam dolere. Potissimum si
ἀσπείρας, confertim & subito fiat illa mutatio ad excessum, quia magis ferit sensum;
& latius sese tunc propagat illa qualitas dolorifica. Improportio autem illa fit in
sensu tactus ex duplici peruersione continuitatis in partibus sensibilibus, nimi-
rum τῆς συνωνίας, quæ est continuitas physica, seu temperamenti; & τῆς συνέχειας,
quæ est continuitas mathematica seu situs & connexus partium. Quando enim
accidit à qualitatibus actiuis potissimum, caliditate, & frigiditate, ita immutari
sensorium tactus, ut subito excessus in illius ἐντασια fiat, tunc cerè necesse est
sensationem illam esse tristem & dolorificam, utpote quæ ad perniciem animan-
tis tendat: & ritè à partibus sensu tactus prædictis percipi, cum eiusmodi quali-
tates sint proprium tactus obiectum. Verum quoniam partes non solum per suam
κρᾶσιν & temperamentum subsistunt, sed multò magis per vnionem illam quæ
mixtis alteratisque accidere solet: ideo si quid sit, quod hanc vnionem dissoluat,
facto motu violento aut situ mutato in partibus vnitis, hinc etiam oboritur tristis
sensatio & dolorifica. Non quod his semper iuncta sit qualitas prima (ut quidam
putarunt) saltem excedens (sensus enim & experientia refragantur:) sed quod si-
tus & motus improportionatus, utpote sensilia communia, faciliè à sensu tactus
percipiuntur. Iunctis autem illis duabus causis, nimirum alteratione secundum
primas qualitates; & vnionis dissolutione, tunc atrocissimi contingunt dolores, ut
plerumque accidere solet.

His igitur ita positis, quæ ad essentiam & causas doloris pertinent; agamus nunc
de causis quæ particularem hunc dolorem in colo intestino ingenerare possunt:
vnde etiam affectus differentias repetemus. Certum autem est ea esse, quæ in-
temperiem aut solutionem continui, vel vtrasque inferre huic parti valent. Qua-
lia sunt excessus caliditatis aut frigiditatis, præcipuè cum affluxu materiæ; siue illa
in ipsam substantiam intestini sit impacta, ut per phlegmones, erysipelata, &
similia; siue in ipsâ tantum capacitate posita, ut in synathrismo humoris biliosi,
putris, maligni, & acrioris: vel pituitosi, frigidi, crassi, & lenti, qualis est pitui-
ta illa quam Praxagoras vitæam appellauit. Item omnia vulnerantia, erodentia,
diuellentia aut distendentia, ex diuortio continui aut contigui violenter facto,
illud præstare possunt: vnde vlcera ob erosionem, flatus, fæces, lumbrici, quiuis
humor quantitate nimis, distentionem aut diuulsionem faciens; causa doloris
absque dubio existunt in intestinis. Quoniam verò vulnera solutiones sunt conti-
nui à re externâ factæ, quæ si intestinis contingant, proprium sunt nomen, aliud-

que à colico nacta : vlcera autem intestinorum peculiarem sunt tractationem sortita in dysenterico affectu. Item fæces induratae, lumbrici & similia, vel sunt antecedentes sæpius colici doloris causæ, vel certè propriis suis capitibus à nobis explicabuntur. Ideo quatuor tantum potissimas colici affectus causas seu differentias assignabimus : nempe phlegmonem systrophicam à puro vel impuro sanguine in coli spatia interiora effuso : solam phlogosim & mordicationem à calidioribus aut vitiatiss succis : pituitæ frigidæ, crassæ, & lentæ, qualis est vitrea, in illo congestionem : & flatus copiam cauitatem intestini distendentem, aut proprias illius tunicas diuellentem. Quæ rursus causæ seu differentia colici affectus aliquando simplices & solitariae : aliquando permixtae & complicatae sunt, vt quando concurrat simul flatuum copia cum pituitoso aut bilioso succo, vel vtroque : vnde atrocissimi exoriuntur cruciatus, & mixta curatio. Nobis tamen simplices colicæ passionis causas & affectus dolorificos tractare sufficiet : ex quorum notitiâ compositos cognoscere & curare licebit : quod in therapeia particulari semper est obseruandum, ne in immensum crescat illa tractatio.

Phlegmone igitur in colo intestino aliquando contingere solet, fluente ad illud per mesaraicas sanguine, & in eius intima spatia effuso, qui tumorem præter naturam suscitatur : siue sanguis ille sit purus, seu bili, pituitæ, aut melancholiæ permixtus ; vnde vera phlegmone, erysipelatodes, cedematodes aut scirrhomodes oboritur. Fit autem hæc fluxio tum à partibus vicinis, deponentibus per apertas vias humores sibi superuacaneos in intestina, tum à praua illorum constitutione, vt calidiori, tenuiori, laxiori, infirmiori, & similibus : aut humoris ipsius, qui vel suâ quantitate distendit & aperit venarum oscula, vel qualitate malignâ, erodente aut tenuiori præterlabitur conceptacula sua, & inuadit proprios partium poros, ibique extensionem præter naturam cum inflammatione excitat. Eadem ratione in secundâ specie seu differentiâ mordax, putris, biliosus, aut alio modo calidus succus in intestini huius capacitatem deriuatur, vel ex toto corpore, vt post morbos acutos, febres diuturnas, criticos aut periodicos motus ; vel ex parte aliqua, vt hepate inflammato vel obstructo, ventriculo calidior, aut prauis eduliis referto, cerebro pituitâ falsâ redundante, vtero obstructo, & similibus, vbi longiore morâ retentus & aliquando putrescens deradit mucum parietis illius interno oblitum, phlogosim & mordicationem vehementem inferens, quam sæpè dysenteria sequitur. Pituita autem frigida & lenta, quam vitream vocant, tertiam constituit colicæ passionis causam & differentiam, quæ tum frigiditate suâ actuali, quam in seipso expertum fuisse narrat Galenus 2. *de locis affectis* cum pondere & grauitate, terebelli instar, intestinum vehementi dolore præmit, ac veluti perforare videtur. Hæc enim pituita (mirum dictum) ipsomet referente Galeno, neque interno viscerum calore, nec adhibitorum remediorum vi, neque excretionis violentiâ incalescit, sed manifestè & ad sensum frigida permanet. Quod etsi difficile creditu videatur, nisi quis aliquando id cum Galeno expertus fuerit, non caret tamen suis rationibus cur ita contingat. Est enim vitreus ille humor acidioris pituitæ species, quæ cruditate collectâ ob assumptorum alimentorum vel viscerum frigidam valde constitutionem, lentorem præterea talem adipiscitur, vt est 2. *de differ. febr.* vt deinceps elaborationem suscipere non possit, propter summam hanc cruditatem & substantiæ ineptam ad alendum conditionem. Itaque à natura contemnitur, neque calidi applicatione amplius agitur, sed exhalante, si, quam prius continebat, tenuiori portione calidiorque, gelatur in dies, crassescitque magis : & sic in ipsis intestinis calentibus cum insigni frigiditate sentitur. Quidquid sit, siue hæc pituita, actu frigida in intestinis maneat, vt vult Galenus ; siue frigiditas illa non sit actualis & absoluta, sed factâ ad partium internarum calorem comparatione, talis sentiatur, qualis vrina in balneo calido micta : certum est & experientiâ confirmatum, frequentem esse colicæ passionis causam, vtpote quâ excretâ in totum cesset dolor.

Superest ergo quarta colici affectus causa siue differentia, nempe flatus ; tamque ordinaria, vt hodie per colicos dolores nihil aliud fere audiamus, quam flatuosam intestinorum constitutionem, quæ diuellendo proprias intestini tunicas, si quidem in illis contineatur, vel distendendo internam cauitatem, acerbos illos & planè intolerabiles dolores efficit. Spiritus enim hic seu flatus mobilis perpetuò existens, impetu agit ac violenter impellit : cum humores quieti & velut ignaui plerumque in locis quæ occupauerunt subsideant. Hinc author libri de flatibus, omnem morborum

borum causam ad hos reuocans, & in magno hoc mundo quæ violentissime fiunt, ea spiritum habent effectorem: Turbines, fulmina, terræ motus, & quæ ad imitationem quandam ars reperit, tormentariorum globorum eiaculationes, munimentorum per cuniculos euerfiones, supposito & accenso puluere pyrio. In intestinis autem flatus generantur vel in eorum tunicis, ex sanguine videlicet pituitosiore crudiorēque quo nutriuntur, quem cum ob propriam imbecillitatem vel materiæ ineptitudinem concoquere non possint perfectè, aut in tenuissimas auras resolvere, inde suscitatur spiritus crassus & nebulosus, qui dum per angustos meatus, porosque insensiles exitum frustra quærit, membranas seu tunicas discerpendo cruciat: & si diu perseueret, tandem in hydropa siccum degenerat, ut est *Aphor. 11. sect. 4.* Vel in ipsorum capacitate colligitur hic flatus, ob easdem & plurimas alias causas: nam ex conglobatis lumbricis, indurata fæce, lentâ pituitâ obstruente, & similibus sæpe ita cohibentur spiritus in intestinis contenti ne erumpant, ut coaceruati cavitatem intestinatorum, potissimum coli, distendant, in eamque molem attollant, quam à se visam testatur Fernelius, & Cabrolus. *Monspelij Chirurgus* asserit se vidisse quemdam colico dolori obnoxium, cui post mortem colon brachij amplitudinem adæquabat. Aliquando ista flatuum collectio, & distentio contingit per influxum humoris pariter cum flatibus ex venis. Euenire autem hoc solet naturis calidioribus, in quibus copiosa bilis pronascitur. Si enim in venis simul propter malam diætæ rationem, magnum pituitæ prouentum collegerint: natura attenuans digerensque, ac proinde flatus suscitans, utrosque in intestina effundit; flatus ergo distendendo, bilis mordendo, pituita autem materiam flatuum nouæ generationi suppeditando, morbum perdifficilem creant, qui sæpe diuturnas febres subsequi solet. Harum rursus colici affectus differentiarum alix sunt multiplices causæ, ex rerum naturalium, non naturalium, & præter naturam constitutione repetendæ: nos verò ad istarum diagnosim per propria signa progrediamur.

Signorum autem diagnosticorum hic duplex erit ordo: vnus quidem eorum quæ constitutiua appellabimus, ex quibus scilicet propriè colicus affectus & eius causæ dignoscuntur: alius verò eorum quæ distinctiua vocant, quibus hic affectus à multis aliis affinis, aut similia symptomata habentibus secernendus erit. Vbi igitur colicus affectus à systrophicâ phlegmone, aut acrioribus succis intestina occupantibus exoritur, dolor in certâ parte magis est fixus, sublimior autem quam qui hepar, lienem aut similes partes occupauit, vnde pulsatio versus supremam abdominis partem aut alterutrum hypochondrium, non circa umbilicum, ut in ileo, percipitur: adest vel præcessit febris, ardor, sitis, ac interior rotationis sensus, quem aliquando subsequitur diarrhœa aut dysenteria. Vrina redditur biliosa & acris, aliquando supprimitur: alui deiectio non leuat, sed augeat cruciatum, ut etiam vomitio: læduntur plurimum calidis assumptis vel admotis, inuanturque frigidis. Quæ omnia in phlegmone sunt grauiora & permanentiora, quam in solâ phlogosi ab humoribus fluentibus & vagis. Quæri autem hîc potest, cur phlegmone in colo exorta non eodem modo vomitiones illas implacabiles & fæculentas statim excitet ac in ileo: cum vtrumque intestinum sit dicatum deportandis continendisque humoribus, qui in primâ coctione gignuntur, aut aliunde in primam regionem deriuantur. Verum id impedire videtur tum longinquitas coli à ventriculo, & valvula illa sub extremum coli posita, tum illius amplitudo seu capacitas, quæ cum multo sit maior, quam in aliis intestinis, vix fieri potest, ut phlegmone totum illius circulum occupet, sed tantum partem, vnde minor eiusdem intestini obstructio. Si tamen aliquando accidat in colo tantum esse tumorem illum, ut integrum eius meatum obturet, aut saltem magnam in eo *στένωσιν* efficiat; nihil obstat, quin etiam ad eiusmodi affectum vomitiones fæculentæ, & reliqua ilei symptomata subsequantur.

Vbi verò colicus affectus à causâ frigidâ pender, humoralis vel flatuosâ, nulla erosio, aut ardor sentitur (nisi fortassis postea ex vehementia doloris febriculam excitent humores commoti) dolor acutus, sed tenuius vrget, qui à dextro incipiens latere sub fundum ventriculi in sinistrum vsque vagatur, cum rugitu potissimum vbi flatuum est copia: à pituitâ verò illâ vitreâ dolor est quasi perforans ac pertundens intestinum: actualis frigiditas sentitur: adest inappetentia, dyspepsia, ructus aliquando ac singultus, vomitus quasi indefinens, tum compatiēte ventriculo propter viciniam, officij ac generis societatem, tum compresso ex incumbente

bente colo : Alius ita adstricta , vt ne spiritum quidem transmittat . si quid verò excernat , vel est σκύβαλον & valde induratum , mucis vndiquaque oblitum : vel sterqus bouino simile , leue scilicet & flatus plenum . Quod si tandem fluat liberaliter , magnâque flatuum aut pituitæ illius copia erumpat , vel in totum sanantur , aut saltem maximè leuantur . Adde causas omnes externas internâsque , ex quibus flatus aut pituita suscitari possunt , vt alimentorum crudorum & dyspepton , aquarum niualium , vini recentis & similium vsus : quæ Medicus diligenter percunctari debet , vt propriam affectus causam deprehendat .

Supereſt , vt nunc distinctiua signa proponamus , quibus hic affectus à reliquis est internoscendus , potissimum à nephritico , iliaco & vterino : hi siquidem magnam habent cum colico similitudinem . Quod ad nephriticum spectat , hoc est dolorem ex calculo , mucos , aut arenis in renem vel vteras impactis , difficile existimauit Galenus *lib. 6. de locis affect. cap. 2.* discrimine certo illum à colicâ passionē statim secernere , quæ sit à flatu aut frigido humore . In hoc tamen Medicos solatur , quod in genere remediorum eligendo , nulla sit fere discrepantia inter ea quæ vtrique passioni curandæ adhibentur , vnde nullum agro periculum imminet ex eorū vsu , siue hoc , siue illo affectu teneatur . Est tamen ratio qua illos distinguere possis : nam nephriticus dolor profundior multo est versus spinam quam colicus : fixus magis & vni loco adhærens . Præterea colicus dolor cum sit vagus , sæpe conſcendere solet , vt diximus , ad ventriculum vsque supra regionem renum , quo signo certissimè ab eo distinguitur . Quin etiam dolor colicus in orbem magis ; nephriticus in rectum ad testem vsque extenditur cum femoris è directo positi stupore . Qui nephritico tenentur , vix spinam inflectere possunt vt terram attingant ; colici vero nullo negotio id præstant : maioremque ex alui deiectione vtilitatem , quam illi percipiunt . Adde quod ex vinarum aspectu multa signa nephriticorum colliguntur , quæ colicis absunt , vt illius subita suppressio , vel summa in principio tenuitas , aut cruor permixtus , mucos vel arenularum subsidentiæ & similia , quæ in colicis non apparent . Iliacus autem dolor à colico distinguitur , quod magis in vmbilici circuitu hæreat : colicus verò si sit à flatu , oberret zonæ instar circa abdomen : vel si ab inflammatione , circumferentiam ventris potius quam centrum occupat . Præterea iliacum perpetua febris comitatur , & statim vomitiones illæ sæculentæ succedunt cum lethalibus signis . Denique vterinus dolor distinguitur à colico , quia sæpius post partum contingit , aut quo tempore fluxuri sunt menses , versus pubem & coxendicem , vbi alligantur matricis ligamenta , porrigitur : atque sæpissimè iungitur illa præfocatio quam vterinam appellant . Sic igitur licebit colicum affectum , illiusque causas dignoscere , & à vicinis maximè affectibus secernere . Nunc de prognosi .

Grauiſſimum esse inter alios colicum affectum qui à phlegmone fit , tum propter atrocissimum dolorem & feruorem , dum suppuratio perficitur in parte exanguis : tum metu ilei , in quem est facilis transitus nemo , dubitat . Grauis item quicumque nunquam intermittit , qui implacabilem habet vomitionem iunctam , parum iuuatur excretis humore vel flatu , aut iniectionis admodum anodynis . Quod si jam extremorum alior , syncope aut lipothymia vrgeat , rem esse deploratam certum est , vt docetur *Aphorismo 26. sect. 7.* Aliàs in salutem integram sæpius solet desinere colicus affectus , nisi per μετάσταν , translationem scilicet humoris in alias partes , morbos à veteribus annotatos generet , vt abscessum in musculis abdominis , hydropem siccum , paralyſim , dyspnœam , epilepsiam , diarrhœam , dysenteriam , hæmorrhoidum fluxum , arthritidem , & similes : quod Paulus , Auicennas , necnon ipse Galenus & Hippocrates scripserunt . Etenim humor hic qui colicam parit , si tenuis , biliosus , & mordax fuerit naturâ , facile quæcunque membra corporis nostri vicina & distantia subire potest , vtpote qui orgasmum & irritationem habeat , propter quam à partibus robustioribus in infirmiores , quâ data porta , amandatur : Sin verò sit pituitosus & crassus , non statim aliò transfertur , sed post diuturnos labores , perpetuas fere vigiliâs , longam inedia , multorum calidorum pharmacorum vsu tandem calefactus & attenuatus , modò sursum rapitur , nunc in spinam retorquetur , aliàs extremos articulos peruadit , per dilatatos illos insensibiles poros , quibus totum nostrum corpus est συμπαγὲς & σύμφυτον : vnde ille , *lib. de humoribus & 6. epidem.* (quales nos plures vidimus) cui intestinum dolebat , articulo morbo correptus fuit , & quiescentior erat : postquam autem articulus sedabatur , magis ex colico dolebat .

Si humor hic fiat *κρίσσιμος*, omnino alui fluxum concitat, modò cum erosione, modò etiam cum graui vlcere: aliàs extrema venarum in ano positarum aperit, & ingentem sanguinis fluorem concitat. Quod si ex flatu in tunica coli, aut alterius intestini incluso dolor oboritur, tam contumax & diuturnus, ve neque medicamento purgante, neque alià ratione solui possit, tunc hydrops tympanites exoritur, vte *Aphorismo undecimo iam citato sectionis 4.* videre est; quoniam confirmatâ intemperie & erumpente in abdominis cauitatem flatu, venter in molem illam hydropicis familiarem attollitur. Atque hæc de prognosi, nunc ad therapeiam accedamus.

CURATIO COLICI AFFECTVS A PHLEGMONE. Primum quod occurrit in hoc affectu, dolor est, sui ablationem indicans: cuius causa vulgus Medici auxilium præcipue implorat. At verò Medicis cum sciat dolorem symptoma esse in operatione tristi sensus tactus, nouit etiam à causâ suâ semper pendere, quæ vel est subita intemperies & violenta: vel solutio continui non facta, sed fiens, vel vtræque simul iuncta. Hæc rursus cum sint in fieri & motu, à causâ suâ effectrice pendere necesse est, quam statuimus quadruplicem potissimum, nempe phlegmonem, mordacem aut biliosum succum, pituitam frigidam ac lentam, & flatum. Ab istorum itaque sublatione curatio inchoanda, cum nihil mutare nos methodum cogit: vtpote vehementia doloris nullas concedens inducias, viresque affatim prosternens, atque aliæ circumstantiæ plures: quarum tanta est vis aliquando, vt sopire dolorem stupefacientibus conueniat, antequam ad causæ exturbationem ventum sit. Sed hi respectus sunt curantis, non docentis Medici. Quare nos veram & methodicam therapeiam prosequamur: quæ à causarum sublatione proficiscitur: inchoantes à curatione calidarum causarum. In quibus non frustra, vespéro, immorabimur, quia hæc ad ilei curationem & sequentium affectuum viam parabunt. Quantopere etiam in hac distinctione & curatione facienda laborare debeat Medicus, eleganter animaduertit Aëtius *proprio capite*, adductis ægrorum multorum exemplis, qui vt colici à causâ frigidâ tractati & in summam perniciem deducti, mutatis remediis seruati sunt.

Quod ad phlegmonem igitur coli intestini attinet, aliorumque, vt ilei, cui sæpius accidere solet: morbus est acutissimus, vt iam fuit annotatum, & cum summo vitæ discrimine coniunctus, ob propriam speciem: (omnis enim internarum partium inflammatio, iuxta Hippocratis *libr. de vict. acut.* sententiam, periculosissima) naturam partis affectæ, exanguis scilicet & nertuosa; atque magnitudinem symptomatum, quæ comitari aut subsequi solent. Cùmque omnis phlegmone, siue sit exquisita, siue spuria, erysipelatoza, cedematosa, aut scirrhusa, quatuor modis necessario terminetur, resolutione scilicet, suppuratione, induratione, & gangræna: vnicus tantum istorum in intestinis potest esse salutaris, nempe resolutio: nam plerumque in suppuratione moriuntur ægri, ob febris vehementia, vel rupto abscessu suffocantur, dum pus in hepar aut vicinas partes inuadit: vel denique succedente graui vlcere, cuius sanandi spes in parte spermaticâ, exanguis, & internâ pauca existit. Quod si induretur phlegmone, metus est *ἀρροφίας* partis, aut obstructionis, quæ feces deinde præterlabi non sinat. Si in gangrænam aut sphacelum degeneret, actum est de ægri rebus, extincto calore natiuo in partibus interioribus, propagatæque morbo ad cor, hepar & reliquas partes. Accuratè igitur & strenuè debet se hic gerere Medicus.

Imprimis igitur victus statuatur hic tenuissimus, vt solet in omni inflammatione partium internarum, vt per inediani fraudatæ partes propriâ suâ alimoniâ minus humoris in partem affectam demittant. Contentus ergo sit æger, per aliquot dies, solâ aquâ hordei, prisanæ cremore, julepo aliquo accommodato, vel saltem, vt infirmiores vires recreentur, jusculo pulli alterato foliis endiuizæ, borraginis, lactucæ, acetosæ, & similibus. Quod ad qualitatem assumptorum attinet, sint illa quidem potestate frigida, sed non actu, ne scilicet materiam magis impingant, & resolutionem impendant. Eadem de causâ aer frigidus non est admittendus, sed potius tepidus. Quies imperanda corporis, & animi, ne exagitati humores denuò in locum affectum fluant. Arceatur tamen somnus longior, quia motum facit humorum ad interiora.

His ita constitutis, debet Medicus potissimum rationem habere materiæ fluentis, vel fluxuræ, vt scilicet sanguinis portionem, ex quâ eius-

modi phlegmone constituitur, citò reuclat ac deriuat, idque per venæ sectionem, bis aut ter repetitam, sub eâ quantitate quam ægri vires ferre poterunt. Cum enim in hoc affectu tota salutis fere spes, vt diximus, posita sit in resolutione, quomodo fieri illa poterit, si ingens sanguinis copia vi caloris & doloris in partem affectam trahatur? Eligetur autem primùm ea cubiti vena, quæ magis erit è directo parris dolentis: vena etiam malleoli suppositi postea runderetur ad deriuationem: aut hæmorrhoides, potissimum internæ, quæ à venâ portâ, vnde etiam intestina sanguinem habent, oriuntur, prouocabuntur, vt portio coniunctæ causæ educatur. Quin etiam cucurbitulæ remotioribus corporis partibus sunt admouendæ, vt scapulis, dorso, natibus, & femoribus, etiam cum scarificatu, vt semper sanguis minuat, & exteriora versus ducatur. Non omittendæ ligaturæ dolorificæ, & frictiones duræ partium extremarum, necnon earum calfactiones, quæ omnia foras humores euocant.

Quod ad purgationem verò attinet, nullus hic veris & potentibus catharticis relictus locus, ne magis humores intrò alliciant, & inflammationem augeant; sed tantum lenientibus & humectantibus, mediocri frigiditate præditis, decocto tamarindorum, prunorum acidulorum, cassiæ fistularis, diapruno simpl. & similibus, quæ emolliendo, non attrahendo expurgant, blandeque educunt exudantes ex phlegmone ichores, doloremque mitigant. Clysteribus autem variis maximè hic erit agendum, qui omnes curationis scopos implere possint, vt pote in principio refrigerando magis & repellendo. Sic

℞ Fol. endiuia, cichor. borrag. acetos. portul. & lactuc. ana M. j. semin. melon. 3 ij. femin. anisi 3 j. prunor. acidor. vel tamarind. par. iij. rosar. rubrar. flor. viol. borrag. & nymphææ, ana P. j. Fiat decoctio: in cuius lb j. dissolue cassiæ recentè extractæ, aut diapruni simpl. 3 ss. olei viol. de nymph. aut de papauere, prout dolor erit atrocior, 3 iij. Fiat clyster. Teneat diu. Quin etiam vbi doloris tanta est sæuitia, vt perniciem ægro præsentaneam minari videatur, dissoluantur in clystere præcedente theriacæ recentis 3 iij. requiei Nicol. 3 ij. aut etiam opi 3 ss. quæ varianda erunt pro diuersis circumstantiis. Circa augmentum vero, vigorem & declinationem miscendo refrigerantia resoluentibus, plus minus, secundum ægri morbiq; statum parentur clysteres, qualis est sequens.

℞ Rad. althææ & lilior. ana 3 ij. fol. endiuia, borrag. & maluarum, ana M. j. absint. & puleg. ana M. ss. femin. lini, melon. & scœnogr. ana 3 iij. flor. chamæmel. melilot. & rosar. ana P. j. Fiat decoctio: in cuius lb j. dissolue cathol. 3 j. mellis rosar. colat. & sacchar. rubri, ana 3 vj. olei lilior. 3 ij. Fiat clyster. Aut interdum parentur ex decocto pulli, hordeato, emulsione amygd. dulcium, addendo saccharum & vitellos ouorum, prout ex vsu erit, tam ratione nutritionis, quàm alterationis causâ.

Eadem ratione varianda quæ per os assumentur, syrups, julepi, opiæ, instaurantia & similia: in quibus cardiaca numquam erunt omittenda ad corroborationem superiorum partium: quin etiam narcotica, vt confectio requies dicta, illis interdum addi poterunt, quo tanti morbi feritas obtundatur, & ægro fiant quædam induciæ. Assumpta tamen hic propter longinquitatem coli à ventriculo non tantum prodesse possunt, quantum per anum infusa. Epithemata etiam cordis & hepatis non negligenda, ob vaporum continuam ad illas partes eleuationem, ex suis locis repetenda.

Quod ad topica verò spectat, exterius scilicet parti adhibita: nullo modo hic vera repellentia vsurpari debent, quemadmodum nec in aliis interiorum partium inflammationibus: quoniam resolutionem tantopere hic expetitam nimis remorantur, & humores ab externis partibus ad internas compellunt. Sufficiet igitur in principio quibusdâ refrigerantibus non adstringentibus, potestate, non actu talibus vti, ad temperandam aliquantulum partis phlogosim. Deinde resoluentibus dandus erit locus. Numquam etiam in hoc affectu emplastris aut cataplasmatibus vtendum, ne scilicet aut suo pondere grauent partem dolentem, aut sua crassitie transpirationem impendant. Vtantur itaque foribus, oleis, aut vnguentis. Vt

℞ Rad. lilior. & acetos. ana 3 ij. fol. maluæ, borrag. & endiuia, ana M. j. femin. lactuc. papauer. albi & anisi, ana 3 iij. santali vtriusq; 3 ij. flor. viol. borrag. & maluæ, ana P. j. Fiat decoctio, qua foueatur locus dolens tepidè cum lincolis madidis, addendo, si ingens sit feruor, fol. solani aut hyoscyami P. j. Deinde illinatur eadem regio sequenti vnguento.

℞ Cerati santalini diligenter aquâ endiuiz loti ʒ iv. spicæ nardi & caphuræ, ana ʒ j. semin. papauer. albi puluer. & lactuc. ana ʒ j. olei violar. parum. Fiat vnguentum. Sedato aliquantisper feruore, addatur præcedenti fortui parum rad. ireos; folia pulg. menthæ, pariet. flores chamæmel. melil. & similia. Postea inungatur oleo chamæmel. & violar. mixtis, aut vnguento resumptiuo; addendo parum olei amygdal. dulcium & violati.

Institutâ hac therapëiâ, si æger non videatur leuari, sed dolor & calor, potissimum circa septimum diem, intendantur, phlegmonem suppurari certum erit, tuncque expectanda puris confectio, vt si quidem rupto abscessu purulenta materia conuenienter per aluum expurgetur. Medicus ad curationem, deterfionem scilicet exsiccationemque vlcis animum conuertat, quam ex capite de dysenteria repetet. Atque hæc de colico affectu ab inflammatione, adeoque de ilei constitutione phlegmonosâ, affinis scilicet aut pene eisdem affectibus.

CURATIO COLICÆ PASSIONIS A MORDACIBVS ET BILIOSIS SVCCIS. Sequitur iam secunda colicæ passionis differentia, a mordacibus scilicet & biliosis succis in coli capacitâ obstruantibus, vellicantibus, & intemperiem calidam inducentibus; cuius curationem etiam instituere oportet, ducto à victus ratione exordio. Aër ergo subfrigidus admittatur, aut arte, vt flabellis, odoramentis, irrigatione, & similibus procuretur: excretionem naturales, potissimum alui & vesicæ, rite, promoueantur: fugiat motus, labores, & quacunque exercitationem: somnus sit moderatus, & paulo longior vigiliâ, in strato leuissimis stragulis contexto: vitet curas, mœrorem & iram, a quibus maximè irritatur. Quod ad alimenta attinet, maxima in illis rectè instituentis cura erit adhibenda, quoniam remedij optimi & familiarissimi vicem obtinebunt. Sint ergo secundum substantiam *εὐχρησὰ καὶ ὑπερθεῖα*: formæ potius serbilla aut potulentæ, quam solidæ, ne in illis conficiendis nimium laboret natura, & vt citius ad locum doloris peruadant. In qualitatibus verò primis refrigerent & humectent secundum gradum propositi affectus: in secundis leuiter detergant & abluant ad hærentes intestino sordes: vel etiam aliquando incrassent, ad obtundendam humoris acrimoniam & feritatem compescendam: talia erunt iusecula pullorum, folijs acetosæ, portulacæ, lactucæ, endiuiz, & vuis acerbis, pro variâ temporis constitutione, alterata: gelatinæ, panatellæ cum paucis saccharo & rosaceâ confectæ. Si vires deiectæ fuerint, parentur contusa, & colatitia, succique ex delicatissimis carnibus expressi, oua tremula, cremor hordei, lac amygdalarum dulcium cum paucis saccharo, addendo singulis succi limonum, omphacij, arantiorum, granatorum acidorum, oxalidis & similium quantum conueniet. Imo etiam in illis quibus dolor facit inducias, & pleniori victu vti cupiunt, concedantur carnes delicatissimarum & teneriorum animantium, his succis irrigatæ: quæ omnia sint potius actu subfrigida vel tepida, quam calida. Eisdem succis aut syrupis vti poterit in potu, cum aquâ conueniente dilutis, vel etiam vino quodam *ὀλιγοφύρω* bene temperato, si vires id exposcere videantur. Nutriantur autem potissimum, quando minor erit symptomatum sæuitia & veluti interuallum, eaque offerantur quæ naturam aliò reuocatam minus opprimunt sua qualitate, & viribus tam præsentibus quam futuris sustentandis sufficiant, pro variis circumstantiis.

Circa remedia autem, spectanda est imprimis constitutio causarum antecedentium; si quidem hic affectus pendeat ab influxu totius corporis, capitis, iecoris, & similium, diligenter illis prospiciatur. Præterea cum genus vacuationis ex genere repletionis indicetur, quam hic puram cacochymiam esse diximus in intestinis positam; non videtur hic venæ sectio esse ex vfu, sed potius purgatio: nisi fortassis illa ex venis ipsis deriuetur, aut ex parte aliquâ inflammata: vel certè præcautionis causâ, ne in tam sæuo dolore humores in corpore plethorico inflammentur, aut putrescant. Præcipue verò humor ille qui in intestinis continetur, vacuationem, alterationem, suique temperationem suadet, quas sequentibus aut similibus formulis perficiemus: vt clystere molliente, refrigerante, ac leuiter detergente.

℞ Hordei integr. furfur. macri, florum nymph. violar. & borrag. ana M. j. seminis melon. & anisi, ana ʒ ij. folior. maluæ, borragin. lactucæ, ana M. j. Fiat decoctio ad ℥b j. β. in quâ dissolue diapr. simplic (aut si eductione magis opus sit) compositi ʒ j. olei violar. & sacchar. rubr. ana ʒ ij. Fiat clyster; cui in magno feruore & æstu addere poteris aliquid succi granatorum, limonum, & similium.

Iniiciatur frequenter. Quod si flatus aliquos permixtos esse sit suspicio, quædam etiam leuiter resolutentia adiungi poterunt. Ad purgationem verò per os laudat admodum Galenus *lib. 1. de locis affect. cap. 4. & 12. method. 7.* medicamentum ex aloë, quod picram appellant. Sic ergo paretur.

℥ Confect. hieræ & cathol. ana 3 iij. Cum saccharo fiat bolus, quem capiat mane tribus horis ante pastum. Vel

℥ Diapr. solut. 3 β. rhabarb. electi puluer. & puluer. hieræ, ana 3 j. Cum saccharo fiat bolus. Sumat eadem ratione. Reiteretur tertio quoque die, si opus fuerit. Quod si forma hæc solida minus arrideat ægro, paretur potio purgans. Vt

℥ Rhabarb. elect. 3 j. santal. rubr. 3 β. Infundantur in aquâ endiuia: expressione factâ dissolue syrup. rosat. solut. 3 j. β. cathol. vel tripheræ persicæ 3 β. Fiat potio. Abstinentum enim hic videtur à diagrediatis, ne magis inflamment ac vellicent partes: aut certè, si aliquando ad validiorem purgationem his opus fuerit, intermiscetur aliquid Philonij Romani, aut requiei Nicolai ad minuendum partis iam afflictæ sensum.

Interim non erunt omittenda ea quæ alterare, & temperare possunt vim humoris mordicantis, vt julepi, syrupi, decocta & similia assumpta liberaliter, vt ad locum doloris peruenire possint, refrigerantia, humectantia, leuiter detergentia, aut incrassantia: inter quæ syrup. de nymphæa, de papauere, ex succis cichor. portul. granator. & similes, conuenientibus aquis dissoluti erunt conuenientissimi: necnon per os assumetur, aut per anum iniicietur Philonij Romani, confect. requiei, theriacæ recentis, & aliorum stupefacientium aliquid, quibus feruor, tenuitasque humoris corrigetur, & partis exquisitior sensus interdum obtunderetur, magno ægri commodo.

Exterius etiam forus, linimenta, vnguenta, olea & similia adhiberi poterunt, quæ pares indicationes impleant. Ad hoc non parum valebit balneum aut semicupium aquæ dulcis tepidum & moderatum, si vires ægri constent, & iam corpus decenter fuerit expurgatum. Qui plura volet, repetat ex capite de cardialgia ab intemperie calida ventriculi, & vomitu in causâ calidâ. Nunc ad colicum affectum frequentiore accedamus, qui ex causâ frigidâ pender.

CYRATIO COLICI AFFECTVS à CAUSA FRIGIDA. Duplicè constituimus causam colici affectus frigidam, nimirum pituitam crassam lentamq; & flatum. Sed quoniam vix solitaria illæ vnquam subsistunt, sed permixtæ; ita vt aliquando pituita exuperet, aliquando flatus: ideo non videtur distinguenda illorū curatio, sed pro minore flatuum aut pituitæ copiâ, ex præsentis Medici iudicio, variâda. Nos ergo ita progrediamur. Cum affectus hic ex cruditatis vitio emergat, siue efficientē causam, natiuum scilicet calorem partium primæ coctioni dicatarum; siue materialem spectet, nempe humorem in illis genitum aut aliunde deriuatum: certè perpetua esse debet Medici cura, siue *πρὸφύλαξις*, siue therapeiam in hoc morbo exercentis, vt & calor natiuus partium roboretur, & materia quæ aliunde influit in intestina, reuellatur, deriuetur, membrisque illis mittentibus, vt capiti, toti corpori & similibus peculiariter prospiciatur; quæ verò est congesta in intestinis, præparetur ad expulsionem, conuenienter excludatur, & collecti flatus, siue in tunicis ipsis intestinorum, siue in capacitare, remediis diaphoreticis dissipentur ac resoluantur. Ac demum dolor, si fuerit superstes adhuc, aut acerbior, *χαλαστικοῖς*, paregoricis, vel narcoticis sumptis & admotis demulceatur. Verum subesse hic difficultas videtur. Cum enim flatus naturâ sit aëreâ, genereturque incalescentibus humoribus, (quæ enim exhalent nisi incalescant?) caliditatis maximè particeps videtur, & à causâ calidâ pendere, attenuante & resolvente materiam humoralem, quemadmodum in magno mundo quotidie fieri videmus. Ac proinde ex contrariorum regulâ, & aduersus communem Medicorum sententiam, refrigerantibus erit aduersus eum vtendum, non calfacientibus: quæ tum eorum generationem prohibeant, tum genitos repellant. Huic ergo nos obiectioni breuiter satisfaciamus, dicentes duplicè esse naturam eorum quæ euaporant in nobis, tam ex parte efficiētis, nempe caloris quam materiæ: fumus enim, vapor, aura seu exhalatio tenuis, quæ summa corporis petere solet, sequitur vim caloris potenter resoluentis & eleuantis materiam tenuem aut quamcunque ex humoribus ad patiendum idoneis: flatum verò crassiorem esse veluti nebulam & halitum, qui exurgit in nobis ex humoribus crudis & lentè incalescentibus. Siue igitur calor sit imbecillior, siue validus, educuntur inde halitus crassi, qui in particulis densioribus contenti, neque resoluti, tum

ob pro priam naturam mobilem, tum ob calorem perpetuo agitantem & attenuantem, sed impotenter, diuturnos cruciatus excitant. Ex qua distinctione patet, vaporum quidem illorum tenuiorum & exhalationum generationem impediri refrigerantibus, eorumque in partes appulsum repellentibus cohiberi. unde Gal. lib. 2. κατὰ τὸν. cap. 1. in doloribus capitis à fumositatibus sursum elatis, ut quando ex vini potu caput repletur, refrigerantia & repellentia adhibet. Item Priapismo 14. meth. cap. 7. & 8. & similibus. At verò quando flatus illi seu halitus crassi partem aliquam in quâ sunt inclusi infestant, tunc calorificis, attenuantibus, & resoluentibus agendum, non solum ut dissipentur, sed etiam ne gignantur. Nam cum diminutus calor eos genuerit, aut saltem ob materiæ frigiditatem & crassitatem, quamvis vegetus, non potuerit in transpirationem insensilem digerere, sed tantum liquare, & in halitus crassos conuertere: opus est medicamenti calorificis & discutientibus, quæ veluti subsidio sint ad attenuandum & rarefaciendam partem in quâ continentur. Eâ tamen cautione, ut in principio, si quidem multa materiæ humoralis copia ex qua suscitantur, subesse videatur, parcius eis utamur, ne scilicet plures excitentur flatus, quam dissipari possint; sed potius expurgationi ipsius humoris flatulenti incumbamus.

His igitur ita positis, ad vitæ rationem instituendam accedamus, calfacientem, attenuantem, & siocantem, hoc est affectui ipsi & causis oppositam. Aëris itaque talis constitutio eligenda, aut arte paranda, cauendumque imprimis, ne capite aut pedibus colicæ obnoxij frigeant, cum ex his solis affectus ille oriri & ingrauescere sæpius soleat. Labori potius quam otio sese committant in ipso doloris intervallo. Vigilia & somnus sint moderata. Animi etiam passiones, ut iracundia, in hoc affectu à quibusdam laudantur, certe lætitia plurimū prodesse potest, & omnis animi voluptas. Debent tamen imprimis curare colicæ obnoxij, ut solitæ excretionis, alui potissimum & vesicæ, ritè procedant: utpote quibus naturaliter vel arte procedentibus vix vnquam affectu isto corripitur solent. Denique alimentorum ratio, tam in præseruatione quam curatione, plurimum proderit: si vescantur cibus euchymis & eupeptis, caliditate præditis, conuenientique quantitate, tempore & ordine sumptis. Panis itaque biscoctus & anisatus, modico sale conditus, frustula panis assa, vino generoso intincta, & puluere ducis dicto inspersa: carnes assæ perdicum, gallinarum, turdorum, turturum, merularum, alaudarum, columbarum, & similibus, inter quas galeritam ex proprietate commendant: vel elixæ cum hyssopo, petroselino, apio, fœniculo, saluia, mentha, maior. satureia, serpillio & similibus conuenient. Vitentur reliqua olera, tam cruda quam cocta, pisces, carnes excrementitiæ & prauis succi, legumina, fructus præcoces, & acida omnia, nec non adstringentia & flatuosa, ut castaneæ, mespila, cydonia, & reliqua, nisi aromatibus præclare condita. Item bulbi omnes, inter quos excipit Galenus cepas coctas, & allia, quæ assuetis prodesse poterunt. In perpetuo etiam vsu condimentorum habeant aromatica, piper, nucem moschatam, crocum, zinziber, garyophyllos, cinamomum, & similia, quibus etiam vitiosa alimenta, si aliquando valde expetita, assumuntur, corrigi debent. Potus sit parcior ex vino meraciore & generoso, aliquando hippocratico, aut decocto coriandri, anisi, vel cinamomi in eis qui vino non sunt assueti. Imo etiam secundarij guajaci decoctum saccharo dulcoratum multis sæpe fuit & iucundissimum, & vtilissimum. Vitent, veneni instar, potum frigidum, aquam niualet, vina noua & acerba, aut alio quocumque modo vitiata, ex quibus solis sæpe exoritur colica passio. Quæ omnia præsens Medicus pro variis circumstantiis moderari debet.

Quod ad remedia verò attinet: quæ causas tollere, intemperiem corrigere, & dolorem mitigare possint, eligenda sunt: ea etiam rectâ methodo instituenda, habitaque vrgentioris, ut iam diximus, ratione. Proinde cum alius hîc plurimū suppressa esse soleat, vel à fecibus induratis, aut mucis copiâ obturantibus & opplentibus: ideo incipiendum à communi & emolliente clystere, quo illæ educantur: fiatque reliquis iniectionibus paratior via. Sit ergo talis formula.

℞ Decocti communis clysteris leniter mollientis & tergentis ℥ j. In quo dissolue cassiæ recentè extractæ, aut cathol. ℥ j. olei lilior. vel butyri ℥ iij. mell. mercur. ℥ j. ℞ salis gemmei ad irritandam expultricem 3 j. Fiat clyster, qui iniiciatur illico. Hoc reiecto, si quidem maior pituitæ copia subesse videatur quam flatuum; tunc paretur alius attenuans, detergens, & satis valide purgans lentam illam materiam intestinorum parietibus adhærescentem. Ut

℥ Folior. puleg. origan. calament. hyssop. ana M. j. femin. anisi, fœnugræc. & apij, ana 3 iij. florum stœchados, anthos, chamæmel. & melilot. ana P. j. hordei integr. & furfur. macri, ana P. β. Fiat decoctio : in cuius lb j. β. dissolue diaphœnic. aut bened. laxat. 3 j. β. mellis anthos. & olei rutacei, ana 3 ij. Fiat clyster, qui iniiciatur post prædictum, & reiteretur quoties opus esse videbitur. Quod si illis non satis feliciter educi videatur materia pituitosa, exhibeantur per os cathartica quædam non violenta, ne magis attrahant in partem affectam, & dolorem augeant; sed mediocria, vt diaphœnici 3 vj. cum decocto absint. & folior. fennæ : vel paretur apozema purgans in quatuor aut quinque doses. Sunt qui laudant in principio Colicæ terebint. lotam cum aquâ menthæ ad 3 v. mane sumptam. His ergo aut similibus semel aut sæpius repetitis subducatur humor ille, qui fermentum præstat huic affectui, & flatibus generandis.

Interea illi dissipentur, attenuentur, & particulæ pori aperiantur roburque omni industriâ inducatur, sumptis per os, iniectis per anum, & admotis. Vnicè igitur hic proderunt olea ex seminibus & aliis flatum discutere potentibus per distillationem extracta, vt guttæ aliquot essentiæ anisi, aut garyophyllorum, in vino aut iusculo dissolutæ : aqua imperialis, cinamomi & theriacalis ex cochleari. Ipsa theriaca, mithridatium, aurea Alexandrina, opiata Salomonis, confectio anacardina, pulueres diamoschi aut diambæ : ex quibus omnibus, si vis, comparetur opiata cum conferuis anthos, betonicæ, maioranæ, aut stœchados, & syrupo conservationis corticis citri condiri. Sunt qui nihil præstantius existiment per os sumptum, quam syrupum de absint. ad 3 j. singulis diebus haustum ante pastus. Vulgus aquam vitæ, vinum aut iusculum propinant, in quo dissoluunt puluerem garyophyllorum, croci, nucis moschatæ, cubebæ, cinamomi, zinziberis, & similium. Aëtius castorei parum dissoluit in melicrato aut decocto menthæ, & ægro medicamentum, quamuis ingratissimum, offert. Ego mallem in formam pilularum concinnare, ne tam ingratus sapor & odor ægrum terreat. Vt

℥ Castorei optimi 3 j. myrrhæ & croci, ana grana v. garyophyll. & cinamomi, ana grana iij. Incorporentur cum syrupo de absint. Fiant pilulæ vj. deauratæ. Capiat duas longè ante pastum, quibus certum est non parum commodi percepturum ægrum. Eadem ratione exhibeatur decoctum guaiaci cum foliis menthæ & chamæpit. mane. Ac si corpus totum serosis humoribus scatere videatur, exciterur leuiusculus sudor, qui tamen vires minime prosternat. Aquarum autem thermalium sulphure constantium potus ad præcautionem potius, quam præsentem curationem, confert. Interea fiant etiam clysteres ex decocto pulegij, origani, calament. chamæpit. saluiæ, hyssop. feminum rutæ, anethi; florum stœchados, anthos & similium. In cuius lb j. dissolue olei laurini 3 vj. Vel in lb j. vini rubri generosi bulliat anisi 3 j. Coletur, addendo olei laurini 3 ij. de terebint. (quod hic maximè prodesse experienciâ compertum est) 3 β. Fiat clyster, qui diu retineatur. In eisdem dissolue parum castorei, assæ fœtidæ, necnon, in peruiacissimo affectu, euphorbij 3 β. Sunt qui decoquunt allia & per se dem infundunt. Alij ex solo nucum oleo parant enemata vtilissima. Denique plures clysterum formulæ circumferuntur, quibus colicæ istæ affectiones sedantur. Ego certè in violento affectu malim dissolvere narcotica in eiusmodi clysteribus, quam per os exhibere : potissimum vero opij 3 j. cum 3 β. castorei, & aliquot granis croci : vbi non parum commodi & citæ epicræseos iuuamentum sæpius expertus sum. Alij Philonium aut theriacam recentem ad 3 iij. adhibent, quod non improbo.

Exterius vero ea omnia applicentur, quæ discutere, attenuare & partium poros aperire possunt. Cucurbitulæ maiores cum multâ flammâ ventri admodum post purgationem incantamenti instar flatus absorbere creduntur, & dolorem sedare. Si robur constet, balneum aut semicupium, ex vino & decocto herbarum prædictarum paratum, valde proderit, si parum in eo morentur, & absque vllâ virium noxâ. Aliàs vero fiat forus cum philtis aut spongia ex eodem decocto, aut fomentum siccum ex semin. lauri, anisi, fœnicul. & similibus torrefactis leuiter in sartagine, & vino rubro conspersis. Sunt qui parietariam frigunt cum oleo rutaceo, & instar placentularum admovent vmbilico aut regioni magis dolenti, vel vasculum calentibus cineribus & vino aspersis plenum. Quidam omentum bouis aut veruecis recenter extractum admovent ventri, vel calfaciunt cum oleo anethino. Eadem ratione illinantur olea, vnguenta, & emplastra applicentur, vt de bacis

baccis lauri, de meliloto, & similia, quæ vulgo satis nota existunt. Sunt qui in diuturnioribus coli doloribus phoenigmos & vesicatoria non infelici successu, medio ventri adhibent. Neque etiam negligenda sunt ea, quæ tum antiqui, tum recentiores scripserunt ad colicos affectus ex proprietate valere: inter quæ stercus lupinum principatum obtinere videtur apud Gal. *lib. de simpl. facult.* potum cum pauco vino albo, tam interualli quam doloris tempore, & gestatum amuleti instar, appensum abdomini ex pelle ceruinâ, aut filo ex ouis cuiusdam à lupo laniatæ lanâ confecto: eodem modo dicitur conferre lupi intestinum siccatum: necnon cingulum ex lupi pelle. Laudant quoque mentham viridem in iusculis decoctam & appensam. Apud Plinium Secundum *lib. 2. cap. 30.* pulvis cochlearum combustarum cum vino potus: Apud Trallianum stercus caprillum eodem modo sumptum commendatur. Quidam vasa vmbilicalia infantis recenter nati auro vel argento includunt, paulo prius sale condita, & gestant alligata circa locum doloris. Sunt qui commendant anguillæ sanguinem, corallum, cornu ceruinum, erinacei pellem, interiorē nucis corticem qui nucleis interponitur, nucleos persicorum, stercus gallinarum, columbarum, coagulum leporis, ossa mespilorum, lumbricos terrestres & iecur caprillum. Ego certè Villanouani secretum expertus sum non infelici successu, puluerem nempe cicadarum combustarum in ollâ nouâ ad 9 s. cum aquâ menthæ exhibitum. Hodie circumferri solet lapis colicus, qui educitur ex capite piscis illius quem Scianam aut Vmbram vocant, vulgò *Daing ou la maigre*: huncque existimat vulgus magis prodesse, si dono accipiat, quam si emprione aut alio modo compareretur. Reliqua propemodum infinita, & nobis inexperta relinquinus, vt huic tandem capiti finem imponamus.

CAPVT II.

De lumbricis.

AT VERA omnium rerum conditrix, vt hominem totius orbis compendium & verè *μικροκόσμον* redderet, præter communem corporis animique compagem, varias omnigenarum quasi rerum imagines in steatomatis, & atheromatibus ac similibus præter naturam tumoribus, velut fodinis quibusdam, reposuit: in renibus & plerisque aliis partibus lapides in articulis tophos: & quod magis est admirabile, animantia quædam in corpore nostro, deque ipsius substantiâ suscitauit, vt pediculorum multiplex genus, lumbricorumque varias species, quorum tractatio est nobis impræsentiarum proposita.

Vermes igitur seu lumbrici ita dicti sunt à similitudine quam cum externis illis habent, qui in terræ potissimum visceribus nascuntur, agente vniuersali causâ, & spiritum illum viuificum in dispositam materiam diuersisque modis conformatam infundente, vnde varia illa animantium genera, quæ ex putredine per æquiocam generationem fieri solent, excitantur. Græci *ελμινθας, ελμυγγας καὶ ελμινθια* vocarunt. Item *θηρία* & theridia, quasi dicas feras & nocentes bestiolas cum Aureliano: aut tineas cum Sereno: apud Plinium interaneorum animalia. Quamuis autem eiusmodi animalcula non solum in hominum corporibus, sed & aliorum animantium generentur, nobis tamen de eis quæ in hominibus reperiuntur, quatenus potissimum variorum sunt symptomatum & morborum causæ, propositum est agere, & eorum curationem siue sublationem artificiosam tradere, sumpto ab ipsâ definitione exordio.

Sunt igitur lumbrici variæ animalculorum species, in nostris potissimum intestinis, ex pituitosi & excrementitij succi putredine geniti, qui varias actiones lædere solent. Ex qua definitione cognoscitur proprium genus, essentia, differentia, locus & omnes lumbricorum causæ effectusque: vnde signa tam diagnostica, quam prognostica exurgunt. Quod nobis paulo fufius est declarandum.

Primum itaque quod ad essentiam spectat, certum est lumbricos inter sensitua animantia reponi debere, cum & sensu tactus, gustusque, necnon progressionem donati

donati sint : nam & res sibi gratas suscipiunt , ingratas refugiunt , superiores inferioresque corporis nostri partes perreptant , lancinant , & pungunt , non quidem morfu aut dentibus , vt vulgus existimat , quibus carere certissimum est ; sed vel acutiore illo rostro , vel aculeo partes internas valde sensibiles impetendo , quas etiam nonnumquam perforasse , experienciâ est compertum ; vel humores excrementitios , quibus commixti sunt , agitando. Dicuntur autem lumbrici variae animalculorum species , vt præcipuæ eorum differentię significentur. Nam apud Hippocratem frequens fit mentio ἐλμίνθων στρογγύλων , κερίων & ἀσκαρίδων , quasi diuersarum specierum , rotundorum scilicet , latorum , & ascaridum siue minorum , quem deinceps fere omnes Medici sunt sequuti : Rotundos enim siue teretes à figurâ vocant eos , qui omnium notissimi & frequentissimi sunt , & in superioribus potissimum intestinorum partibus generantur , vomituque ac deiectione sæpius reiciuntur. Ascaridas vero seu minutulos vocant (tipulas vertit Hermolaus) ἀπὸ τῆ ἀσκαρίζου , vermiculos illos in extremitate ani & crassioris intestini gigni solitos , eis qui in putri caseo , & iumentis frequentissimè exoriri solent , simillimos , quod perpetuò moueantur , & partem illam vellicent. Denique latus , fascias , institas , potamias , πλαταίνας & τανίας appellant , rarum magis lumbricorum genus , quod longitudine & crassitie valde alios superat , vtpote quod totam aliquando intestinorum superficiem occupans ad tricenos vsque pedes extendi visum est. Ita vt Paulus & Aëtius ex eo putarint hunc vermem fieri ex totâ interiore tunica intestinorum putrefactâ , & in animalis illius formam conuersâ : cum tamen credibilius sit , fieri ex mucro illo qui toti intestinorum superficiei oblinitur : quandoquidem illa tunica sicci admodum & frigidi temperamenti non satis idonea videtur ad putrefactionem & materiam futuri animantis : adde quod illâ putrefactâ & abrasâ necesse esset hominem immensos cruciatus , atque etiam mortem incurrere , cum tamen vermis ille latus sæpè conglobatus absque vllò ægri incommodo , fuerit excretus. Vnde Hippocrates 4. *de morbis* ὁκσίον περὶ ἐντέρας ξύσμα λευκόν , veluti albam intestinorum abrasionem appellat , indicans mucum esse illum , non intestinorum tunicam. Sunt qui his tribus addant quartum genus , cucurbitinorum scilicet , quos ex superioribus crassis potissimum intestinis deturbari existimant , seminibus cucurbitæ persimiles. Verum hi lumbrici non tam quartum genus diuersum constituunt ab aliis , quam latorum vermium sunt notæ , vt refert Aristoteles libro 5. *de hist. animal. cap. 19.* ex Hippocrate 4. *de morbis* , qui eiusmodi cucurbitinos vermes esse veluti foetus & abrasiones ipsius lumbrici latioris scripsit , sæpiusque auulsos excerni vitâ præditos , vt solet in eiusmodi insectorum partibus. Idem tradidit Paulus & Aëtius. Verum alij malunt totum illum latum vermem nihil aliud esse , quam affixas intestinis viscositates , vt loquitur Auicennas ; in quarum spatiis cucurbitini generantur : ita vt latus ille vermis nihil aliud sit reuera , quam eiusmodi animalculorum series sese consequentium , & pituitâ illâ seu mucro conuolutorum. Atque hæ sunt quoad speciem vtitiores in intestinis genitorum vermium differentię : cum aliæ multæ accidentales exoriri possint , vt à coloribus quidam albi magis , alij cineritij , flauij , aut rubri. A quantitate alij magni aut parui in sua specie dicuntur : vnde apud Hippocr. referente Galenō lib. περὶ γλωσσῶν , quidam ascarides dicuntur μακροί , quasi dicas longos aut magnos , factâ scilicet cum eiusdem speciei , non alterius lumbricis comparatione. A loco denique sumuntur istorum vermium differentię iam à nobis commemoratæ , dum rotundos in superioribus magis intestinis generari diximus , latus in inferioribus & crassis , ascaridas autem in extremitate potissimum ani seu recti intestini.

Addidimus ergo non frustra , in intestinis geniti , quoniam vermes non solum in hoc loco , sed plerisque aliis hominum partibus exoriri possunt , vtpote aliquando in auribus , dentibus , cerebro , naribus , pulmonibus , vtero , vesica , renibus , necnon quibusvis sordidis vlceribus & fistulis neglectis , quos σκώληκας potius quam ἐλμίνθας Græci vocant , Dioscor. lib. 3. *cap. de calam.* Plinius lib. 11. *cap. 37.* (capræ ex mucro narium frequenter vermes patiuntur in osse ethmoide , oues etiam & cerui , vt est apud Aristotelem 2. *de hist. cap. 15.*) Est etiam notabilis dracunculorum illorum historia , à Paulo lib. 4. *cap. 59.* descripta , qui in musculosis partibus Indorum , vt brachiis , lateribus , cruribus & suris subsistunt. Quia verò reliquorum curationem ex professo non habemus hic propositam , ideo intestinorum lumbricos potissimum expressimus. Superest tamen , ad particulæ istius declarationem , adhuc videndum , an qui in ventre inferiore continentur lumbrici , in intestinis tantum gignantur , an etiam in ventriculo.

culo. Ridiculum enim est, quod Sauanarola & alij quidam cucurbitinos existimant in ventriculo gigni, quia ventriculus cucurbitæ figuram repræsentat: non enim illi vermes toti cucurbitæ sunt similes, sed seminibus tantum. Petrus Aponensis Conciliator dictus, necnon Theodor. Priscian. antiquus Medicus, videntur existimasse non solum in intestinis, sed etiã in ventriculo generari, propterea quod in hoc, non minus quam illis continetur materialis causa, nempe mucus lentusque pituita, adest calor ad coquendam & disponendam illam materiam, idemque finis: quare & effectus aderit, ut sæpe videre est vermes in ventriculo contentos magna ibi symptomata inuehere, indeque sursum per os aut nares erumpere. Adde quod deteriora multo gignantur in ventriculo, ut bilis porracea, teste Galeno, abscessus, phlegmones & similia. Verum ipse Arist. 4. *meteor.* c. 3. expressis verbis huic repugnat sententiæ, dicens. Animal illud non fit in ipsa coctione, veluti quidam aiunt: sed in secretionem putrefactam in ventre inferiori, quamvis deinde sursum ascendat. Aristot. sequutus est Gal. *comm. in Aphor.* 26. *sect.* 3. & lib. 1. *de loc. aff.* c. 5. & plerique Medicorum: propterea quod, ut aiunt, in ventriculo hominis, adhuc sanitate fruientis, tali materiæ deest mora, nec videtur tanta ibi contingere posse, & tam diuturna putredo, ut inde lubrici generentur: cum enim ventriculus exquisitissimi sit sensus, & sursum deorsumque facile sese exoneret, non est credibile, quin natura per aliquem ductum infestam hanc materiam prius excludat, quam eiusmodi animalcula excitari possint. Dicamus igitur, lumbricorum materiam quidem in ventriculo aliquando produci, sed ibi non perfici illorum generationem existimamus, nisi admodum raro: cum ventriculus coctioni, ipsa intestina retinendis excrementis pituitosis unde suscitantur lumbrici, proprie dicata sint.

Iam igitur ad eorum causas accedamus, tam propinquas quam remotas. Quod ad formalem attinet, ea iam a nobis est expressa, dum diximus lumbricos esse animantia sensu gustu tactuque, necnon motu prædita, ad insectorum genus referenda, quæ illis sunt cum lumbricorum generibus communia, qui in reliquorum animantium corporibus aut terræ visceribus producantur, sub insectorum naturam positi. Propter quid in hominum corporibus gignantur, non est facile asserere. Sunt qui existimant ad vniuersi cõplementum seu ornamentum produci: alij ad absumentia ea excrementa quæ in corporibus nostris succrescunt. Quæ etsi fortassis respectu vniuersi admitti possint, cum lumbrici omnino præter naturam & indiuidui conseruationem sint in corporibus nostris, credibilius est non propter certum finem, aut animantis vtilitatem, sed ex necessitate materiæ, ut & reliquas morborum causas, præter naturam particularis institutum suscitari, utpote ex pituita illa crassa & lenta, quæ affixa intestinis, & ibi collecta, ex vitio alimentorum vel debilitate coctricis facultatis aut expultricis, quæ materiam eiusmodi expellere per vias conuenientes & apertas non potuit, inductam in eam putredine, dat principium eiusmodi animalibus corpori nostro infestissimis, & vtilem sæpius quam inutilem materiam absumentibus, cæteraque symptomata inuehantibus, de quibus postea agemus, ubi eorum causam materiale ex quâ, & efficientem inquisuerimus: quia iam de causâ materiali in quâ, nempe loco generationis, egimus.

Quod ad materiale ergo causam spectat, supra ostensum est non fieri ex solidâ substantiâ intestinorum. At Arist. *loc. cit.* & lib. 5. *de gen. anim.* lumbricos ab excrementis in corpore nostro fieri generaliter pronunciauit: Hipp. seu author libri 4. de morbis, ex stercore velut materia generari scripsit: Gal. 3. *Aphor.* 26. ex humoribus crudis: Paulus autem & Alexand. ex corruptis cibis. Oribasius vero *comm. in Aphor.* 30. *sect.* 3. voluit ex omnibus nasci humoribus excrementitiis: Ascarides enim ex nigro seu melancholico; ex bilioso teretes; latos ex pituitoso fieri ostendit. Propterea quod ascarides in recto intestino oriuntur, ubi venæ hæmorrhoidales terminantur, ac proinde succus ibi redudat melancholicus, qui propter siccitatem in longum protendi non potest, sed minutulis eiusmodi vermibus producendis sufficit: Teretes vero, qui fiunt in intestinis superioribus, in quæ per meatum cholidochum affluens bilis, ibique putrescens eiusmodi lubricos suscitatur: Latos denique in crassis exoriuntur, ubi magna pituitæ & mucis copia stabulatur. Alij autem existimant, lubricos omnes ex quouis humore corrupto, tam alimentario, quam excrementitio produci, sanguine, pituita, bile & melancholia, ex coloris varietate quæ in illis apparet, ducti, cum alij ad rubedinem, alij ad flauitatem vergant magis, alij liuescant, aut omnino albescant. Verum si quis rem istam accuratius spectet, videbit neque a quibuslibet excrementis, neque ex stercore simpliciter lubricos excitari posse. Cum enim horum animantium generatio non quauis corruptelâ subsequatur, sed certâ & determinatâ: ideo neque ex stercore ipso fient, cum ex partibus siccioribus & omni vitali humiditate exhaustis cõstet. Nisi fortasse velis sententiam Hippocr. explicare de stercore pituitæ permixto, quod nos non negabimus. Neque ex sanguinis putrefactione, quoniã sanguis putrefactus, si concoquatur, in pus, materiam scilicet mediam, abire solet: sin vero omnino

corrumpatur, in biliosum succum tenuiore parte, in melancholicum crassiore sui portione facessit. Non igitur in propriis sanguinis conceptaculis eo putrente fiunt eiusmodi animalcula: quis enim vnquam in venis lumbricos reperit? non extra vasa effuso; quia tunc inflammationem parit, aut in grumos conuertitur, qui malignam putredinem & ab animalis cuiusvis generatione alienam concipiunt. Non fieri etiam ex melancholico aut bilioso succo solis & sinceris id demonstrat: quod ille frigidus & siccus contrarius est principiis vitæ omnium animantium, quæ in calore & humiditate posita sunt: sic autem exustus & amarus nimium, eiusmodi animalcula interficiet potius quam generabit. Superest igitur, vt ex muco fiant vel pituita, quam intellexisse videtur Galenus per humores crudos: Paulusque & Alexander per corruptos cibos velut remotam materiam. Cum enim pituita duplex sit, perfecta scilicet & alibilis, quæ in iecore cum aliis humoribus confecta massæ sanguinariæ permiscetur: alia vero imperfecta & excrementitia, quæ vulgo humor crudus vocatur, fitque in quacumque coctione, potissimum verò primâ, ob vitium alimentorum, vel defectum caloris natiui. Prima illa pituita non est vera materia horum animantium, quæ nunquam in venis reperta sunt; sed secunda potius quæ in intestinis magnâ copiâ contineri solet. Rursus quamuis hæc pituita sit communis lumbricorum materia, quidam tamen putant teretes nasci ex pituita minus calidâ, fatisque humidâ: latos & cucurbitinos ex mucilaginosâ & lentâ admodum: ascarides verò ex eadem, sed acetosâ, vel, vt alij volunt, acriori & siccâ, quæ minus extendatur in longum. Nos tamen non negamus huic excrementitiæ pituitæ aliquando immixtâ esse portiunculam quandam reliquorum humorum, vnde varietas coloris procedere potest: aut certè illa contingit ex diuersitate chyli, ex quo deinceps aluntur lûbrici.

Quid verò sit quod materiam hanc versat & agit, vt ex eâ eiusmodi animantia procreentur, non paruis caret dubitationibus. Quidâ existimant efficientē causam esse vniuersalē illum totius mundi calorē, qui putredinis omnis & æquiocæ generationis est author: quandoquidē verisimile est lumbricos eadem proportionē rationēq; gigni cum aliis animantibus, quæ non ex semine, sed ex putrescente materiâ ortum habent extra animantium corpora. Alij verò putant à calore nostro natiuo, qui numquā deses & otiosus in nobis existit, materiâ hanc agitari, disponiq; vt animantis formâ adipiscatur, postquam eam omnino vincere aut expellere non potuit; innitunturq; autoritate Aristotelis, qui 3. *de hist. anim. cap. 11.* ait, *nihil putrescens, sed concoctum gignitur.* Sed magis verisimile videtur vtramq; hic causam concurrere. Cum enim dixerimus animantia hæc ex putrente materia suscitari: in putredine autē hac modicâ sit alteratio seu imminutio caloris natiui ab alieno, qualis est ambiennis, contingit vt inductâ leuiore in crudū hunc succum putredine vi extranei caloris, interius ille calor partium, non humoris ipsius putrentis (idem enim in seipsum quomodo ageret?) verset, coquat, separet partes vtilēs ab inutilibus, & sic præparet ad suscipiendâ vitam ab vniuersali illâ & omniū formarū procreatrice causâ. Diximus autē leuē seu modicâ putredinem, quoniam in putredine illâ perfectâ quæ est corruptio, *Φθορά* totius mixti, impossibile est animantia produci, vt patet in gangrænâ affectis & aliis grauiter putrentibus partibus. Adde quod leuiorem oporteat esse hanc putredinem, tum quod nulla vt plurimū febris eam in corporibus nostris subsequatur, tum quia oportet segregationē fieri partium vtiliū ab inutilibus, vt ex vtilibus illis fiat eadem illud quod vitâ præditum est. Perfecta vero putredo ad perpetuâ mixti dissolutionē & quasi incinerationem tendit: ita vt lumbrici non tam ex ipsis putrētibus humoris partibus suscitentur, quā ex illis vtilioribus & superstitibus, quæ per accidēs vi putredinis separantur & quasi animâ spiritusq; suscipiunt. Vnde magis probatur mihi Aristotelis sententia, quā eius qui librum 4. de morbis conscripsit, lib. 3. & 5. *de hist. anim. scilicet vermes nusquam parere, sed perpetuò ab æquiocâ generatione pendere.* Nunquā enim in dissectorū vermium ventre inuenti sunt alij, aut sexus distinctio apparuit, sed ex illis abruptis potissimum lato exoriuntur portiunculæ, non foetus, seminibus cucurbitæ similes, vt suprâ fuit annotatum. Atque hæc de proximis lumbricorum causis; nunc remotas, antecedentes scilicet & externas perquiramus.

Quæcunque igitur externa vel interna materiam illam crudam & lentam multiplicare, fouere, & ad putredinē disponere parata erunt; eadem inter causas lumbricorum remotas siue concausas erunt referenda, tam ex parte rerū naturalium, non naturalium, quam præter naturam. Hinc temperamenta humida, puituitosa aut quomodocumque putredini aut cruditatibus obnoxia. Item muliebris sexus, ob copiosam humiditatem, quâ scatere solent mulieres, & propter otiosam vitam. Aetas puerilis à dentitionis tempore vsque ad pubertatem, ob humoris copiam, voraciorēque naturam, & caloris in humido vim, qui in infantibus recens ab vte-

ro ortis adhuc nondum elucescit. Senilis etiam ætas ob vitiatas coctiones sæpius lumbricos incurrere solet. At verò potentissima causa ad materiam lumbricorum suscitandam repetenda ex alimentorum seu victus ratione deprauatâ; in quocunque temperamento vel ætate: quicunque enim gulæ obnoxij plurimis se se cibis ingurgitant, mixtionibusque varij generis ciborum palatum irritant; illi magnam lumbricorum copiam colligere solent. Vnde pulmentorum, lactis frequentior vsus cum aliis cibis permixti, carniū in puerulis qui eas adhuc conficere non possunt, casei, leguminum, castanearum, piscium, fructuum horæorum, olerumque huic rei valde est idoneus. Accedente potissimum desidîa, longiore somno, animi torpore, balneorum aut veneris intempestiuo vsu, alui suppressione, vt dicebamus, vel nimio fluxu. Inter alimenta igitur constat, humidiora, insipida, dyspepra, viscida, putredini obnoxia, crudaque, maxime huius affectus causam multiplicare. An verò etiam dulcia sub hunc numerum sint recensenda, dubitatur. Cum enim dulcia temperata sint, naturæque nostræ valde amica, atque generando sanguini laudatissime humoribus aut saltem bilioso amaroque per vltiorem coctionem aptissima, potius quam pituitæ aut crudiori succo: non videntur conducere generationi lumbricorum; quamuis eos iam genitos commouere suauitate sua & ad ventriculum allicere soleant. Fit tamen sæpius, vt ex dulcibus, tum quæ sua sponte & naturâ, tum coquorum artificio talia sunt, crudus succus & materia lumbricorum excitetur: Primò, quoniam nimiam copiam propter gratum illum saporem ingeruntur: Secundò, quia ob eandem causam attrahuntur à partibus citius quam par sit, hincque dicuntur hepar obstruere, pulmones verò infarctu liberare: quoniam hepar minutioribus venis à portâ præditum, dum rapaciter hæc dulcia attrahit, illas opplent: pulmones vero latioribus donati & sensim illa suscipientes, adhærentem hoc modo illis succum extergunt. Præter alimenta aëris etiam vis non parua ad lumbricos excitandos, vtpote per quem causæ illius vniuersalis ἐνέργεια communicatur. Tempestas enim austriua, humidiorque, imbrium copia, anni occasus, vt loquitur Hippoc. 6. epid. & 2. sect. 1. initio; siue autumnus, tum ob fructuum copiam, tum ob inæqualitatem illam quâ variis modis calorem nostrum natium infringit, vnde illud, τὸ θυμὸν δὲς φθινόπωρον. Secundo verna constitutio, ob humores præcedenti tempore collectos, fusosque adueniente calore, ac putredinem concipientes. Eadem ratione regio seu mundi plaga his respondens, de quarum diuersitate mira narrat Theophrastus lib. 9. de histor. plantar. cap. 22. Plinius lib. 27. cap. 13. Aristoteles lib. de histor. animal. 8. cap. 28. Constitutio etiam pestilens non parum ad productionem lumbricorum potest, excitatâ nimirum in nobis humorum corruptelâ & enervato calore natiuo. Sunt etiam qui velint lunâ deficiente magis generari exasperarique lumbricos, & circa vesperam seu solis occasum: quando scilicet calor noster est infirmior, & pituitæ motus exuperat.

Adde his omnibus res præter naturam seu morbosos affectus, qui humorem, illum augere possunt, aut efficientem causam suscitare: vt ventriculi διαρροΐας & ἀνωΐας, βελονίαις, leienterías, diarrhoeas, obstructions, febres quotidianas, & alias quæ ideo verminosæ dicuntur, quod non tam ad eos sequantur, quam illis generationis principia & fomites præstent, quibus ita constitutis: iam ad signa tum diagnostica, tum prognostica veniamus.

Lumbricos itaque rem esse præter naturam in nobis, cum à causis male constitutis progignantur, noxamque corporibus nostris multiplicem inferant, superius fuit à nobis demonstratum. An verò inter causas morbificas, morbos ipsos, aut symptomata referendi sint, dubium fortassis alicui esse poterit, cum horum omnium naturam participare videatur. Quatenus enim substantiæ quædam sunt animatæ, non autem veris partibus affixæ, ad causas morbificas pertinere videbuntur: quatenus autem partium corporis nostri numerum præter naturam augent, ad morbos: denique ad symptomata, excreta potissimum, quoniam sæpe exclusi soli, aut cum fecibus permixti, indicia sunt eorum quæ intus latent. Verum ego existimo lumbricos potissimum inter causas morbificas recensendos, hoc præsertim nomine, quod non semper, nec immediatè actiones lædunt, sed tunc solum quando aliam excitant constitutionem. Quandiu enim, verbi gratia, in coli aut aliorum intestinorum capacitatibus quieti continentur, nullam sensibilibus operationem impediunt, quod tamen illis accideret, si verè morbi essent, sed quando vel obstructionem, morsum, tensionem aut similia inferunt. Morbi tamen in numero, ex doctrinâ

Galenī, dici possunt, qui causas morificas continentes morborum nominibus expressit. Symptoma autem tunc erunt, non quando morbum proximè parient, sed quando subsequenter, aut vi naturæ vel artis compulsi extrudentur. Quidquid sit, agnoscendi vermes intus latitantes & abigendi. Signa itaque illorum proponenda ante curationem.

Signorum verò fontes, cum repetantur ex eis, quæ connexionem habere possunt cum re significatâ, ut causis, effectibus propriis & eis quæ ab eadem causâ fiunt. Ideò lumbricorum multiplicia erunt signa, tam communia quam particularia. Quæcumque igitur à nobis dicta sunt de causis, tam propinquis quam remotis, naturalibus, non naturalibus, & præter naturam lumbricos generantibus, fouentibus, conseruantibus, ea omnia si præcesserint aut præsentia sint, ut ex illarum statu & ægri aut adstantium confessione cognoscere erit facile, adesse in corpore lumbricos, non infirmis suadebunt indiciis. Ab effectibus autem propriis seu symptomatis maior erit adhuc & certior coniectura: sicut actionibus læsis, qualitibus mutatis, & excretis. Nam cum eiusmodi animalcula, non vni semper parti affixa, sed vario motu prædita, nunc illam partem impetant, humoresque excrementitios exagitant: fit ut varias actiones lædant, tum primariò, tum secundariò: vnde signa tam vniuoca quam æquiouoca exurgunt, ex quorum tamen syndrome licebit latitantes intus lumbricos deprehendere. Sic quod ad actiones vitales spectat, ob tetros vapores, quos emittere solent lumbrici, vel corrupti, vel ob foetidorum excrementorum agitationem, cor violenter feriunt: ita ut syncopes, lipothymias, palpitationes, & pulsum vagam & mutabilem inæqualitatem sæpius inferant, respirationemque nonnunquam ita lædant, ut pleuritidos ideam repræsentent, ac peritis quibusdam Medicis imponant. Adde febrem vulgo verminosam dictam; quam non raro excitant commotâ putredine, & incenso calore. Quod ad animales verò actiones spectat, eiusmodi animalcula eas omnes fere peruertere solent: ob iam commemoratos enim vapores, morsusque & laniationes fiunt in plerisque deliria, epilepsia, lethargi, conuulsorij motus, frequentissimè verò oculorum obtenebrationes & rubores, stridores dentium, masticationes inter dormiendum & quasi deglutitiones, ita ut pueruli papillam sugere videantur; clamores repentini, narium pruritus & perfricationes, *δυσφορία* & *ἐπιταξίαι* inordinati. Porro quod ad naturales actiones spectat: in iis certè elucescit imprimis lumbricorum istorum pernicies, nam omnigenos hæc affectus producere solent, cardialgias, anorexias, & tanta cibi fastidia, ut sæpe cogantur matres vi alimenta puerulis ingerere; *βελγία* aliquando & inexhaustam famem sitimque, quæ potissimum contingit à lato illo lumbrico, ut docet Hippocrates: vnde macies & totius corporis *ἀτροφία*, dum eiusmodi animantia confectum chylum absumunt vel corrumpunt; aepsias, singultus, vomitus, colicum & iliacum dolorem, diarrhœas, tinesmos & similia. Quod si ab excretis mutatis velis lumbricorum signa perscrutari, adest ut plurimum alui fluxus, humoris crudi albidioris aut cineritij. (Vulgus ubi videt hunc fluxum, putat vermes colliquatos exire:) vrinas reddunt albas, spumosas & perturbatas: sudores patiuntur foetidos, frigidusque, saliuam ex ore fundunt: maleque olentem spiritum exhalant, potissimum verò (ut vulgus vocat) acidum. Sæpius etiam foras prorumpentes vermes per os, nares, aut anum, nunc conglobati, aliàs connexi, aut singulares: cum facibus aut pituitâ permixti vel sinceri variisque coloribus præditi: modò integri, aliàs rupti per partes, viui aut mortui, pleni aut inanes, reliquorum qui intus latitant sunt notæ. Quas adhuc confirmabunt qualitates illæ mutatæ, quæ verminosos sequi solent, ut color pallidus, & quasi tumens faciei, oculorum rubor, labiorum humiditas, extremorum frigus, non tamen permanens, sed mutabile; ventris tumor, & quasi palpitatio cum *σποφαίς* siue punctiõibus.

Ut hæc omnia signa omnes lumbricorum species aliquando denotare solent: ita etiam ex quibusdam illæ inter se distinguuntur: utpote faciei rubor pallorque sibi succedentes, tussicula inanis, & inappetentia, teretes magis sequi solet quam alios: *βελγία* autem & macies latos, quia valde absumunt chylosam materiam. Ascariides verò peculiariter ingentem podicis morsum ac sæpe tinesmum concitant: vnde etiam maximus foetor ab eorum egestionem semper percipitur. Certissimè autem distinguuntur, quando inter excreta apparent: Lati enim lumbrici certum indicium statuerunt Hippocrat. 4. de morb. Aristot. 5. de hist. animal. cap. 19. Galen. 1. de loc. aff. quando segmenta illa feminibus cucurbitæ similia egeruntur: Rotundi sæpius

sæpius sponte exeunt, ut & ascarides, qui per femora, & nares aliquando deerrare solent. Ex his igitur omnibus facile erit tum lumbricorum species inter se, tum ab aliis morbis discernere. Nunc ad prognosim veniamus.

Duplex est autem lumbricorum prognosis: una quidem quatenus illi in morbis tam longis quam acutis portendere aliquid possunt: alia vero quæ ipsos lumbricos spectat, prout morbum per se constituunt. Ad illam itaque pertinet Aphor. apud Hippocratem in *Coacis*, & lib. 2. *prognost.* επιτήδιον, inquit, ἢ ἐλμινθας σεβρύλας ἐξέρχαι μετὰ τῇ διαχωρήματι πρὸς τὴν κρίσιν ἰσχύς τῆς νόσου, quem interpretati sunt tam veteres quam neoterici. Apud Aurelium variæ referuntur sententiæ antiquorum circa excretionem lumbricorum in morborum principio, augmento, statu, aut declinatione, viuiorum aut mortuorum. Item Paulus & Aëtius hac de re varia senserunt. Nos autem, ut rem illam breuiter transigamus, dicimus pessimum esse in morborum principiis & augmento, siue viuos, siue mortuos excludi lumbricos: illud enim summam cruditatis vim designat, quæ multis vermibus procreandis & alendis sufficit: hoc autem putredinem siue malignitatem materiæ quæ illos interfecit: Morbo autem ad crîsim properante, vel in declinatione posito, nihil obest, imo potius confert exire cum reliquis excrementitiis humoribus lumbricos, tum viuos, tum mortuos, ex defectu materiæ crudæ quâ alebantur, & quia significatur naturam res sibi noxias salubriter expellere, illisque dominari. Quod ad propriam autem lumbricorum prognosim pertinet, repetenda erit ex eorum specie, more, motu, & magnitudine, ut in aliis morbis solet.

Etenim ut ab eorum specie seu differentiis incipiamus, quamuis omnes corpori nostro infestissimi esse soleant: inter eos tamen teretes periculosissimi sunt, & molestissimi, ob locum quem occupant, & motum quo cientur vario. Lati autem, diuturni & difficillimi curatu: ita ut sæpè homini consenescant, ut vult Hippocrates 4. *de morbis*, & inducta macie sensim interimant. Ascarides minus periculosi, & curatu faciliores, pruritu tantum & foetore molesti, ob quem Arabs Alzaraius iudicauit eos qui ascaridibus sunt obnoxij, microbios & breuioris esse vitæ. Quod si mali moris, & motus violenti sint lumbrici, utpote cum sæuâ putredine & pestiferâ, malignisque vaporibus: si per os, nares, umbilicum, inguina, & similes partes, potius quam per anum, scilicet perforatis intestinis exeant, ut aliquando visum fuit, certè lethalissimos esse oportet. Ex magnitudine etiam propriâ, causarum, symptomatum, & nobilitate partis quam occupant, intenditur aut remittitur periculum quod inferre possunt: Sic magni beneque saginati peiores paruis & macilentis: multi coherentes aut conglobati, paucis: flauis, liuidi aut sanguinei, pilis horridi, cristati, & variis figuris præditi, deteriores albis & læuibibus: quia magis à naturali constitutione recedunt, & ferocioris humoris naturam participant. Quod si tunc temporis magna cruditas, putredinis, aut caloris extranei copia in corpore percipiatur: quam præcesserint aut sequantur febris continua, veternosa, conuulsorij motus, alui fluxus malè olens, & grauiora symptomata iam à nobis commemorata, occupentque ventriculi orificiû aut oesophagum potius quam inferiorem aluum; omnia periculo esse plenissima certum est (Gabucinus vult, quod si aqua frigida mane supra ventriculum proiciatur, ibi statim agitari vermes contentos, & sic cognosci.) Ut contra, febris cæterorumque symptomatum absentia securitatem significabit frequentissimam in hoc affectu, nisi per constitutiones pestilentes, quas lumbricorum magna copia prælagire & subsequi frequenter consuevit. Nunc igitur ad therapeutiam tam vulgaris affectus accedamus.

Indicationes igitur therapeuticæ, ut in reliquis affectibus, exurgent ex naturâ ipsius morbi, causarum & symptomatum, quæ curationem, præseruationem & mitigationem suadebunt. Etenim lumbrici, cum toto sint genere pater naturam in nobis, non coctionem, alterationem aut similia ex parte sui indicabunt, sed simplicem vacuationem, ut scilicet citò & tuto expellantur. Quoniam verò hoc sæpè fieri non potest in viuis hisce animantibus, neque vi naturæ, neque purgantium beneficio, quia tunc exasperantur magis, pungunt & adhærent intestinis: ideo prius interficiendi, stupefaciendi aut fugandi versus inferiorem aluum, ut sic postea solius excreticis vel assumptorum catharticorum vi expellantur foras. Ad quæ præstanda, quædam habentur remedia ad omnes lumbricorum species idonea: quædam huic vel illi magis accommodata, ut nos annotabimus. Ex parte verò causarum simplex præseruatio proponitur, si lumbricorum tantum generationem prohibere consilium sit: sin verò iam genitos esse plerosque agnouerimus,

præservatio curationi iuncta. Cum verò duplicem eorum proximam causam dixerimus esse, genitalem scilicet calorem, & materiam crudam siue pituitosam, prophylaxis in temperatione eiusmodi caloris, si extraneus valde exultat, & potissimum materiæ illius sublatione, erit constituta, omnibusque aliis affectibus, quos huic originem dedisse suspicio erit, vt obstructionibus, imbecillitati ventriculi, siciori aluo, & similibus diligenter prospiciendum.

Denique ex parte symptomatum, siue mera sint symptomata, seu symptomatice morbi, mitigatio aliquando indicatur, quando vehementiam & rationem causæ obtinuerint, vt dolor acerbus, delirium, conuulsui motus, & similes: sed præcipuè duo hic sunt quæ curationem immutare possunt, & Medici animum ad se reuocare, nimirum febris aut alui fluxus lumbricis iunctus, quorum nos etiam medendi rationem non negligemus. Hæc autem omnia cum vulgatis illis tribus instrumentis perficiantur, diætâ nimirum, pharmaciâ, & chirurgiâ: ideo à victus ratione incipiendum, quæ potissimam præseruationis istius partem perficere solet: post, reliqua suo ordine proponemus.

Inter externas ergo causas alimenta potissimum vim obtinere solent ad cruditates istas & corruptelas suscitandas, quia non solum qualitatiuè, vt loquuntur, sed etiam materialiter ad humorum corporis nostri generationem concurrunt. Imprimis itaque omnia prohibenda, quæ dyspepta, & putredini obnoxia esse solent, iam inter causas à nobis commemorata, vt panis azymus, & malè fermentatus, caseus, legumina, pisces, bulbi, castaneæ, olera, lac aliis cibis permixtum, carnes in tenellis, dulciaria omnia, pingua, insipida, viscosa, humida, & putredinosa, fructus fugaces, & similia, quorum vsus multiplicandæ eiusmodi materiæ, & putredini est valde idoneus, potissimum si copiosè, & voraciter, omni horâ & nullo ordine ingerantur. Instituitur autem diætâ ex cibis boni succi, & facilis coctionis, vergens ad siccum & quodammodo calidum, si febris absit. Aurelianus recensens regiones & populos, qui huic morbo magis aut minus sunt obnoxij, vult eos lumbricis carere qui *δερμύφαγα* vtuntur; quasi dicat non tam ad aëris constitutionem referendum esse hunc morbum, quam ad alimentorum rationem. Vnde qui cibis acribus, falsis & similibus excellenti qualitate præditis vescuntur, (quos ille per *δερμύφαγαν* intellexit) vix hoc affectu tentari scripsit. Acetosis itaque frequenter vtendum, necnon falsis, aliquando acribus aut amaris, si non sinceris, saltem permixtis, ad aliorum ciborum condituram, vt acero, omphacio, succo oxalidis, malorum granatorum, arantiorum, limonum & similia. Sunt qui sal conficiunt in prouectioribus verminosis, quo omnes cibos condiunt, ex tribus vel quatuor vnciis salis communis, cui permiscant feminis contra, corallinæ & rasuræ cornu cerui aliquot drachmas. Cappares, fœniculum marinum, oliuæ aceto aut muriâ conditæ vtilis erunt ad detergendum, incidendumque crudiores illam ventriculi materiam. Item sinapi, piper, zinziber, mentha, apium, raphanus. Quod si dulcia aliquando concedantur, id tantum fiat ad placandos sæuientium lumbricorum morsus, vel sub illis dulcibus (in tenerioribus potissimum pueris, qui reliquos omnes fere sapes intensiores refugiunt) abscondantur ea quæ allectos vermes interficere possunt: hinc mulierculæ nostræ mel exhibent cum prædicto semine, caricæ, pruna cocta, pomorum pulpam illo infarciunt, suisque infantibus vacuo ventriculo non sine fructu exhibent. Mirum autem de oleo & vino, & nullâ adhuc certâ ratione satis compertum, quomodo lumbricis adeo sint infesta, vt ex his tantum duobus, aut cum succo limonum, vel alio mixtis, & assumptis facillimè interficiantur: quod in externis etiam infectis omnibus & lumbricis experiri licet, quibus si vinum aut oleum affundatur, breui moriuntur. His igitur vti licebit in victus ratione. Obseruatum est etiam hydropotas magis obnoxios esse lumbricis quam vinipotos: fortassis quia vinum, dummodo non sit nouum, aut dulce, cruditates corrigit, & qui eo vtuntur minus sunt hydropotis voraces. Si vinum omnino refugiant, detur aqua, in quâ graminis radix bullierit, aut fragmenta cornu ceruini. Quando alui fluxus lumbricis fuerit coniunctus, acerbis & adstringentes, vt pyra & coronea cocta, ex Paulo, cibi ad eam sistendam & robora ndam concedi poterunt, primâ potissimum mensâ. Denique omnia ritè secundum iustam quantitatem, tempus & ordinem instituenda, vt nihil in hac parte erroris committatur: ne scilicet dum nimium nutrimus, augeatur materia lumbricorum: aut quâdo minus quam par est, sæuiant illi nimium, & interiores cruciatus inferant. Quod ad res alias non naturales spectat, non etiam sunt

sunt negligendæ: nam experienciâ compertum est balneum, venerem, motum violentū & similia statim à cibo lumbricos maximè generare. Desidia etiam corporis aut animi nimia, à quâ cruditates multiplicantur, pathemata animi violenta dum coctiones peruertunt, illorum generationem iuuare possunt: vt etiam aluus nimium adstricta, dum cohibet crudam intus materiam: aut valde fluens, quia pepsim deprauat. Quinetiam aëris constitutio calidior aut humidior ad hoc confert, calorem putredinosum intendendo, aut humorum qualitatem augendo. Ad hæc itaque omnia respiciet Medicus secundum causarum istarum & ægri conditionem. Nunc ad reliqua remedia accedamus.

Certum est autem in lumbricorum curâ: modo ipsos lumbricos magis vrgerè, vt quando magnâ iam copiâ geniti infesta illa symptomata generant: modo ipsam causam siue crudam materiam, quæ ad illos gignendos disposita est. Quidquid sit, hac communiter methodo procedere solemus. Vocati quacunque horâ ad eos qui vermibus tenentur: statim vt vermes deturbentur à superiore aluo quasi stupefacti, aliquid per os exhibere solemus ad hoc idoneum, & regioni ventriculi aut vmbilici, prout situs ipsorum lumbricorum id suadebit, ad mouere eâ quæ illos terrere & fugare possunt. Denique interpositâ horâ vnâ aut duabus per aluum infundere clysterem, qui illos suâ dulcedine inescare, & ad inferiora allicere queat. Hoc aliquando ita succedit, vt eadem die magnus lumbricorum numerus excernatur saluis ægri rebus: aliâs si intus stupefacti morentur aut sæuiant magis, denuò per os *ελμινθοφυσα* exhibemus, aut cathartico conuenienti expellimus, quo simul & causa, nempe crudus ille succus vermesque expurgantur. Communes formulæ tales sunt.

℥ Syrup. de limon. & de absint. ana ℥ ℥. rasurâ cornu cerui & corallinæ, seminis contra, ana ℥ ℥. aquæ portulacæ, graminis aut cardui benedicti ℥ ij. ℥. Fiat potiuncula; si sit natu minor, capiat ex cochleari: quod si sponte nolit, cogendus immisso in os ligno, compressis naribus, vel instrumento illo quod Paulus *ζαμψυσαν* appellat, aut cornu decenter concinnato, quo frequenter nostri vtuntur. Si febris adsit, remoueantur ea quæ calidiora videbuntur: cum enim omnia acria, falsa, amara, acida, oleosa, lumbricos fugare & interficere possint, præsentè calore illo præter naturam, eligenda quæ minus eum augere possint, & tamen vermibus infesta sint. Adde quod violenta nimis & aspera non tam sunt idonea quam reliqua: propterea quod ventriculo sunt valde infesta, & vermes nimis irritare solent. Idcirco vt fallantur, & sub specie grati venenum sumant, solemus illos inescare dulcibus, insipidis, & similibus permixtis. Mulieres nostrates oleum pari portione miscent cum succo limonum, & exhibent ad cochlearia duo vel tria: aliæ acetum, oxymel simplex aut scilliticum: quædam vinum optimum aut absinthites propinant. Communis est vsus seminis illius santonici seu contra dicti, quod variè paratum, vt saccharo instar tragematis incrustatum, melle, prunis, passulis, ficubus, aut similibus coopertum exhibetur. Alij puluerem scordij & seminis vrticæ, ac brassicæ mirè laudant: alij aloëm aut puluerem hieræ, syrupum de floribus persici: Chymici suum oleum vitrioli sumptum & admotum: Rhases arenulam quandam rubram *Rennabel* dictam, quæ ex Mechâ adfertur, solam aut aliis mixtam. Denique, licet ex Dioscoride, Celso, Plinio, Oribasio, Paulo, Aëtio, & Neotericis infinita colligere, quæ hoc præstare possunt. Nos verò vñtationibus quibusdam remediis & formulis erimus contenti. Si velis igitur, paretur sequens puluis, tam ad præcautionem, quam curationem.

℥ Rasurâ cornu cerui & seminis contra, ana ℥ ij. corallinæ ℥ j. scordij seminis citri & portulacæ (potissimum si alui fluxus sit iunctus) ana ℥ j. Fiat puluis, capiat ad ℥ ℥. cum iusculo, melle aut similibus. Quod si simul reddere velis purgatorium, adde pulueris hieræ ℥ j. vel rhabarb. puluerisati ℥ ij. Capiat in plures dies continuos vel interiectos, vt ex re videbitur. Quando adest febris vehementior, melius est decoctum aliquod exhibere per aliquot dies: deinde conuenienti cathartico vti. Imprimis autem sequens laudatur.

℥ Rad. graminis & acetosæ ana ℥ j. fol. endiuix, cichor. portul. (addunt etiam crassulam, & vermicularem Arabes, tanquam ex proprietate vermibus infestas) ana M. ℥. seminis coriandri & acetosæ, ana ℥ j. ℥. sebesten seu myxariorum optimorum ℥ ℥. Fiat omnium decoctio ad ℥ ℥ j. in quâ dissolue succi limonum aut arantiorum vel granatorum q. s. aut syruporum ex eis confectorum, vt de acetositate citri. Fiat julepus pro quatuor aut quinque dosibus, mane & sero sumendis: quibus

quibus tum febris, tum lumbrici ipsi compescuntur, & materia expurgationi idonea reddetur.

Utque his per os sumptis erunt expugnandi: interim etiam foris admouenda quæ eos stupefacere, enecare, aut versus inferiorem aluum fugare queant. Habetur ad id emplastrum in officinis paratum, quod vocant *contra vermes*. Vulgo aloem aceto acerrimo dissoluunt, & ventriculo, atque umbilico admouent. Mulierculæ pétroleo, oleo iuniperi (vulgo *oly de cade*) aut gagates prædictam regionem & nares, necnon iugulum, tempora & carpos infantium inungunt, ne sursum conscendant lumbrici. Item panem torrefactum & aceto acerrimo maceratum umbilico admouent.

Confectio hieræ, aut pilulæ de hierâ succo limonum dissolutæ, efficacissime id præstant. Ego admotam theriacam cum oleo de scorpionibus non parum profuisse obseruavi. Si adsit febris, prædicta temperentur, ut decet. Verbi gratia, fiat cataplasma sequens.

℞ Succi portul. aut aizoi vel crassulæ aceto extracti ℥ iij. farinæ lupinorum ℥ j. pulu. scordij, & semin. contra, ana ℥ j. agarici ℥ ℔. Misceantur instar cataplasmatidis, addendo parum terebinth. ut melius hæreat. Applicetur. Aut

℞ Prædictos succos. Decoquantur ad consumptionem in ℥ vj. olei de absint. vel de scorpion. Post adde seminis acetosæ & contra, ana ℥ j. coralli rubri, rasuræ cornu cerui & corallinæ (potissimum si alui fluxus iunctus sit) ana ℥ ℔. ceræ parum. Fiat unguentum, quo illinantur prædictæ partes, addendo aceti parum unctionis tempore.

Rustici fellibus tauri aut porci inungunt abdomen, quibus addunt parum aceti aut succi aizoi, quando calor præter naturam adest. Utuntur etiam foliis persici contritis, abrotani, tanacetii, rutæ, aut absint. cum paucis aceto admotis.

Quidam inungunt oleo amygdalar. amararum, aut melle, postea aspergunt puluere albos vel seminis contra. Vidi quemdam, qui aquam vitæ propinare & exterius admouere cum fructu solebat. Quinimo ipse Fallopius umbilici cauum mercurio implet, & aliquot grana per os exhibet in deplorato hoc affectu, quod in Italiâ usitatum esse scribit. Verum hæc omnia summo erunt Medici præsentis iudicio temperanda, ne ægri, teneri scilicet, ut plurimum, infantes in grauius aliquod malum præcipitentur.

Fugatis itaque sic aut stupefactis lumbricis per assumpta & admota, post horam vnam aut alteram, conuenit ut ad inferiorem aluum alliciantur, & clystere aliquo educantur. Eiusmodi igitur clysteres omnibus oleosis, amaris, salsis, aut acribus, nec non vino carere debent, quoniam illa omnia sunt *ἐλμινθόφονα*, ut diximus: fiant vero ex iusculo optimo, lacte, sapâ, melle dissoluto in aqua hordei & similibus, in quibus licet saccharum, vitellos ouorum, & similia dissoluere. Communiter igitur parantur ex lacte (quod chalybeatum infunditur, si iunctus sit ingens alui fluxus) in quo dissoluunt mel & vitellos ouorum: aut si desit lac, fiat sequens.

℞ Hordei integri, liquir. rasæ, & passul. purgat. ana P. j. prunorum dulcium, & caricarum pinguium, ana par. iij. flor. viol. & borrag. ana P. ℔. semin. melon. & anisi, ana ℥ ij. Fiat decoctio, in cuius ℥ vj. viij. vel lb j. pro conditione ægrotantis, dissoluantur mell. rosat. colat. & sacch. rubr. ana ℥ ℔. vitelli ouorum ij. fiat clyster. Iniciatur horâ vnâ post assumpta, & admota remedia prædicta. Teneat diu ut alliciantur vermes, & foras magnâ copia extrudantur. Quod si ob sopitam excreticem, vel enectos vermes, suoque iam proprio motu destitutos non erumpant, ne scilicet intrus morantes computrescant, licebit prædictæ decoctioni aut simili cassiæ fistul. cathol. aut etiam diaphœnic. f. q. diluere, vel salis gemmei ℥ j. ut perficiatur illa indicatio.

Attamen fit sæpè, ut vel reluctantibus lumbricis, vel ob quantitatem materiæ illius pituitosæ ex qua generantur, quam excludere simul cum illis cupimus, ut necessum sit ad cathartica ipsa per os assumpta venire: ad quam maximè facit ex Rondeletij sententia, electuarium diacarthami dictum; infusum agarici in oxymelite; rhabarbari substantia seu puluis; & infusio in aquâ graminis aut portulacæ, si sit alui fluxus; hiera picra; syrup. de cichoreo cum rhabarb. in robustioribus mel illud catharticum, quod ex mixtione succi cucumeris agrestis confici solet. Antiqui puluerem etiam colocynthidos cum sapâ, melle aut iusculo exhibebant. Ego mallem in rebelli materiâ trochiscorum alhandal grana aliquot pulpâ passularum, prunorum, pomorum coctorum, aut melle inuoluere, &

coctorum, aut melle inuoluere, & purgationi huic humoris pituitosi accommodare. Frequentissime in pueris sic præscribimus.

℞ Elect. diacartham. ʒ iij. rhabarb. elect. pulu. ʒ j. rasuræ cornu cerui ʒ ss. syrup. de cichor. cum rhabarb. ʒ ss. aquæ graminis q. s. ad dissoluendum. Fiat potio, quam capiat mane. Sunt qui infundunt optimo successu pro puerulis agarici trochiscat. ʒ j. in melle rosato colato aut oxymelite: deinde dissoluunt rhabarb. puluer. & corallinæ, ana ʒ ss. in aquâ cardui benedicti. Fiat potio. Vel si adsit ingens alui fluxus, prædicta diluunt decocto myrobalanorum citrinorum in aquâ portulacæ facto. Obseruavi ego etiam decoctum fennæ cum semine anisi illis non parum esse accommodatum. Hæc autem sæpius repetantur pro conditione materiæ, & lumbricorum; semel aut bis in mense, interpositis semper iis quæ lumbricos fugare aut materiam præparare, & concoquere possunt, vt prophylaxis hic admodum necessaria perficiatur.

Quin etiam ad eandem præcautionem ratione genitalis illius caloris, potissimum in adultis, sanguineis & plethoricis corporibus; necnon in aliis quando iuncta est febris, probat Aurelianus phlebotomiam, vt scilicet imminuto calore illo extraneo ac putredinoso per sanguinis missionem, minor fiat istorum animantium in corpore generatio. Laudant etiam aliqui ad præcautionem lumbricorum, decoctum guaiacini in plures doses sumptum; sed nolim ego infantium corpuscula, & animos impatientissimos, tam molesto & diuturno remedio frangere, cum liceat sæliciter prædictis iam remediis illud præstare. Rasuram tamen ligni sancti ad ʒ j. sumptam cum iusculo, aut aquâ graminis non improbarem, quia insigni amarore est prædita, & viscera roborat. Atque hæc est communis, & vniuersalis medendi ratio in omnibus lumbricorum speciebus, potissimum verò rotundis seu teretibus, qui frequentissimi & molestissimi esse solent.

Quod ad latos verò seu cucurbitinos spectat, vult Galenus *lib. decimo quarto method. sub finem*; Paulus & Aëtius, vehementiora esse debere remedia quæ illis exhibentur, quam in teretibus: propter magnitudinem eiusmodi lumbrici, quantitatem, qualitatemque materiæ ex quâ suscitatur. Ad hoc laudat Trallianus Costum & Cardamomum: Celsus corticem mori, radicem filicis, centaurij folia in decocto & puluere: Item alliorum esitationem, muricæ potionem, vermium terrenorum puluerem, succum aizoi illius quæ auricula muris appellatur: theriacam antiquam & similia. Galenus 8. *de simpl. med. facult.* laudat salicem.

Ad purgandum exhibent colocynthida, scammonium, coecum enidium, helleborum, hieram Logadij & diacolocynthidos, antimonij puluerem præcipitatum, cæteraque valentissima, in quibus exhibendis prudentissimum oportet esse Medicum, & omnium circumstantiarum diligentem habere rationem. Ego malim in hoc casu pilularum illarum cocciarum minorum dictarum ʒ j. aut ʒ ss. cum aquâ graminis aut absint. malaxatarum propinare: vel iam dicto electuario diacarthami frequenter repetito vti: non neglectis externis remediis iam propositis.


Galenus etiam *loco iam citato*, ad ascaridas valentiora adhuc præsidia vsurpanda censet, quod confirmauit Auicennas pluribus rationibus. Ego tamen, pace tantorum authorum, existimo minora hæc animantia & in extremo ano posita facile interfici educique posse iam propositis remediis: necnon accommodatis infusionibus, foribus, glandibus, & linimentis. Ac propterea minime conturbandum esse totum corpus valentioribus illis catharticis aut *ἐλμινθοφύγοις*: quæ grauiora sæpè ipsismet lumbricis mala inuehere solent. Ideo fiat decoctio ex detergentibus, acribus, aut amaris, quæ frequenter per clysterem infusa illos enecabit & educet. Clysteris autem caput seu fistula sit vndique multis foraminibus in extremitate peruia, vnde illa decoctio hinc inde effusa adhærentes ano ascarides attingere possit. Fiat igitur decoctum absint. centaurij, tanaceti, abrotani & similia. Lupinorum infusum laudat Aëtius: muria ac cedria etiam commendatur: his adde, si velis, aliquid mellis rosacei aut mercurialis, quo medicamenti asperitas parum deliniatur. Ex eodem fiat fons in perinæo cum magnâ spongiâ.

Aliquando immittatur glans ex melle & puluere hieræ diacolocynthidos cōfecta, vel frustulum radicis betæ aut cucumeris agrestis melle illitum, vel caro suilla salitâ in longum secta, teneatur diu compressis naribus. Illinatur etiam podex felle

taurino, melle cui sal gemmæ, & hieræ pulvis sit permixtus, oleo amygdalarum amararum & similibus. Quidam faciunt suppositoria ex pice & visco, vt educantur ascarides agglutinati. Item poterimus vti suffumigio ex aceto, in quo melanthij semen bullierit. Quorum vi enecatis eductisque ascaridibus, vt etiam cathartici per os assumptis iam à nobis commemoratis, repetitis quantum & quando fuerit opus, vel succo iridis nostratis ab Auicenna in hoc affectu commendato, & conuenienti saccharo dulcorato, roboranda erit pars & disponenda, ne deinceps eiusmodi vermiculos generet: id autem præstari potest, ex Aëtio, per infusa & admora adstringentia: qui clysteres & fots parat ex decocto polygoni, plantaginis, corticis granatorum, hypocist. baccar. myrti & similibus, addendo parum olei rosati omphacini. Verum in istorum vsu cauendum erit, ne nimium suppressa aluus nouam denuò coaceruet materiam, ex quâ huiusmodi lumbrici copiosius suscitentur, & idcirco per vices adhibenda ea quæ expurgare & detergere illam colluuiem possint. Atque hæc de vsitationibus & vtilioribus ad omnes lumbricorum species remedium formulis sufficiant: selectis enim medicamentis, potius quam longâ eorum farragine, sanandi sunt morbi. Non est tamen prætereundum, quosdam asserere micam salis in ore detentam, & liquefactam morsus & vellicationes lumbricorum statim compescere. Denique myxaria seu sebesten dicta lumbricis affectos maxime iuuant: vel, vt inquit Serapio, quod lumbrici hærent dulcedini, & eam dum sit purgatio, persequuntur foras: vel præ lentore ab eis auelli cum non possint, coguntur exire: viscosa enim vsque adeo sunt myxa, vt ex ipsis in Syriâ probatissimum illud viscum paretur, quod Damascenum vocant.



CAP V T III.

De suppressâ aluo.

BSOLVIMVS communissimos duos affectus intestinorum, nempe dolorem qui illis accidere solet, & lumbricos: nunc res ipsa postulat, vt læsionem actionum officialium, quæ ab intestinis gratiâ totius corporis exercentur, ex propositâ methodo persequamur. Illæ autem cum positæ sint in debitâ excrementorum retentione, atque excretionem, fit sæpè, vt propter earum in hoc genere functionum affectus is exoriat, quem Græci διαχώρησιν βραδυνησαν. Hippocrates κοιλίης ἐπὶ πρὸρρητικῆς: κοιλίης ἀπόληψιν in Coacis & εἰσόν: γαστέρα σκληρὴν & epidem. κοιλίην ξηρὰν appellat. Nos aluum siccam, duram, adstrictam, suppressam, tardam, pigram, fæces morantes, & pluribus aliis nominibus designamus. Quidquid sit, hic affectus est symptoma excrementorum alui diutius præter naturam retentorum, ob errorem externum, vel aliquod corporis vitium.

Retulimus autem hunc affectum ad secundum genus symptomatis, nempe excretorum mutatorum, quia magis est sensibile, & cuius obuium, quam ipsius facultatis excreticis læsio, quæ aut non laceffita, aut non sentiens, aut alio quocunque modo impedita hoc symptoma parit, dum fæces intestinorum non eo quo deberet modo, nec debito tempore aut mensurâ propulsat, sed vel tardius quam par sit; vel non debitâ quantitate secundum assumptorum proportionem: sanus enim homo & bene se habens bis aut semel in die quod minus est, ex sententiâ Hippocratis, aluum exonerare debet, potissimum mane, perfectâ scilicet omni alimentorum hesternorum coctione, vt sic vacuatis commodè intestinis leuius reddatur totum corpus, & reliquis alimentis quæ ingeruntur quotidie, locus & via illa assueta pateat. Ad hoc perficiendum natura prudens & sagax varia adminicula illi subministravit, vt potest sensum illum tactus per nervos sextæ coniugationis, quo prædicta intestina res sibi molestas vel quantitate, vel qualitate persentiendo extrudere nituntur motu illo orbicularium fibrarum, quem peristalticum vocant, ad sphincterem vsque, qui eodem modo vellicatus aperitur ad fæcum aut cuiusvis humoris exclusionem. Inter cuius vellicationis causas potissimum recensetur biliosus ille succus in cystide felleâ contentus, qui enematis instar ad deponendas fæces facultatem expultricem ibidem irritat. Fit igitur, vt hæc œconomiâ præter naturæ institutum labefactatâ;

intus subsistant primæ illius coctionis peritromata seu excrementa; quæ deinceps variorum morborum atque symptomatum occasiones manifestæ existant.

Nos itaque huius functionis expultricis intestinorum læsæ, abolitæ scilicet aut imminutæ, causas reduximus ad duo potissimum capita, nempe errorem externum, & corporis vitium aliquod: quorum rursus multæ sunt differentiæ. Nam per errorem externum omnes illas procatacricas causas, *προφάσεις*, & manifestos rerum non naturalium lapsus intelligimus, qui huic rei occasionem frequentissimam præbere possunt: potissimum alimenta: à quibus ut exordiamur, certum est eorum substantiam, qualitatem, quantitatem, tempus & ordinem multis modis aluum sistere ac cohibere posse. Substantia enim eûchyma & eupepta, cum tota fere in alibilem succum conuertatur, fit sæpè ut paucissimæ partes excrementitiæ supersint ad egerendum, & proinde pauca excrementa ac longo admodum intervallo deiciantur. Eorum vero qualitas, ut & medicamentorum tam assumptorum quam admotorum, sicca, austera, adstringens, crassa aut lenta, sola vel cum aliis mixta, aut ante alios cibos, præpostero ordine assumpta potentissimè aluum adstringere valet. Quin etiam quantitas immoderata ciborum, quam paucò tempore natura neque vincere, neque distribuere potest: vel deficiens & minor quam par sit ad alendum corpus, ut per famès & ieiunia, reddit aluum morantem, propterea quod chylus ille paucus, quamvis excrementitijs, fere totus exhauritur ab hepate & mesarai-cis exinanitis. Adde defectum potus & liquorum ob penuriam, aut in illis qui naturâ suâ sunt *βερρυπόται*, propter quem chylus spissior, & crassior redditus difficulter fluit. Quod si hora aut tempus cibandi muretur, frequentissime aluum interuerrere solet: ut etiam si quis bis aut ter in die cibum assumere assuetus, deinde cenâ aut prandio careat, quamvis copiosius multo alimenta in illo pastu ingerat, tamen ventrem habebit pigriorem, ex sententiâ ipsius Hippocratis *lib. de diætâ*: quoniam coctionis & excretionis tempora plurimum sibi respondere solent. Neque solum ex parte alimentorum hoc contingere potest, sed etiam ex aliarum rerum non naturalium usu: nam regiones & quæcunque aëris constitutiones feruentiores, siccioreque, dum insensibiliter aut per sudores exhauriunt liquidiorum excrementorum partem, reliquam reddunt siccam, & retorridam. Hinc Hispani & Itali vix duodecimo quoque die cacant: sic etiam apud Hippocratem *Aphor. 17. sect. 3.* Aquilonia tempestas frigida & sicca *τὰς κοιλίας ἐξηγίνα*, propterea quod omnia cogit, & versus interiora repellit. Quod eadem ratione intelligendum de externo frigore in *epidem.* dum ait, refrigerationem excrementa indurare, & adstringere ea quæ circa ventrem sunt. Hinc illud vulgo, *super lapidem non esse sedendum.* Eodem modo exercitationes violentæ, vigilæ immoderatæ, venus immodica, somnus longior in strato calidiore, & factio in lumbos decubitu, sistunt aluum ob exsiccationem quam inducunt. Ipsaque animi pathemata, ut curæ, meditationes profundæ, ira vehemens, auersis aliò spiritibus, illud præstare possunt. Timor vero in iis aluum laxat, qui constitutione humidior præditi, præ impotentiâ sphincterem contrahere nequeunt: in alijs sistit, quibus propter siccitatem retentrix robustior omnia intus cohibet. Adde his excretionem immodicam, quæ per alios ductus fieri solent, per vomitum, vrinas, ut est *Aph. 8.3. sect. 4.* & sudores potissimum: quibus immoderatè fluentibus impossibile est aluum non exsiccari & tardiorum parciorumque reddi. Atque hæc ex parte rerum non naturalium, quod nos errorem externum appellauimus, quamvis etiam hæc sæpius interiores causas excitare soleant.

Corporis autem vitium propter quod aluus cohibetur, vel est naturale, vel aduentitium. Naturale illud intelligo, quod fuit ab ortu contractum, sequiturque primam nostri compositionem: verbi gratia puerulis multis contingit ut laborent *Φιμώσει*, occlusionem scilicet podicis, propter quam egerere nequeunt, nisi prius perforatâ membranâ quæ obtendebatur. Alij naturaliter habent implantatum meatum illum cholidochum in fundum ventriculi, non in ipsum duodenum, unde potius ad vomendum quam deiciendum redduntur parati. Ex parte vero constitutionis similiarum partium, quicunque, sicciore aut calidiore temperamento nascuntur, ut biliosi & melancholici, quibus hepar est iusto feruidius aut siccius, vel alia quæcunque epigastrio contra pars, iis omnibus naturaliter aluus ægrè & tardè fluit. His adde consuetudinem in iis qui propter negotia & similia diu aluum cohibere sueuerunt: item ætates, quas naturaliter decurrere solemus, illarum enim mutationes huic etiâ rei, nullâ diætæ ratione immutatâ, mutationem afferunt, ex *Aph. 20. sect. 2.* *ὁ πόσις νέοισιν ἔστιν αἱ κοιλίας ὑγρὰί εἰσιν, τῷ γέροντι ἀποξηράσκουσιν ἐξηγίνονται*, & contra. Cuius euenus

rationem reddit Galenus *in commentario*. Ex his igitur secundum primam nostri corporis constitutionem alius adstrictior redditur.

At verò vitium corporis aduentitium, propter quod alius supprimitur, aut omnino sistitur, multiplex etiam statuitur, ut est apud Galenum 1. *de tuend. sanit. cap. 13*. ubi de causis suppressæ alui fusè differit. Vel enim tarda hæc deiectione sequitur morbos sympathicos intestinorum, vel idiopathicos. Sympathicos quidem ex negatâ facultate, ut quando illorum sensus destruitur ad interceptionem facultatis animalis, per apoplexias, conuulsiones, paralyfes, comata & similes cerebri affectus; vel ex negatâ materiâ, quando ob defectum humoris biliosi, qui in intestina per meatum cholidochum affluere solebat, intercepti propter obstructions, ut in ictero, iecoris scirrho, vesiculæ infarctu & aliis morbis: vel aliò transmissi, languet vis expultrix intestinorum, suo familiari stimulo destituta. Per idiopathicos autem morbos laborat hæc facultas, propter affectus communes, similes & organicos: communes quidem, ut solutiones continui; nam factâ ingenti intestinorum sectione, aut concitato insigni ob vulnus eorū aut distentionem dolore, impossibile est functiones has naturaliter procedere: siquidem aliquando vel fæces foras per vulnus exeunt, sic Dominus Philippus *de Montagnac* excernebat per duodecim annos fæces & flatus per vulnus quod acceperat in dextrâ vmbilici parte. Mortuus est anno 1595. in balneis Bellilucanis: aut in cauum abdominis effunduntur, aut certe propter vim doloris violenter supprimuntur. Similares autem affectus qui hoc præstare possunt, sunt ipsæ intemperies, vel in solis intestinis existentes, vel in toto corpore, aut aliquâ parte quæ epigastrio continetur. Sic febrilis & exurens corporis totius constitutio, hepatis inflammatio, renum ingens feruor intestinis communicatus, aut etiam primariò inhærens, exugendo humidiorē deiectionum partem, reliquam reddit exustam & fæcibus caprarum simillimam: Hinc *σύνεστα* illa & *σπυρετώδεις διαχωρήματα* apud Hippocratem, quæ difficulter exire solent. Siccitas etiam totius corporis, ut in hecticâ, marasmo, diuturnâ fame, aut morbo confectis, qui iam conualescunt, aluum cohibere solet, dum exuguntur assumpta, & violenter ad restaurandas vires attrahuntur: siccitasque propria aut aduentitia intestinorum id præstabit, sola aut caliditati iuncta adhuc efficacius. Quod ad frigidam intemperiem internam attinet, videtur quidem illa, potissimum siccitati iuncta, per se, etsi non sit immodica, aluum cohibere, quoniam stupefacit, & hebetat partis sensum, cogitque & retentricem roborat; sed per accidens, ut docet Galenus 6. *epid. textu 27*. quoniam frigiditas hæc interna ventriculi aut intestinorum cruditates multiplicat, sæpius aluum reddit solutam quam tardam. Demum affectus organici, qui prædictæ functioni noxam inferunt, ad obstructionem referri solent, quæ vel est obstructio, *ἐμφραξίς* propriè sumpta, quando videlicet interior via, seu meatus intestinorum oppletur à quacunque re, ut tuberculo, duris stercoribus, pituitâ crassâ & lentâ, calculis, vermibus conuolutis & similibus: vel illa obstructio etiam *στένωσις*. i. adstrictionem complectitur, quando nulla materia in canalibus intestinorum posita præter naturam, coarctantur tamen, ut à compressione potissimum vteri in gravidis, tuberculo vesicæ, & aliarum partium vicinarum, propriâ ipsorum intestinorum circumuolutione & implicatione, quam in ileo explicabimus, aut in scrotum prolapsu: ibi enim coarctata præ loci angustia aluus diu lenta manet, aut etiam omnino supprimitur. Harum rursus omnium dispositionum & causarum, quæ deiectionem tardam aut nullam efficiunt, suæ sunt causæ multiplices, ex rerum naturalium, non naturalium, & præter naturam serie repetendæ, ut sæpius fuit annotatum.

Signa etiam partis affectæ, affectus & causarum, ex solitis fontibus depromenda. Nam ipsum symptoma seu actio læsa satis indicat ex intestinorum proprio munere violato, aliquid esse præter naturam in illis quod vel primariò, vel secundariò causa est functionis istius imminutæ, aut abolitæ. Quod si nulla præcessit, vel adhuc sequuta est admodum sensibilis noxa, aut partis alicuius querela: maxima erit coniectura, hanc læsionem seu functionis interceptionem ab errore quodam externo provenire: quem reperire licebit, factâ figillatim rerum non naturalium enumeratione, ut iam à nobis proposita fuit: certiusque id adhuc multò constabit, si immutata illa causa restituatur functio pristinae suæ constitutioni. *φίμωσις* & implantatio canalis illius cholidochi in ventriculum satis per se dignoscetur. At verò si assueta sit hæc alui suppressio etiam in latitudine sanitatis, aut contingat absque vllâ diætæ mutatione, vel errore: tunc referendum erit

erit ad ipsius natiui temperamentis constitutionē in toto aut aliqua parte, consuetudinem, ætatis mutationē, & similia. Quæ multo accuratius distinguuntur ex consuetis signis, quibus temperamenta naturalia totius & partium apud Galenum & alios assignantur. Maior autem erit labor & opera ponenda in illis affectibus & causis deprehendendis, quæ toto genere sunt præter naturam. Quod ad sympathiam tamen attinet negatæ facultatis animalis, certæ erunt notæ ex affectibus illis cerebri & neruorum prægressis aut præsentibus, quos subito sequuta est hæc noxa, & cum illis augetur simul ac minuitur. Eadem ratione sympathia negatæ materiæ biliosæ ob interceptionem meatus cholidochi ad intestina pertingentis, vel scirrhusæ hepatis constitutionis, patet tum ex duritiæ, pondere, & dolore obtuso dextri hypochondrij, tum ex flauo viridique colore, quo solet bilis sanguini permixta, & ad partes delata exteriorē corporis superficiem, præcipue oculos, & faciem inficere. His adde quod excrementa istorum hominum, tincturæ illius naturalis expertia, apparent alba vel cineritia: vrinæ autem admodum rufæ & bilioso excremento saturatæ. Idiopathici autem intestinorum affectus communes, siue solutiones continui, manifestæ sunt oculis, si ob inflicta vulnera contingant: sin vero à diuellentibus, contudentibus aut erodentibus internis fiant, earum causæ erunt signa istius affectus. Quod attinet ad dispositiones similes totius vel partium, hoc est intemperies, calidam, siccam, aut frigidam, simplices vel coniugatas, non erit difficile illas agnoscere ex sensu eiusmodi qualitatū, quem æger percipit, vel etiam Medicus tactu deprehendit sensibilter, ex gracilitate totius corporis, excretorum immutatione, pulsu & similibus, vè peculiariter suis locis traditur. Denique morbi organici, obstructio scilicet aut adstrictio intestinorum dignoscenda ex effectibus & causis illarum, utpote generantibus phlegmonem, calculos, vermes, pituitam, & similia, indurantibus fæces, & reliquis, quorum cognitio certior exurget ab excretorum contemplatione, in quibus dilucida harum dispositionum signa apparebunt. Adstrictio autem intestinorum ex prolapsu in scrotum, nota est ad sensum: ex eorum verò solâ conuolutione, absque loci mutatione, in ileo explicabitur proxime cum suis signis; compressio verò à vicinis partibus, ut vtero pleno, inflammatis aut alio modo induratis vel grauioribus factis vicinis partibus, ex vniuscuiusque situ, connexione, actionum læsione, excrementis ac propriis omnibus accidentibus inquirenda, priusquam conueniens therapeia stabiliri possit.

Prælagire autem in hoc affectu licebit ex affectus causarumque magnitudine. Nam alui suppressio ex diætæ errore, aut rerum naturalium constitutione, plus molestiæ, quam periculi adferre solet. Implet enim caput vaporibus & fumis, *αλαγχνυ* seu viscera reddit minus bene spirantia, compressis intestinis & diaphragmate: sensim tamen collectis excrementis multorum morborum causas excitare solet. Hipp. Aphor. 53. sect. 2. quibus, inquit, *aluus est humida, iuuentam agunt facilius, quam quibus est sicca: sed senectutem difficilius, quia tunc illis fere exsiccatur.* Celsus tamen & Oribasius meliorem esse volunt fusam aluum in iuene, ut biliosa & acria excrementa iugiter expurgentur: siccam verò in sene, ut scilicet alimentorum attractio & concoctio melius tunc perficiatur: quod eadem ratione dici potest de conualescentibus, in quibus tarda excretio bonam refectionem significat. In hecticis etiam tarda aluus laudatur, quod tunc minor fiat substantiæ triplicis dissipatio. At vero in affectibus aliis tam similaribus, organicis, quam communibus, nihil boni prælagire potest, ostendit enim magnam naturæ noxam aut impedimentum, quæ muneris illius tantopere ad vitæ conseruandam & ad humores noxios vacuandos necessarij obliuiscitur, vel eo perfungi non potest. *Τὸ οὐράκιον*, & pilulis similis fæces 2. *prorrhæ*. sequuntur magnam interni incendij vim, potissimum hepatis inflammationes. Reliqua in ileo proponuntur: nunc ad curationem veniamus.

Commune est in omnibus hisce affectibus (inquit Aëtius *tetrab.* 3. sect. 1. cap. 26.) qui aluum tardiores efficiunt, aut omnino supprimunt, ut causæ noxam inferenti contrariam curationem opponamus: proprium vero, ut secundum singulas causas, vnicuique contraria remedia exhibeamus. Ac proinde cum dixerimus vitium hoc sequi vel errorem externum, causarum scilicet illarum euentium, vel ipsius corporis constitutionem natiuam aut aduentitiam: ideo sciendum quibus nunc causis opponenda sit nostra therapeia. Quod ad causas igitur externas & euidentes attinet, quarum peruersus vsus aluum cohibere potest, earum.

dem recto usu intellecto ex descriptione diætæ quam mox subiungemus, facile erit per solam illarum immutationem huic symptomati, quando ab eis simpliciter pendebit, prouidere. Corporis vero vitia quæ hoc præstare possunt difficilius est corrigere. Quod ad *Φίμωσιν* ergo seu natiuam podicis occlusionem attinet, quæ puerulis aliquando contingit, sola perforatio, quam docet *Ægineta lib. 6.* illis medetur. Implantationem autem natiuam meatus cholidochi in fundum ventriculi, immedicabilem esse, vt & alias organorum dispositiones internas, satis docuit Galenus in *arte parua*, ideoque hos homines *σχετλῖες* miseros appellauit. Temperamentum vero natiuum totius aut partium, consuetudinem confirmatam longiore usu, ætatum seriem immutare, aut in totum impedire non potest Medicus: potest tamen defectus illos intra sanitatis latitudinem positos familiaribus remediis, ex diætâ aut benigniore pharmaciâ repetitis, emendare, quam nos postea subiungemus. Denique affectibus præter naturam mederi conueniet pro variâ illorum naturâ: nam alui suppressio, quæ per sympathiam negatæ facultatis animalis contingit per apoplexias, lethargos, paralyseis, & similes cerebri dispositiones: aut per sympathiam negatæ materiæ biliosæ, ob obstructas venas, aut induratum hepatis: non alio modo curatur, quam istorum affectuum & causarum sublatione, ex suis locis repetenda. Cum tamen in duplici hoc affectu sympathiæ sopitam esse excrettricem intestinorum manifestum sit, ad mitigationem symptomaticæ, acriora esse iniicienda enemata, glandes & similia quibus illa irritari queat, satis est perspicuum. In affectibus autem intestinorum idiopathicis, similaribus, organicis, & communibus, quidam sunt, vt solutiones continui, vulnera, vlcera, tumores præter naturam, calculi, vermes, conuolutiones intestinorum aut prolapsus, compressiones & similes, quorum curationem hic proponere esset præter institutum, & conuenientem methodum, quâ docemur singula esse propriis suis locis tradenda; ex quibus ea repetere oportet. Superest igitur, vt, cum hæc alui excretio partim sit naturalis, partim voluntaria seu animalis, vt docuimus ex Galeni sententiâ *lib. 3. de facult. natural.* consideremus illos affectus, qui peculiariter in intestinis has impedire possunt, nec facile ad alios morbos reducuntur. Voluntaria autem, animalis seu sensifica impeditur ab eis omnibus, quæ obstupescere, & sensum tactus in intestinis, vel extremâ ani parte, vbi positi sunt muscoli, languidiorem reddere possunt. Naturalis autem functio impeditur vel à siccitate nimia, caliditateque indurantibus fæces: vel à mucosâ viscidâque pituitâ fæcibus & intestinis adhærente, solitumque excrementorum secessum remorante. Vnde exurgunt indicationes therapeuticæ, tres potissimum, à nobis hoc capite persequendæ: nimirum sopitæ excrettricis excitandæ per ea quæ acrimoniâ vellicare & pungere possunt sumpta vel admota: Secundò quæ caliditatem, aut siccitatem partium atque excrementorum refrigerando, humectando, molliendoque corrigant: Tertiò denique crassos, lentos, & viscidos humores detergentia, incidentia ac expurgantia proponemus, quibus prædicti scopi perficientur, vel separatis si simplices sint affectus; vel coniunctis & mixtis, prout illi complicati aut connexi fuerint, quod præsentis Medici iudicio semper est relinquendum. Ducamus igitur à victus ratione exordium.

Consideranda imprimis ea omnia, quæ à nobis dicta fuerunt: Alimentorum scilicet substantia, quantitas, qualitas, tempus & ordo, vt recta lege pro variis dispositionibus instituantur; vtpote in eis quibus usus ciborum substantiæ nimium alibilis, & euchymæ aluum sistere solet, propter defectum crassiorum fæcum, concedantur quædam terrestrium magis partium & excrementosarum. Si ab excessu aut defectu quantitatis ciborum id fiat, tam continuæ, quam discretæ, vel ex soliti tēporis, aut debiti ordinis immutatione: Si ex *βραχυποσία*, aut *ὀλιγοποσία*, vt in eis qui parum aut ex longo temporis intervallo bibunt: restituantur omnia in conuenientem statum ex præscripto Medici: consulatur iusta alimentorum quantitas, tam in vno quam pluribus partibus, idque horis consuetis, & eo ordine, vt liquida solidis, concoctu facilia difficilibus præmittantur: necnon æquabilis potatio solidorum ingestionem, quasi alternantibus poculis, excipiat, diluatque. Quod ad qualitatem alimentorum attinet, vitentur nimium sicca actu & potestate talia, nisi accuratè temperata, aliisque permixta: item viscida & lenta, ne chylus ex eis genitus nimium intestinis adhærescat. In eligendo autem genere alimentorum, siquidem ob sopitam potissimum excrettricem contingere videatur alui suppressio, præscribantur acria, pungentia, & vellicantia ad eam excitandam: vnde Galenus,

De morbis intestinorum. Cap. III. 241

comment. in Aphorism. 10. sect. 2. scribit victum Alexandrinorum aptissimum esse ad aluum soluendam : qui constabat salitis multis, cepis, porris, alliis, rebus frixis, piperatis, & zytho : sub quem reponi poterunt ea omnia quæ simili qualitate sunt prædita, ut panis bene fermentatus, & salitus, acetum, oliuæ muriâ conditæ, cappares, fœniculum marinum, asparagorum lupulorumque furculi, folia vriticæ, & sambuci teneriora oleo & sale parata, caseus vetus : cônchæ, Gallicæ huires, etiam marinæ, mœnæ, mytuli, ostrea, tenillæ, & similia ferculis primis assumpta, non paruam vim habebunt ad pungendam vellicandamque torpentem intestinorum excretricem facultatem. Quod si hic affectus pendeat ex caliditate nimia, aut siccitate fæces indurante : tunc ea eligenda alimenta, quæ refrigerare, mollire, largaque humiditate intestinorum spatia implere possunt : sub quo censu reponuntur fructus omnes horæi primâ mensâ sumpti, cerasa, pruna, vuæ, cucumeres, pepones, melones, poma, mora, potissimum ante solis ortum lecta, quando rore adhuc copioso sunt aspersa. Item iuscula omnia pinguiâ, sola, vel multâ borragine, eichorio, endiuia, atriplice, beta, spinachia, tenerioribus maluæ foliis & mercurialis alterata : cremor hordei : oleum recens, butyrum per se aut iusculo aliquo dissolutum : pruna damascena sicca, vuæ passæ vulgares, & corinthiæ, in aquâ communi, vel hordei cum multo saccharo cocta, & paruo ante prandium interuallo sumpta, serum lactis caprini, in quo per totam noctem folia borraginis maduerint, mane sumptum valet ad temperandum feruorem partium, humectandum ac leuiter detergendum. Vbi vero ex adhærente intestinis mucus aluus redditur pigrior, tunc alimenta vi detergente prædita magis erunt imperanda : ideo multi ex solo panis secundarij & syncomisti esu, quando libuerit, feliciter aluum commouent ad excernendum : Alij vtuntur primo iure cicerum, brassicæ, blici, aut lentium, similibusque rerum nitrosis partibus in superficie donatarum, cum oleo & sale. Alij amara quædam & salsa permiscent iam dicta, quæ non solum vi pungendi, sed etiam detergendi prædita esse certum est. Multi laudant esum caricarum & ficuum recentium ad leuiter detergendum : & reliqua ex usu quotidiano repetenda. Denique alimenta adstringendi vi prædita creduntur in quouis adstrictæ alui casu auxilium ferre, si postremâ mensâ assumantur, quoniam roboratis, & quasi contractis superioribus partibus inferiores dehiscere coguntur. Claudant itaque eiusmodi ægri suos pastus frustulo cydonij mali, pyri acerbioris, mespili, vuæ acerbæ conditæ, aut miuarum siue rob ex eiusmodi austeris, vel acerbis fructibus cum saccharo paratarum. Hæc enim sæpe sola sufficient ad affectum hunc corrigendum. Quod si aëris feruor aut frigus nimium, exercitationes, vigiliæ, somnus, excretionésve quædam immoderatae, vel animi perturbationes aluum cohibere videantur : omnia erunt pro conditione rerum illarum, ipsiusque ægri temperanda, ex solertis Medici iudicio atque industria.

Eodem modo de reliquis maioribus remediis statuendum, quæ singulis causis ritè & artificiosè erunt opponenda. Quod ad chirurgiam quidem attinet, nullus illi videtur in hoc affectu locus, nisi fortasse venæ sectioni in magno feruore totius aut partium, hepatis potissimum, siue ex nativo, seu aduentitio temperamento ortus sit, quam licebit verno potissimum tempore usurpare, quando sanguinis copiaturret, ex venâ cubiti, narium aut hæmorrhoidibus, prout maior naturæ inclinatio videbitur, consentientque aliæ circumstantiæ in hoc affectu obseruandæ. Totâ autem pharmaceuticorum remedium series eadem ratione qua & alimenta diuidi potest : in ea scilicet quæ sopitam excretricem facultatem irritare, sicciorum aluum mollire, adhærentes intestinis humores detergere possunt. Ad primam classem pertinebunt, quæcumque acri, salsa, aut amarâ qualitate prædita sunt, & quæ cathartica seu purgantia propriè sumpta Practicis dicuntur : hæc omnia præter peculiarem illam vim qua exuberantes succos attrahunt, suo etiam sapore, odore, acrimoniâ & calore apta sunt stimulandæ excretrici facultati tam intestinorum, quam aliarum partium : ideoque sumpta, & admodum usurpari possunt benigna, mediocria, ac violenta, pro diuersâ affectus & ægri constitutione : assumpta sub variis formis exhiberi possunt : solida nimirum, ut pulueris, tabellarum, pilularum : liquida, ut aquarum, succorum, syruporum, decoctorum : media, ut ea quam vulgò opiatam mollem appellant. Sub admotis complectimur ea omnia, quæ vel in ipsam aluum immittuntur, ut clysteres, glandes, ac suppositoria, vel exterius applicantur, ut illisiones ac suffumigia sedis, vnguentâ,

guenta, emplastra, aut cataplasmata purgantia, vmbilico & reliquo ventri imposita, vt etiam ea quæ manibus contrectantur, & naribus admouentur, quales sunt globuli purgatorii. Idem dicas de emollientibus ac detergentibus, quorum omnium paradeigmata tam accuratè fuerunt à nobis tradita in tractatu de internis & externis remedium formulis, vt superuacaneum esset ea nunc omnia recensere. Adferemus tamen ea bruite, quæ veluti numeratò debet habere Medicus, quibusque morantem aluum communiter sollicitare poterit. Ad hoc igitur facit molliendo, & leniter tergendo manna electa, & bene granata, cuius 3 vj. vsque ad decem exhibentur dissolutæ cum pauco iusculo, horâ vnâ ante prandium: quod in similibus benignioribus pharmacis obseruamus, ne videlicet superentur à calore nostro natiuo, & in alimoniam facebant. Oleum amygdalarum dulcium recens & sine igne extractum ad 3 ij. totam aluum molliendo citare potest. Medulla etiam cassiæ illius Ægyptiacæ seu fistularis recentior è cannâ extrahitur, & pari quantitatè assumitur, cui addi potest parum sacchari, vt in bolos plures formetur. Apud Ægyptios eiusmodi cannæ minores & teneriores integræ saccharo condiuntur: deinde vna aut duæ eodem modo ante pastus deuorantur, ad molliendas Italorum Principum & Cardinalium aluos maximè expetitæ, vt refert Fallopius: Ex eodem Fallopio mel rosatum solutiuum apud Italos paratur, quod huic rei etiam potest esse accommodatissimum, si eius cochlearia duo vel tria similiter assumantur. Apud Venetos tartari puluis est vsitatissimus, cuius purioris & sincerioris 3 ss. plus minus cum passulis corinthiacis aquâ communi & saccharo coquitur, sumiturque inter prima fercula, vellicat enim & ad secessum incitat. Ad detersionem pituitosi & viscidum humoris intestinorum tunicas opplentis & fæces remouantis, nihil aptius est terebinthinâ, cuius 3 iij. aqua endiuizæ diligenter lotæ in bolos formantur, nebulis inuoluuntur, & cum syrupo capilli veneris deuorantur. Apud Hippocratem *lib. de dietâ*, seminis carthami medulla cum caricis pinguibus comesta seniorum ventres commodè prouocare solet. Vulgus verno tempore quo vigent rosæ, earum manipulum summo mane legunt, in aqua communi decoquunt, addendo momentum sacchari, illud decoctum hauriunt, tantâ aliquando alui perturbatione, & torminum cruciatu, vt scammonium eos sumpsisse diceret, annotante Fernelio: quod ad rosis naturam qui cum rosis colligitur, est referendum. Alij earum succum exprimunt, & eius 3 ij. cum iusculo aut decocto cichorii dissolutas sumunt: sed melius est vti syrupo rosato solutiuo, vtpote melius parato & cocto. Sennam hodie ita familiariter omnes vsurpant, vt nemo ferre eius parandi modum ignoret: nos sæpius ita coquendam delicatioribus ægris imperamus.

℞ Folior. sennæ mundat. 3 ss. polyp. quer. 3 iij. semin. carthami contusi 3 ij. semin. anisi 3 j. Decoquantur summo mane. In hoc iure decocto incoquantur pruna damascena numero viij. quæ deuoret & ius ipsum cum saccharo. Vel prædictis addendo aliquot pruna aut passulas, oppleatur venter pulli gallinacei aut columbini, decoquatur ad putrilaginem, addendo modicum salis: sumat ius colatum mane. Puluis etiam sennæ ad 3 ij. vel 3 iij. assumitur à quibusdam, cum pauco vino albo, vel eodem puluere impleantur pruna aliquot damascena cocta, & sumantur. Quod ad rhabarbarum attinet, nollem ego illo, quamuis benignissimo medicamento, vti in tardiore aluo propter iunctam vim adstrictionis: in eis tamen quibus iecur feruidum fæces exurit, aptissimus erit syrupus de cichorio compositus cum rhabarbato, ad 3 ij. vel iij. sumptus mane per se vel dissolutus cum sero lactis caprini aut aquâ endiuizæ. Mechoacan vicem rhababari explet. Aloë etiam & agaricus, qui medicamentum familiæ apud Dioscoridem dicitur, eis conueniunt quibus est languidior facultas excretrix, & mucosi humoris copia in intestinis: quæ in pilulas aptissime sic concinnantur.

℞ Aloës optimæ 3 ss. agarici trochiscat. & elect. 3 iij. myrrhæ, spicæ mardî & cinamom. ana 3 ss. croci grana iv. Excipiantur syrupo rosato solut. Fiat massa pilular. E cuius 3 j. fiant pilulæ sex deauratæ. Capiat ij. vel iij. horâ vnâ ante coenam, quoties libuerit aluum prouocare. Villanouanus aloëm electam pari pondere terit cum foliis rosarum rubrarum recentium, ex eis componit massam, & pilulas fingit ad hoc vtilissimas. Agarici etiam 3 ij. in melle rosaceo infusæ, & expressæ valde pituitosis erunt accommodatæ. Denique ex prædictis omnibus laxantibus, addendo peculiariter ea quæ vnicuique ægro & affectui sunt magis peculiaris, conficere solent Medici syropos magistrales veris aut autumnali tempore, quorum

De morbis intestinorum. Cap. III. 243

quorum usus est per reliquas anni partes ad commouendam aluum & ex haurienda quævis excrementorum genera : semel aut bis in mense ad ℥ ij. vel iij. per se , aut dissoluti cum iusculo pulli , decocto cicerum rubeorum , sero lactis , aut conuenienti aliquo liquore , sumantur pro rei ipsius varietate.

Chymici tam in latitudine sanitatis , quam in morbis ad cælum vsque extollunt sua extracta , vtpote nullo malo odore aut sapore prædita , satis tamen efficacia , ad humoris cuiusvis exclusionem , quæ sic præscribunt primò ad humoris biliosi euacuationem.

℥ Tincturæ , essentiæ vel extracti (hæc enim apud Spagyricos synonyma sunt) rhabbari ℥ j. & grana x ij. olei de spicâ aut xyloalœ per Chymiam extracti , ana guttas iij. Ad pituitam vero sequens prædicant.

℥ Tincturæ turpethi 3 ℔. olei anisi guttas vj. olei garyophyll. guttas ij. Misce , capiat ieiuno stomacho. Vel

℥ Tincturæ esulæ vulgaris grana xvj. olei anisi & cinamomi. ana guttas ij. Ad humorem vero melancholicum expurgandum , atque ideo ad mouendam aluum ita præscribunt.

℥ Tincturæ fennæ orientalis 3 ℔. tincturæ hellebori nigri grana v. olei anisi & fœniculi , ana guttas ij. olei petroselini & cinamomi , ana guttam j. Misce.


Quidam miris laudibus efferunt tabellam antimoniata in magno infarctu humorum , quam sic describunt.

℥ Antimonij pellucidi & hyacinthini 3 ij. gummi tragacanthi 3 j. sacchari albi aquâ rosarum dissoluti 3 iij. olei anisi chymicè extracti super tabellas calentes aspersi guttas xv. Fiant tabellæ ponderis 3 ℔. vel 3 j. pro robustioribus.

Quemadmodum igitur in eis qui bene se habent ad ea quæ offeruntur per os assumenda medicamenta , Medici & Chymici talia præscribunt : sic in puerulis , morosioribus & similibus qui ea facile non admittunt , aliis modis & artificiis ventrem commouere solent. Est clyster apud Aulicos vtitatissimus ad ciendam aluum : Fermenti communis frustulum in aquâ tepente dissoluunt , addendo olei violacei aut communis 3 iij. plus minus paratur clyster satis potens ad primas fæces deturbandas , educendamque intestinorum pituitam. Aëtius alumen commune terit , & cum melle miscet , quo podicem puerulorum inungit , & ad excernendum stimulat , aliquando addit succum cyclaminis ; ex hac mixturâ tum sedem , tum vmbilicum irrigat. Fernelius epomphalion emplastrum purgans eleganter in sua pharmacopœa descripsit , quo vti poteris. Fel bubulum aut suillum vmbilico illitum idem præstat , necnon puluis colocynthidos adipe gallinæ , & pauco oleo amygdalarum dulcium exceptus. Suffumigiis etiam vti adstringi , sic etiam laxari potest aluus , ideoque solutiua dicta si decoquantur in aquâ communi & matulæ imponantur cum aliquot silicibus candentibus , fumus ille ano exceptus prouocare eam poterit ad excernendum. Mulierculæ foeliciter vtuntur ad hoc præstandum solo decocto foliorum maluæ & fœniculi , cui insidere faciunt diutius ægrum. Omitto ea quæ ex variis hinc inde repeti possunt , vt huic capiti finem imponam , illique historiam aggrediar.

CAPVT IV.

De ileo seu voluulo.



INTER suppressæ alui genera nullum est magis famosum & horrendum, quam iliacus seu voluulosus affectus, cuius nunc historiam & curationem meditamur. Varia autem illius nomina, tam apud veteres quam recentiores, reperiuntur. Hippocrates nomine ειλῆς sæpe vitur; sed non semper affectum hunc præcipitem & periculosum significasse videtur; vt ειλῆσι τὰ χρόνια πάθη *lib. de gland.* designant omnes intestinorum constitutiones laboriosas, quæ potissimum diu perseverant. In *Coacis* tamen & *Aphorism.* 44. sect. 6. necnon 10. sect. 7. propriè admodum sumpsit, vt etiam. *libro de morbis* & *libr. de affectionibus*, vbi νόσημα ὃν καὶ ἐπικίνδυνον vocat: *lib. de flatibus.* ειλήματα: χόρδαψον verò in *Coacis* appellauit aliquoties, & Galenus frequenter nominis istius meminit. Aurelianus à Siculis Medicis Φραγμαδὸν vocari scripsit, quasi sepimentum dicas: siquidem, vt ait ille, obstrusis naturalibus ventris officiis fieri videtur. Plerique volunt ειλῆδον à parte affectâ, nempe ileo seu tenui intestino appellationem sumpsisse, propterea quod frequenter in illo contingere solet: vnde Celsus tenuioris intestini morbum vocat. Aretæus tamen aliam etymologiam inquit, quando enim (ait ille) *status quidam frigidus & lentus gignitur, qui nec infra facile peruenit, neque per superiora recurrit, diu autem manet ἐλισσόμενον.* i. conuolutus in superioribus intestinorum anfractibus, exoritur ileos affectus, qui inde ἐπικίνδυνον suam desumpsit. Sed dupliciter errasse videtur hic Aretæus, tum quod flatum potissimam facit ilei causam, quæ ad colicum affectum potius est referenda: tum quod superioribus intestinis anfractus & gyros tribuat: cum tamen notum sit illos tantum in crassioribus reperiri. Recipienda itaque potius sententia Galeni *initio libri 2. method.* & Actuarij *libro 1. περὶ διαγν. παθ. cap. 45.* qui voluerunt ileon à symptomate vocari, διὰ τὸ τὰς ἐντέρων ἐλίκας ειλῆδός, quia in hoc affectu intestinorum inuolucra conuoluuntur, & constringuntur: quâ notione etiam Latinis voluulus, & conuoluulus dicitur. Inualuit tamen apud vulgus alia huius nominis ratio, vt existiment ειλῆδον quasi ειλῆδον miserabilem dictum, διὸ τὸ ειλῆδον, quod est misereor, & passim *miserere mei* à Barbaris vocatur, vt à vulgaribus Græcis hodie ἐλέηζον, quoniam nullus est alius affectus qui maiorem miserationis occasionem afferrat: aut in quo ægri magis ad implorandam diuini numinis misericordiam conuerti debeant: Acutum enim tormentum per antonomasiam ab Aureliano vocatum, in quo ægrotantes existimant conuolui atque torqueri suorum intestinorum verticula, & vehementia doloris pressi supra eas partes quæ pariuntur arcuati conuolutique plicantur. Quod ad χόρδαψον attinet, quidam volunt διὸ τὸ χόρδανεν, quod est implico & inuoluo, dictum: alij vero aptius διὸ τὸ χόρδης ἄπειρος, ducta scilicet ratione tum ab ipsâ parte affectâ, intestinis scilicet quæ χόρδαι & χόρδέματα antiquis dicebantur; & symptomate qualitatæ tactilis mutata, duritiei & renitentia præter naturam, quæ solet sentiri in parte intestini affectâ, velut extensi alicuius & valide circumplicati funis. Quid vero sentiat Aretæus *capite sexto libri secundi.* & Archigenes apud Aëtium *capite 27. libri primi*, dum volunt χόρδαψον tanquam χόρδης ἔφθον. i. intestinorum emolli-tionem dictum, dumque in intestinis simul πίεσιν καὶ μάλθαξιν compressionem & mollitiem iungunt, non est facile diuinare, sed potius manifestæ absurditatis definitionem, secundum communem Medicorum acceptionem, notionesque vsitatas proponamus.

Ileos igitur seu voluulus est dolorifica ac peracuta intestinorum, potissimum ilei, passio, ad quam suppressâ omnimodè aluo propter factam in illis magnam obstructionem aut adstrictionem, conuolutiones, tensiones, & horrendi variorum humorum ac tandem sæcum vomitus succedunt. Hac definitione expressimus ea omnia quæ ad essentiam, causas, differentias, & signa huius morbi cognoscenda pertinent:

pertinent : cum enim dixerimus passionem esse peracutam & dolorificam ; hinc colligere licet affectus speciem , quæ ad acutos morbos primi aut secundi generis est referenda , quoniam ob doloris atrocitatem , functionisque ad vitam necessariæ priuationem fieri non potest , quin conflictus hic cito peragatur ; succedatque mors intra primum quaternarium , vel septenarium , nisi interea quædam affectus solutio mitigatione contigerit : cuius etiam actionis in hoc affectu sit læsio significatur doloris nomine , ut iam à nobis in colicâ passione fuit explicatum , cui veluti parentes & authores adiunguntur abolitio excretionis naturalis intestinorum , quâ solent deorsum facto scilicet inferiora versus motu peristaltico contentas in ipsis fæces humoresque deponere : ad cuius interceptionem reuolutis quasi & immutatis cursibus excretio illa violenta & deprauata apparet per superiores ductus. Quod ad partem autem affectam attinet , diximus esse intestina , potissimum verò tenue illud quod ileon vocant : utpote magis patens inflammationi ob vasorum copiam ; & indurationi fæcum ac collectioni humorum ; quia est vicinum crassis. Videtur quidem aliquando Galenus solis tenuibus hanc passionem adscribere. Alias tamen , ut *comment. in 3. Epid. & 6. de locis affect.* in quibusuis fieri scribit verisimili admodum ratione : nam cum excrementa illa foetida & fæculenta , quæ sæpius in hoc affectu excluduntur , non solum in tenuibus , sed potius crassis contineantur : fierique possit non solum in illis , sed etiam in his ea dispositio , quæ humorum istorum per inferiora excretionem omnino impediat : hinc sequitur utrisque passionem adscribendam. Adde quod , ut in causis postea dicemus , cum hæc affectio non raro succedat prolabentibus in scrotum intestinis , certissimum est , quidquid neget Laurentius , crassiora potius eò deuolui quam tenuia. Hinc Arabes Colicam & Iliacam quasi forores , & iliacam quasi ilei colicam vocarunt propter affinitatem tam affectus quam affectarum partium. Quærent multi , an hic affectus contingere possit inflammato aut alio quouis modo obstructo pyloro , seu inferiore ventriculi orificio , quando quidem per eiusmodi constitutionem omnis ad inferiora commeatus intercipitur. Quod tamen non videtur verisimile. Primo , quia tanta excrementorum vomitionisque copia ex solo ventriculo promanare non posset , cum vna aut altera excretionem totus facillime vacuetur , quando nihil aliud ex inferioribus partibus affluit. Secundo , in pylori inflammatione , magnæ illæ intestinorum conuolutiones , tensionesque non sentirentur , neque tanta sequeretur alui suppressio , quantum hic contingere omnes sciunt , immutato motu illo peristaltico intestinorum. Denique cum inferius illud ventriculi orificium sit velut origo intestinorum , primique illius quod *δωδεκαδακτυλόν* appellant , credibile est factam in eo inflammationem citò ad hoc intestinum propagari , ac proinde hunc affectum perpetuò intestinis , potissimum ileo & colo , tribuendum , utpote quibus natura excrementorum seu reliquiarum primæ secundæque coctionis continendarum præcipuum munus demandauit.

Quæ vero causæ sint proximæ & immediatæ seu dispositiones morbificæ , ex quibus crudele hoc symptoma proficiscitur , expressimus in propositâ definitione , dum diximus magnam obstructionem aut adstrictionem intestinorum id efficere. Per obstructionem enim seu *ἐμφραξιν* intelligimus omnem materiam seu corpus , quod in cavitatibus illorum positum , viam omnino , & meatum intercludere potest : corpus illud rursus vel adhæret intestinis , ut tumores omnes præter naturam calidi frigidive , qui ex fluxione in eorum substantiam factâ aut congestione geniti , media spatia occupant : aut non adhæret , ut omnis materia , quæ in inferiore eorum parte collecta firmiter occludit viam & commeatum illum communem. Hæc autem multiplex esse potest , prout multa in intestinis contineri solent : nam & fæces ipsæ lapidis instar induratæ , calculus aliquando in illis genitus , ut narrat Hollerius , vermes conglobati , sanguis copiosè in intestina effusus & in grumos coactus , melancholicus succus , mucus seu pituita crassa & viscida angustans aut potius opplens omnino internam alicuius intestini cavitatem. Non est tamen verisimile fieri etiam hanc obstructionem à bile multâ in intestinis gracilibus acervatâ , ut voluit Rondeletius , cum satis notum sit bilem tenuitate & vellicatione quâ prædita est , necnon detergendi vi obstructions potius soluere quam parere , ideoque in intestina effusam clysteris naturalis vicem obtinere. Tot igitur rebus obstructio ista contingere potest. Per adstrictionem verò seu *στέγνωσιν* intestinorum intelligi-

mus omnem angustiam, quæ in illis accidit absque vllâ materiâ seu alieno corpore in earum cavitatibus contento, quàmque aliquando coalitus efficit, vt in *Φιμώση*, post vulnus aut vlcus, quando intestini parietes coalescunt; sed hæc rarò contingunt; sæpius vero eandem angustiam parit compressio in illis facta, vel in sua sede permanentibus, vel prolapsis & à situ suo naturali recedentibus. Primæ illius compressionis species à quouis incumbente corpore, & grauitèr obturante contingere potest, vt inflammatione vel alio tumore ingenti epiploï, musculorum abdominis, vteri, item vesicæ, in qua etiam calculus aut magna collecti muci copia tantum comprimere ac coarctare intestina potest, vt ileon generet, ex sententia Hippocrat. *Aphorism. 44. sect. 6.* quamuis Galenus in *commento* illud pene impossibile existimet. Secunda autem compressio seu coarctatio intestinorum quæ hunc affectum creat, fit, vt diximus, illis à suo naturali situ recedentibus: nam siue proprio pondere, aut contentorum vi, vel continentis, nempe peritonæi imbecillitate, rupturâ, aut relaxatione contingat intestina prouolui in scrotum cum facibus, vel circa vmbilicum contorqueri, quod vel in vnico intestino accidere potest, quando reuoluitur, aut concidit in sese; vel in pluribus, quando complicantur simul: certe tunc periculosissima contingit & frequentissima ilei species; quamuis ab antiquioribus fere omissa videatur. Sunt qui existiment adstrictionem istam seu *στέγνωσιν* in intestinis fieri posse non solum à corporibus vel obstruentibus vel coarctantibus illorum cavitates, sed etiam à sola irritatione, quando videlicet assumpto veneno putrente aut maligno cibo, vt de fungi cuiusdam specie narrant; aut deleteriâ quauis qualitate, ita feriuntur ac percelluntur intestina, vt coactis suis fibris infernè contrahantur, nihilque deorsum ferri permittant: ad superiora verò reuoluuntur: quod etsi rarissimè contingat, non tamen omnino absurdum esse videtur; atque huius meminit Galen. *lib. 3. περὶ ὀξείων*. Posuimus igitur ileon aut propter obstructionem, aut adstrictionem cavitatis intestinorum euenire: rursum diximus obstructionem illam fieri vel à tumoribus propriis intestinorum, vel à materiâ multiplici in eorum meatibus contentâ: adstrictionem autem fieri aut à vicinis corporibus quocumque modo, & valide comprimentibus intestina in suo situ: vel quando decidunt à suâ sede, reuoluuntur & complicantur: aut denique aliquando per solam irritationem: quarum rursus omnium specierum varias & multiplices causas inquirere debet præsens Medicus ex rebus naturalibus, non naturalibus & præter naturam quadam serie repetitas, quas nos vel in præcedentibus fere tractatibus expressimus, vel facile est vnicuique inuenire pro variâ præsentium rerum constitutione, quæ ortum vel incrementum illis præstiterunt. Nos itaque ad signa diagnostica affectæ partis, causarum, & ipsius affectus progrediamur.

Cum itaque prius affecta esse hic intestina constitutum sit, vel per *ιδιοπάθειαν*, quando causa ipsa morbifica materialis in proprio eorum corpore posita est: vel per *συμπάθειαν*, quando videlicet à vicinarum partium pondere comprimuntur & angustantur: ideo imprimis ista distinguere oportet notis morborum qui vicinis partibus contingunt: nam si ileos illis successerit, cum eis simul ingrauescat & mitescat, magna erit suspicio sympathiæ. Vbi vero nulla eiusmodi signa sese obtulerint, conuertendus animus ad dignotionem prædicti affectus, & causarum seu differentiarum illius. In quocumque autem ileo ratum certumque est alui omnimodam suppressionem (Hippocrat. *περὶ παθῶν, διαχωρεῖ εἰδέν*) esse veluti primum & *παθογνωμονικὸν* signum: quamuis enim in colicâ passione, & tardiore aluo, remorentur sæpius fæces, nusquam tamen, vt docet Galenus 6. *de locis affect.* & *comment. in Aphorism. 10. sect. 7.* tanta alui adstrictio, tamque obstinata perleuerat, vt in ileo: ad quam velut consecarius est vomitus ille implacabilis & molestus, primò variorum humorum & eorum quæ assumuntur: postmodum, vbi ad extrema & miseras ventum est, adestque Hippocratis *αἰλὸς δυσώδης*, exitium fæcum. Non quod veræ fæces & figuratæ, quales in recto intestino potissimum continentur, in hoc affectu excludantur: sed humores corrupti vitiatique longâ cruditate & agitatione, qui odore, saporeque ægris & adstantibus molestissimo, fæcum ipsarum prauas qualitates superant. Habet etiam vomitus ileosus hoc peculiare, quod conuolutionibus & tensionibus intestinorum est comitatus, quas Hippocrat. *σωληκὰς* lethales & dolorificas appellauit. His cito annectuntur horrenda signa partium omnium corporis præsentem ruinam præsentientium, vt facies illa cadaverosa, totius corporis foetor, quem Galenus obseruauit in quodam ileoso

lib. 6. prorrh. sect. 3. extremorum frigus & mador, singultus vehemens ab exhausto ventriculo, aut teterrimis illis vaporibus perculso, ructus inanes & olidi, cardialgia, anhelitus difficultas ob diaphragmatis distractionem violentam, cordis tremor & syncope, conuulsio & desipientia, raptis iam sursum humoribus, & cerebro communicatis, vrinæ suppressio cessantibus abdominis musculis, qui ad excretionem multum conferunt, & condolente vesicâ. Signa vero causarum seu differentiarum ilei diligenter attendenda, utpote ex quarum varietate tota curatio est repetenda. Si enim à tumore phlegmonoso fiat, quod frequentissimum voluit Galenus, sentiuntur illa quæ eiusmodi tumores consequuntur, scilicet calor ingens partis, ad quem febris assidua exoritur, rubor oculorum & faciei, nec non aliquando superiorum abdominis partium dolor violentus & fixus, quem inflammatorium appellauit; pulsatio interna, renixus seu durities magna velut extantæ chordæ: citò supprimitur vrina, reliquaue signa lethalia apparent. Quod si à tumore (quod tamen nunquam vel rarissimè fit) frigido fiat, sentitur quidem durities quædam & renitentia pro tumoris naturâ, sed abest febris, saltem in principio; dolor est grauis vel obrusus, sensim augetur affectus, omniaque symptomata sunt remissiora. Quod eodem modo dicas de pituitâ crassâ & lentâ, grumis sanguinis, succo melancholico, aut fæcibus induratis obstruentibus intestina: Præterea in his præcesserunt causæ internæ externæque generantes, aut deducentes eiusmodi succos ad intestina: quod ex rerum præsentium ac præcedentium constitutione erit repetendum. Facillimè autem ista contingunt illis, qui vel ob consuetudinem vel negotia diutius, aluum cohibere solent: muneris enim sui facillè obliuiscitur, & sensim prauis illis humoribus oppletur cum magnâ τῶν σκυβάων, induratarum scilicet fæcum copia, quæ sæpius inuicem complicantur. Quando vero intestina prouoluuntur in scrotum cum indurata fæce, facile est herniosum istum ileum deprehendere; ex tumore & duritie quæ ibi reperitur, ut etiam si laxitas aut crepatura in umbilico aut quauis aliâ peritonæi parte dederit viam intestinis ad recedendum è propriâ suâ sede. Quod ad coalitum intestinorum attinet, necesse est præcessisse vulnus aut vlcus, quæ suis signis satis se produnt. Si vero intestina male colligata in sese concidant aut complicantur, id absentiam prædictorum signorum erit deprehendendum, nec non torsione ac veluti inuolutione chordæ reduplicatæ, quam æger & Medicus facile tactu percipiunt: præterea ad eiusmodi dispositionem inducendam sæpius rerum violentarum impetus, ut casus, ictus, saltus, succussiones, & similia præcesserunt. Denique si à solâ irritatione pendeat ileos, assumpto scilicet veneno, aut quauis aliâ re deleteriâ, incipit à cardialgiâ, tremore cordis, syncope, & vomitu, utpote corde aut ventriculo prius affectis quàm ipsa intestina sint læsa. Neque sentitur illa tensio cum tumore. Notandum etiam in quauis voluuli specie vrinam admodum esse tinctam & rubro colore saturatam, tum propter vigilias, dolores, sitim & abstinentiam: tum quod bilis quæ in intestina deriuari solebat, per eiusmodi motus refluit, & amandatur ad vasa vrinaria: vnde Auicennas monet eleganter, in hoc affectu non esse leuiter pronuntiandum de naturâ causæ frigidæ aut calidæ ex vrinarum aspectu. Præterea quid velit Hippocrates *lib. de internis affectibus* per voluulum *ἰκτεράδῃ, ἰκτεράδῃ, αἱμαπτήν*, non est facile intelligere, nisi fortassis symptomata quædam audiat quæ huic vel illi speciei magis contingere solent, ut rigorem quando humor est frigidior, icterum quando pendet ab inflammatione, fluxum sanguinis quando ex violento vomitu hæmorrhagia è naribus, aut ore subsequitur, quod satis est frequens & ab illo annotatum.

Ex his igitur prognosim in hoc affectu stabiliamus, quam Hippocrates *lib. περὶ πρῶτων* absolutè & ex totâ specie *ὅξυς καὶ ἐμπυιδυόν* vocauit, cui Galen. assentiens *lib. 6. de locis affect.* vix vnquam aliquem euadere scripsit. Inter ilei autem differentias magis periculosa ea quæ complicatas habet causas, ut inflammationem cum crassis humoribus vel fæcibus induratis, vix enim sperabilis est tanti mali solutio, quando duæ causæ sese impediunt & remediis aduersantur. Tres sunt apud Hippocratem Aphorismi, ileosi affectus prognosim spectantes: nempe *10. sect. 7. Ab ileo vomitus, singultus, conuulsio, aut desipientia, malum*: quoniam hæc monstrant synteimoriam partium superiorum, cerebri potissimum & ventriculi vehementer affectorum & compatiuntium. Alius est *44. sect. 6. Quibus ad stranguriam ileos succedit*, non propter compressionem, sed fluente in vtrumque alueum pituitâ, *intra septem dies pereunt, nisi febre superueniente copiosa vrina fluxerit*: quem Aphorismum quamuis Galenus su-

speculum habeat, reperit Hippocrates *in Coacis*: melius tamen adhuc dixisse videtur sub finem Coaci tractatus: *quando ileosis urina interceptio superuenit, cito moriuntur*, quia duplicis meatus angustia urget. Tertius denique habetur *sect. 3. Aph. 22.* ubi vult ileon autumnno potissimum contingere, propterea quod humores, qui per æstus in exterioribus partibus decurrant, succedente autumnni frigore, & inæqualitate ad interiora compelluntur. Præterea *in Coacis*: *si hypochondrii meteorismo & aluo graucolenti, abscessus ad aurem assurgat, mortem infert*: Et rursus, *ileosis vomere & obsurdescere malum est*: sine enim illa surditas fiat ab exolutione cerebri, siue obstructione meatus auditorij ob instantes aut præsentis parotidas, ægri tunc *ἐχοντες ὀλεθρῆς*, mortifere se habent, extinctâ iam animali facultate, aut oppressâ ab affluente materiâ, cuius pepasimus in tam celeri morbo, aut vacuatio non est sperabilis, suppressâ omnimodè aluo. Inter ætates, ut vult Aëtius, pueri magis incurunt voluulos propter ingluuiem; quàm senes: facilius autem liberantur, quia partes humidiores, & minus tensas naturaliter obtinent. In ileo tunc salutis quædam spes affulget, quando alius vel sponte, vel artis beneficio aliquid excludit, potissimum ubi quædam indurata stercoris partes excernuntur, & vomendi impetus minuitur.

Non est etiam omittenda controuersia, quæ videtur esse inter Aurelianus & Auicennam. Aurelianus enim *lib. 3. acutor.* agens de ileo, *memorant*, inquit, *ventum per podicem redditum sine odore retro perniciosum esse: at si fuerit odoris ætri, salutem promittere. In illis enim ob nimiam strictionem tanquam liquatus spiritus purior excluditur: in his autem ob quamdam laxamentum facultatem infectus exhalationibus stercorum excluditur.* Auicennas contra proprio capite valde foetentem crepitum damnat. Quæ ita conciliari possunt, si dicamus, verum esse quod dicit Aurelianus de crepitu. Si enim nullo odore sit præditus, maiorem obstructionem significat, ac proinde melius esse ut modicè foeteat: Sin verò valde putrilaginosum præ se ferat odorem, periculosum esse cum Auicenna, quia corruptelam ingentem subesse significat, quæ emendari non potest. Vel dicendum, mali odoris crepitum minorem quidem obstructionem significare, sed deteriore esse causam quæ illam parit. Atque hæc de prognosi, nunc ad curationem veniamus.

In cuius explicatione non est quod peculiariter ea omnia recenseamus, quæ vel in præcedentibus affectibus huic affinis potissimum colico, proposita fuerunt: vel ex communibus præceptis colligi possunt: sed ea solum quæ ad tanti morbi expugnationem præcipuam vim habere in veterum monumentis tradita, vel à posteris feliciter inuenta, & quotidiano vsu à nobis ipsis comperta fuerunt. Cum igitur tam præcipientis & periculosi affectus essentiam posuerimus *ἐν τῇ ἀνω ἐίλησει*, in illâ intestinorum reuolutione, & omnimodâ alui suppressione: sequitur veram illius sublationem positam esse in eis quæ aluum soluere & interceptionem meatus illius expedire queunt. Verum quoniam illa interceptio fit à variis causis obstruentibus aut adstringentibus, ideo habenda ratio varietatis causarum, non solum coniunctarum & proximarum, sed etiam antecedentium, si morbus aliquas dederit inducias: secus enim tota erit conuertenda cura ad propinquæ causæ, ex qua tam sæuum symptoma suscitatur, ablationem. Quod ad victus ergo rationem attinet: cum parum in illo virium positum sit ad istius affectus expugnationem, ideo breuiter de eo transigamus, dicentes alimentorum substantiam debere esse hic euechymam, formam forbilem, quantitatem modicam, quæ non magis impellat naturam ad vomendum, qualitatem oppositam qualitibus causæ, ut etiam hac ex parte iuuetur æger, quantum fieri poterit. Reliquæ etiam res non naturales ritè dispositæ sint ad expugnandum causas morbificas, quod sæpius à nobis fuit propositum, & facile est unicuique ex contrariorum regulâ inuenire. Nunc itaque ad ipsa remedia aggrediamur.

Vbi igitur à tumore phlegmonoso exoritur ileos, quod frequentissimum esse voluit Galenus, ea erit instituenda curatio quam nos fusè sumus persecuti in tractatione colici affectus ab inflammatione: Cui hoc tantum addemus, quod in omni inflammatione partium internarum à recentioribus obseruatum est, aquam florum papaueris rubri ad ʒ iij. vel iiij. sumptam bis in die sub morbi principium, magnum adferre commodum, tam ad sedandam phlogosim & intemperiem partis, quam fluxionis impetum compescendum, & excitandi sudoris causâ, quo sæpè mitescere solet morbus. Quod si à tumore frigido fiat ileos, scirrholo scilicet aut œdematoso, qui omnino internum oppleat intestini meatum,

magna erit curandi difficultas : quoniam istæ frigidorum succorum collectiones non nisi diuturnitate temporis attenuari, resolui aut mollescere possunt, prius vero mors obrepit priuatione actionis illius ad vitam necessariæ, vt vehementi naturæ perturbatione, quàm hæc perfici possint : tentanda tamen therapeia vehementer purgantibus, tam per os sumptis, quam per anum infusis, vt oberrantes saltem circa tumoris molem humores cito vacuentur, & maior obstructio impediat. Admoueantur confestim parti dolenti, quæ materiam educant foras & resoluant per insensilem transpirationem, vt omnia diaphoretica, & epispastica, fofus, vnguentâ, emplastra, & similia : necnon sensibilibus vacuantia, vt cucurbitulæ cum scarificatu, aut vesicatoria, quibus si imminuatur affectus, & fæces per inferiora elabantur, postea ad methodum ordinariam eorundem tumorum, omnibus satis notam, erit accedendum.

Quod spectat verò ad reliqua obstructientia, vt lumbricos, fæces induratas, pituitam crassam & viscidam, succum melancholicum & similes, non erit dispar curandi ratio illi quæ iam proposita fuit capite de lumbricis & de aluo suppressâ : hoc tantum notato, quod in extremis morbis extrema remedia exquisitè adhibita usurpari debent : ideoque non esse hic cunctandum, sed validis quam primum mollientibus, detergentibus, incidentibus, vacuantibus, pro variâ causæ naturâ esse agendum, vt confestim, si fieri possit, imminuatur illa obstructio, & aditus quidam humoribus concedatur. Balneum relaxans & emolliens in his casibus commendatur, atque vt ægro tunc acriores in anum glandes aut suppositoria indantur : per os verò exhibeantur iuscula pingua, olei amygdalarum dulcium ℥ iij. quando stercotum durities id præstat, vel oxymel compositum : decoctum radicum aperitiuarum & raphani, si à crassis humoribus pendeat : eadem per clysteres affundantur, in quibus non erit inutile vnguenti dialthææ aut resumptiui ℥ j. dissolvere. Post exitum balnei exhibeantur cathartica conuenientia sub formâ pilularum, aut boli, vel pulueris, ne tam facile reiiciantur : ad quod accommodatissimæ videntur mihi pilulæ coccinæ minores dictæ, quæ pondere 3 ss. egregie aluum concitare possunt : horâ vnâ post sumptas pilulas exhibeatur clyster catharticus, qui paratam materiam ad inferiora citò deducat. Si nolit pilulas, capiat turbith pulueris. 3 j. ss. cum ʒ j. diagridij, in vino albo dissolutorum ; aut prædicti pulueres excipiantur pauco melle rosaceo, & fiat bolus, quem capiat omni hora. Iniecto deinde clystere aut acriori glande siue supposito, quod filo appendere & coxæ alligare conueniet, ne intro rapiatur, vt solet in hoc affectu, si quid hac ratione processerit, tunc experienda recentiorum cura, qui iubent globulum plumbeum vel aureum esse deuorandum, vt suo pondere reliquias obstructionis protrudat. Velim ego, si vires ferunt, tunc ægrum in balneo ex decocto althææ parato collocari, vt maior partibus laxitas comparetur. Narcoticorum vsus summopere in hoc affectu conducit, vt quædam induciæ parentur naturæ : necnon sæpe prodest illa purgantibus miscere. Sunt qui nihil præstantius esse existiment, quam si argentum viuum à ʒ j. ad 3 j. vsque deuoretur pro conditione ægri : nihil enim validius asserunt ad agitandam & quasi perforandam materiam illam obstructentem. Impune autem deuorari hydrargyrum, nec inter venena esse reponendum, nisi quantitate nimia assumatur, docuit Fallopius *proprio capite*. Apud Aurelium legitur Catapotium plumbi, à Serapione descriptum, cuius vis non parua esse videtur in hoc affectu : ramentum enim plumbi cum elaterio, diagridio & sale, excipitur terebinthinâ, & in pilulas concinnatur : *Vt enim plumbum* (inquit ille) *impellit pondere, & excludit obtrudentia, sic reliqua aperiendo, trahendoque non parum valent.* Plinius autem Secundus lib. 2. cap. 33. scribit sanguinem discerpti vespertilionis calentem ventri illitum ileosis plurimum conferre : item spoliū serpentis decoctum in vase stanneo cum oleo rosaceo, & ventri admotum. Sed hæc ad empiriam propius accedunt, quæ tamen experiri licebit.

Superest adstrictio seu angustia intestini, quæ ileon parit absque interuentu materiæ. Ad cuius curationem strenuum etiam oportet esse & diligentem Medicum, atque principiis obstare, ne ingrauescente morbo præterlabatur occasio adhibendorum remediorum. Quare si ex adhæsu fiat vlceratorum intestini parietum inuicem coalescentium, disrumpenda imprimis illa connexio eis quæ pondere suo diuellere possunt adhærentes partes, vt deuorato aureo vel plumbeo globulo : deinde sumptis & admotis deterfio & exsiccatio vlceris, promouenda, quemadmodum dicitur capite de dysenteria, donec cicatrix inducta fuerit : totiesque

que iteranda disruptio eiusmodi coalitus, quoties renouari videbitur. Sed hæc raro admodum contingunt. In prolapsu autem intestini ad scrotum aut umbilicum, tentanda est subita illius repositio, antequam inflammatio oboritur, aut intestinum diutius pressum infletur: ubi hoc enim semel acciderit, deplorata est salus ægri. Si enim in scroto maneat, perseverante ileo moriuntur: sin vero reponatur, intra sex aut septem horas pereunt, succedente partis sphacelo & putrilagine. Quomodo autem reponendum intestinum, molliendo, laxando, foribus, oleis, balneis, blandâ Chirurgi contrectatione, & vario corporis situ, satis est notum, & dicitur in tractatu de herniis. Eodem modo conuoluta aut complicata intestina restituantur, variâ contrectatione, & motu corporis, nec non suspensione per pedes, ut diuersis his commotionibus malus ille situs, aut connexus intestinorum expediatur. Interdum quoque balneo, aut fotu molliente & relaxante restituntur, sumptoque globulo illo plumbeo vel aureo.

Quibus frustra tentatis audent aliqui (quod de Praxagora Medico refert Aurelianus) ventrem aperire, & per medium vulnus plicaturam intestini, aut aliam quamque dispositionem tollere: neque magis periculi in hoc autumant, quam in partu cæsareo celebrando, cuius nunc vulgata & probata est omnibus operatio: quæ tamen non erunt tentanda, nisi expetente ægro aut parentibus, & dubij euentus certè præmonitis. Hippocrates lib. περὶ πιάδων, & de internis affectionibus, conuolutiones istas expugnat mirâ quadam ratione: apposis enim podici follibus tantum flatus immitti vult, donec vi sua intestina attollant, & distendant; sperat enim sic dilatatis intestinis minorem fore obstructionem, ac clysteribus accommodatis viam parari, quâ educere materiam intus latitantem valeant. Atque hæc erant quæ de tanti affectus curatione habebamus proponenda. Quod ad ileon enim attinet, qui ab irritatione fit assumpti veneni, putrentis cibi, aut alterius malignæ qualitatis; illius sublatio cardiacis potissimum, quæ peculiariter theriaca seu antidota appellantur, erit perficienda: nec non vomitus, qui in hoc solo casu competit, statim iuuandus est, ut noxij illi humores, succi aut quæcunque assumpta confestim excludantur, nec diuturniorem intus moram faciant. Absolutis ergo suppressæ alui symptomatis: iam ad immodicos illius fluxus accedamus, ducto à diarrhœâ exordio.



C A P V T V.

De diarrhœâ.



INTESTINORVM, ut & reliquarum corporis nostri partium quasdam esse actiones vsusque nemo dubitat, præcipuè naturales & insitas, attrahendi scilicet, retinendi, concoquendique proprium alimentum, atque illius superflua expellendi. An vero totidem illorum facultates communibus corporis officiis inseruiant, multi non immerito ambigunt, autoritatibus quibusdam Galeni & rationibus adducti, quas nostrum non est hic recensere. Existimamus enim quatuor illas facultates attrahendi, retinendi, concoquendi, & expellendi non minus intestinis quam ventriculo esse concessas ad priuatos & publicos vsus. Cum enim eadem sit intestinorum & ventriculi substantia & compositio, in eis triplex villorum genus reperiatur, denique idem sit finis, nempe ad totius corporis primam alimoniam concoquendam, deporandamque & reliquias expellendas: certe cogimur fateri, totidem esse in intestinis functiones officiales seu publicas; nusquam enim ritè ne dicam violenter, procederet chylosa materia à ventriculo, quamuis expulsa, nisi ab intestinis attraheretur: quomodo etiam succederet diuulsio illa quæ est necessaria ad famem excitandam, nisi attractio intestinis concedatur? Eademque citius dicto efflueret, nisi ab eisdem retineretur: quemadmodum patet in leienteriis, quæ dysentericæ affectioni & cicatricibus obductis succedunt, in quibus chylus sine vllâ ventriculi labe aut expultricis irritatione effluere solet. Est tamen ea differentia inter hæc istarum partium communes functiones, ut splendidior sit in ventriculo attrahendi retinendique vis: in intestinis verò expellendi: concoquendi autem seu chyli-

ficandi

candi facultas, si prima rudimenta spectes, in ventriculo maior: si in verò perficiendi & absoluendi ac secernendi munera consideres, in intestinis præstantiora esse reperies. Quæ omnia ritè pro naturæ instituto disposita fuere, ut cuilibet partium istarum usus contemplanti diligenter, notum esse potest. Nos ergo his positis ad constitutum pensum accedamus, immodicè scilicet fluentis alui affectus, qui tres illius facultates respicere videntur, concoctricem scilicet, retentricem, & expultricem non tam priuatas quam publicas. Vulgo autem quinque recensentur symptomata, nempe diarrhœa, lienteria, sub quâ Coeliacam complectemur, dysenteria, & tenesmus, certis notis inter se distincta, ut in sequentibus patebit.

Diarrhœa itaque Hippocrati & Galeno est alui profluvium ingens, seu iugis & copiosa excretio per anum liquidorum variorumque humorum, absque insigni dolore, cruditate, phlegmone, exulceratione, aut sanguinis permixtione. Dicitur enim diarrhœa propriè *ῥοιῶδης καὶ ἀμετρὸς* à diurnâ & copiosâ fluxione alui, quam Hippocrates in *Coacis* sæpius per *τὰς ὑγρὰς καὶ λίαν, καὶ λίαν ῥύσιν* Aph. 16. sect. 3. aut *τὰ ὑγρὰ καὶ πολλὰ διαχωρήματα* exprimit. Ridiculè quidam diarriam, quasi diariam volunt esse dictam, quia sæpius in die venit. Latini ventris fluxum, ut Celsus, vel defluxionem, ut Aurelianus, citam deiectionem & foria vocant, Galli *la foire*, ductâ à symptomate, nempe excreto nimio, appellatione. Hoc autem symptoma quod in genere excretorum immodico positum est, consequitur necessario aliquam functionis intestinorum noxam, expultricis potissimum, quæ in hoc affectu præcipuè oblati solet; quemadmodum concoctrix aut retentrix in lienteria aut coeliaca. Siue enim tempestiuè & ad animalis commodum hic alui fluxus excitetur, ut in critica aut periodica diarrhœa; siue intempestiuè, & magno naturæ detrimento, ut in symptomatico & laborioso alui fluxu, semper *τὰ περιττώματα* ea quæ excernuntur substantiâ, qualitate, quantitate, aut vtrisque molesta, naturam ad expellendum præter consuetudinem irritant, & excretici facultati negotium faceffunt. Hoc tamen discriminis est inter laudabiles illas ventris perturbationes & morbosas, quod in illis minor molestia sentitur, vires exclusione istorum humorum recreantur potius quam deiciuntur, *Confert* (inquit Hippocrates) Aph. 2. sect. 1. *ὁ λευκὸς φέρει*: concoctionis notæ apparuerunt, & ea quæ exeunt quantitate potius excedentia, quam substantiæ aut qualitatis malignæ vitio molesta sunt. Adde quod vel subito & conferim erumpunt, ut in critico conatu; vel statis temporibus & circuitu periodico erumpunt ac commodè cessant. In his verò *δυσφορία* & anxietas cum *ἀνομία* & virium deiectione succedit: multa cum stridore aut flatu exeunt *ἀπὲρλα*, aquosa, graueolentia, aliquando *ποικίλα* & variegata, aliquando impermixta & sincera pro varietate humorum peccantium, & partium à quibus illi deriuantur.

Diximus enim in diarrhœa liquidos variosque humores profundi: quoniam hic alui fluxus non tam est stercorum crassarumque sæcum, (quarum non est tanta in intestinis copia, ut hunc affectum producere possint) quam tenuiorum, diffluentiumque succorum, qui vel à toto corpore, vel à parte aliqua, ut cerebro, hepate, liene, ventriculo, mesenterio, vna vel pluribus in ventris sentinam amandantur. Vnde etiâ exurgunt diarrhœas differentia, ut ratione partium mittentium habitualis, cerebralis, hepaticæ & similium. Ratione autem profluentis humoris appellatur syntectica, colliquatiua, seu adiposa, purulenta, ichorosa, pituitosa, biliosa aut melancholica: sic si solus fuerit, impermixtam illam & sinceram: si multiplex, & permixtus, mixtam & variegatam diarrhœam ab Hippocrate annotatam excitabit.

Addidimus, hunc alui fluxum contingere absque insigni dolore, cruditate, phlegmone, exulceratione, aut sanguinis permixtione, ut ab aliis alui profluviiis accuratius distingueremus. Neque enim dolor hic ingens ægros excruciat, ut in tenesmo aut dysenteria: neque alimentariæ materiæ crudioris prolapsus apparet, ut in lienteria & coeliacâ: neque tentantur intestina phlegmone, abrasione, aut ulcere, ut in verâ dysenteria: neque sanguis purus aut commixtus in diarrhœâ excernitur, quemadmodum in dysenteria hepaticâ vel hæmorrhoidali fluxu: vnde hic versus apud antiquos iactabatur, *cruda lienis simplexque diar. cum sanguine dysent.* Verum quidem est in diarrhœâ tractu temporis & vitio exeuntis materiæ, sæpius inflammationem cum exulceratione ac sanguinis profusione subsequi, ut est apud Hippocratem Aphor. 23. sect. 7. sed illud in principio non aduenit.

Quæ verò sint causæ istius affectus & differentiarii, externæ internæque, nunc est inquirendum: ut ex his postea signorum tam diagnosticorum quam prognosticorum rectam rationem ineamus, conuenientemque therapeiam instituamus.

Quæcunque igitur *περσάου* seu procatarctica causæ humorum multitudinem quantitate solâ, vel substantiâ aut qualitate peccantium producere possunt in toto vel parte aliquâ corporis : quæcunque hosce humores à reliquis partibus in ventris capacitatem protrudunt : coctionem partium, nutritioni potissimum dicatarum, violant : retentricem debilitant, aut expultricem ipsam infestant, & ad excernendum violenter sollicitant : illæ omnes diarrhœas parere possunt. Sic aëris intemperies seu constitutio pluuiosa ingentes alui fluxus excitare solet, ut est in *Aphorismo decimo sexto sectionis tertie*, auctis nimirum humiditatibus & dissoluto retentricis robore : eiusdem frigidior tempestas & aquilonia, dum resolutionem oclusis externi habitus poris impedit, exprimitque pituitam in cerebro contentam, per accidens diarrhœas illas, præcipuè cerebrales dictas, concitat, quibus adde aëris corruptelam & pestilentem statum, per quem lethaliissima alui profluvia commouentur. Alimenta verò, tum ratione suæ substantiæ quando est *δυσππτα* aut *κακόχυμα*, concoctricis vim superando, & prauos succos multiplicando : vel quando nimis velociter nutriunt & distribuuntur, ut habetur *Aphorismo decimo septimo sectionis secunda*, ventris profluvia pariunt : tum ratione qualitatis frigidioris, humidiorisque cruditates pariendo & laxando : vel acrioris putredinosæ & deleteriæ, pungendo nimium, vellicando, & tergendo : sub quorum censu referenda potissimum venena caliditate & erodendi vi prædicta, necnon medicamenta omnia maligna, seu non ritè præparata, quæ horrendas illas hypercatharises commouere possunt. Item quantitas ciborum potiusque nimia, necnon peruersus eorum ordo ac tempus, dum nimiam faciunt in corpore saburram : vel causæ sunt corruptionis eorundem malæque distributionis, hunc affectum facile producunt & augment. His adde otium & corporis torporem diuturnum, quo humiditates accumulatur : exercitationes violentas, quæ statim à pastu celebrantur, ut choreas, duras equitationes, cursus & similes, quæ coctionem ventriculi interturbant, alimenta incofacta inde præcipitant, & obstructions mesenterij concitant. Excretiones etiam solitæ per sudores, vesicam, vomitum, aut alias vias, si supprimantur, diarrhœæ authores esse poterunt. Venus vero immoderata, ut & sanguinis largæ profusiones aluos humectant, ut est *Aphorismo vigesimo septimo, sectionis quarta*, quoniam vim concoctricis facultatis admodum deliciunt, corpusque cruditatibus implent. Sic etiam somnus, quamuis per se humorum motus & effluvia sistat, si diuturnior tamen fuerit & intempestius, collectâ intus magnâ humoris copiâ, ansam huic affectui præbebit. Denique omnia animi pathemata, quæ vel coctiones labefactabunt, ut timor, curæ, & meditationes nimix ; vel humorum acrimoniam augebunt, ut ira & amor, sæpè non leuem occasionem etiam suppeditabunt.

Quod ad internas vero causas attinet, illæ vel sunt naturales & ex primordiis nostris petitæ : vel contra naturam. Naturales sunt, ut temperamentum totius frigidius humidiusque ; vel partis, ut cerebri pituitosioris aut ventriculi imbecillioris, quâ de causâ balbos diuturnis alui profluuiis corripit scripsit Hippocrates *Aphor. 32. sect. 6.* quo modo etiam ætates immutare possunt variè alui constitutionem, ut iam superiori capite docuimus : ipsæque mulieres viris ut plurimum liquidiorum habent aluum. Res verò contra naturam in hoc affectu producendo potissimum valere, nemini est dubium : nam & intemperies totius corporis hoc præstare possunt. V.g. frigidior inductis cruditatibus : humidior relaxando, multiplicandoque materias istas morbificas : calidior etiam per febres hæcticas, & colliquatias, quæ totam corporis pinguedinem fundentes, adiposas illas fæces & vrinam proliciunt : per febres putredinosas, & humorales, ex magnæ cacochymix vitio intus genito : aut certè per coctiones materiæ morbificæ factas, quas diarrhœa critica consequitur. Intemperies etiam variæ partium idem præstare possunt. Nam cerebrum catarrhis oppressum, quando pituitam inspidam aut acidiorè ad inferiora demittit magnâ copiâ ; aut salsam exustamve & ichorosam, diarrhœas illas pituitosas, ichorosas, spumantes, & salsuginosas (Hippocrati *διάρροιαν ἀλμυράδην*) excitat. Item hepar feruidum ex magno biliosi humoris acriorisque feri prouentu : lien obstructus aut inflammatus ; mesaraicæ venæ oppletæ alui fluxus biliosos, atrabilarios, ichorosos & variegatos concitare solent. Quibus adde vomicas & collectiones puris in thorace aut alibi factas, quæ sæpè per hunc ductum expurgantur, & purulentam diarrhœam faciunt. Necnon ventriculi & intestinorum intemperies, quibus si maiores fiant humorum *συρροισμοί*, concitatur expultrix facultas ad excernendum, laboriosa

modò bonis ægri rebus, si talis alui fluxus commodè sistatur; aliàs infauiste, quândo laboriosa est & symptomatica eiusmodi vacuatio: Atque hæc de causis.

Signorum verò ratio, quibus pars affecta, affectus species & causæ deprehenduntur, ex solitis fontibus reperenda. Etenim ubi intestina, præcipua scilicet huius morbi sedes, ex sympathetiâ receptæ ab aliis partibus materiæ laborant, augetur hic affectus & generatur cum illarum partium affectibus; illisque mitescentibus sedatur. Totius itaque corporis habitum, sub quo etiam venas complectimur, suam illuuiem in intestina deponere declarant, illius repletio præcedens cum pondere, lassitudine tensiva, deiectiones variæ, & pro naturâ humoris in toto dominantis, otium multum, largior victus, & aliquando excretionum consuetarum retentio vel imminutio, quam nullius partis male affectæ querela comitatur. Si verò ex toto fiat colliquatio pinguioris & adiposæ materiæ: tunc febris hectica, aut ardens præcessit vel adest, cum extenuatione vniuersi corporis, vel saltem marcor & summa imbecillitas in partibus externis & musculofo genere. Quando autem intestina partis alicuius excrementa suscipiunt, pariter eius notæ erunt manifestæ ex earumdem partium male affectarum internotione: cerebri enim catarrhos, qui in partes inferioris ventris irrumpunt, facile est deprehendere ex eis accidentibus quæ circa caput apparent, vt grauitate, somnolentiâ, spuri multitudinem aut sensibili destillatione, quæ fauces & gulam irrigat, aliquando dulci aut insipidâ, aliquando salsuginosâ, prout cerebrum fuerit affectum, aut humorum permixtio contigerit. Addunt Præctici, in diarrhœâ cerebri aluum magis noctu & circa horas peruigilij fluere, quàm interdiu, quia tunc pituita dominatur & motum suum habere solet. Hippocrates autem *Aphor. 30. sect. 7. Quibus, inquit, in alui profluiis excrementa spumantia funduntur, iis ex capite profluit pituita*; spumam enim eiusmodi ex motu & longiori defluxu generari credibile est, ob permixtionem largioris flatus. In puerulis dentientibus plurimum diarrhœa cerebri exoritur, attracto scilicet ob dolorem excremento, & acriori reddito.

Quod si iecur vel cystis fellea coaceruatam diutius bilem, vt fit per obstructions diuturnas; vel copiosius genitam, vt fit per illius inflammationes, profundat: facile erit obstructions illas agnoscere ex dolore, pondere, & renitentiâ circa dextrum hypochondrium sensibili: tuncque bilis diutius retenta notas exustionis profert, virore aut attriori colore prædita: quemadmodum per inflammationes citrina magis & quasi ignea apparebit, cum siti, febre assiduâ, aut saltem ingenti feruore, qui in plantis pedum manuumque volis præcipuè elucescit. Quod ad fluxum autem illum attinet chylosum, qui fit obstructo aut scirrhis obfesso iecinore, nec primam illam alimoniam distribuyente, melius erit ad leienteriam postea referre. Sic lien & mesenterium obstructum, scirrhis affectum, aut inflammationibus tentatum: vel quia non trahit succum melancholicum, vel quia eundem exurit, melancholicos & atrabilarios fluxus concitat, quos eadem ratione dolor, calor, pondus, aut renitentia in sinistro hypochondrio declarant, & reliqua quæ in propriis tractatibus fufius explicantur. Quemadmodum puris perfusio ex aliis partibus in ventrem ex præcedentibus illarum inflammationibus & suppurationibus cognoscetur. Sin verò nec habitus corporis plethoricus, nec totius colliquatio, neque cerebri destillationes, aut hepatis, lienis, vel aliarum partium male affectarum notæ appareant: tunc non erit accusanda sympathia, sed potius idiopathia ventriculi ac intestinorum, quæ vel ob frustratam coctionem ab intemperie frigidiore, vel debilitatam retentricem ab humidiori, aut irritatam nimium expultricem ab acrimoniâ humorum ibi genitorum ob multiplices causas, largam & aliis fluxibus longè diuturniorem diarrhœam, mucosis, ichorosis, corruptis, & male olentibus succis scatentem, producant.

Ex quibus etiam tum causarum natura, tum affectus species innotescunt: causarum enim externarum & accidentium cognitio facile habebitur, tam ex relatione ægri & adstantium, quam causarum præsentis aut prægresso statu. Internarum verò tam antecedentium quam coniunctarum, ex humoris siue excreti variâ substantiâ, quantitate & qualitate, plus minus à naturali recedente, & propriis constitutionibus à quibus profluit ille humor: & quæ comitari solent illas constitutiones, siue sint morbi, siue symptomatica. Verbi gratia biliosi succi perfusio, si non fluat ex toto, magnam iecoris

affecti coniecturam adfert; quod si illius dolor, tensio aut inflammatio adsint, maior adhuc erit certitudo. Ita dicas de pituitoso, mucoso, ichoroso, aut purulento fluxu. De nigro autem distinguendum, an sit melancholicus, atrabilarius, aut sanguis concretus, quæ omnia Hippocrates sæpè per τὰ μελανά complectitur. Atrabilarius quidem pici liquatæ simillimus, satis suâ se prodit acrimoniâ & feritate, & quia citò exulcerat, abraditque intestina, terram fermentat, & ebullitionem facit. Melancholicus verò & sanguineus eo distinguuntur, quod sanguineum sæpè vomitio cruenta aut hæmorrhagia præcesserunt, & iniecta in deiectiones linteola rubro colore inficiuntur, quæ omnia desunt succo melancholico naturali, magisque in hoc affecti lienis notæ apparent. Ex his affectus etiam species declaratur, quia talis esse solet, qualis est causarum illum efficientium aut fouentium conditio, partisque afflictæ natura. Nunc itaque breuiter prognosim nostram stabiliamus.

Distinguendum imprimis, an διάρροια symptomatica sit, vel critica, sub qua etiam illa reponitur, quæ longis morbis accidit, vt leucophlegmatix, &c. Vel periodica: sine febre aut cum febre: & vtrum febris initio, vel in progressu apparuerit: hinc enim varia prædicendi ratio desumitur. Quodcunque enim alui profluuium periodicum solet certis dimensisque spatiis humorum sarcinam deplere; in bonis est habendum: talia enim excernuntur, qualia excerni debent. Sic criticum, quod sequitur materiæ morbificæ concoctionem, salutariter admodum, tam morbos acutos, quam chronicos soluere solet: vnde illud Hippocratis *Aphor. 29. sect. 7. Leucophlegmatix detento, fortis diarrhœa superueniens, soluit morbum: Lib. 1. de morbis*, lienosos etiam liberat. In Coacis incipientem hydropem exoluit, si cruditatis sit expers. Et *Aphor. 17. sect. 6.* ophthalmicis diu vexatis solatium adfert, vacuatâ scilicet materiâ quæ in oculos irrumpebat; vnde etiam surditatem in febribus curare solet, *Aphor. 28. & 60. sect. 4.* Quid plura? Certior & magis fida morborum iudicatio fit per alui fluxum, si quidem ad humoris morbifici μεταστροφὴν & exclusionem fiat. Quod si per ἐμπύεσιν accidat, multiplicationem scilicet humoris morbifici aut intemperiei: & in eis morbis qui causas suas nō possunt commodè in aluum deponere, magnam naturæ infirmitatem, & exolutum robur partium nutritioni dicatarum indicat: vnde phthisicis *Aphor. 12. sect. 6. & 14. sect. 5. tum quoque 16. sect. 6.* pleuriticis, peripneumonicis, hydropicis confirmatis, aut scirrho aliquo interno laborantibus, vt vult Galenus *cap. 5. lib. 2. de Glaucon.* mortem portendit. Sic cum febre ardente aluus profusâ perseuerans, mortiferum in Coacis; quia ostendit partium cacopragiam, & magnum caco-chymix vitium, quod corrigi tam commodâ vacuatione nequit: Hinc Auicenna omnem morbum habet suspectum, qui ab aluo fusâ incipit, nec mitescit. Distinguendum autem, an febris præcesserit alui fluxum: quia tunc materiæ malignitas indicatur: sin vero subsequuta sit, fit aliquando, vt ex solo desidendi labore exoriatur ephemera, & facile soluat. Eadem ratione reformidat Hippocrates omnem deiectionem sinceram & humoris suo sero destituti, *Aphor. 23. sect. 7.* quia magnum incendium significat & instantem dysenteriam. Formidolosæ etiam omnes deiectiones adiposæ, oleosæ, aut glutinosæ, quia corporis σύντηξιν fieri ostendunt: item atrabilariæ, *Aphor. 21. sect. 4.* variegatæ & quæ in peiora commutantur, *Aph. 14. sect. 2.* quia magnam humoris labem designant. Purulentæ aliquando fuerunt salutares, si ritè expurgetur materia in superioribus partibus collecta, vt annotat Galenus de empyicis *lib. de locis affectis.* Mucosæ, serosæ, pituitosæ, biliosæ, vt plurimum commodè terminantur, si conueniens therapeia adhibita fuerit. Aliàs in inflationem pedum, hydropa, cachexiam & similes affectus desinunt, vt est 2. *prorrh.* vbi Hippocrates certum salutis indicium esse vult, quando manu ventri admotâ, nullus in eo motus, vel palpitatio percipitur, flatusque deiectionem subsequitur: quia inde naturæ quies & coctionis cuiusdam rudimenta significantur. Præterea *Aphor. 15. sect. 6.* vomitus spontaneus diarrhœæ longæ superueniens, signum est salutaris, quia indicat naturam ἀντίστροφον, contrariam scilicet viam, affectare, necnon reliquias quæ superesse possunt, sursum excludere. Mala admodum ciborum inappetentia diu perseuerans cum diarrhœâ: malum etiam est in Coacis & pene mortiferum, quando perfrigeratio diarrhœæ cum sudore, aut animi deliquio accidit. Atque hæc de prognosi, nunc ad curationem aggrediamur.

Θεραπεία ergo conueniens ex ritè institutâ διζυγίῳ partis affectæ, affectus, causarumque, erit instituenda, prout methodus indicationum curatiuarum docet. Quod ad criticam ergo & periodicam diarrhœam spectat, nullo artis medicæ auxilio indigere

digere videntur : *qua enim indicantur aut indicata sunt, non oportet mouere, sed sinere natura dispensantis arbitrio* : si verò reliquæ quædam subesse videantur, tunc illæ erunt leuiter excindendæ metu recidiuæ : inde vulgus hoc habet protritum, *nihil in diarrhœâ ante triduum esse tentandum*. Celsus, uno, inquit, die fluere aluum sape pro valetudine est : atque etiam pluribus diebus, modo intra septimum conquiescat, neque de-nuò turbetur, ac neque feбри, neque vehementer siti afflicter : ex suppressis enim citius diarrhœis magna pericula imminēt, inflammationes viscerum ac pessima-rum febrium fomites. Indicationes itaque therapeuticae tales sint. Cum diarrhœa morbose seu symptomatica sit humorum fluxus immoderatus, ratione symptoma-tis, nempe excreti, videtur suadere ea quæ constringunt, & impediunt tale efflu-uium : quia tamen humor ille in partibus internis latitans magnas corpori noxas inferret ; ideo permittenda eiusmodi fluxio per aliquot dies, recto tantum insti-tuto victus genere, & causis morbificis opposito : Ac si non satis commodè ex-purgari videatur, tunc remediis catharticiis materiam illam confertim vacuantibus adiuuandus naturæ motus : Eleganter enim Hippocrates *Aphorism. 69. sect. 7.* docet in eiusmodi affectu *ὑποκαθῆραι τὴν κοιλίην*, & tenuiter nutrire. Si obstru-ctiones subsint, conuenienter soluendæ : materiæ etiam fluxus reuellendus, tam eis quæ manifestè id præstant, sudoribus, vomitibus, vrinarum prouocatione ; quam insensibiliter, vt balneis, ligaturis, frictionibus, cucurbitulis circa extrema cor-poris adhibitis : item ipsa materiæ tenuitas & acrimonia incrassanda, & obrunden-da alterantibus, tam alimentis quam medicamentis sumptis & admotis : atque partes ipsæ roborandæ. Quod vt illustrius euadat, appositione singulorum exem-plorum, pro ratione variâ partis affectæ, & humoris profluentis est declarandum.

DIARRHŒÆ EX TOTO CORPORE CVRATIO. Initium itaque ducamus à fluxu, qui sit à toto seu habitu corporis, venosoque genere suam cacochymiam in ventris inferioris sentinam amandante. Hic si cum febre iunctus sit, & pletho-ra appareat : imprimis victum requirit tenuem, refrigerantem, & modicè exsic-cantem, cum leui adstrictione, ne omnino dissoluatur robur calidi natiui per im-modicam vacuationem. Vitetur itaque omnis satietas & repletio. Imperentur panatellæ, oryza, lac cum paucâ aquâ decoctum, iusculum gallinæ antiquæ, vt est apud Galen. *lib. 6. de simpl. medicam.* in quo folia verbasci vel plantaginis aut portulacæ incoquantur : carnes assæ auium montanarum, succo granatorum aut omphacio cum paucâ rosaceâ aspersæ : fructus adstringentes, vt sorba, mespila, pyra & cydonia mala, necnon eorum condita ante pastum sumpta. Aqua leuiter decoquatur, aut in maiore fluxu chalybe ignito attingatur. In virium deiectione aut febricula tantillum vini rubri austeri concedatur. Vitent aëris intemperies : præcipuè motus intempestiuos, vigilias immodicas & animi perturbationes ac cu-ras. Laudat Hippocrates 2. *epidem.* inter cibos adstringentes & aluum cohibentes milium in oleo coctum, necnon lentes, abiecta priori aquâ : sed hæc rusticis tan-tum aut durioris naturæ hominibus conueniunt. Postea si venæ appareant di-stentæ, corpusque *ὑσώρεον*, ac bonis viribus præditum, non inutile erit, phlebo-tomiam statim in principio adhibere, vt portio illius materiæ vacuetur, fluxionis imperus quodammodo refrænetur, & caloris febrilis acrimonia obtundatur. Quam-uís enim Galenus 4. *de morbis acut.* venæ sectionem alio fluente inhibere videatur, & 1. *ad Glaucon.* idem confirmari : tamen id est intelligendum de diarrhœâ quæ iam diutius fluxerit, & vires prostrauerit : aut in quâ febris aut plethorici habitus notæ non apparent. Vbi verò vires præsentis & futuræ consenserint, ætas permi-serit, & reliquæ circumstantiæ non repugnarint, vrgente plethorâ totius corporis audacter venam secabis, & portionem viciatæ illius materiæ, quam natura niti-tur expellere, aut recte continere non potest, commodissimè vacuabis, febrem temperabis, & dysentericæ metum auferes. Quod si febris absit, exigua sit reple-tio, quam natura sufficienter excludere videatur, aut virium iactura appareat, superledendum à venæ sectione, reliquisque remediis incumbendum. Vbi ergo natura lente mouetur, periculumque est ne diutino nimis fluxu frangatur, aut non possit ineptum negotium sine variis accidentibus perficere : tunc eam exci-tare par est conuenienti medicamento, pro variâ humoris ideâ, vt antequam fre-quenti deiectione fatiscat, materiam confertim euacuare valeat, & præsentia vel imminencia symptomata arcere. Merito tamen dubitatur, vtrum vomitoria, vel deiectoria magis hic sint ex usu. Cum enim vomitoria fluxum materiæ reuellant, & aliò transferant, videntur potius conferre, quam ea quæ deorsum purgant, &

humorem per loca iam afflicta & debilitata transuehunt : id innuere videtur Galenus *comment. in Aphorism. 15. sect. 6.* quæ enim , inquit ille , recte fiunt à natura , ea Medicum imitari oportet : At diuturnæ diarrhœæ spontaneus vomitus superueniens , affectum curat , ergo & ab arte , Medicique præscripto inductus. Quod Hippocrates confirmauit *lib. de affectionibus* , & veratri potionem in hoc affectu laudauit. Nos itaque accuratâ distinctione hanc difficultatem indigere arbitramur. Si enim naturæ magnus sit impetus ad intestina , & nullæ oppressi ventriculi notæ appareant : non esse frustra vim naturæ inferendam censemus , nec illius motum interturbandum , sed per conferentia loca naturæ affectata humorem expurgari sinere. Adde quod non vacat periculo tam malignos succos , à quibus sæpe diarrhœa concitatur , sursum allicere & in ventriculum euocare. Quando vero iam maior humoris portio vacuata fuerit , & fluxionis violentia quodammodo refrænata , tunc non erit inutile vomitiones concitare in assuetis , & antè paratis ad vomendum humorum noxiorum reliquiis. Cathartica autem hic eligantur mitiora & aliquantulum adstringentia , vitatis humectantibus & emollientibus , si nimius humoris impetus timeatur : quæ varietatem cacochymiae respiciant , permixtosque humores , quales fluere verisimile est toto corpore suam saburram exonerante. Vt

℞ Rhabarb. electi 3 j. agar. trochiscat. 3 j. cinamom. elect. gran. v. Infundantur in aqua endiuiae (si febrilis ardor adfuerit aut timeatur.) Expressione forti factâ dissolue syrup. rosat. solut. recentis 3 j. β. tripherae persicae (quæ in hoc valde commendatur) 3 j. aut illius loco , si desit , catholici tantundem. Fiat potio , quam capiat mane , & reiteretur sæpius , prout opus esse videbitur : vel quando nulla est suspicio febris.

℞ Diaphœnici 3 β. rhabarb. puluer. 3 β. semin. anisi puluer. 3 β. Cum saccharo fiat bolus , quem deuoret mane. Vel si mauis , in delicatioribus præscribe 3 j. pulueris rad. mechoacan , aut rhabarb. cum pauco iusculo sumendi , reiteretur frequenter : hoc enim solo remedio sæpe repetito frequenter diarrhœæ tolluntur. Chymici essentiam rhabarb. hic vsurpant. Arabes in hoc affectu myrobalanos summo opere laudant , quos & pulueratos & infusos ægris exhibent. Non inutilis videtur illa formula , quando 3 j. myrobalan. citrinor. puluer. infunditur in 3 vj. feri caprilli tepentis per totam noctem : deinde fricantur , & colatura mane exhibetur.

Clysteres interea non omittantur leniter detergentes & roborantes , circa initia , etiam adstringentes & incrassantes , vbi satis copiose humores vacuati videbuntur , & intestina confirmanda erunt. Fiat itaque talis initio.

℞ Hordei integri & furfur. bene macri , ana P. j. rosarum rubrar. siccar. P. β. semin. milij & anisi , ana 3 ij. Fiat decoctio ad lb j. in qua dissolue mellis rosati colati 3 ij. vitellos ouorum numer. ij. Fiat clyster , qui reiteretur semel singulis diebus. Alij accipiunt caput veruecis recens macerati integrum , cum prædictis ingredientibus decoquunt , addunt saccharum & vitellos ouorum , & plures ex hoc decocto clysteres accommodatissimos conficiunt : quando autem consilium erit magis adstringere , & cohibere fluxionem ; sic parato.

℞ Folior. plantag. equiseti , bursæ pastor. tapsi barbat. consolidæ maior. centinodiae , sumach , ana M. j. summitatum rubi M. β. corticis granator. semin. myrti & nucum eupressi , ana 3 j. rosar. rubrar. siccar. balaustior. & summitatum menthae , ana P. j. Fiat omnium decoctio in aquâ ferratâ ad lb j. in qua dissolue succi plantag. 3 iij. sacchari albi 3 j. vitellos ouorum numer. ij. Fiat clyster , quem retineant diu. Illius loco lac chalybeatum iniiciatur.

Interea , vbi scilicet adstrictioni omnino incumbendum videbitur , sumant syrupos , iulepos , tabellas , trochiscos , condita , aut pulueres , quibus idem præstari possit : necnon admoveantur fots , linimenta , & emplastra huic rei accommodata. Inter syrupos myrtinum , cydoniorum , granatorum , de ribes , de agresta , & de absint. pontico commendantur : quibus non immerito adscribere liceat syrupum de papauere , qui incrassando humores , acrimoniam obrundendo , & sensum ac vellicationem partium minuendo magnam in hoc negotio operam præstare solet : vnde Hippocrati *lib. 2. de diatâ* , papauer vtrumque sistit aluum. Ex his cum aquis aut decocto conuenienti parentur iulepi , bis aut ter in die sumendi : Vt

℞ Syrup. myrtini , cydon. & de granatis acidis , ana 3 j. aquæ plantag. & rosaceæ , ana 3 v. vel decocti verbasci & plantag. lb j. terræ figillat. puluer. 3 j. Fiat iulep.

iulep. pro tribus aut quatuor dosibus sæpe renouandus. Aut aqua plantag. & rosar. cum succo granator. acidor. & cydonior. depur. coquatur cum saccharo al-bissimo in formam iulepi Alexandrini: capiat frequenter. Trochisci de carabe, de spodio, de corallis in officinis parantur ad adstringendum: sed gratiores erit pul-uis sequens.

℥ Terræ sigillatæ, boli armeni, coralli rubri, rasuræ eboris, & cornu cerui, ana ʒ j. margarit. præparat. ʒ j. granor. kermes, & semin. plantag. ana ʒ ss. rosarum rubrarum siccarum ʒ ij. Fiat omnium pulvis, cui adde, si vis esse iucundiores, sacchar. rosar. tabulat. ʒ ss. Utatur ut dictum est: aut

℥ Conser. rosar. antiq. & rad. symphyti, ana ʒ j. ss. miuæ cydonior. ʒ iij. con-fectio. alkermes & de hyacint. ana ʒ j. myrobalan. sacchar. condit. nuper. j. puluer. prædicti ʒ ij. Cum saccharo rosar. tabulat. fiat conditum, auro duplici coopertum: vel cum syrupo myrtino reducat in formam opiata, de qua capiant frequenter, ut dictum est: vel si delicatiores sint ægri, sumant bis in die quartam partem myrobalani conditi: aut confect. alkermes ʒ j. cum paucis terræ sigilla-tæ puluere. Nec est quod in diarrhoeâ illius usum vereamur, quemadmodum ve-teres fecerunt, propter lapidem lazuli illi admixtum: nam diligenti illa præpara-tione tota vis purgatoria eluitur, sola relinquitur adstrictoria & roborans. Adde quod ex recentiorum præscripto exigua mole ingreditur hanc compositionem, ubi succus pomorum & granorum kermes cum margaritis non paruum in alui fluxi-bus opem pollicentur. Atque hoc obiter, ut receptum errorem confutarem.

Quod si fluxus hic pestilentie aut malignæ qualitatis videtur particeps, con-feret præterea theriacam recentem ad ʒ j. per se sumere, vel cum aquâ rosarum, aut plantag. dissolutam. Vehementem etiam fluxum sistere solet coagulum hoc-di aut leporis ad ʒ ss. exhibitum cum vino aut aquâ adstringente. Quidam lau-dant ex proprietate sanguinem suillum exsiccatum, si ad ʒ j. cum iusculo aliquo-ties assumatur. Alij iecur bouis vel arietis assatum celebrant. Prudens Medicus ea eliget quæ magis ex usu videbuntur.

Exterius adhibeantur fotus ex decocto iam præscripto pro clystere: vel panis rosaceus vino rubro austero, & tepido intinctus: necnon puluere granorum kermes, semin. myrti, mastice & garyophyll. sinapisatus toti ventri admoueat. Postea il-linatur oleis lentiscin. cydon. myrtin. aut muscatellino: vnguento comitis dicto, vel diaphœnicone, quod valentissimum Practici nostri esse attestantur.

Emplastrum de mastice, & de crustâ panis ad id sunt vñtarissima. Alij car-nem aut miuam cydoniorum fortiter in mortario contundunt: deinde admixtis pulueribus dictis, & paucis oleo myrtino, super alutam extendunt & admouent. Fient, si velis, cataplasmata ex magmate præcedentis decocti contuso & cribrato, addendo pulueres prædictos, & farinam milij aut oryza cum paucis oleo cydo-niorum. Non est etiam omittendum, cucurbitulas cum multâ flammâ ventri fre-quenter admotas, maximum ægris diarrhoeâ laborantibus commodum adferre.

Quod si fluxus iste tam pertinax sit & diuturnus, ut istis parum cedat, vel perpetuò recurat: tunc toti corpori exsiccando, reuellendæque materie per alias vias erit incumbendum. Id autem præstabunt diuretica aut hidrotica, potissi-mum si absit febris: vnde balneis, laconicis, decocto chynæ, aut salis parillæ per aliquot dies uti conueniet. Diuretica vero commodissime parabuntur ex apozemate radicum aperitiuarum, cum seminibus asparagi, feniculi, & melonum, vel aquis thermalibus, ut Bellilucanis, atque aliis, quæ suis locis, potissimum tra-ctatu de obstructione hepatis, proponuntur.

Vbi verò hic alui fluxus ex toto corpore promanans colliquatiuus est & synte-ticus, sequiturque vel ingentem ardorem partium, vel siccitatem marasmodem: tunc indicationes præcipuæ exoriuntur extinguendi caloris præter naturam, tem-perandæ siccitatis, ac reficiendæ deperditæ substantiæ. Vnde multi adhuc satis vegeti ex his fluxibus conualuerunt frigida potione, aqua hordei chalybeatâ, aut stillatitiis liquoribus actu frigidis, cum syrupo acetosæ, agrestæ, cydoniorum & similium. Necnon iusculis pullorum, in quibus lactuæ, oxalidis, portulacæ, & endiuia folia incoxerint: hordeatis, amygdalatis & similibus lenientibus ac ana-lepticis quibus hæctici reficiuntur. Non omittenda hic erunt balnea aquæ dulcis, necnon epithemata & inunctiones dorso, refrigerandi ac humectandi facultate præditæ, regionis lumborum, & similium partium. Quibus refracta ardoris vio-lentiâ licebit tunc adstringentibus audacius agere, necnon lactis chalybeati usum suadere.

suadere. Atque hoc sit primum parâdeigma curationis diarrhœæ ex toto corpore promanantis : nunc reliqua breuius persequamur.

CURATIO DIARRHOEAS EX CAPITE. In curatione autem cerebialis seu catarrhœ diarrhœæ, reuocandum est in memoriam illud quod de fluxionibus in genere dicitur : nimirum partis mittentis, suscipientis & viarum per quas fuit materia, habendam rationem. Itaque cum pars mittens cerebrum sit intemperie humida affectum, exsiccationem indicabit, tam per ea quæ materiam in eo contentam vacuabunt, vt catapota, tabellas, pulueres, & similia cathartica : quam eis quæ discutere insensibiliter, exsiccare, & roborare possunt cerebrum qualitatibus suis. In vsu purgantium attendenda erit natura & quantitas materiæ : nam si copiosissima sit, insipida & crassa pituita, indicabit vim purgantis pharmaci validam, quæ potenter humorem illum hærentem cerebro & inferiora irrigantem deturbet. Tales sunt pilulæ coccinæ maiores & minores, de agarico, aggregatiuæ, & similes iustâ dosi sumptæ. Sin verò pituita hæc sit salsa, acris & quodammodo putrida, qualitate magis quam quantitate noxia : tunc mitioribus erit agendum, ne exasperentur partes, & nimis fiat illius materiæ in ventrem decubitus. Ac proinde pilulæ purgantes simul & roborantes frequenter iterentur, quales esse poterunt ex agarici 3 iij. rhabarb. 3. j. mastic. 3. j. spicæ 3. ss. cum syrupo de stœchade vel de mentha confectæ, bis aut ter in septimanâ exhibendæ, donec sufficiens expurgatio facta fuerit superioris inferiorisque cacochymie : vel vsurpetur infusum agarici, culus non esse metuendum vsum in diarrhœâ probat Altomarus ; & turpethi cum paucis syrupo rosar. solut. aliquando diaphœniconis 3 iij. in formam boli conformentur : aut in eis qui propensiores sunt ad tabem, exhibeantur 3 j. puluer. rad. mechoacan, vel bolus ex cassiæ fistular. 3 ss. cum 3 ss. agarici trochiscati & saccharo.

Vtque purgantibus istis exhaurietur paulatim communis illa sentina : sic particularibus remediis deplenda reuellendæque cerebri redundantia, masticatoriis, errhinis, vesicatoriis, fontanellis in occipitio aut brachiis & aliis quæ capite de catarrho fusius docentur. Postmodum pulueribus capitalibus, emplastris supra futuras, lotionibus capitis tam artificialibus, vt quæ ex calefacientibus, & exsiccantibus componuntur, quam naturalibus, vt aquâ thermarum sulphurearum exsiccatio & corroboratio cerebri perficietur.

Ratione verò viarum quæ deducunt humorem hunc à cerebro in ventriculum & intestina : possunt ea vsurpari quæ eas roborant & minus patentes reddunt, vt adstringentia gargarismata, tabellæ, & similia in ore contenta. Quemadmodum etiam ea quæ reuellant, & fluentem materiam in alias vias deducant, vt potè diuretica & sudorifica : quibus commodissime hic affectus curatur. Denique partium suscipientium, nempe ventriculi & intestinorum causâ instituemus ea, quæ fordes illas eluere per purgationem, enematis & assumptis perficiendam, possint, robur concilient, & imperum eiusmodi fluxus sistant : qualia iam à nobis sunt commemorata externa & interna. Imprimis ventriculi calor iuuandus, ne tantâ humorum mole, aut intemperie frigidiore obruatur, vt postea peculiariùs dicetur.

CURATIO DIARRHOEAS EX IECORE, SPLENE, ET MESARAICIS. Diximus iecore, splene, mesaraicis, reliquisque ventris inferni partibus obstructis aut intemperie affectis exoriri posse diarrhœas, quæ aliquando omnigenos humores, alias biliosos, ichorosos, melancholicos, & atrabilarios, profundant. Eadem ergo habenda erit ratio partium primariò affectarum, vt humor, si nimium cunctetur, accommodatis purgantibus, rhabarbaro videlicet, myrobalanis, sennâ, epithymo, sero lactis caprilli, syrupo de cichor. rosar. pallidar. catholicone, diasennâ & aliis conuenienter eliciatur. Intemperies, quæcumque fuerit, corrigatur sumptis & admotis : obstructions soluantur aperientibus, incidentibus, & attenuantibus, proprio capite proponendis. In fluxu hepatico, si magnus feruor subsit, & dysenterie metus, audacter tundatur vena iecoraria brachij dextri in principio, & ad maiorem ἀντίστασιν effundantur primâ vice tres vel quatuor uncie : & secundâ post quatuor vel quinque horas, toridem. Magna habeatur ratio materiæ furentis, vt refrigerantibus & incrassantibus sæpius sumptis obrundatur, alimentis scilicet & medicamentis : necnon clysteribus anodynis & lenientibus iam dictis temperetur. In admouendis hoc obseruandum, quod si obstructions hepar aut splenem obsideant, illis minimè adstringentia vnguenta vel similia admoucantur, sed inferiori tantum ventri sub vmbilico ad roboranda intestina.


Cito solent eiusmodi diarrhoeæ diutius perseverantes in dysenteriam degenerare, ac proinde ad illius therapeiam postmodum explicandam, erit recurrendum. Nec non fluxus ille purulentus qui consequitur disruptas vomicas viscerum interiorum, pulmonum, pleuræ, hepatis, splenis, pancreatis, mesenterij, & similium, non aliam sui exigit curationem, quam ut naturæ convenienter agenti totum regimen committatur, aut si minus commodè id præstet, ac parcius expurget, assumpto hydromelite dilutissimo, sero caprillo, decocto hordei, vel catapultarum vulgò dicto adiuvetur, & intestina frequenter clysteribus ex sero caprillo, decocto hordei integri & furfuris macri cum melle rosaceo paratis abluantur: vitatis omnino cathartici aut adstringentibus sumptis vel admotis.

CURATIO DIARRHOEAS EX VENTRICOLO, ET INTESTINIS. Recensitæ à nobis hætenus diarrhoeæ curationes, sympathieas rationem habuerunt, tam ob communicatam materiam ab aliis partibus, quam proprios earum affectus sanandos. Nunc superest illa diarrhoea, quæ peculiariter ventriculi intestinorumque malas diarrhoeas subsequitur. In cuius therapeia aduertendum imprimis, quod aliquando ex solo assumptorum vitio, quantitate scilicet nimia aut noxia qualitate excitantur corruptiones ciborum, ad quas sequitur diarrhoea. Ideoque in hac specie sæpe conuenit sola victus ratio conueniens & laudabilis. Proinde vitentur omnia *διάρρηκτα* & *κακώχυμα*, aut putredinosa, necnon quæ humiditate nimia sunt perfusa, ut liquidiora iuseula, fructus horæi, olera, butyrum, oleum & omnia pingua, dulciæque, quia valde dissolunt robur ventriculi & facile corrumpuntur. Adstringentia cibis & modicè calefacientia admisceantur, ut fructus austeri, nux moschata & similia pro varia humoris conditione. Ingluuius omnis & crapula fugiatur: reliquæque res non naturales ita disponantur, ut omnis fouens aut generans causa arceatur. Quod si præter externum errorem quædam intemperies sola aut cum materiæ infarctu videatur iuncta, tunc accommodata purgatione confertim excludantur vitiosi humores, ne diuturniore morâ corrumpant magis ac magis statum natui temperamenti. Deinde sumptis & admotis intemperies corrigatur. V.g. si putrentes & vitiosi succi ex malâ ventriculi & intestinorum constitutione diarrhoeam excitent, ut fit per illius ardores, & feruidam intemperiem: tunc cathartica præscribantur, qualia iam diximus in confluxu à toto corpore, præcipuè infusum rhabarbari, decoctum myrobalanorum citrinor. in aquâ endiuivæ cum syrup. rosat. laxat. de cichor. composito, catholicone, triphera, & similibus aliquâ adstrictione donatis. Præscribantur iulepi vel apozemata ex refrigerantibus & stypticis: Ut

℞ Rad. acetosæ ℥ ij. folior. plantag. portul. & acetos. ana M. j. semin. sumach & granor. kermes, ana ℥ ij. coriandri præparat. ℥ j. rosar. rubrar. siccar. P. j. Fiat decoctio in aquâ chalybeatâ ad ℔ j. β. In quâ dissolue succi granator. acidor. & cydonior. vel plantag. depurat. ana ℥ ij. sacchari albi q. s. Fiat apozema clarificat. & aromatiz. ℥ j. β. puluer. electuar. diamarg. frigid. pro quatuor aut quinque dosibus matutinis. Vel decocti loco dissoluantur prædicti syrupi cum aquâ plantaginis & rosarum. Aliis horis capiant puluerem ex terrâ sigillatâ, corallis, santalo rubro, & margaritis confectum, qui in tabellas reduci poterit, si magis fuerint gratæ, cum saccharo aquâ plantaginis dissoluto. Exterius admoueantur olea, vnguenta, vel emplastra eadem facultate prædita: inter quæ cataplasma ex carne cydoniorum cum dictis pulueribus, & oleo myrino confectum maximè conueniet. Clysteres eodem modo primum detergentes, mox adstringentes, & refrigerantes præscribantur; repetitâ sæpius, si affectus perseveret, purgatione, quam solemus in diuturnis morbis syrupo quodam magistrali, aut opiata laxante perficere.

Quod si ob frigiditatem & *ἀνέψια* partium primæ coctioni dicatarum diarrhoea hæc, pituitosa scilicet & mucis multis ac serositatibus referta, primario contingat: tunc recurrendum ad caput proprium, ubi ventriculi imminutas coctiones curare docuimus, per vacuantia, alterantia, & roborantia. Cùmque hæc diarrhoea non nisi secundum minorem cruditatis gradum à lienteria differat: ideo illic reliqua fusius proponemus. Illud tamen in hac specie annotabimus, quod Avicennas peculiariter scripsit 16. 3. ebrietatem aliquando huic diarrhoeæ maxime conferre, ex vini rubri & generosi multâ frequentique potatione contractam. Primò, quia confertim calfacit ventriculum & intestina refrigerata. Secundò, quoniam si quæ sint obstructions, soluit, cibumque penetrare facit ac urinam prouocat. Tertiò, quod sæpius somnum profundum ac

sudores concitat : vnde suppressio alui , materiæ fluentis reuulsio. Tutius tamen est moderatè vino generoso meraciore atque etiam aliquando aromatico vti , vt concoctrix facultas vires colligat , & cruditates arceantur. Nunc ad lienterię historiam aggrediamur.



CAPVT VI.

De lienteria.



AFFECTVS quem lienteriam vocant , quamuis ex nominis ipsius notione læuorem seu læuitatem intestinorum in æquabili ac plane vnitâ eorum superficie positam designare videatur : habet tamen alias causas à nobis postea recensendas. Vnde putandum est nomen hoc inditum esse huic affectui à veteribus ex potissimâ causâ ad quam subsequitur , vel potius lienteriam eos significasse quæ dissolutionem & quasi exolutionem interaneorum comitatur , vt sic à Galeni accusatione *comment. in Aphorism. 1. sect. 6.* propositâ vindicentur. Hippocrates sæpius appellat *κωλίας λαιντεριώδεις*. Vnde sub lienteria ipsam *κωλίας* passionem complecti licet , quæ si dicta fuit ab affecta parte , nimirum ventre fracto debilitatōque : ita vt nec recte coquere , nec retinere queat. Plinius aluinam ; Aurelianus ventriculosam passionem appellauit.

Itaque vt ad rei ipsius essentiam accedamus : Galenus *comment. in Aphorism. citatum* vult lienteriam esse *στέρησιν τῆς πρώτης πέψεως* , priuationem concoctionis primæ : quemadmodum hydrops *ἀποτυχίαν τῆς αἱματώσεως ἐργῶ* , frustrationem sanguificationis : ita vt illa sit primæ coctionis deperditæ : hic vero secundæ symptoma. Vt enim in hydrope pro vero sanguine hepar serum & ichores producit : sic in lienteria iugis adest & præpropera egestio *τῶν στίων* , ciborum mutationis pene omnis expertium : pro cuius varietate secundum magis & minus differt coeliacâ à lienteria : quoniam in hac talia redduntur alimenta , qualia assumpta fuere , absque vlllo coctionis rudimento , ita vt faciliè agnoscantur : in illa suscipiunt quidem coctionem , sed rudem & imperfectam , quæ chyli quodammodo naturam repræsentat. In lienteria itaque non coquantur cibi , quia non retinentur : in coeliacâ retinentur quidem diutius , sed tamen non concoquantur perfectè , neque distribuuntur. Ita vt in his duabus affectionibus quas deinceps confundemus , ob rei maximam affinitatem ; duæ potissimum functiones ventriculi & intestinorum oblādantur , concoctrix scilicet , aliquando per se , aliquando ex euentu ; & retentrix perpetuò ob contractam *ἀσπρίαν* ex variis causis. Sic igitur hunc affectum definiamus. Lienteria est affectus præter naturam ventriculi & intestinorum , per quem retentrice potissimum debilitatâ , alimenta incofacta citò excluduntur. Dicimus enim esse affectum toto genere præter naturam , vt indicemus omnem lienteriam esse morbosam , & perpetuo symptomaticam : nullâ autem ratione criticam aut periodicam , vt contingit sæpe in diarrhœâ , & aliquando in dysenteriâ , quando natura motu proprio , & faustis rebus excludit latentem & molestam cacochymiam : Hic autem semper vi morbi fatigatur & opprimitur. Est autem hic affectus sub genere symptomatum excretorum immodicè , vt est 3. *de causis symptomatum* , tum multitudine , tum qualitate peccantium , quoniam frequens est & copiosa deiectio , necnon cruda & male alterata. Pertinetque ista dispositio , tum ad ventriculum , tum ad intestina , vt est 6. *de loc. affect.* quia vtriusque partis est tum concoquere , tum debito tempore retinere primæ concoctionis alimoniam. Addidimus , ob debilitatam potissimum retentricem , quia , vt dicebamus , alimenta non ideo reijciuntur , quia non concoquantur , sed potius cruda & incofacta redduntur , quia non retinentur : quamquam in principio , dum magis est coeliaca quam lienteria , fit quidem aliqua retentio , sed non sufficiens ad concoquendum. Imo id lienterię inter alui fluxus proprium est , vt alimentorum substantia & qualitas in excreis appareat , vel saltem rudis & indigesta chyli species.

Quæ vero sint proximæ causæ siue dispositiones morbificæ , ex quibus miserum hoc symptoma proficiscitur , nunc oportet inquirere , vt ex eis etiam affectus istius differentia innotescant. Pater itaque ventriculū cum intestinis ite dispositum cibos assumptos

assumptos amplecti & continere, tum proprio suo temperamento & caloris natiui influxu, tum contractione suorum villorum oblique positorum, & certâ quadam asperitate seu inæqualitate superficiei interioris. Totidem igitur erunt dispositiones præter naturam, quæ functionem istam infringere, & abolere possunt. Nimirum refrigeratio maxima, propriique temperamenti influentis corruptio, per quam functiones naturales labefactantur: siue sit immaterialis, ut per *νεκρωσιν* & mortificationem partium; siue materialis, quando ingens copia frigidi humoris in illis continetur. Secunda dispositio præter naturam erit humiditas nimia impressa partibus istis, propter quam contractio villorum, quæ in modicâ & convenienti siccitate posita est, exerceri nequit, sed laxitas & dissolutio subsequitur, ut in coriis, cithararum fidibus, & aliis externis quotidie experiri licet: quæ tonum & firmitatem suam naturalem amittunt, quoties nimio humore fuerint imbuta. Tertia dispositio præter naturam quæ lienteriam parit, respectum habet ad superficiem ventriculi & intestinorum: quando enim illa ita oblinitur & adæquatur, ob pituitam & mucum interstitia & rugas illorum implentem: vel per cicatrices ingentes rugæ illæ obliterantur. Istæ autem cicatrices possunt tribus modis lienteriam efficere: primo, propter consumptos villos, quibus intestina sese contrahunt & retinent: secundo, quia suâ crassitie impediunt ne chylus ad hepar penetrare possit: tertio ob læuitatem & planitiem. Quarta denique causa lienterix sunt vlceres, quæ *ἀφθæ* vocare solent, totum illum tractum occupantia, quibus interior superficies abraditur: atque tunc partes istæ amittunt eam dispositionem organicam, quæ maximè ad retentionem alimentorum faciebat: vel potius ab istis vlceribus excretrix ita sollicitatur, ut per accidens siue secundario lædatur retentrix, quoniam præ dolore continere fluxum non potest. Quod si causæ istæ & dispositiones complicantur simul & coniungantur, ut frigiditas cum humore: mortificatio caloris natiui cum vlceribus, aut cicatricum copia: tunc pessimæ & pene deploratæ lienterix exurgunt.

Rursus harum causarum plurimæ sunt internæ externæque, quas diligenter annotare oportet. Etenim refrigeratio illa immodica seu *νεκρωσις* absque materiâ non solum frigidas constitutiones, sed etiam calidissimas subsequi solet: vnde Aëtius vult coeliacos & lientericos modò ingenrem æstum percipere in ventre, modò velut crystallum & glaciem. Quæcunque igitur *ἀθρόως* & confertim refrigerare possunt, ut aëris frigidissimi inspiratio, niuis, glaciæ, vel gelidæ aquæ potatio, alimenta valde refrigerantia, sed potissimum medicamenta narcotica copiosius, & sine suo correctorio sumpta: excretiones immodicæ, potissimum feminis & sanguinis, vacuato caloris natiui fonte: ingentes curæ, & violenti labores dissipando: natatio diuturnior in frigidiori aquâ, diuturnior contrectatio hydragryi, ut recentiores annotarunt; vel piscis illius quem Torpedinem vocant: hæ omnes causæ procatacticæ refrigerando nimium ventriculum & intestina, affectum hunc producere solent. Sic etiam internæ: nam ut lienteria perseuerans hydropem parit: ita hydrops seu aquosus in abdomine tumor per *εμπύεισιν* qualitatis illius eneruat robur partium circumpositarum. Idem præstat abscessum epiploon aut eius maior pars: lien scirrhus, abscessus frigidus in abdomine contentus, quia hæc omnia infringunt & labefactant vim caloris natiui. Atque ut ista refrigerando illud præstant, sic alia calfaciendo nimium & absorbendo humidum primigenium, quemadmodum febres ardentes & colliquatiuæ, pestilentes aut maligna qualitate donatæ: item hecticæ omnes & quæ phthisim seu vlcus pulmonis subsequuntur: vnde tantum periculi constituit Hippoc. *Aphor. 12. sect. 5.* in his affectibus quando alui fluxus superuenerit.

Ut igitur frigiditas sine materia inducitur ab his causis: sic etiam materialis, ubi vel istæ partes humorem talem generant, vel aliunde suscipiunt, qualis est acida pituita ex cerebro decumbens, aut melancholicus succus, maiore quam par sit copiâ, eò amandatus ex liene per vas *μελανιδόχον*: vel etiam aqua ex abdominis cavitare per hydropas in intestina & ventriculum permeans. Istæ autem partes vel vitio assumptorum, ut dicebamus, *δυσπείσιον* & nimis frigidorum quæ in eiusmodi materiam facessunt, vel proprio vitio & intemperie, aut vtrisque concurrentibus. Et quemadmodum frigiditas excellens humiditati iuncta illud parit: sic etiam humiditas sola, quam eadem causæ producere possunt, atque etiam illæ quæ sine frigore admodum humectant, qualis est vsus copiosior, & diuturnior olei, butyri, piscium, & pinguedinis cuiusvis. Quin etiam lactis vsus in

quibusdam fluxus lientericos concitare sœuit, quia laxat, & dissoluit nimium ventriculi substantiam, multisque & nimis humiditatibus implet. In aliis vero ob corruptelam qua exurit & vlcuscula interius excitat.

Denique aphtharum generatio, quæ lienteriam producere solent, fit sæpius ex procumbente catarrho falso vel putrilaginoso in istas partes, qualem frequenter incurrere solent pueri, dum dentes emittunt: ob dolorem & vigilias deductis è cerebro humoribus in ventrem, corruptis & feruefactis. Idem præstat humorum ibi stabulantium corruptela: aut assumptorum acrimonia, vel deleteria qualitas superficiem linguæ, œsophagi, ac ventriculi exurens & vlcerans. Cicatrices vero ad vlcera subsequuntur: quando enim post dysenterias grauiore, aut ventriculi exulcerationes, factâ deterfione conuenienti, & exsiccatione, clauditur omnino vlcus, & solidatur, pars illa concrefcit in superficiem planam, & læuigatam, necnon aliquando cauam, si fuerit maior substantiæ deperditio: unde subsequitur facilis ille materiæ alibilis effluxus. Quod eodem modo præstat mucosæ pituitæ copia superficiem intestinorum oblinentis, quam potissimum longæ crapulæ, & ciborum glutinosorum diuturnior vsus producere possunt. Atque hæc de præcipuis lienterias causis, tam proximis quam remotis: nunc ad signa diagnostica accedamus.

Quæ sit itaque pars in hoc affectu laborans, ex dictis sat patet: nam cum vitiata sit actio primæ concoctioni dicata, sequitur partes illi dicatas vel primario, vel secundario esse affectas: & semper impressam esse eam labem quæ est proxima vitiatæ functionis causa. Quod si non sit perpetua, si ad alium affectum subsequatur, cum eo augeatur & minuat, vt ad lienis scirrhum, hydropem, epiploï abscissionem & similia, maximum erit sympatheias signum: sin vero hæc absint, *idiosyncrasias*. Vtrum vero ventriculus magis vel intestina afficiantur, ex situ partis, & propriis accidentibus agnoscemus; nam ventriculus superiorem locum sub cartilagine xiphoide occupans, distinguetur facile ab intestinis reliquum abdominis spatium implentibus: si dolor quidam aut pondus illum infestent. Vomitus etiam & ructus frequentiores demonstrabunt ventriculi noxam: vt rugitus, borborygmi & flatus inferiores intestinorum. Præterea si ea magis sint affecta quam ventriculus, deiectio erit chylosa, quoniam concoctionem in ventriculo suscipiet, nec erit tam subita post sumptum cibum, sed aliquanto post. Verum præcipue conuertenda est cura ad dignotionem causarum seu differentiarum lienteriæ, quoniam ex eis tota dependet curationis ratio.

Frigida ergo intemperies sine materia satis deprehenditur ex ipso ægri sensu, & ex rerum prægressarum notitiâ: nam vsus refrigerantium causarum exteriorum, congenerem affectum inductum esse significant, quem *ἀνέψια*, ructus acidi, appetitus deiectio, pallor aut liuor totius corporis, cachexia, macies, & virium prostratio plurimum comitantur. Vtque frigiditas diu sine humore subsistere nequit, quia est cruditarum mater; sic præsentem materiam sentitur pondus in ventriculo: aliquando vomendi conatus, aut nausea: & cum alimentis crudis & inconfectis excernitur etiam humor ille, qui in ventriculo aut intestinis stabulatur. Quod si deleteria quædam qualitas aëris aut ciborum epidemicas lienterias produxerit; vulgaris illa grassatio ostendit causam communem eas produxisse. In *νεκρώσει* autem & mortificatione caloris natiui ob illius & humidi primigenij dissipationem, vacationes quædam insignes præcesserunt, labores aut vigilie immoderatæ: vel febris ardens & colliquatiua: phthisis aut vomica quædam interior, cuius putrilagine tam insitum quam influens temperamentum corrumpitur. Cicatrices vero ventriculi & intestinorum agnoscuntur ex signis vlcerum & dysenteriarum quæ præcesserunt, & ex deiectione quodammodo concoctâ, propterea quod temperamentum integrum permaneat. Adde quod absunt signa prædictarum affectionum, saltem in principio: nam succedente tempore eadem refrigeratio & cruditarum congeries fieri solet, ob priuationem debitæ alimonie. Quod ad aphthosas autem constitutiones attinet, ex ipso intuitu patent, quoniam lingua eisdem occupatur. Item prolapsu acrioris catarrhi, quo fauces irrigantur, & sputatio inducitur: & quia in secessu quædam molestia seu leuiusculus dolor sentitur, quo reliquæ species carere solent.

In leienteriâ autem si iam sit habitualis, & confirmata, nihil boni præagere possumus, quoniam necessum est hominem interire, vel ex defectu alimonie, vel interuenientibus aliis morbis, vt hydrope, cachexiâ, marcure, & similibus.

Melius

Melius est tamen excerni chylosam materiam, quam alimenta incocta, quia significatur concoctrix facultas adhuc vigere, cuius beneficio facilius sustineri poterit morbi impetus. Omnium leuissima leienteria est ea quæ aphthosas dispositiones consequitur, quia nec concoctrix, nec retentrix per se sunt in eâ vitiatæ, sed tantum ab irritatione humoris præpeditæ à suis muneribus. Si diutius tamen perseveret, in dysenteriam degenerat, ex superficiali scilicet exulceratione, in verum vlcus. Periculosissima lienteria, quæ mortificationem partium ab exhausto & resolutione consequitur, & quæ cicatrices & dysenteriam subsequitur, quia ob prægressum affectum vires prostratas fuisse certum est, quæ diu subsistere non poterunt fraudatæ suo genito & ἀναλήψι per affectionem lientericam. Præterea quid spei sit in refricandis & exasperandis istis cicatricibus facile est cuius coniecere. Epidemicæ etiam lienteria, vt plurimum mortales, quia pendent à causâ communi, cuius imperium omnem remediorum vim superare solet. Magna appetitus prostratio in quavis lienteria ostendit extinctionem facultatum naturalium, vt in phthisicis, hecticis, hydropicis, & similibus, atque mortem pro foribus esse. Vult Hippocrates 2. *prorrh.* hunc affectum senioribus magis esse periculosum quam aliis ætatibus, ob paucitatem, credo, caloris insiti, & concoctricis infirmitatem. Vult *ibidem* tum esse salutis spem in hoc affectu, quando ægri colorem recuperant, & vrinam incipiunt profundere pro ratione potus assumpti, quia ex eo significatur, iam aliquid alimenti ad membra permeare. In *Coacis* lienterias cum spirandi difficultate, & lateris puncturâ in tabem degenerare scripsit, quando scilicet ex prolapsu ferini catarrhi non solum ventriculum, sed etiam thoracem irrigantis inceperit. Autumno autem hoc potissimum contingere scripsit *Aphor.* 22. *sect.* 3. ob eneruatas à prægresso æstu vires succedente iam frigore. Item *Aphor.* 43. *sect.* 6. lienosis vult esse mortales lienterias, quoniam ex refrigeratione insigni fiunt, quam melancholicus succus peperit. Notatu autem dignus est *Aphorismus* 1. *sect.* 6. In *diuturnis*, inquit, *lienteris ructus acidus superueniens, qui prius non erat, bonum est signum*, nam vt in principio lienteria ructus aciditatis, refrigerationis, aut humoris contenti sunt indices: sic in successu illius ostendunt naturam aliquantulum refici, & melius retinere ac concoquere alimoniam, quam dum multi ructus fiebant: vt docet eleganter Galenus in *commentario*. Atque hæc de prognosi, nunc ad θεραπεύειαν nostro more accedamus.

Curatio itaque istius affectus ex conuenienti indicationum lege instituenda, quæ causarum varietatem, & naturam respiciat, illisque propria & accommodata remedia opponat. Ex parte igitur fluxus lienterici, cum sit omnino symptomaticus, vt dicebamus, nec quicquam excernat, quod naturæ infestum sit, sed conuenientem corporis alimoniam, ideo semper sui suppressionem indicat. Id autem cum fieri nequeat, nisi affectus ille tollatur, qui proxime concoctricem aut retentricem labefactat, ideo illius habenda imprimis ratio. Quamuis autem ex capite de ἀπεψία, & superiore, vbi agebamus de diarrhœâ ex proprio ventriculi & intestinorum affectu, multa repeti possint ad hunc facientia: melius est tamen ea nunc proponere breuiter, quæ ad rem pertinere videntur, ducto à viâ ratione exordio.

In cuius regimine præscribendo, respiciendum præcipue ad causas omnes externas, quasque huic nostro affectui ortum dedisse, vel incrementum ac fomentum præstare coniectura erit. Ac proinde qualitates aëris considerandæ, vt si quidem maligna eius dispositio epidemicas lienterias producat, corrigatur odoratis fumigiis in ægri cubiculo excitatis, ventorum salubrium receptione, nec non loci mutatione, vt in peste fusiis docetur. Sin vero aëris manifesta qualitas id efficiat, vt calidior resoluendo nimium, frigidior aut humidior: illæ reducantur ad mediocritatem, Medici artificio satis cognito. Idem dicas de aliis procacitatis, vt exercitationibus, excretis & retentis, somno ac vigilia, & animi pathematis. Hic enim summa quies, & rerum omnium tranquillitas requiritur: nullus corporis motus, aut saltem exiguus ante sumptum cibum, si vires ferant. Conuenient tamen frictiones extremitatum & dorsi mane in lecto, tum ad excitandum calorem natium, tum attrahendam alimoniam ad partes. Quæcunque excretiones seminis aut sanguinis cito sistantur, ne oblanguescat omnino natura, suo nectare viuifico destituta. Somnus etiam in omni fluxu alui conducit, quia humores temperat, & calorem viscerum reficit: vigiliæ autem immodicæ exoluunt: animus eodem modo sit bene compositus, nullo ira æstu percitus,

aut mœrore & metu languidus, sed iucundâ adstantium familiaritate refocillatus. Denique alimentorum substantia, qualitas, & quantitas ad rectam conformentur regulam, quam æger ne latum quidem vnguem excedat: quoniam in his non potest impunè peccare. Videntur itaque omnia difficilis concoctionis & mali succi, sæpius à nobis recensita: item pingua omnia & oleosa, frigidaque & humida, nisi decenter castigata, aut aliis permixta: victus enim ad calidum & siccum vergere debet, sub eâ formâ quam vocant mediam, ut neque liquidus sit propter celerem effluxum: nec solidus omnino propter difficiliorem concoctionem. Hic itaque accommodatissimæ erunt panatellæ ex pane torrefacto, vel biscocto & anisato paratæ, cum saccharo & vitellis ouorum: colatitia iura, contusa, & gelatinæ, quæ omnia sub paucâ mole plurimum nutrire possunt: aliquando succus carniū expressus, addendo succum granatorum, & aranciorum, si quæ sit suspicio caloris & putrilaginis, in quem mica panis leuiter tostiniici poterit. Gelatina cydoniorum, myrobalani, aut nuces saccharo conditæ atque contusæ, si magna sit imbecillitas ventriculi, horâ vnâ ante pastum assumi poterunt. Pyra sub prunis cocta, vel saccharo immersa, semina anisi, fœniculi, & coriandri instar tragematis parata, extremæ mensæ fercula claudant. Vbi iam vires resumere videntur, uti possunt carnibus assatis, præcipuè auicularum montanarum, iuniorum columbarum & turturum, quæ ad ventriculi robur facere dicuntur. Vinum sit rubrum & generosum pro potu, modicâ aquâ fontanâ leuiter coctâ, aut frustulis alabastris ignitis paratâ lymphatum; necnon aliquando Hippocraticum in magna refrigeratione: quamquam in hoc affectu parum bibere conuenit, ne diluantur magis humores. Eadem ratione pauci cibi assumendi: venter enim patiens, ut loquitur Aurelianus, pluribus cibis indignatur, tanquam oculi patientes visus officio. Partitis itaque vicibus & mediocri alimento reficiantur.

Quod ad remedia lienterix attinet, illa in genere sunt purgantia, alterantia, & roborantia. Venæ enim sectio in hoc affectu nullo modo est ex usu, ne natura imbecillior duplici genio defraudata statim collabatur. Quamuis enim lienteria, ut diximus, aliquando intemperies calidas sequatur, certum est tamen istum affectum, ut & hydropem, consequi μάχεσθαι, & resolutionem calidi innati ab extraneo, iam factam, & vterius progressam, quam possit sanguinis vacuationes perferre. Ab eâ itaque supersedendum in omni fluxu lienterico. Quin etiam purgantia leuiora esse debent, & quæ vacuando etiam corroborent, ut rhabarbarum in substantiâ, radix mechoacan, cortices myrobalanorum, syrupus rosatus solutius, triphera persica, catholicon, pilulæ de hierâ & similia cathartica benigniora, pro vario humoris dominatu præscribenda: ut etiam clysteres accommodati ad roborandum & leuiter detergendum: postea validius adstringendum. Quod si pituita copiosior in ventriculo redundans fluctuet, laudant Practici nostri vomitum ex decocto raphani in oxymelite infusi, quod tamen hyeme non esse præstandum docuit Hippocrates *Aphor. 12. sect. 4.* aut infusum agarici cum pauco rhabarbari puluere propinant in eis qui non sunt ad vomendum comparati: totiesque reiterant blandum medicamentum, donec cacochymia sufficienter vacuata videatur.

Interea non omittantur ea quæ alterare possunt, & impressam intemperiem corrigere, calidam frigidamve: julepi, syrapi, opiatæ, pulueres & similia. In calidâ usurpantur ea quæ calorem quidem extraneum reprimere possunt, familiarum & innatum roborando, quæ sunt refrigerantia adstrictione prædita. Hinc syrapi myrtinus, de granatis acidis, de ribes, de agresta: aquæ, rosacea, acetosæ, portulacæ, plantaginis, hic summopere conuenient, ut etiam in constitutione aphthosâ ad julepos concinnandos: addendo parum confectionis alkermes singulis dosibus, in quâ ego plurimum corroboracionis, & modicum refrigerationis positum esse existimo, quando sine moscho & ambrâ paratur: vel pulueris rosatæ novellæ aut diamargariti frigidi q. s. Conseruæ ex eisdem cum pulueribus in diarrhœâ dictis suppeditabunt materiam ad opiatas & tabellas concinnandas, si solida consistentia magis arrideat. In hoc casu valde commendant Practici lac vaccinum, utpote minus serosum, aut ouillum cum quartâ aquæ parte decoctum, & sæpius chalybeatum, cui addunt puluerem electuarij diamargariti frigidi aut corallorum, terram sigillatam, rasuram eboris, & puluerem ex interiore pelliculâ ventriculi & intestinorum gallinæ confectum. Bibatur per aliquot dies

dies mane ad 3 iiii. vel vi. pro naturâ & consuetudine ægri. Alij scriptis tradiderunt frustra alabaſtri maximè hunc affectum ſanare, ſi candentia extinguantur in lacte, iuſculis, aquâ potabili: necnon oleis aut vnguentis quibus vteretur æger. Commendant etiam raſuram priapi cerui aut tauri cum aquâ roſaceâ & pauco vino & ſucco granatorum ad 3 ſ. ſæpius ſumpram. Chymici verò ad iſtos fluxus imprimis laudant extractum ſiue eſſentiam corallorum & margaritarum, cuius guttas aliquot pariter in ſimilem liquorem aut iuſculum infundunt. Externis quoque adſtringentia, modicè refrigerantia & roborantia adhibeantur, vt ſuperiore capite dictum fuit.

In frigida autem & humida intemperie eodem modo contrariis progrediendum, quæ calfacere, & abſorbere poſſint humores ſuperfluos. Ideoque præter purgantia dicta, hæc etiam diuretica, & ſudorifica non paruam præſtabunt opem, ita tamen vt vires non deſiciant. Ad vrinam itaque prouocandam capiant laſerpitij aut benzoini quantitatem quæ piperis granum æquet: vel puluerem ex ſeminibus apij & fœniculi cum pauco cinamomo confectum. Ad ſudores ligno guaiacino, aut ſaſſafras, cuius decoctum valde roborat ventriculum & aluum ſiſtit. Necnon ſi humor ille ſit rebellior, aut perennem habeat generationem, præter dropaces & ſinapiſmos, quibus euocare ſolemus eiufmodi ſuccos intus ſtabulantes ad exteriora: audenè multi, ex conſilio Aëtij, veſicatoria aut cauteria ventri inurere, vel ſetonibus pellem abdominis tranſfigere, vt his velut ſtillicidiis tandem exhauriatur copia illa humorum. Quæ ſi exhorreſcat æger, adhiberi poterit fricatio illa ex Aureliano, quæ non ſolum ſupra totum abdomen ſit, ſed etiam poſterioribus vertebris ex arenâ ſole vel prunis ignita, donec ingens rubor in partibus illis contrahatur. Quidam nitro aut aſâ pulueris fricant. Cucurbitulæ cum multâ flammâ eiſdem regionibus admotæ non parum commodi adferre poſſunt. Alterantia verò, & roborantia, tam externa quam interna, ex ſuperiori capite, vbi de diarrhœâ egimus, ex proprio vitio ventriculi ac inteſtinorum contracta, repetantur: quibus addere licet aquam cœleſtem & imperialem, ex cochleari frequenter ſumpram, ambram grifeam & moſchum ipſis alimentis permixtum, vel in ſequentes muſcardinos ita redactum.


℞ Pulueris corallorum, terræ ſigillat. optimæ & pulueris roſar. purpur. ana 3 j. ſ. corticis citri & raſuræ priapi tauri, ana ʒ. j. ambræ grifeæ & moſchi, ana ʒ. v. ſacchari albiſſimi ʒ. ij. Excipiantur gummi tragacant. vel arabico aquâ naphâ aut roſaceâ liquato. Fiant trochiſci lupinares, vel rhomboides: capiat ſæpius. In defectu etiam prædictarum aquarum talis parari poteſt.

℞ Aquæ vitæ optimæ lb. ſ. cortic. arant. exſiccator ʒ. ij. flor. roriſmar. P. j. cinamom. electi ʒ. ſ. croci ʒ. ſ. benjoini opt. ʒ. ſ. moſchi grana iiii. Miſceantur ſimul & frequenter agitentur. Vtatur in ſuperiorem modum. Auicennas coriandri ſemen ſumptum & admotum valde commendat ad lentericos. Sunt qui vnguento ſequenti plurimum tribuant: capiunt fruſtula aliquot alabaſtri, quæ ter aut quater ignita coniiciunt in oleum maſtichinum aut lentiſcinum, donec plurimum combiberint: poſtea eadem terunt, & in puluerem redigunt, miſcentque cum puluere nucis moſchat. garyophyll. & coralli rubri. Addunt ceræ rubræ q. ſ. ad vnguentum conficiendum. Fiunt etiam fomenta, cataplaſmata, & ſimilia, vt iam dictum eſt.

Quod ad lenteriam verò ſpectat, quæ aphthoſam conſtitutionem ſequitur, illius curatio ex proprio capite aphtharum repetenda. Illa autem ex interceptione & vacuatione catarrhoſi humoris, ſi adhuc perſeueret, conuenienti adſtringentium & refrigerantium uſu, præmiſſis aliquando leuiter detergentibus, ſi huiusmodi vlcuſcula ſuperficiaria ſcateant ſordibus, perficitur, nec non dyſenteria præcauetur, quæ illis male tractatis aliquando ſuccedere ſolet.

Factarum vero in ventriculo ac inteſtinis cicatricum, ſiue planæ ſint, ſiue, quod multo peius eſt, cauæ, difficilis omnino therapeia: tota enim ſpes tollendi affectus cum poſita ſit in reſricatione & exaſperatione eiufmodi cicatricum, vix hoc præſtari poteſt ſine renouatione doloris & inflammationis, per ea quæ acri, detergente & rodenti facultate ſunt prædita, tam per os aſſumpta, ſi cicatrix ſit in ventriculo; quam per anum iniecta, ſi inteſtinis inhæreat. Quidam putant ex ſinapi, alliis aut cepis deuoratis illud præſtari poſſe. Sed nemo nescit, iſta ſub alimentiformam ſumpta, mitigari ab humiditatibus interius contentis, & acrimoniam ſuam amittere. Si quid igitur aggrediendum ſit, ego malim eſſe mitigatorium

mitigatorium symptomatis, quam curatorium, quia aut non datur tale in hac constitutione præsidium, aut tutum non est. Ideoque consulerem ut parum & sæpe alimentis coctilibus uterentur, necnon gratissimis & probè conditis, ut audius ea complecteretur natura: quibus sumptis laborans duas, aut tres horas quiescat etiam in lecto, ne eiusmodi assumpta elabi possint promptè ad intestina. Quinimo affigantur cucurbitulæ, quæ suspendant istam alimoniam aliquandiu, & ea omnia exterius admoueanentur, quæ celerem possunt coctionem efficere, vnguenta & emplastra: sic enim fiet ut coquant quodammodo assumpta alimenta, & partem aliquam saltem retineant vitamque diutius prorogent. Nunc ad dysenteriam accedamus.



CAPVT VII.

De dysenteria.



NOBIS grauiissimi & vñtatissimi affectus tractationem aggressuris, quem dysenteriam vocant, imprimis accuratà distinctio præmittenda est earum omnium dispositionum, quæ generali illius significato continentur, ab ea quæ propriè & κυρίως ita vocatur. Eleganter enim Galenus κοινὸν ἐστὶ σύμπτωμα ἢ διὰ τῆς ἐδρας ἐκκρίσις αἱματῶδης, commune est, inquit, symptoma excretio per sedem cruenta pluribus morbis, qui vel hepatis affectus, vel totius corporis repletionem, vel particularem intestinorum noxam consequuntur. Illos indolentia, hanc vero summus dolor & cruciatus comitantur. Vnde etiam idem Galenus 3. de sympt. causis, quatuor dysenterias generaliter sumptæ differentias statuit. Primam quidem in qua sanguis copiosior, & laudabilis collectus, ut in mutilis aut in eis qui exercitationem dimiserunt, aut aliqua vacuatio solita per nares, hæmorrhoidas, aut vterum est suppressa, per circuitus copiosè effunditur, & commodis ægri rebus conquiescit, & hanc ἐξερῶδες in prorrhet. vocat Hippocrat. Galenus αἱματηράν: Secundam quando ex iecore imbecilliore sanguis quidam dilutus, & loturæ carniū simillimus deiicitur, absque vllō naturæ commodo: & hæc dysenteria propriè hepatis vocatur, quod peculiariter iecinoris male affecti vitia comitetur: Tertiam ubi sanguis atrior, limosus & pisci liquatæ simillimus excernitur, quem vel non satis commode attrahit lien, aut conficit, vel præ copiâ illius, aut malâ quadam qualitate irritatus foras in intestinorum vacuitates propellit, quo potest, vel quando per vias solitas non potest: bono aliquoties successu, alias non parvâ naturæ fatigatione. Quartam denique & propriè dictam dysenteriam, ut ipsemet asserit Galen. 1. de loc. affect. cap. 5. quæ consequitur exulcerationem intestinorum, eum profusione non solum sanguinis sinceri vel concreti, aut stercoribus mucoreve permixti, sed etiam puris, ramentorum & crustularum quas Græci ἰσχυρίδας vocant.

Nos itaque, ut rem paucis complectamur, dicimus symptoma illud quod est in genere excreti immodicè sanguinis per intestina, (nullâ existente fluxus hæmorrhoidalium venarum suspitione, de quo postea accuratè sumus tractaturi) consequi duarum præcipuè partium affectiones, nimirum hepatis & intestinorum. Hepatis quidem, quando illud, ut dicebamus, quantitate sanguinis quantumvis laudabilis copiosiore pressum, illius portionem λαύρως καὶ ἰσχυρῶς liberaliter, & fortitet, ut ait Hippocrat. profundit, factâ ἀνατομώσει & reclusionē illarum venarum quæ proxime ad intestina pertingunt: quæ non tam morbi, quam naturæ ipsius robore & hepatis ἰσχυρία fieri videtur. Idem dicas de excretionē illâ limosi & faculenti sanguinis, quem viscera nutritioni dicata expellunt, ad sui & naturæ commodum: quamvis enim illa in vitio esse possint, quatenus spectat ad materiæ istius generationem, quoad tamen expulsionem rectum naturæ institutum imitantur: & proinde salutariter ut plurimum contingunt. Vbi vero hepar morbis oppressum αἱμάτων male procurat, ac præcipuè in defectu concoctricis facultatis peccat, pro vero sanguine aquosam quandam materiam exiguo rubore perfusam producens, sit ut præ tenuitate illius humoris venæ eum continere non

non possint; sed per diapædesim & transcolationem erumpat. In quo affectu perpetuò *ἀνία* iecinoris significatur cum magnâ totius corporis clade. Quâvis enim egerendi ratio facilis sit, sine morfu ac termine, magnam & citam virium prostrationem inducit, hydropisque metum, in veteri potissimum hepatide, quam roborantia pharmaca tam intra, quam extrinsecus adhibita sedare non potuerunt. Sed de his peculiari agemus capite, quando iecoris affectus persequemur. Superest intestinalis dysenteria, quæ proprium est *πᾶσι* intestinorum male affectorum, in quâ non per *ἀναστροφήν* aut *διαπάθειν* excernitur sanguis, sed per *διάρρειν* aut *διέσπασιν* potius erosa illorum substantiâ à tetrîs & malignis succis, cum magno dolore ob intemperiem & solutionem continui, & perpetuam mordicationem quam illi pariunt. Quod nominis ipsius ratio designare videtur, propter particulam illam *δύς*, quæ in compositione molestiam & dolorem importat: ideoque Cornelius Celsus ventris tormina appellavit, & Aurelianus à difficultate officij passionem hanc nomen accepisse existimat.

Dicamus itaque, dysenteriam esse dolorificam alui deiectionem ob exulcerata intestina, cruore & ramentis variis comitatam. Qua definitione complexi sumus genus & differentias, quibus hic affectus ab aliis distingui potest. Etenim per deiectionem annotauimus ea symptomata tertij generis excretorum immodicè præter naturam, quod consequitur errorem expultricis facultatis depravata, nimiumque irritata ad propellendam rem sibi noxiam & sensum dolorificum inferentem intestinis. Quo nomine à colicâ passione distinguitur, in qua sæpius suppressa est aluus; aut si solvatur, magno fit agri commodo, cum in dysenteria, eò ingrauescat magis, quo maior est desiderii cupiditas. A cholera morbo, quod solam deiectionem, non vomitum habeat. A diarrhœâ, quod non ita confertim & copiosè fluat, sed paulatim, cum mordicatione insigni, sanguine & ramentis. Ab hæmorrhoidibus & hepaticâ dysenteria, doloris ratione, ut dicebamus. Quâvis enim dolor hæmorrhoidas aliquando comitetur, non tamen pungens, & mordicans ut in dysenteria, sed profundus, & granans versus inferiorem ani partem. Quo etiam modo tenemus ab eâ discernendus, quod ultimam tantum sphincteris vel recti intestini sedem occupet cum irritâ deiciendi cupiditate: dysenteria vero modo tenuia intestina, alias crassiora invadat, prout rheumatismus vel influxio malignæ cacochymia in hunc vel illum locum incidit, eumque paratiorem ad suscipiendam illam *διάρρειν* seu potius *διέσπασιν* repetit. Non est enim credibile simul omnia intestina hoc affectu occupari, tum quod natura repente, & magno studio non sine iacturâ virium insurgit ad exclusionem maligni illius humoris erodentis & exulcerantis: tum etiam quia hic affectus non posset per plures dies perseverare, si tanta lues, tamque efferus dolor totam illam intestinorum substantiam occuparet. Non est tamen negandum, quod Practici multi observarunt, leues exulcerationes aliquando simul in crassis & tenuibus intestinis subsistere posse, & in malignis dysenteris, quæ in internecionem desinunt, aliquando vlcus phagedænicû reddi, & tantum serpendo progredi, ut non solum omnia intestina, sed etiam ventriculû & oesophagum ad os usque pervadat.

Ex eis etiam genus morbi, à quo proxime istud symptoma in intestinis exoritur, satis patet, nempe solutio cōtinui ab erosione pendens, quam *ἐλκυσιν* appellamus, sub quâ non solum verum vlcus, sed etiam leuiorem exulcerationem comprehendimur in intestinis factam vel fientem, quæ sufficiens sit ad dolorem inferendum, & profundendam illuviem illam saniosam cum stercore, mucosâ & ramentis. Pro quorum varietate varij etiam dysenterias gradus assignantur, nam ex Galeni sententiâ, simplicia quæ egeruntur, vel sint partis alicuius substantia, vel aliquid parti adhærescens, vel res contenta in illius spatio naturaliter aut præter naturam, in hoc affectu omnia ista reperiuntur. Siquidem in principio dum parva adhuc & quasi superficialia excoarctatio existit, elicitur stercus, cum mucosâ aut alio humore (quæ sunt contenta naturaliter in spatio intestinorum) sanguineis perfusum guttis, aut dilutum sanie cruentâ (quæ præter naturam in intestinorum cavo continetur) necnon pingua quædam corpora, & veluti sepola excernuntur ob abrasam superficiem intestinorû, cui talis pinguedo adhærescere solet. Vbi iam ingrauescere coepit affectus, & ad secundû suæ intensiōis gradum pervenire, detersitur propria illa membrana interior intestinorum, squamas & veluti cortices cum sanguine profundens, non ab similes illis, quæ ex vlceribus bronchiorum & asperæ arteriæ excludi annotavit Galenus

lib. de loc. affect. Tandem perfecta fit, & vltimi gradus dysenteria, quando vlcus profundum ad ipsam vsque substantiam intestini peruenit, & carnes seu carunculas quasdam ab Hippocrate commemoratas profundit. Hoc vlcus sæpè in *ρῶμα* seu *Φαγδαμύδης* degenerat, vt dicebamus: sæpè in gangrænam, & sphacelon, potissimum si magna ab initio phlegmone illi complicata fuerit, quæ vlcus reddat insanabile: vel copia humoris atrabilarij, quæ cancrösium illud & virulentum efficit. Quod enim phlegmone non semper iuncta sit cum vlcere intestinorum, quamuis illud voluisse videatur author definitionum medicarum, constat ex ipso Hippocrate *Aphorismo tertio sectionis sexta*, qui dysenterias sine febre aliquando subsistere scripsit, ex putredine scilicet humorum, vel inflammatione partium genitâ: nam diarias ex solo desidendi labore sæpius occurrere in eiusmodi affectu, credibile est admodum. Sunt & dysenterias differentia, ab humoris diuersitate, ab euentu, & grassandi modo petita, quas inter recensendum tanti mali causas annotabimus.

Causarum ergo seriem, quæ vlcus hoc intestinorum, proximum scilicet dysenterias parentem, suscitant, enumerare eâ methodo conuenit, quâ & reliquarum exulcerationum causæ indagantur. Cum enim vlceris natura in erosione sit posita, quam *διὰρρηξιν* aut *ἀνέλκωσιν* vocant; illa autem erosio sit partis cuiusuis diuisio cum deperditione substantiæ: hinc fit vt quæcunque suâ acrimoniâ, putredine, aut aliâ malignâ qualitate partium nostri corporis substantiam absumere possunt, vel materiam huic affectui accommodatam producere, fouere aut augere, ea inter causas vlcerum recenseri debeant, siue externæ sint, siue internæ, primariæ, antecedentes aut coniunctæ. Dicamus igitur res naturales, non naturales, & præter naturam huic nostro affectui *πρόφασιν* & occasionem suppeditare manifestissimam. Cum enim vlcus hoc dysentericum non tam sit succedaneum vulneri, contusioni, aut abscessui, quam primarium ex affluxu, vel congestione humoris alicuius in intestinis, quæ illorum substantiam abradere, & erodere valeat: patet quod eiusmodi humor, vel acer, vel adurens, vel putridus, vel amarus, vel falsus, vel denique malignus, aut venenatâ qualitate præditus esse debeat. Non primò sanguis sub suâ natura subsistens, non pituita dulcis, insipida, vel acida, non humor melancholicus naturalis id efficient, nisi permixtione, putredine, aut adustione feritatem conquirant. Vnde Galenus triplicem potissimum agnoscit causam exulcerationis istius dysentericæ, nempe bilem flauam, bilem atram, ac pituitam falsam siue putrem, ad quas reliquæ omnes referuntur, nisi quod aliquando pus quod ex empyemate aut aliunde expurgatur, vel ichores id præstant, sed rarò. Idemque Galenus statuit, ea omnia quæ vel materiam sufficienti generandis hisce succis idoneam, vel qualitate suâ immutant, vel rheuma ipsum concitant in inferiorem aluum, vel humores putrefaciunt, aut intestina debilitant: affectui isti producendo operam suam conferre. Vtpote quicumque temperamentum habent præcalidum generandæ bili idoneum, aut adurendis humoribus, illi dysentericæ sunt obnoxij, quales sunt russi & lentiginosi, quia corpus minus habent perspirabile cum multa bilis copiâ. Quemadmodum senes ob ætatis symbolum dysenterias ab atrâ bile vel falsâ pituitâ facilius incurrunt, iuuenes vero biliosas.

Quod vero ad res non naturales spectat, certissimum est in hoc affectu dictum illud Hippocratis *lib. 3. de diatâ*, maximam obtinere veritatem, nempe morbos omnes partim à spiritu quem ducendo viuimus: Aër enim, siue primarias eius qualitates spectes, siue secundarias, fecundissimus est dysenteriarum author. Hinc eas autumnino potissimum grassari videmus ob caloris frigorisque inæqualem constitutionem, quæ totum corpus debilitat, & fluxionibus obnoxium reddit. Hinc æstas feruidior aut hyems humidior, cui siccum & aquilonium ver successerit, ad exprimendam materiam, feraces sunt dysenterici producendis *Aphor. 1. sect. 3.* & in quibuscunque regionibus humidior temperies viget, cum caloris & frigoris inæquali & quasi repentinâ mutatione, qualis est Tholosana, illis endemiæ esse solent familiaresque dysentericæ. Quod si certa quædam putredo & substantiæ corruptio in aërem incidat, vel ex astrorum maligno aspectu, vel praua inferiorum constitutione, tunc pestilentes, epidemiæ, & populares dysentericæ cooriuntur, cum multâ strage, & hominum interuisione, quales Athenis in pestiferâ illa tempestate à Thucydide descripta, & apud nos sæpius obseruantur. His si mala

viētus ratio accedat ob annonam cariorem, corruptionem frugum, vel malam viuendi consuetudinem, tunc non solum ad sporadicās dysenterias, sed etiam epidemicas, & endemias excitandas magnum momentum adfertur. Quæcunque enim alimenta calidiora, acriora, amara, salsuginosa, vel putredini obnoxia liberalius sumuntur, ea maxime valent ad producendas istas materias erodentes, & proritandam vim excretriciis facultatis. Narrat Galenus de seipso, vbi cunque sumpisset piperis plusquam par esset, vel certè statim post sumptum piper bibisset, se singultu corripì solitum: At noui ego duos, qui ob esitatum copiosius piper in crudelissimam dysenteriam inciderunt cum magno morsu & tormine, donec lacte hausto, & accommodatis clysteribus illius vis obtusa fuit. Taceo hic arsenici, sublimati, euphorbij, cantharidum, & similium venenorum aut medicamentorum malignorum, vel male præparatorum vires, quibus multos in lethales dysenterias præcipitatos esse omnibus est compertum Medicis, qui in artis operibus versantur. Memorat Aëtius ex Antillo, quosdam qui per iocum aut alio modo, æs, aurum, ferrum, aut quid aliud durum aut asperum deuorarint, sæpè exulcerationes istas cum cruenta deiectione incurrere. Narrant etiam nautas, qui aquæ dulcioris potu priuati, marinam aut putridam bibere coguntur, fere omnes dysenteriam corripì. Quibus adde cruditates, vinolentiam, importunas exercitationes à pastu, diuturniores vigilias, iracundiam vehementiorem, vnde plerosque exercitus dysenteriam perire certum est, & similes causarum externarum excessus, quibus idem præstari potest: potissimum dum internas illas causas, & dispositiones præter naturam suscitant, quibus succedaneæ esse solent dysenteria: siue id criticè aliquando fiat, vt videtur voluisse Hippocrates 1. *epidem. sect. 3.* in Bione illo sene, & in lienosis, *Aphor. 48. sect. 6.* siue symptomaticè, quod est frequentius, vt in constitutione illa Thasiorum per febres tritæophyas & tabificas 1. *epid. sect. 2.* vt in lienosis diu perdurans *Aphor. 43. sect. 3.* vt diarrhœæ aut deiectioni sinceræ succedanea, *Aphor. 23. sect. 7.* vel quæ sequitur inflammationes hepatis aut aliarum partium ex largo biliosæ materiæ putridæ aut purulentæ prouentu in intestina prolabente, eaque exulcerante, sine vlla prioris morbi mitigatione. Eodem modo caput pituita putri & salsâ refertum, qualis in vertiginosis, lippientibus, & aliis colligitur, dum suam deponit cacochymiam in partes subiectas, non solum occasionem præbet generandæ phthiseos, vlcerato pulmone; sed etiam dysenteriam parit difficillimam & curatu contumacissimam, vt vult Galenus *comment. in Aphor. 11. sect. 3.* quia pituita hæc præter morsum & irritationem habet etiam lentorem & crassitiem, propter quæ diutius hærendo inuolucris intestinorum, molestiorem multo dysenteriam efficit quam flaua bilis. Sed inter vehementissimas dysenteria causas principem locum obtinet atra bilis, eaque potissimum quam genuit perusta bilis flaua, quia multò maiore feritate donata est, quam quæ ex aliis suscitatur succis. Huius prouentum efficiunt maximum calores & putredines ingentes, necnon obstructions quæ alienos succos congerunt, & corporis *εὐπορίαν* impediunt: vnde lienosis diuturna dysenteria superueniens, difficilis ob contractum iam in humore vitium, quod naturæ negotium facessit. Atque hic est præcipuus causarum dysenteria catalogus, quarum rursus varia est series & propagatio ex naturæ fontibus repetenda. Nos vero ad diagnosin ipsam progrediamur.

Signa itaque istius affectus demonstratiua, partem affectam, affectus naturam & magnitudinem, causasque indicare debent accuratissimè, ne deinceps in prognosi aut therapeiâ stabiendam erret Medicus. Quod ad partem affectam attinet, certissimum est intestina hic laborare, siue primariò materiam illam erodentem in se contineant, siue aliunde excipiant, vt iecore, liene, cerebro, vel aliis partibus sese exonerantibus in inferiorem aluum. Quod & ipsa actio læsa, nempe deprauata excretio, & indefinens cupiditas desidendi, declarat, & doloris situs ac proprietas, qui modò partes vmbilico superiores, modò inferiores occupat: alias circa ipsum versatur vmbilicum, non quidem sublimis & externus, sed interior, & in concaua abdominis parte sensibilis cum rugitu, & morsu, punctioneque partibus membranosis, quales sunt intestina, peculiaris. Adde excrementa ipsa, quæ non solum earum sunt rerum quæ in intestinis continentur, vt stercora, mucus, cruor, alique humores permixti, sed etiam ipsis adhærescunt, vel eorum sunt partes, vt pinguis illa ramenta, cortices, & carunculae, ex quibus indubitatum exurgit affecti alicuius intestini testimonium. Vtrum verò tenue, vel

crassum, & quod ex eis sit vlcere affectum, non parum interest scire, tam ad prædictionem, quam curandi rationem. Id autem ex doloris situ & modo, necnon ab excretis, & excernendi varietate conicere oportet. Vulgaris est omnium fere Medicorum opinio, dolores qui supra vmbilicum affligunt, ad tenuia intestina pertinere, quæ superiora vocabant veteres: qui infra vmbilicum, ad crassa, quæ etiam inferiora appellabant. Sed ipsa *ἀντοψία* & anatomes peritia id manifestæ falsitatis conuincit: etenim intestina illa tria, quæ *λεπτὰ* seu tenuiora, siue prima dicimus, quia statim ipsum ventriculum sequuntur, non tam in superna abdominis vel *ἐμψαπία* parte posita sunt, quam circa vmbilicum, velut in eius ambitu: quæ verò crassa & inferiora vocamus, quia prædicta subsequuntur: non quod inferiori abdominis parti addicta sint, nam colon ipsum inter crassa præcipuum, reuolutionibus suis vtrumque hypochondrium, ventriculi latera & fundum occupat. Itaque superior potest esse dolor, atque inferior vmbilico, qui crassa intestina occupat, si situm partium spectemus: sin verò per superiorem intelligamus priorem & quasi diuturniorem ante secessum molestiam, illa propriè pertinet ad tenuia intestina, quia in exulceratione dum fit transitus materiæ alicuius super eam, longè antè sentitur quam exeat, propter maiorem distantiam ab ano: contra verò contingit in crassis, potissimum si extremitatem coli vel recti initia exulceratio occupet: quia tam citò fere excernunt, quam dolorem eum persentiscunt. Adde quod in tenuium exulceratione sanguis qui profunditur cum stercore, valde est illi commixtus, propter longiorem tractum & agitationem, necnon aliquando niger, & semiputridus, quia intus grumescit aut *συνπρόσβα* seu putrefactionem concipit ob moram: ex crassis verò aliquando sincerus excernitur, vel saltem minimum mixtus, viuidus, & florido colore donatus. Idem dicas de commixtione puris quod in eiusmodi vlceribus gignitur: necnon vbi ad ramenta illa, & carunculas ventum est, quæ ab intestinis decidunt, tunc ex illarum crassitie vel tenuitate facile datur cognoscere, quæ intestina sint exulcerata, crassa nimirum si *ἰσχυροὶ* illæ sint spissiores & carnosiores: tenuia vero, si minutiores & magis membranose.

Ex his etiam affectus natura & magnitudo innotescit, vt dictum est; nam si leuior sit tantum exulceratio, mitis etiam erit dolor, ex interuallis repetens: sanguinis guttulæ aliquot apparebunt cum stercore, aut humoribus: nullum puris vestigium, aut saltem exiguum. Denique prima tantum adipis intestinorum, vel pellicularum quarundam, quæ ad eorum epidermidem referuntur, ramenta excrementis innatantia apparebunt. Quod si augeatur morbus, & penitiorem substantiam inuadat vlcus, maior copia sanguinis mixto copiosiori pure emittitur, membranosa corpora apparent, ex ipsis tunicis intestinorum abrafa cum acerbo dolore & cruciatu. Demum vbi vlcus firmatum, formatumque fuerit, apparere solent grandiora illa frusta, quæ carnes Hippocrati dicuntur, quoniam ex interiore partium istarum substantiâ decidunt, cum magnâ omnium symptomatum exacerbatione: vnde etiam vlcus ferinum, *φαιδαίνουδες*, virulentum, atque etiam cancrum, aut gangrænosum aliquando euadit: quod ex intensiore putredine, tetrus sordibus, necnon etiam amisso aliquoties doloris sensu ob *ὑπερπαι* caloris natiui intelligitur. Vt vero distinguere quis possit facilius inter excreta ista dysenterica, notandum quod pinguedinis frustula igni admota, statim liquantur, & nidorem adipis repræsentant: carnes verò seu portiunculæ interioris substantiæ nigrescunt & siccantur: membranæ & cortices corrugantur, & tenuitatem habent propriam, quâ adeps & carnes destituuntur.

Quod autem ad causarum efficientium notitiam spectat, à quibus dysenteria exoritur: si quidem illæ sint externæ & procatacricæ, vt aëris intemperati vel corrupti, assumptorum, importunæ exercitationis, vigiliarum, aut aliarum rerum non naturalium vitia: facile erit illas deprehendere, tum ex præsentis causarum statum, tum grassandi modo. Aër siquidem malâ qualitate præditus, aut substantiæ corruptelâ infectus, non vnâ tantum aut alteram dysenteriam (si ita contigerit) excitare solet, sed epidemicam, popularem, & publicam, si magna sit, & per aliquam orbis plagam diffusa labes: vel saltem endemiam certæ cuidam regioni, vrbi aut pago familiarem, propter assuetam illam, & sæpius recurrentem aëris *φθορὰν* aut intemperiem, quæ proprium talem morbum reddit, & frequentius grassantem in illo loco. Atque hæc dysenteria peculiarem

De morbis intestinorum. Cap. VII. 271

culiarem habent notam, quod valde sint contagiosæ & plurimum mortiferæ. Idem dicas de frugum, ciborum, aut aquarum vitiis, quæ si vulgares sint & communes toti alicui terrarum tractui, vel certæ regioni aut vrbī, sufficere possunt ad epidemiam aut endemiam dysenteriam producendam: quemadmodum ex Hippocratis libris epidemion, & ultimo de naturâ humanâ facile est intelligere: duæ enim sunt causæ epidemiorum & endemiorum morborum, ær nempe & assumptæ. Sporadicæ verò dysenterix, quæ modò hunc, modò illum occupant, hoc vel illo tempore dispersæ, & nullâ serie, causas habent suas peculiare, singulisque ægris proprias, utpote in hoc crapulam, in alio cruditatem, importunam exercitationem, iracundiam & similes, quas ex ægri aut adstantium relatu diligenter inquireret Medicus, ut facilius penetrare possit ad interioris causæ naturam indagandam: Siue enim dysenteria alteri successerit morbo criticè aliquando, ut vult Hippocrates; sæpius symptomatice, ut diarrhœæ, inflammationi hepatis aut aliarum partium, catarrho ferino, & similibus; siue primario contingat causa ipsa in intestinis genita vel collecta, siue alterius morbi interuentu: maximè facit tam ad prognosim quam ad therapeiam, ut peculiariter vniuscuiusque natura cognoscatur. Agnoscitur autem illa, tum ab excretorum ipsorum substantiâ & qualitatibus, tum causis illis prægressis aut præsentibus, quæ eiusmodi humores generare solent. Etenim si tenuis flauusque succus, multis ichoribus dilutus, excernatur, præcesseritque aut præsens sit æris tempestas feruidior, ciborum acrium aut potus calidioris usus: exercitatio immodica, aut irarum causæ plurimæ in homine picrocholo, vel cui hepar est feruidius ex naturâ, vel ob prægressam febrem, partis alicuius inflammationem, & similia: certum est eiusmodi dysenteriam à bile flauâ ortum suum & originem traxisse. Idem dicas de pituitâ falsâ, si humor crassus & lentus albo colore præditus, post capitis dolorem, vertiginem aut catarrhum, in tempestate austrinâ vel aquiloniâ, prægressis multis crapulis aut cruditatibus in homine pingui & crasso, somnolento aut otioso copiosius & diuturniori tempore excernatur. Atra vero bilis, cuius particulae notas in diarrhœâ tradebamus, tantæ est feritatis & malitiæ, ut non solum suo se colore exusto, & splendente detegat, sed etiam causis prægressis, ut obstructionibus lienis, quæ diu perseverarint, & putredinem conceperint, magna bilis æruginosæ copia, aut alterius succi, qui in quacumque corporis parte in teterrimam hanc materiam per exustiones aut putrilaginem degenerant: necnon virulento, & maligno vlcere statu, quod ad carcinomatis naturam citò accedit. Quod si sanguis putridus, materia purulenta ex aliquo abscessu disrupto effluens, tetri ichores soli, vel plures istarum causarum commixtæ dysenteriam pepererint, ex comparatione commixtionisque signorum, habenda erit illarum certior notitia, ut omnia ritè in tam difficili & laborioso affectu instituantur. Cuius nunc prognosim eadem methodo instituere propositum est.

De salute ergo aut periculo, eiusque diuturnitate ac breuitate prælagire in dysenteria conuenit ex comparatione, magnitudine affectus, & virium ipsius ægri: magnitudo autem affectus *nanocibera* & imperus, ex naturâ partis affectæ, causarum efficientium potentiâ, ipsius morbosæ *diabrotes* intensione, & symptomatum feritate erit æstimanda. Ut contrâ illius paruitas ex istorum omnium remissione, & contraria constitutione. Proinde dysenteria illa, quæ præstantiorem intestinorum partem occupat, utpote gracilia: multo lethalior, & periculosior est censenda: tum quod illa magis ad vitam necessaria suam noxam citius toti corpori communicant: tum propter difficultatem curandi, admouendique remedia: neque enim clysteribus infusionibusque iuuari potest in tam distantī parte, nec etiam multum assumptis per os: quoniam in isto viæ tractu illorum facultas valde infringitur, & hebetatur. Crudelior adhuc illa, quæ non solum gracilibus inhæret, sed etiam ad crassa vsque, vel ventriculum propagatur. Quo enim plures intestini partes erunt afflictæ, maior ad vitæ functiones exercendas vrget incommoditas: vnde illud Hippocratis lib. de humoribus. Cum infra umbilicum, inquit, fuerit id quod torquet, tardum & molle est tormen; & vice versa: Et 2. epid. magis ex dysenteria laborat, quisque etiam sanè à tenesmo vexatur. Sic dysenterix crudeliores & periculosiores quæcumque epidemicæ sunt vel endemix, quasque tetra æris lues, vel summa intemperies peperit, aut frugum aquarumve corruptela: item quas partis alicuius, ut cerebri, hepatis, lienis, &c. in corpore *diuaparia* generat & fouet: vel summa cacochymix vis & quantitas in corpore produxit.

Sincera enim deiectio humoris efferati & suo fero destituti per diarrhœas, accersit dysenteriam difficillimam & valde excruciantem, ob materiæ acrimoniam & exulcerationis magnitudinem. Nihil tamen crudelius est ipsâ bile atrâ, cuius exitum tantopere exhorruit Hippocrates, in morbis potissimum incipientibus, ut omnes eiusmodi citò mortales pronunciarit *Aphor. 22. sect. 4.* fit enim carcinoma internum, idque non occultum, sed exulceratum in parte admodum sensibili, cuius non potest esse nisi funestus exitus & mortifera calamitas: vnde *Aphor. 24. sect. 4.* *δυσεντερία ἢν ἀπὸ χολῆς μελαίνης ἀρξῆται, θανάσιμον.* Si incipit, ait, quoniam, ut interpretatur Aëtius, aliquando, & sub morborum finem profundi potest niger humor bonis ægri rebus, naturâ res sibi noxias foras expellente per crismi: ut confirmari potest ex historia Craton. & Myti 1. *Epid. Aphorism. 5. sect. 7.* Maniæ dysenteria superueniens, bonum: & 48. *sect. 6.* Spleniticis si difficultas intestinorum acciderit, laudabile: dummodo, ut ipsemet Hippocrat. docet *Aphorism. 43. eiusdem sectionis,* non sit μακρὴ, diuturna & perseverans, quæ rebellem materiæ conditionem sequatur, & naturæ impotentiam ostendat, vnde lienterix & hydropes suboriri solent. Post sinceras deiectiones & atram bilem, infestissima est ea dysenteria, quam pituita falsa aut putrida suscitavit, quoniam, ut docet Galenus *comment. in Aphorism. 11. sect. 3.* præter acrimoniam & morsum, habet etiam crassitiem ac lentorem, per quem pertinacius intestinis adhærescendo, illa torquet & exulcerat, quàm bilis flava præ tenuitate, & imperu magis diffuat, faciliusque excernatur: itaque quamdiu eiusmodi humores per intestina effusi ea leuiusculè exulcerant, derictâ tantum pinguedine aut superiore cuticulâ intestinorum, cum paucâ sanguinis quantitate, quæ ex solis venulis capillaribus profundatur, tandiu malum admodum sanabile existit, præcipuè si nulla aut exigua sit febris, si nulla φλόγῳσις aut saltem φλεγμονὴ vlceri iuncta fuerit. Contra vero desperata est salus, quando vlcus illud adauctum ipsam intestinorum substantiam inuadit & depopulatur, eaque ramenta profundit, quæ Hippocrates *Aphorism. 26. sect. 4.* carnes vocauit: nulla enim tunc vel σαρκώσις vel ἐπουλώσις. ut docet Galenus, regenerandæ scilicet intestinorum substantiæ, vel obducendæ cicatricis spes apparet in tam sordido, & profundo vlcere. Huic adiunguntur grauissima symptomata, dolor immensus, febris intensa cum partis exulceratæ inflammatione, iugis & copiosa sanguinis profusio, erosio iam & penetratis maioribus venis, ad hæc syncope, sudor diaphoreticus, extremorum frigus, delirium, quibus vicina mors hominem excipit: vel si malum inueterauerit, exoriuntur lienterix, colliquationes totius, hydrops & cibi fastidia, quæ Hippocrates 6. *epid. & Aphorism. 3. sect. 6.* funestissima esse iudicauit. Docet Galenus intempestiuè sedatam dysenteriam facessere in hepatis inflammationem, apoplexiam, & conuulsionem. Hippocrates *lib. de victus ratione in acutis,* scripsit abscessum aliquem aut tumorem facere, nisi ad febres, aut sudores, aut vrinas crassas, aut ad varicem, crura vel coxam dolor decubuerit. Vult idem Hippocrates in *Coacis,* vomitiones biliosas quæ dysenteriam non desinentem comitantur, pessimas esse, quia magnitudinem siue multitudinem causæ significant sine vlllo naturæ adiumento. Cum igitur hic morbus ὡς ἐπὶ τὸ πολὺ laboriosus sit & lethalis, ut pronunciauit Hippocrates *lib. de affectionibus:* si quidem robusto adhuc corpore curetur, spes aliqua est fugæ: sin vero colliquato iam & ventre omnino exulcerato, nulla vitæ spes superest. Moriuntur autem ex eo potius mulieres, pueruli, & senes, quam reliqui, cæteris paribus, ob virium imbecillitatem. Quæ verò dysenterix in salutem desinunt, illæ, inquit, Hippocrat. 2. *prorrhæ.* finiuntur septima die aut decimâ quartâ, aut vigesimâ, aut saltem quadragesimâ, vel intra hoc tempus: ultra enim vix euadunt dysenterici, sed in morbos illos iam commemoratos ab exolutione caloris natiui incidunt & moriuntur. Annotat Soranus, quod in fluxu dysenterico, si quidem post aurem sinistram papula in modum orobi vel lenticulæ appareat, cum siti validâ, vigesimo die aut citius mortem pronunciar. Atque hæc de prognosi sufficienter, nunc ad therapeiam veniamus.

Dicamus igitur, cum dysenteria vlcus sit intestinorum, aut saltem exulceratio sordida à vario humorum acrium & erodentium affluxu pendens, quem sæpius febris, dolor ingens, & sanguinis non parua excretio comitatur: exhibet nobis indicationes therapeuticas multiplices: utpote ratione humorum affluentium siue cacochymix tollendas esse omnes causas, quæ eos producant, fouent aut fluere faciunt, tam internas quam externas. Ac proinde imprimis optimam esse insti-

De morbis intestinorum. Cap. VII. 273

tuendam victus rationem, ut omnis error externus tollatur, necnon res illæ non naturales ad temperandum affectum & vires ægri sustentandas ritè instituantur. Quod si humorum istorum fluxus ab hepate, liene, cerebro, vel aliis partibus præter naturam constitutis pendere videatur, diligenter prospiciendum erit cuius cacochymia fontivè exhauriatur commodè, & in meliorem statum, quoad fieri poterit, transferatur. Humor autem fluens & aluum concitans, siue pituitosus, siue biliosus, seu melancholicus fuerit, vacuandus iterum atque iterum medicamentis purgantibus, adstrictoria tamen facultate præditis, ne diutius intus morando & segnius fluendo, naturam magis ac magis irriter, atque vlcus exasperet. Mitificandus item ille humor alterantibus, concoquentibus, & contrariam qualitatem emendantibus sumptis & admotis, necnon dolor, qui hic assiduus comes esse solet, omni arte demulcendus: ut etiam alui fluxus diuturnior & concitator adstringentibus tandem compescendus. Quoniam vero in hoc intestinorum ulcere, ut dicebamus, sæpius ingens sanguinis copia profunditur, quæ φλόγωσι, necnon φλεγμονήν in eis aliquando parit cum febre non contemnenda: patet venæ sectionem hic esse usurpandam, in corporibus potissimum sanguineis, & aliis ætate florentibus, ut fiat reuulsio fluentis sanguinis ad intestina, & euentilatio illius qui in venis maioribus putrescit vel incenditur. Denique quod ad ipsum vlcus seu exulcerationem spectat, certum est detergentibus leniter propter doloris præsentiam in principio esse agendum: postea exsiccantibus & consolidantibus ut occludatur: affectis quidem superioribus intestinorum partibus, per assumpta: inferioribus vero, per iniectos clysteres magis illud esse procurandum. Vbi vero vlcus putrilaginosum, sordidum, & inueteratum extiterit, non solum leniter detergentibus & exsiccantibus erit pugnandum, sed etiam ἐντερικῶς, absterforiis, & aliquando catharteticis vel causticis, ut nos postea dicemus. Atque hæc sunt dysenterias indicationes.

Verum obiiciet fortasse aliquis aduersus indicationes hæc a nobis propositas de purgatione & phlebotomiâ, non esse admittendas ob varia pericula quæ inde exoriri possunt. Etenim quod ad purgationem spectat: cum aluus in hoc affectu immodicè feratur, excretrix ipsa nimis quam par sit, sollicitetur, humores adfini putrilaginosi, acres, salsi, vel nitrosi: non videtur conueniens naturam de nouo sumptis catharticis fatigare, quæ ventrem adhuc ad excernendum sollicitent, adducant materiam in locum dolentem & exulceratum, necnon per exagitationem illius febrem cum dolore intendant. Idem dicas de phlebotomiâ: non conuenire in dysenteriâ, ob vires tam præsentibus quam futuris: certum enim est crebrâ deiectione, & pene inextinguibili desidendi cupiditate, citò frangi debilitarique robur ægotantis, ideoque studiosè conseruandum esse, ut possit sufficere non solum ad sustinendam præsentem molestiam, sed etiam in successu ad superandum tantum morbum. Adde quod dysenteria, ut iam fuit declaratum, est soboles pessimæ cacochymia humorum qualitate peccantium, non sanguinis: vnde non videtur conueniens per venæ apertionem allicere ad superiora pessimos illos succos in ventre inferiore contentos, vel profundere eum humorem qui minimè est in vitio, reliquisque temperandis maximè conuenit. Nec etiam valet hic reuulsio ad coercendum impetum sanguinis qui per dysenterias effunditur, quandoquidem in omni prosperâ & felici reuulsione, ut fiat humorum πάλινδρομή & refluxus, necesse est adesse vasorum communionem siue connexionem. At nemo nequit ex anatome & αὐτοψίᾳ distributionis venarum, intestina suscipere suas venas ex solo portæ ramo mesenterico, cui nulla est συνάφεια cum venâ cauâ ascendente, ex quâ cubiti venæ deriuantur. His obiectionibus non contemnendis sic erit satisfaciendum: dicendo quod ad purgationem spectat, eam nos in hoc affectu præscribere, quæ sufficiens sit ad expurgandam conuenienter cacochymiam quæ intus latet, nec satis commodè à naturâ excluditur. Cum enim triplex commodum afferre soleat ars nostra naturæ ad morborum curationem: nimirum iuuando eam ad celerius faciendum illud quod non poterat nisi longo tempore præstare: stando ex partibus illius quando æquali decertat robore cum causa morbifica: & perficiendo illud, quod nec inchoare nec explere poterat: hic certè ex purgatione talia elucent commoda: dum scilicet quod natura non poterat nisi ægrè & diuturno tempore perficere, illud assumpto cathartico breui aliquot horarum spatio peragimus: motumque illius inceprum tutò, per adstringentia scilicet & benigna purgantia, quibus etiam virtus roboratur, absoluiamus. Non igitur

alui fluxum purgatione augemus, sed compescimus: non fatigamus naturam, sed iuuamus, dum concurrimus velut auxiliarij ad id præstandum quod illa intendit: neque hoc genere catharticum materiam exagitamus, sed potius adstringendo cohibemus, dolorem autem, febrem, & exulcerationem minuimus, dum causas illas tollimus, quarum præsentia excitabantur. Quod ad phlebotomiam attinet, sciendum est illam in hoc affectu proponi, reuulsionis potissimum causâ & febris aut putredinis, si adfuerit. Quâ de causâ non sunt timendæ vires aut præsentis aut futuræ, si illa exerceatur parca manu, sensim & partitis vicibus, in principio morbi, aut firmis adhuc viribus, phlethorâ existente, ætate florentibus, & reliquis circumstantiis, quibus consentientibus non veretur Trallianus iustam phlebotomiam & veteribus vsitatam ad libras vsque duas sanguinis hic vsurpare, ex quâ maximum sese ægris auxilium attulisse gloriatur sedatâ febre & inflammatione. Hoc tamen animaduertendum est, phlebotomiam non esse vsurpandam, quando dysenteria est epidemia, vel endemia, quia in hoc casu nulla eius indicatio sese offert; sed tantum cum ab aliis causis dependet. Quamuis igitur dysenteria præcipue pendeat à vitio cacoehymia in intestinis contentâ: quia tamen ob febrem, dolorem, & exulcerationem coniungitur etiam plurimum vlceri inflammatio, & febris putrida: ideo non omnino extra culpam videtur esse sanguis, sed ad causas morbificas, si non principales, saltem secundarias concurrere. Ideoque tam præcautionis, quam reuulsionis causa optimum esse, reliquis à nobis allatis consentientibus, venam cubiti dextri, vel sinistri basilicam secare, prout fluxus origo varia esse videbitur: quandoquidem illa connexio, quæ est in hepate inter venam cauam & portam sufficiens est ad transferendos hinc inde humores, ut patet quotidie de chylo qui à venis mesaraicis in cavitatem hepatis transfusus, deinde sanguinis formam nactus venam cauam, & iecoris conuexa subit, ut per totum corpus transmittatur. Quod si venæ sectio ob ætatem, vires aut similia non vsurpetur, saltem hirudinibus admotis aut cucurbitulis cum scarificatu convenientem aliquam reuulsionem procurare oportet. His ergo sic constitutis ad diætam dysentericorum constituendam accedamus.

In eâ itaque stabiliendâ omnium rerum non naturalium & externarum diligens ratio est habenda, ut scilicet quæcumque affectui huic quamlibet ansam præbere possunt, in melius transferantur, & ea vsurpentur quæ oppugnandis causis morbificis sunt idonea. Ideo aeris status is est procurandus, qui maxime ad temperiem vergat, vel paulo sit frigidior, sine humiditate superflua, ad moderationem acrimoniae humorum & caloris febrilis, domus, stratum, & linteola valde munda ac copiosa esse debent, ne crebris illis deiectionibus foetore, ac sordibus obtruantur dysentericis: & cum vlceris cuiusvis curatio à quiete velut principio ducatur, ad vitandam scilicet fluxionem, & reficiendam substantiæ deperditionem, ideo omnis vitanda exercitatio, & motus, siue corporis siue animi: ita ut progrediente morbo, ne quidem surgere permittatur ad desidendum, sed in ipso lecto, suppositis linteolis, aut pelui humiliore ad id rectè comparatâ, alui excrementa deponat. Vitetur ira, mœror, & omnis cura, ac sollicitudo, quæ sæpissime dysentericos in recidivam præcipitant. Eodem modo excretiones quæcumque corporis assuetæ ritè procurentur, ne scilicet illis suppressis maior affluat humorum copia in ventrem, & ibi vlcus exasperet, quod nos postea præstare docebimus: fugiant tamen omnem sanguinis & seminis vacationem, metu agitationis & deperditionis virium. Porro dysenteria, ut & omni fluxioni compescendâ, somnus conducit: vigiliæ autem valde obsunt: isque ideo omni arte, & industria procurandus, quia tamdiu à labore, & fatigatione conquiescunt dysenterici, quamdiu dormiunt, & dulci sopore detinentur.

Quod ad alimenta spectat, quæ dysentericis conueniunt, patet illa, quod ad substantiam suam attinet, contraria esse debere substantiæ humoris peccantis, ut si pituitosus, melancholicus, vel biliosus succus redundans causa sit propositi affectus, cibi assumantur, qui nullum habeant cum illo symbolum, sed potius cum contrario humore: vel saltem euchyma sint & eupepta, ut succos ad mediocritatem reducant, neque negotium faceffant naturæ in concoquendo, quæ satis deiecta est continuis excretionibus & doloribus. In qualitativis actiuis temperata sint aut potius refrigerantia, præsentis febre & inflammatione. In passivis siccantia modice: in secundis adstringentia, inerrassantia, glutinantia, lenientia, ratione

tum vlcis, tum doloris. Quoad quantitatem in principio morbi abstinentiam valde laudat Trallianus: postea verò partitis potius & repetitis vicibus parum, quam vnâ multum erit exhibendum: eâ tamen mensurâ, quæ non solum sustentandis, sed etiam recreandis viribus sit idonea: potissimum sub morbi declinationem quando corpus quodammodo refici incipit. Is etiam ordo obseruandus, vt semper cibus potum præcedat, & si quæ adstringentia, solidantia, aut roborantia offerantur, primo statim ferculo assumantur. Pro variâ igitur cacoehymix specie vitentur hi vel illi cibi pituitæ, atræ bili, & fluxu generandæ idonei: vtantur consummatis, contusis, gelatinis, similagine, panatellis ex pane biscocto, oryzâ, hordeo leuiter torrefacto, necnon milij aut panici farinâ pro rusticis & assuetis; quæ omnia decoquantur cum iusculo veruecis, & gallinæ maioris simplici, vel etiam in quo folia plantaginis, portulacæ, acetosæ, & endiuix incoxerint. Quidam addunt frusta mialorum, cydoniorum, sorba, mespila, pyra agrestia & similes fructus iusculis dictis. Sed ego talia frequenter ingratiissima esse expertus sum, & magnum ventriculo negotium facessere: atque ideo malim fieri in aquâ pluuiali simplici aut ferrata: & antequam exhibeantur, ægrum præassumere frustulum cydoniati veteris, vel myrobalani conditi, aquâ rosaceâ prius loti: aut pyrum vel cydonium malum sub prunis coctum, & saccharo rosaceo aspersum. Pisce, legumina, & olera, quod ad substantiam suam spectat, hic omnino fugienda esse censeo: quamuis enim Aërius præter dicta brassicam bis coctam dysentericis concedat, Aui-cennas autem lentium, abiecto cremore, residentiam: nemo tamen non videt, hæc omnia, vel quod facile corrumpantur, vel quia in prauos succos degenerant, esse fugienda. Quorum induratorum lutea exhiberi possunt, dummodo aceto rosaceo intingantur: quia aluum supprimunt & commodè nutriunt. Iusculum ex pinguedine veruecis & cepe albo confectum valde vsurpant Rustici, quo & dolores dysentericorum placant, & vlcus leniunt ac conglutinant. Carnes verò non prius concedantur, donec videatur maior cacoehymix pars vacuata, delicatæ scilicet & minime excrementitiæ: vt veruecis, turdorum, perdicum, columbarum, phasianorum, turturum, merularum, caponum, gallinarum, & similium: quas penetrare licebit frustulis myrti, aut lentisci, vel farcire semin. plantag. sorbis siccis, cornis, pyris adstringentibus, & similibus, siue assentur, siue elixentur. Aut si hæc suauitati illarum obesse agnoscamus, paretur salsamentum ex omphacio, rosaceâ, succo oxalidis, arantiorum, granatorum acidorum, vel aceto paululum cocto, aut saccharo addito, ne suâ acrimoniâ vellicet partes exulceratas. Fructus adstringentes coctos, aut saccharo conditos gustare poterunt, vt iam de pyris & cydoniis dictum est. Item cerasa acidula, yuas acerbis conditas: conseruam ribes, berberis, & similia. Sunt qui poma etiam concedunt ita præparata, extrahis granulis & corde, eam cavitatem implent cerâ optimâ & recenti. Deinde chartulâ inuoluunt, sub cineribus calidis decoquunt, & ægro comedenda exhibent felici successu: quia pomi substantia ad leniendum & refrigerandum, cerâ verò facultate emplasticâ, ad cohibendam fluxionem valdè est accommodata, vt ex ipso Dioscoride constat. Pro potu quandiu febris & inflammatio adfuerint, contenti sint aquâ pluuiali, vel fontanâ, in quâ chalybs ignitus fuerit extinctus, quoties opus esse videbitur: cui, si lubet, admisceant iulepum Alexandrinum, siue rosaceum, syrupum de granatis, cydoniorum & similes: mitigatâ febre quodammodo, ad reparandas vires offeratur vinum austerum & oligophoron, eadem aquâ commodè dilutum. Sunt qui prisanam parant ex radice oxalidis, & polygonati in eiusmodi aquis decocta, quæ colore vinum æmulatur, nec ægris est iniucunda. Quidam in dysentericis valde siticulosi laudant ψυχροποσίαν: quoniam frigida potio vlcera adstringit, humores cohibet, & febrem temperat: non est tamen in eis diu perseuerandum, ne calor natius nimium frangatur. Atque hæc de diætâ.

Supereft tamen quod ad victus rationem spectat in dysentericis, non parua aut inutilis quæstio de lactis vsu: cuius variæ sunt apud Authores nostros, & discordantes sententiæ. Videtur enim Hippocrates *Aphorismo illo 64. sect. 5.* prohibere lac dysentericis, dum eis interdicit, qui valde febricitant, qui sunt siticulosi, quibus biliosæ adsunt deiectiones, vel multam sanguinis excretionem per aluum patiuntur. Cum enim lac alimentum sit temperatum, tenuis admodum & liquidæ substantiæ, facile alterationes, immutationesque suscipiet pro naturâ

corporis aut ventriculi cui occurrerit : vnde in frigidioribus acescit, in calidioribus nidorem concipit, & in quibuscumque intemperatis, ac cacochymis facillimè putrescit, aut in prauum humorem degenerat. Non videtur dysentericis lac ob dictas causas concedendum. His tamen aduersantur pleræque eiusdem Hippocratis loca *lib. 7. epid.* vbi variorum dysentericorum historias proponens, potissimam eorum curationem in lactis vsu positam fuisse asserit : sic enim Eratolai filius, Ctesicrates, & Adrianus dysenteriam affecti, cum serum & lac bibissent, silice candefacto immisso, dolores & subcruentæ egestionis moderatiores fiebant. Galenus etiam 10. *de simpl. med. facult. cap. de lacte : ac. 3. de aliment. facult. cap. 15.* vult optimum esse remedium dysentericæ & omnium acrium alui fluxionum : quoniam sero suo depurgat, butyro & totâ substantiâ dolores mulcet, caseo verò exsiccat & vlcera conglutinat, præsertim, vt ille addit, vbi aliam quampiâ desiccantem facultatem habuerit adiunctam, quam à lapidibus ignitis, vel cylindris ferreis candentibus in eius decoctum iniectis recipit. Imo Galenus existimat *eodem in loco* præstantissimum esse dysentericæ remedium, lac ita præparatum, cui 3 j. pulueris stercoris canis sola ossa comedentis adiecta fuerit, per aliquot dies mane, & iustâ mensurâ pro vario ægrorum modulo propinatum.

Dicamus igitur lactis vsus dysentericis valde esse accommodum, sub certis cautionibus. Primò, vbi febris paululum remiserit, & siticulosa affectio ventriculi. Secundò, vacuatâ sufficienter cacochymia tam sponte naturæ, quam artis beneficio. Tertiò, antequam tanta fuerit caloris natiui depauperatio ob largam sanguinis profusionem, vt lac concoquere non possint. Quartò, habitâ ratione ætatis, consuetudinis, regionis, status, aëris & similium, quibus consentientibus, vel discrepantibus, licet plus vel minus hoc alimenti medicamentosi genus vsurpare. Inter varias autem lactis differentias, caprinum hîc præstare videtur, quoniam magis ad substantiæ mediocritatem accedit, quam asinum, cui ob magnam feri copiam valida est detergendi vis ; vel vaccinum aut ouillum, in quibus ob casei & butyri copiam facultas emplastica & conglutinatoria præpollet. Licet tamen ab istis sua commoda & dotes aliquando reportare, pro variis circumstantiis quas solers Medicus annotabit : easque præparaciones adhibebit, quæ magis huic vel illi conuenient. Sic vbi maiore deterfione opus fuerit, lac tepidum recenter mulsu, addendo modicum mellis, aut sacchari rosacei puluerem, exhibebit : vbi magis sistenda aluus, iniiciet in lac silices aut orbiculos chalybis ignitos, quibus maior ferosa materiæ portio consumatur : addet tamen aliquid mellis vel sacchari, ne in caseum concreascit : aut si calor febrilis adhuc exuperet, lacti decoquendo adiiciet quartam aquæ fluuiatilis vel fontanæ partem, vt minus putredini vel inflammationi sit obnoxium. Denique in non assuetis parabit pulres ex farinâ hordei in furno leuiter tostâ, amylo, oryzâ & similagine cum lacte decocta : quibus addet saccharum & vitellos ouorum : sicque anodynum valde, & analepticum alimentum efficiet, minùsque ægris à lactis potatione abhorrentibus, quales sunt huiusce regionis homines, ingratum. Atque hæc de lactis vsu. Nunc medicamentorum dysenteriam expugnantium rationem ineamus : quæ nos facilioris doctrinæ gratiâ diuidemus in assumpta, quæ per os scilicet exhibentur : iniecta, nempe clysteres : & admota, quæ externis applicantur : quibus omnes indicationes therapeuticas explere conabimur.

ASSUMPTA. Ea quæ per os assumuntur, vel erunt purgantia, alterantia, vel roborantia in varias classes dirigenda. Quod ad purgantia attinet, quæ benigniora & adstringendi quadam vi prædita esse debere diximus : respiciant variam cacochymiam & humoris speciem necesse est : sic redundante bili flauâ, cholagoga præscribenda : inter quæ rhabarbarum puluerisatum, infusum & expressum primas obtinet. Habet enim omnes hîc expectitas facultates expurgandi benignè bilem flauam ; roborandi hepar & intestina, necnon cohibendi fluxum alui. Sunt qui magna contentione decertant, vtrum pulvis illius, seu tota substantia exhibita validius purget infuso : Item vtrum vstulandum sit rhabarbarum quod dysentericis exhibetur. Nos verò breuiter de hac re ita statuimus, puluerem rhabarbari validius paulo purgare infuso, quia iuuatur à qualitate manifestâ adstrictionis seu compressionis, quæ terrenæ substantiæ inhæret : & propterea valde vtilem esse in hoc affectu, non tamen ideo
semper

semper præferendum infuso, quando scilicet adsunt obstructions primarum viarum, quæ expediri debent imprimis amouerique, priusquam de sistenda aluo cogitemus: tunc enim infusum rhabbari in aquâ conuenienti, vt endiuizæ, fœniculi, graminis & similium commodè admodum exhiberi potest, leuiter aut fortiter expressum, prout magis vel minus ventrem cohibere erit in animo. Quod ad vstulationem verò rhabbari attinet, credunt multi è neotericis, rhabbarum vstione fieri acrius propter conceptum ἐμπύρευμα, & adstrictionem perdere: ac proinde incommodum esse omnino dysentericis, si vstuletur. Nos verò existimamus puluerem rhabbari vstulari posse in dysenteria, modo id leuiter fiat, quando solam adstrictionem quærimus: certum enim est vim illam purgatoriam exteriori potius superficiei inhærere, quam materiæ crassæ ac terrestri, cui facultas adstringendi annexa est: ac proinde leui vstulatione imminui facultatem catharticam, nec ex eâ vllam rhabarb. acrimoniam inuri, nisi leuissimam & nullo modo noxiam dysenterico, vt patet. Præscribitur itaque sic per initia, iniecto prius detergente elythere, si opus fuerit, vt postea dicemus.

℥ Rhabarb. elect. ʒ j. spicæ nard. & santal. rub. ana ʒ ss. Infunde in aquæ endiuizæ vel plantag. ʒ iiij. Expressione mediocri factâ dissolue syrup. de rosis siccis, vel de cichor. simpl. si hepatis adsit feruor, ʒ j. rhabarb. pulueris ʒ ss. Fiat potio, sæpius iteranda, vt sensim & per ἐπιήρπασιν humor exuperans euacuetur. Vel

℥ Cortic. myrobal. citrinor. ʒ ss cinam. elect. ad roborandum, & santali citrini, ana ʒ ss. Infundantur in fero lactis caprilli tepidè diu, & fortiter confricando, vel in aquâ stillatitiâ rosarum per totam noctem. In colaturæ ʒ iiij. dissolue mannæ granatæ (quia lenit & deterget leuiter in principio) ʒ iiij. rhabarb. puluer. ʒ ij. Fiat potio. Vtatur vt supra. Iam procedente morbo, vbi magis erit adstringendum cum purgatione;

℥ Rhabarb. electi puluer. ʒ j. ss. rasur. cornu cerui ʒ j. Capiat cum iusculo, aut aquâ ferratâ, vel decocto polygoni aut thapsi barbari. Vel

℥ Confer. rosarum antiquæ ʒ iiij. rhabarb. puluer. ʒ j. puluer. myrobal. citrin. leuiter vstulat. ʒ j. Concinnentur in formam boli, addendo si volueris sacchari rosati tabulari q. s. Capiat in pluribus morsellis. Potest etiam conformari in formam pilularum, si videtur gravior.

℥ Rhabarb. puluer. irrorat. pauco vino rubro ʒ ij. agarici optimi (qui dysentericis prodest ex Dioscoride, tum ob leuiusculam adstringendi vim, quâ præditus est: tum ad depurgandam pituitam quæ intestinis communiter hæret) ʒ iv. mastiches & gummi arabici, ana ʒ j. rasur. cornu cerui & semin. plantag. ana ʒ ss. Excipiantur syrupo rosato solut. Fiat massa pilularum, è cuius ʒ j. fiant pilulæ v. Capiat horis duabus vel tribus ante prandium. Reiterentur tertio quoque die.

Quod si humor melancholicus vel atrabilarius huius morbi præcipua causa censeatur, præter dicta purgantia etiam decoctum fennæ, epithymi, myrobalanorum indorum & similium præscribatur cum syrupo rosato solut. catholicone, diasenna & reliquis, vel conformetur sequens bolus.

℥ Cathol. ʒ ss. rhabarb. pulueris ʒ ss. folior. fennæ puluer. & semin. anisi, ana ʒ j. Cum saccharo rosat. perlato fiat bolus, quem capiat mane: vel decoquantur pruna damascena viij. in aquâ fabrorum summo mane, deinde adde folior. fennæ mundat. ʒ iiij. semin. anisi ʒ j. semin. carthami contusi ʒ ij. epithymi P. j. Colentur & exprimantur, adiuncto saccharo rursus parum coquantur. Capiat eodem modo, & repetat vsum huius purgationis frequenter, cui etiam rhabarb. puluis commodè admisceri poterit.

In materiæ verò pituitosæ redundatiâ, siue illa ex cerebro deriuetur, seu in primis viis congesta fuerit: propter illius contumaciam & lentorem non solum leuiora purgantia ex agarico, myrobalan. kebulorum decocto, seminis ebuli, aut rad. mechoacan puluere, & similibus conuenire certum est; sed etiam valentiora, vt bolis ex diaphœnicone, & hierâ confectis, admiscendo paululum rhabarb. puluerisati, quibus multos, aliis frustra tentatis, conualuisse vidimus. Postea pilulæ iam præscriptæ ex æquis partibus rhabbari & agarici erunt ex vfu: necnon vbi pituitæ istius copia in ventriculo redundare videbitur cum nauicâ & subuersione, mirum quanto fructu vomitus ex decocto seminis &

radicis raphani cum pauco oxymelite conferat, quoniam euacuat confertim humorem, & à parte affecta reuellit.

Purgantibus istis intermiscenda semper alterantia, quæ respectum habeant ad omnes materiæ, & partium qualitates morbificas: vnde in materiâ tenui & furiosâ cum febre & inflammatione, præscribatur talis iulepus.

℥ Syrup. cydon. myrtini & de granatis acidis, ana ℥ ij. aquar. plantag. rosar. & acetos. ana ℥ vj. puluer. electuar. diamarg. frigid. & rasuræ cornu cerui, ana 3 β. Fiat iulep. pro sex dosibus. Capiat mane & horâ tertiâ pomeridiana. Vel si obstructionis suspicio adsit, quæ leuiter sit aperienda, instituaturs sequens apozema.

℥ Rad. graminis, lapathi acuti, & acetos. ana ℥ j. folior. endiuiz, centinodiz, capill. veneris, acetos. & agrimon. ana M. j. folior. verbasci M. β. semin. frigidior. maior. semin. lactucæ, & plantag. ana 3 ij. florum nymphææ & rosarum siccat. ana P. j. Fiat decoctio in aquâ ferratâ vel sero caprino vstulato ad ℥ j. β. In quibus dissolue sacchari rosar. tabulat. q. s. Fiat apozema clarificat. & aromatizat. 3 j. β. fantali rubri & 9 j. cinam. pro iv. aut v. dosibus.

Si malignæ cuiusdam & epidemicæ aut venenatæ qualitatis labes adiuncta sit: vtantur dysenterici theriacâ recenti, quæ ex propriis suis viribus vt veneno resistit, sic aluum cohibet, & dolores, ob vigentem adhuc narcotici vim, compescit. In aliis philonium romanum, requies Nicolai cum conseruâ rosarum aut admixtâ paucâ confectione alkermes, consulitur ad sedandos dolores, & somnum conciliandum. Vel vtantur syrupo de papauere ad 3 j. ex cochleari circa horam somni, aut aquâ papaueris rhœas, quæ mirabilem habere effectum creditur ad omnes inflammationes & vlcerationes internas. Postridie tamen, ne horum incrassantium & refrigerantium vi pus vel materia maligna in intestinis cohibeatur, iniicienda detergentia, & expurgantia enemata, aut etiam decoctum hordei aut serum caprillum per os sumendum.

In perseverante adhuc dysenteria post aliquam febris & doloris remissionem, non erit inutile vrinas promouere ex decocto aperientium, vel sudores prouocare, vt in diarrhœâ dictum fuit, quo materia absumatur, aliò deriuetur, & vlcus occludatur. Solent etiam Itali in dysenteria inueteratâ consulere vsum aquarum thermalium, *Tettucij* dictarum, abstergentium & leuiter adstringentium. Harum loco non improbarem decoctum illud, siue aquam catapultarum vulgo dictam, additis adstringentibus, per aliquot dies potum & iniectum, vtpote cui magna sit vis abstergendi, & solidandi partes vlceratas, tam externas quam internas.

Interea nusquam omittantur adstringentia & roborantia, siue manifestis qualitatibus, seu occultis prædita, ad dysenteria curationem sub formâ opiatæ, instaurantis, pulueris, pilularum, aut tabellarum præscripta, prout acceptior erit agro. Vt

℥ Conser. rad. symphyt. & rosarum antiquæ, ana ℥ ij. corticis citri saccharo condit. 3 iij. myrobal. per frustula incisam numer. j. confect. alkermes, & de hyacinth. ana 3 β. terræ sigillat. boli armeni, coralli rubri, margar. præparat. ana 9 j. rasuræ cornu cerui, spodij & trochiscor. de carabe, ana 9 β. Cum syrup. cydon. vel myrt. fiat opiatæ, de qua capiat ad quantitatem castaneæ bis aut ter in die: superbibat parum aquæ ferratæ aut iulepi Alexandrini diluti. Si nolit formam opiatæ, loco syrupi cum saccharo rosaceo fiat instaurans auro coopertum; quo vtatur cum iusculis aut vino austero valde diluto. Sunt qui præbent aliquot grana puriora mastiches aut gummi arabici deuoranda, vel eadem in aquâ potabili decoquunt.

℥ Boli armeni, terræ sigillat. coralli rubri, acaciæ, hypocistid. rosarum rubrarum, granorum kermes, ana 3 j. margarit. præparat. rasuræ cornu cerui vsti & aquâ rosarum loti, pulueris cancerorum fluuiatilium, ana 3 β. stercoris canis ossa comedentis & semin. plantag. ana 9 j. Fiat omnium puluis, addendo duplum sacchari rosar. tabul. quo vtetur cum iusculis & aquâ potabili. Aspergitur item panatellis ac gelatinis. Idem puluis reduci poterit in pilulas, si excipiaturs syrupo myrtino vel cydonior. aut in tabellas si illius 3 ij. excipianturs 3 j. sacchari aquâ peculi rosarum dissoluti.

Rhasius valde commendat puluerem seminis psyllij torrefacti & gummi arabici, quem exhibet mane & sero, cum miua aut succo cydoniorum. Validissima est facultas sistendi aluum coagulo leporis vel hinnuli, ad 3 β. sumpti cum sapâ aut aquâ

aquâ plantaginis. Ex proprietate ad dysenteriam valere dicitur pulvis è turturæ, ex ossibus femoris bubuli, aut ex pedibus perdicum combustis, cum vino adstringente potus. Creditur etiam herba, quam vulgò œnanthem seu philipendulam vocant, magnam habere vim ad dysenterię curationem, si eius radix, aut folia pulueris. ad 3 j. fumantur cum vino, aut excipiantur vitello oui, qui postea deuoretur per duos aut tres dies. Atque hæc de assumptis sufficiant.

INIECTA SEV CLYSTERES. Non minorem fortassis laudem merentur clysteres in curatione dysenterię, quam ipsa assumpta, potissimum si inferiores intestinorum partes afficiantur, vt annotauit Galenus. Ac proinde non minori solertia præscribendi, vt propositæ indicationes expleantur, abstergerendi, leniendi, cohibendi aluum & cicatrice ocludendi vlcus. Ideo ad detergendum leuiter in principio dysenterię, retinenda est communis illa formula iam sæpius proposita.

℥ Hordei integri, fursur. macri & rosar. rub. ana P. j. semin. anisi & melonum, ana 3 ij. Fiat decoctio ad ℥b j. In quâ dissolue mellis rosar. colat. & sacchar. rubri, ana 3 vj. vitellos ouorum numer. ij. Fiat clyster, qui iniiciatur frequenter. Vel si mauis, hæc omnia decoquantur cum capite veruecis, & ex iure conficiantur plures clysteres cum saccharo, & vitellis ouorum. Huius vicem supplebit hydro-mel dilutum aut serum lactis caprilli, in quo dissolutum sit parum mellis rosacei per clysteres immissum. Si potentius sit abstergendum, adde folia betæ, agrimon. & mercurial. Quinimo in pituitâ mucosa, & fordidiore vlcere utebantur veteres aquâ falsâ seu muriâ dilutiore ad abstergendam potentius illam illuuiem: ego sæpe expertus sum aquam nostram seu decoctum catapultarum dictum, cum pari sero dilutum valde potens esse ad curanda hæc vlcera, quæ inferioribus intestinis impressa sunt. Imo non solis abstergentibus contenti erant veteres, sed etiam clysteribus caustica addebant, vt pastillos Musæ & Andronis ad cofrigenda vlcera maligna & rebellia, quæ iam in gangrænam & mortificationem vergere videbantur: quod tamen magna cautione præstandum esse existimo, ne inflammantur partes illæ & vlcus exacerbetur: nos tutius illud efficiemus, dissoluentes in præscripto clystere aliquot drachmas vnguenti Ægyptiaci dicti, vel pulueris mercurij rectè præparati: addentes tunc succi plantaginis aut aquæ rosarum parum, ad vitanda prædicta incommoda in rebelli & putrilaginoso vlcere.

Vbi dolor acerbius ægrum exagitabit, tunc lenire & mitigare conueniet accommodatis clysteribus, qui vel causam respiciant, vt inflammationem & humorum acrimoniam: vel analoga sint calori nostro patrio: vel denique sensum partis dolentis obtundant. Ratione inflammationis præscribantur enemata refrigerantia ex decocto plantaginis, portul. & earundem herbarum succis vel oleo rosaceo, omphacino, aut cydoniorum. Ratione acrimonię humorum, & impediendæ exulcerationis, proderunt tum inspissantia, vt amyllum, oryza, hordeatum, similago in iusculo decocta, mucilagines seminis psyllij, cydoniorum aut maluæ: tum pingua & adiposa, vt seuum hircinum, quod adhærendo partibus vlcera impedit, ne humor fluens ibi subsistere possit deinceps, & ne fluendo magis ac magis exasperet partem. Clysteris ad hæc comparati talis sit formula.

℥ Folior. plantag. verbas. & acetos. ana M. j. semin. papauer. albi & melon. ana 3 ij. florum nymphææ & rosarum, ana P. j. Fiat decoctio ad ℥b j. in quâ dissolue amyli & mucilag. seminis psyllij, ana 3 ℔. seui hircini 3 vj. succi plantag. recens extracti, potissimum in magno fluxu sanguinis, 3 j. Fiat clyster: retineatur diu. Huius loco iniiciantur ea quæ ob familiaritatem temperiei calorem natuum recreare possint, nec tamen reliquis intentionibus sint inutilia: vt iusculum consummatum, prisana seu cremor hordei, lac amylo inspissatum & coctum, vel vstulatum, addendo saccharum & vitellos ouorum. Quibus si nihil proficitur, in summâ doloris atrocitate adiungantur narcotica parçè & cum cautelâ, vt opij ʒ j. diacodij vel requiei Nicolai 3 ij. syrup. de papauer. 3 j. & similia, vt æger factis quasi induciis paululum respirare possit & somno indulgere.

His omnibus peractis, vt & decenti purgatione, tunc de cohibenda aluo, & fluxu sanguinis erit cogitandum per adstringentia & roborantia enemata. Vt

℥ Rad. bistort. symphyti, & acaciæ, ana 3 j. foliorum thapsi barbati, polygoni, equiseti, summitatum rubi & plantag. ana M. j. nucum cupressi, seminis sumach & balaust. ana 3 iij. semin. anisi (propter flatum) 3 j. rosar. rubrar. & florum mali punici, ana P. j. Fiat omnium decoctio in aqua ferratâ, in cuius ℥b j. dissolue

amyli, boli armen. mastich. & sarcocol. ana 3 iij. Iniiciatur vt dixi : quibus si alius supprimatur, febris autem & dolor intendantur, vt aliquando contingit, redeundum de quo ad detergentia, & hac vicissitudine curatio perficienda, donec videlicet natura abstergentibus adiuta, in vlceribus istis deperditam substantiam regenerarit, & adstringentibus cicatricem induxerit. Atque hæc de clysteribus.

ADNOTA. Quæ verò exterius admouentur, vel sunt formâ solidiore, vel tenuiore, vt vaporis seu fumigationis. Solidior forma complectitur fons varios ex decoctis adstringentibus propositis: olea mastic. myrtinum, lentiscinum, cydoniorum & similia: vnguenta comitissæ maius & minus: emplastra de mastiche, de crustâ panis, contra rupturam & similia: cataplasmata ex cydoniato, & residentiâ dictarum decoctionum: quæ omnia à nobis accuratè fuerunt proposita cap. de diarrhœâ, & postea in tenesmo dicentur adhuc. Fumigationes autem sunt ex fumo sarcocollæ, nucibus pineis, mastiches & similibus stipticis supra prunas iniectis, quorum fumum ano excipere debet æger dum aluum in matulâ exonerat. Cauendum tamen ab his adstringentibus admotis, donec materia sufficienter euacuata fuerit: duplex enim inde impendit periculum, ne videlicet ista forinsecus comprimentia, humorem magis ac magis versus intestina impingant, & vlcus ac dolorem augeant: vel ne materiam ad partes nobiles reiciant, vt hepar, pulmones, cerebrum, nervos & similes, vnde peiores dysenteriam morbi exoriri possunt. Sunt qui existimant erucam syluestrem contusam, vmbilico admotam, tum manu detentam mirabili modo fluxus dysentericos sistere. Alij in magno fluxu sanguinis appendunt ventri crystallum, coralli ramos & iaspidis, quæ non sunt omnino contemnenda. Inter admota etiam reponi debent ea quæ applicantur cordi, hepati, cerebro, & aliis partibus per consensum laborantibus roborandis, vt vnguenta, epithemata, & similia: quæ pro vario illorum statu sunt præscribenda. Nos verò huic tractatui tandem debitum finem imponamus, & ad tenesmi historiam aggrediamur.



C A P V T VIII.

De Tenesmo.



BSOLVTA dysenteriae historiâ & curatione, facillimum erit Tenesmi, congeneris valde & consimilis affectus, tractationem breuiter percurrere. Dicitur itaque *Τενεσμός* Græcis, seu *τεναςμός*, Latinis seruatō nomine Tenesmus seu tenasmus, & tenesmon Barbaris: à tensione seu distractione quæ sentitur in hoc affectu circa extremitatem ani, vt docet Galenus *initio lib. 6. de locis affect. & Aphor. 27. sect. 7.* ἀνομάδαι ἢ, inquit, τὸ πάθος διὰ τῆς τάσεως τῆς γινόμενης καθ' ἑδραν, δι' ἣν καὶ προθυμύμενοι σφοδρῶς σκοπιῶν, ἐξαντίζονται συνεχῶς. Et post illum Actuarius: *Τενεσμός τὸ πάθος λέγεται τῷ τὸ μόνον ὁπείπονθεν ἐκτείνεσθαι τε καὶ πρὸς ἐκκρίσιν βιάζεσθαι.* Vnde aliqui *τενεσμόν τῇ διαπασσιν* interpretantur: fit enim, vt dum excretrix magno nixu ad excernendum fertur, pars ipsa cum suis fibris veluti diuellatur & distendatur. Aretæo *lib. 2. cap. 5.* dicuntur *τενεσμώδεις προθυμίας*, promptæ istæ & molestæ egerendi voluntates, quas Scribonius nimias defurgendi libidines appellat.

Est igitur Tenesmus crebra & fere inanis egerendi cupiditas ob excretricem inferioris ani nimium irritatam ab obiecto dolorifico, intemperiem vel continui solutionem inferente. Dicitur ergo crebra egerendi cupiditas, quia ægri hac passione detenti assidua & nulla quasi intermissione torquentur: fere tamen est inanis, quia non copiam humoris, vt in diarrhœâ, dysenteriam, aut lienteriam excernunt; sed pauca quædam mucosa, acria, pingua, ramentosa, & guttulas sanguinis, aliquando cum scybalis & induratis in modum lapidis sæcibus, quas Hippocrates ideo *lib. 1. epidem.* vocat *τενεσμώδεια διαχωρήματα.* Et Galenus id tenesmo proprium esse vult, vt paucissima egerantur. Pendet autem hæc actio læsa ab excretrice deprauatâ seu nimium irritatâ: quoniam sæcum egestio cum sit mixta, hoc est partim naturalis, partim animalis functio, ob iunctum illi sensum tactus & motum illum voluntarium

rium musculi sphincteris, qui extremitatem recti intestini & podicis circulum occupat: fit ut percusso sensu tactus à causa dolorificâ exurgat facultas expultrix ad secernendum id quod molestum est: quod cum præstare nequeat, perseverante eodem obiecto, perseverat etiam perpetua illa cupiditas: ita ut in hoc affectu non solum recti intestini substantia præter naturam se habeat, sed etiam ipse musculus extremum podicem claudens & nervi ad illum pertinentes. Quemadmodum enim in dysuriâ seu stranguriâ laborat vesicæ sphincter præter illius cololum, sic in Tenesmo ani sphincter, cum longanone. Inducitur autem illa dispositio præter naturam ab obiecto dolorifico sensum tactus afficiente, quando scilicet vel intemperies confertim & ἀσπίως, vel solutio unitatis inducitur, à variis scilicet causis proximis & immediatis, quarum accurata enumeratio constitueret præcipuas Tenesmi differentias.

Norandum autem imprimis Tenesmum ab Auicenna duplicem statui, unum quidem nothum seu spurium: alium verum seu legitimum: nos sympathicum & idiopathicum dicere possumus. Spurium quidem siue sympathicum, qui ex solâ fit condolentiâ partium vicinarum afflictarum, ut contingit in maiore, & asperiore vesicæ calculo, propter quem ut meiendi, sic etiam desidendi perpetua urget cupiditas. Accidit etiam gravidis plerisque ob magnum uteri pondus, quo circumstantes etiam partes premuntur & excutere nituntur. Quemadmodum alius Tenesmus sympathicus annotatus est à recentioribus ex inflammatione seu maiore phlegmone aut indurato tumore glandularum quas parastatas & prostatas vocant, post gonorrhœas illas foetidas & virulentas luis venereæ. Atqui hi Tenesmi spurij seu sympathici simpliciter dicuntur, quia nullam sui curationem indicant, sed solum primarij illius affectus à quo pendent immediate. Legitimus verò seu idiopathicus suam habet in parte dispositionem præter naturam, quæ causa est continens ac proxima istius affectus. Causa autem illa pendet ab obiecto dolorifico, ut dicebamus, intemperiem aut solutionem continui inferente. Intemperiem quidem sine materiâ calidam vel frigidam, vel cum materiâ & humoris varij potissimum biliosi aut pituitosi affluxu. Solutionem verò continui occultam vel manifestam: occultam quidem, nempe compressionem, distentionem, diuulsionem, ut à stercore valde indurato, hæmorrhoidum inflatione, tumore præter naturam, pituitâ concretâ, aut calculis, quos multi, ut scribit Galenus 6. de locis affectis, post longam Tenesmi vexationem excreuisse visi sunt: vermibus etiam & tenuioribus illis lumbricis quos Ascarides vocant, puncturam & vellicationem extremo ano inferentibus: quod ego in duobus puerulis experienciâ comperi, qui singulis mensibus versus plenilunium magna desidendi cupiditate, & ani puncturâ pressi per aliquot dies, tandem liberabantur lumbricorum istorum excretionem, donec circa eandem periodum reuiuisceret affectus. Manifestam vero solutionem unitatis, ut per vlcerâ & vulnera huic parti impressa.

Rursus istarum causarum suæ sunt causæ externæ & internæ, tam antecedentes, quam propinquæ: utpote intemperiei calidæ sine materiâ aer externus æstuans, immissio clysteris feruentioris, ex quo vidi fere combustum podicem ab imperito Pharmacopœo, aut glandis acerrimæ, ex quorum usu sæpè sphincterem non solum calor immodicus, sed etiam excoriatio & rubor occupat. Frigidæ verò sine materiâ contactus rei frigidioris & algidæ, ut si quis diutius supra silices, aut marmor sederit: unde natum Prouerbum *super lapidem non sedebis*: si nix, geli aut aqua frigidior diutius partes illas contigerit, & similia quæ confertim & potenter qualitatem istam partibus omnibus internis, præcipuè nervosis, valde inimicam imprimere possunt. Biliosum verò succum aut pituitâ falsam, quorum acrimoniâ sæpissime affectus hic excitatur, ea omnia generant, & in partem istam adducunt, quæcunque à nobis fusè in diarrhœas & dysenterias curatione recensita fuere: unde etiam frequenter Tenesmus dysenteriam præcedit, vel subsequitur, dum scilicet in principio commotâ materiâ primum extremam hanc partem vellicat: vel in fine illius reliquæ eidem aliquantisper adhærent. Huic Tenesmo ex materiæ acrioris copiâ valde obnoxij sunt (quod in me ipso sum expertus) qui ob negotia & occupationes varias alium etiam irritantem cohibent. Ex diuturnâ humorum istorum vellicatione & adhæsu, ut etiam alimentorum, inter quæ fungi, acriorum medicamentorum, ut colocynthis, aut venenorum ex quibus doricinium Nicandro in alexipharmacis recensetur, fit excoriatio recti intestini, cui vlcus succedit, tam rebelle & contumax aliquando, ut in fistulam degeneret. Vulneri etiam

etiam succedere potest, quod res externæ contundentes, secantes, vel pungentes intulerunt. Stercoris autem indurati ex tractatu de suppressâ aluo, hæmorrhoidum inflatarum, tumorum præter naturam, siue phlegmones, siue scirrhi naturam sapiant, pituitæ concretæ, calculorum & vermium causæ generatrices, ex propriis suis tractatibus repetendæ, in quibus illæ conuenienter explicantur.

Diagnosis etiam partis affectæ, affectus & causarum ex solitis fontibus instituentur. Nā actio læsa, tactus scilicet immutati & excreticis in imâ sede podicis irritata, ad quam sequitur inuersio ipsius recti intestini cum magno dolore & illius aliquando procidentia, necnon sphincteris relaxatione ob diuturniorem conatum & laborem: item paucitas illa excrementorum quæ egeruntur, satis ostendunt quamnam pars corporis laboret. Quod si ex solâ sympathiâ vesicæ, vteri aut parastatarum afficiatur, constabit ex præsentia illarum constitutionum, & quod simul cum illis augeatur, minuaturque: si vero pendeat ex communicatione humoris ab aliquâ parte deriuati, vt cerebro catarrhis affecto, iecore obstructo, & similibus: notæ aderunt etiam partium illarum patientium. Affectus autem proprii natura innotescet ex causarum contemplatione, & effectuum: nam vsus externarum rerum refrigerantium aut calfacientium, qualitates assumptorum vel iniectorum: suppressæ aliquæ vacuationes ordinariæ significant naturam dispositionis quam excitarunt. Quæ excernuntur, etiam pro varietate substantiæ & qualitatum ostendunt quis humor sit in vitio, vt pote feruens & flauescens excrementum, bilem: album verò, mucosum & tenax, pituitam: puris & sanguinis guttæ, factum esse vlcus, quas ramenta quædam partis, sordida excrementa, imo etiam caruncula subsequi & præcedere solent, si augeatur & in fistulam degeneret. Tumores præter naturam ibi genitos denotant caloris sensus cum pulsu & renixu, si sit phlegmonosus: durities vero sola & distentio, si scirrhus. Eodem modo hæmorrhoidum internarum inflationes deprehenduntur, quando illæ fluere solitæ diutius supprimuntur, & in tumorem eleuantur, quem æger sensu satis percipit circa initium ossis sacri, instar noduli pendentis. Stercus induratum, & ascarides agnoscuntur ab excretis, quoniam solent exire vermiculi isti, & stercus etiam instar caprarum figuratum aliquo muco inuolutum. Adde quod diurna alui suppressio istos affectus præcedere solet. Notandum autem in diagnosi istorum ani affectuum, nihil esse præstantius, si dolor permittat, quam immisso ani speculo ipsam causam dolorificam oculis spectare.

De prognosi sic statuit Hippocrates *lib. de affect.* Fit Tenesmus, inquit, ex eisdem à quibus & dysenteria, verum debilius, & breuis, & minime lethalis. Hoc tamen intelligere oportet, si recte & in principio curetur: neglectus enim, vt dicebamus, sæpè solet dysenteriam accersere, aut etiam in fistulam insanabilem degenerare: imo etiam ob dolores continuos, vigilias, & ploratus in pueris potissimum, lethales febres & corporis consumptionem inducere. Annotant recentiores affectum istum aliquando contagiosum esse, præcipuè, si autumno contingat, nec omnino labis malignæ aut periculi expertem. Hippocrates etiam in *Coacis* scripsit dolores sedis diuturnis morbis periculosos, vt hydropi, asthmatis, & similibus superuenientes, mortem accelerare, quia ægri eiusmodi à prægresso morbo fatigati non sunt pares ferendæ diutius huic nouæ molestiæ & labori. Præcipuè autem in grauidis periculosus est Tenesmus, quia vt est apud Hippocr. *Aphor. 27. sectionis 7.* abortum concitat, irritato ad excretionem vtero per condolentiam, vnde mortis periculum imminere potest. Sunt quibus propter vehementiorem Tenesmum, ileosa passio & cholericæ, reuolutis fursum intestinis, & humoribus nimium exagitatæ, contingit. Ac proinde illius curatio non est negligenda, ad quam nunc accedamus.

In Tenesmo itaque curando, constitutâ victus ratione commodâ, quæ interdicat ab omnibus acribus, falsis, acetosis, amaris aut putredini obnoxiiis: præscribat autem Medicus cibos substantiâ euchymos, & eupeptos: leuiter adstringentes: qualitate etiam præditos, quæ opponatur qualitatibus variis causæ morbificæ, & satis magnâ copiâ sumptos: nam vt dicit Hippocrates *citato loco*, solet hic morbus plures cibos expetere, quoniam ab illorum benignitate cum insunt, minuitur humorum mordacitas, & obstantia protruduntur. Deinceps pro diuersâ constitutionum præter naturam essentia, ex quibus proficiscitur, instituentur therapæia.

De morbis intestinorum. Cap. VIII. 283

CVRATIO TENESMI A FRIGORE. Sic quando à solâ frigoris impressi vehementiâ suscitatur; admotis & iniectis calfacientibus, ac flatu qui hic facile exoritur; discutientibus remediis curabitur: Primum ergo poteris lateres calefactos & vino rubro generoso asperfos ac linteolis coopertos admouere huic parti: vel tres sacculi fursure macro impleantur, bulliant in vino, postea expressi, vnus regioni pubis: alter circa os sacrum: tertius ano & perinæo admoueat, quàm poterit fieri calidissimè. Deinde renouentur quoties opus esse videbitur: aut si magna flatuum copia subesse videatur, fiat *Evonopia*, vt loquitur Hippocrates, siue fottus siccus in sequentem modum.

℥ Milij, salis, & auenæ, ana M. j. semin: anisi, fœnugr. & baccharum lauri, ana ʒ j. florum chamæmel. melilot. stœchados, & anthos, ana M. ʒ. Torrefiant omnia leuiter in sartagine, affundendo guttas aliquot vini: deinde includantur sacculis, qui admoueantur, vt superiores. Illis remotis inungantur prædictæ regiones vnguentis arragoniæ, martiato, resumptiuo, & similibus: Vel paretur sequens.

℥ Axungia anatis & gallinæ non falsæ, ana ʒ j. axung. vrsi; si reperiatur ʒ ʒ. pulueris ireos Florët. ʒ iij. semin. anisi & fœnugræc. pulu. ana ʒ j. olei laurini ʒ ij. Misce, fiat linimentum, quo inungantur prædictæ partes: deinde supertegantur lanâ succidâ aut cotone perfumigato cum thure, styrace, aut benjoïno: quorum vaporem etiam ano, quantum fieri poterit, excipiat.

Quod si malum ad interiora iam penetrasse videatur, optimum erit tam sumptâ veterè theriacâ per os, auræ alexandrinâ, aut zinzibere conditorum iniecto clystere internum illud frigus compescere: qui sic fiat

℥ Fol. calamenti, puleg. organ. saluæ, hyssopi, & lauri, ana M. j. semin: lini, fœnugræci, & fœnicul. ana ʒ iij. florum chamæmel. meliloti & furfuris; ana P. j. Fiat decoctio ad ʒ j. ʒ. in quâ dissolue olei rutacei & liliorum, vel amygdal. dulcium ad mitigationem doloris, ana ʒ ij. Fiat clyster: teneat diu. Vel si vis, paretur ex æquis partibus vini rubri generosi, & olei rutacei, aut ex solo vino Hippocratico. Poteris etiam in magnâ refrigeratione parare semicupium eiusdem decoctionis: & ex residentiâ illorum pistatâ, & cribratâ conficere cataplasma: ta cum farinâ fœnugræci & oleo rutaceo, dictis partibus admouenda vt hæc intemperies corrigatur.

CVRATIO TENESMI A PITVITA SALSA. Quod si pituitâ illius putris aut falsæ adhæsu propositum symptoma contingat: & corpus eiusmodi humore refertum videatur: non erit omittenda illius purgatio per accommodata remedia: quamuis enim in principio magis irritare videantur, affectum & molestiam adferre parti: quia tamen vacuatâ causâ miterescere solet affectus, ideo maius postea commodum subsequitur. Ad id accommodatus erit bolus ex diaphœnici ʒ ʒ. & ʒ j. rhabarb. pulueris. paratus: vel ʒ j. pilular. foetidar. aut de agarico. Auicennas commendat hic purgationem ex pilulis de bdellio, aut ex terebinth. ʒ iij. cum aquâ plantag. lotæ, quæ suâ visciditate & lentore aptissima est educendis eiusmodi mucosis succis. Clysteres quoque detergendi facultate præditos esse conuenit, ad eluendas istas sordes intestino adhærescentes, vt ex hydromelite confectos: ex aquâ oliuarum, seu dulci murræ: vel decocto betæ rubræ, caulium, agrimonæ, & furfuris macris: in quo dissoluatur mel rosaceum, & pauca hiera picra si valentius sit agendum. Postmodum addantur dicto clysteri adstringentia & flatu discutientia, vt semen cumini, fœnugræci, nuces cupressi, aut pini contusæ, verbascum, & equisetum: cum oleo anethino, chamæmel. & pauco melle anthosato. Vbi sufficienter deterfa videbitur materia, omnino adstrictioni incumbendum per eosdem clysteres, fomenta, balnea, & suffumigationes: ex pice, ex resinâ terebintina, sarcocolla, thure, mastiche supra carbones ardentes, aut craticulam ignitam coniectis: vel cortices illi, in quibus continentur nuclei pini, igniantur & reponantur in matulâ quando æger delicere voluerit. Quod si summus dolor, & irritatio vrgeant, non erit extra institutum suppositorio aliquo, aut glande eum mitigare. Vt

℥ Thuris masc. pulueris. & mastich. ana ʒ ʒ. opij grana iij. croci ʒ ʒ. Excipiantur oui cocti luteo, inuoluantur linteolo rariore. Fiat nodulus oleo rosaceo imbutus, in anum immittendus: vel cum melle formetur suppositorium ex eisdem

dem quæ potuerunt roborare anum, humiditatem exsiccare & dolorem minuere.

CVRATIO TENESMI AB INFLAMMATIONE ET TVMORE. Quando vero φλόγῳσι simplex aut vera phlegmone hanc partem occupant, tunc omnino abstinendum à purgatione, vt recte docet Galenus 3. *method.* augeretur enim sic intemperies, & nihil ex humore parti infixio detraheretur. Venæ autem sectio celebranda statim in principio ex venâ cubiti dextri ad maiorem reuulsionem, postmodum perseverante malo etiam ex venâ poplitis vel tali ad vacuationem & derivationem. Iniicienda etiam & admouenda refrigerantia & leuiter repellentia initio, vt clysteres paucâ quantitate ex decocto plantaginis, acetosæ, solani, & semin. frigidorum: vel ex lacte caprillo, addendo parum olei rosacei & succi plantaginis. Inungatur sedes, perinæum, & ossis sacri regio oleo myrtino, lentiscino, rosaceo omphacino, & similibus. Sedatâ vi fluxionis & inflammationis, studendum resolutioni ex decocto maluarum, althææ, pariet. semin. lini, fœnugr. flor. chamæmel. meliloti, & similibus. Cataplasma etiam ex meliloto, caulibus, & fœnugræco aprissimum est ad διαφύσην. Quod si tumor resolui nequeat, sed ad supurationem vergat, acceleranda puris concoctio, & anodynus incumbendum maxime: quia, vt docet Hippocrates, dum pus fit, dolores & febres intenduntur: factò pure ruptaque vomicâ curetur vlcus, vt postea dicitur. Si in gangrænam degeneret, actum est de ægri rebus. Possunt tamen ea præscribi, quæ in hoc casu à Practicis præcipiuntur, vt scarificationes profundiores, lotio ex aquâ falsâ, aceto scillitico, in quo dissolutum sit paucum ægyptiacum & similia. Sin vero tumor ille aut male tractatus, aut certe ob naturam humoris crassioris induretur, & in scirrhosam naturam degeneret, omni viâ & studio tentandum erit, vt tumor ille molliatur foribus, & clysteribus ex decocto maluæ & althææ, inunctionibus ex pinguedine gallinæ, anatis, porci, oleo amygdalarum dulcium, liliorum, & similibus: necnon vnguentis de althæa, resumptiuo, per turundam in locum vsque affectum demissis. Ac tandem si tumor ille sit nimium ægro molestus & periculosus, cautâ Chirurghi manu rescindatur, & instar vulneris deinceps curetur.

CVRATIO TENESMI A BILIOSO HVMORE. Contingit sæpè, vt diximus, biliosum humorem profluentem per intestina, extremitatem ani vellicare & Tenesimum eum excitare, qui plerumque imminentis dysenterici præcursor existit. Proinde non negligendus, sed celeri & commodâ therapeiâ sedandus, vt pote præmissâ purgatione ex catholicon, aut cassia, ex quibus bolum conficies, addendo pulueris rhabarb. ʒ j. vel ʒ ss. prout ex usu esse videbitur. Aut parabis infusum myrobalanorû citrinorum in sero lactis caprilli, in quo dissolues rhabarb. puluer. vel triphera persicæ, catholicon aut syrup. rosat. solut. q. s. non omittis clysteribus leuiter detergentibus & refrigerantibus. Item confugies cito ad anodyna, quæ temperent dolorem & feruorem partis, vt pote sacculos foliis althææ, maluar. & solani refertos, & lacte repente imbutos, qui ano, pubi, & lumbis admoueri poterunt & frequenter renouari. Vel pareretur forus ex decocto folior. verbasci, calend. & capitibus papaueris albi, vel eiusdem seminibus. Residentia rufa & cribrata misceatur cum farinâ hordei, pauco oleo rosaceo & butyro. Fiat cataplasma eisdem locis admouendum. Suppositorium ex seuo hircino, aut ex cerâ nouâ dicitur impedire exulcerationem partis. Fumigationes tandem adhibeantur ex sarcocollâ & mastiche: vel fiat fumigium ex scoriâ ferri ignitâ & aceto aspersâ, quæ hic valde competit: necnon suppositoria cum opio, aut nodulus plenus confection. philon. romani, athanasiz, aut requiei Nicolai: Sunt qui dissoluant pilularum de cynoglossò ʒ j. in ʒ iiij. hydromelitis, & per exiguam fistulam in sedem infundunt. Post usum istorum narcoticorum, restituenda parti temperies, & robur ex foru aut suffitu quodam iam dicto, quod eleganter monet Galen. in curatione ophthalmiæ, ne videlicet pars sensu orbata proprii deinceps muneris obliuiscatur, sicque vitium fiat peius priore.

CVRATIO TENESMI AB VLCERE, VERMIBVS, HÆMORRHOIDIBVS, ET FÆCIBVS INDVRATIS. Quæ supersunt Tenesmi causæ particularem habent tractationem suis quæque capitibus, vt à vermibus, ac hæmorrhoidibus, vnde sunt repetendæ: à fæcibus induratis capite de suppressâ aluo: & ab ulcere, prægresso de dysenterici tractatu. Cui tamen addere hoc licet, vlcus recti intestini, si videri & quasi manu contingi possit, facilius esse curatu, quia iniectionibus ex hordei decocto cum melle rosaceo detersum, exsiccare pote-

rit aquâ catapultarum dictâ, aut simili liquore infuso, vel etiam admotis vnguentis de tutiâ, de plumbo, diapompholygos & aliis: neque enim *impotens*, ut loquitur Hippocrates, linteolorum frustulis aut cotone ad exsiccandum. Auicenna sequens vnguentum valde laudat, tam in profundiore, quam propinquiore ulcere, in quo vult esse doloris mitigationem, & ulcerum incarnationem.

℞ Thuris, & corticis eius, myrrhæ & mastich. ana ʒ ij. cerussæ lotæ ʒ iij. plumbi vsti & tutiæ, ana ʒ j. β. opij & croci, ana ʒ j. mucilag. gummi tragacant. aquâ plantag. extractæ ʒ β. olei rosacei & ceræ nouæ q. s. Fiat vnguentum, quo inungantur prædictæ partes, & intromittatur aliqua portio dissoluta cum hydromelite per syringam frequenter, & in parvâ quantitate, ut melius retineatur. Si prædictum ulcus callosum fiat & sinuosum, metus erit fistulæ, cuius curatio admodum difficilis, accuratè tamen tractata à Guidone Cauliaco *tractatu 4. capite 7.* Superest molestissimum symptoma, quod frequentissimè Tenesmo succedere solet, potissimum in puerulis ob copiosam humiditatem, nempe ani procidentia. In cuius curatione satis difficilis & laboriosâ quando malum est inueteratum, procuranda est exsiccatio, & adstrictio illius partis per fomenta, emplastra, vnguenta, suffumigationes, & similia dicta. Intestinum extra positum lauetur vino rubro adstringente, aut decocto simili: deinde inunctum oleo rosaceo, & sinapifatum conuenienti pulvere acaciæ, hypocist. rosarum & similibus reponatur in suam sedem. Laudar Galenus puluerem ex veteribus coriis combustis paratum. Procuretur deinde ut in suâ sede maneat, adhibitâ fasciâ & puluisculis, quæ si volueris, perforetur in medio, ut possit per foramen deicere manente fasciâ, aut dum cupiet deicere, sedeat super craticulam cancelli instar confectam, per quam excludet quidem fæces, sed intestinum in propriâ sede continebitur. Frequenter expertus sum in puerulis hoc morbo affectis, quod si stantes & erecti deiciant, non exit anus: quia minor fit compressio, & circumstantes partes retinent. Iubent aliqui in affectu diuturniore duo cauteria inurere extremitati spinæ, ut exhauriant humiditates illas internas & partem roborent: alij prominentem ani portionem excindere ausi sunt. Sed hoc non nisi summâ cautione tentandum, & frustra vsurpatis aliis remediis. Nos vero ad vltimum tractationis istius caput de hæmorrhoidibus aggrediamur.

CAP. V. T. IX.

De Hæmorrhoidibus.



SAX & prouida natura hominis conseruationi ita consuluit, ut quatenus fieri posset pro materiæ conditione, & quam diutissimè in hac vitâ permaneret. Cum enim ex humorû iusta *sumptibus*, bonus habitus, & valetudo in nobis exoriat: ideo singulis sua emissaria constituit, per quæ vel quantitate redundantes, vel qualitate infesti conuenienter excludi possent. Nec solum ad excrementitios corporis nostri succos secernendos, externendosque id præstitit: sed etiam ad sanguinem, si quandoque multitudine sua grauaret, vel alieno vitio maculatus illi molestiam inferret. Hinc nomen Hæmorrhoidum exoriri patet, locorum scilicet illorum seu venarum ex quibus sanguis effluere solet, siue illud naturaliter fiat certis statisque temporibus, siue præter naturam, & vi morbi. Aristot. *1. de generat. animal. cap. 19.* quasunque venas sanguifluas ita vocat. In mulieribus venæ vteri floridum fundentes sanguinem menstruo quoque decursu, ostendunt naturale solum restibili fertilitate præditum, virilis tantum seminis & aratri indigere, ut sibi similem fructum ac sobolem pariat. Hinc hæmorrhoides vteri apud Hippocr. *lib. de morb. mulier.* dicuntur, & ipsa mulier menstruata hoc nomine donatur. Apud eundem in *Coacis* vena pulmonis sanguinem insigniter profundens, ita vocatur. Apud alios, ut Philonem, in *tractatu de affect. narium*, hæmorrhoides etiam narium appellantur, venæ intra nasum positæ, quæ huic sanguinis fluxui sunt assuetæ. Vnde etiam ab effectu, serpentis quoddam genus hæmorrhoids appellatur, quoniam cuius corporis nostri parti admotum suo morsu profusam sanguinis copiâ

elicere solet. Sed *κρίσις* & maximè propriè dicuntur nunc hæmorrhoides, venæ illæ in ano positæ, tam internæ quam externæ, huic muneri potissimum à naturâ dicatæ. Cum enim sanguinis officina in iecore posita, duplici excrementorum genere, tenuiorum scilicet & biliosorum; crassiorumque, vt melancholicorum abundet: tenuia autem illa per *κυστιν* felleam in vrinas & intestina deponantur; oportuit crassa & melancholica, si aliquando ita superfluerent, vt à liene nec sufficienter attrahi, nec confici possent; necnon crudioris & primarij sanguinis copiam, qui in venâ portâ continetur, si quandoque redundaret, habere aliquam viam, per quam excluderetur, in quâ esset manifesta vasorum communitas: & hæc est vena illa hæmorrhoidalis interna, à ramo splenico venæ portæ deriuata in recti intestini partem occultam, cacochymia & fæculenti sanguinis, vel dilutioris expurgatrix. Quoniam verò non solum necesse est crudum vel fæculentum sanguinem vacuari ex primâ illâ corporis regione: sed etiam ex secundâ nimis copiosum, vel etiam vitiatum in suâ massâ profundi: ideo oportuit venam aliquam ex cauâ ad extremum anum pertingere, per quam idem præstari posset: & hæc est hæmorrhoidalis externa, à ramo cauæ descendens iliaco orta, in ani partem manifestam seu extimam desinens, per quam sanguis sæpè purus & laudabilis, si talis in massâ sanguinariâ contineatur: alias etiam corruptus, si in eâ vitium contraxerit, profunditur.

At quamvis hæc omnia ritè à naturâ instituta videantur ad animantis commodum, non carent tamen sua culpa & natio, vt cætera omnia, vbi in alterutrum extremitatis latus, vt loquitur Galenus *comment. in Aphor. 25. sect. 4.* delapsa fuerint. Cum enim periculosam habeant vtramque immoderantiam: siue supra modum ex eis sanguis excernatur, vel ex toto in assuetis supprimatur: exoritur affectus præter naturam molestissimus. Atque inde nascitur hæc nostra tractatio therapeutica, quæ scilicet doceat vtrumque excessum conuenienter curare: præmissâ prius, vt Dogmaticos decet, accuratâ rei cognitione & causarum perquisitione. Illud autem fiet, si affectus istius definitionem imprimis attulerimus.

Dicamus igitur hæmorrhoidas designare Medicis affectum præter naturam venarum in ano positarum, quando multa sanguinis copiâ inflatæ occluduntur non sine dolore: vel apertæ nimiam sanguinis copiam profundunt. Est enim hic affectus sub tertio genere symptomatum, excreti videlicet & retenti præter naturam, quod consequitur dispositiones morbificas venarum sedis: vt potè inflationem & distensionem nimiam cum intemperie & dolore: fit enim, vt ex affluxu nimio sanguinis crassioris & melancholici, in extimas has venarum partes confluentis, inflentur & extendantur instar varicum illarum, quas in cruribus ob eiusdem humoris appulsum fieri quotidie videmus. Hic sanguis, si propter nimiam crassitiem, vel venarum ipsarum duritiem non effluat, cæcas constituit hæmorrhoidas tam internas quam externas, quæ pro variâ figurâ quam constituit in capite venæ, & basi earum angustâ vel latâ à recentioribus Practicis vocatæ sunt verrucæ, morales, quarum meminit Hippocrates *libro de hæmorrhoidibus* vesicales, & vuales, existimantibus illas etiam differre humoris affluxu: verrucæ videlicet à melancholico succo, aut atrabilario: morales à sanguine, vesicales à statu pituitæ mixto: vuales verò ex mixtis seu mediocribus humoribus fieri. Ac proinde mites esse cum minori inflammatione & dolore eas quas benigni humores suscitant: alias verò malignas, inflammationi maximè obnoxias, virulentas, & cancras aliquando: ad quas pessima vlcera, fistulæ, & condylomata subsequuntur.

Vbi veto sanguis impetu, & quasi agmine facto dirumpit claustra venarum sedis per diæresin aut anastomosin: vel certe propter acrimoniam suam & mordacitatem erodit extrema earundem venarum, excitatâ *ἀνέγχεσθαι* seu vlcere in illis: contrarium prædicto symptoma exoritur nimia profusio sanguinis, siue fuerit illa prius solita ægra, & periodica: siue insolita & sine periodo. Ex quibus patet, quia sit pars propriè affecta, nempe venæ ani per idiopatheiam, rectum vero intestinum, illius sphincter, vesica, coxæ & similes partes circumiacentes per sympathiam: imò iecur ipsum & totum corpus illis perseverantibus ob dolorem, intemperiem, & nimiam sanguinis profusionem, vt postea dicemus. Quæ sit etiam natura affectus seu dispositionis morbificæ, ad quam prædictum symptoma proximè subsequitur, patet, nempe aucta magnitudo cum distensione & intemperie, quando fluxus cohibetur: alias soluta vnitas propter

propter ruptionem, apertionem orificiorum, aut erosionem, quando fit immoderatus. Superest ut causas istorum etiam affectuum inquiremus.

Posuimus imprimis humores, ex primâ, per venas portæ, & secundâ regione, per venas cavæ in hæc loca confluere: siue sanguis sit purus & merus, ut in verâ plethorâ: siue corruptus & excrementitius, ut in cacochymia plethoricâ. Quæcumque igitur eiusmodi sanguinem & humores vitiatos generare possunt, vel fovere: quæcumque in partes illas inferiores deducere, ibique distensionem variam, vel earum apertionem efficere, ea omnia inter causas hæmorrhoidum sunt recensenda. Ac proinde temperamentorum diuersitas hic plurimum potest. Sanguinei enim ac melancholici commodissimè ac frequentissimè eas patiuntur: pituitosi & biliosi rarius, nisi fortè magna sit humorum redundantia, inter quos bilis non inepta est ad vellicandam excreticem, & referenda aut vlceranda oscula venarum præ tenuitate & acrimoniâ suâ. Mulieres viris rarius illis detinentur, quia alium habent canale, per quem natura solet onus suum menstruâ periodo deponere: sit tamen aliquando, ut illo præpedito propter obstructions, aut propter grauiditatem, refluat sanguis in venas ani propinquissimas, & ibi hæmorrhoides excitet: imo in mulieribus valde sanguineis non raro vidimus vtramque expurgationem copiosissimam. Viri à trigesimo quinto ætatis anno vsque ad sexagesimum magis sunt obnoxij illis, quia tunc melancholicus sanguis & fæculentus dominatur: pueri vero nunquam patiuntur, tum quia benigno admodum sanguine abundant: tum quia natura augendo corpori magnam illius copiam insumit. Adolescentes & iuuenes rarissime propter eandem causam, & quia eorum sanguis propter biliosum succum, quo abundat, tenuis est, ac proinde ἀνάσπον® potius quam κατάρσπον® superiora petit, ut nares & pulmonem: vnde frequentissimæ in illis hæmorrhagiæ è naribus, & sanguinis spurationes: Decrepiti verò, si prius non fuerint passi, vix in illas incidunt ob sanguinis paucitatem, & pituitæ insipidioris copiam. Ad hunc affectum concurrit etiam ius hæreditarium, quod facillimè posteris communicatur, si parentes hoc affectu laborarint: hinc certis familiis domesticus existit; certis nationibus, ut Iudæis, gentilitius: quod aliqui referunt ad diuinam ultionem (*sanguis eius sit super nos & super filios nostros*): alij ad prauum eorum vitium, iram mœstitiæ iunctam, qua torquentur ob tributa & seruitutem illis impositam, & otium in quo versantur: nullo enim modo corpora exercent, sed vfuris suis & interpolandis mercibus intenti perpetuò delitescunt. Certum enim est causas externas & internas quæ sanguinem multiplicare aut inficere ob deprauatam triplicem concoctionem, illumve adurere, & ad inferiora compellere possunt, ea manifestam πρόφασιν dare concitandis hæmorrhoidibus. Sic ær torridus humores exurendo, gelidus comprimendo ad interiores & inferiores partes, alimenta omnia διαπερὶα & κακόχυμα, aut calidiora, quæ nos postea recensēbimus in diætâ præscribenda: medicamenta acriora & pungentia, præcipuè verò aloë: torpor & corporis segnities excrementa congerendo: equitatio dura & violenta, propter attritum istarum partium: suppressæ aliæ vacuationes solitæ aut necessariæ, ut in mutilis quibus insigne aliquod corporis membrum fuerit decisum, & alijs qui largas prius hæmorrhagias per nares patiebantur: necnon durior & molesta deiectio irritando & distendendo illa loca, ut in eis contingit, qui scybala quædam, & lapidum instar recrementa excernunt, aut quibus calculus grandior vesicæ impedit liberum per intestina exitum: vigilæ immensæ, studia, curæ, mœrores, necnon iracundia, concoctiones turbando, sanguinem exurendo, & agitando possunt in consuetis potissimum hæmorrhoidas incitare. His si accesserint interperies totius & partium, ut quartanæ atrabilaris, vel aliæ febres circa Autumnum, propter quam causam egomet hæmorrhoidasum expertus: iccoris feruor cum ventriculi frigidityte: intestinorum repletio, & similes affectus præter naturam, facile hoc vitium exoritur, suppeditatis causis, quæ id excitant aut inuuant. Nunc itaque ad illius διαγνωσιν accedamus.

Signorum itaque partis affectæ, & causarum, eò facilius hic erit ratio, quo magis partes istæ ad externa corporis tendunt: visu enim & tactu, fidissimis animæ nostræ nuntiis, exteriores illas hæmorrhoidas, quæ sphincteris circulum cingunt, statimprehendimus. Imo etiam interiores, quæ versus finem recti intestini desinunt, eodem modo percipiuntur, si æger paulo violentius anum comprimatur, aut si admodum cucurbitulâ podici post balneum vel fotum, anus inuertatur: vel denique instrumento illo aperiatur, & dilateretur, quod speculum vocant. Præterea senti-

rur dolor profundus & grauans in inferiore illâ podicis parte circa dorsum & co-
 xas, potissimum quando aluum exonerant, & excrementa duriora pertranseunt.
 Vix admittunt fistulam clysteris aut suppositoria ob angustiam loci & cruciatum.
 Erumpit autem sanguis modo sincerus, modo stercorei permixtus, sed leuiter, imo
 in apertione & erosione earum effluit sæpe velut ex sectâ cubiti venâ confertim
 & magnâ copiâ: Et quod proprium est hæmorrhoidibus, hæc materia sine vllâ
 peristole aut contractione intestinorum, quæ in deiectione omni percipitur, exire
 solet. Excreti verò sanguinis qualitas, dilutioris, vel crassioris, rubicundioris, fla-
 uescentis, aut nigricantis, aut albescentis magis ostendet quis humor potissimum
 peccet, vtrum mera sit plethora, vel cacochymia iuncta. Quod etiam causæ natu-
 rales, non naturales, & præter naturam à nobis recensitæ firmitus indicabunt, si
 ad hunc vel illum humorem generandum magis concurrant. A cacochymia autem
 & acri humore erosio in illis contingit: à plethorâ ruptio aut anastomosis, quæ
 aliquando est periodica, vt in assuetis; vel critica, vt per morbos atrabilarios, & in
 quibus magna ebullientis sanguinis copia adest, inferiora petens: aliquando sym-
 ptomatica, quando vi morbi & naturæ infirmitate potius quam illius robore con-
 tingit. Qui diuturnas istas & malignas patiuntur hæmorrhoides, cachexiâ plu-
 rimùm laborant, & calorem faciei foedatum repræsentant, quem *χλῶρον* Hippo-
 crates vocauit:) nos citrinum ad viride, vel nigrum declinantem dicere solemus
 (Gallicè *tané*.) Et si quidem præter solitum & diuturniore tempore illis suppri-
 mantur, totius corporis pondus, & molestiam sentiunt, somnia terrifica, necnon
 deliria, & quasi furores mentis perpetiuntur. Atque hæc de diagnosi huius
 affectus.

Cuius etiam prognosim paucis stabilire conuenit ex Hippocratis sententiâ: qui
 illius commoda & incommoda sufficienter est persecutus in *Aphorismis* & aliis *ple-
 risque locis*: vt *lib. de humorib. & 6. epid.* Quicumque, inquit, hæmorrhoides habent ne-
 que pleuritide, neque perineumonîâ, neque phagedana, id est cancro, neque furunculû,
 neque tuberculis cerebinti figuram habentibus corripuntur: fortassis autem neque le-
 pris, neque vitiliginibus. Certum enim est materiam illam sæculentam & melan-
 cholicam, necnon sanguineam, plethoram conuenienter & periodicè per hunc
 ductum exclusam, auferre occasionem generandorum istorum morborum. Neque
 solum præcautionis, sed etiam curationis naturam sæpe explere fluxum istum, vt
lib. de indicationibus: Atrabilaris, vt *Aphorism. 21. sect. 6.* phrenitide occupatis, si
 hæmorrhoides oboriantur, solutio fit: & *Aphorism. 11. sect. 6.* melancholicis & ne-
 phriticis hæmorrhoides superuenientes, bonum: scitum est enim quanta sit vasorum isto-
 rum communicatio cum totâ venâ cauâ, & venis emulgentibus quæ in renes im-
 plantantur. Imo ipsis apoplecticis indicauit esse salutare idem Hippocrates in
Coacis, quando ingens illa sanguinis & humorum repletio quæ angustabat cerebri
 ventriculos, quasi postliminio ad inferiores partes refluit, & per illas erumpit. Flu-
 xuras autem hæmorrhoidas nunc primùm, aut solitâ periodo detegit dolor &
 pondus circa lumbos, vt est in *Coacis*, dolorifica in lumbis mala, sanguiflua: necnon
 illarum inflatio, & veluti titillatio perdurans. Quod si illæ vel inconsideratè si-
 stantur, vel parcius fluant, vel in totum supprimantur: eadem prorsus aduocare
 solent, & inferre symptomata, quæ ab iis arcentur, dum conuenienter fluunt. Vt
 est eodem *lib. 6. epid.* necnon *Aphor. 12. sect. 6.* monet in curatione diuturniorum hæ-
 morrhoidum, ne omnes occludantur, metu hydropis aut tabis ex recursum ma-
 teriæ illius ad superiora. Idem in *Coacis*, ex hæmorrhoides parum apertâ. i. parcius
 fluente, obortæ vertigines, paraplecticum quiddam ominantur. Atque in eius-
 modi venis distentis & dolentibus cito exoritur inflammatio, ad quam suppura-
 tiones, vlcera, & fistulæ frequenter subsequuntur. Vt igitur excessus ille, & sup-
 pressio periculosa, sic etiam nimius fluxus suâ noxâ non vacat, quæ alias hæmor-
 rhagias largiores & frequentiores comitari suevit ex depopulatione caloris infiri
 & influentis: vnde totius corporis infirmitas, tremores, deformitas faciei, infla-
 tiones cutis, & hydrops exoriuntur. Certum est illos, quibus hæmorrhoides in-
 tempestiuè & immoderatus fluunt, numquam ad iustum senectutis limen perue-
 nire, vitamque multis miseriis obnoxiam transigere. Nos itaque illarum therapie
 sedulò nunc incumbamus.

Eam autem hac methodo persequemur: vt primò agamus de earum præserua-
 tione siue regimine. Secundo de illis aperiendis & prouocandis, quando præter
 naturam suppressæ sunt. Tertiò de cohibendo nimio illarum fluxu. Quarto de
 perfectâ

perfectâ earum curatione seu excisione. Quinto & ultimò de mitigando dolore, & reliquis symptomatis, quæ illis superuenire consueuerunt. Quod ad primum itaque spectat, prophylaxis seu præseruatio hæmorrhoidum in eo posita est, ut qui illis sunt obnoxij ex iure hæreditario, vel naturali, aut aduentitiâ temperie: caueant imprimis omnes causas quæ primam secundamque coctionem vitare possunt, & crassos fæculentosque humores generare, unde partes obstruntur, potissimum verò lien; nec trahunt eiusmodi ad se materiam, sed potius repellunt, & ad inferiora relegant. Caueant itaque ab omnibus alimentis cacochymis & dyspeptis: à viscidis quidem, crassis & acetosis, ob analogiam quam habent cum humore melancholico: ab amaris verò, falsis, piperatis, sinapifatis, frixis & similibus calidioribus, ne exurantur reliqui humores ab istis, & veluti incinerentur. Arnoldus & Rabi Moyses, qui acurate de hoc morbo scripserunt, suadent illis, qui ab hæmorrhoidum molestiâ liberari cupiunt, ut fugiant vsum panis atrioris, furfuracei & azymi: vinum crassum & fumosum, mustum, cereuisiam, zythum, acetum & similes potus. Item legumina omnia (nisi fortassis iusculum cicerum cum pauco petroselino paratum) triticum coctum, oryzam, dactylos, castaneas, tubera, carnes bubulas, ceruinas, leporinas, caprinas potissimum, sale aut fumo induratas, farcimina omnia: capita, intestina, extremitates animalium ob earum lentorem & visciditatem: pisces grandiores, aut squamis carentes, ut anguillas, murænas, & omnes sale conditos: aues palustres: caseum antiquum: cepas, allia, caules, rapos, nasturtium, erucam, & similia olera acriora, præter porrum, quod ex familiaritate quadam substantiæ hæmorrhoidas iuuare compertum est. Ac præter ista, quæ symbola sunt humori melancholico & fæculento, abstinere debent ab eis quæ admodum refrigerant & coctionem impediunt, melonibus, cucurbitis, cucumere, & aliis, nimiam potissimum copiam sumptis, ne videlicet ex ferosi humoris redundantia, quam gignere solent prædicti cibi, venæ illæ nimium impleantur & distendantur. Vident igitur prædicta, ne non erapulam omnem: vtantur autem cibus euchymis, & temperatis moderatè sumptis, quos natura facile concoquere, & distribuere possit: pane videlicet albo & recenti: vino oligophoro aut bene lymphato: carnibus delicatis & recentibus, iusculis earumdem, panatellis, hordeatis, amygdalatis, & similibus: piscibus etiam saxatilibus aut fluuiatilibus præstantioribus, ouis sorbilibus & tremulis: fructibus boni succi, ut etiam borragine, endiuia, lactucâ, plantagine & similibus. Fugiant intemperies aeris immodicas: exercitationes nimias, potissimum duriores equitationem: vigilias diuturniores: iracundiam, metum & mœrorem omnesque curas grauiiores, quibus solis eiusmodi humor coaceruari solet. Imprimis verò studeant, ne aluus sit diutius suppressa, aut durioribus excrementis referta, ex quorum asperiore confricatione facillimè malum hoc renouatur. Ideoque debent habere aliquid in vfu, quod blande & molliter deiectiones quotidianas procuret, ut pruna, vel poma cocta in initio prandij sumpta, iusculum ex borragine, atriplice, aut tenerioribus maluæ cauliculis, cum butyro vel oleo dulci, aut carne pingui paratum. Si hæc non sufficiant, manna granata, pulpa cassiæ fistularis, medulla seminis carthami cum passulis, sennæ folia vel folliculi cum iure pingui aut prunis cocti, necnon rhabarbarum ipsum puluerisatum, vel radix mechoacan ad ℥ ij. cum iusculo sumpta illud præstare poterunt, vitando semper aloem & similia, quæ acumine quodam & mordacitate sunt prædita: ex quibus tanta fit aliquando hæmorrhoidum exasperatio, ut præ dolore in animi deliquia, & furorem incidant. Quicumque etiam hæmorrhoidibus valde sunt obnoxij, coitum fugere debent, aut moderatè eum exercere, quia exagitat humores, & ad inferiora illa loca deducit: in mulieribus verò facit etiam attritum in parte dolente ob viciniam colli vteri cum recto intestino.

Quod superest de præseruatione, si quidem ob nimiam sanguinis copiam hæmorrhoides contingant, non inutile erit bis aut ter in anno aperire venam basilicam cubiti dextri, reuulsionis vacationisque causa, ad ℥ vj. vel ℥ viij. minutus enim hac ratione sanguis & ad contraria reuocatus fluxum hæmorrhoidalem parcius saltem concitabit. Imo aliqui ad maiorem reuulsionem volunt venas iugulares illius lateris aperiri, ex quo magis fluere videntur hæmorrhoides: hoc enim se habere pro certo experimento profitentur ad præcautionem hæmorrhoidum.

Præter venæ sectionem, quam aliqui refugiunt, & nos etiam omittendam censemus, quando maior est cacochymia quam plethora excessus, aut virium firmitas non,

non adest, laudatur valde à veteribus & neotericis Practicis vsus pilularum de bdellio ad 3 j. vel 3 ij. sumptarum semel in septimanâ : quia leuiter aluum mouent, ad vesicam humores deriuant & partem afflictam roborant. His adde electarium aliquod exsiccans & absumens ichores istos & superfluas ventris inferioris humiditates, quale describitur ab Auienna.

℥ Myrobalan. indor. belliricor. & emblic. lotorum cum aquâ buglossi, donec amaritudinem dimiserint 3 v. rad. thapsi barbati 3 ij. zinzib. cinamom. nucis mosc. galang. olib. ana 3 j. semin. ameos, spicæ, & scheinanthos, ana 3 β. scoriz ferri præparatæ & coctæ cum aceto 3 j. penidiar. 3 iij. sacchari albi aqua linguæ canis dissol. q. s. Fiant tabellæ, vel syrup. de pomis redolent. q. s. Fiat opiata, de quâ capiat ad quantitatem castanæ semel aut bis in septimanâ mane. Docet etiam citatus Rabi Moyses, quod clyster ex succi porri 3 vj. succi apij 3 j. addendo parum butyri & guttas aliquot lactis cataputiæ; confectus & frequenter per integrum mensem vsurpatus, præseruat omnino, necnon aliquando curat fluxum hæmorrhoidalem. Atque hæc de prophylaxi sufficiant.

CURATIO SUPPRESSARVM HÆMORRHOIDVM. Quoties verò hæmorrhoidalium venarum suppressio negotium ægro facessit: videndum est an sit assueta illa excretio, & periodica ægro, an nunc de nouo natura viam illam affectet: an illius retentio inferat quædam ex symptomatis à nobis recensitis, & vtrum illarum sit ingens inflatio, tumorque conspicuus, & quo anni tempore affligat. Certum enim est in assuetis eiusmodi excretioni, vbi vrgent quædam grauiora symptomata, venæ illæ tumidiore apparent, circa ver aut autumnum confidentius aperiendas esse hæmorrhoidas, internas quidem si melancholiæ redundantis signa adsint, mania, hypochondriaci affectus, tumorum splenis aut mesenterij: externas vero potius, in plethorâ totius, affectibus renum, vteri, dorsi, coxendicum, capitis, denique in omnibus qui ex venâ cauâ principium suum & originem ducunt. Quod si venæ illæ hæmorrhoidales minimè appareant, animus tamen sit Medico ob dominatum melancholici succi, vel prædicta symptomata eas excitare, poterit circa veris aut autumnus tempus præscribere vsus pilularum Rufi per aliquot dies ad 3 j. sumptarum horâ vnâ ante coenam, quibus mirum in modum irritantur venæ illæ sedis, & intumescunt: Deinde balneum aut semicupium præscribere ex emollientibus & modicè calfacientibus, in quo desidens æger supponet sibi glandes, vel aciora suppositoria ad vellicandas partes illas. Post exitum balnei, si quidem venæ inflatæ fuerint exteriores, facile erit illas aperire, vt postea dicemus: vel si sint internæ, appositâ podici cucurbitulâ, inuertatur anus, ita vt interior illa regio appareat, & locus aperiendæ hæmorrhoidi accommodatior innotescat. Sunt etiam qui ad deducendum sanguinem versus hæmorrhoidas, & intestini sedem, incidunt venam in pede aut malleolo, eamque proliciunt sanguinis copiam, quæ sufficiat ad id præstandum. Atque hæc institui poterunt in illis, in quibus lubet excitare fluxum hæmorrhoidum delitescentium. In quibus verò conspicuæ sunt & tumentes, videndum an prædictæ circumstantiæ adsint, & si quidem minus commodi videatur exurgere ex illarum prouocatione in non assuetis potissimum: paretur imprimis fatus, infessus, vel euaporatio ex decocto cynoglossi, maluarum, althææ, violarum, meliloti, parietariæ, porri communis, & fœnugræci: quo suauiter & insensibiliter detumescant eiusmodi hæmorrhoides per διαφύσιν & resolutionem materiæ in illis contentæ: Postea fiat cataplasma à Rhasi commendatum ex cepe albo cocto sub cineribus, & cum lacte contrito: vel ex prædicto decocto trito & colato, addendo farinæ seminis lini & hordei aliquot vncias, vitellos ouorum & olei rosacei q. s. Applicetur & renouetur sæpius. His enim si euanescent prædictæ hæmorrhoides & dolor sedetur, bene est. Sin verò magis ac magis intumescant, & dolor intendatur, vel certè ex earum fluore maius commodum exoriri posse videatur: Tunc illarum apertioni erit incumbendum, sedato paulisper dolore prædictis remediis laxantibus & lenientibus: quam tribus potissimum instrumentis perficiemus, admotis scilicet medicamentis, scalpello, & hirudinibus. Confricatis itaque illis ex panno quodam, aut linteolo asperiore, vel borraginis grandioris aut ficus folio, inter manus contrito, donec lactea illa substantia erumpat; si quidem sanguis non fluat, admoueatursuccus cyclaminis, aut cepæ rubræ, folia perdiciij aut mercurialis trita cum pauco felle bubulo commixta: vel succus centaurij minoris, brassicæ marinæ, chamælaræ, thymelææ, cum aloë, modico aceto, & prædicto felle, adhibitis etiam ante & post,

post prædictis fomentis ad leniendam istorum acrimoniam, & malaxandum puluerem. Sunt qui solo puluere hellebori nigri, vel staphidis agriæ, vel colocynthidis excepto, cum oleo amygdalarum amararum, vel succo cepæ illas aperiunt. Sed ut verum fateamur, maior est molestia & difficultas ex istis acribus & erodentibus ad aperiendas hæmorrhoides, quam ex scalpello, vel admotis sanguisugis, quia illorum vis non tam facile dirigitur ad locum propositum, quam istorum; & cruciatum infert diuturniorem, necnon vlcis maligni periculum. Hirudines igitur electæ & bene mundæ decenterque ieiunio in aquâ purissimâ præparatæ, vna vel plures, prout ex usu esse videbitur, applicentur tumentibus venis, nec prius amoueantur, quin bene saturatæ per seipsas decendant, vel certè illarum caudis excisis sinatur ea sanguinis quantitas effluere, quæ ægro competere videbitur. Vbi coeperint esse molestæ, asperso cinere, aut sale facillimè decident, & illis ablatis, si quidem sanguinem adhuc fluere cupias, foueatur locus linteolis calidis aut aquâ tepidâ, quamdiu volueris. Quod si hirudinum copia non adsit, vel illæ minus aptæ sint ad affigendum, licebit phlebotomo easdem aperire, ut cubiti vel alterius partis venas, & eductâ sanguinis quantitate sufficienti vulnus opere emplastro ex puluere rubro adstringente, cum mollioribus leporis pilis, & oui albumine confecto. Si vero sanguis non satis copiosè fluat, foueatur eodem modo, quo de hirudinibus dictum est, ut conuenienter elici possit.

CURATIO HÆMORRHOIDVM NIMIVM FLVENTIYM: Ut igitur sæpe negotium Medico incumbit de prouocandis hæmorrhoidibus, quando suppressæ sunt: Sic etiam immoderatè fluentes & corpori noxam inferentes non raro cohibere oportet: utpote cum nec qualem, nec quantum, nec quando conuenit sanguinem profundunt; in hoc itaque casu prudenter sese debet gerere Medicus, ut neque statim, neque subito, neque ex toto illum compescat, sed moderatè potius & ex interuallis, ne aut natura succumbat, aut fluxui assuescat nimium: aut ea symptomata accidant, quæ à nobis fuere superius commemorata. Quapropter ad sistendam hanc hæmorrhagiam, imperentur cibi incrassantes, & adstringentes, nullâ acrimoniam aut mordacitate præditi, potissimum, si mala quædam sanguini qualitas inesse videatur. Itaque ex usu erunt vinum rubrum, & austerum aquâ ferratâ dilutum, panatellæ, hordeata, amygdalata, gelatinæ, capita & extremitates animalium, plantago, portulaca, & similia iam à nobis sæpius proposita. Sumat etiam per os syrupos adstringentes, & incrassantes, tabellas, opiatas, trochiscos de carabe, de terrâ sigillatâ, & similes, quibus inest proprietas sistendi sanguinem: inter quæ commendant Prædicti puluerem Galbani bene exsiccatum ad ʒ j. cum aquâ vel succo plantaginis, bis aut ter sumptum, vel tantundem coaguli leporis aut hœdi, in aquâ ferratâ aut vino adstringente dissoluti. Roborentur partes ex quibus fluxio originem habere videbitur, ut hepar aut lien, admotis cerato santalino, vnguento rosaceo, bolo armenâ cum aceto dissoluta & similibus. Vbi tamen prius conueniens reuulsio instituta fuerit, aut per venæ sectionem ex venâ cubiti, si adhuc vires constant, quæ citò & tutò illud præstare solet; aut admotis cucurbitulis vtrique hypochondrio inter scapulas, sub mammis vel dorso, factis frictionibus durioribus aut ligaturis dolorificis superiorum partium, & brachiorum. Quod si cacoehymia quædam, tenuis potissimum & biliosa, sanguinem commitari videatur, nihil erit illis salubrius, quam rhabarb. puluerem ad ʒ j. bis aut ter in septimanâ sumere, donec illa sufficienter emendata fuerit, quod iuuant etiam iuscula pulli conuenientibus herbis alterata, vel iulepi ad idem præparati. His peractis, si quidem fluxus adhuc perseueret, topica admoueantur & venarum apertiones ocludentia sub variis formis, utpote frigida fomenta æstate, tepida autem hyeme, ex sacculis refertis rosarum, plantaginis, rubi, betonicæ, & similium foliis seminibusque & paucò alumine, aquâ rosaceâ, aut vino austero immersis: euaporationes etiam fieri poterunt ex puluere quodam adstringente, vel sequentibus trochiscis.

ʒ Ladani electi ʒ iij. thuris optimi ʒ ij. vernicis & puluer. hæmatit. ana ʒ j. bdellij ʒ j. ʒ. Excipiantur mucilagine tragac. aquâ plantag. extractâ. Fiant trochisci ad usum.

Applicentur deinde super orificia venarum patentia litus, pulueres, vel emplastra conuenientia, vel, si venæ sint interiores, fiant instar turundarum aut suppositoriorum, quæ locum affectum contingere possunt. Inter quæ maximè valent puluis gallarum,

balauftiorum, sanguinis dracon. cum paucis vitriolo albo, succo plantaginis, vel oleo rosaceo exceptus & parti admotus ex puluillo conueniente. Item pili leporini combusti aut minutim incisi cum telis araneorum, & albumine oui incorporentur, partique admoueantur. Auicennas in rebelli fluxu contingit hæmorrhoidas ex oleo cydoniorum aut mastichino feruente cum paucis cotone. Alij alumen puluerisatum admovent cum ichthyocollâ aquâ adstringente dissolutâ; similiâque multa excogitare licebit, quæ ad sistendam hanc hæmorrhagiam facient, vbi ex eâ periculum impendere videbitur.

HÆMORRHOIDVM PERFECTA CVRATIO SEV EXCISIO. Quod si æger non solum à symptomate illo sine fluxu immoderato in præsens liberari cupiat; sed in totum hæmorrhoidibus mederi per earum excisionem & omnimodam curationem: videndum an id præstari debeat, & quomodo perfici valeat. Quatenus enim ad primum spectat, videtur Hippocrates prohibuisse *Aphorismo 12. sect. 6. Diuturnas*, inquit, *hæmorrhoidas sanant, nisi una fuerit seruata, periculum est aquam intercutem vel tabem aduenire*, & lib. 4. acut. expressius, *Compressione factâ medicamento erodente vires, & ne proluet donec deciderint, & semper unam relinque: cum hoc tamen conuenit corpus à prauorum succorum generatione præseruare, boni succi alimentis exhibitis, & moderato exercitio, ac omnibus aliis debite administratis, ne quid mali humoris generetur, aut supersit: namque occlusis omnino hæmorrhoidibus, facile ea quæ diximus concitantur mala.* Hæc Hippocrates, quibus omnino prohibere videtur, ne quis perfectam hæmorrhoidum curationem aggrediatur, per earum excisionem, aut integram occlusionem. Imo ut ulterius progrediatur oratio nostra, nullo modo videtur hæc curatio tentanda, ob pericula præsentissima, quæ inde emergere solent. Cum enim hæmorrhoides illæ inueteratæ citò ad maligni vlceris naturam, propter conditionem partis & humoris decurrentis prauitatem, vel fistularum constitutionem accedant, nihil boni aut salutaris emergere poterit ex illa operatione in membro tamdiu fracto & debilitato, tamque malignis fluxionibus obnoxio: vnde miser ille Eudemus s. *epid.* exanguis & male habitus ob fortès & diuturnas hæmorrhoides periit, cum manus illis essent admotæ: Cancer enim successit, febris corripuit, & non dimisit antequam occiderit. Histamen contradicit Aëtius, & non solum tentandam hic esse curationem ex parte contendit, vnâ aut alterâ hæmorrhoidum relictâ, sed ex toto, quandoquidem, inquit ille, licet conuenienti victu, inediâ, purgatione, & repetitis phlebotomiis quidquid mali succi subest, illud vacuare, & corrigere sufficienter, nullo metu symptomatum ab Hippocrate propositorum, quæ tantum tunc contingent, quando prædicta negliguntur. Quod ipsemet innuisse videtur lib. de hæmorrhoidibus, vbi perfectam earum vstionem concedit, cum adductis conditionibus, neque tanto opere metuit istam operationem, cum eodem libro addat: *Rectum intestinum & secans, & resicans, & consuens, & urens, & putrefaciens, etiamsi grauissima hæc esse videantur, nihil læserit.* Nos itaque controuersiam hanc componemus, factâ distinctione ægrorum & affectuum. In ægris enim satis bene habitis, & obtemperantibus consilio Medici, existimamus posse omnes hæmorrhoidas occludi: quamuis enim natura huic fluxui assueta grauitè in principio hoc ferat, paulatim tamen hac molestiâ liberata, vires recolliget, & materiam per alia loca artis beneficio adiuta vacuabit, potissimum verò, si excitentur duo cauteria in cruribus, per quæ facillimum erit naturæ serenos illos humores & acres succos eliminare. Vel si mauis, feruetur vna aperta per aliquod tempus, ut sensim assuescat natura illius omnimodæ occlusioni, quam postea perficies, si nihil ob stare videatur. In aliis verò, intemperatis videlicet, minisque obtemperantibus ægris, melius erit aliquam sinere apertam, quæ sufficiat excludenda cacochymia. Eadem ratione si affectus iam rebellis & contumax existat, corpus admodum imbelles, anus inflammationi & putredini valde obnoxius, caue ab eiusmodi operatione metu canceri, gangrenæ aut alterius symptomatis grauioris. Quod si contraria sit constitutio, & æger manus operam efflagret, non videtur illi deneganda.

Illâ autem perficitur, ex sententiâ Hippocratis lib. de hæmorrhoidibus citato, multis modis, qui omnes in eo conueniunt, ut capita istarum venarum veluti fistulosa & hiantia excindantur, illisque excisis super excitatum vulnus inducatur cicatrix, quæ occludat illorum orificia. Ablatio verò ista fit ligaturâ, ferro secante, vel vrente, & admotis medicamentis. Purgato itaque prius conuenienter corpore, necnon sectâ venâ, si opus fuerit, ligentur capita venarum cum filo sericeo mediocriter & sine vehemènti dolore, sensum tamen constringantur, donec per se cadant. Quod si

si ligatura minus commoda videatur, excindantur acutissimo scalpello, aut vrantur ferro per cannulam intromisso, ut docet Hippocrates, vel igitis forcipibus auferantur: Deinde applicentur ea quæ inflammationem & dolorem sedare solent. Idem dicas de admotis causticis potentialibus, inter quæ magis probantur ea quæ adstringendi vi sunt prædita, ut pulvis vitrioli, salis gemmæ, & similia incorporata cum melle & axungia porci: quibus addere potes parum viridis aris. His peractis & delapsâ escharâ procuretur cicatrix, & admoveatur emplastrum adstringens, & agglutinans, si vulnus sit externum, vel instar suppositorij, si interius sit positum. Quidam dum hæc peraguntur, solent exhibere puluerem tormentillæ, rad. cappar. pineæ combustæ, aut rasuram cornu cerui ad exsiccandum & curandum omnino hæmorrhoidas. Dicitur etiam annulus ex ossibus Hippopotami confectus, & in digito gestatus conferre non solum ad doloris ab eis concitati sedationem, sed etiam ad curationem perficiendam. Quæ omnia experiri licebit.

SYMPTOMATVM, QVÆ HÆMORRHOIDIBVS SUPERVENIVNT, MITIGATIO. Superest ut symptomatis quæ hæmorrhoidas comitari solent, provideamus, præcipuè verò dolori. Is autem cum soboles sit intemperiei aut solutæ unitatis, tollitur per ea, quæ causas eius oppugnant, vel anodyna sunt propriè & calori nostro analogæ: vel narcotica & sensum partis minuentia sumpta vel admota, quæ cum sæpius à nobis sint proposita, paucis præstantioribus hic erimus contenti. In magnâ ergo inflammatione & mordacitate nihil vtilius esse existimo, quam illud medicamentum, quod Rabi Moyses succum plumbi vocat: Fit autem ex butyro recenti & bene loto, cum aquâ solani agitato ad solem in mortario plumbeo cum pistillo plumbeo, donec nigrescat. Hoc illinatur pars, vel contegatur cum linteolo. Alij faciunt linimentum ex thure, myrrhâ & croco cum vitellis ouorum, mucilage seminis psyllij, & oleo rosaceo, addendo opij q. s. tenuiter pulverati. Mulierculæ nostræ parant vnguentum ex pyro vel pomo bene cocto, cui addunt olei rosacei, & ceræ novæ parum. Ego efficacius reddidi, adiungendo vnguenti populeonis tertiam partem. Item folia solani aut hyoscyami calefacta parti imposita non parum valent ad dolorem compescendum. Maximum etiam solatium illis adferre solet decoctum malvæ & althææ, si in eo infideant, dum alium exonerant, & postea podex foveatur oleo rosaceo tepente, cui bombax fuerit intinctus, vel lana succida. Multi laudant oleum nucis indicæ cum seuo caprillo aut adipe anatis dissolutum, potissimum ubi siccitas fecum coniuncta est. Alij cataplasma de bdellio cæteris præferunt: quod paratur ex capitibus porri sub cineribus coctis cum 3 j. bdellij in vino dissoluti, farina seminis lini, butyro & oleo amygdalarum dulcium. Prout igitur hæmorrhoidum dolor à siccitate magis pendeat, ut in verrucalibus, emollientia & laxantia: à calore refrigerantia: ab humorum copiâ exsiccantia sine mordacitate adhibeantur, qualia à Practicis vulgò traduntur.

Eadem prodesse poterunt rhagadibus, seu fissuris, & condylomatibus aut, quæ alias ficus siue mariscas appellant, tum ad dolorem compescendum, si urgeat, tum ad illa curanda, si res ita expostulet. Atteruntur enim admotis corrodentibus iam à nobis dictis, & cicatrice obducuntur eis quæ exsiccare, & adstringere valent sine acrimonia. Si deterfio requiratur, lauentur sero lactis vel hydromellicè frequenter: Deinde adstringantur decocto foliorum oliuæ, polypodij, & aluminis, in aqua fabrorum facto: postmodum applicetur vnguentum de cerussa, de plumbo, de turia, & emplastrum diapompholygos, malaxatum cum oleo myrtino. Imo etiam lamina plumbi tenuior aquâ aluminosâ intincta supra locum illum gestata de nocte potissimum, mirum est, quantum sanandis rebellioribus cutis intrituris prosit. Vbi autem fistulæ in hæmorrhoidibus aut ano genitæ iam sunt callosiores, vel profundius ad intestinum ipsum penetrant, melius est eas non attingere, quod ad curationem perfectam spectat, sed paregoricis tantum remediis & palliantibus pugnare, ne inualescant magis & augeantur: reliquæ verò excinduntur, atteruntur, & carne implentur, quemadmodum fusiùs in opere Chirurgico explicatur, qua de re consule Guidon. tractatus quarti caput septimum. Atque hæc de hæmorrhoidibus sufficiant, reliquisque affectibus ventriculi & intestinorum, quorum historiam & curationem proponendam habuimus. Vos verò (A. O.) hæc qualiacumque sine summo labore nostro concinnata æqui bonique consulite.

IOANNIS VARANDÆI,

TRACTATUS THERAPEVTICVS,

DE MORBIS HEPATIS ET LIENIS.

P R Æ F A T I O.

Quâ Operis institutum declaratur.

PER ACTA eorum affectuum tractatione, qui partibus prima concoctioni dicatis accidere solent: iam ex propositâ methodo ad secundâ coctionis vitia, quam à quatuor in usus vocant, aggredimur. Cum autem sanguificationi peragenda constitutum sit hepar, velut Princeps quidam regio perfungens munere, cui circumposita Ventris inferioris partes, & tanquam succenturiata, Lien, Mesaraica vena, Cystis fellea, meatus cholidochi & melanadochi, Renes, Vreteres, ac Vesica ad deportandam materiam, eâque illuuiem depurandam expurgandamque subseruiunt. Ideo nos Opus hoc in duas partes precipuas secabimus, quarum primâ affectus iecoris, & lienis velut primarum ac nobiliorum partium, huic functioni dicatarum proponemus: sub quibus venarum portæ, cystidos felleæ, & meatus dictorum malas dispositiones complectemur, quoniam istarum affectus vix peculiarem sui significationem præbent Medico, & quod ad therapeiam spectat, nihil etiam aut parum ab aliis discrepans suadere, siue indicare solent. In secundâ verò parte persequemur errores viciarum vetricarum, Renum scilicet Vreterum, & Vesica, quibus serosiora & dilutissima huiusce coctionis excrementa continentur, & expurgantur: Quod in sequentis magni Ordinarij pensum, cum bonâ Dei omnipotentis veniâ, remittimus. Iam igitur quod instat agamus, & analysin prioris huiusce tractatus persequamur.


Duplex autem existit ratio, ut alias docuimus, inueniendorum particularium istorum affectuum: Vna quidem, quam à priori vocare possis, ex distributione morbi in sua genera, & horum ad infimas usque species, quæ singulis partibus huic vel illi, pro variâ earum conditione & naturâ magis accidere possunt. Alia verò à posteriori, ex eis quæ sensui obiciuntur, & effectus sunt causarum interiorum & magis occultarum, originem ducens: quando scilicet ex symptomatum morbos subsequentium accuratâ distinctione & annotatione in singulis partibus, ad eorum causas peruestigandas curandasque progredimur.

Placet utrumque in propositâ nobis affectuum iecoris & lienis historiam usurpare. Cum igitur duo hæc viscera in utroque hypochondrio velut e regione posita, propriam habeant suam ex variis particulis compositionem, & cum aliis connexum ac consensum: necnon peculiarem substantiam, temperiem, figuram, magnitudinem ac continuitatem, ex Anatomicâ descriptione notissimas, quorum concursu & naturali constitutione, sua munera & functiones ritè ac salubriter obeunt. Patet etiam ubi hæc violata fuerint, & à naturali statu in morbosum translata, funestissima symptomata actionis læsæ, qualitatum mutatarum, & excretorum consequi, ob morbos similes, organicos,

organicos, & communes, qui in illis exoriuntur. Sic in hepate vitio temperamenti proprii, seu totius substantiæ, ut loquitur Galenus, emergunt duo saevissimi, & variâ multorum aliorum syndrome comitati affectus, nempe Elephantiasis, & Lues Venerea, cui etiam Hepatitidem, meo quidem iudicio, accensere possis: Vitio temperamenti communis in iecore & liene, sunt intemperies calida, frigida, humida, sicca; simplices aut combinatæ; humorales aut sine materiâ. Conformationis autem seu organi ratione in utroque etiam frequentissimæ obstructions ac tumores præter naturam, qui sæpè in abscessum degenerant. Quemadmodum ab ulceribus & vulneribus, extrinsecâ vi vel intrinsecâ genitis, continuïtas eorum soluitur, & morbi communes dicti exoriuntur. Ab his omnibus actiones duarum istarum partium variè & multifariam leduntur: quæ cum intus conditæ sint & lateant, duobus tamen se alijs symptomatibus manifestissimè produnt, nempe qualitativibus mutatis, ut totius corporis cachexiâ, ac colore fædo, quem Icterus flavum & nigrum vocant: item excretis seu materiâ excernendâ, quæ si extra corpus profluat, dysenterias illas hepaticas cruentas, saniosas, & putridas profert: sin intus maneat, hydropas accersere solet, leucophlegmatiam, ascitem, & tympanitem.

Hæc est igitur enumeratio & census morborum ac symptomatum, quæ iecori & lieni frequentissimè accidunt, consentientibus aliquando, ut dicebamus, propinquis & famulantibus membris: ex quorum perlustratione, licet nunc utiliter tractatum hunc nostrum in decem capita sue tractatus distinguere: In quorum primo agemus de Elephantiasis, secundo de Lue Venereâ, tertio de Hepatitide seu iecoris alogiâ & imbecillitate, quam fluxus illi commemorati consequuntur; quarto de illius inflammatione, abscessu, & ulcere, quinto de eiusdem obstructione ac scirrho, sexto de cachexiâ, atrophîâ, & fædis virginum coloribus, septimo de Ictero flavo & nigro, octavo de Hydrope & eius speciebus, nono de lienis inflammatione & abscessu, decimo de eiusdem obstructione ac scirrho. His enim pertractatis, nihil deesse poterit, quod ad perfectam harum partium & illis accidentium affectuum therapeiam attinet, ut in ipso operis progressu omnibus notissimum evadet.

Quanta verò ex his affectibus convenienti methodo ac nobis iam consuetâ pertractatis utilitas emergere possit, satis ostendit diuinus ille Senex, qui ubique Medicum de contrectandis hypochondriis in quocunque morbo tam diligenter admonet. Hic enim est focus & veluti minera omnium ferè morborum tam acutorum quàm diuturnorum: Vnde apud Hippocr. hypochondria μέλαινα, ἐπηρεμένα, σκολιὰ, σκληρὰ, ἐπώδυνα, χρενιώτερα, καὶ ἐνεσπόμενα, αὐχμώδεια, διαβορβορίζοντα, ἀνεσπασμένα, elata, inflata cum dolore, obliqua seu inæqualia, dura, diu affecta, & ex longis intervallis intumescencia, valde resiccata & squallida, æstuantia, obmurmurancia, intrò reuulsa & contracta, mali semper sunt ominis, & non nisi calamitosa agris esse possunt. Vide prognost. & Coac. Contrà verò ὠμαλὰ, equalia, μαλθακὰ, λεπρὰ & πολυλεπρὰ, mollia & bene tractabilia, ἀνώδυνα, indolentia, & bene constituta, securitatem maximam in quibusvis morbis pollicentur. Nos verò ad primum tractationis nostræ caput accedamus.



DE MORBIS HEPATIS ET LIENIS.

CAPVT PRIMVM.

De Elephantiasi.



RIVSQVAM aggrediamur ad tractationem grauissimorum duorum, & hac nostrâ ætate ac regione vñtatissimorum affectuum, Elephantiafeos videlicet, & luis Venereæ : operæpretium esse videtur aliquot morborum prædicationes siue appellationes explicare, quæ frequenter nobis inter disputandum occurrent, ne in eis declarandis aut intelligendis deinceps laboremus.

Sciendum itaque morbos, præter specificas illas differentias, quibus genera sua in subiectas & infimas vsque species diuiduntur, habere etiam alias ex variis rebus petitas, quarum cognitio tum ad morborum naturam percipiendam, tum ad prognosim & curationem faciunt : Hæ verò differentiæ seu denominationes referri possunt ad certa quædam capita, utpote essentiam ipsam morborum, causas, effectus, tempus, & locum generationis, durationis, & terminationis illorum : pro vario respectu quem habent ad vnum vel plura istorum.

Itaque ab essentiâ ipsâ, seu eis quæ propriè illi accidunt, cum ea sit vnica vel plures, mixta vel sincera, intensa vel remissa, dicitur morbus simplex & compositus, legitimus & nothus, magnus & paruus. Quod ad simplicem ergo spectat, is est propriè, in quo simplex & vnica est dispositio, ex simplici causâ & vnicam vim habente excitata : qualis est intemperies excessu vnius qualitatis facta, vel morbus numeri, & similes, quando solitarij existunt : Compositus ergo erit, qui cum vno vel pluribus morbis coniungitur, siue sint eiusdem generis seu diuersi, siue sint confusi, impliciti, aut connexi, ut fusiùs in Pathologia declaratur. Legitimus autem, sincerus & *ἀγνός* is appellatur, qui in suo genere vel specie naturam suam maximè retinet, causamque habet, à quâ talis producit, ingenuam maximè & puram, utpote quando tertiana fit à purâ bile flauâ ; quartana à melancholico succo, & sic de reliquis. Cui opponitur nothus seu spurius, quasi dicas impuram habens originem, & à variâ causarum permixtione productum, ut quando tertiana, cuius vera natura est ut ab humore bilioso fiat, exoritur quidem ab humore illo, sed pituitæ vel alteri commixto : unde ipsius indoles deprauatur, & alienos veluti typos acquirit. Denique quod ad magnum & paruum attinet, quamuis eum Galenus triplici modo consideret, respectu scilicet partis affectæ, essentiæ propriæ seu causarum, & symptomatum concomitantium, pro quorum præstantiâ aut vilitate, intensiōe aut remissionē, morbos magnos paruosque appellat. Nos tamen hîc morbum magnum dicimus, non tantum, qui supra vires nostras longè fuerit, sed potiùs propriâ essentiâ magnum. Ut enim hominem vel equum magnum in genere suo dicimus ; sic morbum, quicumque plurimum à mediocritate naturali recedit : paruum contrâ, qui parum admodum ab eâ distat, & essentiæ suæ exiguum suscepit incrementum.

A causis verò efficientibus morbos, quoniam illæ vel nudæ sunt & simplices qualitates absque vñlo humore, vel humori coniunctæ, duæ potissimum exurgunt appellationes, quando eos dicimus esse materiales, vel immateriales : Materiales quidem ab humore vario, bilioso videlicet, pituitoso, sanguineo, melancholico, simplici vel mixto, sincero vel ichoribus suis diluto, putrido vel sine putredine : Aut etiam à vapore, qui ex certâ quadam istorum humorum minerâ excitatur, vel ex totâ massâ sanguinariâ, & in vnam vel plures partes defertur, habetque vel simplicem & manifestam qualitatem iunctam, ut calidam, frigidam, & similes ; aut occultam magis & deleteriam, ut in epilepsiâ, suffocatione vterinâ, & similibus, quæ constituit morbos illos malignos & *κακός*, de quibus particularius agemus infra. Imateriales verò dicuntur morbi, qui neque humorem, neque vaporem agnoscunt

agnoscant pro causâ efficiente ; sed solam qualitatem, quæ actiones labefactare possit, siue sit inter primas, vel secundas, & alias.

A causâ autem materiali, siue subiecto in quo morbus residet, plures ducuntur illius denominationes : ratione enim ipsius corporis & indiuiduorum dicitur, proportionalis & improporionalis : proportionalis quidem respicit naturam ipsius corporis, aut partis cui inhaeret. Si enim cum illâ consentiat, proportionalis dicitur, vt cum biliosus tertianâ febre, cerebrum intemperie frigidâ laborat : contra improporionalis si discrepet, vt quando biliosus quotidianâ febre, cerebrum calidâ intemperie tenetur : Vniuersalis & particularis : Externus & internus : Senilis, puerilis, muliebris, Telephius, Chironius, à præstantioribus quibusdam vel notioribus viris, qui illis laborarunt : Vniuersalis autem & particularis præcipua significatio est, (*aliquando enim vniuersalis denotat epidemios & endemios particularis sporadicos seu vni contingentes*), vt ille totius sit corporis affectus, vel quia qualitas toti communicatur, vt in febre vel symptomata ; vt in apoplexiâ, ob læsos interiores corporis fontes, à quibus aliqua facultas & materia in totum corpus deriuatur : Hic verò vnâ tantum partem vel duas occupat, vt phlegmone digiti, & calculus renum, & similes, absque diffusionem seu expansionem qualitatis suæ in reliquum corpus. Quod si corporis extimas & visui nostro obuias partes occupet, externus dicitur morbus, de quo visus cum aliis sensibus simul locum & affectus speciem agnoscit : Si autem conditus in interioribus lateat, ita vt discursu potius quam sensu illius sedes & natura deprehendatur, internus vocatur. Prout verò huic vel illi ætati, sexui, & similibus magis accidit, reliquas fortitur appellationes, ab Hippocr. 3. *Aphor. & lib. de aëre, aquis, &c.* diligenter annotatas.

A vario autem grassandi modo in subiecta, dicitur morbus epidemicus, *παγκόσμιος* & popularis ; endemius, seu vernaculus & gentilitius ; & sporadicus seu dispersus. Quando enim morbi alicuius species à causâ quadam communi & valde generali genita, videlicet aëre aut diætâ vniformiter in omnes omnium hominum, & quaslibet ætates, sexus, & conditiones grassatur, & magnam ægrorum multitudinem concitat, per insignem aliquam orbis plagam, velut sagitta, percurrentes : tunc epidemij morbi exoriuntur, quorum qui perniciosissimi sunt, multosque occidunt, pestilentes vocantur, de quibus adhuc infra agemus. Endemij verò quamuis sint communes & eiusdem speciei, non tamen ita vniuersales ac epidemij, sed potius eandem regionem vel locum perpetuò obsident (*non illud perpetuò, quia epidemij sunt transeuntes, & per aliquod tantum tempus sanientes*), ob aërem *πατριον*, patrium, aquas, fruges, mores ; & similia illi vernacula & assueta, aut etiam prauum quendam aspectum superiorum constellationum, quibus locus ille ad eum morbum idoneus efficitur. Sporadici contra seu dispersi hoc habent proprium, vt neque eandem habeant speciem, neque communem causam : Vnde fit vt hic pleuritide sanguineâ, ille hæmorrhoidibus atrabiliaris, hic vomitu bilioso, ille infarctu pituitæ laboret simul & eodem tempore pro varietate causarum particularium, quæ in indiuiduis diuersimodè excitantur.

A varietate inhaerendi subiecto, petuntur etiam differentie. Cum enim morbus per mutationem natiuæ constitutionis acquiratur, fit vt aliquando sit in ipso mutari tantum, vt loquuntur Philosophi, vnde fiens dicitur *γεννέσθαι*, seu in dispositione positus, qui leuissima etiam quæque pathemata & præuias alterationes amplectitur : Vbi verò est in mutato esse, factus, habitualis siue hecticus appellatur : Alij verò partim fiens, partim facti dicuntur, quicunque cum habeant suam *διαπόρρω* & essentiam, augentur tamen adhuc fouenturque à causâ suâ præfente, vt omnes febres. Quod si illa dispositio, neque æqualiter omnibus corporis partibus est insita, sed huic magis (*vt in putridâ, in quâ humores magis sunt incensi, quàm partes solidae*), illi minùs, neque parti alicui in eodem gradu, vel quando à contrariis dispositionibus exercetur corpus simul, vt in lipyriâ, aut successiuè, vt in paroxysmis tertianæ ; vel partes variæ aduersis occupantur qualitatibus ; vt potè hepar calidâ, ventriculus frigidâ ; aut idem affectus modo minuitur, modo augetur : hæ omnes differentie faciunt appellationem inæqualis morbi apud Galenum, cui opponitur æqualis. Atque hæ referri etiam possunt ad motum morbi, de quo postea agemus.

A fine verò seu exitu morborum, qui etiam ad effectum reduci poterat, dicitur morbus salutaris, dubius seu periculosus, & lethalis seu perniciosus, cui incurabilis *ἀνίατος* coniungitur. Cum enim victoria morbi aut naturæ, ex va-

riis illorum viribus & contentione pendeat, concurrente Medici auxilio: contingit morbos aliquos ita faciles esse ex suâ naturâ, ut vel sponte, vel leuissimo auxilio, bonis ægri & faustis rebus soluantur, nunquam saltem ad internecionem desinant, nisi aliquid aliud acciderit, ut ephemera, tertiana, phlegmone externarum partium, & similes. Alij contrâ tantâ atrocitate vim corporis nostri moderatricem aggrediuntur, ut planè de eâ triumphent, & mortem plurimum ægris inferant; quales sunt apoplexia, ileos, cholera morbus, & similes: Aut si lethum non inducant, ita tamen sunt pertinaces & obstinati, ut nunquam aut naturæ aut Medico opem ferenti cedant, sed incurabiles existant, ut raucedines in senibus, calculosa dispositio renum, podagra, elephantiasis, & similes. Inter hos medij sunt dubij seu periculosi, qui neque spem salutis omnino auferunt, neque adferunt, sed ancipitem exitum præstare solent, ut sunt omnes febres continuæ & acuti morbi, de quibus verè dixit Hippocrates *Aphor. 19. sect. 2.* non omnino certas esse illorum prædictiones, neque salutis, neque mortis.

Ut autem ab essentiâ & causis morborum variæ ducuntur appellationes; sic etiam ab effectis, quæ nos ad duo potissimum reducemus, morem scilicet morbi, & motum. Quod ad morem spectat, duæ præcipuæ differentiæ ab eo exoriuntur, quo scilicet morbus dicitur *εὐήθης* seu benignus & mitis; vel *κακὴθης*, malignus & ferus. Quemadmodum ergo benignus is appellatur, qui minus quam pro naturâ suâ & specie sæuit, ut quando febris continua, vel pleuritis, vel angina, & similes, minimis comitatae sunt symptomatis: sic malignus is erit existimandus, qui vel præter naturam suam & speciem sæuit, ut quando febris tertiana lethalis euadit, vlcus fit *δυσπερωλὼν*, & similes; vel ex propriâ essentia ac causarum suarum conditione ferus & immanis existit: cui subiiciuntur tres vulgarissimæ morborum differentiæ, pestilens scilicet, contagiosus, & venenatus, propter malitiam & prauitatem quam solent habere coniunctam. Venenatus quidem is est, qui ob sumpti, admoti, aut intus geniti veneni ex teterrimis humoribus aduersam habet omnino vitæ qualitatem & deleteriam, quam sequitur plurimum perditio & interitus. Pestilens autem præter deleteriam illam qualitatem & internecinam, habet etiam proprium illud quod communiter vagatur, ut supra dicebamus, & vicinos per contagium inficit. Ideoque contagiosi morbi sub quos plures continentur, natura breuiter explicanda, tum quod difficilis & ambigua, tum quod huic nostræ tractationi peculiariter competit.

Morbos itaque esse, qui non solum indiuidua affligunt, quibus inhærent, sed etiam qui alios inficiant, certo certius est, & experientiâ eorum compertum, quicunque non solum pestilentes status, elephantiasin, luem veneream, & similes, contemplati sunt, sed etiam scabiem, ophthalmiam, catarrhos, phthisin, asthmata, strumas, & similes morbos; quorum alij contagium suum communicant contactu solo, ut rabies canina; alij præter contactum etiam fomite, quem in vestibus, linteolis, & similibus rebus foraminulentis & raris relinquunt; alij præter contactum & fomitem, etiam ad distans eiaculantur illam labem, quæ in aliis corporibus simile vitium producit, ut pestilentes febres. Quomodo verò hoc contingat, ut morborum alij vicinos inficiant, alij verò non, difficile est statuere. Si enim contagio, ut multi arbitrantur, sequatur vim & violentiam morbi, sequeretur morbos, qui sunt vehementiores, eò magis esse debere contagiosos, cum tamen contrarium appareat in apoplexiâ, terano, anginâ, & reliquis; contrâ placidos mitioresque morbos esse contagiosos, ut scabiem, lichenas, & similes; sæpè in ipsâ peste remissa est febris, pulsus constans, vrina bona, ut scribit Auicennas. Sin verò, quod alij putant, contagio esset effectus magnæ inflammationis, sequeretur ardentiores morbos magis esse contagiosos, cum tamen sæpè ardentes febres, causus simplex, & synochus, nullum habeant contagij periculum. Dicamus itaque, quatuor potissimum conditiones requiri, ut morbus aliquis contagiosus existat. Primò, putredinem. Secundò, lentorem humoris. Tertiò, ut illa putredo sit in totâ mixtione seu substantiâ, quam vocamus qualitatem malignam. Quartò, ut locus in quo resident seminaria, sit exhalationi accommodus. Requiritur autem ad contagium putredinem, ita confirmatur: (*Quemadmodum videmus ex putredine in terra scarabæos, serpentes, &c. in hominibus vermes & pediculos generari: sic ex vulgari istâ putredine in aëre, vel corporibus morbos generatur in succis istis aut substantiâ partium, mixtum illud quod *μίασμα* seu inquinamētum dicitur, qualitate venenatâ pradiatum, & habens *ἀντίδοτον* ad certam partem, ut in phthisi ad pulmōnes, in ophthalmiâ ad oculos, &c.*) fomes ille seu corpusculum

corpusculum & *pus* per quod infectio deferitur; non exurgit ab humore quieto, sed agitato, quemadmodum patet in rebus externis, quò enim magis moventur sordes, eò magis exhalant & foetent. Agitatur ergo vel à calore innato, vel extraneo: Ab innato reduceretur potius ad temperiem aut concoctionem, quàm ad malignam illam qualitatem: ab extraneo verò, cum is sit duplex, comburens & putrefaciens; comburens dissipat & consumit fomitem magis quàm eleuat aut transmittit: fiet ergo potius à putrido, qui magis dissolvit quàm consumit, facitque expirationem maximam. Verùm dicet aliquis, contagium sæpe citra febrem apparet, ac proinde citra putredinē, cum putredo eam incendat, ut videre est in catarrho, asthmate, ophthalmiā, scabie, & similibus contagiosis sine febre: Respondemus, non esse necessariū, ut omnis putredo febrē accendat, nisi sit valida, & quæ recta per vaporem cor possit impetere: in iis ergo cum putredo vel sit adhuc in parte tantum humoris, vel exhalet ad exteriora (*Vnde pustula, sanies, virulenta ulcera, & similia erumpunt*) non ad ipsum cor, sit ut febris nulla, aut leuior saltē subsequatur. Ita contingit in rabie caninā aliquādo seminariū morbi per mensem, imò quod Gal. scripsit, per annum latitare, donec putredinis initia conceperit. Est itaque omnis contagio cum putredine: & quemadmodū omni contagio iungitur aliqua putredo, ita omni putredini aliqua contagio: hinc putridæ febres ubi vnum aut alterū in domo aliquā inuaserint, reliquis ferè communicantur, nec tutum est cum eis versari: potissimum si huic putredini secunda cōditio accesserit, letor videlicet humoris putrefacti, qui reniti possit calori dissipanti, & aëris qualitatibus, necnon exquisitè misceri, ac adhærescere corpori vel parti inficiendæ: defectu enim huius conditionis plerumque febres ardentissimæ non sunt contagiosæ, quia humorem habent acrem & minimè lentum, faciliè dissipabilem vel combustibilem. Putredo autem ista seu corruptio ad contagium necessaria, non tam posita est in manifestā quadam temperamētī immutatione, quàm totius mixtionis & propriæ substantiæ corruptela, ad quam sequitur infectio illa, quæ habet analogiam cum his vel illis partibus potius quàm aliis: Vnde scabiosi contagio non oculos, sed cutem; ophthalmici non cutem, sed oculos inficit. Denique non solum prædicta ad contagium sunt necessaria, sed etiam locus siue pars, in quā corruptio contagiosa existit, debet esse exhalationi ad exteriora accommodata: Quomodo enim in vicina corpora transferetur, nisi illa corpuscula quæ debent in fomitem transmitti, vel ad distans concitari, habeant exitum per externos canales, ut per sordes illas cutaneas, exhalationem totius corporis, aut expirationem oris, narium, pulmonis, & similibus partium. Atque hæc de contagiosi morbi naturā & causis sufficiant.

Dicebamus ab effectis morborū, duo præcipuè pendere, morē scilicet, de quo iam egimus; & motum. Quod ad motū itaque attinet morbo propriū, multæ ex eo appellationes deriuantur, & Medicis vsitatissimæ. Dicitur enim hac de causā morbus aliquando vehemens, velox, acutus, grauis: aliās languidus, tardus, obtusus, levis. Dicitur etiā continuus & intermittēs, ordinatus & inordinatus, impropotionalis, inæqualis, & similia à motus varietate petita. Acutus itaque, qui vehementiā simul cū velocitate & grauitate seu periculo cōtinet, differt à magno, quia nō omnes magni morbi breues sunt, aut sua celeriter percurrunt tēpora; sed plerique tardi & longi, quorū scilicet *Yéve* ex paulatinā & diurnā pendet temperamenti innati & partium principum immutatione, ut epilepsia, arthritidis, lues venerea, elephantiasis, & similes, quos fouet perennis & pertinax causarum efficientium constantia: vnde non nisi annorum numero, & ipsius aliquando vitæ priuatione ac subiecti interitu delentur. Differt etiam à breui, quia non omnes breues celeritatem habent aut vehementiam coniunctam, sed plerique eorum & citò terminantur, & citra periculum, ut ephemera febris, cephalalgia, & similes. Acutus ergo morbus est, si quis coniungat naturam magni & breuis cum velocitate, ob quam motus celeritatem, cui continuitas. *Vide Argent. 42.*

Diximus, omni morbo acuto & semper propriū esse, ut sit continuus in suo motu & oppugnatione naturæ: non tamen soli, quia possunt morbi tum longi, tum mi-
res, habere continuitatem & similem affligendi modum, donec desinant, ut patet de ephemera simplici & extensā, necnon aliis multis. Hæc autem continuitas siue perpetuitas agendi, vel semper sibi similis est & æqualis, donec desinat, vel accrescit in dies, vel decrescit: Vnde continui in homotonos, acmaesticos, & paracmaesticos diuiduntur. Quibus opponuntur intermittentes & remittentes: illi dilucida habent intervalla inter suos paroxysmos, ut nullum appareat ferè morbi vestigium, quemadmodū in arthritide, febribus multis in *anruptis* desinentibus, colico affectu, & aliis: hi habent solam imminutionem dispositionis suæ, quæ deinde ingrauescit: idque ut

intermittentibus certâ & ordinatâ periodo , vel incertâ & inordinatâ : vnde morbi constantès & inconstantes ; stabiles vel erratici appellantur. Quibus annectendi sunt morbi redeuntes seu recidiuam facientes , siue sint similes cum superiore radice , siue dissimiles : ita enim *ἡ ἀποφύλαξις καὶ ἐπιστροφὴ τοῦ νοσήματος* dicuntur Galeno , quæ dum penitus extincta putabantur , aut saltem minima eorum symptomata apparebant , ad declinationem perfectam desinentia , quasi postliminiò reuertuntur , & ægrum inuadunt , propter relictam in visceribus materiam aut intemperiem , vel prauum illius victum. Atque hæc de effectis.

Cum verò causæ non producant suos effectus , nisi sub quadam ratione temporis & loci in quo fiunt : ideò multæ etiam ducuntur hinc morborum differentiæ seu appellationes. Dicitur enim morbus ratione temporis seu ordinis generationis , durationis , & solutionis , primarius & secundarius , ad quos referuntur idiopathicus , protopathicus , sympathicus , & *ἀλλοπαθικός*. Dicitur hæreditarius , congenitus , innatus , & connutritus , vel aduentitius ; recens vel inueteratus ; sensim factus vel confertim ; sensim desinens vel confertim ; brevis vel longus ; æstiuus , hyemalis , &c.

Quod ad primarium enim & secundarium spectat , illi sic dicuntur ratione causarum & morborum , qui huic vel illi parti prius vel posterius insident : cruditas enim ventriculi , vapores excitat , qui dolorem in cerebro per *συμπάθειαν* mouent , cum illa propriè & *ἰδιοπαθειᾶς* ventriculo inhæreat : tamdiuque verè sympathicus dicetur morbus , quamdiu à primario ita fouetur , vt illo sublato , alter etiam statim cesset. Vbi verò ex diuturnitate actionis per *μετέσχεσιν* materiæ , vel qualitatis *ἐμμενέσιν* morbus sympathicus ita partem occupauit , vt iam per se subsistere possit , primario etiamnum remoto , tunc *ἀλλοπαθειᾶς* siue secundarius propriè appellatur , cui *ὑποπαθειᾶς* opponitur. Atque hæc morborum sympathia , ob maximum totius corporis consensum & confluxum , præcipuè verò inter partes vicinas , aut generis vel operis societate iunctas , per materiæ alicuius aut qualitatis communicationem , vel materiæ aut facultatis priuationem , quod exemplorum appositione multò euadit illustrius in Pathologiâ. Sed hæc in præsentia nobis sufficiant , vt ad morbos hæreditarios , congenitos , innatos , connutritos , & aduentitios veniamus : Quæ omnes differentiæ respectu nostri ortus & principiorum generationis ductæ fuerunt. Quicunque enim morbi sequuntur labem à semine parentum , qui eodem vel non longè absimili affectu laborarunt , profectam , propriè hæreditarij dicuntur , quia per successionem quandam & ius hæreditarium cum bonis prædecessorum in progeniem deriuantur. Hoc latius patent congenitus seu innatus , *ἐγγενής* , & connutritus , *κωλεφός*. Quæcunque enim dispositiones præter naturam vel in ipso vtero , ob varias causas , vel statim dum exoritur ab vtero infans , eum occupant , illæ innatæ seu congenitæ censentur. Quæ verò non quidem statim ab vtero , sed intra pueritiam emergunt , hominemque per alias ætates comitantur , connutritæ dici debent , ex sententiâ Hippocratis. (*Vide Duret. in Coac. 434.*) His opponitur aduentitius , qui quomodocunque per alias ætates & varias causas accedit receditque , extra omnem suspicionem vitij seminalis aut generationis.

Vt autem paulò latius de naturâ & causis hæreditarij morbi disseramus : sciendum est , triplicem esse parentum ad liberos similitudinem , ex Galeno *libro de semine*. Prima , quæ est speciei , quando videlicet homo hominem , equus equum generat , quæ pender ex specificâ facultatis formatricis & semini inditâ varietate. Secunda similitudo posita est in sexu , cuius diuersitas pendere potest ex vtriusque seminis , menstrui , & vteri calidioris , aut frigidioris , humidioris aut siccioris temperamento : vnde Hippocrates ab vtroque parente modò masculum , modò foemineum semen profundi existimauit : & Galenus post menstruas purgationes , mares , ante illas , id est , circa earum periodon & reditum , foeminas. Tertia similitudo est in accidentibus variis , siue mores animi species , siue corporis constitutiones , in figurâ , compositione , temperamento , & similibus , siue bonis siue malis. Cum enim semen , iuxta probatissimam Medicorum sententiam , ex præcipuis & quasi singulis animantis partibus profluat , è sanis quidem sanum , è morbidis morbidum , vt loquitur Hippocrates *libro de genitura* , si non materialiter , saltem virtualiter , vt loquuntur , & cum spiritu deferente secum ideam & exemplar illarum partium , fit

ut illa vis *πλαστική*, hoc spiritu tanquam præcipuo artifice utens, archetypi speciem subiecto suo imprimat, & pro materiæ ipsius conditione partes ipsius embryonis conformet. Duo itaque requiruntur in hac accidentali similitudine, ut transferri possit in prolem, nempe ut vel corpori ipsi inhæreat, vel facultati ipsius animæ, quæ generatrici sit proxima: Præterea ut accidentia illa imprimenda futuræ proli, sint facta & quasi in habitu in ipsis parentibus, nec pugnent adhuc cum natiuo membrorum temperamento. Hinc fit ut affectus superioris animæ & principis, nimirum scientiæ, artes, & similia, non transeant in liberos per traducem, quia nihil habent commune cum generante facultate, sed ab eâ plurimum absunt: mores tamen, virtutes & vicia, quando potius sequuntur ipsam organi dispositionem, quàm acquisitionem & disciplinam, transeunt in liberos: iracundi enim vel iracundæ, proles iracunda, timidi timida ut plurimum euadit. Hinc etiam fit ut affectus illi, dispositiones seu accidentia, quæ nondum in habitum transierunt, sed habent repugnantiam in membris, ut febres putridæ, dolores, inflammationes partium, & similes, vix transeant in liberos, quod ad actum ipsum spectat, quamvis dispositionem quandam possint habere ad illos facilius recipiendos. Facta verò & in habitum conuersa plurimum transferuntur in liberos, quoniam illa, ut diximus, immutant conditionem seminalis materiæ, nisi permissione alterius genituræ aut menstrui temperentur. Elephanticus itaque confirmatus, nephriticus, podagricus, & similes, prolem elephanticam, nephriticam, podagricam producant in ipso actu, vel certè aptitudine ad hunc morbum, quæ tunc exorietur, quando minimarum causarum concursus adierit ad illum suscitandum, vel ætatis exortus in quo facilius producitur, aut in quâ parentes laborare cœperunt. Eadem de causâ conformatio seu figura corporis, illius pulchritudo vel deformitas in prolem transfertur, quoniam sunt qualitates fixæ & stabiles, ex quarum veluti ideâ & congenitâ specie vis conformatrix liberorum speciem concinnat, nisi ab imaginationis perturbationibus, alterius seminis resistentiâ, aut materiæ ineptitudine impediatur. (Ob quarum varietatem minor est in humanâ specie ad parentes similitudo, quàm in brutis aut plantis.) Atque hæc pauca de morbo hæreditario, reliqua nunc percurramus.

Morbus ergo recens is dicitur, qui de nouo factus, & paruam in corpore aliquo temporis moram traxit: cui opponitur inueteratus, paulo minùs patens quàm conuulsiuus, qui ætates debet percurrere, ut talem appellationem mereatur. Breuis autem is dicitur, qui vel ex suâ naturâ, vel artis beneficio expugnatus parum durat, siue habeat iunctam vehementiam, siue illâ careat. Cui opponitur longus & chronicus, ex cuius constitutione propriâ, durationis termini productiores & diuturni esse solent. Et quidem Hippocrati eiusmodi morbi chronici, non tam dierum quàm mensium aut annorum numero computantur & soluuntur. Sic epilepsia puerilis per calidioris ætatis *ἐκλαμψιν*, circa vigesimum quintum annum euanesce debet: sic morbi qui hyeme fiunt, in contrariâ constitutione, nempe æstate soluuntur plerumque, vel proximâ, vel quæ respondeat computationi mensium per quaternarios aut septenarios, (ut dierum & septimanarum solet in breuibus.) Longi itaque morbi, cum causam suam habeant pertinacem magis & crassam, naturam autem parum insurgentem aduersus eam, plerumque sensim fiunt, & sensim soluuntur per *λύσιν*, id est, paulatinam solutionem, aut decubitus humoris in extimas partes, aut illius resolutionem per particulas factam: contrâ breues, quia causam suam habent faciliè solubilem in spiritu, aut vapore quodam tenui positam, citò fiunt & terminantur, vel suâ sponte resolutâ causâ, vel impetu naturæ concoquentis primùm, deinde magno conatu & confertim expellentis per crisin, quæ est subita & perfecta mutatio ad salutem. Hæc autem omnia cum per certas anni tempestates fiant, inde morbi æstiuui, hyemales, &c. dicuntur; vel qui eo tempore gignuntur, vel qui temperiem & naturam habent illis respondentem: Hinc Hippocrati quartanæ æstiuæ dicuntur, quæ eo tempore gignuntur: & autumnales morbi, quicunque suâ inconstantiâ & inæqualitate autumnii statum imitantur.

ELEPHANTIASIS APPELLATIONES. Elephantiasis ex eorum est

genere morborum, quos Galenus 2. *method.* docuit à rerum externarum similitudine nomen suum & appellationem desumere: quemadmodum enim cancer, polypus, staphyloma, & alij dicti fuerunt ob figuram & accidentia pleraque, quibus eiusmodi res primo intuitu repræsentant: Sic elephantiasis, ait Aretæus author antiquissimus, animalis eius quæ elephantem vocant, colorem tenebricosum, rugarum asperitatem, foedam lanuginem, horribilem aspectum & crassitiem quodammodo æmulatur. Eodem modo leontiasis appellata fuit, ob quandam & similem frontis rugarum, episcynij, & superciliorum constitutionem cum leonibus. Ut & satyriasis, propter faciei depravationem, depictis satyris respondentem, necnon promptam ac inexplabilem coeundi libidinem quæ elephantici tenentur, priusquam extremè laborent, ob flatuum acriorisque feri copiam quæ in eis redundare solet, & perpetuam ferè tentiginem inducere. Alij malunt hæc vocabula imposita fuisse, non quidem à similitudine cum illis rebus externis, sed à magnitudine & vehementia affectus, quam veteres grandiorum ferarum nominibus exprimere voluerunt, quod Græcis vñtatissimum esse constat, qui dictionis alicuius significatum augere solebant addito βῆ, ut βῆπαις, βελιμία, aut ἰππο, ut ἰππο-κέλιον, bouis videlicet & equi additione: Sic Hercules aliquando dictus est hic morbus, quia ἀθανάτων κακὸν ἐστὶ, ἐδὲ μαχίστον, insuperabilis est grandioris monstri instar, quod non nisi à summo quodam Hercule perdomari potest.

Quicquid sit, parum de causâ impositi nominis est laborandum, dummodo constet quæ res eo significetur. (*Vulgus enim nomina: potentes iura: sapientes disciplinas constituunt.*) Significat autem elephantiasis morbum eum quem Arabes, Latini, & vulgus ferè omnium gentium, lepram & leprosam constitutionem dixerunt; à leprâ Græcorum valde diuersam, quæ cutis tantum est infectio sordida, parum à psorâ discrepans, quæ tum præcedere, tum subsequi potest elephantiasin, ex sententiâ Galeni. Notandum etiam propositum nobis affectum differre ab eo qui elephantia, seu elephas crurum vocatur, in quo pedes tantum & tibiæ, ob varicum vel carnis rudioris copiam in deformem magnitudinem ingrossantur. Denique proposita elephantiasis est morbus Sancti Lazari vocatus, sub cuius tutelâ ægri illi positi putantur, quos in xenodochiis longè ab urbium ambitu remotis degere, & ligneis crepitaculis stipem mendicare videmus. Nunc igitur ad rem cognoscendam accedamus.

QVID SIT ELEPHANTIASIS. Plerique Medicinæ scriptores dum essentiam elephantiascos perquirunt, definitiones varias proposuerunt, quibus illius naturam, proprium scilicet affectum, affectus speciem & causas non satis expressisse videntur. Alij enim definiunt per symptoma remotissimum, dum dicunt esse, errorem maximum virtutis assimilariæ, ob quem forma corrumpitur in toto. Alij per similitudinem cum alio morbo, dum appellant cancerum totius corporis. Quidam exteriora potius & morborum consequentium syndromen spectantes, descripserunt per faciem horrendam, cutis tuberositatem, extremorum insensibilitatem, & similes affectus concomitantes siue succedaneos. Peritiores verò dixerunt esse morbum similiarem, corrumpentem figuram, formam, & compositionem membrorum, ac finaliter continui solutiones excitantem, ob materiam melancholicam sparsam ad totum corpus. Nondum tamen attigerunt veram rei essentiam, quia remotum genus assignarunt, nec quæ esset intemperies dixerunt, nec cui parti potissimum insideat; & vnde tanta humoris melancholici copia in totum corpus redundet. Imò non esse necessarium figuram, compositionem, & vnitatem externarum partium corrumpi ad omnem elephantiasin constituendam, nisi confirmatâ tantum & omnino deploratam. Nos itaque videamus, vtrum meliorem stabilire possimus, hoc in primis posito tanquam fundamento: videlicet fieri non posse, ut functio aliqua partis principis per totum corpus lædatur, quin pars illa siue principium non sit affectum. Non potest, verbi gratia, pulsus omnino tolli, quin cor ipsum vitalis facultatis sedes patiatur: neque totius corporis partes sensu ac motu priuari, cerebro manente illæso; quemadmodum non potest Solis lumen omnibus mundi regionibus eripi, Sole nihil perpeffo: quoniam partes quæ erunt supra vel extra nebulam, aut Lunæ interpositionem, ab eo illustrabuntur. Eodem modo quod ad functiones naturales spectat, quarum sedes & primaria officina in hepate residet, non poterunt illæ generatim & per vniuersas corporis partes labefactari, nisi eo male

malè affecto & sanguificationem perperam celebrante. Vt igitur ob frigidam eius intemperiem, serum vel pituitam generantem, hydropes exoriuntur: sic ubi succus melancholicus & exustus omnes corporis regiones occupat, & ubique nutritionem labefactat, necessario oportet iecur malè affectum esse, ut in proposita Elephantiasi. Secundum sit nostræ definitionis fundamentum, præter vulgares qualitates & intemperies partium, concedendas etiam occultiores quasdam labe & substantiæ corruptelas, contagij & malignitatis participes, in quibus sympathiæ (*Fracastorius hoc fundamentum fuisse probauit.*) & antipathiæ partium & humorum spectantur, à certo quodam & minùs manifesto putredinis vel mixtionis gradu profectæ: Vnde Galenus venenatos aliquando in nobis humores, & omnem contagionis rationem ex occultiore hac corruptelâ, quæ in multis morbis visitur, pendere existimauit. His igitur ita positis prædictam definitionem constituamus.

Elephantiasis est intemperies iecoris sicca calidâque, cum certo putredinis ac venenositatis gradu iuncta, per quam humor atrabilarius hac labe infectus copiosior gignitur, paulatimque omnes corporis partes occupans, earum nutritionem, figuram, ac vnitatem corrumpit.

Dicimus Elephantiasin esse intemperiem, quoniam primarius affectus, ex quo reliqui comitantes vel superuenientes proficiuntur, est illa *συσπασια* & virium temperamenti, per quod succrescit humoris teterrimi soboles, harum omnium dispositionum proxima & continens causa. Quamvis igitur in Elephantiasi solutiones continui, conformationis vitia, & tumorum præter naturam varia genera spectentur: illa tamen non sunt propriè Elephantiasis, quia sine illis subsistere aliquantisper potest, sed ipsa intemperies & labe mixtionis, per quam secundæ concoctionis opus, nempe hæmatosis corrumpitur. Vnde pater quàm imminuti sunt illi, qui Elephantiasin per eiusmodi succedaneos affectus definierunt, utpote qui non nisi lapsu temporis, & iam defixis altius in primario viscere radicibus exoriuntur. Habet enim teterrima hæc lues hoc peculiare, ut primùm partem hanc nobilem, veluti nutritionis arcem occupet, deinde externas adoriatur, propellente scilicet naturâ vitiosam materiam quantum & quò potest: eaque iam demum fatifcente regurgitans humor ad interiora, extremam tandem ægris manum cum internectione præsentissimâ infert. Non igitur simpliciter vniuersi corporis cancer dici potest hic morbus: quandoquidem, ut dicebamus, vera Elephantiasis essentia, quæ fundata est in visceris intemperie, subsistere potest absque eiusmodi tumoribus & exulcerationibus externi habitus corporis, cuius respectu Auicennas confirmatam Elephantiasin, cancerum totius vocauit. Adde quòd si Elephantiasis verè cancer esset totius, oporteret eam esse æqualem intemperiem, quod superstitè vitâ, ut in corde, cerebro, &c. nullo modo contingere potest. Præterea fientem esse ac inæqualem intemperiem id demonstrat, quòd paulatim & quasi gradibus factis augetur, modòque has partes magis, modò alias occupat: Vnde à Præcticis nostris in actum & dispositionem distingui solet, actus rursus in incipientem & perfectum. Potest tamen dici quodammodo vniuersalis cancer, quia ex eadem materiâ cancer particularis constituitur, & non solum internas, sed etiam externas partes, potissimùm verò carnem & musculos, quamvis inæqualiter inuadit.

Pertinere autem hanc intemperiem primariò ad ipsum iecur & venas, id suadet, quòd iam à nobis pro fundamento fuit allatum, nimirum nutritionem vitari non posse in toto, nisi illius principium sit affectum: Illo enim illæso permanente bono & laudato sanguis generaretur, ex quo partium substantiâ refocillatâ, succi illius malignitas tandem obtunderetur: aut certè non omnes, sed certæ tantùm partes ab eo occuparentur. Verùm dicet aliquis, non est necessarium, ut totum corpus humore hoc atrabilario abundet, iecur aliquo affectu teneri: Nam quemadmodum cessante actione cystidos felleæ, ita repletur totum corpus & sanguis bile flauâ, ut inde icterus exoritur: quid etiam impediet sublatâ lienis actione per obstructions illius aut intemperies, totum habitum melancholico succo scate-re, absque vllâ hepatis labe? Præterea cùm certum sit elephantiam dispositionem non solum hæreditario iure, sed etiam per contagionem siue contactum acquiri: quâ fieri potest, ut corpuscula illa ex infectis corporibus defluentia potius hepar in profundo corporis latens contingant, quàm cutem, & cæteras partes? Denique Galenus ipse plerisque locis (*Vide lib. 2. ad Glauc. cap. 10.*) non tam ponere videtur huius affectus sedem in iecore, quàm in partibus externis & ipsâ cutem.

Is enim *lib. de subfigur. Empir. & 11. de simpl. medicam. facult.* recenset historias aliquot Elephantorum, qui ab epoto vino, in quo viperæ suffocatae fuerant, vel ab esitatis viperis, aut denique usu theriacæ persanati fuerunt, aut saltem leprosi ex elephantice facti, decedente ab eorum corporibus cute, instar exuviarum quas serpentes quotannis deponere consueverunt. His ergo obiectionibus ita videtur satisfaciendum. Ad primam quidem, concedentes posse augeri propositum suum cum in toto corpore, quoties à liene non attrahitur aut secernitur, ac proinde multis morbis melancholicis illius obstructions aut intemperies occasionem suppeditare, ut nigro ictero, febris quartanæ, melancholicæ passioni, carcinomati, mania, & similibus, imò etiam initium dare Elephantiasis, quotiescumque humor iste coaceruatus in primâ corporis regione, & ad hepar refluens illius temperiem pervertit & immutat, sed tamen non potest sine concursu huius intemperiei iecoris, Elephantiasin producere, quoniam partes constante hepatis temperamento semper fruerentur laudato sanguine, quo nutritio constaret, & substantia membrorum conseruaretur. Quemadmodum igitur in hydropse iecur necessariò affectum dicimus, tamen si principium mali non semper in seipso habeat, sed ex aliarum partium morbis vitium contraxerit: sic in Elephantiasis, modò primarias patitur temperamenti corruptiones, modò ad lienis aut aliarum partium vitiosas constitutiones subsequitur. Non valet ergo exemplum de ictero & Elephantiasis. Potest enim fieri icterus flauus ab obstructione cystidis felleæ, quemadmodum & niger ab infarctu lienis, sine vitio hepatis aliquando. Non potest tamen vnquam ita vitari nutritio partium in toto, ob redundantiam maligni succi, quia fons ipse hæmateleos sit corruptus, vel *σπασμωδινός*, vel saltem *δυσπεπωδινός*. Ad secundam verò obiectionem dicimus, corpuscula quidem illa & contagionis seminaria cuicunque parti obuiæ affigi posse, sed non quamcumque ita immutare, ut similem affectum generent, nisi habeat analogiam cum ipso affectu: hinc assumptæ cantharides vel admotæ, quamvis primo contactu vesicam non feriant, per antipathiam tamen peculiarem præcipua illarum vis ad eam deferitur. Ophthalmicorum oculi per contagiosum effluuium, non quamlibet faciei partem inflammant, sed oculis tantum lippitudinem inferunt. Ut quælibet venena quamvis omnibus corporis partibus primarias suas qualitates imprimere soleant, vi tamen particulari & antipathia cor ipsum præcipue impetunt. Quid igitur obstat per contactum elephantorum fomitem infici sanguinis particulam & naturales spiritus in ipsâ cute, aut aliis partibus externis, qui deinde ad hepar contagionis labem deferant, & affectus primordia illi inurant? Non enim ad contagionem semper contactus immediatus requiritur, sed sufficit esse aliquod medium per quod in certam partem deferri possit, quemadmodum torpedinis virus per cannam in piscatoris manum deriuatur. Quod spectat autem ad tertiam obiectionem ex Galeni autoritatibus desumptam, respondemus illas nihil aduersus nos pugnare. Etenim quicumque non habent adhuc confirmatum Elephantem, illi serpentum ac viperarum usu conuenienter adhibito persanari possunt, ita ut intemperie hepatis sanata, & quasi succisis morbi radicibus deinceps frutices, qui exterius apparent, etiam exarescant. Non igitur concludunt prædictæ autoritates affectum hunc tantum esse in cute, sed defluuium illud epidermidos indicauit interiorem sanationem; quæ usu remedij contigerat; nam veram cutem decidisse nemo rei Anatomicae peritus vnquam dixerit, ut neque etiam in solâ epidermide vllus vnquam Elephantiasin collocabit. Quidam respondent, commemoratos à Galeno ægros, leprosos fuisse potius quam verè elephanticos. Sed nihil obstat tales fuisse, dummodò interior illa hepatis intemperies leuior adhuc fuerit & minus confirmata, ut quæ opportuno alexipharmaco tolli, aut saltem ita imminui ad sensum potuit, ut eiusmodi homines tunc curati viderentur.

Sit itaque certum ratumque, intemperiem aliquam iecori impressam esse, per quam elephantica constitutio exoritur. Quænam verò sit illa, non pauci ambigunt. Nos siccam calidamque posuimus, siccitatem caliditati præponentes, propterea quod illam hinc præpollere existimamus, remissiorem autem esse caliditatem. Quod ad siccitatem enim attinet, omnes eam hinc facile admittunt, propterea quod siccus & terrestris humor in Elephantice redundans, non potest, nisi à tali causâ promanare. De actiua verò qualitate vtrum sit frigida vel calida, non est ita apertum; frigidam enim esse statuit Aretæus cum plerisque aliis, quandoquidem, inquit ille, à mortis causâ ducit originem, quæ est ingeni caloris frigiditas

ditas non exigua vel potius congelatio. Præterea frigidam esse constitutionem, id confirmare videtur, quod ubique à Galeno Elephantiasis inter melancholicas passionem recensetur, & omnes humorem melancholicum, frigidum videlicet & siccum in eâ abundare concedunt. Adde quod paruitas pulsus, ut docet Auicennas, & stupiditas sensuum, ac veluti *πάρωσις*, qua afficiuntur Elephantici, videtur frigiditatis soboles esse potius quam caloris. Nos tamen calidam potius intemperiem in hoc affectu adesse censemus, quamvis non valde intensam, sed putredinis cuiusdam & malignæ labis participem, (quod recentiores, *Fernel. Fallopius, Argentarius*, affectum totius substantiæ nouiter dixerunt) propterea quod causæ generantes & fouentes Elephantiasin, necnon effectus qui subsequuntur, calori potius quam frigiditati attestantur, ut postea videbimus, necnon ipsa curandi ratio, quæ humectantibus & refrigerantibus procedit potius quam calfacientibus, ostendit talem hinc intemperiem dominari. Imò etiam Elephantiasin sine calore hepatis non generari, illud indicio nobis est, quod in senectute diminuto eius calore & pituitâ auctâ, vix vnquam contingit, nisi antè radices defigere cœperit. Ad Aretæi itaque & aliorum auctoritatem dicimus, in Elephantiasi caloris natui extinctionem contingere à malignitate & venenositate humoris potius quam frigore. Et eodem modo per Elephantas cōtingere *πάρωσις* caloris insiti, quemadmodum in ardentissimis febribus hydropes exoriuntur ex depopulatione humidi primigenij, ad quam sequitur illius extinctio vel saltem imminutio, quod Paracelsus vocat corruptionem balsami naturalis; vnde pulsus imminuitur debilitatâ facultate vitali potius quam refrigerato corde. Galenus etiam rectè inter melancholicas passionem statuit Elephantem, & omnes hinc adesse succi melancholici copiam fatentur, latè sumpto melancholiæ nomine, quo omnium affectionum, quæ à nigris humoribus fiunt, siue illi sint naturales, siue atrabilarij. Non enim in Elephantem melancholia naturalis, frigida scilicet & sicca simpliciter, dominatur, sed potius exusta, ad atræ bilis naturam accedens, & ex quocumque humore per malignam illam & deprauatam hepatis constitutionem genita. Crassitiem tamen partium retinens, ob quam & vitiatam in partibus extremis nutritionem, exoritur *ἀναισθησία* illa & stupor in Elephanticiis potius quam ab humoris frigiditate.

Hoc idem confirmat non insulsa Arabum opinio, quatuor huius morbi species ponentium, ex varietate humorum, qui illum efficere possunt, quatenus comburuntur & in atrabilarij humoris naturam conuerti possunt. Volunt enim Elephantiam à melancholiâ, leoninam à bile flauâ, Tyriam à phlegmate, Alopecialem à sanguine exusto potissimum fieri. Et Galenus rubros elephantes eos esse censuit, in quibus copiosior sanguis & exustus hunc affectum generat. Nos autem albos Elephantas sæpius conspeximus, in quibus phlegma falsum & exustum redundabat. De bile autem flauâ nemo dubitat, quin illa vel putredine vel exustione illius naturam & similitudinem induere possit. Vnde Matthæus de Gradi censuit contra Haliabbatem, Elephantiasin ex flauâ bile exustâ facilius curari, quam ex melancholiâ torrefactâ & quasi incineratâ. Alij malunt perpetuò ab atrâ bile fieri, quam hepar pro bono & laudabili sanguine deinceps in Elephantico generat, sed nunc biliosiore, aliàs pituitosiore, nunquam sanguini aut melancholico succo magis admista quam dictis humoribus. Quæ omnia eodem recidunt. Quotiescunque igitur humor eiusmodi fuerit acervatus ob varias causas natiuas vel aduentitias, de quibus postea agemus; nec à liene attractus aut foras vacuatus, sed sanguini permixtus longiore tempore in vasis ac hepate hæserit, sensim adurit, crassior & siccior redditur, & pro qualitate ac naturâ suâ iecur & venas alterat ac mutat. Quod dum fit, generari seu fieri, siue in dispositione adhuc esse dicitur. Vbi verò hepatis temperamentum fixum & mutatum est, necessariò deinde talis sanguis generatur, qualem iecur malè temperatum generare aptum est, tuncque morbus primum habitum seu actum sibi comparauit, donec succus ille qui in profundis visceribus (velut in domo Plutonis, inquit Aretæus) delitescibat, iam interiorum victor superficiem corporis inuadat, & ibi actus sui perfectionem adipiscatur, variis ac crudelissimis symptomatis & morbis quos illic suscitare solet.

Ut enim deprauata hepatis coctio, primum est symptoma ex illâ intemperie profectum, sic aliorum multorum per totum corpus est causa: præcipuè verò nutritionis labefactatæ, quam nostri Practici errorem assimilatricis in toto vocant. (In hydropisuriæ, in leucicâ disseminatione: in Elephantiasi assimilationis vitium esse dicunt.)

dicant.) Hic autem non tam ex vitio temperamenti ipsarum partium exoritur, quam ipsius obiecti siue alimenti ficcioris, crassioris, & malignâ labe infecti, quod cum neque in substantiam membrorum instar probi sanguinis conueri, neque per insensilem transpirationem vacuari possit, sub cute retentus paulatim exsiccat, amplius; eam exasperans & veluti nodos ac tubera granulosa produciens, unde figuræ deprauatio subsequitur. Quod si tandem incalescat, exulcerationes foetidissimas; necnon partium integras corruptiones inducit, per quas in vltimum Elephantici morbi statum decidere solent. Nocet autem præcipuè faciei & extremitatibus membrorum, quoniam natura à partibus internis & nobilibus ad externas & minus nobiles ac remotissimas, semper deponere conatur infestam materiam. Ac proinde manus & pedes præcipuè his affectibus torquentur, quia non habent quod reiiciant aliò eiusmodi humorem, valdeque sunt remota à fonte caloris, unde stupiditas in illis contingit. Facies autem citius & euidentius patitur membris aliis, tum quod succus in hepate genitus, magis in illâ efflorescit, tum etiam quod cutis meatus angustiores habeat, ob aëris cui exposita est circumstantis & repellentis vim. Quo fit vt crassi isti humores per eam minus faciliè dissipari aut expurgari possint. His ergo sic explicatis de præcipuâ morbi essentiâ, parte tam primariò quàm secundariò affectâ, & symptomatum concursu, nunc ad causarum enarrationem accedamus.

CAUSÆ ELEPHANTIASIS. Quæcunque igitur causæ effectrices esse possunt huius affectus, tam externæ quàm internæ, illæ vel ad ipsius hominis ortum & primordia concurrunt; vel eo iam genito, & extra vterum constituto operantur. Quæ illius generationem respiciunt, illa pendent ex vtriusque parentis seminio hac labe infecto, vel propter ipsorum talem dispositionem actu existentem, vel altius delitescentem, & ab auis vel atavis leprosis contractam. Mirum enim dictu, sed verum experientiâ comperitur, infectionem hanc in intermediis aliquando ob benignitatem alterutrius seminis, vel aliarum causarum resistantiam latere, & in progeniem ipsam deriuari, reuiuiscere mali causâ, vel aliunde excitatâ. Præter ipsius seminis malam constitutionem, existimant Arabes eos vt plurimum ab ortu Elephanticos euadere, qui fluentibus adhuc mensibus vel fluere paratis concepti fuerint, propterea quod ingens malignorum humorum copia in vtero tunc continetur, quæ in materiam & augmentum fœtus facessit. Quæ res fortasse Mosem impulit, vt Iudæis contactum vxorum interdiceret, priusquam à mensibus absolutæ ac repurgatæ fuissent. Post ortum autem generatur Elephantiasis, vel ex contagione, aut sine illâ: Contagionem inferunt contractus & conuictus leprosum frequens, communicatis per halitum aut compotationem in eodem scypho mali seminariis, vel per coitum (*Vide historiam Gordonij 48.*) cum Elephantico aut Elephanticâ, aut muliere, cum quâ nouissimè infectus coierit, semine adhuc in vtero existente, quia tunc reſeratis admodum spermaticis vasis, facile est labem istam ad iecur cum spiritu deferri. Vestes item & lintea Elephanticorum diu gestata, in paratis præcipuè ad hunc morbum, illius generationem induxerunt, sed potentissimè contagium hoc deferre potest lactis vsus hac malignâ labe infecti, si quidem nutrix Elephantica puero quamuis bene sano mammam præbuerit: Vnde cauissimi esse debent parentes in eligendis puerulorum alumnis, ne videlicet molliora hæc corpora ab impuris nutricibus contaminentur. Sic igitur generatur Elephantiasis per traducem seminalis materiæ, vel fomitis contagiosi. Sine contagione autem exoritur aliquando ex causâ superiore, & metaphysicâ, quando videlicet iustâ Dei vindictâ foedissimus hic morbus certis quibusdam hominibus immittitur, absque vllò inferioris causæ saltem apparente concursu: Qualem fuisse lepram putandum est, quæ Iudæos torquebat, *Leuitici 13. & Num. 5.* utpote cuius sanatio ad Sacerdotes potius & sacrificulos, quàm ad aliam opem referebatur. Vel fit à causâ inferiore & manifestâ, cuius potestas excitat vel gignit continentes huius morbi causas, nempe intemperiem visceris & humoris atrabilarij malignâ qualitate infecti copiam. Illa autem ad tria capita, more nostro referri possunt, rerum nimirum naturalium, non naturalium, & præter naturam.

Quicumque igitur temperamento sunt putredinoso, valde sanguineo aut atrabilario, quibus hepar siccius cum calore & ventriculi cruditate, aut lien infirmior, minus aptus defæcando sanguini: qui tetrum ex ore, naribus, & axillis halitum effundunt, illi certè valde sunt parati ad Elephantiasin, ac proinde sibi diligenter cauere

cauere debent, exacta victus & medicamentorum ratione; potissimum ubi vigesimum ætatis annum attigerint, usque ad sexagesimum, quia tunc sanguinis corruptela, ebullitiones, & impuritates atrabiliarie contingunt ob iecur intemperatius, quod in pueris adhuc benigno humorum nectare diluitur, in senibus verò & inclinantis iam deferuit. Hoc etiam morbo nisi ex femine pendeat, minùs tentantur mulieres quàm viri, tum propter earum humiditatem propriam, tum ob purgationem illam menstruatam, quâ sanguinis massa defæcatur commodissime. Verùm concursus causarum illarum externarum & rerum non naturalium, hîc plurimum potest, tum ad suscitandam Elephantis dispositionem, tum perfectionem illius accelerandam: sic aër putrilaginosus & inquinatus, ut stagnis & paludibus vicinior, vel siccus nimium & feruens maxime valet ad viscerum temperiem corrumpendam, & exurendos humores. Vult Aëtius extremè calidas regiones & frigidas plures Elephanticos habere: illas quidem sanguinem deassando, has autem cogendo ad interiora, & perspirationem impediendo. Cui tamen contrarius esse videtur Galenus, dum ait, Elephanticos nullos apud Scythas, Germanos, Mysios, & similes nationes versus polum habitantes reperiri. Quod ita conciliari potest, si dicamus per se quidem frigidam aëris constitutionem Elephanticos minime gignere, posse tamen ex accidenti, tum ob rationem ab Aëtio prolatam, tum ob ingluuiem & generosorum vinorum ingurgitationem, quâ tenentur illi qui gelidas mundi partes habitant: unde frequentes in Belgio & Germaniâ Elephantici hodie videntur: & ipsemet Galenus *lib. II. de simpl. med. facult.* Mysij cuiusdam Elephantici historiam in medium adfert. Ut aër igitur, sic importunæ vigiliæ, & exercitationes, somnus immoderatio, & otium humores exsiccando aut congerendo, animi pathemata vehementiora conturbando sanguinis massam, magnum huic morbo momentum adferre possunt. Vacuationes autem solitæ per vterum, per hæmorrhoidas, aut diarrhoeas periodicas, si supprimantur, confertim in corporibus impuris materiam sæpe & integram generandi illius occasionem suppeditarunt. Sola seminis vacuatio ad Elephantiam paratis videtur noxia, quia benigna hæc substantia intus retenta coercere potest siccitatem & acrimoniam partium & humorum, ac humidi primigenij quantitatem augere, unde eunuchos nullos elephanticos esse factos, & in quibus elephantiasis quædam notæ apparent, si castrati fuerint, non ultra procedere asserunt. Denique assumpta, cibi, potus, medicamenta, & venena, tam propriis suis sustantiis, dum cacochymia illius sunt participia, quàm qualitatibus manifestis & deleteriis, immutando statum temperamenti partium, & nutritionem corrumpendo, hunc affectum induxerunt. Narrat Galenus de Alexandrinis, eos valde fuisse obnoxios Elephantia, tum ob aëris feruorem & impuritatem, tum ob malam viuendi rationem quâ utebantur, vinis scilicet generosis & crassioribus, piscibus, lacte, caseo, carnibus asininis, & similibus, multo sale aut pipere conditis, in vnâ eademque mensâ sumptis, quæ nos postea accuratius recensebimus, dum Elephant. dietam præscribemus. Virulenta etiam dicuntur esse multa, quæ cibo aut potui permixta lepram hanc accersere existimantur. Quibus relictis, concludamus non solum res naturales & non naturales à nobis recensitas hoc præstare posse, sed etiam constitutiones præter naturam, ut sunt intemperies totius & partium malè curata, & per quas magnus fit vitiosorum humorum *Κυαδρσιμὸς*, obstructions viscerum, potissimum lienis & vteri, putrilagines, & similia. Sic febres quartanæ, diuturniores, lues Venerea malè tractata & rebellis, pulmonis corruptela, catarrhus putridus, suppurationes internæ, originem huic morbo sæpe dederunt, concurrentibus potissimum causis externis, & malâ victus ratione iam dictâ, vel saltem natiuâ hepatis caliditate, aut ad elephantiasin inelinatione. De cuius causis hæc sufficiant, nunc ad *διαγνώσιν* & *πρόγνωσην* progrediamur.

SIGNA ELEPHANTICORVM, AC EORVM IUDICIA. Coniungemus Elephantiasis diagnosin & prognosin, quia ex cognito affectu incipiente vel confirmato, intelligitur etiam quid sperandum sit de curatione aut salute huius morbi: ac proinde sequetur Elephantorum iudicium, quia in deplorato & contagioso hoc affectu, solet exposci suprema Medici sententia quasi decretum, ut eiusmodi ægri sanorum consortio arceantur.

Quod ad diagnosin itaque spectat, inquirenda hîc, ut solet, pars primariò & secundariò laborans, causæ affectus humorales, & natura affectus, siue illius magnitudo aut paruitas, *χρῆς* vel *ἔξῃς*, quàm Practici nostri dispositionem &

actum incipientem aut perfectum appellant. Quamuis igitur hepar in elephantiafi perpetuò laborare dictum sit, quia tamen noxa ab aliâ quadam parte exoriri potuit, ideò videndum diligenter quæ sit illa, quoniam hoc ad therapeiam multum confert: Nusquam enim curabitur secundarius affectus, nisi is à quo pendet in primis fuerit sublatus. Lienis itaque, vteri, & similibus partium vitia quæcunque huic morbo primam originem dederunt, ex propriis suis signis sunt agnoscenda, quæ si Elephantiasin præcesserint, aut simul cum eâ aucta fuerint, denotant primariam labem ex hac veluti regione in hepar & reliquum corpus profectam deriuatamque fuisse: sin minus hepar primario teneri vitio erit censendum, omnisque in illud cura ac consideratio Medici conuertenda erit. Quæ verò causæ siue in ortu, siue post ortum, huic affectui fomitem & ansam præstiterint, recensendum ex accuratâ rerum naturalium, non naturalium, & præter naturam iam à nobis propositarum enumeratione: ex quarum naturâ & effectis colligere etiam erit, quis potissimum humor in elephantico domineatur, siue ex cuius succi permixtione atrabilarius diluatur, qui proxima est Elephantiaseos causa. Vt igitur ex temperamento natiuo totius & partium, præcipuè verò ventriculi, iecoris, cordis, ætate, sexu, consuetudine, vitæ genere agnoscitur humoris proprii dominatus: sic ex actionibus variis, excretorum varietate, qualitatibus mutatis, prægressis morbis & symptomatis, illud idem datur intelligere: potissimum verò ab efflorescente foris colore, qui conditorum intus humorum naturam referre solet. Præterea à motu siue feritate ipsius morbi. Qui enim ex multo sanguine aut pituitâ Elephas constat, ille tardiora habet sua incrementa, mitiora symptomata, magisque therapeiæ & conuenientibus remediis cedit: Qui verò ab atra bile proficiscitur, quam exusta melancholia naturalis vel flaua peperit, omnia habet atrociora, vehementiora, & minus curationi idonea. Inter hos autem duos humores, vt exusta melancholia ob crassitiem suam & tenacitatem: sic torrida bilis ob penetrationem & orgasmum magis pertimescenda.

Quicquid sit, cum affectus iste à Practicis in dispositionem & actum diuidatur, quæ rursus partes habent suas ac tempora, pro magnitudine vel paruitate illius: Ideò vnique suæ sunt assignandæ notæ, ex quibus futurum iudicium & prognosis stabiliatur. Deplorati enim habentur, quicunque morbo hoc iam perfectionem adepto detinentur: tum propter vitium & corruptelam partis nobilis, ex cuius errore tota inficitur humorum massa, & nutritio peruertitur; tum quòd morbus iste sui tunc solum significationem in externis præbet, quando in visceribus (velut domo Plutonis, inquit Aretæus) firmissimas radices egerit: ac proinde à Magistratu post latam Medicorum sententiam, in loca remota, illisque dicata ablegantur, quia incurabiles habentur ope humana, & contagiosi reliquis existunt, quos suo commercio contaminare possent. Quâ in re, magnâ sanè prudentiâ, consilio, attentione vtendum est Medico rerum harum exploratori, ne imprudentiâ & incautâ iudicandi ratione, aut eos exilio tradamus, qui intacti hac pestiferâ lue sunt: aut eos qui infelici euentu in hanc inciderunt, liberos agere & cum populo versari sinamus. Alterum enim inhumanitatis, aliud impietatis est.

Dispositionem itaque siue propensionem ad Elephantiasin ostendent rerum naturalium, non naturalium, & præter naturam constitutio siue concursus ad generandam atram bilem venenatâ hac labe contaminatam, in eis potissimum, quorum familiæ tale quid olim, vel in præsentia contigisse constabit, & qui sui negligentes incauto victus genere vtuntur. Quòd si iam emergant symptomata quædam ex synathrismo prauis illius humoris in corpore geniti, malus videlicet color in facie seu gutta rosacea, scabies immunda & rebellis, cum impetiginibus, odor grauis & hircinus, tibiæ inflationes carnosæ vel varicosæ, totius corporis pondus cum lassitudine spontaneâ, & vlcerosâ, vehementior ad coitum imperus, sitis molestior, & alius admodum resiccata: tunc dispositionem actui propinquissimam genitam esse certum est, vel actum incipientem, vt vocant.

Vbi vero teterrima hæc lues per totum corpus effusa fuerit, & externum habitum inuaserit, præcipuè verò in facie signa illa popularia, velut partæ iam victoriæ vexillum fixerit: dicitur actus lepræ siue elephantiaseos compleris, qui non prius miseros hosce homines deserit, quam crudelissimæ internecioni, per spirituum & temperamenti nobilioris integram euerfionem, foedissima vlcera, ac extremitatum casus, vel aliquando subitam suffocationem tradiderit. Vt igitur istorum omnium certior ratio constet, trademus specimen iudicii illius & indagationis

gationis quam solent celebriores Medici in bene institutis Rebus publicis habere, dum Elephantici publicè examinantur, vel etiam priuatim, quando capiunt ab eisdem certiores fieri de præsentis corporis constitutione:

Cùm itaque omnia signa, vel ad causas referantur, vel ad effectus rei significandæ, ex quorum præsentia adesse, aut eorundem priuatione abesse intelligitur: Ideò hoc ordine procedere debemus, vt primum causas omnes quæ Elephantiasin parere possunt, diligenter expendamus & sciscitemur: postea effecta, hoc est, ea omnia quæ eiusmodi affectum comitari aut subsequi consueuerunt, attentâ animi consideratione contemplemur, vt ex his tandem iustam sententiam & minimè fallax iudicium ferre possimus:

Imprimis igitur Medicus, habitâ secum temperamenti totius & partium in proposito ægro ratione, inquirat diligenter ab adstantibus & notis, si qui adsint, vel etiam ab ipso fidem postulet, vt de parentum incolumitate aut inquinatâ naturâ verum fateatur: Nihil enim quicquam ad mali huius inferendam noxam tantum valet, nihil æquè hominem ad eam excipiendam præparat, quàm seminis vel menstrui sanguinis corruptela: sunt enim illa primordia generationis nostræ, quibus & temperiem & partium conformationem acceptam referre debemus: Postmodum de eis inquirendum erit, quæ contagium inferre posse diximus: Num videlicet lacte impuro & inquinato nutricis elephanticæ, vestibus leproforum aut eorum conuictu & longâ consuetudine vsi sint, vel immundo se concubitu cum illis miscuerint: Ex his enim facile est labi in Elephantiam *ἑλφάντιον*. His propositis, regionem quam habitauerunt, aut ex quâ sunt oriundi, considerare oportet, & vtrum ibi familiaris ac vulgatus sit hic morbus, rescindendum: Necnon quibus alimentis vsi fuerint, percunctandum: quibus artibus & exercitationibus corporis incubuerint, vtrum vitam ærumnosam vigiliis, curis, & angoribus obnoxiam duxerint, habuerintque solennem aliquam & assuetam excretionem, potissimum verò menstrui sanguinis aut hæmorrhoidum, quæ postea subito & insolenter suppressa fuerit: Denique an morbis quibusdam prius laborarint, lue venereâ, ictero, obstructionibus viscerum, febribus diuturnis, potissimum quartanis, & similibus, quibus humorum temperies & natura corrumpi solet. Ex his enim concessis vel abnegatis euadet certior ratio stabiliendi futuri iudicij: quod tamen ex ipsâ effectuum siue signorum apparentium constitutione potissimum repeti debet, quæ quod quid est, siue morbi naturam, velut proles parentem, certius detegunt.

Huius autem morbi, vt & aliorum sua sunt signa *παθὸν ὑποκρίνεται* & *ἑλφάντιον* seu *ἑλφάντιον*, propria scilicet, & communia: Practici vocant vniuoca & æquiuoca, peculiariter in hoc affectu: Vniuoca autem quæ omni Elephantiasin, perfectæ scilicet, soli & semper sunt propria, in facie constituunt, siue hoc contingat ex occultâ quadam *ἐνὶ τῷ αἵματι*, seu potius quod partes faciei, vt dicebamus, facilius excipiant motum cuiusuis humoris, vt patet per animi pathemata, & externæ aëri expositæ densiores euadunt, ac proinde minus exhalationi idoneæ, citius aliis & certius hanc noxam persentiscunt, & notam omnibus faciunt. Quod singulari etiam naturæ prouidentia factum esse putandum est, quæ inquinatos eiusmodi ac contagiosos affectus voluit esse ex vultu notiores, quò erant reliquis hominibus & societati perniciosiores. Attamen si quod sentimus, liberè sit pronuntiandum, censeo ego signa illa quæ ex qualitate sanguinis, granulis sub linguâ (*Qui porcorum salubritatem exploraturi sunt, ex solis sub linguâ granulis illud denuntiant.*) & toto corpore scatenibus, insensibilitate extremorum aut interscapulij, inuiolato cerebro & motu, non minùs esse propria & pathognomonica huius affectus, quàm quæ in vultu visuntur, quandoquidem illius essentiam proximè consequuntur, aut in nullis aliis morbis, nisi fortasse admodum rarò reperiuntur. Ne quid tamen innouare videamur, ea solito ordine proponemus.

Exploraturus ergo Elephantieum Medicus, primum coniiciat oculos in propositi hominis faciem & totum caput, vbi sex vulgata signa perlustrabit, vtrum videlicet adsit Oculorum (*Αρεταὺς, Oculi*, inquit, *sunt caliginosi & auei coloris*.) & aurium rotunditas, vel aurium potius oblongatio, vt grandiores solito existant. Secundò profluum pilorum ex superciliis, cum eorundem tuberositate. Tertiò, expansio narium externa, strictio verò interna, & cartilaginis mediæ consumptio.

Quartò labiorum crassities, cum fœtore & graueolentiâ oris. Quintò vox rauca & quasi catulina perdurans cum oppressione & spirandi difficultate, sine vllâ tamen catarrhi suspitione. Sextò aspectus ille fixus, toruus & horribilis, quo maximè populo metum incutere solent. Hæc enim fiunt à vitiatâ nutritione ob humorem crassum & retorridum, qui assimilari aut discuti nequit; Et sine his aut quibusdam illorum apparentibus, nullus perfectè leprosus, aut sequestrandus iudicari debet, quoniam quotquot sunt qui de hac re scripserunt autores, illi omnes in eo consentiunt, certissima Elephantiaecos signa ex vultu esse repetenda.

His ita perlustratis, conuertenda oculorum acies ad totum corporis habitum, quem nudato corpore reus hic noster exhibebit: ibique feriatim æquiuoca signa perquirenda; color primùm cutis, & eius superficies spectanda: Etenim in Elephantiacis color tenebricosus & nocti similis, quem morpheatum vocat Guido, apparere consuevit; qualis in vitilagine, quam ἀλφὼν μέλανα appellant Græci, ob prauum & nigricantem succum quo cutis aspersa est. In superficie verò illius crispitudo quædam & inæqualitas implumi anseri non absimilis, vel etiam desquamatio quædam, & veluti fursuracea ramenta, quæ ex eâ decidunt, ob siccitatem & acrimoniam humoris. Quòd si præter ista in summo corpore appareant fœdæ scabies, & exulcerationes, vel pruriginosi herpes, magnam profectò aut impendentis mali, aut iam instantis coniecturam præbent, quoniam vitiatos succos redundare, & ælricem facultatem à suo scopo aberrare demonstrant. Sub cute verò paulò altius latitare solent tubera, & veluti verrucosi tumores, qui etiam sub lingua, palpebris & auribus reperiuntur, ex malè assimilato alimento, quod in grandulosas istas renitentias faceffit, nec per membri poros & substantiam extendi potest. Volunt etiam super Elephantiacorum cutem aquam respergi, quoniam ob crassiorem cutem, & excrementorum aerium fuligine obductam, velut vinctuosi apparent, & pinguedine quadam delibuti. In eadem cute, potissimùm verò capitis, considerandi capilli, utrùm deciderint, & in eorum locum tenuiores quidam, velut lanugo renascantur: Nam per eiusmodi affectum corrumpitur pilorum materia, vnde ob alimenti commodi penuriam decidere eos omnino necesse est, & ob partis imbecillitatem, ac pororum attenuationem flaccidiores renasci. Verùm hæc etiam extremitates non negligendæ, artus scilicet; nam plurimùm in Elephantiacis fiunt contractiones digitorum in pedibus manibûsque. Item consumptio ingens & stupenda musculorum pollicis, quos thenar & hypothenar vocant, quoniam atrophia in eis maximè partibus apparet, quæ quotidiano labori & officiis subministrant. In eisdem partibus, vt etiam circa dorsum, contingit tantus stupor & abolitio sensus tactus, vt si acu aut stylo partes illæ compungantur, nullo modo persentiant. Cui ego signo magnam esse adhibendam fidem puto, quia denotat ita immutatam esse temperiem partium externarum, ob malignitatem alimenti, vt amplius non possit esse aptum medium ad percipiendam vel deferendam dolorificam speciem sensui communi. Cùmque cerebrum parum hîc patiatur, & motus sit integer per totum corpus, vt iam diximus, videtur mihi hæc nota inter præcipuas, vel etiam proprias referenda. Reliqua verò signa parui sunt momenti, vtpote quæ vel per se non pateant, sed ex relatione ægri sunt intelligenda, vel certè aliis morbis valde sunt communia: vno tamen excepto, quod ex sanguine eorum per venæ sectionem misso petitur: Nam sanguis thrombosus, niger, aut liuens, in cuius fundo velut cineres aut arenulæ persentiuntur, admodum manifestè ostendit naturam succi illius atrabilarij & venenati redundantis. Vrina verò tenuis, alba, & cineritia, fallax omnino & incertum censerî debet signum: talis enim plerumque in lienosis, quartanariis, viscerumque obstructionibus apparet; nec semper talis in Elephantiacis reperitur, nisi eis in quibus morbus à scirrho vel obstructione inceperit. Minus adhuc fidentum ardoribus, & sensui puncturæ acuum simili, quem persentire dicuntur, quoniam biliosis hominibus & quibuscunque vlcerosa lassitudine tentatis obrepere potest. Sic quòd insomniis grauibus & formidolosis terreantur, quòd moribus sint calidis & dolosis, id quidem succi melancholici redundantiam, sed non Elephantem designat. Sicuti pulsuum debilitas, caloris natiui extinctionem aut suffocationem ostendit, quæ eodem modo in omnibus infirmis reperitur: nec eam in Elephantiacis adesse puto, nisi iam consumptis & morti propinquis. Quòd etiam dicuntur rarò febricitare aut leuiter ob incinerationem humorum, parum etiam habet momenti ad propositum affectum significandum. Sed tota vis posita est in primariis illis signis à nobis recensitis, ex quorum comparatione,

paratione, multitudine aut paucitate, intensione aut remissione iudicium est stabiliendum: Vt si quidem vnum aut duo signa vniuoca, eaque intensa cum pluribus æquiuocis concurrant, vel vnum aut alterum æquiuocum cum pluribus vniuocis, magnam faciant fidem ad pronuntiandum de Elephantiasi. Quâ in re neque festinanter nec inconsideratè progrediendum, sed maturè & cum iustâ deliberatione propter pericula & calumnias, quæ inde exurgere solent. Vel etiam si adhuc dubitas de vero propositi affectus statu, differatur sententia in proximum ver aut autumnum, vt nouo deinceps examini commissa res certius explorari valeat.

Tria autem iudiciorum genera solent ferre Medici in hoc casu. Primum vocant absolutionis, quando ob stultam & ineptam suspicionem, aut malitiosam inuidiam, quidam pro elephantiscis accusantur, qui nulla eiusmodi labe affecti sunt, talesque literis testimonialibus declarantur. Secundum, suspensionis siue comminationis, quando videlicet plurima signa elephantiscæ dispositionis, aut certè incipientis actus sese offerunt, propter quæ grauiter monemus eos, vt prophylaxi vtantur diligentissimâ, sibi quodammodo temperent à vulgari & publicâ hominum frequentia, donec accuratius fuerint examinati. Tertium dicitur sequestrationis siue separationis, vbi elephantisci confirmati blandis prius verbis consolati, iubentur omnino secedere ab hominum commercio, & in publicis nosocomiis sese continere, tum ne alios inficiant, tum etiam vt sibi per loci illius solitudinem & aëris salubritatem consulant, vt postea dicemus. Nunc igitur ad therapeiam accedamus.

PRÆSERVATIO ELEPHANTICORVM. Magna est inter Dogmaticos & Paracelsistas Medicos controuersia de curatione elephantiascos: his quidem perfectam istius affectus sublationem & therapeiam audacter pollicentibus, magistri exemplo & autoritate, qui se duodecim elephantiscos sanitati restituisse gloriatur: & asserit aurum potabile esse certam antidoton elephantiascos, quâ reparatur balsamum naturale per illam destructum; Addit & liquores margaritarum, oleum seu extractum antimonij, ad perfectam curationem facientia. Eodem modo videtur Galenus istis assentiri, dum historias illas proponit elephantiorum, qui vini viperini vsu perfectè liberati sunt, exutâ cute velut spolio quodam serpentis: necnon Fernelius magnæ vir autoritatis, *lib. 2. de abditis rerum causis*, scripsit non deesse elephantiasi suum & proprium alexipharmacum, quamuis nondum repertum. Quod si hoc sit, sequitur eiusmodi alexipharmaco ex proprietate & vi occultâ agente, teterrimum hunc morbum propulsari posse. Dogmatici verò rationibus & certâ demonstratione ducti contendunt perfectam elephantiasin, & quæ ex ætate adepta fuerit, nullo modo ad integram curationem perducì posse: etenim principum partium, potissimum nutritioni dicatarum intemperies altius impressas, immedicabiles esse, ob eam potissimum causam existimant, quod cum perpetua sit in corpore nostro alimonix necessitas, quæ nonnisi illarum subsidio perfici potest, sit vt talis necessariò exurgat materia alibilis, qualis est contracta in parte nobili labe: ac proinde ex perpetuâ hac & perenni causæ morbificæ generatione, non solum illa pars primariò laborans, sed & reliquæ ferè omnes contaminantur. Imò medicamenta tam alterantia quàm purgantia, priusquam viribus suis integris in morbum agere possint, maximè inficiuntur: Sic hydropem confirmatum, epilepsiam inueteratam, hæcticas cordis intemperies, veterem arthritida, &c. quotidie immedicabiles esse experimur. Quid igitur sperandum de elephantiasi, in quâ præter vulgaram qualitatem, venenata labe coniuncta est, quâ totius corporis œconomia miserrimè euertitur & indies colabascit, priusquam æger de morbo ferè conqueratur? Adde quod materia illa quæ gignitur, & per omnes partes expanditur, per se insuperabilis curatu existit, vt patet in scirrho, in cancro, & similibus tumoribus, vnius vel alterius partis. Quanto ergo magis, vbi semel in totum diffusa fuerit, & facultatum naturalium *νεκρὸν* & robur in singulis membris immutauerit?

Rectè Aretæus, morbis, inquit, quod dissoluantur, æqualia vel maiora esse remedia opus est. Sed quænam excogitari medela poterit, quæ perfectum elephantem & tam ingens malum expugnet, cuius effera lues non solum in penetralibus totum hominem occupat, sed & exterius totum amplectitur: (*Ἀνατὸν τῆς βῆτις καὶ τοῦ ἀνθρώπου, ὅς ἐστι μακρὸν, δυσχερὲς, ἀνίατον*?) Nullus certè, nisi fortasse quis magnificus chymista possit, vel hepar hominis elephantici tollere, & melius aliquod in

illius locum restituere : vel ablatum omnem sanguinem cum iecore in alembico quodam purificare, dum alius interea instillabitur, quo vita conseruetur. Nusquam enim balsamum illud aureum, poterit in deperditi naturalis locum succedere, & illius iacturam refarcire; donec impuritas tota quæ vndiquaque scatet, sublata fuerit. Neque dubitamus aliquos Elephanticos aliquando viperarum usu, aut alterius remedij sanatos fuisse, sed qui nondum confirmati essent, aut certe quorum exteriora magis erant in vitio, ob robur facultatis expultricis foras materiam illam propellentis, quam interiora, & sic Paracellsum imposuisse, dum homines simplici leprâ, vel psorâ, aut certe leuiori elephante correptos, pro confirmatis elephanticis habuit, & de eorum curatione velut perfectæ elephantiaseos, gloriatus est. Nec etiam negamus, elephantiasin omnino suis alexipharmacis destitutam, sed quibus non semper restituitur salus, quemadmodum nec sumpta bezoardica semper à veneno liberant, si quidem vel tardius fuerint sumpta, vel quando vis deleteria potentius cordi impressa est.

Dicamus itaque inclinationem siue propensionem ad morbum hunc euitandam esse, adhibita præcautione diligenti, causarumque omnium remotione, aut melius permutatione quæcunque illius generationi operam præstare possunt: & hæc est vera prophylaxis. Incipientem verò morbum seu fientem & ad incrementum properantem, compescendum, tum causarum suarum, & geniti humoris maligni sublatione, tum intemperiei ipsius & venenatæ qualitatis correctione. Et hæc est prophylaxis curatoria, quæ fientibus morbis debetur, huic proposito morbo etiam consentanea. Confirmatum verò elephanticum velut deploratum à Medico non esse attingendum, sed potius in solitudines & loca auia relegandum: Vel certè, si manus auxiliares efflagitet, quemadmodum in magnatibus & aliis præstantioribus viris solet, vitandæ ignominie & separationis causâ; intendatur correctioni symptomatum, & mitigationi affectus, quam nos *ἐμμεγεσνύω*, Barbari palliationem appellant. Erunt igitur duæ istius nostræ medicationis partes: Prima elephantis duplicem præseruationem persequetur: Altera autem mitigationem seu correctionem accidentium, quibus frequentius torqueri solent.

Cum itaque morbus hic essentiam suam habeat positam in sicciore calidioreque hepatis intemperie, cum venenati & melancholici humoris per totum corpus redundantis procreatione; unde tot symptomata & cutis foeditates proficiuntur: Sequitur succum hunc velut primariam causam, iecoris intemperiem augentem vel fouentem, & cæteras affectiones producentem, tollendum esse, illiusque generationem impediendam. Hoc autem fiet, si quidem in primis omnes causæ, quæ ex victus ratione seu rebus non naturalibus dictis pender, in contrarium illi statum dispositæ fuerint: Antecedentes verò quæcunque in corpore fuerint, vt lienis obstructio, putredines partium nutritioni dicatarum, & similes emendatæ: necnon iecoris *ἀνέστη* conuenienter temperata, & ad mediocritatem deducta fuerit, vt talis amplius humor non producat: genitus autem alteretur conuenienter, & vacuetur tam ex primâ & secundâ corporis regione, vbi potissimum stabulatur, quam ex tertiâ & habitu corporis, vbi vitia illa externa committit; per accommodatas *καθάρσεις* & *διουρησάσεις*, vt purgationes, phlebotomias, scarificatus, balnea, vnguenta, & similia à nobis deinceps secundum hæc indicationes proponenda, ducto à victus ratione exordio.

DIÆTA ELEPHANTICORVM. Victus ergo Elephantorum, eorumque qui ad hunc morbum propensi sunt: quod ad substantiam suam attinet, facilis sit coctionis & boni succi, nullo modo generationi humoris atrabilarij accommodatus, nullâ putrilagine aut sorditie infectus: Rectè enim Aretæus, escam eorum vult esse mundam & simplicem, vt boni humoris esse possit procreatrix. Quoad qualitates, humectet in primis, vt sanguinem dilutiorem & temperatiorem reddat; refrigeret autem plus vel minus, prout iam maior caliditatis gradus inductus fuerit, & natura humoris magis ad hunc aut illum accedet. Si sint obstructiones & primarum viarum infarctus, attenuet modicè & aperiat sine insigni calore. Quoad quantitatem, mediocris sit, certâ lege, tempore & ordine sumptus, vt neque propter defectum exurantur humores, nec propter redundantiam corrumpantur. Utantur itaque pane puro & similagineo recenti, cui tertia pars hordei vel secalis ad humectationem maiorem addita sit. Carnibus recentibus veruecinis, virulinis, hoëdinis, pullorum iuniorum, columbarum & gallinaceorum. piscibus etiam

etiam laudatissimis fluuiorum, fontium, & pelagi, quos saxatiles vocant, supra craticulam coctis, deinde omphacio, aquâ rosaceâ, pauco aceto, & butyro præparatis: ouis recentibus & sorbilibus; oleribus refrigerantibus & humectantibus in iusculo coctis, ut cichorio, borragine, acetosâ, endiuia, lupulis, asparagis, lactucâ, maluâ, spinachiis, addendo parum petroselini, si obstructions adsint. Iuscula ex illis humectantia, hordeata, amygdalata, auenata & similia. Conferunt etiam fructus humectantes & aluum soluentes primâ mensâ sumpti, ut melones, pepones, cucurbitæ, cerasa acidula, vux maturæ, pruna Damascena, & alia *ægia* dicta, potissimum verò poma tam cruda quàm cocta, odorifera, & bene matura. Quamuis enim multi eiusmodi oporinos fructus reiiciant in Elephanticis ob facilem putredinem, magis tamen probo sententiam Aretæi, illos concedentis ad diluendum sanguinem & excrementa alui deturbanda, quæ frequenter in illis retineri solent. Idem dicas de lacte & reliquis lacticiniis, quorum vsus maximè utilis esse hîc potest ad humectandum, dummodò in ventriculo non corrumpantur. Ac proinde sola assumi debent, ne permixtione aliorum ciborum diutius retenta putredinem concipiant. Oleo, butyro, & aceto mediocriter vtantur: illa enim ob inflammationem facilem quam concipiunt, hoc propter exsiccationem vitandum.

Vitent etiam omnia piperata, artocreata, salsa, frixa, aut furno indurata, quia analogiam habent cum humore atrabilario, ut legumina omnia præter ius cicerum; allia, cepe, porrum, nasturtium, & reliqua olera aciora. Item panem atrum, azymum, & malè coctum, caseum antiquum & acriorem; carnes grandiorum animalium, suillas potissimum, quoniam sues hoc morbo frequentissimè tentantur; bouinas, leporinas, ceruinas, aprinas, caprinas, & veterum veruecum, ut auium omnium palustrium: Pisces ceraceos & glutinosæ substantiæ, potissimum sale aut furno induratos, moluccam videlicet, mœnas, sardinas, thunnum, & similes vulgatos in alimoniam miseræ plebis. Vrantur potu eisdem qualitatibus prædico, aquâ videlicet fontanâ si fieri possit, aut saltem purissimâ, in quâ infundere potes borraginem, lupulos, capillum Veneris, radicem acetosæ, & similia, quibus magis apta ad expugnationem huius affectus reddatur. Vel si magna feri caprilli quantitas haberi possit, ex eo sitim largiter restinguant. Aut in assuetis concedatur parum vini oligophori, albi, aut tenuioris, vitando dulcia vina, crassa & austera, ceruissiam, & similes potus impuros. In valde consumptis elephanticis laudant Practici esum ranarum & testudinum nemoralium, aliudque omne regimen, quod in hecticis obseruare consueuimus.

Quod, ad aërem & loci *κατάστροφην* spectat, in hoc, quemadmodum & in aliis morbis longis, soli mutatio commendatur, quia ex contrariâ aëris, aquarum, reliquorumque alimentorum constitutione, infringetur facilius ferocitas illius. Imò etiam Aretæus consulit illis mare & nauigationem, tum ut maxima excrementorum copia per vomitum qui nauigantibus est familiaris, excludatur: tum ut cœlum ipsum & contrarius aëris status eos afficiat. Saltem eligant loca habitationis amœna & perspirabilia, procul ab omni illuuiè & sordibus: quas diligenter vitabunt, mutatis sæpè vestibis & reliquo amictu, ne virulentas illas cutis expirationes colligant. Imò utile erit, si riui cuiusdam præterfluentis sint accolæ, tam ad supellectilem omnem diligenter mundandam, quàm corpus ipsum frequenter proluendum: ibi igitur cum omni iucunditatè, procul à curis & mœroribus, omnique irâ ac perturbatione animi habitent. Dulcissimo potiantur per noctem somnio: leuiterque se exerceant de mane expergesacti, per deambulacra virentissima, absque vllâ fatigatione: vbi prius & sollicitè omnia corporis *νεκρώματα* per aluum, vesicam, nares, & alia emissaria, vel naturalia, vel artis beneficio comparata, excreuerint. Procul sint ab omni mulierum quas vehementer appetere solent; congressu, reique venereæ omnino valedicant, ne exhaustiatur benignior illa humiditas, quâ reliquum corpus temperatur, & ne humores exagitati, foras prorumpant & extuberent: Tantum enim in hoc præsidij esse positum vulgò censetur, quemadmodum iam dictum fuit, ut quicunque elephantici patiuntur castrationem, in illis non ultra progredi affectum dicant, & eunuchos nusquam elephanticos euadere, si prius non essent labe illâ infecti. His ita ritè constitutis, quod ad dietam spectat, deinceps de reliquis indicationibus & potentioribus remediis cogitandum.

REMEDIA CHIRURGICA ELEPHANTICORVM. Ingens hoc & crudele monstrum omni auxiliorum genere velut machinis diligenter expugnandum: Ac proinde videndum quibus remediis Chirurgicis indigeat ad vacuandum humorem noxium, & corrigendam intemperiem: Inter quæ in primis recensita fuit à nobis castratio, ad eneruandam scilicet coitus apperentiam & corpus humectandum, re-tentâ intus seminali materiâ. Quoniam verò ægrè eiusmodi operatio ab istis ægris admittitur, nec paruum imminet ex eâ vitæ periculum, potissimum iam ætate pro-uectis: idcirco de phlebotomiâ, vtpote magno remedio, grauioribusque morbis ap-posito, & de aliis, nunc est consequenter agendum. Nulli itaque dubium puto, venæ sectionem ad vacuandam maligni illius & corrupti sanguinis, in venis & secundâ corporis regione stabulantis copiam, conuenientissimam esse. Ac proinde gloria-rur Galenus *Aphor. 47. sect. 6.* se incipientem elephantem retardasse ac interceptisse, iteratâ purgatione & phlebotomiâ, singulis annis circa veris & autumnii tempus, quia sic tollebatur maior humoris vitiosi portio, quæ tepidiori aëris statu, in faciem & externum corporis habitum fuisset translata. Vtrum tamen semper conueniat, & ex quibus locis, non ita est apertum. Quidam enim putant in confirmato elephan-te, aut iam ingrauescente, nullo modo tentandam esse venæ sectionem, tum ob defectum virium præsentium vel futurarum, tum quia maior humoris maligni co-pia in cutem & exteriorē habitum iam est transmissa: vnde reuocari nequit ad in-teriora, aut non debet, ne subitam cordi & aliis nobilioribus partibus noxam infe-rat. Alij verò contendunt, nullum esse præsentius remedium ad intercipiendam morbi istius feritatem, quia misso sanguine minuitur causa morbifica, putredinis vis infringitur, & reuulsâ materiâ arcetur illa cutis fœditas, quam ægri tan-topere exhorrescunt. Adde quod suffocationis metus tollitur, quo etiam valde tor-quentur. Nos itaque istud ita distinguamus, dicentes, venæ sectionem elephantice conuenire plus minus: in rubro quidem & incipiente elephante magna sanguinis pléthora, constantibus viribus, iuuenili ætate, nihil esse præsentius, quàm mul-tum sanguinem mittere, sub veris præcipuè tempus, ex vtriusque cubiti venâ, necnon malleoli, si res ita ferat: est enim sanguis, vt loquitur Aræteus, ab in-temperato hepate confectus, vitij huius alimentum: quo copiosè detracto, in-tereâ, inquit, procurandum, vt conuenienti alimoniâ & cibis, melior & dilutior ge-neretur de nouo. Vbi verò istæ indicationes non adsunt, sed morbus hic ad re-torridam bilem, vel aliam cacochymiam magis accedit, venas habet minus ex-tenfas, vires infirmiores, progressu iam vltius morbo, & faciem deturpante, par-cius certè agendum, & à venis cubiti vel omnino abstinendum, vel vnica tantum aperienda, ad explorandum sanguinis vitium potius quàm integrè vacuandum. Ac proinde laudant meritò in fœdatis iam elephantice, Præctici, apertionem venarum extremarum, vt vtriusque saluatellæ, quæ inter annularem & minimum digitum ex-currit, frontis, nasi, iugularium, in metu potissimum suffocationis; hæmorrhoida-lium, vteri, malleoli, & similibus, quibus vires minus læduntur, & vitiosior sanguis extrahitur: natura enim impuriorem illius partem semper, modò id facere possit, ad extremos artus & cutem, tanquam ignobiles partes deponit.

Venæ sectioni succedanea esse possunt, hirudines pluribus corporis partibus admotæ, cucurbitulæ plures, scarificatus profundiores cutis inter scapulas, in cruribus aut natibus, necnon supra partes ipsas fœdatis, vt exhauriatur materia illa ab ipso corporis ambitu & circumferentiâ.

Præter hæc omnia, est etiam aliud remedium Chirurgicum valde in Ele-phanticis commendatum, quod setones vocant & cauteria; quibus velut emis-sarijs & fonticulis perenniter expurgari solent tetri ichores, & virulentia quæ in illis continetur. Albucasis itaque enumerat lxx. locos, in quibus ea vult affigi; quoniam, inquit, quò plura adhibentur, eò maius inde commodum per-sentiunt: Alij viij. vel x. enumerant, videlicet in vtroque brachio, vtroque crure, circa inguina, sub axillis, in summitate capitis, & in collo, inter primam & secundam vertebra, vel paulò inferius setonem transfigunt. Ego tamen delectum hîc etiam habendum esse censeo. Et si quidem intentio præ-cipua sit reuocandi materiam à superioribus partibus ad inferiores, tempe-randi hepar, & prouocandi menstrua vel hæmorrhoidas; contenti erimus cauteriis duobus, vtrique cruri iniustis, quatuor digitis sub genû; ex illis enim fluentibus proposita exurgent commoda. Quod si malum iam grauius existat, & faciei turpitudine appareat aut timeatur, commodum erit admouere

vtrique

utrique brachio & posteriori parti ceruicis, quò materia ad proximas partes deriuetur, vel ab ipso cerebro exhauriatur. Quod propter vim assimilatricem in ed labefactatam, valde excrementis, eisque putridis & malignis scaterè solet. Demum in superiori etiam parte capitis admoueri poterit, in concursu suturæ coronalis & sagittalis, quò rheumatismum impetus sistatur, & à facie auertatur. Atque his contenti simus, quoniam non satis tuta esse videntur sub axillis & inguinibus, ob ingentia vasa, quæ per illa loca excurrunt. Quòd si etiam ex aliis locis ichores eiusmodi exhaurire sit animus, præstabit hoc facile Medicus ad motis vesicatoriis & sæpius iteratis, quæ illud turò præstabunt, quia non inuadunt penitiores musculorum partes, vbi vasa implantantur, sed solum cutem exulcerant. Atque hæc de Chirurgicis remediis.

REMEDIA PHARMACEVTICA INTERNA ELEPHANTICORVM. Præcipua vis morbi istius posita est in congerie maligni humoris, & cacoehymia atrabiliaria per totum corpus exundantis, ex quâ intemperies hepatis fouetur & reliquæ partes vitiantur: adfunt & aliquando obstructions lienis & viscerum. Ergo purgatio hinc maximè ex vsu frequens & iterata. Alteratio per contrarias qualitates, apertio & re-feratio meatuum tam cutis quàm vinarum, reliquorumque corporis ductuum, corroboratio denique tam per medicamenta qualitatis manifestis agentia, quàm alexipharmaca & ea quæ proprietate quadam occultâ huic morbo competere experientia comperit.

Quod ad purgationem itaque attinet, vtrum valida vel benignior exhibenda sit, inter Medicos controuertitur. Quidam enim dicunt tam contumacem & penitiùs infixum humorem, non posse nisi mochlico quodam remedio & valentissimo deturbari, præcipuè cum magnis morbis magna debeantur remedia: vnde Aretæus helleborum in primis laudat, velut vnicum remedium vetustorum omnium morborum & firmis radicibus hærentium. Siquidem, inquit ille, igni facultate persimile est, & quod ignis exurens facit, eo plus veratrum interius discurrens operatur: videlicet facilem spirationem ex difficili, ex pallido colore floridum & ex macie corpulentiam: Sic Paracelsus antimonij varias præparaciones, velut præcipuas ad expurgandos elephanticos, extollunt. Alij contra timent in morbo contumaci, & materia malignâ tantam agitationem, quæ totum corpus calfaciet & conturbabit, parum autem de humore illo partibus iam infixis auellet. Ac proinde benignioribus quibusdam catharticis suadent sensim & minutatim esse attrahendum expurgandumque ne vires frangantur. Nos verò existimamus mediam viam hinc esse sequendam, nimirum tum robustioribus pharmacis interdum esse agendum, sub veris potissimum & autumnii tempus, præparato prius corpore & humore, ex summi Hippocratis consilio; *Aphorismi decimo tertio, sectionis quarto*, qui præhumectanda corpora vberiore cibo & quiete docuit, antequam helleborus exhibeatur. Sic enim fiet, ut nec nocere possit, & magnam morbificæ causæ partem excludat *ἀσπὴς*: vnde sperabilis est naturæ restauratio, quam rem benigniora & infirma cathartica præstare non possunt: Tum blandis etiam & benignioribus insistendum, quotidie ferè sumptis, ut loquitur Mesues, ad excrementa illa quæ indies succrescere solent, quasi postliminiò expurganda. His enim duobus sic institutis, impossibile est in corpore magnos humorum synathrismos fieri, quod hinc in primis est exoptandum.

Post iniectum itaque conuenientem clysterem sub veris initium, antequam succedente maiore calore humores ad superficiem corporis rapiantur, sectaque venâ ex præceptis iam à nobis traditis, instituat conueniens catharsis, humectato prius & renutrito bonis cibis corpore, qui respectum habeant ad atrabiliarios succos. Fiat itaque, si volueris, in hunc modum, potissimum in infirmis, qui validiores, & vnâ vice factas purgationes exhorrescunt.

℞ Rad. enulæ campanæ, acetos. liquir. rasæ, & polypod. querc. ana ℥ j. corticis rad. cappar. & tamarisc. radicum graminis (potissimum si adfint obstructions) an. ʒ vj. eichor. borrag. cum toto, fumar. maluar. mercur. lupulor. hepaticæ, capilli vener. an. M. j. melissæ & cardui bened. an. M. ss. folior. senæ mund. ℥ iv. myrobal. citrinor. & indor. succo fumaricæ confricat. an. ℥ ss. corticis hellebori nigri, (si reperiatur, vel illius loco esulæ præparatæ) ℥ j. agarici & hermodactyl. (vbi dominatus pituitæ contumacioris adest,) ana ℥ ss. santali rubr. & cinamom. electi, ana ʒ ij. spicæ nardi ʒ j. Fiat decoctio ad ℥ ij. in aquâ hordei, vel sero lactis caprilli.

In colaturâ dissolue syrupi de fumar. compos. & de cichoro cum rhabarb. ana \mathfrak{z} iij. Fiat apozema non clarificatum pro robustioribus, quod capiat in vj. dosibus matutinis. Quarum ultimæ addi poterit confect. Hamech vel elect. Indi maioris dimidia vncia, vel diasenæ solut. \mathfrak{z} vj. vel post absolutum prædictum apozema, capiat, vno die quietis interiecto, pilulas sequentes.

℥ Pilul. de lapide lazuli vt decet præparat. & sine quibus, ana \mathfrak{z} ss. pulueris hellebori nigri, & diambæ, an. \mathfrak{g} . v. Cum aquâ cardui bened. fiant pilulæ vij. quas capiat summo mane, sumendo duabus horis post, \mathfrak{z} vj. feri caprilli, vel iusculum pulli, cum herbis refrigerantibus. Alij configunt pomum vel raphanum frustulis hellebori aut esulæ, deinde decoquunt sub cineribus, post in aquâ cordiali infundunt, addendo parum syrupi capilli vener. aut de cichor. simpl. & sic propinant. Vel oxymelitis \mathfrak{z} ij. exhibent, in quibus per noctem \mathfrak{z} j. hellebori infusa fuerit, cum pauco puluere diambæ vel diamoschi.

Chymici verò vtuntur extractis suis hellebori, antimonij, esulæ, & similibus. Quæ omnia variare licebit pro diuersis constitutionibus hominum & locorum.

Sed quoniam diximus elephanticos, non vnicâ tantum aut violentâ purgatione indigere, sed quotidianâ ferè & familiari; quâ perennis malignorum illorum excrementorum prouentus expurgari possit: ideo paretur syrupus magistralis ex prædicto apozemate, quo purgentur singulis septimanis; vel opiata ex diasenâ; catholicone, & diaprunis solut. cum syrup. de cichoreo aut de fumarîâ, paretur in eisdem vsus. Mesues valde laudat puluerem epithymi ad \mathfrak{z} ij. cum sero caprillo, singulis diebus in aurorâ sumptum: Alij imperant feri vsum per totum ver & autumnum, in quo dissoluunt succum fumarîæ & borraginis; vel præscribunt eodem tempore decoctum pulæ vel hoedinæ carnis cum herbis dictis, radice graminis & lapathi acuti, cui incoquunt singulis ferè diebus senæ mundatæ \mathfrak{z} ss. epithymi P. j. feminum anisi & melonum, an. \mathfrak{z} ij. Si velis parare valde familiare catharticum ad illos purgandos, para vinum purgatorium in sequentem modum. Quamuis enim vinum quodammodo illis aduefrari videatur, quia tamen permixtione aliorum corrigitur, & cognitione suæ substantiæ melius insinuat in partes corporis nostri: ideo potest concedi in illos vsus, vt vinum viperinum.

℥ Folior. & follicul. senæ, an. lb ij. polypod. querc. \mathfrak{z} vj. myrobal. omnium, an. \mathfrak{z} j. agarici & rhabarbari, an. \mathfrak{z} vj. macis & mastich. an. \mathfrak{z} ss. gummi arabici, & fantali citrini, an. \mathfrak{z} ij. summit. fumarîæ & epithymi, an. \mathfrak{z} ij. corticis hellebori nigri, vel esulæ \mathfrak{z} j. zinziber. \mathfrak{z} ss. Hæc omnia simul tere & misce. Infundantur in s. q. vini albi tenuioris & oligophori per viginti quatuor horas: Post adde foliorum borraginis, buglos, capilli vener. florum violarum, & mali arantij, si reperiuntur, an. M. ss. passul. purgat. lb j. coriandri præparat. \mathfrak{z} ss. Bulliant parum. Postea colentur & seruentur in vase vitreo benè obrurato. Aut si sit tempus vindemiarum, bulliant in musto calente, donec deferbuerit. Et sic colatum recondatur. Quotidie assumatur plenus cyathus, horis iv. ante prandium. Exeat domo si voluerit. Quod si vini vsum pertimescas in constitutione calidiore;

℥ Succi fumarîæ, borraginis & pomorum redolent. depur. ana lb j. In his infunde folior. senæ lb ss. epithymi \mathfrak{z} j. tartari albi \mathfrak{z} ss. cinamom. \mathfrak{z} j. Coquantur, vt artis est, addendo sacchari q. s. Fiat syrupus, de quo singulis diebus vel alternis, capiat cochlearia duo vel tria, duabus horis ante prandium.

Quoties verò non incumbunt purgationi, diebus interualli sumant digerentia, alterantia, corroborantia, & similia, quibus prædictæ intentiones perficiantur. Syrupus de fumarîâ, vel de hepaticâ conuenienter paratus, & cum decocto lupulorum vel asparagi dissolutus mirè prodesse potest. Opiata etiam sequens, vel tabellæ diarrhod. abb. triafantali, & similes valde erunt salutares.

℥ Conseru. radic. buglos. florum cichor. & nymph. an. \mathfrak{z} iij. corticis citri sacch. conditi, & caulium lactuc. pariter condit. an. \mathfrak{z} j. confect. alker. \mathfrak{z} ij. theriac. electæ & mithrid. an. \mathfrak{z} j. pulu. elect. diarrhod. abb. & lætitæ Gal. an. \mathfrak{z} ss. salis theriacalis, vel pulu. serpentis cõbusti in ollâ nouâ \mathfrak{z} j. ss. Cum syr. de pomis redolēt. fiat opiata, quâ vtatur vt dictum est. Multi enim faciunt verum elephantiaseos alexipharmacum, salem theriacalem, vel vinum viperinum intus, & extra oleum viperarum. Ac vt tãdem aliquid dicamus de vsu viperarum vel serpentiũ, in quibus ferè omnes Præctici reponunt potissimâ vim expugnandi istius affectus, quãuis Aretæus aliquando fabulam vocet: sciendum

sciendum est hoc remedium casu, ut docet Galenus in illis historiis, seu experientia repertum, deinceps à Medicis rationalibus in meliorem formam restitutum, ac ne tantam corpori noxam inferre posset, diligenti præparatione excultum.

Eligantur itaque viperæ vel serpentes eo tempore, quo illis vti visum fuerit; potissimum verò circa veris finem, (*videlicet quando sua exuunt spolia.*) in suo genere præstantissimæ: captis ligentur caput & cauda, & flagellentur aliquantisper, (ut virtus suum hoc modo eiaculari valeant,) abscondantur extremitates dictæ, relicto tantum trunco, qui diu sinatur volutari, ut sanguis totus exeat, deinde excoietur & abluatur in principio aquâ salsâ tepente, & postea cum vino odorifero & aquâ rosaceâ. Postea coquatur in ollâ nouâ in s. q. aquæ, cum fœniculo, anetho, & croco, ut solent anguillæ, ad exossationem usque. Hauriat patiens hoc iusculum, vescaturque istis carnibus per aliquod tempus, nihil aliud comedendo, saltem in prandio. Si sit delicatior, prædicta caro serpentis vel viperæ cocta, contundatur in mortario cum pulpâ etiam gallinæ coctâ, addendo sacchari albi & prædicti iuris q. s. cinamomi puluerisati parum. Fiat comestio illa alba, quam vulgò nostri *conlis* appellant: Vel prædictæ carnes simul contusæ cum saccharo reducantur in formam marcipanis aut tabellarum, vel pastillorum. Vel etiam prædictis carnibus coctis nutriantur gallinæ aliquot, donec ex earum usu plumæ illis iam decidant: tunc gallinæ comedantur loco viperarum. Sed in robustioribus, maiori successu vel prædicta caro, vel vinum viperinum, in quo scilicet suffocata fuerit vipera, tempore potissimum vindemiarum, vel pulvis serpentis combusti ad 3 s. pro vnaquaque dosi cum melle optimo exhibentur, donec corpus primum inflari incipiat, & squamis scatere, cum mentis perturbatione & somnolentia: tunc enim supersedendum ab illorum usu. Et si quidem rectè curatio successerit, subsidit postea corpus, & tota cutis velut serpentis spoliū deponitur. Interea non negligenda corporis & partium principum corroboratio sumptis & admotis, ut sunt cerebella gallinarum, semen brassicæ vulgaris cum vino potum, & similia quæ à Dioscoride recensentur. Hæc igitur est ratio exhibendi viperas ac serpentes per os: postea enim dicemus quomodo exterius admoveantur.

Non omittendum etiam particulares vacuationes, aut quæ fiunt per alias corporis vias præter aluum, sæpè elephantice esse ex usu, ut per urinas sumptis aperientibus & diureticis sine insigni calore, ut iam à nobis proditum fuit, potissimum ubi obstructions morbo originem dederunt. Sudorifica etiam essent hic ex usu, ad expurgandam illam illuviem, quæ sub cute continetur, nisi calore suo nimis corpus incenderent, & parum in digerendo contumaci hoc humore possent, qui facilius externis balneis relaxantibus & humectantibus cedit: ac proinde à sudorificis supersedendum iudico. Caputpurgia verò peculiariter inter eas vacuationes quibus elephantici iuuantur, à veteribus recensentur, ne videlicet cerebrum excrementorum mole obruatur, vel illam in proximas faciei partes deponat. Sunt autem ea vel ex communibus, ut succo betæ, maioranæ, mercurialis, & similibus cum pauco vino albo vel melle rosaceo comparata: aut valentioribus, ut decocto chelidonæ, nasturtij, staphidis agriæ, pyrethri, nucis moschatæ, piperis longi, & aliorum: cui addunt etiam parum succi cucumeris agrestis. Idem dicas de masticator iis, nisi os sit exulceratum. Hæc igitur sapiens Medicus pro variâ circumstantiarum ratione moderabitur.

REMEDIA PHARMACEVTICA EXTERNA EORVM. Nunc ad externa siue admouenda accedamus, quibus partium robur & temperies in elephantice restituitur, vel cutis sordes & maculæ delentur. Quod ad primum genus spectat, certissimum est, epithemata tam solida quàm liquida, sacculos, vnguenta, linimenta, emplastra, cordi, hepati, & similibus partibus imposita magnum commodum adferre: vnde quidam solent in elephantice inungere iecoris & renum regionem singulis diebus vnguento rosaceo & santalino simul mixtis, addendo aceti rosacei parum ad penetrationem, vel ex succis endiuiz & cichorij faciunt epithemata, cum pauco puluere diamargariti frigidi, quo demulcent æstum cordis & hepatis, potissimum sub canicularibus diebus. Verùm maior vis est in balneo aquæ dulcis tepentis, in quo si ita videatur, herbæ & radices refrigerantes incoxerint, ut eo utatur semel aut bis singulis mensibus per totam æstatem. Vel natet in flumine patato & aquæ purioris frequenter, quemadmodum supra diximus: Vbi si hirudi-

nes reperiantur, non malè sibi consulet si in eadem aquâ illas admoueat variis partibus, & sufficientem sanguinis quantitatem per eas extrahat. Hæc igitur ad temperandum & roborandum vsui esse poterunt, exterius admota: Vt verò habitus corporis & tota cutis sordibus liberetur ac scedâ scabie, quidam suadent, vt sudores prouocentur in laconico seu stuphâ humidâ, ex conuenienti decocto confectâ, deinde ibidem inungantur sequentibus linimentis. Verùm in hoc affectu perpetuò suspecta esse debet nimia calfactio, ac proinde nusquam suaserim ego Elephanticos stuphis committi, vt ibi vi caloris eliciantur sudores. Sed mallem variis vtri balneis, in quibus etiam si sponte sudent, benè erit: sin minùs, laxatio cutis & totius habitus, deterfio & exsiccatio externarum partium procurabitur.

In primis igitur parato balneo per duos dies ex decocto lapathi acuti, maluarum, scabiosæ, violarum, & brancæ vrsinæ; in cuius exitu inungentur butyro solo, vel oleo amygdalarum dulcium, aut pomatâ, addendo si voles, modicum sulphuris, vel confricando totum corpus cum sacculis plenis farinâ fabarum & hordei, aut amygdalis amaris & dulcibus leuiter contulis. Postea fiat sequens.

℥ Rad. enulæ campan. bryoniæ, & cucumer. agrestis, ana ℥ ij. rad. serpentariæ, hastulæ regiæ, ana ℥ ss. fumar. cum toto, scabios. saponar. chelidon. maluar. calam. & hederæ, ana M. iv. lupinor. fabar. lentium, hordei integ. & furfur. macri, ana M. ss. florum chamæm. melil. rosar. & violar. ana P. ij. Fiat omnium decoctio, cui adde si vis parum salis & vitrioli albi. Alij addunt aquam seu ius serpentum coctorum, vel eo confricant corpus Elephantici, antequàm balneum ingrediatur. In exitu reponatur in lecto, & ibi leuiter sudet. Deterfio sudore inungatur vnguento enulato duplicato Mercurio, & dissoluto cum paucis limonum succo: Vel paratur sequens.

Succi fumar. lapath. acuti & chelidon. maioris, ana ℥ ss. olei ros. ℥ j. Bulliant ad succorum consumptionem. Post adde lithargyri & cerusæ lotæ, ana 3 j. tuthiæ ℥ ss. salis comm. & sulphur. viui, ana 3 iij. helleb. puluer. & sublimati, ana 3 ss. hydrarg. succo limonum extincti ℥ j. ss. olei de tartaro, & de vitellis ouorum, ana ℥ ij. terebinth. ℥ iv. Misceantur in mortario simul, & diu agitentur. Fiat instar nutriti, quo inungantur partes scedatæ, diu fricando in exitu dicti balnei, aut post deterfio sudorem. Interea dum his balneis & linimentis vtitur, ne facies humores exagitados & calfactos suscipiat, aspergatur sæpius & irroretur aquâ rosaceâ, plantaginis, vel eâ quam vulgo Aluminosam vocant; aut sanguine leporis calente, vel etiam liquore sequenti, aptissimo ad repellendos vapores & dealbandam cutem.

℥ Litharg. argenti ℥ j. cerusæ candidiss. ℥ ss. caphur. 3 j. salis 3 ss. aquarum solan. lactuc. nenuph. & rosar. ana ℥ iij. aceti albi ℥ j. Agitentur simul, deinde resideant per aliquot horas, & transmittantur per filtrum. Aqua seruetur in vase vitreo in propositos vsus. Atque hæc de externis. Reliqua enim clariùs sequenti capite proponentur. An balnea naturalia conferant, vide Pisonem.

PALLIATIO SEV CORRECTIO ACCIDENTIVM IN ELEPHANTICIS. Tantam esse affectus istius vim & feritatem supra dicebamus, vt quoties altius radices & iam confirmatam intemperiem contraxerit, nulla tunc sit veræ curationis spes; sed tantum mitigationis (ne videlicet hominem breui temporis spatio tollat è medio) ac correctionis accidentium, quibus magis infestus esse solet. Nos itaque propositâ superius prophylaxi & causarum sublatione, quæ omnibus communes esse possunt, nunc peculiarius de mitigatione, quam vulgò palliationem vocant, agamus.

Imprimis itaque videamus, quomodo impedire possimus, ne Elephantici confirmati tam citò ad interitum ruant: quod contingere potissimum solet, vel ob siccitatem & combustionem nimiam viscerum, vel ob putrilaginem & exulcerationem partium externarum, quâ erosæ & quasi auulsæ decidere consueuerunt, atque hoc modo mortem inferre.

Propterea siccitatis progressus est impediendus, & artus à malignâ putredine, quatenus fieri poterit, conseruandi. Quod ad primum spectat, non aliâ videntur ratione Elephantici tractandi, quam hæctici confirmati, additis tantum eis quæ ex proprietate aduersus hunc morbum valere creduntur.

Lactis itaque potio vere & autumno in eiusmodi hominibus commendatur ad renutriendum corpus, & reficiendas partes. Sed quia eiusmodi substantia facile corrumpitur in eis, ob æstum ventriculi & aliarum partium: Ideò duas cautiones faciunt

faciunt in eius usu Practici: nempe ut Elephantici isti, dum lacte utuntur, eo solo contenti sint, saltem in prandio usque ad cenam, ne permixtione aliorum ciborum facile labem contrahat: tum ut quarta aquæ pars illi addatur, vel solo, ex vberibus videlicet recenter mulcto, vel decocto cum farinâ hordei & modico saccharo: sic enim minus inflammari poterit. Deinceps reliquus victus hæcicis simillimus instituitur, balnea refrigerantia & humectantia, in quibus dissolui poterit quarta lactis pars vel totum ex lacte comparari. Alij narrant, non solum Ægyptiorum Reges, sed & alios eâ lue captos, in balnearum solis fuso sanguine humano mergi solitos, ut benigni sanguinis tepore arcerent siccitatem corporis, & veluti renutrire partes; quod ut non multum vero simile, sic ferini remedij speciem repræsentavit. In exitu balnei nihil præstantius ad hoc putant, quam totum corpus inungere oleo viperino ex oleo amygdal. dulc. confecto. Item frequenter exhibere rasuram eboris ad 3 j. cum iusculo vel liquore conuenienti, smaragdum contritam, & similia ex proprietate valentia.

Quod verò ad partium extremarum, ut pedum manuumque putrilaginem spectat, & exulcerationem ob quam decidere frequenter solent, impediatur frequenti lotionem rerum detergentium & adstringentium, aquæ aluminosæ iteratâ irrigatione: Petum etiam seu Nicotianam ad idem laudant, si partes illæ succo eius vel decocto abluantur: Item si lamina plumbea tenuissima saltem de noctu super eas gestetur, aut conueniens aliquod spanadrapum paretur, quo illæ contendantur: Ut

℥ Seui arietis & ceræ nouæ, ana ℥b β. Liquefiant simul, deinde adde thuris, mastiches, picis, farinæ volatilæ, boli Armen. & ros. rub. puluerat. ana 3 ij. Misce, & infunde linteolum magnitudinis sufficientis, læuiget ut decet, & fiant frustra dictis partibus admoenda.

Reliqua autem accidentia, ut casus capillorum capitis & superciliarum, rubor, pustulæ & tuberositates faciei, caro in oculis excresecens, strictura narium, difficultas spirandi, foeditas cutis, & similia, corriguntur pro diuersâ eorum naturâ & constitutione. Sic defluuium capillorum, ablata prius aut mitigata diligenter causâ quæ illud excitauit; (quatenus fieri poterit) arceatur frequenti eorundem rasurâ, deinde lotionem ex decocto abrotani, capilli Vener. rorismarini, nigellæ, absinthij, marrubij, verbenæ, parietariæ, corticis raphani, & baecarum iuniperi. Postea illinantur dictæ partes melle, in quo puluis vesparum combustarum, stercore muris vel lacertæ commixtus fuerit: deinde ne geniti pili denuò labantur, eadem partes ladano dissoluto cum paucis oleo myrtino vel lentiscino roborentur.

Ad ruborem verò & deformitatem faciei, quam vulgo guttam rosaceam vocant, in primis repellantur humores lacte virginali iam scripto, vel aquâ aluminosa: deinde modicè resoluentibus infixi dissipentur, ut sanguine leporino, columbino calente frequenter admoro, aut aquâ sequenti.

℥ Rad. lilij, jarri, serpentariæ & sigilli Salomonis, ana ℥b β. Contundantur & reponantur in alembicum vitreum, ibidemque macerentur aliquandiu in aquâ è floribus fabarum & rosarum, quas vltamarinas vocant, extracta, ana ℥j. garyophyl. nucis mosch. & caphur. puluerat. ana 3 j. β. Distillantur ut artis est, & hac aquâ lauetur sæpius facies & caput. Quod si tuberositates iam sint eminentiores in vultu & reliquis partibus, frustra laborabis in repellendâ & resoluendâ tantum contumaci materiâ: ideo si duriores fuerint eiusmodi excresecentiæ, foueantur prius decocto maluar. althææ, lapathi acut. & fumar. Deinde inungantur axungia humanâ, suillâ, vel gallinæ. Vbi sic molliores euaserint, attollantur vncino, singularim, & abscindantur scalpello radicitus: Sanguis satis copiosè sinatur fluere, deinde comprimatur, & cicatrix excitetur lithargyro bene puluerisato, & cum sanguine leporis commixto, qui sinatur ibi per triduum, deinde abluatur aquâ furfuris vel hordei. Eodem modo adhibeatur postea vnguentum citrinum, donec res peracta fuerit.

Ad dealbandas verò cicatrices inductas quidam eas abluunt liquore, qui ex ouo cineribus imposito resudat, vel ex farinâ cicerum, fabarum, & hordei, cum lacte commixtâ, addendo amygdalas aliquot mundatas & contusas, seminis raphani & gummi tragacant. puluer. ana 3 iij. conficiunt pastam, & eâ faciem instar cataplasmatismatis operiunt de nocte, interdium lauant aquâ furfuris, vel de floribus fabarum. Si qui sint ita timidi ut ferrum scindens exhorreant, poterit aquâ forti, vel

ex cantharidibus distillatis paratâ, vel etiam cauterio, aut vesicatorio communi illud præstari. Sunt qui oleum vitrioli, & sulphuris ad idem commendant. Sed nihil est præstantius ipsâ sectione, quia & citò fit, & sine metu exulcerationis, & in partibus quas manu attingere licet.

Carnem autem in oculis superfluum absument pulueres, ex osse sepiæ, cornu cerui combusto, & saccharo cando parati, & frequenter aspersi vel insufflari. Quidam solo butyro illinunt aut melle rosaceo; sed quando est siccior vel paulò latior eiusmodi excrecentia, bonum erit illam fouere decocto maluar. & fœnicul. deinde eam absorbere collyrio aliquo detergente & exiccante, vt est sequens.

℥ Aquarum eufrag. chelidon. maior. & fœnicul. ana ℥ iv. vini albi ℥ j. antimon. myrrh. & rithiæ, ana ℥ j. β. croci & viridis æris, ana ℥ j. vitrioli albi ℥ β. Bulliant si. mul, deinde colentur. Colatura seruetur in vase cupreo ad vsum.

Narium autem strictura seu oppilatio corrigetur quodammodo expurgando easdem frequenter vino albo tepido per eas attracto, vel etiam oxymelite scillitico, deinde immisâ grandiori turundâ ex bombace vel sericeo panno confectâ, & vnguento citrino illitâ, aut puluere lithargyri. & aristolochiæ rotundæ aspersa, fiat cannula seu turunda plumbea foraminata, quæ in nares oleo amygdal. dulc. vel vnguent. citrino illita immittatur. Vbi hæc non profunt, fiant scarificationes internæ, vel sanguis eliciatur herbâ quam millefolium vocant, vel setis porcinis intromissis.

Eodem modo iuuanda respiratio & raucitas vocis in Elephantice decocto pectorali frequenter sumpto: item lacte tepente & recens mulcto, quo partes istæ commodè dilatantur, syrupo de liquiritiâ & capilli Veneris. Confert etiam aqua hordei, in quâ dissolutum sit saccharum candum, & aliquot croci grana. In magno metu suffocationis, tundunt Practici venas iugulares in collo, vt materia minuatur, & fiat expiratio fuliginum illarum commodior.

Quod ad fœditatem verò cutis, & scabiem ac pruriginem spectat, vel iam dicta à nobis sufficient, vel etiam remedia omnia, quæ ad lepram simplicem, morpheas, & impetiginem institui solent, huc reuocanda. Inter quæ inunctiones illæ ex hydrargyro, quas nunc ad luis Venereæ expugnationem vsurpare solemus, primum inuentæ fuerunt. Reliqua ex suis locis repetantur. Nos verò huic Capiti finem imponamus.



C A P V T II.

De Lue Venerea.



VENEREÆ LVIS ORTVS ET APPELLATIONES VARIE. Nouas atque inauditas morborum species velut monstra in dies exoriri posse, sine ex vario superiorum corporum aspectu, seu diuersâ inferiorum causarum constitutione, notum faciunt *Exanthemata* illa puerorum, ante Arabum tempus incognita: *Impetigo seu mentagra* Plinij sæculo exorta: *Elephantiasis*, post deuictam à Romanis Ægyptum, in Europam primum translata: *Sudor ille pestilens*, quem vulgo Britannicum dicimus: *Coquelucha* seu *naphtalæ* contagiosa, quam nostro hoc æuobis sæuissimè grassatam vidimus, & similes alij, siue ex alienis regionibus vbi vigebant importati, seu ibidem geniti.

Inter hos autem Lues Venerea, de quâ nunc acturi sumus, miserabile scortatorum flagellum, sub Caroli V III. Francorum Regis imperio Neapolin obsidentis, anno 1494. exorta, primum obtinere videtur: tum foedo grassandi modo, qui ferè per coitum contingit; tum sæuitate symptomatum, quibus stipata incedit. Esse autem affectum hunc nouum & antiquis incognitum, ex eo patet quod ex nouo illo orbe & Indiis Occidentalibus nuper repertis, in quibus est endemius & scabiei nostræ vulgari, vel puerulorum variolis simillimus, fuerit in Europam ab Hispanis cum reliquis mercibus adductus, & Gallis in illâ obsidione Neapolitanâ primum communicatus: tum etiam quòd ad nullum ex morbis à veteribus commemoratis

memoratis commodè referri valeat: non ad Elephantiasin (cui tamen maxime affinis videtur) propterea quod symptomata habet tum præcedentia, tum comitantia, quæ nusquam in Elephantiasi apparent, ut gonorrhœam illam virulentam, bubones, pudendi cariem, dolores nocturnos, & similia: Præterea ex inuadendi & curandi ratione maxime distinguuntur: nam lues hæc citò & per coitum frequentissime propagatur, Elephantiasis verò tardè concipitur, & multæ sunt mulieres, quæ cum maritis Elephanticis diu habitant, illo morbo immunes: (*Hoc refert Fallop. 773.*) Imò hæcticâ lue Venereâ infectus rarò similem prolem generat; Elephanticus verò semper vel ut plurimum. Et cum Elephantiasis nonnisi ægrè curetur, imò nusquam ubi confirmata fuerit, lues hæc nostris potissimum temporibus facillimè expugnatur adhibitis remediis: Quæ cum omnino sint diuersa in vtriusque curatione (nemo enim guajaco, ligno sassafras, & similibus sudorificis ritè aduersus Elephantiasin vteretur) sequitur etiam diuersas esse causas & affectus omnino discrepantes: Adde quod sæpius vidimus, Elephanticos etiam deploratos, & in publicis illis nosocomiis degentes, lue Venereâ corripì ex concubitu cum scortis infectis, quod non fieret, si quidem vnus & idem esset morbus, ut satis patet.

Ridicula est etiam opinio eorum, qui putant luem hanc Veneream reduci posse ad *Sahafatum* illud Auicennæ, quod nihil est aliud quàm Tinea capitis: Vel *Albortim*, quod inter scædas scabies & impetigines refertur: Vel ad variolas, mentagram, aut dolores arthriticos, cum sit manifestissimum alia esse symptomata in lue Venereâ, quæ in his nusquam apparent, & aliquam esse causam propriam, quæ quamuis affectus aliis morbis communes producat, habet tamen suam peculiarem naturam quam illis imprimit, nec alio remedio quàm suo & determinato tollitur, ubi semel pedem fixerit.

Cum igitur nouus hic morbus vel causa morbifica, passim per omnes mundi partes hodie vagetur, quæri solet, vnde ortum suum habuerit: vtrum scilicet ex aliquâ certâ regione, ut iam nos asseruimus, fuerit in alias translatus, vel à concursu quarundam causarum externarum vel internarum profectus: Externarum, ut cœlestium constellationum, aëris, aquarum, & similium: Internarum, ut putredinis aut venenatæ qualitatis in corporibus quibusdam impuris genitæ, quæ postea aliis per concubitum fuerit communicata. Astrologi gloriantur se huius morbi aduentum ex malignis syderum aspectibus, qui vndecim annis ante illius aduentum apparuerunt, prædixisse: Alij malunt luem hanc ex corruptelâ summâ aëris, quæ tunc contigit post insignia diluuiâ, vel aquarum infectarum vitia, aut corporum insepultorum fetidis exhalationibus contigisse. Quidam denique putant ex prauo victu aut aëris mutatione, quâ Galli vsi sunt in illo exercitu, humores ita fuisse corruptos, ut luis istius deleteriam qualitatem per mutuum congressum & concubitum suscitarent. Sed ego istas omnes causas non tam ut præcipuas & veras efficientes agnosco, quàm comitantes & concausas. Etenim cum prius tales multæ fuerint constellationes, talia diluuiâ, aëris corruptelæ, aquarum inquinamenta, & humorum putredines per numerosas militum cateruas, nec subsequutus sit hic affectus: credibile est magis ista omnia concurrisse ad disponenda corpora huic lue suscipiendæ, quàm illam generasse: verum translatam esse, ut diximus, ex Indiâ ab Hispanis in illum Gallorum exercitum, siue dolo, seu casu id factum fuerit.

Apud Indos autem communem esse & perpetuum hunc affectum, ex perpetuâ causæ præsentia & communi illius usu, aëre videlicet aut victus genere, quo promiscuè vtuntur, vnde endemius illis seu indigena dici potest: nobis aduena & popularis, quia miserè per plebem grassatur ob actionem illam communem concumbendi, cuius vi contagij fomes disseminatur affatim. Exolescit verò nunc & quasi minuitur illius ferocitas, quia longius distat à primo illo seminario, seu infectionis principio: & quia causæ disponentes vel concurrentes minus sunt idoneæ ad illum fouendum; mox tamen rediturus, si quidem illæ inualuerint denuò, aut seminarij vis renouata fuerit.

Ex vario autem hoc progrediendi modo, variæ huic morbo appellationes sunt attributæ. Nam ex varietate gentium, quæ illo primùm laborasse existimantur, aut loci ubi contractus est, dicitur Indicus, Hispanicus, Neapolitanus, & Gallicus. Ratione verò partis quæ plurimum inficitur, Pudendagra. Ratione turpis & scædi congressus, Syphilis, Meuius, & Lues Venerea dictus est. Ob similitudinem

litudinem autem ; à Gallis vulgò magna seu crassa *Vairola* appellatur, quam Hispani *Paturfam* etiam dicunt. Atque hæc de nominibus quibus ad placitum res nouæ & admirabiles insigniri solent.

LVIS VENEREÆ DEFINITIO. Luis Venereæ definitionem exquisitam, quæ scilicet illius essentiam, causas, & effectus complectatur, non est facile assignare, per medias Autorum de hac re decertantium controuersias. Est tamen in tam arduo opere aliquid audendum, & futuræ tractationis fundamentum hoc præcipuum stabilire. Sit igitur nobis Lues Venerea intemperies occulta, & contagio tantum contracta, hepatis potissimum inhærens, illiusque sanguinem ac spiritus natiuos *ἀνισωρομένη* quadam inficiens, vnde tubercula, solutiones continui, propriæ corruptelæ, & certa symptomata per totum corpus exoriuntur. Hæc definitio nobis arripet, quia propriam huius morbi naturam detegit, partem primariò laborantem denotat, & causam ac symptomata peculiaria exprimit, ita vt conuerti possit cum suo definito, nec alteri morbo competat. Maluimus autem Luem Veneream tantum morbum definire, quam vt causam vel symptoma, quia Medicus debet potissimum eas constitutiones contemplari, quæ in partibus corporis nostri genitæ à variis causis, ibi suam *διὰ τὴν* posuerunt, & ea symptomata velut effectus proferunt, quibus maximè innotescunt. Adde quòd causæ illæ, vt vitiatum seminarium, cum sæpe in corporibus contineantur absque vllâ qualitatis suæ impressione, non tam videntur complere affectus alicuius naturam, quam ipsa dispositio præter naturam contracta, siue à causâ continente foueatur, seu iam causâ desierit ista permanente. Symptomata autem mera, vel morbi symptomati, quamuis nos ducant ad primarij affectus cognitionem, non debent tamen illius vicem tenere, sed ad genitricem causam seu dispositionem perpetuò referri.

Diximus itaque Luem Veneream esse intemperiem, propter eà quòd cum morbus iste potissimum actiones similes labefactet, & hepatis sanguificationem vitiât, quæ in ipsius temperamenti seu caloris natiui *ἐννοησιμὰ* posita est, non tam ad morbos organicos, aut solutionem continui referri debet, quæ functiones istas naturales non lædunt per se vel primariò, sed ex accidenti tantum. Præter eà cum morbus iste sit contagiosus, & nunquam nisi per contagium communicetur: contagij autem ratio sit posita in quadam putredine seu corruptelâ humorum vel partium, ex quibus virulenta illa seminaria velut *μυώματα* effluunt: sequitur etiam temperamenti rationem in morbis hisce potius violari, quam aut ipsam vnitatem vel dispositionem instrumentariam. Adde quòd soluta vnitatis aut instrumentarij morbi, cum pertineant ad quantitatem vel figuram, non habent principium agendi, ideoque non possunt seipsas multiplicare, aut similes affectus per contagium gignere. Quæ igitur apparent in Lue Venereâ exulcerationes, teredones, tubercula, & similes affectus, non tam sunt de essentiâ morbi primarij, quam ad illius esse consequuntur: quemadmodum vulgata vlcera & tumores fieri solent ex vitiis plethoræ & cacochymie humoralis, quas intemperies partium nutritioni dicatarum pepererunt, vt eleganter docet Galenus *libr. de facult. natur.* Vnde etiam conficimus, non esse aggregatum multorum morborum & affectuum, vt quidam voluerunt; si quidem ista lues aliquando per se & sine illis subsistere potest, necnon simplicissimis expugnatur remediis, quæ morbum simplicem esse & vnum demonstrant.

Verum hæc intemperies quæ luis essentiam constituit, non tam est vulgaris, & ex primarum qualitatum *ἀνελπίστα* simplici vel coniugatâ pendens (quamuis etiam illa coniungi frequenter possit pro vario temperamentorum & habituum modo, in quos lues hæc incidit) quam occulta & ex certâ mixtionis labe suscitata, quam peculiaris istius seminarij, & inexplicabilis prauitas induxit, quod Galenus ad totam substantiam partium similium Medico more refert. Quasi dicat, corruptionem quâ totius temperamenti (quod est forma & veluti præcipua substantia horum membrorum) harmonia violatur. Vt enim voluit ille, alimenta non tam quòd calida aut frigida, alere: medicamenta cathartica & partes similes familiaritate totius substantiæ, hoc est, certo quodam temperamento cum determinatâ hac materiâ, proprium sibi humorem allicere: Sic etiam esse venena & causas morbificas, morbosque, qui totâ substantiâ & dissidio occulto oppugnent naturam nostram, aut certas corporis nostri partes. Inter quos reponendam esse luem Veneream, ex eo conficimus.

Primò, quod morbus iste cum sit perpetuò contagiosus & contagium habeat aliquid supra vulgatas qualitates (aliàs enim omnes intemperies essent contagiosæ) sequitur etiam lues Venerea ex eodem censu & numero esse habendam. Secundò, quòd in lue Venereâ, modò intemperies calida & sicca, modò frigida humida, modò alia dominari videatur, quod non fieret, si esset vulgaris & manifesta quædam intemperies, perpetuò enim talis adesset, & non alia. Tertiò, quòd morbus iste læsionem infert parti nobili & determinatæ, nempe hepati, per antipathiam quam habet cum spiritibus naturalibus, vt postea probabimus. Quartò, quòd non tam remediis qualitate manifestâ agentibus, vel methodicâ ratione inuentis expugnatur, quàm antidotis quibusdam & certis alexipharmacis per experientiam compertis, vt postea videbimus.

Porro hæc intemperies occulta perpetuò per contagium contrahitur, nusquam autem vel à solis causis externis, vel internis. Nunquam enim visus est aliquis, ex quo lues Venerea huic orbis parti innotuit, illâ corripì per aduersam aëris aut alimentorum constitutionem, vel per cacochymia aut plethoræ vitia, nisi contactus ille impurus accesserit. Scabies, ophthalmia, elephantiasis, & similes alij morbi contagiosi, aliquando ex fomite communicato pendent, vt quando phthisicus vel elephanticus alium inficit; aliàs tamen & phthisici & elephantici euadunt, absque vlla contagionis suspitione, vt quotidianâ experientia confirmatur: At lues hæc Venerea nusquam nisi ex simili contage proficiscitur. Cùmque morbi isti contagiosi multiplicentur per communicatam aliis corporibus substantiam aliquam humoralem vel vaporosam, quæ est aut in ipso corpore infecto, aut in aliquo fomite, vel in aëre ambiente: hic morbus communicatur potissimum ex contractu corporum infectorum, raro ex fomite, vt linteolis, vestibus, & similibus, nunquam per aëris inspirationem. Vnde conficitur, crassam magis & lentam esse materiam cui inhæret, & quæ veluti calore & suscitatione egeat ad inferendam istam labem, vt in coitu, osculo, & simili contractu amatorio: & sic propagatione contractus illius: si quidem per coitum fiat, primùm pudenda inficiuntur; per osculum, labia & os; per oblationem, vbera; per accubitus solum, cutis partes externæ quæ primùm continguntur, vt etiam accidit in comotatione in eodem poculo, gestatione vestium, vel aliarum rerum hac lue infectarum. Nusquam autem ad distans, per medium scilicet aërem transmittitur, quoniam illa luis inquinamenta crassiora & lentiora, non possunt peruadere aërem ambientem, & illi permisceri: aliàs enim in modum pestis & similium morborum verè epidemicorum propagaretur.

Quamvis autem dixerimus pudenda, os, vbera, cutem, antum in præposterâ Venere, primùm contractu isto impuro per communicatam materiam infici, non tamen inde putamus partes hæc verum esse subiectum luis Venereæ, sed ipsum hepar actionum naturalium sedem. Cùm enim certum sit per istum morbum naturales functiones, quæ positæ sunt in nutritione membrorum, potissimum labefactari, & non solum in aliquâ corporis parte, sed in vniuersum; vbi semel radices suas egerit, imò quasi momento temporis totum sanguinem aliquando vitiari, scdum colorem induci, & similia; quis non fateatur fontem sanguinis & spirituum naturalium hac labe esse correptum potius quàm vnâ vel duas ex partibus hisce externis, quæ primò affectæ apparent? Fatemur quidem statim in principio, vbi partium istarum externarum aliqua fuerit carie vel vlcerē tentata, ibidem latere primum mali seminarium, quod per venas ipsas serpens, rectâ ad hepar per *ἀντιστάθην* delatum veram tandem morbi sedem occupat citius vel tardius pro maiori eius vel minori resistentiâ. Quod bubones illi venerei, & gonorrhœa virulenta satis ostendunt, aliquando in principio morbi, aliàs in progressu apparentes. Cùm igitur aliæ partes, tam externæ quàm internæ, per hunc affectum modò lædantur, modò immunes sint hoc malo, & illarum dispositionibus persanatis, vt carie pudendi, bubone, destiuio pilorum, & similibus, adhuc perseveret morbus: sequitur aliquam esse partem, quæ sit perpetuum subiectum ac præcipuum huius morbi. Illa verò erit, cuius functiones aut ab eâ dependentes perpetuò violantur, nempe naturales, quarum origo est hepar, saltem respectu materiæ seu obiecti, nempe sanguinis, circa quem partes omnes spermaticæ suas operationes exercent, & pro cuius variâ constitutione, nutritio etiam immutatur, & certa excrementa in partibus colliguntur.

Adde quod in lue hac non solum massa sanguinaria inficitur, sed etiam spiritus

illi naturales infestâ quadam proprietate ita dissipantur, ut illâ correpti subito in torporem vniuersi corporis, coloris defædationem, & mentulæ seu appetitus coeundi eneruationem incidant. Quod non fieret, nisi ipsa origo spirituum influentium esset labefactata, quibus insiti recreantur, & ad sua quasi munia suscitantur. Verùm dicet aliquis, cum luis istius seminaria ita sint virulenta & impura, ut partes externas quas contingunt, exulcerare soleant, quâ fit quod in hepate lue venereâ affectorum, nunquam vlcus aut saltem *ελκυσ* sit reperta? Præterea cum tot eruditi viri de istius affectus *δυσπαρεία* scripserint, eumque feliciter profligarint, cur nusquam de appropriatis & quæ peculiarem respectum habeant eum hepate, vel de topicis hepati admouendis meminerunt? Quod tamen faciendum videbatur, si quidem ibi posita sit præcipua morbi istius essentia. Cur etiam nulla illius signa ex vrinis reperuntur, quæ certissimè partium istarum nutritioni dicatarum constitutiones designare solent? Non carent certè obiectiones istæ difficultate, quam nos ita dissoluere conabimur. Primò, quod attinet ad exulcerationem, dicimus eam neque esse de essentiâ istius affectus, neque necessariò illum consequi, sed ex accidentitantum, quando videlicet ex confricatione & attritu partium, virulenta illa cacoehymia erodit partes sibi in primo occurso obuias, reliquas verò non item, quibus tantum suæ venenositatis labem imprimit. Ac proinde cum hepar longè sit distitum ab immediato illo contactu, non esse mirum si quandoque nullo vlcere afficiatur, sed tantum intemperie propriâ, quâ actionum iam dictarum læsiones emergunt: necnon cum hepar sit benignioris succi fons & scaturigo, quo plurimum semper abundare solet, fit ut seminaria illa contagiosa per venas delata, & quasi sanguine diluta minorem habeant vim ad exulcerandum hepar, quàm externæ partes, in quibus sincera & impermixta continentur. Ioubertus tamen asserit, visa in apertis cadaueribus foeda vlcera & pustulas in visceribus. Quod ad secundum attinet, cum morbus hic in occultâ quadam labe & certis seminariis consistat, quibus totum corpus inficitur, & in quorum exclusionem tota curationis vis posita est: parum solliciti fuerunt Practici de præscribendis appropriatis vel topicis quæ hepati admouerentur, & quibus parum proficias, nisi antidota vsurpentur. Hæc autem, ut decoctum ligni guajaci, & similia, cum integris ferè viribus ad hepar deferantur, parum solliciti fuerunt de admouendis extrinsecus remediis: quæ tamen non sunt omnino aspernanda, vbi potissimum illius vires iam labascere & imminui videntur. Vrinæ verò hîc non spectamus, nec ex eis luis istius signa repetimus, quoniam occultæ istæ corruptelæ & totius substantiæ morbi non faciunt manifestas sui significationes in vrinis, ut patet de peste & venenis. Quamuis etiam non dubitemus in lue Venereâ correptis, potissimum si intemperies quædam manifesta coniuncta fuerit, ut sæpe contingit, quin urinæ varias mutationes suscipiant, quas etiam Medicus contemplari potest. Et sic nihil vrgent argumenta aduersus sententiam nostram adducta.

Vltimum ergo definitionis nostræ membrum continebat effectus siue symptomata, quæ luem istam consequuntur, & ex quibus innotescere solet, puta tubercula siue tumores præter naturam, solutiones continui siue vlcera, proprias corruptelas, & actionum læsarum syndromen, quæ peculiariter in hoc morbo apparent. Ex quorum omnium diuersitate, tam diuersa etiam huius affectus natura efficitur, & differentiæ seu gradus constituuntur. Quorum omnium, ut consequentium morborum ac symptomatum, rationes assignabimus capite de signis, vbi prius de causis ipsis actum fuerit.

CAUSÆ LUIS VENEREÆ. Quamuis videamur sufficienter in præcedentibus, ortum luis Venereæ, & generationis modum ac causas expressisse: non erit tamen inutile, si de eis adhuc secundum solitam Medicorum viam, quæ certo ordini inhæreat, breuiter agamus. Cum igitur dixerimus præcipuam potissimamque causam, per quam lues ista contrahitur, esse externam, nempe contagium seu propagationem similis per communicatam quandam substantiam, in quâ vis seminarij lateat, siue hoc sit in ipso ortu à seminibus parentum infectis, vel post ortum ex contactu contagij mediato vel immediato; Mediato, ut quando sit per fomitem, vestimenta scilicet, pocula, & similia, in quibus mali istius seminaria delitescunt: Immediato autem, ut per oblationem, quando pueruli nutricum impurarum mammas sugunt, vel contrà quando nutrices puerulis impuris vbera sua sugenda præbent; per oscula frequentiora, per accubitus in

in eodem lectulo, aut denique per coitum, qui modus est magis vsitatus & vulgaris. Causa ista externa siue luis seminarium, redditur interna & antecedens; ubi primum partes illas in superficie corporis positas, os, mammæ, cutem vel pudenda contigerit, eaque parata ad suscipiendam hanc labem repèrerit; inde per venas velut tubulos delata aut secundum materiam, aut per multiplicationem deleteriæ qualitatis (quod facillimè fit in eiusmodi affectionibus propter summam actiuitatem, vt docet eleganter Galenus de scorpionis ictu *libri de loc. affect.*) naturales primum spiritus impetit, & certâ *ἀνωδυνία* labefactat, tuncque adhuc siens dici potest, donec ipsam hepatis substantiam inuaserit, ibique suæ essentiae characterem impresserit, & tunc coniuncta seu continens causa euadit, per quam, intercessu scilicet ipsius morbi iam facti & *δυσκολία* habentis, deprauantur functiones naturales, tam in ipsâ origine, quam per reliquum corpus, in hac videlicet, vel illâ parte, prout magis vel minus parata fuerit ad patiendum; vnde tam variæ apparent huius morbi facies & veluti idææ pro varietate partium, temperamentorum, & humorum dominantium. Hinc massæ sanguinariæ putredines seu corruptelæ, intemperies calida humida, sæpe calida sicca, in progressu verò frigida humida, quando iam attrito & fracto caloris natiui robore, excrementa pituitosa, falsa & acria, vtpotè virulentia illius participia colliguntur. Nec tamen ideò putandum, vt quidam voluerunt, huius morbi causam continentem in illâ intemperie esse positam, aut luis seminaria & causam continentem analogiam habere cum phlegmate crasso magis quam cum aliis humoribus: Etenim cum intemperies illa non sit perpetua, sed modò ad hanc, modò ad illam magis vergat pro diuersitate temperamentorum, hinc propria illa & peculiaris labes agnoscenda, quam *Ψαιρολική* appellamus, ex quâ prædicta suscitatur. Phlegma autem illud crassum & acrimoniâ præditum non apparet in principio morbi, sed in diuturno progressu, quando iam partium concoctiones vitiantur, & diuturnam labem contraxerunt. Quod tamen fieret, si quidem illa analogia esset vera, & pituitosos homines magis quam alios inuaderet, senes potius quam iuuenes, mulieres quam viros: quod tamen falsum esse experientiâ certissimâ comprobatur, [ac proinde antecedens, seu quod illi inferre volebant.] Verùm obiciunt huius sententiæ assertores, vnde igitur dolores illi nocturni in lue Venereâ? vnde tumores frigidi & gummatosi, nisi pituita dominetur in illis? Adde quòd ipsa curatio per calfacientia, attenuantia, incidentia & sudorifica, non potest alium humorem quam pituitosum respicere: Et si quidem in progressu temporis tantum hoc fiat, vt nos dicimus, ob enervatum calorem insitum, cur idem non apparet in hecticis aut Elephanticis, quibus similis aut maior dissipatio contingit?

His ergo obiectionibus ita satisfaciemus, dicentes nocturnos illos dolores non sequi simplicem pituitæ dominatum, sed alias causas, vt nos postea dicemus in signorum explicatione: Et illos tumores subsequi potius lue iamdiu progressam, quam comitari, vt quotidie videmus, quando scilicet sensim & paulatim intemperies frigida & humida in partibus est introducta: Remedia autem illa ad ducta non tam propter qualitates manifestas expetuntur, quam occultas & alexipharmacas, quamuis illæ non parum iuuent, ad propellenda luis seminaria in partibus delitescencia, attenuantibus illis & sudorificis facultatibus. In Elephantiaeos autem & hecticæ progressu idem non apparere, propterea quòd Elephantiasis procedit semper incinerando ac comburendo humores, quia illius essentia posita est in sicca calidâque constitutione hepatis: hectica verò non tam agit circa humores, quam circa solidam & radicalem partium substantiam, illam absorbendo & exhauriendo, vnde non fit similis humorum prouenus, quemadmodum in lue Venereâ. Atque vt ostendamus certius pituitæ istius collectionem contingere ex accidenti, & in progressu luis, non autem ex naturâ morbi: contemplemur illius ortum ex calidissimâ & æstuosissimâ regione, nempe Indicâ; illiusque effectus, nempe symptomata statim apparentia, vt bubonas, gonorrhœam, exulcerationes, depilationes, & similia, quæ nemo ad pituitam ipsam, vel humores frigidos referre potest: Ac proinde concludimus, Luis istius continentem causam seu seminarium & vaporem *ἀνωδυνία* suâ spiritus natiuos propriè oppugnare, analogiam verò habere cum hepatis corpore, quod peculiariter & determinatè inuadit, varièque humores afficit, donec ex viciatâ certo modo concoctione hu-

mores crassi & quodammodo pituitosi suscitantur, summâ tamen virulentia & malignitate præditi.

Itaque cum in omni actione peragenda, non solum efficientis potentia requiratur, sed etiam patientis dispositio ad alterationem seu mutationem suscipiendam: Ideo videndum etiam nobis, quid causæ naturales, non naturales, & præter naturam valeant, ad augendam contagij istius vim, & subiectum seu corpora huic labi suscipiendæ disponenda. Quod ad res ergo non naturales spectat, à quibus quia externæ sunt & procacitæ, videtur incipiendum: Aëris constitutiones non parum valent ad vtrumque præstandum, siue ille à causis superioribus seu inferioribus immutetur. Vt enim pestilentia & reliqui morbi Epidemiales ex aëris corruptelâ originem suam ducunt, quam tamen postea fomes siue contagium diu conseruat absque illius vitio: sic noster hic affectus cum pendeat primum à constitutione illâ aëris Indici, hæc verò à solo contagio: quoties tamen contigerit, vt aëris nostri constitutio proximè ad Indicam accedat, toties magis sæuire & corporibus hominum contagionis suæ vim imprimere poterit: qualis fuit illa quæ sub Carolo VIII. contigit. Quod ad manifestas verò aëris qualitates, vt calida & tenuis plurimum potest ad suscitanda luis istius seminaria: sic frigida & crassa magis valet ad retinenda seu imprimenda: Vnde videmus apud Lutetiam Parisiorum, Rothomagum, & similes vrbes ferociorem esse hunc affectum, quàm in his regionibus, vel in Hispaniâ. Adde viuendi rationem magis opiparam & ingluuiei addictam, etiam sordidam ex alimentis viscidis, aut putredini obnoxiiis, quæ materiam progenerent huic luis suscipiendæ valde idoneam. Sic excrementorum suppressiones indebitæ, motus intempestiui, aut paulò ante coitum facti, quia rarefaciunt totum corpus, & vasa dilatant, (*Qui postquam pilâ diu luserunt, vel alio se modo exercuerunt, statim commiscuntur scortis, facilius contrahunt luem Veneream.*) amplexus diuturniores, & somnus longior, cum eiusmodi scortis, necnon ingens voluptas & animi ardor inter coeundum, faciunt vt corporibus facilius imprimantur eiusmodi defluuia virulentæ luis: sic temperamentorum diuersitas magis apta ad illam recipiendam & inferendam. Pituitosi enim & melancholici, non tam facile quidem corripuntur, propterea quod non sunt tam prompti ad coeundum, quàm sanguinei vel biliosi, habentque corpus magis densum, & humores crassos, ac spiritus, quos non est tam facile penetrare: vbi tamen semel correpti fuerint, pertinacius illis inhæret, & pessima seminaria excutunt. Mulieres etiam non tam facile quàm viri inficiuntur ob eandem causam; nec senes aut constantis ætatis homines, quàm ephebi & adolescentes nuper sub Veneris vexillo militantes, quia incauti alacrius pugnant, & maiori voluptate mulierculas perfundunt ac perfunduntur. Idem dicas de hepatis, ac naturalium spirituum constitutione, vasorum & pudendorum, quæ prout robustiora vel infirmiora, strictiora vel patentiora fuerint, sic etiam facilius vel difficilius recipiunt luis istius impressionem. Annotarunt Practici, eos qui tardius semen emittunt, quique membrum virile habent oblongius, aut qui glandem præputio habent valde obtectam, facilius contrahere hoc vitium, quia magis morantur in contactu, profundius penetrant ad interiores illas vteri fordes, & eas sub cute longius retinent, aut interius ob balani mollitiem admittunt. Ad id etiam faciunt res contra naturam, vt plethora vel cacochymia ingens, infirmitas virium ex præcedente morbo, lues Venerea nouissimè curata, elephantica dispositio, & similes; quæ omnia disponunt corpora, & veluti præparant ad istam virulentiam, & teterrima seminaria facillimè suscipienda: necnon ad generandam pessimam contagionem, quæ alios deinceps inficiat. Atque hæc de causis, tam principalibus, quàm concurrentibus & disponentibus ad luem Veneream sufficiant, quarum cognitio maximè ad προφύλαξιν & illius præcautionem facit, vt nos postea videbimus. Nunc instat vt de signis agamus.

DIAGNOSIS LVIS VENEREÆ, EIVSQVE GRADVVM ET DIFFERENTIARVM. In quocunque affectu priusquam de curatione cogitemus, agnoscendam esse partem affectam, causas affectus, & illius naturam siue essentiam, eleganter docet Galenus. Quod in vulgaribus morbis, & à manifestâ qualitate pendentibus multò est facilius, quàm in eis qui occulto quodam dissidio & proprietate inexplicabili corporis nostri constitutionem immutant, qualis est lues hæc Venerea. Videndum ramen, vt ex solitâ methodo, signorum fontes reperamus, & diagnosis nostram stabiliamus.

Quod ad partem itaque affectam spectat : siquidem respicias eam quæ primò læditur, vt plurimum externa est & oculis obuiâ, quam exulceratio leuis aut pustula in ipso statim fœdo contactu occupat, vel paulò post; sicque agnoscimus quâ primùm parte peccatum fuerit, & per quam insinuaturs fuerit hic affectus, verbi gratia per vbera, oblaetando; per os sugendo; per cutem accumbendo; per pudenda coeundo; & sic de reliquis. At verò pars primariò laborans, seu ἰδίον δεικνύον, proprium subiectum, cùm sit in profundo corporis latens, ab actione læsâ, & reliquis indiciis internoscenda. Itaque cùm naturales functiones perpetuò hîc lædantur, massa sanguinaria & spiritus natiui inficiantur, color cutis defœdetur, nutritio per vniuersum corpus vitietur, tetera excrementa profluant sæpissimè per vasa seminalia, aut in inguina deponantur: hæc certè omnia satis ostendunt, iecur primarium alitionis nostræ instrumentum præcipuam esse partem quæ in hoc morbo afficitur. Per consensum autem & virulentæ materiæ communicationem reliquas partes, prout robustiores vel infirmiores fuerint: vnde quibusdam cor, aliis pulmones, ventriculus, frequentissimè verò caput, ob copiosam excrementorum illuuiem, quibus scatere solet, magis vel minùs inficiuntur: quibusdam tota mali vis in ossa ipsa & partes spermaticas conuertitur, quemadmodum febres mûlæ, prætermisiss spiritibus & humoribus, solidas corporis particulas inuadunt.

Causæ verò istius affectus repetendæ ex censu rerum naturalium, non naturalium, & præter naturam, siue sint disponentes, siue augentes affectum: Temperamentum enim, vt diximus, sanguineum aut biliosum, vel putredini obnoxium, habitus raritas, ætas florens & incauta, genitalium conformatio, aëris & alimentorum corruptelæ, concumbenbi ardor & lasciuia, ostendunt maximam dispositionem & aptitudinem: quæ si inciderit in scortum impurissimum, facillimè omnium suscipiet labem virulentæ illius, quamquam in aliis naturis & constitutionibus etiam contingere possit, ex vehementia aut diuturnitate causæ efficientis præcipuæ, nempe contagij ex virulentis illis seminariis contracti, siue sit in ipso vtero ex semine aut sanguine menstruo hac labe infectis, quod vtriusque vel alterutrius parentis dispositiones vairolicæ & grauiores, (aliæ enim vix sobolem inficiunt) notum facient, siue extra vterum ex fœdis contactibus iam à nobis commemoratis, qui prout varios humores aut plethoram in corpore hoc vel illo nanciscuntur, variarumque ægritudinum ideas; sic etiam has vel illas intemperies, solutiones continui, tumores, & diuersa symptomata producere consueuerunt: perpetuò verò imprimunt *Quædam* illam propriam & virulentam, quæ est vera huius morbi essentia, & quæ prout maior vel minor est, vehementior aut tardior, noua vel inueterata, suis etiam se prodit signis ac effectibus, quorum beneficio in plures quasi gradus vel etiam differentias distinguitur. Quamuis autem hæc signa siue consequentia luem Veneream, non semper similem typum, aut certum ordinem obseruent: quia tamen plurimum ita se insequuntur, vt quædam exorientem luem & in fieri positam, alia confirmatam & factam, alia denique inueteratam & hecticam comitentur: idèò in notis illius recensendis, hunc sequemur progressus ordinem, quo morbi istius gradus & veluti incrementa quædam faciliùs distinguantur.

Nouum itaque & exorientem affectum venereum velut affleclæ, satellites aut antecambulones quidam, comitantur in primis leuia vlcuscula seu pustulæ partis illius quæ primum contactum passa est, ob acrimoniam scilicet virulentæ illius materiæ, quæ à corpore contagioso communicata exteriori illi particulæ adhæsit. Quòd si per coitum contractus sit hic affectus; præter illam cariem pudendi, quæ excitari solet, fit bubo in inguine dextro, vel etiam in vtroque, quia irritatum hepar à virulentis illis seminariis, excutit in proximam partem & consuetum emunctorium materiam illam cum sanguine: vnde aliquando eiusmodi tumores suppurantur. Aliàs symptomaticus est tantùm hic bubo, & oppressionem viscerum aut dolores partium subsequens, & in progressu potius morbi quàm initio apparet. Quemadmodum & gonorrhœa illa virulenta, quæ accidit ob eneruatas vires partium spermaticarum à teterrimo illo vapore, vnde semen fœtidum & ichorosum sine vllâ voluptate emittunt: aliàs sequitur inflammationem vel exulcerationem glandularum illarum, quas parastatas vocant, propter quam irritatâ excretice fit perpetuus materiæ virulentæ fluxus, cuius hepar magnam suggerit portionem. His statim coniungitur aut præcedit lassitudo

tudo quædam spontanea , etiam post somnum , quam infecti sentiunt præter solitum , cum legnitie totius corporis , & animi moerore insueto , ob labefactos scilicet spiritus naturales , & communicatos iam eiusmodi vapores cordi, cerebro , & toti corpori. Vnde etiam dolor quidam vagus & paruus infestat, propter expirationes istas , modò caput, aliàs humeros , aliquando furas vel plantas pedum impetentes & citò dissipatas. Iamque auctis malignis hisce vaporibus, & infecto paululum sanguine , foedus color in facie apparet , tristitia vultus , languor oculi , cuius palpebræ & concava velut circulo quodam liuent. Quibus accedunt febricula quædam , calor insolitus circa volas & pedum plantas , ob calefactum iam & agitaturn à prauis illis seminariis sanguinem : vnde etiam quibusdam exoriuntur velut exanthemata quædam morsibus pulicum simillima per totum corpus , & aliquando leue pilorum defluuium , corruptis illorum radicibus à vaporum acrimoniâ , sed qui faciliè renascuntur. Atque hæc sunt istius affectus præcipua indicia, quæ quamuis non sint ἀχωρεῖα & inseparabilia , sed in aliis etiam morbis reperiantur, possunt tamen ex cognitâ huius contagij causâ, illius in corpore iam exorientem labem designare.

Vbi verò iam altius malum infederit , & imperij sui limites latius & firmitus propagarit , grauiora etiam exurgunt symptomata & morbose affectus. Etenim grauius affecto hepate & reliquis partibus coctioni per totum corpus dicatis, ob sanguinis corruptelam , & labefactatam alteratricem facultatem, post spatium scilicet trium vel quatuor mensium , emergunt pustulæ crassæ & duræ , præcipuè circa caput , frontem , barbam , & ponè aures ; aliquando varis vulgò dictis (vnde nomen Vairolæ) aliàs puerulorum ecchymatis simillimæ , aliquando verrucis propinquiores , variisque coloribus donatæ, qui ex vario humorum dominatu proficiuntur, vnde aliquando suppurantur, sed sæpius malignum , fordidum , & crustulosum vlcus excitantes , aliàs omnino indurantur & scirrhesunt. Inde in pene aut balano tumores duri , aut crustulæ callis simillimæ , post sanatam illam cariem , aut sine eâ exortæ , quæ aliquando degenerant in gangrænam aut sphacelismum , & propriè designant rebellem huius affectus naturam. Iam itaque inualescente morbo , cerebrum summa excrementorum corporis nostri officina vitium contrahit , & subiectis partibus fluxionum pessimaram multitudinem concitat : Hinc vuulæ primùm relaxatio , inflammationes faucium , raucedines, tumores in paristhmiis , absque vllâ aut paruâ aliarum causarum suspitione , quæ catarrhos excitare solent : Quibus coniungitur pessima alopecia & casus capillorum , vulgò Pelada dictus , qui nec per se curatur , vt iam dictus ; nec aliis remediis quàm veris alexipharmacis cedit. His adde dolores illos clamorosos artuum sæuissimos , qui media musculorum spatia occupant , & noctu summo pere exacerbantur , quia pendent à vaporibus ex tertiâ alimenti coctione excitatis , qui non solum pungunt & vellicant partes , sed etiam distendunt ac quasi dilacerant membranosam earum substantiam ; potius noctu quàm interdiu, quia noctis frigore magis ad interiora coguntur , & quia tunc calor natius coctioni intentus humores magis exagitat. Occupant autem media artuum spatia , quia ibi maior carnis & cæterarum partium moles , ex quibus illi suscitantur vapores.

Demum inueterato affectu & hectico seu habituali reddito , partes solidæ & vera corporis substantia occupatur: Vnde palati & dentium corruptiones, aliquando tantæ vt totum os basilare decidat , & per nasi foramina velut antrum in fauces vsque appareat , vocè omnino amisâ vel corruptâ. Reliqua etiam ossa labefactantur , & cariem perpetiuntur , nullo vlcere existente in partibus carnosis, præcipuè verò os narium , frontis , & bregmatis. Vnde quibusdam apertâ cute inuenta est in illis caries , quæ capituli magnitudinem adæquaret ; tales etiam in ossibus brachij & metacarpio apparuerunt, ex vitiato scilicet alimento , & infixâ penitiùs eiusmodi virulentiâ , propter quam aliquando distorcionem , & figuræ in membris deprauationes subsequuntur. Vtque in ossibus , sic in cute apparent pessimæ istæ constitutiones , calli nimirum & ῥάγαις seu fissuræ cum foedis impetiginibus , præcipuè in volis manuum & plantis pedum , ipsique ungues squamatim decidunt. Sub cute verò & circa periostrion , nascuntur tumores duri & gummatosi ad atheromatum naturam accedentes , aliquando ossi ipsi adnascuntur, vnde ἑξώσκει vocantur, in capite autem talpariam dictam excitant , & fiunt ex congestione pessimorum ac mucosorum humorum, ex deprauatione

ratione seu reliquiis alimenti in singulis partibus genitorum, qui actionibus & virulentia illius participes, non solum distendunt & cruciant partes, sed etiam corrumpunt & erodunt. Pessimum est in inueterata lue, quando iam pulmones occupantur, & asthma ex illorum maligno affectu excitatur: paulatim enim communicato cordi affectu, contabescit totum corpus, & hecticam vairolam incurrunt, quæ est omnino deplorata. His omnibus addunt quidam tinnitum aurium pertinacem & diuturnum, & urinam crudam, subalbidam vel subviridem cum paucâ aut nullâ hypostasi. Sed ego istis duobus paruum fidem adhibendam existimo. Quod ad tinnitum enim spectat, cum multis morbis capitibus sit communis, & sequatur inclusos in auribus flatus, videtur tam principia luis, quam illius incrementa & perfectionem sequi posse. Urinam autem parum posse ad deleterias istas & occultas morborum dispositiones, nemo est Medicorum, qui non fateatur facile: & si quidem tales in progressu luis Venereæ appareant, hoc non est perpetuum, nec propriè pendet à luis essentia, sed coniunctâ illi manifestâ intemperie viscerum. Atque hæc de diagnosi huius affectus, & ratione præcipuorum signorum, quæ in illo apparere solent: nunc ad prognosin accedamus.

PROGNOSIS LVIS VENEREÆ. Signa quæ ad prognosin spectant, alia esse decretoria, quædam coctionis & cruditatis, alia salutis & mortis eleganter docuit Galenus, *comment. in Aphor. 12. sect. prima.* Quomodo verò ad propositum affectum referri possint, oportet ut videamus. Cum enim hic morbus positus sit in deleteriâ quadam qualitate, quæ hepar, natiuos spiritus & sanguinem inficit, illisque pertinaciter adhæret: cumque ut plurimum suâ sponte & naturæ beneficio non curetur, sed usu alexipharmacorum, remediorumque illi peculiarium: hinc sequitur nec coctiones aut cruditates spectandas, nec vacationes criticas, quæ certis diebus post pepasum contingunt, esse expectandas, quia terribilissima ista seminaria eludunt omnem caloris natiui actionem, nisi certis, ut dicebamus, antidotis & sudorificis adiuti. Itaque tota prognosis posita hæc videtur, ut salutem aut mortem, longitudinem aut breuitatem, seu curandi difficultatem vel facilitatem præuideamus & prædicamus. Quod ad salutem & mortem spectat, raro lues Venerea hominem tradit internecioni, sed in longiores poenas ac cruciatus seruat: quoniam sensim & multo otio occupat partes, datque ægro ac Medico spatium, quo possit illi mederi per sua appropriata remedia, quæ natura sagax in tanti mali subsidium largâ manu produxit: nisi fortè in valde senibus contingat, qui propter innati calidi infirmitatem & excrementorum copiam facile succumbunt malignis hisce affectionibus, Vel in eis qui hydropi, atrophie, cachexie, asthmatis, paralyti, elephantiasi, & similibus, sunt obnoxij aut propinquissimi; Quia tales facillimè luis aduentu in eiusmodi affectus præcipitantur; vel certè non possunt ferre conuenientem medicationem. Quoties etiam pessima hæc constitutio primum impetit palatum & fauces, ut vel columella absumatur, vel dentes mobiles ac tremuli reddantur, aut os basilare decidat: tunc etiam lethum inferre solet, tam propter comedendi bibendique impedimentum maximum quod infert, quam aeris externi ad interiora penetrantis sine ullâ refractione copiam, quâ facillimè cordis spiritus & calor dissipantur. De longitudine autem vel breuitate, seu curandi difficultate vel facilitate pronuntiabimus in hoc affectu ex causæ efficientis seu contagij naturâ, ex affectus specie seu differentiâ, loco seu subiecto quod occupat, effectis seu symptomatis consequentibus, & iuuantibus. Respectu enim contagij seu generantis & transmittentis causæ, quò magis infectum & contaminatum fuit corpus viri vel mulieris, ex quo eiusmodi seminaria contracta sunt, eò validiorem esse impressionem, contumaciorem, & curatu difficiliorem existimandum est, potissimum si diu simul versati fuerint, si sordide vixerint & accubuerint, si aeris mala constitutio, ut calidior vel putredinosa concurrerit, si excrementorum copia, & cæteræ corporis aut partium constitutiones à nobis commemoratæ adfuerint. Horum enim maior vel minor concursus auget vel minuit contagij vim, & corporis ad patiendum dispositionem.

Affectus ergo istius species, quamuis vna sit ratione suæ essentia, minoris tamen ac maioris ratione distincta in suos gradus, ut dicebamus, ostendit eius potentiam aut infirmitatem. Quæ enim lues hectica veluti euasit, & primo ferè occurso, neglectis quasi spiritibus & humoribus, partes solidas impetuit, illa maxime est

est reformidanda & vix curationi cedit, aut saltem frequentes recidivas committit, quia relinquit in eiusmodi membris malam qualitatem, quæ facili negotio rediuiuum facit affectum.

Idem dicas de locis particularibus seu subiectis quæ occupat. Nam illa lues quæ nullâ sui ferè significatione exterius facta, velut furens recta hepar impetit, & inde dilatatis sui imperij limitibus cor, cerebrum, & similes partes adoritur, ostendit quantæ sit actiuitatis, & quàm difficile cessura sit conuenientibus remediis. Contra vbi inguina tantum vel parastatas occupat, aut certè leuissimam hepatis noxam infert, tunc vel per se ipsam soluitur, vel leuissimâ saltem medicatione.

Quod adhuc certius innotescit ex effectis ac consequentibus morbis vel symptomatis. Nam siue exulcerationes spectes, siue tubercula, aut corruptelas partium, quò maiores, profundiores, callosiores, aut iunctâ tandem putredine acriores fuerint, eò maiorem contumaciam & morbi pertinaciam indicant: Quam si non vicerint conuenientissima remedia & exquisitè adhibita, aut difficulter, ita vt ad ignem vel ferrum accedendum sit, ostendunt pessimam esse constitutionem, & quæ magna potest inducere pericula, potissimum si natura fuerit infirmior, vt iam dicebamus, per se, vt per ætatem; vel ex accidenti, vt propter morbos prægressos, cachexiam, & similes, à quibus vires effœtæ redduntur. In genere possumus pronunciare luem Veneream in piritosis & melancholicis naturis contumaciorem esse & diuturniorem: vt in sanguineis ac biliosis, in quibus facilè concipitur, vehementiorem, sed solutu faciliorem, propter humorum tenuitatem, & totius corporis *εὐποσίαν* ac raritatem maximam. Atque hæc de prognosi.

PRÆSERVATIO A LVE VENEREA. Cùm multò sit præstantius, ex Galeni sententiâ, morbos ne fiant impedire, quàm iam genitos curare, mirum est eos qui de lue Venereâ hætenus scripserunt, nihil de prophylaxi seu præcautione illius tetigisse, sed omnes soli therapειæ incumbere. Quamuis enim tota morbi istius generatio ex contagionis vi pendeat, ac proinde illius præseruatio posita in eo videatur, vt diligenter impurus rerum infectarum contactus vitetur: quia tamen hoc semper fieri non potest, etiam à modestissimis & prudentissimis hominibus, præcipuè regiones illas, vbi morbus hic valde grassatur, incolentibus: & quia contagij ipsius vis ab aliis causis augetur vel minuitur, ipsaque corpora magis vel minùs parata redduntur ad luem istam suscipiendam: ideo omnium illarum diligens ratio habenda, vt conueniens ac methodica luis Venereæ præcautio instituat, quam nos hîc meditamur.

Imprimis itaque causæ omnes disponentes subiectum ad recipiendam hanc luem, vel augentes contagij vim, ita constituantur, quatenus fieri poterit, vt & minorem agendi vim illa seminaria obtineant, & corpus ipsum *συνωρεθῇ*, hoc est, minùs ad patiendum idoneum reperiant. Aëris igitur ea habeatur ratio, vt sub malignâ illius constitutione nullus aut rarus admodum sit coitus. Item sub ardente coelo aut inæqualissimâ Autumni tempestate paucissimus & ex interuallis potius, quàm continuatis pluribusque vicibus vnâ nocte celebratus: sic enim vires corporis minùs deiciuntur, & ex breuiore morâ minùs potest serpere illud contagium. Quod si quis ad corrigendam malignam aëris qualitatem, vbi contigerit, vel fugandos tetros vapores quos eiusmodi scorta expirant, velit sibi parari pomum aliquod odoriferum, quod perpetuò gerat, vel etiam trochiscos quibus vtatur pro suffitu indusiorum, & ipsius cubiculi in quo Veneris sacra peraguntur, non erit omnino extra rem, talem vel similem mixturam parare.

℞ Rasuræ ligni sancti optimi ʒ iij. caryophyl. nucis mosch. santali citrini, an. ʒ j. benjoini, & trochisc. galliæ moschatæ, an. ʒ j. moschi optimi, & ambre griseæ, an. ʒ ss. ladanî & storacis calam. an. ʒ. ss. gummi arabici aquâ citrangulorum vel rosac. dissoluti q. s. Fiat pomum vel trochisci in vsum dictum. Aut

℞ Puluer. violacei Monspel. & pulueris Cyprij, an. ʒ ss. rasuræ ligni sancti ʒ ij. santali citrini, corticis citri sic. & rosar. rubr. an. ʒ j. ss. Trita reponantur in sacculo quodam sericeo, qui gestari poterit continuò, vel cum vestimentis ipsis seruari.

Eodem modo recta alimentorum ratio seruetur, quæ non sit ex caco-chymis aut putredini obnoxiiis alimentis, vel ingluuiei addicta, sed parca potius & sobria. Cardanus *lib. de sanit. tu.* 224. existimat carnem perdicum tantâ vi ad hunc morbum esse præditam, vt qui eâ frequenter vtuntur, vix illo corripì possint. Multi vt

effugiant

effugiant periculum istius luis, per medios scortationis & lasciuiae quotidianae scopolos, bibunt secundarium illud guaiaci vel sarsae parillae decoctum, loco aquae communis: Vel ante singulos pastus sumunt parum vini guaiacini, quod scil. paratur ex ramentis istius ligni, in vino albo bulliente viudemiarum tempore maceratis; Vel sunt contenti poculo quodam aut doliolo seu lagenae ex praestantiori huius ligni parte confecto, ex quo hauriant quotidianum suum potum. Quod si adhuc rutiùs velint se ab hac infectione praeservare, vtantur manè & serò, potissimum vbi fuerit congregiendum, sequenti opiata.

℥ Corticis citri saccharo conditi ʒ. ij. conferu. florum cichor. & caulium lactucae, an. ʒ. iij. theriacae, confect. alkermes, & elect. triasane. an. ʒ. ʒ. rasurae ligni sancti, & sarsae parillae puluer. an. ʒ. j. ʒ. Cum syr. de pomis redolent. vel confer. corticis citri, fiat opiata, de qua capiat ad quantitatem castaneae, superbibendo parum secundarij decocti, vel aquae cardui benedicti.

In reliquis autem motus intempestiuos fugere, & exercitationes violentas, eo scil. tempore quo ineunda est pugna: Non accubare cum scortis in lectulo, nec indulgere longioribus amplexibus vel basiis, sed festinanter, & quasi canis aquam rapit ex Nilo, opus peragere: corpus excrementis vacuum seruare, & excretionem omnes solitas corporis diligenter procurare: nec denuò aut certè serò vadum illud tentare, ex quo semel emerferis, & nuper ab inquinamentis illis liberatus fueris.

Atque vt deinceps ipsius causae efficientis praecipuae seu contagij diligens habeatur ratio, obseruanda imprimis istiusmodi scorta quae promiscua vtuntur Veneri in populosissimis vrbibus: raro enim fieri potest, quin teterrimis hisce seminariis scateant; aliae verò mulierculae magis cultae etiam explorandae & inspiciendae, ne scil. venenum sub pulchris illis vestibus & forma venustiore lateat. Quod si propter pudorem, aut paucam experientiam eiusmodi cautela adhiberi non possit, aut certè non lubeat, propter animi impotentiam & summum congregiendi ardorem; tunc etiam licet praecauere, aut certè infringere potentiam eiusmodi inquinamenti. Cum enim insinuari plurimum soleat per ipsum pudendum, & praecipue glandem ac canalem illius: ideo possumus parare quaedam hisce partibus admouenda, ad dictos vsus conuenientissima: fiat itaque sequens decoctio.

℥ Folior. scordij, sonchi, besonicae, scabiosae, hypericonis, tormentil. ruta & dictamni, an. P. ij. rad. gentianae, aristolochiae vtriusque, santalorum omnium, ligni aloës, & rhabarb. an. ʒ. j. ʒ. rosar. rubr. P. j. rasurae ligni sancti ʒ. iij. Infundantur omnia in f. q. aquae sonchi, scabiosae, & vini albi optimi vel muscatellini per spatium XXI V. horarum: deinde decoquantur in vase bene obturato ad mediae partis consumptionem. Colentur & exprimantur omnia; & in eo maceretur per totam noctem linteolum purissimum, frequenter agitando, deinde siccetur in umbra: & hoc fiat tribus vicibus macerando & exsiccando. Hoc linteolum scindatur in frustula, quae sint eius magnitudinis, quae conueniat inuoluendae glandi sub praeputio, ferantur continuo in eodem loco: est enim alexipharmacum tutissimum ad propulsanda luis Venereae inquinamenta. Vbi celebrandus erit Hymenaeus, auferri poterit, & eo peracto, debet vterque procurare vt urinam excernat, eaque vel vino albo diluto diligenter perluat partes istas generationi dicatas, & sub praeputio positas, deinde nouum linteoli frustulum eis admoueat, & in pudendi canaliculum turundae instar immittat cottonem eadem decoctione praeparatum. Etenim si sordidus fuerit ille coitus, apparebit eiusmodi bombax & linteolum saniosum, vel prauo colore infectum, attractis nimirum sordibus & inquinamentis, quae adhuc in primis illis viis continebantur.

Quod si adhuc maior metus sit susceptae infectionis, ob valde corruptam mulierem vel virum, possunt robusti homines dissipare eiusmodi inquinamenta validis exercitationibus, quibus sudor copiosus eliciatur. Quemadmodum enim febris ephemera & putrida per sudores saepe terminantur, absque vilo remediorum auxilio: sic lues ista in principio suae generationis, dum adhuc circa sanguinem & spiritus natiuos occupatur, nulla in particulas ipsas facta impressione. In quibus verò non licet aut non lubet violentos istos motus exercere, aut qui iam sentiunt vehementiorem pruritus in pudendo, lauetur & foueatur decocto aluminis & viridis aeris in aqua endiuiae vel scabiosae facto: Empirici autem habent pro certissimo experimento vsu fumigij sequentis.

℥ Rosar. rubr. folior. absinth. scordij, dictamni, & santali rubri, an. ʒ. j. benjoini, caphurae, thuris, aloës, & myrrhae, an. ʒ. ʒ. cinnabaris, & praecipitati bene

præparati, ana ꝑj. Fiat omnium puluis, de quo iniiciatur parum supra carbones arduentes, quibus impositum sit infundibulum. Capiant fumum toto pudendo linteolis bene contecto, per duos aut tres dies continuos. Sic enim auertetur omnis lues, & seminaria intus latitantia absumentur. Atque hæc de præseruatione.

CVRATIO LVIS VENEREÆ. Prima, atque vt ita loquar, vnica indicatio est in lue Venereâ profligandâ, quæ respicit ipsam causam seu seminaria illa contagiosa, quibus totum corpus inficitur: ea enim excludi, frangi aut dissipari debent, vt affectus iste tollatur. Sed quoniam eiusmodi destituta virulentia pro vario morbi progressu & subiecti naturâ, modò spiritibus, aut humoribus diuersis, modò solidis partibus inhaerent: ideo pro varietate illorum, exurgunt aliæ indicationes, vacuantium, præparantium & corroborantium, quæ peritus Medicus debet præcipuis remediis & antidotis velut subsidiaria annectere. Suppositâ imprimis rectâ victus ratione, quæ contraria sit humori peccanti, & quæ vim aliquam alexipharmacam ad præcipuum affectum adiunctam habeat, quæque partes affectas commodè nutrire & roborare valeat. Præter ea igitur quæ præcedenti capite fuerunt à nobis annotata, dicimus, lue Venereâ correptos debere vti aëre temperato, aut etiam calidiore, potissimum in cubiculo, quamdiu medicationi incumbunt & sudoribus exercentur, ad rarefaciendum habitum corporis, & perspirationem iuuandam. Victu mediocri in principio, deinde magis attenuante, vt absumentur excrementa, postmodum renutritorio, vt affectu curato reficiatur corpus; habitâ semper ratione ætatis, consuetudinis, & similium circumstantiarum. Substantiâ sint euchymi cibi, & minimè putredini obnoxij, ac proinde fugiant vsum fructuum humidorum, olerum crudorum, lacteiorum, & aliorum quæ facillè putrescunt: fugiant etiam dyspepsta, vt legumina, carnes bovinas, aprinas, leporinas, suillas, auium palustrium, & similes, potissimum sale aut fumo induratas. Vtuntur verò delicatis & leuioribus, inter quas carnem perdicum tantopere laudat Cardanus, vt existimet hac sola per integrum annum vsurpara, curari posse hunc affectum. Sint autem assæ potius quàm elixæ, vbi exsiccationi per sudorificum studemus: tuncque etiam vtantur amygdalis tostis, auellanis, nucleis pini, passulis, cortice citri saccharo condito, & aliis tragematis roborantibus calore natium, & absorbentibus humores excrementitios. Extra illud tempus, præcipuè si feruor hepatis & febricula adsint, concedi possunt olera cocta, vt borrago, cichorium, spinachia, asparagi, radix feniculi & petroselinii, poma, pyra, pruna cocta, & multo saccharo aspersa. Necnon pisces saxatiles conuenienter præparati, & oua tremula, vt etiam hordeatum, amygdalatum, auenatum, & similia liquida & boni succi alimenta. Fugiant autem velut pestem omnes hac lue infecti cepas, allia, & radices raphani, cum omnibus in farragine frixis, quia valde exagitant & augent istius luis seminaria. Dubitant aliqui de aromatibus, vtrum sint illis concedenda. Sed ego censeo garyophyllos, nucem moschatam, & cinamomum, concedi posse ad roboranda viscera, dummodò nulla sit in ore, vesicâ, aut ano exulceratio, quam eiusmodi calfacientia & attenuantia augere solent. Item sunt multi qui existimant panem biscoctum perpetuò istis ægris esse exhibendum, quia absomit & exsiccatur crudiores corporis succos. Sed natura panis illius, qui, vt docet Galenus, difficilis est coctionis & parum nutrit, ostendit non esse semper in vsu, vtpote ventriculis infirmioribus, vel consumptis, qui copiosiore indigent nutritione; sed illis tantum quibus exsiccatio sola & veluti consumptio conuenit, dummodò nullis obstructionibus teneantur. Idem dicas de vino, quod illis oligophorum & tenue conceditur, nisi vbi subest inflammatio, vel vlcera interiora, aut magna catarrhi molestia, aut quando decocto sudorifico guaiaci vtuntur: quibus in casibus melius est omnino abstinere.

Quoad exercitationem corporis spectat, impigri esse debent eiusmodi ægri ad labores, nisi doloribus artuum fatigantur, quia motu dissipant aliquam contagij partem, & faciunt corpus magis perspirabile: imprimis verò frictiones totius corporis valde sunt illis viles ad resoluendum habitum, & trahendam hanc labem versus corporis superficiem. Ac proinde somnus longior non est illis tam commodus quàm vigilia, quia impingit humores ad interiora viscera: Nec coitus illis confert, nisi moderatus in robustis & iuuenibus, qui per seminis emissionem,

vt per solitas alias excretiones, quæ diligenter sunt promouendæ; solent quædam reliquias mali istius propellere, & vehementer illo exhilarantur. Si quid enim sit quod morbi huius curationem promoueat; est animi constantia & alacritas summo perfusa gaudio: tum quia signum est vitæ caloris natiui: tum quia natura non perterrita, melius suo fungitur munere ad expellendas causas morbificas. Atque hæc de regimine.

Cætera verò remedia cum sint vacuantia, alterantia, & roborantia: videndum quibus, qualibus, quantis, & quando seu quomodo illis vti debeant hoc morbo affecti. Quod ad vacuationem itaque attinet, cum illa sit vniuersalis vel particularis, & vtraque multiplex: Quæritur primum, vtrum duo illa magna remedia plethoræ & cacoehymix, nempe venæ sectio & purgatio, huic affectui conueniant. De phlebotomiâ itaque non est dubium, quin illa sæpius competat; cum supra positum sit à nobis, virulentiam hanc per venas in hepar inuadere, massam sanguinis exagitare, & frequenter plethoricis ac sanguineis hominibus contingere, ita vt reuulsionis ab hepate, & vacuationis causâ ex toto, quando adest plenitudo corporis, quâ vacuatâ etiam pars huius contagij extrahitur, vsurpari debeat. Attamen non est ita facile iudicare, ex quâ venâ, & quando mitti debeat sanguis. Cum enim frequentissimè natura in hoc morbo deponat maximam huius virulentix partem in inguina & partes spermatis generationi dicatas, vt patet per bubonas & gonorrhœam illam virulentam: non videtur interturbandus naturæ motus, aut reuocanda mali semina per venæ sectionem à partibus illis ignobilibus ad nobiles. Quoties ergo apparent in principio luis fientis, eiusmodi tumores vel effluuium per pudenda, cessandum est parcendumque à sectione venæ quæ in cubito sit, quia ex fiente seu exoriente redderetur facta per illam retractionem seminariarum ad interiora: & ab omni aliâ, si quidem existimet Medicus naturam sufficienter expellere aut expulisse hanc labem. Alias verò, vt in corporibus plethoricis, sanguineis, inflammationi & vlcerationi obnoxiiis, ne grauiores exoriantur dolores in partibus illis recipientibus, poterit tundere venam maleoli, aut poplitis, è directo lateris, in quo tumor apparuerit: Sic enim portionem materiæ auferet, semina ad infimas partes deducet, & suppurationem promouebit, quam natura multitudine humoris oppressa peragere non poterat. Imò etiam fluxione iam cessante & bubone facto, ita vt deinceps intrò recurrere non possit, multi suadent venam brachij aperiri ad tollendam plenitudinem si adsit, quod tamen non est adeò tutum. Quoties verò nulla est significatio in principio luis, naturæ ad exteriora & solita emissaria propellentis, sed omnia intus latent, aut certè modicam faciunt ad externa eruptionem: tunc poterit confidenter Medicus, consentientibus ætate, temperamento, viribus, æris constitutione, & similibus circumstantiis, venam alterutrius cubiti, cephalicam, basilicam, aut medianam tundere, prout mali fomes in his vel illis partibus magis hære videbitur. In progressu verò luis, quando affixa iam sunt solidioribus partibus hæc semina & totum corpus occupatum, melius est abstinere, metu deiectionis virium & refrigerationis nimix, quam satis per se solet hic morbus inducere, vbi semel radices suas fixerit.

Quod ad cucurbitulas, hæmorrhoidum prouocationem, & cauteria seu fonticulos spectat, quæ remedia etiam sunt Chirurgica reuellentia & vacuantia: vsurpari poterunt pro variâ ægri constitutione, quamvis cucurbitulæ parum valere videantur in generali huius affectus curatione, quia mali fomes altius in massâ sanguinariâ insedit, quàm vt per superficiem corporis extrahi possit. Valent tamen in progressu ad subleuandos affectus multos symptomaticos, qui deinceps apparere consueuerunt. Hæmorrhoides etiam in assuetis, tam internæ quàm externæ, si concitentur, non parum proderunt ad reuellendam à præcipuis visceribus, & expurgandam portionem illius humoris qui iam infectus est. Sed considerandus imprimis naturæ motus quò repit, ne ægros inutiliter fatigemus. Idem ego existimo de cauteriis & fonticulis in cruribus aut brachijs excitandis: Cum enim ichores tantum & fetosa quædam substantia per illos vacuetur, nunquam educent aut auertent mali causam, quæ in iecore aut massâ sanguinariâ latet; nec crassos humores, qui tandem in

progressu huius affectus generantur : Adde quod non est ita tutum viscera in corporibus cacochymis excitare , ne fiant *συσπλωτά* vel etiam *κακοήθεια* : poterunt tamen fieri , ut & setones vel vesicatoria ad intercipiendam fluxionem cerebri, quæ gravius in subiectas partes decumbere consuevit, vel ad exhaustiendam materiam, quæ in certâ aliquâ parte continetur, si ita res efflagitet.

Verùm antequam venæ sectio , vel prædicta vacuantia celebrentur , ne impuritas viscerum quæ hîc citò & certò adesse solet , in venas maiores rapiatur , certum est expurgandas esse primas vias, tum communibus excrementis, quæ in intestinis ipsis latent , tum eâ illuie quæ circa ipsum hepar & lienem subsistit. Ac proinde clysteres mollientes , tergentes , & attrahentes , hîc esse ex usu , pro variâ ægri naturâ & humorum. Ut etiam minorantia medicamenta in formam boli , syrupi , pilularum , tabellarum , apozematis , vel medicinæ vulgò dictæ , præmittenda esse , & frequenter repetenda cum suis præparantibus & alterantibus , quæ genus humoris dominantis respiciant & intemperiem calidiorem , frigidiorē , humidiorē , vel sicciorē , prout coniuncta fuerit , corrigant , viasque lubricas & patentes faciant. Quæ omnia hîc nunc describere , non est nobis propositum , cum facile sit formulas purgantium , præparantium & alterantium quosvis humores , ex toto & singulis partibus hinc inde repetere, nosque eas satis accuratè persequuti simus peculiari tractatu ante aliquot annos publicè proposito.

Vtrum verò peculiaria sint cathartica , quæ litem istam respiciant , illique approprientur , difficilius est statuere. Quod ad litem enim seminata spectat , certum est nulla esse purgantia quæ illis educendis sint idonea , nisi per accidens , vacuato scilicet humore , cui illa inhærent : reliquum enim per alexipharmaca , potissimum verò sudorifica , perficitur. Respectu ergo humoris , cui illa inhærent , multi varia statuunt cathartica quæ huic affectui conveniant. Rondeletius enim noster , qui phlegmatis crassi & falsi , crudarumque humiditatum hîc habendam esse rationem præcipuam voluit , ea etiam censet usurpanda purgantia , quæ phlegmagoga sint & exsiccandi vim obtineant ; pilulas enim ex agarico & aloë confectas & frequenter repetitas , sufficientes esse putat ad expugnandum aliquando hunc affectum. Alij laudant pulverem hermodactylorum , pulverem radicis mechoacan , vel pulverem Gordonij dictum , qui ex turpetho , cinamomo , & saccharo ad scrophulas comparatur. Alij, quia vident contumaciorem esse affectum & penitioribus corporis partibus infixum , extollunt usum hellebori , vel pilularum illarum , quas nunc coccias minores vocamus , quæ ex æquis partibus aloës , diagredij , & colocynthidos conficiuntur cum syrupo de stœchade , easque per intervalla exhibent ad pondus dimidiæ drachmæ , vel ʒ ij. Empirici audaciores , antimonij vitrum infusum & in substantiâ propinant , magnâ corporis perturbatione , & violentâ quorumvis humorum sursum deorsumque factâ expurgatione , quâ sperant se totam contagij vim eradicaturos : Sed quàm infelici eventu , illi norunt , qui in artis operibus sunt exercitati , quique multos hoc genere remedij occubuisse observarunt. Est etiam alia ratio expurgandi in hoc affectu empirica & audax , quæ per analogismum ab externis remediis ad internorum usum translata est : fit autem vi ipsius hydrargyri , quo de plura inferius dicturi sumus , per os exhibiti , & in celebratissimas illas Barberossæ pilulas concinnati , quæ variis modis parantur. Ut

ʒ Agarici trochisc. ʒ ij. rhabarb. electi pulveris. ʒ j. aloës optimæ ʒ vj. hydrargyri succo rosarum extincti ʒ iij. cinamom. myrrhæ & mastich. an. ʒ ʒ. pulveris diamosc. & diamb. ana ʒ ss. Cum terebinte. fiat massa pilularum , de cuius drachmâ fiant pilulæ novem deauratæ. Capiat in primâ dosi ʒ j. deinde usque ad ʒ ij. purgato prius corpore per minorativum aliquod conveniens , & continuando donèc alvus sufficienter per illas fluat , vel fœtor & salivatio in ore appareat. Quidam his pilulis addunt limaturæ vel foliorum auri ʒ iij. ad correctionem hydrargyri. Alij diagredium aut trochiscos alhandal , ne tamdiu morentur in corpore. Alij verò sic parant.

ʒ Ladani puri & hypocist. ana ʒ ij. aloës ʒ ss. moschi ʒ v. argenti vivi extincti ut supra ʒ j. ʒ. Incorporentur cum syrupo de absint. fiant pilulæ tres ex ʒ j. qui exhibeatur , ut dictum est ; capiendo circa vesperam confect. alkermes , vel theriacæ ʒ ss. aut parum electarij corroborantis infra describendi.

Quidam

Quidam loco hydrargyri, ponunt puluerem præcipitatum. Vt

℞ Præcipitati bene præparati, à gr. v. ad vij. myrrhæ, mastich. & thuris, an. ʒ. ʒ. Conficiantur cum syrupo conferuat. cort. citri. Fiant pilulæ tres. Capiat summo mane. Sed quantum hæc caustica sint periculosa, nemo est qui facile non videat: Imò ex usu harum pilularum, certum est grauiorẽs aliquando morbos excitari, & corporis œconomiam omnino perturbari: ac proinde si qui sint qui impatientes sint moræ, aut propter vrgentiora negotia nequeant domi se continere ad vsurpanda consuetæ remedia, melius erit sequentem purgationem instituere, quam feliciter hos morbos aliquando profligasse obseruauimus.

℞ Myrobal. omnium pulueris. ʒ. j. Infundantur tepidè, sæpe confricando, in tb̄ iij. aquæ fumaricæ vel feri caprilli. Postea adde epithymi, polypod. quercini, folior. senæ, an. ʒ. vj. corticis helleb. nigri, si haberi possit, & corpus sit validum ʒ. ʒ. endiuicæ M. j. limaturæ ligni sancti ʒ. iij. Bulliant ad mediæ partis consumptionem, addendo sub finem ebullitionis, garyophyl. cinam. & seminis citri, an. ʒ. j. florum cordialium P. j. vini albi tb̄ ʒ. Colentur & seruentur in vase vitreato. Capiat ʒ. iv. vel vj. mane alternis diebus, & si quidem sudor erumpat in læto, bene erit, (neque timendum est ex leuiori quodam sudore & alui deiectione naturam turbari vel corpus debilitari, quandoquidem in crisis morborum idem sæpe felici successu contingere animaduertimus, crassaque per secessum, tenuia per sudores simul expurgari.) Aliàs surgat, & consueta negotia exerceat, spatio trium septimanarum. Diebus verò interiectis, vtatur electuario corroborante iam notato.

℞ Conseru. florum fumar. cichor. & borrag. an. ʒ. j. ʒ. corticis citri saccharo conditi ʒ. ʒ. confect. alker. & de hyacint. an. ʒ. j. theriacæ electæ ʒ. ij. semin. citri pulueris. & folior. auri, an. ʒ. ʒ. puluer. farsæ parillæ ʒ. iv. Cum syr. de limonib. fiat opiata, de quâ capiat ad quantitatem castanæ, suprabibendo parum decocti guaiacini secundarij, quod Bochetum vocant; vel aquæ scabiosæ, in quâ aurum ignitum aliquoties extinctum fuerit. Multi adiungunt huic decocto purganti, vsum aquæ theriacalis circa vesperam sumendæ ad ʒ. ij. vel iij. quâ perfectè sanatos fuisse multos, etiam doloribus vexatos, asserunt. Cuius talis est descriptio.

℞ Theriacæ veteris & fideliter dispensatæ tb̄ j. puluer. elect. diamosc. & diamb. an. ʒ. ij. acetosæ folior. contus. M. iij. florum cichor. borrag. & folior. cardui bened. an. M. j. Temperentur omnia in vino albo, & decocto guaiaci primario per xij. horas. Distillantur in alembico vitreo, vt artis est. Aqua rectificetur ad solem, & seruetur in vase bene obturato. De quâ capiat dosim dictam per se, vel si vehementior videatur, temperatam cum aquâ cardui benedicti, aut secundo guaiaci decocto. Hac enim aquâ, si diligentius contegatur corpus, solet etiam sudor aliquando excitari.

Instat igitur, vt de reliquis vacuantibus & alterantibus dicamus, necnon de præcipuis Venerei morbi alexipharmacis, quoniam ferè sub hidroticis siue sudorificis continentur. Quod ad diuretica enim spectat, parum momenti habere in hoc affectu existimo, nisi quatenus ad præparandos humores vel vias corporis patefaciendas faciunt: aliàs contumax hoc malum vix per vrinas expurgatur, quia totius vis morbi foràs prorumpere solet, siue ex constitutione propriâ, seu impetu naturæ, quam Medicus imitari & adiuuare debet.

Sudorem itaque excitant, quæcumque humores corporis attenuando & calfaciendo, eos in halitum seu vaporem conuertunt, & per poros cutis apertos profundunt. Quæ vel simpliciter talia sunt, vel adiunctam habent qualitatem alexiteriam & occultam, quâ morbi istius seminaria profligant, siue exterius, siue interius exhibeantur. Exterius admota, vt frictiones, exercitationes, fomenta, inunctiones, emplastra, balneum artificiale siue domesticum, stuphæ seu laconicum, thermæ seu balnea naturalia, & certi suffitus. Interius assumpta, vt sunt decocta multa ex radice angelicæ, pentaphylli, bardanæ, foliis berulæ, chamædryos, smilace asperâ, ligno iuniperi, milio solis, & similibus quibus sudores excitari solent. Quod ad balneum itaque artificiale attinet, & naturale, quamuis sudores excitent, quia tamen humida sunt actu, non possunt dissoluere pertinacissima istius luis seminaria, sed fundunt & exagitant tantum, nisi fortasse comparata sint ex decocto guaiacino, vt annotat Fernelius: vnde magis illi nocere quam prodesse posse, compertum habemus ex balneis nostris Belilucanis quamuis generosissimis, ex quorum usu lue Venereâ affecti grauius sese habere consueuerunt.

Stuphæ verò siue laconica magis valent in hoc affectu, quia exsiccant & absumunt potentius istam materiam: Vnde priores illi qui huic affectui medebantur, solebant post aliquot purgationes in furnum, hypocausta, vel papiliones coniecere miseros ægros, & ibi extorrire, facto suffitu ex thure, myrrhâ, aloë, dictamno, scordio, rasurâ guajaci, nuce moschatâ, carabe, & similibus super carbones ardentes coniectis. (si quidem paulò ditiores essent.) Alij faciebant suffitus ex cinnabrio, auripigmento, & aliis; Vt

℥ Cinnabaris artificialis, qui ex hydrargyro & sulphure conficitur ℥ ij. myrrhæ, thuris & mastiches, an. ℥ j. aloës, vernicis, & benjoini, an. ℥ β. Fiat omnium pulvis crassior: cuius modicum supra carbones ignitos coniiciatur, ægro sub tentorio stante & fumum excipiente. Vel

℥ Cinnabar. ℥ j. auripigmenti & sandarac. an. ℥ β. præcipitati ℥ ij. thuris, mastich. myrrhæ, benjoini, storacis, & ladani, an. ℥ β. Misce. Vtatur vt supra, manè post sumptum leuiorem cibum, per viij. aut ix. dies, donec vlcératione palati, & oris fluxus vel alui appareat. Post sudationem reponatur in lecto, & deterfo madore cibis euchymis reficiatur: sic enim casus capillorum maxime impeditur creditur, quia ista caustica absumunt præcipua luis seminaria in superficie cutis hærentia. Sed asperior hæc therapeia multos in grauissima pericula coniecit; ac proinde illam reddiderunt vulgo odiosam & terribilem, totaque vis curationis conuersa est ad decocta sudorifica & inunctiones, de quibus operæpretium est vt agamus.

Multi itaque existimarunt, quocumque decocto sudores promouente in plures dies vsurpato, luem Veneream expugnari posse. Sed experientia ostendit infidam esse eiusmodi curationem, atque opus esse, præter manifestam illam qualitatem, aliquâ peculiari & occultâ quæ per *ἀντιφάρμακον* oppugnat istum affectum. Ac proinde coëgit necessitas, vt ad illa recurreremus loca, ex quibus mali huius fomes & prima causa profecta erat. Solet enim natura sagax & benigna, vt plurimum venenis & morbis, alicui regioni familiaribus proprias antidotos & alexipharmaca adiungere. Allata igitur sunt ad nos duo ligna & totidem radices ex Indiis, quæ ad hoc peculiarem habent energiam, lignum scilicet guajacinum & lignum sassafras, radix sarsaparillæ, & radix chinæ: singula suis dotibus insignita, & huic magis quàm illi accommodata, vt scilicet haberemus remedia in promptu, quibus sine vllâ noxâ teterrimus hic affectus in quouis homine & morbi varietate propulsaretur. Est autem princeps & veluti regium medicamentum in hoc affectu guajacum seu lignum sanctum, ita vt meritò verum istius luis alexipharmacum seu bezoarticum appellari debeat, quia ad certam, citam, & tutam luis Venereæ curationem omnibus aliis præpoller, non solùm quoad manifestas illas qualitates spectat, incidendi, attenuandi, dissoluendi, & sudores prouocandi; est enim calidum & siccum circa initium tertij gradus; sed etiam occultam & peculiarem vim profligandi pessima ista seminaria & contagij fomitem, quæ in illo eminenter præ aliis omnibus reperitur. Huius itaque descriptionem & notas sufficienter ab aliis traditas omittemus, vt ad ipsius vsum & comparandi decocti rationem veniamus.

℥ Rasuræ ligni sancti nigrioris & resinosi, (tale enim calidius, amarius, & pinguius, magis facit ad incidendum, abstergendum, & emolliendum seu dissoluendum humorem, cui ista seminaria inhærent) ℥ iij. corticis eiusdem (qui paulò plus quàm lignum exsiccatur) ℥ j. Infund. in lb̄ iv. aquæ fontis tepidè per xxiv. horas: Deinde decoquatur ad mediæ partis consumptionem. Colatura seruetur in vase vitreato bene mundato: de quâ capiat ℥ vj. vel viij. calidè manè: Deinde bene coopertus vestibis sudet copiosè in lecto, admotis etiam si opus fuerit, plantis pedum & dorso tegulis vel silicibus calefactis & eodem decocto irroratis, vt sudor facilius eliciatur. Deterfo sudore, & interiectis duabus horis prandium sumat, & si quidem circa pomeridianum tempus sumpturus sit idem decoctum (sed paulò minoris quantitatis) parcius se impleat cibo, cœna verò sit liberalior: ex eis tamen alimentis constans, quæ exsiccandi & absumendi vim habent, vt tota illa materia peccans promptius & facilius digeratur, vsu videlicet panis biscocti & anisati, carniū assarum, fructuum siccorum, tragematum, & similium, concedendo tamen pruna Damascena cocta cum saccharo, in primum prandij ferculum, vt aluius liberior reddatur, quæ hîc plurimùm adstricta esse solet, ob evacuationem serosâ & liquidâ substantiæ per cutem, & parciorē victum, quem hîc

hic instituere solemus magis quàm in aliis decoctis, propter quandam nutriendi vim ipsi guajaco adiunctam. Quod ad potum attinet, abstineant omnino à vino velut veneno. Utantur autem decocto secundo, quod vulgò Bocherum vocant, & sic parari solet.

℞ Residentiam prædicti decocti, quæ infundatur in lb. xij. aquæ fontis; deinde decoquatur ad lb. iij. consumptionem. Colatura mittatur per manicam Hippocratis cum saccharo & cinnam. Et sic parabitur potus gratissimus & utilissimus ægris his nostris, quamdiu sudoribus se exercebunt: idque per spatium ad minus xx. aut xxx. ad summum Lx. dierum. Nam quò diutius hoc decoctum prorogabunt, continuis diebus vel per intervalla, eò certiores erunt de luis Veneræ curatione, quam symptomatum etiam ipsorum sedatio, vt gonorrhœæ, vlcerum, & similibus indicabit.

Eligatur autem, si fieri possit, tempus vernum vel autumnus; aut in aliis temporibus, si necessitas utendi hoc decocto urgeat, temperetur aer, vt neque caloris, nec frigoris nimia sit intensio. (*Quamvis æstate facilius sudemus, quàm aliis anni temporibus: tamen eo tempore non est exhibendum decoctum, quia facile inflammaretur totum corpus; & calor natiuus qui tunc infirmissimus est, omnino resolveretur.*) Contineant se in cubiculo, ne corpus peruium externis impressionibus afficiatur. Poterunt tamen aliquando referari fores, vt expirationi & expurgationi aëris sit locus. Item vt crassiora excrementa, quæ hæere solent in communibus viis commodius expurgentur, debet præter solitos clysteres, in medio saltem & fine diætæ exhiberi purgans medicamentum, vt pilulæ coccæ, vel tabella aliqua, aut electarium purgans cum decocto guajacino. Nec terreantur ægri, si quidem circa diætæ initia dolores exacerbentur, & peius se habere videantur, quia hoc decoctum, dum in principio attenuat, incidit & resoluit hanc materiam, suscitatur etiam vaporum copiam, quibus partes vellicantur & distenduntur, donec progressu temporis omnino dissipati fuerint, & mali causa profligata.

Atque hæc est simplex exhibendi & præparandi huius decocti ratio in hominibus mediæ & vigentis ætatis, quam augere vel minuere poterimus pro modo circumstantiarum. In puerulis, qui vel infecti nascuntur, vel statim post ortum ab immundis nutricibus inficiuntur, præter quàm quòd nutrici decoctum dictum exhiberi debet, pro pueris etiam ipsis, vbi annum vnum vel alterum attigerint, parari potest iulep, ex aliquot vnciis ramentorum guajaci, in totidem lb. aquæ graminis aut endiuæ infusorum: quæ expressa fortiter & colata, deinde cum saccharo coquitur in iulepi consistentiam; & pueris illis ad 3 ij. vel iij. manè propinatur in lecto, vt sudores sponte, si fieri possit, ciantur, vel saltem mador quidam, qui in tenerioribus hisce corporibus sufficiet. Vel decoctum guaiacinum dictum distillatur in balneo Mariæ, & aqua illa dulcorata saccharo in eundem vsum comparatur. Vbi verò feruor totius aut hepatis, vel alterius partis infestior est, solent multi addere sub finem prædicti decocti, folia aliquot endiuæ, borrag. cichorij, sonchi, seminis melonum & similibus. Sed ista quoniam faciliè putrescunt, vel impediunt quodammodo sudores, non ita mihi probantur. Mallem itaque eiusmodi ægris separatim exhibere iulep aliquod refrigerans circa vesperam, vel inungere hepar aut renes cerato fantalino vel rosaceo, quibus prædicta incommoda vitarentur. In consumptione autem corporis quidam volunt decoqui 3 lb. ramentorum istius ligni, cum pullo aut carne hœdinâ, addendo passulas, foliaque herbarum dicta; & hoc iusculum vice prædicti decocti usurpari. Sed ego malim in eiusmodi marcere omnino abstinere à ligno guajacino, cuius vis parum feliciter huic iusculo propter leuiorem præparationem communicari potest; præscribi verò alia ex radice chynæ aut sarsaparillæ, quæ non ita calfaciunt & extenuant, vt guajacum.

Quod ad reliquas decocti istius formulas spectat, quibus multa solent à variis addi, vt vel iuuetur vis ipsius guajaci, vel approprietur huic vel illi parti, aut dulcius & iucundius reddatur, non valde mihi probantur; quia in vsu alexipharmacorum, nihil est præstantius, quàm illis puris & impermixtis vi, quò certius & citius agant in deleteriam illam qualitatem vel causam, quæ expugnanda est. Idem dicas de vino, quod multi solent circa finem ebullitionis huic decocto ad tertias vel quartas infundere, quo liquor ventriculo magis gratus euadat. Sed nemo nescit vinum facillimè acescere quacumque ebullitione, & omnem vim amittere, aliis liquoribus diutius permixtum: Adde quod, vt supra annotauimus, obseruatum est vinum à liquoribus quodam nocere eis qui decocto isto sudorifico vtuntur: ac proinde

non est illi immiscendum ad curationem : quamvis ad præcautionem vini guaiacini vsum probauerimus.

Præter guaiacum diximus aliud lignum ex Indiis aduehi, quod sassafras vocatur, minus calidum & siccum guajaco, sed circa initium tantum secundi gradus, ut leuior eius amaritudo, & odor suauis anisum aut cinnamomi corticem sapiens ostendit. Estque medicamentum ventriculo valde gratum, illius temperiem nativam iuuans, & cruditates corrigens : Vnde obseruatum habemus, huius ligni vsum valde esse commodum omnibus iis qui ex lue Venereâ diutius sæuiente, in *ἀρεσκίαν*, *κακίαν*, aquam intercutem, & alias passiones hydropicas inciderunt : necnon eos tumores frigidiores patiuntur, qui in diuturno morbi progressu exoriri solent. Adde quod plenius licet viuere, & vino vti mediocriter, dum decoctum istud exhibetur, quia non est pingue ut guajacinum, sed tenuium partium & minimè nutriens, nec eam habet cum vino *ἀντομάδαν*. Potest tamen in eis qui vinum non valde appetunt, secundarium etiam decoctum pro potu ordinario parari. Sic ergo hæc formula.

℞ Ligni sassafras, vel radice eiusdem (quæ præstantior habetur) cum cortice ipso ℥ iij. iv. vel v. Incidantur simul minutissimè, & infundantur in lb̄ iv. aquæ fontis aut cisternæ tepidè per xij. horas : deinde decoquantur ad medietatem, vel duarum partium consumptionem, præcipuè si æger pituitosi sit habitus. Postea coletur. Capiat huius colaturæ calidæ ℥ iv. in principio circa auroram : deinde augeatur dosi vsque ad ℥ viij. continuando per xx. dies continuos, & sudando ad placitum. Pessimum enim est signum, & iecoris iam tabescentis, quando sudores ab hoc decocto non suscitantur liberaliter.

℞ Residentiam prædicti decocti, quæ siccetur parum in umbrâ si volueris, & maceretur per aliquot horas in lb̄. x. aquæ fontanæ. Bulliat ad lb̄ ij. consumptionem, sub cuius finem adde si velis, seminis coriand. præpar. 3. iij. cinnam. electi 3 j. Colentur per manicam Hippocratis. Utatur pro potu simplici, vel etiam temperetur cum vino, si adsit virium & præcipuè ventriculi infirmitas. [Quidam imperiti homines hoc lignum velut calidissimum detestantur; sed eius odor ac sapor, necnon vsus quotidianus contrarium ostendunt. Est tamen cauendum, ne carie sit tentatum, quam faciliè contrahere potest, tunc enim non parvam corpori noxam inferret, & ventriculum perturbaret.]

Sarsa etiam parilla (quam multi simlacem asperam esse existimarunt) peculiares habet suas dotes, præter vim sudores prouocandi, illi cum superioribus communem. Quamvis enim non sit tantæ efficaciz ad eradicanda mali istius fomenta, ut guajacum; habet tamen proprietatem quandam ad dolores artuum sedandos, & citò peruadendum totum corpus absque vllâ insigni calfactione : ut merito à quibusdam, guajaci vehiculum, ob tenuitatem partium, quâ prædita est sine vllâ adstrictione, vel correctorium dicta sit, ob temperiem quâ insignis est. Ut si quid iure merito permiscendum sit decocto guajaci, quoties exterior habitus est malignâ hac labe potissimum occupatus, vel hepatis feruidior constitutio adest; hoc certè mereatur sarsa parilla, secundum eam proportionem quæ Medico conuenientior videtur.

Existimatur tamen hæc radix, quia omni sapore, odore, & adstringendi vi destituta est, ventriculo noxia, ac proinde in illius imbecillitate non esse præscribendam, nisi aliis permisceatur. Est autem huius decocti, ut & aliorum talis formula.

℞ Radicis sarsæ parillæ conuenienter exsiccata, (quoniam in viridi & nimium recenti, adest humiditas superflua, quæ dissoluit ventriculi robur) & per talcolas incisa ℥ iij. iv. vel v. prout maior vis decocto erit concilianda : rasuræ ligni sancti vel sassafras ad corroborationem ventriculi, ℥ β. Infundantur & macerentur per integram noctem, in lb̄ vj. aquæ fontis tepidæ : deinde coquantur ad mediæ partis consumptionem. Capiat ad ℥ vj. calidè manè, & ad ℥ iv. horâ terciâ pomeridianâ, si opus fuerit : tunc enim minor quantitas esse debet, quia minus est interuallum prandij ad cœnam, quàm cœnæ ad prandium. Paretur etiam secundum decoctum, ut in superioribus diximus. Imò leuius hoc decoctum ex sarsâ cum saccharo ac cinnamomo paratum, si per 6. aut 7. menses continuos vsurpetur, tantum valere ad symptomata luis Venereæ creditur, ut illa omnino expugnet. Hoc autem commodi habet sarsa, ut & vino & liberaliore victu vti liceat, nec aluum adstringat, sed liberaliter etiam aliquando soluat : ideoque omnibus ferè

ferè anni tempestatibus illâ vti licet impunè, propter eam quâp rãdita est, tẽperientiã.

Hac verò nobilior adhuc & prãstantior habetur radix Chynæ seu Apios vulgò dicta, non quidem si vires expugnandi istius affectus vel prãcipuorum symptomatum spectes, sed quoniam creditur atrophix ex morbo isto comparatæ, fluxionibus acris & asthmaei conuenire: Est enim expers odoris & saporis, vnde apios dictas, tenuium partium, sed minùsquàm sarfa, & æquali quadam temperie donata: Cui magnum nomen & autoritatem dedit commendatio doctissimi Vesalij, post curatum Imperatorem Carolum V. qui diuturniore affectu in marcorẽ ferè fuerat redactus. Est tamen certum eam non habere parem vim alexipharmacam ad morbum Venerum, vt sarfam, vel guajacum. Potest tamen vsurpari in delicatis, consumptis, & qui aliorum vsu iam fuerunt fatigati: quia enim impinguat & reficit corpus, possunt illius decoctum toties repetere absque vllâ noxâ, quoties ista symptomata recurrant. Sit autem hæc formula.

Radiciſ chynæ rufæ & ponderosæ, nullam cariem expertæ (hæ enim sunt illius laudes) ʒ iij. Incidantur per taleolas tenuiores, & infundantur in lb̄ v. aquæ fontis per xij. horas tepidè: deinde coquantur in vase stricti oris & obturati, lento igne & sine fumo, ad mediæ partis consumptionem. Colatura seruetur in loco tepido, aut supra cineres, vel fursures calidos, quia facillimè acescit si frigore tentetur. Capiat ʒ viij. vel x. calidè, quas ventriculus iucundissimè amplexatur ob saporis iucunditatem. Sudet ad placitum per xv. aut xx. dies. Deinde factò intervallo repetat, si opus fuerit: Et ex residentiâ vel nouâ radice paretur secundarium decoctum, cui addi potest vinum, si ita videatur. Multi capiunt huius radiciſ ʒ ss. (vbi est impinguandum & reficiendum magis) quam infundunt in lb̄ ij. vel iij. aquæ fontis per 6. horas. Deinde in hac aquâ decoquunt eandem materiam cum pullo columbino vel gallinaceo summo mane, addunt passulas Corinthiacas & parum coriandri. Iusculum colatum & expressum propinant eiusmodi ægris per mensem vnum aut alterum non infelici successu ad absumendos quosuis humores excrementitios. Quæ omnia prudens Medicus pro vario circumſtantiarum omnium respectu moderabitur, vt etiam miscellam horum medicamentorum, quando ex decocto quodam composito, modò correctionem illorum, modò concursum variarum ex eis facultatum expetit: quod non tam præceptis quàm vsu definiri potest. Nos itaque propositis decoctis, quorum vi hic affectus tum per sudores, tum vi quadam bezoarticâ expugnari solet: nunc ad hydrargyri vsu[m] [quem multi vt veram illius antidotum celebrarunt] accedamus.

DE HYDRARGYRI VSV. Tanta fuit olim huius morbi ferocitas & inclementia, vt superiores illi Medici ac Chirurgi coacti sint generosissima quæque medicamenta experiri ad illius vim retundendam: nec solum ea vsurpare, quæ tutò & iucundè eum profligare possent, qualia iam à nobis fuere commemorata, sed etiam quæ citò illius impetum reprimerent, & symptomata siue affectus symptomaticos ipso morbo molestiores compescerent. Ad quod præstandum Empirici, vt pote audaciores & sagacissimi remediorum exploratores, ex quibus summa lucri commoditas exurgere potest: inuenerunt ad hoc efficiendum remedij genus celebratissimum ex hydrargyro, per analogiam quandam & rerum similitudinem translato à curatione foedæ scabiei & elephantiorum vlcera, ad quam commendatus fuerat, & iamdiu apud Arabum familiam vsurpatus, in luis Venereæ expugnationem, tam felici successu & lucri copiâ, vt deinceps à multis hydrargyrus pro alexiterio & verâ illius antidoto sit habitus, reclamante tamen eruditissimo Fernelio, & huius medicamenti venenatam qualitatem, & funestum in complurimis vsu[m] accusante. Nos igitur, vt breuiter de hac re statuamus, dicimus reuera hoc medicamentum malignum esse & deleterium, si per se spectetur, quemadmodum & alia plurima, quæ quotidie in vsu Medicum veniunt, proindeq; non esse reiiciendum in hoc affectu, cum & in scabie & leprâ iam olim feliciter fuerit vsurpatum. Sed eo vtendum in rebelli constitutione, aut malignorum vlcera & dolorum feritate, quæ aliis remediis priùs à nobis commemoratis cedere non potuit; summa tamen cautione, vt neque puerulis, neque senioribus, nec grauidis mulieribus, aut paralyſi, neruorum imbecillitati vel angina obnoxiis exhibeatur, neque febricitantibus, aut valde macilentis. In aliis verò vsurpari potest, conuenienter expurgato priùs corpore, necnon decocto guajaci per aliquot dies præparato, vt sic faciliùs penetret, nec tantam corpori noxam inferre possit: idque exterius per inunctiones aut emplastra, nusquam autem per suffumigia superius descripta, aut per os, quia hoc modo maiora infert incommoda quàm vtilitatem, imò sæpiùs ægris exitum, quàm morbi exitum. Neque

enim censemus hydrargyron esse veram luis Venereæ antidotum, quam superius guajacum statuebamus: sed propter mobilitatem & partium vaporosarum copiam quibus abundat, in corpus insinuatum & calore nostro actuatum fugare & quasi persequi luis istius seminaria, donec ea vel per os ingenti sputatione concitata, vel per alui fluxum, aliquando per sudores foras amandantur. Et quamvis venenum sit malignâ qualitate præditum, non tamen idcirco reprobandum omnino censemus, quia sæpe venenum alterius veneni est alexipharmacum, quemadmodum docuit Dioscorides multis exemplis, & in pestilenti statu solemus ex nocentissimis venenis repletos sacculos supra cordis regionem appendere, ut extrahantur ipsius pestilentiae seminaria. Neque credendum est eiusmodi deleteria medicamenta tam esse corporibus ægris noxia quam sanis, in quibus nihil reperiunt aduersus quod agant, & vim potentiae suæ exerceant, quemadmodum apud Hippocr. helleborum dare sanas carnes habentibus, perniciosum est, quem tamen ubique commendat ad grauissimos affectus percurandos. Adde quod corpus ita præparatum ut diximus, & ipse hydrargyus alexipharmacis permixtus & repressus amittit maximam malignitatis suæ vim. Non est igitur quod Ferneliustantopere in recensendis historiis & calamitatibus ab hydrargyro profectis occupetur, cum sciamus omnium rerum etiam utilissimarum abusus perniciosissimos & frequentissimos esse, quorum causâ nunquam verum usum & rectam rationem sapiens repudiabit.

Vbi igitur occasio sese offeret utendi hoc medicamento in lue Venereâ, & habitâ ratione circumstantiarum iam dictarum, postquam corpus conuenienter fuerit expurgatum catharticis aut venæ sectione, si res ita postulet; necnon guajacino decocto per aliquot dies munitum, etiam concitatis sudoribus, ad istas inunctiones Mercuriatis accedemus, quæ ex chalaisticis, aræoticis, & epispasticis componemus, adiunctis etiam, si ita videatur, alexipharmacis, ut scilicet hydrargyri frigiditas temperetur, genus nervosum roboretur, materia dissoluatur, & seminaria expugnentur. Illarum autem cum variæ sint descriptiones, nos vnam aut alteram proponemus.

℞ Argenti viui saluâ hominis ieiuni diligenter extincti ℥ iv. axungiae suillæ (quæ facit ad consistentiam & penetrationem) lb ss. Misceantur diligenter, deinde adde olei laurini, de castoreo, & de scorpionibus, an. ℥ ij. styracis calamitæ, castorei, (ad robur nervis conciliandum) baccarum iuniperi & lauri pulueris. an. ʒ iij. croci ʒ j. Misceantur fortiter in mortario: deinde adde ceræ novæ q. s. ad consistentiam, ne hydrargyros tam facile elabatur. Fiat vnguentum. Vel

℞ Axungiae gallinæ, suillæ, & ursinæ, si haberi possit, an. ℥ iv. olei laurini & lilior. an. ℥ ij. argenti viui extincti ℥ v. plus minus pro ægri naturâ & morbi conditione, de quo vide Fracastor. 541. Pinguedines istæ non liquefiant ad ignem, sed mundatæ à pellibus, diligenter terantur in mortario, sensim addendo hydrargyron extinctum, quod per horarum duarum spatium continuo debet misceri, postea instillari olea, & pulvis iste inspergi, thuris, mastice, myrrh. nucis mosc. garyoph. ammon. styrac. pulu. saluæ, & stœchad. an. ʒ iij. cerussæ & litharg. ad consistentiam, & impediendam corrosionem, quam in membra infert, an. ʒ ij. theriacæ & mithrid. electi, an. ℥ ss. terebinth. aquâ vitæ bis aut ter lotæ, ℥ j. ss. fiat linimentum: quo calefacto & ægro nudato ad luculentum ignem, circa horam 6. matutinam, diligenter confricetur per sesquihoram, incipiendo à plantis pedum, deinde circa medios artus & emunctoria, necnon totam spinalem medullam; ab inferis ad superiora manum ducendo, ut pori cutis melius referantur. Postea contegantur dictæ partes stupis cannabinis calentibus, aut linteolis, & æger in lectum reponatur, ut per aliquot horas dormiat, si fieri possit, aut sudet contentus compluribus vestibus, sine vllâ tamen molestiâ. Detergo madore sumat prandium parcius ex alimentis euchymis; cœna verò sit liberalior, quia longius abest à frictionis molestiâ. Quod enim priores solebant post prandium & cœnam inungere, licet corpus esset validius, non probatur, quia iterata bis vno die frictio nimium fragit corporis vires, & cibus in ventriculo nuper iniectus nauseam facit & non coquitur. Possunt tamen qui sunt infirmiores, ouum sorbile vel panem vino lymphato intinctum, aut iusculum assumere, priusquam inungantur. Debet autem eiusmodi inunctio per tres dies continuos fieri, & duobus interiectis denuò per triduum repeti. Et sic ad ix. vsque vices, quibus ut plurimum apparere solent symptomata, dentium scilicet & palati exulceratio, linguæ tumor, ingens sputatio aut alui fluxus, febris, lipothymia: Quibus superuenientibus cessandum erit ab inunctione, & eis scitè occurrendum, ne grauior noxa corpus occupet.

Circa vesperam igitur sumant quotidie parum Opiatæ iam commemoratæ, vel aquæ

aquæ theriacalis, vel 3 j. ß. mithridatij cum tribus auri foliis comminutis: Odoſ etiam quidam gratus in cubiculo excitetur ad reficiendos ſpiritus. Geſtent inunctioniſtempore annulum vel numum aureum in ore, cui viſ eſt & proprietas attrahendi hydrargyron. Inungantur circa horam ſomni tota ſpina & artus oleo balſami, quod capite de Paralyſi à Guidone deſcribitur: Vel oleo lumbricorum de cerâ, aut alio quouis neruos roborante. Si quæ ſit pars dolens, foueatur vino optimo, & decocto guajacino ſimul mixtis. Vbi palati inflammatio apparuerit, interdicanſur vino & cibis ſolidis, colluant os frequenter aquâ plantag. & melle roſaceo, vel ſero caprillo, & aquâ hordei, cum pauco diamoro. Si dolor vrgeat, lacte vtantur, vel aquâ ſolani, aut decocto capitum papaueris albi. Si nimia ſit fluxio, unde metus ſuffocationis, audent aliqui venam cephalicam aperire, & aliquoſ ſanguinis vncias extrahere. Sed ego malim eſſe contentus cucurbitulis cum ſcarificatu. Si dentes ita vacillent vt confirmandi videantur, primùm gingiuarum ſordes abſumantur olei de ſulphure guttis aliquot in aquâ plantaginis diſſolutis, vel prædictis detergentibus, deinde confirmentur decocto foliorum oliuæ, ſalicis, ſaluia, & ſimilibus in aquâ fabrorum facto. Quod ad fluxum alui ſpectat, præcipuè ſi dyſentericus videatur, iniiciantur clyſteres ex decocto hordei integri & roſarum cum melle roſaceo & vitellis ouorum, ex lacte chalybeato, vel iure capitis veruecis, cum ſaccharo. Demum rhabarb. puluis exhibeatur, & oleis vel vnguentis adſtringentibus venter & lumbi illinantur.

Verùm peractâ eiufmodi inunctione, ſi quidem non videatur omnino expugnata luis ferocitas, malim ego reliquias morbi proſtigandas relinquere decocto guajaci, quàm ſæpiùs illam repetere, vt imperiti multi faciunt, ne corpus cõtabefcat, & genus neruoſum nimium afficiatur. Poſſunt tamen emplaſtra ſiue cerata parari, quæ omoplatis & dorſo, necnon aliis partibus, quas dolor vel tumor quidam infeſtarit, admo-ueantur poſt deterſum ſudorem, ex eodem decocto, vel ſtuphâ ſiccâ concitatum: vt emplaſtrum de Vigo duplicato Mercurio, quod ad reſoluendum & attenuandum maximam vim ſortitum eſt. Vel fiat ſequens.

℥ Hydrargyri præparati, vt dictum eſt, 3 iv. pingued. gallinæ, anſeris & porci, an. 3 iij. Miſce diligenter: Quibus adde gummi arabici, maſtich. colophon. an. 3 ij. capſuræ 3 j. mucilag. ſeminis pſyllij decocto guajacino extractæ, vel aquâ ſcabiola, 3 ij. olei omphacini, (ad retundendam aliorum acrimoniam) ceræ & refinæ q. ſ. ad ceratum conficiendum. Atque hæc de vſu hydrargyri in luis Venereæ curatione. Nunc ad vltimum caput huius tractationis accedamus.

CORRECTIO AFFECTVVM VENEREAM LVEM COMITANTIVM. Multi affectus luem Veneream præcedunt aut comitantur, qui non ſunt illius effectus, de quibus non eſt propoſitum nobis hoc capite agere, ſed de eis tantum qui ſunt illius veluti annexa & propagines, ex teterrimis contagij iſtius ſeminariis pendentes. Quod ad priores enim ſpectat, illi vel ſunt contrarij & diſſidentes à luis curatione, vt febris omnis, intemperies calidior viſcerum, pſora, lepra, vitiligo, ſanguinis ex pulmonibus aut aliis partibus effuſio, acutus quiuis morbus, vt pleuritis, angina, & ſimiles. Vel conſentanei & conſimiles, vt arthritidis, paralyſis, tumores frigidi, hydrops, & alij, qui quandam habere videntur analogiam cum humore in lue Venereâ redundante. In his nulla penè eſt difficultas, quia vnâ ferè, eadèmq; operâ ſimilibuſque remedijs expugnantur: In illis verò habenda ſemper ratio vrgentioris, vt ſi quidem morbus ſit acutus vel periculoſior lue Venereâ, huius omittatur ad tempus curatio, donec alteri ſit prouiſum, & res in tuto poſita: Sin verò æquis ferè paſſibus incedant, æqualiter etiam eodem tempore vel diuerſis corrigantur, vt ex methodicâ indicationum lege cuilibet innotefcit.

At verò illi affectus qui ex ipſâ lue velut effectrice cauſâ pendunt, hi peculiariter à nobis ſunt pertractandi hoc capite, quoniam ſine illorum ſedatione, vix credibile eſt luis ferociam deſuiſſe, & ægri perpetuam Medici operam atque auxilium eſſagitant. Eo autem ordine illorum therapeiam proponemus, quo ſignorum numerum in diagnottiſce reſenſuimus, niſi fortaffe affines ſint valde, aut ad alterius generationem ſubſequentes.

Exordiamur ergo ab eis, qui luem Veneream velut affectæ quidam præcedunt vel comitantur; quamvis etiam in progreſſu illius ſuperuenire poſſint, nimirum caries pudendi, bubonibus, & gonorrhœa.

Caries igitur ita dicta à ſimilitudine, cum nihil ſit aliud quàm vlcuſcula in viri pudendo, præcipuè ſupra glandem, vel muliebri ſinu progenita ex virulentis

huiusce luis feminariis & attritione, maiorisque ac minoris ratione distet: Ad minora quidem & incipientia vlcuscula seu pustulas sufficiunt sæpe refrigerantia, contemperantia, & leuiter exsiccantia, vt fotus ex aquâ rosaceâ & nymphaeæ, vel paucò vino albo, & sero caprillo: postea asperso puluere rosarum & myrtillorum, vel admotò vnguento de tuthiâ, de pompholyge, aut de cerussa. Sin verò profundius iam euaserit vlcus callosum, orbiculare, & mali coloris, tum non solum leuiter detergentibus & exsiccantibus, sed etiam validioribus erit vtendum, suppositâ imprimis vniuersali curatione per ea quæ à nobis dicta fuere, ne rebelles hoc malum radices agat altius. Proinde spumâ guajaci fouendum lauandumque, postea paucissimus puluis Mercurij præcipitati inspergatur, supraposito linteolo aquâ rosaceâ intincto: Vel vnguent. Ægyptiacum aquâ plantag. dissolutum apponatur, aut aqua illa Ferneliana, vel superius commemorata ex viridi æris & paucò alumine in aquâ endiuivæ incoctis. Et si quidem istis suppuratio promoueatur, conuenienter detergentibus expurgentur, vt decocto lupinorum & hordei, succo apij, & similibus: Postea cicatrice claudantur cum emplastris aut pulueribus dictis, inter quos squamam æris præferre solent Practici. Quod si istorum omnium medicamentorum vim eludat, fiat fumigium supra dictum, aut inunctio per hydrargyrum. Quibus etiam frustrâ tentatis, nulla erit deinceps spes, præterquam in diuturniore decocti sudorifici & alexipharmacorum vsu, vel abscissione ipsius partis pudendi, quæ maligno illo & gangrænoso vlcere tenetur. (*Cautio; in sectione pudendi neruo cauernoso, qui cum naturaliter atro colore sit praditus, videtur gangrana affectus imperitis Chirurgis.*) Idem dicas de aliis vlcerebus, quæ diuersas corporis partes lue istâ affectorum occupare solent. His si inflationes quædam coniungantur, prius resoluendæ fotu ex decocto guajacino, foliorum scabiosæ & florum chamæ. Si verò post curationem durities & callositas valde molesta relinquatur, quâ veluti neruo totum pudendum prætendi videtur, emolliatur fotu ex decocto guajacino, in quo rad. lilij albi, folia malux & althææ cum semine lini bullierint; necnon apposito postea emplastro de mucilag. vel Zachariæ dicto: Tandem si inuidta sit & insuperabilis, abradatur aut excindatur scalpello, dummodò partis situs illud ferat: in pudendo quidem per longum, nunquam per transversum, vt labra deinceps agglutinentur.

Verum molestissimus affectus, his pudendi vlcerebus curatis aliquando superuenit; nempe verrucæ seu porri, quibus & dolor excitatur, & coitus multum impeditur. Esse autem excrementas & veluti *Capræ* ex vitiati alimenti superfluo supra vlcere cicatricem, in formam thymi vel verrucarum earum, quæ in manibus visuntur, cuius est notissimum, suntque pensiles vel non pensiles. Quod ad pensiles spectat, quia strictam habent basim & parum adhærentem, facillimè forcipibus excinduntur, vel ligaturâ strictiore ex filo sericeo sensim extirpantur: Deinde radix fouetur decocto guajaci, in quo parum aluminis fuerit dissolutum, vel etiam puluis aspergitur, ex æris squamâ præparatâ. Reliquæ verò non pensiles, ob latiorē basim & adhærentiam cum parte, absumendæ erunt cathæreticis quibusdam, ita præparatis vt minimam inflammationem inferant. Quidam igitur duriores emolliunt prius ammoniaco aut bdellio, cum paucò aceto dissolutis, vel aquâ vitæ in quâ radix althææ fuerit macerata, aut spumâ guajaci. Deinde admovent pulueris præcipitati parum, supra tegendo partem emplastro de cerussâ. Alij verò frequenter intingunt oleo vitrioli vel de sulphure, quibus sæpissimè concidunt. Quod si ita fuerint rebelles, vt illis nullo modo cedant, licebit factâ prius diligenti corporis præparatione, granum caustici communis & indolentis admoouere, & post 6. vel 8. horas videre quid profecerit; deinde aliud adhuc granum addere, donec omnino extinctæ videantur, & sic per escharam decidant. Muniantur interea loca vicina refrigerantibus quibusdam & repellentibus, vt albumine oui cum bolo armenâ & paucò aceto, ne fluxio irruat. Atque ipse æger à confricatione temperet ob pruritum qui exoritur.

Vt igitur materia subtilis & tenuior ad exteriora prorumpens, dicta vlcuscula, cariem & pustulas excitat in pudendo; sic crassior circa morbi initia, vel eius progressum in emunctoria inguinum, ab hepate cum feminariis virulentæ amandata, tumores ibi excitat, quos nunc vulgò bubonas, vocant à similitudine cum iis, quos labor, dolor, vel maligna febris excitare solet. Sunt autem eiusmodi tumores difficilis maturationis & resolutionis, tum propter naturam partis illius glandulosæ & membranosæ: tum ipsius materiæ quæ est contumax & rebellis,

rebellis, ob crassitiem & deleteriam illam qualitatem adiunctam, quæ parum cedit calori nostro nativo. Curandum itaque in primis, exorto cuiusmodi tumore, ut natura in expulsionē iuuetur, si minùs strenuè agat, ac proinde frictionibus asperioribus supra locum factis, admotis cucurbitulis cum multa flammâ, exercitationibus, equitatione dura, & similibus, trahatur foràs materia, quantum fieri poterit: vel etiam venæ sectione ex vena malleoli aut poplitis, quando corpus est plethoricum, [nec basilicam secare est tutum.] Si dolor vrgeat, utamur chalasticis & rarefacientibus cutem, quò laxior fiat, & faciliùs materiam suscipiat: Ad quod faciunt fots ex rad. lilij, folior. malux & althææ, oleum amygdal. dulcium, & butyrum, vnguentum resumptivum, & dialthæas, suprà ponendo lanam succidam, vel cataplasma ex mica panis cum lacte cocta, croco, & vitellis ouorum. Vbi maturandum magis, quia materia cruda crassaque est, ut diximus, quæ resolutioni parum idonea existit, valde commendatur sequens cataplasma: Cepe nimirum & radix lilij albi sub cineribus coquitur & pistatur cum VI. aut VII. caricis etiam coctis; deinde additur fermenti acrioris ʒ. j. pingued. gallinæ & porci ʒ. ij. olei liliorum q. s. fiat cataplasma in vsum dictum. Alij contenti sunt empl. diachylone, cui dissoluto addunt pingued. gallinæ verustioris tertiam partem, cum paucis sinapi pulvere. Verum non est hic expectanda perfecta suppuratio, tum ob materiæ contumaciam, tum etiam ne seminaria retrò ad hepar commeent, ac proinde aperiendus erit tumor scalpello, (non expectandum ut per se aperiatur) facta per longum sectione, ut vulnus magis hiet, nec tam citò agglutinetur: Vel apponatur causticum, quod ad interiora penetrans & cutis portionem absumens, reddet adiutum patientiorem ad expurgandam materiam. Immittatur ergo turunda decocto guaiacino imbuta, & melle rosaceo, aut paucis basilicone: Vel si humor viscidus facile non effluat, immittatur globulus cereus, cui parum viridis æris fuerit permixtum, & suprà cataplasma vel emplastrum dictum admoueat: & sic fluat ad minus per 40. dierum spatium: Quibus transactis & tumore absumpto cicatrix obducatur emplastro diapompholygos. Sin verò vel mala caro supercrescat, absumatur puluere aluminis aut præcipitati; vel callositas infestet, vel fistulæ periculum, fiant iniectiones accommodatæ & cætera remedia, quæ suis locis traduntur.

Quoties autem nec caries in pudendo, nec bubo in inguinibus apparet, sæpissimè exoritur gonorrhœa virulenta, quamvis etiam istis aliquando complicari possit: Quæ accidit ob virulentia istius malignitatem, hepar ipsum & partes spermatis generationi dicatas vellicantem aut certè resoluentem, unde fit perpetuus effluxus substantiæ cuiusdam serosæ & albicantis vel flavescentis tetro quodam odore præditæ, ita ut per multos non solum menses, sed etiam annos, summa fœditate prolatur. (*In hoc affectu distingue diligenter, an sit semen, an pus, vel ichor ex ulcere iam contracto procedens. Qui ipsam seminalem materiam excernunt, vix possunt mentulam erigere, & cum mulierculis congregi, aut semen cum voluptate excernere, sed nullum patiuntur dolorem. Qui verò ulcus patiuntur, hæc omnia libere possunt præstare, sed dolorem quasi perpetuum sentiunt, potissimum in ipsa mictione.*) Hæc itaque si ob inexhaustam libidinem, accessumque ad putida scorta contigerit (potest enim & à simplici, id est, non infecto coitu, & exercitatione violenta, ut dura equitatione, & sanguinis vel feminis nimia quantitate fieri:) illud habet peculiare, ut vulgatis remediis non cedat, putà vacuantibus, lenientibus, refrigerantibus & adstringentibus, quæ in aliis speciebus vtilissimè usurpantur: sed inualescit magis, donec ipsa seminaria conuenienter sudorificis & alexipharmacis exhausta expugnatæque fuerint. Ad quod inter alia decoctum sarsæ parillæ per X V. aut X X. dies usurpatum, corpore leniter & frequenter prius repurgato, ex bolo cassiæ, rhabbari pulvere, catholiconæ, aut terebinthina lota: quæ plurimum commendatur ob validam exsiccandi vim, qua prædita est sine calfactione. Potest etiam parum ligni guaiacini addi, si quidem ipsa lues iam aliùs impressa videatur, ita ut propria egeat antidoto. Interea licebit idem decoctum cum sero caprillo, aut paucis melle rosaceo dilutum, frequenter in canalem vrinarium iniicere: & opiatam superiùs descriptam, addendo conseruam florum malux & nymphææ, cum paucis semine lactucæ & plantaginis quotidie circa vespèram exhibere, facta etiam exteriùs inunctione ex oleo myrtino & similibus, quando iam fluxus erit immoderatus, sic vicissim ad purgationes & decoctum redire per longiora intervalla, donec & causa primaria omnino sit sublata, & robur partibus hisce suscipientibus restitutum: quod aliquando citiùs, aliàs tardiùs perficitur: fiuntque frequentes recidiuæ, in eis potissimum qui libidini

indulgent, aut intemperantes sunt in victu, valde periculosa, ob decantatas illas carnositates seu carunculas quæ in canali virgæ exulcerato supercrescere solent.

Virosus enim ille humor & acer, tamdiu per meatum illum transfluens, primò quidem excalfacit, postea verò erodit, & vlcus excitat in vesicæ collo, aut penis cavitare, quod nisi cito aut scitè curetur, in carunculas attollitur, à quibus ductus ille seminis & vrinæ præter naturam obstruitur: Nam quemadmodum ex purissimo sanguine caro inculcata gignitur: sic ex succis vitiosis alluentibus, & irrigantibus vlcera, solet spongiosa quædam caro suecrescere, quæ in externis quidem corporis partibus, facilè; in abditis autem atque intus delitescantibus ægerrimè absumitur. Ac proinde vbi primùm exulceratio in istis ductibus genita est, priusquam vlcus ingrauescat, videndum vt debitè tractetur & cicatrice obducatur, præmissis primùm euacuantibus totum & reuellentibus à parte, deinde leniter detergentibus jam commemoratis, post exsiccantibus & adstringentibus, vt decocto rosarum, balaustiorum cum pauco alumine: vel aqua plantaginis, in qua parum cerussæ & lithargyri sit dissolutum. Quibus si curatio in totum absoluitur, cessabit morsus omnis & punctura partis, facilisque erit excretio tum seminis, tum vrinæ: sin verò in medio cursu subsistant, aut ægrè ac stillatim vel bifurcatim emittantur: necnon immixtus catheter aut cerea candela penetrare non possit, sed in ipso ductu impingat, vt sic à lapide distinguatur, quocunque modo situato ægro, certè iam genitas carunculas agnosces, & priusquam omnino occallescant, curabis.

Modus autem erit, vt primùm cathetere ipso, vel tenero maluæ cauliculo, vel cerea candela ad id comparata atteratur: cauentes interim, ne partibus hisce exquisitissimo sensu præditis magnam vim inferamus: attrita detergeatur dictis iniectionibus, & immixto specillo plumbeo vel cereo, quod ibi continebitur, quàm citissimè occludatur, & superfluæ carnis regeneratio impediatur. Sin verò durior sit, quàm sic atteri & citò cõfringi possit, tunc emollienda prius fotu supra regionem illam facto, vel etiam iniectione, ex decocto althææ, maluarum, seminis lini, & caricarum pinguium, necnon cataplasmatibus, vnguentis, & emplastris conuenientibus: deinde illius attritio per cauliculos, cereum stylum, virgulam plumbeam, catheterem, & similes molliter attentanda: Vnde si sanguinis fluxus excitetur, cohiberi poterit albumine oui cum aquâ rosaceâ diu agitato intra canalem iniecto, illitâ bolo Armenâ cum succo plantaginis. Ibidem deinceps continenda cerea illa candela, quæ præferet vlceris vestigium, & quâ in parte lateat, indicabit. Eadem excauanda deradendâque modicè circa istum locum, quem emplastro cathartico & carnes istas absumente implebimus, vel etiam candelæ mucro ira præparandus, vt longius distat carunculæ attingantur: sic namque fiet, vt quinis vel senis diebus paulatim absumantur, atque in humorem quendam purulentum conuertantur. Siquis interea dolor nimium acerbus fiat, extrahatur paululum candela, & colluatur meatus ille lacte caprillo aut aquâ rosaceâ cum modico capthuræ, deinde abstergeatur & occludatur, prout iam de vlcere fuit dictum: & per aliquod tempus turunda illa plumbea, vel cerea candela in canali contineatur, donec libera sit & indolens vrinæ ac seminis excretio. Quod ad emplastrum autem illud absumens spectat, multi multas comminiscuntur formulas, nobis tamen sequens poterit sufficere.

℞. Auripigmenti, vitrioli, viridis æris, & aluminis rochæ, an. ʒ j. Perfundantur aceto acerrimo, & terantur tenuissimè inter duos lapides porphyrites vel marmoreos, exposita soli ardentissimo, exsiccantur, rursus perfundantur aceto, & lauentur per 6. aut 7. vices, donec omnem prorsus acrimoniam amiserint. Huius pulueris ita præparati ʒ ij. plus vel minus pro corporis conditione excipiantur lithargyri ʒ iij liquati in ʒ vj. olei rosacei, & addendo ceræ parum, fiat emplastrum, quod dictæ candelæ adhærere possit, neque inde diffuat. Atque hæc de difficilimo & molestissimo affectu, qui gonorrhœas & vlcera penis subsequi consuevit.

Nunc persequamur ad pilorum defluuium, quod sceditatem agris molestissimam & ridiculam inferre solet. Cadunt autem in hoc affectu pili, non ob densitatem aut ariditatem cutis, non ob eius laxitatem, vel alimenti penuriam, sed ob deprauationem & corruptelam humorum radices eorum erodentem, vt patet ex tumore & liuiditate quadam seu quasi albedine, quæ in his partibus tunc appareret. In hoc itaque casu præcipua erit indicatio, vt teterrima hæc lues à loco ipso cui inhæret, educatur: deinde pili defluentes confirmantur, donec laudabilis materia regenita

regenerata eorum radices reficiat : vel certè si ceciderint , de nouo succrescere possint. Vacuato igitur prius toto corpore à redundantè cacochymia , & instituto decocto guajacino vel sarsæ per 12. aut 15. dies ; necnon vsurpatis masticatoriis & errhinis ad particularem vacuationem & deriuationem ; radantur interea pili curiosissimè , & sudor quàm poterit copiosus ex capite eliciatur. Vel si hoc non liceat circa pomeridianas horas , lauetur decocto sarmentorum vitis , abrotani , calamenti , scabiosæ , fumaris , capilli Veneris , addendo radicis cannarum ʒ. ij. necnon foliorum senæ aut agarici parum , ad maiorem expurgationem ipsius partis : Quæ ubi sufficienter mundificata videbitur , inungatur quibusdam , quæ alliciant materiam pilorum , & leuiter adstringant & confirment cutis poros. Vt

ʒ. Olei de abrotano ʒ. vij. radicis thapsiæ & agarici , an. ʒ. ʒ. Bulliant ad succi consumptionem , & colentur : deinde adde cineris vesparum , cineris pellis talpæ , & capitis murium , an. ʒ. iij. ladani ʒ. ʒ. Fiat linimentum pro partibus glabritie affectis. Multi aqua sola mellis cum ladano idem consequuntur : Alij epispasticis vehementioribus vtuntur. Quæ tamen ego reformidanda existimo in hoc casu , ne comburantur radices pilorum , aut cutis nimium exsicceretur : vel etiam ne herpes aut inflammatio generentur. Empirici satis feliciter aliquando hoc symptoma corrigunt per suffitus à nobis commemoratos.

Vt igitur pilorum defluuium propter humorum acrimoniam contingere solet in capite & reliquis partibus lue Venerea affectorum : sic dolores vndique exurgunt ex vaporum malignitate præditorum copia in capite , auribus ; vnde tinnitus grauis & molestus ; in mediis artubus circa periostion , & similes partes. Ratione igitur causæ eradenda primùm mali ipsius fomenta per conuenientem purgationem & venæ sectionem , quando affectus est in ipso ortu ; ubi verò iam inueterauit , abstinendum à phlebotomia , & omnino incumbendum decoctis sudorificis , ex sarsa-parilla potissimum , quæ maximam habet vim penetrandi & attenuandi. Et qua parte erit dolor , inde etiam sudores copiosius eliciendi , vt adhibitis sacculis calentibus capiti , aliis verò partibus fomentis siccis vel humidis ex decocto guajacino & vino albo , in quibus folia calamenti , pulegij , maluarum , althææ , & similia bullierint. Pro capitis dolore intenso & contumaci , tandem sequens emplastrum toti capiti admouent , abradis prius capillis.

ʒ. Massæ empl. de Vigo , diuini , & de betonica , an. ʒ. ij. euphorbij ʒ. iij. hydrag. ʒ. j. ʒ. Malaxentur cum oleo irino vel rutaceo : & applicetur.

In aures verò coniciantur sæpius guttæ aliquot olei guajacini vel amygdalarum amararum , cum paucis castoreo & opio , ubi dolor & tinnitus magis vrgebit : vel etiam aquæ imperialis aut cælestis dictæ ad discutiendum & roborandum ; quas deinde obrurabis cotone moschato , vel linteolis iam ad præcautionem à nobis præparatis. Interea reiteretur purgatio cum pilulis coccis vel arthriticis , cum puluere ex turbith dicto , vel radicis mechoacan in delicatis. Inungantur verò partes dolentes oleis mollientibus & discutientibus , vt oleo liliorum , de cera , de scorpionibus , rutaceo , laurino , & viperino , si paratum habeatur. Per os urgente nimium dolore , theriaca recens , philonium Romanum & similia certis interuallis exhibeantur circa horam somni , vt miserrimi isti ægri aliquantisper quiescere possint. Extrà verò nullis narcoticis vtendum , ne impingatur magis materia , & calor natius debilitetur ; sed chalcisticis tantum , vt cataplasmate ex micâ panis cum lacte , croco , & vitellis ouorum , vnguentis dialthæâ , resumptiuo , & similibus , quibus multi theriacam vel mithridatium miscendum suadent. Tandem ad inunctiones ex hydragyro veniendum.

Quod si dolores isti non tam à vaporibus & materiâ per partes diffusâ pendeant , quàm collectâ , & in tumores coaceruatâ circa articulos , internodia , in medio cubito vel fibulâ , circa os capitis , & similes : tunc maius multò negotium exoritur. Nam eiusmodi tumores vel sunt tophacei & lapidosi , quasi callo quodam supra os genito , vnde exostoses dicuntur : vel molles & gummatosi , ex pituitosorum genere , nempe atheromatum , steatomatum , vel meliceridum pro varietate materiæ. Qui sunt atheromatici & meliceridosi , hoc est , molles vt polenta vel mel , illi citò substratum os corrumpunt propter permixtam malignam qualitatem & putredinem , ac proinde citò aperiendi : Qui verò steatomatosi , duriores ac tophacei , minus alterant ossa , quia sunt veluti gypseâ quadam & concretâ pituitâ referti. Hi autem tumores fiunt vel à malâ congestione , partium , & aduentantis alimentii vitio , vel etiam à præposteris hydragryri inunctionibus , quando videl. minus præparato

preparato corpore admoventur: vel post earum vsum minùs cautè se gerunt aëri; & citiùs quàm par esset, aëri sese frigidiori exponunt: vnde in eiusmodi tumoribus apertis inuentas fuisse aliquando Mercurij portiones ferunt.

Ad horum itaque curationem, principem locum obtinet sarsa parilla, (post hanc lignum sassafras in valde refrigeratis.) Cuius decocto sæpe eiusmodi tumores si non fuerint nimium confirmati, per spatium 20. dierum euantuerunt: non neglectis interea topicis, vt in durioribus, ammoniaco, bdellio, opopanace, & similibus aqua vitæ dissolutis, & priùs fomento ex eiusdem sarsæ decocto præparatis. Quidam admovent cottonem aqua vitæ perfusum, in qua radix althææ macerata fuerit. Multi verò laudant Galeni cataplasma ex caseo antiquissimo, in iure pernæ suillæ rancida dissoluto: quæ omnia tentare licebit. In eis verò tumoribus qui molliores erunt, mellei videl. vel atheromatici, vt capitis talparia dicta, & aliis, non est diutiùs resolutioni insistendum, si quidem decocto sudorifico nihil profectum fuerit, ne vt dicebamus, corrumpantur ossa materiæ istius virulentia & malignitate; sed aperient dum caustico vel ferro, ac deinceps consumenda illa materia præcipitati puluere & similibus, præcipuè si folliculo contineatur. Post mundificationem *ἀπαύωσις*, & *ἐπὶ ἑλωσις*, carnis generatio & cicatrix consuetis remediis procuranda, quas multum promouere solet idem decoctum sarsæ vel sassafras sæpiùs repetitum. Nec omitendum etiam emplastrum de ranis seu de Vigo dictum, cui Mercurij sufficiens portio admixta sit, potentissimum esse ad attenuandos, resoluentes, & consumendos istos tumores.

Verùm hisce tumoribus Venereis, vt dicebamus, atque etiam sine illis accidere sæpiùs solet molestissimus & curatu difficillimus affectus, lue iam vehementius in partes solidas grassante, nimirum ossium corruptio, ob tereidinem & cariem summam in illis introductam à teterrimis huius contagij seminariis, vel etiam intempestiuis & parùm cauris inunctionibus. Cum igitur nulla sit sperabilis vlceris, tumoris, vel carnis superpositæ sanatio, quamdiu vitium ossi est impressum, docente summo Hippocrate: Ideò vbi primùm ex malo colore circumiectarum partium, vlceris re-currentis cacoëthia, asperitate seu inæqualitate ossis sensibili, cum dolore in parte perpetuo, de ossis corruptela certiores erimus; incipiendum ab illius curatione, vt scilicet id quod carie est tentatum, auferatur, si sit in parte commoda, idque medicamentis exsiccantibus & attenuantibus, quæ vulgò nostri *Exfoliativa* vocant, vt puluere aristolochiæ rotundæ, peucedani, panacis, iridis, myrrhæ, (euphorbij, sed cautè) & similibus: vel oleis causticis, vt de sulphure, vitrioli, aqua aluminosa magistrali, & aliis; vel candente ferro ita exsicceetur pars ossis cariola, vt deinceps alimento priuata contabescat, & à natura separetur. Quod si fieri commodè non possit propter magnitudinem partis corruptæ, vel certè citiùs fieri possit opera artificis quàm naturæ (quæ id tantum præstat 30. 40. vel 60. dierum spatio,) vt in partibus manui expositis, videl. tibia, brachiis, & similibus; tunc scalpris, terebris, & similibus instrumentis, quàm fieri poterit indolenter auferatur, & deinceps supergenito callo & carne ad cicatricem vlcus perducatur. Ad quod vnguentum de plumbo maximè à Practicis commendatur. Si corruptela ista sit in ossibus capitis, auferatur pro modo illius medicamenti vel ferro secante, non autem vrente, metu inflammationis membranarum & cerebri subiecti. Si in palato, vtendum aquis aluminosis, oleo vitrioli, & de sulphure, commodè per gossipium adhibitis: Multi aquam fortem laudant, sed valde timendum, ne aliquid illius delabatur in ventriculum, vnde metus vlcerum pessimorum & mortis aliquando. Procedente carie sæpe fit vt totum os basilare decidat cum narium interstitio, vnde non solum maxima foeditas, sed ingens vitæ periculum, ob aëris ingressum & penetrationem ad interiora; tunc gossipio, cera, subere, argento, vel alia materia opplendum eiusmodi foramen, vt & forbere & loqui possint commodiùs: Interea colluant frequenter os decocto guajacino, in quo detergentia & adstringentia incocta fuerint, vt miserrimas vitæ reliquias faciliùs transigant.

Rerum affinitate ducti, omisimus adhuc pustulas, & herpes seu impetiginem, quæ secundum luis istius gradum plerumque comitari solent. Quod ad pustulas ergo attinet, illæ vt plurimum caput & frontem, aliquando ipsam oris anteriorem partem, & sedem seu perinæum occupant, varorum instar quos Græci *ιόντες* appellant; sed diuersorum admodum colorum, pro vario humorum dominatu, raro tamen cum sanie, sed cum crustis & materia quadam concreta & mucosa, quæ abrasa dolorem excitat aliquando & contumacissimè renascitur. Harum igitur

igitur curatio sæpè decocto sudorifico, aut saltem inunctionibus mercuriatis perficitur, quibus mali origine succisâ illæ suâ sponte contrahescunt. Quia tamen in ore multam molestiam inferunt, bonum erit colluere frequenter aquâ plantaginis, rosarum, & caprifolij, in quâ parum guaiaci bullierit. Item illas contingere paucò oleo de sulphure & vitrioli, vel aquâ aluminosâ, magistrali. Si dolor sit molestus, colluatur sero caprillo chalybeato, vel decocto hordei, in quo aurum ignitum frequenter fuerit extinctum; deinde prædictis absumentur. In aliis partibus abluantur & foveantur spumâ decocti guaiacini, sicque molliores factæ abradantur scalpello, & cicatrix inducatur vnguento rubro vel de plumbo, emplastro de cerussâ, diapompholygos, & similibus. Quidam valde commendant ad illas exsicandas oleum viperinum; alij verò eas contingunt singulatim aquâ forti; (*Faciunt etiam aquam ad id stillatitiam ex cantharidibus,*) ubi locum aliquem magis detentum occuparint, cuius turpitudinem æger reformidet: deinde occludunt, ut superius. Videndum tamen in corrodentium istorum usu, ne illorum vis ad interiorem usque cutem penetret, & ibi vestigia non sine magnâ sceditate relinquat: ad quæ delenda inungitur cerussa & lithargyro, aquâ lapathi acuti vel succo limonum dissoluta: Alij cortices ouorum bene siccatos & in tenuissimum pollinem redactos cum paucò omphacio miscent, & horâ somni illinunt, manè verò aquâ furfuris vel sero caprillo abluunt. Herpetes autem seu impetigines, quando decocto sarsæ parillæ bis intra spatium duorum aut trium mensium usurpato non cesserint, inungemus frequenter vnguento illo, quod *enulatum* vocant, & mercurij quantitatem sufficientem recipit, vel vnguento citrino, cui momentum sulphuris & succum limonum addere oportet. Alij madefaciunt decocto guaiacino, & sulphure pulverisato aspergunt. Quidam existimant solo Nicotianæ recentis succo, vel oleo de chartâ combustâ & linteolo feliciter deleri.

Superfunt itaque Rhagades seu fissuræ, quæ plerisque partibus iam confirmato hoc morbo exurgere solent: præcipuè verò pedum plantis, volis manuum, & ano, ex materiæ phlegmaticæ & melancholicæ copiâ, quæ partes istas distendens, & nitrositate suâ atque acrimoniâ arrodens, continuum solvit, & magnam molestiam infert. Ad harum sublationem nihil tantum conducit, quàm sarsæ parillæ decoctum frequenter repetitum, & totius corporis iterata purgatio. Quod ad topica spectat, cum durities solutioni continui hinc complicata sit, quæ illius unionem impedit: patet ei prospiciendum esse in primis per emollientia & humectantia, fomenta videlicet, vnguenta & emplastra sæpius à nobis commemorata: quorum usus tunc præcipuè usurpari debet, quando decoctum sarsæ exhibetur. Deinde, si ita videatur, ob contumaciam istius affectus, fiat fumigium ex rebus iam descriptis, quod recipiant per embotum rectâ in istas partes bis aut ter: Vel confricentur vnguento mercuriato: his enim plerumque solent eiusmodi rhagades expugnari.

Sin verò tanta sit durities & malignitas, ut etiam illis resistat, tunc scalpello, vel ferro candente, aut causticis admotis corrigenda, ut deinceps vlcus rectificatum (sic loquuntur Practici nostri) ad mundificationem & cicatricem perducatur.

Atque hæc de correctione accidentium præcipuorum, quæ luem Veneream comitari solent: reliqua enim ex istis bene intellectis, aut communi therapeiâ (apud authores traditâ) facile erit curare.

CAPVT III.

De Hepatitide seu iecoris αἰσμία, quam alui fluxus chylosus, cruentus, saniosus, & similes consequuntur.

SCITE admodum docet Galenus λογισμαχίας Medico in primis fugiendas esse, & citò de nominum appellationibus conueniendum esse, ne quod illis tempus & opera infumitur, rerum cognitioni depereat. Quod in proposito nobis affectu vsurpandum videtur, distincto prius æquiuoco. Nam *ἡπαλίτις* apud Hippocr. *lib. 1. de morb. & alibi* sæpius, apud Aristot. *3. de histor. animal.* sumitur pro trunco illo insigni seu venâ cauâ, quæ idè illis iecoraria dicitur, quòd ex gibbis hepatis exorta, & in plures diuisa ramos, omnes corporis nostri partes alibili illo succo iugiter & copiosè irrigat. Alibi verò, idque frequentius, apud ipsummet Hippocratem, Galenum, Aretæum, & alios Medicinæ procures designat affectus ipsius iecoris, quòrum insignior est noxa in deprauandis corrumpendisque illius functionibus: vnde aliqui (inter quos doctissimus Fernelius) ex ratione seu analogiâ deriuationis nominum, voluerunt hepatitidem ipsius iecoris, non minùs quàm pleuritidem lateris, aut phrenitidem diaphragmatis vel cerebri, esse inflammationem systrophicam, quâ sanguis eius aliquâ parte præter naturam collectus, incenditur.

Sed quoniam significationes nominum in Medicinâ vsitatorum, ex Galeni doctrinâ frequentissimè repetuntur, lubet hîc cum celeberrimis viris (Hollerio, Dureto, & aliis) Hepatitidem pro iecoris αἰσμία seu imbecillitate vsurpare, à quâ hepatici seu iecorosi denominantur, quos ipse Galenus *lib. 5. de loc. affect. & 8. de compos. medic. sec. loc.* vult laborare ab hepatis exolutione sine phlegmone illius, scirrho, abscessu, vlcere, aut similibus morbis; sed ob simplicem & propriam corruptelam natui illius temperamenti & peculiaris, quo, αἱματοποιητικῇ facultas munus suum exercet.

Quod vt melius intelligatur, sciendum est sanguificationis perfectionem in tribus potissimùm esse positam velut præsidis, nempe *ἐνχυλίσ*, bonâ chylicatione, & primæ coctionis integritate, quæ conuenientem materiam hepati præparet atque obiciat: *ἐνποία*, id est vasorum, quæ ab intestinis & ventriculo ipso ad iecur pertingunt libertate, vt materia illa chylosa commodè per illos meatûs ad internam hepatis officinam transferri possit: *ἐντονία*, id est, firmitate ac robore hepatis ad suum munus exercendum, quod spectatur in quatuor illis communibus functionibus attrahendi, retinendi, concoquendi, & expellendi. Vbi igitur prima concoctio ita in vitio est, vt illud secunda emendare non possit, quantumvis eius instrumenta bene valeant: vel meatûs illi obstructi vel infirmiores non deferunt conuenienter cremorem istum, vt in hepate suam metamorphosim & perfectionem adipiscatur: certum est tunc impeditam esse sanguificationem & malè exerceri, nihil dum adhuc perpeffo iecore in suâ substantiâ, sed eorum tantùm quæ præcedere debent, vitio. At verò vbi propria illa temperies, quâ suas exercet functiones, collabatur, vel nato priùs in eius substantiâ vitio, vel aliunde, à vicinis scilicet partibus irruente, aut ab externis causis aduentante; variis modis obleduntur illius functiones, vt attractrix modò magis, aliàs retentrix, expultrix, aut alteratrix illi maximè propria & familiaris collabatur, aliàs omnes fermè corruant, & æquali labe teneantur; vt in eis potissimùm qui ab ortu hepatici existunt, si quidem incauto regimine contractum illud vitium & perniciem augeant.

Vt autem à præstantiori plurimum fieri solet denominatio, sic in proposito hoc affectu concoctricem hepatis facultatem, velut eius *ἐντελέχειαν* & peculiarem vim consideramus, quâ deficiente ob varias causas à nobis postea recensendas, exoritur hæc nostra Hepatitis, in frustratâ scilicet sanguificatione, & crudioris ac dilutioris sanguinis procreatione, velut proprio caractere elucens: quo anno-

tato Galenus lib. 5. de lib. affect. tantam sibi gloriam Romæ apud Glauconem Philosophum, & Siculum Medicum decumbentem comparauit. Sic igitur illam definire lubet.

Hepatitis est exolutio seu infirmitas facultatis sanguificæ in iecore ob vitiatam naturalem & propriam temperamenti sui harmoniam, cuius comes est alui fluxus liquidus & loturæ carniū simillimus. Huius definitionis explicatio partem affectam, affectus naturam, causas, & signa complectetur. Quod ad partem enim affectam spectat, cum hepar organica sit pars, & ex variis conflatum compositumque particulis, quarum præcipuæ sunt venæ per totum eius corpus multipliciter sparsæ, meatūs item illi cholidochi variè in venas implantati, denique parenchyma ipsum, quod complet & veluti fulcit totam illam structuram. Certum est ipsum parenchyma esse propriam & peculiarem hepatis substantiam, utpote quæ in nullo alio viscere reperiatur, & qualitatibus suis omnibus proximè ad sanguinis, quod opus est illi propositum, qualitates accedat: ac proinde ubi primaria est huius facultatis noxa, in primis etiam substantiæ istius *κρᾶσιν* & constitutionem violari, cui non solum adhærentes partes, nimirum venæ ob societatem operis, cui illæ velut radiis illustratæ subseruiunt, sed etiam vicinæ & circumstantes partes maximè condolescunt & sympathicos affectus perpeti solent.

Natura verò huiusce affectus potissimum est posita in diminutâ seu exolutâ virtute sanguificâ, actionis scilicet læsæ specie, cui reliquæ tres famulantur. Nam attractrice iecoris aut venarum infirmatâ, ita ut succum illum alibilem & ventriculo præparatum non appetant, aut prolektare non possint. Item retentrice eneruatâ, ita ut per conuenientem moram illum in debito spatio ac loco coërcere non valeat. Vel denique expultrice irritatâ à re quapiam molestâ & naturæ aduersâ, quâ impellitur ad intempestiuè excernendum, priusquàm recta concoctio peracta fuerit: certum est sanguificationem in iecoris officinâ ritè celebrari non posse. At his omnibus quamuis bene constitutis potest aliquando contingere, ut & attractio, & retentio, atque expulsio satis conuenienter fiant: ita tamen euersâ hepatis cōctione, ut pro bono ac laudabili sanguine, nihil nisi saniem aut cruentum & dilutissimum humorem reponat, qui minus partibus alendis idoneus ab inualidâ naturâ parum prolicitur, & suâ tenuitate effluens in alui sentinam, eius profluuium concitat. Quamuis, ut verum fateamur, in hoc nostro affectu adest ut plurimum omnium illarum facultatum labes, tum ob præcipuam noxam, quâ reliquarum integritas constituitur; tum ob magnam temperamenti proprii ruinam, in quo omnes fundamentum virtutis suæ collocatum habent. Ut igitur hepatis facultates omnes in hoc nostro affectu imminuantur ac penè abolentur, quæ intus latent, sensuque parum innotescunt: sic de se promunt alios affectus conspicuos ac manifestos in aliorum symptomatum generibus repositos, qui signorum vicem hîc obtinent, ut nos postea dicemus, posteaquàm causas proposuerimus.

Quæ verò sint causæ tanti affectus, tam externæ quàm internæ, coniunctæ quàm antecedentes, nunc est videndum. Quod ad causam internam, eamque proximam attinet, non potest esse alia quàm morbus vnus vel plures, qui immediate has actiones violent. Dispositionem porro organicam non posse primario id efficere certum est, nisi quatenus impedit *εὐπορίαν* illam seu comeatum materiæ chylosæ ad hepar, ut per obstructions. Solutionem autem continui occultam aut manifestam, hîc non adesse iam posuimus ex Galeno, qui vult hunc affectum absque inflammatione, scirrho, abscessu, vel ulcere fieri. Sequitur igitur intemperiem aliquam id præstare. Quæ verò illa sit, non ita est compertum. Quidam putant esse perpetuò intemperiem frigidam, eo argumento ducti quod frequenter ab ipso Galeno adducitur, nempe à frigidityte actiones corporis nostri imminui, à calore deprauari: & quia huic affectui alij penè omnes succedanei, ut cachexia, hydrops, & similes, frigidissimi sunt. Alij verò cum videant & per febres ardentissimas hunc affectum contingere, & in corporibus humidissimis sine magno frigiditatis sensu: atque etiam exsiccata nimium hepatis substantiâ, ut per scirrhos, qui hydropem tandè accersunt, existimant à quâuis *δυσλειτουργία* siue excessu primariū qualitatis fieri posse, si eò vsq; processerit, ut robur ipsius hepatis & potissimum *αἱμαλοποιητικῆς* facultatis deiciatur. Nos autem superius quid & maius in hoc affectu esse putamus. Cum enim per omnes illas commemoratas intemperies apparere soleat, & sæpe illis

quamuis valde excedentibus non appareat : dicendum non tam ab illis proximè hunc nostrum affectum produci , quàm interuentu alterius alicuius dispositionis quam istæ suscitare possint. Est igitur exolutio siue consumptio caloris illius natiui in hepate , qui oleosæ tenuique substantiæ inhærens , seu maioris humido primigenio per totum corpus diffuso , potius quàm crassæ & terrenæ partium substantiæ : Aliquando ab intenso frigore interno vel externo extinguitur : aliàs à vehementiori calore absuitur : nimia & importuna humorum copia obruitur ; aut etiam ingenti siccitate destruitur , frustrata scilicet nutritione & conuenienti alimonia , per quam foueri & reparari debet. Quod si quis hoc modo velit perpetuò refrigerationem hepatis esse audiendam , non repugnamus ; dummodò concedat etiam minimè vulgarem esse illam , sed quæ præcipuum hoc animæ nostræ instrumentum respiciat , quo facultatum robur & temperamenti cuiusque proprii vera harmonia continetur.

His ita positis patet , quamuis intemperiem , eo quo diximus modo , hunc nostrum affectum parere posse , siue absit humor , siue cum humore subsistat in ipsa parte affecta , quæ est omnium ferè humorum officina ; *ιδιοπαθικός* , siue per communicationem & sympathiam ab aliis deriuatur , vt cerebro , ventriculo , liene , mesenterio , vesicâ , vtero , & similibus. Si congener sit hic affectus , & velut ab ortu contractus , fit ob imbecillitatem natuiam , aut ex semine delibatam , quæ est posita in paupertate caloris illius insiti & humidi primigenij : vel coniunctionem aliarum rerum , quæ illi vim & noxam inferre aptæ natæque sunt : Et hi propriè Hepatici dicuntur , etiam sub latitudine sanitatis illius individualis contenti , in quibus facilis est lapsus ad hepatidem hanc nostram ; in aliis difficilior , & ex malo usu causarum illarum externarum quæ procatarcticæ dicuntur , vel internarum validè sæuientium. Sic febres colliquantes & *κωληκτική* , occulta putredo , humorum corruptela aut refrigeratio summa , qualis in vitreâ illâ pituitâ annotatur ; vel multiplicatione nimia succi melancholici naturalis , quando expurgationes debita absunt , quia vel absument humidum illud oleosum , vel opprimunt aut deiciunt gradum & *ἐκλαμψιν* qualitatis illius penè diuinæ , hunc affectum producere possunt : Sic etiam sumpta vel admota eisdem viribus prædita , vt larga frigida aqua , aut niuis & glaciei fusæ potatio : olerum frigidiorum crudorumque importunus esus , venena potissimum refrigerantia assumpta vel iniecta , vt opij , alterci , mandragoræ , & similibus nimia quantitas , vel in corpore infirmiore , vel dolo vel consilio , vt fit dum dolorum sæuitiam sedare propositum est. Hippocrates 3. *Epid. & de intern. affect.* in *μεγαλοπλάγχοις* , carniū bubularum esum , & vini generosioris , quemadmodum & lactis ingurgitationem reformidat : quia illæ , vt & omnia *δυσαντία* & cacochyma vim infringunt caloris natiui , humorumque corruptelam ingenerant , quia virtus in illis est dissipata , vt in maiore corde. Illud nimia quantitate assumptum , vt & piperata , & salsa , acria , & similia exhauriunt & veluti extorrent iecoris substantiam : lac verò faciliè in corporibus malè temperatis corrumptur. His adde exercitationes violentas & assiduas colliquando , Veneris usum inexplabilem , exhauriendo , similesque vtillum humorum vacuationes , vt hæmorrhagias frequentiores & copiosas , potissimum feruentiori aëris constitutione vel boreali factas , siue vi naturæ , per nares , vterum , hæmorrhoides , seu artificis imperiti ope , vt per phlebotomias. Admota verò , vt balneum , fons , emplastra , litus , vel similia valde refrigerantia , aut calefacientia nimium & resoluentia sine vllâ adstringendi facultate. Vt enim impensè frigida hepati *σφακελισμὸν* & tandem *νέκρωσιν* inferunt : sic calida *ἀκράτειαν* & effecinationem inducunt : quod Hippocrates duobus sectionis quintæ Aphorismis insignioribus annotauit. Nunc ad signa veniamus.

Signorum etiam ratio in hoc affectu ex iam dictis repetenda , Nam vt ex causarum censu & enumeratione ad effectus istius seu imbecillitatis in hepate generationem progredimur : sic multò certius ex effectibus & eis quæ consequuntur , de illarum affectione coniecturam sumimus. Non enim semper causæ etiam præsentés agunt , nisi dispositum sit patiens , & reliqua. Ac præinde concursus causarum prius dictarum , tam ex parte rerum naturalium , non naturalium , quàm præter naturam , sufficientem aliquando facient coniecturam noxæ hepati illatæ. Multò verò illustrius , si effecta appareant , nempe ea excreta , quæ necessario consequuntur ad iecoris actiones læsas , potissimum verò deiectio ea quam dicebamus loturæ carniū recens mactatarum simillimam.

Ut enim hepar quando laudabiliter concoquit, sanguinisque copiam corpori conuenientem congerit, illa suis excrementis ritè expurgata faceffit in vtilem corporis alimoniam: sic vbi exundantem illius facit multitudinem; vel certè magis impuram, exoriuntur variæ excretiones per nares, vterum, hæmorrhoides, & veticam aliquando: sic in mulieribus quas natura ad procreationem maiori sanguinis copiâ donauit, menstrua periodo effluit: in plerisque hominibus per nares & hæmorrhoides: in mutilis verò quibus insigne aliquod corporis membrum fuit abscissum, frequenter contingit, vt bis aut ter in anno pariantur magnam floridi & rutilantis sanguinis effusionem per aluum, qui ad membri illius deficientis nutritionem accessurus erat, sed hoc commodo potius suo quàm incommodo. Aliquando etiam per vrinas hic sanguis prorumpit magno adstantium terrore, sed nullo periculo, quia depletâ quæ redundabat copiâ, statim sistitur. At in hoc nostro affectu, vti iam dictum fuit, quia hepatis robur & temperies læsa est, idè pro varietate læsarum eius actionum plus minùs, apparent etiam variæ deiectiones: vt attractrice exolutâ, quia non transfert materiam illam chylosam ad hepar, vt ibi conficiatur, elabatur humor ille incoctus & albescens, pitisanæ recens colatæ simillimus: nisi fortè hoc vitium contingat propter obstructions venarum mesaraicarum. Quod agnosces ex distentione ipsius mesenterij, ob infarctum: & quia tunc deiectio illa chylosa minoris est quantitatis & crassior, tenuiore parte eius per medias obstructions peruadente ad ipsum hepar: vnde reliqua portio imminuitur & crassescit. Adde quod in obstructionibus mesenterij, vt etiam læuitate intestinorum citius effluit ista materia per patentibus illos ductus, quam si partes illas superiores quodammodo penetraret. Concoctrice verò eneruatâ pro bono & laudabili sanguine, fit sanies quædam, aut dilutissimum serum paucò rubore suffusum, quod præ tenuitate suâ effluit, nec à partibus ipsis iam effectis & quasi illud respicientibus attrahitur. Quod si huic functioni læsa etiam retentrix consentiat, non solùm talis humor vacuatur, sed etiam citò & frequenter, sine dolore tamen aut leuissimo, quo dysenteria ista hepatica ab aliis potissimum sacernitur. Vel etiam expultrice irritatâ à terro aliquo succo, per putredinem videlicet inductam suscitato, cum sanioso illo sanguine sæpe virulenta materia, bilis porracea aut æruginosa, succus ater & splendens, in principio vel successu tandem temporis excernuntur. Certissima est nota aliarum facultatum læsarum, adhuc subsistente concoctrice, quando vrina bene colorata & mediocris substantiæ apparet. Ad hæc consequuntur tandem debilitas totius corporis, nutritus defectu, color luridus vel ex albo virescens cum inflatione palpebrarum, & tandem cachexia perfecta, necnon hydrops, sese illi comites adiungunt.

Signa verò causarum internarum hunc affectum producentium, si quidem occulta sit magis & venenatæ labis particeps, innotescit ex usu causarum externarum, vt aëris corrupti, & multos similes morbos epidemios ac pestilentes inferentis, qui tunc grassantur: vel veneni oblatis suspitione, aut alimentorum vitiosorum esu: vnde pernicies illa multò maior, & minùs vulgatis remediis cedens, cum graueolenti & valde foetidâ deiectione exoritur. Vulgares autem intemperies peculiarem hanc hepatis *ἀρτηρίαν* inferentes, suis causis etiam & effectibus deprehenduntur. Vnde febres syntecticæ & exurentes calore ingenti circa dextrum hoc hypochondrium, faciunt primùm æruginosas vomitiones aut deiectiones, demum cruentas & saniosas consumpro caloris natui pabulo, idque cum siti, squalore corporis, *διάρρηξι*, & tandem hydrope, nisi mors prius ægrum è medio tollat, vt docuit Hippocrates in Prognosticis. Vide etiam Galen. lib. 8. de comp. med. nar. 167. cap. 8. Frigiditas verò summa ex causis commemoratis inducta minùs olentem fluidamque facit aluum, sed tamen maiori copiâ per interiectos dies excernentem sine siti, sine colliquatione, sed sensibili totius corporis perfrigeratione, nisi tandem ob excrementorum *συνάφου* leui inductâ putredine, lenta exoritur febris, cum pulsu tamen tardo & quodammodo molli. Hicque plurimùm summo vini generosi & meracioris desiderio tenentur. Humidior verò & siccior intemperies hic prædominantes ex contrariis deprehenduntur signis; nam vt humidior plurimam facit deiectionem, tenuem & valde dilutam: ita siccior pauciorè crassioremque, quam tamen ingens potus cupiditas comitatur.

Itaque si hepar primario hoc affectu tenetur, perpetua erit & nunquam remittens affectio cum rubrà illâ alui proluvie: sin verò per sympathiam laboret ex male affectis vicinis partibus, vel aliunde irruentibus humoribus, hæc omnia ex

signis illarum partium patientium erunt Medico inuestiganda, vt primam morbi originem excindere possit. Sæpius tamen reliquæ partes ita consentiunt affecto primùm hepatis, vt & stomachus & lien parum suo fungantur officio, hoc laborante, & cerebrum ac pulmones ex *κακοπραγία* istius coctionis ita afficiuntur, vt & phthisis ob fluxionem ex capite debilitato in pectus decumbentem aliquando hunc affectum consequatur, vt est apud Hippocratem in *Coacis*. Sputum etiam cruentum aliquando exoritur, ob sanguinis tenuitatem è venis prorumpentis. Sed potissimum venæ huic parti velut principi suo afflicto ita condolent, vt neque sanguinem in corporis diffitas regiones transfundere, nec continere valeant, unde frequentes hæmorrhagiæ aquosi sanguinis, urinæ subrubræ, inordinatum & saniosum ex utero in mulieribus profluuium apparere solent. Imò tanta est hæc venarum aliquando condolentia, vt grauissimus Fernelius animaduenerit, interdum sanguinem ab extremis venis quæ in cutem desinunt, multis è locis effundi, qui nullo ardore liuescebant. Alij sudorem cruentum obseruarunt. Atque hæc de diagnosi.

Quid igitur præfagiendum in hepatico hoc & penè dysenterico affectu? Certè ex causâ materiali seu loco affecto, qui pars est non solum ad vitam necessaria, sed princeps & alibilis facultatis fundamentum, nihil nisi calamitosum prædicere potest Medicus, potissimum si magna sit functionum illarum naturalium ruina, sine quibus nec vitales, nec animales diu subsistere possunt. Vbi verò affectus sensim agit, & diuturnâ morâ, vt in refrigeratione vel humectatione nimia, quid expectare potest quàm hydropa contumacissimum, minimè curationi obsequentem, sed rediuuium aut citò mortalem propter eneruati caloris natiui *ἀνπάθεια*? In febribus quando illa deiectio loturæ carniū similis apparet, quàm subsequuntur colliquatio totius corporis, tussis, & tandem putridorum aut malignorum humorum excretio, periculum vitæ tantum instare certum est, vt paucos aut potius nullos ex eiusmodi febribus euadere obseruatum sit: Extra febrem multi, dummodò felicem fuerint nacti medicationem, exurgunt ab hoc periculo, præcipuè quibus nulla est ab ortu contracta labe in hoc viscere. At perniciosissima illa species, quæ contagiosos morbos, pestilentes, & epidemios consequitur, ob præsentem aëris corruptelam, alimentorum malignitatem, & venenatæ materiæ impressionem, quia difficillimum est communem causam mutare, vel *ἀνταρθεῖν* illas deleteriorum, quibus oppugnant calorem nostrum natiuum; reprimere, nisi conuenienti alexipharmaco quod plerumque ignoramus. Denique cum natura ipsa morborum, præcipuè humoralium, per concoctionem & expurgationem, vera medicatrix dicatur Hippocrati: quid (quæso) hic sperare possimus, exhaustâ facultate naturali, cuius præsidio & influentiâ coctiones omnes, non solum *τρέψαι*, sed etiam *περασσοῖ*, necnon *κυνώσας* & *ἀποκυνώσας* celebrantur? Habent hoc pro certo Arabes nostri, in quocunque homine vel ægro & decumbente, vel etiam adhuc sanitatis cuiusdam beneficio fruente, eiusmodi lotius seu lauatiuis fluxus semel apparuerit, diuturnam vitam contingere non posse, ob mala nutritiæ facultatis fundamenta, cui illa potissimum inhaeret. Atque hæc de prognosi.

Curationis ergo per indicationes artificiosas hæc summa esto. Primò ratione causarum; si quidem ab humoribus terribus, acerbis, & malignis eiusmodi labe visceri sit illata, vel etiam pituitosis & viscidis illius substantiæ aut primis venis obhærescentibus; certum est eorum vacuationem esse moliendam catharticeis quibusdam aliquoties repetitis, cum debitâ præparatione eorundem humorum, sed benignioribus & quadam adstringendi vi præditis, ne videlicet imbecillitas cum alui fluxu augeatur. Quinimò si ex retentione vacuationis consueta per vterum, hæmorrhoidas, aut nares, hic affectus primam suam originem traxisse videatur: non inconsultum erit illas sollicitare denuò, vel certè sanguinem parcius ex venâ axillari educere, aut ex malleolis, quando virium iactura timeatur: Quam etsi omiserit Galenus lib. 8. de comp. med. nar. τόπ. in curatione huius affectus, tamen eam annotauit Auicenna sub dictâ circumstantiâ: & ipsemet Galenus non videtur repugnare, cum eam in hydrope aut paralyti ab eadem causâ ortis concesserit. Ratione verò malignæ illius qualitatæ, pestilentis aut deleteriæ, à quâ hunc affectum contrahi aliquando dicebamus, suadentur etiam quædam illi obsistentia alexipharmaca vel antidoti in hos casus parari solitæ: vt ratione dominantis intemperiei vulgaris, calidæ videlicet, frigidæ aut siccæ, contrariæ perpetuò medicamentorum facultates indicantur, sub eâ tamen cautione, ne in viscere hoc nobili & ad vitam

vitam tantopere necessario quicquam nimium præstemus, sed intra mediocritatis terminos, quàm maximè fieri poterit, subsistamus. Respectu verò ipsius partis & inductæ in ea dyscrasiæ seu dissolutionis, ad quam dicebamus proximè consequi illam imbecillitatem & ἀσθένειαν, perpetuò corroborantia & vim hepatis reficientia, tam ex victu conuenienti, quàm medicamentis repetita, vsurpanda erunt. Vt denique ob fluxum illum & excretionem hepaticam, si nimium vrgeat, adstringentia & comprimentia illius impetum, non erunt omittenda. Præscribamus itaque in primis rectam in illis victus rationem.

Summa autem habenda hîc aëris & alimentorum cura, vtpote quorum vitio plerumque hic affectus exoriri solet. Quicumque igitur hepatici sunt suâ naturâ, vel ad eam valde propensi, aut etiam dum illâ tenentur, vitare debent magnas aëris inclementias, easque vel loci mutatione, vel etiam artificio corrigere, potissimum si maligna quædam labes sit illi impressa. Perspiratio igitur aëri, refrigeratio, calfactio, humectatio, puritasque concilietur, prout ex re esse videbitur, & plerumque à nobis inculcatum fuit: Bene olentes suffitus & accommodati nunquam non laudandi in hac hepatis atoniâ ad spiritus recreandos, potissimum si putidis & frequentibus excrementis feratur aluus. Alimenta quæque cacochyma & dyspepta fugiantur: laborantibus enim ventriculo & hepate, facilitanda omnino concoctio ex parte obiecti, vt scilicet facilè alteretur, distribuaturque, necnon gignendis bonis humoribus, & restaurando hinc humido primigenio, ex suâ naturâ aptum natum sit. Nutriantur ergo consummatis iusculis, gelatinis, panatellis, hordeato, carnibus delicatis per se, vel contusis & similibus, ouis recentibus & tremulis, piscibus etiam saxatilibus, sed benè conditis, pane albissimo & recenti, pyris cydoniisque coctis & saccharo aspersis. Item passulis, dummodò sint acidulæ, quibus tantum tribuit Galenus, lib. 8. καὶ τὸν. cap. 7. vt eas vim maximam in roborando hepate habere existimet: nam, inquit ille, in tantum habent adstrictionis, quantum opus habet viscus hoc affectum: habent etiam vim concoctoriam crudorum humorum ac coercendi quamcumque malignitatem aut putredinem, cum ipsæ putredini minimè sint obnoxia: & vltra hoc secundum totam substantiam visceri huic sint familiares & propria. Quocirca hepaticis omnibus consulit, vt eas fermè in vsu quotidiano habeant: Castaneas etiam generosiores conuenienter tostas non improbat, quia & boni succi sunt, & non citò à calidioribus intemperiebus corrumpuntur. Vitent autem omnia falsa, piperata, frixa, acriorique sapore prædita: Item pingua omnia ac oleosa, vt amygdalas, iuglandes, fisticos, nucleos pini, & similes, quia inflammationi valde sunt obnoxia, potissimum in calido affectu: in quo alimenta omnia ad commodam refrigerationem roborantibus semper mixtam tendere debent: vt & in frigidâ, humidâ, vel siccâ constitutione, contrariis alimentorum facultatibus, sed moderatis pugnandum erit. Cinnamomum & nux myristica in quacumque intemperie plus minùs vsurpari possunt, quia peculiarem habent vim ad coctiones istas promouendum: vt & vinum generosum mediocris substantiæ, quod misceri conuenienti ptisanæ poterit, vtpote in qua radix graminis aut folia agrimonij; vel si algeat, cum decocto cinnamomi, vel paretur vinum Hippocraticum, & Claretum dictum. Multi consulunt ægris hisce, vt sæpius hepata gallinarum aut pullorum assument, quia præter alimoniam facilem & copiosam quam præstant, sunt etiam familiaria hepati ex totâ substantiâ, quemadmodum postea dicemus de lupino iecore. Verùm in putridâ vel feruidiori constitutione aspergenda perpetuò succis mali granati acidioris, agrestæ, vel arantij, aut etiam omphacio, vel aceto rosaceo. De cochlearum etiam carne & limacum idem Galenus asserit, ex sententiâ Asclepiadis, quod experiri licebit, cauendo ne visciditas illis propria, hepatis venas obstruat.

Præter aëris & alimentorum conuenientem regulam, cætera etiam non naturalia ritè institui debent: Nam omnino vitatâ exercitatione laboriosâ, debent quiescere eiusmodi ægrotantes, aut leniter tantum deambulare, quando febris sunt expertes: nec solum corpus, sed etiam animum tranquillitati tradere, vitæ illis, quantum fieri poterit, pathematis quæ humores commouent & vires resoluunt, vt irâ, curis, mœstitiâ, & similibus. Somno & vigiliâ vtantur mediocriter, præferendus tamen somnus, quia coctiones internas iuuat & vacationes sistit: Non tamen ex epurgationes, quibus natura assuevit, negligendæ, sed mediocriter promouendæ: excepto vsu Veneris, quo eiusmodi hepatici omnino sunt interdiciendi, ne magis ac magis exoluantur.

Ab his ad medicamentorum rationem transeundum, quæ vacuantia, alterantia, & roborantia sumpta atque admota, hic accuratè institui debent. Cathartica ergo benignissima eligantur, vt rhabarbari puluis & infusum, myrobalani decoctum in sero caprillo vel aquâ borraginis aut plantaginis, si magis vrgeat alui fluxus: syrupus rosatus solutiuus, de cichorio compos. cum rhab. potissimum si adsit obstructio. Vbi infarctus pituitæ subesse putabitur, præscribatur agaricus in melle rosaceo infusus, radix mechoacan, dummodò non sit adulterata: Quibus omnibus adde semper ad robur partis confirmandum, cinnamomi, spicæ nardi, aut fantali rubri parum. Ad idem facient catholiconis, trypheræ Persicæ, diasenæ simpl. & similium compositio- num, nullo diagredio aut aloë constantium, dimidia vncia plus minus pro ægri viri- bus & conditione. Denique ea ferè omnia purgantia conueniunt, quæ fusè admo- dum *cap. de Dysenteria* descripsimus. Quinimò in siccitate nimia hepatis & feruore non dubitarem, cassiæ fistularis aliquot drachmas in formam boli exhibere, cui ʒj. rhabarb. esset permixta, dummodò non valde flueret aluus, sed tantum ex interuallis. Iterentur igitur hæc medicamenta toties quoties Medico præsentì visum fuerit; non omissis etiam clysteribus leuiter tergentibus & roborantibus in principio, demum adstringentibus validis & nutritoriâ vi præditis, ex iusculo consummato, amygdala- to, lacte prius silicibus candentibus aut chalybe ignito coniectis præparato, cum saccharo rosaceo & vitellis ouorum. Est etiam quando clyster ex vino rubro gene- roso, aut etiam Hippocratico iniectus, multum profuit, potissimum si perfrigeratio adsit: quemadmodum ex succo plantag. aut acetosæ, quando vrget feruor. Commen- dant etiam ex proprietate Practici nostri clysteres ex decocto cochlearum & lima- cum simul cum carne contritarum. Ego in consumptis & hepaticam istam dysente- riam patientibus, non parum profuisse expertus sum, decoctum ius testudinis nemo- ralis per os & anum iniectus cum saccharo.

Quod ad alterationem verò spectat, si quidem intemperies vulgares excedant, nullus est qui nesciat, quibus sit refrigerandum, calfaciendum, humectandum, exsic- candum, iulepis, apozematis, opiatis, tabellis & similibus: potissimum tamen ea eli- gantur semper, quæ adstringendi quadam vi prædita sunt, vt in calidâ syrupi de gra- natis acidis, de agrestâ, cydoniorum, de ribes: aquæ plantag. acetosæ, portulacæ, & ea- rum decocta. In frigidâ syrupi de absinthio potissimum Pontico cum aquâ agrimo- nij, aut eius decocto. Quod si obstructiones subsint, leuiter detergentia & aperientia præscribantur, vt syrupi byzantini, de duabus radicibus, de cichorio simpl. de succo endiuizæ, & similes, cum decocto cinnam. & fantali rubri. Quidam valde laudant in si- stendâ hac dysenteria hepaticâ, Philonij Romani, aut confect. Requei dictæ drach- mam vnâ cum duabus drachmis conseruæ rosarum, absinthij, vel cichorij exhibi- tam. Sed ego non ausim eiusmodi narcoticis in hoc affectu, cum tantâ scilicet caloris na- tui paupertate, vti frequentius, nisi fortasse summus adsit calor febrilis, aut alui flu- xus, qui tempera: i omnibus aliis omissis requirat. Cautè igitur istis vtamur.

Ad roborandum autem hepatis temperamentum, & quando coniuncta est potissi- mum deleteria quædam qualitas, nihil præstâtius esse puto terrâ sigillatâ, id est, Lema- niâ, vel bolo Armenâ, dummodò veræ & non adulteratæ haberi possint. Cuius lau- des satis celebrauit Galenus, in descriptione pestilentis illius constitutionis Roma- næ. Cui adiunge margaritarum, coralli vtriusque, rasuræ eboris, cornu cerui, & vni- cornis, fragmentorum preciosorum, & lapidis bezoar veri puluerem: Ex quibus om- nibus vel pluribus eorum confice tabellas deauratas cum saccharo aquâ agrimonizæ dissoluto: Vel opiatam cum conseruâ absinthij, & cichorij, & syrupo de granatis aci- dis, frequenter exhibendam. In Officiis prostant electaria illa diamargaritonis ad roborandum, tria fantali duplicato rhabarbaro & seminibus, ad roborandum etiam & temperandum: diarrhod. abbatis seu hepatis potius, ad obstructiones hepatis leuiter soluendas; quæ omnia in conuenientem vsum aptare poterit Medicus. Galenus *lib. 8. nat. rôw.* iecur lupinum valde commendauit in hoc affectu, velut ex proprietate ro- boranti humano hepati quacumque de causâ succurrat: Quod approbarunt Aëcius & Paulus, si quidem illius torrefacti & puluerati ʒj. sæpius cum vino exhibeatur; vel cum ʒiij. succi feridis aut cichorij, quando febris adest. Quod ideo solum exhi- bendum præscribimus, quia eiusmodi medicamenta ex totius substantiæ vi agentia, oderunt consortium & mixtionem aliorum manifestâ qualitate agentium. Vnde idem Galenus, *rl. de simpl. med. fac. cap. de iccere*; eiusmodi hepar lupinum addens he- patico medicamento, quod vocant de Eupatorio, nullam tamen in eo maiorem ad roborandum hepar vim reperit, quàm eo quod sine illo erat confectum.

Quod ad composita verò Electuaria spectat, roborando hepati dicata, plura reperies hinc inde apud authores : Inter quos Galenus Electuarium illud Cyphoeides seu de vino descripsit, sed valde ingratum, ut vix hominibus nostris exhiberi possit, atque ideò in hodiernos vsus sic reformandum puto. Passularum purgat. & mundat. lb. decoquatur in vino tenui & odorifero, addendo sub finem decoctionis, schœnanthi, Croci, Spicæ, Cinnamom. an. 3 lb. ad penetrandum leuiter & roborandum : Rosarum rubr. & Comarum absinth. Pontici ad adstringendum cum leui deterfione. Decoquantur ferè ad mellis crassitiem & colentur. Capiat illius 3 lb. bis aut ter in die. Cui addere possis in magno alui fluxu, terræ sigillatæ, aut rasuræ eboris 3 j. Detur eodem modo : Vel vt ere elect. diacydonite cum vel sine speciebus.

Inueterato iam malo & diutiùs perseverante affectu, nostri Arabes solent sequentes præscribere formulas.

℥ Asari, Aristol. rot. Seminis agni casti, laccæ, & spodij, an. 3 iij. Rhabarb. Radicis acori, & seminis ammeos, an. 3 ij. Aloës optimæ succo cichorij & rosarum lotæ 3 j. Seminum endiuæ, lactucæ, melonum, acetosæ & marathri, an. 3 j. lb. folior. siccorum absinth. 3 lb. Spicæ, croci, & nucis moschatæ, an. 3 lb. Fiat omnium puluis, qui exceptus succo endiuæ & agrimonæ, priùs cum saccharo in formam syrupi decocto, fiat Opiata mollis, de quâ capiat 3 ij. Vel ex puluere cum saccharo in aquâ endiuæ dissoluto, fiant tabellæ seu trochisci, ponderis 3 j. Capiat vnum singulis diebus manè, dissolutum pauco vino, in quo folia agrimonij & saluæ macerata fuerint. Huius Confectionis talem reddunt rationem, nimirum asarum, aristol. rotunda, agnus castus, acorus, semen ammeos & marathri, cum calida sint omnia & tenuium partium, valent admodum ad calefaciendum hepar, & humores superfluos, qui in illius substantiâ vel tenuioribus venis, tractu temporis colliguntur, absumendos : laccæ verò ad aperiendum : aloë lota ad roborandum, ut etiam rhabar. absinthij folia, spica, crocus, & nux moschata : quæ præterea valde putredini ac humorum malignitati resistunt : Denique ad correctionem calidorum istorum, ne hepar illis nimium incalescat aut exsicceetur, addita fuerunt semina endiuæ, lactucæ, melonum, & acetosæ. Ad simplicem autem corroborationem spodium : Vt est enim in illo Barbarorum disticho :

Gaudet hepar spodio, mace cor, cerebrum quoque musco :

Palmo liquiritiâ, splen cappare, stomachusque galangâ.

Quidam verò putant in progressu istius affectus, non inutile esse sudores decocto quodam, ut seminis milij, radicis chynæ vel sarsæ parillæ prouocare, quia sudores alui fluxum minuere solent, raptâ aliò serosâ materiâ, & hepar calfaciunt. Quod experiri non erit inutile ; si quidem æger hic sudet & leuiter id ferat, magna erit salutis spes, & minoris noxæ hepatis : Nam ut scimus, quicumque summâ eius imbecillitate, scirrho aut obstructione tenentur, vix vnâ sudoris guttulam emittere solent. Alij volunt cauteria cruribus admoueri, & fontanellas excitari, quibus superfluum illud serum sensim & stillatim quasi exhauriatur. Sed vide, ne agro iam infirmiori id præscribas, quia lethum illi fortasse iam propinquum, valde accelerabis.


Quod ad externa verò seu admota attinet : patet etiam illa propositas intemperies corrigere debere, sed mediocriter, ne fiat vitium vitij fuga, additis semper quibusdam, quæ adstrictione suâ virtutem hepatis colligant. Oleum igitur rosaceum, myrtinum, cydoniorum, cum pauco oleo nardino, spicato, aut absinthino mixtum : Ceratum santalinum, & vnguentum rosaceum, addendo parum spicæ : Fodus ex decocto vel succis endiuæ, agrimonij, & fœniculi, si obstructiones adsint, in quibus parum pulueris triasant. diamarg. frig. aut granorum kermes dissoluatur, valde conuenient. Vel si vis, linimentum sequens paretur, bis aut ter in die admouendum, addito vini rubri generosioris momento.

℥ Succu agrimon. vel eupatorij Mesuei 3 iij. succi endiuæ & fœniculi, an. 3 j. vini rubri 3 lb. olei rosacei lb. j. Decoquantur omnia ad succi consumptionem. Post adde pulueris asari, spicæ nardi & Celtricæ, an. 3 j. cinnam. schœnant. granorum kermes, & spodij, an. 3 ij. croci 3 j. ceræ rubræ q. s. Fiat vnguentum in vsus dictos.

Vbi maior erit habenda ratio fluxus ventris, ob imminentem ex eo ruinam nisi comprimatur : repetenda erunt ea quæ iam à nobis fusè in tractatu de dysenteria fuere proposita. Atque hæc de Hepatide sufficiant.



CAPVT IV.

De inflammatione hepatis, abscessu, & ulcere illius.

INTEMPERIES hepatis minùs vulgares & occultæ malignitatis participes, vel ἀλωίαι eius peculiariter inducentes adhuc persecuti sumus in Elephantiasis, Luis Venereæ, & Hepatitidis tractatu. Iam igitur instat, vt ad affectus eos accedamus, qui manifestis magis qualitatibus & causis illud infestant. Excessus itaque caliditatis, humiditatis, frigiditatis & siccitatis, simplices vel sine materiâ, cum non aliâ ratione curentur, quàm coniugati vel humoribus iuncti, à nobis prætermittendi sunt, vt ad inflammationem iecoris veniamus, quam abscessus atque vlcus sæpenuerò consequuntur.

Est igitur inflammatio hepatis, tumor præter naturam in eo genitus ex fluxione sanguineâ, eius substantiam internòsque poros occupante, ad quam consequitur putredo, febris assidua, distentio, pulsatio, & similia phlegmonarum accidentia. Dicimus enim tumorem esse præter naturam, quem Hippocrates frequenissimè φῶμα & ὄσσημα, latè vocabulo sumpto, Barbari nostri apostema & exituram seu eminentiam, Galenus ὄγκον appellat, quia præter intemperiem quâ pars obsidetur, distractionem siue diuulsionem, quam solutionem continui occultam Practici nostri dicunt, exortitur etiam vitium in auctâ magnitudine seu dimensione aliquâ præter modum, ab humore in partem influxo. Dicitur ergo iure merito, præter naturam genitus, cum ex triplici morborum genere simul aggregatorum, & à causæ morbificæ vi proximè inductorum oriatur, lædârque actiones partis nobilissimæ & principis, ad cuius noxam infinita per totum corpus vitia suscitantur, vt postea videbimus. Est autem vna dispositio, non plures, duplici ratione, tum partis ipsius, vnius scilicet eiusdémque, quam simul & adæquatè occupat, tum causæ, quæ vna eadémque intemperiem iecori, seu morbum similem, malam conformationem, nempe morbum organicum, & communem per continui siue contigui diuortium facit.

Dicitur autem à fluxione genitus, vt distinguatur ab aliis intemperiebus calidioribus, tum congenitis & naturalibus, sub latitudine sanitatis adhuc manentibus, tum morbofis & simplicibus sine humoris interuentu obortis, vt quando iecur per febres excandescit, aut per aliarum partium vicinarum syntimoriam æstum concipit & simplicem φλόγωσιν patitur, factâ qualitatis illius ἀπηνέσει seu extensione ad alias: tum etiam vt distinguatur ab intemperiebus aliis materialibus, hepar quidem calefacientibus ex humoris vitio circa propinquas illi venas, aut interiores etiam contenti, sed non in eius substantiam propriòsque poros effusi, quod requiritur ad tumoris naturam constituendam. Humor enim istos affectus compositos, gignens, à venis primùm maioribus allapsus, (si quidem per viam fluxionis fiant) in minores irrupit, easque violentiâ suâ & impetu dilatans, quantitâtèque nimîâ dirumpens, exilit in substantiam seu tenues meatus partis, relictis communibus conceptaculis, hoc est, vt loquuntur Practici nostri, extrauasatur & ratione mutati situs seu loci potissimùm eiusmodi tumores committit.

Substantiam igitur iecoris, eiusmodi affectus pati posse, à causis violenter & præter naturam agentibus, facile est docere ex luculento Hippocratis contextu, lib. de veteri Med. Circa hepar, inquit, dolores acutissimi ac frequentissimi contingunt, suppurationesque ac tubercula plurima. διὰ τὴν ἀπαλότητα καὶ ἐλαφρότητα, teneritudinem ac sanguineitatem, quorum primo dispositionem patientis, alio causæ præsentiam, & facilem ad agendum promptitudinem notauit. Teneritas enim siue mollities hepatis facile admittit influentem humorem, quod à naturâ velut affusio quædam & παρέρχουσα genitum est, vt faciliùs ἀναδόσει & translationi humorum cederet. Sanguineitas autem siue copia humorum qui in illius officinâ gignuntur, ostendit perpetuò adesse causam illam materiale, quæ facili impulsu & agitatione rerum violentarum, tam internarum quàm externarum, fluere ac refluere potest, modò in gibbas & superiores illius partes, modò in simas siue concauas & decliuiores, aut etiam vtrasque occupare pro variâ partis mittentis & suscipientis, viarum, ac materiæ constitutione. Vi igitur venæ ipsæ hepati adiacentes, inflammationes pati possunt, quas κέδματα vocauit Aretæus, ipsæque velamina, & circumiectæ partes, vt propria tunica, ipsūque peritonæum,

tonæum, omentum, muscoli abdominis, diaphragmatis, pleuræ & costarum propinqua latera, quæ hunc affectum ementiri aliquando, & falsò repræsentare solent: Sic propriam aliquando eius substantiam occupari, extra dubium apud Medicos existit, qui artis vsu frequentissimos istos esse affectus compererunt.

Tumorem autem istum à fluxione sanguineâ excitari addidimus; quoniam calidiorum affectuum naturam eiusmodi esse scimus, ut subitò & confertim irruant præ conditione humoris, à quo producantur, tenuitate & mobilitate præditi. Ergo à fluxione potius quàm à congestione fiunt, quæ sensim & multâ morâ perficitur, dum alteratrix obiectum alimentum assimilare, vel expultrix reliquias tertix coctionis extrudere nequit. Ut igitur terminus in quem fit fluxio, sunt varix hepatis partes: sic terminus à quo, potest esse quæcumque pars venarum propaginibus prædita, dum id quod sibi molestum est, summo robore propellit, vel nimia quantitate oppressa retinere non valens, in subiectas aut subnexas sibi partes dimittit. Imò ipsum hepar, varix partium suarum ratione, potest esse tum mittens, tum excipiens, dum scilicet exonerat primæ regionis sarcinam in secundam, vel contra dum humores per palindromen à secundâ ad primam violenter refluunt.

Verùm dicet aliquis, cum fluxiones fieri soleant à robustioribus partibus in debiles, à nobilibus & internis ad ignobiles & externas, quâ fieri poterit ut aliæ partes in hepar corporis nostri partem robustissimam, nobilissimam, interiùs positam, & omnis humoris in aliâ corporis membra veluti fontem, materiam morbificam tumoris præter naturam authorem dimittere possint? Respondemus ordinarium quidem esse, ut fluxiones & humorum decursus eo quo propositum est modo contingant: attamen sæpenuerò euenire posse, ut partes etiam nobiles & internæ, systrophas ex influxu patiantur: tum propter varias humorum orgasmo præditorum seu furentium ephodos & quasi refluxus eleganter ab Hippocrate annotatos: tum etiam propter copiam materiæ peccantis, quæ cum in externis amplius regionibus contineri non possit, cogitur in penitioribus delitescere & internarum partium substantiam inuadere: aut etiam dum partes istæ nobiles & internæ ut hepar, à causis quibusdam imbecilliores solito redditæ, ruentem sponte materiam suscipiunt facili, aut etiam dolore vel calore obsessæ eam ad se trahunt.

Hæc autem fluens in hepar materia, sanguinea quidem ut plurimum est, veram & sinceram phlegmonem suscitans propter consimilem naturam partis & superantis iucci, vnde calor ingens, dolor, rubor, pulsus, & renixus in eo suscitantur: attamen nihil vetat ab impuris & compositis fluxionibus hos tumores produci, qui modò ad erysipelatis, aliàs ad scirrhi, vel œdematis aquosi, aut etiam flatusosi naturam accedant magis, prout humor biliosus, melancholicus aut pituitosus, necnon flatus aliquando sanguini variè permixti fuerint: Quod maximè facit ad differentias istius affectus constituendas: quarum aliæ à variis iecoris partibus, simâ potissimum & gibbâ, principio vel extremitate lobi alicuius petuntur: Aliæ autem à diuersitate materiæ; vnde phlegmone pura, erysipelatodes, scirrholes, vel œdematodes constituuntur. Atque hæc de definitione propositi affectus satis. Reliqua enim in causarum & signorum enumeratione iam sunt accuratius explicanda.

Causarum itaque internarum externarumque hanc dispositionem præter naturam excitantium seriem tradituri, repetere in primis oportet, illud quod à nobis superius positum probatumque fuit, istam scilicet hepatis phlegmonem, à fluxione potius quàm congestione (duabus tumorum præter naturam generalibus causis) exoriri: fluxionis autem internas causas à quatuor præcipue rebus pendere: nempe dispositione mandantis siue mittentis partis, secundò susipientis, tertio humoris ipsius; quarto viarum seu ductuum, per quos eiusmodi fluxio fieri debet: has rursus ab aliis multis excitari & adiuuari, quas in proposito affectu ita recensere lubet. Primum ex parte rerum naturalium, certissimum est quoscumque homines temperaturæ calidioris, potissimum quibus interna viscera exstuant naturaliter: qui hepar habent feruidius, grandius, & substantiæ laxioris ab ortu, maximè patere eiusmodi periculis, potissimum circa florentis ætatis vigorem, dum sanguis adhuc efferuescit: vnde Hippoc. Aphor. 29. sect. 3. phthoas & sputa cruenta in illis potissimum fieri scripsit: Item mulieribus non raro contingere posse censemus, quæcumque non parturientes magnâ abundant sanguinis copiâ, vel quibus ob retenta immodicè menstrua acuti morbi exoriuntur, aut humores sunt palindromi, recurrentes scilicet ad eum locum, ex quo deriuati prius fuerunt. Id autem facili contingit in quibuscumque, quoties causarum externarum violentia

acceserit, quæ eiusmodi causas disponentes & immediatas exsuscitet: Quales sunt æris magnæ intemperies calidiores, totum sanguinem & viscera inflammantes; vel iusto frigidiores, comprimentes materiam humoralem ad interiora violenter; vel admodum inæquales, ut autumnii tempore. Ciborum acrium, salforum, piperatorum, & similium liberalior usus, ut & vini generosioris, vel calce, sulphure, ut in Germaniâ, cinnamomo, & aliis aromaticis conditi intemperantior haustus. Imò etiam vult Galenus 13. *method.* ortum huic affectui suppeditari ex usu crassorum viscidorumque alimentorum, quia obstruendo minores hepatis venas, efficiunt ne sanguis liberè per eas transcolari possit: ac proinde nimia in illis copia contentus, tandem effractis arctioribus repagulis, in ipsam membri substantiam defluat. Necnon dulcia ipsa intemperantius sumpta, ut mel, saccharum, carica, & similia idem præstare possunt, tum quod larga humorum alibilium copia ex illis procreari solet, tum etiam quia hepar benignitate eorum allectum, rapit ea ad se avidissimè, etiam inconfecta, ac proinde ab illis grandescit, & sæpè obstruitur. His adde cathartorum calidiorum & violenter agentium, ac venenorum sumptorum vel morsu communicatorum, ut capite de lètero clariùs dicemus, vehementiam: item intempestiuos motus, præcipuè à pastu, nostris hominibus consuetos, ut choreas, saltationes, equitationes luforias, & similia, ex quibus non pauci hæc pericula incurrunt. Ut ex vigiliis immodicis, timore ingenti, de quo vide Hippocratem 599. 6. irâ, & aliis animi pathematis, humorum perturbationem & quasi fluctuationem inducentibus. Siquid verò ad inferendum hunc morbum valeat, potissimum est vacuationis solitæ suppressio subita, ut iam de mulieribus dicebamus. Et Galenus idem eleganter annotavit *Aphor.* 12. *sect.* 6. quo Hippocrates omnimodam hæmorrhoidum diuturnarum curationem prohibet. Imò non solum ex vacuationibus istis sanguinis naturalibus & solitis per nares, vterum aut hæmorrhoidas hoc potest contingere: sed etiam ex occluso derepente fonticulo, aut omisâ purgatione aut venæ sectione iam diu & statim temporibus consuetis, multi in eiusmodi hepatis aut aliarum partium internarum inflammationes inciderunt, quod allatis multorum ægrorum historiis & assistentium testimoniis confirmare possemus. Sunt & alia quædam externa, ut casus, percussio, obuiatio super hanc partem, strictio nimia vinculorum, aut etiam vestium arctiorum, quas mulierculæ nostræ ad venustatem conciliandam usurpare solent, valde possunt ad debilitandum hepar, dolorem inferendum, & humores ad illud compellendos, qui causæ sunt coniunctæ & continentes istius affectus, ut dicebamus, quando extra vasa effusi & conculcati distensionem faciunt, & prohibita transpiratione computrescunt. Antecedentes verò esse possunt tam plethora quam cacochymia totius corporis, visceris etiam alicuius publico fungentis officio, ut ventriculi, lienis, cordis, & similium *κακοπεγνία* humores vitiosos generantis, vel non secernentis conuenienter. Sic Galenus docuit ventriculum calidiorem exurendo chylum suppeditare huic rei ansam; quemadmodum & cystidem felleam obstructam; dum humor ille biliosus in hepatis corpore diutius moratur, vel ad illud influit continuo non expurgatus per intestina: quod de aliarum partium obstructionibus magnis eodè modo asserere possis. At verò febres tam cõtinuæ quam intermittentes, frequentissimæ esse solent causæ harum inflammationum internarum. Quemadmodum enim ex eiusmodi tumoribus primariis internorum viscerum, exoriuntur febres symptomaticæ: sic per febres primarias, quarum materia hac illac fluitat in venis, potest sæpissimè fieri *μετάστασις* illius seu translatio in substantiam partium internarum: vnde abscessus & *φύματα* suppurabilia in illis exoriuntur: Quod tam accuratè ab Hippocrate est observatum in opere prognostico, ut exactius tradi non possit. Nos ergo ad signa diagnostica huius affectus, causarum, & partis affectæ conuertamur.

Τέτραπτος igitur nostra seu signorum in hoc affectu ratio, diligens & accurata esse debet, utpote quæ negligentius tractata sæpissimè Medicis, ut fusè docuit Galenus *libro quinto de locis affectis*, imponere solet. Sciendum itaque vtrum hepar per *ισχυράθειαν* laboret, inflammationemque istam in propriâ substantiâ patiatur, & in quâ substantiæ suæ parte, gibbâ scilicet vel simâ, medio corpore, vel lobi cuiusdam extremitate, ut sæpè contingit: An per sympathiam tantum vicinarum partium phlegmone correptarum, (ut succingentis membranae, aut notharum costarum dextri lateris, musculorum abdominis illi superpositorum, vel etiam ipsius mesenterij,) Deinde videndum quibus signis affectus

affectus speciem siue differentias colligere possimus, illiusque mutationes agnoscere.

Quod ad primum itaque spectat, inflammationem esse in hepate siue tumorem phlegmonosum, indicant tum consequentia partis actiones, tum propria phlegmonarum accidentia: nam sensus doloris grauantis, siue grauitatis in dextro hypochondrio, & sub nothis costis, statim ex specie & situ ostendunt partem ibi contentam, nempe iecur, affici præter naturam: potissimum si distentio & renixus eo in loco percipiatur, qui diaphragma comprimens rufficulam quandam, sed siccam & sine sputo, grauemque & laboriosam facit respirationem, ita ut neque in dextrum, neque in sinistrum latus liberè possint decumbere, sed cogantur quasi perpetuò supini aut erecti in lecto sese continere: Ac nihilominus quædam quasi distractio iuguli dextri seu clauiculæ sentiatur, ob ligamentorum continuitatem, quibus hepar lateri annectitur, insoliti ponderis grauitate diuulsorum. Præterea urget æstus in profundo hypochondrij, cum *δυσφορία* quadam; unde consequitur febris assidua vel comitatur, eaque ingens cum siti, *ἀνορεξία*, cibi fastidio, rubore linguæ primùm, postea nigredine ob caloris *ἐμπύρεσιν*, continuasque & copiosas effumationes cordi, ventriculo, & aliis partibus communicas: Quæ omnia in obstructione aut scirrroso hepatis tumore non adsunt; aut certè si febris quædam ea comitetur, est lenta & exigua, paulatim accensa & cum parua pulsus mutatione, qui in hoc nostro affectu insigniter frequens, inæqualis, & durus euadit. Admota igitur hypochondrio dextro manus, ex caloris ipsius vario gradu, & doloris, (contrectatione excitati) acerbitate, necnon aliorum symptomatum vehementia & concursu facile distinguet istos tumores phlegmonosos ab obstructione aut induratione hepatis. Adde quod excreta ipsa fidem etiam huic rei maiorem facient: nam per eiusmodi inflammationes, aliud adstringitur, & excrementa *σύνεαλα*, caprarum stercorei simillima deiiciuntur, nisi tandem per inductam atoniam excitetur fluxus ille hepaticus à nobis commemoratus: fiunt etiam nausæ & vomitus frequentes teterrimæ bilis, vitellinæ nimirum aut etiam æruginosæ, per eiusmodi incendium in hepate collectæ & exustæ. Urina minuitur ob eandem causam, absumptâ humidæ magnæ portione, atque etiam saturato colore, ex commixtionis bilis aut sanguinis torrefacti, prædita, non sine caloris & acrimoniæ sensu meitur. Fit etiam sæpius ut vitiato sanguine, & in biliosi succi naturam degenerante, auriginosus aut subuiridis humor totum corporis habitum inficiat, & icterus ille apud Hippocratem decantatus appareat, modò ante septimum diem, modò post illum, prout maior vel minor est febrilis caloris & humoris phlegmonen committentis sæuitia.

Quibus omnibus quamuis ipsius hepatis proprius affectus & *ιδιόπαθεια* agnoscat, præcipuè si continuus sit & indefinens in prædicto hypochondrio calor, dolor, & distentio, qui neque intermittat, nec ad alterius partis notabiliter affectæ morbosam constitutionem intendatur vel remittatur: Est tamen adhuc accuratius in eo laborandum, ne videlicet inflammatio pleuræ dextri lateris, musculorum abdominis, aut mesenterij nobis imponat.

Quod ad pleuritidem ergo dextri lateris spectat, doloris varietas distinguit hos duos affectus, quoniâ dolor in pleuritide pungens & acutus, in hoc grauius & pulsatorius procedente morbo: quique contrectatione exacerbatur circa dextri hypochondrij regionem manu admotâ; cum in verâ pleuritide, nullus ex contrectatione dolor sentiatur. Adde quod tussis quæ in affectu hepatico viger, sicca est & arida perpetuò, quia fit vel propter compressionem diaphragmatis ex distento iecore, aut simplicem qualitatis communicationem: In pleuritide verò sputo variegato aut purulento, eoque sanguinolento vtpurimum comitata, ob materiam in thorace collectam. Item in pleuritide propter partis duræ & membranosæ naturam, pulsus multò est durior & vibratior velut chordæ extensæ (qui propriè serratus vocatur) quàm in hepatis inflammatione, partis scilicet mollioris & laxioris. Denique dolor ille qui in utroque affectu ad clauiculam vsque aliquando extenditur, si quidem percipiatur cum sensu ponderis distrahentis ad hypochondrium vsque, certissima erit nota iecoris affecti, cum in pleuræ inflammatione non sit tanta materię quantitas, quæ idem efficere possit.

Verùm inflammatio musculorum abdominis, vtpote iecori superpositorum & eandem ventris regionem occupantium, magnum sæpè Medico negotium facessere solet, ut eam à iecoris tumore phlegmonoso accuratè distinguat. Cum igitur

quatuor in vnoquoque abdominis latere sint muscoli, quorum duo magis externi, obliqui vocantur; tertius rectus, quartus verò peritonæa propinquus, qui transuersus dicitur: certum est in obliquorum & recti muscoli inflammationibus, quia cuti ferè sunt annexi, facillimum esse eas deprehendere, tum propter cutis ipsius ruborem & φλόγωσιν, quam facillè istis inflammatis percipit: tum etiam situm & figuram ipsius tumoris, quæ sequitur naturam partis quam obsidet: itaque in obliquis tumor erit vergens à nothis verbi gratia costis, versus pubis & ilium ossa quasi decussatim: in recto autem tumor quasi mediam ventris regionem versus vmbilicum occupabit, habebitque extensionem suam rectam, & à cartilagine illâ xiphoide versus vmbilicum extensam, aut contrà: Et si quidem magna sit, intersectam propter aponeuroses illas quibus musculus iste velut nodis quibusdam est colligatus, vt ex anatome scitur. Hæc igitur est figura & situs tumorum obliquos & rectos abdominis musculos occupantium: cum is qui hepar obsidet, in cavitare hypochondrij, multò profundius sentiatur, & si quidem in eam distentionem eleuetur, quæ visui ac tactui sit perceptibilis, effigiem seu figuram orbicularem & in cornua quasi lunæ falcatae seu crescentis desinentem, in exteriori cute repræsentat, vt doctè annotauit Galenus: cum tumores musculorum sensim & quasi in acutum desinant. Maior tamen est difficultas in transuersi muscoli inflammatione dignoscendâ, quia situm obtinet profundiorē & hepatis propinquissimum; tum etiam quia totum hypochondrium ferè occupans, quemcumque partis contentæ positum facillè repræsentat. Oportet igitur hoc in casu accuratè proposita hepatis signa euoluere: nam si musculus iste sit inflammatus, neque febris adeò acuta, neque iuguli tensio, nec excrementorum aut vrinæ mutationes tantæ: imò ne color quidem faciei mutatus, cui signo plurimum tribuit Galenus in agnoscendis propriis iecoris affectibus, quoniam illo per eiusmodi phlegmonarum collectiones laborante, impossibile est quin vitio sanguine succedat coloris per totum corpus deprauatio, vt eleganter meminit in iñâ Stesiani historiâ libro iam citato. Addunt in hac διαγνώσει ex Aëtio recentiores Practici, vt iubeamus verri ægrum in latus sinistrum: Nam si tumor tunc minuatur, signum est esse in hepate, quod in sinistras ventris partes inclinatur: Sin verò idem semper maneat, signum est esse in musculo illo transuerso, quia non mutat situm. Item cuticula exterior apprehensa & eleuata, minùs cedit in inflammatione musculi quàm hepatis, quia huic est coniunctior.

De mesenterio autem, pancreate, omento, & similibus partibus in ventre inferiore contentis phlegmonen patientibus, eodem modo iudicandum, cum ipse situs, qui non tam hypochondrium quàm mediam, superiorem, aut inferiorem abdominis regionem occupat, idem ostendat: & plurimum eiusmodi tumores sunt mobiles, nec tam pertinaciter vni loco affixi, vt qui hepatis inhaerent. Adde quòd symptomata omnia erunt remissa habito hepatis respectu: & vt rectè annotauit Galenus, cap. 7. lib. 5. loc. aff. in eiusmodi partium mollium, laxarum, & tenui tunica obductarum inflammationibus, resudat perpetuò ichor, & quasi sanies diluta in principio, quemadmodum videmus in ophthalmiâ contingere, quæ deinde paulatim concoquitur & puri assimilatur. Accidit etiam in mesenterio inflammato fluxus aliquando chylosus, propter compressionem & stricturam venarum mesaraicarum. Itaque si situs non satis hepatis conueniens per eiusmodi tumores obiciatur, & excrementa statim eiusmodi resudante materiâ sint perfusa, cum perseuerante laudabili vultus colore, tunc de affectis eiusmodi partibus potius quàm de hepate pronuntiandum: quamuis non sit negandum in rei istius iudicio etiam solertissimos & expertissimos Medicos sæpenumero falli, potissimum quando phlegmone vel sima hepatis, vel lobi alterius extremitatem tantum occupat.

Quâ ratione verò in horum dignotione sit progrediendum, ex ipsius etiam Galeni doctrinâ repetere conuenit: Nam si quidem gracilis sit laborans, & ventre attenuato, facillimum erit inflammationes gibbæ hepatis partis à cauâ distinguere, & eas quæ in extremitate lobi ventriculo incumbētis, aut ad hypogastrium protensi agnoscere ex situ, figurâ, & contredatione. Sed vbi pinguis erit aqualiculus & prominens, tunc refugiendum ad symptomata seu effecta quæ consequuntur phlegmonas variarum hepatis partium. Nam gibba pars in tumorem eleuata, omnia ea quæ ad respirationem spectant, valde intendit, propterea quod incumbit diaphragmati & pulmonibus, eos mole suâ comprimens, vel etiam qualitate afficiens, per communicatam materiæ aliquam portionem vaporosæ vel humoralis:

Item vrinæ retinentur, vel magis immutantur. Contra vero dum cava pars afficitur, minora sunt hæc accidentia, augentur autem ea quæ ad ventriculum & intestina pertinent, vt sitis, ἀνορεξία, nausæ, vomitus, alui excrementa, & similia. Ac si quidem extremitas illa lobi, quæ ventriculum amplectitur, sit inflammata, pondus, dolor, & tensio sub regione cartilagini xiphoidi expositâ sentitur, vix quicquam deglutire possunt ægrotantes, & post sumptum alimentum, grauius multò se habent, ac frequenter singultiunt. Quòd si velis scire, vtrum ventriculus, vel illa hepatis pars primariò laboret, iube ægrotantem prouum in ventrem conuerti: Nam si quidem subleuari ab eiusmodi pondere & oppressione videatur, signum erit tumorem esse in illo hepatis lobo, qui iam in musculos abdominis conuersus, minùs ventriculum comprimit: sin verò similiter & prouus & supinus se habeat, non parua erit coniectura ventriculi in propriâ suâ substantiâ potius quàm hepatis affecti. Adde quod in inflammatione ventriculi, perpetuò puris aut saniei quædam portio exudat, quæ vomitionibus conspicitur. Vbi autem lobus ille qui ad σπυλαίων tendit, phlegmonen patitur, tunc situs illius ad inferiora vergit, & minora accidentia quàm in superioribus apparent. Sed caue ne reñis dextri affectus imponat, qui tamen magis ad spinæ regionem & dorsum protenditur: necnon maiores in vrinâ notas, quàm partis istius inflammatio repræsentat. Denique si tunica tantùm hepar obuelans, sit inflammata, quamuis calor, dolor, & febris subsequantur, & eundem situm occupent, non tamen pondus sentitur tantum aut compressio, quia pauca esse solet illa materia quæ in membranis continetur respectu substantiæ parenchymatis, & plurimùm tenuior ac magis biliosa: vnde dolor magis acutus & pungens propter partis & humoris naturam. Atque ex his partium hepatis vicinarum inflammationes, necnon propriarum ipsius partium, quantum fieri poterit, accuratissimè erunt deprehendendæ.

Quod verò ad naturam seu differentias affectus, quæ ex materiæ varietate petuntur, & illarum mutationes agnoscendas spectat, non parum etiam solertiæ & perspicacitatis adhibendum. Vt igitur phlegmone pura ex causis & signis eam subsequenter deprehenditur: sic ex istorum consideratione & comparatione, si quidem erysipelatodes, œdematodes, vel scirrholes fuerit, intelligendum. Proue igitur natura corporis propositi, victus ratio, & humorum dominatus suaserit, ita etiam iudicabimus de istius tumoris materiâ: quod adhuc certius ex propriis accidentibus eorundem humorum datur agnoscere: Nam phlegmonen veram & erysipelatodem magnus sequitur calor, dolor, febris intensâ, linguæ & vrinarum colores valde mutati; cum in scirrhole & œdematode hæc non appareant, aut multò sint minora: At in verâ phlegmone maior tensio & pondus quàm in erysipelate, sed dolor minùs pungens & acutus: adest etiam pulsatio & renixus in phlegmone sensibilis, qui in illo vix deprehenditur. In melancholico etiam tumore pondus quidem, sed indolentia cum duritie magis manifestâ, & vehementi pondere, si grandior sit scirrhus; cum in œdematode, pituitosa siue flatuosa mollities ad sit, & quidam quasi borborygmus in hypochondrio sentiatur, breuique tibiæ inflationes & aliarum partium anasarca apparere soleat. Adde quod in phlegmone verâ seu erysipelatode, color flauus, citrinus & auriginosus valde saturatus apparere consuevit: in œdematosâ autem vel scirrhosâ pallidus magis, χλωρόν, & quasi ex albo virescens. Quæ omnia adhuc capite de scirrho & obstructione hepatis, necnon de ictero examinabimus.

Quæcunque igitur hepatis phlegmone tam sincera quàm alteri humori permixta, cum semel cœperit, desinere etiam debet: quod quatuor modis cōtingit. Vel enim materia illa tenuis & inflammata, per διαφύσησιν & euaporationem insensibilem resoluitur. Vel in abscessum & vomicam degenerat, factâ nimirum suppuratione, & humoris illius qui dissipari non potuit, concoctione. Quòd si ob quantitatem nimiam, vel malignam qualitatē humor ille à calore natiuo regi & superari nequeat, augetur putredinosus & extraneus, ex cuius victoriâ inducitur gangræna, sphacelismus, & interitus proprii temperamenti, si quidem vita tamdiu superstes esse possit. At verò quando materia huius phlegmones, vel propter mixtionem aut malam curantis rationem, quoad tenuiores sui partes resoluitur, manentibus crassis & terrenis, sit σκληρότης & induratio, quæ ad scirrhi naturam accedit. Quotiescunque igitur recta illa & maximè laudabilis terminatio per resolutionem accesserit, præcesserunt & plurimùm viles sanguinis & aliorum humorum vacuationes naturæ vi, vel etiam artis operâ factæ, quæ bonam materiæ illius partem exhauserunt, cognoscitur immixtione ipsius tumoris,

tumoris, caloris, doloris, & reliquorum omnium symptomatum, quæ sensim ac paulatim euanescent per integram & faustam sanitatis restitutionem: nullo amplius poteris sensu in hypochondrio remanente. Quod si ad suppuratum tendat, augentur omnia symptomata, ut eleganter annotavit Hippocrates, *Aphor. 47. sect. 2. Dum sit pus, dolores & febres augentur: facto vero pure conquiescunt*: Itaque si indies febris & dolor intendantur, si ex grauante distendens & pulsatorius fiat, ita ut illa pulsatio admotâ etiam hypochondrio manu sentiatur, certè tunc in vomicam degenerare credibile est, potissimum si post eiusmodi conflictum, subito omnis dolor & calor euanescat, remanente tamen qui prius fuerat tumore & pondere, vel parum imminuto. Facta vomica, si quidem durior tunicâ aut profundioribus iecoris partibus coercetur, ibi retentum diutius pus facessit in malignam materiam & ut plurimum mortem aut hydropem inferre solet. Sin verò disrumpatur & effluat, notæ certissimæ apparebunt in vrinis aut alui excrementis, pure multo aut sanie refertis, cum sensu doloris & quasi apertionis circa dextrum hypochondrium, ad quam vlcus subsequitur, quemadmodum & ex acribus succis erodentibus sine tumore aliquando contingere potest. Sin verò natura enervata illum humorem concoquere non possit, progreditur putredinosus calor omnia intédens symptomata, donec νέκρωσιν parti & toti interitû intulerit: præcedunt enim lipothymia frequentes, syncope, sudor diaphoreticus, ingens foetor, & similia imminentis gangrænæ in aliis partibus accidētia. Σκλήρωσιν autem seu indurationem præcesserunt longa & importuna diaphoreticorum medicamentorum aut nimis refrigerantium applicatio, absque vllâ fortassis reuulsione vel conuenienti vacuatione: Vnde impacti humores refrigerantur quidem, & à putredine vindicantur cessante febre, sed non multò salubriorem affectum producunt, qui scirrhus dicitur, remanente scilicet insigni circa hepar pondere & duritie, ut postea proprio dicemus capite. Atque hæc de diagnosi huius affectus admodum intricatâ & difficili, ad artis tamen vsum valde necessariâ sufficiant.

Πρόγνωσις ergo facile stabilietur ex cognitâ morbi specie, loco affecto seu subiecti parte, causarum naturâ, & concomitantibus symptomatis. Etenim siqui sint morbi funesti, calamitosi, & citò interimentes, illi sequuntur plurimum putredines istas, inflammationes, & tumores dolorificos partium internarum & nobilium, præcipuè in ventris inferioris cauitate positarum: Vnde Hippocrates in Prognosticis & vbiq; tantopere *Παχύνοντα μελέωρα, Πύωδια, ἀνωμαλὰ καὶ Πηκνύμενα* in morbis acutis reformidat: Quotiescunque enim focus & minera eiusmodi morborum in visceris alicuius interni substantiâ latitat, non potest non imminere grauissima perniciēs, tum ob febris vehementiam & internam illam putredinem, quæ intra quartum, septimum, vel quod longissimum est, decimum quartum diem, è medio tollit hominem, suffocato vel extincto cordis nativo calore per sphacelismum illum commemoratum, præcipuè si vera fuerit phlegmone vel erysipelatosâ: tum ob partium illarum dignitatem, quarum integritas vix vnquam restitui potest, sed permanente labe aliquâ, ut scirrhus, obstructione, intemperie, & similibus, quamuis priore morbo defungantur, tamen in lethalissimos affectus, ut hepatidem, cachexiam, hydropem, aut marasum plerumque incidere solent. Imò intemptius hydrops per medios ætus & febriles illas flammâs irrumpit aliquando, ut est apud Hippocratem 1. *Prognost. ἐπώδιος καὶ τῆς θανάτου, ut qui neque febrem soluit, nec aliud solatium affert, sed dolores & periculum auctâ inæquali & quasi immedicabili intemperie intendit*. Vel igitur, addit 1. *Prognost. diuinus senex, eiusmodi tumores dolorifici, duri, renitentes, & inflammatorii, in principio proximam mortem denuntiant, quando non resoluitur materia, aut sensibiliter vacuatur*: Vel vbi viginti dies exceßerint, perseverante febre, neque detumescēte parte ad suppuratum tendunt: molliores verò & minus dolentes quasi œdematosi & frigida materię participes, diuturniores quidem faciunt suas crises & minus habent periculi: Sin tamen neque febris quamuis lenta, neque partis eleuatio cesset intra sexagesimum diem, futurum empyema & suppurationem, quemadmodum in aliis portendit: Quod etiam vterius protendi posse pro variâ partis & humoris naturâ, in declinante aut senili potissimum ætate non dubitamus. Quid autem sperandum sit ex eiusmodi suppurationibus internis, nemo non videt: pus enim illud, vel in suâ vomica continetur diutius, & ibi denuò computrescens, partis corruptionem infert, vel effluit confertim, & sic periculum est, ne irrumpat in partem aliquam nobilem, vnde cita mors plerumque consequitur: aut sensim & quasi per interualla: Vnde etiam hydrops vel vlcus immedicabile & sinuosum excitantur. Quid verò ex profluente pure sperandum sit & iudicandum,

candum, docuit ipsemet Hippocrates dum dicit, pus album, laue, æquale, & parum foetens, optimum esse, τὸ ἰσχυρὸν τὸ λευκὸν καὶ ἰσχυρὸν : unde in Aphorismo 44. sect. 7. Quicunque suppurati urantur vel secantur, si pus purum fluxerit & album, euadunt: sin vero subcruentum, βροχῶδες καὶ ὑγρὸν, percuti: Quod peculiariùs postea de vomica hepatis pronuntiat Aphorismo sequenti. Quorum hepar, inquit, suppuratum aduritur, si pus in tunica continetur, inuiolata quasi hepatis substantia: Sin vero velut amara aut olei faex effundatur, moriuntur: quoniam substantia hepatis, ab incocta putredine liquatur & tabescit. Quod etiam in Prognost. libro 2. de morbis, & in Concis prænotionibus repetitur. Itaque ex puris ipsius, sponte vel artificis operâ effluentis naturâ, de futuro exitu pronuntiare licebit. Est etiam alia elegans prognosis, circa finem libri primi, quæ aperte admodum docet, quomodo ex tumoris ipsius quantitate & prorupione de illius euentu iudicare possimus: Suppurationum, inquit, istarum interiorum observatio sic est facienda: Quacunque enim in exteriorem corporis partem vergunt, parua, admodum eminentes & quasi fastigiata, optima sunt & securissima, quia materia, inquit Galenus, pauca & boni moris, faciliè suppurationem admittit; pessimæ verò illæ, quæ latissima & veluti plana sentiuntur, quoniam totam visceris substantiam occupant, neque concoctionem aut ægre suscipiunt. Bonum est etiam in eiusmodi tumoribus, addit, si nihil exteriori cuti communicetur, eaque indolens & concolor permaneat; ostendit enim minorem esse inflammationem, & cuius materia faciliè à naturâ regitur, vt πεπασµὸν suscipiat. Hæc est Hippocratica & aureis litteris notanda prognosis tumorum istorum hepatis & aliarum partium internarum. Frustrâ igitur laborabimus scire, vtrum ea quæ gibbam partem vel cauam occupat, sit periculosior, aut quæ lobi alicuius extremitatem obsidet: nam cum vix fieri possit propter substantiæ hepatis continuitatem, quin vnâ illius parte inflammatâ, reliquæ sint ab eâ immunes: & cum gibbæ partis tumores sua habeant crudelissima symptomata, respirationem potissimum & superiora corporis membra spectantia: simæ autem ventriculum & alia ventris inferioris loca: certè vtriusque par esse periculum censemus, si par sit magnitudo inflammationis & subsequentiũ symptomatum vehementia. Tumores tamen qui in lorum extremitatibus sunt, minus periculosi, quàm qui medium eius spatium occupant, & illius lobi qui ventriculũ amplectitur, deterior inflammatio, scirrhus, abscessus, vlcus & similia, quàm qui ad hypogastrium descendit, propter ventriculi viciniam, qui faciliè illo affecto consentit, & ruinam propriæ actionis patitur.

Spectandæ ergo causæ tam internæ quàm externæ, quæ hunc affectum pepererunt: nam grauitas earum & vehementia, periculi grauitatem intendet aut minuet, prout erunt constitutæ. Vt igitur biliosus humor reformidandus, propter violentiam febris & inflammationis; sic sanguineus, quia magnos facit abscessus & vomicas: melancholicus etiam & pituitosus, quia sensim in scirrhos degenerant, vel certè cõceptâ tandem graui putredine membri substantiam corrumpunt. Quoties igitur vehemens causa externa vel interna, vt febres, obstructions, & similia hos tumores excitarint, luctus vbique, pavor & plurima mortis imago, potissimum in naturis infirmioribus, & quæ non sunt ferendo huic morbo tam acuto, vel certè ex decidentia valde diuturno, & in alios deteriores transeunte: nam eleganter annotatũ est à Gal. 10. meth. cap. 5. vnicam esse spem salutis in partium istarum inflammationibus, virium robur & firmitatem: Quemadmodum in calidis siccisque naturis eas præcipuè reformidat, quia ex sitis vehementia & anxietudine, citò in marcorem & tabes perfectas incidunt. Spes tamen salutis tunc affulget, quando natura suas crises & motus statis temporibus & concoctionum signis præmonstratis molitur; vt hæmorrhagias primâ morbi periodo, antequam scilicet copiosior materia hepati ipsi adhæreat, liberales & καὶ ἴξιν ex nare dextrâ factas, post prægressam leuem ἀμύλωπιαν aut cephalalgiam, quæ humoris μελάσιν denotarũt, & quas plurimum iuuenibus accidere circa quintũ & trigessimũ annum scripsit 1. Prognost. Hippocrates: Item sudores copiosi, vomitus, alui fluxus biliosi & cessantes finita vel minutâ febre, vinarum, menstruorum, hæmorrhoidum larga profusio: Hæc enim omnia si conuenienter fiant, ægri iuuantur & leuiter ferunt, vacuatâ causâ morbificâ in totum, vel certè maiori ex parte. Contrâ quando irriti sunt naturæ conatus, mouentis quidem sed nihil promouentis, aut male agentis, quò non oportet, omnia infausta speranda sunt: vt quando stillæ quædam tantum sanguinis ex naribus, vtero, aut aliis partibus erumpunt: alui fluxus paucus, laboriosus, aut aliis partibus erumpunt: alui fluxus paucus, laboriosus, aut hepaticus: rigores frequentissimi cum paucò sudore aut diaphoretico: nausæ multæ sed irritæ, & quas singultus ille lethalis ab Hippocr. dictus Aph. 17. sect. 7. vel καρδιαγῆδος insignis,

Aphor. 65. sect. 4. comitatur. Denique febris & dolor in dies intensior, spiritus seu respiratio offendens, *68. sect. 4.* cum vultu illo horrendo & Hippocratico, frequenti syncope vel lipothymiâ, atque *ἐκιδρώσει* ferè continuâ partium infirmitatem consequente, vitæ extrema imminere denuntiant. In hoc etiâ affectu delirium diuturnum valde reformidandum, quia significat materiam, vel saltem qualitatem, cerebro aut diaphragmati communicari, & sic morbum in aliis partibus non leuato hepate multiplicari. Vnde Hippocr. in hoc affectu tantopere suspectas habet parotidas *in Coitis*, quia ostendunt naturam non fuisse satis potentem, vt humorem visiosum extruderet, sed eò tantum transtulisse, quò humoris feritas eum impulit, succedente deinceps grauiori dolore & calamitosâ suppuratione in partibus istis, ex quâ pauci defunguntur. Tolerabilius paulò si materiam istâ ab hepate in lienem transtulerit, quâuis non omnino tutum, quoniam noua adhuc ineunda est pugna. Atque hæc de prognosi.

Curationem autem aggressuri tam periculosi & difficilis affectus, primò iustas ac methodicas indicationes constituere oportet, ex quibus velut regulis omnia remedium genera, eorundem iusta quantitas, & adhibendorum occasio seu modus reperantur. Cum autem primariæ indicationes ducendæ sint à causâ morbificâ, parte affectâ, & affectus specie, variisque illius mutationibus: certum est primam & præcipuam rationem habendam esse non solum in morbi istius principio, fluxionis quæ illum peperit, sed & quamdiu perseverat. Illam autem fluxionem diximus esse sanguineam, quamuis aliquando bili, melâcholico, aut pituitoso humori permixtam. Ac proinde omnium causarum tam procatacticarum quàm internarum illam concitatum, augmentum, vel fouentium vis & constitutio, sigillatim eo quo propositæ sunt ordine, obseruanda, vt vel tollantur, vel in melius transferantur, quantum fieri potest. Deinde conuertendus animus ad materiam tam fluentem quàm fluxam, vt si quidem quantitate exundet, & plethoram corporis vniuersalem, vel cacochymiam sequatur, vacuantibus deceter usurpatis minuatur, & ad æquabilitatem reducatur. Nec solum vacuantia, sed etiam reuellentia & deriuantia, ob motum materiæ maximè hæc erunt ex usu, tam quæ sensibilibus id faciunt per humoris alicuius educationem extra corpus, quàm insensibilibus (vt frictions, ligaturæ, forus extremarum partium, cucurbitulæ siccæ, & similia) retrahunt & quasi suspendunt ruentis materiæ impetum. Quæ verò iam fluxit materia, coniuncta scilicet huius morbi causa, vel est omnino extruata, & in poros ac substantiam partis effusa: vel adhuc circa minimas & propinquiores venas hæret. Hæc igitur repellentibus & adstringentibus in principio videtur refrænanda & comprimenda, ne elabatur omnino: illa autem resoluenda & digerenda circa morbi progressum, si fieri possit, cauendo semper ne ex istorum nimio usu scirrhescat, inflammetur, aut nimis refrigeretur hepar. Quod si ad suppuratum tendat tumor, & pepasmo indigeat, iuuandus naturæ conatus, & concoctio acceleranda conuenientibus pepticis: vt deinceps facto pure quàm commodissimè euacuetur & abstergeatur: ac relictum vlcus exsicceatur & occallescat. Interea dum hæc præstantur, febris habenda ratio sæuientis, & multa symptomata molestissima excitantis, dolores, vigilias, sitim immodicam, & similia, quorum temperatio & mitigatio artificiosa erit procuranda, nunquam neglecto partis istius principis & totius corporis robore, quod est præcipuè conseruandum & retinendum, tanquam firmissimum totius curationis nostræ fundamentum. Istas autem intentiones medicas quomodo assequi possimus accommodatis remediis, iam est docendum, ducto à victus ratione exordio.

In hoc igitur affectu diligenter repetenda Hippocratis de victu ægrorum præcepta ac theoremata, variis locis ab eo proposita: Nam si in quo alio morbo verum sit illud *Aphor. 67. sect. 7. Cibus febricitanti labor*, in hoc certè potissimum, vbi non solum febris acuta vigere solet, sed etiam summa circum viscera nutritioni dicata, impuritas & putredo cum inflammatione, quâ correptum hepar primariò, ventriculus autem & circumpositæ partes per sympathiam maximam, vix munere suo perfungi possunt, sed ad exclusionem causæ morbificæ, aut illius pepasum intenduntur. Non igitur multitudine alimentorum obruenda vis concoctrix, sed forma eorum, substantia ac quantitas eligenda, quæ maximè acuto & periculoso morbo conueniat. Tenuis enim victus seu tenuissimus, ab Hippocrate tantopere celebratus, complectitur non solum paucam illius quantitatem, & ita definitam, vt sufficiat tantum sustentandis viribus, donec ad statum morbi peruentum sit, sed etiam substantiam euchymam & eupeptam, vt nullum naturæ negotium in coquendo vel expurgando facessat, necnon formam seu consistentiam, quæ liquida sit, forbilis aut potabilis: Vnde in eiusmodi morbis summus Hippocrates *lib. de vict.*

vid. in acut. tantopere commendat prisanæ cremorē, qui ex hordeo cocto & colato confici solet, utpote facilis coctionis & distributionis, atque lentoris cuiusdam, & gratæ humiditatis participem, quā humorum acrimonia & ferocitas obtunditur. In cibo enim medicinam esse oportet, ac proinde alimentorum qualitates hinc spectandæ, ut scilicet expugnando tam atroci morbo sint accommodatæ: unde refrigerantia cum leui humectatione, ut aqua simplex vel parum saccharata, vel cum radice cichorij, acetosæ, aut graminis cocta, syrupus acetosus aquâ endiviæ dilutus, prisanæ cremor, lac amygdalarum dulcium, & seminum frigidorum convenienter paratum, iuscula pullorum aut hædorum, cum lactucâ, endiviâ, & similibus, pruna acidula cocta, aut poma etiam concedi poterunt. Et in eistamdiu persistendum, quamdiu vires vegetæ & constantes apparebunt, magnusque morbi impetus circa statum sedatus videbitur: tunc enim vel factâ crisi & insigni quadam vacuatione refocillandum erit corpus, & cibus analepticiis restaurandum, ut iusculis consummatis, panatellis, gelatinis, colatitiis, contusis, & expressis succis ex delicatioribus carnibus, addendo parum omphacij, aceti, succi arantij vel limonum ad refrænantiam eorum caliditatem. Galenus piscium etiam salubriorum & friabili carne præditorum vsum iure albo coctorum in eiusmodi morbis concedit. Vel genito pure sustentandâ natura, ut illius excretioni & iustæ expurgationi sufficiat: Aut certè si nulla sit suppuratio, sed magna adhuc humoris in substantiam hepatis diffusi portio, ut eam convenienter digerere, & per vias urinæ excludere possit: Quo casu & tempore valde laudant Practici nostri tenuantia, detergentia leuiter, & aperientia, ut decoctum cicerum rubeorum cum paucis petroselino, iuscula radicibus graminis, fœniculi, apij & liquiritiæ, foliis cichorij, endiviæ, hepaticæ, capilli Veneris, berulæ, seminibus diureticis, & similibus alterata. Tuncque vinum etiam tenue, album, & oligophorum concedunt, tum ad recreandam vim naturæ in diuturno iam morbo & ancipiti; tum etiam ad propellendas commodius materiæ adhuc delitescens reliquias. Quæ omnia summo cum iudicio præsentis Medici erunt moderanda: ut & prohibenda illa, quæ superius in rerum non naturalium enumeratione huic affectui generando occasionem adferre diximus: Mellita potissimum, saccharata, & reliqua dulcia, viscida, crassa, acria, salsa, & similia; necnon adstringentia, unde plantaginem, acetosam, portulacam, succum malorum granatorum, cydoniorum & similibus, hinc euitandum annotant omnes: Quod tamen mihi non satis probatur; nam in principio morbi ad sedandum fluxionis impetum, temperandam humorum caliditatem, & roborandam partis substantiam, non videntur ista omnino reiicienda, sed mediocriter aliis permixta exhiberi possunt, prout res postulare videbitur. Quibus pro variâ affectus istius constitutione & mutationibus, ita dispositis, de maioribus remediis cogitandum, quæ causas illius respiciant & valentius oppugnent.

Itaque cum tumores isti à fluxionē sanguineâ in hepatis substantiam irrumpente proficiantur, nulli dubium esse potest, quin statim & largâ manu sanguis sit vacuandus, reuellendus, & deriuandus, non solum vnicâ vice, sed pluribus repetitis, quantum pro virium naturâ & dispositione fieri poterit. Imò si ex retentis hæmorrhoidibus, mensibus, hæmorrhagiâ narium, aut aliâ quavis solitâ vacuatione, originem traxisse videatur, istæ omnes, si fieri possit, in primis reuocandæ, ut effluxus omni operâ & artificio huic materiæ citò comparetur, antequam penitus parti sit infixa.

Iniecto igitur prius clystere, si aluus sit adstricta, ut in tali re sæpius contingit, emolliente ac leuiter purgante sine vllâ acrimoniâ, qualis erit ex decocto communi paratus cum oleo violaceo, medullâ cassiæ, catholicone, aut diapruno simplici: aperiatur vena iecoraria seu basilica cubiti dextri, satis amplo foramine, ut subito & calida materia ista fluens & quasi exundans minuatur, & à suo cursu reuocetur. Effuso ergo sanguine ad 3 viij. vel plures, primâ visitatione, si quidem febris, dolor & renixus adhuc in hypochondrio perseveret, recludatur sequenti die, vel aliis quibuscunque vulnus, & eliciatur rursus sufficiens sanguinis quantitas: Vel si maius, aperiatur poplitis aut malleoli dextri vena, ex quâ maiorem fructum sperarem quàm ex venis extremæ manus, ut vndiquaque materia hæc exhauriatur & deriuetur: tum ut menses suppressi, vel hæmorrhoides in assuetis, hac vacuatione, ut solet, prouocentur. Non omissis interea ligaturis dolorificis extremarum partium, frictionibus asperioribus, & cucurbitulis supra scapulas, dorsi vertebrae, qua incumbit vena illa capax ascendens, natibus, coxis, & cruribus, quorum

scarificationem veteres etiam multum laudabant ad reuocationem humorum ad interiora magno impetu fluentium. Nolim tamen cucurbitulas hypochondrio ipsi admoovere, saltem per initia, quoniam timendum est ne magis attrahant in partem affectam quam resolvere possint, vel educere versus ipsam cutem: circa declinationem cautè etiam illis utendum, ne nouam fluxionem accersant.

Interea dum istis reuellimus, vacuamus & sistimus humoris motum, non sunt negligenda ea quæ per os aut anum sumpta temperare quodammodo & restringere humoris acrimoniam, caliditatem & ferociam possint: nec etiam topica leuiter refrigerantia, relaxantia, & emollientia, non omissis aromaticis, & quæ ex proprietate partis istius nobilis robur conseruare possunt. Quamdiu igitur fluxionis imperus perdurat, præscribantur & iniiciantur frequenter clysteres ex decocto refrigerante cum oleo cydoniorum, violaceo, aut etiam rosaceo omphacino. Fiant decocta sequentia, quæ bis in die sumere poterit.

℞ Rad. acetosæ & cichor. an. ʒ j. β. foliorum borrag. agrim. endiu. capilli-Vener. acetosæ & cichor. an. M. j. feminis lactucæ & granorum kermes, an. ʒ ij. florum nymphææ, rosar. violar. & cichor. an. P. j. Fiat omnium decoctio in aquâ hordei ad lb ij. Adde sub finem decoctionis, santali rubri ʒ β. cinnam. ʒ j. ad deferendum vim aliorum medicamentorum, & hepar recreandum. Colentur, & addendo parum sacchari, (nam dulcia hîc copiosius sumpta, valde nocere possunt) fiat iulepus longus, de quo capiat ʒ iv. manè, & totidem horâ terciâ pomeridianâ. Quod si velis præscribere syrupos cum aquis stillatitiis, caue nimium dulces & viscidos, quia obstruent magis hepar & inflammabunt: sed eorum loco tenues & acetosos vsurpa. Vt

℞ Syr. acetosi simpl. & de granatis acidis, an. ʒ j. β. aquarum cichor. & endiu. an. ʒ v. pulueris elect. triasant. ʒ j. Fiat iulep pro tribus dosibus, quæ reiterentur quoties opus fuerit. In eiusmodi tamen inflammationibus internarum partium, obseruauit recentiores syrupum de papauere, quod rheas seu rubrum dicitur, magnam opem adferre, tum quod potenter febrim extinguit, fluxionem sistit, & ex proprietate quadam humores in habitum digerit & per sudores euocat. Hic igitur potissimum, si vera sit phlegmone aut erysipelatosâ, vsurpari conuenienter poterit, dissolutus aquâ nymphææ, endiuæ, aut cichorij. Alij valde laudant vsum sequentium emulsionum.

℞ Amygdal. dulcium & recentium mundat. ʒ j. β. seminum lactucæ, melon. & papauer. albi, an. ʒ ij. feminis coriandri ʒ j. Contundantur omnia in mortario marmoreo pistillo ligneo, affundendo decocti hordei aut aquæ endiuæ lb j. β. sacchari parum. Fiat emulsio, quâ vtatur frequenter. Exteriùs verò admoventur in principio epithemata & vnguenta sequentia.

℞ Succu endiuæ & cichor. vel aquarum, an. ʒ. iij. aquæ rosacæ & aceti albi, an. ʒ β. pulueris santalorum ʒ j. caphuræ ʒ j. Misce. Applicetur tepidè regioni hepatis cum linteolistenuioribus, vel sericeis rubris per quartam horæ partem, frequenter renouando, bis aut ter in die. Deinde inungatur cerato santalino vel vnguento rosaceo, addendo parum spicæ vel cinnamomi ad robur partis seruandum, & faciliorem penetrationem.

Vbi verò calor & fluxio iam quodammodo mitescere videbuntur, addenda erunt clysteribus, decoctis, & topicis resoluentia & emollientia, nusquam omissis tonicis, vt materia parti infixâ digeratur, & scirrhi generatio impediatur. Itaque decoctum hepaticæ, agrim. absinth. Pontici, betonicæ, scabiosæ, tunc instituendum; vel iulepi ex eisdem parandi, prout res postulare videbitur. Sic etiam exteriùs fiat fortus talis.

℞ Summitatum absinth. vtriusque, & agrimon. an. M. j. feminum fœnic. anisi, & coriand. an. ʒ j. florum cichorij, violar. borrag. & rosar. an. P. j. santali rubri & citrini, anthos, & spicæ nardi, an. ʒ β. Decoquantur omnia, addendo si vis sub finem decoctionis, vini albi tertiam partem: Vtatur pro foru, vt supra. Deinde ex istis pistatis & cribratis, addendo parum farinæ hordei & olei rosacei, fiat cataplasma, quod supra linteolum rarissimum hepati applicetur. Vel fiat inunctio sequens.

℞ Vnguent. rosacei & resumptiui recenter dispensati, an. ʒ ij. puluer. ireos Florent. ʒ j. β. santali citrini, & spicæ, an. ʒ β. vnguent. de althæâ ʒ β. olei de absinth. parum. Fiat linimentum, quo vtatur vt dictum est. Quod si scirrhescere & indurari videatur pars, cessante febre & dolore, tunc augeatur vis purè emollientium

tium & attenuantium, ut proximo dicemus capite accuratius, quando de hepatis scirrho agemus.

Contra verò ubi superioribus omnibus remediis rectè usurpatis, aut certè omis-
sis, nihil profectum est, sed aucto dolore, qui ex graui iam pulsatorius euasit, re-
nitià, dolore & febre, reliquisque circa statum symptomatis, ita ut tumor ipse
quodammodo fastigiari & increfcere videatur: tunc suppurationem fieri verifimi-
le est; & naturam pepasmo materiæ istius addictam grauitè laborare. Quapro-
pter iuuanda omnibus modis, & robur illius sustinendum tam sumptis quàm ad-
motis; quæque apparent tunc validissima symptomata mitiganda, potissimum ve-
rò dolor, *ἀσπυρία*, insomnietas, sitis, delirium, & similia: quorum particularis
epiceraſtice suis locis magis accuratè traditur. Hic tamen notabimus ex sententià
Hippocratis *lib. de intern. affect.* dum fit suppuratio, narcoticorum vsum esse valde
necessarium; ut syrupi de papauere vulgari, Philonij Romani, confectionis Re-
quiei, & similium, ut scilicet natura quasi factis induciis, à tanto labore & dolore
paulisper respirare possit. Poteris itaque talem compositionem, quam vulgò *Re-*
ſtaurantiem vocant; imperare, quæ erit huic rei valde accommodata.

℞ Conseru. florum cichor. & borrag. an. ʒ j. confect. alkerm. & requiei Nicol.
an. ʒ j. pulu. elect. diambrae, triasant. & diarrhod. abbat. an. ʒ ss. opij in vino rubro
& aqua rosacea leuiter cocti ʒ j. sacchari parum. Miscee diligenter. Fiat conditum
auro duplici coopertum: De quo capiat cochlear paruum semel aut bis in die, po-
tissimum inclinante nocte, circa horam somni.

Suppuratio interea iuuetur cataplasmate aliquo, ut ex decocto althææ, malua-
rum, ficuum pinguium, dactylorum, seminis lini, & similium; vel illo quod
ex micâ panis albiſſimi in lacte decoctâ & vitellis ouorum permixtâ cum pauco cro-
co, necnon opio si dolor valde sit acerbis, conficitur. Cui adde ad robur partis,
spicæ & santali rubri aliquot drachmas, est enim concoctorium & doloris valde mi-
tigatorium. Suppuratione ergo factâ, si quidem superſtes sit æger, tunc de vacuatio-
ne puris cogitandum, quæ cum multis modis fiat, spectandus erit naturæ motus.
Nam si quidem pus in vomica sua contentum non erumpat extra hepatis corpus,
vel erit in profundis eius partibus; vel eis quæ exterius prominent. Si exterius &
versus cutem fastigium abscessus istius vergat, certè non dubitandum, quin ex
Hippocratis sententiâ, tam in Aphorismis iam adductis, quàm alibi sæpe, eiusmodi
sint vrendi vel secandi, hoc est aperiendam esse istam vomicam admoto parti-
bus externis cauterio, donec ad interiora peruentum sit: Ex eiusmodi enim ope-
ratione multos euadere superſtites contingit, quoties pus laudabile & bene confe-
ctum per eiusmodi viam commodè expurgatur. Sin verò abscessus in profundis he-
patis partibus positum Chirurgicæ huic operationi non sit accommodatum, tunc
diureticis quibusdam & leuiter aperientibus tentanda eius disruptio (per vrinas aut
aluum.) Nam paulatim & diuturnâ morâ poterit expurgari purulenta hæc mate-
ria per conuenientes vias, sumptis etiam detergentibus quibusdam, ut melicratis,
ad naturæ motum iuuandum. Fit tamen aliquando, ut vomica ista disrumpatur
sponte, quod ingens rigor vel tremor præcedens ostendunt, cum nausæa & magno
ſaniei exitu per aluum aut vesicam, aut etiam vomitu: aliàs effluit in interiorè
abdominis cauitatem, & ibi colligitur magna puris copia absque exitu, quem illi
comparabit peritus artifex per apertionem in imâ ventris parte factam potenciali
cauterio, quo sæpe vacuari vidimus longo tempore materias istas suppuratas, quæ
ex superioribus partibus eò deuoluebantur.

His peractis remanet vlcus in parte sordidum plerumque, atque etiam sinuo-
sum, quo totum corpus liquatur & marceſcit, aut tandem in hydropa labitur, tum
ob defectum principis coctionis, tum ob magnam humidæ illius & radicalis sub-
stantiæ depauperationem, quæ per eiusmodi affectum contingit. Non est tamen
omnino despondendum animo, potissimum in iunioribus & bene habitis corpori-
bus, in quibus sola natura aliquando miras curationes perficit, quantò magis con-
uenientibus auxiliis adiuta. Cum igitur in eiusmodi vlceribus internis magna ſor-
dium & ſaniei copia colligatur, non est cessandum à mundificantibus & tergenti-
bus per os sumptis, donec tota illa illuuiès expurgata conuenienter fuerit: quo
perfecto exſiccantia & epulonica usurpanda, ut vlcus cicatrice occludatur. Quem-
admodum ratione consumptionis alimenta analeptica & reſectoria usurpanda. Ad
detergendum igitur decoctum hordei integri cum melle aut saccharo rosaceo, vel
serum lactis caprilli vulgò à Practicis usurpari solet. Ego tamen, si febris pauca

adfit potentiùs illud præstandum cenſeo decocto illo ſeu aquâ , quam vulgò cata-pultarum vocant, in quâ omnes indicationes curandi ſordidi vlceris commodiſſimè perficiuntur , vt ex deſcriptione eius cuius notum eſſe poteſt. Sed potiſſimum in vlceribus iſtis internis auxilium eſſe putamus , lac aſininum diuturno tempore ſumptum cum ſaccharo roſaceo , terget enim leuiter ob copiam ſeri , refrigerat, & nutrit commodè partes , quod ſub ſinem vſtulari chalybe ardenti , vel ſilicibus poterit ad maiorem adſtrictionem : vel illius loco ouillum præſcribi, quod ad ſigillandum & occludendum multò potentiùs eſt , cui adiunge , ſi volueris , tabellam aliquam ex corallis , terrâ ſigillatâ , bolo Armenâ , gummi Arabico, & ſimilibus conſectam ad iuuandam conſolidationem vlceris.

Verùm tractationis ſerie ducti , perſecuti ſumus iam curationem tumoris illius, qui vel reſolutione & perfectâ διαφορῆς terminatur, vel in abſceſſum & ſuppurationem definit. Itaque reuocato quaſi gradu redeundum ad illos, in quibus materia magis craſſa aut impacta diſſolui nequit ex toto , ſed maiori ex parte remanet cum obſtructionis aut ſcirrhi periculo. Videndum etiam , quod à nobis omiſſum fuit, quomodo purgatione , quæ medicamentorum catharticoꝝ operâ fit, & diureticis in hoc affectu vtendum ſit.

Quod ad primum ſpectat ſi quidem tumoris iſtius materia frigidiꝝ craſſiꝝque fuerit , aut certè ex importuno refrigerantium vſu aut reſoluentium quaſi indurata , ita vt febris quidem ſit imminuta , ſed ſuperſit in hypochondrio diſtentione cum oppreſſione : tunc maniſeſtum eſt excludendas eſſe morbi reliquias , quæ parti impactæ ſunt , & ſcirrhi periculum auertendum , aut certè diuturnæ cuiuſdam in membro obſtructionis aut corruptelæ. Ad hoc igitur aſſequendum , ſi quidem in cauâ hepatis parte collectio illa poſita ſit potiſſimum , & inſectus in primis venis ſubſeſſe cenſeatur , aut certè ſpes aliqua ſit portionem humoris illius viſceri impacti, poſſe vacuantibus expelli, vt ex aquoſitatibus & exundante per aluum ſanie conii-cimus : Tunc ex conſilio Galeni 2. ad Glauc. catharticiſ benignioribus excludenda erit maior materiæ portio , vt reliqua deinceps faciliùs vi caloris natiui digeratur & diſſipetur. A cauiſ enim hepatis ad inteſtina expeditiſſimus eſt & facilis aditus, ac proinde vellem ego noſtro more Apozema aliquod inſtituere attenuans leuiter, detergens , & expurgans , vt ſenſim & quaſi per διήρυξις iſtud perficiatur : nam violentioribus remediis non videtur conturbandum corpus metu nouæ fluxionis aut inflammationis , quæ faciliſimè iſtis excitari poſſet. Fiat igitur ſic.

℞ Rad. lapathi acuti , cichor. graminis , & aſparagi , an. ℥ j. herbarum ſcabi-ſæ , agrimon. borrag. fumar. ſcolopend. capilli - Veneris, abſinth. & lupulor. an. M. j. ſeminis aniſi & melonum , an. ʒ ij. ſeminis carthami contuſi ℥ j. foliorum ſenæ mundat. ℥ iij. prunorum acidorum , & paſſul. purgat. an. P. iv. agarici trochiſcati in ligaturâ poſiti ℥ ſ. epithymi , florum cordial. cichor. & geniſtæ , an. P. j. Fiat omnium decoctio in ſero lactis caprilli , vel aquâ hordei ad ℔ j. ſ. In quibus diſſolue ſyr. roſati ſolut. & de cichor. comp. cum rhab. an. ℥ ij. Fiat apozema clariſicatum & aromatiz. ʒ j. ſ. elect. diarrhod. abb. pro 4. vel ʒ. doſibus matutinis, quas capiet continuiſ diebus , ſi vires ſint vegetæ , & leuiter ferat æger , meliùsque videatur ſe habere : ſin minùs, interiectis diebus, vt recreari pauliſper poſſint. Quòd ſi purgatio ſit paulum laborioſa , vel non ſuccedat conuenienter , iniiciatur clyſter ſequens die interualli , quo illa valde iuuabitur , & ſubhærentes humoris reliquiæ conuenienter educentur.

℞ Althææ , maluarum , lapathi acuti , & violar. cum toto , an. M. j. foliorum betæ , mercurial. & agrimon. an. M. ſ. ſeminis aniſi ʒ iij. furfur. macri , hordei integri , & florum cichor. an. P. ij. Fiat omnium decoctio ad ℔ j. In quâ diſſolue mellis roſati colati , & ſacchar. rub. an. ℥ ij. olei de abſinth. ℥ iij. conſect. hieræ ʒ vj. Fiat clyſter : Vel ex ſero caprillo paretur cum melle roſaceo & pauco fermento , quem nos experti ſumus ſæpiùs , vtiliſſimum ad eiufmodi ſordes eluendas.

Quamuiſ igitur hæc purgantia leniter & detergentia potiſſimum conueniant in affectu cauæ hepatis : attamen non vereretur etiam in collectionibus gibbæ partis , iam ſubſiſtente quodammodo febre & dolore , illa præſcribere : Nam quod Galenus citato loco , gibba per vrinas , caua per aluum præcipuè expurgari ſcripſit, non excludit omnino vſum purgantium in affectibus ſuperioris partis , ſed docet tantum illam commodiùs impedimenta ſua & περιώματα excludere per mediam ſive ſecundam corporis regionem , quæ ad vias vrinæ protenditur. Itaque poſt ac-
commoda

commodatam vnius vel plurium dierum purgationem, prout ex usu videbitur, diu reticis temperatis uteremur, quorum usus ante eam esset periculosus, quia saburram quæ in primis viis subsistit, commouerent, & ad partem affectam deciderent. Horum diureticorum variæ præscribi possunt formulæ, apozematum, syruporum, trochiscorum, & similium: In Officinis habentur, syrupi de duabus & quinquæ radicibus, de eupatorio, de artemisiâ, oxymel diureticum, trochisci dialacæ, diarrhod. abbat. de capparibus, & similibus. Si volueris, ita præscribito.

℞ Rad. aperitiuarum in aceto conuenienter macerat. rad. graminis & liquirit. ræ, an. ʒ j. foliorum cressonis, capilli-Vener. agrimon. rostri porcini, endiuix, summitatum fœnic. an. M. β. seminis milij Solis, melonum & cucurbitæ, an. ʒ ij. capparum sine sale & aceto, cicerum rubr. an. P. j. cinnam. electi, & schoenant. an. ʒ j. Bulliant omnia cum pullo gallinaceo aut paucâ carne hœdinx, vel per se. Decoctum sumatur bis in die: Vel ex succis fœnic. apij, & endiuix, addendo parum aceti albi, concinnetur syrupus, qui aquâ graminis dissolutus, frequenter sumi poterit. Pulueres etiam aut trochisci concinnari possunt ad eundem usum, ut si pulueri diarrhod. abbat. parum seminis apij, fœnic. & milij Solis addas, cum cinnam. asari, & schoenanthi exigua quantitate: ex quo parabuntur etiam tabellæ cum succo agrimon. vel fœniculi.

Quibus ita constitutis, interea fœtus & linimenta aut emplastra exterius admoventur, quæ emolliendi & attenuandi (mixtis perpetuo roborantibus) facultate prædita, totam deinceps materiam subigant, quæ nos sequenti mox capite sumus proposituri.

Verum mirabitur fortè aliquis, cur in curationis istius principio, dum de vacuantibus & reuellentibus agebamus, nullam purgationis quæ per medicamenta cathartica fit, mentionem fecerimus: quasi nullo modo in hoc affectu sit usurpanda. Cui ita satisfaciendum videtur, purgationem quæ medicamentorum operâ fit, nullo modo conuenire in principio istius inflammationis, si quidem phlegmonosa vel erysipelatosa fuerit, ut docet conceptis verbis Galenus 13. meth. quia neque ratione vacuationis materiæ peccantis conferre potest, quæ à tenuiore sanguine proficiscitur; neque fluxionis auertendæ, quia materiam adducit versus partem affectam; nec temperationis, quandoquidem omnia cathartica vel per se calida sunt & æstuantia; vel per accidens, quia humores exagitant & commouent versus hepatis regionem. Itaque si quæ sit in intestinis & primis viis impuritas circa initia istius morbi, illa satis commodè clysteribus elui poterit, donec melior occasio purgandi se offerat, utpote circa illius declinationem. Quamuis non negauerim pertinaciter, exhiberi posse rhabarb. infusum in aquâ endiuix, syr. rosatum solut. cassiam, tamarindos, diaprunis simplicem, trypheram Persicam, mannam, & similia purgantia, quæ vulgò benedicta dicuntur: Imò si ad scirrhosam vel cedematosa naturam accedat, etiam senam, agaricum, turpethum, catholicum, diaphœnicon, & similia, quæ peritus artifex variè moderari poterit præsentem magnâ cacochymia & impuritate totius corporis. Attamen conturbantia seu eradicantia dicta omnino vitanda sunt, tam in principio, quam in declinatione istorum tumorum, quia materia quæ eiusmodi partibus est impacta, non potest violenter & confertim retrocedere, & periculum est ne per eiusmodi medicamenta in obstructum hepar variij ex toto corpore humores proliciantur, qui deinde non expurgati, illius augeant infarctum & obstructionem. Quamuis enim Hippocrates in pleuritide, quæ ad hypochondria vergit, videatur catharsin ex helleboro concedere; tamen Galenus id non probat; vel de pleuritide nothâ, pituitosâ vel flatuosâ interpretatur, quam nulla vel exigua febris comitatur, magisque laudat contextum illum, qui eodem libro de victu acutor. comment. quarto, sic habetur; *Inflammata, inquit, hypochondria, cum iecoris systrophe phlegmonosâ ac dolore, vel lienis tumore, aut alius collectionibus qua non sunt à flatu, quin & superiores septo dolores cum eadem συστροφῇ, solui non possunt, si quis primum pharmaci usus fuerit: Nam phlebotomia in istis remedium est ὑπερτοννόν, deinde clystis agere conuenit, si morbus sit magnus & vehemens: Si verò purgatione non indigere videatur, postmodum illud præstabis μὲν ἀσφαλτῆς καὶ μέλιτι*, cum diligenti animaduersione & mediocritate. Quicumque enim, addit, statim in principio morborum istorum, inflammationes medicamento soluere conantur: illi non solum ab distentâ inflammataque parte nihil detrahunt, cum non cedat obsequaturque cruda & recens affectio; sed etiam quæ sana adhuc & morbo repugnantia sunt, absument & contabesciunt, & inde agrum in perniciem

perniciem coniciunt. Hæc est igitur elegans & valde notatu digna Hippocratis sententia, de purgantium usu per eiusmodi affectus inflammatorios, quam propter rei utilitatem & tractationis nostræ velut colophonem in medium adferre libuit. Iam verò ad alios hepatis affectus ex proposito supra ordine accedamus.



CAPUT V.

De obstructione & scirrho hepatis.

D V o s istos affectus ideò coniunximus, quia in eo tantum differunt, quòd obstructio iecoris, venas & meatus illius occupet intacto parenchymate: scirrhus verò ubique sedem suam habeat positam, potissimum verò in ipsâ hepatis substantiâ: Ita ut scirrhus dicatur tumor præter naturam, durus, & indolens ex materiâ frigidâ crassâ, aut viscidâ, iecoris substantiam occupans: obstructio verò morbus sit organicus, distributionem humorum præcipuè impediens, ex materiâ meatus illius replente ac distendente obortus. Diximus scirrhum esse tumorem præter naturam, quia non minùs quàm phlegmone partis magnitudinem augens, contiguitatem illius dissoluens, & intemperiem adferens, triplex illud morbi genus complectitur insigniter, quod in tumoribus præter naturam constituendis concurrere dicebamus priùs. Estque præter naturam functiones hepatis tantopere lædens, ut præsentem scirrhum omnes ferè corrumpant & labefactentur: unde ad eius aduentum, si quidem non ritè curatus initio fuerit, necessariò lethalis hydrops, teste Galeno, exoritur: præcedunt verò *ναρξία* totius corporis, depravatus faciei color, & similia læsæ coctionis vitia in hepate, tam per se, ob refrigerationem videlicet inductam; quàm per accidens, ob impeditum humorum com meatum & quasi abolitam retentricem. Durum verò esse scirrhum supra alios omnes tumores præter naturam par est, siue sit primarius ex humorum crassorum viscidorumque affluxu, vel congestione genitus; siue secundarius, aliis tumoribus malè curatis superueniens, ob importunum scilicet ac diuturniorem resoluventium vel refrigerantium usum induratis. Vnde Aurelianus hunc affectum vocat duritiam & saxitatem hepatis, quia instar lapidis tangenti renititur manui, nec villo modo cedit, ob repletionem scilicet maximam materiæ siccioris & quasi congelatæ, quæ tres sunt omnis duritiei causæ hîc simul concurrentes: unde etiam indolentia exoritur perfecta, quando omnino periit sensus tactus in parte, vel imperfecta, quando aliquis, sed exiguus tamen, est adhuc superstes: Nam ex tantâ humoris frigidi collectione eum destrui necesse est, & ob intemperiem ferè æqualem in parte contractam, nullum adesse dolorem aut exiguum, quique non tam ratione loci affecti, quàm circumstantium partium pondere vel distentione illius afflictarum exoritur. Hæc igitur materia sensim illabens, vel collecta in parte, aut certè post alios tumores malè curatos relicta, visceris substantiam siue parenchyma occupat, ut diximus; quo nomine potissimum à simplici obstructione distinguitur, quæ morbus est cavitatis siue meatuum.

Obstructionem enim iure diximus organicum morbum, quoniam partis compositionem respiciens, quatenus meatibus seu cavitatibus quadam prædita est, non solum angustiores facit eos, ut in simplici contingit adstrictione; sed opplet, & à causâ materiali seu corpulentâ intra ipsum meatum, cavitatem, aut orificium contentâ exoritur. Cum igitur res istæ obstruentes, vel firmiter adhæreant eorum parietibus, ut polypus naso, caruncula vrethræ, calculus reni ac vesicæ sæpius, & similia; vel tantum positæ sint interiùs absque eiusmodi connexu: In hoc affectu quæ hepar obstruunt, sunt humores in eius ductibus positi, non adhærentes, sed multitudine suâ, crassitie aut lentore præpedientes cursum siue distributionem materiæ illius alibilis, quæ in hepate confecta debet per totum corpus transferri, ut nutritioni partium inseruiat, quam plus vel minùs impediunt, prout plures vel pauciores meatus occupati fuerint, à copiosâ vel paucâ materiâ, eaque magis vel minùs crassâ & lentâ. Ut enim omnes humores multitudine suâ *ἐμπόζουσιν* istas ex repletionem

repletionem nimiam inducere possunt, sic humor melancholicus crassitie, pituitosus lentore ac visciditate quam præditus est, frequentissima sunt illarum causæ. Ab his verò præcipue impeditur distributio siue commeatus humorum, qui beneficio canaliculorum istorum fieri solet: attamen coctiones etiam partium lædere possunt, tum quia humorum multitudine suffocatur quasi & obruitur calor natiuus, tum quia etiam eorum frigiditate & crassitie imminuitur, & alia deinceps symptomata exoriantur, à nobis post causarum morbos istos excitantium enumerationem recensenda.

Quod ad causas itaque horum affectuum spectat, illæ solitæ nobis methodo ex rebus naturalibus, quæ disponentes seu præparantes dici possunt; non naturalibus, & præter naturam, quæ verè efficientes sunt, repeti debent. Ex parte itaque rerum naturalium, cum uterque affectus positus sit in repletionem tum substantiæ ipsius hepatis, tum meatuum ab humoribus multis, crassis aut lentis: certum est eos qui naturam sunt plethorici, aut congerendis humoribus mucosis, viscidis & crassis idonei, quales sunt pituitosi aut melancholici, vel per se vel per accidens, facillime incurrere in eiusmodi morbos, potissimum si ex naturam suam hepatici sint, iecore scilicet imbecilliore aut grandiore præditi, vel certè vasis angustioribus & admodum strictis donati: fieri enim vix potest, quin eiusmodi homines ex leuissimam & quacunque de causâ in hæc obstructions & duros tumores incurrant, quia humores isti cum non possint liberè hac illac transfluere, vel subsistunt in ipsis meatibus, vel in viscerum substantiam effunduntur: unde pueros non solum ob voracitatem, sed etiam ob vasorum adhuc minutulorum angustiam frequentissime illis corripimus, quemadmodum & mulierculas obesiores. Cum igitur hepar inter omnes corporis partes aptissimum sit, docente Galeno *lib. 5. de loc. affect.* ad scirrhum & obstructions suscipiendas, ob multitudinem vasorum, eorundem tenuitatem, symphyisin, & complexum caux & portæ, ac meatuum cholidochorum, tum quia lutulentum quid naturam suam continet. Controvertitur tamen inter Practicos, utrum hepar calidum vel frigidum magis sit opportunum suscipiendis obstructionibus. Concludunt ferè omnes, frigidum ex se, tum ob venarum exilitatem maiorem quam præditum est, tum crudorum humorum generationem & perennem prouentum, quem facultas expultrix imbecillior superare & excludere nequit; Calidum verò ex accidenti, quia propter attractricem vim validiorem, sollet alimenta quasi inconfecta rapere, eaque inæqualiter coquere, partibus crudis incrassatis, subtilioribus verò exassatis. Adde quod propter raritatem pororum, facile admittit influentes humores. Atque hæc de naturalibus.

Res verò externæ siue non naturales, tam materialiter quam effectiue, concurrere possunt ad istos affectus producendos, videlicet intemperies aeris calidiores frigidioresve: illæ exurendo & concitando humores in penetralia partium, hæc incrassando & affigendo. Autumnus certè ferax est admodum istis obstructionibus producendis & scirrhosis tumoribus, tum ob humoris melancholici & crassi dominatum, tum etiam inæqualitatem caloris & frigoris, quo varij humorum motus concitantur. Verum alimenta potissimam hinc vim obtinent. Nam siue intemperanter & voraciter sumpta, ut in pueris; siue qualitatibus & substantiâ noxia, seu præpostero ordine iniecta, frequentissime originem & materiam huic rei idoneam suppeditant: Dulcia enim iecur obstruere, prius docuimus, item viscida & crassa, qualia sunt aqua palustris & lutulenta, vina nigra & crassa, zythum, panis azymus, oryza, femola, & omne leguminum genus, si substantiam eorum spectes; olera cruda, fructus acerbi & austeri, ut pyra, cydonia mala, potissimum primamensam sumpti, succedentibus aliis caliditate & tenuitate partium præditis, castaneæ, tubera, & bulbosæ radices: Pisces ceracei & glutinosam carne præditi, carnes bubulæ, porcine, caprinæ, & similes: Caseus valde pinguis & butyrosus, aut diuturniore situ marcescens. His si calfacientia valde & attenuantia accesserint, ut vini generosioris haustus immodici & frequentes, rerum frixarum, salutarum aut acetosarum, vel fortiorum aromatum diuturnior usus, non solum obstructio, sed etiam scirrhus, exsiccata eiusmodi materiâ & valde indurata exoritur, quemadmodum à medicamentis tam internis quam externis valde resoluentibus vel refrigerantibus fieri dicebamus. Ad hoc etiam faciendum conspirant labores & exercitationes vehementiores statim à pastu factæ, quia præcipitant inconfectum alimentum in venas & exsiccant; quemadmodum & superfluum otium congerendo multa excrementa: Vigiliæ immoderatae: Animi pathemata vehementiora, potissimum verò metus & mœstitia, quia impingunt humores versus interiora.

viscera. Sed potissima & frequentissima istorum affectuum causa pendet à suppressis vacuationibus ordinariis : Nam siue in mulieribus ob intercepta menstrua , siue fluxum hæmorrhoidalem in assuetis, vel etiam factâ alio præter solitum pigriore , aut suppresso solenni vomitu sæpius solet humor ille in primam regionem & ipsum hepar regurgitare , ibique subsistens , obstructiones istas vel scirrhus statim , siquidem materia fuerit disposita ; vel diuturniore morâ , vbi illa fuerit exsiccata & in poros partis translata , parere. Sic decumbens ex cerebro humor pituitosus, crassus & lentus, vt iam ad internas & antecedentes causas veniamus, plerumque maximum infarctum istis partibus infert : Item ventriculus crassiolem chylum generans, vel ex se ob caliditatem nimiam , aut refrigerationem, vel per accidens , dum citius quàm par sit præcipitatur aut attrahitur à iecore æstuoso, vel etiam ob vitium alimentorum. Quemadmodum ipse lien dum vel obstructus non trahit sanguinis fæcem quæ in secundâ coctione generatur, vel intemperatus & imbecillior factus non potest eam expurgare : quod in febribus quartanis aliisque sæpius visitur , in quibus vel naturæ vel artis defectu non fuit instituta conueniens excrementorum illorum vacuatio. Illæ enim magnas obstructions sæpe, aliquando etiam scirrhus in his visceribus relinquere solent : Et quotiescumque est ingens in toto corpore plethora vel cacochymia, maximè timendum est ab istis, nisi iusta & methodica prophylaxis adhibeatur. Causa enim continens harum obstructions est humor vel multus, vt sanguis , & bilis crassior reddita admixtione pituitæ; vel crassus tantum, vt humor melancholicus ; aut crassus & lentus, vt pituita , quæ plurimum alijs humoribus ad istas obstructions faciendas permisceri solet, tum quòd in primis istis viis plurimum abundat , tum etiam quòd faciliè eneruato calore nativo progigni solet. Quidam putant bilem nullo modo obstructions parere posse , sed potius soluere velut omnia amara : Sed responde bilem paucam & sinceram id non posse, sed multam aut pituitæ permixtam & concretam , qualis est vitellina, posse; ex quâ etiam vidit generatos in cystide fellis calculos Fernellius. Scirrhus simili modo causam habet proximam , humorem siccum & terrestrem, qualis est sanguinis limus ; vel crassum & viscidum , vt pituitam , quæ in tophos coctione induratur ; aut certè quemcumque humorem , qui per tumores illos à nobis commemoratos concreuit & valde refrigeratur. Atque hæc de causis.

Differentiæ autem istorum affectuum, tum à causis eos generantibus repetendæ, tum à locis quibus insident, vt supremâ vel imâ hepatis parte , primis & capillaribus venis, vel maioribus , & earum exortu aut insertionem. Nunc ad signa veniamus.

Διάγνωσις ergo istorum affectuum ex causarum illos producentium præsentia , & effectuum consequentium tam Συμπτωμάτων, quàm ἰδιοπαθειῶν serie repetenda: Quæcumque enim causæ diuturnius aut validius egerint in disposita corpora , maximam faciunt coniecturam affectus ipsius qui ab illis pendet. Ideò ad ἱατρικήν seu characterem morbificæ dispositionis , signa vocant pathognomonica , conuertendus animus, tum etiam Πανερόμενα, & Συνεδρέοντα consideranda , vt certior de ipso rei euentu & veritate fias. Vterque igitur affectus cum ex immodicâ repletionem ac infarctu materiæ humoralis in hepate aut eius meatibus contentæ pendeat, distentionemque ac eleuationem necessariò hypochondrij dextri suscitet, non potest latere prudentem Medicum ; vbi solerter locum illum attigerit, siue æger supinus decumbat , siue stet : Nam perpetuò ingens sese partis moles offeret, quæ non solum tactui, sed etiam visui valde erit conspicua , potissimum si æger sit gracilis, aut iam longitudine morbi extenuatus, dummodò aquarum nulla adhuc collectio facta sit in abdomine , quam sonitu & fluctuatione dum voluitur in alterutrum latus, agnoscet. Vterque etiam affectus parum doloris suscitatur contactu aut sine illo , vt diximus, nisi flatus adiunctus fuerit , quod sæpe in obstructione contingit , per quam aliquando excruciiari & quasi suffocari vidimus ægrotantes , dum scilicet flatus isti crassiores intra vasa aliqua & duas obstructions interiectas positi, erumpere non possunt subito foras, sed ibi continentur, donec attenuati sensim resoluantur. In scirrhus certè maior est indolentia , quia maior infarctus partis , & quasi suffocatio caloris natui ac spirituum interceptio , potissimum si verus sit & exquisitus , maiorque durities siue renitentia ob dictas causas. Adde quòd scirrhus , quemadmodum & phlegmone lunarem figuram quasi schemate rotundo sub costis decissam repræsentat, cum obstructio inæqualiter magis ipsum

ipsum hepar distendat : In utroque tamen sentitur oppressio post sumptum cibum (potissimum si acria, salsa aut flatuosa sumantur, quia pungunt, vellicant, aut distendunt magis partem) & quamdiu concoquitur, propter inductam à comprimente iecore angustiam, & quia chylus penetrare non potest : respiratio difficilis & laboriosa, præcipue post exercitationem etiam leuissimam, ad quam sunt inualidi, quia diaphragma vicinum premitur, nec libere dilatatur : In utroque etiam color faciei luridus & quasi ex albo virescens, ob corruptam coctionem, & impeditam humoris alibilis distributionem, ad quam καχεξία, faciei totius aut palpebrarum, præcipue post somnum, inflationes, crurum & manuum cedematosi tumores, summa inappetentia, cum sitis molestia, nec non tandem hydrops iam à nobis commemoratus consequitur; quando concidit omnino facultas illa ἀντιστροφικὴ, aut ruinæ suæ est proxima : Quod ad obstructionem etiam spectat, quoniam humores illi in meatibus contenti, plurimum putredine aliqua tentantur, fit ut inde coræte lacessito, totoque corpore concalescente, febris lenta exoritur, quæ noctu fere exacerbatur, tam ob materiæ pituitosæ naturam, quam impeditam à noctis frigore perspirationem vaporum illorum crassiorum : unde pulsus inæqualis & frequens, qui valde circa furculam & collum etiam visu deprehenditur, cum squallorè cutis & partium extenuatione. Idem accidit in scirrho, potissimum si icteri sit comes, aut tumoribus phlegmonosis successerit, quia relictum est in parte empyreuma, vel iam collectas habeat intus & putrentes aquas : Est tamen in eo minutulus fere pulsus cum quadam duritie, ob suffocationem caloris nativi & vasorum angustiam. Uterque affectus decubitus habet difficilem. Siue enim in latera conuertantur, siue supini jaceant, moles quædam molesta veluti suffocans in ventriculum & præcordia incumbit, ita ut erecti spirare sæpius cogantur, & tunc etiam clauiculæ aut costarum diuulsionem perferant, ex distenti iecoris pondere : facilius decumbunt dextrâ parte, quia tunc viscus in musculos reclinatum, minus reliquis partibus est infestum. Urina in utroque modo tenuis & aquosa propter refrigerationem & quasi transcolationem ferossæ materiæ : alias rufa vel citrina, ob refluxum materiæ biliosæ ad superiores partes, dum per aluum nequit expurgari, aut febris iam inductæ vehementiam : aliquando subrubra apparet ex permixtione sanguinis aquosi, qui propter retentis imbecillitatem per vias illas effluit : fit aliquando ut urina pauca emittatur, quod maior feri portio intercipiatur, iamque in vacua abdominis spatia effundi incipiat. Quemadmodum & aluus aliquando profusa in utroque affectu, quando coarctata sunt valde ora vasorum, per quæ ex simis hepatis partibus ad gibbas fit alimenti transsumptio : Alias vero sicca, si adsit calor putredinosus fæces exurens, vel iste infarctus in gibbâ hepatis parte magis subsistat.

A quibus verò causis uterque affectus producat, earum differentias deprehendes ex recollectione rerum naturalium, non naturalium, & præter naturam : tum affectus ipsius & subsequenrium symptomatum comparatione. Nam si temperamentum totius vel iecoris, ætas, victus ratio, aëris conditio, suppressæ vacuationes, morbi aliqui præcedentes, & similia, ad huius vel illius humoris generationem magis consentiant, verisimile erit talem esse coninnetam istorum affectuum causam, quæ suo se charactere, coloribus, & aliis accidentibus prodit. Certè scirrhus primarius & legitimus, ex melancholici succi *ὑπερβολή* fit plurimum in consimili temperamento, victu cacochoymo, hæmorrhoidibus retentis, post quartanas febres, longas obstructiones, & similia : colorem inducit nigricantem, refrigerationem totius corporis, & similia. Quæ valde immutantur, dum pendet ex resiccata pituita, aut tumoribus phlegmonosis refrigeratis & induratis, ut iam diximus. Utrum verò pars hepatis superior aut inferior potissimum sit obsessa, vel alia sit abdominis pars laborans, ex superiore tractatu repetendum, ubi ista fusè sumus persecuti. Iam itaque prognosin paucis expediamus.

Rectè Auicennas, obstructionem omnium ægritudinum matrem appellauit. Etenim cum laudabilis & recta corporis nostri œconomia sit posita in bonâ humorum coctione, & eorumdem distributione facili, per eiusmodi obstructiones diutius persistentes, corrumpi necesse est, ex utriusque vitio : & nisi decenter in principio curentur, lethales admodum affectus inducunt, putredines, diuturnas febres, atrophiam, viscerum omnium impuritates, & similia : (unde malorum myriades, velut ex lernæ quadam palude exoriuntur.) Intenduntur autem omnia, prout materia copiosior, qualitatibus infestior, contumacior & diuturnior fuerit. Fit enim sæpe transitus in scirrhum, tum ob materiæ quantitatem effusæ extra vasa, tum illius exsiccationem

& indurationem. Scirrhus autem in parte nobili & principe, ferè incurabilis censetur, potissimum si exquisitus & confirmatus cum nullo doloris sensu fuerit: tum quòd pars illa non potest sine magnâ temperamenti sui & totius ruinâ tantam intemperiem perferre, quæ cum iam æqualis facta sit, si quidem totum hepar tumor occupet, deploratus est æger, & necessario mortalem incurrit hydropem, tum quòd attenuantium, resoluentium & emollientium vsus, qui hîc requiritur, dissoluit omnino robur & *ἡπαρ* hepatis, cum vitæ periculo; & superuenientes aquæ etiam topicorum vim hebetant & obtundunt. Multos tamen vidimus, qui diu vitam egerunt incolumem cum scirrho extremitatum lobi alicuius, vel alterutram hepatis superficiem occupante, quia neque coctio, neque distributio humorum valde impediabatur. Suspecta tamen ista semper sunt habenda, quoniam hepar naturâ suâ, cum fæces istas & recrementa melancholiæ obtineat, faciliè contingit vt augeantur eiusmodi tumores ex quocunque errore tam interno quàm externo, quasi per additamenta, & tandem totam hepatis substantiam occupent. Certè alui fluxus perseverans cum eiusmodi scirrho pessimi est ominis, quia iam facultates omnes hepatis corruiere significat, *ἀνάσσει* esse interceptam, potissimum si sit chylosus vel cruentus, vt in hepatitide dicebamus. Pessimus etiam scirrhus, qui ad alios tumores malè curatos subsequitur: quia iam fractæ eneruatæque naturæ maximum adhuc incumbit negotium. Nos ergo therapie rationem aggrediamur.

Indicantia in his affectibus, vt in aliis, desumentur à parte affectâ, affectus naturâ, & causis. Vtpote pars nobilis & princeps, tantumque ad vitam necessaria, sui conseruationem exposcit & roborantia suadet, non solum ex alimentorum genere, sed etiam remedium, quæ respectum habeant peculiarem ad continendum partis istius robur, qualia sunt adstringentia modicè & aromatica dicta, de quibus tam sæpe ex Galeno monuimus, perpetuò permiscenda esse aliis, quæ causas & affectus istos præter naturam expugnare valent. Vbi etiam notandum ex eodem Galeno *lib. 1. ad Glauc. cap. 12.* partis istius molliem & substantiæ teneritudinem (est enim velur coagulatus sanguis) non posse ferre tam valida medicamenta, ac lien aut aliæ partes, quæ compactiori materiâ constant, ideòque esse temperandum à vehementioribus, aut certè permiscenda alia, quæ eorum vim quodammodo refringant, & debitam iecori proportionem conseruent. Ex parte causarum primò externarum, illæ omnes, si quidem generandis hisce affectibus fuerint consentientes, euitandæ, immutandæ & in eum statum transferendæ, quem recta victus ratio postea complectetur. Internæ autem antecedentes omnes diligenter remouendæ aut auertendæ, si quidem adhuc perseuerent, ac proinde omnis cacoehymia vel plethora minuenda & ad æquabilitatem educenda. Si ex capite, thorace, liene, ventriculo, aut similibus intemperatis vel obstructis, eiusmodi materia defluat: corrigenda vitia illarum partium, humor euacuandus, reuellendus, deriuandus, ne hepar amplius impetat. Omnes denique antecedentes causæ eo ferè ordine expugnandæ per sua contraria, quo suam habuere *ἔχουσιν* & incrementum. Coniuncta verò obstruens meatus, aut substantiam ipsius partis, quæ affectus speciem etiam complectitur, quatenus distendit, & repletionem nimiam seu quantitate exuperat, inanitione seu vacuatione, aut saltem transpositione indiget, per ea quæ aluum commodè & leniter ciere aut vrinas concitare possunt: vtrique enim via expedita est ad expurgandos iecoris infarctus. Quòd si sensibiliter per cutem etiam eius portio admotis vesicatoriis aut vstionibus variis, vt solebant antiqui, euacuari possit, non erit inutile in rebelli & contumaci affectu illa vsurpare, insensibiliter etiam per resolutia ritè vsurpata, idem præstare. Qualitates verò istius materiæ, cum tripliciter potissimum peccare soleant, crassitiæ videlicet, duritiæ & visciditate, indicant etiam attenuantia, mollientia & detergentia, conuenienter & pro ratione partis istius sumpta & admota, quæ calfaciendo, & incidendo, frigidiorē intemperiem si quæ sit, corrigent, aut si ex putredinis vi calor iam sit excitatus, illi temperando, quantum res postulabit, & fieri poterit, prospicient: non neglectis aliis symptomatis, quæcunque vrgere & peculiarem mitigationem exposcere videntur. Nos itaque quomodo prædictæ intentiones vulgatis illis Medicinæ instrumentis perfici possint, iam videamus.

Dietæ in primis, vt dictum est, earum omnium causarum, quæ exterius ingruunt ad affectus istos generandos, augendos, vel conseruandos, diligentem rationem habeat. Ac proinde aëris constitutio procuretur conueniens, temperata scilicet, pura & illustris, quæ calidi illius natiui vim commodissimè foueat, nec
repentinis

repentinis mutationibus infirmiores ægri vires afficiat: Quod si omnino comparare non possis arte in loco ubi iam degit, magni erit momenti mutatio soli in aërem salubriorem, quam Hippocrates tantopere ad morborum diuturnorum curationem commendauit. Somno item vtatur moderato, & nocturnis potissimum horis vsurpato, quamuis aliquando ob ventriculi infirmioris & cruda eructantis corroboracionem, in raris potissimum & diaphoreticis corporibus, atque sub magnis cœli ardoribus meridianus concedi possit. Labor corporis, animique curæ placidæ sint, ad voluptatem potius & subleuationem vtriusque vsurpatæ, quàm ad defatigationem. Tranquillitas enim & gaudium infirmis hominibus, quales sunt isti, valde conueniunt: quamuis non negauerim in soluendis obstructionibus & absumendâ pituitâ, iam prægressis quibusdam purgationibus, exercitationem satis laboriosam & vehementem, longè à pastu vel ante eum factam conuenire, potissimum si ex nimio otio & desidiâ fuerit collecta. Omnes solitæ & vtilis vacuationes diligenter procurentur, quatenus virium ratio patietur: Attamen si alui fluxus sit immoderatus, per roborantia mediocriter compescendus.

Alimentorum verò præcipua haberi debet cura, vtpote in quorum vsu leuissimum erratum maximi & grauissimi erroris ac noxæ est causa in affectibus eiusmodi ab impuritate viscerum pendentibus. Substantia itaque eorum euchyma & eupepta eligatur, quantum fieri poterit, ne scilicet cacochymiam illam pituitosam aut melancholicam foueant, sed ei aduersentur, & parum negotij facessant calori concòquenti: Vnde etiam tenuem victum laudant in hoc casu authores nostri, tam quantitatis quàm consistentiæ ratione, ne vel nimia assumptus copiâ obruat vim partium istarum afflictarum, vel soliditate suâ nimium resistat, quamuis plenus esse debeat, hoc est, bene & sufficienter nutriens, ratione virium, quas in tam diuturno affectu conseruare oportet, quod pluribus potius & quasi partitis pastibus assequendum est, quàm vnico vel duobus copiose alendo. Certè attenuatorius esse debet victus, ad caliditatem & siccitatem vergens, cum deterfione quadam, si pituitosus succus abundet; in melancholico verò temperatus, aut humectans mediocriter. Vitent igitur dulcia omnia, crassa, viscida, dura, acerbâ, austera, oleosa & pingua nimium, frixa, piperata, salsa, omnem leguminum substantiam, olera, carnes difficilis coctionis, pisces glutinosos & similia à nobis prius commemorata in causarum censu. Quorum loco delicatis & tenerioribus veseantur carnibus assis & elixis, quarum iusculis aperientia, vt fœniculum, petroselinum, apium, cicorium, intybus, asparagus, folia raphani & berulæ decoquantur. Per se etiam iusculum ex ciceribus nigris, asparagis & lupulis commendatur. Pisces omnino vitentur, aut si aliquando teneriores & carnis friabilis, vt saxatiles concedantur, bene præparentur cum eiusmodi calfacientibus & aperientibus, aut in vino albo prius decoquantur. Condimenti causâ ad appetentiam concitandam, & incitandam, & incidendum, sumant cum ferculis suis cappares, fœniculum maximum, oliuas conditas & prius maceratas, vt falsedinem nimiam aut acetositatem depellant. Ovis etiam sorbilibus aut luteis eorum tantum vti poterunt, quia citò nutriunt, & parum excrementosi succi generant, quibus aspergere poteris, si nulla sit febris, aut eius omnino symptomaticæ vel remissioris suspicio, puluerem ducis dictum, ex æquali portione cinnamomi & sacchari confectum: quemadmodum & reliquos cibos, pauco cinnamomo, nuce moschatâ, garyophyllis ad recreandam vim caloris natiui, condire poterunt. Necnon eandem coctionem iuuare puluere aliquo roborante & calfaciente, digestiuium vocant, post finitos singulos pastus ad cochlear vnum sumpto. Pruna & poma cocta cum multo saccharo & pauco cinnamomo etiam conferent, potissimum si aluus sit adstrictior. Passulæ & nuclei pini, vt & pistachia, aquâ calente macerata, deinde saccharo aspersa, etiam commendantur, quia hepar ex proprietate roborant, & non incommode nutriunt. Quod si calidiores sint succi isti obstruentes, non est reiiciendus hordei cremor, cui Galenus porri parum ad flatum discutiendos, aut aceti, ad iuuandam attenuacionem addebat. Nos anisum & fœniculum nostro more incoquere possumus, aut prisanam baculo cinnamomi, dum coquitur, agitare. Panis sit recens, albus, bene coctus & fermentatus, additis salis momento, & pauco anisi, fœniculi aut coriandri semine.

Potus eodem modo eligatur, aqua scilicet pura & nitens, quæ ex fonte aliquo limpidissimo scaturiat, aut ex cisternâ hauriatur, quæ tonitruosis & pluuiialibus aquis, omnium scilicet tenuissimis, sit referta. Si non detur illarum copia, sumatur ex flu-

mine rapido, aut puteo multis inde haurientibus communi, cuius lateribus herbae illae capillares, ut apud nos frequens est, innascantur. Alias consulunt ut aqua leuiter decoquatur: sic enim faecem suam & residuum in fundum demittit; deinde in vasculum aliquod ex ligno tamarisci vel fagi confectum recondatur. Alij chalybeam praefertunt, quoniam suscipit qualiter quendam abstergeri ex ferro. Certè ad absumendos lienis tumores efficacissimam sæpè experimur: Quidam in illa macerant agrimoniam, capillum Veneris, radicem fœniculi, & similia: Sed in delicatis nihil est præstantius quàm cinnamomum incoquere, quod & roborandi visceris vim habet, & attenuandi humoris, neque vlllo modo ingratam efficit potionem. Qui vinum expetunt, illis concedatur iam vetus & bene defæcatum, generosum, tenuis substantiæ, album aut rubellum. Hippocraticum multi laudant; sed hoc tantum post solutas ex parte obstructions & sedatam febrem. Quæritur, utrum eiusmodi ægrotantes copiosè vel parcè debeant bibere, nam ex copioso potu & attenuante incidi & quasi dilui humorem illum obstruentem & siccum, verisimile est: Attamen in principio, dum ingens est adhuc in visceribus repletio, metus est ne præcipitetur ex abundantiori potu non solum chylus in ventriculo fluctuans & dilutus, sed etiam impuritates illae primarum viarum in hepatis regionem transferantur; aut saltem alui fluxus concitetur. Ideo neque illis stantibus, neque in mensæ ingressu, eiusmodi potum laudamus, sed longè ab ipso pastu, potissimum quando iam vrinarum copia apparebit, & natura ductus illos affectare videbitur. Atque hæc de diætâ.

Ὠσπρία autem cum vacuantibus, alterantibus, & roborantibus, tam sumptis quàm ad motus perficiatur, illorum particularis descriptio aggredienda. Vacuantia ergo respectum habeant ad humoris genus quod redundat, & si quidem sanguis diutius retentus ob suppressa menstrua, interclusas hæmorrhoidales venas, & alias hæmorrhagias, vitium hoc vel principaliter committere videatur; vel secundario, quia calor natiuus ex humoris quamuis laudati nimia quantitate oppressus, cruditates multiplicat: tunc vel reuocandi isti fluxus, vel tundenda vena cubiti in magna plethorâ in poplite & cruribus si minor sit, & consilium totum ad concitandos dictos fluxus conuertendum videatur. In scirrho certè non auderem tam libere venæ sectionem usurpare, metu instantis hydropis, nisi fortasse in secundario, ob relictam febrem ex præcedenti morbo, & *ἐμπύρευμα* iecori impressum, quod euentilationem aliquando exposcit. Phlebotomiæ loco conducet sæpè hîrudines venis ani aut cruribus admoovere; vel cucurbitulis & scarificatu variarum partium uti, prout humor hinc vel illinc fluere, aut in hac magis vel illâ contineri videbitur. Fonticulos etiam probamus ad deplendam sensim & continuò cacochymiam intus latitantem, acriorisque feri vacationem: Et si quidem superiora membra *πνευματώδη* faciunt in locum affectum, affigantur initio spinalis medullæ, vel alterutri brachio: Sin verò in medio ventre lateat peccans humor, admoueantur cruribus, potissimum ubi iam collectæ sunt in abdominis cauo aquæ, quas eiusmodi fonticulis commodissimè euacuabis: ne admoueas tamen iam omnino debilitatis ægris, quia lethum accelerares, factâ caloris natui nimia dissipatione. Antiqui, ut iam diximus, non solum cauteria superioribus aut inferioribus partibus admoueabant ad reuulsionem aut deriuationem, sed etiam exteriori regioni partis affectæ vstiones varias imprimebant, quas diu apertas seruabant, ut causâ intus latitans per illas efflueret. Nos earum loco vesicatoria usurpare possumus, quæ minori molestiâ idem præstare poterunt: ut & phoenigmi aliquando & picationes in rebellibus obstructionibus præscribuntur, quæ materiam earum coniunctam absumant & foras euocent. Atque hæc de remediis Chirurgicis.

Purgantia verò pharmaceutica pro humoris varietate & conditionibus variis præscribantur. Multus enim, crassus, & lentus validioris cathartici operam exposcit, saltem præparatione conuenienti prægressâ, & præmissis prius leuioribus minoratiuis. In obstructionibus itaque istis solemus nos præparantia, incidentia, attenuantia, detergentia purgantibus blandis primùm permiscere, ut sensim & nullâ vi deturbetur portio huius materiæ per apozema aliquod, deinde validiora quædam præscribere, singulis mensibus repetenda, præparantibus semper usurpatis, ut totam illam sentinam tandem exhauriant. V. g.

℞ Diaphœn. ʒ ss. hieræ picræ ʒ ij. cinnamom. puluer. ʒ ss. Cum saccharo, fiat bolus, quem capiat ante omnia; præmisso pridie clystere aliquo detergente laxante: qui frequenter usurpari debet, ad molliendum, fundendum & purgandum leuiter humorem

humorem mucosum, intestinorum parietibus & primis venis adhærescentem, nisi alui fluxus ingens obsistat, aliàs cum sit symptomaticus, non est pertimescendus, quia sublatâ morbi causâ, simul etiam curabitur. Statim post purgationem ex bolâ aut pilulis de agarico factam, præscribatur tale Apozema.

℞ Rad. rubiæ maioris, acori vulgar. ireos Florent. liquirit. rasæ, apij & fœnic. an. ʒ j. corticis citri sicci, corticis mediani fraxini, rad. cappar. & tamarisc. an. ʒ ss. Temperentur per aliquot horas in aceto leuiter conuassata, deinde adde foliorum betonic. absinth. fumariæ, lupulor. betæ, mercurial. chamæpit. agrimon. fœniculi borrag. dentis leonis, endiuiz & cichorij, an. M. j. summitatum maluz, capilli Vener. & prassij, an. M. ss. sabinæ P. j. seminum anisi, carui & fœniculi, an. ʒ ij. seminum apij, lithospermi & melon. an. ʒ j. ss. capparum, passular. purgat. & cuscuz, an. ʒ iij. florum genistæ, cichor. rosar. rubearum, spicæ nardi, fantali vtriusque, & cicerum rubeor. an. ʒ j. Fiat omnium decoctio ad lb ij. in quibus dissolue oxymel. scillit. & syrup. de cichor. simpl. an. ʒ iij. Fiat Apozema clarificatum & aromatiz. ʒ j. ss. cinnamom. electi, & ʒ ij. elect. diarrhod. abbat. pro vj. aut vij. dosibus maturinis; quoniam longiore morâ & otio, eiusmodi viscerum infarctus sunt expugnandi. His Apozematis finitis, repetat vsum boli aut pilularum præscriptarum. Vel si mauis, eidem Apozemati incoquantur senæ, agarici, hermodactylorum, turpethi, & similium sufficiens quantitas, vt sensim & quasi partitè eliciatur humor ille contumacius parti adhærescens.

Alij ad expurgandas istas obstructions, post conuenientem præparationem laudant frequentem vsum agarici in trochiscos redacti ad ʒ ij. sumpti, cui addunt ʒ j. rhab. & cinnam. ad roborationem iecoris. Quidam rad. mechoacan præcipuum hic commodum adferre censent, sæpius ex decocto aperiente exhibitam. Vel illius loco, seminis ebulli puluerem, cum paucorheo in vino albo dissolutum. Certè tartarum siue facem ex doliis vinariis extractam, non inualidum esse ad detergendos & expurgandos hosce humores crassos & glutinosos experimur, cuius puluerem cum iusculo aut decocto conuenienti, vel vino albo ad ʒ vj. præscribimus. Vel si vis, fiant sequentes pilulæ.

℞ Aloës electæ succo agrimon. & cichor. nutritæ ʒ j. agarici trochisc. ʒ ss. tartari albi ʒ ij. rhabarb. puluer. & vino albo irrorati ʒ ss. trochisc. alhandal, cinnamom. electi, spicæ nardi, mastiches, macis, & fantali citrini, an. ʒ j. Cum syrup. rosar. solut. vel oxymelite, fiat massa pilularum: Cuius drachmam vnam capiat bis in septimanâ circa sextam maturinam cum mediocri deambulatione. Habent enim magnam ad istas obstructions soluendas vim, potissimum si præparantia interponantur aliis diebus, videlicet Apozema præscriptum, aut sequens puluis.

℞ Puluer. electuar. diarrhod. abbat. cinnamom. electi, seminis apij, nasturtij, & petrosel. an. ʒ ij. hepatis lupi resiccati vel præparati vt decet, rosarum rubr. seminis endiuiz, pulueris liquiritiæ, an. ʒ j. foliorum siccorum agrimon. sabinæ & securidacæ, an. ʒ ss. sacchari candi ad pondus omnium. Fiat omnium puluis, de quo capiat pondus aurei vnus plus minus, pro conditione ægrotantis & humoris, manè diebus interiectis, cum paucorheo in vino albo, decocto cinnamom. vel cicerum rubeor. Vel si mauis, ex isto puluere concinnentur cum saccharo aquâ cichorij dissoluta, tabellæ ʒ ij. pendentes: Sumat vnam, vt dictum, superbibendo vini albi, aut aquæ agrimonij, vel decocti ex cinnamomo parum. Postea fortiter deambulet. Quidam addunt huic pulueri vel tabellis, præparati cum aceto chalybis pollinem, quia suo quasi pondere & deterfione perfodere videtur & deturbare materiam istam obstruentem. Verùm in communibus venarum obstructionibus, vel lienis tumoribus absumentis magis mihi probatur, quàm hepatis affectibus, ne illius substantiam teneriorem lædat. Galenus exhibet singulis diebus manè amygdalas amaras quinque contusas & mixtas cum ʒ j. seminis apij & cumini, vt & varij trochisci in hanc rem prostant in officinis. Sunt qui decoctum halicacabi primas in hoc morbo tenere censent, post purgationem accommodatam, quia diureticum est, & iecoris robur tueri creditur. Certè si caliditas insignior his obstructionibus sit iuncta, eligenda erunt quæ mediocri sunt temperie prædita, aut non valde calfaciunt: vt sunt radices asparagi, graminis, liquiritiæ, anonidis, brusci, herbæ capillares, hepatica, taraxacon, agrimonia, cichorium, endiuia, semina frigida maiora & minora dicta, & similia, additis etiam quæ hepar roborare possunt: vnde conuenientes remediorum formulas concinnabis.

Quod si rebellior sit & diuturna hæc obstructio, non erit incommodum ex neotericorum

neotericorum inuento, decoctum guaiacinum in aliquot dies instituere, non quidem ad sudores promouendos, vix enim qui hoc morbo tenentur, sudare possunt, sed ad attenuandum, molliendum, & detergendum humorem istum; quæ omnia commodissimè hoc lignum præstat, roborando etiam, ob aromaticam qualitatem qua præditum est, viscera. In feruidiore hepatis constitutione, illius decocto incoquantur cichorium, endiuia, capillus Veneris, vel aquæ ex illis stillatitiæ permisceantur. Si lapidescat & scirrhus sit proximus humor, folia maluæ aut althææ addantur. Repetantur interea frequenter purgantium præscriptorum aliquot, & clysteres accommodati. Ad molliendam etiam & quasi liquandam hanc materiam veteres Præctici exhibebant per os gummi ammoniacum aut bdellium, quod in pilularum modum concinnabant. Quæ omnia prudens & præsens Medicus moderari poterit.

Et quemadmodum internis remediis humorem istum expugnare docuimus; sic etiam externa non erunt omittenda, eiusdem facultatis participia. Ideo decoctum præscripti apozematis vtilissimum erit ad forum hypochondrij, quod illiniri poterit deinde oleo liliorum molliente, de capparibus attenuante, & de absinthio roborante, simul mixtis, vel tale vnguentum concinnare.

℞ Succi cichor. & agrimon. an. ℥ iij. vini albi & aceti, an. ℥ β. olei liliorum, de capparibus, & de absint. an. ℥ iv. Bulliant omnia ad liquoris consumptionem, deinde adde gummi ammoniaci & bdellij aceto scillitico dissoluti, an. ℥ β. pulueris feminis apij, rad. capparum, rosarum rub. spicæ, & fantali rubri, an. ℥ j. β. ceræ q. s. Fiat vnguentum sæpè illinendum. Quidam solum ammoniacum aceto dissolutum admouent. Sed ego roborantia semper miscenda censeo, vt sæpè monui, ne dissoluatur nimium robur hepatis. In obstructione aut scirrhu lienis vel alterius partis, liberius agi poterit: emplastrum de arthanitâ cum diachylone mixtum, & paucâ spicâ vel cinnamomo, valde hîc est accommodatum.

Ex decocto etiam apozematis seu foliis parari poterit balneum vel semicupium ad fundendos quasi & commouendos humores parti nimium adherentes: Quamuis enim balneum multis in hoc casu suspectum sit, ne videlicet liquatos succos & toto corpore agitato adducat in partem affectam; tamen hoc non erit reformidandum, bene purgato prius & præparato toto corpore: tandemque paucâ superflite materiâ & remediis iam propositis frequenter repetitis maiori ex parte dissipatâ, deinceps phœnigmis aut vesicatoriis loco affecto admotis, licebit, vt dictum est, reliquias in totum foras euocare & absumere.

In scirrhu autem si quidem dolorificus sit, & non admodum renitens aut confirmatus: therapeiam tentare poteris, oppugnando materiam antecedentem reuolentibus & vacuantibus, si quidem adhuc quantitate aut motu peccet: ideoque leuiora purgantia eligenda pro genere humoris, quia vehementioribus conturbabis nimium totum corpus, materiam in locum affectum velut eius tramitem adduces, & robur partis valde deicies. Sensim igitur & partitè agendum per syrupum aliquem magistralem, aut opiatam laxantem sæpius à nobis descripta. Quanquam & clysteribus valentioribus extrahere poteris frequenter, ea quæ in primis viis subhærescunt. Præparentur etiam humores digerentibus, incidentibus, attenuantibus, mollientibus & similibus, quæ vsus expostulabit, julepis, apozematis, tabellis, & cæteris. Laudat Galenus oxymel diureticum cum decocto absinthij & endiuia; decoctum hordei cum mulsâ: Nos more iam recepto talem julepum verbi gratia præscribamus.

℞ Syrupi de pomis & violacei ad emolliendum, an. ℥ j. syrup. de absint. ad roborandum, & oxymelitis ad incidendum, an. ℥ β. aquarum agrimonij, fœniculi & hordei, an. ℥ iv. puluer. elect. triasant. & diarrhod. abbat. an. ℥ β. Fiat julep. pro tribus dosibus, frequenter repetendus, si æger hoc remedij genere oblectetur: Vel si vis, institue Apozema ex anagallide, quam Aëtius summè commendat in hoc affectu. Vt

℞ Anagallidis flore purpureo cum toto M. ij. summitatum absint. maluæ & fœniculi, an. M. β. Bulliant in ℥ iij. aquæ hordei ad mediæ partis consumptionem. Decoctum hoc frequenter colatum aromatizetur ℥ ij. cinnamom. electi. Capiat ℥ iv. manè per x. aut xij. dies. Quidam etiam laudant huius loco decoctum sarsæ parillæ cum eisdem paratum, quia resoluit mediocriter & emollit: Alij ammoniaci ℥ j. cum paucis croco & spicâ in pilulas redactam, quæ oxymelite malaxentur, in tres dies circa vesperam exhibent non paruo fructu (vt ego quidem existimo.) Certè Galenus in hoc affectu, & ad causam potissimum coniunctam, imperat diuretica & lithonripti

lithontriptica, quæcumque scilicet lapides renibus contentos comminuere apta sunt, & vrinas mouere: Sed hoc magnâ cautione præstandum est: Nam cum illa insigni vt plurimum calore prædita istud efficiant: scimus quanta hîc noxa subsequi possit ex calefacientibus vehementer, dum resoluunt nimium & exsiccant: Præterea ex aperientibus istis adducitur plerumque materia in istas partes, non educitur, si pertinacior sit affectus. Poteris tamen si voles sequentem præscribere opiatam, quæ ad hæc omnia respectus obtinet.

℞ Conser. florum maluæ, eichor. & absint. an. ʒ j. β. conser. florum genistæ ʒ β. puluer. elect. triasant. & diarrh. abbat. an. ʒ j. β. feminis apij, lithospermi, agri casti, & citri, an. ʒ j. pulueris lithontribi dicti, sanguinis hirci præparati, & hepatis lupi puluer. an. ʒ j. puluer. liquirit. & cinnamom. interioris, an. ʒ β. theriacæ electæ vel mithridatij in causâ frigidiorē ʒ ij. Cum oxymelite vel syrupo conseruationis corticis citri, fiat opiata, de quâ capiat singulis diebus manè ad quantitatem castaneæ, suprabibendo parum vini albi aquâ eichorij diluti. Postea diu & fortiter deambulet.


Exterius etiam incidendum, resoluendum, molliendum, & roborandum ratione partis. In quibus cautè quoque agendum, vt diximus; ex resoluentibus enim periculum est, ne tumor instar lapidis indurescat & confirmetur: ex emollientibus, timendum est, ne partis substantia dissoluatur, aut materia corrumpatur & in cancerosam *σύνδεσιν* degeneret: Ideò consulit Galenus, vt alternatis vicibus ad induratos hosce tumores, modò emollientibus, modò digerentibus vicissim vtamur: vel medicamentis mixtas has facultates habentibus, quod ego potissimum in hepatis affectu probō. Fiat igitur sic, si volueris.

℞ Althææ, maluar. liliorum & lapathi acuti, cum toto, ana M. ij. rad. ireos nostratis & bryoniæ, an. ʒ ij. corticis citri sicci, & rad. cappar. calami aromat. & costi, ana ʒ j. seminum lini, maluæ & fœnugr. ana ʒ β. florum chamæmel. melil. stœchad. anthos, rosarum rubr. & spicæ, ana P. j. summitatum absint. P. ij. Fiat decoctio, quâ foueatur hypochondrium cum spongiis vel philtris bis aut ter in die post conuenientem purgationem, & præcedentium vsum: Imò si volueris huius medicamenti vim altius penetrare: coniiciatur illius portio cum pauco aceto scillitico supra lapidem pyriten vel molarem. Excipiat fumum per canaliculum in affectam regionem. Deinde contegatur pars cataplasmate sequenti.

℞ Prædicti decocti residuum, quæ contundatur & per cribrum transmittatur. Deinde adde farinæ hordei, & feminis lini, an. ʒ ij. farinæ fœnugr. ʒ j. pulueris ireos Florent. ʒ iij. croci & cinnam. an. ʒ j. pingued. gallinæ recentis, & medullæ cruris vituli, an. ʒ j. olei lilior. & de absint. an. ʒ ij. Fiat cataplasma, quod applicetur cum tenui linteolo post forum: Vel illius loco fiat vnguentum sequens.

℞ Mucilag. sem. althææ, lini & fœnugr. in aquâ parietar. extractæ ʒ ij. gummi ammoniaci & opopanacis aceto scillitico dissol. an. ʒ β. medullæ ceruinæ aut vitulinæ, pingued. anatis, an. ʒ vj. spicæ nardi, cinnam. rosarum rubr. & croci, an. ʒ β. ceræ nouæ & olei nardini (Galenus sabinum omnibus præfert) q. s. Fiat vnguentum, quo illinatur per multos dies. Post quorum vsum, gerat sequens aut simile emplastrum, quod longâ morâ & perpetuo contactu intentum nostrum fortasse explebit.

℞ Emplastri de mucilaginibus ʒ iv. gummi sagapeni, opopanacis, & galbani, ana ʒ j. styracis calam. ʒ β. farinæ sem. lini, & puluer. ireos Florent. an. ʒ iij. croci, schœnant. cinnam. rosarum rubr. & santali, an. ʒ j. olei lilior. & terebint. q. s. Fiat massa, de quâ formentur emplastra super alutam, dictæ regioni admouenda. Sunt qui audent eiusmodi induratis viscerum tumoribus, emplastrum de Vigo cum Mercurio adhibere: Sed vide, ne ex hydrargyro noxa maior quàm commodum huic parti inferatur, quamuis in aliis magnæ sit efficaciz. Vbi ex confirmato iam scirrho imminet suffocationis vel hydropis metus, non timerem vstulationes illas excitare circa illius regionem: vnde multus ichor exhaurietur, nullâ virium iacturâ: Vel cauterium cruris dextri internæ parti affigere, vt per inferiora deuoluantur. Atque hæc de obstructionis & scirrhi in hepate curatione.



CAPVT VI.

De καχεξία, αἰσφορία, ἔκχλωρόσει, seu fædis virginum coloribus.

RI A hæc symptomata valde inter se coniuncta, cum plurimos quarumvis partium morbos consequantur, præcipue tamen ipsius iecoris primario vel secundo affectu: vix enim fieri posse videtur, ut vel totum corpus debita nutritione destituatur, ut per αἰσφορίαν; vel malis humoribus impleatur, ut per καχεξίαν, quæ est via ad hydropem; & fædos virginum colores, qui refluxum & interceptionem menstrui & conspurcati sanguinis sæpius consequuntur: quin princeps naturalis œconomix moderator labem contrahat, aliisque per totum habitum partibus communicet. De αἰσφορίā igitur seu nutritionis defectu, siue sit cum febre, siue absque illa contingat, quia fusè agitur tractatu de tabe, marcere, hecticâ febre, vel hecticâ senectutis quam vocant; ideo illius explicationem curationemque ad illa loca remitemus, ne omnia simul & ubique docere videamur. De cachexiâ autem & fædis virginum coloribus modò agemus coniunctim, quoniam hi duo affectus in eo tantum discrepare videntur, quod καχεξία generalius omnem sexum & naturam occupare possit: fædi verò illi colores peculiariter virginibus & mulieribus virili congressu abstinentibus contingere soleant.

Cachexia itaque generaliter sumpta opponitur euexiæ, quæ est bonus & laudabilis habitus, ad omnes actiones ritè obeundas accommodatissimus. Vtque euexia perfecta valde sanitas omnibus suis notis est comitata, iucundo & florenti colore, iustâ corporis totius mole & firmitate: Sic καχεξία etiam in latitudine imperfectioris sanitatis, malus est habitus, virium infirmitate, corporis inutili incremento, variâ cacochymiâ, potissimum pituitosâ, & illaudato colore descriptus, qui præter modum auctus vel confirmatus, ubi maiorem functionibus noxam intulerit, iam morbosa est & naturæ aduersa constitutio.

Dicamus ergo καχεξίαν & fædos seu pallecentes virginū colores esse symptomata qualitatuum tam visilium quàm tactilium in toto corpore, præcipue verò in vultu mutatarum, cum intemperie frigidioris humidiorisque habitus, eiusque laxitate & quadam mollietate, virium deiectione, respirandi difficultate, & similibus accidentibus, ob depravatam nutritionis vitium, ex affectu iecoris primario vel secundo profectum. Quæ definitio formalem causam seu affectus naturam & speciem, partem affectam siue subiectum, propinquas causas, & præcipua effecta ritè complectitur, ut mox in causarum & signorum enumeratione clarum euadet.

Causæ enim tam primariæ & externæ, quàm internæ, multiplices & variæ huic affectui originem præstare possunt. Externæ igitur solitariæ & sine interiorum concursu fugacè aliquando καχεξίαν & decolorationem pariunt, ut in eis qui ad Lunæ radios dormierunt, vel in locis palustribus, viginosis & conclusis, ut carceribus diutius decubuerunt, aut in aquâ frigidioris natârunt. Sin verò internæ etiam concurrerint, stabile & malignâ efficiunt, quâ plurimum, teste Aretæo, Autūnus concipit, Hyems alit, Ver auget ad extremū, nisi illi tunc cōuenienter prouisū fuerit; potissimum quādo mala alimentorū ratio his adiuncta fuerit, quæ tantarū est in hoc affectu producēdo viriū, ut in annonæ penuriâ, dum plebs promiscuis quibusque cibis vesci cogitur, ferè omnes cachectici & decolorati euadant. Quod eleganter Hippocr. de diuturno leguminū esu, in insulâ illâ *Æno*, 2. & 6. *epid.* annotauit. Et quemadmodū publica tunc necessitas miseros vrget mortales; sic etiā deprauati quorundā appetitus, vel intemperantia potissimum in iuuenulista est, ut absonis quibusdam rebus plerique se ingurgitēt, vnde morbum istum citò suscitari vidimus. Inuapte enim virgines colorationes, dum albedinē & formæ gratiam sibi cōciliare cupiūt, largo aquæ frigidæ haustu, aceti, pomorū & similium crudorum vsu, magnam obstructionum copiam excitant, caloremque partium natiuum deiiciunt. Aliæ terram vorant, calcem viuam, gypsum, salis magnam copiam, carbones & similia: Quod etiam apud nos in puerulis tā maribus quàm fæminis sæpè conspicitur, nutricū quadā incuriâ, vel furente eorū lasciuiâ contingere: Vnde iam his regionibus καχεξία & fædus color quasi endemia facta

facta sunt. Non ignorauit hoc summus Hippocrates, qui 2. *Prorrhet.* Quibus, inquit, colores dum iuuenes sunt, prauis sunt ad multum tempus & continenter, non tamen icteri modo; hi siue viri sint, siue feminae, dolent caput, & lapides ac terram comedunt, aut haemorrhoidas habent. Quibus verbis ostendit cachexiam istam, non solum ab importuno rerum absurdarum esu, sed etiam ob vacuationes vel immoderate factas, vel omnino suppressas contingere, ut sunt menstrua, haemorrhoides in assuetis, & similes: Ex nimio enim earum fluxu, dum elanguescit vis caloris natui, & partes coctionibus deditae suo genio defraudantur, non possunt laudabilem deinceps materiam conficere; quae in corporis alimoniam facessat, sed crudum & aquosum succum. Ex retentione autem earundem, ob quantitatem humorum in praedicta viscera refluentium, suffocatur quasi eorum caliditas natua, & impellitur haec materia quod potest, in habitum scilicet corporis, ubi pro conditione humoris, varias excitat colorum differentias, & totum corpus quasi grandiore quadam sarcina grauat, potissimum vero in eis quibus eiusmodi partes externae molles, laxae, & algidae quasi existunt, ut in mulierculis aulicis vel delicatioribus, quae otio marcescentes aliquando, alias intempestiuis choreis vtentes statim a pastu, vel puluinaribus suis suendi causa incumbentes, aut totam noctem saepe cum suis amatoribus peruigilantes, non sine grauibz & diuersis animi pathematis facillime interiorum illam cacochymiam congerunt, quae est omnis καχεξίας causa interior: nam eleganter dictum est illud, *ἑαυτῶν πέποιθεν ἀλλήλοις εἰς τὸ κακὸν, ἢ κακὸς χυμὸς καὶ ἡ καχεξία*, mutuas tradunt sibi operas in totius perniciem cacochymia & cachexia. Ut enim cacochymia vetus εὐεξίαν immutat & labefactat; sic firmiter fixa in corpore cachexia *ἢ κακὸς χυμὸς* corrumpit, & similes sibi humores apponit: ita ut tandem una alteram foueat & conseruet.

Quaecunque igitur cacochymia intus aceruata ob intemperiem, obstructionem, vel affectus alios interiorum viscerum tandem refluit in habitum, eiusque omnes partes occupat, proxima est & coniuncta propositorum affectuum causa. Est autem ut plurimum pituitosa, tum ob imminutionem caloris natui, quae frequentissime hic contingit; tum etiam quod humores nimiam quantitate in quibusvis partibus collecti quasi recrudescent & phlegmatis naturam induunt: Prout tamen maior vel minor fuerit alterius humoris permixtio, sic etiam ex albo virens, flauescens, aut nigrescens apparet color, potissimum in vultu: qui in hoc praecipue ab ictero distinguitur, quod icterus simplicem habet quasi coloris mutationem, ex paucitate humoris; cachexia vero praeter eam, etiam inflationem, ex succorum redundantia, qui partibus nec assimilari, nec perfecte vniri possunt, unde via ad leucophlegmatiam dicitur. Antecedentes autem, ut diximus, causae pendunt a κακοπείᾳ & vitiatis functionibus internarum partium, praecipue vero nutritioni dicatarum, iecoris, lienis, ventriculi, necnon cordis, pulmonum, cerebri, & vteri, dum magnis intemperiebus, ut per febres pituitosas, diarrhoeas, lenterias, & similes, tumoribus vel obstructionibus diuturnis detinentur, per quas tum πένες, tum iusta humorum ἀνάδοις, & solita ἐκκρίσις impeditur: Ex eiusmodi enim affectibus non solum communicatur toti corpori labes & multitudo illius materiae vitiosae, sed etiam sanguificationis fons in consensum trahitur ex eiusdem communicatione, & valorum impuritate, sicque violata illius temperie, mala deinceps fit humorum generatio, quae affectus istos auget & diuturniores efficit: Vnde Hippocrates in *Coacis*, sanguinis corruptionem & exolutionem hic esse voluit. Atque haec de causis.

Signa vero in hoc affectu, non tam facessunt Medico negotium, ut agnoscat illius naturam, & causae continentis siue humoris speciem, quoniam utrumque visui & tactui exposita statim deprehenduntur; quam ut interiora illa vitia, & partium primario affectarum notas assequatur. Cachexiam enim adesse testatur turgidula faciei constitutio, cum quadam inflatione, quae in palpebris potissimum de mane visitur, quia per noctem calor plures eleuauit vapores quam dissipauit. Laxitas summa & quasi mollities externarum partium ex abundanti humorum copia, quae segnitiam torporumque tam animi quam corporis adfert, eneruato partium robore, potissimum spermaticarum. Crurum pedumque infirmitas cum incipiente oedemate, quod maxime circa vesperam aut longam deambulationem apparet, quando humores in decliua illa loca deuoluti fuerint. Respirandi difficultas cum pulsu minutulo & frequenti, in iugularibus colli arteriis & temporum manifesto, quem febricula aliquando comitatur, ut diximus, & ingens capitis dolor. Deficit enim istos aegros spiritus, dum progrediuntur, etiam breui confecto spatio, praecipue dum scandunt, non tam necessitate inspirandi quam

quàm expirandi, quoniam ex nimia vaporis fumidi abundantia, quæ lentam etiam illam febrem suscitatur & capitis dolorem fouet, plus est opus expiratione ad fumos illos excludendos, quàm inspiratione ad aeris refrigerium. Idem dicas de pulsu, qui cum à facultate infirmâ non possit commodè dilatarî, defectum illum frequentia compensare nititur. Neque sudor, neque vrina ritè procedunt, alique deiectiones modò pauca, aliàs copiosæ, quando infirmitas partium innaluerit, nisi aliquando critica fuerit eiusmodi excretio, quæ ægri iuuantur & leuiter ferunt. Procedente morbo infestant lipothymia, palpitationes cordis ex flatulento & crudo spiritu, ingentia rerum omnium, potissimum cibi, fastidia, ob *συνάφαισιν* excrementorum in ventriculo & vicinis partibus, superuenit malacia, & si quidem malum vires eundo acquisierit, venter subtumidus fit, pedumque cedemata, quæ vaga erant & dissipabilia, confirmantur.

Quis verò humor siue cacochymia parens sit & author tantorum affectuum, non solum causæ omnes quæ illos in nobis procreare solent, sed etiam effectus qui ad illos consequuntur, id declarant, potissimum verò coloris idea quæ in vultu efflorescit: Etenim, vt docuit eleganter Hippocr. *τὸ χρῶμα ὁμοιον τῷ χυμῶν, ὅπου μὴ ἀμπάρτις ἔστι*: *Color similis est humori, nisi ubi adest illius refluxus.* Cum igitur humores isti cachexian facientes, non habeant refluxum, sed affixi sint iam partibus instar alimenti, idè certam sui significationem dabunt Medico, siue pallidiorem facient defœdationem, pituitæ; seu virescentem, liuescentem, & similia, aliorum, pro varia illius cum aliis humoribus permixtione.

Vtra verò pars huic affectui originem dederit, heparne scilicet ex idiopatheia laborans, vel ex sympatheia ob alterius malè affectæ vitium, accuratè annotandum, quia hoc valde confert ad curationem. Intemperierum igitur, tumorum præter naturam, præcipuè scirrhorum, obstructionum diuturniorum in iecore, vetriculo, liene, vtero, & similibus, notæ diligenter perquirendæ, ex signis consuetis, quæ eleganter Galenus enumerauit: vbi enim prius illæ apparuerint, inde etiam morbi fomité processisse credibile est. Quemadmodum etiam si cerebrum fluxionibus scatens, aut pulmones corrupti, tabefacti, vel malis humoribus infarcti, vitiositatis suæ contagiū, partibus nutritioni dicatis communicarint. Ex quacūque enim parte hydrops particularis suscitatur, inde etiam vniuersalis leucophlegmatia vel cachexia exoriri possunt. Certè in virginibus istis crudior ventriculus ex propria intemperie, vel obiecti vitio, dum crassos humores multiplicat, venas obstruit, & vteri meatus opplet, frequentissima est istius affectus causa, quoniam menstruus ille sanguis non potest amplius commodè per dicatas à naturâ vias effluere, sed in primis istis vasis stabulatur & vitium facit, vel iecur impetens, illius natiuam temperiem obruit, tandemque extimas corporis regiones peruadens, summâ implet cacochymia & fœdo colore deturpat. Aliquando tamen ab ipso vtero frigidior, aut aliàs malè affecto propter defectum rei naturaliter appetitæ, nempe coitus, origo est istius affectus: quod in singularum partium morbis & signis accuratius tractatur.

Nos igitur de prognosi illius pauca proponamus; omnem scilicet nutritionis deprauationem aut imminutionem, quæ potissimum ex vitio partis principis per idiopatheian aut sympatheian laborantis accesserit, malam esse & lethalem, nisi maturè ei prouisum fuerit, ac proinde deploratum ferè hydropem accersere. Minus tamen malum esse, prout à parte minus nobili & ad vitâ necessariâ inceperit, ideoque fœdos illos colores, qui vteri viria & obstructiones consequuntur, nisi inueterauerint, & in hecticam dispositionem transuerint, facillè curari. Aliàs verò multas in mortem & lethalissimos affectus præcipitare, aut saltem sterilitati perpetuæ addicere: iuuenes autem facilius euadunt senioribus, si causarum adsit æqualitas, quia habent illam caloris *συνάμιν*, siue *ἐκλαμψιν*, vt loquitur Hippocrates, per quam euictâ præsentē cacochymia, sopiti ignes natiui tandem suscitantur, reuiuiscunt, atque dant clara incendia lucem. Certè mulieres, quæ diutius hac fœditate laborarunt, infirmam vt plurimum prolem & parum vitalem suscipiunt, potissimum primis partibus, donec tota illauius expurgata fuerit. Nec vnquam perfectæ sanatio adest, quamdiu in viscere aliquo infarctus, aut vetus intemperies sentitur. Calamitosa est illa affectio, quæ cor plurimum impetit, quoniâ collabente vitali facultate, radij illi spirituum influentium non amplius affulgent, quibus circumiecta prauorum succorum & vaporū nebula discuti deberet. Mala etiam illa, quæ firmiter habet radices suas in ventriculo fixas, cum ingenti fastidio, vel absurdo rerum alienarū appetitu, quia perpetuò cacochymia istius causam multiplicant. In mulierculis maxima sanationis nota est ac
spes

spes in adultis, quando menses denuò certas suas periodos obtinent, iustaque quantitate ac natiuis qualitatibus præditi effluunt. Iam igitur ad *Σεπάρειαν* accedo.

Summa curationis hæc esto; Causas omnes externas, quæcunque huic affectui originem dederunt, remouere, vel in conuenientem statum permutare: internam vero cacochymiam, vbicunque latitarit, conuenienter educere, & si quidem ex suppressâ vacuatione aliquâ solenni inceperit, eam denuò reuocare. Viscerum internorum, potissimum iecoris & ventriculi, intemperies, obstructions & similes affectus curare, eorumque robur tueri: aut si alterius primariò affectû suspicio fuerit, quæ aliis istam labem communicarit, eius diligentem habere rationem: Materiam denique in habitu corporis contentam digerere, & frigidiorum humidiorumque illius *δυσκρασίαν* corrigere, utque symptomatis cuiusdam maior erit vehementia, illius mitigationi conuenienter indulgere, non neglectis aliis. Ratio igitur causarum externarum prius habeatur, per exactam victus rationem, quæ sic præscribenda erit.

Comparentur res illæ omnes non naturales dictæ, ut ad caliditatem quandam siccitatemque vergant, & præsentis cacochymiae nullo modo faueant. Ideò aëris status ad tenuitatem & puritatem vergat, sitque solito calidior. Hoc enim certissimâ experientiâ comperimus, in eiusmodi cachexiâ aut fœdis muliercularum coloribus curandis, plus profici æstatis tempore per vnâ aut alteram septimanam, quàm aliis temporibus per plures menses, & multas earum æstate degere satis commodè, cum deinde sequentibus mensibus grauiter se habeant: Imò etiam quæ loca niuosa, palustria, vliginosa, aut alio modo frigidiora & humentia incolunt, vix perfectè curari, nisi se in alienum solum commodius transferant. Ideò etiam labor & exercitatio mediocris illis confert in principio; nam ex vehementiore incidunt in magnas respirandi difficultates & lipothymias; progressu tamen temporis, ubi iam inclinât affectus, diu & fortiter se agitare prodest, ad effundendos influentis caloris radios per totum corpus, & dissipandas cacochymiae reliquias. Cui etiam rei auxiliantur totius corporis frictiones asperiores manè in lecto celebratæ deorsum versus. Est etiam exercitationis iucundissimæ genus, quod nubilibus puellis & mulierculis valde conducit, dum iam conualescunt, nempe virilis congressus: ex eo enim commodè incalescunt, iucunditate perfunduntur, & succedente partu ab impurioribus istis succis per lochia expurgantur, obstructionibusque liberantur. Non tamen iungendæ sunt viro, quando valde conflitantur hoc morbo: Nam multas ex importuno eiusmodi coitu, aut certè imprægnationis molestiâ & insueto labore interiisse certissimum est. Viris autem cachexiâ laborantibus, coitus omnino noxius ob maiorem refrigerationem quæ subsequitur, virium languorem, & materiae vtilis excretionem. Sit etiam modus vigiliarum, ut & somni, cui valde addicti sunt eiusmodi ægri, ob vaporum copiam primi sensorij ductus occupantium. Summâ rerum tranquillitate, & animi passionum curarumque vacatione, quantum fieri poterit, fruantur: quibus faciliè infirma corpora debilitantur. Vacuationes ordinariæ alui, & vesicæ procurentur, tum alimentorum genere, tum remediis postea proponendis.

Præcipua autem cura adhibeatur in alimentis ritè præscribendis. Virent igitur omnia *δυσκρίτα*, ne maiorem operam faceant hepati & ventriculo debilitatis: cacochymia etiam, potissimum ea quæ symbolum habent cum genere cacochymiae dominantis: frigidæque & humida, ne crudorum succorum copia multiplicetur. Itaque abstineant potissimum ab oleribus crudis, fructibus *ἀπαλούς* recentibus, lacteiniis omnibus, piscibus & similibus. Aquæ puræ potum velut noxium virent, omnemque liquidorum copiam, præcipuè quando iam in ventre fluctuatio, aut in extremitatibus magna oedemata apparent. Acetum inter alia, quod eiusmodi virgines valde appetere solent, maximè illis est noxium, quia deficiit robur caloris natiui, & cruditates istas in habitum penetrare facit. Vtuntur itaque pane recenti, biscocto, aut saltem anisato, vino tenui & generoso, aut si sint abstemiæ, decocto cinnamomi, coriandri, aut bochetto ex sarfa parillâ parato: fructibus siccis, carnibus delicatioribus, assis aut elixis, cum maioranâ, menthâ, saluiâ, hyssopo, petroselino, & similibus: capparum, oliuarum, fœniculi marini conditorum frequens sit vsus inter fercula ad aperiendum & incidendum, nisi summa ventriculi infirmitas obster. Sit etiam moderata cibi potusque quantitas, ne multitudo suâ prauorum istorum succorum copiam augeat, vel defectu vires nimium deficiat. Imprimis autem fugiant absconâ illa quorum desiderio tenentur: ubi enim primum

appetitui huic inordinato dominari poterunt, signum est naturam victtricem esse cacochymia, & omnis augendi istius affectus occasio præciditur : Ad maiora ergo remedia veniamus.

Quotiescunque cachexia ista recens est, pendetque à cacochymia quadam plethorica, vel vacuationibus sanguinis per nares, vterum, aut hæmorrhoidas suppressis : toties tundi poterit vena illa quæ minuendis hisce humoribus, vel renouandis illis vacuationibus erit accommodatior, habitâ ratione virium, ne scilicet per eiusmodi sanguinis missionem, nimium fiat illarum dispendium. In virginibus tamen defœdatis confidentius agendum, quoniam florens earum ætas, & regurgitantis sanguinis copia, qui frequentissimè hæmoptoas vomitusque sanguinolentos parere solet, non solum phlebotomiam semel, sed & sæpius repetitam tolerare potest ex vena cubiti ad tollendam plethoram, & venis vtriusque malleoli circa nouilunia, vt renouetur vel incitetur fluxus ille muliebris. Quinetiam affixis hirudinibus, cucurbitulis, scarificationibus, & similibus, variis corporis partibus licebit aliquando idem præstare. Certè in affectu inueterato & iam grandioris ætatis mulieribus, admota cruribus cauteria non leue auxilium sæpius attulerunt, ad vacuandam sensim & deriuandam mali istius causam. Si verò capitis, pulmonum, vel aliarum partium vitia primaria huic ortum dedisse videantur, licebit eodem modo opem istam Chirurgicam locis accommodatis reuellendi causâ adhibere.

Quod ad pharmaceutica verò spectat, quæcunque cachexia cum soboles sit cacochymia, vt iam diximus, simplicis vel mixtæ, adhibenda erunt in primis purgantia, eaque valentiora aut benigniora frequenter repetita, cum debitis præparantibus, pro modo & naturâ redundantis succi. Cachexia igitur simpliciter pituitosa, cum via sit ad hydropem anasarcam, eadem ratione quâ & ille curabitur, adhibita diligenti consideratione, cuius partis adsint obstructions, vel intemperies insigniores, vt illæ conuenienter tollantur, quemadmodum iam superius accuratè diximus : præcipuè autem in quauis cachexia electarium illud de passulis à nobis descriptum vsurpari debet. Subiiciamus ergo exempli causâ curationem integram cachexia istius & foeditatis muliebris, quia & frequenter apud nos occurrit, & non paruam adfert Medico bene curanti laudem & emolumentum.

Cum igitur supponantur hic obstructions viarum, potissimum ad vterum pertinentium, suppressio vacuationis hysterica, & redundantia crudorum succorum bilioso varij generis permixtorum, vnde diuersitas coloris : ideò quacunque anni tempestate in istas ægras incideris, cogitandum de solutione tanti affectus, & symptomatum consequentium mitigatione : Commodius tamen perficietur, si verno tempore aut æstate illam aggrediaris, hoc modo nobis vsitatissimo.

℥ Foliorum betæ, mercurialis, agrimonij, matricar. absinth. & maluar. an. M. ij. seminis anisi & scœnogr. an. ʒ iij. furfuris bene macri, florum chamæm. stœchad. & anthos, an. P. j. Fiat omnium decoctio ad ℥ j. β. In quâ dissolue hieræ picræ & bened. laxat. an. ʒ vj. olei liliorum & mellis mercur. an. ʒ ij. Fiat clyster, qui iniiciatur ante omnia, & frequenter repetatur. Emollit enim, deterget, aperit & laxat ductus illos intestinis proximos, vnde magnum emergit ægrotanti commodum : Deinde sequenti die capiat bolum sequentem.

℥ Benedict. laxat. & diaphœn. an. ʒ ij. β. puluer. hieræ ʒ β. syr. de artemisia parum, cum saccharo fiat bolus. Capiat manè. Vel illius loco, si quidem forma solida displiceat, paretur potio.

℥ Elect. diacarth. ʒ vj. syr. de artemisia ʒ j. decocti absinth. mercur. & foliorum senæ ʒ iv. Detur vt dictum est. Hac enim minorante purgatione, sublata ventriculi & aliorum abdomine contentorum viscerum impuritate, licebit tutius venam cubiti secare, si quidem id ex vsu videatur; variâque sanguinis quantitas elici, pro ægrotantis naturâ & humoris dominio. Deinde paretur sequens Apozema, quod aperiendi, detergendi, molliendi, & purgandi facultate præditum, omnes ferè propositas intentiones assequetur.

℥ Quinque rad. aperitiuar. in vino albo per noctem infus. an. ʒ j. rad. rubiæ majoris, ireos nostrat. corticis citri sicci, rad. cappæ. & tamarisc. an. ʒ vj. foliorum beton. melissæ, artemis. matricar. nepetæ, valerianæ, ceterach, agrimon. chamædr. chamæpit. an. M. j. summitatum absinth. Pont. foliorum dictamni, & fabianæ, an. P. j. polypod. quer. & medullæ sem. cartham. an. ʒ j. β. foliorum senæ ʒ ij. hermodactyl. ʒ vj. semin. carui, dauci, & apij, an. ʒ iij. spicæ nardi ʒ ij. florum sambuci,

De morbis hepatis. Cap. VI. 385

sambuci, stoechadi, anthos, tamarisc. & genistæ, cicerum rubr. an. P. j. Decoquantur in hydromelite, & in colaturâ lb j. ß. dissolue sacchari albi q. s. cinnam. tenuiter puluer. 3 ij. Fiat Apozema clarum pro 5. dosibus maturinis.

In quarum vltima dissolue elect. diacarth. 3 vj. syr. cap. Vener. 3 j. Fiat potio. Detur manè cum custodiâ. Deinde per aliquot dies ad recreandum ventriculi robur, capiant manè duo cochlearia vini aut syr. de absinth. vel 3. iij. tabellarum elect. aromat. ros. suprabibendo parum vini albi, aut aquæ melissæ 3 ij.

Ex descriptione istius Apozematis, auctâ dosi purgantium, fiat syrupus magistralis, de quo capiat 3. iij. cum decocto cicerum rub. foliorum petrosel. croci & cinnam. semel aut bis in mense: Vel illius loco paretur opiata sequens:

℥ Elect. de citro solut. & diacarth. confect. hieræ, (quæ in hoc casu valde commendatur,) an. 3 j. ß. cathol. & diaprun. solut. an. 3. j. folior. senæ mundat. & hermodact. an. 3 ß. agarici recenter trochiscati 3 vj. rhabarb. puluer. & tartari albi, an. 3 ij. spicæ nardi & sem. apij, an. 3 j. Cum syr. de artemis. fiat opiata, de quâ capiat 3 ß. cum saccharo vel pulvere ducis in formam boli concinnatam, bis in mense, aut dissolutam prædicto decocto.

Quidam vomitus ante cibum consulunt, ex infuso rad. raphani in oxymebite, quod non est reiiciendum in assuetis potissimum & eis quæ circa ventriculum magnas hæc impuritates colligunt: In aliis pilulæ vsuales præscribi possunt, quas ante cibum vocamus.

Peractâ solenni illâ vel iteratâ purgatione, solemus nos ad laxandas omnino vias, molliendam fundendamque materiam obstructionis, & digerendos humores in habitu contentos, præscribere balneum sequens circa Majum aut Iunium mensem.

℥ Rad. bryoniæ, iridis hortensis, cucumer. agrestis, an. lb ij. rad. enulæ camp. althææ & lilior. an. lb j. folior. melissæ, prassij, absint. tanaceri, matricar. artemis. parietar. mercurial. cum toto, summitatum lauri & hederæ; an. M. iij. seminis fœnugræci leuiter confusi & melonum, an. 3 iij. Decoquantur pro balneo, quod ingrediatur repidè, & sine sudore aut certè leuiusculo, manè & vesperi per biduum.

Sequenti die post multam deambulationem, aperiatur vena malleoli vtriusque circa meridiem, & mittantur sanguinis 3 iij. vel iv. tantum, quia hoc frequentius repetendum.

Interea si rebellior sit obstructio, & cachexia ex illâ genita, repetantur purgantia ex syrupo magistrali, vel opiatâ: præparantia, roborantia, tam interna quam externa.

Ad dissoluendas itaque pertinaciores hæc obstructiones, solent nostri electarium illud aut tabellâs de chalybe frequenter vsurpare: sed ego malim in formam pulueris præscribere, vt melius penetret, nec tantum ventriculo negotium faceffat.

℥ Cortic. med. rad. cappar. 3 j. seminis dauci, acetosæ & apij, an. 3 iij. pulueris elect. diarrhod. ab. & cinnam. electi, an. 3 j. ß. spicæ nardi 3 ß. limaturæ chalybis cum aceto præpar. 3 ij. sacchari duplum pondus. Fiat omnium puluis, de quo capiat manè cochlear vnum, suprabibendo parum vini albi, vel aquâ melissæ diluti, continuando per 8. aut 9. dies, & fortiter deambulando. Mulierculæ nostrates 3 j. limaturæ diuidunt in septem partes, & cum pauco melle mixtam, totidem diebus manè exhibent. Empirici verò crocum Martis, quasi ferri puluerem dicas, ad hoc valde commendant: Alij verò sic præscribunt.

℥ Boracis naturalis 3 j. ß. cinnam. 3 ß. croci gr. v. sacchari 3 ij. Fiat puluis, qui sumatur cum vino albo aquâ matricariæ diluto: continuetur per tres aut quatuor dies. Alij verò sic.

℥ Succi mercur. & mellis despum. an. 3 j. seminis nigellæ puluer. 3 ij. Decoquantur ad sufficientem crassitiem vt fiat massa: De cuius 3 j. fiant pilulæ v. Capiat duas in ingressu lecti per aliquot dies.

Alij parant conferuam ex floribus calendulæ, cuius 3 j. ß. exhibent manè cum decocto vel aquâ aliquâ aperiente.

Alij verò exhibent panis torrefacti frustulum, cum 3 ij. veteris omphacij, quod mihi non probatur, metu refrigerationis nimis ventriculi.

Sin hæc remedium formulæ non satis arrideant, paretur decoctum tale in plures dies vsurpandum: Eligantur teneriores radices apij, fœniculi & petroselini, suo

cortice & neruo liberatæ: folia agrimon. pimpinel. fœnic. maluar. capilli Vener. pug. & hyssop. semina melonum & apij, cum pugillo aliquo cicerum rub. capparum recentium, & pauco croco ac cinnam. Decoquantur ista per se, vel pro delicatioribus cum pullo gallinaceo aut columbino, addendo modicum salis. Capiat manè, & horâ tertiâ vel quartâ pomeridinâ in plures dies.

Ex eodem decocto vel descriptione apozematis aut balnei, fiat fots supra totum ventrem inferiorem ad molliendam incidendamque materiam istam obstruentem, ductusque laxandos & aperiendos, deinde inungatur oleo de capparibus, liliorum, & de absint. simul mixtis: Vel etiam magis appropriatæ inunctiones parentur, prout pars hæc vel illa præcipuè affecta apparebit.

Quoties verò diuturnior cachexia redundantes excitauerit in corpore succos, qui purgantibus hisce, alterantibus & roborantibus non facillè cedunt, sed firmiter in habitum corporis fixi sunt, toties licebit, rectè prius præparato corpore, istam cacochymiam per sudorifica euocare. Quamuis enim aliqui existiment in affectu isto virginum seu muliercularum non esse prouocandos sudores, quia eripiunt materiam ferosam quæ debet esse vehiculum fluxuri singulis mensibus sanguinis: Non est tamen existimandum, quin educatis humoribus istis, quibus velut immenso quodam pondere natura grauabatur, liberior sit deinceps futura ad vacuationes solitas promouendas, quibus etiam conueniens suppetet materia, ex rectâ & laudabili coctione restituta.

Nos itaque consulere solemus hisce mulieribus, vsum balneorum nostrorum Belilucanorum, tam potu quàm lotione. Potu enim aquæ istius copiosiore, iam quodammodo expeditis & liberatis viis per dicta remedia, detergitur excluditurque materia in primâ & secundâ corporis regione contenra per alui fluxum, & vrinæ maximum fluorem. Tertia verò regio copiosis sudoribus excitatis etiam depletur.

Horum defectu possunt stuphæ siccæ siue laconica; aut humidæ ex decocto herbarum nerualium & hystericarum, vt artemis. nepetæ, tanacetum, ebuli, saluiz, hyssopi, lauri, lauendulæ, rorismarini, & similibus, quibus sudores commoueantur benignius & absque magnâ virium dissipatione.

Vel si mauis, instituatur decoctum sudorificum in plures dies ex rad. chynæ, aut farsâ parillâ, in siccoris calidiorisque temperamenti aegris. In aliis verò ex ligno guajacino, quod potenter calfacit, exsiccat, mollit, & attenuat. Redeundum deinde ad ea quæ peculiariter ductus vteri aperire possunt & viscerum temperiem restituere. Vnde multi theriacam veterem, mithridarium, & auream Alexandrinam hîc plurimum commendant, quibus ego hyemis tempore potissimum existimo esse vtendum solis, vel ita permixtis.

24. Theriacæ veteris & electæ 3 iij. aureæ Alexandr. 3 ij. confect. alker. & de hyacint. an. 3 j. cinnam. electi, pulueris elect. aromat. ros. & seminis apij, an. 3. B. Cum syrupo conseruat. cortic. citri, fiat opiata, de quâ capiat ad quantitatem castaneæ singulis diebus manè, suprabibendo parum aquæ absint. vel melissæ; quando scilicet non vtetur opiatâ laxante, vel alio purgantis medicamenti genere. Prostant etiam in quibusdam Officinis confectiones dialacca, diacucurma, pliris archonticon, & similes, ad obstructions istas vterinas *ναχαγίας* parentes dissoluedas institutæ. Quæ omnia contrario modo erunt præscribenda, quoties mulierculæ istæ ex nimio mensium profluuiio in tales cachexias inciderunt, aut profluentibus nimium hæmorrhoidibus, quorum suppressioni artificiosa erit studendum, vt suis locis traditur. Idem dicas de febre vehementiori, quoties illi coniuncta fuerit, quæ maximè inuertit legitimam curationem.


Quod ad reliqua symptomata spectat, quibus eiusmodi aegræ solent torqueri, vt sunt cordis palpitatio, lipothymia, respiratio difficilis, dolor capitis, appetitus deprauatus, crurum inflatio, infirmitas, & similia, illis ritè prospiciendum, prout singulis & appropriatis capitibus docetur.

Vbi valde vrget lipothymia, melancholia, & cordis tremor, vtantur confectione alkermes cum vino, tabellis diamargaritonis, aquâ coelesti vel imperiali, ad dissoluendos flatus illos crassiores, vel puluis garyophyllorum & macis, dissolutus cum aquâ melissæ frequenter exhibeatur. Suspendatur supra regionem cordis ex collo nodulus camphorâ plenus, quæ ad hoc plurimum valere creditur. Applicetur cordi facculus puluere diamoschi, santalorum, granorum kermes, corticis citri, garyophyllorum, & similibus plenus, vino aut aquâ buglossi irroratus; Vel inungatur dicta

dicta regio confect. alkermes, & theriacâ aquâ imperiali dissolutâ, & quoties magis infestabit hoc symptoma, soluatur venter clystere vel suppositorio acri, fricentur crura & coxæ duriter, ipsisque hypochondriis cucurbitulæ aliquot affigantur.

Ad deprauatum vel imminutum appetitum, nihil est præstantius, quàm si vtantur frequenter horâ vnâ ante cœnam pilulis ex aloë, agaricò, nuce moschatâ & mastiche cum aquâ menthæ confectis: manè verò syrupo vel vino de absint. Extrâ autem inungatur ventriculus cerato stomachico dicto, vel oleo nucis moschatæ.

Hæc igitur de curatione καχεξίας istius muliebris, siue χλωρόσεως sufficiant:



CAPVT VII.

De Ictero flauo & nigro.



Cutis talis in cute, potissimum verò in vultu color soleat efflorescere, qualis est humor in corpore redundans; hinc faciei colores varij in diuersi temperamenti hominibus annotantur, non solum naturales, sed etiam extranei ac præter naturam. Ex sanguine enim multo, eoque feruidiori & iam externis partibus affixo, exultat color ille ruber intensus cum quodam liuore & faciei pustulis, quem Practici nostri *Guttam rosaceam* vocant: ex pituitâ verò pallescens aut plumbeus, vnde cachexia simplex vel composita: ex bilioso verò vel melancholici effusione in habitum corporis, exoritur flauescens & nigrescens icterus, de quo iam est nobis propositum agere.

Icteri itaque nomen, quod vsitatum est magis hunc affectum significare, & icteritia barbaris dicitur; varia & discrepans est Auctorum sententia; vnde potissimum sit deriuatum: Alij enim ad auem quandam, vulgò galbulam dictam, & rufi colore præditam referunt. Alij ad miluum, qui *ἰκτὴρ* Græcis appellatur; quidam ad viuerram seu mustelam agrestem, quam *ἰκτὴρ* dicunt, quod vtrumque animal oculos felleo colore & auriginoso tinctos habeat: vnde etiam hic affectus aurigo dicta ab auri colore, qui in metallo, quamuis sit laudatissimus, in homine tamen foedissimus habetur. Vnde etiam patet, icterum simpliciter dictum, de flauo seu citrino esse audiendum, cum niger non nisi per adiectionem & quandam similitudinem intelligatur. Arquarus verò seu arcuatus, non tam simplicem icterum flauum aut nigrum denotat, quàm mixtum ex multis coloribus, quem vulgò virescentem appellant, & quia instar Iridis seu arcus illius cœlestis, mille trahit varios aduerso Sole colores. Quod verò Regium hunc etiam morbum dicunt, non tam referendum esse puto, ad id quod plerique censent, nempe quia delicate & regio more sit tractandus, & vt ait Serenus, *Molliter hic quoniam celsâ curandus in aulâ*; aut quòd mulsâ iuuetur, quæ magnatum Regumque fuit olim potus; vt scripsit Varro, quàm quòd Principibus & magnatibus viris plerumque contingere solet, vtpote cholerici & bilioso succo plurimum abundantibus: Vel etiam quod hoc morbo detenti, instar Regum aut Principum valde iracundi & morosi esse soleant. Atque hæc de affectus istius appellatione.

Quod ad rei autem naturam spectat, cum vtriusque icteri ratio potissimum consistat in coloris sensibili mutatione, quæ sequitur diffusionem præter naturam succi biliosi aut melancholici versus cutem: Ideò hunc affectum sub symptomatis tertij generis collocabimus, qualitatis scilicet visilis, quam eiusmodi excreta, actionum læsiones, & varij morbi producunt, vt postea dicemus. Sit igitur icterus qualitas visilis seu color præter naturam mutatus ab expansione biliosi vel melancholici succi in habitum corporis, ex quo flauescens, liuidus, aut virore præditus euadit. Dicimus enim icterum esse qualitatem visilem siue colorem præter naturam mutatum, quoniam eiusmodi affectus debet perpetuò naturalem constitutionem coloris immutare: Sequitur enim inordinatam humorum viciosorum non alimentariorum generationem vel expurgationem, quæ cum de-

beat per loca conferentia & naturæ assueta fieri, in externas corporis partes, alicuius morbi aut naturæ coactæ impetu transmittitur: In eis autem qui naturaliter colorem habent faciei nigricantem, vel ad citrinum vergentem, non dicemus adesse icterum, quia eiusmodi constitutio ab humoribus ingenitis & alimentariis pendet, ex quibus natiui isti colores oriuntur. Dicitur autem qualitas mutata seu affectus corporis simplex, nempe symptoma tertij generis, quia fit à morbis quidem præcedentibus & subsequenter, sed intermediis perpetuò aliis symptomatis, nempe actionum læsione & vitio excretorum, quæ secundarium hoc symptoma producant. Est enim color duplici ratione symptoma, & quia non habet *δραμον* seu dispositionem quæ permanere possit, remoto humore illo à quo proximè fit, sed ab eo totus dependet, & quia per se nullam lædit corporis operationem vel similem vel organicam. Similares enim à temperamento & primarum qualitatum *ἐνεργεία* proficiscuntur. Organica verò ex debitâ compositione & structurâ dissimilariarum partium, non autem à coloribus. Quamvis enim color hic ictericus videatur visionem deprauare aliquando, dum obiecta visibilia inficit, & talia apparere facit, qualis est tunicæ corneæ supra pupillam positæ color: quia tamen hæc læsio accidit in oculo peculiariter, non in aliis partibus simili colore imbutis; vel quia hoc non fit principaliter à colore, sed dependenter, ob humorem scilicet & intemperiem impressam, quæ eiusmodi colorem fouet; ideo illum perpetuò inter symptomata referemus, quandoquidem symptoma alterius symptomatis causam esse nihil impedit, dummodò id non sit primò & principaliter vel initiatiuè, ut loquuntur nostri Barbari. Videamus igitur, quis sit modus generationis icteri, ut inde melius omnium causarum illum producentium series elucescat. Diximus itaque icterum fieri per expansionem vitiosi succi in habitum, hoc est, per viam fluxionis, non congestionis. Quamvis enim aliqui existiment, partes externas aliquando ita esse intemperatas, ut propter intensum calorem exurant materiam alibilem, quæ ad illas accedit, ibique succum atrabilarium vel biliosum congerant; tamen vix videtur possibile, aut certè valdè rarum, totum corporis habitum ita inflammari, ut inde fiat biliosi succi vel atrabilarij proventus sine vitio partium internarum, quæ propriè à naturâ coquendis gignendisque humoribus dicatæ sunt. Ideoque calor ille qui in externo habitu aliquando reperitur, potius confert ad attractionem materiæ istius biliosæ, fluxionemque augendam vel excirandam, quàm ad eius congestionem.

Verùm dicet aliquis, cum biliosus & melancholicus succus per icteros transferratur à vasis maioribus, vel ipsis visceribus in habitum corporis siue cutem, cur dum transit ac mouetur, non excitat rigorem, percussis partibus illis & inæqualiter affectis, quemadmodum fit in intermittentibus febribus. Vel etiam conuulsionem non parit, pungendo tendinosas nervosâsque partes musculorum, per quas etiam diffunditur? Præterea cum est in ipso habitu vel cute, cur non profert ibi erysipelata & inflammationes, vel etiam herpes? Aut certè cum non sit expers aliquando putredinis, potissimum si succedat febribus continuis, cur non excitat intermittentes tertianas, vel quartanas, quarum sedem ipse Galenus in externo corporis habitu, venisque minoribus esse voluit? Denique, cum icterici multi, tales per multos annos esse perseuerent, quorum tota cutis & subiecta caro imbuta est bilioso hoc humore, quid sit quod pili eiusmodi ægrorum non saturantur rufo vel nigro colore, quemadmodum in vitiliginis speciebus contingit pilorum naturam immutari? Hæc igitur videntur paucis dissoluenda priusquam vterius progrediamur, tum quia non parvam possunt tractationi nostræ obscuritatem, & Medici animo ambiguitatem adferre; tum quod ad naturam icteri, eiusque generationem clariùs intelligendam non parum conferunt.

Ad primam itaque difficultatem enodandam, sciendum est, rigorem non solum in intermittentibus, sed etiam continuis contingere, quando pungens & mordax succus confertim & inæqualiter per partes sensiles delatus, calorem natium ita afficit, paroxysmi horâ aut instante crisi, ut veluti coactus & ad interiora repulsus, magno conatu istius materiæ expulsionem incumbat. Cum igitur icterus aliquando per febres continuas symptomaticè, aliàs criticè contingat, dum materia propellitur in habitum, si quidem confertim illud fiat & magno impetu, tunc rigorem icteros istos præcedere nihil vetat, quemadmodum sudorem & alias vacuationes criticas, quarum *πρόδρομος* esse solet plerumque ut patet ex Aphorismis quàm plurimis. Sin verò sensim & paulatim fiat, quia materia illa transfertur per partes insensiles,

nempe

nempe venulas, quæ cacochymiam istam eructant extremis suis orificiis in partes sibi vicinas, ideo non fit tanta illarum alteratio, ut rigorem producere possit; sed tantum veluti puncturæ & morsus pulicum ab ictericis perferuntur. Ideoque etiam convulsiones non patiuntur, quod materia ista non tam nervosam tendinosamve substantiam interius inuadat, quam extimas corporis partes suâ leuitate & tenuitate, naturæque foras propellentis impetu assequatur. Imò etiam in ipsâ cute & subiectis partibus ita dispergitur, ut erysipelata, inflammationes, aut herpes parere non possit; multo præterea sero diluta quodammodo refrigeratur & pituitescit, ut sit omnis ferè *Φλογώσας* expers. Aut certè quia non est coadunata vis istius succi, sed diffusa & veluti separata per totum corporis habitum, ibi facillimè diffilatur, magisque refrigerescit, ideoque non est tanta, quæ propositos affectus efficiat. Quemadmodum neque tertianam, aut alias intermittentes febres, quarum putredo insignis esse debet, ut vapore suo corpus ipsum imperat & inflamet: Non enim voluit Galenus, materiam intermittens febrium totam in habitu esse & ibi putrescere, sed coniunctam paroxysmi causam tunc temporis eò transferri ex minerâ putredinis suæ, quæ in interioribus posita est, & eò delata excluditur, ut periodon suam perficiat: hinc autem vapor aut nullus est, aut extrorsum effertur.

Cur autem icterici diu perseverantes non mutant pilorum colorem, quemadmodum contingit in vitilagine & diuturnis aliis affectibus cutaneis, hæc esse potest ratio, quia fuliginosus ille vapor, ex quo pili suscitantur, procedit non ab excrementitio & aliunde prolapsò humore, sed potius alibili & partibus apposito, in cuius reliquias natura digerendo concoquendoque procedens, exsuscitat eiusmodi materiam, illorumque radicibus apponit: modò cum humor iste ictericorum, neque sit alibilis, neque in eum natura concoquendo procedat, sed veluti derelictus sit ab illius regimine, ideo non potest pilorum materiam subire, aut illorum radicibus apponi, aut colorem mutare. Dispar autem est ratio in morpheâ & vitilagine, quæ fiunt ex vitio cutis proprio, & malâ assimilatione partium: Nam cum humores illi subeant naturam alimentariorum, & ex eis partes istæ affectæ nutriantur, non est mirum etiam, si pili eius naturam & colores sortiantur, quod in ictericis contingere nequit. Et sic patet solutio ad obiectiones propositas. Iam ad icteri causas accedamus, quas hac methodo perquiremus.

Cum igitur icterus sequatur biliosi vel melancholici succi effusionem per totum corpus, illa autem fiat ob copiam & multitudinem istorum succorum in nobis præter naturam genitorum, vel impeditam *ανάδοσιν* & distributionem ordinariam istius excrementi, aut denique eius expulsionem & attractionem violentam, quibus fluxio perficitur: ideo res omnes tam internæ quàm externæ, quæ generandis his humoribus copiosius quàm par sit, operam suam conferunt, vel faciunt ne deferri possit per ductus assuetos & loca conferentia, alium scilicet quò naturaliter dimittitur ad eluendas intestinorum sordes, aut urinæ vias, cui etiam permisceri solet: vel denique ad concitandam fluxionem istam, versus exteriora concurrunt: habenda sunt pro causis istius affectus efficientibus, augmentibus vel fomentibus, ut patet: Sic aer iusto feruentior, quia totum corpus inflamat, & humores à centro ad superficiem elicit: Immodicæ & anxiosæ vigiliæ. Corporis labor immensus ab arduisque negotiis excitatus cum iracundiâ, timore, & similibus animi pathematis, quæ varios humorum motus præstare solent. Vacuationes ordinariæ parcius solito fluentes. Vfus ciborum potiusque calidiorum vel crassiorum & obstruentium meatus cholidochos. Ista omnia facillè icteros procreabunt, potissimum si accidant corporibus biliosis & atrabiliariis, aut obstructioni obnoxiiis, iecore præditis feruidiore, infirmo liene, ventriculo intemperatiore, & similibus circa iuuentutem potissimum aut declinantem ætatem, quando humores exuri incipiunt, aut iam exusti refluunt in omnes corporis partes. Est etiam inter externas causas fortuitas & maximè potentes recensendus ictus seu morsus venenatorum animalium, ut viperæ, scorpionis, aut araneæ maioris, ex quorum virulentia sanguini communicatâ, ita inficitur tota illa massa humoralis, ut in æruginosi succi naturam degeneret. Quod etiam contingit ex epoto veneno aut medicamento calidiore, ut arsenico, sublimato, cantharidibus, lepore marino, elaterio, scammonio, & similibus, si quidem vita per aliquod tempus sit superstes.

Quæ foris itaque posita sunt, si alterationes suas interioribus rebus communicarint, tunc exurgunt affectus seu dispositiones morbificæ icterum generantes: Quæ vulgò tres recenserì solent, inflammatio, scirrhus, & obstructio. Inflammatio enim siue sit totius corporis, vt per febres continuas primarias ex putredine & excandescentiâ humorum obortas; siue alicuius partis, vt ventriculi, lienis, venarum maiorum, sed potissimum hepatis, quando phlogosi solâ vel etiam phlegmone tenetur, & symptomaticam febrem excitat, ob magnam materiæ biliosæ aut atrabiliaræ copiam quæ tunc gignitur, expultrice irritatâ & quasi coactâ fit expansio illius symptomatica quò potest & quò citius potest in externas corporis partes: Nisi fortassis aliquando in febre continuâ primariâ, non affecto secundum suam essentiam hepate, & post debitam coctionem circa dies faustos & laudabiles, critica fiat illius excretio, quæ in ἀπουρίαν, & sanitatis restitutionem desinit, vt habetur in Aphorismis postea explicandis. Ad inflammationem etiam referendæ dispositiones illæ, quæ veneni exterius vel interius admoti, viscera inflammantis humorésque exagitantis & corrumpentis vim consequuntur, quamuis præter vulgarem constitutionem habeant aliquid maligni, quòdque ordinariis remediis non cedit, sed proprias exposcit antidotos.

Scirrhus verò seu induratio hepatis ad flauum, lienis ad nigrum icterum producendum, maximas obtinet vires, vel quia tunc partes imbecilliores redditæ non possunt conuenienter munere suo perfungi, (quamuis etiam imbecillitas aliquando ex sola intemperie, eaque potissimum frigidior exoriri possit) aut quoniam per eiusmodi affectum præpeditis & occlusis poris ac substantiâ viscerum istorum, non possunt amplius excrementa attrahi vel expurgari commodè (quemadmodum ferrum, lapides, & cætera corpora solida nullos liquores admittunt:) vnde fit eorum refluxus in totum corpus, colorisque mutatio, donec malignus ille hydrops & incurabilis, sæpe à nobis commemoratus consequatur. Minor autem labes est magisque vulgata ad vtrumque icterum producendum, ipsa obstructio, quæ ad meatus seu canaliculos χοληδόχους & μελαναδόχους refertur, vel ad ipsam cystidos felleæ nimiam repletionem ab humore, grumo, calculis & similibus. Etenim oppletis ductibus illis, per quos solet lien fecem sanguinis in iecore genitam allicere & secernere, vel etiam expellere in ventriculum & intestina: Aut quando meatus illi quibus vesicula attrahit bilem sanguini mixtam, vel deponit in duodenum: Vel certè quando ipsa vesicula præ nimiam distentionem non amplius admittit humorem solitum, vel quia contrahi non potest ad eundem expellendum, sequitur necessariò vitiosi huius succi, cum toto sanguine permixto & impuritas maxima, quæ colores etiam pro vario humorum dominatu immutat, atque externum corporis habitum, vbi iam visibilis est, similiter inficit. Quò maiores verò fuerint obstructiones, pluresque meatus occuparint & pertinacius, eò icterus magis vel minus saturatus, diùque perseuerans, & remediis obstitens succedit. Quæ verò causæ sint inflammationum illarum, febrium, phlegmonarum, scirrhi & obstructionum, iam satis dictum est superioribus capitibus, dum de eorum curatione agebamus. Ad signa igitur affectus istius, partis affectæ, & causarum morbificarum accedamus, si prius illius differentias magis vulgatas, & ad prædictionem curationemque necessarias proposuerimus.

Dicitur itaque icterus alius esse sine veneno & qualitate deleteriâ, qualis est qui à propositis iam causis exoritur: Alius verò ex veneno externo vel interno, quando scilicet grauiora vrgent & maligniora symptomata, quam in vulgari, & notæ inflicti morsus vel ictus malefici, aut per os assumpti veneni apparent. Præterea alius icterus dicitur esse sine febre, vel prægressâ, vel quæ adhuc subsistat: Alius cum febre, eaque vel primariâ vel secundariâ, quæ sequitur, visceris alicuius inflammationem: Et rursus in febre apparens, dicitur symptomaticus, si solam morbi aut causæ morbificæ magnitudinem & vehementiam consequatur. Criticus autem, si post debitam materiæ coctionem, naturæ robore & intra iustam periodon diei laudabilis bonis ægri rebus concitetur: quod Hippocrates ante septimum fieri non posse existimauit. Aliàs etiam icterus dicitur principalis, quando manifesto hepatis vicio contingit: non principalis verò quando aliarum partium affectarum ιδιωάθειαν comitatur. Et pro ratione colorum, vt iam diximus, modò flauus, idque propriè; aliàs niger, vireseens, & similiter appellatur.

Signa autem ictericorum diagnostica repetuntur ex solitis fontibus : Nam cum icterus ipse, quoad suam essentiam spectat, affectus sit externarum partium, visuique & cæteris sensibus expositus, notas etiam habet valde sensiles & perspicuas. Nam color ille mutatus nullum quantumvis imperitum latere potest, potissimum in vultu & oculorum tunicis, quæ velut gemmæ quædam splendidiore ab alieno colore facilius deturpantur, quam reliquæ corporis partes, unde etiam visus depravatio, si quidem pars illa corneæ tunicæ, quæ pupillæ superposita est, inficiatur : quia obiectorum species eodem modo representantur. Et quemadmodum qualitas illa visibilis mutatur, sic etiam lingua hoc humore imbuta alienis saporibus gaudet, amarisque, acris, & acidis magis delectatur, quam dulcibus, temperatis & suauissimis, quoniam ab istis, utpote humori dominanti contrariis & alienis magis alteratur & afficitur, quam à similibus. Urget ictericos pruritus & veluti punctura culicum aut muscarum per totum corpus, à mordaci isto & pungente succo, qui externam illam membranam omnes musculos obuelantem lancinat. Torpor & pigrities ad motum illos infestat, potissimum affectu iam diutius perseverante, quia depravatâ naturali œconomia sensim etiam facultates reliquæ consentiunt & debilitantur. Quibusdam auditus etiam & olfactus ob easdem causas obtorpescent, vel certè dolor capitis, & variarum imaginum, velut in phreniticis, spectra obuersantur, quia humor hic facile cerebrum inuadit, quoties paulò copiosior fuerit, vel *ὁρμασµὸν* acquisierit. In ictero nigro & virescente adest sæpius mœror & iugens tristitia, ob humoris istius atri permixtionem cum spiritibus vitalibus, & eorum obnubilationem, quæ in melancholicis visitur. Sed quænam sint causæ affectuum istorum proximæ, & pars propriè affecta, maximè est inquirendum. Quicunque igitur icterus causas sequitur procatasticas & manifestas, ut aëris vim aut veneni, ille se prodit per indicia illarum iam præsentium, aut quæ modò insigniter præcesserunt, & derepentè naturalem statum mutarunt, cum magnis & propriis symptomatis, lipothymia, palpitatione cordis, cardialgia, & similibus. Icterus verò qui febres continuas aut intermittentes, primarias vel symptomatिकास, inflammationesque partium internarum excipit, siue simplices, seu tumori præter naturam iunctas, satis dignoscitur ex signis eiusmodi affectionum, calore scilicet æstuoso, siti, appetitus depravatione, oris amaritudine insigni, & linguæ siccitate, necnon aliquando vomitu humoris istius regurgitantis in ventriculum : vrinis & deiectionibus croceis aut rufis, ob magnam materiæ istiusmodi copiam, quæ sufficit ad tincturam corporis & excrementorum omnium. Sentitur etiam dolor sub dextro hypochondrio, si hepar sit phlegmonosum, durum, & renitens; in sinistro, si lien, & sic de reliquis partibus inflammatis, quæ propria sua habent accidentia : Et si quidem criticè fiat, ut docet Hippocrates, die contingit laudabili ac præsignificato per notas coctionis, subita sanitatis restitutio affulget, & nullum in hypochondriis malæ dispositionis vestigium superest : Quæ omnia in symptomatiko sunt contraria, neque vnquam bonis ægri rebus apparet, sed inualescente morbo, ac viribus debilitatis. Vnde etiam Hippocrates in *Prognosticis*, annotavit, denigrationes & liuores aliquando contingere in extremitatibus per febres continuas criticè & laudabili naturæ conatu, facientis materiæ istius *ὡς τὸ* quò potest. Et Galenus non dubitavit, quartanam aliquando per eiusmodi icteros nigros terminari, si lienis tumor prægressus omnino euanuerit.

Quicunque ergo icterus scirrhos etiam subsequitur primarios vel secundarios, illius etiam signa faciliè innotescunt ex sensibili tensione & renixu partium, in quibus positi sunt, reliquisque symptomatis eos comitantibus, ut dictum est. Sin verò sequatur obstructionem ex repletione nimia cystidos felleæ, vel meatuum eius, tunc sensim ac multâ morâ gignitur icterus, prout obstructiones multiplicantur, sentitur dolor, sed levis, in hypochondrij dextri medio, ubi sita est hæc vesicula. Et si quidem utriusque pori obstructi sunt, tam quibus allicit bilem ab hepate, quam quibus expellit ad intestina, vrina valde rufa & citrina, imò etiam crassa & nigrescens euadit, quia magna bilis copia sero sanguinis permiscetur : Sin verò illi non sint obstructi, multò minùs est colorata vrina & totum corpus, sed cystis fellea immodicè repletur, & in eam excrescit molem à nobis bis aut ter in dissectionibus eorum ictericorum visam, ut vesicæ vrinariæ magnitudinem multò superet. Obstructis ergo meatibus illis qui ad intestina pertingunt, & bilis portionem ad irritandam eorum expultricem, detergendamque pituitam deferre solebant, summa sequitur alui pigrities suo stimulo destitutæ : excrementa albicantia & valde refic-

cata egeruntur. Quod eodem modo dixeris de summâ cystidos & meatuum eius imbecillitate, quando sine obstructionis suspitione, suo non perfunguntur munere, sed elanguescunt: minus tamen virget affectus, quam si ab obstructione fiat, nec tanta sentitur tensio, donec paulatim ex synathrismo humoris ibi collecti etiam ingrauescat.

Quod ad nigrum verò icterum spectat, si quidem fiat ob febres vel inflammationes iecoris exurentis sanguinem, notæ omnes absunt, quæ lienis obstructiones vel imbecillitates arguunt, sed tota signorum ratio ad istos affectus refertur: Sin verò hoc lienis scirrhus aut ingens obstructio præstet, facile est illud etiam ex contactu partis illius deprehendere; item fæces colore nigro sunt valde saturatæ, nisi materia hæc ad vias vrinæ multum conuertatur, eas nigrescentes efficiat, & in fundo velut vini nigri fæcem habentes, quæ est propria affecti lienis nota, non expurgantis illam propter obstructionem vel imbecillitatem, quæ expers est tensionis & reliquorum symptomatum in obstructione dictorum. Atque hæc de διαγνώσις.

Πρόγνωσις verò ex magnitudine essentiae affectus, causarum, & symptomatum comitantium statuenda est, necnon partis affectæ præstantiâ. Hinc propter magnitudinem essentiae ictericos valde coloratos in Coacis voluit Hippocrates, esse mortales, & vidimus nos ita bile saturatos, ut non solum excrementa alui, vesicæ, & sudores admodum tingerent, sed etiam lintheola, vestes circumiectas, & contractantium manus croci instar inficerent, in quibus perpetuò mortem, ex diuini senis sententiâ, prædiximus, quæ adhibitis exquisitissimè omnibus remediis tandem successit. Quoties enim massa sanguinaria cum visceribus à recto naturæ statu ita decesserit, ut omnino biliosi succi naturam imiteretur, impossibile est tantam in corpore nostro labem restitui. Sic ratione causarum quicumque ab assumpto vel inflicto veneno excitatur icterus, nisi citò antidotis & cardiacis occurratur, lethum inferre solet ob cordis affectus grauissimos, qui subsequuntur: Sic etiam si inflammatio ingens phlegmonosa aut scirrhus, potissimum hepatis illum pepererit, perpetuò formidolosus: vnde Hippocrates in Aphorismis 42. sect. 6. & 64. sect. 4. tantoperè exhorrescit in ictero dextri hypochondrij tumorem & renitentiam. Facilius igitur cedit quicumque icterus sine febre, aut eâ lentâ, sequitur intemperies partium simplices, aut obstructiones cystidos vel lienis, quamquam etiam non negligendus, quoniam longâ morâ magnos vitiosorum humorum synathrismos & hydropem accersere potest, potissimum ætate declinante exortus, & in pinguioribus vel crassis hominibus. In febre autem quicumque post diem septimum aut septimo, inquit Hippocrates, prægressis signis coctionis & cum ægri solatio accesserit, is solet esse salutaris & criticus; Contrâ verò symptomaticus, utpote qui naturæ oppressæ, & ab humoris malignitate vel copiâ irritatæ conatum sequitur, non πεπασµὸν illius, quem ante dictum tempus fieri non posse censuit, quoniam icterus à crassiore & multo permixtâ sero bile exoritur: aliàs enim per insensilem transpirationem aut sudores resoluta fuisset. Imò etiam si liceat cum Aretæo liberè loqui, infida perpetuò & vix vnquam perfectè critica, excretio ista, nisi alui fluxu, vrinarum copiâ, aut aliis vacuationibus criticis comitata, quæ portionem materiæ morbificæ maiorem extra corpus eliminant & sensibilibiter extrudant. Ita ut frustra voluerit Auerrhoës contra Hippocratem, in Persiâ, Indiis, Ægypto, & similibus locis calidioribus icteros posse esse laudabiles ante septimum diem in febribus, cum ne post septimum quidem, ut diximus, valde sit critica hæc humoris μελάσµατος in solam cutem, in quâ obstruit poros transpirationi idoneos, vnde facile potest recurrere ad interiora. Dixit etiam ictericos Hippocrates Aphorismo 72. sectionis quintæ, non esse admodum ventosos vel flatuosos, quamuis tamen alibi hydropas aliquando ictericis superuenire dixerit, quod nos ita interpretamur, ictericos per se, & ex naturâ humoris, paucos flatus vel aquas colligere; ex accidenti tamen, debilitatis tandem valde partibus, vel propter iunctas obstructiones incidere posse in istos affectus, dum sensim cruditates in inferiore ventre multiplicantur. Icterus niger, quoad symptomatis sublationem spectat, contumacior & difficilior esse solet flauo, quia materia crassior & magis affixa partibus: Si fuerit ab atrâ bile in hepate genitâ, tantò omnia adhuc habet atrociora, quantò hoc genus humoris reliquos omnes feritate superat. Atque hæc de prognosi.

Θεραπεύειν in hoc affectu symptomatico, ut in aliis instituere, est causarum morbigicarum

morbificarum & dispositionum; secundum ordinem generationis suæ; expugnationem perficere, tandemque ad præcipui symptomatis reliquorumque concomitantium mitigationem accedere. Tollendæ igitur vel corrigendæ in melius causæ; omnes præcatarrhicæ; quæ huic affectui præcipuam originem vel consensum aliquem dederunt. Deinde ad dispositiones internas veniendum; siue sint febres, inflammationes partium simplices, scirrhi, phlegmonæ, vel obstructions; quæ pro varietate locorum, in quibus positi sunt, conuenienter, & ut suis iam capitibus dictum fuit, corrigendæ. Totius etiam corporis vires potissimum naturales in hoc affectu valde labefactæ, quantum fieri poterit, instaurandæ tandemque materia illa biliosa; quæ in habitu posita est, extrahenda variis catharticis, & dia-phoreticis conuenientibus resoluenda, priusquam ibi pertinacius affigatur & quasi induretur: Potissimum autem horribilis ille color, qui in vultu & oculis apparet, emendetur, quod ad *ὑποχολή* seu exornatoriam artis partem attinet. Incipiamus ergo à dietâ.

Cum morbus hic Regio sit nomine donatus ex Q. Sereni sententiâ, *Molliter est quoniam celsâ tractandus in aulâ*: Ideo victus ratio talis instituenda (pro varietatè tamen causarum icteri varia) ut perpetuò ad alimètorum *ἐὐχρησίων* & *ἐὐταψίων* tendat; adiunctis eis qualitatibus primis vel secundis, quæ necessariae videbuntur pro varietate causarum, ut in febribus vel inflammatione partium, refrigerantia plus minus exhibeantur & leuiter aperientia; in scirrho vel obstructionibus temperata potius, mixtis incidentibus, attenuantibus, & mollientibus appropriatis. Carnes itaque delicatæ & teneriores conueniunt; tam elixæ cum herbis conuenientibus, cicchorio, endiuia, lactucâ, asparagis, fœniculo, petroselino, & similibus; quàm assæ & condimento succi mali arantij, limonis, omphacij, granatorum acidorum, & aliorum temperatæ, si magnus adsit feruor; vel aceto, paucò cinnamomo & saccharo mixtis, si obstructions vigeant. Ouarecentia & tremula concedi possunt, quia multum & facillè nutriunt, addito tamen aliquo ex dictis succis, si febris sit iuncta. Abstineant omnes icterici à crassis, viscidis, & dyspeptis, quoniam statim multiplicant cacochymiam istam & viscerum meatus implent cruditatibus. Itaque nullum erratum ne minimum quidem in victu committendum. Interdicantur piscibus, nisi aliquando saporis causâ salubriores concedantur conuenienter præparati, oleribus crudis, lacticinis omnibus, quia facillè in biliosum succum conuertuntur: fructibus *ὠπάρις*, nisi etiam aliquando concedantur primis ferculis ad molliendam alium, quæ in illis pigra esse consuevit: Pane vtantur recenti, albissimo & anisato, vel fœniculato: Vino albo vel saltem tenui & oligophoro, cui permiscenda adhuc aqua copiosa & purissima ex saluberrimo quodam fonte hausta, quæ citò peruadat hypochondria, neque vllum pondus aut rugitum illis inferat. Capparum, oliuarum, fœniculi marini, passularum acidularum, imò etiam amygdalarum vsus illis concedatur, quando dissoluendæ oppilationes, dummodò non multum febriant. Certè amygdalatum dictum, ut prisana ex hordeo conuenienter parata; addito paucò aniso vel fœniculo ad corrigendos flatu, valde est illis accommodata, quia lenit, deterget modicè & molliet ventrem inferiorem; quemadmodum pruna initio pastus, poma & pyra bene cocta & saccharo aspersa sub finem, ad idem commendari hisce ægris possunt. Vbi ad *ἀλγοφίαν* vel summam imbecillitatem perueniunt, tunc consummata, stillatitia iura, restaurantia, succus carniū, & similia analeptica erunt præscribenda, potissimum in febribus continuis. Et ut summa cura circa alimentorum rationem adhibebitur, sic etiam animi corporisque non solum tranquillitas, sed etiam iucunditas imperetur. Homines enim isti ex morbo picrocholi vel atrabilarij, facillè iracundiâ, curis, metu vel mœrore conficiuntur: aut certè laboribus & exercitationibus durioribus facillè excruciantur: Possunt tamen lusus, cantus, choreæ leuiore, & similia ludicra & ad iucunditatem comparata concedi saltem spectanda: Item si paulò sint robustiores, ut in ictero ab obstructione, deambulatio, equitatio mediocris, imò etiam nauigatio longa, tum ad aëris mutationem in rebelli affectu, tum etiam ad commouendos humores & deturbandam ac fortasse vomitu excludendam materiam obstruentem. Fugiant omnem vigiliarum excessum, ut valde inflammantium & resoluentium corpus. Somnus sit placidus & minimè interruptus in mollissimo strato. Matutinis horis fricentur mediocriter, peccantur, excretis prius si fieri possit, urinâ & alui fæcibus, quod hic valde est spectandum. Ut enim illud Hippocraticum est verissimum, alui segnities vasorum est impuritas summa, & totius corporis perturbatio; sic maxime

maximè sperabilis est salus in hoc morbo , quando excrementorum recta fit & solita euacuatio , præterquàm seminis , quia , vt eleganter annotat Aurelianus , fortitudinem corporis tollit , quæ magis est hisce ægrotantibus acquirenda. Non postremum etiam diætæ caput obtinet bona aëris constitutio , summa scilicet eius puritas & temperatio in domo luculenter exornatâ & illustri , fontibus & virentibus campis si fieri possit , proximâ , vt omnibus rebus externis ita bene conspirantibus ad sanitatem felicior sit sequentium remediorum vsus.

Quod ad remedia ergo spectat , cùm eo modo sint instituenda , vt pro varietate causarum & dispositionum morbificarum , quæ ieteros proferunt , varia adhibeantur , idè hæc omnia ad capita imbecillitatis hepatis , inflammationis , febrium , scirrhi , obstructionum remitti poterunt , vbi accuratè tractantur : ne quid tamen hîc deesse videatur , ea annotabimus breuiter , quæ magis ad rem faciunt , & præcipua sunt curationis fundamenta.

Criticus itaque ieterus , si aliquando talis & perfectus contingat , qui febrem omnino & reliqua symptomata tollat , sinendus est , nec vllis medicamentis sollicitandus , ex sententiâ enim Hippocratis , *Quæ indicantur & indicata sunt , non oportet mouere* : Quia tamen hoc dictum præcipuè intelligendum est de vacuationibus criticis , quæ sensibilibus materiam morbificam extra corpus educunt : idè eiusmodi ietero , nisi aliqua illarum vacuationum iuncta sit , parû est fidendum , vt dicebamus , ac proinde non est dubitandum reliquias morbi esse deturbandas conuenientibus catharticeis , eisque benignioribus , tollendamque partibus impressam intemperiem per alterantia sumpta & admota , præcipuè balneum leuiter detergens , discutiens & molliens , quale postea trademus.

Siquis autem in ieterum ex venenato ictu vel morsu excitatum incidat , Galenus docet ibidem theriacam & cætera bezoardica appropriata , statim esse exhibenda : loco verò ipsi attrahentia , cucurbitulas , scarificatûs , gallinæ podicem , pullum columbinum aut catellum per medium sectum , theriacam etiam adhibendam , vt virus foras attrahatur , quod cor impetere solet : Supra locum intercipientia , vt vincula strictiora , fortûs ex adstringentibus , emplastra ex bolo , & alia defensiva : Imò si pars vulnerata minoris sit momenti , vt digitus vel summa cutis , tota abscindenda in principio , vt effusa veneni vis simul cum eâ tollatur & eradicetur. Ab epoto verò veneno aut maligno medicamento conciliandus quàm primùm vomitus , vel acriore clystere incitanda aluus , vel adhibitis multis , aut durioribus frictionibus venenum eliciendum foras pro vario eius motu. Exhibenda per os theriaca , mithridatium , confectio alkermes , vel appropriata antidotus : Vel etiam magna olei , potissimùm amygdalarum dulcium , butyri vel lactis copia propinanda , vt benignitate suâ diluant ferociam deleteriarum istarum rerum. Alij succis acidis mali granati , arantiorum , citri , limonum , omphacio cum aquâ vel decocto conuenienti mixtis , conantur infringere malitiam illius : Quæ omnia experiri licebit , & ad proprios venenorum tractatûs recurrere.

Ieterus verò ex scirrho vel phlegmone hepatis aliorumque viscerum , vel est vt plurimum lethalis & grauissimi morbi indicium , vel certè non profligatur , nisi remediis omnibus à nobis iam propositis accuratissimè vsurpatis. Sin autè sit à simplici intemperie , siue calore nimio partium , quod sæpe per æstiuos ardores contingit , cum sanguinis tamen multitudine , qui sensim exurit , & in biliosam materiam conuertitur : tunc vacuantia , & alterantia conuenienter vsurpanda. Vacuantia erunt clysteres emollientes & refrigerantes sæpius repetiti. Item venæ sectio ex axillari venâ ad 3. vj. vel vij. pro conditione virium , & fluentis sanguinis qualitate : Cathartica benigniora aluum subducentia leniter & bilem temperantia , qualia sunt syrupus rosatus solutius , de cichor. cum rhabarb. catholiconis , diapruni simpl. aut trypheræ persicæ 3. j. decoctum thamarindorum , rhabarbari infusum in aquâ endiuiz , & similia. Alterantia duplicia erunt , alimentosa , & medicamentosa , interna externaque. Sub alimenti specie exhibentur fructus aciduli , iuscula pullorum , lactucæ , cichorij , endiuiz , acetosæ & portulacæ foliis alterata , cum aliquot vuarum acerbarum acinis : hordeatum & amygdalatum cum pauco saccharo & aquâ paratum : vt emulsionem sequentes , quæ magnam vim obtinent ad viscerum ardorem compescendum : item serum lactis , cui 3. ij. succi endiuiz mixtæ sint , sub eodem censu reponi potest.

24. Amygdal. dulc. & recentium mundat. 3. j. B. seminum lactucæ , papaueris albi , & melonum , pariter recentium & mundat. an. 3. iij. Contundantur in mortario

mortario marmoreo, pistillo ligneo, addendo decocti hordei lb j. aquæ rosarum 3 iij. sacchari albi parum: Fiat emulsio pro iij. dosibus. Capiat manè & serò. Remedia autem interni formam obtinent julepi ex commemoratis succis, aquis & syrups confecti, & frigide propinati. Rhasis valde hîc commendat trochiscos suos è camphorâ, quorum 3 j. exhibet cum 3 ij. succi mali granati recenter extracti, vel aquâ endiuiz. Vtroque enim vult bilis ferociam domari, & modica adstrictione viscera roborari. Quidam hîc laudant *ψυχροπορισ*, vel aquæ nivalis aut ex glacie fusæ potionem. Sed caue ne extinguas calorem natium partium, aut obstructions inducas, vel multiplices si adsint.

Externa remedia erunt epithemata ex eisdem succis, olea, linimenta, emplastra, ut ceratum santalinum, & refrigerans Galeni, seu de cerussâ, quæ hîc multum profunt, si quidem sæpè renouentur, neque sinantur supra partem incalescere. Balneum etiam aquæ dulcis valde proficiet, si non adsit febris, vel putredo, frequenter repetitum. Hæc itaque prudenter in hac specie icteri vsurpentur.

Vbi autem obstructions illum pepererunt sine febre, aut eâ mediocri & lentâ: tunc dissoluendæ eiusmodi obstructions præparantibus materiam illarum, incidentibus nimirum, mollientibus, & detergentibus: item vacuantibus illam materiam iam supra accurate descriptis. Peculiariter tamen hîc Præctici suadent vomitum ex decocto raphani cum paucis oxymelite, vel ex 3 ij. radicis cyclam. contritæ, & cum 3 iij. hydromel. sumptæ, purgationem ex hieris, benedictâ, & pilulis aggregatiuis: Ego tamen à leuioribus incipiendum esse censeo, donec præparata ritè materia eradicari validioribus possit. Si adsit cacochymia iuncta plethorâ, ne detur occasio putredini ac feбри, florente potissimum ætate, non est negligenda venæ sectio, tam ex brachio, quàm ex inferioribus partibus, vbi reuocanda est aliqua vacuatio solita, ut hæmorrhoidum vel menstruorum.

Ad præparandum verò interius laudant multi syrupum ex caprifolio, ex aquâ eius vel decocto, & alium qui *Diachylon* dicitur, quoniam ex succis eupatorii, sceniculi, apij, & endiuiz paratur. Hippocrates in pertinaci obstructione vitur decocto rad. asphodeli & foliorum apij cum vino albo. Sed magis mihi probaretur aliud, quod habetur *libro tertio de morbis*, nempe vuarum passarum albarum purgatarum, cicerum alborum, & hordei integri, ana M. j. seminis carthami 3 j. summitatum apij, menthæ, & coriandri, ana P. j. capilli Veneris P. ij. Maccarat in lb vj. aquæ fontis, deinde coquit leniter, exponitque sub dio per totam noctem, exhibet manè lb ʒ. ægrotanti. Hæc igitur & similia à nobis capite de obstructione proposita, ex quibus commodiora feligere potes, præparantia sunt, necnon urinam promouentia, & aluum leniter soluentia, ac proinde eiusmodi ægrotantibus vtilissima, non neglectis externis etiã fortibus & linimentis ibidem descriptis, quibus interiecta sæpius purgantia exhaurient sensim materiam illam biliosam & succum meatibus obhærescentem: Quæ omnia commodè & potenter etiam præstat circa morbi declinationem, lactis serum per xx. dies exhibitum manè ad 3 vj. in quo per totam noctem folia capilli Veneris, cichorii & fumariz infusa fuerint. Confert hoc mirum in modum etiam splenicis & ex ictero nigro laborantibus; præcipuè si chalybs ignitus in eo extinctus fuerit.

Præter ista proferunt Empirici sua secreta. Arnaldus Villanouanus stercoris asini puluerem exhibet ad 3 j. manè cum vino albo per vj. aut vij. dies. Alij puluerem stercoristarum ossa comedentis, vel lumbricorum eodem pondere. Vel hi pulueres cum succo mercurialis aut agrimonij, formantur in cataporia, quæ auro diligenter contexta deuorentur. Quidam addunt puluerem radicis rubiæ maioris, rasuram eboris & cornu cerui.

Interea non negligentur roborantia & recreantia vini caloris natui in hisce partibus, qualia esse possunt opiata aliqua, vel tabellæ sequentes.


4. Conseru. cichor. & absinth. Pont. ana 3 j. confect. alkermes, puluer. elect. tria. fant. & diarrh. ab. ana 3 ʒ. sacchari aquâ agrimon. dissolut. q. s. rasuræ eboris ʒ ʒ. Fiant tabellæ deauratæ, ponderis 3 ij. Capiat vnam manè cum paucis vino diluto.

Quibus præstitis, si quidem color adhuc fœdus in vultu & externo habitu sit superstes, resoluatur materia illa sensibiliter, vel per *διαφύσην*. Sensibiliter, vnde Hippocrates *lib. 1. de morbis*, & Galenus *lib. 9. cap. 1. καὶ τὸ π.* instituit phlebotomiam venarum sub linguâ, si quidem tumentes appareant. Item sudorifica, ut stuphas & laconica aut balnea repentia ex decocto conuenienti detergente, molliente & aperiente parata. Vbi radix entomeris agrestis & liliorum, foliaque capilli Veneris

incoqui possunt, & similia. Errhinis etiam & sternutatoriis accommodatis eliciatur materia quæ in oculis continetur. Ego inter alia sudorifica, decoctum rad. chynæ & capillorum Veneris cum pullo factum, & per plures dies exhibitum, admodum conuenire censeo, vel syrupum illum Ambrosij dictum, qui paratur ex decocto milij excorticati ad crepaturam vsque elixi, cuius ℥ iiij. miscetur ℥ ij. vini albi. Et sumitur manè per tres dies continuos, sine saccharo aut melle.

Insensibiliter verò digeritur ille humor frictionibus, sacculis detergentibus, inunctionibus ex oleis chalaisticis, vt chamæmelino, anethino, liliorum, & similibus. Aurelianus & Auicennas putant ex aspectu rerum aurearum, vel vestium flauo colore imbutarum quadam similitudine extrahi materiam istam per poros cutis: Plinius etiam idem de galbulâ aue commemorat, cuius inspectu sanari ictericos, auem autem mori censuit. Mulierculæ nostrates foedis hisce coloribus imbutæ, solent fucorubro alboque vitium hoc artificiosè tegere, quod hominibus non licet, nisi omnino luxu perditis. Ideò melius est in eis qui ægrè admodum ferunt istum faciei colorem, exhibere acetum acerrimum frequenter olfaciendum, deinde naribus hauriendum, ibique constricto ductu aliquantisper continendum, præcipuè dum resident in balneo aquæ dulcis, hoc enim mirificè attrahit & dissipat humores oculis & faciei affixos: Quemadmodum & lotio faciei ex decocto maluarum, hordei, semin. anethi, & florum chamæmel. cum paucio vino albo aut vrinâ pueri impubis. Alij faciunt fumigium ex decocto piscium fluuiatilium in aceti & aquæ æquis partibus: quidam ex decocto cuscutz & foliorum caprifolij: Quæ omnia prudenter experiri licebit.

Superest igitur icteritia nigra, quæ si sequatur inflammationem hepatis & exustionem humorum, non alio modo curabitur, quàm iam proposito, vt etiam si ex scirrho lienis proficiatur. Vbi verò fit ex solâ imbecillitate, quod rarissimum est, vel intemperie frigidior, fortibus quibusdam & irrigationibus ex oleis nardino, anethino, & mastichino facillè corrigetur. Si verò ex obstructione & humoris redundantis infarctu fiat, quod est frequentissimum, si quidem vniuersalis sit repletio etiam in venis, phlebotomia & purgatio melanagogis catharticis instituenda, præparato etiam conuenienter humore, ex decocto scolopendrij, tamarisci, & rad. caparis cum ciceribus nigris: Deinde interiùs & exterioriùs sumptis dissipandæ illius reliquæ, vt electuario de chalybe, & aliis iam dictis, idque paulò validioribus quàm in flauo, quia materia crassior & frigidior. Balneum confert molliens & laxans ad aperiendos cutis poros, dissoluendumque humorem contumacissimum, qui stuphis & aliis sudorificis nimium exsiccaretur. Atque hæc de ictero sufficiant, cum præcipua illius curatio ad capita causarum seu dispositionū morbificarum, ex quibus suscitari solet, iam à nobis explicata reuocari debeat. Nunc igitur ad hydropem veniamus.



C A P V T VIII.

De Hydrope & eius speciebus.



EGROTABAT Heraclitus insignis, notusque Philosophus, post acutam febrem hydrope correptus, ad quem curandum concurrunt Medici vt tunc temporis Empirici, quibus inter se contendentibus ac discrepantibus, vt eorum petulantiam atque inscitiam retunderet, obscurè pro more sibi solito quæsiuit, ὅπως ἐκ τῆς ἀποπλῆρας ποιεῖται τὸν αὐχμὸν; *Quomodo ex tempore pluuio ac nubiloso sudum, serenumque fieri possit.* Ex quibus verbis tam morbi naturam quo premebatur, quàm curandi ratione facile erat colligere. ὁδὸς enim seu ὑδρωμαῖος & ὑδρῶς omnibus significat aqueæ seu pluuiosæ naturæ in nobis dominium ac collectionem: quam Latini aquam intercutè appellant. Aurelianus παρὰ πύχυνσιν, ab effusione istius materiæ, quæ vel in totum corpus dispergitur, vel in certâ illius parte aceruat, Hydropesque modò vniuersales constituit, vt leucophegmaticam, asciten & tympaniten, ita dictos, vel quia integrum corporis spatium occupant, vel quia ex partis principis vitio, nempe hepatis profecti, quamuis soli ventri principaliter inhæreant, trahunt tamen totum corpus in consensum & ruinam defectu nutritionis. Aliàs particulares, qui certis tantum insident membris,

membris, ex eorumque propriâ labe ibidem colliguntur, quales apud Hippocratem recensentur, in capite hydrocephalos, *libro secundo de morbis*; pulmonis, pericardij, vteri, & similibus, *libro 1. acut. 2. de morbis mulierum*. Impropriissima est appellatio hydropis illius, qui *εἰς ἀνδρά* seu ad matulam dicitur; est enim diabetica passio, per quam nulla fit aquosi humoris retentio in corpore, sed ut loquitur Aurelianus, cum maximo fluore, ut siquid ægrotus biberit, sine dilatione tanquam per fistulam transiens egeratur.

Hydropis ergo nomen propriè de tribus aliis affectibus subiectis auditur: quando enim distentum serosâ materiâ paucò flatui iunctâ abdomen, vtris aquâ pleni speciem repræsentat, ascites vocatur *ἀπὸ τῆς ὕδατος*: à flatu pauciori aquæ permixto, tympanites, ob similitudinem militaris illius tympani, & aliquando Hippocrati hydrops siccus appellatur. Sin verò totius corporis moles spongiæ instar intumescat & suffundatur albicante illo succo & pituitoso, leucophlegmatia ob materiam appellatur, quæ carnosarum partium substantiam cum præcipuè occupet, *ἀνασάφισ* etiam à subiecto dicitur: non autem, ut voluit Aretæus, quòd quartam hydropis speciem ex carniū colliquatione ortam constituat. Hippocrates quidè aliquando *λευκοφλεγμασίαν* seu *φλέγμα λευκὸν* distinguit ab hydrope propriè dicto. Sed cum horum nominum ratio in hanc significationem hodie ab omnibus recepta sit, par est ut illis relictis iam ad rei ipsius naturam indagandam accedamus, quod pro more nostro ex propositâ prius hydropis definitione fiet.

Est igitur hydrops, totius habitus corporis, vel abdominis tantum tumor præter naturam, ingens & perseverans, à pituitâ, flatus vel seri collectione ortus, qui læsam *αἱμάτωσιν* ex primariâ vel secundariâ iecoris refrigeratione subsequitur. Hoc enim diorsismo huiusce affectus formam seu speciem, partem affectam, seu affectus sedem, proximamque efficientem & materialem causam annotauimus: ex quorum accuratiori explicatione omnia ad tanti affectus cognitionem necessaria innotescant. Reposuius itaque hydropem sub genere tumoris præter naturam, quoniam hydropis appellatio, ut iam dictum est, pertinet ad secundarium illum affectum maximè sensibilem & manifestum, qui coaceruationes humoris flatuive in toto habitu vel abdomine factas consequitur, partiumque quantitatem augens, contiguitatem etiam & temperiem earum vitiat. Sit enim quantumlibet refrigeratum hepar, scirrhus vel obstructionibus obsessum: Sit induratus lien, debilitatus ventriculus aut mesaraicæ, nunquam tamen dicitur homo hydropicus, priusquam aqualiculus fuerit distentus, vel totum corpus suffuso humore in œdematosam molem accreuerit. Est enim œdema species huiusce tumoris proxima, quo pituitosi, serosi, flatuosi ac crudioris cuiusvis humidiorisque succi synathrismos in partibus factus continetur. Cuius causæ cum magnæ sint, iam confirmatæ & permanentes, tumorem etiam ingentem efficiunt & perseverantem, non autem ut in cachexiâ leuiorem & fugacem, qui circa vespertinam tantum & deambulationes diurnas appareat, quiete autem & nocturno strati tepore evanescat. Neque ut in puerulis, quibus sæpè abdomē ex ingluvie intumescēs, flatibusque & cruditatibus plenum, mox illis vacuatis subductisque facillè detumescit.

Etenim cum perennis sit ista & altius infixâ in partem principem dispositio, quæ nostri corporis naturalem œconomiam regit & moderatur, vnde summum frustratæ coctionis secundæ vitium exoritur: fieri non potest quin effectus ipse in toto elucescat, dum sanguinis vice, albo illo phlegmate intumescit, vel in abdominis cauo serum flatui mixtum, reliquis partibus tabescentibus colligitur. Non audiendi sunt igitur illi, qui vniuersalem hunc hydropem putant sine hepatis noxâ sæpius contingere posse, debilitatis videlicet renibus aut obstructis serosam sanguinis partem non attrahentibus aut expurgantibus, vnde lotij paucitas in hydropico ascite detento, vel etiam aliis quibuscumque partibus abdomine contentis scirrhus vel obstructione laborantibus, quæ serum paulatim colligant & effundant per resudationem in ventris cavitatem, aut certè dum alimoniam sibi assuetam non recipiunt, cogant in venas refluere mesaraicas, ex quibus facilis est elapsus in istam partem. Adde quòd ventriculus infirmior per se magnam potest crudorum humorum copiam suppeditare: itè ex magnâ & subitâ aquæ potione aliquem euadere posse hydropicum repente, censuit Hippocr. cohibito scilicet illo humore in cauo abdominis: Etenim si in particulari hydrope, potest serum in membrorum spatiis colligi sine hepatis vitio, quidni etiam in abdomine, in quo tot partes coctioni, distributioni & expurgationi dicatæ continentur? Quòd si serum colligi possit, multò magis flatus, & tympanites hydrops, quem putat Hippocrates ex dolore umbilici exoriri posse, *Apher. 1. sect. 4.*

& flatus fuscitantur ex variâ materiæ constitutione, siue sit calor robustus, siue infirmus, nam ex crassâ materiâ, non possunt nisi à valido calore eleuari. Certè in anasarçâ sufficit totius habitus magna refrigeratio, quæ alimentum etiam in hepate laudabiliter confectum pituitescere & in phlegmatis naturam degenerare faciat. Verùm hæc non sunt tanti momenti, vt nos à recepta Medicorum sententiâ discedere cogant. Illud enim est axioma pathologicum & constantissimæ veritatis, non posse lædi actionem aliquam vniuersalem per totum corpus, quin eius principium seu pars princeps illius functionis author lædatur. Non potest virtus animalis motrix vel sensifica aboleri per totum, quin cerebrum patiatur: nec vitalis pulsifica, nisi corde ipso affecto, vt patet in syncope; semper enim partes illæ principio propinquiores, retinerent illam vim & facultatem influentem, quamdiu principium bene se haberet.

Sic etiam nutritio, quæ vna est trium illarum functionum, quibus corporis nostri politia perficitur, & quæ non solum eminenter in hepate residet, sed etiam ab eo cum sanguine & naturali spiritu in omnes partes necessariò demandatur, (est enim hepar *αἷμαλίων* Dureto, *ἡμαλίων* ex Hippocr. fons & officina gratiosi humoris, omnium aliarum functionum basis & fundamentum) non potest vitiari aut aboleri per totum corpus, vt in hydrope, quin hepar illius sedes & origo siue primariò, siue secundariò, vt postea clarius dicemus, afficiatur. Quandoquidem si sufficeret ad hydropici affectus constitutionem, partis alicuius in abdomine positæ vitium, vel renum obstructio aut imbecillitas, reperirentur multi ascite laborantes bene habiti, & reliquo corpore valentes, quia reliquæ omnes partes præter istam, & abdominis cauum bono & laudabili sanguine fruerentur: cum tamen omnes hydropicos videamus macie squalentes & deformatos, summaque virium deiectione confectos, *Quoniam*, vt ait Hippocrates, *ex quibus venter florescit & augetur, ex eisdem corpus deflorescit & minuitur*; quasi dicat vitiatâ coctione sanguinis primariâ & generali, immodicum & crudum succum in ventre colligi, alias verò partes suo genio & propriâ alimoniâ destitui. Quod quæso discrimen esset inter hydropa vniuersalem & particularem, si quidem à partis alicuius vitio sine hepatis consensu vniuersalis ille fieri posset? Oporteret enim de leucophlegmatiâ, tympaniâ & ascite priuatim efferre, esse abdominis solius, vel muscutorum externi habitus aquosas collectiones, quemadmodum dicimus vteri, pulmonum, scroti, aut ventris hydropem. Quæ omnia sunt absurda. Fatemur igitur ex aliis quidem partibus, vt renibus, liene, intestinis, vmbilico, aut mesenterio, principium & originem istius affectus aliquando proficisci, sed non posse perfici, nisi hepar in consensum rapiatur, & tandem ex idiopathiâ laboret. In anasarçâ enim illâ refrigeratio externi habitus, vel penderet à cau à externâ vel interna communi. Quod ad externam attinet, nisi omnino *νέκρωσι* & mortificationem intulerit, faciliè corrigitur tolliturque calfacientibus sumptis & admotis; vel si perseueret, in gangrænam & sphacelum, non leucophlegmatiam abire solet: Interna autem communis non alia esse potest quàm subiectum illud nutritionis, quod alimentum vocamus, quodque ab hepate proficiscitur. Idem dicas de ventriculo quod de istis partibus. Nam quamuis ille valde refrigeratus crudidiorem succum generet, is tamen ab hepate, quamdiu suam retinet temperiem, ita emendatur, vt saltem affectus istos inducere nequeat. Quod si longâ ventriculi *κακοπραγία* debilitetur, & in consimilem tandem *διάρθειν* præcipitur, tunc hydrops consentiente hepate inducitur. Atque hæc de parte affectâ: nunc proprium illius affectum hydropi generando idoneum inquiramus, vbi etiam fortasse non minor erit difficultas stabiliendæ veritatis.

Iecur omne genus morbi obsidere potest, simile, organicum, & commune, pro diuersis dispositionibus quibus præditum est, à quibus actiones eius variè mutantur. Coctio igitur illa *αἷμαλοποιητική* cum sit species alterationis, vt ope qualitatum primarum, caloris scilicet bene temperati & *ἰσχυροῦ* perficitur: sic etiam illo immutato & præter naturam constituto, velut propriâ & principali causâ immutatâ, deprauatur, imminuitur, & aboletur: sitque *σπορυχία ἢ ἡς αἱματώσεως ἔργον*, nimirum sanguinis, qui in alienam naturam, corporique alendo minùs idoneam per intemperies istas facessit, siue sint primariæ, vt iam dicebamus; siue ab aliarum partium affectibus exortæ. Solutio enim continui per se aut organi deprauatio non faciunt ad læsam sanguificationem, nisi quatenus ad eas consequitur temperamenti vitium, vel humorum impedita distributio. Intemperies itaque iecoris & venarum, coctioni & præparationi humorum dicatarum, accusan-

da in hydropē, velut immediata dispositio & affectus species, à quā proficiscitur: Actionis autem læsæ modus ostendere debet, quæ sit illa intemperies hepatis im-
pressa per διαίτης istas ὑδρωσικὰς. Cum enim diætæ coctionis, vt aliarum prin-
ceps causa sit calor vnicuique partium substantiæ ingentus, ille vel augeri præter
naturam potest, vel imminui. Auctus autem præter naturam, actionem istam de-
prauat, sanguinem assando, bilēque copiosam producendo: Contrā imminutus,
causa est frustratæ huius functionis, vel saltem imminutæ, dum pro vero sanguine
flatus, serum, pituita copiosior quàm par sit, generantur. Caloris enim imminutio
in viuētibz, frigiditas Medicis dicitur, quæ est omnis ἀνέψιας & cruditis ma-
ter. Hanc autem in hydropē abundare, nemo inficiabitur, nisi communi sensul
& rerum euidentiæ impudenter repugnare velit. Ergo intemperies frigida, erit eā
dispositio proxima & immediata, quæ hydropem parit: Vt enim calor in febre
siccitatem, sic in hydropē frigiditas humiditatem sibi comitem accersit. Quod
etiam causæ omnes illum generantes confirmant: Omnia enim refrigerandi vl
prædita, siue actū siue potentiā talia, suffocantia calorem natium, vel eius par-
bulum subtrahentiā & dissipantiā, hydropisin inuehere solent, potissimum si con-
fertim vel diuturniore contactu hepar ipsum affecerint, vt postea in causarum ex-
plicatione plēniū adhuc ostendemus. Sed videndum prius, quid ad hoc noui
Galenicæ doctrinæ aduersarij obiciant; relictā antiquiore Erasistrati sententiā, qui
omnem hydropem ab hepatis scirrho fieri existimauit, vt pote satis ab eodem Ga-
leno refutatā, lib. 2. de natur. facult. & alibi.

A causis igitur tam calfacientibus quàm refrigerantibus exoritur hydrops, in-
quiunt illi, ac sæpe sine vllā calfactionis aut refrigerationis suspicione. Vt enim
immodicas vacuationes sequitur hydrops, sic etiam retentiones menstruum,
hæmorrhoidum & similium, per quas suppresso sanguine & intus coaceruato in-
calescit potius hepar quàm refrigeratur. Imò Hippocrati in *Prognost.* hydropes
ascitici in acutis morbis, febribz nimirum ardentibus oboriuntur, qui neque fe-
bre liberant, nec æstus aut dolores ex eā contractos mitigant. An non in hydro-
pē saltem tympanite aderit calor potius quàm frigus, vt placuit Auerrhoi, cum
flatus non nisi à calore attenuante & eleuante excitari possint? Et quæ est illa tan-
tæ refrigerationis suspicio in exsiccato hepate, quod variis finis dehiscens, velut olla
fissa extillat serum in vacuum abdominis spatium? aut certè vlcerat vel superficia-
rio vulnere affecto, per quæ ichores eiusmodi etiam effundi possunt? Calori potius
quàm frigori, addit cauillator Argenterius, attestantur febris complicata, sitis im-
mensa, faucium ariditas, totiūque corporis præterquàm ventris extenuatio, cum
vinarum colore intenso & rufescente.

Hæc itaque quo proposita sunt ordine diluemus, dicentes refrigerationem, ca-
lorisque natui imminutionem, variis modis, quemadmodum & externi ignis con-
tingere posse, tam per σβέον quàm per ψύπανον, ac pròinde tam à refrigerantibus
siue actū, siue potentiā, quàm suffocantibus & opprimentibus vim illius, quæ posi-
ta est in iustā humorum quantitate, vt eos regere ac moderari possit: Necnon vehe-
menter calfacientibus, quia pabulum eius proprium, subiectam scilicet oleosam
materiam resoluunt & depopulantur, vnde illius exolutio & quasi marcor subse-
quitur. Quemadmodum igitur si ardenti lampadi aqua affundatur, propter refri-
gerationem nimiam extinguatur: si terra, cinis, arena, imò etiam oleum copio-
sius iniiciatur, impeditā perspiratione & quasi oppresso igne ac suffocato idem
contingit; necnon absumpto confertim liquore quo eltychnium fouebatur, illius
flamma marcescit aut aboleretur: Idem accidit viuētiū calori. Immodicæ ergo
suppressiones hæmorrhoidum & menstruum, quamuis sanguinem bonum &
naturæ gratum humorem intus coërceant, sit tamen vt præ multitudine ac copiā
illius ad hepar recurrentis, calor opprimatur & quasi suffocetur. Quod multò fa-
ciliū & promptiū sit, si immodicæ huic humoris quantitati mala etiam qualitas ad-
iuncta sit, quod est frequentissimum. Febres autem ardenres hydropem ideò ac-
cursunt aliquando, quoniam pestiferæ eiusmodi & lethales febres, tantam faciunt
benignæ illius & primigeniæ humiditatis, cui calor inhæret, dissipationem, vt
μαρasmus illum ἀνέψυν, retorridi scilicet & exsuccati hepatis constitutionem subi-
tò elanguescat, nec munere suo perfungi possit. Antecedens itaque causa calida
esse potest, sed quæ refrigerationem ex accidenti inducat, quod aptissimo exem-
plo confirmat Galenus 4. de simplic. Aciditas, inquit, perpetuò à frigore oritur,
& frigiditatis est index, attamen æstate res omnes, vt vinum, lac, & similia faciliū

promptiusque acescunt, quia scilicet tunc natiuus calor cum tenuioribus calidioribusque liquorum istorum partibus vanescit & dissipatur. Febrem autem post aduentum hydropis permanere nihil vetat, quoniam intemperies calidior cordis, cum hepatis frigiditate aliquantisper perdurare potest, donec æger ob maximam duarum partium principum & inæqualem *δυσκρασίαν* intereat. Vel dicemus etiam intemperiem hepatis tunc esse frigidam ex defectu natiui caloris & humidi primigenij; quamuis extraneus abundet, qui à corde communicatur, vnde summa curandi difficultas.

Quod ad Auerrhois sententiam spectat: si quidem verum sit quod Philosophi omnes pariter ac Medici docent, flatus à calore vehemente per se discuti potius quam generari, non est credibile intemperiem hepatis feruidam per se hydropis sicci seu flatuosi causam esse posse. Videmus quotidie in omnibus calidis intemperiebus morboris, flatus aut nullos aut paucos admodum gigni, priusquam calor labascere incipiat congenitus: vnde illud Hippocraticum, *Aphor. 72. sect. 5. Οἱ κίρπιδες & πόνυλα πνευμάδες εἰσὶν*. Ambigi ergo nō potest, quin generatio flatus loco sanguinis sit species seu modus coctionis imminutæ ac debilitatæ potius quam deprauatæ: Nam in deprauatâ sanguis generatur biliosus, acris, feruens, venenatus, putridus, & supra naturalem vt vocant, gradum positus. At hîc non sanguis vel bilis, sed flatus cum ferro ex maiore chyli parte suscitatur. Adde quod flatus in tympanite in aquam facile concrefcit, imò cum spiritu aqua semper multa reperitur: Quod non fieret, nisi ex consimili materiâ & efficiente suscitatus esset.

Illorum autem commentum qui fissuras & rimulas quasdam velut in ollâ fractâ fieri in hepate & aliis partibus somniarunt, postea excutiemus. Hoc tantum in præsentia retorquentes, si per eiusmodi rimulas, vlcera, vel vulnera superficialia, absque hepatis refrigeratione, efflueret aqua vel serum in abdominis cauitatem, cur non etiam sanguis ipse aut pus effunderetur, quemadmodum ex pulmonum & aliarum partium vlceribus, quod tamen in hydropicis nunquam est visum? Argenterio denique illud vulgatum satisfaciat, febrem illam symptomaticam, sitim, faucium squalorem, non pendere ab hepatis refrigerio propriè, sed sequi putredines & corruptelas serosæ materiæ in abdomine stagnantis & conclusæ, quæ falsedinem tandem atque acrimoniam acquirit: Aut si hæc omnia adsint in principio, dic ista pendere non ab hydropo, sed à febre acutâ quæ illum produxit, & adhuc præsens est: Contabescere autem totum corpus, non ex intemperie partium calidiore, sed alimenti defectu ob hepatis *ἀτονίαν*. Urinas autem esse coloratas in hydropicis, aut propter istum calorem extraneum serosæ materiæ, impedita eius distillatione, impressum, qui renibus communicatur: Aut propter mixtionem biliosi succi, qui totus tunc confluit in urinas obstructis meatibus *χοληδοχοῖς*. Ideoque urinas non in omnibus hydropicis aut semper colorari, sed eis in quibus causa antecedens calida fuerit, aut sub morbi progressum contractâ in sero putredine, vel auctis obstructionibus. Concludamus itaque efficienrem hydropis causam esse intemperiem hepatis frigidam, eamque vel propriâ denominatione talem vel effectu, quando contingit ab exhausto & dissipatione subiecti illius, cui viuentium calor inhæret; ad quem sequitur insignis error functionis illius *ἀμασσωτικῆς*. Nunc reliquarum causarum hanc producentium seriem peruestigemus.

Ex parte igitur rerum naturalium, quæ corpus ad hydropis generationem disponere possunt, certum est summam illis esse ad hunc affectum propensionem, quicumque alterutro parente hydropico nati fuerint, potissimum si ante ortum iam erant contracta quædam illius rudimenta in progenitoribus: Seminalis enim materia quæ plurimum ab hepate deriuatur, hac labe infecta, similem proli *ἀάθειν* imprimit, quæ statò tempore claros producat *ἐνεργείας* suæ effectus, nisi maturo Medici consilio & attentâ ægri curâ illi prospiciatur. Sic temperamenta frigidiora & humidiora, siue ex dominatu naturalis pituitæ, seu excrementitiæ, & vitio regiminis diuturni contractæ, facile incurrere possunt hunc affectum. Item quicumque insignes habent internarum partium *δυσκρασίας* siue inæquales, potissimum iecoris & ventriculi: ex his enim summa coctionum perturbatio & sanguinis impuritas. Mulieres etiam & eunuchi, vt annotauit Hippocrates circa finem 7. *epidem.* vt & pueri ac senes facilius in hydropem incidunt, quàm florentis ætatis viri cæteris paribus, qui vt humidiora habent corpora, sic etiam minorem caloris natiui *ἐλάμψιν*, quo externis causis iam à nobis recensendis obistere possunt.

Illarum enim vehementes incursus sæpe sufficiunt ad affectum istum subitò & potenter

potenter inducendum. Aëris enim magnæ intemperies in dispositis facile id præstant, frigida quidem humidaque calorem totius corporis & hepatis extinguendo ac superfluas humiditates multiplicando; ut per austrinas constitutiones: calida sicca resoluendo & dissipando radicalem illam substantiam, cui innata caliditas inhæret. Vnde regiones paludosa & humentes, loca vallibus conclusa, vel situ, ut carceres, squalentia, domus fluminibus superstructæ, vel illis proximæ multos in hydropem præcipitarunt. Cibus verò & potus non solum qualitatibus suis, sed etiam substantiâ seu materiâ, quam nutriendo corpori nostro suppeditant, multum possunt in promouendo hoc affectu, utpote alimenta quæcunque frigidiora liquidioraque existunt, cucurbitæ, melones, horæi omnes fructus, lacticia recensia, pisces, & similia, quia facile in aquosam flatuosamque naturam conuertuntur: quæcumque sunt dyspepta & cacochema, quia dum magnum calori concoquenti negotium facessunt, illum atterunt, & debilitant, malignosque succos ac flatus multiplicant, ut carnes bubulæ, suillæ, & similes potissimum salitæ, legumina, brassica, cum bulbosis omnibus, & similia: Item valde calida, ut piperata, vinum merum & copiosum, quia extorrent & quasi frigunt substantiam hepatis. Quæcunque voraciter, nullo ordine, aut statò tempore sumpta, possunt idem efficere, quia obruunt vim partium coctioni dicatarum. Sed potissimum illud præstat potus immoderatus in eis qui viscera habent infirmiora, si quidem aut per longas & æstuantibus febres, aut laboriosa itinera, & vehementes exercitationes, ut iam de Eunuchò illo dicebamus, cogantur copiosius, frequentius, & quauis horâ, utpote de nocte & circa somni tempus bibere. Etenim si aquâ niuali, aut aliâs frigidiorè vel turbidiorè & impuriore subito se impleant, vix affectum istum effugere poterunt, ut est apud Hippocrat. *libr. de intern. affect.* Idem dicas de somno immoderato, quia nimis humectat; de vigiliis intempestiuis, quia valde exhaustiunt humiditatem nativam: de vehementioribus exercitationibus propter eandem causam, & quia valde siticulosos faciunt homines; de curis, mœroribus, & cæteris animi pathematis grauioribus, quia omnes coctiones perturbant & humores variè permiscunt. At verò excretiones immodicæ, siue laudabilis materiæ, ut feminis vel sanguinis per quæcumque viam factæ; vel illaudabilis & excrementitiæ, ut per diarrhœas diutius profluentes, lenterias, vel dysenterias, ut est *Aphorism. 43. & 48. sect. 6.* Quia citò depopulantur spiritus & caloris nostri subiectum, non est mirum si ἀμάρωσι labefactent, & cruditatibus hydropique generando occasionem præsent. Suppressæ verò vacuationes naturales, aut artis operâ comparatæ etiam induunt naturam causarum interiorum & antecedentium hydropis, quia plethoram & cacochemiam faciunt & multiplicant.

Nam plethora quæuis siue cacochemia vniuersalis, potissimum pituitosa, ut iam dicebamus, interna est hydropis causa ac potentissima, quia citò potest obruere vim caloris natui, & qualitatibus suis temperamentum partium istarum immutare. Febris autem omnis ardentior aut diuturnior, quia conficit subito & quasi tabefacit illud *ἰσχυρὸν*, toti corpori & partibus necessarium ad sua munia obeunda, unde hecticis sæpe hydropem incurrere videmus. Et quemadmodum vniuersales istæ totius corporis dispositiones id præstant: Sic etiam particulares singulorum membrorum, quæ cum hepate syntimorian ex viciniâ, operisque aut generis societate habent, dum qualitates suas & dispositiones multiplicant, vel materiæ faciunt communicationem. Sic à cerebro dum decumbit pituita copiosior in hepar, à pulmonibus & diaphragmate refrigeratis aut putrilagine affectis, quia propinquas partes inficiunt. A ventriculo refrigerato nimium & debilitato, quia chylum crudiorè & aquosiorè suppeditat. A liene scirrroso aut infirmiore, quia non expurgat faciem melancholicam obstructionum pertinacissimarum authorem, & suo velut torpedinis contactu, ventriculi proximiores parietes & ipsum hepar mortificat. A renibus, vesicâ, emulgentibus & mesaraicis, quando non deducunt serositates sanguinis per convenientes vias, sed cogunt refluere ad suum fontem. Ab utero, & venis lumbaribus seu hæmorrhoidibus, quando soliram sanguinis quantitatem & assuetis periodis non euacuant, vel nimia copiâ profundunt. A doloribus diuturnioribus & vehementioribus intestinorum, & aliarum partium, quando illis condescit hepar, & magna sit triplicis substantiæ dissipatio. Sic vlcera interna, vulneraque & obstructions tam hepatis quàm cystidos felleæ & reliquarum partium, quia temperiem eius per accidens mutant, & sanguificationis opus impediunt, idè hæc omnia faciunt triplicis illius materiæ, flatuosæ scilicet, serosæ, & pituitosæ

fynathrifmon, ex quâ proximè hydropici tumores excitantur. Quâ verò ratione, per quas vias, & quo impetu isti humores & flatus in abdominis cauum exiliant, vel in totum corporis habitum effundantur, iam est particularius inquirendum.

Hic ergo est generationis modus, utpote in λευκοφλεγμῆα. Refrigeratum hepar crudiores succum pituitosioresque generans, sed adhuc alibilem, eum distribuit per venas in totum corpus, unde vniuersalis καχεξία repente exoritur ex cacochymia istâ pituitosâ, quæ primum in pedibus, utpote à caloris fonte longius remotis & in facie elucescit, mox per totam cōpaginem diffunditur, & quasi perpetuum œdema constituit, quod digito pressum subsidit, deinde paulatim attollitur. Iste enim succus affusus in partes, neque assimilatur, ob partium debilitatem; neque apponitur seu vnitur, ob substantiæ ineptitudinem; nec resoluitur, ob inopiam caloris & materiæ crassitiem, & ob hanc causam serum vel flatus non possunt constituere anasarcam, quia eiusmodi materiæ facile resolverentur: sed partium interualla & poros naturales replens, totam reddit cutim turgidam & præter naturæ modum intentam, tuncque perfecta est leucophlegmatia seu anarsaca.

Tympaniticus autem affectus, qui à flatulento fit humore, vel flatu humoralis, (nūquam enim sincerus & solitarius reperitur) quotiescunque incipit ab umbilico & intestinis gracilioribus, sequitur magnas eorum cruditates & imbecillitatem quasi hecticam, quæ hepatis sensim communicata, dum maior chyli portio in eiusmodi flatuosam materiam degenerat, nec motu illo peristaltico intestinorum sursum vel deorsum expellitur, neque etiam contineri potest in cavitatibus aut interstitiis tunicarum, diu exagitata & veluti attenuata, erumpit summo dolore in patentiore abdominis cauernam, ibique stabulatur, magnâ distensione ægros fatigans. Sin verò mali initium ab ipso hepate vel aliis partibus sit exortum, non est quidem tantus cruciatus ex diuulsione dum fit, sed tamen non minor nebulosi illius spiritus cum aquosâ substantiâ in ventrem eruptio per illarum poros & naturales meatus, ubi similiter coacernatur, & tantam in molem accrescit, ut pellis sæpe extrema dirumpi videatur.

At verò ascites, qui conclusarum in ventre aquarum soboles est, ita progreditur. Cum intemperatissimum hepar nihil deinceps aut certe parum generet, quod alendo corpori sit idoneum; sed serosam tantum materiam pauco flatui mixtam, fit ut neque partes reliquæ trahant sibi inutilem succum, nec ille præ tenuitate suâ à iecore debilitato ulterius propelli possit, sed elabatur in ipsum hepatis, lienis, aut alterius visceris corpus, indeque per contiguas venas, vasa umbilicalia, & consuetos meatus transcolatum per διαπήδησιν, utpote tenuissimum aliquando ipsum omentum implet, alias deuoluitur in vacua illa ventris inferioris spatia; aliquando si natura sit validior, in imos pedes, aut scroti cavitatem decumbit. Quod si materia illa paulò crassior, aut præ multitudine, ut plerumque contingit, non possit per affuetas illas vias profundi, sed diutius in partium substantiâ coërceatur, excitatâ quasi putrilagine in extimâ eorum superficie ὑδατίδες, inquit Galenus, seu bullæ producuntur, quales in admoto cuti vesicatorio cernere licet, quibus disruptis extillat copiosum illud serum quod circa omentum, intestina & peritonæum tunicam coërceatur. Hæc itaque omnia colliges ex doctissimis Galeni commentariis in Aphorism. 55. sect. 7. Sed instat Fernelius, ridetque illos qui putant per angustos cæcosque poros serosum humorem transferri in abdominis cavitatem. Nam hæc, inquit, ratione Ascites peraque omnes inuaderet, & distribuendis humoribus videretur natura inutiliter vias ductusque tam multos destinasse. Verum, ut Fernelio respondeamus, quis mediocriter in Medicinæ operibus versatus nescit, pus ipsum per angustos cæcosque poros transire, per media ossium & membranarum spatia penetrare, pleuritidis materiam peruadere pulmonum substantiam & bronchias, ut per ἀνακαθάρσιν copiosissimam excludatur. Quanto magis serosa illa & tenuis materia, quæ διαπνέσται est aptissima, & quam per cæcos meatus ferri illud manifestissime ostendit, quod ab inani ventris spatio catharticis attracta, intestinorum tunicas penetrat, & per aluum profunditur. Nec idcirco omnes peræque ascitici euadent, nisi qui magnam serosi humoris copiam ex hepatis refrigeratione colligent, quæ non possit propter obstructions, αἰσίων partium, aut alia impedimenta per vias ductusque à naturâ dicatos transferri. Sed addit Fernelius, Multos ex urina dies vigeinti suppressâ extinctos nouimus, quibus aqua nihil quicquam deprehensum est per cæcos illos ductus in abdominis spatium refluxisse. Quasi verò nos dicamus semper materiam illam per cæcos istos poros affluere, cum ὑδατίδες illas ex Galeno constituendas esse dixerimus, sed aliquando tamen id fieri posse nihil vetat, quando videlicet tenuior

tenuior materia, aut pororum cœcorumque illorum ductuum laxitas, vi per summas istas partium infirmitates & humectationes accidit, permiserit: quæ agris à Fernelio visis & dissectis non contigerant fortasse: nobis tamen ascitici plerique visi sunt, in quibus venter aqua erat refertissimus, nullis apparentibus in hepate aut alibi hydatidibus, multò minùs fissuris illis seu rimis à Fernelio commemoratis: illam igitur per transcolationem erupisse oportuit, cum nullus alius pateat ex eundem modus. Quod si libeat Fernelij sententiam exagitare, quis non dicat cupit eos hallucinari, qui putant in viventibus iecoris & aliorum viscerum substantiam exarescunt, perinde atque terram siccitate quadam puluerulentà findi atque dehiscere? Potestne vita nostra cum tanto temperamenti excessu subsistere, in viscere potissimum humorum authere? cum tanto spirituum effluvio, quod per istas fissuras aut venarum disruptiones contingeret? An non simul sanguis cum sero in abdomen ipsum, imò ipsa anima profunderetur? An non conuulsionibus & membrorum contractionibus miris cum tantâ siccitate torquerentur? Certè hectici omnes, qui ad summum, sub quo vita nostra subsistere potest, siccitatis gradum pervenire, omnes ascitici euaderent, in eisque hepar & reliqua viscera rimis scartentia reperirentur. Quod tamen nemo sanæ mentis & in Medicinâ exercitatus asserere audeat.

Concludamus ergo, materiam istam asciticam, sæpius per poros insensiles transfluere in caua abdominis per diapedesin, aliquando per vesiculas illas disruptas à Galeno commemoratas, quæ & in hepate & in aliarum partium superficie exoriri possunt. Item intemperiem istam, quæ hydropas parit, maiorem esse vel minorem, κατὰ ῥῆσιν, vel κατὰ ἔξιν. Si minor est, pituitam generare, & ad corporis nutritionem adhuc transmittere, cum pituita illa sit sanguis frigidior erodiorque, aliàs pro pituitâ flatum spiritumque nebulosum producere. Si verò maior & gratius infixa, meram aquam serumve efficere: non tamen idcirco debere necessariò & semper leucophlegmatiam aut tympanitem, asciticum hydropa præcedere, velut remissiores δυσκρασίας, quoniam causarum impressio vehementior sæpe, aut corporis partiumque certa constitutio, non permittit illum progressum & ordinem in producendis sensim istis affectibus, sed subito ad ultimum peruenit. Nunc itaque ad diagnosin accedamus.

Diagnosin tanti affectus spectat signatam communia omni hydropi, quam particularia unicuique speciei, causarumque & partis primariò affectæ notitiam. Omnis itaque hydrops cum pondeat ex collectione materiæ humoralis vel flatuosa, necessariò facit tumores siue eleuationes, modò incipientes, ut in pedibus, cruribus, scroto, manibus, facie, palpebris, & similibus, ob καχεξίαν malumque habitum, qui primò in his partibus à caloris fonte remotioribus contrahitur; postea confirmatos in toto corpore, vel in ipso abdomine. Et quemadmodum fordus humor affluit in omnes corporis partes, viciatâ humoralis massâ, sic etiam color immutatur variis modis, prout diuersa fuerit cacoehymia, ex quâ hic affectus suam duxit originem. Adest maximus virium languor, quoniam laborante iecinore, viciosumque sanguinem procreante, trahitur cor cerebrumque in consensum, & tota naturalis œconomia labefactatur. Inde febricula inuadit, cum pulsu paruo sed veloci, frequentes aliquando lipothymia, cordis palpitationes, tussis, spirandi difficultates, sensuum infirmitas, lassitudo spontanea, & similia. Ventriculi appetentia ad cibos deiicitur, ingrauescente tamen siti, quâ plurimum distorquentur: nausæ & vomitus aliquando vrgent; excrementa alui aliàs agrè emittunt, quoties antecedens causa calidior fuerit, vel ab obstructionibus contracta: aliàs quantitate profluunt nimia, sanguinolenta, loturæ carniū simillima, vel chylosa, prout ventriculi, intestinorum, mesaraicarum aut hepatis maior est infirmitas, tuncque totum corpus valde contabescit & exsiccatur. Pauca adest ut plurimum mictio, vrinaque albæ & pallescentis, nisi obstructis meatibus cystidos, aut iam inductâ putredine tingantur. Hyposarcam autem distinguere à tympanite & ascite est facillimum, quoniam hic affectus totum corpus, vel saltem partes externas, æquali quodam tumore & valde pallescente, quasi demortui hominis occupat, cui impressum digiti vestigium diu superstes manet, & quædam quasi mollis crassities ad contactum in singulis partibus sentitur, velut in pasta, propter pituitam illam in poros effusam, vnde accrescit quidem ventris moles, sed in exteriore tantum superficie, musculis videlicet ac cutē: quod in aliis hydropis speciebus, contrario fit modo, extenuatis videlicet illis præ nutritionis defectu, atque elongatis, ob distensionem materiæ in caua abdominis contentæ, quæ prominere

facit umbilicum, cum in anasarca & ventris pinguedine multum occultetur. Vt igitur in hoc hydrope partes omnes intumescunt, & totum corpus grandiori quadam mole accrescit, sic in aliis gracilescit, & præter ventris farcinam in marasmodum deformem præcipitatur. Ac si quidem materia distendens flatuosa sit, minori quidam pondere fatigat, sed cruciatus acerbos infert, pulsusque venter vingue aut baculo, durior sentitur instar tympani resonans, grandioresque borborygmi & rugitus circa intestinorum claustra sæpius audiuntur: Cum in ascite minor sit tensio, sed grauior & maioris ponderis, sensu fluctuationis & quasi inundationis comitata, dum æger ad latera conuertitur, & pro decubitu tumor in hanc vel illam partem magis inclinat, quæ scilicet inclusum serum deuoluitur. Cuius etiam portio per musculorum interstitia in pedes, femora & crura labitur, alias per productiones peritonæi & vasa seminaria in scrotum, ubi insignes tumores excitantur, sæpe etiam diaphragma inuadit, & thoracem penetrat calamitoso ægri fidere. In hoc hydrope ob contractionem in sero putrilaginem febris cum siti valde fatigat, quæ potu non leuatur, sed augetur, indies ob æstum partium illarum internarum: Urinæque ob eandem causam, aut iunctas obstructions, saturata rufo colore profunditur. Eadem ratione iudicandum in permixtione horum affectuum, ut quando anasarca asciti, vel tympaniti ascites iungitur, tunc enim mixta & complicata signa esse oportet. A quibus verò causis & affectibus primariis hydropes isti exoriantur, tam ea quæ præcesserunt, & actione suâ corpori nostro vim intulerunt, quam quæ comitantur symptomata, ostendunt. Externarum enim causarum præsentium adhuc vel prægressarum potentia ostendit naturam affectus qui subsecutus est. Vtrum autem per se vel per accidens & intermediis aliis dispositionibus illud factum sit, ratio indicare debet. Internæ verò causæ, ut plethoræ, cacochymia, febriles constitutiones, ex propriis signis dignoscuntur: quemadmodum & affectus cerebri, pulmonis, ventriculi, lienis, articularum, renum, vteri, cystidos, venarum & similibum. Nam si quidem isti generationem hydropis præcesserint, & diu hominem fatigarint, priusquam aliqua hepatis querela appareret, illisque auctis & ingrauescentibus collecta fuerit materia illa, tumoris hydropici procreatrix, suppressâ interim ordinariâ evacuatione quæ per illas fiebat, vel inordinate factâ: certè hinc colligere possumus secundarium esse hepatis affectum, & à sympathiâ pendere illorum membrorum *παρὰ τὴν ἀνάγκην*: Vt contra si nullæ eiusmodi notæ adfuerint, sed in ipsâ hepatis regione dolor aut tumor potissimum durus, diu perceptus fuerit, vel magnum pondus & obstructionum copia, aut contracti vlceris vel intemperiei simplicis suspicio fuerit, & sufficiens coniectura: tunc iecori accepta ferenda est huius mali origo, nec alteri parti adscribenda, nisi fortè complicatio sit aut connexio plurium affectuum in variis corporis partibus, ut sæpe contingit. Atque hæc de diagnosi sufficiant. *Προγνωστὰ* autem signa huius affectus, vel sunt præsentis iam contracti, aut venturi siue imminenti, cui maturè occurrendum est. Venturum itaque significat hydropem eorum præsentia quæ illum generare posse diximus ex parte rerum naturalium, non naturalium, & præter naturam; fieri enim non potest, quin si illa omnia, vel quædam ex iis vehementiora, simul consenserint, diuque operas suas efficiendo contrulerint, tandem is affectus producat, qui cum illis analogiam habet & manifestum consensum. Imminentem autem, quando iam leuiusculi tumores & inflationes partium cum cachexiâ vel decoloratione externi habitus apparere incipiunt, & in ventre circa umbilicum dolores perrinacissimi sentiuntur, aut saltem distentiones, & insolita in visceribus abdominis pondera, (contractis tumoribus scirrhis, vel rebelli obstructione.) Certè inflatio ventriculi diuturna cum *ἀνέμια* & fastidio ciborum, frequentius ascitem præcedit & quasi accersit: illas stillæ sanguinis tenuioris & pallidioris ex naribus frequenter prorumpentes, & absque vllâ causâ manifestâ, hydropem instare portendunt. In facto autem siue præsentem hydrope, prælagire solemus de mortis periculo & curandi difficultate, aliquando comparatiuè & per relationem factam inter varias hydropis species, alias absolute, simpliciter, & prout talis est affectus. Habito ergo respectu diuersarum specierum, quamuis hydrops ex suâ naturâ & constitutione propriâ *ἰατὸν* sit & *διυρίαν*, paucique ex eo confirmato euadant, dubitatur tamen quis inter illos censeri debeat periculosior. Omnes ferè in eo consentiunt, anasarcam reliquis curatu faciliorem esse, quoniam in illo robur adhuc quoddam hepatis elucescit, materiam non omnino à sanguinis naturâ degenerantem producentis, & per extimas partes distribuentis, quodque facilius sit talem humorem per externa membra & quasi poruunculis dispersum

resoluere ac dissipare, quàm vnicum & in cauitate abdominis conclusum. Tympanitem etiam non tantum periculi inferre quam ascitem, cum minor sit *δυσπραγία* hepatis, quæ illum producit, nec tantus sit putrilaginis viscerum metus à flatu in ventre concluso, quàm à sero ibidem stagnante; vnde grauissima emergunt symptomata. Attamen aliqui contrarium sentiunt. Nam morbus vniuersalis, Inquiunt illi, & totum corpus occupans, deterior est particulari & vni tantum parti affixo. Anasarca ergo hac ratione reliquis hydropis speciebus infestior censendus est, (vnde Hippocrates *libro de victus ratione in morbis acutis*, Hydropem hypofarcidion vocat *ἀφυσίδων* ineuitabilem, alios verò multà bonà fortunà egere, vt curentur.) Tympanitem etiam ascite periculosiorem sic probant.

Siccitas iuncta frigiditati seu minori calori, quæ istum efficit, tanto difficilius curatu periculosiorque humiditate, quæ ascitis est causa, quantò difficilius est replere & resarcire, quam vacuare. Et tumor tympaniticus ægrius tollitur quàm asciticus, cuius aqua purgantibus, aperientibus, roborantibus, *ωπαρισήσκει* denique & similibus faciliè vacuatur, quæ flatuoso tumori adhibere non possis; sed diaphoretica tantum seu resoluentia, à quibus etiam magis augetur siccitas contracta, & proinde flatuum istorum copia. Verum his rationibus non debemus dimoueri à priore sententiâ. Nam quamuis vniuersalis morbus & totum corpus occupans, deterior particulari dicatur, hoc tamen intelligendum est, si cætera sint paria, eadèque sit intentio & grauitas. Aliàs multò melius est similem materiam & eiusdem quantitatis per varias partes potissimum externas disseminari, quàm in viscere aliquo interno, aut iuxta illud contineri, vt in ventrali hydrope contingit.

Quod ad tympanitem verò attinet, scitum est ex iam dictis, siccitatem, quæ in illo esse dicitur, non constituere morbi essentiam, sed cum vocamus eum siccum, intelligimus hepar nondum ita recessisse à temperie suâ naturali secundum qualitates passiuas ac in ascite. Vt sic siccitas illa seu priuatio humiditatis excrementitiæ, salubris sit potius quàm morbosa, nec proinde curationem, sed potius conseruationem expostulet, vnde vana est prior argumentatio. Quod etiam ad tumoris hydropici sublationem spectat, dicimus facilius tolli flatuosum quàm aquosum discutientibus & dissipantibus, quæ solent aquam prius in flatum resoluere & attenuare quàm illa dissipetur. Paracentesi quidem commodius educitur aqua quàm flatus, vt in catarractâ humor ille qui suffusionem parit, facilius acu deprimatur, si crassus sit & compactus, quàm si dissipatus & tenuis. Verum hoc ostendit grauitatem morbi ascitici, in quo curando, cogimur anceps hoc remedium experiri, cum tympaniticus insensibili resolutione, vt iam diximus, ac hepatis roboratione sæpe discuti valeat, nisi iam firmiores egerit radices, & quasi in ascitis naturam collectâ sensim aqua degeneret. Ita vt ego probarem lubenter Mesuei sententiam, qui tympanitem etiam anasarca curatu faciliorem esse putat. Transeamus ergo ad aliam huiusce prognosticis partem.

Omnis hydrops morbus est periculosissimus & *δυσανάπαυσις*, ob partis principis affectæ nobilitatem, essentiæ propriæ magnitudinem, (non enim prius apparet hydrops, quin iam labefactatum sit grauius visceris alicuius temperamentum, & materiæ magna portio collecta:) grauissimæque symptomata quæ illum comitari & subsequi solent. Quamuis enim videatur Hippocrates *Aphorism. 5. sect. 7.* facere hydropem aliquando criticum, hoc tamen est valde suspectum Galeno, & repugnans ipsi Hippocrati in *Aphorism.* nisi illud criticum sumatur latius pro quauis solutione alterius morbi, siue sit in bonum, siue in malum. Grauior autem multò & periculosior quicumque hydrops sequitur dispositiones hæreditarias, aut inæquales partium *δυσανάπαυσις*. Ac si quidem in temperamenta pituitosa vel senile corpus incidere, citò accrescit, parum obistente naturali dispositione: Si in biliosa calidioraue, vt signum est magnitudinis causæ, quæ potuit naturale temperamentum immutare, sic magnam habet curandi difficultatem ob contrarias indicationes. Idem dicas de variâ cacochymia aut plethorâ hydropis parente. Quod si febris acuta, phthisi, aut alteri morbo successerit, impossibile est ægrum euadere priori iam pugna fatigatum, vt est 2. *Prognostic. libro quarto de morbis, & libro de affectionibus*. Dirus est etiam ille hydrops, qui sequitur partium putrilagines & corruptelas, vlcera, aut tumores confirmatos, præcipue verò hepatis ipsius, à cuius robore, si quæ sit, tora affulgere debet in hoc affectu, curandi

spes, vel saltem proroganda vitæ. Melius est etiam hydropem sequi suppressiones materiæ vacuari solitæ, quàm magnas inanitiones; facilius est enim deple-re, quàm implere & resarcire iacturam humidi primigenij. Turissimus inter alios est hydrops, qui totus pendere videtur à causis externis, vt aquæ potu nimio, & similibus: Nam illis mutatis aut eductis, aliquando contingit salus. De eo enim præcipuè locutum esse Hippocratem censeo *lib. 2. Prorrh.* quando salutarem hydropa describit, quem locum consulant studiosi. Pro ratione igitur vigentium symptomatum facile erit de successu prælagire: Quotiescunque enim functio-num vitalium & animalium maxima est ruina ob collabentes naturales, mors est in propinquo: Syncope enim, *λαποφυρία*, difficultas spirandi, palpitatio vrgens mortem pro foribus esse denuntiant: Insignis lassitudo, imminutio memoriæ aut rationis, epilepsiæ insultus qui olim non adfuerant, vt est *in Coacis*, idem sua-dent. Tussim etiam quæ prius non fuit, aut non fit à defluente catarrho, valde hinc reformidat Hippocrates *Aphor. 35. sect. 6. & 48. sect. 7.* quia peruadente aquâ ipsam thoracem, citò æger suffocatur. Deiecta valde appetentia cum alui fluxu immodico, torminibus vel tenesmo iuncto, vel foetente admodum, chyloso aut sanguinolento, citò hominem rapit, quia non potest natura laborem istum & va-cuationem symptomaticam iam deiectis viribus perferre. In robustis tamen & ap-petentibus, aliquando alui fluxus sub morbi principium, *in Coacis*, salutem attu-lit, eductâ quæ tumorem faciebat materiâ, vt est *in Aphorismis 29. sect. 7. & 14. sect. 6.* nisi denuò renascatur, *ὕδρωψ γὰρ πρὸς θεραπείαν παλινδρομῶν, ἀνέλπις*, vt loquitur Hippocrates *in Coacis*, quia ostendit confirmatam viscerum intemperiem, quæ tantum potest regenerando humori morbifico, quantum artificiosa aut spon-tanea vacuatio educendo. Lotium etiam paucum & valde coloratum, pessimum est, quia omnia intus cohiberi propter obstructions aut secreticem imbecillam, & magnam contractæ putredinis vim ostendit: Hinc Hippocrates *ερεχψίαν* in hydrope calamitosam pronuntiavit *in Coacis*, (quemadmodum Arabes vrinam di-uerfi coloris funestam esse dixerunt, & Gordonius bicolore vrinam, quia ostendit contrarietatem materiæ & efficientis) vlcera item exorientia in hydropicis, iam eneruatam caloris natui potentiam ostendunt, inualecente putredinosa qui in-teritum molitur: vt etiam superueniens carbunculus, aut quæuis maligna pustula. Maxime facit ad tanti affectus expugnationem temperantia ægri & obse-quiium: Nam impossibile est intemperantem ægrum aut morosum ab hydrope quantumvis leui euadere: Vnde nobilis illa apud Celsum historia, de prædi-ctione duorum Medicorum super hydropico contrariâ, quorum vnus ad mor-bi naturam, alter ad ægri animum respiciebat. Iam ergo curationi illius in-cumbamus.

Θεραπεία huiusce affectus, vt aliorum omnium, ex conuenienti indicationum lege in primis stabilienda est, quæ quid agendum sit in omni hydrope, & sin-gulis eius speciebus, qualibus, quantis, & quomodo, sufficienter ostendant. Triâ igitur potissimum considerata veniunt, pars affecta, affectus natura cum eius magnitudine, & causæ omnes eum efficientes, augentes, vel conseruantes. Ex parte igitur membrorum patientium tam hepatis quàm aliorum indicantur robo-rantia calorem natuum & rescientia humidi primigenij iacturam, quod victus-ratione potissimum perficitur, & tonicis remediis à Galenò vocatis. Ratione naturæ & magnitudinis affectus, indicantur qualia & quanta sint illi opponen-da. Cum enim illius essentiam collocauerimus in collectione materiæ humora-lis vel flatuosæ, tumorem abdominis vel totius externi habitus concitantis: inde ex contrariorum lege indicantur vacuantia eiusmodi pituitam, aquas siue flatus se-ro permixtos, cum correctione intemperiei illius, à quâ proximè suscitantur. Item præparantia vias siue meatus, per quos materia illa erit excludenda: Nam quod ad eam spectat, cum extra naturæ regimen & omnem pepasmi conditio-nem posita sit, satisque sequax & fluxilis suâ naturâ, nullam coctionis aut alte-rius præparationis indicationem vtilem præbet, vt est apud Galenum; adde quod causæ sine quâ non rationem obtinens, vt in vlcere excrementa, quamuis sit effectus alterius morbi, tamen primò auferenda esse suadetur, tum vt alij affectus deinde commodius corrigantur, tum etiam ne magis ac magis intem-periem hepatis intendant, vel putrilaginem concipiens, vitium & corruptelam omnibus partibus abdomine contentis inferat. Ex parte autem causarum primò externarum ostenditur ea omnia esse vitanda, aut in meliorem statum com-mutanda,

muranda, quæcunque occasionem huic affectui generando contulerunt. Internarum verò antecedentium, siue sit plethora seu cacochymia, siue æstus febris, obstructionum multitudo, vlcus, imbecillitas renum, vteri mala constitutio, & similia, ea omnia erunt expugnanda corrigendaque quantum fieri poterit, diligenter, tali ordine, si fieri possit, quo cœperunt, ne subsequenter sibi effectum foueant & multiplicent. Ratione verò propinquare affectui causarum & quasi coniunctarum, ut materiæ fluentis vel fluxuræ in abdomen aut corporis habitum, reuellentia, deriuantia, & vacuantia per omnes corporis ductus conuenientes & naturæ consuetos indicantur, venæ sectione in certis casibus, ut postea dicemus, cathartici tam vomitoriis, quàm deiectionis, ut clysteribus, sudorificis, diureticis, & similibus, sumptis & admotis. In deplorato denique hydropedum integra curatio non speratur, proponitur mitigatio seu lenitio grauiorum symptomatum, ut vita diutius prorogetur. Nos itaque victus primò rationem omnibus hydropicis accommodatam describamus, postea peculiarem vniuscuiusque speciei therapeiam proposituri.

Regimen igitur vitæ ea omnia spectabit, quæ prius à nobis inter externas huius affectus causas reposita fuerunt. Et quemadmodum illa per *diuersiones* suas, aut materiæ vitium, corpori offensam & calamitatem istam intulerunt, sic contrario modo sunt disponendæ, ut iam afflicto opem & suauem medelam adferant. Vergant itaque alimenta ad caliditatem siccitatemque maiorem vel minorem, prout intemperies frigidior humidiorve vigeat, nec erit complicatio febrilis æstus primarij vel symptomati, inæqualis intemperiei, cacochymia, aut similibus contraindicantium: tunc enim moderanda erunt pro vario illorum excessu. Qualitatibus etiam non sint destituta attenuantibus, incidentibus, resoluentibus, si quidem obstructionum aut flatus copia coniuncta sit. Substantia verò perpetuò sit euchyma & eupepta, boni succi scilicet & nunquam ex suâ naturâ pituitosum succum vel serosum generantis, facilisque coctionis ad recreandum calorem natium in tantâ virium naturalium infirmitate. Quemadmodum quantitate mediocria, ne obruat vim illius, & in plures potius vices, quàm vno pastu voraciter sumpta: impedit enim metus suffocationis ob compressionem ventriculi: potissimum verò potus, cuius parsimoniam in hoc affectu tanti faciunt Practici nostri, ut referant se multos vidisse, qui ab eo liberati sint solâ bibendi abstinentiâ per integrum annum. Quod tamen ego nollem vsurpare in eis, quibus retorridum & exsiccatum hepar, per absorptionem humidi primigenij, causa fuit huius synathrismi, hoc enim modo incineratis quasi partibus citius in mortem præcipitentur: Sed tamen debet semper potus summa mediocritas institui, & in omnibus aliis temperantia, rectus ordo, tempus & forma observari. Eligatur itaque panis albissimus, recens, bene coctus, imò aliquando biscoctus vel tostus, anisatus, & bene fermentatus, ne obstruat vel adstringat, sed exsiccet. Carnes boni succi, perdicum, caponum, gallinarum, auium montanarum, veruecis, & similibus, assæ potius quàm elixæ. Quod si aliquando elixis uti placeat, temperentur radicibus fœniculi, petroselini, foliis saluæ, hyssopi, menthæ aut maioranæ. Abstineant verò ab earum iusculis, quantum fieri poterit, ut à piscibus in totum, fructibus horæis & fugacibus, lacticiis, & reliquis dulcibus, leguminibus, oleribus coctis crudisque, & similibus. Oua integra non sunt illis concedenda, sed vitelli tantum indurati, alias tremuli cum saccharo & pauco cinnamomi puluere ad recreandas vires & refarciendos subito spiritus, quâ intentione dum iam imbecilliores euadunt, consummata, stillatitia, expressa, & similia instaurantia illis imperamus. Aromatum vsus accommodatissimus, præcipue nucis moschatæ, cinnamomi, & garyophyllorum; à pipere verò & piperatis, zinzibere, cardamomo, & similibus abstineant, ne sitis intendatur. Quemadmodum & ab omnibus falsis & acrioribus, nisi aliquando & in paucâ quantitate, excitandi appetitus causâ: Quamuis enim Hippocrates *libra de intern. affect.* falsa omnia & acria hydropicis permittat, ut saferdam ac balsamentum Gaditanum; hoc tamen eâ lege permittit, ut tamen ægri non inde bibant copiosius, sed voluntate sitim superent, quod de Iulio viatore narrat Plinius. Secundâ mensâ sumant vuas passas, caricas, nucleos pineos torrefactos, amygdalas tostas, corticem citri, arantij mali aut limonis saccharo vel melle conditum, anisum, fœniculum, coriandri semina saccharo incrustata. Quæ eodem modo horis matutinis assumpta iuuabunt, eosque valde recreatos sæpius vidimus frustulo myrobalani conditi, vel

nucis illius myristicæ siue moschatae, quæ hodie ex Indiâ cum extimâ suâ carne conditæ deportantur. Vinum bibant purum & tenue, sed generosum, aquæ permixtum conuenienter, cui cinnamomi cortex, vel fœniculi semen, aut frustula tamarisci propter obstructions, infusa fuerint, vel leuiter decocta, tantumque bibant, quantum sustentandæ vitæ sufficiat, & siticulosæ passioni leniendæ, ad cuius etiam sedationem aceti vsum concedere eis solemus, ciborum condiendorum, & oris aliquando colluendi causâ.

Et quemadmodum alimentorum rectus debet institui vsum, sic etiam reliquæ res externæ non negligendæ. Aëris videlicet tam vniuersalis quàm particularis status talis sit, vt omnis foetoris, madoris, ac rigoris, quantum fieri poterit, expers sit. Quod si loca incolant humentiora, vt paludosa (maritima) fluminibus proxima, aut vallibus subiecta, mutant solum, eligantque regionem pro statu & conditione ægrorum conuenientem: aut saltem domi procurent eam temperiem, luculentis ignibus, laconicis, & similibus, quæ illis sit accommodata: neque se exponant aëri pluuiæ, nebuloso, ferotino, aut ventis nimium agitato. Plus vigilent quàm dormiant, & strato vtantur durior ac resiccante, cui tantum tribuunt Authores nostri, vt multos dicant decumbentes in arenâ vel aceruo frumenti, aut foliis siccis pulegij, origani, calamenti, viticis, & similium fuisse percuratos. Sit etiam summa exercitationis cura, nisi respirandi difficultas vrgeat; non quæ resoluat, sed quæ excitet calorem natium, & coctiones ante pastus confirmet. Robustiores ludant pilâ, vel diutius deambulent; infirmiores equo vehantur, lecticâ, aut naui, potissimum per mare, si regionis constitutio hoc permiserit, quia exsiccat & vomitum non inutilem hisce ægris excitat: fricentur manè in lecto linteolis asperioribus, vel solâ manu pauco sale & oleo irino delibutâ, aut arenæ tenuioris sacculis leuiter calefactis potissimum anasarcâ detenti, reliquis enim blanda contrectatio extremitatum sufficiet. Alui, vesicæ, cæterarumque vacuationum solitarum ea est moderatio instituenda, vt si subsistant omnino, conuenienter prouocentur: sin verò immoderatiores sint, artificiosè cohibeantur. Quemadmodum & animi affectus vehementiores prohibeantur, potissimum mœror & cura seu sollicitudo circa assueta negotia, à quibus omnino vacare debent, vt sanitati recuperandæ indulgeant: Quidam tamen in hoc affectu iracundiam sed leuem consulunt, vt facultas illa vitalis & *ὑγιαντική* elucescat, naturalemque iam obtorpescentem exsuscitet. Nunc ad remedia vnicuique hydropis speciei accommodata accedamus, ducto ab ascite exordio, vtpote difficilioris curæ & vilitatis.

ASCITIS CURATIO. Hæc itaque curatio cum perficiatur sublacione tumoris illius aquosi abdomen præter naturam distendentis, causarum internarum correctione, & viscerum corroboracione, idque remediis Chirurgicis vel Pharmaceuticis per os sumptis, in anum infusis, aut admotis quæ topica dicuntur: Videamus primum quid commodi iste affectus ex merâ Chirurgiâ reportare possit. Quod ad phlebotomiam itaque spectat, nullus hîc illius vsum salutaris existit. Nam cum summa adsit laudabilis & sanguinei humoris paupertas, cuius causâ marcescit totum corpus, nec aquosa illa materia in abdomine contenta, per illam vacuari aut reuelli queat, frustra vsurparetur; Quamuis aliqui in suppressione mensium aut hæmorrhoidum, vel eorum immodico fluxu, aut febre intensâ, parcam venæ sectionem ex cubito vel cruralibus venis laudent: Sed ego illud intelligendum esse puto de anasarcâ, quæ habet partem humoris illius excrementitij in venis adhuc stabulantis. Melius est igitur, meo quidem consilio, abstinere à phlebotomiâ in ascitico hydrope. Quod si aliqua subesse videatur plethora sanguinea circa vterum vel lumbares venas, poterimus scarificatu vri circa crura & talos, vt docet Galenus, ad illam eliciendam; præstat enim paulatim & tutò vacuare, quàm festinanter vnâ cum morbo ægrum tollere.

Et quemadmodum illi scarificatus valde profunt ad eliciendos humores in propaginis venarum descendendum inclusos, sic etiam scarificare, & leuioribus vulnusculis aperire solemus cutem eiusmodi hydropicorum in pedibus, vt ibi contenta aqua effluat, & per consecutionem quandam illa quæ in abdomine latitat, vel etiam ventris infernam partem circa musculorum aponeuroses, quæ in talibus valde sunt conspicuæ ob distensionem, eadem ratione incidimus. Atque eiusmodi scarificatus aquâ falsâ refrigerantes, aut hederæ, betæ, & caulium foliis obtegentes, magnam feri copiam aliquando elicimus. Si scrotum, vt solet, valde intumescat, non est timenda illius perforatio in parte demissiore, vitæ testibus, ac uoblongâ,

oblongâ ; eaque frigida vel ignita si velis , ad maiorem partis exsiccationem ; reli-
quo intus filo laneo vel sericeo crassiore , (sctonem vocant Practici ,) vt aqua per
illud transcoleatur . Quidam malunt hæc omnia , ad motus ventri , coxis , vel cri-
ribus vesicatoriis præstare , vt profundiora vitent vulnera , attamen non tam fe-
lici successu , quia maiorem excitant cruciatum , & paucam educunt hoc modo
materiam . Certè potentius id præstant cauteria actualia circa vmbilicum ad-
mota , vt solebant veteres ; vel more nostro potentialia , vtrique tibie circa par-
tem internam adhibita , per quæ nascentem & perpetuò fluentem quasi ex for-
ticulis aquam conspicies . Sed caue eos , quibus tibie iam valde intumuerunt , aut
cachectica sunt multum , ne pessima vlcera exoriantur , vel certè infirmioribus
iam & oblonguescentibus adhibeantur , quia illos citò in mortem præcipitabunt .
In robustis tamen non sine magno fructu affigenda ea sæpius curauimus .

Inter Chirurgica autem remedia , valde est celebris illa abdominis perforatio ,
vulgò *paracentesis* dicta , quam veteres accuratè descripserunt , sed difficilem &
ægris molestam recentiores facilem & sine vilo dolore reserato vmbilico inter vasa
illa quibus annectitur . Non est igitur dubium , quin factò eiusmodi foramine
aqua abdominis commodè educatur , eaque quantitate ac temperatione , quæ magis
idonea Medico videbuntur , vt nullum sit magis expeditum remedium ad vacuatio-
nem istam citò & iucundè moliendam , tollendamque suffocationem , quâ hydropi-
ci torquentur . Attamen non est leue dubium , vtrum tutò usurpari possit . Qui
non probant eiusmodi paracentesin : primò dicunt , periculum esse summum in
euacuatione humoris cuiusvis per eiusmodi parentes & externas vias , iuxta par-
tem nobilem & coctioni dicatam , propter effluxum spirituum & exhalationem
caloris natui , qui iam imbecillior est factus , vnde experienciâ patet , plurimos
hydropicorum sectos intra biduum aut triduum obiisse , qui adhuc per plures
menses , superstites esse poterant . Deinde addunt ; vel aqua illa paulatim & exi-
guâ quantitate extrahetur , aut copiosius & confertim : Si illud , parum profeceris ,
quia tantundem regenerabitur humoris , quantum vacuabitur , & idem per me-
dicamenta *idægyra* præstari poterat , sine tanto ægri & adstantium terrore , nec
non periculo vulnerandi peritonæi & intestinorum . Sin verò multa & confertim
educatur , quod inuito etiam Medico sæpius per somnum , aut dum æger voluitur ,
contingere solet , scitum est illud Hippocratis , *Aphor. 27. sect. 6* . Et viscera ista ventris
inferioris quæ aquæ innatantia subleuabantur , subito concident deorsum , opprimet-
que aut diuellent ipsum diaphragma cum suffocatione præsentis & inuitabili . Mul-
ti etiam sunt visi hydropici , quibus post vacuatam eiusmodi materiam , disrup-
ta sunt hepatis ligamenta iam semiputrida , potissimum illud quo alligatur vmbilico , & sic
violenter occubuerunt . An non certè morti iam est destinatus æger , quando eiusmodi
paracentesis exercetur , confirmato scilicet visceris scirrho , aut intemperie imme-
dicabili laborans , quæ nullum aliud ex hoc opere auxilium recipiet , quàm vt citius
intereat æger , summâ cum medentis infamiâ . Melius est igitur in totum ab istâ
paracentesi abstinere , quàm non audes usurpare in morbi principio , quando om-
nia sunt leuiora , & salus aliunde speratur ; nec debes ingrauescente morbo , &
iam instante fatali interitu . Nos vt istis rationibus satisfaciamus , fatemur qui-
dem anceps esse & valde suspectum hoc remedium , & nonnisi conditionibus
certis ac circumstantiis adhibitis usurpandum , non tamen omnino repudian-
dum . Nam & Hippocrati astitit , vt videre est in *Aphorismis* , lib. de intern. af-
fect. & 6. epidem. Galeno & Auicennæ non displicuit , veræque rationi , ac medendi
legibus iam adductis consonat : quæ illud citò , tutò , & iucundè præcipiunt .
Citò enim eiusmodi operationem exerceri certissimum est , potissimum quæ com-
punctione vmbilici hodie fit , citumque ægro auxilium vacuatâ materiâ ad-
ferre . Iucundè etiam , quia sine vilo dolore , sine peritonæi aut intestinorum
vulnere perficitur : & facit iucundiorem vacuationem ; quàm quæ medica-
mentis catharticis , vesicatoriis , & similibus promouetur : quotquot enim hy-
dropicos hoc modo secuimus , illi facillimè & quodam quasi gaudio istam sectio-
nem tulerunt . Tutò autem fieri posse , quod ad vulnus ipsum spectat , nemo ar-
tis nostræ peritus inficiabitur ; non enim peritonæi aut intestinorum hæc vulnera
pertimescenda , cum leuissimâ styli puncturâ , quâ cutis tantum aperitur inter
vasa illa vmbilicalia , perficiatur . Tutò etiam ratione vacuandæ materiæ , si
iustâ quantitate extrahatur , non quidem tam exiguâ , vt nullum inde sola-
tium sentiat æger ; nec tam copiosâ , vt inde exhauriantur subito spiritus , aut
concidant

concidant, vel conuellantur partes; sed mediocri & pro ratione plenitudinis ac virium. Nec etiam in totum suadeo vacuandum eiusmodi humorem, sed sublata eâ portione quæ ægrum suffocare parata erat, aut certè nimium naturæ negotium inferebat: reliquæ deinceps obturato & fasciato vulnere purgantibus, aperientibus, topicis absumendæ: vel etiam admotis vtrique tibie cauteriis tam curationis causâ, vt superstes aqua vacuetur; quàm præcautionis, ne alia deinceps ibi colligatur. Neque velim etiam statim in principio morbi, hoc remedij genus usurpare, nisi fortè in eis quibus subito in tumorem immensum eleuatur venter, de quibus Hippocrates 6. *epidem. hydropicos citius secare*, & qui nullum ab aliis remediis auxilium perceperunt, torquenturque suffocationis metu. Nec etiam deploratos iam & quasi putrefactos attingere, quibus non dicam paracentesis, sed nullum aliud remedij genus conuenit; sed constantibus adhuc viribus, iuuenili ætate, mediocri corporis statu, boni regiminis, ac obsequentibus ægris, illud exposcentibus nolim denegare. Si enim moriantur, nulla inde accidet medenti calumnia, cum & periculum prædixerit, & æger adstantesque illud præuiderint. Sin autem euadat, magna arti & medenti gloria comparabitur. Atque hæc de remediis Chirurgicis, inter quæ etiam censi solet, thorax ille Rondeletij, vulgò dictus, seu fascia quæ solemus asciticorum ventrem coarctare & quasi cohibere, ne ampliùs in consuetam molem accrescat vel distendatur, sicut enim aquæ portio vacuata fuerit, ita etiam sensim constringenda illa fascia siue thorax, donec omnino venter detumescat, & in naturali statu contineatur. Nunc alia persequamur.

Pharmaceutica ergo erunt ex propositis indicationibus, cathartica siue purgantia tam deiectoria per os assumpta, aut per clysteres infusa, quàm vomitoria: Item diuretica quæ obstructions tollant, materiam præparent, ac per vrinæ vias deducant. Sudorifica, roborantia, & topica, quæ rursus vel confirmandis partium viribus & temperamento, aut dissipandæ exhaustiendæque materiæ dicantur.

Clysteres itaque alij erunt vulgares & consueti, quoties alius erit pigrior, ad eluendas illas sordes & detergendam pituitam, quales parantur ex decocto carminante vel detergente, cum diaphœnic. benedictâ laxat. hierâ picrâ, melle mercuriali, & similibus; quorum vicem aliquando explere poterunt suppositoria aut glandes. Alij sunt clysteres cathartici appropriati, quibus vtimur ad attrahendas potentes eiusmodi aquas, quales erunt superiores, si eis incoquantur, agaricus, semen ebuli, pulpa colocynthidos, & similia; vel dissoluatur mel mercuriale paratum cum succo cucumeris agrestis: Aut si vis, describatur sic.

Rad. ireos nostratis contus. corticis med. rad. lauri & cucum. agrestis, an. ʒ ij. foliorum pulegij, origani, calament. gratiolæ & soldanellæ, an. M. j. seminis anisi, fœnuigr. & ebuli, an. ʒ ij. agarici vilioris ʒ iij. florum ireos purpureæ, centaurij minoris, & anthos, an. P. j. Decoquantur in vrinâ pueri, vel hydromelite. Incolaturæ lb j. dissolue fermenti acrioris ʒ ʒ. mellis mercurialis ʒ iij. olei anethini ʒ ij. Fiat clyster, quoties opus fuerit validiore expurgatione per anum, & æger ea quæ ore assumuntur recusauerit, vel ventriculo fuerit infirmiore.

Quod si materia sursum vergere magis videatur ex frequenti nausæâ, inani vomitu, & inflatione ventriculi: tunc non erit inutile vomitum conciliare, modò vehementioribus, aliàs mitioribus pro naturâ ægri. Mitiora erunt ex decocto raphani, seminis atriplicis in aquâ hordei, cui infundes ʒ j. agarici, cum pauco zinzibere, deinde dissolues si volueris, oxymelitis scillit. ʒ j. quoties incisione & attenuatione opus fuerit, vel mellis rosacei, quando deterfio erit procuranda; vel olei anethini parum ad discutiendos flatus. Vehementiora verò vomitoria parari possunt in robustis & rusticis hominibus, ex granis iv. vel v. antimonij infusi in vino albo, cum ʒ j. pulueris diamoschi, aut aromatici rosati: (alij dissoluunt elaterij seu succi concreti cucumeris agrestis ʒ j. vel ʒ ʒ. cum ʒ iij. hydromelitis aut aquæ hordei.) Quidam propinant aquam stillatitiam ex foliis nicotianæ, & floribus ireos purpureæ: Alij verò succum ireos nostratis ad ʒ ij. cum vitello oui, aut saccharo, aut folia teneriora ebuli permiscunt cum aliquot foliis menthæ, hyssopi, chærefolij, & similibus, aceto & oleo irrigant, leuiterque instar acetariorum decoquunt, & comedenda profectunt. Verum in his validioribus purgantibus, tam sursum quàm deorsum, magna est adhibenda cautio, potissimum in infirmioribus, & quibus adest calor febrilis, aut obstructionum copia; frangunt enim valde vires, inflammant, & parum humoris summo cum cruciatu educunt. Itaque prius præparatum accurate oportet esse corpus, & mitioribus expurgatum, quibus ingens illa saburra commodè

commodè depleatur. Nostro videlicet more paretur Apozema aliquod præparans & purgans in plures dies, cuius vsus si salubris videatur, reiteretur frequenter; aut syrupus magistralis ex eo confectus. Vt

℞ Rad. aperit. in vino albo infus. rad. ireos nostratis & Florentiæ, an. ʒ j. corticis citri sicci, & cinnamom. crassioris, an. ʒ ss. foliorum soldanellæ seu brassicæ marinæ, & gratiolæ, an. M. ss. summit. absinthij veriusque, an. M. j. seminum apij & fœnicul. an. ʒ ij. seminis ebulli ʒ j. fol. senæ mundat. ʒ ij. agarici trochisc. in ligaturâ positi, & turpethi, an. ʒ vj. florum cichor. rosarum, (ad hepatis robur seruandum) anthos & tamarisci, an. P. j. spicæ nardi ʒ ij. Fiat omnium decoctio ad lbj. ss. In quâ dissolue syrupi de absint. oxy-mel. & mellis rosacei, an. ʒ ij. Fiat apozema non clarificatum, sed sæpius colatum & aromat. ʒ ij. puluer. electuar. diarrhod. ab. pro sex dosibus maturinis. Detur interea circa horam tertiam pomeridianam tabella vna triasant. vel arom. rosati, ponderis ʒ ij. ad viscera roboranda. Capiat ante apozema & finitè apozemate si velis, pilularum de agarico & de rhabarbaro, an. ʒ ss. cum granis aliquot diagredij. Parantur nunc pilulæ coccicæ minores dictæ, ex æquis partibus aloës, colocynt. & diagredij, quæ illis ʒ ss. pondere conuenire etiam poterunt. Quamuis enim Practici à cholagogis vnice cauendum esse in hoc affectu monent, ne frigiditas maior inducatur, attamen stimuli vice & ad acuenda purgantia, nihil oberit vti illis modicè.

Quidam præparant syropos purgantes ex succo rad. ireos nostratis, corticis mediani sambuci, soldanellæ, corticis rad. lauri, & similium cum saccharo coctorum. Sed ego sæpe expertus sum istos succos coctione multum enervari, & inde confectos syropos tormina sine fructu adferre. Ac proinde melius erit istis succis recenter extractis vti, quando opus fuerit, vt iam dictum est. Alij conficiunt pulueres catharticos, hoc modo.

℞ Foliorum siccorum soldanellæ ʒ ij. foliorum senæ ʒ iij. turbith gummosi & zinziberis, an. ʒ j. trochisc. alandal ʒ ss. sacchari ʒ ss. Fiat puluis, de quo capiat ʒ ij. ss. bis aut ter in mense, cum pauco vino chalybeato, cuius magna etiam est vis ad consumendas istas obstructions, potissimum si lien in vitio fuerit: Possunt enim hisce remediis varia addi, prout hæc vel illa pars magis affecta esse videbitur. Ego hydropicis frequenter exhibere soleo seminis ebulli puluer. ʒ ij. rhabarbari ʒ j. cum pauco vino albo, aut decocto cinnamomi, aut puluerem rad. mechoacan ad ʒ j.

Rustici flores cerasorum, vel prunorum tam syluestrium quam domesticorum cum aceto, oleo, & sale instar acetarij comedunt, non sine magnâ aquarum istarum educatione. Verum insignis est admodum virtus elaterij, cuius grana vj. vel viij. exhiberi possunt, cum ʒ iij. cathol. vel diaphoen. in formam boli cum saccharo. Audendum enim est in contumaciori morbo, & per interualla roboratis prius visceribus, vt humor ille educatur. Vnde Hippocrates *libro de intern. affect.* in hoc affectu, cneoron, hippophais succum, granum cnidium, silphij succum, squaman. æris, tithymali succum: Recentiores thymealeam, grana cataputiæ, chamæleam seu laureolam, ex quarum summitatibus cum comis absint. contusis & saccharo mixtis concinnatur conserua ad ʒ j. robustioribus propinanda, cum ʒ j. pulueris hieræ picræ. Fiunt etiam pilulæ illæ de mezereo dictæ, aut de sagapeno: Exhibetur euphorbium ad grana ij. vel iij. cum conseruâ rosarum vel absint. Sed cautè admodum venenatis istis & malignis purgantibus vtendum; ideo Hippocrates post illorum exhibitionem suadet bibendas aliquot heminas lactis asinini cum pauco melle, ad demulcendam illorum acrimoniam, & vias reserandas humectandasque: Vel si mauis, potes quædam istorum infundere in vino rubro subdulci, aut hydromelite, & percolata exhibere, idque longioribus interuallis, roborantibus, vt syrupo de absint. pontico, aut tabellis iam dictis frequenter exhibitis.

Quemadmodum igitur ista cathartica per os aut anum excernent partem huius materiæ in ventre stagnantis; sic etiam diureticis & sudorificis auertenda illa quæ quotidie gignitur & in ventrem confluit per vias vrinæ & habitum corporis, vt tandem integra sanitas contingat. Diuretica igitur hæc omnia esse poterunt, quæcunque ex *Phlegmâ*, detergentia, incidentia & attenuantia dicuntur, ac in obstructionum copiâ, & renum affectibus vsurpantur, sub formam pulueris, decocti, aquæ stillatiæ, & similium, quorum exempla vbique habentur. V.g.

℞ Rad. aperitiuar. corticis rad. cappar. & med. fraxini, an. ʒ ij. rad. graminis,

liquirit. ononidis & ofmundæ, an. \mathfrak{z} j. folior. capillarium omnium, nicotianæ, cressonis, saxifragiæ & petroselini, an. M. j. summit. maluæ & parietar. an. M. β . semin. lithospermi & alkekengi, an. \mathfrak{z} iij. florum ireos purpureæ, cichorij, cicerum rubr. spicæ nardi, & cinnamom. an. P. j. Contusa omnia conuenienter, macerentur in vino albo tenui & leuiter seruefacto per diem integrum: Cui addè postea aquæ stillatitiæ graminis, fœnic. & parietar. an. \mathfrak{z} iij. Colentur & seruentur in vase bene obturato. Capiat \mathfrak{z} v. vel \mathfrak{z} vj. manè per aliquot dies. Vel omnia reposita in alembicum, distillantur cōuenienter aquæ illius rectificatæ, & si velis per manicam Hippocratis cum saccharo & cinnamom. transmissæ, capiat \mathfrak{z} iij. similiter. Confectiones dialaccæ, diacucurmæ, pulueres lithontribi, syrupi nephrocathartici & diuretici, ad idem habentur in officinis. Si velis, fiat talis puluis.

¶ Cinnamom. electi & interioris, spicæ nardi, sem. apij, fœniculi & milij solis, an. \mathfrak{z} ij. rad. liquirit. ononidis, & ligni sassafras dicti, an. \mathfrak{z} j. lapidis Iudaici & croci, an. \mathfrak{z} j. specierum dialaccæ, & pulueris lithontribi, an. \mathfrak{z} β . Fiat omnium puluis, cui addere potes par pondus sacchari candi pro delicatioribus. De quo caplat \mathfrak{z} j. β . vel \mathfrak{z} ij. cum vino albo manè, vel aquâ parietariæ, in quâ cinnamomum maceratum fuerit. Quidam addunt non inutiliter huic pulveri, \mathfrak{z} j. limaturæ chalybis ad obstructions tollendas potentius, præcipiuntque ut per octo aut nouem dies continuos, manè illis vtentes, diu & fortiter deambulent. Alij ad augendam vim huius remedij, miscent puluerem cicadarum vel cantharidarum ad \mathfrak{z} β . vel \mathfrak{z} ij. ex consilio Hippocratis, *libro de dialaccis*, & Galeni *libro 3. de temperam.* Sed hoc summâ cautione præstandum, ne interiora exulcerentur, ideò exiguâ quantitate permiscendas suadeo, & integras, quoniam in alis & pedibus quædam vis alexiteria esse dicitur, aut certè bene tufas & irroratas aceto rosaceo, ac deinde exsiccatas, vel admixto gummi cerasorum, quod earum vim valde obtundit. Nec quibusuis ægris eos exhibendas puto, sed valdè robustis & quibus natura viam istam appetere videtur, nec tamen per se satis commodè potest, aut quando suppressione vrinæ tenentur, ex quâ vitæ periculum imminere potest.

¶ Vt igitur diuretica asciticis hoc modo prodesse poterunt: sic etiam sudorifica tentanda, quoties id fieri poterit, nec febris impedierit, aut summus corporis marcor: magna enim adest salutis spes, quoties vel sponte vel artis beneficio sudorem profundunt copiosum. Ostendit enim robur adhuc hepatis esse integrum, naturamque satis potentem ad euocandam aliò materiam quæ abdominis cauum petebat. Rarò tamen hoc succedit in ascitico tumore, sed frequenter in anasarca, vbi etiam sudorificorum materiam & exempla proponemus, quibus in hac specie aliquando Medicus uti poterit, si ita videatur.

Roborantia item per os sumenda sæpius à nobis commemorata fuerunt, myrobalani conditi, nûces myristicæ & vulgares conditæ, radix eryngij condita, theriacâ antiqua, mithridatium, aurea Alexandrina, syrupus de absinthio, conseruationis corticis citri, de menthâ, tabellæ triasantali, diarrhod. abbat. & aromatici rosati, confectio alkermes, & de hyacinth. quæ frequenter & omni die exhibeantur hiscæ ægrotantibus, ad recreandum ventriculi, hepatis, & aliorum viscerum calidum natium & suscitandos spiritus: Inter quæ recensere potes pilulas illas ex aloë, rhabarbaro & aromat. confectas, singulis vel alternis diebus ante cœnam deglutiendas: In quibus non solum præsentè hydrope, sed etiam illo fugato diutius perseuerandum, ne recurrat ampliùs. Si velis, concinnetur opiata quædam vsualis, aut puluis digestivus ex commemoratis, quæ cum omnibus sint familiaria, ideò ad vltimum propositorum remediorum genus transeamus, nempe ad topica, quæ scilicet foris admoventur.

Eorum autem duplex est differentia; Prima quidem illorum quæ humorem abdomine contentum absorbere, discutere per diaphoresin, vel per alium præcipitare valent. Altera illorum quæ roborandis visceribus, præcipuè verò hepati adhibentur. Fiant itaque fotus, cataplasmata, vnguenta, & emplastra summæ efficaciam ad prædictos effectus. Ut

¶ Rad. ireos nostratis & Florentiæ, cucumeris agrestis, bryoniæ, & corticis citri sicci, an. lb j. β . rad. fœnic. brusci, & asparagi, (præcipuè si adsint obstructions) cinnamom. vilioris, an. \mathfrak{z} ij. folior. pulegij, lauri, rutæ, origani, calament. hyssopi, sakuæ & menthæ siccæ, an. M. j. folior. foldanellæ, ebuli, & senæ, an. P. j.
feminum

feminum anisi, foenic. apij, & dauci, an. \mathfrak{z} ss. florum stœchados, anthos, spicae nardi, & rosarum rubr. an. M. ss. Fiat omnium decoctio in æquis partibus vini albi, & aquæ ferratæ, vel lixiuij cineris fabarum, &c. quâ vratur pro febre bis in die, & post accuratam purgationem, aliàs magis inflaretur venter, euocatis eò humoribus per calfactionem istam, & pororum dilatationem. Ex residentia istius foris imperari poterit sequens cataplasma:

℞ Residentiam prædicti decocti bene contrusam & cribratam, cui adde farinæ fabarum & fœnugræci, an. \mathfrak{z} ij. pulueris ireos Florentiæ \mathfrak{z} j. stercoris caprilli & columbini, rad. pyrethri, an. \mathfrak{z} ss. sulphuris viui, & nitri, an. \mathfrak{z} iij. olei rutacei, vel succi ebuli parum. Fiat cataplasma, non solum ventri ad mouendum, sed etiam cruribus, scroto, & aliis partibus inflatis, quemadmodum & sequentia. Quidam huic cataplasmati, euphorbij \mathfrak{z} j. vel plures addunt ad augendam illius vim: quidam verò elaterij tantundem, si consilium sit mouere aluum hisce topicis. Cataplasma etiam ex cochleis cõtusis valde commendant Prædici. Emplastrum de sulphure, de baccis lauri, vnguetum de arthanitâ, martiatum, & similia, quæ variis modis concinnari possunt. Phœnigmos ex caricis contrusis, & semine sinapi. Ego sequenti vnguento tumores asciticos tam in ventre, quàm in tibiis & scroto discutere soleo.

℞ Succi rad. ireos nostratis \mathfrak{z} iij. succi cucumer. agrestis \mathfrak{z} j. olei laurini & rutacei, an. lb. ss. Bulliant omnia ad succi consumptionem, deinde adde pulueris ireos Florent. seminis anisi, fœnugræci, & baccarum lauri puluer. an. \mathfrak{z} ss. stercoris caprilli & columbini, an. \mathfrak{z} ij. sulphuris viui & pulpæ colocynth. an. \mathfrak{z} j. garyophyl. cinnam. piperis longi, myrrhæ, aloës, & thuris, an. \mathfrak{z} iij. styracis liquidæ \mathfrak{z} iij. ceræ q. s. Fiat linimentum, quo inungantur prædictæ partes ad ignem sarmenorum, dum ibi cubitum, vel manè, dummodò postea in lectum reponatur, sæpè enim istis sudor excitari solet.

Cauendum autem, ne prædicta regioni hepatis aut alterius partis inflammata aut scirrhus affectæ admoueantur, quia affectus illos valde augerent, & robur partis omnino dissoluerent: ideo iecur contegendum ceratò santalino, vel inungendum vnguento rosaceo, quamdiu feruere videbitur; aliàs verò oleo de absint. & nardino, addito puluere santalorum & spicæ: istisque roborantibus diu vtendum etiam post expugnatum hydropem, vt defatigatum tanto conflictu hepar recreetur, & meliorem deinceps frugem proferat. Iam ergo ad tympanitis curationem progrediamur.

TYMPANITIS CURATIO. Tympanites itaque cum fiat à materia flatulenta ferositatibus permixta, eodem modo vacuantia suadet, sed mitiora, tum quia pauci redundant humores, tum ob marcorem, febrem, iunctosque illi vt plurimum cruciatus. Agaricus itaque, senna, semen ebuli, syrupus rosatus solutiuus, catholici, diacarthami, aut diaphœnici aliquot drachmæ frequenter repetitæ, vel pilulæ ritè concinnatæ, & puluis rad. turpethi cum cinnamomo, hîc sufficient, mixtis quibusdam discutientibus. In primis autem conferet clysterum vsus carminantium ex decocto cumini, anisi, rutæ cum oleo anethino, rutaceo, hierâ picrâ, benedictâ laxat. antidoto de baccis lauri, & similibus. Quemadmodum & glandes ex melle tosto cum puluere hieræ, & pauco succo ireos vel mercurialis confectæ frequenter immittantur, quoniam aluum habent vt plurimum pigriorem. Sudorifica & diuretica parum hîc sunt in vsu, nisi videatur iam copiosius serum generari, & quodammodo ad ascitis naturam vergere. Roborantia verò per os sumpta plurimum proderunt, vt hepar & reliquæ partes recreentur, viresque paulatim acquirant: Ideo paretur si velis tale conditum.

℞ Conseruæ florum roris marini & cichor. an. \mathfrak{z} ss. corticis citri saccharo conditi, folior. absint. & agrimon. pariter conditor. an. \mathfrak{z} vj. puluer. elect. triasanti & diarrhod. abbat. an. \mathfrak{z} j. coralli rubri, margarit. præparat. & seminis acerosæ, an. \mathfrak{z} j. sacchari candi pulueris q. s. Fiat conditum duplici auro coopertum, quo vtantur frequenter, & quauis horâ. Possunt etiam sumere sæpius cum iusculis puluerem diambre, diamargaritonis, aut confectionis alkermes \mathfrak{z} j. vel aquæ imperialis cum vino aut iusculo mixtæ cochlear vnum. Sed potissima vis curandi istius affectus in topicorum debitâ vsurpatione. Roborantium quidem supra regionem hepatis, vt iam dictum est; discutientium autem & resoluentium supra reliquum abdomen. Fiant ergo sacellationes & forus sicci ex milio, sale, auenâ, floribus anthos, stœchados, chamæmel. & meliloti, seminibus rutæ, agni

casti, cumini, fœnugræci, & baccarum lauri, in sartagine fixorum, & pauco vino generoso asperforū, & facculis duobus rarioribus inclusorum, quibus calentibus vicissim foueatur dictum abdomen, vel etiam leuiter confricetur, ad quod multi laudant aronæ calēntis forum vel frumenti bene calefacti. Admoueatur postea vnguentum Agrippæ, Arragonium, vel simile, in quo parum castorei, & feminis cumini dissolutum sit. Cucurbitulæ quoque toti ventri cum multâ flammâ affigantur, quia euocant potenter flatūs ad exteriora, & quasi incantamenti vice, ut loquitur Galenus, eos discutunt. Sunt qui putant fistulâ clysteris in podicem immisâ, sine vlloliquore, & frequenter agitato instrumento illo impulsore dicto, magnam flatuum copiam educi, quasi ad vacui fugam. Quæ omnia experiri licebit. Sed in hoc affectu cordi potissimum intendendum est, quia pererrantibus eiusmodi flatibus & penetrantibus partium substantiam, ita corrumpitur vbique coctio, spirituumque vitalium generatio, ut frequenter in marasum incidant. Non omittenda igitur hîc erunt epithemata cordis tam solida quàm liquida: Et vbi intestina cruciatibus torquebuntur, blandis clysteribus ex lacte, cremore hordei, hydromelite, cum saccharo, melle rosaceo, & vitellis ouorum demulceantur. Nunc ad leucophlegmatix curationem transeamus.

LEUCOPHLEGMATIÆ CVRATIO. Huius ergo generationem, cum sæpius à retentione menstruorum, vel hæmorrhoidum consuetarum proficisci dixerimus, regurgitante sanguine crudiore & cacochymo in ipsum hepar ac reliquum corpus: Ideò quoties illud contigerit, non abstinendum est à venæ sectione, tum vacuandi totius causâ, quæ sit in basilicâ brachij dextræ, tum etiam deriuandi ad inferiora, quæ in saphenâ aut ischiadicâ venâ crurali exercetur. Si non sit ingens plethora, contenti erimus prouocatione particulari hæmorrhoidum aut menstruorum remediis consuetis, vel admotione cucurbitularum in coxis & cruribus, earumque scarificationibus, si ita ex vsu videatur. Quidam in hoc affectu laudant hæmorrhagiam è naribus, quàm etiam arte excitant, quia deplet materiam cerebro infensam: Sed ego potius vacuationes istas per inferiora probauerim, quia sunt assuetæ, nec tantam inferunt corpori iam enervato refrigerationem. Cauteis etiam & vesicatoriis, necnon scarificationibus per totum corpus, suus hîc esse locus poterit cōuenienter, quoties materia illa habitum distendens per externa vacuari posse videbitur. Sed potissima curationis spes in purgatione ritè institutâ, ut docet Hippocr. lib. 2. de morbis, & in Aphor. ventris fluxum in leucophlegmatia potissimum commendat. Ideò vsurpentur clysteres & vomitoria superius scripta in eis qui ad vomendum sunt comparati: Aliàs instituatur purgatio solennis ex apozemate aperiente, detergente, & vacuante pituitosum succum: Vel sumant ꝑ j. diacarthami, singulis septimanis dissolutam cum vino albo, aut aquâ fœniculi & agrimonix: Vel parentur recenter, Pilulæ coctix illæ minores, quatum ꝑ ij. vel ꝑ j. ad summum commodam faciet catharsin, bis aut ter in mense repetitam: dummodò interiectis diebus & repetitis vicibus præparetur humor & corpus iulapiis ex syr. de absint. Pontico, de hyssopo, de byzantiis, de duab. radic. oxymelite scillitico, & similibus. cum aquâ agrimon. fœnicul. artemisiæ, vel decocto rad. aperitiuarum & cicerum rub. cum pauco cinnamomo. Si displiceat vsus pilularum, paretur opiata sequens.


Ꝟ Confect. hieræ, & catholici, an. ꝑ ij. agarici recenter trochisc. ꝑ iij. medullæ feminis carthami ꝑ ss. feminis ebuli, & foliorum soldanellæ, an. ꝑ ij. electuar. diacarthami ꝑ x. spicæ nardi, santali rubri, cinnam. & trochisc. alhandal, an. ꝑ ij. Cum syrupo de cichor. cum rhabarb. fiat Opiata, de quâ capiat ꝑ vj. cum saccharo in formam boli concinnatas, vel dissolutas cum decocto coriandri & cinnamomi semel in hebdomade. Post purgationem tribus diebus consequentibus dentur feri caprini ꝑ vj. in quibus infusa fuerint per totam noctem folia absint. & fumar. deinde dissol. parum mellis rosacei vel anthosati. Aliàs capiat theriacæ electæ, vel mithridatii ꝑ j. ss. cum paucâ conseruâ anthos vel absint. Si malit, vtatur roborantibus supra scriptis, tam per os sumptis, quàm hepatis admotis. Et vbi iam venæ totaque interior regio commodè depleta fuerit, tunc de diureticis iam commemoratis erit etiam cogitandum. Vel si malis, de sudorificis, quorum summa est in hoc affectu potentia.

Meminit itaque Galenus dolij cuiusdam vaporarij ad sudores hydropicis conciliandos, à Chrysippo Cnidio inuenti, quia exerto capite poterat commodè respirare, reliquo interim corpore sudoribus diffuente: Nos idem præstamus sub tentorio, papillione, conopeeis, in stuphis, laconicis, furno, & similibus, excitato vapore sicco ardentium filicum, vel irroratorum decocto foliorum ebuli, pulegij, origani, saluix,

saluæ, & similium. Deterſo ſudore & ægro in lectum reposito theriacâ vel mithridatio aquâ ſaluæ diſſoluto conſtricamus, & denuo ſudare cogimus. Alij aduēt balnea naturalia ſulphure vel bitumine feruentia, vel artiſcioſa domi componunt. Sed nuſquam tantum emolumenti ex balneis iſtis actu humidis reportare poſſunt, quamuis potentiâ exſiccantibus, quàm ex ſiccis illis, vt ſtuphis vel hypocaustis.

Placet etiam admodum in iſto affectu ſudandi ratio, quæ epoto guaiacino decocto inſtituitur, quoniam præter ſudoris prouocationem, ſummè etiam aperit, digerit, & interiora viſcera roborat: Eſt etiam lignum ſaſſafras, cui magna eſt vis ad ventriculum confirmandum. Inſtituatur ergo cuiusmodi decoctum per xv. aut xx. dierum ſpatium cum diætâ exſiccante & attenuante, cui interponantur purgantia ſingulis ſex diebus. Et finitâ hac diætâ ingradientur ſtupham vel tentorium ſudatorium domi paratum per duos aut tres dies conſequentes ſi vires ferant, vel alternis diebus: Sic enim fieri non poterit, quin immenſa iſta pituita & aquarum ſarcina abſumatur, niſi omnino hepar ſit intemperatum. Quidam parant puluerem ex hepate lupino & carne erinacei conſectum & cum ſaccharo mixtum, multumque hic conferre putant ad exſiccandum, ſi per xx. dies continuos ſumatur cum pauco vino, vel decocto cinnamomi, aut guaiacino, 3 ij. pondere. Hæc itaque eſto præcipua ſingularum hydropis ſpecierum cura.

Quod ad ſymptomatum autem mitigationem ſpectat, quam in hiſce lethalibus aliquando morbis neceſſariam eſſe diximus, leniendi doloris aut *dyſpœſiæ*, vel prorogandæ vitæ cauſâ: Certè omnia hic erunt attentè conſideranda, quæ maiorem vel citiorem ſaluti ruinam minantur, vt illis conuenienter proſpiciatur. Ideò ex parte facultatum naturalium, ſi quidem appetentiæ languor plurimum ægros fatiget & vires deiciat, excitanda erit ſumpto vino abſinthino, tabellis aromat. roſ. vel puluere digeſtiuo dicto; aut etiam conceſſis quibuſdam alimentis ægro expectitis, quæ morbo non conueniunt. Uſus capparum, oliuarum, fœniculi marini, & ſaſſamentorum ad id plurimum valet. Si alui fluxus ſit immoderatio, ita vt ægro lethum accelerare timeatur, cohibeatur iniectis clyſteribus roborantibus & nutrientibus, quales ex iuſculo aut lacte chalybeato cum bolo Armenâ, aut terræ ſigillatæ ac granorum kermes puluere diſſoluto parantur: ſumptis miuâ cydoniorum, myrobalanis, aquâ ferratâ, vino rubro aſtero, ſyrupo myrtino, & ſimilibus: necnon admoto vnguento Comitiffæ, vel ſimili alio. Si tuſſis vrgeat, & ex catarrho à capite pendere videatur, demulcenda adhibitis occipitiis & dorſo cucurbitulis, emplaſtro veſicante, & tabellis lenientibus & adſtringentibus: ſi ab ipſis pulmonibus, ſumptis bechicis, quæ blandè educant materiam ibidem contentam. Quæ autem ſit reſudante ſero ex abdomine in thoracis capacitatem, mortis eſt prænunciâ, vt diximus; attamen ſyrupo violaceo, de iuiubis, looch ſano, & reliquis, quantum fieri poterit, lenienda. Palpitatio verò, ſyncope, & lipothymia ex parte vitalium requirunt magnam roborantium alimentorum & medicamentorum vim, quia mortem eſſe in propinquo denunciant. Admoueantur itaque cordi frequenter pulli columbini per medium ſecti, & puluere granorum kermes & garyophyl. ſinapiſati; ſacculi cordiales, conſectio alkermes, & theriaca pauco vino diſſoluta: Sumant omni horâ parum aquæ imperialis, pulueres diamoſchi & diambæ fideliter paratos. Quoties etiam ex parte animalium motus aut ſenſus deprauatio aut imminutio apparebit, roborandum erit cerebrum & ſpinalis medulla ſumptis & admotis, educendûſque humor in eis contentus, ne periculum mortis accelerent. Quòd ſi dolor aliquam corporis partem infeſtarit, vt inteſtina vel hypochondria, quod ſæpe contingit, mitigetur anodynis, quæ calorem natium recreant; vel certè ſi ſit acerbior, narcoticis etiam modicâ quantitate & bene correctis, quale eſt philonium Romanum, aut conſectio requies, vel puluis aſyncriton dictus; ladanum Paraceliſicum, quia non tantum periculi ab iſtis impendet, quàm à doloris cruciantis vehementia. Denique ſi moleſta ſit ſcroti inflatio aut tibiæ, ita vt diſruptio timeatur, ſetone, vulnuſculis, ſcarificatu, veſicatoriis aperiri poſſunt, aut certè commemoratis ad ventris tumorem lotionibus & cataplaſmatis exſiccari. Nos itaque huic tractationi finem imponentes, ad Lienis affectus breuiter explicandos progrediamur.



AFFECTVS LIENIS.

CAPVT IX.

De phlegmone Lienis.



REVISSIMA erit hæc nostra de affectibus Lienis tractatio. Cum enim Lien alterum hypochondrium occupet, pars sit constans molli & laxo parenchymate, multisque venarum ac arteriarum insertionibus prædita, humoris melancholici elaborationi & secretioni dicata, ut merito alterum iecur à multis vocetur, & ab aliis præparationi vitalium spirituum inferuire credatur: Ideo facile est, lienis affectus, hepatis affectibus simillimos, aut parum admodum discrepantes, siue *δίγνωσιν* seu *πρόγνωσιν* spectes, eadem methodo therapeuticâ expugnare. Ne tamen quicquam intactum reliquisse videamur, paucis res ista nobis erit conficienda.

Lien igitur cum propriâ suâ temperie præditus sit certâ conformatione atque unitate, quam *συνφύειαν* & *συνέχειαν* vocant: Ideo pater omne genus morbi, eum suscipere posse, similis, organici, & communis: Ex quibus varia exoriantur symptomata, actionum læsarum, qualitatis mutaræ, & excrementorum viciatorum.

Similares morbos, ut intemperies simplices & compositas, humorales, aut sine humore; organicos, ut obstructions; communes, ut vulnera, vlcera, tumores præternaturam, præcipuè phlegmonosos aut scirrhosos, & abscessus seu vomicas ex suppurato tuberculo vel propriâ substantiâ putrefactâ. Quod ad intemperies illas spectat, frigidas, calidas, humidâs vel siccas, solitarias vel coniugatas, sine humoris vitio aut cum materiâ, certum est illarum curationem facile referri posse ad therapeian phlegmonosi & scirrholi tumoris, calidi scilicet & frigidi; vel etiam obstructionum, quæ à materiæ copiâ contingunt: Vulnera verò, utpote ab extrinsecis causis contingentia, hîc non attingemus, utpote Chirurgiæ propria: Vlcerâ autem seu abscessus, quæ ad illa & suppurationes præuias contingunt, leuiter annotabimus, & quatenus ea quæ superius de affectibus hepatis dicta sunt, non satis propositum istud explicarunt (vel aliquid habent ab eo discrepans.)

Lienem ergo tumoribus phlegmonosis rariùs quàm hepâr tentari, certissimum est, propterea quod frigidior est pars, & melancholico succo acidior redundans, quo validius putredinis inflammationisque causæ reprimuntur. Obstructionibus verò & scirrholosis tuberculis magis est obnoxius quàm hepâr, propter crassitiem fæcis illius melancholicæ quam naturaliter exugit, & quia in illum velut minùs nobilem partem, cætera quæuis excrementa faciliùs amandantur. Vnde Hippocrâtes *lib. 4. de morbis*, existimat splenem & caput, inter omnes alias partes maximè morbis obnoxias esse, aliisque morborum causas suppeditare. Quoties igitur magna sanguinis copia, huic vel illi humori mixta, potissimum pituitoso aut melancholico, in lienem calidiorem, dolore affectum, aut alio modo imbecilliorum factum irruperit, & in illius substantiam effusa fuerit: toties exoriuntur in illo phlegmonæ, rarò sinceræ, sæpiùs œdematosæ vel scirrholosæ, cum dolore acuto sinistri hypochondrij, qui ad mammam usque eiusdem lateris, clauiculam, humerum, & scapulam aliquando protenditur, ut vult Hippocrâtes *lib. de intern. affectib.* & pleuritidem sinistram mentitur, quam tamen facile ex screatu & eleuatione huius hypochondrij distingues: cum calore etiam siue æstu febrili, ob suscitaram putredinem & cordi communicatam: tensione seu renixu, & summâ aliquando pulsatione ob copiam arteriarum, quibus præditus est compressarum & inflammatarum: Vnde molestus dexter decubitus propter opprimentem reliqua viscera suo pondere lienem; interdum etiam sinister, ob contractum phlegmones, præcipuè si fuerit in externâ lienis parte, vel iam musculis communicata, ita ut in spinam decumbere cogantur. Et respiratione vtuntur difficili atque suspiriosâ, ob compressum aut diuulsum diaphragma. Quæ omnia magis augentur & increscunt indies, si quidem tumor hic in suppuratum tendat, cum magno vitæ periculo, aut tetri vlceris generatione ex quo sensim contabescunt. Sin verò induretur magis, ac scirrhi naturam induat, tunc macrescit & deflorescit totum corpus,


corpus, malicorij speciem referens, ut loquitur Hippocrates, & graueolentia, gingivarum putrilagines, ac in toto habitu pustulae exoriri solent, corrupto per contagionem huiusce visceris toto sanguine.

Rara est *διαφύσις* & perfecta huius affectus curatio, ob naturam partis, & humoris illum committentis: praecipue si non sit primarius, sed successerit praecedenti alicui febris continua, vel intermittenti, quae per noxiam *μελάσας* deposuerit cineres vitiosi humoris, a quo fouebatur, in focum huiusce visceris. Malum est etiam, quoties successerit tumori alicui externo, ut de Anaxenore narrat Hippocrates 7. *Epidem.* Huiusmodi phlegmonosos lienis tumores opportunè curat larga sanguinis profusio ex nare sinistra, praecedentibus coctionis signis *κατὰ τὴν*, & naturae praepotentis auxilio facta: alias enim stillae sanguinis pallidioris & serosioris imminere hydropem portendunt. Iuuat etiam coctam iam materiam fluxus ventris, sed qui non diutius perseueret, quoniam in malignam dysenteriam degenerat, ut est *Aphor.* 43. *sect.* 6. & 48. potissimum quando purulenta, sanguinolenta, atra vel æruginosa deliciunt.

Tanti igitur affectus curatio, ex propositis in iecoris phlegmone indicationibus diligenter instituenda. Victus ratio tenuis, & leuiter incidens atque attenuans, ob humoris crassi permixtionem imperetur, cum debita refrigeratione, quae tamen non induret valde contentam materiam. Caveant à nimio potu, quoniam lien potissimum inflammatus liquidis istis velut spongia impletur, & malas deinceps corpori dispositiones infert. Dulcia etiam valde lienem opplent & inflammant, nisi aliquid acidi misceatur: unde oxymelitis usum hic commendat Hippocrates: Nos autem more nostro syropos acetosos cum hordei & graminis decocto praescribere possumus, vel iam inclinante affectu vinum album tenue & oligophorum eadem aqua temperatum.


Quod ad maiora remedia spectat, statim in principio venam tundendam esse patet, ut reuellatur materia fluxionis, & aliquid etiam ex parte detrahatur. Parcior tamen sanguinis copia quam in hepatis inflammatione educenda, propter iunctam huic affectui cacochymiam, idque seruata rectitudine ex eiusdem lateris venae, scilicet basilicæ, quam Hippocrates *lib. de affect.* vocat splenitidem, ut brachij dextri hepaticidem. Quod si diutius affectus hic perseueret, laudant nostri Practici iteratam sectionem eiusdem venae, vel eius quae inter annularem & minimum aut medium digitum excurrit: est enim propago basilicæ; vel inter pollicem & indicem, quae deriuatur à cephalicæ, quia minus vires frangit, & satis commodè vacuat, febrilemque æstum temperat. Potentius tamen erit auxilium hæmorrhoidum aut menstruorum prouocatio, potissimum si ab illis hoc malum incepisse videatur. Cumque in hoc affectu cacochymiam plurimum pituitosam aut melancholicam iunctam esse dixerimus, & pigriorem esse aluum ob viscerum calfactionem, ideò frequenter diluenda clysteribus mollibus, refrigerantibus ac leuiter detergentibus. Eaque purgatio instituenda, quae non multum exagitet humores aut inflammet, sed blandè & sensim materiam circa intestina latitantem educat, ut quae sit ex sena, agarico, myrobalanis, epithymo, cum diasena solut. catholicon, syrupo rosato solut. & similibus: quibus praeparantia humorem istum, alterantia & roborantia intermiscenda erunt: Syrupi de buglof. violatus, capilli - Veneris, de granatis acidis, acetosus simplex & compositus, cum aquis endiuiae, graminis, sceniculi, melissae, cardui benedicti, & similia conuenient: Tabellae diarrhod. abbat. triasant. confect. alkerm. ad instaurandas vires. Diuretica parum sunt hic ex usu, quia parua est communicatio lienis cum renibus, nisi per arterias, quae tamen declinante iam morbo praescribantur. Topiciis etiam commodè vteris in principio modicè refrigerantibus, ut oleo rosaceo, violaceo, de absint. mastichino, cum aliquot aceti guttis, vel cerato santalino & vnguento ros. dissolutis cum oleo de capparibus. Deinde resoluentibus & mollientibus mixtis, ne scirrhescat nimium tumor, ut anethino, chamamelino, liliorum, & amygdalarum dulcium, quibus vnguentum resumptiuum aut martiatum miscentur cum paucâ spicâ. Eodem modo & intentione variij foras, cataplasmata, & emplastra praescribentur, quemadmodum in inflammatione iecoris dictum est. Quod si ex doloris, caloris, & pulsationis valido sensu phlegmone ista ad suppurationem vergere videatur, tunc maximè sedando dolori & feбри, sumptis narcoticis intendendum, foris verò *ἐκκυσινὰ* & concoquentia adhibenda, ut pulvis ex farina hordei & frumenti, cum aqua & oleo absint. & amygdal. dulc. paratæ; Vel cataplasma ex caricis contusis & adipibus, cui parum fermenti adiungatur ad disruptionem abscessus iam facti. Tunc enim apertâ vomica, debet pus copiosum profluere; Quod si nigricans, foetidum,

dum, aut alio modo prauum ex eat, actum est de ægro: Si n verò album & coctum, aliquando euadunt: sed vlcere tentantur, quo tandem contabescunt, nisi detergentibus conuenienter adhibitis, & lactis asinini vsu releuentur, quorum descriptionem ex superioribus repetere oportet. Nunc igitur de obstructione & scirrho lienis, breuiter etiam agamus.



CAPVT X.

De Obstructione & Scirrho Lienis.



ISTE affectus, vt iam dictum est, frequenter lienem exercent, ob proprij temperamentij constitutionem frigidiorē; quam natura multis additis arterijs quantum potuit, adiunxit substantiæ laxitatem, ob quam facile suscipit materias istas: & proprij muneris seu functionis rationem, quia dicatus est lien expurgandæ faci melancholicæ & amandandæ in ventriculum ac intestina. Quoties igitur causis præter naturam inualescentibus & multiplicatis; cacochymia ista materiæ crassæ aut viscidæ subito per fluxionem aliunde, capite; hepate, hæmorrhoidibus superpressis, &c. irruens; vel ibi per *Quædā ποσιν* ex partis imbecillitate, aut obiecti vicio collecta, aut certe male curatis inflammationibus succedens, oppleuerit meatus illius à venâ portâ oriundos, vel in dicta membra desinentes, fiunt obstructiones pertinacissimæ, & quæ si diutius perseverauerint, effusâ materiâ in proprium lienis corpus, & ibi induratâ, non solum scirrhum tumorem producunt, sed totam functionum œconomiam peruertunt, communicato affectu præcipuis corporis nostri partibus, ac potissimum vicino iecori. *Ex quibus enim, inquit Hippocrates, lib. de locis in homine, lien florescit & augetur; ex eisdem totum corpus deflorescit ac minuitur.* Hinc icteri nigri & arquati, dysenterix lethales, vel lenterix diuturnæ, deiectæ appetentiæ cum multâ spuitione, palpitationes cordis ob flatus eleuatos, arterias & cor implentes, mentis perturbatio cum metu & moestitiâ, ex vaporibus cerebrum infestantibus; epilepsiæ aliquando, si malignior sit illa aura, & similes affectus symptomatici.

Facilis est ergo cognitu hic affectus suis pathognomonicis & concurrentibus signis, tensione sinistri hypochondrij durâ & oblongâ, sine dolore vel saltem exiguo, sine febre, nisi aliquando lentâ & miti, grauitatis sensu, difficultate spirandi ob compressum diaphragma aut diuulsum; & difficili in dextrum latus decubitu ob incumbētis grandioris visceris pondus. Talibus affectos ægros diuturniori tempore, Splenicos vocat Hippocrat. eorūque *ναλίσαν* ita describit, *lib. de intern. affect.* Color, inquit, illis mutatur & conspicitur niger, pallidus, vel malicorij speciem referens, aures & os male olent, gingiua putrescunt & à dentibus secedunt facile sanguinem effundentes: Vena circa lienem nigrucant & intumescunt, cutis squalescit, pudenda flaccescunt, vlceraque in tibiâ oboriuntur maligna & dysepulota, vel etiam toto corpore fœdissima scabies. Quibus, addit 2. *Prærheticum, succedunt inflationes pedum, & earum partium quæ oculis subiacent.*

Quantum igitur sint momenti isti affectus, ad quos tot alij consequuntur, & tandem diuis ille hydrops à nobis supra descriptus, satis est manifestum. Obstructio quidem incipiens medicabilis est, si ritè curetur, vt & scirrhus tractabilis & sensu aliquo comitatus: Confirmata autem obstructio, vel exquisitus & indolens scirrhus sunt incurabiles, præcipuè si in senibus aut imbecillioribus naturis oboriantur: foeminais quibus iam cessarunt menstrua, omnino sunt lethales; in aliis diu prorogatur vita, si prophylaxi diligenter incumbant.

Instituatur igitur & obseruetur diligens atque accurata victus ratio, quæ res omnes non naturales dictas, ad debitum sanitatis regimen reuocet, cuius malo vsu magnum hisce ægris periculum impendere docet Eudemij historia apud Hippocratem 7. *Epidem.* Vitent itaque malas aëris constitutiones, regiones paludosas, & malis ventris perflatas, potissimum autumnio cautè viuant, ne ob symbolam anni tempestatem ingrauescat affectus. Labori & exercitationibus dediti sint, quantum poterunt; vigilantiaque quàm somni sint amantiore, dummodò vires id permittant: nec vllis se exerceant curis, mœroribus, aut grauioribus negotiis. Verum excretionum omnium naturalium & solitarum valde sint solliciti, potissimum alui, quæ in illis pigra admodum

admodum esse solet, nisi iam fatifcente naturâ. Cibos eligant eûchymos & eupros, attenuantes, ac leuiter detergentes & mollientes: Denique ea omnia, quæ melancholicis conueniunt: Fugiant verò ea omnia à quibus interdicitur, vt carnes duriores & crassi succi, suillam, aprugnam, leporinam, auium palustrium, & inter alia animantium lienes ac nigriores suctos, pisces caaceos, olera cruda, legumina, veterem caseum, dulcia omnia, vina austera & crassa, panem azymum, malè coctum & subactum. Delicatè igitur viuant, vt iam iëtericis præscriptum fuit, & pauca potiùs alimentâ assument, quàm copiosa, vt meliùs à debilitato ventriculo propter viciniam conficiantur. Ad incidendum & attenuandum concedit illis Hippocrates *lib. de intern. affect.* inter troxima omnia, scilicet quæ eruda eduntur, raphanum & apium aceto intincta; quamuis enim acetum primis qualitatibus cum melancholico succo consentire videatur, quia tamen attenuat & incidit; plurimùm conducit ad præparationem & concoctionem istius humoris. Nos igitur addere poterimus cappares, fœniculum marinum, & oliuas aceto conditas, cinnamomi usum tam in cibis quàm potu, cicerum rubeorum & hordei cremorem, permixto croci aut fœniculi momento, ne flatus suscitentur.

Remedia verò, vt dictum est, in scirrho & obstructione hepatis, hâc similiter instituenda, validiora tamen præscribi possunt, quia si per os sumantur, lien est iecore remotior à purgationis viâ, pars est minùs nobilis, impuriore substantiæ; tum crassa, viscida, valdeque rebellia vt plurimùm continet excrementa. Quod ad phlebotomiam spectat, illa non videtur in hoc affectu usurpanda, cum neque reuellere, nec vacuare possit materiam morbificam, & plurimùm isti ægri toto corpore refrigerati & exangues existant. Attamen si plethora œæochymix iuncta aliquando videatur augere propositum affectum, vel suppressa menstrua aut hæmorrhoides, non omnino prohibemus phlebotomiam in morbi principio, sed parcâ manu & summâ cautione, ne ægrum in maiorem refrigerationem vel hydropa præcipitemus: Magis laudanda est vacuatio per vterum aut hæmorrhoides in assuetis. Quidam Præctici aperiunt venas illas in manu sinistra excurrentes, sinuntque sanguinem tamdiu fluere in aquâ tepente, donec sponte suâ sistatur, vel eodem sanguine confricant lienis regionem: Putant enim naturali quadam ratione & beneficio superfusum istum sanguinem languenti membro ferre medicinam. Alij dicunt experimento constare certissimo, venas quæ supra lienis regionem nigricant, apertas, vehementer eis profuisse.

Equidem si materia quædam videtur adhuc in partem istam fluere, aut iam ex deprauatâ coctione ferosi & acrioris succi copia generetur, vtilissimum erit venas crurales sæpiùs aperire, aut cruribus affigere cauteria, vt inde sensim & quasi stillatim effluat. Quod si ex parte ipsâ sit exhauriendus, & æger constanti sit animo ac corpore, non est dubium quin ipsi lienî, hoc est, musculosæ regioni lienem complectenti adhibita, multum frugis ad curationem adferant: illisque magis quàm vesicatoriis fidendum, quæ summam tantùm cuticulam exulcerant, & serofitates quasi per resudationem eliciunt. Hippocrates ergo *lib. de intern. affect.* vbi opus est, & æger ferre potest, ignitis fungis vrit, & decem magnas crustas inducit, quasi in ambitu lienis. Albucasis eleuatâ cute quæ supra lienem est, cauterium ignitum adigit, quod duabus vel tribus cuspidibus præditum, quatuor vel sex foramina excitat, deinde anodyna adhibet, vt decisâ escharâ multus inde liquor & diu profundatur. Cauterium verò potentiale iam nostris assuetum, quia indolens est & minimè terrificum, duobus vel tribus locis adhibendum sufficiet.

Purgantia autem & præparantia remedia in obstructione valida esse debent, factò initio à mitioribus, vt apozemate aliquo, vel syrupo magistrali frequenter reperito, admixtis aperientibus, diureticis, necnon lithontribis, vt docet Galenus; & menses mouentibus medicamentis, quæ capite de *καρκίνια* sufficienter descripsimus: Pilulæ parantur ad obstructiones istas ex ammoniaci, hieræ picræ, agarici, & cinnamomi æquis partibus, cum succo fœniculi confectæ, additâ diagredij aut trochiscorum ex colocynthide 3 j. vel pluribus quæ frequenter exhibitæ, miram præstant illis vtilitatem. Vinum album chalybeatum, aut limatura chalybis cum aceto scillitico præparata, & pauco cinnam. boraci, & seminibus aperientibus mixta per septem aut nouê dies sumpta, sæpe curationem istam perfecit, non omisis topicis incidètibis & emollientibus, vt inunctione ex oleo de capparibus & liliorum simul mixtis, vnguento

de arthanitâ, quod hîc potentissimum censetur, vel resumptiuo cum dialthâ, aut emplastro de mucilagibus, de meliloto, & aliis iam sæpe traditis. Inter externa etiam non omittendi fots, vel balnea eâdem facultate prædita, quia multum possunt ad fundendas dissipandasque eiusmodi obstructions.

Quod si scirrhusa sint omnino, vel certè lienis substantia induruerit, agendum cautè hisce remediis, ne scilicet incidentibus nimium & resoluentibus, magis ac magis scirrhescat & quasi lapidescat: vel mollientibus & fundentibus in cancrosum tumorem degeneret. Ac proinde vicissim illis utendum, aut certè medicamentis mixtas hæc facultates habentibus. Galenus commendat fumigium ex lapide molari vel pyrite candente, qui irrigatur molliente aliquo decocto, cum aceti tertiâ parte, deinde imponit emplastrum ex caseo veteri vel pernâ in aceto scillitico decoctâ. Arabes inungunt hoc vnguento per xv. aut xx. dies manè & sero.

℞ Corticis rad. cappar. & tamarisei, rad. aristol. rotund. acori & gentianæ, an. ʒ j. radic. dracontij & lilij albi, an. ʒ ß. foliorum rutæ virentium & maluæ, an. ʒ. iij. feminum apij, fœniculi, & agni casti, an. ʒ j. Incidantur & macerentur in aceto fortissimo per totam noctem, deinde contusa cribrentur; quibus adde axungia anatis & gallinæ, an. ʒ j. bdellij & ammoniaci dissolut. cum aceto, an. ʒ iij. ceræ parum. Fiat vnguentum, ut artis est. Vel admoueatür sequens emplastrum, donec per se decidat. Aut quando remouere volueris, foveatur locus decocto caulium rubrorum & florum chamæmeli, in aceti & aquæ ferratæ æquis partibus.

℞ Caricarum nigrarum ʒ ij. gummi ammoniaci, opopanacis, & bdellij, an. ʒ j. Temperentur in aceto fortissimo, donec dissoluantur. Deinde adde stercoris capræ, & seminis fœnigræci puluer. an. ʒ ß. rad. cappar. puluer. ʒ ij. ceræ q. s. Fiat emplastrum, admouendum ut dixi.

Per os exhibeantur frequenter purgantia, molliendi etiam & attenuandi facultate prædita. ut opiata ex cassiæ, catholiconis, diaprunis solut. & diasenæ æquis partibus, cum syrupo violaceo confecta, ad ʒ vj. singulis hebdomadis repetatur. Vel si valentiùs aliquando sit agendum, confectiois Hamech tantundem capiant cum custodiâ: & post horas tres hauriant seri caprilli vel asinini ʒ vj. ad detergendam & lubricandam aluum. Decoctum scolopendrij, quod nunc asplenium vel ceterach appellamus, lienes magnos absumere creditur. Hippocrates commemorat asphodeli semen, visci folia, fœnumgræcum, viticis & rutæ semen, radicem menthæ, manè exhibita cum vino. Nostri suos trochiscos de capparibus, & dialacca, vel etiam de myrrhâ, quia incidunt & emolliunt. Quidam commendant puluerem vespertilionum combustorum, splenis porci vel asini ad ʒ ij. cum vino albo sumptum. Allium etiam sylvestre laudatur in foru & poru, si non adsit febricula. Multi putant omnem lienis duritiem, intra anni vnus spatium dissolui, si quidem æger aquâ chalybeatâ perpetuò utatur, potetque vinum in doliolo tamarisci positum, iuscula & reliqua omnia sumat & sorbeat ex vasculis & cyathis ex tamarisei ligno confectis, quia pecudes, quæ loca hoc frutice scatentia depascuntur, lienes aut nullos aut tenuissimos habent. Alij putant fraxino eandem esse vim quæ tamarisco. Reliqua ex præcedentibus repetantur. Quod enim spectat ad flatuosos Lienis tumores, quibus aliquando discrucari solet, eorum curatio ex colici affectus tractatu facîle institui potest. Nos verò ad affectus renum & vesicæ transeamus.



IOANNIS VARANDÆI TRACTATVS THERAPEVTICVS

De affectibus Renum & Vesicæ.

P R Æ F A T I O.


Quâ Operis institutum declaratur.



CVIVSVIS concoctionis sua esse excrementa certissimum est. Cum enim illa ad ὁμοίωσιν tendat, id est, assimilationem nutrientis cum nutrito, oportet purum ab impuro, utile ab inutilesecerni, ut illud remaneat quod magis nutritioni est idoneum. Præterea excrementorum istorum naturalium sua sunt munera & usus proprii, quibus perfuncta amandantur per convenientes vias in certa quedam loca, unde pro naturæ arbitrio & commodis excerni valeant moderatè.

Quod ex propositâ nobis nunc tractatione maximè elucescet. Cum enim serum seu aquositas humorum in nobis contentorum ad distributionem materiæ alibilis maximè sit instituta, ut loquitur Hippocrates, ὑγραιότης τῆς τροφῆς ὀχρῆμα, serositas est alimenti vehiculum. Neque enim chylus per intestina & venas mesaraicas in hepar, vel sanguis & reliqui humores per omnes partes deferri possent, nisi convenienter diluti, & aquoso isto ichore fluxiliores redditi. Attamen quia sæpius illa redundare solet, vel certè post peractam ἀνάδοσιν inutilis & partibus molesta esse poterat: ideò natura diligenter providit, ut convenienter & suo tempore excluderetur, aliquando per habitum corporis & poros cutis externos concitatis sudoribus vel insensibili transpiratione, ut in acribus aut aliis quæ non mingunt: ordinate verò per vias urinae dicatas, quas summo studio & solertiâ ad hoc munus ricè obeundum comparavit. Venis enim illis & arteriis emulgentibus dictis exugit continuò quicquid aquosioris succi in maioribus vasis continetur cum certâ sanguinis portione ad renum nutritionem necessariâ: In renibus velut filtro quodam secernitur ille humor, & transcolatur in subiectam pelvim: à quâ per ureteras in vesicæ cavitatem præcipitatur: ibique urina primum nomine donatus tamdiu continetur, donec quantitate vel qualitate molestus, excretricem irriteret, & laxato sphinctere cervici illius proprio, per urethram, id est, canaliculum ad extremitatem usque pudendi porrectum, foras expellatur. Hæc igitur est naturalis & recta partium istarum œconomia, quæ bonis illarum dispositionibus & secundum naturam constitutis administratur. Vbi verò illæ immutantur præter naturam in suâ essentiâ & propriâ constitutione, vel per συμπαθείαν aliarum partium malè affectarum: tunc actio ista variis etiam modis pervertitur. Vel enim non fit & omnino suppressitur, ut in ἰσχυρία: Vel malè fit, si sit imminuta, laboriosa & molesta, ut in σπασμὸς & δυσπρία: Aut si præter naturam modum copiosius fluat, ut in diabete: Vel nullo ordine & periodo, idque involuntariè profundatur, ut in urina incontinentiâ, illisque qui seipsos ac stragulas permingunt. Denique non tantum excretio ipsa præter naturam esse potest, sed etiam excretum ipsum, nempe urina ipsa alienis qualitatibus & con-

tentis prædita: ut quando est arenosa, sanguinolenta, purulenta, & sic de reliquis. Quæ omnes functionum læsiones, cum à variis causis & morbis, intemperie videlicet, tumoribus præter naturam, obstructionibus, ulceribus, & aliis proficisci possint: Ideo tractatum hunc nostrum in septem præcipua capita diuidemus: quorum primo agemus de Calculo Renum & Vesicæ, utpote præcipuo affectu, & à quo plurimum functiones istæ labefactantur. Secundo de inflammatione & tumoribus phlegmonosis istarum partium. Tertio de urinæ sanguinolentâ seu miætu sanguinis. Quarto de urinâ purulentâ seu ulceribus renum & vesicæ. Quinto de diabete. Sexto de urina incontinentiâ seu inuoluntariâ miæctione. Septimo de ixouria, sparyria & dysuria. Quibus omnia ad rem istam pertinentia complectemur & dilucidè explicabimus, ut in Operis progressu apparebit.



CAPVT PRIMVM.

De Calculo Renum & Vesicæ.



ATVRA animantium conseruationi, non minùs quàm generationi studens, quamuis conuenientem instrumentorum fabricam & caloris insiti potentiam illis tribuerit ad functiones suas exercendas: Attamen fieri non potuit, quin vel causarum externarum violentiâ, vel ex necessitate materiæ huius elementaris & mutationi obnoxia varia exorirentur veluti morborum monstra, quibus à sanitatis statu deturbata, & diuersis cruciatibus exagitata tandem vltimam vitæ periodon clauderent. Inter illos autem affectus (quibus diuturna corporis veluti carnificina exercetur) non postremum obtinet locum Calculus siue lapidis generatio in variis corporis nostri partibus: ut non maiore gloriâ, quàm suo incommodo microcosmi nomen reportarit homo, genitis intra seipsum animalibus putredinosis, teterimis humoribus variorum succorum & aliorum fossilium naturâ repræsentantibus, necnon terrarum & lapidum diuersicolorum πολυχρῶν & πολυμόρφων variis speciebus. Quæ omnia in paruo hoc mundo cum sui generationem, quemadmodum in magno ex certâ causarum constitutione adipiscantur: Ideo ex solitâ nobis methodo, Calculi definitione in primis propositâ, ea diligenter sunt explicanda, quæ ad illius naturam, causas & effectus in nobis accuratè cognoscenda faciunt.

Calculus igitur siue lapis, quæ duo nomina maioris minorisque ratione differre dicuntur, morbosam διάθεσιν in nobis infert, quæ Hippocrati λιθίασις, Latinis *Calculario* dicitur, & eâ laborantes λιθιῶντες vocantur. Definiturque à nobis, Substantia dura & in lapidis formam confecta, varias corporis nostri partes occupans, potissimum verò renes & vesicam, à causis præter naturam genita, obstructionesque sæpius excitans, à quibus rursus diuersa oriuntur symptomata.

Diximus itaque esse substantiam, quemadmodum & Galenus partem, quia numerum partium auget, siue diuersam in nobis substantiam præstat, quæ quamuis sit toto genere præter naturam, neque viuentis membri condiciones repræsentet; attamen corporis nostri prout quanti constitutionem ingredi videtur, non minùs quàm verrucæ, tophi, vermes, & alia adnata, quæ Barbari non inepte partes imaginarias seu similitudinarias appellant. Non tamen inde sequitur, substantiam, partem siue calculum ipsum esse morbum, ut quidam voluerunt, cum non sit qualitas siue dispositio, sed causa huius dispositionis morbosæ & præter naturam, quoties contigerit illum vel obstruere, vel distendere partes corporis proprias, vnde exoriuntur varia symptomata in διαγνώσει explicanda: Quia verò tanta est affinitas huius causæ cōtinentis cum affectu qui illam proximè subsequitur: ideo multi cum Galeno causali quodam significato, quod Græci notionem αἰτιώδης vocant, calculum, vermes, sextum digitum, & similia, morbos appellauerunt, quia

quia tota curatio, quam potissimum spectat Medicus, ita posita est in illorum sublatione, ut eis remotis nihil amplius supersit, quod functiones lædere possit. Diximus etiam substantiam istam esse duram & in lapidis formam confectam ad distinctionem aliarum rerum præter naturam, quæ in corpore nostro generantur; quæ quamvis duritie aliquando præditæ sint, ut tophi, exostoses, calli, verrucæ, pituita gypseæ, & similes; non tamen repræsentant illam exteriorem formam quæ in lapidibus potissimum silicibus conspicitur, ut in proposito calculo (modò aspero secundum externam superficiem, modò læui & plano, aliàs continuo & ovali figurâ, aliàs diuulso, perforato, trifulco, corticatim & quasi per laminas compacto) tantâ duritie prædito, ubi perfectam suam coctionem adeptus est; (recens enim & adhuc tenellus paruo attritu in arenam & quasi pulverem dissolvitur) ut nonnisi malleorum vi, aut valido rei alicuius impetu disrumpi possit. Quæ summa durities non repletioni potest adscribi, nulla enim intra calculum cavitates quæ impleri possit; non congelationi, quia non est tantum frigus in viuentibus sed summæ exsiccationi tribuenda, ut postea clariùs dicemus.

Reliqua igitur in definitione posita continent causas generationis calculi & effectus illius, nempe dispositiones & symptomata quæ in nobis producere solet. Cum ergo calculus in quadam corporis nostri parte concreseat, ab aliquâ materiâ conuenienti fiat, quoties efficiens valida vel diuturnior formam & qualitates ad illius essentiam necessarias induxerit, quæ etiam finis esse solet rei cuiusque naturali tantum instinctu agentis: Ideò videndum nobis, quis sit locus generationis calculi in nobis, quæ sit causa eius materialis, & efficiens, non tantum continens & proxima, sed etiam antecedentes omnes & externæ, quæcunque ad illius productionem concurrere possunt; Ex istorum enim sedulâ explicatione omnia ad hanc rem pertinentia erunt satis manifesta. Quod ad locum igitur spectat, siue partem corporis nostri, in quâ solet calculus concreescere; videtur Galenus *cap. 4. lib. 6. de locis affect.* tantum renes, vesicam, & colum agnoscere: Attamen Paulus *lib. 3. cap. 31.* sicuti etiam Trallianus lapides auellanæ magnitudine, è pectore vidit prodiiisse casu in terram sonoro & resiliente. Zoar *lib. 2. tract. 22.* lapidem innatum linguæ conspexit, indeque hominem mutum. Beniuenius *cap. 23.* curauit lapides in colo genitos: Franciscus Pedemontanus fluxum ventris lapideum per mensem integrum, incredibili lapidum numero & magnitudine, ut quorundam etiam qui esset crassities. Hugo *comment. in Aphor. 29. sect. 4.* refert cuidam plures calculos è ventriculo per vomitum reiectos. Vesalius *lib. de rad. Chyna*, multos magnosque vidit in cystide felleâ hominis icterici post mortem dissecti, quod nobis etiam bis aut ter contigit. Lacuna & Beniuenius *cap. 19.* conspexerunt multos lapides natos intra caluariam, mesenterium & vterum, quemadmodum & Mesuës *in Aphor. 29. lib. 4.* Certè Hippocrates *5. Epid.* insignem narrat historiam mulieris Larissæ, (famula erat Dyseridis) quæ ingentem lapidem in vtero à pueritiâ ad sexagesimum vsque annum gestans, eum tandem summo excreuit cruciatu tanquam parturitura: Et vulgata est hodie illa historia Senonensis *Λιδοναυδίου*, nempe pueri in vtero matris petrificati. Vnde intelligitur quamlibet corporis cavitatem paulò maiorem, concipiendo gignendoque lapidi aptam esse. Quamquam, ut quod sentio liberè proferam, existimo alia loca continere potius aut gignere gypseam quandam pituitam vel humorem concretum in suis sinibus, quemadmodum in extremitatibus palpebrarum aliquando conspicitur, per earum affectum qui etiam *Λιδίαις* dicitur, & in externâ ossium superficie, dum suboriuntur exostoses, quàm veros calculos, quia deest ut plurimum terrenum illud siue fabulosum, quod humido glutinoso coniungi debet, ut lapis generetur.

Renes autem & vesica, quia sunt veluti canales & tubuli, per quos natura humorum serositates transcolat, ideò siquid terrenum magis & arenosum, siquid glutinosum & viscidum in illis fuerit, facillè concreescit in parietibus istorum, quemadmodum in matulis, & in calculi formam coagmentatur. Quâ in re consideranda venit causa illa concurrens & instrumentalis ad generationem calculi; quam nostri sine quâ non appellant; nempe dispositio organica istorum membrorum, utpote exilitas propriorum meatuum, aut substantiæ densitas, & alia quæuis mala conformatio, ob quam non expurgato commodè eiusmodi crassamento, aut diutius retento, facillimè excoquitur & conformatur in lapidem. Ut siqua sit *Λιδίαις* in vesicâ & renibus accusanda ad generandos calculos, quam Fernelius aliis omnibus causis hac in parte præferendam putat: certè ego nihil aliud esse censeo,

quàm prauam istarum partium conformationem, quæ transcolationi vrinariæ materiæ non satis est accommodata, & nimiam facit illius moram in meatibus. Huc etiam pertinere videtur duorum problematum solutio, cur scilicet senes in renibus, pueri in vesicâ frequentius calculos generent? Et vtrum omne calculi rudimentum perpetuò fiat in renibus, an vesica suos etiam inchoare possit?

Ad primum itaque respondet Galenus 6. *epidem.* id fieri quoniam crassities illa vrinarum in pueris calore fusa blando, & ab expultrice validiore excreta, non facit moram in renibus, sed allapsa in vesicam, ibique residens, facilius concrevit in lapidem. Adde quod pueri nugis intenti, vel dum somno incumbunt, longiora faciunt meiendi interualla, vnde sæx illa per exiguum adhuc vrinæ canalē non expurgatur conuenienter, sed in cauo vesicæ subsistit & coalescit. In senibus autem facilis est & crebra mictio illius materiæ quæ in vesicâ continetur, ampliorque ductus patet ad eius excretionem; sed in renibus sæx illa moratur frequentius, quia viscidior, & quia non potest dissolui aut transcolari ob siccitatem & quasi ariditatem iam in renibus contractam. Ideò Hippocrates in *Coacis* vult lapidem in vesicâ non generari à decimo quarto ætatis anno vsque ad sexagesimum tertium, nisi prius extiterit: quasi velit extremum senium eum colligere posse, quia iam immemores sui & quasi repuerascentes non bene incumbunt mictioni, aut propter infirmitatem non possunt bene mingere.

Ad secundum problema respondet Fernelius, omnem calculum in vesicâ conclusum, rudimentum è renibus traxisse, è quibus per nephriticum dolorem excidens, si grandiusculus est, in vesicâ hæret ac subsistit, illicque allatarum sordium adhæsu coagmentatur. Vnde in contritis eiusmodi vesicæ calculis, ait se in eorum medio quasi nucleum reperisse è renibus exturbatum, diuersi quàm reliquum integumentum coloris & substantiæ. Neque vnquam se aliquem offendisse asserit, calculum in vesicâ habere, qui nephriticis doloribus antè diuexatus non fuisset. *Quid enim limbum istum*, addit, *tamdiu posset in vesicâ remorari, vt exarescens sensim lapidescat, cum & sanguinis grumus, & pus, & mucosa lentæque pituita, aliæque multò crassiora facile illinc profluant cum urinâ?* Hæc Fernelius, quibus tamen non possum assentiri. Nam falsum est vtrumque quod asserit, neminem scilicet in vesicâ calculum habere, qui nephriticis doloribus non fuerit diuexatus. Et in omni vesicæ calculo contrito reperiri nucleum coloris rubri, & diuersæ ab integumento substantiæ. Nullus est enim mediocriter in artis operibus versatus, qui non viderit pueros sex aut septem annorum, imò etiam bimulos, quibus concretus erat in vesicâ lapis, sine vlllo renum prægresso dolore, aut alterius partis querelâ: Et quotquot eiusmodi puerulorum calculos contriuius, illos sine eiusmodi nucleo rubro & alterius substantiæ reperimus, quod in eis tantum qui sunt prouectioris ætatis verum est, & in quibus calor iam incipit fieri acrior. Quid ergo impedit, lapidem aliquando in vesicâ primariò coalescere, siue granatim seu corticatim, quotiescunque causæ præter naturam constitutæ fuerint? Anne maioris est momenti inchoare nucleolum illum, quàm perficere, & in prægrandem lapidem efformare, cum vesica ex suâ substantiâ durâ, nervosâ, & exanguis, tota sit comparata ad eiusmodi generationem, vt docet Galenus? Excerit quidem vesica aliquando pus, grumos sanguinis, & similia crassiora, si non sit obstructa, aut alio modo impedita. Idem faciunt renes. Attamen vbi malis dispositionibus afficiuntur, non solum pus & grumos; crassamque pituitam retinent, à quibus multos mortis periculum subire quotidie videmus, sed etiam fæcem illam terrenam, quæ excocta & coagmentata tam in rene quàm vesicâ in calculum degenerat. Nunc igitur, quæ sit illius propria materia, & à quâ potissimum causâ efficiente concreseat, videamus.

Hippocratis varia esse videtur de calculorum causâ materiali sententia: *Libro* enim *de aëre, aquis, &c.* scripsit aquas palustres, turbidas & fæculentas, calculos generare, quia sordem relinquunt, quæ transcolari nequit. *Libro secundo de nat. hum.* calculum fieri ex suppurato in renibus tumore, nec vacuato, sed crassescente intra eorum cauum pure. *Libro autem de morbis quarto*, vult in puerulo fieri ex lacte crudo, bilioso, aut alio modo intemperato, in vesicâ exsiccato, & pituitâ velut glutino concrecente; in adultioribus verò sæpè fieri ex terræ esu, quando malaciâ tentantur. *Libro de internis affection.* vult fieri ex pituitâ in tophum concrecente. Ex cuius verbis colligere est, materiam calculi esse quicquid in nobis exsiccare seu terrestrem & quasi sabulosam naturam imitari potest, siue sit bilis,

bilis, siue sanguis, seu melancholicus succus, vel purulenta materia, aut limus ab externis rebus contractus, quæ in renibus aut vesicâ arefacta, & pro conditione obiecti ac partis excoquentis, rufo aliquando, alias albo, cineritio, rubro, aut nigrescente colore donata, vt patet in profusione arenularum diuersorum hominum, faciunt *Quaryna*, vt loquitur Hippocrates, ex glutinoso illo & viscido humore qui phlegma vocatur. Quemadmodum in fodinis gignuntur lapides ab exhalatione sicca & fuliginosa cum humido glutinante. Non igitur semper causa materialis calculorum, vt quidam voluerunt, est ipsa pituita seu cruditates primæ & secundæ coctionis: Nam colores iam dicti tam calculorum quam arenularum attestantur sæpe bili, sanguini, & aliis rebus potius quam meræ pituitæ, quæ quò magis coquitur & exsiccatur, eò albidior euadit, vt patet de mucosa, gypseâ, grandinosa, & similibus. Deinde in vesiculâ felleâ lapides valde rufos aut nigrescentes præ adustione sæpe reperiri certissimum est, in quâ tamen non est ea pituitæ copia, quæ illis generandis sufficiat. Et cum sæpe calculi isti potissimum nephritici in hominibus biliosis & ætate florentibus, aut saltem consistentibus, quibus viscera exæstuant, reperiuntur, non est credibile pituitam suppeditare illis præcipuam basim siue materiam generationis suæ, sed tantum agglutinationem & quasi ferruminationem, vt vniantur partes illæ aridiores & exsiccata, cui rei paucissima pituita sæpe sufficit.

Quid verò sit illud quod conficit, coagmentat, & veluti formam inducit in propositam materiam, etiam controuertitur. Cum enim omnis concretio fiat vel à calore per resolutionem, vel à frigore per congelationem: & lapidum in fodinis generatio sequatur aliquando calorem intensum, alias remissum: sæpe etiam frigoris vim, vt docent rei metallicæ scriptores: Hinc etiam multi opinati sunt, calculos renum & vesicæ fieri aliquando à calore vehemente & exurente: alias à frigore intenso & congelante viscidum illud & terrenum, vt in senibus, quibus, inquit Aretæus, totum corpus, præcipue verò partes istæ refrixerunt. Sed cum tale frigus actuale & congelans in viuentis corpore quantumuis exhausto & senili non detur, idèò non videtur admittenda illa Aretæi sententia. Adde quod inter senes illi maximè calculos in renibus colligunt, qui eos habent reliquis calidiores, nisi fortasse per illud frigus seu frigidam intemperiem, intellexerit, Medico more, calorem scilicet imminutum, & qui infra moderationis gradum subsistat, factâ comparatione cum aliis partibus, vel cum eadem sanâ & temperatâ. Sic enim frigidas intemperies lædere dicimus functiones in nobis; sic adipem frigore circa membranas concreescere voluit Galenus: ita vt calor ille imminutus in senibus, cum crassos & viscidos humores multiplicet, nec possit eosdem fundere & transcolare per cavitates renum, causa sit concretionis primaria huius materiæ, quam deinde insitus ille calor quamuis infirmus diuturnâ morâ recoquat, & dissipatis partibus humidioribus in lapidem conuertat. Nam quod dicunt aliqui, si à frigore concreseceret lapis iste, dissolueretur à calore, quemadmodum adeps & cætera eiusmodi: nihil facit aduersus istam sententiam: Nam eadem ratio aduersus illos retorqueri potest, si concreseceret à calore, dissolueretur à frigido, quod tamen non contingit: Et omnia ferè lithontriba, dissoluentia, aut comminuentia calculos, caliditate prædita sunt insigni, ita vt hoc modo calculi frigiditatem expugnare viderentur. Sed illa propositio est intelligenda de eis quæ in concretionem suâ seruant partes humiditas mixtas cum siccis, non quæ resolutionem earum perfectam patiuntur, siue sit à frigore, vt in crystallo, adamante, & pluribus metallicis; siue à calore, vt in calce, lateribus, & propositis calculis. Ponimus itaque illorum causam efficientem primariam & perficientem, ipsum calorem, qui adhuc sub eo sit gradu, vt per diuturnam actionem & moram materiæ in istis ductibus, quam retinet causa illa sine quâ non à nobis dicta, resolvere possit partes humidiores, & siccas condensare: Non tamen negamus frigidam partium intemperiem aliquando concurrere velut concausam ad primam humorum istorum concretionem. Calorem verò intensum & vehementem semper id præstare constanter negamus, quamuis Galenus in illâ fuisse sententiâ videatur, præcipue *lib. 3. de aliment. fac. cap. 17.* vbi agens de caseo, vult calorem istum calculi authorem esse acrem & veluti ignem. Fatemur quidem ad generandos citò & copiosè calculos eiusmodi caliditatem requiri, sed non ad generandos eos simpliciter: cum videamus ætates calculis maximè obnoxias, senilem videlicet & puerilem, minus habere caloris secundum gradum quam reliquas, & frequentissimè pituitosos & languidos

languidos homines illis laborare, præcipuè in vesicâ. Sufficit ergo quicunque calor ad lapidem conficiendum, dummodò sit angustia & retentio materiæ diuturna ad illius generationem idoneæ.

Ex his ita constitutis facile est colligere, quæ sint causæ tam internæ quàm externæ hunc affectum fouentes, agentes, & generantes. Nam quod ad res naturales dictas spectat, certum est ex parte varij temperamentum biliosos & sanguineos ratione causæ efficientis, pituitosos ob causam materialem, potissimum si angustia aut mala quædam conformatio istarum partium nativa vel hæreditaria coniuncta fuerit, quemadmodum Galenus macros valde & pingues, *lib. de san. tuend.* obnoxios esse generandis calculis voluit, illos ob acrimoniam caloris & partium siccitatem, hos ob factam *στυγνότητα* in meatibus ex adipis copiâ: Item ratione partium, ventriculi frigiditas, quæ multis cruditatibus producendis apta est, si fuerit coniuncta hepatis naturaliter feruidiori, aut æstuantibus renibus vel vesicæ, impossibile est quin calculos procreent. Inter ætates autem puerilis & senilis maxime in hunc affectum incurrunt ob causas dictas. Rarius tamen mulieres illo affliguntur quàm viri, quia meatus istos habent multò patentiores, & vesicæ collum quàm breuissimum, ut docet Hippocrates *lib. de aëre, aquis, &c.*

Res verò externæ & non naturales dictæ, tantam habent hac in re potentiam, ut sæpe ab illis vehementer aut diuturniori tempore agentibus contrahatur iste affectus, etiam in bene dispositis hominibus & nullo modo ad illum propensis. Vt potè vsu aquarum stagnantium, limosarum, aut alio modo impurarum, vini nigri, crassioris, aut alio modo sæculenti, musti, ceruissæ in non assuetis, quia multis terrenis partibus constant, quæ ad vias vrinæ deferuntur. Panis azymi, malè cocti, aut nimium assati, vel etiam ex puluerulento, arenoso, & malè repurgato frumento confecti. Carnium durarum & terrestrium vel viscidarum, quales sunt veterum animantium, porci, leporis, apri, cerui, capræ, potissimum eorum extremitates & intestina; auium palustrium, ut & piscium limo viuientium, glutinosorum & cetaceâ naturâ præditorum, (ut sunt muræna, tincha, raja, *la mouliue*) potissimum salsorum, quia non solum materiam crassam & viscidam suppeditant, sed etiam acuiunt caliditatem & acrimoniam humorum. Legumina item omnia quoad eorum substantiam spectat, olera cruda; triticum coctum & oryza, nisi misceantur incidentia & detergentia; caseus recens & glutinosus ob materialem causam, vetus & mordax ratione efficientis, lac & omnia lacticia, potissimum ventriculo frigidiori vel calidiori exhibita, quia in illo acefcunt & crudum succum generant, in hoc exuruntur & inflammata in siccam & terrenam degenerant substantiam. Oua præsertim indurata vel frixa, pyra lapidosa, tubera, corna, mespila, & similes fructus crassi & austeri: Aromata acriora, ut piper, zinziber, cubebæ, sinapi etiam, quia nimium calefaciunt & præcipitant materiam crudam versus renes, accelerant calculorum generationem in præparatis. Nec solum substantia & qualitas alimentorum ad id confert, sed etiam quantitas indebita; nam sola ingluuies, ut in pueris, sæpe sufficit ad calculi materiam procreandam, & illi qui indulgent comotationibus frequentioribus, aut in quibus diu est immorandum, ut apud Germanos, raro effugiunt istud incommodum. Sicutulosi etiam homines & popinones, qui statim primâ mensâ ante solidorum ciborum ingestionem meracum bibunt copiosius, arthritici aut calculosi fiunt, quia præcipitant materiam crudam in ventriculo latitantem, versus hepar & vrinæ ductus.

Quemadmodum intempestiui motus, choreæ, saltationes, pugilatus, equitatio statim à pastu, idem præstant reuocato calore ad exteriora, & deducto crudiore chylo ad intestina & hepar. Nec minùs otium & magna segnities nocent, suffocatis quasi corporis viribus, & retentâ intus materiâ: unde videmus ignauos istos homines & pinguescentes plurimum calculos colligere. Vt ex immoderatis vigiliis ob exsiccationem, & somno diuturniore ob humorum copiam, præcipuè si fiat molli & plumeo lecto, in dorsum & lumbos recumbentibus.

Quæ omnia celerius multò operantur, si quidem vascuationes solitæ suppressæ sint, vel imminutæ; alui & vesicæ potissimum, quia retinent saburram materiæ illius excrementitiæ, quæ ibi excoquitur. Ideoque Hippocrates *Aphar. 1.1. sect. 6.* in nephriticis seu calculosis hæmorrhoidum fluorem probat, quia tum materiam subtrahunt, tum etiam renum feruorem effuso sanguine temperant, quod de menstruis eodem modo asseri potest. Quod ad animi pathemata attinet, non est etiam

etiam dubitandum, quin mœror & tristitia diuturna, dum humores intus cohibent & recoquunt, ad hunc affectum producendum conferant. Certè veneris vsus immoderatus calculosos facere potest, tum quia agitatione nimia & calfactione istarum partium, adducit humores in illas partes: tum etiam quia ob voluptatis vim, & excreti seminis copiam elanguescit calor natiuus & coctiones minuuntur. Aëris porro intemperies calidiores, dum faciunt æstuarè istas partes, recoquunt & quasi incinerant materiam istam in corporibus nostris; ut frigidiores, quia coarctant illius meatus, & vacuationes impediunt; non est dubium quin plurimum momenti ad calculi generationem vel incrementum conferant: Vnde contingit per varias anni tempestates, aut certis annorum constitutionibus calculosam *diàtesin* magis vigere, vel etiam calculosos magis vexari.

Et quemadmodum res istæ tantam id istius effectus productionem vim obtinuerunt; sic etiam quoties affectus magni & præternaturam corporibus hisce superueniunt, ut ingens plethora vel cacochymia, febres æstuosæ & internorum viscerum inflammationes, præcipuè istarum partium, vnde Hippocrati *libro citato*, vesica inflammata citò calculum producit, earundem suppurationes intus cohibito pure & recocto, magna obstructionum vis, ex crudi humoris collectione vel defluxu à cerebro, ventriculo, venis vteri, aut hæmorrhoidalibus, suppressiones vrinæ ex vlcere, carunculâ aut phymate in vesicæ collo, aut penis ductu oborto; & similia: fieri non potest quin multiplicentur calculi, & eorum productio adiuetur, potissimum si naturalis quædam ad hunc affectum (ut iam diximus) vel hæreditaria propensio adfuerit.

Quis autem sit generationis modus calculi, paucis complectamur. Quoties materia quædam limosa & terrestris, aut certè crassior & viscidior, vel vitioni apta ad renes angustos potissimum, aut alias malè conformatos accesserit, ita ut commodè transcolari non possit, vel ob eorum ardorem ibi retenta excoquitur & incineratur, tunc arenularum exurgit copia, quæ si destituantur suo humido glutinosa, excernuntur certis intervallis per vrinas, & matulæ fundum implent, quod sæpe per diurnas aut ardentiores febres conspicitur, vel etiam in biliosis, quibus viscera naturaliter æstuant. Quod si arenulis istis & siccioribus corpusculis suum non desit gluten in renibus, quo vniantur simul, emergit primum mollis & quasi lutosa compages istorum corporum aggregatorum, quæ deinceps concocta, per absorptionem humidi illius superflui, induratur & adhæsu superuenientium arenularum accrescit, donec naturæ irritatæ impetu deturbetur in caput vreteris, & ab hoc in vesicam transferatur. Vbi vel moratur & suppeditat rudimentum calculi grandioris, aut excluditur cum vrinâ per canalem huic rei dicatum. Est autem duplex locus in quo eiusmodi arenulæ coagmentari possunt, nimirum ipsum parenchyma siue substantia renis carnosâ, & cavitâ seu sinus illius, in quem serum transcolatur. Quamvis enim parenchyma illud valde sit densum & spissum, non est tamen destitutum suis naturalibus poris & meatibus, potissimum circa illas papillas, quæ transcolando huic humori sunt dicatæ, qui coarctantur & cedunt non sine molestiâ compimenti calculo, vel certè ob prægressum vlcus aut abscessum in substantiâ renis obtinet cavitatem istam & spatium præter naturam generando calculo idoneum. Hic autem recens adhuc & mollis, vel in isto loco subsistit & augmentum suscipit, substantiam renis absumens & occupans: vel exilit in cauum, vbi si grandior sit quàm ut per vreteras excernatur, vel certè glutinosa quodam humore ibi retineatur & quasi suspendatur, accrescit quotidie in maiorem molem, & totum illum ductum implet. Quamvis enim natura cauum illud superficie æquali & læui admodum donauerit, feceritque sublime in ductum vreteris, & perpetuo sero colluat, ne quid fordidum possit adhærescere: attamen aliquando hoc incommodum euitare non potest ob materiæ vel organorum malam constitutionem.

Sic vesica dum effusas à renibus arenulas aut calculos excipit, & non excernit, vel certè ipsamet ad sua munera ignauior, aut ex malâ materiæ conditione recoquit eam & assat, facitque cohærentem ex permixtione visceri humoris, exoritur vesicæ calculus corticatus & quasi per laminas accrescens, dum per internam illam cavitatem sordibus scatentem circumuoluitur.

Ex his ergo facile est differentias calculorum assignare. Nam ratione locorum

in quibus gignuntur, quidam renalis, alius vesicæ, isque primarius vel secundarius dicitur. Renalis utrumque renem vel alterutrum occupat: estque ipsi parenchymati affixus, vel in cauo coercitus. Vesicæ calculus item vel adhæret & quasi suspenditur illius tunicis agglutinatus, unde nullus molestiæ sensus donec excidat; vel per eiusdem cavitatem oberat. Isque vnicus vel plures ex diuisione materiæ, vt docet Hippocrates *libro quarto de morbis*. Respectu calculi dicitur magnus vel paruus, ruber, flauus vel cineritius, rotundus, oualis, triangularis, aliquando in medio perforatus, asper, læuis, vel alio modo figuratus. Fit magnus vel paruus ex multitudine vel paucitate materiæ: coloratus etiam, prout ex hac vel illâ materiâ simplici vel permixtâ constat. Figuras verò nanciscitur pro quantitate materiæ, eius agitatione, & vario situ. Asper quidem dum granatim accrescit, & per inæqualem partium appositionem; læuis autem quando superficies æqualiter augetur per superadditas laminas. Et sic de reliquis. Nos igitur ad *διαγνώσιν* accedamus.

Cum per calculosam *διαθέν*, duarum præcipue partium affectum præter naturam audiamus, nempe renem & vesicæ, & ipse calculus non semper in diotis rebus & vesicâ subsistat, sed frequenter vi naturæ excussus à renibus per vterque in vesicam deturbetur ab hac foras per vrethram aliquando expellatur. Ideo nobis istorum omnium signa diagnostica tradenda sunt, quia sub variis istis considerationibus plurimum immutatur medendi ratio. Calculi itaque in renum parenchymate & cauo residentes obscurius multo dignoscuntur, quam dum agitari & commoueri ad excretionem incipiunt: quia sæpe ibi latitant absque sensibili functionum noxâ aut excretorum mutatione, donec grandiores facti premant ipsam partem, vel agitentur ad excretionem. Tunc enim apparent signa illa ab Hippocrate commemorata *libro sexto epidem.* quorum alia per sympathiam sunt partium vicinarum condolentium; alia verò ex idiopathiâ viarum expurgandæ vrinæ dicatarum. *In renem*, inquit Hippocrates, *dolor grauis, & cum implentur cibo, vomant pituitam: quando vero increuerint dolores, aruginosa reiiciant, & postea melius habent, liberantur autem maxime quando cibi vacui fuerint.* *In vrinis* arenula fulua subsident, & cruentum aliquando mingunt: torpor autem femoris è directo. Ecce quam eleganter *Ἰσχυρῶς* istam paucissimis verbis est complexus. Ex doloris enim sicut & illius proprietate primum partem affectam, nempe renem ipsum designauit, nam dolor ille fixus & immobilis circa lumborum regionem denotat sedem ipsius affectus omnino à colico diuersam, qui vagus est & mutabilis per totam ventris circumferentiam: Grauis autem dolor non acutus, pungens vel diuellens, sequitur naturam partis obrusioris sensus & parenchymate constantis, qui sæpe mutatur in acutum & punctorium, quoties calculus à renis corpore in vterque caput, membranosa scilicet partis & exquisiti sensus sese insinuat, & rursus si in cauum remearit, cessante diuulsione subsistit etiam doloris acuti acerbitas. Ab excretionem autem & excreti modo inuestigat speciem affectus & ipsius causam: *In vrinis*, inquit, *arenula fulua subsident, & cruentum aliquando mingunt.* Cum enim vt plurimum calculi isti renales excernantur antequam valde induruerint, fit vt illis agitatæ deteratur etiam portio arenularum adhærentium, quæ simul cum vrinâ excretæ denotant intus latitantem calculum, si reliqua signa concurrant, & quia per eiusmodi corporis durusculi attritum substantia renis abraditur, aut venulæ aliquæ capillares discerpuntur, hinc vrina ex permixtione sanguinis cruenta apparet, vel certè si paucissimus sit ille sanguis, lixiuio simillima per aliquot dies profunditur. Verum dicet aliquis, tantum abest vt arenulæ cum vrinâ per nephriticis doloribus profundantur, quin potius vrina omnino supprimatur, vel certè pauca, tenuis & pellucida, qualis per obstructions solet, excernitur. Respondemus, hoc quidem aliquando contingere, quando scilicet calculus utrumque renem occupat, vel certè grandior factus, aut mucositatibus iunctus, obstruit omnino vnum, & ex vehementia doloris officium alterius velut focij interturbat: unde *in Coactu*, Hippocrati repentinus dolor renum cum vrinâ interceptâ, significat lapillorum aut crassarum vrinarum mictionem: Sed hoc rarius est, quam id quod hoc loco ab Hippocrate annotatum fuit ad *διαγνώσιν* renalis calculi. Cui adiungit duplicem sympathiam, primò ipsius ventriculi valde compatiens ob viciniam & connexionem membranæ illius quâ

quâ viscera ventris inferioris inuoluuntur : quâ affectâ confurgit ventriculus ad iuuandam excretionem rei noxiæ , quantis potest viribus , vnde agitatione illâ & compressione vomuntur primùm pituita & assumpti cibi vel potus , deinde increbrescente dolore , inediâ , vigiliis , & anxietate etiam æruginosa & πολύχροα in ventriculo ipso recocta , vel ab affecto etiam hepate & folliculo eius deriuata , ex quo melius se habent , quia natura duplici onere fatigata , iam altero subleuata est , nimirum prauorum humorum sarcinâ , à quibus ren etiam premebatur. Secunda sympathia est cum femore κατ' ἴξιν posito. Nam calculus grandior scilicet , aut dum agitur , non solum diuellit renem , aut vreteris caput , sed etiam subiectas partes premit , videlicet venam cauum & arteriam descendantem , necnon præcipuè musculos illos lumbares & renibus substratos , qui in coxam inferuntur : Græci ἀλάπελαι & ψόας vocant , vt refert Rufus ex libro Cnidiarum sententiarum : Fit autem torpor iste ex compressione neruuli in musculos istos distributi , non dissimilis ei quem sæpe sentimus ex sessione super femur , vel dum innitimur diutius alterutri cubito , & intercipiens affluxum spiritus animalis in extremitatem manus , qui fit per eiusmodi neruulos. Neque solum femur , sed etiam testis è directo quasi conuellitur ob consensum partium istarum generationi dicatarum , vt est apud Hippocratem *lib. de intern. affect.* potissimum quando calculus iam in vreterem sese insinuat , & per continuitatem istorum vasorum à rene in scrotum vsque percurrentium , doloris sensum omnibus hisce partibus impertit.

Quod si subsistat intus calculus immotus intra cauum renis vel ipsius parenchyma , vt diximus , possunt abesse prædicta omnia signa , excepto graui illo dolore & quasi obruso in renes , cum summa spinam inflectendi difficultate , ita vt vix possint in terram inclinari , vel in dorsum conuerti , potissimum eâ parte quâ hæret calculus : Imò si diutius aut violentius exerceant lumbos & spinam duriter equitando aut saltando , profunditur vrina illa cruenta , vel saltem lixiuio simillima.

At verò deturbatus in vreterem calculus , quamdiu est in illo ductu , dolores atrociore & clamorosos excitat , quia non sunt in ventre erronei , vt colici , neque alui excretionem omnino leuantur , sed perreptant rectâ versùs directum testem , nec desistunt priusquam ab vretere in vesicæ cavitatem perductus fuerit. Sola enim transpositio calculi ab angusto loco in ampliorem , facit omnino cessare tititiam illam & anxietudinem , quia cessat diuulsio & quasi distractio membranosi & angustioris illius corporis.

Talis igitur calculus renalis , vel arenularum & mucii copia ab vretere in vesicæ cauum præcipitatus , aliquando ibi subsistit cum cessatione doloris , & functionum integritate , vt videtur : Sin verò naturæ impellentis robore subeat ipsam vrethram , intercipit sæpius aut supprimit vrinæ fluxum , si sit grandiusculus , donec multis tandem conatibus egeratur : aliàs minutuli calculi decem vel plures aliquando meiuntur , absque difficultate in assuetis & grandioribus , quibus iam ob præteritos tales partus latiores redditæ sunt viæ , potissimum in foeminis quibus breuior est vesicæ in vrinæ ductum meatus : quod bonis & faustis ægri rebus contingit. Nam si intus retineantur , vel primaria sit calculi in vesicâ generatio , vt fieri posse probauimus ; tunc vnus vel plures ibi coagmantur , qui certo tempore clara suæ generationis & accretionis dabunt indicia. Certè in illis qui copiosè & diutius profundunt vrinas illas albas , crassas , & turbidas , vel hypostasim mucosam & matulæ fundo adhærentem quasi glutinum quoddam , dici certò potest quod de alio affectu pronuntiauit Hippocrates , vesicæ calculum adesse , vel citò adfuturum , quia impossibile est illas diutius perseuerare , quin portio istius materiæ concreascet & recoquatur in lapidem. Quinetiam arenarum albicantium copia cum vrinis diu profusa calculum vesicæ significat Hippocrati *Aphorismo 79. sectianis quarta* , quia deteritur illius portio , & amandatur meiendo : quamuis enim Auicennas huic Aphorismo repugnare videatur , est tamen intelligendus , quoties nulla alia signa lapidis apparent cum isto sedimento , quia tunc impedit potius generationem illius , quàm iuuat.

Hic ergo genitus , eiusmodi aliquando mucos ita inuoluitur , aut vesicæ fundo agglutinatur , vt nullam aut non sensibilem saltem molestiam ægro adferat , donec agitatione violentâ , aut pondere proprio disruptis iam vinculis vagus per vesicam feratur. Tunc enim querelæ & variarum functionum læsiones exoriuntur. Intercipitur enim sæpe in medio cursu vrina , cum vehementi dolore ,

qui ad colem vsque & glandis extremum violenter extenditur, sub mictionis præcipue finem, quia tunc lapis alliditur ceruici vesicæ; quem ideo solent eiusmodi ægri potissimum pueruli erectum habere, vel contrectare & quasi discerpere, existimantes ibi esse præcipuam ægritudinis suæ sedem, cum tamen sit tantum sympathia ob collum vesicæ ad istos vsque fines protensum. Mulierculæ autem ora pudendorum suorum frequenter scalpunt & contrectant, tantum cruciatum conantes hoc modo demulcere. Interea sentitur pondus cum dolore grauantem in totâ pectinis regione, præcipue inâ perinæi parte, quam grandior iam lapis premit cum ipso intestino recto & eius sphinctere, quæ idcirco ad excernendum sæpius sollicitantur, & meientibus ægris non raro relaxantur: Vix possunt stare recti, equitare vel ambulare per salebrosâ lota, quia tunc contunditur magis vesicæ ceruix commoto lapide: & aliquando dum meiere volunt, coguntur supini recumbere, vt calculus suâ grauitate in fundum vesicæ reclinatus, sinat liberum vrinæ profluenti exitum, quod eodem modo cathetere præstatur, immisso in canalem vrinæ, quia calculum propellit ad interiora cavitatis vesicæ. Vt certior fias istorum omnium, explorandus est eiusmodi calculus, non solum per catheterem, vt dixi, sed etiam immisso in anum digito: sic enim manifestè patebit, non solum vtrum calculus latitet intus, sed etiam omnes eius differentiæ statim innotescunt, vtrum vnus vel plures, magnus vel paruus, asper vel læuis, rotundus vel angularis, & similia, quorum tactus certior esse potest iudex. Hæc igitur sunt præcipua signa tam ipsius affectus, quàm partis affectæ diagnostica. Notæ verò causarum, num scilicet eiusmodi calculus pendeat ab immenso calore renum, vesicæ, aut alterius partis: materiâ pituitosâ, limo siue sæculentiâ terrestri, exassatis humoribus aut aliis: ex censu & sedulâ quasi enumeratione ac consideratione rerum naturalium, non naturalium, aut præter naturam patebit. Certè si nulla sint talium causarum manifesta indicia, sed in obscuro lateat ὁ τῆς διαθέσεως αἴτιον, vt loquitur Galenus, non erit extra rem accusare malam partium istarum conformationem, ductuum angustiam aut compressionem, quæ magnam, imò potissimam hac in re vim obtinere supra probauimus. Nunc ergo Prognosin paucis perstringamus.

Inter diuturnos seu chronicos affectus, cum λιβίας referatur, non infert quidem præsentaneum mortis periculum per se: attamen ratione cruciatus vehementioris, vigiliarum, interceptionis vrinæ, & aliorum symptomatum concurrentiū, tam ex ἰδιοπαθείᾳ partium istarum, quàm ex sympathiâ condolentium, multos neci derepentè tradidit, etiam non aduertentibus Medicis aut ægris, quia vires subitam fecerunt ruinam. Certè συστάς perpetuò & malæ curationis existit hic affectus, quia sequitur κακοπραγία & vitium multarum partium coctionibus & expurgationibus τῶν μετέωρων corporis nostri dicatarum. Sic enim difficultatem curandi in his partibus, potissimum vesicâ, annotauit Aurelianus, quòd neruosa sit & imbecillis caloris, quòd altioribus corporis locis insita, ad quæ medicamina non facillè penetrant, vel certè iam multum alterata, & quòd excrementis perpetuò alluitur. Hippocrates Aphor. 6. sect. 6. in senibus renum & vesicæ vitia difficulter sanari tradidit, ob easdem causas quibus asserit 6. Epidem. se non vidisse sanatas renum affectiones post quinquagesimum ætatis annum. Hoc habet pessimum iste affectus, quod frequentem & quasi successiuam facit recidiuam, vnde Aretæus, multò difficilior esse putauit renes aut vesicam calculosis dispositionibus potissimum hæreditariis obnoxios, arte ab illis generandis impedire, quàm vterum à pariendo fecunditate luxuriantem. Magnitudo autem periculi, & curandi difficultas variatur pro constitutione causarum, affectus ipsius, & partis affectæ. Etenim quicumque ægri, mali sunt regiminis, & intemperantes, aut certè propter regionis aut vitæ conditionem eo coguntur vt, nusquam liberantur ab hoc morbo. Quòd si alterius affectus complicatio cum isto coniungatur, vt vlceris, αιμορραγίας, & similium, quod est valde frequens, trepidabit vndique curatio, nec vllò curationis certo fundamento constabit, pugnantibus inter se indicationibus. Multitudo etiam aut mala qualitas materialis & efficientis causæ ad idem conspirantes valde omnia intendunt, potissimum si partes istæ affectæ iam malum habitum contraxerint, vt pote marasmo vel scirrhosâ diathesi detineantur. Renes tamen inassueti excludendis calculis vel arenulis, ideo magis torquentur quàm assueti, quia angustiores habent meatus, qui deinceps crebris istis parturitionibus, vt solet in vtero, dilatantur.

Vesica verò contrà magis vexatur nouis calculis superuenientibus, quia non potest tam frequentem lithoromi operam sustinere, sine magnâ caloris & propriâ substantiâ iacturâ. Figura etiam, vt asperitas, leuitas, rotunditas & similia: Item magnitudo & numerus calculorum auctior faciunt ad faciliorem vel difficiliorem excretionem, atque symptomatum exasperationem, vt cuius rem ipsam consideranti patet. Quamuis aliquando in vesicâ minor calculus maiorem aliquando molestiam facessat quàm grandior, quia facilius sese insinuat in ductum vrinarium, vbi subsistens sæpe visus est neque excerni omnino posse, nec in vesicæ cavitatem retrocedere & *ixypia* pertinacissimam, interdum etiam mortalem suscitare. Nos ergo ad therapeiam accedamus.

Tota hæc nostra curandi methodus, in duas partes erit diuisa, quarum prima prophylaxin spectabit, siue causarum à quibus suscitatur calculus, remotionem & expugnationem. Altera verò veram therapeiam seu sublationem ipsius affectus, nempe calculi & arenularum ac muci in renibus, vesicâ, vteribus, aut meatu vrinario residentis, ibique varia symptomata excitantis: quorum mitigatio etiam non est negligenda, quod Practici nostri vocant paroxysmo prospicere. Indicatio à parte quæ debet roborari, non est omittenda.

Prophylaxis ergo cum spectet causas omnes generantes, augentes vel conseruantes ipsum calculum, tam externas quàm internas: ab externis est auspicandum, quæ accuratâ victus ratione ita dirigi debent, vt nullus deinceps hac in parte error contingat. Vitent itaque diligenter ægri isti ea omnia quæ à nobis inter causas huius affectus morbificas sunt recensita in censu rerum non naturalium, potissimum quod ad alimenta attinet, ex quorum vitio tam materialis calculi causa, quàm efficiens facillimè, vt diximus, suscitatur. Obseruent ergo victus rationem quoad qualitates primas temperatam & æquabilem, nisi appareat excessus alicuius partis intemperatæ aut totius corporis, qui correctione indigeat: Vnde Galenus *lib. 6. de sanit. tuend.* in pinguibus & crassis hominibus calculo obnoxiiis, non solum tenuem dietam quoad quantitatem spectat, sed etiam ratione qualitatis calfacientem, incidentem, attenuantem, & detergentem instituit, vt humores istos viscidos & pituitosos expugnet, ac corpus ipsum ad mediocritatem reducat. Contrà in gracilibus, extenuatis & biliosis, qui eiusmodi arenulas aut lapillos colligunt, bonum conatur habitum restituere alimentis euchymis, & viscerum calorem ac siccitatem refrigerantibus & mollientibus seu humectantibus temperare: Quâ in re magna esse debet Medici prudentia, ne omnes istos ægros, vno quod ait Galenus *Meth. med. lib. 9.* calopodio calceet, sed pro varietate illorum, diuersum etiam regimen & causas morbificas oppositum præscribat. In summâ tamen, & quod ad generale huius affectus præcauendi theorema attinet, certum est alimentorum substantiam puram, euchymam & eupeptam, quantum fieri poterit, esse eligendam: quantitatem verò paucam aut saltem mediocrem, ne excrementa multiplicentur: qualitatibus autem eis præditam, quæ modò materialem causam, modò efficientem proximam, aliàs obstructions, si adsint, & similia, prout magis vel minus præualuerint, respiciat. Porus in primis sit valde limpidus, & ex purissimis liquoribus, qui nullam faciunt residentiam, ex aquâ scilicet fontanâ vel cisternæ, si eius sit copia; sin minus, percolatâ per mortaria lapidea aut mundissima linteola, vt limum deponat, vel etiam leuiter decocta, vt secernantur partes heterogeneæ: Idem dicas de vino, quod tenue, album aut saltem flauum, oligophorum, & bene maturum esse debet, idque temperatum conuenienter pro ratione dispositionis partium nutritioni dicatarum: Vnde multi laudant aquæ, dummodò non sit gelida aut niualis, potum in hoc affectu; Alij parum vini addunt, & miscent duabus horis ante pastus, vt omnem amittat feruorem; Vocant Galli *du vin lané*. Sed hoc intelligendum est in iuuenibus adhuc biliosis & similibus, quibus viscera ista exæstuant: In aliis enim pro ratione & diuersitate vini ac regionis alio modo competere potest, vt iam diximus. Vitent ergo mustum omne, vinum coctum & dulce, crassum etiam, nigrum & austerum, vina aromatibus condita, vt Hippocraticum & Pimentum vulgò dictum: Item potus illos Septemtrionalis plagæ, pyracium, pomacium, ceruissiam & similia: Quamuis enim videantur temperare caloris vehementiam, attamen quia crassarum partium, maius inferunt periculum ex parte materialis causæ, & quia vias obstruunt. Panis eodem modo eligatur ex puro frumento, non putrido aut arenoso confectus, bene fermentatus, subactus & coctus, cui si parum anisi vel coriandri addatur, dissipabit melius materias istas crassas & viscidas. Nolim tamen biscoctum,

vt quidam faciunt, dare, quia nimum est exustus, & ad terrestrem naturam accedit. Vitent etiam falsa omnia, piperata, frixa, oua indurata: Carnes crassioris substantiæ, animalium extremitates & intestina superius commemorata: Pisces cetaceos, palustres, squamis carentes, & viscosâ substantiâ præditos, potissimum falsos. Aliis enim, vt saxatilibus & friabilis substantiæ, poterunt vti mediocriter bene præparatis, vt supra craticulam assatis, vel cum vino albo coctis, pauco aceto & aromatis, vt solent Germani. Legumina etiam omnia nocent, quoad substantiam spectat; Nam quoad liquorem eorum, proderit sæpe iusculum cicerum vel lentium sumere, foliis petroselinæ vel apij, & pauco croco conditum, quia valde referat vias vrinarias. Fugiant autem oryzam, milium, triticum coctum, amyllum, & similia, quia sunt crassæ & quasi emplasticæ substantiæ; Item rapas, napos, castaneas, caulium substantiam, tubera, pyra, corna, mespila, sorba, cydonia, ob eandem causam. Vtuntur autem carnibus recentibus & delicatis, tam assis quàm elixis, prunis, caparibus, passulis, pineis nucleis, amygdalis mundatis, pistaciis, pomis coctis cum saccharo, & similibus: Nec non æstiuo tempore, si quidem constanti sint adhuc ætate, non oberit cerasa tam dulcia quàm acidula, pruna generosa, raphanos, pastinacas, asparagos, lupulos, cucumeres, pepones, mælones, cucurbitas satis copiosè deuorare, vt istis soluatur aluus, temperetur calor, & viæ vrinis dicatæ plurimo sero quod generare solent quasi abluantur: Quemadmodum etiam ouis tremulis & recentibus, potissimum vitellis, non esse illis interdicens existimo, quia bonam & parum excrementitiâ alimoniam præbent, quod hîc valde est oprandum. Caseo autem diligenter interdicens, & omnibus lacticiniis propter rationes adductas: Quamuis enim recens caseus vel lac coagulatum videantur facere ad sedandum partium feruorem, tamen quia facilè à vehementi calore exurit, & in nidorosas cruditates abire solet, idè melius est ab eis in totum abstinere. Neque obest quod afferunt Hippocratem 7. *Epidem.* Clonigo calculorum doloribus diuexato lac recentius multum exhibuisse per multos dies: hoc enim Hippocratem non prophylaxeos causâ, aut auertendi mali ergò fecisse patet, sed tantum ratione symptomaticis, nempe cruciatus illius immensi per anodyna demulcendi: non tamen negamus quin pro ratione regionum & in assuetis, multa hîc latitudo retinenda sit.

His circa alimenta constitutis, habeant etiam eiusmodi ægri curam exercitationis mediocris, non laboriosæ aut diuturnioris, potissimum quæ renes exagitat violentè, qualis est dura equitatio, & coitus immoderatus. Agant in omnibus quantum fieri poterit, placidè, nullis conturbati molestiis aut iracundiâ; somnôque mediocriter indulgentes in grabatulo duriori, si forti sint & alacri corpore, nunquam in lumbos reclinati, multò minùs culcitris illis plumeis & stragulis mollioribus innixi, quia illis valde incalescit tota lumborum regio.

Procurent vacationes alui & vesicæ, tum alimentis, tum medicamentis, vt postea dicemus: Hæc enim est potissima pars prophylaxeos, vt si genita sint excrementa, continuo propellantur, nec diutius stabulentur in partibus istis. Et si quidem aliæ sint vacationes, quæ huic affectui primordium aliquod suppeditasse videantur, diligenter etiam erunt procurandæ, vt capitis per os & nares, vteri, hæmorrhoidum, & ventriculi ipsius per vomitum frequentiore in illis qui assueti & bene comparati sunt ad vomendum, quique magnas primæ coctionis cruditates persentiunt. Non sunt etiam negligendæ aëris intemperies, sed diligenter vitandæ aut corrigendæ pro conditionibus ægrorum & regionis quam incolunt: Cuius status si deterior sit & propensior ad dictum affectum producendum, non erit absolum, vt in aliis diuturnis morbis, solum mutare, & salubriorem plagam habitare. Hæc igitur prima est pars prophylaxeos quam diætetica vocant.

Alterâ prophylaxeos pars quam therapeuticam vocant, tota occupatur circa causas internas remouendas, tam Chirurgicis quàm Pharmaceuticis remediis, prout illæ concurrunt ad affectus istius generationem. Ac proinde si plethora sit totius corporis, vel hepatis, renum & similium partium caliditas nimia, consulit venæ sectiones iteratas veris aut autumnii tempore, ex cubiti venis, cruralibus, aut ipsis hæmorrhoidibus, (*Vnde in Aphorism. hæmorrhoides non solum melancholicis, sed etiam nephriticis prosunt.*) prout ipsius ægri status suadebit. Quemadmodum in mulierculis si menstruorum suppressiones patiantur, dabit operam vt in conuenientes periodos reuocentur. Item exhibito sero lactis per xx. aut xv. dies, æstatis tempore, vel decocto, iulepis, conseruis, opiaris conuenientibus, conabitur temperare viscerum calorem, quemadmodum externis topicisque remediis, balneo dulci & tepido,

tepido, natatione æstiuâ in flumine placido, linimentis ex vnguent. albo, rosaceo, santalino, & similibus, vel etiam gestatione laminæ plumbeæ perforatæ supra dictos renes, vt sequenti capite accuratius dicemus. Si cacochymia magis vrgeat, expurganda etiam erit diligenter: vnde Practici nostri in calculo obnoxiiis tantopere laudant clysterum singulis diebus vsus, si alius sit pigrior, aut pilularum ex aloë & agarico confectarum, quarum duæ vel tres assumantur alternis diebus ante coenam. In assuetis ad vomitum, eundem conciliant bis in mense, quia euacuat potenter cruditates primæ regionis, & à renibus reuellit.

Solemus etiam purgationes quæ apozemate aliquo laxante bis in anno circa autumni & veris tempus præscribi solent, maximè hîc laudantur, quia non tantum antecedentes remotasque causas subtrahunt, sed etiam aliquid illius materiæ quæ iam in renibus aut vesicâ continebatur, impediuntque illius coagmentationem. Adde quod obstructions viscerum quæ hunc affectum frequenter comitari solent, admixtis incidentibus & detergentibus conuenienter dissoluunt. Interea roborandus ventriculus, & reliquæ partes coctionibus dicatæ sumptis & admotis, vt suo loco dictum fuit. Quod si caput magnam mali partem conferre videatur, transmissio ad inferiora humore pituitoso per catarrhos & fluxiones, exhaustiunda ista sentina pilulis validius purgantibus, reuellenda & deriuanda per cucurbitulas, vesicatoria, aut caustica collo admota, vel etiam errhinis & apophlegmatismis, prout commodius esse videbitur. Hîc tamen dubitari solet, vtrum existente totius corporis aut partis alicuius pituitosâ vel ferosâ repletionem, quæ foneat istum affectum, liceat vt hidroticis seu sudorificis ad vacuandos eiusmodi ichores, & exsicccanda viscera humiditatibus scatentia. Quoniam sudorificis, inquit, valde inflammantur hepar ac renes, & humores exsiccantur, quod est hîc valde pertimescendum. Nos tamen censemus in pituitosis hominibus per se vel ex accidenti, non esse inutilem istorum remediorum vsus, si quidem ex temperatis, videlicet rad. chynæ aut sarsæ parillæ instituantur. Quoniam in illis non est tantum periculi ex parte caloris (quem etiam licet moderari externo quodam linimento singulis diebus supra illas partes admoto, iulepo aut conseruâ violæ, & similibus frequenter admotis) quam ex parte materialis causæ, nempe humoris redundantis: cuius exsicccatio etiam seu induratio non est valde pertimescenda, quia eiusmodi remedia fundunt & liquant istam materiam quæ in renibus continetur, vnde facilius effluit; antecedentem verò resoluunt & in sudores conuertunt. Vt igitur in certis casibus & bene præparato corpore, non deneganda sunt sudorifica; sic etiam diuretica post solennes purgationes valde profunt, tam præcautionis causâ, vt mucosa substantia, limus, arenulæ, & similes sordes iam oberrantes circa vias vrinarias excludantur, quàm vt calculi & crassior mucus iam adhærescentes commoueantur, & ad excretionem inducantur: Vnde post solennem illam *καθάρσις*, quatuor aut quinque dierum; vel si æger non sit ita cacochymus, aut diuturniores istas purgationes reformidet, exhibitâ primùm cassiæ ʒ ss. cum ʒ ss. rhabarb. puluerisati in formam boli: & sequenti die terebinth. Venetæ diligenter aquâ endiuiz & graminis lotæ ʒ vj. cum ʒ j. pulueris liquirit. in plures morsellos nebulis obuolutos, assumptis cum pauco vino albo, vel syrupo capilli Veneris. Solemus tale decoctum diureticum & nephrocatharticum præscribere.

ʒ Rad. eryngij, ononidis, apij, & liquirit. rasæ, an. ʒ j. foliorum berulæ, parietar. pimpinel. agrimon. herniariæ, petrosel. vulgaris & Macedon. an. M. j. summitatum maluæ & raphani tenerioris, an. M. ss. seminum lithospermi, alkekengi, & maluæ, an. ʒ ij. florum cichorij, borrag. genistæ, cicerum alborum & nigrorum, an. P. j. Decoquantur omnia in aquâ hordei lentò igne & sine fumo ad mediæ partis consumptionem. Cui adde sub finem, vini albi tenuissimi, vel in eis qui viscera habent calidiora, succi limonum ʒ iij. Colentur. Bibat huius decocti ʒ v. vel vj. manè per plures dies. Reiterentur bis aut ter singulis annis. Eadem aut quædam ex eis gratiora, addendo mali citrij taleolas aliquot, decoqui possunt singulis diebus, cum pullo columbino vel gallinaceo, aut frustulo carnis hædinæ, vel galli iam decrepiti, instar iusculi ante prandium sumendi, vt ægris nostris deliciarioribus minùs sint ingrata. Vulgò autem iactatur hic puluis, quia compluribus magnatibus est in vsu, ad expurgandos calculosos renes, de quo capiunt cochlear vnum manè singulis mensibus, ter circa nouilunium, plenâ lunâ & mediâ, suprabibendò parum vini albi, aut decocti cicerum rubrorum, rad. liquiritiæ & eryngij, postea diu & fortiter equitando vel deambulando.

2℥ Nucleorum mespilorum, & puluer. electuar. diatragac. frig. an. 3 j. glycyrrh. rasæ, sem. melonum & milij Solis, an. 3 ij. sem. faxifrag. genistæ, brusci, raphani, & cardui calcitrapa dicti, an. 3 j. sem. althææ & asparagi, an. 3 j. sacchari candi 3 ij. Fiat omnium puluis, vtatur vt dixi.

Sed nullum est, me quidem iudice, potentius præstantiusve remedium, post accuratam corporis purgationem, ad vias istas excrementis liberandas & mundificandas, quàm potus aquarum nostrarum thermalium Balerucanarum: suo enim calore ex venâ bituminali profecto, fundunt liquantque quoscunque crassiores mucos, nitrosâ autem substantiâ detergent & abradunt, & quantitate mirabili quâ assumuntur, solent impuritates intestinorum & viarum istarum vrinæ quasi torrente quodam abripere: vnde incredibile est dictu, quantam viderimus ex calculolosis hominibus saburram, istarum potu benè instituto cum vrinis deturbatam. In quibus enim timuimus calefactionem viscerum ex illarum usu, præscripsimus tunc temporis vini abstinentioniam, iuscula pullorum herbis refrigerantibus temperata, iulepos temperantes, & similia. Quibus ita consideratis non verebimur etiam pituitosos & pinguiori corporis mole præditos homines, dummodò firmis sint viribus, in balneum dictarum thermarum, semel in die circa auroram, idque per tri-duum præcipitare, munitis prius renibus & hepate appropriatis quibusdam inunctionibus, atque etiam duplici linteolo inuolutis, vt deinceps sudoribus concitatis, visque relaxatis excrementa eiusmodi copiosè vacuentur. Licebit enim postea dum erunt domi, si ita videatur, & pro variâ corporum constitutione emendare quicquid empyreumatis contraxerint usu balinei domestici, ex aquâ dulci & refrigerantibus ac humectantibus parati. Nunc igitur à prophylaxi therapeuticâ ad meram calculi therapieam, tam renum quàm vesicæ progrediamur.

Vera tam renalis quàm vesicæ calculi curatio est eius sublatio, citò, tutò & quantum fieri poterit iucundè procurata. Antequàm igitur grandior aut durior fiat renis calculus, vel eius substantiæ nimium affigatur, si nihil impediatur, vt pote vlceris complicatio, vel magna sanguinis per vrinæ profusio, & similia; tentandum omni industriâ & studio, vt comminutus & quasi attritus inde excludatur, quod enim minor erit, etiam distentio partium ac doloris sensus leuior; quod fieri non potest, nisi prius eductis illis excrementis quæ in primâ regione stabulantur, ne per ista lithontriba & nephrocathartica in renes præcipitentur. Hoc autem fit commodissimè per cibi temperantiam & frugaliorem victum: Vnde Hippocrates 6. *Epid.* *μη ἐμπιπλαῖς*, non impleri cibo, ait; tum præcipuè per medicamenta mollientia & quasi anodyna, quæ nullâ exagitatione corporis id præstant. Vnde solemus communiter præscribere in primis bolum ex cassiâ, leniente & humectante eccoproptico, cum 3 j. rhabarb. cui vis est aliqua diuretica cum corroboratione partium: Deinde altero die (immissis interea clysteribus lenientibus, tergentibus & leuiter purgantibus) terebinthinam ad 3 ℥. vel 3 vj. lotam aquâ endiuia & graminis, cum pauco puluere liquiritiæ exhibere: quæ præter laxandi quandam vim & detergendi, habet etiam facultatem expurgandi vias istas renales, & commouendi vrinæ, vt patet ex odore illo quasi violaceo, quo solet eas perfundere. Quamuis enim Hippocrates loco citato 6. *Epid.* audet in hoc affectu iuuenes veratro purgare, quasi mochlico quodam medicamento ad expurgandam cacochymiam quæ huic affectui frequenter est comes, & diuellendos calculos renibus nimium adhærentes: Hoc tamen tempore vix tam generoso cathartico tutum est vti, propter agrorum nostrorum molliciem, & quia per magnas istas perturbationes metus est, ne violenter nimium exagitati humores præcipitentur in partem ipsam affectam. Non tamen negauerim, & hoc etiam in usu habemus, homines calculosos pituitâ ac similibus humoribus redundantes, nisi vomitu spontaneo & copioso sufficienter vacuentur, paulò validiore cathartico quàm sit cassiâ, esse expurgandos, vt diacarthami vel diaphœn. 3 vj. cum iusculo aut decocto laxante dissolutis: sic enim vacuatis copiosè excrementis communibus, præcipuè pituitosis, minùs prementur renes, & licebit deinceps tutius vti sequentibus remediis.

Communibus ergo viis & excrementis ita repurgatis, accedendum erit ad secundum scopum ab eodem Hippocrate loco citato propositum, *ἐπὶ λίθοις καὶ νεφροῖς*, *Vrinam cientibus* (quibus complectitur omnia lithontriba & nephrocathartica) *agendum*, vt agitentur, conterantur, & quasi compellantur calculi isti ad exeundum de suâ sede. Sed quia hoc commodè præstari nequit, & sine insigni dolore, nisi ductibus illis per quos solet ista materia transferri, laxatis, mollitis & quasi patefactis, ideo

ideò addit ipse Hippocrates λεπῶσαι & ἀπαλύναι, *attenuandum ac molliendum*. Sic enim speranda est facilis huius materiæ excretio aut saltem transpositio : Quòd si adhuc subsistat & moretur in viis, compellenda quasi attrahentibus & deducantibus deorsum. Vnde *ibidem* Hippocrates, *Quiescere non conducit, sed exerceri*, hoc est, agitare & concutere satis vehementer corpus, & popliteis venam secare. Malim enim ego illam venæ sectionem ex popliteâ aut crurali ab Hippocrate institutam esse ad exagitationem & quasi attractionem calculosæ materiæ, ut solet in mensibus aut hæmorrhoidibus suppressis, quàm ad vacuationem totius corporis, vel reuulsionem à parte affectâ, ne videlicet sanguis præ doloris vehementiâ eò translatus illam inflammet. Etenim in tali casu melius esset, ipsam cubiti venam, quæ sit ex directo renis affecti tunderè, quia commodius illa omnia præstabit, si ætas & reliqua consentiant. Nos ergo communem Practicantium vsum in excludendis calculis & leniendis eis quæ comitari solent symptomatis, proponamus.

Vbi primum excrementa conuenienti pharmaco, ut dictum est, vomitu aut clysteribus lenientibus & temperantibus frequenter repetitis, prout occasio melior videbitur, vacuata fuerint : quia iam dolor punctorius ex calculi agitatione & diuulsione partis membranosæ angustioris vrget, solemus de relaxandis viis istis comminuendo propellendoque calculo, & cruciatu, si sit immoderatus, placando statim cogitare. Relaxantur itaque molliunturque viæ istæ tam sumptis quàm admotis : sumptis, ut butyro recenti, iure pingui, cremore hordei, decocto liquiritiæ, mucilagine seminis maluæ aut althææ, cum aquâ parietariæ extractâ, oleo amygdal. dulc. recenti & per solam expressionem sine igni educto : cuius cochlearia aliquot haurienda frequenter exhibentur. Interea pareretur balneum, vel si nimiam resolutionem virium pertimescas, semicupium sequens.

℞ Rad. liliorum, raphani, peucedani, apij, fœniculi, graminis & eryngij, an. ℥ j. maluar. althææ, & violar. cum toto, an. M. iv. foliorum brassicæ, saxifragiæ, cressonis, parietariæ & brançæ vrsinæ, an. M. ij. seminis melonum, carthami, milij Solis, lini & fœnugr. an. ʒ j. ss. florum genistæ, chamæm. & meliloti, an. M. j. Fiat omnium decoctio in aquâ dulci pro balneo, aut semicupio, quod ingrediatur frequenter, potissimum urgente dolore. Exeat autem post vnam aut alteram horam, ne corporis robur quod hîc valde est conseruandum, resoluitur. Aut etiam potes uti fotu ex simili decocto cum filtris, aut vesicis suillis, & internè quia intestinum reni incumbit, clysteres iniicere, eodem decocto & oleo liliorum, paucòque rutaceo, propter iunctos frequenter flatus, confectos. Si non suppetant ista omnia, aut certè propter affectus vehementiam non liceat tamdiu morari, pareretur balneum, semicupium, vel fotus ex solâ aquâ tepidâ, cui addes olei liliorum sufficientem quantitatem : imò si ægri aut regionis conditio illud permittat, vtilissimum erit conficere solium integrum ex oleo communi vel lacte, quia valde emolliunt & sunt anodyna præsentissima : Quod ego magis laudo, quàm balnea illa calidiora à Rhase nostro proposita, ex decocto abrotani, menthastri, stercoris columbini & similium, quoniam istis valde resoluitur totum corpus, & quasi inflammatur, nec viarum laxitas commode comparatur. In exitu semicupij aut balnei applicentur regioni renum & vreterum medicamenta facultatibus eisdem prædita, folia maluæ & parietariæ frignantur in sartagine cum adipe cuniculi, vel oleo de scorpionibus, & instar plantularum admoueantur : vel idem adeps dissolutus cum dicto oleo aut liliorum, vel vnguenta laxantia, ut resumptium, de althæâ, Agrippæ, &c. inungantur diu leuiter fricando versus regionem pubis, ut sic attrahatur in vesicæ cavitatem calculus : Vel etiam si pertinaciùs in vreteribus moretur, cucurbitulæ admoueantur cum multâ flammâ eidem regioni supra ventrem & dorsi latera, quasi gradatim ad inferiora vergendo. Æger etiam saltu aliquando & corporis commotione violentâ sæpe excutit eiusmodi materiam diutius ibi subsistentem, quod tamen mediocriter est tentandum, ne vis inferatur istis partibus, & corpus nimium debilitetur.

Interea lithontribis & nephrocatharticis suis etiam hic erit vsus, tam extra balneum, quàm ibidem degente ægro, ut comminuatur & validè propellatur calculus, siue in renum cauo, siue vreteribus subsistat. Ad id infinita habentur

tur apud Practicos remedia , quæ frustra esset hîc omnia recensere ; quorum alia dicuntur ex proprietate id præstare , vt lapis Iudaicus , lapis spongiæ , auis Troglodytica seu cauda tremula dicta : Alia quia deterunt & quasi confricant calculi superficiem , vt sunt terrena omnia & aspera , cineres testarum ouorum , vitrum vstum , & similia. Alia manifestis qualitatibus , vacuando scilicet , molliendo , incidendo , attenuando , & detergendo , vt sunt diuretica omnia , radix raphani , peucedani , ononidis , herniariæ , aquæ thermæ falsæ , bituminosæ & similes : Quibus lithontribis & nephrocatharticis adduntur ea quæ vehunt & quasi propellunt hæc medicamenta versus partem , vt sunt liquida maiori quantitate mixta , vt eò vsque permeare possint , & ea quæ sunt tenuium partium. Item alia quæ retineant & faciant quasi moram in istis partibus , vt sunt adstringentia quædam , semen myrti , lentisci , rubi , balauftia , &c. ac si quidem asperitas viarum vel calculi adsint , flatûsque coniungantur , pro varietate istarum constitutionum , oblinentia & flatus dissipantia addi possunt. In Officinis vulgò habetur puluis ille λιθοντρίβιον dictus , cuius drachma vna vel dimidia exhiberi potest cum pauco vino albo aut aquâ parietariæ. Monspelien-sibus hodie familiaris est Syrupus de raphano seu nephrocatharticus dictus , cuius 3 j. dissoluta decocto recenti graminis , liquiritiæ , & rad. ononidis , vel foliorum herniariæ propinari solet. Aquæ stillatitiæ parantur ex istis omnibus diureticis & lithontribis accommodatissimæ. Sanguis autem hircinus eo quo tradunt authores nostri modo præparatus , præcipuam laudem in hoc affectu persequendo adeptus est , cuius 3 j. tam prophylaxeos , quàm therapeias causâ frequenter exhibent , suprabibendo ius cicerum tubrorum & foliorum petroselini. Imò etiam commendatur idem sanguis ex recenter mactato hirco supra regionem renum , vterum , pubis & perinæi illitus , quia creditur dissoluere istos lapides & conglobatas arenulas. Noli tamen in illius vsu imitari malos quosdam Medicos , qui farcimina ex isto sanguine confecta & cocta , calculo diuexatis comedenda obiciunt. Nemo enim nescit , quantum illis noxæ ex διατρέφεισιν istis & cacochymis cibis inferatur : Adde quòd eiusmodi medicamenta non debent in ventriculo morari & ibi concoqui : sed citò & quantum fieri potest inalterata in regiones istas renales transferri.

Præter ista Practici magnam vim comminuendorum calculorum tribuunt cineri scorpionum , cuius 3 j. cum vino albo , aquâ parietariæ , aut decocto cicerum exhiberi solet in paroxysmo aut extra illum , quoties scopus confringendi calculi propositus est. Chymici autem non immeritò ad id celebrant extractum suum Terebinthinæ , cuius guttas aliquot dissolutas conueniente aquâ aut iusculo frequenter propinant. Idem tribuunt essentiæ crystalli. Hodie ex nouo Orbe deferuntur Lapis quidam renalis , & Lignum etiam renale similiter dictum : Quorum vires eximias & penè incredibiles ex scriptoribus istarum rerum accipies. Nos enim prædicta sufficere existimamus ad iuuandam calculi exclusionem. Lithontriba cum calculos comminuere dicuntur , cur non etiam partes ipsas , vt renes vel vesicam afficiunt ? Responde primò , ista ferè omnia ex proprietate agere aduersus lapidem : deinde non ingredi substantiam partium vt illam comminuant , sed in viis communibus siue meatibus contineri , quos obstructione tentatos dum pertransire conantur , in ea suam vim exerunt , quæ impedimento illis sunt ne præterlabantur.

Sed quoniam vigilæ , inquietudo , dolor , sæpe acerbiores sunt , quàm vt ab ægro per plures dies si diutius protrahatur affectus , tolerari sine vitæ periculo possint , vel prædictis tantum remediis sedari ; ideò cogimur aliquando præter simplicia anodyna , vt lac , cremorem ptisanæ , amygdalarum , & similia , narcoticis eximium partium istarum sensum obscurare , quò natura datis quasi induciis recreari , & ad morbum superandum alacrior redire possit : Sic theriacæ recentis , Philonij Romani , aut confectionis Requei dictæ dimidiam aut integram drachmam , cum pari quantitate conseruæ maluarum aut violarum mixtam instar boli , somni tempore sumendam præscribimus : Vel 3 j. pilularum de cynoglossâ : diacodij 3 β. syrupi de papauere 3 j. & similia. Si recuset ea quæ deuorantur , poteris confingere clysteres ad hanc rem accommodatos , vt ex lacte caprillo , cui permiscebis vitellos ouorum duos cum pauco croco & opij 3 j. Si materia flatibus iuncta videatur , vt sæpe fit , fiat clyster ex vino generoso , cui capita papaueris incoxerint , cum 3 ij. olei terebinthinæ & de iunipero , cui est

est etiam facultas ad cōtērendum calculum & flatus discutiendos. Alij communiter decoquunt maluas cum aliquot foliis papaueris & hyoscyami, & semine rutæ aut aniso additis, quæ omnia solers Medicus pro variis circumstantiis moderabitur. Non sunt tamen narcotica exterius inungenda, ut quidam volunt, ne partes istæ obtorpescent & constringantur nimium, unde postea cruciatus vehementior excitaretur.

His itaque transpositus ab vterum meatu in vesicæ cavitatem calculus, siue vnicus sit, siue plures, mucos aut arenulis iunctus, cessat quidem dolor, sed non est perfecta curatio, nisi foras cum urina propellatur. Ideo nisi sponte sua & naturæ impetu excludatur, suadendum est ægro, ut post epotum liberaliter vinum album aut aquam parietariæ saccharo dulcoratam, vel decoctum liquiritiæ, contineat diutius urinam, ut eam copiosius retentâ quasi torrente aliquo, secum eiusmodi calculos vesicæ minutiores abripiat. Imò si hæc non satis succedant, iterentur lithontriba superius præscripta & inunctiones pubis & perinæ ex oleo de scorpionibus, cuius etiam parua quantitas in vesicam syringâ aut cathetere immitti potest. Item suctione virgæ putat Rhases multum iuvari educationem calculi in vesicâ positi. Aliquando autem contingit eiusmodi calculum, penis meatum subintrare, qui tamen excludi omnino non potest: sed ibi subsistens, *ιχθυίαν* molestissimam inducit: tunc repellendus est intro cathetere, candelâ cereâ, aut malux cauliculo, vel potius ibi retinendus ligaturâ & molli manuum contrectatione, fricatione & compressione, non omissis emollientibus fotibus & oleis, versus balani foramen deducendus, ut inde forcipibus & hamulis, vel terebellis comminutus extrahatur. Accidit etiam aliquando, ut his frustra tentatis coacti fuerint Medici ad incisionem venire, quæ fit supra locum lapidis lateraliter, quia penis eâ parte magis est carnosus, & vasa minus per illam excurrunt, nec urinae fluxus tam facile per vulnus istud continget. Aperto pene educendus calculus, & quod reliquum est, vulneri, ut in aliis casibus fit, medeatur Chirurgus.

Supereſt igitur curatio illius calculi, qui vesicæ cavitatem occupat, siue vesicæ adhæreat, seu vagus per illam feratur, neque propter magnitudinem suam per meatum urinae excludi potest: In cuius sublatione duo tantum scopi proponuntur, vel ut eiusmodi calculus comminutus & quasi in arenulas reductus, deinceps mictione, ut de superiori scripsimus, excludatur: vel ut inciso vesicæ collo conuenienter periti artificis manu extrahatur: & in posterum tale obseruetur regimen, quod omnem generandi calculi occasionem subtrahat. Quod ad primum scopum attinet, quidam existimant, ut noster Rhases, diuturno propositorum *λιθοντρίβων* usu compleri posse, in quam rem describit trochiscos quadraginta dierum spatio confringentes etiam vetustum lapidem in vesicâ, si eorum drachma singulis diebus sumatur cum decocto seminum diureticorum. Trochisci illi siue globuli constant ex tergentibus, incidentibus, mollientibus & diureticis, ut unicuique patet. Alij vtuntur prædictis lithontribis tam decocto quam puluere, sed maiori quantitate quam in calculo renum sumptis, ut possint peruadere viribus integris ad vesicam usque: iniiciuntque frequenter in illam, olei de scorpionibus compositi guttas aliquot, eodemque inungunt externas pubis & perinæ partes, vel decocto aliquo incidente, tergente & molliente, fouent easdem partes bis in die; deinde immittunt per syringam puluerem sanguinis hircini dissolutum cum aquâ vitæ, & similia. Quidam vero ita fuerunt temerarij, ut auderent iniicere aquam fortem siue separationis dictam, non sine magno periculo ægrotantis, & artis infamiâ. Ac proinde ut liberè quod sentio profitear, parum ego commodi positum esse puto in istis lithontribis ad comminuendum vesicæ calculum grandiozem. Nam hoc posito, quod tamen vel impossibile est, vel rarò admodum accidit: confringi posse eiusmodi lapidem istorum remediorum usu, nisi ita comminuatur, ut ferè in puluerem abeat, aut certè in ea frustula quæ facile meiando excludi possint, nihil aliud præstiteris, nisi quod ex vno lapide multos confeceris asperos, angulares, meatum vrinarium subintrantes, & frequentissimam *ιχθυίαν* inducentes; qui nisi tandem educantur, accrescunt paulatim per additionem mucosæ materiæ, quæ in vesicâ continetur, & miserrimam internecionem ægro adferunt. Multò ergo fatius esse existimo in eis qui per ætatis & virium conditionem illud ferre possunt, ad secundum scopum accedere, qui incisione illâ celebri perficitur, quam *λιθοτομίαν* vocant.

simul enim & semel educitur à perito artifice, cui hac in re fidendum esse voluit Hippocrates *in suo Iureiurando*, calculus & omnis illa saburra, quæ internam vesicæ superficiem occupat: licet enim per eiusmodi vulnus, Chirurgicis instrumentis idoneis, hydromelite, decocto detergente, & similibus, ablucere sordes ibi contentas.


Quibus verò modis & instrumentis eiusmodi operatio exerceatur, licet ex Chirurgorum tam recentiorum quàm antiquorum libris repetere, vel potius ab ipsâ *avisoφία* & rerum magistrâ experientiâ ediscere. Quod ad Medicum enim spectat, sufficit illi eorum corpora, quæ eiusmodi operationem exigunt, conuenienter præparare per venæ sectiones, purgationes, victum idoneum, & similia, quæ rei status indicabit: Monere de periculo affines & ægros, potissimum si iam sint prouectæ ætatis, ne deinceps mortis reus habeatur, quæ hîc frequenter contingere solet: Commodiorem anni & mensis tempestatem ad eiusmodi opus exercendum eligere. Non enim bene succedit frigidiore vel calidiore cœlo, vel sub æquinoctiis, quando magnæ aëris mutationes contingunt, neque plenilunio quando humores commouentur, aut silente Lunâ, sed inter ista tempora, die sereno & ventis vacuo. Reliqua enim ex peritiâ ipsius lithotomi pendere debent. Quod si æger aut propter grandio rem ætatem, vel animi aut corporis mollitiem, non audeat se eiusmodi lithotomis committere: obseruet accuratam viuendi rationem iam præscriptam, & totam prophylaxæ therapeuticæ partem, frequenter iteratis purgationibus & remediis expurgantibus ductus istos vrinarios. Vitamque in hac miseriâ quantum poterit, producat, cui opitulabitur potissimum Medicus duorum symptomatum correctione, doloris nimirum quò ferè perpetuò torquentur sedatione, & *ιχθυίαις* quæ illos frequenter inuadit. Dolorem sedabit tam anodynis propriè dictis, vt lactis fotu, semicupis mollientibus, fotibus ex semine lini & maluæ in aquâ parietariæ cocto, vnguentis Agrippæ & populeo simul mixtis, tum narcoticis iam descriptis & emulsionibus, quæ horâ potissimum somni exhibentur, vt possint saltem de nocte, quieti indulgere. *Ιχθυίαις* verò sedare proprio capite docebimus. Hîc tamen præcipua spes in cathetere, vel candelâ cereâ oleo amygdalarum dulcium illitâ, quæ in canalem virgæ frequenter immittitur, vt vel calculus, vel sordes ibi collectæ derurbentur, & via vrinæ liberior reddatur.

Quoties verò adsunt aliorum affectuum complicationes cum calculo renum vel vesicæ, vt inflammationis, vlceris, hæmorrhagiæ, & similibus: tunc maius adhuc opus incumbit Medico, & therapie ratio valde est perturbata ob repugnantiam variarum indicationum. Est tamen vrgentiori semper occurrendum, non neglecto omninò alio, vbi tota posita est Medici praxim exercentis solertia. Nos ergo sequentibus capitibus, reliquorum affectuum qui renibus & vesicæ superuenire possunt, tractationem suscepturi, huic finem imponamus.



C A P V T II.

De Renum & Vesicæ inflammatione, id est, tumore phlegmonoso vel erysipelatoso.



REQUENTISSIMAM ac molestissimam eorum symptomatum causam, quæ renes & vesicam exercere solent, superiore capite explicuimus: Nunc minùs quidem vsitatam, sed grauiorem ac funestissimam proponemus, nempe eorundem inflammationem siue tumorem præter naturam phlegmonosum aut erysipelatosum. Quamuis enim inflammationis nomen non solum dispositiones illas complectatur, quæ sequuntur ad systrophicas collectiones siue tumores materiæ sanguineæ vel biliosæ in partibus, sed etiam omnem *Φλόγωσι*, intemperiem scilicet calidam sine materiâ, aut cum humore, sed non affixo parti: attamen hoc capite principaliter

principaliter agemus de tumore renum & vesicæ calido : quoniam ex illius tractatione, natura & curatio *φλογώσεως* simplicis facile innotescet.

Est itaque propositus affectus, dispositio præter naturam in renibus aut vesicâ, illorum naturalem magnitudinem augens, temperiem vitians, & diuortium unitatis faciens, ex affluxu humoris sanguinei vel biliosi, in propriam istarum partium substantiam effusi, ad quem ingens in parte dolor, urinae ardor, febris acuta, & aliquando suppuratum, vlceraque sublequuntur. Hæc enim definitione complexi sumus ea omnia quæ ad tumorum istorum naturam exprimendam faciunt : Quamvis enim propria illorum essentia posita sit in *ὄγκω*, vt loquitur Galenus, seu dimensione, latitudinis potissimum, auctâ. Quia tamen hæc partis eleuatio fit ab humore implente proprios poros & spatia partis, qui cum qualitatibus suis tam primis quàm secundis præditus sit : præter illam mutationem, quæ in quantitate spectatur, oportet etiam necessario *ἀλλοίωσιν*, alterationem seu qualitatis communicationem subsequi, ex quâ maximè afficitur pars, & distentionem in propriâ substantiâ, repletis præter modum illis poris & quasi diuulsis, quibus singulæ partes donatæ sunt : vnde diuortium *τῆς συνεχίας*, quod Practici nostri solutionem continui occultam seu elongationem vocant. Ex aggregato enim trium istorum morborum fit morbus compositus, qui dicitur tumor præter naturam, & vnus tantum censetur, quoniam in vnâ eademque parte adæquatâ fit, ab vnica efficiente atque materiali causâ, vt vnique satis patet.

Huius autem differentiarum hæc proponuntur, vt solet, ex subiecto seu parte affectâ, humoris diuersitate, & symptomatis quibusdam comitantibus. Subiectum ergo est pars corporis nostri interna urinae expurgationi dicata, eaque duplex, renes scilicet & vesica, dissimilis prorsus naturæ & compositionis, etsi ad eundem usum comparata. Renes enim parenchymate præditi, quamuis firmo & denso, tamen sanguine, multisque venis ad interiora vsque asperso, per quæ attractum ab emulgente sanguinem à sero separant, sibi que velut proprium & familiarem retinent atque assimilant, illiusque etiam portionem effundunt frequentissimè in exteriorem illam tunicam, quam multo adipe renibus firmiter adhærescente delibutam perfusamque conspiciamus : Vnde patet renum substantiam suscipiendæ inflammationi, tumoribusque tam phlegmonosis quàm erysipelatosis esse accommodatam. Vesica verò *ἀραιὰ καὶ ἄσπερμα*, exanguis tora & spermatica, venulis tantum ex hypogastrico ramo tenuioribus in extimâ superficie prædita, perpetuo sero & aquoso liquore perfusa : non videtur apta nata ad eiusmodi affectus inflammatorios perpetiendos. Verumtamen cum omnes corporis nostri partes ad sui nutritionem sanguineo humore per venarum propagines fruuntur : non est dubium, quin illo exundante siue puro seu impuro, & aliis succis permixto, fieri possit illius decubitus & affluxio in quamcumque partem debiliorem factam, vel caloris aut doloris vi pressam, quæ attractionis duæ sunt potissimum causæ. Vt igitur meninges cerebri, ipsiusque propria substantia, pleura, mediastinum, & similes partes, inflammationes perpetiuntur frequentissimas ; sic etiam vesicam tumoribus hisce aliquando tentari, adducta deinceps Hippocratis & Galeni testimonia, & quotidiana docet experientia.

Addidimus ad differentiam istarum inflammationum in definitione, illas fieri ex affluxu humoris sanguinei vel biliosi. Quamuis enim sanguis pituitoso aut melancholico succo perfusus, possit aliquando istas *φλογώσεις* parere ; attamen rariùs, quoniam crassitie ob illorum permixtionem donatus, vix impetu fluere potest, aut ita facile in partium istarum solidarum tenuia spatia effundi. Calidarum enim istarum affectionum fluxio potius quàm congestio, mater censenda est, quæ paulatim ex coctricis vitio, aut expultricis impotentia, materias crudas & crassas in partibus accumulat ; cum istæ *ἀθρόως* & quasi derepentè membra inuadant. Non tamen omnino est negandum, quin aliquando portio pituitosi aut melancholici succi his fluxionibus permixti, possit facere differentias istorum tumorum, sed potissimas frequentissimasque ex sanguinis aut biliosi humoris dominatu esse repetendas.

Postrema definitionis nostræ pars complectitur ea quæ sunt *συνεπρόσβια καὶ ἐπιγενόμενα*, istos affectus comitari vel consequi solent. Comitantia sunt febris ardens, dolor circa illas partes, & urinae ardor cum mingendi difficultate : quæ peculiariter in signorum enumeratione explicabimus. *Επιγενόμενα* verò siue superuenientia multa esse possunt. Attamen quia istarum collectionum quatuor sunt viæ, vt loquuntur Practici, terminationis, per *διαφύρσιν*, *ἐκπύσιν*, *σπλήρσιν*, & *σφακελισμὸν* :

Quæ per διαφύσην, insensibiliter resoluuntur, illæ felicibus auspiciis, & paucâ symptomatum syndrome terminantur: Quæ verò per indurationem ex naturâ humoris, vel intempestiuo refrigerantium vû, vt postea dicemus, illæ in naturam deinceps diuturnorum affectuum transeunt: Quæ per corruptionem seu putrilaginem, illæ necessario mortiferæ existunt. At valde sunt conspicuæ illæ & Medico considerandæ, quæ in supputationem vergunt, quoniam ingentia inuehunt symptomata, à quibus si superstes maneat æger, puris copia per disruptam vomitum effunditur, & vlcus inductum nouam ægrotanti ac Medico pugnam indicat, vt nos sequenti capite videbimus. Iam ergo ad causas istorum affectuum transeamus.

Quæcunque igitur disponunt istas partes ad patiendum facili, vel attrahendum humores istos calidiores: quæcunque generant & multiplicant materias istas in corporibus nostris: aut easdem deducunt in loca vrinæ secernendæ, continendæ expurgandæque dicata, aut certè suismet qualitatibus inflammationes efficere possunt; ea omnia erunt causæ vel concausæ istorum affectuum augentes vel conseruantes. Vtpote ex parte rerum naturalium, infirmitas congenita & à parentibus contracta, vel magna substantiæ istorum membrorum laxitas, & pororum raritas, sæpe homines ex patiendi facilitate in istos affectus præcipitarunt, ex causâ etiâ leuiore ad efficiendum comparatâ. Item feruor & caliditas naturalis illarum partium, quia multas materias trahere solent versus istos ductus: Ætas item calidior & iuuenilis plurimum incurrit istos affectus, si incautè viuatur, & rerum non naturalium siue externarum insultus excipiat imprudenter. Veneris cerè abusus, & conatus illi immodici aut frequentiores, satiandis impudicissimis mulierculis dicati, plurimos iuuenes eneruare solent, aut certè si biliosiore vel sanguineo sint temperamento præditi, partium istarum inflammationes & exulcerationes accersere: Item si crapulæ addicti sint, vinisque generosioribus, salis, piperatis, fixis, & similibus sese ingurgitent: aut quod multò deterius est, si quidem à suis illis scortis, philtra & amatoria venena inscientes hauriant; vel ipsimet scientes lubentesque assumant stimulos ad Venerem potentiùs exercendam, vt cantharidum puluerem, formicarum oua, renes seicorum, & similia inflammantia & irritantia medicamenta vel venena. Potissimum æstiuo tempore dum ardet Canicula, vel inæqualis viget autumnus intemperies. Dumque furore illo erotico perciti, totas peruigilant noctes, vt amasis suis fruantur, quasi in excubiis militaribus positi, aut si ab illis repulsam passi, maximo mœrore aut irâ torqueantur. Et quemadmodum in castris Venereis hæc contingere possunt: sic etiâ sub Martis vexillo eadem aut multò grauiora: Nam labores illi continui equitandi diutiùs & violenter, gestandi grauiora arma, vt in cataphractis nostris militibus, duriter cubandi. Casus, ictus, & similia vulnera aut contusiones lumbis vel hypogastrio infligunt, quibus singulis pænè horarum momentis obiciuntur, multos in istas affectiones deducere solent. Quemadmodum in aliis grauiore exercitationes aut labores insueti, vt gestandi onera, agitandi triremes, fodiendi tellurem, & similia, quæ magnam toti corpori vim, potissimum verò partibus istis dorsi & lumborum violentam agitationem inferunt. Item magnam his affectionibus ansam suppeditarunt sæpius insignium & consuetarum vacuationum suppressiones, vt menstruorum in mulierculis, hæmorrhoidum, hæmorrhagiæ è naribus, & similia, quia causas illas interiores, plethoram scilicet vel cacochymiam multiplicant, & humores istos ad interiora illa viscera quasi refluxu quodam compellunt. Quibus si accesserint affectus totius, vt plethora aut vasorum cacochymia, febres continuæ, vel aliquarum partium expurgantium suam illuuiem per istos ductus, vt sæpe fit, aut certè in illis iam sint prægressi vel permanentes adhuc, vt intemperies morbosa, exulceratio contracta, calculus premens aut diuellens, dolor vehemens & frequentius recurrens, vrinæ ardor aut suppressio, non est dubium quin facillimum sit in propositos affectus incidere, qui iam signis suis & σημείοις sunt dignoscendi.

Ex solitis itaque fontibus signa partium istarum affectuum, & causarum, erunt repetenda. Ab actionibus enim læsis propriis certissimum est in utroque affectu tam renis quàm vesicæ, mictionem vitari: In renum inflammatione de Coupia potissimum contingere ob ardorem vrinario liquori communicatum, qui pungit & vellicat ipsam vesicam. In illius autem φλεγμονῇ strangurias & ischurias frequentius accidere, ob contractum scilicet eius corpus, vel obturatum illius canallem præ magnitudine tumoris, potissimum si interior superficies patiatur. Et quemadmodum

admodum propria istarum partium actio vitiatur, sic etiam per consensum aliarum functiones perturbantur. Inde enim autὰ φλογώσαι, vel certè per vaporis illius putredinosi halitum incenso corde, animi sæpe deliquia, febrisque assidua molestissima & horrida excitatur, cuius incrementa & mores sequuntur conditionem istius materię, quæ in spatiis istarum partium effusa fuit. Atque inde velut propagato mali fomite, ipsum etiam cerebrum cum neruoso genere afficitur, & παραφροσύνας, dolores acutos conuulsionesque sæpius patiuntur. Verùm partibus vicinis multò crudelius bellum inferitur. Nam per inflammationem renum ventriculus perpetuò grauior se habet, nausis & vomitionibus biliosis, ætuginosis, & similibus, aut certè ἀποσπῆξ, persenerante, siti in exhausta, graui καρδιογμῶ, anxioso, æstuoso, & sudationibus comitato, ostendit quantum mali sibi ex sympathiâ istâ impendat. Neque omnino à consensu isto dolorifico libera sunt iecur, si quidem ren dexter inflammatur, aut lien si sinister; imò etiam ipsum malum per vteras in testem & musculos illos lumbares, ψόας dictos, καὶ ἔξιν posito femori & lumbis communicatur: Necnon toti dorso ac spinali medullæ, quam flectere, aut alio modo agitare vix possunt. Per inflammationem verò vesicæ, rectum intestinum vehementer affligitur, (ipseque vterus in mulierculis,) atque tota hypogastrij, pectinis, perinæque regio: vnde illæ desidendi simul & mingendi cupiditates, cum sensu ardoris, tensionis, aut oppressionis, ad sedis vsque extremum protenso. Ex situ etiam dupliciter innōtescit, partes istas esse inflammatione affectas, ægri scilicet ipsius querelâ, indicantis locum doloris & oppressionis suæ, supra quem vix ac ne vix quidem audet decumbere, vel etiam ad latus sese conuertere, quia tunc magis suspenditur pars illa grauior & sensibilibior facta: sed supinus in dorsum quasi perpetuò reclinare cogitur; ac Medici sedulitate contingentis contrectantisque ista loca dolentia, renitentia & quasi æstuantia. Ductâ enim ab umbilico versus dorso vertebra rectâ vtrinque lineâ, facillè inuenies renis vtriusque tumorem doloremque ex pressu statim excitabis, atque si ingens sit phlegmone, aut iam ad suppuratum vergat, pulsationem, παλμὸν, ibi persenties. Quemadmodum vesicæ in aqualiculo positæ, tumores & quæcumque repletiones tactui & quasi visui sunt obuiæ. Excretorum etiam ratio potissimum vrinæ, ostendent partem ipsam affectam & affectus naturam: Vrina enim in principio phlegmones renum, quamuis aliquando alba & tenuis, quasi transcolato sero profundatur, semper tamen acris & mordax existit, multumque ardoris sensum inferre solet, aliàs multâ bile aut tenuiore sanguine perfusa ob compressionem ductuum meitur: progressu temporis etiam saniosa, virulenta, graueolens & purulenta, vt in sequenti tractatu dicemus. Per vomitum verò & per aluum biliosa, acria, sincera, & nigricantia sæpe profunduntur, tanti scilicet mali funestissima indicia. Doloris etiam proprietas in renibus grauis & pulsans, (*nisi tunica inuoluenti renes inflammatio hæreat, quæ dolorem etiam acutum & pungentem inferet.*) in vesicâ acutus & inflammans, cum propriis accidentibus, partis scilicet renixu, febre assiduâ & horrificâ, rigoris vario insultu, extremitatum frigore & liuiditate quadam, vt solet in febribus lipyriis; ostendunt in istis partibus phlegmonem aut erysipelas adesse.

Quæ verò sint causæ & differentiæ istorum affectuum, perquirendum ex diligenti animaduersione rerum naturalium, non naturalium, & præter naturam, tam earum quæ præcesserunt, quàm quæ adhuc præsentis sunt. Phlegmonosa constitutio, vt maiorem tensionem, grauitatem & pulsationem infert; sic erysipelatoxa vehementiorem ardorem & punctionis sensum. Ac prout sanguis ille aut biliosus succus, sincerus vel permixtus fuerit inter se, vel cum portione melancholici aut pituitosi humoris; sic etiam variantur ista omnia iam à nobis adducta, vt satis vnicuique est notum. Ergo ad prognosin transeamus.

Prædictio itaque in hisce affectibus, non nisi mala & infelix esse potest, aut certè valdè anceps & dubia, siue speciem affectus respicias, nempe inflammationem systrophicam, quæ in internis partibus & ad necessarios vitæ vsus comparatis, quales sunt renes & vesica, perpetuò mortis periculum impendere significat, vt est apud Hippocratem *lib. de victus rat. in acut.* ob insignem illam & ætuosam febrem coniunctam, dolores & similia accidentia, quæ Hippocrates vocauit 7. *Aphorism.* *scilicet τὰς ἐσχάτους πόνους*, extremos labores & naturæ fatigationes ex morbo. Siue etiam respicias *μετέωρον*, transmutationem horum affectuum in alios, quoties vitæ diutius prorogatur: Sæpius enim ex *διαφροήσαι*, resolutione tenuiorum partium materię tumorem committentis, aut longo refrigerantium vsu, vt solet, ad temperandos

perandos eiusmodi ardores, exoritur *σκληρώσις* durities, ad quam contractis vel obstructis hisce partibus, nec munere deinceps suo conuenienter fungentibus tabes aut hydrops consequuntur, multò magis si ex suppurato. *Vide Aphor. 36. sect. 7.* putrilaginosà vlcera & corruptelæ exoriantur, quæ hominem diu fatigatum in *ἀσποφίαν* tandem & totius corporis *σύληξιν*, mortiferam consumptionem præcipitant. Minuitur tamen periculum in hisce affectibus, quoties tumores minoris sunt quantitatis, & paruum in istis partibus spatium occupant: quoties omnia symptomata pro istius morbi more sunt mitiora, facileque resoluuntur, aut pus album, læue, æquale & minimè fœtidum profundunt per vrinas, ruptâ scil. interiùs vomica. Nam si in parte externâ quâ patet exitus in cauitatem abdominis effundatur, malum est, quia non potest tunc excerni materia illa purulenta, & ex illius retentione intestina & reliquæ partes ibi contentæ vitium concipiunt. Audiamus igitur Hippocratem in *Coacis prænotionibus & prognosticis*, ita de vesicæ inflammationibus prædicentem, quæ etiam multò grauiores sunt renum tumoribus phlegmonosis vel erysipelatosi, ob partis substantiam neruofam & magis exquisitum sensum. *Vesica*, inquit, *dura & dolentes, penitus sunt horrenda atque lethifera, multòque perniciosiores cum febre assiduâ coniunctæ: Etenim labores ac dolores qui ex ipsâ vesicâ oriuntur, sufficiunt ad hominem enecandum. Ac tunc alius ipsa nihil excernit, nisi dura admodum & necessitate compulsâ. Istos aliquando sanare potest*, addit Hippocrates, *vrina πωδῆς, quæ albam & lauem habet hypostasin: Sin autem nec vlià remissio est ex parte vrinae, nequæ vesica emollescit, sed febris illa assidua perseuerat, credibile est agrum primis morbi periodis periturum: Inuadit autem pueros potissimum hæc morbi species usque ad 15. annum, quemadmodum & calculi generatio.* Ecce igitur quàm suspecta sit hæc dispositio Hippocrati, cuius totam salutis spem reponit in emolliitione quadam vesicæ, quæ contingit ex diaphoresi materiæ distendentis, vel suppuratione illius, ad quam sequitur profusio vrinæ illius purulentæ & copiosæ. Alias enim succedit mors primis diebus decretoriis, vt quinto, aut quod longissimum est, septimo. Quia fieri non potest in tantâ symptomatum violentiâ, alui & vrinæ suppressione, febre *ἀσώδης*, & omnium quasi partium *συνδυμωρία* ægrum diutius perdurare posse, nisi robustis sit admodum viribus, quæ tantam ægritudinis huius tempestatem diutius sustinere possit, aut accurata remediorum vsurpatio, quæ illam primis statim morbi diebus infringat. Siquid autem salutare adhuc existit in hisce renum & vesicæ inflammationibus, est hæmorrhagia illa, quæ ex venis ani, hæmorrhoidalibus scil. contingere solet, vt de nephriticis pronuntiauit Hippocrates *Aphor. 11. sect. 6.* quia per eiusmodi fluxum auertitur cursus materiæ in istas partes fiens, atque etiam bona illius quæ influxit portio vacuatur. In tam periculosis itaque & dubiis affectibus, cùm Medici ars & solertia plurimum elucescant, videamus iam quomodo illis ritè sit prospiciendum ex consuetâ nobis methodo.

Ergo tumores isti præter naturam phlegmonosi aut erysipelatosi in renibus & vesicâ, cùm pendeant ex influxu sanguinei aut biliosi humoris aliunde per venas profecti, & in illarum spatia effusi ac ibi putrescentis, magnosque non solum in parte affectâ ardores, sed etiam in toto continuas & æstuosissimas febres concitent, grauissimis stipatas symptomatis ex variâ partium nostri corporis sympathiâ: Ideò sui sublationem suadent per conuenientia remedia diætetica, Chirurgica, & Pharmaceutica, pro variis illorum temporibus & constitutionibus. Cùm enim ab humore pendeant influente & replente, statim indicant vacuantia, reuellentia, deriuantia, ratione causæ antecedentis, & quomodocunque eandem imminuentia, vt per tenuem diætam, purgationem, si excrementorum adsit concursus, & similia. Ratione causæ coniunctæ, eiusdem *ἀποκένωσιν*, non quidem repellendo aut intercipiendo fluxionis vias, quoniam in tumoribus istis internis vera *ἀποκρυσινὰ* & defensiuâ vulgò dicta, compingerent potius materiam versùs partem quàm repellerent; Sed refrigerantibus simpliciter, quæ immensam partis & humoris calorem, potentissimam attractionis causam temperent: Quibus statim *διαφορητικὰ* permiscenda, vt resolutio etiam procuretur, quæ hîc maximè est exoptanda, necnon si ingens sit doloris & tensionis, vt solet, sensus, *χαλαστικὰ* & *μαλακτικὰ* admoveantur, quæ illum mulceant, & nimiam ex repletionem duritiem emolliant. Quòd si frustrâ resolutione procuratâ, natura ad suppurationem conuertatur, tunc *ἐκπυητικοίς* iuuanda, vomicæ ruptio tentanda, & purulenta materia conuenienter detergenda. Quemadmodum in illius induratione scirrhusâ, quæ phlegmonis sæpe succedit, attenuantium & mollientium vsus proponitur. Intereâ morbis

& symptomatis grauioribus, vt febris, dolori, vigiliis, suppressæ vrinæ & aluo, ventriculo, & aliis partibus compatiens, erit accuratè prospiciendum, prout res ipsa suadebit, quæ vrgentioris causâ legitimam aliquando medendi methodum inuertit. His ita positis, diætam istorum ægrorum primò constituamus.

Pro victus ergo ratione in hisce morbis esto illud fundamentum Hippoc. Aphor. 7: sect. 1. *Vbi morbus peracutus est, statim extremos habet labores, & statim tenuissimo victu utendum est. Vbi verò non, tunc paulò pleniorē oportet indulgere, tantumque cibi exhibere, quantum morbus ipse recedit à vehementia acutissimorum* Vnde constat in propositis tumoribus, quantò illi magis accedunt ad veram phlegmones aut erysipelatis naturam cum ardentissimâ febre, eò etiam magis subtiliandam esse diætam, ratione substantiæ, quantitatis, & formæ quâ exhiberi solet, non tamen omnimodâ inediā præscribendam, vt eleganter annotauit Aërius, ne vrinæ aciores reddantur (quamuis ad consumendâ fluxionis materiam esset aptissima per aliquot dies.) Vbi verò accedunt quodammodo ad impuras illas phlegmones pituitæ aut melancholico humori coniunctas, cum lentâ aut mediocri febre, eò nutriendos esse istos ægros liberaliori manu, vt subsistere valeant in diuturniore morbo: Nō tamen augeatur causa morbifica & *συνδρομή* excrementorū. Sint itaq; omnia euchyma & *εὐπεπτα*, quæ hisce ægris exhibebuntur, quantitatē pauca, & in plures potius vices dispertita, quàm vnicâ copiosius ingesta, ne ventriculus & intestina, illisq; vicinæ istæ partes grauentur: formâ suâ liquida & sorbilia potius quàm solida, donec morbus ad declinationē vergat. Et quemadmodum quantitas ita regulanda, sic etiam alimentorum qualitas respectu humoris qui redundabit, & comitantis febris, erit eligenda, refrigerans, humectans, incrassans, molliens, incidens, aut attenuans, pro variis eorū dispositionibus. Nostros itaq; ægros huiusmodi inflammationibus detentos, alere solemus in principio potissimum iusculis teneriorū pullorum, quæ alterantur herbis conuenientibus, maluâ, endiuia, cicorio, acetosâ, portulacâ, vuis acerbis, & similibus refrigerantibus & molliētibus, aut leuiter incrassantibus humores fluētes, lenientibus etiâ, vt cremore hordei, amygdalato, panatellis ex prædicto iure cōfectis, ouis sorbilibus cōuenienti aliquo succo, vt agrestæ, omphacij, aut granatorū imbutis, prunis acidioribus & pomis cū saccharo coctis. Interdicimus ab omnibus solidioris & crassioris succi alimētis, salis, piperatis, fixis, & similibus: vt etiâ vino, in cuius locū aquam seu decoct. rad. acetosæ & hordei, cū paucâ liquiritiâ exhibemus, vel ex syrupo aliquo acetoso cū aquâ endiuia sitim eorū extinguimus: Circa declinationem, & iam cessante febre vinum album, *ἀλγιστόν* & tenuum partium concedimus, vt materiæ reliquias propellat: Et tunc ad ægrorum istorum refectionem etiam carnes pullorum, hœdorum, & similibus cum pane albissimo concedimus, imò etiam pisces saxatiles & bene præparatos, ranarum coxas, cancos fluuiatiles, &c. prout ad hunc vel illum cibum magis feruntur.

Et quemadmodum ex parte alimentorum nihil erroris est cōmittendum, sic etiam reliqua omnia bene instituta esse debent. Aër scil. ad eam tēperiem reducendus, quæ febrili æstui temperando sit accommodatissima: omnia sint munda, atque etiam gratis odoribus perfusa, ob putrilaginem & foetorem quæ eiusmodi inflammationes internas subsequi solent. Stratum esto mollissimū, ne lædat partes istas dolore affectas, summū imperetur vndiq; silentium, corporisq; & animi quantū fieri poterit tranquillitas, ne deinceps humores exagitetur: Somni & vigiliæ sit vicissitudo, vt neq; somni diuturnioris propensio concedatur, quæ solet motū ad interiora facere, & viscera calore nimio afficere: neq; vigiliæ immoderatæ ægrotantiū istorū vires frangāt, & acrimoniâ humorū intendant. Vacuationū solitarū effluxus quotidiani aut frequētiores, si opus fuerit, procurentur: Maxima enim est in hisce affectibus spes salutis, quoties alius ritè suo officio fugitur, vrina more solito & indolenter profūdatur, mēstrua aut hæmorrhoides in assuetis suas seruant periodos: Quæ si extra naturæ lineas subsistat, omni arte & industriâ ad sua munera reuocetur, vt deinceps particulariùs dicemus.

His ergo ita institutis, ad maiora remedia veniendū ex propositis indicationibus, vt scil. causæ illæ humorales in affectâ partem quasi agmine quodâ facto irruentes, minuantur per sufficientē euacuationē, auertantur & deriuentur. Cū autē eiusmodi materiâ fluens in venarū conceptaculis stabuletur, nō possumus prædictos scopos accommodatiùs assequi, quàm phlebotomiâ etq; pluribus diebus iteratâ, ad eam sanguinis quantitatem, quam viriū status, & præsentis plethoræ conditio suadebunt: idq; ex venis primū cubiti dextri vel sinistri, prout renū alteruter erit affectus. Nam quoad vesicâ inflammata, eligenda pars dextra propter hepar, ex quo velut sanguinis fonte, præsumitur eiusmodi materia profluere: Deinde venæ poplitæ καὶ ἰσχίον, aut malleoli non sine fructu aperientur, quia partes istæ, ren & vesica, quasi corporis nostri

mediæ, vtrinque commodè depleri possunt. Si hæmorrhoidalium venarum adsit tumor & inflatio euidens, poterit per illas referatas, velut propinquiora vasa, fieri aptissima deriuatio materiæ, quæ partibus istis nondum affixa erit, quemadmodum in mulierculis per vterum, si res ita ferat. His etiam auxiliabuntur cucurbitulæ inferioribus & superioribus partibus admotæ cum scarificatu, frictiones & ligaturæ dolorificæ extremitatum ad reuocandos versus exteriora humores.

Quod si cacochymia aliqua huic affectui iuncta sit, vel certè in primâ corporis regione stabulari videatur, poterunt præscribi mollientes & leniter vacuantes clysteres; potiones ex laxantibus benignioribus nihil conturbantibus aut calfacientibus, Alias enim periculum esset, ne calefacto corpore exagitati humores magis præcipitarentur versus istas partes, & inflammationem augerent: Vnde annotant Practici nostri in eiusmodi affectibus, si adsit ingens alui fluxus, etiam esse sistendum propter istas causas. Ergo ex decocto maluæ, violariæ, althææ, cum pauco hordeo, seminibus frigidis, lini & scœntigræci, paretur clyster cum ʒ j. cassiæ, catholic. aut diaprun. simpl. addendo olei liliacei, violacei, aut rosacei in principio ad roborandos renes & vesicam, aliquot vncias. Medicamentum paretur ex ʒ vj. medullæ cassiæ fistularis, vel catholici cum dimidiâ drachmâ rhabarb. electi, & pauco santalo rubro: aut ex ʒ ij. syrupi rosati solutiui, cum infusione ʒ j. rhabar. in aquæ endiuia ʒ iv. Vel etiam si maior sit inflammatio, omittantur purgantia ista, donec materia conuenienter præparata fuerit. Ad quod facient iulepi, emulsiones, apozemata, & similia æstum febrilem, & humoris acrimoniam mitigantia, liquida enim esse debent, & sufficientis quantitatis, vt penetrare possint ad partes vsque istas remotiores. Vt

ʒ Aquæ endiuia & solani, vel portulacæ, an. ʒ v. syrupi granat. acid. & de papauere, an. ʒ ij. Misce. Aromatizetur puluere santali rubri, vel diatragac. frigidi, quod valde lenit & temperat. Fiat iulep, pro tribus dosibus matutinis. Circa vesperam verò summat emulsionis sequentis ʒ vi. vel iv. per se, vel cum iusculi mediâ parte mixtas.

ʒ Amygdal. dulc. excorticat. ʒ j. seminum lactucæ, acetosæ, & portulac. mundat. an. ʒ iij. seminis papaueris albi recentis ʒ ij. Contundantur vt artis est, & affundendo aquæ hordei ʒ j. ʒ. sacchari albi parum. Fiat emulsio, in quâ omisimus semina frig. maiora, & omnia diuretica, quamuis temperata & refrigerantia, ne quicquid de nouo cōmoueant, aut versus istas partes deducant; Quæ tamen in declinatione ex usu esse poterunt. Si mauis, fiat decoctū sequens, quo vtetur manè & serò vice præcedentiū.

ʒ Rad. acetosæ ʒ ij. foliorum maluæ, plantag. portulacæ, endiuia, an. M. ij. summitatum papaueris albi M. j. seminum anisi & lactucæ, an. ʒ ij. florum violæ, borrag & papauer. rubr. an. P. j. Fiat decoctio, vt artis est, ad ʒ j. ʒ. Cui adde succi gran. ʒ iij Vtatur vt dictum est. Auicennas celebrat in eiusmodi inflammationibus internis, succum cucurbitæ in furno leuiter coctæ: Alij aquam endiuia cum serp caprillo, quæ mutare licebit pro loci, temporis, & ægri conditione.

Et quemadmodum istis circa causæ antecedentis expugnationem laborabimus; sic etiam circa coniunctam agendū erit topicis in principio refrigerantibus & tēperantibus summū illum ardorē, & partium robur tuentibus. Topica autem illa, vel admouebūtur externæ regioni, quæ renibus aut vesicæ affectis superiaceat; vel per clysteres, in intestinum iniicientur, quod illis est propinquissimum. Ex oleo itaque rosaceo, violaceo, cerato santalino, vnguento rosaceo, vel alb. vng. populeone, solis aut mixtis cum pauco aceto, fiât litus istarum partium frequentes: Vel si mauis, totum ouū, hoc est, albumen cum vitello fortiter agitetur, deinde affundatur parum olei & aceti rosacei, vel aquæ solani & portulacæ: inungantur singulis horis subfrigidè. Aut fiât epithemata liquida ex aquis endiuia, solani, & rosarum, cum pauco santalo rubro & camphurâ, quo foueantur bis aut ter in die subtepidè. Imò si inflammatio & dolor acerbus magis vrgeant, non erit alienum in eiusmodi linimentis, vnguentis, aut epithematis, parum opij cum croco dissoluere. Clysteres etiam eodem modo iniicientur ex decocto refrigerante, vel emulsione prædictâ, cum ʒ ij. olei rosacei aut violacei.

Verum non est insistendum diutiùs in hisce, vt dicebamus, refrigerantibus, ne impediatur materiæ impactæ διαφύεσις, vel ne partium istarū tumores scirrhescant: Ideò statim ad mollientia, leuiter resoluentia, & chalastica dicta veniendū. Talia erunt ex decoct. rad. althææ, lilior. folior. maluæ, parietar. violariæ, seminum lini, maluæ, althææ, bombacis, scœnogr. & papauer. albi, cum floribus meliloti, chamæmeli, violarum, antheros & rosarum ad robur partis seruandū: Quibus fouebuntur partes istæ cum filtris, vel suillis vesicis semiplenis: Deinde inungentur oleo lilior. viol. nenupharino & ros. simul mixtis. Parū enim proba balnei vel semicupij à Practicis nostris cōmemorati vsum in hoc casu, metu fluxionis nouæ & agitationis totius corporis. Inter chalastica

& anodyna simul, non est præstantius aliud eo cataplasmate, quod fit ex mica panis albissimi in lacte decoctâ cum vitellis ouorum, cui addere potes parum olei rosacei, caphuræ, opij, & similia; pro vario morbi statu. Vel si mauis, in prædicti decocti magmate contuso & cribrato, dissoluantur farinæ hordei & seminis lini, cum oleis prædictis, & paucis croco. Fiat cataplasma leuissimum & frequenter mutandum. Eiusmodi enim solida medicamenta citò calorem concipiunt, & grauant partes istas dolentes: ac proinde ceratis aut emplastris abstinendum hîc esse arbitror.

Vbi iam inflammationis maxima pars sedata videbitur, tunc purè resoluentibus decoctis & linimentis vtendum, vt reliquæ omnino absumantur, quod est maxime oprandum.

Quod si præter institutum Medici, natura putrefactum humorem concoquere incipiat, quia per resolutionem fortasse non potuit superari: tunc dolores & febres omniæque symptomata exacerbantur: vitæque ægrotantis maximum imminet periculum, quamdiu fit suppuratio. Vnde Medicus erecto tunc debet animo tantam symptomatum tempestatem, quantum fieri poterit, sedare, & naturæ motum iuuare, ad motis suppurantibus & lenientibus vnguentis, de althæâ, basilicone, cum vitellis ouorum, & oleo rosaceo: Cataplasmatibus ex farinâ lini & triticeâ, cum oleo & aquâ coctis, addendo caricarum paria aliquot, axungias gallinæ aut anseris cum croco, & similia, vt pure citius procurato omnia conquiescant accidentia: & pus ipsum per disruptam sponte vomitam, aut hydromelitis cum decocto rad. aperitiuarum, oxymelitis diuretici, & aliorum assumptorum diureticorum operâ effundatur. Quamuis enim magnum deinceps expugnandi vlcis certamen instet, vt aliis dicemus capitibus; melius est tamen illud experiri, quam ægrum certâ quasi internecioni addictum deserere. Fit etiam sæpè, vt propter certam materiæ aut partium istarum constitutionem, vel etiam diuturniorem, vt diximus, refrigerantium vsum, tumores isti indurentur, cessante quidem febre & dolore, sed perseuerante ponderis sensu maiore, & circumiectarum partium stupore: vnde ineunda est aduersus istam scirrhosin grauissima pugna ex mollientibus & leuiter incidentibus, vt capite de scirrho hepatis dicebamus.

Superest igitur, vt Medicus præter legitimam illam expugnandi huius morbi & causarum à quibus proficiscitur, curandi methodum, etiam ad quæcunque concomitantia symptomata animum conuertat: qualia sunt præcipuè febris illa ardens, dolor immensus, vigilie perseuerantes, ischuriæ vel dysuriæ coniunctæ, ex quibus magnum in hoc affectu sæpè periculum accersitur. Quod ad febrem itaque, dolorem ex inflammatione & distentione ortum, & vigilias illas attinet, certum est iam adducta à nobis vacuantia & alterantia plurimum posse ad eorum mitigationem. Quibus addes admota illa omnia hepatis, cordi, & cerebro, quæ æstum illorum compescere possunt, epithemata solida liquidæque, inunctiones, & similia: necnon narcoticorum assumptorum, vel per clysteres iniectionum, vt philonij, confect. requiei dictæ, syrupi ex utroque papauere, communis scilicet & rubri vsum, qui hîc frequenter repetendus, propter summam morbi violentiam. Glandes anodynæ dictæ, vel noduli ex vitello oui cum paucis opio, & succo hyoscyami, vel similibus confecti, & in anum immissi, plurimum valent ad leniendos vesicæ dolores immoderatos.

Quod si *ixæpiay* vel *δυσουρίay* vrgeant, ad propria istorum affectuum capita erit recurrendum. Attramen hoc annotare possumus, *δυσουρίay* cum ex ardore vrinæ, vel permixtione puris hîc oriatur, sedari refrigerantibus, lenientibus, & modicè detergentibus sumptis per os, & in vesicam infusis per syringam. In *ixæpiay* verò minor est spes salutis. Nam si illa ob summam inflammationem & obstructionem renum oriatur, vix vllam illi opem adferre poterit Medicus, cum serum illud refluat in superiores venas: Sin verò ob insignem vesicæ tumorem, certè magna est etiam difficultas, potissimum in viris, immittendi in illam inflammata & distentam catheteris: quo solo tamen videtur vrina intus contenta effundi posse. Est tamen in tam imminente periculo aliquid audendum, & tentanda ex arte remedia attenuantia, detergentia & aperientia, quæ huic symptomati succurrere possunt, vt postea dicemus. Iam enim ad tertium tractationis nostræ caput aggredimur.

CAPVT III.

De Vrinâ sanguinolentâ, siue Mictu sanguinis.

RINÆ liquor, & eius contenta aliquando homogenea sunt, id est, eiusdem quasi substantiæ; quoniam cum illa ortum suum perfectionemque nanciscuntur, & simul naturaliter profunduntur, ut sunt hypostases illæ, enæoremata, & nubeculæ toties ab Hippoc. recensitæ; alias heterogenea, alienigenæ & discrepantis naturæ; qualia sunt ea omnia, quæ præter naturam illi permisceri solent, siue ab vniuerso corpore, siue ab aliquâ tantum parte, nimirum hepate, renibus, vesicâ & reliquis illi adueniant, ut sunt pinguedo, oleosa materia, varia ramenta surfuracea, laminosa, pilosa, carunculæ, pituita, arenulæ, pus, sanguis, & similia: Quorum excretio ægris ac Medico horrenda, summas interni habitus calamitates portendunt, ad quarum perquisitionem toto statim animi conatu conuerti debet: ut ingruentes illas ruinas arte Medicâ præuertere conetur: Vel certè futurum ægri euentum accuratè ex præceptis Hippocratis prælagire possit.

Quoniam igitur excreta ista præter naturam magis manifesta sunt vnicuique, quàm interiores illæ actiones vitiatæ, vel partium dispositiones, à quibus illæ proficiuntur: ideò nunc generationem ac causas sanguinolentæ vrinæ, sequenti verò capite purulentæ, eaque omnia quæ ad *διάγνωσιν, πρόγνωσιν & θεραπείαν* illius faciunt, indagaturi: definitionem assignabimus, quæ futuræ tractationi conueniat.

Est itaque Sanguinolenta vrina, excretum præter naturam, seu illius liquor sanguine infectus solo vel permixto, diutius aut per interualla profusus, ab internâ solutione continui, aut aliâ dispositione morbificâ profectus.

Diximus esse excretum præter naturam, quoniam illius essentialis ratio non tam denotat mictionem deprauatam aut alio modo læsam, quàm vitium rei illius quæ meiendo excernitur. Non enim est necessarium, dum sanguis per vrinas profunditur, actionem illam semper esse vitiatam manifestè & sensibiliter, ut loquuntur, quandoquidem multos videmus eiusmodi vrinas diutius excernere indolenter, ac sine villo impedimento. Est autem excrementum istud præter naturam, ratione potissimum contenti, nempe sanguinis & aliarum rerum quæ vrinario liquori permiscuntur: Quamuis enim hic affectus dicatur aliquando mictus sanguinis, non tamen existimandum est, purum & putum sanguinem effundi, sed permixtum serositatibus illis, quæ in vesicâ quotidie colliguntur, & diluunt eiusmodi materiam sanguinolentam, ut faciliè excerni possit: cuius exigua portio magnam seri istius copiam suo colore inficere potest. Quotiescunque enim contingit, tantam esse sanguinis in vesicam effusi quantitatem, ut longè serum illud vrinarium superet, toties etiam subest periculum non excretionis immodicæ aut deprauatæ, sed suppressionis potius & retentionis istius materiæ sanguineæ, quæ in ampliores corporis sinus effusa faciliè grumescit, & in crassiores thrombos conuertitur: vnde grauissimæ affectus, & in vesicâ *ιξουρία* lethales, & malignis comitatæ symptomatis inducuntur, ut nos suo loco dicemus. Neque etiam intelligendum hîc de eâ puri sanguinis excretionem, quæ contingit ex interiori penis meatu aut vasis seminariis, quia fit sine vrinæ permixtione, aut villo voluntatis imperio; quamuis eandem cum istâ curationem suscipere possit.

Hic igitur liquor sanguine infectus est solo vel cum aliis permixto, ut pure, ramentis variis, sabulo, & similibus: prout à variis causis proficiscitur: Tunc enim maximè est sincerus, quoties à ruptis aut apertis venulis, vel partium imbecillitate emanat, quoniam nihil adhuc de illarum substantiâ, aut aliorum in corpore contentorum deteritur: Vbi autem à confricante calculo vel crassioribus sabulis illud contingit, aut ab erosione, tumore præter naturam suppurato, & similibus, toties etiam vel arenulæ ab ipso calculo derasæ, vel ramenta varia *σαρκώδες, ἐφελξιδαίς*, pelliculæ, surfuraceæ laminæ, carnea corpuscula, aut etiam pus permisceri & complicari potest, ita tamen ut maior sit sanguinis portio, & longè alia superans. Quemadmodum enim vrina purulenta dicitur, quotiescunque illius liquor,

puris

puris magnâ copiâ est infectus, quamvis guttæ aliquot sanguinis aut flamentâ in illo appareant; sic à maiori sanguinis portione, quamvis aliis rebus permixti, sit urinx sanguinolentæ denominatio.

Debet etiam hic sanguis diutius, aut per intervalla & quasi recurrentes periodos excerni, ut urinx istam tribuat appellationem. Si enim semel tantum, aut per exiguum valde temporis spatium urinx rubro colore perfundantur, credibilis est ab intemperie partium calidâ, aut permixtione biliosi illius & rufescentis succi tinctas fuisse, quàm gratissimi istius humoris, quem non solet natura, nisi coactâ ab exuperante eius quantitate, vel inductâ qualitate quadam noxiâ, aut certe vi morbificæ alicuius dispositionis, per has potissimum vias profundere, (quæ non sunt loca conferentia, aut huic rei dicata, ut postea melius patebit.)

Supereft igitur ut videamus, à quibus causis, & ex quibus potissimum partibus sanguis iste cum urinâ profundatur, ut hinc totam rei istius cognitionem, & solidiora curationis fundamenta facilius deducere possimus.

Cum igitur sanguis naturaliter, vel in cavitatibus cordis & hepatis, ubi concoquitur & elaboratur, vel in conceptaculis venarum & arteriarum contineatur: oportet aliquid præter naturam ipsis aut contento sanguini contigisse, ut inde effluat genialis iste humor totius corporis nutritioni dicatus. Ex cavitatibus quidem cordis, aut hepatis substantiâ profundi non potest, nisi cum præcipiti vitæ periculo, suffocatione scilicet aut exolutione caloris natiui, ut patet, ac proinde parum illa affectio sub Medici cognitionem venit. Ex venis autem aut arteriis effluit, quia naturalem illam substantiæ suæ continuitatem amiserunt, cuius operâ liquidiorē istam materiam, vasis instar, suo coercerant termino. Oportet itaque istam continentium partium, aut rei contentæ dispositionem esse immutatam, quoties sanguinis liquor ab illis effunditur. Id autem dupliciter fieri potest in vasis, vel ratione contiguitatis pororum suorum, quibus naturaliter prædita sunt, dilatatorum scilicet, nimis, aut diuulforum; vel ratione continuitatis illius, quæ mathematica siue contractus propriè dicitur, amissæ per vulnera, disruptiones, & vlcera in extremitatibus vel medio earum tractu contingentia. Vnde Galenus eleganter quatuor constituit causas proximas & immediatas omnis hæmorrhagiæ, tam periodicæ, criticæ, quàm symptomaticæ, διαρρέσθαι, ἀναστόμωσιν, ῥήξιν & διάβρωσιν. Quarum duæ ultimæ veræ sunt & manifestæ solutiones continui; aliæ solutiones potius contigui, quas Practici nostri vocant occultas. Istarum itaque omnium exempla & causas in proposito hoc affectu inquiramus.

Διαρρέσθαι ergo, quæ nihil aliud est, quàm transcolatio sanguinis serosioris, contingere potest in renibus aut partibus illi superioribus, ut hepate & similibus, (nam vesica ob substantiæ suæ firmitatem, & venarum occultationem, parum huic affectui exposita est) quotiescunque imbecilliores factæ sanguinem continere non possunt, aut certè propter illius tenuitatem, vasorumque raritatem & laxitatem præterfluit aquosus, ichorosus, & sudoris instar transcolatus. Quemadmodum enim naturaliter, ad singularum partium nutritionem roris instar, è venulis ipsis in spatia partium nutriendarum deriuatur: sic præter naturam mutatâ sanguinis ipsius διαρρέσθαι, aut partium dispositione effluere potest; ut in hydropicis videre est, & quacunque iecoris ἀλωιὰ, per quam non solum fæces aquosæ & loturæ carniū simillimæ profunduntur, sed & urinx rubricantes sero sanguineo permixtæ. In summâ etiam renum infirmitate, quoties non secernunt accuratè materiam serosam à sanguine laudabili, vel secretum retinere & sibi apponere nequeunt, aut certè propter summam istius partis aut aliarum inflammationem & compressionem, effluit illud ἰχρῶδες, quasi expressum, ut dicebamus ex Hippocrate, etque simile quod è carnibus assis vel contusis effluere videmus. Ac proinde illa διαρρέσθαι ad partium imbecillitatem, vasorum dilatationem, expressionem, aut summam sanguinis tenuitatem, solas vel complicatas referenda est: Quæ rursus à multis aliis causis suam originem repetere possunt, ut satis patet.

Αναστόμωσις verò, quæ est osculorum in extremis venarum aut arteriarum finibus positorum apertio; à ῥήξει eo differt, quod ruptiones istæ in ortu, seu in medio vasorum tractu contingunt, & quod eiusdem ῥήξει præter naturam semper contingat, cum ἀναστόμωσις sæpissimè à naturâ etiam commodis suis addictâ instituitur: quotiescunque periodicas illas & criticas hæmorrhagias ad deplendam humorum copiam instituit. Habet tamen causas ferè easdem, ut docet Galenus.

Metb. Quoties enim sanguis multitudine suâ valde exuperat, aut propter ebullitionem & agitationem nimiam vasa admodum distendit, eaque teneriora adhuc & patentibus orificiis prædita, vel certè ab externis causis vulnerantibus, contundentibus, diuellentibus, violenter affecta; toties periculum est ne ἐνζυς vel ἀναστόµωσις venarum contingat, non solum in naribus, vterò, hæmorrhoidibus, quæ sunt viæ naturales & consuetæ, sed etiam in variis corporis partibus, vt pulmonibus, ventriculo, renibus, & similibus internis, per quas deinde sanguinis purpurei & rutilantis magna copia, eaque confertim effunditur: vel etiam per interualla & certas periodos, si naturâ duce illa vacuatio instituat. Vnde videmus mulierculas quæ non purgantur per vterum, athletas, reliquosque homines plethoricos, vt eos quibus insigne aliquod corporis membrum fuit detruncatum, vel consuetæ è naribus aut hæmorrhoidibus hæmorrhagiæ suppressæ diutius, ruptionibus & apertionibus venarum valde esse obnoxios, quoties potissimum commouentur labore forti, vt est apud Hippocr. *lib. de intern. aff. irâ, crapulâ, vomitu violento, ingenti vociferatione; aut certè grauiori casu, ictu, saltu, oneris gestatione, & similibus afficiuntur.* Idem aliquando præstat frigus vehemens violenter constringendo, quod idè ab Hippocrate *Aphor. 24. sect. 5. φλεβῶν ἐνζυκὸν & ἀιμορροαγικὸν* dicitur: necnon intensior æstus sanguinis ebullitionem faciendo; vnde etiam *Aphor. 29. sect. 3.* iuuenes ad vigesimum quintum vsque annum, non solum sanguinis spurationi, sed etiam cuius hæmorrhagiæ valde habentur opportuni, quia tunc sanguis maximè efferuescit. Ergo cum his omnibus causis expositi sint tum renes, tum vesica, aut certè excipiant aliquando materiam ab aliis partibus, propter istas dispositiones effusam, patet etiam quòd eiusmodi excretiones & affectûs in istas partes incidere possunt.

Eodem modo *διὰ βρωσις* seu ἀνάβρωσις in renes & vesicam continget, quotiescunque causæ erodentes, vlcerautes, putrefacientes, aut quocunque modo substantiam vasorum aut proprij parenchymatis absumentes, illos afficient tam externæ quàm internæ. Externæ ab assumptis potissimum alimentis, medicamentis aut venenis, acribus, mordacibus, falsis, & deleteriis, vt arsenico, cantharidibus, lepore marino, & aliis quæ potenter illud præstant. Interea, vt calculus, vel crassiores arenulæ confricando, & atterendo; tumores phlegmonosi, præcipuè quando suppurantur, vulnera post ruptionem, incisionem vel anastomosin putrescentia, vt sæpe contingit ob sordes ibi collectas; vel humores quicunque putridi, ferini & falsi, qui in has partes deriuantur ex toto, vt per febres; vel ex aliquâ parte malè affectâ, vt cerebro stillationibus obnoxio, thorace suppurato, iecore feruidiore, & similibus: Quorum omnium cognitio ex suis signis est repetenda. Iam ergo ad *διάρρωσιν* accedamus.

In proposito itaque affectu diligenter exploranda & dignoscenda pars affecta, affectûs causa, & illius species, vt inde therapeiam conuenienter statuere possimus. Etenim pro variâ istorum omnium ratione, diuersa admodum & discrepans existit, vt postea videbimus.

Vtrum igitur ista sanguinis excretio ex renibus aut vesica per idiopathiam affectis, vel tantum materiam istam aliunde excipientibus contingat, agnoscemus ex proprio ægri sermone conquerentis de loco doloris sui, aut fluxionis variæ, prout hîc vel illic sentitur: Item ex causarum omnium tam prægressarum quàm præsentium statu. Ac proinde si tristis quædam sensatio afficiat iecoris vel lienis regionem: si inflatum fuerit prius in thoracem, aut aliam quamuis partem vlnus, cui statim successerit cruenta illa mictio: si hæmorrhoidum aut menstruorum consuetorum adsit diuturna suppressio: & simul cum istarum partium querimoniâ augeatur dictus affectus, atque illâ cessante conquiescat: certè magnam habebimus coniecturam, sanguinem istum qui vrinario liquori solus vel aliis comitatus permiscetur, ex istis partibus in ductûs vrinarios transferri, ac meram esse sympathiam materiæ, vt loquuntur, communicatæ. Vbi verò hæc omnia absunt, conuertendus statim animus ad partes istas secernendæ, continendæ, & expurgandæ vrinæ dicatas, vt propriam affectûs sedem inueniamus, vtrum scil. in renibus, vesicâ, vreteribus, meatu vrinario, aut vasis spermaticis subsistat, quod excreti quantitas, qualitas, & excernendi modus valde faciunt manifestum, cum doloris situ ac proprietate. Quod ad vrethram ergo siue meatum vrinarium, vasque spermatica spectat, quamuis ex eorum malis constitutionibus, vt conatibus Venereis, apertione, ruptione, aut erosione sanguis effundi possit, illud tamen sit sine mictione

missione vllâ, vt diximus, & sanguis vel pus ibi collectum sincera excernuntur cum doloris sensu, aut saltem titillationis cuiusdam circa loca illa radici virgæ & perinæ proxima. Et sic facile est de istis iudicare: ideò immixtus catheter, candelâ cerea, aut quid simile quasi digito monstrabit proprium affectionis situm.

Vtrum verò ex renibus, vesicâ, vel vteribus emittatur, ita conijciemus. Primum impossibile est sanguinem exire ab hisce partibus ruptis, apertis vel exesis, quin aliquis subsit dolor, vel saltem quasi diuulsæ partis sensus. Ac proinde si sensus ille sit versus lumborum regionem, renes; si in hypogastrio, vesicâ. Si in illo tractu qui à dorso versus scrotum protenditur, vterus affectos esse dicemus: & si dolor ille sit grauis tantum, credibile est parenchyma carnosum, quale est in renibus; si pungens, membranosa substantiam, qualis est in vesicâ, pati. Atque impossibile est magnam sanguinis quantitatem ex parte exangui ac spermaticâ, qualis est vesica & vterus, profundi: Neque sanguinem ita exquisitè vrinario liquori esse confusum, quoties ex vesicâ effunditur, vt ex renibus, quia in longo illo viæ tractu accuratius permiscetur. Item vix fieri posse videtur, vt si externo vulnere id fiat, quod vnicuique notissimum est, vt ex venis vterum aut vesicæ exilibus & accuratè contactis, per transcolationem, ruptionem vel anastomosin sanguis effundatur, sed per solam erosionem, ab assumptis venenis, & humoribus malâ qualitate, vt falsâ, acri, putredinosâ, vel deleteriâ præditis factam, aut à calculo contundente & deradente eorum substantiam. Ac proinde quoties sanguinem paucum, tenuem & serosum, sed exquisitè permixtum, præ imbecillitate partium effundi contingit: Quoties repente copiosius sanguis post laborem, vociferationem, iram, & similes causas meitur: vel criticâ quadam expurgatione aut periodicâ per vrinâ effunditur: Credibile est affectum, qui proxima est huius mictionis cruentæ causa, potius in renibus præditis multo sanguine, & vasis in sinum interiorem coniuuentibus esse positum, quàm in vteribus aut vesicâ.

Vt autem ista melius stabiliantur, summi Hippocr. autoritas ex aphoristicis oraculis adducenda 78. sect. 4. *Quicumque, inquit, sanguinem à πὸ ταυτομάτης, sponte & repente mingunt, ijs à renum venâ disruptâ fluere significatur*: Vt enim ibi interpretatur Galenus, impossibile est in vesicâ venam ex influentis sanguinis abundantia rumpi, quoniam in illâ sanguis paucus, & venæ admodum contactæ existunt. Ac proinde nonnisi ab exesione sanguis à vesicâ profunditur, quam vlceris signa, dolor nempe, saniosæ materiæ ac ramentorum excretio antecedunt, vt est Aphor. 80. sect. eiusd. *Si sanguinem mingant, inquit, & thrombos, ac stranguriam patientur, cum hypogastrii & perinæ, dolore, vesica partes laborant*: Et multò clariùs. 81. sect. eiusdem, *Si sanguinem & pus minxerint, cum squamulis & graui odore, vesica, tunc exulceratio significatur*. Ergo exulceratio & substantiæ attritio, à calculo tam renibus quàm vesicæ contingere potest, quam pus, saniosa materia, ramenta varia, & carunculæ aliquando præcedunt vel comitantur. Doloris autem sensus & situs, in quam istarum partium contigerit, distinguunt. Transcolatio autem, vasorum apertio, & ruptio solis renibus propter dictas causas accidere possunt.

Transcolationem agnoscemus tenuitate ac paucitate sanguinis vrinæ permixti, propter imbecillitatem aut laxitatem istarum partium, quam variæ dispositiones morbificæ induxerunt, vel sanguinis ipsius crudioris & serosioris tenuitatem, vt dicebamus. Anastomosin verò, quia aperta venarum oscula profundunt rubrum & laudabilem sanguinem, sed id periodicè plurimum vel criticè, dum natura portionem humoris distendentis vasa, suo commodo & leuatione per has vias profundit, eâque depletâ statim subsistit. Ruptionem verò eorundem vasorum, quia derepentè & magnâ copiâ sanguis profunditur laudatissimus, cum magno vitæ periculo, nisi artis beneficio cohibeatur: præterea vel summa præcessit plethora, vel ingens agitatio & diuulsio corporis à saltu, casu, ictu, & similibus violenter agentibus. Exulceratio autem quamuis magnam sanguinis quantitatem aliquando effundere possit, non tamen subito, sed progressu temporis, vbi pessima illa materia profundius in vasorum tunicas aut partis substantiam inuaserit: ac proinde facile à ruptione distinguetur. Adde quod causæ illæ ruptionis violentæ, tam internæ quàm externæ, satis ostendunt naturam affectus quem pepererunt. Vbi tamen ruptioni velut simplici vulnere sordes tandem additæ fuerint, vt sæpe fit, complicatus erit affectus, cuius etiam signa ex causarum illarum & excretorum coniunctione erunt manifesta.

Quæ rursum sint causæ istæ διαρρόησις, ἀνατόμωσις, ruptionem aut erosionem in renibus vel vesicâ efficientes, augentes vel conseruantes; vtrum sanguinis qualitas vel quantitas, succorum aliorum permixtio, saniosi, actoris, virulenti & sinceri humoris effusio in has partes, calculus, &c. vtrum extrinsecus aduenientia, assumpta, admota, vel violenter agentia, cum manifestâ continui solutione, erit inquirendum accuratè ex particulari, tam natiuâ quàm aduentitiâ ægri constitutione: ex causarum internarum & externarum statu: ab effectis aliisque omnibus rebus, quæ simul ab hisce causis produci possunt: Necnon signâ præsentis calculi, aliorumque morborum, qui occasionem huic præbere quoquomodo possunt, erunt diligenter animo reuoluenda: vt perfectam istius rei διαγνώσιν stabiliamus, quoties in consultationem venerit.

In ipso autem Prognosis limine, adducamus primùm, Hippocratis, ex secundo *Prorrhethico* contextum huic rei dicatum: *Sanguinem*, inquit, *mingere, raro quidem & sine febre ac dolore, nihil mali significat, sed lassitudinum solutio existit. Si verò sæpius mingat, & aliquid ex his accesserit, malum est. Verùm predicere oportet, siue cum dolore mingatur, siue cum febre, fore vt insuper pus mingat, ac tunc dolor sedetur.* Ex hisce Hippocratis verbis colligere est, periodicas esse aliquando hæmorrhagias per ductûs istos vrinarios, quibus natura ad tollendas repletiones vitur, ac proinde multis hominibus absque periculo contingere posse: Quod Aretæus *cap. 3. lib. 2.* ipse confirmat, & Paulus *lib. 3. cap. 15.* ab Archigene scriptum refert, quibusdam per circuitûs sanguinis profluuium ex renibus fieri, quemadmodum per ora venarum in ano quas hæmorrhoidas dicunt: *Si enim*, addit Aretæus, *istis hominibus nihil suâ periodo effluerit, capite dolent, caligine oculorum tentantur, intumescent, & melancholicis vexantur symptomatis.* Ita vt non sit omnino tantis viris deneganda fides, vacuationes istas sanguinis per vrinas aliquando esse posse periodicas at criticas, naturæ laudabili conatu factas, per apertionem osculorum illorum quæ in extremitatibus venarum renis posita sunt. Attamen verius est vt plurimùm istas hæmorrhagias vrinæ periculosas esse, quia summam corpori imbecillitatem ac maciem breui inferunt, vel eandem præsentem indicant, quoties per διαρρόησιν fiunt, vnde hydrops, si non adsit, citò accersitur: Et cum loca ista non sint conferentia, nec à primâ conformatione ad sanguinis plethoram vacuandam instituta, certè timendum est, ne hic naturæ motus damnum inferat, vel exolutiones, quoties copiosior est vacuatio; vel suffocationes, quoties, sanguis iste extravasatus subsistit in cavitatibus istarum partium, & ibi putrescens aut grumos contrahens, pessima inducit accidentia, vt patet.

Vt ergo anastomosis quodammodo est ferenda in plethoricis aut consuetis hominibus; sic ruptio & erosio semper funesta: quia istæ solutiones continui, internæ potissimùm, neque ad manum positæ, difficilè tractantur, sanguis profluens ab illis nonnisi ægrè sistitur, & sordes ibi citò colliguntur, vnde putrilaginis & malignorum vlcera metus impendit, ad quæ febris colliquans & marasmodes subsequitur.

Vidimus sæpius ex ruptâ subito in renibus venâ, tantam profluxisse sinceri sanguinis copiam, vt vesica eo in thrombos concrecente distenta ἰσχυρίαν pateretur, à quâ mors breui subsecuta est. Et quemadmodum in pulmonibus ob perpetuum motum, vasorum ruptiones aut erosiones vix curationem recipiunt: Sic in istis partibus propter publicum illud munus expurgandi feri quo perfunguntur, difficilè admodum: Cum etiam ipsa medicamenta in tantâ viâ longitudine nonnisi refracta & penè viribus destituta eò vsque deferantur.

Verùm dicet aliquis, ex Hippocratis sententiâ in superiore contextu adductâ, vbi ex sanguinis mictione, puris consequitur mictio, dolores sedantur, ac proinde affectus soluitur, aut saltem mitescit, neque tantum adest periculum. Ad id respondemus, Hippocratem in hoc contextu non tam respexisse ad eos morbos & incommoda, quæ consequuntur puris generationem & secretionem in his partibus, quàm simplicem doloris ex causâ istâ, quæ sanguinis fluxum concitauerat, inducti sedationem: Nam certum est siue sanguis ob distentionem, contusionem, aut incisionem vasorum istorum profluxerit, siue contractam in illis phlegmonem, doloris non esse sedationem, donec materia illa quæ effusa erat, concoquatur & excernatur per vrinas, facto enim pure febres & labores conquiescunt. At nouus ille morbus qui exoritur, nempe vlcus, summam deinceps infert molestiam, cuius tamen ibi rationem non habuit Hippocrates, cui de sanguinis tantum mictu differere erat propositum. Atque hæc de Prognosi.

De affectibus renum, &c. Cap. III. 451

Indicationes autem therapeuticæ in sanguinolentâ hac mictione respicere debent speciem affectûs, à quo proximè excitatur, illius omnes causas; & partis tantum primariò quàm secundario affectûs naturam. Ratione itaque affectûs, quoties sanguis per *διὰ τὴν ἡπαρ* effluit *ἀλβία* ipsius hepatis & renum, seu propter eius tenuitatem & vasorum laxitatem, roborantia, incrassantia & adstringentia tam sumptuosa quàm admota conueniunt: Et quia in eiusmodi sanguineâ mictione, maius impendit periculum ex parte natiui caloris debilitati, vel ob lapsum facultatis illius nutritioni dicatæ, ad quem hydrops, tabes, & similes affectûs consequuntur, quàm ex parte ipsius sanguinis qui excernitur: ideo illorum tunc præcipua erit habenda ratio, quemadmodum capite de iecoris imbecillitate seu hepatitide docuimus. Sin verò sanguis per *ἀπὸ τῶν νεφρῶν*, reserationem scilicet osculorum in renibus criticam effundatur, suus naturæ motus per aliquod tempus erit permittendus, ne materia ista concitata, in aliquam partem nobilem refluat, & ibi peiorem multò priori affectionem inuehat: mox sedandus, si superfluat per ea quæ deinceps de aliis dicentur. Sin periodicè & certis quibusdam interuallis illud contingat, auerenda erit eiusmodi periodus, & quasi anticipanda per diætæ parcioris vsum ac venæ sectionem aliquot antè diebus adhibitam, per *ἐνσπασμὸν* & quasi partitis vicibus, vt plethora illa minuatur, & in alia loca si fieri possit, sensim iste fluxus transferendus, vt in hæmorrhoidas in viris, vel in vterum in mulieribus, quoniam istæ viæ magis sunt accommodatæ, & sanguis per illas effluens, facilius quando opus est sistitur, nec adfert illa pericula *ἰσχυρίας*, grumorum, exulcerationis, putredinis, & similia quæ in isto contingere possunt.

Sin verò per exulcerationem seu erosionem sanguis meiatur, utpote ab inducto vlcere, vel atterente calculo: ad ea recurrendum quæ sequenti capite à nobis dicentur, & in tractatu de calculo diximus. Si enim sanguini pus iam permixtum sit, vt leuioribus primò tergentibus illa illuies erit auferenda: sic glutinantibus & adstringentibus mixtis, aut postea adhibitis sanguinis fluxus nimius erit cohibendus. Si cum calculo sanguinis fluxus sit complicatus, ita vt calculus illius causa deturbandus videatur, illud erit præstandum diureticis quibusdam & lithontribis leuioribus, adhibitâ prius reuulsione per phlebotomiam, cucurbitulas, & similia auxilia: neque illud erit præstandum iam debilitatis viribus immodicè, quia penitus conciderent, sed in principio, dum illa excretio sanguinis nondum est valde pertimescenda: Vrgentioris itaque ratio ex præceptis Galeni perpetuò habeatur. Quòd si illa erosio à venenatis rebus, vt cantharidibus (non solum assumptis, sed etiam admotis, vt sæpe obseruauimus) aut similibus accideret, tunc illa acrimonia in primis reprimenda assumpto copiosius lacte tepido, hordeatis, amygdalatis, emulsionibus seminum frigidorum, clysteribus refrigerantibus & mollientibus: iniectionibus per syringam in vesicæ sinum, ex hordei decocto, succo bursæ pastoris, & similibus: Mox adstringentibus vtendum, quæ simul deleteriæ qualitati resistunt, vt bolo Armenâ, terrâ sigillatâ, carabe, & similibus.

Quoties verò sanguis ex ruptione venarum, siue in renibus factâ, seu in aliqua superiore corporis parte, excernitur; toties ratio ipsius symptomatis diligenter habenda, quia magno impetu & copiâ solet effluere sanguis per ruptam venam aut arteriam. *Quod tamen valde est rarum, ob illius crassitiem & firmitatem.* Sistendus erit non tam per refrigerantia aut adstringentia assumpta vel admota circa morbi principium, quia metus esset ne sanguis iste subito cohibitus in cavitatibus corporis nostri subsisteret, & ibi in thrombos coalescens, magna inferret incommoda, vt iam diximus: quàm per vacuantia internas causas, reuellentia, & deriuantia, vt deinceps agglutinantibus & stypticis conuenienter vsurpatis soluta ista vnitas coalescat. Sed quoniam ista perfici nequeunt, nisi causis omnibus externis in conuenientem statum adductis, ne aliquod in posterum curanti Medico impedimentum adferant; Ideò constituenda erit in primis accurata victûs ratio, quæ omnem hac in parte errorem tollat, & tam prophylaxi futuri vel imminenti affectûs, quàm therapie, præsentis scilicet curationi inferuiat.

Ergo rerum omnium non-naturalium diligens habeatur ratio, nequa illarum vel sanguinis impetum augere possit, vel vulneris ora dilatare. Aëris omnes intemperies corrigantur. Vt enim calidior ebullitionem sanguinis inducit; sic frigidior violenter compingit humores versùs internas hæc partes solutione continui laborantes. Debet tamen aër ad frigidiusculam quodammodo constitutionem vergere: quia, vt est apud Hippocratem, *Aphor. 37. sect. 7.* refrigerantibus

tibus & adstringentibus curatio perficitur. Ventorum impetûs, Lunæ & Solis radios effugere etiam debent, ne aliqua fluxio ab hisce commoueat. Domus etiam ne sit clara admodum & illustris, quia lux nimia humores concitat, nec coloribus potissimum rubris exornata, quia per quandam cognationem sanguinem commouere creduntur. Balnei vsus cuiusuis sit omnino interdictus, quia liquando & humectando facit fluere humores, eosque in partes affectas deducit. Vigiliarum & somni adsit mediocritas; illæ enim exagitant nimium; huius verò diurnitas nimis trahit & remoratur sanguinem circa interna hæc viscera, præcipue in lecto molliori & culcitris calidioribus strato, quæ eandem & renes nimis calfaciunt. Lenibus sæpe clysteribus ac mollissimis sollicitetur aluus, si non sponte fluxerit, quoniam ex induratis fecibus maior diuulsio, & in illo egerendi conatu metus ne ruptio ista venarum aut apertio augeatur. Consuetæ aliæ vacuationes etiam non negligendæ, vt portionem materiæ istius fluentis auferant. Eodem modo vitandus omnis corporis motus, labor & exercitatio, potissimum coitus. Vociferatio etiam & nimia locutio, quia per consecutionem quandam etiam partes istas exagitant. Animi affectus, vt ira, gaudium immoderatum, & similes temperandi ob easdem causas.

Quod ad alimenta attinet, si robusti adhuc sint, inedia adhibeatur, aut saltem parcus admodum victus, vt parum sanguinis generetur, & reliquæ partes minus ad affectam mittant. Aliter offerantur refrigerantia actu & potestate talia, adstringentia & glutinantia; vt cremor ptisanæ, amyllum cum lacte coctum, amygdalatum ex decocto seminum portulacæ & plantaginis paratum cum saccharo rosaceo, addendo semper grana vel succum mali punici: item mala cydonia, pyra, poma austera cocta sub cineribus & refrigerata. Mica panis leuiter tosta, & aquæ rosacæ guttis aliquot aspersa. Panatellæ, gelatinæ, oryza, semola, iuscula pulorum alterata foliis oxalidis, portulacæ, plantaginis, & granis mali punici. Oua indurata & aceto imbuta. Pisces glutinosi cum omphacio & pauco butyro, sine oleo aut aromatibus parati. Pedes, capita ac intestina veruecum, hoedorum aut vitulorum ad putrilaginem coctorum, aceto aut omphacio intinctorum. Principio mensæ assumant perpetuò aliquid adstringens, vt miuam cydoniorum, gelatinam ex cerasis acidioribus, sorbis, corneolis aut mēspilis confectam. Vitent omnia fassa, piperata, acria, frixa, pingua, aperientia aut tergentia alimenta. Item *πελὺσιμα*, quæ alibilis sunt admodum succi, vt oua forbilia, carnes delicatas, & ex iis iuscula, consummata vel expressa: nisi quando prostratis iam sunt viribus, quæ refectioe indigent. Parum bibant, & pro potu vtantur lorâ, vino tortitio, rubro & austero, cum aquâ pluuiâ aut ferratâ diluto: vel si adsit febris, interdiciatur illis in totum vino, & prædictam aquam cum succo granatorum acidorum, vel syrupo myrtino potent.

His ita constitutis, ad maiora veniendum remedia, pro ratione causarum. Quoties igitur sanguis in toto corpore exundat, aut propter summam ebullitionem effervesceat, ita vt venarum ora distrumpat, non est dubium quin statim soluenda sit plethora & eiusmodi æstus compescendus per phlebotomiam: ex iecorariâ brachij dextri, non solum reuellentem, led etiam vacuantem id quod naturæ negotium facessit. Quod si non tam sanguinis quantitas aut effervescentia peccet, quàm præposterus quidam motus in hæc partes, aliquo dolore aut solutione continuâ iam affectas, phlebotomia quidem conueniet non vacuatiua, vt loquuntur, sed potius euentatiua & reuulsiva, quæ in oppositum humores deducat, seruata rectitudine & vasorum quadam communitate ac propinquitate. Ac proinde si affectio incidat in renem dextrum, vena cubiti dextri; si in sinistrum, sinistri aperienda erit exiguo foramine, & per interualla quædam, vt si hodie manè tres sanguinis vnciæeductæ fuerint, totidem vel duæ tantum circa vesperam eliciantur, ac sequentibus diebus repetantur, prout ex vsu esse videbitur; sic enim vires maxime recreabuntur, & naturæ inclinatio sensim mutabitur.

Interea non omittentur eâ quæ reuellunt & reuocant humores insensibiliter ad alias partes, ab internis ad externas, ab inferioribus ad superas. Vt ligaturæ brachiorum dolorificæ, frictiones eorundem & scapularum, cucurbitulæ cum multâ flammâ dorso & aliquando hypochondriis admotæ, si suspicio sit sanguinem ex his partibus præcipue transferri; quemadmodum natibus & ossi sacro, si vesica laborare videatur. Vtque ista reuellunt fluentem materiam, sic menstruorum prouocatio in mulierculis, hæmorrhoidum in viris ita commodè deriuant ali-

quando

quando, ut deinceps urinis suis color restituatur, præcipue si ab horum suppressione sanguinolenta ista excretio originem suam ducebat.

Quoniam verò sæpissimè iuncta cacochymia potissimum biliosa aut serosa iunat admodum istam sanguinis excretionem, dum stimuli instar naturam prorit: Ideò huic etiam rei diligenter prospiciendum, & prout res ipsa suadebit, cathartica quædam adstringentia & roborantia interuallis quibusdam præscribantur, quæ sine ullâ agitatione vitiosos humores expurgent, & istam partium dissolutionem corrigant. Ad id accommodatus erit rhabarbari puluis ad ʒ j. cum aqua plantaginis sumptus, infusum myrobalanorum citrinarum in decocto centinodiarum, cum ʒ ij. syrupi rosat. solut. tryphera Persicæ, vel catholici optimè dispensati dimidiâ vnciâ, in formam boli cum saccharo rosaceo confecta: & similia, quæ prudens Medicus pro re-natâ excogitabit.

Deinde ad cohibendum sanguinem, adstringenda venarum orificia, aut conglutinanda vulneris labra veniendum: quod refrigerantibus, incrassantibus, glutinantibus tam sumptis quam admotis perficietur. Non sunt tamen ista subito, apparente sanguinis fluxu, molienda, ne citius quam par sit cohibitus & incrassatus, is qui extra vasa est effusus alicubi grumescat, & ea symptomata inferat, quæ ex sanguineis thrombis exoriri consueuerunt.

Nihil autem habet præstantius Galenus ad quemcunque sanguinis fluxum compescendum, quam plantaginis succum recenter extractum, & actu frigidum ad ʒ v. vel ʒ vj. manè & serò sumptum. Quod si nimiam ventriculi refrigerationem timeas, decoquatur parum cum saccharo. Decoctiones etiam ex centinodia, equisetio, portulacâ & summitatibus rubi, cum tertiâ parte succi granatorum acidorum vel cydoniorum non parum ad hoc sunt efficaces. Si mauis, pulueres coralli rubri, terræ sigillatæ, boli Armeni (quæ *ῥαῖμα* vacantur, quia sunt glutinantia) lapidis hæmat. benè præparari, dissoluantur in aquâ rosacæ, cuius liquoris cochlearia aliquot assumat frequenter. Aut gummi Arabicum & tragacanthum cum paucis vino austero bulliant, quo vtatur ut superiore. Quidam diuretica, ut spicam & cinnamomum minimâ porzione adstringentibus miscent, non ut urinas moueant, sed ut reliquorum vim ad ductus istos penetrare faciant. Aut pareretur sequens opiata, cuius capiat quantitatem castaneæ vel iuglandis manè & serò, & superbibat partim aquæ ferratæ, vel plantaginis.

ʒ Rad. symphyti saccharo cond. & confer. ros. antiq. an. ʒ j. β sanguinis draconis veri, terræ sigill. boli Armenæ, coralli rub. pulueris lapidis hæmat. & trochisc. de karabe, an. ʒ j. hypocrist. granorum kermes, & plantag. an. ʒ j. confect. requiei dictæ, quæ valde incrassat, ʒ j. β Cum syrupo myrtino fiat opiata.

Vbi immoderatus est sanguinis fluxus, aut diutius perseverans dissoluitur ʒ j. coaguli hædi aut leporis in ʒ iij. aquæ rosacæ. Coagulum enim dissoluta cogere, & coacta dissoluere creditur, unde etiam in grumis sanguinis cum oxycrato, oxymelite, aut aquâ fœniculi exhibetur. Ingrauescente malo & iam concidentibus ægri viribus nihil præstantius habetur roborandis renibus conglutinandoque vulneri, quam lac ouillum tepidum & recenter multum ad ʒ iij. vel ʒ vi. cum ʒ ij. boli Armenæ manè per 15. aut 20. dies sumptum. Nam inter omnia lactis genera, istud magis crassarum est partium, & sero destitutum. Si deficiat eiusmodi lac, exhibeatur caprillum eadem quantitate, vtilitatem cum silicibus ardentibus, vel chalybe ignito. Crocus Martis ab Empiricis commendatur. Ex pistaciis etiam ac pineolis mundatis, & cum semin. lactucæ ac portulacæ recentibus & mundatis, in mortario marmoreo contusis, conficitur cremor cum aquâ rosacæ & saccharo rosato, qui ad hanc rem valde habetur idoneus, coctus ad consistentiam lactis amygdalini, & diu manè atque serò sumptus, cuius maiorem efficaciam experieris, si parum amyli adiunxeris. Albumina oui tria aut quatuor fortiter agitata, cum guttis aliquot aceti rosacei, & ʒ iij. aquæ plantag. sanguinem citò compescunt: quibus addere potes prædictos pulueres boli armeni & terræ sigillatæ.


Vt igitur variis hisce remediorum formulis, & aliis quàm pluribus assumptis malum hoc oppugnatur: sic etiam externa non sunt omittenda, quæ huic rei opitentur. Refrigerantia igitur & modicè repellentia in principio adhibenda, deinde adstringentibus validioribus ac glutinantibus pugnandum. Spongiæ vel lintecola tepente oxycrato aut etiam frigido madentia regioni renum aut earum partium à quibus fluere creditur sanguis, admoueantur: deinde ung. rosaceo cum paucis aceto, aut albumine oui cum oleo rosato inungantur subfrigide, & frequenter.

quenter. Bolus armena aceto rosaceo dissoluta partibus sanguinem fundentibus, atque etiam hepati commodissimè adhibetur. Si vis, paretur sequens fortis & cataplasma.

℥ Balaustiorum, hypocistidos, rad. bistort. & symphyt. an. ʒ j. foliorum plantag. centinod. bursæ pastoris, & millefolij, an. M j. granorum myrti, sumach, & cupularum glandium, an. ʒ iij. rosarum rub. sic. spicæ nardi ad penetrationem, & florum papaueris rub. ad incrassandum, an. M.ʒ. Decoquantur in aquâ ferratâ & pauco aceto. Fiat fortis subfrigidus.

℥ Residentiam prædicti decocti, quæ pistetur & coletur: deinde adde boli armenæ communis, & puluer. granorum kermes, an. ʒ j. olei myrtini parum. Fiat cataplasma tenue super linteolum rarium, & frequenter mutandum, ne suâ crassitie incalescat nimium, aut partes istas grauet. Quâ de causâ rarè emplastris pro matrice, contra rupturam & similibus adstringentibus in hoc affectu utimur, nisi in declinatione integrâ, vel præcautionis causâ ad roborandas & constringendas istas partes. Vnguentum tale parabitur, quoties superiora non arridebunt.

℥ Succii plantag. vel sanguinariæ ʒ ij. aceti ʒ ss olei omphac. ʒ vj. Bulliant ad liquoris consumptionem: deinde adde sang. drac. mastich. corticis granat. an. ʒ ij. caphuræ ʒ ss vng. Comitissæ ʒ j. ceræ rub. parum. Fiat linimentum, quo inungantur dictæ partes subfrigidè, addendo etiam aceti parum vñctionis tempore ad faciliorem penetrationem. Huic affectui porrò amuleta etiam quædam aptantur ex iaspide, corallo, crystallo, lapide hamarite, mentha & similibus circa regionem lumborum appensis. Quæ omnia experiri licebit ad sanitatem ægrotantibus istis conciliandam. Quòd si iam putrilago & exulceratio introducta sit, ut sæpe fit, in vulneribus istis internis, & effusione materiæ sanguinolentæ, recurrendum erit ad sequentem tractationem.



C A P V T IV.

De Vrinâ Purulentâ seu Ulceribus Renum & Vesicæ.



ON GENERES duo sunt isti affectus & sibi succedanei, Vrina videlicet sanguinolenta & purulenta à vulnere atque vlcere profecta. Ut enim vulnere interno vlcus citò coniungitur; sic à profundiore vlcere, siue partis substantiam seu vasa tantum occupet, multus sanguis profundi potest, ut iam dictum est: ratione tamen dominantis sanguinis vel puris, vrina denominationem suam ab hoc vel illo sortitur.

Est ergo vrina purulenta, excretum præter naturam ex parte contenti, seu vrinæ liquor pure infectus solo vel permixto, & ab internâ exulceratione profecto. Dicimus esse excretum præter naturam ratione contenti, quia in vrinis neque pus, neque sanguis, neque carunculae, aut ramenta alia naturaliter apparent, sed tantum quoties affectus aliquis præter naturam in corpus nostrum incidit, à quo functiones istæ lædantur, quæ proxima sunt causâ excreti istius vitiati. Est autem materia ista purulenta verè excretum præter naturam, quoniam illius generatio per modum putredinis fit, quæ inducta in sanguinis extravasati, aut parenchymatis alicuius substantiam, quamuis concoctione deinceps mitescat, nunquam tamen ad eum deduci potest gradum, qui naturæ nostræ sit omnino familiaris. Ac proinde nisi tempestiuè extra corpus, ubi facta est, excludatur, recrudescit denuò & pessimas acquirit qualitates, quibus ægrotanti periculum minatur.

Hæc autem materia purulenta, quia non solum ex sanguine, ut dictum est, sed etiam ex partium substantiâ contusâ, inflammatâ, corrosâ aut alio modo affecta proficiscitur, idè non sola, sed permixta excernitur sanguini, pelliculis, & similibus ramentis partium affectarum, ut docet Galenus, pro earundem varietate. Etenim illa interna, quæ est parens & author huius excretionis purulentæ, supponit deperditionem quandam substantiæ in illis ex putri & malâ qualitate inducta.

Vbicumque

Vbicumque igitur exulceratio illa, & materiæ purulentæ collectio in corpore nostro contigerit, si quidem à naturâ in vias hæcæ vrinarias protrudatur, vt ab empyemate thoracis, hepatis abscessu, mesenterij vomica & similibus partibus, apparebit vrina illa purulenta, & saniosis istis excrementis imbuta, sine vlllo renum aut vesicæ affectu, nisi diutius illa excretio perseueret, quia potest tandem ductus istos suâ primùm acrimonia pungere & inflammare, deinde corrodere & exulcerare, vt reliqui succi mordaciores in eis collecti, aut aliunde profecti. Quod si nulla adsit partis alicuius inflammata prius, suppurata, aut exulcerata suspicio & querela, ad quam velut primariò affectam referre possimus excretum istud præter naturam diu perseuerans, & ea pathemata inferens, quæ deinceps à nobis describentur: tunc ex Hippocratis sententiâ *Aphorismo 75. sectionis quarta*, renum aut vesicæ exulcerationem accusabimus: cuius iam causæ & differentiæ sunt inquirendæ.

Causarum ergo exulcerationis renum ac vesicæ seriem ad procatarcticas, antecedentes & coniunctas referemus. Procatarcticæ seu evidentes, erunt illæ omnes quæ de foris venientes, interiores causas mouent vel generant. Vt ergo vlcera possunt esse primaria vel secundaria, & aliis morbis, vt vulneribus, contusionibus, tumoribus suppuratis, phlyctænis, sanguini extra vasa effuso, & reliquis succedentia: Sic etiam agnoscunt illa omnia quæ vulnerant, diuellunt, aut comprimunt violenter partes nostri corporis, ad quorum affectus istæ dispositiones consequuntur, velut primarias suæ generationis causas. Item ea quæ assumuntur vel admoventur, inflammandi, pungendi, atque erodendi vi prædita: Vt deleteria omnia & venenata, quæ ad calidiorem præcipuè intemperiem vergunt, vel *ad prædispositionem* quadam hisce partibus sunt infesta: Medicamenta maligna aut malè præparata. Alimenta calidiora diutius vsurpata, vt salsa omnia, acria, amara, piperata, frixas vini generosioris, aut calce, sulphure, & similibus infecti copiosiores haustus, reliquaque omnia feruidioris & tenuioris succi. Vidimus etiam quibus admoto vnguento coli, perinæ, & regioni pubis, ad excitandos Veneris stimulos torpescerent, excitatum est graue & diuturnum vlcus in collo vesicæ. Quod frequentius multò contingere solet ex impuro illo concubitu cum scortis lue Venereâ correptis, non solum meatus penis, & vasorum spermaticorum loca, teterrimâ illâ virulentia inficiuntur, sed etiam aliquando ipsa vesica & ductus isti ad renem vsque pertingentes, per consecutionem quandam & *transmissionem*, quam iecori ipsi fuisse communicatam non semel obseruauimus. Ad idem etiam multum iuuant suppressiones vel intermissiones illarum vacuationum, tam naturalium, vt menstruum, hæmorrhoidum; quàm artificialium, vt purgationis consuetæ per medicamenta, fonticulos, &c. quæ excrementa & cacochymiam totius corporis aut partium expurgare solebant: fit enim illis retentis materia ista deterior & prauis affecta qualitatibus, quibus deinceps partium internam substantiam non solum alterat, sed etiam erodit, quoties illarum spatia subintrat, aut in cavitatibus diutius moratur. Exercitationes verò violentæ ac laboriosæ, vigiliarum immoderantia, animi pathemata grauiora, ad istorum affectuum generationem concurrunt, eo potissimum nomine, quod interiores illas & antecedentes causas mouent ac præcipitant in has vel illas partes debiliores factas, vel caliditate aut dolore aliquo præter consuetudinem affectas, ob quas faciliè patiuntur ab irruentibus humoribus, vel illos etiam ex propriæ suæ coctionis errore colligunt. Fluxiones autem illæ excrementorum acriorum, salforum, aut putrefactorum, quæ sunt præcipuæ antecedentes causæ erosionis istius, deriuantur in renes & vesicam, modò ex capite catarrhoso, hepate calidiore, mesenterio obstructo, & similibus; modò ex collectionibus saniei, puris, aut ichorum factis in thorace, pulmonibus, pleurâ, & similibus, quæ impetu naturæ, in ista loca compulsa euadunt continentes & coniunctæ ulcerationis renum ac vesicæ causæ. Pituita certè viscida & salsa, quotiescunque per hosce ductus transfertur, magnam habet vim illos abradendi & excoriandi, tum propter longiorem moram & adhærentiam, vt loquuntur, tum etiam acuitatem & mordacitatem suam. Aliquando calculus firmiter reni infixus, dum commouetur & deturbatur, vel asperior & angulosus in transitu vteretas, vesicam & eius colum vulnerans & excorians, causa est eiusmodi exulcerationis, quæ deinceps subsequitur; quemadmodum omnia vulnera & tumores in his partibus malè curata, quæ collectis fœdibus in vlcus degenerant.

Ac proinde vlcera ista renes ac vesicam occupantia, non solum à partibus siue

subiecto cui inhaerent, differentias sortiuntur: sed etiam ab omnibus causis, propria essentia, & symptomatis quæ illis coniunguntur. Dicuntur enim primaria, ut dicebamus, quoties ab humoribus, vel aliis quibuscunque rebus, acribus, falsis. & erodentibus excitantur: secundaria verò, quoties vulnere, ruptioni, aut apertioni vasorum, pustulæ vel tumori suppurato, calculo atterenti vel contundenti succedunt. Item dicuntur phlegmonosa, canerosa, aut callosa, quoties cum istis morbis complicantur.

Saniosa autem, virulenta, putrida, & foetentia, quoties cum magnâ excrementorum istorum colluie coniunguntur: vel dolorifica & pruriginosa, si eiusmodi accidentibus vexentur ægri simul cum ulcere. Ratione verò essentia dicuntur magna vel parua, profunda vel superficialia, qualia sunt illa quæ vesicam ipsam fatigare solent, ut est *Aphorism. 77. sect. 4. & lib. de nat. hominis*. Nunc igitur ad signa accedamus.

Præcipua hinc cura esse debet circa cognitionem partis affectæ, & causarum morborum, quia ulceris natura & differentia illarum rationem proximè consequuntur & imitantur. Ac proinde quod ad partem affectam spectat, doloris situs & proprietas primò ostendent, cui istorum membrorum *ιδιωτάδινα*, laborantium hæreat affectus; pro variâ enim positione renum, vreterum, vesicæ, & colli seu meatus urinarij distinguet Medicus & æger, quis locus sit affectus: dolorque profundus & obtusus, renum parenchyma, lancinans autem & acutus, membranosa quandam substantiam. Excretorum verò præcipua est vis ad detegendam affectus sedem & naturam, ut dicebamus: siue excreta illa sint partis ipsius portiunculæ, seu aliquid adhærens parti, siue naturaliter aut præter naturam ibi contentum, secundum substantiam, quantitatem, qualitatem variam, & excernendi modum. Ac proinde vrina puri permixta, & longiori tempore profusa, ut est in Aphorismis, istarum partium exulcerationem demonstrat, potissimum si successerit cruentæ mictioni. Ut enim à sanguinis sputo puris sputum, sic vrinam sanguinolentam à simplici vulnere, contusione, attritione, aut aliis causis, ut plurimum sequi solet puris per vrinam excretio. Cumque pus illud pro varietate partium, varium etiam sit & diuersimodè constitutum, hinc etiam indicatur pars affecta & affectus differentia. Quoties enim notas illas habet ab Hippocrate recensitas, ut sit album, læne, æquale, & minimè foetidum: toties indicatur coctionem eiusmodi materiae, factam esse à partibus calidioribus, carnosissimis scilicet, aut parenchymate præditis, quæ illam ad convenientem istum naturæ gradum reducere potuerunt. Ac si illud pus sit copiosum & accuratè permixtum, ita ut lacti persimilis vrina profundatur, quæque non faciat residentiam illam albam, nisi diu postquam mixta fuit: Hæc adhuc magis renes vel partem aliquam superiorem, suppuratam esse conuincunt, quæ sanguinis multitudine & copioso calore abudet, ex quâ deuolutum pus accuratè in illa viâ ductu serositatibus confunditur. Contrà verò pus paucū, neque satis permixtum, colore variegatum, crudum, & malè olens, ostendunt vretes aut vesicæ corpus laborare, quæ cum sint partes spermaticæ & exangues, parum elaborandæ concoquendæque huic materiae sufficiunt. Ex collo autem vesicæ & canali urinario, sincerum sæpius & sine vrinæ mictione aliquando profunditur. Adde quod ubi eiusmodi pus intra ipsam vesicam, aut eius collum exulceratum gignitur, perpetua adest dysuria & doloris sensus, qui nullo modo post excretionem vrinæ sedatur, sed continuo hanc partem infestat. Perseuerante eiusmodi exulceratione, non solum pus profunditur, sed etiam si vlcus interiorem vasorum aut partium substantiam penetrat, sanguis copiosus & qui difficilè sisti potest, sæpiusque ramenta ex partibus puri vel sanguini permixta: Ex renibus quidem carunculæ aliquando crassiores, & quas in transitu vreterum similem calculo molestiam attulisse aliquoties vidimus, tantæque copiam bis aut ter excretas fuisse, ut totus ren dexter absumeretur: Ex vreteribus verò pelliculæ membranosa deraduntur: Ex vesicâ furaceæ crustulæ, ut est in Aphorismo illo iam citato.

Si vlcus iam cauum ac sordidum magis euadat, tandem fit callosum & quasi fistulosum, vnde etiam exoritur illa sedimenti species in vrinâ viscida & coherens, quod narium muco aut oui candido persimile existit, naturâ non amplius concoquente materiam alibilem quæ ad partes istas demandatur. Vnde colliquationes tunc totius corporis, marcores, & aliquando hectica febris, si quidem putredo ista ad partes usque nobiles transferatur: vnde syncopes & præceps mortis periculum frequenter exurgit. Notandum tamen, quod in vrinis senum aut imbecilliorum

hominum sæpe crudus iste succus & pituita apparent sine præcedente exulceratione, aut aliis grauioribus causis, quem ideo à pure ita distingues, primò quòd nulla sanguinis præcesserit excretio: deinde quòd pus urinae semper permisceatur, neque habeat illam mucì cohærentiam, sed per partes faciliè dissoluatur: & super carbones ignitos coniectum, peius olet quàm eiusmodi pituita.

A quibus verò causis externis & internis, eiusmodi vlcera partes istas occuparint, utrùm vulneribus, contusionibus, assumptis erodentibus, & similibus: utrùm à calculo, phlegmone suppuratâ, aut expurgatione puris in aliis partibus collecti cœperint: vel pendeant à propriâ cacoehymia humorum acrium, salforum, aut putrium hisce partibus adhærentium; perquirendum erit ex relatu ægri & adstantium, atque rerum naturalium, non naturalium, & præter naturam diligenti animaduersione, quæ docebunt quicquid ad huius morbi generationem aut incrementum contulerit: vt ex his tandem affectus naturam & differentias coniectare possit Medicus. Imprimis tamen omnia calculi & arenularum crassiorum signa animo diligenter reuoluenda, quoniam frequentes sunt vlcerationis in istis partibus causæ, nisi ab externis violentis cœperint. Atque hæc de Diagnosi.

Ex quâ Prognosin faciliè eliciemus. Etenim omnes internæ exulcerationes pessimæ & *duclari*, potissimum in partibus illis quæ publico munere expurgandi corporis excrementa perfunguntur, quia perpetuo motu illo excrementorum diuelluntur, atque sordibus scatent. Quamuis enim serum illud quod per renes excolatur, videatur deterfione præditum vlceribus curandis accommodatâ: quia tamen illud serum malè affecto iam corpore non est sincerum, sed pessimis ichoribus, acribus & mordacibus permixtum, vel certè humoribus viciosis, qui per hos ductus expurgantur, ideo fit vt causam potius morbi, & ipsum morbum, nempe erosionem augeat quàm tollat. Adde quòd curatio vlceris non potest perfici nisi exsiccatione & induratione materiæ illius quæ in locum deperditæ reponitur: At hîc perpetuò diluitur & madescit aquositatibus istis. Vnde in senibus qui iam sexagesimum ætatis annum attigerunt, deploratos esse omnino istos affectus renum & vesicæ, potissimum exulcerationes asseruit ex Hippocrate *Aphorism. 6. sect. 6.* Galenus, quia calor infirmus non sufficit expurgationi virulentia quæ hîc colligitur, multò minùs refectioni & consolidationi istarum partium. Hinc igitur tabes illæ renales ab Hippocrate descriptæ, quia per solutas eiusmodi vnitates fit magnus effluxus substantiæ alibilis, & caloris natui depauperatio. Vbi primùm inflammatio complicata est huic exulcerationi, vt ex febre colligitur, vel callosa redditur, impossibile est curari perfectè, quia remedia per os assumpta aut exterius admotâ non possunt superare istas dispositiones, sine quibus vlcus nunquam coalescet. Ac proinde nisi primis duobus vel tribus mensibus curentur, aut saltem mitescant conuenientibus remediis, prædicere potes euentum calamitosum. Vesicæ collum quia carnosum faciliùs sanescit, quàm renes & interior eius substantia. Nunc ergo therapie incumbamus.

Exulcerationes ergo istæ curari debent, remotis priùs causis à quibus gignuntur, fomentur aut augentur. Deinde si qua sit cum illis complicatio, vt febris, phlogoseos in parte, doloris, callosæ substantiæ, & similia, quæ remorari possunt præcipuam eius curationem, tollenda, aut quantum fieri poterit mitiganda. Postmodum quia vlcerum agglutinatio fieri non potest, nisi reparatâ eâ substantiâ quæ per erosionem iam est deperdita: illa autem reparari nequit, nisi ablati excrementis quæ ex infirmitate laborantis partis in vlceribus scatere solent, quæque rationem causæ sine quâ non obtinent: ideo detergenda excrementa illa crassiora viscidâque in primis, & exsiccanda tenuiora, saniosa & virulenta, vt tandem occlusio siue sigillatio per adstringentia & epulotica succedat. Quæ omnia in vlceribus istis internis & à primis ductibus valde remotis, multò difficiliùs perficiuntur, quàm in externis, quorum sordes solis aliquando linteolis, spongiis aut stupis facillimè absorbentur: vel si profundiora sint, pyulcis instrumentis aut iniectionibus commodis. Nos tamen hîc quæ partium conformatio, & affectus natura permittent, ducto à diætâ initio, proponamus.

Externorum hîc omnium maxima debet esse conspiratio ad tantos tamque difficiles affectus curandos, vt scilicet omnia nocitiua remoueantur, itutiua autem, vt loquuntur Practici nostri, commodè instituantur. Aëris ergo omnes intemperies valde erunt vitandæ. Vt enim frigus vlceribus mordax, sic calor ambientis inflamat valde partes istas excrementis redundantes. In autumnali potissimum consti

constitutione cautè viuendum , quæ solet esse pestifera omnibus tabidis , & aliis morborum diuturnitate eneruatis. Vigiliarum & somni mediocritas si non adsit, concilianda : laborque omnis tam animi quàm corporis vitandus : coitus in primis & equitatio. Leuibz autem deambulationibus & frictionibus in lecto molliter factis , licebit euocare materias ad exteriora , & calorem natium suscitare. Alius sit libera spontè vel artis beneficio , quia bonum est humores in intestina diuertere , & ab vri narum viis euocare. Reliquæ etiã vacuationes solitæ procurentur , nequid in partem affectam refuat. Quod ad alimenta attinet , quemadmodum omnes cruditates , repletiones nimix , & inflationes noxiæ , quia corpus replent excrementis : sic alimenta omnia acidiora , acrida , salsa & mordacia , quia , dolorem inferunt vlceribus , & cacochymiam multiplicant : sub quorum censu repone omnia fixa , piperata , & quæcunque diureticam habent vim , vt cepæ , allia , sinapi , ciceres , fœniculum , petroselinum , cappares , & similia , quia deuehunt përittomata in locos istos affectos : quo nomine etiã Rufus caricis interdicit , quia habent vim aperiendi validam. Pinguium etiã & dulcium nimius vsus nocet , quia facilè in bilio. sum succum conuertuntur in præparatis potissimum. Ergo victus sit ex alimentis euechymis & eupeptis , vt pane albo molli & recenti , aliàs biscocto , si magna sit excrementorum copia. Ex carnibus delicatis , tam assis quàm elixis , cum plantagine , portulacâ , oxalide , symphyto & similibus. Cremor hordei eo nomine commendatur , quod leuiter deterget & lenit dolores. Eadem ratione amygdalatum , auenatum , femola , panatellæ , gelatinæ ex cruribus & pedibus vitulorum , quando erit studendum refectioni , & agglutinandum vlcus. Amylum coctum cum lacte caprillo & vitellis ouorum : Oua recentia & sorbilia potenter mulcent rosiones istas ac dolores vesicæ. Pisces autem saxatiles , vt auratæ , aselli , (*merluë*) cuculi (*rougeie*) colix (*maquereaux* ,) testudinum caro , canceri fluuiatiles , & ranarum coxæ conceduntur , quia temperant ardorem his vlceribus sæpissimè iunctum , & commodè resarciunt consumptionem corporis , quæ illis accidere solet. Inter bellaria viuis passis commodè vtentur , quia leniunt & tergent leuiter , nucleis pineis recentibus aquâ rosaceâ maceratis , pistaciis , amygdalis etiã recentibus & mundatis , pyris sub cineribus coctis , & saccharo rosaceo aspersis : cuius tanta est vis , vt illius vsu diuturno & copiosiore omnes vlcerationes internas curari posse crediderit Auicennas. Conditura etiã radicis symphyti valde illis accommodata censetur. Fugiant tamen varietatem ferculorum in vno pastu. Quod ad potum attinet , qui parcus esse debet , ne quantitate suâ vrinas augeat & mictionem frequentiore irritet : bonum esset in totum vino abstinere , quia vellicat istas partes , & vehiculi instar transfert succos excrementitios subito in vesicam , & eius loco decoctum liquiritiæ , aut ex hordeo & passulis ptisanam assumere : Attamen in assuetis , decrepitis , & infirmioribus concedi poterit rubellum & oligophorum conuenienter lympharum. Alij vinum album exhibent , quia minùs validum , sed aquâ ferratâ aut coctâ temperatum. Nunquàm autem bibant ieiuni , aut in principio mensæ , quia tunc deuehitur statim in istas regiones , & secum rapit excrementa primarum viarum.

Inter alimenta autem lac etiã recenseri potest , cuius vario vsu in totum curationem istam perfici posse , multi scripserunt : non enim tantum ad refectionem corporis facit in consumptis , sed etiã ad deterfionem & consolidationem vlcerum. Cùm enim tria sint lactis genera plurimum vsitata , asininum scilicet tenue & serosum ; ouillum crassiorum partium , & caseosum ; atque inter ista duo medium caprillum : imprimis vbi deterfio est procuranda imperant per viginti dies asininum , quod manè cum pauco melle aut saccharo rosaceo sumitur. Si illud abhorreant , vt nostrates solent , caprinum illius loco exhibetur. Deinde per totidem dies ouillum solum , vel cum pauco saccharo rosaceo , aut etiã si omnino sigillandum sit vlcus , vt loquuntur , vstulatum , vel cum 3 j. s. terræ sigillatæ aut boli armenæ singulis vicibus. Placet etiã illud Amati Lusitani in principio ad deterfionem foetidioris & impurioris vlceris , vt serum caprillum insigni copiâ & penè singulis horis hauriatur , ex eo enim mirabiles aliquando effectus vidimus. Quemadmodum & hydromelitis dilutioris , cuius potus ordinarius in mensâ , & manè ad 3 vj. vel plures , pro naturâ corporum institutus , mirè facit ad repurgandas sordes istorum vlcerum in renibus aut vesicâ positorum.

Quoniam verò ista supponere debent causarum antecèdentium remotionem , vt commodè operentur , per venæ sectionem si adsit plethora vel inflammatio sanguinis ; aut partium per purgationem iteratam frequentius , quæ auferat & deriuat portionem

De affectibus renum, &c. Cap. IV. 459

portionem vitiosorum succorum. Ideò ista in primis conuenienter instituenda. Cathartica tamen omnia sint benigna & lenientia vel roborantia, vt medulla cassia, syrupus rosatus solut. rhabarbari puluis, agarici infusum, & similia, ne conturbetur corpus, aut humores nimis exagitentur. Si volueris, componatur syrupus magistralis purgans, qui respiciat istas partes, & vlceribus sit accommodatus: Talis esse potest formula.

℞ Liquirit. rasæ, rad. symphyti & althææ, an. ʒj. β. foliorum plantag. vincæ peruinæ, prunellæ, & maluarum, an. M. j. capilli Veneris M. β. folior. senæ mundat. ʒ. iij. seminis carthami ʒ. j. seminis portulacæ ʒ. ij. anisi & coriandri, an. ʒ. j. agari- citrochiscati in ligaturâ positi ʒ. iij. florum violæ, rosarum, & anthos, hordei integ. an. P. j. Fiat omnium decoctio, in cuius portione infunde rhabarb. electi ʒ. iij. β. cinnam. & santali rubri, an. ʒ. β. Decoquatur cum saccharo in conuenientem consistentiam: Dentur ʒ. ij. semel aut bis in mense cum sero lactis, vel decocto liquiritiæ.

Et quoniam totius corporis exsiccatio maximè facit ad eiusmodi ichoras absumendos, & interna vlcera expurganda consolidandâque, ideò in eiusmodi ægris, potissimum si plethorici sint, vel ex maligna illâ lue Venereâ aliquando laborarint, nihil est consultius, dummodò non sit iunctus sanguinis fluxus, quàm decoctum sudorificum ex chynâ, farsa parilla aut ligno sassafras, vel etiam guaiacino per xxx. dies, aut plures præscribere, cum decocto etiam secundo ad potum ordinarium, viduque tenui & exsiccante. Sic enim plurimos curari certissimum est. Ac si quidem ægri sint temperamento calidiore, aut inflammationem sentiant ex eiusmodi decocto, retundatur assumptis circa vesperam iulepis, & inunctionibus cordis atque hepatis ex cerato santalino, aut vng. rosaceo.

Vbi toti corpori & humorum adæquationi, vt loquuntur, prospectum fuerit, iam ad vlcis curationem animus omnino erit conuertendus. Ac proinde vel vsu hydromelitis dilutioris, vel feri caprilli, vel decocti hordei & liquiritiæ cum saccharo rosaceo, deterfionem illius & mundificationem instituemus, donec vrinæ puriores reddantur: Deinde agglutinationem & consolidationem ex trochiscis terræ sigillatæ, boli armenæ, tragacant. & gummi Arabici cum aquâ prunellæ vel agrimonix confectis ad ʒ. j. β. Quorum vnus manè & serò exhibebitur, suprabibendo lac ouillum vstulatum, vel decoctum symphyti maioris & prunellæ. Si malignum sit vlcus & foetens, adde hisce trochiscis vel pulueri cinerem ferularum combustarum, aut cancrorum fluuiatilium, quæ potenter exsiccant & absorbent humiditates istas excrementitias.

Auicennas summis effert inter alia laudibus, gummi illud quod Lacca vocatur, quia, inquit ille, habet virtutem conglutinatiam, & facit crescere carnem in renibus, redditque nutrimentum quo reficiuntur renes spissum & aptum, vt citò sigilletur. Quidam Experimentatores aloën herbam rusam cum paucò lacte miscent, & per xv. dies continuos manè propinant, quibus curationem istam perfici asserunt.

Vulgus tamen Medicorum in vlceribus renum & vesicæ purificandis glutinatisque instar omnium habent trochiscos Gordonij dictos, quorum ʒ. ij. exhibent singulis diebus manè, modò cum hordei decocto, vbi est detergendum & lauandum: modò cum lacte caprino, vbi est consolidandum. Illorum descriptiones varix apud multos Medicinæ authores habentur, inter quas ista potissimum nobis aridet.

℞ Seminum iv. frig. maior. mundat. & recentium, seminum malux, bombacis, portulacæ, cydoniorum & myrti, seminis papaueris albi, gummi tragacanthi & arabici, gummi laccæ, pistaciorum, nucleorum pini mundat. amygdal. dulcium, liquirit. rasæ, hordei mund. sacchari candi, & penidiorum, an. ʒ. ij. mucilag. seminis psyllij, terræ sigillatæ, boli armeni, sanguinis draconis veri, spodij, rosarum rub. & myrrhæ, an. ʒ. β. Conficiantur cum hydromelite trochisci pendentes ʒ. ij. Constant ex aperientibus & detergentibus modicè, vt seminibus frigidis maioribus, malux & bombacis, liquiritiâ, hordeo, hydromelite, saccharo candido, & similibus. Ex incrassantibus & anodynis, vt semine papaueris albi, cydoniorum, portulacæ, mucilagine psyllij, &c. Ex agglutinantibus, vt gummi laccæ, arabico, tragacanthâ, &c. Exsiccantibus & incarnantibus, vt myrrhâ, bolo armeno, sanguine draconis, & similibus: Vnde exurgit facultas ad ista vlcera persananda efficax; quicquid multi obstrepant, facultates istas non posse simul subsistere, quia in composito medicamento sese inuicem retundant. Si enim in simplicibus ipsis contrariæ omnino vires reperiantur, vt docet Galenus

exemplo lactis, rosarum, & aceti, multò magis in composito medicamento, cuius mixtio artificialis nunquam ad exquisitam illam naturæ aliquid generantis vnionem & alterationem accedere potest. Et retusæ illæ vires satis commodè operantur, si ad eum gradum sint redactæ, qui naturæ magis est conueniens ad operandum secundum varias Medici intentiones. Atque hæc *ταπεργυός*.

Loco istorum omnium multi vsurpant aquas thermales, tantopere in hoc affectu à Cælio Aureliano commendatas, actu frigidas, aluminosas & ferratas, quales sunt in hac Prouinciâ Occitanicâ, Mainenses dictæ: Quibus ego fidem non abrogo, dummodò reliquæ præparationes iam dictæ non omittantur. Diuturno enim & continuo illarum vsu per duos aut tres menses corrigitur intemperies calidior, quæ hisce vlceribus plurimum iungitur, abluuntur sordes, & adstringitur exsiccaturque illorum superficies. Sicque multi incipiente affectu, nedum confirmato conuauerunt.

Quemadmodum igitur internis remediis assumptis vndique morbum istum oppugnabimus; sic etiam externa non sunt negligenda, quæ admouentur regioni renum & vesicæ, vel quæ iniiciuntur in interiorem illius sinum & canalem. Iniectiones ergo anodynæ, quando vrgebit dolor, ex lacte tepido muliebri vel caprillo, ex aquâ fontis in qua papaueris semina incoxerint, ex cremore amygdalarum, & similibus erunt imperadæ: Ad detergendum verò ex hydromelite, ex sero lactis, aut decocto hordei, cum pauco melle rosaceo. Vbi adstringendum & glutinandum, ex aquâ ferratâ aut thermali, vel rad. symphyti, in quâ myrrhæ, aluminis, sarcocollæ, & tragacanthi parum bullierit. Si velis autem eiusmodi iniectiones ad interiora vsque vesicæ penetrare, non sunt tantum infundendæ per syringam, cuius canalis vix attingit virgæ extremum, sed syringa catheteri immisso aptanda, qui ad intimam vsque cauitatem pervadat: aliàs musculus ille sphincter collum vesicæ claudens, impedit ne eiusmodi infusa ad interiora ferantur.

Exteriùs autem admoueri possunt fofus, infessus, cataplasmata, vnguenta, & similia ad varios scopos. Vlceribus enim istis ob iunctam inflammationem & dolorem cogimur aliquando admouere leuiter resoluentia & chalastica, vt cataplasma illud de micâ panis dictum, de furfuribus & semine lini in vino & aquâ coctis. Paratur fofus vel infessus ad pubem vsque aut regionem renum ex decocto rad. althææ, liliorum, folior. malux, violar. parietar. cum seminibus frigidis maioribus, lini & foenugræci. Laudo tamen magis fofum, quàm infessum vel balneum, quia metus est ne balneo fusi humores in partem affectam deducantur.

Aliquando vbi relaxandum magis, ob inflationem & duriem, inungantur dictæ partes butyro recenti, oleo amygdalarum dulcium & violaceo, vel axungia gallinæ, & similibus, deinde supertegentur lanâ succidâ aut bombace.

Atque his ita sedatis, ne partes istæ relaxatæ deinceps admittant faciliùs excrementa corporis, roborentur alio cataplasmate vel vnguento adstringente & exsiccante; vt ex puluere myrtino, rosarum, thuris, mastiches, & farinâ hordei in vino rubro coctis, addendo mellis & olei rosacei parum. Fiat cataplasma. Vnguentum Comitissæ oleo myrtino dilutum huic etiam rei erit accommodatum, vel si adsit inflammatio, ceratum fantalinum cum puluere prædicto.

Vbi pertinacissima essent hæc vlcera, potissimum in corporibus plethoricis & pituitosis, solebant veteres candente ferro, vel caustico potenciali crustas circa istas regiones exteriùs inurere, quarum effluxu continuo tandem interna illa vlcera exsiccabantur. Nostri hominibus sufficere possunt sinapismi, vel duo aut tria vesicatoria commodè adhibita: pauci tamen sunt in hoc affectu, qui nouum velint cruciatum subire. Imò propter ægrorum nostrorum mollitiem solemus vt plurimum relictâ verâ curatione, palliationi tantum & sedationi symptomatum studere. Inter quæ cum dolor immensus plurimum illos fatiget, præcipuè vbi vesica est alterata, ideò debemus habere quædam anodyna potentiora seu narcotica in promptu, quibus illius acerbicatem temperemus; Prædici nostri ad id trochiscos illos alkekengi cum opio pararunt: Alij vtuntur puluere asynerito, diacodione, syrupo papauerino, & similibus. Sed inter ista plurimum excellit Laudanum illud Paracelsi dictum, quod exiguâ quantitate, vt 4. vel 5. granorum, & nullâ noxâ, plurimam hisce exulcerationibus consolationem adfert. Atque hæc de urinâ purulentâ. Nunc ad reliqua transeamus.

CAPVT V.

De Diabete, seu Immoderato Urinae Profusio.



RARISSIMVS est iste affectus, quem Galenus Diabetem appellauit, ac proinde paucis illius curationem & historiam perstringemus. Dicitur autem Diabetes *ἰσχυρὸς διαβήτης*, teste Aretæo, quod transferatur citò materia urinae, & veluti per siphonem extra corpus emittatur. Dicitur etiam hydrops ad matellam, quod perpetuâ mictione matulas impleant; & *ὑδαρὸς*, propter sitim huic affectui iunctam.

Est autem Diabetes, immensa urinae crudioris profusio, propter deprauatam renum attractricem, ab intemperie eorum calidâ, cum siti & totius corporis subitâ colliquatione. Diximus esse immensam urinae profusionem, quia est symptoma secundi generis, nempe excreti præter naturam ratione quantitatis multum excedentis naturalem, aut consuetum morem: Quo nomine etiam distinguitur ab *ἑγερτὸν ἀποκρίτω* siue urinae incontinentiâ, de quâ sequenti capite agemus. In quâ licet urina profundatur sæpius & præter voluntatem; attamen non maiori copiâ, neque tanto impetu, vt in Diabete. Adde quod in hoc affectu urina exit cruda, aquosa, & potui nuper assumpto simillima, quia impossibile est tantam materiae quantitatem in renibus aut vesicâ retineri, aut in tam parua morâ coqui & alterari. Hæc autem urinae mictio præter naturam, pendet ab interioribus illis functionibus læsis & deprauatis, quâ solent renes naturaliter serum illud sanguinis attrahere, secernere, & in vesicæ cavitatem profundere. Quoties ergo à causis externis vel internis affecti attrahunt nimium quàm par sit, & attractam materiam retinere nequeunt, multò minus alterare vel concoquere, toties contingit Diabeticus affectus verus & legitimus: in quo attractrix præcipuè & principaliter, retentrix & alteratrix secundariò & concurrenter tantum, vt loquuntur nostri, labefactantur. Vnde si immensa hæc urinae profusio ratione transmissionis fiat, vt per viam crisis, quando in morbo acuto vel chronico natura totum corpus per urinas expurgat: vel per viam colliquationis totius aut partis, vt videmus in plerisque marasmo affectis crebras istas & copiosas mictiones: & vt ait Hippocrates *libro secundo de morbis: Vbi caput nimium incaluerit, multum urina emittitur*: liquefcit enim in ipso pituita, & transfertur partim in nares, partim in os; aliquando in venas, quæ ducunt ad pudendum vsque, vel etiam propter nimium potum, vt in hominibus crapulæ & longis illis computationibus addictis; aut quia diureticis & aperientibus, vt vino albo tenui, aquis thermalibus, & similibus urinas mouentibus vtuntur: tunc mictio illa quamuis frequens & copiosa, non erit Diabetes verus, sed falsus & spurius, quia renales illæ partes, nihil tunc per se & *ἰδιωτὰ* patiuntur, sed tantum *συμπαράδωκός*, ob transmissam illam materiam, quæ per istos ductus necessario expurgatur.

Est igitur attractrix illa renum læsa siue deprauata, quia nimis quàm par est, ex aliis corporis partibus, potissimum verò ventriculo, hepate, venis maioribus elicit materiam illam serosam, quæ debet esse vehiculum alimenti, nempe sanguinis per totum corpus, antequàm in renes ipsos defluat. Non enim vesica, vt docet Galenus, attrahit serum illud, sed excipit tantum per vterque velut canales, vbi in renibus secretum fuerit: ac proinde non potest esse verum huius morbi subiectum. Quamuis enim omnes corporis nostri partes quatuor illis facultatibus naturalibus præditæ sint, attrahendi, retinendi, alterandi, & expurgandi: Attamen in quibusdam illæ publico etiam muneri inseruiunt, vt in ventriculo, hepate, renibus, & aliis: in reliquis autem priuatis tantum officiis, nempe propriæ alimenti attractioni, vt in vesicâ, quamuis ratione expulsio nis & retentionis, non sibi tantum, sed etiam toti inseruiat. Et si non negauerim ve si-

cam intemperatam aliquando renes ipsos velut principes istius functionis partes excitare posse per sympathiam, atque etiam præcipitare in hunc & alios plures affectus. Multò minùs accusandus hic erit ventriculus tanquam pars primariò laborans. Quamvis enim siti torquetur immensà, quæ ab attractione illà indefinente per modum exsiccationis oritur: attamen ibi non esse veram morbi sedem, inde patet quod cessante fluxu illo vrinarum, omnia ventriculi symptomata sedantur: & quoniam ventriculus vel intestina malè affecta non per vias vrinæ, sed per ipsam aluum deponerent ista excrementa, vt videmus in diarrhœâ, lienteria, & similibus; Et sic idem Galenus *libr. 6. de locis affectus*, comparat istum affectum caninæ appetentiæ, ratione immensi illius appetitus, quo renes serosam materiam sibi familiarem alliciunt; & lienteria, ratione imbecillitatis illius, enervatâ scilicet retentrice, ad quam celer illa profusio vrinæ subsequitur.

Verùm quæ sit tanti mali causa proxima & immediata, seu dispositio, à quâ functiones istæ læduntur, maximè controuertitur. Nos diximus fieri ab intemperie renum calidâ. Cùm enim attractio ista sit deprauata, oportet etiam à causis præter naturam fieri: non ergo à similitudine substantiæ, quæ est causa naturalis, sed vel à dolore insigni, vel calore immodico. Istas enim esse duas causas fluxionum, quando fiunt per viam attractionis, omnibus est notum. Cùm igitur dolor non sit in hoc affectu tantus, vt fluxionis istius præcipua causa illi tribui possit; sequitur intemperiem calidam illud præstare, tum quia absorbet humiditates partium quas occupauit, & inde attrahendi appetitum augeat, tum quia fundit & dilatat poros earum. Quis enim dixerit frigiditatem tantam in renibus viuere ntium adesse posse, vt per compressionem violentam humores istos ex renibus exprimat? Deinde oporteret totam illam materiam in renibus esse contentam, quæ per diabetem excernitur, quod est absurdum: quia deinceps coarctatis poris à frigore, non exciperent facile fluentem aliunde materiam. Ac proinde caliditati potius erit tribuendus affectus seu læsio functionis istius, quæ tamen publico inferuiat muneri, vt diximus, læditur tamen à morbo simili, quia à temperie potissimum exercetur: nequis nobis fortè obiciat organicam actionem non nisi ab organico morbo lædi, quod verum est de purè organicis, non autem de mixtis, qualis est ista, quæ tam à temperie, quam partium compositione pendent.

Dicet aliquis, Si verum esset (id quod vos asseritis) affectus istius causam immediatam & præcipuam esse calorem renum immensum, non esset tam rarus & extraordinarius, cùm nihil sit frequentius in Medicinâ, quàm ægros de hac renum intemperie conquerentes audire. Et nemo est qui in phlegmone aut simplici inflammatione renum vel vesicæ, istas vrinæ profusiones immodicas annotarit, sed potius *ixæpias* & stillicidia. Adde quòd vrina alba, aquosa, & cruda emittitur, quæ tamen per renum caliditatem tingi & flauescere solet. Huic igitur grauissimæ obiectioni vt satisfaciamus: Dicimus primò varios esse gradus cuiusvis intemperiei & qualitatis excedentis, pro quorum varietate, varia etiam exoriuntur symptomata, & hæc potius quàm illæ functiones læduntur. Secundò concurrere posse cùm istis qualitatibus, modò has, modò illas dispositiones, quæ impediunt vel iuuant has potius quàm illas actiones. Vnde contingit intemperies istas renum calidiores, modò maiores esse, modò minores: Minores non efficiunt *dispendi* istum, & immensam serosæ materiæ attractionem, quia parum extra naturæ modum excedunt: Maiores verò quia vt plurimum accersunt copiam sanguinis, ex quâ phlegmonosi illi aut erysipelatosi tumores, cum oppilatione & viarum coarctatione oriuntur; hinc fit vt rarò aptæ sint ad Diabetem istos producendos: ad cuius generationem requiritur, vt viæ sint laxæ & patentes, per quas hic humor transcolatur, & calor natiui summa imbecillitas ab exhausto, propter quam omnium functionum naturalium ingens perturbatio consequitur, vt in *aloria* illa iecoris contingit, quæ est parens *disceptias* hepaticæ, per quam magna sanguinis aquosi proluuius per aluum effunditur. Vnde non est mirum si hæc rarò concurrant simul ad affectus istius generationem. Vrinam autem albam esse & crudam, contingit propter copiam humoris illius serosi & impermixti, qui attrahitur, neque in renibus aut vesicâ moratur, vt ibi colorem vel consistentiam adipiscatur.

Est ergo hæc intemperies calida & sicca ab exhausto, sine humoris affluxu,

aut humore non implente vel obstruente, sed tantum alterante à variis causis producta. Nam & externæ & internæ faciunt ad illum generandum, fouendum, atque augendum: ut calor aëris immensus, assumptorum alimentorum, medicamentorum, aut venenorum caliditas, putrida constitutio, aut deleteria, vel summa aperiendi vis & detergendi. Vina aromatibus medicata: vigiliæ immoderatae: somnus in strato molliore & calidior diuturnior: vehemens exercitatio lumbarium præcipue partium: iracundia, & coitus superfluus: vacuationum solitarum suppressio, quia pariunt vel augent causas illas internas, ut cacochymiam & plethoram, à quibus iste affectus producit. Annotarunt Veteres serpentis illius morsum quem *διψάδα* appellant, non solum sitim implacabilem, sed etiam magnum hoc vrinae profluuium excitare posse. Nolim tamen Auicennæ assentiri, qui existimauit insignem frigus externum, aut aquæ potum frigidioris, huic malo originem aliquando dedisse, quia hæc omnia adstringunt potius & impediunt humorum effluxus quam prouocant: nisi forte per accidens, dum cogunt vehementius humores versus aliquam partem, & eam inflammant: Qui humores acres, falsi, pungentes, deleterij, ipsi renum substantiæ affixi, & aliunde derivati, & ibidem collecti, aut certe caliditas cum siccitate immaterialis, quam vacuantia, resoluentia aut colliquantia pepererunt, erunt immediata illius causæ. Qui modò subsistit sine febre, quando vitium est particulare & sine putredine; aut cum febre, quoties impuritas corporis iuncta fuerit, aut materiæ corruptelam concipientis synathrisimus, ut patet.

Facile ergo erit affectum hunc præsentem agnoscere, ex immodico illo & ferè continuo vrinae profluuiò, ex siti immensâ, & quæ assumpto potu nihil sedatur, quia eum talem subito rejiciunt, qualem assumpserunt. Vtrum verò sit verus Diabetes & primarius ratione attractionis renum immoderatae; an verò falsus & secundarius ratione transmissionis, dum suscipiunt tantum & transcolant materiam à toto corpore, vel aliquâ parte derivatam, cognoscemus; siquidem in vero & primario, renes calorem illum immoderatum patiuntur, lumbares partes incenduntur & macrescunt magis, & sitis quæ istum comitatur, est intensior, neque à causis inceptis procatarticis: neque præcessit febris aliqua, cuius iudicatio per vrinas perficiatur, aut cuius vi humores corporis sint colliquati. Nulla etiam adest alicuius partis superioris, ut capitis pituita redundantis, ventriculi humidioris, & similia querela, propter quas secundarius ille Diabetes sit exortus. A quibus verò causis tam falsus quam verus fuerint suscitati, reperies ab enumeratione rerum naturalium, non naturalium, & præter naturam, quorum varia constitutio prægressa vel adhuc perseverans, ostendit qualis effectus in corpore nostro fuerit productus.

Atque etiam pro naturâ & specie affectus, partis primariò aut secundariò laborantis, pro varietate causarum & effectuum siue symptomatum prædicemus de euentu in hisce ægrotantibus. Incipientem enim & sine febre, aut leuiori curari posse existimo; confirmatum verò & ab attractione illâ immodicâ pendentem cum febre ardente vel hecticâ, incurabilem. Quid enim sperare potes in intemperie partium confirmatâ, subitâ & summâ totius corporis colliquatione & marcore? In hoc enim affectu dupliciter consumptio contingit, tum quia vacuatur materia copiosius & confertim, cum quâ semper aliqui spiritus & humoris substantifici portio decedit: tum etiam quod sanguis suo sero velut vehiculo destitutus, non potest deinceps transferri ad remotas corporis partes, & aliis immodicè resiccatur. Adde quod sitis illa immensa & implacabilis apostitæ iuncta ob summam ventriculi siccitatem caliditati aliquando iunctam, nullas vnquam dat ægro inducias, sed dies noctesque crudeliter fatigat, & auget causam ipsam morbi, quia perpetuò affluit humor nouus in locum affectum. Præterea vbi iam malum inualuit, si quidem subito ille vrinae effluxus artis beneficio cohibeatur, periculum est promptæ suffocationis ex *παλινδρομή* illius id partes nobiles, vel certe hydropis ex collectione feri in cauo abdominis. Miraculi igitur instar est hic affectus, inquit Aræteus, siue eius generationem, siue curationem spectes: Quod de vero intelligendum, cum alter facilius multò sedari possit, transmissâ aliò vel derivatâ materiâ quæ in renes effundebatur: Vel certe ex seipso subsistit, quoties à causâ procatarticâ pendet, si illa in meliorem statum reducatur, dummodò ætatis aut virium adsit vigor.

Omni igitur ingenio & industriâ solerti, debet hic affectus oppugnari. Vnde

cum renes intemperie laborent calidâ siccâque, modo immateriali, aliâ cum affluxu materiæ: Si adsit humor, indicatur vacuatio, quæ reuellt à viis renum in cavitates intestinorum, per clysteres mollientes, & leniter purgantes; per cathartica benigna & adstringendi vi prædita, deinde alterantibus ardor ille immoderatus erit compescendus, renum infirmitas & laxitas adstringentibus & reficientibus roboranda: fluxusque tenuioris feri per reuulsionem & incrassationem corrigendus: omnibus denique symptomatis prospiciendum erit, quæ hîc maximam molestiam pariunt.

Ac proinde victus ratio, ex alimentis quidem boni succi & facilis digestionis erit instituenda, propter corporis consumptionem, & virium collapsum. Attramen incrassantibus & refrigerantibus pro varietate causæ morbificæ, & fluxus vehementiâ. Vnde conuenient cremor hordei torrefacti, lac amygdalarum dulcium cum aquâ rosaceâ extractum, oryza, semola in iure capi aut gallinæ iunioris cocta, panatellæ, gelatinæ, lac caprinum cum paucâ farinâ tritici torrefactâ, & vitellis ouorum coctum: Caseus recens, mollis, & sine sale paratus: Carnes perdicum, iuniorum columbarum, pedes & capita veruecum, hœdorum, vitulorum ad putrilaginem cocta, aceto, omphacio, aut succo mali arantij & punici aspersa. Si iusculis gaudeant, alterentur plantagine, portulacâ, oxalide, symphyto, & similibus. Pyris, pomis austeris, malis cydoniis sub cineribus coctis, & paucâ saccharo aspersis; item mespilis, corneolis, sorbis, vel eorum miuâ: aut cucurbitæ cortice, lactucarum caulibus, & similibus conditis frequenter vtantur: Myrobalanorum etiam saccharo conditorum frustula delicatioribus aut iam eneruatis dari poterunt, bene contusa in mortario, & paucâ aquâ rosarum aspersa. Piscium saxatillum aut friabili carne prædiorum vsus, in assuetis potissimum, eosque appetentibus concedatur, quia bene nutriunt, & siccitatem illam ventriculi temperant; imò, anguillarum, murænarum, ranarum, testudinum caro bene cocta & præparata illis conueniet ad refrigerandum & incrassandum serum. Parum verò potent, ne multiplicetur illa aquositas, idque ex decocto rad. acetosæ, vel aquâ ferratâ cum syrupis vel succis acidis & adstringentibus, aut vino rubro & austero. Fugiant autem omnia falsa, acria, piperata, frixa, & aperientia, vt diuretica. Quies impereur corporis & animi: Alius quæ hîc sicca esse solet, excitetur conuenienter. Somno indulgeant, quia omnes vacuationes, præterquam sudorem hîc vtilissimum sistit. Et aëris quæcunque vitetur aut corrigatur inclementia, ei que temperies concilietur.

Quibus ita constitutis, si quidem corpus sit plethoricum, malum incipiat tantum, & vires adhuc sint vegetæ, tam reuulsionis causâ, quam vt temperetur æstus ille renum, & totius corporis, quando febris illi coniuncta est, fiat phlebotomia ex basilicâ brachij dextri exiguo foramine, ita vt per *Principia* pauca sanguinis quantitas extrahatur hodie, & sequenti die iteretur. Hîc enim non solum præsentis, sed etiam futuræ vires considerandæ, citæque corporis consumptio, quæ vbi iam præsens est aut imminet, abstinendum erit omnino à venæ sectione.

Purgatio etiam & deriuatio fiat lenientibus, & molliter vacuantibus clysteribus, necnon alterantibus, quibus sequenti die catharticum quoddam simile adiungetur. Vt

℞ Rad. acetosæ ℥ iij. folior. plantag. maluar. & borrag. an. M. j. portul. M. ℞. hordei integ. & rosarum sic. an. P. j. Fiat decoctio ad ℥ j. ℞. In quâ dissolue mellis rosacei, & olei omphacini, an. ℥ iij. Fiat clyster, qui iniiciatur frequenter, & quando vacuandum erit potentiùs, adde hieræ picræ, cathol. aut diaprunis solut. ℥ j.

Sequenti die exhibeantur ℥ iij syrupi rosati laxat. cum decocto acetosæ & endiuix, vel myrobal. citrinarum. Vbi habitus est pituitosus, laudantur leuiora illa medicamenta, quæ ad hydropis materiam educendam præscribi solent, vt radix mechoacan ad 3 j. puluer. & cum simili decocto exhibita, addendo ʒ vis parum rhabarb. ad adstringendum & roborandum. Agaricus etiam, soldanella, semen ebuli. Componatur ex illis omnibus si volueris, Syr. magistralis, qui reiteretur singulis quindecim diebus, quando affectus est diurnior. Alij valde laudant vomitum ex decocto sem. raphani & ebuli, cum paucâ oxymelite, quia vacuat & reuellt simul à ductibus vrinariis: Inter ista præscribantur iulepi refrigerantes, incrassantes & roborantes sæpiùs dicti, ex aquis endiuix, lactucæ, plantag. portul. syr. myrtino, violaceo, de pomis redolentibus, atque etiam de papauere: addendo puluer. tragacant. diarmargar. frig. granorum kermes, terræ sigillatæ, trochisc. de spodio, & similia.

Non

Non ausim autem diureticis post purgationem in hoc affectu uti, quatinus illa à Practicis quibusdam probentur ad depellendos humores renibus adhærentes, quia in tanto humorum impetu versùs istas partes, maius sequeretur incommodum. Siquis ea tentare velit, sint ex aperientibus sine ullo calore, ut vino albo tenui & oligophoro aquâ graminis diluto, vel seminibus frigidis maioribus & minoribus in decocto liquirit. quibus etiam quædam adstringentiâ adiuncta sint.

Maius tamen commodum ex sudorificis percipient, quia euacuant simul & reuellunt, ita tamen instituantur, ut neque calefaciant nimium renes, neque corpus ipsum colliquent. Vnde decoctum nostro more ex radice Chynæ paratum, & per multos dies usurpatum hîc valde laudârim; quod etiam in consumptis fieri potest ex iusculo pulli aut gallinæ conuenienter alterato. Antiqui in dolio silicibus candentibus, aut arenæ insolatu sudores excitabant: Alij in balneo ex aquis thermalibus, aut decocto conuenienter parato. Sed hoc minori calfactione & resolutione præstari potest per decoctum radice Chynæ, vel etiam sarsæ parillæ aut similacis asperæ: Quare ab illis abstinendum esse censeo.

Renum interim regio temperanda, roboranda, fotibus ex decocto rad. acetosæ, folior. plantag. rosarum, malicorij, seminis sumach, & similibus, quibus aceti parum additur: Deinde inungatur cerato santalino, vng. rosaceo & Comitissæ simul mixtis. Emplastrum de cerusâ, vel ex cerâ in oleo rosaceo liquefactâ, & sæpius aquâ frigidâ aut rosarum ablutâ idem præstabunt. Si malum ingrauescat, aut diutius persequeret, non oberit, parum theriacæ recentis, confectionis requiei dictæ, diacodium, & similia stupefacientia, cum conseruis violarum, maluarum, aut rosarum simul mixtis exhibere, ut immoderatus ille fluxus cohibeatur.

Symptomatum denique, ut consumptionis, vigiliarum, & similium mitigatio ex propriis capitibus repetatur. Et quia sitis hîc plurimum adfert molestiæ: teneant perpetuò in ore sequentem mixturam ἀδρῶν à Veteribus vocatam: ℞. Aceti optimi quantum volueris, & in eo leuiter supra cineres tepidos calfacto, dissolue succi granat. aquæ ros. & vini albi parum, sacchari albissimi puluer. q. s. ad incorporandum & ebibendum totum liquorem. Mixtura reponatur in pyxide argenteâ vel vitreatâ. Teneat in ore frustula illius, vel etiam dissoluta cum paucâ aquâ potabili. Nos ergo huic capiti finem imponamus.



CAPUT VI.

De Vrina Incontinentiâ.



ῥῑῑῑῑῑ dicebantur apud Veteres, quicumque non solum frequenter mingunt, sed etiam urinam continere nequeunt & inuoluntariè profundunt, seipso aut stragulas permingentes. Et illa affectio Medicis ἀρρηξὶς ἀπορροῆς vocatur, Barbaris *diamne*, Aretæo ἀνοῦξις ἐκκρισις τῆς οὐρᾶς.

Est autem functio retentrix vesicæ læsa, ob muscoli eam claudentis infirmitatem à variis dispositionibus præter naturam. Dicimus esse functionem vesicæ læsam, quia hoc pathos proprium est & peculiare illi, quemadmodum Diabetes renibus: Id enim ex varietate instrumentorum huic rei dicatorum innotescit; nam renum propria est attractio serositatis illius sanguini permixtæ per emulgentes venas, & secretio seu transcolatio per illa fistulosa corpora & papillas, velut fonticulos in sinum interiorum extuberantes, qui vreribus iunctus deuehit continuo materiam istam in vesicæ cavitatem. Ibi autem collecta vrina tamdiu retinetur, donec copiâ suâ vel qualitate molesta expultricem irritet, ope transferorum villorum adiutam, ut foras profundatur, aperto musculo illo sphinctere, qui collo vesicæ, ideò prudenter à naturâ ianitoris instar constitutus fuit, ne perpetuò mingere cogeretur animal. Ita ut ista retentio omnino propria sit vesicæ, non tantum opera fibrarum obliquarum, sed etiam muscoli illius nervos à spinalis medullæ vertebra inferioribus recipientis, qui ad voluntatis imperium claudi & recludi debet. Quoties igitur causæ morbificæ & præter naturam in vesicæ collum & muscoli istius corpus, aut nervorum propagines, quibus irrigatur, inciderint: toties vrina intempestiuè & sine ullo voluntatis concursu profundetur, non

non quidem expultricis nimium stimulatæ, vt in dysuriâ; vel attractricis vi, vt in diabete; sed quadam *ἀροία* illius functionis, quæ continendæ vrinæ præsidet, siue illud inter vigilandum contingat, siue in somno, dum facultates animales minus liberè muneribus suis funguntur: Ita tamen vt de nocte dupliciter illa mictio in stragulis contingere possit, vel debilitate propriâ istius functionis, & musculi molliificatione, vt loquuntur, quod pueris ferè omnibus lætentibus, decrepitis, & quibusdam adultis accidit: aut errore imaginationis. Multi enim vbi copiosius potârint, vel exquisitori præditi sunt vesicæ sensu, lectulos suos permingunt quodam obscuro voluntatis concursu, dum putant se in parietem vel alium quendam locum vrinam effundere. Et ita sunt huic rei assueti, vt sæpius illud agentes videantur debilitate istius musculi id præstare; cum tamen ab hoc vitio non tam medicamentis corrigantur, quàm si illa imaginatio mutetur, vt in pueris & adultis, flagro; vel in ætate grandioribus, si locus ille quem sibi permingere in somnis videntur, de die rebus quibusdam honestis & venerandis, vt cruce, tapetibus, libris, &c. exornetur, & illis ita spectandus proponatur.

Causas autem & dispositiones istum affectum producentes, varias esse posse diximus. Cum enim hic musculus sit pars organica ad motum comparata, quicumque à propriâ illius constitutione pendet, tum neruorum à quibus influxum animalis illius facultatis excipit: ideo non solum *ιδιωματικῶς*, sed etiam *συμπαραδινῶς* laborare potest, quoties accidit summa infirmitas & caloris nativi depauperatio, vt per febres acutas in morituris, aut alio modo consumptis, aut quando totum corpus paralyti tentatur, vel dimidia eius pars hemiplegiâ laborat, aut etiam illæ neruorum propaggines, quæ ab osse sacro exortæ, ramulum vesicæ communicant: Illis enim obstructis, collis, compressis, aut ab alio quocunque affectu præter naturam læsis, non est mirum actionem etiam istam, quæ est dependens, labefactari per consensum & priuationem spiritûs illius & caloris, cuius beneficio exercetur. Aliàs ob simplicem condolentiam & vicinitatem, vt in gravidis ob vteri nimium tumorem vel dolorem: in maioribus intestini potissimum recti affectibus: Vnde apud Galenum historiarum illarum lib. 6. de loc. aff. cap. 3. Et quemadmodum ista per sympathiam accidunt, sic etiam per *ιδιωματικῶς* musculus iste variis modis labefactari potest: Nam solutiones continui, vt vulnera huic parti inflata, & incisiones maiores quàm par sit à lithotomis celebratæ, dum calculum extrahere conantur, fistulæ ibidem contractæ, & vlcera profundiora, efficiunt ne musculus iste seipsum contrahere possit ad vesicam occludendam. At potissima & frequentissima causa imbecillitatis in isto musculo, referenda ad intemperiem non calidam & siccam, quia illæ faciunt ad retentionem potius, nisi fortè per accidens, vbi post magnam resolutionem caloris insiti & spirituum, subsequitur eneruatio potentia istius motricis; sed frigidam vel humidam, simplicem aut compositam simul, vt sæpius accidit. Vt enim frigidum ossibus, neruis, & cæteris partibus spermaticis & exanguibus inimicum; sic humiditas superflua quæ mollieties vocatur, à redundantia succorum pituitosorum, serosorum, & similium contracta, ipsisque neruis, tendinibus, & musculis communicata, illorum substantiam relaxans, & propriæ temperiei gradum retundens, facit vt minus perfungi possint suo munere. Ac proinde vt in aliis musculis impedimentum adfert mouendi, atollendi, & quocunque modo agitandi alias corporis nostri partes; sic in isto & aliis qui sphincteres ab officio vocantur, impotentiam parit seipsum contrahendi, & retinendi materias in cavitatibus contentas.

Ergo cum frigiditas & humiditas efficiant frequentius dispositionem istam, quæ est causa proxima incontinentiæ vrinæ: hinc patet ea omnia quæ efficiunt istas qualitates in hac parte, vel eam disponunt ad facilius illas recipiendas, esse causas internas vel externas istius affectûs: Quales sunt sex parte rerum naturalium, temperamenta pituitosiora & veteris dedita, ætas puerilis aut senilis, sexus muliebri, ventriculi & cæterarum coctioni dicatarum partium naturalis infirmitas, ex quâ fit succorum multorum & cruditarum proventus. Quibus si accesserint morbi totius vel partium præcipuè neruosarum, magna fiet accessio ad intemperiem istam producendam: Vidimus enim quibus à leuiori apoplexiâ aut hemiplegiâ percuratis, remansit tamen ista vrinæ continendæ impotentia per multos annos, quia scilicet suberant in hac parte remotiori reliquæ præcedentis morbi. Ad hoc promouendum maximam etiam habent vim externæ causæ, vt aëris intemperies aquiloniæ & austrinæ, sessiones supra res frigidiores, marmor, lapides, &c. minimè rectis natibus, vt solent pueri: natationes in aquâ gelidâ, aut in balneo molliendi

molliendi facultate prædito : foris ex refrigerantibus & relaxantibus diutius usurpati ad leniendos partium istarum dolores, vel inflammationes, & similia. Item somni profundiores, quia accumulunt multam urinæ copiam, & corporis interiora humectant. Aliæ corporis vacuationes suppressæ, quia multiplicant vitiosos in nobis succos, ut plurimum pituitosos. Otium etiam, torpor, & desidies valde eneruant virtutem istarum partium sopito calore nativo. Quemadmodum alimēta cruda, *δύσπεπτα*, nimium refrigerantia aut humectantia, ut olei, butyri, medullarum, & omnium pinguedinum diuturnior usus, potus intempestivus & immodicus aquæ frigidioris potissimum, idem præstant efficacissime, cum materiâ, quam generationi humorum suppeditant, tum qualitatibus suis, quibus interna viscera afficiunt.

Ex solitis itaque signorum fontibus, pars primario vel secundario laborans, natura seu species affectus, & illius causæ sunt agnoscendæ & perlustrandæ. Etenim ubi illa à nobis iam commemorata apparent, priusquam ista urinæ incontinentia adesse, ut totius corporis infirmitas, apoplexiæ, paralyse, luxationes vertebrarum in lumbis positarum, vulnera earundem partium, vel obstructions ex decubitu humoris in istas neruorum propagines: summa vteri, intestinorum, aut circumstantium partium compressio vel dolor : Tunc credibile est eiusmodi affectum esse sympathicum, ex partium istarum primario affectu deriuatum, quibus ideò curam adhibendam esse potissimum docuit Galenus, non autem ipsi vesicæ, aut eam claudenti musculo. Sin verò ista omnia absint, nec vlla sit alterius partis grauius affectæ suspicio: tunc conuertendus animus ad particulare istud organum urinæ continendæ dictum, velut primario affectum.

Quod si in illo fuerint solutiones continui, vlcera, vulnera, & similia, satis ex consuetis & propriis sibi signis innotescunt. Intemperies verò frigida vel humida, simplex aut composita hunc affectum produciens, deprehendetur ex causarum tam internarum quam externarum constitutione, eisque symptomatis seu effectis à quibus comitantur, ut totius corporis mollitie, colore albicante, nervosi generis & partium genitalium laxitate: Si adsit ætas puerilis aut senilis, quæ humiditatibus superfluis plurimum abundant, aut in aliis ætatibus cacochymia pituitosa exuperet, quæ per istos ductus expurgetur. Quibusdam etiam hæreditarium hunc esse morbum, & qui non nisi certo annorum spatio terminetur, sæpius obseruauimus.

Quod ad prognosin ergo spectat: In decrepitis hunc affectum esse immedicabilem constat, ob exuperantem humiditatem, & caloris nativi infirmitatem, ob quam omnes functiones collabuntur: In pueris etiam quamdiu lacte nutriuntur, patet non esse tentandam illius curam, quoniam ætas illa mollior, & alimentum humidissimum quo utuntur, non facile suscipiunt exsiccationem. In febre verò continuâ & acutâ, urinæ excretio inuita aut insciente ægro facta, mortalis: quia ostendit delirium adesse ingens, vel summam extinctionem & impotentiam facultatis animalis. Idem dicas de illâ quæ sequitur apoplexias, epilepsias, paralyse vniuersales, vel hemiplegias, vertebrarum luxationes, & similes affectus, quorum sublatio operosa est & valde difficilis. In ætatibus verò mediis propria musculi istius intemperies aliquando curatur, per solam caloris nativi *ἐνδραμψιν* seu accrescentiam circa decimum octauum annum, aut saltem vigesimum quintum. Aliàs manet immedicabilis & confirmata, quando terminum istum excesserit, & remedia omnia conuenienter adhibita fuerint.

Instituenda igitur diligens therapeia ad curandam istam turpitudinem, quæ si pendeat, ut dictum est, ab aliis affectibus primariis, illorum sublatio pro varietate & naturâ dispositionum & causarum morbificarum tentanda. Frustrâ enim circa istius medelam, si secundarius sit, laboraremus. In solutionibus autem continui, ut vulnerebus, vlceribus, fistulis, contusionibus, & similibus huic musculo aut vesicæ inflictis, adhibenda methodus curatiua, quæ suis locis traditur. At in intemperie frigida & humida, simplici vel compositâ, quæ est communior huius incontinentiæ causa, petendæ indicationes à causis tam externis quam internis antecedentibus & coniunctis: à propriâ dispositionis specie, & partis affectæ naturâ, quæ roborantia potissimum exposcit. Imprimis autem recta viuendi ratio decernenda erit.

Ac proinde cum frigiditas humiditati iuncta hæc sæpius dominetur: vitentur ea omnia, quæ istas intemperies generare vel augere possunt, ut ciborum & potuum nimiam copiam, potissimum in coenâ, si noctu incontinentiâ istâ laborent. Omnia aquosa & urinæ materiâ multiplicantia, vel ad excernendam eam irritantia: ut sunt vinum album & tenue, olera cruda, fructus *ωγαί* & recentes, melones, pepores, cucumeres,

cucumeres, cucurbitæ, raphanus, apium, petroselinum, &c. Omnia pingua, oleosa & butyrosa, quantum fieri poterit, quia valde internas partes emolliunt. Lactis etiam vsum & lacticiniorum recentium, quia valde humectant: Iusculis etiam, ouis tremulis, piscibus, (vel si non possint, condiantur aromatibus, vt nuce moschatâ, pipere & garyophillis: aut saluiâ, hyssopo, menthâ, & similibus:) & omnibus liquidioribus abstineant. Eligantque victum calefacientem & exsiccantem ex pane biscocto & semine anisi vel coriandri condito, carnibus assis potius quàm elixis: passulis, amygdalis, & auellanis tostis, pyris & castaneis sub cineribus coctis, quas hîc peculiariter commendant Practici. Vino rubro, generoso & meraciore, aliquando etiam austero & adstringente, si nimia appareat mollificatio. Si sint hydropotæ, ex aquâ ferratâ, aut in quâ coriandri semen leuiter fuerit decoctum. Interea vitent etiam aëris intemperies pluuiosas & aquilonias, omnisque rei frigidæ & humidioris contactum, vt sessionem supra lapides, natationem, &c. Plus vigilent quàm dormiant, si per ætatis conditionem liceat. Exerceantur diligenter: Imò etiam irâ concitari, aut verecundiâ torqueri, illis plurimum prodest, quia illa calefacit corpus, hæc verò reuocat naturam ad suum officium peragendum: Veneris vsus noxius, quia debilitat magis istas partes, & trahit humores versus ista loca: Alium esse lubricam conuenit, quia per istum ductum excernitur materia quæ ad vrinas transfertur. Idem dicas de sudoribus; siue sponte, seu artis beneficio concitentur, quia vacuant & reuellunt serositates istas, ex quibus vrina conficitur, & totum corpus exsiccatur.

Quod ad remedia itaque maiora spectat: respectu causarum antecedentium; cum dictum fuerit a nobis, cacochymiam vt plurimum serosam aut pituitosam hîc redundare, raro phlebotomia competere poterit, tum quod vitium hoc sæpius accidit ante decimum quartum annum, tum quod ex eâ corpus magis refrigeratur. Aliquando tamen in corpore iuuenili & plethorico exerceri poterit, reuulsionis causâ, & vt totius corporis atque humorum adæquatio concilietur.

Purgatio autem semper conueniet, (nisi affectus iste ex simplici intemperie pendeat, quam externæ causæ excitant, vt sessio supra marmor, natatio in aquâ frigidâ, &c.) ex catharticiis phlegmagogis & hydragogis sæpius iterata, vt pilulis de agarico, cocciis maioribus, & minoribus, diacarthamo, diaphœnicone, semine ebuli, radice mechoacan, & similibus, quibus adstringentia & roborantia addi possunt ratione partis affectæ, vt rhabarb. puluis, myrobalanorum decoctum, syrup. rosatus solutius, vel de floribus perfici. Illis etiam purgantibus, præparantia si opus sit, præmittantur & intermisceantur, vt syrup. de absint. mel. anthosatum, sola vel mixta cum aquis aut decocto primule veris, prunellæ, salutiæ, menthæ, iunæ arthriticæ, herniariæ, & similibus, quibus roborandi etiam genus neruosum facultas subest.

Ratione etiam causarum antecedentium, & ad exsiccandum totum corpus sudorifica vsurpentur, vt stupha, iaconica, thormæ sulphureæ & bituminosæ, vt apud nos Bellilucanæ, decoctum ligni guaiacini vel sassafras dicti, per viginti dies aut plures vsurpatum. Si fluxio ex capite in partes inferiores delabi videatur, quæ illis infirmitatem istam conciliet, deriuetur errhinis, masticatoriis, caustico occipiti admo- to, vel alterutri brachio.

Quibus diligenter peractis, superest remotio causæ coniunctæ & ipsius affectus, partisque roboratio procuranda tam internis quàm externis remediis. Interna quæ ad hunc affectum assumuntur, vel manifestis agunt qualitatibus, vel occultâ proprietate. Castoreum in hac re valde commendatur, sumptum ad ℥j. cum granis aliquot myrrhæ, & aquâ calamintæ dissolutum, vel in pilularum formam coniungarum, quia horrendo est valde sapore. Aquæ celestis & imperialis cochlear vnum manè & serò sumptum: confectio anacardina, theriaca verus & mithridatium, pro ratione ætatis & temporis exhibita. Apud Auicennam & Serapionem habentur compositiones huic rei dicatæ. Vt

℥ Nucum eupressi, & corticis eiusdem, thuris, castorei, myrristorum, cumibi torrefacti, puluer. e gutture veteris galli torrefacto; an. ʒ iij. fimi columbini, carabes coralli rubr. rosarum sic. an. ʒ ij. seminis rutæ & anethi, an. ʒ j. Conficiantur cum melle rosaceo, vel conseruâ cydoniorum instar opiatæ. De quâ detur ad quantitatem fabæ maioris manè & serò, suprabibendo parum vini rubri austeri, vel aquæ primule veris.

Inter ea autem quæ oculis agunt viribus, maxime probantur pulueres tonu- leporis, aut vesicæ suis vel capri, qui dantur etiam ex vino dormicris. Item leporis cerebrum tostum vt solet, & vino irroratum: caro hericij salsa, vulgò mures assa vel elixi comedendi exhibentur laborantibus incontinentiâ vrinæ, quia calidissimi esse dicuntur,

dicuntur, quo nomine passerulorum vel pullorum hirundinum caro mihi magis probaretur.

Externa eodem modo calefaciant, exsiccent, roborent, semicupia, fotus, olea, vnguenta, emplastra inferiori spinæ parti, perinæo & pubi admoenda.

Decocta igitur ad forus & semicupia, necnon clysteres, quorum magna hîc est agendi vis, quia proximè attingunt partem affectam, parentur ex nerualibus, vt cypero, calamo aromatico, iride Florentinâ, saluiâ, maioranâ, hypericone, calamento, origano, primulâ veris, lauro, lauendulâ, iuâ arthriticâ, floribus rosarum, anthos, malorum granatorum, nucibus cupressi, cupulis glandium, &c.

Oleum vulpinum, irinum, laurinum, mastichinum, de castoreo. Vnguentum maritimum, Arragonium. Eemplastra adstringentia & roborantia, de mastiche, de meliloto, & similia conferunt.

Quidam styracem liquidam pauco vino dissolutam dictis partibus admovent magno successu, vel etiam mōschi aut ciuetæ granis aliquot in oleo conuenienti dissolutis inungunt.

Vbi inueteratus est & rebellis affectus, veniendum ad sinapismos, dropaces, & cauteria circa istas partes admota, vt euocentur foras materiæ parti adhærentes, & intemperies illa hæctica, vel altius impressa corrigatur. Cucurbitulæ pubi sæpius affixæ ad illud pariter prodesse possunt. Atque hæc de proposito affectu sufficiant.



C A P V T VII. & ult. huius tractationis.

De laboriosa mictione, nempe *ixēpiā*, *seēpiā* & *dyēpiā*.



LABORIOSA omnis mictio tribus potissimum nominibus expressa fuit à veteribus, ischurias nempe, strangurias, & dysurias, quæ ita interpretatur Aurelianus *capite proprio*: Stranguria, inquit, est impedimentum seu mictus officium retardatum: Difficultas autem quam *dyēpiā* vocant, quæ id adiuncto dolore præstat: Impossibilitas autem quam *ixēpiā* vocant, perfecta est eius officij negatio. Nos itaque istarum vocum significata, quamuis apud Galenum *lib. de caus. sympt. de loc. affect. &c.* ambigua aliquando videantur, ita clarioris doctrinæ causâ usurpabimus, vt *ixēpiā* perpetuò vrinæ suppressionem denotet, dysuria verò dolorificam mictionem; stranguria autem sit medium quid inter hæc duo symptomata, vt si absque dolore sit, accedat magis ad *ixēpiā*, & sit veluti imminuta *ixēpiā*: Si doloris sit particeps, etiam ad *dyēpiā* vergat. Quibus ita positis descriptionem illarum eliciemus, sequenti tractationi accommodatam.

Ixēpiā est mictio ablata; Stranguria, mictio stillatim facta, imminuta, & aliquando dolori iuncta. *Dyēpiā*, deprauata mictio & dolorifica, ob affectus similes, organicos, & communes, quos variæ causæ morbificæ pepererunt. Ista igitur diligenti perquisitione indigent, vt ex causarum notitiâ istorum etiam affectuum natura & generatio innotescat. Cum ergo mictio, vt & reliquæ functiones, ritè peragatur, quoties instrumenta illi dicata secundum naturam se habuerint, & ipsum obiectum, nempe vrina, secundum naturam & mediocriter se habuerit: Inde etiam ex contrariorum lege sequitur, dispositiones præter naturam istarum partium, & ipsius vrinæ vitia labefactare posse hanc actionem, abolere videlicet, imminuere & deprauare. Porro cum ad mictionem celebrandam, vtpote mixtam actionem, non solum dispositiones organicæ, sed etiam similes & ipsa partium vnitas, necessario concurrere debeant: atque vrina secundum qualitatem, quantitatem, & consistentiam peccare possit: idè ab omnibus istis mictioni incommodum inferri, notissimum est.

Ac proinde vt ab *ixēpiā* incipiamus, sciendum imprimis illam esse duplicem, veram scilicet & falsam: Vera enim ea dicitur, quoties vrinâ existente in vesicæ cauitate sensibiliter, vt ex pondere & tumore continentium partium apparet, non possumus mingere, sed illa in totū supprimitur. Falsa verò quando vrina non gignitur, sed illius materia absorbitur, vt per febres ardētissimas, absupto humorū sero & eis torrefactis: vel aliò amādatur, vt per insignes diarrhoeas, & sudores: aut nō delabatur in

vesicam, vt per obstructions, calculos, inflammationes, & similes affectus vtriusque renis, laborantis idiopathice vel sympathice, per condolentiam scilicet vnus inflammatus aut grauiter obstructus. Vel effunditur in abdominis cauitates vulneratis aut quomodocunque apertis vteribus, & similibus partibus. Tunc enim proprie mictio non aboletur, quia non adest obiectum siue materia illa quæ per vesicam effundi debet.

Vera ergo *ixçgia* fit ex retentione vrinæ quæ est in cauo vesicæ. Retinetur autem ibi, vel ratione affectuum ipsius vesicæ, vt postea dicemus; vel ipsius vrinæ copiosioris, quæ nimiam suam quantitatem ita replet vesicam, vt non possit seipsam deinceps cogere, & quasi lateraliter coarctare ad eius expulsionem, quæ fit operâ fibrarum transuersarum; nec vrinæ liquor suam sponte exire, quia sibi ipsi viam præpedit, vt videmus in vasis orificij angustioris, si humore aliquo perfecte oppleta sint. Copiosius autem colligitur vrina, aliquando sine morbo, vt in iis qui propter negotiorum multitudinem, diurnam equitationem, magnatum aut aliorum quorumvis hominum præsentiam non possunt aut audent mingere. Alias autem cum morbo, vt quando mens ægrotat in delirantibus, phreniticis, lethargicis, & similibus; Vel certe quando vesicæ ipsius sensus ita est obtusus ob intemperiem frigidam humidamve, vel paralyin vniuersalem aut particularem, vt nullo modo percipiat vrinam intus latitantem, nec ad eam excernendam commoueat.

Affectus autem vesicæ qui *ixçgiar* pariunt, præter immodicam illam vrinæ collectionem, siue sympathici sint, siue idiopathici, referuntur ad adstrictionem vel obstructionem. Adstrictio enim fit ab omnibus comprimentibus externis, vt inflammato vel oppleto vtero, recto intestino, vel colo flatibus distento & cruciatibus maximis correpto, facibus induratis, & similibus. Aliquando etiam à conuulsione vniuersali vel particulari, ob dolorem ex vlcere, inflammatione, & similibus inductum, retrahente & adstringente totam vesicam, vel certe musculum illum sphincterem, qui ad excernendam vrinam aperiri debet. Obstructio verò fit ab eis quæ adhærent parti, vt tumoribus omnibus præter naturam, tuberculo in collo vesicæ aut penis canali post ulcerationes, fœdas gonorrhœas, & similes affectus oborto; Vel quæ continentur tantum in parte, vt pure, pituita, calculo, arenulis, grumis sanguinis, carunculis, & similibus ductus istos occupantibus & perfecte opplentibus.

Quo nomine differunt istæ causæ ab iis quæ stranguriam & stillicidium vrinæ produciunt sine dolore, quia maiores sunt & potentiores: Sin verò iunctus sit dolor stranguriæ, mixtas habet causas tum *ixçgiar*, tum *duçgiar*: Vnde Hippocrates *Aphor. 58. sect. 5.* Recto intestino atque vtero inflammationem phlegmonosam patiente, vel etiam renibus suppuratis, fit stranguria; quia, vt docet Galenus in *commentario*, imminuta illa mictio, quando parum & frequenter cum expressione & conatu mingunt, aliquando fit ex imbecillitate facultatis retentricis vesicæ, ob aliquam intemperiem, alias ex vrinæ acrimonia, vel ex vtriusque coniunctis. Sic in vteri vel recti intestini inflammatione, vesica vicinitatis ratione patitur, vtpote quæ intemperiei illius ab inflammatione sit particeps, & præterea prematur à tumoribus præter naturam, qui in illis existunt: In suppuratis autem renibus vel aliis partim à materiâ illâ in vesicam effusâ pungatur & vellicetur, partim obstruatur; In *Epid. 3.* vocat *ἀπὸ τῶν σπυλσπιδῶν*: Ac proinde cum stranguriæ modi sint multi & omnigeni, vt dicit Hippocrates *lib. de affectionibus*, quatenus est affectus ex *ixçgiar* & *duçgiar* mixtus: sic etiam causæ illius ad istorum affectuum causas sunt referendæ.

Ac proinde *duçgiar*, quæ perpetuò dolorem in ipso mictionis actu, quemadmodum dysenteria in deiectione præsupponit; generatur ab affectibus vesicæ tam sympathicis quam idiopathicis, quicunque dolorem inferre possunt inflammando, comprimendo, diuellendo, erodendo, vt tumoribus phlegmonosis aut erysipelatosus, calculo grandiore vel asperiore, vulnere, contusione, vlcere, & similibus, qui insignem intemperiem, vel solutionem continui habent coniunctam: Quod enim dixit Hippocrates in *Coacis*, *duçgiar* à phymate seu tuberculo vesicæ fieri, magis spectat ipsam stranguriam proprie sumptam, quæ lato dysurias nomine continetur. Vel dic illud tuberculum inflammationi esse iunctum, vnde complicatio *duçgiar* cum *spylsçgiar*. Vel fit ab vrinæ ipsius ardore & acrimonia aliquando simplici & sine humorum permixtione, quam viscerum vel totius intemperies calidior, diutæ malus vsus, & similia induxerunt: Aliquando verò ex permixtione humorum, vt biliosi vel atrabilarij succi, pituitæ falsæ & mordacis, arenularum crassiorum & conficantium istos ductus. Ista enim omnia efficiunt, vt expultrix facultas vehementer

irritetur

irritetur, & pars ipsa sensu tactûs exquisitissimo prædita, cruciatu insigni inter meendum præcipue afficiatur. Vnde constat *ixæpias*, strangurias & dysurias à variis morbis, tam idiopathicis quàm sympathicis, similaribus, organicis, & solutionibus continui pendere. Quæ verò rursus sint causæ istos affectûs & dispositiones morbificas producentes, facile erit ex enumeratione rerum illarum naturalium, non naturalium, & præter naturam inuenire, tum etiam vniuscuiusque affectûs particulari tractatione.

Nos igitur breuiter dicamus, ex parte rerum naturalium suppressiones vrinæ, eiusdem imminutiones & ardores frequentius contingere in pueris, ob ingluuiem illis assuetam, & inaduerentiam mentis, vt loquantur, quia parum sunt solliciti de excernendâ aluo, vel vrinâ stato & conuenienti tempore: Item senibus strangurias & dysurias sæpe accidere, vt est *Aphor. 31. sect. 3.* ob imbecillio rem vim expultricem, & collectionem pituitæ illius viscidæ, quæ diuturniore morâ in partibus quasi recocta, magnam acquirit acrimoniam. In genere illos maximè his affectibus esse obnoxios, qui vel toto corpore intemperati naturaliter, vel in partibus istis connatam quandam imbecillitatem & viarum stricturam obtinent. Res verò illæ externæ, tam violentæ & non necessariæ, vt ictus, casus, medicamentorum aut venenorum assumptio, rerum exterius admotarum, vt aquæ frigidioris, & similium vis, quàm necessariæ & in vsum quotidianum venientes, multum possunt ad affectûs istos generandos; vt ciborum & potuum malæ qualitates, substantia coctioni inepta, aut quantitas nimia: Somni & vigiliarum immoderantia: Aliarum vacationum suppressio, vel fluxus immodicus: Violentæ animi passiones: Venus intempestiua: Otij aut laboris superfluitas: Aërisque vehementes intemperies, aut malignæ constitutiones. Inde Hippocrates *Aphor. 5. sect. 3.* flante boreâ contingere *ixæpias* *Opixâdas* scripsit: Et *Aphor. 16.* vult strangurias in siccitatibus temporum fieri, ob generationem biliosi succi, qui tunc vrinæ liquori copiosius permiscetur. Et *Aphor. 22. eiusdem sect.* fieri autumnò voluit, quoniam acres & maligni humores, qui antea dum vigeret verna tempestas aut æstiuâ, per sudorem aut insensilem transpirationem vacuabantur laxatis poris & externâ cute, tunc quasi interceptis viis inæquali illo frigore, ad vesicam recurrunt: adde quòd vesica membranosa & neruea, imbecillis frigore nouo & intemperie eiusmodi variâ redditur.

Vt igitur externæ causæ conferunt multum ad affectuum istorum generationem, sic internæ omnes dispositiones præter naturam, tam vniuersales quàm particulares, quæcunque cumulandæ plethoræ vel cacochymix multiplici aliquid conferunt, eamque versùs vias istas præcipitant: aut certè immediatos illos affectûs à nobis recensitos, tumores præter naturam, vlcera, calculos, arenulas, purulentam materiam, & similia produciunt. Iam igitur ad eorum *diagnosis* veniamus.

Cognitio affectuum istorum, quod spectat ad symptomatum ipsorum essentiam, facilis est & imperitissimo cuique notissima: Abolitiones enim, imminutiones, & deprauationes istius actionis per se ipsas statim deprehenduntur. Tota igitur difficultas hîc versatur in cognitione partis affectæ primariò vel secundariò, dispositionis morbificæ, à quâ immediatè actio illa læditur: & causarum quæ istam dispositionem pepererunt, vel iam fouent & augent. Ischuriam itaque falsam, quæ non sit ex suppressione liquoris vrinarij in vesicâ contenti, sed potiùs ex obstructione renum, solutione vreterum, consumptione serositatum, vel transmissione in alios corporis ductûs cognoscemus, eo quòd nulla existit circa regionem pubis tensio vel pondus, sed potiùs inanitas quædam sentitur, & immisso liberè in vesicam cathetere, nihil vrinæ emititur: Præcesserunt signa calculi in renibus aut vreteribus, inflammationes, disruptionis aut alterius cuiusvis obstructionis. Prægressa est febris ardens, quæ serum illud & humiditates ex quibus conficitur vrina, insensibiliter absumpsit; vel sudores, diarrhœæ, & similes vacationes, quæ sensibilibus eiusmodi materiam extra corpus eduxerunt.

Quòd si *ixæpia* vera contingat ex retentione vrinæ, quæ in vesicâ cauo delitescit: Agnoscemus vtrum pendeat ex vrinâ tantùm copiosiore ibi collectâ, quæ impedit contractionem vesicæ, si quidem negotiis deditus homo, aut incautus iuuenis ob diuturniorem equitationem, loci aut personarum præsentiam, omiserit longiori spatio mictionem celebrare: ita vt deinceps quando voluerit, vrinam excernere non potuerit, quamuis de nullo partis alicuius morbo conquereretur: Sin verò delirio laborarit, lethargo, paralyfi, aut torpidiore sensu vesicæ, ob frigiditatem illius, vel neruorum obstructiones, collisiones & similes affectus, propter quos non

excreuerit iamdiu vrinam, indicia etiam istarum passionum & causarum quæ illas induxerunt, erunt manifesta, & affectus naturam demonstrabunt.

Idem dicas de vesicæ & totius canalis vrinarij obstructionibus vel adstrictionibus: Nam adstrictiones quæ accidunt à conuulsionibus retrahentibus vesicæ corpus aut peculiarem muscolum, si quidem sint vniuersales, aut pendeant ex malis dispositionibus eorum neruorum, qui ex vertebis lumborum deriuantur in vesicam, facile erit ex istorum læsione affectum istum deprehendere. Quemadmodum adstrictiones & compressiones quæ fiunt à vicinis partibus inflammatis, aut alio tumore præter naturam obsessis, notæ sunt ex signis partium istarum affectarum. Obstructiones verò propriæ istius canalis à rebus illi adhærentibus, vt phlegmone, tuberculo, carunculâ seu verrucâ intus genita post illius exulcerationes, facillè ex præuiis illis morbis dignoscentur: Et quòd immisâ in virgæ canalem candelâ, cathetere, vel quouis cauliculo, non potest penetrare, sed ibi subsistit, vbi adest corpus illud obstruens. Idem dicas de pure, sanguinis grumis, pituita, calculo, arenulis, & similibus. Vt enim portiunculæ istorum exeûtes, vel immisso catheteri sæpius adhærentes, ostendunt reliquias morbi intus latitare; sic præuij dolores in calculo, si sit deciduus à renibus, vel si sit genitus in vesicâ, eorum accidentium concursus, quibus solet comitari, facient fidem istorum omnium, & ostendent causam, quæ ischuriæ ortum dederit; quemadmodum & stranguriæ, quoties illa pendeat ex eisdem causis, sed tantum imminutis, vt sæpe contingit.

Δυσουρίαν item agnoscere quæ sit à dispositionibus morbosis & dolorificis ipsius vesicæ, eadem conuenit methodo, quæ in particularibus illarum enarrationibus fuit proposita, siue sint idiopathicæ siue sympathicæ. Vlcerationes enim, tumores phlegmonosi, calculi asperiores, & similia, suas habent notas manifestissimas, suis etiam locis traditas. Quæ verò sit ab vrinæ ardore simplici, quam intemperies viscerum vel totius, malum vitæ regimen, durior equitatio, assumptorum acrimonia, & similes causæ pepererunt, tam ex istis quàm colore ipsius vrinæ intenso, & mordicatione illâ quam infert, dignoscitur. Sin verò humorum biliosorum, puris, pituitæ salsæ, aut arenularum effusio in vesicam id efficiat, facile erit istos succos vrinario liquori permixtos deprehendere, ex totius corporis constitutione, & vrinæ coloribus, consistentiâ ac contentis, & à quibus deriuentur partibus indagare: ac proinde affectuum istorum *Τεμπάρον* solerti animo stabilire.

De Prognosi ergo dicamus: operationem istam ad vitæ munera necessariam, non posse impediri aut deprauari, quin graue aliquod malum toti impendeat corpori. Vt enim suppressio vltra quintum diem perseuerans, certam adfert mortem ex suffocatione; sic stranguria & dysuria, quia dolori & assiduæ quasi molestiæ coniunctæ sunt, vigilias, vomitus, & ciborum ingentia accersunt fastidia, aliquando cum febre, periculum est tabis & consumptionis totius corporis ab exhausto tam spirituum quàm humorum. *Ἰσχυρία* quæ sit ab obstructionibus, disruptionibus, & similibus affectibus renum & vreterum, omnino est incurabilis & desperata, quia vix locus est medicationi: ægri enim prius intereunt, quàm illæ dispositiones curari possint. Idem dicas de illâ, quæ à grumescente in vesicâ sanguine inducitur. Nisi enim admotis medicamentis citò dissoluantur, pallor, cardialgia, & tandem syncope hominem corripunt & è medio tollunt. Quod eleganter expressit Hippocr. in *Coacis αἰματώδης ὕρσις ὀπισθασα, ὁλέθρη* *Ἡπρώτως*, *cruenta mictio suppressa, lethifera cum dolore vel labore*. Instante autem per *ἰσχυρίας* mortē, singultus à repletionē inducitur, ob refluxum materiæ ad superiora, & teter halitus vrinæ odorem referens per os & nares eructatur: aliàs venter nosâ seu cataphoricâ affectione correpti intereunt. Est tamen aliquando apud Hippocratem 6. *Epid. part. 1. ἰσχυρία* quædam critica, quam vocat *τὸ τὴν ἄρην ὀπίσθιον πρὸ ῥίγης*; *vrinæ suppressionem quæ rigori præmittitur*, dum scilicet natura sudoribus intenta materiam istam communem, ab vrinæ viis ad externum corporis habitum transmittit. In *Coacis* etiam *prænotionibus*; Vrinæ *δυσόληψις* & grauitas in imo ventre sæpius stranguriam futuram denunciat, vel alium quemuis morbum, ex quo ægrotare consueuerunt, ex naturæ scilicet perturbatione & impotentiâ, morbi alterius vel causarum morbificati in aduentum præsentientis, quæmunere hoc ad vitam necessario non potest commodè perfungi. *Ibidem* etiam annotauit ileo ischuriam, & ischuriæ ileum sæpe cum graui & certo ægrotantium periculo coniungi. Quod eodem modo de stranguriâ pronuntiavit, *Aphor. 44. sect. 6.* vbi vterque affectus à pituitâ putri & crassâ pendet, inductus istos copiosius & confertim illabente.

Dysenteria etiam, quamuis leuior superioribus affectus, attamen diutius perseuerans,

rans, ita hominem affligit, ut sensim consumat & in marasimum præcipitet, potissimum quando ab ulcere proprio vesicæ vel renum, tuberculo inflammato, aut calculi præsentia proficiscitur, quia difficile est admodum illis mederi. Aliæ verò dysuriæ facilius curantur, dummodò non inueterauerint, quia contracto iam malo habitu, vix immutari possunt, & vesicæ substantia diuturno acriorum succorum contactu, non solum incalescit, sed etiam exulceratur. Pessima est dysuria febris iuncta continuæ, quia augeat intemperiem febrilem dolor ille assiduus in meiando, & ægros crebrius cogit exsurgere: febris autem materiam acrem & biliosam suppeditat huius mali fomitem. In senibus certè, omnibus scilicet iis qui sexagesimum ætatis annum exceßerunt, suspecti valde isti omnes affectus, quia languidulus illorum calor vix potest vitia partium istarum exanguium & remotarum emendare: quemadmodum si ex hæreditario quodam iure profecti sint. Et hoc nostro sæculo dysuriæ ex impuro concubitu contractæ non curantur vulgaribus remediis, si iam altius radices egerint, sed indigent propriis illis antidotis, quibus lues Venerea expugnatur. Nunc paucis therapie istorum affectuum studeamus.

Cum igitur dicti omnes affectus sint præter naturam, & à variis causis atque dispositionibus morbificis producantur, sui sublationem suadent, idque institutis remediis pro varietate dispositionum à quibus fiunt. Ac proinde non solum externarum causarum, à quibus aliquando principium huius calamitatis, aut certè augmentum contigit, si adhuc perseverent, habenda ratio: sed etiam omnium antecedentium, quæcunque interius positæ aliquid ad illius generationem vel durationem conferunt. Illis enim perseverantibus, frustra proximarum seu coniunctarum correctioni studeremus, quæ sunt illarum veluti soboles & propago. Imprimis itaque instituatur victus ratio, quæ unicuique sit accommodata, neque ullum præcipuæ curationi impedimentum afferat.

Ac proinde ut ab *ixosia* secundum ordinem iam propositum incipiamus, cum illa sit vera aut falsa; hæc autem fiat ob causas extra vesicam ipsam positas, ut dicebamus; earum sublatio ex propriis repetenda capitibus. Vera autem cum pendeat aliquando ab immodicâ urinae quantitate in vesicæ cauo collectæ, si quidem illud contigerit sine morbo, ob negotiorum tantum importunitatem, facile curatur compressione similiter factâ ipsius hypogastrii versus inferiora admotis ambabus manibus, situ ægotantis convenienti, ut vesica sit declivior, aut tandem catheteris immissione, per quemeductâ portione serosi illius humoris, natura deinceps reliquum facillimè expellet.

Sin verò ob morbi vim, ut præsentis delirii, paralyseos, & quomodocunque obtusioris vesicæ sensus ob frigidiorē intemperiem, ea usurpanda, quæ iam capite de incontinentiâ urinae dicta fuerunt: peculiariter autem oportet vesicæ sensum & actionem excitare vellicantibus & titillationem inferentibus, ut pilis minutim concisis, grumo salis, aut nitri in meatum urinarium immisiss, vel factâ iniectione per syringam ex melle rosaceo & paucò hieræ picæ pulvere, aut oleo de scorpionibus; Quidam pediculum aut vinum cimicem apponunt canali virgæ, ut perreptatione illâ suscitēt vim excrettricem sopitam. Deinde foras aut semicupia instituunt ex calfacientibus, ut decocto seminis lini, napi, & fœnugræci; foliorum rutæ, sampsiuchi, artemisæ, senecionis, dauci, parietariæ, sisymbrij, calamenti, apij, fœniculi, chamæmeli, pulegij, origani, thymij, centaurij utriusque, & similium, quibus addunt inunctiones oleorum nardini, de castoreo, de scorpionibus, cum pinguedine cuniculi, & gallinæ axungia, paucòque pulvere irino, vermium terrestrium, aut etiam cicadarum dissolutorum. Eadem per sedem iniici possunt paucâ quantitate, quia proximè contingunt vesicam: Vidimus enim multos deploratâ *ixosia* detentos, quibus urina iniecto clystere ex aperientibus istis & emollientibus singulariter comparato, statim prodit.

Per os autem exhibere aperientia ad corrigendum istum affectum præsentem, non videtur esse ex usu, quia magis adducent materiam versus ipsam partem, & distentionem augebunt: sed tantum præcautionis causâ, ut scilicet præmissis purgantibus & præparantibus necessariis deinceps diuretica ista humores frigidiore crassioresque vesicæ parietibus adhærentes fundât & attenuent, vel certè proprietate quadam, vesicæ torpidiorē sensum ab intemperie inductum corrigant. Ad id laudatur pulvis cicadarum, vermium terrestrium, aut ex vesicâ mustelæ, cum hydromelite, aut aquâ parietariæ sumptus: Multi pro secreto habent Chrysocollam ad ʒj. in formam pilularum, aut cum decocto cicæ rubeorum, & cinnamomi exhibitam.

ixosia autem quæ sit ab adstriptione ipsius vesicæ ob circumiecta corpora, uterum, rectum

rectum intestinum, tumores præter naturam totius ventris inferioris, flatus, fæces induratas, & similia, non recipit particularem curationem, sed vt tota pendet à sympathiâ istarum partium; sic etiam primariis illis affectibus sublati tollitur, aut certe illis perseverantibus, ægotantes è medio tollit, quod eadem ratione asseri potest de conuulsione vesicæ aut eius musculum contrahente, siue à siccitate & inanitione, seu repletionem, vel doloris acerbitate contingat.

At verò illa *ixoupiâ*, quæ sequitur proprias vesicæ aut canalîs vrinarij obstructions, sedulâ indiget animaduersione, vt pro diuersâ causarum istarum obstruentium constitutione, illi etiam opem adferre valeamus. Ac proinde si obstructions istæ pendeant à rebus ipsi parti adhærentibus, vt tumoribus præter naturam frigidis vel calidis, earum methodus therapeutica peculiariter instituenda, vt ex superioribus colligi potest: Si à tuberculo vel carunculâ in vesicæ collo aut virgæ canali obortâ post exulcerationes virulentas, vt sæpe fit in diuturniore gonorrhœâ: vbi eiusmodi tuberculum callosum & duriusculum fuerit, primò emollientibus & relaxantibus præparetur, deinde immisso cathetere, scirpo terete, aut candelâ cereâ rumpantur & atterantur. Vel si res ipsa maiores dederit inducias, puluere quodam erodente & cathetere absumatur caro illa supercrescens, & deinceps deterfum vlcus æquali cicatrice obducatur, admotis exsiccantibus & adstringentibus. Quæ omnia peculiariter in tractatu nostro de Lue Venereâ docuimus.

Sin verò illæ obstructions *ixoupiâ* producentes, sint à rebus in vesicâ aut prædicto meatu contentis tantum, non adhærentibus, vt calculo, grumis sanguinis, pure, pituitâ, & similibus, ita erit progrediendum. Si quidem calculus ille grandior, vesicæ collum occupet, conandum omni arte, vt ab ipso meatu recedat, ita figurato ægro vt eleuatis sursum cruribus, plurimum & diu concutiatur, deinde immisso cathetere protrudatur versus fundum ipsius vesicæ. Ac deinceps æger lithotomo committatur, qui extractione lapidis impediet, ne rursus in istos cruciatus incidat. Sin verò exiguus fuerit ille calculus, qui iam intra virgæ canalem penetrarit, relaxâdus meatus ille mollientibus & humectantibus oleis, linimentis ac fortibus, vt deinceps leui compressione penis, sensim deducatur ad extremum vsque pudendi, & ibi si sponte non exeat, forcipibus attritus, educatur foras. Vbi profundior est, quàm attingi possit instrumentis Chirurgicis, quidam existimant confringi iniectione factâ per syringam ex succo raphani, & pauco aceto, vel limonum succo & hypericonis. Si hæc non proficiant, ligato pene in superiore atque inferiore loco, lateraliter aperienda erit pars, & inde educendus calculus, vt suo loco diximus.

Vbi verò grumi sanguinei hanc vesicæ obturationem efficiunt, citò prospiciendum, quia non solum ratione *ixoupiâ* necem inferunt, sed etiam putrilagine suâ & retro vapore in præcipuas partes delato. Ad eiusmodi itaque grumos dissoluendos sumptis & admotis propugnandum. In assumendis videndum primum, vt prius vena illa sanguinem fundens occludatur, si fieri possit, ne ab eiusmodi medicamentis hæmorrhagia ista augeatur. Inter assumpta recensentur syrupus acetosus, oxymel vtrumque, mumia, leporis aut hœdi coagulum, decoctum sarmentorum vitis, aqua nucum, carpobalsamum, carabe puluerisata ad 3 j. cum vino albo exhibita. Eadem oxymelite diluta iniiciantur, deinde admotò cathetere, si nihil exeat, & iam pallor ora ægri occupet, sudor frigidus cum lipothymia oriarur, non est alia eripiendi hominem ex Orci faucibus ratio, quàm si Aretæi atque Aëtij consensu perineum incidatur, vt solêt in calculo, & per eiusmodi vulnus materia ista educatur.

Quod si à puris copia crassioris, vel viscidâ pituitâ, suppressio ista vrinæ contingat, antequàm illorum ejectioni per vrinâs incumbamus, præparandum corpus & conuenienter expurgandum, ne incidentibus & attenuantibus usurpatis magis impingantur humores versus istam partem. Ad id valet plurimum rerebinthina cum puluere liquiritiæ sæpius exhibita, aut etiam bolus ex dimidiâ diaphœniconis vnciâ, & rhabarb. puluerisati 3 ss. paratus, si quidem maior appareat cæchochymia. Deinde rad. aperitiuarum decoctum cum oxymelite aut syrupo byzantino propinari poterit, eaque omnia quæ ad arenulas confringendas expurgandasque suo loco fuerunt tradita. Quibus adiunges topica incidentia & emollientia cum iniectionibus commemoratis. Atque hæc de variâ *ixoupiâ* curatione sufficiant, si quidem annotaueris in omni *ixoupiâ* parçè bibendum nutrîendumque, ne multiplicetur materia illa serosa, quæ vrinam multiplicat.

Stranguria verò, quæ aliquando imminuta est tantum *ixoupiâ*, vt diximus, alias compositus ex dysuria & *ixoupiâ* affectus, quoties dolorem habet comitem, particeps etiam

De affectibus renum, &c. Cap. VII. &c. 475

etiam erit vtriusque curationis. Quod eleganter indicauit Hippocrates *Aphor. lib. 48. sect. 7. Stranguriam*, inquit, & *dysuriam vini meracioris potio, & phlebotomia venarum inferiorum soluit*. Vbi enim stranguria à crassiorum humorum collectione, aut torpidiore ipsius vesicæ sensu, ob frigidiorē intemperaturam contigerit, non est mirum si vini potio meracior & copiosior illam discutiat: Quemadmodum vbi dysuriæ est particeps, ob inflammationem, vlcerationem, & acriores succos, si iutetur venæ sectione popliticis aut malleoli interni, quæ portionem causæ ipsius, non solum antecedentis, sed etiam coniunctæ καὶ ἔξω euacuat. Quod adhuc confirmat *lib. 2. Epidem.* Dicamus igitur, Stranguriam, quæ fit magno quidem conatu & stillatione, sed dolore nullo, pro varietate causarum suarum, quæ in *ἰσχρία* propositæ sunt, esse curandam; & si quidem Συμπαθικὴ tantum fiat, maiorem esse habendam primarij affectus, quam ipsius stranguriæ rationem. Sin verò dolori sit iuncta, ita vt stillicidium illud magnam dysurias speciem referat, tunc eadem methodo erit progrediendum, quæ iam à nobis proponetur.

Dysuria ergo quæ omnem dolorificam mictionem complectitur, cum fieri possit, vt diximus, ab omni affectu tam sympathico quam idiopathico, cui insignis intemperies potissimum calida, solutio continui, distensio, aut tumor præter naturam iuncta fuerint, vel etiam à solo vrinæ ardore simplici & absque materiâ, sæpius tamen humoribus falsis, mordacibus, putridis, purulentis, biliosis, pituitosis, &c. coniuncto. Idcirco ista omnia diligenter agnoscenda & perpendenda, vt deinceps ad ordinariam causarum sublationem accedere possimus.

Ac proinde quæcunque dysuria proficiscitur ab inflammationibus vesicæ aut vicinarum partium tumoribus phlegmonosis aut erysipelatosi, calculo, arenulis, vlceribus, purulentâ materiâ, carunculis virulentis, & similibus; illius curatio pendet omnino ab affectuum istorum sublatione, à nobis superioribus capitibus traditâ.

Illa verò quam excitat simplex vrinæ ardor sine humoris copiâ, indicat sui correctionem, temperatis visceribus, totoque sanguinis sero ad symmetriam reuocato. Quod fiet imprimis institutâ victus ratione conuenienti; vnde cibi & potus instituentur ex mediocri substantiâ & coctili, refrigerantes, modicè incrassantes aut lenientes, eaque quantitate quæ calori partium concoquentium respondeat: Vt enim ieiunium illis nocere potest inflammando & exurendo humores; sic nimia repletio suggerendo materiam huic affectui aduersam, & ex simplici intemperie compositam siue humoralem faciendo: potissimum si vino vtantur meraco & generoso; salis, fraxis, piperatis, aliisque acribus & acerbis, vt sinapi, cepis, alliis, porris, nasturtio, erucâ, & similibus, necnon incidentibus aut detergentibus, vt caricis, passulis, asparagis, sceniculo marino, oliuis, capparibus, ciceribus, cum apio, petroselino & similibus. A quibus omnibus diligenter sibi temperare debent, eorumque loco vesci pane molli & recenti, sine sale parato, hordeatis, amygdalatis, panatellis, iusculis cum maluâ, atriplice, portulacâ, acetosâ, endiuia, & lactucâ alteratis. Cucurbitis etiam, melonibus, peponibus, & cucumeribus, necnon ὠπαίσις fructibus, cerasis, prunis, pomis, persicis, & similibus vti licebit mediocriter: quamuis enim feri materiam multiplicare videantur, quia tamen eam frigidiorē reddunt, & viscera temperant, idcirco maius adferent hac ex parte commodum: Carnes etiam iuniorum animalium, vt hœdorum, vitulorum, castratorum, pullorumque conuenient, & pisces omnes squamosi fluminum aut maris accolæ, longè à paludibus aut littore, iisque conuenienter cocti & præparati, sine aromatibus, vino, oleo, & similibus, quæ, faciliè inflammantur: Casei etiam molles, recocta, lactis serositas, oua recentia & tremula conuenient: cum potu aquæ fontanæ, quo solo multi in sanitatem sunt restituti, vel certè additâ tantum tertiâ vel quartâ parte vini rubri ὀλίγοφύρου, aut albi austeri & infirmioris.

Vtque alimentorum ratio habeatur; sic etiam rerum omnium aliarum non naturalium: Coitum enim omnem, nimiam exercitationem, vigiliis immoderatas, iram, & cætera animi pathemata diligenter euitare debent, ne istis magis incalescant viscera, & humorum serosæ partes præcipitentur in vesicam, debitamque alui excretionem procurare, vt per istum ductum eliciantur excrementa communia, quæ faciliè versus vrinas refluere possunt.

Quemadmodum igitur istud παθὸς quibusdam hominibus ex nativâ partium intemperie proficiscitur, aut certè latitudinem sanitatis sæpe non excedit: sic etiam solâ diætâ iam à nobis præscriptâ correctionem aliquando suscipit. Quod si iam altius radices egerit, potissimum verò permixtis humoribus alienis ipsi

vrinæ, tunc maiora etiam remedia admouenda, purgatio videlicet, & venæ sectio, non neglectis alterantibus & præparantibus, tam internis quàm externis.

Quod ad purgationem ergo spectat, multi existimant illam nullo modo ex usu esse in dysuriâ, propterea quòd catharticonum vi exasperatur magis, caliditate scilicet ut plurimum præditorum, & humores ex toto corpore in ductus istos attrahentium, unde dolor & inflammatio vesicæ maior, aut saltè intestini illius recti, cum quo magna illi societas & condolentia. Attamen non existimamus in cacochymia humorum putridorum, falsorum & acrium per vrinæ meatus confluentium priuandos esse ægros istos purgationis mediocris commodo, quæ neque inflammet, neque conturbet nimium totum corpus, unde omnibus diagrediatis, colocynthiatis, & similibus acrioribus, aut potentioribus omnino abstinendum esse censemus in hoc affectu. Lenientibus autem vel modicè adstringentibus vacuationem istorum succorum per *ἐπιπόρευσην*, & repetitis vicibus esse moliendam, utpote in biliosorum succorum redundantia, cassia, tamarindis, syr. rosato solut. mannâ, rhabarbari infuso & puluere, myrobalanis citrinis, catholicon, trypherâ Persicâ, & similibus: vel syrupo aliquo aut opiata magistrali ad id conuenienter præscriptâ. In pituitosis tumoribus terebinthinâ diligenter lotâ, radice mechoacan, agarici pulpâ cum paucis rhabarb. in pilularum formam confecto, & similibus: Sic enim fiet commoda illorum expulsio & deriuatio in ductus intestinorum, loca scilicet conferentia & naturæ consueta, ut per clysteres mollientes & leuiter purgantes. Quòd si qui sint ad vomendum bene comparati, non oberit in magnâ succorum quantitate circa primam corporis regionem præcipuè stabulantium, vomitum concitare ex mitioribus medicamentis, aut immisso post cenam paulò vberiore in fauces digito, vel pennâ oleo imbutâ.

De venæ autem sectione non est dubium, quin præsentē insigni plethorâ, aut ardore hepatis, reliquorumque viscerum, vel metu inflammationis in istis partibus, quin, inquam, illa celebranda sit, non solum semel, sed etiam pluribus vicibus, ut res ipsa suadebit, ex venâ cubiti potissimum dextri, propter hepatis situm, ex quo fluxionis istius calidioris origo proficiscitur. Quamuis enim Hippoc. *Aphor.* 3 6. *sect.* 6. videatur interiores malleoli venas eligere in curandâ dysuriâ: illud tamen sit potius vacuationis particularis causâ, ex parte iam inflammata, quàm refrigerationis totius corporis & reuulsionis, quæ hîc valde est necessaria.

His ita institutis ad vacuationem humorum peccantium & reuulsionem, tunc alterantibus expugnanda erit illa acrimonia, & caliditas sumptis & admotis. Præscribantur itaque iuscula pullorum in plures dies cum herbis dictis, emulsiones seminum frigidorum, & papaueris albi, iulep Alexandrinum, syrupus violaceus, nenupharinus, & papauerinus, cum aquâ fontanâ dissoluti; succus pomorum redolentium & borraginis; apozemata ex decocto maluarum, solani hortensis, & acetosæ, mucilagines seminis psyllij; serum lactis caprilli, vel totum etiam lac asinæ, quod lenit & mulcet dolores internos, acrimoniâque humorum temperat. Quibus non erit extra rem, internam vesicæ cavitatem per syringam proluere. Similibus etiam opiatibus, trochiscis, aut tabellis uti, non erit incommodum. Diurèticis autem verè dictis, nisi refrigerent, & vrinam meatûsque istos excalfactos temperent, idque post purgationem, nullo modo vtendum.

Exterius vsurpentur balnea refrigerantia & humectantia sæpius dicta, forus & femicupia, inunctiones ex unguento rosaceo, santalino, & similibus, cum oleo violaceo & paucis aceto. Quòd si renes feruidiori temperamento sint præditi, epithematibus conuenientibus refrigerentur, vel etiam laminâ plumbeâ supra lumbos gestatâ, pluribus foraminibus peruiâ, & aquis endiuia vel lactucæ sæpe irrorata. Denique omni ingenio procuretur, ne ardor iste vrinæ in veram inflammationem aut vlcerationem degeneret, aut ex recoctis in vesicâ eiusmodi succis calculus suscitetur. Caphuræ usum tam externis quàm internis remediis multi commendant ad istos vrinæ ardores, quod de verâ & genuinâ intelligendum, non ut vulgò habetur factitiâ & adulteratâ. Atque hæc de *ἰσχυρία*, *σπάρυξη* & *δυσουρία*, cæterisque Renum & Vesicæ affectibus sufficiant.



IOANNIS VARANDÆI

TRACTATVS THERAPEVTICVS,

DE MORBIS MVLIERVM; TRIBVS LIBRIS COMPREHENSVS.

LIBER PRIMVS.

P R Æ F A T I O;

In quâ Operis diuifio, & examinata quæftio, An Fœmina fit imperfectior Mare?



ANTE QVAM ad institutam de propriis affectibus mulierum tractationem denuò aggrediamur (A.O.) quoniam subiecti istius dignitas, nempe muliebris corporis præstantia, dulcedo, & elegantia, ut utilitatem & necessitatem omittam, tam ad vitæ communionem feliciorē, quam speciei propagationem, nos impulit, ut animum cogitationemque nostram huic operi iamdiu admoueremus. Ideò non omnino extra rem esse videbitur fortasse, si in hoc prælectionum nostrarum limine & quasi ortu positi, ad quem Ianus noster Iatricus feliciter hoc Ordinarium renouaturus accessit, de fœminarum præstantiâ & dignitate paucis differamus, aduersus eos qui *μυσογυναικεία* quadam ducti, illarum natura & sexui insultare atque etiam iniuriam facere ausi sunt.

Inter quos primus & quasi Antesignanus Aristoteles lib. 4. de generat. animal. cap. 3. & 6. miris modis muliebrem naturam insectari videtur: dum vult τὴν θηλυτῆτος εἶναι ὡς τὴν ἀνσπερμικήν φύσιν: fœminam esse veluti παρὰ γενέσθαι ἢ παρεγόν, excursum & præuariationem naturæ: non intendi primariò in ipsâ generatione, sed esse animal occasionatum, quasi dicas mustilum & imperfectum: διὸν τέρας, quasi monstrum.

Illius etiam sententiæ quodammodo fauere videtur Galenus 14. de vfu partium cap. 6. & 7. ubi ait vim in humano semine formatricem, cum una sit, unum tantum intendere, nempe marem: quod si ab instituto aberret, neque marem generare possit, fœminam creare, quasi marem imperfectum & deficientem, cuius genitalia intus recondita lateant defectu caloris, qui non potuit foràs ea trudere, quemadmodum in masculis: cum tamen sibi inuicem respondeant ista membra in utrisque, testes testibus, vasa spermatica eisdem vasis in maribus, cervix autem uteri inuersa, virili pudendo seu mentula: uteri autem corpus siue fundum scroto. Ac proinde fœminam esse quasi inuersum aut perversum marem, cuius procreatio sit quasi per accidens, defectu perfectioris, ut dicebamus.

Verùm ista non arident nobis, neque veritati consentanea videntur, qui fœminarum patrociniū hodie aduersus tantorum virorum placita suscepimus. Ut igitur causam hanc nostram tueamur, dicimus naturam dum animantium propagationi, &

specierum conſervationi ſtuderet , non potuiſſe in perfectis potiſſimum ſpeciebus indi-
dua ex unico principio producere : ſed neceſſarium fuiſſe ad commodam generatio-
nem , ut eſſet aliquid , quod principium formale ſive ſeminalem vim continens illam
communicaret extra ſe alteri, quod locum habens idoneum, & materiam accretioni &
nutritioni accommodatam, fœtum ſpecie ſimilem intra ſe concipere & ad terminos uſ-
que incrementi idoneos conſervare poſſet , antequam vitali durâ fruereſſetur. Vnde con-
tingit illa diſtinctio in perfectioribus ſpeciebus maris & fœmina , per quadam acciden-
tia ad generationis uſum facientia : puta temperiem & variam conformationem
partium genitalium.

Modo cum tale ſit inſtitutum & ſinis naturæ propoſitus in animalium generatio-
ne , quod nemo ſapiens & uſu rerum confirmatus inſiciari audeat : quis etiam non
videt fœminam in productione fœtus non minus intendi quàm marem , cuius uſus
multo maior quam marium ad ſpeciei propagationem , quoniam intra ſe, dum ſcilicet
in utero continetur fœtus , debet illa omnia conferre quæ perficiendo fœtui neceſſaria
ſunt : & extra ſe, dum lacte nutritur , illa quæ ad ſuſtentandam & educandam ſobo-
lem, tenellam adhuc & iniuriis obnoxiam, requiruntur. Non eſt igitur error naturæ, non
excurſus, aut prævaricatio , non ſit per accidens , ſi ab eâ primariò ad finem illum præ-
ſantiſſimum generationis intendatur : neque monſtrum aut ἀναπρία ſeu mutilatio,
quia eiſmodi errores in paucis tantum contingunt , neque defectus diuidunt ſpeciem.
Imò videtur natura, ſi hoc nobis proferre liceat , magis intendere fœminæ quàm maris
generationem , quoniam in perfectioribus tantum ſpeciebus animantium illa ſexuum
diſtinctio apparet, & quia plures producuntur fœminæ in humanâ ſpecie quàm mares,
ut facilior ſit illius reparatio , ut patet apud illas gentes quibus πολυγαμία vel pro-
miſcuus cum fœminis congreſſus fuit conſeſſus : ex uno enim aut altero mare facile eſt
inſinitam quaſi ſobolem, ſi plures adſunt fœminæ, ſuſcipere , & defectum pereuntium in
dies virorum reparare. Hoc in luporum ſpecie valde eſt manifeſtum : lupi enim ideo
non poſſunt multum ſeſe propagare, quoniam eſi ſit animal πολυγονόν multiparum, ta-
men inter fœtus quos edit, plerique mares rara exiſtunt fœmellæ.

Vnde legibus & conſuetudine longâ receptum videtur , ut fœmina domi ſeſe
magis continerent , quàm mares, raro ſeſe nauigationibus aut aliis periculis exponerent,
& à bellorum inſultibus tutæ manerent : non quod imbellis ſit & impotens fœminarum
natura, ut quidam exiſtimant ; quinimo contrarium ſatis oſtendit Amazonum, Thra-
cum, & aliarum mulierum fortitudo , quoties neceſſitas coëgit illas rebus incumbere
bellicis, & ſui hac in parte ſpecimen præbere : Sed quia multo magis ad generis humani
conſervationem neceſſariæ, quàm mares debent ab omni iniuriâ, & cede, etiam ſeuiente
Martis tumultu, immunes manere, ut ſcilicet pereuntibus in pugnâ viris, ex paucis ta-
men eorum ſuperſtitibus poſſit humana ſpecies plurium fœminarum beneficio citò re-
parari. Ergo cum fœmina ἀναγματοτέρα τῇ φύσει, ut ipſemet fatetur Philoſophus
non erit error naturæ generantis, non erit animal occaſionatum, ſed primariò & ad ſum-
mam perfectionem illius genitum.

Atque ut res iſta clarior multò euadat , videamus etiam , utrum poſſimus
adhuc oſtendere aduerſus iſtos μωρογυναικες fœminarum oſores aut potius virilgatores,
fœminam non ſolùm eſſe perfectum quid ratione ſinis generationis, ſed etiam compara-
tione factâ ad marem , ſecundum qualitates unicuique inherentes , ſuam habere per-
fectionem, quæ illi parum aut nihil cedit. Diximus enim prius ſexum accidentibus qui-
busdam diſtingui , præcipuè autem temperie , & conſtitutione diuerſâ partium genita-
lium : nunc excutiendum, utrum etiam hac in parte fœminæ maribus habenda ſint infe-
riores vel ſuperiores.

Primò quod ad temperiem obiciunt aduerſarij , fœminæ frigidiore exiſtit, languidi
corporis

corporis & minoris, virium quasi effætarum, si ad marem comparetur, qui ista omnia habet in excelso quodam gradu: unde dominatio & imperium in subiectas illi feminas. Virorum ergo autoritas, potentia, & maiestas, fæminarum obsequium, impotentia, & pudor satis declarant mulierum imperfectionem, si cum maribus comparentur. Quod etiam in animi operationibus apparet, quæ multò sunt illustriores in viris, quam in mulieribus: Rara enim, ut aiunt, in fæminis sapientia & prudentia. Quod ad constitutionem verò spectat genitalium partium, obiciunt Peripatetici exerta & prominencia membra in maribus signum esse redundantis caloris, qui foras extrudere potuit ea quæ in fæminarum cauo abdomine recondita latent. Ita ut multas viragines & mulieres alacriores inuersione illarum partium, & emissionem, in viros, quasi in perfectiorem statum & naturam, commutatas scribant.

Verum ista non sunt tanti momenti, ut nos à susceptâ sententiâ discedere faciant. Nam calor ille intensior qui maribus adscribitur, quamuis illud satis sit controuersum & problematicum, non est tam ratione quantitatis siue substantiæ, quam ratione qualitatis siue gradus propter iunctam siccitatem, quæ est lima caloris. Atqui temperies illa non est laudabilior, quæ magnos facit excessus in gradu alicuius qualitatis, sed quæ ex conuenienti symmetria & proportionem calidi cum humido primigenio apta est ad omnes functiones potissimum naturales exercendas. Sic pueri quo magis ad ortum accedunt eo temperatiores, & τὸ ἐμφυτὸν θερμὸν abundantiores censentur, quam iuuenes quibus iam calor ille exasperari incipit & quasi inflammari, depopulatâ parte gratiosi illius humoris, quo exquisita illa crasis maximè constituitur. Sic nemo dixerit capram perpetuò & quasi naturaliter febrientem, vel leonem exæstuantem calore præditum, viro minus calido perfectiorem aut præstantiorem: cum certum sit optimam temperiem, non in unâ qualitatibus vincente, sed in omnium bene consentientium harmoniâ repositam esse: non ex unâ actione valentiori æstimandam, sed ex pluribus, vel omnibus simul perfectioribus, ut fusè docuit Galenus lib. de ieuēgia. Itaque concedamus, si placet, maribus, ut belluis maiorem quamdam corporis vim & proceritatem, quamquam illud etiam sæpè fallit, ut de bellicosissimis quibusdam fæminis suprâ notauimus, & in ferocissimarum quadrupedum aut auium rapacium variis speciebus contrarium vniuersaliter apparet. Sed illa ad robur tantum musculorum & motricis functionis potentiam spectant: Ideo si reliquas simul actiones contemplemur, illæ fere omnes attestabuntur perfectiorem in fæminis quam maribus temperiem adesse: nam & accretio, & pubertas celerior, nutritio felicior: unde maior sanguinis copia, quàm in viro, quæ singulis mensibus profunditur, non excrementitij illius & crudi, ut quidam voluerunt: sed oleosi & alimentarij: unde pinguioribus existunt mulieres viris, ut plurimum: vel certè in fœtus alimoniam, aut lactis materiam facessentis, quæ sunt optimi humoris certissima indicia, & optima nutritionis τεχνήματα.

Nec est quod viri tātopere suum illud imperium in fæminas extollant, aut corporis robur, vel ingenij vires celebrent. Nam illa autoritas & imperium virorum in mulieres constat potius lege & consuetudine, quam ratione & naturâ: in aliis enim animalium speciebus idem esset imperium & potentia in fæminas, quod est falsum: cum videamus solam formæ elegantiam, pulchritudinem, & corporis venustatem fæminarum, tantarum esse virium, ut nemo sit virorum quantumvis fortium & bellicosorum, qui non statim se formosioris mulierculæ seruulum & quasi mancipium iactet. Nota est enim Veneris & Martis historia: Hercules & Omphales: Helena & Menelai: Achillis & Briseidos, cæterorumque heroum, qui lubentes colla sua præstantissimis eiusmodi Heroinis submiserunt. Ut omittam populos illos Scythiæ γυναικονεταίμους, & bella plurima mulierum causa & iussu suscepta, quæ longum esset hic recensere.

Verum ut bellicam fortitudinem fœmina viris concedant, non inde tamen sequetur illos robustiores, aut ferendis laboribus aptiores esse quam fœminas: duplex enim fortitudo, una quidem quæ in agendo: altera quæ in patiendi seu resistendo elucescit. Mallem, dicebat Euripides, decies in acie pugnaturus stare, quam semel parturire. Ex pugna enim licet fugere, aut pacem deprecari, aut pugnantem fortiter occumbere semel, aut vincere: In partu vero decet fœminam animo & corpore valere, ut tanto periculo defungi possit. Qui semel expertus est belli incommoda & casus, qui naufragij calamitates euasit, is deinceps bello & mari abstinet: At fœmina sæpius & multæ quotannis istam pariendi aleam interrita subeunt, ut taceam ipsius graviditatis molestiam, & nutricandi ex ubere fœtus labores immensos die noctuque suscipiendos. Quibus omnibus satis ostendunt, quam longè viribus & animi constantiâ viros superent. Adde quòd tantis attrita ærumnis viuaciores adhuc, & animosiores plerumque quam viri euadunt. Certè mira est quarundam longeuitas, quæ in cœlibatu aut cœnobijs precibus & ieiunio addictæ diutissimè transegerunt, ut cuius notissimum existit.

Sed dicunt illi, animi dotes & actiones in viris quam in fœminis illustriores. Quòd nos falsum omnino esse statuimus. Primò Galem authoritate ducti, qui lib. 2. artis parvæ, ad ingenij vim & solertiam requirit cerebri tenuitatem: Philosophus substantia mollitiem. At illam in fœminis potius adesse quàm in viris ob iunctam siccitatem, nemo est qui non videat: Ergo ad ἀγχιον paratiores, cum reliqua cerebri organa, & conformatio eadem sint in fœminis & maribus. Secundò ipsâ rei evidentiâ & observatione ducti, quandoquidem fœmina domi degentes, colo & acui intentæ aut æconomicis negotijs tantum incumbentes, eâ sunt solertiâ & consilio prædita, ut viris aut superiores, aut certè non inferiores appareant: Cum tamen masculi ab ineunte ætate in scholâ, in foro, theatris, in republicâ, longissimis etiam peregrinationibus plerumque erudiantur sedulo & quotidiano usu instituuntur. Ita ut illæ ἀπαιδὲς & ἀνοδοδάνται superent illos πεπαιδευμένους, & aliorum operâ excultos. Id autem clarissimè apparuit, quoties naturali huic muliercularum solertia cultus & institutio adhibita fuerunt. Tunc enim tam rara & excellens fœminarum eruditio in omni literaturæ genere, tam præclara industria in administrandâ republicâ apparuit, ut viri illis lubentes palmam hac in parte concesserint. Quod tam veterum quam neotericorum plurimis traditum est historiis.

Iam igitur superest, ut ultimam obiectionis partem diluamus, quâ dicebant illi ex parte genitalium membrorum quæ natura in viris exprompsit, in mulieribus condidit, magnam indicare virorum perfectionem, quandoquidem fœminas multas in mares tanquam perfectiores sæpius mutatas constat: non autem contra. Tamen Hippocrates narrat apud Scythas sæpe accidere, ut viri euadant ἀπεγυτοί, & imbelles, tuncque exercere opera muliebria, lib. de aëre, locis & aquis. At hîc quis non rideat vanitatem istiusmodi fabellarum ex Poëtis, Amato Lusitano, Plinio, & similis farinae authoribus petitarum, qui istas metamorphoses ludibundi potius quam serio commemorarunt? Tam enim illud est possibile, quam ex pelle arietinâ fieri hastam, aut ex lanâ calamum. Quid enim commune cervici matricis cum virili pudendo siue mentulâ, quæ suis constat musculis, neruo cauernoso, glande, & præputio? quæ omnia oportet miraculo quodam aut creatione de novo fieri in ista mutatione sexus. Quomodo testes illi muliebres & vasa spermatica firmissimis nexibus alligata disrumperentur sine vite periculo, ut foras prominerent? Maximam certe hæmorrhagiam & dolorem debere sequi quis inficiabitur? Deinde quid conuenit vulvæ cum misero illo & pendulo virorum scroto, cui nulla actio particularis dicata fuit, quam continendi testes, cum uterus nobilissima habeat munera effundendi sanguinem menstruum, recipiendi seminis viriisque, mi-

scendi

scendi & alendi, imò conformandi per idiosyncrasiam mirabilem, & gestandi foetum donec maturitatem certam adeptus sit? Certè multis accidit mulierculis infelicitè uteros prolabi & inuerti: at quis unquam vidit in eiusmodi procidentia istam metamorphosin? quin potius morbosam & fœdā dispositionem quæ curatione indiget sedulā? Fabula itaque sunt istæ mutationes fœminarum in mares, vel certè illud contigit in Hermaphroditis, in quibus circa florem ætatis sexus masculini natæ euidentiores apparuerunt, quæ antea ambigebant inter utramque naturam. Vt taceam clitoridos historiam, & Tribadum quarundam fraudes, quæ nihil ad nostrum institutum spectant.

Non est igitur maior perfectio in masculis ex parte genitalium membrorum, quam in fœminis, quoniam sola uteri præstantia, qui est veluti diuina quædam fauissa, & naturæ thesaurus locupletissimus, longè omnem genitalium virorum structuram præcellit. Ideoque intus cum reliquis partibus generationi dicatis in fœmina conditus fuit, ut melius seruari & ab omni externâ iniuriâ custodiri posset, cum virorum genitalia velut ignobiliora, & minùs necessaria foras propendeant omni iniuriæ obnoxia. Vel certè, ut Medico more loquamur, foras prominent marium genitalia ratione finis, & instituti naturæ, ut possent deferre materiam spermaticam viri, & quasi inferere in agrum illum naturæ suæ penus muliebri intus reconditum ad sua munera conuenientius præstanda. Ex his igitur omnibus satis confecisse videmur, mares fœminis non esse præstantiores, neque si generationis finem spectes, cum illa sit ad propagationem speciei magis necessaria: neque si temperiem contempleris, quæ magis ad coniugium accedere videtur in mulieribus quam in viris, quia habent calidum natium humido melius proportionatum: Nec denique si partium genitalium naturam, conformationem & situm consideres, quoniam & efficiendi principium, & materiam in se continent, & ratione necessitatis ac præstantiæ potius quam defectu caloris intus posita in fœminis latent.

Habemus etiam ex his (A. O.) subiecti huius nostri, cuius explicationem vestris suasionibus & votis suscepimus, dignitatem & necessitatem, ut qui in curandis mulierum morbis Medicus exercitatus fuerit, is potissimam & omnium optatissimam therapeutikḗs partem obtinere videatur: Vix enim videas ad γυναικία ista admitti nisi præstantes eruditione, & iam longo usu confirmatos, ut qui semel muliebri sexui medendo placuerit, is certè nulli deinceps displicere possit. Incumbamus itaque denuò gnauiter huic nostræ tractationi, & omni operâ contendamus, ut fœminarum affectus conuenienti methodo explicare valeamus, & ad umbilicum, diuino adiuti auxilio, perducere.

ΤΑ ΓΥΝΑΙΚΕΙΑ ΠΑΘΗ. Morbi muliebres, seu affectus mulierum dupliciter apud Hippocratem accipiuntur: Primò quidem lata quadam significatione, pro omnibus illis affectibus, qui fœminis humanæ speciei quocunque modo contingere possunt; qui tamen ratione sexus, peculiarem quandam considerationem & curandi modum obtinent: sic Epilepsia, Apoplexia, Syncope, Καταρραξία & similes, quamuis utrique sexui sint communes, quia tamen in mulierculis coniunctam frequenter habent cum utero sympathiam, vel occultam accipiunt ab excrementis illis muliebribus labem, ideo ab Hippocrate de illis generaliter fuit pronuntiatum libro primo γυναικείων: Multum, inquit, differt muliebrium morborum ac virilium curatio, quod & tacitè innuit Aphor. 57. sect. 5. Propriè autem sumpti muliebres morbi, illos affectus designant, qui solis fœminis sunt peculiare, ratione proprii temperamenti, aut certarum partium, quarum descriptionem ex Anatomicis institutionibus repetere oportet. Cum enim perfectiorum animantium propagatio, non unius tantum individui opera, quod Plato in sua Androgyne somnauerat: sed duorum inter se temperamento, & certis partibus discrepantium

crepantium ac simul cœuentium opera præstari possit : ideo Medicus cui cura humane speciei incumbit, non tantum hominem in genere à morbis vindicandum suscipit : sed etiam speciem diuidens in marem & feminam, prout multum inter se discrepant ; eos affectus considerat, qui peculiariter utrique contingere possunt, & utriusque naturam indiuiduam corrumpere, vel speciei productionem impedire. Nos igitur maiorum nostrorum, potissimum verò Hippocratis, quo cum frequenter & familiariter versamur, morem & institutum sequentes (qui cum in aliis morborum generibus tractandis, breuis & perfunctorius fuerit, in istis tamen accuratus & ex professo agit, unde utilitas apparet) iam provinciam illam utilissimam, quamuis grauissimam & laboriosam, vestris suasionibus tractandæ historiæ muliebrium morborum & therapeian eorumdem suscepimus, hac methodo & ordine : ut scilicet mulierum naturam primum consideremus simpliciter, quatenus scilicet sunt indiuidua humanam speciem constituentia, à maribus distincta, & suis morbis peculiaribus obnoxia. Secundo quatenus ad speciei propagationem sunt necessaria, & huic actioni incumbentes varia subeunt symptomata & morbos, qui tum illis, tum proli quæ suscipitur molestiam inferre solent. Totum igitur opus in tres partes siue libros diuidemus, quorum primo persequemur affectus mulierum, qui illis contingunt ratione proprii temperamenti & excrementorum illorum, quæ in corporibus fæminarum peculiariter generantur. Respectu enim temperamenti proprii, quod debilius frigidiusque censetur, contingunt cachexia, pallidi illi seu fædi colores, quibus plerasque virginum nostrarum hodie deturpari conspiciamus. Ratione excrementorum propriorum, ut seminis, sanguinis menstrui, contingit eorum suppressio vel excretio immodica aut deprauata, ex quibus deinde pendent ferè omnes mulierum affectus tam proprii quàm communes, teste Hippocrate Aphorismo iam citato : unde retentio sanguinis menstrui præter naturam erit explicanda, eiusdemque vacuatio immoderata & stillicidium, fluxus item muliebres varij generis, & gonorrhœa. Ratione verò retenti seminis & inflammati, contingit præcipue furor ille qui uterinus nuncupatur, quemadmodum ab utroque vel alterutro suppresso & corrupto suffocationes & strangulatus matricis, ite hydropes, cancri & varij tumores præter naturam, ulcera & similia erunt explicanda, quæ particularem uteri constitutionem respiciunt. Quibus peractis ad secundam tractationem, seu librum veniemus, in quo iam contemplabimur mulierum naturam, respectu habito ad opus generationis, cui vel ineptæ sunt, unde sterilitatis querelæ exoriuntur ; vel idoneæ quidem, sed tamen in ipso conceptu, gestatione & partu multa subeuntes incommoda, quæ arte nostra & methodo tollere vel mitigare docebimus, ut totus deinde liber tertius respiciat ipsius prolis seu fœtus iam editi educationem ; proposito conuenienti nutricum & infantis regimine, necnon ea omnia persequendo, quæ ad lactis & mammarum huic rei dicatarum constitutionem faciunt. Hæc igitur summa est dicendorum à nobis in hac muliebrium affectuum tractatione, quæ multo clariùs in operis progressu patebit.

CAPVT PRIMVM.

De χλωρώσει, seu fædis Virginum Coloribus eorūque annexis.

DIXIMVS temperamentum quoddam esse peculiare fœminis, quo à maribus, quemadmodum partibus generationi dicatis distinguuntur. Cum enim fœmina homo materiam potissimum & locum procreationi fœtus idoneum præstet: mas autem effectiuum, principium; ideo oportuit fœminam, quatenus à viro distinguitur, accepisse à primordiis generationis ipsius dispositionem & *κρᾶσιν* peculiarem, quæ huic rei sit idonea, propter quam etiam sit paratior ad hunc vel illum affectum præter naturam suscipiendum, concurrentibus causis quæ natiuum istam *Διάθεσιν* præcipitent in lapsum naturali temperiei consentaneum, vt loquitur Hippocrates *Aphorism. 34. sect. 2.* Si quis autem sit affectus temperamento fœminarum proprio, humidiori scilicet frigidiorique, vt in Physiologia fuit probatum, familiaris & congener, is est habendus, quem hodie grassari in his provinciis conspiciamus, præcipuè inter nobiliores formosioresque puellas, viduas & alias à virili congressu abstinentes: vt penè endemius & familiaris videatur esse factus, quem vulgus pallidos colores siue fœdos, icterum album, febrem amatoriam, morbum virgineum appellant, nos ex Hippocrat. *χλωρώσει*, quia est species cachexiæ, comitata prauo quodam colore ex albo plus minus virescente, prout pessimi quidam humores variè commisti, externam illam cutis, præcipuè in vultu, superficiem inficiunt. Quamuis autem morbus iste censeatur vt plurimum ex malâ quadam doctrinâ seu opinione proficisci, quâ imbutæ virgines, & mulierculæ istæ innuptæ, (iuxta illud; *Palleat omnis amans, color hic est aptus amoris*,) vt sibi maiorem formæ gratiam acquirant, hunc sibi pallorem omni arte, & industriâ conciliant: attamen credibile est quendam etiam esse ipsius aëris, alimentorum & fortassis syderum, aliarumque causarum concursum; propter quem hic affectus nostro tempore, potius quam superioribus sæculis inualuit: quemadmodum de strumis obseruare licet, quæ ante aliquot annos in Galliâ rarissimæ aut penitus ignotæ, iam vbique & maximâ *κακοηθεία* plurimas inuaserunt familias. Si quis igitur quærat cur, cum hic affectus sequatur temperamentum muliercularum proprium: hoc nostro sæculo potius quam superioribus inualuit: Respondemus, peculiare temperamentum facere tantum sporadicos affectus. Vt autem epidemici & endemij euadant, oportere aëris vel alimentorum constitutionem immutatam esse, vt hic agnoscimus.

Dicamus itaque *χλωρώσει* istam esse *καχεξίαν* speciem, nempe symptoma qualitatatum tam visiliū quam tactiliū in toto corpore præcipuè vultu præter naturam mutatarum, ob deprauatæ nutritionis vitium, ex affectu vario iecoris, ventriculi, lienis, & similium primariò vel secundariò profectum, quam virium languor, cibi fastidium, capitis dolor, respirandi difficultas, cordis & arteriarum palpitatio comitantur. Hæc definitio siue descriptio formalem causam, affectus scilicet naturam & speciem, partem affectam siue subiectum, propinquas causas, & *συμπεριεχόμενα*. i. præcipua effecta complectitur, vt mox in causarum & signorum peculiari enumeratione clarum euadet.

Causæ enim tam primariæ & externæ quam internæ multiplices & variæ huic affectui originem præstare possunt. Externæ quidem solitariæ & sine interiorum concursu fugacem aliquam *καχεξίαν* & decolorationem pariunt: vt in eis qui ad Lunæ radios dormierunt, vel in locis palustribus, viginosis, & conclusis, vt carceribus decubuerunt, aut etiam in aquâ frigidiorē natauerunt: quibus si internæ ex partium coctionibus dicatarum vicio concurrerint, stabilem & contumacem efficiunt. Quam vt plurimum, inquit Aretæus; Autumnus concipit, hyems alit, ver autem auget, nisi illi tunc conuenienter prouisum fuerit. Potissimum vero mala alimentorum ratio tantarum est in hoc affectu producendo virium, vt in annonæ penuriâ, dum plebs promiscuis quibusque cibis vesci cogitur, ferè omnes cachectici & decolorati euadant. Quod eleganter Hippocrates de diuturno leguminum vsu in insulâ illa *Æno 2. & 6. epid.* annouit. Et quemadmodum tunc necessitas miseros

vrget mortales : hic etiam deprauati quorundam appetitus, vel intemperantia in iuueniculis istis, tanta est vt absurdis quibusdam rebus sese ingurgitare malint, quam conuenienti & consuetâ alimentorum materiâ reficere : vnde morbus iste cito & vehementer suscitatur. Quædam enim rubicundiores, vt viuudum faciei colorem infringant, largo aquæ frigidæ haustu circa horam somni vel summo mane vtuntur : acetum, olera, poma, & similia cruda, imo niuem & glaciem auidissime continuò deuorant : vnde calor partium natiuus obruitur, & magna obstructionum copia suscitatur. Aliæ verò iam malaciâ obsessæ & intemperatiores terram vorant, calcem, gypsum, aromata, salis magnam copiam, carbones, festucas, & similia : quod non solum in adultis virginibus, sed etiam in multis lactentibus puellis apud nos sæpe conspicitur, illis potissimum quæ ex parentibus eodem morbo laborantibus vel olim affectis progenitæ fuerunt. Non ignorauit hoc summus Hippocrates, qui 2. *Prorrh.* Quibus, inquit, colores dum iuuenes sunt, prauis sunt ad multum tempus, non tamen icteri modo, siue mares sint, siue femina, dolent caput, lapides ac terram comedunt, aut hæmorrhoidas habent. Quibus verbis ostendit diuinus senex καχεξία istam non solum ab importuno rerum absurdarum vsu, sed etiam ob vacuationes immoderate factas, vel omnino suppressas contingere, vt sunt menstrua & hæmorrhoides in assuetis. Quod verissimum in hisce nostris mulierculis experimur, quotiescunque enim immodico mensium profluuiio torquentur, elanguescit vis caloris natiui in partibus coctioni dicatis, & reliquæ suo genio seu proprio alimento defraudatæ, non possunt deinceps succo crudo & aquoso conuenienter perfici. Ex retentione verò earumdem ob nimiam quantitatem humorum in prædicta viscera refluentium, suffocatur quasi innata temperies, & materia ista recrudescens impellitur à robustioribus partibus in cutem : vbi pro conditione humoris varias excitat colorum differentias, ad albedinem tamen vergentes, & habitus ipse intumescit, & laxior redditur. Potissimum in illis quibus partes externæ molliores & frigidiores existunt, vt in mulierculis aulicis, & delicatioribus, quæ longiori somnò indulgent, & sæpius diuturno otio marcescunt, suisque puluinaribus affixæ suendi causâ maximo torquentur frigore : aliquando intempestiuis vigiliis & exercitationibus vtuntur, vt choreæ statim à pastu, quas in longam noctem cum suis amatoribus producunt, non sine grauissimis curis & variis animi pathematis, ex quibus facillimè euertuntur coctiones illæ interiores, cruditates multiplicantur, & augetur cacochymia, quæ omnis καχεξίας causa est interior. Eleganter enim dictum est illud à Galeno συντιμαρέειν ἀλλήλοις εἰς τὸ κῆλον ἢ κακοχυμία ἢ ἡ καχεξία : mutuo sibi tradunt operas in totius perniciem cacochymia & cachexia : Vt enim cacochymia vetus εὐξία immutat & euertit, sic firmiter fixa in corpore cachexia τὴν εὐχυρίαν corrumpit & similes sibi humores apponit, vnaque tandem alteram fouet & conseruat.

Quæcunque igitur cacochymia intus aceruato ob intemperiem, tumores, vel obstructions interiorum viscerum tandem refluit in habitum aut præcipuas eius partes, coniuncta est & proxima propositi affectus causa. Est autem vt plurimum pituitosa, tum ob imminutionem caloris natiui, quæ frequentissime hic contingit, tum etiam quod humores sæpius nimia mole collecti quasi recrudescunt destituti regimine caloris innati, & phlegmatis naturam inducunt. Prout tamen maior vel minor fuerit alterius humoris permixtio, sic etiam ex albo virescens, flauescens aut tenuiter nigrescens color apparet in vultu : qui in hoc præcipuè ab ictero, distinguitur, quod icterus vterque simplicem habet quasi coloris mutationem ex paucitate humoris per cutem expansi : cachexia vero & χλόρωσις præter decolorationem coniunctam, inflationem (*bonfisseure*) ex succorum redundantia, qui partibus istis neque assimilari, neque perfectè vniri possunt : vnde via ad leucophlegmatiam dicitur.

Antecedentes autem causæ, vt diximus, pendent à κακοπραγία, & vitiatis functionibus internarum partium, præcipuè verò nutritioni dicatarum, vt iecoris, lienis, ventriculi, & totius mesenterij : quibus in maioribus natu potissimum vterus sæpe occasionem suppeditat morbificæ dispositionis : magnæ enim intemperies potissimum frigidæ per se : calidæ vero ex accidenti, tumores præter naturam : obstructionum diuturniorum copia non solum τὴν naturalem euertunt, sed etiam iustam humorum ἀνάδοσιν & solitam ἐκκρίσιν impediunt : quibus sæpe coniunguntur febres lentæ, pituitosæ, & nocturnæ, quando humor iam putrescere ex prohibita transpiratione incipit, diarrhœæ profusæ. Item & lienterix naturalibus facultatibus

facultatibus iam collabentibus succedunt. Hippocrates in *Corticis* sanguinis corruptionem & exolutionem hic contingere scripsit, quando scilicet fons sanguificationis, nempe iecur, per idiopatheiā aut sympathēiā affectum excrementis eiusmodi massam ita sanguinariam inficit, ut deinceps in alienam materiam degeneret. Atque hæc de causis.

Signa verò in hoc affectu non tam Medico negotium faciunt, ut agnoscat illius naturam & causæ continentis siue humoris speciem: quoniam utraque visui & tactui exposita statim deprehenduntur: quàm ut interiora illa vitia, & partium primariò vel secundariò affectarum notas assequatur. Cachexiam enim adesse testatur turgidula faciei constitutio cum quadam inflatione, quæ in palpebris potissimum manet & statim post somnum conspicitur: quia per noctem calor conclusus plures eleuauit vapores quam dissipare potuit.

Laxitas summa, & quasi mollieties externarum partium apparet, ex abundantia humorum copiâ, quæ segnitiei torporēque tam animi quam corporis infert, eneruato calore nativo, & partium præcipuè solidarum robore. Crurum pedumque tensiva lassitudo, & pondus cum incipiente oedemate, quod maximè circa vesperam, & deambulationem contingit, deuolutis sua gravitate humoribus in loca illa decliua. Respirandi difficultas vrget cum pulsu minuto & frequenti, in iugularibus colli arteriis & temporum conspicuo, quem febricula aliquando comitatur, ut dicebamus, & ingens *καθηβέρπεια*. Deficit enim istas ægras spiritus dum progrediuntur breui etiam spatio confecto, præcipuè si scandendum sit, non tam necessitate inspirandi quam expirandi, quoniam ex nimia fumidi & crassi vaporis abundantia, quæ lentam etiam illam febrem & capitis dolorem accersit & fouet, plus est opus expiratione ad fumos illos excludendos, quam inspiratione ad aëris refrigerium. Idem dicas de pulsu, qui præterea cum à facultate infirma non possit commodè dilatari, defectum illum frequentia compensare nititur. Procedente morbo infestant lithymia, palpitationes cordis ex crudo & flatulento spiritu (*Serum copiosum aliquando colligi in pericardio obseruauimus:*) Ingentia rerum omnium, potissimum cibi euchymi, fastidia, ob *συνεθροισμὸν* excrementitiorum succorum in ventriculo & vicinis partibus, cui superuenit tandem malacia. Et si quidem malum vires acquisierit, venter subtumidus fit, inchoato hydrope, pedumque oedemata, quæ prius vaga erant & dissipabilia, confirmantur. Neque sudor, neque vrina tunc rite procedunt auctis obstructionibus, quæ omnem *ἐκκρίσιν* siue vacationem impediunt.

Quis vero humor siue caco-chymia parens sit & author tot tantorum affectuum, non solum causæ omnes, quæ illos in nobis procreare solent, sed etiam effectus qui ad illos consequuntur id declarant, potissimum vero coloris idea quæ in vultu efflorescit: Etenim, ut eleganter docuit Hippocrates, *τὸ χρώμα ὅμοιον τῶν χυμῶν, ὅνα μὴ ἀμώτῃς ἴσῃ*, color similis est humori, nisi ubi adest illius refluxus. Cum igitur humores *χλάρων* istam cachecticam efficientes non habeant refluxum, sed iam affixi sint partibus instar alimenti, ideo certam sui significationem dabunt Medico, & illius intemperiei ex qua suscitantur: quæ plerumque, ut dixi, frigidior humidiorque existit, præcipuè quando affectus iam diuturnior factus fuerit.

Utra vero pars huic affectui originem dederit, hepârne scilicet ex idiopatheiā laborans, vel ex sympathēia ob alterius male affectæ vitium, accurate distinguendum, quia inde potissima curandi ratio proficiscitur. Intemperierum igitur, tumorum præter naturam, præcipuè scirrhorum, obstructionum diuturniorum in iecore, ventriculo, liene, vtero & similibus notæ diligenter perquirendæ ex signis consuetis & propositis in diagnostice vniuersali: quæ quidem petuntur ab actione partium affectarum læsâ: à partibus situ: ab excretis & retentis: à doloris proprietate: & ab accidentibus seu concurrentibus simul: Vbi enim apparuerint tales notæ, inde etiam morbi fomitem præcessisse credibile est. Quemadmodum etiam si cerebrum fluxionibus scatens, aut pulmones corrupti, tabefacti, vel prauis humoribus infarcti, vitiositatis suæ contagium partibus nutritioni dictis communicauerint. Ex quacunque enim parte hydrops particularis suscitatur: inde etiam vniuersalis leucophlegmaria vel cachexia tandem exoriri possunt. Certe in iuueniculis istis male affectus crudiôrque ventriculus

ex propria intemperie, vel obiecti vitio, dum crassos humores multiplicat, venas obstruit, & vteri meatus opplet, frequentissima est istius affectus causa, ut patet ex vomitu frequenti, diarrhœâ, dolore sub cartilagine xiphoide, deprauato appetitu, rugitu & borborygmis, qui in istis ægrotantibus frequenter obseruantur. Quemadmodum in virginibus iam nubilibus aut viduis quæ castitatem seruant, vterus propter defectum rei naturaliter appetitæ, nempe coitus, variè torquetur, & contractâ tandem intemperie frigidior vel vasorum infarctu contumaci, cuius signum est, quod nullo apparente alterius partis affectæ signò, foedo colore corripuntur, & purgatione menstruâ priuantur, sæpius huic affectui originem præbet, & alias partes in consensum trahit: ut postea docebimus, dum de illius morbosæ dispositionibus ex professo agendum erit.

Nos igitur de prognosi pauca quædam proponamus, quia hic affectus ex chronicorum genere diutius vexat miseras istas ægrotantes, sine vitæ tamen ut plurimum discrimine, si maturè illi prospectum fuerit. Quod si negligatur, ita ut summa nutritionis immutatio aut deprauatio contingat, iam vitiatis partibus istis ventris inferioris, potissimum iecore, ex illius *ἀνορία*, & imbecillitate tandem producitur hydrops incurabilis, ut in pluribus conspeximus, in quarum cadaueribus dissectis plane scirrhum aut putrefactum apparuit. Minus malum est quando à parte minus nobili incipit, ideòque foedi isti colores, quando vteri simplices obstructions consequuntur, facillè curantur. Quod si inueterauerint, alios etiam affectus per sympathiam accersunt grauissimos, ut dictum est. Iuuenes itaque puellæ, & virgines facilius curantur quam grandiores natu, aut viduæ, si causarum adsit æqualitas, quia habent illam caloris *δύναμιν* sive *ἐκλαμψιν*, ut loquitur Hippocrates, per quem euictâ præsentē cacochymia sopiti ignes natiui tandem suscitantur & reuiuiscunt. Certè mulieres, quæ diutius hac foeditate laborarunt, vel sterilescunt omnino, vel infirmam prolem & parum vitalem suscipiunt, potissimum primis partibus, donec tota illa illuies expurgata fuerit, nec vnquam perfecta sanatio adest, quamdiu in viscere aliquo infarctus aut insignis intemperies sentitur. Calamitosa est ista affectio, quando cor frequenter impèit, quoniam collabente vitali facultate radij spirituum influentium non amplius affulgent, quibus circumiecta prauorum succorum & vaporum nebula discuti debeat. Mala etiam illa, quæ firmiter radices in ventriculo fixit cum ingenti fastidio, vel absurdo rerum alienarum appetitu: nam perpetua fit cacochymia istius generatio, vel ex vitio assumptorum, vel confirmatâ illius intemperie. In virginibus iam adultis & mulieribus maxima sanationis nota ac spes victoriæ existit, quando menses certas suas periodos repetunt, iustaque quantitate, & natiuis qualitatibus præditi effluunt. Iam igitur ad *θεράπειαν* accedamus.

Summa curationis hæc esto: causas omnes externas quæcunque huic affectui originem dederunt, remouere, vel in conuenientem statum permutare: internam verò cacochymiam vbicunque latitat conuenienter educere, & si quidem ex suppressâ aliquâ vacuatione solenni inceperit, eam denuò reuocare: sin ex eadem immoderata proficiscatur, eam ad idoneum naturæ scopum deducere. Viscerum interiorum, potissimum iecoris & ventriculi, intemperies, obstructions & similes affectus curare, eorundem robur tueri, aut si alterius partis primariò affectæ suspicio fuerit, quæ aliis istam labem communicet, eius diligentem habere rationem. Materiam denique in corporis habitu contentam digerere, & frigidiorē humidiorēque illius *δυσκρασίαν* corrigere. Utque symptomatis alicuius maior erit vehementia, illius mitigationi diligenter studere, non neglectis aliis. Ratio igitur causarum externarum prius habeatur per accuratam viuendi rationem, quæ hic præscribenda erit.

Posito itaque quod hic affectus à collectione crudioris & pituitosi succi potissimum pendeat & ab obstructionibus diuturnis: comparentur res illæ non naturales dictæ quibus dicta medica perficitur, ut ad caliditatem quandam siccitatēque inclinent, & præsentē cacochymia aduersentur. Ideo aëris status ad tenuitatem quandam cum puritate vergat, sitque solito calidior, si fieri possit. Hoc enim certissimâ experientia habemus in istiusmodi cachexiâ & foedis muliercularum coloribus curandis, plus perfici æstatis tempore per vnam aut alteram septimanam, quam aliis temporibus per plures menses: multasque earum aduentante æstate satis commodè degere, quæ aliis tempestatibus grauiter conflictabantur. Imò etiam foeminas, quæ loca niuosa, palustria, vlginosa, aut alio modo

frigidiора,

frigidiora, & humentia incolunt, vix per sanari posse, nisi prius in alienum solum commodius sese transferant. Ideo etiam labor & exercitatio mediocri illis confert in principio: nam ex vehementiore incidunt in magnas cordis palpitaciones & respirandi difficultates; Progressu tamen temporis ubi iam inclinatur affectus, diu & fortiter se agitare prodest ad effundendos influentis caloris radios per totum corpus, quibus humorum reliquæ omnino dissipantur. Huic rei auxiliantur totius corporis frictiones asperiores mane in lecto celebratæ deorsum versus. Est etiam exercitationis genus, quod nubilibus puellis & viduis hac foeditate detentis valde conducit, dum iam conualescunt, nempe virilis congressus: ex eo enim commodè incalescunt, iucunditate perfunduntur, & succedente partu ab impuriore istis succis per lochia expurgantur, obstructionibusque liberantur. Non tamen iungendæ sunt viro quando valde conflictantur hoc morbo: nam multas, (ut sororem Maurelli Licentiatæ,) ex importuno eiusmodi coitu, aut certe imprægnationis molestiâ, & infueto labore vitam cum morte commutasse vidimus. Præscribatur etiam modus vigiliis & somno, cui valde addictæ sunt istæ ægrotantes, ob vaporum copiam primi sensorij ductus occupantium: neque permittantur matutinis horis diutius dormire, nisi insomnem fortè noctem duxerint. Summâ rerum omnium tranquillitate, & animi pathematum curarumque vacatione, quantum fieri poterit, fruantur, quia illis infirma corpora facile debilitantur. Vacuationes ordinariæ alui & vesicæ commodè procurentur, tum alimentorum genere, tum remediis postea proponendis.

Præcipua verò cura ponatur in alimentis ritè præscribendis, ut scilicet omnia vident dyspepta, ne maiorem operam faceant hepatis & ventriculo iam debilitatis: quemadmodum cacoehymia, potissimum ea quæ symbolum habent cum genere dominantis cacoehymiae: frigida item & humida, ne pituitosorum succorum copia multiplicetur. Abstineant itaque ab oleribus crudis, fructibus horæis & recentibus, lacticiniis omnibus, piscibus & carnibus crassioris succi. Caveant ab aquæ potu omniumque liquidorum copiâ, aceti præcipue, quod eiusmodi ægræ summopere appetunt, quamquam illis valde noxium, tam quod infirmiori nocet calori viscerum præcipue vteri, unde *ὕσπερ ἀλγες* dicitur Hippocrati: tum etiam quia cruditates istas, & prauos humores in habitum penetrare facit. Vrantur itaque pane recentî, biscocto aut saltem anisato, vino tenui & generoso: aut si sint abstemiæ, decocto cinamomi, coriandri, aut bochetto ex farisâ parilla comparato: fructibus siccis: carnibus delicatioribus assis potissimum, aliquando elixis cum mentha, hyssopo, salvia, petroselino: fœniculi & apij radicibus, vel summitatibus capparum, oliuarum: fœniculi marini conditorum frequens sit usus inter fercula, ad aperiendum & incidendum, nisi summa ventriculi obstat infirmitas. Sit autem moderata cibi potusque quantitas suo tempore & ordine conuenienti, ne multitudo prauorum eiusmodi succorum copiam augeat, vel defectu vires nimis deiciat. Imprimis autem fugiant abscondita illa, quorum desiderio tantopere tenentur: ubi enim primum huic inordinato appetitui dominari poterunt, signum est naturam videlicet esse cacoehymiae, & omnis augendi istius affectus occasio præciditur. Ad maiora ergo remedia veniamus: quoniam sola diæta sæpe non sufficit ad malum istud oppugnandum.

Quotiescunque cachexia ista recens est, pendetque à cacoehymia quadam plethorica vel vacuationibus sanguinis per nares, vterum, aut hæmorrhoidas suppressis: toties tundi poterit in principio vena illa, quæ minuendis hisce humoribus, vel renouandis istis vacuationibus erit accommodatior, habitâ imprimis ratione virium, ne scilicet per eiusmodi missionem, nimium fiat illarum dispendium: In virginibus tamen quæ decimum quartum annum exceßerint confidentius agendum, quoniam florens earum ætas & regurgitantis sanguinis copia, qui frequentissime hæmoptoas & vomitus sanguinolentos parere solet, non tantum phlebotomiam semel, sed sæpius repetitam tolerare potest ex venâ cubiti ad tollendam plethoram, & venis malleoli circa nouilunium, ut renouetur vel incitetur fluxus ille muliebris. Quin etiam affixis hirudinibus, cucurbitulis, scarificationibus, & similibus, variis corporis partibus licebit idem aliquand. secundum varias ægrarum constitutiones præstare. Certè in affectu inueterato, & iam grandioris ætatis mulieribus admota cruribus cauteria non leue auxilium sæpius rulerunt ad vacuandam sensim, & deriuandam mali istius causam. Sin vero capitis, pulmonum, vel aliarum partium vitia primaria huic ortum dedisse videantur, licebit eodem

modo opem istam Chirurgicam locis accommodatis adhibere.

Quod ad pharmaceutica verò spectat, quoniam omnis cachexia, ut sæpe diximus, soboles est cacochymia simplicis vel mixta, adhibenda erunt imprimis purgantia valentiora aut benigniora frequenter repetita, cum debitis præparantibus, pro modo & naturâ redundantis humoris. Cachexia igitur simpliciter pituitosa, cum via sit ad hydropem anasarcan, eadem ratione qua & ille curabitur, adhibita diligenti animaduersione cuius partis adsunt obstructions, vel intemperies insigniores, ut eis potissimum prospiciatur. Sed quoniam ista *χλωρως* virginum & viduarum plurimum pendet ab obstructionibus viarum, ad vterum pertinentium, suppressione vacuationis hystericae, & redundantia crudorum succorum & crassorum, paucio bilioso varij generis permixtorum, vnde illa coloris diuersitas; Ideo subiiciemus typum curationis integræ, quam in eiusmodi fœminis moliri solemus, vigente potissimum vere aut circa ætatis initium, aliquando autumnino, si ita res ferat, quando solennes purgationes etiam in aliis institui solent, ducto exordio à sequenti enemate, quia frequenter adstrictam solent habere aluum.

℥ Fol. betæ, mercur. maluar. agrimon. absint. & matricar. ana M. j. seminis anisi & fœnugr. ana ʒ iij. furfur. macri. flor. chamæmel. stœchad. & anthos, ana P. j. Fiat omnium decoctio ad ℥ j. β. in qua dissolue hieræ picræ & benedictæ laxat. ana ʒ vj. olei lilior. & mellis mercurial. ana ʒ ij. Fiat clyster, qui iniiciatur ante omnia, & frequenter repetatur: emollit enim, deterget, aperit, & laxat, ductus illos intestinis proximos, vnde magnum emergit ægrotantibus istis commodum. Sequenti die capiat talem bolum.

℥ Benedict. laxat. & hieræ picræ, ana ʒ iij. pulu. hieræ picræ ʒ j. Cum saccharo fiat bolus, capiat mane, vel si forma solida displiceat, paretur portio.

℥ Electuar. diacarthami ʒ vj. syrup. de artemisia ʒ j. decocti absint. mercurialis & agrimon. cum foliis senæ q. s. Detur in aurora. Hac enim minorante purgatione sublata ventriculi & aliorum abdomine contentorum viscerum impuritate licebit tutius venam cubiti secare, si quidem id ex usu videatur, ut iam dictum est. Deinde paretur sequens apozema, quod aperiendi, detergendi, molliendi & purgandi facultate præditum, omnes fere propositas intentiones complectitur.

℥ Quinque radic. aperitiuar. in vino albo per noctem infus. ana ʒ j. rad. eryngij, rubiæ maioris, ireos nostratis, corticis citri sicci, & rad. cappar. ana ʒ vj. fol. beton. melissæ, artemisiæ, matricar. nepet. valerianæ, ceterach, agrimon. chamædr. & chamæpiteos, ana M. j. summitatum absint. pontici, folior. dictamni Cretensis & sabinæ, ana P. j. polyp. querni & medullæ seminis carthami, ana ʒ j. β. folior. senæ mundat. vino albo irroratorum ʒ ij. hermodact. ʒ vj. semin. dauci & apij, ana ʒ iij. spicæ nardi ʒ ij. flor. stœchados, anthos, sambuci, genistæ, tamarisci & cicerum rubrorum, ana P. j. Fiat omnium decoctio in hydromelite. In colaturæ ℥ j. β. dissolue syrup. de artemisia ʒ iij. Fiat apozema clarificarum & aromatizatum ʒ iij. cinamomi electi pro quinque dosibus matutinis. In quarum vltimâ dissolue diacarth. ʒ vj. rhabarbari pulueris. ʒ j. Capiat cum custodia. Deinde per aliquot dies ad recreandum ventriculi robur, capiat mane cochlearia duo vini aut syrup. de absint. vel electuar. aromatic. rosati ʒ iij. superbibendo parum vini albi aut aquæ melissæ ʒ ij.

Ex descriptione istius apozematis, auctâ dosi purgantium, fiat syrupus magistralis, de quo capiat ʒ ij. vel iij. cum decocto cicerum rubeorum, fol. petrosel. croci & cinnamomi semel aut bis in mense: vel illius loco paretur opiata sequens.

℥ Electuar. de citro solut. & diacarthami, ana ʒ j. β. confect. hieræ picræ, quæ in hoc casu valde commendatur; & diapruni solut. ana ʒ j. fol. senæ mundat. & hermodact. ana ʒ β. agarici recenter trochiscati ʒ vj. rhabarb. & tartari albi puluer. ana ʒ ij. spicæ nardi & seminis apij, ana ʒ β. Cum syrupo de artemisia fiat opiata, de qua capiat ʒ β. cum saccharo vel puluere ducis, in formam boli concinnatam aut prædicto decocto dissolutam bis in mense.

Quidam vomitus ante cibum conciliant ex infuso seminis. vel radic. raphani in oxymelite: quod non est improbandum in assuetis potissimum & eis qui nausæas ex impuritate ventriculi frequentes patiuntur: in aliis verò pilulæ vsuales, quas ante cibum vocant, præscribi poterunt, ut sensim illa illuyies educatur, & vix aperiantur in hunc modum.

℥ Pulueris hieræ picræ ʒ vj. agarici recenter trochiscati ʒ ij. tartari vini albi & rhabarb.

puluerat. pauco vino irrorati, ana 3 j. gummi ammoniaci aceto scillitico dissoluti 3 j. β. cinamomi electi, salis gemmæ, mastic. & spicæ nardi, ana 3 j. croci ḡ.v. Conficiantur cum syrupo de absint. fiat massa, de cuius 3 j. fiant pilulæ sex deauratæ. Capiat tres horâ vnâ ante cœnam alternis diebus. His pilulis diutius vsurpatis, pleraque istarum ægrarum conualuisse obseruauimus: non enim audiendi sunt illi, qui in hisce fœdis coloribus exhibendas censent tabellas antimoniatas ex descriptione Vvecheri, aut quatuor vel quinque grana stibij per se aut in vino infusi quoniam infirmior istarum calor, & pertinaces obstructions nullo modo perferre possunt *κἀθαρον* ex malignis istis & vehementioribus purgantibus, à quibus vt plurimum in syncopem & grauissima ventris tormina coniiciuntur.

Peractâ solenni illâ vel sæpius iteratâ purgatione solemus nos ad laxandas omnino vias, molliendam, fundendamque materiam obstructionum, & digerendos humores in habitu contentos præscribere balneum sequens, aut simile circa Martium aut Iunium mensem.

℞ Rad. bryon. irid. hortensis, cucumer. agrestis, & enulæ campanæ, ana lb ij. rad. althææ, lilior. & fœnicul. ana lb j. fol. meliss. prassij, absint. tanacet. matricar. artemissæ, parietar. mercurial. cum toto, summitatum lauri & hederæ, ana M. iij. semin. lini & fœnugr. leuiter contusorum, ana 3 ij. Decoquantur in aqua fontis vel fluminis pro balneo, quod ingrediatur tepide per biduum sine sudore aut saltem modice, ne vires nimium deiciantur.

Sequenti die si virgo sit, aut vidua menstruis purgationibus assueta, quæ suppressæ fuerint; post multam deambulationem aperiatur vena vtriusque malleoli circa meridiem: quod poterit bis aut ter repeti, eadem scilicet periodo, quâ dicti menses fluere solebant, quemadmodum purgantia, præparantia, & roborantia, tam interna quam externa, tamdiu vsurpanda certis interuallis, quamdiu pertinacissima ista cachexia perseuerabit.

Inter alia autem quæ valde commendantur post purgationem conuenientem, est chalybis limatura, quæ variè præparata, aut cum aliis mixta, iam habetur præcipua antidotus in hoc affectu debellando. Chalybs igitur nihil est aliud, quam ferrum frequenter ignitum, in aquâ extinctum & expurgatum, idem quod stoma-cha apud Aristotelem *cap. 6. lib. 4. meteor.* Ex illo dum ita paratur, & malleis percutitur, decidit squama, quemadmodum ex ære & ferro, cuius vsum voluit esse Dioscorides, vt tergeat & aluum soluat. Galenus autem *9. de simpl. medic. facul.* scribit omnes istas squamas esse acres, & liquare carnem, ita tamen vt æris squamâ illud præstet siccando magis; ferri autem adstringendo, sed præter ista proprietatem quamdam purgandi in chalybe, quemadmodum in rhabarbaro aut rosæ, quæ manifestè adstringunt, agnoscere cum Fallopio non est rationi aduersum, & experientiâ quotidianâ confirmatum. Hinc Aëtius *lib. 10. cap. 11.* squamam ferri vel chalybis exhibet per os rusticis & durioribus corporibus ad scirrhus lienis comminuendos, quia pondere suo obuios humores crassos & viscidos deturbat, acrimoniâ autem illâ incidit & deterget, adstrictione verò lienem condensat & roborat. Mollioribus verò & delicatis exhibebat vinum vel mulsam, in quo chalybs ipse fuerit sæpe extinctus, ex quo etiam aluus subducebatur, & tumor lienis subsidebat. Illud confirmat Paulus, Auicennas & cæteri authores nostri, qui non solum ad hoc vtuntur squamâ chalybis vel ferri, sed etiam ipsâ scoriâ ferri, & aquâ illâ quæ excurrit per lapides molares, dum enses acuuntur. Vnde iam apud nos inualuit vsus istius medicamenti ad rebelles istas obstructions & tumores, partim ventris inferioris expurgandos in quartanariis & hisce mulieribus defœdatis, non infelici successu. Quia autem squamæ illæ veteribus vsitatæ, non sunt nobis ita familiares, apud quos metallorum fodinæ, vbi illæ parari solent, minimè habentur, & quia sunt aciores respectu istarum muliercularum: Ideo solemus ex limaturâ chalybis idem præstare, quam variis modis hodie parant, infundunt in variis liquoribus, aut cum aliis medicamentis tenuantibus, detergentibus, roborantibus, nec non aliquando purgantibus miscent. Mulierculæ nostrates recentis limaturæ (aliàs enim rubiginem quamdam noxiam contrahit) 3 j. diuidunt in septem partes, & post purgationem aliquam totidem diebus mane cum pauco melle mixtam exhibent istis puellis, diuque ambulare iubent. Medici verò, vt melius penetret, nec tantum ventriculo negotium facessat, præscribunt in hunc modum, vel huic consimilem.

℞ Cort. median. rad. cappar. 3 β. semin. dauci, acerosæ, & apij, ana 3 ij. puluer. electuar. diarrhod. abbat. & cinamom. electi, ana 3 j. spicæ nardi & croci, ana 3 β. limaturæ

limaturæ chalybis cum aceto præparatæ (ex descriptione Fallopij) 3 ij. sacchari ad pondus omnium. Fiat pulvis, de quo capiat mane cochlear vnum vel duo pro corporis & morbi constitutione, superbibendo parum vini albi vel aquæ melissæ, continuando per septem aut nouem dies, & fortiter postea deambulando. Vinum autem chalybeatum, cuius elegantem descriptionem habet Fallopius, continuandum censent per totos quadraginta dies, vt obstructiones istæ absumentur. Possunt ex prædicti pulueris portione, si magis gratum sit, concinnari tabellæ ponderis 3 ij. cum saccharo aquâ fœniculi vel agrimonie dissolut. Sumat vnam singulis diebus, superbibendo parum decocti cinamomi & cicerum rubrorum, vel aquæ fœniculi aut vini tenuis, quod per aliquot dies in doliolis ex tamariscino ligno confectis, manserit. Variæ sunt præparationes & aliæ mixtiones huius limaturæ, prout lien, hepar, ventriculus, vel aliæ partes magis affectæ apparuerint. Empirici suum crocum Martis hîc celebrant. Alij verò in pertinacissimis obstructionibus boracis naturalis 3 j. miscent cum 3 ss. cinamomi, & aliquot granis croci, & paucò saccharo. Diuidunt in quatuor partes & per quatrimum exhibent mane cum paucâ aquâ matricariæ. Sequentes vero pilulæ pro secreto à multis habentur.

4 Succus mercur. & mellis despumati, ana 3 j. Decoquantur ad sufficientem crassitiam, addendo seminis nigellæ Romanæ puluer. 3 ij. Fiat massa, de cuius 3 j. fiant pilulæ sex deauratæ. Capiat duas in ingressu lecti per tres dies continuos, quando instabit menstruorum periodus: nihil enim præstantius dicunt in prouocando fluxu illo suppresso. Quidam etiam pro certo remedio propinant puluerem pseudorhabbari seu monachorum ad 3 j. cum decocto rubiæ maioris: vel ipsius radices decoquunt in aquâ agrimonie, & exhibent ad 3 ij. mane per quinque aut sex dies.

Immutandæ enim in diuturniore affectu istæ remediorum formulæ, si non satis arrideant: ac proinde parari potest ad hanc rem decoctum vel iusculum simile, in plures dies vsurpandum. Verbi gratia eligantur teneriores radices apij, fœnicul. & petrosel. suo cortice & neruo liberatæ: folia agrimonie, pimpinellæ, fœniculi, maluarum, capilli Veneris, pulegij, & hyssopi: seminis melon. & apij, cum pugillo aliquo cicerum rubrorum, capparum recentium, & cinamomi & croci aliquot frustulis. Decoquantur per se in aquâ fontis, vel pro delicatioribus cum pullo galinaceo, vel columbino, addendo modicum salis. Capiat mane & horâ tertiâ, vel quartâ pomeridianâ in plures dies. Sunt qui valde laudant conseruam ex floribus calendulæ, cuius 3 j. ss. exhibet mane cum paucò vino generoso: Mulierculæ etiam exhibent mane frustulum vnum panis torrefacti & macerati in 3 ij. veteris omphacij, sed non satis prudenter, in illis potissimum, quæ iam valde refrigeratum habent ventriculum.

Ex eodem decocto vel descriptione apozematis aut balnei fiat fons supra totum ventrem inferiorem, ad molliendam incidendamque materiam istam obstruentem, ductusque laxandos & aperiendos: deinde inungatur oleo de capparibus, liliorum & nardino simul mixtis: vel etiam fiant inunctiones magis appropriatæ singulis partibus affectis. Quoties verò diuturnior *καταξία* redundantes excitauerit in corpore succos, qui purgantibus hisce, alterantibus, & roborantibus non facile cedunt, sed firmiter in habitu corporis permanent: toties licebit rectè præparato corpore, istam cacochymiam per sudorificâ euocare. Quamuis enim aliqui existiment in affectu isto virginum seu muliercularum non esse prouocandos sudores, quia eripiunt materiam ferosam, quæ debet esse vehiculum fluxuri singulis mensibus sanguinis: non est tamen existimandum, quin eductis humoribus istis, quibus velut immenso quodam pondere natura grauabatur, liberior sit deinceps futura ad vacuationes solitas promouendas & generandam materiam huic rei idoneam ex rectâ & laudabili coctione: Adde quod humor iste in superficie corporis hærens non potest commodius quam per hidroticâ vacuari.


Nos itaque consulere solemus hisce mulieribus vsum balneorum nostrorum Belilucanorum, tam potu quam lotione. Potu enim aqua istius copiosiore prius expeditis & liberatis viis per dicta remedia, detergetur, excluditurque humor in primâ & secundâ corporis regione contentus per alui fluxum & vrinæ maximum fluorem: tertiâ vero regio excitatis copiosè sudoribus depletur. Horum defectu poterunt stuphæ siccæ seu laconica præscribi, aut humidæ ex decocto herbarum nerualium & hystericarum, vt artemissæ, nepetæ, ranacetæ, ebuli, saluiæ, hyssopi, lauri, lauridulæ, rorismarini & similium, quibus sudores commoueantur benignè, &

& absque magnâ virium dissipatione. Vel si mauis, instituatur decoctum sudorificum in plures dies ex radicibus chynæ, quam apion vocant (*non est apios Dioscoridis, sed talis dicitur, quia omni sapore alieno caret*) aut sarsæ parillæ in sicciore calidiorisque temperamenti ægris: in aliis verò ex ligno guaiacino, quod potenter calfacit, exsiccat, mollit, & attenuat. Redeundum deinde ad ea quæ peculiariter ductus vteri aperire possunt, & viscerum temperiem restituere. Vnde multi theriacam veterem, mithridatium, & auream Alexandrinam hîc plurimum commendant, quibus hyemis tempore potissimum erit vtendum solis, vel ita permixtis.

℞ Theriacæ veteris & electæ ʒ liij. aureæ Alexandrinæ ritè dispensatæ ʒ ij. cinamomi electi pulu. elect. diambrae, diarrhodon. abbatis & trochiscor. de myrrhâ, ana ʒj. feminis apij & citri, ana ʒ ʒ. conferuæ radicem eryngij & florum calendulæ, si habeatur, ana ʒj. Cum syrupo de artemisiâ vel byzantino fiat opiata, de quâ capiat ad quantitatem castaneæ singulis diebus manè, superbibendo parum aquæ absinthij vel melissæ, quando non vtentur alio remedio. Prostant in multis officinis confectioes dialacca, diacurcuma, plirisarcoticon, & similes, ad rebelles istas obstructions, potissimum vterinas, institutæ, & menstrui fluxus prouocationem. Quæ omnia contrario modo erunt vsurpanda, quoties mulierculæ istæ ex nimio mensium aut hæmorrhoidum profluuiio in tales *καχεξίας* inciderint: cuius suppressioni artificiosè studendum erit, vt suis locis traderetur. Idem dicas de febre vehementi, quoties illi superuenerit: tunc enim temperanda remediorum istorum qualitas, & febrilis ardor in primis compescendus.

Quod ad reliqua verò symptomata spectat, quibus ægræ solent torqueri, vt sunt lipothymia, cordis palpitatio, respiratio difficilis, dolor capitis, appetitus deprauatus, crurum inflatio, infirmitas & similia, illis rectè prospiciendum, prout singulis & appropriatis capitibus docetur. Exempli causâ, vbi valde vrget lipothymia, & melancholicus vapor cum cordis palpitatione, vtatur frequenter confectioe alkermes cum vino, tabellis diamargaritonis, aquâ cœlesti dictâ, vel imperiali, quæ potentissimæ sunt ad flatum dissipandos, & reparandam substantiam spiritualem. Dissoluatur item puluis garyophyllorum & macis cum granis aliquot moschi in pauco vino albo odorifero, & aquâ melissæ: capiat cochlear vnum instante paroxysmo. Suspendatur ex collo, ita vt regionem cordis attingat, nodulus caphurâ refertus, quæ ad hoc plurimum valere creditur. Gestent supra regionem cordis continuo faculum interbastatum inter duas sindones sericeas rubras cum cotone moschato, plenum puluere santalorum, granorum kermes, corticis citri sicci, garyophyllorum, vel cyprio Monspeliensibus dicto, qui frequenter aquis dictis vel baglossi aut vino generoso irrorari poterit. Quoties magis infestabit hoc symptoma ex copiâ fumorum ad superiora delatorum, soluatur statim venter clystere vel suppositorio quodam acri, confricentur duriter, & ligentur crura & coxæ: ipsisque hypochondriis aut sub illis affigantur cucurbitulæ aliquot cum multâ flammâ. Generosissimum remedium ad hoc malum propulsandum habetur hodie apud Medicos lapis ille ex Indiâ delatus qui bezoar vocatur: cuius ʒ. iij. vel iv. dissoluunt cum aquâ quadam cordiali, vel vino illo chalybeato, & tempore afflictionis, vel etiam extra, si ægræ sumptum illum tolerare possint, frequenter exhibent. Hispani verò laudant in hoc casu radicem scorcioneræ; Germani angelicæ, quam in vino per totam noctem macerant, & summo mane colaturam exhibent: vel faciunt illius conferuam cum saccharo, aut incoquunt iusculis, & sic exhibent istis mulierculis variâ formulâ & frequenter.

Ad deprauatum verò vel imminutum appetitum nihil est præstantius, quam si saepe vtantur horâ vnâ ante pastum pilulis ex aloë, agarico, nuce moschatâ, & mastiche, cum aqua menthæ confectis: mane verò syrupo vel vino de absinthio extra autem inungatur ventriculus oleo nucis moschatæ aut cerato stomachico dicto. Dorem autem capitis hic valde importunum mitigabis præter purgationem ex pilulis, & clysteribus dictis, lotionibus pedum, ex vino & herbis nerualibus, embrochâ capitis super futuras ex aquâ theriacali sulphureâ, vel oleo balsamino aut sambucino, admotione emplastri supra particulam dolentem, ex gummi illo quod hodie tacamaacha vocant: necnon additis quibusdam narcoticis, si doloris atrocitas id exoptulet, & tandem ad cauteria siue apertiones cutis deueniendum, vbi iam materia fixa est in parte. Atque hæc de *χλωρόσας* & *καχεξίας* muliebris curatione sufficiant.



CAPVT II.

De suppressione fluxus menstrui.

VLIERES peculiaria quadam excrementa gignere, quæ nativam earum temperiem æmulentur, in Physiologiâ docuimus, inter quæ principatum obtinent semen muliebre, & sanguis ille menstruus, quia non tam sunt verè excrementa qualitate peccantia, quam viles & benignæ superfluitates concoctionum, ad generationis opus necessariæ: unde fluxus iste muliebris, purgationes *κατ' ἐξοχὴν* à vulgo dicuntur, & flores, quia ut arborum alacritas & vigor ex florum suo tempore erumpentium vbertate cognoscitur: sic etiam muliercularum fecunditas ex sanguinis istius legitimâ effusione. Qui nihil aliud est, quam excrementum benignum secundæ concoctionis, & menstruâ periodo in foeminis ætate vigentibus, neque gravidis, neque lactantibus per vteri venas vtiliter fluens. Diximus esse excrementum benignum, scilicet quantitate tantum exuperans. Cum enim ex eo foetus partes in utero nutriri, augeri, & perfici debeant, cum ex eo mammae turgentes lac conficiant ad educationem illius extra uterum, ut suis locis probabimus: cum ab eodem calore nativo generetur, eadem partium præcipuè iecoris *ιδιόσυγκροσία*, ab eadem materiâ alimentali: easdem habeat qualitates, quæ in sanguine ab aliis venis effuso conspicitur, quis dixerit alterius esse naturæ, malignæ nimirum & infestæ, præterquam quantitate in muliebri naturâ? Quod eodem modo contingit ephebis & iuuenibus, sanguineis potissimum & ætatis tempore, qui largam per nares florentis sanguinis copiam solent effundere frequenter. Ita ut maleficia illa Plinij, Fernelij & aliorum huic sanguini adscripta, vel sint commentitia, vel audienda sint de foeminis cacochymis & male habitis, in quibus coercitus iste sanguis corrumpitur, vel alienis excrementis permixtus vitiosas contrahit qualitates. Diximus esse excrementum secundæ coctionis, nempe sanguificationis quæ in iecore perficitur, quia & colore & totâ substantiâ repræsentat naturam massæ sanguinariæ: quamvis enim aliqui existiment, inter quos est Aristoteles libro tertio de generatione animal. istum sanguinem proficisci ex partibus tertiæ concoctioni dicatis, illud tamen non videtur credibile, tum quia magis esset alteratus & illarum partium qualitatibus donatus: tum quod maiorem resolutionem & infirmitatem corporibus muliercularum inferret, dum vacuatur, iam quodammodo seminalis materiæ naturam redolens, & spiritibus permixtus. Diximus fluere in foeminis ætate florentibus, neque gravidis, neque lactantibus, quia hic sanguis generationi prolis præcipuè dicatus, non debuit erumpere, nisi eo tempore quo mulierculæ istæ ad opus illud sunt idoneæ. At dum sunt iuenculæ, verbi gratia vsque ad duodecimum aut decimum quartum annum, venas habent angustiores: & natura de corporis incremento & firmitate sollicita totum illud alimentum absumit facile ad partium iustam accretionem: ita ut si quæ ante illud tempus flores istos patiantur, vulgo præcoces & brevioris vitæ habeantur. Vbi vero vigor ætatis præterit, circa quinquagesimum aut quinquagesimum quintum circiter vitæ annum desinit iste fluxus muliebris, quia tunc calor infirmior satis est occupatus circa corporis nutritionem, & individui conservationem, neglectâ prolis educatione. Totos igitur quadraginta annos aut circiter foemina homo debet hunc fluxum pati, si proli generandæ sit idonea, quod in alterius speciei foeminis non contingit, quia vehementi nimirum exercitatione, paucò & minus laudabili victu, prolis multitudine, partium aliarum generatione, ut cornuum, pilorum, squamarum, pennarum, & similium omne illud superfluum absument, quod idem narrant de Indicis foeminis, de saltatricibus, & Amazonibus, quæ parum aut nihil defluxum istum experiuntur ob vehementes corporis animique motus. Sic etiam dum gravidæ sunt aut lactantes non debent illum pati, quamvis aliquando secus contingat, præcipuè in luxuriosis foeminis, quia debet tunc transferri ad nutritionem embryonis aut lactis generationem. Diximus præterea hunc sanguinem

guinem effluere naturaliter singulis mensibus, non autem sæpius vel rarius circa varias septimanas: vnde illud. *Luna vetus veteres, inuenes noua luna repurgat*, cuius rei multiplex ratio redditur. Quod enim menstruatim effluat, non autem singulis diebus, (intercedit enim vt plurimū interuallum viginti duorum dierum,) id tum ratione decori, cuius admodum sollicita est natura, factum esse videtur, quia valde fuisset turpe foeminam cum mare coituram perpetuò hac illuue scaterere: tum etiam quod cum sanguis iste non qualitate sit infestus, sed tantum quantitate: ideo oportuit illius certam copiam colligi, quæ suâ mole vel pondere grauans tunc sollicitaret naturam ad expellendum, certâ scilicet periodo, quam natura bene regulata in suis omnibus motibus obseruare solet, vt patet in crisibus: imò alui ipsius & vrinæ profusione in quamplurimis hominibus. Adde quod cum luna mensium, vt sol annorum gubernatrix, humoribus præesse credatur, sit vt peracto illius cursu natura etiâ commoueatur ad humoris istius expulsionem. Cur autem lunâ crescente aut plenâ quædam: aliæ verò decrescen- te vel omnino deficiente purgentur, hanc statuunt esse causam: quia iuuenes quibus multus sanguis est fluidior, corpusque patentius, facile ad fluxum commouentur, vel primâ orientis & crescentis lunæ quadrâ: vetularum autem humores frigidiores & pauciores, vasisque densioribus & siccioribus contenti non tam facile fluunt, nisi adiuti lunaribus pleno orbe effusis radiis, aut certè lunâ iam decrescen- te, quia collectus & turgens plenilunio humor irrumpit deinde in vasa vteri, & sibi viam facit, sub isto sydere declinante circa finem mensis, quando ob frigiditatem gratior & copiosior factus est.

Diximus etiam per vteri venas, vt distingueremus ab omni alio fluxu sanguineo, vt narium, oris, vesicæ, hæmorrhoidum & similium, qui quamuis aliquando utilis esse possit ratione indiuidui, impedit tamen aut imminuit cursum istarum purgationum & prolis generationem. Debet igitur sanguis iste coplâ turgens in hepate & venâ cauâ, deriuari per ramum iliacum in hypogastricas illas duas, quæ per corpus & column vteri dispersæ, circa hanc periodum, a pertis osculis, istum excludunt in vteri cauitatem: aut aliquando in meatum ceruicis, vt in quibusdam virginibus, & prægnantibus. In lactantibus verò non tam per venas illas & mammariam, quam per ipsam venam axillarem recurrit in mammas, vt lacti materiam suppeditet.

Diximus denique, sanguinem hunc vtiliter fluere, tum ratione indiuidui, quia mulier scatet humore isto superfluo: tum prolis suscipiendæ causâ, si debitis qualitatibus præditus iustâ mensurâ & certo spatio temporis conuenienti vacuetur, sine dolore aut aliis accidentibus. Conditiones istas complexus est Hippocrates 2. *prorrh.* & lib. 1. *γυναικεῖων*, dum vult sanguinem istum per trium dierum aut ad summum quatuor spatium ferri debere florentem, & qualis è recenti victimâ mactatâ conspicitur, duarum cotylarum seu heminarum atticarum mensurâ, quæ libram vnâ cum dimidia efficiunt, plus minus tamen, pro variâ corporis constitutione, & viuendi ratione. Hæc est naturalis œconomia huius menstruæ purgationis in mulieribus, quæ sanæ existunt & ad prolem suscipiendam idoneæ. Ex cuius cognitione facilius erit nunc ea quæ præter naturam illi accidunt, perferuari.

Imprimis autem agendum de suppressione vel imminutione illius, tum quia frequentior est inter alia mulierum symptomata: tum etiam quod affinitate quadam coniuncta est cum superiori affectu, quem dicebamus sæpius ex suppressis mensibus pendere. Vt igitur rem ipsam definitione complectamur, dicimus, suppressionem istam esse symptoma retenti præter naturam sanguinis menstrui, propter ipsius materiæ vitium, viarum vel vteri impedimenta, ex quo varij oriuntur affectus morborum. Hac definitione complectimur naturam ipsius affectus, quæ est posita in secundo symptomatum genere, dum aliquid quod excerni debet naturaliter à corpore, cohibetur intus à causâ morbificâ ex toto vel ex parte, vnde abolitæ vel imminutæ functionis effectus dicitur: ita vt aliquando retentrix, aliàs expultrix laboret aut otietur, per sympatheiam aut idiopatheiam læsa, vt deinde clariùs apparebit. Complectimur subiectum & partes affectas, quæ materialem causam repræsentant, dum dicimus esse symptoma sanguinis menstrui seu purgationis muliebris, quæ peculiariter per vteri ductus vacuari solet, vt distinguatur ab omni aliâ vacuatione sanguinis quæ sit per alias partes, vt nares, menses, vesicam, &c. quæ non sunt dicatæ generationi prolis, vt ista purgatio vterina. Complectimur efficientes propinquas seu coniunctas causas, easque sub tria potissimum capita reuocamus, materiæ scilicet ipsius, nempe sanguinis fluxuri, venarum & vteri vitia. Sanguis porro vel quantitate exuperat,

rat, vt quando nimius est, & copiâ suâ ita opplet venas, vt sibi ipsi aditum & exitum præpediat, quemadmodum videre est ex Galeno libro sexto de locis affect. cap. 4. in vesicâ nimio humore plenâ, qui ob distentionem illius excerni nequit: in multitudine hominum, qui dum per ianuam aliquam simul exire contendunt, ipsimet sibi viam occludunt, & similibus. Vel quantitate deficit, paucus enim & diminutus valde sanguis non potest naturam sollicitare ad excretionem, quæ prius de indiuidui conseruatione sollicita, quam speciei propagatione, exiguum istum sanguinem ad partium alimoniam seruat, neglectâ vterinâ istâ purgatione. Vel peccat proprio motu ista materia, quæ debet esse *καραρροια* versus vteri vias, deflectit aliquando cursum suum ad superiora, vt in hæmorrhagiâ narium, vomitu vel sputo sanguinolento: aut deriuatur in vesicam, mariscas & similes ductus, per quos copiosius vacuata, non fertur deinceps commodè ad vterum, vt ibi menstruâ purgatione pro more solito excludatur. Vel denique sanguis iste peccat qualitate, crassitie nimirum vel lentore, ex proprio suo vitio, vt quando tota massa sanguinaria nimium refrigeratur aut exsiccatur: Vel permixtione alterius humoris excrementitij, pituitosi potissimum & melancholici, qui simul cum illo amandatur in istos ductus vterinos, vnde vasorum etiam obstructions exurgunt. Secundum enim caput causarum efficientium proximarum suppressionis & imminutionis menstruum refertur ad ipsas venas & arterias, siue sint ipsi vtero propriæ, siue propagines hepatis, lienis, mesenterij & aliarum partium, ex quibus materia ista in ductus istos proficiscitur. Hisce vasis *σύνωσις* vel *ἐμφραξις* contingens intercipit fluxum menstruæ purgationis: à *σύνωσι* factæ angustiores vel naturâ ipsa, vel frigiditate nimia, siccitate, aut compressione vicinorum corporum, non præbent iustum canalem humori fluxuro: per *ἐμφραξιν* verò oppletæ succo aliquo crasso & lento, qui interioribus earum parietibus adhæret, fieri non potest vt sanguis ille menstruatim effluens penetrare possit ad vteri vsque cavitatem. Et hæc est frequentissima suppressæ vel imminutæ istius vacuationis causa in corpore muliercularum frigidior & cacochoymo. Tertium denique caput causarum istarum propin quarum efficientium refertur ad ipsas vteri dispositiones morbificas: nam & intemperies illius insigniores id præstare possunt cum materiâ & sine materiâ: insignis vero frigiditas & siccitas constringendo & densando corpus vteri: caliditas vehementior, quia siccatur & resouit potenter: potissimum quando materia aliqua siue humor penetravit in substantiam istius partis, & tumores præter naturam committit: tunc enim vix datur ingressus huic humori periodicè fluenti, tum quia pori ipsius vteri sunt oppleti, tum etiam vasa in illius cavitatem desinentia, & cotyledonas constituentia comprimuntur. Idem dicas de nimia mole, & pinguedine, vel stricturâ naturali vteri, illius malo situ, procidentia, euerfione, seu distorsione osculi interioris: cicatricibus grandioribus post abortum, partum laboriosum, & quæcumque vlcera relictis, pelliculâ ductum obturante, vt in eis quas *imperforatas* vocant, coalitu ceruicis parietum, & sic de reliquis propriè matrici vel eius collo in hærentibus, necnon sympathicis affectibus qui idem præstare possunt, vt intestini recti vel vesicæ tumoribus & calculo grandiori, omento pinguiori, musculorum abdominis præcipuè rectorum inflammationibus, & aliis tumoribus, quæ omnia aliquando originem, aut saltem ansam huic affectui præstare possunt. Iam igitur videamus quomodo externæ illæ causæ seu res non naturales dictæ istas interiores, tam antecedentes, quam coniunctas promouere valeant.

Primum igitur aer frigidior sicciorque, vt aquilonia tempestas, constringendo vehementer poros, ductusque corporis, & humores condensando potest aliquando cohibere vel retardare istam purgationem, præcipuè in eis quæ non sunt assuetæ illi tempestati. Ingressus præceptus in aquam frigidam aut nimia mora in flumine, vt balneatricibus aut pauperculis contingit quæ lixiua lauant, idem præstare potest, potissimum si tunc fluxerint menstruæ purgationes: quia eas intrò repellit & sanguinem congelat. Aliquando, sed rarius, aer feruidus, qualis sub Caniculâ, multum dissipando & resoluendo, materiæ istius sanguineæ facit tardiorrem vel parciorem *καταρροιν*. Quod eodem modo dici potest de æstuario & balneo calidiore, cui se imprudenter immerferint: quia euocant motum humorum ad exteriora: sudoresque copiosos prouocando rapiunt & absument serosam partem sanguinis, propter quam maximè fluxilis existit. Alimenta etiam in hoc affectu producendo maximam vim obtinent, tum materiâ suâ, tum qualitatibus variis, necnon quantitate: nam pauciora alimenta quam par sit, non reficiunt conuenienter corpus, nec istam sanguinis

sanguinis redundantiam efficere possunt, quæ menstruatim expurgatur: unde videmus illas quæ præter naturam, id est accidenti aliquo valde gracilescent, destitui hac purgatione per longum tempus: nimia autem & intempestive sumpta, potissimum dulcia, copiosiore efficiunt sanguinem; ut dicebamus, ex cuius multitudine distenta vasa non permittunt illi exitum convenientem: vel certe effusus circa spatia & membranas partium concrevit in adipem, & præ mole suâ ductus corporis reddit angustiores: unde præpingues istas mulierculas, quales solent esse quæ hospitium faciunt, laborare *στυγνοχολία* & parum purgari certissimum est. Quod si alimentis crassis & viscidis, potu frigidiorē, crudioribus cibis frequenter vescantur, non est dubium, quin sanguinem reddant pituitosiores, ductus & orificia venarum humore lento oppleant, propter cuius infarctum abortis obstructionibus vix deinceps convenienter purgari possunt, nisi mutatâ victus ratione. Potest etiam aliquando ex alimentis calidioribus siccioribusque magnâ copiâ sumptis, ut sale, aromatibus, & reliquis hæc purgatio sisti, tum quia exsiccant valde partium substantiam, potissimum hepatis, tum etiam sanguinis ipsius liquorem absumunt & exhauriunt. Adstringentia denique alimenta, acida nimirum, acerbâ, austera, & similia manifestissimis illâ qualitibus præstare solent, dum ductus coarctant & humores condensant. His adde exercitationes violentas, & immoderatas vigilias, quibus exhauritur valde corpus, propter quas dicebamus saltatrices foeminas, Amazonas, Indicas & rusticanas parum aut nihil purgari. Quemadmodum somnus diuturnior & otium nimium multiplicatis cruditatibus, & eneruato calore nativo idem aliquando efficiunt. Excreta verò & retenta præter naturam, siue sint sanguineæ materiæ, ut dicebamus de hæmorrhagiâ narium, oris & hæmorrhoidum; siue alterius cuiusvis, ut per diarrhœas immensas, vomitus continuos, sudores & urinæ profluvia: siue etiam insensibiliter facta per *διασπορὴν*, ut videmus in marasmo, febribus diuturnis, scirrho internarum partium & ulceribus, potenter sistunt istam purgationem, quæ non prius restituitur, quam eiusmodi vacuationes sedatæ fuerint. Denique animi pathemata, quibus misere fluctuat sexus hic muliebris, iracundia vehemens, timor subitus, mœror perseverans, zelotypia grauis & similia, tantam illis perturbationem inferre solent, ut plerumque post calidos istarum passionum insultus destituantur hac purgatione in totum, vel saltem per plures menses, potissimum si illis fluentibus ista pathemata superuenerint. Nunc igitur ad signa veniamus.

Diagnosis autem speciem siue naturam affectus, partem primario vel secundo laborantem, & causas ipsius affectus varias hic designare debet. Quod ad speciem igitur affectus spectat, duo sunt Aphorismi apud Hippocratem, qui ad hanc rem pertinere videntur. Primus *sect. 5. Aphorism. 39.* ita se habet. *Si mulier quæ neque pragnans est, neque puerpera, lac habet, ei menstrua defecerunt.* Quasi velit Hippocrates hoc Aphorismo lac in mulieribus iustæ & vigentis ætatis apparere posse, quotiescunque menstrua defecerint, quamvis neque sint gravidæ, neque pepererint: quod tamen rarum est apud nos, & potius propter authoritatem Hippocratis creditum, quam ullâ ratione confirmatum. Cum enim lac in muliere potius sanâ generetur, quam morbis obsessâ, & fiat foetus nutriendi causâ: non videtur credibile retentis menstruis propter causas morbificas, & nullâ prole susceptâ lac generari posse, etiam sine virili concubitu, utpote in virginibus & castitatem servantibus; quemadmodum ibi videtur sentire Hippocrates. Quid dicemus igitur de hoc Aphorismo? an omnino reiiciendus ut spurius & à veritate alienus? an potius dicemus Hippocratem per lac non veram illam lactis substantiam quæ proli nutriendæ idonea sit, intellexisse: sed ichorem subalbidum & saniosum, quò sæpe virginum mammas etiam morbosarum quando menstrua diutius defecerunt, imò etiam quorundam virorum, abundare conspeximus, magnòque pruritu & molestiâ exire. Alter Aphorismus est *61.* eiusdem sectionis. *Si mulieri purgationes non prodeant, quæ prius eas recto natura modo habere solebat, nullo tamen horrore aut febre superueniente, coniectura est eam in utero gerere:* ita ut his verbis innuere videatur Hippocrates, suppressionem istam menstruorum morbosam inferre mulierculis horrores ob refluxum materiæ iam viciatæ aut frigidioris in sensiles partes & habitum corporis. Febres autem, ob conceptam putredinem, quæ humoribus præter naturam conclusis accidere solet: quamquam enim hoc non sit perpetuæ veritatis, multis enim menses sine isto horrore & febre suppressi præter naturam & per plures menses conspiciuntur. Attamen in *cachymia* illud contingere frequenter, verissimum est. Unde

istud clarius explicans i. γυναικίαν. Tercio, inquit, mense post suppressa menstrua incipiunt sentire suffocationes & horrores, lumborum grauitatem & quandoque febrem. Quod si suppressio diutius perseveret, addit, iam incipit obdurescere venter, (spinalis regio dolere, cibi fastidio & vigiliis urgeri, ita ut dentibus dormientes strideant. Tandem anxia sunt, animo linguuntur, frequenter vomunt, pecten intumescit, & vrina aliquando supprimitur, vel rubra, nigricans, aut saniosa excluditur: quod Galenus fere expressit cap. 5. lib. 6. de locis affectis. Qua in re solertem & accuratum valde oportet esse Medicum, ne decipiatur à mulierculis grauiditatem dissimulantibus & accusantibus causas morbificas istiusmodi suppressionis, ut remedia accipiant à Medicis, quibus abortum sibi conciliare valeant. Quamuis enim multa sint accidentia communia grauidis, & iis quæ præter naturam suppressos habent menses, attamen illa sic distinguere oportet: quia grauida, ut plurimum viuio & florenti colore præditæ sunt, qui in istis defœdatur: quia grauidarum symptomata iam aucto foetu mitescent, contra in aliis magis ac magis perseverante affectu sæuiunt: quod denique motus & situs infantis sensibilibiter percipitur admotâ ventri manu post octauum mensem in grauidis, in istis vero minimè, sed tumor quidam œdematosus, vel durities insignis, quæ non habet circumscriptionem suam cum vtero limitatam. Adde quod si os vteri à peritâ obstetrice tangatur, non ita clausum ut in grauidis reperietur, sed durum potius & quasi contractum cum quodam dolore.

Cognito igitur affectu deprehendenda diligenter pars affecta & causa affectus proxima. Ac proinde si totum corpus sit hic in vitio, aut pars aliqua princeps, vel alia ad vitæ vsum necessaria, quæ sanguinis quantitatem, qualitates, aut motum immutet, vel vasis & vtero noxam inferat ex sympathiâ: illud agnoscendum perlustratis omnibus signis earum dispositionum, quæ præcedere potuerunt hanc menstruorum suppressionem. Exempli causâ vniuersum corpus huic affectioni ortum dedisse propter plethoram redundantem, apparebit, si venæ valde fuerint in cruribus & brachiis distentæ ac nigricantes: si fœmina corpulentior aut rubicundior appareat: aut propter defectum sanguinis, si obesior solito facta fuerit, si diuturnam febrem, & quartanam perpeffa, si inediâ coacta, vel fastidio cibi vexata fuerit: aut etiam immutato motu, quando per hæmorrhagias illas commemoratas excluditur sub propriâ formâ: vel rapitur serosa materia per alias quascunque, ut diarrhœas, vomitus, sudores, aut vrinæ profluvia: idque factis obstructionibus in vasis maioribus aut iecore, liene, mesenterio, & reliquis, vel intemperie aliarum quæ attrahunt aut repellunt eiusmodi humorem. Sanguinis denique refrigerationem, crassitiem & lentorem proprium, vel ex permixtione cum pituitoso aut melancholico excremento dignoscet: quia totum corpus, hepar, lien, aut ventriculus intemperiem contraxerunt aliquam, vel obstructionem: quia color iam est defœdatus in cute: pulsus infirmior: vrina alba aut tenuis. Quod si angustia aut obstructio vasorum illi adiungatur, labores & dolores in lumbis & partibus prope vterum sitis, instante purgationis tempore persentiuntur: & si quid tum effluat, & quasi percoletur, mucosum, subalbidum, aut nigricans apparet, vnde dicuntur ab Hippocrat. menses decolores: quod linteolis aut arenâ exceptum, ut idem docet Hippocrates libro cit. tale sese ostendit. Præterea venas aut vterum comprimi vel coarctari ex incumbente tumore, calculo, vel aliâ plenitudine vicinæ partis, earumdem ostendent prægressi affectus. Quod si illa obstructio sit intra vasa aut vteri poros, quæ est frequentissima huius affectus causa, ingrauescunt dolores circa periodum istam, lassitudines & grauitates sentiuntur: aliquando stillæ sanguinis velut transcolati aut expressi apparent, periodos illa retardatur aut anteuertit magno naturæ cruciatu, quæ expellere quidem, sed frustra ob viarum impedimenta nititur. Vbi verò ipse vterus intemperie insigni, tumoribus præter naturam, malo situ, procidentia, euerfione, distorsione osculi, cicatricibus, pelliculâ vel coalitu laborat: propria signa ex sequentibus capitibus, vbi ista explicabuntur, repetenda erunt: quorum pleraque ex relatu ipsius ægrotantis, vel contactu & inspectione harum partium habebuntur.

Quapropter in hoc affectu prælagire non erit difficile. Nam si ista retentio menstruorum sit præter naturam, neque ex ætatis defectu, grauiditate, puerperio, aut lactatione dependens, sed à puris causis morbificis à nobis enumeratis, innumera consequuntur mala in corpore muliebri, ut iam fuit annotatum ex Hippocrate *Aphorism. § 7. sect. 5.* quorum alia in toto corpore sunt, ut quando febres oboriuntur, lepræ, leucophlegmatix: aliæ partem aliquam peculiariter impetunt, ut manix, melan

melancholiæ, lipothymiæ, *καρβασαί*, ophthalmiæ, ciborum fastidia, anhelationes, tusses, sanguinis vomitus, arthritides 6. *epid.* podagra *Aphorism.* 29. *sect.* 6. cruris claudicatio *lib.* 6. *epid.* & similia. Alia in ipso utero contingunt, unde variæ in illo intemperies, & tumores præter naturam pro varietate humoris retenti, abscessus & ulcerationes. Ex quibus si diutius conflitentur mulierculæ, vel moriuntur, vel proli suscipiendæ omnino redduntur ineptæ. Quod fufius apud Hippocratem *libro sæpe citato* 1. *γυναικείων*, tractatur. Est etiam memorabile quod refertur ab eodem, quibusdam mulieribus robustioribus ob retenta diutius menstrua barbam emerfisse, & viris similes quoad incessum & alias actiones, redditas fuisse: quod verisimilius est, quam quod narrant, quibusdam etiam membra generationis foras erupisse, & verè masculos euasisse; nisi forte prius hermaphroditi existerent. Scripsit idem Hippocrates, suppressionem quæ ultra sex menses durat, esse immedicabilem, quod intelligendum est de retentis in ipso uteri corpore aut cavitae menstruis, quæ ibi putrescunt & suppurantur, ut in retentis lochiis videmus; non autem de quacumque suppressione, cum à nobis contrarium perpetuò obseruetur, & ipse *lib.* 4. *epid.* tradiderit ancillam quandam (& 5. *epid.* 4. Gorgiæ uxorem) cui per septennium suppressa fuerunt menstrua, illis tandem redeuntibus sanitati restitutam fuisse. Minus periculosa vero est ista suppressio, quæ à multitudine sanguinis optimi exoritur, à pinguedinis copiâ, gracilitate, vel hæmorrhagiâ, & vacuationibus aliis, quia causæ illæ si non multum inualuerint, facillè tolli possunt. Aëgrius curantur, quæ ob succorum prauitatem, vasorum obstructions aut angustiam torquentur, quia rebellis ille humor, & in penitiores meatuum partes insinuat, non nisi rectis remediis, & diuturnâ operâ, cuius mulierculæ istæ sunt valde impatientes, educitur. Sed omnium pessima, quæ ex proprio uteri affectu proficiscitur, quia parte illâ per *ιδωπάθειαν* læsa, quæ est veluti sentina muliebris corporis, difficulter curari potest ob perpetuum excrementorum affluxum: quemadmodum si sequatur illius cicatrices altiores, malos situs aut conformationes. Atque hæc de prognosi.

Ad *θεραπεύειν* igitur accedentes, meminisse semper oportet, rationalem & methodicam curandi legem id semper habere propositum, ut non promiscuè & sine delectu remedia affectibus præter naturam adhibeat, sed habitâ varietatis causarum ratione, à quibus illi exoriuntur. Ac proinde cum affectus iste tot patiatur causarum differentias, ideo solers Medicus illis cognitis, ad medelam cuiusque particularem accedere debet, quæ triplici instrumentorum genere perficitur, ut sæpe fuit annotatum.

Imprimis itaque causæ omnes externæ ita componantur, ut oppositæ sint generi causarum internarum, à quibus suppressionem istam oboriri posse scripsimus: Vt-pote si à repletione insigni sanguinis & pinguedinis copia, oboriat ista suppressio, imminuenda erit tam victus ratione, quam venæ sectione illa plethora: venæque secanda imprimis cubiti, quocumque tempore videbitur, & largâ manu. Cum enim dixerimus sanguinem tunc suâ copiâ nimium implere venas & sibi ipsi aditum ad minutula uteri vasa præpedire: si quidem venæ illæ inferiores prius aperirentur, traheretur adhuc magis ad uterum: si exitum non inueniret conuenientem per orificia illorum, metus esset ne disrumperet venam aliquam interiorem, aut effunderetur in ipsum uteri corpus, ibique inflammationes, suppurationes, aut aliud genus tumoris præter naturam induceret. Ac proinde in hoc casu non est audienda illorum, ut Mercurialis, sententiâ, qui ex Galeno *cap.* 11. & 18. *lib. de curandi ratione per venæ sectionem*, putant in suppressione mensium nunquam tundendam esse venam in cubito: non enim ratione suppressionis simpliciter illam tundimus, sed ratione plethoræ, quæ causa est, cur sanguis non ita commodè per vasa feratur: quâ sublata licebit postea, ut docet Aëtius *libro* 16. *cap.* 51. circa solitam mensium periodum venas crurum aperire, ut alliciatur sanguis versus inferiora. Quod eodem modo frictionibus, ligaturis, scarificatu, cucurbitulis, circa coxas, hirudinibus, lotionibus crurum in aquâ tepente, semicupio ex rerum aperientium & mollientium decocto præstari poterit.

Vbi verò ab insigni defectu sanguinis contingit ista suppressio, propter inedias, gracilitatem ex marasmo, febre diuturnâ, vacuationibus magnis sanguinis aut alterius materiæ: Tunc non prius sollicitandi menses, quam conuenienter alimentis refectionem fuerit corpus, vires instauratæ, omnisque morbus, qui illius inanitionis causa existit princeps, ritè expugnatus fuerit. Tum demum si natura muneris sui oblita non reuertatur ad pristinum officium, vel præposterè moueat in alias partes, ut

per hæmorrhagias patet; reuocanda erit fluxio sanguinis in vterum, tum phlebotomiâ ex venis cruralibus, tum aliis remediis iam dictis; ita tamen vt sanguinis quæ educetur quantitas valde sit moderata, partitisque vicibus celebretur ratione virium, potissimum circa ordinariam periodum, vt diximus, in illis quæ iam purgari solitæ erant: quo sanguis tunc temporis magis fluxilis reddatur, & impetus naturæ renouetur. Idem dicas de motu præpostero naturæ, qui compescendus est repellentibus, & intercipientibus circa partem & vias quæ suscipiunt; attrahentibus verò sanguis compellendus in vteri vasa, quæ ideo laxari debent emollientibus & aperientibus sumptis & admotis, quorum exempla deinceps patebunt.

Sed quoniam frequentissimam istius affectus causam collocauimus in sanguinis ipsius fluxuri malis qualitatibus, crassitie scilicet & lentore ob proprium vitium in ipsâ massâ sanguinariâ: vel excrementorum quæ in vteri ductus deriuantur, pituitosi potissimum & melancholici permixtionem, cum vasorum angustia vel obstructione: Ideò prolixiores erimus in eiusmodi causa profliganda, cui opponenda sunt de more tria illa Medicinæ instrumenta tantopere celebrata. Quamuis autem in superiore capite iam ista videantur maiori ex parte explicata, attamen quædam à nobis adhuc non negligenda proponuntur. Galenus igitur *comment. in Aphorism. 36. sect. 5.* vult istiusmodi suppressionem curari victu attenuante, purgatione excrementi dominantis, remediis incidentibus & detergentibus, inter quæ diacalaminthen celebrat; tum balneis, fotibus, suffitibus aromatum, & pellis accommodatis. Victum autem attenuantem laudat, quia crassities & lentor sanguini proprius, vel ob excrementorum miscellam aduentitius, non potest commodius corrigi, quam euitatis eis quæ talem humorem producere apta esse diximus, eisque exhibitis alimentis, quæ incidendi & detergenti potestate pollent, qualia à nobis superius recensita fuerunt: necnon rectâ aliarum rerum non naturalium constitutione, quæ ad idem conspiret. Multas enim nouimus, quæ aquâ frigidâ sese ingurgitantes, fructibus immaturis, oleribus crudis & similibus, solo victus genere mutato percuratæ fuerunt. De hoc igitur diligenter erunt monendæ. Deinde si videatur pertinacior affectus, quàm vt solâ diætâ sanari possit, ad reliqua veniendum. Cùmque in repletionem quadam positus sit ob vacuationem istam retentam, dubitari potest, vtrum in hoc etiam casu vena tundenda sit, cuius partis & quomodo. Nam Galenus *libro citato* non meminit phlebotomiæ, tum quod per sanguinis missionem ex venâ cubiti magis refrigeraretur totum corpus & inspissaretur materia fluxioni dicata: tum etiam reuelleretur à loco per quem euacuanda videtur. Nos itaque in propositâ causâ non censemus ex vsu esse phlebotomiam in cubito celebratam, quæ plethoræ vacuatiua propriè existit; neque etiam ex cruribus, nisi prius expurgato conuenienter corpore ab istis excrementis, attenuatâ materiâ, & vasis apertis ac dilatatis, per quæ sanguis tunc commotus istis venæ sectionibus inferiorum partium commodè possit circa consuetam periodum effluere: Vnde etiam Galenus *libro de curandi ratione per phlebotom.* venam tali secat in nigricantibus & gracilibus fœminis: in albicantibus verò & carnosissimis abstinet, tum quod paucos sanguine præditæ sint: tum etiam ob exiles venas quæ vix in illis reperiri possunt: Ideoque contentus est cucurbitulis pectini & coxis admotis, crurum scarificatu, frictionibus, & vinculis dolorificis, quæ sufficient ad attrahendum sanguinem in vteri vias, quando iam sufficienter præparatus fuerit. Nos certè in istis mulierculis, quibus vix licet sanguinem mittere, nihil præstantius ad cacochymiam exhauriendam, & sollicitandos menses obseruauimus, quam cauterij in vtroque crure admotionem, vt per vlcuscula ista continuo effluant ichores superflui, & humorum cursus versus inferiora dirigatur. In illis etiam quæ varicosas venas in coxis & tibiis patiuntur ob retenta menstrua, vidimus quandoque circa purgationis istius tempus illarum vnâ aperiri, quæ magnam excerneret sanguinis copiam, purgationi mensuræ respondentem. Sed hoc non est sine periculo, quia aperturæ istarum venarum non fiunt conuenienti orificio, sed per *ἐκτὸν* aut *διὰ σπινθῆρος*: vnde imminet metus largioris hæmorrhagiæ & aliorum grauissimorum symptomatum. Adde quod quamuis ex istis sanguinis excretionibus, & per nares, mariscas, aut vomitus videatur subleuari fœmina, vt est *Aphorism. 33. sect. 5.* vbi Hippocrates hæmorrhagiam narium in retentione mensium bonam esse voluit: attamen non est permittendus ille naturæ motus, quia si perseveret, intercipitur omnino spes suscipiendæ prolis.

Videndum ergo deinde, quod genus excrementi in sanguine dominetur, pituitosi scilicet,

scilicet, aut melancholici, propter cuius permixtionem inspissatur, & vasorum ductus obstruuntur: ut conueniens illi expurgatio & præparatio instituatur, ex *Aphor. 36. sect. 5.* Inter alia autem cathartorum genera laudat valde Galenus *lib. 3. cap. 8.* καὶ τὸ πᾶν in hoc affectu confectionem de hierâ simplicem & compositam, pilulas de hierâ cum colocynthide: quia præterquam quod educunt conuenienter humores resistentes, habent etiam facultatem expurgandi vterum propter aromata, & vias aperienti. Præmisso itaque clystere conuenienti, cuius hic magnus usus esse solet, ob incumbentem intestino vterum; præscribatur hiera ista cum paucis diaphœniconis in pituitosis; vel cum confectione Hamec in melancholicis, in formam boli, singulis mensibus repetendi, antequam præparantia, incidentia scilicet, detergentia & menses prouocantia exhibeantur, tam intus quam foris, quod per sex aut septem dies præcedentes solitam periodum frequenter erit repetendum, si rebellis sit & contumax affectus, ut solet plerumque. Nos apozematis nostris, iulepis, syrupis magistratibus, pilulis & opiatibus aperientibus, detergentibus, expurgantibus & roborantibus, quorum exempla habetis superiori capite descripta, illud præstare solemus. Inter simplicia autem cathartica commendatur hodie pulvis radicis mechoacan veri, qui ad 3 j. sumptus, cum pari pondere pulueris ducis dicti, ex iusculo cicerum rubrorum valde creditur expurgare illuuiem istam vterinam, semel aut bis in mense sumptis, quod idem dicunt de puluere tartari albi. Aliquando potentiori καθαρτικῷ & quasi μοχλικῷ vtendum erit, ut loquitur Galenus *comment. in sect. 1. part. 6. lib. 6. epidem.* post humectatum conuenienter & præparatum corpus, tam victu quam fortibus & balneis. Imo non reiciit vomitoria in hoc affectu validiora, si quidem soboles excrementi pituitosi, quod in vteri venas deuoluatur ex cerebri catarrhosâ dispositio: ne vel infarctu ventriculi pendeat. Nos more nostro infundere possumus agarici recens trochiscati 3 ij. in 3 iij. oxymelitis, vel in decocto radicum rubiæ, deinde dissoluere benedict. laxat. 3 ss. erit quippe accommodatissimum purgans in hoc casu, quod non solum inferiorum, sed etiam superiorum partium saburram commouebit. Pariter infusum agarici in succo mercurialis, cum paucis croco, valde commendatur in hoc affectu. Si magis arrideat forma pilularum, præsto sunt, de agarico, coccinæ maiores, & minores, arthriticæ, & similes, quibus aliquid diagredi vel trochiscorum alhandal addi potest, ut vis earum acuat.

Post purgationem istam præparetur humor peccans, & viæ disponantur, ut minoris est, conuenientibus quibusdam iulepis, vel decoctis, ducto initio à leuioribus, ut aquâ graminis, melissæ, & fœniculi, in quibus dissoluti fuerint syrupi de byzantiis & de duabus radicibus cum puluere diaireos: deinde decocto radicum rubiæ maioris, ruscii, cicerum rubrorum cum paucis croco & cinamomo. In pituitosis nihil præstantius reperies ad eiusmodi παρασκευὴν, quam si totos duodecim dies mane bibant decoctum ligni guaiacini, cui additum fuerit parum dictamni Cretici: sine sudoris prouocatione. Interea pro anni tempestate parentur balnea, quæ secundum Philon. prouocant menses, quia calfaciunt corpus, subtiliant humores & vias laxant. Eorum vicem obtinent semicupia, pedum lotiones, vel foci ex mollientibus, incidentibus, & attenuantibus, prout magis ex usu esse videbitur, ut deinceps iteratâ purgatione & præparatione circa periodum consuetam mensium alliciatur sanguis ad vterum venæ sectione in cruribus, frictionibus, ligaturis, cucurbitulis, & similibus auxiliis sæpe commemoratis.

Quod si rebellior iste affectus non pareat communibus hisce remediis, tunc ad valentiora progrediendum erit, tam sumpta quam admota: Vnde Galen. 5. *de simpl. fac. c. 21.* dum agit de diureticis, γαλακτοποιητικοῖς, & menstrua prouocantibus, eorum varia constituit genera, prout magis vel minus essentia suæ tenuitate & calore sanguinem fluxilem reddere, venarum oscula in vteri & eius ceruicem desinentia referare, atque expultricem vim ad consuetum munus lacessere valent, præterquam quod substantiæ quadam proprietate vtero amica & familiaria existunt. Vbi igitur mitiora expertus eris, tunc exhibere poteris fortiora, v.g. trochisc. de myrrhâ 3 j. cum paucis hydromelite per tres dies continuos mane, periodo mensium instante. Vel decoctum sabinae & summitatum lauri cum paucis cinamomo. Habentur ex Montagnana etiam pilulæ ad hoc efficacissimæ.

℞ Trochisc. de myrrhâ 3 j. ss. semin. petrosel. castorei, & corticis cassiæ, an. 3 j. moschi gr. x. Cum succo apij formentur pilulæ duodecim. Capiat duas mane, vel in ingressu lecti per aliquot dies, quibus si incallescere nimium videatur corpus, sumat aquæ graminis vel decocti liquiritiæ 3 iij. cum radicibus diureticis.

Alij ex puluere radicū rubiæ & aristolochiæ cum paucō agarico & cinamomo conficiunt pilulas cum syrupo de artemisiâ, & pariter exhibent; magis enim conuenit pulueris cum liquore aliquo sumpti vel decocti ipsius vsus, vt facilius in vias illas remotissimas vires remedij deferri possint: nisi id ingratum esset istis ægrotantibus. Quidam vero fermentum verus ad quantitatem auellaniæ, cum pari quantitate sacchari in formam boli per tres dies mane: vel aquam dissolutionis eiusdem fermenti exhibent. Sic Galenus *lib. 1. de sang. missione cap. 17.* nepetam & pulegium in tenuissimum puluerem redacta propinat cum aquâ coctâ in exitu balnei, quod medicamentum melius esse ait: valentius autem quod ex sabinæ & dictamni puluere paratur cum aquâ mulsâ. Hippocrates *lib. de superfatatione* exhibet porri succum cum vino dulci, vt auidius trahatur à partibus: Item decoctum seminis apij, cumini, & asparagi in hydromelite. Imo idem Hippocrates *lib. de naturâ muliebri* cantharidas quinque, auulsis alis, capite & pedibus, puluerisatas exhibet cum mulsâ. Quod hoc tempore valde periculosum esse quidam hydropici & quibus vrina suppressa erat, nuper experti sunt. Metus enim est, non solum inflammationis, sed exulcerationis partium. Ideo tutior erit vsus pulueris à nobis superiori capite ex chalybe præparato descripti, cui multi addunt pollinem vermium terrestrium præparatorum ad 3 j. & aliquando ʒj. noctilucarum cum gummi ceraforum.

Præter assumenda ad menses ciendos idonea, sunt etiam admouenda ad illud accommodatissima, nempe suffitus, pessi, & iniectiones seu metrenchytæ. Vnde *Aphorismo 28. sect. 5.* fumigium ex aromatibus vocat *γυναικίαν ἀγῶγην*. Suffitus ergo, vt & fatus *ὑποστυπὴν* & *ὑπερστυπὴν*, duplices sunt, humidi & sicci. Humidi dicuntur illi, qui fiunt ex decocto calente sub formâ vaporis in vteri cavitatem eleuato: sicci verò, qui ex puluere, vel trochiscis supra prunas coniectis exhalant. Exemplum suffitus humidi ad menses ciendos tale esse potest.

℥ Rad. cyperi, corticis citri sicci & fœnicul. ana ʒj. rad. valerianæ, cucumeris agrestis & ireos nostratis, an. ʒj. folior. nepetæ, calamint. origani, matricar. & tanacet. an. M. j. seminis apij & dauci, spicæ nardi, an. ʒij. flor. genist. calend. & centaurij minoris, an. P. j. Bulliant in aquâ & vino albo, quod decoctum modicè calens operiatur patellâ perforatâ, cui annexi debet fistula oblonga, quæ sinum pudoris attingat. Excipiat eiusmodi fumum mane & sero in ingressu lecti, bene vestibus contecta.

℥ Puluer. rad. aristoloch. rotund. & peucedani, an. ʒij. puluer. ireos Flor. ʒj. semin. nigellæ romanæ & apij, castorei, myrrhæ, an. ʒss. folior. sabinæ, cinamomi & trochiscor. galliæ moschatæ, an. ʒj. Excipiantur succo fœniculi, vel melle mercuriali. Fiant trochisci lupinares, quorum duo vel tres iniiciantur supra carbones vel lapides ignitos, sub sellâ perforatâ positos. Excipiat fumum vt suprâ. Attenuat & incidit materiam obstruentem, aperit orificia vasorum, & sanguinem ibi contentum elicit: postea inunctio aliqua conueniens, vt ex theriacâ veteri succo mercurialis dissolutâ, vel oleo liliorum & de capparibus, cum croco & castoreo, administrari potest.

Quod si non arriserit hæc remedij formula, ad pessos seu pessaria erit transeundum: quorum etiam duplex est forma: quædam enim instar glandis breuioris, vel potius noduli confecta, *Nasalia* Practicis dicuntur, pro virginibus instituta: alia oblongioris sunt figuræ & crassiora, vt possint penetrare ad interius vsque matricis orificium. Fiunt autem multis modis. Sunt verbi gratia, qui radicem maluæ aut fœniculi purgatam inungunt melle, deinde aspergunt puluere seminis nigellæ romanæ, & aristolochiæ rotundæ. Alij decoquunt succum mercurialis, sabinæ, aut chelidoniæ cum melle aut cerâ ad consistentiam emplastri: Inde formant pessarium. Alij cum bombace, hierâ picrâ, puluere colocynthidos, trochiscis de myrrhâ, cinamom. agarico, & paucō castoreo, vel etiam moscho pro ditioribus, qui ex Scaligero, *exerc. 21. & 22.* miram habet eliciendi sanguinis facultatem; conficiunt pessum, & supertegunt panno sericeo tenui, qui inunctus oleo liliorum vel amygdalarum dulcium supponitur filo alligatus, vt commodè extrahi possit, dum eunt cubitum, & per horam vnâ aut alteram tantum relinquitur, ne inflammationem aut exulcerationem inferre possit. Imo remoto pessario si quis ibi ardor persentietur, ablatur locus lacte, vel eius sero, aut decocto hordei & passularum. Vulgares mulierculæ solent etiam sibi subdere in hos vsus allium leuiter tritum & oleo spicæ inunctum, vel solam mercurialem contritam, linteolo obuolutam.

Quod si perueniendum sit ad interiorem matricis cavitatem, non id commodius præstare possis, quam metrenchytâ seu clystere vterino, per idoneum siphonem

nem immisso : nam abluunt sordes partibus adhærentes , & quæ in antro illo delitescunt , necnon orificia vasorum interna reserat. Paratur autem ex decocto lauræ ad suffumigium instituto , vel consimili : Item ex solo succo mercurialis depurato , in quo parum benedictæ laxatiuæ sit dissolutum : Nolim enim ad acriora ascendere : imo post usum istorum , quæ intus tantum per horam vnam morari debent , vtile erit loca illa abluere decocto maluarum , hordei & violarum , vel hydromelite , sero lactis & similibus. Atque hæc sunt præcipua remedia aduersus mensium suppressionem ex dictâ causâ.

Quod si retineatur sanguis hic menstruus ob proprios vteri affectus insignes , videlicet intemperies , densitatem , vel tumores præter naturam , malas conformationes , exulcerationes , cicatrices , condylomata , ὑπερσπαρξίσις , membranas obturantes , coalitus & similia : tunc recurrendum erit ad propria capita , in quibus sigillatim de istis morbis curandis agemus , vel ad caput de sterilitate , quia ut plurimum eam inducere solent. Vnde desperato eiusmodi fluxu , per prædictos morbos , solemus in plethoricis fœminis venam frequenter aperire , aut sanguinem e naribus elicere , vel saltem ex hæmorrhoidibus , si apparuerint , deriuare , vitandi scilicet maioris mali causa , nempe ruptionis vasorum , cui , ut de athleticis corporibus annotauit Hippocrates *Aphorism. 2. sect. 1.* valde sunt obnoxia.

Sed quoniam sæpe contingit mensibus parce aut difficulter fluentibus , dolores & tormina grauissima exoriri , quibus miseræ istæ valde cruciantur ; id si fiat à materiâ acri & erodente permixta sanguini , temperanda erit fotu aut semicupio ex decocto violarum , maluarum , althææ & liliorum : iniectionibus ex lacte , emulsionibus seminum frigidorum , decocto liquiritiæ , & similibus frequenter repetitis : inter quæ olei de nuce indica iniectionem prodesse sæpius experti sumus : quemadmodum emulsionem ex seminibus frigidis per os sumptas. Si à flatu exoriantur , quod frequentissimum est , propter materias istas crudas & crassas sanguini permixtas , fiant fotus sicci & humidi ex carminantibus , attenuantibus scilicet & resoluentibus. Inunctiones ex oleis sambucino , rutaceo , chamæmel. & lumbricorum. Item pulvis cumini , aut coriandri per os sumptus cum paucis vino tenui , & generoso valde conducit. Idem dicas de emplastris & cataplasmatibus. Si tanta sit doloris vehementia , ut vulgaribus istis remediis non cedat , cogimur aliquando ad narcotica accedere : Vnde theriacam recentem , confectionem quæ requies vocatur , philonium romanum cum paucâ conseruâ capilli veneris , illis exhibemus , aut etiam cataplasmatibus instar admouemus supra regionem pectinis , cum paucis oleo chamæmelino , aut aquâ vitæ dissolutam ; sed hoc cum summâ cautione : ita ut his remotis , deinde aliquo linimento calfaciente & roborante utamur. Iam igitur ad alia transeamus.

CAPVT III.

De immodico mensium fluxu & eorum stillicidio.



SYMPTOMATA & affectus præter naturam ut vitia , in excessu & defectu posita sunt : Ac proinde cum superiori capite tractatum fuerit de mensium suppressione morbosâ ; iam instat ut de eorum profusione immodicâ , inordinatâ , & præter naturæ debitum factâ agamus. Cum autem rectum index sit sui & obliqui , repetendum ex superioribus illud Hippocratis , *1. γυναικίαν : Moderati* , inquit , sunt menses prodeuntes in omni muliere , si sana sit & iusta ætatis , neque grauida , neque ablactans , quando duarum heminarum atticarum mensurâ secedunt , aut paulo plures vel pauciores : atque hoc ad duos vel tres dies ; multo enim longius vel breuius tempus , morbosum & sterile est. Procedit autem sanguis velut victima recens mactata , & cito congelatur , si bene valeat mulier. Hæc est regula Hippocratica rationi & experientiæ consentanea , qua velut fundamento posita , sic definiamus propositum affectum.

Excretum scilicet sanguinolentum ab utero , copiâ vel tempore excedens , propter vasorum illius nimiam apertionem , ruptionem , vel vlcerationem factum. Dicimus esse

excretum sanguinolentum, ad differentiam alterius cuiusvis materiæ profluentis, vt postea patebit in capite de fluore muliebri : ita vt illud excretum non sit toto genere præter naturam, neque ratione materiæ quæ benigna est, neque ratione excretionis, quia natura instituit istam viam, per quam expurgaret redundantem sanguinem in corpore muliebri : vnde aliquando etiam immodica salutaris esse solet Galeno *cap. 5. lib. 6. de locis affectis*, vt in eis quibus per aliquod tempus suppressa fuerat, aut alio modo plethoricæ admodum euaserant. Sed ratione quantitatis illius & diuturnioris temporis, quæ non est proportionata cum hoc vel illo indiuiduo. Dicimus ab vtero; quamuis enim Galenus *comment. in Aphor. 57. sect. 5.* refert eiusmodi symptomata ad vitium vteri, vel totius, aut sanguinis: ibi tamen non respexit immediatas causas, sed remotas, quæ à variis partibus pendere possunt, cum semper oporteat in eiusmodi profusione immoderatâ, ipsa vteri vasa quæ sanguinem istum suscipiunt, aliquo affectu præter naturam teneri, vt is copiosius effundatur quam par sit. Cum autem duæ sint vteri partes præcipuæ, scilicet fundum & ceruix; intelligimus hanc fluxionem potissimum fieri ex venis fundi scilicet cavitatis, per quas naturaliter etiam expurgantur, cum illæ quæ in collo positæ sunt, non ordinariè aperiantur, sed cogente necessitate, vt aliquando in grauidis plethorâ affectis, vel dum nimis dilatantur præter naturam, quod Practici nostri hæmorrhoidas vteri vocant.

Diximus, copiâ vel tempore excedens, quia hæc superflua vacuatio potest fieri confertim & vnico impetu, quod Hippocrates *λαβρῶς καὶ διαλειῶς* appellat, quando scilicet spatio duorum vel trium dierum tanta contingit per istas vteri venas hæmorrhagia circa solitam periodum, vt vitæ vel alicuius maximi morbi impendeat periculum; vel potest fieri alieno tempore & non consueto diuturniore, aut certè bis vel ter in mense repetito: aut denique perpetuò & guttatim effluere, quod stillicidium mensium *σαλαγμὸν* appellant: tunc enim ad immodicam eorum vacuationem refertur. Quod si stillatim (*στέξιν καὶ ἀποστέξιν* vocat Hippocrates in *prorrhet. stillationes, substillas*) paucum & paucis diebus effluat, ad suppressionem potius pertinere videtur. Diximus denique hoc profluvium fieri apertis, ruptis, vel erosis vteri vasis, quibus verbis causas omnes immediatas istius affectus complexi sumus. Nam cum sanguis iste ab hepatis cauâ in venas vteri deriuatus, ibidem contineri debeat, donec solitâ periodo excludatur, reclusis earum orificiis conuenienter, vt solet in aliis partibus, quando natura plethoram suam criticè vel periodicè cum ægrotantis solatio exonerat. Contra si contingat *φυλακὴν* istam siue receptaculum male affici, tunc sanguis inuitâ naturâ aut saltem malis ægri rebus symptomaticè effunditur. Arteriæ autem & venæ tunc male afficiuntur, quando amittunt naturales suas dispositiones, propter quas aptæ sunt continendo sanguini: Sunt autem illæ vel in meatu seu orificio proprio, quod occlusum esse debet naturaliter; vel in contiguitate quæ proprios spectat poros, vel in continuitate partium positæ: vnde quando orificia seu oscula referantur nimium aut dilatantur præter naturam, vocatur *ἀναστομῶσις*, i. apertio morbifica: quando proprii pori dissoluuntur nimium aut rarefiunt tunicæ, dicitur *διάπυθξις*, quasi transcolatio: quando continuitas earum fit per vulnera, vnde *ῥήξις* ruptio, & *δαίρεσις* diuissio vocatur: aut per vlcera, vnde *διάβρωσις* seu *ἀνάβρωσις* erosio nuncupatur. Harum dispositionum præter naturam rursus causæ sunt variæ, vt docet Galenus *lib. 5. method.* verbi gratia *ῥήξις* & *ἀναστομῶσις*: vasorum imbecillitas, propter quam facillè perpetiuntur à causis externis internisque: sanguinis multitudo aut eius mala qualitas. Ob sanguinis enim multitudinem referari aut disrumpi vasa quotidie videmus in athleticis corporibus, *Aphor. 2. sect. 1.* & in eis qui vacuationi illius assueti per vterum aut hæmorrhoidas non amplius purgantur, *Aphor. 32. & 33. sect. 5.* quando potissimum commouentur irâ, validè vociferantur, saltant, cadunt, crapulantur, onera grauiora tollere vel ferre nituntur. Quibus adde externa omnia vulnerantia, & vnitatem partium confertim soluentia, vt ictus, morsus, & similia. Vnde etiam Hippocrati, *Aphor. 24. sect. 5.* frigus vehemens dicitur *φλέβων ῥηκτικὸν* & *αἱμορροαγικὸν*, quando constringendo violenter adducit nimiam sanguinis copiam in externas vasorum partes, quæ sic debilitatæ præter modum disrumpuntur. Ob malam vero sanguinis qualitatem, calidiorem scilicet, iuuenes ad trigésimum quintum vsque annum sputationi sanguinis habentur obnoxij apud Hippocratem, *Aphor. 29. sect. 3.* quia ea ætate maximè feruet sanguis: & sub vehementi æstu, dum sanguinis ebullitio excitatur, largas hæmorrhagias contingere notissimum est.

Διακρίνεις verò agnoscit causas, ipsam vasorum secundum suas tunicas raritatem laxitatemque, vt dicebamus; quæ aliquando naturalis est, aliquando accidentaria, vt videre est in contusionibus; & sanguinis tenuitatem: vnde in hoc affectu sanguis effluit pallidus, ichorosus, & sudoris instar transcolatus. Διαβρώσις autem seu erosionis causæ sunt potissimum internæ, vt humor acris, salsus, æruginosus, putrefactus, & mordax, & tunicas vasorum ad internum vsque spatium absumens. Aliquando externæ, vt medicamenta, vel venena caustica, septica, rodentia, & exulcerantia sumpta vel admota.

In proposito itaque casu certum est causas, tam externas quam internas, multiplices concurrere. Nam & aer feruidior & frigidior dum sanguinem variè exagitat, huic malo sæpe originem præstare solet; sub quo referri debent balneum calidius quam par sit, ignis luculentior, & mutatio regionis in quâ repentinæ fiunt qualitarum istarum vicissitudines. Alimenta euchyma & πολύαιμα copiosius præter morem sumpta, dum sanguinis multitudinem augent, abundantior liquidorum & potulentorum vsus, quia serum massæ sanguinariæ multiplicant supra modum. Vacuationes solitæ tam sanguinis quam excrementi cuiusvis potissimum ferofi, diutius suppressæ. Exercitationes validiores, vt saltationes, choreæ, coitus diuturnior cum viro valde mentulato, &c. nec non otium immodicum, quia colligit magnam excrementorum vim, quam natura per hos ductus excludere nititur: vnde dicebamus, rusticas, saltatrices, & similes scæminas nulla vel pauca pati menstrua. Idem dicas de somno & vigilia: immoderatus enim somnus colligit cruditates multas: peruigilium autem immensum acuit sanguinem & validdè commoueti quemadmodum animi pathemata vehementiora & diutius perseuerantia. His adde fortuita: vt vulnerantia, contudentia, diuellentia, erodentia: sic partus laboriosi, aut ab imperitâ obstetrice celebrati: abortus frequentes: casus ex equo, vel violenta rhedæ agitatio multas in istam calamitatem precipitarunt. Vt etiam remedia illa iam commemorata ad menses prouocandos intempestiuè aut diutius vsurpata: *Fit enim*, vt ille ait, *vitium, vitij fuga, si caret arte*: ex solo enim pessario acriori per aliquot horas immisso profusam *ὕστερος αἱμορραγία* *ἢ υπερμάδα* exitialem conspeximus in nobili quadam viduâ. Cum istis omnibus concurrere possunt morbificæ dispositiones aliarum partium, quibus per sympathiean vterus in istum affectum deducitur: iecoris verbi gratia ἀτονία & imbecillitas, quæ sanguinem crudum & aquosum generans, non solum dysenterias illas *αἱματηγὰς*, sed etiam fluxum diluti sanguinis ex naribus, vesica, vtero, & reliquis producere potest. Catarrhus ex capite salsus & acris in partes ventris inferioris prolabens, si ad vterum vsque perueniat, in eo erosionem & tandem vlcus excitare valet, à quo sequitur ista hæmorrhagia vterina. Bene igitur & diligenter perlustrandæ sunt istæ omnes causæ, ex censu rerum naturalium, non naturalium & præter naturam, vt totius morbi series accuratè innotescat in singulis ægrotantibus. Quod ex conuenientibus signis erit repetendum.

Signa igitur quæ affectus istius naturam, partem affectam & affectus causas detegant, sunt deinceps perlustranda. Vtrum igitur hæc profusio sanguinis ex vtero sit præter naturæ modum & institutum, ostendent difficilis ægræ tolerantia, virium prolapsus naturalium, vitalium & animalium: nam vt docet Galenus 5. *de locis affectis*, imminuitur appetentia & concoctiones, *καχεξία* exoritur & alui fluxus lienterici cum flatu & borborygmo, color fit cadauerosus in vultu, pedes tument, pulsus deficit, cor miserè languet, stillant è cerebro catarrhi, aut conuulsiones, & stupores superueniunt. Vtrum vero collum, vel cauitas ipsa vteri affecta sint, facile est distinguere, tum sensu, tum ratione. Quia si ex colli venis effluat, sanguine tumentes ibi venæ, hiantes, aut erosæ apparent, & ab ægrotante aut obstetrice facillè tanguntur: Si ab vteri cauo, pondus aut dolor circa regionem pubis percipiuntur & qui paulatim collectus erat intus sanguis, subito magna copia erumpit, aliquando in grumos iam conglobatus. Vtrum verò ex arteriâ, vel venâ parua vel maiore erumpat, distingues, quoniam ex arteriâ floridus magis & flauescens cum impetu quodam: ex venâ rubicundus aut ater sine vlllo motu, quæ si grandior fuerit, copiosam & subitam facit hæmorrhagiam: si minutior, paucam & quasi stillatim fluentem. Vtrum autem hoc ex *ιδιοπαθεία* solius vteri aut *συμπάθεια* aliarum partium male affectarum, discas ex causis & effectibus omnibus, quæ eiusmodi membrorum passionibus præcedere aut subsequi solent, vt in peculiari earum tractatione habetur.

Iam igitur potissimus labor positus est in eo, ut causæ proximæ naturam detegamus, ut inde præcipua curandi ratio repetatur. Διαπήδησιν itaque seu transcolationem sanguinis esse causam istius affectus, cognoscas ex eo quod mulier rari est habitus & mollissimarum carniū, quæ multis rebus feri copiam multiplicantibus vsa sit: quod aliquando similes stillas diluti & aquosi sanguinis ex naribus, aut dysenterias illas hepaticas patitur: quod imbecillitate hepatis diuturnâ laborat, denique quod ipse sanguis, qui excernitur tali est qualitate præditus: & absunt alia signa, quæ ruptiones vel erosiones denotare solent. Anastomosis autem vel ῥήξιν concitasse hunc menstrui sanguinis immoderatum fluxum, colliges ex præsentia causarum illas efficientium, & effectuum qui consequi solent. Vbi enim vulnerantia, contundentia, disrumpentia, saltus, ictus, casus, gestatio ponderis insoliti, clamores & similia præcesserunt in corporibus plethoricis potissimum, rubentibus & validis: vel ingens æstus, frigus vehemens, coitus immoderatus, conuiuia & choreæ intempestiux, iracundia insignis & similia quæ calfaciunt valde aut exagitant sanguinem: ex quibus subito erupit ingens illius viuidi & quasi sinceri copia sine magnâ virium iacturâ in principio: ista ostendunt disruptum esse vas aliquod, vel insigniter apertum illius orificium, per quod talis facta est hæmorrhagia. Idem contingit post partus laboriosos, vel ab imperitâ obstetrice male tractatos, post abortus, post diuturnam mensium suppressionem, vbi primum causa aliqua interna vel externa adiuuans præcipitarit redundantem istum humorem versus vteri vasa. Vbi aliquando in thrombos conuertitur, qui si ibidem diutius retineantur aut computrescant, intensum faciei pallorem, febriculam, παρὰφροσύνην, & cardialgias inducunt, demum insigne pondus & inflationem in vteri regione, cum suffocationibus matricis, & aliquando syncope, & repentinâ morte. Διάβρωσιν vero seu vlcerationem in vtero profundere istos menses cognoscimus, quia non confertim & subito accidunt, sed paulatim cum sensu doloris & acrimoniæ in corporibus potissimum cacochymis, in quibus acrior vel salus humor erodens vasorum substantiam primò stillas quasdam profundit saniosi, ichorosi, nigricantis vel flauī sanguinis, postmodum si affectus perseueret, etiam frustula partis (ἰφελκίδας vocat Galen.) deradit: à quibus deinde magna sequitur effusio humoris, quam vix sistere licet, quibusvis remediis admotis. Præcesserunt causæ cacochymiam istam generantes, ut vsus eduliorum acrium, salforum, piperatorum, putridorum: vel deriuantes & attrahentes in vterum, ut diuretica & aperientia nimium repetita, tam sumpta quam admoti, quod de pessariis supra annotauimus. Præterea in eiusmodi διαβρώσει, vbi semel perfecta est, vix vnquam cessat fluxus istius stillicidium, cum in aliis speciebus depletâ sanguinis multitudine, ut plurimum sistatur, neque recurat, nisi per interualla, aut dum mulier corpore vel animo imprudenter agitur. Hæc igitur præcipua sunt signa ad διάγνωσιν pertinentia.

Quod ad πρόγνωσιν vero spectat: Ratione speciei affectus, certum est omnem hæmorrhagiam diuturniorem, vel profusiozem periculosam esse, quia disperdit thesaurum naturæ, & nectar illud viuificum, quo animantium viuacitas sustentatur. Item hæmorrhagiam istam ex vtero noxiam esse tum speciei, tum individuo: speciei quidem, quia turbat opus generationis vel humectando nimium vterum, vel refrigerando totum corpus, vnde necessario exoritur sterilitas: individuo etiam, quia perseuerans non solum, ut docet Galenus lib. 4. de præfag. ex pulsibus, virium imbecillitatem, lipothymiam, syncopem, sudores frigidos, & diaphoreticos, conuulsionem, ex Aphor. 56. sect. 5. paralytin, hydropem & similia accersit, sed mortem aliquando subitam, ut in multis quotidie videmus. Ac proinde nullo modo in principio negligenda, ne essentia morbi intendatur, & causatum: inter quas certum est διαπήδησιν minus periculi minari per se, quia minorem facit depauperationem caloris natiui & spirituum; minari tamen crudioris & serosi humoris prouentum, ex quo καχεξία & hydropes frequenter exoriuntur: ῥήξις autem & ἀναστροφῆς vehementem inducere possunt & subitam refrigerationem, à quâ obitus repentini contingunt, nisi quis diligens sit & industrius in illis reprimendis. Attamen facilius admittunt curationem quam διάβρωσις, tum quod in corporibus ut plurimum bene sanis & plethoricis contingant: διάβρωσις vero in cacochymis, tum etiam quod nulla adest substantiæ deperditio, ut in vlcere, quæ impediatur nouum istarum partium coalitum. Denique ætas, vires, & proprium cuiusque temperamentum valde mutant in hoc affectu, non solum curandi, sed etiam prædicendi leges. Item res non naturales, & præter naturam his connexæ. Ætatis enim

feruentioris tempore, aut sub magnis frigoribus difficilius curatur, ac proinde periculosior existit: quamdiu adsunt grauiora animi pathemata vix sisti potest ista hæmorrhagia, vt in aliis vulneratis patet. Si producta sit ab assumptis, vel admotis erodentibus, aut aperientibus nimium, minus est malum, quam si ab internâ dispositione, quam foueat iecoris, lienis, aut alterius visceris languor. A partu & abortu raro interimit, nisi citò illis prospiciatur. Si adsint grumi sanguinis frequentes, valde impediunt curationem, quia illi dissoluendi aperientibus, quæ hæmorrhagiam augere possunt. Denique symptomatum vehementia, quæ nullo modo remittit, sed in dies intenditur, ostendit perniciem certissimam istius affectus, ad cuius *ὑπερτίαν* accingamur.

Indicationes ergo curatiuæ, quæ præseruatorias & conseruatorias seu vitales etiam in morbis complectuntur, repetendæ sunt ex naturâ affectus, partibus primariò vel secundariò affectis, & causis, tam immediatis quam antecedentibus & externis, à quibus ille pendet, vel adhuc fouetur. Quod ad naturam itaque affectus, cum sit vacuatio immodica, & præter naturam, tam ratione quantitatis quam temporis, vt dictum est; ideo propositum esse debet Medico, vt illam ad debitos mediocritatis terminos reducat: neque enim subito reprimendâ in corporibus potissimum plethoricis, metu grauioris mali, vt refluxus in partem aliquam nobilem, aut congelationis sanguinis, & grumorum in vtero, ex quibus multas periisse certissimum est: neque etiam permittendum vt nimium luxuriet, quia pro foribus stare solent, vt diximus, infinita symptomata, imò & mors, quæ istas vehementes hæmorrhagias consequitur. Post partum certè & abortum, vt suis locis dicemus, finire oportet, quemadmodum in vulneratis, motum naturæ liberum, donec exagitati sanguinis aut corrupti sufficientem copiam exegerit foras; in aliis citius huic hæmorrhagiæ sistendæ erit studendum: & si quidem vires iam nimium collabi aut collapsæ videantur, illis instaurandis per roborantia erit incumbendum. Ratione autem partium affectarum, si quidem vteri tantum vasa in vitio hic esse appareat, nullâ alterius partis prægressâ, vel præsentē querelâ, tunc illorum tantum cura habenda: sin verò sympathia totius corporis, verbi gratia plethorici aut febrientis, hepatis *ἀσθενείας* laborantis, lienis obstructi & similibus, contigisse videatur: tunc ad istas partes primariò affectas, & suam labem vterò communicantes percurandas animus primò conuertendus. Denique respectu causarum procatarticarum, quæ fouent vel generant hunc affectum, omnia externa ita disponenda, vt nullum huic fluxioni adiumentum deinceps præbeant, sed potius ad illam compescendam conspirent. Respectu antecedentium, vt humorum quantitate, qualitate, vel motu peccantium; vacuantibus, reuellentibus, deriuantibus, & alterantibus variis ita agendum, vt omnia ad æqualitatem quamdam naturæ amicam reducantur. Sed quoniam curandi ratio maximè differt respectu causarum coniunctarum, à quibus iste affectus pendet immediatè: ideo quod ad *διαπύκνωση* seu transcolationem spectat, indicationes therapeuticæ respectu sanguinis tenuioris & serosioris exoriuntur, vacuandi eiusmodi ichores & intricassandi: respectu vasorum seu tunicarum rariorum quibus continetur, condensandi & roborandi. Quod ad *ἀναστόμωση* vero & *ῥήξη* attinet, quæ vulneris naturam sapiunt, vniendi & conglutinandi seu constringendi, tam extrema orificia nimium hiantia, quam parietes disrupti vasis aut dissecti. *Διάσπρωσις* autem, quæ est species vlceris, vt perfecte curetur, indiget tergentibus, abluentibus, & mundantibus istas sordes quæ partibus vlceratis superueniunt, necnon sarcoticis regenerantibus partis substantiam, si valde sit absumpta; vel exsiccantibus, adstringentibus, & epuloticis, quibus tandem cicatrix parti obducatur. Atque hæ sunt artificiosæ indicationes in hoc affectu. Nunc videamus quibus mediis, seu instrumentis diætericis, chirurgicis, & pharmaceuticis illas consequi valeamus.

Imprimis igitur res illas sex non naturales ita instituamus, vt ad curationem istius affectus cum reliquis artis nostræ auxiliis concurrant. Quod fiet, si aer ita sit temperatus, vt neque immodico frigore vasa disrumpat, neque vehementi calore nimium aperiat, & humores fluxioni paratiores efficiat. Debet ergo potius ad frigiditatem quamdam vergere moderatam cum siccitate. Lux etiam ita dispensanda, vt neque fulgore nimio debilitet ægrotantis aciem, & alliciat sanguinem ac spiritus sibi consociales foras: neque densioribus tenebris compellantur validè versus interiora, ex quibus fluxio concitatur. Non debent mutare subuculas, quia mundæ & recentes magis atrahunt hunc fluxum. Decumbant in lecto molliori

molliori quidem, si iam vires sint debiliores, & corpus macilentum, sed non calidiori, ne efferuescat sanguis, vt dictum est, vnde vsus culcitrarum plumearum illis noxius est, nisi supertegantur coriis, linteis crudioribus, panno qui vulgo *cambelot* dicitur, sacculis rosarum vel nymphææ floribus plenis, & similibus, quæ impedire possint caliditatem earum: sed multo melius est substernere illa fulcimenta, quæ ex lanâ hodie conficiuntur, & vulgo *matelas* appellantur. Sit etiam mediocritas somni, & vigiliæ, quia vt somnus diuturnior nimium calefacit interiora, & in centrum humores allicit, sic vigilia immoderata exagitat & commouet. Resideant perpetuò in lecto, si ingens sit hæmorrhagia, capite & thorace depresso, arrectis verò cruribus, & in dorsum inclinatis, sint scilicet supinæ, vt materiæ motus sistatur: nisi forte suspicio sit congelati & grumescientis sanguinis, vt sæpe fit. In quo casu non solum moueri & assurgere debent, sed etiam multas iussimus deambulare, vt grandiores istos thrombos iam in matrice putrescentes excuterent. Extra hanc occasionem, abstineant ab omni motu corporis, animique, quantum fieri poterit, congressu potissimum venereo, ex quo frequenter recidivas incurrunt. Quidam existimant timorem vehementem & subito incussum his mulierculis, esse aptum ad sistendam istam hæmorrhagiam, quia compellit vehementer humores ad interiora: tamen non videtur satis tutum in corpore iam debilitato, aut prauis humoribus scatente validam hanc & improuisam humorum agitationem concitare, ex quâ magnos etiam affectus in bene sanis contingere, certissimum est. Eadem ratione quamdiu effrænis est ista vacuatio, neque sollicitanda aliud, quamuis pigrior; neque vesicæ excrementa prouocanda: sed expectandum interuallum, in quo possint alui fæces humectari clystere aliquo molliente, aut supposito leuiori, ne indurata nimium laboriosam deinceps reddant deiectionem, à quâ fluxio ista augeri posset. His ita constitutis, alimentorum etiam habenda ratio: ita vt ratione quantitatis & substantiæ eorum, quamdiu perseuerat plethora, aut virium adest constantia, parcè exhibeantur, & ex illorum genere, quæ minus multiplicando sanguini apta sunt; vnde carnibus, iusculis, vino, & aliis interdiceret illas solemus; easque nutrimus panatellis ex aquâ & pauco saccharo, butyro vel oleo paratis, amylo, amygdalatis, lactuca, endiuia, & portulaca elixis & cum aceto paratis; vitellis ouorum induratis, pomis, pyris, & cydoniis sub cineribus coctis, aquâ fontis vel hordei chalybeata, vel in qua parum mastiches bullierit, irroratis. Contra verò vbi manifestus virium defectus apparet, indulgemus victui analeptico ad reparandam substantiæ istius humoralis, & spirituosæ deperditionem: vnde frequenter potius quam magna quantitate oblati iusculis, consummatis, colatitiis, succo carniū expresso, ouis forbilibus cum saccharo, gelatinis, carnibus delicatioribus, condituris roborantibus & vino generoso eas reficere solemus, vt ex præsentī periculo liberentur. Ratione vero qualitatis, perpetuo id obseruamus, vt alimenta refrigerandi, siccandi & adstringendi facultate prædita sint, tam actu quam potestate: vnde iam dictis panatellis, hordeatis, oryzâ coctâ, & similibus affundere solemus succum granatorum, vel vuarum acerbarum: pedes & crura veruecum, vitulorum, hædorum elixos, quin etiam pisces glutinosâ substantiâ præditos, vt anguillas, murænas, &c. aceto multo condire, gelatinas ex eisdem parare sine saccharo: iusculis incoquere folia polygoni, plantaginis, acetosæ, & symphyti: vino interdiceret in totum, eisque vel loram exhibere, aut secundum ex torculari expressum: aut certè aquam cisternæ, quæ maiore adstrictione prædita esse creditur. Licet enim ex pluuiâ colligatur, & ad decoquenda legumina aptior habeatur, sua partium tenuitate citò penetrat in secundam & tertiam corporis regionem, sicque minus aluum humectat: julepus Alexandrinus illis accommodatus esse potest, si aquæ solius vsus exhorrescant: item cydoniatum, condituras myrobalanorum, radicum symphyti, caulium lactucæ, & similia, fructus acerbos, vt sorba, mespila, corneola, acidiores passulas. Quibus per diætā tentatis, si quidem affectus vehementia illis superari non possit, de maioribus tunc remediis cogitandum.

Ac proinde vt res ista accuratius & certâ methodo explicetur, primum ea proponemus, quæ generaliter ad istiusmodi fluxum institui solent, potissimum ex anastomosi & *ἐνζυ* concitatum; quæ sunt frequentiores causæ: deinde pauca de diapedesi & diabrosi subnectemus. Contemplanda itaque primum, vt dicebamus, huius morbi causa præcipua, quæ si posita sit in sanguinis multitudine, qui impetu quam par sit maiore, versus vteri vasa irrumpat, cogitandum statim de eius vacuatione & reuulsione per superiores partes, quod non potest commodius fieri, quam celebratâ phlebotomiâ ex cubito dextro, vel sinistro, prout ex vsu esse videbitur.

Estque

commodius fieri, quam celebratâ phlebotomiâ ex cubito dextro, vel sinistro, prout ex usu esse videbitur. Estque haurienda ea sanguinis quantitas, quæ naturæ molestiam parit: ita tamen ut non vnâ vice, & confertim educatur, sed per intervalla & partitè, tum ut vires recreentur, tum etiam ut maior fiat retractio, & diuturnior versus superiora: vnde quidam saluatellam vtriusque manus aperiendam censent. Cui auxiliarem opem conferent ligaturæ dolorificæ, & frictiones brachiorum sæpius sursum versus celebratæ. Cucurbitularum appositio cum multâ flammâ mammarum regioni, vel sub illis aut hypochondriis, aliquando cum scarificatu, si ægra tolerare possit, quæ repetendæ erunt frequenter ad suspendendum sanguinis cursum qui fertur ad vteri vasa: Auicennas eas etiam applicat loco qui est inter vtrasque anchas: vnde aliqui quoque affigendas putant regioni pubis & ossi sacro.

Quod si sanguis non tantum quantitate & motu peccare videatur, sed etiam qualitate, ut quando permixtus est bilioso humori, vel alias feruidior & acrior existit: non tantum vacuatio & reuulsio per phlebotomiam conueniet, sed etiam per cathartica benigniora, adstringendi & temperandi vi prædita: vnde solemus in hoc casu post venæ sectionem imperare leuem quamdam purgationem infuso myrobalanorum citrinorum in sero lactis, vel aquâ plantaginis, rhabarbari puluere, vel infusione, syrupo rosato solutiuo, agarico, foliis senæ, & tamarindis, si humorum sit varietas, & synatriismus cum sanguine isto permixtus. Quibus semel aut sæpius celebratis pro rei exigentiâ, temperantibus, incrassantibus, & sistentibus motum sanguinis tam foris quam intus vtendum erit: ita tamen ut non illico cohibeamus fluentem sanguinem, ne alicubi grumescat, sed sensim & quasi gradatim, nisi quando magnum imminet vitæ periculum. Quidam vtuntur poscâ seu oxycrato dilutiore tam sumpto quam admoto, sed non satis commode, ut mihi quidem videtur, ob naturam partis affectæ nervosæ & membranosæ: quæ aceto valde irritatur, ut experientiâ compertum est, nisi forte in rusticis & durioribus corporibus. In aliis ego mallem julepos comparare ex decocto millefolij, centinodiæ, equiseti, bursæ pastoris, summitatum rubi, oxalidis & portulacæ: vel ex earum aquis stillatitiis, in quibus dissolue succi vel syrupi de granatis acidis, myrtini, cydoniorum atque etiam papauerini, si maius sit sanguinis incendium, ut æstiuo tempore aliquot vncias: cum pauco puluere terræ sigillatæ, boli armeni, carabes, coralli rubri, lapidis hæmatitis præparari, & similia. Si magis arridet forma pulueris, comparetur ex eisdem addendo sacchari rosati tabulati veteris duplum, capiat sæpe cum pauco vino rubro adstringente, aquâ portulacæ vel fontis, in qua plumbum ardens extinctum fuerit. Pilulæ de bdellio frequenter sumptæ, dummodo ex vero non adulterino comparentur, in omni hæmorrhagiâ partium inferiorum valde à Practicis commendantur. Et inter alia puluis corticis mori nigri ad 3 j. sæpe cum vino adstringente sumptus: item 3 j. pulueris radicum filipendulæ per quinque dies mane cum ovo sorbili. Nostrates mulieres vulgare habent remedium ex floribus chamæleontis albi (vocant *lou presou*) quibus lac condensatur in caseum cum iusculo aut quouis alio liquore. Aliæ vtuntur ipso coagulo hœdi vel leporis ad 3 s. cuius magnum est in hoc affectu commodum, quia ut sistit fluentem sanguinem, sic etiam eiusdem grumos iam factos dissoluit. Sed inter omnia alia remedia nullum habemus præstantius ex Galeno in omni hæmorrhagiâ, quam succum plantaginis ex virentibus foliis recenter extractum, cuius 3 iij. vel iij. per os sumptæ compescunt statim furorem istius fluxionis. Atque eodem modo iniicitur in vterum per metrenchyten, si opus fuerit: eodem dissoluitur bolus armena vel communis in formam cataplasmatidis, quod admouetur post reuulsiones conuenienter celebratas regioni hepatis, lumborum, & ossis sacri. Idem encomium tribuitur succo millefolij. Vbi impetus sanguinis maior est, ut istis non possit cohiberi, albumina ouorum fortiter agitata, & cum prædicto puluere, & pauco amylo commixta iniiciuntur in vteri cavitatem ad obstruendos, & conglutinandos illos ductus per quos effunditur. Non omittunt etiam Practici lotionem tibiarum in aquâ frigidâ aut decocto adstringente cum pauco aceto: suffitum ex vngulâ mulæ, vel asinæ, cuius portionem permiscere possis cum acaciâ, hypocistide, corticibus granatorum, gallarum, & granorum myrti. Denique ex collo suspendunt coralli rubri fragmenta, iaspidem, crystallum, puluerem ranæ maioris combustæ, sacculo sericeo rubro inclusum inter duas mammas: gemmam quæ corneola dicitur, digito gestare iubent:


illinunt etiam eisdem mammis succum chelidonij : vmbilico autem succum vrticæ græcæ, cum pauco bombace, quod habetur pro secreto. Tandem si omnia ista non sufficiant, deueniunt ad narcotica, vt confectionem requiei, puluerem asyncriton, pilulas de cynoglossio, vnde Promothus laudat, vt in hoc genere capiantur singulis diebus mane tria grana seminis hyoscyami. Alij conficiunt tales pilulas.

24 Chalcant. opij, thuris, mastich. coriand. tost. ana ḡ.ij. Conficiantur cum syrup. de ribes. Fiant pilulæ, quas capiat duabus aut tribus horis post cœnam. Quæ tamen sunt vsurpanda, priusquam vires omnino sint collapsæ. Quibus omnibus aut aliquibus ita constitutis, sedataque hæmorrhagia, tunc cogitandum de peculiari dispositione, quæ illam excitauerat, quod ad *ἀνασφαισις* & *ἐνζή* spectat, obturancia ratione orificij hiantis, seu adstringentia, conglutinantia ratione ruptionis, seu diuisionis magis conueniunt. Adstringentia sunt fere omnia supradicta : glutinantia verò ea quæ præterea visciditate quadam & lentore prædita sunt, vt sanguis draconis, gummi arabicum, cuius 3 j. liquata in succo vel aquâ plantaginis cum pauco vino rubro adstringente exhiberi potest: vel etiam iniici in vterum, mucilagines gummi tragacanthi, seminis psyllij & cydoniorum, cum pauco saccharo rosato veteri: exteritis admoeri potest taurocolla, vel ichthyocolla dissoluta cum pauco aceto, aut vino rubro adstringente. Iniectio etiam ex albumine oui conuassato superius commemorata, cum puluere amyli & boli armenæ hic peculiariter locum habet : quod in formam pessi concinnari etiam debet, si vulnus sit in ipsâ vteri ceruice.

Quod ad diapedesin verò attinet, si tenuitas sola sanguinis cum multâ feri copiâ huius transcolationis præcipua causa sit, non tam per incrassantia & adstringentia agendum esse censeo, quam purgantia istos ichores, & absorbentia humiditates superfluas. Vnde debent istæ ægrotantes frequenter vacuari per syrupum magistralem, aut opiatam laxantem, in quæ ingrediantur folia brassicæ marinæ, senæ orientalis, fumaricæ, succus rosarum pallidarum, agaricus trochiscatus, semen ebuli, puluis mechoacan veri, & similia cum roborantibus. Imò in hoc casu vtilissimum est sudores promouere blandis *ἰδρωτικοῖς*, qualia sunt radix sarsæ parillæ & chynæ, vt materia reuocetur ad externas corporis partes, & serum istud sensibilibiter absumatur. Quod si raritas seu laxitas vasorum huic coniuncta sint, non erunt etiam omittenda adstringentia & roborantia, tam sumpta quam admota, quæ prudens Medicus pro rei præsentis & corporis variâ constitutione repetere poterit ex superioribus vel similibus.

Supereft igitur *διάσπασις* seu erosio vteri vel vasorum, quæ maximum Medicò negotium facessere solet, quoties illi complicata est ista hæmorrhagia vehemens. Cum enim pendere soleat ab acrioribus aut falsis humoribus, qui penetrare solent in partium istarum substantiam & eam exulcerare: ideo redundantes isti succi tum præparatione, tum purgatione indigent conuenienti : si biliosus fuerit, rhabarbaro, myrobalanis citrinis, sero lactis, syrupo rosaceo, aut de cichoreo cum rheo expurgandus: sin pituita falsa, melle rosaceo, agarico trochiscato, semine carthami & similibus. Quibus frequenter repetitis ad cacochymiam corrigendam : deinde videndum an sordes scateant in istâ erosione vterinâ, quæ erunt diligenter detergenda per iniectâ, cuiusmodi est aqua hordei cum melle, sero lactis, vel toto lacte, si dolor sit coniunctus: mox partis substantia sarcoticis reficienda, vt aloë, mannâ thuris, cortice pini, terrâ lemnîâ, succo plantaginis vel albumine oui excepta, vt iniiciantur per syringam, vel supponantur in formam pessi. Quidam etiam comparant cataplasmata ex farinâ fabarum cum puluere stercoris porci, rosarum, testæ ouorum combustæ, & pauco oleo rosaceo, quod anteriori & posteriori pubis regioni vtiliter admovent. Succus senecionis valde in hoc affectu commendatur sumptus & admotus. Sed ad reficiendam substantiam, constringendas partes diuisas, & sigillandum vlcus, nihil est efficacius, quam lactis chalybeati vsus, per viginti aut triginta dies vsurpatus, cum saccharo rosato mane sumptus ad 3 iiii. vel vj. & in vteri cauitatem frequenter immissus. Verum de hoc affectu rursum, quando de vteri vlceribus peculiariter agemus.

CAPVT IV.

De muliebri fluore & gonorrhœa.

X vtero velut sentinâ quadam, non solum sanguis menstruus periodo, vel inordinate profunditur: sed etiam varia excrementa quibus corpus muliebri scateret solet: quæ veteres sub nomine ῥῆς γυναικείας & τῆς γονορροίας complexi sunt. Vnde apud vulgus flores albi, purgamenta vteri, & falsa menstrua appellantur. Nos ita definimus: Excretum immodicum & præter naturam ab vtero variæ materiæ excrementitiæ aut seminalis: quæ propter impuritatem totius corporis vel alicuius partis insignioris, aut ipsius vteri & vasorum imbecillitatem profunditur. Dicimus esse excrementum immodicum & præter naturam ab vtero, quia fluxus iste non solum quantitate, sed etiam qualitate insigniter peccat, & quia abuti videtur natura hoc matricis ductu seu ergastulo ad vacationem impuritatum quæ in corpore muliebri colliguntur: vnde varia exoriuntur incommoda, tam ratione indiuidui, quam procreationis speciei. Mulieres enim quæ istos fluores patiuntur, non solum male se habent & variis symptomatis exercentur, sed etiam earum vterus eiusmodi illuue scatens, ineptus redditur suscipiendo, retinendoque semini, & aliquando ulcerationes aut tumores malignos & similia ex istius materiæ vitio incurrit. Est autem immodicus hic fluxus, vel quia continuo & indefinenter fluit in quibusdam mulierculis, ut vult Aræteus; aut quamvis intermittat, reuertitur tamen bis terve in mense, vel si periodum certam seruet, antecedens vel subsequens veram sanguinis menstrui purgationem, ut sæpe solet; magnam tamen affert viribus debilitatem & mulieri insignem molestiam.

Diximus *varia materia excrementitia aut seminalis*: ut ostenderemus non vniusmodi esse materiam quæ in hoc affectu profunditur, sed multiplicem & diuersam pro varietate cacoehymix, quæ in corporibus istis dominatur: vnde aliquando simplex serum, alias humori iunctum, in quo varius apparet color; albus, flauescens, viridis, cruentus, saniosus, & nigricans: alias mixtus pro combinatione peccantis humoris, ex albo virens, ex nigro flauescens, & sic de reliquis. Quibus omnibus accidere potest, ut aliquando putrescentes sint isti succi, & cum foetore virulento: alias imputres & sub naturâ suâ subsistentes, qui vel mordacitatis & acrimoniæ sunt expertes, vel eâ admodum molesti sunt. Idem dicas de seminali materiâ, quæ per istas vias aliquando effluere solet in mulieribus, quando quantitate vel qualitate peccat, manifestâ, ut quando serosior vel acrior: occultâ, ut quando malignâ quadam labe inficitur, quemadmodum contingit in lue Venereâ, elephantico concubitu, & sic de reliquis, vnde differentiæ istius affectus potissimum exoriuntur. Quamvis enim generali vocabulo floris albi contineantur, quia tamen illa materia, ut diximus, variorum colorum est particeps, ideo etiam pro diuersitate humorum dominantium distinguenda tum inter se, tum etiam à verâ purgatione menstruâ seu mensibus, quos Hippocrates decolores appellat. Primo ratione materiæ, quia ut in mensibus quamvis infectis perpetuò ruber humor dominatur, sic in isto fluore albus, citrinus, & sic de reliquis. Secundò exeundi tempore & modo. Nam ut menses statim suam seruant sæpius periodum, sic ista inquinamenta separatim ab illis, & inordinatim effunduntur. Nec solum eas exercent quæ menstruatim purgantur, sed etiam alias quasunque, ut prægnantes, anus, & puellas, in quibus corporis incrementum impedire scripsit Aristoteles *septimo de histor. animal. capite primo*. Quæ etiam distinguuntur à purulentâ materiâ, quam vlcus matricis procreat & effundit: quia præcesserunt causæ exulcerantes, & pus multò est crassius & albicans, quam materia ista floris muliebri. Præterea minoris est quantitatis, & quasi continuo effluit cum maiori sensu doloris & acrimoniæ, quam in isto fluore: quâ de causâ fit ut quæ vlcera matricis, & colli eius patiuntur, non admittant coitum, nisi cum molestiâ, quia affectum exasperat, cum eiusmodi fluores muliebres liberè & ἐν πόρῳ viriles amplexus experiantur. Idem dicas de effluxu isto seminalis materiæ inuoluntario, qui à fluore albo simplici secernendus, eo quod minoris est

multo quantitatis quam fluor, crassior existit, & longioribus intervallis emanare solet: albescit multo magis, & semper sine foetore est, potissimum in principio, quando aliena illi materia non admiscetur. Adde quod citius ex istâ seminis profusione corpus contabescit: atque ut plurimum regio renum & lumborum qua pre-reptant vasa illa spermatica, dolitare solet: distingues etiam gonorrhœam à pollutione nocturnâ seu *ὀνερωγμῶν*, quod pollutio illa est semper cum aliquâ imaginatione & cupiditate: gonorrhœa verò est purè inuoluntaria, & sine vlllo veneris appetitu. Item qualibet horâ infestare solet ægrotantes, non autem pollutio, quæ per somnum tantum exercetur cum magnâ perturbatione.

Diximus denique hunc fluorem tam humoris quam seminalis materiæ contingere propter impuritatem totius corporis, vel partis alicuius insignioris, aut vteri ipsius, vel vasorum imbecillitatem. Quibus verbis omnes complectimur causas propinquiores istius affectus: quamvis enim Galenus 3. *de sympt. causis, cap. 4. & lib. 6. de locis affectis, cap. 5.* existimasse videatur in hoc fluore nullum esse certum locum affectum, propterea quod promiscuè ex variis corporis partibus, habitu scilicet, cerebro, iccore, ventriculo, liene, & similibus transferri potest vitium humorum & deponi in vterum, ut excernantur. Attamen certissimum est originem illius aliquando toti corpori, ut in valde cacochymis, referendam esse: aliàs parti cuidam insigniori, quæ se in istas vias exonerat, ut videmus in mulierculis catarrhosis, lienosis aut quibus ventriculus cruditatibus scatet: aliàs respicere ipsum vterum imbecilliore, vel quia non potest repellere vel concoquere materiam nutritioni dicatam: unde succedit *συναθροισμὸς* eiusmodi humiditatum quæ per illius ceruicem effluunt, quemadmodum aliis corporis nostri partibus contingit. Eodem modo spermatica illa vasa præter vitia seminis à nobis iam commemorata, quoties intemperie aliquâ propriâ vel per consensum vesicæ, renum, muscutorum, & similium infestantur, aut quia nimis alliciunt eiusmodi materiam ut in eorum *φλογώσαι*: veleam conuenienter retinere non possunt, ut quando humidiora laxioraque existunt, efficiunt istos effluxus, & gonorrhœas in mulieribus, quemadmodum in viris. Rursum istæ causæ promoueri possunt, & quasi excitari à variis causis, ex censu rerum naturalium, non naturalium & præter naturam repetitis. Nam quod ad res naturales spectat, pro ratione temperamentorum, pituitosæ vel biliosæ quibus admodum tenuis est & ichorosa sanguinaria massa, suppeditant facile humiditates, quæ per istam partem expurgantur: Ratione ætatum senes, ut est 2. *γυναικείων* sæpius fluxum album: iuvenes flauum aut virescentem incurrunt, atque etiam gonorrhœam. Ratione verò rerum non naturalium, non est dubium quin aëris variæ constitutiones multum possint ad fluorem istum concitandum vel saltem iuuandum: aquilonia videlicet, nimium refrigerando pituitosa corpora: austrina, nimium laxando: feruidior, tenuando humores, & sic de reliquis. Narrant eas mulieres quæ circa Mæotidem paludem & Phasim fluuium degunt, regionem scilicet perpetuo humore stagnantem, valde hoc affectu infestari. Quod eodem modo dici potest de aliis quæ circa paludes & stagna habitant. Quibus si accesserit crapula insignis & ingurgitatio quorumcunque ciborum cacochymôn & dyspepton, potus copiosior, otium & ignauia ingens, moeror timorque diuturnus, nec non ira vehementior, alui durties, urinæ paritas, somni & vigiliarum immoderatio, non est dubium quin valde conferant ad ista excrementa congerenda, commouendaque versus vteri vias ut expurgentur. Ad feminalem verò materiam effundendam faciunt ingens æstus, vestium compressio circa lumbos & renes, torus ex anatum plumis confectus, cibi potusque semen multiplicantes, & irritantes facultatis expultricis vim, ut cochleæ, bulbi, cerebra & medullæ animantium, nuclei pinei, vitelli ouorum, tubera, cardui, vinum meracius, falsa, piperata, frixa, & similia: somnus super dorsum factus, longa abstinencia à coitu cum cogitatione intensâ amati aut lectione rerum venerearum, concubitus etiam vehementior aut impurus, equitatio durior, & similes motus, quibus renes & lumbi agitantur vehementius & incalescunt. Denique res præter naturam concurrere possunt ad affectum istum producendum: febres verbi gratia diuturniores, leucophlegmatix & *χλωρώσις*, intemperies insignes, vel obstructions partium nutritioni dicatarum, dum *εἰμάτωσιν* violant & sanguini vitium inferunt notabile, certum est quod materiam huic rei idoneam suppeditant, præcipuè quoties vterus, vel illius vasa infirmiora redduntur

ex accidente ob morbum qui illis superuenerit, ut abortum, partum laboriosum, tumores vel intemperies præter naturam: quarum enumerationem facere cuius erit facile. Nos igitur ad *διάγνωσιν* veniamus.

Signa quædam distinctiua iam superius proposuimus, quibus hic affectus ab aliis sibi affinibus secerni potest: nunc igitur propria prosequamur. Quotiescunque ægra ipsa aut ipsius ministræ referunt vuluam irrigari inquinamenti quibusdam albis aut alterius coloris supradicti, quo etiam circumiecti panni & subuculæ inficiuntur, idque continuò, ante aut post fluxum rubrum menstruorum: Tunc debet solers Medicus reliqua percunctari, quæ faciunt ad eius cognitionem peculiarem: verbi gratia, utrum pituitosus sit iste fluor, biliosus aut melancholicus: serosus vel humoralis. Quæ omnia cognoscuntur ex habitu & temperamento ægrotantis, tum inspectione linteolorum hoc humore infectorum, & in umbra siccatorum, aut arenæ in quam eiusmodi materia effusa fuerit, docente Hippocrate, *lib. 2. περὶ γυναικείων*. Perseuerante autem fluore corpus intumescit, color defædatur, oculi liuescunt, respiratio difficilis redditur, pulsus minutulus & urinx turbatae meiuntur, ingens molestia mentem occupat, *καρδιωγμός* & nausea ieiunas potissimum infestat: denique tota naturalis œconomia, & vires debilitantur. Quod si acrior sit aut putris materia, sæpe accersit febrem lentam, vel partes istas mordet, & tandem erodit: sin vero humidior, ita relaxat, ut fere videantur procidere & inuerti. Ex quibus verò potissimum locis proficiscatur, ita erit perlustrandum; si quidem totum corpus tumidum & molle existat cum venarum tensione & plenitudine, quæ inferat lassitudines illas spontaneas ab Hippocrate decantatas, tunc maxima erit coniectura illam ex toto corpore promanare, ut obseruauit Galenus in vxore illa Boëthi Consulis Romani, potissimum si lassitudines augeantur vel minuantur, prout fluor iste magis vel minus intenditur. Quod si ex iecore, ventriculo aut alio viscere suboriat: id etiam demonstrabunt peculiararia unicuique parti symptomata, verbi gratia dolor circa dextrum hypochondrium, calor aut tumor cum excrementis quibusdam biliosis, quæ maximè visuntur in istâ excretionem, facile iecoris sympathiam indicabunt: ut lienis, si in sinistro sint aspectabilia cum fæculenti & atrioris succi miscellâ. Quod si inappetentia, ructus acidi, frequens nausea, & ventriculi oppressio adsit, cum pituitosi recrementi copiâ, quâ vacuatâ istæ molestiæ tolluntur, aut saltem minuuntur: nemo dubitare potest, quin ex ventriculo istæ cruditates ferantur: vel ex cerebro, quando circa caput grauedines, lumborum & dorsi dolores quasi perreptantes apparent, cum suppressione insuetâ eorum quæ per os & nares excernuntur. Et sic de reliquis partibus, quarum particulares querelæ erunt inquirendæ. Illis autem omnibus cessantibus, aut saltem non præeuntibus, sed subsequenter eiusmodi fluorem: tunc animus ad vterum velut *ιδιωπάθεια* affectum erit conuertendus, in quo grauiora etiam tunc apparent omnia, putâ intemperies, vel obstructions manifestæ, debilitates ex abortu, laborioso partu, ictu, casu, & sic de reliquis.

Idem dicas de gonorrhœâ, in cuius dignotione, ut dicebamus, percunctari etiam oportet de naturâ & conditionibus excreti: quod si sit album, paucum & crassiusculum, sine voluptate aut animi ullâ agitatione profluens, iudicabimus esse speciem gonorrhœæ vulgaris, quæ propter causas manifestas iam à nobis commemoratas acciderit: sin verò secuta sit impurum quendam concubitum, erit virulenta & luis Veneræ soboles, quæ per contagium communicatur: in quarum vtraque inualecente scilicet, aut neglecta potest tandem magna materiæ copia excerni, tum quia alieni succi permiscantur, tum quod vasa spermatica, ubi fuerint intemperata, vehementer trahunt à toto: ita ut quod deberet nutrire membra, ad se rapiant, & sic totum corpus colliquant: vnde marcor & consumptio cito consequuntur istum affectum. Qui si fiat à multitudine seminis tantum, cognoscitur ex habitu carnosio calido & humido, qui augendo semini valde est idoneus, præcipue si fruatur otio, ciborum copiam ad illud aptissimorum assumpserit, diutius à coitu abstinuerit, &c. & ex istâ profusione leuamen potius quam debilitatem in principio saltem persentiat. Si à tenuitate vel acrimoniâ seminis fiat, causæ etiam prægressæ, aut adhuc præsentæ ealem qualitatem producentes id ostendent, quemadmodum effectus, nempe sensus punctionis & vellicationis in locis per quæ excluditur. Denique istis omnibus deficientibus recurrendum erit ad ipsorum vasorum intemperiem & debilitatem, quæ in dorso ac lumbis etiam sentitur: sæpe fit ut renes huic consentiant: vnde in urinâ istarum solet supernatare quædam

pinguedo, ob σύντηξιν materiæ illius adiposæ quæ ibi continetur. Atque hæc de διαγνώσει.

Πρόγνωσην autem in hoc affectu eliciemus ex eis quæ iam fusè dicta fuerunt de specie & magnitudine illius. Quamuis igitur hic morbus à totâ specie non sit lethalis: attamen difficilis admodum est curatu, vbi inueterauit, quia totum corpus iam assuevit suam impuritatem per vterum debilitatum velut per cloacam effundere, & sterilitatem vt plurimum inducit: non tamen semper, vt est apud Hippocratem 4. *epidemiwn textu* 51. *part. 12.* Quod si vehementiam habeat summam, tum ratione quantitatis materiæ quæ effunditur, tum qualitatis: non solum καρδιαγῶγες, καχεξίας, hydropes, marcorem & similes affectus inducere solet: sed etiam conuulsiones lethales, vt est *Aphorism. 56. sect. 5.* tam ab inanitione & punctione virulentæ materiæ, vt quidam putant; quam à repletione: quando ista materia subito recurrit in cerebrum & neruosum genus: vt ipse Hippocrates innuere videtur 2. *γυναικείων.* Quod eodem modo de seminis effusione immodicâ asserendum, imo frequenter ex istâ gonorrhœâ, si sit rebellior, intereunt mulierculæ, quia præ pudore vix audent conqueri apud Medicos & legitima remedia vsurpare. Auget periculum in vtroque affectu pars princeps aut cōtionibus dicata, quæ fouet perenniter & suppeditat huic malo causam, tam per μετάσσειν, quam per θήγειν. Quis verò istorum fluxuum sit deterior, ita puto iudicandum: album quidem esse contumaciorem & diuturniorem, potissimum iam prouectis ætate, quibus est valde familiaris, quia pendet à pituitâ & defectu concoctricis facultatis: alios autem, vt citrinos, virescentes, atros, & similes, facilius quidem curari ob humoris tenuitatem: attamen maius periculum inducere, nisi eis maturè prospiciatur, siue ferantur per vterum erodendo, inflammando: seu cohibeantur intus subito: vnde infinita propemodum mala suboriri possunt. Iam igitur de illius θεωρία cogitemus.

Quod ad curandi ergo methodum spectat, in hoc affectu, quemadum in aliis, habenda ratio imprimis causarum internarum & externarum: ipsius naturæ seu speciei affectus: à quo præcipuè seu immediatè pendet: & partium affectarum, tam mittentium, quam suscipientium. Ratione causarum igitur externarum, instituenda conueniens victus ratio, quæ omnes illas ita disponat, vt non amplius ad causarum internarum generationem & ipsius morbi incrementum conspirent, sed contrà aduersentur, & naturæ suppetias ferant. Ratione causarum internarum humoralium, tam antecedentis, quam coniunctæ, quæ peccant motu, quantitate & variis qualitatibus, indicantur reuellentia, deriuantia, vacuantia, & alterantia pro conditione humoris varia. Ratione affectus seu dispositionis morbificæ, à quâ præcipuè suscitantur, indicantur etiam contraria, quæ eam expugnent, siue sit intemperies multiplex, siue tumor præter naturam, obstructio, & sic de dereliquis. Denique ratione partium mittentium, vt cerebri, ventriculi & reliquorum, si quidem iste fluxus concitetur non vi expultricis facultatis, vt sæpe contingit; sed potius ob constitutiones morbosas & debilitatem illarum, proponitur etiam earum omnium correctio, & materiæ quæ ab illis fluit interceptio aut deriuatio in alium locum minus naturæ molestum. Ratione denique partium suscipientium, nempe vteri & vasorum, exoriuntur indicationes exsiccandi eiusmodi superfluam humiditatem, adstringendi ductus, & partem roborandi, ne amplius tam faciliè suscipiat & pristinam temperiem recuperare possit. Quibus ita positis, primum diætâ erit ritè constituenda.

Ær itaque eligatur aut arte paretur purus & minime inquinatus vaporibus stagnorum, paludum, conuallium, & similium locorum, qui etiam mutandi erunt hisce ægrotantibus, si quidem incolæ sint insalubrium istarum regionum, vt possint perfrui in alieno solo commodiore aëre, sicciore scilicet, & limpidiore. Aut certè domi corrigant vitium ambientis, quantum fieri poterit, vbi se continebunt, excitato igne, tempore potissimum pluuioso aut nebuloso, dum spirat auster, vel frigoris nimia inclementia viget. Promoueantur conuenienter omnes aliæ vacuationes solitæ alui, vesicæ, & similium; quantum enim istis decedit de naturali & stata *ἐκπίσει*, tantum huius fluori accedere solet. Vigiliarum & somni adsit moderatio in cubili minus calente, remotis culcitrīs plumeis & similibus, & raro in dorsum conuersæ dormiant, quia calfactis renibus, & lumborum regione materiæ fluxus magis versus inferiora concitatur. Exercitatione vtantur paucâ vel mediocri, potissimum inferiorum partium: quia hoc etiam facit ad alliciendum humorem versus vterina loca: sed

sed frequenti vrantur frictione superiorum partium cum linteolis crudis & asperioribus mane antequam surgant : quibus se uxorem illam Boëthi Consulis Romani potissimum curasse gloriatur Galenus *libro de prænotione*, cui addebat mel crudum; vel etiam coctum ad maiorem resolutionem humorum pituitosorum, quibus totum illius corpus scatebat. Sunt qui sacculis arenâ tenui & modicè calente, alij farinâ fabarum & hordei plenis, vrantur non sine fructu. Abstineant à coitu quantum fieri poterit, ne ex eo magis conturbentur humores & attrahantur in vterum calfactum & dilatatum ex eiusmodi congressu. Denique animi pathemata vitentur, quæ idem præstare possunt, vt ira, mœror, zelotypia, quibus valde exerceri solent per eiusmodi affectum, quia norunt se maritis suis ob illum esse valde ingratas. Vnde consolandæ sunt spe citæ curationis, & auertendæ ab istis cogitationibus, vt gaudio indulgentes & caloris natui beneficio conualescant.

Quod ad alimenta spectat, in illis magna etiam cura & sedulitas adhibenda : quia in hoc affectu non solum qualitatibus suis afficiunt, sed etiam totâ substantia faciescunt in materiam humoralem quæ illorum naturam redolet. Ideo eligantur secundum substantiam euchyma, quia hic perpetuò excedit quædam caco-chymia; secundum materiam *ευχύμη*, quia calor natuius sæpe hic eneruatus & debilis euadit : secundum quantitatem mediocria, vt neque extenuetur nimium totum corpus defectu, vel nimis impleatur eorum superabundante copiâ. Qualitatibus autem sint varia; nam prout materia fluoris ad pituitosum, biliosum aut melancholicum humorem magis verget : ita etiam in caliditate & frigiditate temperata & lenientia esse debent. Perpetuò tamen siccantia & absorbentia istas humiditates superfluas : vnde Galenus in istis laudat victum attenuantem & exsiccantem, quo solo pituitosos illos fluxus maximè vulgares curari asserit. Fugiant igitur omnia eruda, & valde humida, vt olera, fructus horæos aut immaturos, acetaria, legumina, lacticia omnis generis, pisces, nisi saxatiles & friabilis substantiæ; iuscula, nisi fuerint inspissata amylo, oryzâ, semolâ & similibus, aut certè alterata cōuenientibus herbis, mentha, hyssopo, maioranâ, saluiâ & similibus, sed paucâ quantitate. Vescantur carnibus assis potius quas elixis, quas inspergere poterunt puluere nucleorum granatorum acidorum. Vrantur etiam pane biscocto, anisato & probè fermentato. Inter bellaria, passulis, pineis, dactylis : amygdalis tostis, pyris & cydoniis malis saccharo aspersis vrantur. Potus sit parcus ex aquâ coriandrorum, vel chalybeatâ, aut mixtâ cum paucâ vino rubro adstringente. Laudat Hippocrates *lib. 2. γυναικείων*, vt istæ mulierculæ sæpius incoenatæ dormitum eant, quod ego valde probō in pituitosis & mollibus corporibus, ex *Aphorismo 57. sect. 7. Corporibus humidis carnes habentibus famem imperare oportet*. Idem eodem loco vult eas abstinere à pinguibus & dulcibus, quia facile corrumpuntur, & in pituitosum succum degenerant in caco-chymis. Item ab acribus & salis, vt frixis & piperatis, quia fluxiones suâ acrimoniâ augent. Quæ omnia iuxta propositæ ægrotantis naturam solerter varianda erunt.

In gonorrhœâ autem vitandi sunt etiam corporis motus, præcipuè equitationis, renes & lumbi sint discincti & minimè coarctati. Vitent cogitationes rerum venerearum. Abstineant vino, vel saltem vrantur oligophoro & adstringente. Sunt qui solâ aquâ potabili, in qua bullierit semen nymphææ, putent istum affectum extinguī posse. Vitent cibos multi nutrimenti, & qui semen multiplicant iam commemoratos, nisi tabes imminere videatur. Denique adstringentibus vrantur, vbi iam erit consilium suppressere ex toto istum fluxum. Atque hæc de diætâ.

Quod ad remedia spectat, cum positum sit in fluore muliebri regnare caco-chymia pituitosam, biliosam & melancholicam, non est dubium quin purgatio per accommoda cathartica conueniat, ex *Aphor. 36. sect. 5. mixtis semper quæ restrigendi & roborandi facultate prædita sunt*, ne materia nimis violenter versus vterum præcipiretur, & ipsa pars debilitetur. Vtrum verò venæ sectio etiam sit ex usu, dubitari potest. Si enim sit mera caco-chymia, certum est illam non educi ex venis, neque debilitandum esse robur naturæ per sanguinis missionem in tam chronico affectu. Ac proinde adhibitâ distinctione conciliari potest. Nam si iste fluor non sit solitarius, sed subrubro humore, nempe sanguineo permixtus, tunc celebrari potest venæ sectio, tam reuulsionis, quam modicæ vacuationis causâ. Tum si insignior iecoris caliditas aut biliosi succi acrimonia humores inflammantis vi-geat, tunc etiam non erit inutile ventilationis causâ sanguinem modicum elicere. In aliis autem casibus melius erit ab eâ abstinere, & illius loco ligaturas in superioribus

ribus partibus & frictiones exercere, cucurbitulas scapulis & dorso admouere frequenter, potissimum si ex cerebro rheumatismus iste pendere videatur. Quo etiam in casu conueniunt vesicatoria, phœnigmi, masticatoria, errhina, necnon cauteria occipiti vel brachiis inusta, ut mali istius fomes aboleatur. Vtrum vero etiam cruribus admoueri debeant aliquando, non satis est compertum. Nam cum eiusmodi cauteria in tibiis, magis ac magis allicere soleant humorem versus inferiora; inde etiam sequi videtur, quod augebunt etiam fluorem istum vterinum. Attamen illis quæ magnâ serosæ materiæ copiâ abundant, ut eius portio per eiusmodi emissaria vacuetur, non esse inutiles istas tibiæ fontanellas, aliquando experti sumus, si reliqua non profecerint remedia.

Repetenda igitur frequenter & quasi statis temporibus purgantia in hoc affectu, ut seges illa cacochymia, quæ continuò generatur & succrescit, per *ἡνίκα* etiam vacuetur, non solum concitatâ deiectione, sed etiam procurato sæpius vomitu, potissimum in illis quæ ad vomendum sunt comparatæ, & quibus ventriculus infarctus humoris crudi laborat. Materia purgantium ex solitis fontibus reperatur. In seroso & pituitoso dominatu semen carthami, & ebuli, folia soldanellæ, & agaricus, radix mechoacan & turpethum maximè conueniunt. In bilioso myrobalani citrini, rhabarbarum, syrupus rosatus, serum lactis, aliquando etiam scammoniatum, si liberalius sit agendum, permixtis roborantibus. In melancholico folia senæ, polypodium, myrobalani indi, syrupus fumaris, lapis lazuli, confectio Hamec & catholicon. Denique syrupi magistrales, opiata laxantes, pilulæ, electuaria solida & illud quod de citro dicitur, & similes formulæ præscribentur, quas non est hic propositum fusiùs delineare, cum ex præcedentibus facillè reperi possint.

Præter purgantia igitur, quæ hîc vacuandi deriuandique causâ usurpantur: quæri potest, utrum etiam in hoc affectu sudorifica & diuretica præscribi debeant. Ipse Hippocrates in hac sententiâ esse videtur *lib. 2. γυναικείων*, ubi narrat multas istarum ægrarum naturæ operâ sanatas, quibus diarrhœæ spontaneæ, aut sudorum & vrinæ profluuia superuenerant: quare idem potest imitari Medicus in curatione istarum mulierû, ut ipsemet Galenus fecisse gloriatur in curatione vxoris illius Boëthi Consulis Romani. Quod ad sudorifica quidem, non est dubium quin vacuatâ feri maiore portione per poros cutis & habitû corporis, magna fiat reuulsio & vacuatio materiæ istius fluentis: vnde generosum in illis auxilium experimur, potissimum in pituitosis, quæ decocto ligni guaiacini aut sassafra, vsu stupharum, & theriacum naturalium diutius vtuntur ad tollendam halitu vel sudore maiorem portionem istius humoris excedentis. At in biliosis & melancholicis cautius agendum, ne exasperentur magis isti succi & acriores euadant: vnde si in illis sudores sint promouendi, velim ego uti decocto radicis sarsæ parillæ vel chynæ cum temperantibus & demulcentibus æstum furentis materiæ: aut certè præscribere balneum aquæ dulcis & tepidæ, in quo modici tantum sudores & blandè prouocentur: sic enim iuuari nullo nocumento poterunt.

De diureticis tamen maior est dubitatio: nam quæcunque prouocant vrinam, cum caliditate ut plurimum & tenuitate partium prædita sint, non solum illud præstare solent, sed etiam menses concitare, ut est 8. *de simplic. medicam. facult.* ubi asarum, petroselinum, apium, & similia commemorat Galenus, quæ præscripsit in illâ vxore Boëthi. Quare non videtur tutum in hoc fluore muliebri medicamentis vrinas concitare, quia eodem modo etiam fluorem istum augere possent: non enim par est ratio motus naturæ, quando in hoc affectu concitat vrinas; & artis: quia motus ille spontaneus fit operâ caloris natui & facultatis expultricis, serosam materiam in vias renum propellentis: Medicamenta autem illud præstant, ut diximus, calfaciendo, & attenuando: Vnde non magis sequetur fluxus humoris versus renes, quam versus vterum. Quid igitur hac de re stabiliendum? Dicimus, medicamenta ista vrinas primariò prouocare, menses verò secundariò. Ac proinde maiorem fructum sperari posse ex illorum vsu in hoc affectu, prius bene repurgato corpore, quam incommodum, quia commota materia attrahitur à renibus potenter, & per vesicam excluditur: sicque minor remanet illa quæ in vterum prorumpere potest, qui dummodo non sit nimium debilitatus, vel vlceribus affectus, ut annotauit Auicennas, poterit facillimè repellere per se aut medicamentis adiutus, vel dissipare reliquias istius fluxus diminuti per vrinæ profluuium. Cautè igitur agendum in diureticis præscribendis, quasi explorando eorum affectum in istis ægrotantibus.

De morbis mulierum. Cap. IV. 515


Corpore ita preparato, materiâ ex parte vacuatâ & deriuatâ, tunc roborantiâ & adstringentiâ non erunt omittenda, tam interna quam externa: quorum satis magnam copiam superiori capite proposuimus. Theriaca antiqua igitur in corpore & affectu pituitoso hic maximè vsurpari potest, potissimum vigente hyeme sola vel cum conseruâ absint. & rosarum mixta, addendo si volueris, seminis cynaræ, coaguli hædi & terræ lemnæ parum. Syrupus de rosis transmarinis mane & sero ad 3 ij. sumptus hodie valde laudatur. Alij dissoluunt coaguli hædi vel leporis 3 j. in 3 iv. decocti foliorum quercus, & per septem aut octo dies exhibent mane extra tempus fluxuri aut fluentis menstrui, quod in omnibus adstringentibus est obseruandum: Commendatur etiam conserua berberis vel rosarum cum 3 ss. aut gr. vj. mastiches. Inter alia autem, vbi fluxus inueterauit, & iam corpus emaciari incipit, celebrant Practici nostri lactis vstulati seu chalybeati vsum per quadraginta dies mane sumptum, cui circa extremum tempus addere possis puluerem terræ lemnæ, boli armæ, vel sacchari rosati antiqui. Interea fiant eodem modo fotus, fumigia, litus, emplastra, & pessaria adstringentia & roborantia: quorum formulæ ex superioribus patent. Ad roborandum vterum non inutile erit fouere totam illam regionem & perinæ decocto ex vinaceis parato: Item decoctum milij aut farris in vterum iniicere: cui addere potes parum succi granatorum, si vterus aut fluxio calidior videatur. Oxalidis folia vtero apposita commendat Mercatus. Iuuat etiam subdere in formam nasalis, theriacam cum paucis coagulo, vel myrobalanum saccharo conditam, aut etiam pessarium illud ex lanâ vel cotone ab Aërio commemoratum, qui in succo adstringente maceratur & exsiccatur: deinde in vuluam immittitur & frequenter mutatur. Atque hæc de fluore muliebri.

Quod ad gonorrhœam verò spectat, pauca de illius curatione subnectemus, tum quia consimilis est cum eâ quæ viris contingit: tum etiam quod de virulentâ satis copiosè à nobis disputatum fuit in tractatu luis venereæ.

Iam igitur dicamus in gonorrhœæ istius muliebris curatione, præter victum superius propositum: si quidem pendeat ex multitudine seminis, vel sit complicata cum insigni plethora totius & venarum tensione aut alicuius partis inflammatione, necessariò secandam esse venam in brachio, vt minuatur quantitas humoris, & impediatur, quo minus ferri possit versus vteri vasa: aliquando etiam tundi saphæna seu vena poplitis debet in hoc affectu, potissimum si sit coniuncta virulentæ venereæ, quam timemus reuocare in medias corporis vias, superiorum venarum sectione: vel certe si illa fluente, menstruorum suppressio accedat, quod aliquando contingit. Vacuanda etiam cacoehymia, & temperanda humoris acuitas, quæcunque illi fuerit coniuncta; vnde purgationem præscribere solemus ex cassiâ solutiua, myrobalanis citrinis in sero lactis infusis, syrupo rosarum pallidarum: deinde ex terebinthinâ cum aquâ graminis, & rosarum diligenter lotâ: cui adiungere solemus modicum puluerem rhei electi aut liquiritiæ, quod repetimus pluribus vicibus, prout vsus expostulare videtur. Mox iulepis refrigerantibus, incrassantibus, & lenientibus, materiæ istius acrimoniam & tenuitatem temperare solemus: vt syrupo de pomis, violaceo & de nymphæâ, in aquis lactucæ, portulacæ, vel acetosæ dissolutis cum puluere diatragacanthi frigidi. Aut si mauis, paretur emulsio, mane & sero sumenda, ex amygdalis dulcibus, nucleis pini, cum seminibus frigidis maioribus, & de papauere conuenienter contusis & irrigatis f. q. aquæ hordei aut liquiritiæ, cum paucis saccharo. Si maior sit sanies & virulentia quæ deterfione indigere videatur, proderit decoctum fabarum nigrarum cum paucis syrupo capilli veneris per aliquot dies, potissimum horâ somni exhibere. Postea ad exsiccantia & adstringentia venire, inter quæ potus secundarius radicis sarsæ parillæ maximè commendatur, eiusdemque puluis ad 3 j. mane & sero sumptus cum paucis syrupo de limonibus vel conseruâ rosarum. Alij parant electuaria, pulueres, syrupos, & alia multa pro ægri & temporis constitutione in vsum consimilem. Vt

4 Conseruæ acetositis citri, & conseruæ rosarum antiq. an. 3 j. ss. seminis nymphææ, papaueris albi, terræ sigillatæ, granor. kermes, an. 3 j. semin. agni casti & capthur. an. 3 ss. Cum syrupo myrtino fiat opiata, de quâ capiat ad quâritatem castanæ maioris mane & sero. Cui addere potes, si suspicio sit impuri concubitus, rasuræ ligni sancti tenuissimæ 3 ij. Non erunt etiâ omittenda externa, vt iniectiones ex lacte aut emulsione prædictâ, quâdo acrimonia & calor infesta sunt: ex detergētibus, vt decocto hord. & mell. ros. si sordes multæ dominantur ex adstringentibus & roborantibus, vbi

iam sistere consilium erit, vt ex decocto vulnerario seu catapultatum dicto, cui incoxerint folia plantaginis & rosæ siccæ, cum radice symphyri maioris. Exterius inungantur renes & lumbi vnguento albo Galeni refrigerante, cerato santalino, & rosaceo, cum pauco aceto; gestent laminas plumbeas bene perforatas, & capthurâ, cum pauco oleo seminis hyoscyami illitas supra dictam regionem. Fiant etiam infessus seu fots variij, prout temperandi vel roborandi & exsiccandi indicationes aderunt. Quibus si non tollatur affectus, tandem vtantur decocto sudorifico ex radice sarsæ parillæ, vel chynæ per viginti aut plures dies: & tunc temporis commodè nutriantur ex alimentis euchymis, ne corpus nimium contabescat. Atque hæc de fluore muliebri & gonorrhœâ sufficiant.



CAPVT V.

De melancholia, & furore Vterino.

CUM variij sint morbi & symptomata, quæ exoriri possunt à retentione feminis aut sanguinis menstrui: tamen præcipuè inter illa elucescunt duo mulieribus peculiaria, nempe furor vterinus, & suffocatio matricis, de quibus iam acturi sumus. Quod ad furorem itaque vterinum spectat, nihil aliud est quam error imaginatricis circa intensum coeundi appetitum, ob malam feminis in vtero retenti & illum inflammantis corruptelam.

Diximus esse errorem imaginatricis; quia in hoc affectu perpetuò aut saltem per interualla adest delirium, quod cum sæpius sine febre accadat, ad maniam aut melancholiam potius, quam ad phrenitidem refertur. Itaque si cum metu & tristitiâ, taciturnitate, ac quodam pudore illud fiat, ad melancholicum affectum: sin verò cum furore & impudicâ loquacitate, ad maniam accedit, quæ satyriasim antiquorum quodammodo repræsentat: nam priapismus in mulierculis fieri nequit; siquidem hoc delirium est aliàs mirius & tolerandum, aliàs ferinum & quasi tragicum: Vnde Plutarchus narrat quondam Milesias virgines hac rabie correptas, quam fortassis prodere non audebant, sese suspendisse. Perhibent quoque Lugdunenſes sese in flumen cateruatim præcipitasse. Quod ipsemet Hippocrates innuit *libr. de morbis Virginum*. *Muliebris, ait, natura magis est abiecti & infirmi animi quam virilis, ac proinde virgines ubi iam mature sunt viro, nisi habeant effluxus conuenientes, materia illa præ multitudine resilit ad cor & diaphragma, ubi primum corinfatuatur, deinde delirium succedit, & præ compressione istâ strangulationes sibi parant, & mortem velut quoddam bonum exoptant.* Ex quibus verbis elicimus, quæ mulieres sint huic malo obnoxie potissimum, nempe virgines alacriores, dum flos ætatis vigere incipit & menstrua fluere parata sunt, quæ aliquâ de causâ cohibentur: quibus addere possumus viduas inuiores castitatem seruantes, aut etiam nuptas (hinc cantilenæ illæ: (*pauo pichote voudrie. esse morte*) steriles quibus propter impotentiam ignauioris aut ingrati coniugis non licet conuenienter vasa illa vterina deplere, & appetitum rei venereæ satiare. Quamuis autem Hippocrates significare videatur retentum sanguinem menstruum esse causam istius affectus, attamen non est cœsendum solam sanguinis istius suppressionem istud efficere posse, sed concurrere tantum cum seminali materia retenta, cuius igniculi in vehementi illo coeundi appetitu elucescunt: cum illæ, quibus tantum menstrua retinentur, frigidiore & ad coitum potius torpidæ & ignauæ euadant: Imo istum furorem multis accidere, quæ ritè menstrua patiuntur, & ipsis fluentibus experienciâ compertum habemus. Istis tamen duobus coeuntibus simul, non est dubium quin vehementior euadat iste affectus, qualis erat is quem superius describebat Hippocrates.

Diximus itaque errorem contingere circa intensum coeundi appetitum, vt illum distingueremus ab omni aliâ dementiâ, quæ ipsis mulieribus contingere potest, videlicet quacunque maniâ, aut melancholia, quæ non habet semitem suum, & originem ab vtero, & materiâ istâ retentâ: ob cuius corruptelam & effumationem non solum contingit vterum male affici, sed communicatis, vt in hypochondriacâ solet,

solet, vaporibus tum cordi, tum cerebro, fit ut deliria exoriantur non circa quæcunque obiecta, sed ipsius rei veneræ usum, quod risu immodico aliquando attestantur, aliâ s pudore quodam rustico, & mœstâ taciturnitate, aliquando impudenti & lasciuo sermone, aut gesticulatione, ut dicebamus; prout earum natura & temperamentum magis ad hunc vel illum humorem inclinavit. Ita tamen ut in plerisque accessiones habeat manifestas, dum scilicet materia illa turgēt & exhalat ad partes nobiles, quibus cessantibus redeunt ad pristinam mentem quasi miraculo: In aliis fixo iam altius malo, & violatâ cerebri temperie perpetuum adsit delirium, vel saltem per integram anni tempestatem; ut ver vel autumnû, quibus maximè solent isti furores commoveri.

Diximus denique ista contingere ob malam feminis retenti & vterum inflammatis corruptelam. Quibus verbis tum partem affectam, tum causam affectus proximam & ipsius affectus naturam annotauimus. Pars quidem affecta primariò est ipse vterus cum testibus & vasis spermaticis illi annexis, in quibus ob copiam retenti seminis turgentis & inflammati, ac occultâ quadam qualitates præditi, excitatur *φλόγῳσι* in illis partibus, & quædam putredo, per quam expirantes maligni quidam fumi cordis & cerebri arcem conscendunt, eamque trahunt in sympathiam, tum contaminatis & conturbatis spiritibus vitalibus & animalibus, tum etiam eorum temperie mutatâ, fugaci quidem alteratione, si paroxysmis tantum exacerbetur iste affectus: firmiori autem & constante, ubi iam ex sympathico idiopathicus redditur, mutatâ scilicet ipsius cerebri temperie. Obiiciet aliquis, fortasse multoties accidere inflammationes in vtero, tumores præter naturam, ulcera & putrilagines foetidissimas, in quibus tamen non contingit iste furor vterinus ob coitus desiderium: Imò in ipsâ suffocatione vteri aliquando retentum menstruum & semen, ut suo loco videbimus, corrumpi, quæ tamen non inferunt istum pruritus, & tentiginem cum delirio: imò potius insignem stupiditatem & torporem cum sensuum omnium priuatione. Ad hoc respondemus, simplices inflammationes vteri aut tumores præter naturam, à sanguine solo, vel cum aliis humoribus permixto, non sufficere ad inducendum eiusmodi delirium circa res venereas, quia deest proprius ille libidinis stimulus à quo ista obiecta in imaginatione suscitantur, ut videmus in ipsis viris ac mulieribus bene sanis, in quibus dum magna copia turgēt feminalis materia, eiusmodi phantasie etiam per formum obuersantur. Illæ itaque sanguinis putrefactiones & phlegmonæ possunt quidem febres insignes symptomaticas parere, quæ in proposito affectu perpetuò absunt, possunt & intensam phrenitidem inducere, quæ non habeat proprium circa istam rem veneream errorem, sed circa quamcunque, ut in aliis febribus. Ulcera vero & reliquæ putrilagines, si eructent foras suam illam virulentiam, non mittunt istam effumationem ad superiora quæ deliria inducat: sin verò retineatur, possunt quidem pruritus & molestias insignes parere, sed quæ sint absque coitus desiderio. In vteri verò præfocatione, semen quidem & menstruum aliquando corrumpuntur, sed non incalescunt & feruent, imò potius refrigerantur: unde quamuis ad cor & cerebrum vapores dimittant, contraria tamen omnino huic nostro affectui symptomata inducunt, tum propter manifestam illam qualitatem, nempe frigiditatem; tum certum putredinis gradum & inexplicabilem proprietatem, quam agnoscere cogimur, quidquid dicant nostri Censores, ac proinde discrepantes sunt omnino isti affectus.

Ex supradictis facile est colligere, causas furoris istius & melancholiæ vterinæ ex parte rerum naturalium, non naturalium, & præter naturam: etenim temperamentum *εὐσπαρὸν*, sanguineum & bene temperatum: vel exustum, ut in nigricantibus (*morisques, brunes, &c.*) ætas florēs & vegeta, qualis est præcipuè Virginum dum menstrua habere incipiunt, quas ideo Aristot. 7. de gener. anim. tunc valde custodiendas præcipit: libidinosa natura viduarum & mulierum steriliū quamuis coitu utantur, est valde disposita, ut in hunc affectum incurrat. Ex parte verò rerum externarum, quæcunque semen multiplicare, feruere, corrumpere, aut retinere in vasis spermaticis possunt, illæ huic furori generando auxiliarem operam conferunt. Unde aer temperatus vel feruentior illi valde idoneus esse creditur: quod de Ægypto afferunt Strabo & Herodotus, à quibus monstrosæ libidines illius regionis recensentur: aliquando valde frigidus in eis quæ non sunt illi assuetæ, quia retinet materiam & vasa nimium coarctat: quemadmodum in rabie caninâ, quæ non solum sub Syrio ardente, sed etiam in ipsâ brumâ exasperatur. Idem dicas de igne luculentio, vestibis sericeis aut pelliceis, suffitu ambari, ciuetæ, moschi, & similibus,

eubili plumeo, & molliori, voluptatum omnium affluxu, choreis, blanditiis amari-
siorum, lectione scriptorum impudicorum, otio & somno longiore, animi quie-
te superflua, denique opipara mensa ex cibo & potu delicatiore, necnon cali-
diore, ut variis condimentis, aromatis, vino generoso & Hippocratico instrua-
ta: hic enim illud poeticum vere dici potest, *sine Cerere & Baccho friget Venus*:
quibus si accedat solitarum vacationum imminutio aut imminetium retentio,
coitus valde expetiti per longum tempus frustratio, cum mœrore aut zelotypia:
fieri vix potest, quin in istum affectum incidant: primo quidem melancholicum,
ubi maior est adhuc humorum temperies: deinde illis incensis & efferatis ob-
diuturniorem moram, in maniacum & furibundum. Quod multò facilius fiet, si
causæ præter naturam & insolitæ accesserint, ut febres, inflammationes partium
& obstructions, potissimum vteri ac vasorum spermaticorum. Imò etiam assump-
pta quædam dicuntur istum affectum subito excitare posse, ut vidimus in qui-
busdam, quæ vsæ fuerant vino Hippocratico, in quo bauracis naturalis parum dis-
solutum fuerat: aut tabellis illis rubris cum pulvere cantharidum, ad ignauiam vi-
rorum corrigendam celebratis. Sunt etiam quæ dicuntur in eum incidisse post
congressum cum viris, qui ad maiorem illis voluptatem conciliandam, oleis illis
calidioribus cum moscho aut pyrethro mixtis virgam inunxerant. Atque hæc
de causis.

Διάγνωσις autem istius affectus propter vehementiam symptomatis est manife-
stissima. In principio enim illius taciturniores quidem euadunt & mœstiores, sed
cum oculorum iactatione & lasciuia, faciei rubore saturato, qui intenditur per
interualla, potissimum verò facta commemoratione rei ludicræ vel venereæ, ad
quam respiratio & pulsus immutantur per sympatheiam cordis, ex quo Galenus
glorietur se cognouisse sæpius muliercularum istarum *ἑρώους*, furibundos amores:
quando scilicet in proprium quoddam obiectum feruntur, ut illa Iusti in Pyladem,
Oenones in Paridem: Non quod sit aliquis pulsus amatorius propriè dictus, sed
quod eiusmodi amantes, seu potius ex libidine amentes, faciliè & quasi subito va-
rias mutationes suscipiunt in pulsu, & motu cordis, quando obiecta illa expetita
illis offeruntur, vel etiam in memoriam reuocantur: modò enim irâ, gaudio, mœ-
rore, & aliis animi pathematis corripiuntur, prout variè illa concipiunt: cutis
etiam paulatim fit squallida, & aspera, habitus gracilior, lotium acre, vel adipo-
sum, quando incipit *σύντηξις* partium vicinarum, deiectiones paucæ & aridæ.
Quibus diutius perseverantibus exacerbatur malum, rixantur præposterè, lachry-
mantur, & statim in risum effunduntur, obloquuntur multa confuse, & im-
pudenter, ex quibus nihil certi colligas. Mox subito resipiscunt, donec alter
paroxysmus, inordinate tamen & sine certa periodo redierit. Hoc furore per-
citæ mulieres non solum viros appetere, sed etiam publicè sectari audent: imo
relictis affinibus, liberis & coniuge, in quacunque loca comitari, ut de Medeâ,
Ariadne, & similibus authores referunt, siue hoc animi, siue corporis morbo
aut utroque contigerit. Aliæ omnino dementatæ & furentes (*mascle*) quibus-
cunque obuiis sese prostituunt, & rerum omnium aliarum obliuiscuntur, in hac
solum titillatione occupatæ, nec vnquam resipiscentes, potissimum vernâ aut
autumnali tempestate, quibus tunc genitalia admodum tument, & pruriunt, ut
continuo quasi scalptu & frictione istas partes exerceant. Quæ verò pars in illis
primariò vel secundariò sit affecta: quis affectus ut intemperies vel obstructio illi
originem dederit, ex ægrotantibus istis vix expiscari possis, vel amentibus aut
dum sunt in ipso interuallo præ pudore reticentibus. Attamen illa poterit solers
Medicus ex solitis signorum fontibus repetere: si enim simul retenta sint men-
strua, aut conuenientes periodos non seruent, vel malâ qualitate sint prædita,
maxima erit obstructionum suspicio in vasis matricis. Quod si ista ritè peragantur
cum furore hoc vterino perseverante, verisimile erit ex summâ acrimoniâ & fer-
uore seminis in illo loco turgentis sibi que ipsi viam præpedientis potius pendere.

Non ergo negligendus hic affectus, utpote foedissimus, & familiis notam igno-
minia vel dedecoris inurens, cui si non maturè prospiciatur, vel ferina illa amen-
tia succedit, vel etiam mors; aliquando ex causis internis, ut compressione nimia
cordis & diaphragmatis: vel etiam violentis, ut quando se in puteos coniciunt,
vel suspendio afficiunt. Magna est tunc spes salutis, quando dilucida adsunt inter-
ualla, & rari vel breues paroxysmi: Aut certè quando corpus tabefactum instau-
rari incipit, & commemoratio rei venereæ aut coniugij eorum illis facta non
amplius

amplius eas stimulat, aut sensibilibus perturbat. Iam igitur de therapeiâ cogitemus.

Ad *begniâ* primò causâ omnes externæ per rectam victus rationem conuenienter instituendâ. Aër frigidiusculus comparetur arte, aut mutatione soli, lotiones in aquâ frigidâ sæpe repetantur: moris enim est apud plerosque eiusmodi libidinosas & impudicas mulieres ferreis inclusas caueis frequenter in fluuios immergere: vnde aliquando sanantur & resipiscunt. Auertantur ab omni sermone, lectione, & inspectione rerum lasciuarum, ieiunio & orationi addictæ, eisque potibus & cibis vtantur, qui maximè ardorem istum refrænare possunt, & lactucis crudis, portulacâ, melonibus, cucurbitis, pomis acidulis, aquâ gelidâ, pane furfuraceo, aut syncomisto: qui etiam aptissimus est ad aluum commouendam. Imperetur illis vsus aceti, omphacij, limonum, arantiorum, granatorum, capparum, oliuarum & similium exigui nutrimenti alimentorum, quæcunque refrigerare, leuiter incidere, & corruptelæ humorum resistere possunt. Occupentur rebus domesticis & laboriosis, si fieri possit, à quibus vix animum auertere possint: (*otia si tollas, periire Cupidinis arcus.*) Imo etiam aliquando ab amicis & parentibus, si nimium desipiant, non solum grauioribus increpationibus & verbis, sed etiam verberibus excipiantur, ac ignominia aliquâ afficiantur, propter quam resipuisse Milesias illas virgines scribit Plutarchus. Procurentur omnes vacationes solitæ & artificiosæ, de quibus postea agemus. Quod ad somni vsum spectat, dum adhuc sanæ mentis sunt, & tantum per interualla corripuntur, indulgeant illi modicè, sed magis vigilant ad dissipationem vaporum illorum, qui intus per somnum concluduntur: Vbi verò amentes factæ sunt, nihil est melius quam illis omni operâ diuturnum conciliare somnum, ex quo mens quietior redditur, & præposteri illi humorum motus temperantur. Quibus omnibus si non possis carnem illarum macerare, vel certè in principio metus sit ne in peiorem aliquam infamiam labantur, maturè prospiciendum & antequam affectus ingrauescat, vt viro, ei que valido iungantur, quia satiatio sic vtero, & effusâ materiâ, quæ in vasis continebatur, sæpe eas sanari contingit. Si hoc etiam non proffit, ad sequentia remedia confugiendum.

Indicationes itaque erunt primùm à causis antecedentibus humoralibus, vtpote si adsit plethora ob temperamentum sanguineum, vacuetur insigniter per phlebotomiam, ex cubito aliquoties repetitam, si quidem necessarium videatur, quæ etiam retellet ab inferioribus partibus. Sin vero ob mensium suppressionem redundet sanguis, tundantur etiam venæ malleoli, vt cursus ille naturalis humorum concitetur: vel etiam hæmorrhoides aperiantur admotis sanguisugis, si quidem sæculenti sanguinis motus eò vergere videatur, ex tumore & rubore illarum venarum sedis. Ratione cacochymia verò seu impuritatis, quæ hîc vt plurimùm melancholica & atrabilaria esse solet, præscribantur vacuantia, præparantia, & alterantia totum corpus & humores. Purgentur igitur in principio benignioribus, vt syrupo de fumariâ cum decocto foliorum senæ & polypodij querni frequenter repetito: bolo ex catholicone & diasenâ, vel paucâ confectione Hamec. In progressu autem iam præparato humore & corpore, laxatisque viis victu & balneo tepente, audacius erit agendum, vt contumax ille humor potenter deturbetur, ad quod præstandum nihil est præstantius helleborismo: nempe potione ex helleboro nigro paratâ, cuius conficiendi ratio, & dosis varia esse debet pro naturâ ægrotantis & ægritudinis. Item puluis lapidis lazuli ad ḡ. x. vel xij. cum pauca conseruâ violarum hîc magnum sæpe auxilium attulit: necnon antimonij præparati ḡ. v. vel vj. in aquâ cordiali infusa cum pulueribus diambra & diamargariti frigidi. Interea præparari & alterari debent non solum balneo tepente & domestico, vel in flumine si æstas vigerit; sed etiam decoctis vel julepis refrigerantibus & modicè aperientibus, inter quæ syrupus ex succo pomorum & borraginis, cum paucâ aquâ graminis confectus maximè commendatur, aquâ fontanâ vel nymphææ dissolutus, cuius ḡ viij. capiat mane & sero. Serum lactis caprini bene depuratum & refrigeratum sub dio, in quo maduerint folia cichorei & fumariæ, vel succi dissoluti fuerint, per viginti dies mane & horâ secundâ pomeridianâ ad lbj. vsurpatum maximè conducit. Denique ea omnia, quæ ad melancholicos & maniacos præscribi solent, illis conuenient, quibus si parum caphuræ addideris, habetur præstantissima antidotus ad istum morbum debellandum; gestata etiam manibus, aut lumbis admota per se, vel facta ex eâ litu

laminæ plumbeæ cum aquâ nenupharis. Quando autem vires diuturnitate morbi erunt deiectæ, tunc parum confectionis alkermes cum conseruâ borraginis, aut julepo Alexandrino concedere poteris, ad roborandum. Vbi igitur caularum antecedentium humoralium & totius corporis rationem habueris, non erunt etiam negligenda cerebrum & cor, per sympathiam grauitè affecta, ob fumos & vapores sursum elatos, qui idcirco frictionibus asperis, & ligaturis erunt reuellendi ad inferiora, cum urbitulis supra coxas & inguina, necnon clysteribus & suppositoriis, si ea velint admittere, nullo tamen modo calfacientibus, ne exasperent magis & commoueant istam materiam. De inde erunt roboranda & temperanda cor epithematis, cerebrum lotionibus, & embrochis conuenientibus, semper addendo modicum caphuræ. Quibus ita celebratis conuertendus erit animus ad ipsam causam coniunctam, nempe conclusum, & putrefactum semen, ipsumque vterum & vasa spermatica nimio calore affecta. Ad eiusmodi semen educendum, nisi ut possint propter vitæ conditionem virili congressu, fiant à peritâ obstetrice frictiones & contredationes partium illarum genitalium, à quibus sæpe excernere consueuerunt magnam seminis istius putrefacti copiam. Pessaria ad eundem usum erunt accommodata ex mercuriali contusâ cum paucâ myrrhâ, aut puluere aristolochiæ: alij conficiunt ex fermento cum paucâ puluere colocynthidos & oleo sambucino; vel agnus castus apponatur: rutæ folia quoque & allium tritum cum oleo de spicâ immisum laudantur: quibus vtantur dum sunt in balneo tepente filo alligata, vt retrahi possint. Postquam ibi manserint per spatium horæ vnius vel dimidiæ, fiat iniectio in ipsum vterum calfactum ex sero lactis, decocto hordei cum paucâ succo semperuiui vel cicutæ quam commendant: vel si nolint istas iniectiones admittere, inungantur sedulò renes, lumbi & perinæum vnguento rosaceo, vel albo refrigerante, succo solani, hyoscyami vel aqua nymphææ dissoluto, cum modico caphuræ. Tandem si perseveret affectus, applicentur fontanellæ cruribus, quibus nihil est præstantius in eiusmodi melancholicis affectibus; & si insignes lienis obstructions vel tumor superuenerit, illi diligenter erit medendum, tanquam fautori istius affectus. Aliquando enim illius regioni setonem admouisse non inutiliter, fuit obseruatum. Atque hæc de vterino furore sufficiant; nunc de illius suffocatione agamus.



CAPVT VI.

De suffocatione Matricis.

GRAVISSIMUM & valde frequens symptoma explicandum aggredimur, quod vulgo suffocationem matricis appellant: Græci *ὀστρακισμὸς τῆς μήτρας*, vuluæ, seu mulierum ab vtero, vt loquitur Plinius, strangulatum: vnde etiam mulieres illi obnoxia simpliciter *ὀστρακισμὸς* vocantur. Est autem hic affectus, læsa respiratio ob perfrigerationem totius corporis & vteri à materiâ quadam seu vapore maligno in illius sinu aut vasis contento: deinde ad cor atque cerebrum per interualla delato. Definimus per respirationem læsam, nempe ablatam vel imminutam, tanquam præcipuum & magis insigne symptoma, quod in isto affectu apparet. Quemadmodum Galenus *comment. in Aphorism. 42. sectionis secunda*, apoplexiæ differentias, quamuis sit affectus cerebri, rimatur à varietate respirationis quæ in illâ conspicitur. In hoc enim strangulatu vteri tanta aliquando adest huius functionis ad vitam necessariæ priuatio, vt multæ (inquit Galenus *lib. 6. de locis affect. cap. 5.*) pro mortuis elatæ sint; quod etiam confirmatur ex variis authorum historiis: & Heracledes Ponticus libellū scripsit *περὶ ἀπνῆς*. Cum enim tres sint respirationis, vt & pulsus, causæ continentes siue proximæ, scilicet instrumentorū propriorum dispositio, facultatis robur, & vsus: hic non solum causarū vna, sed fere omnes lædi videntur, propter quod tanta in illis accidit mutatio: nam cum totū corpus & vterus insigniter refrigerentur, cū vapore illo tetro & algido afficiantur cordis spiritus, certè finalis causa seu vsus perire videtur, propter quæ respiratio exercetur, quia vehementer refrigerato corde, non videtur amplius necessaria aëris attractio, quæ fit ad caloris contemperatorem; neque expiratio fuliginosarum exhalationum, quæ vi caloris eleuantur.

Infringitur

Infringitur etiam facultatis robur, quod positum omnino est in gradu naturali siue propria temperie calidi illius innati, à quo omnes functiones exercentur. Instrumentorum etiam propriorum dispositio immutatur, quia male affecto cerebro non influit amplius commodè spiritus animalis in nervos & musculos, quibus thorax comprimi & dilatari solet. Frustra igitur quærent, vtrum vita sine cordis motu & respiratione subsistere possit, per solam transpirationem conseruato calore natiuo qui in partibus superest, cum illud quotidianâ experientiâ constet, non solum istarum mulierularum, sed etiam animantium aliorum, vt serpentum, vrsorum & similibus, quæ per duos aut tres menses integros velut demortuæ, & semisopita delitescunt in antris quibusdam subterraneis, plantarum vitam tunc tantum agentia. Vnde etiam tres differentias fœti gradus istius hysterica suffocationis statuunt: Primum quidem, quando sine sensu & motu iacent, cum obscuro aut paruo pulsu, sed cum nullâ sensibili respiratione: Secundum, quando sentiunt quidem, & integrâ sunt ratione, sed ægrè mouentur, & difficile spirant: Tertium, in quo præter difficilem spirationem & strangulatum illum in faucibus, quo valde anguntur, etiam conuulsionibus, & membrorum contractionibus vexantur. Prima differentia accedit magis ad syncopem vel apoplexiam, à quibus non facile discernitur. Secunda ad catochen vel paralyfin. Tertia ad epilepsiam & conuulsivos motus, in quâ maiorem noxam cerebro inferri credibile est.

Bene igitur diximus, istud symptoma accidere ob perfrigerationem totius corporis & vteri, quia illa refrigeratio tollit vsum inspirandi & facultatem debilitat. Est autem illa perfrigeratio qualitas mutata, fugax scilicet & mobilis intemperies, quæ dissipatâ suâ causâ tollitur statim, quia pendet à vapore delato in præcipua illa membra, & fontes caloris influentis: quemadmodum videmus fieri in principio accessionum febrilium, aut instante crisi per sudores. Et hæc rursus patibilis qualitas pendet ab alio symptomate, nempe exeunte mutato, seu retentione alicuius materiæ conclusæ in vasis vteri, aut illius cauo, vbi propter multitudinem aut obstructionem computrescens, & corrupta degenerat in frigidiorē quamdam constitutionem: quemadmodum videmus lac & vinum, imo & grumos sanguinis putrescentis acescere & refrigerari, nec non deleteriam quamdam qualitatem acquirere, propter quam ita infesta euadit cordi & præcipuis partibus, quando agitur & euaporat ad superiora. Dicer aliquis, si frigidior euadit ista materia, quomodo exhalat & in vapores conuertitur? Respondeo, semper remanere aliquas partes tenuiores, quæ facile vel à calore putredinoso, aut certè à natiuo versante & agitante humores corporis, exaltantur. Quemadmodum videmus hydrargyrum calore externo attenuatum copiosam suppeditare exhalationem.

Porro istius vaporis minera continetur in vasis vteri, quæ multiplicia sunt, vt venæ, arteriæ, & spermatis conceptacula; aut in eius cauo. Vnde apparet non vnicam esse, sed multiplicem, nempe sanguinem illum menstruum, qui dum suppressitur ex toto vel ex parte, ibique diutius retinetur præter naturam, malas illas qualitates acquirit: Item semen illud muliebre, quod cum sit naturæ frigidioris humidiorisque quam virorum, ibidem coaceruatum & conclusum, si à naturæ suæ integritate decesserit, pessimam induit corruptionem, ex quâ deinceps istud symptoma exurgit. A menstruo enim & semine retento illud contingere frequenter, inde apparet, quod fœminæ illæ, quibus ista non rite fluunt, vt plurimum incidunt in istos affectus vterinos: deinde quod illis vacuatis & exclusis, ita sanitati restituantur, vt nulla deinceps morbi vestigia supersint. Attamen non fieri tantum à semine & sanguine corrupto, sed etiam à quacunque aliâ materiâ in vteri cavitare retenta & corrupta, illud ostendit, quod hic affectus multas vetulas exerceat, quibus neque sanguis, nec seminis vlla adest superfluitas, quæ possit istas obstructions vasorum parere: tum etiam quod multæ coitu vrentes sufficienter, & menstrua singulis periodis patientes, tamen ob illuuiem vlcis aut materiæ cuiusvis foetentis in vtero contentæ incurrant hanc strangulationem: quamuis non tam grauem, quam eam quæ fit à semine & menstruo, tum quia non faciunt illam obstructionem & distentionem in vasis, tum etiam, quia facilius elabuntur & profluunt ex vteri cavitare, quam ab illis. Obiciet aliquis, si deleterius sit ille vapor, & venenatus, non tantum frigidus qui ab istâ materiâ eleuatur, oportet in nobis venena gererari à calore nostro natiuo, ex materiâ alimentariâ, verbi gratia sanguine, in partibus siue locis physicis conseruationi, non corruptioni dicatis. Ad illud respon

respondemus primò, non sufficere vaporem istum esse tantum frigidum, quia à solo frigido non tam cito, neque tam grauis, neque tam determinatè in partes nobiles noxa inferretur, potissimum cum exigua sit quantitatis illud quod ex istis locis exhalare potest: Ac proinde debere esse venenatæ qualitatis participem, ut istos effectus producat, quod Galenus admittit *libro tertio de locis affectis, capite decimo octauo*, agens de epilepsiâ, & *6. de locis affectis, cap. 5.* dum agit de hysterica hac passione, comparans istam causam torpedinis contactui, morsui phalangij, vel ictui scorpionis, qui cum exiguum quid expirent per illa vulnera in nostrum corpus, pauco tamen tempore, illud ita afficiunt, ut non solum gelu & quasi grandine perfusum videatur, sed etiam in syncopes & alia grauissima symptomata incidat. Illud autem venenum interius fieri non tam ratione caloris natiui, quam putredinosi & alieni inducti in istam materiam ab externis causis, vel vaporibus alienis conclusis, illique permixtis, propter malam dispositionem, tum locorum obstructione laborantium, tum etiam materiæ, quæ ob vitium alimentorum, aut etiam intemperies partium coctioni dicatarum valde cacochema & aliena euasit à naturali temperie: Quod exemplo atræ bilis illustrare licet, quæ ad tantum venenositatis gradum accedit, ut toto genere nobis infensa existat.

Rursum dici potest, si per vaporem hic affectus excitetur ab vtero eleuatum, augetur potius quam minueretur pulsus & respiratio: item cor ipsum palpitaret, quia ad exclusionem illorum, ut patet in aliis morbis, oporteret magis agitari istas partes. Respondemus primo, vaporem istum esse paucum, ac proinde non esse opus grandiori expiratione vel systole, ut excludatur: deinde refrigerare ac interceptare com meatum spiritus animalis in nervos, propter quem cessat motus ille thoracis. Ac proinde quamuis in principio celer & frequens esse possit aliquando pulsus & concitata respiratio cum cordis tremore, attamen dum vapor iste iam partes istas vehementius occupauit, cessare ista omnia quasi congelatis spiritibus, & succedere mirabilem illam ἀπνοίαν.

Redeamus iam ad nostram definitionem, in qua dicebamus, vaporem istum venenatum vteri vasa, deinde totum corpus male & præter naturam afficere: vbi posita est celebris valde & magna quæstio, de naturâ seu propriâ specie istius affectus, à quâ nimirum pendeant prædicta omnia symptomata. Quidam enim existimant esse distentionem vasorum & quasi conuulsionem à repletionem in vteri vasis: alij cum Hippocrate etiam inanitionem accusant. Quidam existimant à solo motu & situ præpostero, ascensu scilicet vteri pendere: Alij denique solum vaporem eleuatum ex malâ istâ intemperie vteri sufficere ad illa omnia producenda: ut fere nihil certi de naturâ istius affectus reperiamus apud authores nostros. Nos igitur rem ipsam accuratius contemplantes, dicimus primò, istum affectum fugacem, & qui per paroxysmos obrepit, non posse pendere à conuulsione factâ ipsius vteri aut vasorum, quæ repletionem aut inanitionem veram sequitur. Cum enim eiusmodi distentiones aut exsiccationes partibus accidunt, continuo affligunt, & non nisi longo temporis tractu, summoque cum periculo tolluntur: at noster hic affectus, ut diximus, desinit & recurrit frequenter, ac rarò enecat istas ægras, sed aliquando vsque ad vitæ diuturnioris exitum concitatur. Neque etiam existimamus, hunc affectum pendere à solo motu aut malo vteri situ: neque enim animal esse particulare putamus in mulierculis vterum, cum Platone & Aretæo, qui lumbrici instar hinc inde versus hepar, diaphragma, aut cor deerrare possit, alimentum sibi familiare quærens, & ista membra coarctans, & quasi suffocans: ipsa enim Anatome satis docet, vterum propriâ membranâ obuolvente à peritonæo & ligamenti fortiter contineri in sua sede, de quâ non potest excedere, nisi illis solutis aut disruptis: ac proinde non possit ita discurrere per ventrem inferiorem, ut illi voluerunt: quia tunc præcipitaretur etiam ad inferiora, ut fit in illius procidentia. Quamuis enim recurrere aliquando versus pudenda suscipiendi seminis virilis causâ, quamuis malis odoribus affici, iucundis delectari: quamuis alimentum conueniens appetere videatur: non tamen inde sequitur esse animal in animali, non magis quam cerebrum, cor, aut ventriculum, quæ manifestè moueri & concuti apparet suis fibris naturalibus, & ratione sensus illius naturalis omnibus partibus insiti sibi conueniens prolectare, à contrariis verò affici & agitari. Denique non existimamus etiam solam intemperiem semper sufficere ad hunc affectum producendum. Quamuis enim præcipua sit causa efficiens malum illum humorem & vaporem, à quo per corpus eleuato, talia subsequuntur symptomata: attamen certum est in plerisque

plerisque istis foeminis hystericâ passione detentis, manifestum vteri motum & agitationem sentiri circa principium paroxysmi, à quo maxime torquentur, & cui compescendo multæ solent implorare adstantium manus ad illum comprimendum, vel etiam latissima quadam fasciâ sibi constringere hypochondria, ut vterus in suâ sede contineatur firmiter. Ac proinde existimamus in hystericâ passione idem fere quod in epilepsiâ contingere, nempe convulsivum motum ex causâ non proportionatâ, & agitationem insignem vteri propter eiusmodi materiam lacescentem & irritantem vim expultricis facultatis, quæ contractis violenter, & dilatatis omnibus fibris concutitur summo labore, ut excutiat infensum istum humorem, qui motu illò eleuatus, & quasi depulsus versus alias partes horrenda symptomata infert, donec discussus & resolutus fuerit, quemadmodum contingit in epilepsia. Quod si tantâ sit illius aliquando ferocitas, ut natura eum quasi exhorrescens, non audeat assurgere cum isto motu ad illum excludendum, tunc exoriuntur pessimæ strangulationes sine vlllo sensibili motu ipsius, aut alterius partis. Ad hunc autem convulsivum motum sequitur frequenter agitatio etiam ipsius ventriculi cum vomitu aut nausea, diaphragmatis concussio ad quam respiratio læditur, cerebri compassio: unde in illis frequentes distortionem membrorum observantur. Atque ideo concludimus in hoc affectu adesse intemperiem ut plurimum malignam cum frigiditate (quo nomine distinguitur ab uterino furore) quæ magnæ humoris quantitati aliquando coniungitur, ut in retentis menstruis aut semine: alias paucæ admodum, quæ etiam per inanitiones & exsiccationes illius, ut post puerperia, & magnam sanguinis profusionem irritatur & ferocior redditur: unde irritatio & vellicatio quasi per paroxysmos in utero recurrit, ad quam commotus & quasi convulsus reliquas partes, præcipuè cor & cerebrum, trahit in sympathiam, tum etiam communicatione materiæ illius seu vaporis, qui ab illo excluditur & sursum amandatur.

Verum subest hic scrupulus. Si enim à retento semine & menstruo ista exoriuntur præcipuè symptomata, ut dictum fuit; quid sit quod in viris sanguineis, v.g. quibus hæmorrhoides non fluunt, aut qui nullâ utuntur Venere, non eadem observentur? Respondemus, in viris non omnino similia apparere posse symptomata, tum quod discrepat qualitas seminis virilis & sanguinis à muliebri, frigidior scilicet & humidior: tum etiam quod vteri & vasorum illorum alia est proprietas ad corrumpebam eiusmodi materiam, quam in membris virorum generationi dicaturum: Adde quod mares animi & corporis robore præditi, studiis, exercitationibus & labore maiorem istorum vaporum partem discutere possunt: aut certè ubi superabundat semen, confricatione levi facilius excutere, quam mulieres, ut de Diogene Cynico narrat Galenus. Attamen non omnino dissimilia aliquando in viris observari accidentia, quibus hæmorrhoidum fluxui assuetis aut prolificæ Veneri, ista supprimantur, quod Galenus historiis quibusdam confirmavit *lib. 6. de locis affectis, capite 5.* & nos multos novimus, qui præter morem intermisso coitu, in melancholiam aut grauissima cibi fastidia, nauseas ac lipothymias inciderant: sed hoc rarius quam in mulierculis propter dictas rationes.

Cum igitur immediatæ huius affectus causæ humores positæ sint semen, sanguis menstruus, & virulenta quæcunque materia in utero aut vasis contenta, ex quibus oritur intemperies illa maligna cum frigiditate, & vapor deleterius tum vteri vim expultricem per paroxysmos irritans, tum reliqua corporis membra impetens, præcipuè cor & cerebrum, cum quibus magnam vterus habet *sympathiam*, iam videamus, quæ aliæ causæ, tam internæ quam externæ, concurrere possint ad istas propinquas & immediatas generandas vel concitandas, ad affectum istum producendum, ex numero rerum naturalium, non naturalium & præter naturam. Quod ad res ergo naturales spectat, certum est temperamenta illa sanguinea & bene habita, quibus Veneris usus interdicitur, vel mēstruæ purgationes quacumque occasione retinentur: Item valde cacochyma, quando non habent suas solitas *διανοητικές*, valde disposita esse ad morbum istum. Item ratione ætatis virgines viro iam maturas, si igniculos amoris semel concipiant, & diutius illis torqueantur, ita ut palleant & *καχεξία* illâ commemoratâ tandem corripiantur, facili in illum incidere, quod de viduis etiam castitatem seruantibus, & adhuc florentibus ætate, atque de sterilibus aut imbelli viro coniunctis, intelligendū est. Verulæ verò multæ ob cacochymia insignem sæpe illo corripuntur, potissimū quæ fluore muliebri diu detentæ, nō amplius purgantur vitiosis istis humoribus, sed intrus cōcluduntur. Existimavit etiam Hippocr. *lib. citato*, prægnantibus aliquando istum strangulatum accidere,

quod de valde cacochymis etiam audiendum, quibus pessimi isti succi imprægnationis tempore retinentur: Puerperis autem sæpe contingit, vel quando lochia non rite expurgantur, quod sæpe fit; vel aliquando ob immodicam sanguinis vacuationem ex laborioso partu vel abortu: quando scilicet pravi humores post optimi vacuationem, dominantur & insolescunt.

Quod spectat autem ad causas externas & procatacticas, quomodo concurrant ad istius affectus productionem, scribunt Paulus & Auicenna, istas suffocationes hystericas fieri potissimum autumno & hyeme: Autumno quidem, propter summam inæqualitatem frigoris & caloris, quâ percussæ mulieres istæ infirmiores, & variè agitata interiore illâ cacochymiâ, incurrunt hoc symptoma: Hyeme autem, propter frigoris vim impredientis, ne vapores isti ad exteriora exhalent, & vteri temperiem oppugnantis; ut reliquarum partium neruolarum, quibus inimicum frigus dixit Hippocrates. Regiones etiam illæ dicuntur hoc affectu feracissimæ, quæcunque repentinas illas aëris mutationes patiuntur, ut hæc nostra Occitanica. Sub aëris etiam censum reuocare possumus odores, qui instar aërei corporis communicantur, & à quibus mirificè vterus afficitur. Quæcunque hysterica passioni valde sunt obnoxia ita exhorrescunt odorum illorum suauissimorum, potissimum moschi, zibeti, benzoini, styracis & ambari appulsam, ut quam primum illos naribus perceperint, in affectum prolabantur: cum tamen ista *εὐωδία* supposita aut in vuluam indita, sint vera istius strangulatus *παρρηγομένη*, quæ contrario modo epilepticis contingunt. Contra verò ab olfactis, & assumptis ingratis odonibus, ut assæ foetida, bituminis, gagatis, sulphuris, castorei, galbani, & similibus mirificè recreentur, imò à paroxysmo suscitentur: quæ contrario modo accidunt, si vuluæ admoueantur ista *δυσωδία*: quod multos induxit, ut crederent vterum olfactus sensu verè esse præditum, cum odoribus ita distincte commoueatur: aut à dæmone obsideri, cum illi spiritus dæmoniacy grauer etiam ferre dicantur tetros odores. Quid hæc de re statuendum sit, non sine difficultate inueniri potest. Attramen, ut quæ probabiliora sunt confitemur, dicimus admittendas esse in rerum naturâ antipathias & sympathias mirabiles, propter quas naturali quodam instinctu ista gaudent quibusdam, alia autem auersantur quædam peculiariter. Ac proinde existimamus vapores istos à rebus suauiter olentibus eleuatos, præcipuè zibeto, ambaro & moscho solis vel permixtis (non enim ita afficitur ab odore rosarum, cinnamomi, garyophyll. & similibus aromatum) percipi ab vtero non sub specie odoris, qui est proprium olfactus obiectum; sed grati & benigni vaporis, quo maximè recreatur & reficitur, quemadmodum spiritus corporis nostri, & reliquæ partes neruosæ, quamuis non ita insigniter. Vbi igitur ista bene olentia pudendis admouentur, tunc quasi satiatus & recreatus conquiescit vterus: sin verò naribus & cerebro prius offerantur, desiderio eorum naturali primum commouetur, deinde si æger sit, ut in istis hystericeis, commoto maligno humore conuellitur, & excutitur pessima illa aura suffocationis hystericae parens. Contra verò à male olentibus infra admotis, cum quibus illi est dissidium, irritatur, ut aliquando ventriculus ad vomendum: sin vero per os assumantur, naribus vel umbilico applicentur, conquiescit & quasi refugit naturali antipatheia in propriam sedem. Adde quod ista foedè spirantia non simpliciter male olentia sunt, sed caliditate & siccitate insigni prædita, qua facillè discutiunt vapores illos qui ex vtero effumant, & hystericum strangulatum inferunt. Alia enim male olentia, quæ caliditatem humiditati excedenti & putredinosæ iunctam habent, ut stercora humana, carnes putridæ, & cadauera, illud non præstant, sed potius affectum istum augent. Vnde possumus concludere, ista bene olentia, tum occulta quadam sympathiâ vtero amica esse, tum manifestâ qualitate, quâ reliquas partes neruosas, & spiritus omnes recreant: graueolentia item naturali *ἀντιπαθεία*, ut & spiritibus aduersari, qualitatibus vero suis discutere & dissipare materiam illam & fumos qui inde eleuantur, vnde accessionis irritatio, & cessatio contingit. Iam alias causas percurramus.

Quicunque cibi & potus dicti sunt à nobis suppressendis mensibus esse idonei, obstructionibus & cruditatibus multiplicandis, aut semini augendo: illi etiam concurrere possunt ad istius affectus hysterici generationem: inter quæ dulcia potentissimè illud efficere solent, quasi eorum suauitate statim commoto vtero, quemadmodum dicebamus de odoribus. Eodem modo quæ agitare possunt, aut corrumpere istam materiam, illique incrementum præstare, somnus immodicus & otium, vigilia & exercitatio

exercitationes immoderata: excreta omnia & retenta præter naturâ: ab imi pathemata vehementiora, vel congerere malignum in vtero humorem, vel eundem concitare solent ad paroxysmum. Audito enim vel accepto malo aliquo nuntio multas statim in strangulatum istum incidere notum est: & quasdam nouimus, quibus si per integram septimanam cessaret consuetus vomitus, vel non purgarentur per alui fluxum, grauissimè conflictabantur. His adde obstructions quasdam vel intemperies partium relictas post alios morbos, vt febres quartanas & diuturnas, insignes cerebri catarrhos, epilepticam dispositionem, melancholiæ hypochondriacæ dominatum & similia, à quibus vel producit iste affectus, vel eis complicatus maximè efferatur. Atque hæc de causis.

Signa autem istius affectus, causarum & partis affectæ ita sunt perlustranda, vt primò per certa *σημεία* illum distinguere possimus ab aliis cum quibus magnam habet similitudinem, putà syncope, apoplexia & comitiali morbo. Quod ad syncopen ergo spectat, in ea non solum respiratio, sed etiam pulsus omnino amittitur, qui in istâ suffocatione remanet, quamuis paruus, donec iam ad extremum periculum deuenierint: deinde syncope præceps est magis lapsus omniū virium, hîc verò maior datur significatio futuræ accessionis: & in ipsâ accessione non est tantus pallor, quantus in syncope apparet, neque apparet sudor ille diaphoreticus, qui syncope affectas occupare solet. Quamuis non sit negandum, quin interdum ista suffocatio complicitur cû syncope vel lipothymia, quando potissimum corde sunt & animo languidiore, aut certè iam valde debilitatis viribus ob diuturnitatem affectus. Differt autem ab apoplexiâ, quod partes non ita resolutas habeant, neque sensum omnino amiserunt vt apoplectici: sed cum pili extrahuntur, vel punguntur, indicant manu sibi fauces præcludi: deinde non habent illum stertorè, & respirandi reciprocationem, quæ in apoplecticis semper visitur plus minus, & sæpius post accessionem meminerunt eorum quæ dicta & facta fuerunt, quamuis ipsæ loqui non possent; quod non fit in apoplexiâ, vel epilepsiâ: à quâ etiam in hoc distinguitur, quod conuulsiui motus, qui aliquândo coniunguntur vterinæ passioni, non sunt ita vniuersales vt epileptici, sed hoc vel illud membrum seorsim tantû distorquent & sine vehementi agitatione. Adde quod dum soluitur hysterica passio, nulla apparet spuma circa os, vt in epilepsiâ; sed velut dormientes excitantur, cum murmure inferioris ventris, quasi vtero quiescente, & in suam sedem restituto, & aliquando effluente magha humiditatis copiâ per vuluam, potissimum si diutius contrectentur partes genitales. Iam igitur superest, vt propria signa enariemus, quibus affectus, & sedes affecta, ac illius causa peculiaris innotescat.

Imminentis itaque istius affectus seu paroxysmi, cui maturè occurrèdum est, quasi *προδρομοί* præcursores sunt: murmur abdominis cum ructu frequenti, lassitudines vel contrações membrorum, oscitationes, pandiculationes ex flatu illo & vapore qui iam eleuatur, nausea quædam, tristis aspectus & quasi horror quo afficiuntur ob consentientes iam alias partes, & sensus quidam strangulationis, quasi à grandiori bolo deuorato, quem percipere in faucibus incipiunt. Vbi ingrauescit, tunc distorqueri incipiunt aliquot membra, vel subitò *ἀφωγία* correptæ deinceps nihil sensibiliter respirant, & pulsus admodum languidus existit, clausisque aliquando permanent oculis donec restituantur: In aliis vterus sensibiliter agitur, & quasi conglobatur, vel ceruix eius ab obstetrice tangente quasi retracta sentitur. Quæ verò pars huic affectui præcipuam originem dederit, per singulas discurrendo inueniendum erit. Nam si præter vteri querelas quæ hic frequentissimæ esse solent, adsint notæ iecoris, ventriculi, lienis, cerebri aut similium male affectarum, quæ præcesserint generationem istius hystericae passionis, ac deinceps cum illis sæuientibus ingrauescat, aut desinentibus mitescat, magna erit tunc coniectura primariam ab illis istius affectus causam repetendam esse. Certè per hystericas istas passiones valde notum fit, quæ partes in corpore ægrotantis sint imbecilliores. Nam si ventriculus v.g. infirmitate laboret, perpetuis ructibus, aut circa vmbilicum rugitibus, frequenti nausea, perpetuo ciborum fastidio, aut deprauatâ appetentiâ torquentur. Si cor sit imbecillum, illas exercet palpitatio, & tremor illius cum mœrore & metu frequenti. Denique cerebrum debile, catarrhis & fluxionibus molestissimis illas infestat, madescent lachrymis oculi, imaginationibus variis agitantur, & sæpe distortionibus illas membrorum iam dictas perpetiuntur. Vtrum verò à semine retento, suppressione sanguinis menstrui, vel alterius materiæ excrementitiæ in vtero corruptæ, tanquam à peculiari causâ intemperiem ibi producente, pendeat: ita distinguendum erit. Etenim si à

femine retento & putrefacto contingat, aderunt vel præcesserunt omnes causæ, quæ illud augere, coaceruare in vasis, aut corrumpere potuerunt, vt florens ætas Veneri iam matura, vel assueta, quæ illius vsum diutius intermiserit, temperamentum *ινεργον* aut sanguineum, vita otio & voluptatibus dedita, victus opiparus ex cibis aliquando corruptioni obnoxiiis: ita vt bene habitæ & fluentibus commodè mensibus hoc affectu grauissimè corripiantur, quem vt plurimum præcedere solet vterinus ille furor à nobis commemoratus, cum risu intempestiuo, aut importunis lachrymis, quamdiu adest materiæ feruor, quo sedato desinit in passionem istam hystericam. Omnia sunt vehementiora quam ab aliis causis, & valde iuuantur, quando contrectatione molli & blanda genitalium partiū humor quidam albus & crassus nō sine voluptate effluit. Quod si in mulieribus coitu vtentibus menses supprimantur, aut non satis commodè purgentur, tunc ex sanguine isto retento pendebit, pro cuius varietate & cacochymia melancholicæ, iracundæ aut torpidæ & somnolentæ euadunt: mammae aliquando turgent & partes iuxta renes & femora dolent: nec non caput frequenter in posteriori parte, propter copiosos fumos qui ex hac materia eleuantur, & per spinalem medullam illi communicantur. Quod si commodè menstrua fluant, sit etiam Veneris vsus conueniens, quo semen ritè è suis vasis eliciatur: mulier iam senio sit vicina aut valde cacochyma, vel vterinā quadam scditate laborans: tunc coniectura erit causam huius affectus esse corruptum quemuis alium humorem in vteri fundo, qui non tam vehementes paroxysmos inferet, quam semen & sanguis: Quod enim aliquid perfectius & salubrius extiterit, quando semel à naturæ suæ integritate deccedit, eo deteriorem acquirit aliis suâ naturâ infestis conditionem. Denique si vterus in hoc affectu commoueatur aut conuellatur, infestabunt valde ructus, rugitus abdominis, & conglobatio illa facilè sentietur à tangentibus circa vmbilicum, dumque restituitur cum quodam murmure, in imum ventrem deuoluitur. Atque hæc de diagnosi.

Quod ad prognosin, ratione speciei huius affectus rarò interficit agrotantes, sed chronicus est & valde molestus: nisi syncope illi coniungatur, aut ingens conuulsio, quibus citò tolluntur è medio. Si sæpius repetat & difficile solvatur, periculum est, ne respiratione toties læsa, calor natiuus suffocetur & intereant. Vbi tamen illud accidit, non sunt statim sepeliendæ, quia multas in ipso tumultu exsuscitatas constat. Prædicti vt experiantur vtrum sint mortuæ, apponunt lanæ floccum naribus, vas aquâ plenum supra orificium ventriculi & diaphragmatis regionem, aut speculum ori, vt videant an ab earum halitu inficiatur. Sed quia ista possunt tantum significare respirationem esse sublatam, non transpirationem, per quam sustineri potest vita per aliquod tempus, vt supra docebamus: ideo melius est seruare eas inhumatas per tri-duum siue spatium septuaginta duarum horarum, vt loquitur Auicenna; quia illo tempore fit motus omnium humorum, & si quidem calor natiuus euauerit omnino cum vitâ, tunc foetere incipiunt, alias manent incorruptæ per aliquod tempus, vt experientiâ sæpius fuit compertum. Ratione verò essentia morbi, causarum & symptomatum, illa passio hystERICA est deterior, quæ plures partes rapuit in consensum, quæ à seminali materia pender corrupta propter rationes dictas, & quæ grauem respirationi noxam infert. In senioribus vix curatur, vbi diutius perseuerauit, ob insignem cacochymiam quæ in illis redundat: In iuuenibus plerumque cessat, quando parturire incipiunt: At in prægnantibus & puerperis valde molesta & aliquando mortifera: in his quidem, propter summam virium infirmitatem: in illis, quia foetus simul cum matre vehementer laborat, & quasi suffocatur, vnde periculum abortus. Iam igitur ad *θεραπευαν* accedamus.

Curacionis autem duæ erunt partes, quemadmodum duo sunt tempora istius affectus, nempe paroxysmus & interuallum. Prius igitur à paroxysmo liberandæ sunt: deinde interualli tempore danda opera per remotionem causarum, vt prophylaxis illius instituatur, ne amplius, aut certè ne tam vehemens reuertatur. In ipso igitur paroxysmo, cum positum sit illum excitari à vapore eleuato ob commotam materiam malignam & vteri agitationem, propter quam totū corpus valde refrigeratur, & partes nobiles, præcipue cor & cerebrum, in consensum rapiuntur: Patet tunc incumbendum esse dissipationi illius vaporis, & reuulsioni, excretioni teterrimæ materiæ, & corroboracioni seu consolacioni, tam ipsius vteri, quam cordis & cerebri. Illud autem præstabunt primum frictions asperiores, & ligaturæ dolorificæ inferiorum partium: vellantur pili pudendorū & capitis: vocentur altâ voce & increpentur: cucurbitulæ cum

cum multâ flammâ coxis & regioni pubis, aut sub vmbilico appositæ: vulgares mulierculæ admovent ollas vel scutellas alio confricatas non sine fructu. Quin etiam si detur commoditas iniiciendi clysteris carminantis & purgantis cum hierâ, aut suppositorium aliquod acre, nihil erit præstantius ad vacuandos reuellendosque istos vapores. Qui deinde sumptis & admotis erunt dissipandi: vnde Auicennas exhibet aliquot grana piperis confusa cum paucò vino generoso: Nos aliquot guttas olei anisi vel gagatini cum vino aut iusculo: aliquando parum theriacæ vel mithridatij: Vel conficimus tales pilulas ad sedationem paroxysmi & præcautionem vtilissimas.

℥ Castorei, myrrhæ, & assæ foetidæ, an. ʒj. seminis rutæ & croci, ana gr. iij. Conficiantur cum paucâ aqua matricariæ vel syrupo de artemisiâ duodecim pilulæ deauratæ. Capiat vnâ vel duas instante paroxysmo, & tempore interualli dum ibit cubitum; superbibat, si voluerit, parum aquæ imperialis. Conficientur interea nares eodem oleo gagatino, vel de junipero, vel assâ foetida dissoluta cum paucò vino aut aceto acerrimo. Fiat suffitus ex plumis perdicis; capillis propriis, cornu quolibet accenso, puluere verrucarum quæ adhærent tibiis equorum, sulphure viuo, pannis detritis, soleis & ipso gagate combusto, allia confricata naribus offerantur, & similia. Sub vmbilico applicetur emplastrum ceroneum, vel ex galbano & assâ foetidâ confectum, quod etiam ordinariè ferre poterunt, aut certè quando venturam esse accessionem suspicantur. Deinde vt irritetur ipsa facultas ad expellendum, si valde sepulta videatur, sternutamentum, ex *Aphorismo* 35. *sect.* 5. procurari debet ex puluere piperis longi, pyrethri, aliquando ellebori aut euphorbij, si malum ingrauescat. Alij instillant etiam in aures aliquot guttas olei de spicâ vel saluiz.

Interea si à retento semine ista suffocatio pendeat, nisi virili concubitu vti possint, volunt eas ita colloçari, vt ceruice ac scapulis sint accliuibus, coxis autem & inguinibus decliuibus: deinde attrectari partes genitales, & blande fricari à peritâ quadam muliere, quæ manum oleo moscatellino, vel amygdalarum dulcium inunxerit, aut etiam immittere pessarium ex mercuriali contritâ cum paucâ hierâ & cinamomo ad eliciendum istum humorem spermaticum ferocientem. Aut supponantur in aliis casibus aliquot grana moschi aut ciuetæ cum paucò cotone ligati. In pauperioribus puluis garyophyllorum, nucis moschatæ & cinamomi sufficiet ad vteri recreationem. Suffiatur etiam styrace, benzoino. Si cordis vires ex pulsu deficiente nimium collabi videantur, ita vt sit metus complicatæ syncopes, optimum erit illud irrorare aut fouere vino generoso cum paucâ aquâ naphæ, vel imperiali diluto: admoovere pullos columbinos vel gallinas per medium sectas, & puluere granorum kermes asperfas. Sin vero cerebrum magis patiatur, & apoplexiâ detineri videatur, non erit extra rem, extimam cutem oleo feruente, vel ferro ignito adurere leuiter.

Mira est Hippocratis 5. *epid. part.* 18. historia de muliere quadam, quæ cum nullis remediis à paroxysmo liberari posset, tandem coniectis super illam triginta aquæ frigidæ amphoris surrexerit. Quæ curatio similis est illi quam proponit de retano affectis *Aphorism.* 21. *sect.* 5. non nisi summâ cautione adhibendâ. Quemadmodum si prægnans hysterico strangulatu occupetur: prudenter ista remedia vsurpanda, ne abortus illis concilietur. Est etiam controuersia inter authores nostros, vtum horâ paroxysmi vinum hystericis sit exhibendum. Auicennas prohibet. Hippocrates concedere videtur. Etenim summa refrigeratio totius corporis, virium insignis imbecillitas, & spirituum retractio, non videtur melius subleuari posse quam vsu vini generosi modicè sumpti. Attamen quia hic affectus vt plurimum pendet à retento semine, putrefacto sanguine & vaporibus retris, qui ab vtero eleuantur, ratione causarum non videtur exhibendum, quia magis ac magis irritare potest materiam illam intus delitescentem. Itaque ista discrepantia hoc modo componi potest, vt vinum ordinariè non sit exhibendum tempore paroxysmi, sed tantum extraordinariè, quando scilicet ratione virium summè collapsarum, complicatæ syncopes vel instantis lethi cogimur ad præsentaneum illud auxilium recurrere, iam aliis omnibus frustra tentatis. Atque hæc de paroxysmi subleuatione sufficiant.

Quod ad prophylaxim vero spectat, quæ interualli tempore exerceri debet, vt accessionis reditus impediatur, aut saltem retardetur: tota posita est in causarum sublatione, atque vteri corroboratione. Explorandæ igitur omnes causæ tam externæ,


quam internæ, quæ huic affectui originem, vel incrementum præstare potuerunt, ut illis sublatis, vel saltem immutatis, melior concilietur mulieri hysterica dispositio. Diæta itaque imprimis rite instituenda pro vario corporis & affectus statu: quod ex superioribus facile potest repeti. In genere tamen aer illis purus & lucidus convenit, in mediocritate qualitatum positus: exercitatio & vigilia moderatæ: animi tranquillitas & auersio ab omni cogitatione vel inspectione rei libidinosa, præcipuè in illis quæ ex seminis multitudine laborant: alui & vesicæ libertas, ut rite communia excrementa repurgentur. Inter alimenta ut plurimum dulcia illis sunt ita inimica, ut quam primum illis assumptis torqueantur: ita ut uterus non solum odoribus, sed etiam saporibus commoveri videatur, quod supra annotauimus. Utantur itaque exsiccantibus, modicè attenuantibus, & calfacientibus, ut carnibus assis, pane bene cocto, & fermentato: & aliis quæ paucum nutrimentum præstant, & incidunt, ut mentha cum iusculo cocta, capparibus conditis, oliuis & fœniculo marino. In eis quæ valde lasciuunt, consulatur usus Veneris, si eo non fruuntur: aut si non liceat uti, ieiunium & oratio imperetur: unde multas solo pane, aquâ & oleribus, aut prunis, pomis, & similibus vtentes conualuisse vidimus. In aliis concedatur vinum tenue, oligophorum, aut bene lymphatum, nisi sint valde senes, & cacochymiâ pituitosâ obsessæ. Denique reliqua stabiliantur ex iudicio prudentis Medici.

Deinde de maioribus remediis cogitandum. Cum enim à semine retento, sanguine menstruo corrupto, & quauis insigni cacochymiâ vteri hunc affectum exoriri posse dixerimus: non est dubium, quin etiam vacuatio hic competat, tam per phlebotomiam, quam purgationem, si vires & ætas consentiant. Venæ sectio igitur vsurpanda in istis mulierculis, non tantum inferiorum partium ad eliciendos menses, sed etiam ex cubito, vbi plethora sanguinea apparebit, tam ad vires quam ad vasa, ut natura parte istius humoris redundantis leuatâ, reliquum deinceps melius superare possit: & ut fluens ad uterum aut vasa spermatica quodammodo reuellatur, fumique illi & vapores euentilentur. Ea tamen cautione, ut si ingens sit cacochymia & vitium in humoribus aut semine, cautius agamus, præmissa convenienti purgatione & præparatione: quia scimus affectum istum exasperari valde per venæ sectionem, commotâ scilicet camarinâ, & educto puriore sanguine, qui vitiosorum humorum frænum esse solet. Unde mirari subit eorum audaciam, qui scripserunt etiam ipso sæuiente paroxysmo tentandam esse phlebotomiam. Cum enim tunc ingens sit virium prostratio, & quasi vitæ desperatio, cum insigni refrigeratione totius corporis à malignis vaporibus cor & cerebrum infestantibus, non est dubium, quin magnum periculum ex usu phlebotomiæ accessionis tempore immineat, magnamque is iure merito incurrat reprehensionem, qui illam tunc exercuerit, si res male succedat, cum adsit tempus interualli, in quo illa tutius celebrari potest. Venæ sectionis succedaneæ aliquando erunt scarificationes, hirudines, cucurbitulæ & similia sæpius commemorata.

Purgatio autem cum præparatione instituetur pro varietate cacochymiæ dominantis: unde autumnio & vere apozematis nostris laxantibus & aperientibus solemus istas impuritates eliminare, quod valde vtile est in hisce hystericeis. Aliis verò temporibus pilulas vel infusa præscribere, quæ menstruatim vacuent istos humores vitiosos. Galenus frequenter exhibet *lib. 9. κατὰ τόπας*, agarici 3 j. cum vino albo, quod valde laudo, si non sint vomitui obnoxia, à quo maximè læduntur propter nimiam inferiorum partium & vteri agitationem. Ad præparationem & deterfionem istorum humorum valde commendatur usus thermarum sulphurearum, porissimum in pituitosis, tam potu quam infessu. Item decoctum ligni sassafras aut guaiacini, cum semine fœniculi rutæ, aut viticis per plures dies sumptum sine sudore, aut cum eo, in quibus infarctus adest crudiorum succorum. Deinde purgentur diaphœnicone aut pilulis aggregatiuis. Ad roborandum vsurpetur theriaca vetus cum conseruis capilli veneris & nymphææ, si intemperies calidior subesse videatur. Venter fasciâ latâ sub umbilico firmiter vinciatur, ut uterus minus liberè concuti possit, & vapores isti non possint ascendere ad superiora: Denique dropacibus & sinapismis antiquior vteri intemperies corrigatur, & humores extrorsum attrahantur: fonticuli cruribus admoueantur, quibus eliciatur teter ille humor & contumax quasi stillatim, & vapores retrahantur. Solent etiam nostræ mulieres ad præcauendum hunc affectum non infelicitè gestare perpetuo frustum assæ foetidæ linteolo raro inuolutum supra regionem umbilici. Alij laudant radicem

radicem peucedani, quam vim amuleti in hoc morbo habere scribunt: Matthi-
lus verò radicem bryoniae eiusque puluerem diu exhibitum mirè extollit. Atque
hæc de vteri præfocatione sufficiant. Nunc ad particulares vteri morbos accedamus
ex propositâ methodo.

CAPUT VII.

De inflammatione Vteri.

EXPlicuimus superiori sermone ea symptomata, quæ pe-
culiariter mulieres exercere solent, vel ratione temperamenti pro-
prij, vel excrementorum, vt sanguinis menstrui & seminis præter
naturam retentorum aut excretorum. Iam superest, vt eos af-
fectus perlustremus, qui vtero accidere possunt, quatenus est pars
constitutiuâ corporis muliebris, suamque habet temperiem, con-
formationem & vnitatem propriam. Videndum igitur, qui sint affectus similes,
vt intemperies & tumores præter naturam: qui organici aut communes, quorum
ratione vterus frequenter affligitur, & peculiarem ab eis qui iam superius tractati
sunt, curationem exposcunt. Quod ad intemperies itaque spectat, cum immate-
riales & simplices facile intelligantur ex tractatione compositarum & earum quæ
cum affluxu humoris contingunt: ideo agemus primò de inflammatione illius, tam
phlegmonosâ, quam erysipelatosâ, sub quam calida humida, calida & sicca in-
temperies commodè reducuntur: Post de hydrope, tam aquoso, quam flammoso
vteri, de scirrho & cancro eiusdem, sub quibus intemperies frigida humidæque,
frigida ac sicca commodè explicabuntur. Deinde veniemus ad morbos organi-
cos & communes, qui vtero frequentius accidunt, vtpote procidentiam, subuer-
sionem & omnem illius situm præter naturam: ad clausuram seu distortionem:
ad condylomata, colli verrucas, rhagadas, & fissuras. Demum illius vlcera &
abscessus proponemus, quibus existimamus nos sufficienter vteri morbos, qui in
vsum praxeos veniunt explicaturos. Si quid autem istis deesse videatur, illud sup-
plere conabimur secundo libro, vbi de mulierum sterilitate, & eius causis fusè actu-
ri sumus. Ac proinde iam ad rem ipsam aggrediamur.

Φλογώσις & Φλεγμονή ea ratione apud authores nostros distinguuntur, vt illa quas-
cunque inflammationes simplices etiam & immateriales partium complectatur:
hæc verò coniunctas cum humore, eoque per systrophēn vt plurimum collecto in
spatiis & substantiâ illarum: vnde exurgunt tumores cum caliditate insigni & præ-
ter naturam, siue humor ille sit sanguis, vt in phlegmonosâ: siue biliosus, vt in ery-
sipelatosâ, seu alicui alteri permixtus, vnde œdematosa & scirrhusa phlegmone
appellatur. Cum igitur superius capite de furore vterino satis actum sit de calidi-
te & siccitate seu Φλογώσι matricis: iam propositum est sermonem hunc de verâ
illius phlegmone instituere, quæ nihil aliud est quam tumor præter naturam totius
vteri vel partis illius cum insigni caliditate & feruore ob sanguinem in illius sub-
stantiam effusum ibique putrescentem. Diximus esse tumorem præter naturam, vt
distingueremus tum a simplici Φλογώσι, tum ab aliis inflammationibus, quæ con-
tingere possunt ex retento sanguine in illius cavitare, aut vaporibus aliunde ir-
rumpentibus & illum calfacientibus. Iste enim tumor præter naturam distinguitur
ab aliis, eleuatione partis, circumscriptione quadam, quæ respondet figuræ & ma-
gnitudini illius, rubore qui sæpe in illius ceruice atque etiam in externâ cute, &
musculis conspicitur, dolore fixo & aliquando pulsatili, potissimum quando tendit
ad suppuratum, quæ omnia in aliis inflammationibus absunt.

Notandum tamen, hæc omnia illustriora multo & manifestiora esse in illa phle-
gmone, quæ totum vteri corpus occupat, quam in aliis quæ multò sunt frequen-
tiores, illiusque collum vel partes laterales, anticam etiam & posticam solum oc-
cupant, in quibus tantum imminuitur vis istius morbi, quantum minus extensio-
nis habet in parte. Est tamen semper insignis feruor ad eiusmodi phlegmonas vteri
consecrariis, si veræ sint & exquisitæ, vt sanguineæ vel erysipelatosæ: alias vt in œde-
matosis

matosis & scirrhi naturam redolentibus parua est febris ac suboscure, quæ fere Medici ac ægrotantis sensum laet, potissimum in principio, quod annotauit Galenus *comment. in part. 2. sect. 1. lib. 6. epidem.* Putrescens igitur sanguis in verâ phlegmone vteri & in illius substantiam seu poros effusus, eundem solet habere exitum, qui in aliis tumoribus sanguineis obseruatur, vt scilicet, resolutione, suppurato, putrilagine, aut induratione terminetur: quod deinde in curâ peculiariter explicabimus.

Quod ad causas istius affectus attinet efficientes & materiales seu humores, nam formalis iam à nobis per tumorem præter naturam expressa fuit, & vera materialis seu subiectiua per vteri corpus aut varias illius partes, quæ hac phlegmone tentari solent. Reducendæ sunt igitur illæ ad res naturales, non naturales & præter naturam, quæcunque vel vterum debilitare, & disponere ad eiusmodi fluxiones suscipiendas, vel materiam in mulieribus generare & augere, quæ apta sit ad effectum istum committendum, aut certè vias aperire, humorem concitare, & ad fluentum impellere possunt. Temperamentum itaque mulieris plethoricum, sanguineum, aut biliosum, viarum latitudo & vteri laxitas naturalis maximè disponit causas illas interiores ad affectum istum producendum. Præcipuè quando externa valentiora accedunt, quæ internam plethoram aut cacochymiam commouent: vt aër feruidior & tenuior, frigiditas vehemens repellens ad interiora, potissimum si occurrat fluentibus, aut iam fluere paratis mensibus. Violenta exercitatio, ictus, casus, multitudo coitus intempestiui, compressio vt ab onere, infessu duriore, & similibus, aut agitatio insueta & succussatio, qualis ab equo rudiore aut rhedâ fieri solet. Ista omnia præcipitare solent humores in vterum, potissimum si calore iam aliquo aut dolore infestetur. Quemadmodum & animi moerores, iracundia & similes affectus vehementiores, quibus adde omnia assumpta, vt venena aut venenata, summâ caliditate & tenuitate partium prædita, quod de cantharidibus potissimum non solum vesicæ, sed etiam vtero infestis ab authoribus nostris annotatur: pessaria acriora & potentiora ad concitandos menses, vel expurgandas matricis fordes diutius aut intempestiuè vsurpata; medicamenta cathartica aut alterantia valentiora, qualia vt plurimum solent miseræ illæ mulierculæ vsurpare, quæ ob sterilitatem varia conquirunt vndique & à quibuscumque remedia: vnde ob illorum acrimoniam facile in istam inflammationem vteri præcipitantur. Alimenta etiam illud præstare possunt, quæ vehementiorem habent vim calfaciendi, pungendi & irritandi humores ad fluxionem, vt sunt potus insuetus vini generosioris, vsus aromaticum, frixorum, acriorum, & similibus, quæ vnusquisque recensere facile poterit. Id autem frequentius fit in illis quibus excreta & retenta non bene procedunt secundum naturam, siue plethoram & cacochymiam augeant in corpore ob multitudinem humorum dum cohibentur: seu vias & spatia partium nimium laxent, humoresque adducant in vterum, vt quando vehementer, aut diuturniore quam par est spatio effunduntur. Cucurbitularum frequens admotio circa pubem aut hypogastrion, non est etiam satis tuta in mulieribus sanguineis aut biliosis, quia attrahunt aut etiam sistunt humores circa regionem vteri, & huic morbo occasionem præbent. Sic partus laboriosus, abortus, mala contreditio istarum partium ab obstetrice imperitâ: imo etiam gestatio foetus molesta, potentissimæ sunt causæ ad istum affectum producendum: vnde grauidas illo sæpe infestari constat, ex *Aphorismo 43. sect. 5.* Quando scilicet sanguis feruidior aut tenuior, ob pondus vel compressionem ex grandiore aut male collocato foetu attrahitur è venâ causâ proximior in hypogastricas quæ vterum irrigant, & in illius substantiam seu spatia effunditur. Atque hæc de causis, nunc ad signa diagnostica istius affectus veniamus.

Pars igitur affecta, affectus species, & causæ illius interiores sunt dignoscendæ. Quod ad partem affectam attinet, vterum affici & morbo detineri *ιδιωαδικώς* demonstrat, quod perpetua est afflictio & doloris pulsatis ac caloris sensus in illa parte hypogastrij continuus, cum insigni eleuatione, tensione, atque etiam rubore aliquando, circumpositarum partium. Actionesque illius mirè deprauantur, vt-pote excretio consueta menstrui sanguinis, quæ vel omnino supprimitur, vel certè si fiat, imminuta est, decolor & anxiosa, vt loquitur Hippocrates; nempe dolori & torminibus coniuncta. Solentque aliquando ichores, iisque putrentes & foetidi per resudationem inde profluere. Ac si quis interiora vuluæ spatia contrectet, inueniet remotius illud osculum occlusum, non vt in prægnantibus, sed cum duritie

ac doloris sensu : si introspeciat , rubicundam & inflammatam vteri ceruicem reperi-
 riet , cum venulis instar telæ aranearum , inquit Hippocrates , tumentibus . Quod
 si totus vterus & fundum eius laboret , hæc omnia erunt vehementiora , quam si
 vel sola ceruix , vel eius partes laterales sint inflammatae , quarum ex vario situ
 distinguenda etiam erit , quæ potissimum afficiatur : collo enim tantum inflammato
 calor & dolor ad inguina & pudendum maxime extenduntur . Si antica eius pars
 sit affecta , vesicæ noxa magis communicatur ob viciniam : si postica , recto intesti-
 no : vnde illorum functiones , nempe vrinæ , & fæcum excretio magis violantur
 & dolor versus pubem , aut versus lumbos magis contingit : si ea quæ in latere dex-
 tro aut sinistro posita est , pondus & feruor ibi sentientur circa inguen alterutrum
 & femur καὶ ἱξιν positum grauitate quadam insolita premitur , atque ipse vterus
 vt plurimum versus eam partem retrahitur , & quasi conuellitur , quæ magis
 est inflammata : quia quantum vni accedit dimensionem , tantum alteri decedat
 est necesse .

Speciem verò affectus seu phlegmones istius naturam ostendent ea quæ istas
 inflammationes internas consequi aut subsequi solent : calor enim , dolor , rubor
 cum pulsu & renixu signa sunt pathognomonica omnium phlegmonarum tam
 internarum quam externarum . At internæ si veræ sint aut erysipelatosæ , comi-
 tem habent statim febrem assiduam , eamque ex genere synocharum , vt existi-
 mat Galenus , ob magna vasa quæ ad vterum pertingunt , & cum venâ cauâ
 communicant ; vel certè sæpius sympathicam & lypyriam , in qua algentibus ex-
 ternis partibus vruntur & exæstuant interiora : horror infestat perpetuus , vt lo-
 quitur Hippocrates , ob retractionem caloris natiui ad interiora , & perpetuam hu-
 morum commotionem . Lingua nigricat & arefcit , vrget sitis , vigilia , ἐνάλια
 & δυσφορία : quæ in hoc nostro affectu valde sunt conspicua , tum ob exquisitum
 partis sensum & substantiam membranofam : tum propter colligantiam & ma-
 ximum quem habet cum omnibus corporis partibus consensum . Hinc exoriantur
 in hoc affectu καρδιαλγίαι , phrenitides , conuulsiones , cephalaalgia anterioris
 capitis partis , & circa radices oculorum : difficilis motus & decubitus in quanti-
 cumque partem , vrinæ & fæcum suppressio , cordis tremor , ac tandem , si ma-
 lum ingrauescat , diaphoreticus sudor . Aliquando etiam iungitur ingens δύσπνοια ,
 quando ille feruor magis diaphragmati communicatur per tunicam peritonæon ,
 quæ pleuræ circa septum coniungitur : vnde multi pleuritidem esse suspicantur .
 Dolent etiam aliquando vehementer renes , vt nephritidis suspicionem afferant :
 sæpe quoque extolluntur mammae propter συνάφειαν in tumorem , & dolitant :
 erumpunt pustulae rubentes per totum corpus per πυρίνεον , vt existimat Hippo-
 crates : iam corruptis humoribus per vniuersum habitum . Si eiusmodi phlegmo-
 ne augmentum transeat , vitatâ putrilagine aut gangrænâ quæ sæpius illam occu-
 pare solet , quando non dissipatur eo tempore per διαφόρησιν , tunc peruenit ad
 statum , in quo omnia vehementiora existunt , per suppurationem aut σκλήρωσιν .
 Ad vtramque genitam remittitur quidem febris & dolor , sed puris generationem
 sequitur illius effluxus cum vlcere interno , aut certe vomica quæ disrumpenda
 proponitur . Post σκλήρωσιν verò tumor & renitentia supersunt cum pondere &
 grauitate , non solum ipsius vteri , sed etiam omnium circumiacentium partium ,
 vt vix ægra commoueri possit .

Quæ verò sint causæ interiores harum dispositionum , inuestigandum erit ,
 tum ex statu rerum externarum , quibus vsa est ægra , tum præsentis corporis
 & humorum constitutione , quæ omnia ostendent , vtrum eiusmodi inflam-
 matio pendeat à vero sanguine , bilioso , pituitoso , vel melancholico . Ipsi etiam
 affectus iam à nobis propositi detegent quis humor potissimum in hoc morbo
 dominetur : quia , vt dicebamus , superante sanguine & bile , omnia erunt
 vehementiora , quam vbi reliqui humores exuperant , solèturque cutis color ,
 & oculorum candidum rubore aut flauitie infectum ostendere quis horum hu-
 morum magis dominetur . Vt autem erysipelatosæ constitutio maxime horrenda
 ob feruorem (dicitur enim τὸ πῦρ apud Hippocratem) intensum : sic phlegmonosa ob
 distentionem maiorem , & suppurationis metum , magnam ægræ molestiam infert .

Quapropter asserere possumus , affectum hunc ex totâ suâ specie & naturâ
 valde periculosum : præcipuè quando totum vteri corpus occupat : Ex Hippo-
 crate

crate enim libro de morbis mulierum, istum morbum paucae effugiunt. Et Aphorismo 30. sectionis 5. & 43. si erysipelas pregnantæ acciderit, lethale, quia vel suffocari oportet fœtum in utero ob incendium illud vehementissimum, unde abortus subsequitur: vel matrem ipsam præ magnitudine febris & cruciatus interire. Est enim mos huius morbi malignus, ob putrilaginem internam, & partem excrementis naturaliter scatentem, & motus vehemens ex inflammationis natura, quem illæ vix sustinere possunt. Est igitur hic opus insigni robore & constantia, remediorumque accuratâ usurpatione, ut fœtum istud evadere possint, antequam gravissima illa symptomata iam à nobis commemorata urgeant. Vbi enim semel καρδιαλγία, singultus, tremores, convulsiones, phrenitides, sudores diaphoretici & similes accidentium tempestates apparuerint, concludatur est & salus earum desperata: ut plurimum enim pereunt in augmento, vi doloris, dum materia tendit ad putrilaginem vel suppuratum. Si suppurentur, etiam incidunt in ulcus internum ac sordidum, à quo diutius conflata tandem pereunt, vel hectica, vel hydropica euadentes. Pus enim ob naturam partis istius vix habere potest illas condiciones ab Hippocrate requisitas, ut sit album, læve, æquale, & quam minimè fœtidum. Facillimè etiam scirrhescit hæc phlegmone, si imperitè tractetur, propter durtiem nativam partis membranæ, & humoris crassioris ac melancholici, qui per eam frequenter expurgari solet. Iam igitur de illius *θεραπεία* cogitemus.

Cum itaque hic affectus sit inflammatio ex materiæ sanguineæ potissimum affluxu in uterum: habenda ratio causarum, tam internarum, quam externarum, quæ hanc fluxionem humoris sanguinei, biliosi, aut alterius cum sanguine permixti, concitarunt: tum etiam affectus ipsius, nempe inflammationis iam contractæ vel fientis in parte; & symptomatum, ut doloris, febris, & aliorum velut urgentiorum, quæ aliquando curam ordinariam invertere solent. Imprimis itaque ratione causarum externarum instituenda recta victus ratio, quæ illas omnes ita componat & dirigat, ut non solum amplius illi nocere non possint, sed etiam oppositæ sint causis omnibus quæ morbum istum fouere vel augere possunt. Ideo aer hic eligendus, aut ita in domo ægrotantis temperandus, ut nullo neque frigoris, neque caloris excessu illam afficiat; ex frigido enim impeditur διαφύσις hic maximè experenda: ex nimio calido inflammantur magis partes, & humores ad fluxionem concitantur. Sic etiam lux moderata in conclavi esse debet, quia ex nimio fulgore resolvuntur vires hic valde necessariae: ex nimia caligine renocantur humores ad interiora, & inducitur somnus profundior, qui hic potissimum, circa principium morbi est arcendus, ne scilicet nimium & diutius retineatur calor cum spiritibus circum interiora viscera. Atque ita paretur cubile ex culcitris non plumeis, ne calfaciant nimium partem istam; sed potius ex lanâ confectis, quæ satis erunt molles & teneræ, ne dolentem hanc partem magis affligant: Imo si ardor insignis sentiatur, supponantur quædam quæ illum temperare possint, ut coria quæ vulgo *marroquin* vocantur, folia vitis, cucurbitæ & similia, prout anni tempestas feret. Omnis motus & exercitatio diligenter vitetur, potissimum inferiorum partium, ut crurum, nisi fortasse aliquando frictiones, & ligaturas in superioribus partibus & brachiis retractionis causâ exercere, quod adhuc debet fieri cum cautela post convenientes evacuationes, ne magis humores commoveantur. Idem dicas de animi pathematis, quæ omnia sunt hic curiosè arcenda, & summa rerum omnium tranquillitas concilianda. Quod si fæces non satis commodè vacuentur, sollicitanda erit alius mollissimis clysteribus, aut alimentis ad illud accommodatis, & ægræ istæ sæpius ad meiendum sollicitandæ, quia facilè urina in illis supprimitur per vesicæ sympathiam. Cæterum victus incipiente atque urgente inflammatione pertenuis esse debet, ita ut quidam per triduum illud integrum, quod principium morbi cum latitudine vocant, omnimodam inediam illis præscribendam censeant, ut scilicet natura suo genio & quotidiano quasi alimento defraudata, minus sanguinis suppeditare possit ad phlegmonem istam generandam. In hoc autem, ut in aliis omnibus quæ in arte nostrâ exercentur, habenda

habenda ratio virium, ætatis, consuetudinis, temporis & similium, ne vis aliqua naturæ inferatur: Vix enim corpora nostra, prægnantium præcipuè mulierum, insignes illas antiquorum abstinencias perferre possunt. Nutriantur itaque tenuiter, & leuiori cibo ac potu quandiu fluxio & inflammatio vrgent: potus sit aqua fontis, vel decocta cum hordeo, eaque non actu frigida, sed tepidiuscula, ne impingat magis humores in istam partem, & resolutionem impediat, quâ de causâ *ὑποπνοϊὰν* formidamus in plerisque inflammationibus internis; vt pleuritide, peripneumoniâ, & similibus, quamuis ratione febris & ardoris videretur experenda: Vino arceantur omnino, nisi fortassis sub morbi declinationem tenue & *ὀλιγόπορον* concedatur, ad reliquias humorum per urinam propellendas & vires recreandas: Iuscula pullorum conuenientibus herbis, vt acetosâ, endiuia, lactucâ, & borragine alterata concedantur, panatellæ etiam ex illis confectæ, hordeata, amygdalata cum succo granatorum, pruna, poma, & pyra cocta. Vbi iam desinit aut mitescit inflammatio, largiore manu & cibis refectoriis nutriantur ad restaurationem virium. Atque hæc de diætâ.

Quod ad reliquam curationem spectat, persequendæ sunt indicationes iam propositæ. Cum enim fluxio sit sanguinea, humoribus aliquando alienis coniuncta, proponitur vacuatio, reuulsio & deriuatio illius: quæ potissimum venæ sectione perficitur, nisi mulier sit grauida, cum quâ cautius erit agendum; quoad phlebotomiam & purgationem, potissimum primis & vltimis mensibus, vt est *Aphorism. 1. sect. 4.* Nolim tamen illas omnino hoc generoso priuare auxilio, si affectus vrgeat: maius enim imminet periculum ex magnitudine inflammationis, quàm ex educto sanguine, qui causam morificam imminuit. In aliis autem corpore & animo valentibus inchoetur curatio post iniectum molliorem & refrigerantem clysterem, missione sanguinis ex venâ basilicâ cubiti dextri, quia coniectura est in hoc affectu maiorem humoris fluentis partem ex hepate deriuari. Quæ phlebotomia pro temperamento ægrotantis bis aut ter celebrari poterit ad suspendendum quasi & paulatim reuocandum humoris impetum. Post istam venæ sectionem reuulsoriam laudat Galenus *lib. de sang. miss. cap. 18.* deriuatoriam, quæ fit secta poplitis venâ aut malleoli. Sed quia per eiusmodi phlebotomias inferiorum partium allicitur magis materia versus vterum, vt experimur in prouocandis menstruis, & vix celebrari possunt, quin mulier commoueatur, & erecta aliquandiu maneat: Ideo expectandum erit donec impetus fluxionis sit paulisper sedatus, venæ sectione iam commemoratâ, frictionibus, ligaturis superiorum partium dolorificis, cucurbitulis cum scarificatu supra scapulas, lumbos, & dorsum admotis: Tunc enim si phlegmone facta videatur, & ardor ingens in istis locis cum oppressione sentiatur, tempestiuum erit istas sanguinis missiones deriuatorias experiri, quæ quasi luxuriantem circa propinqua vasa humorem imminuunt.

Quibus ita præmissis si cacochymia dominari videatur, aut cum sanguinis affluxu coniungi, non erit inutile leuiorem quamdam purgationem instituire, quæ impuritatem istam corrigat, vt ex bolo cassiæ cum paucis rhabarbaro, tamarindis, catholicon, syrupo rosarum pallidarum cum infuso rhei aut agarici, decocto senæ & similibus pro variâ cacochymiae specie. Vomitoriis autem agere in hoc casu, quidquid dicat Auicenna, numquam mihi satis tutum videtur; nam si blanda sint illa vomitoria, nihil aut parum de causâ mali istius detrahare poterunt: sin vehementiora, ex maximâ conturbatione corporis & humorum grauiorem noxam quam emolumentum adferent. Purgationi propter insignem febrem subnectenda erunt medicamenta præparantia & alterantia, iulepi refrigerantes, apozemata, emulsiones, & similia quæ sæpius à nobis descripta fuerunt. Imo si vigilæ immensæ, dolor & inquietudo vehemens, vt solet, ægrotantem afficiant, optimum erit & consultißimum illis prospicere. Quia sapienter à Practicis nostris est obseruatum, has mulierculas vt plurimum perire circa augmentum morbi vi istorum symptomatum, quibus mitigandis diligenter studendum erit, frontalibus scilicet, epithematis refrigerantibus, inunctionibus ex opio conuenienter dissoluto, iulepis somniferis, confectione requies dicta, & similibus sumptis & admotis variis corporis partibus, vt possint hanc symptomatum tempestatem facilius transigere. Quâ sedatâ commodius deinde recta morbi istius & causarum curatio suscipitur. Vbi enim iam inclinare cœpit affectus, iteratâ purgatio & præparatio humorû. Rarò tamen in hoc affectu diureticis & aperientibus vtendum metu nouæ fluxionis & prouocationis menstruum, quæ renouare possint istam inflammationem. Quamuis enim laudent authores nostri in hoc

affectu alui fluxum & vrinæ, quoties sponte naturæ contingit, præcipuè post concoctiones : attamen quia natura illud præstat propriis instrumentis, nempe spirituum & caloris natiui beneficio, ideo nihil mali conciliare potest istis ægrotantibus, quod ex vsu calfacientium & attenuantium medicamentorum pertimescimus. Illis igitur melius est supersedere, donec phlegmone omnino dissipata fuerit.

Atque vt per dicta remedia toti corpori, fluxioni, febrili ardori & symptomatis prospiciemus, sic etiam iam factæ dispositioni & parti affectæ per topica conuenienter succurrendum. Annotant item hic Practici nostri, maximos errores in principio huius affectus committi, dum mulierculæ ipsæ ægrotantes & illi adstantes existimant dolores istos à flatu contingere, adhibentque & assumunt remedia multa calfacientia & digerentia ad illos discutiendos : vnde maximè ingrauescit atque augetur ista phlegmone. Ac proinde oportet solertem Medicum cognita primùm naturâ affectus, illa omnia reicere, & aliam instituere medendi methodum, quæ in generatione & curatione phlegmonarum istarum à Galeno præscribitur, vt scilicet modicè repellentibus in principio & anodynis vtamur : deinde resoluentibus mixtis aut solis, prout spes est maior *διαφορήσεως*, vtémur. Tandem suppurantibus, si materia putrefacta concoquatur, & ad puris generationem tendat. Ad quæ præstanda selectis potius remediis, quam immensâ eorum multitudine erit agendum.

Ad repellendum igitur in principio, & ferinum illum ardorem temperandum, inungatur regio pectinis, lumborum & laterum, prout inflammatio in hanc vel illam partem magis vergere videbitur, ex oleo aut vnguento rosaceo, cerato santalino, aut albo caphurato, cui parum aceti immixtum fuerit. Foucantur ex decocto vel aquâ summitatum papaueris albi, rosarum, solani, acerosæ, plantaginis, & semperuiui. Ex eisdem fiant iniectiones in vterum per metrenchyten. Comparentur pessaria ex illorum foliis contusis, quibus aliquando ob doloris vehementiam opij modicum cum vitellis ouorum, paucis croco & oleo rosaceo immisceatur : vel etiam fiant pessi ex Philonio romano cum cotone. Cataplasma etiam paretur ex micâ panis albissimi cum lacte coctâ, cui parum olei rosacei, succi hyoscyami aut solanis, cum vitellis ouorum addatur. Iniectio ex lacte caprino recenter mulcto, cui aquæ rosacæ modicum adiunctum fuerit, valde etiam prodest ad refrænandum istum dolorem & humoris feruorem.

Vbi iam ista mitescere incipient ; transeundum erit ad resoluentia modicè & digerentia. Vnde vnguentum resumptiuum cum oleo chamæmelino & liliorum dissolutum, decoctum feminis lini, foenugræci, florum meliloti, & rosarum ad fortius vel infessus & semicupia, si iam sint alacriores, erit accommodatum. Quibus ne scirrhescat ista materia, quædam emollientia, vt radices althææ, folia maluæ, parietariæ, & brançæ vrinæ adiungere poteris, donec perfecta resolutio subsécuta fuerit. Quod si natura contrario instituto ad suppurandum vergere videatur, iuuanda erit in hoc motu, quamuis non satis laudabili. Ideo cataplasma ex decocto ficuum cum farinâ tritici, & paucis oxymelite erit maximè accommodatum : vel ex vnguento dialthæas cum butyro, axungia gallinæ, & paucis oleo liliorum. Post suppurationem factam, quæ omnia symptomata reddit mitiora, si natura suo iure non vtatur in disruptibne abscessus & puris vacuatione : iuuanda erit motu & concussione corporis ægrotantis, admotis cucurbitulis & frictionibus in inferiore parte, iniectionibus detergentibus & aperientibus, imo etiam cataplasmate suprascripto, cui addatur parum stercoreis columbini. Iam erumpente purulentâ materiâ & facto vlcere recurrendum erit ad propriam illius curationem, quam in sequentibus proponemus. Idem dicas quando phlegmone ista in scirrhosam dispositionem degenerat. Si mulier fuerit grauida, aut abortum nuper passa, aut insignem per vterum hæmorrhagiam, parcius ista omnia erunt vsurpanda, & cum maiori cæutione. Erit tamen aliquid audendum, ne videamur illarum salutem omnino neglexisse : sæpe enim natura adiuta illud præstat, quod vix fuisset ausi sperare.

CAPVT VIII.

De hydropē & flatu Vteri.

SUPERIORE capite tumores vteri præter naturam calidos explicuimus, iam de frigidis agendum, tam pituitosis quam melancholicis. Quoniam verò hydrops & inflatio vteri inter illos valde sunt conspicui & memorabiles, ideo sub eorum tractatione omnes alios qui à pituita pendent, complectemur, quia eorum curatio facile ad hanc reuocari potest. Hydrops igitur alius dicitur vniuersalis, alius particularis. Vniuersalis rursus, vel talis dicitur ratione subiecti, quando scilicet totum corpus, & præcipuè exteriorem habitum occupat; vel ratione principij sue fontis illius, in quo posita est facultas *αιματοποιητική*, nempe hepatis, à quo nihil aut partim deinceps laudabilis sanguinis producit, quo nutriri possint partes, eisque tabescentibus augetur in immensum abdominis moles, flatu, aqua, aut utroque distenti, ob iecoris *κακωσμένης*. Similiter particularis hydrops, vel solitarius est aliquando & per se subsistens, ut quando ex mala concoctione membri alicuius pendet, quod per congestionem colligit serum, pituitam, aut flatum ex vitiato proprio alimento, quod illi ab hepate inculpatum suppeditatur. Vnde hydropes pulmonum, capitis, vteri & similium plerumque visuntur sine vniuersali noxa aliarum partium. Alias eiusmodi particularis hydrops coniunctus est cum vniuersali, & ab eo fomitem suum repetit, ut quando sensim violatur hepatis ipsius temperies, aut per sympathiam paulatim afficitur. Vnde iam inclinante calore nativo incipiunt apparere in externis partibus, ut in cruribus & manibus oedematosa eleuationes: aut etiam internis, ut in vtero rudimenta istius pessimæ sanguificationis.

Est igitur hydrops vteri tumor præter naturam ex collectione pituitæ, seri aut flatus intra illius cavitatem, aut propriam substantiam & membranas, propter debilitatum calorem nativum & malam proprii alimenti coctionem. Dicitur tumor præter naturam hic affectus, quia est magnitudo sensibilibus aucta, actiones lædens istius partis, quo respectu distinguitur ab imprægnatione, & quia illi complicata est insignis intemperies cum solutione continui, ob distensionem & compressionem quæ sequitur ad illam repletionem. Fit autem ista intemperies seu collectio ex triplici materia, simplici vel composita, id est sola vel inuicem complicata, nimirum pituitæ frigida quidem & lenta, quæ propriè hydropem anasarcam dictum repræsentat, quando illa pituita oedematis instar imbuat propriam vteri substantiam & membranas. Seri, id est ichorum, siue aquosi humoris implentis cavitatem vteri instar vtris, & sic hydropem ascitem repræsentat. Denique flatus, qui in vtero collectus, illum tympani instar distendit, & hydropis tympanitis dicti speciem refert, qui etiam aliquando, ut accidit intestinis in dolore colico, inter spatia propria & tunicas matricis continetur, easque diuellendo insignem cruciatum excitat. Hic oritur dubitatio non contemnenda. Cum enim dixerimus istos flatus aut serum contineri in substantia, id est inter membranas ipsius vteri, vel in ipsius cavitatem, dubitari potest, quomodo ista materia ibi coërceri possit, cum illi pateat continuus effluxus per vteri osculum & cervicem ad exteriora: ita ut non videatur verisimile serum aut flatus, qui perpetuo mouentur & fluunt, nisi alieno termino contineantur, intra matricis claustra ita aperta, ut neque in vtre aut dolio perforato contineri posse. Hanc difficultatem agnouit Aërius, & ut illam effugeret, voluit serum illud, quod attollit vterum in hydropem asciti similem, non contineri in ipso cauo vteri diffuens, sed intra vesiculas quasdam quasi folliculos coërcitum, qui excitati fuerint ex irrumpente eiusmodi materia in vteri substantiam, eamque distendente & leuiter corrumpente, quemadmodum Hippocrates etiam voluit, aliquando ad hydropem abdominis *υδαρίδας* quasdam hepatis concurrere. Mercatus verò, non, ut Aërius, existimat illas vesiculas fieri ex propria substantia vteri membranosa distenta, quia sic iam putrefactus & quasi corruptus esset vterus, & semper ulceratus, sed potius ex

humore isto pituitoso influente primum circa oscula siue extremitates vasorum, per quæ menstrua purgantur, excitari quasi pelliculam quamdam, quæ oblinens interiorem vteri superficiem, vt contingit in fœtus generatione, deinceps mucore isto & ichoribus quasi suspensis impleatur. Verum non videtur tantopere laborandum in inuestigando modo, per quem retinetur istud serum aut flatus in vteri cavitare, quibus hydrops ille excitatur: cum enim rarissimus sit hic affectus, non dubito quin aliquando ita constringi & coarctari possit præter naturam interioris illud osculum vteri, vt isti materiæ non pateat exitus. Quemadmodum enim secundum naturam exacte clauditur in prægnantibus, vt ne specillo quidem, inquit Hippocrates, pateat ingressus in interiorem cavitatem: sic etiam per tumores scirrhosos circa inferiorem potissimum illius partem, post phlegmonosos per resolutionem induratos, per illius contorsiones siue peruersiones, certum est ita constringi illud osculum, vt nihil facile ex cauo foras effluere possit. Quod si contrestatum eiusmodi orificium patens & liberum appareat, signum erit aquam istam & serum non in cavitare, sed potius in substantia, & inter ipsas tunicas positum esse. Nam quod aliqui dicunt, à grumis sanguinis obstrui post abortum aut laboriosum partum ibi concretis, non placet etiam: quia eiusmodi sanguis grumescens in aliqua parte contentus, vel putrescit breui tempore & inflammatur, vel congelatur quasi amisso calore natiuo. Ex utroque accidente grauissima oriuntur symptomata, quæ non permittunt tam diuturnam moram ægrotanti, vt in generatione & duratione istius hydropis siue flatusi, siue aquosi requiritur.

Vltimò in definitione nostrâ dicebamus hydropem istum vteri fieri propter debilitatum calorem natiuum, siue sit hoc in toto, siue in fonte humoris gratiosi & nectarei, nempe hepate: siue tantum in ipso vtero ob malam illius coctionem, quando intemperie, vlcere, aut similibus præter naturam affectibus proprium nutrimentum alterat, corrumpit, & locò veræ alimonie in flatum, pituitam aut ferositates conuertit, quod auctores nostri per synathrismum & congestionem significarunt. Causæ igitur istius affectus, tam externæ, quam internæ sunt ea omnia quæ calorem natiuum ita debilitare & infringere possunt, siue in toto, seu in hepate, aut in vtero tantum, vt deinceps bonæ concoctioni studere nequeat. In calore autem natiuo siue primigenio non solum qualitatem spectamus, sed etiam illi coniunctam substantiam cui innititur, nempe humidum illud oleosum & pingue quod radicale vocant, & spiritum insitum, à quo functiones omnes corporis nostri contingunt. Quæcunque igitur ista oppugnare valent, siue per se, siue per accidens, illa omnia hydropem etiam si inualuerint, accersere possunt. In censu itaque rerum naturalium valde erunt dispositæ mulieres ad hunc morbum contrahendum pituitosæ & melancholicæ, quæcunque temperamento humidior frigidioreque præditæ sunt & vterum habent largis & fere continuis humiditatibus scatentem: biliosæ verò dum ex caloris vehementioris potentiâ exhauriunt spiritum & humidi primigenij substantiam ante debitum ætatis decursum: potissimum si vtero sint debiliore & frequentioribus partibus defatigato. Ex parte verò rerum non naturalium concurrunt aer frigidior, aut humidior per se, feruentior verò per accidens, dum absorbet spiritus ac benigniores succos in illis contentos: natatio aut mansio diuturnior in aquâ frigidiore vel balneo humectante & relaxante. Immensus aquæ, aceti, succi limonum, granatorum, & similium alimentorum etiam crudiorum, vt olerum, fructuum horæorum, piscium, & iusculorum diuturnior ac largior vsus. Somnus profundior post longas vigilias, quæ corpus valde exagitarunt, vt contingit chorearum tempore, quo & violenter exercentur, ingurgitant se potu frigido, & intempestiuè coguntur vigilare ac dormire cum variis animi parhematis. Sed inter alias causas procatacticas generandi huius hydropis, præcipua existit vehemens & diuturna menstruorum fluxio, per quam omnino exhauritur pabulum caloris natui, vel eiusdem nimia suppressio, quâ suffocatur idem calor, & humores incrudantur. Idem dicas de quauis aliâ ex quacunque parte liberaliore hæmorrhagiâ, quæ si non tam subito, attamen idem præstare potest; atque etiam de vrinæ indebitâ retentione, aut alui, quæ olim fluida esse solebat, inustatâ durtie: propter quam refluunt eiusmodi materiæ in vterum & vicinas partes. Quibus adiunge externa seu fortuita, & res contra naturam, vt casus, vulnera, partus laboriosos, abortus frequentes, intemperies grauiore, aliquando totius, vt per febres acutas; aliquando variarum partium, vt iecoris, lienis, ventriculi

ventriculi, & similium: aliàs ipsius vteri, præcipue verò vlcera & quoscunque tumores præter naturam: nam vt scirrhusus & œdematosus refrigerando & obstruendo id præstant: sic etiam erysipelatosus, & phlegmonosus absorbendo humidi primigenij & spirituum substantiam, tum etiam si indurentur obstruendo & constipando ductus & poros vteri. Atque hæc de causis, nunc ad signa veniamus.

Partem affectam in hoc morbo nullus dubitat esse vterum in tumorem & distensionem præter naturam à materiâ ibi collectâ eleuatam. Sed distinguendum est imprimis, vtrum primariò vel secundariò ibidem genita sit hæc materia, quæ est continens illius causa: & vtrum illa contineatur in cauitate vel membranarum spatiis quæ vterum constituunt. Quod ad primum igitur attinet, si quidem apparentes sint notæ totius corporis male affecti, vt per febres acutas vel diuturnas, per hæmorrhagias immoderatas, si sint insignes querelæ ipsius capitis fluxionibus laborantis, ventriculi imbecillioris, lienis grandioris, & potissimum hepatis male affecti & valde debilitati, cum quibus incèperit hic noster affectus, cum illis augeatur & mitescat: tunc maxima erit coniectura sympathias per communicationem materiæ, vterum scilicet non tam vitio suo, quam illarum partium *περιανέμω* suscepisse causas istas præter naturam. Contra verò si ista omnia absint, & rectè aut saltem mediocriter valente reliquo corpore, iste tumor acciderit post particulares affectus ipsius vteri, vt laboriosos partus, vel abortus, suppressiones mensium, vel eorundem nimias profusiones, vlcera, tumores phlegmonosos vel scirrhusos: tunc non erit dubium, quin particularis ista dispositio prima rudimenta iecerit istius hydropis in vtero per congestionem, ex deprauatâ scilicet illius coctione, aut impeditâ excretionem superfluæ humiditatis, aut flatuosæ substantiæ illic genitæ. Quod ad secundum spectat, vtrum scilicet illa materia pituitosa, serosa, aut flatuosa posita sit intra vteri cauitatem, vel ipsius substantiam & membranas, ita distingui posse existimo. Quod scilicet dum est in cauo, multò maiorem eleuationem ac tumorem facit in illa regione hypogastrij, quam dum est inter membranas vteri, quia multò maius est spatium vbi contineatur: deinde quod aliquam fluctuationem repræsentat dum est in cauitate, quando non est exactè distenta sero: & minores infert cruciatus in illa cauitate, quam dum est inter tunicas, vbi diuulsiones sunt maiores, & in parte magis sensibili, vt patet de dolore colico. Deinde, quia, vt dicebamus, quando eiusmodi flatus & serum continentur in cauo vteri, oportet adesse aliquas obstructions, aut constrictiones orificij illius interioris, vt retineatur interius: quæ si omnino absint, vt contrectanti obstetrici vel chirurgo patebit, credibile erit materiam illam non in cauitate, sed in spatiis tunicarum esse positam.

Vbiuis igitur illa materia contineatur, dignoscendum rursus, verum sit pituitosa, serosa, vel flatuosa, quamquam numquam ita sint solitariae, quin inuicem permisceantur, vt in hydrope vniuersali dictum est. Quod ad pituitosam spectat, quæ ad anasarcæ naturam magis accedit, mollem reddit, & contactui digitorum cedentem, non solum vterum, sed etiam vicinas omnes partes hypogastrij, pubis, perinæ, & lumborum, sine vllò dolore aut distensione partis istius, quæ in dies magis ac magis flaccescit, nisi conuenienti remediorum vlu emendetur. Serosa autem & flatuosa insignem faciunt eleuationem partis ac renitentiam, potissimum si in cauo contineantur, cum dolore aliquo: flatuosa quidem, quam ideo Græci *εμπνευμάτω* vocant, cum minore pondere & fluctuatione: serosa cum illis sæpe ascitem vniuersalem repræsentat: percussa tamen ista pars si flatu sit distenta, instar tympani resonat; si sero, instar vtris aquâ aut alio liquore referti. Denique respiciendæ erunt causæ, quæ ad istas materias producendas aptæ sunt. Etenim si vera sunt quæ ab authoribus nostris traduntur, certum est flatum à minori multo frigiditate excitari, quam pituitam, & serum: certum est etiam causas externas & internas, vt alimentorum varia genera, & similia quibus vsæ sunt, ostendere cui materiæ producendæ magis dispositæ fuerint.

Verum superest adhuc vt sciamus, quomodo particularis iste hydrops distinguatur à verâ imprægnatione quam sæpe mentitur, ab hydrope abdominis, qui ascites & tympanites vocatur: atque ab aliis tumoribus, qui in vtero fieri possunt. Quod ad imprægnationem spectat, si quidem sanæ & vegetæ fuerint mulieres fecundo concubitu vtentes, quibus vterus sensim in molem attollitur cum motu proprio & sensibili embryonis, nulla est dubitatio, quin eiusmodi affectus sit secundum naturam & vera grauiditas. Sed quoniam contingit mulieres male

sanas & coloratas, infinitisque symptomatis vexatas aliquando etiam imprægnari: fit sæpe ut non solum mulierculæ, & obstetrices, sed etiam Medici fallantur in distinguendâ verâ imprægnatione ab istis affectibus præter naturam: quando in utrisque menstrua per aliquod tempus supprimuntur. Imo ipse Aëtius putauit cum ipso hydropes vteri conceptum accidere posse: quod tamen ego non existimo esse admittendum de vero conceptu, qui ad perfectionem foetus peruenire possit, sed tantum feminis virilis quadam retentione per aliquod tempus, quia embryonem nouem integros menses posse nutriri commodè, & retineri in vtero cum tantâ aquarum illuuiæ, aut flatuum copiâ omnino est impossibile. Grauiditatem itaque veram ab hydropes vteri in muliere aduersa valetudine vexatâ ita distinguemus. Primum quod vera grauiditas non facit tumorem præter naturâ ita æqualem ut iste hydrops, sed acuminatum & quasi fastigiatum, cum hydrops sit extensus vniuniformiter per vteri corpus. Secundò quod in grauiditate post aliquot menses melius se habere solent mulieres ut plurimum, quia grandior foetus iam absumit maiorem partem humorum qui illi negotium faceffunt: cum per istos tumores præter naturam quo diuturnior est progressus, eo magis symptomata intenduntur, & vires immiuantur. Deinde quod in imprægnatione motus infantis sensibiliter post tertium aut quartum mensem percipitur, non solum à grauidâ muliere, sed etiam ab obstetrice vel Medico, qui ventri manum diutius admouerit:isque non ut in solâ palpitatione, quam flatus etiam excitare potest; sed oblongior & vniiformis, sub quo sentitur maior renitentia, quam dum subest tantum flatus vel aqua. Tertio denique, quod constitutio mammarum omnino alia est in grauidâ muliere, quam in ea quæ istos vteri tumores patitur: etenim in grauidâ mammæ tumidiore, rotundiore, ac lacte prægnantes redduntur, quæ in istis affectibus flauescunt omnino, decolorantur, & omni succo saltem alibili destitutæ apparent.

Hydrops verò vniuersalis ipsius abdominis, siue sit ascites, siue tympanites, dignoscetur ab isto hydropes particulari matricis, tam flatuoso quam seroso, si sit solitarius: alias enim pereunt omnia signa distinctiua vtriusque: quia tumor iste magis est positus in aqualiculo & fundo ventris siue hypogastrio, vbi est situs vterus; quam in superiore abdominis parte, à qua potius incipit vniuersalis hydrops. Actiones totius sanguificationis, & nutritionis in corpore non apparent hinc ita læsæ, ut in vniuersali, neque tantopere, aut tam subito decolorantur istæ mulierculæ, aut extenuantur partibus superioribus: sitis illa & ariditas linguæ quæ sequitur hydropem abdominis, non ita vrget, & alia omnia symptomata valde sunt mitiora. Quod si hydrops iste vteri ab aquoso humore pendeat, fere effluit huius aquæ quædam portio per vuluam, qua irrigantur perpetuo genitalia: si à flatuoso, exeunt etiam per intervalla quidam flatus quasi strependo per vteri orificium. Denique non est tanta vel fluctuatio in aquoso dum conuertuntur ad latera, neque renitentia in flatuoso per totum ventrem, ut in vniuersali hydropes, quibus notis satis secerentur ab inuicem.

Denique ab aliis tumoribus vteri distinguitur hydrops, tum phlegmonoso & erysipelatoso, quod febris, dolor intensus, & inflammatio partium genitalium abest: tum scirrhus, cancroso & similibus, quod non sit ea durities quæ tangentis digito resistat, sed cedat potius, & quasi in foueam deprimatur: habet enim suam propriam ideam, quam solers Medicus animo concipiens non falleretur circa particularem istam *διάγνωσιν*, de qua satis superque dictum est.


Quod ad *πρόγνωσιν* verò, non est dubium quin iste affectus ex totâ suâ specie sit valde pertimescendus: quia isti peculiæres hydropes vel denotant ruinam integram functionum naturalium in membris istis, quorum usu vita diu carere nequit: vnde accersunt tandem vniuersalem *καχεξίαν* & hydropem: vel certè ostendunt iam consensum quemdam partium principum, ut iecoris, lienis, ventriculi, propter quorum prauas concoctiones incipit grauiter labefactari œconomia naturalis. Qualis enim est vterus in muliere, inquit Aëtius, tale est ut plurimum reliquum corpus. Prout igitur inflatio hæc vteri hydropiformis velociora habet & vehementiora sua incrementa, cum symptomatum magna syndrome, præcipuè si iuncta sit pertinax mensium suppressio aut hæmorrhagia insignis, eo maiorem portendit noxam & periculum: quia virium robur illas deficit, quod in hoc morbo chronico & pertinaci maxime requiritur. Iam igitur de illius curatione agamus.

In qua eò breuiore erimus, quod istius affectus *θραυσία* fere similis est illi quæ fusè proponitur in curâ hydropis vniuersalis. Si quid igitur magis est hic peculiare, præcipuè

præcipuè à nobis erit annotandum. Quod ad victus ergo rationem spectat, cum positum sit hunc affectum pendere ab intemperie frigidiore, obstructio- nibus, & collectione materiæ pituitosæ, serosæ, vel flatuosæ: omnia calfacien- tia & exsiccantia plus minus pro conditione humoris dominantis, tenuantia, ape- rientia, detergentia, & resoluentia erunt ex usu istis ægrotantibus. Interdici- da igitur omnia alimenta aquosa, frigidiore, & quæ concoquendo negotium facessunt calori natiuo. Somnus diuturnior arcendus. Exercitandæ aut frican- dæ conuenienter. Omnes aliæ vacuationes naturales ad cursum ordinarium re- uocandæ, & ab iniuriâ cæli frigidioris, pluuiosi, & austrini, quantum fieri po- terit, prohibendæ: deinde de maioribus remediis cogitandum, inter quæ cum phlebotomia & purgatio principatum obtineant, quæritur primum, vtrum ve- næ sectio istis mulierculis hydrope vterino laborantibus conueniat. Partem af- firmantem tenent Paulus, Aëtius, & Auicenna, quia existimant præcipuam huius affectus causam & magis ordinariam cœpisse à menstruorum suppressione: Quod quamuis illis concedamus, non est tamen ita generaliter pronuntiandum de vii istius remedij in hoc affectu, in quo calor valde est imminutus, obstructio- nes pertinaces ab humore frigido, virium deiectio, & metus hydropis vniuer- salis. Ac proinde si incipiente morbo, constantibus viribus, & suppressis men- struis appareat insignis plenitudo in venoso genere, non denegabimus hoc au- xilium istis ægrotantibus, modò ex venâ cubiti, si humorum quantitas illud ma- nifestè exposcat; modò ex venis crurum, si ex vtero tantum sit deriuandum. In aliis casibus melius est à phlebotomiâ omnino abstinere, & vacuationi huius ca- cochymix incumbere potissimum.

Hoc autem fiet catharticis *Φαρμακωγῶν* & *ὀδονωγῶν* frequenter repe- titis, & à nobis sæpius commemoratis, inter quæ semen ebuli, soldanel- la, mechoacan, puluis radicis bryoniæ, succus sircos nostratis, elaterium, aga- ricus, hiera Galeni, & turbiti principatum obtinent: ex quibus iunctis cum alterantibus & præparantibus, attenuantibus scilicet, aperientibus, detergen- tibus, & resoluentibus, parari poterunt syrapi magistrales, apozemata, opiata laxantes, poriones cathartice, & similia ex aliis locis repetenda. Quibus ad- iungenda erunt roborantia, tabellæ scilicet, aut pulueres cardiaci & hepatici ad colligendas vires, quæ hic facile dilabuntur. Et quemadmodum veris ca- tharticis illa illuies causæ antecedentis diligenter erit expurganda; sic etiam illis adiungenda erunt diuretica & menses protrocantia, quæ conuenienter istas vias referare, & materiam in vtero contentam propellere aut deriuare pos- sunt. Necnon sudorifica erunt vsurpanda, quorum caliditate & tenuitate re- soluetur maior pars huius humoris in vtero contenti, & per sudores sensibilibiter vacuabitur. Quorum omnium exempla copiose repeti possunt ex capite de foedis mulierum coloribus. Neque solum internis, sed etiam externis remediis eadem attenuandi & resoluendi facultate præditis erit oppugnandus hic affe- ctus. Cucurbitulas laudant Practici circum & supra locum frequenter admo- tas cum multâ flammâ. Item fœtus ex filtris, quæ bullierint in cineribus sar- mentorum & lixiuio cum pulegio, origano, foliis ebuli, & semine fœnugræci, quæ bene expressa & calentia applicentur ante & retro, vt sudet si possit in lecto vel in stuphâ commodè paratâ. In hydrope flatuoso fiant potius isti fœtus sicci ex sacculis calenti arenâ, aut cineribus referti, vel aliis rebus tenuantibus, & resoluentibus in sartagine frixis & similiter admotis. Tegatur deinde locus empla- stro de baccis lauri, vel de stercore caprino aut bouino cum semine cumini, dropace vel sinapismo aut vesicatorio, vbi rebellior est affectus. Recētiore lau- dant aquam stillatitiam nicotianæ per octo aut decem dies ad 3 iij cum pauco saccharo sumptam: Alij vinum album cum infusione cinamomi & limatura chalybis. Quæ omnia tam purgantia quam tenuantia & incidentia, in vterum etiam, si fieri possit, per metrenchyten infundenda, aut in formam pessarij ad- hibenda post vniuersales purgationes & præparationes. Si coniunctus sit insi- gnis dolor huic morbo, commendat imprimis Amatus aquam vel decoctum flo- rum chamæmeli, pari quantitate sumptum. Aquæ item sulphureæ, & nitrosæ à plerisque in hoc affectu laudantur, tam potu quàm balneo, dummodo insignis fet- uor jecoris aut totius corporis non sit illi coniunctus. Tutissimum est etiam auxi- lium in hoc affectu potissimum humoralis, fontanellas cruribus admouere, vt exhau- riat illa vteri sentina paulatim. Hippocrates verò lib de naturâ muliebri, com- mendat

mendat medicamentum quod ex cantharide & felle paratur, & peplij succum, quod hoc tempore non est vsitatum. Reliqua facile repeti poterunt ex tractatu vniuersalis hydropis, vt diximus.



CAPVT IX.

De Scirrho & Cancro Vteri.

TUMORIBVS pituitosis & mollibus ad melancholicos & duros transeundum est, quos breuitatis causa vnico hoc capite complectemur. Est igitur propositus affectus tumor vteri durus ab exsiccatione nimia aut melancholici vel atrabilarij humoris synathrismo pendens, quem grauitatis sensus & contractio insignis comitantur. Dicimus esse tumorem vteri durum, quoniam in omnibus istis eleuationibus sentitur manifesta renitentia & durities, quæ cum à triplici causa fieri dicatur à Galeno, nimirum siccitate insigni, repletionem magna, & congelatione, hæc omnes istæ causæ concurrunt, aliquando solæ & simplices, aliquando coniunctæ. Vt pote in scirrho vero ex humoris melancholici congestione, adest propria & quasi natia humoris siccitas, quâ pars naturâ suâ exanguis magis ac magis exsiccatur: adest insignis repletio, vnde tumor ille cum grauitatis sensu & pondere: & quia tum pars affecta, tum ipse humor ad frigidam vergunt intemperiem, ideo materia illa concreuit in illo loco & quasi congelatur. In simplici vero sclerosi, quæ est quæcunque durities & scleroma, vt loquitur Aëtius, adest aliquando siccitas per resolutionem tenuiorum partium factam in aliis tumoribus præter naturam, quæ degenerare possunt in scirrhum, vt phlegmonoso & œdematoso cum repletionem. Quod si ipsius partis substantia sit suo proprio humido defraudata, tunc durities illa à simplici pendet siccitate. In cancro autem repletio & tumefactio ingens illud præstat: vnde posita est à nobis in nostrâ definitione illa distinctio causæ efficientis, nempe exsiccatio simplex & congestio humoris melancholici vel atrabilarij: vt omnes tumorum istorum differentias complecteremur. Diximus etiam esse vteri tumorem, non quod totum vteri corpus, nisi raro admodum, occupet, quia humor iste crassus vix potest dispergi per substantiam istam vteri solidam & densam: sed quia affectus iste insidet aliquando eius fundo, vt dicebamus de phlegmone, aliquando lateribus, aliquando ceruici, ita tamen vt perpetuò totius partis operationes sensibiliter lædat. Addidimus etiam in nostrâ definitione, cum grauitatis seu ponderis sensu, & insigni illius contractionem, quia ista duo accidentia perpetuò solent duos istos tumores in vtero comitari. Grauitas quidem, quia materia hæc crassa & terrestris multum addit ponderis huic parti & circumiacentibus, quæ quasi onere isto oppressæ vix moueri possunt. Contractio verò, quia vbi pars ista vel tota, vel secundum aliquam eius portionem exsiccata est, vel referta humore distendente, tantumdem oportet vni decedere dimensionem, longitudinis scilicet vel profunditatis, quæ cavitatis est in vtero; quantum accedit latitudini eleuatæ & distentæ. Ita vt in eiusmodi tumoribus sit obseruatum, perpetuò vterum retrahi & quasi conuelli versus illam partem, quæ est tumore affecta.

Omissimus verò dolorem in hac nostra definitione: quia hoc symptoma tristis sensationis in sensu tactus non conueniebat simpliciter omnibus hisce tumoribus sub nostrâ definitione comprehensis. Nam in simplici exsiccatione per resolutionem, in phlegmonoso vel œdematoso indurato, in scirrho exquisito, dolor nullus aut valde exiguus, qui ad grauitatis sensum referri commodè potest, percipitur. In scirrho verò non exquisito, qui fit à permixtione quadam humoris melancholici cum sanguineo, bilioso, aut atrabilario, est quidem dolor, sed non atrox & molestus, qui ægro aut Medico negotium facessere debeat, aut illum à verâ & methodicâ curatione distrahere. Contra in carcinomate & tumore quouis cancroso, potissimum vbi sæuire & exasperari incipit per se, vt aucto. incendio illius, aut ab externis medicamentis, tanta est doloris aliquando sæuitia & horrendus cruciatus, vt illi tanquam vrgentiori, omnibus indicationibus relictis, continuò sit prospiciendum. Ita vt hoc capite habeamus tria potissimum tractanda, scirrhosum scilicet,

quæ

quæ est simplex induratio, & vniuersalis cuiuscunque partis aut humoris: scirrhum, qui verus est tumor à melancholico succo naturali: & cancerum vteri, qui est ab humore maligno & atrabilario ibidem congesto:

Quæ sint igitur causæ istorum affectuum imprimis est inquirendum solitâ methodo. Quod ad sclerosim spectat, indurationem scilicet ipsius partis vel alterius tumoris phlegmonosi aut œdematosi: certum est illud contingere vt plurimum duplici errore, præter vitium partis & materiæ, quæ aliquando crassior & contumacior existit: nempe in principio inflammationis vteri vel phlegmonosi tumoris propter vsum immodicum repellentium, adstringentium aut refrigerantium: ex his enim conculcatus humor, qui regredi amplius non potest, atque substantia partis condensata, fit vt adhæreat magis & induretur in naturam scirrhosam. Alius error propter quem fit eiusmodi sclerosis, contingit in progressu atque declinatione istorum tumorum, quando vehementi aut diuturniore discutientium ac resoluentium medicamentorum vsum partes tenuiores ita subito & violenter dissipantur, vt quasi sæx & crassamentum quoddam remaneat, cuius dissolutio deinceps fieri nequit, sed in callosam & quasi lapideam naturam degenerat. Et sic fit scirrhus ille secundarius ex permutatione aliorum tumorum male curatorum, vnde phlegmone indurata; scleroma, œdema induratum, scirrhus albus vocatur apud auctores nostros.

Scirrhus autem propriè sumptus, siue exquisitus & indolens, cum sit soboles humoris melancholici puri & naturalis, in alicuius partis, vt vteri, substantiam effusi, ea omnia agnoscit ad sui generationem idonea, quæcunque materiam huic humori producendo aptam suppeditant, quæ illius expurgationem conuenientem impediunt & partem ac vias fluxioni huic suscipiendæ disponunt. Spurius autem scirrhus & cuidam dolori coniunctus, permixtas habet causas, id est, quæ possunt huic materiæ melancholicæ portionem aliquam alterius humoris permiscere, præcipuè sanguinei, biliosi aut atrabilarij. Nam quando pituita melancholicæ coniungitur, non facit differentiam, saltem secundum doloris sensum, sed colorem & partis consistentiam euariat. Ex parte igitur rerum naturalium, temperamentum melancholicum aut sanguineum humores iam adurens, quale est fuscum & nigricantium, vel rubore saturato perfusarum: ætas inclinans circa quadragesimum quintum annum: victus ratio laboriosa: vsum alimentorum crassorum & *δυσπεψίων*; incontinentia vt in malaciâ, & voracitas vt in *βελίμω*, quibus sunt valde obnoxie, aëris inclementiæ vehementiores & diuturnæ, vt siccitas æstate præteritâ: moerores aut metus diuturni, quales fuerunt his nostris bellis ciuilibus, quibus vidimus etiam infinita, vt scrophulas olim inauditas, morborum genera in Galliam irrepsisse. Sed præcipuè retentio vacuationum solitarum, per quam recoctis quasi humoribus & incrassatis facilis existit generatio istorum tumorum scirrhosorum, tam simplicium quam compositorum in vtero, potissimum si ab aliquâ causâ externâ, vt percussione, casu, ictu fuerit debilitatus: vel internâ, vt intemperie insigni, obstructionibus, vlcerebus, abortu, partu laborioso, post quem non satis commode expurgata fuerint lochia illa, siue superfuitates à foetu collectæ: denique hepar aut lien malè affecta, quæ vt plurimum omnibus istis morbis humoralibus primam originem suppeditare solent. Hæc omnia aut pleraque si concurrant apta ad melancholici humoris simplicis vel mixti generationem, scirrhos producent in vtero, & aliis partibus calore, dolore, vel summâ debilitate affectis, prout variè contingit. Sin vero magis tendant ad productionem humoris atrabilarij, ob intensiorem calorem & quasi aliorum humorum adustionem & incinerationem, fient carcinomata siue cancri in partibus, non solum externis, vt plerumque solet; sed etiam internis, vt vtero, qui occulti ab Hippocrate vocantur, præcipuè quando non sunt vlcerati. Item ista carcinomata & cancrofa vlcera facile exoriuntur ex aliis tumoribus, vt phlegmonosis, scrophulosis, sed potissimum scirrhosis, vel ob permixtionem alicuius succi acrioris, vel certe quando imperitâ medicatione exasperantur, vt ipsemet docuit Hippocrates. Videamus igitur quibus signis deprehendere possimus istiusmodi affectus in vtero.

Factam itaque sclerosim in vtero ex præcedente inflammatione simplici, aut tumore phlegmonoso, ostendent ea quæ prædictos primum affectus præcessisse significant, vt supra disputauimus: & quod cessantibus eiusmodi inflammationibus, pars tamen neque leuior, neque liberior reddita sit, sed grauior cum insigni ponderis aut duritiei sensu: necnon contractior & quasi angustior versus illam partem, vbi ista exsiccatio & induratio potissimum facta est.

Quod si sit scirrhus à verâ melancholiâ , per fluxionem aut congestionem genitus, præcesserunt vel adhuc adsunt ea omnia quæ iam à nobis fuerunt commemorata ad eius generationem necessaria : in principio incrementi illius fluere possunt immoderatè mēstrua , sed aquosa, tenuia , & quasi transcolata, relicto intus crassamento , & veluti facie sanguinis : in progressu supprimuntur omnino , grauat uterum cum circumiacentibus partibus , coarctatur plus minus pro ratione partis in qua situs est. Nam si in fundo hæreat, repræsentat quasi molam carnosam, quæ in eo gigni solet, sæpeque Medicis atque ægrotantibus imponit, nisi diligenter alia confiderentur : nam per scirrhum vteri mulier attenuatur, mammæ gracilesunt & lacte omnino destituuntur, neque dum stat, prouoluitur ita tumor versus os pubis, quemadmodum in molâ. Si in lateribus hæreat scirrhus, intumescit magis ea pars , & ad eam reliquæ quasi contrahuntur. Si in ceruice, obstruit & tactu atque etiam oculis deprehendi potest. Vbi neque dolorem insignem aut saltem effatu dignum, neque aliam molestiam , nisi forte grauitatis , ut diximus , inferre solet , ut narrat Hippocrates libro quinto epid. de illa Gorgiæ vxore , in qua videtur mola fuisse coniuncta cum foetu.

Carcinoma autem in vtero radices posuisse, quod ad tumorem simpliciter & grauitatem spectat, eadem ostendent (& in quâ vteri parte) quæ de phlegmonosis tumoribus, & scirrho dicta fuerunt. At verò si visum aut tactum consulas, multum discrepantia: nam dum oculis cerni potest, apparet tumor inæqualis & tuberosus, ex liuido ut plurimum nigricans , & venarum propaginibus quasi radicibus infestissimis adhærens parti affectæ. Si verò sensum tactus adhibeas, hic adest insignis dolor quasi acum per interualla pungentium , insignis etiam grauitas , & partis contractio molestior : quæ omnia exacerbantur, si vlcerari incipiat , feruente scilicet & dilatato humore isto, qui erodens tandem substantiam partis eruat saniem quamdam tenuem , nigram, vel fuluam & grauitè olentem : imo etiam aliquando sanguinem, quando contingit vas aliquod grandius abradi, cui comes est febricula, inquietudo, nausea, pudendorum ardor & similia , quibus malignitas pessimi huius affectus deprehenditur.

Nam ut ad PROGNOSIM veniamus, nullus est morbus, qui maiorem adferat naturæ & Medico curanti difficultatem, quam illi qui pendent à summâ exsiccatione humoris melancholici & atrabilarij: quæ enim summè exsiccata sunt ut in sclerosi, vel propter ignauiores humectantium vim , vel quia calor nativus in illis partibus est pænè exhaustus, vix vnumquam restitui possunt. Quæ valde sunt dura, ut scirrhii ob humoris frigidi & sicci dominium, non potes nisi emollientium & resoluentium viribus oppugnare : ab emollientibus impendet metus putrilaginis malignæ , à calfacientibus & resoluentibus periculum est ne ferueant & in atrabilarium succum permulentur, unde carcinomata: vel nimium exsiccata magis ac magis indurentur. Adde quod propter menstruorum in hoc affectu suppressionem , vel imminutionem, multa in corpore mala exoriuntur, à quibus tandem consequitur hydrops vteri, vel abdominis, quando lien & hepar consentiunt. Quod ad cāncros vero , ex Hippocr. Aphor. 38. sect. 6. potissimum occultos, propter summam feritatem illius humoris, melius est non curare: quia curati, id est tentatâ eorum curatione, exasperantur ut plurimum, & citius pereunt ægrotantes, quam non tractati ope medicâ: nisi in illis partibus ex quibus radicitus extirpari possunt. Quæ omnia facient nobis viam ad sequentem *Diagnosin*.

Quod ad CURATIONEM attinet, supposito imprimis debito regimine, ut scilicet sub dominio humoris melancholici vel atrabilarij abstineant ab eis omnibus , quæ generationi illorum materiam, vel aliquod aliud adiuumentum adferre possunt: qualia sunt alimenta omnia crassi succi & visceri, omnia nimium frigida vel etiam torrida & æstuantia, ob exsiccationem quam inducunt, ut panis ater, durus & fursureus, carnes suillæ, bouinæ, aprinæ, leporinæ, anatum, & reliquarum auium palustriū, pisces grandiores & cetacei, legumina, tubera, caseus acris, & inueteratus, omnia salsa, piperata, frixa, & inter olera, cepe, & brassica: vinum merum, crassum, nigrum, vetus, aut fumosum, mustum, sinapi, & similia, quæ accuratius capite de melancholiâ tractantur. Hoc inquam supposito, ut propositos affectus oppugnemus, hos habere scopos debemus. Quod si quæ sit adhuc materia antecedens, quæ affectum augeat vel foueat , eam diligenter expurgemus , & reuellamus : deinde causam coniunctam cum ipso morbo peculiari vacuatione educamus. Quod ad primum scopum attinet, vacuationes humoris melancholici & atrabilarij, si quidem cum

cum malsâ sanguinariâ permixtus sit, ut ex tumentibus nigricantibusque venis & totius corporis colore iudicamus, non solum purgantibus medicamentis, sed etiam phlebotomiâ perficietur, tam ex venâ utriusque cubiti mediana, quæ utramque plethoram exhauriat, quam ex venis popliteis, & cruralibus, præcipue quando suppressa sunt mēstrua vel hæmorrhoides, & eò vergere videtur illud excrementū: ali-quando etiam saluatella, quæ inter minimum & annularem digitum excurrit, quan-do longius reuellendum erit à parte affectâ: eoque in educendo sanguine auda-ciores & liberaliores erimus, quo ille nigricantior & fæculentior apparebit; quia talia tunc educuntur, qualia oportet. Venæ sectioni succedaneam præstabunt operam cucurbitulæ cum scarificatu in variis partibus, hirudines, cauteria cruri-bus imposita, ut fiant emissaria siue fonticuli superuacaneorum humorum & similia auxilia Chirurgica: Pharmaceutica verò erunt purgantia, alterantia, externa & interna, tam manifestis quam occultis qualitatibus, & aperientia istas obstructio-nes. Purgantium igitur melanagogon classes ita hic sunt percurrendæ, tam simpli-cium quam compositorum, ut in principio & ante præparationem benignioribus: postmodum vehementioribus agamus, ut lapidis lazuli puluere, & pilulis, Anti-monio infuso, radice esulæ, elleborismo, & similibus, dummodo vires & reliquæ corporis constitutio id permittant. Aliàs melius est & tutius mediocribus fre-quenter repetitis illud per *ἐπιέναν* præstare, potissimum in cancroso tumore. Alte-rantia verò in scirrho sincero erunt humectantia & modicè calfacientia, vel tem-perantia potius, ut humor ille austerus & rebellis istorum benignitate paulatim superetur. Si ad atram bilem vergat, ut in scirrho impuro vel carcinomate, etiam refrigerantia & refrænantia erunt ex usu. Vnde syrupos illos ex succo borraginis & pomorum redolentium, decoctum lupulorum, cichorei, & epithymi, serum lactis, balnea humectantia, infusus & linimenta refrigerantia præscribere illis so-lemus. Ex proprietate pulvis veri sapphiri & smaragdi, præcipue ad cancerum, fre-quenter ad gr. iij. cum aquâ scabiolæ sumptus prodesse putatur, quod eodem mo-do dicas de lapide nostro bezoardico. Aperientia verò & dissoluentia humores istos in viis vteri & vasis contentos duo potissimum traduntur à Practicis: nempe trochisci ex viperinâ carne confecti ad 3 j. mane per quatuor dies sumantur cum iusculo pulli convenientibus herbis alterato, vel cum decocto cancerorum fluuiati-lium aut gammarorum in aqua borraginis facto. Aliud est chalybs sæpe extinctus in aquâ aut vino albo oligophoro, aut eiusdem limatura sola vel permixta cum aliis, superiori tractatione de fœdis mulierum coloribus à nobis sufficienter tradi-tis, quâ existimant validissimè istos infarctus crassorum & rebellium humorum in vtero & aliis partibus dissolui posse. Atque hæc de primo scopo.

Quod ad secundum, qui causam coniunctam & ipsum morbum considerat: ad remollitionem & humectationem scleroses in vteri propriâ substantiâ, vel ab in-duratis tumoribus phlegmonosis & oedematosis contractæ, non opus est aliis re-mediis aut methodo, quàm in vero scirrho, cuius materia vacuanda est & alte-randa. Ideo sufficiet de illo agere. Durus igitur hic tumor emollientia cum tenui-tate partium, humoris qualitas & quantitas calfacientia modicè & digerentia ex-poscit. Neque enim simpliciter emollientibus, & humectantibus utendum, ne maligna putredo, ut dicebamus, introducatur: neque simpliciter calfacientibus, attonuantibus & resoluentibus, ne contracto incendio degeneret in atram bilem: aut per nimiam resolutionem reliquæ partes magis ac magis exsiccentur & indu-rescant. Ideoque consulunt authores nostri, vel illis inuicem permixtis, vel vicissim usurpatis agendum. In hoc igitur vteri scirrho formulæ remediorum topicorum esse poterunt per foras, infusus, iniectiones, linimenta, emplastra, suffumigia, & pessaria, prædictis viribus prædita, prout magis commodum videbitur. Inter quæ sequens decoctum pro balneo, semicupio, fotu, enematis, aut iniectione pro-desse poterit.

℞ Rad. althææ, liliorum, & fœniculi, ana ℥ iv. maluarum cum toto, violar. & brancæ vrsinæ, ana M. iij. nepetæ & artemisiæ, ana M. j. seminis lini & scœnu-græci leuiter contusor. an. 3 ij. flor. chamamel. meliloti & stœchados, ana M. ss. Fiat omnium decoctio in aquâ dulci, vel iure capitis, pedum aut intestinorum ver-uecis. Aut in eodem decocto dissolue olei liliorum alborum, iasmini, hypericon. an. 3 iv. Utatur ut dixi. Ex cuius residentiâ contusâ & cribratâ, addendo farinæ seminis lini 3 iij. puluer. ireos Florent. 3 ij. croci 3 j. butyri recentis & pinguedinis gallinæ, an. 3 j. olei amygdalarum dulcium q. s. Fiat cataplasma: admoueatursupra

& post regionem pubis. Quo remoto post aliquot horas, ne diuturniore morâ exciccetur, apponi poterit emplastrum de mucilaginis aut diachylonis ireati oleo lumbricorum dissolutum: vel fiat ex gummi bdellio & ammoniaco liquatis cum pauco aceto aut vino albo.

Existimant folia & radices capparis in hydromelite ad putrilaginem decocta, tam foru quam cataplasmate, maximam obtinere vim ad scirrhus istos perdomandos. Galenus in rebelli materiâ vitur fumigio lapidis pyritis igniti & aceto acerrimo irrorati, vino albo aut decocto maluarum & parietariæ. Recentiores lutum bituminosum balneorum naturalium, qualia sunt nostra Balerucana, valde commendant ad molliendum & digereendum. Ista autem omnia summo iudicio & prudentiâ erunt moderanda, ne, ut iam dictum est, aut magis induretur scirrhus, aut quod multò peius, in cancrum degeneret, quod omnes Practici verentur ex inconsideratâ aut diuturniore auxiliorum administratione. A qua melius est per intervalla desistere, ut eorum successus appareat: frustra enim pugnatur, quando scirrhus omnino indolens in lapideam naturam degeneravit.


Ad cancri verò particularem curationem nihil habent authores nostri præcipuum, quam, si secari aut aduri cum suis radicibus non possit penitus, illius incrementum impedire ac ferocitatem compescere. Ac proinde in cancro non vlcerato omnia moliantur, ne exulceretur: in vlceratione ferociat & augeatur: ac in utroque doloris atrocitas temperetur. Impediunt igitur illius vlcerationem, quæ moderatè refrigerant & adstringunt sine vllâ mordacitate: inter quæ metallica bene præparata principatum obtinent. Ut

℥ Olei myrtini & rosacei, an. ℥ ij. succi solani aut semperuiui ℥ j. Agitentur omnia in mortario marmoreo ad solem cum pistillo plumbeo, donec nigrescant: deinde adde lithargyri & cerusæ aquâ scabiosæ lotorum, an. ℥ iij. tuthiæ præparat. ℥ j. caphur. ℥ j. Fiat linimentum, quo inungatur ter aut quater in die: deinde lauatur leuiter aceto rosaceo, sero lactis aut hydromelite. Vel si dolor vrgeat, decocto maluarum & papaueris albi, lacte muliebri repente & similibus. Eadem iniici in vterum poterunt, aut etiam aqua solani & nymphæ diutius in mortario plumbeo agitata, aut decoctum cancrorum fluuiatilium, quorum puluis prædicto vnguento addi poterit. Quidam pro secreto habent ad eiusmodi cancrus herbæ Roberti vsum intus & extra: alij ranas lotas decoctas & contusas in formam cataplasmatum, aut etiam foru & iniectione adhibere. Vbi iam vlcerari incipit cancer, melius est Medico honestam fugam capeßere, quam in morbo deplorato oleum & operam perdere, nisi fortè symptomatum sedandorum causâ. Atque hæc de propositis affectibus.



C A P V T X.

De procidentia, subuersione, & omni malo situ Vteri.



B intemperie & tumoribus vteri præter naturam, ad morbos eiusdem organicos seu conformationis vitia progredimur: quæ quidem in vsum venire solent. Qualia sunt imprimis procidentia, subuersione, & omnis malus situs hoc capite explicanda: diximus enim de ascensu vteri versus superiora, ut hepar & diaphragma, quod nobis verisimilius videbatur capite de suffocatione hysterica: de reclamatione autem illius ad latera, tractatu de tumoribus præter naturam, quibus aliquando afficitur: & ex præsentis capite facile cognitio illius & curatio haberi poterit. Est igitur propositus affectus, dispositio præter naturam vteri organica, quando secundum suum situm & connexum vitiatus, descendit plus minus ad inferiora, propter ligamentorum relaxationem aut eorumdem disruptionem. Dicimus esse dispositionem præter naturam organicam in situ & connexu, ut distinguamus ab eo motu naturali, quo refert Aristoteles lib. 7. de histor. animal. deferri vterum versus osculum pudendi appetitu coeundi, vel prolestandi seminis virilis. Quia ille descensus vel concesso coitu, aut peracto post eiuculationem seminis sponte sua sedatur. Est autem morbus organicus in situ & connexu: non dissimilis herniæ intestinali, vel ani procidentia: quia sedes naturalis vteri est intra abdominis inferiorem partem

partem sub osse pubis inter intestinum rectum & vesicam, ibique manere debet ut functiones suas rite obire possit, puta menstruum expurgationem, seminis eiaculationem, conceptum & pueri ad debitum usque tempus gestationem. Ideoque à naturâ in illo loco validissimis ligamentis, præter vasa illa, nervos scilicet, venas & arterias, quibus principibus partibus connectitur, fuit firmatus & annexus, quo opus suum speciei propagationi necessarium commode posset peragere. Vbi igitur iste connexus violatur, quia gravitate sua naturaliter ad inferiora deolvitur, ut reliquæ omnes corporis nostri partes, ibidem varias parit procidentiae differentias, quod in nostrâ definitione intelleximus, per illud *plus minus*: aliquando enim sola ceruix interior prouolvitur in vuluam: aliâ totum quidem corpus & fundum illius procidit, sed non prominet extra concavum vulvæ, sed in eâ apparet velut glans virilis rubens cum suo foramine, aut anseris ouum perforatum, quod est interius matricis orificium. Alias denique tanta est illius præcipitatio, ut fundo etiam inuerso deolvatur ad femora usque & propendear instar virilis scroti rugosa matrix, aut oui struthiocameli similis cum asperitate.

Diximus itaque in definitione nostrâ, hunc situm & connexum vitari, quoties ligamenta quibus vterus firmatur, præter naturam afficiuntur. Vincula ista sunt primò membrana omnibus ventris inferioris partibus communis à peritonæo orta, omnium crassissima & robustissima: deinde tendines seu ligamenta duo, admodum laxa, quæ à lateribus apophyseon orta, & ossi pubis annexa, deinde ad inguina usque excurrunt. Vbi igitur istorum vinculorum constitutio naturalis vitata fuerit, ita ut vterum in proprio suo loco continere nequeant, tunc affectus iste maximè molestus & turpis contingit. Oportet autem ista ligamenta idem pati quod videmus in rebus externis contingere: tunc enim res inter se colligatæ dissoluntur, quando eiusmodi vincula vel sunt disrupta, vel dissoluta & elongata, propter summam molliem & humectationem. Ergo duæ erunt causæ immediatæ huius affectus, quarum vna disruptio seu solutio continui manifesta dicetur: altera relaxatio seu remollitio ligamentorum vteri. Oportet autem illam ruptionem & relaxationem contingere utrique ligamento antagonistæ, & ipsi peritonæo tunicæ, scilicet ut prolapsus iste vteri fiat ad inferiora, quia vno saluo & incolumi vterus adhuc ab eo retentus non posset præcipitari deorsum, sed tantum ad latus alterutrum reclinari, ut consideranti patet.

Quæ igitur rursus sint causæ istarum duarum dispositionum præter naturam in vtero & ligamentis propriis, est inueniendum, ut conuenientior deinde *therapia* instituitur. Quod ad ruptionem spectat, quæ est species solutæ unitatis quasi *ἀσύνθετος* quoddam, omnia vehementer commouentia, & concutientia vel dissecantia id præstare possunt: Vnde ictus, casus ex alto, saltus, oneris gestatio vel subleuatio, cursus in decliu loco, compressio abdominis violenta, rursus vehemens & diuturnior, sternutatio violenta in puerperio aut post, respirationis & spiritus diuturna cohibitio, ut aliquid per inferiora expellatur, compulso diaphragmate & musculis abdominis vehementer, ut fit in deiectione laboriosâ, aluo durâ, tenesmo, gestatione molestâ multorum foetuum, & difficili partu: auulsio violenta foetus aut secundinæ ab obstetrice imperitâ vel audaciori: vehemens conatus vteri ad expellendum aliquid sibi molestum, ut demortuum foetum, molam aut materiam aliquam præter naturam: tunc enim idem contingit vtero, ex Galeni sententiâ *lib. 3. de facult. natural. cap. 3.* quod duobus athletis, qui cum sese mutuo deicere conantur, uterque in terram prolabitur: frequens cucurbitularum admotio femoribus, maiorum scilicet & cum multâ flammâ, potest violenter attrahere vterum ad inferiora, in debilioribus potissimum mulierculis, & in quibus ob frequentes partus vel abortus membra ista iam pridem infirmiora fuerunt reddita: nauigatio periculosa agitando: imo animi pathemata aliquando istud præstitisse animaduersum est, ut vehemens ira, & terror: multæ enim ex repentino & malo nuntio ita conturbatæ fuerunt, ut compulsis violenter ad inferiora, spiritibus ipsum etiam vterum diuulsis ligamentis excusserint.

Relaxatio vero seu elongatio prædictorum ligamentorum, quæ est altera descensus vteri causa: à multis etiam produci & augeri potest, tam externis quam internis causis. Temperamentum enim pituitosum valde & cruditatibus obnoxium, cuius impuritates per vteri vasa tanquam sentinam ordinarie vacuantur, ut in fluore albo, vix evitare potest hoc periculum. Ut etiam quæ magnis obnoxia sunt catarrhis, quorum portio defertur ad hypogastrion, & partes illas copiose irrigat, quod in verulis plerumque

plerumque contingit, aut illis quæ ob vitæ rationem perpetuo in balneis, ut balneatrices illæ Balerucanæ mulieres, item lotrices linteorum, quæ in flumine aut aquâ frigidiore quoquo modo diutius degunt. Sæpiissime post partum, nisi sedulo protegatur uterus ab ingressu externi aëris humidioris & austrini, aut si regionem palustrem accolant, contingere solet hic affectus. Quemadmodum ex humidioribus alimentis, largiore potu, medicamentis emollientibus, tam sumptis quam admotis diuturniore tempore, suppressione, mensium longa aut alterius vacationis consuetæ, ut sæpe obseruauimus in fontanelis siue cauteriis subito occlusis: otio, gaudiio & somno prolixiore: ab istis enim omnibus commouentur, vel generantur causæ illæ interiores, tam antecedentes quam coniunctæ, nempe humores serosi, aut pituitosi, quibus istæ partes copiosius irrigantur, ut quasi particularis in utero paralysis & effoeminatio contingat. Est etiam aliquando hæc elongatio seu mollior uteri & ligamentorum dependens à putredinosa illius constitutione, quam prægressæ dispositiones, ut inflammationis, tumores præter naturam, vlcera & similes produxerunt, sed rarius, & cuius curatio pene est deplorata. Unde non immorabimur diutius in describenda illius essentia & causis iam satis ex superioribus notis. Quare ad ἀσπύων accedamus.

S I G N A in hoc affectu, tam partis affectæ quam causarum, ex solita methodo innotescunt. Nam ipse affectus, nempe malus uteri situs, cognoscitur ex sensibili mutatione, quæ contingit extra illius locum naturalem, ut dicebamus. Si ceruix sola procidat, apparebit extra vuluam, vel etiam exiguus tumor quasi extensæ pellis & conuolutæ sine magnâ molestiâ. Quod si ipsum corpus decidat, apparet velut ouum anseris aut struthiocameli, ut dicebamus, in cuius imâ parte apparet foramen, quod est interius uteri orificium, ita depressum versus ipsam ceruicem, per quod etiam effunduntur menstrua purgationes in istis mulierculis suo tempore. Hoc autem foramen petit, quando tota matrix inuersa ab ipso fundo velut scrotum pendet extra vuluam: sed ipsa ceruix tunc superior supremam partem quodammodo coarctat instar cucurbitularum illarum quibus viatores potum circumgestare solent. In principio affectus insignis est dolor circa pubem, inguina & lumbos, ob auulsa eiusmodi ligamenta & peritonæum, aliquando etiam conuulsio, febris & hæmorrhagia propter disrupta vasa aliquot, puta nervos, venas, & arterias, quibus adhæret uterus: ubi autem iam est assuetus, mitescunt ista omnia, & solâ ponderis vel obstructionis molestiâ torquentur: ita ut difficulter ambulent, & aliquando ob compressionem fæces & vrina supprimantur.

Utrum verò à relaxatione ligamentorum & peritonæi vel eorundem ruptione illud contingat, ita erit distinguendum. Primò ex generationis modo, quoniam in relaxatione paulatim & longo tempore contingit ista procidentia, sensimque augetur, nisi illi commodè prospectum fuerit, donec totus simul uterus foras exiliat. In ruptione verò subito & confertim contingere solet, magno cum dolore, & vehementioribus symptomatis iam commemoratis. Secundo quod causæ violentæ, disrumpentes, & diuellentes in corpore bene habito, & sine ullâ huius morbi suspitione producunt istam procidentiam uteri per ruptionem, ut contingit in hernia intestinorum. Eam verò quæ fit à relaxatione præcedunt corporis totius vel ipsius uteri constitutio humidior & mollior, laxitas in prædictis partibus summa apparet, tandemque resolutis aut elongatis eiusmodi partibus voluitur uterus ad exteriora: perpetuòque quasi humore & ichoribus mader, si fiat à simplici humore: sin verò ob putredinem, & corruptelam, effluit quædam virulentia aut sanies cum foetore. Atque sæpius febricula quædam & omnium rerum fastidio detinentur.

Quod ad ἀσπύων verò, hic affectus ex suâ specie non est lethalis, acutus vel periculosus, sed chronicus & valde molestus: quia & deambulationem, & venereum opus & conceptionem, commodamque menstruum expurgationem impedit. Aliquando tamen, ut de principio dicebamus, ob concomitantia symptomata, dolorem, febrem, conuulsionem, & subito necem inferre potest, præcipue in puerperis. Periculosior & curatu difficilior qui fit à ruptione quam ab elongatione, nisi adsit putredo: Item molestior in quo inuertitur fundum ob summam uteri interioris refrigerationem, quam dum manet conglobatus. In senibus & ubi inueterauit, quemadmodum intestinalis hernia, nunquam curatur: In iuuenibus autem non sine difficultate: aliquando ex imperitâ contractione

Statione, violentâ repulsiōe ad interiora, aut ambientis frigiditate, sit vt gangræna procidentem vterum occupet, quæ metu maioris periculi excisionem exposcit. Atque hæc de signis.

Iam igitur curationem istius affectus foedissimi & mulierculis molestissimi, quantum erit possibile, moliamur. Prima igitur & principalis indicatio petatur à causâ affectus, quæ si sit relaxatio ex humiditate, exsiccantia, adstringentia, & roborantia vsurpanda esse suadebit, tam ex victus ratione, quam medicamentorum internorum & externorum classibus repetenda. Si ex ruptione, agglutinantia, sarcoptica, & epulotica, vt in ramice intestinorum. Secunda petetur à specie seu naturâ ipsius affectus, quæ cum posita sit in malo situ & connexu partium, imprimis reponendum esse suadet vterum in suum locum naturalem & vicinis partibus quasi restituendum: mox ibidem retinendum & coercendum ne rursus prolabatur. Tertiâ denique indicatio petetur à symptomatis & morbis concomitantibus hunc affectum, dolore videlicet, febre, conuulsione, hæmorrhagiâ, vlceribus, gangræna & similibus, quæ mitiganda, & remouenda erunt, quantum fieri poterit, relictâ aliquando cura principali, vt loquuntur, cuius cum sæpe sublata sit spes, proponitur conseruatio vteri prolapsi, ne vitium contrahat, aut tandem sphacelismum. Quo grassante in hanc partem, vsurpanda Poëtæ sententia, scilicet aut igne absumendum, aut ense resecandum illud quod putrefactum est, & aliquando totus vterus excindendus, ne pars sincera trahatur. Quod Castratores isti vulgares in canibus, porcis, & aliis animantibus sine vllō eorum periculo quotidie exercent, & in mulieribus similiter tutò fieri posse, vbi prociderit omnino & putruerit vterus, verisimile existit.

Incipiamus itaque à primâ indicatione, quæ diætam in hoc morbo conuenientem præscribi suadet, potissimum quando ab humiditate & relaxatione proficiscitur. Sit aër sponte aut arte comparatus calidior, siccior. Vitent balnea, & omnem pedum aliarumque partium lotionem: neque degant in regione aut domo vliginosa paludibus aut flumini vicina. Corpore & animo sint quieto, vitando omnem mœstitiam, terrorem, iram, vociferationem, tussim & maxime sternutationem, quantum fieri poterit, supinæque in lecto eleuatis cruribus iaceant. Ventre sint molli, ne ex siccioribus excrementis comprimatur vterus, & dum laborant in deiectione, foris denuò protrudatur: non tamen laxo & nimium profluente, quia sic irrigarentur magis ista ligamenta & humectarentur. Cibo vtantur potiusque calfaciente, exsiccante, & modicè adstringente. Parce igitur bibant ex vino rubro & generoso, aquâ fontis, vel in quâ semen coriandri bullierit, lymphato: abstineant à iusculis, oleribus, fructibus horæis, leguminibus, piscibus, lacticiiniis & similibus humidis & flatum generantibus. Carnes sint assæ potius quam elixæ, panis biscoctus, & anisatus, & similia, nisi quid obstiterit, vt infirmitas virium, vel alterius morbi vrgentioris complicatio.

His ita constitutis cogitandum erit de repositione vteri, quam primum fieri poterit, ne ab aëris externi contactu alteretur, vel ex compressione inflammetur & intumescat. Ac proinde immisso prius leni clystere aut carminante, si flatuum copia adfuerit cum aluo adstricta, atque vrinâ excretâ, si quidem lotium in vesicâ diutius moratum fuerit: collocanda ita erit ægra, vt in lecto (*Hippocrates lib. 2. de morb. mulier. vult pedes ad scalam alligari, vt caput deorsum vergat*) supina iacens, capite submisso, coxis altioribus & reflexis, poplitibus ac cruribus disjunctis, facilius recipiat in suum locum prolabentem vterum, Chirurgi aut obstetricis manu blandè tractatum & repulsum. Qui si iam intumuerit aut induruerit ex refrigeratione, oleo liliorum tepente, butyro recenti, vel axungia gallinæ erit inungendus, vel leui decocto foliorum betæ, maluarum, seminis lini, fœnugræci & similibus fouendus erit. Si inflammatus fuerit, expectandum erit donec inflammatio illa fuerit repressa: quæ dolorem in repositione maximum excitaret. Vbi verò reponenti resistit nimium, & in sinu pudoris diutius hæret, docuit Hippocrates laminam conuolutam tenui linteolo circumdatam, aut bombacem circumponere baculo (*συντάλαν* vocant cum suo systemate seu globo) cuius extremitas crassior & plana responderet fere vuluæ magnitudini: deinde in locum illum intromittere succo aliquo adstringente perfusam, vt blandè & citra violentiam, hoc instrumentum adigendo, reprimi possit tota vteri moles intra suam sedem propriam.

Reposito sic vterō omni postmodum arte continendus erit & retinendus in suo loco, tum rectè figuratâ muliere, vt scilicet in lecto reclinata, cruribus extensis molliter, & ita coaptatis, vt vnum alteri incumbat, & per nouem dies

ex Hippocrate in hoc situ moretur : immisso etiam lanæ aut bombacis , vel etiam spongiæ frustulo in sinum vulvæ , qui irrigatus fuerit vino austero aut succo acaciæ , vel hypocistidos aquâ rosaceâ dissoluto. Interea admoueantur frequenter cucurbitulæ cum multâ flammâ sub regione mammarum , umbilico , & vtrisque ilibus , naribus beneolentia offerantur , genitalibus verò fœtida , nisi sit obnoxia hysterica passioni , & aliqua adstringentia & roborantia per os exhibeantur. Continuando similes forus ex filtris aut spongiis nouis per aliquot dies , admouendo cataplasmata aut emplastra contra rupturam eisdem viribus prædicta supra regionem pubis & lumborum. Nam quod ad balnea & semicupia spectat , quæ à Practicis , quibusdam in hoc casu vsurpantur , non videntur admitrenda : quia ex illo situ & mora in balneo necessaria periculum esset , ne denuò prouoluëretur vterus extra suam sedem , potissimum in principio , dum adhuc recens est affectus. Vbi autem diutius ægrotantem detinuerit , & conueniente subligaculo præmunita fuerit , non omnino interdicens ,

Quod ad subligaculum autem istud spectat , siue zonam Hippocratis dictam , certum est in præcipitatione vteri , præcipuè ob rupturam , nihil esse præstantius ad continendum vterum in suo loco , imo plerasque nisi cingulo isto muniantur , nunquam esse securas ab ista procidentia. Qua in re sedulo Chirurghi industria erit imploranda , vt artificioso isto subligaculo compensent ligamentorum ruptorum vel extensorum defectum. Et in illis etiam quibus vterus procidens nullo modo restitui potuit , certum est nihil esse salubrius isto cingulo , cui annexa sit conueniens pera ad illum sustinendum , & inuoluendum : sic enim commodius ambulant & reliquas suas actiones exercent , vterus ab ambientis frigore defenditur , & pondus illud grauitatis , quo alias vicinæ partes torquerentur , summopere leuatur. Alij , vt Paræus , in deploratis istis procidentis parant quædam pessaria ex subere satis oblonga & oualia , quæ cerâ superlinunt & funiculo alligata in profundissimam vulvæ partem immittunt ; cum enim non possint faciliè retrocedere eiusmodi pessaria , vterum coercent & in sua sede subsistere cogunt , vt ibi tantum reliquorum remediorum operâ agglutinetur & stabiliatur. Quod Hippocrates *libro secundo de morbis mulierum* , expressisse videtur per malum punicum perforatum quod indendum suadet. Sed magis mirabile est Rosseti nostri artificium , qui ad eiusmodi deploratas procidentias , inuerso penitus vtero , & frequentius decidente : compingit rotulas quasdam ex subere , satis amplas & latas , cerâ incrassatas , quas in penitissimum vteri fundum intromittit , & sic illius prolapsum obstante eiusmodi corpore impedit.

Hæc igitur omnia ipsum affectum & causam eius proximam spectare videntur. Quod ad antecedentem spectat , quando ex rheumatismo cerebri , aut alterius partis , totius corporis plethorâ , vel insigni humiditate pendet ista ligamentorum & vteri relaxatio : quando etiam alij morbi aut symptomata huic complicantur , vt febris , conuulsio , dolor , hæmorrhagia : apparet non negligenda etiam remedia quæ istis omnibus rite medeantur : vnde per insignes plethoras , aut mensium suppressiones , vel etiam hæmorrhagias , potissimum præsentē febre , solemus phlebotomiam hic vsurpare. In dominatu verò excrementorum pituitosorum & aquosorum purgationes conuenientes instituere , quæ tamen non sint conturbantes , & violenter operantes , quia metus esset ne de nouo vterum per eiusmodi agitationes foras præcipitarent , & nimis in illam partem deductis humiditatibus , irrigarent : vnde multi vomitum in hoc affectu præstabiliorem esse existimant , vt fiat reuulsio ad superiora , quod nos in assuetis , & ad vomendum comparatis non denegamus : aliæ tamen non sunt isto auxilio purgationis omnino destituendæ ; dummodo fiat cum decenti cautione. Præter purgantia possunt in ista procidentia ab insigni totius vel vteri humiditate vsurpari ea quæ calfaciendo , attenuando , & resoluendo insensibiliter per halitum : aut sensibiliter per sudores totum corpus exsiccare : qualia sunt laconica seu stuphæ , thermæ sulphureæ , vt nostræ Balerucanæ : decoctum sudorificum ex ligno guaiacino aut sassâfras per viginti aut plures dies institutum : ex cuius vsu multas conualuisse compertum habemus : si interea conuenientibus topicis relaxatus vterus confirmetur.

Non sunt etiam omittenda ea quæ ex proprietate ad hunc affectum curandum vtilia esse creduntur : vt musci quercini decoctum cum pauco vino albo sumptum & admotum : vel decoctum cornu ceruini , foliorum lauri & myrti siccorum cum vino

vino austero : allium tritum genitalibus impositum : vrtica recens contusa & vmbilico adhibita : althæa cum oleo & adipe coturnicis cocta : adeps coturnicis illitus : lana arietis nigri fumigata : ouum antiquum ex nido gallinæ raptum, conquassatum & impositum : aculeus pastinacæ marinæ vtero admotus, apud Aëtium Mercatus valde laudat, vt istæ mulierculæ procidentia laborantes perpetuò gestent pessaria ex assæ foetidæ, myrrhæ, thuris, mastiches q. s. quæ misceantur cum oleo laurino, addendo pulueris lauendulæ 3 ij. & incorporentur cum bombace & supertegantur linteolo, vel panno sericeo, vt solet. Sunt etiam alia similia, quæ vnusquisque in praxi ordinariâ obseruare potest. Nos verò ad alios affectus vterinos transcamus.



CAPVT XI.

De Vteri clausura, coalitu, & distorsione.

PERSEQVAMVR igitur vteri morbos organicos, qui in vsu practico Medicis occurrere solent. Cum enim superius de malo illius situ & connexu egerimus, iam illius meatus vitiatos & male figuratos contemplemur, qui maxime faciunt ad vteri actiones vitandas. Sciendum igitur à pudendo muliebri (quod propriè Cunnum vel vuluam vocant) extendi productionem quandam membranofam vsque ad proprium matricis osculum (collum siue ceruicem illius appellant) in quam membrum virile coitus tempore intromittitur, & per cuius cauitatem menstrua illa purgatio effluere solet, atque ipse foetus parturitionis tempore erumpere. Oportet igitur, vt ista munia rite exerceantur, partem hanc secundum naturam suam habere meatum & orificium, ita vt sit conuenienter apertum, & ita secundum rectitudinem positum, vt possit tum mentulam commodè recipere, eiaculationemque seminis virilis directè ad internum vsque osculum suscipere: tum etiam menstruo fluiori atque foetui conuenientem exitum præbere. Vnde patet, quoties isti meatus & orificia peruertuntur & complicantur, dum obturantur, implentur aut coalescunt, non solum prædicta munera impediri, sed etiam maximum periculum & grauissimos morbos ac dolores in muliebri corpore excitari: Ac proinde non sine causâ à nobis susceptam esse istorum affectuum qui ad meatus istos vteri pertinent, tractationem.

Quos facilioris doctrinæ gratia ita definiemus, vt sint vitia seu affectus meatus & orificij vteri ac ceruicis illius propter obstructionem aut adstrictionem illorum ex variis causis profectam. Diximus esse vitia seu affectus prædictarum partium. Quamuis enim aliquando ab ortu & naturaliter contingant eiusmodi clausuræ & obturationes, quemadmodum in illis quas Græci ἀρπυιᾶς, nos imperforatas vocamus: attamen certum est illas dispositiones esse vitiosas, & præter intentum generantis naturæ, veluti sunt monstra: neque minus incommodi adferre prædictis actionibus, quam illas quæ ex accidenti, & post ortum contingere solent: quod eodem modo in podice puerulorum clauso, in virgæ meatu obstructo, & similibus videre est per eos affectus quos Græci φίμωσις & φισίωσις appellant: quasi dicas capistraciones & obturamenta. Addidimus in definitione ista vitia contingere meatui & orificio vteri ac ceruicis illius, vt designaremus varia esse loca in quibus eiusmodi obturationes, & impedimenta fieri possunt. Nam cum vterus ipse habeat suum proprium orificium, quod in gratidis tam exactè claudi voluit Hippocrates, vt vix specilli acumen admittat: habeat etiam post istud orificium quemdam meatum exiguum, qui veluti rostri porcini effigiem in suâ extremitate refert: adsit deinde ceruix siue collum, quod ad finem vsque pudendi muliebris extenditur, vbi etiam in superiori parte meatus vrinarius conspicitur: potest hæc clausura seu obturatio contingere in tribus potissimum locis, nempe in proprio seu interno vteri orificio, & meatu remotiore: in ductu siue spatio ceruicis illius in quam membrum virile inseritur: & in prima muliebris pudendi parte seu labijs: Estque eiusmodi clausura, vt loquuntur nostri Practici, completa, quando perfectè co-

tum obstruat meatum vel orificium : Incompleta, quando adhuc superest aliqua via aperta & libera ab eiusmodi impedimento, vt afferunt de tunica (seu potius vatorum & membranæ corrugatione) illâ pudicitie seu virginali, quæ in primo hymenæo seu congressu virili dirumpitur cum quadam sanguinis effusione.

Diximus deinde ista vitia fieri propter adstrictionem vel obstructionem istarum partium, vt designaremus naturam siue speciem propriam variorum affectuum, qui hæc incommoda parere possunt : Alij enim id præstant, quia reddunt partem angustiores sine vilo corpore interposito, quod Græci propriè *στένωσι* vocant, vt fit in distorsione, complicatione, simplici coalitu parietum, induratione & siccitate istius loci, vt habet Hippocrates *Aphorism. 54. sect. 5.* & stricture *συνωπλινωσις* factâ, vt quando grandius & pinguius omentum, ex *Aphorismo 46. sectionis 5.* comprimit & coarctat osculum illud vteri interioris & conceptionem impedit : crura etiam aut femora contorta & diuaticata idem aliquando efficiunt, dum distorquent istam pudendi ceruicem, vel nimis ad interiora comprimunt : osse etiam sacro aut coccyge luxato, vel male conformato : ex calculosâ vesicâ, & intestino recto tumente, istæ compressiones & stricture in vteri orificio & meatu contingere possunt. Alij verò affectus id præstant *ιδιωπαθινωσις*, intermedio seu interiecto quodam corpore istis ductibus adhærescente, veluti membranâ, carnosa quadam substantiâ, phymate seu quouis tumore præter naturam ibi progenito, vlcere etiam in quo excrementa carnis fiat superflua, qui affectus canali virgæ hoc nostro sæculo valde est infestus. In hisce autem partibus, ex vlcere duplex potest fieri modus stricture : Vnus quidem iam commemoratus ex supercrescente inutili & fungosa carne : alius verò quando propter exulcerationem vtriusque lateris pudendi muliebris sese contingentis mutuo coalescunt & vniuntur parietes isti siue ductus vterini. Atque hæ sunt proximæ causæ à nobis etiam in nostrâ definitione denotatæ.

Quorum rursus aliæ & propemodum innumeræ assignari possunt, cum ipso generationis primordio concurrentes : tum post ortum istos affectus producentes, tam sympathicas quam *ιδιωπαθινωσις* : suæ enim sunt causæ propriæ crassioris omenti, contortorum femorum, diuulsi vteri, aut ligamentorum, productæ membranæ, vel substantiæ carnosæ, geniti in hac parte vlceris, vel tumoris cuius præter naturam : quæ ex aliis capitibus repetendæ erunt. Sufficiet hic differentias istius affectus, quæ ex eiusmodi omnibus exoriuntur, annotasse. Ex tempore enim generationis, eiusmodi vteri stricture dicitur ab ortu, siue naturalis : & post ortum contracta siue accidentaria, & præter naturam. A loco seu positu vario per istum ductum seu orificium triplex est distinctio, vt supra diximus. A formâ seu specie affectus quædam est simplex stricture, coalitus, & distorsio : alia est clausura cum materiâ seu corpore obturante : quod rursus multiplex esse potest, vt docuimus. Denique eiusmodi clausura completa est, vel incompleta : sympathica vel idiopathica. Quod ad curandi rationem animaduertisse, plurimum confert. Iam igitur signa paucis proponamus.

DIAGNOSIS in hoc affectu erit facilior, quia participat quodammodo naturam affectus externi, qui visu & tactu percipitur simpliciter, vel adhibito instrumento illo quod dioptram & speculum matricis vocant. Sunt tamen alia quædam signa, quæ & partem affectam & affectus speciem eiusque causas demonstrant. Etenim cum istud membrum in mulieribus vsum præstet ad menstrui sanguinis expurgationem, ad coitum & conceptum, quando iam ætate sunt maturâ & nubili, si quidem menstruæ purgationes retineantur, ita vt certis periodis ingrauescat dolor circa illas partes cum pondere sensibili & tumore, tunc credibile est, si alias bene habita sit fœmina, impedimentum illud non à cachexia aut obstructionibus pendere, vt in scedis earum coloribus, & mensium suppressione dicebamus : sed ab obstructione vel adstrictione istius meatus, per quem foras effluere debent : Ita vt perseverante hoc affectu diutius, inquit Hippocrates, intumescat vterus, grauetur totum corpus, & quasi liuore afficiatur : aut etiam in suppuratum hæc materia aliquando abeat, vnde infinita mala deinde exoriuntur. Quod si præter dictam menstruorum retentionem, non possit etiam eiusmodi fœmina coitu vti, sed impediatur in ipso limine ingressus membri virilis, vel certe detur quidem aliquis ingressus, sed brevis & non respondens virgæ longitudini, ex

eo coniciemus quo in loco pudendi muliebris positum sit eiusmodi impedimentum. In eis vero quæ admittunt quidem congressum virilem, & penis introitum, attamen nullo modo semen retinent masculum, sed statim emittunt, neque proprii seminis effusionem percipiunt: credibile erit stricturam vel distorsionem esse in supremo illo orificio & vteri meatu, qui prolestando virili spermati & permiscendo cum muliebri dicatus est: unde numquam tales concipere contingit. Quod ad affectus verò speciem, causas & differentias attinet, si quidem sit sympathicus tantum affectus, ex vicinarum partium incommodis contractus, facile erit illud conicere ex omento verbi gratia & aqualiculo grandiori, coxis distortis naturaliter, aut per luxationes accidentarias, & sic de reliquis, cum quibus hic affectus ortum suum & incrementum habuerit. Vtrum verò sit ab ortu, aut post ortum, ob membranofam vel carnosam substantiam obstruentem, vel ab ulcere aut tumore præter naturam: ea omnia quæ prægressa fuerunt diligenter recensita, docere poterunt: quando enim nullo perceptibili morbo aut affectu præter naturam prægresso in hisce partibus tale sequitur incommodum, verisimile est illud originem à primâ generatione habuisse, vt patet in aliis partibus. Vbi verò diuexatæ fuerint iis morbis, qui natiuam constitutionem istius partis euertere possunt, si sint immateriales, & sine sensibili humorum affluxu, tunc simplex durities, strictura aut distorsio, quæ angustiam solum pariunt, erunt accusandæ: quod si materia quæuis aut humor in eas diutius profluxerit, vel erit cum sensibili solutione continui, & tunc vlcus genitum fuisse par est: vt etiam si vulnus aliquod præcesserit, quod ipsa etiam excrementa profluentia indicant: sin verò ista omnia absint, & interna eleuatio ac distentio sentiat, siue cum calore, siue absque illo, tunc à tumoribus quibusdam & phymatis illud accidisse coniciemus. Quæ omnia adhuc certiora, & magis explorata reddent visus & tactus eiusmodi partium, qui etiam ad opus curatorium, vt postea dicemus, omnino erunt & necessario adhibendi. Ex his etiam patet solutio dubitationum illarum quæ hic fieri solent, vtrum scilicet per eiusmodi affectus pudendi muliebris possint aliquando concipere? Et vtrum menstrua etiam possint fluere? Ex eo enim, quod diximus istas obstructions & adstrictiones aliquando esse completas, aliquando incompletas: & esse in variis pudendi partibus: Respondemus per incompletos affectus dari quemdam exitum menstruo sanguini, vt & prægnantibus per venas ceruicis vteri; sed diuturnum & molestum: dari etiam quendam ingressum semini virili, præcipue si impedimentum illud sit in superiore parte, ita vt aliquando concipere possint, sed summo cum periculo vitæ, quia si tales permaneant, non poterunt conceptos foetus, neque per abortum, neque per verum partum excludere. Ac proinde diligenter percurandæ & antequam matrimonio iungantur, aut incumbant operi generationis.

Est igitur hic affectus ex suâ naturâ molestus & curatu difficilis, potissimum ab ortu contractus, nisi in puellulis aut saltem iuueniculis maturè agnoscat, antequam grandiores factæ præ pudore non audeant vitium istud confiteri, donec magnis tandem incommodis ac vitæ periculo percussæ cogantur, vt in retentione diuturna menstrui sanguinis in vteri cauitate extrahantur & putrescentis. In sympathicâ autem strictura vel distorsione pudendi muliebris, si natiua sit ex malâ conformatione vicinarum partium, vt in diuicatione crurum, coccygis depressione & similibus, non est speranda curatio. Et eiusmodi mulierculæ cœnobio potius quam matrimonio dicandæ. In aliis accidentariis casibus, vtpote vlcerebus, carne superfluâ, membranâ extensâ, cartilaginosa, aut carnosâ substantiâ, tumoribus præter naturam, tanto erit facilius sublatio, quanto istæ causæ morbificæ minus erunt confirmatæ, & ex suâ propriâ specie tractabiles. Ac proinde cito & quam primum ad conuenientem therapeiam disponendæ, ne inueteratæ deploratum inferant affectum. Iam igitur de curatione agamus.

In quâ erimus breuiore, quod omnis affectus istius curandi ratio fere ad superiores, & iam explicatos affectus, vel postea tractandos sit referenda: quemadmodum si sit sympathica, ad sublationem primariarum dispositionum in aliis partibus positarum. Vel certe quia tota vis istius curationis pendet potissimum à debita *εγχειρησι* siue Chirurgica operatione. Dicamus igitur breuiter, Medicum ad hæc mulierculas sanandas vocatum, imprimis contemplari debere, ex quâ causâ affectus iste originem duxerit. Si sit sympathicus tantum, videat quomodo, & quatenus mederi possit aliarum partium circumiectarum dispositionibus per con-

uenientem methodum, vt huic naturalis sua conformatio restituatur: si sit idiopathicus, ob simplicem stricturam, coalitum, aut distorsionem: in stricturâ, quia fit vt plurimum à duritie & siccitate, agat humectantibus, mollientibus & laxantibus fortibus, semicupiis, linimentis, pessariis, & similibus, sicque relaxata parte, vt melius apertum teneatur orificium istud & meatus, immittatur cannula ex argento, auro, plumbo, cerâ albâ vel ligno solidiore, commode concinnata & irrigata conuenienti oleo aut butyro, quod gestet potissimum de nocte. Interdiu immittatur emmotum, spongia, aut pessus ex cotone, cum rebus conuenientibus constructus, donec parti sua conformatio sit bene restituta. Idem agendum in distorsione, eâ tamen lege, vt quæ immittetur cannula ita sit concinnata, vt in contrariam distorsionis partem deflectat molliter, sicque ad debitum suum locum vteri cervicem paulatim reuocet. Quando verò ob exulcerationem præcedentes vteri parietes vtriusque lateris coaluerunt, antequam callum ibi obducant, reserandi eodem modo immisso specillo aut spatulâ Chirurgica, quæ dilatat istum ductum, ibique per cannulam plumbeam contineat: vel etiam pessis quibusdam exsiccantibus & epuloticis idem erit præstandum, tamdiuque in eis persistendum, donec firma & solida cicatrix inducta esse videatur.

In tumoribus autem præter naturam curandis, qui aliquando hunc locum obturant, eadem erit methodus obseruanda, quæ in superioribus capitibus fuit à nobis tradita, nisi ex eorum sint genere qui scalpello aut cauterio auferri in totum & aboleri possunt, quod non semel fieri iussimus in quibusdam tumoribus istius pudendi muliebris, qui ad naturam atheromatis, steatomatis, aut meliceridis accedebant. Eodem modo in carne fungosâ & flaccidâ, quæ diuturnis & sordidis vlceribus supercrefcere solet, agendum erit excisione aut vstione, si locus ad manum sit positus: deinde reliqua cura ex sequenti capite persequenda. Superest igitur illius obturationis curatio, quæ fit à membranôsâ vel carnosâ substantiâ meatum istum obturante & implente, siue sit ab ortu, siue post ortum ex variis causis contractâ, vt supra docebamus.

Ad hanc itaque velut præcipuam affectus istius speciem curandam animum aduertentes, si quidem cacochymica aut plethorica sit scœmina: si vires & ætas conueniens permittat, venæ sectione & purgatione conuenienti, erit præparanda: necnon si res ita exposcere videatur, conuenientibus balneis ac fortibus mollienda, laxanda, atque attenuanda erit, antequam ad operationem propriam deueniamus: quæ nihil est aliud quam sectio eiusdem & quasi noua perforatio, cuius rationem eleganter docent Albucasis, Aëtius *lib. 4. ferm. 4. cap. 69.* Paulus, & inter recentiores Paræus. In hac operatione opus est periti & solertis Chirurgi industriâ. Quia si incidat quidem eiusmodi substantiam obstruentem, sed non perfectè, maximum creabit ægrotanti periculum quia deinceps vteretur quidem coitu, & concipiet, si sit scœcunda, sed in partu summa erit difficultas, quia ex eiusmodi superstite quasi vinculo, non satis commode aperiri & dilatari poterit vteri cervix ad excipiendum & excludendum fœtum: sin verò nimium & imprudenter incidat, ita vt ad partes sensiles vsque & substantiam ipsius cervicis vteri perueniat, inducet maximos dolores, hæmorrhagias, vulnera curatu difficilia, & aliquando conuulsiones. Perfectâ operatione euacuandæ diligenter omnes sordes & excrementa, atque ipse sanguis menstruus, si intus fuerint coercita: denique vulnus ita tractandum, vt sedatâ hæmorrhagiâ vtrinque parietes cicatrice obducantur, diuque prædictis topicis, præcipuè plumbeâ fistulâ diducti teneantur. Quod si post sectionem substantiæ potissimum carnosæ, frustra quædam supersint grandiora, quæ non potuerint primâ vice auferri, ex quibus metus sit noui coalitus & obturationis, cathæreticis, vel causticis, aut potius ignito ferro absumenda erunt, vt integra & perfectâ curatio subsequatur, quæ est maximè hic exoptanda ob causas iam à nobis adductas. Ac proinde huic capiti finem iam imponamus, vt ad abscessus & vlcera vteri veniamus.

CAPVT XII.

De abscessu & ulcere Vteri.

BSOLVIMVS superioribus capitibus tractationem particularium vteri affectuum, qui ad morbos similes & organicos præcipue pertinent: Iam superest vt morbos communes, siue continui solutiones, quæ illi contingunt, persequamur, quatenus ad præsentem nostram *ἐξήγησιν* faciunt. Cum igitur quatuor sint præcipuæ solutæ unitatis species ex causarum varietate petite, sectio, contusio, auulsio, & erosio; relictis tribus primis differentiis, utpote vulneribus & aliis quæ à causarum externarum violentiâ simpliciter pendent, & ad Chirurgicam operationem peculiariter referuntur, de ultimâ, nempe erosione iam propositum est nobis agere: sub quâ abscessus & ulcera vteri complectemur.

Est igitur propositus affectus, suppuratio materiæ in vteri substantiam effusæ, & eiusdem erosio à variis causis, cum saniei ac sordium effusione. Quibus verbis naturam istius affectus, eiusdem causas & quæ sequuntur propria symptomata expressisse videmur. Etenim cum omne vlcus vel primum sit, vt loquuntur Prædici, vel secundarium: vtrumque nostrâ definitione complecti volumus. Primum enim designauimus per erosionem factam à variis causis, quando scilicet nullo alio prægresso in hac parte morbo exoritur paulatim solutio continui, ob acrioris materiæ, vt biliosæ, fæluginosæ, atrabiliaræ, putrentis, exustæ, & variorum excrementorum, vt saniei, puris & similium ex aliis partibus derivatorum affluxum: vel etiam à rebus externis sumptis vel admotis illud idem efficere valentibus, vt causticis, cathæreticis, septicis, spermate corrupto & venenato: hæc enim omnia primum constituere possunt in hac parte vlcus. Quoties verò ex vulnere, casu, contusione, aut tumore multiplici præter naturam prægresso, contingit colligi in vtero materiam purulentam aut saniosam in vomica contentam: ex cuius apertione datur sensibilis & manifesta solutio continui cum effluxu istorum excrementorum, tunc etiam vlcus genitum esse in illo apparet, sed secundarium: quod nomine abscessus seu suppurationis denotare volumus.

Ex his itaque facile patebit, quæ sint istorum vteri ulcerum causæ, à rebus tam externis quam internis repetitæ. Omnia enim contudentia, diuellentia, vt sunt partus & abortus laboriosi; extractio secundinæ aut foetus demortui, inordinatus & effrænis concubitus, casus ex alto, & similia violenta, dum propriam substantiam vteri dissoluunt, vel alienam materiam in illum adducunt; causæ sunt putrefactionis, inflammationis, & generationis materiæ istius purulentæ ac saniosæ, quæ erodendo proprium & genuinum tandem constituit vlcus. Sic etiam assumptæ cantharides, sublimatum & similia venenata & cathæretica, imò etiam diuretica aut menses mouentia valentiora, immissa pessaria acriora, aut iniectiones valde detergentes, & ibi diutius retentæ, abradere possunt & exulcerare ista loca: quod miro modo præstat concubitus ille impurus & luis Venereæ contagio infectus: dum enim cum feminis virilis effluuio maligna illa labes mulierculis istis communicatur, corrumpit primum spiritus & humores sibi obuios, à quibus concepta scilicet virulentia in vasis spermaticis excitatur teterrima & diuturna gonorrhœa, ob excreticem irritatam primò, deinde retentricem debilitatam, ex cuius proluuie, nisi sedulo illi prospiciatur, inflammantur istæ partes, deteruntur, & tandem exulcerantur. Quod multò facilius contingit, quoties externæ istæ causæ incidunt in corpora huic rei disposita, cacochema scilicet ex proprio temperamento, vel ex malo vitæ regimine, vt alimentorum & similium vsu deprauato, quibus causæ antecedentes istius affectus multiplicantur, excrementa scilicet, biliosa, falsa, acriora, ex quibus confluentibus in communem hanc corporis muliebris sentinam excitantur fluores illi albi diurni ac male olentes, & quæuis alia purgamenta per vterum, quæ naturæ modum excedunt: ex illis enim facile alteratur illius substantia, & si magis perseuerent aut negligantur, exulceratur, & eroditur. Eodem modo voluit Hippocrates libro 2. *γυναικείων*, ex lochiis diu post puerperium retentis,

ex menſtruis in vteri fundum emiſſis, & ibi ſubſiſtentibus peſſimas aliquando contingere ſuppuraciones, quæ putrilagine ſuâ inſigni ita vterum afficiant, vt tandem vlcera incurrat. Denique ad generationem eiufmodi vlceris vterini præcipuè ſecundarij, ea omnia concurrere poſſunt, quæ ad tumores præter naturam producentes in illo apta eſſe à nobis ſupra fuit annotatum.

Præcipuæ igitur iſtarum vteri exulcerationum differentiæ oriuntur, nempe ratione loci affecti, propriæ eſſentiæ, & complicationis cum aliis affectibus. Ratione quidem loci, nempe variarum partium vteri, modò eiufmodi vlcus eſt in illius ceruice aut orificio, quod potiſſimum in partu laborioſo contingit; modò in ipſius corpore aut cauo: modò in exteriori illius ſuperficie, modò in interiori, aliquando vtramque penetrat. Vnde apud Hippocratem, quando eiufmodi abſceſſus vteri in ſuppurationem verſi ſunt, & diſrumpuntur, effluit illa materia & irrumpit in varias partes, aut per reſudationem & poros inſenſiles, qui in viuentibus valde ſunt aperti: vel certe per *ἰνγέρεα*, quando ſcilicet eiufmodi exulceratio vicinis partibus communicatur per externam illius ſuperficiem: vnde aliquando per inteſtina, aliàs per veſicam iſta ſanies vacuatur. Quod ſi laterales partes afficiantur quæ vterus iſchio ſiue coxæ incumbit, ita vt abſceſſus iſte verſus inguina diſrumpatur: tunc vt eſt *Aphor. 47. ſect. 5.* ſequitur vlcus *ἐμμοτον*, profundum ſcilicet & ſinuofum, quod in inguine apertum indiget turundis ſeu penicillis oblongioribus ex linamento confectis, & ſæpe in fiſtulam degenerat.

Quod ad eſſentiam verò vlceris vterini ſpectat (vt quantitatis) aliquando dicuntur magna & extenſa: alias parua & contracta, quando multum vel parum ſpatrij in vtero occupant: dicuntur etiam leuia & ſuperficiaria, vt in ſimplici ſcabiæ vel pruritu: alias graua & profunda ſeu penetrantia: Ex quorum conſideratione Hippocrates iſta vlcera vterina, modò ad aphthas, ſi ſint leuia & feruida, & cum pruritu; modo ad nomas, ſi ſint grandiora & depaſcentia refert. Eodem modo reſpectu figuræ aliquando ſunt rotunda, oblonga, ſinuofa, aut in fiſtulæ morem confecta. Ratione verò complicationis iſta vlcera ſi ſint coniuncta cum ſuis cauſis, varias ſortiuntur differentias: vnde dicuntur cacochema, venenata, contagioſa, quod præcipuè ex lue Venereâ contractis competit: ſi cum morbis, intemperata, feruida, ſicca, phlegmonoſa, cancroſa, & ſic de reliquis; vt cum ſymptomatis variis dolorifica, ſanioſa, virulenta, pallida, nigricantia, & ſic de reliquis. Quæ omnia cum ad diuerſam medendi methodum ſpectent, quæ illis conuenire ſolet, ideo accurate per ſua ſigna erunt dignoſcenda.

Vlceris itaque in vtero geniti ſiue primarij, ſiue ſecundarij certæ erunt notæ ex ſenſu doloris, & quaſi perpetuæ mordicationis in illo loco, quæ ſenſim augetur, & maiorem eundo moleſtiam ægrotantibus parit: aliquando cum totius corporis horrore frequentèſ repetente: & capitis oculorumque gravitate & ſympathiâ: potiſſimum vbi eſt in parte internâ vteri vel ceruicis, quæ exquisitiore ſenſu eſt prædita. Si ſit primarium vlcus illud, vt dicebamus, exortum eſt abſque vlllo alio morbo particulari ipſius vteri prægreſſo, perſeuerante tantum aliquâ fluxione acrioris ſucci ex aliis partibus, vt in fluore albo ac foetido, in retentis lochiis aut menſtruis: vel uſu rerum acriorum & erodentium ſumptarum aut admotarum, concubitu ſuſpecto, ad quem ſequuta ſit gonorrhœa, & ſic de reliquis. Si ſit ſecundarium, adfuerunt aut adhuc præſentia ſunt ea omnia ſigna, quæ ad vulnera, contuſiones, aut tumores ſuppuratos ſubſequi & antecedere ſolent, quorum doctrinam abunde ſuperius tradidimus. Atque particularis loci indicia erunt ex variis vteri partibus, & earum ſitu repetenda. Nam in ceruice viſu & tactu deprehenduntur, in fundo dolet inferior abdominis pars cum ſenſu acrimoniæ & mordicationis. Profluunt excrementa copioſa per pudendum ſaltem initio, atque per interualla, prout collecta fuerint. Quod ſi in externâ ſuperficie poſitum ſit, & effluat ad exteriora loca, vt in abdominis cavitatem, ibi ſentitur fluctuatio, quæ tandem verſus inguina ſubſidere ſolet cum manifeſtâ eleuatione & mollitie, ſi in veſicam per vrinas; ſi in aluum per deiectiones ſanies iſta expurgatur. Cuius diuerſitas in quantitate, colore, odore, & conſiſtentia varietatem etiam affectus & cauſarum manifeſtabit; pus enim multum & album ex rupto vt plurimum abſceſſu phlegmonoſo: ſanioſum, virulentum, foetidum ex aliis tumoribus male concoctis, aut peſſimo quouis humore proficiſcitur: vnde fluidum nimis & citrinum bilioſo humori ac ſeroſo: nigricans & craſſum atrabilario, quemadmodum albicans cum tenuitate, pituitoſo adſcribitur. Vlcus ex lue Venereâ contractum designat præcipuè gonorrhœa illa virulenta, quæ

quæ præcessit aut adhuc perseverat, totius corporis pallor & defœdatio, cum rebellis ulcerum istorum constitutione, quæ dysepulotica existunt, & non possunt ad curationem vulgaris remediis deduci, priusquam ipsa luis istius alexipharmaca, ut guaiacum aut hydrargyrus usurpata fuerint ad profligandam malignam illam qualitatem quæ illis est complicata. Reliquæ causæ ex censu rerum naturalium, non naturalium, & præter naturam, ipsiusque ægrotantis vel ministrantium relatu erunt perdiscendæ.

In hoc autem affectu præsagium Hippocratis *lib. 1. γυναικείων* tale est, ut velit nullum vlcus vteri contemnendum esse, quia fit in parte exquisiti sensus præditâ, quæ symparhiam habet cum præcipuis corporis partibus maximam: unde varij morbi & symptomata exoriri possunt, febres tabidæ, hydropes, dolores acerbis & similia: item quia pars ista est nervosæ seu spermaticæ substantiæ, cuius deperditionem & coalitum valde esse difficilem aut omnino impossibilem ex intentione prima, ut loquuntur Practici, notissimum est: eapropter vel non coalescunt eiusmodi vteri vlcera, aut, si claudantur cicatrice, potissimum quando sunt grandiora, fit ut læuigata interiori superficie vteri, ut contingit in ea lenteriæ specie quæ dysenteriæ succedit, istæ mulierculæ non amplius retinere possint semen virile ad conceptum, aut etiam non possint rite purgationes suas menstruas subire, oclusis maiori ex parte per istas cicatrices meatibus, quorum beneficio sanguis iste in vterum periodicè effundebatur. Denique quia fit hoc vlcus in parte quæ nata est suscipiendis influxibus humorum & excrementorum totius corporis, qui vlceris deterfionem atque exsiccationem convenientem impediunt & remorantur. Adde quod in loco concluso facilè putredo, inflammatio, & feruor contrahantur, cum quibus impossibile est vlcerationes curare. Vbi semel sunt fistulosa, sinuosa, cancrofa, phagedænica, aut etiam phlegmonosa, raro ad perfectam sanitatem perducuntur, sed per totum vitæ spatium miseram ægrotantem variis ærumnis exercent. Quæ in ceruice posita sunt, quia tangi possunt & remedia localia commodius excipere, facilius etiam curantur: quæ vero in inguinibus posita, quamvis sint externa, difficilius: quia ut plurimum penetrant totum vteri corpus, & cito in fistulosam & callosam naturam degenerant. Signum est perfectæ valetudinis in hisce ægrotantibus, quando concipere inceperint, quia ostendit vlcus esse omnino exsiccatum, non profluente amplius sanie, quæ feminis vim obrueret: & cicatricem non esse grandiore, neque profundam qua impediretur vteri retentio & oclusio. Est igitur opus commodâ & maturâ curatione, ut tantus affectus expugnari possit.

Ut igitur therapeiæ illius incumbamus, videndum erit imprimis, quænam causæ externæ vel internæ, tam antecedentes quam coniunctæ, hunc affectum fouere, aut conseruare adhuc valeant, ut illis prius secundum ordinariam methodum remotis, ad ipsius peculiarem curationem accedere valeamus, & symptomata si quæ fuerint vrgentiora, quantum fieri poterit, mitigemus. Ad causas igitur omnes externas respicientes, primò conuenientem diætam instituemus, quæ illas in meliorem statum reducat, ne antecedentibus materiam vel occasionem ad istum affectum augendum aut propagandum suppeditent.

Ac proinde quod ad regimen vitæ spectat, quæcunque mulierculæ istis vlceribus vterinis vexantur, munditiei valde studere debent, ut & domus & vestes, & lintheola omnia sordibus bene sint repurgata: atque ipse aër limpidus & tenuis ad siccitatem vergens, sine vllâ caliditatis aut frigiditatis exuperantiâ: ut enim frigidum vlceribus mordax, ex *Aphor. 20. sect. 5.* sic etiam caliditas nimia inflammationi & putrefactioni suscipiendæ vlcera valde disponit. Balneorum etiam humidiorum & mollientium vsum vitent, ne magis partem relaxent, ac fluxioni idoneam reddant: nisi fortassis instante tabe vel febre pertinaci & hæctica: aut ad diluendos acrones succos & contemperandos, ut docet Hippocrates *lib. 1. γυναικείων*: quamquam laconicorum, & stupharum ad concitandos sudores, vsum illis aliquando consulere soleamus: vbi iam mundato corpore & sordibus vlceris conuenienter deterfis, opus est exsiccatione & sigillatione illius. Alimenta omnia dyspepta & cacochema, pro vario superantis excrementi genere, summopere erunt vitanda, omnia acria, salsa, piperata, frixa, aromata, cepæ, allia, brassica, cum reliquis oleribus calidioribus, caseus acrior & inueteratus, acetum & omnia aceto condita, quia pungunt partes vlceratas, & vtero sunt inimica. Imo, ex Hippocratis sententiâ, vino etiam abstinere debent propter fluxionis

xionis metum, si stomacho sint validiore & temperamento calido, in cuius locum bibant aquam fontis aut decoctam cum radice acetosæ, vel in infirmioribus dilutam pauco vino oligo phoro & adstringente. Pro bellariis poma, pyra, cydonia, mespila, rite parata conuenient ad roborandum vterum & sistendam fluxionem. Piscibus, utpote nimium humectantibus, melius erit abstinere: carnibus verò assis potius quam elixis, paneque biscocto & anisato vesci. Denique parca manu & sobrie alantur, ne multitudine alimentorum augeatur etiam copia excrementorum, quæ in locum debiliorem præcipitari solent. Sit mediocritas somni & vigiliæ. Dormiant in lecto molli quidem ad indolentiam, sed non valde calfaciente ut plumeo, metu inflammationis: animi passiones eliminantur: minime moueatur aut exerceatur corpus, quiete enim curantur vlceres: nisi forte frictions superiorum partium vsurpentur ad reuellendum & vacuandum insensibiliter. Alius sit modicè fluida sponte vel artis beneficio, omnesque reliquæ vacuationes naturales & solitæ conuenienter procurentur, exceptâ purgatione menstrua: quam ego potius in hoc affectu minuendam & suppressendam esse, aut certe reuellendam & auertendam puto per venæ sectiones in cubito: quam promouendam in vlcere hoc vterino, ne ab eiusmodi materiâ sanguineâ variis excrementis, ut solet, permixta, proluatur de nouo vterus, & sanies ac sordēs vlceris multiplicentur: quod est hic valde dignum consideratione, & solertiâ Medici prudentioris indiget. Nos ad reliqua pergamus.

In eiusmodi affectu igitur rebeli & diuturno, cum non sufficiat plerumque recta victus ratio, nisi maioribus remediis adiuta, quæ plethoram aut cacochymiam frequenter illi coniunctam vacuent, fluxionem humorum reuellant, & inflammationem, si fuerit illi comes, temperent: Ideo in corporibus plethoricis, inflammationi ac putredini obnoxiiis, in illis vlceribus quæ coniunctam habent *Φλόγωσιν*, non est dubium, quin curatio ab ipsa sanguinis missione ex cubito ad reuulsionem, sit inchoanda, & à venis cruralibus ad deriuationem & particularem vacuationem materiæ in vtero contentæ. Quæ etiam toties erit repetenda, quoties istæ causæ præsentis erunt, vel nouæ fluxionis, potissimum sanguineæ, merus aderit, ut iam de menstrua purgatione annotauimus. Quod etiam quodam modo ligaturis dolorificis, cucurbitulis siccis & cum scarificatu sub mammis in vtroque hypochondrio, scapulis vel dorso admotis expleri poterit in corporibus valde redundantibus & sanguineis.

De purgatione autem & præparatione humorum non est hic exigua dubitatio. Quamuis enim cacochymia siue excrementorum redundantia illam sæpius exposcere in hoc affectu videatur, attamen situs partis quodammodo repugnat: quia per deiectionem commotis excrementis ad inferiora videntur vlceres ista exasperari & sordescere magis ac magis: ita ut purgatio quæ per vomitionem exercetur, hic magis competere videatur, si ægrotantes ad vomitum sint comparatæ. Attamen non vereretur in aliis per cathartica quædam benigniora illud præstare, quæ etiam roborandi facultate sint prædita, frequenter, videlicet bis aut ter in mense, repetita, ut sunt rhabarbari puluis & infusum, decoctum foliorum senæ, cum aniso: syrupus rosatus solutius: electuaria diaprunum & diasena simplex, catholicon, & vtrique tryphera: si velis, comparetur syrupus magistralis hoc aut simplici modo.

℞ Rad. consolidæ maioris, polypodij querni recentis & contusi, passularum cum arillis & liquir. rasæ, ana ℥ j. β. corticis citri sicci ℥ β. folior. vineæ-peruincæ, plantaginis, saniculæ, acetosæ & capilli Veneris, an. M. j. folior. senæ mundat. ℥ vj. semin. melon. & anisi, an. ℥ ij. seminis carthami contusi ℥ ij. agarici recenter trochiscati in ligatura positi ℥ x. epithymi, flor. cordialium, anthos & chamæleontis albi, an. P. j. Fiat omnium decoctio in hydromelite ad ℔ j. β. In cuius portione infunde rhabarbari electi ℥ β. spicæ nardi ℥ j. deinde adde succi rosarum optimi ℥ ij. sacchari q. s. Fiat syrupus perfectè coctus, de quo capiat ℥ ij. vel iij. ut dictum est, dissolutas cum decocto centinodiæ & plantaginis, vel infuso recenti rhabarbari in aquâ endiuivæ.

Ad præparationem verò humorum nihil erit accommodatius per intervalla, quam decoctum illud vulnerarium vulgo dictum, in formam apozematis cum saccharo concinnatum, cuius descriptionem in collectione formularum nostrarum habetis. Vel fiant julepi pro variis indicationibus, ex affectu, & variâ complicatione causarum aut morborum repetitis. Vbi vrget febris & adest magna

magna saniei copia, nihil erit vtilius, quam magnam dosim feri capilli bene depurati mane ad \bar{z} viij. cum \bar{z} β sacchari rosati sumere. Vel si iam quædam corporis consumptio appareat cum febre habituali, quæ post singulos pastus exaspetur, licebit eas ad vsum lactis asinini cum eodem saccharo transferre, per spatium integri mensis, aut diutius, si melius se habeant, neque earum ventriculus assumptione istius lactis perturbetur. Alias in eis quæ lactis vsum refugiunt;

\mathcal{R} Rad. chynæ recentis, & ponderosæ per taleolas dissectæ \bar{z} ij. folior. agrim. pimpinel. borrag. acetos. & plantag. an. P. j. vuarum corinthiacarum, & seminis coriandri mundat. an. \bar{z} ij. santali rubri \bar{z} j. Decoquantur, addendo salis parum sub finem, cum pullo columbino aut gallinaceo sensim, donec contrabescant omnia. Capiat juris istius colati mediam partem horâ sextâ matutinâ, & aliam horâ tertiâ pomeridianâ, continuando per viginti aut plures dies. In robustioribus decoctum sarsæ parillæ, ligni sassafras, atque etiam ligni guaiacini, vbi est suspicio luis venereæ, quod in hoc morbo frequentissimum est, præscribi poterit ad sudores etiam promouendos, qui in hoc casu sunt vtilissimi ad exsiccandum non solum vterum, sed etiam vniuersum corpus, & reuellendos humores serosos versus habitum corporis.

Vtrum verò diuretica in hoc affectu eadem commoditate præscribi possint, quemadmodum & sudorifica, valde est controuersum. Quamuis enim videantur deriuare materiam serosam versus vrinæ vias, vnde minui posset fluxio vterina, & vlcus illud exsiccari tamen quia eiusmodi diuretica non solum vrinas, sed etiam menses eodem impetu concitare solent, periculum erit perpetuo, ne magis adducant in vterum excrementa, quam per vesicam vacuare possint. Ac proinde melius erit omnino illis abstinere, nisi motus naturæ inclinare videatur versus istas vias, vt supra dicebamus de abscessu disrupto, qui in vesicam transfluit, & per vrinas purulentas expurgatur. Tunc enim, vt recte monuit Aërius, vtendum diureticis leuioribus, & refrigerantibus, quæ vacuent has sordes in vesicam transmissas, & illius exulcerationem impendant, quale est decoctum seminum frigidorum maiorum, vel emulsio in eiusmodi formam comparata: quæ etiam in hoc casu inijci in vuluam & vesicam poterit, vt eadem commoda præstet.

\mathcal{R} Amygdalarum dulcium recentium mundat. \bar{z} j. β semin. lactucæ & papaueris albi pariter mundat. an. \bar{z} ij. semin. melon. cucumer. & cucurbitæ non rancid. & mundat. an. \bar{z} β . Contundantur omnia in mortario marmoreo cum pistillo ligneo, affundendo decocti hordei vel liquir. \bar{z} j. β sacchari parum. Fiat emulsio pro quatuor dosibus. Vtatur vt dictum est.

Quibus interponi poterit aliquando bolus ex dimidiâ vnciâ terebinthinæ aquâ graminis & rosarum lotæ, ad valentius expurgandas istas vesicæ sordes.

Et quemadmodum diureticis sius erit locus in hoc casu: sic etiam clysteribus detergentibus, lenientibus, exsiccantibus, & roborantibus, quando materia illa purulenta ex rupto vteri abscessu in rectum intestinum delabitur, & per illud expurgatur. Quorum clysterum formulas ex tractatu dysentericæ vnusquisque habere potest.

Pergamus igitur ad vlcus, quod in sinu aut cervice vteri existit particularem curationem. Vbi totius corporis ratio ex præmissis & aliis quæ ingeniosus Medicus excogitare poterit, habita fuerit: videndum vt ipsi vlceri, qua vlcus est, his vel illis affectibus comitatum, medeamur. Imprimis igitur certum est interiora ista vlcera in principio, vt plurimum cuidam inflammationi esse coniuncta cum sordibus & sanie, quæ antequam vnió, & substantiæ deperditæ instauratio in illis procurari possit, diligenter sunt corrigenda. Quinimo dolorem sæpius adesse comitem, qui non solum ob molestiæ sensum est demulcendus, sed etiam ne humores in partem magis ac magis ferantur: ideo detergentia & abluentia, quæ tunc ratione sordium vsurpantur, ita debent esse temperata, vt & inflammationem leniant, si qua est, & dolori solatium quoddam præstent. Vnde Practici existimant jure merito tunc temporis aquæ tepentis diurnam quasi continuam affusionem vel iniectionem plurimum prodesse, tum abluendo excrementa illa vlceri adhærentia, tum laxando & molliendo, vnde doloris mitigatio, & temperando contractum feruorem, cuius ratione etiam refrigerantibus iniectionibus aliquando cogimur vt, vt emulsionis prædictæ, feri caprini, lactis ipsius, aquarum solani aut nymphææ, decocti capitum papaueris & sum-

mitatum maluz, si res.ita expostulet & similia. Idem dicas quando ista vlcera nimia siccitati coniuncta sunt.

Mitigato dolore & temperato ardore, si quis fuerit, postea detergentibus validioribus erit opus, vt hydromelite, decocto hordei cum melle rosaceo: aqua vulneraria seu catapultarum vulgo dicta, quæ hîc primarium locum obtinet: aut colluantur frequenter urinâ pueri impubis, lixiuio dulci ex cineribus farmentorum confecto: vel aqua Balerucanâ thermali. Apud neotericos vsitata est sequens iniectio.

℥ Hordei integri & fursuris bene macri, rosarum rubrarum, an. P. j. foliorum agrimon. absinth. & apij, vincæ-peruinæ, & caprifolij, an. M. j. fabarum nigrar. cum cortice & lentium, an. 3 iij. liquir. rasæ, aristol. rotundæ, zedoariæ, rhapont. & rad. ireos Florent. ana 3 ij. Fiat omnium decoctio, addendo parum vini albi & sacchari sub finem, quâ vtantur pro iniectione. Quod si vlcera admodum sordida & foetitia appareant, dissolue in portione huius decocti parum vnguenti ægyptiaci; aut aquæ marinæ, vel aluminosæ cum paucis sublimato, vel etiam pulueris mercurij dulcorati vel aluminis q. s. Vtantur per intervalla. Aut vsurpetur in hoc casu collyrium Lanfranci dictum (*vide descriptionem apud Guidonem*) quod plurimum valet ad vlcera ista maligna & foetida. Deinde si vlcus sit in collo matricis, potest inungi detergente & exsiccante linimento, cui adde argenti viui modicum, præcipue quando est suspicio luis Venereæ. Oleum calcis, siue illa pinguedo iniectâ in calcem aqua quæ facile ab eâ separari potest, est mirabile ad hæc vlcera exsiccanda: quando tangi possunt, superponantur perpetuo emplastra vel cataplasmata aut linimenta eisdem facultatibus prædita circa pubem vel perinæum, quorum vires ad interiora vsque per insensiles meatus deferuntur. Pars autem ista propter naturam suam membranofam & temperamentum proprium facile fert exsiccantia etiam validiora; vt annotauit Galenus: tum etiam propter copiam excrementorum quibus scatere solet. Eodem igitur modo pessaria conformari possunt ex emplastro de Vigo aut diapompholygos, cui modo thus, mastichen ad exsiccandum: aliquando etiam myrrham aut aloën ad detergendum addere licebit. In profundo autem vlcere, quod versus fundum vteri positum est, post iniectiones, agendum erit fumigiis, quæ in hoc casu, & pro diuersis intentionibus variè comparari possunt: sequens habetur potentissimum ad absorbenda inquinamenta, & corrigendam malignam qualitatem, vtero impressam.

℥ Gummi hederæ & iuniperi, ladani puri, ana 3 j. corticis thuris, mastiches & cinamomi, ana 3 ij. auripigmenti rubri vel citrini 3 j. Formentur trochisci cum terebinthinâ ponderis 3 ℔. Iniiciatur vnus super prunas, cuius fumum excipiat mane post purgatum conuenienter corpus, continuando per triduum singulis septimanis. Hisce trochiscis audent quidam cinabrij puluerem cum benjoino adiacere in deplorato vlcere, & cum lue Venereâ complicato. Sed omnia pro variis circumstantiis erunt moderanda in corporibus hisce mollioribus & delicatis: in quibus erit consultius, vt iam dictum est, luem prædictam expugnare decocto guaiacino, per aliquod tempus vsurpato, & inunctionibus ex hydrargyro solitis, quam quidquam temere istis vehementioribus remediis moliri. Prudenter hic igitur se gerat Medicus, ne dum nimis citò & importunè cupit hunc affectum tollere, miseram ægotantem in maius periculum præcipitet.

Hæc igitur omnia aut similia erunt conuenienter vsurpanda in vlcerum matricis curatione: quæ vbi propter malignitatem aut incuriam ægotantium, quia propter pudorem vix se audent Medico vel Chirurgo committere, dura, callosa, & sinuosa euaserint; tunc imitantur naturam fistularum, & ad illarum curationem sunt reuocanda. Quod potissimum contingit in illo vlcere vteri, quod exterius versus coxam aperitur, & ibi abscessum generat, vt ex Aphorismo illo Hippocratico supra annotauimus. Confluente enim versus inguina pure, fieri non potest quin plures partes vicinæ inficiantur, & vitium concipiant, ex quo sinuositates, & quasi tubulosa vlcera exoriuntur, tam in matrice quam in membris circumiectis. In quibus curandis eadem methodus obseruanda ex detergentibus, abluentibus, & tandem exsiccantibus iam commemoratis. Verum quando in hac parte inguinis, vel etiam intra vteri corpus & fundum genita est fistula, vlcus scilicet cauum, oblongum, callosum, & perpetuo effluxu excrementorum scatens, quæ ex variis locis deriuantur in istam cavitatem: Tunc considerandum erit, vtrum magis conducat

conducat ægrotanti talem meatum iam assuetum relinquere intactum, per quem natura vacuationem excrementorum multiplicium molitur: vel eiusdem curationem suscipere. In priore casu contenti erimus frequenti purgatione, sudorificis semel aut bis in anno repetitis, iniectionibus detergentibus & roborantibus, superimposito emplastro diuino, diapalma, & similibus; quæ curam vulgo palliativam dictam complere poterunt. In alio verò casu. ubi scilicet integra istius fistulæ curatio est sperabilis, potissimum quando eius extremitas vergit ad exteriora, ut coxam vel perinæum: tunc prima erit cogitatio circa duritiem istam siue callum auferendum, ut dissitæ partes coalescere possint: deinde ad reparandam partis substantiam deperditam, siue implendam istam cavitatem per laudatæ carnis regenerationem; demum illius exsiccationem & sigillationem inductâ cicatrice, quæ denuo recludi non possit. Quæ priusquam moliamur, omnis cachymia & fluxionis impetus diligenter erit auertendus, ut supra dictum est.

Callum igitur auferre ex eiusmodi fistulis, quæ ad manum positæ sunt, licet, ampliando prius externum foramen, si nimis sit angustum, immisâ spongiâ, linteolis bene conuolutis, aut radice gentianæ, aristolochiæ, bryoniæ, aut etiam hellebori albi si habeatur, quæ relinquentur ibidem per trium aut quatuor horarum spatium: deinde iniiciendo in sinum interiorem medicamenta quædam acriora, vel aspergendo quosdam pulveres, si solum orificium illius deterendum proponatur: hic æruginem æris cum sale ammoniaco mixtam & paucò vino dilutam turundæ aut penicillo oblongiori illitam immittere possumus, & ibi sinere donec morsus ab ægrotante sentiat. Alij quando callus est durior, audent eiusmodi turundas aquâ rosaceâ intinctas paucò arsenici pulvere conspergere. Quod si profunda & sinuosa sit fistula, oportet per metrenchyten infundere in formam liquoris, qui obturato foramine, ne refluat, ibi contineatur per aliquot horas. Ut

℥ Sublimati 3 j. arsenici, viridis æris, ana ʒ j. aquæ plantag. & rosarum, ana ʒ iv. Bulliant parum supra cineres calidos, deinde colentur: colaturæ, si volueris adde vnguenti ægyptiaci ʒ iij. plus minus. Iniiciatur parum in fistulam, & ibi contineatur per aliquod tempus: tandiūque per intervalla continuetur, donec tabefacta & exsiccata videatur fistula, quæ deinde butyro recenti instillato, oleo amygdalarum dulcium aut vnguento resumptiuo emollita per se decidat. Tunc detergis sordibus, & omnibus extraneis conuenienti iniectione, qualis erit ex decocto catapultarum dicto. vel hydromelite supra dicto, vlcere recenti & ita renouato procuranda erit carnis deperditæ restauratio, immisso pulvere radicis ireos, aristol. myrrhæ, thuris, sarcocollæ, sanguinis draconis, & similium, qui etiam dissolui quodam liquore poterunt, ut vino albo vel austero, succo plantaginis & similibus, si in profundiores partes vim medicamenti penetrare opus fuerit. Tandem oppletis sinibus, & cavitatem interiorem, aspergantur frequenter orificia alumine puluerisato, bolo armenâ & similibus: supertegantur emplastro diapalma, de lapide calaminari, lamina plumbi, argento viuo vel aquæ aluminosæ liquore confricata, & aliis quæ cicatricem firmam inducere valeant.

Sunt etiam alij modi absumendæ fistulæ à Chirurgis nostris commemorati, qui per vitionem aut sectionem perficiuntur, ut ex eorum libris licet addiscere. Verum quia locus iste profundior, membranofus & exquisiti sensus, non videtur posse pati eiusmodi operationes, nisi rarò admodum, & in robustioribus: Ideo melius est illas omittere, & curationem istarum vteri fistularum supradictâ viâ moliri, si quidem ex eius usu speramus aliquem fructum emergere posse. Alias enim melius erit eas omnino intactas relinquere, ut iam monuimus, & curâ tantum *Πανεπιστήμιον* seu palliativa solatium aliquod miseris istis ægrotantibus adferre. Iam ad alia accedamus.

CAPVT XIII.

*De condylomatibus, verrucis, rhagadibus, seu scissuris
Vteri & similibus.*

PRÆTER vlcera & fistulas vteri, sunt etiam quædam solutiones continui cum tumore, propriis nominibus donatæ, quas hoc capite persequi & breuiter explicare propositum est: ne huic nostræ tractationi quicquam deesse videatur. Inter quas præcipuè commemorant authores nostri condylomata, condylas, siue condylous, verrucas tam formicarias, penfiles, callosas, quam in summitatum thymi speciem effigatas, quæ sæpe in ficos degenerant: & rhagadas siue scissuras orificiorum vteri, quas eodem modo in ore, in ano, in digitis manuum ac pedum post ingentia frigora aut diuturna vlcera contingere obseruamus. Quæ omnia, vt facilius intelligantur, dicimus condylomata ista nihil aliud esse, quam tubercula siue tumores duriores & eminentes in rugis orificiorum pudendi aut vteri instar internodiorum, quæ in complicatis digitis apparent, vnde etiam nominis ratio deducta videtur, à congestione humoris frigidioris & crassi, vt melancholici aut pituitosi inuicem permixti, à quo gignuntur eiusmodi tumores, qui neque omnino ad scirrhi aut œdematis naturam accedunt, neque ita per partis substantiam & poros habent materiam dispersam, vt illi, sed magis collectam sub cute & quasi separatam. Ex quibus verbis, quidquid alij sentiant, satis datur intelligere naturam & rationem istorum tumorum, quos peculiari nomine authores nostri donarunt: & quomodo ab aliis distinguantur.

Vt autem ista condylomata magis habent collectam materiam illam à qua pendunt: sic verrucæ, thymi, & fici, habent magis illam extra cutem: sunt enim tumores instar monticulorum eminentium extra superficiem partis cui adhærent, vnde quidam vocantur acrochordones, quasi penfiles: alij, vt formicariæ & callosæ, maiorem habent basim. Quibus si contingat vt crassescant valde, scindantur in morem flosculi illius aut summitatis thymi, vel instar ficus & mariscæ extuberent, tunc etiam illas appellationes sortiuntur particulares: & à communibus verrucis in eo differunt, quod malignitatis cuiusdam & feritatis sunt participes, quæ ad canceri naturam quodammodo accedit, funduntque de se vt plurimum sanguinem, vel saniosam quamdam materiam, & virulentam.

Rhagades autem sunt oblongæ quædam rimæ, & veluti fissuræ inter rugas istorum orificiorum positæ, quæ vlcerationes illarum sequuntur, cum paucâ aut nullâ sanie, aliquando si confricentur aut atterantur, sanguinem fundentes, & sæpe tumori cuidam & eleuationi coniunctæ: aut insigni siccitati & duritiei, quod in aliis partibus videre est, vt iam fuit annotatum.

Causæ igitur istorum affectuum variæ esse possunt, prout variæ sunt eorum differentiæ. Cum autem pendeant potissimum ex congestione humoris melancholici & crassæ pituitæ circa istas partes vterinas & eorum extremâ siue orificia collectæ: Paret etiam ea omnia quæcunque generando illi humori vel deducendo versus istam partem idonea sunt, aut immutandæ propriæ vteri temperiei, propter quam debilitatur admodum & mala fit alimenti in illo concoctio: posse istos affectus producere. Hoc certè nostro sæculo vt plurimum isti affectus sunt soboles pessimi illius contagij venerei, propter quod communicatâ labe hepatis & principibus partibus inficiuntur omnia membra prauis excrementis, vlcera cacoëthea, dolores nocturni, exostoses, carunculæ seu hyperfarcoses & similia: & in vtero qui est pars obuia, & primum suscipiens in hoc morbo conflictum, exoriuntur varij isti affectus, tam ex sympathiâ partium aliarum mittentium suam cacoëchymiam in locum istum expurgationi naturaliter dictum, quam *idiopathicâ*, per vitium illud occultæ & malignæ intemperiei altius huic

huic membro infixum. Non est tamen negandum, ab alijs causis illos pendere posse, vt partu, vel abortu violento, longis & foedis fluoribus vterinis, coitu immoderato, aut improporcionado, & iuuenulæ & pumilæ mulieris cum vasto viro, potissimum in illis quæ cachexia diutius laborarunt, aut certè habent temperamentum inclinans ad elephantiasin, vel post febres quartanas aut diuturnas cum magnis obstructionibus passæ sunt tandem humorum decubitus & μεταστροφή in partes inferiores. Quæ sunt diligenter à Medico animaduertenda, vt ex illis differentias etiam istorum affectuum ad curandam necessarias constituere possit.

Quod ad diagnosim spectat, quia isti affectus vt plurimum visui & tactui sunt exposti, aut saltem immisâ dioptra facile conspiciuntur. Ideo etiam eorum natura, siue species, cum parte affectâ siue loco vteri proprio cui adhærent, statim prudenti Medico, aut Chirurgo tractanti innotescunt. Causæ verò internæ & externæ antecedentes seu coniunctæ, tam ex relatu ægrotantis, quam ratiocinio eorum omnium quæ præcesserunt vel adsunt, erunt inuestigandæ. Erenim si ex lue Venereâ aut elephanticâ dispositione pendeant, rarò solitarij sunt isti affectus, sed in varijs alijs partibus malignitatis suæ vestigia ostendunt. Si ex simplici cacochymia totius corporis, hepatis & similibus: si ex κακοπραγία ipsius vteri, ista erunt ex solitis signis repetenda, quæ fusè in superioribus affectibus proposita fuerunt. Hinc etiam pendebunt prædictionis leges; nam ex variâ earum specie, & causis licebit coniicere de exitu siue successu in istis affectibus: quoties enim admodum sunt inueterati, vel ex malignâ lue aut elephanticâ dispositione pendent, vix eradicari possunt, quin altior illa mali labes auulsa fuerit. Si exasperati fuerint ob ineptam aut importunam remediorum adhibitionem, ita vt in cancrum vlcer degenerent, melius est sinere, quam eorum θεραπείαν aggredi, nisi forte mitigatoriam symptomaticam, quam vulgo palliativam vocant. Rhagades aliquando sunt ita pertinaces ob κακοήθειαν, aut malum habitum in parte contractum, vt quamuis sæpius curatæ, denuò reuiuiscant. Quod in multorum pedibus aut manibus obseruare licet per hyemem, dum præ frigoris vi χεῖμεθα illa seu pernioes & fissuræ quotannis renouantur. Sunt autem isti omnes affectus valde molesti, tum propter dolorem quem sæpius ægrotantibus istis inferunt, tum etiam quod libertatem coeundi & pariendi maiori ex parte auferunt. Quare illorum curationem, quæ ad superiora capita, vbi de tumoribus & vlceribus vteri egimus, facile referri potest, breuiter perstringamus.

Imprimis habeatur omnium causarum externarum ratio, si sit lues Venerea aut elephantica dispositio illorum præcipua causa, corrigantur omni artificio & curâ; frustra enim laborabimus circa particulares istos affectus, nisi primarij sublatis fuerint. Si pendeant ab vniuersali plethorâ vel cacochymia, tollantur purgatione præparationeque totius corporis & humorum conuenienti: necnon venæ sectione, si opus esse videatur. Eaque vitæ ratio instituatur, quæ omnino aduersetur generationi istorum excrementorum, à quibus peculiariter producti fuerunt, quam hic repetere foret inutile, cum satis ex superioribus constet. Ideò particularem tantum istorum curam proponemus. Quod ad condylomata igitur, verrucas & thymos spectat, si illius sunt naturæ, quæ ad cancrum tumorem vel vlcer accedant, melius erit intacta relinquere, quam eorum curationem suscipere, vt iam sæpe fuit annotatum: vel certè palliativam illam tractationem instituere, quæ eorum effluuescentiam compescat & symptomata, vt dolorem, mitiget, de quâ superiori capite actum fuit: per vnguenta illa, fotus & pessaria, quæ reprimentibus, refrigerantibus & anodynis consent. Vbi verò isti affectus communem tantum sequuntur humorum constitutionem in corpore bene habito, tum integra illorum sublatio tentanda erit per sectionem filo aut ferro factam, vel vstionem per actuale vel potentiale cauterium: quibus ita sublatis, tota deinde cura erit in repurgandis sordibus, si quæ supersint, mollienda eschara vt decidat, & inducenda cicatrice, ne malum denuò exoriatur. In condylomatis tamen, quando adhuc sunt recentia, nollem statim sectionem vel vstionem instituere: quia sæpe visa sunt decoctis ad forum vel infessum adstringentibus & roborantibus disparuisse: vel certè relaxantibus & mollientibus, si iam duriora euaserint: vnde Celsus laudat in principio infusiones ex decocto verbenæ, fertulæ campanæ, lentium, summitatum rubi contritarum in vino adstringente. Deinde vult lixiuio perfundendam esse partem, cui thymum & chamæmel. incoxerint, si discussoriis reliqua humoris portio dissolui posse videatur: quibus succedent pessaria, aut linimenta eisdem facultatibus præ-

dita : additis etiam mollientibus , si opus sit , vbi hæc remedia per aliquod tempus frustra fuerint tentata , tunc ad Chirurgicam operationem veniendum erit , si affectus fuerit molestior : cuius formulam tradit Aëtius *lib. 4. serm. 1. cap. 4.*

In verrucis autem & thymis extirpandis , præter sectionem & vstionem , si sint asque vllâ malignâ labe , vsurpari poterunt ea quæ vulgò traduntur ad verrucas aliarum partium tollendas & exterendas , vt lac seu succus fici arboris illitus , succus cucumeris agrestis cum sale , thuris cortex contritus cum aceto , portulacæ folia viuentia contusa : cantharidum puluis cum vnguento apostolorum permixtus , ster- cus bubulum cum aceto , liquor qui ex vitibus amputatis vel combusto sarmento stillat. Quæ cum habeant vim adurendi , & erodendi , ita sunt admouenda , ne partes sanas & circumiacentes contingant , aut certe illas præmunire oportet litu vnguenti de bolo , laminâ plumbeâ perforatâ & similibus , ac frequenter abluere aquâ hordei aut rosaceâ ne male afficiantur. Hodie audent nostri Practici illas contingere aquâ forti seu chrysulca argentariorum dicta , quam secundariam vocant : Alij verò oleo sulphuris aut vitrioli , quibus etiam cauterisandæ erunt istæ partes post abscissionem volsellis factam , ne hæmorrhagia concitetur , aut illarum radix repullulet. Quod eodem modo vsurpari potest in verrucis illis callosis quas vulgo cornua (*des cors*) appellant.


In rhagadibus autem siue , vlcusculis illis oblongis & rimosis curandis , quæ orificio interiori matricis , vel pudendo muliebri innascuntur : videndum vtrum iam sint profunda & callosa , vel superficialia tantum , & sine duritie. Recentia enim & sanguinolenta , vt quæ post laboriosum partum , vel coitum violentum contigerunt , indigent tantum adstringentibus & glutinantibus , vt iniectionibus ex decocto plantaginis & rosarum cum paucâ bolo armenâ & cortice thuris , aut ex prædictis linimenti instar , cum albumine oui conquassato , & lanâ vel bombyce parentur pessaria , præcipuè quando est metus largioris hæmorrhagiæ. Vbi iam sicciore euaserunt & quodammodo duriores , molliantur decocto humectante vt maluarum , iusculo capitis veruecis , & illinantur mucilaginis seminis psyllij & cydoniorum , vel butyro recenti : si virulentæ sunt , vnguento de plumbo aut de cerusâ reprimendæ : aut oleo ex semine lini in mortario plumbeo diu agitato. Vtilissimum experieris ad istos affectus vnguentum illud , quod hodie parare solemus ex melle , vino rubro austero coctis , & vitellis oporum , donec inspissentur , admixtis in puliculæ formam ; lenit enim dolorem , deterget modicè , adstringit dissitas partes , & roborat. Tandem si callus grandior aut firmior impediatur istarum rhagadum agglutinationem , & post emollientia per aliquod tempus adhibita , opus erit eiusmodi callos vel ignito ferro tollere , vel causticis medicamentis , qualia à nobis superius fuerunt commemorata : deinde renouato , & repurgato vlcere eius consolidatio procuranda. Quod non nisi magnâ difficultate , & labore fit , ob rationem partis istius nervosæ & excrementorum , quibus perpetuò alluitur. Hoc vnum diligenter videre hic debet Medicus , ne dum istis affectibus mederi cupit , maius aliquod periculum inferat , vt carcinomatis vel insignis fluxionis , & doloris in hac parte , propter quæ multas misere periisse certissimum est.

Præter dictos affectus recensentur etiam ab authoribus nostris , præsertim antiquioribus , alij , vt hæmorrhoides vteri , venæ scilicet hiantes & apertæ in collo illius , ascarides , & calculi vterini , quorum omnium tractationem omittimus , quia nihil aut parum discrepant , quod ad cognitionem & curationem eorum spectat , ab hæmorrhoidibus api , lumbricis intestinorum , & calculo vesicæ , aut quia admodum rari & infrequentes existunt.

Alius tamen est animaduersione quadam dignus , quia & foedus est , & coitum quodammodo impediens , quem Caudam , Tentiginem , Clitorida , seu Nympham muliebrem extuberantem vocant. Cuius beneficio olim Tribades quædam foeminae alias subigere dicebantur , & in Ægypto omnibus puellulis locus iste , dum recens essent natæ , inurebatur ne istam turpitudinem incurrerent. Quidam ita distinguunt Caudam à Nymphâ excrecente : quod Cauda sit proprie excrecentia illa , quæ instar membri virilis contingit in mulieribus , dum processus ille parvus secundum naturam & leuiter tantum prominens in mediâ & pinguiore pubis parte superpositus , & è directo respondens meatus urinæ , qui in pudendum muliebri inferitur , ita augetur , vt erigi instar penis & insigniter prominere valeat. Nympha verò extuberans sint carunculæ illæ cuticulares seu fungosæ vtrinque in lateribus pudendi muliebris positæ , statim post rimam , vt labiorum instar illam
melius

melius occludant, & vrinæ exitum quodammodo dirigant: vbi enim vehementer excreuerint, & quodammodo induruerint, ex earum indecorâ magnitudine exoritur illa muliebris turpitude, propter quam viris valde redduntur ingrâtæ.

Quidquid sit, vterque affectus vbi proponitur, vnicam exposcit curationem, quæ peritâ artificis manu perficitur, post conuenientem sanguinis missionem & purgationem, si opus fuerit. Apprehensâ enim hac tentigine vossellis, rescindatur nouaculâ, aut forficibus, quidquid præter naturam excreuit: deinde vbi aliquid sanguinis fluxerit, aduri debet ferro ignito, vel aquâ secundariâ attingi, oleo vitrioli aut sulphuris; vt sic vulnus hoc constringatur, & altiori cicatrice claudatur, ne amplius repullulare valeat. Atque hæc sunt præcipua, quæ ad particulares vteri affectus cognoscendos & curandos pertinent: quibus intellectis facilius transire poterimus ad sequentem tractationem libri secundi, in quâ propositum est agere de mulierum dispositionibus, quatenus illæ ad generationis opus propriè destinantur.



IOANNIS VARANDÆI TRACTATVS THERAPEVTICVS.

DE MORBIS MULIERVM.

LIBER SECVNDVS.

P R Æ F A T I O,

Et Operis diuisio.



*Q*UANTVM æterna temporalibus, vniuersalia particularibus, meliora & præstantiora habentur: tantum etiam liber hic secundus dignitate & utilitate primum præcellit, in quo agebamus de affectibus mulierum, quatenus indiuidui muliebris, & vteri tanquam partis illius constitutiue curatio Medico consideranda proponitur: In hoc autem secundo toti occupati erimus circa dispositiones fæminarum, quatenus propagandæ speciei, conceptui, & fœtus productioni à naturâ destinata fuerunt: ita vt totam præcedentem doctrinam ad hunc secundum scopum velut finem præcipuum referre oporteat.

Cum igitur perfectior quæque animantium species ad commodiorem propagationem in marem & fæminam distincta sit, oportet etiam in vtroque certas esse dispositiones, quarum beneficio aptiores sint ad illum finem consequendum. Id nos in specie humanâ contemplaturi, relictâ in aliud tempus marium tractatione, quam persequemur, modo Deus nobis vitam dederit: Dicimus fæminas ita comparatas esse debere, vt in sese, quemadmodum mares extra se, concipere, fœtum alere, gestare, & commodo tempore extra vterum edere, editum & adhuc tenellum educare possint conuenienter. Ad hæc omnia præstanda opus esse apparatu, & idoneâ dispositione multarum partium, quæ & viam susceptioni seminis virilis commodam & locum proprium vbi contineatur: & materiam idoneam ex quâ primum foueatur, inchoetur, & augeatur: deinde alatur fœtus tam intra quam

extra uterum præstet. Consideranda igitur imprimis & ex historicâ anatomes cognitione repetenda naturalis constitutio partium genitalium muliebrium, ut exterio- rum, cervicis & ipsius matricis, vasorum spermaticorum & sanguinem in illam deferentium, consensus uteri cum mammis & earum omnium dispositionum, quæ naturaliter in eis ad lactis generationem reperiri solent: ut ex illorum comparatione facilius ea omnia quæ præter naturam illis contingunt deinceps intelligere valeamus: quæ tamen brevitatis causâ nunc omittimus, cum sit facile illa ex Anatomicorum libris repetere: & à nobis etiam in sequentibus tractatibus, quantum opus fuerit, explicabuntur.

Hunc igitur secundum librum ita partiemur in varia capita, ut primo agamus de fœminarum infœcunditate, quæ est vel omnimoda privatio illius finis à naturâ intenti ad propagandam speciem: vel imminutio, & difficultas conceptionis atque impregnationis. Quoniam verò ubi mulieres conceperunt, toto illo graviditatis tempore oportet eas certis uti cautionibus, & victu, quo salubriter, & fœtus & fœta se habere possint, ideo secundo capite dicemus de cognitione pregnantium, & earum debito regimine. Sed quia sæpe contingit fœminas quidem concipere, sed vel non concipere id quod oportet, vel nimis quam oportet, vel excludere illud quod conceperunt ante debitum tempus, ideo agemus tertio capite de molâ, quæ est conceptus irritus & vanus: quarto de superfætatione & gemellis, quod est nimius conceptus, propter quem vix servari possunt vitales fœtus: quinto de abortu, qui respicit tempus indebitum gestationis: sexto denique, quia in partu debiti temporis multa incommoda superveniunt, propter quæ vel non possunt parere, vel laboriosè admodum pariunt, & post partum in varios affectus & incommoda incidunt: ideo ultimo capite agemus de partu iuvando, & de eis quæ ad partum consequuntur. Vnde sex erunt præcipua libri istius capita sue sectiones, quibus integra istorum affectuum sobolem impediunt tractatio perficietur. Oportet autem ista mysteria muliebria & arcana quæ vobis nunc pandimus, non risu aut ioco excipere, sed potius reuerenter & serio, quia non potest Medicus alia ratione aut verbis propositos istos affectus explicare, nisi multa sæpe interponat, quæ ad res venereas faciant. Procul ergo este profani.



CAPVT PRIMVM.

De sterilitate muliebri.



O I T V S comes est voluptas, finis verò generatio siue proles: vnde legibus cautum est, ne homines promiscuè concumberent more ferarum, sed certis conditionibus & legitimo matrimonio coniuncti, ex quo oriuntur familiæ velut præcipua Reipublicæ seminaria. Hinc fit ut vir mulierem ambiat, non solum formæ gratiâ, aut dotis cupiditate, & affinium comparandorum causa: sed etiam ut mutuis officiis, ac vitæ societate fruens paterfamilias euadere possit, & domum commodius cum vxore, & liberis administrare. Est igitur mulier fœcunda & viro, & familiæ atque ipsi Reipublicæ utilissima & iucundissima: vnde apud Platonem *lib. de Republ.* olim præcipuum erat obstetricum & paranympheon munus, ut coniuges fœcundos explorarent, & inuicem coniungerent. Medici igitur operæpretium hac in parte maximum Reipublicæ faciunt, quando non solum in explorandâ & dignoscenda marium & fœminarum sterilitate, sed etiam curandâ & in gratissimam fœcunditatem permutanda incumbunt. Cum ergo ex parte mulierum, de quarum tantum affectibus iam est nobis propositum

propositum agere, sterilitas ista possit contingere, modo simpliciter & ex ipsâ indiuidui naturâ: modo ex parte tantum, ut quando difficile concipiunt, & raro imprægnantur: modo ex superueniente aliquo affectu præter naturam: vel secundum quid, ut quando propter viri defectum aut illius certam dispositionem non possunt ex illo prolem suscipere, quam ex aliis facillimè adipiscerentur: Ideò nos propositum affectum ita definiemus. Sterilitas muliebris est priuatio vel difficultas imprægnationis in fœminâ iustæ ætatis & congressu virili debite vrente, ob vitium totius corporis, membri alicuius principalis, aut partium genitalium, siue sit ab ortu, & natiuâ constitutione, seu ex morbo, vel aliâ de causâ deinceps contractum. Quæ definitione seu descriptione omnia videmur complecti, quæ ad naturam istius affectus intelligendam faciunt. Dicimus enim esse priuationem vel difficultatem imprægnationis, quia agnoscimus in sterilitate ista actionem vteri præcipuam, quæ est conceptio; vel abolitam omnino, ut in illis quæ nusquam pepererunt, quomodocunque vrentes virili congressu vnius vel plurium, & quibuscunque adiutæ remediis: vel imminutam, ut in illis quidem quæ concipiunt, sed raro & difficulter, cum hoc potius quam illo homine coeuntes, ut in primo matrimonio steriles sint, in secundo aut aliis fœcundæ, vel contra, ut sæpe contingit. Istæ enim omnes latè sumpto sterilitatis nomine infœcundæ appellantur. Addidimus in fœminâ iustæ ætatis: quia in mulieribus, ut in reliquis omnibus rebus, sua est maturitas & certum tempus ad sobolem & fructum producendum. Ut enim puellæ ob incrementum corporis & angustiam vasorum neque pariunt, neque viro tradi debent ante decimum quartum aut potius decimum octauum annum, postquam menstruæ purgationes apparuerunt, quæ ostendant iam superesse materiam vtilem & ad fœtus generationem idoneam: sic grandiores natu circa quinquagesimum vel quinquagesimum quintum annum cessantibus etiam menstruis purgationibus legitimis parere desinunt & effœtæ euadunt, nullo alio vitio quam ætatis, quæ omnibus rebus genitis non solum interitum, sed etiam omnium actionum, præcipuè generationis, cessationem inducit. Posuimus etiam in definitione *congressu virili vrente*. Quamuis enim fœmina apud Medicos duplex habeat principium, semen scilicet proprium & sanguinem menstruum, quorum illud efficientis quodammodo principij: hoc verò materialis rationem obtrinet: attamen quia illud semen muliebre crudum est & imperfectum, nihil potest per se ad conceptum vel generationem, nisi roboratum & permixtum virili, fœcundo & spirituosum, cuius vi efficitur præcipuè, ut animal secundum speciem propriam generetur. Atque ridiculum est quod putat Auerroes, sine congressu virili fœminam fuisse factam grauidam ex semine in balneum effuso. Item quod Amarus Lusitanus narrat de duabus fœminis: quia semen virile ubi primum ab aëre ambiente contactum fuerit, contabescit & in aqueum liquorem conuertitur, dissipatis spiritibus quibus turget & fœcundum existit: Imo qui longiorem habent mentulam, ideo habentur infœcundi, quia in illo tractu semen nimis refrigescit. Itaque effœta virorum corpora, languidioræque calore natiuo, aut cuiusvis præcipuæ & notabilis partis vitio affecta, ob seminis istius prolifici defectum, quod fœminæ communicari debet: imo sola proportio seminalis huius materiæ quam conuenit adesse inter maritum & uxorem, ut postea dicemus; si desit, irritos, *ἄγονους* reddit coitus, & totum generationis opus destruit, quantumcunque integrâ & bene se habente fœminâ.

Diximus igitur in muliere hunc imprægnationis defectum contingere ob vitium totius corporis, vel alicuius membri principis & ad vitam necessarij, aut denique partium ipsarum genitalium, siue sit illud vitium natiuum, id est ex primo ortu & constitutione contractum: siue aduentitium & succedaneum, propter varios morbos & accidentia, quæ mulierum corporibus superuenire deinceps possunt, ac seminis & menstrui sanguinis naturalem & bonam constitutionem hic maximè expetitam corrumpere. Quibus verbis causas infœcundi huius affectus subnotare voluimus, in quarum enumeratione hæc methodus siue ordo omnium facillimus & expeditissimus mihi videtur, ut cum ad prolem suscipiendam mulieri quatuor sint necessaria, nempe ut primò recipiat commodè viri genituram in congressu venereo emissam: secundò receptam contineat in utero per debitum tempus: tertio ut eam sinu suo foueat & conseruet amicabiliter: quarto ut illam affusâ conuenienti materiâ quasi nutriat,

& incrementum ad embryj formationem ac nutritionem præstet. Hinc fit, vt quatuor etiam modis præcipuè generatio in muliere impediatur, non recipiendo, non retinendo, non conseruando, & non nutriendo, seu non suppeditando conuenientem materiam: ad quos deinceps causæ omnes tam ex parte rerum naturalium, non naturalium, quam præter naturam, sunt reuocandæ, vt sequenti explicatione fiet manifestum.

Primum igitur vitium muliebri generationem impediens, diximus esse quando non recipit conuenienter secundi maris genituram, turgentem spiritibus & bene eiaculatam. Illud autem contingit primò ex parte rerum naturalium, quando ætas iuuenula ob paruitatem partium vix admittere potest ingressum pudendi virilis, aut certè magno cum dolore, propter quem auersari solent concubitum. Quod eodem modo accidit illis mulierculis quæ pumilâ donatæ staturâ cum hominibus gigantæis, aut certè crassioris mentulæ coniunguntur: aut quæ iam prouectiorem ætatem adeptæ & castitati indulgentes, callosas habent istas partes & coarctatas, vt vix intromitti possit veretrum in profundiorē sinus muliebris partem, neque commodè semen ad interiora eiaculari. Quæcunque etiam naturâ claudæ distortis eruribus, depresso coccyge, aut diuaticatis nimium cruribus existunt, vix possunt commodam in concubitu figuram præstare ad susceptionem genitalis illius humoris. His addit Hippocrates in *Aphorismo* 46. *sect.* 5. pinguedinis molem insuetam & præter naturam, omentum crassius cum aqualiculo prominentiores, ista enim omnia non solum coangustant vteri orificium & comprimunt, sed etiam impediunt instum viri cum foeminâ congressum, & amplexus accommodatos, vt semē virile intra vterum recipiatur. His adde quarundam muliercularum naturam intemperiem vteri frigidam & quasi torpidam: propter quam neque appetunt, neque delectantur concubitu: sed velut demortuæ aut non fontientes illo vtuntur, ac proinde non recipiunt semen ad interiora. Ex parte vero rerum non naturalium: certissimum est animi pathemata præcipuam vim obtinere. Vbi enim adest odium inter coniuges, vel vnus alterum auersatur: vbi inuitè aut sine vllâ voluptate mulier potissimum viri amplexus patitur, vix fieri potest vt genitura commodè effundatur in muliebri penu: quia oportet matricem in congressu quasi gestientem occurrere, genituram illam suscipere, & ad se euocare cum effusione proprii seminis, quod ei commisceri debet. Quæ præstari non possunt, vbi mens est auersa ab eiusmodi voluptate, & refugit cum spiritibus & humore benigno ad interiora, siue per odium, timorem, tristitiam, & similes animi affectus. Immodica etiam voluptas & libido idem præstare videntur, dum nimium commotus vterus excutit potius quam suscipit virilem genituram. Omitto infandos meretricum & similium foeminarum congressus, quæ vel clunes nimium agitando, vel præposteram figuram exhibendo, aut retrectando impetum seminis virilis dum fit eiaculatio, illius ingressum impediunt, ne imprægnationis molestiam subire cogantur. Sunt etiam quædam ita perditio animo foeminæ, vt norint artificiosè interius vuluæ orificium in concubitu ita obturare, ne semen viri cogantur in vterum admittere, & inde concipere. Quibus relictis dicamus etiam esse quædam medicamenta, quorum longo vsu istæ partes ita adstringi aut exsiccari possunt, vt vix deinceps aptæ sint ad sese dilatandum commodè & aperiendum, vt recipiant genituram maris. Quod de scoriâ ferri & limaturâ chalybis authores nostri annotarunt: propter cuius diuturniorem vsu in obstructionibus puellarum nostrarum, quæ pallido colore detinentur, existimo earum plurimas deinceps, vbi matrimonio iunguntur, steriles in totum euadere, aut certè non prius concipere, quin omnis illa intemperies paulatim iucunditate coitus, & perfusione gratiosi seminis emendata fuerit. Idem contingere potest ex adstringentibus nimium fortibus, pessis & similibus admotis, sed non ita vehementer vt ex assumptis, quia eorum vis non tam diu permanet, neque interioribus visceribus suam labem communicat. Demum istud impedimentum non recipiendi seminis virilis pendebit etiam à rebus præter naturam, morbosis scilicet omnibus dispositionibus, quæ huic parti obstructiones vel adstrictiones *idiopathicas* vel *sympathicas* inferre possunt, vt tumoribus præter naturam in illâ genitis, aut vicinis partibus, vt calculo vesicæ, vlceribus dolorificis in collo potissimum, flatuum distendentium multitudine, distorsione, diuulsione orificij, præcipuè interioris, clausurâ ceruicis vteri, propter membranam aut aliam substantiam ibi exortam, de quibus omnibus

nibus primo libro & peculiari capite sufficienter egimus, ut non sit opus hic illa repetere.

Secundum verò vitium muliebri generationem impediens, diximus esse, quando uterus non retinet genituram masculi in sinum interiore effusam, quæ ibi coire debet cum muliebri semine, & conseruari vt conceptio perficiatur. Quædam enim statim post concubitum illud emittunt; aliæ post aliquot horas, vbi primum surrexerint: aliæ post vnum aut alterum diem, prout vitium hoc maius fuerit vel minus. Atque hæc est frequentissima causa, propter quam mulieres fiunt infœcundæ. Cum enim uterus pars sit recipiendæ totius corporis, & singularum partium, vt cerebri, hepatis, mesenterij & aliarum cacochymia idonea, contingit, vt plurimum istam partem madescere multis excrementis, quæ ita eneruant vim illius retentricem, vt non possit sese colligere post concubitum ad susceptam genituram continendam: neque semen ob istos mucres illi adhærescere potest, sed quasi fluitans oberrat, donec vel sua sponte, vel etiam excussum, vt quid inutile, prolabatur. In istis fœminis humidâ vteri intemperie naturaliter, siue ab ortu affectis, aliud etiam vitium contingit, vt scilicet os illud vteri interius habeant hians, & patulum, quod post coitum coarctari non potest, vt genitura ibidem retineatur. Apud Hippocratem enim *Aphor. 51. sect. 5.* grauidarum & quæ conceperunt, vteri oscula ita conuiere debent, vt ne specilli quidem mucronem admittant. Hoc malum intenditur etiam in illis, quæ sub cœlo humidiorē habitantes, vt de Scytharum fœminis narrat Hippocrates, orio abundantes maximo, alimentis præterea, & balneis vtuntur humidioribus ad corporis mollitiem conciliandam. Imo figura erecta in coitu ipso, vel statim post illum, saltatio & similia excutere possunt receptum in utero semen: quemadmodum de meretricibus, & vulgaribus scortis creditur, non concipere, quod frequentiori concubitu quorumcumque aduenarum vtentes excutiant susceptam genituram, & vterum ita debilitent, vt deinceps retinendo semini idoneus non sit. Inter causas autem morbificas, quæ maximè illud efficere possunt, recensentur gonorrhœa virulenta, & fluor ille albus, quo laborantes mulierculæ omnino generationi redduntur ineptæ: quia semen fœdâ illâ proluvie inquinatum prolabitur, vterusque valde debilitatus non potest illud retinere. Idem præstant vterinæ exulcerationes, aut inductæ cicatrices grandiores post curata vlcera, quia illius etiam contractionem impediunt, & vires omnes labefactant.

Sequitur ergo tertium vitium muliebri, propter quod conceptio fieri nequit. Quamuis enim eiaculatum semen virile prolificum in sinum vteri receptum fuerit, & retentum per aliquod tempus sufficiens ad primam conformationem delineandam, seu tres illas ampullas ab Hippocrate commemoratas, excitandas, quod septem dierum spacio fieri existimant: Attamen certum est, præter receptionem & retentionem debere etiam conseruari semen & foueri in utero tanquam familiari, physico & accommodato loco, propter illius peculiarem *ιδιουσυκρασίαν*, à naturâ ad id muneris fabricatam: tum etiam alias conditiones necessarias, quæ temperiem debitam consequuntur. Vnde ex illis immutatis contingit semen in utero potius corrumpi, quam perfici, & omnem illius vim *πλαστικήν* aboleri, aut certe admodum deprauari. Id in multis obseruare licet, quæ ex occultâ quadam constitutione aut disproportionē, quam ab ortu, vel cum viri alicuius semine *ἀντιπαθεία* numquam prolem suscipere potuerunt, quamuis causæ nullæ ordinariæ apparerent. Hinc apud nostros vulgatum est, aliquem esse perpetuò marem vel fœminam in qualibet familia, qui ineptus sit ad generationem. Hippocrates hoc innuit apertis verbis insigni illo *Aphorif. 62. sect. 5.* *Mulieres quæ frigidos & densos habent uteros, non concipiunt: quæ etiam prahumida sunt, non concipiunt, extinguitur enim in illis semen. Nec quæ siccos admodum & calidos habent, inopia enim alimenti corrumpitur semen. Quæ vero utrinque mediocrem habent temperaturam, hæc sunt facunda.* Vbi ostendit per varias intemperies tam natiuas quam aduentitias generationem impediri, quatenus per illas prohibetur receptio virilis seminis, retentio illius in utero, conseruatio & debita nutritio siue incrementum. Idem præstare possunt omnia sumpta & admota quæcunque, *ἀτονία* & *φλόγια* dicuntur ab authoribus nostris, quia qualitatibus quibusdam occultis vel manifestis apta sunt extinguendo semini & abolendæ generationi, vt narrant de lapide gagate, osse cordis

ceruini, vuluâ capræ aut mulæ, sapphiro, smaragdo, & caphura, de vermibus noctu lucentibus, & aliis venenis, quæ infames meretriculæ consulere aut exhibere solent ad impediendum conceptum. Imò quædam alimenta (*Plinius lib. 14. cap. 18. meministi cuiusdam vini Trazenij*) creduntur *δυσπράθειαν* seu diffidium habere peculiare cum genitali semine, & illius vim dissipare in vtero; vt acetum, mentham, sisymbrium aquaticum, fabas, & similia. Neque omittenda maleficia, & incantationes, quibus compertum est scelerata dæmonum mancipia abuti ad generis humani perniciem. Vt enim nodo venereo & similibus sortilegiis congressus coniugum impeditur, sicutiam prolifica seminis vis, & vteri *ἐνέργεια* corrumpitur. Quibus omissis dicamus istam seminis masculini conseruationem maximè labefactari ab illis omnibus affectibus, qui venenatæ cuiusdam & malignæ labis aut etiam contagionis sunt participes: quales sunt ex vlceribus foetidis & canerosis vterum infestantibus, ex elephanticâ dispositione & phthisicâ: aut etiam venereâ lue, quando habitum & iam confirmatam intemperiem adepta est: impossibile enim est semen viri, quantumvis sani & foecundi, saluum & incolume permanere permixtum eiusmodi inquinamentis, quæ calori nostro natiuo, & spiritibus ex diametro aduersantur. Imo si quæ proles aliquando suscitetur ex eiusmodi foeminis, illa aut non debetâ periodo excluditur, aut morbosâ, inualidâ, & brevis vitæ generatur, vt sæpe obseruauimus.

Supereft igitur quantum & vltimum vitium muliebri generationem impediens, quod maximi est inter alia momenti: etenim semen foecundum in vtero receptum & retentum, illiusque bonâ temperie suscitatum ad informandum foetum, debet habere conuenientem materiam, nempe primò semen muliebri, cui coniungatur ad partes spermaticas delineandas: deinde menstruum sanguinem, cuius benignâ substantiâ irroretur, quantitate mediocri & conuenienti qualitate nutriatur, vt incrementum capeffere possit. Horum alterutro, vel utroque deficiente, irritum omnino & vanum subsequi conceptum necesse est: aut saltem minime vitalem produci. Vnde nimis iuenculæ & vetulæ defectu vtriusque, seminis scilicet & menstrui, steriles esse solent, quamuis concubitu fruuntur: vt plurimum enim ante decimum quartum annum, & post quinquagesimum quintum foeminæ non suscipiunt liberos, tam ob prædicta iam a nobis incommoda, quam ob defectum materiæ quam mulier ad foetus productionem suppeditare solet. Vtrum verò sit semper necessarium menstrua apparere & fluere in mulierculis vt generationi sint idoneæ, ita vt non possint illis nondum fluentibus aut cessantibus concipere, satis est controuersum apud authores. Nos verò dicimus breuiter, menstrua omnino deficientia ob ætatem, vt in iueneulis, quandiu corporis incrementum durat; vel in vetulis, ob defectum caloris natiui & *ἀμαρτωσιος*, impedire conceptionem, quia omnino subtrahitur materia augendo & alendo foetui necessaria. Item menstrua ob morbum deficientia, vt obstructions varias & intemperies, suum adferre incommodum generationi, donec illæ percuratæ fuerint, quia impediunt bonam sanguinis generationem, vel illius commeatum ad vteri vasa intercipiunt. At verò si menstrua non appareant ob labores & exercitationes nimias, vel certè pauca, vt in rusticis quamplurimis; vel ob aëris caliditatem, vt de Americanis narrant: tunc necessario non impeditur generatio in foeminis iustæ ætatis, dummodo tantum supersit interius sanguinis, quantum necesse est ad prædictam materiam suppeditandam: quæ etiam post purgationem menstruam in nostratibus mulierculis superesse debet. Non enim est necessarium, vt quantitas illa materni sanguinis sit immensa, sed mediocris, quò eâ commodè possit alii foetus. quandoquidem contingit multas puerperas imprægnari antequam denuò illarum purgationes menstruæ post partum apparuerint. Quemadmodum graciles foeminæ, aut quæ paucum habent sanguinem facilius concipiunt instantibus mensuris, quoniam tunc suppetit maior illius copia: contrâ bene habitæ, & sanguineæ desinentibus mensuris, postquam scilicet ablata est illa portio sanguinis superflua, qua semen, in principio potissimum conceptionis, obrueretur. Et videmus plerumque istas mulieres *πολυαίμας*, vt concipiant, & foetum commodius seruent, indigere sanguinis missione ex venis brachij ad reuellendam materiam quæ

quæ copiosior in uterum primis mensibus prolabitur. Atque hæc de propositâ difficultate.

Apud Hippocratem 6. epid. 8. mulier virago non concipit, neque etiam Hermaphrodita, quia in illis est quasi corruptio & mixtio sexus, propter quam verisimile est feminalem & sanguineam materiam absumi in alios usus, aut certe illas non habere uteros ritè dispositos & conformatos ad suscipiendum & fouendum virile semen. Sic ebriæ & gulosæ admodum rarò aut difficulter concipiunt: quia crapulæ copia suffocat calorem nativum, & omnes coctiones pervertit, quæ sunt necessariae ad materias illas producendas. Idem dicunt de hydropotis, quæ sese magnâ aquæ copiâ & intempestivè ingurgitant: quia serum potius quam sanguinem laudabilem producant. Nutrices contrâ & quibus hæc copiosum ex mammis profluit, non imprægnantur aut rarò, quia aueritur aliò ista materia, quæ in uterum debet ad generationem transferri. Eodem modo affectus omnes qui maciem summam corpori inferre solent, febres acutæ, & hæcticæ: & qui obstructions maximas viscerum & vasorum uteri sequuntur, generationem remorantur, ut iam diximus; quia eadem materia intercipitur aut absumitur. Atque hæc de præcipuis causis, quibus quatuor illa vitia inducuntur generationem impediunt. Nunc quibus signis internosci possint videamus.

Antequam vero ad diagnosim istius affectus progrediamur, ponamus hoc pro certo fundamento inter virum & uxorem legitimo matrimonio coniunctos, certam quamdam proportionem esse debere, tum seminis, tum ipsius temperamenti, & morum, ut possint ex mutuo congressu prolem excitare. Nam temperati mares ex temperatis foeminis & bene habitis, si mutua præcipuè animorum & officiorum conspiratio fuerit, facillè liberos suscipient: & intemperati etiam ex bene temperatis. At verò intemperati valde in latitudine sanitatis positi, si foeminis iungantur intemperatis in eodem qualitatis excessu, ut calidiores viri cum foeminis æstuantibus, frigidiores cum foeminis algido temperamento præditis, & sic de aliis, vix aut numquam fecundos evadere, quia ista temperamenta non sese mutuo corrigunt, & ad quamdam mediocritatem deducunt. Vnde contingit istas mulieres steriles evadere, non simpliciter, sed tantum respectu conjugis, quia ex permutatione solâ alterutrius, ut sæpe videmus in secundis nuptiis, uterque fertilis & fecundus evadit. In his itaque non est frustra laborandum, præcipuè si defectus generationis ex parte viri pendeat. Secundò notandum est, sterilitatem frequentius ex parte foeminarum quam marium contingere, quoniam istæ multo plures causas adferunt ad generationem quam illi, qui tantum semen genitale extra se & in sinum muliebrem effundere debent, ut principium motus generationi præbeant. Illæ verò præter semen, quod debent etiam convenienter & quasi concurrenter cum virili profundere, ut simul misceantur ad opus generationis inchoandum: debent præterea suppeditare locum idoneum, nempe uterum bene præparatum tanquam agrum semini & soboli conferendæ accommodatum: & materiam ad illius alimoniam & incrementum. At ubi sunt plures causæ simul necessariae, ibi etiam plura vitia & errores contingere possunt, ita ut foeminis sterilitas, cæteris paribus, ut plurimum sit adscribenda. Hinc illa paræmia: *per pau que valgues lon bocillon, mas que la cabre sio de sison.* Tercio denique notandum est in multis coniugio ligatis, nullas manifestas sterilitatis causas aliquando apparere, quantumvis omnia diligenter peruestiganti: sed cum tam externa quam interna rite se habere videantur, fit tamen ut infœcundi & liberis orbat per multos annos permaneant. In hisce ut possit detegi latens illa occasio infœcunditatis, Hippocrates & reliqui authores nostri multa scripserunt experimenta. Sic Aphor. 59. sect. 5. *Si mulier non concipiat, & scire velis, an sit conceptioni apta, involve illam vestibus optimè, & suffito per inferiores partes: nam si odor videatur tibi penetrare corpus, & ad nares & os usque pervadere, scito istam non esse suâ culpâ sterilem.* Quia communicatio eiusmodi odoris fieri non posset, si insignis intemperies aut occultæ obstructions præpedirent propagationem istius qualitatis ad superiora usque. Alia multa proponit idem Hippocrates lib. de sterilibus, quæ videntur potius niti solâ experientiâ quam certâ ratione: quemadmodum & illa, quæ Rhafis & alij adducunt de proijciendo viri semine in aquam, de granis hordei urinâ utriusque coniugis seorsim aspersis: ita ut quæ germinarint, ostendant fecunditatem, & contrâ. Quibus etsi non magnam fidem adhibeamus, attamen aliquando secundum propositos casus uti licebit, videlicet in gratiam Regum.

Principum & illustrium familiarum, quorum & Reipublicæ maxime interest, ut liberos in successionem bonorum progenerent. Christianissimi Reges nostri possunt diuortium facere & repudiare vxores suas, si steriles sint. His ita suppositis ad methodicam diagnosim accedamus.

Quotiescumque igitur mulier aliqua Medicum accedit cōsiliū petitura de causis & remediis sterilitatis: debet ille imprimis totius corporis habitum, & conformationem contemplari, quod Hippocrates naturam appellauit, dum agit de eis qui sunt propensi ad tabem: quemadmodum enim illi ex collo oblongo, scapulis eleuatis, pectore tabulato, & cruribus gracilioribus dignoscuntur primo intuitu: sic mulieres naturā steriles, ut plurimum sunt procerā nimium, vel pusilla statura, pectore amplo cum paruis & exilibus mammis, lumbis angustioribus, clunibus depressis, & male conformatis. Ex quibus orietur prima suspicio infœcunditatis. Secundò debet etiam considerare corporis statum ratione coloris & pinguedinis copiosioris aut maciei: quia hæc pessimam illius constitutionem indicabunt ad fœcunditatem, ratione seminis & aliarum causarum ad generationem concurrentium. Tercio quærat vtrum aliquā parte corporis insigni doleat: an cerebrum catarrhis habeat obnoxium? cordis palpitationes vel asthmata patiat? ventriculo sit imbecilliore & crudiore? vomitibus aut alui fluxibus obnoxia? an bene appetat? an hepatis vel lienis tumoribus aut obstructionibus vrgeatur? quoniam ista omnia eodem modo seminis muliebris, & sanguinis rectam constitutionem peruertunt: & vix sperabile est, ut cum illis fœcundæ euadant ex sterilibus. Itaque quartò interrogabit de menstruæ purgationis constitutione, secundum substantiam, quantitatem, qualitatem, exeundi modum & periodum. Vtrum fluores albos cum illa aut etiam ante vel post patiat. Quinto percunctabitur de omnibus causis euidentibus, quæ aliquid ad hoc conferre possunt, ut de natalibus & familiæ vitiis hæreditariis, de regione vbi degit, viuendi modo, consuetudine & similibus externis. Quibus exploratis accedet tandem ad ipsum coitus modum, vtrum illo commodè vtatur, eoque delectetur vel non: ut possit deum percurrere peculiariter illa quatuor vitia à nobis recensita secundum eorundem causas. Etenim si non recipiat semen, quia non potest admittere liberum pudendi virilis ingressum, vel quia in ipso orificio exteriori aut collo matricis vitium adest quod impedit ratione doloris, ut sit in vlcere, vel obstructionibus, ut in phymate vel membrana, aut aliā substantiā obturante prædictum meatum, illud visu & tactu, aut etiam ægrotantis relatu facile erit dignoscere. Adde quod in istis & vrina & menstrua purgatio non commodè effluit. Verum si admittat quidem congressum virilem commodè & indolenter, sed emissum semen statim à concubitu effundat, aut post aliquot horas, vbi surrexit, tunc oportet vitium in ipso matricis orificio interno adesse, quod vel durum, vel obturatum, vel distortum, vel compressum à vicinis partibus, ut dicebamus de omento crassiore, calculo vesicæ & similibus, non sinit genituram insinuari in penitiorem vteri sinum, sed ex ipso vestibulo reijcit. Illa igitur dignoscere etiam licebit, tum ex constitutione rerum omnium naturalium, non naturalium & præter naturam, quæ ibi aut in vicinis membris apparebunt; atque etiam manu peritæ obstetricis, vel Chirurgi contrectantis membra ista genitalia mulierum, ut solemus sæpe in explorandâ earum pudicitia, quando videlicet accusantur apud Iudices de grauiditate. Sin verò admittat semen in vteri sinum, & retineat per aliquot dies, sed deinde excutiat subito, & fere immutatum, oportet intemperiem aliquam insignem adesse, aut frigidam, quæ omnes illius functiones reddit hebetiores; aut humidam, quæ illius villos & osculum relaxat, aut cicatrices quasdam grandiores post curata vlcera, & sic de reliquis. Frigidam intemperiem natiuam vteri agnoscere, tum ex corporis totius habitu, pilorum in pube defectu, & menstruorum paucitate: tum etiam parua aut nullâ delectatione quam in concubitu recipiunt. Aduentitiam verò ex eis omnibus causis externis vel internis prægressis vel præsentibus adhuc, quæ illum refrigerare & debiliorem reddere valent. Humidiorem verò, ex profluuiio excrementorum pituitosiore, menstruis aquosis, vel albicantibus, fluore albo cum illis aut semper infestante ob *ἐνυμνισμὸν* totius corporis, aut alicuius partis interioris malè affectæ, & deponentis sua excrementa in vterum. Si fiat ob gonorrhœam aut saniem ex vlceribus profluentem, eadem signis suis iam propositis internoscuntur. Quoties verò fœmina infœcunda genituram virilem admittit, illamque in vtero conuenienter retinet sine illius effluxu sensibili: tunc

oportet

oportet semen ibi corrumpi, aut non nutrirî commodè vt impediatur conceptus. Signa quod corrumpatur, erunt quia sine vllâ imprægnationis notâ, aut menstruum retentione per vnam aut alteram periodum, semen quasi in flatus aut tenues auras irritum euanescit, aut suffocatur: Id si fiat ex immensâ vteri intemperie quæ *ιδιούνεγσία* illam ad seminis conseruationem necessariam, violer, notæ illarum ex prædictis erunt repetendæ. Sin verò illa *ιδιούνεγσία* & caloris natiui benignitas corrumpatur à malignis quibusdam medicamentis assumptis, vel alimentis absurdis, vt contingit in picâ & aliis affectibus ventriculi; illud mulieris ipsius interrogatione, & relatu erit perdiscendum: Quorum suspicionem facient scædus faciei color, menstruum virulentia, & quidam dolor qui in vtero sentitur, quamdiu ibi integrum manet semen, ex pugna & dissidio illius cum deprauatis humoribus in vtero stabulantibus. Sin verò propter maleficia & incantationes ista seminis corruptela contingat, aberunt omnia alia signa, quæ causas externas & internas vulgares demonstrare possunt, & erit aliquod diuortium inter coniuges, cuius neuter rationem satis appositè poterit reddere. Qui etiam de hac re accuratius scripserunt, per eiusmodi maleficia dicunt, eiaculationem seminis vtriusque rarè & cum labore quodâ & anxietate fieri. Quoties verò hæc seminis corruptela in vtero contingit ob morbos, malignos, venenatos, aut contagiosos, vt cancrofa vlcera, luem veneream confirmatam, elephantiam, strumofam, aut phthisicam dispositionem: tunc istorum affectuum manifestissima apparent signa, quæ satis ostendunt, vnde vitium istud proficiscatur.

Istis verò omnibus absentibus signis, quæ vitia receptionis, retentionis, & conseruationis genituræ virilis in vtero spectant: demum ipsa nutritionis incommoda per defectum aut excessum conuenientis materiæ seminalis vel sanguineæ quam mulier suppeditare debet, perlustranda erunt. Primò igitur insignis totius corporis pinguedo, tam natiua quam aduentitia, ostendit sanguinem in saginam partium potius conuerti, quam amandari in vterum ad nutritionem foetus: Exilitas verò & deformis macies, vt est *Aphorif. quadragesimo quarta sect. quinta*, significabit deesse materiam conuenientem quæ suppeditetur generationi, cum ipsis partibus foeminæ alendis non suppetat. Omnia etiam interna & externa, quæ absumunt, & præripiunt istam alimoniam, idem ostendent, vt labores immensi, vigilæ immoderatae, ieiunia coacta vel sponte facta, vacuatio sanguinis immodica per superiores potissimum partes, vomitus aut alui fluxus diurni, animi moeror & similia pathemata, morbi omnes depascentes humidi alibilis copiam, vt febres acutæ vel hecticæ: vlcera fistulosa, aut cauteria multum profluentia, dolores acerbî & repetentes, denotabunt manifestè generationem impediri ob defectum materiæ vtriusque ad illam necessariæ: quemadmodum affectus illarum partium, quæ peculiariter aliquid conferre possunt ad illius productionem, vt cerebri, cordis, hepatis, & ventriculi, ex quarum *κακοτεγνία* vel imbecillitate deprauari aut imminui possunt humores benigni & spirituum procreatio. Ex mammis certè lac copiosius profluens, impedit nutrices ablaçtantes non solum ne concipiant, sed ne menstruum purgationem patiantur, vt quotidiana docet experientia. Maximum ergo infœcunditatis hæc in parte signum erit paucitas, & raritas menstrui purgationis, in foeminâ alias sat bene constituta, vt in viraginibus, hermaphroditis, & similibus contingit. Quod si omnia defectus signa ubi sint, plethora vero potius simplex, vt in *πολυαίμοις*, rubicundis & bene habitis naturâ foeminis, aut genio & crapulæ indulgentibus, appareat, cum perfusione & quasi madore vteri perpetuo: tunc signum erit, non tam adesse defectum nutritionis, quam excessum materiæ alibilis secundum quantitatem, & aliquando qualitatem alienam, propter quam semen in vtero quasi obrutum, vt est Aphorismo nuper citato, non potest vim illam suam *πλεονεξία* exercere. Istæ enim mulierculæ, vbi primum imprægnantur, coloratiores, & venis tumidioribus apparent ob regurgitantem ad superiora sanguinem, qui non potest sufficienter absorberi in foetus incrementum, neque per vterum conclusum expurgari, vnde abortus sæpissime subsequuntur, nisi illa plethora minuatur per phlebotomiam aut purgationem menstrui, quæ in multis grauidis fieri solet vtiliter, præcipuè primis mensibus, per orificia venarum in vteri cervicem desinentium. Atque hæc de diagnosi.

Quod ad PROGNOSIM spectat. Cum sterilitas non solum remouenda sit propter prolem, sed etiam propter sanitatem mulieris peculiarem: quia, vt docet

Hippocrates, steriles fœminæ robustiores quidem ad tempus existunt quam fœcundæ, sed morbis valde obnoxie & libidinosiores, quia numquam ritè expurgantur semine & sanguine superfluo. Ideo in prædictione omnia diligenter perlustrare debet Medicus, ne illam miserè remediis diuexet, quæ vel naturaliter, vel ex insito principio sterilis existit, vel non suâ culpâ & vitio, sed solius coniugis defectu, aut disproportionione temperamenti, ut dicebamus. Item considerare debet, utrum istud contingat peculiari inter illos odio, ut quando inuiti coniunguntur, maleficio, incantatione & similibus tentantur, quia illa non tam ad Medicum quam ad alios spectare videntur, qui istis prospicere solent, priusquam eiusmodi mulieres arti nostræ subijciantur. Deinceps igitur prænotionem instituet Medicus in isto affectu, sterilitatem scilicet in fœminis illis esse deploratam, quæ sequitur aliquam affectus speciem immedicabilem & δυσίατον, aut vitium insigne ab ortu contractum. Imò fœcunditatem numquam restitui posse, priusquam omnes causæ, tam internæ quam externæ, illam impediens, rite fuerint sublata, aut saltem in meliorem statum deductæ. Vnde illud in Aphor. 46. sect. 5. *Quæ præter naturam crassa sunt, non concipiunt, priusquam extenuentur.* Cum ulceribus tamen, aut post ulcera, si sint grandiora, in utero vix restituitur fœcunditas, propter inductas cicatrices, quæ seminis retentionem impediunt ob læuitatem, & nutritionem propter cotyledonas oblitteratos, per quos coniungi debet fœtus cum vasis uteri. Idem dicas de dispositione hæreditariâ, venenatâ, contagiosâ, ut elephanticâ, phthificâ, strumosâ, & venereâ, quando iam sunt confirmatæ, quia sequuntur partium principum corruptelas, cum quibus caloris nativi ruina, & omnium functionum deprauatio consequitur. In quibus etiam ob vitium conformationis, ut distortionem ceruicis uteri, orificij interioris stricturam, crurum aut coxarum vel ossis sacri peruersionem contingit infœcunditas: melius est non concipere quandiu illi affectus perseverant: quia in partu periclitantur, & exitus infanti præpeditur. Vnde melius esset istas mulierculas male conformatas cœnobio quam matrimonio tradere. Quæcunque etiam præter ætatis rationem fœcundæ artis beneficio euadunt, ut nimium iuenculæ aut vetulæ, multa incurrunt damna, quia totum corpus earum contabescit, & vix sufficiunt ad ferendas gestationis & partus molestias: neque ut plurimum prolem vitalem aut generosam producant. Sunt etiam mulieres, quæ ad tempus tantum steriles existunt, ut in primâ adolescentiâ & iuuentute, propter intemperiem quandam insigniorem, quæ deinde circa constantem ætatem fœcundæ euadunt, represso eiusmodi qualitatis excessu, ut hepatis & uteri feruore ac similibus, per solam ætatis mutationem. In quibus omnibus prouidendis prudenter se gerere debet Medicus, antequam eiusmodi fœminas remediis maioribus inutiliter subijciat.

Ut igitur ista curatio rectâ methodo instituat, reuoluenda erunt animo & quasi in numerum recensenda ea omnia quæ iam à nobis dicta fuere de causis istius affectus, tam externis quam internis, & vitiis quæ ad illa consequuntur, ut per earum remotionem, vel in meliorem statum reductionem, possimus propositum nobis scopum, quantum artis nostræ beneficio sperari potest, consequi. Incipiamus igitur à rebus naturalibus, ut temperamento innato totius & partium, ætate & consuetudine. Deinde accedemus ad res non naturales seu externas, & ad vitam necessarias cum annexis, quas ad certam regulam deducere conabimur, ut omnes huic nostræ intentioni faueant & auxilientur. Postmodum ad res præter naturam veniemus, seu affectus morbosos, qui præcipuè generationi obstare videntur, ut ex eorum sublatione quantum fieri poterit fœminæ in integrum tum salubritatis, tum fœcunditatis restituantur. Ac proinde quod ad res naturales spectat, si quidem fœmina, cuius sterilitas remouenda proponitur, temperamento quodam longè à mediocritate lapso prædita videatur, ut sit in πικροχόλοις, φλεγματινοῖς, & melancholicis, atque etiam in valde obesis & sanguineis aut naturaliter macilentis & valde extenuatis: illud imprimis erit curandum, ut prædicta temperamenta, quamuis in latitudine propriæ sanitatis posita, contrariorum usu mediocri & paulatino corrigantur: præcipue si respectu habito ad virum, ut dicebamus, videantur impedire generationem, ut quando uterque eorum excessu est intemperatus, vel magis recedit à mediocritate quam par sit; ambo in meliorem statum deducendi. Idem dicas de intemperamento naturali partium principum aut ad vitam necessariarum, ut cerebri, cordis, ventriculi, hepatis & similibus, earumque debilitate, quæ maxima indigent

indigent Medici curantis solertiâ, ut ista omnia corrigantur, priusquam de suscipiendâ sobole cogitemus, ut in libris sanit. tuendâ, de attenuant. diætâ & aliis à Galeno eleganter traditum est. Hic tamen subest dubitatio de valde pinguibus & macilentis naturâ. Cum enim dixerimus utrasque permutandas esse, ut aptæ reddantur generationi: primò quæritur, quæ sint aptiores istarum ad sobolem producendam: deinde quomodo, & quantum permutandæ, quoniam vitium fiet vicij fuga, si illud simpliciter præstiterimus. Ad primum itaque respondemus, macilentas naturâ nimium pinguibus, & obesitas esse aptiores ad prolem suscipiendam, quia facile est in gracilibus per convenientem alimoniam eam suscitare benigni humoris copiam, quæ sufficiat ad seminis & sanguinis materni generationem, ex quo foetus nutriri & augeri possit: cum in pinguioribus difficile sit inediam aut victum attenuantem instituere ob voracitatem earum, & quia iam consuevit alimentaris materia facessere in adipem & partium sagineam, viæque ita sint coarctatæ, ut vix deriuari possit ad vteri vasa. Adde quod congressus cum obesioribus mulierculis valde impeditur ob molem pinguedinis occultantis fere genitalia, & angustantis tam orificium illud internum vteri, quam proprium corpus & cavitatem illius. Omitto difficultates & labores, quos incurrunt tam in gestatione quam in partu: ita ut macilentæ pinguibus hac in parte videantur præferendæ. Ita tamen ut transferendæ sint utraq; in meliorem statum, quantum fieri poterit, non quidem ut macilentæ valde pingues euadant, sic enim fieret error novissimus peior priore; sed ut bonum habitum respectu proprii temperamenti adipiscantur. Quemadmodum obesæ extenuandæ, non ut omnino graciles & macilentæ euadant; periculum enim esset marcoris & consumptionis integræ; sed ut sarcina excedentis pinguedinis liberatæ, vegetiores, & alacriores ad omnia munera exercenda reddantur. Ad nostram itaque redeamus orationem. Si quidem ætatis adhuc immaturæ ratione fecunditas impediatur, ut contingit in virginibus, quæ ante pubertatem matrimonio traduntur, nihil est salubrius, quam utrique consulere coitus abstinentionem, donec illucescente viuidioris ætatis robore menstrua apparere incipiant, & corpus redditum sit alacrius ad molestias gestationis & partus sustinendas. Si aliqua noxa sit illata hisce virginibus tenerioribus in primo congressu, ut excoriationis, dilatationis nimix, distortionis pudendi, convenientibus remediis curentur, & in integrum restituantur. At verò aniculæ, quibus iam menstrua defecerunt, non sunt amplius torquendæ remediis ut prolem suscipiant, sed potius monendæ, ut precibus deinceps & rei domesticæ administrandæ incumbant, relicta iunioribus operâ producendi liberos: quia multæ cupidiores prolis hoc modo in gravissima pericula coniectæ fuerunt. Sic viragines ἀνδρόγυναι, hermaphroditæ, & quæcunque mulieres robustiores & ad virorum naturam quodammodo accedentes, effœminandæ sunt omni artificio, & ad mores sexui congruos efformandæ: interdictis omnibus eduliis crassioris succi, laboribus & exercitationibus asperioribus quibus fortiores redduntur, semotâ omni negotiorum, præcipue politicorum & bellicorum cura, quibus animi robur intenditur, & procurato convenienti menstruorum fluxu, ut illius quasi copiâ eneruentur & mollescant: Imo etiam adhibitâ frequenri purgatione, & venæ sectione, balneis & similibus, quæ habitum humidiorum & frigidiorum reddere possunt. Denique in hisce omnibus iam à nobis commemoratis illud erit observandum, ut si quidem assueverint iamdiu rei alicui, quæ officere videatur generationi & temperamenti excessum fovere, illam paulatim omittant, & contrariis utantur. Atque hæc de rebus naturalibus.

Rerum autem non naturalium regimen & regula, quam hic in gratiam fecunditatis mulierum institimus, complectetur diætam & ordinem causarum omnium externarum, sine quarum debito concursu vix est possibile illas convenienter huic operi incumbere. Labet autem imprimis huc referre Hippocratis elegantem observationem *lib. de aëre, locis & aquis*; ubi agens de Scytharum moribus & vitâ, qui ἀναξοβοίται dicuntur, & circa Mœotidem paludem habitant: existimat illos multis de causis steriles & infœcundos euadere; Primo ob aëris illius in quo degunt insignem frigiditatem cum humiditate & caligine perpetuâ: Secundò, ob alimentorum rationem, quoniam lactis equini potatione sese ingurgitantes valde molli erant & fluxâ corporis dispositione: Tertio, quod equitatione continuâ utentes viri nullo corporis motu aut exercitatione, genitalia reddebant ἀπραγὰ & inualida,

fluxionibus maximis tentati in podagricos, & sciaticos dolores incidebant, propter quos variis erat vitionibus & sectionibus opus, potissimum arteriarum quæ sunt pone aures: vnde fiebat interceptio seminalis materiæ, quæ à cerebro plurimum defertur, atque eneruati & steriles omnino euadebant: quod illi tamen deorum vindictæ & indignationi tribuebant. Mulieres autem eorum in plaustis perpetuò vitam degentes ob cœli & soli inclementiam, tanto torpescabant otio & molliæ tenebantur, vt conceptui ineptæ redderentur, propter exuperantiam illam humiditatis & excrementorum, cum earum ancillæ ob labores & exercitationem, cui erant ex famulitij iure addictæ, fecundiores essent. Ecce quam accuratus fuit summus ille senex in describendâ *καραάου* rerum externarum, quæ huic generationis negotio impedimentum adferre solent. Quod vt ille peculiariter de ritu gentis illius animaduertit: sic nobis vniuersaliter de omnibus est annotandum, quæ proli officere possunt.

Aër igitur quem communissimam & potentissimam causam vocauit idem Hippocrates, maximum ad generationē iuuandam vel impediendam obtinet momentum. Nam Ægyptius maximè fecundus & genialis habetur, quoniam temperie ex calido humidoque gratissimâ præditus corpora fouet & materiâ seminali perfundit: vnde apud Ægyptios animalia multa sponte generantur: imo hominem ibi ex limo productum fuisse existimant: illic partus frequentissimi non solum gemellorum, sed quatuor & quinque foetuum, vt scribit Herodotus: atque etiam octimestres partus, qui alibi omnes infausti habentur; in Ægypto vitales sunt & prosperi, vt est apud Aristotelem. Cui rei etiam auxiliantur alimenta regionis illius & aqua ex flumine Nilo summâ bonitate & dulcedine prædita. Vbi verò feruens & æstuosus, vt in Æthiopiâ, vel gelidus & rigens, vt in Scythiâ; sicut supra diximus, maxima viget infœcunditas, tam ex parte virorum, qui parum apti sunt ad venereos amplexus, quàm mulierum, quia corpora & vteros habent valde intemperatos, & soboli producendæ ineptos. Certissimum est enim ex solâ mutatione loci in aërem contrarium multas mulieres euasisse fecundas, in quibus nihil proficere potuerant alia remedia conuenienter exhibita. Et quemadmodum ratione totius aëris ambientis commoda ista foeminæ, vel incommoda patiuntur: sic ratione tempestatum anni, solet facilius generatio procedere: vnde Hippocrates *lib. de superfatatione*, ad id laudauit vernam tempestatem, velut temperatissimam, & in quâ reliqua animantium genera videntur in venerem alacrius ruere, renouatis scilicet humoribus & turgente seminis cestro, quo in furias istas amoris concitantur. (*Cur igitur mense Maio non consuluntur nuptiæ: imò tunc vulgo fagiuntur? Dicunt nostrates esse mensem asinorum. Alij putant ne noui nupti nimia luxuriâ in egritudinem incidunt. Quidam verò ne mulieres primis istis congressibus lasciuiores reddantur.*) Sunt tamen qui autumnum eligunt & veri præferunt, quia tunc terræ semina commodius mandantur: & quia succedente postea hyemis frigore foetus in vtero melius nutritur, & fouetur quam æstate: atque gestatio minus molesta, parturitioque faciliior, quæ circa æquinoctium vernum contingit. Est igitur recta aëris constitutio imprimis procuranda hisce mulierculis, quæ sterilitatis noxam & dedecus fugere cupiunt.

Alimentorum non minor habenda est cura: tum quia faciunt ad totius & partium intemperies corrigendas, quæ in vtroque officere videbuntur generationi, vt supra dicebamus de impinguandis gracilibus, & pinguibus emaciandis ex Galeno: tum etiam quod multa sunt alimenta, quæ vel excedentibus suis qualitatibus, vel substantiæ proprietate nocent sterilibus hisce foeminis. Sic mentha, quam aiunt belli tempore non esse serendam, apium, vitex & similia ob siccitatis excessum creduntur seminalem materiam absumere. Poma sautem, legumina recentia, inter quæ fabas præcipuè recensent, olera cruda, lacticia, & acetaria omnia; quemadmodum aquæ nivalis aut glaciei permixtæ potum (quo nomine multas esse in Hispaniâ steriles scribit Mercatus) suo frigore extinguunt quasi vim illam caloris natiui, quæ maximè debet in seminis prolifici productione elucescere. Sola crapula seu nimia potus & cibi quantitas, vt supra de gulosis & ebriosis notabamus, potest idem præstare: quemadmodum inedia & tenuior victus, in illis præcipuè quibus iam corpus est macilentum & debilitatum. Oportet igitur istorum omnium conuenientes leges statuere: ita vt habito respectu ad vniuscuiusque peculiarem naturam & temperamentum,

ea præscribamus alimenta secundum substantiam, quantitatem, qualitatem, & ordinem, quæ aptiora illis conseruandis vel reducendis in meliorem statum videbuntur: quod facile est vnicuique ex aliis tractationibus repetere, vbi diætæ ratio & modus præscribuntur, ne in immensum excreseat hoc nostrum opus.

Eodem modo somnus & vigilia, excreta & retenta, exercitationes & animi pathemata disponenda secundum varietatem temperamentorum. Vt enim pinguioribus curæ, verbi gratia, labores, & vigiliæ vtiliores, sic extenuatis, somnus & quies, summæque animi tranquillitas, & iucunditas. Vtrisque tamen menstrua excretio conuenit solitis periodis & iustâ quantitate, si generationi idoneæ esse velint: quâ in re debet Medicus potissimum incumbere, illamque, si superfluat, moderari; si deficiat, prouocare conuenienter victu & remediis fusè à nobis propositis. Necnon ipsius coitus rationem habere, vt scilicet legitimè obeatur, animis consentientibus, & pacificis; corpore integro, neque nimium pleno, aut vacuo, calfacto, vel refrigerato, nec violenter nimium & superfluè, neque indebitâ figurâ & situ. Qui enim generationis, non voluptatis causâ coeunt, ista diligenter circumspicere debent, vt vtriusque semen bene sit elaboratum, quando congregiuntur, quod potius fiet horis matutinis iam peractâ coctione, quam vespertinis statim à pastu: & si per longiora intervalla exerceatur, quam si crebro & tumultuariè: *Qui tardy va, souuent baptize.* Debet etiam electio esse coitus ratione menstruorum: nam illis fluentibus turpe est & noxium viro, ob communicationem illius virulentia: & inutile, quia nulla conceptio fieri potest vtero tantâ humiditate referto: aut si fiat, exoritur proles morbofa, & elephantiasis obnoxia: vnde id in lege Dei prohibitum. Illis verò deficientibus conuenit coitus iam præpurgato vtero, in fœminis quæ multâ humorum copiâ scatent: imminentibus verò in illis quæ paucò sanguine sunt præditæ; Aliis verò temporibus intervalli moderati, & pro ratione ætatis, ac conditionis: ita vt adsit potius coeundi appetentia, quam fastidium in vtroque. Respicendum etiam diligenter vtrum fluxione illâ albâ, & virulentâ teneatur mulier, & quo tempore, ne tunc misceantur inuicem: quod si sit continua & indefinens, persauanda prius, quam amplexui venereo indulgeat. Quod si liceat etiam quædam in generationis vtilitatem de figurâ coitus pudicè proferre, sit illa naturalis & solita, sine vllò voluptatis incendio, vario situ, aut agitatione femorum, quæ impediunt rectam seminis in vterum eiaculationem, quam meretrices impudicis illis motibus effugere conantur ne concipiant. In illis tamen quæ non possunt satis commodè excipere semen in sinum matricis, laudant authores coitum, qui fit à tergo, ferarum more, quia videtur magis recta in orificium vteri deferri semen. Post coitum debet mulier, summisso capite, elatis cruribus, & eodem situ per aliquod tempus manere, vt intus quiescat genitura: imò paululum obdormiscere, si possit, vt melius retineatur: respirationem ad se trahere sursum, tussim, risum, loquelam, & omnia vitare tunc temporis, quæ semen excutere possunt foras. Surgat etiam sensim & molliter ex lecto, vitando omnem saltationem, compressionem, contentionem, & similia, quæ huic rei nocumento esse possunt. Atque hæc de rebus non naturalibus.

Quibus omnibus ita rectè dispositis deinceps ad *θεραπεύειν* omnium illorum affectuum tam *ιδιωπαθικῶν*, quam *συμπαθικῶν* vteri accedendum erit, quibus dicebamus quatuor illa vitia excitari distincta vel coniuncta, non recipiendi, non retinendi, non conseruandi, & non nutriendi seminis virilis, ex quibus conceptio in muliere impeditur. Cum autem intemperies, vt constat ex *Aphorismo illo 62. sect. 5.* inter istos affectus præcipuè elucescat ad munera ista euertenda maximè familiaris, & tam ex parte viri quam mulieris, quorum vterque ad mediocritatem est reducendus, si velimus ex eorum congressu prolem suscitari. Ideo *θεραπείαν* intentus Medicus, debet primum ad omnem affectum similem totius corporis, ex cuius errore, genituræ deprauatio contingit, vel saltem improporatio inter maritum & uxorem: atque etiam ipsius vteri velut telluris, quæ semina ista inuicem concurrentia, bene præparata suscipere debet, animum conuertere, vt quantum fieri poterit, corrigantur & temperentur.

Quamuis igitur ex superiore libro, vbi de fluore muliebri, vlceribus, & tumoribus præter naturam vteri agebamus, multa ad hanc rem facientia repeti possint: Attamen vt ista tractatio perfectior euadat, nos paucis intemperies vteri sine collectione aut extrauasatione humoris in propriam illius substantiam & poros hic curare docebimus, ex quibus facile erit colligere correctionem illarum quæ in toto

corpore, & alibi subsistunt. Quotiescunque igitur vterus intemperie calidiore tentatur cum effluxu humoris vel sine eo (quæ dignoscetur, ut hoc etiam addamus, pruritu & sensu acrimoniæ in hisce partibus, velut exulcerationis aliquando, pilorum in pube copiâ, insigni salacitate, menstruum paucitate, vel alieno colore, ut flavescente vel nigrescente, totius corporis, aut saltem iecoris feruore, siticulosâ dispositione & similibus) percuranda erit primùm victu accommodato, vitando fricta omnia, piperata, salsa, acria, & dulcia, vini generosi aut meracioris potum & similia: ita ut res illæ externæ, & non naturales dictæ, præcipuè alimenta, conspirent ad refrigerandum modicè vterum & contemperandum, donec ad gradum natui caloris deducatur, ubi subsistendum statim, ne ulteriori refrigeratione ineptior reddatur generationi. Quod si ista intemperies iuncta sit cum plethora humoris sanguinei vel biliosi, non est dubium, quin utraque etiam vacuantibus conuenienter sit imminuenda, utpote venæ sectione ex brachio sæpius repetita, quando sanguis sua multitudo non solum molestus est, sed etiam sibi ipsi præpedit viam ad exitum per menstruas periodos, ad quam respexisse videtur Hippocrates libro de superfat. dum ait; *Mulier qua facili concipiebat, si prægnans fieri desit, bis per annum à manibus & cruribus venam secari sinat.* In bilioso excessu parcus erit agendum, aut omnino abstinendum à phlebotomiâ superiorum partium, sed potius purgationi ex cholagogis sæpius iteratis, ut ex syrupo magistrali, vel opiatâ laxante indulgendum: simulque alterantibus internis & externis pugnandum, ut feruor iste insignior remittatur. Inter interna accommodatissima erunt iuscula pullorum conuenientibus herbis parata, serum lactis, in quo borraginis folia sint per noctem infusa, emulsiones, julepi, decocta, conseruæ florum violæ, nenupharis, & rosarum; atque ex his comparatæ confectiones vel opiatæ cum pulueribus triasantali & diarrhodonis abbatis. Externa, ut balnea, fotus, cataplasmata & litus ex vnguento rosaceo & santalino, sed remouenda caphura ex istis refrigerantibus. Quin imò iniectiones ex aquâ rosaceâ & endiuia, emulsione prædictâ, decocto conuenienti; & pessaria ex rosis & floribus violæ contusis cum farinâ hordeaceâ & oleo rosato, quæ excipientur lanâ vel stupis cannabinis ut ritè formentur. Vix enim in hoc affectu probare possum suffumigia sicca seu θυμιάματα, quantumvis ex rebus refrigerantibus parata, quia perpetuò redolent naturam ἐμπυρεύματι, quod hic valde fugiendum. Si vero insignis fuerit in hisce mulierculis coeundi libido, quæ effrænis sit quasi & importuna prolis suscipiendæ: recurrendum erit ad caput illud, quo egimus accuratè de vterino furore. Vbi verò sedata fuerit eiusmodi intemperies, tunc commemoratis opiatis aliqua addenda erunt, quæ ex proprietate generationi conferre postea dicemus.

Quoniam vero insignem caliditatem aliquandiu perseverantem sequitur siccitas (quamvis etiam sine illâ subsistere possit;) ideo siccitatem vteri naturæ limites superantem & generationi incommodam, (quæ dignoscetur, ut hoc etiam addamus, quadam duritie, & asperitate cutis atque genitalium, gracilitate ut plurimum reliqui corporis, parcis mensibus & crassis, cervicis stricturâ & callositate, interioris orificij coarctatione nimia, & quasi rugis densioribus; ad quod explorandum opus est obstetrice perita, quæ tangat istas partes: atque etiam quando in coitu nulla humiditatis stilla sentitur) siccitatem inquam istam curabimus victu omni analeptico & resectorio, præcipuè si reliquum corpus sit exsuccum & macilentum: imò etiam alimentis non solum reparantibus aëream illam & oleosam humidi primigenij substantiam, sed etiam aqueam, ut molliatur & humectetur totus habitus, feminique & menstruo liquidior materia suppeditetur: vnde carnibus boni succi, piscibus recentibus, iusculis consummatis, vino diluto & mediocri, ouis tremulis, hordeatis, amygdalatis, fructibus horæis, delicatioribus peponibus, & oleribus accommodatis illas reficere tentabimus. Quod si maior sit consumptio, ex cura hæticorum lactis vsu & balneo totam corporis molem irrigare, & si fieri possit, impinguare conabimur, otio & quiete, somno, leuioribus frictionibus, molli partium contrectatione, & picationibus, ut docet Galenus: vteri etiam regionem intus & extra eisdem decoctis aut fumigiis humectantibus perfundemus, pinguioribus iusculis, lacte recenter multo, oleo amygdalarum dulcium recenti & sine igne extracto, vel nucis indicæ, liliorum, iasmino, & similibus, ipsumque os interius molliusculum efficere enitemur inunctione ex recenti medullâ cruris vituli, butyro, vel vnguento dialthææ & resumptiuo, cui parum croci vel etiam moschi additum sit ad

ad vteri recreationem : ex succo porri decocto cum adipe gallinaceo potest inungi collum illius post transacta menstrua, aut ex illis confingi pessarium cum radice maluarum & althææ, quæ istam asperitatem, duritiem, & stricturam valde emendabunt. Quod si alicuius humoris, vt melancholici, aut pituitæ salsæ & viscidæ affluxus hunc affectum fouere videatur, non erit omittenda purgatio lenior ex senâ & agarico, additis iis quæ emollire & temperare possunt istas partes.

Sed quoniam inter istas intemperies totius corporis & vteri frigidam & humidam solas vel coniunctas censemus esse maxime vulgares, & consuetas sterilitatis causas, de quibus consultitur Medicus: ideo de illis seorsim etiam agendum, vt inde complicatarum etiam curatio intelligatur. Frigiditatem itaque istam naturæ & sanitatis modum excedentem, quæ spissos, densos & occlusos reddere possit vteros, vt est apud Hippocratem *Aphorismo illo 62. sect. 5.* dignoscat primum (vt hoc etiam addamus) ex stupido quodam sensu & quasi torpore circa istas partes, flatuum aliquando copia distendentium, aut borborygmis interiores excitantium, nullo aut paruo Veneris appetitu, ita vt congressum sine vllâ voluptate & stimulis exerceant, pilorum circa pubem raritate, si sit natiua; mensium paucitate, & diuturnitate cum quodam alieno colore pallecente, aut liuescente, omniumque aliarum actionum quasi languore & ignauia. Ad curationem ergo istius affectus primo vitæ regimen idoneum præscribendum: ita vt vitentur omnia cruda, acetosa, & flatus generantia, qualia sunt legumina, rapæ, napi, tubera, poma, fructus horæi, & similia: addendo omnibus eduliis ea quæ menses ciere, coitum irritare, obstructions aperire, & flatus discutere valent, vt olera illa odorata & acria, nasturtium, erucam, fœniculum, hyssopum, apij & petroselini radices, semen coriandri & similia. Potus sit ex vino generoso & tenui, vel aquâ decoctionis cinamomi: aut ipsius chynæ bochetto. Omnia assa aut aromatibus, vt cinamomo, garyophyllis, nuce moschatâ & zinzibere condita exhibeantur. Inter quæ nuces cinamomo & garyophyllis transfixæ ac saccharo conditæ valde commendantur, si mane cum paucio vino generoso sumantur, aut radix zinziberis similiter condita. Quæ Medicus variè poterit eligere pro affectus & ægrotantis conditione. Vbi impensè refrigeratus est vterus præter reliquum corpus, debet accuratè defendi ab omni iniuriâ externi aëris, vsu caligarum & inuolucrorum, quæ impediunt illius ingressum ad interiora: quibus multas ex isto affectu conualuisse certum est, vt crebris frictionibus, & exercitatione validiore. Quibus ita comparatis cogitandum erit de maioribus remediis, si adsit copia humoris in ventriculo, hepate, vel cerebro geniti, affectum istum augmentis vel conseruantis, absumendus erit purgatione conuenienti, diureticis, sudorificis, & artificiosa diaphoresi per laconica, stuphas, balnea naturalia & similia, quæ etiam calfactioni istarum omnium partium & vteri conducent. Si flatuum adsit copia cum dolore & distensione, dissoluentur eodem modo carminantibus & discutientibus, tam sumptis quam admotis, quæ omnibus est facile repetere ex materiâ medicâ & aliis tractatibus huic rei dicatis. Iam quia in hisce mulieribus toto corpore vel vtero frigidiorè semen paucum, aut aquosum gignitur, sanguis menstruus sistitur & languet Venus: Ideo huic rei maximè prospicere debet Medicus, non solum victu analeptico & calfaciente, sed etiam remediis ad id accommodatis. Itaque conseruæ omnes, pulueres cardiaci, electuaria, syrapi, opiata, & similia ex aromaticis, & roborantibus confecta, hic prodesse poterunt. Vt

℞ Rad. eryngij & satyrionis, ana ʒ j. β. nucem myristicam saccharo conditam & fortiter contusam numer. j. pineorum recent. mundat. & pistatorum ʒ ij. feminæ erucæ, piperis longi, & cinam. an. ʒ j. cineris priapi tauri & rasuræ eboris, an. ʒ β. Cum syrupo conseruat. calami aromat. fiat opiata, de quâ capiat ʒ ij. mane & sero, suprabibendo parum vini maluatici vel hippocratici. Si non sit obnoxia strangulatui vterino, adde puluer. diasmochi & diambæ, an. ʒ j. Si volueris, fiat sequens pulvis in eundem vsu.

℞ Piperis vtriusque, cardamomi & feminis erucæ, ana ʒ ij. feminis vrticæ, maicis & garyophyll. an. ʒ j. puluer. diambæ ʒ ij. sacchari ʒ j. Fiat omnium pulvis, de quo capiat cochlear vnum mane & sero cum vino muscatellino aut aquâ cinamomi. In illis autem, & in viris quibus valde est sopita libido, vt quasi stipites potius quam homines videantur, audent Præctici nostri electuarium sequens præscribere.

℞ Rasuræ priapi tauri aut cerui, piperis longi, zinziberis & cardamomi, ana ʒ β. renum stincorum ʒ j. bauracis & cantharidum capite & alis abscissis, an. ʒ β. pulueris

ueris diamosc. ꝑ ij. Excipiantur gummi tragacant. liquato cum aquâ borraginis. Fiat instar muscardinorum, vel tabellarum ponderis 3 j. Capiat vnâ in ingressu lecti. Vel si reformides vsum istorum, misceantur renes stincorum recentes cum 3 ij. semin. erucæ & melle despumato. Capiat ad quantitatem fabæ maioris in ingressu lecti, cum paucâ vino vel decocto cinamomi.

Exterius foueantur partes oleo de nuce indica, sambucino, vel in quo pyrethrum bullierit: inungantur interius zibeto, oleo muscatellino, aut balsamo indico naturali, cuius nunc magna copia habetur: fiant pessaria ex theriacâ veteri, cui addentur pulueris diambæ, diamoschi, aut aliquot illius grana cum paucâ succo menthæ. Pessarium ex allio horrensi contrito cum oleo de spicâ hic mirabilem possidere vim creditur. Sed inter alia sufficit odorati & calfacientes proderunt, sæpius repetiti dum ibit cubitum. Vt

24 Trochisc. aliptæ & galliæ moschatæ, ana 3 iij. garyophyllorum, nucis moschatæ & ligni aloes, si haberi possit, vel santali citrini, ana 3 j. benjoini 3 ij. Fiat puluis crassior, quo vtatur, vt dictum est. Licet igitur talia & illis similia comminisci ad frigidam istam vteri intemperiem expugnandam, status discutiendos, mentes concitandos, & Veneris stimulos in torpidioribus hisce mulierculis excitandos.

Nunc ad humidam illius intemperiem accedamus, quæ omnium maximè est vulgaris & infesta ad generationem impediendam, vt supra dicebamus. Ideoque illius cognitioni & curationi maximè est incumbendum. Ac proinde istiusmodi affectum vteri dignoscere primùm, vt hoc paucis perstringamus, ex totius corporis molli & laxo habitu, vel certè excrementitio, vt solet in plerisque macilentis & senioribus, quibus interiora viscera perpetuis fluxionibus scaturiunt: menses adsunt aut saltem ichores decidunt copiosi ex vtero, quibus ferè continuo madescit pudendum; ceruix autem flaccida sentitur, os interius hians & apertum cum paucâ Veneris voluptate: ita vt virile semen vel non attrahant, vel attractum non retineant, aut certè per aliquod tempus retentum suffocent & quasi obruant humoris superflui copiâ: cuius natura seu species etiam dignoscetur ex materiæ profluentis conditione, vt dicebamus in menstruorum tractatione, quæ in isto affectu albicans, mucosa, aut serosa apparere solet.

Est igitur huic affectui prospiciendum, cui maximè sunt obnoxia mulieres, exsiccando & absumendo istas humiditates vterinas & totius corporis, vterum repurgando ab istis sordibus: deinde constringendo & roborando, vt munere suo perfungi possit. Ad id primùm conueniens diæta instituenda erit, quæ arceat eiusmodi foeminas ab omni cruditate & humidiorum alimentorum vsum, vt olerum, fructuum horariorum, pomorum, prunorum, piscium, lacticiniorum, iusculorum, aquæ nimio potu, aceti, & similibus. Præscribaturque exsiccantia, & modicè calfacientia, si quidem iam frigiditas coniungi videatur, vt sæpe solet: nempe panem biscoctum & anisatum, modico sale aspersum: carnes assas potius quam elixas, aromata omnia, dragemata, fructus exsiccantes, & roborantes; vt sunt pyra, cydonia, pineæ, auellana, dactyli, passulæ & similia: vinum rubrum & generosum decocto cinamomi aut seminis coriandri lymphatum pro potu: vel secundarium ex salsa parillâ conuenienter præparatum. Præterea imperet exercitationes frequentes ante pastum, frictiones, vigilias moderatas, vacuationes excrementorum consuetas, aëris constitutionem conuenientem, etiam mutationes soli per aliquod tempus, si opus videatur.

Deinde maioribus incumbendum remediis, ratione totius quidem corporis, si huic affectui consentire videatur ex plethoricâ, aut cacochymicâ constitutione, vel alicuius partis principis, cerebri, ventriculi, hepatis & similibus, vacuantia & reuellentia erunt vsurpanda. Quando venosum genus turgere nimiam humiditate, non erit absurdum venas cubiti aperire, dummodo frigiditatis nulla sit complicatio: vel purgationes solennes instituere autumno & vere, aut singulis mensibus, ex opiatâ laxante, syrupo magistrali, vel pilulis secundum rem præsentem præscribendis; quibus subnectantur præparantia, roborantia, exsiccantia, & resoluentia: inter quæ plurimum potest diæta sudorifica ex ligno guaiacino, sassaparilla, aut radice sarsæ parillæ, per viginti aut triginta dies instituta cum debito regimine: item stuphæ, laconica, aut balnea naturalia; qualia sunt nostra Balerucana, ex quorum vsum multas mulieres fecunditatem recuperasse compertum habemus. Eodem modo cauteriis, brachio, ceruici, aut cruribus adhibitis multas fuisse persanatas scimus, quibus fluxiones copiosiores in vterum irruebant ex
variis

variis partibus: non omiffa exhibitione frequenti theriacæ, mithridatij, tabellarum, aut alicuius conferuæ ad fimiles vfus comparatæ. Hippocrates *libro primo yvvaix*. laudat hederæ grana feptem, fingulis menfibus cum vino veteri fumpta cefantibus menftruis: accipitris ftercus ex vino dulci eporum. Confultat quoque Amatus Lufitanus ad hanc fterilitatis fpeciem, vt aloë mane & fero fumatur ad ʒ j. nebulis inuoluta, vel carne prunorum, aut aliquo fimili, vt amaritudo illius abfeondatur, idque per decem aut duodecim dies poft fluxum menftruorum, tuncque abftineat à congressu virili. Quæ omnia debet accuratè perpendere Medicus, priusquam de topicis remediis cogitet.

In quorum vfu illud erit obferuandum, vt priusquam de exficcatione, adftrictione, & roboratione vteri cogitemus, attrahantur & expurgentur fordes illæ in cavitare illius ftabulantes, ne in partes principes refluant, vel illius fubftantiæ affigantur: vnde pefariis purgantibus & attrahentibus præmiſſis deinceps reliqua fubfequi debent in fequentem modum.

ʒ Conferuæ hieræ picræ ʒ ʒ. agarici trochifcati & pulueris ireos flotentinæ, an. ʒ j. mithridatij veteris & diaphœnici, an. ʒ ij. Cum fucco mercurialis fiat pefarium linteolo inuolutum, quod immittatur in finum pudoris, dum ibit cubitum, & ibi finatur per duas aut tres horas: quo remoto abluatur pars decocto rofarum, hordei, foliorum meliffæ, & abſint. quæ hic proprietate valere dicuntur. Poſtea fequens pefarium immittatur.

ʒ Conferuæ rofarum & anthos, an. ʒ ij. pulueris aromatici roſati & galangæ, an. ʒ j. thuris & maſtic. an. ʒ ʒ. coaguli leporis & rafuræ eboris, an. ʒ ʒ. Miſce, formetur vt artis eſt, & finatur per totam noctem, continuando per ſex aut ſeptem dies. Quibus finitis fiant forus, ſemicupia, vel iniectiones ad eundem finem, aut etiam ſuffumigia ex aromaticis, quæ hic plurimum vtilitatis adferent, addendo etiam adſtringentia, vt vteri oſculum hians coarctetur. Dum hiſce remediis indulgebit, abſtineat à virili congressu, & habeat ſemper aliquid in vfu, quod ad generationem iuuandam peculiariter faciat. Vt erit fequens opiata.

ʒ Conferuæ rad. ſymphyti & ſatyriſonis, an. ʒ j. ʒ. corticis citri ſaccharo conditi ʒ ʒ. myrobal. ſacchar. conditam fortiter contuſam numer. j. rafuræ eboris, ſeminis cynaræ, & ſefeleos, an. ʒ j. coaguli leporis vel matricis eiufdem puluer. an. ʒ ij. Cum ſaccharo, fiat inſtar conditi, vel cum ſyrupo de abſint. inſtar opiatæ, quâ vtatur mane & ſero cum vino generoſo aut decocto ſarſæ parillæ. Hiſ ita præparata, vbi in complexus viriles veniet, vtatur omni induſtriâ & artificio iam ſuperius commemorato ad excipiendam, retinendam, & conſeruandam conuenienter maris genituram. Ad quod maxime conferet, ſi ante lecti egreſſum ſumat rafuræ eboris vel coaguli leporini ʒ ʒ. cum pauco vino rubro aut iuſculo: ſi regioni hypogaſtrij verſus pubem & lumbos duo admoquantur emplaſtra adſtringentia, vt ſunt de maſtiche, contra rupturam, pro matrice & ſimilia conuenienter emollita cum oleo myrtino, roſaceo aut ſimili, & ſinapiſata puluere granorum kermes & boli armenæ. Mira ſunt & propemodum infinita, quæ à Præcticeis noſtris ad promouendam fœcunditatem laudari & præſcribi ſolent. Licet paucis iſtis & ſelectis affectus iſtius curatio, ſi ſit ſanabilis, conuenienter perfici poſſit: nos tamen adhuc quædam addamus in gratiam tam optabilis rei. Commendant igitur multi iſtud ſpecificum in omni ſterilitate.

ʒ Conferuæ florum citri & arantiorum, an. ʒ ij. olei nucis moſchatæ per expreſſionem extracti ʒ ij. baccar. iuniperi, rad. cyperi, & caryophyll. an. ʒ ʒ. ſeminis ſefeleos, ormini, eryſimi, erucæ, ſaluiæ, & paſtinacæ ſylueſtris, an. ʒ j. rafuræ dentis apri & eboris, teſticulorum vulpis & verris, matricis ſuillæ & leporis pulueriſ. an. ʒ ʒ. Cum ſyrupo ex ſucco meliffæ vel maioranæ fiat eleſtuarium molle, de quo capiat frequenter poſt præparationem prædictam mane & ſero donec imprægnetur. Alij in hoc caſu, frigidiſſis ſcilicet & humidiſſis vteri ita progrediuntur. Primò præparant totum corpus & humores iulepis, ſyrupis aut apozematis calfacientibus & incidentibus ſeu attenuantibus per aliquot dies. Deinde purgant per interualla pilulis aut portione conuenienti. Interea inunctiones iam præſcriptas & ſimiles ad matrici robur comparandum non omittunt. Poſtmodum ſtuphis, balneis naturalibus, aut diætâ ſudorificâ conantur corpus in meliorem ſtatum deducere: vt deinde particularem vteri purgationem moliantur, in hunc modum.

℥ Folior. absint. artemis. sauinæ & rutæ, an. M. ℞. myrrhæ 3 j. ℞. pulpæ colocynt. 3 j. agarici trochiscati 3 ℞. zinziberis 3 ℞. Fiat decoctio in vino albo ad ℥b j. in quâ dissolue syrup. rosacei & mellis, an. 3 j. ℞. Iniiciantur 3 ij. vel iij. tepide in matricem, continuando per triduum mane & sero, vbi fluxerint menstrua. Quod si nolit istas infusiones admittere, parètur sequens pessarium.

℥ Hieræ picræ & bened. laxat. an. 3 j. pulpæ colocynt. & agarici trochiscati, an. 3 j. spicæ nardi & foliorum sauinæ pulueris. femin. nigellæ, an. 3 j. ℞. Incorporentur cum succo mercurialis & melle anthosato, & inuoluantur panno sericeo. Fiant pessaria, quorum vnum per aliquot horas de nocte teneat in vuluâ. Mane abluatur cum vino albo & hordei decocto. Deinde per triduum vtatur aliis pessariis roborantibus & adstringentibus. Vt

℥ Thuris & mastic. an. 3 ij. nucum cupressi, rad. bistort. rasuræ eboris, rosarum rubrarum & aluminis, an. 3 j. cinamomi crassioris 3 ℞. galliæ moschatae 3 j. Incorporentur cum succo vel syrupo myrtino, formentur pariter pessaria, quibus vtatur per aliquod tempus. Quidam ex Hippocrate commendant pessarium ex puluere magnetis cum lacte mulieris subacto. Quibus peractis habeat rem cum viro, seruet regimen debitum, & apponantur emplastra adstringentia pubi & lumbis. Quod si primâ vice non conceperit, redeat ad eundem usum per tres aut quatuor menses continuos, præcipue autumno & vere, per aliquot annos, quoniam eiusmodi impotentia seu infœcunditas est de genere chronicorum affectuum, qui non nisi longâ temporis morâ & remediorum repetitione, animique constantiâ expugnari possunt. Istis omnibus frustra & diu tentatis expectet mutationem ætatis & similia superius à nobis commemorata. Debet etiam idem regimen calfaciens & exsiccans seruari ex parte mulieris, quando cupimus illam potius mares quam fœmellas concipere.

Est tamen illud imprimis ante prædictam curationem animaduertendum, vt omne vitium malæ conformationis, luxationis, obstructionis, distorsionis colli aut osculi interioris, solutæ vnitatis, vlceris, cicatricum, malignæ constitutionis veneræ, elephanticæ, aut ex veneno sumpto vel admoto contractæ, & omnium impedimentorum, quæ dicta fuerunt à nobis ad recipiendum, retinendum, conseruandum viri genituram concurrere possunt, diligenter, si fieri possit, tollantur, priusquam aliquid de restituendâ fœcunditate per eiusmodi remedia, polliceamur: quia omnis vana & inutilis futura est medicatio, quæ non arte & rectâ methodo progreditur, sed empiricorum more arcanis quibusdam & futilibus nititur præsidis, sine causarum aut affectuum notitiâ: quorum etiam omnium curationem ex superiore libro, vbi de illis peculiariter egimus, repetere licebit.

Supereſt igitur, vt pauca quædam, appendicis vice, de maleficio subnectamus. Ex priuatione enim omnium aliarum rerum iam ante commemoratarum, quæ sterilitatem inducere valent, cogimur admittere aliquando vim superioris cuiusdam & occultæ causæ, propter quam vxorati aut mutuo diffidio, aut impotentia coeundi, aut defectu seminis prolifici in ætate & temperamento laudabili laborant, vnde sterilitas subsequitur. Quo casu fascinationem omnes accusant, siue illa pendeat à sceleratis quibusdam hominibus, qui ope dæmonis cum quo fœdus ex pacto contraxerant, ista exercent maleficia; seu à simplici incantatione, characterum, imaginum, & verborum *ερετυα*, vt patet ex carmine Virgiliano,

Necte tribus nodis ternos Amarilli colores,

Necte Amarilli modo, & Veneris dic vincula necto.

Et in illis qui hodie dum sacra illa verba pronunciantur: *Quod Deus coniunxit, homo ne separet*, contraria & infausta submurmurant non sine effectu & ligatura, & frequenti rerum euentu compertum fuit & apud Iudices litigatum, cuius rei metu multi nunc non audent publicè nuptias celebrare: seu denique illud maleficio pendeat à viribus aduersæ constellationis, vel malignæ cuiusdam exhalationis ab aspectu viri infamis vel mulierculæ: aut denique pharmacorum quorundam, quæ occulta *ἀντιπαραβία* coitui & generationi obsistere possunt, quorum & apud Cardanum, & alios magiæ speculatores sat frequens mentio habetur.

In hoc casu vocatus aut interrogatus Medicus, vt debet admittere superiores illas & occultas causas, tum ex illo Hippocratis dicto in prognosticis, vbi *θεῖον τι* in morbis agnoscit, tum proprio usu & experimento confirmatus: hic etiam

cautè & solerter explorare, vtrum aliqua fraus lateat, quàm multi sæpe coniugati præstant, vt mutuo dissoluantur connubio & alienis indulgeant deliciis. Vbi res comperta est, neque dissimulari potest ex defectu omnium aliarum causarum: non est dubium quin ad fugandam dæmonis vim, diuini numinis auxilium sit implorandum ab utroque coniuge & à viris pietate præstantibus. Quin etiam omni modo conquirendus sit author nodi illius, seu ligaturæ veneræ, verborum, imaginis, vel characterum magicorum: nam compertum experienciâ est, illis remotis, corruptis, aut in contrarium sensum & modum prolatis vel perductis, cessare eiusmodi incantamentum. Si pendeat ab aduersâ quadam constellatione, vt docent Astrologi, circa horam primi concubitus, contraria eligenda est, vt dissoluatur prioris effectus. Si à malignâ exhalatione fascinatoris, aut impuri cuiusvis corporis vel horrendi conspectu, omnia cardiaca & roborantia erunt vtilissima, & iucundarum rerum ac pulchrarum obiecta, donec vis illa primæ impressionis fuerit dissipata. Si ab occultâ pharmacorum proprietate pendeat, illa erit oppugnanda amuletis & aliis quæ aduersantur huic qualitati. Vult Cardanus lupi priapum gestatum omnes istas fascinationes dissoluere: Item adamantem, hyacinthum & similes gemmas. Antiqui experimentatores hypericon vocabant fugam dæmonum & omnis incantationis, quod ideo in cameris suspendebant: quemadmodum Dioscorides scillam integram in limine ostij, radices pœoniæ, artemisiâ, rutam circumligatam, betonicam, centaurium, vel eryngium. Item sagapenum ab utroque gestatum commendant: magnetem, corallum & similia, quibus ego nolim omnino refragari, cum habeant suas obseruationes ad illud probandum: vel ex vi imaginationis suum consequantur effectum. Aliquando enim ludens, & experiendi gratiâ ex vetustissimis istis scriptis consului vxoratis quibusdam dissidentibus sine manifestâ causâ, vt auem picam dictam simul comederent, & cor turturis maris, & fœminæ vterque gestaret, sericeo panno inuolutum & pauco sale aspersum, vir quidem fœminæ, mulier maris, donec contabesceret: Euentus probauit non inutile fuisse consilium, vnitis illorum animis, & mutuo deinceps ad delibanda Veneris munera conspirantibus. Duo autem sunt præcipuè, quæ fascinosos eiusmodi iuuare solent, vt scilicet confidenti animo conentur ista omnia maleficia & incantationes aspernari. Deinde vt locorum mutatione, domos, cubicula, lectos, vestes, & reliquam supellectilem relinquunt, in quibus vis illa venefica & fascinatoria sæpe absconditur. Verum in re tanti momenti, tam occulta & extra causarum physicarum seriem saltem ordinariam posita, nihil audemus asseuerare: hoc tantum in gratiam recentiorum Philiatrôn proponere libuit, vt si quando incidant in eiusmodi difficultates, non omnino sint destituti consilio & auxilio. Nos igitur ad alia pergamus.



CAPVT II.

De cognitione prægnantium & earum regimine.

NON solum iuuanda fœcunditas in mulieribus, vt facilius concipiant; sed etiam dignoscendus est conceptus, vt tunc prægnantium cura conueniens habeatur. Non enim minor est Medici virtus in retinendo & tuendo ad finem vsque debitum fœtu, quam eodem procurando & producendo. Adde quod fœmina prægnans in statu neutro, & multis calamitatibus exposito, constituta, non minus iuuanda est tunc temporis, quam ipse fœtus: custodia enim, inquit Hippocrat. i. γυναικῶν, & scientia multa opus est, vt in vtero gestet puerum, enutriat, & vt euadat ab ipso partu.

Præmittamus igitur grauiditatis ἀγνοῶν & ἀπόγνωσιν: postmodum regimen grauidæ & curam eorum quæ sæpius ei superuenire solent affectuum, subnectamus. Idque ex Hippocratis præcipuè doctrinâ, qui hac in parte posteris admodum clare præluxisse videtur. Cum igitur grauiditas nihil aliud sit quam fœtus in vtero productio ex seminis virilis & fœminei mutuo concursu, in eo debite retenti & amicâ illius proprietate adiuti, sanguinisque materni benigno affluxu nutriti: Ideo

vt cognoscamus eiusmodi affectum contigisse, oportet omnes causas diligenter perlustrare, quæ ad illum producendum concurrere solent, & ea omnia quæ ad illum consequuntur. Vnde apud Hippocratem, si genitura maris per septem dies in utero retineatur, signum est conceptus: quia intra illud temporis spatium solent omnia delineari, veluti stamina & rudimenta quæ ad hominem effingendum sunt necessaria, quæque deinceps ad quadragesimum circiter diem perficiuntur, ubi omnibus numeris completus habetur: sic enim Theologi & Iurisperiti ante illum terminum non putant committi homicidium, si foemina ex ictu abortiat; quia tunc credunt partes omnes perfectas informari animâ illâ humanâ cœlitus delibatâ: cum antea sint potius *inchoatæ* seu genituræ effluxus. Semen autem esse attractum & retentum mas ipse agnoscit aliquando, si virgam in illo coitu perciperit fuisse quasi emulsam vehementius & retractam, sine humectatione locorum muliebrium. Foemina autem si tota concussa fuerit ex voluptatis maioris sensu & contractione uteri sese colligentis circa fundum, vt amplexetur semen prolificum, & generationi deinceps incumbat. Vbi autem illud contingit, oportet etiam os illud interius accuratè claudi, ne quicquam elabatur, quod tum mulier ipsa percipit, tum ipsa obstetrix perita immisso digito; ita enim ex sententia Hippocratis conuenit illud orificium, vt ne specilli quidem mucronem admittat. Sentitur autem illa clausura sine duritie, renitentia, aut dolore, vt in affectibus morbosus; sed cum mollitie tractabili ex simplici corrugatione partis illius, vt patet in sphinctere ani. Ad istiusmodi etiam clausuram sequitur retentio menstruum, quia sanguis tunc per interiora matricis effundi nec potest, nec debet: Vnde ex Hippocrate *Aphorism. 61. sect. 5. Mulieri si purgationes cessauerint, neque febre, neque rigore superueniente, cibi autem fastidia superueniant, indica illam in utero habere.* Non potest igitur hic sanguis effundi, cum cotyledones seu oscula venarum sint coniuncta cum foetu: nec debet etiam, quia effusus corrumperetur ibi, vel erumpens foetum & foetam debilitaret cum periculo abortus. Quapropter ubi menses in grauidis fluunt, vt aliquando contingit, vel purgamenta quædam albicantia & alieno colore prædita in plethoricis aut cacochymicis foeminis, tunc natura molitur alias vias, per illa scilicet vasa quæ in uteri ceruice posita sunt, hos humores excludit. Retentis itaque menstruis per aliquod tempus, quia ex eorum inquinamento quodam & superfluitatibus inficiuntur partes, exoritur per intervalla horror, fastidium, pica, & nausea, atque etiam vomitus frequens in multis, donec grandior foetus circa tertium vel quartum mensem absumpserit maiorem partem istorum superfluum excrementorum: vel hæc seposita fuerint versus venas illas hypogastricas & venam cauam descendentem, in quibus lochia asseruari solent ad diem vsque partus. Quod tamen vsquequaque verum non est, cum aliquando accadat, vt mulieres quædam grauiditatis tempore melius se habeant, quam extra illam. Iam grandiore igitur foetu accrescit ventris ipsius moles, non vt in hydropse diffusa, sed collecta & quasi acuminata versus ventriculum, ipse foetus agitari incipit leuiter, non motu palpitante, vt aliquando contingit in molâ, quæ ponderosior existit; sed conuersuo in omnem positum, præcipuè ubi maiores vires sibi compararit: mammae augentur, papillarum color immutatur in rubedinem aut nigredinem quandam ob affluxum humorum, tandemque lac aduentante copiâ menstrui sanguinis versus superiora, colligitur in illis.

Præter ista signa quæ videntur pathognomonica grauiditatis, solent etiam auctores nostri, alia ex Hippocratis sententiâ addere, quæ sunt minus firma, & ab extrinsecis adiunctisque rebus petita: vtpote voluptatis venereæ minor appetentia ob satiaturum uterum, quando oculi repente distracti, profundi, & cauiore existunt, eorumque candidum liuidius; maculae in vultu apparent veluti solares, seu radianti nigredine conspurcatae, totusque color hebescit primis quadraginta diebus, dum foetus perficitur, donec recurat sanguis versus superiora, & faciem denuò perfundat. Pulsus in principio grauiditatis profundior & minutulus, qui succedente tempore ob eandem causam attollitur & augetur, valdeque conspicuus existit in arteriis circa ceruicem positis. Vrina, ex Auicennæ placito, primis quatuor mensibus cruda, aquosa vel decolorata profunditur: sequentibus vero spissa, colorata & quasi ignita. Practici superioris æui, quibus cura fuit ex vrinarum contemplatione omnia augurari, imprægnationem statim deprehendunt ex vrinâ albicante, in cuius medio apparet nubecula subalbida,

vel

vel ei inspersa sunt velut fragmenta & flosculi bombacis, vel lanæ recens carptæ. Alij dicunt in summo vrinæ apparere circulum versicolore inftar iridis. Et nostri rustici adhuc ista *σπομαρτία* valde delectari solent. Qua autem ratione fulciatur istud signum, difficile est assignare. Si tamen aliquid in re incertâ sit statuendum, ex diuersa corporis & humorum œconomia, quæ grauiditatis tempore potest contingere: existimamus crudam & albicantem in principio grauiditatis vrinam profundi: quoniam tunc redundat & quasi refluit multa excrementorum copia ex vtero, à quibus calor natius debilitatur, & vrinæ color remittitur: postea verò rufescit & inflammatur, quia ista excrementa paulatim putredinem quamdam concipiunt, & sanguinis serum illis commiscetur: vnde circulus ille versicolor in superficie potest apparere. Cur autem eiusmodi contenta bombacina in vrinæ medio apparere soleant, sit fortasse quod calor in eiusmodi excrementa agens ea attenuat quantum potest & digerit: sed non perfectè: vnde contingit, vt non crassa & puri similia sedimenta cernantur, quemadmodum in febricitantibus, dum hypostasis coctionem perfectam adepta est. Sed hæc cum multis affectibus possunt esse communia: atque ideo non est quod illis diutius immoremur.

Vbi signa ista sunt valde dubia ad asserendam grauiditatem, confugit aliquando Hippocrates ad quædam experimenta, quæ non possunt etiam esse omnino certa, nisi multis adhibitis cautionibus: vt *Aphorism. quadragesimo primo sectionis quinta*, exhibet mulieri dormituræ hydromelitis aliquam quantitatem, vt § iv. vel vj. nam si post potum sentiat tormina & dolores circa vmbilicum, illam existimat esse grauidam; sin minus, non esse. Multa alia habentur *libro de sterilibus*, sed quæ difficultates maximas patiuntur, vt consideranti patet. Mira etiam est Fernelij hac in re experientia, qui vult æqualem vini albi partem cum vrinâ mulieris misceri; etenim si hæc mixtura similis sit iusculo fabarum, tunc censet illam esse grauidam, aliàs non. Vel vrinam mulieris asseruari per triduum in vasculo bene obturato extra solis radios, deinde percolari per linteolum rarum: in quo si animalcula instar pediculorum appareant, signum esse vult grauiditatis.

Idem dicas de signis illis, quibus ipsemet Hippocrates censet marem à foeminâ in vtero distingui. Etenim si marem gerat, inquit *Aphor. 42. sect. 5.* mulier coloratior est, si foeminam decolor: & *Aphorif. 48. sectionis 5.* mares dextrâ vteri parte, sinistrâ foeminæ magis gestantur. Vnde exurgens dextræ manui potius incumbit, pedem dextrum deambulatura primum promouet, oculum habet dextrum limpidiorem & vegetiorem, si marem gerat: lac crassius & magis compactum ex dextro vbere præcipuè effluens, & similia. Alacrior est, citius motum embryonis in vtero sentiscit, nec tot fatigatur symptomatis ac si foeminam gesseret, quæ omnia vt plurimum vera, si non semper, reperiuntur. Mulierculæ nostræ pro certo habent marem esse quando stillæ sanguinis viuidi & bene rubentis frequenter ex nare potissimum dextrâ effluunt. Verum de hisce prudenter respondere debemus, omnibus rite pensatis, & ex collatione cum aliis, proprioque grauidæ temperamento, quia facile est in hisce decipi propter varias causas à quibus istiusmodi effectus pendere possunt.

Sed multo maior sollicitudo esse debet Medico, qui magnatum & principum foeminarum regimini incumbit, vt possit præsagire de euentu prospero aut infausito grauiditatis: & occurrere maturè omnibus causis & dispositionibus, quæ prægnantibus aliquod incommodum aut periculum minitantur. Ad prognosim itaque facit *Aphor. ille 52. sect. 5.* Mulieri vtero gerenti, inquit, si lac multum è mammis effluat, foetum imbecillem significat. Si vero mamma solida fuerint, foetum significant saniores, quem confirmavit 2. epid. item *Aphorif. 34. & 37. eiusdem sectionis*, vbi alui profluuium & mammarum gracilitatem grauidis periculosa esse censet, & 60. eius quoque sectionis, quæ ita se habet. Si prægnanti menstrua purgationes solito more profluant, impossibile est foetum bene valere, & similia, quæ nos capite de abortu rursus plenius persequemur, ibique ostendemus, quomodo demortuam in vtero sobolem agnoscere possimus. Hoc autem certissimum est quibusdam foeminis grauiditatem esse salutiferam, easque à magnis morbis liberare: siue quod satiatus vterus nullos amplius suscitât in corpore tumultus, seu quia per vomitus excluduntur, aut in foetus alimoniam absorbuntur, & à partibus affectis reuelluntur pleraque excrementa & superfluitates corporis. In aliis vero esse infausitam & morbidam, vt quæ in maniam, epilepsiam & similes morbos solo imprægnationis

tempore incidant : vel eò quòd recrudescant alij morbi , quibus aliquando obnoxia fuerant. Multas vidimus tunc arthriticas , nephriticas , &c. idque propter retentam menstruam purgationem , neque aliunde vacuatam , sed in partes istas debiliores irrumpentem. Pertinet etiam ad prognosim istam , vt possimus scire futuras grauiditates in ea quæ peperit. Inspicienda autem iubent vasa vmbilicalia nuper nati infantis , ex Auicenna : quot enim rugæ seu nodi in ea fuerint , tot iterum foetus mulier concipiet : & si nulla , nullum. Quod si rugarum vna ab aliâ multum fuerit distans , inter illos foetus nascituros , longa erit temporis intercapedo : si vicinæ sint , cito vtero geret. Rugæ item nigræ aut rubræ masculos , albæ foeminas arguunt. Nostrates foeminæ lunæ diem considerant ex illo disticho :

*Si lunâ crescente parit , partus maris alter,
Eius decursu virginis ortus erit.*

Atque hæc sunt , quæ de prognosi circa mulieres grauidas instituendâ , dicenda habebamus : nunc sermonem nostrum ad alia non minoris momenti transferamus.

Ad mulierum igitur grauidarum regimen accedimus : cuius tres erunt partes. Prima quidem versabitur circa statum grauidarum naturalem & consuetum , vt scilicet rectâ victus ratione præseruentur ab omni incommodo. Secunda docebit quomodo evitare possint , aut certe lenire accidentia illa vulgaria quæ ratione grauiditatis accidere solent. Tertia verò pars spectabit statum earum generaliter morbo aliquo graui siue acuto seu chronico affectarum , vt sciamus quâ methodo in eiusmodi affectibus præter naturam , quando superuenerint , sint tractandæ.

Quod ad primam itaque partem ; Cum constet foetus in vtero contentum eadem materiâ alibili nutriri per vasa vmbilicalia , quâ & matrem ; ideo in victu illis præscribendo magna est adhibenda cautio , quia vno eodemque tempore duobus est prospiciendum , & vnicus error duplicem noxam statim inferre potest. Alimenta igitur , quæ in dietâ istâ principatum obtinere videntur ratione substantiæ , qualitatis , quantitatis , & ordinis , optime sunt disponenda : vtpote ratione substantiæ euchyma sint & eupepta , bonum & laudabilem succum vtrique præstent , facileque in ventriculo fastidiosæ ob grauiditatem multis & neauseabundæ conficiantur. Ratione qualitatis ea omnia eligantur , quæ temperatiore sunt succo prædita , aut saltem ea quæ obistere possint dominanti in grauidâ intemperiei : vnde in calidiore foeminâ modice refrigerantia , in humidiores exsiccantia præscribantur , & sic de reliquis. Generaliter tamen vitare debent grauidæ omnia aromatica & aperientia calidiora , acrida , piperata , amara , vt allia , cepas , oliuas , cappares , feniculum marinum , crocum , cinamomum , vinum album & similia , ne ex eis aperiantur oscula venarum & menses concitentur , vel vrinæ promoucantur , aut diarrhoea , quæ omnia sunt in prægnante periculosa. Quamuis enim libera debeat esse in illis aluus sponte aut vsu alimentorum emollientium , vt prunorum in principio prandij sumptorum , iusculorum cum maluâ & borragine paratorum , & similibus : non tamen profusa , ne exhauriantur vires & foetui alimentum præripiatur. Flatuosa etiam omnia vitare debent , vt poma , olera cruda , legumina , tubera , castaneas , napos , rapas , fructus horæos , & huiusmodi copiosius sumpta : ne ex illis aut tormina , quando colico affectui sunt obnoxia , aut saltem inflatio , & distensio suscitentur. Inter alia quoque à falsis abstinere debent : quæ enim illis copiose vescuntur , vt annotauit Aristoteles 7. *de historia animal. capite quarto* , foetus imbecilles & sine vnguibus producunt , quia salis vi attenuante dissoluitur quidquid solidum & viscidum est in corpore eiusmodi infantistello. Idem dicas de quadragesimali victu , grauidis admodum noxio. In fine partus conducunt roborantia , & adstringentia dragemata , aut conditura , vel pyra & cydonia mala. Nostrates mulierculæ circa nonum mensem solent solidiore cibo nutrire prægnantes , pane syncomisto , vel fursuraceo , carnibus quibusque & piscibus promiscuè , vt robustior fiat infans , & viâ incipiant aperiri , quod in alacrioribus foeminis & quæ exercentur non est repudiandum. Quemadmodum quantitas alimentorum in primis mensibus minor esse debet : in vltimis copiosior , vt instante partu & iam grandiore foetu , vires vndique reparentur : ita tamen vt melius sit perpetuò grauidas in copiosiore quam parciore victu errare , ob alimoniam foetus & vtriusque robur. In alimentorum verò ordine , præmittenda semper

quæ

quæ facilioris sunt concoctionis, aut citius secedunt, ut postmodum roborantia orificium ventriculi & adstringentia assumantur. Potus tamen sit exiguus & ex minoribus poculis, accuratè cum cibo permixtus, ne fluctuationes & borborygmos in ventre pariat, vel diarrhœas concitet, vel multam aquæ copiam generet. Vinum rubrum & generosum conueniet modicè temperatum. Hydropotæ vero, & imprimis quæ ventriculum habent imbecilliorē, bibant aquam ex decocto coriandri. In delicatulis tamen primiparis & morosis multa concedi possunt ad sustentandum earum corpus, & ne macilentæ admodum euadant. Quod in illis reformidat Hippocrates *Aphorismo 44. sectionis quinta*, ut in affectu picacæo rursus dicemus.

Quod ad reliqua, habenda etiam est ratio aëris quo vititur prægnans, ut quantum fieri poterit ab omni excessu recedat, ut neque se frigori committat vehementiori; nec caloribus exæstuet; nam utrumque valde periculosum; illud violenter constringendo, hoc vero inflammando sanguinem & putrefaciendo. Quæcunque causarum sunt mulieres, & alicui morbo obnoxie, varias aëris inclementias cauere, & peculiariter Autumnii tempore curare debent diligenter, valetudinem dum sunt prægnantes; ne ob aëris inæqualitatem, pessimè afficiantur. Sub aëris censum referri etiam possunt colores seu picturæ, odores, soni, & strepitus. Nam omnia horrenda & extranea sunt diligenter à conspectu gravidarum remouenda, tum quod subitum terrorem incutere possunt: tum etiam quod species illæ vehementer imaginationi impressæ maximam foetui noxam inferre solent: sic fœdi halitus, ut cloacarum recenter apertarum, rerum venenatarum aut virulentiam redolentium, extinctæ lucernæ, & similium sæpe illis magnum periculum creant. Imo in quibusdam suaueolentia sunt vitanda, propter motum matricis & eius suffocationem, quando illi sunt obnoxie: strepitus tympanorum, bombardarum, tonitruum & tubarum subiti clangores, propter animi consternationem quam inducere valent, & vehementem aëris motum quem inferunt, idem præstare possunt: quare ab illis omnibus præseruentur, quantum fieri poterit. Caueant etiam ab omni lotionē & balneo, nisi forte circa vltimum gestationis mensem, quando iam dilatandæ videntur partes, & vincula patularim relaxanda in siccioribus & durioribus mulierculis. Circa exercitationem corporis ea lex obseruetur, ut nihil violentum, nihil laboriosum aggrediantur: Saltationes illas & choreas diligenter vitent, nec quicquam grauius attollere vel agitare conentur: neque rhedâ aut equo vehantur rudiorē, vel aliquid tale præstent, quod concutere possit vehementer corpus aut comprimere: unde etiam in vestitu ea ratio tenenda, ut nihil gerant à quo coarctari, vel molestiam suscipere possint, sed dissolutis & laxis vtantur indumentis, quæ etiam foetui liberum incrementum, & domicilium permittant: multas enim nouimus elegantiori corporis cultui studentes, quæ noxam & mutilationes foetibus suis ex nimia vestium compressionē attulerunt. Possunt tamen lentis & iucundis deambulationibus oblectari, potissimum à secundo mense, vsque ad finem sexti: deinde aduentante septimo, & octauo magis quiescere, quia in illis solet natura sæpe parturitiones infaustas moliri, si quid extrinsecus accidat. Circa finem & medium non iuuat exerceri alacrius, ut calor natiuus suscitetur, foetus pondere suo ageretur ad inferiora deuoluatur, & partes quodammodo relaxentur. Idem dicas de coitu in gravidis, quæ primis mensibus ab illo debent abstinere, non tantum metu superfœtationis, ut suo loco dicemus; sed etiam ne tenellus ille fructus excutiat, & nouâ eiusmodi agitatione aut matricis nimia oblectatione, & apertione: circa medios menses moderatè exerceatur: sub vltimum verò potest esse utilis ad irrigandas, & dilatandas partes istas vterinas, dummodo nulla fiat ventris muliebris compressio, aut nimia concussio.

Indulgeant magis somno quam vigiliis: quia facit ad concoctiones & retentiones iuuandas. Sit summa animi tranquillitas, & temperantia; nullum enim animi pathema in illis innoxium: nam & à vehemēti repentinoque gaudio, immoderato risu, oblectatione & amore multas male affectas fuisse certum est: multo magis ab iracundiâ grauiori, terrore subito, mœstitiâ diuturniore, zelotypia, & similibus. Inter alia mirè torquentur istæ prægnantes immoderatâ concupiscentiâ rerum conspectarum vel auditarum, quibus si potiri non possint, sæpe abortus incurrunt, vel turpissimas foetibus suis notas inurant, ut quotidiana docet experientia. Imo tantam esse huius appetentiæ vim consent hodie multi, ut si

quid

quid expetitur illis denegetur, in illius corpus, qui recusarit agere possit, in faciem potissimum, vel palpebras oculorum maculam instar hordeoli excitare. Solent peritiores mulierculæ, ubi ex improviso tali torquentur appetitu, statim natibus vel tibiis manum admouere: quia putant eidem parti foetus, quam primum in se contigerit grauida, illam notam imprimi. Quamuis enim tanta imaginationi vis non sit tribuenda, ut in quacunque corpora distantia agere valeat, aut in omnem materiam suum exercere imperium, ut putauit Auicennas; attamen nemo rerum naturalium diligens speculator, aut peritus Medicus inficiari illius potentiam audeat in proprium & continuatum corpus ad curandos morbos, agitando humores, & conturbando spiritus. Ac proinde cum foetus sit velut quid continuum cum parentis corpore, illius spiritus & sanguinem continuo recipiens; quidni similiter istas impressiones suscipiet, & conceptas species, potissimum primis mensibus, quando adhuc mollior, & veluti cereus in quamcumque effigiem facile transformari potest? quæ apparebit deinceps edito foetu, si contigerit eiusmodi characterem spiritui & sanguini impressum ad exteriores corporis partes, & superficiem deferri: hoc autem fit vi expultricis facultatis quando robusta est, ut expellat ad superficiem humores hanc notam inferentes. Debet igitur sedula circa prægnantes istas foeminas cura adhiberi, ne circum loca illa ducantur, ubi praua eiusmodi edulia habentur, ut hortos & pomaria, in quibus virentes adhuc & immaturi fructus existunt: aut etiam ne quid obiciatur aut commemoretur coram illis, cuius usu lædi possint, aut quo non liceat potiri, si libuerit, propter dicta pericula. Atque hæc de diætâ.

His ita constitutis veniamus nunc ad illa accidentia, quæ gravidis secundum naturalem cursum, ut vocant, superuenire solent, habitâ ratione ordinis mensium grauiditatis, quo illa frequentius apparent: utpote primis mensibus ventriculi imbecillitates, ructus, singultus, nausæ, vomitus, cibi fastidia, deprauati & picacei appetitus, ventris tormina & fluxus, capitis grauitates & vertigines. In mediis palpitationes cordis, dolores lumborum, tussis, sanguinis profusio, mammarum inflationes, & gracilitates. In ultimis fissuræ cutis in ventre, tumores pedum œdematosi, vrinæ & alui suppressio. De quibus pauca tantum & ad usum præcticum magis facientia respectu prægnantium dicturi sumus.

Quod igitur spectat ad istos ventriculi affectus, imbecillitates, ructus, singultus, nausæ, vomitus, cibi fastidia, deprauatos & picaceos appetitus, quibus grauidæ primis præsertim mensibus torquentur: certum est illos exoriri in cacochymis potissimum mulierculis ob retenta menstrua, cum quibus eiusmodi impuritates & fœdi humores repurgabantur. Illi enim deinceps coerciti, & quasi restagnantes in abdomine, vel in ipsum ventriculum influentes, modò orificio & parietibus illius infixi adhærent, modò in cauitate fluctuant, & varia ista symptomata inducunt. Ac proinde si vomitus sit facilis & accommodatus, melius se habere solent, & breui post vnum aut alterum mensem ab hisce incommodis liberantur. Si verò sit laboriosus & superfluous, ut quando cibos assumptos statim eiiciunt, non parum periculi minatur: reliquaque omnia ingrauescunt. Ideo in caco stomachis istis gravidis debet Medicus eo artificio regere istos vomitus, ut aliquando totum negotium naturæ committat, si illa commodè agere videatur: sin minus, laboriosum & exiguum vomitum iuuare assumpto decocto hordei & seminis raphani cum paucis syrupo granatorum, vel oxymelite, ut proritetur commodius: vel si vomitio sit suspecta, instituat deiectio ex syrupo rosato solut. infuso aut substantiâ rhabarbari, decocto myrobal. & senæ orient. pro naturâ & specie dominantis cacochymie: ista enim non solum prægnanti, ut ab hisce molestiis liberetur, sed etiam foetui proficua existunt, ne primis mensibus inficiatur malignitate istorum excrementorum: vnde non oportet ita meticulosos esse Medicos in repurgandis hisce prægnantibus hoc catharticorum roborantium, exsiccantium, & adstringentium genere, cum multo plus mali impendeat ex continuis illis vomitionibus, singultibus, nausæis, & ructibus, ut facile est vnicuique intelligere. Quæcumque enim continuâ hac affectuum ventriculi syndrome affliguntur, omne remediorum genus respicientes, vix salutiferi partus attingunt portum, aut foetus edunt macilentos, morbosos, & parum vitales. Ideo purgandæ per *Prinex* frequenter: deinde roborandus ventriculus tam sumptis quam admotis: quorum classes ex propriis tractatibus repetendæ. Vbi superfluit vomitus & alimentum eiicitur, cohibendus adstringentibus externis & internis: imo etiam frequenter admouenda vmbilico

bilico cucurbitula post pastum, ibique relinquenda, donec concoctionis rudimentum factum fuerit: quod etiam valde iuuat singultum & rictum à flatu excitatum. In eiusmodi imbecillitatibus omnibus mirè prodest frequens vsus pulueris digestiui à pastu, anisi & coriandri saccharo conditi, tabellarum aromatici rosati, corticis ciuri saccharo conditi & similia. Exteriorius verò emplastrum de crustâ panis cum aromatibus, vel pellis vulturina supra ventriculi regionem gestata.

Quod si propter *σπασμὸν* prægnans macie contabescat, irritandus erit appetitus ferculorum varietate & munditie, sumptis etiam frequenter ante coenam pilulis duabus vel tribus elephanginis aut stomachicis, quibus rhabarbarum sic additum, præcipuè si ob pituitæ copiam oriatur istud fastidium, syrupo de absinthio pontico circa horas matutinas. Si iuncta sit sitis, vtantur acetosis, vt succo arantium, granatorum, & similia, quibus æstuans ventriculus recreatur. Caueant tamen ab immenso aquæ frigidæ potu, quia obruit calorem natium in illis & seri copiam auget: vnde venter intumescit & grauatur, alui fluxus perniciosus aliquando excitatur. At in illis quæ appetunt quidem, sed non id quod oportet, & naturæ congruum existit, verum absurda, aliena, & nocua, vt in picaceo affectu, prospicere debet Medicus, vt in meliorem mentem reducantur blandis sermonibus & monitis, vt norint quæ mala ex vsu istarum rerum tam illis quam foetui impendeant. Quod si verbis ab intentâ cupiditate auocari nequeant, quaeritur vtrum eiusmodi expetita illis sint concedenda, vel deneganda prorsus? Diximus enim superius, eiusmodi rerum vehementer expetarum vestigia & notas foetibus sæpe imprimi, imo etiam ex humorum ac spirituum vehementi motu ob fortem istam imaginationem, abortum sæpe concitari. Vndique igitur periculum. Vel si pessima illa concedantur, carbones verbi gratia, gypsum, fructus immaturi & similia, non est dubium quin pessima, & quasi venenata cacochymia in illis procreetur, ex quâ infinitorum morborum soboles deinceps exoriri potest, foetæ & foetui perniciofa. In tam ancipiti ergo statu, rem ita temperare debemus, vt si omnino videatur propter animi impotentiam & cupiditatem abortum passura certissimum, aliquid istorum concedatur cum præfatione periculi, vt possit paulatim resipiscere, & ab illorum vsu abstinere. Sin vero non sit ita vehemens cupiditas, sed cui imperare possit, reuocetur omnino, & suâ sponte ab illis absurdis, vel etiam arte quadam iuuetur, vt si pro terrâ expetitâ parum amyli deuoret, pro carbone puluerem cicerum rubeorum aut fabarum tostatarum leuiter cum pauco saccharo, si oliuas muriâ conditas frequenter assumat inter comedendum, vuas passas, & mali punici acidodulcis grana post pastum. Quidam existimant polypodium exsiccatum & puluerisatum ad 3 j. mane cum vino rubro lymphato sumptum plurimum hic prodesse: atque etiam emplastris aut cataplasmatibus roborantibus admixtum. Vbi res magis vrget, deueniendum ad purgationes leuiore, sed frequentius repetitas, tam eis quæ deiectione, quam quæ vomitione id præstant: quia impossibile est tantum affectum solis alterantibus expugnare. Imo vbi inueterauit, vix ab eo liberantur, sed recidivas frequentissimas patiuntur.

Sequuntur ventris tormina, & alui fluxus, quibus non raro prægnantes primis potissimum mensibus corripiuntur. Fiunt autem quando supra dicti humores & flatus quasi per *παλινδρομήν* ex ventriculo in intestina & aluum inferiorem deferuntur. Cum itaque vterque affectus in prægnante valde sit periculosus, primum diæta erit instituenda conuenienter pro modo humoris peccantis, atque etiam roborans & adstringens. Deinde ad discutiendos eiusmodi flatus, quibus dilaniantur intestinorum tunicae, veniendum erit, antequam sanguis ex disruptis vteri vasis propter doloris acerbicatem, erumpat: tunc enim vix impediri potest abortus. Si quis enim tunc dissipandis flatibus incumbat, magis ac magis augebitur hæmorrhagia. Si verò adstringentibus eam compescere voluerit, accrescent tormina & cruciatus ventris. Admoueantur igitur loco dolenti sacculi ex carminantibus in sartagine frixis, vel cum vino rubro vetere decoctis, dummodo vitentur aperientia nimium & mollientia: deinde inungantur oleo laurino, & rutaceo cum vnguento resumptiuo simul mixtis, quibus puluis cumini, ireos Florent. & croci com-

modè addetur. Emplastra & cataplasmata non sunt illis tam accommodata, quia pondere suo grauare possunt foetum in vtero contentum. Ego sæpe foelici successu illis admoui frustum carnis (*carbonade*) carbonibus calfactæ & puluere cumini sinapifatæ: vel omentum arietis recenter mactati & adhuc calens, vel vino calente inspersum. Sumant per os parum pulueris ex cortice citri, vel piperis crassiusculè contusi, cum vino generoso, vel paucâ aquâ imperiali. In contumacissimis istis doloribus non est etiam illis denegandus vsus narcoticorum cum debitâ correctione per os & anum assumptorum, quibus comparatur naturæ iam prostratæ nouum robur per istas inducias. Vbi acrioris materię fluxus istos cruciatus parit, post leuem purgationem, profuit sæpe prægnantibus *γαλακτωδία*: quæ omnia sapienter sunt moderanda. Quod si alui fluxus illis coniunctus, vt dysentericus, vel solus, vt lientericus aut simplex diarrhoea prægnantem exerceat, maturè etiam cohibendus, antequam vires matris & foetus præreptâ alimoniam collabantur, aut vincula vteri relaxentur. Non sunt tamen includendi prauis humores subito, priusquam leui & roborante purgatione fuerint moderatè exclusi. Rhabarbarum itaque tam pulueratum quam infusum hinc præcipuè vsurpandum, myrobalanorum decoctum, & syrupus rosatus solutiuus. Post catharsin fumant puluerem corallorum, margaritarum, rasuræ eboris, & terræ sigillatæ cum aquâ plantaginis. Fiant fotus & linimenta consueta, quæ ad praxim ordinariam sunt releganda.

Sæuientibus hisce affectibus, vel sine illis, grauitates capitis, vertigo & cephalalgia sæpe grauidas hisce mensibus exercere solent, ob fumos & vapores ex inferiori istâ sentinâ ad cerebrum eleuatos, in quibus nihil aliud habemus annorandum, nisi quod ista pathemata sunt lenienda paregoricis tantum quibusdam & repellentibus capiti & fronti admotis, si admodum sint molesta, quia vt plurimum sua sponte post aliquot menses, iam grandescente foetu desinunt: quemadmodum dolores dentium, vel aurium, qui multis hoc tempore exoriri solent.

Circa medios verò menses dicebamus, vt plurimum apparere in grauidis infirmioribus palpitaciones cordis, lumborum dolores, tussis, sanguinis profusiones ex vtero vel aliis partibus, mammarum inflationes vel extenuationes nimias. Quod igitur spectat ad cordis palpitationem & saltum, qui contingit in illis aliquando ob nimiam sanguinis copiam refluentis ad superiores partes & facultatem vitalem opprimentis: aliàs ob flatus & vapores eleuatos, & conclusos in istis sinubus cordis: non est dubium quin in priore casu, si insignis sit plethora sanguinea, exercenda sit venæ sectio ex superioribus partibus moderata & partita, vt multitudo depleatur, & tota humorum massa conuententer euentiletur: multas enim nouimus, quæ perpetuo grauiditatis tempore, istis palpitationibus, lipothymiis & asphyxiâ diuexantur, cum summo abortiendi discrimine, donec sanguinis copia per venæ sectionem ex brachio fuerit imminuta, & ex vteri vasis, vbi distentionem pariebat, reuulsa. In secundo autem casu, quando palpitatio ista ex flatu & vapore exoritur, epithemata tam liquida quam solida roborantia & leuiter discutientia imperanda, cum cardiacis frequenter per os assumptis, inter quæ confectio alkermes principatum obtinet: quamuis illius vsum quidam imperitè in grauidis reformident, tanquam partum accelerantis: etenim si confectio ista partum instantem iuuat, vires refocillando, aut propter exiguam licet moschi quantitatem, quæ illius compositionem ingreditur, spiritus exilarando: multò magis potest in mediis mensibus, dum nulla est suspicio pariendi, calorem natium fouendo, & viscera nobiliora recreando, hisce symptomatis mederi.

Lumborum autem & coxendicum dolores, quibus sæpe affliguntur prægnantes ob grandescentem iam foetum, vt fere sciaticum dolorem repræsentent, sedabuntur quiete potissimum & somno, aut inunctione prædictarum partium ex oleo lumbricorum & myrtino. Si onus ventris videatur grandius, quàm vt commode sustineri possit ab vtero & ligamentis, comparanda sunt subligacula & pelles cum vinculis, quibus collo appensis abdomen fulciatur, & iuuetur in gestandâ hac sarcinâ.

Tussis verò in grauidis catarrhosis & capite aut pulmonibus imbecillioribus, valde reformidanda: tū etiam quia cōcutit vehementer musculos epigastrij, vnde periculū excutiendi

excutiendi immaturè fœtus : omni operâ & sedulitate cohibenda , iuxta solitam in aliis methodum , præcipuè si à falsis & acris humoribus pendeat : in quorum temperatione victus ratio ex lenientibus & incrassantibus multum proderit , hordeatis , amygdalatis , panatellis , & similibus. Imo si vigilæ ob prædictam tussim infestent diutius , poterit Medicus horâ somni pilulas de cynoglossâ , diacodion , vel cochlearia duo syrupi de papauere & de rosis siccis exhibere. Demum reuellentia , cucurbitulas , frictiones , & epispastica adhibere , quæ impetum fluxionis in contrariam partem deducant , si affectus magnitudo id postulare videatur.

Est aliud symptoma in prægnantibus infestissimum & valde formidandum , ex Hippocr. *Aphor. 60. sect. 5.* nempe sanguinis profusio ex vtero, naribus, hæmorrhoidibus , & aliis partibus. Quod aliquando sequitur humoris sanguinei multitudinem, alias prauitatem & mixtionem acriorum succorum , vnde varij colores in excretâ materiâ apparent. In primo casu si sanguis fluat moderatè per venas colli matricis, non est valde metuendum in plethoricis fœminis , in quibus imminuitur copia redundantis humoris per hæmorrhagiam. Sin verò fluat per interiores venas matricis, siue per ruptionem earum quæ adhærent embryoni , siue per anastomosin earum quæ illi non adhærent, perpetuò periculum est abortus, seu propter nimiam hæmorrhagiam & vteri hiatus : seu propter sanguinis retentionem in cavitare vteri , ubi grumescens vel putrescens infinita mala inferre solet. In secundo casu, si profluat ex vtero sanguis vel ichor virulentus, saniosus, nigricans, aut pallido colore suffusus, & tetro odore præditus , vt signum & vt causa pessimis grauidæ rebus profluere solet, quia designat dominatum malignæ cacochymix , & quia pessimis suis qualitatibus potest vterum & fœtum in varios affectus præcipitare. Minus malum est, si sanguis per nares, aut hæmorrhoidas feratur , illique multò facilius est mederi. Illud autem præstandum ex communi methodo, ita tamen vt omnia prudenter administrentur, purgantia , adstringentia , vel repellentia , venæ sectio non nisi coactè adhibeatur : ubi alia nihil profuerint , vt ligaturæ , frictiones , & cucurbitulæ variis corporis partibus admotæ. In hæmorrhoidum fluxu temperandus imprimis dolor, ne maiorem materiæ copiam accersat versus vteri vasa proximiora, aut inflammationem inducat.

Superest mammarum inflatio vel extenuatio nimia in grauidis , quæ peculiarem aliquando curam exigunt , vt est *Aphor. 37. sect. 5. & 33. sect. eiusdem.* Quæcunque enim mulieres delicatiores aut morbosiores non possunt dare operam alendis suis fœtibus , sed eos nutricibus committunt , sæpissime istas noxas incurrunt , ex importuno vsu remediorum repellentium & adstringentium mammis adhibitorum imprægnationis tempore , ne lac circa quartum aut quintum mensem in illas influat. Solent enim laminas chalybis inter mammas gestare , frustula suberis utrique axillæ imponere , vel vnguento rosaceo frequenter inungere , fomenta ex aquis vel decocto , aut succis myrti , rosarum , balaustiorum , hederæ terrestris , cupularum glandium , ipsius cicuræ , foliorum menthæ siccorum cum pauco aceto adhibere : vel cataplasma ex farinâ fabarum in aceto coctarū & similia. Ex quibus contingit aliquando, vt earum mammæ in deformem gracilitatem & asperitatem extenuentur : alias vt in polyhaimis & succi plenis fœminis materia lacteis, facto impetu & contra nitens aduersus ista remedia, copiosius influit, & vbera ita resiccata & quasi constipata istorum *Σταχυοειδῶν* vsu , non sine dolore distendit. Vnde coguntur lenientibus , relaxantibus , & emollientibus fortibus , & cataplasmatibus deinceps mammas ita affectas recreare , emunctoriis cucurbitulas admouere , vt, reuellant fluxum humoris , vel tandem ex ipsis vberibus lac, antequam grumescat vel putrescat, exugere : ne in saniosam materiam degeneret. Sed de his fusè tertio libro acturi sumus Deo volente.

Nunc accedamus ad reliqua symptomata, quæ vltimis grauiditatis mensibus potissimum apparere dicebamus : inter quæ primò occurrunt fissuræ & rugæ , quibus venter illarum iam grandescente fœtu solet exerceri , in primiparis præcipuè , quæ nondum istis distentionibus sunt assuetæ. Quibus est occurrendum antequam fiant , & factis medendum : ne dolorem & deformitatem etiam post partum relinquunt. Impediemus ne fiant , si ventris cutem circa quartum mensem laxantibus quibusdam , vt axungiiis , pomatis , vel oleis molliorem reddiderimus , inter quæ commendant pinguedinem & medullam ex pedibus arietinis ad putrilaginem decoctis extractam , sæpiusque aquâ rosaceâ

ablutam : vel pellem canis præparatam & oleo amygdalarum dulcium imbutam, quam toti abdomini imponunt, vbi opus fuerit : remouet enim omnem duritiem & cutis asperitatem. Quod si iam factæ sint eiusmodi fissuræ & exulcerationes, leuiter detergentibus & exsiccantibus percurandæ, vt vnguento citrino & rosaceo simul mixtis, vnguento de cerusâ vel santalino : vbi verò rugæ & asperitates post illarum curationem infestant, redeundum ad emollientia iam dicta, vel etiam foras eadem vi præditos.

Succedunt tumores pedum œdematosi : aliquando varicosi, quibus valde conflantur prægnantes, delabentibus humoribus superfluis in partes illas decliues, & longius à caloris fonte remotas. Quod ad varicosas igitur illas venarum distentiones in abdomine, coxis, & cruribus grauidarum frequentissimas, quia post editum partum disparere solent sua sponte, solemus eiusmodi mulierculis quietem tantum consulere & eleuationem crurum in sedili aut in lecto, ne humor tam facile possit ad inferiora deuolui : vel in eis quæ coguntur operibus ordinariis incumbere, fasciationes crurum leues, quæ ab imâ parte pedum incipiendæ ad supremam versus genu desinant : sic enim facilius ferent illam molestiam. In tumoribus verò œdematosi, si ingens sit moles serosi humoris vel flatus, quæ impediatur progressum, necnon dolorem quemdam ex distentione pariat, vt sæpe contingit, resoluenda erit ista materia discutientibus quibusdam & roborantibus partem : quale est sequens lixiuium & cataplasma.

℥ Lixiuij sarmentorum & vini albi, ana ℥.iij. In quibus bulliant cortices citri ficci, limatura cornu cerui, folia pulegij, origani, & calament. cum paucò sale & sulphure. Lauentur & foueantur crura in ingressu lecti per dimidiæ horæ spatium, deinde exsiccentur diligenter, vel fasciis hoc liquore imbutis vinciuntur prædicta crura, & finantur donec refrixerint : deinde illis ablatis illinantur sequenti vnguento.

℥ Vnguenti de artanita ℥.iv. sulphuris viui 3. iij. baccar. lauri pulu. & aluminis, ana 3. j. aceri parum. Vel fiat sequens cataplasma.

℥ Farinæ fabarum & orobi, ana q.s. Coquantur cum succo caulium rubeorum & paucò aceto, fiat instar cataplasmati, quod admoueatur calidè prædictis partibus, addendo etiam parum sulphuris, si res illud exposcere videatur. Cauendum enim à repellentibus vehementioribus metu recursus materiæ ad superiora, ex quo infiniti affectus exoriri solent, vt annotauit Hippocrates 7. epid. text. 7. in historia sororis Harpalida.

Denique solent vexari prægnantes circa vltimos hosce menses frequenter alui suppressione & vrinæ, ob compressionem recti intestini & vesicæ à grandiore fœtu. In suppressâ vrinâ, quia pondus deuoluitur circa collum vesicæ, dum stat erecta, debet mictura iacere, & perinæum fouere sacculo quodam, radice apij & petroselini referto, vel semine lini, quod in lacte vel vino albo leuiter incoxit. At si molestior sit illa retentio, quæ periculum minetur, debet catheterem admittere operâ experti Chirurghi, vt detumescat nimium distenta vesicâ. In duritie autem alui prospiciendum, ne propter egerendi conatum aliquid mali inferatur matri vel fœtui, ideoque mollienda eiusmodi excrementa scybala alimentis liquidis, vt dicebamus, nempe iusculis cum butyro, malua & borragine paratis, prunis dulcibus & saccharatis primâ mensâ sumptis, aliquando leuiter detergentibus, vt pane furfuraceo, initio prandij cum iusculo sumpto, aut decocto hordei cum paucò melle rosaceo ad tria vel quatuor cochlearia. Imo si respuat ista per os assumpta, non est tantopere reformidandus, vt solent aliqui, glandium vsus ex vitello oui cum paucò sale, aut clysterum mollientium & leuiter detergentium paucâ quantitate iniectionum, ex iusculis capitis veruecis, vel alio communi, aut malua & seminis lini decocto, cum paucò melle rosaceo, & oleo liliorum : nam maius est multò periculum ex compressione illa alui ab excrementis induratis, quàm ab emolliutione, quam eiusmodi iniectiones adferre possunt. Atque hæc sunt præcipua, quibus Medicus iuuare potest prudenter prægnantes variis accidentibus affectas, ex communi & ordinariâ grauiditatis constitutione, vt supra dicebamus. Nunc videamus, quomodo sese gerere debeat, quoties grauidæ extra naturalem cursum, vt vocant, incidunt in morbos grauiore, tam chronicos, vt hydropem, maniam, paralytim, luem veneream & similes ; quam acutos, vt febrem continuam, pleuritidem, anginam & similes.

Sed antequam rem aggrediamur, scire oportet nos hic de morborum acutorum

rum & chronicorum qui prægnantibus accidere possunt, integrâ & peculiari curâ non agere: quoniam in immensum excresceret ista tractatio, & frustra hic illa essent repetenda, quæ suis locis explicantur: sed tantum inuestigare, quomodo differat usus magnorum remedium diæteticorum, chirurgicorum, & pharmaceuticorum, præcipuè purgationis & venæ sectionis in prægnantibus, quando proponuntur nobis morbis illis detentæ, qui ista auxilia exposcere suo iure & naturâ videntur.

Primò quod ad Hippocratem & Galenum spectat, quorum loca hæc in parte diligenter expendenda, quoniam si quid in hisce curationibus grauidarum actum fuerit, quod eorum sententiæ repugnet, statim & quasi meritò Medicis exprobrari solet, quia in re ancipiti & periculi plenissimâ nihil videntur debere moliri, quod non sit à tantis viris probatum & longo sæculorum usu confirmatum. Galenus igitur *comment. 3. in lib. 1. epid.* penultimâ historiâ ubi agitur de quadam muliere prægnante quæ acutâ febre laborabat, hæc habet. *Exemplum est rarum, prægnantem præter abortionem acutis morbis defungi. Tam illud quoque meminisse par est, fœtum trimestrem & quadrimestrem præter ceteros iniuriis resistere. Qui enim minores sunt, vincula quibus adherent vtero, imbecilla habent, & uniuersum corpus tenerum: qui vero prope partum, ut post sextum aut septimum mensem, quia iam sunt magni, multo indigent alimento, quò si destituantur crebro in morbis acutis pereunt. Quo fit ut bonam victus rationem his præscribere non parui sit negotij, quando morbo acuto detinentur. Nam si ut non prægnantes parçè nutriz, proditur fœtus cum periculo matris: si fœtus habitâ ratione liberalius illas cibis, ipsa prægnans adducitur in discrimen ob multitudinem excrementorum & natura oppressiorem.* Quibus verbis apertè sententiam suam declarat, quomodo & quam cautè nos debeamus gerere in præscribendâ grauidis diætâ, quando morbo acuto detinentur. Ut enim primis mensibus quodammodo ferre possunt quandam inediâ & victum tenuiorem: sic in mediis minus, in vltimis minime, propter causas ab eo ibi adductas: ita tamen, ut si in diætâ grauidarum ægrotantium aliquid peccandum vel concedendum sit, videatur melius esse ad paulo pleniorē diætā, quam tenuiorem vel exquisitam vergere: ex viribus enim vtriusque speranda salus, tam in præsentī morbo, quam in eâ quæ superest gestatione & futuro partu. Atque hæc paucis de diætâ.

Quod ad venæ sectionem spectat, Hippocrates eam omnino prohibere videtur in grauidis *Aphorism. 30. sect. 5. Mulier, inquit, vtero gerens, sanguine ex venâ misso abortit, præcipuè si fœtus iam sit grandior.* Quod aliqui interpretantur ut plurimum, & in imbecillioribus, non autem in omnibus: quemadmodum enim 31. *eiusdem sectionis* dixit: *mulierem gravidam ab aliquo morbo acuto corripit, lethale: quamvis certum sit, non omnes, sed plerasque in istis affectibus interire: sic de phlebotomiâ intelligendum volunt.* Alij audiendum malunt de largâ illâ & profusiore sanguinis missione, quam tantum putant veteribus vsitatam fuisse, ac proinde ratione quantitatis inferre grauidis ægrotantibus periculum, non autem ex se & si artificiose regatur: Celsus libro 2. cap. 10. *Siquidem antiqui, ait, primam vltimamque ætatem sustinere non posse hoc auxilij genus iudicabant, persuaserantque sibi mulierem gravidam, quæ ita curata esset, abortum esse facturam. Postea verò usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium debeat: interest enim non quæ ætas sit, neque quid intus in corpore geratur, sed quæ vires sint considerare.* Nos itaque dicamus phlebotomiam prægnantibus quocunque mense, potissimum verò primis, non esse denegandam, si causa morbi, illius species & magnitudo illam exposcere videantur, ut in febre putridâ potissimum sanguineâ, in fluxionibus phlegmonosis, ut pleuritide, peripneumonia, & anginâ: dummodo vires sint integræ, aut saltem mediocres, quarum firmitas à præsentī Medico ex pulsus constantiâ & reliquis explorabitur, ut pro earum modulo ea sanguinis quantitas extrahatur, quæ exhauriendæ plethoræ, reuellendæ fluxioni, & debellando morbo salvis vtriusque rebus sufficere possit. Quamvis enim ex phlebotomia aliquod abortus periculum immineat, non tamen minor sequetur noxa, & incommodum, si redundante sanguine, putrescente in vasis maioribus, aut in aliquam partem phlegmone tentatam fluente, cum dolore & febre vehemēti, nulla adhibeatur illius vacuatio aut reuulsio, sed totum naturæ oppressæ negotium committatur. Itaque in re ancipiti, qualis est acutus morbus in prægnante, melius est illud præstare remedium quod est accommodatissimum ad eius oppugnationem, quam miseram velut deploratam, metu virium aut abortus sine illo relinquere. Aphorismus

autem citatus, siue Hippocratis sententia facit magis ad prædictionem quam prohibitionem, ut videlicet ante usum tanti auxilij, & tam necessarij præmoneantur à Medico affines ægrotantis, & adstantes de periculo abortus, ut si post phlebotomiam contingat, quod sæpe fit, non reiiciatur culpa in eum, sed in morbum ipsum, cuius magnitudine coactus tale remedium usurpauit. Imo si liberè quod sentimus, dicendum sit, melius est gravidas periclitari de abortu in morbo acuto ob usum phlebotomiæ, quàm illâ omnino priuari, quia facilius est & frequentius eas hoc modo euadere, quàm si oppressæ causis morbificis tandem abortiant. Cum ergo redundet sæpe sanguis in prægnantibus, ita ut ad abortus præcautionem primis mensibus sæpe sit extra alium morbum educendus & minuendus: suppetatque ad lactis copiam etiam vltimis mensibus suscitandam, non est dubium quin in prædictis casibus phlebotomiam commodè ferre possint, si non confertim, saltem per *ἐπιπαιον* & partitè, ut ipse usus & quotidiana experientia confirmavit. Quod si purgationem in gravidis concessit Hippocrates, ut postea videbimus, quando materia turget, cuius vis non est amplius in manu nostrâ posita, vbi semel assumpta fuerit, & maiorem multo excitat perturbationem in corpore quam phlebotomia: non est credibile illum eo Aphorismo voluisse sanguinis missionem in gravidis simpliciter prohibere, sed tantum admonere de periculo, cuius gratiâ conueniens prædictio est facienda, ut iam sumus interpretati. Atque hæc de venæ sectione usurpanda in gravidis correptis acuto morbo, vel etiam longo, si rei natura id suadere videatur.

Iam de purgatione illarum agamus, de cuius usu ita Hippocrates *Aphorism. 1. sect. 4. & 29. sect. 5. Gravidas purgate, si materia turgat, conuenit quadrimestres, & ad septimum usque mensem: grandiores verò & iuniores cauere.* Vnde misera illa perit *5. epid.* cui catapotium ex elaterio deorsum purgans secundo mense exhibitum fuerat. Et *Aphorism. 34. sect. 5. Gravida si aluus nimium profluat, periculum est ne abortiat: & Aphorism. 27. sect. 7. Tenesmus in gravidâ excitat abortum.* In quibus apparet, Hippocratem fuisse dubium & quasi anxium in præscribendâ gravidis purgatione: vbi tamen eâ opus est, utpote in redundante cacochymiâ, per morbos humorales tam diuturnos quam acutos in quibus materia turget, concedere tribus mediis graviditatis mensibus, quando iam robustior est foetus, primis autem & vltimis non nisi cum cautione & metu præscribere: quia primis propter teneriora vincula facile excutitur conturbante medicamento: vltimis vero ob maturitatem & partus propinquitatem, periculum est ne acceleretur illius exitus cum vtriusque calamitate.

Verùm si in hac re sententiam nostram aperire liceat, certum est mulieribus gravidis morbo acuto vel longo detentis ex humorum excrementitiorum dominatu, purgationem præscribi posse, tam in principio morbi, quam statu & declinatione; turgente vel iam concoctâ materiâ: quotiescunque maius impendit periculum ex parte istius cacochymiæ in gravidarum corpore stabulantis, quam ex commotione aut insuauitate purgantium. Imo nullus est eorum qui hodie feliciter medicam praxim exercent, qui non illas præcautionis causâ, ut auertantur causæ morbificæ, & effectus varij quibus obnoxie esse solent, medicamento cathartico vacuet, non tantum benigniori, ut est rhabarbarum, myrobalani, mâna, syrupus rosatus solutivus, catholicon, & similia; sed etiam valentiori, dummodo malignitatis sit expers; qualia sunt hodie electuaria nostra laxatiua summo iudicio composita ex eis quæ cathartorum acrimoniam & agitationem nimiam reprimunt. Potest itaque Medicus vtiliter & conuenienter illa usurpare in gravidis purgationi potissimum assuetis quocunque graviditatis mense, securius tamen mediis, ut doctè annotauit Hippocrates. Idque per *ἐπιπαιον* potius & repetitis vicibus, ut ex opiatâ laxante aut syrupo magistrali, quam subito & vehementer.

Usus tamen pilularum in gravidis est suspectior, quam aliorum cathartorum, tum propter validam conturbationem quam inferunt, tum ratione aloës, cuius amarorè ingratissimo male affici potest foetus, & quia solet aperire orificia venarum & hæmorrhagiam excitare. Quod si eâ opus esse videatur aliquando, ut in affectibus propriis ventriculi, lauetur diligenter aquâ rosarum & similibus, ut tollatur eius acrimonia, vel permisceatur adstringentibus & roborantibus.

Idem dicas de clysteribus, quorum usum summopere reformidant mulierculæ in prægnantibus, ob compressionem & morsum quem excitare possunt in abdomine: attamen in assuetis & quando opus fuerit, non est ita periculosus, dummodo mi-

norum quantitate iniiciantur, & ex eis comparentur, quæ molliendi aut leniendi potius quam pungendi aut valide detergendi facultate prædita sunt.

Quemadmodum igitur purgatio artificiosè præscripta competere potest prægnantibus, quando res illud exposcit in morbis longis & acutis; sic etiam præparantia & concoquentia accommodata, dummodo non præripiant conuenientem cibandi occasionem, quæ vires vtriusque conseruet: quorum ideo formulæ sub alimenti specie, quantum fieri poterit, erunt præscribendæ. Reliqua autem vacuantia per secundam & tertiam corporis regionem, qualia sunt diuretica & sudorifica, cautè erunt adhibenda: diuretica enim verà attenuandi aut detergendi facultate insigni prædita, non sunt in eis satis tuta, quia menses eodem modo quo vrinas promouere possunt, ac proinde satis erit leuiora & minus aperiencia in eis vsurpare. Sudorifica tamen possunt vsurpari tutius, quia exhauriunt serosos humores & ad circumferentiam corporis propulsant cum biliosis aliquando excrementis, sed quæ sunt moderata, & sine villo conatu nimio & deiectione virium. Sic enim multas grauidas, in quibus erat luis venereæ suspicio, aut quatum foetus ex patre inquinato susceptus fuerat, decocto ligni sancti, radicum chynæ, ligni sassafras aut rad. sarsæ parillæ per quadraginta dies assumpto cum diætâ conuenienti foeliciter percurauimus. Imo plurimas in quibus maior erat istius mali labes, vidimus inunctiones ex hydrargyro, aut emplastra mercuriata cum sputationibus constanter & impune sustinuisse ab Empiricis instituta. Vbi enim adsunt causæ morificæ, aduersus quas valentioribus remediis est pugnandum, non est dubium quin natura mediocriter robusta magis leuetur ex eorum vsu, quam opprimatur: quia concurrunt simul cum illis ad conflictum istum perficiendum, & post partam victoriam foelicius conquiescit, quam si pessimarum illarum dispositionum insultibus ad finem vsque imprægnationis conflictetur. Quæ dicuntur à nobis, non vt semper ista imitetur Medicus, sed vt quorundam pusillanimitatem incusemus, qui malunt miseras prægnantes & morbo afflictas omnino derelinquere, quam conuenientibus auxiliis iuuare. Iam igitur ad alia transeamus.

C A P V T III.

De mola & monstris.



NATURAM autodidactam per se doctam propter finem certum agere docuit Philosophus, quoniam generationes rerum non fiunt casu aut fortuito, neque ex quolibet quidlibet exoriri potest, sed ex certo & determinato principio. Quod si aliquando à proposito sibi sine aberret, id fit propter causarum concurrentium impedimenta, quibus à priori suo scopo auertitur: Vnde exurgunt errores & monstra, nempe effectus quidam illius à rectâ & solitâ secundum speciem dispositione degenerantes. Vt enim fiat monstrum, oportet similitudinem specificam non seruari cum suâ proximâ causâ principali, verbi gratia, si ex semine humano serpens, piscis, aut canis generetur, vel certè puer aliquas habens partes istorum animantium. Ista enim vera monstra existunt, quia degenerant secundum similitudinem specificam: quamuis multa alia latiore significatione monstra dicantur, vt quæ respectu materiæ deficientis vel exuperantis nascuntur sine brachiis, aut duplici capite: quæ ratione qualitatis, situs & ordinis habent aliquas partes malè collocatas vel conformatas. Quotiescunque igitur causæ ad generationem putà hominis, de qua nobis est hic propositum agere, necessariæ, vt semen vtriusque parentis, materia ipsa ex quâ debet fieri foetus, nempe sanguis menstruus, locus in quo generatur, nempe vterus, & omnia externa ad illam conferentia, vt cælorum aspectus, aëris ambientis qualitates, materna imaginatio, & similia non fuerint ritè disposita, aut non seruarint conuenientem proportionem inter se, tunc sequitur defectus siue error in generatione, qui pro varietate multiplici varias etiam monstrorum differentias constituit.

In specie igitur humanâ ea omnia vocamus monstra, quæ in vtero muliebri genita ad animantis alterius speciem & naturam accedenti, aut partibus quibusdam excedentia

excedentia vel deficientia, sensum & motum voluntarium habent, aut habere poterunt. Quæ verò rudia sunt & informia, nullis distincta membris, sed instar globi alicuius & molis carnosæ efficta, molas appellantur. Quamuis enim multi illud molæ nomen extendant ad quascunque eleuationes vteri muliebris, siue sint à flatu & aquis in eius cavitate contentis, seu à tumore quocumque scirrroso, vel carnosò illius substantiam occupante: attamen certum est illos affectus aliam longè habere naturam & dispositionem ab eo qui verè & propriè mola & *μολή* appellatur, per quamdam similitudinem cum molis illis versatilibus pistrinorum, quibus frumenta & alia conteruntur. Vnde Hesychius *μολόσαρκα* vocat, veteres molucrum.

Relictâ igitur monstrorum longiore tractatione, ut quæ parum ad institutum nostrum faciant, & quia eorum curatio, si quæ contigerit, ad molæ sublationem facile referri possit: ideo molæ explicationem à definitione exordiamur, dicentes, molam esse dispositionem præter naturam in vtero muliebri, ob genitam in eius cavitate substantiam carnosam, rudem & informem, ex imbecilliore semine virili & nimia sanguinis quantitate, quæ ramificationibus quibusdam prædita, & membranis inuoluta, incrementum suscipit, palpitat & grauiditatem veram in principio æmulatur: tandem verò grauiissima & molestissima infert symptomata.

Hac descriptione ea omnia videmur complecti, quæcumque ad naturam & causas istius affectus intelligendas requiruntur. Nam dum dicimus esse dispositionem præter naturam, denotamus molæ generationem esse præter intentum naturæ, quæ ex vitio seu necessitate materiæ illud generat quod potest, ac proinde cum deficiat à suo naturali opere, autor est ex accidenti morbosæ illius & periculosæ constitutionis, quam molam appellamus: quæ reuera nihil aliud est, quam numerus partis auctus præter naturam cum obstructione, propter insignem illam carnis quantitatem in vteri muliebris cauo progenitam, non autem in illius substantiâ, & poris propriis, ut distinguatur ab omni tumore præter naturam qui vterum obsidere potest, & omni aliâ ingrauidatione falsâ seu molâ improprie dictâ, quæ à flatu, aquositatibus, vel collectionibus purulentis suscitari potest: quod imprimis accurate est annotandum. Quæque dicitur in vtero mulieris genita, quoniam rarò aut nusquam in vtero aliarum animantium produci solet, quia carent menstruis purgationibus, neque tantam habent superflui sanguinis copiam, ut ex eâ fieri possit mola, nec tam frequenti coitu vtuntur, ex quo maxima semini imbecillitas conciliatur. Quod enim de vrsâ narrant, aut est fabulosum, aut quia pituita quædam mucosa foetui adhærescit, quam lambendo aufert, & sic effingi à multis existimatur illius foetus.

Potissima igitur molæ generatio pendet ex imbecillitate seminis vtriusque, præcipuè virilis, quod non potest dominari & regere nimiam sanguinis quantitatem in vterum effusam, sed post inchoata generationis rudimenta, nempe vasorum quasdam ramificationes ad nutritionem, tunicas & inuolucra veluti obrutum concidit, & superatur à multitudine materiæ, quæ deinceps in rudem illam & indigestam carnis molem faceffit, aliquando vnicam, alias plures, prout diuisa est in varias vteri partes, illi firmiter adhærentes instar piscis illius quem polypum vocant, aut certe simillimas illi, quem raïam asteriam & clauatam dicunt.

Est igitur insignis hic illa controuersia paucis agitanda, qua quaeritur vtrum mola sine virili semine & congressu in mulieribus generari possit. Nulla enim est ferè maioris momèti ad pudicitiam vel impudicitiam scëminarum accusandam vel propugnandam; nec de quâ maior sit inter authores nostros discrepantia. Plinius enim *lib. 10. cap. 64.* imo ipse Auicennas, Paulus & Aëtius existimant molam, id est, carneam quandam & rudem substantiam ex affusione sanguinis in vtero generari posse, vel à solo vteri calore assante & coagulante istum sanguinem; ut contingit in multis aliis corporis nostri partibus, quæ *ὑπερσαρκώσεϊς* frequenter patiuntur: vel concurrente muliebri semine, cui velut coagulo huiusce humoris imperfectam istam actionem tribui posse asseuerant. Galenus etenim *lib. 14. de usu partium*, ubi agit ferè ex professo de molæ istius generatione, dicit eam respondere ovis gallinarum subuentaneis, quæ nullam habent generandi vim, & sine galli congressu producuntur. Verum ista sententia nobis placere non potest; primò quia repugnat authoritati Hippocratis *lib. 2. γυναικείων*: secundò quia aduersatur experientiæ; quotidianus enim rerum euentus ostendit istas molas non in virginibus & castitatem seruantibus scëminis contingere, sed in illis quæ viro coniunctæ sunt, aut quocumque modo virili fruuntur concubitu, imo plerunque istas molas esse coniunctas cum

vero foetu, ita ut falsam imprægnationem repræsentent, errorent in computando tempore partus producant, & magnum foetæ & foetui periculum difficultatēque in pariendo inferant. Vnde fit etiam ut apud Gordonium mola dicatur *frater Lombardorum*, quia mulieres Lombardicæ valde erant obnoxia generationi molæ aut monstri cum foetu. Quod si solus sanguis vteri calore condensatus, vel saltem muliebri semini coniunctus sufficeret ad molam producendam, certè frequens esset & pene ordinaria illius generatio in illis, quibus menses supprimuntur, in puellis nubilibus aut viduis alacrioribus, quibus utriusque copia suppetit: quod tamen non contingit, nisi in illis, quæ suspectæ sunt pudicitia.

Repugnat etiam rationi ista sententia: quoniam sanguis effusus in vterum, cum sit extravasatus, nisi regatur ab aliquo efficiente & dirigente, est omnino extra naturæ regimen, unde grumescere, vel putrescere & inflammari solet, non autem formari & effingi in certam molem, quæ deinceps nutriatur & paulatim accrescat. Quod enim de *ὑπερσπρώσει* aliarum partium, excrescentiis carnosis & fungosis aut tumoribus præter naturam dicitur, non est par ratio: quia materia istarum *ὑπερσπρώσεων*, & tumorum non extravasatur aut emittitur omnino in cavitatem partis, sed ex poris ipsis erumpens per modum nutritionis, quamvis vitiosæ, facessit in eiusmodi superfluas elevationes: quod etiam in vtero contingere posse fatemur, sed non ideo veram istam molam constituere, de qua nunc est quaestio, verum tumores præter naturam carnosos aut fungosos, atheromata, steatomata, & similia, quorum dispar est omnino natura & species. Quod si dicas, istum sanguinem in vteri cavitatem effusum regi & effingi in molam seu corpus *ἡμίζων*, vitæ tantum plantæ præditum, à semine muliebri, cui ista imperfecta actio tribui potest, quandoquidem illud ad perfectam generationem efficienter concurrere concedunt Medici. Respondemus, semen quidem muliebri quamdam efficiendi vim habere virili coniunctum ad foetum producendum: solum autem nihil posse, ne ad imperfectam quidem generationem, quandoquidem effusum extra vasa foeminarum spermatica, ut contingit aliquando per nocturnas illas pollutiones, aut titillationes partium genitalium, non retinetur in cavitatem vteri, sed effluit & eiicitur foras, quia tunc nulla fit vteri contractio ut in susceptione virilis seminis, ad cuius velut gratissimi hospitis aduentum matrix sese colligit, & utrumque gestiens in interiori sinu suo recondit, ut postea fiat conceptus. Adde quod finalis causa deficit, propter quam natura operari solet, quia à solo semine muliebri non potest consequi perfectam generationem, ideo negligit eiusmodi effusiones seminis muliebris, & ex eo ne inchoat quidem. Sed nonne etiam in omni actione debet esse quædam dissimilitudo vel contrarietas? Itaque à solo muliebri semine velut omnino simili, non potest inchoari aut perfici illa actio. Non valet igitur illa similitudo ouorum, quæ à gallinis sine galli congressu producuntur: quoniam gallinæ à gallis non materiam quamdam spermaticam recipiunt ut oua generent, sed vim tantum seu spiritum genitalem, quo perfusæ ouis eandem communicant ut foecunda esse possint: mulieres verò contra, & omnia animantia vivipara ex permissione seminum solent conceptus suos efformare. Galenus itaque illam comparationem usus est ad rem potius illustrandam, quam ut contrarium huic doctrinae quicquam suaderet. Iam ad alia transeamus.

Diximus itaque in nostrâ definitione, substantiam istam carnosam rudem esse & informem, si comparetur cum vero foetu; attamen partium quarundam habere delineationes, ut tunicas, ligamenta, & ramificationes vasorum, quibus adhærens vtero trahit alimentum, & accrescit aliquando in immensam molem, instar *ζωοφύτου* seu plantanimalis dictæ, quæ præter vegetantem illam animæ vim, motu etiam quodam palpitante seu dilatationis & contractionis prædita est, quo nomine maximè mentitur veram imprægnationem, & ancipites ac dubios reddit diu contemplantium animos, donec ingrauescant graviora illa symptomata, quibus manifestè distinguitur à vero & germano foetu, ut postea dicemus.

Causæ igitur quibus eiusmodi irrita & inutilis in vtero substantia gignitur, possunt considerari ex parte rerum naturalium, non naturalium & præter naturam, ut in reliquis affectibus morbosis. Idque primum ratione viri ipsius, quatenus semen morbosum aut saltem imbecillius generationi præstat, ut quoties est iam effectus & senescens, vel etiam tenerior adhuc & iuenculus, aut naturæ deli-

cationis, & infirmioris valetudinis quam par sit ad rem veneream gnaviter exercendam : quoties etiam ob errores externos corrumpitur vis genitalis seminis, ut in illis qui crapulæ addicti sunt : qui nimio & intempestivo concubitu evertunt caloris nativi robur, nec sinunt materiam seminalem debite in testibus confici: qui ob immoderatos labores aut morbos acutos vel diuturnos, præcipue vero gonorrhœas inueteratas, totum habent corpus languidum, & quasi effœminat-um. Quod eodem modo in fœminis contingere potest ratione proprii seminis, quod in generatione præstare debent. At verò præcipue respectu ipsius sanguinis menstrui, qui si substantiâ, quantitate, motu nimio & subitaneo post concubitum vel quantitate peccet, maximam & potissimam præstat occasionem molæ in utero producendæ, ut supra dicebamus. Nam substantia menstrui corrupta, vel maligna, ichorosa, saniosa, aut putris obrundit aut saltem reprimit ἐνέργειαν spiritus illius, qui artifex est primarius generationis nostræ : vnde contingit imperfectum illud & quasi portentosum opus ex materiæ ipsius vitio. Nimia quantitas menstruorum, ex Aristotele 4. de generat. animal. idem præstat: quo fit ut videamus plerumque mulieres πολυαίμας & πολυσάρκας obnoxias esse generationi molæ, & eas quæ imminetibus aut fluentibus mensibus avidius concumbunt, quando scilicet uterus humore illo superfluo redundat, aut citius quam par est confluit ad seminis nutritionem post concubitum. Est apud Hippocratem 5. epidem. insignis historia vxoris cuiusdam Gorgiæ, cui cum per aliquot annos suppressa fuisset menstrua purgatio, tandem cum multo & copioso sanguine proiecit molam & sanata est, quam ibi genitam fuisse ob copiam materiæ retentæ & semini imbecilliori coniunctæ credibile est. Ratione item qualitatis menstrui, crediderim ego facile calidiorē iusto & quasi feruidum sanguinem, aut crassiorē & viscidiorē, quamvis non multum quantitate luxuriet, aptissimum esse ad efformandas istas molas, quia calidior absorbit benignum humorem seminis, & spiritus dissipat : crassior aut viscidior suffocat illius vim, nec potest ita facile regi, ut in varias partes & figuras efformetur, quæ ad perfecti fœtus generationem requiruntur. Quæ sint autem causæ istarum omnium rerum, propter quas sanguis ille maternus corrumpitur in suâ origine, quæ αἱμάτων respicit, vel permixtione alienâ, aut in ipso utero ob peculiare δυσκρασίαν, malas conformationes, aut obstructions ibi genitas labefactetur, facile erit unicuique ex censu illo & enumeratione ordinariâ, vel præcedentibus nostris tractationibus repetere. Nunc ergo ad affectus istius διάγνωσιν veniamus.

Nullus est affectus, qui maiorem Medico difficultatem in διαγνώσει, necnon aliquando dedecus aut gloriam afferat, quam propositus molæ affectus: quia potest æmulari veros partus, hydropes uteri, tumores, aut obstructions illius insignes cum suppressâ muliebri purgatione. Ideo cautè admodum & solerter hic progrediendum, non solum ob consimiles istos affectus, à quibus est distinguenda mola; sed etiam quia cum illis sæpe complicari solet, & simul cum partu, hydrope uteri, tumoribus, & obstructionibus illius mulierculas infestare. In principio igitur generationis molæ, vix est possibile illam secernere à vero partu propter affinitatem symptomatum, ut docet Hippocrates 1. γυναικείων. Nam & decolor fit mulier, & horrores infestant, & menses retinentur ob clausum uteri orificium, cæteraque eiusmodi apparent initio, quæ veram mentiuntur graviditatem. Progressu autem temporis, ut circa tertium mensem, tria habet potissima & quasi χαρακτηριστικά Hippocrates, quibus molam esse in utero deprehendit. Primum est ab ipso motu, nam mola vel non movetur omnino circa tertium vel quartum mensem, ut verus fœtus, sed instar lapidis aut rei inanimatæ conuertitur simul cum corpore muliebri in hoc vel illud latus cum insigni pondere & gravitatis sensu, aliquando etiam pungenti dolore, quo nomine distinguitur ab uteri hydrope & aliis tumoribus præter naturam, qui huic vel illi parti magis adhærent: aut si moveatur, movetur tremulo quodam & palpitante motu, ratione constrictionis & dilatationis, ut contingit in ζωφύτοις multis, non autem in omnem situm, & partium differentiam, ut solet fœtus, cuius agitatio velut circularis ab imo ad summum percipitur. Secundum signum repetit Hippoc. ex ipsâ plenitudinis uteri mole & figurâ; nam ubi iam intumescere incipit venter, ex molæ incremento dilatatur in omnem dimensionem, fere æqualiter, cum ex fœtu acuminetur potius versus umbilicum, coarctatis molliter lateribus, & si quis contrectet hypogastrii regionem diligenter, animadvertet in molâ nullam esse partium

partium distinctionem, sed velut globum quemdam, versus vteri & lumborum inferioriorem partem positum. Tertium denique signum principale petitur ex ipso lacte; nam in grauidis ex vero foetu, solet natura de illius nutritione sollicita transmittere circa quartum mensem sanguinis optimi copiam in mammas, ut ibi concoquatur, & in lactis naturam face fiat, ac tanquam in penu asseruetur donec infans ex vtero prodierit. At in molæ generatione quamuis intumescant mammae, non gignitur tamen lac, saltem verum & legitimum; sed cruda manet illa materia, & tandem evanescit: quia scilicet calor natiuus debilis factus in mammis per sympathiam vteri, & quasi reuocatus negligit concoctionem humoris illius, cuius nulla deinceps futura est utilitas. Progrediente magis tempore tanta mulierem molâ laborantem infestant symptomata, si quidem infirmior fuerit, ut vix ab eis respirare possit, languentibus omnibus functionibus naturalibus, vitalibus, & animalibus; si vero robustior, exurgit natura summo impetu ad excludendam istam molestiam cum perpetuo expellendi desiderio, & doloribus dorsi atque inguinum: Unde eruptiones apparere solent frequentes sanguinis atrii & impuri, aliquando frustulorum carnis, si incipiat dissolui mola cum febre, dolore, & similibus, ad quæ tandem sequitur exclusio informis illius, & inutilis substantiæ, si quidem in plures partes diuisa fuerit, minusque vtero adhærescat. Vbi verò irritus est iste naturæ conatus, molâque grandior & globosa siue vnita firmiter cum suis ligamentis in cavitae matricis stabulatur tunc elapso, partus legitimi tempore, durat ad duodecim vel tredecim usque menses, aliquando ad tres vel plures annos, ac sæpe foeminam variè cruciatam e medio tollit. Maior est difficultas dignoscendi molam quando complicatur cum foetu, cum hydrope, tumoribus, & similibus: quoniam ex permixtione signorum valde anceps cognitio illius exurgit. Est tamen ex solerti eorum omnium consideratione, expiscanda *diagnosis*, & quantum fieri poterit, ad vsum artis reuocanda.

Quod ad PROGNOSIN; pauca ex Hippocrate ipso in libro nuper citato, & lib. de sterilibus, proponemus: molam scilicet perpetuò affectum esse periculosum, quia insignem affert vtero obstructionem, totique corpori noxam, ob refluxum excrementorum ad partes nutritioni dicatas, quibus naturalis œconomia perueritur. Periculosior verò multo, si vnica sit caro, quia, ut dicebamus, ex eâ frequentissimè mulieres pereunt, tum quia non possunt eam excludere, sicque infinitis exercentur malis donec moriantur: tum quia in illius exclusione periculum est ne intereant ob insignem diuulsionem, dolorémque istarum partium, atque hæmorrhagiam superuenientem. Vbi in plures diuisa est particulas, sæpius tertio vel quarto mense eiici solet, dum scilicet est mollis, cum noxâ tamen & insigni labore, quia maximum naturæ conatum ad illius exclusionem, præcipuè vero tunicarum & ligamentorum quibus annectitur, intercedere oportet. Si foetui coniungatur, ut plurimum ab illâ interimitur: si ei complicitur hydrops vel subsequatur, vix euadere potest mulier, duobus hisce crudelissimis affectibus occupata. Iam igitur videamus, quibus morbum istum auxiliis expugnare possimus.

Vbi primùm molam in vtero genitam esse cognouerimus, non est cunctandum in curatione, priusquam augeatur magis, vel radices in vtero firmiores agat. Ideo suppositâ victus ratione conuenienti, quæ foeminæ vires sustentet, si imbecillior sit; aut quæ excrementa, & ipsam sanguinis multitudinem minuat, si sit cacochema vel plethorica, omni arte ad istius ponderis & rei inutilis sublationem erit incumbendum remediis tam chirurgicis quam pharmaceuticis, quorum rationem repetere licet ex capite de suppressis mensibus prouocandis, & capite de iuuando partu, seu propellendo foetu mortuo extra vterum, de quo deinde acturi sumus.

Clarior istamen doctrinæ gratiâ pauca subnectamus, quibus præcipuè huius affectus *diagnosis* instituere licebit. Cum igitur Medicus naturæ sit minister, & imitator in illis motibus quos salubriter instituit, ideo quoniam experientiâ constat, multas mulieres hisce affectibus liberatas fuisse insigni diarrhœâ, dysenterîâ, & hæmorrhagiâ vterinâ sponte superueniente, oportet etiam eadem methodo progredi in illis quæ destituuntur isto auxilio naturali. Ac proinde purgantia accommodata satisque valida, aperientia, detergentia, & emollientia erunt vsurpanda, tam sumpta quam admota, variis formis, ut totum corpus exinanizetur, viæ referentur, & excrementa attenuentur atque agitentur sufficienter, sicque per consequutionem quamdam natura impellatur ad depulsionem oneris istius.

Præscribantur igitur potiones purgantes ; balnea naturalia seu thermæ potu & balneo valde profunt detergendo, molliendo, & aperiendo : apozemata incidentia, pulueres diuretici & mensium prouocatiui, clysteres aciores, pessaria irritantia, fœtus, balnea, & linimenta mollientia & aluum subducentia, quorum longiorum catalogum hîc denuò recensere superfluum esset : Inter alia autem commendat Hippocrates *lib. 1. γυναικείων*, fœtum & clysterem ex radicibus aristolochiæ, mercuriali, cum aliis emollientibus & detergentibus : pessarium ex elaterio, decoctum dictamni cretici frequenter exhibitum, castorei puluerem, & cucurbitulas circa lumbos & latera ventris, aliâsque vicinas partes adhibitas, quibus scilicet deturbetur & quasi auellatur mola ista interius delitescens. Laudat etiam sanguinis missionem copiosiore, si quidem vires consent. Vt enim mulier vero fœtu grauida sanguine emisso abortire solet, sic etiam verisimile est in isto conceptu naturam defraudatam humoris copiâ quâ alitur mola, sollicitari ad eius expulsionem.

Attamen si diuturniorem illius in vtero moram reformidemus, in muliere potissimum exangui aut minus sanguineâ, multò erit consultius venas inferiores, vt poplitis aut tali, secare, quibus attrahitur materia versus inferiora, sicut menses euocari solent ; quam venas cubiti, quibus sola plethora tollitur, virêsq; exhaustiuntur. Adde, quod sæpe accidat, vt post excretionem molæ disruptis violenter vteri vasis, sanguis immoderatè profluat, ita vt non solum cucurbitulis, frictionibus, & vinculis superiorum partium dolorificis opus sit ad hæmorrhagiam sistendam, sed etiam phlebotomiâ istâ brachij ad reuulsionem.

His ita per aliquod tempus tentatis, vt commoueatur & quasi concutiat mola in vtero latitans, si quidem nulla sit spes exitus illius, aut frustula quædam excreta fuerint, reliquis intus morantibus cum magno naturæ incommodo : volunt auctores nostri, vt veniamus ad chirurgiam illam, quam veteres *μολαίαν* appellabant, quæ instrumentis & maiore artificio perficitur, antequam vires magis debilitentur. Collocatâ conuenienter fœminâ, vteroque per *διωστήραν* dilatato, vel solâ manu Chirurgi peritioris, vel adhibitis laqueis, & vinculis, aut etiam organis illis extractoriis quæ in fœtu demortuo auellendo vsurpantur, & à gryphij pedis similitudine nomen traxerunt, comprehendi debet artificiosè & extrahi, quam minimâ fieri poterit mulieris & vteri noxâ : sæpius enim succedunt ingentes hæmorrhagiæ, dilacerationes partium, vlcera & putrilagine, quibus omnibus mederi conueniet pro singulorum differentiâ & causis, vt rursum in puerperio dicemus.

Sunt qui post excretum vnum aut alterum molæ frustulum, aperto scilicet vtero existiment putrefacientibus & suppurantibus reliquias esse molliendas, & in saniem conuertendas, vt sponte sua deinceps effluere valeant. Verum res est periculi plenissima, ex tantâ corruptelâ in vtero suscitâtâ, & in materiâ rebeli, vix fieri potest, quin fœmina febre, lipothymiâ, doloribus aut conuulsione tandem correpta intereat. Aut si tantam malorum tempestatem euadat, quin incidat in carcinoma aut scæuissimum aliquod vlcus vterinum, ex quo deinceps necessariò multis cruciata affectibus contabescat. Melius est itaque vel totum naturæ negotium committere, quæ expellat reliquias istius molæ paulatim, aut exsiccat intus & induret : vel certè vti exsiccantibus & detergentibus, quæ illud tandem absumere valeant. Ac proinde opus est magnâ Medici, cui talis casus proponitur, sedulitate & prudentiâ, ne quicquam in ægrotantis incommodum aut artis opprobrium committatur.

Vbi igitur contigerit mulierem bono aliquo fato, propriæ scilicet naturæ aut artis operâ pessimum hunc morbum euasisse, deinceps curandum est sedulò, ne incurrat istos inutiles & damnosos conceptus. Quod fiet si omnium illarum causarum diligenter euitandarum rationem habuerit, quas nos supra proponebamus. Inter quas præcipuum est ne concubât instantibus aut fluentibus adhuc mensibus, sed bene repurgato vtero ab omni sorditie excrementorum, quorum copiâ obruitur seminis *σπέρμα*. Debet etiam rarus esse vtriusque concubitus, vt redintegratis viribus, & bene elaboratâ geniturâ opus illud aggrediatur commodè. Denique si vterus intemperatior aut obstructionibus obnoxius huic rei aliquam occasionem præbere videatur, cessent per aliquod tempus, omniâque in meliorem omnino statum reducantur, priusquam ad nouam generationem accedant. Idem dicas de monstris, in quibus etiam auertendis maximè cauendum ab imaginatione alienâ & præposterâ, quæ præcipuum hac in parte effectum habere creditur. Nos verò ad alia transeamus.

CAPVT IV.

De superfœtatione & gemellis.



No eodemque capite dicturi sumus de gemellis & superfœtatione, quoniam in eo tantum differunt, quod per gemellos audimus conceptionem duorum vel plurium fœtuum vnico coitu, & ex vnico semine procreatorum: per superfœtationem verò seu *ὑπερφοίτησην* conceptum variorum fœtuum simul quidem in vtero contentorum, sed variis & diuersis congressibus genitorum, ac proinde neque eisdem inuolucris comprehensorum, nec eodem tempore, vt vitales esse possint, perfectorum. Ad clariorem huius rei intelligentiam, sciendum est vterum in mulieribus ita fuisse à naturâ comparatum, vt cavitatem habeat mediâ quadam linæâ distinctam, futuræ quæ in scroto apparet persimilem, cuius beneficio vterus in duas quasi partes diuiditur, dextram & sinistram vocat Hippocrates, dùm vult *Aphorismo quadragesimo octauo sectionis quinta*, in dextro mares, fœminas in sinistro vteri latere magis contineri: & ex *Aphor. 38. sect. 5.* vtrique lateri vtramque mammam è directo positam respondere.

Hinc fit, vt quoties muliebre semen cum virili coniunctum semel aut pluribus vicibus in eodem congressu ei aculatum ita in partes diuiditur, vt illæ sufficiant ad perfectam generationem variorum fœtuum, delineationem scilicet partium principum & spermaticarum, tunicarum quibus inuoluuntur, constitutionem, alimentum materni attractionem & assimilationem: tunc oriuntur gemelli duo vel plures eiusdem vel diuersi sexus pro variâ seminis illius dispositione, & prout plus minus coniuncti sunt & propinqui, eisdem inuolucris vel diuersis contenti, suis tamen & propriis singuli vasis vmbilicalibus donati, per quæ conuenientem sibi vnusquisque alimoniam ad incrementum & perfectionem necessariam attrahunt: atque si vterus sit capax & validus, ligamenta quibus annectantur robusta, nutritio omnium sufficiens, vt ad naturalem vsque & consuetum partus terminum in illo manere possint, fit sæpe de duobus, aliquando de pluribus (si historię fides sit adhibenda) ad prodigium vsque auctis, vt omnes vitales aliquando diu, aliàs ad certum saltem tempus euadant. Sæpe tamen abortus eorum contingunt quando sunt numerosiores, quia nimis distendunt matricem & iustum nutrimentum obtinere nequeunt: vel quando ex inæquali seminis materiâ geniti, alij aliis infirmiores existunt, aut etiam cum informi molâ, vel absurdis conceptibus coniuncti, quod sæpe contingit. Imo obseruatum est, geminos diuersi sexus raro esse vitales propter inæqualitatem seminis, ex quo producti sunt, varietatem incrementi, motus & perfectionis, quæ impedit ne simul commodè in vtero gestari, aut ex eo fœliciter erumpere possint. Atque hæc est ratio generationis gemellorum.

Superfœtationis autem modus paulò obscurior videtur, quam ideo multi inficiari ausi sunt multis rationibus. Primò authoritate Hippocratis moti *Aphorismo quinquagesimo primo sectionis quinta*, quo vult in grauidis os vteri ita clausum esse, vt nihil deinceps admittere possit, cui adstipulatur experientia: nullum enim est validius imprægnationis signum, quam si tangente obstetrice illud orificium indolenter coarctatum sentiatur & conuiueat: tunc enim illas in vtero habere certissimum est. Ratio etiam id persuadet, quia retentricis facultatis munus tunc maximè exercetur, quando aliquid adest in aliquâ parte officiali, quod vel coquendum, vel perficiendum proponitur. Ac proinde cum alleto semine virili, permixtoque cum muliebri vterus maximè delectetur, tum ratione sympathiæ, tum etiam finis, nempe conceptus perficiendi causa: hinc etiam sequitur illum quantum fieri maxime potest, retentioni seminalis materiæ incumbere contractis fibris, & osculo clauso, per quod communes illius vacuationes perficiuntur. Vnde videmus naturam de conseruatione speciei sollicitam, vt conceptus in vtero commodius exerceretur, neque irruente materiæ copiâ in venas illas interiores impediretur, quod in plethoricis & cacochymis mulierculis sæpius contingere po-

terat, aliam viam instituisse, nempe venas in collum matricis desinentes, quibus prægnantes expurgare possint redundantes humores, si opus sit, sine vlllo foetus detrimento aut apertione orificij istius matricis.

Quibus positis videtur non posse dari superfœtatio, quia oporteret post primum conceptum de nouo orificium illud aperiri ad nouum semen recipiendum, quod non fieret sine abortus periculo, relaxatis vteri lateribus, & aperto eiusmodi meatu. Adde quod cum vterus muliebris non septem aut pluribus cellularis, vt quidam Iureconsulti & imperiti Anatomici existimarunt; sed vnicâ cavitatem per mediam tantum lineam diuisa, donatus sit, vbi semel prior foetus in vtero vasis suis vmbilicalibus suscepit orificia venarum & arteriarum quibus coryledones constituuntur, non videtur deinceps superesse aliquid nouo semini, quo alimentum ad sui nutritionem & incrementum recipere possit. Præterea prior foetus iam grandior vteri spatia occupans, impediet ne alter ibi accrescere possit: aut si incrementum suscipiat, ob compressionem & distentionem nimiam inferioris vteri partis; vterque foras ante iustum partus terminum excutietur, isque semper prior excludetur, qui posterior ingressus fuerit, vt limini propinquior. Et sic nullus per superfœtationem foetus integer & numeris suis absolutus edi poterit.

His & similibus rationibus superfœtationem in humanâ specie impossibilem esse probari pote st, quam vt nos raram certè ac perdifficilem esse concedimus, non tamen omnino abnegandam censemus, ipsius etiam Hippocratis autoritate mōri, qui libello huic rei dicato superfœtationem aliquando fieri existimat, idque confirmat, *lib. 5. epidem.* historia cuiusdam mulieris Larissæ, vt omittam celebrem Alcmenæ partum, quæ, vt ait Plautus, *Hodie illa pariet filios geminos*, nempe Herculem & Iphiclum, *eorum Amphitryonis alter est, alter Iouis. Alter decimo post mense nascitur puer, quàm seminatus est, alter mense septimo*: & alia multa exempla quæ recenset Plinius *libro 10. capite 63.* vt manifestum sit eiusmodi conceptus qui superfœtationem sequuntur, plerumque à veteribus fuisse obseruatos, vt etiam ab Aristotele *7. de histor. animal. capite quarto*, vbi narrat de quadam ancillâ Proconnessi, quæ æ eiusdem diei cotu duplici, alterum foetum domino similem, alterum procuratori eius edidit.

Claudatur quidem orificium vteri in mulieribus, vbi primum conceperunt. At tamen non est credibile, quin in maiori voluptatis sensu, quando fœmina prægnans marem admittit vel gratiorem vel libidiniosorem, quemadmodum ventriculus quamuis plenus ad sapidiorem cibum vel potum, sic vterus lasciuiâ istâ excitatus aperiri possit ad nouam huius feminis susceptionem, & sic aliquando alium conceptum perficere, quem superfœtationem vocant. Neque enim ad quamcunque vteri apertionem consequitur statim abortus, siue expulsio concepti foetus, vt patet sæpissimè in geminis, quorum alter abortu excutietur, altero interius ad maturitatem vsque & consuetum terminum remanente, quod agnouit Hippocrates *Aphorismo 38. sectionis 5.* Si tamen salutaris debeat esse ista superfœtatio seu vitalis foetus qui per illam concipitur, oportet eam contingere à primo primi conceptus die ad quadragesimum aut circiter, antequam prior foetus magnum in vtero spatium obtineat, vel omnes venarum & arteriarum vteri propages occuparit ad suscipiendum alimentum necessarias. Tunc enim cum prior foetus exiguæ sit admodum molis, & motus expertus, facile erit superuenienti semini spatium reperire idoneum, quemadmodum in gemellis contingit, & sua ibi vasa adipisci, quibus similiter nutriatur. Aliàs si post tertium vel quartum mensem contingat, excitabitur abortus, vel vtriusque, vel certè illius qui nouissimè vterum ingressus fuerit, ac proinde sine vllâ cellularum in vtero multitudine, non est omnino absurdum aliquando & geminos, pluresue foetus, aut etiam superfœtationes, primo potissimum post primam imprægnationem mense, contingere, quod in Ægypto frequentissimum esse testantur Herodotus & Diodorus.

Iam igitur videamus quid ad vsum medicum ex istâ gemellorum & superfœtationis contemplatione exoriri possit. Cum enim causæ istorum affectuum ex dictis abunde pateant, non est dubium quin sæpe Medicus consuli possit de diagnosi & prognosi vtriusque. Interest enim multum scire, vtrum fœmina vnicum vel plures foetus in vtero habeat: vtrum euasura sit ex eiusmodi partu, vel ex eo periclitetur, tam ad regimen illius statuendum, quam præcauenda infinita pericula, aut saltem lenienda grauissima symptomata, quibus per istos conceptus
alacriter

infestatur. Ad erigendum etiam matris animum in partu, ut post vnus enixum, alacriter alterius etiam vel aliorum exitum sustineat, sine vlllo tumultu, aut adstantium iam præmonitorum trepidatione.

QVOD AD διαγνωσιν ITAQVE SPECTAT. Non est dubium quin duo vel plures in vtero foetus, siue sint in vno eodemque latere, seu in vtroque collocati, maiorem multo molem, quando iam incrementum susceperunt, exhibeant, quam si vnus ibi habeatur, quæ moles siue magnitudo non erit omnino æquabilis & continua, ut in vnico foetu, sed quasi seiuncta in plures globos, seu eminentias, potissimum si variis membranis includantur, quæ rugis quibusdam quasi sulcis diuisæ apparebunt, aut saltem contredanti sentientur. Vnde subsequitur non solum maius pondus, quam in simplici foetu, sed etiam inæquale pro maiore vel minore huius vel illius magnitudine: raro enim gemini vel plures foetus vnus eiusdemque virtutis & magnitudinis existunt. Eodem modo motus in vtero non vniformis & continuus, sed diuisus aut diuersus percipitur: quia vnusquisque vbi ad terminum illum peruenierit, peculiari concitatur facultate. Ex mole igitur, pondere, motu, & sulcis, seu interlinearibus rugis velut præcipuis signis cognoscemus, quando plures erunt in vtero foetus.

Πρόγνωσην vero stabiliemus salutarem, vel periculosam & æncipiem, ratione tum matris, tum foetus. Nam quæcunque mulier geminos aut plures foetus gerit, ut illos nutrire conuenienter in vtero, & continere ad debitum vsque terminum & salubriter parere possit, debet alacri esse animo & corpore, neque nimiam pinguedine oppressa, quæ vias angustat, & debitam præripit foetui alimoniam; nec nimiam macie deformis, ut habetur *Aphor. 44. & 55. sect. 5.* vterum etiam bene constitutum ac omni illuie & mucore repurgatum habeat, quia in sordidioribus vteris, ex *Aphorism. 45. sect. 5.* acetabula præ molliæ facilius disrumpuntur, & foetus intempestiuè excluduntur. Quæcunque igitur deiectis iam viribus, aut malè constituto corpore & vtero, animique imbecillitate laborantes, in istas incidunt angustias cum summâ imprægnationis molestiâ, inquietudine & δυσφορίᾳ non est dubium quin magnum incurrant vitæ periculum, aut abortientes, aut etiam in iusto partu ob nimios dolores, hæmorrhagiam, & diuturnitatem temporis, quod aliquando interiectum est inter varias exclusiones istorum foetuum. Aphorismus est insignis 38. *sect. 5.* iam citatus. *Mulier, inquit, græuida geminos ferenti, si altera mamma extenuetur, alterum abortit. Et si quidem dextra, marem; si sinistra, feminam excludit:* quibus verbis summus iste præceptor ostendit vnus foetus abortum contingere posse altero salvo & incolumi, quod apud nos rarissimum existit.

Quid igitur operis & auxilij medici hisce mulierculis adferre possumus? Primò quod ad προφύλαξιν spectat, consulimus illis, ne incidant in periculum istud imprægnationis geminorum aut plurium foetuum, vel superfætationis, ut fugiant quantum fieri poterit omnes causas, quæ copiosos istos conceptus efficere solent, inter quas præcipua est multitudo seminis vtriusque, dum per longiora tantum intervalla coeuntes, nimiam illius copiam colligunt. Ad vitandam autem superfætationem debent quæ illi sunt obnoxia, vbi primum conceperunt, per totos illos primos menses, sed potissimum ad quadragesimum vsque diem à primo conceptu auersari novos amplexus, saltem lasciuiores, ne ex illorum dulcedine vteri osculum denuò aperiatur, & secundum efficiat conceptum.

Quod ad διαγνώσιν attinet, vbi in istas grauiditates inciderunt, accuratè obseruanda ea omnia, quæ à nobis prius dicta fuerunt de regimine prægnantium, earumque leuandis symptomatis, tam quæ secundum naturalem cursum contingere solent, quam quæ extraordinariè accidunt, quibusque istæ magis obnoxia esse solent: sæpius enim ex nimia ventris distensione & pondere ita grauantur, ut cogantur Medici laxantibus fomentis & vnguentis χαλαστικοῖς emollire abdominis partes externas, ne disrumpantur, aut compressione nimia foetus & matrem lædant. Item aliquando visæ sunt eiusmodi prægnantes, quibus oportuit ventris onus sustentare fasciis & subligaculis adhibitis, ne disrumperetur peritonæi tunica, & herniosæ euaderent. Sed de his, quia sub Medici cognitionem raro venire solent, plus satis: iam ad abortum transeamus.

CAPVT V.

De abortu.



INTER omnia symptomata quibus prægnantes infestari solent, nullum est frequentius & periculosius quam abortus seu abortus, Hippocrati variis nominibus insignitus. Διαφθορά enim, ἀποφθορά καὶ ἀπόφθαγμα dicitur, in Coacis, τρωσμός, ἐκτρωσμός, ἐκτρώσις alibi passim, ἀμβλυσις, ἀμβλυωσμός, ἐκβολή γυναικός, 6. epidem. quibus omnibus nihil aliud significare voluit, quam exclusionem foetus immaturi & minime vitalis, cum matris insigni noxâ & periculo. Dicitur *exclusio*, quia ad abortum perficiendum quamuis retentrix facultas debilitata concurrere possit, tamen præcipua istius affectus natura posita est in excretionem embryonis extra uterum: nam etsi mortuus, putrefactus, aut induratus ibi aliquando delitescat: non tamen prius dicitur prægnans abortum passa, quin eiecerit eiusmodi rem naturæ tum alienam & molestam. Dicitur quoque *foetus*, ut distinguatur ab illis, quæ molas informes, grumos sanguinis grandiores, flatuum vel aquarum copiam, ex utero confertim excreuerunt, à quibus eiectionis cauitas illius & moles distenta, detumuit. Dicitur *immaturi & minime vitalis*, ut distinguatur à partu legitimo & naturali, qui certis & dimensis spatiis contingens, perfectum vndique, maturum, & vitæ extra uterum diu producendæ aptum edere solet: cum semper abortus ad illius internecionem tendat: tum etiam ut distinguatur ab illâ effusione seminis, quæ primis diebus contingit, & Hippocrati *lib. de septimestri partu*, non τρωσμός, sed ἐκτρώσις vocatur. Vnde apud Iureconsultos is non habetur mortis reus, qui prægnanti mulieri vim intulerit, & ex utero contentum foetum deturbavit ante quadragesimum diem, quia nondum homo perfectus censetur, neque rationali aut potius nullâ præter eam quæ in semine existit, animâ donatus.

Dicitur etiam *cum insigni matris noxâ & periculo*: quamuis enim partus etiam legitimus sit dolori & labori coniunctus dum sit, attamen iam factus faustis definit plerumque parentis rebus, summamque illi post istas molestias læticiam conciliat: cum abortus ob diuulsionem & secretionem illam præcocius fructus, non sine vitæ periculo aut saltem insigni noxâ matris vel uteri contingere possit.

Videamus igitur, quæ sint causæ efficientes & promouentes eiusmodi affectum, ex quibus etiam illius differentia exorientur. Serapio eruditè de causis abortus ita pronuntiauit. *Si primis*, inquit, *mensibus fiat abortus, ut secundo & tercio, causam esse flatum quemdam uteri diuellentem, aut quamdam agitationem vehementem, tenuissimas adhuc vasorum fibras disrumpentem. Si mediis, ut quarto, quinto, & sexto sine manifestâ causâ, accusandos esse potissimum mucres illos & nimias humiditates, quæ acetabula uteri relaxare solent. In postremis verò mensibus causam esse ut plurimum inopiam alimenti, vel uteri angustiam.* Galenus verò 3. de facult. natural. cap. 12. triplicem constituit causam omnis abortus, nempe molem nimiam, pondus & morsum. Sed ut melius & facilius ista intelligantur, lubet causarum istarum seriem ex consuetâ methodo recensere.

Ergo illud imprimis in memoriam reuocemus, partum naturalem feliciter succedere, quoties matris, uteri & foetus bona est constitutio. Ac proinde ratione contrariorum, quoties ista præter naturam, vel aliquod eorum immutata fuerint, toties etiam abortus, aut saltem difficilis & laboriosus partus, de quibus postea agemus, contingere. Immutantur autem ista à causis internis & externis. Τὰ ἐξωθεν contingentia extrinsecus, vel sunt necessaria & fortuita: vel ex rebus necessariis & non naturalibus dictis petita.

Casus igitur, ictus, occurfus, morsus, vulnera, pressus & coarctationes vestium aut aliarum rerum, gestationes aut eleuationes grauioris sarcinæ, succussiones & similes tam atrociter aliquando maternum corpus commouent cum utero, ut ex illâ agitatione disruptis foetus vinculis præmaturè excutiat. Ad quæ etiam referri possunt tetri omnes odores & halitus, ut extinctæ lucernæ & similibus:

similium : omnia assumpta vel admota venenata & malignæ qualitatis participia, assumpta cathartica vehementiora aut copiosiora, necnon cætera aperientia & detergentia potenter aut occultis proprietatibus agentia, abortiua ideo dicta, quibus pessimæ quædam mulieres aliquando ad corrumpendos suos fœtus vel aliarum abutuntur. Eodem modo vsurpata postremis potissimum mensibus largior phlebotomia idem præstat, siue ex cubito, quia alimoniam fœtui eripit; siue ex malleolis, quia menses proritare solet. Item balneum molliens, & laxans, quia deducendo humores & quasi colliquando versus vterinam regionem vincula quibus annectitur vtero fœtus, eneruat & aliquando disrumpit. Hæc igitur sunt contingentia fortuita.

Causæ verò ex rebus necessariis petita, & quæ in quotidianum vitæ vsum venire solent, malè vsurpata ratione indiuidui, vt loquuntur, plurimæ existunt: vtpote aëris constitutiones omnes inclementiores sibi inuicem succedentes, aut inæqualiter corpora nostra infestantes, vt annotauit Hippocr. *Aphor. 13. sect. 3.* vehemens æstus, non solum absorbendo, sed etiam suffocando propter auctum respirandi vsum, magnam grauidis molestiam infert: quibus addunt Astrologi malignas quædam constellationes, propter quas nullâ existente aliâ causâ manifestâ, existimant certis temporibus tot abortus promiscuè in quibuscunque fœminis contingere.

Eodem modo cibus & potus nimia copiâ sumptus nocere fœtui potest, tum grauidando & suffocando calorem natiuum, tum irritando vomitiones violentas, aut diarrhœas diuturniores & ténesium, vt videre est ex *Aphor. 34. sect. 7. & 17. sect. 7.* Partius verò sumptum alimentum magis adhuc promouet abortus, vt per diarrhœas illas, & inedias integras: quia embryoni detrahitur alimentum conueniens. Quod si vtantur cibus malignâ qualitate, & substantiâ præditis, vt quando detinentur picæ & malaciâ, fit vt & alimentum conueniens deficiat, & pessima excrementa congerantur, à quibus vterus cum fœtu inquinatur. Adde vigilias immensas, animi pathemata vehementiora, terrorem subitum, iracundiam, effrænem appetitum, amorem furibundum, & coitum intempestiuum, vt supra dicebamus. Inter causas procatarticas frequentissimæ sunt & efficacissimæ exercitationes violentæ, vociferationes, & vacuationes immodicæ, siue excrementorum, per vomitum, alui fluxum, sudores, vrinæ profusionem: seu sanguinis per nares, hæmorrhoidas, sed potissimum per venas vteri interiores, quibus apertis vix fieri potest, vt fœtus ibi integer maneat: quia si cohibeatur eiusmodi sanguis extraiasatus, coalescit & putredinem noxiam concipit: vnde vterus cogitur ad illum expellendum insurgere, simulque fœtum deturbare: sin effluat diutius debilitato fœtu, etiam contingit abortus: vnde apparentibus menstruis in grauidâ pertinacius impossibile voluit Hippocrates *Aphor. 60. sect. 5.* fœtum bene se habere. Eodem modo effluxum lactis copiosum è mammis grauidarum, infaustum esse pronunciauit, *Aphor. 52. sect. 5.* non solum vt signum summæ imbecillitatis, sed etiam vt causam, quia euacuat illud quod in nutritionem fœtus facessere debebat.

Omnes autem istæ externæ causæ non semper subito & immediatè abortus concitant, sed vel interuenientibus dispositionibus internis, vel sensim & earum operâ genitis. Istæ autem dispositiones internæ respiciunt vel matris corpus, vel vterum, vel ipsum fœtum, aut duo vel omnia simul. Hinc dispositiones omnes maternæ insigniores, vt gracilitas seu macilentia deformis, crassities immensa, catarrhosa constitutio, & similes, sed præcipuè morbi acuti, febres continuæ, pleuritides, & reliqui, siue ex plethorâ, siue ex cacochymiâ, & variis fluxionibus pendentes, grande periculum abortus inuehunt ob triplicem causam: Primò, quia vehementer totum matris corpus, ac proinde vterum cum fœtu affligunt & commouent: Secundò, quia ingens fastidium ciborum inducunt, & vehementer resoluunt, propter quod alimonia vtrique eripitur. Tertiò, quia soluuntur insignibus euacuationibus artificialibus vel spontaneis, & criticis, quas omnes fœtui periculosas esse dicebamus. Neque vacant suo periculo morbi chronici per paroxysmos reuertentes, aut insignibus doloribus, & agitationibus obnoxij illud præstare possunt, febres quotidianæ & quartanæ, arthritides, dysenterix, tenesmi, tussis catarrhoxæ & rebelles cum frequenti sternutatione, quia fieri non potest, vt fœtus integer & validus permaneat, dum mater, tot exercita cruciatibus, & imbecillitatibus diutius conflictatur.

Ex parte verò ipsius vteri non est dubium, quin morbi omnes similes, organici & communes, si grauiores sint, abortiendi ausam suppeditent: vnde erysipelata & tumores omnes præter naturam tunc maximè pertimescendi, vlcera,

vulnera, præcipitationes, distortionem vel relaxationem nimiam ab humiditatibus illis pituitosis siue mucoribus, quibus acetabula dissolvuntur. Laxitatem etiam vteri, aut naturam, aut vlceribus in ipso innatis contractam accusat Hippocrates libro 1. *γυναικείων.*

Ex parte vero foetus contingit sæpe abortus, quando vel quantitate, vel qualitate peccat: quantitate quidem, ut numero, magnitudine, & pondere: numero, nam si duo, tres vel plures in vtero foetus stabulentur, periculum est ne excutiantur, ut dicebamus superiori capite, suomet pressu & quasi collisione: unde gemellorum frequens abortus: magnitudine, ut quando moles maior est & amplior quam par sit ratione continentis vteri: hinc videmus mulieres pusillas frequenter abortire, potissimum si viris iunctæ sint procerioribus, quorum soboles magnum & citum in vtero incrementum suscipit: unde etiam Hippocrat. *lib. de superfoetatu.* Si quæ mulier concipit quidem, sed foetus bimestres, trimestres, quadrimestres, aut vetustiores statim tempore excutit, id est referendum ad vteri angustiam, quæ augescentem foetum amplius continere non potest: Pondere autem dupliciter, ratione virtutis ipsius vteri & ligamentorum, quæ infirmior ob varias causas reddita, ne leuiorem quidem sarcinam sustinere valet: vel respectu ipsius foetus crassioris, membranarum & serosi excrementi ibidem collecti, quæ gravitatem aliquando immoderatam adipiscuntur. Qualitate vero foetus potest peccare multiplex, ut quando exsiccatus & veluti arefcens fructus sponte decedit, vel demortuus amittit continuitatem illam physicam quam habere debet cum vtero: vel putredine quadam est affectus, aut mordacibus, acerbis, vel venenatis succis imbutus, quemadmodum contingit in illis qui lue Venereâ, elephantiasi, aut aliis vlceribus laborantes coeum exercent: omnes enim istæ qualitates vtero infestæ illius vim, expultricem citò irritant ad eiusmodi noxia propellenda. Atque hæc de causis abortus.

QUOD AD DIAGNOSIN ILLIUS SPECTAT. Certum est abortum, vel esse iam factum, vel futurum, vel imminens. Abortus iam facti signa non profunt Medico, nisi quatenus aliquando consulitur à Magistratu vel aliis de pudicitia muliercularum, quæ foetus suos clam corrupisse accusantur. In hoc igitur casu, exploratis diligenter locis istis muliebribus per obstetricem, aut peritum Chirurgum, facile est pronunciare de facto abortu recenti: quia adhuc ita sunt madentia & aperta loca illa, ut facile sit conicere aliquid abruptum, violenter, & ex vtero depulsum fuisse: In abortu autem inueterato non est ita facile, quia intra aliquot dies coeunt rursus istæ partes & redintegrantur. Futuri vero abortus cognitio posita est in sedulâ animadversione omnium illarum causarum externarum & internarum, quæ dictæ sunt à nobis illum promouere posse: ex vario enim earum concursu, aut incauto prægnantis regimine, vel dispositionibus illis superuenientibus possumus quasi futuram eiusmodi tempestatem prævidere. Superest igitur, ut imminens abortus signa curiosius perlustremus, quia maxime faciunt ad medicam *ἰατρικάν.*

Illa igitur repetenda sunt ex solitis fontibus. Cum enim foetus naturaliter constitutus debeat esse in vtero indolenter, aut saltem sine molestia insigni, quæ morbosam *ἀνάδυσιν* consequitur, debeat etiam esse in proprio situ & conuenienti, frui alimento sibi debito, & expectare periodum siue tempus illud pariendi à natura constitutum sine vllâ afflictione aut præpostero motu: quotiescunque ista præuertuntur & præter naturam se habent, siue à causis externis, siue ab internis: periculum est ne immature & violenter, id est per abortum excludatur. Unde quoties dolores, eique crebri & vehementes matrem exercent circa ventrem & lumbos, ut docet Hippocrates 1. *γυναικείων*, quique proprietate huiusce doloris versus pubem & os facrum terminantur, cum quadam expressione & egerendi conatu: toties signum est aliquid noxium latere, & diuelli membranas & vincula quibus embryo matri connectitur. Quod si post istos conatus & tormina, vel aqua, vel cruor saniosus, vel sanguis, aut grumi illius exeant magnâ copiam, iam instare abortum apparet: quia non solum disrupta esse illa vasa, sed etiam vteri osculum apertum esse significatur. Tuncque infantis situs non sublimis & fastigiatus in ventre sentitur, sed quasi conglobatus & decliuus in hypogastrium: plurimæque tunc symptomata prægressa sunt & comitantur miseram prægnantem, siue cum febre, ut sæpe solet: siue ab illâ immunis affligatur, nam & capitis gravitates, oculorumurbationes, tremores, cordis saltus, vomitiones, & cardialgia sæpe negotium illi facessunt, & imminens abortus prænuntij existunt. Apud Hippocratem etiam

Aphor. 37. sect. 5. si mammillæ prægnanti subito & quasi sine manifestâ causâ graciles-
cant, abortus est signum, quia denotant per condolentiam, & summam quam ha-
bent simul cum vtero syntimoriam, eum aut foetum pessimè se habere: vel etiam
deficere communem illam materiam quâ fruebantur ad lactis generationem, dum
vterque bene se habebat. Vnde etiam *Aphor. 52. sect. 5.* fluxus lactis ex vberibus gra-
uidarum copiosior & perseverans idem significat: quia inualidam retentricem de-
notat, quæ non potest quantumvis *ὑπόφωτον* & convenientem succum suo sinti
coërcere. Quæ omnia sunt grauiora, prout primis vel mediis mensibus contingunt.

Quod ad causarum abortum committentium *ἀδύνατον*, ex illarum diligenti perqui-
sitione, ægrotantis, & adstantium relatu facile innotescunt. Illud valde notandum
est, quod Hippocrates docuit *2. epid. text. 71.* quod si ob casum, ictum aut similes ex-
ternas & violentas causas vehemens dolor, & perturbatio in gravidâ excitetur, sta-
tim aut saltem eadem die fieri abortum: sin verò minor vis fuerit illius causæ, intra
spatium trium dierum constare, vtrum foetus corrupturæ sint aut non: quia vul-
nera eiusmodi tertio aut quarto die vt plurimum recrudescunt: vnde abortus
illo tempore contingit, vel mitigantur, ac infans denuò confirmatur & in vtero
retinetur.

Ex his etiam *ὑπόφωτον* stabilire licebit. Aliquando enim mulieres, vt di-
cebamus, ex abortu de vitâ periclitantur, quia violentior est quam natu-
ralis partus, vt docet Hippocrates *lib. de naturâ pueri*: aliquando euadunt,
sed multis excruciatæ symptomatis: & inter illas multæ ob abortum steriles
deinceps per totam vitam manserunt. Quæ omnia sunt præuidenda Medico.
Quoties igitur violenter & subito ex causarum externarum aut internarum
vehementiâ accidit abortus in muliere alioquin sanâ, adest insigne pericu-
lum, siue in illo conatu emittendi valde laboret, siue post factam foetus expulsio-
nem, quando insignes hæmorrhagiæ ob diuulsionem aut disruptionem partium
vterinarum contingunt, ad quas syncopæ, conuulsiones & deliria consequun-
tur, tandemque mors: siue suppressis lochiis, illis purgamentis propter inflam-
mationem & obstructionem vasorum sanguis putrescens & ad superiora recurrens
pariat febres æstuosas, cardialgias, palpitationes cordis & similia symptomata. Abor-
tus in primiparâ periculosior: quia inassueta hisce doloribus, & nimis dilatatis meati-
bus diutius & vehementius torquetur. Adde quod vt plurimum ex istâ diuulsione
intempestiuâ ita dilaniatur, dissoluitur, exulceratur, aut præcipitatur vterus, vt dein-
ceps conceptui ineptæ reddantur. Item graciles admodum & crassæ mulieres valde
ex abortu periclitantur: illæ propter infirmitatem, hæ verò propter angustiam lo-
corum per quæ excludi solet foetus. Nullas vidit seruatas Aretæus, quibus in abortu
aut post abortum conuulsiones superuenerunt, siue fiant ab inanitione ob immodi-
cam sanguinis effusionem: siue à repletionem propter refluxum humoris ad cerebrum.
Est etiam abortus periculi plenus sexto, septimo, aut octauo mense, quia tunc gran-
dior infans maiorem in exitu molestiam excitare solet quam primis mensibus. Quæ
verò humidiores sunt & laxiore vtero, fere sine noxâ abortiunt primis quatuor men-
sibus: imo existimantur à nostratibus fœminis abortus in istis conferre ad felicitan-
dam conceptionem sequentem: quia expurgant & exsiccant locos istos muliebres
iusto molliores. Est etiam insignis contextus apud Hippocratem *2. epidem.*
vbi vult abortum sexaginta dierum masculinum conferre in partium sup-
pressionibus: quod ego interpretor de illis, quæ non commodè expurgantur men-
struis periodis, & ideo valetudinariæ existunt, quia per eiusmodi abortum aperiun-
tur viæ obstructæ, & allicitur sanguis versus vterum, qui parcius eò fluebat. Atque
hæc de *ὑπόφωτον*.

Curatio autem abortus tota posita est in præseruatione futuri vel imminen-
tis; nam iam factus restitui non potest, & ea quæ inducit accidentia, siue affe-
ctus, ad enixarum regimen & curam reduci possunt. Præseruatio autem futu-
ri abortus tota posita est in sublatione, seu artificiosâ declinatione causarum il-
larum à quibus produci solet, tam externarum quàm internarum: de quibus
cum iam abunde actum sit in regimine prægnantium, pauca hic tantum erunt
adnectenda. Primò futurum abortum præcaueri, vel dum iam est grauidâ mulier,
vel extra grauiditatem. Extra grauiditatem perlustrandæ erunt imprimis constitu-
tiones totius corporis, quæ abortui ansam suppeditare solent, vt pote plethoræ, caco-
chymia, gracilitas, vel crassities nimia. Plethoræ enim venæ sectio, cacochy-
miæ ite-
rata purgatio debebitur: gracilitatem instaurare accommodato victu & balneis

accommodatis : crassitiem imminuere laboribus, frictionibus, victu attenuante, thermis sulphureis & similibus conueniet : deinde ipsius vteri constitutio contemplanda, in quo intemperies erunt omnes, quæ sese offerent, corrigendæ, vt primo libro docuimus, potissimum humida illa & mucosa, propter quam laxantur vteri acetabula : necnon flatuosa, propter quam sæpe disrumpuntur : eodem modo angustia locorum, præcipitationes, vlcera & læuitates matricis erunt diligenter percurandæ, si fieri possit, antequam mulier abortui obnoxia conceptioni det operam post remedia à nobis suo loco proposita.

Vbi enim semel conceperit cum hisce dispositionibus, maior erit præcauendi abortus futuri difficultas : quia non licet tam liberè hisce remediis in prægnante, quam non prægnante vti. Est tamen audendum aliquid, & vbi frequens abortus periculum præcessit, non est desistendum ab usu eorum quæ illum impedire possunt, per causarum sublationem : vnde multas quæ ob nimiam sanguinis copiam abortiebant, sæpe liberauimus iteratâ primis mensibus, bis aut ter venæ sectione ex venis cubiti : in quibus vero insignis cacochymia redundabat, frequenti purgatione, circa medios potissimum menses, ex syrupo magistrali vel opiatâ laxante, quæ corroborantibus etiam constaret : in quibus intemperies illa humida, catarrhosa, mucosa, & flatuosa totius corporis & vteri infestabat, diætâ leuiter exsiccante ex decocto guaiacino & sarsæ parillæ in crassioribus & robustioribus : vel radicum chynæ in gracilioribus effecimus, vt abortui minus essent obnoxie.

His & similibus pro varietate dispositionum totius aut vteri, ita præstitis in grauidâ ad futurum abortum artificiosè præcauendum, si nihilominus propter imbecillitatem totius corporis vel vteri, propter morbos acutos aut chronicos superuenientes, aut causarum externarum & de improviso agentium impetum, iam immineat abortus, vt ex supra adductis signis innotescet : tunc antequam fiat, omni operâ & sedulitate impediendus. Ad illud autem hoc modo progrediendum. Vbi primum dolores & tormina in ventris fundo & lumbis apparuerint, versus pubem & os sacrum extensa, non erit cunctandum, sed sceminâ in lecto recte collocatâ, omnique motu corporis & animi prohibito sedandi erunt isti dolores pro varietate suarum causarum, tam sumptis quam admotis. Etenim si ob assumpta venenata aut maligna medicamenta oriri contingat, vt sit aliquando in illis quæ sibi abortum sponte conciliare voluerunt, alexipharmacis propriis agendum, & iis quæ manifestâ etiam qualitate illorum deleteriorum qualitates oppugnant. Si ob cruditates & flatus excitentur, quod est frequentissimum, quando abortus incipit à causâ internâ, dissipentur & corrigantur eis quæ simul roborandi vi sunt prædita, ad quod guttæ aliquot olei anisi cum vino aut iusculo sumptæ sunt valde viles : puluis ex coriandro & aromatico rosato concinnatus : imo ipsa theriaca, aut aqua imperialis exhibita, si maior sit phlegmatis collecti aut flatuum soboles. Interea ventri admoueantur sacculi carminantes dicti, aut panis rosarum vino rubro calente immerfus & puluere nucis moschatæ aspersus : omentum recens mactati veruecis, pulmones calentes, & similia summum adferre solent illis solatium. Quinimo clysteres ex vino, oleo & pauco philonio romano confecti in deploratis istis & vehementioribus torminibus sæpius fuerunt adhibendi ; aut ipsa requies Nicolai dicta per os exhibenda, vt naturæ quædam induciæ narcoticis istis leuioribus præstarentur : quorum etiam magna erit commoditas, quando isti dolores ab acrioribus, virulentis, & malignis humoribus pendebunt.

Tandem vbi dolores isti diutius grauidam exercuerint, siue ab internâ, seu ab externâ causâ profecti, solet erumpere sanguis ab vtero, disrumpis quibusdam acetabulis, aut ab externis illis colli matricis venulis, quod est minus periculosum. Ille autem non statim sistendus, ne ad interiora subito reuocatus concreascet & foetum suffocet ; sed reuellendus frictionibus superiorum partium & ligaturis dolorificis, admotis etiam cucurbitulis thoraci, & scapularum regioni, sub mammis & vtrique hypochondrio. Quin imo si valentes sint sceminæ & plethoricæ, non fuerit tunc absurdum, antequam magna effluerit sanguinis copia, venam cubiti secare, & per *Phlegmon* partitisque vicibus sanguinem educere.

Quod si iam largiori copiâ effluere incipiat sanguis per inferiora, cohibendus omni arte, quamdiu aliqua adhuc spes affulget salutis & continendi foetus in vtero. A
proinde

proinde exhibeantur frequenter per os ea quæ illum sistere valeant, vt alimenta incrassantia & adstringentia, succus plantaginis recenter extractus, puluis granorum kermes, coralli vtriusque, terræ sigillatæ, & lapidis hæmatitis cum paucio vino rubro adstringente aut aquâ rosaceâ: mastiches etiam aliquot grana non inutiliter deuorantur: item syrupus de papauere ad 3. j. sumptus cum paucio puluere boli armenæ multum profuisse aliquando compertum est. Interea fiant fotus etiam adstringentes & roborantes ex vinaceis vuarum, balaustis, cupulis glandium, & similibus in aquâ fabrorum & vino adstringente decoctis: inungantur totus venter, & renes oleo myrtino, vnguento comitisæ maiori & similibus. Admoueantur emplastra pro matrice, mastichinum aut contra rupturam pubi & lumbis. Item bolus armena aut vulgaris albuminibus ouorum & aceto dissoluta in modum cataplasmati applicatur hepati, hypogastrio, & lumborum regioni. In cuius locum rustici valde laudant stercus suillum recens aceto dissolutum, eisdem partibus admotum.

Non sunt etiam negligenda ea quæ ex proprietate fœtus in vtero continere dicuntur, vt lapis ille Aëtites seu aquilæ dictus, ex collo suspensus, magnæ vmbilico admotus, jaspides, smaragdi, adamantes, lapides sardonij vel topazij, ossa de corde cerui legitima sub axillis gestata; quibus omnibus si nihil proficitur, sed perpetui adsunt naturæ conatus ad expellendum, cum sanguinis copiâ & grumis prodeuntibus, tandem erit quiescendum ab vsu istorum remediorum adstringentium, iuuandæque tunc roborantibus tam sumptis quam admotis, & permittenda fœtus iam abrupti aut diuulsi exclusio, ne cunctatione suâ maiorem adferat noxam matri & vtero. Et sic post peractum opus calamitosum, curanda erit deinceps misera mulier, & tractanda, prout dicemus sequenti capite in regimine enixarum, à quo non differunt istæ quæ abortus passæ sunt.

C A P V T VI.

De partu iuuando & eis quæ ad partum consequuntur.

PARTVS naturalis & legitimus, qui Græcis *ἐντομία* dicitur, nihil est aliud quam infantis perfecti ab vtero exitus debito tempore, & cum leui matris tolerantia. Vbi enim fœtus septem illas quadragenarias tantopere apud Hippocratem celebratas, quæ nonum & decimum mensem complectuntur attigerit, iam numeris suis omnibus absolutus, nouæque vitæ cupidus, imo fortasse quia iam calidior factus indiget aëris respiratione quâ in vtero destituitur, sicut & transpiratione commodâ, dirumpit, vt volunt, calcitrando inuolucra sua; vel, vt credibilius est, præ maturitate suâ, & pondere, vt contingit in fructibus, decidit cum suis secundinis iam ob illius magnitudinem diuulsis in partem abdominis inferiorem: atque in caput conuersus mirâ naturæ prouidentia, vel ob pondus superiorum partium, post effusas interiores illas aquas sanguinisque quantitatem mediocrem, vuluæ ostium petit, quo aperto, & extremo coccygis osse retruso, concurrente etiam vteri & musculorum abdominis expultrice foras cum suis membranis prodit, quasi miraculo quodam naturali, inter hæc ossium pubis, ilium & sacri angustias, in quibus nullam disparationem contingere certissimum est, quidquid dicat Auicennas; vt fiat nouus huius mundi incola. In hoc conatu & diuulsionibus fieri non potest, quin puerpera doloribus torqueatur variis, sed qui cito finiuntur, quâdo celer est & foelix partus: vel certè in maximum degenerant gaudium, vbi & sibi & proli incolumè adesse salutem cognoscit. Vt igitur in aliis omnibus naturæ operibus plurimi possunt contingere errores ac difficultates, sic in isto præcipuè, quod inter alia maximi est momenti: vnde *δυστομία*, difficilis scilicet & laboriosus partus exoritur, qui non solum periculum & molestiam infanti vel matri, aut vtrique aliquando, sed etiam mortem adferre solet frequenter.

Ista enim *δυστομία* consideratur vel ratione temporis in excludendo fœtu, quod vt plurimum non debet excedere spatium viginti quatuor horarum à primo insultu; nam si ad quartum vsque diem moretur eiusmodi parturitio, habetur omnino infausta & difficilis, potissimum quando aquositates illæ in membranis contentæ

iamdiu effusæ fuerunt. Vel ista *δυσονία* dicitur ratione doloris vehementioris, & grauiorum symptomatum, quibus præter modum puerpera torquetur in ipso partu aut post partum, propter quæ sanitatis latitudinem egreditur, & medicis auxiliis deinceps est iuuanda, ut videbimus postea.

Causas autem istius *δυσονίας* tam externas quam internas repetere oportet ex contrariis, vel oppositis constitutionibus earum quæ *εὐτονίας* facilem & naturalem partum efficiunt. Ad quem debent concurrere primò omnia externa bene disposita, non solum tempore partus, sed etiam ante illum, ut in regimine prægnantium proposuimus, quæ exitum istum tempestiuè possint adiuuare: deinde matris ipsius robur, & valetudo commoda cum vteri ipsius rectâ dispositione, quibus ut præcipuis agentibus maxime perficitur iste motus: demum fœtus ipsius alacritas, & bona constitutio, utpote quo adiuuante & promouente istud opus, feliciter omnia succedere solent. Ergo causæ *δυσονίας* erunt externæ vel internæ: Illæ respicient res omnes tam necessarias, ut vocant, quam contingentes: Istæ verò matris, vteri & fœtus cum suis secundinis malas constitutiones, quæ huic rei impedimentum adferre possunt. Quarum enumeratio sigillatim percensenda, ut ex earum peculiari cognitione possimus etiam ea inuenire auxilia, quæ istas difficultates partus tollere valeant.

Ab externis igitur necessariis, siue sex rebus non naturalibus dictis incipientes, dicimus certissimum esse aërem inclementiorem, præcipuè verò frigidum & siccum, qualis est flante aquilone, valde infestum esse parturientibus, quia cogit poros, humoresque versus interiora repellit, & puella exeunti à tepentibus illis locis valde est infensus. Sic etiam torridus & præter consuetudinem exæstuans, in regionibus alioquin temperatis, plurimum obest parturitioni, quia vires vtriusque exhaurit, respirationem efficit laboriosam, & inflammationem febrilem inducit. Idem dicas de usu intempestiuorum balneorum, lotionum, domus, & loci peculiaris in quo habitant, quorum incommoda hisce mulieribus facile communicantur. Eodem modo alimenta cruda, *δυσωπία* & adstringentia, vel nimia quantitate circa horam partus assumpta, ut in voracioribus aut morosis sæpe contingit, plurimum nocere possunt: quemadmodum prægressa ieiunia, necnon odores fœtidi aut suauiores: illi quidem quia conturbant spiritus, & suffocationis periculum infanti aliquando adferunt: hi verò quia alliciunt vterum ad superiora, illiusque dilatationem impediunt, præcipuè in illis quæ hystericis passionibus sunt obnoxia. Somnolentia etiam & stupor in parturiente non sunt bona, tum quia ostendunt inualidam naturæ vim, & parum proposito operi intentam, tum etiam quia retardant & quasi cohibent vtriusque impetum ad efficiendam istam exclusionem. Maior etiam noxa ex parte exercitationis & motus intempestiui, siue nolint stare, ambulare, decumbere, sedere in sellâ obstetriciâ quando opus est: siue importune agitentur præ doloris vehementiâ aut animi imbecillitate: vnde contingit fœtum vel non posse exire secundum debitam figuram, vel amittere illam ob istas circuitiones. Imo annotarunt auctores nostri, quoscunque motus qui videntur ferri ad exteriora corporis, ut oscitationes, pandiculationes, tremores, rigores, suspiria, clauores, risus, & similes noxios esse parturienti: sternutationem autem & compressionem anhelitus ad inferiora illis prodesse admodum. Excretiones pariter ordinariæ præter modum suppressæ circa istud tempus, magnam molestiam inferunt, ut vrinæ vesicam distendentis, fecum in recto intestino induratarum, hæmorrhoidum insigniter tumentium, aut dolentium: tum quia comprimunt vteri ipsius ceruicem, tum quod naturam auertunt à parturitionis conatu. His adde animi pathemata vehementiora, timorem, ut in infirmioribus & primiparis, quæ nondum expertæ sunt istas afflictiones, & præ metu illarum, animo sunt consternatæ: mœsticiam insignem ob prægressa, aut præsentia incommoda, iracundiam præcipitem, necnon ex his tribus compositum pathema molestissimum, quod zelotypiam appellant: his enim agitatæ furiis, velut tempestate quadam à bono & saluari parturiendi portu ut plurimum auertuntur.

His necessariis & consuetis causis difficultatem partus inducentibus, si non necessariæ seu contingentes sese adiunxerint, tunc maius multo negotium parturienti facessent. Inter ista autem præcipuè recensemus adstantes & alia, quæ huic rei opitulari debent: nam & viri debent adesse validi, aut saltem famulæ, quæ illam fulciant & subleuent, dum est in ipso enixu & validioribus illis conatibus, & obstetrix (*μαία καὶ μαυρίστρα* veteres vocabant) imprimis prouida,

prouida, sapiens, & perita, cuius præsentiâ confirmetur, & bene speret de sua salute: Illius enim est munus parturientis animum erigere, debitum corporis motum & situm docere, in sellâ aut lecto conuenienter locare, instantem partum agnoscere, vteri osculum leuiter aperire, puellulum conuenienter exeuntem blandè excipere, morantem promouere, indebitâ figurâ sese offerentem corrigere, & immutare, vmbilicum illius (*unde ἀμφαλότου & ἐμβρυότου dicebatur*) sapienter & tempestiue resecare, secundinam eodem impetu, si fieri possit, educere, & productum infantem comiter ac peritè tractare, vt postea etiam dicemus. Inter externa etiam fortuita recenseri possunt quæcunque ex improviso occurrere parturientibus possunt, vt ictus, casus, & similia, quæ extra Medici nouitiam & potestatem posita sunt.

Interiores causas *δυσκλίας* peculiariter iam consideremus: primò ex parte matris, secundò vteri, tertio ipsius foetus. Quod ad matrem spectat, quæ integris viribus & bene disposito corpore debet ad hoc opus concurrere, vt ritè perficiatur: certum est illius debilitatem, siue sit ex naturæ primordiis, siue ob ætatem, vt in valde iuueniculis & senioribus; seu ob morbos acutos, aut diuturnos quibus in grauiditate ipsâ diuexata fuerunt, aut adhuc detinentur, vt sæpe contingit, maximum hic impedimentum inferre: Imo vbi diutius moratur exitus infantis post tormina, sanguinis effusiones, vigiliis & similia, non est dubium quin difficilior multò sit parturitiô, quam si primo vel secundo die peragatur: sic etiam quæ valde macilentæ & consumptæ sunt corpore, ob siccitatem & angustiam viarum atque etiam infirmitatem: aut valde pingues & crassæ, ob compressionem vteri, multum laborant in partu. Neque solum ratione totius corporis materni, sed etiam partium vtero circumiectarum ista difficultas contingere potest: sic enim abdomen sesquipedale, & omentum crassius non solum sterilitatem, sed etiam *δυσκλίας* infert, comprimendo vterum & vicinas partes: sic ossa ilium, pubis, sacrum, & coccygis, vt in claudicantibus & distortis, malè conformata: intestina flatibus distenta, vesica calculo, inflammatione, aut aliis affectibus detenta: pulmones male affecti & reliquæ partes respirationi dicatæ, quarum auxilio multum iuuatur exitus infantis, cohibendo anhelum, & spiritum ad inferiora propellendo, maximam sæpe parturientibus difficultatem attulerunt. Nouimus etiam quasdam infirmiores ventriculo aut cerebro, quibus instante partu contigerunt vomitus vehementiores, aut epileptici insultus cum magno foetus detrimento & matris periculo. Quod de aliis partibus eodem modo dici potest. Sed præcipue de vtero, qui secundas tenet post matrem ad excludendum infantem in suo sinu delitescentem. Quotiescunque enim vel ante partum, aut in illo grauioribus occupatur affectibus, similaribus, organicis, vel communibus, impossibile est felicem esse parturitionem: sola enim obstructio, vel adstrictio illius, siue fundum, seu orificia, aut in atricis collum respicias, tantum negotium hic facessit, vt sæpe ob illas dispositiones ad chirurgicam operationem sit deueniendum, vt postea videbimus. Intemperies itaque omnes vteri insigniores, tumores præter naturam & *Φυμάσις*, distorsiones, relaxationes, vlcera & cicatrices, aut callositates grandiores, sunt grauissimæ *δυσκλίας* causæ, & maximè curatu difficiles in tam subitaneo & præcipiti affectu.

Quemadmodum autem mater & vterus præter naturam se habentes hic negotium facessunt, sic etiam foetus; nam & ratione substantiæ, & quantitatis, & figuræ, & illi adiutorum impedimenta partui frequentissimè inferre solet. Vitium enim substantiæ in foetu adest, quoties vel mortuus, vel putrefactus, malignâ quadam labe infectus, aut alio quocunque modo morbosus & debilis in vtero latitat, nec concurrat in ista actione, aut quicquam virium præstat ex parte sui ad promouendum partum. Ratione autem quantitatis tam continuæ quam discretæ peccat foetus in vtero, & impedimentum adfert partui, quando maioris est molis, quam par sit, vel secundum totum corpus, vel ipsum caput, vt apparet in pueris illis qui *μεγαλόκεφαλοι* nascuntur: quando etiam plures sunt in vtero vel gemelli & discreti, vel coherentes simul: aut certe vnicus, sed pluribus membris, quam speciei ratio ferat, præditus, vt duplici capite, tribus brachiis, aut manibus deformis. Ratione etiam situs & figuræ seu compositionis membrorum pueri ad exeundum ab vtero idoneæ, plurimi & molestissimi errores contingere possunt in partu. Etenim quamdiu latet in vtero infans suis inuolutus tunicis, ibi quasi conglobatus manet, manibus ad genua admotis, capiteque inclinato supra manus, & cruribus molliter reflexis, donec adueniente exitus tempore, disruptis ob maturitatem membranis, suo quasi pondere, &

supernarum

supernarum partium grauitate in caput reuoluitur, & ostium matricis adit quasi exploraturus, vt foras citò erumpere possit. Hæc figura infantis ad exeundum comparata, *ἰσχυρὰ* dicitur, omnium naturalissima, & vtilissima existit, tum quia capite proprio suoque pondere, vt diximus, facit sibi viam ad exeundum: tum quia sub hoc schemate nullum aliud membrum distorqueri aut reflecti potest, ex quo sequatur impedimentum in partu. Alia igitur omnia schemata vitiosa & partum remorantia plus minus, vt quando in pedes aut manibus præuiis exire conatur, quando vnum tantum pedem vel manum exerit, aut sese offert duplicatus in nates, in ventrem, & similes corporis partes: sub quo situ impossibile est, aut certè admodum difficile partum innoxie succedere, tum propter summam matris molestiam, tum infantis labores, cuius membra diuelluntur, & contorquentur aliquando, si sub hac figurâ exeat, vel ita comprimuntur vt frequenter in hoc statu intereat & suffocetur. Ratione denique adiunctorum foetus contingit difficultas partus, vtpote membranarum, quas nomine secundinarum audiunt authores nostri, quia secundæ & statim post foetum, si fieri possit, exire debent: quamquam etiam aliquando in feliciori partu capiti infantis inuolutæ instar galeæ exoriri soleant. Quotiès autem nimium sunt tenues & infirmæ, vt eludant vim excreticis facultatis, vel citius quam par est disrumpantur, vnde contingit præcox & nimium festina aquarum, quæ in illis continentur effusio, & à quibus lubrica & mollis debuit reddi via foetui, dum paratus esset ad exeundum, quam deinde resiccatam reperit. Vel quando nimis sunt crassæ, & duræ, vt facile à foetu disrumpi non possint, vel post eum cito exire nequeunt, quia vteri acetabulis firmiter adhærent: ista omnia *δυσκολίαι* inferre solent. Quibus adde omnes tumores præter naturam, in vtero aut foetu geniti: Item molæ coniunctionem, quæ dum foetui firmiter adhæret, debet simul exire, & propter suam molem adiutum vtrique diutius præpedit, aut aliquando foetum ipsum interimit. Vnde à quibusdam Practicis ista mola foetui iuncta *frater Longobardorum* appellatur, quia frequens est eiusmodi parrus in agro Mediolanensi seu Insubriâ, ex quo multum mulieres illæ affliguntur. Atque hæc de præcipuis *δυσκολίαις* causis.

Præcognitis itaque causis, quæ facilem vel difficilem partum excitare possunt, iam est ad diagnosin veniendum. Oportet enim instantem partum agnoscere, priusquam de illius euentu pronunciemus, aut quædam auxilia ad eum iuuandum adhibeamus: deinde causas à quibus illi difficultas adferri potest, distinguere, vt pro earum varietate, methodicam nostram *θεραπεύειαν*, quando opus fuerit, instituere valeamus.

Vbi igitur ex supputatione prægnantis septimus, octauus, nonus, aut decimus mensis grauiditatis superuenerint, & in illis contigerint dolores & tormina frequenter & valide sese consequentia versus pubem, lumbos & inguina, non est dubium quin natura excretionem infantis moliat, quæ tunc in prociectu maxime credenda est, quando venter in superiori parte subito detumescens, ad inferiora quasi deuoluitur, genitalia intumescunt, vulua humectatur, vrinæ incontinentia vrget, & osculum matricis à peritâ obstetrice contrectatum primò oui instar inflatum, deinde hians deprehenditur, mox aquarum sanguinisque effusione madidum. Quæ si ritè succedant, solius naturæ impetu puer pronus in caput manibus ad genua conuersis sese obstetrici offert, & mediocri parientis conatu per vteri ceruicem saluus erumpit, cuius vmbilicalia vasa adhuc vtero adhærentia conuenienter primò ligantur, ne sanguis per ea effusus internecionem aut summam debilitatem puello inferat, vt sæpe visum est: deinde secantur, manu obstetricis firmiter apprehensa, quæ non debet prius dimittere, quam monitâ muliere & erecta, vt vno aut altero impetu cum sanguine profluente inuolucra etiam illa quæ secundinas appellamus, postmodum excludat. His enim peractis feliciter, nihil amplius supererit, quam vt enixæ & infantis nuper nati conueniens cura habeatur.

At verò in difficili & laborioso partu omnia ista perverso ordine succedunt, nam siue externa impediunt à nobis commemorata, seu mater ex parte sui deficiat, siue vterus male sit dispositus, aut infans non sequatur naturæ leges, magna contingit perturbatio in opere isto perficiendo. Malam autem externarum causarum constitutionem, siue necessariorum seu contingentium, facile erit ex præsentibus aut prægresso rerum illarum statu cognoscere. Matris verò defectus in toto aut partibus, vtrique affectus ex conuenientibus etiam signis oportet deprehendere, quæ suis peculiaribus tractationibus suere propolita. Infantis autem errores, & illi
adiunctorum

adiunctorum innotescunt, si sit debilis, malignâ aliquâ labe infectus, aut alio modo morbosus ex prægressis affectibus tam acutis quam chronicis, quibus diuexata mater secundum totum corpus, vel ipsum vterum vitiosam aut deficientem alimonia[m] foetui in vtero præbuit, eiusque vires propter summam foetæ & foetus *non viciat* grauius afflixit. Vnde Hippocrates in *Aphorismis*, fluentibus menstruis in grauidâ eodem modo quo ante conceptum, impossibile esse putat foetum bene se habere, & dum mammae subito in prægnante gracilescent, significatur maxima foetus & vteri debilitas, propter eum qui est illorum cum mammis consensum. In eiusmodi etiam foetus debilioris aut morboşi gestatione multum laborarunt prægnantes, exiguos ac raros illius motus in matrice perceperunt, & instante partu nullos, aut certe languidos impetus: ex iis verò si diutius morentur, contingit mori infantem in vtero, vel suffocatum, vel præ languore & virium deiectione: tuncque error contingit deterior priore, quia demortuus infans non solum impedit parturitionem, quia eam non iuuat; sed instar lapidis aut rei cuiusuis inanimatæ hinc inde in vtero voluitur, sed etiam noxius est suo foetore & putrilagine, quam ibidem concipit diutius retentus. Ideo dignoscendus quamprimum infantis in vtero interitus, vt ante excludatur, si fieri possit, quam corruptelam suam matri communicarit.

Vbi igitur illud contigerit, primò cessat motus ille, quem prius in vtero mater aut obstetrix percipiebant, admodum manu aut aliis rebus repentibus, quibus exsuscitari solet, dolorque grauis & cum maiore ponderis sensu hypogastrion infestat: ventris inferioris frigiditas tactu deprehenditur, extincto calore natiuo & dissipatis spiritibus qui ibi continebantur: prouoluitur moles illa in vtrumque latus conuersâ matre. Tandem putrescente foetu, ichores foetidi & saniosi ab vtero emanant: abdomen ob vapores eleuatos inflatur, teter odor & graueolens spiritus non solum ex ore matris per anhelitum, sed etiam toto corpore exhalat, vnde aliquando febres oriuntur, & vbi iam magis sæuire incipit illa labe, lipothymia superueniunt, oculi redduntur concaui & turbati, pallor horrendus faciem occupat, frigus liuorque in extremis apparent, donec foemina tandem è medio tollatur. Hæc enim est demortui in vtero foetus & miserrima catastrophe.

At vbi error contingit in partu ex parte quantitatis foetus: si sit nimia magnitudo in toto corpore, vel capite simpliciter, aut ratione vteri angustioris, id à peritâ obstetrice facile percipitur, quia quantumcunque rectè procedente puero & impetum faciente, non potest tamen per illas angustias euadere, sed in ipso orificio subistit: ingens distentio & moles sentitur: omnesque causæ præcesserunt, quæ illius quantitatem augere possunt. Idem dicas de geminis aut pluribus foetibus sese inuicem præpedientibus, de monstrosis conceptibus, quibus partes abundant aut male sunt cõformatæ, quæ omnia tactu ferè dignoscuntur, & vario motu situmque qui in vtero percipitur. Figura etiam deprauata animaduertitur facile, quia offert partem aliquam, quæ primò exire nequit sine periculo, vt pedem, manum & similia à nobis dicta. Denique cognoscemus adiuncta foetus impedimentum in pariendo adferre, si omnibus aliis bene se habentibus, aliquid tamen lateat, quod exclusionem istam retardet: secundæ quidem tenuiores & molliores quam par sit, innotescunt, quando in primo impetu distrumpuntur & emittunt illas serositates, quæ humectare debent & lubricam reddere istam viam: duriores verò quando non possunt post multa tormina effringi, continentque foetum, & aquas illas firmiter sine vlla effusione. Quod si aliqua mola, aut tumor præter naturam iunctus est cum foetu, sentitur etiâ aliquid firmitus adhærens vtero, præpediensque infantis exitum: tempora computationis incerta & confusa propter istam complicationem præcesserunt, & in tumoribus præter naturam, aut molâ impossibile est grauidam commodè habuisse in ipsâ gestatione, sed grauioribus symptomatis infestatam ad istam partus horam peruenisse. Ex his igitur & similibus *διὰ γινωσκ* causarum difficilis partus stabiliemus.

QVOD AD *πρόγνωση* SPECTAT. Partum difficilem & laboriosum fore præfagiet Medicus, si possit antè cognoscere statum causarum à nobis enumeratarum, potissimum si prægnans sit primipara, tenuiori corpore & sicciori, angustioribus lumbis, & clunibus, distortis coxis, aut alio modo circa istas partes male conformata. Si sit annosa nimium, aut iuuenicula, animi & corporis infirmioris, propter natiuam constitutionem, aut prægressos morbos. Si aquarum aut sanguinis effusiones frequenter in illâ apparuerint, priusquàm partus instaret cum abortus periculo: Si lac copiosum & crudum ex mammis effluerit, aut illarum extenuatio insueta, & pallor diutius perseuerarint, potissimum circa vltimos grauiditatis menses. Denique si languoribus & horroribus frequentioribus

per intervalla corripiatur. Imo si nullos, aut non sufficientes dolores in ipso partus conatu perferat, suspectum est illud Hippocratis in *Concis*, quia summam utriusque imbecillitatem significat, aut partium istarum ἀναίσθησις & quasi νάρκη ab eneruato calore natiuo. Bonum est autem sternutationem partui superuenire apud Hippocratem, cum vehementiori concussu naturæ vim sopitam excitet, & illud quod firmiter corpori adhæret, isto spirituum ad inferiora impulsu excutiat. Vbi partus diutius moratur, ut ad quartum usque diem, vix fieri potest sine utriusque magno discrimine, ut dicebamus: infans enim ut plurimum in utero moritur, diuulsis iam acerbis, quibus maternum sanguinem & spiritum vitalem alliciebat: continuus quoque iactatus doloribus interit. Mater etiam valde debilitata vix sufficere potest deinceps ad novos conatus perferendos, qui ad istam exclusionem sunt necessarii. Veniamus igitur ad auxilia, quibus puerperæ in eiusmodi periculo constitutæ iuvare possunt.

De partu huius affectus partim communia quædam habet, quibus uti potest Medicus in quovis difficili partu iuvando: partim quædam peculiaris & appropriata differentiis causarum, à quibus δυστοκίαν excitari diximus. Quod ad communia spectat, primo oportet in quocunque partu rationem habere virium puerperæ, videlicet ne collabantur nimis, & caloris natiui, qui occupatus maximè & intentus huic operi non est reuocandus multitudine eduliorum ad concoctionem ventriculi. Ideo alendæ sunt ἐνέργειαι & ἐνχύσεις, paucâ quantitate, sed frequenter exhibitis ad reparandos spiritus, utpote iusculis, consummatis, panatellis, gelatinis, aqua vel stillatitio iure carniū, expresso aut contuso caponis, cruris veruecis & perdicis, ovis tremulis, pauco pulvere ducis, qui ex saccharo & cinamomo conficitur, aspersis, frustulo panis in vino generoso, ut maluatico, cretensi dicto, intincti: vel etiam vino Hippocratico propter cinamomum, dummodo nulla adsit febris, vel inflammationis vterinæ suspicio. Odorentur etiam frequenter vinum aut acetum calfactum cum paucâ nucleis moschatâ & garyophyllis. Quod si diutius protrahatur parturitionis tempus, exhibeantur quædam solidiora, ut nuces saccharo conditæ, cortex citri & similia, quibus ventriculi robur instauratur. Aër etiam in cubiculo parturientis ita temperetur, ut nullum qualitatis excessum repræsentet, omnisque foetor & immundities tollatur, idque omne quod terrorem incutere possit, ut sanguis ex utero in terram effusus & similia. Indulgeant leuiori somno quando conquiescunt tormina, & nulla se produnt exituri infantis propemodum signa; plus tamen vigilandum, ut acrior sit naturæ pugna, & celerior, si fieri possit, expulsio illius iam ad exitum properantis. Si vrina aut fæces sint diutius retentæ, educantur commodè suppositoriis aut clysteribus, quia hoc multum impedire solet parturitionem ob viciniam partium quæ ista excrementa continent, cum utero, à quibus comprimi posset. Omnium adstantium sit alacritas, & iucunda cum parturiente locutio, ut erigatur illius animus, neque permittatur cuiquam iuuenulæ, virgini, nuper nuptæ aut inexpertæ labores istos in cubiculo illius morari: quia clamoribus & eiulatu parturientis perterrefactæ summam etiam perturbationem reliquis inferre solent. Imprimis autem obstetricis hic solertia elucescere debet, quæ puerperam iubeat decumbere, ambulare, stare, aut sedere in sellâ conuenienti, quando opus fuerit: neque enim citius quam par est aut alieno tempore oportet ista præstare: neque etiam vteri os diuellere, priusquam sponte sua dehiscat, quod tunc leuiter & placidè contrectare debet, intinctis oleo liliorum vel amygdalarum dulcium digitis, accuratèque vnguibus resectis, ne quid interius violet. Vbi iam caput infantis ad vteri orificium apparet, illam in sellâ collocare, quæ nullo modo comprimat clunes, & postremum coccygis os: vel eam duabus foeminis robustioribus aut viris, si eorum sit copia, fulcire, & ad exercendas gnauiter vires hortari, compresso anhelitu & ad inferiora vehementer compulso. Quod si sternutatio superueniat, aut arte excitetur, ut solent, paratam esse ad festinè excipiendum, educendumque molliter infantem ab utero exeuntem.

Eodem tempore ubi partus magis moratur, possunt adiuuare coxis ea quæ ex proprietate creduntur iuvare partum, ut lapidem Aëritem, styracem calamitam, coriandrum viride, aristolochiæ, polygoni vel dictamni cretici radicem & similia. Imo in illis quæ solent diutius torqueri in eiusmodi partibus, non erit inutile post aliquot horas, ut dimidij diei spatium, aliquid per os propinare, quod excitare possit naturam torpentem, aut nimium in isto opere morantem. Quæ omnia quamdiu foetus viuit, & in utero adhuc manifestè mouetur, debent esse mitiora

ac naturæ familiaria, velut diætetica tantum, ne ab ætioribus aut vehementioribus interimatur; idque imprimis notandum in vſu iſtorum remediorum vteri, expulſionem prouocantium. Itaque in principio ſolemus exhibere cochlear vnum aut alcerum aquæ cinamomi, vel puluerem cinamomi & croci cum iuſculo vel vino albo tenui, aut decocto cicerum rubeorum & petroſelini. Noſtrates mulierculæ, vt plurimum vtuntur axungia ſerpentis cum iuſculo diſſoluta: quia tenuandi molliendique maximam vim habet. Vbi paulo validioribus eſt agendum, propinant ſtercoris falconis ſeu accipitris, aut trochiſc. de myrrha 3 j. cum aquâ artemiſiæ aut vino albo, vel præſcribitur ſequens iulepus.

4 Trochiſcor. de myrrha 3 j. cinamomi tenerioris & electi, corticis caſſiæ ſiſtularis, quæ hîc peculiari quadam dote creditur agere, ana 3 j. croci gran. ij. ſyrup. byzantini 3 j. Cum aquâ fœniculi fiat potio, quæ detur calidè, vt citius in actum reducatur. Interea dum procrastinat exitus infantis, ſolet apud nos frequens eſſe vſus confectionis alkermes: cuius deſcriptio antè aliquot annos ita fuit inſtituta à profeſſoribus noſtris, addendo ſuccum ipſum fructus kermes, minuendo doſim lapidis lazuli & ambari, vt mediocri pretio à tenuioris fortunæ hominibus nunc comparari poſſit, & tuto quibuſuis exhiberi, tam viris quam fœminis, debilitatè virium tentatis, etiam alui fluxu detentis, atque in ipſo puerperio vtiliſſimè vſurpari ad 3 ſſ. per ſe vel cum vino aut iuſculo diſſoluta, tum quia roborat admodum cor, ventriculum, & reliqua viſcera, tum quia ratione cinamomi & moſchi plurimum prodeſt ad recreandum vterum, illiusque vias reſerandas. Quod obiter dictum ſit aduerſus quorundam ſententiam, qui illius vſum in partu & aliis caſibus improbant.

Vt autem ad propoſitum noſtrum redeamus, mirum eſt quot generibus remediorum mulierculæ vires tunc robore & morantem partum accelerare conentur. Cor è viuenti & ſubito diſſectâ columbâ auellunt, & ita ſpiritibus turgidum, calens adhuc, tremensque deuorandum puerperæ exhibent, magno, vt illæ aiunt, ſucceſſu. His tamen & aliis non eſt omnino obtemperandum, ſed ſelectis præcipuè inſiſtendum, ne ſcilicet vſu frequentiori & importuno aliorum febris excitetur, aut vterina loca incendantur, vel tandem copioſior hæmorrhagia excitetur.

His omnibus fruſtra tentatis, iam veniendum ad peculiarem cauſarum conſiderationem, quæ fœtum tamdiu in vtero remorari poſſunt, vt illis conuenienter & maturè proſpiciamus. Quod ad exteras ſpectât, illarum rationem habere ſuperius docuimus ex regimine ſex rerum non naturalium & annexarum. Internæ igitur in hoc caſu perluſtrandæ, vtpote ſi ex parte matris pendeant, in tantum corrigantur aut in melius reducantur, in quantum rei huiuſce ſtatus & præcepto occaſio permittet. Vtpote ſi debilior, ſi morboſa aut aliis incommodis oppreſſa, ſubleuetur iis omnibus, quæ dicta fuere à nobis vires recreare & augere ad ferendos iſtos labores paratus. Si valde tenuis & macilenta conſumptoque & reſiccato corpore, humectanda & mollienda non ſolum conuenienti victu, ſed etiam balneo vel ſemicupio aecommodato, ſi vires ferant, aut ſaltem fotibus & linimentis omnium partium vtero circumiectarum, quorum formulæ ſæpius fuerunt propoſitæ. Si pinguior aut craſſior toto corpore, omento, abdomine, aut ſimilibus partibus vtero vicinis, à quibus premantur vteri viæ, conſulit Ægineta & reliqui Præctici, vt pariat quadrupedum more prona & genibus ſubnixâ: quia tunc omentum & venter pinguior propendens ad inferiora relinquunt liberam oſculi vterini viam, ipſeque vterus deuolutus in hypogaſtrium, non præpedit exitum ipſius infantis per canalem ceruicis. Eodem modo, ſi coxæ diuaticatæ, ſi pulmonum inſarctus, veſicæ aut inteſtinorum obſtructiones, vomitus & ſimilia impedimentum hic adferre videantur, erunt ſimiliter curanda, quantum fieri poterit, vt acceleretur partus. Vteri verò diſpoſitiones inſigniores & præter naturam, quando concurrunt cum parturitione, tantam ſæpius inferunt difficultatē, vt tunc fere oporteat recurrere ad Chirurgicali operationem ſiue ſectionem, quemadmodum ſupra annotauimus, & poſtea dicemus: quia impoſſibile eſt fœtum alio modo exire, quando aſt illius *ſtationis*, obſtruſtio ab aliquo tumore, diſtorſio, vel obliquitas nimia colli, & ſic de reliquis.

Ex parte verò fœtus exoriantur impedimenta magni momenti, quæ auxilio medico indigent: quando debilior eſt v.g. fœtus, recreandus ſotu vini generoſi calentis, admoto panis fruſtulo leuiter torrefacto & irrigato aquâ imperiali, ſeu magmate, pane ſimiliter roſaceo ſinapiſato, puluere granorum kermes & nucis moſchatæ cum paucò vino. Aliquando applicare ſolemus fruſtum carnis

veruetinæ calentis irroratum aquâ rosaceâ, aut omentum ex recenter mactatâ que, & similia, quibus calor natiuus infantis suscitetur, quamdiu in viuis fuerit. Vbi autem primò demortuum esse in vtero apparuerit, ob alimenti defectum, plethoram insignem quâ suffocatur, cacochymiam humorum, affectus morbosos matris, vel certè ob sumpta medicamenta vehementiora, aut alimenta insigniter acria, amara, & sic de reliquis: vel, quod hic est frequentius, quoniam disruptis citius quam par est acerabulis quibus connectebatur vtero, & maternis vasis non amplius vitalem illum calorem per arterias recipere potest, & sic in loco illo concluso, & imperspirabili suffocatur. Quacumque igitur de causâ extinctus fuerit, conandum est quamprimum, vt foras propellatur, antequam putrilaginem conceperit, maioremque noxam matri vteroque attulerit.

Ad id præstandum vehementiora, quam dum viuis esset, vsurpari possunt, tum quia nullum ei deinceps periculum inferre queunt, tum quod multò potentius concitanda est facultas excretrix cessante omnino infantis motu. Exhibentur itaque per os decoctum sabinæ, foliorum dictamni & baccarum lauri: puluis bauracis ad ℥ j. cum vino albo aut aquâ artemisæ: myrrhæ & castorei puluis ad ℥ ij. incorporatus cum succo fœniculi instar pilularum mollium, post quas assumatur decoctum cicerum rubeorum, cinamomi & foliorum petroselinii. Idem dicas de succo mercurialis aut decocto aristolochiæ, radicum ireos, verbenæ, genianæ, foliorum thymi & similium, quibus magna vis inest attenuandi & aperienti. Imo si res cunctetur diutius, non est inutile aliquando constantibus viribus medicamentum catharticum exhibere, quia simul eliciuntur vitiosi humores, qui cito & facile colliguntur in isto statu, & consecutione quadam propellitur fœtus. Non omittendi etiam forus ex emollientibus & digerentibus, aperientibus & irritantibus, vt pote addendo supradictis radic. ireos florentinæ, cucumeris agrestis & aristolochiæ: flores genistæ & stœchados in vino albo decocta: post quorum vsum non erit inutile inungere hypogastrium, pubem, & lumbos vnguento de artanita vel felle taurino cum pauco puluere colocynthidos & agarici. Item fumigia ex eisdem suscitare, quæ per embotum suscipiet, aut ex vngulâ mulæ, piscibus salitis, castoreo, galbano, & similibus: quibus adiungere possumus pessaria composita ex benedictâ laxatiuâ cum puluere colocynthidos & succo mercurialis, aut oleo rutacæo. Sunt qui induunt solam radicem ireos nostratis vel cucumeris agrestis, oleo amygdalarum dulcium vel butyro delibutam, ne acrimoniâ suâ partes istas exulceret.

Demum si non succedat expulsio infantis demortui in vtero post vsum istorum remediorum, vel quia fractæ sunt matris vires, vel quia infans putrefactus intumuit ibidem: antequam malum istud augeatur, non est dubium quin accedendum sit ad Chirurgicam operationem, quam veteres ἐμβρυοτομίαν appellabant, cuiusque descriptionem proponit *Ægineta libro sexto*, & *Aëtius terrab. 4. ferm. 4. cap. 23.* Hac nostra ætate multi sunt, qui artificiosè admodum, sine tanto instrumentorum apparatu & terrore, solâ immissâ manu in vterum aut vinculis comitata fœtus demortuos apprehendere & extrahere norunt; vel integros vel per frustra dissectos, quando aliter fieri nequit. Post extractionem curiosè tractandæ sunt miseræ istæ puerperæ alimentis & medicamentis roborantibus, ne omnino collabantur vires & moriantur, quod sæpe contingit, si tardius facta fuerit ista operatio: à quâ valde est diuersa illa; quam sub cæsareo partu intelligunt authores nostri, & de quâ disputant recentiores.

Est enim cæsareus partus, vt de eo obiter etiam aliquid dicamus, infantis in vtero existentis extractio per cæsum seu sectum abdomen & ipsum vterum, superiori eius parte quâ respicit musculos epigastrii, quando nulla spes est fœtum exire aut extrahi posse per viam consuetam, id est per collum matricis, ob tumorem præternaturam, distorcionem, diuarcationem aut similes affectus in eo genitos: vel enormem fœtus magnitudinem vnius aut plurium, quæ nos cogit ad opus istud accedere, siue sit viuis adhuc, siue demortuus. Hic autem quæri solet, vtrum desperato naturali partu, cæsareus tentandus sit, nempe quando fieri nequit, vt per vias consuetas educatur, debeat Medicus consulere istam sectionem vteri, vel possit exerceri sine opprobrio & Artis infamiâ. Multi enim existimant saluâ & matre & fœtu hanc operationem fieri posse, inter quos *Franciscus Rossetus* huius Academix Doctor libellum ex professo edidit, vbi hanc sententiam pluribus confirmare nititur rationibus, experientiis, & authoritatibus. *D. Laurent.* etiam in anatomicis quæstionibus ad illius opinionem

opinionem accedere videtur. Sed ut liberè dicam quod cenſeo, ſupponunt illi extinctâ matre aliquando ſuperſtitem eſſe poſſe adhuc in vtero puerum, cuius ſeruandî cauſâ hæc ſectio inſtitui debeat: quod omnino eſt impoſſibile: quandoquidem foetus in vtero exiſtens, non aliâ vitâ quam maternâ ſubſiſtit, vnde eâ extinctâ illum etiam ſtatim mori neceſſe eſt. Ac proinde in hoc caſu inutilis iſta ſectio. Quando verò foetui mortuo ſuperſtes adhuc eſt mater, non videtur illa via capeſſenda, quæ interitum matri certum inferre videtur. Vbi autem vterque adhuc eſt ſuperſtes, exiſtimo ego quidem tentari poſſe ad ſeruandum puellum, ſi alio modo exire nequeat, quamvis matris interitus ſubſequatur, quia melius eſt ſeruari vnum, quam vtroſque ſimul perire: vel quia aliquando magis intereſt reipublicæ ad illuſtrioris familiæ conſeruationem, vt puer ſaluus ſit quam mater: vnde apud Romanos multi fuerunt Cæſares & Cæſones, qui ex vtero materno hoc modo ſalvi & incolumes educi fuerunt per iſtam ſectionem, matribus per-euntibus. Quis enim Hippocraticæ Aphor. 18. ſect. 6. doctrinæ peritus crediderit vterum tantam ſolutionem in ſuo fundo pati poſſe ſalvis parturientis rebus, quam oportet fieri per medios epigaſtrij muſculos & peritonæum, cum hæmorrhagiâ inſigni, ad educendum inde puerum? Nam quod dicunt ex Ægineta, aliquando totam matricem delapſam & præcipientem fuiſſe reciſam & ſublaram ſine interitu mulieris, multò credibilius eſt, quia tunc ſana eſſe poteſt & robuſta mulier ad id perferendum, neque inferitur tanta vis toti corpori, aut reliquis abdominis partibus, quanta ſit in eiufmodi ſectione cæſareâ. Deinde facilius eſt hæmorrhagias ſiſtere ligatis vaſis aut alio modo obturatis, caloremque natiuum ſouere, & cætera remedia admouere, quæ ſunt ad curandum neceſſaria. Imo multò ſecurius eſſe totam reſcindere, quam diſſecare illius partem, apparet exemplo puncti aut cæſi parum tendinis, in quo vrgentibus conuulſionibus & dolore cogimur ad illorum ſedationem totum diſſecare, etiamſi poſtea pereat membri illius motus. Dicimus inſuper ea omnia eſſe de raro contingentibus, & Æginetam ex aliorum potius relatu aut historiâ, quam proprio experimento illud in medium adduxiſſe. Nos igitur ad alia partus impedimenta tranſeamus.

Ratione itaque foetus, dicebamus difficultatem in partu contingere etiam aliquando propter magnitudinem illius nimiam, vel multitudinem. In quo caſu laxandæ ſunt & amplificandæ viæ, per quas exire debet, quantum fieri poterit: ſi minus ad operationem illam Chirurgicam erit veniendum, quæ manu educat eiufmodi grandioſiorem aut numeroſiorem foetum mortuum, integrum, vel ſi impoſſibile ſit, membratim diſſectum, antequam vires matris nimium concidant. Præcipua difficultas poſita eſt in educendo capite grandiore, propter figuram illius ſphæricam, quæ facile comprehendere non poteſt, vbi à corpore eſt ſeparatum: tunc igitur comminuendum erit in partes: vel ita comprimendum & elongandum, vt deinceps facilius exire poſſit.

Situs autem & figuræ vitia, propter quæ impeditur partus, ita ſunt à peritâ obſtetrice, vel Chirurgo emendanda, vt leuiter retruſâ eâ parte, vt brachio, pede, vel ſimilibus, quæ erroris iſtius cauſa exiſtit, conuertatur infans in decentem figuram, nempe caput, & ſic blandè educatur. Vel ſi hoc fieri nequit, quando pedes primi ſeſe offerunt, ita componantur ad latera manus, vt exitum minus impedire poſſint: melius enim eſt infantem periclitari de fracturâ vel luxatione alicuius membri, quam in vtero diutius morari cum ſummo vtriuſque periculo: propter quod cogimur etiam ſæpe in hoc caſu ad manuaſem operationem confugere. Idem dicas de coniuncto foetui tumore aliquo præter naturam, aut molâ, vt ſupra proprio capite dicebamus. Superſt eſt igitur, vt de ſecundâ poſt partum relictâ paucis agamus.

DE SECUNDINA RETENTA. Per ſecundam autem ſive ſecundinam dicebamus Medicos nihil aliud audire, quam inuolucra & membranas quibus foetus in vtero alligabatur, & aquoſitates illæ continebantur, ex quarum præcoci aut præpoſterâ effuſione, difficultas etiam in partu contingit propter ſiccitatem viarum, quæ ab eis humectari & liqueſcere debent ad faciliorem infantis exitum. Secundinæ autem iſtæ, membranæ, ſeu inuolucra foetus ſtatim cum ipſo, vel paulo poſt, & minimo conatu exire debent, ſi omnia ſæliciter in partu & proſperè ſe habeant. Vbi verò diutius poſt illum intus detinentur, exoritur affectus in genere retentorum præter naturam: quia iſtæ membranæ excluſo foetu non ſolum inutiles ſunt, ſed etiam noxiæ, multisque ſtipatæ ſymptomatis.

Retinentur verò diutius in vtero post partum ob varias causas tam externas quam internas ; externas quidem , vtpote à subito aëris frigidioris appulsu, à quo repellitur secundina , & orificium vteri coarctatur : ob aquæ frigidioris potum : odoramenta etiam quæ sursum alliciunt vterum & exagitant : ob subitum timorem , vel terrorem : ob parturientis morositatem , quæ nequit aut non vult eo in situ manere , vel eos conatus præstare , qui requiruntur ad opus istud perficiendum : Item ob infantis pondus , quo disrumpitur aliquando vmbilicusex improviso. Sed præcipuè propter imperitæ obstetricis temeritatem , quæ citius resecat vasa vmbilicalia quam par esset , aut non retinuit sinistra manu vt debebat ad extractionem istarum tunicarum , quæ illis adhærent : fit enim tunc vt sursum reuulsus & quasi retractus in vterum vmbilicus , non possit deinde educi tam facile foras. Internæ autem causæ cur retineantur , esse possunt præcipuæ istarum tunicarum nimia crassities , aut quando nimium vteri parietibus adhærent : vel etiam earum exilitas , quæ eludit vim excrettricem partium istarum : aut quando propter diuturniores partus labores vterus & secundinæ intumescunt & inflammantur cum affluxu humorum : vnde aliquando succedit putredo hisce membranis:corrumpuntur enim tum quia amplius non aluntur occlusis cotyledonibus,per quos trahebant sibi & foetui nutrimentum:tum quia in calido humidoque loco conclusæ non euentilantur.

Facilis est igitur retentæ in vtero secundinæ cognitio , quia debet cum partu paulo post partum excerni. Causarum etiam tam internarum quam externarum notitia habebitur ex constitutione earum rerum quæ dictæ sunt à nobis illam extra vel intus detinere posse. Sic etiam vbi putrescere & inflammari incipit , agnoscetur ex vteri tumore , dolore , continuâ febre , pulsu immutato , & foetore insigni : imo ingrauescente affectu incipit teter vapor ventriculum , cor , hepar , diaphragma & aliquando cerebrum impetere:vnde nausæ , lipothymia , dyspnœa , linguæ scabrities , sudores diaphoretici , extremorum frigus , suffocationes hystericae , epileptici insultus , & tandem mors ipsa subsequitur. Hinc igitur apparet , quod ad prognosim spectat , quantum periculum immineat hisce mulierculis ex retentis diutius istis secundinis : Optimum esse vult Hippocrates , quando apparet citò sanies copiosa , & per pudendum effluit , idque confirmat *sect. 2. lib. 2. epidem. historiam* vxoris cuiusdam Coriarij: quia tunc spes est illas sexto vel septimo die computrefactas sponte sua decidere posse.

Non est igitur negligenda ista curatio : sed eiusmodi mulier conuenientibus alimentis , cardiacisque medicamentis tam sumptis quam admotis diligenter roboranda , ne concidant vires , aut teter fumus partes nobiles inficiat. Perficietur autem per sublationem integram rei noxiæ siue substantiæ præter naturam retentæ. Illud autem præstandum in principio , si fieri possit , dum adhuc vmbilicus extra vterum prominet cum foetu , vel resectus manibus obstetricis tenetur , vel coxæ mulieris est alligatus , vt solent peritiores facere , leuiter trahendo hinc inde , non recta , ne simul vteri fundum euertatur , & matrix præcipitetur ; sed in obliquum & quasi in orbem : excitando etiam sternutamenta , ex *Aphor. 35. sect. 5. naribus* oclusis , & concitando fortiter spiritum versus inferiora ; quemadmodum & commodè tussim , dummodo illius impetus feratur deorsum : aut suffiendo vterum ex vngulæ asuinæ ramentis combustis , quam ad hoc peculiarem quamdam proprietatem obtinere scribunt Practici : aut cornuum capræ apud Hippocratem: vel potius ex odoratis , vt cassiæ cortice , nardo , thure , & styrace : ita tamen vt nares non feriant ; quia ista dilatabunt , & aperient vterum , eumque quasi comonefacient de excutiendis hisce secundinis. Possunt etiam exhiberi potiones aperientes , & irritantes vim expultricem superius propositæ in partu accelerando. Hippocrates commendat spoliū serpentis ad tres obolos sumptum cum decocto radicū fœniculi. Item decoctum foliorum anchusæ & mercurialis sumptum: ita vt mulier postea deambulet , vel saltet , & sese concutiat , si fieri possit. Quidam scribunt opobalsamum indicum ad 3 ℥. cum paucō vino tepido exhibitum , magnam vim hic obtinere ; sed postea volunt bibi lactis muliebris vel alterius calentis cyathum vnum , vt acrimonia illius obtundatur , aut etiam infundi in vterum lac & emulsionēs ex semine lini ad leniendum. Nec etiam omittenda erunt pessaria illa educentia & irritantia superius commemorata.

Verum inter alia multum in hoc casu potest manus peritæ obstetricis aut Chirurgi in vterum immissa , antequam inflammatio vel inflatio exoriat : sic enim apprehensum

apprehensis secundinis & molliter circumductis poterunt tutò, citò, & iucundè extrahi, mulieremque à tot symptomatis, & remediorum molestiis liberare. Sin verò nihil hisce proficiatur, aut eorum vsus impediatur, vel respuatur, expectanda secundinæ putrefactio, vt docuit Hippocrates, tuncque roborandæ partes principes vt resistent pessimæ huic exhalationi: iuuanda etiam maturatio, si ita videatur, iniecto sæpius in vterum oleo jasmino vel amygdalarum dulcium, aut tetrapharmaco dissoluto cum aquâ hordei & pauco melle ad leuiter detergendum. Non inutilis etiam erit vsus frequens clysterum, quia educunt morantia in aluo tunc excrementa putidiora, & simul excitant ipsam facultatem ad minus suum exercendum. Atque hæc de secundinâ sufficiant: nunc ad regimen enixarum, & earum morbosos affectus curandos accedamus.

CAPUT VII.

De regimine Enixarum.

POST partum tam naturalem & consuetum, quam difficilem & laboriosum, non est dubium, quin puerperæ summo indigeant regimine vt conseruentur ab omni noxâ impendentium symptomatum, & ad integram valetudinem restituantur. A quocunque enim partu adest veluti contusio partium vtero vicinarum, contractio totius corporis ob prægressos labores & virium deiectio, præcipuè dum diuturnior mora in excludendo fœtu intercessit. Oportet etiam necessario expurgari à partu reliquias menstrui illius sanguinis, quæ in vasis vtero circumiectis toto gestationis tempore collectæ fuerant: λοχίων κάθαρσιν vocat Hippocrates μετὰ τοῦ τόκου γινομένην: quæ purgatio in puerperis toros aliquando quadraginta dies perdurat, vt est apud Hippocratem libro 1. γυναικείων: aliquando tamen minus pro variâ puerperarum constitutione. Reddit autem rationem lib. de naturâ pueri, cur per quadraginta dies fiat lochiorum purgatio: quia, inquit, primis quadraginta diebus dum fit conformatio pueri in vtero, magis allabitur sanguis, quam absumi possit. Ideo oportet illius redundantiam circa vteri vasa collectam totidem diebus post puerperium effundi, vt collectioni quadam proportionè respondeat. Alias itaque contingit eiusmodi lochia suppressi: alias nimium excedere: vnde varij affectus grauissimi exoriuntur: sæpe etiam dum expurgantur propter flatum aut crudos succos illis permixtos, inducunt tormina, *tranchees*, & ventris dolores. Ex puerperio etiam sequitur lactis in mammas copiosioris irruptio, *bontade*, nondum satis bene excocti, *πρωτόγαλα* vocant authores nostri, cuius ratione multa etiam accidentia apparere solent in puerperis, plethoricis potissimum, vel cacochymis. Denique ex partu venter, vterus, & viæ illæ genitales multa patiuntur, quæ aliquando medicâ ope ad restitutionem indigent. Iamque præterlapsis aliquot decubitus ex partu diebus, antequam mulier sese consuetis accingat muneribus, debet confirmari totum corpus illius, & à sordibus & omnibus inquinamentis per istas euacuationes & moram in lecto contractis diligenter emendari.

Est igitur ex his manifestum, duplicem proponi curam in istis puerperis: vnâ quidem ratione ipsius partus tantum & eorum quæ ad illum necessario consequuntur: aliam verò ratione affectuum præter naturam, qui illis à puerperio frequenter accidere solent: quod nos etiam duobus capitibus complectemur: primo enim agemus de regimine enixarum, quatenus eo indigent secundum cursum naturalem partus, vt loquuntur Practici: sequenti verò dicemus de affectibus morbosis puerperarum.

QVOD AD REGIMEN ITAQVE ILLARVM ORDINARIVM SPECTAT. Vbi primum ex labore partus emerferunt, excluso scilicet fœtu & secundinis, in lecto molliter collocandæ sunt, post repurgatas genitalium sordes, & appositis fasciis aut linteolis, quæ excipere possint profluentia excrementa: nostrates mulierculæ ad id natibus puluinar fursure repletum, constituuntque modicè diuincatis cruribus, ne exitus prædictis excrementis præpediatur. Sunt qui statim post partum inuoluunt illas pelle arietinâ recentior detractâ & adhuc calente ad lassitudines.

rudines ex compressione prædictâ & contrusiones leuandas : alij autem contenti sunt ad idem ventrem, lumbos, & inguina inungere statim oleo myrtino & amygdalarum dulcium, vel liliorum simul mixtis cum paucis vino calente. Interea arceatur omnis strepitus, & imperetur quies ac silentium eiusmodi puerperis decumbentibus, ne agitatione partium commoueantur humores versus superiora. Obserentur primis saltem diebus fenestræ cubiculi ubi degit, ne luce nimia dissipentur spiritus, & vires debilitentur : frigiditas æris & aura omnis diligenter impediatur, ne illarum corpora rarefacta & aperta subintrare valeat : quemadmodum omnia odorata remoueantur meru suffocationis matricis, quæ tunc debilior facta, & exagitata præcedenti motu facile irritari solet, magnamque illis molestiam facessere. Eodem modo mœror omnis, iracundia, & similia animi pathemata eliminanda, quorum tumultu posset tunc coniici in grauissimos affectus.

Victus in principio, contra vulgi sententiam, sit tenuis & parvus, quemadmodum in illis qui passi sunt magna vulnera : natura enim deiecta non potest magnam ciborum quantitatem conficere, & metus esset ex pleniori victu, ne magis in illis excrementitij humores multiplicentur. Adde quod vitandus est lactis nimius impetus, ex quo frequenter & pessimè afficiuntur. Sensim ergo augenda erunt alimenta, prout melius se habere videbuntur, ubi iam pefacta conuenienter purgatio lochiorum, atque lactis constitutio laudabilis apparebit. Nostrates itaque illas in principio puerperij nutriunt iusculis tantum & panatellis, accuratè cauent, ne primis nouem diebus bibant, vel parcè admodum & tepidè metu dolorum, quos ventrem & vterum exercere tunc dicebamus. Si aliqua sit inflammatio, aut suspicio febris, abstinere vino iubent, & in illius locum exhibent aquam, in quâ cinamomum, & parum seminis coriandri bullierint, ne ex aquâ simplici flatus & tormina excitentur. Non permittunt etiam temerè mutare vestes aut indusia, donec septimus vel nonus dies præterierit : circa vigesimum diem vt plurimum eas sui iuris faciunt, & surgere sinunt : quia, vt docet Hippocrates, intra illud tempus, purgationes puerperij vt plurimum & sufficienter perficiuntur *lib. 1. γυναικίων, & lib. de naturâ pueri*. Aliæ vero mensem integrum aut totos quadraginta dies in lecto contineri volunt, donec vterus rectè fuerit expurgatus, & viæ illæ omnes vterinæ sufficienter sint confirmatæ ; alias flatibus impleri aut distorqueri asserunt. Pauca ramen tam diuturnam in lecto moram pati possunt, sed plerumque post decimum quartum diem incipiunt progredi, saltem per aliquot horas interdiu, ad suscitandum calorem natium, & excutiendum commodius quidquid adhuc in vtero excrementorum delitescit. Non est omittendum, quod in illis quæ ab lactare puerulos suos nolunt (quod frequens apud nos existit) prospiciendum erit in principio, vt purgationes vterinæ ritè procedant, & sanguinis impetus à mammis reprimatur, ad motis regioni axillarum vnguento rosaceo & santalino cum paucis aceto, ipsis autem mammis cataplasmate ex farinâ fabarum & orobi cum aquâ ferratâ, vel paucis oxymelite mixta, aut decocto foliorum menthæ, cressonis, apij & seminis myrti, ex quorum etiam residentiâ contusâ comparari potest cataplasma.

Sunt quæ frequenter eiusmodi foeminis ad dissipandam lactis materiam exhibent hydromelitis dilutioris ʒ ij. vel iij. dummodo non sint obnoxie suffocationi vteri, ex quo vidimus aliquando satis bonam lactis quantitatem cum vrinis excreta. Sed quidquid sit, tutius est multò imprimis educere eam quæ redundat lactis copiam sugendo, quod fit à pauperculis quibusdam muliereculis, quæ deinde ex ore illud reiciunt, vel à catellis edentulis, aut cum vitreâ illâ ampullâ, quam describit Paræus, aquâ tepente irroratâ : aut mulgendo : deinde lac paulatim repellere, & mammas adstringere. Non est autem permittendum, vt vbera sua tunc puerulo nuper nato exhibeant, quia illud lac adhuc feruidius & crassius facile coagulatur in ventriculo illius, & varia infert symptomata : post septem aut octo dies habetur iam purum & innoxium, vt infanti exhibeatur, sicut postea sequenti libro dicemus in regimine nutricis.

Interea in illis quæ ventris torminibus sunt obnoxie, dum purgationes istæ lochiorum perficiuntur, præcauenda erunt illa, & lenienda eis quæ sanguinem istum crassum attenuant & flatus discutiunt : vnde solet concinnari puluis ex æquis partibus diacumini, seminis dauci & cinamomi, cuius ʒ j. exhibetur mane & sero cum paucis vino albo tenui & aquâ fœniculi, vel borraginis, si foemina biliosior videatur, diluto. Mulierculæ non solum porri capita decocta, vel summas radices sub

sub cineribus coctas puerperarum umbilico adhibent, sed etiam illis iuscula cum paucis croci, & vitellis ouorum exhibent, si nulla febris adfuerit; sæpe etiam theriacæ optimæ 3 ℥. cum 3 j. conferuæ capill. Veneris non infœlici successu. Interea inungitur venter oleo ex semine lini vel sambucino, addendo parum croci; aut rutaceo, si flatu magis urgere videantur. Ad quos discutiendos alij parant sacculos ex milio, auenâ, semine fœnugræci & lini, herbis artemisîæ, saluîæ & sabinae cum paucis sale, omnia frigunt in sartagine, irrigantes paucis vino rubro aut aquâ vitæ: his fouent enixarum ventrem: deinde illinunt vnguento sequenti.

℥ Olei amygdalarum dulcium & hyperic. ana 3 j. ℥. myrtini 3 ij. seui hircini & spermatis ceti, (est adeps vuluæ balenæ) ana 3 j. ceræ nouæ q. s. Applicetur. Si dolores & tormina adhuc magis urgeant, admoventur potest omentum veruecis recenter extractum & adhuc calens, aut vino irroratum, vel frustum pellis nigri veruecis recens maceratum: deinde parari spanadrapum barbaris dictum, seu tela Gualteri: hoc modo

℥ Ceræ nouæ 3 iv. spermatis ceti 3 j. ℥. terebinth. Veneræ in aquâ rosarum & artemisîæ lotæ 3 ij. olei amygdalar. dulcium & hyperic. ana 3 j. olei myrtini & de mastich. ana 3 ℥. axungia cerui vel medullæ cruris vituli 3 j. ℥. Liquefiant omnia simul: deinde auferendo ab igne, iniice telam vnam aut duas cannabinas ad magnitudinem ventris: hæc leuiter calfactæ admoueantur toti abdomini vicissim: vel fiantur per diem integrum.

℥ Anisi 3 j. nucis moschatæ, cornu cerui vsti, ana 3 j. nucleor. dactylor. 3 ij. cinamomi 3 ij. sacchari parum. Fiat puluis. Vel

℥ Radicum consolidæ maioris 3 j. ℥. nucleorum persicorum & nucis moschatæ, ana 3 ij. ambra griseæ 3 ij. Fiat puluis. Capiat 3 j. cum vino aut iusculo, ubi caliditatis est suspicio. Quidam valde laudant aquam ex floribus chamæmel. stillatitiam ad 3 ij. sumptam in hoc casu, & parietariæ folia cum oleo rutaceo fixa ventri admodum.

Præter ista ventris tormina, quæ enixas frequenter exercere solent, videndum erit vtrum post partum leues aliqua exulcerationes, aut distortionem vteri & partium genitalium subsint; quarum restitutio erit procuranda post fluxum lochiorum, ut propriis capitibus docebamur. Quemadmodum sulci & rugæ ventris, quæ illis accidere solent ob distentam abdominis cutem gestationis tempore, deinde post partum contractam, non solum præcauendæ, ut suo loco diximus, sed etiam nunc corrigendæ inunctione olei de nuce indicæ, quod hic plurimum valere certum est; vel adipe illo ex vuluâ balenæ extracto, quem vulgò *sperma ceti* appellant: addendo modicum ceræ nouæ. Item laudatur cinis testudinis nemoralis oui albumine exceptus, aut aquâ ex illo stillatitiâ. Sed imprimis etiam proderit tela illa à nobis proposita, quam spanadrapum vocant: illa enim æqualitatem summam & ventri mollietatem comparabit.

Vt autem viæ illæ genitales post partum relaxatæ, & quasi diuulsæ restituantur, non erit extra rem, si absoluto prius puerperij purgamento, foueantur loca ista pudendorum decocto malicorij, rosarum rubrarum & seminis myrti in vino rubro adstringente, aut aquâ aluminosâ: vel etiam immittantur pessaria ex puluere gallarum cum prædictâ aquâ, & gossipio concinnata. Quibus omnibus peractis, antequam puerpera cogitet de congressu & solitis negotiis repetendis, videndum erit, vtrum propter sordes illas ex partu & morâ diuturniore in lecto contractas, balneo indigeat, aut propter humores excrementitios & pituitosos, qui ob desidiam illam & otium facile contrahuntur, stuphâ siue laconico, quod valde nostratibus fœminis est vsum. Quædam balneum humidum cum sioco coniungunt: ita ut post labri vel semicupij vsum, iubeant illas in stuphâ mediocriter sudare.


Sed ut hac de re sententiam nostram aperiamus: certum est balneum humidum à partu valde conferre post peractam lochiorum purgationem & egregie restitutas vires: quia sic commodissime abluuntur sordes ex illis contractæ, roborantur partes, & ad meliorem deinceps habitum contrahendum disponunt. Sed hoc in fœminis potissimum biliosis aut sanguineis, macie quodammodo ob labores & vacuationes prægressas affectis, & quæ assuetæ sunt eiusmodi balneis. In aliis vero, ut phlegmaticis & pinguioribus, quibus venter aut pedes facile intumescunt, melius est abstinere, & ad stuphas relegare, si res exposcere videatur, aut contentas esse solâ lotionem pudendorum, vel fumigio accommodato, ut postea dicemus. In eis itaque quibus competet balneum, prægressâ leui purgatione aut clysmate, si excrementorum adsit prouentus, ita præscribi poterit post vigesimum vel potius trigesimum

partus diem, vigente aëris clementiâ, aut saltem artificio comparatâ in earum cubili.

℥ Rad. acori, enulæ campanæ, & lilior. albor. ana ℥ ij. corticis citri sicci. ℥ j. folior. artemis. pulegij, agrimon. maioranæ & borrag. ana M. iv. semin. lini & fœnugr. leuiter contusi, granorum myrti, ana ℥ ij. flor. chamæmel. melilot. stœchados, anthos, rosar. rubr. ana M. j. Fiat omnium decoctio in aquâ fontis vel fluminis pro balneo, quod ingrediatur tepidè, & ibi maneat per duas horas mane, & per vnam tantum à meridie. Antequam exeat, fumantur tres aut quatuor silices igniti, qui in sartagine positi irrorentur vino albo, in quo parum aluminis dissolutum fuerit, vel sine eo, iniiciantur in balneum, & excipiat eiusmodi fumum circa regionem renum, & lumborum, ad eos confirmandos. Dum erit in balneo, neque potu, neque cibo vtatur, sed antequam ingrediatur per semihoram sumat iusculum, aut vitellos aliquot ouorum cum vini momento, tacita etiam & ab omni strepitu libera maneat, tam in dicto balneo, quam vbi in lecto erit reposita: contra morem vulgi, quod bacchanalia in eiusmodi balneis celebrare solet: continuet per biduum aut triduum, prout moris est, si bene ex eo se habeat, neque lassitudinem sentiat. Finito balneo per aliud biduum vtatur sequenti fumigio, quod maximè conueniet ad facilitandam futuram conceptionem.

℥ Santali citrini, corticis citri sicci & nucis moschatæ, ana ℥ ij. granorum kermes, & nucum cupressi, ana ℥ j. garyophyllor. & carabes, ana ℥ j. Fiat puluis crassior, de quo parum coniciatur super prunas in sellâ perforatâ positas, vel in ollâ quæ canalemi seu tubulum habeat ad interiorem vsque pudoris sinum. Si timeas siccum, propter vapores aciores, fiat ex decocto schoenanthi & aluminis, cum aliquot garyophyllis in vino albo calente feruefactis.

Vbi verò venter aut pedes in puerperâ apparent tumidi post dies decubitus peractos, instituenda erit purgatio solennis & integra, si autumnus aut ver tunc vigeant, vel saltem per *Diuregon* pro naturâ laborantis: deinde committenda stuphæ seu laponico per duos aut tres dies, horis tantum matutinis ad absumendos humores illos superfluos. Quod si abhorreat vsum stupharum, vt multæ solent, non erit extrarem, illi præscribere dietam sudorificam per duodecim aut quindecim dies ex decocto sarsæ parillæ, vel radicis chynæ: & interea eis vti remediis, vt fortibus, lixiuiis, vel linimentis, quæ ad discutiendos istos flatus, & humores serosos conuenient. Multas etiam eiusmodi cachexiâ ex puerperio contractâ vsu thermarum nostrarum Balærucanarum artificiosè præscriptarum conualuisse certissimum est, atque luto illo calente ventri & pedibus admoto omnem tumorem euanuisse. Nos igitur ad affectus puerperarum morbosos transeamus.



C A P V T VIII.

De affectibus morbosis puerperarum.



STENDIMVS superiori capite partum quemdam esse naturalem & consuetum: alium verò difficilem, laboriosum, præter naturam, & extraordinarium, qui non solum dolores atrocissimos, & pericula inferre solet in ipso parturiendi conatu, sed etiam post illum grauissimos affectus morbosos, qui curatione medicâ indigent. Quemadmodum enim in grauidis acuto morbo, vel chronico detentis, exoritur peculiaris quædam ratio illas tractandi propter foetum in vtero contentum: sic etiam in puerperis non est dubium, quin considerationes multæ exurgere possint, propter quas tam in præsagiendo, quam curando diuersitas maxima exoritur.

Cum igitur dixerimus suprâ præcipuum in puerperâ bonæ valetudinis fundamentum positum esse in eo, vt purgatio illa lochiorum seu sanguinis in vteri vasis vel circumiacentibus contenti ritè procedat: hinc etiam sequitur prima incommoda aduersæ valetudinis exoriri, quando vel deprauatè & immodicè fit, vel imminutè illa vacuatio: eo enim tantum modo enixæ à vulneratis discrepant, quod in puerperio largius, & diutius quam in vulnere fluere debeat iste sanguis, propter contractum in eo vitium, & naturam partis affectæ, quæ huic vacuationi est assueta. Quotiescunq; igitur post primos impetus & labores partus, exclusumque foetum & secundinam, sanguis iste ob rupta vasa, vel nimium aperta tantâ fluic quantitate, vt puerperis

ris citò ruinam minetur, quod ex viribus potius decumbentis & pulsu; quam certâ mensurâ est coniectandum: vnde Aphorismus ille 54. sectionis quintæ, in fluxu muliebri si conuulsio, & lipothymia accidant, malum: toties incumbit negotium Medico, vt illi suppetias maturè & prudenter afferât. Primo enim ea instituenda erit victus ratio, quæ incrassandis humoribus & compescendo fluxui est accommodata, vtpote pro potu vtatur aquâ ferratâ: vel in qua parum mastiches bullierit, addendo modicum vini rubri austeri, si nimia sit virium deiectio; panatellis, gelatinis, amylo aut oryzâ coctis cum iusculo capi & pedum aut cruris vituli: pyris, cydoniis malis, carnibus assis, & succo granatorum aspersis, aliisque ad hanc rem comparatis, frequenter potiusquam magnâ quantitate & confertim exhibitis. Non omittendæ etiam erunt frictiones, & ligaturæ dolorificæ superiorum partium, cucurbitulæ vtrique hypochondrio admotæ, inunctiones hepatis ex vnguento rosaceo, & cataplasmata, *estoupades*, ex bolo armenâ cum albumine oui & pauco aceto comparata, quæ lumborum regioni & pubis admoventur. Valde commendant authores nostri sterqus suillum adhuc calens aceto dissolutum & ventri admotum. Poterunt etiam per os exhiberi quædam potiones adstringentes ex terrâ sigillatâ cum syrupo myrtino & aqua plantaginis, vel ipse succus recens extractus: atque etiam ipsum rhabbarum puluerisatum cum pauco semine plantaginis ex iusculo aut pauco vino adstringente. Imo vbi immodicè fertur iste sanguis, ita vt nullâ arte retiocari possit, non est præsentius auxilium, quam venam cubiti aperire, & sanguinem inde paulatim, & per vices educere: sic enim multas velut deploratas & ab omnibus derelictas conualuisse obseruauimus.

Quod si propter ista adstringentia, & refrænantia sumpta & admota sanguis crassior redditus concreascit in grumos, & in vtero subsistens dolorem, tensionem, & fumos cordi ac cerebro malignos communicet, videndum erit vt illi blandè excutiantur, antequam maiorem conceperint putredinem, & febrem induxerint: ideo iubendum est vt erectæ, si fieri possit, aut saltem genibus innixæ maneant: sic enim suomet pondere aliquando decidunt: aut si hoc fieri nequeat, educantur manu peritæ obstetricis, vel etiam dissoluantur factâ iniectione tepidâ in vterum ex decocto hórdei & pauco oxymelite: aut aquâ nucum & rubiæ: cautè tamen agendum, nam sic vndique imminet periculum, ne scilicet posteductos eiusmodi grumos, aut dissolutos, reuertetur sanguinis fluxus immodicus cû vitæ discrimine: aut si eiusmodi sanguis coagulatus in vtero maneat, ne calorem natium suffocet, respirationem intercipiat, aut ob insignem putrilaginem febres, lipothymias, sudores diaphoreticos, & similia accidentia accersat. Videat itaque Medicus, ne quid detrimenti ex alterutro excessu ægrota accipiat, sed vtrumque, quantum fieri poterit, sapienter moderetur.

Sequitur itaque aliud vitium huic contrarium, nec minus perniciosum, nempe lochiorum istorum, seu menstrui post puerperium suppressio, aut imminuta vacuatio: ex cuius refluxu aut corruptelâ, infiniti propemodum affectus generari possunt: & est præcipua causa accidentium præter naturam, quæ in puerperis apparere solent: quoniam non solum quantitate, sed etiam qualitate hic sanguis peccat, tum ob diuturnam moram circum vteri acetabula, tum quia tracto puriore alimento à foetu, quidquid sæculentum & impurum in illo fuit, ibidem relinquitur vsque ad tempus parturitionis. Hinc igitur Hippocr. 1. γυναικῶν oriuntur febres acutæ, mania, melancholia, phrenitides, angina, pleuritides, peripneumonia, & cætera eiusmodi: vt taceam vteri inflammationes, & tumores malignos: nisi aliunde exoriat aliquæ vacuatio, quæ vitium istud emendet, vt per alui fluxum, per hæmorrhagias natium & hæmorrhoidum, vinarum cum fuliginoso sedimento, vt est 3. epid. sect. 5. profusiones, aut sudoris copiosi, cuius summam hic vtilitatem doctè animaduertit Auicennas.

Eiusmodi itaque purgatio post partum à variis causis imminui vel suppressi potest tam exterius quam interius, quas non opus est hic accuratius recensere, cum à nobis fuerint propositæ capite de suppressis menstruis. Vbi igitur primùm ista puerperij purgamenta suppressa fuerint, ita vt dolor in vtero & calor sentiat, ventris aut lienis tumor cum tensione lumborum ac difficultate spirandi, faciei rubore intenso, aut liuore, oculorum perturbatione & similibus: statim ad ea veniendum, quæ istum sanguinem ad inferiora reuocent & foras eliciant: vtpote clysteribus laxantibus, & mollientibus: & si iam aliquot dies, vt septem vel nouem à partu intercefferint, purgatione leni ex infuso rhabbari, agarici, aut senæ decocto: imò etiam valentioribus, si opus esse videatur. Fiant frictiones frequentes femorum & crurum asperiores deorsum versus, ligaturæ dolorificæ articulorum pedis: admoueantur

cucurbitulæ inguinibus & coxis cum multâ flammâ, atque etiam carnosiori parti tibiæ cum leui scarificatu, si rubor in illis appareat. Quod si illis nihil preficiatur, & malum ingrauescat, non est cunctandum in apertione venarum poplitæ aut vtriusque cruris semel, bis atque iterum, si opus sit; vel etiam hæmorrhoidum, si naturâ eò videatur vergere, distentis aut dolentibus venis illis exterioribus ani.

Aliquando fit vt ne sanguis quidem commodè fluere possit per istas venas ob tenacitatem & crassitiem, quod Hippocrates innuit *lib. de naturâ muliebri*, ideoque adhibet fortis attenuantes & mollientes toti ventri, pessaria prouocantia menses, potissimum ex farinâ nigellæ romanæ, succo mercurialis excepta: fumi-
gium ex bdellio, sinapi & myrrha: aut ex vngulâ asini & capræ: exhibendo etiam per os ea quæ menses prouocare possunt, vt decoctum radicum aperitiuarum, graminis, cinamomi, & cicerum rubeorum cum pauco croco: imo etiam 3 j. trochiscorum de myrrhâ cum pauco vino albo, aut aquâ foeniculi, antequam febris inualuerit. His enim & similibus irritanda erit denuò ista purgatio lochio-
rum, tanquam causa morborum, qui ad eam consequi solent: deinde peculiariter partibus ipsis male affectis erit prospiciendum, vt cordi, ventriculo, lieni, cerebri & similibus, quæ ob communicationem istius maligni humoris maiorem noxam contraxisse videbuntur.

Accidunt igitur puerperis morbi primò & principaliter ob istam purgationem male constitutam: secundò ob intensos labores & dolores quos in partu passæ sunt; tertio ob lactis redundantiam & refluxum per totum corpus: quartò ob malum corporis habitum innatum vel aduentitium ex causarum externarum internarumque aduersâ constitutione. Quomocunque igitur illud fiat, videndum quæ ratio illarum sit habenda in therapeiâ instituendâ, exemplo aliquo affectuum qui illis frequentius accidere solent: ducto initio à febre continuâ primariâ, cui valde sunt obnoxie: deinde febre secundariâ seu symptomaticâ, quam sub nomine pleuritidis explicabimus.

Febris igitur primaria à putredine humorum in maioribus vasis orta, magnum inferre solet puerperis periculum, vt patet ex 3. *epidem. histor.* 12. tum ob propriam speciem, tum etiam propter excrementorum in illis agitationem & prauitatem, corporisque ob prægressos labores infirmitatem. Habet quoque prædicendi difficultatem, vt etiam obiter attingamus, propter computationem variam dierum criticorum, quibusdam existimantibus numerum illorum inchoandum à die partus: aliis vero ab initio ipsius febris, propter varios & pugnantes Hippocratis locos: nam *in prognosticis* aperte dixit: mulieribus iudicationes contingere à partu: & Galenus *in commentario. Principium*, inquit, *numerationis tibi fiat, non quò die ceperint febricitare, sed quò pepererint*: quod etiam confirmatur 3. *epid.* variis historiis à decimâ ad duodecimam. Attamen *sect. 3. lib. 1. epidem.* in descriptione ægitudinis vxoris Philini, Epicratis, & Dromeadis facit initium à die febris, non à die partus. Vt igitur sententias istas conciliemus, & veram Hippocratis mentem breuiter aperiamus, scitum est ex superioribus, partum alium esse naturalem, ordinarium & facilem, quatenus natura ipsius rei ferre potest: alium verò difficilem, laboriosum, magnis doloribus & symptomatis comitatum. Modò partus ille naturalis ordinarius & facilis tendit vt plurimum ad integram matris & foetus valetudinem, neque facit maiorem motum humorum quam par sit, sed omnia intra mediocritatis limites remanent: ita vt nisi error aliquis externus de nouo contigerit, vel præcesserit mala quædam dispositio in prægnante, certum sit puerperam ratione ipsius partus, neque febre, neque alio affectu morbofo corripì debere. In hoc itaque partu, si post aliquot dies, propter impetum causarum externarum vel internarum exoriantur causos, pleuritis aut similes affectus, certè computatio criticorum dierum non debet fieri à die partus, sed à die morbi, quando inceperunt exagitari humores præter naturam & putrescere. Contrà verò in partu difficili & laborioso, per quem totum corpus valde fuit commotum, & humores exagitati, si febris post tertium vel quartum diem corripuerit puerperam, oportebit initium computationis facere ab ipso die partus: quia tunc incepit totius corporis teconomia perueri, humorumque perturbatio fieri, à qua proficiscitur deinceps iste affectus: quemadmodum obseruare solemus in vulneribus capitis, & inflammationibus partium internarum. Vnde patet conciliatio locorum Hippocratis, & vera ratio numerandi dies criticos in istis affectibus complicatis. Nunc videamus,

mus, quid de *θρασύα* febris istius primariæ & continuæ in puerperis sit statuendum.

Considerandum itaque primò, vtrum exorta sit ex abundantia & refluxu lactis in venas: talis enim vt plurimum intra spatium duorum aut trium dierum, instar ephemeræ extensæ, solet cessare, nisi lac in mammis coaguletur, & putrescat: vnde inflammatio & febris symptomatica sequitur, de quâ non est hic propositus sermo. Deinde videndum vtrum ista febris contigerit cum suppressione lochiorum, vel nimio illorum fluxu, aut eis moderatè fluentibus, & rite se habentibus. Quoties enim contingit cum eorum suppressione aut imminutione, tota fere curatio pendet ex prouocatione illorum, quemadmodum à nobis supra fuit traditum. Sin vero fiat cum immoderato lochiorum fluxu: oportet eam tunc pendere à nimia exagitatione corporis & humorum ob partum difficilem & laboriosum: vnde compescendus est moderatè eiusmodi fluxus & illa perturbatio sedanda per remedia superius præscripta, non neglecto febrili ardore, qui alterantibus indiget: vel certè pendet ab insigni cacochymia in venis maioribus latitante, quæ non potuit per eiusmodi lochiorum vacationem expurgari: ideoque si vires ferant, phlebotomiam ex venis brachij exposcit, & purgationem ex benignioribus & roborantibus: vt est rhábarbari infusum, & puluis myrobalanorum, polypodij & senæ decoctum, catholicon, syrupus rosatus solutiuus & similia. Quod si illa febris exorta sit lochiis rite se habentibus secundum quantitatem & qualitatem, vt apparet ex historiâ vxoris Philini 1. *epidem.* tunc existimandum est, illam ob errorem victus, vel aliam causam externam contigisse, quæ interiorem cacochymiam genuit, auxit, vel commouit, & ad putredinem disposuit. Ac proinde agendum erit ex solitâ methodo per vacuantia, alterantia, concoquentia, & roborantia: hoc tamen excepto, quod si sufficiens sit ille lochiorum fluxus, ne temere & subito secemus venas cubiti superiores, quia metus esset recursus istius materiæ ad interiora corporis, vnde fortasse maius sequeretur incommodum, quàm utilitas ex missione illâ sanguinis: sed purgantibus & alterantibus primum insistemus ad illam cacochymiam compescendam: quia diutius perseverante febre, vix fieri potest, quin ista lochia sistantur: & tunc habitâ ratione magnitudinis febris, aliarumque circumstantiarum prudenter erit decernendum de vsu phlebotomiæ. Atque hæc de febre primariâ in puerperis.

Secundariæ autem siue symptomaticæ exemplum sumemus in pleuritide, tum quia frequens esse solet in illis, propter labores immensos, madores ex sordibus contractos, perfrigerationes, & respirandi seu cohibendi spiritum, comprimendique versus inferiora necessitatem: tum quia ex eius paradigmate facile erit statuere de aliis febribus consequentibus peripneumoniam, hepatitidem, vteri inflammationem, & similes. Pleuritis itaque in puerperâ curanda magnam adfert difficultatem propter vsu phlebotomiæ, quæ videtur singulare & præcipuum illius præsidium. Nam si lochia præsentē pleuritide, fluant immodicè, non est dubium, quin tunc & quam primum veniendum sit ad venæ sectionem ex brachio lateris dolentis, sanguisque sit mittendus per *ἐνίσησον* & iteratis vicibus, vt vires conferuentur, & simul sistatur vacuatio illa immoderata. Vbi vero suppressa est illa lochiorum purgatio, & regurgitare videtur ad superiora, quaeritur vtrum vena illa brachij statim in principio sit aperienda ad sedationem fluxionis & inflammationis? Ego non existimo: quia in eiusmodi lochiorum suppressione & refluxu magis ac magis acqueretur materia ista versus interiora & partem affectam, si vena illa cubiti secetur: Ideoque per initia melius videtur, venam poplitis aut tali *καὶ ἔξω* positi aperire, cucurbitulas & frictions inferioribus partibus ad mouere, reliquæque præstare, quæ sunt necessaria ad deducendam istam materiam versus vterum, vt inde renouetur lochiorum fluxus, quæ apparente sæpius etiam cessare solet, aut saltem mitigari ista pleuritis. Quod si istis usurpatis perseveret tamen affectus aut augeatur, tunc non erit procrastinandum in vsu phlebotomiæ brachij eiusdem lateris affecti: quia significatur aut fluxionem aliunde pendere, aut ita conclusam esse illam materiam, vt deinceps reuelli aut reuocari non possit versus vias matricis.

Supereſt igitur, vt videamus, quid statuendum sit, quando lochiis moderatè & naturaliter fluentibus exoritur pleuritis in puerperâ: quæ difficultas eadem est cum illâ, quâ quaeri solet, vtrum mulieri extra grauiditatem aut puerperium, sedanda sit vena brachij, quando pleuritis aut alius morbus id exposcit, si præſens

fit purgatio menſtruorum. Multi enim exiſtimant, non eſſe tundendam, quia ſperant ex iſtis ſanguinis vacuationibus ſatis commode reuelli & vacuari poſſe materiam quæ in latus deſertur. Verum ego hac diſtinctione opus eſſe cenſeo, vt ſi pleuritis apparuerit iam præſentibus & fluentibus lochiis aut menſtruis, non fit cunctandum in venâ illâ brachij eiſdem lateris tanquam proximiori tundenda, vt occurramus ſæuiſſimo morbo, (ex ſententiâ Hippocratis, *in doloribus proximum ventrem ſecare*) cuius cauſa non potuit impediri ab illa vacuatione præſenti, ſed ſuperauit omnem naturæ excernentis vim: Ideo petendum eſſe præſentaneum illud præſidium ab arte. Quod ſi pleuritis aut alia inflammatio interna præceſſerit, aut ſimul cœperit cum iſto fluxu, tunc expectandum aliquantiſper, donec aliqua ſufficiens quantitas lochiorum vel ſanguinis menſtrui fuerit effuſa, ex quâ ſi imminutus fuerit affectus, cum aliis auxiliis vulgaribus, & conſuetis, non erit deueniendum ad phlebotomiam. At verò ſi intendatur dolor & difficultas ſpirandi, quantumcunque fluat illa materia, tunc erit uſurpanda venæ ſectio brachij, ratione habitâ vrgentioris, fluxionis ſcilicet, & morbi cum ſæuiſſimo ſymptomate iuncti, qui alia ſcilicet ratione curari nequit: deinde procurandus erit ruruſum ille fluxus, ſi omnino ſubſtiterit, aut eo opus eſſe videatur. Quæ omnia ſunt valde animaduertenda Medico in praxi. Ad curationem verò reliquam inſiſtendum erit eiſdem remediis, quæ in aliis hoc morbo detentis uſurpari ſolent. Hoc tamen notandum de purgatione, quod ſi ea expeti videatur, vt in pleuritide nothâ, & ad hypochondria vergente, eam tunc potiſſimum celebremus, quando inſtare videtur finis vacuationis illius lochiorum, vel menſtrui ſanguinis: ne per iſtam *νάλαρον* ſiſtatur aut auertatur violenter, dummodo morbus non admodum ſæuiat & inducias quaſdam naturæ præbere videatur: aliàs enim non eſt cunctandum. Atque hæc de pleuritide in puerperis.

Eſt etiam alius affectus, qui illis familiaris & valde moleſtus eſſe ſolet, nempe alui fluxus: iunctus enim alteri vacuationi, nempe lochiorum & in corpore iam fracto ob præcedentes labores, citam deiectionem virium & ruinam minatur: cui etiam non eſt facile mederi, quia quæ aluum ſiſtunt, eodem modo videntur purgamenta illa poſt partum neceſſaria ſupprimere. Primo igitur ſuſtentandæ ſunt in hoc caſu vires optimis alimentis, vt ferre poſſint per aliquod tempus vtramque purgationem: vbi autem diarrhœa nimium perſeuerabit, aut in dyſenteriam aut tenefmum degenerare videbitur, agendum primò aliquot clyſteribus detergentibus leuiter & obtundentibus humorum acrimoniam: deinde audendum erit magis, & præſcribenda purgatio accommodata ex ſupradictis, quæ eliminet citò prauos illos humores, à quibus excretrix facultas irritatur, atque etiam aliquot roborantibus tam internis, vt ſyrupo de abſint. & cydoniorum, tabellis diamargariti aut diarrhodon. Abbatis: quam externis, vt inuptione ventriculi ex oleo maſtichino, & ſimilibus tentanda erit reſtitutio iſtarum partium. Quibus præſtitis ſi purgatio illa lochiorum videatur intermiſſiſſe, aut non ſufficienter fluxiſſe, redeundum erit ad ea quæ illam reuocare poſſunt. Idem dicas de vomitu. Siue enim prauis humores excernantur per illum, ſeu cruda & inconfecta alimenta, ſeu aliquando ſanguis, vt voluit Hippocrates *libro primo γυναικείων*, perpetuò ſumma in iſtis mulierculis moleſtia ab iſto ſymptomate prouenit: quoniam valde deicit vires, & illa via eſt tunc extra propoſitum naturæ, quæ debuit per inferiorem & vterinam vacuationem humores expurgare. Siſtendus itaque quam primum poterit, conſuetis remediis: ac ſi ſanguis nimio impetu ad ſuperiora ferri videatur, vnde aliquando præter vomitum, hæmoptoë etiam exoritur; reuellendus per ſectionem venarum illarum quæ verſus poplitem & talum excurrunt.

Præter dictos affectus non raro ſolent infeſtari puerperæ, potiſſimum primiparæ & ſanguineæ, ob vehementem compreſſionem & nixum in partu, inflatione, & doloribus atrociffimis hæmorrhoidum, nempe venarum illarum quæ in ano conſpiciuntur. Ad quorum medelam omnia genera anodynorum ſunt uſurpanda, vt proprio tractatu docetur. Quin imo ſi cruciatus non poſſit illis ſedari etiam præſente lochiorum vacuatione, non eſt dubium quin illarum apertionem ad motis ſanguifugis tentare debeamus, vt exhauriatur peſſimus ille humor, qui venarum iſtarum extremitatibus impactus non poteſt deinceps retrocedere aut mitigari. Sed quia iſta effuſio ſanguinis per anum videtur quodammodo reuocare & intercipere

De morb. mulier. Lib. II. Cap. VIII. 625

intercipere lochiorum vacationem, ideo iuuanda erit postea cucurbitulis & frictionibus partium inferiorum: tum pessario illo ex succo mercurialis, & farina feminis nigellæ comparato, quod alliciet denuò materiam istam versus uterum.

Solet etiam multas puerperas frequenter exercere vterina suffocatio, cuius sedationi oportet opitulari sedulò, ob conturbationem quam toti corpori infirmiori adferre solet. In eiusmodi igitur fœminis solemus nos statim à puerperio admittere regioni pubis aut ad extremum hypogastrii emplastrum ex galbano confectum, cuius medio vel potius extremo ciuetæ aut moschi aliquot grana addi possunt ad recreandam matricem. Item frequenter illis olfaciendum offerimus oleum de gagate, atque etiam in crudeliore affectu deuorandum ad tres vel quatuor guttas cum paucò vino vel iusculo.

Superest igitur ut adhuc annotemus affectum quemdam, qui frequenter in puerperio apparere solet, postquam surgere & deambulare incipiunt, nempe coxendicum dolorem, ob quem aliquando claudicare coguntur. Putat Rondeletius hunc affectum non propriè esse coxarium, sed referendum esse ad vteri ligamenta, quæ ad interiorem illam ischij partem vergunt. Quod etsi verissimum sit: non est tamen inficiandum, quin mulieres ægrè parientes sæpe possint, ob compressionem & quasi contusionem istarum partium, longamque decubitus moram, insignem accersere humorum copiam, quæ ipsum ischij articulum & ligamenta impetat, ut quotidiano usu didicimus: Ideoque in istis mulierculis solemus post cathartica accommodata, si eis opus fuerit, præscribere laconica superius à nobis commemorata, cum inunctionibus ex theriacâ vetere, & oleo lumbricorum; vel balsamo illo Guidonis tantopere celebrato. Multis etiam profuit usus musti aut vini calentis cum herbis nervualibus in formam semicupij aut foci à quo tegitur. Deinde pars emplastro aliquo discutiente & roborante, ut de sulphure & de meliloto simul mixtis cum oleo vulpino, aut catellorum. Si diuturnior & pertinacior sit affectus, solemus eas ad thermas nostras Balerucanas relegare, ubi balnei & luti usu dissipatur tandem, & pars integræ sanitati restituitur. Atque hæc de affectibus præcipuis, quibus puerperæ torqueri solent. Quoniam alij quibus etiam sunt obnoxie, ut ani prolapsus, & intestini recti propter violentas compressiones, distortio osculi vel colli matricis, præcipitatio aut exulceratio yteri, scissura vulvæ ad anum usque ob nimiam fœtus magnitudinem, in cuius exitu disrumpitur vel aliquando scinditur à Chirurgo istud interstitium propter eundem finem, & similes, facile reduci possunt ad peculiarem therapeiam suis locis propositam. Hoc tamen notabis, in istâ vulvæ scissurâ, quod si tanta fuerit, ut deinde futurâ & simili operâ restitui debeat, quoties de nouo parere debent, vix exire posse infantem quin denuò rescindatur, propter callum & firmiorem cicatricem vulneri obductam, quæ non potest satis commodè ut prius dilatari. Quæ in re melius est uti manu artificis, quam expectare ut sponte disrumpatur, propter nimium matris & pueri laborem ex diuturniore morâ. Sed hæc raro contingunt. Quare huic tandem libro secundo de affectibus mulierum finem imponamus.



IOANNIS VARANDÆI

TRACTATUS THERAPEVTICVS,

DE MORBIS MVLIERV.


LIBER TERTIVS.

P R Æ F A T I O,

Et Operis diuifio.



GENERATIONIS impedimenta tollere & curare superioribus libris docuimus : nunc superest , vt tertio isto libro generationis opus , nempe editum iam foetum consideremus. Cum igitur ille tenellus existat , facileque à causis externis & internis ledatur , cumque nutriti sine infantis damno in viuendi ratione peccare non liceat , ideo primo capite de regimine infantis nuper nati & nutritis dicemus. Et quia non amplius , sicut solebat in utero ; sanguine per vasa vmbilicalia allecto , alitur , sed nutritis lacte quod in eius mammis perficitur ; secundo loco agemus de bona lactis & mammarum constitutione , cuius enarrationem sequetur tertium caput de harum affectibus morbosis , eorūque curatione , vt tandem huic operi finem imponamus , explicando vitia quæ lacti contingunt , eorūque correctionem.



C A P V T P R I M V M.

De regimine infantis nuper nati & nutritis.



VI primum euasit infans angustias materni vteri , & nouus mundi incola factus est : exposcere videtur alienam opem vagitu insigni , quo inchoare solet , & quasi prælagire futuræ vitæ miseras. Ideo sedulâ curâ indiget , vt educari , augeri , & ad perfectionem speciei humanæ propriam peruenire possit. Est autem duplex ista cura ; vna quæ respicit tenellum pueruli corpus , quomodo sit peculiariter tractandum : altera verò nutriticem seu sceminam illam , cuius lacte frui debet per aliquod tempus , donec solidioribus alimentis vesci possit.

QUOD AD PRIOREM ITAQUE PARTEM SPECTAT. Non est dubium , quin pueruli isti in ipso exortu variè sint constituti : alij siquidem infirmiores naturâ & origine : alij robustiores : quidam male se habentes ex accidenti & ob partus difficultatem & moram. Robustiores itaque censentur illi , qui statim post exitum magno ploratu aut clamore omnia implent , aluum & vesicæ excrementa validè exonerant , mammam oblatam libere admittunt & sugunt , oculos intrepidè ad lucem aperiunt , manum vtramque iactant , & similia alacritatis signa exhibent. Quæ si desint omnia vel plura , imbellem & minus validum ostendunt esse foetum. Vtrum verò illud habeat ab origine , & principii generationis ab utero , significabunt

utriusque

utriusque parentis constitutio: à sanis enim & robustis, soboles plerumque sana & robusta oriri solet, & contra: Item grauiditatis, & gestationis modus. Quæ enim mulieres multa symptomata patiuntur, & incommoda dum vtero gestant, potissimum morbos chronicos aut acutos, vix bene valentes fœtus producere possunt. Præterea si mense incōmodo, seu termino minus consueto pepererit; qui maxime ostendit naturæ perturbationem: sin verò eiusmodi infirmitas fœtui contingat ex accidenti, nempe propter labores quos passus est in ipso partu ex multitudine causarum à nobis supra commemoratarum: tunc reliqua quidem aberunt, sed ipsa difficultas pariendi quæ præcessit & diuturna mora, patefacient vnde illa proficiscatur: imò ipsum aliquando infantis corpus quasi contusum & liuidum ob istos labores, apparet: & post aliquot horas vbi in lucem fuerit editum, exstinguitur.

In istiusmodi itaq; fœtibus imbecillioribus mulierculæ solent plurima moliri, quæ plerumq; sunt irrita: blande in os illius inspirare faciūt delicatūlā quamdam virginē, si mas fuerit; puellulā, si fœmina: exhibent modicū theriacæ vel confectiōis alkerum cum lacte, rostrū gallinæ viuentis in eius podicem inferunt, eamq; ibi extinguere sinūt, quia putant hoc modo exhalātes spiritus, & calorē morientis gallinæ refocillare infantis vires. Post deterfas oris sordes, si non possit præ infirmitate lac ex vberibus sugere, mulsū immittūt in fauces cum canaliculis quibusdā argenteis, vel ex membrana chartaceā cōcinnatis: quod in plures dies præstare solent, donec paulatim vires ad sugendū collegerit. Præterea si neque alui, nec vesicæ sordes emittat, solent ad ignē blandē & diu partes illas cōtrectare: vt excitetur facultas excretrix, immittere in podicē cauliculum maluæ, vel betæ oleo illicitū, aut mellis rosacei calentis cochlear per os exhibere, ad eliciendū illud excrementū, quod in intestinis nuper natorū delitescit, ab authoribus nostris papauerculū dictum, ob nigredinē quamdam & similitudinem quam habere videtur cum opio ipso, vel meconio: vnde credibilius est esse portionē fæculentiorē sanguinis illius materni, cuius in embryonis hepate elaborati reliquæ per venas mesaraicas in intestina relabuntur, & ibi diutius morantes resiccantur, quæ excrementū primæ concoctionis ventriculi, vt quidā voluerunt, quæ nullo modo in fœtu quamdiu est in vtero, exercetur, quia nullū per os alimentū attrahit. Si contusiones aut liuores in prædicti infantis corpufculo apparent, post deterfa cutis inquinamenta cum vino tepente, inungitur oleo myrtin. & amygdal. dulcium simul mixtis: vel partes affectæ ex decoct. flor. chamæm. semin. coriandri & myrti in aquā & vino albo fouētur molliter. Si excoriationes adsint, puluer. rosar. asperguntur, aut vnguen. rosaceo feliciter illinuntur: denique omnia præstantur, quæ ad præsentia ista, vel alia symptomata lenienda, fecerint, vt miser infans, & malè natus à præsentī mortis periculo & ærumnis, quas statim in ortu perferre solet, liberetur.

Sed nos ad naturalem partum & alacriores fœtus tractandos redeamus, quorum regimen valde etiam accuratum esse debet, vt ex generosis istis, & felicibus plantis genus humanum augeatur, & familiarum series continuetur. Post sectum itaque & nexū conuenienter pueruli vmbilicum, vt supra dicebamus, inunctūq; pauco oleo rosac. vel amygdal. dulcium & inuolutum bombyce, aut panno lineo delicatiori, ne partes venteris immediatē contingat: vnde dolores & tormina exoriuntur, quia sensim putrescere & quasi sphacelo correptū sponte sua decidere consuevit: debet perita obstetrix & sapiens puerulum ita egressum blandē cōtrectare, si quid sit male conformatum in vultu aut aliis partibus, dum adhuc quasi cerea sunt ossa, effingere, artus omnes explicare, crura & brachia sæpius contrahere, & extendere, vt si quid in articulis mucī vel lentoris residet, dissipetur, palpebrarum, narium, aurium, vuluæ, podicis, mentulæ ductus & orificia, vtrum bene pateant, explorare: digitorū in pedibus, manibūsq; interstitia animaduertere, ne quid sit cohærens aut distortum: deinde immisiss in os digitis fauces sordibus liberare, linguæ radicem & ligamenta cōtrectare, & conuenienter abscindere, si nimium sint adstricta: inde enim maximum in loquendo impedimentum, atque etiam in sugendo lacte, exoritur. Tandem illi parum mellis rosacei, vel olei amygdalarum dulcium recenter & sine igne extracti per os exhibere, vt abluantur fauces, & aluus ad prima illa excrementa eiicienda molliatur.

His præstitis abluat totum infantuli corpus. Nostræ mulierculæ, pauco vino tepente diluto: vel siquid crassioris inquinamenti pertinacius adhæreat, oleo communi aut myrtino, vel vrinā, aquā salsā, & similibus detergent: deinde fasciis & linteolis commodè inuoluunt & in cunas reponunt. Galen. lib. I. de sanit. tuend. sale aspergebat recens natorum corpora, vt exsiccaretur cutis, & membra robur cōtraherent. Sed propter mordacitatem & acrimoniam eiusmodi medicamenti, nescio an impune istud ferre possent puerulorum corpufcula, quæ frequenter inflammationibus, vlcusculis, &

pruritu tentantur. Antiqui statim natos in aquam frigidam, quemadmodum ferrum candens in officinis fabrorum, immergebant, vt validiores & quasi solidiores redderentur: Vnde illud apud Virgilium 9. *Aneid.*

*Durum ab stirpe genus, natos ad flumina primum
Deferimus, sanoque gelu duramus & vndis.*

Sed illam consuetudinem hoc tempore non possumus probare, tum quia plerique puerulorum ex tam subitâ mutatione caloris in frigus perirent: tum quod nimium constipata cutis & habitus corporis densatus, quamuis eos redderet externarum rerum iniuriis minus obnoxios, attamen putredinis affectibus & causarum internarum molestiis comparatos ob impeditam transpirationem maxime efficeret. Adde quod cum debeant exanthemata & ecchymata in illis tandem erumpere, id ab istâ constipatione meatuum impediretur. Quemadmodum igitur Aquila pullos recenter exclusos ad solis orbitam constituit, vt qui defixis oculis, radios illius intueri valeant, pro genuinis alantur: reliqui perituri abiiciantur tanquam degeneres: sic credibile est immanes illos populos, & gentes bellicis artibus tantum addictas, tenrandi potius causâ in puerulis suis id præstitisse, vt qui subitum hoc frigidæ aquæ lauacrum ferre possent, tanquam digni parentum virtute educarentur: reliqui autem delicatiores & quasi imbelles statim extinguerentur, quod nobis lege prohibitum est. Nunc reliquum pueruli regimen persequamur.

Repositus itaque in cunis ab omni aëris nimîâ inclementiâ pro varietate anni temporum, regionum & locorum, custodiatur: vestibus, linteolis, & tegumentis eodem modo commodè muniatur, in quibus mundities potius, & mollities, quâ splendor aut elegantiâ quæratur. Excipiat directè lumen siue solis, siue aliorum corporum lucidorum, vt nunquam cogatur distortis oculis spectare: inde enim strabi & lusi diuulsis oculorum musculis euadunt: quod si aliquid vitij hac in parte cõtigisse appareat, res illis aliquæ illustriores, vt specula ex aduerso obiiciantur, vel pannus sericeus, colore aliquo splendidiorè præditus, in oppositâ parte affigatur, vt intentâ in contrarium acie corrigatur ille strabismus. Non est etiam omittendû, quod puerulis, quando intuitu frui incipiunt libero, numquam obiici debent res turpes aut horrendæ, quantum fieri potest, quia ex illarum aspectu in terrores & animi cõternationes maximas aliquando incidunt. Neque etiam contrectandi à vetulis, aut sordidioribus mulierculis, vel aliis hominibus, qui grauiorè & molestû exhalant vaporè, quia facilè hauriunt mollissima & spongiosa ista corpuscula expirationes omnes circumiectarum sibi rerum: vnde illud:

Nescio quis teneros oculus mihi fascinat agnos.

Recentes etiam pueruli ex consuetudine in vtero contractâ plus somno indulgere debent quam vigiliis, quia sic cõcoctiones naturales melius perficiuntur, & minor sit spirituum dissipatio: vnde cantibus, blandâ agitatione cunarum, frequenti vberis exhibitione ad id excitadi sunt. Vbi primû expergiscuntur, à sordibus suis diligenter mundandi, & toties in die mutadi, quoties illis inquinati videbuntur, contra vulgi sententiam; ne dolore aliquo, pruritu, excoitatione, aut foetore afficiantur ex earum diuturno contractu. Et ita fasciandi de nouo, vt ne propter nimiam laxitatè distorqueri aut relaxari possit aliquod membrum, neque propter nimiam adstrictionè comprimi aut doloribus tentari: male enim quibusdâ in locis corpora puellarum arctius ligant circa thoracè, vt graciliores corpore, natibus crassiores euadant. Prospiciendû perpetuò in hisce infantulis, vt alius libere fluat, & vrinæ copiosæ profundatur: est enim signû optimæ nutritionis: quia ex lacte liberalius sumpto, liquidiorè scil. alimento necesse est mul. a excrementa suscitari, & qui adstrictiore sunt aluo pueruli vt plurimû varias incurrunt ægitudines, multumq; laboris & periculi subeunt in ipsâ dentitione ob nimîâ cerebri & totius corporis repletionem, quæ ad gingiuas copiosius defluit. Quod ad exercitationes eorum spectat, certû est, quando fasciis continentur, illos propter ossium molliem nullû obire posse corporis motû, donec confirmatis mēbris paulatim ambulare incipiant: tuncq; diligenti indigent custodiâ, ne casu, ictu, aut vehementiori agitatione sibi ipsis vim inferant. Vagitus etiâ, ploratus, & clamores in eis debent esse mediocres, quia hoc facit ad vacuandâ cerebri & pulmonis pituitam, dilatandum thoracem, & excitandû calorem natiuum, quamdiu in cunis degunt immoti, dummodo illud non cõtingat ex vi doloris alicuius vehemētioris, vt quando linteolo premuntur, aciculâ punguntur, aut ægitudines patiuntur, vt ventris tormina, quibus valde sunt obnoxij: hisce enim & omnibus statim & prudenter prospiciendû, ne in animi deliquiū aut marcorè incidant. Vbi verò grãdiores iam sunt facti & ambulare incipiunt, cōhibendi omnes illi impetus, quantum fieri potest, potissimû si ex animi pathematis pen-deant, ne assuescant illis indulgere & malos mores contrahant. Adde quod ex nimis illis

illis clamoribus, & ploratu facile incidunt in hernias intestinales, ob laxiorem peritonæi & musculorum constitutionem: quæ omnia sunt valde animaduertenda.

DENIQUE QVOD SPECTAT AD ILLORVM ALIMENTVM. Quandoquidem ex solo lacte debet constare, aut leui pulticulâ, donec dentire incipiant, & solidiores cibos conficere valeant: Ideo maximâ sollicitudine tale erit eis comparandum lac, quod & secundum substantiam & qualitates omnes sit laudatissimum, vt sequenti capite dicentur. Quod ad quantitatem enim, tempus & ordinem spectat, lactis exhibendi, certè quandiu illo solo fruuntur, debent quæcunque horâ illud sugere, dummodo vomitu aut alui fluxu immoderato non tententur. Vt enim in vtero perpetua erat sanguinis illius materni attractio ad fœtus nutritionem: sic esse debet frequens lactis sumptio ad corporis incrementum. Vbi verò iam incipiunt pulticulam sorbere, iusecula aut alios etiam cibos sumere, optimum erit vt per horam saltem vnâ à lactis suctione abstineant, ne diutius in ventriculo aliis permixtum & retentum corrumpatur. Notissimum est enim puerulos lumbricis non tentari, quandiu solo lacte, tanquam æquabili & proportionato illis alimento, vtuntur, quod deinde aliorum consortio facile alteratur. Cogimur tamen illis iam grandioribus alios cibos exhibere, tum vt illis assuescant paulatim & firmiores euadant: tum etiam ne nimis exhauriant suas nutrices: vel in lactis penuriâ quæ nutricibus frequenter contingit, fame quam difficillime ferre solent, aliquando torqueantur.

Ratione itaque gratiosi istius & laudatissimi alimenti, quo debet frui infans per duos aut tres annos integros, donec ablactetur, summa est etiam habenda ratio illius fœminæ quæ talem illi alimoniam suppeditare debet: siue sit mater quæ illum peperit, siue nutrix quæ ad id muneris fuerit electa. Primò igitur quæritur, vtrum sit melius infantem materno lacte, vel nutricis educari: & vtrinque satis validæ rationes adducuntur. Plutarchus, A. Gellius, & reliqui Politici validè exagitant matres velut *asôpyes*, quæ infantulis suis nuper natis illud denegant, quod coactè tantum prius in vtero exhibebant, easque dimidias tantum matres appellant in perniciem quasi familiarum natas, quæ fœtus suos alienis humoribus & moribus pessimarum aliquando muliercularum imbuendos committant. Addunt Physici. Alimentum eo melius quo similis, & magis naturæ consuetum, ideo maternum lac, quod fit ex eodem sanguine quo alebatur fœtus in vtero, illi magis simile esse, & consuetum, ac proinde commodius ad eius nutritionem & accretionem, quam nutricis, quæ aliquando longe distat ab vtriusque temperamento. Item amorem & beneuolentiam matrum longè maiorem esse erga suos alumnos, quam nutricum, quæ mercedis tantum causâ id præstant: ac proinde maiori sollicitudine illorum tunc curam habituras, ne quicquam detrimenti in tam tenellâ ætate accipiant.


Verum quia contingit vt plurimum in familiis, potissimum magnatum, matres esse delicatiores, quam vt ferre possint tantam & tam longam educandi fœtus molestiam post gestationem; non abs re esse videtur, si ob eiusmodi matris mollitiem, vel quâdo non est ritè comparata ad lactis generationem, deses, fastidiosa, querula, & frequenter *morosa* laborans, vt solent fœminæ aulicæ & splēdidiores: pueri eiusmodi tradantur alendi egregiæ cuidam, & robustæ nutrici, quam facile inter rusticas aut vrbanas illis eligere licet ex consilio Medici, optimo temperamento præditam, vel parum dissimili, si corrigenda sit aliqua intemperies in puerulo, bene moratam, sollicitam & expertam in tractandis huiusmodi puerulis, quos & summo amore prosequuntur, vt vni cuique notum est, & generosiores validioresque viros, reipubl. administrandæ & bellicis exercendis idoneos educare solent. Cum igitur nutrix eligi possit, non mater vt plurimum intemperata ad commodè educandum puerulum, cui facilius imperari potest debitum regimen, quàm matri morosæ & deliciis addictæ: ideo in tali casu non est improbanda illa educatio quæ à nutricibus obitur. Adde quod duo mihi videntur maximè nutricum educationem commendare: Primum quod minus sint animi pathematibus obnoxii quam matres: quando enim morbis aliquibus afficiuntur infantes, impossibile est matres quæ illos nutriunt, non valde commoueri: vnde perturbatio humorum & lactis maxima, ex quâ vidimus multos periclitari puerulos, & tandem nutricibus fuisse tradendos. Alterum quod matres istæ perpetuo coitu vtentes, aut imprægnantur frequenter, & sic duobus fraudem faciunt, cum non possit sufficere natura ad vtriusque commodam nutritionem; aut certè lac feruidius illis exhibent & magis intemperatum, quam nutrices ab eo abstinentes.

Vbi igitur contigerit puerulum nutrici propter dictas causas esse tradendum, eligatur mulier boni habitus & temperamenti (nisi fortè corrigenda sit intemperies)

aliqua in puerulo) nigricantis coloris potius quam albi, lati pectoris, & scapuliorum, mammarum mediocrium, & bene conformatis papillis, ætatis vegetæ à vigesimo scilicet anno ad trigessimum quintum vsque, non primipara nec abortiens, sed quæ iam assueta sit hisce laboribus ferendis, & tractandis infantulis, cuius lac neque nimis recens, nec valde sit inueteratum: à tribus enim mensibus à partu vsque ad tertium annum laudatissimum existit. Volunt quidam nutricem quæ scēminam peperit, marem nutrire, & contra; sed hoc non est perpetuæ veritatis, nisi sit corrigendus aliquis in proposito infante excessus, vt iam diximus. Sit etiam bene morata & quantum fieri poterit, tranquillo corpore & animo: quæ enim iracundæ, ebriosa, melancholica, aut salaces existunt, eiusmodi vitia suis alumnis imprimunt, & lac facile corrumpunt. Attendenda est etiam accuratè familia seu parentum natura à quibus orta est, ne quam sanguinis maculam habeant hæreditariam, potissimum elephantiaseos, luis venereæ, strumarum, phthiaseos, & similibus morborum contagiosorum, quorum propagatio esse potest, præter quam omni etiam affectu morbofo aut quomodocunque vitioso careat, vtpote balbutie, strabositate, achoribus, pediculis, scabie, & similibus, ac si aliquando in ægitudinem, vt catarrhum, febrem & alios affectus incidat, tunc temporis abstinere ab exhibendo infanti lacte: quæ etiam menstrua patiuntur, dum lacte puerulos nutriunt, vix illud sanum & integrum habere possunt, aut tunc prægnantes euadunt. Tandem lac illius ex vberibus extractum erit diligenter examinandum secundum notas sequenti capite à nobis dicendas.

Et si quidem talis iudicata fuerit, cui puellus tradatur educandus, illi conueniens regimen præscribendum, quo obseruato pro variis rerum circumstantiis, poterit tutius multo & salubrius propositum negotium obire. Aëris itaque nimias vitare debet inclementias, etiam mutatione loci intemperatioris, si ita videatur. Neque nimium vigilet, nec valde somno sit addicta. Quæ enim profundo admodum sopore tenentur, negligunt puerulorum suorum curam totâ nocte, & illos vociferantes, aut lacte indigentes non exaudiunt. In talibus etiam valde cauendum, ne infantulos simul & iuxta se positos in lecto habeant, quoniam plurimi hoc modo ab illis fuerunt suffocati. Ne sit etiam deses & otiosa, sed alacris & ad suscipiendos mediocres labores comparata, potissimum in quibus brachiorum motus requiritur, vt sanguis ad mammas copiosior attrahatur, & lac melius concoquatur. Aluum neque fluxilem, nec nimis adstrictam habere debet, quia vtrumque lactis materiæ nocet, eam minuendo vel corrumpendo: sed si cacochyma videatur, aut propter vidum liberaliorem & insuetum excrementis redundans, poterit purgari per interualla leui quodam cathartico, dummodo per illum diem puerulo mammam non porrigat, nisi eadem operâ infans videatur etiam purgandus: vt est enim apud Hippocrat. *Mulier & capra in hymalium camedens, lac habent purgatorium.* Vitent omnia animi pathemata, quantum fieri poterit, neque illis occasio moerendi vel irascendi à quouis domesticorum præbeatur: quia poena statim cadit istius animi motus in miserum infantem, vt docet experientia. Quod ad alimenta, debet vti omnibus euchymis, & eupeptis si lactis sola habeatur ratio, ita tamen vt non fiat subita mutatio à victu consueto, verbi gratia, si rustica sit in domum magnatis alicuius vocata, debet illi aliquando concedi, vt consuetis cibis vescatur, donec paulatim lautioribus assuescat: alias ita fastidiosæ euadunt, vt vix proposita alimenta delicatiora assumere valeant. Si sit etiam robur & alacritas comparanda puerulo, vt cupiunt nostri nobiles in maribus suis, debet in agro potius quam in vrbe aut aulâ morari, & ibi ordinariam viuendi rationem seruare. Expetendum tamen est, vt à valde intemperatis cibis abstinere, vt frixis, piperatis, salis, & similibus. Quæritur etiam vtrum nutrix vinum vel aquam bibere debeat? Diximus enim supra, non debere esse ebriosam seu vino addictam: inde enim infinita sequuntur incommoda, tum quia vinum immodicè sumptum lac reddit feruidum & intemperatum, tum etiam quod eiusmodi temulentæ nutrices salaciores redduntur, & somno indulgere nimium coguntur, aut perturbatâ mente puerulos istos in mille pericula præcipitant. Attamen in illis quæ assuetæ sunt vino, nisi temperamentum aut ægrotudo pueruli non repugnet, potest illis vsus moderatus concedi, ad vitandas cruditates, & ventriculi imbecillitatem, in quam incidunt ex priuatione illius, quo deinde, vbi datur occasio, sese ingurgitare solent. Idem dicas de vsu coitus, à quo nutrices melius est quidem toto ablactationis tempore abstinere, si fieri possit; attamen in illis quæ coniugem habent, & cum eo degunt, permittendus potius, quam si immensa eiusdem desiderio, in furias deinde,

deinde, ac maiorem animi ac corporis perturbationem incidant. Sic igitur regenda nutrix, quod ad communes viuendi regulas: postea peculiaris habenda lactis & mammarum ratio, ut omnia rite in propositâ infantuli educatione se habeant, quod iam est nobis persequendum.



CAPVT II.

De bona lactis & mammarum constitutione.

MAMMÆ siue vbera; Græcis *μαστοί, μαστή, καὶ τὴν θῆλιν*, sunt corporis nostri partes glandulosæ, copioso adipe, & venarum multiplicibus ramis præditæ, in anteriori & mediâ pectoris regione sitæ, rotundâ figurâ donatæ, quæ in papillam fungosam velut apicem aut canaliculum desinunt: ad thoracis ornatum & cordis tutelam in utroque sexu dicatæ: In mulieribus autem peculiariter ad alimoniam fœtus recentis parandam, & *γαλακτοποιητικὴν* facultatem, quâ peculiariter donatæ sunt, post partum exercendam.

Illarum itaque effectus peculiaris siue opus præcipuum est ipsum lac, quod nihil aliud est, quam humor benignus, dulcis & albicans in mammis fœminæ concoctus ex puriore sanguinis menstrui portione, & propriâ redundantis alimentum mammarum parte confectus ad nutritionem editi fœtus. Dicimus esse *humorem*, quia instar aliorum liquidorum corporum in nobis contentorum, sanguinis, feri, feminis, & similibus diffluit, nec faciliè proprio termino continetur. Est autem benigna admodum & laudabilis substantia, quam natura comparauit ad tenelli fœtus nutritionem, cuius natura in calido humidoque, vitæ scilicet animantium principiis fundata, indiget consimili & temperato alimento, ut refici commodè & incrementum capessere possit. Est enim tanta humoris istius benignitas & suauitas, ut non solum illius usu tenella puerorum corpuscula sustententur, sed etiam grandiorum, qui macie aut febre hecticâ tentantur. In quibusdam etiam regionibus, ut de Scythis narrat Hippocrates, præcipuum ex eo suppetit omnibus alimentum. Adde quod ex lacte tres educuntur substantiæ; serum, caseus, & butyrum, quorum in diætâ communi hominum tanta est utilitas, ut nulla alia sit res, quæ huic eâ in parte comparari valeat. Diximus præterea *in mammis fœminæ concoctum*: quia verum lac fit tantum in fœminis, & eo tempore quo fœtus in utero perfectus moueri incipit, ratione scilicet finis propositi utilis & necessarij, nempe nutritionis illius extra uterum, quo cessante videmus etiam in nutricebus post aliquot annos desinere istam lactis generationem, donec congressu fœcundo videntes, de nouo conceperint: non enim quicumque congressus virilis sufficit ad lactis generationem: neque enim steriles ex quacunque causâ, neque meretrices, quantumuis libidini indulgentes, lac in mammis proferre solent; nisi ex eiusmodi concubitu sequatur masculi seminis fœcundi & validi in utero retentio, & verus conceptus: vnde falsæ illæ imprægnationes à nobis recensitæ menstruorum, molæ & similibus, priuantur iucundissimi istius succi generatione, ut ipsemet annotauit Hippocrates.

Quamuis igitur mares aliquando, ut de Syro quodam narrat Aristoteles; vel virgines, aut mulieres quædam quibus menstrua defecerunt, absque imprægnatione aut partu, ut est in Aphorismis, quamdam profudisse ex vberibus substantiam albicantem & lacti perisimilem: non est tamen putandum esse verum lac, sed portionem proprii alimenti mammarum redundantem, quæ per istos canaliculos effluens, lactis quamdam ideam repræsentat, cum tamen nec idonea sit ad perfectam puelli alicuius nutritionem, nec ex eâ tres illæ partes à nobis commemoratæ secerni possint, scilicet serum, caseus & butyrum, cum tota sit potius serosa, & veluti albicans & tenuis piruita. Quod si obieciat aliquis, istud lac in muliere cui menstrua defecerunt, non esse portionem proprii alimenti mammarum, sed esse ex concoctione sanguinis illius menstrui retenti & refluentis ad mammas. Respondemus, sanguinem illum menstruum, qui in fœminis iustæ ætatis retinetur præter naturam, quando scilicet neque prægnantes sunt, neque la-

stantes, vitium concipere, & infinitos morbos inferre, vt docet quotidiana experientia: ac proinde non esse aptam materiam vt ex eo lac producat.

Verum obiiciet adhuc aliquis, si lac in mammis fiat per concoctionem & viam nutritionis, vt vocant, pendebit ista vis *γαλακτοποίησις* à facultatibus naturalibus & insitis, quæ perpetuò præsentibus sunt, & proposito obiecto continuò agere solent. Atqui ista vis lactis generandi videtur influere, vel à viro, cuius congressu non solum foemina foecundatur, sed etiam lacti generando redditur idonea: vel certè à semine virili foecundo in vteri cavitare ad conceptum retento, cuius *ἐνέργεια* intra quatuor aut quinque menses grandescente foetu incipiunt mammae lac generare. Ad id respondemus, vim istam *γαλακτοποίησιν* esse quidem inter naturales, cum fiat per viam concoctionis & assimilationis, ipsisque mammis insitam, quæ tamen non exerat suos effectus insignes & manifestos, nisi præsentem obiecto conuenienti & fine proposito vtili. Quamdiu enim foemina extra foetus generationem constituta est, quia inutilis esset ista lactis generatio, ideo propriis tantum mammarum commodis & nutritioni incumbit illa facultas concoctrix: neque habet tantam sanguinis copiam refluens & elaborati, vel attracti in suas cavitates, vt ex eo lac proferri possit; ideo tunc cessare videtur, quemadmodum *σπερματοποίησις* in pueris aut senibus: auctrix post vigesimum quintum annum, & sic de reliquis. Quæ sint autem potissimæ causæ, cur præsentem foetu in vtero incipiat lac generari, existimat Hippocrates id fieri, quia vasa illa vterina occlusa & multo sanguine referta comprimuntur, vnde sanguis repulsus in mammas influere primum solet. Deinde quia tunc propter concubitum & conceptum dilatata sunt vasa, quæ prius angustiora esse solebant, daturque faciliior transitus per communes illas vias, & eximium consensum qui est inter mammas & vterum. Sed illud videtur mihi magis præcipuum, quod ex præsentia seminis masculi & foecundi in vtero, propter summam correspondentiam quæ est inter istas duas facultates *σπερματοποίησιν* & *γαλακτοποίησιν*, hæc veluti sopita excitatur & ex potentia in actum deducitur, vt possit conuenientem & sufficientem futuræ proli alimoniam olim suppeditare. Vel etiam dicamus, istam materiam, quæ ab vtero & reliquis venis in mammas ad generationem lactis tempore conceptus & post partum influit, non esse simpliciter sanguinem, sed iam ita præparatum & elaboratum, vi vteri & vasorum ex peculiari illâ feminis virilis & foecundi *ἐνέργεια* corroboratum, vt ex eo commodè in mammis lac generari queat: quemadmodum materia seminalis non solum ex reliquis corporis partibus ad testes generandi veri seminis causâ defertur, sed etiam in vasis illis præparantibus elaboratur.

Diximus itaque ad lactis generationem concurrere duplicem materiam: vnâ quidem ex vtero & reliquo corpore per venas communes & proprias, quæ in epigastrio *κοινωνίαν* vteri & mammarum præcipuè efficiunt, nempe sanguinem illum menstruum præparatum & elaboratum: & proprii alimenti mammarum superfluum portionem, ex quibus ista substantia lactea conflatur. Etenim si sanguis solus, purus & probus lactis materiam constitueret, ipsum lac aut eo gradu ac sanguis calidum esset, aut certè calidius per vltiorem coctionem & diuturniorem caloris in eandem materiam applicationem: attamen ex ipso Galeno 2. de natur. facult. certum est lac frigidius esse sanguine, & ex lacte chylum primò, deinde sanguinem de nouo generari in pueris lactentibus: vnde oportet illud habere caliditatem remissiorem in gradu, vt ex eo deinceps commodè & æquabiliter quatuor illi humores suscitentur. Adde quod ipsa docet experientia, lactis vsu hecticâ detentos temperari, & æstus præcordiorum sedari, quod nemo sanguini tribuere potest, cum ex ipso assumpto incalescat corpus & pessimè nutriatur: imò etiam sanguis quorundam animantium, tauri videlicet, ob crassitiam fibrarum quæ in ventriculo concresecunt, haustus pro præsentissimo veneno habeatur. Quando igitur lac dicitur sanguis dealbatus & leuiter immutatus, non est existimandum illud ideo dici, quod non sit diuersâ ab eo substantiâ, (*sanguinis quatuor sunt partes siue substantia, lactis verò tres tantum:*) vel quod non sit aliis dotibus præditum ad alimoniam corpori præbendam, sed quia inter coctiones sanguinis, quæ fiunt in corpore nostro, illa sit inter omnes leuior: non enim affigitur vel apponitur parti in quâ assimilatur. Ac proinde non est recipienda illorum sententia, qui existimant naturam ideo tantum istum sanguinem in lac dealbasse ad alendum foetum, ne cruor ex mammis effusus matri & alumno hor-

rorem incuteret, quandoquidem, ut iam diximus, ipse sanguis non est idoneum alimentum quo nutriatur fœtus extra uterum, quando iam ventriculus & hepar suo munere fungi incipiunt, quo erant priuata dum esset in utero, & per vasa vmbilicalia sanguis ille maternus hauriebatur, & in partibus singulis solam *ἐκποίησην* seu tertiam coctionem patiebatur, vel leuem tantum in hepate depurationem, ut de meconio dicebamus.

Nec est quod obiiciat aliquis, lac necessario esse sanguine calidius, quia fit per vltiorem concoctionem & elaborationem: illud enim Philosophi, *omnia quæ concoquuntur enadere calidiora & crassiora*, est intelligendum de eo quod vnam & eandem coctionem patitur, non autem diuersas: quia dum varias coctiones subit, fit ut propter partis velut vasis mutationem, quæ diuerso temperamento prædita esse potest, vel alicuius rei secretionem aut admixtionem refrigeratio potius quam calfactio in re coctâ aliquando contingat. Id enim sanguini manifestè accidit, dum in mammas glandulosæ & exanguis naturæ decedit, ibique permiscetur proprio alimento istarum glandularum, valde seroso & pituitoso, quo diluitur & temperatur: ideo dicitur Galeno lac substantia quædam veluti media inter pituitam & verum sanguinem *eodem loco citato*: quem vult à loci proprietate in quo facessit & degenerat in lactis naturam, sufficienter refrigerari. Contra istud tamen adferri potest, quod si sanguis in mammis refrigeretur, dum lac fit, idem contingere semini, dum coquitur in testibus: cum tamen certum sit semen longè ipso sanguine esse calidius. Verùm dispar est admodum ratio lactis & seminis: quia seminis materia nusquam ingreditur testium glandes, sed perpetuò in ipsis parastatis retinetur impermixta. Imo si quid serosi & nimium redundantis excrementitij succi est, illud exugitur ab ipsis testibus in sui alimoniam, ut eo semen depuretur. Adde quod copia spirituum per arterias & nervos ex omnibus corporis partibus eò delatorum, maximè facit ad seminis caliditatem augendam: quibus euanescentibus in semine, videmus crassamentum illius satis aquosum & frigidum, ex quo potissimum coagmentantur partes spermaticæ, & frigidæ à Medicis appellatæ.

Superest adhuc alia difficultas aduersus istam lactis materiam & naturam. Etenim si lac ex sanguine fiat concocto & elaborato, idem contingeret lacti ac semini: quod scilicet natura non posset ferre magnas illius vacuationes, quod tamen est falsum, cum videamus nutrices tantam illius copiam singulis diebus & sine noxâ profundere, quæ duobus aliquando alendis pueris sufficiat. Quod si respondeas, disparem esse rationem seminis ac lactis, quia semen in parte exiguâ conficitur, quæ non potest tantam copiam humoris continere, ut marmæ: deinde semen esse donatum insigni spirituum quantitate, ex quorum profusione valde debilitatur totum corpus per immoderatam Venerem: aut si semen sit destitutum suis spiritibus, quamuis copiosè effluat, non tamen tantum inferre corpori detrimentum, ut patet in vetere gonorrhœâ. Vrgent illi denuò, saltem eadem esset resolutio virium aut maior in lactis ac sanguinis ex venis profusione, quia lac est magis concoctum & elaboratum quam sanguis. Attamen si quis venam tundat mulieri ad *th. j.* facillè præcipitabit illam in syncopem, aut etiam si menstrua vel hæmorrhoidalis purgatio sit præter modum liberalis, statim deficiunt vires, & totum corpus vehementer languet: cum tamen nutrices vegetæ, imo alacriores videantur ex copiosissimâ illâ lactis effusione, quam infans singulis pene momentis noctes atque dies ex illarum fugit vberibus. Ad id respondemus, magnam esse vim & prudentiam naturæ dispensantis actiones corporis nostri: quæ enim fiunt propter certum finem, & ex primario illius instituto, illa iucundissimè feruntur, & obeuntur à singulis partibus, quamuis satis molesta, & difficilia videantur. Ideo cum natura partes istas dicauerit huic lactis concoctioni ad fœtus editi nutritionem, illis summam tribuit concoquendi huius alimenti potentiam, eiusque excernendi copiosè sine vlllo corporis detrimento. Ad id autem maxime confert spongiosa istius partis substantia, quæ sensim alimentum illud recipiens, & imbibens, nullam vim reliquis infert partibus sponte & naturæ iussu illuc sanguinem mittentibus: deinde illud excernens etiam per *διάρρησιν*, & quasi transcolationem ex fungosis papillæ canaliculis sine vllâ aut paucâ caloris natui dissipatione, quæ in sanguinis nimîâ profusione per venas apertas contingit. Adde quod dum sanguis impetu ex aliquo loco excernitur, non solum superfluit & redundans, sed etiam naturæ amicus, & necessarius vacuari potest ad vltimam vsque guttulam, ut patet in vulneratis:

vulneratis : cum lac illud tantum emitti ex mammâ possit vna vice, quod iam concoctum & secretum, naturæ totius, & partis, quasi inutile existit.

Diximus denique in nostrâ lactis definitione, hunc succum produci à naturâ ad iam editi & extrâ vterum existentis fœtus alimoniam. Quod tamen non videtur viquequaque verum, quoniam lac non solum post partum gignitur, sed etiam in prægnantibus post quartum circiter vel quintum mensem, si fœtus bene se habeat. Illud itaque est ita intelligendum, lacteam substantiam fieri ad nutritionem editi fœtus ex primario naturæ instituto, quæ omnia propter finem & bonum operatur : apparere tamen in prægnantibus lactis quamdam generationem, tum vt assuescant iam mammæ, & maturè huic muneri incumbant : tum etiam vt hac lactis productione in mammas auertatur quodammodo alimentum ab vtero, sicque illius indigentia, & post maturitatem perfectam moueatur iam infans & quasi incitetur ad discessum. Hinc fit, vt quibus prægnantibus mammæ subito gracilescunt, vel lac copiosum ex mammis effluit, illis immineat abortus, quia deficit, vel auertitur subito materia ad alendum in vtero fœtum idonea. Atque hæc de lactis naturâ & generatione sufficiant : nunc ad illius electionem veniamus.

Superiori igitur capite, dum de regimine nutricis, eiusque bonâ constitutione ageremus, satis copiosè proposuimus causas optimi lactis generandi, tam internas ex parte nutricis, quam externas, quæ concurrere possunt ad istud opus iuuandum vel perficiendum. Superest vt paucis tradamus notas siue conditiones quæ in lacte ipso requiruntur, vt conueniens sit & idoneum pueri alimentum. In lacte ergo ab vberibus nutricis recenter extracto, considerata erit primum substantia ipsa siue substantiæ modus, qui positus est in iustâ quadam consistentiâ, quæ media sit inter nimiam crassitiem & tenuitatem. Vt enim nimia crassities impedit eius coctionem & facilem distributionem, vnde grumi sæpius in ventriculo concresecunt : sic nimia tenuitas, cum ex cruditate pendeat, vel nimia serosæ materiæ admixtione, eiusdem prauam ad alendum dispositionem : vnde alui fluxus, vomitus, & totius corporis macies in puerulis sæpe exoriuntur. Aëtius itaque immergit pilum in lac : quod si bonum sit, æqualiter illi hæreere debet : vel si vitiosum, nihil aut nimis. Nos verò conicere solemus supra speculum, lancem, patinam aut vnguem lactis portiunculam, quæ si ibi subsistat immota, optimæ consistentiæ & laudatæ coctionis erit indicium : sin statim diffluat, tenuis & serosæ nimium : si commoto aut etiam inuerso vngue vel speculo hæreat, nimium crassæ & viscidæ : quod eodem modo explorare possumus digitis illud contrectantes, vtrum lentore, vel tenuitate nimia sit præditum.

Secundò oportet quantitatem lactis, quæ in vberibus nutricis continetur explorare. Nam si exigua sit valde, aut sæpe & per interualla deficiat, vix sperari potest commoda ex eo infantis nutritio : sin verò admodum redundet, nocere etiam solet : quia puellus nimia illâ copiâ confertim irruente fere suffocatur : vel dum non satis abundè extrahitur, facile inflammationem aut grumos concipit : imo eiusmodi vbera lacte turgidiora facile offenduntur à quacunque re comprimente : vnde infinita in illis mala exoriri solent. Atque vt plurimum illa nimia lactis redundantia ad tempus, in penuriam & defectum maximum exinanito confertim nutricis corpore terminatur.

Tertio in lacte considerandus erit color. Vt enim sanguis ruber & floridus laudatur ob exquisitam temperiem & coctionem in hepate : sic etiam lac album & splendidum, nempe proprio suo colore donatum, qui non est simpliciter albus, sed ea albedinis species, quæ lactea peculiariter dicitur, nec in sero, semine, pituita, mucos, aut aliis corporis nostri humoribus, quamuis albicantibus reperitur. Ab hoc colore quantum recedit lac, eo deterius, quia vel cruditatem arguit, vel exustionem, aut certè alicuius humoris dominatum, vt biliosi si flauescat, melancholici si liuescat, pituitosi aut serosi, si alienâ albedine inficiatur, quo eius temperies labefactatur. Quamuis enim colores vniuersaliter considerati non sint certa temperamentorum indicia : attamen in vnaquaque specie aut individuo, quia certus adest color, rei illius bonam vel malam dispositionem demonstrare possunt, quæ pendet ex proportionem humorum, & singularum coctionum integritate vel vitio.

Quartò in lacte considerandus est odor, qui in succo isto temperato & æqualiter concocto debet esse suavis & blandus, nullo virore aut acrimoniâ infectus, qualis

qualis ex corporibus feruidioribus, rufis & lentiginosis expirare solet; nec etiam aciditate quæ testetur illius refrigerationem maximam. Lac enim, ut est in medio fere omnium qualitatuum, & quasi in æquilibrio positum, sic etiam facile vitium contrahit, non solum in ipsis vberibus, sed etiam in ventriculo intemperato, cuius notas statim repræsentat ructibus acidis, si frigidior, nidorulentis verò, si calidior existit. Quod etiam ipsæ alumnæ solent in suis puerulis præsentire ex solo halitu, qui per os emittitur: ubi enim lac crudum & inconfectum in ventriculo remanet, talis vapor acidus; sin exuratur nimium, torridus & acer eleuatur.

Verum ista omnia adhuc certius ex quinto signo, nempe sapore cognoscemus; nam si quis degustet eiusmodi lac statim multum, deprehendet non solum actuale illius caliditatem maiorem aut minorem, sed etiam potentialem, ut loquuntur. Ut enim dulcedo gratissima, & quasi saccharata illi propria, signum erit præstantissimi lactis: sic etiam salbedo, acrimonia, amaror, illius excessum versus intemperiem calidiorem: acerbitas vero, aciditas aut insipiditas insignis, cruditatem & excessum versus intemperiem frigidiorē, indicant. Imo tanta est vis istius signi, ut possint quidam ex degustato lacte nutricis alicuius detegere, utrum illa quodam alimento vitioso aut insigni qualitate prædico in damnum infantuli vsa fuerit, ut cepis, alliis, falsis, piperatis, frixis, & similibus, quorum excessus huic liquidæ substantiæ faciliè communicatur. Patet hoc exemplo butyri, quod alieno sapore inficitur, dum vaccæ alliarum, &c. comedunt. Illud nos aliquando vidimus iucundissimè vsurpatum in gynæceis magnatum, & illustrium foeminarum.


Præter istas notas, & signa lactis realia, ut loquuntur, non inutile etiam erit habere rationem loci & temporis: loci, nempe regionis vel pagi ex quo oriunda nutrix: quia multum differt lac earum foeminarum quæ mōtes & temperata aut frigida loca inhabitant ab aliis, ut apud nos Cebenicæ nutrices magis probantur: temporis autem, videlicet intra grauiditatem vel extra: quoniam durante gestatione vix potest lactis bonitas adesse, cum oporteat foetum in utero suis commodis inservire, & meliorem succi materni portionem ad se allicere. Ac proinde ubi nutrices Venere vrentes, in utero habere deprehenduntur, statim debent abstinere à nutritione infantis, ne prauum illis lac & sæculentum exhibeant. Extra grauiditatem verò considerandum etiam utrum longè sint à partu, vel statim post partum: num vetustiores, utpote quæ tres à partu annos excesserunt, lac crassum, paucum, & turbidum suppeditare solent: quæ verò proximæ sunt partui vsque ad tertium mensem, valde crudum & aquosum, quod eodem modo est quibusdam puerulis noxium, ut supra annotauimus: nisi sit intentio soluendi & expurgandi aluum, vel refrigerandi corporis calidioris & siccioris: quæ in re prudenter est agendum, ne videlicet tenelli illi infantes in grauiora mala ex intempestiuo istius lactis vsu præcipitentur, ut sæpe obseruauimus.

Ut igitur omnes lactis conditiones sunt considerandæ ad bonam illius constitutionem deprehendendam, sic etiam mammarum, velut efficiētium causarum dispositio erit contemplanda, ut sit optimè, & secundū rectas naturæ leges instituta, ad proprium munus exercendum. Siue igitur foemina sit virgo, siue mulier venerco vtens congressu, siue prægnans aut puerpera & nutrix, debet perpetuò mammæ ita habere temperatas, ut nullus in illis excessus primarum qualitatuum morbosus sētiatur: debet etiam habere ritè conformatas, figurā decenti, rotundatā, & fastigiatā, quæ in papillā modicè extuberantē & crassum velut apicem desinat, læuitate eleganti politas, firmitateque quadā mediocri donatas, quæ sit inter molitiem & duritiē quasi media. Sint etiam ea magnitudine, non solū virginibus aut foeminis elegantiae studiosis, sed etiam in nutricibus quæ iustæ corporis moli respondeat. Debet etiam ipse situs in mammis esse elegans, & decorus, ut scilicet non connexæ & quasi confusæ in mediā pectoris regione existant, sed ita distinctæ, ut vnaquæque suum locum ad latera thoracis ex diametro posita obseruet. Nulla etiam adsit macula, lentigo, vlcus, aut cicatrix, quæ membrum istud visui & tactui expositum dehonestet. Ex eiusmodi mammis Venerem quasi & delicias spirantibus, non solum summa iucunditas exoritur, sed etiam quando ad præcipuam suam operationem, nempe *γαλακτοποιαν* exercendam reuocantur, summa vtilitas ad sobolis educationem. Hanc igitur exquisitam & laudabilem mammarum constitutionem debet Medicus gynæci præfectus omni industriâ sartam rectam seruare, vel saltem intra sanitatis latitudinem, quantum fieri poterit, retinere. Quod si contingat aliquando propter vio-

lentiâ causarum internarum vel externarum eam immutari & longè depravari ob exorientes affectus morbosos, tunc etiam rectâ methodo & remediis artificiosè adhibitis, illos oppugnare conueniet.



CAPVT III.

De affectibus mammarum præcipuis & eorum curatione.

IN pertractandis mammarum affectibus præter naturam, illos tantum explicandos suscipiemus, qui præcipuè in vsum & praxim medicam venire solent, & ex quorum cognitione, aliorum facile notitia, & curandi ratio haberi potest. Hunc igitur tractatum perficiemus quinque sectionibus, in quarum primâ agemus de immodicâ mammarum magnitudine, & gracilitate: in secûda de earundem tumore œdematoso siue phlegmatico: in tertiâ de earum tumore scirrhuso & cancroso: in quartâ de mammarum inflammatione phlegmonosâ, erysipelatosâ, & quæ à lacte corrupto contingit: quintâ denique de earundem vlceribus tam simplicibus, quam cancris tractabimus. Ad istorum accuratam explicationem reuocari poterunt commodè reliquæ dispositiones mammarum similes, tam simplices intèperies, quam compositæ, cû affluxu variæ materiæ, & sine eo: Item dispositiones aliæ organicæ & solutiones continui, asperitates, vesiculæ, scabies, fistulæ, nomæ, & similia, vt vnique rem istam diligenter consideranti satis patebit.

Ad primam itaque partem huius tractatus aggrediamur: vbi illud primum monuerimus, prædictos affectus nobis nunc explicandos in quocunque statu fœminarum, virginitatis scilicet, grauiditatis, puerperij, & extra illos contingere posse: ideo istam tractationem non tantum respicere nutritionem editi fœtus, sed etiam commodam indiuidui muliebris: atque idcirco postea peculiari capite agemus de vitiis quæ contingunt ipsis mammis ratione lactis præter naturam constituti in nutritibus.

IMMODICA MAMMARVM MAGNITVDO ET NIMIA GRACILITAS. Corporis nostri partes intra vterû ita conformari & augeri debent, vt iusta omniû quantitas, & inter ipsas debita proportio seruetur: quod si aliter contigerit, tunc vitia contingunt magnitudinis auctæ vel imminutæ præter naturæ institutum & speciei conditionem: vnde longimani, crassipedes, macrocephali, platones, & similes appellati fuerunt: Extra vterum dum sit incrementum totius corporis, & partium, nisi iusta seruetur proportio, eadem vitia contingere possunt: sic videmus multis collum oblongum fieri & gracilescere circa pubertatem, aliis scapulas alarum instar eleuari & similia. At vero vitia auctæ vel imminutæ magnitudinis maximè elucescunt, cessante vi illâ auctrice post 25 aut circiter ætatis annum: (*ratione scilicet incrementi totius corporis, non autem partium, vt patet exemplis:*) tunc enim obseruare licet multos præ adipis & carni multitudine ita intumescere, vt vix se loco mouere possint: alios circa declinatem ætatem ita extenuari toto corpore, vt sceleti vel larvæ arte progredientis speciem repræsentent: sic etiam peculiaris quædam crassities aliquibus partibus, aut gracilitas contingere potest, quæ summum actionibus incommodum adferre solet: vidimus multos præpingui & crasso corpore, quibus tamen pedes & crura ita erant exilia, vt vix incedere possent: contra in aliis tibiae ex multitudine carnis ita intumuisse, vt vix illas attollere possent. In quibusdam fœminis omentum ita impinguatur, & venter crassescit, vt sterilitatem inducat, sicut est in Aph. Eodem modo & frequentius mamas contingere solet, vt propter spongiosam illâ, adiposam & glandulosam substantiam quæ prædictæ sunt, incidant in istos affectus auctæ vel imminutæ magnitudinis: ex quibus non solum propria, sed etiam partium vicinarum, vt brachiorum & thoracis actio læditur: vnde patet propter turpitudinem & indecoram dispositionem mammosas illas mulieres frequenter difficultate spirandi & ambulandi laborare: namque authores de bellicosissimis illis mulieribus *Amazones* dictis, quod sibi mamas dextras adurebant, vt essent alacriores ad motus exercendos, & arma gestanda. Quærit tamen potest, vtrum magnitudo ista immodica mammarum eodem modo sit inepta ad lactis generationem, quemadmodum reliquis actionibus impedimentum infert. Nam gracilitatem eximiam eidem plurimum obesse certissimum est, cum neque sufficiens lactis quantitas in illis contineri, nec etiam commodè concoqui possit ob duritiem & siccitatem nimiam gracilitatis plerumque

plerumque comitem, quâ omnes naturales functiones facillimè læduntur. Magnitudo autem mammarum cum & excipiendæ materiæ lactæ, ob vasorum amplitudinem; & continendæ, ob substantiæ laxitatem; & conseruandæ, ob humiditatem quâ præditæ sunt, idonea videatur: iuuare potius videbitur lactis generationem quam impedire. Attamen si rei veritatem accuratius expendamus, magnitudinem mammarum, quæ non est proportionata thoraci, & reliquo corpori, dicemus incommodam esse ad lac optimum generandum; quia cum sint valde laxæ & humidæ, non possunt habere eum gradum caloris proprium, nec à subiecto corde & pulmonibus ita calefieri, quin dissipetur & exhalet melior illius pars: vnde inualidiores remanent ad lactis generationem exercendam. Adde quod in profundioribus illis pendularum mammarum cauernis, vt plurimum subsistit succi crudioris aut iam mucidi copia, quo reliquum lac inficitur quodam acore, & serosius quam par sit redditur, vt ipsa docet experientia.

Sunt igitur propositi affectus, dispositiones præter naturam organicæ mammarum, ex defectu vel redundantia proprii alimenti, sine vilo tumore præter naturam, aut humore in cavitatem ibidem contento vel deficiente. Sic enim distinguuntur ab eleuationibus phlegmonosis, scirrhosis & similibus, in quibus adsunt alia morborum genera præter commemorata. Distinguitur etiam ab illâ magnitudine & gracilitate, quæ fit ex lacte copiosiore, vel parciore in eis dum prægnantes sunt, vt est *Aph. 37. & 53. sect. 5.* vel nutricis munere funguntur: quia hæ non sunt propriæ, sed aduentitiæ dispositiones, vt suis capitibus ostendemus. Diximus itaque istam magnitudinem & gracilitatem propriè sumptam pendere ex proprii mammarum alimenti excessu aut defectu, id est ex multitudine vel inopia nutritionis. Quotiescunque enim adest sanguinis laudabilis copia, caloris attrahentis ad partem & concoquentis vberitas, & viarum commoditas seu amplitudo, toties necessario debent partes, potissimum mammæ laxæ & fungosæ ex naturali constitutione recipere magnam proprii alimenti copiam, quod concoctum & assimilatum in maiorem quam par est molem accrescit: & sic mammæ in plerisque foeminis etiam virginibus, sororiantes, vt loquitur Plautus, id est valde tumentes apparent, præcipuè si lato sint pectore, & scapulis, laxioreque corporis habitu. Sunt & quædam regiones, vt circa Alpes, in quibus vel hæreditario iure, aut peculiari aëris & diætæ ratione, non solum hernia illa gutturis, bronchocele dicta, sed etiam mammæ quasi prodigiosæ & instar saccorum visuntur: vnde illud Martialis,

Mammæ atque tatas habet Afra, sed illa tatarum

Dici & mammarum maxima mamma potest.

Quod etiam iuuat victus libera is & euchymus in corporibus sanguineis & temperatis, aut quibus hepar *πολύαιμον* & *μεγαλόσπαστον* existit. Si multum somno & otio indulgeant aut balneis humectantibus & laxantibus vtantur: Idem præstant alimenta succi solidioris & copiosioris, puta ex caseo multo, intestinis & pinguedine animalium, butyro, mellitis, & saccharatis, leguminibus recentibus, castaneis, pastinacis, tuberibus, rapis, & similibus ad impinguandum aptissimis, desumpta. Imprimis autem ad id confert parcitas menstruæ purgationis in virginibus iam nubilibus, aut foeminis Venere abstinentibus, si consortio iuuenum, blandisque contrectationibus vtantur, quibus vterus & mammæ propter mutuum consensum facile dilatari & incalescere solent, sanguinemque ad se copiosorem attrahere, & in adipem ex propria loci constitutione conuertere.

Contra verò gracilitas mammarum insignis omnes agnoscit causas, quæ prædictum alimentum imminuere in toto, vel intercipere & à mammis repellere, aut aliò deriuare possunt. Sic temperamentum totius corporis vel hepatis siccus, inedia, labor immodicus, vigiliæ immensæ, ambientis feruor, febres absumentes, vacuationes omnes superflue & diaphoreticæ, vlcera interna, præcipuè pulmonum, illud violentè præstare possunt. Mammarum autem alimentum intercipiunt angustia naturalis aut obstructions venarum, potissimum axillaris, ex cuius ramo irrigantur: repellunt omnia adstringentia admota, vel comprimentia, vt arctiores vestes, fasciæ & similia, quibus mulierculæ sæpius ad ornatum & elegantiam sibi comparandam abutuntur. Reuellunt frictions & cucurbitulæ inferioribus partibus sæpius admotæ: potissimum si ab illis immodica sequatur sanguinis per vterum excretio. Sunt quibus ex diuturniore & copiosiore lactatione seu puerulorum nutritu mammæ omnino contabuerunt, consumpto quasi proprio & radicali istius partis humido: quod tabem membri authores nostri vocare consueverunt. Ex his itaque & simili-

bus causis pendet mammarum magnitudo & gracilitas nimia.

Signa autem illarum ex iam dictis visui & tactui patent, differentiarum etiam, quia debent iam dictæ dispositiones esse sine ullo tumore præter naturam, dolore, tensione, aut duritie insigniori: debent etiam sine ullâ lactis generatione, ut supra annotauimus, quia tunc esset alius affectus suo loco explicandus. Signa etiam causarum haberi poterunt ex sedulâ animaduersione & enumeratione rerum naturalium, non naturalium & præter naturam.

QVOD AD *σφύγων* SPECTAT. Ut magnitudo mammarum turpitudinem maiorem & impedimentum adfert in muliere: sic gracilitas earum deterior, tum quod sequitur ut plurimum affectus grauiiores, & quia minus est apta ad munus illud exercendum cui mammæ dicatæ sunt, nempe lactis generationem. Quando vtrique confirmata est, vix curationem recipere potest, ac proinde illis maturè prospiciendum erit.

Ut autem illud præstare possimus, imprimis diætæ vtrique affectui præscribenda, quæ causas illas generantibus & iuuantibus opponatur, quam vnusquisque ex prædictis facile stabilire poterit. Ratione etiam totius corporis, nempe vacationis aut reuulsionis, si phlebotomia ex venis superioribus aut inferioribus, cucurbitulæ, frictiones, cauteria seu fontanellæ videantur ex usu: item purgantia, alterantia, diuretica, menses aut sudores prouocantia: illud periti Medici arbitrio relinquemus, cuius etiam erit omnes alios affectus istis complicatos, & qui originem aut ansam aliquam ei præbuerunt, prudenter oppugnare: deinde ad peculiaria seu appropriata remedia accedere. Ad magnitudinem itaque mammarum coercendam dum adest, vel prohibendam ne augeatur: fasciæ mollior illas comprimentes proderunt, ut minus idoneæ sint ad recipiendum alimentum, & ligaturæ quibus impediatur prolapsus eiusmodi mammarum ad inferiora, quo magis ac magis distenduntur ac dilatantur. Si iuuenula sit, poterunt fieri foci adstringentes ac modicè refrigerantes, atque etiam admoueri emplastrâ aut cataplasmatâ eiusdem facultatis, non solum mammis, sed etiam axillis, ad coarctandam substantiam partis istius molliorem, constringenda vasa, & reprimendum impetum materiæ, quæ ad illas defertur. Non est satis tutum uti narcoticis, qualia à multis in hoc casu laudantur, ut oleo hyoscyami, semine aut succo eicutæ, & similibus, potissimum in illis quæ aliquando nutritioni fœtus daturæ sunt operam, quoniam eiusmodi remedia eneruant penitus vim caloris natiui in parte potissimum exangui & frigidâ. Laudarem potius remedium Aëtij ex terrâ Cimoliâ cum oleo omphacino, aut luto quod in molaribus reperitur, cum succo plantaginis, vel etiam ex ferri ærugine, aut croco Martis, dissolutis oleo myrtino.

Commendant nonnulli, ex proprietate, ouum perdicis conquassatum & mixtum cum paucâ aceto & oleo rosaceo ad illinendas mammas nimium crescentes. Mulierculæ nostrates folia hederæ, oliuarum, & lentisci contundunt, irrigando paucâ aquâ aluminosâ, & eiusmodi mammis, quarum magnitudinem imminuere cupiunt, in ingressu lecti adhibent: mane aquâ aluminosâ & urinâ pueri lauant, vel aquâ stillatitiâ peculi rosarum. Et quemadmodum ista adstringentia prodesse possunt in iuueniculis & virginibus: sic in eis quibus propter ablactationem diuturniorem mammæ nimis increuerunt, probarem maximè siccantia & resoluentia, quibus exhauriatur humiditas illa superflua parti adhærens, & pori constringantur & corroborentur. Horum paradigmata facile haberi poterunt ex communibus formulis, & quando de lactis redundantia agemus. Labet tamen sequens cataplasma quod satis commendatur, describere.

℥ Farinæ fabarum, orobi, & lupinorum, ana ʒ j. ʒ. Decoquantur in oxymelice: addendo sub finem florum chamæmel. melilot. & rosarum: fol. siccorum menthæ, absint. & anethi, ana ʒ j. ʒ. olei irini q.s. Vtatur ut dictum est.

QVOD AD GRACILITATEM VERO MAMMARVM NIMIAM SPECTAT. Si illa sit coniuncta depauperationi humidi primigenij, & totius corporis consumptioni, eodem modo erit curanda, quo hectica febris aut marasmus ad quem consequitur. Imo in quacunque gracilitate mammarum insigni, siue solâ, siue complicatâ optimum erit victum præscribere analepticum, balnea humectantia, *γαλακτοποσία*, si fœmina non offendatur illius usu, aut saltem mammarum forum ex lacte tepente, aut decocto capitis & intestinorum vernecis, cum herbis & radicibus emollientibus atque humectantibus. Quod si quædam sanguinis crassities

crassities appareat, aut venarum angustia, propter quam sanguis non possit commodè transferri ad mammas, non erit inutilis vini generosi & tenuis usus, reliquorumque aperientium ad illud corrigendum. Vbi verò facultas mammarum non videtur satis valida ad attrahendam convenientem alimoniam, excitanda erit fortu vini albi & aquæ tepentis, aut adhibito leui quodam dropace, vel sinapismo, post leues frictiones, aut etiam admotiones cucurbitularum. Sed quoniam hac de re acturi sumus capite de lactis defectu, ideo hisce erimus contenti, ut ad tumores mammarum morbosos accedamus.

TUMOR MAMMARVM OEDEMATOSVS. Quemadmodum dicebamus, mammas aliquando corripitur intemperie frigidâ humidâque: sic etiam tumoribus œdematosi infestari possunt, quoties materia aquosa, flatuosa, aut phlegmatica solæ vel inuicem mixtæ in illarum substantiam & proprios poros effunduntur. Quod sæpe videre est in nostris sceminis, quæ cachexiâ & pallidis coloribus detinentur: deficiente enim calore nativo intumescunt paulatim partes & œdematosæ euadunt, ita ut albicent præter modum, & impressum digiti vestigium sine dolore, diutius seruent: quamquam raro in mammis & pectore isti tumores phlegmatici appareant propter subiecti cordis caliditatem, dissipantis istos humores, quamdiu aliquid superest virtutis. Attramen non est dubium, quin aliquando contingere possint, ut Auicenna proprio capite annotauit, & nos in aliquot mulierculis obseruauimus.

Cum igitur œdema istud mammarum fieri possit tum à fluxione, tum à congestionem, duabus nimirum causis tumorum præter naturam vniuersalibus: ideo in illius curatione post habitam rationem diætæ exsiccantis & calfacientis quæ hic maximam vim obtinere solet; videndum erit utrum iste humor ex capite in mammas, quod frequentissimum est, prolabatur, vel ex totius corporis & caloris natui ruinâ pendeat, ut in anasarçâ seu leucophlegmatiâ. Etenim si hydropi vniuersali coniunctus sit, recurrendum erit ad curam illius ordinariam vel cachexiæ, quæ à nobis fusè tractata fuit capite de *χλωρόση*. Sin vero pendeat à cerebri catarrho, reuellendus erit omni arte ac deriuandus, ipsumque caput exsiccandum & roborandum, ne amplius talem huic parti labem communicet.

Quod si per congestionem iste tumor aquosus, flatuosus vel phlegmaticus in mammis colligatur ex violatâ in membro concoctrice: tunc confirmanda erit omni arte, humorque collectus dissipandus & resoluendus. Id fiet post præmissa vniuersalia purgantia, sudorifica & similia, fortibus ex lixiuio sarmentorum, fici & brassicæ cum pauco sale, rosæ, & alumine, ad robur parti addendum: cataplasmate ex farina fabarum & orobi cum floribus chamæmel. & seminis cumini puluere in vino rubro aut albo colorum: emplastro de sulphure & de baccis lauri: eâ tamen cautione, ne nimis violenter resoluamus, quia facile degenerat in scirrhosam dispositionem: nec nimium calfaciamus aut diutius, quia sanguis in partem attractus, & huic materiæ admixtus solet putrescere, & abscessum satis malignum producere, ut in scrophulis quotidie obseruamus. De quibus omnibus postea ageamus.

TUMOR MAMMARVM SCIRRHOVS ET CANCROVS. Duo isti affectus valde sunt ordinarij & familiares mammis, ob substantiæ laxitatem, multitudinemque vasorum quibus excipiunt facile quancunque materiam in corpore redundantem, potissimum obstructo vel aliter impedito utero ad purgationes illas menstruas obeundas. Dicamus itaque scirrhum mammarum esse tumorem præter naturam durum & indolentem, ab humoris melancholici naturalis solius vel permixti collectione, aut alio quocunque tumore propter nimiam resolutionem ibidem exsiccato. Sic igitur distinguimus scirrhum à cancro, dum dicimus esse indolentem, aut saltem minimi doloris participem, & à naturali melancholiâ frigidâ siccâque fieri: cum cancer à sæce illa humorum putrefactorum, aut incensorum, contingat, ad quam sequitur sensus acrimoniæ, punitionis, & tandem exulcerationis. Distinguimus etiam vltimâ particulâ definitionis scirrhum exquisitum à non exquisito, & primarium à secundario, dum dicimus illum fieri non solum ab isto humoris melancholici *συνάθροισμα*, sed etiam alterius, qui variè permisceri potest cum illo, & diuersas scirrhi species constituere. Distinguimus etiam primarium à secundario, quia primarius eo quo iam diximus modo, contingit: secundarius verò fit ab omnibus aliis tumoribus præter naturam induratis, siue per se ob vehementem caloris actionem & tenuiorum partium resolutionem, siue usu remedium intempestiuè adhibitorum: hinc dicitur scirrhus albus, ille qui exsiccatur

ram & gypseam pituitam consequitur, quo nomine etiam omnes glandulæ, nodi & strumæ mammarum continentur.

Cancer autem mammarum est tumor præter naturam durus, fixus & inæqualis, cum circumiectis venis nigricantibus, & turgidis, caloreque partis liuescente, ex atræ bilis collectione, ad quam sequitur dolor pungens, tensio, & internus feruor. Talis enim est idea ferini istius & horrendi affectus, quando iam perfectionem suam attingit; nam incipiens valde obscurus existit, ciceris aut fabæ magnitudinem vix exæquans, quo tamen paulatim augescendo, misere diuexari solent ægrotantes, & tandem occumbere, nisi illi maturè prospiciatur. Vt autem diximus de scirrhus, sic etiam cancer alius est legitimus, & exquisitus, iam à nobis descriptus; alius spurius & minime exquisitus, quando scilicet alij humores permiscetur succo illi atrabilario, ex quorum miscellâ mitescit quodammodo, & medius quidam affectus inter cancrum & scirrhum exoritur: cuius minor quidem est ferocitas, quam in exquisito, sed tamen ex diuturnitate, aut remediorum importuno usu aculeos illos & punctiones acquirit, sicque in verum carcinoma, & ulcerosum degenerat, quod secundarium appellatur.

Causæ igitur vtriusque tumoris, scirrhosi scilicet & cancrosi, in mammis eadem sunt, quæ & aliorum tumorum præter naturam, scilicet fluxio & congestio; quarum illa pendet ex totius corporis, vel partis alicuius vitio, amandantis in mammas superfluos, aut sibi noxios humores: hæc verò ex proprij alimenti reliquiis exuperantibus & caloris insiti *κακωσπυρία*. Quod nos accuratius hic non persequemur, cum ex generali tumorum tractatu repeti debeat.

Signa etiam diagnostica & prognostica fere omnia periculum, aut certè difficultatem summam curandi ostendunt, siue speciem morbi spectes, siue causarum & symptomatum magnitudinem, cum partis istius naturali quadam infirmitate, & ad suscipiendum aliunde affluentes humores, patiendumque aptitudine. Ad curationem itaque veniamus. In vtroque itaque tumore summa imprimis habenda ratio causarum externarum efficientium vel iuxantium istos affectus: item antecedentium, quæ illis continuam suppeditare possunt materiam & incrementum. Ideo accurata victus ratio habebitur secundum sex res non naturales dictas, quæ auertat istius humoris exuperantis generationem & ad partem affectam confluxum. Deinde phlebotomia, si sanguis & cacochymia in maioribus venis latitare videbuntur, ex venis maioribus celebrabitur: aut si menses vel hæmorrhoides suppressæ illis originem dedisse videbuntur, ex venis inferioribus & ani, ad reuulsionem deriuationemque præstandam. Reliquum purgatione sæpius iteratâ educendum, alias blandiore, si adhuc humor sit crudus & rebellis: aliàs vehementiore, si spes sit posse deturbari hoc pacto saluis viribus ægrotantis. Idem dicas de usu alterantium internorum & externorum, vt theriacæ, feri lactis, limaturæ chalybis, balnei & similium, quæ capite de melancholiâ, & obstructionibus sufficienter explicantur.

Quod ad localia igitur spectat ratione scirrhi mammarum; patet opus hic esse emolliitione, cum causa ipsa coniuncta sit dura & crassa. Attamen in usu istorum cautè agendum: ex attenuantibus enim & calfacientibus periculum est ne tenuior humoris pars exhalet, & resoluatur; reliquum autem lapidis instar indurescat & ita confirmetur, vt deinceps nullam curationem admittere possit: ex emollientibus verò & humectantibus nimium, timendum ne materia putrilaginem concipiat, & in tumorem cancrum degeneret, præcipuè quando subsunt quædam notæ mixti humoris, & inflammationem per intervalla concipientis. Itaque vel alternis vicibus, vt docet Galenus, modò emollientibus, modò attenuantibus erit vtendum: vel medicamentis mixtis, & vtramque facultatem obtinentibus. Ad id verò à Practicis nostris in scirrhus mammarum commendantur primum inunctio ex oleo liliorum & amygdalarum dulcium cum paucis rosaceo ad roborandum, & chamæmelino ad resoluendum: ita vt post inunctionem regatur locus prædictus lanâ succidâ, vel stupis cannabinis mollioribus & bene pexis. Roborari potest ista inunctio, si addas vnguentum resumptiuum & dialthæas, pinguedinem gallinæ, medullam cruris vituli cum paucis croco, & similia. Idem præstabit pulicula ex farinis conuenientibus in hydromelite decoctis: vel cataplasma ex radicibus althææ, liliorum, & enulæ campanæ, cum foliis maluæ, parietariæ, & summitat. fœniculi decoctis in aquâ & vino albo: deinde confusis, addendo farinæ hordæi, & seminis lini, ana ʒ ij. olei rosacei parum. Aliquando emplastra istas durities mammarum fœliciter dissipant.

De morb. mulier. Lib. III. Cap. III. 641

disparunt, quia continuo agunt & sine molestia, ut emplastrum diachylon magnum, de mucilaginibus, filij Zachariae, & similia fideliter dispensata, & oleo hypericonis instar cerati emollita, ne partem ipsam duritie premant, vel pondere suo grauent. In confirmatis & rebellibus scirrhis laudat Galenus fumigia ex aceto super lapidem pyritem, vel molarem candentem affuso, ad incidendum & penetrandum. Sed in mammis non conducit aceti usus, ut nec ipsi vtero, propter summam partis laxitatem & acriorem sensum: Ideo loco aceti velim affundere decoctum iam superius commemoratum ad cataplasma: quo vteretur bis in die: deinde ipse locus affectus tegetetur gummi ammoniaco & bdellio, dissolutis in vino albo instar emplastri. Ista autem remedia in morbo tam longo & pertinaci non sunt perpetuo usurpanda, sed potius per intervalla, ut dentur quaedam naturae induciae, & pars ipsa recreetur. Quod si post annum integrum, adhibitis tam vniuersalibus quam particularibus accuratè remediis, nihil profecisse videamur, nec scirrhus in aliam tumoris speciem vertatur, ut phlegmonem, abscessum, aut cancerum, tunc est confirmatus, & velut immedicabilis relinquendus.

Iam igitur ad cancerosum tumorem mammarum curandum transeamus: vbi primum Hippocrati satisfacimus, qui *Aphor. 38. sect. 6.* conceptis verbis canceros occultos curare prohibet: quia curati citius pereunt: non curati longius durant. Per occultos autem intellexit, interpretante Galeno, vel eos qui nondum sunt ulcerati, sub specie scilicet tumoris: vel qui sunt in interioribus corporis sedibus, ut ano, vuluâ, palato & similibus partibus, in quibus non admittunt liberam manuum tractationem, neque radices suas & venas illas à quibus augentur, ostendunt oculis. Itaque cum per illud *curare*, vera & perfecta curatio sit audienda, quæ sit vrendo & resecendo; vel etiam intelligatur therapeia quæ sit per indicationes vulgares, ut pote cum in isto tumore, quemadmodum in scirrholo materia seu causa coniuncta videatur primo intuitu crassa & dura, si quis ad illam oppugnandam, siue ad curandam vtatur incidentibus & mollientibus, exasperabit procul dubio affectum: certissimum est canceros occultos in veraque significatione non esse attingendos, quando non est spes illos omnino cum suis venis nigricantibus extirpari posse, & deinde ad cicatricem veram perducì: quod in paucis admodum contingit: meliusque esse tunc vel non attingere omnino, vel curâ tantum prophylactica illorum incrementum & exacerbationem impedire: quemadmodum gloriatur Galenus *lib. quos, quibus & quando*, se in multis præstitisse foeminis, in quarum mammis adeo iam aut imminebat cancerosus tumor, reperitâ frequenter purgatione, & phlebotomiâ circa verum & autumnale tempus, prouocatione menstruum & hæmorrhoidum in viris: aut curam tantum *παρηγορητικήν* siue palliativam moliri, quæ solemus symptota illius mitigare, ut dolorem & inflammationem atque exulcerationem in canceroso tumore retardare, & simul istorum ægrotantium vitam prorogare.

Prophylactice igitur, cum respiciat causas antecedentes, sufficiat annotasse ex supra dictis: quod ad curatiuam verò, quæ amputatione integra aut vstione fit: raro admitti solet ab eiusmodi foeminis cancro mammarum laborantibus, quandiu est simplex tumor, nec adhuc in vlcus degenerauit: quia semper dubitant de illius essentia, & malunt alia experiri remedia, antequam ferro aut igni sese committant. Neque etiam videtur usurpanda ista operatio, nisi admodum superficialis sit cancerosus iste tumor, & venas habeat exteriores, quæ simul amputari possint cum illo, & sanguis ille atrabilarius diligenter exprimitur, alias recrudescere solet vehementius, vel vlcus terribilissimum excitari, à quo tandem mors, non sine Medici infamiam oboritur. Melius est itaque, ex consilio Hippocratis, illud relinquere & remedia refrænantia, & symptomatum vim lenientia usurpare. Inter quæ plumbum & succus solani principatum obtinent: versatur autem iste succus ad solis radios cum pistillo plumbeo in mortario etiam plumbeo, donec linimenti consistentiam acquirat, eoque inungitur pars affecta sæpius in die, & aliquando lauiatur decocto vel aquâ portulacæ & pimpinellæ, quæ peculiarem ad cancerosos tumores vim obtinere creditur. Ad idem concinatur vna aut altera lamina plumbea instar papyri tenuis, & variis foraminulis peruisa, quæ inuncta eodem linimento, vel aqua supra partem vicissim gestatur. Sunt qui audent istam laminam interius confricare argento viuo, non sine successu, ut asserunt; quia & refrigerat, & resouit insensibiliter. Mira sunt quæ vndique circumferuntur & iactantur à Practicis ad istos cancerosos tumores, oleum ex viperis, vnguentum ex bufone, pinguedo ranarum, puluis

pulvis cancerorum fluuiatilium, cum ovo integro conquassato commixtus, & frequenter illitus. Ego frequenter in eiusmodi tumoribus effervescentibus ardorem & dolorem sedavi ex cataplasmate pomorum in aquâ rosaceâ decoctorum: vel oleo rosaceo lotô, & oleo ex vitellis ouorum simul mixtis, cum albumine oui conquassato. Sed quia iste tumor dum minor est, negligitur, dum autem maior & vehementior, citò historiam suam peragit, & in vlcus malignum degenerat, quo fluente aliquando vita per aliquot annos durare potest: Ideo reliquam curationem ad proprium vlceris caput remitemus.

INFLAMMATIO MAMMARVM. Duplex est ista mammarum inflammatio, de quâ nunc agere instituiamus. Vna quidem quæ sequitur tumores præter naturam phlegmonosos aut erysipelatosos in mammis genitos, sub quibus etiam *Φλόγῳσι* simplex contineri potest: alia vero, quæ contingit à lacte in eisdem corrupto vel putrefacto, vt solet frequenter in prægnantibus, aut citò post partum.

Primæ quidem natura, generatio, progressus, & curatio parum differt ab eiusmodi tumoribus, qui in aliis partibus ex affluxu humoris sanguinei aut biliosi exoriuntur. Alia verò est peculiaris huic parti, magisque frequens, vt docet experientia. Phlegmonosus itaque tumor (erysipelatosus à nobis omittitur, vt & simplex *Φλόγῳσι*, quia rarior est in mammis, & faciliè ex phlegmonosi descriptione cognosci ac curari poterit) dignoscitur inquam in mammis ex calore, dolore, rubore, pulsu, & renixu, qui sequitur eleuationem partis non diffusam & ita extensam, vt ea quæ proficiscitur ex lacte corrupto; sed contractam & fastigiatam ad alterum latus mammillæ, vnde fit vt in illâ parte pulsatio ex contractis arteriis sentiat, quod non contingit in ea quæ sit à lacte contento in latioribus mammarum spatiis. Dolor quidem & calor in vtroque insignis, vt qui febrem sæpius accersant sibi comitem cum aliis symptomatis vulgaribus, siti, delirio, vigiliis, & similibus: sed in phlegmonoso tumore, non ita diffusus calor & dolor per totam mamam, sed intensior in aliquâ eius parte, atque ad exteriora potius vergens: cum in lacte corrupto magis figatur versus anteriora, & quasi mammillæ centro adhæreat, aut in variis eius partibus sentiat, quasi dispersus. Vnde etiam rubor multo intensior in phlegmone, quia sequitur sanguinis collectionem: in lacte autem corrupto vapores tantum, aut tenuiorum partium lactis eleuationem ad superficiem mamæ, eamque inflammantium.

Causæ phlegmonosi tumoris, tam externæ quam internæ, sunt quæcunque sanguinem copiosorem in mamam attrahere, vel mittere possunt, vt plethora vniuersalis, calor partis nimius, dolor ex compressione, contusione, & similibus, suppressæ vacuationes, potissimum vterinæ, vehementior exercitatio superiorum partium & similia. Lac autem corrumpitur in mammis aliquando à causâ externâ, quæcunque vim illi infero, contundendo vel comprimendo; aut ob nimiam eius copiam, vnde obstructio & putrefactio; vel ob qualitatem alienam, propter quam in grumos & coagulum conuertitur, vt suo loco dicemus, ibique diutius retentum incalescit, ac tandem pessimam & profundam putredinem concipit: vnde periculum imminet mulieri in vtroque affectu, abscessus, vlceris diuturnioris, & fistulæ, aliquando indurationis scirrhusæ, vel gangrænæ & mortis; propter communicationem terribiliorum vaporum & qualitatis deleteriæ vicino cordi aut cerebro, vt habetur *Aphorism. 40. sect. 5. de sanguine in mammis collecto*, à quo maniam inferri scripsit Hippocrates.

Incumbendum itaque istorum affectuum curationi diligenter, præcipue in puerperis & lactantibus, quæ mammas habent tunc laxiores & humoribus abundantiores: vnde maius quam in aliis malum exoriri solet. Constitutâ igitur imprimis rectâ victus ratione, tenui & exquisitâ, vt solet in morbis acutis febris coniunctis, videndum erit verum sit opus phlebotomia ex brachij venis, poplitis, aut malleoli, & purgatione, ad totius plethoram & cacochymiam corrigendam, reuulsionesque conuenienter perficiendas, potissimum si vacuationes vteri aut hæmorrhoidum sint suppressæ: quod eodem modo statuendum de vsu cucurbitularum, frictionum, ligaturarum, clysterum, lotionum, & similium, quæ auertere possunt confluxum humorum ad partem affectam. Præcipua est etiam habenda cura in lacte corrupto, ne deinceps aliud, si fieri possit, in mamâ generetur, vel illud quod ibi genitum est, per alia loca vacuetur, antequam vitium contrahat.

His ita constitutis, supererit ipse affectus seu causa coniuncta expugnanda. Principio igitur phlegmones repellentibus domesticis & leuioribus vtetur metu ipsius cordis

cordis subiecti & thoracis, ubi pleuritis & peripneumonia generari possunt, & ne materia nimium congeletur in mammis: imperustamen sanguinis refranetur quodammodo. Exempli gratia imperabimus forum ex oxycrato dilutiore, aut aqua plantaginis & rosarum cum foliis solani, oleo rosaceo omphacino, prius loto cum aqua portulacæ, & similibus, quibus etiam leniter resoluentia admisceri poterunt, quale est chamæmelum & melilotus, ut tota ista materia per διαφύων exhauiatur, si sit possibile. Ad id valde confert sequens cataplasma.

℥ Foliorum solatri & plantag. ana P. j. Decoquantur in succo caulium: deinde adde farinæ fabarum & hordei, ana ℥ j. mellis communis ℥ j. β. olei rosacei q. s. Fiat ut dictum est, & applicetur tepidum, sæpiusque renouetur. Cauendo tamen ne ab istis digerentibus, ut sæpe fuit annotatum, partes tenuiores dissipentur, reliquis crassioribus exsiccatis, & ἀνίρρων committentibus. Ideoque si non sit spes perfectæ resolutionis, melius erit suppurationi incumbere, ut materia concocta & segregata sensibilibiter per apertam vomicam educatur. Ad maturandum itaque farina tritici cum hydreleo instar pultis decocta imponitur: vel si materia sit crassior, parum fermenti dissoluitur, aut sequens cataplasma imperatur.

℥ Rad. althææ & lilior. ana ℥ ij. rad. bryoniæ & cucumeris agrest. ana ℥ β. summitatum malvæ M. j. semin. lini & fœnugræc. ana ℥ iij. Fiat decoctio ad putrilaginem. Contusis omnibus & colatis adde farinæ hordei & medullæ panis albissimi, ana ℥ iij. myrrhæ ℥ j. croci ℥ j. vitellos ouorum numer. vj. olei amygdalarum dulcium ℥ j. β. Fiat cataplasma, quod applicetur ter aut quater in die. Apud Auicennam in istis affectibus valde commendatur farina oryzae cum melicrato decocta, vel mica panis cum lacte caprillo dissoluta, & leuiter bullita, mixtis croco & vitellis ouorum. Si materia sit crassior & rebellior, sequens præscribitur.

℥ Ceparum albarum, radicum althææ & liliorum, ana ℥ ij. folior. apij, fœniculi, senecionis & lapathi acuti, ana M. j. feminis lini & fœnugræc. ana ℥ iij. caricar. pinguum paria vj. Fiat decoctio in aqua & vino albo: deinde contusis & cribratis adde farinæ tritici & fabarum, ana ℥ iij. axungia porci ℥ iv. Fiat ut supra. Quamdiu fiet suppuratio, dolor, & calor augebuntur, parsque in fastigium & veluti mucronem eleuabitur cum pulsatione insigni: facto pure omnia ista mitescent, ideoque cogitandum erit de educendâ materiâ per apertam cutem: Quod si natura non præstet sponte, iuuanda erit, vel appposito pauco fermento cum sale & vitello oui vnius supra locum molliorem & decliuorem, expurgationique apriorem: vel caustico potenciali, ut solent nostri Chirurgi, aut si materia sit in superficie, scalpelli mucrone; vel si profundius lateat, ferro candenti, quod in his affectibus mammarum, quamuis mulierculis terrorem inferat, principatum tamen obtinet, quia minorem dolorem infert, exugit humiditates superfluas, roborat & corrigit laxitatem partis. Aperta vomica fit vlcus, deinceps extergendum, siccandum, & sigillandum, ut sequenti capite dicemus. Hoc prius annotato, quod ubi ista inflammatio mammarum fit à lacte coagulato, & iam putrescente, omnino prius arte incumbendum est illius dissolutioni & correctioni, si fieri possit; addendo supradictis folia menthæ recentia, apij, aut fœniculi: quia sic dissolutum lac sæpius per ipsam papillam exugitur & euacuatur, cessatque commodissime affectus. Sin verò iam concepto maiore incendio & corruptelâ parti sit affixum & conglobatum, ut neque euacuari per loca consue- ta, neque retrocedere valeat: tunc paucis refrigerantibus adhibitis ad sedationem ardoris nimij, de maturatione citò erit cogitandum, & eius educatione sensibili per apertam cutem, ne diutius morando in parte molli & fungosâ illam corrumpat, & vitium aliquod atque detrimentum cordi subiectisquæ partibus inferat. Nunc igitur ad vlcera mammarum veniamus.

VLCERA MAMMARVM. Vlcus in mammis, ut in reliquis corporis partibus primum esse potest, vel secundarium. Primum vocant, quod ab erosionem acrium succorum in corpore contentorum, sine alio affectu præuio contingit. Secundarium verò, quod vulnere, contusioni, vel externorum septicorum, cathæreticorum & causticorum admotorum διαβρωσιν, aut cuius tumori in abscessum degeneranti succedit. Rursum simplex est eiusmodi vlcus & boni moris, vel complicatum cum suâ causâ antecedente, aut aliquo alio morbo persistente simul, vel symptomatis malignis & ferocioribus. Vnde phlegmonosum, cancro-

sum, cauernosum, fistulosum, nomodes, ferinum, dolorificum, virulentum & ca-
coëthes appellatur.

Videamus igitur, quomodo ista solutio continui, cum sanie & pure coniuncta, curari debeat in mammis, quoniam de eius naturâ, causis, & signis in doctrina vniuersali & libro nostro de indicationibus, satis abundè tractatum est. Cum ergo tota curandi ratio posita sit in causarum externarum internarumque remotione, morborum coniunctorum, & symptomatum sublatione, vlcerisque peculiari deterfione, & exsiccatione: Ideo post constitutam conuenientem dietam, quæ omnem cacochymiam aut plethoram præsentem emendet, post vacuationes, & reuulsiones artificiosas causarum antecedentium & fouentium istum affectum, inter quas, si vlcus sit rebelle & iam inueteraum, illa quæ sudoribus per viginti aut plures dies ex decocto guaiacino, aut sarsæ parillæ excitatur, principatum obtinet, quia validè exsiccatur: veniendum erit ad vlcus ipsius considerationem, quod si sit simplex & ordinarium, ordinariâ etiam curandi lege sanabitur. Hoc prius obseruato, vt etiam supra annotabamus, quod si fœmina sit puerpera aut lactans, vix ac ne vix quidem exsiccari poterit, nisi prius lac exhauriatur, & ita auertatur à mammis, vt eo amplius non confluat: aliàs perpetuo sordibus, & inquinamentis scatens, incurabilè permanet; etiam si vnica tantum mamma vlcere detineatur. Paulatim igitur & accurate illud erit procurandum, ne aliquid dete rius accidat.

Postea quoniam istis vlceribus coniunctus est vt plurimum dolor, præcipuè quæ succedunt tumoribus suppuratis, & caustico vel ferro candente apertis: Ideo remediis procuranda erit illorum deterfio, quæ etiam vi quadam *ἀνὰ δύνα* sint prædita. Ad id vsitatum est valde nostratibus Chirurgis, vt componant pulcem ex melle ad detergendum, vino rubro & austero ad roborandum, & vitellis ouorum ad dolorem leniendum, simul mixtis & leuiter coctis. Idque obseruant vt tunc nullam aut valde exiguam immittant in vlcus turundam, ne quicquam exasperet, vel cauernosum aut fistulosum illud reddat. Vbi verò dolor est sedatus, ad exhauriendas commodius istas sordes, vtuntur cannulâ plumbeâ, aut argenteâ breuiore, per quam continuò effluant nec etiam est parui momenti mammas ita affectas, quia non patiuntur aliud genus ligaturæ, fasciâ aptè compositâ & ad oppositum ceruicis latus suspensa, sustinere, ne suo pondere & dolore fluxionem accersant. Idem dicas de brachio eiusdem lateris, quod immotum & fultum eodem modo gestare conuenit. In progressu istius vlcus nihil est magis accommodatum, quam aqua siue decoctum illud cancerorum siue catapultarum vulgo dictum, quo prædicta pars fouetur bis aut ter in die, iniectiones in sinum vlcus instituuntur, si opus sit: deinde pars folio caulium aut betæ supertegitur, quando opus est deterfione: deinde emplastro diapalma, aut de minio cum oleis hypericonis aut lentisci dissoluto, instar cerati mollioris, vbi exsiccandum & roborandum. Quidam felicissimo successu loco prædicti decocti parant aliud ex zedoariâ & rhapontico in vino albo decoctis, cui addunt sacchari tertiam partem, quibus vlcus mundatum sufficienter, deinde adstringentibus, quale est vinum illud nigrum & stypticum ab Auicenna commemoratum, in quo gallæ, nuces cupressi, folia rhois coriariorum, agrimoniz & lentisci infusa & decocta fuerint cum pauco alumine.

Quod si propter diuturnitatem eiusmodi vlcus, callus quidam & durities contracta fuerit, ita vt fistulam minetur, dilatandum erit illud orificium & absumendus callus quamprimum, vt sic renouato vlcere ad curam ordinariam reuocetur, quæ ex doctrinâ vniuersali fistularum erit repetenda.

Verum superest adhuc illud mammarum vlcus ferinum, nomodes, & cancrum, quod succedit vel aliis vlceribus male curatis, vel tumoribus ex atrâ bile genitis, vt dicebamus, quando in abscessum conueruntur: seseque statim intuenti prodit, sanie quadam horrendâ & fœtidâ, labiis inuersis, colore liuido, venis tumidioribus & nigricantibus vndequaq; sparsis. In cuius curatione patet ex naturâ deleterij & ferocissimi istius affectus, nihil esse certius, quàm si illius ablatio integra instituat ferreo vel medicamentis, ne partes vicinæ, potissimū cor, hoc tabo inficiantur & cum totius animæ pernicio cōtabescant. Chirurghi igitur operâ solertissimi opus est, qui præparato prius corpore & humoribus, vt decet, munitisq; & roboratis vicinis mēbris, auferat partem vlceratâ cum circumiectis radicibus, ne amplius repullulare possit, siue hoc præstet incidendo, siue vrendo, aut remediis causticis vtendo, inter quæ arsenicū sublimatū hic præcipuè

præcipuè commendatur, ut in absumendis scrophulis. Post ablationem signum est sanationis futuræ, quando caro florens & viuuda apparet, cum pure albo & æquali, ad cuius deterfionem sequitur exsiccatio, & sigillatio perfecta. Quo peracto, ne possit hic affectus in eadem mammâ aut alibi recidiuam committere, impedienda erit generatio istius humoris atrabilarij exquisito victu, phlebotomia ex locis conuenientibus sæpius repetita. Si menstrua periodus deficiat, eius prouocatione aut hæmorrhoidum fluxu, si natura eo vergat; & solenni purgatione bis in anno repetita ad principium veris & autumnii finem, ut docet Galenus *lib. quos, quando, quibus, &c.*

Quod si propter naturam istius affectus, aut partis affectæ, aut vires ægotantis languidæ, & timidioris, non detur locus huic operationi, tunc incumbendum erit remediis illis, quæ refrænare humoris ferocitatem & doloris acerbitatem demulcere valent, quod Prædici nostri per curam palliatiuam intelligunt; citius operâ aliquando mors per aliquot annos retardari potest. Ad id igitur præstandum præter vniuersalia iam dicta, accommodatissimum est linimentum illud, quod sine oleis, adipe, aut vllis aliis pinguibus, & inflammationi obnoxiiis, paratur ex metallicis cum succo aliquo conuenienti. Ut

℥ Cerusæ & lithargyri, ana ʒ ij. plumbi vsti & loti, tutiæ præparatæ ʒ j. cineris cancrorum fluuiatiliū ʒ j. caphuræ ʒ ss. succi solani & plantag. ana ʒ ij. Ducantur, & agitentur diu in mortario plumbeo cum pistillo ligneo vel plumbeo ad solis radios, donec crassitiem conuenientem adepta fuerint. Illinatur frequenter in die cum pennâ aut baculo tenerioris lentisci. Si possit deinde ferre laminam plumbeam tenuissimam & multis foraminibus peruiam, argento viuo, aut aquâ aluminosâ illitam, miræ erit ad refræmandum vtilitatis. Oleum etiam eius à Chymicis valde laudatur: sed videndum ut sit valde dulce, & bene præparatum: aliàs propter empyreuma irritare posset materiam istam ferocem & venenatam. Sunt qui admovent ad leniendum dolorem & eliciendas sordes: quantum enim adsit periculum, quando in eiusmodi vlcere retinentur subito excrementa illa graueolentia, testatur historia mulieris illius Abderitanæ 5. *epidem.* Admovent, inquam, in ferociori vlcere carnem recentem & teneriorem veruecis, gallinarum & similium: vnde vulgus vocat istam constitutionem *lupum*, quasi vlcus istud phagedæneon velut animal quoddam vorax istis vescatur cibis. Sed mihi non omnino probantur ista remedia, quamuis *ἀνὰ δούρα*, quia corruptioni sunt obnoxia, & sordes vlcereis augere solent. Melius est itaque lacte tepenti frequenter partem istam fouere, vel ad mouere cataplasma illud celebratum ex micâ panis albissimi cum lacte infusa & decocta. Ad idem proderunt emulsiones ex seminibus frigidis & papaueris albi, cum aquâ solani vel rosarum paratæ, quibus pars vlcerata aspergitur & abluatur singulis horis. Imò aliquando coacti fuimus ob immensum dolorem, & inflammationem superiori linimento parum opij addere, vel supertegere partem foliis hyoscyami aut mandragoræ, quæ prudens Medicus pro variis morbi & ægotantis circumstantiis moderabitur. Quod enim spectat ad amuleta, ut smaragdum, sapphirum & similia, quæ ex proprietate occultâ feruntur huic affectui prodesse, parui esse momenti iudico. Non tamen negligendum est in diuturniore affectu illud quod à Prædiciis commendatur ad oppugnandam istius humoris venenositatem, & foras propulsandam, nempe si ægotans sumat per viginti aut plures dies mane trochisc. de viperâ & puluer. cancror. fluuiar. ana ʒ j. cum conseruâ nymphææ, superbibendo parum aquæ scrophulariæ dictæ vel scorzonæræ.

Denique pro huius capitis complemento illud adhuc adiiciemus, frequentissimum esse summâ cum sceminarum istarum molestiâ, ut papillæ mammarum findantur & exulcerentur, dum lactationi incumbunt, vel quando in vtero gestant: quod fit propter serositates aciores, quæ ex mammis exudant tunc temporis, & ibi retinentur. Ad id ergo valet admodum vnguentum de plumbo iam propositum & recens, vel de tutiâ frequenter illitum, quod antequam mamma puero exhibeatur, pauco vino albo, vel vrina eiusdem infantis, abluatur, aut etiam aquâ rosaceâ. Sunt qui componant laminam plumbi instar papillæ, quæ aquâ aluminosâ irrorari potest interius, aut aliis remediis: atque sic munita, exhiberi puerulo, quando dentibus iam præditus est, aut certè dentitionis molestia detinetur, ne tunc vulnerare possit, & exasperare istas rhagadas, fissuras, siue vlcuscula papillarum. Quæ si sint grauiora, ita ut prædictis remediis curari nequeant, cogetur tunc nutrix omnino ablactationem relinquere, & illorum curationi incumbere:

ad quam commendatur oleum ceræ, vel lamina ceræ nouæ oleo myrtino concinnata: aut paretur sequens linimentum.

℥ Aluminis ʒ j. caphuræ ʒ j. tutiæ præpar. ʒ ss. Incorporentur cum pinguedine capi aut vnguento rosaceo: Vel

℥ Pomatæ communis ʒ iij. In quâ dissolue mastich. gallarum virid. gummi tragac. puluer. ana ʒ j. ss. semin. hyoscyami ʒ j. salis communis grana iv. Utatur vt dictum est: vel fiat sequens linimentum.

℥ Mucilag. seminis cydonior. & psyllij cum aquâ solani extractæ ʒ ij. tutiæ præpar. cerusæ & litharg. ana ʒ ss. vitrioli romani gran. iij. Agitentur diu in mortario plumbeo ad linimenti formam: quod applicetur vt supra. Atque hæc de præcipuis mammarum affectibus sufficiant: nunc ad ipsius lactis vitia transeamus.



C A P V T IV. & vltimum.

De vitiis quæ lacti contingunt & eorum correctione.

LACTIS optimi & ad foetus editi nutritionem accommodatissimi, condiciones supra proposuimus, secundum substantiam illius, quantitatem, & qualitatem. Quibus ex aduerso positæ totidem morbosæ erunt & incommodæ ad finem propositum assequendum. Ac proinde operâ medicâ corrigendæ, & in meliorem statum reducendæ: quod nos tribus sectionibus præstare conabimur: quarum primâ, ratione quantitatis deficientis agemus de reparando lactis defectu in nutrice, cui non conuenienter suppetit lac ad pueri alimoniam: Secundâ, ratione quantitatis excedentis, docebimus quomodo lactis redundantia, quæ tum ipsi nutrici, tum puello educando incommoda esse potest, ad mediocritatem reduci debeat: Tertiâ denique agemus de lacte deprauato seu vitiis, quæ contingere possunt secundum eius substantiam & qualitatem, quibus complectemur crassitiem & tenuitatem nimiam, vtpote quando grumosum aut caseosum euadit: Item quando contrahit colores, odores, & sapores alienos, vt melius in ipso progressu patebit. Incipiamus igitur à lacte imminuto siue deficiente.

LACTIS DEFECTVS. Non solum debet nutrix alumno suo mammam porrigere ad lac sugendum, sed etiam iustam eius quantitatem exhibere, quâ non solum nutrirî, verum etiam augeri possit conuenienter, & vires eundo sibi comparare. Ac proinde quoties iusta illius quantitas deest lactanti extra imprægnationem, & toto illo tempore quo adesse debet ex naturæ instituto, quod triennio aut saltem biennio post partum describebamus: tunc exoritur affectus, quem reducere possumus ad symptoma excreti vtiles imminuti præter naturam in muliere educando foetui dicatâ. Quamuis enim quædam sint mulieres puerperæ, vt annotauit Hippocrates, quæ naturaliter carent lacte ob varias causas earum quæ postea à nobis proponuntur: illud tamen præter naturæ institutum est existimandum, quæ sobolis non solum procreationi, sed etiam educationi foeminas destinauit.

Iste igitur affectus, siue symptoma exoritur à variis dispositionibus, quarum præcipuæ respiciunt causam lactis materialem, nempe ipsum sanguinem secundum illius substantiam, quantitatem, aut qualitatem vitiatam, propter quam non potest commodè & satis abundè lac ex eo generari. Etenim substantia sanguinis crassior & viscidior, multo humore pituitoso aut melancholico perfusa, vix potest in mammas penetrare sufficienter, neque ibi in lac conuerti, quod satis sit foetui educando. Idem dicas de illius quantitate admodum imminutâ, propter ieiunia, libidinem nimiam, curas, mœrores, vigilias, nimios labores, & similia externa, aut ob vitia totius, vt febres continuas, & syntecticas; vel partis alicuius principis, aut concoctioni dicatæ *δυσκοσίαν*, vacuationesque immodicas, tum ipsius sanguinis, potissimum per venas vteri, (quæcunque enim mulieres menstrua copiosiora eo tempore patiuntur, vix sufficientem lactis copiam ad infantis nutritionem suppeditare possunt) tum aliorum excrementorum immoderationes: quia omnis vacuatio resoluit admodum totum corpus, & reuellit humores in aliena loca: vnde multas vidimus satis succulentas nutrices, quibus ob alui fluxum diuturniorem, aut sudores superuenientes,

ita fuit lac imminutum, ut cogerebatur nutritionem suscepti infantis relinquere. Eodem modo secundum qualitatem sanguinis, si quidem intemperatior fuerit secundum caliditatem, frigiditatem, siccitatem, aut humiditatem nimiam, non solum lac deprauatum redditur, ut suo capite dicemus; sed etiam minus quam par sit, producitur, vel quia non tam avidè & suauiter à mammis attrahitur iste sanguis intemperatus: vel quia difficilè concoquitur & in neclaream istam lactis substantiam conuertitur.

His adde vitia quæ respicere possunt causam lactis efficientem, utpote facultatem istam γαλακτοποίησιν mammis peculiariter ipsitam, & caloris natiui à corde potissimum influxum, quorum defectu ab ipsis incunabulis vult Hippocrates quasdam mulieres, quamvis sæpe parientes, omnino lacte destitui naturaliter; in aliis verò accidentaliter, ob imbecillitatem mammarum & obstructions vasorum ad eas pertingentium, ex variis morbis contractas: vel etiam causis externis & malo regimine, ut in eis quæ elegantiae & venustatis causâ, vel dum lactationis molestias fugiunt, varia admovent mammis remedia refrigerantia admodum & adstringentia circa quintum imprægnationis mensem, quo solet lac in gravidis apparere, vel etiam post puerperium. Sic etiam enervant omnino & extinguunt vim illam attractricem & concoctricem mammarum, aut etiam vasa deferentia ita constringunt, ut nihil aut parum succi istius utilis possit deinceps in illas irrumperè. Est etiam animaduertendum puerulos imbecilliores, & minus validos ad lac sugendum, sæpe per accidens causam esse ut lac in mammis nutricum imminuatur: ut etiam vlcuscula in papillis oborta, propter quæ nutrices non audent sua vbera liberè sugenda infantibus committere, ne diuellantur & dolorem persentiant. Atque hæc de causis.

QVOD AD DIAGNOSIM ISTIVS AFFECTVS. Quatenus est symptoma deficientis materiæ utilis, facile innotescit, tam ex parte nutricis, cui mammae non turgent amplius, sed solito flaccidiores apparent, neque sugendo aut mulgendo aliquid effatu dignum emittere possunt: quàm ipsius infantis, qui in dies macilentior, & morosior euadit, vagiendo frequentius, potissimum de nocte: ita ut exhibito vbere non magis quiescat à suo ploratu, neque deliciat copiose, aut stragulas, ut solebat, permingat: dummodo ista præter morem contingentia non possint adscribi illius infirmitati aliunde contractæ. Respicienda igitur nutrix, & omnium causarum tam naturalium, quàm non naturalium & præter naturam series perlustranda: ut ex earum animaduersione agnoscamus cui potissimum iste affectus sit adscribendus, siue sequatur dispositiones malas causæ materialis, nempe sanguinis secundum eius substantiam, quantitatem & qualitatem, ut diximus: siue efficientis duplicis, & causæ sine quâ non, nempe viarum & vasorum, per quæ materia ista ad mammas defertur. Causæ quidem externæ aut per se, aut ex relatu ipsius nutricis vel adstantium innotescunt. Internæ prægressæ eodem modo deprehendendæ, ut febres, fluxus sanguinis ab utero aut aliis partibus: viscerum obstructions & similes, ut suis capitibus peculiariter docetur. Si reliqua omnia deficient, accusanda erit præcipuè natiua mammarum imbecillitas, quæ non est apta generationi lactis, quantumvis reliqua omnia consentiant. Vnde vulgus non sine causâ existimat, nimis exiguas mammas inutiles esse ad lac conficiendum, quia neque vasa habent conuenienter patentia, per quæ attrahant materiam illius, neque locum ubi sufficienter concoquant: nimium quoque flaccidas, quia diffusam habent illam vim insitam & imbecillam, nec possunt influxum illum caloris natiui à corde & vicinis partibus conuenienter retinere.

QVOD AD PROGNOSIM. Symptoma ipsum valde incommodum est infanti, potissimum ad sextum aut septimum mensem, quamdiu scilicet solo lacte nutritur. Causæ verò & dispositiones nutricis, potissimum si pendeant ab inanitione morbosâ & exolutione caloris natiui: quò in casu debet statim à lactatione desistere, ne grauius aliquod periculum incurrat. Aliàs verò si spes sit reuocari posse & augeri lac, ut in bene habitis & succulentis mulieribus, quibus subito ob causarum externarum impetum contigit iste affectus: vel in quibus inanitio est levis & accidentaria, tentari debet illius restitutio per sequentem therapeiam.

Prius tamen dicendum paucis, ex Galeni sententiâ 5. de simpl. medicament. facult. capite 20. quid sint γαλακτοποίησις, & quot modis lac ipsum producere vel etiam augere valeant. Lac igitur generantia, vel ipsius materiam respiciunt, ut scilicet optimus sanguis & copiosus produceatur, ex quo lac deinde generetur: & hæc sunt

propriè alimenta euchyma, & eupepta, quæ faciunt ad laudabilem nutriticis alimoniam. Alia verò respiciunt sanguinem iam genitum, & ipsa vasa per quæ ad mammas deferuntur, ut scilicet hæc aperiantur commodè, & obstructionibus, si quæ sint, liberentur: sanguis autem modicè attenuetur, & versus mammas propellatur. Et ista sunt sub genere medicamentorum calfacientium modicè & attenuantium, non autem exsiccantium: quo nomine differunt ab eis, quæ vrinas & menses mouent, quæ maioribus viribus prædita esse debent, ut suum munus præstare valeant, quoniam neque vterus, neque renes tam potentem habent vim attrahendi sanguinem ad menstruas purgationes, aut serum ad urinam constituendam, quantam mammae ad sugendam materiam illam lacti generando idoneam. Hinc Galenus eadem aliquando esse vult diuretica, menses mouentia, & lac prouocantia, si genus medicamentorum spectes; non tamen, si varias eorum qualitates; nam fœniculum, apium & similia ad lac generandum vult virentia usurpari, ne tantam adhuc siccitatem adepta sint, quæ huic rei impedimentum adferre posset, cum in vrinæ aut menstruorum prouocatione potius sicca usurpentur, ut maiore vi attenuandi polleant.

Rursum notandum est, vtraque ista γαλακτοποιητικὰ, tam sub alimenti, quam medicamenti specie exhibita, præter qualitates istas vulgares & notas, posse habere aliquam proprietatem & vires magis occultas ad lac producendum, ut in sequentibus dicemus: quemadmodum quæ menses mouent multa vterum peculiariter respiciunt. Quamuis enim, inquit Galenus, omnia aperientia menses quodammodo excitare valeant, id tamen commodius artemisia vel matricaria faciunt propter respectum peculiarem & familiaritatem quam habent cum vtero. Hic etiam rursus animaduertendum, quod ad alimenta γαλακτοποιητικὰ, ea quidem quæ sunt optimi & laudabilis succi principatum ad lac generandum obtinere, quia totâ suâ substantiâ, optimo sanguini generando sunt idonea: secundariò tamen esse quædam alimenta, quæ temperando & reducendo ad mediocritatem totius corporis nimias intemperies illud efficiunt: vnde lactuca inter omnia olera censetur maxime idonea ad sanguinem optimum & lac generandum apud Dioscoridem, quia feruorem hepatis in sanguineis & biliosis corporibus refranat, nimiamque exustionem humorum impedit. Quod eodem modo dici potest de semine papaueris albi, ab Auicenna commendato. Itaque illud quod apud eundem Galenum habetur *libro citato*, valde calfacientia aut refrigerantia alimenta non esse apta ad lactis generationem promouendam; per se & principaliter, vel secundum primarias qualitates in corporibus temperatis, in aliis verò aliquando posse, ut ex propositis exemplis notum fecimus: explicandum est.

Hisce omnibus lactis generationem promouentibus addi possunt alia, quæ si non propriè, saltem generaliter γαλακτοποιητικὰ appellari poterunt: utpote quæ calfaciendo, & aperiendo exterius ipsam mammarum substantiam, vel partes vicinas sanguinem ad illas attrahunt, ut sunt frictiones scapularum ex sinapi contrito, mulierculis nostris valde vsitata, cucurbitulæ sub mammis positæ, fomenta ex spongiis, aut cataplasmata illis admoda, ex fermento, farinâ orobi & similibus, quæ postea à nobis adhuc commemorabuntur.

Quibus ita præmissis, videndum nunc in propositâ nutrice, cui lac deficit omnino vel valde est imminutum, quæ curandi illiusque reuocandi ratio sit instituenda. Primum igitur perlustratis omnibus causis tam externis quam internis, quæ lactis generationem impedire possunt, illæ remouendæ, vel saltem in meliorem statum deducendæ. Sic aëris quo fruitur omnis inclementia, quantum fieri poterit vitanda, si sit tenello & delicatiore corpore: robustiores enim gaudent aëre frigidiore, qualis esse solet hyemis tempore; vel in montibus, vbi pascua omnia latiora & maiorem lactis copiam in pecoribus obseruamus. Viret omnes animi curas, mœrores, iram, & amoris igniculos, quibus incensæ sæpius lac corrumpunt, aut omnino amittunt: vnde in vxoratis, ut superius annotauimus, & libidinosis, melius est illas frui ordinario concubitu, quam furiis istis venereis agitari: ita tamen ut si grauidæ fiant post vnum aut alterum imprægnationis mensem à lactando abdicentur, ne vtrique infanti noceant. Vacuationes omnes & vigiliæ sint moderatæ: exercitationes extra omnem defatigationem & nimium laborem, supernarum tamen corporis partium, præcipuè brachiorum, illis aliquando profunt ad attrahendum sanguinem versus mammas. Vnde solemus nutriticis robustioribus & assuetis consulere, ut molam aliquam leuiorem versent, pinsant, rudent panem

panem conficiant & similia præstent, quæ partes mammarum vicinas calfaciunt & dilatant. Numquam adhibeantur nutricibus frictiones totius corporis, vel inferiorum partium, quia resoluunt & materiam ad inferiora deriuant, mensumque fluxum excitare solent. Neque etiam cucurbitulæ propter eandem rationem inferioribus membris, præcipuè cum scarificatu. Vidimus enim multas matricis suffocationi obnoxias, quibus ob frequentius admotas pubi aut coxis cucurbitulas, lac valde fuit imminutum.

Alimentorum deinde substantia, quantitas, & qualitas conueniens præscribenda, quam videmur superius, ex Galeni sententiâ, resumptiuam siue analepticam in nutricibus istis approbasse. Attamen huic sententiæ repugnare videtur aliquando experientia: nam vaccæ & reliqua pecora macilentia plurimum lactis profundere solent.

Hic venit ad mulctram, binos alit ubere fetus.

Et nutrices quæ ex montibus Cebenarum vicinis in hanc urbem confluunt, ubi primum lautiore victu uti incipiunt, solent quidem pinguescere, sed tunc lac amittunt, vel paucissimum producant: ita ut cogamur eas sæpius solito victui, pariori scilicet & vilioribus cibis constanti tradere, maioribusque exercitationibus denuò committere, ut emacientur, ac saginam illam contractam amittant. Ad id respondemus, certissimum esse ad lactis generationem non requiri totius corporis aut humorum insignem plethoram, vel pinguedinis molem, quia copia sanguinis crassioris potest sibi ipsi aditum ad mammas præpedire, & obstructions parere: quemadmodum adeps nimius, constringit vasa, & quasi impedit radios caloris natui, qui totum corpus illustrare debent. Est igitur hac in parte ea seruanda regula, ut nutrices quamuis macilentæ, si sufficientem lactis quantitatem producant, in eo statu contineantur, neque temere delicatioribus cibis impleantur, nisi aliqua intemperies sit corrigenda: quia signum est naturam sanguinis idoneam quantitatem producere, quam lacti generando non impinguando illarum corpori dicauit, ut vaccarum exemplo probatum fuit: In aliis vero in quibus lac non fit propter defectum sanguinis, & corporis emaciationem, non est dubium quin illa restituenda sit optimis, & conuenientibus alimentis, conuenienti quantitate, tempore & ordine sumptis, quæ materiam illi generando suppeditare valeant.

Sit etiam potus nutricis cui lac imminutum est, vinum tenue, album vel flauum, quod ad concoctionem alimenti & eiusdem distributionem faciat, modicè lymphatum, ne humores reddat feruidiores: crassa enim, dulcia, fumosa, turbida & nimium recentia vina fugere debet, ne obstructions & flatus ex eis generentur. Sunt tamen qui aquæ potum in nutricibus magis probent: quia experientia docuit hydropotas mulieres, & eas quæ in regionibus degunt, ubi nullus est vini prouentus, lacte magis abundare. Quod verum esse potest in eiusmodi feminis aquæ potioni assuetis, aut quibus hepatis vel totius corporis feruor est contemperandus, ut iam supra de refrigerantibus annotabamus; in aliis autem secus se habet: quia aqua non tantum habet symbolum ad sanguinis productionem, quam vinum, & potest illi maiorem crassitiem inducere aut obstructions parere. Sit igitur vini vsus qualis dictus est. Quidam laudant in istis nutricibus potum ex pisanâ seu decocto hordei, liquiritiæ, passul. & seminis coriandri, aut ex cereuisiâ vel hydromelite paratum. Sed metus est, ne ex insolito eiusmodi potu illarum corpora turbentur, flatus concitentur, aut etiam vterus agitetur & illis noxam maiorem quam commodum inferat. Quæ ratio est etiam cur caricis, passulis, saccharo, melle, sapâ, & similibus dulcibus & conditis non audeamus liberè illas reficere, quamuis accommodatissimis ad corpora instauranda, metu vterinæ illius dispositionis, quam suffocationem vocant, cui sæpius sunt obnoxie. In valde emaciatis solemus etiam præscribere balneum tepidum; *γαλακτοποσία* in plures dies, addendo, si non obstant prædicta, parum mellis vel sacchari: aut ex lacte recenti cum farinâ tritici aut hordei paramus pulcillas, quibus adduntur vitelli ouorum & saccharum. Idem dicas de amygdalatis, hordeatis, semolâ, panatellis, gelatinis, oryzâ & similibus impinguantibus & mediocris consistentiæ alimentis, quæ pro vario nutricum istarum temperamento & consuetudine præscribi poterunt. Butyrum etiam in eis quæ illi assuetæ sunt, erit aptissimum ad istas nutrices reficiendas: ut & caseus recens ac pinguis. Inter rusticos maximè ad id commendat brassicam

brassicam coctam & betam, cepas albas, porrum, pultem ex farinâ fabarum cum butyro vel caseo confectam, castaneas molles, vel cum pauco fœniculo & sale decoctas: vbera vaccina pinguiora, valde cocta & parata cum condito dulci & pauco cinamomo vel zinzibere. Sunt etiam qui panes vel placentulas ex milij farinâ confectas commendent. Pro delicatioribus vsurpantur iuscula, consummata, & colatitia, succus carnis vitelli ouorum recentium, placentæ ex contulo carnis perdicum vel capi, cum amygdalis & saccharo paratæ: aut condimentum illud quod vulgo album appellant, supra gallinæ elixæ carnes aspersum: laudantur & pistacia, nuclei pinei, eruca cocta in iusculis, vel in formam acetarij, pastinaca assa sub cineribus & similia. Imprimis autem pane vtantur syncomisto recenti, vel si sint delicatiores, albissimo, quem nunc etiam cum lacte aliqui parare dicuntur. Cibique omnes ita conuenienter sale condiantur, vt ad appetitum excitandum sint aptissimi, non autem ad exurendum vel exsiccandum: quo nomine quidam authores falsa & piperata macilentis prohibent, quos impinguandos susceperunt.

Illud etiam non est omittendum in nutricibus, quod si optimo appetitu vigeant, & bene concoquant, non illis certa quantitas aut hora ad cibos sumendos impetur, sed sinantur genio suo indulgere. Quemadmodum enim singulis momentis coguntur substantiam illam lacteam effundere in alimoniam infantis: sic etiam crebro illam instaurare debent. In aliis verò quæ ventriculo imbecilliore sunt prædita, iusta seruetur proportio, quæ vi concoquentis caloris respondeat. Atque hæc de victu.

Quod ad remedia verò spectat. Cum dixerimus non solum inanitionem & defectum laudabilis succi, sed etiam aliquando nimiam plethoram aut cacochymiam huic vitio originem suppeditare posse: quaeritur primum, vtrum venæ sectio & purgatio in hoc casu sint vsurpandæ? Ista quidem remedia omnes fere respiciunt in eiusmodi nutricibus lactis penuriâ laborantibus: quia timent ne ex eorum vsu omnino lac euanescat. Verumtamen nos sæpius obseruauimus per morbos acutos istarum fœminarum lactantium, vsurpatâ sæpius purgatione & venæ sectione vt moris est: lac tamen finito morbo copiosum rediisse. Itaque prudens Medicus, ex omnium causarum & circumstantiarum diligenti animaduersione, ista remedia, aliquando etiam extra febrem vsurpare poterit: sed parciore manu, vt nos rursum dicemus capite de lacte deprauato, quod secundum varia vitia à suis excrementis expurgari debet, siue exuperet, siue deficiat: ita tamen vt in lactis defectu ea semper regula à nobis ex Galeno proposita obseruetur, vt medicamenta siue alterantia, siue purgantia eligantur, quæ nulla aut exigua vi desiccandi sint prædita.

Fiant igitur decocta ex foliis virentibus aut radicibus recentibus fœniculi, nasturtij, smyrnij, apij, sij, cytisi aut polij in iure perfectè cocto cicerum rubeorum cum pauco sale, cuius ℥ iij. tepidè exhibentur mane & sero: vel cum saccharo & cinamomo mittuntur per manicam Hippocratis, vt pro potu ordinario vtatur: vel capiat mane & sero ℥ iij. Si puluis magis arrideat, paretur ex semine lini & nasturtij, addendo æquas partes lumbricorum, quos terræ intestina vocant, vino albo & succo fœniculi prius lorum; deinde in ollâ combustorum, qui ad lac producendum proprietate mirabili valere dicuntur. Detur huius pulueris ʒ j. vel ij. cum pauco vino albo, mane per sex aut septem dies. Est quidam lapis qui vulgo Galactites appellatur, de quo Galenus 9. *simpl. medicament.* & Dioscorides libro 5. qui gestatus instar amuleti, aut potatus cum pauco iusculo drachmæ vnus pondere, ad hanc rem plurimum valere creditur. Plinius laudat etiam melititem lapidem, qui Galactiti valde est affinis. Vterque in Hetruriâ reperitur, à pictoribus valde vsitatus. Eodem modo Amatus *centur.* 4. miris laudibus extollit puluerem pisciculi illius, quem Hippocampum vocant, ad ʒ ss. cum vino albo matutinis horis sumptum.

Interea fricentur leuiter corporis partes superiores: applicentur cucurbitulæ circa venas axillares: foueantur sæpius mæmmæ aquâ tepidâ, vel in quâ chamæmeli flores & summitates fœniculi incoxerint: Imo etiam leuis sinapismus, dropax, aut cataplasma calfaciens ex fermento, aut ex farinâ orobi cum hydromelite confectum, mammis ipsis per horæ quadrantem adhibeatur, ad vasa earum aperienda, & sanguinem alliciendum. Quæ omnia erunt parcè & quasi per intervalla vsurpanda, vt videamus quid illis profectum fuerit: nam posteaquam victu conuenienter

conuenienter instituto, & hisce remediis frequenter sine fructu vsæ fuerint, desistendum omnino, illisque consulendum, vt à lactatione abstineant; neque frustra corpus suum & infantuli miserè excrucient. Quemadmodum in deploratis nihil tentandum, vt si ille affectus pendeat ex natiuâ constitutione. Iam igitur ad lactis redundantiam transeamus.

LACTIS REDUNDANTIA. Facilis erit huiusce affectus explicatio, ex præcedentis velut omnino oppositi notitiâ: ac proinde illius tractationem paucis absoluerè propositum est. Lactis enim redundantia *σπαργάνωσις* nihil aliud est, quam nimia mammarum repletio ab exuperante lactis copiâ, ad quam sequitur tensio, & tumor ingens illarum cum dolore & metu aliquando compressionis, vel corruptionis ipsius lactis: vnde patet istam lactis redundantiam non solum matri ob dolorem, tensionem, & varios alios casus qui superuenire possunt, vt in omni plethorâ tam vniuersali quam particulari; sed etiam infanti esse noxiam: quia non potest tam commodè mamam sugere, aut lactis impetum ex eâ profluentis sustinere, nec non propter lactis corruptionem, quæ sæpius tantâ multitudine contingit, ob diffilationem impeditam & obstructions ipsius partis, aut aliquando contusiones, & compressiones, quam ipsemet puer sugendo inferre potest.

Iste igitur affectus oritur vel statim à puerperio, vt supra annotabamus, ob impetum sanguinis tunc refluentis ab utero ad mammas, cuius incommoda arcere ibi etiam docuimus: vel post aliquot menses, quando sanguis quantitate exuperans ob copiam laudabilis alimenti, & caloris natiui bonitatem in partibus coctioni dicatis, mittitur ad mammas, vel attrahitur potenter, per vasa ampla & bene expedita: deficientibus tunc omnino menstruis, aut aliis vacationibus, quæ sanguinem & humores exhaurire, aut aliò reuocare solent, ita vt ista lactis redundantia fiat ab omnino contrariis causis, ex rerum naturalium, non naturalium, aut præter naturam, censu repetendis, quas dicebamus concurrere ad lactis penuriam efficiendam: ita vt non sit opus illis nunc recensendis diutius immorari.

Affectus etiam ipse visui & tactui expositus, satis per se est notus, causarum deinde series internarum & externarum erit ex superiorum enumeratione perlustranda, vt illi deinceps medeamur: quia metus est, si ista lactis copia confertim in mammis retineatur, ne inflammationem & corruptelam concipiat, magnamque non solum mammis, sed etiam toti corpori noxam inferat. Vbi enim per se effluit, aut mulgetur, aut ab infante sugi potest, minus tunc adest periculi, nisi compressione aut contusione à vestibis, puero, vel aliis externis causis afficiantur turgentes marmæ, quod sæpe contingit.

Vbi igitur propositum est lactis exuperantiam imminuere, quæ naturæ limites excessit: sciendum est, ex Galeno *locis supra citatis*, ea quæ lac imminuunt, vel eius substantiam destruere, vel materiam illius à mammis repellere, vel aliò reuocare. Quæ eius substantiam destruunt, id rursus dupliciter præstant, vel quia sanguinis generationem impediunt: vel quia occultâ quadam qualitate lac corrumpunt, vt semen rutæ, cumini, & viticis sumptum & admotum. Quæ sanguinis generationem impediunt, illa potissimum in victus ratione posita sunt: vt videlicet omnia alimenta sint pauca nutritionis, & exiguæ quantitatis, quantum ferre poterunt eiusmodi mulierculæ. Panis ergo crassior & furfuraceus, olera & fructus horæi, aquæ potio, & similia præscribi poterunt, quæ sunt *ὀλιγότροφα*, & solent conferre ad pingues emacianas: vigilæ plus solito maiores, animique parhemata, vt curæ, & sollicitudines intentiones circa domestica, vacationes omnes solitæ liberaliores: frictiones duriores, & exercitationes inferiorum partium, vt & vincula arctiora, & cucurbitulæ cum multâ flammâ femoribus admotæ valde proderunt. Si sit ingens plethora totius corporis, neque fluant menses soliti, secetur primum vena mediana vtriusque brachij, vel illius quod erit è regione mammæ magis affectæ: deinde aperiantur post aliquot dies venæ malleoli aut poplitis. Interea si mammæ valde intumescant, neque quicquam ab eis effluat: ita vt sit metus magnæ inflammationis & corruptionis in lacte, sugantur à peritâ quadam mulierculâ, vel instrumento illo Paræi, superius à nobis commemorato, vt quædam eius portio educatur: non autem à puerulo, ne imperitè comprimendo, aut auidius sugendo aliquid illis mali inferat. Alias si

non sit ingens pondus aut molestia lactis distendentis, nihil erit melius quam omnino sugere, ne natura attractioni nouæ denuò incumbat.

Si sit etiam aliqua cacochymia suspicio, aut metus excrementi irrumpentis in mammas, non erit etiam negligenda purgatio ex catharticiis accommodatis, pro varia peccantis humoris natura. Quibus præstitis repellentia mammis & axillis, ubi sunt vasa illa lactis materiam deferentia, admoueri poterunt, ut vnguentum rosaceum oleo myrtino dissolutum, bolus armena cum aceto, vel succo plantaginis in formam linimenti redacta. Sunt qui spongas oxycrato madefactas imponunt, & fasciis ligatas ibi diutius continent. Nostrates foeminae vtrun- que frequenter cataplasmate ex farinâ lentium & seminis cumini cum oleo rosaceo, partim ad repellendum, partim ad digerendum. Aliæ mucilaginem seminis psyllij extrahunt cum aceto rosaceo, & puluere granorum myrti ac paucis alu- mine perfundunt: deinde mammis admouent, quemadmodum terram illam Ci- moliam oleo myrtino dissolutam.

Sed ego nollem diutius in usu istorum adstringentium, & refrigerantium perseuerare, quia metus est ne tam repellant lac è mammis, quam in eis coagulent, aut vasa & poros valde obstruendo putredinem tandem inducant: ideo tutius est venire ad exsiccantia & digerentia, quibus reliquæ redundantis lactis post vniuersales vacuationes & reuulsiones sæpe repetitas dissipentur. Quidam igitur non infelici successu ad nimium hunc lactis prouentum dissipandum, præcipue in pituitosis, usurparunt decoctum guaiaci, vel sarsæ parillæ sudorificum in plures dies. Alij diureticis valentioribus eiusmodi materiam putant se in vias vrinæ reuocare posse. Topicis autem ita vtantur.

℞ Foeniculi, apij, petroselini & maluarum cum toto, ana M. j. seminis cumini & fœnugræci, ana 3 iij. florum chamæmeli, folior. menthæ & summitatum lau- ri, ana P. j. Decoquantur omnia in aquâ fabrorum, addendo sub finem parum vini albi. Foucantur marmæ cum filtris bene expressis bis aut ter in die. Ex residentiâ huius decocti, addendo parum farinæ fabarum & oxymelite, fiat ca- taplasma vtilissimum. Quo etiam tempore, si opus esse videatur, marmæ le- uiter exugi poterunt. Si velis, circa declinationem morbi paretur tale emplastrum, vel ceratum.

℞ Terebinthinæ optimæ frequenter aquâ rosarum lotæ 3 iij. seminis lini & cumini pulueris. ana 3 ij. puluer. ireos Florentiæ 3 j. croci 3 j. aluminis 3 ss. ce- ræ nouæ q. s. Fiat ceratum super linteolum crassius, quod aptetur in formam marmæ affectæ. Quidam succo menthæ bis aut ter in die optimo successu pertingunt. Crocus & cuminum non solum admota, sed etiam instar amu- leti collo appensa, ita ut inter duas mammas iaceant, lac imminuere credun- tur. Auicennas existimat caneros fluuiatiles coctos cum aceto, vel eorum puluerem cum succo menthæ impositum, ex proprietate ad lac imminuendum conferre. Alij laudant folia ricini trita & mammis imposita. Atque hæc de proposito affectu sufficiant.

LAC DEPRAVATVM. Superest igitur ut de lacte deprauato agamus, nempe de vitiis, quæ lacti secundum substantiam, ut loquuntur Medici, & qualitates contingere possunt. Secundum substantiam autem vel potius con- sistentiam, quæ in lacte mediocris esse debet, oritur duplex vitium, quan- do scilicet tenuius euadit quam par sit, & nimis fluidum ad convenientem fœtus alimoniam: vel nimis crassum, ita ut in casei formam aut grumos in mammis conuertatur. Secundum verò qualitates primas, potissimum calidita- tem aut frigiditatem insignem, simplices & sine materiâ: aut cum materiâ & permixtione humoris biliosi, pituitosi aut melancholici: unde exoriuntur qua- litates secundæ præter naturam, nempe odor, color, aut sapor extraneus in la- cte, propter quas non solum minus alendo fœtui idoneum euadit, sed etiam ali- quando valde noxium.

Incipiamus igitur à vitiis secundum consistentiam. Quotiescunque lac sit tenuius & nimis fluidum propter exuperantem feri copiam & humiditatis alienæ: toties certum est vel sanguinem nimis esse dilutum & crudum ob vi- tia assumptorum, vel imminutas corporis coctiones: aut certe quia marmæ minus feliciter illud conficiunt & assimilant, ob varias intemperies in eis contractas, potissimum verò frigidam humidamque solas, vel combinatas. Quæ omnia

De morb. mulier. Lib. III. Cap. IV. 653

omnia ex signis à nobis supra propositis; *capite de lacte optimo dignoscendo*, satis manifesta fient. Neque alia est prognosis, quam quod ex illius usu infantes in insignes diarrhoeas, totiusque corporis emaciationem incurrunt, nisi illis citò propiciatur.

Itaque victus instituendus, qui luxuriantem istam humiditatem, atque etiam frigiditatem, si ita contigerit, corrigere valeat. Utantur ergo cibis omnibus exsiccantibus & calfacientibus modicè, pane biscocto & anisato, carnibus assis, passulis, amygdalis tostis, condituris aromaticis & similibus, idque parca manu. Vitent olera, pisces, legumina, fructus horæos, caseum & omnia lacticia; à iusculis & offis abstineant, nisi forte oryzâ, quia exsiccat, cum iure carniū paratâ. Parum bibant, vinoque generoso; & odorifero utantur modicè lymphato; vel si vini usus timeatur, aqua in quâ cinamomum aut coriandri semen incoxerint; vel etiam secundario ligni guaiacini decocto utantur pro potu ordinario. Quod si hisce non satis commodè corrigatur istud vitium, excitentur sudores post conuenientem purgationem, in stuphâ siccâ seu laconico per aliquot dies: vel in thermis sulphureis, ut Balerucanis: aut ex decocto sudorifico, si opus esse videatur: ut ista temperies rebellior corrigatur, quando soli victus regimini non cedit.

LACTIS CRASSITIES. Huic contraria est, ut diximus, crassities lactis nimia: quæ si sanitatis latitudinem excedat & morbosa euadat: solet magnâ adferre pericula doloris, tensionis, inflammationis, & putredinis, quando scilicet in *θρόμβωσιν* & *σφαλγίδας* Græcis dictas, quasi dicas grumos & globulos, siue in *τύρωσιν*, id est caseationem, degenerat; qui affectus in qualitate excretorum ea tantum ratione differunt, quod in *θρόμβωσιν* minores partes lactis sentiuntur coagulatae seu condensatae: in *τύρωσιν* autem totum fere lac in mammis contentum sit instar casei concretum: Dioscorides libro 2. vocat *μαζες χονδροειδῆς καὶ σφαλγανέας*, quasi dixeris cartilaginosas & renitentes.

Primo igitur hic dubitari potest, quomodo lac in proprio suo loco conseruationis & generationis, ut vocant, ita affici possit, ut alienam omnino & aliquando deleteriam naturam adipiscatur? Deinde quomodo fieri potest, ut lac in mammis viuentium, quæ perpetuo calore, aut saltem tepore sentiuntur perfusæ ob proprium temperamentum, & cordis viciniam, casei speciem induere possit, quem scimus à frigore externo concrefcere? Ad primum igitur respondemus, mammas quidem proprium esse lactis locum, ubi generari & conseruari debet, quemadmodum sanguis in venis, quamdiu omnia sunt bene & naturaliter disposita; ubi verò causæ præter naturam accesserint ex parte contenti vel continentis, quæ statim illum labefactent, tunc vitia & corruptelas in illis contingere. Ex parte enim contenti, nempe lactis, illius nimia redundantiâ vel crassities, quia impediunt commodum eius affluxum & calorem natium suffocant: Ex parte verò continentis, nempe mammarum, quando calidiores aut frigidiores iusto euadunt, non est mirum si mollis ista, & facile alterabilis substantia male afficiatur, & præter naturam concrefcant: à calore quidem, dum eius partes tenuiores humidioresque exhauriuntur & dissipantur: à frigore autem, quando vniuersa eius substantia condensatur & induratur; frigoris enim est heterogenea cogere. Frigiditas autem ista mammarum non est actualis, id est quæ sensu talis percipiatur tangendo; sed ita remissus calor, (frigidam intemperiem vocant Medici) qui non amplius obeundis functionibus naturalibus sufficiat, aut humoribus in iustâ suâ consistentia seruandis, ut patet ex pinguedinis naturâ & generatione apud Galenum: & de sanguine extrahato, qui ob caloris natui priuationem grumescit in cavitatibus membrorum. Eodem modo coagulum fit ex refrigeratione in ventriculis animantium iuniorum, ut hoedorum, lepusculorum & similibus, quando solo lacte nutriuntur: quamvis deinde acrem & quasi vrentem naturam acquirat ex quadam putredine introductâ ab extraneo calore. Et sæpe pueri ubi ventriculum habuerint frigidiorē vel calidiorē, solent per vomitum emittere lac caseatum & grumosum (vulgus *broussat*, quasi coctum, Latini colostratum.) Sic Galenus 3. de aliment. facultat. capite de oxygalacte: scribit lac spissari usu vasis aquâ frigidâ pleni.

Signa istorum affectuum, ut supra diximus, per se sunt nota. Vtrum vero sequantur

redundantiâ lactis vel eius crassitiem : item vim caloris aut frigoris , dignoscemus ab ipso excreto , nempe lacte & affectibus qui in mammis apparent : nam inflammatio & febris maior aut minor , vel ipsius carentia , ostendunt conditionem humoris in vberibus stabulantis , causarumque naturam quæ illum pepererunt.

Vnde etiam prognostica exoriuntur ; nam prout putredines & febres huic affectui coniunguntur , hinc etiam maiora pericula exoriuntur , quia facile ista materia, aut vapores maligni cordi & cerebro, aut pulmonibus communicantur. Quæ si excedant, pars tandem grauitur exulceratur, & nisi maturè prospectum fuerit, corpus in marcorem & tabem præcipitant.

Curandi itaque ratio citò & accuratè instituenda. Nam si lactis redundantiâ hunc affectum efficiat , vsurpanda erit tam victus ratio , quam remedia superiori capite à nobis proposita. Si crassities cum caliditate dominetur , victus attenuans & temperatus : calfaciens verò , si frigiditas illi annexa sit : ita tamen vt modicus sit, parum nutriendus, & generando sanguini minime idoneus.

Quod ad remedia vero : imprimis videndum est , ne humores in mammas deinceps confluant ; ideoque frictions asperæ , & vincula dolorifica inferiorum partium , cucurbitulæ coxis admotæ cum multâ flammâ erunt ex vsu : & venæ sectio , si casus grauior , aut cum febre coniunctus : aperiaturque mediana cubiti vel tibiarum. Ipsa etiam intemperies totius corporis vel mammarum , si sit insignior, erit corrigenda consuetis remediis alterantibus & purgantibus , vt res ipsa postulat.

Deinde ipsi affectui prospiciendum , seu causæ coniunctæ : quæ si concreuisse videatur à frigore , propinanda erunt & admouenda quæ calfacere & attenuare valeant : si à calore , vtendum quidem erit attenuantibus & incidentibus, sed quæ minus calida sint. Exempli causâ , si videatur affectus frigidior.

℞ Rad. fœnicul. & summit. eiusdem , ana M.ß. folior. menthæ P. j. cicerum rubeor. P.ß. semin. apij ʒ. j. Fiar omnium decoctio in aquâ hordei ad ʒ. vj. Clarificetur, & aromatizetur paucis cinamomo pro duabus dosibus, mane & sero exhibendis : quæ sæpius iterari poterunt.

℞ Rad. rubiæ maior. & fœniculi , ana ʒ. j. semin. apij & rutæ , ana ʒ. ij. florum meliloti & stœchados , summitatum menthæ , ana P. j. Contundantur omnia & decoquantur in aquâ cisternæ vel fontis , addendo sub finem parum aceti , vel vini albi. Hoc decocto foueantur mammae frequenter. Deinde illinantur sequenti vnguento : nam emplastra vel cataplasmata dolentes mammas nimis grauant.

℞ Vnguenti resumptiui ʒ. iij. cinamomi , seminis cumini , & fœnugr. ana ʒ. j.ß. croci & puluer. ireos Florent. ana ʒ. j. Misce, fiat linimentum , quò vtatur, vt dictum est, addendo parum aquæ vitæ, ad penetrationem maiorem vñctionis tempore Paulus & Aëtius vtuntur muriâ pro fotu, aut aceto, in quo folia menthæ bullierint cum spongiis superligatis. Illinunt etiam crocum & cuminum cum melle : vel iuglandes contritas cum foliis rutæ & melle. Alij valde commendant folia apij virentia leuiter confusa , aut succum eius cum oxymelite mixtum, quem mammis apponunt : vel coagulum leporinum aceto dissolutum cum paucis butyro , instar linimenti. Quod si affectus calidior videatur , minus calfacientibus vtendum erit , & actu tepidis tantum : quia frigida possent condensare , & impingere magis materiam. Vt.

℞ Folior. lactuæ & summitatum fœniculi, ana M. j. semin. melon. & petroselini, ana ʒ. ij. florum cichor. borraginis & summit. menthæ, ana P. j. Fiar omnium decoctio ad ʒ. vj. vt supra : quibus clarificatis adde syrup. acetosi simpl. vel de limonibus ʒ. ij. Fiar julepus pro duabus dosibus : vel bulliant cum iusculo pulli. Exterius verò admoueat oxycratum tepidum cum linteolis , cui parum succi apij sit additum : vel fursures in aceto decoquantur , cum paucis semine rutæ , & sacco lineo iniectione, mammis tepidè admoueantur. Quidam sumunt folia solani , halicacabi , brassicæ , quæ decoquunt & contundunt , addendo parum myrrhæ & croci cum aceto in eundem vsu : vt etiam capita papaueris albi cum melle cocta. Alij fouent oleo tepente , cui parum succi apij , vel herbæ illius quam anagallidem flore purpureo vocant , additum fuerit. Tandem si istis diu vsurpatis nihil proficiatur , tam in affectu frigido quam calido , neque lac fusum retrocedere , aut per papillas mammarum effluere

effluere valeat, iamque dolores & febres intendantur : veniendum erit tandem ad suppurantia eadem ratione, quæ propofita fuit à nobis, capite de inflammatione mammarum.

ALIENÆ LACTIS QUALITATES COLOR, ODOR, ET SAVOR. Iam igitur pauca addamus de alienis qualitatibus lactis, quoties secundum colorem, odorem, aut saporem valde immutatur : quod frequentissimum est vbi nutrices vel malo regimine vtuntur, vel sunt intemperatæ admodum : nulla enim est in nobis substantia quæ facilius alterari possit quam lac, vt annotauit Galenus, *tertio de aliment. facultat. capite decimoquinto*. Vnde ex Hippocrate, *capra & mulier elaterium aut rithymalum comedens, lac habet purgatorium*. Et quotidiana experientia docet, in ipso butyro, quod odorem & saporem insignem, multisque molestum acquirit; dum pecudes circa ver alliariâ herbâ vescuntur. Sic nutrices, si aliquo animi pathemate torqueantur, si libidine agitentur, nimium se exercuerint aut vigilarint, si porrum, cepas, brassicam, frixa, falsa, aut piperata comederint, vel vinum merum copiosum potarint, statim istas notas lacti imprimunt, & infanti communicant; vnde tot vlcera, excoriationes aut inflammationes in puerulis istis lactentibus quotidie obseruamus.

In quibus igitur propter solum regimen malum, lac præter naturam redditur, secundum qualitates primas vel secundas : in illis etiam sola diætæ ratio à nobis fusè superius tradita, sufficiet ad lactis integritatem restituendam. Quod si illa mutatio pendeat ab intemperie natiuâ & propriâ nutricis, vt solet in rufis & biliosis, aut pallidis admodum & pituitosis vel melancholicis : tunc melius est nutricem mutare, & infantulum alteri salubriori lactandum committere, quam frustra in corrigendo isto vitio naturali laborare. Sin verò pendeat ab intemperie accidentariâ, vtpote humorum excrementitiorum collectione, propter varias causas internas, vt morbos; vel externas iam à nobis annotatas, quæ altius pedem fixerint & impressionem in corpore illarum fecerint : tunc si non sufficiat regimen bene institutum ad istas intemperies delendas, cogitandum erit incommoda ista tam nutricis quam alumni purgatione conuenienti tollere, eaque mediocri, quia infirmior nihil proficit, & turbat tantum earum corpora : validior autem exagitat nimium, & sæpe lactis defectum inducit. Notandum etiam, quod eo die quo purgantur nutrices, non debent vbera sua infanti exhibere : tum quia metus est ne valde debilitentur eâ purgatione simul & lactatione : tum etiam quod lac suscipit faciliè vim cathartici & puerulo communicat, nisi fortasse eodem modo ipse puer indigere videatur purgatione.

Parentur igitur opiata laxantes, pilulæ vsuales, aut syrapi magistrales dicti, prout magis ex vsu esse videbitur, & pro vario cacochymix dominatu, quibus semel aut bis in mense vtantur, donec ista colluies excrementorum penitus exhausta videatur istis per epicrasim repetitis purgationibus ac bono regimine. Quod si vitium non sit ita graue, biliosæ aliquoties sumant infusum rhabarbari cum syrupo rosato solutiuo : pituitosæ agaricum trochiscatum cum electuario lenitiuo in formam boli : melancholicæ, decoctum senæ & similia, quæ non sunt hic fusiùs persequenda : cum sit facile ex communibus remediorum formulis illa repetere. Iam igitur prolixæ huic tractationi de affectibus mulierum & vtilissimæ, finem optatissimum imponamus.



IOANNIS VARANDÆI

TRACTATVS THERAPEVTICVS,

DE MORBIS GENITALIVM IN VIRIS.

P R Æ F A T I O.



POST affectus fœminarum à nobis accuratè explicatos, in quibus non solum individui muliebris conseruandi ratio proposita fuit, sed etiam speciei propagandæ, sobolis videlicet producendæ, & alendæ modus, remotis scilicet dispositionibus præter naturam, quibus tantopere expetitur à naturâ opus similis sibi generandi, impediri poterat: Iam seriè quadam doctrinæ accedimus ad affectus partium genitalium in viris tractandos, quibus eodem modo & noxa individuis marium & generationi impedimentum inferri solet.

Quamuis enim quidam veterum existimarint virorum & fœminarum genitalia solo situ differre: ita ut harum partes genitales ob frigiditatem tantum, & naturæ defectum intus lateant: virorum autem caliditate quadam & maiori robore extra promineant: unde mulieres quasdam in viros circa pubertatem mutatas multi scripserint, aucto calore nativo & prorumpentibus quæ intus latebant partibus. Attamen illud nullo modo fieri posse existimamus: quoniam neque fundum uteri scroto, nec illius ceruix membro virili respondet, ut ex anatomicis demonstrationibus satis patet: Scrotum enim cutis est tantum rugosa, illiusque portio, quâ totum corpus integitur: uteri autem fundum constat membranâ densissimâ & carnosâ, multiplici fibrarum genere intertextâ, venarumque propaginibus innumeris præditâ, ad expurgandam sanguinis menstrui redundantiam, fœtumque per acetabula alendum. Ceruix autem uteri, quæ est tantum canalis oblongus, & vaginæ mollioris instar, quomodo poterit respondere aut conuerti in membrum virile, quod duobus nervis seu ligamentis canis & arteriosis constat, qui coitus tempore instantur & distenduntur, quod musculus quatuor ad erectionem stabilitur, in osse pubis collocatum est, & balanum habet in postremâ sui parte, velut totius membri complementum? Hæc igitur omnia de nouo generari deberet, vasaque spermatica mulierum intus latitantia, & ligamenta uteri cum magno dolore, & sanguinis effusione dirumpi, ut foras erumperent, & metamorphosin istam perficerent. An non multas quotidie fœminas videmus, quibus uterus extra loca sua procidit, & maximis illas incommodis afficit, absque istâ imaginariâ mutatione? Quod si quadam circa pubertatem viragines masculinam quandam naturam adeptæ sint, illud intelligendum est, vel propter grandio rem clitoridâ, quâ abutebantur olim mulierculæ quædam, Tribades dictæ, ad alias subigendas: vel certè de Hermaphroditis, & Androgynis, in quibus dum lateret quodammodo sexus masculinus in pueritiâ, circa virilem ætatem incrementum sumens, reddebat illas utriusque actionis potentes. Quod Iurisconsulti etiam annotarunt, talibusque Hermaphroditis electionem alterutrius concesserunt, prohibueruntque ne deinceps alio abuterentur. Itaque cum

patet genitalia virorum & foeminarum non solum positione, sed etiam numero, & conformatione differre: ideo peculiares debent esse tractationes quæ affectus in foeminis & viris partium istarum genitalium explicant.

Cur autem partes istæ propagandæ speciei dicatæ, turpes, obscenæ & quasi pudendæ habeantur, ἀσχηδὸν μόρια, ἀσδῖα à Græcis dicantur: cum tantopere sint necessariae, & unicuique cum summâ voluptate penitissimè insitus sit appetitus ille coeundi, sibi quæ simile producendi: posset aliquis iure merito mirari. In plantis quidem nihil pulchrius spectari potest, quam apparatus ad seminis productionem, venustatè florum fructus præmonstrantium, in quibus semina, tanquam generationis thesauri reconduntur. In brutis etiam reliquisque animantibus nullus istarum partium pudor, aut in illarum operationibus exercendis. In specie autem humanâ, non solum occultantur, sed ne rectis quidem & propriis nominibus eas, aut earum actiones proferre audemus. Imo quod peius est, si aliquando morbi istis sedibus contingunt, vix volunt ægri ob verecundiam illos Medicis patefacere, sicque remediis destituti in gravissimam sæpe valetudinem incurrant.

Theologi existimant id propter primi parentis peccatum accidisse, quem deinceps paradiso pulsum, prolem Deo quasi exosam, producere puduerit, partesque generationi dicatas occultaverit. Philosophi autem censent illud in specie humanâ contigisse, quia vita hominis præstantissima posita est in intellectu & ratione: ac proinde turpe esse animalium brutorum ritu duci à sensu, & venereis illecebris detineri: quæ maximè reuocant mentem à Superioribus illis & homini propriis cogitationibus: Ideoque partes illas occultandas, earumque actiones, non nisi secreto, & extra aliorum conspectum exercendas. Medici verò nihil in naturâ turpe, nihil obscenum esse putant, sed omnes corporis nostri partes maximum creatoris sui artificium representare, & aliquid diuini continere: cum ex istarum ablatione vel deprauatione totus corporis status pessimè immutetur, & quasi emiretur, ut patet in eunuchis & effoeminatis. Ac proinde non minus in genitalibus hisce membris conservandis curandisque, quam aliis, sed etiam fortè accuratius versantur, quia magis faciunt ad subiecti sui propagationem.


Dicamus igitur, genitalia membra in viris, quoad usum therapeuticum attingit, quatuor à nobis potissimum spectari, nempe vasa spermatica, testes, mentulam, & scrotum, quorum ratione veluti susipientium morbi & symptomata exoriantur. Nam vitio seminis quod debet deferri ex præcipuis corporis nostri partibus per vasa illa in testes, ibique preparari & concoqui, ut suo tempore emitatur in locum à naturâ dicatum: exoritur ut plurimum sterilitas virilis. Ratione verò debilitatis eorumdem testium, & penis fit defectus ille coeundi, qui si grauior sit, ad impotentiam usque integram venereorum accedit, ut in frigidis & maleficiatis. Contra si ob calidiorem constitutionem, aut flatuosam materiam copiosius distendentem has partes, fit perpetuus coeundi appetitus, tento, aut virga erectio & dilatatio, contingunt illi affectus, quos veteres satyriasim & priapismum dixerunt. Sæpe etiam fit, ut ex ἀσθὴν, infirmitate, ac malâ constitutione spermaticorum vasorum, aut ipsius seminis vitio, fluat inuoluntariè & assiduò sine voluptate, vel per intervalla dum somno detinentur, cum enervatione totius corporis & molestia: Sicque oriuntur gonorrhœa tam simplex quam virulenta seu venerea, & pollutiones nocturnæ. Ratione autem testium ipsorum & scroti, quando materias aliquas siue substantias alienas continent, illis adherentes vel aliunde prolapsas, sunt multæ herniarum species, varicosæ, carnosæ, humorales, flatuosæ, intestinales & ipsius omenti, quibus non solum graues dolores & pericula exercent agrotantes, sed etiam impedimentum coitui & generationi infertur. Denique ratione

ratione ipsius scroti & cutis externa pudendorum, sunt plerumque fœda scabies, & impetigines illarum partium, ut ipsemet annotavit Hippocrates Aphorism. 21. sect. 3. in quibus sanandis non exigua Medici operâ opus est, ob naturam istarum partium putredini & fluxioni obnoxiam. Itaque sex precipuis capitibus totam hanc tractationem, Deo fauente, absoluemus: quorum primo agemus de sterilitate virili: secundo de Venereorum impotentiâ: tercio de priapismo & satyriasi: quarto de gonorrhœâ & pollutione nocturnâ: quinto de variis herniarum speciebus: sexto & ultimo, de scabie & impetigine pudendorum. Reliqua enim vel ad generales tractationes affectuum præter naturam, ut de tumoribus præter naturam, ulceribus, intemperie & similibus: vel ad ista faciliè referri poterunt.



CAPVT PRIMVM.

De sterilitate Virili.



IN specie perfectissimâ, qualis est humana, productio non poterat fieri indiuiduorum, ab vno eodémque, qui simul generaret, & fœtum contineret, eumque ad debita incrementa perduceret: quod Plato in suâ Androgynæ somniarat. Sed opus fuit mare & fœminâ: illo, qui vim prolificam efficientem & quasi formalem immitteret: hac vero, quæ locum & materiam præstaret, vbi conuenienti alimento reficeretur, formaretur, & ad iustam vsque perfectionem contineretur. Hinc fit vt ex vtriusque parte vitia & defectus contingere possint, quibus generatio impeditur. Quæ pendent ex parte mulierum, iam à nobis antea sufficienter explicata fuerunt.

Quod viros itaque spectat. Nullus ferè sterilis dici potest simpliciter, nisi cui resectæ sunt partes genitales, vt testiculi, aut Venere vti non potest propter defectum erectionis virgæ, & penis resolutionem: alij enim qui steriles habebantur vxoribus tantum suis congregientes, cum aliis coniuncti feliciter prolem susceperunt. Imo videmus vulgò defectum generationis magis adscribi fœminis quam maribus, quia mares & satis inualidi & variis morbis detenti, vt leprâ, phthisi, lue venereâ, & similibus; dummodo fœminâ bene dispositâ vtantur, procreare liberos solent, nullis aut paucis remediis adiuti.

Dicamus itaque sterilitatem istam virilem, quæ est symptoma abolitæ functionis generatricis in maribus debitæ ætatis, potissimum respicere ipsum semen, quod est agens in hoc opere præcipuum, quando substantiâ, qualitate, quantitate aut excretionis modo peccat. Ista autem contingunt vel vitio totius corporis, vel partis aliquius principalis malè affectæ, vel proprio affectu membrorum genitalium. Substantiâ enim peccat in elephantosis confirmatis, in lue venereâ affectis, aut phthoe, aut aliis vlcibus internarum partium, quæ materiam semini dicatam corrumpunt: qualitate verò si nimis liquidum & aquosum, aut nimis crassum & quasi concretum existat: sic enim aut non potest hæere parietibus vteri, sed statim diffuit; vel non potest permisceri, & quasi vniri cum semine muliebri, sed præ pondere citò ex vuluâ decidit. Istud autem fit vitio totius corporis intemperati, aut cerebri, ventriculi, & similium magnas cruditates generantium, vel humores secundarios exurentium, vt in valde biliosis & atrabiliis, quod Hippocrates Aphorism. 63. sect. 5. expressisse videtur. Pueri etiam & senes ratione ætatis sunt infœcundi, quia nullum semen gignunt, aut hoc modo vitiatum. Sed potissima vis posita est in testibus, qui pro variâ intemperie quâ donati sunt aliquando, non bene exercent vltimam illam elaborationem *σπερματοποιήσιν*, quæ semini debetur, vt Galenus eleganter prosequitur lib. artis parua. Qui vino etiam aut crapulæ multum indulgent, hoc modo steriles fiunt, quia suffocando vim caloris natiui frigidius semen emittunt: vt etiam illi qui coitu immodico vtuntur: resolutis enim spiritibus, fit vt serosa tantum & liquida quædam materia effundatur, nullâ generandi vi prædita. Cur autem illi euadant steriles, vt multi Practici scripserunt, qui cum

De morbis genital. in viris. Cap. I. 659

nimum parvis autiuuenculis puellis coeunt, non tam facile est respondere, nisi dicatur, illud contingere propter nimiam voluptatem, aut conatum vehementiorem in illis stuprandis, quo dissoluntur & quasi eneruantur. Vulgus etiam existimat in vnaquaque familia, vbi sit liberorum multitudo, vnum perpetuo esse infecundum, quod saepe experientia confirmat. Sed istud ad occultam potius causam referendum, vt & maleficia, & alimentorum quorundam extinguendo semini & deprauando proprietates.

Quod ad quantitatem verò seminis spectat, certum est illius paucitatem & defectum sterilitatem parere, quia in minore quam par est quanto non potest esse ea vis quæ requiritur ad producendum effectum. Sic pueri non generant semen, aut paucum, quia tota alimentalis materia facessit in corporis incrementum: senes iam decrepiti non generant etiam, quia deficit vis concoctrix, & in toto & in partibus generationi dicatis. Eodem modo qui admodum pinguescunt & obesi euadunt, vt etiam qui nimiam gracilitate laborant: qui longis & acutis morbis detinentur, qui largas patiuntur vacuationes, aut ieiunio addicti sunt, absumptâ humoralis substantiâ, vel aliò reuocatâ, non possunt semini producendo sufficere. Sunt etiam qui ita minutulos habent testes, vt non possint coquere vel continere sufficientem seminis copiam. Hippocrates *lib. de geniturâ*, *Quibus*, inquit, *iuxta aures vena secta sunt, si coeunt quidem & genituram emittunt, verum modicam, debilem & infecundam: quia plurima genitura pars à capite iuxta aures in spinalem medullam procedit: ipse autem transitus inducta sectioni cicatrice interceptus est*: Vel dic illud fieri propter effusionem sanguinis & spirituum, qua refrigeratur cerebrum. Aristoteles 4. *probl. 21.* scribit quibus varices ad sunt esse infecundos, quia spiritus ad varices defleat. Sed hoc potius de aneurismatis esset intelligendum: vel quia in varicosis natura obruitur multitudo sanguinis melancholici. Quantitas etiam nimia sanguinis aliquando per accidens fecunditati est noxia, quia retentum diutius, & præter morem in vas spermaticis semen corrumpitur & variis symptomatis viros exercet, vt videmus saepe in illis, qui propter legem continentes esse coguntur: Vnde Diogenes apud Galenum *libr. 6. de locis affect.* exercerebat coitum, non voluptatis causâ, quam ille vt Philosophus maximè aspernabatur, sed vt vitaret noxas retenti diutius seminis.

Denique sterilitas in viris maxime contingit ob excretionis modum viciatum, quando semen non emittitur commodè in sinum matricis interiorem. Hoc saepe contingit ex defectu spirituum, qui velut *ὀρμητρες* debent illi permisceri & foras cum impetu erumpere, vnde qui longis torquentur morbis, qui paulatim tabescunt, aut debiliore sunt natura, vel cor habent infirmum & palpitans, saepe hoc detinentur vicio. Frequentius fit ob malas penis conformationes; nam qui mentulam iusto habent breuiorem, vt quæ non accedit ad sex digitorum latitudinem, non possunt eiaculari commodè semen ad interiorem vsque sinum matricis. Qui vero iusto habent longiorem, saepe steriles existunt: non quod semen in illo tractu refrigeretur, vt quidam scripserunt; sed quia perit in illâ distantia impetus & orgasmus spirituum, qui debent semen eiicere in vuluam. Eodem modo mentula curva, vt per vulnera quandoque accidit, aut contracta, vt in illis qui habent vinculum illud sub balano arctius, quod carnem appellant: aut male perforata, vt in eis qui foramen balani non in apice illius habet, sed in decliuiori parte versus præputium, quod in duobus aut tribus à nobis non diu fuit visum: aut obstructa, vt quando canalis seu meatus communis vrinæ & semini refertus est alieno quodam corpore, potissimum carunculâ illâ hodie multum vulgari, quæ succedere solet gonorrhœæ virulentæ exulceranti prædictum canalem, in quo ob neglectum vlcus solet nasci *ὄνχορραγία*, siue caro fungosa & superflua. Isti omnes non possunt bene eiaculari semen in vterum, ac proinde steriles ex accidenti euadunt.

Istæ igitur sunt omnes causæ, quæ sterilitatem excitare possunt in viris, qui possunt arrigere, & satis commodè venereo vti congressu (qui enim illius sunt impotentes, ad sequens caput sunt remittendi:) quarum rursus aliæ causæ sunt, ex censu rerum naturalium, non naturalium, & præter naturam repetendæ, vt vnique patet.

DIAGNOSIS deinde illarum habenda pro variâ vniuscuiusque specie, siue pendeat ex totius corporis vitio, aut principalis alicuius partis affectu, seu restium & aliarum partium genitalium prauis dispositionibus, quas Medicum diligenter contemplari oportet, quando hac de re consulitur. Fallax esse puto illud quod dicunt de vrinâ maris, in quâ si grana hordei macerentur diu, nec germinant, sed marcescant, sterilem illum esse pronunciant: quoniam vrina pendet

ab aliis causis quam semen. Sunt etiam alij qui semen effundunt in vasculum aquâ plenum, in aquâ si supernatet, infœcundum pronunciant: si fundum aquæ petat, fœcundum: quod parum etiam certitudinis habet, quia semen cum debeat esse aëreum, potius quam terreum aut aqueum, non est magis graue quam aqua: nec eadem est ratio ac puris, quod destitutum est spiritibus, & partes habet magis crassas & vnitas quam aqua. Malim ego contemplari semen dum emittitur ex pene, an impetu exeat, colore sit albo, splendente & quasi spumante substantiâ: tale enim est laudatissimum & fœcundum: vt contra si stillatim fluat paucâ titillatione, liquidum & serosum. Quod fœcundum est semen, super linteolum aut chartam proiectum, diuturgens & quasi granosum permanet: aliud statim subsidet & instar aquæ diffluit. Maximum est sterilitatis signum in viris, quando cum variis fœminis bene dispositis congregientes, nihil vnquam frugis producunt. Reliqui affectus ex solâ genitalium inspectione dignoscuntur.

Ex his etiam *πρόγνωση* stabilire licet: nam omnis sterilitas, cuius causæ pendent ex malo victus regimine, vt in crapulosis; aut ætatis incrementis defectu, potest curari illo mutato, vbi ad pueritatem aut vigesimum quintum ætatis annum peruenerunt. Quæ etiam pendet ex morbis, in quibus certa salutis est spes, credibile est etiam illam tolli posse, vbi corpus pristinam sanitatem fuerit adeptum. Maior est difficultas in illis, qui laborant intemperie totius corporis, vel partis alicuius ab ortu contractæ: quia natiua constitutio difficilè expugnatur. Denique malæ conformationes & solutiones continui, quæ impediunt fœcunditatem, aliquando difficile, alias nullo modo corriguntur: & plerumque ægri nolunt se submittere curationibus necessariis. V.gr. qui vinculum habet strictum, quo balanus peni alligatur, facile illius sectionem permittet: at qui adhærens habet totum præputium, vel malè perforatam glandem, vix audebit illorum curationem sustinere, quæ non sine dolore, & aliquo periculo exerceri potest. Atque hæc exempli causâ dicta sint.

QVOD AD CVRATIONEM VERO SPECTAT. Quoniam illa respicit varios totius corporis vel diuersarum partium affectus, qui propriis suis locis tractantur: vel fere refertur ad sequens caput, vbi de impotentiâ venereorum acturi sumus: vel ipsa sterilitas virilis est quidem sine vlllo morbo, ita vt intra sanitatis latitudinem subsistere videatur: & tunc eius cura est reëctificatio seminis secundum eius substantiam, quantitatem & qualitates, quod ex diætâ & roborantibus medicamentis est repetendum, vt sequenti capite de impotentiâ venereorum dicemus, ideo illi non immorabimur: singula enim suis locis docenda ex Philosopho, non autem, inutiliter vbique repetenda: illud tantum annotantes, præcipuam sterilitatis curam, quando non pendet ab insigni aliquo morbo, positam esse in semine reëctificando, vt loquuntur; siue illius substantia, siue qualitas, seu quantitas sit corrigenda, alimentorum & medicamentorum operâ; Quod ex optimâ diætâ & roborantium classe erit repetendum. Tunc verò credendum est aliquid emolumenti in curâ contigisse, quando mulier bene disposita, quæ cum viro eiusmodi congregi solita est, maiorem in coitu delectationem percipit, & semen in vteri cavitare diutius quam solitum erat, moratur. Sin autem defectus iste pendeat ex testiculorum paruitate, ex breuitate aut longitudine nimia penis, vel curuitate naturali, non est medicabilis: si ex curuitate ob vulnus malè curatum, vt aliquando vidimus, renouanda erit cicatrix callosa aut durior, & cutis dilatanda conuenienter. Si ex contractione ob vinculum balani vel præputium arctius, rescindenda vtraque pars, & hæmorrhagia vitanda, quæ hic facilè contingit, & impediendum ne denuò vulneris labra coalescant. Si ex malâ perforatione balani, explorandum specillo per aliud foramen, vtrum extremitas illius sit crassa & solida: tunc enim non est attingenda cura metu grauioris mali: si sit tenuis & quasi membranosa, illud audacter aggrediendum, incidendo extremam illius partem, donec ad canalem peruentum sit: deinde vulnus dilatandum cannula plumbeâ vel argenteâ, quæ ibi contineatur, donec parietes vtrinque cutem contraxerint, & æger per illud foramen mingere incipiat: tunc enim aliud occludi poterit Chirurgi operâ per leuem scarificationem & ligaturam conuenientem. In obstructione autem, quæ contingit ex carunculâ obortâ in canali virgæ, tollenda est scalpello, vel medicamentis cathæreticis, vt in tractatu nostro luis veneræ dictum fuit. Iam igitur ad alia progrediamur.

CAPVT II.

De impotentia Venereorum.

REFECTVS igitur coitus constat erectione membri virilis, eiusdem intromissione in sinum muliebrem, & debitâ seminis eiaculatione. Propriè igitur impotentes venereorum, ἀσθενεῖς, ignaui & inertes vocantur, qui non possunt virgam erigere, aut ita debiliter erigunt, vt non possint intromittere, sæpiusque semen ante congressum (in ostio se exonerant, non in atrio Veneris) inutiliter effundunt. Ista autem penis erectio est actio partim naturalis, partim animalis: naturalis quidem, quia illa distentio & accretio penis in maiorem molem, pendet præcipuè ab influxu caloris natiui, & spirituum crassiorum, per irradiationem seminis prolifici in testibus contenti susciatorum: vnde corpus illud neruosum, cauernosum, fistulosum, & ligamentorum infinitis venularum, & arteriarum ramulis perfusum intumescit: animalis autem, quia fit præcedente imaginatione & appetitu, ad quem consurgit confluxus spirituum animalium cum eximio voluptatis sensu, quæ est obiectum tactus, & motricis concursu, quæ quatuor illos penis musculos ad erectionem istam firmandam necessarios regit. Ergo totidem causæ solæ, vel plures præter naturam constitutæ poterunt euertere istam actionem. Vtpote paupertas caloris natiui influentis, & defectus materiæ spermaticæ in testibus, imaginationis perturbaciones & spirituum animalium reuocatio vel interceptio, à quibus motrix vel sensifica vis aut vtræque simul peruertuntur. Ista autem rursum suas habent causas ex rerum naturalium, non naturalium, & præter naturam censu repetendas.

Etenim quædam sunt temperamenta etiam naturalia, & ab ortu contracta, exanguia, strigosa, & macilenta, vt vix apta sint ad Venerem exercendam: aut etiam alia quando ita constituta, vt quamuis aliis partibus satis valere videantur: in genitalibus tamen ita deficiunt, vt nullam aut certe exiguam illarum operationem edere valeant. Athletæ olim hoc affectu valde tenebantur, qui erant εὐεχτοὶ & ἀσθενεῖς: quos omnes Iureconsulti frigidos & maleficiatos appellarunt. Sunt etiam multi, qui cum præmaturè nimium Venerem exercuerint, videlicet ante pubertatis annos, omnino enerventur, & deinde inutiles ad illam reddantur: pueritiæ enim, & donec iusta accretio corpori accesserit, nihil magis nociuum quam coitus. Vbi verò barba canescere incipit, & senium ingruere, non est mirum, si refrigeratis superioribus interioribusque partibus, inferiores etiam & Veneri dicatæ algeant. Qui valde pingues sunt, & obesi præter morem, parum etiam sunt idonei ad coitum alacriter exercendum (*jamaîs bon coq ne fut gras.*)

Res verò externæ hic etiam multum possunt: nam aër frigidior, vt in illis, qui per Alpinas niues iter faciunt, aut hyeme regiones septentrionales adeunt, sub dio pernoctant, ventis borealibus se exponunt, in aquis diutius degunt, pedibus nudis incedunt, ex Auicennâ, & malè vestiuntur; potest extinguere omnem libidinis vim, vt in aliis partibus νάρκωσιν inducit. Mirum est quod referunt viatores, non prius interire aut deficere homines frigore affectos, quam illius vis ad genitalia peruenerit, ideoque diligenter tunc calfacienda, & tegenda præscribunt. Calidior eodem modo & æstuans aër, resoluendo & dissipando triplicem corporis nostri substantiam valde deiicit vim erigendæ mentulæ: vnde æstatis tempore, nempe Iulio & Augusto mensibus, aut sub diebus canicularibus vix appetunt viri coitum, & in illo exercendo admodum languent. Balnea etiam frequentiora aquæ tepentis aut calidæ possunt multum infringere vim coeundi, molliendo istas partes, potissimum in delicatis & humidioribus naturis. Potentissima etiam est hac in parte alimentorum, & medicamentorum ratio, siue ex proprietate, & occultâ substantiæ vi semen prolificum extinguant, & virilitatem tollant, siue qualitatibus manifestis: in quorum numero habentur lentes, forte ob siccitatem, & aqua ipsarum, & præcipuè coctarum cum semine canabis, vt inquit Auicen. glandium farina, semen agni casti, nigellæ, rutæ, hyoscyami, lactucæ, portulacæ, flores nenupharis & mandragoræ, coriandrum viride, succus cannæ recentis, muscus arborum, præcipuè quercus, oxygala, acetum, serum lactis accescens & similia, cum omnibus narcoticis, tam sumptis quam admotis, vt aiunt de

Chirurgo, qui emplastrum ex meconio tradidit cuidam yxorem suam subigenti.

Mirum est quod narrant de mentha Aristoteles & Plinius, cum ita sit odorifera & ventriculô grata, illam tamen semen humanum deprauare, atque generationi corpus imbecillum reddere: quod sicuti illa lacti immissa prohibet, quo minus coaguletur & coëat: ita non finit in cibo sumpta semen in homine condensari, sed illud colliquat & absorbet. Quibus assentitur Hippocrates siue author libri secundum de dietâ. Auicenna autem repugnat proprio tractatu, & aptissimam censet ad coitum iuuandum. An hoc intelligendum de immodico illius vsu, vt & reliquorum calfacientium, à quibus exsiccari potest, aut colliquari seminalis iste humor, in naturis potissimum feruentioribus: cum tamen mediocriter sumpta & in temperamentis frigidioribus coitum iuuare possit? De pomis eadem est controuersia: cum enim sint flatuosa, videntur conferre ad Venerem exercendam; quia verò frigida & dyspeptra, nocere: Vnde apud Gallos prouerbum. *Si femme scauoit que vaut pomme, jamais n'en donroit à son homme: si femme scauoit que pomme vaut, toujours en donroit à son Ribaud*: scilicet non esse exhibenda poma vxoratis maritis, & iam debilitatis hominibus, quia ab illis valde refrigerantur: mœchis autem, amasiis & alacrioribus viris exhibenda, qui illa optimè conficere possunt, & in flatum erigendæ mentulæ vtilem conuertere. Quo sensu Galenus etiam voluit lactucam in biliosis naturis plurimum sanguinis generare. Et Turcæ dicuntur amphion seu opium in quotidiano vsu habere ad æstum viscerum suorum temperandum, Veneremque alacrius exercendam: quod nobis tantopore est infestum & venenatum: caphura sumpta & admota coitui etiam obistere creditur. De stellione etiam & salamandra si sit in rerum naturâ, multi mira narrant ad impediendam Venerem.

Eodem modo alimentorum nimia quantitas, vt in ebriosis & crapulosis hominibus obruendo calorem natium, multum officit huic operi: ieiunium autem & fames diuturna omnem vim & materiam illi idoneam surripiunt: vnde Hippocrates generaliter pronunciauit *Aphor. 16. sect. 2. ubi fames, ibi non est laborandum*. Et credibile est, tot ieiunia & preces indicta esse viris religioni dicatis, vt facilius castitatem seruare possint.

Somnus etiam & vigilia hic non paruam noxam inferunt, si modum exceßerint, vt est *Aphor. 3. sect. 2. ille conculcando humores, & nimis ad interiora reuocando: hæc verò dissipando & exagitando*. Vnde sunt multi, qui non nisi post somnum expergefatti attollunt mentulam, vbi supini, calfactis scilicet renibus & lumbis dormierint in strato molli & bene operto, vt diuitibus moris est. Alij in strato duriori melius arri-gunt, propter molestiam quâ irritantur partes istæ, & flatibus excitatis intumescunt: sed hoc in corporibus vegetioribus, non eneruatis contingit.

Motus etiam & quies multum possunt in iuuandâ & debilitandâ Venere, variis modis: vnde inquit Poëta,

Otia si tollas, periire Cupinis arcus:

Id est homo negotiis valde addictus, continuò se exercens, pietati aut litterarum studiis immerfus, vix excitatur ad istas Veneris delicias. Otia etiam nimia si ponas, ita vt homo deses & quasi feriatu absque villo labore vel exercitatione maneat, certè reddetur etiam hac in parte ignauus & imbellis, quia calor natius torpescit, & spiritus non excitantur. Sic apud Auicennam, coitus coitum destruit; coitus scilicet nimius & vehemens, eneruando & dissipando: coitus nimis rarus & extra voluptatem, quia reddit partes genitales, quasi torpidas & appetitum imminuit. Equitatio, quia exagitat partes istas generationi dicatas, & humores versus lumbos attrahit, valde commendatur à quibusdam ad Veneris munera alacrius obcunda. Attamen Hippocrates *lib. de aëre, locis, &c.* agens de Scytharum impotentiâ, & effœminatione, maxime adscribit illam equitationi assidua, quâ hinc inde continuò vagabantur. Sed si quis Hippocratis contextum attentius perlegat, animaduertet illum non simpliciter equitationem accusare, sed & duram & laboriosam sine ephippiis, & stapedibus, per media frigora, & paludes glaciæ concretas: vnde isti Scythæ incidebant in dolores articulorum grauissimos, potissimum ischij: sicque ad morbi istius solatium curabant sibi secunda aut vrenda vasa pone aures, ex quibus maxima pars seminis deriuatur, ex Hippocratis sententiâ. Adde victum ordinariū ex casco quodam acido, quem Hippacem appellabant, & lacte equino: vnde non mirum est, si ita refrigerati, in istam impotentiam incidebant. Herodotus *libro primo*, refert ad causam metaphysicam, nempe scelus & impietatem

De morbis genital. in viris. Cap. II. 663

Impietatem Scytharum, qui dum Asiam exercitu inuasissent, antiquissimum Veneris in Ascalone fanum diripuerunt: *Morbum autem istum, inquit, theliam vocant, & qui illum curant, Enarcas.*

Vacuaciones igitur ingentes, potissimum sanguinis arteriosi & spirituiosi, hunc affectum inducere valent: item seminis per gonorrhoeas diuturnas: colliquatio pinguedinis in urinâ aut fecibus, quæ frequenter nouis nuptis contingit, dum nimium incumbunt ludo venereo. Imo annotatum est à recentioribus fistulas penetrantes, & cauteria diutius fluentia variis corporis partibus affixa non parum debilitare vires Veneri exercendæ necessarias. Qui sudoribus maximis diffiunt, non parum etiam enervantur hac in parte.

Sed nihil est quod citius & validius immutet & quasi aboleat istam operationem, quam imaginationis motus & perturbationes: Ira enim, gaudium ingens ex repentinâ & insperatâ fruitione, & amor nimius subito eripiunt vim istam arri-gendæ, vt experientia patet: verecundia etiam & horror seu abominatio alicuius rei foedæ improviso repertæ horâ concubitus, ita quidam reperiens cauterium in tibiâ vxoris primâ nocte, opus iam inceptum perficere non potuit: sic enim concidit omnis appetitus, & reuocantur spiritus ad interiora, destitutis hisce partibus. Ad hanc imaginationis deprauationem & animi perturbationes referri fortasse possit fascinatio, incantamentum, sortilegium, ligatura & simile maleficium, non tantum nunc, sed etiam olim vsurpatum, nisi quod hoc naturæ leges longè prætergrediatur, tum quod subito & quasi in instanti inducitur, non generaliter omnes foeminas spectat, sed vnam tantum, verbi gratia vxorem aut amasiam cum quâ ligatus fuerit, tum etiam quod solis verbis, characteribus, imaginibus, aut vinculis perficitur, quacumque etiam distantia loci. Denique nullis vnquam remediis ordinariis & physicis dissoluitur, sed recurrendum est ad sagas, magos, & similes, qui tale impedimentum induxerunt. Idem Herodotus libro 2. narrat Regem Aegypti Amasim, cum vxorem duxisset Cyrenaicam, & eâ vt reliquis mulieribus vri non posset, eam veneficij accusauit. Mulier votum fecit Veneri, & sic liberatus est Amasis. Nota est etiam historia Tobiae ex libris sacris, vt alias omittam.

Quemadmodum autem ista naturalia, & non naturalia à nobis recensita possunt esse causæ imbecillitatis istius & impotentiae: sic etiam ea quæ præter naturam in nobis contingunt. Nam, vt dicebamus superiore capite, omnes fere morbi grauiores & diuturniores totius corporis vel alicuius partis præcipuæ id præstare possunt. Sed peculiariter ventriculi imbecillitas & δυσωψία, viscerum obstructions, quia obruunt vim caloris natui, impediuntque influxum materiæ tam spirituosæ quam humoralis versus hæc membra: item renum & vesicæ affectus insigniores, quia ob viciniam & operis quamdam societatem valde communicantur hisce partibus. Si nephritici diuturnis doloribus vexati, aut quibus calculus grandior hæret in vesicâ, vel fuit extractus secto sphinctere, herniosi, varicum multitudine in femoribus detenti, hæmorrhoidum cruciatibus diu affecti, aut quibus sectæ fuerunt hæmorrhoides antiquæ, sæpe incidunt in istam impotentiam ex viciniae sympathiâ. Vulnere item maiora, præcipue capitis, & quibus fuit admotum trepanum, lumborum & ossis sacri, quamuis perfanata, possunt reddere membra ista infirmiora, propter neruos male affectos, qui sensum & motum ad illa deferre debent. In ipsis autem partibus genitalibus affectus qui istam debilitatem inferunt, vt plurimum sunt magnæ intemperies simplices vel cum materia, potissimum frigidæ aut humidæ corrumpentes vim illam σπερματοποιητικήν testium, & resoluentes ligamenta ac musculos penis. Reliquæ enim dispositiones magis respiciunt sterilitatem virilem, quam istam impotentiam, vt diximus.

Vt igitur ad signa veniamus, iste affectus quatenus est symptoma abolitæ vel imminutæ virilitatis, innotescit statim, vel ex ægri ipsius relatu, & querimoniâ, vel ex inspectu partium genitalium, earumque contrectatione ac experimento, quod sæpe cogimur exercere in istis euiratis, quando lis hac de re apud Iudices orta est, vxoribus eos accusantibus, & repudium ob impotentiam istam petentibus. Causæ autem & dispositiones à quibus pendere potest, sunt sigillatim percurrendæ, si non arrigant, aut intromittere non possint: ex defectu caloris influentis, aut materiæ spermaticæ: considerandum est hominis totius temperamentum, ætas & conditio, singularumque partium saltem præcipuarum, vt cordis, ventriculi, & hepatis dispositiones naturæ: deinde partium genitalium,

præcipuè testium natura & signis à Galeno in arte parua propositis. Contemplanda vrina, vt quæ sit vis concoctricis facultatis deprehendatur : ipsumque semen excretum, si opus sit, vt ex illius substantia, quantitate & qualitatibus possimus conicere, vnde hic defectus pendeat. Quod si partes genitales manifestè in vicio sint, scilicet secundum intemperiem, malam conformationem aut solutiones continui, non est quod aliò recurreamus. Interea perlustrandæ etiam sunt res externæ, in quo aëre sit versatus, quibus alimentis, & quomodo sit vsus, & reliqua à nobis superius commemorata : sæpe enim fit, vt ex malo tantum regimine hæc dispositio pendeat, vel ex maleficio : quibus mutatis, restituitur etiam citò ista vis coëundi. Quod si imaginationis motus præcesserint, animique perturbationes ingentes, illis cessantibus aliquando etiam desinit vis istius morbi, vt sæpe obseruauimus. Alias oportet malum altius esse impressum, & iam in aliquâ corporis parte radices egisse, quod peculiaribus signis erit detegendum. Certè si nullus sit coëundi appetitus, si nulla in congressu voluptas, credibile est cerebrum laborare, & facultates illius ac spiritus non iuuare ad iuuandam istam actionem : quod manifestum erit in illis qui magna illa vulnera cranij, lumborum, aut ossis sacri passi sunt. Qui ex maleficio afficiuntur, illi ad alienas mulieres arrigunt, non ad suas vxores vel amasias, quas absentes valde expetunt, præsentibus verò auersantur. His ita ad diagnosim constitutis.

Certum est hunc affectum, ex suâ naturâ, nullum vitæ periculum indiuiduo adferre, nisi hoc fiat vi alterius morbi à quo dependet : Imo aliquando causam esse diuturnioris vitæ, vt patet in eunuchis & monachis, qui coitu abstinent, sed miseri, sibi & foeminis inuisi. Omnis ergo impotentia seu ignauia ad Venerem videtur curabilis, si non pendeat ab excisione testium, vel malâ penis conformatione. Attamen scribit Auicenna, quod si virga diutius à mulierculis pulchrioribus fricata ad ignem luculentum, post verba lasciuia, iocos & oscula, aut in lecto post peractum somnum, admotis etiam linteolis calentibus, nullo modo intumescat & eleuetur, sed in eodem statu permaneat ; nulli aut pauci adsint pili in seroto & pube : & actualis quasi frigiditas sentiatur in contrectatione istarum partium, deploratam esse hanc impotentiam, nec curationem illius villo modo suscipiendam. Alij ponunt virgam in aquâ tepente, vt videant vtrum ibi intumescat : alij in aquâ frigidâ, vt obseruent an ibi contrahatur & corrugetur. Si vtrumque deficiat, hominem ad frigidos & maleficiatos relegant sine vllâ spe sanationis. Pessimum est etiam, quando semen effluit sæpius sine vllâ erectione aut coëundi appetitu. In maleficio dicunt incurabilem esse affectum, si annum transierit, si is qui intulit, morte præuentus sit, aut fugâ supplicium effugerit, quia debet ab eodem tolli quo illatum fuit, per eosdem characteres, imagunculas, verba, nodos, & similia. Alij dicunt recurrendum esse ad superiorem quemdam magum. Sed ego puto ista esse ludibria dæmonum : ac proinde ad Deum potius esse recurrendum, quam ad illos. Nisi hoc forte fingatur ad ægri imaginationem denuò confirmandam, qui putat hoc modo mali causam tolli posse. Alij mutant sedem, lectum, vestes, & reliquam suppellectilem, quibus putant impressam esse vim fascini. Reliqui igitur, in quibus vis adhuc quædam natiui roboris elucescit, sunt cohortandi ne animo despondeant, & remediis conuenientibus curandi.

Vt igitur ad *Seguenda* tanti affectus accedamus, qui bellum peculiariter indixit speciei propagationi. Primò dicamus non esse nobis hic propositum omnium morborum curationes persequi, à quibus pendere potest : quandoquidem immensum esset opus, & illud ex singulari vniuscuiusque tractatu repetendum : vt si cerebrum, ventriculus, hepar, renes, aut totum corpus laborent idiopathicas, suamque hisce partibus sympathiam communicent : illi enim affectus primarij sunt primum curandi, antequam cogitemus de sublatione istius impotentiae. Sufficiat igitur hîc nobis respicere defectum caloris natiui in hisce partibus, materiæ spermaticæ indigentiam, & flatuosi spiritus ad penem erigendum necessarij, cum eis quæ naturam torpentem ad excernendum irritant. His enim indicationibus complebitur proposita tractatio.

Disponendæ itaque primùm causæ omnes externæ, & res non naturales dictæ, vt ad scopos istos assequendos consentiant, vel iuuent. Aëris igitur temperies concilianda, vt si nimium refrigerati vel calfacti fuerint, denuò reducantur ad conuenientem mediocritatem : eligendo regionem, domum, cubile, vestes, ignem, balneum & similia ad illud assequendum necessaria. Sunt enim quibus multum

multum ad hoc profuit sola peregrinatio iucunda, & in loca contrariæ temperatūræ: Sed potissima hîc alimentorum ratio habenda: quoniam non solum qualitatibus suis præsentem dispositionem corrigere possunt: verum etiam sua substantiâ & quantitate caloris natiui incrementum præstare, materiam spermaticam & flatuosam excitare. Ideo vitæ diligenter illis omnibus, quæ dicta sunt à nobis proprietate aut qualitatibus manifestis seminis generationi nocere: eligenda sunt alimenta primum boni succi, quæ materiam huic rei idoneam præstent. Sub hoc censu habentur vina omnia rubra & generosa, aliquando etiam maluatium, muscatellinum, vel Hippocraticum, si frigidius temperamentum sit corrigendum. Si sint abstemij, vt aliquando contingit, neque vti velint vino; decoquatur cinamomum in aquâ fontis vel coriandrum, aut paretur bochetum ex decocto radicuni fassafas cum paucis saccharo & cinamomo. Sunt qui bibunt hydromel vinosum, non sine fructu, quia flatus excitat & sufficienter calfacit. Panis albus & recens, artocreata cum carne veruecis & aromatibus parata, placentæ saccharatæ, & melitæ, iuscula cum cepis dulcibus, porris & fructibus cynaræ, *artichocos* vocant, parata, vel herbis odoriferis, vt fatureiâ, cerefolio, mentha, eruca, quam Poëta ideo commendat, croco & petroselino condita: carnes omnes deliciores perdicum, caponum, phasianorum, turdorum, coturnicum, columbarum iuniorum, & similibus cum suis condimentis & aromatibus, vitando omnia acida & acerbâ, vt & diuretica, quæ hic peculiariter nocent, testiculi gallorum iuniorum, cerebella passerum & reliquarum auium minorum bene parata valde commendantur: succus carniū & expressa iura in valde consumptis etiam vsurpari possunt. Pisces minutuli aut saxatiles cum butyro frixi & pipere aspersi, anguillæ fontium & murænæ tostæ cum suo condimento dulci: conchyliæ, ostreae, gammari, mituli & similes bene præparati & conditi. Inter bulbos tubera maximè laudantur pipere aspersa: pastinacæ frixæ: castaneæ etiam molles non sunt hic spernendæ, pistacia, nuclei pini, auellanæ, dactyli, vux passæ dulces, quæ variis modis parantur: pyra etiam & cydonia mala sub cineribus cocta & multo saccharo aspersa poterunt conferre vltimâ mensâ, quia valde roborant ventriculum. Qua recentia & tremula gallinarum & perdicum, vel in butyro aut lacte cocta, & puluere ducis dicto aspersa valde hic proderunt: quia multum sanguinis & citò generant: confert etiam caseus mediæ ætatis ex ouium aut caprarum lacte confectus. Inter legumina phaseoli, fabæ, pisa, & ciceres probantur, in eis potissimum, qui robustiore ventriculo sunt præditi; quia solidum alimentum præstant & quodammodo flatuosum: lupinis etiam cum lacte, vel iure dulci coctis vtuntur in Lusitaniâ passim ad irritandam Venerem. Neque etiam omittendæ condituræ, & tragemata huic rei propria, myrobalanorum, nucum myristicarum & iuglandium, corticis citri, & radicis eryngij, zinziberis viridis & satyrionis maris, quæ hic ex proprietate valere dicuntur. Semen anisi, coriandri & carui saccharo incrustatum cum paucâ ambrâ aut moscho, non parum etiam hic conferre possunt. Quæ omnia moderatè & sobriè vsurpanda sunt: & quâ die Venus exercenda, debent parcè alimenta sumere, ne natura coctioni intenta reuocetur ab isto munere: vnde noui vxorati apud nos non solent sedere in conuiuio nuptiarum, sed aliis ministrare, ne nimis impleantur.

Quod ad reliqua spectat. Somno mediocriter indulgeat in molli strato & plumeis stragulis eleganter structo, neque statim post cœnam in cubat Veneri, sed post aliquod tempus: si valde sit infirmus, expectet horas matutinas, nec prius sollicitetur ad concubitum, quam concoctio peracta sit. Nullam etiam exercitationem & laborem corporis & animi violentum suscipiat. Occupetur festiuioribus quibusdam iocis, lectione iucundâ, colloquiis amatorijs & præsertim cum elegantioribus fœminis: imo ad appetitum venereum irritandum sunt qui illis consulunt, vt respiciant frequenter congressum aliorum animantium. Sunt qui virgis percussi super nates aut alios percutientes facilius arrigunt. Quod si imaginatio sit perturbata, expectandum donec illud pathema quieuerit. Qui nimis amant aut verecundiâ tenentur, paulatim assuescant cum suis amasiis, vt illâ familiaritate dissoluantur isti animi affectus: sibi que alias repræsentent, cum quibus faciliè concubuerunt. Omnes immodicæ vacationes sistantur, tam sanguinis quam seminis, imò si quæ alia impedimentum adferre videatur, erit artificiosè compescenda. Vrina aliquando retenta irritat Venerem, & iuuat priapitionem: ac proinde istis euiratis consulunt, ne frequenter meiant, sed plenâ vesicâ concumbere

concurrere nitantur. Si quid sit maleficij aut incantamenti, vitetur, vt iam diximus, mutatione loci, cubilis, vestium & similium, & vota ad Deum ardentissima pro liberatione fundantur. His ita constitutis ad remedia maiora accedendum.

Nullus tamen hic purgationi aut venæ sectioni locus, ratione proprii affectus, & causarum continentium, vt satis patet: hic enim augendus calor natiuus, roborandæ partes, multiplicandi spiritus & flatus, seminis copia procuranda, & naturæ torpenti stimulus addendus. Ad hos omnes scopos infinita propemodum remedia solent proponere authores nostri, nos selectis quibuldam & grationibus eius contenti.

Inter antidotos igitur quæ hic locum habere possunt, laudat Auicenna mithridaticum, cuius 3 j. singulis diebus mane sumant isti refrigerati & impotentes per se vel cum duabus drachmis conferuæ zinziberis aut satyrionis masculi. Nos confessionem alkermes decenter præparatam vtiliter vsurpamus. Eodem pondere exhibent puluerem assæ foetidæ, pyrethri, galangæ, seminis nasturtij, erucæ: puluerem testiculorum vulpis, rasuræ priapi tauri vel cerui & similium, prout commodius haberi possunt. Scincus species est lacertæ Ægyptiacæ, qui exenteratus, & salitus ad nos deferitur, illius animantis salacissimi renes & cauda per se ad pondus 3 j. vel cum aliis mixta maximam habent vim ad Venerem accendendam; dummodo sit recens & bene conditus. Cantharides verò omnibus notissimæ ad vesicatoria conficienda, & vesicæ non parum nocuæ, præcipuam habent facultatem ad Veneris munera excitanda; sed numquam solæ vsurpandæ, propter vim quam habent exulcerandi & inflammandi. Corrigendæ itaque diligenter, si quis eis interius velit vti, præparandæ, miscendæ & non sine magnâ cautione exhibendæ. Vidimus enim quosdam ex eorum vsu in satyria sin, hæmorrhagiam ex pene, & vitæ periculum coniectos.

Eorum loco vtuntur nunc quidam borace seu chrysocolle factitiâ, non solum ad partus promouendos, sed etiam ad Venerem irritandam: illius enim 3 j. exhibent cum 3 j. syrup. capillor. Veneris; vel in vino Hippocratico infundunt & colant. Caue tamen ne decipiaris vt Medicus quidam Auenionensis, propter magnam quam habet cum sublimato similitudinem. Hodie etiam multum inualuit vsus ambari grisei in iuuando opere venereo, potissimum apud magnates, in quorum ferculis & condimentis additur. Lusitani aspergunt oua fixa ambari puluere. (*omelette de Portugal*) & pauco pipere, eaque sumunt aliquot horis ante congressum: alij cum luteo oui deuorant cum pari quantitate sacchari.

His igitur & similibus vti conueniet ad propositum perficiendum. Quod si compositis sit vtendum, sequentia vsu confirmata præscribantur.

℥ Nucis moschatæ conditæ, myrobalanorum conditorum, corticis citri conditi, conferuæ zinziberis & radicum eryngij vel satyrionis maris, ana 3 ℔. pistaciorum, pineorum recentium mundat. ana 3 vj. renum scincorum 3 iij. essentia perlarum & ambræ griseæ, ana 3 j. ℔. Cum syrupo conferuat. zinziber. fiat opiata, de qua capiat ad quantitatem castaneæ mane & sero, suprabibendo parum vini rubri generosi aut maluatici per quatuor aut quinque dies, antequam sit congressiendum.

℥ Zinziberis optimi, seminis sinapi & erucæ, santali rubri & citrini, garyophyllorum, piperis longi, radicum satyrionis maris siccat. ana 3 j. cinamomi & spicæ nardi, ana 3 vj. calami aromatici, gummi ceraforum & noctilucarum (*mousches d'Espagne*) integrarum in lacte muliebri infusarum & deinde puluer. ana 3 ℔. medullæ nucis indicæ 3 ij. moschi 3 v. sacchari aquâ rosarum dissoluti q. s. Fiant tabellæ deauratæ ponderis 3 j. sumat vnâ paulò ante congressum.

℥ Rad. satyr. maris siccat 3 iij. semin. erucæ & sinapi, ana 3 j. semin. carui & pyrethri, ana 3 j. puluer. electuar. diambæ & diamoschi, cinamomi electi & galangæ, ana 3 ℔. sacchari albi 3 iij. Fiat omnium puluis, de quo capiat cochlear paruum mane cum vino Hippocratico, vel misceatur cum melle Narbonensi instar boli: detur etiam horâ somni.

℥ Rad. eryngij recent. 3 ij. rad. feniculi & calami aromatici, ana 3 ℔. seminis anisi & erucæ, ana 3 j. ℔. Fiat decoctio in 1 lb j. aquæ fontis ad mediæ partis consumptionem. Colaturæ adde cinamomi & sacchari q. s. Fiat instar syrupi, cui adde 3 j. puluer. diambæ pro 3 j. Capiat eodem modo ex cochleari, vel dissolue cum paucâ aquâ cinamomi.

Non sunt etiam negligenda externa ad calfaciendas partes istas genitales, & stimulos

stimulos Veneris excitandos. Fiant forus ergo illarum ex decocto radicum eryngij, satyrionis maris, ireos Florentiæ, foliorum menthæ, maioranæ, satireiæ, feminis erucæ, nasturtij & granorum kermes cum P.j. rosarum rubrarum siccarum, in vino albo generoso coctarum, cum filtris bene expressis aut spongiis nouis, dum ibit cubitum. Alij fouent vino Hippocratico calente, aut communi, in quo semen erucæ & pastinacæ infusum fuerit. Inungatur deinde solo zibeto vel benjoino, dissoluto paucâ aquâ imperiali aut cinamomi. Alij præscribunt sequens vnguentum.

℥ Nucis moschatæ, macis, folij spicæ nardi, costi & mastice ana ʒ ss. myrrhæ, cinamom styraçis calam. croci, garyophyll. cubeb. & bdellij, ana ʒ j. trochisc. aliptæ moschat. ʒ ss. moschi ʒ ij. olei irini & ceræ q.s. Bulliat oleum cum cerâ in vino rubro optimo: post cola: deinde pulueres addantur. Illinantur perinæum & radix virgæ per aliquot dies. Qui non excitabitur his remediis per aliquot menses ritè vsurpatis, & habitâ causarum antecedentium ratione, quando illi erit copia gratioris mulierculæ, pro deplorato relinquatur, præcipuè si iam ætas ingrauescat. Nos igitur ad alia progrediamur.



CAPVT III.

De Satyriasi & Priapismo.

D V o isti affectus præcedentibus contrarij, nempe impotentia & ignauia coeundi, rari sunt admodum & infrequentes, ideo à nobis paucis absoluendi. Vterque nomen desumpsit à symptomate, nempe tensione & erectione pudendi ad Venerem exercendam comparati, qualis esse fingitur in Satyris & Priapo hortorum custode deo: ita tamen vt in satyriasi sit appetitus coeundi inexplibilis cum quadam inflammatione & palpitatione pudendi: in priapismo sola inflatio & tensio perpetua cum dolore, sine vllâ libidinis cupiditate. Vnde patet quomodo inter se conueniant & dissentiant. Scio Galenum & alios authores multa hinc inde & valde dissidentanea in medium adferre de istis duobus affectibus: nos ea tantum profereamus, quæ experientia consentanea videbuntur, & ad curandi rationem magis idonea.

Vterque igitur affectus positus est in quadam tensione & inflatione pudendi, non momentanea aut exigui temporis, qualis esse solet in illis qui naturaliter ad Venerem parati sunt: sed continua, cum immenso pruritu & coeundi appetitu in illis qui satyriasi detinentur: ita vt si illo priuentur, in rabiem quamdam incidant, & frequenter semen emittant, vt in duobus vidimus, qui incautè vsi fuerant cantharidum puluere. Isti febre corripiuntur cito, phrenitici euadunt & conuulsi moriuntur, ipso pudendo rigente etiam post obitum. In priapismo autem est potius languor & eneruatio totius corporis, solo pene in tumorem elato ob flatuum copiam, à quibus impletur & distenditur. In gonorrhœa quidem virulentâ aliquando valde intenditur pudendum & cum dolore, ob acrioris materie vellicationem, sed sine tumore insigni, qualis esse hic solet. Est etiam affectus quidam peculiaris, qui nuper innotuit, ex luis venereæ contagio profectus, crystallinam vulgò vocant, per quem totus quidem penis intumescit multum & albicat, sed sine vllâ erectione. In hydropicis etiam prolabente materiâ serosâ vel flatu in pudendi cutem, aliquando valde inflatur cum ipso scroto. In phimosi solum præputium ita includit glandem inflammatum & tumefactum, vt exire non possit: in paraphimosi ita excludit & coarctat, vt retrocedere nequeat; sed hæc non respiciunt totum penem, sed eius tantum extremam partem, vt contingit in aliis orificiis & eorum extremitatibus malè affectis.

Dicamus itaque satyriasm esse penis inflationem & tensionem perseverantem ex dispositione phlegmonosâ, quam comitantur calor, rubor & lasciuia quadam palpitatione. Priapismum autem esse inflationem penis perseverantem ex tumore flatuoso, occupante & distendente illius interiora spatia, citra libidinis stimulum. Si quis contra hæc differere velit, instituet potius disputationem de nominibus,

quam de re ipsâ, cuius natura ita debet distinguî. In vtroque igitur affectu patet pudendum virile esse partem affectam, siue primariò illud fiat & ex dispositione idiopathicâ, siue secundariò propter alterius partis consensum, quæ istum affectum produxit vel fouet. Vnde patet ridiculam esse illorum opinionem, qui putant illum mulieribus contingere posse: illarum enim tentigo dicta spectat ad matricem & illius collum, vt in furore vterino dictum fuit. Iste morbus est in magnitudine vel quantitate auctâ præter naturam, cum intemperie & solutione continui, quia ad tumores refertur, ex quo oritur actionis læsio, nempe deprauatio. Cum enim ista penis erectio naturalis debeat fieri per intervalla, & quando natura cum voluptate intendit Veneri exercendæ propter generationem: hîc est perseverans ob. causæ morbificæ præsentiam & variis symptomatibus comitata, quæ omnino sunt aliena à constitutione naturali.

Causæ autem proximæ & continentes vtriusque affectus ex dictis satis patent, nempe in satyriasi humor acer, mordax & inflâmans: in priapismo flatus distendens. Antecedentes verò & primariæ multiplices esse possunt: nam ad satyriasm producendam certum est multum facere temperamentum proprium, v.g. sanguineum aut biliosum, vel eorum qui ad elephantiasin sunt propensi, quique indefinenter arrigunt, & ad Venerê quasi æstro quodam & rabie incenduntur. Si quis diutius in coitu strictioris mulieris, vt puellæ laborauerit, ex Auicennæ sententia, facillè corripitur satyriasi ex attractione nimîâ humorum acriorum versus illam partem. Quod adhuc facilius fit, si vsus fuerit ante aliquod tempus alimentis vel medicamentis Venerê stimulantibus, vt supra annotauimus. Nouimus etiam quosdam, qui post stuphas illas calidiores & inunctiones hydrargyri ad luem veneream profligandam, in eiusmodi tétiginem inciderunt, defluente materiâ virulentâ versus istam partem. Equitatio violenta ad id etiam multum potest, vehemensque & nimium affixa cogitatio libidinis exercendæ cum muliere expetitâ, vt amatoribus accidit. Illud etiam per morbos aliquando fieri non est omnino incredibile, vt in febribus, quando humor aliquis acrior defluit in hanc partem, in vlceribus vel renum vel ipsius pudendi, si ingens mordicatio ab illis excitetur in pene.

Quod ad priapismum verò spectat: Galenus *lib. 6 de locis affectis*, existimat istum flatum distendentem in pene colligi, vel ob materiâ crassam in neruo illo fistuloso contentam, quam calor natius imbecillior exagitans, non potest discutere, sed in flatus copiosos conuertit. Vel ob arteriarum ora quæ in illam cavitatem desinunt immodicè patentia, & eiusmodi spiritus crassos in illius poros emittentia. Attramen hæc vltima causa non videtur admittenda, propterea quod si dehiscerent ita in hoc affectu arteriarum oscula, vix fieri posset, quin per illa non solum spiritus, sed etiam sanguis arteriosus efflueret, vnde inflammatio aut aneurismatis species subsequeretur, quod nemo tamen in priapismo animaduertit. Deinde spiritus isti arteriosi ita effusi quandam illic palpitationem inducerent, quam tamen Galenus in priapismo excludit. Neque esset qui priapismo teneretur, omnino expers libidinis & voluptatis, vt volunt omnes, si à causâ istâ contingeret: quinimo citò lipothymia superuenirent ab effusione materiæ istius spirituosæ. Est igitur verisimilius, meo quidem iudicio, fieri priapismum à priori tantum causâ, nempe eléuatione crassiorum spirituum siue flatuum ob materiâ ita dispositam, & in pene collectam, aut aliunde deriuatam: vnde qui cibis vtuntur flatuosis, qui à Venere diutius abstinent, qui super renes cubant, aut lumbos cincturâ, vestibis aut alio onere insueto comprimunt, facilius hoc affectu corripuntur. Atque hæc de causis.

Signa verò vtriusque affectus & partis affectæ primo quasi intuitu patent: quia tumor ille penis cum suis differentiis oculis est conspicuus, ipseque æger symptomata quibus affligitur, sponte sua profiteretur. Causarum itaque cognitio perlustranda est, videndumque quid peccauerit aut adhuc sit in vicio ex parte rerum naturalium, non naturalium, & præter naturam: talia enim nos deducunt ad vniuscuiusque noticiam. In satyriasi enim causas ad caliditatem magis vergere certissimum est: in priapismo ad generationem flatulenti spiritus, vt supra fuit annotatum.

Nec est negligendus vterque affectus: quia magnitudinem & periculum continet, tam ratione partis affectæ, quæ est exquisitissimi sensus, habetque consensum insignem cum testibus, vasis spermaticis, & præcipuis corporis partibus: quâ ipsius affectus, quia talis tumor in pene facile extinguit calorem natium partis, vnde sphacelus & gangræna sæpius exoritur: vel certè communicatâ materiâ & maligno vapore cordi vel cerebro succedit palpitatio, lipothymia, conuulsio, & similes affectus calamitosi. Qui

satyriasi diutius tentantur, incidunt in risum illum quem vocant sardonium, ex contractione partium faciei & oris, & cum pessimo & impudico delirio moriuntur. Respectu quorum tam satyriasis, quam priapismus inter acutos morbos recensentur à Galeno, qui suam historiam cito, id est septimo aut decimo quarto die peragunt. Priapismus tamen aliquando est paulò diuturnior.

Θ Ε Ρ Α Π Ε Ι Α Ν igitur illorum rite instituere oportet. Nam in satyriasi cum humorum acrimonia & inflammatio supponatur adesse: omnes causæ externæ ad temperandum eiusmodi feruorem & libidinis æstum erunt disponendæ: aer si sit calidior, refrigerandus in loco commodo, cubili etiam ad id comparato, quod foliis salicis, lactucæ, agni casti, rosarum & similium insterni potest: somnus alimentis refrigerantibus & temperantibus concilietur, quæ nihil conferunt aut parum seminis generationi: ideoque carnibus in totum earumque iusculis & vino abstinere debent. Utantur pane aquâ fontis madefacto, iusculo prunorum, pomis acidioribus coctis, malis granatis, foliis lactucæ & portulacæ leuiter feruefactis & aceto irrigatis, sero lactis capriini refrigerato, & similibus parvâ quantitate sumptis, ut maceretur appetitus & libido extinguatur. Quod si vires omnino concidant, ut sit circa morbi vigorem, refo-cillentur sumpto pulli iusculo, cremore hordei, aut vino albo tenui & oligophoro bene diluto. Victus ergo sit tenuis & exquisitus, ut in acutis solet.

Remedia etiam maiora hic citò usurpanda; nam & venæ sectio probatur, si adhuc constent vires, & non sit facta nimia seminis excretio: ita ut post basilicæ sectionem, etiam non inutile sit venas tali aut poplitis secare, quæ maximè reuellunt à partibus istis, ut docet Hippocrates de dysuriâ *Aphor. 36. sect. 6.* Alius etiam mollienda clysteribus refrigerantibus & mollientibus frequenter repetitis. Bolus cassiæ aut dilutum illius instar julepi paratum, decoctum tamarindorum, aut syrupus rosatus solutius recens, exhiberi possunt ad leuē purgationem, quamuis alij in paratis & consuetis magis probent vomitum, ut humores sursum attrahantur. Expectanda igitur naturæ inclinatio, & si legitima sit, iuuanda.

Interea julepis & apozematis refrigerantibus, vel emulsionibus seminum frigidorum bis aut ter in die sumptis, hic erit locus: succus cannæ vitentis cum pauco saccharo coquitur in formam julepi & frequenter exhibitus multum prodesse solet. Neque etiam omittendæ inunctiones renum ex vnguento rosaceo, refrigerante Galeni & similibus, cum aquâ solani aut nymphææ dissoluto: imò fetus ex istis aquis cum pauco aceto instar oxycrati renibus & lumbis admotus. Lamina plumbi tenuissima & foraminibus multis peruia aceto perfunditur, vel hydrargyro fricatur, & renibus applicatur donec incalescat, tuncque remouetur, & alia vicissim imponitur. Practici in hoc affectu valde commendant eaphuram, dummodo sit vera, non factitia, cuius puluerem linteolo interbassato includunt, aceto irrigant & admovent. Iubent vtraque manu illius frustulum contineri. Imò ipsi Arabes ad Θ j. cum aquâ cucurbitulæ vel fontis exhibere audent, quod nobis non licet propter adulterationem istius medicamenti: alij contenti sunt illam inunctionibus & fotibus miscere: frustra cucurbitæ recentis maiora instar laminarum aquæ immersa admoventur alternatim lumbis, natibus & ipsi perinæo cum magno fructu.

Sunt etiam qui ægros istos satyriasi laborantes balneo aquæ tepentis aut subfrigidæ immergunt, donec calor faciei mutetur & quemdam horrorem persentiant. Verum hoc non est tentandum, nisi firmo sint admodum corpore & viribus. Melius erit epithema cordi & hepati frequenter adhibere, ut eiusmodi æstus & rabies temperetur. Quidam folia solani aut hyoscyami leuiter immersa in aquâ tepente, audent ipsi pudendo admoovere, vel etiam vnguento populeone inungere, sed cauendum est ne partis calor natius extinguatur.

QVOD AD PRIAPISMVM VERO SPECTAT. Curatio illius magis expetit attenuationia & resoluentia, sine insigni tamen calore, ut isti flatus in pene collecti dissipari possint. Ideo præter victus rationem, quæ hic mediocris substantiæ & qualitatū esse debet: si quidem corpus videatur plethoricum & robustum, vena etiam secari poterit, parciore tamen manu, quam in satyriasi; & purgatio quædam institui per vomitum aut secessum, quæ & excrementorum naturam respiciat: adhibentur cucurbitulæ, frictiones & ligaturæ, superioribus corporis partibus potissimum. Sunt qui tabellas diagalangæ hic valde laudent, præcipue circa declinationem morbi, quarum 3 ij. exhibent mane & serò cum paucâ aquâ fontis, in quâ semen coriandri fuerit maceratum.

Foris imponunt forus ex decocto foliorum rutæ & viticis, cui addunt guttas aliquot aceti rosacei, totumque colem & perinæum inungunt frequenter cerato santalino, dissoluto cum oleo chamæmel. & addendo grana aliquot caphuræ. Mucilago seminis psyllij cum aquâ rutæ extracta eodem modo commendatur. Caraplasma etiam ex farinâ lentium & fabarum cum oxycrato dilutissimo paratum valde proderit. Si malum magis prorogetur, vnguenta aut cerata calidiora adhibentur ad validius discutiendum, quibus semper admiscant aliquid croci & caphuræ, imo etiam castorei, si res exposcat, post repetitam purgationem ex infuso agarici & syrupo rosato solutiuo, vel etiam senæ & anisi decocto. Atque hæc de curatione satyrialeos & priapismi, rarissimorum affectuum sufficiant.



CAPVT IV.

De gonorrhœa & pollutione nocturna.

ENITVRA siue semen virile est corpus album, spumofum & multis spiritibus turgens, cuius beneficio & interuentu dum in vtero muliebri retinetur, mas sibi similem procreat foetum. Illius materia est quasi residuum tertiae coctionis singularum partium, illarum ideam & speciem referens, quod ideo Auicennas quartum alimentum vocat, per vasa quatuor spermatica extra peritonæum prolabantia in epidydimida & testes defluens, vbi concoctum & certâ vi prolificâ donatum, refluat per eiacularia vasa in extremam vesicæ partem supra sphincterem illius, vbi adsunt corpora quædam glandosa, *prostatas* vocant recentiores anatomici, vnde coitus tempore erumpit magnâ cum voluptate & impetu in canalem virgæ, vt foras emittatur. Illius effusio tanti momenti est, vt idem Auicennas asserat, in corporibus debilitatis deteriore esse vnam seminis guttam, quam quadraginta sanguinis amissas: ideoque circa sanitatem seruandam vel destruendam multum posse regimen quod seminis emissionem respicit.

Accidit igitur aliquando, vt constituto præter naturam semine vel partibus hisce genitalibus, materia ista effundatur sine tensione pudendi & voluptate continenter & quasi stillatim, alias inter dormiendum tantum & cum ludibriis quibusdam & insomniis venereis, sed summâ corporis debilitatione & molestiâ. Prior affectus dicitur gonorrhœa à perpetuo genituræ fluore: alter pollutio nocturna, Græcis *ὀνιχμὸς*, quod somniando contingat. Quæ fit in paroxysmo epileptico effusio seminis, contingit propter agitationem nimiam & quasi confricationem istarum partium, in principio illius. Si sub declinationem, ob earumdem resolutionem, quemadmodum stercoreis & vrinæ emissio.

Vterque igitur affectus est symptoma in genere excretorum præter naturam, ob seminis vitium, aut dispositiones morbosas vasorum spermaticorum. Diximus esse *symptoma in genere excretorum præter naturam*, quia materia seminalis quæ retineri debet & concoqui, donec parata sit ad coitum exercendum, inutiliter hic effunditur, multasque noxas & incommoda non solum partibus genitalibus, sed etiam toti corpori adfert. Sequitur etiam vterque affectus duas potissimum causas, nempe seminis vitia, & dispositiones præter naturam vasorum spermaticorum. Nam quotiescunque semen nimia quantitate exuperat, vt in illis qui omnino coitu abstinent, fit vt stimulet facultatem expultricem vel inter dormiendum, vel vigilando, aliquando cum concursu imaginationis, aliquando sine illâ, vnde fit iste effluxus; cui coniungitur mala quædam qualitas, vt acrimonia, putredo, aut virus quoddam naturæ inimicum, quale videmus in illis qui lue venereâ correpti sunt, contingit naturam expellere per istos ductus, non solum materiam seminalem, sed etiam varia corporis excrementa diuersis coloribus prædita, vt quotidie licet obseruare.

Dispositiones autem seu morbi vasorum spermaticorum, ad quæ spectat iste affectus potius quam ad testes vel penem, quamuis penis ipse tandem exulceretur in longiori gonorrhœâ, sunt tres potissimum, laxitas scilicet illorum nimia, inflammatio & vlcus. Sunt enim multi quibus partes istæ ita sunt relaxatæ, ob violentos scilicet concubitus

De morbis genital.in viris. Cap.IV. 67

decubitus, vel alias causas, vt ex minimâ agitatione, aut ex primo contactu mulieris alia cuius elegantioris, vel solo imaginationis motu statim effundant semen in vasis contentum: qui omnes valde sunt obnoxij gonorrhœæ & pollutionibus nocturnis, plurimumque ex illarum continuatione contabescunt. Alij verò, quibus scilicet vasa sunt firmiora, non incurrunt in istos affectus facillè; sed vbi grauius sese exercuerint, luctando, saltando, durius equitando, & similia præstando, quia calfaciunt valde renes & inflammant istas partes, attrahuntque violenter humores versus illas & vesicam, fit vt exorto illius ardore, meiant cum dolore, aliquid sanguinis cum vrinâ profundant, & ipsum etiam semen ex parastatis excuriant. Quod si ex fluxu putridi humoris aut seminis vicio tandem istæ partes exulcerentur, exoritur grauissima illa gonorrhœa, potissimum virulenta, & ex luis venereæ contagio profecta, quæ multos annos perseuerat, necnon nisi summâ difficultate curatur. Istas porro causas iuuant aëris intemperies, decubitus supinus, somnus longior, alimenta acriora, & similia, vel iuuando fluxum materiæ versus istas partes, vel materiam nouam generando, vt vnicuique patet.

Ista igitur omnia sunt signis diligenter distinguenda, vtum à solo seminis vicio, vel dispositionibus morbosis vasorum spermaticorum contingant, aut vtrisque iunctis, vt fit aliquando. Quibus adest quantitas seminis exuperans, illi succulento sunt corpore & bene habito, ætate florenti, temperamento vt plurimum sanguineo; iocisque & comestationibus addicti, diuque à Venere abstinentes. Illi parum læduntur ab eiusmodi fluxu seminis, saltem in principio, illudque cum quadam voluptate effundunt, & vrinæ ardore premuntur. Quod si semen propter acrimoniam, putrilaginem, aut malignam quandam virulentiam effundatur, præcessit victus ratio calfaciens & prauos succos suppeditans. Equitatio dura & diuturna, quæ multum renes calfacit, dilatat, & humores ad inferiora attrahit: decubitus in dorsum in plumeis culcitrīs præter morem, vel conuersio lumborum insueta ad ignem luculentum vel solis radios ardentiores: aut certè contagium adfuit elephantium aut venereum, vt in illis qui coiuerunt cum impuris meretricibus: malus odor sentitur effusi seminis, colorque admodum deprauatus apparet, & vellicantur partes quas contingit, vnde pruritus, ardor, & aliquando exulceratio suscitantur. Peculiare est gonorrhœæ venereæ, vt sæpius comitata appareat bubonibus in inguine, vel pustulis malignis, quas cancrofas vocat vulgus, in balano, quia natura vndiquaque nititur virulentam illam labem excutere. Quando sola laxitas vasorum spermaticorum est causa istius effusionis, nullo dolore, vel ardoris sensu pene ad solam venereæ rei recordationem emittunt seminis liquidioris copiam, cui opem ferre volens natura, eò dimittit spiritus & humores, qui simul etiam effunduntur, & fluxum istum augment. Humidiore sunt vt plurimum temperamento & rariore corporis habitu, vnde fit maxima resolutio & virium eneruatio. Contra verò præsentē inflammatione aut vlcere in istis vasis, præcesserunt aut adhuc præsentēs sunt causæ calfacientes & erodentes, ex quibus, si perseuerent, exoritur quidam tensionis sensus in his partibus & difficultas meiendi: vnde non parua aliquando suspicio calculi vesicæ oritur: facto vlcere non solum seminalis materia, sed etiam purulenta effluit, & sanies rubicunda. Ista igitur omnia accuratè perlustranda & distinguenda erunt.

Nec est contemnendus vterque affectus tam ratione speciei, cuius propagatio impeditur per istum effluxum; quam indiuidui, nempe ægotantis, qui sensim contabescit, defraudatis scilicet partibus conuenienti alimoniam, quæ per eiusmodi vacuationes præripitur: & propter dolorem, quando inflammatio vel vlcus adsunt. Satyrus quidam apud Hippocratem 6. *epidem.* ab anno vigesimo quinto semen in somnis effundebat, vsque ad trigessimum, quo tandem tabidus factus interiit. Laxitas enim vasorum spermaticorum, à quâ profectam fuisse illam pollutionem credibile est, quamuis non sit ita molesta ac aliæ causæ, tamen valde est periculosa propter curandi difficultatem, potissimum si sit natua, aut ex immodico coitu, vel aliâ causâ violentâ contigerit. In luc venereæ aut elephantiasis vix curantur gonorrhœæ, nisi propriis antidotis expugnato morbo, & virulentia à qua pender: vixque, si diutius perseuerent, euadere possunt penis exulcerationem sordidam, cui innascitur illa caruncula siue carnositas hodie multum celebrata, canalem virgæ obturans, & vrinæ ac seminis emissionem impediens. Vidimus etiam quosdam, qui ex profusio eiusmodi putrente

& sordido inciderunt in periculum gangrænæ in hisce partibus cum denigratione penis.

Est igitur illis accuratè prospiciendum, habitâ potissimum ratione causarum à quibus pendent. Quoniam verò vulgares nostræ gonorrhœæ in principio cum inflammatione & ardore vrinæ, vt plurimum sentiuntur, inflammatis nimirum parastatis, & renibus ac vicinis partibus: in progressu autem cessat aliquando illa acrimonia, & relaxatis tantum debilitatisque vasis spermaticis videtur effundi semen cum aliis humoribus, qui ex toto corpore delabuntur. Ideo poterimus hac methodo persequi curationem istius affectus, vt in principio illius habeamus rationem multitudinis seminis, inflammationis & exulcerationis quæ contingere potest: quibus sedatis partes roborandæ, & adstringentibus quasi consolidandæ videntur. Ad hanc enim curationem faciliè reuocari poterit pollutio nocturna: siue primordium habeat à multitudine seminis, siue subsequatur laxitatem & infirmitatem vasorum.

Inchoanda igitur therapeia à regimine vitæ, quod in illis accuratum esse debet: quia à minimo etiam illius errore multum læduntur, vt sæpe obseruamus. Aëris igitur, domus, cubilis, vestium, & similium qualitates eligantur, quæ ad rem præsentem facere videbuntur pro maiore vel minore inflammationis ac doloris sensu: exercitationes quæcunque violentiores vitentur, potissimum quæ lumbos & renes calc faciunt, vt equitatio, saltatio, lucta, & similes. Coitus etiam non est hic utilis contra vulgarem sententiam. Quamuis enim videatur exhaurire seminis aliquam quantitatem; attamen magis nocet attrahendo humores versus istas partes affectas, & vasa dilatando. Contineant igitur se in magnâ corporis & animi tranquillitate. Quod ad cibos & potum spectat, pauca sit eorum quantitas in principio & pauci nutrimenti, ne materia huic fluxui suppeditetur: qualitatibus refrigerent, & mulceant humoris acrimoniam, & partium intemperiem: si sordes multa vacuetur cum semine, leuiter detergeant; vbi iam depuratum fuerit corpus, adstringant modicè. Sit itaque pro potu aqua fontis, vel alia, quæ decoqui poterit cum paucâ liquiritiâ, hordeo & passulis integris. Si nolint vinò abstinere, vtantur albo, oligophoro & bene lymphato, aut rubro adstringente. Panis sit albus, aut syncomitus pro conditione ægotantis, non tamen valde recens, ne ita facile nutriat. Carnibus abstinere melius est, saltem in principio, aut illis parce vti, item ouis & similibus quæ sanguinis multum generant. Pisces potius concedantur; dummodo non sint frixi, piperati, aut cum vino, butyro, & aromatibus conditi: Iuscula carnium, si ab illis propter consuetudinem expetantur, alterentur foliis lactucæ, endiuæ, portulacæ, borraginis, vuis acerbis, carne cucurbitæ & similibus. Propter delicatos conceduntur carnes pullorum & hœdorum teneriorum, potissimum declinante morbo, condituræ caulium lactucæ, carnis cucurbitæ, prunorum & cerasorum acidorum. Poma etiam, tam cruda in robustioribus, quam cocta hic poterunt conferre ad refrigerandum: sub declinationem etiam cydonia, sorba, mespila & corneola. Quod ad lentium decoctum & substantiam spectat, parum hic mihi probantur, propter crassitiem & *δυσωσμία*. Imprimis ratio habenda ventriculi, qui multum solet debilitari in hoc morbo. Si assueti sint lactis potationi, poterunt eo aliquando vti leuiter cocto aut vstulato, vel addendo sacchari rosati parum matutinis horis. Alij tamen magis probant serum lactis, ad refrigerandum & leuiter detergendum, quæ omnia pro variis indicationibus erunt stabilienda.

Vt autem ad remedia veniamus, si magna sit inflammatio & acrimonia humoris fluentis, aut partium recipientium, potissimum in principio & præsentente plethorâ sanguineâ: secanda est vena cubiti, & sanguis satis liberali manu educendus. Attamen si gonorrhœa contracta sit ex contagio elephanticæ aut lue venereæ affectæ mulieris multi reformidant hanc venæ sectionem ex superioribus partibus, ne simul cum sanguine virus illud transferatur in partes nobiles & interiora viscera: vnde mali labes multum augetur: sicque malunt tunc confugere, si adsit dysuria, ad venas poplitis aut malleoli, ex *Aphorismo 36. sectionis sexta, & quadragesimo octauo, sectionis septima.*

Clysteres imprimis molles & blandi ex refrigerantibus & lenientibus compositi, valde erunt hic utiles, si aluus sit adstricta, quia ex fæcum duriorum compressione multum afficiuntur vasa ista illis vicina. Purgatio etiam ex lenientibus frequenter repetita, quibus intericiuntur iulepi, decocta, vel emulsiones ad temperandum & leuiter detergendum, secundum consuetas nobis formulas.

De morbis genital. in viris. Cap. IV. 673

℥ Hordei integri, flor. violar. borrag. & nymphae, ana M. j. semini. melon.
3 ij. foliorum lactucæ M. β. seminis anisi ℥ j. Fiat decoctio ad ℥ j. in qua dis-
solue cassiæ recenter extractæ ex decocto maluarum ℥ j. olei violacei & amy-
gdalarum dulcium sine igne extracti, ana ℥ j. β. Fiat clyster, qui retineatur diu,
& sæpius iteretur. Vomitorium quoque leue in assuetis, aut quibus natura videtur
vergere ad superiora.

℥ Medullæ cassiæ fistularis optimæ & recentis ℥ j. Capiat in formam boli per
se vel cum pauco saccharo : cui adde, si volueris leuiter adstringere & ro-
borare, rhabarbari electi puluer. ℥ ij. Capiat bis aut ter. Aut si recuset boli
formam.

℥ Hordei integri, liquir. rasæ, passular. purgat. & flor. cordial. ana P. j. semi-
nis maluæ 3 β. tamarind. pinguium ℥ β. Fiat decoctio in sero lactis caprini. Ali-
quando addi potest senna ad 3 ij. vel iij. si humor sit crassior. In colaturæ ℥ iij. dis-
solue syrupi violacei ℥ j. cathol. ℥ β. Fiat potio, detur mane vt moris est.

℥ Amygdalarum dulcium recentium & excorticat. ℥ j. β. nucleorum pini re-
cent. ℥ β. semini. melon. & cucurbit. mundat. seminis lactucæ & papaueris al-
bi, ana 3 ij. Contundantur omnia in mortario marmoreo cum pistillo ligneo,
affundendo decocti lactucæ & liquir. q. s. sacchari albissimi parum. Fiat emulsio pro
quatuor dosibus, mane & sero sumendis. Reiterentur etiam si opus sit, aut vtatur
sequenti iulepo.

℥ Syrup. violacei, de liquir. & cydonior. ana ℥ j. aquarum endiuicæ, mal-
uarum & borraginis, ana ℥ iij. puluer. electuar. diatrag. frigidi 3 j. Fiat iulep.
pro tribus dosibus matutinis. In ingressu autem lecti sumat tunc conseruæ vio-
lar. & florum nenupharis, ana 3 j. aut caulium lactucæ sacchar. condit. ℥ β. Qui-
bus ita institutis & peractis, ne materia quædam intus latitet & adhæreat parti-
bus istis, solemus detergente cathartico celebratissimo vt, quo etiam vrinæ satis
commodè expurgantur: nempe terebinthinâ Venetâ optimè lorâ, vt caliditatem
amittat, in hunc modum.

℥ Terebinth. optimæ & pellucidæ 3 vj. vel ℥ β. Lauetur optimè cum aquâ fon-
tis, & lactucæ donec albescat: deinde reducatur in plures bolos, addendo pul-
uer. liquir. vel diatrag. frigid. 3 β. Sumat inuolutos nebulis cum pauco vino al-
bo aut syrup. capilli Veneris. Continuet illius vsum per tres dies continuos
mane, si opus esse videatur. Si non possint deuorare istos bolos, sunt qui te-
rebinthinam includunt ouo perforato & inanito. sicque illam hauriunt, vel
ex cochleari sumunt cum syrupo capilli Veneris. Aut etiam in formam pilularum
reducunt. Sed prior forma vtilior est, si ægro non sit ingrata.

Post terebinthinæ vsum, si fluxus adhuc perseveret, adstringentibus & ro-
borantibus erit compescendus. Quidam laudant succum plantaginis coctum
cum saccharo in formam syrupi, cuius dant ℥ j. mane & sero: alij semen il-
lius & granorum kermes cum vitello oui sumptum ad 3 j. Eodem modo ex cor-
rallo vtroque, terrâ sigillatâ, & paucâ liquiritia, fiat puluis, qui exhiberi poterit
frequenter.

Multi laudant corticem radicum halicacabi puluer. & frequenter exhibi-
tum ad 3 j. cum aquâ chalybeatâ, aut pauco vino austero. Sunt qui in perui-
caci gonorrhœa mittunt istos ægotantes ad aquas thermales frigidas, vt Mey-
nenses; vel acidulas, vt Spadenfes, Niuernenses, aut Vallenfes. Alij verò sub-
latâ iam omni acrimoniâ, & inflammatione committunt decocto sudorifico per
quindecim aut viginti dies; ex decocto radicum chynæ, vel sarsæ parillæ. Quod
si suspicio adsit contractæ luis venereæ, non omittunt etiam inunctiones ex hy-
drargyro, & similia suis locis tradita.

Quemadmodum autem istis remediis interius oppugnandus hic affectus, sic
etiam externa non omnino negligenda ad compescendum feruorem in princi-
pio, & roborandas partes circa declinationem. Forus ergo fiunt supra renes, &
perinæum ex decocto radicum acetosæ, foliorum plantaginis, lactucæ, solani &
maluarum, cum pauco semine lini & myrti: vel ex aquis stillatitiis nymphae,
solani, & rosarum, addendo aliquid pulueris triasantali: deinde inungantur di-
ctæ partes cerato santalino, vnguento rosaceo, de cerusâ, aut refrigerante Ga-
leni, additâ caphurâ, & aceti momento ad penetrationem. Lamina etiam plum-
bi, aquâ solani irrigata & renibus admota, hic prodesse poterit: vel si æstas vigeat,
& renibus admota hic prodesse poterit: vel si æstas vigeat, folia vitis, cucurbitæ,
solani,

solani, plantaginis, & agni casti subſterni poterunt, vt illis dormiendo incubet. In delicatioribus poſſumus parare parua puluinaria ex roſis rubris & albis recentibus, quæ regioni renum admoueantur. Perinæo aliquando adhibetur emplaſtrum diapalma, emollitum cum oleo ſeminis papaueris albi, ſi habeatur, vel myrtino, ſed hoc circa finem iſtius fluxus vt roborentur partes.

De balnei verò ſiue ſemicupij aquæ tepentis uſu in hoc affectu dubitatur, vtrum præſcribi poſſit, quæmadmodum in doloribus renum & veſicæ ex calculo, in dyſuria & ſimilibus, qui multum leniuntur illius adminiſtratione. Attamen quia gonorrhœa poſita eſt in magno humoris fluxu delabentis non ſolum ex vaſis iſtis ſpermaticis, ſed etiam ex toto corpore, quod colliquatur, & valde macreſcit diuturnitate temporis: ideo non ſatis tutum videtur hic balneum tepidum, ne magis laxentur viæ, fundantur humores, & attrahantur verſus partes iſtas imbecilliores. Ideo perſeuerante gonorrhœâ melius eſt balneo abſtinere. Quod ſi illa iam ſedatâ, videatur adhuc opus reſectione & temperatione, non erit inutile illud præſcribere, ad motis roborantibus, vt pane roſarum, ſacculo ex foliis myrti, lentis & ſimilium ſupra partes iſtas debilitatas.

Notandum etiam, quod hic affectus eſt valde obnoxius recidiuæ ex minimo vitæ errore, vt quotidianâ experientiâ compertum eſt, ideoque qui volunt ab eo in totum liberari, debent diu ſe continere ab eis, quæ illum excitare, & reuocare poſſunt: nec prius ſe ordinariis vitæ actionibus committere, quam incipiant ſemen in paraſtatis colligere, retinere, & cum penis ſufficienti tenſione ac voluptate per interualla emit-tere. Atque hæc de gonorrhœâ & pollutionibus nocturnis.



C A P V T V.

De ramicibus ſeu variis herniarum ſpeciebus.



K H A H, Ramex & Hernia apud veteres præcipue ſignificant ſcroti tumores præter naturam à quacumque cauſâ oriantur. Per quamdam autem analogiam & ſimilitudinem cum tumoribus iſtis ſcroti, dicitur bubonocèle hernia inguinis; omphalocèle, hernia vmbilici rupi & tumentis; bronchocèle, hernia gutturis; quando colli pars anterior impletur humore aut carne quadam fungoſâ inſtar colis, quæ familiaris & quaſi vernacula exiſtit Alpinis hominibus, & aliis qui aëre craſſiore, aquifque vtuntur niualibus.

Nos igitur aliis relictis peculiariter habemus hic agendum de herniâ ſcroti & eius variis ſpeciebus: quoniam hic affectus plurimum officiit generationi, multis doloribus exercet ægotantem, & vitæ periculum ſæpenumero inducit: tamque vulgaris hodie eſt in hac regione, vt vix decem reperiās mares, inter quos pluſquam dimidia pars non detineatur hoc incommodo, plurimumque in eo curando ab empiricis operæ, ſed parum frugis inſtituitur.

Sciendum igitur eſt ex anatome, peritonæum tunicam, quâ pertingit ad pubis extremitatem, elongari & productionem illam facere, per quam emittuntur vaſa ſpermatica in teſtes, ruſſumque redeunt in veſicæ cervicem; cum muſculo illo cremæſtere dicto ſiue ſuſpenſorio, qui eſt veluti appendix muſculorum epigaſtrij ob i- quorum internorum. Quotieſcunque ergo illa peritonæi productio vel dilatur nimium, vel diſrumpitur violenter, inteſtinum colon, vnde ἐντεροκήλη; vel etiam omentum quod Πρωτοκήλην facit, deuoluitur per illam ſolutionem continui in bubones, aut inguina, vel vtrumque ſimul, ex quo fit ἐντεροεπρωτοκήλη, ibique tumorem parit, non quidem verum & humoralem, ſed imaginarium & tranſeuntem, vt loquuntur Præctici noſtri: quia vbi primum ægotante inuerſo repositum fuerit in cavitatem abdominis, inteſtinum illud vel omentum, ſtatim & eodem momento ceſſat eiufmodi tumor. Quando autem per illam productionem humores quidam ſeroſi influunt in eandem partem cum flatibus multis, aut ſine eis, vel ibidem per congeſtionem colliguntur, oritur verus tumor aquoſus aut flatuoſus, tanquam hydrops particularis, ad œdematis naturam accedens, vnde ὑδροκήλη & πνευματοκήλη oriuntur. Quod ſi caro ſuperflua colligatur & accreſcat circa teſtes, eoſque in magnitudinem eleuet, fit tumor, qui apud auctores noſtros ὑπερσάρκωσις vocatur; in ſcroto autem σαρκοκήλη: quæ admodum

admodum ex inflatis aut dilatatis venis peculiaribus testium aut scroti generatur *κυσσοκήλη*: pars enim illa instar varicum intumescit inæqualiter secundum internam vel externam superficiem. Vnde patet omnes istas hernias scroti conuenire secundum formalem illam rationem, quatenus attollunt & eleuant istam partem in molem, & magnitudinem præter naturam: multum autem in suâ naturâ & causis propriis discrepare. Ideo liceat nobis morbum hunc ita describere: tumorem scilicet præter naturam inguinis & scroti ob prolabentem partem aliquam, aut humorem in illius cauitatem, rupto aut dilatato peritonæo, vel ibidem collectam materiam ex proprio partis vitio. Quæ definitio ex supradictis sufficienter patet. Attamen causæ diligentius adhuc sunt perlustrandæ. Etenim certum est intestinum ileum omnium longissimum, quod subter vmbilicum ad ilia & coxas vtrinque positum est, prolabi in scrotum, potius quam colon, quod firmiter vicinis adhæret partibus; vel cæcum, quod est breuissimum; vel cætera, quæ sunt ab inguine & scroto nimis remota: prolabi inquam solum vel cum omento, aut solum omentum, quotiescunque membrum illud continens & quasi circumuoluens omnes abdominis partes interiores, patitur aliquam solutionem suæ vnitatis, utpote rupturam siue crepaturam, aut dilatationem insignem, per quas datur via & egressus hisce partibus ob naturale pondus quo feruntur ad decliua, & quamdam lubricitatem, propter quam facile penetrant illud spatium siue aperturam. Quæcunque igitur distrumpere, aut relaxare valent istam peritonæi productionem, illa habenda erunt pro causis remotioribus istius herniæ intestinalis vel omentis: siue sint res naturales, non naturales, aut præter naturam: nam constat certâ experientiâ vitium hoc aliquando esse hæreditarium: quia ab ortu pueros multos infestat ob laxitatem & molliciem natiuam istius partis: aliis contingit ob temperamentum humidius, ut pituitosum, vel quibus venter inferior naturaliter multis scatet excrementis. Res vero externæ, tam necessariæ dictæ, quam fortuitæ hic multum possunt. Nam ær austrinus, pluuiosus, aut vaporibus multis refertus, ut in eis locis quæ ad flumina, lacus, aut paludes sita sunt, multum valet ad relaxandam membranæ istius firmitatem. Sic etiam alimenta multum humectantia & emollientia, vnde in hac regione propter olei vsum frequentem creduntur tot herniæ grassari. In infantibus lac nutricis liquidum & serosum nimis accusatur: In aliis piscium, fructuum horæorum, herbarum, iusculorum vsus & aquæ potio largior creduntur huic parti laxitatem inferre. Sed ad ruptionem illius, seu crepaturam excitandam nihil est potentius quam res illæ violentæ, quas non necessarias vocant, ut ictus, casus, tussis violenta, clamor ingens, & vociferatio, ut in tibicinibus & concionatoribus contingit frequenter, in pueris vagitus, in adultis subleuatio oneris nimij, equitatio durior, luctatio, saltatio laboriosa, iaculatio, & similia, quibus violenter & subito abruptitur ista membrana. Obseruatum est etiam in illis qui duriores habent alui fæces, dum nimio nixu illas excernere conantur, sæpe fieri ut diuellatur ista peritonæi productio: quod eodem modo contingere potest ob flatuum copiam. Quidam etiam existimant ad id præstandum coitum nimium plurimum valere, saltem ad augendum affectum, non est dubium quin multum possit.

RELIQVA DESIDERANTVR. Author enim, dum huncce tractatum prælegeret Auditoribus, lethali morbo correptus interiit; magno sanè Reipublicæ damno, præsertim Medicæ; ac potissimum Facultatis Montpelienfis, cuius Decanus & Columnen erat. In gratiam autem *Φιλιαλῶν*, eundem tractatum, licet imperfectum cæteris adiungere volui; necnon sequentia eiusdem Authoris fragmenta, videlicet Exercitationem in librum Hippocratis *πεὶ φύσις ἀνδρῶν*: cuius magnam partem publicè interpretatus est anno 1586. iuuenis & Baccalaureus, PRO CVRSIBVS, ut vocant; postea subiturus Examina quinque, ut moris est, cum Licentiatus gradum ambiret. 2. Explicationem quintæ sectionis Aphorismorum Hippocratis. 3. Commentarium in tertium librum *Περὶ ὀνείρων* Hippocratis, nempe duodecim historiarum, & constitutionis pestilentis. 4. Principium explicationis libri Hippocratis *πεὶ παθῶν*, quam persequi & absolueri non potuit, interpellatus precibus plurimum studiosorum, alium tractatum ut explicaret, obnixè rogantium.



IOANNIS VARANDÆI

EXERCITATIO IN LIBRVM HIPPOCRATIS

ΠΕΡΙ ΦΥΣΙΟΣ ΑΝΘΡΩΠΟΥ: DE NATVRA HVMANA,

PROCVRSIBVS.

PRÆFATIO.



DICTVRIS olim apud Athenienses Oratoribus, (Viri clarissimi) qui dicendi illis potestatem fecisset, præfari solitum legimus, ἀνευ προοιμίων ἔχοντων, ut scilicet sine proœmiis & affectibus causas coram Iudicibus agerent: Mihi contra totum hoc legendo trimestre spatium decursuro, & de re Medicâ, quæ ut contenta est doceri, sic plerumque ornari respuit, apud vos Iudices conscriptos mihi acturo, nulla satis conveniens aut affectibus plena præfatio occurrit, quâ tantum hoc meum inceptum excussem, & vestram mihi conciliem benevolentiam, quâ potissimum fretus tantum negotium suscipere ausus sum. Colueram ego diu & certo animi proposito tutissima Harpocratis & Angerona, hoc est, silentij sacra, cuius ἀκινδυνότητον premium vocat maximus Philosophorum; Cogitans nimirum apud me, nihil esse magis arduum aut difficile, quàm publicè profiteri, cum non solum perfectâ artis cognitione, sed etiam ingenti facundiâ & dicendi facilitate illum instructam esse conveniat, qui peritiæ suæ publicum specimen exhibere cupit; Qui enim quod sciunt, id oratione perspicuâ atque disertâ explicare non possunt, id ipsum quod sciunt, iuxta Periclis apud Thucydidem sententiam, nescire videntur. Adde quòd multi falsâ quadam persuasione, dum se artis cognitionem affecutos arbitrantur, ubi ad rem accesserint propius, καὶ δὲ ἄνερ χερσὶν φαῦλ' ἐν πυρὶ κείνοισι, inquit summus Hippocrates, ut aurum adulterinum igne, sic illi opere iudicantur. His ego tantis facile territus difficultatibus, qui oraculum illud γινώσκ' ἑαυτὸν, quasi mihimet responsum semper observaui, decreueram perpetuò tacere, & mea exilia mihi tenuissimo solum habere, hosque versiculos ad instituti observationem crebrius repetebam:

Stulte caue pedibus montem perrepere nudis,

Quippe rubis tribulisque viret mons vndique densis;

Cum tamen derepente sententiam mutavi, & me ad aliquid audendum excitavi. Tu mihi huius audaciæ & honesti conatus auctor & dux extitisti, diuine Stagyritæ, qui in Ethico opere non minùs bona nostra quàm defectus cognoscenda esse arbitraris, ubi etiam pusilli animi homines τὸ κακὸν ἔχον, ἐν τῇ μὴ ἀξίῳ ἑαυτὸς τῶν ἀγαθῶν, ἔχοντες, verissimè pronunciaisti. Non parum adiecit animi, quod proditum est à summo Hippocrate, Tempus ac studium artem peruiam & processus manifestos facere. Ego itaque cum tempus & studium omne in perdiscendis Medicinæ præceptis collocarim, omnem industriam, non repugnante fortassis naturâ, adhibuerim, φιλόπον' & παιδομαδὺς existam. Quis me malus genius prohibessit, ne premia illa consequar, quæ unicuique optare licet honeste? Hæc de me dicta, ab omnibus eo animo excipi

excipi cupio (doctissimi Commilitones) quo prolata sunt. Cum notissimum sit, finem ultimum & principalem, qui eius cuius finis est, perfectio, & causa prima intentionalis dicitur, multos intermedios & subordinatos habere, quibus ad illum proportionatis & adeptis, nondum tamen acquiescit efficiens, donec ad finem illum, propter quem peruenierit. Denique cum sciatis, finem omnium artium & disciplinarum inuentores ad eas inueniendas tripliciter mouisse, vel tanquam necessarium, vel tanquam utilem, vel tanquam delectabilem, Medicinam quidem necessariam omnes fatentur, propter ingenitam nobis contrariarum qualitatum discordiam, quæ à quolibet excessu proportionata, in gradum conuenientem per contrarium reduci exigit, nisi omnimodam dissolutionem subsequi velimus; utilem etiam dupliciter, habitâ nimirum ratione ægri ac Medici. Delectabilem denique illam redditam tum demum puto, cum primarij artis nostræ Architectones, Scholas in quibus à Philosophis philosophicâ methodo & disceretur & doceretur, legibus eximius institutas, & premiis honestis decoratas reliquerunt; tanta fuit maiorum nostrorum in hac nobilissimâ arte orandâ cura & sedulitas! Hoc fuit studium summorum virorum, in hac instituendâ Academiâ Monspeliensi, illa cautio ut nulli nisi bene merito in illam irrepere liceret. Hinc tot examina & probatoria censura, quibus veluti gradibus ad summum artis nostræ fastigium ascenditur. Hinc legendi illa munera Baccalaureis ad maiora spirantibus imposita, quæ vulgò Cursus dicuntur, quasi nullus Medici nomine sit donandus, nisi qui totam artem à carceribus ad metam usque decurrerit. Viam hanc olim à magnis & præstantissimis viris tritam, ego vestigia illorum colligens, hodie ingredior, à cuius tramite si aliquando propter imperitiam aberraro, aut propter difficultates & obices plurimos sæpius offendero, penâmnè idèò an veniam potius merebor? cum in rebus magnis etiam voluisse sat sit, atque difficile sit ea ἀπὸ τοῦ πράττειν præstare, quæ vix periti practici perficere possunt, Philosophiæ nimirum catholica præcepta & generales notiones particularibus & angustis Medicina theorematis appositè coniungere. Quicquid sit, mihi Nulla laborum, O socij, noua nunc facies, inopinâdè surgit, Omnia præcepi, atque animo mecum antè peregi. Vos itaque (Commilitones & Iudices æquissimi) mihi iam initiaturo linguis animisque fauete, rudiores nostras explicationes & sensus ἀναστροφὰς benignè excipite, ut si quando vobis idem erit propositum pensum, talem consequi possitis beneuolentiam, qualem mihi exhibueritis. Atque hæc præfationis gratiâ dixisse sufficiat, nunc ad rem propiùs accedo. Propositus mihi Hippocratis de naturâ humanâ libellus, cum in consinio naturalis scientiæ positus sit, illi ac Medicinæ conterminus, operæ pretium esse videtur, ut priusquam ad eius interpretationem aggrediamur, ἀπολογίαν causâ, vulgaris illius & celebrati axiomatis veritatem inquiramus, quò asserunt, Physicum ibi desinere, ubi incipit Medicus, vicissimque Medicum incipere, ubi definit Physicus. Quæ sententia eo modo accipienda esse videtur, quod scilicet Medicina subalternata sit scientiæ naturali, tanquam superiori. Dedit nobis huius disputationis ansam Hippocrates statim initio huius libri, ubi ait, Qui de naturâ humanâ vterius quàm ad Medicinam pertinet, disputantes audire consuevit, quasi limites quidam & fines Medicinæ à summo Hippocrate circumscripti sint, quos Medico, quatenus Medicus est, transilire non liceat, sed quando superiores scientiâ suâ quæstiones aggreditur, tum eas vel quasi suppositas recipere debere, vel de eâ non iam prout Medicum, sed ut Physicus est, disputare. Non pauci primæque notæ viri huic opinioni refragantur, & contrâ argumentis satis verisimilibus contendunt. Medicina, inquiunt illi, non minùs ipsâ Philosophiâ naturali est scientia, cum in eâ & demonstrationes & conclusiones fiant, tractentque & Medici & Philosophi pariter de rebus naturalibus, elementis, temperamentis, mistionibus elementorum, nullo respectu habito ad superiorem scien-

tiam, sed ex communibus omnium disciplinarum principiis suas inferunt conclusiones. Præterea quemadmodum potentia ab obiectis diuersitatem & unitatem sortiuntur, sic scientia à diuersitate subiecti, utque sensus, sic illa & res de quibus extant, variè secantur. Cum igitur res, de quâ Medicinâ existit, sit ab aliis rebus alia, de quibus scientia sunt alia, Medicina erit ab omnibus aliis distincta & independens. Vrgent aliâ ratione Aristotelicâ, qui in procemio operis Metaphysici eas scientias prius inuentas esse asserit, quæ generi humano magis sunt necessariae; At Medicinam simpliciter & magis necessariam naturali, quis inficiabitur? Sequitur ergo illam prius inuentam naturali scientiâ, & per consequens nullo modo ab eâ dependere. Addunt auctoritatem Galeni, 9. de placitis Hippocrat. dicentis, Medicinam melius probare posse quæ sunt sue facultatis, quàm Philosophiam, nimirum quòd à sensibus & ratione argumenta ducere possit, Philosophus verò de illis agat sæpe, quæ à sensibus sunt remota, adeò ut ex illis nulla probatio sumi valeat. Sunt qui rem istam ulterius peruideant, & cum notissimum sit eam Medicinæ partem quæ Physiologica tractat, petitis manifestè à naturali scientiâ principiis, de rebus naturalibus ad hominem relatis disputare, negant illi Physiologiam Medicinæ esse partem, ac miseram è Medicinæ censu extrudunt. His ego hominibus Æsculapium cum Musis magis propitium exopto, qui Medicinam à matris Philosophiæ, & totius humanitatis gremio excludere conantur, ut eos qui Medicinam profitentur, vilissimos artifices, χειρωνακας, βαυλάς, & δροχευοβιότας efficiant; Qui cum Medici sint, ad illorum accessisse insaniam mihi videntur, quos Galenus tam insulsos fuisse ait, ut non minùs absurdum esse putarent, Medicum Philosophiæ operam dare, quàm si quis granum milij perforare vellet. An nesciunt, notitias illas partes esse artis, sine quibus ars ipsa cognosci vel finis artis attingi non potest, ut est apud Galenum lib. de partibus artis Med. At sine notitiâ humorum, temperamentorum, partium, facultatum, de quibus in Physiologiâ agitur, neque Medicinæ cognitio haberi, neque finis illius attingi potest. Ergo pars erit Medicinæ Physiologia, quæ cum sua petat à Philosophiâ naturali principia, sequitur totam Medicinam, quatenus theórica, hoc est, quatenus in præcepta redacta est, naturali scientiæ subiacere. Quæ enim ratio est, cur Medicina nequit ex frequenti tantum operatione comparari, ut aliæ artes? Nonne quia ex naturâ suâ sumit principia, & maximam sui partem, ad cuius cognitionem doctrina & naturæ explicatio, non operatio confert? Quodcunque autem accipitur in aliâ probatum scientiâ, id declarat & demonstrat illam scientiam, in quâ illud probatum est, superiorem; illam verò quæ accipit, inferiorem.


Videamus igitur quomodo sententiam nostram stabilire, & aduersantium obiectionibus respondere possimus. Si quidem auctoritatibus Philosophorum & Medicorum velut certis probationibus uti necesse sit, iam causa peracta est, vicinus. Omnium enim communis consensus, & Medicum ibi incipere, ubi desinit Physicus, & Medicinam naturali scientiæ subalternatam esse confirmat. Aristoteles hac conceptis expressit verbis, lib. de longit. & breuit. vitæ, de sensu & sensibili, lib. de sanit. & ægrit. Physici esse dixit, sanitatis & morbi inuenire principia. Idem probare videtur 12 Metaph. Vniuersalia, inquit ille, & mediata principia sunt omnium eadem, quæ autem sic sunt, vnum ab alio necessitate quadam dependent. Galenus libro qui introductio inscribitur; Rerum naturæ cognitionem necessariam esse Medico, hoc potissimum nomine ait, quod nisi naturalibus antea cognitis, ea quæ à naturali habitu recedunt, cognoscere nequeat. Tertio autem de crisib. eum qui Medicinæ principia indicare cognatur, id non solum ut Medicum agere, sed ut Physicum asserit. Eadem confirmant Auicennas, Haly, & Auerrhoës, in procemio Collectaneorum. Sed quid hac de re sentiat summus Hippocrates, in primis considerandum,

randum, cui Cornelius Celsus falsò imponere voluit, cum Medicinam à studio Philosophiæ separasse, huiusque rei nos satis superque certos efficiet, huius libri, quem interpretandum suscepimus, explicatio, in quo argumentis partim ex Physicâ petitis & creditis, partim Medicis, hoc est, posterioristicis, rerum omnium prima elementa adstruit. Sed præterea audiamus verba illius libro de veteri Medicina. Qui de Medicinâ scribere aggressi sunt, illi sibi pro hypothese & fundamento à Philosophiâ accepto posuerunt, θερμὸν, ἢ ψυχρὸν, ἢ ὑγρὸν, ἢ ξηρὸν, calidum, frigidum, humidum, siccum: Deinde, Necessarium mihi videtur, ait ille, omni Medico εἰ φύσις εἰδέναι, καὶ πάντα πᾶσαι ὡς εἴεται, vt de naturâ sciat, & illam cognoscat, non quidem ἀπλῶς, id est, simpliciter, quod est Physici; sed vt ille adiungit, ὡς ἐναρξαι ἔχει πρὸς τὸν ἄνθρωπον, quemadmodum omnia se habent ad hominem. Ergo iuxta summi Hippocratis sententiam Medicina particularis est scientia, quæ uniuersalia naturalis scientiæ dogmata magis strictè ad hominis, proprii quippe subiecti, contemplationem refert. Sed apertissimis his authoritatum momentis, rationum pondera adiungamus, quæ commodè huius syllogismi ambitu continebuntur. Subalternata vocantur illæ scientiæ, quæ cum partes alterius non sint, ab eâ tamen suas probationes & principia sumunt. Medicina probationes suas & principia à naturali scientia sumit, cum tamen pars eius non sit. Ergo Medicina scientiæ naturali est subalternata. Maioris propositionis veritas hinc elucescit, quod cum res sint essentialiter ordinate, vt à Metaphysico probatur, necesse est pariter scientias quæ de rebus extant, ordinatas esse. In his autem sic ordinatis, posterioris cognitio perfectâ, pendet à prioris cognitione, quoniam scire est per causæ adeptionem, vt habetur primo posteriorum. Præterea; nulla scientia proprium potest stabilire aut probare subiectum. Si enim probaretur, hoc esset ex prioribus ipsâ, quid verò prius aut notius subiecto? Alioquin scientiarum fieret confusio, vnique in aliam coincideret, & demonstratio de genere in genus descenderet per circulum, quem meritò damnavit summus veritatis æsymneta Aristoteles. Necesse itaque est subiectum tanquam creditum & probatum à superiore scientiâ, in subordinatâ ac inferiore recipi: nisi fortassis dixeris etiam in eadem scientiâ subiectum probari demonstratione quia seu posterioristica, vt factum est à Galeno 3. de arte, quod nos tanquam nobis non repugnans concedimus, dummodò constet veram & prioristicam demonstrationem subiecti à superiore scientia pendere. Hac itaque subalternatione probatâ, cui superiori scientiæ subalternata & subiecta erit Medicina, quæ est omnium scientiarum particularissima, nisi scientiæ naturali? cuius non est pars, quia diuersum à Physicâ, & proprium finem obinet, & à qua principia sua & notiones omnes repetit. Sit saltem hoc nomine illi valde addicta, quod in Philosophia naturali de motu & mutatione tractatur, quæ sunt veluti fomenta & origines omnium nostrarum cognitionum, adeo vt Auerrhoi hac de causa videatur primus Philosophus multa à naturali accipere. Denique cum duplex sit subalternationis modus, vnus quidem ratione subiecti, eò quod subiectum sit sub subiecto, iuxta quem dicimus, Astronomiam subiici scientiæ naturali: Alter ratione principiorum, quæ scientia inferior ab alia accipit, unde ponitur Astronomia subalternari Geometriæ & Arithmeticæ, ex quarum principiis & hypothesebus omnia demonstrat. Duplici hac ratione Medicina scientiæ naturali supponitur, ratione quidem principiorum, quoniam vltimæ conclusiones scientiæ naturalis, (vt satis patet) sunt principia posita & credita, non ratiocinatione comperta à Medico: Vnde Auerrhoës i. Collect. Medicina, inquit, est ars operatrix exiens ex principiis veris & naturalibus. Ratione etiam subiecti. Corpus enim humanum sanabile, quod Medicina considerat, sub

ambitu continetur scientia naturalis, quæ ens mobile, quatenus mobile, vel corpus mobile contemplatur. Neque hinc sequitur, naturalem scientiam & Medicinam unicam esse, quia idem subiectum materialiter sumptum, non formaliter, potest à diuersis scientiis considerari. Quamuis enim Physicus & Medicus corpus humanum considerent, Physicus tamen ut est corpus naturale, Medicus ut est corpus sanabile. Et sic differunt formali obiecto. Dicit aliquis, esto Medicinam Philosophiæ naturali subalternatam esse: At Physiologiam Medicinæ partem esse non sequitur, cum in illa ea tractentur, quæ Aristoteles tractauit libris, &c. Respondemus nos Physiologiam Medicinam Medicinæ esse partem, & à Philosophia naturali distinctam, &c. Dicit aliquis, quomodo asseris, ibi Medicinam incipere, ubi desinit Physicus, certosque esse positos fines, qui unum ab alio se iungant, cum communis sit illis rerum multarum tractatio, quippe Medici ab elementis, mistionibus elementorum, temperamentis, initium sumunt, quæ docentur ab Aristotele libris de cælo, generat. & historiâ animalium: Huic sic respondemus, Medicinam à Philosophia differre fine, materia quæ tractatur, tractationis modo. Fine quidem, qui ut est in Philosophia ad veritatem, sic in Medicina ad sanitatem consequendam: materia quæ tractatur: Nam etsi multâ habeat Medicus cum Philosopho communiam tamen partem illam, in qua tractat de sanitate tuenda, morbis curandis & præcauendis, conualescentium restauratione, quæ Analeptice dicitur sibi propriam habet. Tractationis denique modo, quia dum volunt Medici probare, quæ sunt suæ tractationis, non minus quàm Philosophi sua petunt ex Philosophia principia, sed illa contrahunt ad propriam tractationem. Probat Philosophus omnia animalia constare ex quatuor elementis, sed argumenta habet mutationem, alterationem, quæ omnibus animalibus contingunt: Hippocrates verò noster, ubi tantum officio Medici fungitur, hominem probat ex eisdem elementis compositum, ex dolore, excretionibus humorum, diuersis morbis, & aliis rebus, quæ propriè ad Medicinam pertinent. Neque obstat quod obieiebant alij, Medicinam tanquam magis humano generi necessariam, prius ipsâ scientiâ naturali inuentam, ideoque ab illa non pendere. Concedimus quidem primò ex pluribus experientiis remedia fuisse comperta, quæ hominibus primariis non secus quàm animalium generi, naturâ duce vel casu cognita fuere. At præcepta Medica & vniuersalia theoremata, quæ artem constituunt, nusquam nisi à Philosophis, & post inuentam naturalem Philosophiam fuisse reperia. Neque urget authoritas Galeni, quia ibi Platonem tantum reprehendit, omnia potiùs ratione quàm sensibus explorantem, cum tamen illa de quibus erat questio, valde sensibus subiecta essent. Hisce omnibus & authoritatibus & rationibus abundè confecisse videmur, Medicum ibi incipere, ubi desinit Physicus, & Medicinam scientiæ naturali subalternatam esse. Quod ut maximè huic nostro instituto faciens, demonstrandum fuit.

Vos interim (charissimi Commilitones & Iudices conscripti) quæcumque dicta sunt hæcenus, & à me in posterum dicentur, beneuolo excipite animo, & si quando vobis à grauioribus vestris studiis, aliquid otij ad cursus meos honestandos supersit, eos vestrâ præsentia ornate, ut & me meorum errorum admoneatis, & diligentia mea, si quæ fuerit, testimonium apud Ornatissimos Doctores feratis. Scio quidem viros ingenij acerrimi, atque iudicij candidissimi, si grauiora vestra respiciatis, hæc meas nugas facillè & merito contempturos. Veniat tamen vobis in mentem, interponenda aliquando seriis & curis ludicra. Præterea hæc mihi, qui eisdem castris vobiscum milito, amicitia & societatis gratiâ deberi. Quod ad me: utinam tantum possim, quantum cupio. Siquid de Hippocrate nostro scire cupietis, id ego vobiscum scire conabor.

LECTIO PRIM A.

Περὶ Φύσεως ἀνθρώπου, *De Naturâ Humanâ.*

N primo huius libri limine, declaranda hæc quatuor veniunt, quibus author, inscriptionis ratio, ordo doctrinæ cum breui huius libri summâ, & eiusdem utilitas.

Legitimum esse hunc Hippocratis librum, tum ex ipsâ elocutione & Ionismo, tum quia sæpissimè de his quæ hîc præcepta tradidit, alibi mentionem faciat, clarum est atque manifestum. Hoc ramentum de illâ tantum parte dictum velimus, quæ prior est, & à nobis *ὡς θεῶν* explicabitur, omissis illis omnibus, quæ à variis authoribus huic libro annexa & interposita sunt. Ipso enim teste Galeno totus hic libellus ex multis conflatus, instructusque esse videtur. Quæ enim prima disputatio de elementis & humoribus agit, ea ut Hippocratis arti omnino consentanea recipitur, quemadmodum & secunda & breuior, quæ de morbis temporaneis tractat. Reliqua omnia dissona atque ab Hippocraticis dogmatis deuia sunt, quæ nos ut supposititia relinquemus. Constat igitur primam huius libri partem totius Hippocraticæ artis veluti fundamentum continere, eamque nobis ab Hippocrate viro ut verè summo, sic omnium nobis bonorum authore traditam; Hippocrate, inquam illo, quem nos tanquam numen colimus, & cuius sententias oraculis Pythicis semper anteposuit Galenus; quem denique summus Aristoteles *in problem.* generi humano traditum diuinâ prouidentia dixit, ut nunquam peccantem & ἀμύμονα, atque ad absolutam artis medicæ perfectionem. De Coryphæi nostri laudibus agere superuacuum multis videbitur, cum à nemine, excepto vno Thessalo imperitissimo, post hominum memoriam sit vituperatus, hæc tamen pauca quasi placandis eius manibus referam. Hippocrates Coïus ab Aesclepiadarum familiâ, vir extra omnem iudicii humani aleam positus, diuinâ præditus naturâ, ex paupers atque ἰδωλολογῶν ad magna & ἰατρικὰ Medicinam euexit, votumque quod sibi proposuerat, *lib. de arte.* assecutus est, τὰ μὴ εὐρήματα ἐξευρίσκειν, καὶ τὸ τὰ νῦν ὄντα εἰς βέλτερον ἐξεργάζεσθαι, inuenit quæ nondum erant inuenta, & semiperfecta ad optatissimum finem perduxit: nonnulla quidem obscure, nihil tamen perperam scripsit Hippocratis μεγαλοψυχία: cuius postea interpretes fuere Plato. Aristoteles, Galenus. Quæ ille contractius dixerat, isti latius & fusiùs sunt persecuti, explicantes scrinia Hippocratica, quæ ille imperitis abstrusa, doctis commissa reliquerat. Denique quam inuenerat, sic tam feliciter exercuit Medicinam, ut per eum vaticinari videretur Apollo, & quibus remediis ad sanitatem ægri reuocarentur, & quâ die perfectè morbo liberarentur, non minus suis quam posteris consulens, quos tantis affectos beneficiis, illum & coronâ aureâ donasse, & diuinis honoribus ornasse legimus. Salve senex venerande, Medicinæ parens, Philosophiæ instaurator clarissime, utinam mihi tantum vitæ superfit, quæ ad tua fideliter ediscenda præcepta sufficiat! Tu mihi semper clarissimum eris sidus, ad cuius lucem vastissimâ artis nostræ maria sum peragraturus; Tu firmissima anchora, ad quam incertis opinionum fluctibus agitato, confugere decreui. Sed hæc satis. Ad libri inscriptionem venio.

Inscribitur hic libellus περὶ Φύσεως ἀνθρώπου, seu de naturâ humanâ: Ad cuius tituli dilucidam explicationem, nomen naturæ, eiusque varia significata clarius explananda.

Natura quidem vnica est, sed varia hominum ingenia, qui illam duplicem faciunt, pro diuerso eorum considerandi modo; Hinc Natura naturans, & Natura naturata; Natura Philosophica & Natura Medica; Natura indiuiduans, & Natura indiuiduata; Natura vniuersalis, & Natura particularis. Naturam illam naturantem qui dicit, quid aliud quam Deum dicit? Qui prima est & infinita natura, prima causa omnium, naturæ particularis fatique creator & dominus, omnia per se se, & per causas secundas faciens. De quo sic Galenus 9. de placitis; *Quæ substantia sit natura, quæ nos & finxit & gubernat, non audeo pronuntiare; sed nostræ creationis authorem;*

thorem, ut omnibus hominibus mos est, Deum appello. Malunt alij hanc Naturam naturantem esse, non Deum ipsum optimum maximum, sed ordinariam Dei potestatem, ut fortunam eius voluntatem, unde Hippocrates *de ratione victus*, φύσιν πάντες θεοὶ ἀεκόσμησαν, inquit, *Deus naturam ordinavit*: Alij ordinem connexionemque causarum cum effectibus, ut Stoici. Alij vim formarum omnium inferiorum à superioribus pendentium in effectione atque conseruatione, ut Astrologi: Alij animam mundi, πανσπερμίαν, ut Plato, quam ideò in *Timæo* φύσιν διαμανίαν, id est, æternam naturam seu æternitatem vocat, & in *Philabo*, diuinis verbis & verè Theologicis expressit, μετὰ λόγον καὶ ἑνὶ λόγῳ καὶ ὡς τὰ πάντα διακροῦσα. Sit ergo hæc Natura Deus, aut Dei potestas, in hisce omnibus mundanis. Quid verò existat natura illa quam naturatam vocant, videamus. Natura φύσις παρὰ τὸ φύειν, hoc est, producere, parere, dicitur communiter, potentia rei innata, ingenium, indoles, virtus, natiuitas, natales, habitus, propositum: Quæ Philosophis, Boëtio potissimum, in quatuor significata diuiditur.

Primò Natura generalissimè sumpta significat essentiam cuiuslibet substantiæ corporeæ & incorporeæ, essentiam quoque cuiuslibet accidentis sensibilis & insensibilis: tuncque planè est synonymum cum vocabulo essentiæ, rei, & entis; & sic definitur, natura est earum rerum quæ cum sint, quoquo modo intellectu capi possunt.

Secundò generaliter Natura vocatur substantia tantum incorporea vel corporea, sicque synonymum est prædicamento substantiæ.

Tertiò sumitur pro substantiâ tantum corporeâ, quæ principium est motus & quietis per se & non per accidens, ut definita est ab Aristotele.

Quartò communiter & improprie Natura Philosophis significat differentiam specificam, ut cum dicimus aliam esse auri & argenti naturam; proprium aut accidens inseparabile, ut cum dicimus, naturâ ignem calefacere, hominem naturâ ridere. Denique energiam & facultatem, ut cum naturas herbarum, gemmarum, aut cuiuslibet rei vocamus.

Sit ergo Philosophis natura, vis quædam perpetua & certa rebus naturalibus insita necessariò, & sic instituta à Deo, ut eis certo cursu, virtute & exemplo suam materiam formamque suppeditet, atque accidentia superaddat, & cuiusque essentiae regulam in corporibus conseruet. Atque cum vim hanc, principium, & causam significabit, in prædicamento ad aliquid refertur: vbi verò denotabit corporis partem aut eius substantiam, quæ ex materiæ & formæ vnione consistit, tum in prædicamento substantiæ collocanda.

Habent Medici naturæ significata, arti suæ magis accommodata & proxima, naturamque tantum particularem respiciunt, quæ est in rebus singularibus & indiuiduis substantiæ corporeæ, secundum quam nomen causæ vel effectus tribuitur indiuiduo, ut cum dico, ex Socrate isto nasci illum Calliam aut Platonem. Ideò Auerrhoës, *De tribus*, inquit, *rebus Natura dicitur, quarum una est complexio, secunda virtus rectorix, tertia compositio*. Alij quatuor modis sumunt. Primò pro complexione seu temperamento, verbi gratia hoc est naturæ calidæ. Secundò pro compositione & virtute quam vocant regitiuam, quæ est omnium facultatum congeries. Tertiò pro consuetudine, unde consuetudo altera dicitur natura. Quartò improprie admodum, pro partibus generationi dicatis, quas Plinius naturalia appellat.

Natura significat Galeno facultatem, ut *lib. 3. de simpl. med. fac. cap. 13.* vbi medicamenta sensu simplicia, naturâ, hoc est, facultate composita esse scribit.

Natura aliquando Hippocrati denotat ingenium & indolem, ut *libro de decenti ornatu*, cum asserit naturam, id est, ingenium ad artes ediscendas ἡγεμονικώτατον & principalissimum esse instrumentum.

Natura sumitur pro figurâ corporis, ut *1. epid. Maximè moriebantur*, inquit Hippocrates, *quibus natura vergebat ad phthisin*, id est, corporis figura, pectus scilicet angustum, collum longius, scapulæ πλεγυώδες, tibix incuruæ, &c.

Natura accipitur pro consuetudine, Hippocrati *lib. de alimento*, & Galeno *2. ad Glauc. Communis & propria hominum natura*, id est, consuetudo Medico est cognoscenda.

Natura significat calidum innatum, ut *Aphorismo 15. libri primi*. Αἱ καὶ λίαι χειμῶν καὶ ἡρεμολαταὶ φύσαι, *Ventres hyeme calidissimi naturâ*, hoc est, calido innato, iuxta ipsius Galeni interpretationem, qui *2. ad Glauc.* ait calorem natium esse vel virtutum substantiam, vel primarium ipsarum instrumentum. Calor autem

autem iste natiuus ideò natura vocatur, quod in mixtione omnibus præpolleat, atque cæteris collatus se habet ut agens & forma, cætera ut patiens & materia, propriè quippe eius est homogenea componere, disgregare heterogenea. Quo pacto mixtorum corporum fieri generationem est necesse, ut scilicet vi agentis ea in vnum componantur, quæ naturæ mixti conueniunt, aliena separentur & secludantur. Itaque cum generatio mixtorum omnium calori per se primò tribuatur, non immeritò calidum innatum dicitur, & à Stoicis definiebatur natura, *ignis arte progrediens ad generationem*, indicantibus rem illam quæ natura dicitur, esse in corporibus calorem certo quasi modo ab æternâ mente ordinatum, qui modus est quasi ars cuiuslibet speciei.

Natura denique magis propriè & accommodatè Medicis significat temperiem seu substantiam ex primis elementis conflata, ut apparet, ex *textu & comm. Aph. 2. li. 3. & 51. lib. 2.* Quod conceptis verbis expressit Galen. *3. lib. temperam.* Cuius verba propter duplex & eloquentiæ & doctrinæ necesse, referre lubet: *Φύσιν*, inquit ille, *ἔστιν ἡ πᾶσι, τὸ ὅλόν τε καὶ μέρος λέγω, τὸ ἐν τῶν πρώτων στοιχείων, θερμὸν, καὶ ψυχρὸν καὶ ξηρὸν καὶ ὑγρὸν*, id est, *Naturam cum dico, substantiam totam & temperamentum significo ex primis elementis, calido, frigido, sicco & humido conflatum.* Hoc significato utitur Hippocrates toto libro nobis proposito, ut cum librum *de naturâ humanâ* inscripserit, idem sit ac si titulum illi fecisset, *De elementis ad hominis temperiem & compositionem concurrentibus*; vnde Galenus fidelissimus eius interpres, libro quem de eodem subiecto edidit, inscriptionem, ut omnes scitis, apposuit, *De elementis secundum Hippocratis sententiam.* Omnes veterum libri, ut idem refert Galenus, *De naturâ* inscripti sunt, non de elementis, ut Melissi, Parmenidis, Empedoclis, Alcmeonis, Gorgiæ, Prodicti, Aristotelis, Chrysippi, quamuis in illis tractationem elementorum absolutam traderint. Adde quòd hoc in libro, de multis agit Hippocrates, quæ ad elementorum tractationem non satis pertinere viderentur, ut humoribus, partibus, atque etiam morbis, & aliis ad Medicum maximè spectantibus, quæ melius sub naturæ nomine continentur. Quare optimè inscriptus est hic libellus, *περὶ Φύσεως ἀνθρώπου*, seu *de naturâ humanâ.*

Ordinem docendi, quem Hippocrates hoc in libello obseruat, accuratius tenebimus, ubi aliquatenus explicando progressum fecerimus. Videtur nobis methodo compositiuâ hîc procedere, quòd à minimis ratione partibus incipiens, totâ humani corporis compagem instruat, quamuis alij aliter sentiant. Hoc interim certum sit, omnia hoc in libello, tam eleganti, tamque methodicâ tractatione doceri, ut nullus sit liber, quem huic conferre possimus, si methodum & docendorum consequentiam spectemus, atque ideò archetypus & exemplar aliorum dici potest. Totus hic liber in tres partes diuidi debet, facilioris doctrinæ gratiâ; in quarum primâ post refutatas antiquorum de numero elementorum ineptas opiniones, docet Hippocrates, plura esse elementa quæ corpus humanum seu naturam humanam constituunt, idque sex præcipuis argumentis, quæ hîc breuiter non immutato ordine, ut quidam fecerunt, recensebimus. Primum est à dolore, quia vnum cum contrario careat, dolore affici non possit, quia propter alterationem aut continui solutionem dolor contingit. Secundum à morborum & affectuum corpori nostro contingentium varietate: ægrorum enim quidam propter frigidam, alij propter siccam, atque humidam intemperiem improporcionatam malè habent. Tertium à remediorum diuersitate. Ad quid enim, si vnum sit, hoc est, ex vno constet corpus humanum, vnoque corripiatur affectu, diuersa illa & propemodum infinita remedia, quæ non solum contrarietate speciei, sed etiam gradus diuisione, morbis opponuntur? Quartum petitum est à verisimili, si enim ipsa quæ vocantur elementa, non simplicia sint, sed quasi ex heterogeneis composita, ut potius elementata, quàm elementa dici mereantur, quomodo corpus humanum ex vno constabit, cum etiam ipsa terra, quæ elementum dicitur, diuersis constet substantiis, acidâ, amarâ, dulci, & falsâ; ex quibus vnaquæque plantarum sibi magis familiarem & amicum ad nutritionem succum allecat? Quintum argumentum & maximè validum, ducitur à diuersâ rerum generatione. Quamuis enim mundus hic vnus sit, propter ordinem & continuationem partium inter se, atque vnione principij efficiētis & finis, non tamen vnione formæ informantis, aut vnione materiæ, quoniam ex contrariis, ac mutuâ corruptione inter se grassantibus partibus constitutus est, ac infinitas rerum species continet, quæ vno existente elemento, eoque immutabili, extare non possent. Sextum & vltimum, à resolutione manifesta mixtorum, quæ sit in diuersa elementa; vnde elegantissimus cecinit Poëta Lucretius:

Nam sua cuique locis ex omnibus omnia plagis

Corpora distribuuntur, & ad sua secla recedunt.

Humor ad humorem, terreno corpore terra

Crescit, & ignem ignes repetunt, atque athera ather.

Vnde quod terrenum fuit, terram; quod aëreum aërem; quod aqueum aquam fieri; quod igneum, supremam ignis regionem repetere in dissolutione ultimâ elementorum videmus. Atque hæc prima est libri pars, in quâ de elementis agitur.

Secunda pars disputationem continet de humoribus, quos plures, refutatis aliorum opinionibus, & reipsâ distinctos ac differentes esse demonstrat, idque his probationibus. Prima ab analogiâ, quia cum prius probatum sit, quatuor esse elementa, non vnum, quæ corpus nostrum constituunt, necesse sit etiam humores, quæ sensibilia sunt corporis nostri elementa, plures vno esse, atque distinctos, qui diuersas elementorum naturas referant. Secunda à temperie ducitur & intemperie, quia si vnicus esset humor, vnica tantum esset temperies vel intemperies, quia morbus cum ab aliquâ fiat causâ, & vna causa vnicum producat effectum, si vnicus esset humor, vnica esset intemperies, quod est falsum. Tertia probatio petita est à dissimilitudine substantiæ, quoniam alia est bilis, alia pituita, alia sanguinis, alia melancholiæ natura: differunt enim nomine, colore, formatione, caliditate, frigiditate, & humiditate. Quarta à causarum conseruantium & efficientium numero. Quinta demum probatio sumitur à catharticorum, id est, medicamentorum purgantium differentiâ, quorum alia χολαγωγὰ, alia φλεγμαγωγὰ, alia μελαναγωγὰ, alia υδραγωγὰ existunt, semperque humorem sibi familiarem trahunt, quod non fieret, si non essent diuersi humores. Sex igitur argumenta præcipua sunt, quibus elementa quæ ratione percipiuntur, ad corporis nostri compositionem concurrere probat. Quinque autem, quibus sensibilia corporis elementa, humores nimirum quatuor esse demonstrat.

Supereft tertia libri pars, in quâ probato elementorum & humorum numero, docet totum hoc vniuersum, veluti testari de hac diuersitate humorum, & elementorum differentia: cum & ipsæ anni partes in excessu qualitatum, elementis & humoribus respondeant, vt æstas igni & bilioso humori; autumnus terræ & melancholico succo; hyems aquæ & pituitæ; ver aëri & sanguini purissimo: atque etiam ipsæ dierum horarumque quadræ. Obiter etiam morborum secundum anni tempestates vigentium, mentionem facit. Atque hæc est succincta huius libri summa, partis nimirum quam mihi interpretandam commisit Sapientissimus Cancellarius.

Ex his satis patere potest, quæ sit huius tractationis vtilitas, in quâ totius Philosophiæ & Medicinæ principia conclusa sunt, ex quâ Plato & Aristoteles suæ Philosophiæ exordia sumpserunt. Hic est fons limpidissimus, ex quo omnes riui illi orti sunt, qui amœnissimos Philosophorum Medicorumque hortos irrigarunt. Hoc clarissimo latice si labra proluere, & diuturnam sitim explere poterimus, nequis nobis iactaret, aut Parnassi fontē caballinum, aut alia musarum pocula, tot Poëtis ac μυθολόγοις decantata, quæ nobis hîc pleno ebibenda haustu, summus præbuit Hippocrates.



LECTIO II.

TEXTVS HIPPOCRATIS.

Ὁ Σπς μὲν ἔωθεν ἀκέρει λεγόντων ἀμφὶ τῇ φύσει τῆ ἀνθρωπίνης, περὶ σωτέρας ἢ ὀκόσον ἀνίτης ἐς ἡμετέραν ἀφίκει, τείλει μὲρ οὐκ ἐπιλήθει· ὁ δὲ ὁ λόγος ἀκούειν οὔτε γὰρ τὸ πάμπαν ἡμεῖς τῇ ἀνθρωπίνῃ εἶναι, ὅτε πῦρ, ὅτε ὕδωρ, ὅτε γῆ, οὔτ' ἄλλο ἔστιν ὅτι μὴ φανερόν ἐστιν ἐν ἑαυτῷ τῷ ἀνθρώπῳ· ἀλλὰ τοῖσι βελτομένοισι ταῦτα λέγειν, παρήμην.



VI de naturâ humanâ ulterius quàm ad Medicinam pertinet, disputantes audire consuevit, ille non est aptus ad audiendum hunc sermonem. Neque enim ex toto hominem esse aërem dixero, neque ignem, neque aquam, neque terram, nec aliud quidpiam: quia non est manifestum vnum in homine esse. Sed talia dicere volentibus permitto.

Proœmium hoc est totius libri breuissimum, in quo Philosophorum more & finem propter quem hæc oratio sit instituta, complectitur, & auditoreâ Medicum à prauis antiquorum opinionibus abducit Hippocratis. Cum enim illi sit propositum de primis elementis agere, quæ ad corporis humani constitutionem concurrunt, atque adeò aliorum malè sentientium sententias euellere, eos sibi tantum in disciplinam committendos asserit, qui & liberam mentem, nullisque erroribus præoccupatam habeant, & qui certissimis demonstrationibus, potius quam vanis assertionibus fidem adhibeant. Neque enim voluit Hippocrates, eorum impugnare dementiam, qui vni tanquam scopulo opinioni adhærentes, nullâ ratione se ab eius complexu, etiam validissimâ, auelli aut abstrahi patiebantur. Tam pertinaces enim & obstinati fuerunt olim sectarum cultores, ut qui se in familiam aliquam Philosophorum dedisset, ille (ut refert Galenus 3. *de locis affectis*) patriæ suæ miseram vastationem, quam sectæ cui se addixerat, prodicionem æquiori ferret animo. Prodicionem autem putabant, si vera dicendo ab his esset dissentendum, quæ secta illa & hæresis profitebatur. Horum imperitiæ & contentioni, quoniam ne ipse quidem Æsculapius cum Musis mederi possit, tanquam insanabili correptos morbo cum prognostico relinquit Hippocrates, inquit: *Non sunt apti ad audiendum hunc sermonem: permitto illis, quæ volunt dicere.* Non tamen idcirco eorum omittit refutationem, qui philosophiæ naturalis & Medicinæ fundamenta conuellere videbantur, candidis & φιλαργείοις auditoribus maximè profuturam, iuxta illud, quod sibi *lib. de arte* proposuerat, ἐν τῇ τῆς τέχνης ἀποδείξει, (ait ille) ἅμα καὶ τὰς λόγους τῶν ἀπορρήτων αὐτῶν διομένων ἀναίρειν id est, in progressu artis, sermones eorum qui illam impugnare, contendunt euellam; iuxta agricolarum morem, qui noxiis & infelicibus herbis prius agrum expurgant & euerrunt, quam illi bonam sementem committant. Sed quomodo hoc præstet, videamus.

[*Neque enim in totum, τὸ πᾶν, hominem aërem esse dixero, &c.*] Prisci Philosophi, quicquid primum principium & elementum dixerunt, ut est 2. *Physic.* Id quoque communem esse singulorum sensibilibus entium naturam statuerunt, substantiamque eam dixerunt stabilem immobilēque permanere, formis omnibus per se priuatam, sed ab eis quasi ingredientibus & exeuntibus agitaram. Hanc itaque informem substantiam, & hominis & naturalium entium omnium, veram ac totā esse naturam asseriebant; alia autem omnia istius substantiæ passiones, habitus, & dispositiones esse. Quarum eas quæ faciliè adimiauferrique possent, dispositiones vocarunt, eas verò quæ stabiliiores erant, habitus nominabant; reiectā omni formā substantiali, quam neque esse, neque naturam existere contendebant, omnesque formas sub accidentibus reponebant. Primò, quòd omnis forma sit in subiecto nimirum materiā, quòd proprium est accidentis. Secundò, quòd omnis forma adsit & absit à materiā sine maseriæ corruptione, pereuntibus omnibus formis incorrupta manet materia. Tertiò, quòd omnis forma sit in materiā, neque sit pars eius, cum materia simplex sit, nec possit esse sine materiā, quæ sunt omnes accidens conditiones. Itaque vnam tantum naturam, vnum principium & elementum esse concludebant, nempe materiam; Quamuis enim ex Philosophis antiquis, quidam plura asseruerunt principia, alij finita, alij verò infinita: nihilominus omnes hi qui plurima siue finita siue infinita posuerunt principia; huiusmodi omnia vnum secundum genus & potestatem asseruere, ut videbitur. In eo igitur omnes consentiunt: vnam esse naturam constituendam: ad illam verò assignandam & nominandam varij sunt & multiplices. Alij ponebant vnum è quatuor elementis, alij duo, alij medium quid, alij atomos, alij partes similes, alij quid infinitum.

Anaximander & Melissus vnum mobile & infinitum principium ponebant, quod neque aqua sit, neque aër, neque aliquid eorum quæ elementa appellamus: sed infinita quædam natura, ex quâ omnes cœli & mundi infiniti emanarint.

Diogenes Apolloniata, medium quid inter aërem & ignem.

Thales Milesius, qui primus de naturâ scripsisse dicitur; aquam omnium principium esse statuit, quoniam ad nutritionem educationemque aptissima esse videtur, cum calor ipse humido veluti vehiculo & pabulo viuat, & quæ interitura sunt, prius arida & sicca euadant humidi priuatione. Præterea omnium animantium semen humidum maximè apparet, omnisque cibus & alimentum est succi & humidi plenum. Quare cum aqua sit maximè humida & ad cunctarum rerum formationem educationemque conferat, ideò ipsam omnium rerum principium esse arbitratus est. Atque iuxta quosdam ὕλη, quod materiam Græcis significat, apud Syros aquam designat, hinc vligo apud Latinos; vnde nihil mirum si Græcorum sapientes aquæ naturam

cum materiæ naturâ vnam existimarint, qui linguam & literas à Camo Phœnice acceperant.

Terram, eò quòd ad motum valde est inepta, & ad mutationem seignissima, principium pauci statuerunt, vt Pherecides Syrus antiquissimus Philosophus, & Hesiodus Poëta, qui illam matrem ἀνδρῶν τε θεῶν τε, hominum & deorum vocat, vnde etiam antiquitus mater deorum Cybele pingi solebat, coronam turritam gerens.

Anaximenes vniuersi naturam, aërem esse infinitum & sempiternum docuit, ex cuius raritate densitateque, ac suarum affectionum mutatione, aliorum formas gigni putauit.

Heraclitus & Hippias Metapontinus, ignem principium mobile & finitum posuerunt. Cuncta enim volebant ex ignis raritate ac densitate fieri, omniaque in eum resolui: in ipsum atque ex ipso rerum omnium mutationem fieri. Præterea dicebant illi, elementum ex quo alia oriuntur, & in quod resoluuntur, minimum esse debere. At nihil igne aut tenuius aut subtilius, qui per cuncta recipitur, omnia alterans, digerens, efficiens.

Reliqui Philosophi, qui plurâ quidem vno elementa & principia agnoscebant, illa tamen omnia eadem secundum genus & potestatem asseriebant; vnde nihil aut parum ab eis differunt, qui vnum tantum elementum ponebant, v.g. Xenophanes Colophonius aquam & terram, Hippo Rheginus ignem & aquam, Cenopides Chius ignem & aërem, Empedocles solus quatuor posuit elementa notissima, tanquam materiales causas, quas primas omnium radices appellauit: In eo autem à verâ & Hippocraticâ doctrinâ discessit, quòd hæc elementa immutabilia esse, & mixta non alteratione, sed solâ horum elementorum congregatione per amicitiam fieri, dissolui verò per litem asseribat. Neque volebat elementa hæc transmutari, sed quando ex aquâ verbi gratia fit aër, tunc aërem qui in aquâ continebatur, non gigni, sed latentem extrudi.

Rursus Philosophi illi, qui relictis elementis, alia sunt principia perscrutati, ab Hippocrate significati sunt, cum dicit, *Neque enim in totum hominem esse aërem dico, neque ignem, neque aquam, neque terram, ἔτ' ἄλλο ἔστιν, neque aliud quippiam.* Hi verò Philosophi, modò opposito superioribus Philosophis, vnum statuerunt principium; illi namque ex vno multa, isti verò ex multis & infinitis vnum secundum formam & potestatem faciunt, quales sunt, Asclepiades Bithynus, qui moles quasdam omni actione carentes; Pythagoras, qui numeros; Mathematici, qui superficies; Anaxagoras, qui infinitas particulas homæomeras & similes, vnde quilibet ex quolibet fiat & insit.

Denique Democritus, Leucippus, & Epicurus, qui vacuum & atomos instituerunt, vocabantque atomos pusilla admodum corpuscula ἀναγῆ indiuisibilia, qualia diceretis ramenta illa quæ per rimas angustas, in radiis solaribus videntur.

*Hoc intra immensum spatium volitare minuta
Corpora, quæ quoniam nequeant in frusta, minores
Nec findi in partes, quam sint ea, nomine Graij
Dixerunt atomos, atque hinc elementa parentem
Naturam, & cunctis formare exordia rebus.*

Dant igitur exordia rebus, iuxta eorum sententiam, atomi, ita vt per illarum congregationem & conglutinationem fiat generatio; quando autem diuiduntur & separantur, corruptio; quando vndique se contingunt, faciunt actionem & passionem, idque in vacuo; cum penetrant se, & vna subintrat in alteram, fiat augmentatio; vbi autem ordinem & situm permutarint, tunc fiat alteratio. Atque hæc de antiquorum Philosophorum opinionibus; quas omnes reiicit Hippocrates, cum dicit, *Neque enim in totum hominem esse aërem dico, neque ignem, neque terram, neque aquam, neque aliud quippiam*; hoc potissimum nomine quòd scientiæ naturalis & Medicinæ principia, omnino inuertant. Physicæ quidem, quoniam illa supponit motum & μεταβολήν, id est, transmutationem, plura esse naturalia corpora, eaque motus & quietis principia habere, duplicem esse naturam, materiam scilicet & formam. Quòd si vnicum sit ens (vt priores asseriebant) & vniocè de omnibus prædicetur, ista omnia fundamenta naturalis Philosophiæ corruunt. Medicinæ verò, quia illa pro hypothesis habet alterationem, corporum transmutationem, eorumque affectus sanitatem & ægritudinem. Quæ contingere non possunt, vno existente principio, nihil patientur corpora nostra; aut si patientur, vnum solummodò patientur; Quare & vnum erit medicamentum, vna ægritudo, vnus medendi modus. Si hoc sit,

perit

perit tota facultas Medica, in quâ hoc maximè habetur artificiosum, propriis morbis propria & opportuna adhibere remedia, aliàs unicuique peruia erit ars nostra, & minimè periculosa. De his quidem disputare ad Medicum non pertinet, quæ pro confesso in Medicinâ habentur, vt neque Geometris de Geometriæ principiis, aut aliis ad Geometriam non pertinentibus; Maximè tamen conueniebat summum Hippocratem tanquam Herculi proximum, ista opinionum monstra debellare, qui Artem Medicam erat conditurus. Ideoque quamuis dicat se illis, ea quæ dicere volebant, permittere, aggreditur tamen statim ad illorum refutationem, & adiungit: *ὅτι μὴ Φανερόν ἐστὶν ἐν τῷ ἀνθρώπῳ, Non vnum in homine esse apparet.* Non est manifestum, hominem vnico constare elemento. Dicit aliquis; Quomodo asserit Hippocrates, non esse manifestum hominem vnico constare elemento, cum neque etiam manifestum sit eum quatuor elementis constare? Neque enim quis in homine aut terram, aut ignem, aut aquam, aut aërem purum purum ostendere possit, non magis quàm in tetrapharmaco picem, resinam, ceram aut adipem. Respondemus, manifestum aliquid tripliciter dici, aut quod manifestum sit sensui, vè visui, auditui, &c. aut quod manifestum rationi, quandoquidem vt inquit alibi, libro de arte, Hippocrates, *ὅσα πλεὺ τ' ὁμμάτων ὅσον ἐκφεύγει, ταῦτα ἢ τῆς γνώμης ὅσον ἐκφεύγει*, id est, *Quæ oculorum intuitum effugiunt, illa oculo mentis consequenda*; Tertio dicitur manifestum vtrique, sensui quippe & rationi. Hominem vnico constare elemento, neque ratione conuincitur: pluribus verò constare, ipsi quidem sensui manifestum, propter partes similes, quæ sensibilia elementa vocantur, & humores qui primas elementorum naturas apertè repræsentant; Rationi etiam, propter rationes quas deinceps adiungit Hippocrates.

Sed quoniam hoc nomen *elementum*, quod sæpius inter loquendum vsurpamus, nobis aliquando propter homonymiam imponere posset, non temerè facere videbimur, si pro huius lectionis conclusione, varia illius significata distinguamus.

Elementum quasi alimentum dictum volunt Latini, eo quòd illis velut alimentis foueantur conseruenturque corpora mista. Græci *τοιχείον* dicunt ab ordine, quòd illa quodam quasi inter se ordine constent. Elementum nomen est relationis, & in prædicamento ad aliquid. Non enim dicitur elementum, nisi relatione factâ ad compositum. Dicitur itaque primò & maximè communiter elementum, pro eo quod cuiusvis artis aut alterius rei compositionem ingreditur, vnde lateres, ligna, lapides, domus elementa; litteræ elementa syllabarum; Geometriæ elementa seu *τοιχία* dicuntur *γραμμαί, σημεία, ὀρθόπεδα, γωνίαι, κύκλοι*; lineæ, puncta, superficies, anguli, circuli, &c. eiusmodi.

Secundò elementum Metaphysicis, pro principio sumitur, ita vt prima & maximè vniuersalia tam simplicium quàm compositorum corporum principia, materia, & forma dicantur elementa. Quæ significatio maximè facit ad conciliandas Veterum controuersias, quorum alij de elementis illis vniuersalibus, alij de elementis propriè dictis intelligebant.

Tertiò, elementa Physicis maximè propriè significant, communia omnium compositorum corporum fundamenta, ignem, aërem, terram, & aquam, quæ prima corpora ex materiâ & formâ constituta sunt.

Quartò, elementa significant magis propria & propinqua, vt similes partes, quæ sensibilia elementa vocantur.

Quintò, horum media, animalibus omnibus sanguineis appropriata, sicut sunt quatuor humores, sanguis, pituita, bilis, & melancholia.

Ex his significatis tertium nobis tantum hîc ex vsu est, quando nimirum elementum Physicâ vsurpatione significat vnum ex primis corporibus, quæ omnibus sunt compositis communia; cuius exactam definitionem tradidit Aristoteles s. *Metaphys. cap. 3.* Elementum est principium corporeum simplex, ex quo fit aliquid cum insit, & est indiuisibile secundum speciem. Dicitur primò, corpus simplex, & principium corporeum, ad distinctionem aliorum principiorum, materiæ scilicet, formæ, & priuationis, quæ nec sunt corpus, res nec corporea, & ad differentiâ corporis misti, quod minimè est simplex. Dicitur secundò, ex quo fit aliquid, quoniam elementa materiæ vicem obtinent. Dicitur tertiò, indiuisibile specie, ad differentiam materiæ, quæ cum specie careat; secundum illam diuidi non potest, & ad differentiam corporum mistorum, quæ partes habent diuersas, & specie differentes.

Et sic patet, quæ sint antiquorum de elementis opiniones, quare illas reiecerit Hippocrates, & quod sit proprium elementi significatum, eiusque definitio.

LECTIO III.

TEXTVS HIPPOCRATIS.

Δοκέει μοι ἡ μοι ἐκ ὁρθῶς γινώσκειν οἱ τὰ τοιαῦτα λέγοντες· γνώμη μὲν γὰρ τῇ αὐτῇ πάντες χρεόνται· λέγουσι δὲ ἕκαστοι· ἀλλὰ τὸ μὲν γνῶμης τὸ δὲ λόγον, τὸν αὐτὸν ποιεῖναι· φασὶ γὰρ ἓν εἶναι, ὃ ἢ ὅστις ἢ τὸ εἶναι τὸ ἓν τε καὶ τὸ πᾶν. καὶ δὲ τὰ ὀνόματα ἐκ ὁμολογέουσι. λέγει δὲ αὐτῶν ὁ μὲν τις φάσκων, ἥρα τὸ εἶναι, τὸ ἓν τε καὶ τὸ πᾶν· ὁ δὲ πῦρ· ὁ δὲ ὕδωρ· ὁ δὲ γῆ· καὶ ὁ πῦρ λέγει ἕκαστος τὸ εἶναι λόγῳ μαρτυρίᾳ τε καὶ τεκμήριον ἄγε εἰσιν ὅθεν· ὅπ μὲν γὰρ τῇ αὐτῇ γνώμη πάντες περὶ χρεόνται, λέγουσι δὲ οὐ τὰ αὐτὰ, δηλονότι οὐδὲ γινώσκουσιν αὐτὰ. γνοίη δὲ ἂν τῶνδε τις μάστιγι παραγινώσκων· αὐτοῖσιν ἀνιλέγασιν· πρὸς γὰρ ἀλλήλους ἀνιλέγοντες οἱ αὐτοὶ ἄνδρες, τὸ αὐτῶν ἐναντίον ἀκροατέων, οὐδέ ποτε πρὸς ἐφ᾽ ἑαυτῶν ὁ αὐτὸς ἄνθρωπος περιγίγνεται ἐν τῷ αὐτῷ λόγῳ ἀλλὰ ποτὲ μὲν οὐτὸς ὁ πῦρ καλέει, ποτὲ δὲ οὐτὸς, ποτὲ δὲ ὃ ἂν τύχη μάστιγι ἢ γλῶσσαι ἐκείνη πρὸς τὸ ὅχλον· καὶ οἱ δὲ δικαίον ὅστις τὸ φάντα ὁρθῶς γινώσκων ἀμφὶ τῶν πραγμάτων, παρέχων αἰεὶ ὁπικρατέα τὸν λόγον τὸ εἶναι, εἴπερ ἔόντα γινώσκῃ, καὶ ὁρθῶς δοξαίνεσθαι· ἀλλὰ ἐμοὶ γε δοκέειν οἱ τοιοῦτοι ἄνθρωποι σφᾶς αὐτοὺς καταβάλλειν ἐν τοῖσιν ὀνόμασι τὸν λόγον αὐτῶν, καὶ ἀσυνεσίης· τὸν δὲ Μελίσσας λόγον ὁρθῶν.



ALIA autem dicentes, non bene sentire mihi videntur. Vnicam quidem vtuntur sententiâ, non tamen eadem dicunt, sed eundem inferunt epilogum (seu conclusionem.) Dicunt enim unum esse quod est, & idem esse unum ac totum, circa autem nomina non consentiunt. Alius enim ait, aërem hoc unum esse & totum, alius ignem, alius aquam, alius terram. Addit etiam unusquisque ad opinionem suam testimonia & signa, quæ nullius sunt pretij. Quod enim omnes unâ ratiocinatione vtuntur, non autem eadem dicunt, ostendit illos ignorare, quæ profitentur. Hoc quis maximè cognouerit, si illorum disceptationibus interfuerit: Cum enim inter se disputant, iisdem authoribus presentibus, nunquam ter idem homo vincit in eodem sermone, sed modò hic, modò alter superat, cui maximè fuerit lingua fluida ad populum. At æquum erat illum qui de rebus se rectè sentire pronuntiaret, semper sermonem suum victorem præbere, si vera cognosceret, & rectè demonstraret. Sed mihi videntur hi homines seipsos destruere in verbis suorum sermonum propter imperitiâ: Melissi verò opinionem stabilire.

Veritas est adæquatio notionum quæ sunt in intellectu, cum ipsis rebus, quam deinde oratione exprimimus, ita vt veritas primò sit in speciebus iunctis in intellectu, secundo loco in oratione res intellectione rectâ intelliguntur, veritas verò reflexâ, nec semper qui vera dicit, scit se vera dicere, nisi cum re comparet orationem. Idcirco non ignavis & otiosis, sed diligentibus ac strenuis sese offert ac patefacit veritas, quæ vnica & simplex est. In eis enim quæ consistunt in habitudine vnus ad alterum, duplex impedimentum ex vno vel alio contingere potest; oculus enim impeditur à visione alicuius visibilis, aut quia est debilis, aut quia visibile est tenebriosum: Sic veritas sæpius difficilis est cognitu dupliciter, vel propter defectum qui est in ipsis rebus, vel eum qui est in nostro intellectu. Cum enim vnumquodque sit cognoscibile, in quantum est ens in actu, illa quæ habent esse deficiens, (vt aptissimè dicunt Philosophi) parum sunt cognoscibilia, vt motus, tempus, materia prima; maior tamen defectus semper ex parte nostri intellectus accidit. Idè Veterum quamplurimi, cum neque orationem cum speciebus iunctis in intellectu, neque notiones intellectas cum rebus ipsis propter imperitiâ & ἀσυνεσίαν conferre & comparare possent, in absurdissimas lapsi sunt de primis rerum elementis opiniones. Primò tamen illorum insufficietiam apertè ostendit Hippocrates, cum dicit *Vnicam habent sententiâ, non tamen*

tamen unum dicunt, sed eandem inferunt conclusionem. Veteres hi Philosophi mutuam elementorum inter se transmutationem conspiciati, dum circulum illum generationis perpetuum & infinitum viderent in elementis, qui se à primo ad vltimum, & ab vltimo ad primum conuertit, prout quisque affectus erat magis ad hoc aut illud contemplandum, ita alius ignem, alius aërem, alius aquam, alius terram, primum elementum & rerum omnium naturam appellauit. In vno elementorum totam esse materiam ad alia putarunt, quoniam vterque terminorum tota est materia ad alterum. Habebant illi medium vnum commune, nimirum transmutationem, ex quo quatuor oppositas conclusiones inferebant. Vnde qui aërem primum dicebant elementum, sic argumentando procedebant. Aër rarefactus ignis fit, densatus aqua, adhuc magis condensatus ad decuplam proportionem fit terra. Qui ignem primam materiam asseriebant, sic. Ignis in vnum coactus ac densatus, fit aër: quod si adhuc magis comprimatur, aqua; maximè densatus, terra. Qui aquam, sic. Aqua densata ac veluti compressa, terra fit; laxata & veluti fusa, aër. Quod si magis laxetur fundaturque, ignis. Denique qui terram elementum omnium affirmabant, eadem ratione utebantur. Terra si mediocriter fundatur, fit aqua: si magis rarescat, aërem demum vbi ad vltimum raritatis & leuitatis gradum peruenerit, ignis euadit. Ergo primum est omnium elementum, ex quo reliqua fiunt, concludebant omnes.

Quis rationes istas vanas & falsas esse non videat, quæ ex eisdem mediis & principiis, diuersa & opposita inferunt & concludunt? Ipse quidem Plato absurdas iudicauit in *Timeo*, his verbis: *Videmus*, inquit, *hec omnia quæ elementa dicuntur, circuitu quodam, sibi inuicem vires fomentaque generationis præbere: quæ cum nunquam eadem appareant permanere, quisnam sine rubore, reprehensionisque suspitione poterit aliquid istorum vnum potius quàm aliud certò ac firmiter appellare principium? nemo certè.* Galenus eas absurditatis pluribus in locis damnavit, & potissimum lib. I. de elementis secundum Hippocratis sententiam, dum ait: *At rationum istarum absurditas est manifesta: Nam cum omnes de naturali elementorum transmutatione primum & informe subiectum ostendente loquantur, non animaduertunt se hoc demonstrare, sed singuli quodcunque nominant elementum, aut ignem, aut aërem, aut aquam, aut terram, id primum subiectum esse arbitrantur. Verum enim verò materiam illi primam ignorarunt, & ex quatuor vnum, quodcunque id esset, elementum primum statuerunt; Igitur omnes easdem præmissas faciunt ex eisdem mediis & principiis, sed non conuenientem inferunt conclusionem.* Hæc Galenus, ex cuius verbis elicitur, quæ debuit esse argumentationis veterum Philosophorum, & ex præmissis ducta conclusio. Cum mutua sit elementorum transmutatio, terminique generationis quæ motus est, sint contrarij, necesse est vnum commune omnibus esse subiectum, & vnâ substantiam, quæ omnibus primis corporibus æquè subiiciatur. Hanc bene conclusionem intellexit Plato, inquit: *Vniuersi quod genitum est & sensibus omnibus manifestum, matrem ipsam receptaculumque, neque terram, neque aquam, neque aërem, neque ignem dicamus, neque aliquid ex his constitutum, aut aliqua, ex quibus propriè hac ipsa subsistant; sed inuisibilem potius speciem quandam & informem sinum omnium capacem.*

Scipio Cap. *Materies apta in quamuis se vertere formam, &c.
Corpore ab informi natura semina oriri.*

Aristoteles has omnes antiquorum opiniones, eo potissimum nomine impugnât, quòd primum omnium subiectum, quod omnes omnium formas recepturum est, omnibus illis formis nudum & priuatum esse conueniat. Nam si formis quibusdam sit præditum, & alicui simile, non poterit aliud fieri, nempe contrarium, quia vltimum est subiectum, quod iam in alia resolui non potest, vt formam propriam deponat & aliam recipiat. Antiqui verò cum vnum & omne esse quodcunque tandem est, asserunt, id ipsum vnum & totum ex quatuor elementis vnum forma præditum: & sic quod informe est, formatum illi imprudenter pronuntiant. Neque intelligunt elementis vocatis secundariò, & per alterum, scilicet per informe illud subiectum, non primò transmutationem competere. Neque vnum plus quàm alterum ad permutationes illas esse in potentia, sed omnia æqualiter, quoniam omnia pari ratione materiam ipsam, vt adæquatum & immediatum subiectum possident. Elementa enim proprias formas obtinent, quas non nisi vi deponunt & mutuâ actione & passione, dum mixtum componitur: aliàs forma ipsa ad proprium interitum rueret. Quod est absurdum. Ideò bene adiungit Hippocrates: *Hi homines seipsos in*
verbia

verbis suarum rationum destruunt propter imperitiam. Et Melissi opinionem stabiliant.

Parmenides vnum voluit esse principium finitum, Melissus verò vnum infinitum & immobile, ut est *Phys.* 2. Multi ita illius sententiam interpretantur, ut intellexerit vnum principium efficiens infinitum & immobile, quod est Deus, ita ut immerito cum ab Aristotele & aliis reprehensum existiment, qui idem probauit 12. *Metaph.* Aliquam nimirum esse substantiam separatam, principium vniuersale, omnium rerum causam immobilem, indiuisibilem & infinitam & immaterialem; Immobilem quidem, quia cum in ordine mobilium & mouentium inueniantur tria, quorum vltimum est quod mouetur tantum, supremum mouens quod non mouetur; medium quod mouetur & mouet, necesse est ut aliquod ponatur sempiternum mouens quod non mouetur, ne fiat processus in infinitum, & reliqua quæ ibidem habentur. Nos vulgata opinione contenti dicimus, Melissum existimasse substantiam quandam informem, & infinitam, & impermutabilem, vniuersum rerum omnium esse principium, quod quàm absurdum sit, satis demonstraui in audientia naturali summus Aristoteles. Cum enim dicebat vnum infinitum, substantiam dicebat & quantitatem, quæ idem non sunt. Argumenta omnia Aristotelica nos huc non adferemus, quoniam in omnium sunt manu: Neque etiam quomodo forma & priuatio, non sola materia sint principia rerum omnium, ut docet ibidem Aristoteles. Sufficiat nobis hoc loco ostendere iuxta Hippocratis verba, eos qui vnum ex quatuor elementis principium faciunt, Melissi opinionem fulcire. Quemadmodum enim ille vnâ communem informem substantiam statuebat, omnium adæquatum subiectum & principium; sic & isti vnâ ponunt essentiam, vnum scilicet ex quatuor primis corporibus adæquatum omnium elementum esse. In hoc tamen differentes, quod hi transmutabilem, & particulariter hoc vel illud elementum dixerunt, quam Melissus ens vnum immobile & infinitum appellauit. Et sic apertissimè Melissi sententiam confirmant, à quâ fortassis se quàm longissimè abesse arbitrabantur.

Sed quoniam satis fusè ad institutum nostrum diximus de illis qui male sentiebant de elementis & elementorum numero, quique principij & elementi nomen confundebant, necesse est, ut hâc breuiter de numero elementorum aliquid certi statuamus, ut deinde melius contextum Hippocratis insequamur, qui quatuor in homine elementa esse ostendit. Diximus ad finem hesternæ lectionis, elementum nomen esse relationis; nam si ex eo aliquid non fiat, nullius rei elementum esse poterit; homonymum esse quinque potissimum significatis. Diximus quomodo differret elementum à principio, à proprietatibus principij, quæ sunt non fieri ex aliis at elementum fit ex aliis, materiâ & formâ; non fieri ipsa ex se inuicem, neque altero alterum prius esse; At elementa fiunt ex se inuicem, aër ex aquâ, aqua ex aëre, & sic deinceps. Diximus denique quid esset elementum, corporeum nimirum & simplex principium, ex quo componitur res naturalis cui inest, nec diuiditur secundum speciem. His omnibus explicatis, iam elementorum, quæ mixtorum compositionem constituunt, numerum inquiramus breuiter.

Elementum alij vnum, ut veteres Physici; alij plura faciunt: Plura finita vel infinita: Infinita faciebant, Anaxagoras, Democritus, Epicurus, quoniam, dicebant illi, generatio cum sit infinita, ab elementis finitis perpetuari non posset. Qui plura finita elementa faciunt, alij duo, ut OEnopides Chius ignem & aërem, & author qui scripsit 1. libr. de diætâ, ignem & aquam, quia in illis elementis 4. esse qualitates videbant; Alij tria excluso igne ab elementorum numero, quod fecit nostro tempore doctissimus Cardanus. Alij quatuor ut Hippocrates, Aristoteles, Galenus, ignem, aërem, aquam, terram. Alij quinque, ut qui calorem cælestem ab elementari distinguunt. Alij sex, ut Empedocles, qui ad quatuor elementa addidit litem & amicitiam. Alij decem, ut Pythagorici, qui omnia sub denario contineri arbitrantur. Nulla nobis harum opinionum arridet, exceptâ Hippocratis & Aristotelis, qui quatuor elementa constituunt, & suam sententiam validissimis confirmant rationibus, quarum aliæ ductæ sunt à compositione vniuersi, ad quam elementa concurrunt, ut primæ partes; aliæ ab ipsa mixtione, quatenus scilicet elementa concurrunt ad mixtorum compositionem.

Prima est Platonis in *Timao*; *Mundus*, inquit ille, *debnit fieri aspectabilis & tractabilis*. At sine igne nihil videtur, sine solido nihil tangitur. At sine terrâ nihil est solidum. Ergo ignem & terram esse oportuit. Hæc cum sint extrema, absque medio coherere nequeunt. Debnit ergo aliquod esse medium, non quidem vnum. sed

sed duplex, quia corpus vniuersi debuit esse æquè latum ac longum, quod non accideret, si vnum solum esset medium elementum, ideo inter ignem & terram collocauit Deus aërem & aquam.

Secunda ratio, Cælum cum sit corpus circulare, & circulariter moueatur, necessario habet centrum & circumferentiam; Itaque vnum erit elementum, quod naturaliter ad centrum mouebitur, aliud quod ad circumferentiam, vnicus enim & simplex est corporis simplicis motus. Ignis itaque & terra necessaria fuerunt, quæ cum vniri & colligari deberent (mundus enim totus continuus) vt vnum mundum efficiant, duo postulabant vincula, vnicum enim non potuit sufficere; nam illud & tenderet ad medium, & simul recederet à medio, Ideo necessaria fuerunt aër & aqua, quorum vtrumque & leue & graue secundum quid est, & à medio & ad medium mouetur. Ergo quatuor sunt elementa, quatuor motus rectos habentia.

Tertia ratio est, Inter contraria seruari debet proportio, aliàs hæc mundi compages statim dissolueretur. Quia maius contrarium non seruata proportione ad alia, illa absumeret. Itaque præter aquam & terram, non oportet vnicum ponere elementum, nimirum aërem, quod vastissimam illam regionem, quæ est ab aqua ad cælum, occupet.

Quarta ratio est. Quatuor sunt primæ qualitates, actiue & passiue, ex quarum quatuor terminis incomplexis sex exurgunt coniugationes, quatuor possibiles, duæ impossibiles, calida sicca ignis; calida humida, aëris; frigida humida; aquæ frigida sicca terræ, symbolismi enim illi calida frigida; humida & sicca; quia omnino sunt contrarij, & in vno subiecto consistere nequeunt, impossibiles sunt.

Quinta ratio, Qualitates summæ & primæ, ex quibus aliæ fiunt, cum sint sub genere accidentis, non possunt esse nisi in subiecto, eoque simplici. At quatuor qualitates refractæ manifestè videntur in mixtis. Ergo quatuor elementa ad illorum compositionem concurrissè necessarium est.

Sexta ratio, Quod terra sit in mixtis apparet, ex eo quod omnia mixta naturaliter quiescunt in terra, sicut in loco proprio. Locus autem & Locatum sunt eiusdem naturæ (loquor hîc de loco Physico, non Mathematico) & prædominatur natura loci in locato. Ergo oportet terram esse in quolibet mixto. Quod verò aqua sit in mixtis, sic demonstratur. Terra pura & simplex non habet continuitatem, nec in figurâ aliquâ potest consistere. At partes cuiuslibet mixti, oportet esse terminatas, id ergo fit per aquæ humiditatem. Quod aër etiam & ignis sint in mixto, sic probatur. Vnumquodque miscibilium alteratur à suo contrario. At aquæ & terræ contraria sunt ignis & aër. Ergo ad mixti compositionem conueniunt, vt fiat alteratio miscibilium, & per contraria generatio.

Septima ratio petitur à dissolutione compositorum, quæ manifestè in quatuor elementa resolui videntur.

Octaua ratio est Medica & à sensu petita; Cum in animantibus diuersæ sint partes, illæ ad singulorum elementorum naturas congruunt; in homine v. g. sunt ossa & caro, quæ terram, humores qui aquam, spiritus qui aërem, calidum quod ignem maxime repræsentat. Concludimus igitur quatuor esse elementa, quæ & vniuersi sunt partes, & ad mixtorum compositionem concurrunt, iuxta Hippocr. & Aristot. sententiam.

Malè igitur illi, qui vnum tantum esse elementum dicebant. Quia non posset corpus ei contrarium inueniri; & sic neque alterari, neque aliqua ex parte immutari, omnia essent vnum, & nullum mixtum corpus effici posset.

Malè, qui infinita elementa statuebant; Non enim requiritur, vt illi obieiebant, Elementa esse infinita, quia generatio infinita. Sufficit enim Elementa actu esse finita, potentiâ verò, hoc est, per generationes successiuas, infinita.

Malè, qui duo tantum elementa statuebant, quia qualitates primæ quatuor etiam prima subiecta requirunt.

Malè etiam, qui tria tantum elementa statuebant, aquam, terram, & aërem, vt Val-
la in 1. *sua Dialect. cap. 2.* & Cardanus, qui ignem elementum esse negabant. Illius argumenta doctissime sunt refutata à clarissimo huius ætatis viro Iul. Cæs. Scaligero, *Exercit. 9. & 61.*

Malè denique Pythagoræi, qui numerum denarium, omnium rerum elementum statuunt, non aduertentes numerum affectionem esse substantiæ, & substantiam consequi, quæ substantia numeris prior est. Ergo quatuor sunt tantum elementa, iuxta Hippocratis sententiam. Quod fuit demonstrandum.

Si velitis, ego hîc summatim referam argumenta Cardani, quibus conatur ignem è numero elementorum expungere, & illorum refutationem breuissimam.

Sciendum primò , Ignem esse elementum leuissimum , rarissimum , calidum , & siccum , cuius quælibet pars est corpus simplex. Sic differt ab igne nostro , qui neque purus neque simplex est , sed commixtus viscositati & pinguedini terrestri , quâ alitur , retinetur & fouetur. Itaque elementum non est , sed quid elementatum , habens viscosum terrestre , aëreum fumosum , aquæ minimum ; vnde si materiæ ignis occurrat terrestri , fit carbo ; si aquæ flamma , si aëreæ lux : Carbo , lux , flamma. Hoc posito sic argumentantur illi contra elementum ignis.

Primum , Natura semper coniungit extrema per media : igitur cùm cælum res sit purissima , non decuit sub omnis qualitatis experte corpore ardentissimum atque æstuosissimum collocare. Nos respondemus tribus modis , negantes primò , naturam semper coniungere media per extrema , præcipuè in rebus quæ tantum vnum sunt contactu. Nam terra vbicunque est extra aquas , contratio suo est contigua , nimirum aëri : & in corpore nostro , quod vnum est coniunctione continuâ , sanguis liquidissimus continetur intra venæ parietes rigidos. Deinde dicimus , ignem à cæli natura non valde videri alienum ; nam & lucis in se principia continet , & admodum mobilis est , & corporum corruptibilium purissimus , vt parum absit ab essentia formæ cuiuspiam , ita vt videatur Deus naturæ , inter purissimum simpliciter , quod est cælum ; & inter hæc nostratia non pura , ignem tanquam medium corpus interposuisse. Postremò dicimus , absurdum esse existimare , cælum ab igne subiecto corrumpi posse , cùm diuersa sit materia cæli & elementorum , diuersa forma , qualitates & affectiones genere diuersæ , ita vt nulla transmutatio inter illa fieri possit.

Secundum argumentum tale est. Cometæ & faces in supremâ aëris regione apparentes , illam aëris partem calefaciunt. Quod si totus aër , & sic reliqua elementa igneo orbe ambientur , tam cælum quàm reliqua statim consumet. Respondemus , ignis elementum rarissimum , parum admodum habere materiæ , ideò si in propriâ consistat raritate , non comburere : Comburit enim ignis duplici de causa , idque per accidens non per se ; propter alicuius solidi corporis admisionem , & propter condensationem , quâ coactus ignis in minore spatio maiorem substantiam habet , & ideò maiorem vim. Cuius indicium est ignis nostras , vbi in materiâ rarâ fuerit , lanâ scilicet aut aquâ ardente , tunc vix comburit : in ferro validissimus est. Ergo non timendum est aliis elementis , ne ab igne supremo absumantur.

Tertium argumentum. Elementum non eget pabulo. At ignis eget perpetuò pabulo , vt subsistat. Ergo non erit elementum. Nos negamus ignem , elementum scilicet illud supremum pabulo egere , quoniam in loco proprio & naturali , non minus quàm reliqua elementa subsistit : In aliena quidem materia non posse subsistere , neque teneri , nisi continuò nutriatur adiecto combustibili : in suâ autem sphaera , in materiâ quippe propriâ , nullo eget pabulo , vt in proprio suo loco seruetur , nihilo magis quàm aër , aqua , vel terra.

Quartum , Ignis per noctem saltem videretur , & quò plus ascenderemus , eò plus aër , vt igni vicinior , calidus esset. At contrarium apparet , quia media regio aëris est frigidior , vbi grando , pluuia , & reliqua generantur. Respondemus , ignem non videri , quia visus non potest consistere in re rarissimâ & diaphanâ , sed corpore solido. Mediam autem regionem aëris esse frigidam concedimus propter antiperistasin , non quòd frigidus approximetur : suprema enim regio est calida , vbi cometæ , faces , & ignita meteora generantur.

Quintum , Si vester hic ignis , vt vos dicitis , leuissimum esset , nusquam descenderet ad mixtorum compositionem. Respondemus , ignem vi superiorum mouentium , non naturaliter , ad rerum compositionem descendere , fortassis cum quadam aëris particula , quâ redditur grauior.

Sextum , Ars Chymica manifestè ostendit , tria tantum esse elementa : illa enim per sublimationem ex compositis elicit aquam pro aquâ , oleum pro aëre , salem pro terrâ , nihil prætereâ. Respondemus , per illam sublimationem Chymicam , igneam quoque substantiam elici , sed illam ob tenuitatem expirare & euanescere.

Et sic satisfactum sit argumentis Physicis illorum , qui Ignem ex elementorum numero remouere conantur. Nos iam ad Hippocratis contextum veniamus.

LECTIO IV.

TEXTVS HIPPOCRATIS.

Τὸν δὲ ἰητρῶν οἱ μὲν τινες λέγουσιν, ὡς ὁ ἄνθρωπος, αἷμα μόνον εἶναι· οἱ δὲ αἵματιν χαλῶ φασιν εἶναι τὸν ἄνθρωπον· ἔτι οἱ δὲ τινες, φλέγμα· ἰπρίλογεν δὲ ποιεῦναι καὶ αἵματι πάντες τὸν αὐτὸν· ἐν γὰρ ἡ εἶναι φασιν, ὅ, ἡ ἕκαστος ἡθέλησεν ὀνομάσαι αἵματι· καὶ τὰτο ἐν ἑνὶ, μετὰλλασθαι πρὸς ἰδέειν καὶ πρὸς δύναμιν, ἀναγκαζόμενον ὑπὸ τοῦ τοῦ θερμῆς καὶ τοῦ ψυχρῆς, καὶ γίνεσθαι καὶ γλυκὺ, καὶ πικρὸν, καὶ λευκὸν, καὶ μελαν, καὶ πάντοτε ἡ ἄλλοι· ἐμοὶ δὲ οὐδὲ ταῦτα δοκεῖ ὥστε εἶναι.



MEDICORVM verò nonnulli dicunt hominem esse sanguinem solum, alij bilem esse affirmant, alij pituitam, & iidem omnes eandem faciunt conclusionem. Vnum enim esse dicunt, quodcumque aliquis ipso- rum nominare valet. Et hoc vnum existens speciem & facultatem mutare, coactum à calore & frigore, fierique & dulce, & amarum, & album, & nigrum, atque omnimodum. Mihi verò hac non sic se habere videntur.

Coniungit Hippocrates opiniones falsas Medicorum, de humoribus, qui sensibilia sunt corporis nostri elementa, cum erroneis Philosophorum dogmatibus, de numero primorum elementorum, illaque simul & passim hoc in libello impugnat, quia eisdem ferè videntur fulciri argumentis. Vt enim Philosophi transmutationem elementorum ad probandam unitatem assumebant: sic & Medici, qui vnicum humorem astruunt. Atque ex eodem medio, vt & Philosophi, diuersas faciunt conclusiones: Ex sanguine fit melancholia, bilis, & pituita. Ergo solus sanguis est humor. Alij, ex pituita fit sanguis, bilis, & melancholia, & sic de reliquis. Non negabant illi reliquos humores esse in nostro corpore, sed volebant ex vno illorum tanquam elementari reliquos exstingere, frigore quidem si calidum, calore verò agente si frigidum humorem elementarem constituissent: Ex vno mutante sæpius idèem καὶ δύναμιν, speciem & facultatem fieri, dulce, amarum, album, & nigrum, & omnimodum, id est, ichoras, vt interpretatur Galen. Sic Medici isti humorem vnum naturam & naturale solū appellabant, & si aliquid in corpore videbitur, ab eo figurâ, sapore, colore, aut quauis aliâ qualitate diuersum, illud idem præternaturaliter affectū esse prædicabant.

Cur autem Hippocrates duos humores à sapore, duos verò à colore vocauerit, γλυκὺ, sanguinem, πικρὸν bilem, pituitam verò & melancholiam, λευκὸν καὶ μέλαν, sic quidam explicant, his nominibus naturalium humorum qualitates melius nosci: bilem enim cum modò flaua, modò pallida, modò rufa, modò porracea, modò ἰσχυρὴ existat, semper tamen amarum esse sub quocumque colore: Pituitam etiam semper albam, quamuis aliquando dulcis, aliquando insipida, aliquando acida, aliquando falsa sit. Sic & melancholiam semper nigram, quamuis aliquando acida, aliquando amara sit, vt quando assata fuerit. Nos iam ad clarioris veritatis ἐξήγησιν veniamus.

Humor multis modis capitur, secundum propria & communia significata. Primò, sumitur pro omni humiditate fluxili, vnde aqua humor dicitur. Secundò, humor sumitur etiam pro massa illa chylosa, quæ à ventriculo ad venas tendit mesaraicas; vnde Galenus *comm. ad Aphor. 17. lib. 2. ait*, *Virtus sanguifica nonnunquam præ imbecillitate humorem ad venas distributum non alterat*. Tertiò, humor sumitur pro quouis succo laudabili vel illaudato, figurato vel non figurato, qui in corpore nostro continetur. Quartò, magis propriè Medicis humores, laudabiles illi succi dicuntur, qui ex alimento ad corporis nostri nutritionem à calore nativo produciuntur. Sic igitur humorem definire liceat, Humor est corpus humidum & fluidum, in quod primum alimentum transmutatur, ad corporis nostri nutritionem vel alia commoda.

Humorum alij alimentarij, alij excrementitij; hi que aut viles, aut inutiles: Hi omnes tam alimentarij quàm excrementitij, sub quatuor nominibus continentur, sanguinis nimirum, pituitæ, bilis, & melancholiæ; ita vt undecim sint in totum humorum tam alimentariorum quàm excrementitiorum species, vt est 2. de facult.

natur. Pituita quatuor facit differentias. Est enim dulcis, acida, salsa, & vitrea. Bilis quatuor. Est enim flaua, vitellina, porracea, & æruginosa; sunt qui addant glasteam & cæruleam, sed sub aliis facile contineri possunt. Melancholia duas facit differentias, melancholicum succum, & atram bilem. Postremò sanguis purus. Siquis addere velit humores secundarios Auicennæ, qui dicuntur gluten, cambium, ros, & sanguis proximus, efficiet quindecim. Sed hi humores secundarij sunt potiùs substantiæ partium corporis, & humiditates illarum, quàm humores veri. Humores istos breuiter & singulatim percurramus, initio ducto à sanguine.

Sanguis, iuxta Hippocratem, calidus humidus est naturâ, cuius duæ sunt species, naturalis & non naturalis: Naturalis est coloris rubei, odoris boni, dulcedine præditus. Huius locus arteriæ sunt & venæ. Hic homines facit blandos, venustos, floridos, & iouiales: Sanguis non naturalis rursus duplex est: alius enim à propriâ recessit temperaturâ; non propter aliquid alienum sibi admixtum, sed propter simplicem alterationem, quæ tanta non fuit, vt illum in aliud humoris genus conuerteret: Alius idè temperiem suam amisit, quòd sit à vitioso quodam succo inquinatus, idque vel per putredinem, vel per commixtionem, vnde falsus, acidus, amarus euadit. Sanguinem excrementitium non agnoscit Hippocrates, propter eius & puritatem, & exquisitam temperiem.

Pituita frigida & humida αρωσι, omnis saporis est expers, pèrque venas vnà cum aliis humoribus permeat, vt simul cum illis corpus nutriat: Hæc segnes efficit, somnolentos, πολυκαρκες, & citò albescentes. Naturalis est & non naturalis. Naturalis, quam iam diximus; Non naturalis duæ præcipuè species recensentur, acida & salsa: Acida valde cruda est, & minimam in iecore coctionem accepit, vnde aciditas: quando enim calor concoquere incipit, sed perfectam alterationem non inducit, tunc acidus gignitur sapor, vt in fructibus patet. Salsa pituita ortum habet à naturali, quæ insipida est, putrescente; partes enim assæ vi putredinis, reliquis aquosioribus permiscetur, vnde sapor ille falsus: Fit etiam dulcis & acida, propter acidi aut dulcis humoris admixtionem. Pituita excrementitia, utilis est, & inutilis: Utilis, quæ à venis excernitur, & ad artus & iuncturas illabatur, vt partes mobiles madefaciat, exsiccationemque prohibeat. Inutilis, quæ extra vasa reperitur, cuius species sunt; vna tenuis & aquosa, quæ aquæ modo è naribus stillat, & è cerebro in plurimas partes effusa, catarrhos gignit: Altera muco similis, quæ à calore nostro ex tenui facta est crassior ob lentorem quo est prædita. Quòd si magis crassa frigidâque reddatur, vitro fuso colore & substantiâ fit similis, vnde vitrea dicta fuit à Praxagorâ, vt est 2. de elementis. Quando verò eius tenuis pars omnino per caloris excessum dissoluta & absorta fuerit, tum demum fit pituita illa gypseæ, quæ tandem extremam tophi & calculi duritiem assequitur. Atque hæc satis de pituita, pro instituto nostro.

Bilis naturalis calida & sicca est, flaua & splendentis coloris, levis, tenuis, & mordax, quæ cum sanguine fertur per venas, vt eas nutriat particulas, quarum temperies ad choleram magis est propinqua. Homines efficit iracundos, ingenij celeris, agiles, macilentos, & cibum confestim concoquentes. Alia quæ ad cystim fellis amandatur, excrementitia est, sed utilis, quia per meatum cholidochum in intestina illabens, illa ad excrementorum deiectionem stimulat, atque lentam pituitam illis adhærescentem deterget. Huic si aliquid serosi humoris fuerit permixtum, statim & colore remissior & consistentia humidior redditur, vnde bilis pallida, iuxta Galenum lib. 10. de simpl. med. facult. Flaua bilis & pallida in vitellinam degenerant, dum caloris extranei acrimonia summè coquuntur & quasi torrentur, vt ex flauo aut pallido colore igneum colorem, & ex tenui substantiâ crassiorem consequatur, quâ vitellorum, vnde nomen habet, speciem repræsentat. Atque hæc tres bilis species, flaua scilicet, pallida, & vitellina generationem omnes in iecore & venis consequuntur: Superfunt tres aliæ, quæ à Galeno lib. de atrâ bile, non solum inutiles, sed præternaturales ex totâ substantiâ nominantur, Porracea, æruginosa, & cærulea, quæ nunc in iecore & venis, nunc in ventriculo, aut aliis partibus generationem habent ob esculentorum quorundam, vt olerum, betæ, brassicæ, alliorum cruditatem, quæ cum non possint à ventriculo deuinci, ac in chyli naturam conuertere, calorem suum magnâ ex parte retinent, primùmque fit porracea seu viridis. Hæc si infixa diutiùs hæreat, ventriculi persistente incendio, fiet æruginosa, tandem vbi magis ad nigrum colorem verget, euadit cærulea illis deterior. Hactenus de bile, superest melancholia.

Melancholia naturalis est succus crassus, frigidus, siccus, austero sapore; & colore nigro præditus: homines efficit tardos, tristes, plumbei coloris, & verè *μὲν γὰρ σπέντες*: Per venas vnâ cum sanguine meat, necessitatis & vsûs gratiâ: Necessitatis quidem, vt tantum de eâ cum sanguine misceatur, quantum sufficit nutritioni partium, quæ cum hoc humore habent symbolum: vsûs verò, vt sanguini vim & consistentiam tribuat. Melancholia excrementitia naturalis melancholiæ est excrementum, non vt volunt Peripatetici, sanguinis ipsius: Hanc lien è iecore trahit, & in se continet, portionem quandam ad ventriculum amandans, vt ibi secundum Auicennæ sententiam, appetentiam excitet, & suâ aciditate ventriculum quasi contrahat & coarctet ad ciborum retentionem. Humor iste melancholicus tam naturalis quàm excrementitius, non naturalis fit per adustionem & putredinem; vnde atrâ bilis dicitur, cuius quatuor species enumerat Galenus 2. *de natur. facult.* Prima est, quando vi putredinis & caloris, naturalis melancholia ad vltimum siccitatis peruenerit, differtque à naturali, vt *σὰρξ ὡστὶς* à non *ὡστὶς*. Secunda species producitur ex vitellinâ bile, quæ exustione, primò in æruginosam, post in cæruleam, tandem in atram bilem omnium perniciosissimam commigrat: Hæc est quæ in terram effusa, fermenti more & quodam æstu illam excutit, quæ partes arrodit & exulcerat. Tertia species oritur ex sanguinis combustionem; sanguis enim supra modum assatus, (vt est apud Galenum 3. *de diff. febr.*) parte subtiliori in flauam, crassiori in atram bilem degenerat. Quarta & vltima, fit ex pituitâ falsâ adustâ, quæ cum exactâ bilis atræ naturam non consequatur, in eius tamen confinio ponitur.

Atque hi sunt humores naturales & non naturales, quibus alij quintum addunt, serum nempe, quo tanquam vehiculo sanguis facilè & expedite in venas exiles & minimas influit: hoc perfunctum munere ad reliqua inutile, refluit in venam caviuam, à quâ trahitur per renes, & in vesicam effunditur, tandemque mejendo expellitur.

Obiiciet aliquis, quomodo humores illi, quos naturales vocas specie differentes, ab vno eodémque calore hepatis generari possunt? Respondeo, innatum hepatis & venarum calorem, vnum quidem esse vnitatem temperiei & formæ: at viribus & facultatibus, quibus est præditus, reuerà varium & multiplicem esse; quare ex variâ materiæ applicatione diuersos producit effectus: Alimenta enim, sicut & alia mixta ex quatuor simplicium corporum moderatione consistunt, chylus etiam ex his productus, quatuor diuersarum partium temperie constituitur, vnde ex diuersis illius partibus, diuersos ab eodem calore innato humores produci, non est inconueniens, à calidioribus quidem & siccioribus partibus, bilem, &c.

Demum dicet aliquis Peripateticus, quomodo asserere audes, humores omnes alere, cum omnes dulci sapore non sint præditi? Respondeo sententiam Aristotelis, dulcia sola nutrire, hac in parte Medicis non arridere, absurdum enim illi putant, mixtum quidem quatuor constare elementis, vnico autem humore nutriri. Et existimant pituitam, bilem, & melancholiam naturalem ad nutritionem corporis facere, mixtum enim omne ex mixto vbique nutriri, non à simplici tantum. Mixtum ergo quatuor nutrietur humoribus, non vnico sanguine.

Spinosa hæc & valde difficilis est quæstio, ipso teste Galeno, *comment. in hunc lib. & libro secundo de element.* Non possumus, (inquit ille) tam bene in his ostendere veritatem, sicut in primis elementis; nam sermo vterque habet probabilitatem. Illorum enim placita, qui humorem vnum secundum naturam in corpore esse contendunt, conuelli facile possunt: at eorum sententia, qui sanguinem esse volunt, vix conuinci potest, & magna est contentio. Hæc Galenus. Mihi autem tam graue est, à summi Aristotelis sententia, & Auerrois discedere, quos maximè veneror & colo, vt bis aut ter hanc inceptam disputationem deleuerim & reliquerim: Tandem vbi cognoui me iam in Hippocratis verba iurasse, qui ait, *ἐμὸι ταῦτα σπένες ἐν ὥλεϊ ἔχον*, id est, hac mihi videntur non sic se habere; conatus sum summi Aristotelis rationibus satisfacere.

Auerroës 2. *collig.* negat bilem, pituitam, aut melancholiam esse elementa nostra sensibilia, & actu esse, sed solum sanguinem, reliquos autem tres humores, potentiâ in sanguine contineri; atque idem confirmat summus Aristoteles 2. *de partibus animal.* cap. 3. & *lib. de somno & vigil.* cap. 3. Quorum rationes tales sunt. Prima est. Fœtus nutritur in vtero solo sanguine materno. Ergo & extra vterum. Negamus nos maternum illum sanguinem esse purum aut simplicem, sed aliis commixtum humoribus fœtum alere, vt & extra vterum; sanguinem autem dici, quia in eo

plus est sanguinis. Secunda nititur exemplo. Spuma & fæx non sunt elementa vini, sed eius excrementa, quæ ab eo dum coquitur, separantur: ita vtraque bilis excrementum est sanguinis. Respondemus, mancā esse hanc comparationem; fæx enim & flos vini ab eo omnino secernuntur, ut id quod verè vinum est, post illorum separationem, vnum & simile sit: In sanguine autem, id est, in massâ illâ quæ in venis reperitur etiam depuratissima, semper alios humores remanere.

Tertia. Venæ sunt ultimi alimenti conceptacula. At venæ sanguinem continent. Ergo sanguis solus ultimum est nutrimentum. Dicimus nos, venas non esse conceptaculum sanguinis solius, sed quatuor humorum; quin potius, ut dicit Galenus, nunquam sanguis est exquisitè vnum.

Quarta validissima. Reliqui humores, bilis scilicet vtraque fit per corruptionem sanguinis. Ergo non sunt alimentarij, quia sanguis corruptus non nutrit. Respondemus, bilem quidem vtramque, non naturalem fieri à corrupto sanguine; at naturalem vnā cum sanguine à iecoris & venarum calore produci; flauam quidem à portione chyli calidā magis siccāque; atram, à siccā & frigidā portione.

Quinta. Quando cibus non ingeritur, corpus sanguine vacuatur: cum verò multus assumitur, repletur corpus sanguine. Ergo sanguis est ultimum nutrimentum: Oportet enim succum illum qui est proprium corporis alimentum, augeri multo cibo. Respondemus, bonos cibos non solum sanguinis copiam facere, sed & aliorum humorum secundum proportionem, multum sanguinis, minus pituitæ, parum melancholiæ, minimum bilis.


Sexta. In superpurgationibus solus sanguis maximè retinetur, nec ab ullo pharmaco trahitur. Ergo sanguis solus corpus nutrire habet, si enim illi hoc cum aliis humoribus esset commune, cur potius quàm alij retineretur? Respondemus, sanguinem etiam ipsum in *καρπιδάφλα* tandem purgari, ideo autem magis retineri, quod ut plurimum minus peccat, & minus naturæ contrarius existit; quando enim abundat, videmus illum etiam naturaliter excludi.

Septima atque vltima ratio est Aristotelis, *libro de sensu & sensibili*, quam confirmare videtur Galenus, *primo de aliment. facultat.* Omne nutriens est dulce. At inter humores solus sanguis est dulcis, pituita enim insipida, bilis amara, melancholia acida est, solus ergo sanguis corpori nutrimentum præstat. Respondemus, illud axioma, omne nutriens est dulce, sic intelligi, illud quod nullatenus dulcedinis est particeps nutrire non posse, sed quod non longissimè abest, nutrire posse. Itaque argumentum quidem concludit, sanguinem plus & commodius cæteris nutrire; at non conuincit, pituitam aut bilem sanguini permixtam nutrire non posse. Et sic respondent Medici ad Aristotelis opinionem, quam nos valde probabilem existimamus, insuperque suam fulcire argumentis conantur. Membrorum temperamenta, inquiunt illi, satis ostendunt varios esse humores, quibus nutriuntur, quia ex modo alimenti, modum sibi comparant substantiæ. Si itaque vnus esset sanguis nutriens, unde illa partium diuersitas? quarum aliæ sanguinæ, aliæ exangues, aliæ calidæ, aliæ frigidiores, &c. Præterea si humores alij omnes, vno excepto sanguine, præternaturales essent, quomodo in omnibus hominibus bene habitis, cuiusvis temperamenti, ætatis, sexus, quouis tempore & quouis regione reperirentur? Certum sit ergo inter nos, qui Hippocraticam profitemur doctrinam, quatuor esse humores alimentarios, sanguinem, pituitam, bilem & melancholiam. Quod fuit demonstrandum.

LECTIO V.

TEXTVS HIPPOCRATIS.

Eγὼ δὲ Φημι, εἰ ἐν ᾧ ὁ ἄνθρωπος, οὐδέποτε ἂν ἤλγειν. εἰ δὲ ᾧ ἐν ᾧ τὰ ἀλγέσειεν ἐν εἶναι, εἰ οὐ καὶ ἀλγήσει, ἀνάγκη καὶ τὸ ἰώμενον, ἐν εἶναι. νυνὶ δὲ, πολλὰ. πολλὰ γάρ εἰσιν ἐν τῷ σώματι εἶναι. ἃ ὁκόταν ὑπὸ ἀλλήλων παρὰ φύσιν θερμαίνηται τε, καὶ ψύχεται, καὶ ξηραίνηται τε καὶ ὑγραίνεται, νέσας ἵκται. ὥστε πολλὰ μὲν ἰδεῖν τῶν νοσημάτων, πολλὰ δὲ καὶ ἡ ἰησις αὐτῶν εἶναι.



EGO autem dico, si unum esset homo, nunquam doleret: neque esset unde doleret, si unum tantum foret: si verò doleret, necessario unum tantum esset remedium. At verò multa habentur, quia multa in corpore insunt, quæ cum præter naturam à se mutuo, aut calefiunt, aut refrigerantur, aut siccantur, aut humectantur, morbos pariunt. Unde multa morborum species, & diuersa illorum curatio.

Plato, qui Philosophiam mysticis & quasi Ægyptiacis verbis tractauit, in eleganti illo dialogo, qui Timæus inscribitur, asserit, mundum idè esse senij morbiq; expertem, quòd vnus sit & omnia; vnus ratione formæ, omnia verò ratione partium: nihil enim pati aut alterari posse, nisi quod contrarium habeat: At mundus vnus est & omnia, à quo igitur patietur? Hæc Platonica argumentatio conuersa contra eos facit, qui hominem, vnum esse asserunt. Vt enim mundus propter vnitatem non patitur, sic homo quia patitur, multiplex esse videtur; Contra quos nunc agit Hippocrates, qui & vnum compositionis corporis nostri elementum dicebant, & eos qui infinita quidem ponebant, sed specie eadem, vt Democritus, Leucippus, quia omnes in idem labuntur, vt bene docet Galenus 1. de element. vbi hanc contextus partem maximâ ex parte examinat. Argumentatur Hippocrates in hypotheticis. Primò, si homo esset vnum, nunquam doleret. At reuerà homo dolet. Ergo non est vnum. Secundò argumentatur, si homo vnum existens, doleret, vnico morbo afficeretur, & per consequens vnico remedio curaretur. At homo pluribus afficitur morbis, & remediis variis sanatur. Ergo homo non est vnum. Aristoteles 3. de histor. animal. eodem ferè modo procedere videtur à sensu tactûs, dicens: Animal sensum habere necesse est, si nihil frustra facere videtur natura: At si quidem sensum habeat, necesse est corpus esse simplex, aut multum; simplex autem non potest esse, tactum enim non haberet. Hoc sic reducimus. Si homo esset vnum, tactu non esset præditus, neque dolorem perciperet. At homo tactu est præditus, & dolore afficitur. Ergo homo non est vnum. Antequam istorum probationem addamus, paucis de dolore nobis est agendum, in quo totius argumentationis istius vis sita est.

Dolor à Latinis, qui in simplicitate, tanquam in nutrice virtutum viam ad felicitatem statuebant, à dolo, quem omnium rerum maximè detestabantur, dictus est; vt voluptas huius contrarium à voluntate appellata fuit. Dolor alius ad animum refertur, vt quando mœrore afficimur, nos dolere dicimur, & tunc λύπη, Græcis dicitur: Alius ad ipsum corpus, qui ὁδύνη Græcè nuncupatur, definiturque à Stoicis, λύπη ὁδύνη, ægrotudo laboriosa. De hoc postremo nobis institutus est sermo.

Dolor bifariam apud Hippocratem accipitur. Primò, pro ipso affectu, qui efficit dolorem, vt videre est lib. 6. epid. part. 1. aphor. 7. cùm dicit, ἐν κραινῶνι αἱ παλαιὰ ὁδύνας ψυχρὰι, αἱ δὲ νεαρὰι, θερμαί. In Cranone antiqui dolores frigidi, recentes verò calidi: Vbi videmus illum manifestè per dolorem morbum significare, & affectum contra naturam, vt ipse interpretatur Galenus. Secundò accipitur pro molesto, tristi, & laborioso sensu, qui in separatione vniti, & alteratione similis consistit, estque sub symptomatum primo genere, actionis quippe læsæ, hæcque actio est sensu deprauata: Cùm enim nihil aliud sit sensus, quàm delatæ speciei in sensum impressio, species illa

illa si sit naturæ conueniens, eius perceptio, voluptas erit; si sit aduersaria, eius actio erit dolor. Sic itaque definiatur dolor propriè sumptus; Dolor est sensatio tristis sensûs tactûs, ab obiecto alterante & continuum soluente, confertim & violenter facta. Non pauci sunt qui hanc impugnant definitionem.

Obiiciunt primò, dolorem non esse actionem læsam; non enim, inquiunt illi, dolor est tristis sensus, sed tristitia quæ sensum comitatur; voluptati enim molestia est contraria, quæ sensui aduenit, non ipse sensus. Illis nos primùm contrariam Galeni auctoritatem afferimus, 2. *de locis affectis*, cap. 2. Vt dolor, sensus tristis est, sic voluptas blandus. Deinde respondemus, dolorem passionem quidem esse partis, actionem verò facultatis; Præterea tristem sensum, & sensûs tristitiam, non differre reipsâ, sed pro diuerso respectu sensûs, prout nunc actio, nunc passio dicitur; passio quidem dum ab obiecto afficitur, actio verò dum affectionem illam percipit: Scimus enim sensum partim esse potentiam actiuam, quia cum suo obiecto sensationem facit; partim potentiam passiuam, eò quòd à suo obiecto mouetur & feritur; unde excellens sensibile sensum corrumpit.

Obiiciunt secundò, dolorem non esse actionem læsam, neque abolitam, neque imminutam, neque deprauatam. Non abolitam, quia sensus percipit dolorem; non imminutam, quia dolor à sensu percipitur intensè; non deprauatam, quia sensus in dolore sentit id quod est, nempe obiectum dolorificum. Respondemus, dolorem esse actionem læsam, eamque deprauatam. Deprauatum enim dupliciter dicitur, ratione partis & ratione obiecti, (ratione quidem obiecti, dolorem non esse actionem deprauatam, quia tale percipitur quale est; sed quia partis temperies corrumpitur, actionem esse læsam adeoque deprauatam.) Adiecimus sensationem (tristem,) quia vt naturales similiarum partium affectiones duæ, bona temperies, & vnitas, bonam semper & naturalem sensationem producant; ita duæ innaturales earundem partium dispositiones, malam & tristem sensationem efficiunt; vt enim affirmationis affirmatio, sic negationis negatio causa dicitur.

Obiiciunt tertio, dolorem non esse symptoma solius tactûs, sed & reliquorum sensuum, auditûs, gustûs, tactûs, & olfactûs, Omnes enim ab excellentibus qualitatibus corrumpi, visum à splendido colore, auditum à grauiore sono. Adferuntque Galeni verba, *libro primo de symptomat. Delectatio*, inquit ille, & dolor omnibus sensibus contingunt, non tamen pari euidentiâ. Sed in oculis minùs quàm in cateris euidenter; in tactu & gustu maximè luculenter, ab his deinceps in odoratu, & post hunc in auditu. Dicunt igitur illi, in organis quatuor sensuum, visûs, odoratûs, auditûs, & gustûs posse fieri duplices dolores, quosdam affecto in illis proprio sensu, quosdam affecto tactu, quia tactus per omnes alios dispersus est. Vt si quis ex grauiissimo sono, qualis est bombardarum, contristatur, auditu dolet vt auditus est: Si verò auris ex ictu aut vulnere molesteretur, dolor quidem fit in organo auditûs, affecto tamen in illo tactu. Respondemus, dolores illos in reliquis organis impropriè dici, factâ comparatione ad illum qui tactui contingit: ipsum enim Galenum *ibidem* dicere, *Dolor est insigne symptoma tactûs*. Præterea quæ alii s sensibus obiecta sunt, non aliter inferunt dolorem, quàm inferendo passionem quæ tactûs sunt propriæ, putà diuisiones aut condensationes. Igitur dolores illi sunt tactûs proprii. Album enim & splendidum non aliter quàm dispergendo, nigrum condensando; Acutus sonus diuidendo, grauis contundendo, dolorem inferunt. Idem dicendum de saporibus & odoribus. Acida nimirum incidunt, salsa abstergunt, acerbæ constringunt, amara corrodunt Ita vt videatur sensus tactûs ideò aliis communicatus, vt in illis obiectorum violentiæ & excessus perciperentur, quos aliâ ratione sentire non poterant.

Obiiciunt quartò, dolorem non fieri à solutione continui, aut alteratione, sed ipsum dolorem facere solutionem continui & alterationem, verbi gratiâ, dolor capitis permanens efficit alterationem & solutionem vnitatis, alliciendo humorem & materiam ad affectam partem. Respondemus, dolorem dupliciter considerari, prout est alicuius facultatis actio praua & aliena à propria natura: tuncque alterationem & corruptionem sequitur; nam prius opus est partem alterari, quàm eius actio corrumpatur. Secundò, prout iam est affectus quidam non naturalis in subiecto existens, & in membro quodam permanens, tuncque corruptionem præcedere potest, & eandem moliri. Sed vt hoc clarius fiat, de causis doloris agendum est.

Tripertita est authorum de causis doloris opinio. Alij asserunt solam alterationem dolorem facere: Alij solam solutionem vnitatis proximam esse causam doloris: Alij duas esse proximas, intemperiem scilicet, & solutionem continui.

Auerrhoës 3. collig. capite 21. vult dolorem in tactu perpetuò ex intemperie fieri, tanquam proximâ causâ; à solutione verò continui per accidens, aut mediâtè. Neque enim solutionem continui, cum non sit tactus proprium sensibile, quodque per se sentiri possit, tactum posse contristare, sed accedere cuique sensui dolorem ex proprii sensibilis immoderatione.

Alij verò, qui Galeni videntur niti autoritate, solutionem continui solam esse & immediatam doloris causam asserunt, constanter enim & cum demonstratione dixisse Galenus videtur, solam solutionem unitatis dolorem facere, alterantia verò dolorem facere, quia continuum soluunt. Luculentus est Galeni textus libello de inæquali intemperie, vbi ait. *Neque illud dici durius ab Hippocrate videatur, omnem morbum vlcus esse, quippe vlcus unitatis est diuisio. Immodicus verò calor ac frigus proximè accedunt, vt unitatem soluant. Plurimus quidem calor dum segregat & diuidit substantia continuitatem, summum verò frigus tum constringendo, tum introrsus pariter trudendo quadam exprimit, quadam quassat.* Quid hoc apertius? Nonne euidenter asserit, intemperiem non prius esse morbum, quam continuum dissoluerit? Quod si dolorem faciat, talem facere, qui præ paruitate sub sensum & cognitionem nostram cadere non possit.

Tertia opinio, quæ statuit duas proximas doloris causas, alterationem scilicet, & solutionem continui, habet etiam sibi assentientem Galenum, vt 12. meth. cap. 7. Porro, inquit ille, *naturalis notitia, docet nos vitium id corporis, ex quo sit doliturum, aut continuitatis solutionem oportere esse, aut alterationem aliquam.* Habet etiam fautorem principem Arabum Auicennam, qui vtramque causam censere esse proximam, & dolorem nonnunquam fieri à solutione, nonnunquam ab intemperie, quæ non minùs quam solutio potest esse doloris proxima causa. Ista opinio magis mihi probabilis videtur, hac potissimum ratione, quia in doloris essentiâ nihil aliud requiritur, quam vt sit tristis sensus, isque actu non potentia, vt voluptas sensus iucundus. Tristem autem facit sensum, quod affatim & ἀφ' ὅλης naturam partis corrumpit, vt contrà iucundum, quod subito & ἀφ' ὅλης restituit partem sentientem naturæ suæ, atque, vt dicit Hippocrates, dum alteratur aut corrumpitur natura, dolores fiunt. At non minùs corrumpitur natura alteratione vehementi quam solutione, constat enim natura partium, non minùs temperamento quam vnione. Igitur alteratio dolorem excitabit, quamuis non soluat. Quod si etiam magnam intemperiem tandem sequatur solutio continui, non tamen idcirco solutio per se est doloris causa efficiens, sed ad dolorem sequitur. Interest enim multum dicere, dolorem fieri semper cum solutione continui, aut ex solutione continui. Dicimus itaque, dolorem à malâ temperie immediâtè fieri, à primis qualitatibus actiuis naturam & temperiem sensibilibus dirimentibus, hocque à nocuo & contrario obiecto. Effici etiam immediâtè à solutione continui, vt à causa proxima dirimente ac diruente naturam, à disproportionato & incongruo obiecto, forti & excellenti. Ita vt sint primæ duæ & æquæ proximæ doloris effectrices causæ, vt duæ sunt bonam & naturalem sensationem producentes.

Nec sunt audiendi, qui tertiam addunt causam, nempe distensionem quæ dolorem facit, continuum soluiere, quod testatur Galenus dum dicit: *Qua tendendo, erodendo, premendo, aut conuellendo dolorem excitant, id continuum soluendo facere.*

Supereſt vt argumento Auerrhoistarum satisfaciamus.

Nam quòd dicunt, continui solutionem, cum non sit proprium tactus sensibile, à tactu percipi non posse, magnam habet dubitationem, exigeretque vt ab illis probaretur, sensibile commune per se nunquam sentiri, nisi cum proprio sensibili. Quicquid sit, si solum sentiatur per se, contristat sensum; si cum aliquo proprio, nihil obstat vtrumque sentiri, alterum verò solum quod nimirum naturam corrumpit dolorem inferre. Præterea quod dicunt, solutionem fieri cum motu, motum autem aliquam intemperiem necessariò consequi, absurdum est. Neque enim in solutione tantus requiritur motus qui calorem efficere possit. Et sic constat, duas esse proximas & immediatas causas doloris.

Quòd si quis quærat, dolor cum sit ab excessu rei noxiæ, quomodo fames à Philosophis dolor quidam dicitur, cum sit defectus non excessus? Respondeo, nos per excessum intelligere, quamcumque egressionem à mediocritate ad extrema, siue ad summum, siue ad imum, vt docet Aristoteles 2. de animâ.

Denique, vt dolore aliquid afficiatur, necessariò debet esse alterabile, vt ait

V V V v

Galenus

Galenus; & sensitivum: Alterabile quidem, quia si nullam admitteret alterationem, eundem quem ab initio gessit, habitum continuò servaret. At quod dolet, neuriquam servat, sed mutatur & alteratur. Debet etiam habere sentiendi facultatem, quia si alterabile quidem sit, sic autem transmutetur, ut ligna, lapides, ossa, quæ frigescunt, secantur, & diuelluntur sine vllò sensu, quo prædita non sunt, non sentiet alterationem illam & mutationem, quæ dolorem inferre potest, ut nec ipsi phrenitici, qui præsentē doloris causā, nullatenus dolent: Duo enim hæc dolorem faciunt, & quia patitur quod passibile, & quia passio sentitur.

Videamus iam vim argumentationis Hippocraticæ. *Εἰ ἐν ἑὶ ὁ ἄνθρωπος, οὐδέποτε ἄρ' ἔσται, Si homo unum esset, nunquam doleret*, quia proximè & immediatè ex impatibili & insensibili compactus constructusque foret, ac proinde doloris expers, quia conditionibus ad dolorem requisitis careret, alteratione scilicet & sensatione. Si enim animal ex vno tantum constaret elemento, quid illi passionem doloremve inferre posset? Vnumquodque enim quod patitur, ab altero patitur, atque in alterum transmutatur. Paciens quippe omne est tale in potentiā, quale est agens actu. At si vnum ponamus elementum, nullum inuenietur contrarium quod in illud agat, idè non alterabitur, & sic nullum dolorem sentiet; Non enim sibi ipsi erit contrarium; ut in seipsum agat, quoniam hoc est de essentiā elementi, ut sit corpus simplex & vniforme, sicque erit impatibile & inalterabile, & per consequens ἀναισθητός, sensus & doloris expers. Bonum enim est argumentum. Inalterabile hoc est. Ergo & sensus expers, non contrā, quia quod prius est secundum naturam, non convertitur cum eo quod est posterius. At homo dolet, ut sensui est manifestum, ergo non est vnum.

Procedit ulterius Hippocrates, & concesso hoc, quod homo vnum existens dolere possit, addit, *uno tantum remedio curaretur, quia uno tantum afficeretur morbo*. At ex falso concesso, nil nisi falsum sequitur, idè homo & multis afficitur morbis, & variis ac oppositis secundum speciem & gradum remediis curatur. Quod autem vnum existens homo, vnico afficeretur morbo, patet, quia elementum vnum simplex & vniforme, si in se ageret, ageret tantum vnico modo, & sic vnicum esset doloris genus, vnumque remedium quo illi mederemur. At dij boni! quis hominum vastam illam & propè innumeram remediorum sylvam, quam natura in subsidium generis humani produxit, enumerare aut recensere posset? Non solum quot res, sed rerum particule, tot medicamina existunt, quæ Deus illis tantum patefaciet, ut dicebat Algasel; quibus, quando, & quomodo voluerit, idè bene adiungit Hippocrates. At verò multa habentur; multa namque in corpore insunt, quæ cum à se mutuò præter naturam calefiunt, refrigerantur, siccantur, & humectantur, morbos pariunt; ex quo multæ morborum species, & remedia.

Calidum, frigidum, humidum, & siccum, cum inuicem mediocriter fuerint temperata, sanum est animal: cum autem vnum illorum exuperat, se mutuò calefaciunt, refrigerant, exiccant, & humectant; vnde varij morbi non vno curationis modo confanescunt: Alij enim curantur, si partes quæ dolent incallescant, alij si refrigerentur, aut siccantur, aut humectentur, atque hinc prima morborum differentia consurgit, quæ intemperies dicitur simplex aut composita, cum materia & sine materia, æqualis aut inæqualis: ex quā multiplicitate, multitudo etiam eorum quæ in corpore nostro continentur, denotatur, ut bene dicit Hippocrates.

Hic locus exposcere videbatur, ut latius de morbis, atque eorum differentiis ageremus; Verumtamen cum sperem me in sequenti cursu, de his fusè & ex professo dicturum, melius est ut his omissis, ad proximi contextus enarrationem accedamus.

LECTIO VI.

TEXTVS HIPPOCRATIS.

Αεἰς ὃ ἐγὼ γε τὸν φάσκειν αἷμα εἶναι μόνον τὸν ἄνθρωπον, καὶ ἄλλο μηδέν, δεικνύει
αὐτὸν μὴ μεταλλάσσειν τὸ ἰδέσθαι, μὴ ὃ γένεσθαι παλαιοῖον. ἀλλ' ἡ ὥρην πᾶν τὸ ἐνιαυτῷ, ἡ τῇ
ἡλικίᾳ τῷ ἀνθρώπῳ, ἐν ἧ αἷμα ἐνέον φαίνεται μοῦνον ἐν τῷ αἰσθράτῳ. εἰκὸς γὰρ εἶναι μίαν
πᾶν ὥρην, ἐν ἧ φαίνεται αὐτὸ ἐν ἐαυτῷ ἐν ἑόν. τὰ αὐτὰ ὃ λέγω καὶ περὶ τῷ φάσκειν Φλέγμα
εἶναι καὶ περὶ τῷ χολῇ φάσκειν. ἐγὼ μὲν γὰρ ὑποδείξω ὅτι ἐν φήσω τὸν αἰσθράτον
εἶναι, καὶ κατὰ τὸ νόμον, καὶ κατὰ τὴ φύσιν: ἡ ταῦτα εἶναι ὅμοια, καὶ νέε εἶναι, καὶ γέ-
ρονι, καὶ τῇ ὥρῃ ἐξῆς καὶ ψυχρῇ καὶ θερμῇ. καὶ τεκμήρια παρέξω, καὶ ἀνάγκας
ὑποφανῶς δι' αἷς ἐκαστοὺς αὐξέται τε καὶ φθίνει ἐν τῷ σώματι.



*T ego censeo eum qui asserit, hominem solum esse sanguinem, & ni-
hil aliud, ostendere debere, eum non mutare speciem, neque varium
effici: Vel tempus aliquod anni, aut hominis aetatem, in quâ sanguis
solum in homine esse appareat. Conveniens enim est aliquod saltem
tempus esse, in quo illud unum existere appareat. Eadem dico contra
illos qui pituitam aut bilem solam esse contendunt. Quæ enim hominem esse ego di-
xero, ea pro lege & naturâ, in eo esse demonstrabo, & iuvene & sene, tamque
frigido quàm calido tempore. Signaque asseram & necessitates adducam, propter
quas unumquodque augetur & minuitur in corpore.*

Permixta & connexa est rota hæc disputatio, in quâ Hippocrates, nunc con-
tra Philosophos, nunc contra Medicos malè sentientes agit, atque vna quod
aiunt fideiâ duos dealbat parietes. Iam enim Medicos exagitat, vnicum humo-
rem esse in homine affirmantes: Nos lectione quæ hesternam præcessit, diximus,
quid essent humores, quot, quomodo inuicem differrent, eorumque proprietates,
multâsque responsiones ad eos adduximus, qui solum sanguinem alimentarium &
secundum naturam humorem, suis se putabant confecisse rationibus. Nunc vi-
dendum, quomodo idem præstet magnus Hippocrates. Duplex est argumen-
tationis genus. Vnum quidem à ratione per principia sensui & intellectui manifesta,
validissimum & ὑπολογιστικόν; Aliud ab experientia, quæ sit à memoriis per solum
sensem sæpius repetitum & ingeminatum: Hoc opinionem gignit, quæ est assen-
sus hominum multorum non necessariò necessarius. Sic distinguit Hippocrates
κατὰ νόμον καὶ κατὰ φύσιν, secundum legem, id est, secundum id quod homines existi-
mant, & secundum naturam, id est, secundum rei veritatem. Hæc duo cum sint ac-
commodata fidei faciendæ instrumenta, debent illi qui aliquam tuentur opinionem
si primo non possint vti ratiocinandi genere propter imperitiam, saltem postremo,
hoc est, verisimili fidem auditoribus facere: ideo Hippocrates, qui fortassis sciebat
Medicos istos veris & κατὰ φύσιν argumentis vti non posse, vrget vt quædam etiam
vulgaria & κατὰ νόμον ab opinione & experientiâ petita proferant. *Dent nobis, inquit
ille, tempus aliquod, annum, aut aetatem, in quibus homo vno tantum humore abundare visus
sit. Si hoc non possint, saltem credant mihi, qui & rationibus & experientiis demonstro,
quatuor humores in homine, quouis temperamento, quavis aetate, quavis regione, & anni
parte reperiri. Veram tandem recipiant opinionem, relictâ illâ quam ut falsam tueri non
possunt.*

Ab ipsâ enim rerum origine argumentatur Hippocrates, hominem non esse
materialiter vnicum & solum humorem; Nam si homo vno tantum constet humo-
re, quæ dissimilitudo aut contrarietas in eo esse poterit? Diximus enim contrarieta-
tem omnem esse semper secundum diuersas formas. At in vno humore vnica tan-
tum forma. Quo posito, nulla in homine permutatio continget, & sic inalterabilis ac

immutabilis erit, & quoad speciem & quoad reliquas dispositiones. Quod quàm falsum sit, quotidiana nos docet morborum & humorum variè dominantium experientia. Dicit aliquis, veteres illi Medici, qui vnicum in nobis humorem statuebant naturaliter, non negabant alios inesse, sed innaturaliter, atque ex naturali corrupto & immutato facultatem ac formam variam recipiente per caloris & frigoris excessum, alios non naturales humores produci volebant. Cur igitur Hippocrates dicit, *Censeo eum qui hominem sanguinem solum esse dicit & nihil aliud, demonstrare debere ipsum non transmutare formam, aut variari. Cum illi hoc faterentur, humorem scilicet variari, & sapius formam permutare.* Bene & appositè hoc dixit Hippocrates. Si enim ex vno humore tanquam ex termino à quo fiunt reliqui humores per generationem, oportet ponere aliquod tempus, in quo solus ille humor dominetur mox mutandus: forma enim substantialis vel accidentaria mox amittenda, vocatur terminus à quo incipit motus; forma verò acquirenda vocatur terminus ad quem finitur motus. Motus autem cum fiat in tempore, dandum est tempus illis, qui vnicum humorem esse asserunt, quo forma illius humoris, in formas aliorum humorum mutatur. Nam ex esse hoc solo in mutatione fit non esse hoc solum. Itaque bene dictum est, *Cedite nobis regionem, ætatem, tempus, in quo mutatio huius humoris in alias fiat.* Si enim nullam rem aliam existimatis esse animal, quàm sanguinem vel vnum ex aliis humoribus, is humor in animali debuit permanere saltem per aliquam ætatem vel anni partem quæ potissimum illi humori magis est symbola. Verbi gratia si pituitam solam statuitis, hæc permanebit saltem per hyemem in regione frigida, homine decrepito, temperamento frigidior, ut deinde in alios humores permutetur. At hoc falsum est, quia in illo fene per ipsam hyemem in regione frigidâ, quatuor semper humores reperiuntur, unde vestri dogmatis falsitas apparet: sicque tacitæ respondet objectioni: Nam potuissent Medici isti argumento prius proposito de transmutatione humorum, quæ per contraria fieri debet, obicere, humorem istum qui solus in homine dominaretur, non quidem à seipso permutari, sed à contrariis externis, ambiente scilicet & reliquis procatacticis prædominantibus. Ideò vrget Hippocrates, si quidem velitis humorem istum non quidem à se permutari, sed ab externis, verbi gratia ambiente; constituenda vobis est aliqua ambientis aëris constitutio, in quâ solus iste humor & inalterabilis existat, quia ab eo non permutabitur, quod sibi simile est.

Videbatur hic locus exposcere, ut aliquid de anno annique temporibus & mutationibus, manifestis quippe & externis causis diceremus; sed quoniam in alio textu, ubi de his clariùs agit Hippocrates, melior sese offeret occasio, operæ pretium est ut illis omisissis, de ætatibus earumque differentiis, secundum Galeni doctrinam differamus, exercitationis causâ; Ob id enim traditam hanc legendi prouinciam iunioribus Baccalaureis puto, ut de variis rebus differendo, seipsos exercerent, & ad insignia Magistralia consequenda aptiores redderent. Dicamus igitur quid sit Ætas, ætatum distinctiones, & *ἡ κατ' αὐτὴν ἰσότης*; Nec inutilis hæc est disputatio Medicis, quia ut inquit Galenus, Ætatum distinctio confert ægritudinibus dignoscendis, docet humorem peccantem, & quæ victus ratio sit ægris instituenda.

Ætas dicta est quasi æuitas ab æuo, quod propriè tempus septuaginta annorum continet, *τὸ μέτρον τῆς ἀνθρώπινος ζωῆς*, *vita humana mensura & curriculum.* Ætatem temporis spatium hominis vitæ præfixum, quidam definiunt, magis ad communem opinionem, *κατὰ νόμον*, quàm Medicè & *κατὰ φύσιν*; nos sic definimus: Ætas est dispositio quædam in animali iuxta complexionem variam ex actione calidi in humido causata, & temporis spatium mensurata, in quâ animal augetur, consistit, decrescit, & tandem interit. Perfecta est hæc definitio, omnia enim continet, quæ definito sunt propria, reliquis exclusis. Assignamus enim illi dispositionem pro genere, quia ætas est qualitas quædam in animalibus, quæ variam illius temperiem ab agentibus extrinsecus & intrinsecus mutatam consequitur. Et ut illorum effugiamus errorem, qui sub quantitate Ætatem tanquam sub genere collocarunt, dum illam definiunt, temporis spatium, &c.

Ætates cum sint totius vitæ partes & periodi, pro diuersitate naturarum, inæquales sunt, neque certis annorum spatiis describi possunt, quoniam alios aliis maturius consenescere, iuxta variam agendi & resistendi potentiam conspiciamus; Calidum

dum enim siue naturale, siue extraneo commixtum, eum diuersimodè afficiat humidum radicale pro diuersâ corporis dispositione, quæ ætatum diuersitatem efficit, Medicis ætatum terminos non exactè aut simpliciter, sed cum magnâ latitudine definire licet. Nos tamen prius aliorum distinctiones, mox veras & Medicas adferemus.

Iurisperiti pro variâ actionum humanarum diuersitate, quam leges Romanæ potissimum respiciunt, hominis vitam in septem partes distribuunt, Prima est Infantia, à primo ortu ad septimum vsque annum. Secunda Pueritia, quæ à septimo ad decimum quartum masculis, fœminis ad duodecimum vsque protenditur. Tertia Adolescentia, quæ hinc ad vigesimum quintum peruenit. Quarta Iuuentus, quæ hinc à vigesimo quinto incipiens, quadagesimo terminatur. Quinta à quadagesimo ad sexagesimum, Ætas consistens appellatur. Sexta Ætas decidentia, à sexagesimo ad septuagesimum perueniens. Septima est reliqua vitæ pars, senium seu extrema senectus, quæ aliquando ad centesimum vsque annum producit. Ultra enim sæculum lex neminem viuere præsumit. Sic igitur apud Romanos, infantes sedulâ matris atque mulierum operâ ad septimum vsque annum educabantur. Post magistris & παιδογισταῖς ad decimum quartum vsque tradebantur, quicquid & bonis moribus & humanioribus litteris imbuebant. A 14. ad 18. vsque, iam umbratili palæstrâ & armis leuioribus per athletas & gladiatores publicos exercebantur. A 18. anno, vsque ad 35. militiam Romanam faciebant. Postea ancipiti bellorum periculo euitato, ad sexagesimum vsque honoribus militaribus perfungebantur, Tribuni militum, Ærarij, & Centuriones fiebant. Vbi sexagesimum attigerant, completa erat militia, liberumque erat illis, fixis ad Herculis postem armis, vel deferri ad ærarium, ibique stipendiis Reipubl. viuere; vel pacis munera capessere ad annum vsque septuagesimum. Ab hoc ad reliquum vsque tempus domi manebant, diis pro salute Reipublicæ vota & sacra facientes, felicesque illi habebantur, qui ad hoc vsque senium peruenerant. Atque hæc fuit ætatum diuisio apud Romanos. Quamuis Horatius quadripartitam tantum fecerit vitam, cuius versus vt & elegantes, & graphicè mores hominum pro variis ætatibus depingentes, libet recitare.

Pueritia Reddere qui voces iam scit puer, & pede certo
Signat humum, gemit paribus colludere, & iram
Colligit ac ponit temere, & mutatur in horas.

Iuuentus Imberbis iuuenis tandem custode remoto
Gaudet equis canibusque, & aprici gramine campi,
Cereus in vitium flecti, monitoribus asper,
Utilium tardus prouisor, prodigus æris,
Sublimis, cupidusque, & amata relinquere pernix.

Virilitas Conuersis studiis ætas, animusque virilis
Querit opes & amicitias, inseruit honori,
Commisisse cauet, quod mox mutare labores.

Senectus Multa senem circumueniunt incommoda, vel quod
Querit, & inuentis miser abstinet, ac timet uti:
Vel quod res omnes timide gelidæque ministrat,
Dilator, spe longus, iners, auidusque futuri,
Difficilis, querulus, laudator temporis acti,
Se puero, censor castigatôrque minorum.

Pythagoras eadem ratione ætates per vigenarium in quatuor distinxit, πᾶσις ἔτη, ἡνίοχος, ἡνίοχος, ἡνίοχος, ἡνίοχος, id est, pueri per viginti annos sumus, iuuenes per viginti, viri per viginti, senes per viginti.

Plato duas tantum fecit partes, cum ait, Ætas adolescentum insana, senum austera.

Aristoteles, Ægyptij quoque duas tantum, idque miro respectu, vt videre est apud Plinium, lib. 11. vbi ait, Cor augeri per singulos annos in homine, ac binas drachmas ponderis ad quinquagesimum annum vsque accedere; ab eo detrahi tantundem, & idcò non viuere hominem ultra centesimum annum defectu cordis;

Ægypti j existimant, quibus mos est cadauera asseruare medicata. Putabant illi hominis vitam acmasticam esse vsque ad quinquagesimum annum, quamdiu cor augetur; paracmasticam vsque ad centesimum, dum cor omnino decreuerit.

Astrologi pro numero planetarum, septem quoque vitæ partes faciunt.

Prima subiicitur Lunæ, quæ vt infimus est planetarum, sic valde humida, puerique multo humido abundant.

Secunda Mercurio, qui planeta ἀδιάφορος habetur, neque malus neque bonus per se, nisi cum aliis coniungatur; sic nos dum teneri sumus, ad omnia parati discenda siue bona siue mala existimus, hæcque ætatis pars à sexto incipiens, decimo terminatur.

Tertia Veneri, quæ per octo annos dominatur, à decimo enim anno vsque ad decimum octauum, flos viget pulchritudinis.

Quarta Soli, quæ nouemdecim annis terminatur.

Quinta Marti, quindecim annorum, & hæc est ætas magnanimitatis, superbie & rixarum.

Sexta Ioui, annorum duodecim, qui vt planeta est benignus, sic homines relicto armorum studio, pacis & honesti amatores efficit.

Septima Saturno frigido sicco, tristi & melancholico planetæ, qui extremam vitæ partem, tristémque senectam regit, vt volunt positiones Astrologorum.

Licet vnicuique prout volet diuidere, dummodò in enarrandis temperamentis non aberret. Qui enim minores faciunt partitiones, in subdiuisionibus reliquas partes comprehendunt, ita vt nihil intersit, si quis in duas, tres, quatuor, quinque, vel alias partes diuidat, quia res ipsa non mutatur. Author definitionum Medicarum sic diuidit. Ætates quatuor sunt, prima iuuenum, secunda vigentium, tertia mediorum, quarta senum. Cui etiam Hippocrates manifestè assentitur *Aphorif. 13. lib. 1.* vbi recenset *παιδεία, νεανία, καθεσκηότας, & γέροντας*. Cælius Aurelianus ex Græcorum nominum diuersitate, 16. ætates numerat. Vide Card.

Nos ex Galeni sententiâ sex faciemus differentias, si prius admonuero, nullum ætatis terminum exquisitè præfiniri posse, sed quando illos annis circumscribimus, hoc intelligi de iis quæ vt plurimum sunt, quia homines sub quadam latitudine temperamenti continentur. Itaque prima ætas, *παιδεία* seu pueritia dicitur, quæ confestim ab eo tempore incipit, quo infans è materno utero egreditur, & durat vsque ad annum decimum quintum, quo etiam frigido temperamento præditi incipiunt pubescere; vnde secunda ætatis differentia dicitur Pubertas, quæ Galeno teste, *libro 3. Aphorism. comment. 27. & 5. Aphorism. comment. 7.* initium capit anno decimo quinto, & ad decimum octauum extenditur. Tertia vocatur Adolescentia, incipit anno decimo octauo, duratque ad vicesimum quintum, Galeno *comm. 9. in lib. 5. Aphorismorum*. Eam Hippocrates sub pubertate complectitur, atque etiam interdum Galenus. Quarta Iuuentus, florens ætas, orditur anno 25. & ad 35. extenditur. Quod innuit Hippocrates 3. *Prognost. Magis*, inquit ille, *expectare sanguinis eruptionem oportet in minoribus natu, quintum & trigessimu annum habentibus, in maioribus natu suppurationem*. Quinta ætas, Græcis *καθεσκηότα*, id est, constans & media scilicet inter iuuentutem & senectutem nominatur; dicitur etiam *ἀνδρεία*, id est, virilis, incipit anno 35. & finitur 50. Sexta demum ætatis differentia, Senectus appellatur, quæ reliqua est vitæ pars: Hanc denuò in tres partitur Galenus, *lib. 5. de tuen. valet*. Prima est eorum qui *ὑπογέροντες*, id est, viridi senectâ præditi sunt, qui adhuc ciuilia munera obire possunt. Secunda est eorum qui canî omnino sunt. Tertia, in quâ est extrema omnium functionum inabecillitas, & hi Latinis silicernia, Græcis *πάρων* dicebantur; vnde fortassis Papa appellatus, quia qui Romæ sunt Pontifices, in extremo sunt senio: Ille hoc nomine esse poterat, de quo Homerus.

Τῶς δὲ δὴ μιν παρὶν ἀνέξαδ' ἔνε' ἀνδρῶν.

Tria hominum peregisse sæcula Nestorem dicunt.


Sed ad ætatum temperamenta veniamus, quæ maximè nobis sunt cognoscenda. Quidam sic describunt; Pueri & Adolēscētes calidi humidi temperaturâ, ac similes vernæ tempestat. Florentes calidi & sicci, eandem cum æstate temperiem adepti; medij frigidi & sicci, autumnō consimiles; senes frigidi & humidi, hyemis temperaturam referentes; in pueris & adolēscētibz abundat sanguis; in iuuenibus bilis; in medijs melancholia; in senibus pituita; quoniam calidum innatum pueris multum, florentibus intensum, medijs medium, senibus paucissimum.

Dissentitur, siue puer an iuuenis calidior, & an senes frigidi sicci, an frigidi hu-

midi

midi ; in hoc tamen consentiunt , Iuuentutem esse calidam & siccam , Senectutem frigidam ; vnde Platonibus tantum vinum concedebat , quod à diis , donatum esse dicit , tanquam salutarem medicinam contra senij austeritatem ; Vino enim quasi iuuenescunt senes , animique molestias deponunt , illorumque habitus è duro mollis factus , vt ferrum igni impositum , sic vino tractabilior redditur. Vtrum verò calor sit maior puerorum aut iuuenum , nos breuiter dicemus , vtrumque calorem & puerorum & iuuenum parem esse ; puerorum quidem propter quantitatem , iuuenum propter intensiorem qualitatem , & sic caloris modo differunt. Puerilis enim mitis , suauis , & halituosus est , vt qui in humido naturali recipiatur , & calidi innati sit ; iuuenilis in eodem gradu mordax , acer , ac insuauis est , quoniam pendet à calido adscititio , cuius tantum est repositum , quantum innati caloris consumptum fuerat. Itaque quantum calor iuuenis , calorem pueri vincit intensione , tantum ab eo multitudine superatur.

Ac ne longius procedamus , dicimus , quatuor esse vitæ præcipuas partes , quæ quatuor elementis , quatuor humoribus , ac quatuor anni partibus respondent ; Pueritia & Adolescentia aëri respondet , sanguini , & verno tempori , temperata seu calida , & humida. Iuuentus respondet igni , flauæ bili , & æstati , calida , & sicca. Ætas virilis , frigida & sicca ; symbolum habet cum terra , melancholico humore , & autumnio : Senectus frigida & humida respondet aquæ , phlegmati , & hyemi ; vt verè μικρόκοσμος dictus sit homo , & bene argumentatus sit Hippocrates contra eos qui vnicum statuebant humorem. Nobisque ista de ætatibus , pro instituto nostro dixisse sufficiat.



LECTIO VII.

TEXTVS HIPPOCRATIS.

Πρώτον μὲν οὖν , ἀνάγκη τὴν γένεσιν γίνεσθαι , μὴ ἀφ' ἐνός. πῶς ᾗ ἐν γ' εἶναι , τὸ γινῆσκειν , εἰ μὴ τινι μίχθειν ; ἐπειτα οὐδὲ , ἀν μὴ ὁμόφυλα εἶναι μίσηται , καὶ τὴν αὐτὴν ἔχοντα δύναμιν , ἡνᾶ. οὐ δ' ἂν ταῦτα ἡμῖν σιωπῆλετο καὶ πάλιν , εἰ μὴ τὸ θερμὸν τῷ ψυχρῷ , καὶ τὸ ξηρὸν τῷ ὑγρῷ μερίως πρὸς ἀλλήλα ἐξείκωσιν , ἀλλὰ θάτερον θάτερον πολὺ πλεονέξει , καὶ τὸ ἰσχυρότερον τῷ ἀσθενέστερον , ἢ γένεσις οὐκ ἂν γίνοιτο ὥστε πῶς εἰκὸς ἀπὸ ἐνός ἢ γινῆσθαι ; ὅτε γὰρ εἰ δὲ ἀπὸ τῶν πλείονων γινῶται , ὡς μὴ τύχη καλῶς ἔχοντα τῆς κήρις τῆς πρὸς ἀλλήλα.

PRIMUM igitur necesse est generationem non fieri ab uno. Quomodo enim unum existens , aliquid generabit , nisi alteri permisceatur? Quin etiam nec generant , nisi eiusdem fuerint generis ea quæ miscentur , eandemque facultatem habuerint , nobisque similia efficiantur. Et rursus nisi calidum cum frigido , & humidum cum sicco mediocriter se ad inuicem habuerint & equaliter , sed si alterum alteri longè preualuerit , potentius imbecilliori , nunquam generatio fiet. Quomodo itaque ab uno aliquid generabitur , cum ne à pluribus quidem generetur , nisi mutuo inter se temperamento conueniant?

AVræ sunt & verè nobiles hæ sententiæ , quibus & Philosophiæ ortum dedisse , & Medicinæ fundamenta iecisse videtur summus Hippocrates , & quæ vix bene enarrari possunt nisi à Platone & Aristotele ipso , harum interprete , in libris de generatione , & passim in Physicis. Nobis ad istius contextus declarationem , primò de generatione disputandum.

Motus qui apud Physicos simpliciter progressus de vna formâ in aliam , describitur , vel vt Aristoteles ait , actus eius quod est in potentia ; in genere huiusmodi , species sex numerantur. Generatio & corruptio ad prædicamentum substantiæ ; Augmentatio & diminutio ad prædicamentum quantitatis ; Alteratio ad prædicamentum qualitatis ; Sexta est latio siue motus ad locum. Sunt qui quatuor tantum species admittant pro quatuor summis generibus ; ita vt illis augmentatio & diminutio vnâ tantum ; generatio & corruptio vnicam etiam speciem constituent , &

videntur

videntur fulciri autoritate Aristotelis *lib. 3. Physic. cap. 1.* vbi ait ; *Quod mutatur, id semper vel essentiam mutat, vel magnitudinem, vel qualitatem, vel locum.* Sunt qui tres tantum faciunt, iuxta Aristotelis textum *lib. 5. de Phys. cap. 1.* *Tria sunt motus genera, necesse ergo quantitatis, qualitatis, & loci.* Galenus duos tantum motus agnoscit, (2. *Met.*) *Φορὰν*, id est, lationem, & alterationem. Nos his omnibus omisiss, dicimus, Philosophos duplicem facere generationem, secundum quid, quæ est accidentis; & generationem simpliciter, quæ est substantiæ, & propriè sumpta generatio. De hac rursus dicimus, generationem motus propriè dicti non esse speciem, neque generationem fieri in tempore, quia generatio est formæ introductio, forma autem est indiuisibilis, quæ in instanti introducitur. Nam quod dicunt præcedere præparationem ac præuias formas, dicimus accidentia illa esse non formas, tuncque res non generatur, sed generabitur, quoniam generatio est finis motuum aliorum, 8. *Phys.* & 6. *Phys.* conceptis verbis ait Philosophus, *Generatio est alia species à motu: quia finis est substantia & transmutatio.*

Generatio differt ab alteratione, quòd hæc fit secundum qualitates tantum; Ab augmentatione & diminutione, quia illæ fiunt secundum quantitatem tantum: A *Φορὰν* siue latione, quæ est in prædicamento quando. Generatio denique corruptioni est contraria, quia corruptio progreditur ab ente ad non ens: generatio contra procedit à non ente actu, & ab ente in potentia, ad ens actu.

Generatio definitur à Philosopho, *primo de generatione*; Transmutatio cuiuscunque transmutabilis totius in totum. Alij describunt, mutationem materiæ à forma substantiali pristina in aliam formam substantialem: Quando enim totum sensibile ita mutatur, vt materia aliam suscipiat formam, tunc est generatio; Vbi verò subiectum sensibile permanens, in aliis quibuscunque mutatur affectibus, reliquæ fiunt motus species.

Generatio alia vniuoca, alia æquiuoca: Æquiuoca est quæ causam tantum vniuersalem & communem habet, vt quando mus ex quisquiliis, rana ex luto, à Solis calore generantur. Vniuoca verò quæ principium habet à propinquo generante, cuius vis ab extrinsecâ causâ iuuatur: Vnde Philosophus dixit, à Sole & homine, hominem generari; Pendent enim hæc nostratia è superioribus propter æquiuocam connexionem, non propter vniuocam effectuum communionem.

Generatio alia est simplicium corporum, vt elementorum, quando v. gr. ex aqua fit aër, ex aëre ignis, &c. Alia compositorum, quæ ex quatuor fiunt elementis, eaque rursus dupliciter, vel ex ipsis primis quatuor corporibus immediate nullo alio intermedio, vt mineralium generatio, & eorum quæ sine semine immediate ab elementis gignuntur, vt plantæ sponte nascentes, & quæ per putrefactionem nascuntur animalia: vel mediatè, quando scilicet ex composito medio compositum aliud generatur, vt sanguinis generatio ex chylo, hominis ex semine. Hinc gradus illi generationis exurgunt in compositis animatis. Quædam enim gignuntur & gignunt, neque alia prouenire possunt ratione, vt homo qui ex patre homine genitus, filium hominem gignit. Quædam neque gignunt neque gignuntur, & sic in perpetuâ æquiuocatione permanent, vt capillus Veneris, lingua ceruina, & aliæ plantæ spontaneæ, quarum generatio est translatitia. Quædam gignuntur & non gignunt, vt mulus ab equo genitus, ipse infecundus. Quædam gignunt & non gignuntur, vt mures nati ex putredine, alios vniuocè mures gignunt. Gignendi etiam ratio diuersa, & modi varij. Quædam enim à simili per accidentia, ab eadem per essentiam specie, sicut homo. Quædam à simili in genere, vt ex verme. Quædam à generis potestate, vt ab ouo pullus. Quædam à simili analogo, vt è purpuræ salua gignuntur purpuræ minores. Quædam à principiis occultioribus, vt mures è fimo, apes & crabrones ex boue & equo.

Cuiuslibet generationis subiectum est materia prima; Materia enim in genito eadem est quæ prius fuerat in corrupto, formam aliam induens successiue; quamuis enim forma non fiat ex materia, generatur tamen determinatiue in materia; principia quidem non fiunt ex alterutris tanquam ex partibus essentialibus, fiunt tamen ex alterutris, tanquam subiectis.

Vt fiat generatio, oportet miscibilia esse *ὁμόφουλα, ὁμοδυνάμεια*, vt inquit Hippocr. *lib. de nat. hum.* Necesse enim est miscibilium alterationem, eorundem mixtionem, atque vnionem præcedere, hoc est, quatuor primorum corporum debitam commoderationem. Qualiacunque enim fuerint genita composita, siue proximè & immediate ex quatuor primis simplicibus corporibus, siue mediatè, alio scilicet composito medio

medio & intercedente, debent in generatione inuicem permisceri, ac in quodam æquilibrio actionis passionisque constitui, ut aliquid producant & generare possint.

Huius mixtionis ad generationem omnino necessariae, efficientes causae; tum vniuersales sunt, tum particulares. Quomodo enim vniuersalia mundi elementa penes eorundem particulas ad sensilium mixtionem accederent, ut rerum species æternæ per propagationem conferuentur, nisi impellente & quasi adigente ad id primâ causâ? Sit itaque primi mobilis motus diurnus, huius prima causa atque suprema. Sit secunda causa Solis motus perennis in zodiaco, qui facultate suâ viuificâ terram fecundat, quæ ut grauissima non solum Solis, sed omnis influxus cœlestis radios excipiens, omnium in se rerum semina continet. Vniuersales hæc æternæ & constituentes causæ vniuersaliter ac determinatè ordinant & constituunt, elementaque ipsa quamuis leuia impellunt, quamuis graua attollunt, ut deinde quasi coacta à propriis particularibus formis vicissim agentibus & patientibus ad mixtionem compositorum concurrant.

His ita præmissis, veniamus ad ipsa Hippocratis verba, *Generatio ab vno fieri nequit, quo enim pacto generare aliud posset, nisi quid aliud admisceatur?* Etenim si omne quod generatur, fit ex eo, non quatenus est actu ens, sed quatenus est potentiâ id quod fit; Itaque non quatenus vnum, sed quatenus aliud in potentiâ. Si enim generatio est transmutatio de non esse ad ens vnum simpliciter & perfectum, (posito quod vnum sit absolute, & vnicâ ratione omnia) tunc nulla esse poterit generatio; quia quamcumque in illo vno ente mutationem constitueris, semper ad idem ens præcisè reuertetur, & nunquam noui aliquid in tali mutatione acquireret, quoniam vnum illi est omnia vnicâ ratione: non ut nos dicimus, sub nouis formis. Itaque nihil ab vno illo ente generari poterit, quia seipsum generabit: At quæ generant, specie quidem similia producant, non numero, quia sic seipsa generarent. At modò forma generati diuersa est à generante, quia duo sunt interna & per se existentia transmutationis cuiuslibet principia, forma scilicet & materia; falsum igitur illa vnum tantum asserere. Hoc in omni generatione verificatur, tam simplicium quàm compositorum. Videtur tamen magis hîc agere Hippocrates de mixtorum corporum generatione, ad quam etiam sensibus aperta mixtio occurrit. Quis enim in animantibus ex solo mare, aut scœmina solâ, nisi amborum semina permisceantur, aliquid vnquam generari conspexit? Quis vidit ex semine plantam oriri, nisi prius illud in terram coniectum fuerit, ibidemque corruptum, atque aliis permixtum? Nemo certè. Quandoquidem semen ipsum nimio perfusum humore nihil producit. Ideoque subiungit Hippocrates; *Quinetiam neque ea quæ miscantur, nisi sint eiusdem generis, eandemque habeant facultatem, quicquam generant. Tantum abest ut ab vno aliquid producat, ut ne quidem à pluribus, nisi ὁμοφυλὰ & ὁμοδωάρμια fuerint, quicquam oriri possit.* Ex quolibet ligno non fit Mercurius, ut est in prouerbio, quodlibet in quodlibet non est transmutabile; Omnino enim dissimile, non patitur ab omnino dissimili, quia agens & patiens quodammodo similia & dissimilia esse debent; dissimilia quidem propter diuersas formas; similia verò, propterea quod debet patiens esse in potentia tale, quale est agens in actu. Quamobrem nec animalia cuiusvis generis, aut secum aut cum alio genere coeuntia semper generant. Neque enim ex asino & gallinâ, foetum vsquam suscipies. Nec ex quibuslibet plantis insitis seu inoculatis fructum capies. Verbi gratia nuci arbori insere stolonem mori, nil tibi nisi hilum producent. Conueniens à conuenienti fit, nisi enim ea quæ miscantur, sint consimilis & conuenientis substantiæ, nihil generare possunt, neque si adamas ligno, aut lignum auro admisceatur, quicquam generabitur, quia neque ὁμόφυλα, neque ὁμοδωάρμια. Fortuita essent omnia, & casui subditæ generationes, si indiscriminatim elementa ad omnium mixtionem accederent, quæ à superioribus & certis lationibus rerum omnium opificibus sub determinata quædam genera ad mundi huius perfectionem ordinata sunt. Vnius autem generis, dixit, quia cùm naturalia agentia & patientia apud Aristotelem contraria sint, & contraria sint similia in genere, & dissimilia in specie: per consequens agentia & patientia erunt similia in genere, ὁμόφυλα, & iuxta Hippocratis sententiam ad generationem apta. Dicit summus Aristoteles, quod non omnia quæ miscantur, agunt

& patiuntur, sed tantum ea quæ similia, & quodammodo dissimilia sunt, determinata scilicet & certa contraria, non quælibet. Sic & magnus Hippocrates asserit, omnia mixta indifferenter & indeterminatè non generare: sed ea tantum, quæ sunt eiusdem generis physici, eandemque & consonam ad proprium subiectum facultatem obtinent: eaque temperata & in æquilibrio posita. Ideò sequitur: *Nisi calidum cum frigido, & humidum cum sicco mediocriter se habuerint & æqualiter ac mutuâ inter se & temperamento conueniant.*

Notatu dignum est, nomen illud *ὑγίαιος*, id est, temperamenti, quia ut est apud Galenum, primus eo est usus Hippocrates, ac primus elementa *ὑγίαιον*, contemperari ac alterari docuit, antequam generatio fiat, cum priores Philosophi, qui etiam quatuor in compositis prima corpora admittebant, ut Empedocles; vellent illa inalterata & impermixta, ut tritici, hordei, farris, & auenæ in cumulo, sic elementa quatuor per exiguas partes commissa & se contingentia, corpora mixta constituere. Melius etiam declarat Hippocrates istam elementorum contemperationem, cum dicit, *Calidum cum frigido, humidum cum sicco mediocriter se habuerint.* Notum est quatuor esse primas qualitates, quarum duæ, calidum scilicet & frigidum actiuæ, duæ humidum & siccum passiuæ dicuntur, idque ex harum patet definitionibus: Calidum enim definitur, qualitas prima congregans homogœnea, & disgregans heterogœnea: Frigidum, qualitas prima congregans homogœnea & heterogœnea pariter: Humidum quod difficulter termino suo, facili alieno continetur: Siccum quod facili termino proprio, difficulter alieno terminatur. Istæ ramen qualitates primæ inmutuâ elementorum transmutatione æqualiter omnes actiuæ & passiuæ nominantur; In mixti autem generatione, calidum & frigidum actiuæ, humidum & siccum passiuæ dicuntur, quia in mixtione humidum & siccum propriâ naturâ componuntur & miscentur, vi autem ac potentiâ caliditatis & frigiditatis sit eorum mixtio & coniunctio. Dicamus igitur, cum calidum & frigidum agentis & formæ, humidum & siccum patientis & materiæ in compositi generatione rationem obtineant, illa debere ita temperari inter se, & *ἕχον μετρίως*, ut sit quædam inter agens & patiens æquiualentia. Istæ enim qualitates sic temperatæ, mutuâ actione & passione, emergere faciunt formam ex sinu materiæ, vnde generatio & mixtio: quæ fit quando potentiæ contrariorum miscibilium ita adæquantur, ut vnumquodque æqualiter dominetur, quo sic vnum ab altero in suâ naturâ secundum aliquid transmutatum, fiat medium commune, omnium quæ miscentur virtutum particeps.

Quod adiungit Hippocrates, *ἴσως, æqualiter*, quasi omnium elementorum in mixto sit æquale pondus, fecit ut contra hoc obicerent Algazel & Auicennas, duo incommoda. Primum si miscibilia adæquantur in mixto, mixtum esset immobile, non enim magis inclinaretur sursum quàm deorsum, vel ad aliam loci differentiam, quia nullum in illo prædominaretur elementorum. Secundum incommodum. Quia si æqualia essent, omnis mixtio esset vna & eadem, atque ex similibus quantitate & qualitate, diuersa generarentur, ut caro, ossa, lapis, &c. quod est impossibile. Ad hæc respondemus, illud *æqualiter*, non sic intelligendum. Cum enim omnis mixtio naturalis sit propter generationem, non est existimandum qualitates, vel qualitatem miscibilium in mixto esse æqualem proportionem Arithmetica seu ponderis, sed potiùs Geometricâ & proportionem quæ requiritur ad formam suscipiendam, propter quam fit mixtio. Hinc nobilis illa quæstio orta est, An temperamentum ad pondus dictum dari possit. Nos de eâ breuiter transigamus.

Temperamentum si nominis ipsius etymon spectes, nihil aliud est quàm mixtio, ut apud Græcos *ὑγίαιος* illud propriè significat. Temperamenti definitiones varias à variis traditas, non est nobis propositum recensere: nos veram definitionem ab Auicenna traditam recipimus; Temperamentum est qualitas, quæ ex mutuâ actione & passione primarum qualitatum prouenit. Quamuis (ut hoc obiter dicam) Fernelij definitio non sit reiicienda, quâ definit temperamentum, proportionem calidi, frigidi, humidi, sicci. Nec valet quod obiicit Riolanus; cum temperamentum sit principium functionum & facultatum, nonne dari poterit aliqua corporis pars, quæ constet elementis, eâ proportionem mistis; quâ ventriculus, & hepar, & tamen chylum & sanguinem non facit? Negamus enim primò talem temperiem in aliâ parte reperiri posse. Deinde si reperiretur, partem illam non minùs sanguinem aut chylum facturam, si eandem conformationem obtineat. Nec valet quod obiicit Argenterius, temperamentum dici

dici calidum frigidum, &c. proportionem verò minimè. Fatemur quidem proportionem, quatenus est ad aliquid, neque frigidam neque calidam dici, neque etiam agere; At quatenus proportio illa est qualitas, vt doctissimus dicebat Auerrhoës, & frigida & calida appellabitur, & quod magis est, agit. Sed ad alia.

Temperamentum cuiusvis corporis duplex est, aliud ad substantiam, quod habitus est naturalis ex proportionem substantiarum elementorum resultans; aliud quod est tantum levis dispositio ex proportionem qualitaturn actu existentium, quæ multis modis & causis variantur. Temperamentorum inæqualium octo, quatuor simplicia, & quatuor composita recensentur. Nam aut vnica excedit qualitas, eaque est calor, frigus, humiditas, siccitas: aut duplex, vt calor cum humiditate, calor cum siccitate, frigus cum humiditate, frigus cum siccitate. Rursum quia quatuor hæ qualitates contrariæ possunt sub æquali intensiõne ad mediocritatem reduci, hinc resultat novum temperamentum ex elementorum æqualibus portionibus constitutum, quod æquale & *εὐκρατὸν* appellatur. Et sic nouem temperamentorum differentiæ vulgo numerantur.

Quæritur tamen, an temperamentum hoc, quod æquale vocauimus, vel secundum habitum, vel secundum dispositionem, sit æquale *κατὰ τὴν δύναμιν*, vt loquitur Galenus, secundum speciem & iustitiam, an *κατὰ τὸ μέτρον*, ad lancem & pondus. Nos dicimus intelligi de temperamento *κατὰ τὴν δύναμιν*, quia temperamentum ad pondus dari non potest. Vbi enim illa erit calidi & humidì æqualis proportio, quæ sensim ad frigus & siccitatem permutetur, ita vt sint æquæ veloces motus ad frigus & siccitatem? Nullibi certè. Ac vt istius opinionis fautores dicunt, hæc exacta proportio ne momento quidem perdurabit. Quid igitur illi indiuisibilia scrutantur, & quæ sub Medici cognitionem cadere non possunt? Melius qui nullum ad pondus, temperamentum dari contendunt, habentque sibi consentientes Aristotelem 4. *Meteor. In quocunque mixto terra aut aqua redundat*, Galenum 2. *de simpl. facult.* vbi ait: *Quin & hominem non absolute calidum vt ignem, sed exuperantiâ calidum dicimus. Si quidem in illo maiorem calidi portionem esse quàm frigidi.* Auicennam & Auerrhoëm. Denique rationes validissimas.

Quomodo enim mixtum aliquod generabitur, nisi vnum elementorum vincat? Nullus enim ortus fieri potest, vbi non est quod vincit, & quod vincatur, quoniam debet esse aliquid quod vincat, quod moueat, misceat, & generet. Sed quodcunque illud sit, reliquis præpollet, ac æqualitatem destruit. Secundò, corpus humanum exactissimæ est temperaturæ. At quis negabit calidum & humidum in illo excellere? Tertiò, temperies prouenit ex actione & passionem contrariarum qualitaturn, vbi-cumque autem est actio & passio, necessario agens patiente est potentius. Ergo nulla æqualitas. Quartò, illa æqualitas esset constituta in puncto indiuisibili, ita vt non esset in tempore. Quare melius est illam vt omnino non existentem & fictam reiicere. Nec obstat quod aduersarij dicunt. Primò dato vno contrariorum in rerum naturâ, datur etiam & aliud. At datur complexio intemperata. Ergo & temperata. Respondemus, hoc verum esse si vtraque sint positua; Non ens enim, enti non contrariatur nisi priuatiuè. Neque sunt sub eodem genere.

Obiiciunt secundo. Motus fit ab extremo in extremum per medium. Sic quando mutabitur aliquis, v.gr. à complexione calidâ & siccâ ad frigidam & humidam, hoc fiet per temperiem mediam, eamque æqualem. Respondemus, si fiat iste transitus, fiet per æqualem ad iustitiam. Deinde necessum non est, vt transitus iste à complexione extremâ ad extremam fiat per intermediam; sed in instanti introducitur post dispositiones debitas acquisitas.

Obiiciunt tertio. Tactum esse proportionem quandam mediam, quâ excessum qualitaturn discernit. Hoc autem fieri non posse, nisi adfuerit temperata complexio. Respondemus, temperiem ad iustitiam sufficere, vt tactibilibus excellentias discernamus, & sufficienter iudicemus. Quod etiam patet in hominibus intemperatis, qui exquisito sæpius sensu præditi sunt, vt biliosi.

Et sic constat nouem esse temperamenta, octo intemperata, vnum temperatum seu *εὐκρατὸν*, idque temperie ad speciem conuenienti, *κατὰ δύναμιν*, non ad pondus.



LECTIO VIII.

TEXTVS HIPPOCRATIS.

Aνάγκη τοίνυν τῇ φύσει τοιαύτης ὑπαρχούσης, καὶ τῶν ἄλλων ἀπάντων, καὶ τῆς τῷ ἀνθρώπῳ, μὴ εἶναι τὸν ἀνθρώπον, ἀλλ' ἕκαστον τῶν ζωοβαλλομένων ἐς τὴν γένεσιν, ἔχειν τινὰ δυνάμιν ἐν τῷ σώματι, οἷον περ ζωοβάλλειο. καὶ πάλιν γε ἀνάγκη δοσχωρέειν εἰς τὴν εὐνὴν φύσιν ἕκαστον, τελευτῶν τὸν ἀνθρώπον, τὸ, τε ὑγρὸν, πρὸς τὸ ὑγρὸν, καὶ τὸ ξηρὸν, πρὸς τὸ ξηρὸν, καὶ τὸ θερμὸν, πρὸς τὸ θερμὸν, καὶ τὸ ψυχρὸν, πρὸς τὸ ψυχρὸν. τοιαύτη ἡ καὶ τῶν ζώων ἐστὶν ἡ φύσις, καὶ τῶν ἄλλων πάντων. γίνεσθαι τε ὁμοίως πάντα, καὶ τελευτᾶ ὁμοίως πάντα. ζωοποιεῖται γὰρ αὐτῶν ἡ φύσις διὰ τῶν τῶν πεποιημένων πάντων. καὶ τελευτᾶ κατὰ τὰ εἰρημένα εἰς τὸ εὐνὸν ὅθεν περ ζωοποιεῖται ἕκαστον, ἐν ταῦτα οὐ καὶ ἀπεχώρησε.

V M igitur talis sit hominis natura, & aliorum omnium, necesse est hominem ex uno non constare; sed unumquodque eorum quæ ad generationem conferunt, vim aliquam habere in corpore, qualem contulerunt. Rursus cum hominis corpus interit, necessario unumquodque ad suam naturam reuertitur, humidum ad humidum, siccum ad siccum, calidum ad calidum, frigidum ad frigidum. Talis enim est tum animantium, tum aliorum omnium natura, cunctaque simili modo nascuntur & intereunt, quia natura illorum constat ex predictis omnibus, & desinit; ut dictum est, in idem: singula ex quo constituta sunt, in id etiam recedunt.

Infert Epilogogum ex præmissâ disputatione, & concludit hominem vnico non constare elemento, idque adiunctâ etiam nouâ ratione, quia scilicet vnumquodque eorum quæ ad generationem concurrunt, vim & δύναμιν qualem contulit, adhuc in composito retinet. Non caret difficultate hæc περὶ οὐχί, propter varias Philosophorum opiniones; quia includit vulgatum illud dubium quo quaeritur, vtrum formæ elementorum, cum suis integris qualitatibus maneant formaliter in mixto, vtrum elementa sint in mixto actu aut potentiâ. Quod sic intelligi debet: An cum ex elementis mixtione quâdam certâ fuerit corpus mixtum generatum; formæ substantiales elementorum & qualitates primæ remaneant in illo corpore mixto; an potius tum formis, tum qualitatibus primis eorum corruptis, nouæ generentur.

Græue est ceterè & ἡμίπορον de his differere quæstionibus, mihi potissimum, qui nouus, & ut dicitur, in primo limine sum positus: ne tamen videar mihi impossum opus detrectare, conabor de omnibus quæ dubia erunt, in contextu Hippocratis explicando, si non multa & accuratè, saltem aliquid & breuiter dicere. Hoc mihi in hac præstandum est quæstione, quam, ut difficilem, & parum Medico, ut ait ille, necessariam prætermisit Galenus, & quæ Physicos pariter & Medicos valde anxios habuit.

Stoici, qui elementa in actu completo ponebant in mixto, eaque seipsa permeare, satis eo videntur refutati, quod penetrationem dimensionum admittebant.

Empedocles elementa in minima frustula comminuta cum propriis formis & qualitatibus misceri volebat, & partium tantum approximatione composita constituere. Cuius opinionis absurditas satis patet. Detur enim nobis minima carnis portio, quatuor tantum elementorum frustulis minimis conflata, in illius portionculâ aquea erit caro, & sic mixtum vno constabit elemento, in eademque materiâ recipientur duæ formæ substantiales, quod est absurdum: aut in illa portioneula aquea non erit forma carnis, sic neque in ignea, neque in aërea, neque in terrea particula, neque vsquam. Et sic cum hoc totum dicatur caro, partes eius non dici poterunt caro, sed aliquid aliud dissimulare.

Auicennas parum abest ab hac opinione. Putauit enim in mixto corpore elementa esse in actu completo, quantum attinet ad formas substantiales; neque in formis

formis illis fieri mixtionem, sed elementa inuicem misceri ob primas qualitates, illisque mutuâ actione reductis ad temperiem, quæ alicuius corporis mixti complexioni conueniat, generare mixtum illud corpus. Hæc sententia euidentissimâ ratione confutatur, quam Scotus & Metaphysici tuerentur.

Si enim formæ substantiales elementorum remaneant in actu perfecto, non posset fieri, ut in eo mixto alia esset forma præter illas; nam ex axioma Philosophico; *Quicquid aduenit enti & substantia in actu per se existenti, accidens est, non substantia*: aliàs vnum idemque corpus haberet duplex esse, & sic plures materiæ partes elementorum formis subsistentes, plurium corporum rationem susciperent. Præterea quomodo possent & diuersæ & contrariæ istæ formæ cum vna quinta conuenire, cum ipsæ inter se conuenire non possint? Conantur tamen isti qui formas substantiales elementorum in mixto formaliter manere asserunt, id confirmare septem potissimum argumentis, quibus satisfaciendum est, antequam alias opiniones recenseamus.

Primum argumentum est. Aristoteles 5. *Metaphy.* definit elementum, id ex quo fit aliquid, cum insit. Ergo elementa manent in mixto. Respondemus, elementa inesse non actu, sed potentiâ, siue ut loquuntur, in actu refracto. Præterea definitionem illam esse elementi, quatenus principium significat materiam & formam.

Secundum argumentum. Idem Aristoteles 1. *de generation.* ait, guttam vini non misceri cum mille amphoris aquæ, quoniam forma substantialis eius corrumpitur. Ergo elementorum formæ ut misceantur, corrumpi non debent. Respondemus, elementum quod corrumpitur in mixtione, non corrumpitur in aliud elementum, sed omnia corrumpuntur in mixtum; quare inutilis illorum consequentia.

Tertium. Si elementa non manerent in mixto, sequeretur quod mixtum esset æquè simplex substantialiter ac elementum, forma tamen substantialis mixti continet in potentiâ quatuor elementa.

Quartum. In mixto manent propriæ qualitates & naturales actiones elementorum. Ergo elementa ipsa formaliter remanent, quia propriæ qualitates non possunt seruari extra subiecta. Respondemus, qualitates quidem in mixto esse qualitatibus elementorum symbolas, non easdem, neque in summo.

Quintum. Si elementa in mixto non manerent, nullum in mixto dominaretur. At dominatur. Quare manet actu. Respondemus, elementum non dominari in mixto, ratione substantialis formæ, sed quia ex mutuâ actione elementorum, remansit virtus quædam in mixto, magis conueniens cum vno aut pluribus, quam cum alio elemento.

Sextum. In ligni combustionem experimur quatuor esse actu elementa. Ex ligno enim exit aqua, eleuatur fumus loco aëris, manet cinis loco terræ, flamma exurgit quæ ignem refert. Respondemus, hac ligni combustionem formas elementorum de nouo generari, atque è potentiâ in actum reduci.

Septimum & vltimum. Si formæ elementorum non remanerent, mixtum ex vno elemento generari posset, quia omnium eadem est materia. Respondemus, concurrentiam elementorum requiri, ut fiat mutua actio & passio, alteratio & mixtio. Ideo ex vno mixtum non posse generari. Et sic illorum rationibus fit satisfactum qui existimant formas elementorum substantiales in mixto formaliter remanere. Nunc ad alias opiniones veniamus.

Auerrhois voluit formas elementorum imperfectissimas esse, inter omnes formas substantiales, ideoque plurimum recedere à naturâ substantiæ, & accedere ad naturam accidentium, ita ut more accidentium frangi, minui atque remitti possint. Et rursus si contingat, intendi & fieri perfectiores, prout videmus calidum & frigidum intendi & remitti. Quare cum more accidentium possint elementorum formæ frangi & minui, quamuis in mixti compositione propter certam qualitatum remissionem, à suo esse substantiali destituantur, remanere tamen illorum formas in actu refracto; quia formæ illæ potius vicem habent accidentium quam substantiarum. Hæc opinio multa absurda recipit. Primo, quod dicat, rerum substantias intendi & remitti, unde sequeretur, hunc ignem verbi gratia ut octo, magis esse ignem, quam ut quatuor. Et sic daretur certus remissionis gradus, sub quo minimo consisterent elementa, sub minore verò constare nequirent: Ac substantiæ daretur vltimum instans, sub quo esset, quod falsum esse docuit Aristoteles 8. *Physic.* Præterea, quod elementorum formas tanquam imperfectas statuatur medias inter formas sub-

stantiales & accidentia : At ridiculum est ponere medium inter illa quæ non sunt eiusdem generis. Substantia igitur & accidens, cum toto differant genere, non possunt dici extrema quæ includant medium : nec potest poni medium inter substantias & accidentia.

Quarta est opinio iuniorum Peripateticorum, qui putant elementorum formas non manere, sed virtutes solas : Et hæc mihi magis vero proxima videtur. Aristoteles sic sentire probatur, cum ait; *Eorum quæ sunt, alia facultate, alia actu sunt; fit autem ut quæ in mixtionem recipiuntur, quodammodo sint & non sint; Neque actu remanent ut corpus & candor, neque alterum aut utrumque deletur, quia illorum facultas salva manet.* Galenus lib. 8. de placitis, commendat Hippocratem, quod elementa prima nominibus qualitarum appellauerit, & secunda, humores scilicet nominibus substantiarum, *Potestate siquidem*, (inquit ille) *illa insunt, non actu in corporibus.* Diuus etiam Thomas putauit in vnoquoque mixto terram, aquam, ignem, & aërem esse, non tamen actu, quoniam in mixto nullius elementi forma & substantia est actu, sed potentiâ & *δυνάμει* : forma enim cuiusque mixti quamdiu permanet, vim & perfectionem omnium elementorum continet. Hancque nos tuemur, ut multa aliarum opinionum incommoda fugiamus. Primò, ne detur penetratio dimensionum. Secundò, ne generatio mixti, sit generatio tantum secundum quid, non simpliciter. Tertiò, ne plures formæ substantiales in eadem materiâ admittantur. Quartò, ne detur intensio formarum, & gradus quidditatis. Et sic certum habemus formas substantiales elementorum non manere actu in mixto. Nunc de qualitatibus videamus.

Corruptis substantiis qualitates integræ manere non possunt. Sunt enim tales in summo sub formis & per formas. Quibus corruptis essentias qualitarum alio se habere modo necesse est. Sunt enim & existunt secundum formarum suarum, à quibus suum esse habent, rationem. Quare cum iam positum sit à nobis substantiales elementorum formas in mixtorum generatione corrumpi, quæ in eorundem resolutione de nouo generantur, necesse est etiam ipsas qualitates primas interire, remanere tamen potentiâ in qualitate illâ complexionis, quam mutua primarum qualitarum actio & passio peperit. Ita ut compositum ab vnoquoque elementorum receperit qualitates & vires planè similes elementaribus, secundum quas operationes suas exercet. Non quòd proprii elementorum actus sint in mixto, sed quia manent virtute, quam corporibus communicant, quibus alterata planè insunt. Igneum in homine calfacit, sed non extremè; terreum in homine exsiccat, sed non extremè. Quare bene dixit Hippocrates, vim aliquam elementa in corpore obtinere, denotans nimirum illa non formaliter aut actu completo, sed potentiâ & qualitatibus in mixtis manere. Quare eadem qualitates erunt iuxta speciem, non iuxta numerum. Sequitur.

Cum hominis corpus demoritur, singula necessario ad suam naturam redeunt, humidum ad humidum, siccum ad siccum, calidum ad calidum, frigidum ad frigidum. Similis huic est sententia apud Hippocratem lib. 1. de diætâ, *Recedentibus illis huc* (inquit ille) *his verò illuc elementis, πάντα τὴν ἀπερωρίτων μορίων ἐκπληροῖ, ὅτι τὸ μείζον καὶ τὸ μείον;* Vnumquodque destinatum fatum explet, secundum maius & minus. Hippocrates prius argumentis à compositione & generatione rerum omnium petitis, probauit plura esse elementa, nunc per resolutionem & corporum corruptionem idem confirmat. Confirmant id Aristotelis sententiæ, 3. *Physic.* Omne ad illud, ex quo fit, dissoluitur, & 3. *Metaphys.* Omnia corrumpuntur in ea ex quibus sunt. Nos expendamus, an verum sit singula ad suam naturam redire, humidum ad humidum, &c.

Rerum corruptibilium tres tantum essentiæ recensentur. Prima est simplicium corporum; secunda mixtorum ex his primis elementis, tertia animatorum. Simplicium corruptio est transmutatio totius in totum, nullo sensibili remanente subiecto. Animatorum corruptio Aristoteli, libro de vita & morte, est absentia animæ & calidi innati. Denique mixtorum animâ carentium corruptio, est miscibilium secretio & dissolutio. De hac postremâ corruptione loquitur Hippocrates. Neque enim simplicia corpora in alia resolui possunt; neque animata quatenus animata, sed quatenus mixta. Mixtorum igitur propria est resolutio quæ fit per corruptionem. Cui igitur tanquam efficienti & per se attribuenda erit mixti corporis dissolutio & corruptio? An frigori? quia diximus generationem à calore fieri, contrariorum autem contrariæ videntur esse causæ. Minimè, nisi fortassis per accidens. A calore ergo mixta generantur & corrumpuntur; generantur à naturali & proprio; cor-

rumpuntur

rumpuntur ab alieno & extraneo. Duo hi calores inter se pugnant; alterque ab altero dissolvitur; resolutio quippe, seu extra naturæ limites affecto naturali calore, qui amplius humidum regere non potest, mixtum ab extraneo calore corrumpitur. Forma mixti calori nativo primò insita, per eum omnia elementa continet. Evanescente verò formâ, resolutoque calore, humidum aqueum aëreumque euaporant; terræ pars concidit, & in cineres dissolvitur.

Corruptio hæc à calore extraneo, duobus fit modis: per putrefactionem videlicet mixti, & per exustionem. Putrefactio est corruptio caloris naturalis à calore extraneo humido: ita ut necesse sit in putrefactione post immutationem caloris nativi, humidum aliquantisper remanere, nec statim resolui. Vstio verò (ut est 4. Meteor.) est subita & violenta segregatio sicci & humidum simul à calido vrente & vehementi. Humidum à sicco separatur tantâ vi, ut humida quasi sublimata eleventur; terrestres verò portio descendens in cinerem conuertatur. Atque in hac exustiua corruptione, quatuor elementa secerni, & suæ naturæ restitui, ad sensum conspiciuntur, verbi gratia in ligni combustione. Per putrefactionem igitur & vstionem, mista dissolvuntur, & quæ in illis potentiâ continebantur elementa, denuò exsuscitata pristinam repetunt essentiam. Videamus nunc, an elementa eadem numero, vel potius secundum naturam communem, indiuidualiter aut secundum speciem ad naturam suam redeant.

Qui elementa temperata tantum & refracta, non corrupta, in mixto faciunt, existimant in eiusdem corruptione, vnumquodque idem numero ad propriam formam reflecti, & ad suum idem esse integrum reuerti. Qui verò ponunt illa in actu completo, nullam in illis aut in generatione, aut in corruptione alterationem amittunt, sed statim ac deperdita est illa amicitiae vis (ut isti loquuntur) quæ illa continebat, denuò libera & dissoluta manere, qualia prius erant & numero, & indiuidualiter. Nos verò qui elementa & alterabilia omnino, & patibilia in transmutatione corrumpi asserimus, negamus illa secundum numerum, sed iuxta speciem tantum per nouam generationem in propriam naturam reuerti. Nostræque assumptionis veritas pendet ex probatione propositionis, nimirum elementa corrumpi in generatione, quam clarissimè iam confirmauimus, dum ex professo de illâ ageremus.

Sol & astra, cælique omnes, qui vniiformiter & secundum formam & materiam secundum prius & posterius, semper eadem permanent, eadem numero exoriuntur, & eadem numero occidunt, secundum variam loci positionem, non secundum substantiam affecta. Corruptibiles verò substantiæ, ut particularia elementa, quæ indies corrumpuntur & generantur, hæc numero eadem non manent, sed speciem seruant in reuersione & reflexione, forma enim est indiuisibilis, etsi materia maneat. Hoc apertè confirmat Aristoteles, 2. de generatione, cum dixit: *Omnia similiter non reuertuntur, sed hac quidem numero redeunt, illa verò specie tantum; Ea quidem quorum substantia incorruptibilis mota est, patet quod & ipsa eadem numero erunt, motus enim ipse mobile ipsum sectatur: Ea verò quorum substantia non est incorruptibilis, sed corruptibilis, necesse est specie redire, non autem numero.* Quid verbis istis summi præceptoris clarius aut apertius dici potest, & quod melius sententiam nostram confirmet? Elementa in corruptione corrupta sunt: Impossibile ergo illa eadem numero redire; aliàs esset regressus à priuatione formæ & potentiæ ad habitum.

Nec nos moueat, quod alij obiiciunt. Si elementa in corruptione denuò generentur, nullum erit Hippocratis argumentum, quod vult probare à dissolutione mixtorum, illa quatuor elementis constare. Respondemus nos, optimam esse rationem Hippocratis, quia in mixto elementa quatuor, quamuis non actu perfectò, tamen potentiâ propinquâ continentur, ideoque in dissolutione, quæ erant tantum in potentiâ, statim ad actum reducuntur, quod nusquam fieret, si corpora vnico constarent elemento: & sic verissimum est, calidum ad calidum, frigidum ad frigidum reuerti, non numero eadem, sed secundum speciem & communem naturam, corpusque nostrum quatuor constare elementis. Quod fuit demonstrandum.

Supereft breuissima Hippocratis conclusio: *Talis est tum animantium, tum reliquorum omnium natura.* Ut ostendat se absurda de hominis generatione non asserere, communem & generalem esse hanc omnibus tum animantibus, tum inanimatis, elementorum mixtionem asserit. Cum enim homo sit quasi in quodam rerum omnium medio constitutus, extrema etiam mediæ naturam sapiunt. Hoc Galenus

populâri valde & aptissimo exemplo demonstrat. Ex fici semine, verbi gratia in terram coniecto, maxima arbor enascitur: Hoc incrementum à terrâ & aquâ, humore quippe in illâ contento provenit. Atqui terra sui ratione summè est frigida, ficus verò calorem quo vivat, plurimum obtinet, ideoque etiam si validissimâ perfrigeretur hyeme, non emoritur. Patet igitur corpus fici non solum ex aquâ & terrâ conflatum esse, sed etiam igneæ naturæ esse particeps. Porro cùm lignum ipsius non terrâ solum, sed & aquâ levius existat, quis negabit ficum bonam aëris partem recepisse? Ex quatuor itaque, ut & homo, sic & ficus, & reliquæ omnes arbores, fructus & semina, necnon inanimata constituuntur. Vocat autem hic Hippocrates naturam, temperiem, quæ temperat, format & perficit quodcunque mixtum corporeum. Quam in omnibus talem esse asserit, non quod ex eadem, scilicet proportionem, omnia mixta elementorum constituta sint, sed quod omnia pariter concursum quatuor primarum qualitatum requirant, ut generari possint.

Dissoluuntur etiam omnia eodem modo, & tandem intereunt, κατὰ μᾶλλον καὶ κατὰ μῆτρον, secundum maius & minus, ut alibi dicebat Hippocrates. Nihil est tam durum, tam compactum, tam firmum, quod tandem non corrumpatur: Est quidem quorundam duratio, quæ est rei existentia sub tempore, maior atque essendi tractus magis continuatus, sed perpetuitas nulla. Quæcunque sub qualitatum contrarietate posita sunt, intra hunc mundi sublunaris ambitum, propter & materiæ potentiam ad omnes formas, & mouentium ἐτερότητα, ut orta sunt, sic tandem occumbunt. Atque ut lectionem versiculis concludamus.


*Nil est naturâ constans, minimèque caducum,
Et quod non villo valeat mutarier auro,
Corrumpatur enim prorsus, intereatque necesse est,
Quicquid mutatur, nec statu constat eodem.*



LECTIO IX.

TEXTVS HIPPOCRATIS.

Τὸ δὲ Σῶμα τῶ ἀνθρώπου, ἔχει ἐν ἑαυτῷ αἷμα, καὶ Φλέγμα, καὶ χολῶν διττῶν, ἥτοι καὶ ξανθὴν τε καὶ μέλαιναν. καὶ ταῦτ' εἰν αὐτῷ ἡ φύσις τῶ Σώματος καὶ διὰ ταῦτα ἀλγέει καὶ ὑγιαίνει. ὑγιαίνει γὰρ οὐδὲ μάλιστα, ὁπόταν μετρίως ἔχη ταῦτα πρὸς ἀλλήλα καὶ ἑαυτὰ, καὶ ὁμοῖα, καὶ τῶ πλήθει, καὶ μάλιστα ὡς μεμιγμένα ἢ ἀλγέει δὲ, ὁπόταν πλεονέσῃ, ἢ ὀλίγον ἢ πλεονέσῃ, ἢ χωρεῖν ἐν τῷ Σώματι, καὶ μὴ κεκρημένον ἢ τοῖσι ζώουσιν.

ORPVS autem hominis, continet in se sanguinem, pituitam, & bilem utramque. Atque hæc illi sunt corporis natura: & propter ista ægrotat, ac sanum est. Sanum quidem maximè est, quum hæc modicè se habent, temperamento, facultate ac multitudine: Et potissimum si bene permixta fuerint: Ægrotat autem cùm horum aliquid minus aut amplius euaserit, aut separatim in corpore fuerit, nec omnibus contemperatum.

Quæ iam probauimus, apud me deinceps pro hypothesi habebuntur. Diximus itaque de humoribus, quantum ad institutum nostrum faciebat, sufficienter, & quinque potissimum argumentis, quatuor esse monstrauius, quod sæpius inculcat Hippocrates, nobis ad noua & intacta semper præperandum. Itaque hoc probato & posito, quatuor esse humores, qui sensibilia sunt corporis nostri elementa, videamus quid deinceps dicat Hippocrates. Propter ista ægrotat corpus, ac sanum est. Corpus nostrum diuiditur in continentia, contenta, & impellentia. Continentia sunt partes viuentis solidæ, quæ solæ viuere dicuntur, & propterea dicimus,

dicimus, sanitatis & morbi, contrariarum scilicet dispositionum susceptiuas esse, quia quæ qualitates illæ actionem iuuantes vel lædentes sunt propriè affectus partium viuentium, quæ solæ actionem edunt. Contenta sunt spiritus & humores. Morborum causæ, morbi, & symptomata, sunt in contentis, partibus solidis, & functionibus. Symptoma enim est ipsa functio læsa. Morbus lædit actionem propter affectam partem. Morborum causæ proximæ & continentes sunt ipsa contenta, humores scilicet. Idem de sanitate, contrariâ dispositione est intelligendum. Idem Hippocrates dicit, *Propter ista agrotat corpus, ac sanum est*; propter scilicet temperamentum, quantitatem, qualitatem humorum bonam aut malam. Nos priusquam ad contemplationem sanitatis & morbi, nobis hîc propositam veniamus, ut tota hæc melius procedat oratio: conabimur aliquot Hippocratis sententias huic primo intuitu contrarias conciliare, ut cum de mente authoris constiterit, certi simus quid nobis tuendum sit.

Hippocrates *epistolâ ad Democritum*, asserit, ipsum Æsculapium Medicinæ inuentorem, à seipso in multis dissentire; licebit fortassis alicui non examinanti accuratius, idem in summum Hippocratem retorquere. Hic enim manifestè humores sanitatis & morbi causas esse asserit. *Libro verò de flatibus*, etiam demonstratione conficere nititur, flatum omnium morborum authorem esse, his verbis, *Φαίνονται ἐν αἰφύσαι διὰ πάντων τῶν πολυτροπώτεροι πάντων νόσων αἰτίαι ἔσσαι: τὰ δ' ἄλλα πάντα συναιτίαι καὶ μεταίτιαι*, id est, *flatus ipsi omnium morborum omnimodæ existunt cause. Cætera verò omnia quæ cause videri possunt, vel hos adiuvant, vel consequenter post hos in corporibus morbos generant.* Et sic duas iam diuersas opiniones de morborum causis, apud Hippocratem videtis. Tertiam audite *libro de affectionibus*, *Νόσήματα τοῖσιν ἀνθρώποις γίνεται ἅπαντα, ἢ ἀπὸ χολῆς καὶ φλέγματος. ἢ ὅτι χολὴ καὶ φλέγμα, τὰς νόσους παρέχει, ὅταν ἐν τῷ σώματι, ἢ ὑπερξυρραίνηται, ἢ ὑπερυγερραίνηται, ἢ ὑπερδερμαίνηται, ἢ ὑπερφύχηται*, id est, *Morbi omnes hominibus à bile ac pituita fiunt. Bile autem & pituita morbos exhibent, quum in corpore nimium aut resiccantur, aut humectantur, aut incalescunt, aut frigesunt.* Quod confirmat *libro primo de morbis*; vbi duos tantum humores, morborum causas constituit, bilem scilicet & pituitam.

Variis igitur & multiplex est Hippocrates in assignandis morborum causis, nunc flatum, nunc duos humores, nunc quatuor, ut in hoc libro, humores, morbos efficere asserit. In conciliandis huiusmodi contradictionibus & scripturis satis est, si interpretatione aliqua laudabili, & mentem authoris obseruando, pugnantiam aliquo modo tollamus; quod in hac controuersia præstabimus. Ad primam igitur opinionem, quæ libro de flatibus continetur, dicimus quod sicuti naturalis spiritus & flatum ad animantis naturam formandam, maximam ac potissimam vim obtinuit, ita è contrario præternaturaliter affectus, maximam ac potissimam vim ad illam destruendam obtinebit; non quod spiritus solus per se morborum omnium sit efficiens, sed quia videtur prima quasi causa & motor internus aliarum rerum, utpote humorum qui morbos efficiunt. Quod satis ipse innuit, dum *loco citato*, & *Συναιτίων & μεταίτιων*, concausarum & postcausarum (ut ita loquar) meminit: quod non fecisset, si spiritum vel flatum, solam esse morborum causam putasset. Ac sic patet, Hippocratem libro illo generalem quandam causam inquirere, non causam proximam morborum, neque sibi contradicere.

Maior est difficultas in conciliando textu illo libri *πεὶ πάθων*, vbi duos tantum humores, eosque nominibus designatos, causas morborum esse dicit, *χολῆν καὶ φλέγμα*, bilem & pituitam. Non caret tamen locus ille excusatione. Nam quod ommissis sanguine & melancholia, duas tantum morborum intimas & constituentes causas facit, bilem scilicet & pituitam; videtur ibi præcipuos tantum recensuisse, à quibus ut plurimum & frequentissimè morbi gignuntur & fiunt, & qui reliquos vi ac potestate quodammodo continent. Cum enim in libro illo sit Hippocrati propositum de affectionibus agere, affectiones autem corpori nostro frequentius accidunt à bile & pituita, videtur meritò neglexisse sanguinem, & succum melancholicum, tanquam rarissimas affectionum, de quibus ibi erat traditurus, causas. Possumus etiam melius & apertius locum illum conciliare. Cum enim morbi ab humoribus præter naturam constitutis gignantur, verisimile est Hippocratem per bilem, *χολῆν διήλει, ξανθὴν καὶ μέλαιναν*, flauam & nigrâ intellexisse, & sic habemus tres humores, bilem flauam, bilem nigrâ, & pituitam, quæ sub se comprehendit omnes pituitæ species præternaturales. Sanguis verò aut nunquam præter naturam est; aut si est, non sub formâ sanguinis sensibiliter, sed sub aliis formis continetur; degenerat enim in bilem &

melancholiam. Atque sic per se non est causa morborum saltem sensibilibum, quos maximè Medicus curat.

In hoc autem libro cum non tam de morbis curandis tractare, quàm de humoribus, illorumque differentiis ac naturâ agere propositum sit, ideò quatuor humores *κατὰ φύσιν & παρὰ φύσιν* appositè recenset Hippocrates, & singulatim de his omnibus sermonem profert. Ex his patet, quomodo repugnantia illæ apud Hippocratem conciliari possint. Nos ad contextus explicationem reuertamur. *Sanum quidem maxime est, cum ista mediocriter se habent, temperamento, facultate ac multitudine, & potissimum si bene fuerint permixta.*

Sanitas morbo prior est, & dignitate & tempore, ideò de illa primò agit Hippocrates. Sed quia contraria iuxta se posita magis elucescunt, contrariorumque contraria consequentia, statim agit de morbo, dicens: *Ægrotat autem cum horum aliquid minus aut amplius euaserit, aut separatum in corpore fuerit, nec omnibus contemperatum.*

Qui contrariorum vnum nouerit, facillè & alterum cognoscet. Sanitas ergo nobis cognoscenda, hoc potissimum libro, in quo de rebus naturalibus agitur. Sanitas duplex est, vt docet Galenus, 1. *de sanit. tu.* vna quæ est medijs temperamenti, illius scilicet quod *ἑυκροτον* appellauimus, nulli vitio quod sensu percipiatur obnoxia, quæ præditi functiones suas omnes obeunt perfectissimè: Altera verò intemperata, ad alia quæuis temperamenta magis deflectens, non facto tamen tanto progressu vt functiones lædat. Hoc sic explicat Aëtius. Sanitas bifariam dicitur: Quædam exquisita, optima, perfecta, & summa quædam, delinquens quidem, non adeò tamen vt propterea ægrotare dicatur. Et hæc diuersos habet gradus, maioris & minoris ratione non parum differentes. Optima & inculpada sanitas in eo corpore est, quod optimam habet structuram, quam si à rei substantiâ explorabimus, est & qualitatibus temperatissima, & partium compositione ad proprios actus exquisitissimè congrua, nec minùs numero, magnitudine, & commodo inter se earundem partium ordine, vt singula quæque actioni aptè parata sit. Sanitas alia est *κατὰ ἔξιν*, & est naturalis sanitas alia *κατὰ φύσιν*, quæ est tantum bonus habitus. Galenus homines vocat sanos vt nunc, alios vt plurimum, alios vt semper. Sunt qui tot sanitatis differentias faciant, quot sunt temperamenta, ita vt vna sit exacta, temperamento exquisitè temperato respondens, aliæ alijs temperamentis tam simplicibus quàm compositis analogæ. Quicquid sit, sanitatis magna est latitudo, nec videtur Galeno sanitas à sanitate differre communi formâ, vnde sanitates dictæ sunt, sed maioris tantum minorisque ratione. Sicuti niuis albedo ab eâ, quæ est in pariete, quatenus albedo est, non dissidet, sed tantum quatenus magis est intensâ. Sic Socratis verbi gratia sanitas, ab eâ quæ est in Platone, non differt quatenus sanitas, sed est cum illâ eadem; Dissidet autem quod fortassis melior sit in Socrate quàm in Platone: Illius autem perfectio iudicatur, actionum omnium non vnus integritate; quia intemperati vnâ aliquando actionem perfectiùs edunt, quàm exquisitè sani. Atque idem contingit in sanitatis perfectione, quod in fidium aut citharæ consonantia: hæc vnica & infestilis, si summam & exactissimam intelligamus: quæ verò singulis diebus in chorearum festiuitatibus auditur, certè latitudinem maximam patitur. Nam sæpiùs vbi citharædus percommode citharam temperasse videbitur: alius peritior superueniens, exactiùs temperabit. Talis est ratio sanitatis, quæ quidem vnica est, si perfectam spectes: plures verò eius differentia in varijs hominum naturis, idque cum maxima latitudine, ne introducatur *ἀνισογένεια*, perpetua inualitudo, quam meritò Medici reiiciunt, neque enim functionis imbecillitas statim morbus est, nisi præter naturam fuerit. Quis hominum etiam sanus non imperfectè audit, si cum Melampode; quis pedibus non est infirmus, si cum Iphicle; quis non manuum robore impotens, si cum Milone comparetur? Attamen perfectâ fruitur sanitate, & functiones omnes secundum naturam exercet.

Sanitas variè definitur. Galenus aliquando per solam temperiem, vt *comment. ad Aphor. 39. sect. 4.* Quacunque parte (inquit ille) corporis, insignis caliditas aut frigiditas fuerit, hinc morbum necessarium est esse, quia discessit à temperie naturali, quæ sanitas est, & 28. *ὅτι ἐν συμμέτρῳ καὶ ὁμοίᾳ ὅτι; ὅτι ἡ ἀνισογένεια.* Aliquando per symmetriam ipsarum. Aliquando per vtrumque, vt *ex artis parua cap. 4.* colligere est, dum dicit: Sanum corpus est, quod bonam habet temperiem in simplicibus & primis particulis, & in organicis bonam commensurationem. Aliquando per actionem quæ secundum naturam se habet: Aliquando per
constitutio

constitutionem se naturaliter habentem ; Aliquando etiam per negationem , *ut libro primo de san. tuend. Sanitas* , inquit , *est constitutio , in quâ nec doloribus cruciamur , nec in vita actionibus impedimur.* Dicitur ab Aristotele sanitas perfectio corporis. Quidam Philosophus definit sanitatem qualitatem conflata & constantem ex proportionem qualitarum aliarum.

Nos videamus quid possimus. Cum contraria inter se sint , sanitas & morbus , in quocunque genere eorum quæ præter naturam se habent ponetur morbus , in eodem eorum quæ naturaliter se habent , ponenda sanitas. Quare si morbus fuerit actio præter naturam , omnino sanitas erit actio secundum naturam. Si verò morbus dicatur affectio aut constitutio præter naturam ; sanitas etiam affectio aut constitutio naturaliter se habens dicetur. Sanitas autem potius potentia quam operatione definienda , quia non semper agimus , aut functiones obimus , satis est si obire possimus. Ideò cum & morbi definitio duplex sit , vna à sensu , altera ab intellectu ; à sensu , actionis læsio ; ab intellectu , constitutio præter naturam. Sanitas etiam duplex esse poterit , melior tamen per constitutionem , quæ genericè de sanitate & morbo prædicatur. Sic igitur definitur. *Sanitas est constitutio naturalis omnium partium corporis , quæ per bonam similitudinem temperiem & unionem , atque organicarum symmetriam , functionum bonarum causa existit.*

Nec obstat quod obiiciunt aliqui , sanitatem non esse ipsam constitutionem naturalem , sed perfectionem quæ est in ipsa constitutione. Neque enim tam exactè omnia expendunt Medici , & apud Physicos , definitiones ut plurimum sunt causales ; Sonus est collisio , id est , ex collisione , Epilepsia est obstructio , id est , ex obstructione. Addidimus *omnium partium* , quia ad bonam symmetriam requiritur omnium bona commoderatio. Videas multos quibus caput optimè temperatum est , thorax verò aut venter parum prosperâ temperie erunt præditi. Quorundam artus intemperati sunt. Non desunt quorum aliquod viscus aut alia pars pluresve , parum salubri sunt temperamento , reliquis temperatis , qui sanitate frui idcirco non dicuntur , quia nimirum *Aliqua* & insignis est aliqua partis læsio , quæ totam labefactat symmetriam Adiunximus , *quæ existit bonarum functionum causa* , quia non omnis constitutio aut affectus secundum naturam dicitur sanitas , v.g. *Æthiopum nigritia* aut *Germanorum albor* , affectus sunt illis secundum naturam , tamen sanitas non dicuntur , cum in illis ea consistat , quæ causæ rationem ad aliquod opus edendum obtinent. Ut omnis affectus præter naturam non protinus est morbus , nisi actionem lædat , v.g. *cutis denigratio à sole* , aut *candor ab umbratili & otiosâ viuendi consuetudine contractus* , quia nullam impediunt functionem.

Quomodo fiat sanitas , bene explicat Hippocrates , cum dicit ; *Sanum est cum ista mediocriter se habuerint , temperamento , facultate & multitudine.* Sanitas & ægrotudo cum accidentia sint corporis nostri , non habent materialem causam ex quâ fiant , materia enim est pars facti ex materiâ , & propterea materiâ propriè dicta assignatur tantum substantiæ compositæ. Subiectum igitur cum sit accidentibus pro causa materiali , sanitatis & ægrotudinis partes viuentes (quia ut est apud Aristotelem , *de sensu & sensibili* , sanitas & morbus non fiunt in carentibus vitâ) corporis viuentis , quæ actionem edunt , subiectum erunt : Quarum formalis ratio erit , secundum naturam & præter naturam esse , actiones obire & actiones lædere : Efficiens causa erunt humores secundum qualitatem , quantitatem , & commoderationem , boni , mali , excedentes , mediocres , vel deficientes , moderati vel immoderati. Et sic ab humoribus propriè sanitas & morbus pendent effectiue , ut loquuntur Philosophi , non materialiter aut subiectiue , nisi impropriè. Efficiunt autem humores sanitatem , cum sub certâ quantitate & qualitate bene moderati fuerint , unde tria sunt apud Hippocratem , quæ sanitatem efficiunt , *quantitas , qualitas , & debita humorum proportio.* Quantitas quidem , quia non sub quavis copiâ & multitudine humores commixtionem & temperiem adipisci possunt : Nec multa paucis , aut magna parvis adiuncta , mixtionem efficiunt , sed sub certâ ac mensuratâ quantitate consistere , ac naturaliter agere possunt. Qualitas autem , quia ubi sensibilis fuerit qualitatis humorum à naturali statu mutatio , statim oritur intemperies , quæ morbus est. Proportio verò & bona humorum commixtio , quia exacta est proportionata quantitatibus & qualitatis humorum permixtio , est sanitatis efficiens causa perfectissima , primò in similibus partibus , mox in organicis & compositis. Neque enim sanitas aliqua aut in substantiali temperie , aut in animati solidis corporis partibus efficeretur , nec tales illæ unquam dicerentur , nisi inter se humores prius

fuerint optimè permixti ; ex quorum permixtione & æquali temperie facultas illa exurgit, quæ sanitas est, & in quantitate vnio, in qualitate temperies appellatur.

Quod si obiiciat aliquis, quantitatem humorum non efficere bonam valetudinem, propterea quod quantitas non est inter principia actiua. Respondemus, quantitatem quidem primò & per se actionem non facere, sed esse conditionem necessariam ad agendum, quia est inseparabilis à qualitate, & in maiori quanto maior existit vis agendi per qualitatem. Sicque quantitas agit non primò & per se, sed vt dicebat. Auerroës, reductiuè & concomitanter.

Nos itaque vt morbi, sic & sanitatis tria facimus genera, duo in partibus similibus, temperiem scilicet & vnionem: in organicis cōformationem. Sunt qui dubitant, vtrum sanitas possit differentias recipere ; Nam si reciperet, hoc esset vel ratione maioris & minoris, vel secundum subiecta corpora, vel secundum proprias operationes, vel per propriam rationem & formam. Maioris quidem & minoris ratione non accipit differentias, quia magis & minus non mutant speciem. Secundum partes subiectas etiam non potest differre sanitas, quia vt sit sanitas, necesse est partes omnes, tam simplices quàm compositas, secundum naturam habere ; Vbi enim vna illarum actionis læsionem patitur, statim labefactatur sanitas, quæ vt perfectum quid ponitur. Secundum operationes diuidi non potest sanitas, quia nulla in bene valenti actio ad sensum læsa est insigniter: Non igitur potest diuidi per operationes, cum vnica actio læsa, morbum adesse significet. Tanto minus per suam rationem & formam, quia cum sanitas perfectio & commodoratio quædam sit, quod perfectum & moderatum est vt medium, vnicum est ; imperfecta & immoderata plura. Ergo, concludunt illi, sanitas nullâ ratione differentias accipere potest. Respondemus, sanitatem quidem esse medium, non quidem exquisitè, sed cum magnâ latitudine, ita vt sit vnicuique naturæ suum medium, ab alterius naturæ medio diuersum, quemadmodum virtus omnis est medium: sicque sanitatem differentias non recipere secundum maius aut minus, secundum subiecta, aut operationes, sed secundum rationem propriam. Sanitatis essentia consistit in commodoratione calidi & frigidi, humidi & sicci. Constat autem non eandem omnibus hominibus esse com moderationem secundum naturam, sed quod vni est secundum naturam, alteri est morbus. Ita vt sanitas naturâ suâ non sit vnica, sed secundum temperamentorum diuersas species multiplex est. Est nimirum bilioso homini sua moderatio naturalis, est pituitoso sua, atque adeò diuersa, vt si pituitosi temperies, quæ ex qualitatibus spectatur, transferretur ad biliosum, quæ in illo erat sanitas, in hoc sit futura ægritudo, illi ad operationes obeundas commoda, huic incommoda. Atque in hoc discedimus à Galeni sententiâ, qui vt antea diximus, sanitatem volebat à sanitate differre solâ intensione, vt niuis candor differt à parietis candore, non quòd alius sit, sed quòd magis intensus.

¶ Vt ad sanitatem constituendam tria requiruntur, moderata humorum quantitas, & qualitas, atque eorundem exquisita mixtio : sic contrà ad ægritudinem constituendam, vnica aut qualitatis, aut quantitatis, aut mixtionis euersio sufficit. Ad destruendum quippe vnum, ad construendum plura requiruntur, vt ait Aristoteles *in topicis*. Ideò Hippocrates sanitatis causas coniunctim protulit, ægritudinis autem disiunctiuè ; dicens *Ægrotat verò aut cum horum aliquid minus aut maius euaserit : aut cum separatim fuerit : aut non bene aliis temperatum*. Vbi breuissimè explicat trium generum morborum causas.

Si contigerit enim, qualitatem & quantitatem humorum in animante simul innaturales euadere, immoderatas scilicet & indebitæ proportionis, malè quoque inuicem permixtas & temperatas esse: tunc trium primorum generum, & intemperiei, & vnionis solutæ, & prauæ compositionis, compositum morbum constituent, veræ & exquisitæ sanitati oppositum. Si verò aut qualitas sola, aut quantitas, aut mixtio peccet, vnum tantum constituet morbi genus, qualitas intemperiem, mixtio vnionem, quantitas compositionem, vt satis consideranti patet. Atque de his hæcenus.

LECTIO X.

TEXTVS HIPPOCRATIS.

Aνάγκη γὰρ ὁκόταν τὶ τῶν χυμῶν χωρισθῇ, καὶ ἐφ' αὐτῷ σῇ, ἐνθέν τε ἐξέλκηται, & μόνον τῷτο τὰ χυμῶν νοσήρον γίνεσθαι, ἀλλὰ καὶ ἐνθα ὁπχυθῇ ὑπερπληθύνον, ὁδυνῶν τε καὶ πόνον παρέχειν. καὶ γὰρ ὅταν τι χυμῶν ἐξω τῷ σώματι ἐκρῶν πλείον τῷ ὁππολάζοντι, ὁδυνῶν παρέχει ἢ κένωσις, ὡς ταῦτα πάλιν ποιήσῃ αἷσα πλεονέκωσι, καὶ τ' μείωσι, καὶ πλεονέκωσι δὲ τ' αἰσθάνων, πολλὴ αὖτις ἀνάγκη διπλῶς τὴν ὁδυνῶν παρέχειν καὶ τὰ εἰρημνῆα, ἐνθέν τε ἐξέλκηται, καὶ ἐνθα ὑπερβέβαλεν.



NECESSE est enim, cum aliquid istorum recesserit, & per se steterit, non solum locum illum morbidum fieri, sed etiam eum ubi constituerunt, illo effuso repletum, dolorem ac morbum exhibere; Cum enim aliquid horum extra corpus effluerit magis quam redundaret, vacuatio dolorem adfert. Quod si illa rursus fecerint intus vacationem & μείωσιν, transitionem, ac ab aliis secretionem, necesse est duplicem dolorem excitare, ut diximus, & unde secessit, & ubi exuperat.

Dixit superius Hippocrates, Sanitatem & morbum ab humoribus, tanquam ab efficientibus proximis fieri; Sanitatem quidem si debita fuerit illorum quantitas, qualitas, & bona mixtio; Morbum vero si in uno istorum defecerint, aut abundarint. Nam ipsa Medicina curatrix nihil aliud est lib. de statib. quam πρόθεσις & ἀφαιρέσις, ἀφαιρέσις τῶν ὑπερβαλλόντων, πρόσθεσις ἢ τῶν ἐλλειπόντων, ablatio eorum quæ exuperant, additio eorum quæ deficiunt. Humores siue vacuentur extra, defectum inducunt, siue intus partim defectum in parte illa, à qua vacuantur, partim redundantiam in parte in quam μείωσιν, & transitū fecerint. Quod clarius hinc explicat Hippoc. cum dicit: Necesse est cum aliquid istorum recesserit, & per se steterit, non solum illam partem morbidam fieri, sed etiam illam in qua constituerit. Huic valde similis est sententia apud Hippoc. lib. de veteri medic. Est enim in ipso homine (inquit ille) καὶ πικρὸν, καὶ ἀλμυρὸν, καὶ γλυκὺ, καὶ ὀξύ, καὶ στυφνόν, καὶ ψαδάρον, καὶ ἄλλα μυρία παντοίας δυνάμειας ἔχοντα, πλεονέκωσι τε καὶ μείωσιν, & amarum, & dulce, & acidum, & acerbum, & alia infinita omnigenas facultates habentia, copiamque ac vires. Quasi bene temperata fuerint inter se, non sunt conspicua, neque hominem ladunt. Vbi verò quid illorum fuerit secretum & redundans, tunc & conspicuum est, & hominem ladit. Hæc Hippocrates, ubi optimè declarat modos omnes quibus humores morbis originem dare possunt, per amarum, acidum, acerbum illorum præternaturales qualitates designans: per copiam & multitudinem, superuacuum quantitatem: per secretionem & incommodationem, denique per fluxum. Galenus in commentario, ut iam diximus, vult omnem humorum fluxionem fieri, vel extra corpus, de qua postea; vel intra corpus, de qua in primis videndum. Fluxio interna seu ρεύματισμος est humoris vel in una parte stabulantis, vel fluitantis, in aliam partem transitus & μετάσσις. Fluxionis istius causæ multiplices sunt, quarum aliæ sunt ex parte humorum, aliæ ex parte membri mittentis, aliæ recipientis, aliæ ex parte viarum, aliæ denique sunt causæ commouentes.

Causæ commouentes sunt, calor, frigus, & dolor. Calor, quia in corporibus plenis, in quibus inutilis materia redundat, si caliditas adfuerit, magna humoris portio ad eas defluet partes, quæ maximè incaluerint; frigus etiam fluxionis est causa per accidens, quia ut est apud Galenum lib. 4. de simpl. med. facult. frigidum quæcunque contingit, eorum contrahit, condensat & constringit substantiam, omnes meatus in corporibus raris subiens, & quodammodo multis vndique ansis comprehendens, humiditates partium exprimit: vnde Aquilo catarrhos excitare, in Aphorismis legitur. Hoc diuinis verbis expressit Hippocrates lib. de locis in homine, quæ huc & propter illorum & Magistri dignitatem adferemus, & quia utramque causam fluxionis morricem eleganter comprehendunt: Fluxiones, quas ῥόες vocat, fiunt propter frigus,

(inquit Hippocrat.) quando caro & vena compressa fuerint : Illa enim horrente carne & ad minimum contracta adstrictaque ἢ ὑπότῃσιν humores exprimunt. Quicquid igitur inde expressum fuerit , id ipsum quocumque contigerit , fluit. Hæc de frigore ; paulò post subiungit ; Fluit etiam propter calorem , cum carnes rarefactæ διύδῃς, id est, transitus prabuerint , & ipse humor calefactus, tenuior fit, & omne lubricum fluit. Sic igitur Calor & Frigus per se, & per accidens ῥόγῃς, id est, fluxiones commouent. Dolor etiam fluxus humorum excitat , & vt vulgò dicitur , Dolor omnis trahit , ὅτι τὰ ἀλγύματα πρὸς γίνεσθαι, ῥευμάτων ἰσχυρότερον γίνονται ; Cum dolores accesserint , fluxiones & destillationes fiunt. Vnde dolentibus partibus inflammationes adueniunt, quia dum natura excernere atque expellere conatur dororificam causam, sanguinem, spiritus atque humores ad partem dolentem mittit, vt eam adiuuet. Verbi gratia aliquis exiguâ acu punctus in extrema digiti parte, primò dolet, paulò post pars inflammationem patitur, tandem in magnum tumorem partes omnes vicinæ attolluntur : Et sic tres sunt causæ fluxionem commouentes, Calor, Frigus, & Dolor.

Ex parte humoris causæ etiam sunt, vt humorum multitudo, illorum tenuitas & leuitas : multitudo maiorem, aliæ celeriore faciant fluxionem.

Propter partis mittentis robur ; cuius facultas expultrix valida, ad expulsionem rei molestæ irritatur : & situm, quia pars superior in subiectam exoneratur.

Denique propter partis ipsius excipientis imbecillitatem, quæ exceptam fluxionem in alias rursus reicere non valet ; propter mollem illius substantiam, quæ facilius imbuitur ; propter illius raritatem, quæ promptius humorem admittit ; propter coniunctionem cum partibus mittentibus, quibus est exposita ; propter figuram concavam, quâ continet ; ac propter locum humiliorem, quia partes decliues humores infra tendentes excipiunt ; vel etiam quia ad locum illum feruntur ea quæ mouentur. Verbi gratia, caput sublime est, potius tamen impetitur vaporibus, qui à medio eleuantur, quam partes inferiores, in quas humorum grauiorum decubitus fit.

Hæ causæ aliquando omnes simul concurrunt, aliquando pauciores, aliquando vna aut duæ tantum. Ex ipsius aliquando tantum partis vitio, vt quando calidior reddita est, aut dolore vexatur ; aliquando propter abundantem humorem ex totius corporis affectu, & reliqua prout corpus bene aut malè affectum est. Quicquid sit, humoris cuiusvis fluxio, vbi à toto corpore, siue ab vnâ tantum parte, in aliam transitum & μετασπιν fecerit, & ibi constiterit, vocatur ἀποσκήμμα seu decubitus, qui ita à Galen. describitur lib. 2. ad Glauc. Ἀποσκήμματα ὀνομάζουσι τὰς διαβάσεις ἐκείνας, ὅταν χυμοίτινες, ἐνοχλῶντες πρότερον ἐτέρῳ μορίῳ, καὶ ἀλιπῶντες ἐκείνῳ, εἰς ἕτερον μετασπιν, hoc est, Decubitus vocantur dispositiones illæ, quando humores qui prius partem aliquam infestabant, eâ relicta in aliam transuerunt. Nihilque differt decubitus à fluxione, nisi quòd fluxio est in fieri, decubitus verò in facto esse.

Hæc humorum ab vnâ parte in aliam fluxio duplicem excitat morbum, vnum in parte ad quam, & vt dicit Hippocrates. Non solum locus ex quo recessit, morbidus euadit, sed is etiam ubi constitit & influxit. Pars, inquam, à quâ humor vel impetu proprio & per se, vel retentricis imbecillitate, aut robore expultricis, aut alienâ violentiâ recessit, malè afficitur in magnis potissimum vacuationibus, quæ naturæ sunt molestæ : etiam humorum peccantium facta confertim vacuatio nocet, vt de pure empyicorum, & hydropicorum sero celebratum est. Præterea pars mittens per accidens in his fluxionibus afficitur, quoniam dum pars humores illos vacuat confertim, multos etiam spiritus emittit ad illorum expulsionem, vnde vires eius minuuntur, & pars ipsa intemperatior redditur. Pars verò ad quam siue excipiens, dupliciter afficitur, & quantitate, & qualitate humoris, vel etiam vtrâque.

Quantitas quidem nimia humoris fluentis facit tumores præter naturam, & tensione continuum soluit : Qualitas verò, vt caliditas & frigiditas alterationem subitam efficit : Si vtrâque adfuerit, morbum constituet compositum ex triplici genere, intemperiem cum solutione continui, & conformatione viciatâ. Verbi gratiâ, fluat calidus humor, pars intemperata tantum efficietur, & ab ægro calidior sentietur : Vbi maior affluerit, ima eius pars grandescit, facitque morbum in compositione, & tandem vnitatis solutionem. Atque non solum pars à quâ & in quam, sed etiam per quam fluit humor, aliquando morbo tentatur, si acris, calida aut sincera fuerit fluxio, quemadmodum catarrhus acrior è capite ad pulmones, sæpe asperam arteriam exulcerat, si diutius fluxerit,

Hæ autem humorum fluxiones, non solum parti excipienti, sed etiam mittenti noxiæ, sunt præternaturales, quia datur transitus quidam & μετακίνησις humorum à parte in aliam, quæ naturalis est & nulli obest animantis functioni, ut bilis è folliculo fellis in duodenum effusio, melancholici humoris è liene per vas breue in fundum stomachi immissio, tantum abest ut obfint, ut etiam vna ad debitam fecum expulsionem intestina excitet, altera in stomacho appetentiam prouocet, & suâ aciditate eundem quasi manibus ad retinendos melius cibos comprimat. Præterea in timore, pudore, mœrore, recursus sanguinis, & spiritus, ac aliorum humorum, è totius corporis circumferentia versus principium & centrum, nullâ tamen læsâ actione aut noxâ sensibili illatâ, rursusque amorâ pudoris aut timoris causâ, fit noua illorum omnium ad externum habitum expansio & diffusio, ita ut constet non omnem humoris transitum, sed illum tantum qui quantitate vel qualitate peccet, morbos inferre, eosque quàm plurimos, ut vult Hippocrates. Longum esset & fortassis ultra nostrum institutum omnes recensere morbos & symptomata, quæ ab eiusmodi humorum influxu & secretionem fiunt. Quis enim non mireretur, si attentius conspiciat & aduertat, quot morbi & symptomata oriantur ex fluxionibus capitis, tam in ipso mittente, quàm in subiectis partibus, eiusmodi περιουσιασμοῖς excipientibus? Aspice fauces, gargareonem, pulmonem, ventriculum, nervos, articulos, denique totum corpus subiectum, an non faciliè Hippocrati concedes, tot morborum & nozarum genera, in hisce partibus à cerebro mittente excitari, ut necesse non sit alias curiosius recensere? Mihi potissimum, cui probasse satis est, ὁκόταν τὶ τῶν τῶν χωρισθῇ, καὶ ἀπ' ἐαυτοῦ σῇ, & μόνον τὸ τοῦ χωρίου νοσῶν γίνεσθαι, ἀλλὰ καὶ ἐνθα πικρῶν: Quando aliquid istorum, id est, humorum, secesserit & per se steterit, non solum locum ex quo recesserit, morbidum fieri, sed etiam cum ubi constiterit: affectum nimirum humoris tum quantitate, tum qualitate. Nunc videamus quid adiungat Hippocrates. *Cum aliquid horum extra corpus effluerit magis quàm redundaret, vacuatio dolorem adfert.*

Probauit prius Hippocrates multa incommoda & noxas in animantibus oriri ex humoribus secretis ab vnâ parte in aliam partem, & hoc internam vacuationem appellauimus. Nunc de vacuatione illâ agit quæ fit extra corpus, eamque non minus priori noxiam & periculofam asserit. Vacuatio enim immodica, ut inquit ille, dolorem adfert. Moderata verò & spontanea sæpissimè bona, in quâ si talia purgentur, qualia purgari oportet, confert & leuiter ferunt; Sin minus, contrâ. Hic igitur agamus de vacuatione immoderatâ, quæ nocet, siue sit humoris laudabilis, ut est *Aphorismo tertio sectionis quinta. Vbi plurimus sanguis effluerit, malum*: siue sit humoris peccantis & noxi, ut est *Aphorismo vigesimo septimo sectionis sexta. Qui suppurati, aut aquâ inter cutem correpti, vruntur aut secantur, si pus aut aqua confertim effluerit, omnino intereunt.* Omnes enim immodicæ vacuationes præter naturam sunt, siue suo tempore, siue intempestiuè fiant.

Differt à purgatione vacuatio, quia vacuatio est omnium humorum; purgatio verò illorum tantum qui qualitate peccant. Purgatio tamen sub generali vacuationis nomine continetur, atque υπερπύασις nimia purgatio inter vacuationes immoderatas reponitur. Vacuatio immodica fit vel ab ipso humoris impetu, & efferuescentiâ eruptionem faciente per externos corporis meatus, ut aures, oculos, nares, os, sedem, hæmorrhoidas, vesicam, vterum, & poros ipsius cutis; Vel facta illi exeundi copia per vlcus, aut vulnus violenter inflictum: Vel etiam per venæ sectionem artificiosè adhibitam; Vel denique fit immoderatâ humorum vacuatio à purgante medicamento exhibito, si quis in sumendis, admouendis, educendis, faciendis, error fuerit commissus, si medicamentum habuerit qualitatem alienam & deleteriam; si largius sumptum fuerit; si ventriculi aut intestinorum villis adhæserit; aut si venarum oscula recludere aptum natumque sit. Tres igitur sunt causæ vacuationis immodicæ, humor ipse peccans quantitate vel qualitate, externa violentia, & medicamentum plus æquo expurgans. A quacunque istarum contingat, magnos inducit morbos & symptomata, atque etiam dolorem, continuum quippe soluendo, & intemperiem in partes inanitas introducendo. Adde quòd, cum superuacaneis etiamnum excretis humoribus, non parum spiritus & caloris diffluit, quibus anima destituta plerumque deficit.

Mirum est tantum semper fuisse contradicendi studium, ut etiam Galeni tempore multi fuerint, qui negarent vacuationem nimiam morbum aut dolorem facere, ut ille *comment. ad Aphorism. 22. sect. 2.* scriptum reliquit. Vacuatio, dicebant illi,

est quædam humorum priuatio. Ergo vacuatio agere in corpus, aut morbum introducere non potest, cum priuatio nullam efficiat actionem. Responder illis Galenus eodem loco, Medicâ & apposita ratione. Existimant huiusmodi homines, inquit ille, solam febrem esse morbum; quod si didicissent quamlibet dispositionem operationes lædentes, morbum esse, & quod à vehementibus intemperaturis operationes lædantur, haudquaquam dubitarent, an immodicæ vacuationes morbos efficiant. Non vult igitur Galenus vacuationem ipsam, id est, quod vacuatum excretumque fuit, morbos aut dolorem efficere, quia nullum amplius habet cum corpore commercium aut contactum; sed vult dispositionem relictam & excitatam in corpore, propter immoderatam cuiusvis humoris vacuationem, actiones lædere, & proinde morbos atque dolores, iuxta Hippocratis sententiam, excitare. Nobis locus iste exemplorum appositione est illustrandus, ut pateat clarius, quomodo vacuatio morbos & dolorem faciat. Verbi gratia sanguis supra modum, id est, supra quam abundet, fluens ab utero, Græci *αἰμορραγία ὑστερά* vocant, si tanto impetu feratur ut naturæ robore cohiberi nullatenus possit, quot quantæque mala miseris mulieribus aduehit? Nonne eas in cachexiam, refrigerationem atque etiam hydropem coniicit? Quid? nonne hæmorrhoidum fluxus, quando sanguis propter conceptaculorum reſerationem & venarum sedis apertionem copiosior emanat, hominibus eisdem ferè affectus adfert, quos immodicum menstruorum profluuium mulieribus? Deformitatem nimirum propter vitiatum colorem, & miseram vitæ conditionem, propter totius corporis, & maxime crurum debilitatem. Denique *εἰνὼν αἰμορραγία*, sanguinis è naribus profluuium perseverans, quot symptomata & noxas infert? Non pauci ab isto in animi deliquium, multi in iecinoris infrigidationem, cachexiam demum & hydropem incidunt. Dicit aliquis, terrifica est omnis sanguinis vacuatio, & periculi plenissima. At aliorum humorum excretio, nullum infert damnum, imò sine noxâ effluit quivis alius humor. Mala obiectio & inconsiderata valde. Quis enim aut non vidit, aut non audiuit quam periculosus sit immodicus urinæ fluor, qui *διαβήτης* seu *διψαν*, propter magnam urinæ copiam, quam excernunt ægri, dicitur? Corpus enim totum breui liquefacit, & in marcorem consumit. Notum est choleram morbum sic vocatum à bile quæ per eam affectionem copiosè effunditur superno infernoque ventriculi ore, tam atrocem tamque acutum esse, ut vno aut altero die hominem rapiat, vel substantiâ corporis effusâ syncopen insignem, virium immodicam resolutionem, & tabem absolutam conciliet. Denique alui fluxio copiosior & diuturna, febres concitat, viresque consumit, pedes inflat, atque etiam mortem minatur, si ad syntectica usque excrementa peruentum fuerit. Certum est itaque non solam sanguinis immodicam vacuationem, sed cuiusvis humoris effluxum plusquam abundaret, pericula & morbos quam maximos inferre. Atque hoc non solum in vacuatione externâ, quando scilicet humor foras protrahitur, ut in vomitu nimio, deiectione diuturnâ, phlebotomiâ immoderatâ, sudoribus nimis, urinæ profluuiio immoderato: sed etiam in vacuatione internâ, quando humor à parte in partem influit, in quâ & partes mittentes & recipientes, atque etiam viam præbentes, ut plurimum afficiuntur. Quod maxime perspicuum est, ubi quidam humores abundant in corpore, & quasi ferociunt, quales sunt bilis flava, æruginosa, vitellina, atra bilis ex aliarum adustione nata; pituita salsa, & reliqui præternaturales humores, à quorum vario decubitu & *μετάσει*, ut dicit Hippocrates, & nos rationibus confirmavimus, omnium morborum genera oriuntur & pullulant.

LECTIO XI.

TEXTVS HIPPOCRATIS.

Φημι δὴ εἶναι αἷμα, καὶ φλέγμα, καὶ χολήν, ξαντὴν τε καὶ μέλαιναν. καὶ τετάρτον πρῶτον μὲν κατὰ τὸ νόμον τὰ ὀνόματα διαρίσσει φημι, καὶ ἐξενὶ αὐτέων τὸ αὐτὸ ὄνομα εἶναι. ἔπειτα τὰς ἰδιότητας κατὰ φύσιν πεχωρίσας, καὶ οὕτε τὸ φλέγμα οὐδὲν εἰκέναι τῷ αἵματι, οὕτε τὸ αἷμα τῇ χολῇ, οὕτε τὴν χολήν τῷ φλέγματι. πῶς γὰρ ἂν εἰκόσται εἶν ταῦτα ἀλλήλοισιν, ὧν οὕτε τὰ χρώματα ὅμοια φαίνεται πασορώμα, ἔτε τῇ χειρὶ ψαύοντι ὅμοια δοκέει εἶναι. οὕτε γὰρ δερμὰ ὁμοίως εἶναι, οὕτε ψυχρὰ, οὕτε ξηρὰ, ἔτε ὑγρὰ. ἀνάγκη τοίνυν ὅτι τοσῶτον ἀλλήλοις ἀλλήλων πλὴν ἰδίῳ τε καὶ τὴν δυνάμειν, μὴ ἐν αὐτῷ εἶναι, εἴπερ μὴ πῶς τε καὶ ὕδωρ ταυτὸν ἐστίν. Συγγέγονε δὲ ταῦτα τὰ ἐρημένα· πῶς γὰρ ἐξυγγέγονε; πρῶτον μὲν φανερόν ἐστιν ὃ ἀνθρώπου ἐχθρὸν ἐν ἐωυτῷ ταῦτα πάντα εἶναι, ἕως ἂν ζῇ. ἔπειτα γέγονεν ἐξ ἀνθρώπου, ταῦτα πάντα ἐχόντι. ἔπειτα τέτραπται ἐν ἀνθρώπῳ ταῦτα πάντα ἐχόντι, ὅσοις ἐγὼ γὰρ νῦν φημὶ τε καὶ δποδάννυμι.



DICO autem esse sanguinem, pituitam, & bilem, flauam & nigram. Et istorum nomina primò secundum legem, id est, loquendi consuetudinem, distinguo dico, & nulli horum idem nomen esse. Deinde secundum naturam, id est rei veritatem, species separari, & neque pituitam ullam sanguini similem esse, neque sanguinem bili, neque bilem pituitæ. Quomodo enim hæc inter se similia sint, quorum neque colores similes ad visum, neque manui tangenti similia apparent? Neque enim calida sunt similiter, neque frigida, neque sicca, neque humida. Necesse est igitur cum tantum inter se discrepent & formâ & facultate, non unum esse, quandoquidem neque aqua, neque ignis, idem sunt. (Transposui hunc textum, ut melius omnia cohererent.) Connata sunt autem hæc omnia prædicta. Quomodo enim connata non essent? Primò siquidem manifestum est, hominem in seipso hæc omnia semper habere donec vixerit. Deinde procreatus est ex homine hæc omnia possidente. Post nutritus ab homine hæc omnia habente, quæ nunc ego dico & demonstro.

DEcies repetita placebunt, inquit Poëta, si vtilia & cognitū necessaria fuerint. Mirum est quàm sæpe Hippocrates noster hîc quatuor humorum numerum repetat; non leuem tunc temporis quæstionem fuisse arbitrandum est, & quam fortassis præclari viri tuerentur, quos Hippocrates ut malè sentientes ad meliorem sententiam reuocare frequenti & validâ argumentorum serie conatur. Galenus ipse scripsit, quendam Archigenis discipulum, virum non omnino contemnendum, constanter asseruisse pituitam esse primum & elementarem humorem, & alia multa absurda, quæ fortassis Hippocratis sæculo magis erant celebrata. Nec inutiliter contra huiusmodi homines instituta est disputatio, cum totius Medicinæ fundamenta euerant, quæ summus Hippocrates summo studio & labore iecit ac stabiliuit. Tale eius nunc est argumentum. Quæcunque differunt & nomine, quia scilicet diuersis nominibus donata sunt à communi bene loquentium vsu; quælibet autem diuisa & separata substantia, suo diuiso separatòque nomine nuncupatur, & formâ inter se distincta sunt, tam essentiali quàm accidentariâ, illa reuerà inter se differunt. Atqui humores & vario sunt ab hominibus nomine donati, & speciem habent diuersam, & colore, odore, primisque qualitatibus tactilibus distinguuntur. Ergo humores reuerà inter se differunt. Quòd humores nominibus inter se differant, patet. Quid enim illa significant, Bilis, Sanguis, Pituita, Melancholia, nisi quatuor in nobis humores? At quis negabit illos colore differre, si non lippis oculis sanguinem rubro colore saturatum inspexerit, bilem aureo quasi fulgore splendentem, pituitâ albescentem, & melancholiam nigro & quasi piceo colore imbutam? Quis etiam bilem calidiorrem, pituitam frigidiorrem, sanguinem temperatiorrem esse negauerit? Omnes perlustra sensus. Visus tibi varios colores, auditus varia nomina, olfactus varios odores, gustus varios sapes, tactus varias tactiles qualitates humorum esse restabitur.

Quis igitur contra tam manifestum omnium sensuum in assignandis humorum differentiis consensum, argutari volet deinceps? Præterea cum prius probatum sit, quatuor prima esse elementa, ex quibus reliqua omnia componuntur, verisimillimum est quatuor etiam esse humores, qui sensibilia sunt corporis nostri elementa, specie differentes, & primorum corporum naturam referentes. Hæc omnia argumenta & fuse & satis dilucidè proposita sunt à nobis, dum de humoribus ageremus. Nunc igitur aduertendum ad difficultates quasdam, quæ in ipso contextu occurrunt. Primò ad illud quod dicit, humores siccitate & humiditate differre. Nam videtur duo contraria in eodem subiecto constituere. At nos *ὡς ὕγας* illas, scilicet calidi & frigidi, humidi, & sicci, impossibiles esse diximus. Respondemus, humores alios aliis sicciores & humidiores, dici dupliciter; primò quod alius alio minùs vel magis sit humidus, ut bilis vitellina sicca dicetur, respectu bilis flauæ: pituita gypsea dicetur sicca, respectu pituitæ dulcis, quia minùs de humiditate participat. Aliâ ratione dici humores alios aliis sicciores, & siccitate differentes, nempe *δυναμει* & potentiâ quâ exsiccant; Nam etsi humoribus omnibus commune sit, ut liquidi sint & fluidi, non tamen omnes humectant. Quantumvis aspectu humida sit flaua bilis, illa tamen calida & sicca est, atque potenter corpora exsiccant. Humores itaque cum pura elementa non sint, sicut aqua, terra, aër, & ignis, quia ipsorum quilibet ex quatuor his simplicibus compositus est, vno tamen prædominante; quando humores istos calidos, frigidos, humidos, aut siccos dicimus, tales esse non nisi potestate & vi asserimus, non actu. Actu verò id esse dicimus, quod iam præsens est; potestate verò quod aptum est ad agendum; Ut bilis flaua, sicca dicetur, quòd siccare possit non minùs quàm aqua maris, quam siccam esse dicimus, propterea quòd talis potentiâ inuenitur; verbi gratia dum carnes exsiccant & seruat incorruptas. Sit etiam humor potestate siccus, ut ferrum potestate liquidum existit. Nec obest, quod humor durus non sit, cum dura omnia non sint sicca, ut patet in glacie durâ & à frigore concretâ. Bene igitur assignata sit differentia illa humorum ab Hippocrate per siccitatem & humiditatem; vel secundum quod magis aut minùs humiditatis sunt participes, vel secundum quod tales potestate dicuntur. Adiungit deinde; *Neque manui tangenti similia apparent*. Tactus enim, ut scitis, qualitarum istarum iudex est, qui sensus omnibus animalibus, quantumlibet etiam imperfectis communis est, sine quo neque animal esse potest, neque aliquid habere potest tactum, quod non sit animal. Cuius organum sunt neruuli illi multiplices & ramosi, multis furculis & quasi capillatim per totum corpus sub carne & cute expansi, tanquam rete quoddam. Caro autem nervis superposita, tactus medium est, quod tangibile contingens, per illam emittit speciem qualitatibus tangibilis ad neruum, proprium tangendi instrumentum. Obiectum verò tactus sunt qualitates tactiles primæ, ut calidum, frigidum, humidum, siccum; & secundæ, ut durum, molle: quarum septem oppositas coniugationes quatuordecim donatas nominibus recenset Galenus 2. *de differ. puls.* Prima oppositio est calidi & frigidi. Secunda sicci & humidi. Tertia grauis & levis. Quarta duri & mollis. Quinta lenti & friabilis. Sexta asperi & lenis. Septima crassi & tenuis. Harum qualitarum excellentia cum per se nata sit vitam animalis corrumpere, temperiem illius labefactando; idcirco ut temperies qualitarum primarum nulli fuit denegata membro, sic pars nulla sensu isto priuata est. In manu tamen, si quâ aliâ parte sensus tactus exquisitissimus est, præcipue in digitorum pulpâ, & ipsâ volâ, vel quòd ibi neruorum propaggines desinant, vel quòd cutis illa sit temperatissima. Vnde etiam Hippocrates qualitates hæc primas, manui tangenti potissimum manifestas esse voluit. Hisce explicatis superest nobis vltima contextus pars explicanda. *Congenita sunt hæc omnia prædicta. Quomodo enim connata non essent? Primò si quidem manifestum est, hominem in seipso omnia hæc habere: Deinde procreatus est ex homine hæc omnia habente: Post nutritus, &c.* Idem ferè legitur apud Hippocratem, *lib. de genit.* Εἰσὶ δὲ τέσσαρες ἰδέαι τῶ ὕγῳ, αἶμα, χολὴ δριμύτης, καὶ φλέγμα. Τοσαύτας γὰρ ἰδέας ἔχει ζυμώσεως ὁ ἄνθρωπος ἐν ἐαυτῷ. Has species humorum habet congenitas homo in seipso, &c. Congeniti sunt humores isti hominibus, propterea quòd & aliis hæc habentibus procreantur, & nutriuntur illis, quæ istos in potentiâ continent. Cum de hominis hinc procreatione obiter meminerit Hippocrates, vtile erit, si de generationis nostræ principiis latius tractemus, quia & iucundum est argumentum, & mihi exercitationis omne genus amplectendum est. Tractabimus igitur duas quæstiones, quibus dubitari solet, an vtrumque semen, muliebri scilicet & virile efficientiam, an muliebri solam materiam præstet? Altera, vtrum semen viri foetui materiam aliquam tribuat?

Tota Philosophorum Medicorumque, de principiis generationis nostræ disputantium turba, in duas quasi factiones diuisa est, quarum principes duo sunt, Hippocrates & Aristoteles. Aristoteles duo agnoscit generationis nostræ principia semen & maternum sanguinem, quorum vnum efficientis & opificis, aliud materiæ tantum rationem obtineat. Hippocrates contrâ putat semen esse virile & semen muliebre, atque vtrumque tum materiam, tum vim ad efficiendum exhibere, vt videre est *lib. de geniturâ* Quandoque semen à muliere emissum (inquit ille) fortius est, aliquando debilius. Similiter etiam quod vir emisit: Et est tum in viro fœmineum, itémque masculum semen, tum itidem in muliere. Hæc Hippocrates. Fuit etiam tertia quædâ opinio Empedoclis, existimantis diuisa esse sobolis membra, ita vt alia in fœminâ, alia in maris semine continerentur: Atque inde oriri putabat animalibus venerei complexus appetentiam, dum partes inter se distractæ vniri atque coniungi appeterent. Sed hæc opinio vt absurda iam dudum explosa est. Reliquæ duæ magnis vtrunque fulciuntur argumentis, & ferè æquali rationû pondere librantur, vt mox videbimus. Galenus varius est & fluctuans, modò Hippocrati, modò Aristoteli fauens. *Lib. 1. de san. tuendâ*, manifestè cum Aristoteli facere videtur; Sanguis & semen genitale (ait ille) duo sunt generationis nostræ primordia; illæ ceu materies quadam apta concinnæque, & opifici ad quidvis sequax: hoc semen scilicet opificis rationem obtinens. Videtis quomodo hîc nullam seminis muliebris, neque *comm. ad 14. Aphor. sect. 1.* mentionem faciat. Attramen *lib. de semine*, palâm Hippocratis sententiam tuetur, dum dicit: Neque semen facultas tantum est, sed materia etiam quadam; Neque menstruum materia solummodo, sed etiam facultas. Ancipiti itaque Galeni sententiâ relicta, vtriusque opinionis argumenta & rationes adducamus, quibus & suam stabilire, & alienam conuellere nituntur. Audite inprimis Philosophorum validissimas rationes.

Peripatetici primò absurdum esse volunt, duo esse in fœminâ excrementa, cum in homine vnicum sit. Præterea frustra fieri per plura, quod per pauciora effici potest: At ex semine virili efficiente & menstruo materiam præbente, generari potest animal, idque ex eo patet quod fœmina sæpius sine delectatione concipit. Ergo nihil semine muliebri opus erit, cuius semē dicitur, non vniuocè, sed ὁμοῦμος & per quandam analogiam, quia est menstrui pars magis cocta & aliquo modo dealbata. Quod si mulier & materiam & facultatem in se haberet, vtraque scilicet principia ad fœtum procreandum, sæpius absque virili coitu, qui tantum esset pro auctario quodam, conciperet. At hoc est falsum, quia fœmina absque concubitu virili, nil nisi informia quædam carnis frustra generat, quæ nos *Molas* appellamus. Deinde sicut forma non potest esse nisi vna vnius rei, ita principium continens formam non potest esse nisi vnum. Vnum igitur semen. Forma enim cum sit simplex & indiuisibilis, ex duobus componi non potest. At componeretur, si è mare prodiret ac fœmina. Ad hæc; In omni generatione fit corruptio in termino à quo. Ergo generatio, non nisi duabus aut pluribus corruptis substantiis, potest vna fieri: Neque ex duabus formis tanquam partibus, potest vna forma fieri, sed illis abolitis, vna quæ illarum formarum fuerit, potest in eam materiam introduci. Ergo vnum tantum necesse est esse principium, formam conferens. Addunt etiam in vnico motu, vnum esse mouens proximum, motus autem ad generationem, vt est 2. *Physic.* à facultate fit quæ in semine inest. Mox validissimam adferunt rationem à plantarum similitudine. In plantarum semine vnum tantum est principium generationis, idque ex nullâ coitus participatione, quia terra, matrix est. Ergo & idem erit in animantium generatione, quia & rationi consonum est, & cum aliarum rerum procreatione congruit. Quod si aliquis obiiciat eis, similitudinem matris cum fœtu, non aliunde provenire, quàm ob effectum & abundantiam materni seminis. Respondent, multas causas conuenire, vt fiat ista similitudo, v. gr. causas vniuersales & particulares, inter quas potētissima est vis illa imaginatiua, quâ operante sæpissimè fœtus auis & proavis similis fit, ita vt non sit opus vi illâ seminali, quæ aut fœminâ generet, aut masculum fœmineis moribus & vultu præditum. Sexus enim à sexu non fluit, sed forma eadem est in vtroque. Materia ipsa in matrice variatur. Præterea ab vnâ eadem stirpe, semina prodeunt, quæ rursus alias stirpes partim steriles, partim sementiferas proferunt. Quod si rursus obiiciatur. Ad quid testiculis natura mulieres & semine donauit, si neque energiam habeant, neque vtilitatem? Respondent illi, viros etiam habere mammas, non tamen ad lactis generationem. Præterea humiditatem illam quæ in mulierû testibus cōtinetur, non esse omnino inutilem aut ociosam: Nihil quidem ad generationem conferre, sed quasi acetum quoddam & cōdimentum esse, quo incitantur mulieres ad semen virile appetendum, & auidius retinendum. Nam

dum humiditate suâ turgent testes foeminæ, grauata quodammodo est, & minùs semen viri appetit, suo verò semine exeluso vasisque propriis & testibus vacuatis, iam habet ex quo melius virile semen expetat, & illud recipiat & admittat, contineatque auidius. Hisce omnibus, atque vt videtis, firmissimis rationibus suam astruunt opinionem Philosophi. Nunc videamus quomodo se tueantur Hippocratici.

Primò existimant stultos eos esse, qui semen semini misceri negant, idque ex sui numinis sententiâ, *Ἡ τις ἀπειράει τὸν ψυχλὸν μίσγειν τῇ ψυχῇ, ἄφρων ἐστὶ.* id est, *Si quis animam animæ misceri non credat, insipiens est.* Deinde ipsum Aristotelem in suam vel inuitum sententiam trahunt, qui in *lib. de historia animal.* ait, Oportere vtrosque, marem scilicet & foeminam, semen simul emittere vt fiat conceptus. At hoc non esset necessarium, si solum semen virile conferret vim *πλαστικὴν*. Atque etiam quotidianam adferunt experientiam mulierum, quæ asserunt se emisisse in illo coitu quo conceperunt. Præterea testibus donatas esse mulieres dicunt, non vt viri mammis ad ornatum tantum, sed ad semen gignendum quo sæpissimè turgent, quòdque nisi vacuetur, grauissimis illas morbis & incommodis vexat. Rursus cum virile semen, (de eo loquor, quod conceptum efficere potest) sit spissum & valdè calidum, mulieris verò subtile magis & frigidum, debent inuicem misceri, vt contemperentur & mixturem faciant laudabilem. Adde quod virile semen non esset sufficiens ad membranas omnes foetum circumuoluentes, ad omnes partes spermaticas constituendas, ad quarum generationem semen muliebri concurrit. Atque idcirco verum esse & vniuocum semen, non sanie quandam tenuem, vt dicebant Philosophi, & infœcundam.

Denique Philosophorum obiectionibus satisfacere conantur. Nam quod dicebant illi, si foemina vtrumque generationis principium in se contineret, sola conciperet. Respondent isti tribus modis. Primò, semen muliebri minoris esse virtutis, quàm vt solum sufficiat ad conceptum, quoniam frigidius est virili. Secundò, ambo semina, virile nimirum & maternum, coniuncta esse debere, vt maiorem ad generandum vim obtineant, ac proinde neutrum illorum separatim sufficere ad generationem. Tertio, vel foemina non est caloris maximi, & sic semen illius non est multæ actionis: vel calidissima est, & tunc excrementis non abundat: ac proinde nec satis multam habet materiæ copiam ad foetus generationem. Quare in muliere, aut debilius est principium, quàm vt solum possit generationem facere: aut materia deest, quæ foetui pabulum præstet. Amplius ad id quod obieciebant Philosophi, foeminas aliquando sine delectatione concipere, & proinde sine seminis emissionem. Respondent Medici; id fieri in mulieribus humidioribus, quæ nullam ferè in coitu oblectationem percipiunt, quamuis semen non minùs ac aliæ emittant. Vel semen illud ante coitum iam fuisse emissum, & in vtero contentum. Videtis quàm valida sint vtrunque argumenta, & quæ animum suspensum hæc illæ ita distrahunt, vt vnicuique liberum sit vtramuis tueri opinionem. Est tamen vnica obiectio contra Philosophos, quam ego inuentam nunquam soluere potui, quamuis diu & sæpe de illa cogitarim, quæ talis est. Si foemina solam foetus materiam præbeat: mas verò efficientiam, vt loquuntur, quæ fit vt in coitu animalium diuersæ speciei, foetus marem non referat? Asinus verbi gratia cum equâ coibit, mulus fiet, qui magis naturam equæ quàm asini referet. At hoc non fieret si equa materiam solam, asinus verò formam suppedicaret. Gratissimum certè esset mihi, si quis vestrum (charissimi Commilitones) hunc mihi insolubilem nodum enodare posset, & cui ego hoc nomine maximè essem addictus.

Supereft vt de vltimâ quæstione agamus, non dubitanter, vt priùs, sed breuiter, ne vobis sim prolixitate nimia molestus. Quæritur, vtrum virile semen aliquam materiam foetui præbeat? Aristoteles negat, & vt menstruum & semen muliebrem materiam: sic semen virile, solam efficientiam conferre vult. Nos dicimus, vtrumque semen & materiam & efficientiam conferre: Semen muliebrem conferre materiam, concessum est, efficientiam conferre probauimus: Semen virile efficientiam conferre, concessum est; materiam conferre, nunc est probandum. Si semen solam efficientiam, nullam autem materiam generationis præstaret; necesse esset illud, vbi sanguini menstruo coagulationis principium dedisset, extra vterum mitti. At non potest esse diutius in vtero, quin corrumpatur, quia non commutatur, sed commutat. At non mittitur extra vterum semen post conceptum, quia vt est *Aphorism. 51. sect. 5. Quacunque vtero gerunt, os habent vteri clausum.* Vidit Hippocrates semen tenui pellicula contentum sexto die post conceptum excidere, primòque illos

illos abortus, genituræ effluxus vocat: Non igitur evanescit semen, ut volebat Aristoteles, aut in halitum in verâ generatione conuertitur: fit quidem sæpe ut in halitum statimve conuertatur semen, sed tunc distenditur, ut Medici observant. Præterea spermaticæ omnes partes, nervi, venæ, arteriæ, membranæ, ossa, nonne semini simillimam habent substantiam? Ad quid igitur natura, quæ nihil frustra facit, semen illud expellat, quod partibus spermaticis generandis habet simillimam substantiam, ut deinde alterius, id est, menstrui sanguinis concoctionem, (nam id volunt Philosophi,) ad partes illas solidas generandas aggrediatur? ut partium illarum solidarum regeneratio difficilis satis ostendit. Nec est absurdum, ut illi putant, in eodem semine virili virtutem esse formantem & eiusdem materiam ad fœtus generationem concurrere: quoniam in semine herbæ alicuius, & est vis generans, & semen ipsum in terræ quasi matrice conditum conficitur, in ipsamque mutatur plantam, vim scilicet & materiam simul conferens. Quod verò dicunt, in artefactis efficiens non ingredi rem factam. Respondent, eandem non esse naturæ & artis rationem, quia Artifex tantum extrinsecum attingit: Natura verò materiam intus, extrâ, & undique efformat. Quare bene concludemus, utrumque semen & efficientiam & materiam ad generationem conferre. Atque ex his patet, optimè Hippocratem asserere, hominem ex quatuor elementis & humoribus conflatum esse, quia generationem habet ex duobus principiis, semine siquidem virili & menstruo sanguine. Quorum utrumque constat ex eisdem genere elementis, calido, frigido, humido, sicco, seu igni, aquâ, terrâ, & aëre. Solaque differunt temperamenti mensurâ, quia in semine (ut est apud Galenum, 1. de sanit. iu.) plus est igneæ substantiæ & aquosæ: quamvis in hoc etiam calidum frigido, & humidum sicco præpollcat.



LECTIO XII.

TEXTVS HIPPOCRATIS.

ΓΝΩΙΝΕ ἢ ἂν τοῖς ἢ, ὅτι ἐκ τῶν ταῦτα πάντα ἐστίν, ἀλλ' ἕκαστον αὐτέων ἔχει δυνάμιν τε καὶ φύσιν πρὸς ἑαυτούς. ὡς γὰρ πνι δίδως ἀνθρώπῳ φάρμακον, ὃ, π φλέγμα ἄγει, ἐμείσται σοι φλέγμα. καὶ ὡς δίδως φάρμακον, ὃ, π χολὴν ἄγει, ἐμείσται σοι χολή. κατὰ ταῦτα ἢ καὶ χολὴν μέλαιναν καθαίρει, ὡς δίδως φάρμακον, ὃ, π χολὴν μέλαιναν ἄγει. καὶ ὡς πρῶτος αὐτέω τῷ σωματι μέρει, ὡς τετραῦμα γενέσθαι, ἐνυπνίσει αὐτέω αἷμα. καὶ ταῦτα ποιήσῃ σοι πάντα πᾶσαν ἡμέραν καὶ νύκτα, καὶ χειμῶν, καὶ θέρεος, μέχρ' ἂν δυνατὸς, ἢ τὸ πνεῦμα ἔλκειν εἰς ἑαυτόν, καὶ πάλιν μεθίεναι. δυνατὸς ἢ ἐστὶ, ἢ ἂν πρὸς τατέων στερηθῇ τῶν συγγεγονότων.



COGNOSCES autem quod hac omnia unum non sunt, sed unumquodque illorum habet vim & naturam propriam: quia si alicui homini medicamentum pituitam purgans dederis, tibi pituitam vomet; si bilem ducens, vomet tibi bilem; eadem ratione & atram bilem purgabit, si dederis medicamentum, quod atram bilem ducat. Quod si partem aliquam corporis sauciaueris, ita ut fiat vulnus, effluet inde sanguis. Atque hac omnia faciet tibi quavis nocte vel die, & æstate & hyeme, quamdiu spirare & expirare poterit: tamdiu autem poterit, donec uno istorum congenitorum (humorum scilicet) fuerit priuatus.

EX Philosophorum senticetis ad Medicorum campos tandem descendimus. Nunc enim argumento vere Medico, atque à Medicinæ penetralibus repetito utitur Hippocrates: Si homini, inquit ille, medicamentum exhibueris cuiusvis facultatis, quod vel bilem, vel pituitam, vel melancholiam ducat, id tibi quouis anni tempore & tempestate, talem humorem reiiciet, qualem medicamentum aptum natumque erat ad trahendum. Præterea si homini venam secueris, aut

vulnus inflixeris, eadem tibi prorsus ratione sanguinem profundet, non solam bilem, pituitam, &c. At quomodo vacuarentur humores isti per medicamenta purgantia, prout illis familiaria sunt, nisi prius in corpore constitissent? Aut vnde differentia ista, nisi ab humoribus in corpore nostro existentibus? Sequitur itaque cum hæc quouis anni tempore, quauis regione, & quauis ætate semper contingant; hæc etiam quæ asserit Hippocrates semper & vbique vera & certissima esse.

Sed quia hæc oratio non satis nisi ex præcognitis, intelligi potest, ideò latius & pro nostro instituto sufficienter, de medicamentis, eorumque facultatibus dicamus.

Doleo maximè & grauiter fero, mihi nouum & insuetum adhuc tractationis genus propositum esse à summo Hippocrate: Mihi inquam iam Physiologica tractanti, statim transuolandum esse ad disputationem Practicæ grauissimam, de medicamentis, medicamentorum generibus, facultatibus, & aliis, quæ tantum canescentem experientissimi cuiusdam Practici barbam & animam requirunt, quantum iuniorum hanc noui Baccalaurei & faciem & mentem respuere videntur. Quid igitur agam? Anne propositum mihi pensum deseram? Nequaquam, & quæ audentes fortuna iuuat, me summo labore omnia inquirentem, summaque diligentia ac studio explorantem, fortassis non deseret. Non dicam me vidisse, me expertum esse, me feliciter vsurpasse, quæ ego non feci: sed argumenta adferam probabilia, rationes validissimas annectam, & nihil nisi prius demonstratum asseram: Aut si malitis, sit tota hæc disputatio, in quâ de medicamentis ac eorum facultatibus tractabimus, prorsus *ἀλυστα*, dubia & Academica, non erit tamen inutilis omnino.

Inter ea omnia quæ assumuntur, quædam alimenti, quædam veneni, alia medicamenti rationem obtinent. Atque hæc nomina ad aliquid dicuntur, cum scilicet referantur ad varium agendi modum, quem in corporibus nostris exercent. Assumpta enim illa vel augent, fouentque substantiam nostram, quæ continuò dissipatur; vel destruunt, vel insuperabilia manent à nostro calore, & quadam qualitate afficiunt, vnde alimentum dicitur, quicquid substantiam nostram auget aut fouet, idque dupliciter: Aliud enim alimenti dumtaxat rationem obtinet, quod cum medijs sit temperamenti, nullaque vincenti qualitate præditum, nullam dispositionem in animantis corpore ingenerat, sed quale fuit assumentis corpus, tale illud conseruat; Aliud est alimentum, quod aliquâ ratione nos alterat & immutat, non quidem vt medicamentum, sed leuiter, vnde Hippocrates dicebat, in cibo Medicinam esse: Tale enim alimentum excedenti aliquâ qualitate pollens, vel nos calfacit, vel refrigerat, vel humectat, vel siccatur: vel etiam ventrem soluit aut cohibet, stomacho robur vel imbecillitatem inducit: & reliqua quæ satis manifestè alimenta ista medicamentosa in corporibus nostris exercent. Primum alimenti genus omnino assumentis temperamento simile esse debet, ac ferè eodem gradu. Nos tamen hæc Medico more, id est sensibiliter, ad sensum dicimus, quæ si accuratè rationis normâ metiaris, nullum tale alimentum reperietur, quod scilicet corpus nostrum nullâ ratione immutet. Secundum genus alimentorum corpori nostro dissimile aliquatenus existens, à calore nostro vincitur & domatur, & corporis substantiam alit & auget, & quamuis illam suâ qualitate manifestè afficiat, non tamen idcirco alimenti nomen effugit.

Alimentum enim quia alimentum, tale est potius ratione materiæ, quam qualitatum manifestarum, caliditatis scilicet, &c. Quæ enim magis ad modum mixtionis humanæ accedunt, ea magis & melius nutriunt, quamuis eodem sint gradu temperata cum aliis. Verbi gratia animantia & animantium partes melius quam vegetantia aut mineralia: Et quæ à modo illo mixtionis magis recedunt, requirunt maiorem præparationem, quò fiant apta ad nutriendum. Est enim partim simile, partim dissimile alimentum, ideoque concoctione, alteratione, & mutatione indiget, quam cum fuerit à variis partibus consecutum, fit tandem propter analogiam quam habebat cum corpore idem cum eo cuius cibus est. Vnde illud Hippocratis *libra de alimento*, vbi vult triplex esse alimentum, *τροφὴ καὶ τροφή, καὶ τὸ οἶον τροφή, καὶ τὸ μέλλον τροφή*, *actu nutriens, tanquam actu nutriens, & nutriturum.*

Alimento ex diametro & in genere totius substantiæ mixtæ, contrarium est venenum, quod substantiam nostram corrumpere & labefactare aptum natumque est: atque id manifestâ qualitate quadam, aut occultâ. Quæ manifestâ qualitate id efficiunt,

ciunt, propter caloris excessum, euphorbium, anacardus: vel frigoris, vt opium; cicuta, hyoscyamus, solanum furiosum: vel siccitatis, vt calx viua, plumbum vstum, &c. non quidem verè venena, sed potius deleteria & venenata medicamenta dicuntur. Quæ verò non manifestis qualitatibus, sed illo mixtionis dissidio, quod Galenus vbique totius substantiæ vocat, vitæ nostræ primordia demoliantur, & cœcâ vi facultatum substantiam extinguunt: illa verè venena sunt & dicuntur, qualia sunt napellus, aconitum, rhododendron, dryopteris, &c.

His duabus datis naturis, veluti extremis rerum mixtarum, necessariò medium aliquod concedendū est. Inter igitur alimēta & deleteria mediò ordine posita sunt medicamenta, quæ neque vt alimenta in nostram substantiâ conuerti, neque hanc prorsus corrumpere aut absumere solent, sed insuperabilia manent, habent enim naturam extremorum participem. Dumque nec vinci omnino, neque vincere possunt, certâ tamen qualitate nos afficiunt, & statum corporis nostri immutant, vbi à calore nostro quodammodo immutata fuerint, attenuata scilicet; comminuta, & à potestate ad agendum reducta. Vnde apud Hippocratem *lib. de locis in homine*, *Φάρμακα ἐστὶ μετακινέοντα τὸ πάθος*, id est, *medicamenta sunt omnia quæ præsentem statum transmouent*. Vbi latâ significatione medicamentum dicitur quicquid naturam nostram alterare potest, vel contrariam qualitatem imprimendo, vel vacuando. Hinc enim prima illa medicamentorum diuisio in alterantia & euacuantia. Alterantia medicamenta qualitate solâ nos immutant, neque in substantiam nostram vertuntur, sed tantum quasi prætereuntia qualitatem nobis suam communicant, atque intemperiem, si excesserit, corrigunt. Atque hæc sunt, vel calida, vt pyrethrum, sinapi, zinziber; vel frigida, vt oxycratum, succus mali punici, &c. vel humida, vel sicca, quæ citra vllum substantiæ nostræ incrementum exuperantes obtundunt qualitates.

Euacuantia medicamenta suo ambitu continent cathartica propriè dicta, quæ peculiare succos è toto corpore vacuant, vel deiectione, vt rheum, scammonium; vel vomitu, vt asarum, helleborus. Continent etiam illa quæ ex vnâ tantum parte trahunt, vt ex cerebro, ex vtero: Continent etiam sudorifica, diuretica, menses mouentia. Continent denique ipsa alexiteria & alexipharmaca, quæ aut venenum aut medicamentum deleterium similitudine quadam proliciunt, & à nostro corpore amoliantur. Inter omnia ista euacuantia, illa solum purgantia & καθάρτικα κατ' ἐξοχὴν appellantur, quæ vt iam diximus, succum aliquem è toto corpore trahunt deiectione vel vomitu, de quibus loquitur Hippocrates in hoc contextu, cum dicit: *Si homini dederis medicamentum, quod pituitam educit, vomet tibi pituitam, &c.* Hæc omnia medicamenta propriè sumpta, siue talia sint à naturâ producta, quæ Medici simplicia vocant, quamuis in suâ mixtione diuersas aliquando facultates ex diuerso & dissimilari substantiæ modo, & penè contrarias nata sint: siue composita & permixta sint arte, facultatem illam & vim agendi, quam in nos habent, potestate non actu continent, eoque nomine à remediis differunt illis quæ talia sunt actu, qualia dicuntur: vt sunt, ignis, ferrum candens, aqua gelida, aër frigidus, & cætera similiter agentia. At medicamenta non primo contactu agunt, sed egent caloris nostri operâ, vt consopita illorum vis ad actum perducatur. Non enim scammonium verbi gratia extra corpus iuxta positam sibi bilem aut alium humorem trahit, sed trahere potest. Quod si actu tale esset & traheret, cur non etiam extra corpus traheret? Non castoreum aut piper calfacit, non opium refrigerat, quia habent vim illam refractam & quasi in mixtione suâ sepultam. Non quod velimus, calorem nostrum vim aut facultatem medicamento tribuere, sed in eum agendo eius quasi temperamentum & naturam explicare, quâ deinde corpus nostrum afficit. Siue enim sit calidum, siue frigidum, siue purgans, in primis aut vltimis gradibus, hoc accipit à calore nostro, vt dissolutâ quasi eius mixtione, aut saltem calore illo benigno, qui in omnia assumpta agere solet, vim eius eliciente per comminutionem, attenuationem, dissolutionem, quas non potest concoctio & assimilatio sequi, propter earum contumaciam: deinceps vires suas in corpora exercent nostrâ, illudque præstet quod præstare poterat. Hoc aptissimis verbis significat Galenus. i. *de fac. simpl.* cum dicit, inter remedia, alia esse actu siue energiâ, alia in futuro tempore, quemadmodum de alimentis dicebamus ex Hippocrate, alia iam nutrire, alia verò nutritura, & vt inquit *lib. de alimento* idem Hippocrates, quemadmodum alimenta, quæ homini offeruntur, corpus immutant, sic etiam oportet τὸ πρὸ φερόμενον μετατρέπειν. Præterea hæc medicamenta

camenta non talia sunt simpliciter, qualia dicuntur, hoc est, calida, frigida, &c. sed comparatè. Quæ enim simpliciter & absolutè dicuntur, ea vim summam & impermistam obtinent, ut ignis simpliciter calidus, aqua absolutè frigida est. Medicamenta verò comparatè calida, frigida, humida, aut sicca dicuntur, aut secundum duas qualitates, calida & humida, calida & sicca, frigida & humida, frigida & sicca, quia tales exercent in corporibus nostris operationes. Hæc autem medicamenti prima qualitas seu facultas sola aut duplex, ex permistione primarum qualitaturn proficiscitur, atque illius qualitatis vim & naturam imitatur, quæ cæteris in temperamento præpolluit. At in quo qualitates omnes ita fuerunt refractæ & temperatæ, ut nulla excellat, quod scilicet nec calefacit, nec refrigerat, nec humectat, nec siccat insigniter, id symmetrum, id est, temperatum medicamentum appellatur, comparatè scilicet ad alia medicamenta, & ad sensum; non simpliciter, quia nullum tale esse potest medicamentum, cum iam à nobis fuerit definitum, id quod immutat, vel alterando, vel purgando: Vbi verò fuerit victoria aut excessus cuiusdam qualitatis, ut iam diximus, pro intensiōe aut remissionē illius, denominatur etiam medicamentum calidum, frigidum, &c. primo, secundo, tertio, quarto, recessu, quorum etiam sunt principium, finis, & medium. Verbi gratia calidum primi ordinis vocamus, quod temperatum corpus calefacit, non tamen euidenter, ita ut ad illud probandum, opus sit aliquā demonstratione rationali. Idem de frigido, humido, & reliquis dicendum. Illud verò quod manifestè aut calfacere, aut refrigerare, aut humectare, aut desiccare potest, id in secundo ordine reponitur. Quod iam vehementer quidem, non tamen summè ista præstare potest, tertij dicitur esse gradus. Quæ verò summè, id est, manifestè & supra alia, corporibus nostris qualitates imprimunt, illa in quarto & ultimo medicamentorum ordine collocantur: Quæ excedunt, inter venena reponuntur.

Medicamenta ista siue primi, siue alterius sint ordinis, facultatem istam vimque agendi, potestate quidem, attamen per se, non per accidens habere dicuntur. Non enim dices rhabarbarum frigidum esse, quia bilem ardoris febrisque causam expurgando, ex accidente ægrum refrigerat; neque dices niuem calidam, quia diutius manibus contrèctata, cutem scilicet illarum densando, & calorem internum per antiperistasin intendendo, manus tandem calefacit. Sed rhabarbarum calidum, quia tale gustu, videlicet amarum, & acre deprehenditur: Niuem frigidā, quia nos refrigerat, tactuque talis deprehenditur. Ex quibus omnibus ita de naturā medicamentorum intellectis, licet medicamentum ita definire, *esse corpus mixtum potestate vim quandam habens immutandi corpus nostrum per se alterando vel vacuando.*

Hæc à Galeno totius Medicinæ alumno tradita, & à multis deinde Medicis succedentibus recepta, non pauci sunt qui euertere conantur; multisque contrariis argumentis, hanc caloris nostri actuationem impugnare nituntur, quibus est satisfaciendum.

Si medicamenta actum, inquiunt illi, calfaciendi v. g. à calore nostro adipiscuntur, omnia æquali nos gradu calfacient aut non calfacient, quia non deducuntur à calore nativo ad maiorem intensiōem caliditatis, quam ipse habeat. Quasi asseramus nos illam actionem, quam medicamenta in nobis exercent, à calore nostro accipere. Dicimus quidem vim illam, quæ medicamentis inest, à calore primū nostro excitari, ubi verò excitata fuerit, pro vario medicamenti temperamento & qualitate in illo superante, in corpora nostra agere. V. g. assumitur melilotus, calefit & illius vis excitatur à calore nostro, quia tamen valde remissa est in illo caliditas, vix sensibilibus calefacit nos. Assumatur postea Euphorbium, vis quidem eius eadem ratione quā & meliloti excitabitur, & pariter à calore nostro calefcet; At in reactione, quando scilicet Euphorbium qualitatem suam exercebit, vix misero illi qui Euphorbium non magis quā melilotum calefacere putauit, quia utrumque à calore nostro excitari oportet. Diuersa siquidem fit ab eodem agente mutatio ex patientis naturā, ut patet etiam in igne externo, qui dum ligna adurit promiscuè, maiorem tamen sentimus caliditatem ex lignorum oleosorum, calidorum, densiorum, sicciorum combustione, quā aliorum. Et huius rei extat apud Galenum 3. *de temperamentis* luculentum exemplum. Erat (inquit ille) in Mysia domus quedam, in quā reponebatur sterces columbinum ipsa resina superillita; conflagrauit domus illa radiis solaribus, nullo admoto igne. Quis dicet, sterces istud, ligna, & domum totam ad maiorem non fuisse delapsa caliditatem illā quam acceperant à radiis solaribus, ex materiæ scilicet dispositione? Nihil enim mirum est,

vt adiungit ipse Galenus, *si aliqua exiguum consecrata auxilium, maximam à priori naturæ mutationem consequantur.* Sic assumptum medicamentum incalescit, à calore scilicet nostro, ad maiorem verò caliditatem peruenit ex proprio temperamento & materiæ dispositione, si calidius sit calido nostro innato; si verò sub æquali aut minori caloris gradu subsistat, calfaciet etiam additione calidi ad calidum: Sit enim v.g. in hoc cubiculo calor vt sex, qui calfacere possit totum hunc locum; apponatur deinde calor vt quatuor, nonne calidius euadet hoc cubiculum? Sic calori nostro calido vt sex, addatur medicamenti calor vt duo tantum, nonne calor noster augebitur?

Verum de frigidis medicamentis illi ita argumentantur. Medicamenta frigida non possunt à calore nostro actuationem illam recipere, quomodo enim calor noster refrigerabit? Respondemus, frigida medicamenta non refrigerare, quoniam à calore nostro refrigerantur prius, sed quia insuperata ab illo manent, neque incalescunt. Hoc exprimere voluit Auerrhoës 5. collig. *Dicitur medicina, (inquit ille) frigida, quia conuertitur in locis digestionis ad diminutum calorem, magis quam calor corporis sit: ita quod chylus qui ex ea generatur, est diminutus à calore corporis.* Quibus verbis constat, frigida non refrigerare, quod à nostro calore refrigerentur, sed quod ab eodem mutari non possint ad calorem. Id Galenus optimè docet, libro tertio de temperament. iam citato, dicens: *Quæ refrigerant, vt papaueris succus & opium, hæc à nostro corpore ne vel paululum quidem mutantur, à naturali scilicet temperie; si enim vincantur, calfaciunt; si non vincantur, refrigerant.* Deducuntur itaque medicamenta illa frigida in actum à calore nostro, hoc est, attenuantur, dissoluuntur, quæ dum calfacere & immutare nititur, ab eorum vi deinceps ipsemet oppugnatur & sæpe expugnatur. V. g. cicuta vorata in ventriculo comminuitur & quasi conficitur à calore nostro, sed parum incalescit, quia à calore nostro fetè est insuperabilis: atque sic insuperata ad cor defertur, vbi eo frigoris gradu quæ retinet, vitalem incipit calorem extinguere, & si magis procedat, hominem tandem interimit. Sic igitur quamuis frigida incaluerunt, refrigerant: non tamen vsque adeò incalescunt, vt propriam temperiem amittant, sed inuita manent, & eum semper frigoris gradum retinent, quo superiora sunt calori nostro natiuo. Sic, vt ait Galenus *ibidem, flammam aqua calida extinguit: sic opium igni prius valde calfactum, antequam assumatur, corpori & stuporem & vāgῶσιν inducit, propriâ suâ temperie, non acquisitiuâ.*

Verum obiciunt adhuc illi; Medicamenta omnia primo statim contactu agere, quia sunt actu talia, sed actionem infirmiorum non statim percipi: Sic piper comminutum, & in os iniectum, statim calfacit, sic melilotus: Sed caliditas meliloti non statim percipitur, quia imbecillis; piperis illicò, quia vehementior. Item piper, euphorbium, si diu apponantur exterioribus corporis nostri partibus calfaciunt, exulcerant, corrodunt, & verè calida sentiuntur; vt & opium diu retentum refrigerat, mortificat. Quare actuatione non indigent. Verum illi vnico à nobis allato exemplo facillimè confutabuntur. Sit enim piper vel minutissimè tritum, quod expositum sit hyemali frigori, annon frigiditas ab ambiente contracta actu in illo existens, statim sentitur? Cur igitur caliditas illius naturalis, comminuti, & manui per æstatem admoti, non statim sentitur, sed post diurnam tantum moram; quando scilicet calor ille noster etiam in exterioribus illum actuauerit, vt ita loquar? Annon opium igni calfactum statim calfacit atque adurit? Cur non igitur frigori expositum, suo illo natiuo frigido ad quartum vsque gradum, obstupefacit? Nihil certè aliud in causâ esse potest, quàm refractio illius qualitatis, ex contrariorum permissione, quæ explicari debet, & ex potentiâ operandi, ad operis actionem, & quasi ex feriis ad opus excitata venire.

Bene igitur à nobis fuit proposita medicamenti definitio; & conclusum, medicamenta esse talia potestate non actu; nunc de purgatione & superpurgatione agamus, quarum causâ hæc sunt à nobis dicta hactenus.

LECTIO XIII.

TEXTVS HIPPOCRATIS.

Τὸ δὲ φάρμακον, ὁπόταν ἐσελθῇ εἰς τὸ σῶμα, πρῶτον μὲν ἄγει, ὃ ἂν αὐτῷ κατὰ φύσιν μάλιστα ᾖ, πῶν ἐν τῷ σώματι ἐνεόντων. ἔπειτα δὲ καὶ τ' ἄλλα ἔλκει τὸ κατὰ φύσιν ὥστε τὰ φύσιν τε καὶ σπειρόμενα, ὁπόταν εἰς τὸ γλῶττιον ἔλθῃ, ἔλκει ἕκαστον τὸ κατὰ φύσιν ὥστε ἐρεοὶ ἐν τῇ γῇ, (ἐνὶ δὲ καὶ ὄξύ, καὶ πικρὸν, καὶ γλυκὺ, καὶ ἀλμυρὸν, καὶ παντοῖον) πρῶτον μὲν οὐκ ὥστε πλείστον τέτυκται εἰλκυσεν εἰς ἑαυτὸ, ὃ, πᾶν ἡ ἐαυτῷ κατὰ φύσιν. ἔπειτα δὲ ἔλκει καὶ τ' ἄλλα. τοῖσδε δὲ καὶ τὰ φάρμακα ποιεῖ ἐν τῷ σώματι, ὁκόσα ἂν χολῶν ᾖ, πρῶτον ἀκρητέστατον ἐκάδρει χολῶν. ἔπειτα δὲ μεμιγμένον. καὶ πάλιν τὰ τῷ φλέγματι φάρμακα, πρῶτον μὲν ἀκρητέστατον τὸ φλέγμα ἄγει. ἔπειτα δὲ μεμιγμένον. καὶ τοῖσιν ἀποσφαζομένοισιν, πρῶτον μὲν τὸ αἷμα ῥέει θερμότατον τε καὶ ἐρυθρότατον. ἔπειτα δὲ ῥέει φλεγματοειδέστερον, καὶ χολοειδέστερον.



E TENIM medicamentum ubi in corpus fuerit ingressum, primò quidem trahit id quod ipsi inter ea quæ corpori insunt, maxime naturâ familiare fuerit: deinde alia etiam trahit ac purgat. Quemadmodum plantæ ac semina, ubi in terrâ fuerint, unumquodque trahit id quod sue naturæ familiare in terrâ existit. Est autem in illa & acidum, & amarum, & dulce, & salsum, omnimodum. Primò enim quod ipsis maxime cognatum est, arripiunt: deinde alia quoque alliciunt. Huiusmodi etiam quid faciunt medicamenta in corpore: Quæcunque enim bilem ducunt, primùm bilem sincerâ purgant, deinde aliis humoribus mixtâ. Et rursus phlegmagoga primùm pituitam meracissimam trahunt, postea mixtam. Illis verò quibus iugulū præciditur, primùm quidem sanguis profluit calidissimus & ruberrimus, deinde pituitosior & biliosior. Transposui hunc textum ut omnia melius cohererent.

Diximus heri illa medicamenta esse ex Hippocratis sententia τὰ μετακινέοντα τὸ πάρεον, quæ corporis nostri statum immutant, idque vacuando aut alterando fieri diximus. Inter ea quæ vacuant, ea propriè & κατ' ἐξοχὴν purgantia seu καθαρὰ dici, quæ proprium aliquem & sibi familiarem succum è toto corpore trahunt, seu vomitu vt asarum, elleborus; seu deiectione, vt rhabarbarum, scammonium. Probauimus denique medicamentum tale esse potestate & per se, non actu, neque per accidens, quale dicitur. Instat iam, vt iuxta ipsius contextus seriem, de purgantibus medicamentis differamus.

Purgantia medicamenta dicuntur Galeno, quæ sanguinem ab aliis humoribus purum reddunt, & aliorum scilicet humorum inquinamenta quibus ille inficiebatur, expurgando & extrudendo: Hæc autem faciunt vel manifestâ qualitate, lubricando, comprimendo, abstergendo, molliendo, pungendo & mordendo, & similibus: vnde Hippocrates lib. de loc. in homine, vult mordacia, punctoria, calida, tenuium partium, & omnia salsa esse sine delectu προσωρηλικά: Vel occultâ, quæ qualitatibus scilicet manifestis ascribi non potest. Et ista κατ' ἐξοχὴν cathartica dicuntur. Diuidunturque ab Hippocrate, secundum humorum differentiam, in χολαγωγὰ, φλεγμαγωγὰ, & μελανωγὰ, quibus etiam addere possumus υδραγωγὰ, quæ nimirum bilem, pituitam, melancholicum succum, & serosos humores educunt. Huius purgationis ratio varia à variis & omnino diuersa assignatur. Erasistratus atque etiam Auerroës volunt, nullam esse purgantium differentiam, sed unumquodque medicamentum primò tenuiores humores, vt purgationi aptiores, deinde crassos educere, ac sic consequutione quadâ portioni vacuatæ aliâ succedere, ne vacuum quicquid aut inane in corpore subsistat. Asclepiades verò existimabat medicamentū omne cui purgandi vis inest, quæcunque attigerit humorē, in suam naturâ conuertere atque transmutare. Nolebat χολαγωγὸν bilē educere, sed bilē facere, ita vt non esset vnus alicuius humoris purgatio, sed omniū qui venis continentur, transmutatio. Hæc duæ opiniones vbiq; à Gal. impugnantur,

pugnantur, illarumque assertores omnino Practices ignari & operum artis inexpertes habentur: Nam siue vacui metu, siue commutatione humores expurgentur, nullus erit medicamentorum delectus. At id falsum quotidiana conuincit experientia. Detur v.g. Medico, aliquis ictero laborans, ex obstructione hepatis sine febre, huic prius præparatis & apertis viis, medicamentum cholagogum propinetur, nonne copiosa redundantis bilis copia vacuabitur, atque sic affectus cessabit? Eidem propinetur medicamentum phlegmagogum aut melanagogum, infelicissima erit purgatio, neque tolletur morbus. Idem continget, si laboranti ictero nigro melanagogum medicamentum exhibeas, aut leucophlegmatico pituitam purgans, purgabuntur enim feliciter; si verò dissimilis facultatis medicamenta illis præscriperis, contrarium continget, neque morbis liberabuntur. Non igitur consequutione, aut vacui metu purgatur humor, sic enim quouis medicamento, & in quouis affectu, bilis prius, deinde alij humores, prout mobiles & fluxui paratiores essent, expurgarentur: sed oportet esse delectum quemdam, quo vnumquodque medicamentum familiarem sibi humorem trahit. Asclepiadis etiam commutatio ridicula est. Si enim medicamentum cholagoga bilem faceret, non educeret, quodcunque ab illo traheretur, bilis esset. At hoc falsum est. Præterea non cessaret affectus, quia causa morbi à medicamento non tolleretur, sed augeretur. His duabus opinionibus confutatis, veniamus iam ad eos qui admittunt, medicamenta humores purgare & cum delectu, sed varios istius electiue purgationis modos assignant.

Epicurus, qui similibus cum Asclepiade elementis ad Physiologiam usus est, huius effectus causam reddere per suas atomos conatur: Idem enim in medicamentorum purgationibus, atque alimenti à corporis partibus attractione contingere ait, quod in magnete lapide ferrum, succino festucas, lynceo lapide plumas alliciente. Tractionis illi igitur talis est causa, v.g. in magnete & ferro (inquit ille) atomi siue individua corpuscula, quæ à lapide & quæ à ferro desluunt, figuris inter se conueniunt, ita ut facile sese amplectantur: Hæc igitur cum in vtraque lapidis ferrique concreta impingunt, deinde in medium resiliunt, obiter inter se connectuntur, ac illud cuius fortiores fuerint atomi, trahit, ut magnes aliud trahitur, ut ferrum. Sic in medicamentis purgantibus, quæ illum humorem trahunt, à quo atomi suis similes & magis symbolæ emergunt, bilis quia habet atomos figuris conuenientes cum atomis rhabarbari, trahitur à rhabarbaro, utpote plures & fortiores atomos emittente. Hæc opinio ut iuunda potius quam refutatione digna, à me adducta est, cum falsa principia ponat, & toties impugnata.

Quatuor supersunt opiniones. Prima eorum qui medicamenta humores trahere putant manifestâ qualitate. Secunda eorum qui occultâ proprietate. Tertia qui medicamenta non trahere, sed expellere & *ἀντὶκατὰ* humorem fugare arbitrantur. Quarta Galeni & Hippocratis, qui similitudine substantiæ purgantia proprium humorem trahere existimant.

Istæ omnes maximam habent probabilitatem, atque à summis vtrique viris receptæ & confirmatæ sunt: Nos tamen qui nunc in Hippocratis verba iurauimus, illius sententiam stabilire conabimur. Vult Hippocrates in medicamentis purgantibus trahendi facultatem quandam esse, quæ analogâ sit potentiæ attractrici, quam in singulis corporis partibus simile sibi alimentum allicientibus vigere conspiciamus, idque aptissimâ stirpium & satorum similitudine declarauit; quemadmodum & 4. de morbis, Rosa trahit talem sibi humorem, qualis ipsa est in potentiâ, & allium, &c. Galenus illius sententiam vbique sequutus est, libro de facult. natur. 1. vbi theorema hoc, quamque animantis particulam familiare nutrimentum attrahere, ex professo tractat, pluribusque contra Asclepiadem argumentis disputans, probat medicamentum omne humorem sibi conuenientem ac similem trahere. Idem agit in libris de simpl. med. facult. in quorum tertio, capite vigesimo quarto hæc habentur: *Purgantia medicamenta detrahendis humoribus sunt familiaria; verum quæ attrahunt, quodammodo efficaciora valentioraque existunt: ac sic attractiones qualitatuum quæ in substantiis sunt, proprietate, & ὁμοιότητι perficiuntur.* His verbis manifestè ostendit, similitudinem hanc medicamentorum non esse in primis qualitatibus, calore, frigore, humore, aut siccitate: sed in illis accidentibus quæ consequuntur ipsum substantiæ modum, qui nascitur ex modo mixture: esse denique virtutem & proprietatem, quæ à tota temperie exurgit. Hanc similitudinem, quæ ex modo mixture nascitur, non negamus iuari à manifestis qualitatibus, utpote à calore, trahit enim perpetuò calidum; ut fiat tractio, calor adesse debet; sed ut huius vel illius succi po-

tius quàm alterius, tractionem, facit similitudo substantiæ cum vehementiori calore coniuncta. Nec similitudo hîc capienda est pro sola relatione quam habet ad aliud; prout enim talis est, neque similitudo, neque proportio, vt dicebat Auerrhoës, agunt, sed quatenus qualitates sunt, & dispositiones corporum quibus insunt. Multa habet hæc opinio dubia, multisque patet obiectionibus, quibus pro Hippocratis autoritate tuendâ satisficiamus.

Primò, si similitudo & naturæ conformitas, causa esset cur medicamentum humorem traheret: tunc perinde humor traheret medicamentum, quemadmodum medicamentum humorem. Si bilis v. g. propter similitudinem trahatur à rhabarbaro, cur bilis ipsa rhabarbarum non trahet? Cur pituita agaricum ad se non alliciet? Respondemus cum Galeno, quia medicamenta humoribus sunt efficaciora, & vt ille loquitur, *δραστικώτερον*, idè trahunt, non trahuntur. Carthamus aut granum Gnidium pituitæ quidè similia sunt, vt etiam colore præ se ferunt; sed tamen calore ipso, quàm pituita valentiora sunt, *ὡς ἔλκεν μάλλον ἢ ἑλκυσθῆναι*; ita vt quæ cum similitudine vehementiorem habent calorem, illud quod minoris est caloris trahant.

Secundò obijciunt. Si similitudo in his attractionem faciat, quæcunque maiore vi purgabant, illa familiaria censebuntur. At contrarium accidit, imbecilliora enim medicamenta, si non purgent, alimenta fieri creduntur: fortiora verò in iustâ saltem quantitate, alendo corpori non cedunt. Respondemus, medicamenta fortiora, quæ scilicet validius purgant, non magis esse humori familiaria, quàm leuius purgantia: sed propter maiorem coniunctam illis caliditatem, magis violenter humorem trahere: Non trahit scammonium bilem potentiùs rhabarbaro, quod sit magis simile bili, sed quia superat valde caliditate rhabarbarum: neque in substantiam nostram conuerti potest, quia coniunctam malignam quandam & venenosam qualitatem habet, quâ redditur calori nostro omnino insuperabile. Idem dicere possumus de agarico & colocynthide, de sena & helleboro.

Tertiò, si similitudo vestra, hanc in purgantibus medicamentis tractionem faceret, ferrum, vt inquit Auicenna, ferrum traheret, & aurum itidem aurum, vbi suâ quantitate illi præualeret: Sic maior quantitas scammonij, aliam minorem traheret. Nos vt istis satisficiamus, adducemus locum Galeni, 3. de simpl. cap. 24. vbi hanc difficultatem clarissimè explicat: *Posteaquam (inquit ille) attractiones substantiarum fieri similitudine ostendimus, necesse est similitudinem quandam inesse utrisque substantiis, & eius videlicet quod purgat, & eius quod purgatur. Cum enim quod purgatur, pituita est; quod trahit, pituitosum sit oportet. Pituitosum autem esse oportere quod trahit, dicimus, non autem planè pituitam; etenim similitudinem inesse substantiis diximus, non identitatem: est enim valde contrarium. Nam neque ferrum attrahit ferrum, neque caro carnem, sed magnes ferrum, & caro sanguinem. Differunt enim, meâ quidem sententiâ, idem & simile. Quippe pituita pituita eadem est, & carthamus carthamo; similis autem pituita carthamus, non tamen idem.* Hæc Galenus. Quibus patet, quantum differat, simile esse, & idem esse. Non tamen hac solutione contenti antagonistæ denuò insurgunt: Scammonium igitur per vos (inquiunt) non trahet scammonium, neque agaricus agaricum. Sed tamen scammonium utpote validius, rhabarbarum trahet, quæ enim vni tertio sunt similia, similia sunt inter se. Respondemus, nos vt hesternâ probauimus lectione, asserere, medicamenta esse potestate tantum, qualia dicuntur, non actu. Itaque cum scammonium extra corpus à nullo reducatur in actum, rhabarbarum non trahet: Quod si hæc duo medicamenta forent interiùs liquata & redacta ad similitudinem in actu: non dubitamus, quin potentius illorum debilius traheret: Præterea non est necesse, vt quæ rei alicui tam sunt similia vt ipsam trahant, sint tam similia inuicem, vt sese trahant. Hoc non verum in qualitate, sed in quantitate, apud Mathematicos. Et sic validissimum illorum argumentum diluimus, quo illi se totam rem confecisse putabant.

Quartò, cum sint medicamenta duos humores vacuantia, quæ erit in illis similitudo cum humore duplici? Respondemus, in eiusmodi medicamentis, quæ duos humores vacuant, vnâ esse præcipuam tractionem, alteram veluti secundariam. Verbi gratia agaricus trahit pituitam primariò, & per similitudinem, bilem verò secundariò, & quia illi post pituitam magis est similis quàm vlli alij humori. Quod si velint, vtrumque humorem pariter vacuari; neque hoc obstat, quia vt passim inculcat Galenus, nullum medicamentum tam simplex est, quod non sit natura ex diuersis substantiis compositum, verbi gratia vinum, oleum, lac, acetum, diuersis omnino substantiis constant. Quid igitur impedit medicamenta purgantia ex diuersis conflata esse?

Quintò,

Quintò obiciunt. Si medicamenta hu mores trahunt, iisdem fruantur oportet, quia nihil in rerum naturâ trahit propter ipsum trahere, *ἢ αὐτὸ τὸ ἐλκεῖν*, sed vt ed fruatur, cuius per attractionem fit compos. Itaque delectabuntur pharmaca humoribus, quemadmodum ferro magnes, & festucis electrum, in quibus ista diutius seruantur integra: Inuoluendum igitur scammonium bile, & agaricus pituita obruendus vt diutius conseruentur. Quid mirum, si homines isti posito prius falso, falsum etiam postea & absurdum inferant? Ponunt illi, actu esse tale medicamentum, quale dicitur. Sed cum nos illorum hypothesin falsam monstraauerimus, quia scilicet medicamenta debent à potestate similitudinis ad actum reduci, quod non potest nisi à calore nostro fieri: non est opus scammonium bile obrui, agaricum pituitâ immergi, aut aloën stercoribus inuolui extra corpus vt conseruentur, quia similitudinem illam tunc potestate tantum obtinent.

Supereff sextum & vltimum argumentum, quo illi tanquam acutissimo telo sese sententiam Hippocratis confodisse existimant. Medicamento, inquit illi, quocunque exhibito, si paulò plus quàm expedit, producat expurgatio; euacuantur succi omnes, vel vsque ad effusionem sanguinis: quod tamen non oporteret fieri, si medicamentum familiarem humorem traheret, sed quam primùm similis ille succus extractus foret, medicamentum à tractione cessaret. Respondemus, in his superpurgationibus succos omnes non trahi vi medicamentorum extractoriâ, sed aut propter venarum apertionem, aut propter facultatis expultricis irritationem ab hærente medicamento factam: quod aperte docet ordo superpurgationis, in qua familiaris succus medicamento primùm trahitur, deinde alij, prout sunt fluxiores aut minùs fluxi, vel plus minùsve retinentur à naturâ. Verbi gratia dato medicamento *φλεγμαγωγῷ* extrahitur primo loco pituita, quia familiaris medicamento: deinde succedit bilis, vt succus fluxui aptior: deinde melancholia, post quam sanguis tandem amicissimus nobis humor cum vitâ funditur; Et sic de alijs quibuscumque medicamentis, siue *χολαγωγῷ* siue *μελαναγωγῷ*, in quibus semper similis medicamento succus primò expurgatur, postea alij prout magis parati sunt ad fluendum. Quod facile declarat & demonstrat, reliquam humorum purgationem vsque ad ipsum sanguinem in *ὑπερκαθάρσει*, non vi aut facultate medicamenti purgantis, sed aut ipsius humoris impetu, aut expultricis irritatione, aut venarum apertione contingere. Et sic salua manet Hippocratis & Galeni sententia, contra oppugnantium obiectiones. Nam qui ad proprietatem confugiunt, hi propriâ refutatione non indigent, quandoquidem illimet se id ignorare fatentur, de quo maxime controuertitur. Qui verò ob manifestam qualitatem medicamentum humorem trahere asserunt, verbi gratia calorem, quia nullæ aliæ qualitates tractionem efficere possunt. (*Aiunt enim calore Solis halitus ex terrâ in aërem sustolli, tum calidioribus medicamentis, qualis est thapsia, frictionibus, & igne calefactas partes ob humorum affluxum intumescere.*) Illi reddant nobis rationem, cur medicamentum æquè calidum trahet bilem, aliud verò potissimum pituitam.

Quod si dicant propter intensas aut remissas magis medicamentorum potentias id fieri, ita vt quod trahit bilem sit imbecillimum, quod pituitam validius, quod melancholiam fortissimum: Illi perturbato rerum ordine confusionem maximam inuehant: Constat enim medicamentorum potentias augeri additâ quantitate. Ergo illorum dogmate posito, secundum variam quantitatem idem medicamentum omnes humores traheret, verbi gratia drachma vna rhâbarbari bilem purgaret, drachmæ duæ pituitam, & sic tres vel quatuor, melancholiam traherent; quod quàm falsum sit, testantur quotidie peritissimi Practici, qui diuersis morbis à vario humorum excessu prognatis, non diuersam medicamenti quantitatem, sed diuersum medicamenti genus præscribunt. Præterea non valet quod rursus isti ad suam manifestam qualitatem probandam asserunt ex Aristotele; Omnis actio (inquit illi) fit à contrario, *ut est primo de generatione*. Contrarietas autem propriè reperitur in qualitate, propter naturam actiui & passiui prius in illâ repertam. Tractio igitur medicamenti cum sit actio, fiet à contrario, nimirum qualitate, non à simili, vt nos volumus: Ibi enim 7. cap. Aristoteles duas veterum recenset sententias, quarum prima erat, nullum simile à simili quicquam pati: altera Democriti, contrarium planè asserentis, Agens nimirum & patiens similia esse, atque adeò vna secta actionem à contrario; altera autem à simili fieri dicebat. Vtramque improbat Aristoteles tanquam veritati non satis consonam, quia vt ipsemet Aristoteles *ibidem* demonstrat, ea quæ agunt & patiuntur,

alia existere oportet, ut quodammodo similia, & quodammodo dissimilia sint. Non igitur actio fit à contrario simpliciter, sed trahit carthamus pituitam, quod illi partim similis, partim dissimilis existat. Similis quidem secundum substantiam, quia pituitosus est; dissimilis autem secundum qualitatem, eò quod pituita frigida, carthamus autem calidus sit. Vellentne illi eadem ratione dicere, nullam inter id quod nutritur, & alimentum esse similitudinem? At hoc sequeretur, quia unaquæque pars alimentum ad se trahit. Quod cum fieri dicant per contrarium, alimentum esset contrarium parti alendæ. Non fit igitur humoris à medicamento tractio à sola qualitate manifesta, sed à substantiæ similitudine, quæ cum excellenti calore coniuncta sit.

Non minora istis incommoda incurrunt, qui medicamenta humores non trahere, sed fugare & ἀντισταθίζεσθαι quadam excludere asserunt. Quomodo enim si medicamenta fugarent humores, distantissimæ partes expurgarentur? ibi enim humor maneret ad fugam contrarij, vel ulterius procederet, nunquam ad vias communes perueniret, ut fieret proximior suo ἀντισταθίζεσθαι. Quod si dicant vim expultricem medicamentum excludere & abigere, quid igitur opus medicamento, quod magis excretriciis opus impedire suâ ἀντισταθίζεσθαι, & dum humorem refugientem incuneat, quàm iuuare videbitur? Præterea nihil intererit, quocunque medicamenti genere utamur; nam expulso & fugato, verbi gratia succo melancholico à medicamento μελαγχολῶν, qui erat in primis viis, cessat per istos medicamenti actio, cæterique humores consequutione vacuantur: perinde igitur erit si quis aliud medicamentum exhibeat: nam quouis alio humore expulso, reliqui consequutione etiam, & quasi datâ portâ vacuabuntur. Multa sunt alia, quæ adferri possent ad impugnandam istorum sententiam: sed quia hæc pro instituto nostro satis esse videntur, concludamus cum Hippocrate, *Medicamentum ubi corpus fuerit ingressum, primò trahere quacunque sibi magis sunt familiaria, deinde & alia: Quemadmodum stirpes & sata ex terra trahunt succum sibi magis conuenientem & familiarem.*

Hæc comparatio ut à summo viro prolata, sic etiam firmâ & quotidianâ experientiâ confirmatur. Id manifestè declarant herbarum atque arborum folia, flores, semina, fructus, radices, succi, liquores, gummi, cortices, ligna, quæ singula à naturâ variis & diuersis saporibus prædita sunt: quibus perpetuò aluntur, eosque à proprio solo alliciunt: Si enim in aliam regionem deferantur, ut plurimum germano & proprio succo destituta moriuntur. Rosa, inquit Hippocrates 4. de morb. trahit talem humorem, qualis ipsa est in potentia; & allium de terrâ humorum eiusmodi trahit, quale ipsum in potentia est, hoc est qualem habet facultatem. Et alia omnia humi nascentia ex terrâ trahunt, singula iuxta seipsa. Si enim hæc res non ita se haberet, non nascerentur plantæ similes seminibus. Cui porro plantæ vberior multò quàm conuenit humor proprius est, illa planta ægrotat: cui verò paucior, illa resiccatur. At si ab initio non insit terræ humor, quem planta iuxta cognationem trahat, ne germinare quidem poterit. Intelliges autem inde, quod si non habeat planta humorem secundum naturam, nec ab initio quidem germinat. Ioniæ regio & Peloponnesus secundum anni tempora optimè calent, & à Sole illustrantur: attamen fieri non potest, multis id frustra tentantibus, ut in Ioniâ aut Peloponneso Laserpitium seu Silphium nascatur: in Libyâ verò suâ sponte nascitur. Neque enim est in Ioniâ, nec in Peloponneso eiusmodi humor, qui ipsum alere possit; cum tamen in illis multæ aliæ plantæ sponte nascantur, quas alibi non reperies. Sunt etiam non pauca in hoc loco nascentia, quæ ad spatium decem cubitorum translata minimè nascentur: tam multiplices sunt & varij in terrâ succi, ex quibus singulis singula in eâ nascentia nutriuntur & augentur! Hinc optimus Poëta dicebat:

Varium cali pradiſcere morem

Cura sit, & patrios cultus habitusque locorum,

Et quid quæque ferat regio, & quid quæque recuset.

Hæc omnia clarissimè demonstrant, stirpes & sata primò alimentum è terrâ secundum propriam cuiusque naturam allicere, quod si defuerit, alienum succum trahere, quasi secundariò coguntur: atque idem de medicamentis statuendum, ut iam demonstrauiamus.

LECTIO XIV.

TEXTVS HIPPOCRATIS.

ΟΙ ἢ λέγοντες, ὡς ἐν ἐστὶν ἀνθρώπων, δοκέει μοι ταύτη τῇ γνώμῃ κερῆσθαι. ὁρέοντες τὰς πίνοντας τὰ φάρμακα, καὶ δόπολυμένους ἐν τῇσιν ὑπερκαθάρσεσι, τὰς μὲν χολὰς ἐμέοντας, τὰς δὲ τινὰς φλέγμα, τὶτο ἕκαστον αὐτέων ἐνόμισαν εἶναι τὸν ἀνθρώπων, ὃ, τι καθαιρόμενον εἶδον αὐτὸν δόποδανόντα. καὶ οἱ τὸ αἷμα φάντες εἶναι τὸν ἀνθρώπων, τῇ αὐτῇ γνώμῃ κερῆσαι, ὁρέοντες δόποφαζομένους τὰς ἀνθρώπους, καὶ τὸ αἷμα ῥέον ἐν τῷ σώματι, τὶτο νομίζουσιν εἶναι τὴν ψυχὴν ἐν τῷ ἀνθρώπῳ. καὶ μαρτυροῖσι τέλεισι πάντες κερῆσαι ἐν τοῖσι λόγοις. καὶ τοὶ πρῶτον μὲν ἐν τῇσιν ὑπερκαθάρσεσι ἑαίς πῶ ἀπέθανε χολὰ μόνον καθαρὰς, ἀλλ' ὁκόταν τις πῶν φάρμακον, ὃ, ἢ χολὰ ἄγει, πρῶτον μὲν χολὰ ἐμέσει, ἔπειτα ἢ φλέγμα, ἔπειτα ἢ πῶ τῇ χολῇ ἐμέσει χολὰ μέλαινα ἀναγκαζόμενοι. τελευτῶντες ἢ καὶ αἷμα ἐμέσει καθαρὸν. τὰ αὐτὰ ἢ πάσχουσι καὶ ὑπὸ τῶν φαρμάκων τῶν τὸ φλέγμα ἀγόντων. πρῶτον μὲν τὸ φλέγμα ἐμέσει, ἔπειτα χολὰ ξανθὴν, ἔπειτα μέλαινα, τελευτῶντες ἢ αἷμα καθαρὸν, καὶ ἐν τῷδε δόποδανόντα.



VI Verò dicunt hominem esse unum, hac mihi videntur ut probatione, videntes nimirum eos qui medicamenta sumpserunt, & in superpurgationibus perierunt; alios quidem bilem vomere, alios pituitam: putarunt hominem unum illud esse, quo purgato hominem pereuntem conspexerunt. Sic qui hominem sanguinem esse dicunt, eadem utuntur ratione. Cum enim viderint in hominibus iugulatis sanguinem ex corpore profluentem; hunc existimant, hominis esse animam, eisdemque utuntur testimoniis inter disputandum. At primò quidem in superpurgationibus, nemo unquam mortuus est, solà bile purgatus. Sed cum quis medicamentum cholagogon sumpserit, primùm certè bilem vomet: deinde pituitam; postea præter bilem etiam melancholiam coacti, tandem moribundi ipsum sanguinem euoment. Eadem patiuntur medicamentis pituitam ducentibus. Primùm enim pituitam vomunt, deinde bilem flauam, postea acram, postremò sanguinem, & in hoc, dum sanguinem vomunt, moriuntur.

Similibus omnes qui hominem vnum esse asserunt, testimoniis & rationibus utuntur, ἐν τοῖς λόγοις, inquit Hippocrates, siue bilem, siue pituitam, siue melancholiam, siue sanguinem esse dicunt; atque ex eisdem præmissis diuersas inferunt conclusiones; prout vnusquisque hunc vel illum succum viderit purgatum frequentius. Itaque cum eisdem fulcianitur rationibus, vnica tantùm & eadem refutatione indigent. Clara quidem erat, & ex apparentibus sumpta ratio illorum, quia scilicet in nimis purgationibus, quamplurimos alio atque alio prorsus euacuato humore, vitam profudisse inspexissent, illum vnum humorem, hominis esse naturam & animam arbitrabantur. Et tale conficiebant argumentum: Omne illud, à cuius ablatione & amotione, animal statim auferitur & amouetur, illud est esse proprium & innata natura animalis cuiusque. At ex amotione vniuscuiusque humoris (quem alij bilem, alij sanguinem, alij pituitam faciebant) statim hominis ablatio insequitur. Ergo humor ille (quemcunque illi dixissent) est animalis cuiusque propria & innata natura. Horum argumentationem falsam demonstrat Hippocrates ex eo quod in superfluis purgationibus, non vnus solus tantùm humor vacuatur, sed quatuor, omnes ordinatim semper effunduntur: Vnde & illi falsum assumebant, in superpurgationibus in quibus mori contingeret, vnum solum humorem eiici. Homo enim ex superflua euacuatione moritur, non propterea quod vnus tantùm humor fuerit eiectus, sed quoniam simul cum illo reliqui omnes fuerunt effusi. Quibus omnibus

omnibus effusis illico mors superuenit. Assumebant ergo illi falsum, & proinde falsum concludabant. Dicet tamen aliquis, neque bonam illorum fuisse argumentationem, neque bonam Hippocratis refutationem. Illi enim malè concludebant, verbi gratia bile vacuatâ moritur homo. Ergo bilis est natura seu anima hominis: Sanguine vacuato moritur homo. Ergo sanguis est vita seu anima hominis. Cuius opinionis authores Critiam, Empedoclem, Diogenem, asserit Galenus *secundo de placitis Hippocratis*. Nam pariter dicere possemus, corde vulnerato seu stomacho, seu vesicâ, seu cerebro confosso moritur homo. Ergo cor, vel stomachus, vel cerebrum est natura hominis: Vita enim non in horum alterutro consistit, sed in omnium debitâ temperie & compositione, quæ cum violetur à minimo istorum vel excedente vel deficiente, quid mirum si homo tunc deficiat, non quod bilis, aut pituita, sola fuerit vacuata, sed quia tota temperies corrupta & labefactata est? Ab evidentibus igitur isti decipiebantur, quoniam sensui rationem non adiungebant.

Hippocrates etiam falsum videtur asserere, cum dicit: Nullum periisse, qui solam bilem aut solam pituitam purgando vacuârit, quasi gradibus quibusdam ad sanguinem ipsum perueniatur, vitæque non prius amittatur, quam ad illum deuentum fuerit. Quot enim videmus quotidie, & animo linqui, & vitam morte commutare, qui in *ὑπερκαθάρσει* vel bilem vel pituitam solam reiecerant, neque ad sanguinem usque peruenerant? Nonne ipsemet Hippocrates huius libri 19. docet, Omnia aboleri, & hominem viuere non posse, si vnum aliquod ex his congenitis scilicet humoribus in homine defecerit? At nunc etiam ad sanguinem usque vitam protrahi contendit. Pro Hippocrate quidem dicimus, illum & verè & certissimè ibi pronuntiasse, Deficiente vno aliquo humore animal perire, abolitâ quippe sanguinis mistione & temperaturâ: Hic verò potissimum, ordinem purgationum in humoribus vacuandis docere, vt illos argueret, qui in vno humore totam hominis naturam constituebant; neque enim in purgationibus totus aliquis humor exquisitè vacuatur, sed aliqua eius portio etiam tum cum sanguine remanet, ita vt mistio & temperatura nondum labefactata aut omnino corrupta sit, donec ad sanguinem fuerit peruentum. Bilis quidem primò vacuatur in superpurgationibus à medicamento cholagogo, deinde pituita; sed neque tota bilis, neque tota pituita, ita vt si ibi sisteretur purgatio, propter portionem illam quæ adhuc in sanguine remansisset, posset temperies & mistio denuò instaurari. Bene igitur vult Hippocrates, hominem non vno, sed quatuor humoribus constare, quia in ipsis superpurgationibus vacuari quatuor humores conspiciamus, & si vires validæ fuerint, non prius deficere hominem, quam ipsum sanguinem reiecerit. Probata Hippocratis sententiâ, videndum nunc quid sit ista *ὑπερκαθάρσις*, quibusque de causis contingat, quia quotidie tales superpurgationes ab eradicatiuis potissimum Empiricorum remediis, vt pilulis antimoniatidis & hydrargyratis, quibus isti vtuntur, excitatæ occurrunt.

Purgatio cum sit actio, quæ à naturâ, & vi medicamenti trahentis perficitur, imminui, aboleri, aut deprauari potest. Imminuitur autem & aboletur, quando suppressa est purgatio; quod fit tum medicamenti ipsius ratione imbecillioris; caloribus nostri vel infirmioris, qui ad actum deducere non valet & expulsionem perficere; vel robustioris, qui medicamenti vires ita frangit vt omnino superet: Ratione denique ipsius humoris expurgandi, crassioris, crudioris, contumacioris, obstruentis & opplentis vias potissimum, per quas perfici debet purgatio; Deprauatur autem quando fit præter modum, vt cum dolore, lipothymia, torminibus, siti immensâ & similibus accidentibus, vel ultra modum, quando scilicet nimia & noxia purgatio consequitur, quam superpurgationem & *ὑπερκαθάρσιν* appellant. Languida igitur purgatio vehementiori purgationi opponitur, atque vtræque inutilis esse potest: Nam *ut est Aphorism. 23. sect. 1. Purgationes non sunt astimanda ἵνα πολλὰ, id est, multitudine; sed sit alia purgentur, qualia conueniunt, & acri facile tolerant*: Sicut enim humorem instantem pro qualitatibus ratione oportet vacuare; sic etiam quantitatem vacuationis, magnitudini morbi respondere conuenit. Est itaque *ὑπερκαθάρσις* effrænata & immodica à medicamento exhibito vacuatio, quâ non modò peculiaris medicamento humor, sed & reliqui omnes deinceps profluunt. *ὑπερκαθάρσις* vi medicamenti & naturæ expellentis perficitur: *ὑπερκαθάρσις* verò solo naturæ impetu nimium & immoderatè vacuantis. Galen. *lib. de simpl. med. fac. c. 27. & 28.* vult *ὑπερκαθάρσιν* fieri, propter tres causas, vasorum infirmitatem, osculorum laxitatem, & purgantis phar-

maci malignam qualitatem, *ἀνέχον ἀπύρετον*, permanentem mordicationem, quæ concitat perpetuò ad expulsionem: Ita ut aliæ duæ ab hac potissimum fiant, & veram hypercatharsin efficere non possint, quæ ex mordicatione assiduâ & molesta potissimum pender. Anastomosis quidem ob vim effrænatam pharmaci mordicantis perpetuò; imbecillitas verò propter immensum laborem, qui fit in longâ illâ mordicatione ac veluti emulsione. Nos etiam dicemus, hypercatharsin istam triplici de causâ potissimum contingere; aut ex parte sumentis, aut ex parte medicamenti; aut etiam accidentium quæ utrique superueniunt. Ratione quidem sumentis. Primò, si excrementis ad fluendum paratissimis redundet, à longo tempore coaceruatis, quæ veluti agmine quodam facto, statim ubi patet aditus; immoderate profluunt. Secundò, si sumentis natura infirmior fuerit, quæ purgationem moderari, & furentem humorem compescere nequeat. Tertiò, si humor nimium fuerit tenuis & ad fluendum aptus, venarumque orificia nimis reclusa, aut illarum retentrix facultas exoluta. Denique si is qui medicamentum sumpsit, ex eorum sit numero, qui nullatenus purgationibus apti sunt, neque remedia quantumvis accommodata ferre possunt. Ratione verò medicamenti, vel quòd eiusmodi medicamentum qualitate alienâ & deleteriâ sit præditum; vel intensiori tantum calore, quò intemperatum cor afficit; vel quòd largius sumptum sit; vel etiam quòd portione sui, intestinorum aut ventriculi villis adhæret; vel quòd eiusmodi medicamentum, facultate quadam propriâ venarum orificia pungit, mordet, & aperit. Hæc si medicamentum habuerit, immoderatam scilicet qualitatem, aut quantitatem; aut utramque, de facili *καὶ ἐκείνη* excitabit. Sunt & alia quæ superpurgationem concitant, eaque sub accidentibus post sumptum medicamentum superuenientibus reponuntur; qualia sunt errores quamplurimi, qui in sumendis, admouendis, educendis, & faciendis sæpius committuntur, v.g. potus aquæ frigidæ largior, constitutio temporis Australis, quæ, ut inquit Galenus, aperit, rarefacit, humoresque ad fluendum aptos nimium reddit. Aquilonia etiam, quæ maximas fluxiones comprimendo & exprimendo, excitat, & alia propè innumera errata in usu rerum sex non naturalium, quæ propter Medici inscitiam, ægri intolerantiam, & astantium imperitiam committi solent. Vnde purgationes à Medicis Monspelienfibus conscriptæ, semper custodiam & artis debitum regimen habent annexum.

Cum autem hæc superpurgatio sit actio, eaque deprauata, quæ non tantum perdet ab externo, sed etiam ab interna affectione: huius sedes ponitur in venis illis mesaraicis, quæ ut vobis notum est, non solum vehendo ad hepar chylo; sed etiam reuehendo sanguini ad nutritionem intestinorum; omnibusque humoribus, qui à secundâ & terciâ corporis regione vel attracti vel impulsî, in primam velut corporis sentinam refluunt. In his venis tunc idem accedit, quod in ventriculo, ubi vires eius in extremam inciderunt imbecillitatem: Nam si partes illius superiores fuerint exolutæ, vomitus & assumptorum *ἀναρροή* sequitur; si inferiores, lienteria, cholera morbus, & pleraque alia. Sic in his venarum exolutionibus, cum per initia modica fuerit apertio & imbecillitas, tum quod tenuissimum est & naturæ minus familiare excernitur; ubi verò utraque adaucta est, demum crassa etiam & naturæ familiarissima vacuantur, perseverante ipsa medicamenti mordicatione.

Affectus ipse est tum similis, intemperies frigida ex consumptione calidi innatis; tum organicus, anastomosis scil. & apertio orificiorum nimia: ad quos sequuntur tum actio illa deprauata, tum sympomata in genere excretorum immodicè; toto genere præter naturam; In quo omnes humores, si eò usque vita superfuerit, profunduntur; quorum sub certa quâritate, natura & crâsis consistere potest. De ordine verò quo humores in superpurgationibus vacuantur, sic statuunt Hippocr. & Gal. *in lib. de medic. purg. c. 3. & lib. 3. de simpl. med. fac. c. 26. & 27.* ut primò purgentur communia illa excrementa, quæ in primis vis intestinorum restitancia, impediunt aliorum humorum expurgationem: Deinde vacuetur humor assumptò medicamento familiaris, post hunc qui tenuissimus, mox crassissimus, postremò sanguis, quem natura tanquam thesaurum, & humidi benignioris substantiam, quamdiu valet, avidius amplexatur & retinet. V.g. cholagogum in primis bilem, deinde pituitam, tertio loco atram bilem, postremò sanguinem euocat. Phlegmagogum primum pituitam, deinde flauam bilem, postea atram, nouissimè sanguinem. Melanagogum atram bilem primò, deinde flauam, tertio pituitam, ad postremum sanguinem naturæ familiarissimum, qui prorsus exolutis & inanitis vasculis effluit, ubi ad extremam osculorum apertionem peruentum est. Sic iuxta Hippocratis sententiam *lib. de nat. hum.* manifestum est, postremum in su-

perpurgationibus vacuari humorem naturæ familiarissimum, aliorum autem vnumquemque prout aut crassus est aut tenuis.

Hunc Hippocratis ordinem quidam Arabes improbant, quia illum quàm sæpissimè inuerti contendunt. Verbi gratia sumpto medicamento bilem atram ducente, post illam non quidem flauam bilem, sed pituitam purgari volunt, ac quibusdam argumentis fulciuntur.

Primò, dicunt illi, medicamenta sunt quædam melancholiam & pituitam similitudine purgantia, vt alia bilem & pituitam. Ergo eiusmodi medicamenta post atram bilem statim pituitam vacuabunt, non bilem, vt vult Galenus.

Secundò, illud maximè vacuari debet in superpurgationibus, quod magis abundat. Atqui vacuato melancholico succo, magis abundat pituita quàm bilis. Ergo prius vacuabitur.

Tertiò dicitis vos, inquit illi, medicamenta purgantia similitudine quadam humores vacuare; Itaque siue phlegmagogum, siue melanagogum medicamentum fuerit exhibitum, post vacuatum humorem proprium, vacuabitur phlegma vel atra bilis, quia hi duo humores in qualitatibus frigiditate & grauitate conueniunt, magisque analogum erit medicamentum melancholiam purgans pituitæ, quàm bili flauæ.

Non est difficile his satisfacere argumentis: Ad primum igitur dicimus: Medicamenta quidem quæ duplicem humorem purgant, illa prius familiares succos vacuare, quibus bilis succedit. At in medicamentis simpliciter phlegmagogis, post vacuatam vel pituitam vel melancholiam, bilem utpote magis tenuem, & sequi parata in ante alios vacuari. Ad secundum, Respondemus falsam esse propositionem. Neque enim quod magis abundat, potius vacuatur, quia sic sanguis maximè vacuaretur, sed quod magis fluere paratum est, & minùs naturæ est amicum. Pituita autem apud Galenum sæpius in sanguinem conuertitur, vt sub eo subsistit, per magnas inedias. Bilis verò nequaquam, quæ supra sanguinem subsistens, cum aliis omnibus succis sit calidior, etiam mobilior est & ad fluendum paratior. Ad tertium dicimus, similitudinem illam medicamentorum non spectari penès qualitatem manifestam, aliàs nullum esset catharticum, quod pituitam aut melancholiam frigidos quippe humores educeret, cum illa omnia calida sint secundum magis & minus; sed similitudinem substantiæ totius sic dictæ à Galeno, propter quam primò familiaris succus educitur, reliqui verò non propter illam, sed prout magis aut leues, aut tenues, aut calidi; donec ad horrendam illam & sanguinolentam hypercatharsim deueniatur, prostratis penitus & deiectis naturæ nostræ viribus, quæ funestis comitata symptomatis mortem instare denuntiat. Atque hæc erant theoricè de purgatione ac superpurgatione cognoscenda. Quod vero ad praxim attinet, vt nostri non est nunc muneris explicare, sic Galenus eleganter persecutus est *libro cui titulum fecit, quos, quibus, quantum, & quando purgare conueniat*, vt & Fernel. in *sua methode*, quos consulere poteritis. Nunc ad Hippocratis contextum redeamus. *Mox flauam bilem, deinde atram, postremò sanguinem, post quem moriuntur.* Morimur vbi anima nostra priuatur præcipuo suo instrumento, calore nimirum, quo tota animantis vita consistit. Viuere autem nihil aliud est in rebus animatis quàm esse: illa enim dicuntur esse & viuere, quæ animam habent, & quamdiu habent: mortua verò tunc sunt & dicuntur, quando amplius non sunt animata: ac tunc mori dicuntur, quando anima à corpore recedit. Quia igitur animata aliter sunt, quàm alia quæ animâ carent, ideo illorum essentia & subsistentia, peculiari vitæ nomine continetur. In illis ergo animæ præsentia vitæ causa est; illiusque absentia, mortis. ac si dicas, animam esse causam vt res sit aut non sit, nutrirî, augeri, sentire, moueri, ratiocinari, aut sunt viuere; aut ex istis plantæ, animalia, & homo viuere, id est, esse cognoscuntur. Atque vt operationes istæ fiant, requiritur non solum anima, sed instrumenta corporis & calor natiuus, quorum vno deficiente desinunt fieri operationes, & perit totum animal, animâ scilicet recedente. Verbi gratia, cor vnam dat atque potissimam ex causis vitæ, nempe calorem. Ventriculus, intestina, hepar aliam dant, nempe materiam nutritionis, quibus ablati nequit vita persistere.

Philosophi vitæ causas instrumentales & potissimas ponunt in calido & humido, vt mortis in frigido & sicco. In calido bifariam. Primò, si sit pingue, firmum, non rarum aut nimis tenue. Secundò, si calidum sit humori admistum proportionem, non superfluum. In humido item bifariam. Primò, si corporis animati humor natiuus (quæ Medici humidum radicale vocant) sit aërius, pinguiusculus, qui nō ita facile putrescat aut desiccetur. Secūdo, si sit proportionem copiosus, non immodicus, quia immodicus humor

extinguit

extinguit calidum natium, calor nimius absumit humidum, non solum alimentare, quod à cibo & potu suggeritur, sed etiam humorem natium & congenitum. Itaque volunt calidum quod est vitæ causa, neque igneum esse, neque aëreum simpliciter, sed quasdam habere aëreas conditiones, nimirum ut sit pingue, humidum non adustium, quasdam igneas, ut sit validum ad concoctiones, & minimè putredini obnoxium. Sic humidum neque aqueum, neque aëreum esse simpliciter, sed vtriusque proprietatis particeps, aquæ, ut continuum sit & spissum; aëris, ut sit pingue & congelari non possit. Calidum itaque & humidum causæ sunt vitæ instrumentales, quæ vitam longiorem efficiunt, si coadiuuent causæ conseruantes, ut debita sex rerum non naturalium administratio. Vnde Aristoteles vult eos, qui loca calida inhabitant cæteris paribus viuaciores esse reliquis, ut patet de Indis, & Æthiopibus *μακροβιοίς*.

Quicquid sit, corpora hæc inferiora in perpetuo sunt motu in fieri vel corrumpi secundum quid vel simpliciter, secundum partes, vel secundum se tota. Tum propter causas vniuersales, tum particulares omnibus moriendum est. Vitæ mors priuatiuè opposita est, quæ est transitus ab esse animantis ad non esse animal. Mortem duplicem faciunt, propter varium modum quo animantia interire contingit: Aliam vocant naturalem; aliam accidentariam seu violentam. Atque ideò mors dicitur alia quando esse secundum naturam, aliquando verò præter naturam. Nam quæ à principiis intrinsecis fit, nullo extrinseco accedente, meritò naturalis & secundum naturam existimatur: Quæ verò ex erroribus vel violentiâ aliquâ accidit, immatura, violenta, non naturalis, & præter naturam iudicatur esse: quoniam etsi illam fortè adiuuerint principia quæ in nobis sunt, ut calor & frigus; principium tamen motus non incepit à natura, sed ab alio quouis externo. Vel si mauis, mors omnis est secundum naturam, si naturam vniuersalem spectes illorum omnium quæ ex contrariis sunt composita. Vel contra naturam, si particularem spectes, quæ naturam & essentiam huius & illius destruit & corrumpit. Mors definitur à Galeno 3. *de crisibus*, omnimoda naturæ prostratio; 2. *de temperamentis*, caloris natui extinctio perfecta. Propriè tamen mors est animæ corruptio in animantibus; in homine verò commigratio animæ à corpore, & vitæ huius ad aliam commutatio. Quæ si naturaliter contingat, id est, nullo extrinseco violentè in nos agente, fit ex humidi non solum alimentaris, sed etiam radicalis consumptione paulatim factâ: vel si calor nimius fuerit, vel humidum modicum, aut si frigus calorem superet, ita ut humidum facilius congelascit. Hæc in plantis ariditas, in animantibus extremus marcor seu mors dicitur, quæ sine vlllo doloris sensu contingit, quia tunc animalia mortem obeunt sine vlllo violento affectu, sed quemadmodum ellychnij oleo deficiente flamma, sic corporis humido exhausto calor exhalat, & anima recedit. Interitus istius necessitatem infert Aristoteles ex duobus potissimum; Quod corpus scilicet contrariis constet, & quod perpetuò excrementa colligat; quibus alia addere licet, materiæ ad omnes formas suscipiendas necessitatem, naturalis & finiti agentis finitam potentiam & virtutem: denique tum supremas, tum medias causas; quæ ut mixtis ortum dederunt, sic eisdem interitum adferunt.

Mors verò violenta seu accidentaria contingit, propter morbi naturam & temperiem subuertentis violentiam, quibus morbis maximè obnoxij sunt calidi & humidi intemperamenti, quos Galen. 9. *meth. c. 1.* *ἡντινὸν ὁ νόσος*, id est, putredini obnoxios appellat, propter vacuationes immodicas, aut ingentia vulnera, quibus totum corporis humidum exhauritur. Hoc mortis genere moriuntur, qui *βιοθάνατοι* appellantur, id est, illi qui dicuntur ante diem præscriptum oppetere mortem, ut qui in præliis aut suppliciis, repentinis mortibus & casu aliquo lethali & improviso vitam cum morte solent commutare. Qui suam solent Empiricis & Chymicis vitam exponere, à quibus misère excarnificati in superpurgationibus tandem gementem & purpuream, ut loquitur Poëta, effundunt animam. Quicquid sit, in quouis mortis genere, siue naturali, seu violentâ & accidentariâ corpus refrigeratur caloris natui extinctione, & desiccatur etiam, quia cum humidum à calido non amplius contineatur aut regatur, exhalat. Sic quæuis mors animantium corpora ad frigidum siccumque perducit. Quippe mortui, ut est apud Galenum 1. *temperam. αλιβαίτες* vocantur *παρά το μὴ ἔχειν λιβαδία μήτε θερμότητα*, quasi nihil in se humecti habentes. Ea est fors & conditio nostra, ut quæ prius, id est, dum nascimur, dominabantur qualitates, tandem vel ætatis cursu, vel morbis, vel violentis & procatarcticis causis proterantur, & à contrariis superentur. Finitæ est virtutis calor noster, qui vbi fuerit deuictus, statim cum illo deficiente deficit & anima, quæ prius corpori coniuncta vitam animantis constituebat. Atque

mors hoc dicitur, quâ nihil sapius expetit misera mortalitas, quâque nihil magis timet. Quamvis ex omnibus bonis, quæ homini natura tribuit, nullum tempestivâ morte melius sit.



LECTIO XV.

TEXTVS HIPPOCRATIS.

Aτρεῖται ἢ ἐν τῷ ἀνθρώπῳ τὸ μὲν φλέγμα χειμῶν. τῷτο ἢ τῷ χειμῶνι κατὰ φύσιν μάλιστα πῶν ἐν τῷ σώματι ἐνεόντων, ψυχρότατον γὰρ ἐστὶ. τεκμήρια δὲ τῶντων, ὅτι τὸ μὲν φλέγμα ψυχρότατον, εὐρήσεις εἰ ἐθέλεις ψαῦσαι φλέγμα καὶ χολῆς, καὶ αἵματος, τὸ φλέγμα ψυχρότατον ἰδὼν καὶ τοὶ γλιχοῦται ὅστις, καὶ βίη μάλιστα ἀγεται μετὰ χολῇ μέλαιναν. ὅσοσα ἢ βίη ἔρχεται, θερμότερα γίνεται, ἀναγκαζόμενα ὑπὸ τῆς βίης. ἀλλ' ὅμως καὶ πρὸς πάντας ταῦτα ψυχρότατον ἰδὼν τὸ φλέγμα φαίνεται ὑπὸ τῆς φύσεως τῆς ἐαυτοῦ. ὅτι ἢ ὁ χειμὼν πληροῖ τὸ σῶμα φλέγμα, γνοίης ἀν τοῖσδε. οἱ ἀνθρώποι πύκνι τε καὶ ἀπομύσσονται φλεγμασθέντες τὰ χειμῶν καὶ τὰ οἰδηματὰ, λευκότερα γίνεται μάλιστα ταῦτα πῶν ὥρων καὶ τὰ ἄλλα νοσήματα φλεγμασθέντα. τὰ ἢ ἡρῶν, τὸ φλέγμα ὅστις μὲν ἰσχυρότερον ἐν τῷ σώματι, καὶ τὸ αἷμα αὐξεται. τότε ἢ ψυχρὰ ἐξάνει, καὶ τὰ ὕδατα θηγίνεται. τὸ ἢ αἷμα κατὰ ταῦτα αὐξεται, ὑπὸ τῆς ὁμβρίας, καὶ τῆς θερμημερίων. κατὰ φύσιν ἢ αὐτῶν ταῦτα ἐστὶ μάλιστα τὰ ἐκταῖ. ὕγρον τε γὰρ ἐστὶ καὶ θερμόν. γνοίης δὲ ἀν τοῖσδε. οἱ ἀνθρώποι τὰ ἡρῶν καὶ τὰ θέρεσθαι μάλιστα ὑπὸ τῆς δυσεντερίων ἀλίσκονται, καὶ ἐκ τῆς εἰνέαν αἷμα εἶναι αὐτοῖς, καὶ θερμότεροι εἰσὶ καὶ ἐρυθροί. τὰ ἢ θέρεσθαι, τό, τε αἷμα ἰσχυρὸν ἐστὶ καὶ ἡ χολὴ ἀέρεται ἐν τῷ σώματι, καὶ παρὰ τὴν ἐς τὸ φθινόπωρον. ἐν ἢ τῷ φθινόπωρῳ, τὸ μὲν αἷμα ὀλίγον γίνεται, ἐνανθιον ἢ αὐτὸς τὸ φθινόπωρον τῇ φύσει ἐστὶν. ἡ δὲ χολή, πῶν θερμὴ κατέχει τὸ σῶμα, καὶ τὸ φθινόπωρον. γνοίης δὲ ἀν τοῖσδε. οἱ ἀνθρώποι αὐτόμασι ταῦτα πῶν ὥρων χολὴν ἐμέει, καὶ ἐν τῇσι φαρμακοποιήσιν χολοδόστερα καθαίρονται. δῆλον ἢ καὶ τοῖσι πυρετοῖσι, καὶ τοῖσι χρώμασι τῶν ἀνθρώπων. τὸ ἢ φλέγμα τῆς θερμῆς ἀδενέσθαι ἐστὶν αὐτῷ ἐαυτοῦ. ἐνανθιον ἢ αὐτὸς ἐστὶ τῇ φύσει ἢ ὥρῃ ξηρὴ τε γὰρ ἐστὶ καὶ θερμή. τὸ δὲ αἷμα τῷ φθινόπωρῳ, ἐλάττω γίνεται ἐν τῷ ἀνθρώπῳ. ξηρόν τε γὰρ ἐστὶ τὸ φθινόπωρον, καὶ ψυχρὸν ἢ ἀρχεται τὸν ἀνθρώπον. ἡ δὲ μέλαινα χολή, τῷ φθινόπωρῳ πλείη τε καὶ ἰσχυρότερη ἐστὶν. ὅσοι δὲ ὁ χειμὼν κατὰ λαμβάνη, ἢτε χολὴ ψυχρότερη ὀλίγη γίνεται, καὶ τὸ φλέγμα αὐξεται πάλιν, ἀπὸ τε τῶν ὕλων τῶν πλεόντων, καὶ ὑπὸ τῆς μήκης τῶν νυκτῶν.



VGETVR autem in homine pituita per hyemem. Hac enim hyemi maxime secundum naturam conuenit, frigidissima enim est. Istorum signa sunt, quia si velis tangere pituitam, bilem, & sanguinem, pituitam frigidissimam reperiēs, quamvis viscidissima sit, & vi potissimum post atram bilem trahatur: quæ verò per vim trahuntur, calidiora sunt à violentiâ coacta: Sed tamen post ista omnia frigidissima esse apparet pituita ex suâ ipsius naturâ. Quòd autem hyems corpus pituitâ repleat, hinc cognoueris. Homines spuunt, reiciuntque per nares hyeme pituitosissima: & ademata albissima sunt maxime hoc tempore, & alij morbi pituitosi. Vere autem pituita quidem adhuc valida in corpore existit, sed sanguis augetur: Nam frigora remittunt, & imbres superueniunt. Sanguis verò cum his augetur & à pluuiis & à diebus calidis: Nam secundum naturam ipsi hæc ex anni tempore præcipue insunt, ut sit calidum & humidum: quod sic cognosces. Homines vere & æstate maxime dysenteris corripuntur: & sanguis è naribus ipsis profluit, & calidissimi sunt & rubicundi. Æstate vero sanguis adhuc viget, & bilis in corpore inualefcit, atque in autumnum usque porrigitur. In autumnò verò sanguis modicus fit, contrarius enim illius nature sanguis est: Bilis autem æstate & autumnò corpus occupat: quod hinc cognoscere poteris. Homines suâ sponte bilem hoc tempore vomunt, & in purgationibus à medicamento assumpto factis biliosiora excernunt. Manifestum etiam est per febres & colores hominum. Pituita autem æstate seorsum debilior

debilior est, quia illius natura contraria est tempestas, calida & sicca. Sanguis autem paucissimus autumnus efficitur in homine: quoniam autumnus siccus est & hominem iam refrigerare incipit: sed atra bilis autumnus plurimâ & valentissima est. Vbi verò hyems aduenerit, bilis refrigerata paucâ fit, & pituita denuò augetur, tum à pluiarum copiâ, tum propter noctium longitudinem.

Tertia hæc est huius libelli atque vltima pars, quam nos duabus perficiemus sectionibus: In quâ Hippocrates verè nunc Medicus à morbis & morborum temporibus, propositam quatuor humorum in homine probationem persequitur. Atque mirum quâ serie à Physiologicis ad Medica deueniens, procatasticas & magis manifestas morborum causas attingat & explicet, vt ista videantur quasi prima lineamenta, quibus tertiam Aphorismorum sectionem graphicè descripsit. Etenim apertissimè hîc declarat vnâ cum ambientis nos aëris statu & temperie, etiam animalium corpora variè affici; si sicca fuerit tempestas, siccare; si humida, humectari: & pariter si calida, incalescere, & frigida refrigerari. Atque id non propter simplicem intemperiem quâ nos afficiunt, sed quia efficientes sunt causæ humorum, id est, elementorum sensibilibus, secundum quorum excessum vel defectum, animantis temperies immutatur. Verbi gratia, cum frigida & humida sit hyems, meritò corpora nostra refrigerat, atque pituitam frigidam & humidam in nobis gignit. Quæ ratio in omnibus aliis anni quadris verissimâ competitur. Nam & æstate bilis calida & sicca, æstatis temperamento respondens dominatur: & vere sanguis calidus & humidus, cum ipsum ver calidum sit & humidum. Et autumnus melancholia pariter cum illo temperiem frigidam & siccam obtinens. Sic etiam cum humor maximè similis in anni tempestate simili generetur, sic in dissimili valde admodum deficit, contrariorum enim contraria est ratio. Consimilis atque conueniens naturæ perficit & adauget; dissimilis igitur minuit & aufert. Autumnus sanguini propter & frigiditatem & siccitatem aduersatur omnino. Hinc siccando & refrigerando sanguinem minuit & deprimit. Æstas calida & sicca his duabus qualitatibus pituitæ prorsus est contraria: Sic pituita æstate quàm minima existit, & sic de aliis. Quæ certissimam habere veritatem asserit Hippocrates, secundum vniuersalem entium omnium ordinem & constitutionem, cum scilicet ordinario cursu & vniuersales & particulares istorum efficientes causæ tam intrinsecæ quàm extrinsecæ vnâ simul omnes concurrunt. Quod si aliquando, verbi gratia à mille annis semel, contrarium contingat, id rarò & per accidens fit, non per se, & vt dicebat Hippocrates *κατὰ φύσιν*, id est, secundum rerum naturalium cursum & ordinem, quem summus naturæ author his omnibus imposuit.

In his omnibus probandis vtitur Hippocrates argumentis à causis efficientibus & conseruantibus, atque à signis & effectibus. Nam vt est apud Aristotelem 7. *Metaph.* conueniens fit à conuenienti; quia omne quod fit, ab effectiua causâ fit, actu existente eiusdem generis vel speciei cum eo quod fit; eiusdem quidem speciei, vt cum ignis fit ab igne; eiusdem verò generis est, secundum hoc ipsum per quod actu est simile ei quod fit: vt illud quod fit actu durum, à frigido fit, quod actu frigidum est. Quæcunque enim effectiua fuerit causa, illam actu esse oportet: fit igitur simile à simili, siue eiusdem generis, siue eiusdem speciei. A similibus autem secundum speciem, similia maximè perficiuntur & augentur: & facillimè similia eiusdem speciei inuicem permutantur, quia facilius est vnum quàm multa permutare. In temporibus igitur illis, quæ maximam habent cognitionem & symbolum cum elementis & humoribus, conueniens est etiam tunc talem humorem maximè augeri & procreari, concurrentibus etiam sæpius causis particularibus, quæ omnes coniunctæ magis prævalent, idque à signis & effectibus clarissimè innotescit: quod nos secundum Hippocratis ordinem per anni tempora prosequamur.

Humiditate, calore, frigore, & siccitate, tempora anni mutuò distant, vt inquit Galenus *comment. 1. in lib. 1. epid.* Inter illa autem hyemem humiditate & frigore aliis præstare nemo inficiatur. Quibus duabus qualitatibus, quoniam maximè conuenit cum pituitâ & elemento aquæ, & conueniens fiat à conuenienti, non à dissimili, nisi per accidens, sequitur hyemem frigidam & humidam sibi conuenientem & symbolum humorem gignere, tanquam efficientem causam, quæ materiam

aptam & paratissimam tunc in nobis habet, verbi gratia humiditates crudas, à cibo & potu nimio, vel pituitoso, & sumptis aliis refrigerantibus vel humectantibus per se vel per accidens. Adde alia omnia sumenda, admouenda, facienda, & educenda, quæ inuitabilem hanc ambientis in nos actionem quasi datis manibus adiuvant, atque etiam conseruant: ita ut tunc omnia ad pituitæ generationem conspirare videantur. Dicit aliquis, hæc nullâ ratione posse congruere cum *Aphor. 15. sect. 1.* ubi conceptis verbis significat Hippocrates, tunc temporis & calorem naturium plurimum esse, & concoctionem optimè perfici, dicens: *Ventres hyeme & vere naturâ calidissimi sunt, & somni longissimi, quare per ea tempora cibi copiosiores sunt exhibendi.* Quibus patet calorem hyeme maximè augeri, refugientem scilicet ad interiora, propter circumstantem extrinsecus frigiditatem: sicuti æstate rursus ad sibi cognatum protenditur. Ita ut hyeme caloris nativi substantia minimè dissipetur, sed in profundum coacta, ibi continetur atque intenditur; unde & coctiones, & sanguificationes, & nutritiones illo tempore meliores fiant: quod minimè contingeret, si multa pituita per hyemem generaretur. At multus calor quomodo pituitam generabit? Huic maximæ obiectioni sic satisfacit Galenus in *commentario*. Ventres quidem hyeme calidissimos esse naturali calore, id est, temperatissimos: particulas autem corporis magis per hyemem refrigerari. Itaque cum penetret omnis ambientis aëris frigiditas in corpus quàm penitissimè, licet in ventriculo cibi assumpti probè concocti sint, in iecinore tamen, dum mutantur, non exactam *αἰμάτωσιν* recipiunt, sed aliquâ ipsius parte frustrantur. Præterea tertia coctio à totius corporis particulis refrigeratis malè absolvitur. Accedit copia maxima cibi pituitosioris, quo se tunc homines opplent, verbi gratia leguminum, panis ex similagine, placentarum, liborum, olerum, raparum, carniū ouillarum, suillarum, denique bulborum, cochlearum, casei, & aliorum, quæ faciliè in pituitam vertuntur. His omnibus adde pluuiarum multitudinem, & noctium frigidissimarum longitudinem. Quibus fit ut pituita per hyemem maximè abundet. Signum huius rei certissimum adfert Hippocrates, quòd tunc homines spuunt & mungant maximè pituitosa, tuncque tumores albi, & morbi frigidi vigeant. Bonum enim vult esse argumentum Galenus 2. *de natur. facult.* apud Medicos; Morbus hic est calidus. Ergo à bile; ille frigidus & humidus, ergo à pituita. Nemo autem inficiabitur, hyemis tempore homines habere capita, (ut dicit Hippocrates *lib. de aëre, aqua, & locis*), humidiora, cum ventres illorum frequenter turbentur, pituita à capite defluente. Et quamvis, ut est *Aphor. 19. sect. 3.* morbi omnes omnibus fiant temporibus, quidam tamen magis in quibusdam ipsorum & fiunt & exacerbantur. Non enim, ut iam diximus, sola aëris temperatura, morborum est causa: quia sic quolibet tempore morbos illos pateremur, qui sunt temporum naturæ congruentes; sed cum multa alia concurrant, omnes quidem in omnibus fiunt morbi: ut plurimum tamen illi morbi illo tempore contingunt, cui maximè sunt consentanei. Hinc hyeme pleuritides, peripneumonix, lethargi, coryzæ, raucedines, tusses, dolores pectoris, laterum, lumborum, cephalalgix, vertigines, & apoplexiæ quàm plurimæ. Pleuritides enim & peripneumonix idcirco hyeme contingunt, quoniam instrumenta respirationi seruiencia, frigiditate aëris læduntur: etsi enim alia corporis membra bene obtegere, & contra cœli inclementiam munire possimus, ut parum aut nihil lædantur, nullus tamen respirationem cohibere potest, neque aliunde datur respirandi facultas. Ob eamque ipsam refrigerationem & humectationem caput affectum grauedines, tusses, raucedines, catarrhos commouet.

Fiunt etiam dolores laterum, lumborum, & totius generis nervosi, quibus insensissimum est frigus. Fiunt denique capitis propriæ affectiones, cephalalgix pituitosa, vertigines, & apoplexiæ: In exterioribus, œdemata & tumores albi, qui ex abundanti illa pituitæ generatione, tanquam ex scaturigine profluunt. Nam quæ exterius apparent, sunt interiorum, ut inquit Hippocrates, *μνύματα* & indicia. Horum omnium morborum causas & signa, curiosius persequi nobis non est propositum, quòd hanc Medicinæ partem, nunc currendo tantum & quasi pede sicco transire decreuimus, rem fortassis hanc in posterum melius tractaturi. Sufficiat igitur hæc de hyeme breuiter dixisse, nunc etiam alia tempora percurramus ordine ab Hippocrate proposito.

Ver calidum & humidum, atque sanguini temperie respondens hîc statuit Hippocrates, quòd etiam nobis maximè arridet, quamvis à Galeno 2. *de temperamentis*, ver non dicatur calidum & humidum, sed temperatum, quia, ut ille ait, si calidum & humidum

humidum esset ver, maximè putredini & morbis esset obnoxium. Nos enim respondemus, calidum & humidum si valde excefferint, putredines facere, at moderatum minimè, quale est ver. Calida & humida complexio, si fuerit accidentalis & aduentitia, mala & *ὑπερβολικὴ*; naturalis vero & ingenita, optima. Præterea cum anni tempestates secundum elementorum qualitates, affectæ & contemperatæ sint, ver autem aëri respondeat, certè aëris temperiem calidam & humidam ver imitabitur. Neque hinc sequitur, falsum esse quod dixit Hippocrates, ver saluberrimum, *ὕγιον*, & minimè lethale: Calidum enim & humidum, cum vitæ nostræ principiis respondeant, si fuerint sub mediocritate posita, corpus nostrum salubre & *ὕγιον* conseruant. Sit ergo veris temperies sanguini calido & humido maxime similis: atque verno tempore sanguis maximè adolescat & augeatur, cum simile à simili foueatur & incrementum suscipiat. Tempus ille veris benignus exsuscitat in nobis humorem benignissimum, quo tota cutis veluti suffusa efflorescit, & rubore tingitur, signumque dat omnibus certissimum, ut est *comment. ad Aphor. 2. sect. 1.* talem subesse humorem, nisi intrò fortassis refluxerit, qualis in supremâ superficie color apparet. Addit effectus ad confirmationem Hippocrates, morbos scilicet quosdam hoc tempore inualescentes, non quòd ver ipsum eiusmodi effectuum causas produxerit, sed quia verno tempore humores quasi conclusi & condensati hybernâ frigiditate, tunc fundantur, & ad cutem aut alias partes educantur. Sic aliquod corpus *ὑγιον*, bene contemperatum verno tempore, illud ver quale est conseruabit, nec naturam illius immutabit: æstas verò, autumnus, & hyems, non idem præstabunt: Hæc enim tempora, etsi purum corpus, & omni carens vitio excipiant: illa quidem flauam bilem ultra modum generat, iste atram, hyems verò pituitam, ver autem sanguinem generat, qui sanguis si in propriâ contineatur temperie, morbos non facit, nisi fortassis plenitudinis. Vnde ex omnibus morbis verno tempore ascriptis ab Hippocrate, *Aphor. 20. sect. 3.* nullus illi est proprius, nisi quatenus humores aliis temporibus procreatos, ac in profundo corporis delitescetes, foras suo calore euocat, exceptâ sanguinis profusione, quæ etiam corpus ab aliis morbis liberum reddit, ut quæ per nares, per hæmorrhoidas, per vterum fiunt, ut dysenteria illa cuius hîc Hippocrates meminit, non quæ ex bile intestina exulcerat, sed quæ cruenta aut hepatica dicitur, & quam sanguinis toto corpore redundantis copia excitat, atque è venarum orificiis apertis in intestina profluens, corpus multitudine grauaturn liberat.

Sequitur æstas, quam Hippocrates veri connectit, propter dysenterias quæ utroque tempore contingunt. Est autem æstas, anni pars æstuosissima, quæ animantium corpora supra modum calfacit: Idque propterea quòd sol tunc supra verticem nostrum emergit, diesque longiores efficit, atque aëris siccitatem caliditatemque intendit. Nam ut est apud Galenum *2. de crisi*, non solæ anni temporum appellationes hunc vel illum humorem producant, sed ipsa aëris temperies hoc vel illo modo à solis radiis immutata, hunc vel illum humorem gignit, à quibus variæ ægri-tudines emergunt. Hippocrates *lib. de humoribus*, ait: *τὸ θερινὸν καλοποικίον, ἢ ἐναίμον, ἢ ὀκλίαν ὡς ἐκαστα*, id est, *ver sanguinem, æstas bilem parit, atque alia tempora prout affecta sunt singula*: quem enim benignus veris calor sanguinem copiosum procreauit, illum æstas quasi vstrinâ quadam extorret, & in biliosum humorem omnium humorum feruentissimum conuertit.

Signum est certissimum, color ictericius per totum sæpissimè corpus effusus, qui bilis in toto multitudinem subesse ostendit: à quâ varij etiam morbi calidi atque adeò biliosi pullulant. Audiamus *Aphor. 21. sect. 3.* Æstate fiunt febres, synochi, causi, tertianæ quamplurimæ, vomitiones, diarrhœæ, ophthalmiæ, otalgia, oris vlcera, putredines pudendorum, & sudores. Qui omnes sunt veluti bilis propa-gines & soboles amplissima. Febres continuas seu continentes nonne bilis in maioribus vasis putrescens excitat, tertianam, extra vasa: ut solo loco & humoris quantitate differant? Nonne vomitiones tunc biliosissimæ? nonne bilis ad intestina delabens tunc temporis diarrhœas & dysenterias plurimas excitat? Denique cum bilis ad superiora rapiatur, nonne oculorum, aurium, orisque inflammationem facit? per totum verò corpus pustulas & sudores biliosos, ac mordaces? Ita ut & signa certissima & effectus quamplurimi testentur, bilem à consimili æstatis temperie copiosissimam generari.

E quatuor anni temporibus hyemem diximus pituitam, ver sanguinem, æstatem biliosum humorem procreare. Superest ut idem de autumno dicamus. Galenus 1.

temperament. improprie frigidum & siccum autumnum dici vult, ac potius temperatum esse, sed inæqualiter: Nos quia iam statuimus, ver calidum & humidum, cui opponitur autumnus, ponimus etiam autumnum, iuxta Hippocratis sententiam frigidum & siccum, atque etiam iuxta Galeni, *comment. ad Aphor. 10. sect. 3.* dicentis: *Patet autumnum tabidis esse malum, cum sit siccus simul ac frigidus, & inæqualis.* Autumnus igitur frigido & sicco, propter perficientes atque adaugentes causas, atrabilis fit plurima & *ἰσχυρότατη*, quia ut pluries iam diximus, similia à similibus perficiuntur, atque incrementum suscipiunt. Autumnus quidem frigidus est ob caloris absentiam & priuationem, recedente scilicet sole, & aërem obliquis magis radiis illustrante; siccus verò ex derelictâ æstatis ariditate, & propter propriam & innatam naturam ex omnimodâ humiditatis carentiâ. Ideò tunc temporis refrigerari incipit corpus, & ob sanguinis imminutionem, & frigidi succi prædominium. Qui enim per æstatem deurebantur humores, quod ex illis assatis in autumnum vsque superest, extincto calore frigidum statim siccumque redditur: frigidum ob calorem ablatum; siccum autem, quòd eius omnis dum torreretur, humor consumptus sit. Hinc *Aphor. ille 9. sect. 3.* autumnus morbi exitiales ut plurimum, tum propter illius in omnibus inæqualitatem, tum quòd humores qui æstate ad cutem mouebantur & difflabantur, autumnus frigiditate truantur, & ad interiora impellantur, tum quòd ab atrâ bile fiant. Quorum numerum recenset Hippocrates *Aphor. 22. sect. eiusdem. Autumnus febres quartana & erratica, & lienes, aqua inter cutem, dysenteria, morbi comitiales, furores, melancholia.* Horum omnes ut videtis, vel plurimi morbi à succo melancholico tunc prædominante excitantur. Ita ut cæteris omnibus paribus & concurrentibus liceat dicere: Autumnus frigidus & siccus melancholicos morbos parit, & autumnalis est morbus. Ergo à melâcholiâ ortum habuit. Et sic clarissimum euasit, vnumquodque anni tempus conuenientem & sibi similem humorem generare, quæ cum sint quatuor, humores etiam corporis nostri, quatuor illis respondentes esse conuenit, quod Hippocrati demonstrare propositum fuit. Sunt autem adhuc tria hîc potissimum obseruanda.

Primò quòd quemadmodum contrariorû contraria sunt consequentia, sic contraria humori tempestas, illum maximè imminuit, ut similem maximè auget; hyems maximè pituitam auget, frigidam quippe & humidam; sic bilem calidam & siccam maximè imminuit. Ver sanguinem calidum & humidum auget, melancholiam frigidam & siccam quasi tollit. Et sic de aliis, in quibus ut maximè similis humor dominatur, sic dissimilis admodum imminuitur, quod facile ex Hippocratis contextu colligere possumus.

Secundò notatu dignum est, extremas tempestatum partes, aliarum naturam sapere, propter relictam quandam impressionem, quæ nondum deleri potuit, v.g. autumnus extremum hyemis principium sapit; & hyemis extremitas veris initium redolet; sic alia veris extremitas, æstatem quodammodo refert; æstatisque principium veris adhuc naturam retinet: sicque humorum dominatus sensim tollitur, cum contraria tempestas in maximo fuerit vigore constituta. Atque sic temporum morbi in alia proxima tempora coincidunt, ut morbi æstiuus in autumnum, autumnales in hyemem, & sic de reliquis. Quæ omnia accuratissimâ methodo tradita sunt ab Hippocrate *sect. 3. Aphorismorum.*

Tertiò denique obseruandum est, id cuius nos potissimum admonet Galen. *lib. 8. de placitis Hippocratis & Platonis*, quòd quamuis de temporum diuersitate Hippocrates hîc tantum egerit, videtur tamen sub his comprehendere & temperamenta, & ætatem, & regionem, quæ passim in omnibus inspectanda esse admonuit: tum ad morbos curandos & prædicendos, tum victus rationem instituendam. Adde quòd his adiuuantibus temporis statum & temperiem, magis & facilius humor similis gignatur; contrariis autem minus. Æstas nonne bilem perfectius generabit in regione calidissimâ, hominibus calidioribus, & ætate iuuenili? Hyems pituitam in regione frigidâ, hominibus pituitosis, & senili ætate? Hæc igitur omnia complexus esse videtur Hippocrates, cum, ut inquit Galenus, eandem in ætatibus rationem puer obtineat, quam in quatuor temporibus ver. Eandem iuuenis quam æstas: Eandem consistens quam autumnus. Eandem decrepitus quam hyems. Pariter & ex regionibus, temperata veris calida æstatis, quæ in caliditate & frigiditate tamen & siccitate exuperat, autumnus: frigida & humida regio hyemi magis respondet. Atque ista hætenus ad quatuor elementorum, & quatuor humorum probationem dicta sufficiant.

LECTIO XVI.

TEXTVS HIPPOCRATIS.

Eχέ μὲρ οὐ ταῦτα πάντα αἰεὶ τὸ σῶμα τῷ ἀνθρώπῳ. ὑπὸ δὲ τῆς ἀεισημῆς ὥρης, ποτὲ μὲν παλαιο γίνεταί σφῶν αὐτὰ ἐαυτέων, ποτὲ δὲ ἐλάσσῳ ἕκαστα, κατὰ μέρῳ καὶ κατὰ φύσιν. ὥσπερ ὁ ἐνιαυτὸς μετέχῃ μὲρ πᾶς πάντων, καὶ τῶν θερμῶν, καὶ τῶν ψυχρῶν, καὶ τῶν ξηρῶν, καὶ τῶν ὑγρῶν. ὃ δὲ ἂν μένεν τετέων ἐδὲν ἐδὲνα χρόνον, ἀνευ πάντων τῶν ἐνόντων ἐν τῷδε τῷ κόσμῳ. ἀλλ' εἰ ἐν πικρίποι, πᾶν δὲ ἂν ἀφανισθῇ. διὸ δὲ τῆς αὐτῆς ἀνάγκης, πάντα ξυμίσθηκε τε καὶ πρέφεται ὑπὸ ἀλλήλων. οὕτω δὲ καὶ ἐπὶ ἐκ τῶν ἀνθρώπων ἐκλίπῃσι τετέων τῶν συγγεγονότων, ὅτε ἂν διώκῃ τὸν ἀνθρώπου. ἰσχυρὸν δὲ ἐν τῷ ἐνιαυτῷ, ποτὲ μὲρ οὐ χειμῶν μάλιστα, ποτὲ δὲ ἔαρ, ποτὲ δὲ θέρους, ποτὲ δὲ φθινόπωρον. ἔτω δὲ καὶ ἐν τῷ ἀνθρώπῳ, ποτὲ μὲρ τὸ φλέγμα ἰσχυρὸν, ποτὲ δὲ τὸ αἷμα, ποτὲ δὲ ἡ χολή, πρῶτον μὲρ ἢ ξανθὴ, ἔπειτα δὲ ἢ μέλαινα καλεομένη. μαρτύριον δὲ σαφέστερον, εἰ ἐθέλῃς τῷ αὐτῷ ἀνθρώπῳ δοῦναι τὸ αὐτὸ φάρμακον τέλειαις τῶν ἐνιαυτῶν, ἐμέεται σοι τῶν μὲρ χειμῶν, φλεγματοδύσεια, τῶν δὲ ἔαρος ὑγρότατα, τῶν δὲ θέρους χολωδέσεια, τῶν δὲ φθινοπώρου μελάντατα. ὁφθαλμοὶ οὖν, τετέων ὥδε ἐχόντων, ὁκόσα μὲρ τῶν νοσημάτων τῶν χειμῶν αὐξεται, θέρους λήγαν. ὁκόσα δὲ θέρους αὐξεται, χειμῶν λήγαν. ὁκόσα μὲρ αὐτέων ἐν περιόδῳ ἡμερέων ἀπαλλάσσεται, τῶν δὲ περιόδου αὐτῶν φράστω, τῶν δὲ ἡμερέων. ὁκόσα δὲ ἔαρ γίνεταί νοσήματα, περὶ δὲ ἔαρος χρὴ φθινοπώρου τῶν ἀπαλλαγῶν. ὁκόσα δὲ φθινοπώρου νοσήματα, τετέων τῶν ἔαρος ἀνάγκη τῶν ἀπαλλαγῶν γενέσθαι, ὅτι δὲ ἂν τὰς ὥρας ταύτας ὑπεβάλλῃ νόσημα, εἰδέναι χρὴ ὡς ἐνιαύσιον αὐτὸ ἐσόμενον. καὶ τὸν ἰητρὸν οὕτω χρὴ ἰᾶσθαι τὰ νοσήματα, ὡς ἐκάστῃ τετέων ἰσχύοντι ἐν τῷ σώματι κατὰ τὴν ὥραν τῶν ἐαυτῶν κατὰ φύσιν ὄντων μάλιστα.



AB E T igitur hac omnia perpetuò corpus humanum : pro temporis autem circumstantis ratione, aliquando plura seipsis fiunt, aliquando pauciora, secundum partem & naturam. Quemadmodum totus annus omnium est particeps calidi, frigidi, humidum, & sicci. Neque enim horum tantisper maneret sine omnibus quæ sunt in hoc mundo : sed si unum quid defecerit, omnia statim abolebuntur, quia omnia eadem necessitate constituta sunt, & inuicem aluntur. Ita siquid ex his congenitis in homine defecerit, non poterit diutius vivere homo. Inualefcit autem in anno, nunc magis hyems, nunc ver, nunc æstas, nunc autumnus. Sic in homine modo pituita inualefcit, modo sanguis, modo alterutra bilis. Cuius rei certissimum est testimonium, quia si volueris eidem homini idem pharmacum quater in anno exhibere, vomet tibi hyeme maximè pituitosa, vere liquidissima, æstate biliosissima, autumno nigerrima. Par est igitur his se ita habentibus, morbos qui hyeme augentur, æstate finire : qui verò æstate vigent, hyeme deficere : qui inter illos dierum periodo non solvuntur. Dicam autem alias, quid dierum periodus. Qui verò vere gignuntur morbi, illorum solutionem expectare oportet autumno : Autumnales autem morbos vere terminari necesse est. Qui anni tempora morbus excedit, illum annum fore sciendum est. Atque sic Medicum morbis mederi oportet, prout unusquisque in corpore secundum anni tempora, & eius naturam inualefcit.

Extremum hunc Aretiusa mihi concede laborem. Concede mihi extremam hanc huius libri explicationem aut aliis non inferiorem, aut potius superiorem esse. Cum enim ad operis istius extrema peruenerim, incumbendum maxime est, ut finis toti huic labori veluti coronam imponat. Corpora quidem pingere, inquit Plinius libro trigésimo quinto capite decimo, & media rerum, est quidem magni operis, & in quo multi gloriam tulerunt ; Extrema verò corporum fa-

cere, & desinentis picturæ modum includere, rarum in successu artis inuenitur. Ambire enim se debet extremitas ipsa, & sic desinere, ut promittat alia post se, ostendatque etiam quæ occultat. Pro totâ igitur libri istius catastrophe, duo præcipuè tractabimus, scilicet quid sit annus, & quæ illius partes, demum quid morborum circuitus, & quoruplex sit. Totus annus (inquit Hippocrates) particeps est omnium, calidi, frigidi, sicci, & humidi. Annorum varia fuit ratio apud varios: Plinius *lib. 7. cap. 48.* Annum enim alij æstate vnum determinabant, & alterum hyeme: Alij quadripartitis temporibus, sicut Arcades, quorum anni trimestres fuere: Quidam lunæ senio, ut Ægyptij: itaque apud eos aliqui & singula millia annorum vixisse produntur. Nos hîc annum intelligimus, quem Græci *ἐνιαυτός*, quod in seipsum redeat, appellarunt, & qui in sua se per vestigia labitur annus, Solaris dictus; & qui definitur, temporis illud spatium, quo Sol à puncto vno egressus, peragrato zodiaco, in idem punctum redit. Punctum autem illud, à quo initium anni desumitur, non idem est apud omnes: Romulus enim annum incepit à mense Martio iuxta æquinoctium vernale, quod adhuc observant Iudæi. Asiatici verò reliqui ab æquinoctio autumnali circa mensem Septembrem: Græci autem & Arabes ordiebantur annum à solstitio æstivali, cum Sol ingreditur signum Cancrî. Demum Romani, & vniuersa nunc Ecclesia auspicatur anni initium à solstitio hyemali, quod tunc Sol ad nos incipit redire, vnde Ouidius

Bruma noui prima est, veterisque nouissima Solis,

Principium capiunt Phœbus & annus idem.

Quicquid sit, vbi Sol ab vno puncto, verbi gratia primo Arietis discedens zodiaci signa omnia percurrente, ad illud idem trecentorum sexaginta quinque dierum, & vnus ferè quartæ spatio redierit, tunc illa conuersio & reuolutio, annus appellatur. Sunt autem *xii.* signa zodiaci, ut his versibus patet.

Sunt Aries, Taurus, Gemini, Cancer, Leo, Virgo,

Libraque, Scorpius, Arcitenens, Caper, Amphora, Pisces.

Annum autem variè Medici atque Astronomi considerant. Astronomi varias eius partes & status faciunt, secundum varias Solis mutationes & situs in zodiaco, v. g. in climatibus nostris citra Æquatorem versus Boream, sic anni quatuor partes describunt. Cum Sol ad primum accedens Arietis punctum, signa Arietis, Tauri, & Gemini peragrauerit, primum illud anni tempus constituit, quod ver appellamus. Post ingreditur, Sol primam Cancrî partem, & perueniens ad finem vsque Virginis, æstatem absoluit. Sequitur autumnus, qui à Solis ingressu in Libram, vbi totum Sagittarij signum confecerit, perficitur. Demum à prima Capricorni parte ad Arietis principium, vbi denuò Sol peruenerit, hyemem constituit, & annum absolvens simul annum inchoat, perennique ac indefessa latione per hunc circulum circumuectus, æterna rerum omnium sæcula metitur. Atque hic est modus quo Astronomi diuersas anni partes distinguunt. Medici verò magis ad sensum, idque dupliciter faciunt. Primò signis ad nos & hæc inferiora relatis, ut cum dicimus, ver illud esse tempus anni, quo & aër & omnia animantia calore modico perfusa, gratissimum anni renascentis gaudium suscipiunt, quo fata omnia veluti colorum picturis in certamen vsque luxuriant, & cœli voluptate quasi inuitata, omnigena naturæ ludentis miracula repræsentant: Eadem ratione æstas, autumnus, & hyems distinguuntur, prout tempora illa variè corpora nostra afficiunt, vel varios in hisce inferioribus effectus exercent. Secundò separant Medici hæc anni partes, secundum ortus & occasus stellarum insignium, & vulgo magis notarum: non quòd siderum istorum ortus vel occasus sint permutationum in aëre causæ, nisi fortassis coadiuuantes, quia Sol tempestates solus efficere videtur, sunt tamen harum permutationum signa. Hanc distinctionem expressit Hippocrates *lib. 3. de dietâ.* Annum (inquit ille) in quatuor partes diuidimus, quas omnes nouerunt, Hyemem, Ver, Æstatem, Autumnum. Hyemem quidem à Pleiadum occasu, vsque ad æquinoctium vernum. Ver autem ab æquinoctio, vsque ad Pleiadum exortum. Æstatem verò à Pleiadum ortu, vsque ad Arcturi exortum. Autumnum ab Arcturi ortu, vsque ad Pleiadum occasum. Atque omnia intelligit Hippocrates verâ esse in Helleponti parallelo, ut ipse interpretatur Galenus. Nos quid sit ortus cosmicus, heliacus, acronichus, vbi sitæ sint hæ stellæ notiores, & quomodo oriantur aut occidant, non dicemus pluribus, sed auditores huius rei cupidos remittimus ad ipsam sphaeræ explicationem, aut Galen-


num hæc satis fusè tractantem *comment. i. in libr. i. epidem.* Satis est enim nobis monstrasse quatuor anni partes tribus potissimum rationibus distinguere. Hoc tamen notandum est, duas istarum anni partium apud Medicos aliquando subdividi: æstatem scilicet in duas partes; in tres autem hyemem. Æstatis prima differentia, est à Pleiadum ortu vsque ad caniculæ exortum: hancque priorem æstatem nuncupant. Secunda extenditur à canis exortu, ad ortum cosmicum Bootis. Hyemem autem in tres partes secant, in mediam quæ continetur solstitio hyberno; & alias duas extremas. Sic ut septem aliquando apud Medicos anni tempestates recenscantur. Ista omnia tempora siue quatuor, siue septem numerare volueris, annum perficiunt, *qui omnium est particeps* (ut inquit Hippocrates in contextu) *calidi, frigidi, humidi, & sicci.* Totus enim hic mundus inferior, ut est i. *Meteor.* superioribus lationibus contiguus, à cœlesti virtute regitur, & motus principium sumit. Prima quatuor elementa superioribus orbium motibus contigua sunt, ut eorum formæ & facultates à superioribus gubernentur, quibus elementorum scilicet qualitatibus, sublunaria hæc inframundana omnia temperantur & constituuntur. Est igitur iuxta Auerrhoem, *comment. ad illum locum*, motus corporum cœlestium, & præcipuè solis motus in zodiaco, quem diximus annum nostrum constituere, causa efficiens generationis & corruptionis elementorum secundum æqualem perpetuitatem, & ut Philosophi loquuntur, circulationem. Quæ fuit hoc loco Hippocratis sententia & intentio, ut hinc & elementorum primo, & humorum secundo numerum colligeret. Sit igitur Solis motus & lumen, potissima causa & conseruans primarum quatuor formarum & qualitatum in informi materiâ, penes diuersos quatuor aspectus & positiones ad illa: Ita ut annum calidi, frigidi, humidi & sicci participem efficiat, subiecta scilicet primarum istarum qualitatum augendo & minuendo. Hoc verum deprehendemus, si per singula anni tempora discurremus: Quando enim Sol à primo Arietis puncto discedens, totum Tauri & Geminorum signum peragrat, tunc calorem mediocrem cum humiditate benignâ in hac sublunari materiâ gignit. Calor quidem à Sole fit, triplici de causâ, propter accessum propinquum, aspectum rectum, ac longiorem moram supra verticem nostrum. Humiditas verò, quia dum hæc inferiora calefacit, niues & hyemis frigore concretam glaciem resoluit & fundit, quibus duobus aer perficitur: Hæc tempestas ver dicitur temperatum & saluberrimum, symbolum habens cum sanguine, & temperamento *μετέωρον*, caloris humorisque mediocris particeps: Vbi verò Sol Cancrum ingressus, tria signa illa conficit, Cancri, Leonis, & Virginis: tunc maximam siccitatem & calorem excitat: Calor quidem tunc summè intenditur à diuturnâ illâ Solis in nostro horizonte morâ, & perpendiculari aspectu, per quem radij ad angulos rectos reflectuntur: calore itaque maximo vigente, & humidum quamplurimum exhauriente, siccitas etiam summa introducit, quibus duabus ignis elementum perfici nouimus. Et tempus hoc, æstas nuncupatur. Sol regulari illâ & continuâ latione semper ulterius procedens, à libræ puncto ad usque sagittarij signum, siccitatem tunc & frigiditatem paulatim inducit: frigiditatem quidem, quia iam Sol breuiorem supra nos moram faciens, & debiliores obliquosque emittens radios, terræ & aquæ innata frigiditas, remotâ calefaciente causâ excellenti, augefcit & perficitur. Siccitatem autem propter consumptum æstate humidum, & frigidi aduentum. Quæ duæ qualitates ad terræ constitutionem faciunt, istaque tempestas autumnus appellatur, inæqualis valde & insaluberrimus, symbolum habens cum terrâ, &c. Tribus his anni partibus peractis, Sol Capricorni caput ingreditur, ad Arietis rursus principium rediens, hyememque facit frigidam & humidam, in quâ aquæ elementum accrescit, operante frigiditate atque humiditate. Frigiditas quidem tunc ad summum crescit, ob recessum Solis, breuissimam moram, & radiorum obliquitatem: humiditas verò incrementum sumit à vaporibus plurimis autumnali tempore genitis, quos hyemis frigiditas in aquam & humorem conuertit. Utque totus ita annus variatur, sic dies quadras habet suas, illis respondentes, matutinam veri, meridianam æstati, vespertinam autumnus, conticinium seu mediam noctem hyemi; in quibus etiam congeneres humores magis moueri creduntur. Atque hæc est temporum anni ratio sub hoc nostro climate & horizonte. Quia verò respectu situs orbis hæc variare possunt, ideo ratio etiam habenda Medico regionum & locorum. Atque sic manifestè patet, annum, hoc est, quatuor anni partes, calidi, frigidi, humidi & sicci esse participes, constitutiones scilicet temporum variæ facere quatuor elementorum augmenta, sine quibus mundi istius compages constare nequit. Atque ut in magno mundo, quatuor istæ elementorum proportionem

requiruntur, sic in paruo mundo, homine, *μικρονόσμος* quatuor humorum, sensibilibium quippe elementorū (vt inquit Hippocr.) numerus & proportio necessaria sunt, sine quibus viuere non potest. Et quæ pro varia anni, aliarumq; conseruantium causarū constitutione variè immutantur: quamuis tamen nullum istorum vsquā deficiat. Huius rei signum à quotidianâ experienciâ petitum addit Hippocr. quia scilicet si eidem homini idem medicamentum fuerit exhibitum, hyeme pituitosissima, &c. vomet, pro scilicet prædominantis humoris excessu: quamuis enim catharticum electiue purgās quouis tempore proprium sibi & familiarem succum expurger: post hunc tamen, illā maiori copiā trahit, qui secundum anni partem magis abundat & turget. Patet igitur quomodo annus quatuor istarum qualitatū sit particeps, quas in elementis constituiamus. His ita constitutis ad alteram lectionis nostræ partem veniamus. *Quicumque*, inquit Hippocrates, *morbi hyeme auferunt, æstate desinere solent: quicumque verò æstate auferunt, hyeme finiri consueuerunt, nisi certo dierum circuitu discedant*, &c.

Morbi alij longi, alij breues dicuntur: Breues sunt qui breuiori temporis spatio desinunt, dierumque numero desiniuntur: Longi verò qui per mensium & annorum computationem excurrunt. Breues sunt multi morbi, aut quia debilem habent causam, aut quia in fluxili sunt subiecto: aut quia propter humoris cui insident, effrænatum impetum & *ὀρμήν*, & propter grauissimorum, quibus copulantur symptomatum vehementiam, diutius in corpore subsistere nequeunt, quin naturam ipsam deuincant, aut ipsi vincantur. Hi sunt qui acuti dicuntur: quorum rursus multas faciunt differentias. Vocant enim hosce morbos, qui cum magnitudine quadam ac febre continuâ intelliguntur, pro variâ illorum durationis ratione: alios acutos, alios peracutos, alios perperacutos: Rursus alios acutos adauctos, alios acutos ex conuersione, alios denique acutos ex decidentia. Acuti simpliciter dicti, vt est *Aphor. 23. sect. 2. ἐν τετραποσωνάδεκα ἡμέραις ἀπέρτοις, quatuordecim diebus iudicantur*, hoc est, in morbis istis magna fit mutatio ad salutem vel mortem: non quod statim sanentur aut moriantur, quia ipsemet Hippocrates docuit 1. *epidem.* quatuor esse celeres permutationes in huiusmodi morbis, ad salutem, ad mortem, vel inclinationem ad melius, vel ad peius: Ita vt aliud sit dicere periodum morbi, aliud verò crism, aliud terminum, aliud iudicationem. Acuti isti morbi si intra septimum diem quauis iudicatione crism fecerint, peracuti appellantur. Quod si tam citatus tamque festinus fuerit illorum motus, vt cum grauissimis symptomatis & continuâ febre quartum diem non excedant, isti perperacuti appositè à Latinis appellantur. Acutorum igitur decimus-quartus dies terminus existit: ita vt si quis morbus hunc excesserit absque vllâ sensibili iudicatione, ille iam ad vigesimum vsque diem, acutus adauctus dicitur. Vbi vterius progreditur, acutus ex conuersione. Tandem acutus ex decidentia morbus appellatur, si ad quadragesimum vsque diem appulerit, quem nulli morbi acuti excedunt. Post quadragesimum etenim diem, morbi omnes chronici seu longi dicuntur: quorum periodi mensium & annorum numero describuntur. Hi morbi longi neque continentes sunt, neque continui, sed per interualla affligunt, ita vt inducias aliquas dent naturæ, quibus illa veluti decepta, minùs ad illorum expulsionem contendit: Atque morbi isti expelluntur à contrariis causis externis, à mutatione ætatis, temporum contrariâ dispositione, locorum & victuum ratione immutatâ, vt est *Aphorismo quadragesimo quinto sectionis secunde*. In cuius commentario vult Galenus Epilepsiam puerorum, quæ vigesimo quinto anno non desinit, incurabilem esse, propterea quod mutatio hæc ætatis ad calidum & siccum, causæ magnitudinem superare & deuincere non potuit. Audiamus Hippocratem hoc disertis, & appositis verbis enarrantem, *Aphorismo vigesimo octauo sectionis tertiae*. Plurimi morbi, diuturni, vt adicit Galenus in comment. puerulis iudicantur, nonnulli quidem in quadraginta diebus, nonnulli in septem mensibus, nonnulli verò in annis septem, quidam verò iam ad pubertatem accedentibus. Qui verò permanferint, neque pueris in pubertate finierint, & foeminis cum menstrua erumpunt, consenescere consueuerunt, *ἡλικίαν δὲ*, hoc est, perpetui sunt vitæ nostræ comites, & senectutis flagella, vt loquitur Cornelius Celsus. Videmus quomodo tota hæc periodorum in quibusuis morbis ratio, posita sit in causarum tam efficientium quàm conseruantium contrarietate: Contraria enim semper contrariorum sunt remedia; morbis enim causa est salubris, non solum contraria aëris temperies superueniens, sed etiam ætatis mutatio, & victus ratio contraria. Itaque qui morbi æstate sunt, hoc est, à constitutione calidâ & siccâ aëris, illi desinunt hyeme, contrariâ scilicet constitutione: Vt qui hyeme incipiunt

incipiunt, æstate desinere solent. Et sic contraria semper anni tempestas, opposita morbos sanat. Idque septimo mense. Sit enim verbi gratia morbus aliquis hyemalis, qui primâ Decembris inceperit, ille ut plurimum desinet mense Iunio. Et sic de reliquis, ut cuius computanti patet. Qui verò morbi hunc mensium numerum inuaserint, euietis nimirum & elusis omnibus contrariis causis, illi annui appellantur. Rursus morbi isti annui, propter varias ætatum mutationes, quæ septimo quoque anno ut plurimum contingunt, septimo frequenter anno terminantur, ut clarissimè ex iam citato Aphorismo patuit. Oportet igitur Medicum omnium istarum rerum peritum ad morborum curationem accedere, ut aut morbis omnibus contraria possit adhibere remedia; vel saltem morborum communes periodos prænoscere, ubi accuratè contrarias omnes causas salubres inuenit, siue anni tempestates, siue regiones, siue ætatum mutationem, siue victus rationem, & remediorum facultatem contrariam.

Videtis igitur quomodo toto hoc libro Hippocrates, in quo propositum erat illi corporis nostri naturam inuenire, eleganti, & accuratâ methodo usus sit. Quomodo primò primorum corporum numerum & actiones inquisierit: Quomodo his inuentis faciliè ad sensibilibus corporis nostri elementorum, quatuor scilicet humorum cognitionem peruenerit, quam exactissimè hinc persecutus est: Quomodo denique ex inuentâ humorum naturâ, & solutionis morborum præagia, & curationis scopos tradiderit, in quibus tanquam sine Medicis proposito conquiescit Hippocrates. Conquiescamus igitur & nos, & tandem explicationi nostræ in hunc librum, finem optatissimum imponamus. Utinam tam grata fuerit vobis & accepta nostra hæc excursio, quam iucunda mihi hæc curricula nostri prima meta hodie obtigit. Scio quidem rem esse maximam & negotij plurimi tantis viris placere posse: hoc tamen mihi magni solatij & muneris loco erit, si me vobis non omnino displicuisse cognouero.



IOANNIS VARANDÆI

EXPLICATIO SECTIONIS QVINTÆ

APHORISMORVM HIPPOCRATIS.

P R Æ F A T I O.



VREVM mehercle & penè diuinum opus Aphorismorum aggredimur explicandum, (Auditores ornatissimi) quod admirabunda antiquitas posterioribus sæculis cum summa veneratione tradidit, & sub sacrosancto Hippocratis nomine ad nos usque transmisit. Hæc enim ut reliqua omnia supereminet, sic etiam liber hic Aphoristicus omnes non solum Medicorum, sed & Philosophorum, aliorumque labores ac scripta longè superauit. Fuisse quidam, iique malè feriat homines, Iulianus & Lycus, quos Galenus exagitaui, qui pertinaci audaciâ aliquot Hippocratis Aphorismos conuellere & reuicere conati sunt, at nullo prorsus fructu: In altissimam enim hanc rupem impegerunt & dissoluti sunt, posterique Aphorismos veluti leges & sancita quædam, extra humani iudicij aleam posita, & ab Hippocrate, viro prorsus admirando, conscriptâ receperunt.

Ut non hinc frustra laborandum sit, inquirendumque, an sit genuinus hic Hippocra-

is factus Si enim Aphorismi præ omnibus excellent libris Medicis, Hippocratesque omnes antecedere Medicos credatur, credibile etiam est libros Aphorismorum ab Hippocrate conscriptos, ut & ipsa antiquitas testatur, & Galeni autoritas confirmat: ut si quis hoc negare audeat, is ad dementiam Anaxagora peruenisse existimandus videatur.

Non etiam hic de ordine ac methodo, quâ utitur Hippocrates differendum, cum sit tantum prioris & posterioris: sed præfationis causâ dicemus, quid sit Aphorismus; quæ sit ratio doctrinæ aphoristica; quid contineatur hac nostrâ sectione quinta Aphorismorum; denique aliquid de nostro instituto ac methodo, in explicandis Aphorismis & elucidandis differemus. Atque hæc erit parasceue nostra antequam ad rem ipsam aggrediamur.

Rem, inquam, in Medicinâ maximè seriam & *συνάληπτον*: In quâ peragendâ utinam mihi felicissimus ille Genius concedatur Viri, Viri, (Auditores) Hippocratici & verè *ἐμπειροί*, Andræ Laurentij, Professoris & Consiliarij Regij omnium dignissimi, cuius desiderio vos omnes incensos, & absentiam propemodum enectos video. Nec certè iniuria. Ut enim in illius sinu Charites & Suadela ludunt, in eius labijs Venus & lepor sedem posuerunt, & ex ore illo venustissimo melle Attico dulcius fuit oratio, quâ ille concatenatos Auditorum suorum animos circumducit, & amœnitate suæ eloquentiæ maximâ pascit: Sic Hippocratis & Galeni, omniumque authorum elegantissimorum purissimos penè fontes exhausit, ut in illo uno homine, tanquam miraculo quodam Medico, omnia propemodum reperiantur, quæ aliis sparsim tantum concessa sunt: eloquentiæ vis maxima, pronuntiandi ratio propemodum diuina, Hippocratis grauitas, Galeni immensa & erudita copia: Omitto Botanices & Anatomices peritiam, in quibus parem ille nullum agnoscit: Omitto, inquam, ceteras eius laudes, quæ non satis aptè, nisi ipsiusmet verbis referri possent, ne videar dolorem vestrum augere, & viri absentis commemoratione animos vestros percellere. In solatium enim & doloris huius leuamen offerimus vobis lectiones nostras Laurentianis *ἀντιστάσεις* ac succedaneas, ac si quis pro cinnamomo vero aut pipere Indico, nasturtij aut viticis grana in Pharmaciâ nostrâ substituat, si quis pro Falerno vino Clarentium propinet. Id erit tamen solatij, quod dum illius in dies reditum speramus, habebitis à me veluti epicitharisma & preludeum ante fabulam. Et animis vestris, leuioribus hisce nostris, quasi velitatione præparatis, auidius grauiissima, & aurea Laurentij dicta quasi postliminiò ad vos præfantis excipietis, & permutationem illam, *χρυσία* scilicet *χαλκεία*, aurea pro æreis recipientes, dulciorem multò ac iucundiorem sentietis. Nos igitur pensum illud Laurentianum euoluamus, & ut iam est propositum, lectionem hanc nostram antesignanam perficiamus.

Nomen Aphorismi vix est apud alios authores Græcos reperire, quàm apud Medicos, videturque Hippocrates huic nomini dedisse originem, primùmque ciuitate medicâ donasse. Cum enim vellet ille præcipua Artis Medicæ capita in breuem quandam summam reducere, & ad theorematà quedam, sententiâsque reuocare compendiosas, propter vitæ breuitatem, has ille vocauit *ἀφορισμοί*. Quamuis enim *ἀφορίζω* apud Græcos diuidere & separare denotet, non tamen ego hinc Aphorismos diuisos, diuisos ac separatos sermones interpretandos puto; quamuis id Arabes, eorùmque interpretes Barbari censuerint. Sed potius limitatos ac definitos sermones, ut illud *ἀφορίζω* etiam apud Græcos sonat, quibus absque demonstratione causarumque redditione, questionis alicuius Medicæ difficultas definitur, atque unico, ut ita dicam, verbo circumscribitur. An dices Aphorismorum opus esse diuisum ac distractum, in quo Hippocrates omnia quæ ad puram putam Medicinam faciunt, complexus est?

est? In quo si tertiam potissimum sectionem, & hanc nostram quintam consideres, admirabilem seriem ac dicendorum dependentiam animaduertes, ut non tam Aphorismi ratio in diuisione ac separatione, quam in definitione, ac breuissimâ rei quæsitæ circumscriptione ponenda sit. Quod elegantissime annotauit Galenus, dum vult, Aphorismum esse sententiam, quæ omnes rei proprietates verbis breuissimis complectitur. Item Philotheo Aphorismus est sermo σύντομος concisus, per se plenam sententiam, αὐτοτελή διάνοιαν perficiens, κατὰ τὸ φράσιν, secundum locutionem pauper, πλεῖστον ἢ τοῖς ἐνθυμήμασι, diues autem sensibus. Nos dicere possumus Aphorismum esse orationem, quæ difficillimi cuiusdam quæsitæ Medici solutionem quasi pronunciatum quoddam continet, absque ullâ demonstrationis vi, aut causarum appositione. Quamuis enim videatur aliquando Hippocrates in quibusdam Aphorismis rationem causasque adiungere, id tamen fit præter instituti rationem, motus aliquando rei difficultate, aliquando ne ambiguitas dicti damnum aliquod in faciendâ Medicinâ insigne adferat. Quæ est docta Galeni in hisce commentariis sententia.

Porro cum hæc doctrina aphoristica non solum in his libris contineatur, sed in multis aliis Hippocraticis, multique hanc deinceps sint secuti & imitati; ideo de illa est quod dicamus adhuc fusius.

Apud Hippocratem triplex inuenitur docendi tradendique Medicinam methodus, prout Hippocrates variis compendiis ad artis huius cognitionem peruenerat, nunc ex particulari obseruatione, modò ex præceptorum collectione, quæ tum ex Philosophiæ theorematibus vniuersalibus, tum ex propriis illis & repetitis experientiis tanquam singularibus repetebat, modò Legislatoris vice defungens, quæ erant illi per propriam experientiam inuenta, & demonstratione Physicâ confirmata, sancitorum aut responsorum more stabiliebat. Hinc est quod triplicem nos facimus apud Hippocratem, Medicinam docendi rationem, Aphoristicam nimirum, Historicam, ac Methodicam.

Methodica seu demonstratiua Hippocratis docendi ratio, quatenus illud propositæ rei certitudo patitur (ut eleganter docet 1. Ethic. Aristoteles) à primis verisque tam sensui quàm intellectui notis procedit, tam resoluendo quàm componendo. Illius enim resolutiua methodus constat diuisione vnius in multa, ita ut nihil deficiat, nihil excedat, omniâque ad infimas usque differentias persequatur. Hinc frequentes Hippocrati διὰ τοῦ (quod) & διὰ τοῦ (ut) vult Galenus, com. in lib. de victus ratione in acutis. Atque hac maximè utebatur Hippocrates ad artem inueniendam ex proposito sibi Medicinæ fine, veluti scopo. Ad eius verò constitutionem vititur compositiua methodo, ut eleganter persequitur Galenus lib. de decretis, collectione scilicet multorum in unum, dum à simplicissimis exordiendo, ad composita magis progreditur. Quas duas methodos quamuis apud distinctos & separatos Hippocratis libros non est inuenire, tamen si totam spectes scriptorum Hippocraticorum seriem, utramque in illis perfectissimam inuenies. Quam deinceps imitati sunt Plato, Aristoteles, Galenus, Auicennas, ceterique omnes, qui elegantiores Medici ac ἀγαθοὶ ἰατροὶ fuerunt.

At historica docendi ratio apud Hippocratem ea est, quæ venerandi huius senis particulares obseruationes, easque historicè conscriptas proponit ex notatione loci generalis, particularis, temporis, eiusque constitutionis, ægri designato nomine, ut etiam tunc viuentibus fidem faceret & veram se, non fictitiâ historiam conscribere ostenderet. Denique ex morborum, crîsum, lyssumque variâ serie & successu ἰσχυρῶς, & particularium obseruatricem Medicinam absoluit, Libris illis potissimum Epidemicis, in quibus posita videntur fundamenta omnia doctrinæ illius certioris & Hippocraticæ: ex quo fidem semper fecit maximam tam methodicâ, quam aphoristicâ docendi rationi. Cum etiam in Coacis Aphorismis, non grauetur sæpius nomen ægri addere, ex cuius historiâ præceptum illud maximè confirmari posse videbatur.

Aphoristica

Aphoristica autem docendi ratio Hippocratica, quæ est breuium sententiarum seu decretorum vel conclusionum collectio, (hinc Erotianus vocat *γινώσκων ἀφορισμῶν*) si-
dem ex superiori tam historiâ quam demonstratione desumens: videtur soli Hippocrati
peculiaris, ac quasi deorum dono concessa, ut Artem Medicam venerandam & augu-
stam magis redderet, sancitis his quasi legibus & decretis. Quæ quamuis Pratorij instar
edicti, populum minimè parere aut credere cogant, habent tamen eam vim & certitudi-
nem, ut ab omnibus artem Medicam profitentibus ex retroactis ante seculis, nemo sit
qui eam non agnouerit, admisit, & admiratus sit. Quod paucissimis scriptis contingere
solet, non etiam legibus ac decretis Imperatoris & Regis, quorum multa antiquata
abrogatæque à posteris fuerunt. Ac si verum est quod ab Aristotele 2. Physic. scriptum
est, Res naturæ vel semper vel ut plurimum eodem modo fieri, an non mirabimur
Hippocratis hæc dicta, quæ in arte hac Medicâ *Φυσικὴν* vel sempiternam vel fre-
quentissimam habent veritatem?

Cum verò multos scripserit Aphorismorum libros Hippocrates, Prorrheticorum, Pro-
gnosticorum, Coacarum prænotionum, habeatque in suis omnibus libris sparsos eiusmodi
Aphorismos, ut in libro nostro de affectibus erit videre. At certè libri Aphorismo-
rum sic per excellentiam *κατ' ἐξοχὴν* dicti tanto alios supereminent, quāto Hippocrates
supra omnes alios Medicinæ scriptores excellit, ut non immeritò à quodam erudito
libri isti, Aquila Hippocratis vocentur, quæ & Solis orbitam defixâ intuetur acie, &
sola caput inter nubila condit. Conati sunt quidam posteriorum Hippocratem imita-
ri, & Aphorismos conscribere, ut inter alios Ioan. Mesuë, vulgò Damascenus di-
ctus. Sed illos Damasceni Aphorismos legenti, occurreo statim illud antiquum,
Μύσκα Elephantis nomen minimè esse tribuendum. Conatus etiam est Auicennas, sum-
mus certè in factione Mauritanâ Philosophus ac Medicus, totam Medicinam breuiter
ac aphoristicè complecti, libro illo quem Cantica inscripsit, versibus & metro Arabico
donatum. At non retinuit illam Aphoristica doctrinæ dignitatem & maiestatem, quæ
methodum certam negligit, dictorumque pondere ac gravitate magis quàm serie qua-
dam aut consequutione præcedentis cum subsequente nititur. Quam solus in his Aphoristi-
cis sententiis admirabiliter consequutus est Hippocrates.

Ut sæpius mirari subeat Suidæ aliorumque multorum imprudentiam, qui existima-
runt scriptisque temerè tradiderunt, hos Aphorismorum seu sententiarum libros in tem-
plo Apollinis & Æsculapij inuentos ab Hippocr. ibique ex anathematis appensisque in-
scriptionibus desumptos. Sed quàm ridicula sit hæc sententia, facile est illi cognoscere, qui
libros Hippocratis integros non leuiter legerit, sed seriò perlegerit: inueniet enim hosce
Aphorismos ubique in aliis libris, quos *διεξοδικῶς* quasi dicas, liberiore stylo conscriptos
lubet appellare, & in aliis libris aphoristicis sparsos & coniectos. Sicque videntur hi libri
potius ab Hippocrate, aut ab alio post condita omnia eius opera, excerpti, factâ particu-
lari obseruatione & demonstratione prægressâ, quàm ab aliis desumpti. Nisi fortassis
hoc à Suidâ ita scriptum sit, quod solerent Antiqui diis opera omnia insignia tribuere:
Lycurgus, Solon, Numa Pompilius leges suas à diis sese accepisse tradiderunt. Sic fortas-
sis Hippocrates ille magnus, ut tantum Dei donum sibi concessum agnosceret, maluit
Deo quàm sibi ipsi arrogare, quem sub Apollinis & Æsculapij nomine designabat.

Aphoristica igitur doctrina Hippocratis in eo posita est, ut sententias complectatur,
κατὰ λέξιν elegantes & significantissimis verbis conscriptas, *κατὰ ἰδέαν* breues, & grauif-
simum questum Medicum soluentes sine *διωδύξει*, hoc est causarum redditione, quæ ex
aliis Hippocratis aliorumque libris desumi debet. Ordinem verò & seriem dicendorum
neque negligit omnino, neque ita anxie, ut in aliis libris obseruat. Ideoque in varias se-
ctiones distribuitur, quæ sectiones rursus in varios Aphorismos posterioris ac prioris ra-
tione distinguuntur. Quæ omnia quàm aptè in septem his Aphorismorum libris seu se-
ctionibus obseruentur, videamus.

Primò igitur cum ex re & locutione, ut inquit Galenus, facile sit scriptorum præstantiam rimari, ea est hæc $\Phi\eta\lambda\iota\varsigma$ & locutionis χαρακτήρ Hippocraticus, ea verborum splendorum significantissimorum, aptissimorumque copia, ut hinc penè omnia vocabula Medica fluxisse videantur: hinc sæpe sub unius vocula vi latet multarum sententiarum amplitudo, hæc Ionismorum & Dorismorum frequentia peculiarem Hippocrati stylum & idiomata designat.

Quod ad rem verò attinet, quæ est posita in materia & formæ, seu dispositione dicendorum: hæc de difficillimis, gravissimis, utilissimis Medicina questionibus non ἀποδίδωσκει & in utramque partem agitur, sed breviter & definitorie, ut ideo verè hi libri acroamatici dici debeant. Cum enim alij sint multi apud Hippocratem ἐξωλεσμένοι, qui à tyronibus & minùs peritis intelligi possunt nullo docente: At cerè egent ἀποάκουσιν & accuratissimâ eruditi Professoris, qualis est Divus ille Laurentius, interpretatione, propter varietatem profunditatèque sententiarum, ad quarum explicationem revocanda sunt omnia alia Hippocratis dicta, & adhibenda δυνάμεις, causarum redditio, demonstratiòque Medica scientifica. Scripsere multi iùque gravissimi viri in Hippocratis Aphorismos commenta ante & post Galenum. Ante illum Bacchius, Heraclides, qui in omnes scripserunt Aphorismos: Marinus, Herophilus, Pelops, Lycus, Julianus, Quintus, Zeusis, in aliquos tantum. Quos omnes minùs probare videtur Galenus in Commentariis suis in Aphorismos. Post Galenum ex familia Græca Aphorismos explicarunt Oribasius, & Philotheus, quorum fragmenta tantum quadam extant. Ex barbarâ gente Iacobus Foroliviensis, Vgo Senensis, Sermoneta, & alij. Ex recentioribus etiam plerique laudatissimi viri operam suam ad hos libros explanandos contulerunt. Sed nunquam aberit illustrandi, interpretandi, novæque in medium proferendi copia ad libri huius explicationem, in quo omnes Medicinæ partes veluti in penu quodam recondite habentur. Quemadmodum pingue solum frequenti culturâ minimè arescit, sed uberiores fundit segetem. Ut hinc appareat libros Aphorismorum non initiandis in arte esse legendos, (quod multi existimârunt) sed iam progressis, & non mediocrem cognitionem Medicinæ adeptis, qui ex auditis & perlectis iam alijs libris, Aphoristicarum sententiarum sensum elicere atque percipere possint. Quod idem existimandum est de Arte illa Galeni, quam vocant parvam, nisi explicatione Doctoris Hippocratici, & viuo potius vocis oraculo, quam scripto illustrentur.

Quod ad formam & dispositionem eorum quæ hic proponuntur, diximus iam non tam hæc ordinem & dicendorum consequentiam observari, quam utilitatem & gravitatem: non tamen omnino negligi. Est enim hoc opus in septem iniquata siue sectiones digestum, septenarij fortassis numeri, quem Hippocrates in rerum mutationibus maxime observat, præstantiam designans, quarum unaquæque multos Aphorismos continet. Prima autem sectio seriatim & ordine eleganti præcepta purgationis, victusque agrorum continet: ut & tertia admirabili methodo tractat, quid externæ mutationes in corpora nostra possint, qui sint morbi unicuique ætati peculiare atque domestici. Secunda verò, quarta, sexta, septima sectio, ut multa promiscua & omnifaria dogmata complectuntur, sic longè utilissima ac præstantissima. Hac autem nostrâ quintâ sectione, quam explicandam suscepimus vestris votis, (Auditores ornatissimi) pulcherrima artis nostræ mysteria continentur, eaque satis laudabili connexionem. Quamvis enim difficile sit in horum librorum initio totius libri intentionem brevibus edocere aut referre: potest tamen per certas partes & diuersas tractationes hæc nostra sectio distribui.

Primò enim Hippocrates noster ea quæ superueniunt (Græci vocant ἐπιγενόμενα) magnis purgationibus & vacuationibus repletionibusque , quæ in malis sunt reputanda , recenset.

Secundò , cum in morborum curandorum creandorumque successu , ἐπεπικρατάς & potentissimas esse sciret calidi & frigidi διακρίσεις , actiuarum nimirum qualitatum vires , eas aliquot Aphorismis est persequutus.

Tertiò , mulierum passiones varias , earumque signa explicat. Tandem

Quartò , redit ad ἐπιγενόμενα varia , quæ variis affectibus & morbis superuenire solent. Ut non frustra dictum sit à Philotheo , diagnosticos & prognosticos canones in hac sectione ab Hippocrate traditos esse.

Nostrium verò in illius explicatione institutum est , ut Aphorismos omnes sigillatim interpretemur. Primum adducta ad mentem & contextum Hippocraticum versione Latinâ. Deinde dicemus ad quam Aphorismus vel Aphorismi à nobis explicandi , Medicinæ partem referri debeant. Post annotabimus , an alibi ab Hippocrate sint recensiti , vel in Coacis , Prognosticis , aut aliis libris ; vel si sit aliquis contextus qui ad illum referri possit , aut congeneres Aphorismi. Hoc enim maximè facit ad confirmandam Hippocratis & Aphorismi authoritatem , cum non solum hic , sed alibi eandem illius fuisse sententiam appareat. Item si qui sint Aphorismi aut contextus , qui illi contrarij esse videantur , ut à nobis conciliari possint. Postmodum omnes incomplexos Aphorismi terminos & voces explicabimus , ut postea complexiorem illius consideremus , sensumque eliciamus , ac unusne sit vel multiplex sensus perpendamus. Tandem veritatem Aphorismi inquiremus , adhibitâ δόξῃ & demonstratione Medicâ , ubi dicetur , verusne sit simpliciter existimandus , aut cum quadam restrictione. Atque hac erit diexodica nostra in Aphorismos Hippocratis docendi ratio.

Ecce igitur quod sit Hippocratis , & nostrum hoc in libro institutum , ex quo satis patere potest , quæ hinc utilitas ad nos omnes exurgat. Ediscite mecum (Auditores ornatissimi) leges Medicas , quas summus Medicina Dictator & Nomotheta condidit : ut possimus olim sub certâ statutorum Hippocraticorum fide , omnes Medicas nostras actiones contemplationesque , ad Dei optimi maximi gloriam sapienter dirigere. Dixi.



TEXTVS HIPPOCRATIS.

APHORIMVS PRIMVS.

SECTIONIS V.

Σπασμὸς ἐξ ἐλλεβορέα , θανάσιμος.

Convulsio post helleborum , lethalis.



V A T V O R huius sectionis prioribus Aphorismis , Hippocrates de convulsione , motu convulsifico , & singultuoso agit , qui ad magnas vacuationes consequuntur , signorumque in illis rationem habent. Cum autem φαρμακοποίησιν seu purgatio quæ sit per medicamenta generosa , quale est helleborus , maximum sit ad morborum curationem appositumque instrumentum , idè ab ipsa hellebori purgatione

tione exorditur, in quâ funestum esse vult, si ei conuulsio superuenerit. Nos in huius Aphorismi explicatione propositam methodum prosequamur.

Inprimis Aphorismus hic habetur eisdem verbis in *Epistola illâ* quam scripsit Hippocrates ad Democritum de helleborismo. Habetur quoque in *Coacis prænotionibus*, ubi pro ἐξ ἐλλεβορί θανάσιμον, ponitur ἐπὶ ἐλλεβορῶ ὀλέθριον, *super helleboro mortiferum*. Vnde etiam nos multiplices sensus postea eliciemus. At hoc sciendum prius Aphorismum istum præcipuè referri ad eam Medicinæ partem quæ σημειωτική vocatur, sub quâ posita est παρηγορητική, præsaga scilicet ars eorum quæ in morbis variè contingere solent. Præcipuum enim fuit institutum Hippocratis, hoc nos responso & veluti oraculo docere, quid sperare debeamus, si aliquando ab exhibito pharmaco immoderato, conuulsionem contingere videamus. Qui error non tam peritis Medicis & Hippocraticis accidere solet, quàm imperitis quibusdam circumforaneis, qui medicamentis sæpissimè ad humani generis perniciem abutuntur. Periti autem Medici & Hippocratici nouerunt, quos, quando, quomodo, & quibus purgare conueniat: & in vsu potentissimi medicamenti cathartici, qualis est helleborus, habent suas præparationes & regimina Hippocratica: *Concocta* scilicet *medicanda, non cruda, neque in principiis morborum, Aphorismo vigesimo secundo sectionis prima*. Neque in acutis esse utendum his vehementioribus cathartici, nisi cum maturo & diligenti iudicio, humoris cacoehymi orgasmum & feritatem, *vigesimoquarto sectionis prima, & Corpora cum quis purgare velit, fluida esse facienda, decimo sectionis secunda, & sexagesimo septimo sectionis septima*. Sciunt sanos & prauo cibo utentes, celeriter exolui medicamento purgante, *Aphorismo trigesimo sexto sectionis secunda*. Periculosum esse purgare eos, qui bene habito sunt corpore, *trigesimo septimo sectionis secunda*. Neque plurimum aut repente vacuandum aut explendum, *quinquagesimo primo sectionis secunda*. *Æstate superiores partes magis, hyeme inferiores purgandas, quarto sectionis quarta*. Sub cane & ante canem difficiles esse pharmacias, *quinto sectionis quarta*. Tabidos non esse exertendos vomitorii cathartici, *octauo sectionis quarta*. Denique nec senes, ut nec pueros, supra modum purgandos esse, *42. sectionis septima*, & eiusmodi vniuersalia purgationum præcepta Hippocratica.

Habent etiam particularia de helleboro; ut *helleborum iis qui sanas habent carnes periculosum, quia conuulsionem inducit, decimo sexto sectionis quarta*; *præhumentanda esse corpora ubi ore cibo & quiete ante veratri sumptionem, decimo tertio sectionis quarta*. Item si voluerint helleborum magis purgare, corpus mouent exemplo nauigationis: ubi verò sistere, somnum conciliant & non mouent, *decimo quinto sectionis quarta*. Quibus cautionibus veri instructi Medici, ut & arte eligendi, præparandi, ac comparandi ritè medicamenta, nusquam funesta illa & calamitosa inducunt symptomata: quæ carnificinam potius Empiricorum, quàm Dogmaticorum *ῥεπαρέλαια* redolent, quorum & olim & nunc numerosa cohors per mortes hominum, variæque pericula lucrum sibi & vtilitatem comparant. Vidi ego, & audiui, dum ager Nemausensis peste sæuissimâ esset correptus, plureis ab eiusmodi Empiricis, exhibito Antimonio aut præcipitato, per hypercatharsin esse sublato, quàm vi pestilentiae ipsius. Sed tunc necesse impune exercere licet. Illis itaque relictis cum suâ imperitiâ, videamus quomodo sit interpretandus canon hic noster Prognosticus, ut ait Philotheus, quomodo & quàm certò si aliquando huiusmodi superpurgationibus ægrorum superuenire contingat, de salute aut morte præsagire possimus. Id autem commodissimè fiet, si prius de conuulsione & helleboro ea dixerimus, quæ sunt scitu dignissima. Vos interim, (Auditores ornatissimi) vacuo me & attento admodum animo suscipite.

Σπασμὸς nomen, Latinis conuulsio, à Cornelio Celso neruorum distentio dicitur, aliudque est quàm *ῥωάσμα* apud Hippocratem & authores Græcos, quamuis Arabici scriptores videantur confudisse. Et multi Interpretum Hippocratis hallucinati sunt, dum nescirent differentiam *ῥωασμὸς* & *ῥωάσματ'ο*, ut in Coacis frequentissimè, in Aphorismis etiam, ut videbitur *Aphorismo vigesimo quinto huiusce nostra sectionis*. *ῥωάσμα* enim seu *ῥωάσματα* nihil aliud sunt Galeno, quàm vulsa aut auulsiones, quæ scilicet in neruosis partibus, aut fibris musculorum sunt distentiones citra vulnerationem, ubi ex irruente ma-

teriâ distenduntur ac veluti conuellantur. Quem affectum reponit Galenus in numerum solutæ vnitatis, *libro tertio, quarto & sexto methodi*, vultque à recentioribus Medicis modò *τίλματα*, modò *ῥήγματα* dici, *commentario tertio in libro καὶ ἰηλείων*. Hippocrates *libro primo de morbis*, vult hæc spasmata nasci, tum ab externis, vt laboris contentione, lapsu & casu, luctâ, cursu, leuatione oneris, tum ab eis quæ intus sunt, verbi gratia, quando ex phlegmone systrophicâ musculi, exudante humore, & fibræ ipsæ replentur, & venæ redduntur *παράδωτες* seu varicosæ: idque per appulsum vel tractum.

At longè alia est res *σπασμὸς*, conuulsio, aliud *σπᾶσμα*, auulsio scilicet. Cum enim spasma semper à repletionem fiat, conuulsionem ab inanitione etiam fieri postea videbimus, nec sede etiam aut loco affecto conueniunt. Sciendum præterea, aliud esse *σπασμὸν* à motu conuulsivo, quem Hippocrates *σπασμὸν δὲ αὐτὸν* vocat frequentissimè: In hos enim laborat maximè & concurrunt facultas; in conuulsione cessat, & à morbificâ causâ opprimitur. Aliud esse conuulsionem, aliud contractionem eam musculorum, quæ fit ab euentu, quando scilicet in læsione, scissione, resolutione vnius lateris, oppositum antagonistarum musculorum latus contrahitur & conuelli videtur, vt in percussione crotaphitarum recenset Hippocrates: Cuius rationem Anatomici ad huiusmodi musculorum, *χλασμόν* & Andreocruciasmum referunt, *καὶ τὴν ἀδελφίαν*. Denique conuulsionem propriè dictam definit Galenus, affectum musculorum, cum præter voluntatem ad capita sua retrahuntur, secumque trahunt partes illas quibus inferuntur, *libro de tremore, rigore & palpitacione*. vbi omnes motus præternaturales persequitur. Quorum alij à causâ morbificâ sola, alij partim à facultate, partim à causa morbifica contendentibus fiunt. In conuulsione causam tantum morbificam agnoscit, quæ facultate omnino deuietâ & deprauatâ motum hunc contra naturam ciet. Causam verò illam duplicem cum Hippocrates facit, *Aphorismo trigésimonono sectionis sextæ*, *κίνας* videlicet, & *πλήρωσιν*, inanitionem & repletionem conuulsionis primariæ dictæ; Ad quas refert inflammationem, refrigerationem neruorum, & alias omnes causas. Illius verò quæ motus potius est conuulsivus quàm conuulsio, concurrente scilicet facultate, & cerebrum cum subiectis partibus retrahente, ad condolentiam & syntimoriam neruosarum partium refert, quam Barbari vocant non proportionatam ad materiam.

Porro cum multiplex sit & numerosa musculorum soboles, fit vt aliquando omnes videantur conuelli, aliquando quidam tantum ad motum certæ partis destinati. Vnde illa diuisio apud Galenum, conuulsionis in vniuersalem & particularem. Vniuersalem rursus triplicem facit: Vel enim corpus vnâ cum ceruice & capite in priora curuatur, & tunc dicitur *ἡμικτόνον*; vel in posteriora, & *ὀπισθότονον* vocatur; vel æquali robore in vtramque partem distenditur, totumque corpus rigens rectâ intenditur, qui *ῥέταν*, rigor Celso appellatur. De quibus nos differentiis dicturi sumus, dum explicabimus *Aphorismum sextum huius nostre sectionis*.

Particularis verò conuulsio, vel nomine caret proprio, vt in multis corporis partibus quæ conuellantur; vel nomen est sortita, in oculis *σπασμὸς*, in mandibula *ἰσμοῦ*, in ore *κυνικὸς σπασμὸς*, in pudendo *καυρίασμος*, & huiusmodi. Atque hæc est Galeni de conuulsione ex Hippocrate desumpta doctrina. Est tamen hic quod nos subtiliùs *γένεσιν* conuulsionis perquiramus.

Dicamus itaque inprimis, conuulsionem esse propriè nomen symptomatis, quod in actione læsâ, deprauatâ nimirum positum est. Hæc actio est animalis, motus scilicet voluntarius *προαίρεσις*, ab animi facultate pendens, quam motricem appellamus, & in cerebro tanquam fonte collocamus, quicquid senserit Aristoteles. Porro in his actionibus, quæ non sunt *σύμφυτοι*, ingenitæ & insitæ singulis partibus, vt naturales actiones ad nutritionem facientes, sed *ἐπιρροῖαι* & influentes. multa sunt consideranda. Sæpe enim continget, vt non affecto quodam instrumento motorio vel sensorio *κατὰ τὴν συμπαιδικὴν ἔσιν* secundum corporalem illam & materialem compositionem, lædatur tamen illius actio ob *διόκησιν* & œconomiam animalem immutatam. Sic oculus sæpe nullo neque simili, neque communi, nec organico morbo affectus, ritèque dispositus, si naturalem illius *διάρθειν* consideres non videt, impacto humore crasso ad originem nerui optici. Sic lu:
κατὰ

xatâ vertebrâ lumborum, aut punctâ, vel refrigeratâ tantum, extremus pedis digitus bene & naturaliter se habens, moueri tamen aut sentire non potest. In eiusmodi igitur, ut in conuulsione consideranda anima, velut omnium actionum in nobis indeterminata causa, cerebrum velut pars primaria, quâ utens anima ad certas actiones determinatur, non tantum in cerebro, animales scilicet & principes peragendas, sed etiam extra cerebrum, vi & facultate ab eo per spiritus, nervos intermedios demissa. Considerandæ item partes ministrantes cerebro, facultatem scilicet cum spiritu deferentes, ut nervi. Partes denique instrumentariæ ad hanc vel illam actionem exercendam dicatæ, ut ad motum musculi, in quibus bona & laudabilis dispositio secundum triplicem & naturalem constitutionem, bonæ actionis causa est, mala verò & præternaturalis, malæ.

Hic verò mala est actio musculorum, quia non solum debent contrahi, sed etiam flecti ac extendi, & in media figurâ, indolente scilicet remanere; cum hic perpetuo contracti & reuulsi sub extremâ figurâ remaneant. Oportet igitur malam esse in eis dispositionem, vel secundum eorum naturalem constitutionem, vel secundum animalem *διόκησιν*, quatenus scilicet recipiunt aliquid à suo fonte ad motum peragendum. Atque ut melius pars affecta reperiatur musculi, sciendum est motum esse in eo actionem instrumentalem, non similem, quia non tam à temperie, quàm ab ipsâ pendet conformatione, ut proinde tota musculi ex partibus compositio perlustranda sit, anne scilicet in aliquâ parte suâ sit læsus, hoc est, dispositio præter naturam sit posita, quæ deinde per accidens totius instrumenti actionem destruat, ut sit in inflammationibus; an in toto, quatenus scilicet pars est organica & instrumentaria. Partes verò musculi sunt caro, fibræ, venæ, arteriæ, tendines, nervi, ex quibus componitur.

Videamus igitur quæ harum in affectu conuulsifico patiatur. Primò animam esse immutabilem, impassibilem credimus; ut quamvis à diuino nostro senec, *Aphor. 6. sect. 2.* dicatur mens ægrotare in eis, in quibus adest causa dolorifica absque doloris sensu; tamen mentis nomine respexit ille & intellexit temperiem ac dispositionem cerebri. Non igitur accusanda anima aut facultas in conuulso, quæ nusquam oblædi potest. Cerebri verò velut fontis non est etiam in conuulsione accusandus affectus saltem primarius. Non posset enim introduci vel intemperies calida, frigida, sicca, humida, ad hunc affectum generandum, quin principes animæ functiones læderentur, ut apparet in phrenitide, catoche, apoplexia. Non mala compositio, quæ eas itidem violaret; Non solutio continui, quæ in cerebrum per hos affectus minimè cadit. Atque oporteret in omni conuulsione etiam participari cerebrum oblædi, si perpetua conuulsionis causa esset in cerebro, quod tamen falsum esse quotidiana conuincit experientia. Quare affectus minimè est in cerebro tanquam in sede. Non negamus tamen conuulsificos motus contingere affecto cerebro, vel per condolentiam, ut puncto vtero, ventriculo, & nervosis, inflammato nervo: vel communicatâ materiâ, maligno scilicet flatu, vapore acri, à ventriculo, vtero, aut extremis partibus, veluti contingit per epilepsias & per purgationes à maligno medicamento factas, ac in hysterice passionibus. Sed hæc non est conuulsio, quâ de nunc agimus, quamvis deinceps nobis futura sit in usu ad explicationem nostri Aphorismi. Verum de eâ differimus, quæ non est passio, aut fiens morbus, sed factus & inhærens.

Hic cum non consistat in cerebro, reliquum est, ut vel in nervoso tractu, qui spiritum vehit cum imperio principis facultatis, vel in ipsum musculus inserto tantum, vel in toto musculo: partes enim alias musculi, ut sunt venæ, arteriæ, fibræ, caro, tendines, non affici primario patet, quia iam illos affectus *Cardopata*, auulsiones, ex Hippocrate & Galeno vocauimus ac distinximus. Et quamvis contractio illa sit totius instrumenti vitium, nimirum musculi; non tamen hoc querimus nunc, sed in quâ potius parte hæreat huius symptomatis morbus, causa scilicet illius immediata, quæ cum non sit in toto musculo, non in venis, arteriis, carne, fibris, tendinibus, non in ipso cerebro: superest ut sit vel in toto nervo à cerebro aut spinali medulla in musculus perreptante, vel in eâ nervi parte quæ ipsi musculo inseritur, vel in vtraque. Puto ego esse in vtraque, & in tractu, & in nervo inserto. Primò, quia nervi cum non omnes rectâ in musculos inserantur, sed aliquando obliquè, aliquando per media, semper tamen per conuulsiones retrahuntur musculi versus suum principium ac originem, ratione tractus illius ner-

uosi, qui est ad superiores partes cerebrum versus. Secundò, quia non est credibile per magnas repletiones solam nervi partem insertam humore fluente saturari, aut per siccitates exinaniri, sed etiam superiores. Denique quia partes sunt continuæ.

Inuentâ sic sede affectâ, sciendum pariter quis sit in eâ affectus siue morbus dolorifici huius symptomatis causa; cuius essentia non tam posita est in motu, quam in eius priuatione, quo tunc priuata pars videtur quiescere, ut in tonico dicto motu, quamuis tunc maximè laboret. Affectus ille siue morbus Hippocrati, *Aphorismo citato*, ad intemperiem refertur duplicem, humidam scilicet & siccam, quarum illa sit materialis & replens, organi dispositionem suâ quantitate immutans: hæc verò siue materiâ, ex priuatione humidi substantifici nervosi, & eius resiccatione. Ad quam rem percipiendam adducit Galenus exemplum accommodatissimum fidium & chordarum, quæ nervosæ substantiæ maximè respondent. Hæ nimîâ humiditate imbutæ distenduntur in latum, quantumque illi dimensionem accedit, tantum longitudini decedit; arefactæ verò contrahuntur, depaſto scilicet proprio humido, quo res siccæ dilatantur & extenduntur accommodatissimè.

Sic igitur per decubitus, (quos variæ causæ generant, crapula, ebrietas, suppressi menses; excitant frigus externum, calor, & huiusmodi) & rheumatismos pituitosæ, copiosæ, crassæ potissimum & lentæ materiæ sanguineæ, saniosæ, ab aliis partibus in nervos, factâ eiusmodi repletionem conuellit & retrahitur musculus, contracto suo nervo versùs illius originem.

Verùm dicet aliquis, hæc repletio & paralyſin & spasmodum crearent, qui sunt contrarij affectus, alius enim in τένει, contentione scilicet; alius in λύσει, solutione positus est: Respondendum in paralyſi non esse eam repletionem, quæ ad tensionem istam requiritur, sed potiùs madefactionem ab humore liquido, quamuis crassior aliquis in superioribus partibus esse possit, qui spiritus intercipit, sed non tantus, ut distendere valeat.

Sic exsiccatis & exhaustis, violenter & subito, non sensim ut per febres heclicas, humoribus nervorum per arduas febres, purgationes nimias, & cætera huiusmodi exhaurentia, sit ut venis exinanitis, & ab omnibus partibus rorem illum alimentarium depaſcentibus, depauperentur nervi, & ob nativam siccitatem exsucti, distendantur citius, simulque secum musculos conuellant, funestis ægri rebus, ut postea videbimus.

Atque hæc erant de sede affectâ, genere affectus, causisque conuulsionis dicenda, non ex triuio, sed mediis Medicis laribus repetita: contra quæ scio multa obiici. Sed quia vel parum sunt valida, ut ex suprâ dictis facillè solui possint; vel quòd hic docendi modus aphoristicus, tantam digressionem non pateretur, relinquimus, ut de elleboro atque elleborismo dicamus.

In hac autem elleborismi explicatione, non persequemur purgationum superpurgationumque generalem tractatum, quem meditamur & remittimus ad Aphorismum huius sectionis quartum. Sed breuiter & compendiosè aliquid de elleboro, ac per illum purgandi ratione veteribus vsitatâ dicturi sumus.

Dioscorides, quem Galenus semper plurimi fecit inter eos qui de materia medicamentaria scripserunt, duplicem facit elleborum, album scilicet & nigrum, album ad vomitiones magis, nigrum ad deiectiones, & humoris melancholici expurgationes; unde antiquo dictorio furentes sine febre, desipientes, melancholici, amentes, ac etiam amantes, si oblato cerebro ad affectum ἐρωσι dictum peruenissent, Anticyram remittebantur, ubi magna ellebori nigri & laudatissimi copia succrescebat. Describit autem Dioscorides utrumque elleborum, tanquam medicamentum acre, erodens, feruidum, malignum, quod multâ & diligenti cum cautione sit exhibendum. Vnde etiam libro 6. in censum venenatorum reponit, quæ quamuis ferendi auxilij causâ tradantur: non minora tamen exteris venenis pericula sæpiùs adferunt: præcipuè album suffocationis seu strangulatus metu.

Sciendum porrò apud Hippocratem, ellebori simpliciter dicti nomine veratrum album significari, cum adiectione nigrum, ut metipse Galenus interpretatur *comment. in hunc Aphor. & in 14. 15. & 16 sect. 4. & lib. de fracturis*, ubi, & *Aphor. 13. lib. 4.* ellebori in numero multitudinis seu plurali, veratrum album indicat ad ciendos vomitus potentissimum. Libro autem *de viſ. ratione in acutis*, ubi agit de medicamentis deiectoriis in pleuritide cuius dolor ad hypochondria pertingit: quæ *καήλατα* appellat

pellat; Non ego, inquit, noui meliora, quàm sit peplium & elleborus niger: hic autem facilius & felicius purgat peplio. Itaque elleboro nigro ad deiectiones non habebat melius catharticum, ut albo ad vomitiones, quamuis permulta alia nouisset, ut ex eius scriptis est colligere. Purgat enim sesamoeide, *lib. de vict. ratione in acutis*, cocco Gnidio & tithymalide, *lib. de intern. affect.* hippophais sueco, scammonio, thapsiæ radice, cneoro, lapide magnesiæ, daphnoeide, cucumere syluestri, tithymali sueco. Nec ignorauit mitiora, ut agaricum, mercurialis succum, *lib. 7. epid.* carthamum, *lib. 2. de diet.*

Verum, ut optimè diuinus Hippocrates ait, *Quemadmodum in debilibus morbis non oportet exhibere medicamenta fortiora, sic in fortibus ac contumacibus utendum validis ac potentissimis expurgantibus*, inter quæ elleborus primatum videtur obtinere, quoties medicamentum *μοχλικόν*, quasi dicas Latine *vectiarium*, expetitur, quod attrahendo atque ciendo, vim omnem superet symptomatici omnis motus naturam eximie laceffentis.

Ex elleboro itaque fit elleborismus, medicata scilicet potio, cuius omnes cautiones tradidit libello ad id dicato Hippocrates, & libro de vict. ratione in acutis. Ratione morbi, contumacis scilicet & rebellis, à pituita crassa viscida; aut à melancholia geniti, cui non sit coniuncta febris, saltem magna. Ratione temporis cauet æstatem & hyemem, vere & autumno, tempestatibus scilicet ad expurgationes aptissimis, elleborismos propinat. Non pueris, mulieribus, senibus, gracilibus admodum, aut delicatis, sed robustis & carnosus. Præterea corpus ipsum expurgandum præparat & disponit, humorem etiam seu materiam excludendam cathartico, & ipsum veratrum. Corpus quidem præparat antè & post sumptionem. Antè vult præhumerari multo cibo & quiete, *Aphor. 13. sect. 4.* vult etiam balneo relaxari, *6. epidem.* fluidum fieri, *9. sect. 2.* fomentis uti, *lib. 1. de morbis mulierum*. Post sumptionem, si velit multum purgare, mouet: si compescere, somnum conciliat & non mouet, *15. sect. 4.* utiturque post aliquot dies balneo. Materiam verò purgandam præparat, ut crassam, viscidam, tenuantibus, incidentibus, detergentibus: hinc frequentissimæ illæ apud Hippocratem, aquæ mulsæ, oxymelitis, melierati, prisanæ descriptiones. Denique ipsum veratrum ante administrationem præparat, & certâ quadam quantitate propinat, ut *lib. de affect. intern.* veratri nigri obolorum v. pondus in vino dulci bibendum dat. *Libro* verò de vict. ratione in acutis, iubet medicamenta boni odoris peplio & elleboro permisceri, daucum, cuminum, anisum; quia, inquit Galenus, cum purgantia omnia medicamenta, propriè scilicet dicta, ventriculum & præsertim os ipsius, quod maxime tum neruolum, tum sensile existit, affligant lædantque, ob id *ἐνὸς τῶν καὶ ἀπομαλυνῶν* mixtio excogitata est, ne sola sinceraque illius vis orificium tangat ventriculi. Nostri & recentiores multas veratri præparaciones & mixtiones deinceps excogitarunt, ut unicuique videre licet in illorum libris; Dioscorides vult à Philonide Siculo Ennensi accuratè descriptas. Sed nobis satis sit hæc de elleboro ac elleborismo dixisse, ad Aphorismi istius intelligentiam, ad quam propius iam accedamus.

Vult Hippocrates ab assumpto elleboro conuulsionem aliquando contingere, & si contingat, esse signum mortale; signum scilicet *ἄπυκνόμενον*, superueniens, casuale, & præter eius qui propinat, aut assumit, institutum: Nequis inter *ἀχώρητα*, inseparabilia, aut *συνεπύκνωτα*, concurrentia, reponendum putet. Quæ calamitas mehercle Medico, ut inquit Hippocrates *lib. de purgantibus*, turpis est, medicamento purgante dato hominem occidere.

Conuulsio autem ista, quæ est *ἄπυκνόμενη* elleboro, vel sit *ἐνὸς ἰατρῶν*, ab ipsius malignitate, acrimoniâ & venenositate malè correcti & præparati, quâ percellitur ventriculus, eiusque orificium in primis, quod est acerrimi sensus, ut *νευρωδύστατον*, proptereaque cerebro *συμπυκνέσθαι* ob generis societatem. Vel *ἑνὶ ἰατρῶν*, ut est in Coacis, super elleboro venit, quando elleborus catharticâ suâ vi proliciens effe- rum & infestum humorem, fit translatio ad cerebrum maligni humoris vel vaporis, vnde *συνλυπία* & condolentia ex communicatâ materiâ accidit. Ad quas duas ellebori actiones, sequitur cerebri concussio & vibratio, perculsi re molestâ & graui, sicque conuulsifici motus, non verâ conuulsio, contingunt. At *ἑνὶ ἰατρῶν* dum agit elleborismus, suâque vi potentissimâ humiditates totius corporis, ut in iis qui sanas habent carnes, cerebri potissimum fundit, & in radices ac propagines neruorum adducit, fit repletio, quæ conuulsionis propriè dictæ est causa, tetanicæ, emprosthotonicæ, opisthotonicæ.

Sic alia est conuulsio, quæ fit *ἐξ ἰατρῶν*, cuius hîc meminit Hippocrates, post elleborum

elleborum scilicet, hoc est, non ratione ipsius ellebori, qua est malignitatis particeps; non ratione humoris efferi in ventriculum suâ vi adducti; non in nervorum propagines fusi: sed peracto suo munere propter hypercatharsin & superpurgationem, quâ exhaustum & depopulatum suâ humiditate corpus violenter arefcit, præcipuè autem nervi, ut partes inter alias sicciore arefcunt & rigent morituro. Primi duo modi convulsionis, mali quidem sunt, & præter institutum purgantis, sed faciles, ut qui causam habent fugacem & momentaneam, quemadmodum etiam *1. prorrhæ.* Quæ cadunt in hystericas (ex prorotatione scilicet) convulsionis sine febre, faciles. Tertius verò modus veræ convulsionis à repletione nervorum, dicitur ab Hippocrate *in Coacis* ὀλέθριος perniciosus: In tanto enim humoris decubitu periculum est maximum, ne ægri occumbant, priusquam à calore nativo absorberi & dissipari possit. Quartus autem omnium funestissimus, & proinde hîc ab Hippocrate θανάσιμος, lethalis vocatus. Quæ enim spes est vitæ, quando tanta facta est è naturali statu egressio? Quæ ratio restituendi humidi illius primarij, cum etiam sicca intemperies sit omnium contumacissima curatu, & propter humidorum debilem actionem, & siccorum summam resistantiam? Annon difficilis planè vel potius impossibilis eius redintegratio & Πανάρρωσις, quando & firmiter in partem solidam fixa est convulsio, & partes velut arctissimo quodam vinculo constrietas tenet, quarum officio carere vita non potis est; ut prætermittam interim doloris acerbicatem, & causæ morbificæ inexpugnabilem contumaciam.

Hi autem quatuor modi convulsionum, qui elleborismos comitantur, aliquando & alias violentas purgationes, ita distinguuntur; quia duo primi modi sunt cum motu & convulsoria passione; duo verò postremi sine motu cum rigiditate, quorum is, qui à repletionem fit, suppressionem potius purgationis; qui ab inanitione, superpurgationem consequitur. Concludamus igitur cum Hippocrate (Auditores ornatissimi) & ex præmissis inferamus: Quæcunque talem lapsum significant à statu naturali, ut nullo modo restitui possint arte aut naturâ: & quæcunque abolitam actionem in nobis ad vitam necessariam ostendunt, ea mortem significant. At convulsio omnis quæ ad ellebori superpurgationes consequitur, (non enim quævis convulsio lethalis simpliciter, imò aliquando bona, ut *in Coacis* soporosa cephalalgia superueniens) talia demonstrat, ut nos probauimus. Quare mortem præsignificat, est θανάσιμος, lethalis, quod fuit demonstrandum.



APHORISMVS II.

Ἐπὶ τραύματι σπασμὸς Πηγνόμενος, θανάσιμος.

Super vulnere facta convulsio, mortalis.



Ic Aphorismus bis repetitur in Coacis prænotionibus, libro primum secundo, tractatu de tremore, palpiratione & convulsione: σπασμὸς ἐπὶ τραύματι, θανάσιμος. Libro verò tertio, tractatu de vulneribus capitis, ἐπὶ τραύματι σπασμὸς Πηγνόμενος, θανάσιμος, ubi ille semper pro τραύματι nomine τραῦμα usurpavit. Nos secundum propositam methodum, aggrediamur explicationem huius Aphorismi, in quo vult Hippocrates, convulsionem factam super vulnere, malis ac funestis ægri rebus apparere. Cumque superiore Aphorismo dictum sit abundè de convulsionis essentiâ, differentiis, causis, partibus affectis, in hac nostrâ diexodo, de vulneribus & signis ægrorum mortiferis agemus, antequam ad particularem νόσος & causarum redditionem huiusce propositi Medici veniamus: quod ut & superior canon prognosticus, est ad Medicinæ partem σημειωτικὴν referendus.

Sive igitur τραῦμα, sive τραύμα, legatur, parum interesse existimo, quandoquidem vulnus etiam Latinis generaliore significato omnem ab externâ violentiâ noxiam designat, siue sit ea cum manifesta solutione continui, siue cum contusione & attritione tantum: quod τραῦμα videtur significare Hippocrati, *lib. de vulner. capitis*, & Galeno, *comment. 5. in lib. 6. epidem.* Item *comment. 2. in lib. de articulis*, percussiones ingentes, ad quas sequuntur ecchymoses, luxationes, fracturæ, fissuræ, rupturæ, solutiones

nes in partibus parenchymosis & musculosis, *τεῤωματα* Ionibus appellantur. Atqui malunt *τεῤωματα*, ingentes tantum & maiores plagas significare, cum *τεῤωματα* omnes complectantur. Philotheus contra reuocat ad puncturas tantum & vulnera acuto telo inflicta, *νύγματα* Græcis dicta, quibus nerui potissimum configuntur conuellunturque. Quicquid sit, vult Hippocr. in vulneribus superuenientem conuulsionem, funestam esse: τὸ ὄν, quod ita sit, certissimum est, & quotidianâ eorum qui *τεῤωματος* seu *τεῤωματος* morientes viderunt, experientiâ confirmatum. Τὸ δὲ ὄν igitur, quare ita fiat, discursu rationis, & appositione causarum sciendum est.

Vulnus itaque cum sit sub tertio morborum genere, communi nimirum partibus similaribus ac dissimilaribus, vt vult Galenus 3. *Method.* definitur propriè sumptum, continui solutio in mollioribus partibus, recens, cruentum, & sine pure, a causâ externa. Quo nomine distinguitur ab ulcere, quod vt & ab internâ plurimum causâ, humore scilicet erodente pendet, sic etiam cum pure, virulentiâ, vel sanie est. Latè sumptum vulnus, vt & hîc ab Hippocrate vsurpari videtur, est genus ad omnem solutam vnitatem, cui subest *τεῤωμα*, ἑλκῶς ulcus, ῥήγμα ruptura, luxatio, *σπᾶσμα* auulsio, dilaceratio, *νύγμα* punctura, fissura, *θλάσμα* contusio, *τερηδὼν* seu caries ossis, cæteraque eiusmodi. Quorum differentiarum sunt variae multiplicesque apud Hippocratem & Galenum. A tribus tamen potissimum capitibus repetuntur. Nimirum a naturâ particularum, in quibus consistunt. Ab essentiâ ipsius vulneris, & a complexu symptomatum, quibus iunguntur vulnera.

A naturâ igitur partium, vulnera alia dicuntur esse in parte simili, alia in dissimili. Similari molli vel durâ, aut mediocri. In mollibus, vt carne aut pinguedine, in duris, ossibus, cartilaginibus, ligamentis ossium, mediocribus, membranis, neruis, tendinibus, venis, arteriis, cute. In quibus certissimum est, vulnera ea quæ in partibus duris fiunt, periculosiora difficilioraque curatu quam mollibus, propter maiorem in illis fabricæ suæ apparatus. In eis etiam quæ acerrimo sensu præditæ sunt, maius imminere damnum, quam eis quæ nullo aut paruo, vt in vulnere neruosi generis, cui & propter continuitatem, & generis similitudinem maximè est *συμπάθειστος* cerebrum. Quæ autem vulnera dissimilaribus aut organicis partibus contingunt, vel fiunt in parte principe, vel principi ministrante & ad vitam necessariâ, officia scilicet planè vitalia habente efficiendo vel inseruiendo, vel non ad vitam omnino necessariâ & viliori. In principe parte esse dicuntur, quæ cordi, cerebro, hepati infliguntur, de quibus dixit Hippocrates *lib. 2. prorrh.* esse ex necessitate lethalia, si notabilem habeant magnitudinem. In partibus ad vitam quidem necessariis, sed minus præcipuis esse intelliguntur, ea quæ in asperâ arteriâ, œsophago, pulmone, ventriculo, intestinis, liene, renibus, vésica, venis arteriisque crassioribus, vt in *Coacis*, vnde excitatur hæmorrhagia *ἄσπαστος*, & id genus reliquis resident. Quæ mortalia quidem sunt, at non simpliciter & necessariò, sed cum quadam restrictione, certisque conditionibus, vt eleganter docet Galenus *comment. in Aphor. decimum octauum sectionis sexta*, vbi ait Hippocrates, lethale esse si discissa, non tenuiter aut leuiter fuerit vulnerata vésica; (hinc in *Coacis* *μεγάλως πλήγας*.) cerebrum, cor, diaphragma, aliquod ex tenuibus intestinis, ventriculus vel iecur. Quæ verò vulnera, viles omnino partes occupant nullius sunt periculi, si à partibus indicationem sumas, contrariorum enim contraria sunt consequentia. Vnde istud Hippocratis propONENTIS damna, quæ eiusmodi partium vulnera consequuntur: in *Coacis*, illi perarò intereunt, qui sauciantur, vbi nulla est pars corporis partium prædictarum, vel absunt ab eis longissimè; habent tamen sua incommoda, vt *Aphorismo 58. sectionis sexta*. *Si omentum procidat, necesse est putrescere, & in Coacis: Qui sauciantur neruis*, id est, ligamentis insignibus, hinc fere claudicant, si obliquè illatum sit vulnus. Idem accidit cæcis capitibus muscutorum. Item visu hebescent a vulnere, quibus in supercilium & paulò suprâ illatum est, vel ob prolapsum palpebræ, vel quia resudat ichor in oculum: *Aphorismo decimo nono sectionis sexta*. *Cum distissum fuerit os, aut cartilago, aut nervus*, id est, ligamentum, aut bucca, vel præputium, neque augetur, neque coalescit, intentione scilicet primâ, vt loquuntur Chirurgi, sed secundâ, substituta substantia quadam simili, non eadem, in locum deperditæ, vt in osium callo & ferruminatione.

A naturâ vulnerum seu essentiâ ipsâ, variae etiam petuntur differentiarum: Et

quacunque tandem in parte fuerint, quædam magna, alia parua, quædam mediocria dicuntur: Magna quidem, quæ ingens partis spatium quantitatemque continent, & quæ facta magna diacope vel apocope, unitatem illius insigniter dissoluunt; hæc videntur periculosa, mortemque portendere ingenti illa diuisione, vt docet Galenus, *comment. in Aphor. 18. sect. 6.* Parua verò & mediocria per se non videntur tantum terrorem adferre, nisi fuerint in capite, vt est apud Hippocratem, in quo etiam leuissima vulnera mortem sæpissimè intulerunt ob scissuram interiorem, aut cerebri concussionem, quæ multos è medio etiam non cogitantes sustulerunt; Aut nisi fuerint in neruo aliquo, qui punctim vulneratus, sæpissimè conuulsionem, phrenitidem, febrem, mortem denique intulit; Aut in capite vel cauda musculi alicuius tendinosi: Nam in capitibus musculorum, nerui musculis adnascuntur, ex finibus autem chordæ oriuntur. Et in illis fiunt τεράματα illa ἰχνεὶ καὶ ὠρνεῖ ab Hippocrate dicta, fortia & praua, *Aphorismo sexagesimo sexto sectionis quinta*, vt interpretatur Galenus, maximeque conuulsifica & κακῆδεια. Porro ex figura teli vulnerantis & vulneris, petuntur differentiæ vulnerum, quæ ad ipsam essentiam referuntur, atque ex situ. Vnde dicuntur longa, lata, angusta, superficialia, profunda, æqualia, inæqualia, obliqua, recta, rotunda, ferrata, adunca, & cætera huiusmodi. Inter quæ profunda vulnera respiciunt potissimum interiores partes, quæ siue cæsim, siue punctim saucientur, non nisi cum periculo sauciantur, ex Aphorismis iam à nobis citatis. Confossum ex. gr. pectus acutissimo telo, è regione sinistræ mammæ; sanguine multo & feruentissimo erumpente cum arteriarum collapsu, pallore, syncope, sudore frigido, cor vulneratum significat, & proinde moriendum esse ægro, non tam quàm magnum vulnus, si eius essentiam spectes; quàm quòd profundum. Idemque dicendum de vulneribus profundis alias intus positas partes, cerebrum, iecur, pulmonem, ventriculum, intestina, diaphragma, vesicam, lienem, renes penetrantibus, suisque propriis signis internoscendis. Item inter differentias vulnerum ab essentiâ petitas, vulnera, vt & vlcera rotunda aliis figuris periculosiora habentur, & proinde permutanda, vt docet Hippocrates insigni illo contextu, qui habetur *lib. de vulner. capit. Orbiculata*, inquit, *vulnera ac plurimum subcaua, etiam ipsa rescare oportet, circulo diuissim inciso secundum longitudinem, pro hominis naturâ, vt vulnus fiat longius, &c.* Quod optimè apparet in vulneribus hodiernis sclopetorum, quæ & ob rotunditatem sphæraulæ illius plumbeæ, maiorem cõtusionem confractionemque inferunt, quàm si alterius essent figuræ; & ob subcauitatem illam hîc ab Hippocrate notatam, grauissima inuehere solent symptomata, sinus, fistulas, vlcera maligna, gangrænas, sphacelos, & sæpe citissimam mortem, etiam per thoraces ferreos solidissimos, quod antiquis temporibus non contingebat. Sed hæc est sæculi nostri miseria.

Denique differentia vulnerum petuntur ab ipsis symptomatis seu concomitantibus morbis: hinc vulnera cum tumore & sine tumore dicimus. Extatque Aphorismus elegantissimus 65 *sect. nostra quinta*, vbi vult Hippocrates, in vulneribus quando apparent tumores, rarò conuelli aut insanire, & si euanescant, multa instare pericula. Dicuntur vulnera cum inflammatione, contusione, erysipelate, pruritu, dolore, cum conuulsione, insaniâ, paralyfi, syncope, hæmorrhagia, malignitate & κακῆδεια. Quæ omnia augent periculum in vulnere pro magnitudine suâ & violentiâ; vt eruditè docet Galenus, *lib. 3. meth. med.* morbum magnum & periculosum dici triplici respectu, partis scilicet affectæ, magnitudinis ipsius affectus, & symptomatum complexus. Atque in iudicio vulnerum diligenter spectandus est contextus ille Hippocraticus 2. *prorrh. Qui de vulneribus*, inquit, *cognoscere volet, quemadmodum singula finient primum oportet ideas & species particulares hominum spectare, quæ se melius aut deterius habent ad vulnera. Deinde ætates in quibus facilius curantur; item partes corporis habere perspectas, quomodo alia aliis differant, & alia omnia tam bona vel mala, quæ vulneribus superuenire solent.* Ex quibus omnibus cognitis sciet ille quem exitum sint habitura, secus minimè: & dies criticos obseruare, in quibus bonæ vel malæ mutationes contingunt.

Ecce quomodo velit Hippocrates, in vulneribus naturas particulares, ætates, locos affectos spectari: quamuis enim ea quæ iam à nobis sunt commemorata, veritatem in pluribus obtineant, tamen ipso ibidem docente Hippocrate, omnibus cuiusvis generis vulneribus etiam minimis, & in vilissimis partibus, mori contingit, tum ob particularem constitutionem, tum ob vniuersalem, vt ob malam fortassis cæli ac soli conditionem, ob venenata tela, quibus Alexandri milites ferè omnes apud Indos perierunt.

sic Theodori filius 7. *epidem.* ex denudatione iuxta os nullius momenti, vigesima tertia die periisse affirmatur. Sic Harpali filius luxato pedis pollice atque reposito, ubi dolor remisisset, ex agro rediens in conuulsionem incidit, tertioque die mortem obiit. Thrinon autem ex vlcere in malleolo in opisthotonon vi pharmaci erodentis incidens decessit.

Contra ingentia vulnera in aliis naturis vidit sanata Hippocrates, in historia Belli, qui in dorsum perculsus, ita ut spiritus multus per vulnus cum strepitu prodiret, sanguisque copiosus funderetur, congruis tamen auxiliis sanus euasit. Galenus vidit in Smyrna Ionæ, puerum ad alterum vsque anteriorem cerebri ventriculum vulneratum atque sanatum, 8. *de usu part. & comment. in.* 18. *Aphor. sect. 6.* Item 7. *administrat. anatom.* vidit Marulli puerum, cui ex ossis pectoris fideratione, nudatum cor apparuit, & ipsum cordis inuolucrum contagione putrefactum, qui præter Galeni spem breui curatus fuit. Ut verè dictum sit ab eodem Galeno 10. *meth.* robustas vires omnia ferre, imbecillas à minimis etiam offendi. Sed nos ea quæ ut plurimum ita sunt, in asserenda veritate ista aphoristica consuetamur, ac proinde ea vulnera lethum maximè adferre existimamus, quæ & secundum essentiam, partem affectam, ac sæuitiam symptomatum, magnitudinem repræsentant. Inter symptomata autem vult Hippocrates noster hoc Aphorismo, conuulsionem *ἐπιγνομένω* esse signum mortale. Nos causas explicabimus, si prius dixerimus aliquid de signis mortalibus in genere, quoniam nihil est frequentius in his Aphorismis, quàm mortale, perniciosum, malum, & similes huiusmodi notæ terrificæ; quæ non parum legentibus negotij facessere possunt. Nos rem istam quàm breuissimè expediemus.

SIGNA. Bene dictum est à Philosophis, nihil esse in intellectu, quin prius fuerit in sensu, cum ab eo omnis cognitionis & discursus intellectualis certitudo proficiscatur. In Philosophia rerum superiorum, inferiorumque cognitio, quamuis procul à sensibus nostris sit remota, pendet tamen à certis signis & coniecturis, quæ sensuum ope & ministerio eliciuntur. In Medicinâ autem nostrâ, quæ maximè est coniecturalis scientia, dum morborum causarumque morbificarum naturam & euentus exploramus, id per signa facimus & certas notas, quæ sese sensui offerentes suppeditant intellectui fomenta, ex quibus ille eorum quæ intus latent, neque sensuum ope deprehendi possunt, cognitionem rimatur & artificiosè explorat. Quæ sæpius obseruatione ac memoriâ confirmata & rationis scrutinio explorata, vocantur signa seu indicia Medica, eamque Medicinæ partem constituunt, quæ *σημειωτική* dicitur, quæ primùm vniuersaliter & quasi in genere signa omnia proponens, salubria, insalubria, & neutra, quibus triplicis illius in homine constitutionis status præsens, præteritus, & futurus internosci & prædici possit. Postea in singulorum particulari enumeratione versatur. Atque ut salubrium signorum doctrina, in tractatum de sanitate *ὕγιον* referenda, neutrorum verò ratio & natura duobus extremis cognitis facillè dignosci potest, & ad ipsam adhuc *ὕγιον* à Medicis refertur; Sic ægra seu morbosa signa potissimam *σημειωτική* partem explere videntur, & maximè ad Medici & Medicinæ dignitatem facere, cum sine illis neque *διάγνωσις*, neque *πρόγνωσις*, nec *θεραπεύειν* ritè exerceri possit.

Porro signi nomen latius patet apud Medicos quàm Philosophos, qui videntur tantum ab effectis signa desumere, ut quando ex fumo flammam subesse iudicant; Medici verò non solum ab effectis, ut ex delirio affectum cerebri; sed etiam à causis, ut ex vomitu bilioso febrem tertianam; & ab eis quæ ab eadem causa proficiscuntur cum re signata, ut ab ictero inflammationem hepatis. Denique ab ipsa rei essentia signa ducunt, magnitudine vel paruitate scilicet, specie, more, & motu morbi, causæ morbificæ & symptomatum. Item à nobilitate & ignobilitate suscipientis, partis scilicet affectæ. Ita ut signum sit Medicis, quicquid potest aliquid eorum significare, quæ sunt in nostro corpore, vel signum Medicum est nota manifesta & sensibilis, ex quâ cognoscitur alterum quiddam latens & obscurum. Illud enim significare, ut interpretatur Galenus, nihil aliud est quàm vnum ex alio quasi admonere: Quæ tacita admonitio fit ex comparatione significantis cum significato per discursum intellectus.

Significantia verò ista vel perpetua & necessaria sunt, pendentia ex demonstratione *καὶ ἀναγκαστικῆς λογικῆς*: & tunc *τεκμήρια* seu indicia dicuntur: Vnde illa *τέκμαρται* ab Hippocrate decantata *initio libri de vi&it. ration. in morbis acutis*, quæ fiè per signa syllogistica. Alia verò neque perpetua, neque necessaria sunt, sed ex sola *τηρήσει* & obseruatione orta, quæ *σημεία* tantum seu *αἰετοὶ* appellantur Gal. *comment. 3.*

in lib. prognosticōn. Sub primo genere videntur ea reponenda, quæ à Medicis ἀχώριστα, παθογνωμονικά, χαρμηνησιακά dicuntur, quasi dicas inseparabilia, ideam, speciem, ac characterem morbi referentia, qualia sunt in pleuritide febris acuta, tussis, spirandi difficultas, punctio lateris. Sub secundo verò genere reponuntur, quæ γνωρίσματα, ἐπιφανόμενα, συνδρεύοντα, καὶ ἀπυκνόμενα superuenientia iam facto morbo, dicuntur Hippocrati, & quæ aliquando apparent, aliquando etiam non comitantur: talis est dolor in pleuritide ad iugulum vel hypochondria pertingens: in febre ardente conuulsio aut delirium, & similia.

Rursus hæc omnia signa morbosa, vel sunt διαγνωστικά, vel προγνωστικά: Διαγνωστικά, quæ, vt docet Galenus *comment. 1. in prognost.* præsentium cognitionem adferunt, morbi scilicet, morbificæ causæ agentis, symptomatum apparentium, & partis affectæ: quæ eleganter est persequutus Galenus, libro illo aureo qui primus est de locis affectis.

Προγνωστικά verò præsciam illam significationem continent, quâ prædicimus prænoscesimusque in morbo statū. Idque, vt eleganter habetur *comment. in Aphor. 1. 2. sect. 1.* salutem vel mortem prædicendo, cruditatem & coctionem prænoscendo, & crises, lyses ac morborum, causarumque morbificarum μεταβάσεις præsagiendo: ita vt triplicia sint signa illa prognostica, decretoria scilicet, cruditatis & coctionis, ac salutis & mortis. Signa κρίσιμα sunt, quæcunque subitam mutationem & in morbo turbationem, aut paulatimam solutionem, vel etiam transpositionem indicant. Sunt autem duplicia, quædam enim & causæ & signa sunt simul, hoc est, significant & efficiunt iudicium, vt hæmorrhagia, sudor, vomitus, alui profluuium. Alia signorum tantum rationem obtinent, vt vigilæ, δυσφορία, oculorum turbatio, scintillæ, lachrymæ, aurium tinnitus, labri inferioris agitatio, nausea, & similia: Decretoria hæc non initio morbi, sed postea apparent.

Signa verò cruditatis & concoctionis materiam ipsam morbificam magis respiciunt, & vt in principio morbi omnia cruda, sic in progressu concocta esse debent: & prout cruda aut cocta fuerint magis, tum morbi tempora ostendunt, tum remedium rationem, iudicii que spem immutant.

Restant signa salutis & mortis, quorum causâ tot à nobis dicta de signis fuerunt: quæ vt in principiis morborum vix apparent, sic procedente morbo magnam requirunt Medici curam & attentionem, vt in hac veluti specula positus, morborum euentus prænoscere possit, & ne mortis reus aut author habeatur quam non prædixerit. Signa hæc salutis & mortis οἰκία domestica & propria: (Relinquo enim hic ea quæ per accidens & secundariò duci possunt ex coctionis & cruditatis, ac decretoriorum significatione, item ea quæ minimè sunt artificialia, sed ex quodam euentu deprompta, vt pustula illa nigra Auicennæ in genu apparens, lenticula in gutture, & similia.) Hæc, inquam, signa propria petuntur à quatuor potissimum fontibus, specie scilicet morbi, more, motu, & magnitudine.

Species morbi similis, organici & communis, ad salutem aut mortem iudicatis nam morbi vt plurimum organici, nisi aliud illis sit adiunctum, vix necem inferunt: similes verò & solutiones continui maximè possunt ad vitam tollendam.

Mos morbi est certa quædam qualitas morbis adiuncta, quâ nunc præter suam naturam sæui, modò mites apparent: Sic sæpius tertianæ pestilentes malè morigeratæ apparent; sic pleuritis mali morigerata, aliquando paruam inferens noxiam corpori. Vnde ab Hippocrate tam sæpe morbi εὐήθεις, κακῇθεις appellantur, & de εὐήθει bene, de κακῇθει malè sperat.

Motus morbi est violentia vel remissio, acceleratio aut tardatio, extensio vel contractio singulorum temporum & circuituum morbi. At morbi violenti, acuti, celeres, terribiles, naturæque nostræ magnum periculum minitantes; hinc apud Hippocratem, morbi acuti extremos statim labores habentes periculosi, & *Aphor. 19. sect. 2.* acutorum morborum ambiguae sunt prædictiones salutis & mortis; cum longi non ita vitæ immineant, sed pedetentim tantum natiuam nostram constitutionem quasi datis induciis violenti: in quibus Hippocrates *Aphor. 6. sect. 7.* timet cibi fastidium & alui fluxum, quæ contingunt effectis paulatim viribus nostris. Sic morbi continui intermittentibus periculosiores, vnde illud *Aphor. 43. sect. 4.* Quocumque modo febres intermiserint; periculum abesse significant.

Magnitudo autem morbi ad salutem & mortem prænoscentiam maximè faciens, complectitur sub se causæ morbificæ, partis affectæ, & symptomatum morbos concomitantium naturam, apud Galenum 4. *methodi*. Sic ob causæ morbificæ malignitatem

tatem & copiam, extat Aphorismo illo 22. sect. 4. Quibuscumque morbis incipientibus atra bilis supra vel infra exierit, lethale, & de dysenteria, Aphor. 24. eiusdem sect. atque 69. lib. 7. ex strigmentis in fecibus alui exiguitatem & magnitudinem morbi coniectari. Quod ad partem affectam attinet, ut ea vel princeps, vel ad vitam necessaria fuerit affecta grauitur, non leuiter & quocumque modo (sic enim cum quibusdam concedendum esset, ephemeram febrem quia est cordis intemperies, aut leuem cephalalgiam quæ est cerebri affectus, esse magnos morbos;) periculum maximum portendit, ut ex Aphor. supra à nobis citatis, apparet, quando egimus de vulnerum differentiis ac periculis, secundum partis affectæ naturam. Superest adhuc symptomatum morbos comitantium syndrome, latissimus ad morborum præsaigionem campus. Cum enim symptomata complectantur actiones læsas, excreta & retenta, & qualitates mutatas, considerat Medicus prædicturus de morbo, tres potissimum actiones in nobis, naturalem, sub quâ est attractio, retentio, concoctio, & expulsio; tam in partibus munere publico fungentibus, quàm in omnibus aliis; vitalem, pulsum scilicet & respirationem; animalem, principem, sensificam, & motricem. Considerat excreta, excernendi tempus & modum, vrinas, deiectiones, sputa, mucos, lachrymas, hæmorrhagias, & similia. Considerat qualitates mutatas visiles, unde illa facies Hippocratica horrenda & terrificæ, totiusque habitus exterior dignoscitur; audibiles, ut sonitus & tinnitus aurium, rugitus & borborygmus intestinorum; olfactiles, ut foetidum qui perpetuo malus est, & bonum odorem ægri ac excretorum. Gustatiles, quæ in signis linguæ ab Hippocrate eleganter descriptis continentur. Ut ex omnibus his (quæ hic minutiùs persequi non est nobis propositum) quasi syllogisticis signis, pronuntiet de morbi euentu, & ægri salute aut morte.

Salutem igitur significantia, alia sunt bona, quæ aliquid boni præsens aut futurum portendunt, non ita tamen certò, quæ Hippocrates hac notâ exprimit & θανάσιμον, non mortale, Aphor. 1. sect. 2. In quo morbo somnus laborem adfert, mortale: in quibus vero non adfert, non mortale. Alia valde bona, quæ raro non indicant bonum, & Hippocrates expressit his notis, λύσις, λύειν νόσον, solutio, soluit morbum: Alia sunt optima, quæ frequentissimè bonum significant, quæ Hippocrates designat hac notâ, ἀγαθόν.

Mortem & periculum significantia, alia sunt mala quæ aliquid mali portendunt, non tamen ita certò, quæ Hippocrates exprimit his notis, πονηρόν, κακόν: κακίον, κακίστον, ἐκ ἀγαθόν, μᾶλλον κακόν. Alia sunt valde mala, quæ raro non indicant malum, & ab Hippocrate sic repræsentantur, ὀλέθριον, θανατώδες, quibus addit aliquando λίαν & κάρτα, ut vim significandi augeat. Alia denique sunt pessima, frequentissimam mortem ac periculum designantia, quæ ab Hippocrate sic designantur, θανάσιμον, ἀνέλπιτον, σκοθνήσκει, τάχιστον, θάνατον σημαίνει, in Coactis, & in libro nostro de affectionibus, ζωὴ ἐσθραμία ἐλπίς. In quibus omnibus notis & signis mortiferis ad usum reuocandis, quamuis non semper constans sit Hippocrates, & aliquando horum significata permutet, ut plurimum talia apud eum reperiuntur, & sic usurpari debent, obseruandum est, etiamsi quid lethale est, non protinus moriendi necessitatem inferre, ut est in Prorrheticis, lethalia quæ sine signis quiescunt, mortem significant. Ut etiam apparuit in historia illa Nicoxeni, 7. epidem. qui omnibus ferè mortiferis signis apparentibus, euasit; unde illud Hippocratis 6. epidem. Nihil temerè affirmandum, nihil contemnendum. Atque etiam in præsaigatione mortis potentiùs significare vnicum signum malum, quàm decem communia bona, ut in pleuritide, sputi significationes & similia. De quibus sit satis dictum pro huius nostri Aphorismi, & reliquarum omnium intelligentiâ, in quibus signa prognostica, & eorum notæ habentur.

Iam igitur accedamus ad Aphorismi nostri veritatem ex causis eliciendam. Vult igitur Hippocrates, conuulsionem à vulnere esse lethalem, ut plurimum scilicet. Periculum hinc non ab ipsius vulneris essentiâ aut magnitudine, non à partis præstantiâ afflictæ coniiciens, sed ex solo symptomate terrifico superueniente motricis facultatis, conuulsione nimirum, quæ non particularis est intelligenda, brachij putà, pedis, aut alterius minoris partis. Hæc enim quamuis non fiat bonis ægri rebus, non tamen adiunctam habere potest terrificam illam notam: Sed vniuersalis est intelligenda, affecto nimirum principio, vel per condolentiam tantum & Συνισπρίαν nervosi generis vulnerati in capite aut sine musculorū, compuncto nervo, nervosâ aut membranosa parte, ad cuius affectum percellitur ipsum cerebrum, totumque corpus concutit; vel etiam pure retento, sanie, virulentia, neruumque inficiente ac erodente, ob nimis citò clausum, aut non satis detectum vulnus, cuius vapor teterrimaque qualitas ad principium usque delata, conuulsivos motus, &

ὡς αὐτοῖς ἐκείνῃ πάθῃ, ob illius agitationem inducit. At hi non sunt veræ conuul-
 siones, & quamuis valde graues & κακοὶ mali, non tamen ὀλέθριοι aut θανάσιμοι, vt
 qui confecto musculo, tendine, aut neruo, qui compunctus fuerat, resecto vulnere
 & eductâ vel consumptâ sanie sæpissime sedantur, dummodò iam grauior noxia
 non fuerit, in ipso principio contracta. Veræ autem conuulsiones, quas ad dupli-
 cem intemperiem retulimus, materialem vnâ humidam, alteram sine materia sic-
 cam ab exhausto humido, & in abolitâ actione motrice animali posuimus, per-
 niciosæ & valde lethales, & mortem vtplurimum, si non vt semper inferentes. Si
 enim contigerit ex inflictio in cor, hepar, lienem vulnere, aut in venam arteriamve
 αἱμόρρην sanguifluam, quales sunt iugulares, & sub alâ, tantam concitari hæmor-
 rhagiam & sanguinis fluxum, qui nullis artis præsidiiis contineri poterit, sed ex-
 haustis & arefactis neruis ac partibus exanguioribus, conuulsio illa vera superuene-
 rit, quam non dubium est præcessisse syncopes, lipothymias, singultus, vertigines,
 dementiâs, certissimum est mortem esse in propinquo, nec vllam restitutionem in
 tantâ humiditatis substantificæ iacturâ sperari posse, vt nos fusiùs dicemus *Aphorismo*
sequente, vbi Hippocrates generaliter de hæmorrhagia loquitur. Contrâ si ex pun-
 cto, contuso, colliso, vsto, contorto neruo, chordâ, tendine, in capite aut sine mu-
 sculi, ex atrocitate doloris contingat sanguinis feruidioris copiam irrumpentem,
 tumorem phlegmonosum in partibus illis excitare, materiamque inflammantem &
 distendentem, primùm partes illas primariò affectas distendere, postmodum sibi
 propinquas afficere, ac demum cerebrum ipsum per illam continuitatem in con-
 sensum rapere: sit conuulsio ex repletionem, cui parua admodum salutis spes super-
 esse potest, in tam deplorata principij inuasionem, & ortorum ab eo phlegmonosa di-
 stentionem. Atque de hac egisse in hoc Aphorismo Hippocratem existimamus,
 quia de eâ quæ fit ab exhausto per hæmorrhagiam statim est dicturus. Atque eam
 lethalem, si non ex necessitate, saltem vtplurimum existimauisse. Vnde Aphoris-
 mus ille 66. huius nostræ sectionis: *Si in vulneribus malis* (quæ Galenus interpreta-
 tur de eis quæ inferuntur circa caudas & capita musculorum) *& magnis, tumores non*
apparent, ingens est malum. Quod multò expressiùs dixit *Aphor. 65. eiusdem.* *Quibus tu-*
more in ulceribus apparent, & raro conuellantur & insaniant; si verò subito euanescent, iis
quibus à tergo fuerint, conuulsiones & tetani accedunt; Quibus in anterioribus partibus, iis
mania, dolor lateris acutus, suppuratio, aut dysenteria, si rubri fuerint tumores, hoc est,
phlegmonosi; ex remeante enim materiâ illâ sanguineâ ad interiores partes, iam
corruptâ & labefactatâ, fit inflammatio per totam illam continuitatem nervosi
generis, ad quam sequitur contractio & vera vniuersalis conuulsio ex repletionem.
 Cuius species & idea apparet in fracturâ calcis seu luxatione, quam descripsit
 Hippocrates *libro de articulis*, chorda enim illa ingens, quæ nata è musculis suræ
 primùm in ortu rotunda & crassa, mox explicata & in ὑποπύρρον diducta, firmi-
 ter fixa ipsi calcaneo subtenditur & adhærescit, quam Hippocrates vocauit τένοντα
 ἐπίδιον. Hæc, inquam, luxatâ aut fractâ calce distenditur, contunditur, inflam-
 matur, statimque secum habet coniunctam febrem, assiduitate, feritate, singultu,
 tremore, delirio, & citâ morte funestam. Concludamus igitur syllogisticè post
 longam nostram digressionem: Quæcunque significant magnum & valde dolori-
 ficum affectum in partibus maximè sensibilibus corporis nostri, grauemque prin-
 cipis partis noxam ex communicato ei affectu, ea sunt mortis & maximi periculi
 indicia. At conuulsiones, vniuersales scilicet, quæ comitantur vulnera partium
 neruofarum, indicant earundem inflammationem, distensionem & repletionem
 maximam iam communicatam cerebro. Quare conuulsiones illæ sunt lethales, si
 non vt semper, saltem vtplurimum & frequenter. Quod fuit demonstrandum.

APHORISMVS III.

Αἷματ' πολλὰ ῥέειν, Crasmos ἢ Lychmos ἐπιγεόμενον, κακόν.

*Sanguini copioso effluenti, conuulsio aut singultus
superueniens, malum.*



PHORISMVS hic ad eandem Medicinæ partem pertinens, quam & superiores, vniuersalis est: vbi agit Hippocrates generatim de conuulsione vt signo, quæ omni immodicæ sanguinis vacuationi, siue illa sit violenta, ex inflicto vulnere (de quâ particulariter dictum est superiore Aphorismo) siue arte facta per phlebotomiam vel arteriotomiam, resectionemve artificialem quorumuis vasorum: siue sponte naturæ in sanis, & per morborum crises, aut alio quouis modo erumpente iugi sanguinis copia, ex naribus, ore, gingiuis, faucibus, ventriculo, pulmone, pectore, renibus, vesicâ, venis vteri, aut hæmorrhoidibus, quibus superueniens conuulsio aut singultus, malum portendere vult Hippocrates. Habeturque in *Coacis*, parum immutatis verbis, *Πνι αἷματ' ῥέει πολλὰ, ἢ λυχμός, ἢ σπασμός, κακόν.* Vbi singultum præponit conuulsioni, vt & antiquus Aphorismorum contextus habebat. Est etiam *Aphor. 9. sect. 7.* huic valde similis, *Πνι αἷματ' ῥέει πολλὰ, καὶ σπασμός, κακόν,* quem Cornelius Celsus, accuratissimus Hippocratis imitator & interpres, sub finem capitis octauo lib. 2. sic vertit: *Si sanguis profluxit, deinde secuta est dementia cum distentione nervorum, periculum mortis est.* Vbi pro singultu ponit ille dementiam, non incommodè, vt mihi videtur, fatuitatem scilicet & μωροσύνην ex impensè refrigerato cerebro, principibusque functionibus labefactatis.

Ad huius autem intelligentiam antequam veniamus, dicenda sunt quædam de sanguinis profluuiio, quod hæmorrhagia dicitur, & de singultu: vt illorum naturis intellectis, facilius sensum Aphorismi istius elicere possimus.

Est igitur hæmorrhagia simpliciter dicta apud Hippocratem quoduis sanguinis profluuium ex quacunque parte effusum, copiosum & liberale, vt apparet in *Coacis*, & *Aphor. 27. sect. 4.* exiguum enim non dignatur hoc nomine, sed vel *βραχύν* addit, vt in *Prorrheticis*: vel *εὐχέει* καὶ *ἀποσώζει*, stillationes, substilla appellantur. Et vt partis nomine addito, *ῥινός* scilicet, in *Coacis* sæpe, naris, oris, vteri, & cæterarum, redditur particularis hæc hæmorrhagia simpliciter dicta, intelligitur apud Hippocratem, de profluuiio sanguinis copioso, quod fit per nares, vt docet Galenus *comment. primo in 1. epidem.* Quicquid sit, nos hic agimus de hæmorrhagiâ generaliter sumptâ, pro quauis sanguinis ex quacunque parte excretionem copiosa, quæ est symptoma in genere excretorum immodicè toto genere præter naturam, viciatâ facultate retentrice potissimum, aliquando expultrice etiam depravatâ. In quo consideramus qualitatem, quantitatem, tempus, & excernendi modum. Substantia enim illius, quamuis sit laudabilis, vt pote pars nectarei illius & viuifici succi, quo natura animantium perfusa sustentatur & veluti thesauro charissimo perfruitur, aliquando tamen ob qualitatem viciosam, tenuitatem scilicet & acrimoniam, ob copiam nimiam, aut per motus illos perturbatorios contingente succi illius charissimi ebullitione effunditur. Aut ab externâ & internâ causâ *τῷ πυλῶνι*, dulcissimum illum sanguinis carcerem, venam scilicet, arteriam, aut cordis ventriculos, in quibus vitæ nostræ focus residet, referante, vnde erumpere etiam inuito datur.

Sunt tamen sani multi & consueti, qui sanguinem statis temporibus per varia oscula excernunt, etiam laudabili naturæ conatu, sanguinis molem grauantis eximentis: & contingit potissimum mulieribus, quæ fecunditatis suæ signum tunc produnt, quando purpuream luxuriantis sanguinis copiam per vterum menstruatâ periodo effundunt: tunc enim ostendunt, non sibi tantum nutriendis, sed etiam producendis animatis, vtilem superesse alimoniam, riteque dispositum naturæ agrum cultore indigentem. Quibus mutilum est insigni quadam parte corpus, illis enim hepar non minorem alibilis humoris copiam procreat, quam dum essent integri, quæ deinde non consumpta ad detruncatæ partis alimoniam per dysenterias illas

αἱματὶς frequenter excernitur. Sic adolescentes, ephebi, quando hircire & Venerem experiri incipiunt, frequentes hæmorrhagias patiuntur, ut est 6. Epid. sect. 3. Atque hæc in sanis neutrisque contingunt. In ægris verò hæmorrhagiæ etiam apparent ex variis partibus, eæque vel symptomaticæ vel criticæ. Symptomatica autē hæmorrhagia in morbis pendet, vel à resolutione & imbecillitate partium sanguinem generantium vel expurgantium, ut hepatis, lienis; vel à crisi frustra tentata. Illic enim principiis suis malè affectis condolescunt & consentiunt venæ, ut & nervi cerebro. Quo fit ut ex his sanguis sponte profluat per multa corporis nostri loca; unde illud in Coacis: *Quæ in diuturnis exigua apparent sanguinis velut quadam effluvia, mortifera*, quia sunt signa fatiscientis naturæ, & principiorum collapsorum. Hic verò frustra scilicet tentatâ crisi, quia natura irritō motu, excretionem exundantis humoris aggressa propter oppressionem aut imbecillitatem, proprium opus inchoatum perficere non potest: Vnde ῥάξις, stillatio, ὑπὸ ῥάξις, σάλαγμα, parva stilla Hippocrati semper malæ, ut nihil paucum criticum: ἑρῆσις fluxio, pauca, iterata, intercepta, non præcedentibus propriis signis, vel malo die facta, unde multis Hippocratis rescriptis fluxiones istæ quarto die contingentes, sunt damnatæ: Signum autem hæmorrhagiæ symptomaticæ est commune, quod non leuatur æger, sed deterius se habet, ut in omni excretionē symptomaticâ contingit. Particulare verò est, absentia eorum omniumquæ in criticâ adesse solent. Symptomaticæ etiam illæ omnes censendæ, quæ ex ruptura, scissura, erosione venæ aut arteriæ in variis partibus contingunt, ut postea dicemus, quia malis semper naturæ nostræ rebus contingunt, ut siue in sanis, siue in ægris, quæ bonæ sunt hæmorrhagiæ; eæ per ἀνασώμασιν exerceantur, quam prudens natura ad deplendam sanguinis copiam laudabiliter instituit.

Critica verò hæmorrhagia, optima est καλῶς & διαψιλῆως, bene ac largiter fluens, apertis venarum assuetarum osculis, nimirum die critico, antegressis coctionis signis, & significata suo ἐρεθίσμῳ, ut hypochondriorum fugaci meteorismo seu borborygmo, rubore faciei, oculorum fulgore & marmarigis, pulsu aspectabili temporalium arteriarum, & cephalalgia. Et siens in morbo conuenienti, qui ex repletionē ortum ducit particulari vel vniuersali, cuius vacuatio per hæmorrhagiam & sudores est accommodatissima, indeque maximum ægrotantis leuamen, & certa salutis spes affulget; ut in cephalalgia vehementiore, ὠδύνη prægrandi; In febribus symptomaticis quæ sequuntur inflammationes systrophicas viscerum interiorum, & primariis quæ fiunt tam à ζέσει quàm σήψει sanguinis, qui sic attenuatus, conceptis ex putredine aut ebullitione spiritibus, sursumque raptus venas distendit, earumque oscula referat, non secus quàm vtres aut dolia obturata, à feruente acervatim musto dirumpuntur, quamuis aliquando venas vteri aut ani ob consuetudinem καλὰ ῥῶπον aperiat.

Atque hi sunt omnes excretionis illius sanguineæ modi in sanis, neutris, & ægris. In his cum sit symptoma, ut dictum iam est, necessariò ad morbum aliquem referenda, non vnicum, sed multiplicem. Quatuor enim causæ sunt ad morbos tum communes tum organicos pertinentes, huius sanguinolenti profluuii: proximæ & immediatæ, quas continentes vocant, in venis scilicet & arteriis tanquam parte affectâ inherentes, ruptis, exesis, dilatatis, aut referatis: Vnde quatuor illa nomina, ῥήξις, διάβρωσις, διαπήδησις, ἀνασώμασις. ῥήξις igitur, quam Celsus ῥήγμοχασµὸν, hiantem rupturam & scissuram appellat, ut & ἀνασώμασις, aperturæ vasculi, causæ tres sunt præcipuæ, ut docet Galenus libro 5. meth. vasorum scilicet imbecillitas, sanguinis multitudo & copia, eiusdemque mala qualitas. Adde externa omnia & interna vulnerantia, ac continuum confertim soluentia, aut sanguinis copiam generantia. Sic ob sanguinis plethoram, in mulieribus quæ non purgantur, aut hæmorrhoidum expurgationi assuetis, contingunt sanguinei vomitus, hæmoptoë, & sanguinis è naribus profluvia, ruptis aut apertis venis. Idem contingit Athletis, ruptionibus vasorum ob humorum copiam valde obnoxii, ut docet Galenus, Aphorism. 2. lib. 1. quando potissimum commouentur irâ, vociferatione, saltu, casu, ictu, crapulâ, oneris gestatione grauioris vel sublatione. Idem præstat frigus vehemens constringendo violenter, quod ideò ab Hippocrate Aphorism. 2. lib. 5. φλέβων ῥήγνινον dictum est, & αἱμοῦ ῥήγνινον; & vehementia æstus, dum ebullitionem sanguinis concitat. Vnde iuuenes spuitioni sanguinis valde habentur opportuni à Galeno & Hippocrate Aphorism. 29. lib. 3. quia eâ ætate maximè feruet sanguis.

Διάβρωσις autem seu ἀναβρωσις, erosionis causæ sunt acria vlcerantia, erodentia, putrefaciencia intus vel extrâ; intus, ut humor acris, mordax, salsus, æruginosus, putrefactus, vasorum tunicas corrodens ad internum vsque spatium, unde vlcus excita-
citur.

citatur Sic ex catarrho falso in pectus defluente, ac in pulmonibus coërcito, venarum illic positarum erosio, vlcus, hæmoptoë, puris sputum, tabes, & tandem mors consequuntur. Extrà, vt à medicamentis causticis, septicis, rodentibus, & exulcerantibus, sumptis vel admotis.

Διασκήδης verò, id est, transcolatio agnoscit vasorum raritatem & laxitatem, sanguinisque tenuitatem: tunicis enim rarefactis, sanguis præterfluit aquosus, ichorosis, sudoris instar transcolatus, vt in contusionibus, ecchymomatibus, ac sugillatis accidit. Quamuis interdum Galenus ad gracilium & ferè capillarium vasorum oscula, quæ ad extremam cutem desinunt, aperta, referre videatur; quo nomine (vt obiter satisfaciamus, Galenum hac in parte culpantibus) adhuc differet ab anastomosi, quæ est maiorum osculorum in magnis vasis apertio.

Atque hæc erant de hæmorrhagiâ dicenda, ad faciliorem Aphorismi huius intelligentiam, nunc idem de singultu præstemus.

Duos esse in nobis motus, vt etiam sensus, eleganter annotauit Galenus *lib. de usu part. 9.* Vt enim motus ille arbitrarius, qui voluntatis imperio aut appetitus subiaceret, musculorum operâ omnino perficitur; sic natura in illis partibus, quæ erant eorum expertes, motum alium per suas naturales fibras fabricata est, per quas nondum volumus mouentur, sed ad rei molestantis sensum exurgunt, commouentur, & concutiuntur: Sic cerebrum naturali illo sensu præditum, vbi aliquid molestius incumbit, seipsum cogit, dilatat, & commouet per epilepsias & sternutamenta. Sic cor atris malisque melancholicis vaporibus ex liene per frequentes arterias communicatis, *παλλεται*, palpitatur & agitur, non per diastolen, aut systolen, sed tremebundam concussionem, non secus quàm in illis quibus metu percussis, *σπασμὸς ἐν στήθεσι, πάλαισσι*. Ventriculus verò vt exquisitissimo animali non solum naturali sensu præditus, quamuis musculus non sit.

Hic igitur singultus, cum sit motus, id est, actio ventriculi, qui tamdiu est, quamdiu fit, non potest esse morbus, non morbi causa. Erit igitur symptoma, non sub qualitate mutatâ, non sub excretis. Ergo sub actione læsâ, non sublata, quia fit; non imminutâ, quia violenter fit. Erit ergo deprauatâ & contra naturam agentis, si fit in ægris; in sanis opus naturæ, id quod sibi molestum est, expellere tentantis. Sed nobis ita licet singultum definire, qui symptoma est sub actione læsa, deprauati nimirum motus ventriculi, sursum ad originem conuersi & irritati, à causa molestante, quam excutere nititur; vnde conuulsio quædam dicitur Hippocrati & Galeno, quamuis non sit in musculo, vt vera conuulsio; sed quod & in causis & in genere deprauati motus, cum musculorum spasmo conueniat. Vnde illud Hippocratis, *Aphorismo 39. sect. 6.* Singultum fieri ab inanitione & repletionem, vt conuulsionem. Quæ repletio aut inanitio non in * *Desunt aliqua.* ex repletionem, ab eo qui inanitionem contingit, quod singultus hic *κένος*, à Thucydide *lib. 2.* sic vocatus, pestilentium febrium *ἐπιπνεύματα* enumerante; Vacuus, est sonorus magis, & ferè clangorosus, vt pote in re distenta, & nulla materia strepitum obtundente. Plenus verò magis est interceptus & ob pauciorum spirituum qui eliditur, sine magno sonitu. Repletionis deinde triplicis signa suis sunt signis internoscenda. Atque hæc de hæmorrhagiâ & singultu sufficiant.

Verum addubitabit fortassis aliquis, quomodo per magnas illas hæmorrhagias non moriatur prius æger, effuso sanguine copioso, quàm conuellatur, aut ab exhausto singultiat? Aut saltem cur non potius fiat syncope, & totius exolutio corporis, quàm conuulsio? Et in *Coacis prænotionibus*, profusa narium hæmorrhagia vi suppressa, sæpe adducit conuulsionem. Quare hæmorrhagia quæ non supprimitur, sed ad *ὕπερχειον* adducit, minimè conuelleret, sed exoluet. Sciendum est inprimis, conuulsionem & singultum, qui hæmorrhagiæ superuenire hîc dicuntur ab Hippocrate, ab inanitione, vt pote post magnam sanguinis vacationem fieri. Conuulsionem autem illam, cuius meminit in *Coacis*, fieri à repletionem, quando scilicet ad sistendum sanguinem vtuntur refrigerantibus; fronti, ceruici, capiti, naribus admotis, quorum vi fit vt repulsus intrò sanguis cerebrum ipsum & neruorum propagines impleat, conuulsionemque & alios affectus cerebri accersat: Vnde illud Hippocratis, in *prorrh. 39. sectionis tertia libri primi*, *Qui statim temporibus sanguinem fundunt, si non profundant, Epileptici fiunt.* At nos hîc de inanitione loquimur; quæ non solum largiter & effusè, sed etiam violenter ac confertim contingit, vnde illud Hippocratis, in *Prorrhot. Si larga, si violenta effusio*


sanguinis est, interdum conuulsionem adducit. Quasi diceret, non omnem largam effusionem sanguinis, conuulsionem, ut nec singultum accersere, ut eam in qua æger infirmis & prostratis est viribus, & quæ sensum sit. Sic enim potius syncope aut mortem ab exhausto, vel saltem ἐκλυσιν inferet; sed eam quæ in validum adhuc ægrum confertim & violenter contingit; in quo natura adhuc sui potens noxiam illatam sentiens, sese contrahit, ut postmodum procedente malo exoluatur, & omnino dispereat. Quod dixit *Aphorismo nono sectionis septima*, idem est. Addidit autem Dementiam, quia ab exhausto copioso sanguine & spiritu animæ illa & princeps functio suo instrumento priuata, deprauatur & minuitur.

Concludamus igitur, ut adhuc fecimus in aliis Aphorismis præcedentibus. Quæcumque consequuntur summam corporis nostri suo genio & laudatissimo succo priuati exsiccationem, & sunt indicia lapsus qui restitui non potest, ea mala sunt admodum signa. At conuulsiones & singultus superuenientes largæ & violente hæmorrhagiæ, indicant exsiccationem venarum & arteriarum, quæ suo alimento fraudatæ, ab aliis partibus, nervoso scilicet genere & officina corporis nostri primaria repetunt & in similem affectum deducunt, qui & ob naturam suam propriam, & repentinam generationem minimè aut vix restitui potest. Quare sanguini copioso effluenti, conuulsio aut singultus superueniens, malum, graue & ferè lethiferum. Quod fuit demonstrandum.

APHORISMVS IV.

Ἐπὶ ὑπερκαθάρσει πάσῃς ἢ λυγρῇ πηγνύμενη, κακόν.

Nimia purgationi conuulsio aut singultus superueniens, malum.



E A D E M est huius Aphorismi, quæ & præcedentium intelligentia ac demonstratio, primi potissimum, ubi quæ particulariter de helleboro dixit, hic generatim de omni superpurgatione profert, ut ex huius propositionis vniuersalis vi, illius veritas inferatur. Unde non erit nobis hic laborandum in assignandis causis & referendis, nec in conclusione conficienda, quæ iam à nobis proposita & illata est aliis Aphorismis, ac inde repetenda. Annotandum tamen hunc Aphorismum ad eandem Medicinæ partem referri, quam & superiores, & haberi eisdem verbis in Epistola ad Democritum: Item *Aphorismo vigesimoquinto sectionis 7.* ubi pro ὑπερκαθάρσει, φαρμακοποσίῃ ponit. Atque in Coacis explicatius, In meris, inquit, vomitibus, mortiferè habet singultus, mortiferè item conuulsio. Similiter & in purgationum excessu quem inferunt pharmacie. Est & alius Aphorismus in Coacis, ubi duo alia accidentia purgationis exitialia adfert, quæ lipothymias & synopes comitari solent, ἡπὶ πάσῃ καθάρσει πλεονάζουσα, ψύξις μὲν ἰδρωτῶν, ἰλιθρίων. Ut igitur in helleborismi vsu, vulnere, ingenti hæmorrhagiâ, succedens Conuulsio, signum est lethale, quia indicat lapsum à naturali constitutione, qui restitui non potest, & abolitam aut certè multum deprauatam actionem primariam: Sic in superpurgatione, ab exhaustis spiritibus, humoribus, & humido primigenio, eadem significatio fit per singultum atque conuulsionem. Quæ idcirco mala atque etiam lethalia censenda sunt. Quod fuit demonstrandum.

Sed quia purgationum superpurgationumque natura maximè intelligenda est ab eo qui futurus est Medicus, & catharticiis generosis in posterum vsurus. Ideo nos non frustrâ videbimur, de Medicamento in genere, eius definitione ac diuisione, de cathartici natura & actione, ac de purgatione superpurgationeque ea quæ ad theoriam pertinent, differere, in illorum potissimum gratiam, quorum animus nuper Medicinæ incensus amore, nondum Hippocratico aut Galenico fonte datum est proluisse labra iugiter, istorum causa has potissimum digressiones conficimus. Doctiores enim non tam ego docere possum, quam iucunda commemora

commemoratione iam ab eis penitissimè cognita, in mentem quasi postliminiò reuocare.

Galenus *libris de sanis. tuendâ*, omnem remediorum materiam & quasi syluam, tam in sanis, neutris, quàm ægris, ad quatuor capita eleganter reuocauit, assumendorum scil. dmouendorum, educendorum, & gerendorum: sub quibus nihil est eorum quæ in sanitatis conseruatione & restitutione, morborum præcautione & curatione vsut-pantur, quòd non commodè admodum contineatur, vt ille ibidem persequitur: At inter ea illa omnia quæ assumuntur, quædam alimenti, quædam veneni, alia medicamenti rationem obtinent. Atque hæc nomina ad aliquid dicuntur, cum scilicet referantur ad varium agendi modum, quem in corporibus nostris exercent. Vide quæ hac de re docuimus, lectionibus xij. xij. & xiv. nostræ Exercitationis in Librum *περὶ Φύσεως ἀνθρώπου*.



APHORISMVS V.

Ἄν μεθύων ἐξαίφνης ἀφωνὸς τις γένηται, πᾶσι θεῖς σποδήσκει, ἢ μὴ πυρετὸς ὀπιλάβῃ, ἢ ἐς τὴν ὥρην ἐλθὼν, καὶ τὴν αἰ κρασιᾶλαι λύονται, φθίγγεται.

Si quis ebrius subito priuetur voce, morietur conuulsus, nisi eum febris corripiat, aut circa horam illam quâ soluuntur crapula, locutus fuerit.



RVSPICIENDA hæc nostra Hippocratica, non ex auium volātu, conspectione extorum in mactatâ pecude, aut gallorum cantu, & variâ pugnâ, sed ex imis naturæ nostræ penetralibus petita, & ex cognitione illâ causarum & effectuum in permutationibus variis humano corpori contingentibus, non paruum facessit illi negotium, qui vates in Medicinâ & augur Hippocraticus fieri cupit, vt connexionem istam & consequutionem ex verâ causarum explicatione adipiscatur, quas Hippocrates in condendis his Medicinæ legibus, vt omisit, sic nobis cogitandas inquirendasque reliquit, hoc potissimum Aphorismo, non parum obscuro & im-plicato, quem nos explicandum nunc suscepimus.

In primis autem secundum propositam à nobis methodum, sciendum est Aphorismum istum cum superioribus, ad eam Medicinæ partem referri, quæ *σημειωτική* appellatur, complectiturque *πρὸς γνωστικῶν*, quâ salutis & mortis signa, in variis morborum generibus, longis scilicet & acutis, & aliis affectibus Medico scienda continentur, vt nunc in crapulæ ac temulentix *ἀφωρία*, quam ille non solum valde periculofum existimat, sed etiam genus mortis, quâ eiusmodi homines petire solent, & tempus circumscribit: Huic respondet *Aphorismus 7. sectionis 7.* vbi Hippocrates vult, *πολυποσίη*, in multâ potatione rigorem & desipientiam *ἐπιγενόμενα*, mala esse admodum, quorum hæc principij, cerebri nimirum labem; ille verò caloris natiui oppressionem significat, vnde certissima noxa coniectatur. At hic noster Aphorismus non solum relatus est ab Hippocrate *libro secundo de morbis*, sed etiam graphicè descripta temulentix & vinosæ crapulæ pericula, quibus auxiliari docet; *Si quis*, inquit, *ex ebrietate, voce priuetur, & statim sanè ipsum etiam febris corripiat, sanus fit; si verò non corripuerit, die tertiâ moritur.* Si itaque in ita affectum incideris, multâ calidâ lauato & cætera præsidia, quæ ibi adferuntur, pro huiusmodi veterini curatione. Ad Aphorismi igitur nostri intelligentiam faciliorem de ebrietate & eius affectibus pauca, de voce & eius priuatione, vt affectu difficillimæ notitiæ, multa sunt adferenda, vt postmodum ad peculiarem Aphorismi sensum eliciendum, & demonstrationem conficiendam veniamus.

Vulgarissimum est illud, nullum esse bonum, quod præpostero vsu, malum non fiat, & maximè compertum in nectarei cuiusdam succi ad hominum corpora refocillanda, deorum dono maximo concessi quotidianâ vsurpatione, qui ab omnibus hominum linguis, maximo omnium consensu, parum immutatè *Vinum* appellatur

Est autem nihil aliud vinum, quàm succus siue liquor ex maturis uvis extractus, qui mustum appellatur, antequàm fuerit concoctus & depuratus, vt qui ex acerbis exprimitur, omphacium vocatur, contrariis penitus viribus; qui ex putrefacto vino, & penitus corrupto, quasi ex eius interitu rediuius exurgit, acetum dicitur. Vinum verò multas & propemodum infinitas differentias à colore, odore, sapore, consistentia, regionibus; solo, & similibus nactum, quas non est hîc nobis propositum persequi, & ad sanitatis conseruationem sobriè sumptum, & ad morborum depulsionem viriùmque promptissimam reparationem artificiosè præscriptum, plurimùm conducit: at contrà immoderatè sumptum, quod facillimè contingit propter hominum intemperantiam multorum, quibus nihil aliud est viuere quàm bibere, & succi huius suauitatem maximam & propè ambrosiam, quâ deliniti non ad sitim extinguendam & corporis nutritionem, sed ad explendam voluptatem helluones abutuntur; sit vt ab illo infinitæ non solum in corpus, sed etiam in mentem inducantur noxæ. Hinc factum est, vt Legislatores multi vites radicitus resecuerint, extirpauerintque velut tantorum malorum elementa & causas, suisque populis vino omnino interdixerint, quò Bacchus de totâ Indiâ maximisque regionibus triumphauerat; Lycurgus Lacedæmonios vino vti prohibuit; Plato senibus tantum concedit, quorum habitus durior sicciôrque, dulci hoc liquore mollescit & incalescit. Impia Mahometis factio penitus abstinet, vt mentis perturbationem, & corporis mollietatem fugeret. Certè apud Græcos tanta fuit intemperantia, vt non frustra à viris illis, vini vsus sit eis sublatus, ne illi deinceps græcari possent, & vinorum generosissimorum ibi nascentium potatione diurnâ nocturnaque, quæ primâ aurorâ incepta, aliam scyphos exhauriendo expectabat, maximos animi corporisque morbos incurrere.

Vinum igitur naturâ suâ & viribus calidum siccumque, calefacit, concoctionem iuuat, facillimè mutatur, substantiæ humoralis & spirituosæ damna citò reparat, & naturam sanguinis subit, vtpote similarium partium & bene concoctarum; suarum etiam tenuitate partium, *ἀνάδοσιν* & alimenti distributionem adiutat, si mediocritas accesserit tam in qualitate, quantitate, quàm vtendi tempore; qualitate quidem si temperatum lymphisque refractum sumatur, quod violentius & generosius est; vnde Hippocrati *Aphorismo quinquagesimo sexto sectionis septimæ, & alibi*; οἶνον ἰσὶν ἰσὶν πρὸς μὲν, æqualiter aquæ permixtum, & iuuat sanos, & ægros multos curat. Quantitate autem, iuxta fumentis naturam & conditionem, vnde illa binæ, ternæ, aliarumque potationum dicteria: quæ maximè definiuntur Galeno sedatione sitis famisque. Vtendi verò tempus esse debet consuetum, quo satiari solent, bis aut ter in die, pro variâ hominum naturâ & laboribus, non continuus, & interruptis compotationibus, quæ maximè ventriculi focum & calorem frangunt; nisi aliæ causæ accesserint, quæ vini potum suadeant præsentaneum, vt ad refocillandas reuocandasque vires. Atque in assuetis prandendi cœnandique temporibus id obseruandum, vt non statim in ipso mensæ introitu pitissimus sorbeamusque vinum potissimum meracum, sed alimentis solidioribus permisceamus; illud enim solum, appetitum tollit, & citissimè satietatem infert: sed etiam crudos in ventriculo stabulantes succos præcipitat, & in alias partes deducit, vnde arthritides Galeno, cruditatesque contingunt. Si itaque Vinum non repressum & suo correctiuo frænatum, copiâ immodicum, quauis horâ, & præpostere, vt solent helluones & temulenti homines assumatur, grauissimam illam noxam infert, quæ Hippocrati *de intern. affect. μεθύσις*, ebrietas, οἶνος φλυγὴ vinolentia, *κραίσις*, crapula, temulentia, helucus, veterenus appellatur, multorum morborum parens & author, qui à vini assumptam qualitate quàm quantitate excitantur. Qualitate enim suâ calidâ ad fumositates & ἀναθυμίασιν paratissimâ, cerebrum vaporibus implet, animique sedem peruertit & veluti circumagit. Hinc imaginationis, memoriæ, rationis, illa in ebriosis deprauatio, furor, audacia, contemptus omnium, aucto & feruente circa cor sanguine. Ebrietas animi mores detegit, qui à temperie pendent, arcana elicit non aduertente ratione quæ celari debebant; vertigines inducit, vt omnia rotari videantur ob circumactionem spiritus interioris; visionem eodem modo deprauans, ac ferè omnia duplicia ostentans, sermonisque & linguæ impotentiam inducens, & fluxiones concitans. Quantitate verò suâ replet distenditque vasa, apoplexiæ, cari, suffocationis periculum ex repletionem infert, & calorem natium oppressum tantâ vini mole extinguit, quæ admodum oleum in lucernam confertim aut nimîâ copiâ immissum, flammam quam augere solet, suffocat; temporisque

temporisque successu ac morâ totum corpus debilitat & enervat, morbosque ex refrigeratione inducit, tam crudorum succorum generatione, fluxionumque è cerebro irritatione, quàm exsiccatione & consumptione caloris nostri natiui.

Ebrietatis autem tres gradus faciunt. Primus est quo tantùm ex spiritibus & sanguine aucto, hilaritas quædam inducitur, nullâ functionum animalium noxâ. Secundus, quo iam mens sibi non constare videtur, sed imaginationis depravatione, multa agere & dicere præter morem, motusque animalis, & sensuum peruersio contingit: Tertius, quando abolitio potius quàm depravatio functionum contingit, nausea, vomitus, dolor capitis immensus, somnolentia grauissima, & grauitas ac torpor, quo veluti sepulti iacent. Hæc vera est crapula ab eo dicta, ut inquit Galenus, quod *καρπον πάσχει*, caput concutit, mentisque sedem percellit. Aliquando sine periculo, ut in vaporosâ tantùm effumatione ad cerebrum, quæ certo quodam tempore discutitur; aliquando cum periculo & certissimâ morte; quando ex repletione distentis vasis, repleto cerebro, nervisque imbutis, apoplexiam repentinam, carum, aut conuulsionem inducit, quæ obmutescentiâ quadam & *ἀφασία* innotescente, malæ sunt Hippocrati, ut nos postea dicemus, si prius de voce & eius priuatione generatim disseruerimus.

Dædaleam vocis sermonisque fabricam explicaturi, noxasque quæ illis contingunt, id in primis repetendum ex Galeno *libris de usu partium*; naturam vniuersitatis reatricem, ita ritè omnia in nobis comparasse, ut nihil otiosum in hoc microcosmo esse voluerit, & cum per pauciora aliquid perficere potuit, nusquam id per plura agere molita est. Nam cum calidum illud innatum, quasi vitalis scintilla in corde residens, non nisi ventilatione quadam, refrigeratione, nouo pabulo, & fumidorum excrementorum depulsione, quæ in illa coctione generantur, foueri conservarique posset; Totam etiam illa corporis fabricam ita instituit, ut ex continuo inspirato aëre, cordis flamma nutriretur temperareturque, non confertim appellente, sed per vias & canales ita præparato, refracto, & attenuato, ut iam commodè in cor appellere possit. Expirato autem & emisso, fuliginosis illis vaporibus qui in omni coctione generantur, liberaretur. Verum patet hæc magna naturæ solertia, quod enim iam cordi inutile & noxium erat, dum excluditur emittiturque, in usus præstantissimos aut potius diuinos conuertitur, in vocalem scilicet materiam facessit, sermoni deinde famulaturam, qui mentis nostræ & rationis character dicitur.

Ut enim omnis sonus ex aëris collisione contractioneque inter solida corpora editur; Sic vox sonus est non quiuis in animante, (sunt enim alij soni, ut in ventre ructus, crepitus, rugitus, borborygmi, & similes, tussis, stertor, gargarizatio, ploratus, sternutamenta) sed qui per vocalia & modulatoria instrumenta editur. Eum igitur habere oportet aërem pro subiecto & materiâ sine quâ edi non potest. Est enim, ut inquit Hippocrates, *τὸ πνεῦμα τὸ φθεγγόμενον*, aër siue spiritus vocalis, *libro de carnibus*. Quæcunque igitur materiam hanc continent, alliciunt, & eliciunt, quæcunque velut canales exitum introitumque præbent, quæcumque percutiunt & refrangunt prorumpentem illum aërem, quæ denique partes vim subministrant hisce ad motus illos edendos, eæ omnes ad vocem edendam, earumque natua & bonâ constitutio requiritur. Thorax igitur, pulmones, fauces, larynx seu guttur, epiglottis, aspera arteria, erunt instrumenta propria, thorax per suos musculos dilatatus secumque pulmones adducens, aërem trahit, compressus verò pellit, & à pulmonibus excutit. Id si leuiter & moderatè fiat, exspiratio & inspiratio contingit, labentè sensim aëre per arteriam, quod ad vocem minimè sufficit; ad quam non solum aëris emissio, sed *ἐκφύσησις*, exsufflatio requiritur, & coacta expulsio per cannam pulmonum, ideò membranosa, cartilaginosaque substantiâ constantem, ut neque nimis duriter, neque molliter nimis & laxè aërem elideret, sed strepitum illum ederet, qui ad superiorem eius partem, quâ larynx est prorsus cartilagineus, musculisque propriis variè contractus diductusque, varias vocis differentias ederet. Huius rimæ epiglottis, ligula dicta, superiacet, tanquam plectrum, ad modulandam, varioque impulsu permutandam vocem. Post hanc sequitur lingua, non vocis simpliciter, sed sermonis seu articulatae vocis instrumentum, cui famulantur gurgulio, palatum, labra, nares, dentes, & cæteræ partes, quæ in hoc naturali veluti fornice, efficiunt soni illius repetitionem & echo. Caput enim, inquit Hippocrates *lib. de carnibus*, resonare facit per reflexionem illam siue refractionem; vnde lingua variâ suâ agitatione & motu, sermonis ferendi & fandi occasionem nanciscitur. Aliud enim est

vox siue φωνή, φθεγγὸς, καὶ φθεγγίς; aliud αὐδὴ & διαλεκτὸς, loquela siue sermo; aliaque sunt vocalia, alia verò sermocinalia instrumenta, quæ se ita consequuntur, ut inspiratio primùm præcedat, deinde expiratio non simplex, sed cum exsufflatione per contentionem & motum thoracis, suorumque musculorum, diaphragmatis, atque abdominis: Hæc ἐκφύσησις, exsufflatio strepens, in cannam illabens, variè que collisa strepit, dein per rimam illius exiens, & à laryngis musculis, superiectaque epiglottide percussa & variè agitata, vocem propriè dictam edit; Cui succedens actio linguæ, sermonem edit, loquitur, & variâ impulsione aëris, vocabula intentionaliter significantia, pro linguarum varietate & diuersitate edit. Hæc omnia cum vario motu musculorum exerceantur, qui sunt instrumenta motus arbitrarij; sequitur cerebri vim concurrere, quæ per nervos illabens, in eiusmodi musculos influat. Nerui autem variè à cerebro oriuntur, mediata scilicet, quando ab ipso proficiuntur; immediate quando à spinali medullâ; hinc verò nerui sunt tum ab ipso cerebro, tum à spinâ, à quâ oriuntur nerui omnes, qui in musculos respirationis illabuntur circa dorsi vertebrae; à cerebro autem, qui in laryngis musculos & linguæ inseruntur, ex sextâ eius coniugatione, ut Anatomes perito satis patet. Ad hoc etiam concurrunt cordis ipsius, vitalis scilicet caloris influxus, ut communis instrumenti, sine quo nullæ actiones in nobis exerceri possunt, quo actiones istæ roborantur: tum usus ipsius inspirationis ad refrigerium cordis: quo nomine antiqui Philosophi existimarunt, cor esse primum vocis instrumentum, utpote cuius causâ aër inspiraretur, & ex quo veluti ex termino, ad guttur vocalis materia procedere videbatur: Contra quos eruditè Galenus, *lib. 2. de decretis*, disputans ostendit non esse idem, inspirationem fieri propter cor, & vocem à corde fieri, quia inspiratio est materia vocis; aër enim exiliens à corde cum vaporibus illis fuliginosis, nullum deinceps alium motum à corpore recipit, sed à cerebro vim illam excipiens, per musculos thoracis expulsus, insufflatusque vocem edit. Quod satis ostendunt mactatæ pecudes, quibus exempto corde sæpe currere vociferarique contingit; compresso verò collisive cerebro aut spinali medullâ, concidunt statim, & voce priuantur.

Ex prædictis constat, expirationem, exsufflationem, efflationem strepentem, vocem, sermonem, sese ita consequi, ut expiratio & exsufflatio per thoracis motum à musculis factum, irrumpens in cannam pulmonum, lævi superficie siccaque constantem, orbiculariter cavam, ex substantiâ cartilaginosa membranosaque confectam, viaque strictiore, strepentem exsufflationem edere: quæ in gutture seu larynge per musculos mota, & percussa ab epiglottide, sonum vocalem seu vocem edat: cui lingua per suos musculos mota succedens, variè articulatur & efformatur, sermonemque profert, adiuta naribus, palato, labiis, & dentibus. His peragendis assistunt duo principia, cor nimirum, commune instrumentum omnium actionum, suppeditans influxum caloris innati; cerebrum verò peculiare, nimirum vim animalem motricem, quæ in musculos illos influit, tum à sextâ cerebri coniugatione, tum à nervis ex spinâ ipsâ orientibus. Instrumenta igitur vocis talia sunt, talis materia vocalis, per quam vox articulata & inarticulata efformatur. Finis verò in homine est potissimum sermo ipse, qui manus mentis dicitur, & sine quo vita hæc politica constare non poterat: in reliquis animantibus est, ut cantus edant, variosque animi motus & passionem prodant.

Quod ad vocis differentias attinet, variæ recensentur, magna, parva, acuta, gravis, aspera, lenis, rauca, clangosa, tremula, constans, alta, submissa, & similes; ex quibus omnibus varios tonos Musici constituerunt, & ex dissonantiis consonantias harmoniasque sunt fabricati: Harum omnium causæ tum ad aëris ipsius exsufflationem variam, tum organorum dispositionem sunt referendæ. Ut vocis magnæ causa, est aëris copia confertim efflati per latas arteriæ gutturisque vias: acutæ, aër per angustam viam delatus, & vi incitatus: asperæ, ipsius arteriæ inæqualitas ex siccitate nimia aut humiditate illabente, quæ raucam propriè efficit. Sed has naturales vocis differentias non est nobis propositum persequi, quæ facillè innotescunt ex instrumentorum ipsorum dispositione, & variâ actione, quæ de vocis & loquela ipsius læsione, læsisque partibus dignoscendis, sunt à nobis deinceps dicenda.

Est autem id in primis sciendum, quod in Pathologiâ nostrâ docuimus, morborum alios sympathicos, alios verò idiopathicos, quorum hi propriè, essentialiter, & dispoſitiue, ut ita loquar, constitutionem ipsam instrumentorum alicui actioni edendæ

edendæ dicatorum peruertunt & occupant : illi verò actionem quidem lædunt, sed in instrumentis secundum *Compartimēto* eorum *scilicet* non sunt ; verum ob facultatis alicuius negatæ , quæ à principio per suos canales influere solebat , priuationem , aut materiæ communis vel propriæ abnegationem , fit vt non minus instrumentalis actio lædatur , quàm affectis primariò ipsis instrumentis. Quod nos hîc luculenter demonstrabimus. In primis autem notandum in læsionibus istis , expirationem , exsufflationem , sufflationem strepentem , vocem & loquelam , sese ita consequi , vt primâ læsâ , reliquæ simul omnes lædantur : sublatâ enim expiratione , aut ex toto , aut ex parte , tolluntur exsufflatio , strepens efflatio , vox , & loquela , ac denique vita ipsa , propter priuationem refrigerij illius ad calorem cordis conseruandum necessarij : Vltimâ verò læsâ , reliquas minimè violari ; obmutescencia enim neque vocem , neque sufflationem , nec expirationem ipsam tollit aut viciat ; sic læsâ secundâ reliquæ tres ; læsâ terciâ reliquæ duæ ; quartâ læsâ sola vltima læditur , illâs eis quæ illas antecedunt , vt vnique facile est animaduertere.

His ita intellectis certum est , vocem & loquelam , vt actiones animales tolli , minui , aut deprauari posse , viciatis per se aut secundariò instrumentis , non solum voci & sermoni dicatis , sed etiam expirationi , exsufflationi , & strepenti efflationi. Vocis tantum priuationem vocat Hippocrates *ἀφωνία* , sermonis verò *ἀναστροφὴ* , vt videre est *lib. 3. epid.* vbi Apoplecticus iacebat non solum *ἀναστροφῆς* , sed etiam *ἀφωνίᾳ* , fari impotens , sed etiam voce captus , vnde *φωνή* , vocem , mutis ipsis & brutis animalibus tribuit , *lib. de carnibus*. Quod accuratè & diligenter in scriptis Hippocraticis est animaduertendum , contra communium interpretum morem , qui vulgò *ἀφωνίαν* , obmutescenciam vertunt , cùm vocis silentium seu priuationem significet Hippocrati , multò scilicet grauiorem affectum , & maiores ac atrociore morbos comitantem ac prænuntiantem , vt videbimus.

Vt igitur tollitur , minuitur , & deprauatur primariò per affectus in instrumentis *ἀναπνοστικαῖς* , & *φωνητικαῖς* , respiratoriis & vocalibus inhærentes : *ἀναπνοστικὰ* sunt , abdominis & thoracis muscoli , intercostales , diaphragma , pulmo , pleura ipsa , quibus morbo simili , organico , aut communi , vel pluribus eorum obsessis , fit ista læsio : *φωνητικὰ* , vocalia sunt propriè , arteria illa seu canna pulmonum , larynx tribus constans cartilaginibus , epiglottis , muscoli laryngem & epiglottida mouentes , neruique recurrentes , qui in illos inferuntur. Quibus itidem affectis primariò vox ipsa vitiatur.

Sic ex maximâ musculorum abdominis , thoracis , aut intercostalium inflammatione , vel repletione contractoriâ seu conuulsoriâ ingenti , per morborum initia , eò confertim decumbente humore : aut postea per *μετέπειτα* translato , vox tollitur , & ægri respiratione etiam cum dolorifico admodum affectu , sublatâ moriuntur. Quod innuit Hippocrates in *Coacis* , dum ait ; *Qui ex dolore sunt voce capti* , *ἀποφωνοῦνται* , *agere & cum maximo cruciatu moriuntur* ; & idem innuere videtur 1. *prorrhet.* vbi ait ; *Qua cum singultu sunt aphonia* , *πessimὰ* , ex interpretatione ipsiusmet Galeni ; ad repletionem hoc conuulsificam & dolorificam referentis. Vtque ex contractione istâ inuoluntariâ in musculis , qui non solum colligi , sed etiam laxari debent ad motus suos obeundos , sic ex exolutione & paralyfi , vt docet eleganter Galenus in *prorrhet.* eorundem musculorum munere suo amplius minimè fungentium , sed obrorpescentium , vt per refrigerationes , aut natiui caloris extinctiones maximas , fit sublatiò eiusdem respirationis : ac proinde exsufflationis , & vocis , vitæque ipsa tollitur , quæ sine respiratione diu durare non potest , vnde illud Hippocratis in *Coacis* ; *Qua cum exolutione veniunt aphonia* , *πessimὰ & mortales* ; *ἐκλυσις* enim & *ἀφωνία* eandem habent hîc hyparxin , caloris scilicet natiui extinctionem , vnde paupertas materiæ vocalis & facultatis motricis infirmitatem , vnde instrumentorum illorum ad *ἐκπύσην* , exsufflationem , atque adeò expirationem impotentia. Quod si ista vel tensio vel exolutio non omnibus his musculis , sed vel superioribus non inferioribus , dextris non sinistris ; vel non *κατόχα* , vt loquitur Hippocrates , continuè & firmiter , sed leuiter admodum hæreat , fiet imminutio tantum aut deprauatio vocis.

Ex graui item inflammatione totius thoracis , diaphragmatis , pleuræ , pulmonisve in eisdem abscessu , tuberculo , vomica , empyemate , vulnere , certissimum est vocem vel tolli , vel minui , vel deprauari. Hinc apud Hippocratem , vox illa *ἀσπνευμονική* ἢ *καρχαδής* , peripneumonica stridens & clangosa , ex constrictione mearum in pulmone , & exsiccatione ; vnde peripneumonici moriuntur , *libro de victus ratione in morbis acutis* , stertore , strangulatu , & *ἀφωνία* male multati. Hinc empyicis apud Hippocra

Hippocratem, quibus thorax pure est oppletus, vox non est λευκή, clara, sed μέλαινα, fusca & valde obscura: Vt & pleuritici τὴν τῆς φωνῆς λαμπρότητα, vocis splendorem amittunt. Quibus confossus est thorax ingenti vulnere, illi amissâ exsufflatione, inspirationem quidem & expirationem habent liberam, vitaque permanet, sed tum propter malè affectos & dissectos musculos intercostales, tum propter effluxum materiæ vocalis, silentio vocis integro occupantur. Per exigua verò vulnera minuitur tantum vox aut deprauatur.

In φωνητικοῖς item seu vocalibus instrumentis, affectiones primariæ vocem meritò tollunt & lædunt, similes, organicæ, communes; humectata nimium, exsiccata, refrigerata, aut calefacta (vt per nimias vociferationes & clamores, ex Gale. no 4. *de locis affect.* canna pulmonum, larynx, epiglottis, muscoli, aut nerui, voces sustulerunt & corruerunt: catarrhus ferinus è cerebro in guttur ad perpendiculum, fluens, sæpe vocem adimit, aut intercalarem facit. Asperior reddita interior cannæ superficies, quæ læuissima esse debet, propter humorem imbibitum, vt in tussi contingit, raucas edit voces, aliquando tollit penitus; hinc poti rauciores ieiunis, senes iunioribus, vdo cælo quàm sicco. Sic exsiccatio nimia exasperans, vt febrientibus, per æstum ambulantiibus, clangorem oppositum) infert, & vt vocem emittere non possint, sæpe efficit. Vidit Galenus *lib. i. de locis affectis*, vocem adeò vitiatam, vt pænè perderetur, refrigeratis vehementer neruis & musculis laryngis, ex adhibitis topicis refrigerantibus parti illi, quam calorificis remediis restitutâ naturali temperie, reuocauit. Tumores omnis generis phlegmonosi potissimum in larynge & musculis exterioribus, qualis est cynanche & paracynanche anginae species, non solum vocem deprauant, acutam, stridulam & trementem reddentes ex constrictione faucium, sed etiam viis impeditis, per quas fit expiratio, strangulationis metum adferunt, non minus quàm arctiora vincula gutturis, in iis qui suspendio mulctantur, & gula frangitur. Neque solum laryngis & cannæ inflammatio, sed etiam ipsius œsophagi phlegmone, comprimens tunicam cannæ, quæ cartilaginum ipsius partes extremæ Sigmoides vocatæ, coniunguntur. Quod etiam præstat, idque citissime luxatio ceruicis vertebrarum in interiorē partem, potissimum eius quæ dens appellatur Hippocrati. Solutiones item continui exsufflationem auferunt, & vocem ex vulnere in canna aut larynge impresso impediunt, tum propter partium illarum violatam συνέχειαν, tum effluxum materiæ vocalis. Quod vidit Hippocrates *lib. de carnibus*, præfecto gutture. Nerui etiam illi recurrentes, φωνασκοῖ, vocis authores, sæpe per imprudentiam à Chirurgis ipsis, exacti aut corrosi, integram ἀφωνίαν induxerunt, si ex vtraque parte id fieret; mediam verò, si ex vno tantum latere. Quod Galenus *lib. i. de locis affectis*, vidit in extirpatione χοιράδιον, id est, strumarum, quæ profundo ceruicis hærebant.

Atque hi affectus organis istis ἰδιοπαθικῶς inhærentes, voces tollunt, minuunt, & deprauant; Συμπαθικῶς verò frequentissime ex communicatâ materiâ, negatâ facultate, aut priuatione materiæ contingunt. Communicatur materia vocem impediens per fluxionem & decubitum, vt irrupens ex capite pituita in fauces confertim, nullo ibi affectu genito adhuc vocem subripere sæpe visa est illasque deprauatæ vocis attributiones Hippocrati vñtatas plurimum efficere, διασῆς, μελαίνης, βαρὺς, ἐκλειπῆς, κατὰ κλωμένης, κατὰ δάκνης, κενδεσμένης, ὀδραλεδυμένης, densæ, fulcæ, asperæ, deficientis, perfractæ, præpeditæ, exolutæ. Translato etiam ex purulento abscessu in palato, verbi gratiâ ad guttur humore, præfocantur fere ægræ & voce capiuntur. At facultas ipsa negatur animalis, quâ motus isti perficiuntur respiratorij & vocales, vel ob mentis peruersionem, vt quando mens ipsa ægrotat, neque aduertit ad ea quæ sunt agenda; Vnde Hippocrates 1. *prorrh.* ἀφωνίας cum mentis ecstasi coniunctas, pestíferas esse scribit: Vel ob affectum ipsius principij, nempe cerebri graui morbo obsessi. Sic ex concussionē cerebri per ingentia vulnera, vox statim tollitur, *Aphor 58. sect. 7.* & in Coacis, ac vt est hoc nostro Aphorismo, vbi ἀφωνία ex pessimè affecto, per ebrietates cerebro contingit, & humoris mole oppresso, qui in neruos deuolutus, conuulsionem citò mortiferam infert. Et 1. *prorrh.* Quæ cum catōcho sunt aphonix, lethales, vt grauem principij noxam designantes, quâ defungi non possunt faciliè ægrotantes. Tunc enim nullus fit influxus, neque in neruos, qui è spinali medullâ oriuntur ad musculos thoracis, neque in neruos è cerebro immediate procedentes sextæ coniugationis, ad musculos laryngis; Vnde non solum vox, sed etiam expiratio, reliquæque facultates animales tolluntur cum vitâ, si affectus perseueret: Vnde illud elegantissime dictum apud Hippocratem,

tem *lib. de victus ratione in acutis*, venarum ἀπολήψεις, interceptiones subitam vocis defectionem faciunt, si sano hoc contingat, quando facultatis illius com meatus impeditur: Quam ἀφωνίαν etiam minuere videtur Hippocrates, quando vult eam aliquando esse τρομάδη, tremulam in *prorrhet.* ex consumptione spiritus animalis vel interruptè illabentis; vel denique facultas animalis instrumentis istis negatur, non peruersâ mente, non cerebro morbis obfesso, sed solâ spinali medullâ inflammata, obstructâ, luxatâ, dissectâ, contusâ. Vidit Galenus *lib. I. de locis affectis*, cui ex ingenti in terram casu, spina contusa & inflammata fuit circa dorsi initium, is tertio die exiguum vocem emisit, iam incipiente inflammatione, quarto verò auctâ eadem omnino obmutuit, & crura simul fuere resoluta, manibus illæsis, & spiratione integrâ. Cum enim tota sub ceruice spinalis medulla esset resoluta, accidit thoraci, ut tum per septum transversum & musculos superiores qui nervos excipiunt à spinæ parte superiore in ceruicis vertebris existente, moueretur sufficienter ad expirationem; ad exsufflationem verò minimè, quia intercostalium musculorum nervi omnes erant præpediti ex affectu spinæ, quæ est in vertebris dorsi. Sic igitur negatur facultas his partibus.

Materiâ verò communi vel propriâ priuatâ, tollitur etiam & deprauatur vox. Materiam illam communem appellamus calorem influentem à corde, cum spiritu vitali, quo præsentè partes omnes recreantur, viuificantur, & munera sua exercere possunt: absente mortificantur & collabascunt. Sic per timores, trepidationes, syncopes, lipothymias, reuocato ad cor calore, respiratio, vox & loquela intercipitur, tollitur, deprauatur. Moribûdi hæctici aut phthisici, ex iam extincto calore nativo per νύκτωρ illam vniuersalem, vocem amittunt; Vnde apud Hippocratem, in diuturno morbo ἀφωνίαν mortem instantem denuntiant, vitalis caloris ablatione. Materiâ verò propria ad vocem est aer ille in pectore contentus, qui excludi debet confertim & certâ quantitate, quâ imminutâ summississimæ voces eduntur, & paulatim κατὰ μαργίνοντα contabescunt, ut loquitur Hippocrates *lib. de carnibus*, sublatâ, omnino tolluntur, ut in solutionibus continui thoracis, pulmonum, cannae, laryngis, in quibus est affectus idiopathicus, vulnus scilicet; & sympathicus, nimirum priuatio vocalis huius materiæ, quæ in illis continebatur naturalem continuitatem seruantibus. Vidit Hippocrates *lib. de carnibus*, qui sibi guttur præsecuerant penitus, viuentes quidem & respirantes, verum nullam vocem edentes, nisi quis gutturis vulnus constringeret, spiritumque effluentem contineret.

Ecce quomodo omnes affectus idiopathicos & sympathicos, ad vocis læsionem concurrentes & Medico diligenter animaduertendos, ad debitam diagnosin, prognosin, & therapiam, ac difficillimorum in Hippocrate cõtextuum explicationem, sumus persecuti. Qui omnes etiam loquelam, ἡυδὲ καὶ διάλεκτον, sermonemque tollunt, ut qui sine vocis operâ, nullo modo edi possit. Itaque sermo læditur, & vera ἀναυδία introducit, per affectus istos tam idiopathicos & sympathicos instrumentorum ἀναπνευστικῶν καὶ φωνητικῶν. Verum quia ab iis distincta sunt instrumenta dialectica, fit sæpissimè ut nullo existente impedimento in respiratione, exsufflatione, aut voce, tollatur aut vitietur ipsa loquela, ex affectibus peculiaribus his organis inhærentibus. Quæ organa sunt præcipua, lingua & eius musculi nouem, nervos ex septimâ coniugatione recipientes; adiuantia, palatum, nares, dentes, & labra; lingua enim, ut ait Hippocrates *lib. de carnibus*, occurrens voci in pharynge articulatur, obstruens ac impingens ad palatum & dentes; Si enim lingua non sic impingeret, non posset homo distinctè loqui, sed esset cum aliis animantibus μονόφωνος, ut in mutis à natiuitate apparet. Hæc vel ab ortu, vel post ortum à morbis affecta per protopathiam sermonem & dialecton corrumpunt. Lingua enim cum moueri debeat à suis nouem musculis ad percutiendam & articulandam vocem, si illi inflammatione, tumore, vulnere teneantur, aut eorum nervi ex septimâ coniugatione, impossibile est, linguam moueri & fari: Si ea verò ipsa afficiatur eisdem affectibus, non poterit moueri, aut malè. Sic batrachio detenta lingua obmutescit, nec agitari commodè potest; quæ est vera ἀναυδία, fandi impotentia integra aut imminuta. Sic citas nimia & humectatio idem sæpe præstiterunt per febres & conuulsiones, unde non solum ἀφωνίαι, vocis priuationes, sed etiam ἀναυδίας, malæ sunt Hippocrati per istos affectus, quamuis minùs, ut in *Coacis*, Ἀναυδίη ἐν τοῖσι ζῶασμοῖσιν, ὅτι πολλὸν κακόν. Et, Αἱ ἐν πυρετοῖσιν ἀναυδίας κακώτερες. At loquelæ deprauatio triplex est, τροχολόγη βλαῖστις, quando certæ quædâ litteræ difficulter pronuntiantur, & in aliam commutantur, ut R. in L. ψελλότης, balbuties, quando syllabæ aut litteræ quædam omittuntur.

tur nec proferuntur, *μολιᾶ* hæsitantia, quando in medio subsistit lingua; nec syllabas connectere potest continuatò. Quæ omnia proficiscuntur à linguæ malâ conformatione naturali, & partium adiuuantium, vel morbosa; sic lingua breuior ex conformatione aut siccitate nimîa per febres, vt primores dentes attingere non possit, vel vinculo inferiore retenta, vel ipsi dentes malè positi, aut sublati, vel palatum, ad quod fit reflexio linguæ, demissius, impediunt ne certæ litteræ proferri possint, vt T. quod pronuntiatur, dum hæret lingua primis dentibus. R. dum reflectitur ad palatum. Labra cæsa, curta, aut malè conformata, non comprimuntur ad proferenda M.B. & similia. Vnde Hebræi suas ita litteras partiuntur, vt quædam sint gutturis, quædam labiorum, quædam dentium, quædam palati, quædam linguæ potissimum. At balbuties ex humectatione potissimum linguæ maximâ procedunt: Vnde apud Hippocratem *Aphor. 3. 6. sect. 6.* Balbi longo alui profluuiò corripuntur: Sic pueri, ebrij, paralytici balbè loquuntur, quia lingua firma non est ad percussionem illam & articulationem: Ex quibus etiam causis hæret, sed maioribus. Palatum, nares, dentes, & labra itidem concurrunt, vt diximus. Quibus corrosus aut perforatus est palatum ex lue Venereâ, qui non habent conuexum, vt *Φοξοὶ*, quibus nares sunt obturatæ polypo, dentes malè positi aut sublati, labra fissa aut decurtata, ij malè loquuntur & deprauatè, ex affectibus primariò locutionis organis inhærentibus. Qui etiam aliquando non quatenus loquelam lædunt, sed quatenus vias per quas aër infertur & effertur, replent, expirationem, exsufflationem, vocemque auferunt, & sæpe mortis periculum inferunt. Atque hæc de *ἀφωνία* & *ἀνασθία*, tanquam insignibus admodum symptomatis, sint à nobis paradigmatis instar, enarrata fusiùs, vt vnicuique deinceps liceat in aliis eodem modo exerceri. Nunc verò istis ita de ebrietate atque *ἀφωνία* à nobis explicatis, facile erit Aphorismi nostri abstrusissimum alioqui sensum elicere.

Si quandoque enim per ingluuiem & generosorum vinorum haustum immodicum contingat (vt sæpe contingit apud Græcos græcari solitos) quosdam etiam bene sanos, ad eam temulentia & ebrietatis speciem deuenire, quæ *ἰσχάτη*, vltima dicitur Hippocrati *πρὸς ὑπερβολὴν, lib. 3. de diatâ*, ita vt non solum ex *ἀναθυμίασι* & effumatione, cerebrum vaporibus repleatur, sed repentino illapsu crudioris succi, vini tenuitate tanquam vehiculo illuc delati, distendatur, venæque, arteriæ ac nerui opprimantur, fit statim interceptio comæatus animalis spiritus & facultatis ad omnes partes, quæ voluntario motu agitantur: vnde non solum vox & loquela tolluntur, sed etiam omnis animalitas, vt ita loquar, concidit, potissimum respiratio præpeditur, ad vitam vsque adeò necessaria, vt sine auræ illius vitalis inspiratione & expiratione liberâ diu durare non possit.

Hippocrates tamen noster non solum in hoc Aphorismo, sed plerisque aliis locis, vnus vocis priuatione repentinâ, tanquam actionis κατ' ἐξοχὴν animalis, omnium aliarum sublationem, & principij summam læsionem designare est solitus, vt annotat eleganter Galenus. In 1. verò *prorrhet.* animaduertit potius ad ipsam respirationem læsam, dum ait; *Spiritus in aphoniâ, veluti his qui strangulantur, promptus & elatus, malum.*

Qui igitur ebrius ita concidit repentinè voce captus, is certè non ob proprium aut primarium affectum in organis anapnisticis, vocalibus, aut dialecticis existentem, talia patitur. Non enim in illis ita repentinè generantur grauissimi illi morbi vocem *ἐξαίφνης* tollentes. Non etiam negata est materiâ communis, calor scilicet influens è corde, vegetas adhuc atque etiamnum auctus vini potatione. Non propria, aër scilicet materia vocalis, qui continetur in thorace & gutture integris & bene continuis. Neceffe est igitur negatam esse facultatem quæ ad motum musculorum à principio, nimirum cerebro influit, atque interceptam vel in ipso cerebro ex repletionem illâ ingenti, vel in spinali medullâ, vel in ipsis neruis ab vtroque exorientibus. Sed non esse tantum in spinali medullâ aut neruis, hinc patet, quod actiones principes conciderunt in solo cerebro exerceri solitæ. Neceffe est igitur affectionem ipsam in cerebro consistere: vt eleganter hæc nostra sententia videtur confirmari *Aphorismo 5. 1. sectionis 6.* Quicunque, inquit, *sani dolore capitis repentinè capiuntur, & statim voce priuantur, ac stertunt, in septem diebus pereunt, nisi eos febris apprehenderit.* Quod manifestè ostendit affectus istos in ipso cerebro consistere, quandoquidem Hippocrates per *ὀδυνὰς*, dolores, quoscunque morbos solitus est designare.

Quæ igitur erit hæc affectio in cerebro consistens, per quam voce priuantur

ægri & conuelluntur? Quidam existimant esse apoplexiam, quidam catochen, alij verò carum, quibus nos assentimur. Non enim esse potest apoplexia, quia apoplexia illa vel esset debilis, vel fortis. Si fortis, nusquam: si debilis, ægrè liberarentur. At hi sæpè, ut innuit Hippocrates, defunguntur hac molestiâ, eâ horâ quâ crapulæ solui solent. Præterea apoplexiæ ad salutem desinenti paralytis succedere solet minimè mortifera: hic verò Hippocrates vult, nisi exurgant, conuulsione teneri & mori. Catoeche etiam esse non potest, siue congelatio, catalepsis vulgò dicta, in quâ respiratio seruat, & immobilitas sola cum oculorum apertione ex siccitate aut frigiditate inducitur, nisi quis hoc nomine uti velit, ut sæpe Hippocrates pro omni affectu capitis graui & periculoso. Erit igitur caros, hic affectus, sub quo lethargum latè comprehendimus, primò subsistens in cerebro, animales functiones principes lædens, & deuinctas humore isto detinens, ob cuius copiam, neruorum origines oppletis, fit interceptio animalis spiritus ad inferiora, vnde ἀφωρία subita & ἀναυδία, atque etiam respirationis læsio propter principium affectum. Quod Hippocrates lib. de victus ratione in acutis, per interceptionem venarum designat. Si malum perseuerat, illabente deinceps & influente in omnes propagines humore, conuulsionem, tetanum dictam incurrunt, & conuulsi moriuntur. Quod eleganter confirmatur ab Hippocrate nostro, in 1. prorrhæ. αἱ μὲν γὰρ ἀφωρία παρὰ μὲν αἰσθητικῶν, & illud in Coacis, ἐν τοῖσι παρὰ μὲν αἰσθητικῶν, ἀναυδία δὲ πρὸς τὸν κακὸν, &c. apud Durerum. Non igitur illi citò per carum oppressi, sed per succedentem vniuersalem conuulsionem citò è medio tolluntur, impeditâ respiratione aut sublata per contractiones istas tetanicas, quas vult Hippocrates sequenti Aphorismo, intra quatuor dies esse lethiferas. Nisi enim tanta humoris in cerebro per illas crapulas stabulantis saburra, quæ carum ingenerat grauissimum, vel à calore nativo discutatur dissipeturque, intra illud tempus quo temulentia solui solent pro variis hominum conditionibus, intra tertium scilicet diem, quod longissimum est, ut docet Hippocrates lib. 2. de morbis, vocem recuperant, τῆς γὰρ φωνῆς λυομένης, πάντα λύεται, ἢ γὰρ λύσις τῆς φθέρῃς ὁμοίη, inquit Hippocrates 2. epidemion. Vel à febre (quæ sæpissimè hic oriri solet ob oppressionem & laborem totius corporis, tantum affectum dissipare & superare omni conatu molientis) ingenti scilicet & acutâ, quæ celeriter, continenter, & vehementer moueatur, sitque par conuulsivæ causæ: aliàs enim, ut est 1. prorrhæ. lenta febris fundit, non consumit humiditates istas morbificas, & morbum auget. Vnde non solum melius est febrem conuulsioni, quàm febri conuulsionem: sed malum est conuulsionem febris, optimum verò & optandum, febrem talem conuulsioni ex repletionem contingenti superuenire, ad citam humoris morbifici resolutionem: Certissimum est, inquam, nisi à calore blando, qualis est natiuus, aut violento, qualis est febrilis, quod magis est sperandum, vinolenta illa ἐμπεχέις absorbeat, & humores discutiantur, subsecuturam conuulsionem totius corporis, ex illapsu copiosæ materie in spinalem medullam & neruos; quæ citissimam & certissimam mortem inferre solet. Concludamus igitur tandem syllogisticè, ut nobis est consuetum. Quæcumque affectiones maxima ex subitâ repletionem cerebri contingunt, omniumque functionum animalium statum peruertunt, ea sunt citò mortales, ob partis nobilitatem, & influxus facultatis animalis necessitatem, nisi aut à calore nativo, aut febrili, aut arte ἐμπεχέις illa tollatur promptissimè; At per ebrietates contingere aliquando solent carotica affectiones conuulsioni vniuersali iuncta, ex cerebri repletionem nimia, quæ natam principi parti, repletionem, ac voci inferunt. Quare erunt citò mortales, conuulsionis ipsius potissimum causâ, respirationis ac vocis libertatem tollentis: nisi aut à calore nativo, aut à febre superneniente, aut etiam arte, ingens illa plethorâ cerebri promptè minuatur. Quod fuit nobis demonstrandum.

APHORISMVS VI.

Οκόροι ὑπὸ τετάνῳ ἀλίσκονται, ἐν τέσσαρσιν ἡμέρησιν ἀπόλλυνται, ὡς ἢ ταύτας διαφύγῳσι, ὑγιέες γίνονται.

Qui tetano corripiuntur, intra quatuor dies intereunt: si verò hos superauerint, incolumes euadunt.



IVINVS Hippocrates cùm superioribus Aphorismis satis de conuulsione aliis affectionibus superueniente, vt signo, egisset, nunc de omnium grauissimâ, nimirum tetanicâ, quæ est implicatio & veluti collectio omnium aliarum conuulsionum, hoc Aphorismo agit, non quatenus significare potest tetanus in aliis morbis, sed quatenus secundum propriam naturam consideratus ex genere acutorum, & maximè lethalium morborum existit. Ita vt hic Aphorismus, non minùs quàm superiores, ad eam Medicinæ partem sit referendus, quæ *περὶ γνωστικὴ* vocatur. Et totidem verbis habetur *lib. de iudicationibus, libro item de internis affectionibus, νῆσθ' ἐστὶν χαλεπὴς* morbus est grauis, citâ curatione indigens. At *lib. 3. de morbis*, est elegantissimus contextus, quem referre hic non grauabimur, quia & descriptionem & signa, & prædictionem tetani eleganter complectitur, ad Aphorismi huius illustrationem admodum necessaria: in quibus non omnino consentire cum hac nostrâ prædictione videtur. *Tetani quando corripiunt, inquit, maxilla rigent vt ligna, & os aperire non possunt, & oculi illachrymantur ac distorquentur, & dorsum riget, & crura contrahere non possunt, similiter neque manus: facies rubicunda est ac valde dolet, cumque iam est moriturus, & potum & sorbitionem ac pituitam per nares reuomit. Hic tertiâ die, aut quintâ, aut septimâ, aut decimâ quartâ perit. Si verò has effugerit, sanus euadit.* Ecce quomodo hîc diem tetanicorum vltimum ad decimum quartum extendit, quem hîc ad quartum præfiniuit, quod nos postea declarare tentabimus. Ad Aphorismi autem huius intelligentiam reuocanda sunt in mentem, quæ de conuulsionis finitione, partibus affectis, differentiis, causis, in primum huius sectionis Aphorismum fusè sumus commentati. Vbi probabamus, conuulsionem nihil aliud esse, quàm inuoluntariam musculi ad suam originem contractionem, in motus sublatione potius quàm deprauatione positam. Quæ à duobus potissimum affectibus pendet, in neruorum propagine ac insertionem, quâ oriuntur à cerebro, aut spinali medulla, & inferuntur in musculos, subsistentibus: quorum vnus est intemperies humida cum materiâ, alter sicca sine materiâ ab exhausto. Hi affectus varias multiplicesque causas internas externasque agnoscunt, & prout varias obsident musculorum regiones, ita etiam nomina atque appellationes sortiuntur varias, & differentiam illam quâ distinguuntur à Galeno, in conuulsionem vniuersalem ac particularem: Particularis est cuiusque membri, quod arbitrario motu cietur: Vniuersalis verò triplex recensetur, *ἐμπροσώτον* scilicet, *ὀπισθώτον*, & *τέταν*. Quando enim musculi omnes, qui adducere corpus caputque ad anticam corporis regionem solent, ita obsessi sunt conuulsificâ illâ causâ, vt præter voluntatem homo vergere & contrahi ad anteriora cogatur, tunc fit *ἐμπροσώτον* ille ab Hippocrate eleganter expressus *lib. de vitiis ratione in acutis*, *Οκόται ὑπὸ τῶν τετόνων, σφόδρως ἐμπροσθεν ἀνίσταίνται*. Quando autem musculi omnes qui ceruicem cum capite ad posteriora abducunt, ita conuelluntur vt caput inuoluntariè scapulis ferè annectant, retrorsum contrahant, ac in humeros incuruent. vt loquitur Hippocrates, *5. epidem.* tunc fit *ὀπισθώτον*, conuulsionis vniuersalis secunda species, quam Cælius Aurelianus supinum raptum & posterganeum appellat. vt priorem, pronum raptum: Si verò non solum anteriores, sed etiam posteriores antagonistæ musculi, ita repleantur aut exsiccentur, vt vtrique conuulsione verâ tententur, tunc fit vt pari vtrinque & opposita contentione neque antroorsum, neque retrorsum inflectatur corpus, sed ex mixto affectu obrigescat, & recta distendatur violenter; Et hinc tetanos, conuulsio horrenda & admodum dolorifica, vt docet *Gæl comm. in Aph. 57. sect. 4* In quo non apparet motus, non contractio, sed distentio, qualis est in tonico motu, quando sese homo secundum naturâ habet. Celsus eleganter

eleganter triplicem hunc affectum sic expressit; *Non alius*, inquit, *importunior, acutiore morbus, est, quam is qui quodam rigore nervorum, modo caput scapulis, modo mentum pectori annexit, modo rectam & immobilem cervicem intendit.* In quibus vniuersalis conuulsionis tribus differentiis hoc obseruandum, earum quidem distinctionem ab intentione & retractione variâ cervicis peti, non quod cervix sola conuellatur, sed quia magis ad eius contractionis differentias respicit Medicus, cum in triplici hac vniuersali conuulsione totum corpus sit conuulsum, ut ex eo videre est, quod Hippocrates *lib. 3. de morb.* de maxillâ, oris, oculorum, dorsi, crurum, ac manuum distentione, ait in tetano: Et *ibidem* de opisthotono, vbi vult vocem esse interceptam & interruptam, cubitos incuruatos, digitos in pugnum contractos, crura retracta. Quæ omnia satis ostendunt affectus istos longè latèque in totum corpus, non in solam cervicem per istos affectus vagari: At morbi hi ingentes, qui vniuersitatem corporis obsederunt, naturamque vndiquaque opprimunt, non sine atrocitate & celeritate id faciunt, cum vel à natura citò collectis omnibus copiis fugari debeant, vel certè naturam, quod est frequentius, suamet mole citò opprimant, ob suam magnitudinem, partium obsessarum præstantiam, & sæuissimorum symptomatum conuoluantium calamitatem, cum quibus iuncta est præcipuarum corporis actionum ruina.

Quod Hippocrates noster in peculiari hoc Aphorismo, de tetanica conuulsione, sub quâ alias etiam duas audit vniuersales, eleganter tradidit & expressit, dum tetanum non solum inter acutos morbos simpliciter, qui ad decimumquartum, vsque diem extenduntur, quod facere visus est *lib. 3. de morbu;* sed inter perperacutos reponit, qui quarto ad summum die finiuntur. Ut enim omnium rerum, sic etiam morborum certæ periodi, & tempora, quæ pro motu celeri, aut tardo, breui aut longo, morborum etiam differentias breuium, longorum, acutorum & tardorum constituerunt. Hæ cum ad curationes prædictionesque morborum valde sint necessariæ, & sine his Aphorismi nostri intelligentia vix haberi possit, ideo priusquam ad illius *ἀνὰ δέξιν* veniamus, non erit inutile per *διέξοδον* explicare, quid sit morbus magnus & parvus, longus & brevis, acutus, & tardus, ut congeneres valde differentias, quarum aliæ intensiorem & remissionem, aliæ durationem morbi respiciunt.

Ut igitur aliud est morborum genera, aliud differentias consuetari, quod in Pathologia docuimus; sic certissimum est oppositas istas differentias, ex contrariarum oppositione magis innotescere, ideo simul videntur explicandæ. Atque ut à magno morbo incipiamus, illum dupliciter explicasse videtur Galenus *libro quidem quarto methodi, cap. 6.* dum vult, morbum magnum dici, vel ratione partis, vel propriæ essentiae, vel quia cacoëthe, symptomatum videlicet vehementiâ commitatum; quod rectè dictum videretur, tam ex parte efficientium, suscipientium, quam effectorum: Certum enim est, ut morbus est dispositio contra naturam in partibus corporis nostri inhærens, actionemque illarum lædens, & alia inducens symptomata; sic etiam morbum illum dici debere magnum, vel potius intensum, (si propriè loqui velis, & qualitatis naturam respicias, sub quâ continetur morbus) qui & ratione suscipientis, partis scilicet affectæ principis, aut ad vitam necessariæ quam obsidet, cuiusque constitutionem naturalem violat; & ratione efficientium, causarum scilicet morbificarum copiâ aut qualitate, robur naturæ expugnantium, ac contrariam dispositionem inducentium, augmentum atque fouentium, ad quam sequuntur deinde varia & omnigena symptomata pro naturâ causæ, partis affectæ, & affectus; certissimum est, inquam, morbum triplici hoc respectu magnum dici debere. Quod autem Galenus *libri de totius morbi temporibus capite quinto*, vult morbum magnum esse, vel quando vires nostras superat, vel quando propria substantia magnus est, in idem penè recidit. Vires enim nostras superat morbus, quando partis publicæ œconomiam insigniter violat ac peruertit, non leuiter tantum, (aliàs enim Ephemera febris, quæ in corde est, aut leuis hepatis intemperies, magnus morbus esset ridiculè dicendus) ac grauiam inducit symptomata: propter causarum efficientium, suscipientium, suæque propriæ geneseos magnitudinem. Hinc non ineleganter à veteribus *μεγάλη καὶ ἰσχυρὴ* dicebatur Epilepsia, quæ & partis affectæ præstantiâ, corporis nimirum arce, & copia, assiduitate, ac feritate causæ efficientis, tam horrenda veteribus excitabat symptomata, ut illorum conspectu comitia solemniter conuocata, quasi omine quodam malo perterrita soluerentur.

Vt igitur ex causis morbum efficientibus, materiali nimirum subiecto, atque formali, propriâ scilicet dispositione, effectorumque vehementiâ, magnitudinem morbi coniiciunt Medici; sic paruitatem ex contrariis dispositionibus describere licet, quæ si simul iunctæ sint, valde paruum efficiunt; si vna aut duæ adsunt tantum, minus paruum: vt magni eadem sit ratio, in intensiōe illarum causarum, ac coniunctione, vt parui in illarum remissione ac exclusione.

Verum siue magnus, siue paruus sit morbus, is vel parum vel diu durat, celeriter aut tardè mouetur, suâque percurrit tempora, vnde illæ differentiæ, longi & breuis, acuti & tardi. Sic epilepsia, elephantiasis, lues Venerea, arthritis, magni morbi & longi, quorum vt *γίνας* ex diuturnâ pendet temperamenti innati, & partium in nobis principum labefactione; sic eorum decursus pertinax est ex causarum efficientium, fouentium, augmentum, perenni constantiâ, quæ sæpissimè non annorum numero, sed vitæ tantum ipsius priuatione, ac subiecti sui interitu delentur. Parui verò & longi sunt quidem in causarum suarum constantiâ quadam positi, sed non indelebili, neque vitæ nostræ ob partis obsessæ præstantiam, propriam suam essentiam, aut symptomatum vehementiam imminēt, sed *αἴτια* sunt potius, vt loquitur Hippocrates *lib. de affect. incommoda & turpitudines*, quàm vera *νοσήματα*; tales sunt scabies, prurigines, aut vitiliginēs diuturnæ, cæteraque in cute efflorescentia, naturâ iam diu assuetâ deponere ac amandare cacochymia suæ magnam portionem ad exteriora & supremam cutem.

At parui & breues sim ul, vt neque adiunctam habent magnitudinem, neque vehementiam, & celeritatem, sed tarditatem potius in motu; sic etiam pathemata quædam potius apparent, quàm veræ dispositiones factæ, in fugaci & momentaneâ quadam materiâ positi, putâ spiritu, flatu aut vapore, quæ & citissimè resoluuntur, & ob leuitatem suam, nulla relinquunt impressionis suæ vestigia, sed mox cum suæ causæ sublatione, suâ sponte mitescunt, & quem inuenerant constitutionis nativæ statum, talem relinquentes, blandè ac repenti desinunt, atque vt vult Galenus 3 *de crisi- bus*, de ratione brevis est, & citò terminari, & citra periculum, tales sunt ephemera febris, cephalgia leuior, &c.

Verum magni simul & breues, celeres scilicet ac vehementes cum magnitudine, quos Hippocrates vocauit *Aphor. 7. & 6. sect. 1. ἄκρα καὶ καλοῖτα* extremos ac celeres morbos, summos statim labores habentes, sunt illi qui à nobis acuti appellantur, quorum natura maximè tenenda est Medico, vt in quorum curatione ac prædictione tota sit Medicinæ vis & gloriâ posita: Hæc autem acuties in morbis stat in velocitate motus, sicut tarditas in eiusdem lentitiâ; ita vt brevis nō differat ab acuto, duratione, sed violentiâ & impetū, quandoquidem non omnis brevis, acutus, sed omnis acutus verè dictus, brevis est, vt habetur *lib. 3. de dieb. decretoriis, cap. ult. & 2. cap. 12. Quem* admodum Aristoteli velox motus est, qui tempore æquali maius spatium pertransit, vel in minori æquale vel maius, ita vt primò & per se breuitas & longitudo temporis, celeritas & tarditas motum respiciant: ob quam motus velocitatem, cui continuitas statim adiuncta est, vt statuit Galenus *Aphor. 7. sect. 1. & 3. prognost. morbi acuti periculosi* habentur Archigeni, *lib. 3. de dieb. decret.* Cum enim nihil violentum sit durabile, natura nostra nullis recreata induciis seipsam erigit, summoque conatu morbum vitæ imminentem excludere nititur, aut eo frustrata plurimum occumbit; hinc cita mors venit aut victoria læta. Acuti igitur isti morbi, vt celeriter, continenter, & cum periculo mouentur *comment. in lib. de victus rat. in acut.* sic etiam agnoscunt causam morbificam celerem, violentam, mordacitatem, tenuitatem, orgasmo, ac feritate quadam præditam, quod Hippocrates vocauit turgere, ad qualitatem potius quàm quantitatem respiciens. Hæc materia bilis est, aut sanguis putrefactus bilefcens, aut atra bilis, ex quouis humore combusto accensa, quæ seipsam propagans, totâque humorum massam inficiens, efficit vt tres causæ funestæ in acutis morbis habeantur, phlegmatis, scilicet maximæ inflammationes per *ἰνφύεσιν*, & propagationem causæ morbificæ agentis introductæ; vnde febris continua semper acutos morbos comitatur, *Aphor. 7. sect. 1. & comm. in 3. Prognost. μεταστώσις* seu translatio symptomatrica humoris istius furentis & multi ab vnâ parte in aliam derepentè: atque venenata cacochymia, ex quâ erumpente circa cor perpetuo vapore maligno, fit caloris nativi *φθορά*, & omnimoda suffocatio. Atque humor iste vel vagus est, hac illac per maiora vasa discurrens, vt in causo, synocho, & aliis primariis febribus continuis; vel certo loco potissimum conclusus, inflammationes illas erysipelatosas interiorum partium

partium pariens, pleuritidem, hepatidem, peripneumoniam, phrenitidem, & similes à locis ipsis nuncupatas, in quibus humor iste systrophicè collectus, vrentes illas seu lipurias febres concitat.

Non igitur humor frigidus, crassus, lentus, acutos istos morbos ingenerat, si illius naturam spectes; sed longos potius tardosque: fit tamen aliquando, ut non humoris ipsius ratione, sed loci ab eiusmodi humore obsessi, morbi magni simul & acuti contingant. Ob quam causam existimo ego, Galenum *commentario primo in sextum Epidem. & libro secundo methodi cap. tertio* definiisse, acutum morbum, qui propria tempora usque ad finem velociter & cum periculo pertransit, nullà habità mentione febris assiduæ. Atque in *Aphorismo vigesimo nono sectionis secunde*, idè apoplexiam, conuulsionem tetanicam à repletionem, *Aphorismo sexto sectionis quinta*, morbos acutos vocavit. ὀξέως ὀλεθρίους, acutè perniciosos. Quamvis enim morbi isti, si naturam humoris spectes, longi potius esse deberent, quàm acuti; ratione tamen loci affecti, & actionis ad vitam necessariæ, respirationis nimirum priuatione, citissima mors atque horrenda infertur. Plurimum tamen acuti morbi ab humore furente & inflammante accensi, comitem habent febrem, siue ille humor sit vagus, siue certo loco conclusus.

Acuti ergo morbi, celeres, vehementes, & periculosi, breues etiam sunt, ac pro breuitatis maioris aut minoris varietate etiam diuersi; vnde varia illa nomina, acutus, peracutus, perperacutus, acutus adauctus, acutus ex conuersione, & acutus ex decidentia, à nobis inprimis explicanda. Cum enim motus naturæ & humorum certis ephodis atque periodis contineri animaduersum sit, quaternariis scilicet & septenariis; ut *libro de diebus decretoriis* fusè admodum explicatur, in quibus morbo contra naturam violenter agente, citissimæ mutationes ad mortem vel salutem fiunt: sic etiam acuti morbi simpliciter sic dicti, duobus dierum septenariis iudicantur, ut est *Aphorismo vigesimo tertio sectionis secunde*, & in *Coacis* apertius, *Eorum qui ardentè febricitant, decessiōnem faciunt quatuordecim dies ad interitum aut salutem*. Ut duæ hebdomadæ completæ, aut quatuor quaternarij, per *Κυάφια* computati, sint terminus acutorum, ὀξέων, simpliciter sic dictorum. At si maior fuerit tum morbi, tum naturæ impetus, ex perpetuâ & violentâ irritatione, ut primo septenario illorum certamen sit in procinctu, atque absoluator, nascuntur καλὸξέως νέκτοι, peracuti Latinis dicti, qui primâ septimanâ decernunt, in quibus Hippocrates *Aphorismo septimo sectionis prima* vult, extremos statim labores adesse, & longè tenuissimo victu esse vtendum. Et Galenus peracutum in *commentario illo* diuidit, in non exactè peracutum, qui septimo die à nobis dictus est terminari; & exactè peracutum, qui ad quartum usque tantum diem peruenit, quem Barbari nostri significantissimo vocabulo expresserunt, perperacutum appellantes: Cuius idea est in tetano illo, quo correptos in quatuor diebus perire statuit Hippocrates, *Aphorismo sexto sectionis quinta*, aut si hos effugerint, sanari. Et melius adhuc in angina illa, quam describit Hippocrates in *Coacis*: *Ea, inquit, angina, qua nec in cernice, nec in faucibus manifestum quid exhibet, sed fortem strangulatum & dyspnæam infert, eodem ipso die, aut tercio saltem die interimit*? Ut enim apoplexia intercepto motu; syncope sublato spirandi usu; sic angina per ἐμφραξιν musculorum laryngis, & στεγνώσιν obstructi meatus spirabilis, citissimam infert suffocationem, nisi fortè per μελάσιν humoris à faucibus in pulmones proruentis, mutetur in peripneumoniam, quæ intra septimum diem mortifera esse solet.

Atque hi sunt perperacuti, peracuti, & acuti propriè dicti morbi, à quibus si iam celeritas & vehementia quodammodo recedant, ex minori causæ morbificæ irritatione, in quam natura non ita intenta vel coctioni studens, vel ἡμικρότως tantum, mediatas crises intentat, longiori temporis spatio cum morbo languidiore decertans; fiunt acuti illi adaucti, ad quorum iudicationem tertius septenarius, ad vigesimum scilicet, aut vigesimum primum diem requiritur. Quod si adhuc minor sit impetus, tunc fiunt illa νησμήματα ὀξέα κωλύόμενα τε καὶ βραδέως κινέμενα, morbi quasi fræno cohibiti, nec laxis habenis ad suum terminum properantes, qui per μετάρησιν, conuersionem & decidentiam acuti vocantur, & ad quadragesimum usque diem excurrunt, de quibus Hippocrates in *Prognost.* Spirandi facilitas maximam vim ad salutem habere existimanda est in omnibus morbis acutis, quibus febris copulatur, quique quadraginta diebus terminantur.

Quod verò in *Epidemiis*, modò quadragesimum, nunc sexagesimum, tandem etiam criticorum dierum supremum constituit centesimum vigesimum; id ideò factum est, quia ortum considerauit morbi acuti, qui ex variis conuersionibus & ἀπο-
επιστροφαις, recidiuis, modò ad quadragesimum, modò ad sexagesimum, nunc ad centesimum & vigesimum vsque peruenit; vbi iam mensum quaternarius exurgit, qui morbos longos iudicare incipit. Et vt est apud eundem; morbi alij dierum numero, alij mensum, alij annorum solui dicuntur, in triplici illâ computatione per quaternarios septenariosque dierum, mensum, annorumque numerando. In longis enim his morbis, quasi datis induciis cùm natura parùm insurgat, oportet expulsionem morbi fieri à contrariis causis externis, mutatione ætatis, temporum contrariâ dispositione, locorum & victuum ratione immutatâ. Sic Hippocrates in *Epidem.* in longis morbis soli mutationem in contrarium suadet; Et epilepsiam, quæ puerilis morbus dicitur, si vigesimoquinto anno non desinat, per calidioris ficciorisque ætatis ἐκλαμψω, incurabilem putat, *Aphorismo vigesimoquinto sectionis secunda.* Ac diuinè illud dictum est, *Aphorismo vigesimo octavo sectionis tertia.* *Plurimi morbi iudicantur, nonnulli quidem in quadraginta diebus, nonnulli in septem mensibus, nonnulli verò in annis septem, quidam verò iam ad pubertatem accedentibus. Quibus verò permanserint, neque pueris in pubertate finierint, aut fæminis cùm menstrua erumpunt, consensescere consueuerunt, perpetui fiunt vitæ comites, ac senectutis flagella.* Hæc enim tota periodorum in quibusuis morbis ratio posita est in causarum tam efficientium quàm conseruantium contrarietate: in morbis enim causa est salubris, non solum contraria aëris temperies superueniens, quæ fit septimo mense, vt si quis mense Decembris correptus sit, hic sanetur Iunio; Sic etiam ætatis, victus, locique contraria ratio, in quibus mutationes illæ contingunt; vt morbi longi mensum, annorum, ætatum numero potissimum computentur, vt acuti dierum ac septimanarum.

Sed de morbo magno & paruo, breui & longo, acuto & tardo, variisque illorum periodis hætenus. Nunc tempus est redire ad Aphorismi nostri ἐξήγησιν, & aphoristicæ veritatis causas. Certum enim est tetanum, vt & omnem vniuersalem conuulsionem, siue illa ab exhausto, (quod periculosiores adhuc facit) siue à repletionem fiat, magnum esse morbum, non paruum, ex causæ efficientis & morbificæ magnitudine, ex suscipientis partis, neruorum scilicet præstantiâ, exquisito sensu, & longâ per totum corpus expansione, non illæso omnino cerebro, & symptomatum grauissimorum concursu, dolore potissimum acerbissimo & atrocissimo, ex distractis violenter neruis, ac coactis partibus; Item respirationis læsione, quâ diu vita carere non potest; maxillarum luxatione, vt est in Coacis, forti scilicet contractione, quâ & spiritui, cibo ac potui via præcluditur. In tam vehementi igitur & continuâ naturæ nostræ expugnatione, & hostili irruptione, fieri non potest vt diuturnus sit conflictus, sed naturam vires suas omnes colligentem, vel citò vincere, vel citò sterni. Tantus enim cruciatus, si respiratio fuerit valde oblata, sæpissime 20. aut 35. horis hominem tollit. Sin minus & vires vegetæ, ad primum vsque quaternarium perueniet, qui est terminus perperacutorum morborum; inter quos reponitur tetanus, non ratione causæ, quæ pituitosa est & lenta, aut exsiccatio; non ratione febris violentæ & continuæ, quæ sæpe superuenire solet, idque bonis ægri rebus, vt dicebamus superiore Aphorismo; sed ratione loci, vt dicebamus de Apoplexiâ & Epilepsiâ; & symptomatum concomitantium grauissimorum ac acutissimorum, vnde illud mortis ingens periculum. Atque hoc Aphorismo Hippocrates de tetano potissimum agit, qui ex repletionem & decubitu materiæ in neruos fit, in quo aliqua est adhuc sperabilis salus, arte aut naturæ robore comparata; Non de eo qui ex summâ exsiccatione contingit, in quo nulla fieri potest ἐπιστροφαις aut redintegratio ad naturalem statum, sed certo certius est moriendum, vt ex prægressis tribus potissimum Aphorismis innotuit.

Verùm adhuc hîc non parua subest difficultas in plethorico tetano, quomodo scilicet Hippocrates, quartum diem in hoc Aphorismo, vltimum faciat ad sanitatem & mortem; cùm libro tertio de morbis, ad decimum quartum vsque diem extendat: deinde quomodo ex tam sæuissimo morbo post quartum diem sanitas statim prælagiri possit. Certè Hippocrates in hoc Aphorismo, accuratè admodum ad perfecti tetani naturam respiciens, præfiniuit illi terminum citissimum

mum acutissimi morbi, cum quo diu vita subsistere non potest: Sed cum alij tetani sint non ita perfecti & sæui, sed paulò mitiores, qui & primam septimanam pro virium variâ conditione, atque etiam secundam attingere possunt, si adhuc fuerit remissior tetanus: idèo *libro tertio de morbis*, eruditè terminum illis omnibus tetanis præscripsit acutorum morborum simpliciter dictorum, qui ad decimumquartum vsque diem extenditur. Vt igitur sæuissimus ille tetanus ante quartum diem interficere potest, & nusquam illum prætergreditur, quin aut interficiat aut liberet; sic remissior in valentioribus viribus, ad quintum, septimum, & decimumquartum vsque peruenit, quo verè acuti morbi terminantur; Sani autem euadunt, qui in sæuissimo tetano quartum diem præterlabuntur, non ita ut perfectæ sanitati sint redintegrati, sed quia ex morbi solutione, quæ repentina esse debuit, natura victrix deinceps reliquias humoris quasi resistentem hostem facillimè est debellatura. Ad morbi autem huius solutionem, & naturam adiutandam, maximè faciunt Hippocrati *in Conciis*, febris intensissima superueniens, per labores illos & contentiones, calore suo non solum fundens, sed etiam dissipans pituitæ, aut alterius humoris crassi collectionem per sudores copiosissimos toto corpore profusos, aut insensibilem resolutionem, multò potentius agit quàm calor noster natiuus: Item *in Coacis*, *Alvus insigniter fluens, urina multa & cumulatè prorumpentes, albuminea, conuulsiones sanant.* Est enim omnino duplex omnis ratio exoluendi conuulsionem, quæ sit distentis humore frigido neruis, consumptio scilicet illius humoris, ut à calore ipso natiuo, quem Hippocrates idèo frigida largâ affusione in corpore robusto intendere nititur, *Aphorismo vigesimoprimo sectionis quinta*, & per febrem quæ prius non fuit: Vel vacuatio materiæ conuulsificæ critica per sudores copiosissimos, per perirrhœam, urinæ ingentem fluxum, translata materiâ à neruis in venas, vnde urina illa crassa esse debet, albâque, plus mucoris quàm liquoris habens; per diarrhœam, alui scilicet fluxum pituitosum, quando naturæ robore cerebrum, totus habitus, neruique materiam illam in intestina deponunt. Hæc si non contingant aut naturæ vi, aut arte, (non enim hic sperandus pepasmus & concoctio ob multitudinem humoris, & naturæ oppressæ infirmitatem, quæ vacuare non potuit) moriendum est ægro, non longiore morâ, sed quæ ad primum tantum quaternarium extenditur. Concludamus igitur, & syllogisticè tandem inferamus; Quæcunque affectiones ex copia causæ morbificæ, loci dignitate ac amplitudine, sæuissimorumque symptomatum cruciatu, continenter naturæ nostræ statum impetunt, eæ violenter & cum celeritate id agunt: vnde aut mors cito procedit, aut naturæ strenuè conflictantis victoria læta. At tetanus, conuulsio scilicet vniuersalis ex ingenti neruorum omnium repletione natus, totum ferè corpus obsidet, & sæuissimè excruciat. Quare tetanus aut citò lethum infert, intra primum scilicet quaternarium, aut superueniente humoris illius consumptione vel vacuatione soluitur, ut natura deinceps eo superior esse possit. Quod fuit demonstrandum, & ex aphoristicâ nostrâ veritate eliciendum.



IOANNIS VARANDÆI COMMENTARIUM IN TERTIVM

LIBRVM HIPPOCRATIS ΕΠΙΔΗΜΙΩΝ.

Nempe duodecim historiarum & constitutionum Pestilentium.

P R Æ F A T I O.



QUAMVIS diuini Hippocratis encomium seu elogia hodie meditari in hac potissimum scholâ (Viri ornatissimi) quæ senem illum admirandum pro Coryphæo & vero artis nostræ parente agnoscit, absurdum cuidam videri possit, & omnino ἀπορροδιόντων, ut aiunt. Quemadmodum Herculem apud Lacedæmonios olim laudaturo contigit, Ecquis enim est qui illum vituperet? statim audiuit. Attamen cum vestris suasionibus & hortatu libri grauissimi & utilissimi, ex mediâ hac Apollinari paginâ explicationem suscepimus, non defuturam nobis speramus solitam fauoris vestri & beneuolentiæ auram, in percurrendis primâ hac nostrâ exercitatione quibusdam ἀπορρογομένοις. Primò de modo seu progressu summi Hippocratis in Medicinâ stabiliendâ docendâque, ubi verum esse libri huius authorem probabimus. Secundò, de titulo seu inscriptione illius. Tertio, de subiecto & partibus seu rebus quæ hîc tractantur. Quarto, de utilitate tractationis istius, & de instituto nostro siue methodo, quam in hisce nostris exercitationibus supra tertium Epidemion sumus obseruaturi.

Ut igitur à primo exordiar: certissimum est artes omnes & scientias generi humano ad solatium misera huius vitæ diuinitus concessas, ut cætera omnia sublu-
naria suas habuisse vicissitudines, incrementa scilicet & decrementa, ortus & abortus apud varias gentes & nationum imperia. Vt si illarum quasi progressum spectes, dicere possis, ab Oriente & Meridie exortas, in Septentrionem & Occidentales plagas permeasse, ut relicto tandem hemisphærio nostro ad Brasilianos, Perusianos, Iaponas, Americanos; & alios noui orbis incolas profisciscantur. Ecquis enim nescit Indos, Bracmanas, Chaldaeos, Arabas, Iudæos, Phœnices, Ægyptios, Gymnosophistas Æthiopum, etiam testante Platone, primos fuisse & antesignanos bonarum artium & scientiarum cultores, qui nunc densissimâ ignorantia & erroris caligine opprimuntur?

Ab istis fecundissima illa & florentissima Græcia, (quæ tamen suo fatali hodie interitu sub Turcarum tyrannide opprimitur) cum præclarissima traxisset inuenta & quasi fomites omnis Philosophiæ, cognitionis, & industriæ, illa diligenter excoluit, in tantumque auxit, ut à posteris omnium illarum perfectio in Græciam tanquam parentem optimam relata fuerit.

Atque ut cætera omittam, quæ parum ad rem istam faciunt, Medicina nostra soli certè tribuenda videtur Helladi, in quâ nata, educata, & suum adepta vigo-
rem

rem est. Apollinis enim, Æsculapij, Chironis, Machaonis, Podalyrij, nuda sunt tantum nomina Græcorum hominum in medicando præstantium, quos posteritas ob benefacta illa *ἰατρικὴ*, deorum immortalium instar, arâ & thure donauit; quique sub illud inuentionis principium maximè floruerunt: at nihil quod constet scripto tradiderunt, sed ut verisimile est de manu in manum posteris, iisque Asclepiadeis tantum reliquerunt.

Successores Medici Asclepiadæi sibi tradita excoluerunt, sed paulatim, ut sub Homeri tempora Diæticem, præcipuam artis nostræ partem nondum extitisse cum Platone dubitet Galenus. Isti porro curationum Medicarum successus in Æsculapij seu Dianæ fano velut anathemata quedam appendebant: ex quibus non parum sequentium conatus inuenerunt, qui inuentis aliquid addentes, & ex particularibus generalia elicientes theorematâ, Medicinam variis quasi additamentis constituerunt, eamque Philosophiæ tanquam matri iucundissimâ coniunxerunt, sed inter priuatos & sibi familiares aut gentilitios homines.

Tandem aperta est schola Medica, & Medicina publicè doceri cœpit, primum apud Rhodios, (ut ex Galeni eruditissimis digressionibus constat.) Quâ deficiente triplex orta est factio inter Medicos, qui erant in Coo insula, in Cnido, & in eâ Italiæ parte, quam veteres magnam Græciam appellarunt. Italica Philistionem, Empedoclem, Pausaniam præstantissimos viros protulit. Cnidia librum illum apud veteres celebratissimum edidit, Cnidiarum sententiarum dictum, quarum aliquot fragmenta apud Rufum veterem authorem adhuc legere est. Et liber de victus ratione in morbis acutis à quibusdam aduersus Cnidias sententias inscribitur.

Coo autem schola omnium præstantissima, ut Asclepiadarum numerum produxit innumerum, sic unum feliciter enixa est tanquam Phœnicem, unum inquam Hippocratem, quadraginta annis ante Platonis tempora, Heraclidæ filium, & Gnositici aui discipulum, qui summâ gloriâ & eruditione reliquorum omnium famam non solum obscurauit, sed nomina penè aboleuit.

Hic ergo *Ἱπποκράτης*, & ut inquit Aristoteles in problematis, generi humano à diuinâ quasi providentiâ concessus ad absolutam artis Medicæ constitutionem, ex paruis atque *ἰδιωκοῖς* ad magna & *ῥηκινὰ*, *ἱππικὴν*, ut ille vocat, *ἰατρικὴν* euexit: votumque quod sibi proposuerat, libro de arte absoluit, *τὰ μὲν εὐρήμενα ἐξεύρισκον, καὶ τὸ τὰ ἡμίεργα εἰς τέλη ἐξεργάζεσθαι*.

Quod ut verum esse adhuc melius ostendamus, nemo ignorat authores ex duobus potissimum commendari, *λέξις* nimirum & *ῥάξις*. Quas si in Hippocrate spectare velimus, nihil Hippocrate maius reperiemus: *λέξις* enim, stylus, seu dicendi ratio, grauis est, concisa, oracularis, verbis utens Ionicis plerumque ut elegantioribus, non rarò tamen Doricis, ut significantioribus, & ex nativâ illi linguâ peritis, ut placet Eliano. *ῥάξις* verò seu Medicinam docendi ratio Hippocratica, elegans prorsus & concinna, & ex illâ procedens methodo, quam proprio nature lumine vir ille summus, antequàm iacta essent adhuc solidiora Logica disciplina fundamenta, repperit.

Est autem illa triplex tam inueniendi, quàm stabiliendi & docendi Medicinam ratio apud Hippocratem, ut nos obseruauimus: Methodica nimirum seu demonstratiua, Historica, & Aphoristica. Demonstratiua quidem, quatenus illud rei certitudo patitur, à primis & veris tam sensui quàm intellectui notis procedit, resoluendo, componendo. Resolutiua enim sæpe utitur per diuisionem unius in multa, & accuratam partium distributionem, ita ut nihil deficiat, nihil redundet, omniâque ad infimas usque species & differentias persequatur.

Hinc frequentes Hippocrati *διασολαί* & *διορισμοί*, ut docet Galenus. Atque hæc utitur

maximè Hippocrates ad artem inueniendam ex proposito sibi Medicinæ sine velut scopo ad quem cetera omnia reducantur. Ad eius verò constitutionem vitur compo-
sitivâ methodo, ut est apud Galenum lib. de decretis ; collectione scilicet multorum
in unum , dum à simplicissimis exordiendo ad magis composita semper progreditur,
donec totius Medicinæ summam simul collegerit. Quæ duæ methodi quamvis apud
distinctos vel separatos Hippocratis libros non inveniuntur : attamen si totam
species scriptorum Hippocraticorum seriem , utramque in illis quasi perfectam
reperies. Quam tamen deinceps accuratius imitati , Plato , Aristoteles , Erasistratus ,
Galenus , Avicennas , ceterique omnes *παράδοξοι* , elegantiores scilicet Philosophi ac
Medici.

Historica autem docendi ratio apud Hippocratem ea est , quæ venerandi huius se-
nis particulares morborum , remedium , & illis superuenientium casuum observatio-
nes , easque historicè , hoc est , per simplicem enarrationem ad memoriæ subsidium
conscriptas continet , ex notatione loci generalis , particularis , temporis , eiusque pro-
pria constitutionis , ægrique nomine designato , ut etiam tunc viventibus fidem fa-
ceret , veram se non fictitiâ historiam conscripsisse : ex hac enim *ἱστορίῃ* seu *μνημει-
ογραφίῃ* Hippocraticâ , quæ in propositis Epidemiorum libris maximè elucescit , deducta
fuerunt deinceps certiora omnis cognitionis fundamenta : ad confirmandam scilicet
methodum illam demonstratiuam , & uniuersalia artis præcepta ex his particulari-
bus. Ad sancientiam etiam & promulgandam Aphoristicam illam & legalem quasi
Medicinæ auctoritatem.

Quæcunque enim illi per propriam diuturnamque apud varias gentes expe-
rientiam comperta fuere , atque *ὑποθέσει* , causarum scilicet physicarum appositio-
ne confirmata , illa Hippocrates summo ingenij acumine in *ἀπορίσιν* *ὑπομνήδης* ,
velut responsa quedam Medica reduxit : quibus augustam omnino Medicinæ spe-
ciem reddidit : naturæque maiestatem corpora nostra moderantis , omnibus ora-
culis omnibusque Regis vel Imperatoris decretis potentiorum firmioremque re-
presentauit.

Ex istis itaque colligere est , quod nobis prius fuit propositum , Epidemios hosce
libros summâ cum laude , & sequentium sæculorum fruge conscriptos , ad ma-
gnum illum Hippocratem referendos : cuius viua imago hic conspicitur , tam si
loquelam ipsam , & idiomatis rationem spectes , quàm dictorum grauitatem & uti-
litatem. Quamvis enim Galenus aliquando valde anxius sit in censurâ librorum
istorum , eorumque fæturam ad Polybum , Thessalum , Draconem , aliósque magni
Hippocratis discipulos referat , propterea quod non videntur illi omnia satis accu-
rate conscripta , aut parum Hippocratis *χαερίνης* redolentia. Attamen semper in
illâ fuit sententiâ primum Epidemion librum , & tertium hunc nobis propositum , ve-
ros esse partus Hippocraticæ *μεγαλοφυσίας*. Et sæpius tanquam sui immemor , ex aliis
omnibus Epidemicis integras transfert sententias in libros suos , veluti veras & ge-
nuinas Hippocratis auctoritates ad dicendorum confirmationem.

Etenim si verum fateri lubeat etiam aduersus Galeni sententiam , fieri non potest ,
ὑπομνήματα ista seu *ὑποδόξα* , ut loquebantur veteres , id est , commentariolos
& aduersaria peregrinationis Hippocraticæ , quando ex patriâ in regiones Thraciæ &
Hellesponti discurreret , in Scythiam usque commigraturus ; quo tempore libros istos
conscripsit , tam accuratè & eleganter esse elaboratos , ac illos quos summo otio & ani-
mi longâ meditatione edidit. Adde quòd in simplici historiâ & enarratione Me-
dicâ eorum quæ viderat & audiuerat , non erat opus maiori lucubratione vel
industria , quàm ut ea fideliter & ut erant gesta , scriptis *ἀνολογέτως* com-
mitteret.

His ita positus, videamus iam de titulo librorum istorum, de subiecto, & rebus quæ hîc tractantur, necnon de partibus seu diuisione eorum quæ in libro hoc tertio potissimum continentur. Quod ad titulum ergo seu inscriptionem spectat, quæ esse solet brevis summa seu notatio eorum quæ author sibi præcipuè tractanda proposuit. Sunt qui illud τῶν Ἐπιδημίων dupliciter interpretentur: cum enim sine ulla adiectione positum sit, quidam καταστάσεων siue constitutionum; alij verò νόσων siue νοσημάτων, id est, morborum subaudiendum esse putant. Quia Hippocrates statim in limine istorum librorum aggreditur ad descriptionem tempestatum quæ toto illo anno viguit in Thaso, ac deinceps maximam sequentium librorum partem impendit recensendis eiusmodi aëris constitutionibus, putant præcipuum illius intentum hîc fuisse, ut obseruaret, ac posteris suis scripto representaret, quid variæ istæ καταστάσεις ac tempestatum mutationes in diuersis regionibus possent in afficiendis corporibus nostris, quod deinceps accuratiùs tertiâ Aphorismorum sectione complexus est.

Alij verò cum videant Hippocratem in hisce libris tam sedulò ac diligenter historias agrorum particulares recensere, ut nihil quod ad euentus illorum, crises, λύσεις, μεταστάσεις, aliaque omnia symptomata tam pathognomonica quàm συνεδρεύοντα, imò etiam remediorum aliquando præstantiorum successus, & totius morbi exitum omittat, putant præcipuum illius hîc fuisse institutum, ut ex hisce particularibus & μνημονευτικαῖς obseruationibus, viam sibi faceret ad generalia præcepta constituenda προγνώσεως & prædictionis morborum: quæ verissima esse & à se comperta in Delo, Scythiâ, & Libyâ, variis & quasi oppositis mundi plagis gloriatur, aureo illo opere προγνωστικῶν & προεφητικῶν, quibus ista complexus est: & ibi Φιλιάτερος monet, in omni prædictione diligenter animaduertendum in morbis, an adsit θεῖον τι, diuinum aliquid, ex vniuersali causâ pendens, quod omnem προγνώσεως certitudinem inuertit, ut illi ex pestilentius illis quæ vulgò tunc grassabantur in Graciâ, constabat.

Sunt verò alij, qui neque περὶ τῶν ἐπιδημίων καταστάσεων, neque ἐπιδημίων νοσημάτων inscribendo libros hosce censeât, sed potius τῶν ἀποδημίων, id est, de peregrinationibus Hippocraticis. Cum enim certum sit Hippocratem, libros istos in illâ profectioe ad Scythiam per Thraciâ & Hellesponti regiones, quasi in procinctu conscripsisse, nec maiorem illis operam aut diligentiam adhibuisse, quàm quæ à viatoribus impedi solet ad ὑπομνήματα & exarandos commentariolos præcipuarum rerum & notabilium, quæ in ipso itinere occurrunt, idèò non aliam mereri inscriptionem quàm τῶν ἀποδημίων. Adde quòd, aiunt illi, Hippocratem non semper hîc ἐπιδημιας constitutiones, vel παγκοινύς & ὁμογενεῖς, vulgares & eiusdem generis morbos conscribere, sed etiam quosuis tam ἐνδημιας quàm sporadicos dissimiles & discrepantes, prout huic vel illi acciderunt, non quatenus communiter grassati sunt: multaue alia permiscere tumultuariè, ut sit in eiusmodi profectioibus; quæ neque ad morbos, neque ad καταστάσεις illas tempestatum quicquam faciunt.

Nos autem dicamus, Hippocratis institutum perpetuò in hisce libris fuisse, siue τῶν ἀποδημίων, siue ἐπιδημίων καταστάσεων, aut ἐπιδημίων νοσημάτων, (à præstantiori enim hac parte denominationem factam fuisse credibile est) ut solidiora Medicinæ fundamenta ex particularibus hisce historiis ac obseruationibus eliceret, tam ad διάγνωσιν & διεγερτικὰν morborum, quàm ad πρόγνωσιν, velut principalem finem, cuius ille primus fuit author, & quasi ἀρχήν.

Subiectum verò proprium & ὑποκείμενον esse illam Medicinæ partem, quæ experientie potissimum, & rebus actioni coniunctissimis innititur, quæ Medicum à scholâ & otio, in agrorum triclinia & negotium, à contemplatione Philosophica in apertum Medicinæ theatrum & arenam ipsam deducit, unde etiam summa illius utilitas apparet. Nam, ut docet Philosophus, si neque nauclerum, neque Medicum ex libris fieri

fit possibile, certè multò minùs ex illis qui toti speculanda natura, stabiliendisque præceptis universalibus, longè ab actione remotis, addicti sunt omnino: potiùs autem, & commodiùs ab illis qui iam actiones Medicas, ipsosque agros, & Medicum circa illos adstantem repræsentant, quales sunt isti. Scitum est enim illud Auerrhois, Per scientias speculatiuas, &c. Hinc Galenus Φιδιάτης hortatur, ut dupliciter se exerceant, generatim scilicet in ediscendâ totâ ad unguem arte, & theorematibus illis, sine quibus propositus finis commodè obtineri nequit: speciatim etiam in obseruandis eis quæ peculiariter in agrorum curationibus, (siue per se hoc munus obeunt, aut dum se comites Medicis professoribus adiungunt,) contingunt, aut perlegendis historiis illis, quæ ab Hippocrate aliisque Medicinæ proceribus conscriptæ fuerunt.

Accedamus itaque nunc (V.O.) alacri animo ad tertij huiusce libri Epidemion, omnium elegantissimi & perfectissimi explicationem, cuius duæ sunt præcipuæ partes: in quarum primâ duodecim agrorum historiae proponuntur, in secundâ post descriptionem status cuiusdam pestilentis, sexdecim aliæ delineantur. Inuisuri cum Hippocrate præunte, modò Pythionem, postridie Hermocratem, aut mulierculam aliquam grauius decumbentes, sub eo cæli & orbis situ, qui Gallico multum respondet, imò ferè sub eodem climate positus est, ut Cosmographis erit notissimum, Helleſponti & Thraciæ parallelus, cum Galliæ parallelis comparantibus.

In hisce autem nostris supra librum hunc exercitationibus, hac progrediemur methodo, ut in singulis agrorum historiis ab Hippocrate propositis:

Primò, ipsam διάγνωσιν, hoc est, affectus ipsius descripti per propria signa diagnosis inquiramus: Vtrum sit unus vel plures: quæ partes potissimum affectæ, per ιδιοπάθειαν vel per Συμπάθειαν, & à quibus causis suscitatus.

Secundò, ad ipsam πρόγνωσιν accedamus, non tam ex euentu, mortis scilicet vel salutis, quem Hippocrates subnectit, quàm proprio morbi & symptomatum χαρακτήρι, reliquisque omnibus, ex quibus solemus in agris quibusque, potissimum acuto morbo laborantibus futura præsentire.

Tertiò, Θεραπείαν propositæ aggritudinis, per conuenientia remedia & indicationes subnectemus, & quid præstandum esset, si talis iam iam occurreret ager, opem à nobis efflagitans, docebimus.

Quartò & Ultimò, notabilia persequemur, quæ in unâquaque historiâ continentur, ubi omnes contextus Hippocratici difficultates pro ingenij nostri modulo enodare conabimur. Hi sunt igitur latices, hæc fecunda pocula, ex quibus diurnam nostram Medicinæ rationalis docendæ ac faciendæ sitim ex meris Hippocraticis fontibus, & Galeni riuulis hoc ordinario expleturi sumus, dummodò illud mihi per vos (Auditores ornatissimi) vestrâque equanimitatem liceat. Aut certè ad perficiendos renum & vesicæ morbos, quândo vobis libuerit, redituri. Dixi.

HISTORIA I

Πυθίωνι, ὃς ὥκει πρὸ γῆς ἱερὸν ἤρξατο πρόμῃσιν ἀπὸ χειρῶν. τῇ πρώτῃ πυρετὸς ἐξύς. λήρῃ, δευτέρῃ, πάντα παρωξύνθη. τρίτῃ τὰ αὐτὰ. τετάρτῃ ἀπὸ κοιλῆς ἀλγία, ἀκρητα, χολώδεις διήλθε. πέμπτῃ πάντα παρωξύνθη. ὕπνοι, λεπτὰ, κοιλὴ ἔση. ἕκτῃ πύελα ποικίλα ὑπερῶσα. ἐβδόμῃ σόμα παρειρύθη ὀγδοῇ πάντα παρωξύνθη. τρόμοι παρείρδον. ἔρα ἡ κατ' ἰσχυρὰς μύ, καὶ μέλαι τῆς ὀγδοῆς, λεπτὰ, ἀχροα, ἐναιώρημα εἶχον ἐπνέφελον. δεκάτῃ ἰδρωσε. πύελα ὑπερῶσα. ἐκρίθη. καὶ ἔρα ὑπολευκα πρὸς κρῖσι. μετὰ ἡ κρίσις, τεσσαράκοντα ἡμέρας ὕπνον ἐμπύμα πρὸς ἐδρῳ. καὶ τραγὶς ἐλάθης ἐγένετο ἀπὸ σπασίς. **Γ. Ο. Τ. Μ. Τ.**

PYTHIONI qui ad Telluris sacellum habitabat : cepit manuum tremor primâ die, febris acuta & delirium. Secundâ, omnium exacerbatio. Tertiâ, eodem modo. Quartâ, ex alio pauca, impermixta, & biliosa prodierunt. Quintâ, omnium exacerbatio, tremores perseverabant, & somni leues, sed alius suppressa est. Sextâ, excrevit sputa varij coloris paucis rubore perfusa. Septimâ, os distorquebatur. Octauâ, omnium exacerbatio, tremores etiam perseverantes. Quod ad urinas spectat, à principio morbi usque ad diem octauum tennes & decolores fuerunt, cum enaoremate nebuloso. [9] Decimâ sudavit, & sputa subcocta excrevit, sicque indicatus est, habens in ipsâ crisi urinas subalbicantes. Post istam verò crisin, quadraginta diebus peractis, passus est circa sedem empyema, exorto etiam abscessu strangurioso.

Γ. Ο. Υ. Μ. Υ.

Absurdum est illud, neque ab Hippocrate commemoratum.

Quanti fecerint veteres historicarum ab Hippocrate his libris propositarum ægritudinum ἐξήγησιν, satis docet Galenus in commentario, dum tot authorum recenset nomina, Sabinum, Lycum Macedonem, Capitonem, Zeuxem Tarentinum, Heraclidem Erythraeum, Bacchium, Glauciam, Quintum, & similes, non solum Dogmaticæ vel Methodicæ sectæ Professores, sed etiam Empiricæ, qui ingentem operam in illis explicandis atque illustrandis navarunt. Nos itaque Spartam hanc Hippocraticam nacti, eâ methodo & ordine illam exornare incipiamus, qui heri propositus fuit, ex scientificâ scilicet διαγνώσει, πρὸς γνώσει, & θεραπεύσει, unicuique historię sigillatim adhibitâ : ducto initio à Pythione malè affecto, cuius morbificæ dispositionis status ita ab Hippocrate in contextu repræsentatur : πυθίωνι, ὃς ὥκει πρὸ γῆς, &c.

Fingamus igitur iam illum ipsum Hippocratem, ex peregrinatione ad nos diuertentem, quærere à nobis, (quod sit sæpe ægrorum causâ in agro degentium, aut longè hinc distantium, ut in consultationibus nostris Medicis aliquando videtis.) Quis sit affectus in Pythione propositus, quid de illo sperandum, & quibus sit iuuandus auxiliis in tanto & tam periculoso conflictu.

Ad primum quidem respondemus, typum hunc seu ideam morbificam ab Hippocrate repræsentatam, Phrenitidis speciem referre, quæ primaria dicitur, & cerebro ἰδιοπαθικῶς inhæret, non autem eam quæ ex diaphragmatis inflammatione proficiscitur : vel sequitur ardentium & acutarum febrium ad superiora effumationem. Illa enim propriè πρὸς φροσύνην siue delirium simplex appellatur. Cum ergo phrenitis duo supponat necessariò, nempe partis primariæ animalibus & principibus actionibus dicatæ, id est, cerebri affectuum, atque eiusdem intemperiem calidam, eamque materialem, ab inflammatione systrophicâ, quæ non sit tantum φλόγωσις, exortam. Probandum iam nobis vtrumque, ex adductis ab Hippocrate signis.

Luculentissimum actionis læsæ τεκμήριον, in Pythione apertè testatur cerebri grauem adesse noxam. Nam delirium primâ statim die exorians cum febre acutâ, & Συνεχία seu continuitate, indicat sedem facultatis animalis principis, vbi imaginatur, discurret, & memoratur, obsessam fuisse, non tantum sympathicâs, vt aliquando solet in ὡδὸφροσύνη; sed ἰδιοπαθειῶς & primariò, nullâ præcedente alterius morbi aut partis affectû querelâ, cum quâ modò intenderetur, modò remitteretur, sed eodem tenore perseverans, vsque ad primum acuti morbi terminum. Quæ sunt veræ cerebri primariò affecti notæ. Sed alias adhuc percurramus actiones, (tremor manuum, oris distortio, somni leues, addit Hippocrates.) Quæ sunt actiones animales motrices & sensificæ interiores læsæ, neque possunt sine affectione ipsius cerebri contingere: Somni quidem tennes & vigiliæ ob siccitatem vel caliditatem, aut humoris acrimoniam vellicantis ipsam cerebri substantiam, neque permittentis vt genio suo ac quiete fruatur, reuocatis intrò spiritibus, & calore natiuo ad eorum reparationem.

Tremor verò quamuis sit propriè affectus nervosi generis imbecillioris, vt in summâ dissipatione spirituum, vel oppressi à multitudine humorum, quibus totum corpus etiam prægrauatur: attamen cum illa paucitas spirituum, qui solent à cerebro profluere in nervos, vel ab eorum resolutione procedat, quando in officina illa propria deficiunt, vel interceptione propter στέγνωσιν aut ἐμφραξιν, semper vitium aliquod cerebri in tremore subnotatur, nisi omnino à causâ externâ ortum ducat. Nam ab internâ plethorâ vniuersali, certum est cerebri corpus vt molle & exangue plurimum affici, præcipuè si portio illius superiores partes peratiquemadmodum in nostro ægro, qui non solum manuum tremore ex quantitate humoris noxij in superiores nervorum propaggines deriuati laborauit, sed etiam

Στόματι & ῥυσμῶ, oris distractione, circa septimam diem, decumbente etiam materiâ morbificâ in tertiam nervorum coniugationem & musculos illos qui oris sphincterem conficiunt. Vnde summa cerebri repletio indicatur, quæ istas etiam faciei partes motui arbitrario dicatas inuadere potuit. Hæ igitur actiones læsæ, principes, sensificæ, & motrices cerebrum esse læsum, earumque perseverantia primariò affectum esse concludunt.

Quod ad doloris proprietatem spectat, quæ secundum est partium malè affectarum τεκμήριον, parum habet hîc loci, tum ob ἀναισθησίαν illam & quasi stuporem cerebri, quod non nisi obtusissimo sensu tactus præditum est, tum etiam quod phreniticis mens occupata circa suam sedem dolorificum obiectum non percipit, aut certè perceptum non tale quale est iudicat, vt docet Hippocrates in ταραχῇ & θύσανιαις siue rationis μεταβολισμῶ, quæ est species ἐκείνη non diuinæ, sed potius morbificæ.

Idem dicas de situ, tertio partis affectû τεκμήριον, qui ex querelâ aliquâ ægrotantis, aut tumore partis apparente, exoritur. Hic enim nulla decumbentis querimonia, quia, vt diximus, non est satis compos mentis & iudicij: nullus etiam tumor extuberat, quoniam cerebri interiores collectiones, quamuis ipsam partem distendant, non possunt tamen tactui sese obicere, ob crassissima illa ossa, quibus natura partem istam nobilissimam obuallauit.

Ad excreta itaque & retenta transeundum, quartum videlicet τεκμήριον, vt cerebri affectum deprehendas: Excrementa autem cum sint vel communia toti corpori, vel propria vnicuique parti, communia partium aliquarum affectus ostendere possunt, quatenus motu suo & impetu, certa corporis nostri membra inuadunt, & ibi effectus suos retenta ac cohibita exerunt. Vel certè exeuntia ostendunt quantitatem, qualitatem, & substantiam humorum, qui in nobis dominantur, naturæque eos concoquentis, secernentis, & expellentis vim aut impotentiam. Propria verò excreta, siue sint portio ipsius substantiæ partis, siue aliquid illi adhærescens, seu contentum in spatio illius, vel præter naturam, ostendunt certò, quænam pars sit affecta, atque etiam causæ morbificæ naturam. In hoc itaque ægro nostro summus Hippocrates meminit excrementorum communium, nempe deiectionis, vrinæ, & sudoris. Quod ad deiectionem ergo spectat, cum illa fuerit pauca in homine plethorico & ægrotante, denotauit materiam morbificam non expurgari per convenientes vias, & ductus corporis familiares, sed ad superiora repere; cum fuerit sincera & impermixta, ostendit substantiâ suâ malignam quasi, vt postea dicemus, & furibundam: cum fuerit biliosa, ostendit qualitate suâ acrem & inflammatoriam, valdeque apram vt ad superiores corporis sedes transferatur: Quod summo impetu contigisse credibile

credibile est, quandoquidem statim quintâ die suppressam fuisse aluum, annotet Hippocrates.

Vrinæ verò color albus & aquosus, substantia tenuis per totum morbum perseverans, cum enæoremate tenuissimo, id magis confirmant, nempe raptum biliosæ materiæ versùs cerebrum: Cuius priuatione, non autem cruditate vel perfrigeratione in febris vehementiâ tales reddebantur, ut annotavit Hippocrates *Aphor. 72. sect. 4. & in prognosticis.*

Ex sudore autem qui circa decimum diem erupit, nulla quidem affecti cerebri indicia propria suppeditat: attamen plethora totius, quæ non potuit vacuari, nisi per communia illa cutis spiracula, magno impetu & copiâ, ut credibile est, quemadmodum sputa illa variegata & subrubra ostendunt, non quidem affectos pulmones, vel ullam aliam thoracis partem, ut dicemus; sed excrementum cerebri proprium, nimirum ichores sanguineos bile & pituitâ multâ perfusos, qui in thoracem prolapsi, ibique paululum concocti, foras per sputationem sextâ die reiciebantur.

Ex accidentibus verò propriis, quod est quintum & ultimum affectæ partis *τεκμήριον*, nullum hîc ab Hippocrate proponitur, ut solet alibi; quoniam neque in aspectu, neque in voce, aut aliis quicquam ita notabile apparuit, quod Medici animum moueret; attamen ex prædictis omnibus quasi syllogisticè concludi potest, cerebri adfuisse noxam, eamque *ἰσχυρὰ δυνάμει*; non autem diaphragmatis. Quamvis enim phrenibus inflammatis febris acuta & delirium perpetuum subsequantur, tamen alia sunt accidentia propria, ex hypochondriorum contractione, ex voce, & respiratione, quæ omnino istas partes distinguunt. Vide Galenum 5. *de locis affectis.*

Sed cum cerebri partis organicæ & dissimilares variæ sint partes, meninges scilicet, mollis illa & caseosa substantia, nervi, venæ, & arteriæ: quærat fortasse aliquis, quarum hîc præcipuè subiectum fuerit morbificæ dispositionis. Dubitant enim multi, utrum in phrenitide, cerebri parenchyma vel meninges, &c. Tanta materia non potest in meningibus tantum contineri. 7. *epid.* Cocus ex phrenitide gibbosus. 4. *epid.* & in *prophet.* dolor ad coxas & crura cum abscessu soluit, & in Pythione isto. Vide Theses nostras. 104.

Iam igitur ad secundam partem diagnosis accedamus, quæ est ipsius dispositionis morbificæ, hoc est, naturæ seu speciei affectus, qui partem obsidet. Cum igitur dixerimus prius, typum huius ægritudinis ad phrenitidem, hoc est, inflammationem non solum meningum, sed & ipsius cerebri; iam ex eisdem ferè signis, illud est probandum.

Actionis enim læsæ modus, ipsam morbi speciem denotat. Nam ut intemperies frigidaë imminuere, sic calidæ depravare solent, apud Galenū. At mentis allucinatio est species depravata actionis, quia subiectum suum non percipit tale quale est; deinde etiam falsa repræsentantur & inania, quæ in insaniis ipsis phreniticorum, aut etiam vigiliis, velut spectra apparere solent. Sed ipsarum deiectionum substantia & qualitas ostendit, non immaterialem esse hunc affectum, sed à materiâ biliosâ pituitâ & sanguini permixtâ profectum, quæ intus retenta, neque per aluum expurgata refluit ad cerebrum, & quasi furore quodam percita, vrinis ipsis, quas tenues, pellucidas & albas relinquit, per *κιστῶδες μὲν* rapi in arcem totius corporis. Adde quod propria accidentia, nimirum febris illa ardens & continua, quæ symptomaticus est affectus ac secundarius, non potest fieri, nisi ad phlegmonas partium internarum & nobilium, quæ communicare possunt cordi suam noxam per arterias, & inde totum corpus calfacere.

Inter propriâ etiam accidentia phrenitidis recensentur ab Hippocrate tremor & convulsio. Ut enim est in *Coacis*, *Φρενιτικὸν βραχυπύκτον, τρομάδες καὶ σπασμώδες.*

Quæ verò in Pythione species fuerit inflammationis phrenitidem committentis, potest esse controuersum, quod innotescet ex ipsarum causarum indagatione, quæ est tertia & ultima pars *διαγνώσεως*. Galenus 3. 4. 5. *de locis affectis*, videtur omnem inflammationem phreniticam ad bilem referre, pallidam videlicet, flauam, & exustam. Pallidamque, utpote multæ pituitæ permixtam, mitiores; flauam, ut quæ meracior sit, vehementiores; atram verò ferinas & agrestes desipientias excitare. Attamen Hippocrates, *ὡς ἐὶ νέκρωσιν*, & ab ichoribus massæ sanguinariæ aliquando fieri, & ab ipso sanguine, *Aphor. illo quinquagesimo tertio sect. 6.* quem ipsemet explicat Galenus, agnouit: ita ut inflammatio ista siue phlegmone non tantum pura aut erysipelatosa

esse possit, sed aliquando melancholica & pituitosa, vnde exoritur affectus ille apud Hippocratem *τυφομανίας* nomine designatus, 4. *epidem.* qualem fuisse affectum istum, à sanguine videlicet multis ichoribus biliosis & pituitosis permixto, docet delirij mediocritas sine feritate: vocat Hippocrates *φρενιτικὸς ἀσαφής*, obscuros, in *prophet.* conuulsio pauca, à repletione potius quàm inanitione exorta, cum sputis illis variis & subrubris, defluentibus quasi & relabentibus ex capitis statione, in pectoris cauitatem; vnde in *Coacis*, phrenitici multi, sputatores euadunt. Quæ quidem omnia facilius esset dignoscere, si quidem omnes causas percensere possemus, videlicet res illas naturales, non naturales, & præter naturam, videlicet Pythionis temperamentum, ætatem, vitæ genus, progeniem, aëris in quo versabatur, constitutionem, dispositiones morbificas, plethoram videlicet aut cacochymiam, quæ hominem istum olim tunc afficere poterant. Sed cum istarum causarum series sit nobis incomperta, sufficiat nobis ex posterioribus seu effectis, affectus istius naturam delineasse.

Ad cuius prognosin ex propositâ methodo accedamus. Omnis prognosis constat ex comparatione ægrotantis & partium affectarum cum morbo & eius causis. Quod ad ægrotantem ergo nostrum spectat, neque à viribus illius seu functionibus omnibus, neque ab externis illis, ut vultu, oculis, decubitu, mole rotius corporis, & similibus datur hîc cognoscere, quis futurus sit euentus huius ægritudinis. Omnino igitur conuertendus animus ad illa signa, quæ petuntur ex specie morbi, eius more, motu, & magnitudine.

Species itaque istius morbi valde calamitosa, ut omnium inflammationum internarum, tum quod febris illa assidua, quæ perpetuò comes esse solet illarum, potest totam humiditatis substantiam citò exsorbere, vel certè quantitate putrentis succi suffocare. Adde quod eiusmodi tumores inflammatorii, cum habeant materiam extra vasa in poris & substantiâ partium contentam, non ita facile potest per motus criticos vacuari, quemadmodum in febre primaria. Non tamen sunt deploratæ omnino phrenitides, ipso teste Galeno, *comment. in sect. 2. huius libri*, ut hîc verissimus sit ille Hippocratis Aphorismus, *Acutorum morborum non omnino certas esse prædictiones.*

Nos igitur ad alia conuertamur. Primò quod ad mores & motus istius ægritudinis spectat, neque *κακῆθης* videtur, neque *ὀξύτης* & vehemens, sed satis boni moris, & cum motu illo, qui neque ad perperacutum, aut peracutum, sed acutum tantum accedit. Vnde minus periculum. Nec pertimescendum ægrum istum moriturum esse, vel ex vehementia affectus, vel ex malignitate, ut sæpe contingit etiam in tertianis, aut ubi est *θῆλον π* sed si vires ferant, egregiè cum morbificâ causâ decertaturum.

Videamus itaque à magnitudine propriæ essentia, partis affectæ præstantiâ, causarum & symptomatum constitutione, quid prædicere possimus.

Pars est nobilis, & ad vitam bene agendam, sed non simpliciter necessaria. Ergo minùs periculosa, quàm si hepar vel cor obsideret, nisi adsit consensus læsæ respirationis, ut in Apoplexiâ.

Propria essentia magna est, si quantitatem materiæ spectes, sed non ratione qualitatis, quandoquidem bilis hæc valde est permixta. Neque etiam valde est extensa in suo subiecto: Etenim Hippocrates solo nomine *ληρ*, quod pertinet ad sensum communem, illam designat; cum in aliis imaginatio, discursus, atque etiam memoria pereant vel deprauentur. Conuulsio etiam pauca, neque perseverans, ut putà. Somni leues, sed non laboriosi, verùm peruigiles ob nimiam materiæ acrimoniam. Tremor etiam non ita pertimescendus, quandoquidem à repletione contingit.

Siquid est quod periculum hîc, aut saltem morbi longitudinem portendere possit, est *ἀνέψια* siue cruditas vinarum, quæ talis ad crisin vsque, tenuis & alba perseverauit, cum enazoremate subnebuloso & dissipato. Quæ enim crisis sperabilis est sine coctionis signis præcedentibus? Ergo in isto naturæ labore, & quasi oppressione fieri non potest, quin aut æger, si quidem vires erunt infirmæ, opprimatur, aut certè infida sequatur crisis die infausto, quæ ægrum non liberet à morbo, sed transferat in meliorem statum, à quo non liberabitur, nisi per *μετάσπιν*, translationem materiæ à partibus ad partes. Ut in ægro hoc nostro contigit, qui non potuit conualescere, nisi succedente abscessu in ipsam sedem, atque stranguriosâ quadam puris mictione, à quâ non parum diuexatum fuisse credibile est. Atque hic exitus est prognosticus. Pythionis ægrotantis. Iam verò ad eam partem, quæ propriè *ἰατρικὴ* & *θεραπευτικὴ* vocatur: est enim Medicina tota, ut docet Hippocrates, *λογικὴ ποίησις*, & *μέθοδος* μετ' ἐφόδου, quia tota ad actionem illam curatoriam, & propter illam præcipuè expetitur. Itaque non est credibile Hippocratem, quamuis nullius remedij meminerit,

meminerit, Pythionem absque auxilio reliquisse, sed ea quæ erant ex arte diligenter adhibuisse, illis tamen in historiâ omiſſis, quia erant ordinaria tantum, & quæ nihil habuerunt, vel in suo genere aut effectu, præter id quod est consuetum. Nos itaque illius imitatione dicamus in omni morbo curando, duplicem primò indicationem sese offerre: conseruationem videlicet virium, ac eorum quæ sunt secundum naturam, & expugnationem seu sublationem eorum quæ sunt contra naturam.

Conseruatio itaque illa in omni ægrotante, sit vsu diætæ conuenientis, quæ sustentandis viribus sufficiens sit, naturamque si fieri possit ad superandum potius morbum iuuat, quàm impediat vel reuocet. Vnde in morbis acutis, tantâ sedulitate præscribit Hippocrates 1. *sect. Aphorism.* secundum substantiam, quantitatem, qualitatem, & tempus exhibendi siue occasionem, quæ sequitur morbi secundum suâ tempora constitutionem. In hoc igitur affectu cum sit ex acutorum genere, febrem enim habet ardentem & partis internæ inflammationem comitem: tenuis diætâ vel mediocris saltem instituenda, eaque ex sordilibus potius quàm edulibus solidis, concoctu facilis & euchyma, qualitate refrigerans modicè, quia humor non est simpliciter biliosus: Eâ autem quantitate, quæ neque sinat vires omnino collabi, neque etiam vim naturæ aduersus morbum confluentis impediat: & eo præcipuè tempore alimenta exhibeantur, quo morbus mitescit magis.

Itaque instituatur victus ex panatellis, hordeatis, amygdalatis, iusculis pullorum, in quibus herbæ refrigerantes, aut semina frigida incoxerint: pruna acidula, pomâ cocta exhibeantur. Bibat aquam ex decocto radicum acetosæ aut graminis cum succo limonum, granatorum, vel eorundem syrupo. Vel fiat julep. Alexandrinus nostro more, aut syrupus acetosus. Si vires essent infirmæ, vt in declinatione concedatur vinum *ὀλιγόφορον*, album & austum, vel aliud simile bene temperatum. Frigidæ potio non concedatur.

Aër etiam temperatus sit, neque æstatè nimium feruidus, ne inflammet magis, neque hyeme nimium frigidus, ne coërceat *ἰκτὺς* vapores. Dubitant autem vtrum illustris an obscurus esse debeat in cubiculo ægrotantis. Vide Hollerium 20. Altimarum, & Auegam. Nullæ sint certè in conclaui picturæ, aut in lecto stragulæ variegatæ, quia ista solent commouere vim imaginationis iam turbatam.

Sæpe moneatur æger hic delirans, de excernendâ aluo, urinâ reddendâ, mungendis naribus, & similibus excretionibus, quarum solent obliuisci: Imò etiam quando ita sunt obliuiosi, offeratur sæpe poculum, vt bibant, & causam illam sitiferam extinguant, quâ non afficiuntur.

Contineatur in quiete & summo otio quantum fieri poterit: quod si non pareat monitioni, contineatur à famulis, vel etiam vinculis coërceatur, quæ etiam possunt ad reuellendum, factis interdum frictionibus leuioribus, potissimum circa declinationem, vt reuocetur materia ad inferiora.

Atque vt somnus exciteretur, summum pareretur silentium, arceantur canes, mulierculæ garrientes, & omnia alia strepentia: nisi fortasse aliquot Syluani, seu vascula quæ aquam in peluim subiectam guttatim effundant, vnde somnus concilietur.

Nullis etiam commoueatut externis obiectis, vt præsentia rerum tristium, vel hominum sibi infensorum: quibus ad iram vel dolorem præcipitur. Adsint viri amici & prudentes, qui conspectu suo illi securitatem promittant & silentium imperent. Veteres etiam musicâ solebant delirantes recreare, sed hoc potius in maniacis & furentibus sine febre, quàm in phrenitico, ne fiat exagitatio humorum ex istâ delectatione. Institutâ igitur sic diætâ & rerum non naturalium ratione, ad alia transeundum, maiora scilicet auxilia, quæ ex Chirurgiâ & Pharmaciâ repetuntur.

Ad quorum rectam vtendi rationem, sciendum inprimis respectu causarum morborum, partis affectæ, affectus ipsius, & symptomatum, quatuor in proposito ægrotante præcipuas intentiones exoriri, quarum prima est.

Vacuatio scilicet materiæ seu humoris peccantis in toto, & motu præpostero superiora petentis per reuellentia, vt venæsectionem ex talo, hæmorrhoidibus, ligaturis, frictiones extremorum: Purgationem cum clysteribus frequenter repetitis, medicamentis accommodatis, diaprunis, syrupo rosato, &c. Quibus adde præparantia, deriuantia per venæsectionem ex cubiti cephalicâ vel medianâ, cucurbitulas scarificatas, prouocationem sanguinis è naribus, sanguisugas in occipitio, vacationem ex

ipsâ parte per venam frontis , per cucurbitulam scarificatam sincipiti ad-
moram.

Secunda intentio est, repulsio materiæ in caput fluentis per refrigerantia &
modicè adstringentia futuræ coronali, toti bregmati, vbi locus est apertior; fron-
ti, & vtrique tempori admoto, vt oleum omphacinum, rosaceum, acetum, aquam
plantaginis, simul, sed inæqualiter mixta, pro ratione principij & incrementi.

Tertia, resolutio, διαφύεσις materiæ impactæ in ipso cerebro & meningibus per
calfacientia & attenuantia modicè; oleum irinum, chamæmelinum, decoctum thy-
mi, pulegij, &c. pullos columbinos, pulueres capitales, & similia. Et sub hac etiam
continetur corroboratio ipsius partis, nempe cerebri, additis nuce moschatâ, garyo-
phyllis, puluere ireos, ipsoque castoreo, ex sententiâ Galeni.

Quarta, correctio symptomatum, morborumque huic ægritudini primariæ suc-
cedentium, scilicet

Febris per refrigerantia & humectantia, julepos, condita, epithemata cordis.

Tremoris & conuulsionis, per inunctiones spinæ ex oleo nucis indicæ, lumbrici-
corum, &c.

In crisi iuuandus sudor, leui quodam aperiente & attenuante.

Post crisin curandum sedis empyema, & stranguriæ labor demulcendus.

Peractis eis omnibus, quæ ad διάγνωσιν, πρόγνωσιν, & θεραπείαν propositi affectus
spectabant; exurgunt ex contextu nostro, quatuor potissimum notabilia seu difficul-
tates, quæ diligentiori indigent explicatione & ἐξηγήσει.

Hinc Hippocrates decimum diem pro infausto & calamitoso annotauit: Memi-
nit enæorematis nebulosi, siue tenuis & nigricantis sublimamenti, in vrinâ; Vocat
abscessum quendam in ano, sedis empyema: & per σπράσιον stranguriosam, non satis
apertum quid significare voluerit. De characteribus etiam huic ægro adscriptis.
Ergo hæc in eorum gratiam qui primum Medicinæ sacris initiati sunt, paucis ex-
plicabimus.

Quod ad diem itaque decimum spectat, certum est naturam corporis nostri
moderatricem, hoc habere à primordiis generationis suæ, vt quæcunque sibi infen-
sa, morborumque causas expugnare omnibus nitatur viribus. Vnde si atrox sit pugna
ex parte humoris morbifici, malignitate quadam aut ὀγκασμῶ præditi, fit vt de-
certatio ista paucis diebus perficiatur, victa scilicet naturâ, aut exturbato hoste qui
vitæ nostræ imminebat: vnde morbi acuti appellati, in quibus aut cita mors venit,
aut victoria læta. Dum igitur hic conflictus peragitur, oportet naturam ita aggre-
di humores istos morbificos, vt primò ad πρῶτον, certam scilicet mitificatio-
nem deducat illos, quæ iam signum est victoriæ ex parte naturæ, deinde secernat
ab vtilibus & alimentariis, tandem non sine insigni præcedente turbatione: vnde
Aphor. Nox qua crisin, &c. expellat extra corpus per vias solitas, hæmorrhagiam,
vomitus, deiectiones, sudorem, vrinas, menstruum, vel hæmorrhoidum
profluvium, aut certè per μετάσπιν & transpositionem, quando non potest alio
modo amandare eiusmodi materiam extra focum & mineram morbi, in corpo-
ris extrema, vt cutem, emunctoria, crura, coxas, dorsum, neruosum genus, vt quando
ex apoplexiâ paralytis, & similes partes pro maiore eius aut minore robore. Vnde
nomina κρίσεως, λύσεως, μετασπιν: Criseos quidem, quando fit repentina mutatio
morbi per euacuationem copiosam, aliquando ad salutem imperfectam vel perfe-
ctam. Et hæc crisis κατ' ἐξοχὴν dicta, propria acutis morbis; aliàs ad mortem, quæ dici-
tur κρίσις δύσπικτος. Hippocr. vel ad deterius, quæ non simpliciter, sed cum adiectio-
ne ita vocantur. Λύσεως, quando fit mutatio, sed paulatina & quasi per partes. Per ὀγκά-
σιν vocant, ob paucitatem vacuationis, quæ est ferè peculiaris morbis diurnis.
Μετασπιν, id est, translationis, quæ si fiat operâ naturæ in externas partes, vt dixi-
mus, potest esse salutaris; aliàs verò pestifera, si vi & impetu humoris morbifici
contingat, vt quando ex pleuritide fit peripneumonia vel phrenitis, ex colico affectu
paralytis, & similia.

Hi omnes porrò naturæ ac humorum motus atque impetus, non sunt indiscrimi-
natim & promiscue, quouis morbi tempore, sed hoc potius quàm illo die: ita vt se-
dula illa & diligens antiquitas Hippocratis autoritate nixa, obseruauerit in mor-
bis acutis potissimum, certos esse dies faustos & felices, in quibus si reliqua consen-
tiant, optimi sunt & laudabiles naturæ motus: alios verò calamitosos & infidos, in qui-
bus nihil salutare potest contingere, ita vt nemo iam Medicorum, præcipuè vsu

& experientiâ confirmatorum nemo dubitet, τὸ ὅτι, quod ita sit, sed τὸ διότι, cur sit, valde est dubium, & in imis naturæ penetralibus reconditum.

Omnes quidem sciunt sextum diem tyrannum esse in morbis; decimum, agrestem; septimum verò Regem propitium; decimum quartum Principem salutare: Omnes etiam assentiuntur Hippocrati dicenti *Aphorism. 36. sect. 4. Sudores die*, &c. At cur illud ita sit, multi varias adferunt causas & rationes. Vide Laurentium & nostras theses, &c.

Iam ad ençorema illud Πινέφελον accedamus. Vrinarum quanta sit vis, in iudicandis significandisque morborum constitutionibus, docet ubique cum Hippocrate Galenus. Cum enim præcipua vrinæ materia, seu liquor, χυμος, serum sit humorum in massâ sanguinariâ contentorum, quod relabitur ex maioribus illis vasis in renes & vesicam, multis comitatum heterogeneis, contentis seu παρυσφισμένοις, quæ modò sunt à liquore illius aliena omnino; vt pinguedo innata, surfuracea aut laminosa corpuscula, grumi sanguinis, carunculæ, ab hepate, renibus, vesicâ aut aliis quibuscunque partibus vrinæ communicata: aliàs non sunt ita aliena ab illius liquore, sed cum eo quasi nata & elaborata, crassiores scilicet partes alimenti in sanis, quæ perfectam assimilationem aut coctionem adipisci non potuerunt, vel certè in ægris portio materiæ peccantis, in quam natura totis viribus incumbit concoquendam & subigendam. Eiusmodi contenta in vrinis ægrorum Hippocrates triplici nomine donavit, prout vario situ collocantur.

Quæ enim fundum illius petunt, ἐπὶ οὐρανῷ. Quæ mediam regionem occupant, ἐν αἰωρήματι, sublimamentum: quæ in superiore subsistunt, νεφέλη seu Πινέφελον nubes, nubecula dicuntur. In his porro, vt in liquore considerat, consistentiam tenuem vel crassam, diuulsam vel contractam, æqualem vel inæqualem. Quantitatem paucam vel multam, & colorem. Vnde varia dignoscendi morbos, prædicendique ratio exurgit, vt in perfectis illis αὐτοκρανέλαις tractationibus docent Medici, quæ nobis nunc non est tota repetenda. Dicamus tantum quid Hippocrates sibi voluerit in hoc nostro contextu per ἐν αἰωρήματι illud Πινέφελον, quod in Pythione apparuit. Est enim illi parum vñtata loquendi ratio, quod ad vrinas spectat: quamuis in hoc nostro libro dum statum pestilentem describit, vocet autumnum Πινέφελον. Existimo illum duo designare voluisse per istud ençorema nubilosum, nempe situm sublimamenti viciosum, & eiusdem colorem minus laudabilem.

Vt enim bona & laudata hypostasis vrinarum, alba esse debet, lævis & æqualis, in fundo vrinæ posita: Sic etiam ençorema κρίσιμον siue εὐκρίνον, illius medium occupare, coloreque & consistentiâ ad hypostasim accedere. Quod si propter cruditatis & flatuum copiam, neque situm suum seruet aut consistentiam, sed versus extrinsecam vrinæ regionem tendat diuulsam atque dispersam: imò etiam colore quodammodo nigricante aut variegato sit præditum, tunc Πινέφελον nubilosum iure merito ab Hippocrate dicitur, quasi imminuens naturam boni & fidi ençorematis, quod ad nubes speciem situ & colore accedens, minus perfectam esse coctionem designat, præcipuè in vrina tenui & albicante, qualis in hoc nostro Pythione per totum morbi decursum perduravit. Atque hæc de ençoremate nubiloso. Nunc videamus, quid per Empyema sedis intelligat Hippocrates.

Nomen enim illud Empyematis in viâ Hippocratis, aliquando significat materiam purulentam in aliquo loco collectam, aliàs quemcunque tumorem siue tuberculum quod in suppuratum definit, vt est *comment. in Aphor. 44. sect. 7. Quicumque Empyici vruntur aut secantur, & in 1. Prorehi.* Atque in hoc nostro libro 3. Epid. Hippocrates paulò post in statu pestilenti dicet; *Agrotantium plurimis abscessus ἀποσάσεις in Empyemata vertebantur.* Attamen posteriores non retinuerunt hanc Hippocratici vocabuli significationem, sed Empyema audierunt non de abscessibus aut tumoribus qui suppurantur, sed de collectione puris in aliqua cavitare extra substantiam partis, potissimum verò thoracis, vbi empyema propriè colligitur: quemadmodum sub oculi corneâ illud ὑωπαυον dictum. Cuius significationis primus videtur author Aretæus *cap. 9. lib. 3.* dum ait: *Quibus in corporis cavitatē aliquā pus colligitur, si illud per os reiiciant, Empyici vocantur: si per aluum aut vesicam, apostematosi dicendi sunt.* Itaque in hoc Hippocratis contextu, ad veterem significationem recurrendum est, nempe tumorem siue abscessum sedis ingentem, qui in Pythione fuerit suppuratus, & ex quo materiæ copia profluxerit, non sine metu fistulæ in parte istâ decliui, & multâ excrementorum proluvie scatente.

Maiores est difficultas in vocabulo illo ἀποσάσεις τραγγεριώδες. Quamuis enim

ὀπόςαις, nomen Celsus vomicam vertat, & idem esse videatur cum apostemate, id est, tumore qui suppuratur, ut videre est in plerisque Hippocratis locis. Attamen non est credibile Hippocratem hîc designasse tumorem vesicæ phlegmonosum, ex quo genita fuerit materia purulenta stranguriam faciens: Nam quantum ex illius inflammatione phlegmonosâ vitæ periculum imminet, omnibus patet, & nos in tractatione morborum illorum apertè ostendemus: unde non potuisset eiusmodi ὀπόςαις stranguriosa esse huic ægro fausta & salutaris, ut significatur ex characteribus seu notis huic historiæ appositis, Π. II. O. T. M. & credibile est tandem persanatum, profluente insigni vrinæ copiâ, & puris ex sede suppuratâ, quemadmodum habetur 1. *Epid. particul.* 2. Deinde frustra Hippocrates duplici nomine fuisset usus, empyematis & apostaseos. Sufficiebat enim dicere empyema vel apostasin sedis & vesicæ factam fuisse. Unde ego coniicio, alio modo interpretandam esse hanc ὀπόςαις, idque ex variis Hippocratis locis. Nam ὀπόςαις nomen generaliter sumptum, apud Hippocratem significat quamcunque seiunctionem seu secessum rei alicuius ab aliâ. Unde *libro de fracturis*, quando fragmentum aliquod ossis à principali osse discedit & separatur, vocat ὀπόςαις ὅςις. Et *lib. 5. Epid.* vocat ὀπόςαις τὴν δέρμα ὀπὸ τῶ ὅςις. Hinc etiam sæpe apud eundem Hippocratem nomen hoc ὀπόςαις & μελάσαις in morborum iudicationibus pro eodem sumuntur: Ita tamen ut ἀπόςαις in morbi iudicio aliquid melius sonet quàm μελάσαις. Unde Galenus *commentario in libros istos*, coactus est duplicem facere ἀπόςαις in morbis, unam quam vocat καὶ ἔκρυν, id est, humorum per effluvia quædam manifesta emissiones & vacuationes: Aliam verò καὶ ἀπόθειν, per depositionem, quando materia morbifica in partis alicuius sinum deponitur, sed nondum vacuatur, cum μελάσαις non tantum in cavitates, sed etiam in substantiam partium fieri possit, ut suprà dicebamus. Hac itaque ratione intelligendum est in Pythione nostro factam esse ἀπόςαις in vesicam, non quidem abscessum aut tumorem phlegmonosum, ex quo iam fractis diuturniore morbo viribus defunctus fuisset: sed per depositionem, primò quando materia morbifica paulatim secessit in vesicæ cauum: deinde καὶ ἔκρυν, per vacuationem illius, quando stranguria, crebra ista meiendi cupiditas ægrum occupavit. Atque hæc de primâ historiâ sufficiant.



HISTORIA II.

Ερμοκράτῳ, ὃς κατέκειτο ὡρᾷ τὸ καινὸν τῆχθ, πῦρ ἔλαβεν. ἤρξατο ἢ ἀλγέειν κεφαλῇ, ὀσφυῖ. ὑποχονδρίῃ ἐν τῷσι λαπαρῶσι. γλῶσσα ἢ δερχομήνῳ ἐπεκαύθη. κωφώσις αὐτίκα. ὕπνοι οὐκ ἐνήσαν. διψώδης οὐ λίαν. ὕρα παχέα ἐρυθρά. κίωμα ἐ καθίστατο. ὑπὸ ἢ κοιλῆς ἐκ ὀλίγα ξυγκεκαυμένα διήει. πέμπτη οὖρησε λεπία. ἔχεν ἐναιώρημα. οὐχ ἰδρωτο. ἐς νύκτα παρέκρυσεν. ἔκτη ἰκτεριώδης. πάντῃ παρωξύνθη. ἐ κατενόει. ἐβδόμη δυσφώρας. ὕρα λεπία, ὁμοία, ταῖς ἐπομέναις ὡρᾷ πηλίσιας. ὡεῖ ἢ ἐνδεκάτῳ ἰόντι πάντῃ ἐδοξε κεφιδῶναι. κῶμα ἤρξατο. ὕρα παχέα, ὑπερυθρα, κάτω λεπία, οὐ καθίστατο. ἡσυχῇ κατενόει. τεσσαρεσκαίδεκάτῃ ἄπυρεθ, οὐχ ἰδρωσεν. ἐκοιμήθη. κατενόει πάντῃ. ὕρα ὡρᾷ πηλίσια. ὡεῖ ἑπτακαίδεκάτῳ ἰόντι, ὑπέρσρεψεν. ἐθερμάνθη. τὰς ἐπομένας πυρετὸς ὀξύς. ὕρα λεπία. πάλιν ἢ εἰκοτῇ ἐκρίθη. ἄπυρεθ, οὐχ ἰδρωσεν. ὀπόςαις ὡρᾷ πάντῃ τὸ χρόνον. κατενόει διαλέγεσθαι ἐκ ἡδυνάτο. γλῶσσα δὴ πῆξηθ. οὐκ ἐδίψει. κατεκοιμάτο κωμαλώδης. ὡεῖ ἢ εἰκοτῷ καὶ τετάρτῳ ἐπεθερμάνθη. κοιλῇ ὕγρη, πολλοῖσι λεπιοῖσι ρέουσα. καὶ τὰς ἐπομένας πυρετὸς ὀξύς. γλῶσσα ξυκεκαυθη. ἐβδόμη καὶ εἰκοτῇ, ἀπέθανε. τούτῳ κώφως διὰ τέλους παρέμεινεν. ὕρα παχέα καὶ ἐρυθρά, ἐ καθισάμενα ἢ λευκά καὶ ἄχροα, καὶ ἐναιώρημα ἔχοντα. γεύεσθαι ἢ ἡδυνάτο.

Π. Ε. Δ. Κ. Θ.



ERMOCRATE M, qui ad murum nuper constructum decumbebat, ignis (id est, ignea &) ardens febris) inuasit, incepitque dolere caput & lumbos. Hyponchondrij adfuit tensio, sed mollior. Lingua autem à principio exusta fuit. Confestim surditas: Somni non aderant: Siticulosus, sed non valde: Urina crassa & rubra, sed que in matellâ posita nullam faciebant residendum. Ex aluo etiam non pauca exie-

runt quasi combusta. Die quintâ, minxit tenues urinas habentes enaorema, sed non subsidebat. Sub noctem deliravit: Sextâ ictericus euasit: omnia sunt exacerbata, neque resipuit: Septimâ, molestè se habuit: Urina etiam tenues & iam dictis similes. Sequentibus diebus similia fuerunt omnia. Undecimâ verò omnia videbantur esse alienata: Sopor inuasit: Urina crassa & subrubra, quamuis in fundo essent tenuiores sine sedimento. Paululum resipiscebat. Decimâ quartâ febre erat vacuus, non tamen sudauerat: dormiuit, & iam omnia agnoscebat. Urinas similes dictis reddebat. Verum decimâ septimâ recidiuam passus est, incaluit, & reliquis diebus acutè febricitauit. Urinasque habuit tenues. Rursum indicatus est vigesimâ, & à febre liber euasit, quamuis nullo erumpente sudore: manebat tamen ut reliquis temporibus ἀπὸ τοῦ πυρετοῦ. Resipiscebat quidem, loqui tamen non poterat. Linguam habebat aridam, & non sitiebat, iacebatque comatosus. Unde vigesimâ quartâ incaluit: habens aluum lubricam, & multis tenuibus profluentem. Aliisque diebus febris fuit acuta, & lingue exustio. Tandem vigesimâ septimâ obiit. Huic surditas ad finem usque perdurauit: urinasque semper habuit vel crassas & rubras sine sedimento, vel tenues & decolores cum leui enaoremate. Vix autem cibos degustare poterat.

Nota adscriptæ falsæ, quandoquidem hoc non fuit ab Hippocrate annotatum, suppressam fuisse aluum vigesima septima die.

Typus est hepatitidos seu inflammationis iecoris ex phlegmonosâ vel saltē erysipelatosâ eius constitutione, quam funestissimus icterus sextâ die exortus comitatur, & tandem in exitialem vitæ periodon, Hermocratem hunc nostrum præcipitauit. Cum igitur primâ historiâ descriptam habuerimus Phrenitidem, grauissimum cerebri affectum, in quo illustrando diligenter laborauimus: par est ut similiter acutissimum & frequentissimum excutiamus, ducto ab ipsâ diagnosi exordio.

Quamuis ista dextri hypochondrij tensio dicatur ab Hippocrate λαπαρῶς fuisse, id est, mollior: tamen non est dubitandum ex signis tam comitantibus quàm subsequētibz, παθογνωμονικοῖς & ἐπιγενομένοις, quin vera fuerit hepatitis. Tensio enim illa fuit minor, vel quia illa inflammatio tendebat versus caua hepatis & ipsam mesenterij vacuitatem, vel etiam diaphragmatis externam superficiem, ut voluisse videtur Galenus, lib. 6. περὶ δυσπνοίας; vel quia erat erysipelaïosa ex tenui & feruido sanguine, qui paruos tumores, tensiones, & pondera excitare solet. Quod ad diagnosin autem, prognosin, & therapēciam istius affectus, necnon icteri superuenientis, vide dictata nostra peculiariter huic ægro aptanda. Iam ergo ad contextum veniamus.

Ex contextu verò tres potissimum exurgunt difficultates. Primo quod dixerit τὸ πῦρ, ignem inuasisse primo statim die Hermocratem. Sciendum enim quid per illud τὸ πῦρ, in natura febrili & inflammationis specie audiat Hippocrates. Secundò, cum annotauerit παχυνδρῖς adfuisse tensionem, dubitare quis posset, quid per illud παχυνδρῖς nomen intelligere voluerit, ac propterea clariùs explanandum. Tertio, mirari quis posset tam sæpe Hippocratem hîc dixisse Hermocratem iudicatum fuisse, sine vllâ tamen vacuatione: quomodo hoc fieri potuit, cum in primâ historiâ diceremus, omnem crisin constare suâ ἐπισημασίᾳ, ἐρεθίσμῳ & ἐκπύσει? Et quia recidiuæ hîc sæpiùs meminit Hippocrates, arreptâ quasi occasione explicabimus in gratiam neotericorum, quid sit illa, & quibus de causis contingat.

A primo igitur exordiamur. Τὸ πῦρ apud Hippocratem sæpe vsurpatur, ut annotauit Galenus, quoties exprimere vult vehementissimum ardorem febrilem, qui ferè supremum intensiōis gradum obtinuit: quemadmodum enim ignis elementum supremum calidorum dicitur, & simpliciter calidum: Sic etiam ea quæ ad eum gradum caloris peruenerunt, ut vltrâ superstite animali progredi nequeant, τὸ πῦρ, ignis, καὶ ὁ πυρετός dicuntur, eaque quæ sequuntur tales inflammationes, τὰ καυσικὰ vel πυρετικὰ, quasi combusta dicas, ut deiectiones Hippocrati in *Prorrhet.* appellantur, & hisce nostris libris frequenter. Quæ phrasis etiam vsitata fuit Aretæo antiquiori Medico, & veteribus omnibus, testante Erotiano, ut febres καυσῶδεις, ἀκρετοχόλεις, αἰσώδεις,

αισώδεις, κοπώδεις, περικαίς, & ὀξείας exprimerent, quæ sine vllâ intermissione aut remissione sensibili fiebant : quales sunt illæ quæ suam habent mineram & focum putredinis in maioribus illis vasis, inter alas & inguina excurrentibus, ac propius ad cordis æstuarium accedentibus : vnde exoritur immensa illa flamma, quæ hominem breui temporis spatio depascitur. Vel ceterè quoties pendent ab inflammatione erysipelatosâ vel phlegmonosâ alicuius partis internæ, cuius ὑπόκαυμα, feruor & æstus facile & indefinenter toti corpori, incenso prius corde communicari potest, quemadmodum fuit illa Pythionis in primâ historiâ, & Hermocratis istius. Idem etiam protulit Hippocrates 2. *Epid.* de febre quæ pleuritidem subsequitur, aut peripneumoniam, aliisque talibus, dummodò non degenerent in epialas, helodes, vel lipyrias, quæ à proprio suo symptomate nomen & appellationem nactæ sunt.

Vt igitur Hippocrates per illud τὸ πυρ simpliciter appellatum, πυρετὸν ὄξυν & καυσώδη significauit : sic etiam per adiectionem aliquando emollit istius nominis vim ; vt *primo de morbis mulier.* πῦρ ἔχει βληχρὸν, id est, lenta : & *lib. de vlc.* πῦρ μαλακὸν dixit : imò πῦρ ἀργὸν σύστημα, 7. *Epidem.* interpretatur Galenus in *exegeſi nominum Hippocratis*, non de febre, sed de collectione siue tumore erysipelatoso, qui ignem sacrum aut agrestem repræsentat. Denique est locus apud Hippocratem *lib. περὶ λέχνης*, vbi illud τὸ πῦρ, quod vocat συντροφον, accommodauit calori nostro innato, quod in Aphorismis τὸ ἐμφύλον θερμὸν, & aliàs frequenter appellauit. Atque hæc de πυρὸς seu ignis significatione apud Hippocratem.

Nunc ad ὑποχόνδρις nomen accedamus, quod in Hippocratis πραγματεία seu doctrinâ multò est frequentius. Illius enim scripta perpetuò hypochondrij nomine personant. Cum igitur corporis nostri partes in continentes & contentas diuidantur, siue externas & internas : fit sæpe apud Hippocratem, vt contentæ pro continentibus, vel contrâ vsurpentur : Vnde illud nomen χόνδρος, id est, cartilago, ξιφοειδὴς propriè dicta Anatomicis, pro subiecto pectore vel ventriculo sumitur apud Hippocratem 2. *Prorrh.* Sed potissimùm illa ὑποχόνδρις significatio extenditur tam ad internas illas partes, quàm externas, quæ à nothis costis ad ilia vsque protenduntur. In Coacis prænotionibus hypochondrium ἀνεσπασμένον, reuulsum & retractum dicitur, in hæmorrhagiæ prædictione, absque vllâ viscerum interiorum affectione, sed tantùm externarum partium, dum contrahuntur ad ciendas hæmorrhagias illas criticas. Est & in Prorrhethico ὑποχόνδρις ἐνταλὸς ὑπόμακρος, tensio sublonga, pro inflammatione scilicet duorum musculorum, qui ex thoracis sine rectâ ad os pubis inferuntur, & ideò recti appellantur. At sæpius, ὑποχόνδριον pro partibus contentis & internis sumitur, quas Latini præcordia vocitant. Vnde Hippocrates in *Prognosticis*, tam sedulò & frequenter nos monet, vt in morbis omnibus tam longis quàm acutis hypochondriorum diligentem habeamus rationem, vt ea sæpe Medicus contrectet & conspiciat, quoniam in ventre illo inferiore, velut sentinâ quadam corporis, præcipuæ morborum causæ stabulantur. Vnde 2. *de rat. viſt. in morb. ac.* ὑποχόνδρια κατεξηρασμένα σφοδρῶς, ἢ ἰσχυρῶς ἀνυχμώδη, præcordia valde resiccata & squalentia intellexit de constitutione totius inferioris ventris. Quemadmodum in *Prorrh.* ὑποχόνδρια μέγιστα χρονιώτετα intelliguntur, de inueteratis illis & persistentibus ventris inflationibus, quæ obstructionum copiam sequuntur. Et *Aphor. 64. sect. 5.* vbi agit de cautionibus exhibendi lactis, meminit ὑποχόνδριον διαβορβορίζοντων, obmurmurantium intestinorum, scilicet ventriculi, & aliarum mesenterij partium, in quibus lac oberrare & flatus istos excitare solet. Attamen illud hypochondrij nomen simpliciter prolatum, vt in hoc nostro agro, & aliis infinitis propè locis, designat propriè, κυρίως, & principaliter dextrum, nempe hepar illâ in parte contentum : quemadmodum dum lienem vult significare, τὸ ἀριστερόν sinistrum adiicit. Hinc tantopere in *Prognosticis*, & alibi, exhorrescit Hippocrates ὑποχόνδρια ἐπώδυνα dolentia, ἀνεσπασμένα, conuulsa, ξωτάσι vel χολιότητι affecta, intensa & inæqualia : quoniam perturbatâ hepatis & reliquarum partium, vt lienis, nutritioni dicatarum œconomiâ, parum est in agro sperabilis salus, obsessa quasi functionum naturalium arce, à quibus omnis πεπασμός & ἐκκρισις humorum morbi-
ficorum mitificatio & excretio expectari debet. Atque hæc de hypochondrio.

Nunc accedamus ad illud quod terciò fuit propositum, de crisi seu iudicatione Hermocratis, quam tamen nullâ ἐκκρισις seu vacuatio secuta est, vt ipsemet annotat Hippocrates. Videtur enim hoc ferè impossibile in morbis humoralibus, vt agri ab eis liberentur sine sensibili materiæ vacuatione, quæ erat illorum causa interior.

Ad hoc igitur paucis respondemus. *Κρίσις* nomen duo habet præcipua & prima significata apud Hippocratem, quorum vnum minus vsitatum videtur exprimere illud quod Latini iudicium seu mutationem vocant: quotiescunque & quocunque modo ægri suscipiunt intermissionem vel remissionem præsentis affectus, siue illa sit intida & inconstans, seu certa & rata; siue sit cum yacuatione & causarum morbificarum expugnatione, siue absque vllâ manifestâ causâ. Aliud verò *κρίσις* nomen est illud, quod à nobis in superiore historiâ fuit expressum, ipsam *ἐκκρίσις*, id est, vacuationem includens. Modo Hippocrates hac Hermocratis historiâ vulgare illud nomen *κρίσις* vsurpauit pro quacunque mutatione seu sensibili intermissione, quâ Hermocrates febrè vacuus apparuit: quamuis latitante intus foco & minerâ quamprimum acerbissime febris redierit, & hominem letho tandem tradiderit. Illis enim quæ præter rationem contingunt in morbis, non esse fidendum docuit in Aphorismis. At quærat adhuc aliquis, quomodo hoc possit contingere, vt æger quispiam, qualis hic noster, videatur à febre liber, & talis per aliquot horas persentiat, superstitè, quæ incendium interius fuscitabat, causâ. Ad hoc dici potest cum Galeno, remissionem istam seu febris vacuitatem, non esse *κατὰ τὴν ἀληθείαν*, id est, re ipsâ & verè, sed tantum *κατὰ φαντασίαν*, apparenter & imaginariè, ob caloris natui exiguitatem, qui cum proximus iam sit interitui suo & extinctioni, non potest amplius illam *σβέσσειν*, & contractam inflammationem ex febre externis partibus communicare; imò internæ ob incipientem illam *ναρκαῶσιν* suum illum æstum non percipiunt, & ægros quasi salutis securos faciunt. Vel etiam dici potest, naturam in summis illis conatibus aliquando materiam morbificam quamuis furentem & indomitam ita cohibere, aut in longinquiora à corde loca vacuationibus ordinariis amandare, in quibus per aliquot quasi horas delitescens præstet toti corpori inducias: mox tamen fatigante naturâ, maiori impetu reditura, quia extra corpus exturbari omnino nō potuit, vbi de victoriâ quasi exultans extremū plerumq; naturæ exitium adferre solet. Et hoc in ægris nostris quotidie videmus contingere. Atq; hæc potest esse ratio *κρίσις* illius falsæ & imaginariæ. Iam ad vltimum progrediamur, quod ex contextu nostro propositum fuit, nimirum de recidiuæ naturâ & causis, quæ vtilissimam complectitur tractationem Medicam, & quasi quotidianum euentum.

Recidiuâ igitur, quam Hippocrates *ὑποπροφῶς* & *ὑποπροσώσμων* vocat Aphor. 36. sect. 4. aliquando sumitur pro omni reditu siue exacerbatione morbi, qui iam inclinare videbatur, siue hoc contingat cum iudicatione manifestâ & vacuatione sensibili, siue absque vllâ *σπουδῇ*, vt videre est in hoc nostro Hermocrate, & aliis multis ægrorum historiis ab Hippocrate descriptis. Alias verò recidiua sumitur magis propriè pro repetitione morbi alicuius, qui iam ex declinatione vniuersali per aliquod tempus & sensibilem moram intermittens, & quasi postliminiò rediens, conualescentem hominem inuadit, siue illud pendeat à causâ internâ, materiali vel immateriali, siue externâ: siue sit eiusdem speciei cum superiore, siue alienam habeat naturam à radice ac principali morbo. Istarum recidiuarum exempla habentur sæpius apud Hippocratem. At vera & propria recidiua *κυρίως* dicta, tres debet habere conditiones, vt annotant Practici nostri.

Prima est, vt morbus aliquis principalis (radicem vocant barbari) præcesserit & simul cessarit in declinatione vniuersali, cum sensibili materiæ vacuatione: quâ proprietate excluduntur istæ recidiuæ Hermocratis, & aliorum, qui in augmento & statu morbi, *ὑποπροφῶς* sine vllâ crisi dicuntur passi, quia neque fuit debitum interual- lum intermissionis illius, neque causa vlla manifesta, quæ *ἀπορροήν* induxerit: excluduntur etiam paroxysmitertianæ, quartanæ, & aliarum intermittantium, qui non habent declinationem vniuersalem, sed tantum periodicam, ob quam vnus morbus, non plures esse dicuntur: Idem dicas de Epilepsia inuasionibus.

Secunda proprietas veræ recidiuæ est, vt habeat denominationem specificam, hoc est, similem essentiam cum radicali morbo: Quâ conditione excluduntur noui illi morbi, siue consequentes, qui exoriuntur post alterius cessationem, quasi per *μεταβολήν* transmutationem, aut *μετάσπιν* transpositionem. Vt quando ex continuâ febre exoritur intermittens, vel tertianæ febrì per exustionem succedit quartana. Aut certè scirrhus hepatis hydrops, vel anginæ empyema, febrì diurnæ abscessus, in cruribus, & similes.

Tertia deniq; proprietas est, vt morbus ille *παλιμβολῶς*, vt loquitur Hippoc. 6. Epid. pendeat à reliquiis materiæ præcedentis morbi, cuius satis magna quantitas, causæ potissimum antecedentis relictæ est ad repullulandum: Vel certè talis intemperies

in foco & minerâ putredinis, vt facile sit nouam denuò cacochymiam *ὁμογενή*, consimilem colligere. Et sic excluduntur omnes illi morbi, qui conualescentibus superueniunt ob causas primitiuas tantum, vt loquuntur, verbi gratia, malum vitæ regimen, iram, mœrorem, prauam diætæ rationem, & aliarum rerum non naturalium, ex quibus sit quidem sæpè *παλιδρομή*, sed non vera *ὑποστροφή* ex superiore morbo pendens.

Vnde Hippocrates *Aphorism. 12. sect. 2.* veras principalis recidiuæ causas assignans: *Quæ relinquuntur*, inquit, *in morbis, recidiuas facere solent, etiam post crisin.* Illud autem quod relinquitur, interprete Galeno, duplex est, vel materiæ antecedentis portio, quæ paucis diebus post putrescens & exagitata, renouat typum, & committit similem priori morbum; vel certè insignis intemperies siue impressio qualitatis ex causâ prægressâ, & in foco putredinis, ex quâ facile suscitatur consimilis materia, adueniente alimento etiam bono & laudabili, potissimum si æger paulo liberius, vt sit, profligato priore morbo, illo vtatur. Sin verò prauis cibis sese conualescens diu ingurgitet, vt per 15. vel 20. dies, ita vt nulla Medici aut adstantium monita audiens in malâ illâ diætâ perseueret: incurrere quidem poterit recidiuam, sed non veram & ex priori radice pendentem, verum ex errore tantum concoctricis aut expultricis, quæ in neutro illo adhuc statu, non sufficit ad perfectè assimilandum, corrigendum, aut depurandum prauum illud alimentum, & reliquias excrementosas, & *περιττώματα* excernenda. Vnde hæc recidiua consimilis esse potest priori morbo, sed non dependens ratione causæ efficientis. Vbi verò pathemata animi, vigilæ, labor, aut motus inordinati, conualescentes recidiuare faciunt; si quidem morbus consequens non sit consimilis priori, sed vel ephemera tantum, vt sæpe solet, vel dolor colicus, aut aliarum partium; credibile est illud totum de nouo fuisse suscitatum, & causæ illius procatarcticæ vi inductum. Sin verò sit eiusdem denominationis specificæ, vt loquuntur, credibile est latitasse intus causam, quæ quamuis non esset sufficiens per se ad recidiuam faciendam, sed esset paulatim & quasi insensibiliter cessura, tamen illis adiuta perturbationibus rerum exterarum, ad nouum naturæ inferendum conflictum commota fuit, satisque potens exstitit.

Hinc recidiuarum signa prognostica ab Hippocrate frequenter inculcata, & in actu prophylactico, vt loquuntur nostri, valde annotanda exurgunt, nimirum ab eis quæ præcedunt, & quæ sequuntur. Prægressa sunt præcipue ea quæ contigerunt in priore morbo, vt pote si cessauerit quidem, sed nullâ euacuatione factâ, aut si quidem vacuatio contigerit, sed non qualis & quanta esse debuit, aut die infelici & minimè iudicatorio, recidiuam pro foribus esse prædicendum est, nisi conuenientibus illi remediis occurratur; purgantibus, vbi superest materia vel tota, vel maior eius portio; alterantibus & præparantibus, vbi decessit quidem maior humoris morbifici quantitas, sed tamen contractum empyreuma, ita remansit, aut alia intemperies, vt neque Medicum, neque ipsum ægrotantem fugiat. Vnde Hippocrates ratione solutionis morborum quæ contingit sine crisi, aut aliâ causâ sufficiente, *Aphorism. 27. sect. 2.* monuit, his qui *ᾧ λόγῳ*, id est, præter iustam causam, melius se habent, non esse fidendum, quia sunt *ἀβέβαια*, non consueuerunt durare vel permanere. Ratione verò qualitatis eorum quæ vacuantur, est *Aphor. 1. sect. 1.* & plures alij. In vacuationibus, inquit, spontaneis siue criticis, quando talia vacuantur, qualia oportet, quæ scilicet erant pars humoris peccantis, confert & leuiter ferunt: sin minus, contrâ: vt ratione cruditatis, habentur omnes illæ crises infidæ & *ὑποστροφῆς*, quæ fiunt sine apparentibus coctionis signis; in Prognosticis. Ratione quantitatis illud est axioma Hippocraticum: Nihil paucum esse posse criticum. Ratione verò temporis siue dierum in quibus illæ fiunt, sunt insignes admodum *Aphorism. 36. sect. 4.* de sudoribus bonis ratione diei, & eis qui labores, longitudinem, aut recidiuam inferunt. Item 61. *sect. eiusdem, Febricitantis*, inquit, *nisi diebus imparibus febris intermiserit, solet recidiuam facere.* In Coacis & in Prognost. *Quibuscunque desinunt febres in diebus non iudicatoriis, expectanda est recidiua.*

Ex his verò quæ consequuntur signa etiam futuræ vel imminentis recidiuæ exurgunt, vt actionibus læsis, excrementorum prauitate, & affectibus seu simplici corporis qualitate. Hinc remanens post crisin oris siccitas, & insuauitas, ciborum fastidium, sitis, pondus & grauitas totius corporis, magnum imminere periculum recidiuæ suadet. Item vrinæ perturbatæ, confusæ, vel omnino tenues & albicantes; deiectiones alui variegatæ & admodum fœtentes; sudor noctu perseuerans; color & faciei

faciei habitus foedus. Hippocrates *lib. de indicationibus. Recidiva*, inquit, *sunt in his quibus desinente febre vigilia foris accedunt, somni turbulenti, corporis & animi languor, vel dolores in aliqua parte.* Ad hoc etiam pertinet Aphorismus ille 17. *sect. 4. & 20. sect. eiusd.* quamvis ad alios etiam status pertinere videantur. *Illis*, inquit, *qui iam febre vacant, si* *ἀποσιλῆ, καρδιαγμός, vertigo, & oris amaror perseveret; purgatione indigere significatur.* At in Coacis eleganter, *Quicumque ex morbis se refocillantes, bene cibum accipiunt, & nihil proficiant, hi malignè recidivam incidunt.* Cui responder Aphorismus ille 8 *sect. 2. Si quispiam à morbo cibum capiens, non refocilletur, &c.*

Ex his de recidivarum naturâ, distinctione, causis, & signis ita explicatis, facile est respondere ad quæsitâ illa practantium nostrorum; vtrum scilicet recidiva sit deterior suâ radice. Vtrum sit vnus morbus cum priore, & vtrum eandem debeat habere computationem, vel distinctam, dierum scilicet criticorum enumerationem. Deteriorem enim esse suâ radice recidivam sæpe contingit, ex conditione tam humoris quàm ægrotantis. Humoris quidem relictî, ob insignem quandam putredinem & malitiam inductam, quæ potens fuit etiam imminutâ quantitate, vt novum denuò morbum excitaret. Ægrotantis, ob fractas præcedenti morbo vires, & depauperatum calorem nativum, qui non erit ferendo aut expugnando recenti huic & recrudescenti morbo. Sæpe tamen contingit, vt ægro adhuc valido, reliquiæ illæ humoris, aut impressa intemperies, leuiorem faciant recidivam, quæ tamen deterior non est censenda radice, quia paucis & accommodatis remediis facilè cedit. Esse etiam vnum morbum cum priore, contingit sæpius, si vnitatem causæ & essentia respicias. Vnitatem causæ, quando scilicet pendet omnino ab illâ materiâ quæ relictâ fuit: Essentia, quando prior morbus non omnino & reuerà desiit, sed apparenter tantum, vt in falsâ recidivâ, quæ in augmento vel statu accidit: quemadmodum novum facit esse morbum, quando noua fuit materiæ collectio, & recidiva post insignem aliquam temporis moram, atque vniuersalem declinationem rediit. Prior enim eandem habet dierum criticorum cum priore morbo computationem, quia vnus & idem est motus. Hæc verò distinctam & peculiarem, quia incipit sua tempora, non minùs quàm prior morbus. Alij dicunt, per se obseruare propria morbi acuti tempora ad dies decretorios computandos: cum totâ autem radice tempora morbi diuturni, donec perfecta sanitas contigerit. Atque hæc de contextu nostro sufficiant.

HISTORIA III. IV. & V.

Ο Κατὰ κέρδιον ἐν ταῖς Δεάλυσις κήτω, κεφαλῆς βάρ. καὶ κρόταφον δεξιὸν ἐπὶ ὠδῶν ἔχει χρόνον πάλιν. μὲν ἡ περὶ ὥσπερ, πῦρ ἔλαβε. κατεκλίσθη. διελθὼν ἐξ ἀριστερῶν ὀλίγον ἀκρητον ἐρρύη αἷμα. ὅσο ἡ κοιλίης κόπρανα καλῶς διήλθεν. ἔρα λεπτά, ποικίλα, ἐναγώρημα ἔχοντα, κατὰ μικρά, οἷον κρίμα γονοιδέα. τρίτη πυρετὸς ὀξύς. διαχωρήματα μέλανα, λεπτά, ἐπαφρα. ὑπόστασις πελιδνὴ διαχωρήμασιν. ὑπεκαρσέτο. ἐδυσφόρη πρὸς τὰς ἀναστάσεις. οὐρεῖς ὑπόστασις πελιδνὴ, ὑπόγλυχρη. τετάρτη, ἡμερῶν χολώδεια, ξανθὰ, ὀλίγα. διαλιπὼν ὀλίγον ἰώδεια. ἐξ ἀριστερῶν ὀλίγον ἀκρητον ἐρρύη. διαχωρήματα ὁμοία, ἔρα ὁμοία. ἐφίδρωσε πρὸς κεφαλῇ καὶ κνήδε. πάλιν ἐπύρην. μερὶς ὀδύνη καὶ ἔξιν. ὑποχονδρίαι δεξιῆς ζωῆσις ὑπολάπαρ. νυκτὸς οὐκ ἐκοιμήθη. παρέκρυσσε μικρά. ἐμπλή διαχωρήματα πλείω, μέλανα, ἐπαφρα. ὑπόστασις μέλανα διαχωρήμασιν. νύκτα οὐκ ὑπνώσεν. παρέκρυσσε. ἐκλὴ διαχωρήματα μέλανα, λιπαρά, γλίχρα, δυσώδεια. ὑπνώσεν. καλινός μᾶλλον. ἐβδόμη, γλῶσσαι, ὀπίξηρη, διψώδης. οὐκ ἐκοιμήθη. παρέκρυσσε. ἔρα λεπτά, ἐκ εὐχρεα. ὀγδόη, διαχωρήματα μέλανα, ὀλίγα, σινεσηκότα. ὑπνώσεν. καλινός. διψώδης ἐκ λίλυ. ἐν αὐτῇ ἐπερρίγωσε, πυρετὸς ὀξύς, ἰδρώσε. ψύξις. παρέκρυσσε. δεξιῶ ἔλαβε. γλῶσσαι ὀπίξηρη. διψώδης. ἀγρυπνῶν. δεκάτη, πρὸς τὰ αὐτά. ἐνδεκάτη καλινός δι' ὅλα πάντα. ἄπυρ. ὑπνώσεν. ἔρα λεπτά πρὸς κρίσιν. δύο διέλιπεν ἄπυρ. διέσπρεψεν τρισαρεσκαδεκάτη. αὐτίκα ἡ νύκτα ἐκ ἐκοιμήθη. δυνόφ. πάντα παρέκρυσσε. πεντεκαδεκάτη, ἔρον θολερὸν. οἷον ἐκ τῆς κατεσηκῶτων γίνεται, ὅταν ἀναταραχθῇ. πυρετὸς ὀξύς. πάντα παρέκρυσσε. ἐκ ἐκοιμήθη. γοιῶτα καὶ κνήμας ἐπὶ ὠδῶν ἔχεν. ὅσο δὲ κοιλίης βάλανον περὶ δερμῶν, μέλανα κόπρανα διήλθεν. ἐξκαδεκάτη ἔρα λεπτά, ἔχει δὲ ἐναγώρημα ὀπινέφελον. παρέκρυσσε. ἐπτακαδεκάτη, πρὸς ἀπρεα ψυχρὰ πρὸς ἐκλίσθη. πυρετὸς ὀξύς. ἰδρώσε δι' ὅλα. ἐκρυφίσθη. καλινός μᾶλλον. οὐκ ἄπυρ. διψώδης. ἡμερῶν χολώδεια, ξανθὰ, ὀλίγα. ὅσο δὲ κοιλίης

κόπρανα διήλθε. μετ' ὀλίγον ἢ μέλανα, ὀλίγα, λεπτά. ἔρα λεπτά, ἐκ εὐχρῶα. ὀκτωκαιδεκά-
τη, ἔ καλινός. κομωλῶδης. ἐνεακαιδεκάτη. διὰ τ' αὐτῶν. ἔρα λεπτά. εἰκοστῇ, ὑπνωσε. κα-
τενόει πάντα. ἰδρωσεν ἄπυρρον. ἐκ ἐδύψα. οὐρα ἢ λεπτά. εἰκοστῇ πρώτῃ, σμικρὰ παρέκρυσεν.
ὑπεδύψα. ὑποχονδρίῃ πόνον. καὶ πρὶ ὀμφαλὸν παλμὸς διὰ τέλους. εἰκοστῇ τετάρτῃ, ἔροι-
σιν ὑπόσπασις. καλινός πάντα. εἰκοστῇ ἐβδόμῃ, ἰσχίῃ δεξιᾷ ὀδύνῃ. ἔρα λεπτά, καὶ εἶχον
ὑπόσπασιν. τὰ δὲ ἄλλα εἶχεν ὀπτικέστατα. πρὶ ἢ εἰκοστῇ ἐννάτῃ, ὀφθαλμοὶ δεξιᾷ ὀδύνῃ.
οὐρα λεπτά. τεσσαρεκκοστῇ, διεχώρησε φλεγμωδία, λευκά, ὑπόσυχνα. ἰδρωσε πολλὰ δι-
ὄλα. τελείως ἐκρίθη.

ΕΝ Θάσῳ φιλήσης κεφαλῇ ἐπώνους χρόνον πελῶν καίποτε καὶ ὑποκαρδιᾷς, κατεκλίθη. ἐκ
ἢ πόνων πυρετῶν ξυμειχῶν γρομμένων, ὁ πόνον παρωξύνθη. νυκτὸς ἐπεθερμάνθη τὸ πρῶ-
τον. τῇ πρώτῃ ἡμερῇ χολώδεια, ὀλίγα, ξανθὰ τὸ πρῶτον. μετὰ ἢ ταῦτα, ἰώδεια πολέον. ὑπὸ
ἢ κοιλίῃς κόπρενα διήλθεν. νύκτα δυσφόρως. δευτέρῃ κώφωσις. πυρετὸς ὀξύς. ὑποχόν-
δριον δεξιὸν συνετάθη. ἐρρεπενεῖς τὰ ἔσω. οὐρα λεπτά, διαφάνεια. εἶχεν ἐναγώρημα γονοει-
δές, σμικρὸν ἐξεμάνη, πρὶ μέσον ἡμέρας. τρίτῃ δυσφόρως. τετάρτῃ σπασμοί. παρωξύνθη
πάντα. πέμπτῃ πρῶτῃ ἀπέθανεν.

ΧΑΙΡΙΩΝ, ὃς κατέκειτο πρὸς Δημαμένῳ, ἐκ ποτὲ πῶρ ἔλαβεν. αὐτίκα ἢ κεφαλῇς βάρος
ἐπαδῶν. οὐκ ἐκίματο κοιλίῃ τετραχῶδης, λεπτοῖσιν, ὑποχολώδεις. τρίτῃ πυρετὸς
ὀξύς. κεφαλῇς τρόμος. μάλιστα ἢ χάλις. τῷ κάτω. μετ' ὀλίγον ἢ, ῥίγος. σπασμοί. πάν-
τα παρέκρυσεν. νύκτα δυσφόρως. τετάρτῃ δὲ ἡσυχίῃς. μικρὰ ἐκίμαθη. παρέλεγε. πέμπτῃ,
ὀπτικῶς πάντα παρωξύνθη. λήρος. νύκτα δυσφόρως. ἐκ ἐκίμαθη. ἕκτῃ, διὰ τ' αὐτῶν.
ἐβδόμῃ ἐπερρίγωσε. πυρετὸς ὀξύς. ἰδρωσε. δι' ὅλα ἐκρίθη. τῷ πρῶτῳ διὰ τελέος ὑπὸ κοιλίῃς
διὰχωρήματα χολώδεια, ὀλίγα, ἄκρητα. ἔρα λεπτά, εὐχρῶα, ἐναγώρημα ὀπνέφελον ἔχον-
τα. περὶ ὀγδόῳ, ἔρυσεν εὐχρῶτερα, ἔχοντα ὑπόσπασιν λευκῇ, ὀλίγῃ. καλινός. ἀπύρρον
διέλιπεν. ἐννάτῃ ὑπέρσπασεν. περὶ ἢ τεσσαρεκαδεκάτῃ, πυρετὸς ὀξύς. ἰδρωσεν. ἐκκαδεκά-
τῃ ἡμερῇ χολώδεια, ξανθὰ, ὑπόσυχνα. ἐπτακαιδεκάτῃ, ἐπερρίγωσε. πυρετὸς ὀξύς. ἰδρω-
σεν. ἄπυρρον ἐκρίθη. οὐρα μετὰ ὑποστροφῇ καὶ κρίσιν, εὐχρῶτερα, ὑπόσπασιν ἔχοντα. ἐδὲ
παρέκρυσεν ἐν τῇ ὑποστροφῇ. ἡ, ἐθερμαίνετο σμικρὰ. ἐπεδύψα. οὐρα λεπτά. ἐναγώρημα
ὀπνέφελον. σμικρὰ παρέκρυσεν. περὶ ἢ, ἄπυρρον. τράχηλον ἐπαδῶν εἶχεν. οὐρεῖσιν ὑπό-
σπασις. τελείως ἐκρίθη εἰκοστῇ. **Κ**. Χ. Γ. Δ. ΟΥ. Χ. Τ.



*VI in Dealcis horto decumbebat, capitis gravitatem, & tempus dex-
trum dolorosum habebat multo tempore. Cum occasione vero febris
corripuit, decubuit. Secundâ die ex sinistra nare modicus merus san-
guis fluxit. Ab alio stercora probè prodierunt. Urina tenues, varia,
in medio pendens quiddam habentes minutim dispersum, velut farina
crassiores, & geniturae similes. Tertiâ, febris acuta, secessus nigri, tenues, spumosi, sub-
sidentia secessibus liuida: somno grauiore aliquantulum premebatur, molestè surgebat:
urinis subsidentia liuida, subuiscosa. Quartâ, vomuit biliosa, flaua, pauca, paulò post
aruginosa. De sinistra nare modicus merus sanguis fluxit. Seccessus similes. Urina simi-
les. Sudauit circa caput & claviculam. Splen eleuatus est. Femoris dolor è directo.
Præcordij dextri distentio submollis: nocte non dormiuit: parum mente motus est. Quin-
tâ, seccessus plures nigri, spumosi: subsidentia secessibus nigra: nocte non dormiuit: mente
motus est. Sextâ die, seccessus nigri, pingues, viscosi, graueolentes: dormiuit: intelli-
gebat magis. Septimâ, lingua sicca, siticulosus, non dormiuit, mente motus est. Urina
tenues, non boni coloris. Octauâ, seccessus nigri, pauci, compacti: dormiuit: intelligebat:
siticulosus non valde. Nonâ, riguit: febris acuta: sudauit: frigiditas: mente motus
est: dextro oculo distortus est: lingua arida, siticulosus, insomnis. Decimâ, circa ea-
dem. Vndecimâ, intelligebat per totum omnia, à febre liber: sudauit: urina tenues
circa iudicationem. Duobus diebus à febre liber fuit: Decima quartâ redijt. Statim au-
tem nocte non dormiuit: penitus mente motus est. Decima quintâ urina turbata, qua-
lis ex his quæ subsidentur fit, quum fuerint agitata: febris acuta: penitus mente motus
est: non dormiuit, genua & tibias dolorosa habebat: ab alio subditâ glande, stercora
nigra prodierunt. Decima sextâ urina tenues, habebant quid in medio vehens nubi-
losum:*

losum : mente motus est. Decima septimâ manè extremitates frigida : contegebatur : febris acuta : sudavit per totum : alleuatus est : intelligebat magis : non à febre liber : siticulosus. Vomuit biliosa, flava, pauca. Ab aluo stercora prodierunt paulò post nigra, pauca, tenuia. Urinae tenues, non boni coloris. Decima octauâ non resipiscebat : soporosus. Decima nonâ per eadem. Vigesima dormiuit : omnia intelligebat : sudavit : à febre liber : non sitiebat. Vigesima primâ, parum mente motus est : paululum sitiebat : prae cordij dolor, & circa umbilicum palpitatio perpetuò. Vigesima quartâ, urinis subsidientia : intelligebat omnia. Vigesima septimâ coxae dextra dolor. Urinae tenues, & subsidientiam habebant : In reliquis commodissimè habebat. Circa vigesimam nonam, oculi dextri dolor. Urinae tenues. Quadragesimâ egressit pituitosa, alba, aliquantò plura : multum sudavit per totum : perfectè indicatus est.

IN Thaso Philistes caput multo tempore dolebat : & quandoque etiam aliquantò grauiore somno pressus decubuit. Quum autem ex potationibus febres continuè oborta essent, dolor exacerbatus est : nocte excalescens est primùm. Prima die, vomuit biliosa, pauca, flava primùm, postea verò plus eruginosa. Ab aluo autem stercora prodibant : noctem habuit molestam. Secunda die, surditas : febris acuta : praecordium dextrum distentum est : declinauit ad internas partes. Urinae tenues, pellucidae, habebant quiddam in medio pendens geniturae simile. Parum insaniuit circa meridiem. Tertiâ diem molestam habuit. Quarta conuulsiones : exacerbata sunt omnia. Quintâ manè mortuus est.

CHarionem qui decumbebat apud Demenetum, ex potu febris corripuit. Statim autem capitis grauitas dolorosa : non dormiuit : aluus turbata ex tenuibus biliosis. Tertiâ die febris acuta : capitis tremor, maximè autem labij inferni : paulò post rigor, conuulsiones : penitus mente motus est. Noctem molestè tulit. Quarta, per quietem, parum dormiuit : parum delirauit. Quinta, laboriosè omnia exacerbata sunt : delirium : noctem molestè tulit : non dormiuit. Sexta, per eadem. Septima, superriguit : febris acuta : sudavit per totum : indicatus est. Huic perpetuò ab aluo secessus biliosi, pauci, meri. Urinae tenues, boni coloris, in medio nubilosum quiddam pendens habentes. Circa octauam minxit urinas melioris coloris, habentes subsidientiam albam, paucam : resipiscebat : febris intermisit. Nona, redijt. Circa decimam quartam febris acuta : sudavit. Decima sexta vomuit biliosa, flava, satis multa. Decima septima superriguit : febris acuta : sudavit : à febre liber : indicatus est. Urinae post recidiuam & indicationem, melioris coloris, subsidientiam habentes. Neque mente motus est in recidiua. Decima octaua parum calefcebat : insuper sitiebat. Urinae tenues, quod in medio pendeat, nubilosum erat : parum mente motus est. Circa decimam nonam à febre liber, collum dolorosum habebat. Urinis subsidientia : perfectè indicatus est vigesima. P.M.P.V.V.S. hoc est, probabile multitudinem biliosarum urinarum vigesima sanatum.

Historiae huius libri, tertia, quarta, & quinta non habebunt fusioem à nobis explanationem, vel quia nihil à iam dictis nouum continent, vel quoniam in sequentibus omnia explicabuntur, quae in his quod ad successum febrium ardentium & continuarum habentur. In tertiâ tamen historiâ Dealcis, duo notanda sunt. Primum, contenta urinae, siue enæorema dispersum & farinae crassiori, aut geniturae simile, quod diuturnitatem morbi significauit, qui ante quadragesimum diem non fuit indicatus. Est enim Aphor. 31. sect. 7. Quibus febricitantibus urinae sedimina crassioris farinae speciem referunt, diuturnum fore morbum significant, propter materiae istius crudioris & contumacissimae naturam ; est enim pituitae viscidae & putrentis portio, vel ipsa partium spermaticarum colliquatio, quae non potest nisi longo admodum tempore concoqui, si vires sunt robustae, ut in proposito ægro, vel certè praesentaneum adferunt exitium, oppresso & quasi suffocato calore nativo, ut contigit in historiâ

Sileni, & quartâ Philistidis, qui talibus apparentibus vrinis, citò sublati sunt è medio. Secundum notabile huius historiæ tertiæ, est illa vmbilici, aut circa vmbilicum palpitation, *πλμὸς*, quæ circa vigesimum primum diem continuò apparuit, cum hypochondrij dolore, ad quam tamen non ea subsequuta sunt, quæ habentur in Prognostico & Prorrheticis. Ibi enim Hippocrates ex pulsatione præcordiorum, perturbationem ac delirium, vel futuram hæmorrhagiam præfagit. Ideò sciendum, istum *πλμὸν* siue palpitationem in præcordiis, seu vmbilico dupliciter contingere posse, vel propter ingentes partium contentarum inflammationes, aut feruidiorem in eis sanguinem subsultantem & quasi exilientem. Vnde vult eorum oculos tunc & faciem considerandam. Quoties enim adest oculorum summa mobilitas, tunc metus est furoris & delirij. Sin rubicunda quædam illis obuerfentur, nares pruriant intus, & facies paulò coloratior existat, signum est sanguinis profusionem citò adfuturam. Vel potest ita palpitation circa vmbilicum contingere, ex spiritu flatuoso, & à multâ materiâ crassâ, obstructionumque copiâ fuscitato, qui iam exagitatus significat futuram materiæ excretionem per aluum aut sudores, quamvis tardiozem, vt contigit huic nostro ægro circa quadragesimum diem.


In quartâ historiâ Philistidos, nihil admodum notabile occurrit, præter citissimam illam mortem, quæ ex vehementiâ febrilis incendij circa quintam diem contigit. Vnde arreptâ quasi occasione æquum esse videtur, vt paucis de morborum acutorum naturâ, causis, & differentiis hodie differamus.

In quintâ historiâ, Chæron mente leuiter, motus & decima nonâ dolorem habens in collo, perfectè iudicatus est vigesimâ per vrinæ profluuium: siue dolor ille colli superauerit præsens delirium, quod erat illa leuius, vt videtur velle Galenus: seu signum esset iam delabentis materiæ critico quodam motu, & deturbatæ versus inferiora: vnde subsequuta est felix illa excretio. Atque hæc de illarum historiarum notabilibus sufficiant: Nunc relictis quasi viris, ad mulierculas conuertamur.



HISTORIA II.

TΗΝ Ευρυάναν, ἡ δὲ θυγατέρα παρθένον, πῦρ ἔλαβεν. ἡ δὲ ἀδελφὴ Διαιτελέως γάμου ἔπεσεν. ἀπὸ τῆς κοιλίας σμικρὰ διήλθον. ἕνα λεπτὸν, ὀλίγον, σκληρὸν ὄνυχον. ἀρχομένη τῆς πυρετοῦ, πρὶν ἔδρῳ ἐπόνει. ἔπειτα, ἡ δὲ ἔδρα, ἀπυρρὸν. ἐκ ἰδρωσεν. ἐκρίθη. τὸ δὲ πρὶν ἔδρῳ, σμικρὰ ἐξεπύπυσεν. ἐρράγα ἅμα κρῖσι. μὴ δὲ κρῖσι, ἔπειτα, ἐρρίγασε. σμικρὰ ἐπεπυρρῶθη, ἰδρωσεν. μὴ δὲ κρῖσι ὁδωμένη ἔπειτα, ἐρρίγασεν ἔτι πολλὰ. ὕστερον δὲ ἀκρεὰ ψυχρὰ αἰεί. πρὶν ἰ, μὴ δὲ ἰδρωτὰ τὸ γλῶσσον, παρέκρυσσε. καὶ πάλιν ταχὺ κατένοθον. ἔλεγον δὲ γὰρ σαρκίῳ βότρυν, ταῦτα παθεῖν. Διαιτελέως δὲ ἰδρὸν, πάλιν πολλὰ παρήλθον. κοιλίῃ ἐπαράχθη χολώδεις, ὀλίγοις καὶ ἀκρότοις, λεπτοῖς, δακνῶδεις. πυκνὰ αἰνίσαντο. ἀφ' ἧς δὲ παρέκρυσσε τὸ ὕστερον ἀπέθανε ἐβδόμῃ. αὕτη ἀρχομένη ἔνοσημα, ἤλγει φάρυγξ. καὶ Διαιτελέως ἔρρωθον ἔχει. καὶ γαστρικῶν ἀναισθησιν. ῥέυματὰ πολλὰ, σμικρὰ, δριμύνα. ἐβησε. πέποννα ἔδεν ἀνῆγε. ἀπόσιλον πάντα, ὡρὰ πάντα τὸ χρόνον. ἔδινε περὶ τὴν σπῆνδα. ἀδελφὴ δὲ, ἔδινε πνεύμα ἔδεν ἀξίον λόγον. Γραῖσα ἔδεν διελέγετο. δουρὶ μὴ ἀνέλπιδος αὐτῆς ἔχεν. ἡ δὲ καὶ ἐν γένει, φθινώδης.



VRTAN ACTIS filiam virginem ignis seu ingens febris corripuit. Fuit perpetuò sine siti, neque cibos ullos admittebat. Ex aluo pauca profluebant. Vrinae etiam tenues, paucae, & non boni coloris. Incipiente autem febre, doluit circa sedem. Sextâ die visa est libera à febre, non sudavit tamen. Iudicata est, ita ut illud quod in sede erat, fuerit paululum suppuratum, & profluxerit cum crisi. Postea vero septimâ die, rigor inuasit, & parvus calor cum sudore. Octauâ rursus riguit, sed parum. Et in posterum extremitates semper frigidae manserunt. Ad decimam post renouatum sudorem, delirauit, & rursus quasi derepente ad se redibat. Dicebant autem hoc illi contigisse ex degustatis cuius. Post duodecimam autem rursus multum delirauit. Alius conturbata, & profluens biliosis, paucis, sinceris, tenuibus, & mordacibus, crebrò desurgebat. Septimâ die, à qua postremum delirauit, mortua est. Ista ægra à quo cæpit morbus;

morbus, semper doluit fauces, rubicunda fuit, & vuulam habuit contractam, & rheumata multa, parua, & acria. Tussiebat, sed nihil coctum expuebat. Omnes cibos auersabatur, neque ullum appetiuit. Sine siti, ut nihil ἀξιόλογον biberet. Taciturna erat, & non loquebatur. Mœrore & quasi desperatione torquebatur. Aderat etiam illi nativua quadam ad tabem propensio.

A Cerrimi & mordacis catarrhi in fauces, pectus, & totum ventrem inferiorem prolabantis, cum febre continuâ & recidiuante, quæ tandem in leipyriam degeneravit octauâ die, cum perpetuo extremitatum frigore ad ultimam usque diem descriptio habetur in hac Euryanactæ virginis historiâ, quam tibi propensissimam fuisse ex suâ natura eleganter etiam annotauit Hippocrates: ut non solum agentis vim, causarumque præsentiam morbificarum, sed etiam patientis dispositionem summam adfuisse designaret.

Mutua ergo hæc operam sibi præstant catarrhus iste ferinus, & febris æstuosa. Ille quidem inflammans & adurens partes dictas tam acrimoniâ suâ, quàm contractâ de nouo putredine, & fortasse subintrans ipsa vasa, ibique morbificam causam adaugens, ut eleganter animaduertit Fernelius: Febris verò calore suo attenuans magis, & fluere faciens materiam catarrhosam, atque per ἀναθυμίασιν illam perpetuam efficiens ut cerebrum vaporibus impleatur, eosque in serosâ substantiæ modum conuersos, denuò in subiectas partes refundat.

Notæ horum affectuum & partium affectarum, ita notæ esse possunt omnibus ex descriptione Hippocraticâ, ut non videantur prolixiori indigere oratione. Febris enim illa ardens & æstuosa, satis se suo charactere proprio manifestat: caliditas enim præter naturam in corde primum & visceribus accensa, deinde per totum corpus expansa, ostendit interiorem subsistere putredinem, quæ terribissimis suis vaporibus contractum illud incendium toti communicat. Vtrum verò primaria fuerit hæc febris, ex humorum scilicet in maioribus vasis putrescentium vitio: vel secundaria, ex materiæ istius catarrhosæ in fauces, vuulam, & thoracem decumbentis, ibique putrescentis coaceruatione, dubitari potest. Non enim absurdum esset credere, cacochymiam potissimum melancholicam & pituitosam in hac virgine exundantem, ut illa ἀναθυμίασιν ἀνέλκυσθαι, mœror & desperatio ostendunt, causarum internarum aut externarum concursu adiutam, concepissemus ἑνὶ πυρὶ, incendium ac putrilaginem, vnde febris hæc fuerit commota, ac deinceps catarrhus qui illi erat penè natiuus, maiore vi concitatus: At tamen magis propendeo in illam sententiam, febrem istam fuisse secundariam, ex affectu scilicet illo faucium, vuulæ, pulmonum, & thoracis exortam. Etenim magnam eò confluisse feri acrioris copiam statim à principio morbi, ostendit tussicula illa inanis, quæ perpetuò hanc virginem est comitata, ob vellicantem scilicet fauces istam materiam, quæ expui non poterat ob defectum coctionis & maturationis: coqui enim non poterat ob summam tenuitatem & acrimoniam omnis πίπτει expertem. Vuulæ & faucium summa inflammatio cum dolore & contractione, quæ quantitatem humoris distendentis & implentis has partes denotabant: faciei autem rubor, additus ab Hippocrate, est signum ferè pathognomonicum inflammationis partium thoracicarum, ut docet Galenus *lib. de locis affectis*, & Hippocrates *lib. 2. de acutis passionibus*, ἐπὶ τοῖς τοῖς ἀσθμασὶ καὶ τῇ μάλιστα τῇ μύτῃ, vult esse eos qui patiuntur inflammationes pulmonum & thoracis. His adde rigores illos quasi ordinarios, & sæpius repetitos in istâ virgine, sine vlllo sudoris effluxu, qui denotant serum istud acrimoniâ suâ vellicans partes thoracicas, concutere totum quasi corpus, ex sympathiâ membranosi generis & nervosi. Adde etiam illam extremitatum frigiditatem immodicam & perseuerantem, quæ denotauit totum calorem iam ad interiora rapi, ut solet in leipyriis, ex partium internarum inflammatione abortis.

Quicquid sit, misera ista grauissimis illis casibus conflictatâ ob connatum illud rabis vitium, & prolapsum acrioris & ferini catarrhi, ut ex febre, rubore, faucium dolore, tussiculâ inani, & similibus satis innotescit: non potuit diutius superesse, ut mens ipsiusmet ægræ mali præsaga, mœrore ac desperatione confecta satis indicauit: Omnia enim ad illius certissimam ruinam consentiunt, affectus partium vitalium & animalium, cerebri scilicet & thoracis naturales ἀσπνευσίαι & infirmitates, à quibus ortum suum ducentes causæ aduentitiæ, illam in mortem præcipitarunt exitiosissimam: febris enim illa æstuans, inflammatio partium laryngis & thoracis,

acerrimus

acerrimus catarrhus inflammans & vellicans, tussis permolesta, rigores percellentes totum corpus, sufficiebant ad internecionem miseræ huius virginis: Quibus iuncta *ἁποσμία*, ciborum auersatio crudelis, cum fluore alui symptomatrico & vires exhauriente, accelerarunt illi lethum, raptâ scilicet in consensum naturali facultate, ob iam enervatum calorem nativum, aut certè humoris istius maligni copiam oppressum. Non sitiebat quidem, sed hoc in malis etiam habendum in causâ sitiferâ, quia significat mentis alienationem, aut caloris nativi *νέκρωσιν*, ob quam uterque appetitus naturalis & animalis rerum liquidarum solidarumque extinguitur; Vel certè non sitiebat, quia ut est in Aphorismis, iunctus febre catarrhus fauces irrigat, & siticulosos ægros esse non sinit, non tamen periculum minuit.

Quid porro spei esse poterat in tantâ cruditate proprii excrementi ex thorace profecti? Nihil enim coctum unquam expuere potuit, sed crudum & serosum: communia etiam excrementa, mala, urinae tenues & decolores, deiectiones paucæ, tenues, sinceræ, mordaces: Illa autem extremorum frigiditas perseverans, in acutis mortem prænuntiat, *Aphor. 1. sect. 7.* quemadmodum & rigor non desinente febre, aut non excitato sudore, *Aph. 46. sect. 4.* Omnia ergo in hac virgine lethalia: Neque in bonis habenda illa sedis suppuratio, quæ sextâ die contigit, quia nihil paucum criticum, neque quicquam eiusmodi apostema ex humoris morbifici sede vacuabat: atque hæc de prognosi & diagnosi.

Iam proponitur nobis curatio febris continuæ, ex inflammatione potissimum partium laryngis & pectoris profectæ, cum acriore & tenui catarrho in subiecta loca prolabente. Qui casus frequens est & quasi ordinarius febribus ex magnâ insolatione, æstatis tempore obortis, ob fusum liquatumque humorem, qui in capite continebatur. Vide Practicos.

Supereft ut illud iam examinemus, quod ultimæ contextus Hippocratici lineæ est additum, huic scilicet virgini adfuisse *ἐνυστενὸν φθινώδες*, nativam ad tabem contrahendam propensionem. Debet enim in eo maximè laborare Medicus, ut peculiare hominum naturas agnoscat, inquit Hippocrates *lib. de aëre, &c.* tam ad præcavendos morborum illorum, quibus magis obnoxij sunt, impetus, quam ritè curandos eos, qui iam detinentur, ex naturalis constitutionis notitiâ.

Quid est igitur illud *ἐνυστενὸν φθινώδες*, quod *lib. 1. epid.* exprimit aliis verbis, ἡ φύσις τὰ τέλει αὐτῶν ἐγγεγεννημένην τὴν φθινώδεα, natura illis vergebat ad tabem. Sciendum imprimis illud nomen *φθίσις*, à quo istud *φθινώδες* deducitur, apud Hippocratem variè sumi; quemadmodum & apud Latinos Tabes. Sæpe enim, ut docet author definitionum Medicarum, communiter sumpta vocatur *πᾶσα σωματικὴ μίαισις καὶ σκωληρία*, à quocunque morbo illa consumptio proficiscatur, ut febre ardente quæ in hecticam definit, colico aut arthritico dolore, & similibus, qui insignes macies diuturnitate temporis corporibus nostris inferre solent: Vnde in Coacis prænotionibus, *φθινώδεα ἐν τῇ μακρῶν* notavit illos, qui ex longis morbis contabescunt, aut qui ex diuturnioribus intervallis quasi reditus ad tabitudinem contraxerunt, sine manifestâ causâ, quæ dicitur Hippocrati *lib. de locis in homine*, *φθίσις ἀργία*, Galeno *lib. exegeticos*, *τυφλή καὶ ἀόρατος*, cæca & incomperta: Imò non tantum per hæc vocabula exprimit Hippocrates marcores totius corporis, sed etiam partis alicuius, quæ *ἀσθενία* & consumptionem incurrit. Vnde *lib. de ædendion*, dicitur tabes quædam *ἰσχιαδὴς*, coxaria, cum ex abscessu, ut sæpe fit, vel fluxione crassioris pituitæ, quæ alimentum aduentum intercipit, coxa horrendam maciem & gracilitatem incurrit. Et *lib. 2. de morbis*, celebratur *νωτιαία νωπὴς*, tabes dorsalis, quæ fit *πρὸς τὰ ὀστέα*, in partibus illis posterioribus, potissimum ob fluxionem in eas, aut spinæ vertebrae decumbentem. Adde tabem illam *νεφρικὴν*, *lib. de internis affect.* quæ sequitur renum colliquationes, vel exulcerationes, & *προφθορὰς*, ut loquitur Galenus.

Verum propria phthisicos & tabis significatio, denotat illos marcores & consumptiones, quæ ad pulmonum vitia consequuntur, cruda tubercula, asthmata, exsiccationes, & similia, sed potissimum illorum vlcera & putrilagines, quæ reterrimum hoc suum virus proximiori cordi per venam illam arteriosam, arteriam venosam & bronchia, utrique parti insitas communicantes, absument & corrumpunt necesse illud viuificum & primigenium, quod naturas, cordis substantiæ potissimum inferuit. Inde cæcus ille ignis dimissus per totam corporis *ἀσθενίαν*, non solum viscera, sed etiam extremos artus depascitur, & mortis imaginem in viuo adhuc homine repræsentat.

Quæcunque igitur efficere possunt istas pulmonum putrilagines & sordidiora vlcera

ulcera, illa etiam ad φθίσιν inducendas erunt accommodata, siue ab ortu & primis generationis nostræ primordiis proficiantur, siue aduentitia sint & aliena. Hinc Hippocrates tres annotauit constitutiones, quæ contrahendæ tibi potissimum idoneæ existunt. Vnam quidem eorum, *lib. de locis in homine*, qui propter τὴν κεφαλῆς ἀδένειαν, capitis imbecillitatem, multam pituitæ & serosorum humorum copiam in cerebro colligunt, quæ inde ad fauces & pulmones percipitata, ἀσθένειαν illas & δακτύλους excitat, si ibi moretur diutius, & acrimoniam acquirat, tussim excitet implacabilem, aut frequenter & quasi ex perpendiculari stillet, velut gutta sæpe cadendo lapidem cauare solet. Isti vtp plurimum homines amplo sunt capite & malè conformato, vel certè frigidior & pituitosior cerebro à naturâ, vel ex accidenti, propter effumationem subiectorum viscerum calidiorum, quæ vaporum insignem copiam, versùs sublimem illam capitis arcem dimittunt: Aliquando etiam cerebrum propter calorem nimium & propriæ figuræ rationem ac situm, trahit instar cucurbitulæ, inquit Hippocrates, istos vapores, vbi condensati, denuò ad inferiora, imbrum instar, relabuntur.

Alterà constitutio eorum qui propensi sunt ad tabem, respicit ipsa pulmonis vasa, quæ florentem illum sanguinem, & in cordis sinubus attenuatum, aërique attracto permixtum continent. Quotiescunque enim contingit spumofum illum liquorem & purpureo colore saturatum effundi ex istis vasis, per τὴν αὐτὴν αὐτομάτως in parte perpetuò mobili, sit vt ibi putrescens incendat & corrodat pulmonum substantiam, tandemque foetore ac virulentia suâ cor ipsum perfundat. Vnde *Aphor. ille decimus sextus sectione sexta. A sanguinis sputo puris sputum, & à puris sputo phthisis, & mors quando sputum retinetur.* Quicumque igitur huic sanguinis ex vasis pulmonum extrauasationi, vt loquuntur, magis sunt accommodati, illi secundam hanc constitutionem, & propensam tibi contrahendæ inclinationem habere dicuntur Hippocrati, in Aphorismis & Coacis prænotionibus. Inter ætates *ἡλικία δὲ ὁκτώτης* πρὸς τὴν φθίσιν, quæ sunt ab anno decimo octauo, vsque ad trigessimum quintum, nempe pubertas & iuuentus, propter sanguinis efferuescentiam & redundantem copiam, quæ dirumpit aliquando αὐτομάτως, suâ tantum multitudine, ista vasa adhuc rariora & teneriora: tum etiam *καὶ ἀπὸ πάσης*, propter occasiones illas, quas incauta & ferox iuuentus incurrere solet dilatandi nimium vasa, discurrendo, saltando clamando, pugnando, & similia agendo, quæ ætatis adhuc orgasmos suadet.

Atque duæ illæ constitutiones, quamuis contineant duplicem causam efficiendæ phthiseos maximè idoneam: attamen non dicuntur Hippocrati propriè φθινώδεις, seu φύσις πρὸς φθίσιν ἐλθόντες, naturæ ad tabem propensæ: quoniam efficientium causarum vani sunt conatus, nisi adsit subiecti & patientis accommodata ad effectum illum dispositio.

Tertia itaque est constitutio, quam vbiq; annotat Galenus, naturam tibi idoneam vocauisse Hippocratem, quæ spectat ipsorum pulmonum & thoracis malam conformationem congenitam & natiuam, quotiescunque propter infirmitatem propriam, aut nimiam ex pessimâ constructione angustiam, non possunt collectas, vel aliunde illabentes materias per ἀνασπασμὸν & sputationem extundere, sed intus coaceruant ac retinent. Ille status φθινώδης tibi propensus, ita delineatur à Galeno *libro de causis morbor. Collum habent, & sæpe totum corpus oblongum & gracile; exilia crura instar fistularum, nares strictas, oculos concauos, depressa tempora; ὁ θώραξ σενός ἢ ἀβαθὴς ἐς τοσούτον, pectus, Canὼδες, quasi dicas, tabulatum, depressum, strictum, comment. in Aphorism. 8. sect. 4. contortum, aut alio modo malè conformatum, scapulas πτερυγώδεις, alarum instar prominentes & extensas, potissimum respirare vehementius coguntur.* Hæc constitutio cum non tantum vitium in ἀνασπαστικῶν ὀργάνων conformatione habeat, sed etiam in toto corpore naturalem quandam maciem & deformitatem: si quidem iuncta fuerit τῇ κεφαλῆς ἀδένεια, & fluxionum ex cerebro copiarum, vix ac ne vix quidem tabem effugiet, quæ διὰ βρωσιν, aut ἀνασπασμὸν vasorum pulmonis subsequitur. Atque hæc est illa, quam Hippocrates in proposita virgine describit, quàmque *lib. 1. Epid. sect. 1.* subnotauit, dum τὰς φθινώδεις, ægrotaσσε scribit, sed non κατὰ τὸν φθινώδεα τρόπον, non secundum natiuam illam tabis propensionem, sed iuxta typum tunc vulgò grassantis morbi. Et *lib. hoc nostro 3.* post constitutionis illius pestilentis descriptionem, vult inuasisse pleròsque homines, νοσέσαντες illam & exitialem tabem, potissimum verò eos qui erant oculis cæcis & albicantibus, pectore glabro & πτερυγώδεα, malè conformato, vt sup. diximus. Ex his itaq; satis patet,

quid significarit Hippocrates in nostro contextu per illud συγγενικὸν φθινῶδες. Iam ad septimam historiam progrediamur.



HISTORIA VII.

Κτυαγχική, ἡ ὡς τὰ Αἰσιῶν, ἢ πρῶτον ἀπὸ γλώσσης ἤρξατο. ἀταφής ἡ φωνή. γλῶσσα ἐρυθρή. ἐπεξεγράνθη. τῇ πρῶτῃ, Φελκῶδης ἐπεδερμάνθη. γ', εἶγ. πυρετός ὁξύς. οἶδημα ὑπερύθρον, σπληνόν, τραχήλις καὶ στῆθος ἐξ ἀμφοτέρων. ἀκρεὰ ψυχρὰ, περὶ δὲ πνεύμα μετέωρον. πότεν διὰ ῥινῶν ἐχέτο. καὶ ἔπινεν ὅτι ἡδυνάτο. τὰ διαχωρήματα καὶ οὖρα ἐπίση. δ', πάντα παρῶξεν. εἰ, ἀπέθανε κυαγχική. Π. Δ. Ε.

KΤΥΑΓΧΙΚΗ illa quæ apud Aristionem habitabat, primum ex lingua laborare cepit. Vox erat obscura: lingua rubens & sicca evasit. Primo die horrescens incaluit. Tertio rigor cum febre acutâ. Tumor ruber & durus colli & pectoris aderat ex utraque parte. Extremitates frigida lividaque: Spiratio eleuata. Potus per nares refundebatur: nihilque deuorare poterat. Suppressæ erant deiectiones & urina. Quarto die omnia sunt exacerbata, & quinto vi anginae periit.

Characteres falsi. Non enim ex suppressione alui, sed mera suffocatione mortua est.

Vix posset ex viuâ picturæ alicuius imagine melius repræsentari mulieris anginae pereuntis effigies cum omnibus suis symptomatis, quàm ex Hippocraticâ istâ tabellâ, cuius nunc delineationem persequemur.

Sciendum itaque inprimis anginam, quam Græci variis donarunt nominibus, hyanches, synanches, parasynanches, cynanches, paracynanches, designare perpetuò insignem quandam spirandi difficultatem subito factam propter constrictionem in canali illo exortam, qui à pulmonibus in oris partem internam cum œsophago definit, & pharyngis laryngisque nominibus insignitur. Vnde frequenter non solum respirationi, sed etiam transglutitioni magnum facessere negotium solet. Atque ut ista melius intelligantur, sciendum est ad respirationem, quæ inspiratione & expiratione, duobus scilicet motibus contrariis constat, tria potissimum concurrere, nempe facultatem, usum, & instrumenta, quorum integritate bene & conuenienter fit ἀναπνοή: vnius autem aut plurium vitio labefactatur, & à naturali statu deiicitur. Vnde à diuersis omninoque discrepantibus sede ac causâ morbificâ affectibus, illam vitari quotidie videmus: Apoplexiâ potissimum, syncope, vterinâ præfocatione, asthma, peripneumoniâ, pleuritide, & anginâ. Etenim apoplexia minuit vel tollit respirationem ratione facultatis ipsius motricis interceptæ, quæ propter summam cerebri repletionem & ventriculorum ἐγγίωσιν, non potest transfluere in nervos & musculosum genus. Et quamuis natura tunc magno conatu, & quantum potest, succurrat actioni huic ad vitam omnino necessariâ, vnde laboriosa illa respiratio: attamen morbo inualecente fatiscens, pereunt ut plurimum apoplectici, usu respirationis destituti; quod & ætanicis aliquando etiam contingit, si vehemens sit affectus. Contrâ verò syncope, & vterina suffocatio, non quòd facultati ipsi motrici primariò vim inferant, vel respirationis instrumenta lædant, idèò illam tollunt vel minuunt, sed quia usum spirandi labefactant. In syncope enim propter dissipationem spirituum summam; in vterinâ suffocatione, propter virus illud teterrimum & calori nostro nativo infensissimum, fit ut cor summè refrigeratum, neque indigeat attractione noui aëris per inspirationem, nec vaporum expulsionem fuliginosorum per expirationem. Et sic velut mortuæ eiusmodi mulierculæ per aliquot dies solâ ἀναπνοή, transpiratione sustentantur.

Asthma verò, peripneumonia, pleuritis, & nobis proposita angina respirationem lædunt,

lædunt, integrâ facultate motrice, vñ etiam illius aucto potius quàm imminuto, ob vitium τῶν ἀναπνευστικῶν ὀργάνων proprium & ἰδίωπαθικόν, quia implent, obstruunt, aue coarctant pulmones, thoracis musculos, succingentem membranam, & ductum illum asperæ arteriæ, per quem vitalis aura attrahitur, & vicissim fuliginosa, quæ in cordis ac pulmonum coctione suscitantur excrementa, repelluntur. Et quemadmodum illi affectus interiorem thoracis capacitatem obsident: sic angina extremitatem illius canalis, vt diximus.

Porro cum canalis ille, cuius caput larynx appellatur, aliquando coarctetur à causis externis, vt laqueo, manibus, fune in eis qui suspenduntur, deuorato osse, carnis frustulo subsistente in primis faucibus, &c. aliquando internis, sed quæ non sunt positæ in ipso canali, sed vicinis partibus: vel certè non faciunt in eo permanentem dispositionem, sed omnino à causâ suâ dependentem, vt quando larynx obstruitur à catarrho præfocante, id est, perpendiculariter & affatim, irruente in illam: Vel constringitur à luxatione vertebrarum cervicis, quæ rursus duplex est, perfecta vel imperfecta, illiusque tantum vertebræ, quæ dens Hippocrati appellatur, vel aliarum quæ sunt in collo, vt videre est apud illum, 2. epidem. vbi narrat miras istarum vertebrarum subluxationes, præ abundanti in illas fluxione, ex quâ multi, quamuis diu anginâ conflictati euadebant. Istæ omnes anginæ quamuis ex symptomate & præfocationis periculo tales videantur: tamen ratione ipsius partis & dispositionis morbigicæ, Hippocrati spurix siue falsæ appellantur: & illi tantum anginæ veræ ac legitimæ nomen est relictum, quæ pendet ab inflammatione systrophicâ, id est, tumoribus sanguineis & biliosis, puris vel permixtis alteri humori, fauces ipsas & interiora illa oris loca occupantibus; ita tamen vt si magis pharyngem ipsum, id est, linguæ, œsophagû, vuulæ, & amygdalarum substantiam inuadat, synanche & parasyanche appelletur, ipsam transglutitionem primariò lædens, respirationem autem secundariò: Contrà verò si musculos laryngis proprios & internos, cynanche; si communes & externos, paracynanche dicatur, quia respirationi ex πρῶτο παθήει ipsâ nocet plus minus, deglutitioni verò propter viciniam istarum partium.

Causæ autem tam externæ quàm internæ istas anginas concitantes, siue synanches sint, siue cynanches, sunt eæ omnes, quæ fluxionem in hæc loca præcipitare possunt, aut partes istas ad faciliè suscipiendam vel attrahendam istam materiam disponere, dolore aut calore ibi præter modum concitato: quorum descriptionem facile erit reperere ex censu rerum naturalium, (sub quibus etiam violentas, nullaque necessitate agentes reponere licet) & præter naturam. Quæ verò sint illius signa tam diagnostica, quàm prognostica, iam in ἐξηγήσει, & propositæ nobis historix explanatione videbimus.

Ægotantem enim hanc mulierculam statim in ipsius historici discursus limine κυρωχικῶν vocauit Hippocrates, quoniam omnia signa παθογνωμονικὰ illicò adfuerunt sæuientis anginæ ex vehementi inflammatione, tam pharyngis quàm laryngis, interiorum scilicet omnium oris partium, qua omni alimento & vitali aëri patet aditus: vnde spirandi & deglutiendi ingens illa difficultas, febris continua & ὄξυς, caloris & doloris cum distentione sensus, vocis obscuritas & interceptio. Quamuis enim à linguâ videatur cœpisse hic affectus, tam promptam tamen habuit ἐπιγενέσθαι καὶ διαδοχῶν in alias partes, ex magnâ fluxionis copiâ, vt etiam externa pectoris & colli ex vtroque latere spatia impleuerit, quod est maximè notandum, vt postea dicemus in prognosi.

Ἐπιγεγόμενα etiam multa adfuerunt, rubor scilicet ille & linguæ ariditas ex præurente febre quam inflammatio inferebat: horror & rigor qui ex percussione istarum partium, & fluxionis impetu oriebatur: extremorum frigus & liuor, iam penè suffocato calore natiuo: potus & liquidorum per nares refluxus, ob summam aliorum ductuum angustiam, quod etiam 2. epid. notauit Hippocrates, & lib. πρὸ νόσων. Denique deiectionum & vrinarum suppressio, ex summâ virium omnium deiectione, quæ fuit interitui proxima.

Quæ omnia fidem mihi faciunt speciem hanc anginæ non à bilioso succo, vnde erysipelas; vel à pituitoso, ob catarrhum ex capite prolabentem; sed potius à redundante sanguineo humore ortam, quam febris continua, ingens rubor & tumor comitata sunt.

Atque inde prognosin stabilire licet nostram, θανάσιμον καὶ πάντῃ ὀλέθριον esse hunc affectum: perituram esse certò & citò hanc mulierculam, tam propter speciem

morbi, quàm superuenientia symptomata, vt dictum est, cum parua sit spes resolutionis in tantâ materiæ copiâ & oppressione caloris natiui; pauca etiam *πεπρωμένη*, coctionis & suppurationis: quæ etiam non caret suo periculo; dum enim fit suppuration, maior calor, dolor, & tensio. Ergo summum moriendi tunc imminebit periculum. Quod si Charybdim illam euadat, incidet statim in Scyllam *μεταπώσεως* conuersionis, ex quâ non est emergere, vt est *Aphor. 10. sect. 5. Iâ*, inquit Hippocrates, *ad pulmonem transit, &c.*

Verum dicet aliquis, Hippocrates in *Coactis prænotionibus, libro prognosticon, & Aphor. 37. sect. 6. necnon 50. sect. 7.* dum tradit signa salutaria anginae, ruborem tumoremque colli & pectoris ponit. Vide Resp. Laurent. in *Anat.*

Quod ad curationem itaque ordinariam spectat, quæ respicit causas antecedentes & coniunctas huius affectus, ipsamque *διάθεσιν* morbificam: Certissimum est omni ope & industriâ plethoram sanguineam tam vniuersalem quàm particularem in hac muliere fuisse vacuandam, reuellendam & deriuandam primis diebus, antequam tumor nimium augetur, ibi enim præcipuum fuit positum salutis fundamentum. Vnde hic quatuor agitanda: De phlebotomiâ venarum sub linguâ & iugularium. De repellentiũ vſu. De laryngotomiâ, quæ exercetur ratione symptomatis, nempe suffocationis mitigandæ. De nido hirundinis. Vide Practicos.

Iam superest vt ea quæ in contextu notabilia videntur, examinemus, quorum primum est illud œdematis nomen, quo vtitur Hippocrates in denotando insigni illo tumore, quamuis sanguineo, rubenti & dolorifico, quo mulierculæ istius collum & pectus affecta fuerunt. Alterum est, vt excutiamus paucis naturam frigoris, rigoris, & horroris, quorum frequentem facit mentionem Hippocrates etiam in febribus hisce continuis & ardentissimis.

Quod ad primum itaque spectat, τὸ ὀδημα ab eo dictum esse videtur, quod sit ὀιδῶ, tumor & eleuatio, quam alij ὄγκον appellant, ita vt veteres omnes cum Hippocrate, œdematis nomine, vt docet Galenus *comment. in Aphor. 65. lib. 5.* intelligant omnes tumores præter naturam, siue sint cum dolore & duritie, seu indolentes & molles, à quocunquẽ tandem humore pendeant, quod infinitis penè Hippocratis locis confirmare liceret, nisi ex hac nostra historia hoc satis luculenter pateret. Cum verò cogerentur illi veteres ad distinctionem tumorum, adiacere alia quæ illis superueniunt, videlicet ὀιδηματὰ μαλθακὰ καὶ ἀνώδυνα καὶ τὰ σκληρὰ πῶνόντα, vel *εὐώδυνα, σκληρὰ, φλεγμαίνοντα*, & similia: Ideò recentiores vt rem totam clariùs distinguere, tumoresque causâ materiali & symptomatis differentes nominibus etiam certis significarent, laudabili inuento œdema, tumorem ex pituitâ, flatu, aut sero, mollem, laxum, sine dolore & calore, albicantem vocarunt. Scirrhum verò tumorem ex succo melancholico, durum, contractum, sine dolore & calore, nigricantem. Phlegmonem autem tumorem ex sanguine, durum, renitentem, cum dolore, calore, & rubore. Erysipelas denique tumorem ex bilioso succo aut feruidiore materiâ, flauescantem, cum summo calore, sine pulsu tamen aut renixu, qui in phlegmone est insignis. Ex his quatuor speciebus componuntur multæ aliæ, per *κρᾶσιν* & permixtionem scilicet & combinationem duorũ vel plurium humorum: Vnde phlegmone erysipelatodes, œdematodes, scirrhomides, & sic de reliquis. Quibus subsunt aliæ tumorum species peculiaribus donatæ nominibus, vt herpes, carbunculus, cancer, *δυσήλω* siue furunculus, & similia, quorum particularem explicationem non est propositum nunc persequi, qui ad secundum contextus nostri notabile properamus.

Rigoris igitur, horroris, & frigoris significationes in morbis petita sunt ex similitudine affectuum illorum, quibus corpus nostrum ex sensu rei alicuius externæ illi infensæ percutitur.

Vbi enim res horrenda aut formidabilis nobis obiicitur, toti horrescere, contrahi scilicet spiritibus ad interiora & variè commotis, ac contremiscere solemus. Ex dolore etiam à rebus procatarepticis inducitur, vt tormentis, &c. horror rigorque excitatur. Vbi frigidioris auræ, aquæ gelidæ, & similium contactu afficimur, si quidem leuior ille sit, frigere dicimur ex solo sensu & perceptione qualitatis istius: si grauior fuerit, ita vt non solum sit illius sensus, sed etiam contingat motus partium & caloris natiui sese contrahentium naturali quodam motu, vt aduersarij sui aduentum refugiant, aut certè vt coadunata & fortificata, deinceps maiore impetu illius progressum impendant, tunc horrere dicimur, si quidem ille motus externas tantum partes vt cutem afficiat; rigere autem si totum corpus concutiat agitetque. Eadem

ratione

ratione in morbis, potissimum in febribus continuis & intermittentibus, hæc nomina sunt usurpata: Frigus enim in illis contingens, est simplicis illius qualitatis sensus in extremitatibus potissimum, ut manibus, pedibus, naso, auriculis & similibus, ab ægrotante ipso, vel etiam à Medico, & aliis contingentibus perceptus. Horror autem est inæqualis & leuior concussio totius cutis & externi habitus, ob rei molestantis sensum, cuius expulsionem natura incumbit. Rigor verò vibratio totius corporis vehemens cum doloris & frigoris sensu ad expellendum aliquid noxium, cui natura incumbit agitatione musculorum & caloris influentis vario motu.

Quæ omnia ut melius intelligantur, sciendum est rigorem, (ex illius enim explanatione horrores & frigoris natura satis innotescet) morbosum aut in morbis contingentem, triplicem esse pro variâ morbi & causarum morbificarum à quibus fit constitutione, nimirum periodicum, criticum, & symptomaticum. Periodicus enim ille dicitur, qui febrium intermittentium, præcipue autem tertianæ *ἡμικυκλίας* & novæ insultus certis intervallis repetentes comitatur. Quoties enim materia illa febrilis potissimum biliosa ex suo foco, minoribus scilicet venis, in habitum corporis transfertur, ut voluit Galenus; vel cum Fernelio ex visceribus illis ventris inferi in membranarum partium superficies: tunc pro ratione qualitatis suæ, copię, & motus maioris vel minoris, percellit membra illa, potissimum si sint *ἀπαλὰ, ἀσθεῖα, καὶ ἀκίνητα*, ut vult Hippocrates, & dolorem infligit, ad cuius sensum sanguis & calor noster cum ipsis partibus, primò versus suum fontem retrahitur, quæ exangues sunt tunc, & calore quasi destitutæ percelluntur, donec recurrat idem calor, variisque hinc inde moribus & aggressionibus, tandem quasi duplicatis viribus hostem istum excutiat, & totum corpus summo æstu perfundat, donec discussa illa causa periodi febrilis, denuò redeat ad *ἀπαρρηξίαν* & intermissionem manifestam, quæ interiecta est singulis periodis. Secus enim contingit in continuis. Quamvis enim in principio rigore afficiantur, dum natura conatur portionem materiæ morbificæ in habitum deponere: tamen copiâ illius & impetu victa cedit quodammodo, & relicto vacuationis impetu, conuertitur ad coctionem & separationem illius, donec illis peractis insurgat commodè & die fausto novum aggrediatur motum expulsiuum, quem rigor etiam comitatur aut præcedit.

Atque hic est quem criticum appellauimus, anteambulonem vacuationum illarum insignium, sudoris, hæmorrhagiæ, & similium, quibus acutæ illæ & continuæ febres solvuntur. De quo Hippocrates tot verba facit in Aphorismis, Coacis prænotionibus, & opere Prognostico.

Cuique opponitur symptomaticus, quotiescunque fit quidem conatus ex parte naturæ, sed imperfectus, quia debilior existit in propriâ suâ substantiâ, vel oppressa à quantitate, vel malignâ humoris constitutione: Et tunc rigorem neque vacuatio sufficiens, neque febris solutio, nisi fortasse falsa & imaginaria, ut præcedentibus historiis docuimus, subsequitur. Vnde Aphorismus ille 46. *sect. 4. Si rigor incidit febre non desinente, & ægro iam debiliore, lethale.* Et in Coacis, *Rigores omnes cum sudatiunculâ, mortiferi.*

Et quemadmodum rigor iste symptomaticus est, qui pendet ab irritò naturæ conatu, sic etiam alij multi, quicumque sequuntur vim causæ morbificæ: Vnde Hippocrates, *Rigores, ἢ ἀπὸ τῶν ἀγγείων, ἢ ἀπὸ τῶν ἐλκείων, ἀ τῶν ὑλκείων*, inquit, aut ab ulceribus, à vasis quidem dum defluit materia quædam insolens aut maligna quasi stillatim in partes, ibique vel inflammationes facit & tumores, vel pungit & vellicat substantiam partium: Vnde isti omnes ab Hippocrate describuntur horriduli & rigentes in febre continuâ, quemadmodum in propositâ nobis historiâ patet, & aliis infinitis: Vel horror ille & rigor symptomaticus contingit ἀπὸ τῶν ἐλκείων, ab ulceribus, idque duplici modo, vel ratione materiæ quæ ab illis profluens reliquas partes impetit: Vnde qui post anginam vel pleuritidem suppuratam, empyema incurrunt, perpetuo quasi horrore afficiuntur: quemadmodum illi, in quibus à vomitâ hepatis vel mésentèrij disruptâ pus per intestina aut vias vrinæ affatim expurgatur, potissimum in principio, dum adest adhuc viarum integritas, & exquisitus tactus: sensim enim assuescunt huic purulentæ materiæ, nec tantopere ab illâ afficiuntur. Alio etiam modo ab ulcere fit rigor & horror, quatenus est solutio continui dolorifica, & materias quasdam acres suscipiens à toto corpore vel partis vicinæ cacochymia: hinc quicumque ulcere vesicæ aut intestinorum tentantur, quasi perpetuo horrore detinentur, præcipue dum est meiendum vel cacandum.

Atque ut ista de rigoris horroresque naturâ & causis annotantur ab Hippocrate:

sic etiam de frigore, quod omnibus hisce permiscetur perpetuo: Nullus enim rigor aut horror sine sensu doloris & frigoris. Sciendum est ergo frigus istud duplex esse, vel certè duplici de causa in morbis contingere, aut ex parte caloris natiui, aut humoris naturâ suâ frigidi præsentia suâ talem qualitatem inferentis: Vnde barbari appositè vocarunt frigus aliud priuatiuum, aliud positiuum. Est enim priuatiuum duplex adhuc, vel extinctione caloris natiui, vt in morituris, qui etiam frigidum expirant: vel sanguinis & caloris influentis retractione ad interiora: vnde partes externæ quasi exangues & perfrigeratæ sentiuntur initio; quod duplici modo contingere potest. Velenim eiusmodi calor influens retrahitur ad interna, vi doloris & inflammationis visceris alicuius reconditi in penetralibus corporis nostri, vnde recurrere deinceps non potest ad exteriora: quemadmodum contingit in malignis illis febribus, quas lypurias vocant; vel potest denuò recurrere, imò itque reditque frequentius ad expugnandam causam morbificam, nullo alligatus impedimento, sed tantum concentratus ad maiorem vnionem & potentiam, vt in accessionibus febrium intermittentium visitur, & similibus.

Positiuum verò frigus ex præsentia humoris frigidioris factum alterantis partes, vel fit in toto, vt quando vitrea illa pituita sparsa per totum corpus & inæqualiter putrescens, algore simul & calore totum afficit, vt in epialis. Vel in extremis tantum partibus & certis membris, in quæ ille humor pituitosus vel melancholicus potissimum influit. Atque de propositis contextus nostri notabilibus hæc sufficiant.



HISTORIA VIII.

Το μεράκιον ὃ κατέκειτο ἐπὶ ψευδῶν ἀγορῇ, πῦρ ἔλαβεν ἐκ κόπων καὶ πόνων, καὶ δρᾶν ὡς τὸ ἐθῶς. τῇ α', κοιλίη ταραχώδης χολώδεις, λεπτοῖσι, πολλοῖσιν. οὖρα λεπτά, ὑπομέλανα. οὐχ ὑπνωσε. διψώδης. β', πάντα παρωξύνθη. διαχωρήματα πλείω ἀκαρότερα. οὐχ ὑπνωσε. γ' τῆς γνώμης ταραχώδεια. σμικρὰ ἐφίδρωσε. γ'. δυσφόρος. διψώδης. ἀσώδης. πάλιν βλητηρισιμός. ὑπορίη παρέκρυσεν. ἄκρα πελιδνὰ, καὶ ψυχρά. ὑποχονδρίαι ἐν τῷσι ὑπολάπαρσιν ὡς ἀμφοτέρων. δ', οὐχ ὑπνωσεν, ἐπὶ τὸ χεῖρον. ε', ἀπέθανεν. ἡλικίαν ὡς ἔτεα κ'. Ϟ. Ε. Ζ. Θ.



DOLESCENTEM qui decumbebat in Mendacium foro, febris corripuit ex lassitudinibus & laboribus, ac cursibus insolitis. Primâ die aluus turbata est biliosis, tenuibus, multis. Urinae tenues, subnigrae: non dormiuit: siticulosus. Secundâ, omnia exacerbata sunt. Secessus plures, intempestiuiores: non dormiuit. Mens turbata: parum sudauit. Tertiâ, molestè habuit: siticulosus: anxius: multa iactatio: desperatio: mente motus est. Extremitates liuidæ ac frigida: præcordij intensio submollis utrinque. Quartâ, non dormiuit. Malum in peius procedebat. Septimâ, mortuus est. Ætate circa vigesimum annum erat.

Historia hæc octaua complectitur descriptionem febris continuæ, quâ correptus est adolescens quidam viginti annos natus ex violentis laboribus, cursibus, & lassitudinibus. Itaque cum nihil aut parum discrepans à superioribus contineat, non habebit à nobis fusiozem explicationem, quod ad διαγνώσιν, πρὸνῶσιν διεργασίαν spectat. Attamen quoniam lassitudinum frequens est apud Hippocratem & Galenum mentio, & in artis nostræ vsu quotidie de illis disceptatio proponitur: ideo hac lectione propositum est nobis illius naturam, causas, & differentias accuratè persequi.

Omnibus itaque notissimum est, animalia saltem perfecta, præter actiones plantis proprias, prædita esse motu voluntario, qui musculorum operâ & facultatis illius à cerebro per neruos influentis vi perficitur. Vnde quæcunque grata & appetita prosequuntur, aduersa verò & ingrata fugiunt ac euitant. Fit autem vt hunc arbitrium motum, vt & alias actiones, aliquando liberè & conuenienter exercent, alias verò imminutè aut deprauatè, quoties vi externarum aut internarum causarum, simul

simul aut separatim concurrentium impetu, deprauantur organa huic actioni dicata, per se & ἰδίωσιν, vel per accidens & συμπαθῶς, ut in totius corporis mole immensâ, vel humorum insolitâ plethorâ.

Quæcunque igitur vitia & deprauationes in hoc motu voluntario contingunt, extra malas figuræ, numeri, solutæ unitatis, ut vulnerum, luxationum, tumorum, & similibus dispositiones contingunt, defatigationes & lassitudines nobis appellantur, Hippocrati verò & Galeno νόσος, ut est *comment. in Aphorism. 3. sect. 4.* Ita vè illæ quæ sequuntur νόσος ἢ μάλιστα κίνησις, propriè & simpliciter νόσος dicantur quæ verò sine motionibus aut exercitationibus violentis contingunt, πρὸς ἀνάγκην, cum adiectione νόσος αὐτόματῶς, spontaneæ lassitudines dicantur. Ita ut hæc prima sit lassitudinum differentia, quarum nunc causas & subdiuisiones indagamus.

Quamuis igitur illud vulgatum sit omnibus: non bene conuenire animæ cum corpore: eò quod anima quiescendo fit sapiens: corpus exercendo, sanum & robustum: & ipsemet Hippocrates 6. *Epidemiæ*, duos sanitatis conseruandæ cardines posuerit, alimentis frugaliter uti, & ad labores esse impigrum: Attamen certum est labores & exercitationes, si modum exceßerint, summam toti corpori resolutionem, spirituum & humidi primigenij dissipationem adferre, ex summâ viscerum calfactione, excitatisque sudoribus copiosissimis: vnde sequitur lassitudo illa arefactiua Arabibus nostris dicta, quæ non solum quiete, sed etiam alimentis eueptis atque eupeptis est subleuanda.


Et hæc lassitudinis ex immoderatâ exercitatione species, potest inuadere tam assuetos quàm insuetos hisce laboribus. Quamuis enim dixerit Hippocrates, *Aphorism. 49. sect. 2.* assuetos laboribus quamuis senes aut imbecilles, insuetis, quamuis robustis & iuuenibus, facilius ferre: attamen certum est in diutuniore ac vehementiore motu quoscunque homines resolui atque fatigari: vnde idem Hippocrates generaliter pronunciauit 48. *sect. 2.* *In omni corporis motu, ubi laborare & fatigari cæperit, quies medelam adfert.* Et lib. 2. *de dietâ.* Homines, inquit, *inexercitati ab omni labore lassantur, quia nulla corporis pars comparata est ad illum suscipiendum.* Corpora autem exercitata ab insuetis laboribus delassantur: aliqua verò etiam à consuetis exercitiis lassantur, si modum exceßerint. Ergo hæc est prima lassitudinis species à labore immodico, quæ tam assuetis quàm insuetis contingere potest.

Insuetis verò etiam à mediocri labore & exercitatione moderatâ contingit alia lassitudo, quæ non fit ab exhausto, ut superior, sed à colliquatione potius & repletionem membrorum, ut idem Hippocrates *ibidem* docet, ex quâ frequentissimè morbi oriuntur, ut in hoc nostro adolescente annotauit. Otio enim deditæ partes, & succis refertæ, ubi primum incallescere & agitari cæperint, diffundunt materias istas in musculorum præcipuè genus, motus istius præcipuum instrumentum, ibique fixæ faciunt tensionis sensum, ubi quis primum quiescere cæpit. Vnde non tam quiete sedatur eiusmodi lassitudo, ut superior, quàm exercitatione nouâ, frictionibus, oleis & similibus, quæ digerunt collectos in musculis humores, & partium substantiam laxant. Quemadmodum enim vapores illi & cruditates ex immensa crapulâ aut ebrietate collecti, dissipantur meri potione moderatâ sequentibus diebus usurpatâ: etiam docet Hippocrates istas lassitudines exercitatione moderatâ, consimili vel dissimili corrigere & subleuare. Consimili quidem, si totum corpus æqualiter sit oppletum illâ colliquatione. Dissimili autem ad reuulsionem quodammodo faciendam illius materiæ, quæ in alterutram partem influxit: Vnde Hippocrates *de vict. in acut. Qui delassatus fuit currendo, luctet; qui verò luctando, currat.* Atque hæc lassitudines ex laboribus contractæ, ut plurimum positæ sunt sub laticu-

αὐτόματῶς δὲ, spontaneæ verò lassitudines, quas otium potius quàm labor contraxit, omnes ad statum neutrum referendæ, quæ decidentis vocatur Galeno: Vnde *Aphor. 5. sect. 2.* spontaneæ lassitudines morbos prænuntiant. Et Galenus totum librum quartum sanitatis tuendæ, in tollendis hisce lassitudinibus consumpsit, ne inde morborum varia genera exorirentur. Est autem spontanea illa lassitudo, ut docet Galenus, corporis neutri affectus citra laborem ex internâ causâ originem trahens, à quo prodit ad motum impotentia: & si moueri velint, molesta in corpore sensatio. Ex hac definitione eliciuntur causæ & differentis lassitudinum istarum frequenter à Galeo commemoratæ. Cum enim dictum sit internam causam, hisce lassitudinibus originem præstare, id de humorum constitutionibus intelligendum est, secundum suam qualitatem, quantitatem, vel utramque. Quotiescunque enim plethora simplex

simplex, aut cacoehymia ingens, vel plethora cacoehymica dicta in nobis abundarint, & præ copiâ suâ non solum venarum cauitates occuparint, sed etiam in genus illud musculosum & nervosum ex parte effusa fuerint: hinc illæ lassitudines exoriantur, molestam in corpore sensationem facientes: quæ pro varietate huiusce sensationis dolorificæ in nobis suas etiam differentias sortitæ sunt. Tres enim recensentur, τενώδης, ἐλκώδης, & φλεγμονώδης. Tensiva enim fit à simplici plethora, multitudine scilicet sanguinis redundantis & distendentis, id est, suâ tantum quantitate molesti. Ulcerosa verò contrà non distendendo, sed pungendo & vellicando molestiam infert, à cacoehymia potissimum biliosa & ichorosa: ex qua homines isti velut acuum aut culicum morsus in toto corpore persentiunt. Quod si plethora cacoehymia iuncta abundet, utpote sanguis biliosus, ichorosus, aut etiam pituitæ vel melancholiæ iunctus, facit phlegmonosam lassitudinem ex utraque mixtam, ad hanc verò vel illam magis accedentem, prout illius magis vel minus fuerit particeps: Vnde morbos eiusmodi lassitudines prænuntiant, quia causas morborum effeetrices potentissimas intus latitare ostendunt: quas ideò purgatione, phlebotomiâ, diætâ conueniente, exercitationibus, & similibus soluere docet Galenus, lib. 4. de sanit. tuend. ut περὶ φύλαξιν faciat imminentium istorum affectuum.

Vt igitur prædictæ lassitudines in sano & neutro statu reperiuntur, sic etiam aliæ sunt lassitudines in ægrotantibus: ex quibus signa tam διαγνωστικὰ quàm προγνωστικὰ desumit Hippocrates, ubique febres κοπιώδης in malis habendas censet: Et ubi somnus in morbo laborem infert, periculosum esse scripsit Aphorif. 1. sect. 2. Item Aphor. 3. 1. sect. 4. Quicumque per febres lassitudinibus tenentur, illis ad articulos & iuxta maxillas potissimum, abscessus contingunt. Omnes enim hæ lassitudines in ægrotantibus maximam materiæ morbificæ copiam, aut eiusdem malam qualitatem ostendunt, quâ calor nativus & corporis nostri partes degrauantur. In quartanâ peculiariter est lassitudo illa ὀσσηρόω, quasi ossa contundens, ob materiæ frigiditatem, & nervosi generis atque ossei præcipuam condolentiam: quia frigidum illis valde inimicum, ut patet per Aphor. 18. sect. 5. Atque hæc de lassitudinibus sufficiant.




HISTORIA IX.

Η Παρὰ Τισαμένους γυνὴ κατέκειτο, ἣ τὰ εἰλεώδεα, δυσφάτως ἄρμηνεν. ἔμελοι πολλοί. τὸ πόντον κατέχευεν οὐκ ἠδυνάτο. πόντοι περὶ ὑποχόνδρια, καὶ ἐν τοῖσι κάτω κατὰ κοιλίην, πόντοι, τρέφοι ξυνεχέες, & διψώδης. ἰπερδερμαίνετο. ἀκρεὰ ψυχρὰ διὰ τελεῖ. ἀσώδης. ἀρτυνέ. ἔρεθ ὀλίγα, λεπτά. Διαχωρήματα ὠμά, λεπτά, ὀλίγα. ὠφελέεν οὐκ ἔτι ἠδυνάτο. ἀπέθανεν.



VLIER illa quæ apud Tisamenum decumbebat, correpta fuit voluulo & graviter affecta: Vomitiones enim mulcæ, & potum continere non poterat. Dolores circa hypochondria, & in inferioribus etiam ventris partibus. Continua aderant tormina. Non erat siticulosa, & tamen valde aestuabat. Extrema perpetuò frigida: Torquebatur anxietate & vigiliis. Urina pauca & tenues. Quemadmodum deiectiones crudæ, tenues, & pauca. Nihil illam iuvare potuit. Mortua est (secundo aut tertio die, ut adiciit Galenus in commentario.)

DVo sunt crudelissimi & funestissimi ob vehementissimum dolorem & citam internecionem intestinorum affectus, nempe morbus cholera diæus, & voluulosa seu ileosa constitutio: cuius in hac ægrotante descriptionem suscepit Hippocrates. Nos itaque ut rem totam accuratius explicemus, ab ipso primordio illius naturam & causas primum repetemus. Vide nostram Praxim. Ista passa est voluulum ut coniicio ex inflammatione intestinorum erysipelatosa, quæ febrem acutam intulit, sed non perfectam obstructionem, ut patet ex illis excrementis, quæ per aluum effluebant, &c.




HISTORIA X.

Γυναίκα ἐξ ἀποφθορῆς νηπία τῶν παρὰ Παντιμίδην, τῇ α', πῦρ ἔλαβεν. ἡ γλῶσσα σπινθη-
 ροῦ. διψώδης. ἀγρυπνοῦ. κοιλίη ταρραχώδης λεπτοῖσι, πολλοῖσι, ὠμοῖσι. β', ἐπερ-
 ρίζωσε. πυρετός ὄξυς. ἀπὸ κοιλίης πολλά. οὐχ ὑπνώσει. τρίτη, μίξας οἱ πόνοι. τέταρτη,
 παρέκρυσεν. ἐβδόμη, ἀπέθανεν. ἡ κοιλία διὰ πάντος ὕγρη. ἀσχωρήματα πολλοῖσι,
 λεπτοῖσι, ὠμοῖσι. οὐρα ὀλίγα, λεπτά. πυρετός καῦσος.




MULIERVM unam earum qua apud Pantimedem degebant,
 ex infantuli abortu, primâ die febris corripuit. Lingua arida, siti-
 culosa, & insomnis. Alius conturbata ex multis tenuibus & cru-
 dis. Secundâ die exorto denuò rigore, febris fuit acuta, ven-
 ter multa reddidit, & non dormiuit. Tertia dolores vehementio-
 res. Quarta delirauit. Septima moritur. Alius per totum morbi decursum fuit
 illi lubrica & profluens, multis secessibus tenuibus & crudis. Urina verò pauca &
 tenues. Febris ista erat καῦσος.



HISTORIA XI.

Ετέρῃ ἐξ ἀποφθορῆς παρὰ Πενταμίωνα, πῦρ ἔλαβεν ἀρχομένη γ', κοματώδης λεῶ. καὶ
 ἀγρυπνοῦ. πάλιν. ὁσφύος ὀδυνη. κεφαλῆς βαρὺς. β', κοιλίη ἐπεσπαραχθῆ ὀλίγοις
 λεπτοῖσι, ἀκρότοις τὸ πρῶτον. τρίτη, πλείω. χεῖρας. νυκτός. ἐκ ἐκσιμῆθῃ τέταρτη,
 παρέκρυσεν. φόβοι, δυσθυμία. δεξιῶ ἴλλανε. ἰδρωσε παρὰ κεφαλῇ ὀλίγα ψυχρῶ. ἀκρεῖα
 ψυχρὰ. παρὰ ξυῖθη. πολλά παρέλεγε. καὶ πάλιν ταχὺ κατενόε. ἄδιψος. ἀγρυπνοῦ.
 κοιλίη πολλοῖσι ἀκαίροις διὰ τέλεος οὐρα ὀλίγα, λεπτά, ὑπομέλανα. ἀκρεῖα ψυχρὰ,
 ὑποπλέγναι. ἑκτη, διὰ τῶν αὐτῶν. ἐβδόμη, ἀπέθανε φρενιτιαία.



ALTERAM etiam ex abortiuo foetu circa quintum mensem,
 febris ignea corripuit. Primo comatosa fuit, deinde insomnis: Lum-
 borum aderat dolor, & capitis grauitas. Secundo die alius tur-
 bata est paucis, tenuibus, & sinceris primùm. Tertio omnia plu-
 ra & peiora. Noctu non dormiuit. Quarto delirauit. Metus & tri-
 stitia aderant, ac dexter oculus conuulsus. Sudauit circa caput paucum & fri-
 gidum. Extremorum frigiditas. Quinto exacerbata sunt omnia. Multa extra rem
 loquebatur. Deinde ad se redibat. Sine siti & somno degebant. Alius perpetuò
 multis & intempestiuus profluxit. Urina verò pauca, tenues, & submagra: extre-
 ma frigida & sublimida. Sexto eadem perseverarunt. Septimo mortua est φρενιτιαία,
 phrenitica.

HAsce duas historias libuit coniungere & simul explicare, quoniam exempla duo
 sunt ferè similia muliercularum ex febre post abortum simili ferè modo & die
 pereuntium: Vnde Galenus illarum historias coniunctim citat libro 2. de diebus de-
 cretoriis, & libr. παρὰ δυσνοίας, vtrique ex vteri phlegmone creatum fuisse pericu-
 lum existimauit.

Vt igitur rem istam meliùs intelligamus, & quomodo mulieres istae in exitium
 praeci patatae fuerint, tam abortus illius, quàm febris & phrenitidis post illum abor-
 tum: oportet primùm scire quid sit illa ἀποφθορά, id est, abortus, à quibus cau-
 sis excitetur, & quas secum calamitates inuehere soleat. Certum est muliercu-

laſ, quæ fecunditatis laudes & commoda reportare debent, non ſolùm debere immiſſum ſemen virile intra vteri clauſtra retinere, & ex eo concipere, ſed etiam iam efformatum fœtum ad illud uſque tempus aſſeruare, quo perfectionem ſuam, motus & exitus naturales adipiſcantur, quod frequentius nono menſe, aliis ſeprimo, vel etiam decimo contingere ſolet. Quæcunque ergo ante hunc terminum conceptos embryones excutiant, potiſſimum poſt quadrageſimum diem, quo humanus omnis fœtus creditur eſſe efformatus, non parientes, ſed abortientes vocantur: Circa primos verò dies non tam ſunt Hippocrati abortus, *libro de ſeprimeſtri partu*, quàm *ἐκκύησις*, (*faux germe* vulgò) & ſeminis effluſus. Itaque abortus (Hippocrates *ἀποφθορὰν*, *διαφθορὰν*; in *Coactis*; *ἀποφθραγμα*, *τρωσμένον*, καὶ *ἐκτιτρώσκον*, in *Aphorism.* 34. ſect. 5. in 6. *Epidem.* ἀμβλυσιν vocat) nihil eſt aliud quàm præceps & intempeſtiua concepti fœtus & iam efformati excluſio ob cauſas totum corpus, vel vterum ipſum cum fœtu afficientes præter naturam. Diximus itaque eſſe excluſionem, quia hæc actio poſita eſt potiſſimum ſub genere facultatis expultricis, quamuis etiam ex concurſu retentricis debilitatæ, vt poſtea videbimus. Atque etiam eſſe fœtus iam efformati, vt diſtingueremus ab illis effuſionibus ſeminis nondum elaborati, quæ circa primos dies contingunt. Vnde etiam apud Iuriſperitos, is non habetur mortis reus, qui prægnanti mulieri vim intulerit, & ex vtero contentum fœtum deturbarit ante quadrageſimum diem, quia nondum homo perfectus cenſetur, neque rationali animâ donatus. Diximus deinde iſtos abortus contingere ob cauſas totum corpus vel ipſum fœtum cum vtero præter naturam afficientes. Oportet enim ſemper iniuriâ aliquam inferri, aut matri, id eſt, totius corporis materni conſtitutioni; aut ipſi vtero aliquid præter naturam contingere, vel fœtui ipſi ad commouendam matricem, vt blandulum illum fructum in ſuis ſinibus genitum quaſi coacta excutiat.

Vnde Arabs ille Serapio doctè de cauſis abortus pronuntiaſſe videtur: Quod ſi primis contingat menſibus, vt ſecundo & tertio, cauſam eſſe flatum quendam aut vehementem agitationem, tenuiſſimas adhuc vaſorum fibras diſrumpentem: Si mediis, vt quarto, quinto & ſexto ſine manifeſtâ cauſâ, eſſe accuſandos potiſſimum mucorres illos, & nimias humiditates, quæ acetabula vteri relaxant, vt eſt *Aphorism.* 45. ſect. 5. In poſtremis verò menſibus cauſam eſſe vt plurimum inopiam alimenti, vel vteri anguſtiam. Sed quoniam multò plures adhuc ſunt cauſæ, quæ in quibuſcunque menſibus tales *διαφθορὰς* excitare poſſunt: & quia recensitæ cauſæ, ſi multum exceſſerint, poſſunt tam in primis, mediis, quàm vltimis, abortum præſtare: ideo rem totam & cauſarum ſeriem accuratiùs percurramus, ex Hippocratis potiſſimum ſententiâ.

Ergo illud in primis in memoriam reuocemus, partum naturalem feliciter ſuccedere, quoties matris, vteri, & fœtus bona eſt conſtitutio. Ac proinde ratione contrariorum, ex axiomate illo Pathologico: Quoties iſta præter naturam, vel aliquod eorum immutata fuerint, toties etiam abortus aut difficiles & laborioſos partus contingere, de quibus ſequenti agemus historiâ, *αὐτὸ θεῶν*. Immutantur autem iſta à cauſis internis & externis. Τὰ *ἑξωθεν* igitur, vel ſunt contingentia & non neceſſaria, vt loquuntur Præctici; caſus, occuſus, iſtus, veſtium preſſus & coarctationes, &c. morſus, vulnera, & ſimilia, quorum violentiâ certum eſt non ſolùm maternum corpus concuti, ſed ipſum vterum, atque in eo poſitum fœtum tantâ perturbatione affici, vt ab illis ſæpe præcociter excutiat. Ad quæ etiam referri poſſunt tetri odores, vt candelæ extinctæ & ſimilium, aſſumpta vel admoda venena aut medicamenta malignâ qualitate prædita, cathartica vehementiora, aperientia & detergentia potenter, cæteraque Abortiua dicta, quibus peſſimæ quædam mulierculæ ſæpe vtuntur ad perdendos ſuos fœtus. Eodem modo uſurpata poſtremis potiſſimum menſibus phlebotomia copioſior, id præſtat, ex *Aphorism.* 31. ſect. 5. tam ex brachio, quæ alimoniam eripit fœtui; quàm ex malleolis, quæ menſtruas purgationes proritare ſolet, & ipſius fœtus excluſionem. Necnon balneum, nimium humectando & relaxando partes illas, quibus vterus corpori, ac fœtus vtero connectitur; vel deducendo humores & quaſi colliquando verſus vterinam regionem.

Vel ſunt ex rebus neceſſariis petita, & quæ in quotidianum vitæ uſum venire ſolent, ſed tamen malè uſurpata, ratione indiuidui, vt loquuntur. Talia ſunt aëris conſtitutiones humidiores, quas excipit ſumma frigiditas, vt annotauit Hippocrates tertio *Aphorismorum*, & in *Epidemiâ*. Vel etiam ſumma caliditas, abſorbendo alimoniam

alimoniam foetus & foetæ, atque etiam suffocando propter auctum respirandi usum: quibus addunt Astrologi malignas quasdam constellationes; propter quas nullâ existente aliâ causâ manifestâ existimant illi certis temporibus tot abortus tam in validis quàm inualidis, tam iuuenibus quàm prouectoribus indiscriminatum contingere. Idem præstare possunt cibi & potus nimîa sumpti copia: unde grauantur, vel ad vomitiones violentas, aut alui fluxus copiosiores, & tenesmos, proritantur, *Aphorism. 34. sect. 5. & 27. sect. 7.* Vel parcius sumpti, ut contingit per illas *ἀπορίλλας* diuturniores, quibus inedia m ferè integram celebrant, & embryoni suum eripiunt nutritum: Vel certè deterrimis cibis substantiâ & qualitate sese ingurgitant, ut solet per illas picas & malacias grauiiores, quibus grauidæ frequenter torquentur: Ex illis enim, succrescente inutili succo, non potest suppeditari conueniens foetibus alimonia. Vigiliæ immensæ potissimum ex violentis animi pathematis ortæ, idem præstare solent: cum sola ira, terror subitus, ingens rei alicuius denegatæ appetitus (qui præter abortum, foetui quoque imprimis notas cibi illius denegati, & hîc mixtum est animi pathema) inuidia, zelotypia, amor furibundus, & similia, multas in eiusmodi periculum quotidie præcipitent. Quibus adde exercitationes intempestiuè & violenter factas, equitatioens, choreas, saltus, ut de meretrice illâ narrat Hippocrates. Imò etiam quædam sunt ita delicatulæ, ut ex leuiori quouis motu abortiant, & certis temporibus ad seruandos suos conceptus cogantur sese diutius in lecto continere. Excretiones etiam immodicæ id sæpius efficiunt, ut iam suprà de alui fluxu & vomitu annotauimus, sed potissimum menstrui sanguinis per uterum, quo diutius apparente, impossibile est foetum in utero ad præfixum usque terminum contineri. Coitus immoderati sub hunc numerum referendi, potissimum vltimis mensibus celebrati.

Internæ autem dispositiones, quibus abortus excitatur ex parte matris, sunt etiam plurimæ. Sæpe enim plethora ingens opprimendo & suffocando, & cacochymia varia illud præstare possunt, Omnes etiam morbi acuti ob triplicem causam. Primò, quia vehementer totum corpus, ac proinde uterum cum foetu commouent & affligunt. Secundò, quia cibi ingens fastidium inferunt, propter quod alimonia vtrique eripitur. Tertiò, quod soluantur insignibus vacuationibus artificialibus vel spontaneis, quas omnes foetui periculosas esse dicebamus. Eodem modo morbi diuturniores, aut doloribus iuncti, aut agitationibus ut tussi & sternutationibus, istud efficiunt: febres quartanæ & quotidianæ, obstructions inueteratæ hepatis, lienis, aut mesenterij, magni ex cerebro catarrhi, tussis inueteratæ, ventriculi *ἀπορίλλας*, & similes, qui summas imbecillitates adferunt, arthritides, dysenteria, tenesmi, colici dolores, phthisis, & similes: quia impossibile est foetum bene se habere, dum mater tot exercetur cruciatibus, vel imbecillitate totius aut partis alicuius ad vitam necessariæ tenetur.

Quemadmodum ex parte vteri, morbi similes, organici, & communes abortui causam frequentissimam suppeditare solent. Nam intemperies insignes illius, humorales potissimum, ut erysipelata, inflammationes, & tumores omnes præter naturam, humiditates pituitosæ, quæ acetabula mucoribus irrigant, vlcera, vulnera, præcipitationes, relaxationes, distortionem, & similia. Ex parte autem foetus, si quidem quantitate vel qualitate peccet. Quantitate quidem, ut numero, magnitudine, & pondere. Numero; nam si duo, tres, aut plures in utero sint foetus, periculum est ne excutiantur suomet pressu, & quasi collisione: unde gemellorum frequens abortus. Magnitudine, ut si moles sit maior & amplior, quàm par sit ratione continentis vteri: hinc videmus mulieres pusillas frequenter abortire, potissimum si viris iunctæ sint procerioribus, quorum soboles magnum & citum in utero incrementum suscipit. Pondere autem, idque dupliciter, vel ratione virtutis ipsius vteri, & ligamentorum, quæ infirmior ob varias causas, ne leuiorem etiam sarcinam sustinere potest: vel respectu ipsius foetus, membranarum & serosi illius excrementi in eis collecti, quæ grauitatem aliquando immoderatam adipiscuntur. Qualitate verò foetus peccare potest multiplici, ut quando exsiccatus & veluti marcidus, atque etiam mortuus, *le vis chaffe le mort*, non amplius continuitatem physicam seruat cum utero, tanquam fructus illi arescentes sponte decedit, vel putredine affectus, acri & mordaci humore, aut certè venenata qualitate & nobis prorsus insensâ præditus, irritat vim vteri excrettricem, ut foras quamprimùm expellatur.

Ad huius autem expulsionem varia sequuntur incommoda & graues noxæ, ut

eleganter annotauit Hippocrates, *libro de natura pueri*; dum vult abortum multò esse periculosiorem & deteriore naturali partu, utpote à causis violentis & morbificis excitatum. Quemadmodum igitur naturalem partum etiam felicem videmus sæpius puerperas in varios affectus præcipitare: sic abortus si ab externis potissimum violentè commouentibus causis accidant, largas efficiunt hæmorrhagias, vteri præcipitationes, suffocationes, exulcerationes, & similia: Si ab internâ, potissimum plethorâ & cacochymiâ tam vniuersali quàm particulari, febres acutas, phrenitidas, vteri tumores, inflammationes, & similia, ob raptum in istas partes humorem putredinosum aut erodentem, quo vteri non solum superficies, sed etiam tota substantia afficitur, potissimum si post excitatum eiusmodi abortum non expellantur illa *μετρίωματα* & illuies materni sanguinis, quæ lochia Hippocrati dicuntur: intus enim subsistentes hos omnes morbos parere possunt, quemadmodum contigit hisce duabus mulierculis, quarum historias morbosas, & exitiales tandem, proposuit hic Hippocrates.

Ponamus igitur, quod ipse voluit Galenus *libro citato*, istas duas mulierculas ob abortum illum inflammationes vteri incurrisse, ad quas ingens illa & æstiuosa febris, deliria, diarrhœæ, dolores sæuissimi, conuulsiones, & similia symptomata sunt subsecuta, quæ *διάγνωσιν* & *πρόγνωσιν* in illis valde periculosam statuunt. Iam quod est in vtraque grauius & magis expetitur inquiramus, ut scilicet *θεραπεύειν* Medicâ si fieri possit, ex tam imminente periculo liberentur, aut certè ea omnia fiant, quæ sunt necessaria, & ex artis præcepto ad illud consequendum. Ergo. Vide Practicos de inflammatione vteri.



HISTORIA XII.

ΠΥΓΑΪΚΑ, ἥτις κατέκειτο ἐπὶ ψευδέων ἀγορῇ, τότε τεκῶσαν πρῶτον ὀπισθὼν ἄρσεν, πῦρ ἔλαβεν. ἀνῆκα δὲ χορδαίῃ, διψώδης. ἀσώδης. καρδίῃ ὑπέλγει. γλῶσσαι ὀπίσθῃ. κοιλίῃ ἐπεταράχθη λεπτοῖσιν, ὀλίγοισιν. οὐχ ὑπνωσε. β', σμικρὰ ἐπερρίγωσε. πυρετὸς ὄξύς. μικρὰ πρὸ κεφαλῆς ἰδρώσε ψυχρῷ. γ', ὀπισθὼν δὲ κοιλίας ὡμὰ, λεπτά, πολλὰ δίησι. δ', ἐπερρίγωσε. πάντα παρωξύνθη. ἀρσενικῶς. ε', ὀπισθὼν. ς', Διὰ τὴν αὐτῶν. δὲ κοιλίῃς ἣ ἦλθε ὑγρὰ πολλὰ. ζ', ἐπερρίγωσε. πυρετὸς ὄξύς. δίψα πολλή. βλητρισμός. πρὸ δέιλῳ, ἰδρώσε δι' ὅλα ψυχρῷ. φύξις. ἄκρεα ψυχρὰ. οὐκ ἐτι ἀνθερμαίνετο. καὶ πάλιν εἰς νύκτα ἐπερρίγωσεν. ἄκρεα οὐκ ἀνθερμαίνοντο. ἐκ ὑπνωσε. σμικρὰ παρέκρυσσε. καὶ πάλιν ταχὺ κατενόη. ἡ, πρὸ μέσον ἡμέρης, ἀνθερμαίνθη. διψώδης. κομᾶλώδης. ἀσώδης. ἡμεσε χολώδεα, μικρὰ, ὑπόξανθα. νύκτα δυσφόρος. οὐκ ἐκοιμήθη. ἔρησε πολὺ ἀθρόον οὐκ εἰδῆα. θ', ξυνέδωκε πάντα. κομᾶλώδης. πρὸς δέιλῳ, σμικρὰ ἐπερρίγωσεν. ἡμεσε μικρὰ, χολώδεα. ι', εἰς, πυρετὸς παρωξύνθη. οὐχ ὑπνωσεν ἐδὲν. πρῶτ', οὐρσε πάλιν, ὑπόξανθιν ἔχον. ἄκρεα ἀνθερμαίνθη. ια', ἡμεσε ἰώδεα, χολώδεα. ἐπερρίγωσεν οὐ μετὰ πάλιν. καὶ πάλιν, ἄκρεα ψυχρὰ. εἰς δέιλῳ, ἰδρώς. εἰς. ἡμεσε πολλὰ. νύκτα ὀπισθὼν. ιβ', ἡμεσε πολλὰ, μέλανα, δυσώδεα. λυγρὸς πάλιν. διψῶς ὀπισθὼν. ιγ', μέλανα, δυσώδεα, πάλιν ἡμεσε. εἰς. πρὸ μέσον ἡμέρης, ἄφρων. ιδ', αἷμα διὰ ῥινῶν. ἀπέθανε. ταύτῃ διὰ τέλει, κοιλίῃ ὑγρῇ. φρικώδης. ἰλικίῃ πρὸ ἔτεα ιε'.



MULIERE M qua decumbebat in Mendacium foro, tunc primum laboriosè emixam masculum, febris ignea corripuit. Statim incipiens siticulosa fuit, anxia, & cardialgiâ patiebatur: Lingua erat resiccata, aluus perturbata tenuibus & paucis, neque dormiuit. Secundâ die parum riguit, febricitauit acutè, & parum circa caput sudauit, idque frigidum. Tertiâ non sine dolore ab aluo cruda, tenuia, & multa demissa sunt. Quartâ riguit denuò, omnia exacerbata sunt, & vigil permansit. Quintâ malè etiam se habuit. Sexta perseuerarunt omnia: Tum etiam ab aluo multa liquida profluxerunt. Septima rursus riguit, febris est exacerbata, sitis ingens & iactatio: Circa vesperam demum exortus

exortus est per totum sudor frigidus cum perfrigeratione summa: Extremorumque tanta frigiditas, ut recalescere non possent. Non dormiuit, riguit adhuc, fuitque delirans, sed breui resipuit. Octaua circa diei medium calorem recuperauit, sitiuit, comatosa, fastidiosaque fuit. Vomuit biliosa, pauca, & subflaua. Notem habuit inquietam, sine somno, multumque urinae confertim reddidit non sentiens. Nona, omnia videbantur remissa, fuit comatosa, & circa noctem parum riguit, deinde vomuit pauca biliosa. Decima rigor & febrilis paroxysmus: neque potuit dormire: Mane autem urinam reddidit multam, quæ habebat hypostasim, & extrema recaluerunt. Undecima vomuit virulenta & biliosa: Non diu post riguit, & rursum extremitates refrigeratæ sunt: Sub noctem sudor & rigor. Vomuit multa, & noctem habuit laboriosam. Duodecima, vomuit denuò multa nigra & fætida, singultus multum fatigauit & suis. Decimatertia rursum nigra, fætentia, & multa vomuit, riguitque, & circa meridiem voce destituta fuit. Decimaquarta sanguis effluxit per nares, & mortua est. Huic per totum morbum horrores sensus adfuit cum aluo humida. Aetas circiter septemdecim annorum.

Grauiissima laboriosè parturientis mulieris seu puerperæ symptomata, ac tandem miserandum exitium describit hac historiâ Hippocrates. Cuius *ἔξινος* & explicatio, eò facilius erit nobis, quò difficilis eiusmodi partus & laboriosus, quem *δυσκολία* vocat Hippocrates, magis ad abortum, iam superioribus historiis à nobis sat copiosè enarratum, accedit.

Vt enim abortus præceps est immaturi adhuc fœtus exclusio à causis præter naturam agentibus: sic illa *δυσκολία* nihil est aliud, quàm laboriosa & periculi plenâ exclusio fœtus iam maturi, ob causas præter naturam in illo partu concurrentes. Siue enim fœtus intus omnino moretur, aut diutius moretur, quàm par sit, ita ut ad auxilia pharmaceutica vel chirurgica ad illum iuuandum recurrere oporteat, vel certè cum maiore quàm par sit dolore, aut aliquâ vteri noxâ: vel fœtus, ut solet, excludatur: toties ex istâ actione imminutâ vel depravatâ, oriuntur multæ morborum species, quæ ægras istas misere diuexant, aut etiam in mortis periculum coniiciunt.

Causæ autem difficilis partus, quemadmodum dicebamus de abortu, sunt externæ, fortuitæ, ex rebus rarò contingentibus petitiæ; vel necessariae & ex rebus non naturalibus dictis repetitiæ. Aut sunt internæ, & respiciunt ipsius matris constitutionem secundum totum corpus, vel aliquam partem insigniter læsam: aut respiciunt ipsum vterum & fœtum, sub quo ligamenta, membranas, & similia complectimur. Ista enim omnia debent secundum naturalem partum concurrere, ut feliciter fiat. Ergo quoties aliqua istorum constitutio vel plures, præter naturæ limites egressæ fuerint, toties etiam labor & dolor eximius, id est, qui naturali partui coniunctum laborem & dolorem excedant, exoriuntur.

Quæ cum satis accuratè à nobis de abortu nuper agentibus pertractata fuerint, non lubet in illis recensendis diutius hac lectione immorari, neque etiam in stabiliendâ *δυσκολία* affectus miseræ huius iuueniculæ, qui omnibus palam est notus, febris nimirum continua, ex summa humorum agitatione & putredine orta, ut docet luculenter Galenus in *commentar.* Neque in assignandâ *προγνώσι*, cum res ipsa per se loquatur, *θανάσιμον καὶ πάνυ ὀλέθριον* esse hunc affectum, tot horrendis symptomatis comitatum. Vt enim docuit Hippocrates in Aphorismis, gravidam aliquo acutorum morborum affici, esse omnino lethale: sic etiam puerperas, quæ in tantâ viriû deiectione post labores illos partûs, vix possunt esse ferendo grauiissimum, quo deinceps virgentur, ex nouo morbo confectum, potissimum si tunc temporis graui cacochymia laborarint, vel purgationes illæ lochiorû non feliciter successerint. Quæ omnia huic misellulæ contigisse probabile est, cui in extremis & irritis naturæ conatibus, tot fœtentium & virulentorum humorum vomitus, deiectiones coactæ, sudores frigidi, sanguinisque eruptiones contigerunt, quarum imperum ad decimumquartum

vsque diem sustinere potuit, ætatis & virium beneficio, vt bene annotauit Hippocrates.

Eodem modo cùm *ῥεζυμία*, quæ huic mulierculæ admoueri potuit, non valde discrepet ab ea quam superioribus ex aborsu laborantibus præscribendam fuisse docuimus: Ideò ad perfectionem huius nostræ lectionis, propositum est nobis breuiter differere de partu quem Cæsareum appellant, quia in suppresso omnino partu frequenter de eo dubitari solet, & à recentioribus valde agitur hodie illa quæstio. Vide nostras theses, & Rossetum.

Et sic absoluius *συμπερί* explicationem primæ partis libri tertij Epidemion, vsque ad statum pēstilentem.

ΚΑΤΑΣΤΑΣΙΣ ΛΟΙΜΩΔΗΣ.

De Peste.

Textus Hipp. *Εἰς νότιον ἑπομβρον. ἀπνοία διὰ τέλει. ἀρχὴν ὅ γ' ἡμορρῶν, &c.*

PRIUSQUAM pestilentis istius status descriptionem, pestisque naturam & causas perquiramus, lubet illud exagitare, quod est in procæmio operis prognostici, nempe animaduertendum esse Medico diligenter, vtrum in morbis, quorum πρόγνωσην est facturus, sit θεῖόν τι, *diuinum quid*, quod solet omnem prædicendi rationem inuerrere.

Etenim si qui sint morbi, quibus istud diuinum adscribi debeat, certum est pestilentes esse potissimum, qui velut flamma quædam æstuans, promiscuè homines inuadunt, tam senes quàm iuuenes, vt inquit Hippocrates, *lib. de nat. hum.* tam viros quàm mulieres, tam validos quàm inualidos, tam bonâ & laudabili diatrâ vtentes, quàm nullum alimentorum delectum obseruantes. Imò quod crudelius est, ingentem populi morientis stragem concitantes, & paucis relictis, maiorem eorum partem qui peste afficiuntur, è medio tollentes.

Ergo videamus quid Hippocrates, per illud diuinum in morbis intellexerit, & vtrum θεῖόν τι in illis reperiatur. Vide nostras quæstiones.

PESTIS N A V T V R A E T C A V S Æ. Pests seu pestilentiz nomen, quod Græcis λοιμός appellatur, varia apud vulgus & authores nostros designare solet. Aliquando enim significat certum quendam aëris statum & καλῶς πον perniciosam, per quam morbi perniciosissimi vulgò grassantes multos è medio tollunt, qualis est hæc quam hîc describit Hippocrates. Sic enim pestem vigere, & per duos aut tres annos durare asserimus. Aliàs non tantum hoc nomine significamus aëris corruptelam, aut malignam illius exhalationem, sed etiam ea omnia quæ in fonte causam istam deleteriam circumferunt & aliis communicant: vnde vulgò pestis illa translata dicitur, quæ in propinquas vel longinquas etiam regiones diuagatur, non ex aëris vitio, aut vniuersali constitutione, sed contactu mercium, hominum, & aliarum rerum, quæ eiusmodi seminaria contagiosa continent, & aliis communicant. Atque ista est frequentissima disseminandi huius morbi ratio, quâ funestissimos quosdam non homines, sed portenta hominum, vsos fuisse aliquando compertum est.

Præterea pestis sumitur pro effectu seu quouis morbo, vt febre malignâ, exanthematis, carbunculo, & similibus, quæ subsequuntur actionem illius virulentiz in corpora nostra. Et quoniam valde est proprium his affectibus, vt naturæ impulsu materia hæc venefica, quamprimum potest, in emunctoria demandetur: vnde bubones & φύματα exoriuntur sub alis, inguinibus, & post aures: ideò vulgus ferè nomen illud contraxit ad istos tumores, qui in peste correptis apparere solent. Ac proinde pestem exiisse, pestem suppurari, pestem fluere dum dicunt, intelligunt de hisce bubonibus prorumpentibus, suppuratis, & materiam aliquam eructantibus.

Dicamus igitur nos, pestis nomen propriè causam morbificam denotare, & esse malignam & occultam labem aëri impressam, aut fomitibus variis communicatam, quæ morbos epidemicos, contagiosos, malignos, acutos, & valde lethales inducit. Diximus itaque esse malignam labem, vt ostenderemus hanc qualitatem seu constitutionem

stitutionem aëris, non tam ad vulgares qualitatum elementarium excessus esse referendam, ut frigiditatem, caliditatem, humiditatem vel siccitatem simplices aut permixtas, quam ad certam substantiæ & totius mixti corruptelam, quæ vi quadam occultâ perniciem infert generi humano & cordi, sicut alia venena, potius quam aliis animantibus, aut partibus corporis nostri. Quamvis enim Hippocrates & Galenus, ut postea adhuc videbimus, putrilagines summas in hoc affe- & agnoscant, & quæcunque situm ac calorem humori coniunctum inducere possunt in aërem, ut austrina tempestas, æstas pluuiosa, & similia, maximè pestem conciliare possint: Attamen hæc non tam inducunt suis qualitatibus malignam illam dispositionem seu *ἰσχυρὴν τῆς αἰέρος*, quam præparant ad illam *φθορὰν* & corruptelam, quæ deinceps inducitur, ubi contracta est semel *νοσέει* illa *δοσικρασία*, venenata & totius substantiæ dissidio nobis infensa.

Esse enim tales causas nobis ex proprietate & totius mixtionis merito infensas vel amicas, docent non solum venena aut cathartica medicamenta, sed etiam alimenta, quorum multa cum intensiores habeant qualitates rebus minimè ad alendum comparatis, ut panis ligno comparatus, &c. nobis tamen alendis quam illæ sunt apiores. Nemo est etiam hodie, qui rei evidentiâ convictus non confiteatur liberè, esse multos morbos & eorum causas, ut elephantiasin, luem Veneream, epilepsiam, & similes, inter quos pestilentia inprimis est recensenda, qui antidotis certisque alexipharmacis potius curantur, quam remediis vulgari qualitatum dote pugnantis. Constitutiones ergo aëris calidæ, frigidæ, humidæ vel siccæ morbos quidem inferre possunt, eosque validissimos, & aliquando epidemios, ut rectè docuit Hippocrates 3. *Aphorismorum*; sed non pestilentes, & ita exitiales, quæ tantam sese propagandi vim obtrineant. Adde quod ordinarium illum istarum qualitatum motum sequuntur, qui contrarij sui adæquati exhibitione resingitur: & facit constitutas humorum vacuationes, coctiones, & agitationes, ordinariæ Medicorum *προγνώσει* consentaneas: cum in peste omnium sit confusio, & summa tam Medici, quam ægrotantis perturbatio.

Diximus autem hanc labem aëri esse impressam. Cum enim aër in suâ naturâ corpus sit simplex & elementare sibi que continuum, vix possum adduci, ut credam ab interioribus causis sibi que propriis vitium hoc exoriri: sed ab externis & violentis, quæ aut *ἐνεργιστικῶς* aut *κοινωνικῶς* illum afficiunt & inficiunt. Vnde Arabes nostri dicunt, aliquando pestem à radice superiori, alias ab inferiori pendere, id est, cœlestibus causis & impressionibus, vel elementariis inquinamentis. Quamvis enim cœlum naturâ suâ potius beneficium quam veneficum existimarim: attamen certum est & à nostris authoribus observatum, sæpe pestilentiam accidere, nullâ noxâ aut insigni vitio apparente in hisce corporibus inferioribus, quæ possit esse causa tanti mali: sed potius certis constellationibus & planetarum dominiis, quibus recurrentibus observarunt Astrologi magnas clades bellorum, famis, pestilentiae, & similibus accidere. Siue ergo illud *ἐνεργιστικῶς* fiat tantum per vim delapsam ab ipso cœlo, & ipsi aëri communicatam, Deo optimo maximo ita disponente ad puniendâ hominum ingratisimorum scelera: vel potius per accidens, propter agitationem variam corporum inferiorum, quæ à superioribus pendent: aut communicationem primarum qualitatum, caloris videlicet nimij aut humoris, quam supernæ illæ causæ suis aspectibus & luminibus in materiâ hac elementari excitare possunt: Certum est frequentissimè corruptelas hæc aëris pendere à sublimi illâ mundi parte, quæ etiam mutationes facit, & corruptiones elementorum istorum vicissitudinarias, ut tota hæc moles immensa, quamvis per partes mutata, tota tamen integraque perseveret.

Ab inferiori autem radice pendet pestis, quoties teterrima illa inquinamenta quibus inficitur & corrumpitur, expirantur primò ab aliis elementis & elementatis. Sic enim observatum est, aliquando istam luem ex eadem regione communicari: alias ex longinquis & remotissimis transferri. Ex eadem enim regione communicatur, quoties insignes terræmotus contingunt, ex quorum vi dehiscente tellure ventorum teterrimorum in terræ visceribus conclusorum halitus expirant, & per aërem disseminantur: Sic apertis barathris, lacunis, mineris, & similibus locis terræ conclusis, observatum est ab historicis, subsecutas esse pestilentias: ex aquis etiam stagnantibus, ibique putrescentibus piscibus, herbis virulentis, ut cannabe, brassicâ, & similibus sæpe totus aër regionis alicuius inficitur. Quemadmodum ex interfectorum hominum, reliquorumque cadauerum insepulcorum multitudine, visum

est sapius insignes illas corruptelas exoriri post commissâ ingentia prælia, post grauiores pecudum morbos, quæ hinc inde per agros demortuæ sparguntur. Hinc enim fit plurimum vt pestilentia humano generi infensâ, post pestes aliorum animantium grassentur, vt in hisce regionibus nuper est visum.

Ad id plurimum iuuat & disponit constitutio aëris, vt diximus, propria regioni calida humidaque, vt Ægypto, vbi frequentissimè pestis grassatur; vel priuatio ventorum septentrionalium ob montes oppositos, vt in Sardinia: vel certè priuatio ventorum illorum æstatis tempore, qui etesiæ seu scopæ & verricula aëris dicuntur, vt hîc annotat Hippocrates; vel etiam diurnus circa autumnum & ver, ventorum meridionalium afflatus, qui omnia putrescere & quasi colliquefcere faciunt.

Quod si illa lues non sit nata in ipsâ regione quam nunc infestat, sed aliunde originem suam repetat: quemadmodum sæpe videmus ortam à meridie pestem in septentrionales plagas, ab occidente in orientales velut mortiferam quandam sagittam penetrare: tunc oportet vel illam labem tantæ esse actiuitatis, vt se per aëris continuitatem multiplicare possit, vel certè ventorum ex illa mundi parte spirantium afflatu, illa inquinamenta deriuari: quemadmodum ex Æthiopiâ Romam vsque translata fuisse suo tempore annotauit Galenus; Vel certè si minor sit pestilentia, neque se propagabunt suâ vi per mediam aëris continuitatem, nec ventorum impetu in remotas regiones transferentur, quia in tam longo tractu vel disperguntur, vel suas amittunt vires illa *μιάσματα* & inquinamenta, sed communicabuntur per fomites & corpora illa quæ inquinamenti illis imbuta in alias regiones deferuntur: vt sæpe Veneris ac Massiliensibus contigit ob merces ex Alexandria vectas.

Quod genus seminarij aut propagationis pestilentia, cum ignotus esset antiquioribus, vel certè neglectus, tam magnis calamitatibus & pestilentis, quæ suo tempore vigerunt, ortum dedisse credibile est: Ex quibus nostri sapientiores redditi hodie magnam istius fomitis & seminarij rationem habere solent, nequid vel mercium vel hominum ex infectâ regione in sanam transferatur. Ideoque illam particulam nostræ etiam definitioni addimus.

Verum dicet aliquis, aëri velut rei communissimæ, & valde hominibus reliquisque animantibus necessariæ, iure merito à nobis primariam pestilentia & potentissimam adscribi causam: attamen non esse solam ex ipsomet Hippocrate, qui scripsit *lib. de naturâ humanâ*, duas esse communissimas causas ad morbos epidemios inferendos, nempe aërem quem inspiramus, & diætâ seu alimenta: Quæ si corrupta fuerint, vt sæpe contingit; vel pauca, vt per sterilitates illas & cariores annonas, quibus cogitur miserrima plebecula absurdissimis quibusque rebus & nocentissimis vti ad vitam sustentandam, non est dubium quin postea communes & lethalissimi morbi exoriantur: vnde illud etiam Hippocratis, *μὴ λικνὸν ὁ λοιμὸς*: Imò etiam ipsomet Galenus videtur ad pestilentes morbos constituendos, aliquando solam caco-chymiam in corporibus hominum redundantem agnoscere; vt 3. *de prasag. ex pulsibus*, vocat febres quasdam *λοιμώδεις ἀνευ λοιμοῦ*, quia nullum est tunc in aëre vitium, sed potius ingens malorum in corporibus succorum prouentus, qui ab aliis causis potest exoriri.

Ad hoc itaque respondemus, aliquando ab Hippocrate, & authoribus nostris, illud pestis nomen, seu pestilentium morborum, latius extendi ad quoscunque epidemicos & communes, qui magnam habent sui propagationem. Vnde Arabes nomine epidemia non solum grassantia exanthemata, morbillos, & similia, sed etiam pestem ipsam propriè dictam complexi sunt: & tunc sub hac significatione non solum malefica illa aëris labes, sed etiam praua diætâ & caco-chymia possunt pestilentes morbos inferre, ita dictos per similitudinem quandam, quam habent cum verâ pestilentia. Vel certè dicamus, malum diætæ vsum aut caco-chymiam in regione aliquâ regnantem, primum dare posse ortum veræ pestilentia: Vbi enim plura ægrotantium ac morientium corpora tetras suas exhalationes diutius aëri communicarint, non est mirum illis tandem infici, ac deinceps concepto vitio veram excitare pestilentiam. Aliàs non videtur possibile ex causis illis duabus, nisi concursu tandem aëreæ corruptelæ, vitium tam latè patens inferri posse: cum sterilitates illæ aut caco-chymia regnantes, vix vnicam regionem transcendant. Vnde Gal. optimè vocauit pestilentes illas febres, per quandam analogiam, sed sine peste, hoc est, verâ illâ & communissimâ causâ, quæ morbos istos exitialissimos inferre solet.

Atque hæc ex parte agentium causarum seu inducentium pestilentiam. Ex parte verò suscipientium, seu corporis quod ab illis afficitur: multa etiam sunt; quæ disponunt & præparant ad pestem facilius suscipiendam: quemadmodum temperamenta hominum humidiora cum quadam caliditate, quæ ideo *ὑπερδιώδεια* à Galeno vocantur: & mulierculæ, pueri, aut adolecentes, hoc nomine magis dispositi esse censentur ad pestem suscipiendam. Quicunque habent rarum, tenuem, & laxum corporis habitum, præcipuè verò cordis substantiam, ob quam facillimè imprimitur ista labes: sic aëris omnes excessus calidiores humidioresque vel inæquales, debilitando corpora & relaxando: Vnde æstate humidâ aut autumnus magis sæuire solet pestis, quàm hyeme aut vere: silente aut plenâ lunâ, propter humorum agitationem, vel caloris imbecillitatem: ingluuies & crapula, vacuationes ordinariæ suppressæ, dum implent corpus multorum copia humorum: vigiliæ immensæ, exercitationes vehementiores, quia cogunt aërem inspirare frequentius & copiosius: animi mollicies, & terror, & similia quæ deinceps in prophylaxi dicentur, quibus addere potes morbos alios præcedentes vel præsentis, tam acutos quàm diuturnos, quibus afflicta corpora etiam vim impressionis istius malignæ facilius recipiunt. Vnde obseruatum est apud nos, omnes ferè morbos etiam mitissimos, vt tertianas intermittentes, &c. tempore pestis in malignos illos, lethiferos, & contagiosos conuerti. Atque hæc de causis, nunc ad explanationem definitionis propositæ redeamus.

Addimus ergo hanc malignam qualitatem, inferre morbos epidemios, contagiosos, malignos, acutos, & valde lethales: *νοστέρον* enim hæc *δοτικὴ* ἐστίν, & venenata aëris labes, vt maximè communis est & extensa, sic etiam inspirata morbos communes inducit, & in populum grassantes, qui omnes sunt illius corruptelæ participes, & vulgò *πανδημοί*, *παγκρατοί*, & epidemij vocantur: Sunt etiam contagiosi; nam præter illud aëris vitium, habent hoc etiam proprium, vt seipfos propagent, ac aliis communicentur, non solum contactu mathematico corporum, sed etiam per fomitem, necnon ad distans, quæ est pessima conditio morborum contagiosorum. Ac præter illas condiciones vulgò grassandi, & contagium inferendi, habent etiam illud proprium & quasi verum potentia suæ characterem, vt sint valde exitiales, & multos interficiant: Quia, vt dicebamus ex Hippocrate *lib. περὶ κρισίμων*, non potest humana natura superare *πὺρ τῷ ὅλῳ νοστέρον καὶ κατασπῆν*, id est, resistere constitutioni illi vniuersali morbosæ, quæ nos perpetuò afficit. Atque vt hæc melius intelligantur, oportet de istis morborum appellationibus, epidemicorum, contagiosorum, & lethalium paulò accuratius differere. Vide librum nostrum.

DIFFERENTIÆ PESTIS, ET MORBORVM PESTILENTIVM. Atque hæc de propositâ definitione: ex cuius ἐξηγήσει oriuntur illæ vulgares differentiæ pestis & morborum pestilentium, quas lubet paucis recensere.

Ex vario itaque pestilentia ortu, prout aër ab his vel illis causis primò fuit infectus, vel certè illa seminaria & inquinamenta fuerint in locum aliquem propagata; dicitur pestis vna à radice superiori, alia à radice inferiori pendere, siue hoc sit ab elementis vel mixtis putrefactis, & vapores suos tetros aëreæ substantiæ communicantibus. Dicitur pestis primaria, quoties fit immediatè ab ipso aëris vitio, in hac regione verbi gratia corrupti: vel secundaria & translatitia, quoties aër purissimus alterius regionis inquinatur per afflatum venti alicuius, qui ex infectâ regione spirat: vel certè quando per fomitem, vestes, corpora humana, & similia defertur.

Ratione autem euentus: pestis alia multum duratura dicitur, ob dispositiones idoneas, quæ ad illam fouendam diutius apparent: alia parum, ex contrariâ scilicet ratione. Quædam est reuiuia, renascens, & ita contumax, vt ne ab aduersis quidem causis, frigore videlicet, vento salubri, & similibus omnino discutiatur: sed per aliquot menses delitescens denuò renouetur: alia per seipsam definit, & quasi sponte. Quædam prætereà est quasi vniuersalis, quia extenditur & propagatur in multas mundi partes. Alia vni tantum regioni aut oppido infesta est, & non progreditur vterius.

Prætereà ratione vehementiæ & actiuitatis suæ, alia dicitur magna, vt quando summam edit hominum morientium stragem: fuerunt enim multæ à veteribus & recentioribus recensitæ tam atroces pestilentia, quæ vix quartam hominum partem in illis Prouinciis, quas infestarunt, superstitem reliquerunt. Aliæ dicuntur paræ, non tantum

tantum ratione durationis, vt supra diximus; sed etiam potentia, vt quando pauci ægrotant ex illâ pestilentia, aut certè multi euadunt respectu superioris. Et hæ plurimum pestes parue ortum habuerunt à causa particulari, vt fomite translato, viciatis cibis & similibus, sine magnâ aut nullâ aëris corruptelâ, quæ posset illam subito & multum propagare. Inde etiam dicuntur pestilentia mediocres, quæcunque inter has duas ambigunt, & neque omnino mites, neque etiam ita horridæ sunt vt superiores, sed quæ tamen maiorem eorum partem interficiunt, quibus acciderunt.

Quoniam verò diximus, pestilentiam proprietate quadam & occulto qualitarum dissidio, animantium generi huic modò magis, quàm illi esse infestam: hinc fit vt ratione subiectorum, quæ primò & præcipue inuadit, quædam dicatur boium, porcorum; alia ouium, canum, auium, & sic de reliquis, quæ si longius propagentur & durent, possunt tandem auctâ illâ corruptelâ aut mutata, humanum genus inficere; quicquid dicat Villanouanus, qui existimauit, hominum pestem nunquam pecudes inuadere, neque pecudum pestilentiam homines. Quamuis enim venenum illud pecori insensum primariò homines non inuadat: fit tamen vt vel propter morientium eiusmodi animalium multitudinem aër denuò inficiatur: vel certè communicetur idem contagium diuersis animantibus, atque etiam homini, si diutius perseueret, vt ipsa attestatur experientia. In humanâ etiam specie reperiuntur pestes magis pueris infestæ quàm viris, vt illa quæ exanthematum multitudine luxuriat; aliæ mulieribus quàm viris, &c.

At verò ratione effectuum, seu morborum & symptomatum, quæ morbificam illam & deleteriam causam consequuntur, pro vario illius agendi modo & diuersitate corporum ab eâ correptorum, multæ exoriuntur differentia: Quædam enim pestis ita tenuiter & rapidè defertur ad ipsam cordis substantiam, vt eam absque sensibili mutatione temperamenti, aut calfactione violet & corrumpat, quemadmodum videmus in multis venenorum speciebus: vnde pestem sine febre aliquando subsistere agnouit Galenus, *comment. 5. in 1. de victus ratione in acutis*, omnium perniciosissimam, quia homines quasi insensibiliter necat. Imò etiam, vt à nobis in Occitanicâ hac nostrâ pestilentia ante xxi. annos est obseruatum, ex leuiore corrupti aëris vel contagiosi fomitis impressione afficiuntur aliquando multi, sed ita leuiter, vt inquinamenta illa faciliè superata, sine vllò æstu cordis, aut febrili incendio, depellantur in emunctoria aut extremas partes salutariter: sic enim vidimus multos bubonibus aut carbunculis affectos, vel etiam papulis & morbillis illis cutaneis infectos, qui tamen non febricitarunt, & leuiter istos affectus tulerunt.

Alias verò huius istius seminaria crassiora lentioraque, non ita rapidè cordis substantiam & ventriculos inuadere possunt: Vnde cor veneno isto laceffitum, conatur illud summâ humorum spirituumque perturbatione depellere, sicque agitatam febrem atque incendium concipit; quam ego puto sine putredine vulgari aliquando posse subsistere. Si enim contigerit corpora tunc temporis pura & parum excrementis scatentia existere, aut potius si talis fuerit morbidorum seminariorum, & peculiaris in spiritus *ἀντιπαραδυνα*, illi succeduntur potissimum atque exardescunt. Non est igitur putandum ideò spiritus putrescere, vt quidam voluerunt: sufficit enim illos incandescere & affici à malignâ illâ labe: vnde ephemera pestilens suscitatur, quæ die vnâ aut hominem dimittit copiosissimis sudoribus excitatis, aut frequentissimè perdit: vt in Belgio & Angliâ hoc nostro sæculo contigisse notissimum est.

Si verò malum grauius fuerit, vel certè peculiarem habeat vim, vt fulminis instar solidiores cordis partes impetat, & illis inhærescat, hecticarum pestilentium species fit, quam Galenus *lib. 1. de differ. febr. & lib. 3. de præag. ex puls.* longo sermone agnouit.

Nec obest quod dicit Aponensis, & alij. Hæc enim febris hectica non est posita in putredine cordis substantiæ, sub quâ viuum non potest subsistere animal, sed calore ac venenatâ qualitate fixa & firma, quæ deleri non potest: Deinde quamuis aliæ hecticæ vulgares sint morbi diuturni & marcorem inducentes: attamen hæc hectica, quia in primo gradu aut initio secundi interficit, non solet eò vsque deuenire.

Contrà verò corpore cacochymo vel plethorico existente, aut aliàs putredini obnoxio: vel potius propter ipsam inquinamentorum *ἀντιπαραδυνα*, tunc corruptela & putrilago humores occupat, lata, profunda & maligna, non certum aut determinatum humorem aggrediens, sed omnes summâ perturbatione, & quasi æqualiter: quamuis ille qui tunc fortè redundarit, magis peccare videatur: vnde vir experientissimus Rhasius in suo de pestilentia tractatu, febres istas pestilentes, ad synochos, easque acmastras referre ausus est, quia deprehenderat communem hanc causam humores, id

est, totam illam massam sanguinariam conturbare & putrefacere indiscriminatim. Rhasio maximè fauet Hippocrates noster in hisce descriptionibus febrium & morborum pestilentium, quos omnes summæ putrilagini, & quasi sphacelismo partium coniunctos fuisse annotauit.

Quamuis igitur Galenus, *lib. 1. de differ. febr.* videatur omnes pestilentes putridas appellasse, & vulgò illud rectè dicatur, τὸ θερμὸν Ἰνφιδονῶδες, vel τὸ θερμὸν πολέμιον καὶ ξέρον Ἰνφιδονῶδες, esse vnicum pestilentiae parentem: attamen hoc ita intelligendum est, vt fateamur raras esse sine febre pestilentias, raras febres spirituosas sine putredine, aut hecéticas pestilentes: dari tamen posse aliquando, vt ex superioribus exemplis & rationibus conuincitur.

Vtrum autem inter putredinosas pestilentes, quædam interpolatæ seu intermittentes aliquando contingere possint, dubitatur.

Atque hæ sunt differentiae pestis, ratione febrium quas excitare solent: Ratione etiam symptomatum propè infinitorum, quæ illam & febres istas comitari aut consequi visuntur: innumeræ etiam differentiae exoriuntur: Aliæ enim magis ad comatosos affectus, aliæ ad phreniticos accedunt, quemadmodum vomitus & diarrhæas, aliaque vacuationum genera. Aliæ suppressiones summas earundem excitant pro vario motu naturæ & humorum impulsu. Vnde quibusdam vrinæ perturbatæ, & iumentorum vrinis simillimæ visuntur: in aliis coctæ, probè coloratæ, & sanis simillimæ, quædo natura nihil audet aggredi aduersus infensissimum & potentissimum hunc hostem, neque vllum reactionis suæ fulgorem in pulsu facit apparere. Sed præcipua ratione symptomatum in peste differentia petitur ex papulis & tuberculis exorientibus per hosce affectus. Papulæ enim illæ minimæ & vix cutem attolentes, purpura & morbilli vulgò appellantur: paulò maiores, ecchymata & rosaria vocantur; quæ pro varietate colorum, pallidæ, rubræ, virides, liuidæ aut nigræ visuntur, eæque raræ ac dispersæ, vel frequentes & collectæ, perpetuò apparentes etiam in demortuis: quibus aliquando exoriri post lethum visæ sunt; vel mox delitescentes & concentratæ.

Tubercula autem siue tumores duorum sunt generum, nempe Carbunculi & Bubones. Carbunculi seu anthraces quacunque inuadunt corporis partem. Bubones autem, (quos pestem peculiariter vocari à populo diximus) sub axillis & inguinibus, & iuxta aures erumpunt, prout materia illa venenata magis impetit cordis, cerebri, vel hepatis substantiam. In quibus neque papulæ, neque tubercula exoriuntur, fit aliquando decubitus in extremas partes, vt annotat Hippocrates in hac κατὰ κράτος, & Galenus *lib. 3. de usu part.* quæ putrefactæ & gangrænâ affectæ decidunt. Atque hæ sunt præcipuè pestis differentiae, & explicatio contextus Hippocratis.

RELICVA DESIDERANTVR; non sine culpâ Studioforum, & magnâ rei Medicæ iacturâ. Nisi enim Varandæus tunc temporis interpellatus, aliam materiam quam ij poposcerant, prælegisset, vtiq; reliquum tractatum de Peste numeris omnibus absolutum, addidisset: vtilissimum quidem, & eò magis necessarium, quòd in eâ lucè dignoscendâ, præcauendâ, & profligandâ, eiusdemque μάστιγι extinguendis & aueruncandis, plerique hodie grauiter hallucinentur. Ne autem reliquum huiusce paginæ vacaret, libuit hic paucis describere feralem ac planè barbarum veterum quorundam ritum ac modum expurgandi eas ciuitates quæ Peste infestabantur.

Moris fuit antiquissimi, cum ciuitas aliqua fame, aut pestilentia, aut aliquâ enormi calamitate laboraret, disquirere hominem in eâ turpissimum, quem Catharmum, & Pharmacum appellabant: eumque ad locum quemdam sacrificio illi constitutum deducebant, manu tenentem caseum cum placentâ, & siccas ficus; quem postmodum septies caprifeco, & agresti scyllâ, aliisque virgultis syluestribus, partes pudendas verberatum, scrobe eo loci factâ, lignis syluestribus comburebant, confectumque cinerem, pro vrbs illius expurgatione, & piaculo, in mare proiciebant. Moris huius meminit Lycophron de Locride, nec non Hipponax in Iambis suis, aliquot locis, vt author est Cecis.



IOANNIS VARANDÆI

EXPLICATIO LIBRI HIPPOCRATIS

ΠΕΡΙ ΠΑΘΩΝ.

DE GRAVISSIMIS MORBIS.

P R Æ F A T I O.



PROFUNDUM Medicina pelagus ingressi sumus, (Auditores ornatissimi) quum librum Hippocratis *περί παθών*, vestris suasionibus optationibusque explicandum suscepimus. In quo dubium est magisne nominis Hippocratici autoritate, an dictorum profunditate, difficultate, utilitateque urgeamur. Cum enim certissimum sit Hippocratem Medicorum coryphaeum artem nostram ex paruis *ἰδιωτικῆς* (qua erat communis illa, & minimè ad propria peculiariaque perueniens, omnibus hominibus, aut saltem Asclepiadeis, & confusa Medicina cognitio) ad magna *τεχνικὰ* euexisse: votumque quod sibi libro de arte proposuerat, absoluisse, τὰ μὴ εὐρήμενα ἐξεύρησεν, καὶ τὸ τὰ ἡμέτερα ἐς τέλη ἐξεργάσας, inuenire quae non erant inuenta, & semiperfecta ad optatissimum finem perducere: Sic etiam certum est, ut ex frequentibus fidem faciemus, nullum esse ex libris Hippocratis, qui ad nos peruenerunt, libro huic *περί παθών* comparandum, si artis summam spectes, ex quâ frugem maximam auditori reportare liceat.

Explicuit Hippocrates, literisque felicissimè mandauit, quae ad omnes Medicina partes illustrandas faciebant, Physiologiam scilicet, Pathologiam, *σημειωτικὴν, τραπευτικὴν*, ac Therapeuticen: idque modò concisis admodum contractisque sententiis quasi oracularibus responsis Aphoristicis agens: modò historias Medicas, longamque morborum & agrorum, in eisque mutationum, quasi periculosissima peregrinationis successus contexens: alias verò methodicè & demonstratiuè, quatenus id Medicæ rei certitudo patitur, diuinam hanc artem pertractans, & à primis verisque tam sensui quàm intellectui notis perdocens, siue resoluendo, siue componendo procedat, ut nos olim de methodo Hippocraticâ differentes probauimus.

At nullibi est, ubi ille tam eleganter totam artis vim in unum contulerit, ubi particularem diagnosin & prognosin, peculiari therapeia coniunxerit, ubi tam elegantem obseruauerit methodum in pertractandis particularibus corporis nostri affectibus, non leuissimis, sed omnium perniciosissimis ac maximè Medicam curam exposcentibus, quod nos postea sumus ob oculos proposituri. Cumque liber hic ad varias Medicina partes, easque precipuas pertinere videatur: sic nobis amplissimam patere ad Medicinam pertractandam, sub Hippocraticis vexillis, aciem, sub quibus hic tantum militare licet: Non enim Galeni commentantis in hoc libro sententiam explorare, non aliorum interpretum opem implorare datur, sed id totum ex ipso Hippocrate repetendum, & ex secretioribus illius scriptis, genuinaque lectione depromendum.

Librum autem hunc Hippocratis illius Coi esse, quem Aurelianus miraculum Medicum

dicum appellat, quanquam Galenus ad Polybum eius discipulum referre videatur, ego tam locutione quam re motus credere cogor: λέξις quidem & dicendi character, quia ut Græca scientibus satis patere poterit, hinc Φερίων Ionicarum & Doricarum frequentia, vocabulorumque Hippocrati in aliis libris genuinis assuetarum similitudo facile conuincit, ab ipso esse Hippocrate (eoque seniore post multos alios) conscriptum. Scimus enim eiusdem authoris non semper eundem esse stylium, ut nec etiam Hippocratis, quod eleganter annotauit Soranus: Nunc enim pleno velut alueo exundat, nunc leuiter decurrit, nunc occultos quasi sinus subit, nunc iunioris ætatis vigor, nunc consistentis splendor, & decrepantis grauitas apparet, nunc sublimior, nunc remissior: At nunquam ita demissus, ut Medici styli dignitatem amittat, quam maximè hinc retinuit, ut nos in progressu libri, omnibus planum faciemus.

Si rem verò spectes, hoc est, materiam tractandam, & ἡγεῖα, dispositionem scilicet ac ordinem dicendorum, procul dubia Hippocratem, non ex vnguibus, quod aiunt, sed ex merà doctrinâ, tractandique modo agnosces, ut dum partes istius libri postea proponemus, clarum fiet: Nunc verò ea quæ Hippocrati vult maximè esse propria Galenus in hoc opere annotemus. Ex paucis, inquit ille, multa significare: ea quæ iam sunt nota aut alibi demonstrata omittere, ac veluti præsupponere. Denique grauissimis quibusdam sententiis dicta sua demonstratiua intermiscere. Quæ omnia hinc elegantissimè Hippocrates est exequutus. Cum enim illi esset hoc libro propositum de grauissimis affectibus tam internis, quàm externis, qui omnes corporis nostri partes miserrimè excruciant, disserere, eâ ratione ut eorum διάγνωσις & θεραπεία traderet; Diagnosin quidem exhibitâ morbi descriptione, causis peculiaribus, signisque tum diagnosticis tum prognosticis; Therapeian verò ex triplici instrumento Medico, Pharmaceutico, Chirurgico, Dietetico; ita rem istam exequitur, ut primum ex paucissimis propositis, omnia & ferè infinita Medica præcepta complectatur, ut nihil eorum, quæ in aliis libris dicta sunt, repetat, sed ad libros illos familiariores remittat. Denique grauissimas in hoc libro sententias & aphorismos repetere est, (Auditores ornatissimi) quibus Hippocrates noster veluti micantibus quibusdam stellis huic suæ tractationi ornamentum addidit, & ut illi hæc tribuatur factura iure merito effecit.

Est igitur partus hic Hippocraticus, (Auditores ornatissimi,) quem nos obstericio quasi munere perfungentes, sumus in propatulum, & lucem edituri, quam adhuc à nullo alio, quod sciam, accepit, eamque non ex propriis nostris laribus obscurissimis mediis fidiis, sed ex Hippocrate ipso repetemus, ut Hippocratem illustrare possimus. Atque ut Lucretij lib. 3. verbis utar,

Te sequor, ô Græcæ gentis decus, inque tuis nunc

Fixa pedum pono pressis vestigia signis.

Tu pater es, rerum inuentor, tu patria nobis

Suppeditas præcepta, tuisque ex inclyte chartis,

Floriferis ut apes in saltibus omnia libant,

Omnia nos itidem depascimur aurea dicta,

Aurea perpetuâ semper dignissima vitâ.

Quod ut facilius præstare possimus, & σχολάζοντες in hunc librum necessaria absoluiamus, dicemus hac lectione, de libri huius titulo, partibus, & de nostro in explicatione illius instituto.

ΠΕΡΙ ΠΑΘΩΝ.

INSCRIPSIT Hippocrates librum hunc Περὶ παθῶν, quem nos legitimum titulum esse existimamus, non immutatum aut aliis substitutum, ut plerisque libris contigit, quod factum est à Capitone & Dioscoride. Cum enim tituli sint veluti breues quadam summa eorum, quæ ab authore in libris proponuntur, quibus maxime institutum suum patefaciunt: sic putamus Hippocratem hoc nomine παθῶν, aptissime & materiam quam tractandam susceperat, & intentum suum patefecisse. Est alius liber Hippocraticus qui hunc sequitur, Περὶ ἐντὸς παθῶν inscriptus, quasi dicas, de internis affectionibus. Est & alius qui hunc præcedit, Περὶ ὕψους, de morbis dictus, ubi Hippocrates omnigenas morborum ideas persequitur. At in hoc libro, ubi Hippocrates summâ methodo erat propositurus passiones omnes, quæ corpori nostro non tantum in internis, sed externis partibus contingunt, cum peculiari therapeiâ, quæ magnitudini affectus respondeat, videtur optime librum hunc Περὶ παθῶν, de morbis gravissimis inscripsisse: illud nomen παθῶν secundum antiquam, non novam significationem usurpans, quæ idcirco nobis est explananda, ut res hæc fiat planior.

Notandum autem in primis, in perscrutandis nominum significationibus, aliud esse si quis quosvis authores consulat, aut si Medicos tantum, eosque probatissimos. Fit enim sapissime, ut in arte aliquâ peculiarem certa nomina sortiantur significationem, quæ apud alios minimè sit usitata: Unde non immerito multi putant, eum iam profecisse in arte, qui illius vocabula & proprios terminos intelligere ac distinguere potest.

Παθῶν enim nomen apud authores Græcos dicebatur de omni motu passivo, qui ab altero in alterum fiebat, etiam naturaliter sese habente, siue esset in loco, substantiâ, qualitate, aut quantitate, ut fusissimis & disertissimis verbis explicat Galenus lib. 2. meth. quando docet differentiam inter παθῶν & διαδέν, à neotericiis Medicis iniectam. Sic Plato ipsas sensuum alterationes, παθῶν, hoc est, passiones appellat: Sic Medici pathemata animi, Euclides τὰ τῆς ψυχῆς παθῶν, Luna passiones vocavit.

Ex hoc significato apud Græcos omnes usitato, factum est ut iuniores Medici, translato hoc nomine in civitatem Medicam, illius significationem ad solum eum motum qui in corporibus nostris sit passivum, vel potius passionem quæ ad causam morbigenicam agentis ἐνέπνευεν & affectionem sequitur, contraxerint. Sic Hierophilus, qui primus Medicinam in certam methodum revocasse videtur, & ex quo Galenus optima quæque ad definitivam methodum in suam illam artem parvam transcripsit, diuino præditus ingenio, (ut ego conicio ex variis contextibus illius à Galeno relatis) contemplatus ea quæ in corporibus nostris contingunt præter naturam illius particularis institutum, primus quinque illa in Pathologiam Medicam iniecit vocabula, & propria fecit Medicis, αἰτίαν, ἐνέπνευεν, παθῶν, διαδέν ἢ νόσον, καὶ σύμπτωμα, causam scilicet, actionem, passionem, affectionem seu morbum, & symptoma. Quæ quamvis omnes in hoc communi conveniant, ut qualitates existant, differunt tamen in dispositione & habitu, passione ac passibili qualitate.

Cum itaque Græcis authoribus παθῶν motum designet, qui ex eorum numero est quorum esse non est absolutum, sed in alteratione ac mutatione, quasi dicas ἐν τῇ ψυχῇ, in fieri positum: aptissime videtur Hierophilus nomen hoc in Medicinam transferens, aptasse passionibus leuioribusque affectionibus, quibus quotidie corpus nostrum externis internisque causis agentibus subiicitur: distinxitque παθῶν propriè sumptum à νόσῳ, id est, morbo, ut motum à fine & termino motus.

motus. Quamuis enim corpus nostrum perpetuis illis passionibus impetatur, non tamen perpetuo morbo laborat, sed habet prævias istas passiones, quæ si ex virtute, actione, ac ipsorum causa efficientis, aut dispositione patientis, impressionem quasi vestigium faciant, & in μόνον affectum per se subsistentem degenerent, tunc sunt morbi: ad quos ut proprias causas multa variæque symptomatum genera consequuntur: Reliqua 4. nomina suis locis & peculiaribus tractatibus explicabuntur.

Atque hæc fuit τὸ πᾶν significatio, ut designaret εὐλυτόν τι ἢ εὐκίνητον, quid facile solubile & mobile morbum præcedens, post Herophili doctrinam, quam Galenus ceterique posteriores Medici sunt amplexati. At si Hippocraticos consulas libros, diligentèrque euoluas, ut nobis quondam otio Nemausensi fruentibus licuit, inuenies tria significare. Aliquando πᾶν siue παθήματα apud Hippocratem esse ea quæ morbis accidunt, velut accidentia propria, attributiones, & affectiones quasdam, quæ Galenus lib. 12. de loc. aff. constituit quintum signorum fontem ad dignoscendam sedem affectam & affectum, ut lib. 1. Epidem. Sunt, inquit ille, febribus ardentibus sua pathemata; & lib. 2. Anginâ laborantibus talia accidebant pathemata. Frequentiùs autem apud Hippocratem πᾶν siue πάθημα generaliore significato quacunque præter naturam corporibus nostris contingunt, siue passiones sint proprie sumptæ, siue actiones causa, siue morbi, siue symptomata designat, ut annotat Galenus comment. 1. in lib. 1. Epidem. & 3. de prælag. ex puls. Ego etiam religiosius Hippocratis oracula olim reuoluens, obseruaui quandoque, eum promiscuè nominibus νοσημάτων, ἀλγημάτων, παθημάτων, συμπτωμάτων, item νόσος, λύπη, πόνος, πᾶν, συμπτώσις, & ceteris quandoque eum rebus differentibus tribuere nomina differentia. Itaque affectio quælibet, quatenus corpori præter naturam inest, πᾶν affectus illi dicitur: quatenus verò intellectu comprehenditur, & veluti abstrahitur, πάθημα, affectio appellatur: ut hæc duo sint veluti genera ad alia omnia. Si enim sit affectio illa morbus actu inherens, νόσος dicitur: cuius abstracta consideratio, vel saltem impressio in corpus facta, νόσημα constituit. Si sit accidens morbosum, actu inherens, συμπτώσις, ut comment. de humoribus, appellatur. Si ratione abstractum & consideratum, σύμπτωμα vocatur. Hoc si sit læsio secundum actiones, Hippocrati dicitur πόνος labor, ἀρρώστια infirmitas; secundum passiones, λύπη tristitia, & ἄλγος dolor. Sed hoc, est subtilius doctrinæ Hippocraticæ vocabula consuetari, quæ quamuis hominibus Hippocratis amore percussis grata esse possint, aliorum tamen animis non ita fortassis arridebunt. Satis hoc sic scire, frequentissimè apud Hippocratem, τὰ πᾶν significare omnes affectus præter naturam, & esse genus ad alia præternaturalia.

At aliis locis librisque maximè genuinis, πᾶν nomen, ut etiam in huiusce nostri libri titulo, designat morbos eosque grauissimos tam acutos quàm diuturnos, maximè sub Medici curam & cognitionem venientes, ut patet ex Aphor. 4. sect. 1. ubi vult Hippocrates, victum tenuem & exquisitum periculosum esse in longis & acutis πᾶσι, si non conueniat, quæ sunt grauissimi & exitiosissimi morbi. Aphor. 24. lib. eiusd. ubi acutos morbos vocat ὀξεία πᾶν, & 28. sect. 3. aliisque plurimis locis, quæ non lubet nunc recensere: Ut cum hoc libro Hippocrates de grauissimis atque exitiosissimis affectibus, eorumque aptissimâ curatione esset acturus, aptissimè librum hunc iuxta assuetam sibi significationem πᾶν πᾶν inscripsit. Quæ etiam Galeno non est insueta, ut videre est cap. 88. artis paræ.

Atque hæc de libri titulo sufficiant. Quod verò ad τὸν & dispositionem illius attinet, vitur hinc Hippocrates ratione eâ & methodo, quam omnes deinceps in morborum tractatione sequuti sunt, secundum scilicet partium & subiecti morbifici constitutionem, ut ex partibus huius libri propositis patebit.

Hic enim liber diuiditur, ut & reliqui omnes, in *πρόλογον* & *λόγον* : *προοίμιον* quidem est *οἰκείον*, ab eo quod tractandum est desumptum, quasi habitā ad omnes cohortatione, ut sanitatem rem tanti pretij diligenter conseruent, quæ faciliè à tantis causis, tamque grauissimis morborum generibus deinceps ab illo tractandis impetitur ac violatur. *Λόγος* vero seu tractatio huius libri, tota à nobis in sex partes, facilioris doctrinæ causā, distinguetur, quarum talis est œconomia.

In primā Hippocrates exorsurus morborum grauissimorum descriptionem, & curationem, primò motus axiomate illo Philosophico, nihil sine causa fieri, proponit causarum morbos istos generantium naturam ac numerum effectusque varios. In secundā parte iam ad rem ipsam aggreditur, & affectus qui in toto capite consistunt grauissimos explicat, cerebri scilicet, aurium, faucium, gingiuarum, linguae, vuluæ, dentium, narium: exceptis oculorum affectibus, quos ob multitudinem in peculiarem tractatum remittit, ubi ait, *ταῦτα ἰδίως γράψεται*. Atque hæc est superior corporis nostri regio, quā perlustratā secundā aggreditur in tertiā operis istius parte, thoracis nimirum partiumque contentarum affectus, pleuritidem, peripneumoniam, phrenitidem, causum siue febrem ardentem, ubi sumptā occasione omnium febrium historiam absoluit, & dolores alios, qui eiusmodi partes occupant, præcipuè æstatis tempore. Quo peractō in quartā parte, ventris inferioris præcipuos morbos persequitur, & artuum seu extremitatum corporis, qui potissimum interiores sunt: leucophlegmatiam, lienis magnitudinem, ileon, hydropas, dysenteriam, lienteriam, diarrhœam, tenesmum, choleram, stranguriam, sub quā omnes vesicæ affectus complectitur: Denique ischiada, arthritidem, podagram, icterum. Qui omnes morbi, ebrumque causa in profundo corporis latent. Relinquit autem mulierum morbos, quia de eis seorsim scripsit, libris qui ad nos usque peruenerunt. Unde faciliè conicies, hunc librum esse genuinum. At ne quid in hoc libro intactum relinqueret Hippocrates post grauissimos illos affectus internos, subiungit in quintā parte externos, tumores scilicet contra naturam, & tubercula, lepram, pruritus, psoram, lichenum, alphum, fauum, strumam, panos, furunculos, carbones: Mox agit de vulneratis, sub quibus vulnera, ulcera, fracturas, luxationes complectitur, de eorum regimine & propriis remediis.

Sed cum diata ratio congrua, maxima sit ad tanta morborum monstra debellanda, & efficacissima therapeutica pars, eam explicandam suscipit, ultimā huius libri parte, quæ omnium est longissima. Non enim solum in genere secundum naturam diuersorum affectuum, & alimentorum, sed etiam in specie multa alimentorum genera persequitur, quæ tunc in usum agrorum potissimum veniebant. Huic tractationi interim multos Aphorismos, eosque elegantissimos permiscet, dierum criticorum meminit, & insignia proponit remedia, tam Chirurgica quàm Pharmaceutica, vulgaria & omnibus nota omittens, aut ad libros pharmaceuticos à se conscriptos auditorem remittens.

Atque hæc est huius libri œconomia, tractandique modus Hippocraticus, ex quo patet quàm ampla hic contineatur supellex Medica, quam exornandam polientiamque suscepimus. Hic est certissima diagnosi grauissimorum affectuum, prognosis admiranda & parum aliis usitata, therapeia denique non vulgaris, sed exquisitissima, maximeque affectui accommodata, ex triplici instrumento Medico, chirurgico, scilicet, diætico, & pharmaceutico. Nostrum autem propositum est præcipuum, ut Pathologiam explicemus, quæ est pars Medicinæ nostræ difficillima & utilissima. Quæ generatim primò morbum, morbi causam, & symptomata definit, diuidit, & differentias assignat, & speciatim omnes corporis nostri morbos à capite ad calcem internos & externos explicat, adhibitā cuiusque notatione, de-

scriptione, assignatis causis, prolatisque signis tam diagnosticis quàm prognosticis: ut hanc tractationem sequatur statim medicatio, therapeia artificiosè ex indicationibus desumpta.

Nos itaque qui frugem hinc referre cupimus uberrimam, propositâ nobis Fernelianâ methodo, quia in omnium est nunc manibus, totam Pathologiam explicabimus, relictâ Σημεωλικήν, quam Fernelius permiscuit non satis aptè, & nos eam in sequentem annum meditamur. Idque prævio semper Hippocratis lumine, cuius contextus & authoritates frequentissimè adducemus, ut his quasi fomentis generosos vestros animos ad multò meliora cogitanda olim excitemus. Nec negligemus quæ à Galeno, aliisque antiquis & recentioribus Medicis in hanc rem commodè dicta, & eleganter scriptis tradita sunt: ut cogitationes nostræ posteriores, aliquid lucis prioribus adferre possint.

Atque hæc in operis istius introitu, quasi sacrarum Medicæ limine, præfari libuit: cras ad rem ipsam veniemus. DIXI.



CONTEXTVS HIPPOCRATIS.

ΑΝΔΡΑ ΖΗΨΙΣ ΕΣΤΙ ΣΥΝΕΤΕΡΟΣ ΛΟΓΙΣΑΜΕΝΟΝ, ΟΤΙ ΤΟΙΣΙΝ ΑΝΘΡΩΠΟΙΣΙ ΠΛΕΙΣΤΑ ΑΞΙΟΝ ΕΣΤΙΝ ΥΓΙΕΙΝ, ΟΠΙΣΤΕΩΣ ΔΟΤΟ ΤΗΣ ΕΑΥΤΩ ΓΝΩΜΗΣ ΕΝ ΤΗΣΙ ΝΟΣΗΣΙΝ ΩΦΕΛΕΕΩΣ. & quæ sequuntur.



PORTET virum quicumque prudentior est, cogitantem quòd multi faciendâ est hominibus sanitas, quomodo sibi ipsi ex propriâ intelligentiâ in morbis prodesse possit. Ita ut cognoscat & diiudicare possit ea quæ à Medicis proferuntur, suòque exhibentur corpori. Cognoscere inquam, quatenus homini Medicina imperito licet. Qui vero perfectè volet cognoscere, is sciens ac meditans, quæ à me hîc dicentur, poterit illud assequi.

Hoc est procemium huius libri elegantissimum, in quo Hippocrates auditores præparat ad attentionem ex rei vtilitate & commoditate. Si enim sanitas tanti res est pretij, ut reliquis tam corporis quàm fortunæ bonis meritò præferri debeat, consentaneum videtur, ut unusquisque etiam extra Medicinæ professionem positus, huic rei plurimum curæ & studij adhibeat, quo possit ingruentes istos affectus, sanitatque ruinam inferentes arcere, naturalique solertiâ euitare. Ac etiam si Philosophiæ operam dederit, possit de eis iudicare, quæ à Medicis ad sanitatis conservationem, morborumque curationem proferuntur. Hinc Heraclitus hydrope ascite laborans, conuocatos ad se Medicos, nihilque de morbi naturâ & causis differentes, reiecit; cum ab eis quæsiuisset, an ex vâo sudum facere possent, neque illi quidquam respondissent, aut de causis naturæque morbi differuissent. Sic diuinus Aristoteles Medicum curaturum & ad remedia festinantem retinuisse dicitur, vulgato illo dicto, Ne me velut rusticum tractes. Atque vtinam tales haberemus ægros, qui possent Medicos togâ tenus personatos à periculis dignoscere, nec liceret cuilibet illotis manibus ad diuinam hanc artem conuolare: cui sanitas humani generis pro scopo & fine est proposita: Sanitas, inquam, quæ ab antiquis in publicis conuentibus & conuiujs proclamari erat solita: in quâ omnem vitæ istius dulcedinem positam esse arbitrabantur: Philemon υγιειαν παῶτων exoptat, Pindarus sanum si diuitias cum bonâ famâ, εὐλογία mediocres habeat, Deo immortalis comparat. Socrates Æsculapio gallum album ante mortem sacrificauit ob sanitatem integram quâ erat in vitâ vsus. Pyrrhus etiam Rex Epirotarum, vir post Alexandrum in re castrensi nulli secundus, qui multas fortunæ vicissitudines

834 Ioan. Varand. De grauiſſimis morbis.

expertus eſt, quum diis vota faciebat, aut viſtimas immolabat, nunquam aut victoriam, aut regni incrementa, aut gloriam, aut opes rogauit, ſed firmam tantum ac perpetuam valetudinem. Cætera enim omnia facilia atque expedita ſibi fore putabat, dum hac conſtanter fruereſſetur. Hac verò depulſâ, dura ac difficilia omnia exiſtimabat. Vnde Hippocrates in *Medico*, εὐχρημονεσάτω & elegantiore requirit duplicem ſanitatē, vt ſcilicet ſit ὑγίαινης γνώμης, μεθ' ὑγιαίνοντος σώματος, ſine quâ vix munia ad communem hominum ſanitatē tuendam exercere poteſt. Imò Hippocrati ipſi lib. 3. de dietâ, neque diuitiarum, neque corporeæ formæ, nec alterius vilius rei vlla eſt vtilitas citra ſanitatē.

Verumēnimverò non ſatis eſſe videtur, ſi ſanitatē vobis tanquam πλείων ἀξίον τί, Hippocratis verbis commendemus, quæ ab omnibus hominibus & prece & pretio exoptatur, niſi de ſanitate hîc diſſeramus, ex Hippocratis, Galeni, aliorumque ſententiâ, vt ſanitatis naturâ cognitâ, quaſi contrarij appoſitione, morbus reliquæque affectiones præter naturam melius eluceſcant: tum de eo quod eſt ſecundum, præter, & contra naturam, ac de ſtatu ſalubri, inſalubri, & neutro, quia hæc omnia ad morbi, cauſarum morbificarum, & ſymptomatum cognitionem maximè faciunt. **. Reliqua deſunt.



INDEX



INDEX RERVM, ET VERBORVM.

A



BORESVS varia nomina 602.
quid sit ibid. & 818. causæ ibid.
& 818. diagnosis 604. prognos-
is 605. curatio seu prophyla-
xis 605.

Actio à totâ substantiâ quid sit
cxxv.

Actionibus partium principum læsis, eas læsas esse
necesse est 302

Actio læsa est primum symptomatum genus clv. quor
modis lædatur clvj.

Actionum abolitio, imminutio, & deprauatio à qui-
bus fiat clviij.

Actu aut potestate esse xxviij.

Acutus morbus quid cxlij. eius signa clxxvij. &
clxxviij. & 289.

Adeps xliij.

Adstrictio nimia quid 89. à quibus causis fiat ibid.
quomodo curanda 91.

Egyptius quidam immortalitatem pollicebatur 16.

Equalis morbus quid cxl. & 287.

Aër & eius qualitates xv.

Aëris constitutio quid faciat ad prognosim ccxxiv.
noster purus non est 22. eius subtilitas ibid. ne-
cessitas ibid. impuritas 23. crassities ibid. tenui-
tas ibid. facile omnium qualitatum redditur par-
ticeps ibid.

Aër serotinus quare noxius ibid. secundum tempe-
states & regiones & ventos varius ibid. & 24. eius
quantitas ibid.

Aëris temperati signa ex Galeno 44.

Aëstatis temperies 743. cur calida & sicca ibid. quos
producit morbos ibid.

Ætatum temperamenta xxviij. & 701.

Ætas quid xxix. & 700. eius diuisiones ibid & xxx.

Ætas vnde dicta 700

Ætatum differentiz vix determinari possunt ibid.
septem faciunt Iurisperiti 701. quatuor Pythago-
ras ibid. duas Plato ibid. septem Astrologi 702. lex
Galenus ibid.

Affectus quicunque operationes lædens morbus non
est cx.

Affectus superioris animæ in liberos per traducem
non transeunt cxliv.

Alimenta quid in prognosi valeant ccxxv.

Alimenti nomen homonymum est 25. eorum sub-
stantia ad tria refertur ibid. *ὑπερπτα* & *δυσπαστα*,
κακοχυμὰ & *ευχυμὰ*, *πολύτροφα* & *ὀλιγότροφα* quæ
ibid. & 26. debent viuentia fuisse ibid. firmissima
quæ ibid. infirma quæ ibid. media quæ ibid.

Alimentum quid propriè Hippocrati ibid.

Alimentorum qualitas ibid. quid possit 27 quantitas
quæ esse debeat ibid.

Alimentorum ordo ibid. varietas ibid.

Alimentum quid 726. duplex est ibid. quomodo
alat ibid. huic contrarium venenum ibid.

Alteratio Medica quid 82. nudis qualitatibus vt fieri
posset esset optandum ibid. quid circa eam consi-
derandum ibid.

Aluus suppressa Vide suppressa aluus.

Amazones cur dextram sibi mammam adurebant
636.

Amoris effectus 38

Anacreon Philosophus præ corporis gracilitate soleas
ferreas gestare cogebarer cxxj.

Analogismo quando vti debeat Medicus 32.

Anasarca Vide *Hydrops*.

Angina quid 810. eius species ibid. causæ 811. ibid.
signa ibid. prognosis ibid.

Anima humanæ dotes 14. omnium actionum au-
thor ibid.

Animalia quædam cur diu inediam tolerent 169.

Annus climactericus quid xxxj.

Annus quid & eius partes xxxv.

Anni variæ acceptiones 746. quid sit ibid. eius par-
tes secundum Astronomos & Medicos ibid.

Anorexia varia nomina 168. quid sit ibid. causæ 169.
& seq. eius diagnosis 170. & seq. prognosis 171.
curatio anorexiæ ab intemperie calida stomachi
172. curatio anorexiæ ab intemperie frigida sto-
machi 174.

Antecedens causa morbi cl.

Αρτιμεδεια quid cxcj.

Antiquorum circa rerum principia error 686. & seq.
Item circa numerum humorum 691

Apepsia quid 190. Vide *Dyspepsia*.

Aporia quid denotet cxcix in ebriis quando mala 771.
quomodo ebriis contingat 778.

Aphorismorum Hippocrat. encomium 749

Aphorismi nomen vnde 750. quid sit 751. eorum
commentatores 753

Ανορεξια quid 168. quid differat ab anorexia ibid. iis
contingit quibus splen obduruit 170.

Appetitiva facultas lxxxiv. & lxxxv.

Appetitus duplex 38. concupiscibilis passiones ibid.
irascibilis ibid.

Appetitus animalis in orificio superiore ventriculi
sedet 168. quæ sint huic excitando necessaria 169.

Appetitus imminutio 168.

Appetitus deprauatio 176. & 181.

Appetitus duplex, vnus ad solida, alter ad liquida 185.

Argentery opinio de symptomatum generibus refu-
tatur clviij.

Argumenta

Index Rerum,

Argumenta Fernelij pro morbis materiæ & formæ, & eorum solutiones cxxij. & seq. 699
Argumentationis duplex genus 699
Aristoteles cur Theophrastum Lesbium successorem scholæ suæ designavit 2.
Aristotelis egregium dictum 833
Arteria xliij.
Artes actiue & factiue quæ cxiv.
Ars coquinaria cur constituta 27
Artium & scientiarum primi cultores 786.
Ascites Vide *Hydros*.
Asclepiada Medici iij.
Asperitas nimia quid 92. à quibus fiat ibid. quomodo curetur ibid.
Assumendorum differentia 726.
Atheniensis vetula cicutam innoxie comedebat 28.
Atomos rerum principia esse qui dixerint inter antiquos 684
Atro bilis signa & effectus clxxiv.
Ab atro sanguine quomodo distinguatur clxxiv.
Atro bilis quatuor differentia 693.
Atro quæ 49.
Audacia effectus 39
Auditus & eius organum lxxx.
Auenionensis Medici error 666
Auerrois & Argenterij sententia de morbo communi confutantur cxxxvj. & cxxxvij.
Augmentum morbi quid & unde cxlv. & seq.
Aures in morbis quæ signa dent prognostica cxv.
Autumni temperies 744. cur frigidus & siccus ibid. exitiales morbos excitat ibid.

B

Bilis liij. eiusdem differentia liij. & 692
Bilis redundantis signa clxxiv. cur morbos acutos producat clxxxix.
Bilis indiget præparatione 83.
Bilem præparantia & euacuantia in capite 12. in pectore 113. in corde ibid. in ventriculo ibid. in hepate 114 in liene ibid. in renibus & vesica 115. in utero ibid. in iuncturis & habitu corporis 116.
Bile quæ qui 732.
Bile quid 190. Vide *Dyspepsia*.
Bile quid 176. quomodo fiat 176. quid differat à fame canina 176. eius causæ 177. à frigore non fit nisi per accidens 177. diagnosi 178. prognos 178. curatio 178.
Bile qui 748.
Bile morbi causæ 748.

C

Cachexia euexia opponitur 380. quid sit 380. causæ 380. diagnosi 381. à quo humore fiat 382. quæ pars primario affecta 382. prognos 382. curatio 383.
Cachymia quid & quotuplex clxix. & 77. varias corporis regiones occupat ibid. quam indicationem suppeditat. ibid.
Cachymia in morbis unde cxc.
Cæsareus partus an suscipiendus 614.
Calculus renum. Vide *Renum calculus*.
Calculus & lapis secundum magis & minus differunt 422.
Calculo gignendo qualibet cauitas corporis sat insignis est idonea 423.
Calculosa dispositio quid ibid.
Calculus non semper incipit in renibus 424.
Calculi causa materialis ibid. efficiens 425. eius generandi modus 427. differentia 428.

Calidum innatum lvij. quid sit lxiv. eius origo, temperatio & conseruatio ibid. an elementare vel celeste. lxv.
Calidum quid 706.
Calor noster per accidens sui interitus causa 16.
Cardanus ignem è numero elementorum expungens refutatur 690.
Cardialgia varia nomina 156. quid differat à Cardogmo 156. quid sit 156. eius causæ internæ & externæ ibid. & 157. signa 157. sympathicæ ab idiopathica distinctio 158. eius signum, à vermibus 158. eius signum à flatibus 158. eius signa ab exulceratione, ibid. signa eius à mordicatione humorum ibid. ab inflammatione 159. prognos ibid.
Cardialgia curatio ex humorum vitio ibid. & seq.
Cardialgia curatio ex ventriculi phlegmone 164. huic venæ sectio prodest 165.
Cardialgia curatio ab exulceratione stomachi 166.
Caro xliij.
Cartilago xliij.
Castratio an elephantis conueniat 314.
Cataplasmatum materiæ & formulæ 150. & seq.
Catapularum aqua 134.
Cathartorum purgandi ratio fit per attractionem humorum 730 & seq. eorum exhibitionis cautiones 755.
Cautas quid 89 huius tres affectus præter naturam ibid.
Causa propinquissima, morbi nomen est impositum cix. à causa primitiua sanitas & morbus non pendent cx.
Causa morbi efficiens præcipue à Medicis consideratur ibid. ea quid sit & quotuplex cxlvij.
Causa morbi externa quid & auferatur ibid. & cxlix. eius diuisio ibid. Interna cl. Antecedens ibid.
Continens clj. quid sit ibid. datur in quouis genere morbi clj.
Causa vniuscuiusque morbi clj.
Causa symptomatum clviij.
Causa morborum diagnosi clxix.
Causa quare dicatur salubris, &c. 19.
Causarum salubrium tractatio, insalubrium explanationem præcedere debet 14.
Causa salubres quæ 19. quot sint 20. quid in vnaqueque considerandum 21.
Causa morbi est præcipuum indicans, sed non solum 17.
Celsus explicatur 718.
Ceratorum materia & formulæ 152.
Cerebrum quid xlv.
Chalybs quid 487. eius effectus ibid. ad chlorosim ibid.
Chalybis vsus diuturnior steriles facit 566.
Chamæleon solo aëre nutritur. 25.
Chirurgia quid viij. & 8.
Chlorosi affectus quando concubitu sanentur 383. & 487.
Chlorosis varia nomina 483. nouus morbus ibid. quid sit ibid.
Causa ibid. diagnosi 485 prognos 486.
Curatio ibid. ætate præcipue curanda ibid. eius medicamen chalybs 489.
Cholera morbi varia nomina 210. affectus est ventriculi ibid. quid sit ibid. duplex est ex Hippocrat. ibid.
Causa ibid. diagnosi 211. prognos ibid.
Curatio 667.
CrySTALLINA
Cibus quid 25. sine cibo quomodo loquidam diu vixit ibid.
Cibus

& Verborum.

Cibus solidus & liquidus quid ibid. quare illius habenda ratio ibid.
Cibi substantia ad tria refertur ibid. *δυσπασία* & *ωσπασία* quis ibid.
Κακοχυμ & *ιυχυμ* quis ibidem. *πολυτροφ* & *ολιγοτροφ* quis 26. ex solis viuentibus prouenit ibidem. firmissimus quis ibidem. Infirmus quis ibidem. medius quis ibidem.
Ciborum qualitas ibid. quis possit 27. quantitas quæ esse debeat ibid.
Ciborum ingestorum iustæ quantitatis signa ibid. & 28. quid obseruandum in ea præscribenda ibid.
Ciborum ordo ibid.
Cur potum præcedere debeat ibid.
Ciborum varietas ibid.
Cibus offerendus numquam in paroxysmis nisi debilibus viribus 74.
Circino partem affectam velle designare absurdum clxvj.
Circuitus morborum quid & quotuplex 748.
Cinitates à peste repurgandi antiquorum mos 827.
Clitoris prominens quid § 62. quomodo curetur § 63.
Clyster quid 130. eius materia, formulæ & intentiones 130. 140. 141. & 142.
Cockio humorum crîsim antecedere debet ccvj.
Cockionis humorum condiciones ibid.
Cockio seu πρῆξις quid sit 84.
Cockio seu πρῆξις quid ibid.
Cockio humorum morbificorum cur excretionem præcedere debeat 84.
Cockio quando in morbis non expectanda 85. quot modis à Medico iuuari possit ibidem. quousque cockioni insistendum ibid.
Cogitativa facultas lxxxij.
Coindicatio quid 55.
Coindicans quid 54. & 55. & 58.
Coindicantia quænam sint ibid.
Colici doloris varia nomina 214. nouus morbus non est ibidem. quid sit cur colon hoc dolore præcipuè affligatur ibid.
Colici doloris causæ 215. *diagnos* 217. quomodo distinguatur à nephritico 218. ab iliaco ibidem. ab vterino ibid. *prognosis* ibid.
Curatio à phlegmone 219.
Curatio à mordacibus & biliosis succis 221. à causa frigida 222. an qui à frigida causa, calefacientibus curandus. ibid.
Colores eorumque differentie lxxxj.
Color mutatus quomodo symptoma sit 388.
Collyriorum materia & formulæ 134.
Communis morbi species & differentie cxxxiv. & seq.
Compositus morbus quid cxxxvij. & 104. eius differentie ibidem. & curatio 105. & 286.
Conceptio & prima hominis delineatio xc.
Conceptio quid, & eius signa ibid. quomodo fiat xci. quomodo fiat plurium fœtuum xcij.
Conformationis morbus eius species cxxix. & 86. & seq.
Congestionis causæ cliv. & 106.
Connexi morbi quid cxxxvij. & 34. & 104. eorum differentie ibid.

Curatio 105. & 94.
Consensuens morbus quid cxxxix. & 287.
Consequentes morbi quid cxxxvij. & 104. eorum curatio 105.
Constitutio corporis nostri triplex, salubris, insalubris, & neutra ciiij. eius ratio 10. quid per neutram constitutionem intelligatur civ. & 21. quorsum ista triplex constitutio ibid. neutra varios recipit modos ibid. quot ex harum trium constitutionum latitudine fiant alie constitutiones cv.
Constitutio salubris quæ & quotuplex 14. & 15.
Contagiosus morbus quid cxi. & 288.
Contagium non prouenit ex violentiâ morbi cxlj. nec effectus magnæ inflammationis ibid.
Contagij condiciones quot ibid. & 289.
Continens morbi causa clj. quid per eam intelligatur ibid. quid sit ibid. datur in quouis genere morbi ibid. & cljij.
Continui solutio quid & à quibus fiat cxxxv. & 96. & cxxxv. eius nomina ibid. & 96. eius species 96.
Continuus morbus quid cxlij. & 289.
Contra indicans quid 54. & 55. & 58.
Contra indicantia quænam sint ibid.
Contra indicatio quid 55.
Contraria contrariorum sunt remedia indubitatum est principium 59. in illud principium soluuntur obiectiones ibid. & 60.
Contraria medica quæ sint 60.
Contraria in sanatione debent esse æqualia 61.
Contrariorum æqualitas duplex 62.
Contrariarum æqualitas vnde sumatur ibid. In eam obiectiones soluuntur ibid.
Contusio quid 99. quomodo accidat ibidem. quomodo curetur ibid. in eius curatione annotatio ibid.
Conuulso post helleborum lethalis 754. quid differat à motu conuulsuo 756. quid sit ibidem. à sola causa morbifica sit ibidem. vniuersalis & particularis ibidem. vniuersalis differentie ibidem. ad quod symptomatum genus referatur ibidem. quæ pars musculi per eam laboret 757. eam quis morbus excitet 758.
Conuulsionis & paralyseos causæ quæ differant 758. eam quot modis excitet helleborus 759. super vulnere facta lethalis 760. & 765. à fluxu sanguinis lethalis 767.
Conuulso in hæmorrhagiis cur mortem præcedat 769. differentia triplex 780.
Conuulso & conuulsui motus in morbis quid significant cc.
Cor xliij. natiui caloris metropolis ibid.
Corpus est subiectum denominationis morborum & pars affecta inhæSIONIS ccxxij.
Corporis humani conditio 14.
Correpugnans quid 54. & 55.
Correpugnantia quænam sint 58.
Corroboratio quare à Medico instituatur 86. per quæ fiat ibid.
Corruptio mixti sit dupliciter 711.
Crisis quid ccvj. eius differentie ccvij. bonæ crisis condiciones, ibid. omnium crîsum optima sit per sudorem ccxliij.
Cruda quæ sint 84.
Cucufarum materia & formulæ 140. & seq. 00000 *Curatio*

Index Rerum,

Curare tutò, citò, & iucundè quid 51.
Cutis ex carne & neruo composita est excvij.
Cutis faciei arida quid denoret ibid. eius avaritia quid præfagiat ibid.

D

D *Ecliniatio morbi quid & vnde* cxlv. & cxlvj.
Decocta varia ad fatus, lotiones, iniectiones & balnea 135. & seq.
Deenbitus qui bonus & contra cxcv.
Definitiones quæ perfectæ iv.
Deiectionis critica futuræ signa ibid.
Delirium incipiente morbo malum excij. cum risu tutius quam cum studio ibidem. taciturnum, malum ibidem. cum ictero malum cxiv.
Delirantes qui excij. cur aliquando mira vaticinantur ibid.
Dentium ariditas, lentor, stridor quid in febribus significant cc. & ccv.
Derivatio vnde 81. quid sit ibid. potest in eadem parte fieri, vel in diuersa ibid.
Desiderij effectus 38.
Desperationis effectus. 39.
Desperati non sunt curandi. 64.
Diabetes rarissimus est affectus 461. vnde dictus ibidem. quid sit ibidem. pars affecta quæ ibidem. causa immediata est calor 462. hunc dyspas serpens morfu excitat 463.
Diagnosis ibidem. prognosibidem. curatio 464.
Diaeta quid viij. & 8.
Diaeta tenuis quando periculosa, quando vero non 28.
Diaeta ægrorum quomodo instituenda 68. sine diaeta in morbis remedia parum possunt ibid.
Diaeta varietas in morbis à quibus dependeat 69. & sequent.
Diaeta triplex fortis, infirma, & media ibid. in diaetam ægrorum soluuntur dubia 73.
Diaeta tenuior plenior quando periculosior ibid. & 7.
Diaeta non semper in statu morbi tenuior esse debet, & quando 74.
Diagnosis Medico necessaria clxij. eius partes clxiv.
Diagnosis partis affectæ clxiv.
Diagnosis partis affectæ in morbis vniuersalibus utilis ibid. à quinquè petitur clxv. & seq.
Diagnosis partis primariæ vel secundariæ affectæ clxvij.
Dignosis causæ morborum clxix. vnde ducatur ibid.
Diagnosis temporum vniuersalium morborum clxxvij. clxxix. & clxxx.
Diagnosis temporum particularium morborum clxxx & seq.
Diarrhœa vnde dicta 251. quid sit ibid. ad quod symptomatum genus referatur ibid. symptomaticæ à periodica & critica distinctio ibid. & 252.
Diagnosis 253. quæ curatione indigeat & quando ibid. & 254.
Diarrhœa ex toto corpore curatio 255. an huic

vomitibus conueniat ibid.
Diarrhœa ex iecore, splene, & mesaraicis curatio ibidem. ex ventriculo & intestinis 259.
Dies & eius partes xxxvj.
Dies sexagesimus, centesimus, centesimus vigesimus quomodo dicantur critici excj.
Dierum in morbis differentia excij.
Dies decimus cur infestus ad crism 796.
Dilatatio nimia quid 89. quibus contingat ibidem. & eius causæ ibidem. quomodo curanda 90.
Disiuncti morbi quid cxxxvij.
Dissentaneus morbus quid cxxxix. & 287.
Diuisio morborum formæ à Fernelio allata vana est cxxvij. & cxxxvij.
Diuisio morborum occultorum in venenatos, contagiosos & pestilentes bona non est cxxvij.
Dolor symptoma grauissimum clx. alter animum, alter corpus spectat ibidem. & 696.
Dupliciter ab Hippocrate sumitur clx. & 695. quid sit ibidem. & 696. ex sensibilibus non est ibidem. est accidens sensitrices animæ ibidem. est actio atque passio clx. est symptoma sensus tactus ibid. pendet à causa adpòs agente ibid. & 215.
Duplex est illius causa, solutio continui & intemperies clxij.
Doloris immediata causa est tertium vnum quid ibid.
Dolor varius vnde clxvj.
Dolorem non sentire malum excvij.
Dolor capitis in morbo acuto quid præfagiat ibid. vnde dictus 695.
Dolorum à lue Venereâ curatio 345.
Dracunculus quid 226.
Dubia in morbos similes cxvij. & seq.
Dubia in morbos organicos cxxxij. & sequentia morbos communes cxxxvj.
Dubia de recidiua soluuntur cxxix.
Dubius morbus quid clx. clxxxvij. & 287.
Dulcibus solis nos nutriri quid 27.
Dulcia cur generant vermes 229.
Durities vnde cxxvj.
Dyspas serpens morfu diabete excitat 463.
Dysenteria generaliter sumptæ quor differentia 266.
Dysenteria vera quid sit 267. eius gradus ibid. causæ 268. Tolosæ cur familiares ibid.
Diagnosis 269. prognosib 271. curatio ibid. an purgatio conueniat 273. an venæ sectio conueniat 274.
Diaeta ibid. an lac conueniat 275. assumpta 276. iniecta 279. admota 280.
Autocidiosa quid cxij.
Dyspepsia quid 191. eius causæ ibid.
Differentia 191.
Diagnosis ibid. prognosib 193. therapeia ibid. & sequent.
Dysuria quid 469. causæ 471.
Diagnosis causarum ibidem. prognosib 472. curatio 473.

E

E *Brietas effectus 771. quomodo fiat* 772.
Eius tres sunt gradus 773.
Ebriorum

& Verborum.

Ebriorum mortis signa 771.
Eclegmatum varia nomina, natura, materia, effectus, & formulæ 136. & 137.
Eccoprotica quæ 77.
Echo lxxx.
Elementum xj. quid & quoduplex xij. & 685. qualia sint elementa xiv. sunt mixtorum materia ibid.
Eorum formæ xv.
Elementa quid in nos agunt 22. plura esse probantur 681 & 684. de elementorum numero plurimum antiquorum opinio 683.
Elementi variaz significationes 685. quatuor elementa esse octo rationibus probatur 689.
Elementorum formæ an maneant formaliter in mixtis 708. & seq.
Elementorum qualitates an maneant in mixtis ibid.
Elementa regenerantur in resolutione mixtorum 711.
Elephantiasis appellationes 302. differt ab elephantia crurum 302. quid sit 303. non est vniuersalis. cancer 303. pars in ea primario affecta est Iecur ibid.
Eius differentia 305. causa 306.
Elephantiorum signa ac ludicia 307. quot ludiciorum genera solent de elephantia dari 311.
Elephantiorum præseruatio 311.
Elephantiorum diæta 312. remedia Chirurgica 314. an castratio conueniat 314. an venæ sectio & cauteria conueniant 314. remedia pharmaceutica interna 315. remedia pharmaceutica externa 317. palliatio seu correctio accidentium in elephantia 319.
Empirici Medici iij.
Empirici plures homines Nemausi occiderunt 755.
Emplastrorum materia & formulæ 151.
Empyema quid 797.
Enaorema ἐναιόρεμα quid 797.
Enaorema dispersum morbi longitudinem significat 805.
Endemius morbus quid cxxxix. & 287.
Enixarum mulierum naturaliter se habentium regimen 617. victus quis 618. lactis in mammis copiosius irrupentis curatio 618. terminum curatio 618.
Enixarum male se habentium regimen 620. hæmorrhagiæ vteriæ curatio 620. Lochiorum suppressionis curatio 620. Lochia suppressa quæ mala pariant 622. in enixa febricitante an dies à partu vel à morbi principio computandi 622.
Enixa mulier pleuritica quomodo curanda 623. in enixa alui fluxus quomodo curandus 624. Item hæmorrhoides 624. vterina suffocatio 627. coxendicus dolor 627.
Epicurus omnino venerem interdicebat 30.
Epidemius morbus quid cxxxix. & 287.
Epithematum liquidorum & solidorum materia & formulæ 139.
Erysimachus Medicus Aristophani singultienti quid consuluerit 198.
Erysipelas quid 107. & 108.
Eius signa, causæ & curatio ibid.
Errhinorum materia & formulæ 133.
Essentia tres rerum corruptibilium 710.
Excrementorum vitium est secundum symptomatum genus clvj. quot modis accidat clvj. à quibus causis fiat clx.

Excrementa quæ sint 29. & 30.
Eorum non minus necessaria euacuatio, quam alimentorum ingestio ccvj. & 29. vniuersalia excrementa quæ ibid.
Excrementum varium pro numero coctionum 29.
Eorum excretio & retentio necessaria 29. quid in vnoquoque spectandum 29. & 30. vniuscuiusque redundantis euacuatio quomodo tentanda 30.
Excreta quæ clxv.
Exercitium quid, & qua de causa fiat 31. immo dici effectus 32. ad exercitium temporis occasio & ordo necessaria 33. in eo repletio & nimia inanitio vitanda ibid.
Experientiâ quando vti debeat Medicus 52.
Experientiâ duplex 52. & 53.
Externa morbi causa quid, & an detur cxlvij. & cxlix.
Eius diuisio cxlvij. & cxlix.
Externa fortuita quid in prognosi valeant ccxxv.
Externus morbus quid cxxxix. & 287.
Exigui quid 43.
Est regula sanarum constitutionum 44. quomodo conseruanda per res non naturales 44. & sequent.

F

Faciei varij colores 387.
Factus morbus quid cxl. & 287.
Facultates lxxvij. quid sint lxx. quot sint lxx. earum principia & instrumenta in corpore lxxj. an & quomodo à suis principiis in totum corpus influant, quemque sibi vnum inuicem præstent lxxij. naturalis facultas & eius species lxxij. auctrix ibid. procreatrix, conformatrix ibid. nutritrix, attractrix, retentrix, alteratrix & expultrix lxxv. vitalis & eius species lxxvj. animalis & eius species lxxvij. sensitiuæ interiores lxxxij. earum instrumenta lxxxij. appetitiua & motiua lxxxiv.
Facultatis principis affectus in liberos per traducem non transeunt cxliv.
Fames & vigilia quomodo febrem inducant cliij.
Fames quid in morbis præfagiat ccij. quæ mala pariat 28.
Famis caninæ varia nomina 176. quid differat à boulimia ibid. vnde dicta 177. quid sit ibid. eius causæ 178. diagnosi ibid. prognosis ibid. curatio 185.
Fecum modus quis esse debeat. 29.
Fascinatio in viris sterilitatem inducit. 663.
Fernelij de morbis materia & formæ sententia cxxj.
Fernelius à Varandæo excusatur cxxij. & cxxij.
Fernel. Argumenta pro morbis materia & formæ & eorum solutiones ibid. & cxxiv. cxxv. cxxvj. cxxvij. & cxxvij.
Ferneliana morborum occultorum diuisio in venenatos, contagiosos & pestilentes bona non est. cxxvij.
Fiens morbus quid cxl. & 287.
Figura morbi quomodo curandi 88.
Flatus signa clxxij.
Flatum reiectio in morbis quid denotet ccxij.
Flatus quomodo omnium morborum author 713.
Fluoris muliebris varia nomina 509. quid sit ibid. quomodo à menstruis distinguendus ibid. à pure ibid. à gonorrhœa ibid. causæ 510. diagnosi

Index Rerum,

diagnos̃is 511. prognos̃is 512. curatio: ibid.
Fluxionis caus̃a 106.
Fluxio duplex 717. caus̃a eius commouentes
 ibid. alĩa caus̃a qũa 718. duplicem excitat
 morbum ibid. à decubitu quid differat. ibid.
Fluxiones dantur naturales 719
Fœmina primario à natura intenditur lxxvij.
 & 478. cur Aristoreli *ἀπὸ τῆς φύσεως* ibid. & 478.
 quare domi manet ibid. præstantior est mare
 ibid. est mare temperatior 479. bellicosior sæ-
 pe mare ibid. non est subdita mari nisi lege &
 consuetudine ibid.
Fœmina, in virum non transit ibid. & 666.
Fœmina Indicæ menstrua non patiuntur 492. cur
 fœminæ iuuenes nouâ Lunâ, veteres veteri
 repurgentur 493.
Fœminam sine congressu virili concipere impos-
 sibile est 565.
Fœtus tria tempora xc. eius conceptio ibid. eius
 motus ac perfectio xcij. quomodo in vtero na-
 turales, vitales & animales actiones exerceat
 xcij. & xciv.
Fœtus Senonensis lapideus 423.
Forma morbi non dantur cxxij. & seq.
Forma elementorum an formaliter maneat in
 mixtis 710. & seq.
Forma omnes accidentales esse quæ probentur ab
 Antiquis 683.
Fractura quid 100. eius differentia ibid. cura-
 tio ibid.
Frictio quid 341. eius differentia ibid.
Frigidi & *ἀσπαρτοι* qui 661.
Frigidum quid sit 706
Frigus triplex apud Hippocratem ccij. sympto-
 maticum semper malum ibid.
Frontalium materia & formulæ 140. & seq.
Functiones lxxviii. & lxxx.
Furor vterinus quid 516. quæ sit pars affecta 517.
 caus̃a ibid. diagnos̃is 518. prognos̃is ibid. cu-
 ratio 519.

G

Γαλατοποινικὰ quæ 647.
Galenus Romæ prædicens pro Mago habi-
 tus clxxxviii.
Galenus laus 3. eiusdem præceptores ibid. Imper-
 atoribus Archiater ibid. quando & cur lib. de
 Arte Medica edidit ibid. & 4. lib. de Arte Me-
 dica scripsit 9. assumpto pauco pipere singul-
 tib at 193.
Galli Lusitaniam adeuntes in catarrhos & phthi-
 sim facile incidunt clxxj. & seq.
Gargarismatum materia & formulæ 132. & 133.
Gaudij effectus 39
Gemelli quomodo generentur 599. caus̃a ibid.
 diuersi sexus raro vitales ibid. eorum diagno-
 sis 601. prognos̃is ibid.
Gemellos gestans quomodo regenda ibid.
Genera prima morborum cxv.
Generatio duplex 704. differt ab alteratione, ab
 augmentatione & diminutione, & a latione
 704. quid sit ibid. vniuoca & æquiuoca quid
 ibid.
Generationis varij modi ibid. subiectum ibid.
Generanda miscibilia esse debent ibid.
Generatio non fit de omnibus in omnia 705.
Geometria apud Egyptios primum inuenta iij.
Gonorrhœa virulenta curatio 343.
Gonorrhœa quid 370. caus̃a ibid. diagnos̃is 671.

prognos̃is ibid. curatio:
Gonorrhœa muliebris. Vide Muliebris fluor. 672
Graviditatis signa à retento semine 581. ab at-
 tractione seminis ab vtero ibid. ab honore
 fœminæ ibid. à conuientia orificij vteri cum
 mollicie tractabili ibid. à retentione men-
 struorum ibid. ab inappetentia, pica, & nau-
 ses superuenientibus ibid. ab acuminata ven-
 tris mole. ibid. à motu fœtus palpitante ibid.
 ab augmento mammatum & nigritie aut ru-
 bore papillaram ibid. à minore coitus ap-
 petitu, ab oculis mutatis, à pulsu, ab vrina
 ibid. ab hydromelite dormitura exhibitio.
 582.
Graviditatis euentus prosperi & infausi signa.
 583.
Gravis morbus quid clxxj. & clxxxvii.
Gravidarum mulierum regimen naturaliter se
 habentium 584. præuis accidentibus infesta-
 tarum 586. morbis acutis correptarum 590.
 an tunc phlebotomia eis conueniat 591. Item
 purgatio 592.
Gemellos gestans quomodo regenda 601.
Gustus quid lxxxix.
Gustus læsus quid significet cxcix.

H

HABITVS corporis quid denoter clxx.
Hæmorrhagia quid 767. ad quod sympto-
 matum genus referatur ibid. circa eam consi-
 deranda ibid. triplex est 768. eius quatuor cau-
 sæ ibid. in magna hæmorrhagia cur ante
 mortem fiat conuulsio aut singultus 769.
Hæmorrhagia sola per anastomosis critica ccxv.
 critica conditiones & signa ibid. quæ mala sit
 ibidem.
Hæmorrhoides quid 285. quæm vsu præstent
 moderate fluentes 286. quos affectus gignant
 p. n. constitutæ ibid. cæcæ quid ibid. cæca-
 rum differentia ibid.
Hæmorrhoidum caus̃a 287. diagnos̃is ibid. pro-
 gnos̃is 288. ab hæmorrhoidibus præseruatio
 289. suppressarum curatio 291.
Hæmorrhoidum excisio 291.
Hæmorrhoidum symptomatum mitigatio 293.
Hæmorrhœa serpentis morsus effectus 285.
Helleborus duplex 758. vtriusque qualitates ibid.
 Albus vomitus, niger deiectionem præcipue in-
 ducit ibid. quor modis conuulsionem exci-
 tet 759
Helleborismi propinandi cautiones 759.
Hepar xlv. eius temperamentum xlix.
Hepatis morbi quomodo pertractandi 294. &
 sequenti.
Hepatis calor naturales humores specie differen-
 tes quomodo generet 693.
Hepatis inflammatio quid 356.
Hepar cui facile inflammationem patitur ibid.
 quæ sit pars mitrens 357. caus̃a 357. diagno-
 sis 358. quomodo idiopathica hepatis inflam-
 matio à sympathica distinguatur ibid. pro-
 gnos̃is 361. curatio 364. purgatio in initio non
 conuenit 369.
Hepatis obstructio à scirrhus quid differat 370.
 quid sit ibid. caus̃a ibid. & 371. qui huic affe-
 ctui obno. ij ibid. diagnos̃is 372. prognos̃is
 373. curatio 374.
Hepatis scirrhus quid 370. confirmatum mors
 necessarius consequitur 370. præ cæteris tu-
 moribus

& Verborum.

moribus durus est ibid. causæ ibid. diagnosi
 372. prognos 373. curatio 374.
Hepatitis pro quo sumatur 348. quid sit 349.
 causæ ibid. diagnosi 350. prognos 352. cu-
 ratio ibid.
Heracleti egregium interrogatum 396.
Hereditarius morbus quid & quomodo propa-
 getur cxliij. & 300.
Hermaphrodit. 656.
Hernia scroti quid 674. quomodo fiat ibid. eius
 species ibid. quid sit 675. causæ ibid.
Hippocratis loci de internis causis explicantur cl.
 & clj. in prognosi & Galenus in diagnosi
 imitandus clxiv. eius loci de prognosi expli-
 cantur clxxv.
Hippocratis facies ccv.
Hippocratis Aphorismus in morbis minus periculi-
 santur explicatur ccxxj.
Hippocratis laus 3. & 679. quid exquisitum vi-
 ctum damnans intelligat 18. plura probare esse
 elementa 694. & alibi Hippocrates omnes qui
 Aphorismos scripserunt, superauit 752.
Hispanorum mos 180.
Hominis prima conformatio lxxv.
Hominis animæ dotes 14.
Homo *μυροδότης* 225. & 422.
Homo si vnum esset non doletet 695. & 698.
Homo si vnico constaret elemento, vnico mor-
 bo laboraret ibid. si vnum esset non genera-
 ret 703.
Horror quid 813. causæ 812.
Humidum primigenium lxiv.
Humidum quid sit 706.
Humores xlvj. quid & quotuplices ibid. natura-
 les, alibiles & excrementitij xlvij. eorum ge-
 neratio xlvij. proportio & motus lvj. secun-
 darij lvij.
Humores non sunt morbi subiectum cxv.
Humorum dominantium signa vnde clxix.
Humorum motus clxx.
Humorum signa in specie clxx. & seq.
Humorum coctio quid ccvj. plures esse probantur
 682. de humorum numero antiquorum error
 691.
Humoris varia significationes ibid. eorum species
 ibid.
Humores naturales inter se specie differentes quo-
 modo ab hepate generentur 693. an humo-
 res naturales omnes nos alant 693. plures esse
 probatur 699.
Humores morborum causæ 712.
Humores quomodo siccitate & humiditate dif-
 ferant 722.
Humorum numerus ex hypercatharsi colligitur
 736.
Humorum purgandorum in hypercatharsi ordo
 737.
Hydrops quid significet 396. particularis & uni-
 versalis ibid. vniversalis triplex 397. quid sit
 ibid. sine hepatis noxa non contingit ibid.
 causæ 398 calida intemperies quomodo eum
 accersat 399. Tympanites non fit à præseruindo
 calore 400. Ascites non fit ab hepatis scissuris
 ibid. Leucophlegmatia quomodo fiat 402.
 Tympanites quomodo fiat ibid. Ascites quo-
 modo fiat ibid. diagnosi 403. prognos 404.
 quis hydropum periculosior ibid. curatio 406.
 Ascitis curatio 408. *Exanthemata* an instituenda
 409. Tympanitis curatio 413. Leucophlegma-
 tia curatio 414.

Hyemis temperamentum 741. pituitæ parens est,
 licet per eam ventres sint calidissimi 742. cur
 pleuritidem excitet. ibid.
Hygieine quid viij. sub eâ Prophylactice, Euecti-
 ce, Gymnastice, Paidotrophe, Gerocomi-
 ce, Analeptice, Commotice, & Cosinetice
 viij. & 8.
Hygieines necessitas 16. & 17. in eam soluntur
 obiectiones ibid.
Hypercatharsis quatuor humores euacuat 736.
 quid sit 736. eius causæ 737. in eâ pars affe-
 cta ibid. eam quis affectus sequatur ibid. quo
 ordine humores euacuet 737.
Huic conuulsio superueniens lethalis 755.
Hyperfarcosis post gonorrhæam quomodo cure-
 tur 344.
Hypochondriorum exploratio in prognosi pluri-
 mum valet cciv.
Hypochondriorum male affectorum varia nomi-
 na 295.
Hypochondria quid sint 800.

I.

Icteres lv.
Icteri variorum nominum ratio 387. quid sit
 ibid. duplex ibid. generationis icteri modus
 388. cur dum fit rigorem non excitat ibid. cur
 erysipelata non facit ibid. cur tertianam non
 excitat ibid. cur pilos non tingit ibid. causæ
 389. diagnosi 390. prognos 392. thera-
 peia ibid.
Idiogenæ vis cxxvj.
Ignis noster verum elementum non est 690.
Ignis purus verum est elementum ibid.
Ilei varia nomina & eorum ratio 244. quid sit
 ibid. an obstructo pyloro contingere possit
 245. causæ ibid. non fit à bile ibid. diagnosi
 246. prognos 247. curatio 248. à tumore
 phlegmonoso ibid. ab obstructione 249. ab
 adstrictione ibid.
Immaterialis morbus quid cxxxix. & 286.
Immoderantia materiæ à Fernelio adstructa re-
 probatur. cxxv. & cxxvj.
Impliciti morbi quid cxxxvij. & 104. eius species
 ibid. & curatio 105.
Impotentia à symptomate distinguenda cx.
Inæqualis morbus quid cxl. & 287.
Incubus in morbis periculum minatur cxcv.
Incurabilis morbus quid cxl. & 288.
Indicans quid 54. & 55. non indicat remedia per
 se ibid. sæpe ab arte sola, sæpe à natura solâ,
 sæpe ab vtraque perficitur 63.
Indicationes sanariuæ 41. generales in hygieine,
 quæ ibid. particulares quæ ibid. quomodo ex-
 plenda ibid. circa exacte sanos quæ 43. & 44.
 circa sanos secundum temperiem lapsos du-
 plices sunt indicationes 46. circa sanos secun-
 dum conformationem & continui vnionem
 lapsos 48.
Indicationes curatiuæ in genere 50.
Indicatio quid sit 54. & 55. quomodo Medicos
 ab idioris faciat differre ibid.
Indicationes quot sint & à quibus petantur 56.
 non à sola causa morbi petuntur ibid. & 57.
Indicatio curatiua communissima 59. circa eam
 soluntur obiectiones 59. & 60.
Indicatio quid differat à scopo 63.
Indicationes conseruatoriæ curatiuis permiscen-
 tur 68.

Index Rerum,

- Indicationes diætæ ægrorum ibid. vnde petendæ* ibid.
Indicatio qualitatis victus in morbis duplex 70.
Indicatio quæ à viribus sumitur omnium nobilissima 74.
Indicationes curatiuæ in specie 75.
Indicationes ab intemperie quomodo eliciendæ & explendæ 75. & 76.
Indicatio à morbis materiæ & formæ vana est ibid.
Indicationes morborum organicorum 86.
Indicationes figuræ vitiatæ 87.
Indicationes cavitatis, meatus & orificij male affectorum 89.
Indicatio læuitatis & asperitatis præter naturam 92.
Indicationes morborum numeri & magnitudinis 93.
Indicationes mali situs & connexus 94.
Indicationes morbi communis 95. vulnerum indicationes 97.
Indicationes contusionis 99.
Indicationes fracturarum 100.
Indicationes morborum mixtæ 104.
Indicationes tumorum præter naturam 106.
Indicatum quid 55.
Infantes in ortu qui robusti & qui debiles 626.
Infantis nuper nati debilioris regimen 627.
Item robustioris ibid. quis victus 629.
Infantem matrem alere vel nutricem vtrum melius ibid.
Infantis in vtero mortui signa 611.
Inflammati hepatis. Vide *Hepatis inflammatio*.
Inflammati renum. Vide *Renum inflammatio*.
Inflammati vesicæ. Vide *Vesicæ inflammatio*.
Infecunda mulieres quæ dicantur 565.
Injectiones variæ & earum materia 153.
Insomnia lxxxiv. vnde fiant sanis & ægris cxciv. & seq. bonæ quæ cxcv.
Instrumenta chirurgicæ quæ 775. *Avantius* quæ ibid.
Intemperies simplex & composita, materialis & immaterialis cxvj. fiens & facta, æqualis & inæqualis cxvij.
Intemperies immaterialis dari probatur ibid. simplex probatur cxviii.
Itemque calida & humida & frigida & sicca ibid. quomodo calida & humida morbosa fiat ibid. an detur calida & frigida: item frigida & sicca cxix. & cxx.
Intemperies calidæ causæ clij. frigidæ clij. siccæ clij. humidæ ibid.
Intermittens morbus quid cxlij. & 289.
Interna causa morbi cl. cur ita dicta ibid.
Internus morbus quid cxxxix. & 287.
Ira effectus 39. caret contrario 40.
Ischurria quid 469. differentiæ ibid. causæ 470. & diagnosi causarum ibid. prognosib. 472. curatio 473.
Iudei menstruatam mulierem non tangunt 306.
cur hamorrhoidibus obnoxij. 287.
- L**
Labor quid 31.
Lac quid 631. ex eo tres substantiæ educuntur ibid. in foeminis quando appareat ibid.
Lacte viri & virgines naturaliter carent ibid. an in mammis per concoctionem fiat 632. tunc grauidæ lac habeant 632. eius materia quæ 632. an sit sanguis dealbatus ibid. sanguine non est calidius 633. eius non est eadem ratio ac seminis 633.
Lactis boni signa 634.
Lactis defectus 646. causæ 646. diagnosi 647. prognosib. 647. curatio ibid. & seq. 648.
Lac generantia quæ 648.
Lactis redundantia quid 651. causæ 651. correctio ibid.
Lac deprauatum quid 652.
Lactis crassitiæ quid 653. an in proprio loco alienam qualitatem induat ibid. eius in mammis caseatio vnde ibid.
Lactis alienæ qualitates 655.
Læuitas præter naturam quid 92. à quibus fiat 92. quomodo curetur ibid.
Languidus morbus quid cxlij. & 289.
Lassitudo quid & quoduplex clxx. in morbis quid significet cc.
Lassitudo ex exercitio 815. spontanea 815. spontaneæ species 816.
Laurentij laus 750.
Legitimus morbus quid cxxxviii. & 286.
Leibalis morbus quid cxl. & 287.
Levis morbus quid cxlij.
Lien xlv.
Lien phlegmonæ rarius hepate tentatur, obstructionibus vero magis 416. quomodo fiat eius inflammatio & cognoscatur 416. eius prognosib. 417. curatio quæ 417.
Lienis obstructio quomodo fiat 418. quomodo cognoscatur 418. quomodo curetur ibid. & 419.
Lienteria vnde dicta 260. quid sit 260. causæ ibid. & 261. diagnosi 261. prognosib. ibid. & 263. curatio ibid.
Ligamentum xliij.
Lingua & reliquæ oris partes in morbis cur maxime afficiantur cxcvii. alienis coloribus infecta, scabra, fissa, sicca, tremula, exerta, quid significant. cc.
Lingua signum bonum ex Durero ibid.
Lingua est sermonis organum 773.
Linimentorum materia & formulæ 145.
Asclepiadis Senonense 423.
Lipyrria comitatur ventriculi phlegmonem 159.
Lachryrum per quadraginta dies cur fiat expurgatio 617.
Lophomaxia fugienda est cix.
Lombardica mulieres molis obnoxia 595.
Loquela organum 773. à quomodo vitiatur 777.
Lues venerea. Vide *Veneræ lues*.
Lugdunenses virgines vterino furore correptæ in flumen se præcipitarunt 516.
Lumbricorum reiectio in morbis quid denotet cxxj.
Lumbrici vnde dicti 227. eorum varia nomina 225. quid sint 225. sunt animalia sensitiua 226. eorum species 226. gignuntur in pluribus corporis partibus ibid. raro gignuntur in ventriculo 227. causæ formalis, materialis, & efficiens 227. & seq. an inter causas morbificas, vel morbos, vel symptomata reponendi 229. diagnosi 230. prognosib. 231. curatio 231. & seq.
Lupi quare pauci 478.
Luxatio quomodo curanda 95.

& Verborum.

M

- M** *Μακροχολοι* populi 87.
Magnitudo aucta vel imminuta quomodo curetur 93.
Magnus morbus quid cxxxvij. & xcij. quomodo cognoscatur clxxvj. & clxxvij. & 186.
Malacia vnde dicta 181. Vide *Pica*.
Maleficium vxoratis impositum quid 580. à quo proueniat ibid. quomodo detegendum & amouendum ibid. & 581.
Malignus morbus quid cxi. eius signa clxxvij. & 188.
Mamma quid 631. earum in mulieribus vsus ibid.
Mammarum bona constitutio 635. earum immodica magnitudo quid 636. causæ 637. curatio 638.
Mammarum gracilitas quid 636 causæ 637. curatio 638.
Mammarum tumor oedematofus 639.
Mammarum tumor scirrhopus & cancrifus 639. quid sit ibid. causæ 640. signa ibid. curatio ibid.
Mammarum inflammatio quid 641. duplex est ibid. causæ ibid. curatio ibid.
Mammarum vlcerum differentia 643. quomodo curentur 644.
Manifestum esse quot modis quid dicatur 685.
Manuum gesticulatio in morbis quid denotet ccj.
Masticatoriorum materia & formulæ 132.
Materialis morbus quid cxxxix. & 186.
Materia & formæ morbi cxxj. de his sententia Fernelij cxxj.
Materia morbi non dantur cxxij. & seq. à materiæ & formæ morbis quæ sumitur indicatio vana est 76.
Matrem infantem alere, vel nutricem vtrum præstet 629.
Meatus quid 89. huius tres affectus præter naturam ibid.
Medicina an sit j. eius authores diuini ibid. tres scholæ celeberrimæ ibid. Physicæ subiecta ij. non semper finem consequitur. ibid. sine illâ nulli morbi curantur ibid. antiqua & à necessitate & experientia iij. à medendo dicta, rationi & experientia innixa: non tantum præcepta curatiua continet, sed ea omnia quæ ad curationem prænosse oportet ibid. definitio eaque multiplex ibid. & iv. & 10. ex Herophilo 51. lv.
Modo ars dicitur, modo scientia ibid. subiectum & finis, item scopus v. partes vj. præcipuæ actiones quinque, conseruatio, reductio, præseruatio, curatio, & mitigatio viij. eius tria principia, inuentionis, constitutionis & interpretationis c.
Medicina professor quas dotes habere debeat 2.
Medicina quinque partes 7.
Medicina principiorum certitudo 10.
Medicinam docendi methodus triplex 17.
Medicina instrumenta 52. an Medicina Physicæ subalternata 778. quomodo inceperit & accreuerit 786.
Medicamenta cathartica peculiarem sibi humorem alliciunt 720.
- Medicamenta* cathartica inter alimentum & venenum ambigunt 727. quid sint ibid. eorum diuisio ibid. euacuantia plura ibid. simplicia quæ ibid. quid differant à remediis ibid. ea calor noster actuat ibid.
Medicamenta actuare quid ibid. quomodo calida frigida, &c. temperata dicantur ibid. frigida quomodo actuantur 729. purgantia medicamenta quot modis agant 730. cathartico-
 rum diuisio ibid. eorum purgandi ratio sic per attractionem humorum 730. & seq. cathartico-
 rum exhibitionis cautiones 755.
Medico in prognosi frequenter errante nihil ineptius clxxxvj.
Medici actiones 50 duplices sunt in statu sano ibid. triplices in statu ægro ibid.
Medici actionum conditiones 51. quando officio perfunctus ibid.
Medici instrumenta 52.
Medicus analogismo vbi vti debet ibid. quando vero ratione & experientia ibid. quomodo differat ab idiota in curando. 55.
Medicus ægrum inuisens quomodo se gerere debeat clxxxvij. naturæ motus obseruare debet 83.
Medicus ibi incipit vbi desinit Philosophus 680.
Medicorum tres scholæ 787.
Melancholia liv.
Melancholia naturalis signa clxxij.
Melancholia ingeniosa signa & effectus clxxij. & clxxiv.
Melancholiam præparantia & euacuantia in capite 116. in pectore ibid. in corde 117. in ventriculo ibid. in hepate 118. in liene ibid. in renibus & vesica ibid. in vtero 119. in habitu & iuncturis ibid.
Melancholia duæ differentia 692.
Melancholici flatulenti clxxij.
Melissi de principiis opinio 683. quomodo excusetur. 688.
Melissi fulciunt opinionem qui aliquod ex elementis principium rerum faciunt ibid.
Membrana xliij.
Memoria lxxxij. & lxxxij. huic morbi pestilentes præcipue obsunt xcij.
Menstruorum immodicus fluxus quid 501. quot modis accidat 502. causæ immediatæ ibid. causæ aliæ internæ & externæ 503. diagnosis affectus, partis affectæ & causarum 503. prognosis 504. curatio 505.
Menstrua suppressa quis affectus 493. causæ 494. diagnosis 495. prognosis 496. curatio 497.
Menta effectus 662.
Mercurialis accuratè de excrementis egit clxxxj.
Meretrices cur non concipiant 567.
Methodus docendi Medicinam triplex 4. & seq.
Methodus quid ibid. Thessalica mala ibid. vniuersi-
 cuiusque methodi commoda 6. diuisiua vana est ibid.
Methodus medendi quid 53. eius diuisio ibid. per indicationes absolvitur. 54.
Methodum suam particularem curandi morbos à ventre inferiore cur incipiat Varandæus 154.
Methodus docendi Medicinam Hippocrati triplex 750.
Mictus

Index Rerum,

- Mictus sanguinis* quid 446. causæ 447. pars affecta 448. diagnosis causarum 449. prognos 450. curatio 451.
- Mictus purulentus* quid sit 454. ab ulcere provenit ibid. causæ 455. diagnosis partis affectæ & causarum 456. prognos 457. curatio 458.
- Milefia* virgines uterino furore correptæ sese suspenderunt 516.
- Mitigatio* symptomati debetur 57. quot modis fiat ibid.
- Mitis* morbus quid cxl. & 288.
- Mixtio* elementorum xvj. quid sit propriè & quomodo fiat ibidem. causa primaria ibidem. efficientes causæ 705. quomodo fiat 706.
- Mixtorum* propria est resolutio 710.
- Mixti* corruptio fit dupliciter 711.
- Mochlici* medicamenti vsum quæ cautiones præcedere debent 755.
- Mola* quid xcij. & 594. quomodo fiat, & eius signa ibid. & 596. causæ 594. an sine virili semine generari possit ibid.
- Mola* diagnosis 596. prognos 597. curatio 598. prophylaxis ibid.
- Moles* corporis immensa Nicomacho Smyræo & Dionysio Heracleotæ cxxxj.
- Monspeliensis* Medicæ facultatis origo & laus i.
- Monstrum* quid xcj. & 593.
- Morbus* quid sit cvij.
- Morbi* notio à læsâ actione ibid.
- Morbi* definitionis explicatio cvij. in morbi definitionem obiectionum solutio cix.
- Morbi* natura non consistit in simplici relatione ibid. cur morbi nomen causæ propinquissimæ fuerit impositum cix. à morbo symptomata omnia sunt mediata vel immediata cx.
- Morbus* per consensum, & varij compatiendi modi cxij.
- Morbus* factus & fiens cxiv.
- Morborum* prima genera cxv.
- Morbus* non consistit in spiritu & humore ibid.
- Morbi* similis species & differentiæ cxvj. in morbos similes dubia cxvij. an morbus similis organicarum organicis similium partium actiones per se lædat cxx.
- Morbus* materiæ & formæ cxxj.
- Morbi* formæ non dantur cxxij. & cxxvij. & sequenti.
- Morbi* materiæ non dantur cxxij. & seq.
- Morborum* organicorum quod subiectum cxxxiv.
- Morbi* communis species & differentiæ ibid. & sequenti.
- Morborum* communes differentiæ cxxxvij. ab essentiâ ibid. vnde morbus vnus, simplex, compositus, plures siue multi, impliciti, consequentes connexi, disuncti, legitimi, spurij, magni, parui ibid. & cxxxvij.
- Morborum* communes differentiæ, à causis cxxxix. Vnde morbus ab aëre, potu & cibo, materialis, immaterialis, vniuersalis, particularis: externus, internus, consentaneus, dissentaneus, senilis, puerilis, muliebris cxxxix. &c. A modo grassandi epidemius, endemius & sporadicus cxxxix.
- Morborum* differentiæ à varietate inhærendi unde morbus fiens & factus, æqualis & inæqualis cxl. *Ab exitu* vnde salutaris, dubij lethales & incurabiles cxl. *Ab effectis* vnde morbus mitis & malignus, pestilens, venenatus & contagiosus cxl.
- Morborum* differentiæ ab effectis & ex motu. Vnde vehemens & languidus, velox & tardus, acutus & obtusus, grauis, & levis, continuus & intermittens, ordinatus & inordinatus cxlij. *A tempore* vnde morbus primarius, secundarius, idiopathicus, protopathicus sympathicus, deuteropathicus, hæreditarius, congenitus, connutritus, aduentitius, recens inueteratus, brevis, longus, æstinus, hyemalis, cxlij. & cxliv.
- Morbi* tempus quid & eius diuisio cxlv.
- Morbi* principium, augmentum, status & declinatio quid & vnde cxlv.
- Morbi* salutaris quatuor percurrunt tempora: lethales verò non: cxlvj. & cxlvij.
- Morbi* causa quid & quotuplex cxlvij. externa quid & quotuplex cxlvij. & cxlix. interna cl. Antecedens ibid. continens clij. quid sit ibid. datur in quouis genere morbi ibidem. & clij.
- Morborum* causæ diagnosis clxix.
- Morbi* species quid clxxxvij. complicati morbi vix curantur clxxxvij. & seq.
- Morbi* quidam secundum causam tardi, secundum paroxysmum acuti cxcj.
- Morborum* similium cum materia duæ generales causæ 77.
- Morborum* circuitus quid & quotuplex 748.
- Morborum* formæ diuisio à Fernelio allata vana est cxxvj. & cxxvij.
- Morbi* organici species & differentiæ cxxvij.
- Morbus* in conformatione & eius species cxxx. in magnitudine, in numero, & situ cxxxj.
- Mortis* necessitas demonstratur ab internis & externis 16.
- Mors* quando adueniat 738. quid sit 739. duplex est ibid.
- Mortis* necessitas ibid.
- Mors* omnia ad frigidum & siccum perducit ibidem.
- Mos* bene precandi sternutantibus vnde cxcvij.
- Motina* facultas lxxxiv. & lxxxv.
- Motus* apud Medicos quid cxcj.
- Motus* periodici in prognosi, utilis contemplatio cxcij. ex motu læso signa prognostica c. inter res non naturales reponitur 31. quotuplex ibid. alius corpus vniuersum, alius certas partes commouet 32. eius commoda ibid. eius differentiæ ratione qualitatis ibid. ratione quantitatis ibid. occasio & ordo 33. duplex est in nobis 197.
- Motus* quot species 703.
- Mulier* in coitu cur semen non admittat 566. cur semen non retineat 567. semen cur non foueat & susciteat 567. cur semen non adaugeat & quasi in utero nutriat 568. quæ aptior ad concipiendum gracilis an obesa 573. ex ictu abortiens homicidium non committit ante 40. diem grauiditatis 182. grauida quandoque menses patitur ibid.
- Mulier* an marem gerat 583.
- Mulier* sterilis quæ 570.
- Muliebres* morbi dupliciter sumuntur 481. eos quo ordine tractet Varandæus 482.

& Verborum.

Mundus cur à Platone senij expers dictus 695:

Mundum inferiorem à cœlesti regi quid 747.

P

N

Narium signa prognostica cxvj.
Nasculum materia & formulæ 135.
Natura quid ix. & ccxxj. variæ eius acceptiones
 ibid. & x. & 681. quid sit secundum præter
 & contra naturam cj.
Nihil est contra naturam vniuersalem multa con-
 tra particularem ibid. quomodo id quod est
 contra naturam potest distingui ab eo quod
 est contra naturam cij.
Natura morosæ in morbis placidis magis peri-
 clitantur ccxxij.
Natura actionum ordo 83. & 84.
Natura quomodo aberrat 593.
Nausea. Vide vomitus.
Nervi xliij.
Neutra constitutio quomodo debeat intelligi
 civ. varios recipit modos ibid.
Nullus in morbi declinatione moritur cxlvij.
Numerus auctus vel imminutus quomodo cure-
 tur 93.
Nuptia cut mense Maio non consulantur.
Nutricis bonæ dotēs & victus 630.

O

Objectio in morbi definitionem solutio
 cix. Item in morbum similem cxvij. in
 morbum organicum cxxij. necnon in mor-
 bum communem cxxvj.
Obstetricis munus 609.
Obstructio quid, & à quibus causis fiat 89. & 90.
 dupliciter fit ibid. quibus contingat ibid. quo-
 modo curanda 91.
Obtusio morbus quid cxlij.
Oculi in morbis quæ dent signa prognostica
 cxv.
Oculorum frigus in morbo acuto, malum ibid.
Oculi radiantes mali cxvj.
Ody effectus 38.
Odoramentorum materia & formulæ 141.
OEdema quid 107. & 108. eius signa, causæ &
 curatio ibid. quid significet apud Hippocrat.
 812.
Oleum quid 143. eius vsus in Medicina ibid.
 eius materia & formulæ ibid. & 144.
Olfactus lxxix. quæ in morbis signa prognostica
 suppeditat cxv.
Operis de arte Medicinali author quis 9. eius
 tituli ratio & præstantia 10. ars parua cur
 vocetur ibid. in eo definitiuam methodum
 obseruauit Galenus ibid. eiusdem operis ratio
 & diuisio 11.
Organici morbi species & differentiæ cxviiij.
 quot sint eius primæ species cxxix.
Organi essentiam ingrediuntur calidum & sub-
 stantiæ portio cxxij. & seq.
Organicorum morborum quod subiectum cxxxiv.
Organici morbi qui graues clxxxviij.
Organicorum morborum indicationes 86.
Oribasij de vermium generatione opinio 227.
Os xliij.
Ossium corruptionis à lue Venereâ curatio 346.
Oxymel tussim excitat & sedat 60.

Preparatio quas qualitates respiciat 83. circa
 quid versetur ibid. ante purgationem ad-
 hibenda ibid.
Preparatione bilis indiget ibidem. non solum
 iuuat purgationem sed humorum coctionem
 ibidem.
Παλμὸς vmbilici 806.
Paracelsi Galenicos Humoristas vocant clxix.
Principia medica evertunt 59. elephanticos cu-
 rasse falsò gloriatur Paracelsus 312.
Paroxysmis incipientibus & vigentibus ratione
 tantum virium cibis offerendus 74.
Partes corporis quid & quotuplices xxvj. &
 xxxvij. similes & dissimiles ibidem. &
 xxxviij. organica xxxix. earum temperamen-
 tum xl.
Partis affectæ diagnosi clxiv.
Partis affectæ signorum quinque fontes clxv. &
 sequent.
Partis primariæ vel secundariæ affectæ dia-
 gnosis clxvij. quid in parte considerandum
 cxxiiij.
Partium ventris inferioris tres classes 154.
Partes nobiles cur quandoque inflammationem
 patiantur 357.
Partes pudendæ cur obscenæ habeantur 657.
 Item quæ sint ibid. illis qui morbi accidunt
 ibidem.
Particularis morbus quid cxxxix. & 287.
Partus quid 607. & xciv. quomodo fiat ibidem.
 & xcvj.
Partus difficilis quis ibid. causæ 608. Item cau-
 sarum diagnosi ibid.
Partus fausti instantis signa 610.
Partus laboriosi signa ibid.
Partus difficilis prognosis 611. curatio 612.
Partus cæsareus an suscipiendus 614. quam cum
 signatione & motu fœtus in vtero propor-
 tionem habeat xciv. an octimestris vita-
 lis xcvj.
Partus morbus quid cxxxix. & 286.
Pathemata animi è rebus non naturalibus 38.
 fiunt cum alteratione caloris & spirituum
 ibidem.
Pathemata appetitus concupiscibilis ibid. irasci-
 bilis ibid.
Pathemata mixta quæ ibidem. ad pathemata quæ
 concurrant 40.
Pathologia quid? vij. de quibus agat 7. eius nomen
 vnde cj.
Penis erectio quid 661.
Πέψις quid 190. huius duplex causa efficiens
 ibidem.
Peripneumonia cur hyeme accidat 742.
Pessarium materia & formulæ 135.
Pestis natura & causæ 822. differentiæ pestis &
 morborum pestilentium 825.
Pestilens morbus quid cxl.
Peculiariter memoriæ obest cxciiij. & 288.
Phantasia lxxxij.
Pharmacia quid viij. sub eâ Chymia ibid. & 8.
Phlebotomia magnum plethoræ remedium 77.
 quæ eius vicem suppleant ibid. an grauidis
 morbo acuto correptis conueniat 591.
Phlegmone quid 107. & 108. eius signa, causæ
 P P P P P &

Index Rerum,

- & curatio
Phlegmone Lienis. Vide *Lienis Phlegmone*.
Φλογώσεσ & phlegmones differentia 529.
Phrenitis primaria quæ 789. eius signa 790.
 eius causæ 791. Prognosis 794. curatio 795.
Phreniticus quomodo curatus cxxv.
Φθίσις quid significet 808. causæ ibid.
Φθίσις qui obnoxij 809.
Physiologia pag. 1. quid sit vj. an Medicinæ pars x. de quibus agat 7.
Pica vnde dicta 182. quid sit ibidem. eius causæ ibidem. an in ea similia vel contraria appetantur 181. diagnosis 183. Prognosis ibid. curatio ibid.
Pili xliij.
Pilorum defluuij à lue venerea curatio 345.
Pituita lj. eius differentia lij. & 692.
Pituita redundantis & eius specierum signa clxxj. & sequent.
Pituita falsæ effectus clxxij.
Pituita serosæ effectus ibid.
Pituita vitrea in corpore cur actu frigida ibidem.
Pituitam præparantia & euacuantia in capite 120. in pectore ibidem. in corde 121. in ventriculo ibidem. in hepate ibidem. in liene 122. in renibus & vesica ibidem. in utero 123. in habitu & iuncturis 123. esse primum & elementarem humorem quidam assererat 721.
Plethora & cacochymia duæ vniuersales morborum causæ clxx. & 77.
Plethora duplex ibid. & 77. quam indicationem suppeditet ibid.
Pleuritide correpti circa statum morbi plenius alendi 74.
Pleuritis hyeme cur fiat 742.
Pleuritici cur vinum exposcant, hepatitide vero correpti abhorreant cxcix.
Pneumones siue multi morbi quid cxxxvij. & 286.
Pollutio nocturna quid 670. causæ ibidem. diagnosis 671. Prognosis ibidem. curatio 672.
Poma an conferant vel noceant veneri 662.
Potus quid 25. immoderatus malus 28.
Priapismus vnde dictus 667. à satyriasi quid differat ibidem. quid sit ibidem. causæ 668. diagnosis ibidem. Prognosis ibidem. curatio 669.
Principia rerum omnium quomodo ab antiquis indagata xj. & xij. Chymicorum sal, sulphur & mercurius examinata ibid.
Principiorum Medicinæ certitudo 10.
Principium primum antiquis quid 683. alij alia statuebant 684.
Principium morbi quid & vnde cxlv. & cxlvj.
Proemij libri de natura humana ratio 683.
Prognostice quid vij.
Prognosis Medica ad quid utilis clxxxij. & clxxxij. eius varia nomina ibidem. in ea error non artis sed Medicus est ibid.
Prognosis Medica quid clxxxiv. in omnibus morbis utilis ibid.
Prognosis Medica vnde petenda clxxxv.
Prognoseos vis ex viriump comparisonem cum morbo pender ibid.
Prognoseos regulæ & cautiones clxxxvj.
Prognosis ex specie morbi clxxxvij.
Prognosis ex more morbi cxc. ex motu morbi ibidem. ex magnitudine morbi cxlij. ab actionibus principibus cxcij. ex sensu interno, vbi ex somno, vigilia, insomnia, & decubitu prædicitur cxciv. à sensuum externorum organis & actionibus cxcv. ex natibus, olfactu & sternutatione cxcvj. ex cute & sensu tactus cxcvij.
Prognosis ex variarum partium dolore cxcvij. ex oris partibus, ac proinde ex voce & loquelâ ibidem. ex motu & partibus illi dicatis cc. ex actionibus vitalibus ccj. ex tussi ccij.
Prognosis ex actionibus naturalibus ibid.
Prognosis ex tactilibus primis & secundis ccij. ex sapore & odore cciv. ex flatu sono & crepitu ibidem. ex stridore dentium & aurium tinnitu ccv. ex colore ibid. ex mole & caractere ibid.
Prognosis ex excretis & retentis, vbi de crisi ccvj.
Prognosis ex vrina & aliis quæ per vesicam profunduntur ccvij. ex deiectione & lumbricis ccxj. ex vomitu ccxij. & ccxij.
Prognosis ex sudore & ictero ccxij. ex hæmorrhagia per nares, uterum, & hæmorrhoidas ccxv. ex abscessu, pustulis, pure, sanie, ulcere, &c. ccxvj.
Prognosis ex sputo, saliuâ, spuma oris, mucosarium, lachrymis, aurium sordibus, excretionem lactis, seminis, &c. ccxix. ex natura & viribus ægrotantis ccxxj.
Prognosis ex varia partis affectæ constitutione ccxxij. ab externis concurrentibus ccxxiv.
Prognoseos Medicæ ἀναγκαλαιώσις ccxxv.
Pudendi caries à lue venerea quomodo curetur 341.
Pudendi verrucæ à lue venerea quomodo curentur 342.
Pulmo xlv.
Pulsus, eiusque causæ lxxvij.
Pulsus nouit Hippocrates cc. inter pulsum & palpitationem quæ differentia ibid. ex pulsu signa prognostica ibid.
Pulsum materia & formulæ 150. & seq.
Puluerum materia & formulæ 144.
Purgatio magnum cacochymia remedium 77.
Purgatio grauidis morbo acuto correptis an conueniat 592.
Purgantium differentia 77.
Puris laudabilis conditiones cxcvij.
Putrefactio quid 711.
Quæ quid sit apud Hippocrat. 799.

Q

Qualitates secundæ excedentes, vt laxitas, mollietates, &c. vel sunt organicarum non simularium partium morbi, aut causæ morbificæ, aut symptomata, contra Fernel. cxxv. an qualitates secundæ & tertiæ ingrediantur organi naturam cxxxij.
Qualitas mutata est tertium symptomatum genus clvij.
Qualitatum mutatio à sensibus percipitur clvij. à quibus causis fiat clxx. calor & frigus actiue

& Verborum.

actiuz humor & siccitas passiuze cur dicuntur 706.
Qualitates elementorum an maneant in mixtis 710.
Qualitatum tactilium oppositiones 722.
Quies inter res non naturales reponitur 31.

R

Ratio facienda semper inuenire non potest 52.
Ratio quid 53. quem vsu præstet in Medicina 710.
Recidina quid & eius conditiones cexvij. & cexvij. 801.
Recidina quod facit duplex est 710.
Recidina signa 710. & cexix. de recidina dubia soluntur 710.
Recidina quid præfagiat 710.
Reductio in hygeine fit contrariis gradu æqualibus 41. & 42. à therapeia parum differt 710. quando adhibenda & quomodo 710. secundum temperiem quæ & quibus indicationibus impleatur 46. eius quantitates, tempus & modus 47.
Reductio inæqualiter temperaturorum quomodo facienda 710. & 48.
Reductio sanorum secundum conformationem & continui vnionem lapsorum 48.
Regiomontanus ex syderibus luis Venereæ exortum prædixisse dicitur cexxiv.
Regiones corporis quæ 77.
Remediorum multitudo vnde c.
Remedia quid in prognosi valeant cexxv.
Remedia sunt instrumenta medica 52. eorum classes & differentie 710. quibus rationibus inueniantur 710.
Remedium sæpe optimum nullo vti remedio 63.
Renes xlv.
Renum calculus 422. quid sit 710. quem morbum constituat 710. quis locus gignendo calculo aptus 423.
Renes & vesica calculo præcipue sunt obnoxia 710.
Renes senum calculo magis, vesica puerorum, oblecta 424. quæ sit causa materialis 710. efficiens 425. eius generandi modus 427. differentie 428. diagnosis 428. prognos 430. prophylaxis 431. curatio 434.
Renum inflammatio quid 439. differentie 710. causæ 440. diagnosis 710. prognos 441. curatio 442.
Resolutio est tantum mixtorum 710. à quo fiat 711. quot modis fiat 710. in ea elementa regenerantur 710.
Respiratio eiusque causæ & instrumenta lxxvij. an purè animalis 710. ex respiratione signa prognostica ccj. & ccij.
Respirationis vsus 773.
Reversio quid 79. debet fieri ad opposita distantissima 710. in ea debet haberi ratio fluxus originis, rectitudinis & communitatis vasorum 710. & 80.
Rigor quid 813. in morbis triplex 710. causæ 710.
Rustici cur vrbani seniores 18.

S

Sacculorum materia & formulæ 140. & sequenti.
Salutaris morbus quid cxi. & clxxxvij. & 287.
Salubres causæ quæ 19.
Salubre idem insalubre esse potest 710.
Salubres causæ quot sint 20. quid in vnaqueque considerandum 21.
Sanatio quid 54. eius causa, finis & subiectum 710.
Sanguis xlvij. an solus alat 710. propriè dictus quid l. eius fibræ lj. maternus est principium generationis materiale lxxxix. idem cum menstruo qui in sana muliere, qualitate non peccat xc.
Sanguinis redundantis signa clxx.
Sanguis vitiatas quando perniciosus lxxxix.
Sanguinis menstrui utilitas 492. quid sit 710. quando & quibus fluat 710. cum menstruatim fluat 493. quâ mensura debeat fluere 501.
Sanguificationis perfectio à quibus pendeat 348.
Sanitas quid sit cv. & 15. & 715. melius potentia quam operatione definitur 710. eius causæ cvj. eius differentie signa si quæ sint ratione maioris minorisque dicuntur 710. & 15. in indiuisibili non consistit 15. & 714. arte Medica regi debet 16. propter quæ negligenda 17. causa materiali caret 715.
Subiectum est corpus 710. eius causa formalis 710. efficiens quæ 710.
Sanitatis genera 716.
Sanitatis conseruandæ modi 815.
Sanitatis encomium 833.
Sanorum conseruatio fit similibus gradu æqualibus 41. & 42. quando adhibenda & quomodo 710. de hac dubia soluntur 43. dupliciter sumitur 46.
Satyriasis vnde dicta 667. à priapismo quid differat 710. quid sit 710. causæ 668. diagnosis 710. prognos 710. curatio 669.
Scabiosi dum se scalpunt, voluptatem & dolorem sentiunt cxix.
Schrrhus quid 107. & 108. eius species, signa, causæ & curatio 710.
Scopus quid differat ab indicatione 63.
Scopi curatiui vnde & quot sint 710. ad rem ipsam vel ad instrumenta medica referuntur 710. primus scopus an agendum 710.
Scopus secundus quid sit agendum 64.
Scopus tertius & quartus quibus agendum & qualibus 710. & 65.
Secundary scopi qui 66. & seq.
Scybarum viri molles, mulieres vegetæ xxxij.
Scyba cur infœcundi 573. & 662.
Secundina rerenta quid 615. causæ 616. causarum signa 710. putrescentis secundinæ signa 710. quibus remediis excludatur 616.

Index Rerum,

Semeiotice quid vij. de quibus agat 7. & 8. ad quid utilis clxij. eius diuisio ibid.
Seminis vtriusque natura lxxxvj.
Semen quid ibid. à testibus elaboratur lxxxvij. quæ eius materia & vnde ibidem. an actum animatum ibid. an non solum efficiens sed etiam materiale generationis sit principium lxxxvij. & 728. an detur muliebri sitque illud prolificum ibid. & lxxxix. & 723.
Seminis excretio conualescentiæ signum ccxxj.
Semen virile quot modis peccare possit 658. excretio seminis corpori debili nocua 670.
Sensus communis lxxxij. ex eo prognosif exciv.
Serotinus aer quare noxius 23.
Serum lv.
Seri redundantis signa clxxij.
Serum præparantia & euacuantia 123. & 124.
Seri officium 421.
Sexus temperamentum xxxij.
Siccum quid 706.
Signum Medicum quid clxij. connectitur cum re significatâ necessariò vel vt plurimum clxiv.
Signorum partis affectæ quinque fontes clxv. & sequent.
Signa humorum in specie clxx. & seq.
Signa flatus clxxij.
Signa speciei morbi clxxv.
Signa differentiarum morborum clxxvj.
Signa prognostica quot clxxxiv.
Signum qui dicatur salubre. &c. 10.
Signa diagnostica, prognostica, anamnistica vij. vnde petantur ibid.
Signum quid 763. vnde petantur ibid.
Signorum diuisio 764. & seq.
Signum bonum ex lingua cc.
Similares partes xxxvij. peculiare earum temperamentum xlij.
Similaris morbi species & differentia cxvj. an similaris morbus organicarum, organicus similiarum partium actiones per se cadat cxx.
Similitudo natorum cum parentibus xcvi. triplex est speciei, sexus, & effigiei ibid.
Speciei vnde xcviij.
Sexus vnde ibid. effigiei vnde ibid. & xcviij. & xcix.
Simplex morbus quid cxxxvij. & 286.
Sinapismorum materia & formulæ 150. & sequent.
Singultus quis motus 197. quid sit 197. & 769. an eius maior motus quam vomitus ibid. causæ ibid. diagnosi 199. prognosif ibid.
Singultus rarum exemplum 199. curatio ibid. in hæmorrhagiis cur motum præcedat 769.
Sitis quid in morbis prælagiat ccij.
Sitis primario humida, secundo frigida exposcit 185. in illius generatione quæ concurrat ibid. potest aboleri, imminui & deprauari ibid. quid sit ibid. causæ ibid. & seq. diagnosi 186. prognosif 187.
Sitis curatio à siccitate stomachi 183.
Sitis curatio à calida stomachi intemperie 188.
Sitis morbi qui 94. à quibus causis ibid. quomodo curentur ibid.
Soli mutatio in morbis sæpe confert ccxv.

Solutio continui fit à secantibus, erodentibus contudentibus & diuellentibus cxxxv. Item in solutione continui quid sectio, erosio, contusio & diuisio ibid.
Solutiones continui quæ graues clxxxvij.
Somnus lxxxiv. immoderatus, malus exciv. in sene periculosior vigilia ibidem. cur noctu citius accidat. ibid. non proficiens malus ibid. qui securus & contra ibid. inter res non naturales reponitur 34. in somno quæ actiones quiescant, quæ vero non ibid. eius causæ ibid. & 35. non naturalis causæ ibid.
Somni effectus ibid. post phlebotom. interdictur ibid. immodici & parcioris mala ibid.
Somni finis 36. quando post cibum imperandus ibidem. quamdiu durare debeat ibid.
Somno tempus idoneum 36. diurnus somnus malus ibidem. meridianus quibus utilis 37. vespertinus malus ibidem. circa somnum cautiones ibid.
Spasmus à spasmate differt 755.
Spei effectus 39.
Spermatice partes xliij.
Spiritus lvij. quid sint ibid. & lix. numerus, causæ & effectus lx.
Spiritus non est morbi subiectum cxv.
Spiritus insitus & influens quid in nobis agat 14.
Sporadicus morbus quid cxxxix. & 287.
Spuma quomodo fiat & quid significet ccxx.
Spurius morbus quid cxxxvij. & 286.
Sputi & salivæ differentia ccxx.
Status morbi quid & vnde cxlv & cxlvj.
Sterilitas muliebris quot modis accidere possit 565. quid sit ibidem. causæ generales quatuor ibid.
Sterilitas in coniugibus disproportionatis 569.
Sterilitas sæpius ex muliere quam viro 569.
Sterilitatis quandoque nullæ causæ apparent ibidem. diagnosi ibidem. & seq. prognosif 571. curatio 572.
Sterilitas virilis quid 658. dependet potissimum à semine peccante ibidem. diagnosi 659. prognosif 660. curatio ibid.
Sternutamenti excitandi cautio excv.
Sternutatoriorum materia & formulæ 137.
Stranguria quid 469. causæ 471. diagnosi causarum ibid. prognosif 472. curatio 473.
Sudor duplex ex Hippocrat. ccxiv. criticus quo die morbi fiat ibid.
Sudor malus quis ibid.
Sudoris critici signa ibid.
Sudor per somnum copiosus quare 35.
Sudorificorum materia & formulæ 125. 126. & 127.
Suffinum materia & formulæ 141. & seq.
Suffocationis matricis varia nomina 520. quid sit ibidem. in ea sæpe respiratio aboletur ibidem. huius affectus gradus 521. causæ ibidem. fit à semine & menstruo corruptis & venenatis ibidem cur pulsus immutatur 522. cur viri non tententur 523. cur hunc affectum suaves odores naribus excepti excitent, retri sedent: suaves contra suppositi vulvæ mitigent 524. diagnosi 525. quomodo distinguatur à syncope apoplexia & Epilepsia ibid. prognosif 526. curatio 526. an vinum in paroxysmo conveniat

& Verborum.

ueniat 527. prophylaxis
Suida error 572.
Superfatio quomodo fiat xcij. an dari pos-
 sit 599.
Superfatio vitalis foetus quando fieri debeat
 600.
Superpurgatio vide *Hypercatharsis*.
Suppositoriorum natura, materia, & formu-
 lae 130.
Suppreſſe alui varia nomina 236. ad quod ge-
 nus symptomatum referatur ibidem. cau-
 ſa 237. diagnosis 238. prognos 239. cu-
 ratio ibid. & ſeq.
Suppuratio quomodo fiat 84.
Surditas in morbis acutis mala excvj.
Sympathia quid cxij. ſit dupliciter poſitiue vel
 priuatiue ibidem. eius tres ſunt cauſae vici-
 nia, generis communitas & officij ſocie-
 tas ibid. & clxvij.
Sympathici morbi qui & quot cxij. dependent
 immediate à propria diſpoſitione partis
 cuius actiones laedunt cxij.
Symptomata omnia mediata vel immediate à
 morbo ſunt cx. à ſymptomate impoten-
 tia diſtinguenda ibid.
Symptomatis variae ſignificationes cliv. quid
 ſit clv. differt à cauſa morbi & morbo clv.
Symptomatum differentiæ ibid. & cxicij.
Symptomatum cauſae clvij.
Symptoma grauiffimum, dolor clx. à ſympto-
 mate vera indicatio non ſumitur 57.
Symptomati mitigatio debetur ibid.

T

T *Actus* an temperamenti ludex xxvj. quid
 ſit lxxix. ex tactu ſigna prognosctica excvj.
Tactus quarum qualitarum ludex 722. eius
 neceſſitas ibid. organum ibid. Medicum
 ibid. obiectum ibid. qua in parte ſit exqui-
 ſiſſimus ibid.
Tardus morbus quid cxlij. & 289.
Temperantia quid ex Hippocr. 27.
Temperamentum quid ſit xvij. & xix. & 706.
 eius differentiæ xx. an detur ſimplex xxj.
ἴσχυρος xxij. ad pondus & ad luſtitiam
 xxij. xxiv. & xxv. quid ludex tempera-
 menti xxvj.
Temperamenta ætatum xxvij.
Temperamentum ſexus xxij.
Temporum & regionum xxxiv. partium xl. pe-
 culiare ſimilariū xlij. diſſimilariū xliij.
 cerebri & ſpinalis medullæ xlv. lecotis xlix.
Tempeſtas vnaquæque nos alterat, & ſibi ana-
 logos humores producit 740. & ſeq.
Tempeſtatum temperies 742.
Tempeſtatum quatuor ratio 747.
Tempus quid xxxiv.
Tempus morbi quid & eius diuiſio cxlv.
Temporum morborum cognitio ad quid vri-
 lis ibid.
Temporum morborum diagnosis clxxvij.
Tempora aërem mutant 24.
Teneſmus vnde dictus 280. quid ſit ibid. diffe-
 rentiæ 281. cauſae ibid. diagnosis 282. pro-
 gnos 283. curatio tenelmi à frigore 283.
Teneſmi curatio à pituita falſa ibid. ab inflam-

ibid.

matione & tumore 284. à bilioſo humore;
 ibid. ab vlcere, vermibus, hæmorrhoidibus
 & facibus induratis 284.
Tendo xliij.
Teſtes & pudenda conuulſa, & flaccida quid in
 morbis ſignificent cc.
Tetani prognos 780.
Tetanus quid ibid. eius ſigna ibid. cur periculo-
 ſus 781. aut intra 4. dies interimit aut ex
 eo ſaluantur ægri 784.
Thales Mileſij de elementis opinio 681.
Therapeutice quid viij. eius partes Dieta, Chi-
 rurgia & Pharmacia ibid. & 8.
Theriaca opportune data quartanam curauit
 Galenus 60.
Tholofa familiares dyſenteriae 268.
Tiberius Cæſar colicum dolorem primus ex-
 pertus dicitur à Plinio 414.
Timoris effectus 39.
Τὸ δεινόν in prognos conſiderandum clxxxvj.
Tremor quid in morbis ſignificet cc.
Tribades quæ 564. & 656.
Triftitia effectus 39.
Tumorum omne genus in principio morbi ap-
 parentium, malum præter variolas & mor-
 billos cccvj.
Tumorum criticorum conditiones ibid.
Tumoris critici ſigna ibid.
Tumor quid 106. eius cauſae ibid. differentiæ
 107. curatio ibid.
Tumor quare dicatur vnus tantum morbus 356.
Turca vtuntur opio ad venerem excitandam
 662.
Turca à vino penitus abſtinent 772.
Tuto cito & iucunde curare quid 51.
Tympanites. Vide *Hydrops*.

V

V *Acuatio* generalis & particularis 78. ge-
 neralis præcedere debet particularem
 ibid. particularis quid & quot modis fiat 81.
Vacuatio immodica dolorem affert 719.
Vacuatio quomodo differat à purgatione ibid.
 immodicæ vacuationis cauſae ibid. morbum
 facit 720.
Varandæ in docendo fidelitas 2. & 13. cur
 tertium librum artis Medicæ Galeni expli-
 candum ſuſceperit 13.
Vaſorum rectitudo & communitas quid 80.
Vehemens morbus quid cxlij. & 289.
Velox morbus quid cxlij. & 289.
Vena xliij. à lecore, non à corde lxxij.
Venenatus morbus quid cxl. & 288.
Venena præparata poſſunt eſſe remedia. 62.
Venenum duplex 726.
Veneræ luis exortum ex ſyderibus prædixit
 Regiomontanus cccxiv.
Veneræ luis ortus & appellationes 320. non
 eſt elephantiaſis 321. non eſt ſahafatum
 Auicennæ ibid. definitio 322. non eſt aggre-
 gatum multorum morborum ibid. dependet
 ab occulta qualitate 323. hepar eſt præci-
 pua pars affecta 323. cur hoc venenum non
 exulceret hepar 324. cur vrinae laudabiles
 ibidem.
Veneræ luis cauſae ibidem. ſiens quando 325.
 PPPpp 3 dolores

Index Rerum,

- dolores nocturni vnde ibid. tumores gum-
matosi vnde 325. qui hac lue facile ten-
tentur 326. diagnosis luis venereæ eiusque
graduum & differentiarum 326. prognos
luis venereæ 329. præservatio à lue vene-
rea 330. curatio luis venereæ 332. quomo-
do sudor excitandus 335. hydrargyri vsus
339. correctio accidentium luis venereæ
341.
- Venerorum* impotentia quid 661. causæ ibid.
diagnosis 662. Avicennæ sterilitatis virilis
termarum 664. therapeia 665.
- Venus* an exercenda & quando 30. plures
morbos sanat ibidem. in febribus fugien-
da 31.
- Venerem* omnino interdicebat Epicurus 30.
- Ventriculi* duæ partes præcipuæ 154. eius
actiones 155. affectus ibid.
- Ventriculi* dolor cur sub mucronata cartila-
gine sentiat 157.
- Ventriculi* phlegmonem lipyria comitatur
158.
- Ventris* varia significatio 154.
- Veritas* quid 686. cur difficile cognoscatur
ibidem.
- Veris* temperies 742. quomodo calidum & hu-
midum 743. quomodo saluberrimum ibid.
- Vescicatoriorum* materia & formulæ 150. &
sequenti.
- Vesica* calculus 422.
- Vesica* calculo pueri, senes renum citius labo-
rant 424.
- Vesica* non semper à renibus ibid. quæ sit cau-
sa materialis ibid. efficiens 425.
- Vesica* calculus quomodo generetur 427. diffe-
rentiæ 428. diagnosis 429. prognos 430.
prophylaxis 431. curatio 437. *Adoropila*
438.
- Vesica* inflammatio quid 439. differentiæ ibi-
dem. causæ 440. diagnosis ibid. prognos
441. curatio 442.
- Vigilia* lxxxiv. immoderata, mala exciv. in
Iuvene periculiosior somno ibid. inter res
non naturales reponitur 34.
- Vigilia* effectus 35. immodicæ aut parciore
mala ibid.
- Vigiliis* tempus idoneum 36. nocturna vigi-
lia mala ibid.
- Vinum* quomodo famem sedet 28.
- Vinum* quid 772. à musto, omphacio & ace-
to quid differat ibid. eius vsus quis ibid. &
772. calidum & siccum est ibid.
- Vires* non solum præsentis sed futuræ inue-
stigandæ cccxij.
- Virium* languidorum ab oppressis distinctio
ibidem.
- Virium* labor quid denotet cccxij.
- Viri* à scemina differentia xxxij.
- Vterque* congressum appetit lxxxvj.
- Vir* sterilis qui 638.
- Viri* scythæ quare steriles 662.
- Virus* lxxxj. quid eiusque organum lxxxj.
- Vita* nostra in quo posita 20.
- Vita* causæ instrumentales 738.
- Vlcus* quid 101. eius differentiæ 102. cura-
tio 103.
- Vnguentorum* materia & formulæ 146. & seq.
- Vngues* xliij.
- Vniuersalis* morbus quid cxxxix. & 287.
- Vnus* morbus quid cxxxvij. & 104. & 286.
- Vomit* quis proficius cccxij. & seq.
- Vomit* critici futuri signa cccxij.
- Vomit* varia nomina 201. quid sit ibidem.
differentiæ 202. causæ ibid. diagnosis 203.
prognos ibid.
- Vomit* curatio ex materia calida, tenui &
biliosa 204.
- Vomit* curatio in materia frigida & crassa
205.
- Vomit* sanguinei causæ 207. diagnosis 08.
prognos ibid. curatio ibid.
- Vomit* materia & formulæ 127. &
128.
- Vox* interrupta, acuta, planctum referens,
catulina, vulpina, quid significant cxcix.
- Vocis* materia quæ 773. non quilibet sonus
est ibid.
- Vocis* instrumenta quæ ibidem. quomodo fiat
774.
- Vocis* differentiæ ibidem. quomodo vitietur
775.
- Vrina* quarum affectarum partium signa præ-
beat cccvj. in vrinæ inspectione abusus
ibid. quæ circa vrinam consideranda in pro-
gnosi cccvij.
- Vrina* incontinentia quid 465. causæ 466.
diagnosis 467. prognos ibidem. curatio
ibidem.
- Vrina* valet ad morborum diagnosis 797. in
ea contenta quæ ibid.
- Vrina* hypostasis quæ esse debeat ibid.
- Vterus* descendit in coitu 544.
- Vteri* inflammatio quid sit 529. causæ 530.
diagnosis 530. prognos 531. curatio 532.
- Vteri* hydrops est particularis 535. quid sit
ibidem. quomodo materia, vteri hydro-
pem faciens in vtero contineatur ibidem.
causæ 536. diagnosis 537. qui distingua-
tur ab imprægnatione ibidem. quomo-
do distingatur ab vniuersali 538. pro-
gnos ibidem. curatio ibidem. an venæ se-
ctio conueniat 539.
- Vteri* scirrhus quid sit 540. causæ 741. dia-
gnosis ibidem. prognos 542. curatio
ibidem.
- Vteri* cancer quid sit 540. causæ ibid. diagno-
sis 542. prognos ibid. curatio 544.
- Vteri* procidentia quid sit 544. similis est her-
niæ intestinali ibid. causæ sunt ruptio vel
relaxatio ligamentorum 545. diagnosis 546.
prognos 546. curatio 547.
- Vteri* clausura quid 549.
- Vteri* clausura tribus in locis præcipue solet
aduenire ibidem. est completa vel incom-
pleta 550. causæ ibidem. diagnosis ibidem.
an vteri clausura laborantes possint men-
strua pari & concipere 551. prognos ibi-
dem. curatio ibidem. in clausuræ vteri ope-
ratione Chirurgicâ facienda magna adhi-
benda cautio 552.
- Vteri* vlcus quid 553. causæ ibidem. diffe-
rentiæ 554. diagnosis ibid. prognos 555.
curatio ibid.
- Vteri* rhagades quid 560. causæ ibidem.
diagnosis

Index Rerum, & Verborum.

diagnosis §61. prognosibid. curatio ibid.
& sequenti.
Vteri verruca quid §60. causæ ibidem. dia-
gnosis §61. prognosibidem. curatio 16. &
sequenti.
Vteri condyloma quid §60. causæ ibidem.
diagnosis §61. prognosibid. curatio ibid.
& sequenti.
Vterus cur semen in coitu non admittat §66.

cut semen non retineat §67. cur non foueat
& suscitetur §67. cur semen receptum non
adaugeat & quasi nutriat §69.
Vstio quid §11. in ea quatuor elementa se-
cernuntur ibid.
Vulnus quid §97. & §760. eius differentiæ
§97. & §761. à natura partium ibidem.
ab essentia vulnerum ibidem. à sympto-
matis §762.

FINIS.

Errata sic corrigantur.

Pag. cvij. *lin.* 15. *pro* ridiculas *quasdam lege* ridiculam *quandam.* *pag.* cxviii. *lin.* 55. *pro*
camento, *lege* camento. *pag.* clxxij. *lin.* 55. *pro* asinionum, *lege* asininum. *pag.* clxxxij. *lin.* 20.
pro subito, *lege* celerius. *pag.* 93. *lin.* 38. *pro* Pureur, *lege* Paræus. *pag.* 99. *lin.* 14. *pro* partas, *lege*
partes. *pag.* 109. *lin.* 47. *pro* expellendis, *lege* explendis. *pag.* 113. *lin.* 16. *pro* scamm. *præpar.*
p. iij. *lege* grana iij. *pag.* 118. *lin.* 56. *pro* vesicæ, *lege* vesica. *pag.* 133. *lin.* 17. *pro* ð j. *lege* ð B.
pag. 303. *lin.* 24. *pro* imminuti, *lege* hallucinati. *pag.* 371. *lin.* 21. *pro* vorocitatem, *lege* voraci-
tatem. *pag.* 442. *lin.* 29. *pro* ουσίμωπία, *lege* ουσίμωπία. *pag.* 650. *lin.* 14. *pro* prohibent, *lege*
præscribunt. *pag.* 722. *lin.* 52. *pro* seiso, *lege* seipso. *pag.* 730. *lin.* 32. *pro* pugantia, *lege* purgan-
tia. *pag.* 771. *lin.* 34. *pro* nericulosum, *lege* periculosum. *pag.* 775. *lin.* 27. *pro* ἀναμυσινά, *lege*
ἀναμυσινά. *pag.* 786. *lin.* 4. *pro* constitutionum pestilentium, *lege* constitutionis pesti-
lensis. *pag.* 817. *lin.* 40. *pro* præcipatata, *lege* præcipitata.